

324

~~14~~ 26
14 15



THEOLOGIA

DOGMATICA, ET MORALIS

SECUNDUM ORDINEM

CATECHISMI CONCILII TRIDENTINI

IN QUINQUE LIBROS DISTRIBUTA,

HAC QUINTA VENETA EDITIONE

omnium accuratissima, plurimis accessionibus, & Notis, variis
Epistolis, & Monumentis, Appendice duplici comprehensis, au-
cta, illustrata, confirmata, & locupletata.

*Opus non solum Clericis, & Theologis quibusque, sed & Parochis,
Confessariis, & Concionatoribus perutile.*

AUCTORE R. P.

F. NATALI ALEXANDRO

Ordinis FF. Prædicatorum, in Sacra Facultate Parisiensi
Doctore, & emerito Theologiæ Professore.

TOMUS SECUNDUS.

OPERUMQUE IPSIUS ORDINE TOMUS XX.



PARISIIS,

Apud SILVANUM DE GRASSORTIS.

Expensis THOMÆ BETTINELLI VENETI.

CIDIOCCXLIII.



Digitized by the Internet Archive
in 2010 with funding from
University of Ottawa



THEOLOGIÆ

DOGMATICÆ, ET MORALIS

SECUNDUM ORDINEM CATECHISMI
Concilii Tridentini.

TRACTATUS

DE SACRAMENTO POENITENTIÆ.



Er Lavacrum regenerationis novam quamdam vitam ingredimur; cum in eo vetus homo noster crucifigatur, neque vivat jam in nobis nisi novus homo Jesus Christus Dominus noster, quem baptizati induimus. Ingredimur porro in hanc vitam, non ut otio, ac deliciis indulgeamus: sed ut contra mundum, carnem & diabolum continuo militemus. Nemo autem miles ad bellum cum deliciis venit. Vocatis igitur in

Militiam Dei vivi jam tunc, cum in Sacramenti verba respondimus, datur nobis ad hostes superandos adjutor Spiritus Sanctus in Confirmationis Sacramento. Datur etiam ad nostrarum sustentationem animarum in Eucharistia, non quivis cibus, sed pretiosi Corporis, & Sanguinis Domini nostri Jesu Christi divinum alimentum. Contingit nihilominus, quod in præliisusu advenire solet, ut sæpe graviter ab hostibus nostris vulnerati corruamus; & quam per Lavacrum regenerationis adepti fueramus vitam spiritualem, amittamus. Sed ne sic quidem oblitus est misericordiæ suæ Pater ille misericordiarum, & Deus totius consolationis. Is enim allevat omnes, qui corruunt, & erigit omnes elisos; cujus tanta est benignitas, & clementia, ut Joel. 2. omnem humanam affectionem infinite superet. Quod hæc ipsius verba testantur. Isa. 49. cap. vers. 15. Nunquid oblivisci potest mulier infantem suum, ut non misereatur filio uteri sui? Et si illa oblita fuerit ego autem non obliviscar tui. Non vult ille Benignus, & misericors, patiens, & multa misericor-

ricordiæ, & præstabilis super malitia, quemquam in peccata lapsum de venia desperare, sed lapsis post Baptismum de remedio providit, Pœnitentiæ scilicet Sacramento, per quod erigamur, ac resurgamus. Nam qui Non venit vocare Justos, sed peccatores ad Pœnitentiam, non vult mortem impij, sed magis, ut convertatur, & vivat. Sic enim per Prophetam loquitur: Nunquid voluntatis meæ est mors impij, dicit Dominus Deus, & non ut convertatur a viis suis, & vivat? Et paulo post: Convertimini, & agite Pœnitentiam ab omnibus iniquitatibus vestris: & non erit vobis in ruinam iniquitas. Projicite a vobis omnes prævaricationes vestras, in quibus prævaricati estis, & facite vobis cor novum, & spiritum novum: & quare moriemini, domus Israel? Quia nolo mortem morientis, dicit Dominus Deus, revertimini, & vivite.

CAPUT I.

DE PŒNITENTIÆ.

NOMINE, DEFINITIONE, ET DIVISIONE.

ARTICULUS I.

Quam varia sit verbi Pœnitentiæ significatio?

I. **M**ultiplex est hujus nominis significatio. Primum enim Pœnitentiæ vocabulum latissime acceptum significat dolorem non tantum de errato, sed de re quacunque, quam aliter actam esse, vel aliter se habere velimus; sive actum, quo displicet, quod ante placuerit, nulla habita ratione hujus cogitationis, bonumne, an malum fuerit. Quemadmodum sunt quos pœnitet opes suas divisisse pauperibus, aut Ecclesiæ contulisse, e quorum numero Ananias, & Saphira fuerunt; & quos pœnitet votorum Deo nuncupatorum in solemnisi Religionis Professione. Sic acceptum pœnitendi nomen iis omnibus convenit, qui secundum sæculum tristitia sunt affecti, non secundum Deum. Quæ enim secundum Deum tristitia est. Pœnitentiam in salutem stabilem operatur: sæculi autem tristitia mortem operatur (inquit Apostolus 11. ad Corinthios, cap. VII. 10.)

II. Secundo sumitur strictius Pœnitentiæ nomen pro dolore, qui ob crimen perpetratum, vel erratum commissum concipitur, non Dei quidem, sed sui ipsius causa. Sic doluit Esau de venditione primitivorum suorum propter unam escam: Unde Postea cupiens hereditare benedictionem, reprobatus est: non enim invenit Pœnitentiæ locum, quamquam cum lachrymis inquisisset eam. Sic doluit Anthiochus, a Deo percussus, & ex gravi superbia deductus ad agnitionem sui, divina admonitus plaga, per momenta singula doloribus suis augmenta capientibus. Et cum nec ipse jam fœtorem suum ferre posset, ait: Justum est subditum esse Deo, & mortalem non paria Deo sentire. Orabat autem hic scelestus Dominum, a quo non esset misericordiam consecuturus (ut habetur II. Machab. IX.) Sic doluit Judas de Christi Domini proditione, cum Pœnitentia ductus, retulit triginta argenteos Principibus Sacerdotum, & Senioribus dicens: Peccavi tradens Sanguinem justum. Sic dolebunt impij in supremo Judicio videntes gloriam Justorum, Dicentes intra se, Pœnitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem impropertis. Nos insensati vitam illorum estimabamus insaniam, & finem illorum sine honore: ecce quomodo computati sunt inter filios Dei, & inter Sanctos fors illorum est. Ergo erravimus a via veritatis, & justitiæ lumen non luxit nobis, & sol intelligentiæ non est ortus nobis. Lassati sumus in via iniquitatis, & perditionis, & am-

Matth. 5.

Ezech. 18.

Hebr. 12. 17

Matth. 27.

Sap. 3.

Et ambulavimus vias difficiles, viam autem Domini ignoravimus. Quid nobis profuit superbia, aut divitiarum jactantia quid contulit nobis: Transferunt omnia illa tamquam umbra. Modo dicamus fructuose, Transeunt: ne tunc dicamus infructuose, Transferunt; (inquit S. Augustinus in Psalm. 32.)

III. Tertio, sumitur strictissime Pœnitentiæ nomen pro intimo animi dolore, ob scelus admissum, vel ejus doloris externo etiam signo; qui dolor unius Dei causa concipitur. De qua Dominus ipse per Joëlem Prophetam ait: Convertimini ad me in toto corde vestro. De qua S. Augustinus, seu alius Joël. 2. Auctor Sermonis olim VII. De Tempore inter Augustinianos, nunc CXVII. in Appendice: Videte (inquit) qualis debet esse Pœnitentia: quia multi assidue se dicunt esse peccatores, & tamen adhuc illos delectat peccare. Professio est, non emendatio: accusatur anima, non sanatur: pronuntiatur offensa, non tollitur. Pœnitentiam certam non facit nisi odium peccati, & amor Dei. Quando sic pœnites, ut tibi amarum sapiat in anima, quod ante dulce fuit in vita; & quod te prius oblectabat in corpore, ipsum te cruciet in corde; iam tunc bene ingemiscis ad Deum, & dicis: Tibi soli peccavi, & malum coram te feci.

IV. Tribus his Pœnitentiæ generibus Pœnitentiæ nomen proprie convenit: Nam cum in Scriptura Sacra Deum pœnitere legimus, id figurata locutione, per translationem dici, perspicuum est. Significat enim Deum non humano quidem more pœnitere, quasi dolore aliquo revera tangatur, ipsique quadam affectus mutatione displiceat, quod placuit prius, cum de se ipse dicat, Ego Deus, & non mutor: sed quemadmodum homines, quos rei Malach. 3. 6. cuiuspiam pœnitet, eam mutare omni studio laborant, sic cum Deus mutare statuit, quod decreverat, vel fecerat, illum pœnitere dicitur. Sic Gen. VI. Pœnituit eum, quod hominem fecisset in terra. Et tacitus dolore cordis intrinsecus; Delebo, inquit, hominem, quem creavi a facie terre, ab homine usque ad animantia, a reptili usque ad volucres cœli. Pœnitet enim me fecisse eos. Eo scilicet loco declarat Deus Justo Noe, quo pacto hominem, quem ad incolendam terram condiderat, mox de terra propter ejus malitiam deleturus, ac perditurus esset. Sic I. Regum XV. 11. Dominus ait: Pœnitet me, quod constituerim Saul Regem; significans velle se Regnum, quod prius Saul detulerat, ob ejus peccata in alium meliorem transferre. E contrario non pœnitere dicitur, cum semel statuta nullo modo mutare decrevit. Sic Psalm. 209. dicitur: Juravit Dominus, & non pœnitebit eum: tu es Sacerdos in æternum secundum ordinem Melchisedech. Qua locutione declaratur Sacerdotium Christi perpetuum, & immutabile fore. Hinc Tertullianus Lib. 11. Adversus Marcionem, cap. XXIV. Non enim si hominem ex recordatione plurimum dilecti, interdum & ex alicujus boni operis in gratia pœnitet, ideo & Deum proinde. In quantum enim Deus nec malum admittit, nec bonum damnat; in tantum nec pœnitentie boni, & mali apud eum locus est. Nam & hoc tibi eadem scriptura determinat, dicente Samuele Sauli, Discidit Dominus Regnum Israel, & scindetur Israel in duas partes, & non convertetur, neque pœnitentiam aget, quia non sicut homo est ad pœnitendum. Hec itaque definitio in omnibus aliam formam divine pœnitentie statuit, que neque ex improvidentia, neque ex ulla boni, aut mali operis damnatione reputetur, sicut humana. Quis ergo erit mos Pœnitentie divine? Jam relucet, si non ad humanas condiciones eam referat. Nihil enim aliud intelligitur, quam simplex conversio sententie prioris, que etiam sine reprehensione ejus possit admitti, etiam in homine, nedum in Deo, cujus omnis sententia caret culpa. Nam, & in Greco sono*, Pœnitentie nomen, non ex delicti confessione, sed ex animi demutatione compositum est, quam apud Deum pro rerum variantium sese occursum re- * NASTEN- vicia,

gi ostendimus. Ita intelligendus alius *Tertulliani* locus Lib. De Pœnitentia³ cap. 11. *Deus post tot, & tanta delicta humane temeritatis a principe generis Adam auspicata, post condemnatum hominem cum sæculi dote, post ejectionem paradiso, mortique subiectum, cum rursus ad suam misericordiam maturavisset: jam inde in semetipso Pœnitentiam dedicavit, rescissa sententia irarum pristinarum, ignoscere passus operi, & imagini suæ.*

V. Inter has Pœnitentiæ significationes magnum discrimen observandum monet Concilii Tridentini Catechismus. Prima enim in vitio ponenda est: altera est quædam commoti, & perturbati animi affectio: tertia tum ad virtutem pertinet, tum Sacramentum est: quæ significatio est hujus loci propria. Primo, & secundo modo accepta Pœnitentia Infidelibus, & impiis convenit; tertio modo accepta solis Fidelibus: quod *Tertullianus* in ipso limine Libri De Pœnitentia, graviter, & eleganter explicat. Pœnitentiam; (inquit) hoc genus hominum, quod & ipsi retro fuimus, cæci sine Domini lumine, natura tenus norunt, passionem animi quamdam esse, quæ venit de offensa sententiæ prioris. Ceterum a ratione ejus tantum absunt, quantum ab ipso rationis Auctore. Quam autem in Pœnitentiæ actu irrationabiliter deversentur, vel uno isto satis erit expedire, cum illam etiam in bonis facilis suis adhibent. Pœnitet fidei, amoris, simplicitatis, patientiæ, misericordiæ. Prout quid in gratiam cecidit, semetipsos execrantur, quia bene fecerint: eamque maxime Pœnitentiæ speciem, quæ optimis operibus irrogatur, in corde fingunt: meminisse curantes, ne quid boni rursus præsent: contra, Pœnitentiæ malorum levius incubant. Denique facilius per eandem delinquant, quam per eam rectefaciunt. Quod si Dei, ac per hoc rationis quoque compotes agerent, merita primo Pœnitentiæ expendere, nec unquam eam ad argumentum perverse emendationis adhiberent: modum denique pœnitendi temperarent, quia & alinquerdi tenerent, timentes Dominum scilicet. Sed ubi metus nullus, emendatio proinde nulla: ubi emendatio nulla, Pœnitentia necessario vana: quia caret fructu suo, cui eam Deus servit, id est hominum salutem.

A R T I C U L U S II.

De Pœnitentiæ Divisione, & Definitione.

Pœnitentiæ
divisio.

I. Pœnitentia in interiorem, & exteriorem dividitur. Interior propriè virtus est: exterior a Christo provecta est ad Sacramenti dignitatem. Exterior alia publica est, alia privata. Privata est, quæ privatim: publica, quæ ob grave aliquod crimen in Ecclesiæ facie peragitur.

Pœnitentiæ
publicæ gra-
dus, sive
rationes.

II. Publice Pœnitentium quatuor fuerunt ordines ex veteris Ecclesiæ Disciplina, scilicet *Flentium, Audientium, Substratorum, & Consistentium.*

Flentes stabant extra portam Ecclesiæ, veste lugubri induti, cilicio, & cinere sordidati, lachrymisque perfusi se graves criminis reos palam fatebantur, Deique, & Ecclesiæ misericordiam supplices rogabant, adhibita Clari, & Christianæ plebis intercessione, ut ad Pœnitentiam agendam in Ecclesiam reciperentur. Sic Pœnitentiam egit *Fabiola* Matrōna Romana nobilissima, quæ adulterum Maritum dimiserat, eoque vivente alteri nupserat, cum edocta esset in Lege Divina, & Ecclesiastica prohibitum esse, quod licitum existimaverat, quia Imperatorum etiam Christianorum Legibus permissum erat. Quis hoc crederet (inquit *S. Hieronymus* Epist. xxx. ad Oceanum) ut post mortem secundi viri in semetipsam reversa, quo tempore solent *Vidue* negligentes iugo servitutis excusso agere se liberius, adire balneas, volitare per plateas, vultus circumferre meretricis, sacrum indueret, ut errore publice fateretur; & tota Urbe spectante Romana, ante diem Paschæ, in Basilica

Et a quodam Laterani, staret in ordine Pœnitentium, Episcopo, Presbyteris, & omni Populo collachrymantibus; sparsum crinem, ora lurida, squalidas manus, sordida colla submitteret? Quæ peccata fletus iste non purget? ... Non est confusa Dominum in terris, & ille eam non confundit in cælo. Aperuit cunctis vulnus suum, & decolorem in corpore cicatricem fletus Roma conspexit. Diffusa habuit latera, nudum caput, clausum os. Non est ingressa Ecclesiam Domini, sed extra castra cum Maria sorore Moysi separata confedit, ut quam Sacerdos eiecerat, ipse revocaret... Faciem, per quam secundo viro placuerat, verberabat. Oderat gemmas, linteamina videre non poterat, ornamenta fugiebat, sic dolebat quasi adulterium commississet, & multis impendiis medicaminum unum vulnus sanare cupiebat.

Audientes stabant in extrema parte Ecclesiæ prope januas, quæ Narthex vocabatur; ibique Scripturarum lectionem, & Sermones Ecclesiasticos cum Catechumenis audiebant; & cum ipsis ante Missam Fidelium dimittebantur, ut se a salutari Baptismatis gratia excidisse cogitarent, & Fidei Christianæ principis, cuius sanctitatem malis operibus violaverant, quasi ex integro imbuti oportere; sibi metipsis identidem inculcantes illud Apocal. 11. Cap. Memor esto, unde excideris & age Pœnitentiam, & prima opera fac.

Substrati intra Ecclesiæ ambitum a portis ad Ambonem usque genua flectentes, orationibus Ecclesiæ, & propriis Pœnitentium actionibus expiabantur, & ad beneficium Reconciliationis præparabantur. Ideo in singulis fere Synaxibus, postquam Catechumeni, & Audientes omnes expulsi fuerant, ante Offertorium, Episcopus super istos Pœnites Substratos manus imponebat; & precabatur, assistente, & comprecante toto Fidelium cœtu; quibus peractis ab Ecclesia expellebantur, & Sacrificium inchoabatur. Ipsi interim opera laboriosa imponebantur, preces, eleemosynæ, jejunia ad Deum placandum, ejusque iustitiæ satisfaciendum. Hinc Tertullianus, Lib. De Pœnitentia, Cap. ix. Exomologesis prosterneendi, & humilificandi hominis disciplina est, conversationem injungens misericordiæ illicem, de ipso quoque habitu, atque vultu mandat, sacco, & cineri incubare, corpus sordibus obscurare, animum meroribus deicere, illa quæ peccavit, tristi translatione mutare: ceterum passum, & potum pura non esse, non ventris scilicet, sed animæ causa; plerumque vero jejunii preces alere, ingemiscere, lachrymari, & mugire dies noctesque ad Dominum Deum suum, Presbyteris advolvi, & caris Dei adgeniculari, omnibus fratribus legationes deprecationis suæ injungere. Hec omnia Exomologesis, ut Pœnitentiam commendet, ut de periculi timore Dominum honoret, ut in peccatorem ipsa pronuntians pro Dei indignatione fungatur, & temporalis afflictione æterna supplicia non dicam frustretur, sed expungat.

Consistentes ab Ambone versus Sanctuarium cum Fidelibus ad finem usque Synaxeos subsistebant, & Missam audiebant: ab Eucharistiæ tamen participatione manebant flegati, donec Episcopi probassent, an vitam gerebant Fidelibus dignam.

In unoquoque istorum graduum per annos plurimos versabantur Pœnites pro criminum gravitate, ut ex antiquis Canonibus patet: sed in potestate Episcopi erat, spectatis Pœnitentium contritione, & fervore, humanitatem in ipsos exercere, ac Pœnitentiæ tempus contrahere, labores, ac pœnas temperare, ac moderari, ut ex Concilii Nicæni Canone XII. aliique colligitur.

Graviorum peccatorum reis, maximeque publicorum, Pœnitentia imponebatur ab Episcopo in Capite Quadragesimæ, reconciliabantur autem ab eodem, qui Pœnitentiæ tempus expleverant, Feria v. in Cœna Domini, solemnî Ritu, quem antiqua Sacramentaria, & Libelli Pœnitentiales describunt.

Publicæ pœnitentiæ quando, & a quo imposita?

scribunt. Pœnitentiam postulantibus cilicium, & cinis imponebantur; indeque manavit mos Ecclesiæ, quæ Fidelium capitibus in Capite Quadragesimæ, publicam velut Pœnitentiam ad Deum placandum, & expianda crimina, ut Paschali Communione digni fiant, profitentium, cineres imponit. *In cilicio quippe* (inquit S. Hieronymus, in Cap. III. Lamentationum Jeremiæ) *asperitas, & compunctio peccatorum: in cinere autem pulvis ostenditur mortuorum: Et ideo utrumque hoc addibere ad Pœnitentiam solet, ut in compunctione cilicii cognoscamus, quid per culpam fecimus, & in favilla cineris perpendamus, quid per vitium facti sumus. Considerentur ergo in cilicio pungentia vitia: consideretur in cinere pex mortis sententiam subsequens iusta pœna vitiorum. Quia enim post peccatum carnis contumeliæ surrexerunt, videas homo in asperitate cilicii superbiendo quid fecit; videat in cinere usquequo peccando pervenit... Potest quoque cilicio ipsa in reprehensione, atque Pœnitentia dolorum compunctio designari. Nam hoc quod agit Beatus Job, Ipse me reprehendo; quasi quodam cilicio pungitur, dum in mente sua asperis redargutionum stimulis confricatur. In cinere autem agit Pœnitentiam, quia ex primo peccato quid per justum iudicium factus sit, salenter attendit.*

Job. 42. 6.

Definitio
Pœnitentiæ
virtutis.

III. Pœnitentia quatenus virtus, est sincera hominis ad Deum conversio, quæ peccata commissa detestatur, & odio habet, propter Deum, cum gravi animi dolore, & cum firmo proposito deinceps non peccandi, sed malam vitæ consuetudinem corruptosque mores emendandi; & spe veniæ a Dei misericordia consequenda. Ita definit Concilii Tridentini Catechismus.

Definitur a Magistro Sententiarum, Lib. IV. Dist. XIV. Virtus, quæ commissa mala cum emendationis proposito plangimus, & plangenda ulterius committere nolumus. Quæ definitio ex S. Gregorii Homilia XXXIV. in Evangelia sumpta est, dicente: Pœnitentiam agere, est perpetrata mala plangere, & plangenda non perpetrare.

Sic definitur ab Auctore Libri *De vera, & falsa Pœnitentia*, inter S. Augustini Opera editi: Pœnitentia est vindicta semper puniens in se, quod dolet commississe. Nam a punitione Pœnitentia nomen accepit, quasi punientia, dum ipse homo punit penitendo, quod male admisit; (inquit S. Isidorus, Lib. VI. Originum, & in Exhortatione ad Pœnitentiam: (Nam (inquit S. Augustinus Epist. CLIII. alias LIV. ad Macedonium) Nihil aliud agit, quem veraciter pœnitet, nisi ut id, quod mali fecerit, impunitum esse non sinat. Eo quippe modo sibi non parcat ille parcat, cuius altum, justumque iudicium nullus contemtor evadit. Hinc mox laudatus S. Isidorus, Lib. II. De Officiis Ecclesiæ: Pœnitentia (inquit) nomen sumpsit a pœna, qua anima cruciatur, & caro mortificatur.

Pœnitentia
non est simplex
resipiscentiæ, seu
vitæ mutatio.

Perperam itaque Hæretici Pœnitentiam definiunt *Novam vitam*, seu *Resipiscentiæ*, & *Vitæ mutationem in melius*. Vitæ enim veteris odium, ac detestationem, sincerumque de peccatis commissis dolorem, una cum studio satisfaciendi Deo præterea continet, ut S. Scripturæ testimonia probant. Psalm. XXXVII. *Iniquitatem meam annuntiabo, & cogitabo pro peccato meo.* Sive, ut S. Augustinus legit, *Curam geram pro peccato meo. Quid est autem curam gerere pro peccato tuo? Si diceret, Curam geram pro vulnere meo, quid intelligeretur, nisi, Dabo operam ut sanetur? Hoc est enim curam gerere pro delicto, semper intendere, semper studiose, & sedulo agere, ut sanes peccatum.* Ecce de die in diem plangis peccatum tuum, sed forte lacrymæ currunt, & manus cessant. Fiant elemosynæ, redimantur peccata, gaudeat indigens de dato tuo, ut & tu gaudeas de dato Dei. Eget ille, eget & tu: eget ille ad te, eget & tu ad Deum. Tu contemnis egentem tui, Deus non te contemnet egentem sui? Ergo impleto tu egentis inopiam, ut impleat Deus in-

teriora

teriora tua. Hoc est, Curam geram pro peccato meo, faciam omnia quæcunque facienda sunt ad abolendum, & sanandum peccatum meum. Ezech. vi. 9. Displcebit sibi et super malis, quæ fecerunt in universis abominatibus suis. Joels ii. 12. Convertimini ad me in toto corde vestro, in jejuniis, & in fletu & in planctu, & scindite corda vestra. Lucæ iii. 8. Facite ergo fructus dignos pœnitentiæ. ii. da Cor. vii. 11. Ecce enim hoc ipsum secundum Deum contristari, vos, quantam in vobis operatur sollicitudinem: sed defensionem, sed indignationem, sed timorem, sed desiderium, sed emulationem, sed vindictam. Hoc spiritu animatus Rex Ezechias agebat (Isa. xxxviii.) *Reco gnabo tibi omnes annos meos in amaritudine animæ meæ. Sic animati Ninivite, de quibus Jonæ iii. 5. dicitur: Et crediderunt viri Ninivite in Deum: & prædicaverunt jejunium, & vestiti sunt saccis a majore usque ad minorem. Et pervenit verbum ad Regem Ninive: & surrexit de solio suo, & abiecit vestimentum suum a se, & indutus est sacco, & sedit in cinere. Et clamavit, & dixit: Operiantur saccis homines & jumenta, & clament ad Dominum in fortitudine, & convertatur vir a via sua mala, & ab iniquitate, quæ est in manibus eorum. Quis scit, si convertatur, & ignoret Deus: & revertatur a furore iræ sue, & non peribimus? Et Matth. xii. 41. Viri Ninivite surgent in iudicio cum generatione ista, & condemnabunt eam: quia Pœnitentiam egerunt in prædicatione Jonæ. Et ecce plus quam Jonas hic. Sic animata fuit Mulier peccatrix, quæ Ut cognovit, quod Jesus accubisset in domo Pharisæi, attulit alabastrum unguenti: & stans retro secus pedes ejus, lacrymis cepit rigare pedes ejus, & unguento ungebat. Ut enim ait S. Gregorius, Hom. xxxiii. in Evangelia: Quot in se habuit oblectamenta, tot de se invenit holocausta: convertit ad numerum virtutum, numerum criminum: ut totum Deo servaret in Pœnitentia, quicquid ex se Deum contempserat in culpa. Sic animatus Publicanus, qui A longe stans, nolebat nec oculos ad cælum levare, sed percutiebat pectus suum dicens: Deus, propitius esto mihi peccatori. Et descendit iustificatus in domum suam. Sic animatus Petrus post negationem, cum recordatus verbi Domini, Egressus foras, flevit amare. Pœnitentia itaque non est simplex resipiscencia, aut mutatio vitæ in melius, sed vitæ veteris odium, & dolorem de peccatis commissis cum proposito satisfaciendi iustitiæ divinæ, quantum humana potest infirmitas, continet. Nec aliud voluit Lactantius, Lib. vi. Institutionum, cap. xxiv. ubi *M. tanquam*, quæ Græca vox est Pœnitentiæ respondens, Resipiscenciam interpretatur. Subdit enim: Resipiscit, ac mentem suam quasi ab insania recipit, quem errati piget, castigatque se ipsum dementem.*

IV. Tres sunt veræ Pœnitentiæ Actiones in Ecclesia usitatæ. Prima peccatorum omnium ante Batismam commissorum: altera mortalium peccatorum, quæ post Baptismum commissa sunt: tertia venialium. Prima est, *Quæ novum hominem parit*, donec per Baptismum salutare omnium præteritorum fiat ablutio peccatorum: Omnis enim, qui jam arbitrii voluntatis suæ constitutus est, cum accedit ad Sacramenta Fidelium, nisi cum pœniteat vitæ veteris, novam non potest inchoare. Ab hac Pœnitentia, cum baptizantur, soli parvuli sunt immunes: nondum enim uti possunt libero arbitrio: Ceterorum hominum nullus transit ad Christum, ut incipiat esse, quod non erat, nisi cum pœniteat fuisse quod erat. Hæc prima Pœnitentia præcipitur Judæis, dicente Apostolo Petro, Pœnitentiam agite, & baptizetur unusquisque vestrum in nomine Domini nostri Jesu Christi. Talis ab ipso Domino imperabatur, cum diceret: Pœnitentiam agite, appropinquavit enim Regnum cælorum, De hac etiam Jo: Baptista dicit: Generatio viperarum, quis ostendit vobis fugere a ventura ira? Facite ergo fructum dignum Pœnitentiæ.

Luc. v.

Luc. 18.

Luc. 22.

Tres veræ
Pœnitentiæ
Actiones

Act. 2. 38.

Matth. 4. 17.

Matth. 3. 7.
& 8.

Al-

Altera Pœnitentia est, cujus actio per totam istam vitam, qua in carne mortali degimus, perpetua supplicationis humilitate subeunda est, ob peccata quotidiana, a quibus nemo quantumvis iustus, immunis est. Unde orantes dicimus, quod in tota ista vita oportet, ut dicamus, Dimitte nobis debita nostra, sicut & nos dimittimus debitoribus nostris. Non enim ea dimitti precamur, quæ jam in Baptismo nisi dimissa credimus, de ipsa fide dubitamus: sed utique de quotidianis peccatis hoc dicimus, pro quibus etiam sacrificia elemosynarum, jejuniorum, & ipsarum orationum, ac supplicationum quisque pro suis viribus offerre non cessat.

Tertia actio est Pœnitentiæ, quæ pro illis peccatis subeunda est, quæ Legis Decalogus continet, & de quibus Apostolus ait, Quoniam qui talia agunt, Regnum Dei non possidebunt. In hac ergo pœnitentia, majorem quisque in se severitatem debet exercere, ut a seipso judicatus, non judicetur a Domino, sicut idem Apostolus ait, Si enim nos judicaremus, a Domino non judicamur, remur. Ascendat itaque homo adversum se tribunal mentis suæ; si timet illud quod Oportet nos exhiberi ante tribunal Christi, ut illic recipiat unum, quisque, quod per corpus gessit, sive bonum, sive malum. Constituat se ante faciem suam ne hoc ei postea fiat. Nam minatur hoc Deus peccatori, dicens, Arguam te, & statutam contra faciem tuam. Atque ita constituto, in corde judicio; adsit accusatrix cogitatio, testis conscientia, carnisque timor. Inde quidam sanguis animi consentis per lacrymas profluat. Postremo ab ipsa mente talis sententia proferatur, ut se indignum homo judicet participatione Corporis, & Sanguinis Domini.

Sic tres illas Pœnitentiæ actiones explicat S. Augustinus, Serm. cccli. De Utilitate agendæ Pœnitentiæ, alias l. inter Homilias quinquaginta. Idem præstat Serm. ccclii. alias xxvii. inter Homilias quinquaginta, & Epist. cclxv. ad Seleucianam, alias cviii. Hanc esse divisionem Pœnitentiæ virtutis, docet S. Thomas, iii. p. q. xc. art. iv. Pertinet enim ad Pœnitentiam, ut detestetur peccata præterita cum proposito immutandi vitam, in melius, quod est quasi Pœnitentiæ finis. Et quia moralia speciem, a fine recipiunt, conveniens est, ut diversæ species Pœnitentiæ accipiantur secundum diversas immutationes, quas penitens intendit. Est autem triplex immutatio a penitente intenta. Prima quidem per regenerationem in novam vitam; & hæc pertinet ad Pœnitentiam, quæ est ante Baptismum. Secunda immutatio est per reformationem vitæ præteritæ jam corruptæ: & hæc pertinet ad Pœnitentiam mortalium post Baptismum. Tertia autem immutatio est in perfectiorem operationem vitæ: & hæc pertinet ad Pœnitentiam venialium, quæ remittuntur per aliquem ferventem actum charitatis.

V. Pœnitentia secundum rationem Sacramenti spectata, est Sacramentum, in quo relapsi vere penitentibus, & confessis, saltem cum proposito satisfaciendi, Sacerdotalis Absolutio impenditur. Sive, Signum sensibile ad reconciliationem eorum, qui post Baptismum lapsi sunt, a Deo institutum.

Varia sunt hujus Sacramenti nomina, Pœnitentia enim vocatur, quia necesse est ad justificationis gratiam post lapsum consequendam, ut peccatum homini displiceat; utque per veram Contritionem, & alia media a Deo præscripta, & in Nova Lege a Christo instituta, suum homo peccatum destruat. Sacramentum Reconciliationis ab effectu vocatur: Sacramentum Confessionis, a parte conspicua, & ante remissionem peccati necessaria: Sacramentum Absolutionis, ab actu Sacerdotis formam Sacramenti proferentis, cum ait, Ego te absolvo; sicut Baptismus dicitur ab actu baptizantis, & dicentis, Ego te baptizo. Ita vocatus a Conc. Tridentino scilicet. xiv. can.

Definitio
Pœnitentiæ
Sacramenti.

Varia Pœni-
tentiæ nomi-
na.

can. x. & passim a S. Leone. Dicitur interdum *Manuum impositio*, a cæ-
 remonia externa, quæ tamen, ut non necessaria Sacramenti necessitate,
 ita nec huic Sacramento propria; siquidem Confirmatio, & Ordinatio eo-
 dem nomine designantur. Sic vocatur a S. Cypriano, Lib. de Lapsis: *Ante*
expiata delicta, (inquit) *ante exomologesim factam criminis, ante purgatam*
conscientiam Sacrificio, & manu Sacerdotis, pacem putant esse, quam quidam
verbis fallacibus venditant. Sic Optatus Milevitanus, Lib. 11. *Dum manus im-*
ponitis, & delicta donatis. Sic S. Augustinus Lib. 111. *De Baptismo contra*
Donatistas, cap. xvi. *Manus impositio non sicut Baptismus repeti non potest:*
quid est enim aliud nisi oratio super hominem? Quasi dicat, Baptismum qui-
 dem iterari non posse, Pœnitentiam vero posse iterari. Sic S. Leo, Epist.
 11. olim xcii. ad Rusticum Narbonensem, eos qui convivio solo Genti-
 lium, & effcis immolatiis usi sunt, *Manus impositione purgari* ait. Sic Conc.
 Carthaginense IV. can. lxxvi. *Si continuo creditur moriturus, reconcilietur*
per manus impositionem. Sic Arausicanum I. can. 111. *Stent in ordine Pœ-*
nitentium, ut offensis necessariis Pœnitentiæ fructibus, legitimam communionem
cum reconciliatoria manus impositione recipiant. Ab antiquis, Tertulliano maxi-
 me, & S. Cypriano, vocatur *Exomologesis*, Græco nomine, idest, *Confessio*:
 item *Communicatio*, seu *Communio*, & *Tax*, eo quod Lapsi per Pœnitentiæ
 actionem, & Absolutionem Sacerdotis restituerentur Communioni, & Eucharis-
 tiæ percipiendæ jus haberent, ad eamque digne sumendam præpararentur. Se-
 cunda post naufragium tabula sepe vocatur a Patribus. Sic Tertullianus, Lib. De
 Pœnitentia cap. iv. *Pœnitentia vita est, cum præponitur morti*. Eam tu pec-
 cator, mei similis, imo me minor; (Ego enim præstantiam in delictis meam agno-
 sco) ita invade, ita amplexare, ut naufragus alienus tabule fidem. Hec te
 peccatorum fluctibusmersum prolevarbit, & in portum divinæ clementiæ prote-
 labit. Raptè occasionem inopinatæ felicitatis. Sic S. Hieronym. in cap. 111. I-
 saïæ: *Secunda post naufragium tabula Pœnitentia est*. Et Epist. lxxv. *Secunda*
post naufragium tabula est, culpam simpliciter confiteri. Sic Tridentina Syno-
 dus, sess. vi. cap. xiv. *Qui vero ab accepta justificationis gratia per pecca-*
tum exciderunt, rursus justificari poterunt, cum excitante Deo per Pœnitentiæ
Sacramentum, merito Christi amissam gratiam recuperare procuraverint: hic enim
justificationis modus est lapsus reparatio: quam secundam post naufragium deper-
ditæ gratiæ tabulam SS. Patres apte nuncuparunt. Denique vocatur a Patri-
 bus, *Laboriosus Baptismus*. Ita Clemens Alexandrinus aq. Eusebium Lib.
 111. Historiæ, cap. xvii. *Juven post Baptismum in sceleratam vitam*
lapsum, & ducem latronum factum, ac S. Jo: Apostoli exhortatione con-
versum, scribit Lachrymis secundo baptizatum. Ita S. Gregorius Nazianzenus
 Orat. xl. in Sancta Lumina: *Quintum locum lachrymarum Baptismus tenet:*
verum asperior est, & laboriosior, quo quidem ille tingitur, qui per singulas no-
ctes lectum suum, ac stratum lachrymis lavat, cui ipse quoque vitii cicatrices
scetent, qui lugens, & contritus ingreditur. Ita S. Jo: Chrysostomus, Hom.
 iv. De Pœnitentia: *Petrus tunc sentiens cepit flere, & non flevit modo, sed ama-*
re, secundum Baptisma per lachrymas ex oculis ostendens. Cunque flevisset amare, de-
levit peccatum. Ita S. Isidorus Pelusiota, Lib. 1. Epist. ccccv. 11. *Deus, qui nos vi-*
tam per respicientiam obtinere cupit, de pectore tuo aquam ducet, quæ tibi pro
altero quodam Lavacro sit, ac voluntaria piscina conscientiam tuam ab inquinamen-
tis repurgans, ut Angelis quos in merorem consecisti, letitiæ causam præbeas. Ita
 S. Joan. Damascenus Lib. 111. De Fide Orthodoxa, cap. x. *Sextum Baptisma*
in Pœnitentia, & lachrymis versatur, essque sane grave, & durum. Ita S. Isi-
 dorus Hispalensis, Lib. 11. De Officiis, cap. xxiv. *Sanguis, & aqua Baptis-*
matis gemina figura est. Baptisma nunc, quo regeneramur ex aque Lavacro;
 aliud.

aliud, quo consecramur in sanguine. Est & tertium Baptisma lacrymarum; quod laboriosius transigitur. Ita denique Conc. Tridentinum, sess. xiv. cap. 11. Ut merito Pœnitentia laboriosus quidam Baptismus a Patribus dictus fuerit.

ARTICULUS III.

De Pœnitentia Virtute.

PROPOSITIO I.

Intima animi Pœnitentia est vera virtus.

ID probant rationes ex S. Thoma III. p. qu. LXXXV. & ex Conc. Tridentini Catechismo par. II. cap. v. §. VII. & VIII. desumptæ.

Ratio prima hæc est. Lex de iis tantum actionibus præcipit, quæ pertinent ad virtutem. Cum igitur multa præcepta de Pœnitentia in S. Litteris a Deo tradita sint, præsertim *Matth. IV. 17.* ubi legimus *Exinde cepit Iesus predicare, & dicere: Pœnitentiam agite: appropinquavit enim Regnum Cælorum.* Pœnitentia est vera virtus.

Secunda ratio hæc est. Dolere quando dolendum est, & eo modo, & fine, quo dolendum est, nemo negaverit actum esse virtutis. Hoc autem præstat Pœnitentia. Interdum enim evenit, ut ex admissis sceleribus minorem, quam par est dolorem homines capiant: quin etiam, ut a Salomone scriptum est, sunt, *Qui letantur, cum male fecerint, & exultant in rebus pessimis.* Alii ita se merori, & animi ægritudini dedunt, ut de salute etiam prorsus desperent, qualis fortasse Cain videri potest, qui ait: *Major est iniquitas mea, quam ut veniam merear:* & qualis certe Judas fuit, qui Pœnitentia ductus, suspendio vitam, & animam amisit. Cum itaque Pœnitentia moderatum dolorem assumat de peccatis præteritis, cum intentione illa removendi, est vera virtus.

Tertia ratio hæc est: Detestari peccatum, & ad illius destructionem quatenus Dei offensâ est, eniti; pro sceleribus admissis Deo satisfacere, in Dei gratiam redire, sunt actus laudabiles, & singularem difficultatem habentes; pertinent igitur ad singularem virtutem, quæ justitiæ species est, quatenus emendatio est offensæ contra Deum commissæ; quæ quidem non fit sola cessatione injuriæ, sed compensatione quadam, qua honor Deo ablatus refarcitur, quantum possibile est homini pœnitenti. Quamvis enim inter Deum, & homines propria justitiæ ratio intercedere non possit, qualis est inter æquales, cum tam longo intervallo inter se distent: aliquam tamen esse justitiam constat, cujusmodi est inter patrem, & filios, inter dominum, & servos, inter maritum, & uxorem. Nam pœnitens ad Deum suppliciter confugit cum emendationis proposito, sicut servus ad Dominum, secundum illud Psalmi cxxii. *Sicut oculi servorum in manibus dominorum suorum, ita oculi nostri ad Dominum Deum nostrum, donec misereatur nostri:* & sicut filius ad patrem, secundum illud Prologi adolescentis, *Lucæ 15. Pater peccavi in cælum, & coram te:* & sicut uxor ad virum, secundum illud Jer. III. *Fornicata es cum amatoribus multis, tamen revertere ad me, dicit Dominus.* Quamobrem compensatio, & satisfactio, quam Deo exhibet homo pœnitens, non est sufficiens simpliciter, sed secundum acceptionem, benignitatem, & indulgentiam Dei misericordiarum Patris.

At (inquies) quomodo vera virtus potest censeri, quæ dolorem excitat, cum virtus delectationem pariat? Quomodo vera virtus, quæ non est per se expetenda: sed tantum ex hypothese peccati commissi? Quomodo

do vera virtus, quæ sui compotes laude dignos non facit, sed pudore, ac verecundia suffundit? Verecundia certe non est virtus, cum sit de turpi facto: igitur neque Pœnitentia. Quomodo tandem virtus censeri potest, quæ est in homine nondum cum Deo reconciliato, & charitate destituito; quam eharitatem qui non habet, nihil est, ut ait Apostolus?

Respondetur distincte ad singula capita. Ad primum: Pœnitentiam excitare dolorem ratione objecti; delectationem parere ratione actus. At delectatio de objecto actus non est propria virtuti, sed delectatio de ipso actu. Pœnitens igitur dolet de peccato, quatenus Dei Optimi Maximi injuria est: 1. Tim. 15. sed de ipso dolore gaudet, atque ad peccati destructionem, & vindictam in semetipso promptè & alacriter operatur. Pœnitentium labores, & lachrymæ sunt illius instar cibi suavitissimi, secundum illud Pl. cxxvii. *Labores manuum tuarum, quia manducabis, beatus es, & bene tibi erit.* Et Psalm. cxxvi. *Surgite, postquam sederitis, qui manducatis panem doloris.* Quæ verba S. Augustinus explicans, ait: *Nisi haberet aliquam suavitatem panis iste, nemo illum manducaret. Cum quanta suavitate plorat in gemitu, qui orat. Dulciores sunt lachrymæ orantium, quam gaudia theatrorum. Dulces sunt & ipsæ lachrymæ, & pro cibo tibi erunt, quia factæ sunt, & ipsæ panis die, ac nocte, dum dicitur tibi quotidie, Ubi est Deus tuus? Et Lib. v. Confessionum, cap. 11. Ecce ibi es in corde consentium tili, & plorantium in sinu tuo post vias suas difficiles; & tu facilis terges lachrymas eorum, ut magis plorent, & gaudeant in fletibus.*

Ad secundum respondetur, Pœnitentiam, secundum actus suos spectatam, esse per se expetendam iis, qui post Baptismum lapsi sunt: secundum habitum vero consideratam, per se expetendam esse omnibus, qui in peccatum labi possunt, & ab eodem resurgere. Unde primus Homo in statu innocentie constitutus, Pœnitentiæ virtute ornatus erat, quantum ad habitum, quia Psalm. 18. 14. ita erat affectus, ut si peccatum committeret, de illo doleret. Contra vero Christus Dominus ob divinam impeccantiam, Pœnitentiæ virtutem nullatenus habuit, quamvis pro nostrum omnium peccatis Deo Patri satisfecerit. Nam Pœnitentia non versatur circa aliena, sed circa propria peccata. *Pœnitere* (inquit S. Thomas) *est de aliquo prius a se facto dolere.* Unde quod orat David, *Ab alienis parce servo tuo*, non significat Pœnitentiam de peccatis alienis a David tactam, sed supplicationem, ut Deus hostium invidias avertat, dæmonum præsertim, qui peccati suaves ipsi esse possent. ut explicat S. Augustinus, in Enarratione in Pl. xviii. *Delicta* (inquit) *mea inquinant me, delicta aliena affligunt me: ab his munda me, ab illis parce.* *Tolle mihi ex corde malam cogitationem, repelle a me malum suadorem: hoc est,* Ab occultis meis munda me, Domine, & ab alienis parce servo tuo. Nam ista duo genera delictorum propria simul, & aliena, etiam primitus in exordio claustrum. Diabolus suo delicto cecidit, Adam alieno desecit. Psalm. 35. 12. *Hic, ipse Dei Servus in alio Psalmo sic orat, Non veniat mihi pes superbiæ, & manus peccatorum non moveant me. Non veniat, inquit, mihi pes superbiæ, hoc est,* Ab occultis meis munda me: manus peccatorum non moveant me, hoc est, *Ab alienis parce servo tuo.* Pœnitentiam vero non habuerunt Angeli, quia etsi peccare possent, tamen e peccato non poterant emergere, quod semel commississent, tum ob immobilitatem voluntatis in objecto, cui semel adhæserunt, tum quia unicum illis instans a Deo datum est, ex quo fors illorum æterna penderet. Unde S. Gregorius Magnus, 1. Cor. 6. Lib. xxxiv. *Moralium*, cap. xiv. de Diabolo ait: *Appetitum celsitudinis vertit in rigorem mentis. ut damnatus jam per duritiam se male egisse non sentiat.* Et S. Isidorus Lib. *De Summo Bono*, cap. x. *Diabolus ideo non petit veniam,*

niam, quia non cumpungitur ad Pœnitentiam. Homo vero Pœnitentiæ capax est ob mutabilitatem arbitrii versatilis, ob infirmitatem corporis, & ex Dei benignitate, qui non unicum temporis momentum, sed totam vitam tempus ipsi indulgit ad cooperandum divinæ gratiæ; & ad abolendam peccata, satisfactionemque pro admisis divinæ justitiæ exhibendam; Tempus certe acceptabile, & dies salutis, quos redimere, & Pœnitentiæ consecrare est operæ pretium. Hinc S. Jo: Damascenus, Lib. 11. Fidei Orthodoxæ, cap. 111. de Angelo ait: Pœnitentiæ porro ea ratione minime capax est, quia corpore vacat. Nam quod homo e vitiorum cœno emergere, atque ad meliorem frugem se convertere queat, id ob corporis imbecillitatem est consecutus. Et ante S. Jo: Damascenum S. Gregorius Lib. iv. Moralium, cap. 1x. & x. Duae ad intelligendum se creaturas Deus fecerat, Angelicam. & humanam: utramque vero superbia percussit, atque ab statu ingentis relicitudinis fregit; sed una tegmen carnis habuit, alia vero nihil infirmum de carne gestavit. Misertus ergo Creator, ut redimeret, illam ad se debuit reducere, quam in perpetrations culpe aliquid ex infirmitate constat habuisse; & eo amplius debuit apostatam Angelum repellere, quo cum a persistendi fortitudine corruit, nihil infirmum ex carne gestavit. Unde recte Psalmista, cum misertum Redemptorem hominibus distinxerit, *Psalm. 77. 39.* „ ceret, ipsam quoque causam misericordie expressit dicens: Et memoratus est, quia caro sunt. Ac si diceret: Quo eorum infirma vidit, eo distinxit culpas punire noluit. Est aduc aliud, quo perditus homo reparari debuit, & superbiens Spiritus reparari non possit; Quia nimirum Angelus sua malitia cecidit, hominem vero aliena prostravit.

Ad tertium respondetur, Id intercedere discriminis inter Verecundiam, & Pœnitentiam, quod Verecundia respiciat turpe factum, ut præsens, ex quo prodeuntem metuit infamiam, Pœnitentia vero, ut præteritum. Repugnat vero perfectioni virtutis turpe facinus, quod iracundiam, & infamiam parit; sed non repugnat perfectioni virtutis dolor de turpi facinore, studiumque ipsum abolendi, sive removendi offensam Dei, & reatum pœnæ quæ ex ipso consecuta sunt. Pudor enim Pœnitentiæ adjunctus gloriæ, & salutem parit: Pudor adjunctus peccato, parit infamiam, & mortem, secundum illud Eccl. iv. 25. *Est confusio adducens peccatum, & est confusio adducens gloriam.* Nam ut ait S. Gregorius, Lib. 1. in Ezechielem, Hom. x. Qui erubescit pœnitendo mala, quæ fecit, ad vite libertatem pervenit: qui vero erubescit bona facere, e statu relicitudinis cadit, atque ad damnationem tendit. Ad quartum respondetur, Pœnitentiam sinceram, non esse quidem semper coniunctam habitui charitatis, nisi perfecta sit; non esse tamen absque charitate, ad sensum Apostoli, quia sincero in Deum affectui, & amoris saltem inchoato conjuncta est. Hinc S. Thomas 111. p. q. lxxxv. art. iv. ad iv. docet, Pœnitentiam, etsi directe sit species justitiæ, Virtutum tamen Theologicarum esse participem, *Est enim cum fide Passionis Christi, per quam iustificamur a peccato & cum spe veniæ, & cum odio vitiorum, quod pertinet ad charitatem.* Pœnitentiam siquidem certam non facit nisi odium peccati, & amor Dei; (ut loquitur S. Augustinus, inter Augustinianos,) vel alius Auctor antiquus Sermonis vii. De Tempore nunc in Appendicem rejæcti.

P R O P O S I T I O II.

Pœnitentia non est Virtus acquisita, sed infusa.

Fidei namque dogma est, nos veram Pœnitentiam concipere non posse quin cordibus nostris per Spiritum Sanctum infundatur. Unde Jer. xxxi. 18. dicitur: *Converte me, & converſar: quia tu Dominus Deus meus.*

Peſſ.

Postquam enim convertisti me, egi Pœnitentiam. Et Aët. v. 31. dicitur Hunc Principem, & Salvatorem Deus exaltavit dextera sua, ad dandam Pœnitentiam Israeli, & Remissionem peccatorum. Et cap. xi. 18. Ergo & Gentibus Pœnitentiam dedit Deus ad vitam. Denique Conc. Tridentinum, sess. vi. can. 111. id ad fidem pertinere declarat. Si quis dixerit, sine preveniente Spiritus Sancti inspiratione, atque ejus adjutorio, hominem credere, sperare, diligere, aut pœnitere posse, sicut oportet, ut ei justificationis gratia conferatur; Anathema sit.

PROPOSITIO III.

Pœnitentiæ Virtus lapsis in mortale aliquod peccatum quovis tempore fuit necessaria.

ITa docet Conc. Tridentinum, sess. xiv. cap. 1. Fuit quidem Pœnitentia universis hominibus, qui se mortali aliquo peccato inquinassent, quovis tempore ad gratiam & justificationem assequendam necessaria, illis etiam, qui Baptismi Sacramento ablui petivissent, ut perveritate abjecta, & emendata, tantam Dei offensionem cum peccati odio, & pio animi dolore detestarentur. Unde Propheta ait: Convertimini, & agite Pœnitentiam ab omnibus iniquitatibus vestris: & non erit vobis in ruinam iniquitas. Dominus etiam dicit: Nisi pœnitentiam egeritis, omnes similiter peribitis. Et Princeps Apostolorum Petrus peccatoribus Baptismo initiandis Pœnitentiam commendans dicebat: Pœnitentiam agite, & baptizetur unusquisque vestrum. Porro nec ante Adventum Christi Pœnitentia erat Sacramentum, nec est post adventum illius cuiquam ante Baptismum.

Id confirmat S. Thomas, III. p. q. lxxxiv. art. vii. ad 1. ubi docet, Ex jure naturali esse, ut homo peccator Pœnitentiam agat, doleatque ex animo de malis, quæ commisit, & doloris remedium quærat, malis curandis salutare, & signa doloris exterius præ se ferat, ac promat, sicut Ninivitæ fecerunt, ut Jonæ III. legitur: In quibus tamen aliquid fuit adiunctum fidei, quam conceperant ex Prædicatione Jonæ; ut hoc scilicet agerent cum spe veniæ a Deo consequendæ, quam his verbis expresserunt: Quis scit, si convertatur, & ignoret Deus, & revertatur a furore iræ sue, & non peribimus? In Veteri autem Lege determinationem aliquam accepit Pœnitentia (inquit S. Thomas. ibid. ad 11) primo quidem quantum ad dolorem, ut magis in animo, quam in externis signis versaretur; secundum illud Joelis II. Scindite corda vestra & non vestimentam vestra. Secundo, quantum ad remedium doloris quærendum, ut Ministris Dei peccata sua generatim saltem confiterentur. Unde Dominus Lev. ait: Anima si peccaverit per ignorantiam, offeret arietem immaculatum de gregibus Sacerdoti juxta mensuram, estimationemque peccati, qui orabit pro eo, quia nesciens fecerit, & dimittetur ei. Oblatio enim facta pro peccato, confessio quædam erat peccati facta Sacerdoti. Quo sensu Prov. xxviii. dicitur: Qui abscondit scelera sua, non dirigetur; qui autem confessus fuerit, & reliquerit ea, misericordiam consequetur. Nondum autem erat instituta potestas clavium, quæ a Passione Christi derivatur; adeoque nondum erat institutum, ut homo in peccatum lapsus, de illo doleret cum proposito subjiçendi se clavibus Ecclesiæ per Confessionem, & Satisfactionem, spe consequendæ veniæ virtute Passionis Christi. Qui Pœnitentiæ modus a Christo Domino nostro in Nova Lege determinatus, & institutus est,

ARTICULUS IV.

Quibus gradibus ad divinam Pœnitentiæ Virtutem ascenditur?

Cum Deo in nobis sine nobis Pœnitentiam operanti cooperari tamen debeamus, merito *S. Thomas*, & ex eo Conc. Tridentini Catechismus sex gradus distinxerunt, ordine quodam disposuerunt, quibus veluti gradibus ad Pœnitentiæ virtutem pervenitur.

Primum illorum principium est Dei misericordia nos præveniens, & corda nostra ad se convertens, secundum illud *Jeremie* Lamentat. xv. 21 *Converte nos: Domine, ad te, & convertemur.* Ut enim explicat S. Synodus Tridentina sess. vi. cap. v. *Justificationis exordium in adultis a Dei per Christum Jesum præveniente gratia sumendum est, hoc est, ab ejus vocatione, qua, nullis eorum existentibus meritis vocatur: ut qui per peccata a Deo aversi erant, per ejus excitantem, atque adjuvantem gratiam ad convertendum se ad suam ipsorum justificationem, eidem gratiæ libere assentiendo, & cooperando disponantur, ita ut tangente Deo cor hominis per Sp. Sancti illuminationem, neque homo ipse nihil omnino agat: quippe qui illam & abicere potest, neque tamen sine gratia Dei movere se ad justiciam coram illo libera sua voluntate possit.* Unde in Sacris Litteris cum dicitur: *Convertimini ad me, & ego convertar ad vos, libertatis nostræ admonemur: cum respondemur: Converte nos, Domine, ad te, & convertemur; Dei nos gratia præveniri consuemus.* Primus itaque gradus ad Pœnitentiam est gratia præveniens.

Secundus gradus est motus fidei, quo ad Deum tendimus. *Credere enim operet accedentem ad Deum, quia est, & inquirentibus se remunerator sit* (inquit Apostolus ad Heb. xi. 6.) Atque illud in primis, *A Deo justificari impium per gratiam ejus, per redemptionem que est in Christo Jesu*, (ut loquitur Conc. Tridentinum sess. vi. cap. vi.) Ex quo sequitur, *Fidem non esse Pœnitentiæ partem* (quod commenti sunt Hæretici) cum necessario Pœnitentiam antecedit.

Tertius gradus est motus timoris servilis, quæ concussus peccator timore suppliciorum a peccatis revocatur. Atq; huc spectare videtur illud *Isaiæ* oraculum, cap. xxvi. 17. *Sicut que concipit, que appropinquaverit ad partum, dolens clamat in doloribus suis: sic facti sumus a facie tua, Domine.* Et illud Eccl. i. *Timor Domini expellit peccatum: nam qui sine timore est, non poterit justificari.* Ad hunc proinde timorem adhortatur Christus, Matt. x. 28. *Timete eum, qui potest & animam, & corpus perdere in gehennam.*

Quartus gradus est motus spei, quam ex divinæ misericordiæ intuitu concipimus, fidentes Deum nobis propter Christum propitium fore: qua spe erecti, vitam, & mores emendare constituimus.

Quintus gradus est motus charitatis, quo peccatum displicet Pœnitenti secundum seipsum, & quatenus Dei summe Boni offensâ est, vel propter suam turpitudinem, non iam propter supplicia. *Sicque Deum tanquam omnis justitiæ fontem diligere incipit; ut loquitur Conc. Trident. sess. vi.* Nam peccatum prius incipit homini displicere, maxime peccatori, propter supplicia, que respicit timor servilis, quam propter Dei offensam, vel peccati turpitudinem, quod pertinet ad charitatem; (inquit *S. Thomas* 1. 1. p. qu. lxxxv. art. v. ad 1.)

Sextus gradus est motus timoris filialis, quo propter Dei reverentiam peccator sponte satisfactionem offert, & peccatum in seipso vice divinæ justitiæ punire constituit. Quo timore animatus Filius prodigus ait: *Pater, peccavi in cælum, & coram te: iam non sum dignus vocari filius tuus: fac me sicut unum ex mercenariis tuis.*

ARTICULUS V.

Utrum Pœnitentia sit Sacramentum?

PROPOSITIO I.

Exteriorem Pœnitentiam esse Novæ Legis Sacramentum, dogma Fidei est.

Sacramentum enim est in aliqua celebratione, cum rei gestæ ita commemoratio fit, ut aliquid significare intelligatur, quod sanctè accipiendum est; ut ajunt S. Augustinus Epist. LV. alias CXCIX. ad Januarium, & Isidorus Lib. VI. Originum, cap. XIX. & habetur cap. Multi, Causa I. qu. I. Sive, Signum est prætium, & efficac gratiæ a Christo institutum. At externo Pœnitentiæ Ritu, prout administratur in Ecclesia, aliquid sanctum significatur tam ex parte peccatoris pœnitentis, quam ex parte Sacerdotis absolventis: nam peccator pœnitens rerum, & verborum notis plane ostendit cor suum a peccato recessisse. Similiter etiam ea, quæ a Sacerdote geruntur, & dicuntur, misericordiam, & operationem Dei peccata remittentis significant: hoc autem signum ex institutione Christi gratiam conferre, probant illa Salvatoris verba Matth. XVI. 19 ad S. Petrum: *Tibi dabo claves Regni Cælorum. Et quodcumque ligaveris super terram, erit ligatum & in Cælis.* Tum & ad reliquos Apostolos, Matth. XVIII. 18. *Amen dico vobis, quæcumque alligaveritis super terram, erunt ligata & in Cælo, & quæcumque solveritis super terram, erunt soluta & in Cælo.* Ac post Resurrectionem ad eisdem: *Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt.* Solvunt autem, & remittunt peccata Sacerdotes, cum Pœnitentem rite dispositum a peccatis absolvent: ligant, cum peccata legitimis ob causas retinent, idest, peccatoribus sicut oportet non penitentibus Absolutionis, & Reconciliationis gratiam, vel ad tenens suspendant, vel omnino negant, Ligant, cum satisfactionem penitentibus imponunt: solvunt, cum de illa ipsa satisfactione iustis de causis aliquid remittunt, vel per eam purgatos ad Sacramentorum participationem admittunt. His autem præcipue verbis, *Quorum remiseritis peccata, remittuntur, &c.* Apostoliceorumque legitimis Successoribus, potestatem remittendi peccata in Sacramento Pœnitentiæ fuisse communicatam, universorum Patrum consensus semper intellexit. Et Montanistas, atque Novatianos, potestatem remittendi peccata esse in Ecclesia olim pertinaciter negantes, Ecclesia Catholica tanquam Hæreticos jure merito damnavit. Quamobrem S. Synodus Tridentina verissimum illum verborum Domini sensum probans, & recipiens, damnavit commentitias Hæreticorum interpretationes, qui verba illa ad potestatem prædicandi verbum Dei, & Christi Evangelium annunciandi, contra hujusmodi Sacramenti institutionem falso detorquebant. Sic ipsa loquitur, sess. XIV. cap. I. & can. III. *Si quis dixerit, verba illa Domini Salvatoris, Accipite Spiritum Sanctum: quorum remiseritis* Joan. 20. 22. *peccata, remittuntur eis; & quorum retinueritis, retenta sunt, non esse intelligenda de potestate remittendi, & retinendi peccata in Sacramento Pœnitentiæ, sicut Ecclesia Catholica ab initio semper intellexit; detorserit autem contra institutionem hujus Sacramenti, ad auctoritatem prædicandi Evangelium; Anathema sit.*

Tridentinum porro Concilium secundum veteris Ecclesiæ doctrinam, & Apostolicam Traditionem suam illum Canonem condidisse, clarissimis Patrum testimoniis ostenditur; scilicet.

S. Cypriani Epist. IIIV. ad Cornelium Pontificem Maximum: *Statueramus* Pœnitentiæ

Nat. Alex. Theol. Tom. II.

B

qui-

Sacramen-
tū esse,
probat ex
Traditione.

quidem jam pridem, Frater charissime, participato invicem nobiscum consilio; ut qui in persecutionis infestatione supplantati ab Adversario, & lapsi fuissent, & sacrificiis se illicitis maculassent, agerent diu Pœnitentiam plenam, & si periculum infirmitatis urgeret, pacem sub idlu mortis acciperent: Quando permiserit ipse, qui legem dedit, ut ligata in terris, etiam in cœlis ligata essent; solvi autem possent illic, quæ hic prius in Ecclesia solverentur. Et Epistola IV. Primus felicitatis gradus est non delinquere, secundus delicta cognoscere. Illic currit innocentia integra, & illibata, quæ servet: hic succedit medela, quæ sanat: quod utrumque isti offenso Deo perdididerunt, ut & amissa sit gratia, quæ de Baptismi sanctificatione percipitur, & non subveniat Pœnitentia, per quam culpa curatur.

S. Paciani Barcinonensis Episcopi, Epist. 1. ad Simpronianum Novatianum, ubi de Remissione peccatorum sic loquitur: Solus hoc, inquires, Deus poterit. Verum est, sed & quod per Sacerdotes suos facit, ipsius potestas est. Nam quid est illud, quod Apostolis dicit: Quæ ligaveritis in terris, „ ligata erunt in cœlis, & quæcumque solveritis in terris, soluta erunt „ & in cœlis. Cur hoc si ligare hominibus, ac solvere non licebat? Antantum hoc solis Apostolis licet? Ergo & baptizare solis licet, & Sp. Sanctum dare solis, & solis gentium peccata purgare, quia totum hoc non aliis quam Apostolis imperatum est. Et paulo post: Si ergo Lavacri, & Chrismatis potestas, majorum longe Charismatum, ad Episcopos inde descendit, & ligandi quoque jus adfuit, atque solvendi. Quod etsi nos id ob nostra peccata temerarie vindicamus, Deus tamen illud ut Sanctis & Apostolorum Cathedram tenentibus non negabit, qui Episcopis etiam Unici sui nomen indulgiss.

S. Jo: Chrysostomi, Lib. III. de Sacerdotio: “ Qui terram incolunt (inquit) atque in ea versantur, his commissum est, ut ea, quæ in cœlis sunt, dispensent: iis datum est, ut potestatem habeant, quam Deus “ Optimus neque Angelis, neque Archangelis datam esse voluit. Neque “ enim ad illos dictum est. Quæcumque alligaveritis in terra, erunt alligata & in cœlo. Habent quidem & terrestres Principes vinculi potestatem, verum in corpus solum. Id autem, quod dico Sacerdotum vinculum, ipsam etiam animam contingit, atque ad cœlos usque pervadit; usque adeo, ut quæcumque inferne Sacerdotes consecerint, illa eadem Deus superne rata habeat, ac servorum sententiam Dominus confirmet. Etenim quidnam hoc aliud esse dicas, nisi omnem rerum celestium potestatem illis a Deo concessam? Quorumcumque ait, peccata retinueritis, retenta sunt. Quænam obscuro potestas hac una major esse queat? Pater omnifariam Filio potestatem dedit. Ceterum video ipsam eandem omnifariam potestatem a Deo Filio illis traditam. Nam quasi jam in cœlum translati, ac supra humanam naturam positi, atque nostris ab affectibus exempti, sic illi ad Principatum istum perducti sunt. Quid multa? Rex aliquis si cui ex subditis suis honorem hunc detulerit, “ ut potestatem habeat, quoscumque velit in carcerem coniiciendi, eisdemque rursus laxandi, beatus ille, & admirandus omnium iudicio fuerit. At vero, qui a Deo tanto maiorem accepit potestatem, quanto cœlum terra pretiosius est, quanto animæ corporibus præstant, hic vilem eo atque dignitatem accepisse nonnullis videri debet? Procul saccescat huiusmodi infania. Infania enim manifesta despiciere tantum istum Principatum, sine quo neque salutis, neque promissorum bonorum compotes fieri possumus. Et rursus: Non solum Sacerdotes cum regenerant, sed etiam postea, condonandorum peccatorum obtinent potestatem.

S. Ambrosii Lib. 1. De Pœnitentia cap. 11. Novatianos ita resistentis:

Sed ajunt se Domino deferre reverentiam, cui soli remittendorum criminum potestatem reservent. Imo nulli majorem injuriam faciunt, quam qui eius volunt Mandata rescindere, commissum munus refundere. Nam cum ipse in Evangelio suo dixerit Dominus Jesus, Accipite Spiritum Sanctum, quorum Joan. 20. remiseritis peccata, remittuntur eis, & quorum retinueritis, retenta sunt: quis est ergo, qui magis honorat, an qui Mandatis obtemperat, an qui resistit? Ecclesia in utroque servat obedientiam, ut peccatum, & alliget, & relaxet, Hæresis in altero immitis, in altero inobediens, vult ligare, quod non resolvat, non vult solvere, quod ligavit: in quo se, suamque sententiam sua damnat sententia. Dominus enim par jus esse voluit & ligandi, & solvendi qui utrumque pari conditione permisit. Et paulo post: Jus hoc solis permissum est Sacerdotibus. Recte igitur hoc Ecclesia vindicat, quæ veros Sacerdotes habet: Hæresis vindicare non potest, quæ Sacerdotes Dei non habet.

Et cap. VII. Non interest, utrum per Pœnitentiam, an per Lavacrum hoc jus sibi datum vindicent Sacerdotes: idem in utroque Myslerio est, &c.

S. Cyrilli Alexandrini, Lib. XII. in Joannem: Duobus modis (inquit) Dei Spiritu afflati homines peccata remittunt, ac retinent, vel cum dignos admittunt ad Baptismum, & indignos excludunt, vel cum filios Ecclesiæ peccantes corripunt, ac Pœnitentibus ignoscunt.

Alii etiam Patres eodem modo loquuntur de Pœnitentia, ac de Baptismo, quoad vim, & efficaciam remittendi peccata, & utrique Sacramenti nomen, ac dignitatem asserunt, præsertim Sanctus Augustinus, Epistola CCXXVIII. olim CLXXX. ad Honoratum scribens de persecutione Vandalorum: An non cogitamus, cum ad istorum periculorum pervenitur extrema, nec est potestas ulla fugiendi, quantus in Ecclesia fieri soleat ab utroque sexu, atque ab omni ætate concursus, aliis Baptismum flagitantibus, aliis Reconciliationem, aliis etiam Pœnitentiæ ipsius actionem, omnibus consolationem, & Sacramentorum confessionem, & erogationem? Ubi si iniuriæ desint, quantum exitium sequitur eos, qui de isto sæculo vel non regenerati exeunt, vel ligati? Quantus est etiam ludus Fidelium suorum, qui eos secum in vitæ æternæ requie non habebunt?

Et S. Leo, Epist. LXXXII. olim CLI. ad Theodorum Foro-Julientem Episcopum. Multiplex Misericordia Dei ita lapsibus subvenit humanis, ut non solum per Baptismi gratiam, sed etiam per Pœnitentiæ medicinam spes vitæ repararetur æternæ, ut qui Regenerationis dona violassent, proprio se iudicio condemnantes, ad remissionem criminum pervenirent: sic divine bonitatis præfidiis ordinatis, ut indulgentia Dei nisi supplicationibus Sacerdotum nequeat obtineri. Mediator enim Dei & hominum homo Christus hanc Præpositis Ecclesiæ tradidit potestatem, ut & confitentibus actionem Pœnitentiæ darent; & eosdem salubri satisfactione purgatos, ad Communionem Sacramentorum per januum Reconciliationis admitterent. Cui utique operi incessabiliter ipse Salvator intervenit, nec unquam ab his abest, quæ Ministris suis exequenda commisit, dicens: Ecce ego vobiscum sum omnibus diebus usque ad consummationem sæculi: ut si quid per servitutem nostram bono ordine, & gratulanda impletur affectu, non ambigamus per Sp. Sanctum fuisse donatum. Refertur. c. Multiplex, dist. I. De Pœnitentia.

Matth. 20.
22.

Accedit denique Concilii Tridentini definitio, sess. XIV. can. I. Siquis dixerit in Catholica Ecclesia Pœnitentiam non esse vere & proprie Sacramentum pro Fidelibus, quoties post Baptismum in peccata libuntur, ipsi Deo reconciliandis, a Christo Domino nostro institutum; Anathema sit.

Obijcebant Novatiani locum Apostoli in Epistola ad Hebræos cap. VI. Impossibile est, eos, qui semel sunt illuminati, gustaverunt etiam donum cœ-

Novatiani
rum o'de
ctionis is
respondetur

lesse, & participes facti sunt Spiritus Sancti, gustaverunt nihilominus bonum Dei verbum, virtutesque; sæculi venturi, & prolapsi sunt; rursus renovari ad Pœnitentiam, rursus crucifigentes sibi metipsis Filium Dei, & essentui habentes. Ex quibus colligebant, homines post Baptismum in lethale aliquod peccatum lapsos, nullo Sacramento, aut Ecclesiæ ministerio Deo reconciliari posse.

Idem colligebant ex altero ejusdem Epistolæ loco, cap. x. *Voluntarie peccantibus nobis post acceptam notitiam veritatis, iam non relinquitur pro peccatis hostia, terribilis autem quedam expellatio iudicii, & ignis æmulatio, quæ consumptura est adversarios.*

Respondetur, priore locum de Baptismatis gratia esse intelligendum, quam recuperare impossibile est, cum sit gratia regenerationis, & renovationis, ideoque Baptismus iterari non possit: non vero excludere veniam peccatorum per Pœnitentiam, & iustificationem secundam, per gratiam sanationis, & reconciliationis. Hanc sententiam ad Baptismum referri, ostendunt hæc verba, *Qui semel sunt illuminati, rursus renovari.* Baptismus enim Sacramentum Illuminationis, & Renovationis ab antiquis Patribus appellatum, nemo nescit. Idem ostendunt illa verba, *Rursum crucifigentes sibi metipsis Filium Dei.* Nam in Baptismo configuramur Christo crucifixo: unde sicut Christus non potest iterum crucifigi, ita Baptismus non potest repeti: quod si quis tentaverit, is Filium Dei iterum crucifigit sibi ipsi, idest, ad suam renovationem, quam ex altero Baptismo sperat: Cum autem excludit renovationem ad Pœnitentiam, intelligit Pœnitentiam cum Baptismo coniunctam, sive ad Baptismum præparatoriam, ut ex illis verbis perspicuum est: *Non rursus facientes fundamentum Pœnitentiæ ab operibus mortuis & fidei ad Deum, Baptismatum doctrinæ, impositionis quoque manuum, ac resurrectionis mortuorum, & iudicii æterni.* Ita hunc locum explicant Sanctus Ambrosius Lib. 11. *De Pœnitentia* cap. 11. S. Augustinus in Expositione inchoata Epistolæ ad Romanos, S. Jo: Chrysostomus, Theophylactus, & Occumenius in Commentariis, Epistolæ ad Hebræos, & S. Jo. Damasceus Lib. 1v. *De Fide Orthodoxa*, cap. x.

Locus alter eodem modo exponitur a S. Jo: Chrysostomo, & a S. Augustino locis mox indicatis, necnon a Theophylacto; ut sensus sit, iis, qui post Baptismum in gravia scelera prolapsi fuerint, iam non relinqui hostiam pro peccatis, sive applicationem Sacrificii a Christo in Cruce oblata, qualis sit in Baptismo, in quo sine ulla conditione satisfactionis applicatur virtus Sanguinis Christi ad perfectam peccatorum remissionem, quoad culpam, & pœnam.

Intelligitur etiam ab antiquis non de quocumque peccato lethali, sed de peccato Apostasiæ, qua Fides, & Religio Christiana semel susceptæ prius abjiciuntur. Hic sensus eruitur tum ex verbis antecedentibus, *Non deserentes collectionem nostram*; tum ex consequentibus, *Post acceptam notitiam veritatis.* Loquitur autem Scriptura de hujusmodi peccato velut de lapsu irreparabili, non quod vere Pœnitenti non pateat locus veniæ per Sanguinem Christi; sed quia, qui in id peccati genus prolabuntur, vix unquam ex eo emergunt, vix unquam ad Pœnitentiam flecti solent, eo quod ex certa malitia peccent.

Blasphemia
in Spiritum
Sanctum
quo sensu
non remitti
dicitur.

Idem esto iudicium de peccato Blasphemiæ in Spiritum Sanctum, quod Christus neque hic, neque in futuro sæculo remittendum aserit, *Matth. x. 11.* Non quod Blasphemia, qua manifesta Spiritus Sancti opera Dæmoni tribuuntur, remitti non possit per Sacramentum Pœnitentiæ, sed quod remittatur
disti-

difficilius, quia vix contingit, ut hujus blasphemiarum rei vere convertantur ad Deum; & quia majorem obicem gratiæ opponunt, nullamque habent excusationem peccati. In aliis namque criminibus plerumque ignorantia, aut infirmitas culpam aliquatenus minuunt. *Misericordiam consecutus sum* (inquit Apostolus) *quia ignorans feci. Et Deus cognovit signum nostrum, recordatus est, quoniam pulvis sumus,* (inquit David:) at peccatum in Sp. Sanctum nihil habet ejusmodi, quod culpam minuere possit, utpote ex destinata malitia commissum. Sicut ergo morbus aliquis ea re insanabilis dicitur, quod ægrotus ita affectus sit, ut salutaris medicinarum vim oderit: sic quoddam est peccati genus, quod non remittitur, nec condonatur, propterea quod proprium salutis remedium Dei gratiam repellit, (inquit Conc. Tridentini Catechismus.)

1. Tim. i. 13.

Psal. 103. 14.

Peccatum illud in Spiritum Sanctum, non solum difficulter, sed nunquam omnino remitti censet S. Augustinus, quia in eo peccator ad extremum usque spiritum perleverat, sive illud sit desperatio de misericordia Dei, vel duritia cordis, qua homo recusat in unitate corporis Christi remissionem accipere peccatorum; vel oppugnatio, & invidia fraternæ charitatis; cuius tanta labe, *Ut deprecandi humilitatem subire non possit; etiamsi peccatum mala conscientia cognoscere, & annunciare cogatur.* Sola ergo impœnitentia non habet remissionem, neque in hoc sæculo, neque in futuro. Cetera vero peccata per Pœnitentiam remittuntur. *Sed ista impœnitentia, vel cor impœnitens, quamdiu quisque in hac carne vivit, non potest judicari. De nullo enim desperandum est, quamdiu patientia Dei ad Pœnitentiam adducit.* Unum ergo suffugium est, ne sit irremissibilis blasphemia, ut cor impœnitens caveatur: nec aliter Pœnitentia prodesse credatur, nisi ut teneatur Ecclesia, ubi remissio peccatorum datur, & societas Spiritus in pacis vinculo custoditur. Verba sunt S. Augustini Sermone LXXI. alias XI. *De Verbis Domini, ubi Quæstione de Blasphemia in Spiritum Sanctum irremissibili tractat, & solvit.* Eandemque tradit explicationem Lib. I. *De Sermone Domini in Monte*, cap. XXII. *Enchiridii* cap. LXXXII. & Epist. CLXXXV. alias I. *ad Bonifacium Comitem*, cap. XI.

Peccatum illud finalis impœnitentiæ, peccatum est ad mortem, de quo S. Joannes Epist. cap. v. *Est peccatum ad mortem: non pro illo dico roget quis.* Vel si aliud peccati genus intelligatur, sensus loci illius est, pro illius peccati remissione vulgares orationes non sufficere, sed necessarias esse orationes Sacerdotum, & ut singularis, eximique meriti, ac sanctitatis viri veniam pro ejus remissione a Deo deprecetur, ut denique Ecclesia suis supplicationibus indulgentiam hujus criminis reis obtineat: non autem, quod pro hujusmodi peccati venia Deus nullo modo sit orandus. Sic explicat S. Ambrosius, Lib. I. *De Pœnitentia*, cap. VIII.

Hic vero operæ pretium est advertere, Synodum Tridentinam ex his præcipue verbis Joan. XX. *Accipite Spir. Sanctum: quorum remisseritis peccata, remittuntur eis, &c.* Pœnitentiæ Sacramentum, a Christo institutum, probare: quia locus alter Matth. XVIII. *Quæcumque solveritis super terram, &c.* alias habet licet minus proprias interpretationes. De Correctione enim interna illum explicat, & Fidelibus omnibus accommodat S. Augustinus Sermone LXXXII. alias XVI. *De Verbis Domini*, & refertur cap. Capisti, cautâ XI. qu. III. *Capisti, (inquit) habere fratrem tuum tamquam Publicanum, ligas illum in terra, sed ut juste alliges, vide. Nam injusta vincula disrumpis iustitia. Cum autem correxeris, & concordaveris cum fratre tuo, solvisti illum in terra. Cum solveris in terra, solutus erit & in celo.* Attamen alibi sæpe proprium illius loci sensum aperte tradit S. Augustinus;

Nat. Alex. Theol. Tom. II.

B 3

illum-

Accipite *Sp. Sanctum*: quorum remiseritis peccata, remittuntur eis; & quorum retinueritis, retenta sunt. Ita docet Conc. Tridentinum cap. 1. eadem Sessionis. Et quidem cum hoc Sacramentum efficaciter habet ex virtute nominis Jesu Christi patientis, & resurgentis, conveniens admodum fuit, ut post Resurrectionem Salvatoris plene, ac perfecte institueretur, & vis ejus prædicaretur, secundum illud Lucæ ultimo: *Sic oportebat Christum pati, & resurgere a mortuis tertia die: & prædicari in nomine ejus Pœnitentiam, & remissionem peccatorum in omnes gentes.* Ita docet *S. Thomas* III. par. qu. LXXXIV. art. VII.

P R O P O S I T I O IV.

Pœnitentiæ Sacramentum non est absolute necessarium ad salutem: sed iis dumtaxat, qui post Baptismum in mortale peccatum lapsi sunt.

DOctrina est Tridentini Concilii, sess. XIV. cap. 1. *Si ea* (inquit) *in* *regeneratis* *omnibus* *gratitudo* *erga* *Deum* *esset*, *ut* *justitiam* *in* *Baptismo* *ipsum* *beneficium*, *&* *gratia* *susceptam* *constanter* *tuerentur*, *non* *fuisse* *opus* *aliud* *ab* *ipso* *Baptismo* *Sacramentum* *ad* *peccatorum* *remissionem* *institutum*. Quoniam autem Deus dives in misericordia cognovit fumentum nostrum: illis etiam vitæ remedium contulit, qui sese postea in peccati servitute, & Dæmonis potestatem tradidissent, Sacramentum videlicet Pœnitentiæ, quo lapsi post Baptismum beneficium mortis Christi applicatur.

Hinc Pœnitentia vocatur a Patribus *Secunda post naufragium tabula*: ut enim contrita navi, unum vitæ servandæ periculum reliquum est, si forte tabulam aliquam de naufragio liceat arripere: ita post amissam Baptismi innocentiam, nisi quis ad Pœnitentiæ tabulam confugiat, sine dubio de eius salute desperandum est (inquit Concilii Tridentini Catechismus.)

Præterea, sicut Medicina corpora non est opus sanis, sed male habentibus; ita nec medicina spiritalis, scilicet Pœnitentia, iustis necessaria est ad salutem, sed lapsis; pro quibus dumtaxat institutam, ostendunt verba Christi ad Apostolos, Joan. XX. *Quorum remiseritis peccata, remittuntur eis*, &c. Hinc Tridentinum Concilium sess. XIV. cap. II. *Est*, inquit, *Sacramentum Pœnitentiæ lapsis post Baptismum ad salutem necessarium, sicut nondum regeneratis ipse Baptismus.*

Tertio, *Peccatum cum consummatum fuerit, generat mortem* (inquit *S. Jacobus* Epistolæ suæ cap. I.) Quamobrem necessarium est ad salutem peccatoris, ut peccatum ab eo removeatur: quod quidem fieri non potest sine Pœnitentiæ Sacramento, in quo virtus Passionis Christi per Absolutionem Sacerdotis operatur, & Pœnitens cooperatur gratiæ ad destructionem peccati, secundum illud *S. Augustini* Serm. CLXIX. alias XV. De Verbis Apostoli: *Qui fecit te sine te, non te justificat sine te. Ergo fecit nescientem, justificat volentem.* Sacramentum igitur Pœnitentiæ hominibus post Baptismum in lethale aliquod peccatum lapsis necessarium est ad salutem, cum necessitate præcepti, tum necessitate medii: ita ut si facultas adsit, in se suscipi debeat: si desit facultas, & Sacerdos Sacramenti Minister, sufficiat ejus votum, ex Conc. Trid. sess. XIV. cap. IV. Votum, inquam, implicitum, quod in contritione includitur (ut docet *S. Thomas* in IV. Sententiarum, dist. XVII. qu. III. art. V. quæst. I.)

Quoties igitur veræ, & sinceræ conversioni ad Deum, Fidei, charitati, misericordiæ, remissionis peccatorum in Scripturis tribuitur, non magis excluditur Pœnitentiæ, quam Baptismi necessitas. Postulat enim charitas, ut ho-

no debeat de offensa in amicum commissâ, & amico satisfacere studeat. Postulat fides, ut justificationem a peccatis sibi procuret per virtutem Passionis Christi, quæ in Sacramentis operatur: postulat misericordia, ut homo subveniat miseræ, quam per peccatum incurrit, & misereatur animæ suæ placens Deo: ex qua miseria non potest emergere, nisi Sacramento Pœnitentiæ.

P R O P O S I T I O V.

Pœnitentiam in numerum Sacramentorum Christus Dominus gravissimis de causis referri voluit.

HUjus rei duplicem rationem affert Conc. Tridentini Catechismus. Prima est, ut nobis de remissione peccatorum, quam Deus pollicitus est, cum ait Ezech. xxxiii. *Si impius egerit Pœnitentiam a peccato suo, &c. vita vivet, & non morietur*, minus dubitare liceret. Cum enim de suo judicio cuique, in iis, quæ agit, maxime timendum sit, maxime anxii essemus, an intimam Pœnitentiam vere egissemus. Ut igitur Dominus huic nostræ solitudini subveniret, Pœnitentiæ Sacramentum instituit, quo per Sacerdotis Absolutionem peccata nobis esse remissa consideremus; conscientiæque nostræ ob fidem, quæ Sacramentorum virtuti merito habenda est, pacatioris redderentur. Neque enim aliter accipienda est vox Sacerdotis peccata nobis in persona Christi, ejusque auctoritate legitime condonantis, quam Christi Domini, qui ait Paralytico: *Confide, fili, remittuntur peccata tua*. Quæ fiducia nos in agenda Pœnitentia ferventes, & alacres efficere debet; quam agere nihilominus debemus, quamvis de venia obtinenda Ipem tam firmam non haberemus, ut docet S. Augustinus, Serm. cccli. *De Utilitate agendæ Pœnitentiæ*, alias l. inter Homilias quinquaginta. *Sed fac* (inquit) *incertum esse, utrum ignoret Deus. Quid perdit, cum supplicat Deo, qui salutem perdere non dubitavit, cum offenderet Deum? Quis enim certus est, quod etiam Imperator ignoret? Et tamen pecunia funditur, maria transineantur, procellarum incerta subeuntur; & pœne, ut mors evitetur, mors ipsa suscipitur. Supplicatur deinde per homines homini: sine dubitatione sunt ista, cum sit dubium, quo sine proveniant. Et tamen certiores sunt claves Ecclesiæ, quam corda Regum: quibus clavibus quodcumque in terra solvitur, etiam in cælo solutum promittitur. Et multo est honestior humilitas, qua se quisque humiliat Ecclesiæ Dei: & labor minor imponitur: & nullo temporalis mortis periculo mors æterna vitatur.*

Secunda ratio hæc est. Cum nemo salutem, nisi per Christum, ejusque Passionis beneficio, consequi possit, consentaneum, nobisque utilissimum fuit, ejusmodi Sacramentum institui, cujus vi, & efficientia Christi sanguis ad nos defluens, peccata post Baptismum admissa elueret; atque ita reconciliationis beneficium illi uni Salvatori nostro acceptum nos referre profiteremur, *Qui dilexit nos, & lavit nos a peccatis nostris in sanguine suo*: & ejusdem pretiosissimi Sanguinis virtutem abluendis peccatorum sordibus, quas post Baptismum contraximus, cælesti hoc fonte ad nos derivat.

P R O P O S I T I O VI.

Pœnitentia Sacramentum est a Baptismo diversum.

Hanc Propositionem satis, superque probatam habes in Tractatu nostro De Baptismo, art. x. Proposit. v ubi & S. Augustini testimonia exposuimus, quibus abutuntur Hæretici, ut probent sola Baptismi memoria remitti peccata commissa post Baptismum. Nunc itaque satis fit illud Fidei dogma, Apostolica Traditione, & Ecclesiæ definitionibus contra Novatianos, omniumque Patrum, qui de Pœnitentia, seu de Sacramento distincto a Baptismo locuti sunt, ac propterea *Secundam post Naufragium tabulam* appellarunt, testimoniis confirmatum, ex Tridentina Synodo explicare. Hic Sacramentum (inquit Sacra Synodus sess. xiv.) multis rationibus a Baptismo differre cognoscitur: nam præterquam quod materia, & forma, quibus Sacramenti essentia perficitur, longissime distat: constat certe, Baptismi Ministerium Judicem esse non oportere; cum Ecclesiæ in neminem iudicium exerceat, qui non prius in ipsam per Baptismi januam fuerit ingressus. Quid enim mihi, inquit Apostolus, de iis, qui foris sunt iudicare? Secus est de domesticis fidei, quos Christus Dominus Levacro Baptismi sui corporis membris semel efficit: nam hos, si se postea crimine aliquo contaminaverint, non jam repetito Baptismo abluunt, cum id in Ecclesia Catholica nulla ratione liceat; sed ante hoc Tribunal tanquam reos sibi voluit: ut per Sacerdotum sententiam non semel, sed quoties ab admissis peccatis ad ipsum Pœnitentes confugerint, possent liberari. 1. Cor. 5. 12.

Alius præterea Baptismi, alius Pœnitentiæ fructus. Per Baptismum enim Christum induentes, nova prorsus in illo efficimur creatura, plenam, & integram peccatorum omnium remissionem consequentes: ad quam tamen vitæ novitatem, & integritatem per Sacramentum Pœnitentiæ, sine magnis nostris fletibus, & laboribus, divina id exigente iustitia, pervenire nequaquam possumus: ut merito Pœnitentia laboriosus quidam Baptismus a Sanctis Patribus dicta fuerit.

Eadem Sacra Synodus can. 11. hoc Fidei dogma confirmat: Si quis Sacramenta confundens, ipsum Baptismum Pœnitentiæ Sacramentum esse dixerit, quasi hæc duo Sacramenta distincta non sint; atque ideo Pœnitentiam non recte secundam post naufragium tabulam appellari; Anathema sit.

Veterum Patrum Doctrinæ consentaneus est Tridentinæ Synodi Canon, scilicet Tertulliani Lib. De Pœnitentia, cap. 1x. Pervicacissimus Hostis ille (inquit) numquam malitiæ suæ otium facit, Atquin tunc maxime sevit, cum hominem plene sentit liberatum: tunc plurimum accenditur, dum extinguitur. Doleat, & ingemiscat necesse est, vania peccatorum permissa, tot in homine mortis opera diruta, tot titulos damnationis retro suæ erasos: Itaque observat, oppugnat, obsidet. Hæc igitur venena ejus providens Deus, clausa licet ignoscensque janua, & intinſionis sera obstrucka, aliquid adhuc permisit patere. Collocavit in vestibulo Pœnitentiam secundam, que pulsantibus patefaciat.

S. Cypriani Epistola LII. Miror autem, quosdam sic obstinatos esse, ut dandum non putent Lapsis Pœnitentiam, aut Pœnitentibus existiment veniam denegandam, cum scriptum sit: Memento unde cecideris, & age Pœnitentiam, & fac priora opera. Quod utique ei dicitur, quem constat cecidisse, & quem Dominus hortatur per opera rursus exurgere, quia scriptum est, Eleemosyna a morte liberat: & non utique ab illa morte, quam semel Christi Sanguis extinguit, & a qua nos salutaris Baptismi, & Redemptoris nostri gratia liberavit: sed ab ea, quæ per delicta postmodum serpit.

S. Atha-

Apoc. 2. 5.

Tob. 12. 9.

S. Athanasii Lib. De Peccato in Spir. Sanctum, ad Serapionem: *Est* (inquit) *inter Pœnitentiam, & Baptisma non leve diferentia. Quem enim pœniter, is desinit quidem peccare, sed tamen retinet vulnerum cicatrices: qui autem baptizatur, jam veterem hominem exiit, tum superne renovatur, quasi de integro regeneratur Spiritus gratia.*

S. Paciani Epistola 111. ad Sympronianum: Baptismus, inquit, Sacramentum est Dominicæ Passionis; Pœnitentium venit, meritum consentientis. Unde omnes adipisci possunt, quia gratiæ Dei donum est, idest, gratuita donatio: labor vero iste paucorum est, qui post casum resurgunt, qui post vulnera convalescunt, qui lachrymosis vocibus adjuvantur, qui carnis interitu reviviscunt.

S. Jo. Chrysostomi, Hom. ix. in Epistolam ad Hebræos: Novos (inquit) facere est solus Baptismi, Pœnitentiæ autem est, eos qui novi facti sunt, deinde in peccatis inveteraverunt, liberare a vetustate, solidoque reddere; ad illum autem splendorem non licet reducere: illic enim totum est gratia.

S. Augustini, sermone cccxciii. alias xli. ex Homiliis quinquaginta Agrotant (inquit) homines, mittunt ad Ecclesiam, vel portantur ad Ecclesiam, & baptizantur, & renovantur, & felices hinc erunt. Sed non ipsa est causa Pœnitentiæ. Qui nondum accepit Baptismum, nondum violavit Sacramentum: quia autem violavit Sacramentum male, & perditè vivendo, & ideo remotus est ab Altari, ne iudicium sibi manducet, & bibat, mutet vitam, corrigat se, & reconcilietur, cum vivit, dum sanus est.

PROPOSITIO VII.

Pœnitentia, sive interior, quæ virtus est; sive exterior quæ Sacramentum est, sæpius iterari potest.

Dogma istud fidei, Canone 1. sels. xiv. Conc. Tridentini confirmatum, probant Christi verba, *Matt. xvi. & xviii. & Joan. xx.* quibus potestas solvendi peccatores, & peccata remittendi tribuitur Apostolis, & eorum Successoribus, nulla restrictione facta gravitatis, numeri, aut iterationis peccatorum. Nullum enim modum, aut terminum misericordiæ Dei statuit Scriptura Sacra, sed cuiuscumque peccati quantumvis gravis, ac sæpe iterati reos ad Pœnitentiam invitat, & veniam Pœnitentibus promittit: quæ cum in Nova Lege obtineri a relapsis post Baptismum non possit, nisi Pœnitentiæ Sacramento; recte colligitur, non modo interiorem, sed exteriorem Pœnitentiam, idest, Pœnitentiæ Sacramentum sæpius iterari posse.

Præterea cum Dominus seipsum in exemplum misericordiæ proponat *Luce IV.* dicens, *Esote misericordes, sicut & Pater vester misericors est;* Ipse vero nobis præcipiat, ut fratri non tantum *septies*, sed *& septuagies septies* in nobis peccanti, & pœnitenti dimittamus, *Matth. XVIII.* sequitur multo, magis Deum peccatori, quotiescumque relapsus fuerit, pœnitenti peccatum dimittere. Iterata autem remissio iteratam Pœnitentiam supponit, sine qua peccatum non remittitur. Unde *Luce cap. xvi.* remissionem cum Pœnitentiâ Dominus coniungit: *Si peccaverit in te frater tuus, increpa illum; & si pœnitentiam egerit, dimitte illi. Et si septies in die peccaverit in te, & septies in die conversus fuerit ad te, dicens: Pœnitet me: dimitte illi.*

Idem confirmatur Patrum testimoniis, scilicet *Tertulliani, Lib. De Pœnitentia, cap. iv.* Omnibus ergo delictis (inquit) seu carne, seu spiritu, seu facto, seu voluntate commissis, qui primum per iudicium destinavit, idem & veniam per Pœnitentiam spondit.

Et cap. vii. Verum non statim succidendus, ac subvertendus est animus,

mus desperatione, si secundæ quis Pœnitentiæ debitor fuerit. Pigeat tamen peccare rursus, sed rursus penitere non pigeat: pigeat iterum periclitari, sed non iterum liberari. Non enim pudeat iteratæ valetudinis: iteranda medicina est. Gratus in Dominum extiteris, si quod tibi Dominus offert, non reculaveris. Offendisti, sed reconciliari adhuc potes. Habes, cui satisfacias, & quidem volentem. Id si dubitas, evolve, quæ Spiritus Ecclesiis dicat: Deserram dilectionem Ephesius imputat: superum, & idolothytorum etiam Thyatirenis exprobat: Sardos non plenorum operum inculcat: Pergameno docentes perversa reprehendit: Laodiceos fidentes divitiis objurgat: & omnes ad Pœnitentiam commonet, sub comminationibus quidem. Non comminaretur autem non penitenti, si non ignosceret penitenti. Lubium si non & alibi hanc clementiæ suæ protutionem demonstrasset. Non ait, Qui ceciderit, resurgat; & quiaversatus fuerit, convertetur? Ille est scilicet, ille est, qui misericordiam mavult, quam sacrificium. Lætantur celi, & qui illic Angeli, Pœnitentia hominis. Heus tu peccator, bono animo sis; videbis, ubi de tuo reditu gaudeatur. Quid illa similitudinum dominicarum argumenta, quæ voluit? Quod mulier drachmam perdidit, & requirit, & reperit, & amicas ad gaudium invitat, nonne restituti peccatoris exemplum est? Errat, & una Pastoris oviscula, sed grex una carior non erat: una illa conquiritur, una pro omnibus desideratur, & tandem invenitur, & Pastoris ipsius humeris refertur: multum enim errando laboraverat. Illam etiam mitissimum Patrem non tacebo, qui Prodigum filium revocat & postinopiam penitentem libens suscipit, immolat vitulum præopimum, convivio gaudium suum exornat. Quidni? Filium enim invenerat, quem amiserat; carorem senserat, quem lucriferat. Quis ille vobis intelligendus Pater? Deus scilicet. Tam Pater nemo, tam pius nemo. Is ergo te filium suum, etsi acceptum ab eo prodegeris, etsi nudus redieris, recipiet, quia redisti: magisque de regressu tuo, quam de alterius sobrietate lætabitur; sed si peniteat ex animo, si famem tuam cum securitate mercenariorum patrum compares, si porcos immundum relinquo pecus, si Patrem repetas vel offensum: Deliqui, dicens, Pater, nec dignus jam ego vocari filius tuus.

S. Jo. Chrysostomi, in Parænesi priore ad Theodorum Monachum lapsi. Talis est (inquit) erga homines pietas Dei: nunquam spernit Pœnitentiam, si ei sincere, & simpliciter offeratur. Etiam si ad summum quis perveniat malorum, & inde tamen veluti reverti ad virtutis viam, suscipit libenter, & amplectitur, & facit omnia, quatenus ad priorem revocet statum, &c. Revertur Canone Talis, dist. 111. De Pœnitentia.

S. Augustini, Sermone LXXI. alias XI. De Verbis Domini, docentis, Pœnitentiæ quovunque criminum locum in Ecclesia non negari: Et ipsos Hæreticos ad hoc utique corripiendos Apostolum dicere, Ne forte det illi Deus Pœnitentiam ad cognoscendam veritatem, & respiciant a diaboli laqueis, a quo captivi tenentur ad ipsius voluntatem. Quis est enim fructus correctionis, sine ulla spe remissionis?

2. Tim. 2. 25.

It Sermone CCLII. alias I. inter Homilias quinquaginta, cap. V. Si jam de sanitate desperans, addis peccata peccatis, sicut scriptum est, Peccator cum venerit in pretundum malorum, continet: noli contemnere, noli despicere; clama etiam de profundo ad Dominum, & dic ei: De profundis clamaui ad te, Domine. De teli profundo Ninivite clamaverunt, & hanc precipitationem invenerunt: faciliusque est evacuata comminatio Prophetæ, quam humilitatio Pœnitentiæ. Ille jertase dicit: Sed ego jam baptizatus sum in Christo, a quo omnia mihi peccata præterita amissa sunt, nilis habeo sum nimis, iterans

Prov. 8.

Psal. 124.

iterans vias meas, & canis horribilis oculis Dei, confusus ad vomitum suum? Quo ibo a spiritu ejus, & a facie ejus quo fugiam? Quo traher, nisi ad ejus misericordiam pœnitendo, cujus pietatem peccando contempseram? Nemo enim recte fugit ab illo, nisi ad illum; ab ejus severitate ad ejus bonitatem. Quicquid feceris, quæcumque peccaveris, adhuc in hac vita es, unde te Deus omnino, si sanare nolle, auferret. Cur ergo ignoras, quia patientia Dei ad Pœnitentiam te adducit? Qui enim clamando non tibi persuasit, ut non recederes, parcendo clamat, ut redeas.

Quicumque porro Patres Pœnitentiam iterari posse negant, de publica duntaxat, & solemni, non de privata Pœnitentia loquuntur. Unus scilicet omnium S. Ambr. Lib. II. De Pœnitentia, cap. x. Merito (inquit) reprehenduntur, qui sæpius agendam Pœnitentiam putant, quia luxuriant in Christo. Nam si vere agerent Pœnitentiam, iterandam postea non putarent; quia scilicet unum Baptisma, ita una Pœnitentia, quæ tamen publice agitur. Nam quotidiani nos debet pœnitere peccati, sed hæc delictorum leviorum, illa graviorum.

Objiciet quispiam illud S. Gregorii Hom. xxiv. in Evangelia: Pœnitentia est, & mala præterita plangere, & plangenda non perpetrare. Et illud S. Isidori Hispalensis Lib. II Sententiarum, cap. xvi. Irrisor est, & non pœnitens, qui adhuc agit, quod pœnitet. Quem ergo vere pœnitet, ille iterum non peccabit; adeoque Pœnitentia non iteratur.

Resp. S. Thomas III. part. quæst. lxxxiv. art. x. Istos quidem esse veræ Pœnitentiæ characteres; sed tamen ab ea pœnitentem posse deficere, iterum peccando. Ille enim (inquit) est irrisor, & non pœnitens, qui simul dum pœnitet, agit quod pœnitet; vel proponit iterum se facturum, quod gessit; vel etiam actualiter peccat eodem, vel alio genere peccati. Hinc S. Augustinus Serm. cccxciii. alias xli. ex Homiliis quinquaginta: Pœnitentes, pœnitentes, pœnitentes (si tamen pœnitentes, & non estis irridentes) mutate vitam, reconciliamini Deo. Unde ad legitimam, sinceramque Pœnitentiam, necessariam esse Cessationem a peccato, & propositum novæ vitæ, quod voluntatem peccandi excludat, docet Tridentina Synodus. Quod autem aliquis postea peccat vel actu, vel proposito: non excludit quin prima Pœnitentia vera fuerit: (inquit S. Thomas.) Nunquam enim veritas prioris actus excluditur per actum contrarium subsequentem. Sicut enim vere cucurrit, qui postea sedet; ita vere pœnituit, qui postea peccat. Vera igitur est interdum Pœnitentia illorum, qui in eadem peccata relabuntur, veritate virtutis; quia peccatum propter Deum derelicti sunt, & cum dolore intimo confessi, cum proposito deinceps non peccandi, & divinæ justitiæ satisfaciendi: sed non fuit vera Pœnitentia veritate perfectionis, (quomodo dicitur, quod verus amor numquam extinguatur, & verus amicus numquam desinit;) quia nimirum huiusmodi Pœnitentia stabilis non est, ac perseverans, nec ad finem salutis æternæ perducit: quo sentit S. Augustinus Lib. v. Contra Julianum, cap. iv. ait; Reprobos neminem ad Pœnitentiam salubrem a Deo adduci. Illam autem Pœnitentiam, quæ nullo peccato mortali interruptitur, & ad vitam æternam perducit, Pœnitentiam perfectiorum vocat Sententiarum Magister Lib. iv. dist. xiv.

At (inquit) Facilitas veniæ incentivum tribuit delinquendi (ut ait S. Ambrosius Serm. viii. in Psalm. cxviii.) Et Quidam proposita spe agendæ Pœnitentiæ, licentiam sibi delinquendi propagatam putant. Pœnitentiæ igitur iteratio, Ecclesiasticæ Disciplinæ relaxatio, & solutio est.

Resp. i. Facilitatem veniæ non præbere incentivum delinquendi, nisi detur venia citra formam justitiæ, & pro gravibus peccatis leviores satisfactiones imponantur.

Iteratione
Pœnitentiæ
non solvit
moralem
disciplinam.

ponantur. Cum vero forma iustitiæ servatur, & pro gravibus peccatis graves etiam penæ imponuntur, nec tanta est veniæ facilitas, nec peccandi datur occasio. Ita autem res se habet in Pœnitentiæ Sacramento, cum *Ad novitatem, & integritatem*, quæ illius effectus est, *sine magnis nostris fletibus, & laboribus, divina id exigente iustitia, pervenire nequaquam possimus*: ut merito Pœnitentia laboriosus quidam Baptismus a SS. Patribus dictus fuerit, (inquit Sacra Synodus Tridentina.)

Hæc Responsio ex eodem S. Ambrosii loco, scilicet ex Serm. VIII. in Psal. cxviii. eruitur. *In ipsa* (inquit) *Ecclesia, ubi maxime miserevi decet, teneri quam maxime debet forma iustitiæ; ne quis Communionis consortio absentus, brevi lachrymula, & ad tempus parata, vel etiam uberioribus fletibus Communionem, quam plurimis debet postulare temporibus, facilitate Sacerdotis extorqueat. Nonne cum uni indulget indigno, plurimos facit ad prolapsionis contagium provocari? Facilitas enim veniæ incentivum tribuit delinquendi. Hoc eo dictum est, ut sciamus secundum verbum Dei, secundum rationem dispensandam esse misericordiam debitoribus. Neque vero Deus, & Ecclesia veniam tribuunt, ut Dei misericordia abutamur; sed ut mores in melius emendemus, & ne creatura ad imaginem Dei condita, & pretioso Christi Sanguine redempta perdat. Unde idem S. Ambrosius Lib. II. De Pœnitentia, cap. ix. ait: Pœnitentia remedium peccati est, non peccandi incentivum. Iteratione igitur Pœnitentiæ non solvitur disciplina; quia etsi spes veniæ non negetur, severior tamen satisfactio pro peccatis iteratis, secundum Ecclesiæ disciplinam, exigitur.*

Resp. 2. Etsi nonnulli ex præsumpta spe veniæ minus a peccato caveant, gravius tamen malum emerisum, si spes veniæ penitus tolleretur. Qui enim ex infirmitate relapsi essent, sublata spe veniæ in omnia flagitia ruerent præcipientes. Ita respondet S. Augustinus, Serm. cccxii. alias xxvii. inter Homilias quinquaginta. *In quibuscumque peccatis* (inquit) “ non perdit viscera pia mater Ecclesia. Ergo solent inde etiam Pagani, quasi insultare nobis, nescientes quid loquantur. Vos, inquit, facitis, ut peccent homines, cum illis promittitis veniam, si egerint Pœnitentiam. Dissolutio est ista, non admonitio. Tamen quomodo vincantur, breviter accipiat charitas vestra, quia Domini misericordia totum optime constituit in Ecclesia sua. Dicunt nos dare peccatis licentiam, quia portum Pœnitentiæ pollicemur. Si clauderetur aditus Pœnitentiæ, nonne ille peccator tanto magis adderet peccata peccatis, quanto magis sibi desperaret ignosci? Diceret enim sibi, Ecce peccavi, ecce scelus admisi, jam mihi veniæ nullus est locus; Pœnitentia infructuosa est, damnatus sum: quare jam non vivo, ut volo? Quia ibi non invenio charitatem, hic saltem pascam cupiditatem. Quid ergo? Deus, ne per illam spem indulgentiæ rursus augerentur peccata; non dehinc providere debuit? Quomodo enim providit, ne desperando augeantur, sic providere debuit, ne sperando augeantur. Quo modo enim revera auget peccata, qui desperaverit, sic potest augere peccata, & qui veniam speraverit: ut dicat sibi, Faciam, quod volo, Deus bonus est, quando me convertero, ignoscet mihi. Ita plane dic tibi, Quando me convertero, ignoscet mihi, si crastinus dies certus, est tibi. Nonne ad hoc te admonet Scriptura dicens, Ne tardes converti ad Dominum, neque differas de die in diem; subito enim venit ira ejus: & in tempore vindictæ auferdet te. Ecce ad utrumque vigilavit pro nobis Providentia Dei. Ne desperando augeamus peccata, propositus est Pœnitentie portus: rursus ne sperando augeamus, datus est dies mortis incertus.

Nullus ergo peccator de venia desperet, nec Judam traditorem imitetur,

Spe veniæ
sublata, gra-
viora mala
emergent.

Ecclesi. 5. 8. 9.

tur, quem non tam scelus, quod commisit, quam veniæ desperatio interire fecit. Non erat dignus misericordia (inquit S. Augustinus) ideo ei non fulsit lumen in corde, ut ad ejus indulgentiam concurreret, quem tradiderat, sicut illi, qui cum crucifixerant; sed desperando se occidit, & laqueo suspendit se; suffocavit se. Quod fecit in corpore suo, hoc factum est in anima ipsius: Quomodo enim, qui collum sibi ligant, inde se occidunt, quia non ad eos iteratur spiritus aeris hujus: sic illi, qui desperant de indulgentia Dei, ipsa desperatione intus se suffocant, ut eos Spiritus Sanctus visitare non possit.

Cur Pœnitentia potius iteretur, quam Baptismus?

Quæres forsitan, cur Pœnitentia potius iteretur, quam Baptismus, cum utrumque Sacramentum virtutem omnem hauriat ex Passione Christi, quæ una est, nec iteratur?

Resp. Id intercedere discriminis, quod Baptismus virtutem habeat ex Passione Christi, sicut spiritualis quædam generatio, cum spirituali morte præcedentis vitæ conjuncta; statutum est autem omnibus hominibus semel mori, & semel nasci: & ideo semel tantum debet homo baptizari. Sed Pœnitentia virtutem habet ex Passione Christi, sicut spiritualis Medicina, quæ frequenter iterari potest. Sic respondet S. Thomas 111. part. quæst. LXXXIV. art. x. & IV. Sententiarum, dist. xv. quæst. 1. art. IV. quæst. 111. ubi & alias discriminis rationes affert. Erroneum est dicere (inquit) quod Pœnitentia non possit iterari, & misericordiæ divinæ contrarium. Causa autem quare iteratur, cum Baptismus non iteretur, est quadruplex. Prima est, quia Pœnitentia non imprimit Characterem, sicut Baptismus; Character enim indelebilis est. Secunda, quia Baptisma est contra verbum non iterabilem, scilicet originale peccatum; Pœnitentia autem contra actuale peccatum, quod iteratur. Tertia causa est, quia Baptismus habet totam efficaciam a Passione Christi, sine actu nostro; & ideo quia Passio est una tantum, & Baptismus est unus: sed Pœnitentia etiam requirit actum nostrum; & ideo ratione ejus iterationem suscipit. Quarta, quia Baptismus est generatio spiritualis; sed Pœnitentia est quædam sanatio spiritualis: semel autem aliquis generatur, sed pluries curari, sive sanari potest, quamdiu in hac vita vivit.

PROPOSITIO VIII.

Pœnitentiam interiorem ad finem usque vitæ durare oportet, non exteriorem.

Interioris Pœnitentia perpetuitas.

ITa docet S. Thomas 111. part. quæst. LXXXIV. art. VIII. Primam Propositionis partem inde probat, quod semper homini displicere debeat commissum ab ipso peccatum. Si enim ei placeret peccasse, jam ex hoc ipso peccatum incurreret, & fructum veniæ perderet. Displicentia autem dolorem causat in eo, qui suscepturus est doloris, qualis est homo in hac vita. Hinc Auctor Libri De vera, & falsa Pœnitentia inter S. Augustini Opera editi. cap. XIIII. Ubi (inquit) dolor finitur, deficit & Pœnitentia. Si autem Pœnitentia finitur, quid relinquitur de venia? Dixit enim Dominus, Vade, & noli amplius peccare. Non dixit, Ne pecces; sed, Ne peccandi voluntas in te oriatur. Quod quomodo servabitur, nisi dolor continue in Pœnitentia custodiatur? Nam Vera Pœnitentia (inquit S. Thomas) non solum removet peccata præterita, sed etiam præservat hominem a peccatis futuris. Quamvis igitur homo, statim atque vere ad Deum conversus est, & sinceram Pœnitentiam aspirante Dei gratia concepit, remissionem consequatur præteritorum peccatorum, secundum illud Ezech. XVIII. Si impius egerit Pœnitentiam ab omnibus peccatis suis, quæ operatus est, & c. vita vivet, & non morietur: postea tamen Oportet in homine perseverare Pœnitentiam, ne iterum incidat in peccatum. Unde Sacra

Synon.

Synodus Tridentina sess. xiv. in Decreto *De Extrema Unctione*, ait : *Tota Christiana vita perpetua Pœnitentia esse debet.*

Alteram Propositionis partem inde probat S. Thomas, quod certa temporis intervalla Canones Pœnitentibus præscribant, quantum ad Pœnitentiæ exterioris actionem, cui illud *Jeremiæ* accommodat : *Quiescat vox tua a ploratu, & oculi tui a lacrymis, quia est merces operi tuo.* Est autem merces operis Pœnitentis plena remissio peccati quoad culpam, & pœnam: post cujus consecutionem non est necesse, quod homo ulteriorem Pœnitentiam agat. Id porro discriminis rursus statuit S. Thomas ulteriorem inter, & anteriorem Pœnitentiam; quod *Agere Pœnitentiam anteriorem simul, & anteriorem, pertinet ad statum incipientium, qui de novo redeunt a peccato*: hic enim primus vitæ spiritualis gradus est, quem Theologiæ Mysticæ Magistri *Vitam purgativam* appellant, sed *Pœnitentia interior habet locum etiam in proficientibus, & perfectis*, secundum illud Psalmi lxxxiii. *Ascensiones in corde suo disposuit, in valle lacrymarum.* Unde & S. Paulus Pœnitentiæ spiritui animatus dicebat : *Non sum dignus vocari Apostolus, quoniam persecutus sum Ecclesiam Dei.*

Jerem. 13.

1. Cor. 7

Spektari potest iterum Pœnitentia secundum actum, & secundum habitum. Priori quidem modo spectatam necesse est somno saltem, & aliis quæ ad corporis necessitates pertinent, interpellari. Posteriori modo, continua esse debet (inquit S. Thomas, art. ix. ejusdem Quæstionis) & quantum ad hoc, quod homo nunquam aliquid contrarium Pœnitentiæ faciat, per quod habitualis dispositio Pœnitentis tollatur; & quantum ad hoc, quod homo debet in proposito gerere, quod semper sibi præterita peccata displiceant.

Pœnitentia certe peccatorum venialium, tam interior, quam exterior, perpetua esse debet, cum illa quotidie subrepant. Unde *Quotidianam Pœnitentiam* S. Augustinus vocat Sermonibus cccli. & ccclii. *De Pœnitentia*, alias Homiliis xxvii. & l. inter quinquaginta. Hinc quotidie pectora tundimus, & orantes dicimus, *Dimittite nobis debita nostra, sicut & nos dimittimus debitoribus nostris.* Non enim ea dimitti precamur, quæ jam in Baptismo dimissa sunt: sed utique de quotidianis peccatis hoc dicimus, pro quibus etiam sacrificia elemosinarum, jejuniorum, & ipsarum orationum, ac supplicationum quisque pro suis viribus efferre non cessat. Inimicus salutis nostræ in hac mortali vita, quæ militia est super terram, bonis operibus percutimus, ab ea etiam sæpe percutimur, etsi non semper deiciamur. Sed neque facilius ab inimico deiciamur, quam cum eum superbiendo imitatur, nec vehementius eum prosterminamus, quam cum humilitate Dominum sequimur; nec acriores ei dolores infligimus, quam cum plagas peccatorum nostrorum confitendo, & penitendo sanamus; (inquit S. Augustinus.)

Pœnitentia peccatorum venialium, tam exterior quam interior, perpetua esse debet.

Neque tamen hoc solum nomine Proficientes ipsi, & Perfecti perpetuam Pœnitentiam agere debent; verum etiam vitæ hujus pœnitere quodam modo illos debet, quæ corruptioni, tentationibus, & peccatis est obnoxia. Altera vero Pœnitentia est (inquit S. Augustinus) *cujus actio per totam istam vitam, qua in carne mortali degimus, perpetua supplicationis humilitate subeunda est.* Primo, quia nemo vitam eternam, incorruptibilem, immortalemque desiderat, nisi eum vitæ hujus temporalis, corruptibilis, mortalisque pœniteat. Non enim sic quisque in vitam novam per sanctificationem Baptisti nascitur, ut quemadmodum deponit ibi omnia peccata præterita, ita etiam statim mortalitatem ipsam carnis, corruptionemque deponat. Quod si non ita est, restat, ut illud, quod etiam quisque in se sentit adhuc dum in hac vita est, Corpus, quod corrumpitur aggravat animam, & deprimat terrena inhabitatio sensum multa cogitantem. Quod tunc in illa beatitudine,

Proficientes, & perfectos, vitæ hujus mortalis quodammodo pœnitere debet.

Sap. 9. 17.

,, quia

quia non erit, cum absorbebitur mors in victoriam: quis dubitet, in quantumque temporali felicitate versemur, pœnitere tamen nos debere huius vitæ, ut ad illam incorruptionem totâ aviditate curramus? Inde est enim, quod etiam Apostolus ait, Quamdiu sumus in corpore, peregrinamur a Domino: per fidem enim ambulamus, & non per speciem. Quis ergo festinat, atque optat ad Patriam remeare, & illam speciem, quæ est facie ad faciem contemplari, nisi quem peregrinationis sue penituerit? Ex quo dolore penitentis, etiam vox illa miserabilis erumpit, & sonat, Hei mihi, quia incolatus meus prolongatus est!

2. Cor. 5.

Psalm. 119. 5.

* Idest Lai-
ci.

Et infra de dispensationibus verbi Dei, & Sacramentorum sic loquitur. „Non solum propter ipsam vitæ huius mortalitatem, & ignorantiam: sed etiam propter ipsum pulverem mundi huius, qui per itinera confulendi consulentium pedibus adhærescit, & damna, quæ in ipsa negotiosissima dispensationis actione contingunt, quæ Dominus præstet, ut cum lucris maioribus compensentur; quotidianam debemus habere Pœnitentiam. Quanto ergo magis Ecclesiæ Provinciales * sæcularibus negotiis obligati, quotidianam debent agere Pœnitentiam? Qui quavis a furtis, a rapinis, a fraudibus, ab adulteriis, & fornicationibus, omnique luxuria, a crudelitate odiorum, & inimicorum pertinacia, ab omni denique idololatriæ scelerate, spectaculorum nugacitate, hæretum, atque schismaticum impia vanitate, atque ab omnibus ejusmodi flagitiis, & facinoribus immanes, puri, atque integri esse debeant: tamen propter administrationem rerum familiarium, & conjugiorum arctissima vincula, tam multa peccant; ut non tam de istius mundi pulvere alpergi, quam luto obliniri videatur.

CAPUT II.

DE POENITENTIÆ.

FRUCTIBUS, ET EFFECTIBUS.

PROPOSITIO I.

Primus effectus Pœnitentiæ est omnium Remissio peccatorum.

Effectus
Pœnitentiæ.

Dogma Fidei est, verbo Domini firmatum, Ezechielis xviii. Si impius egerit Pœnitentiam ab omnibus peccatis suis, quæ operatus est, & custodierit omnia præcepta mea, & fecerit iudicium, & iustitiam: vita vivet, & non morietur. Omnium iniquitatum eius, quas operatus est, non recordabor. Et cap. xxxiii. 14. 15. 16. Si dixerio impio, Morte morieris, & egerit Pœnitentiam a peccato suo, feceritque iudicium, & iustitiam, &c. vita vivet, & non morietur. Omnia peccata eius, quæ peccavit, non imputabuntur ei: iudicium, & iustitiam fecit: vita vivet. Et Mich. vii. 18. 19. Quis Deus similis tui, qui auferis iniquitatem, & transis peccatum reliquiarum hereditatis tue? Non immet ultra furorcm suum, quoniam reversus misericordiam est. Revertetur, & miserebitur nostri: deponet iniquitates nostras, & proficiet in profundum maris omnia peccata nostra. Item illa. 1. Lavamini, mundi estote, auferite malam cogitationem vestram ab oculis meis, quiescite agere persequi, discite benefacere. Si fuerint peccata vestra ut coccinum, quasi nix dealbabitur. Neque enim Deus, cujus pericula sunt opera, peccatis nix vere lenientis ex parte miseretur, ut quadam ei peccata condonet, non omnia: neque id patitur amicitiae ratio, in quam ipsum reficiunt.

Quam-

Quamvis enim in debitis pecuniariis possit unum remitti sine alio, non tamen in debitis culpæ (inquit S. Thomas.) Culpam enim mortalem Deus non remittit, nisi diligendo, secundum illud Jerem. xlii. *In charitate perpetua dilexi te, ideo attraxi te miserans.* Charitas vero Dei cum sterilis esse non possit, gratiam, & charitatem diffundit in cordibus nostris per Sp. Sanctum: cum igitur mortale quodlibet peccatum pugnet cum gratia, & charitate, & eas extinguat, unum peccatum remitti sine alio, impossibile est. Præterea, Deus veniam peccatori per Pœnitentiam spondit. Vera autem, & sincera Pœnitentia esse non potest, quin omnia, & singula peccata mortalia ex æquo detestetur, & deferat. *Si enim displices ei peccatum, quia est contra Deum super omnia dilectum (quod requiritur ad rationem veræ Pœnitentiæ.)* sequitur, ut eum omnium peccatorum pariter pœniteat. Ita ratiocinatur S. Thomas.

III. p. Qu.
LXXVI. art.
111.

Tertio, Pœnitentia resurrectio est animæ a peccato; resurgere autem ex parte, & ex parte mortuum manere impossibile est. Id, ut intelligatur, sciendum est, peccatum esse mortem animæ, Deum esse ejus vitam. „ Cum vivit anima in iniquitate, mors ejus est: cum autem fit justitia, fit particeps alterius vitæ, quæ non est quod ipsa; erigendo se quippe ad Deum, & inhærendo Deo, ex illo justificatur. Deficiendo ab illo fit iniqua, proficiendo ad illum fit justa. Cum se erigit ad aliquid, quod ipsa non est, & quod supra ipsam est, & a quo ipsa est, percipit sapientiam, justitiam, pietatem: sine quibus cum esset, mortua erat, nec vitam habebat, qua ipsa viveret, sed qua corpus vivificaret. Aliud est enim in anima, unde corpus: vivificatur aliud, unde ipsa vivificatur. Melius quippe est quam corpus: sed melius quam ipsa est Deus. Est ergo ipsa, etiam si sit insipiens, injusta, impia, vita corporis. Quia vero vita ejus est Deus, quomodo cum ipsa est in corpore, præstat illi vigorem, decorem, mobilitatem, officia membrorum; sic cum vita ejus Deus in ipsa est, præstat illi sapientiam, pietatem, justitiam, charitatem. Veniente itaque verbo, & infuso audientibus, factisque illis non solum audientibus, sed etiam obedientibus, resurgit anima a morte sua ad vitam suam, hoc est, ab iniquitate, ab insipientia, ab impietate ad Deum suum, qui est illi sapientia, justitia, charitas. Verba sunt S. Augustini, Tractatu XIX. in Joannem.

Effectus Pœnitentiæ.

Et Serm. II. in Psalm. LXX. Cum animam suscitavit Deus, nisi adsit, qui suscitavit, suscitata non vivit. Non enim suscitavit, & dimittit, ut vivat sibi: sicut Lazarus quando resuscitatus est quadriduanus mortuus, resuscitatus est corpore per Domini corporalem præsentiam. Resuscitatus est Domino præseente, sed vixit & Domino absente. Non sic anima suscitatur: suscitavit illam Deus, moritur, si disceserit Deus. Duæ vitæ sunt, una corporis, altera animæ: sicut vita corporis anima, sic vita animæ Deus: quomodo si anima deferat, moritur corpus; sic anima moritur, si deferat Deus. Ipsa est ergo gratia ejus, ut suscitetur, & sit nobiscum.

Propositio nostra confirmatur ex Conc. Tridentino sess. XIV. cap. III. Res (inquit) & effectus hujus Sacramenti, quantum ad ejus vim, & efficaciam pertinet, reconciliatio est cum Deo, quam interdum in viris piis, & cum devotione hoc Sacramentum percipientibus, conscientie pax, & serenitas cum vehementi spiritus consolatione consequi solet.

P R O P O S I T I O II.

*Pœnitentia reatum pœnæ æternæ cum peccato mortali simul expungit ;
non vero debitum pœnæ temporalis semper tollit.*

S. Thom. 111.
1. q. lxxxvi.
art. 1. v.

Prima pars Propositionis ex Scriptura Sacra perspicua est, Ezech. xlviii. 21. *Si impius egerit Pœnitentiam ab omnibus peccatis suis, quæ operatus est, & custodierit omnia præcepta mea, & fecerit iudicium, & iustitiam: vita vivet, & non morietur. Omnium iniquitatum eius, quas operatus est, non recordabor.* Et cap. xxxiii. *Nolo mortem impij, sed, ut convertatur impius a via sua, & vivat.* Quod quidem de æterna, & beata vita intelligendum esse, plane constat. Unde Christus ipse Dominus Regnum Cælorum Pœnitentiæ pollicetur Præcursoris sui voce, *Pœnitentiam agite: appropinquavit enim Regnum Cælorum.* Et certe cum peccator per Pœnitentiam ex injusto fiat iustus, ex inimico amicus, ex servo peccati filius adoptivus Dei, fit *Hæres secundum spem vitæ æternæ*, ut loquitur Conc. Tridentinum sess. vi. cap. vii. Qui autem jus habet ad vitam æternam, non remanet reus æternæ damnationis: siquidem *Nihil damnationis est iis, qui sunt in Christo Jesu; (ex Apostolo ad Rom. viii.)*

Matth. 3.

Effectus
Pœnitentiæ.

Pars altera Propositionis non minus certa est. Quamvis enim contritio, & charitas Pœnitentis tanta, & tam fervens esse possit, ut non solum pœna æterna, sed & temporalis ipsi statim remittatur, id tamen semper non fieri, sed post suam reconciliationem cum Deo, & acceptam justificationis gratiam, ipsum frequenter pœnæ temporalis debitorem manere, probat exemplum Israelitarum, quibus etsi Deus murmurætionis peccatum dimisisset, in peccati tamen ultionem neminem eorum Terram promissam ingredi voluit, ut habetur Num. xiv. 20. 22. 23. Quæ etiam pœna plexus est Aaron, eo quod incredulus fuisset verbo Domini ad Aquas contradictionis, (ut habetur Num. xx. 24.) & Moyses, ob eandem culpam, quæ tamen ipsis a Deo condonata fuerat; (Num. xxviii. 13. 14.) Idem probat exemplum Davidis Regis, cui homicidii, & adulterii crimina propter Pœnitentiam condonata sunt, pœna tamen temporalis irrogata est, II. Regum xii. 13. *Dixitque Nathan ad David: Dominus quoque transulit peccatum tuum, non morieris. Veruntamen quoniam blasphemare fecisti inimicos Domini, propter verbum hoc, filius, qui natus est tibi, morte morietur.* Idem Rex ob numeratam ex superbia populum a Gad Propheta correptus, impetrata licet peccati venia, triduana peste, ex tribus flagellis a Deo oblatis electa, populum Israel ob peccatum suum percuti viam, ac doluit. *Dixitque David ad Dominum, cum vidisset Angelum cadentem populum: Ego sum, qui peccavi, ego mihi egi: isti, qui cæci sunt, quid fecerunt? Vertatur, obsecro, manus tua contra me, & contra domum Patris mei.* Hinc S. Augustinus, in Psal. l. hunc Verum, Ecce enim

2. Reg. 24. 17

„ veritatem dilexisti, sic explicat: Impunita peccata etiam eorum, quibus
„ ignoscis, non reliquisti. Sic misericordiam prærogasti, ut servares & ve-
„ ritatem. Ignoscis consentienti, ignoscis, sed seipsum punienti: ita servatur
1. Reg. 12. 13.
„ misericordia, & veritas: misericordia, quia homo liberatur, veritas quia
„ peccatum punitur. Et infra: Aliquando Deus, cui ignoscit in futuro sa-
„ culo, corripit eum de peccato in isto sæculo. Nam & ipsi David, cui di-
„ ctum jam fuerat per Prophetam, *Dimissum est peccatum tuum*, evenerunt
1. Reg. 15. 22.
„ quædam, quæ minatus erat Deus propter ipsum peccatum. Nam filius
„ eius Absalon adversus eum cruentum bellum gessit, & in multis humili-
„ vit Patrem suum. Ambulabat ille in dolore, in tribulatione humiliati-
„ nis suæ, ita subditus Deo, ut omnia iusta ei tribuens, confiteretur, quod

3. anal

nihil pateretur indigne, habens jam rectum cor, cui non displicebat Deus. Injuriosam quendam, & in os tibi dura maledicta facientem patienter audiebat, ex altera parte, unum ex Militibus, qui erant cum filio ejus impio. Et cum ille jaceret maledicta in Regem, iratus unus ex comitibus David, voluit ire, & percutere eum; sed prohibetur a David. Et quomodo prohibetur? Ut diceret, Deus illum misit, ut mihi malediceret. Agnoscens culpam suam, amplexus est pœnam suam, quærens gloriam non suam.

2. Reg. 16. 5.

Et Tract. cxxiv. in Joannem: *Produsior (inquit) est pœna quam culpa; ne parva putaretur culpa, si cum illa finiretur, & pœna.*

Hinc S. Gregorius Lib. ix. *Moralium*, cap. xvii. *Delinquenti (inquit) Dominus nequaquam parcat, quia delictum sine ulsione non deserit. Aut enim ipse hoc homo in se pœnitens punit, aut hoc Deus cum homine vindicans percutit. Nequaquam igitur peccato parcat, quia nullatenus sine vindicta laxatur. Sic David audire post confessionem meruit: Dominus trallulit peccatum tuum. Et tamen multis post cruciatibus afflctus, ac fugiens, reatum culpæ, quam perpetraverat, exsolvit.*

Quamvis autem Baptismus non solum pœna æterna, sed etiam temporalis pœnitentis condonetur, quia Passio Christi homini applicatur, ut in ipso renascanti, & in ejus familiam per ipsum Baptismi Sacramentum cooptato: non tamen tota semper condonatur pœna per Pœnitentiam; quia Passio Christi Pœnitentibus applicatur, tanquam ingratis, & ab innocentia Baptismali lapsis. Unde misericordiam iustitia temperatam in ipsis exercere Deus statuit, ut scilicet concessa venia peccatorum, & soluto pœnæ æternæ reatu, nihilominus pœnam temporalem exigeret, vel in hoc sæculo, vel in altero luendam. Quod Satisfactionum, Indulgentiarum, & Purgatorii fundamentum est. Quamobrem Sac. Synodus Tridentina sess. xiv. cap. viii. declarat. *Falsum omnino esse, & a verbo Dei alienum, culpam a Domino nunquam remitti, quin universa etiam pœna condonetur: perspicua enim, & illustra in Sacris Litteris exempla reperiuntur, quibus, præter divinam Traditionem, hic error quam manifestissime revincitur. Sane & divine iustitiæ ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint, aliter vero, qui semel a peccati, & demonis servitute liberati, & accepto Spiritus Sancti dono, scientes templum Dei violare, & Spiritum Sanctum contristare non dubitaverint.*

Car pœna peccati per Pœnitentiam non semper tota condonetur, sicut per Baptismum.

Et can. xii. errorem Hæreticorum asserentium totam pœnam simul cum culpa Pœnitentibus semper a Deo remitti, damnat his verbis: *Si quis dixerit, totam pœnam simul cum culpa remitti semper a Deo; satisfactionemque Pœnitentium non esse aliam quam fidem, qua apprehendunt Christum pro eis satisfecisse; Anathema sit.*

PROPOSITIO III.

Homo per Pœnitentiam gratiam, & virtutes recuperat.

ID significatur Parabola Filii Prodigii, cui Pater iussit restitui *Stolam primam, & annulum, & calceamenta*, ut habetur *Luc. XV.* Peccatori enim ex animo pœnitenti, ex longinqua dissimilitudinis regione ad Patrem Optimum redeuntis, dicentique, *Pater, peccavi in cœlum, & coram te*, ita veniam concedit misericors Deus, *Ut venienti, & adhuc longe posito occurrat, osculum tribuat, quod est insigne sacre pacis; stolam proferri jubeat, quæ vestis est nuptialis, quam si quis non habuerit, a convivio nuptiali excluditur; det annulum in manu ejus, quod est fidei pignus, & Sancti Spiritus signaculum; calceamenta deferri præcipiat: (celebraturus enim Pascha Domini, epulaturus Agnum, testum debet adversus omnes incursum bestiarum spirituum, morsusque serpentis habere vestigium:)* vitulum

S. Thom. iii. p. q. lxxxix. art. i. & iii.

præcipit occidi. quia Pascha nostrum immolatus est Christus. Sicut ergo semel pro omnibus immolatus est, ita quotiescumque peccata donantur, Corporis eius Sacramentum sumimus: ut per Sanguinem ejus fiat peccatorum remissio. Verba sunt S. Ambrosii, Lib. 11. De Pœnitentia, cap. 111.

Pœnitens
interdum
gratiam re-
cipit ubero-
rem.

Luc. 15. 7.

Effectus Pœ-
nitentiæ.

Jure ab Ec-
clesia sanc-
tum est ne
graviorum
criminum
reis tametsi
Pœnitenti-
bus, i. ec-
clesiasticæ Di-
gnitates, vel
sacrorum
Ordinum
Ministeria
restitueren-
tur.
Matth. 16.
19.

Quamvis autem innocentiam baptismalem Pœnitens recuperare non possit, interdum tamen gratiam recipit uberiorem, ut docet S. Gregorius, Hom. xxxiv. in Evangelia, ubi in eum sentum dominica illa verba interpretatur: *Dico vobis, quod ita gaudium erit in cœlo super uno peccatore Pœnitentiam agente, quam super nonaginta novem Justis, qui non indigent Pœnitentia.* Quia (inquit) plerumque experimur, quod, „Hi, qui nullis se oppressos peccatorum mo-
„libus sciunt, stant quidem in via justitiæ, nulla illicita perpetrant, sed
„tamen ad celestem Patriam anxie non anhelant, tantoque sibi in rebus li-
„citis ulum præbent, quanto se perpetrasse nulla illicita meminerunt. Et
„plerumque pigri remanent ad exercenda bona præcipua: quia valde sibi
„securi sunt, quod nulla commiserint mala graviora. At contra nonnun-
„quam hi, qui se aliqua illicita egisse meminerunt, ex ipso suo dolore com-
„puncti, inardescunt in amorem Dei, seseque in magnis virtutibus exercent,
„cuncta difficulta sancti certaminis appetunt, omnia mundi derelinquunt, ho-
„nores fugiunt, acceptis contumeliis lætantur, flagrant desiderio, ad cœ-
„lestem Patriam anhelant, & quia se errasse a Deo considerant, damna
„præcedentia lucris sequentibus recompenant. Majus ergo de peccatore con-
„verso, quam de stante justo gaudium sit in cœlo; quia & Dux in prælio plus
„eum Militem diligit, qui post fugam reversus, hostem fortiter premit,
„quam illum, qui nunquam terga præbuit, & nunquam aliquid fortiter
„gessit. Sic agricola illam amplius terram amat, quæ post spinas, uberes
„fruges præfert, quam eam, quæ nunquam spinas habuit, & nunquam
„fertilem messem producit.

Quamvis porro Deus Peccatorem Pœnitentem in primariam, & præci-
pam dignitatem restituat, ut divinæ confors fiat naturæ, & inter filios
Dei per gratiam censeatur; jure tamen ab Ecclesia constitutum est, ne gra-
viorum quorundam criminum reis Ecclesiasticæ Dignitates, vel Ordinum
Ministeria restituerentur, vitandi scandali, & sancientiæ disciplinæ causa,
ut explicat S. Augustinus, Epist. cxxxv. alias 1. ad Bonifacium Comitem, cu-
jus hæc sunt verba: „ Ut constitueretur in Ecclesia, ne quisquam post alicu-
„jus criminis Pœnitentiam Clericatum accipiat, vel ad Clericatum redeat,
„vel in Clericatu maneat, non desperatione indulgentiæ, sed rigore factum
„est Disciplinæ. Alioquin contra Claves datas Ecclesiæ disputabitur, de qui-
„bus dictum est, *Quæ solveritis in terra, soluta erunt & in cœlo.* Sed ne forsitan
„etiam detestis criminibus, spe honoris Ecclesiastici animus intumescens
„superbe ageret Pœnitentiam, severissime placuit, ut post actam de crimine
„damnabili Pœnitentiam, nemo sit Clericus, ut desperatione temporalis al-
„titudinis medicina major, & verior esset humilitatis. Nam & S. David de
„criminibus mortiferis Pœnitentiam egit, & tamen in honore suo perstitit.
„Et B. Petrum, quando amarissimas lachrymas fudit, utique Dominum ne-
„gasse pœnituit, & tamen Apostolus mansit. Sed non ideo supervacua putan-
„da est posteriorum diligentia, qui ubi saluti nihil detrahebatur, humilitati
„aliquid addiderunt, quo salus tutius muniretur, experti credo aliquorum fi-
„ctas Pœnitentias per affectatas bonorum potentias. Cogunt enim multas in-
„venire medicinas, multorum experimenta morborum. Hinc certis crimi-
„bus annexa Irregularitas, quæ Pœnitentia non solvitur.

P R O P O S I T I O I V.

*Bona opera subsequente peccato mortificata, per Pœnitentiam
reviviscunt.*

I. **O**pera in statu mortalis peccati facta, mortua esse certum est, quia nullam vim habent perducendi hominem, a quo fiunt, ad vitam æternam; quæ vis, & efficacia tota est gratia, & charitate. De qua Apost. I. ad Cor. xiii. 3. *Si distribuerò in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest:*

Opera in
statu peccati
mortalis fa-
cta, mortua
sunt.

II. Non minus certum est opera in charitate, & ex charitate facta, quæ vitæ æternæ meritoria sunt, subsequente peccato mortali mortificari, cum a proprio suo effectu, sive operatione, quæ promotio est, ac perductio ad vitam æternam impediuntur, gratia, & charitate in anima extinctis. Unde Ezech. xviii. 24. Dominus ait: *Si averterit se Justus a justitia sua, & fecerit iniquitatem, secundum omnes abominationes quas operari solet impius, numquid vivet? Omnes justitiæ ejus, quas fecerat, non recordabuntur.* Hinc Apostolus Galatis post egregia virtutum opera in Judaïsimum prolapsus ait, cap. iii. Epistolæ ad ipsos scriptæ: *Sic stulti estis, ut cum spiritu ceperitis, nunc carne consumemini? Tanta passi estis sine causa?* Hinc S. Joannes Epist. ii. 8. *Videte (inquit) vosmetipsos, ne perdatis, quæ operati estis: sed ut mercedem plenam accipiat. Et Apoc. iii. 11. Tene, quod habes, ut nemo accipiat coronam tuam.* Hinc S. Hieronymus illud Isa. lxi. *Pulcherrimi quoque viri tui gladio cadent, & fortes tui in prælio, sive secundum Versionem septuaginta Interpretum, Et pius tuus pulcherrimus, quem diligis, gladio cadet, moraliter interpretatur De Animæ statu, quæ post virtutes peccaverit: pulcherrimum filium ejus, bona opera intelligit, quæ hostili gladio ceciderunt: & forte, quosque perisse in prælio; quia justitia Justus non liberabit eum, in quamcumque die aberraverit.*

S. Thom. i. ii
p. q. lxxxix.
art. v. Opera
meritoria
subsequenti
peccato mortali
mortifi-
cantur.

Hoc etiam sentit explicat S. Hieronymus illud Aggæi i. vers. 6. *Et qui mercedes congregavit, misit eas in saccum pertusum, cum sic ait: Si quis e nobis bona operatur, & digna mercede, quam nobis redditurus est Dominus: iste congregat conservandas, mansurasque mercedes; & virtutibus virtutes semper adjungens, coarctat pecunias in saccum non pertusum. Qui autem post bona opera non semel, & bis, sed frequenter peccat, & præteritam civitatem sequentibus vitiis obscurat, & sordidat, iste in pertusum saccum pecunias congregat.*

III. Certum etiam est, opera ex genere sua bona, sed nihilominus mortua, quia edita sunt ab homine gratia, & charitate, quæ spiritalis vitæ principia sunt, delictum, nusquam per Pœnitentiam reviviscere: quia fieri non potest, ut reviviscat, quod numquam vixit, & omnino perit. Opera autem illa numquam ex principio vitæ, scilicet ex charitate processerunt: quamobrem per Pœnitentiam non reviviscunt. Nec Deus rationem eorum habet ullam, ut ea remuneret in vita æterna, quæ solis operibus vivis, idest, ex charitate factis, promissa est: quamvis illa interdum præmio aliquo temporali remuneret. Unde S. Gregorius Hom. xl. in Evangelia ait: *Ista sententia pavore potius indiget, quam expositione. Nam si qui estis, qui in hoc Mundo exterioris boni aliquid accepistis, ipsum, ut ita dicam, donum exterioris pertimescere debetis: ne vobis pro quorundam vestrorum actuum recompensatione sit datum: ne Judex qui hic bona exteriora restituit, a retributione boni intimi repellat: ne honor hic, vel divitiæ non adjumentum virtu-*

S. Thom. ibi.
art. v. Opera
mortua nun-
quam per
Pœnitentiam
reviviscunt.

Luc. 16. 15.

Pœnitentia.

1. Cor. 13. 3.

S. Thom. ib. art. v. Opera bona, insequente peccato mortificata, reviviscunt per Pœnitentiam.

tis, sed remuneratio sint laboris. Ecce enim dum dicitur, Recepisti bona in vita tua, indicatur, & Dives iste boni aliquid habuisse, ex quo in hac vita bona reciperet. Rursumque dum Lazaro dicitur: quia recepisti mala, profecto monstratur, & Lazarus habuisse malum aliquod, quod purgaretur. Sed mala Lazari purgavit ignis inopie, & bona Divitis remuneravit felicitas transeuntis vite. Quicumque ergo bona in hoc seculo habetis, cum vos bona egisse recolitis, valde de ipsis pertimescite, ne concessa vobis prosperitas eorumdem remuneratio sit bonorum. Atque in hunc sensum explicat S. Thomas locum S. Hieronymi in cap. 1. Argæi Prophetæ scribentis: Si quando videris inter multa opera peccatorum facere quempiam nonnulla, quæ iusta sunt, non est tam injustus Deus, ut propter multa mala obliviscatur paucorum bonorum, Quamvis & aliam huius loci explicationem asserat Doctor Angelicus, Deum scilicet bonorum illorum non oblivisci, quia propter illa homo in peccatis perleverans, tolerabilius iudicium patietur. Quod insigni S. Augustini testimonio confirmat Lib. De Patientia, cap. xxvi. ubi de Schismatice pro Christo persecutionem patiente sic loquitur: Non enim dicere poterimus, melius ei fuisse, ut Christum negando nihil eorum pateretur, quæ passus est confitendo: sed existimandum est, fortasse tolerabilius ei futurum iudicium, quam si Christum negando cuncta illa vivat: ut illud, quod ait Apostolus, Si tradidero corpus meum, ut ardeam, charitatem autem non habeam, nihil mihi prodest, nihil prodesse intelligatur ad Regnum Calorum obtinendum, non ad extremi iudicii tolerabilis supplicium subeundum.

IV. Verum bona opera subiequente peccato mortificata, per Pœnitentiam reviviscunt, id est, recuperant efficaciam perducendi hominem, a quo sunt edita, in vitam æternam, Secundum quod remanent in acceptatione divina, ut loquitur S. Thomas. Hanc enim efficaciam amiserat vacillante peccato, quo indignus factus fuerat vita æterna. Istud autem impedimentum Pœnitentia removetur. Hinc Ezéch. xviii. de Peccatore Pœnitente dicit Dominus: Omnium iniquitatum eius non recordabor: in iustitia sua, quam operatus est, vivet. Antiquorum autem peccatorum Dominus recordaretur, si opera olim in charitate, & ex charitate iusta nullo numero, & loco haberet, & sine præmio vitæ æternæ dimitteret, ob humilimodi peccata, de quibus acta Pœnitentia est.

Hinc Joelis II. ubi Dominus dixit, Convertimini ad me in toto corde vestro, &c. subdit vers. 25. Et reddam vobis annos quos comedit locusta, bruchus, & rubigo, & crucca: quod de meritis peccato subiequente perditis, S. Hieron. interpretatur: Ne timeas (inquit) Terra, imo confide, atque lætare; quæ prius te mentem dominicam tua ariditate perdideras; quia magnificavit Dominus, ut faceret tecum misericordiam. & lignum Crucis asseret fructum suum, & Spiritus Sancti dona dulcissima tuam cunctis tribuerent largitatem. Vos quoque, quos iuste post Pœnitentiam voco filios Sion, & Ecclesiæ, lætaminī, atque gaudete, quia dedit vobis Deus Pater Doctorem Iustitiæ, sive tribuit vobis alimenta iustitiæ, & descendere fecit ad vos pluvias temporaneas, atque serotinas. Pluvia tempestiva est, quando primum doctrinam dulcissimam; pluvia serotina, quando laboris nostri fructus recipimus. Et non solum, inquit, hoc dedit, sed fecit vos novis virtutum frugibus abundare. Et annos, quos perturbationibus ante regnantibus perdidideratis in vobis, quando opera vestra locusta, bruchus, rubigo, cruccaque consumpserant; Deus vobis perire non passus est. Tunc comedetis fructus iustitiæ, & iaturabimini; & laudabitis nomen Domini Dei vestri, qui fecit vobiscum mirabilia. Si autem post Pœnitentiam tantam ubertatem Deus rerum

omnium

„ omnium pollicetur, quid respondebit Novatus negans Pœnitentiam, & reformari posse peccatores in pristinum statum, si digna fecerint opera Pœnitentiæ?

Idem confirmat S. Hieron. in cap. 111. Epistolæ ad Galatas, ad illa verba: „ Tanta passi estis sine causa? ubi hæc habet: Quicumque ob Christi fidem laboraverit, & postea lapsus fuerit in peccatum, sicut priora sine causa dicitur passus fuisse dum peccat, sic rursum non perdet ea, si ad pristinam fidem, & antiquum studium revertatur.

Namque idem probant Apostoli verba ad Hebr. vi. 10. *Non enim iniustus Deus, ut obliviscatur operis vestri, & dilectionis, quam ostendistis in nomine ipsius.* Quod non solum de iis: *Qui acceptam gratiam perpetuo conservaverint*, verum etiam de illis, *qui amissam recuperaverint*, intelligendum docet Sacra Synodus Tridentina, sess. vi. cap. xvi.

C A P U T III.

D E M A T E R I A

P O E N I T E N T I Æ.

I. **D**uplicem Pœnitentiæ materiam distinguere Theologi solent, remotam nimirum, & proximam.

P R O P O S I T I O I.

Materia remota Pœnitentiæ sunt peccata detestanda; & destruenda.

II. **U**T enim ignis materiam ligna esse dicimus, quæ vi ignis consumuntur; ita peccata, quæ Pœnitentia delentur, recte huius Sacramenti materia vocari possunt. Unde Apostolus 11. ad Cor. xi. ait: *Non egerunt Pœnitentiam super immunditia, & fornicatione, & impudicitia, quam gesserunt.*

Conc. Catechismus, p. 11. c. v. §. 14.

III. Cum autem plura sint peccatorum genera, scilicet originale, & actuale; idque aut mortale, aut veniale: peccatum originale non est Pœnitentiæ materia; cum illud Baptismi Sacramento, ad id speciatim instituto, Pœnitentia non deleatur, quæ versatur dumtaxat circa peccata propria voluntate commissa. Si tamen Pœnitentiæ vocabulum magis extensa significatione sumatur, prout est displicentia, & detestatio mali præteriti, peccatum originale Pœnitentiæ virtutis objectum, quadamtenus dici potest. Quis enim Fidelium non detestetur malum illud, quod ab Adamo primo generis humani parente, & capite, in quo omnes homines unus homo fuerunt, carnali generatione propagatum, omnes peccatores constituit, & tot malorum scaturigo fuit, ignorantie, malitie, concupiscentie, & infirmitatis, quibus omnes animæ vires vulneratæ sunt, & infectæ: mortis insuper, quæ per peccatum in Mundum intravit? Dicente Apostolo ad Rom. v. 12. *Per unum hominem peccatum in hunc mundum intravit, & per peccatum mors; & ita in omnes homines pertransiit, in quo omnes peccaverunt.* Cui peccatum illud non displiceat, quod iustitiæ originalis privatio est; & legis illius origo, quam in membris nostris sentimus legi mentis nostræ repugnantem, & captivantem nos in lege peccati? Peccatum vero actuale mortale est propria, & præcipua materia, circa quam Pœnitentia versatur: propria quidem, quia proprie nos penitet eorum, quæ nostra voluntate commisimus: præcipua vero, quia hoc Sacramentum ad deletionem peccati mortalis principaliter institutum est. Peccatum denique veniale propria quidem

S. Thomas q. lxxxiv. art. 11. ad 111.

Rom. 7. 13.

est & sufficiens, sed non præcipua, & necessaria Penitentia Sacramenti materia: cum absque Confessione Sacramentali aut ejus voto, atque Sacerdotis Absolutione remitti possit aliis mediis ad ejus remissionem, & expiationem institutis.

S. Thomas q.
LXXXVII. ar.
1. 11. & 111.

IV. Media porro, quibus remissio peccatorum venialium confertur, sunt, primo fervor charitatis, virtuale quoddam illorum displicentiam includens, ut loquitur S. Thomas, cum scilicet homo ita in Deum, relique divinas affectus est, ut quicquid illi occurreret, quo motus ejus in Deum retardaretur, displiceret ei, & doleret se id commississe, etiamsi actu de illo non cogitaret. Secundo, remittuntur peccata venialia per Eucharistiam, Unctionem Extremam, & omnia generatim Sacramenta Novæ Legis, in quibus gratia infunditur. Quamvis enim novæ gratiæ infusione ad remissionem peccati venialis non sit opus, sed motus aliquis, & fervor charitatis sufficiat: quia tamen infusio gratiæ non fit in adultæ ætatis hominibus absque actuali motu liberi arbitrii in Deum, & in peccatum; ita ut in illum se convertat, istud vero detestetur; ideo quoties nova gratia infunditur, peccata venialia remittuntur. Tertio, ad remissionem peccatorum venialium valent Sacramentalia, quatenus vel cum motu detestationis peccatorum conjuncta sunt, ut Confessio generalis, unctio pedum, & Oratio Dominica: vel cum motu reverentiæ in Deum, relique divinas, ut Benedictio Episcopalis, aspersio Aquæ Benedictæ, Oratio in Ecclesia consecrata, & alia hujusmodi.

Nunquam tamen peccata venialia remittuntur sine Penitentia virtute: remitti namque non possunt, quamdiu voluntas illis adheret. Unde nec Martyrium venialia peccata delet, *Stadualiter voluntatem peccato invenerit inhaerentem*; (inquit S. Thomas.) Nec Sacramentalia quæcumque ad remissionem peccatorum venialium conducunt, nisi quatenus *Inclinant animam ad motum Penitentia, quies detestatio peccatorum, vel implicite, vel explicita*; (ut loquitur idem Doctor Angelicus.) Sicut ergo scitio impedit effectum Baptismi; sic actualis ad peccatum veniale adhesio, Sacramentalium imo & Sacramentorum effectum impedit, quoad illius deletionem. Hæc autem remedia peccatorum venialium maculas alitergunt, *tum virtute alicuius satisfactorie, cum etiam virtute charitatis, cujus motus per illa excitatur*. At poenæ delictum non expungunt, nisi secundum mensuram fervoris in Deum, quandoque magis, quandoque minus (inquit S. Thomas.)

PROPOSITIONIS CONSECTARIA PRAXIM SPECTANTIA.

Penitentia
perfectior ad
mortalis
peccata,
quam ad ve-
nialis remis-
sionem re-
quiritur.

I. AD remissionem peccati mortalis perfectior Penitentia requiritur, quam ad remissionem venialium. Necesse quippe est, *Ut homo actualiter peccatum mortale commissum detestetur, quantum in ipso est*: adeoque, *ut diligentiam adhibeat ad rememorandum singula peccata mortalia, ut singula detestetur*. Id autem minime necessarium est ad remissionem peccatorum venialium, sed sufficit Penitentia virtualis. Ita docet S. Thomas, 111. p. qu. LXXXVII. art. 1.

II. Virtualis Penitentia non sufficit ad remissionem peccatorum mortalium, nisi eorum, quæ memoria exciderunt, nec illi occurrunt *Pest diligentem inquisitionem*. Ita S. Thomas ibidem.

S. Thom. ib. *III. Sicut peccatum mortale remitti non potest, quamdiu voluntas peccato adheret; ita etiam nec peccatum veniale*. Manet enim veniale peccatum, quamdiu manet voluntas ad creaturam præter modum conversa, & eo conversione retardata, ne prompte in Deum feratur. Amor enim rerum terrenarum, *spirituum viscum pennarum* (inquit S. Aug. Sermone CXII. alias XXXIII. De Verbis Apostoli)

Apostoli) Et Serm. cccxi. alias *De Diversis* cxv. *Amate* (inquit) & nolite amare: ad aliquid amate, & ad aliquid amare nolite. Est enim, quod ad profectum ametur, & est quod ad impedimentum ametur. Noli amare impedimentum, si non vis invenire tormentum. Quod amas in terra, noli impedimentum est: viscum est pennarum spiritualium, hoc est virtutum, quibus volatur ad Deum. Capi non vis, & viscum amas? Nunquid ideo non caperis, quia dulciter caperis? Quanto magis delectat, tanto fortius strangulat.

IV. Pœnitentia de peccatis mortalibus includit necessario propositum abstinendi ab omnibus, & singulis hujusmodi peccatis: sed ad Pœnitentiam venialium necessarium quidem est propositum abstinendi a singulis, non tamen ab omnibus: Quia hoc infirmitas hujus vite non patitur. Omnia enim peccata venialia vitare impossibile est. Si dixerimus, quoniam peccatum non habemus; ipsi nos seducimus, & veritas in nobis non est. Nemoque Iustorum est, Deipara Virgine excepta, qui Oratione Dominica remissionem peccatorum precari non indigeat his verbis, *Dimitte nobis debita nostra*.

V. Ad venialium peccatorum Pœnitentiam, homo debet habere propositum se preparandi ad peccata venialia minuenda: alioquin esset ei periculum deficiendi, cum desereret appetitum proficiendi, seu tollendi impedimenta spiritalis profectus, que sunt peccata venialia. Ita S. Thomas. Idem confirmatur ex verbis Domini, & Apostolorum: Lucæ 1x. 62. *Nemo mittens manum ad aratrum, & respiciens retro, aptus est Regno Dei*. Ad Ephes. iv. 15. *Veritatem facientes in charitate, crescimus in illo per omnia*; qui est caput Christus. 11. Petri 111. 18. *Crescite in gratia, & in cognitione Domini nostri, & Salvatoris Iesu Christi*. Apoc. xxi. 11. *Qui iustus est, iustificetur adhuc: & sanctus sanctificetur adhuc*. Quomodo autem in charitate crescere possumus, quomodo in iustitia proficere, nisi ad venialia peccata minuenda parati simus, omnique studio, ac vigilantia enitamur? Hinc S. Augustinus, Serm. clix. alias xv. De Verbis Apostoli: *Viatorem* (inquit) sumus. *Dicitis, Quid est ambulare?* Breviter dico, *Proficere; ne forte non intelligatis, & pigrius ambuletis*. Semper tibi displiceat, quod es, si vis pervenire ad id, quod nondum es. Nam ubi tibi placuisti, ibi remansisti. Si autem dixeris, *Sufficit*; & peristi: semper adde, semper ambula, semper profice: noli in via remanere, noli, retro redire, noli deviare. Remanet, qui non proficit; retro redit, qui ad ea revolvitur, unde jam abscesserat; deviat, qui apostatat. Melius ite claudus in via, quam cursor præter viam. Ad venialia porro peccata minuenda ille dumtaxat paratus est, qui contra concupiscentiam pugnat, qui toto studio collaboratur, in se destruat corpus peccati, qui spiritu ambulat, & desideria carnis non persequitur, qui spiritu facta carnis mortificat, qui carnem suam cum vitiis, & concupiscentiis crucifigit.

PROPOSITIO II.

Tres actus Pœnitentis, scilicet Contritio, Confessio, & Satisfactio, sunt quasi materia proxima Sacramenti Pœnitentiæ, ejusdemque Sacramenti partes.

Actus enim illi, qui ad integritatem Sacramenti Pœnitentiæ, & plenam, ac perfectam peccatorum remissionem, ex Christi institutione sunt necessarii, hac ratione sunt partes Pœnitentiæ: tres porro isti Pœnitentis actus ad integritatem Sacramenti Pœnitentiæ, & plenam, ac perfectam peccatorum remissionem, ex Christi institutione sunt necessarii: sunt igitur partes Pœnitentiæ.

Ac primum quidem Contritionem ex Dei institutione ad integritatem Sa-

S. Thom. ib.

1. Joan. 1.

S. Thom. ib.

Rom. 6. & 8.

Galat. 5.

Tres actus
Pœnitentiæ.

cramenti Pœnitentiæ, & ad remissionem peccatorum esse necessariam, constat ex verbo Dei, quo peccatrici animæ conversio ad Deum velut genuinus & essentialis Pœnitentiæ character exprimitur: Ezech. xviii. *Convertimini, & agite Pœnitentiam ab omnibus iniquitatibus vestris, & non erit vobis in ruinam iniquitas.* Et xxxiii. *Si impius non fuerit conversus a via sua, ipse in iniquitate sua morietur.* Joel. ii. *Convertimini ad me in toto corde vestro, in jejuniis, & fletu, & planctu; & scindite corda vestra.* Luc. xiii. *Si Pœnitentiam non egeritis, omnes similiter peribitis.* Quid autem est Pœnitentia, nisi cōstatio sincera, seu odium peccati, cum proposito deinceps non peccandi? ii. ad Cor. vii. *Gaudeo, non quia contristati estis, sed quia contristati estis ad Pœnitentiam. Contristati enim estis secundum Deum.*

Confessionem ex institutione Christi pariter necessariam esse ad peccati mortalis remissionem in Nova Lege, probant Christi verba, Joan. xx. *Quorum remisistis peccata, remittuntur eis, & quorum retinueritis, retenta sunt.* Ex quibus constat, Dominum nostrum Jesum Christum e terris in celos ascensurum, sui ipsius Vicarius reliquisse, tamquam Præsides, & Judices, ad quos omnia mortalia crimina deferantur, in quæ Christi Fideles ceciderint, ut vice Christi sententiam Absolutionis, vel retentionis pronuntient. Quod judicium incognita causa exerceri non potuit, ut loquitur Conc. Tridentinum sess. xiv. cap. v.

Satisfactionem denique ex Dei institutione esse necessariam ad remissionem peccatorum, aut certe satisfactionis propositum, probat illud Joelis ii. *Convertimini ad me in toto corde vestro, in jejuniis, in fletu & planctu.* Illud item Luc. xiii. *Facite fructus dignos Pœnitentiæ.* Item illud Luc. xi. *Dato elemosynam, & ecce omnia munda sunt vobis.*

Contritio,
Confessio,
Satisfactio
ad integritatem Sacramenti Pœnitentiæ necessaria.
Tres actus Pœnitentiæ.

Singulas illas Propositiones ex Traditione facile confirmaremus in præsentiarum; sed ordinis, & perspicuitatis gratia id singularibus Quæstionibus reservamus, quibus de Contritione, Confessione, & Satisfactione singulatim agemus. Interim tamen nonnullis Patrum testimoniis tres illos Pœnitentis actus ad integritatem Sacramenti Pœnitentiæ necesarios esse, ostendo, scilicet.

Joel. 2.

S. Cypriani Lib. De Lapsis. *Consteantur singuli, quæso vos, fratres, delictum suum, dum adhuc, qui deliquit in sæculo est, dum admitti Confessio ejus potest, dum satisfactio, & remissio facta per Sacerdotes apud Dominum grata est. Convertamur ad Dominum mente tota, & Pœnitentiam criminis veris doloribus exprimentes, Dei misericordiam deprecemur. Illi se anima prosterнат, illi mæstitia satisfaciāt, illi spes omnis incumbat. Rogare qualiter debeamus, dicit „ ipse: Revertimini, inquit, ad me, in toto corde vestro, simulque & jejuniis, & fletu, & planctu: & scindite corda vestra, & non vestimenta „ vestra. Ad Dominum toto corde redeamus. Iram & offensam ejus, jejuniis, fletibus, planctibus, sicut admonet ipse, placemus ... Si precem toto corde quis faciat, si veris Pœnitentiæ lamentationibus, & lachrymis ingemiscat, si ad veniam delicti sui Dominum iustis, & continuis operibus inseclet, misereri talem potest ... Pœnitenti, operanti, roganti potest clementer ignoscere, potest in acceptum referre, quicquid pro talibus & petierint Martyres, & fecerint Sacerdotes.*

S. Joannis Chrysostomi, Sermone De Pœnitentia, cujus hæc sunt verba: *Perfesta Pœnitentia cogit Pœnitentem omnia libenter ferre: in corde ejus contritio, in ore confessio, in opere totobumilitas: ut quibus modis Deum offendimus, corde, ore, opere iisdem reconciliemur Deo; corde quidem per Contritionem, ore per Confessionem, ac opere per satisfactionem.*

S. Augustini, Sermone cccli. „ De Pœnitentia, alias l. inter Homilias „ quinquaginta. *Implicatus (inquit) tam mortiferorum vinculis peccatorum, „ deret-*

detrectat, aut differt, aut dubitat confugere ad ipsas claves Ecclesiæ, quibus solvatur in terra, ut sit solutus in cælo, & audet sibi post hanc vitam quia tantum Christianus dicitur, salutem aliquam polliceri. Judicet ergo se ipsum homo in istis voluntate, dum potest, & mores convertat in melius: ne cum jam non poterit, etiam præter voluntatem a Domino judicetur. Et cum ipse in se protulerit severissimæ medicinæ, sed tamen medicinæ sententiam, veniat ad Antistites, per quos illi in Ecclesia claves ministrantur: & tamquam bonus jam incipiens esse filius, matrumque membrorum ordine custodito, a Præpositis Sacramentorum accipiat satisfactionis suæ modum: ut in offerendo sacrificio cordis contribulati devotas, & supplex, id tamen agat, quod non solum ipsi prosit ad recipiendam salutem, sed etiam ceteris ad exemplum.

S. Ambrosii, Lib. 11. De Pœnitentia, Cap. v. Qui agit Pœnitentiam (inquit) non solum diluere lacrymis debet peccatum suum, sed etiam emendationibus factis operire, & tegere delicta superiora. Cap. vi. Si vis justificari, satere delictum tuum. Solvit enim criminum nexus verecunda Confessio peccatorum. Sed audiant, qui agunt Pœnitentiam, quomodo agere debeant: quo studio, quo affectu, qua mentis intentione, qua concussione viscerum, qua cordis conversione, Vide, inquit, Domine, quia tribulor, venter meus turbatus est a fletu meo, conversum est cor meum in me. Cognovisti intentionem animi, fidem mentis, cognosce & habitum corporis. Sederunt, inquit, in terra, tacerunt Seniores filiæ Sion, & imposuerunt terram super caput suum, præcinxerunt se cilicio, &c. Sic flevit, & Ninive Populus, & denuntiavit excidium civitatis evasisse. In te igitur ut evadas, vult rogari Dominus, vult de se sperari, vult sibi supplicari. Homines, & vis vocari, ut ignoscas, & putas Deum tibi non roganti ignoscere? Ipse Dominus Jerusalem flevit, ut qui ipsa flere volebat, Domini lacrymis ad veniam pertingeret. Ipse nos flere vult ut evadere possimus, sicut habes scriptum in Evangelio: Filiæ Jerusalem, nolite me flere, sed vos ipsas flere. Flevit David, & meruit, ut morte populi pereuntis divina removeret misericordia, quando tribus sibi propositis optionibus, eam tamen, in qua majorem Domini miserationem experiretur, elegerat. Contritionem lacrymis demonstratam, Confessionem, Satisfactionem, precibus, emendationibus factis, spontaneis corporis castigationibus constantem, S. Ambrosius ad solvendos peccatorum nexus necessarias esse docet.

S. Gregorii, sive alterius Auctoris Commentarii in Lib. 1. Regum inter ejus Opera editi Lib. vi. , Quid prodest (inquit) confiteri flagitia, si Confessionis vocem non sequitur afflictio Pœnitentiæ? Tria quippe in unoquoque consideranda sunt veraciter Penitente, videlicet Conversio mentis, Confessio oris, & Vindicta peccati. Nam qui corde non convertitur, quid prodest ei, si peccata confiteatur? Peccatum quod diligitur, confitendo minime deletur. Nonnulli quidem sunt, qui peccata confitendo aperiant, sed non convertendo nequaquam detestantur. Hi profecto confitendo nihil agunt, quia quod loquendo ejiciunt, amando introducunt. Unde & salubriter confiteri volentibus Scriptura insinuat dicens, Credo creditur ad justitiam, ore autem confessio fit ad salutem. Quid est corde credere ad justitiam, nisi voluntatem dirigere ad fidem per dilectionem operantem? Cum ergo quis cordis intentionem ad justitiam per amorem dirigit, per initium bonæ voluntatis, fructum habet bonæ conversionis. Hic certe jam ad salutem confitetur: quia plus loquendo de vulnere ejicit, quam conversione compunxit. Tertia ergo species, id est vindicta, quasi medicina necessaria est; ut apostema reatus, quod conversione compungitur, confitendo purgetur, afflictionisque medicina sanetur. Signum ergo veræ

Thren. 2.

Luc. 19.

Luc. 23.

2. Reg. 24.

Tres actus
Pœnitentiæ.

Rom. 12

conversionis non est in oris Confessione, sed in afflictione Pœnitentiæ:
 „ Tunc namque bene converſum peccatorem cernimus, cum digna afflictio-
 „ nis austeritate delere nititur, quod loquendo conſitetur.

Quod autem tres illi Pœnitentis actus ad integritatem Pœnitentiæ concu-
 rant, probat S. Thomas III. P. Q. xc. A. II. hoc poſito principio, quod
 alio modo fiat compenſatio offentiæ in Pœnitentia, & in juſta vindice.
 In iſta enim fit compenſatio offentiæ ſecundum arbitrium Juſticiæ; in illa vero
 ſecundum voluntatem peccantis, & arbitrium Dei, in quem peccatur,
 & quicum reconciliatio amicitie per Pœnitentiam quaeritur. Neceſſaria igitur
 eſt in Pœnitente voluntas compenſandi offentiam, ſive reſarciendi inju-
 riam, quod fit per Contritionem: ſecundo, ut ſe ſubjiciat arbitrio Sacerdotiſ-
 tis, vice Dei, quod fit in Confessione: tertio, ut offentiam compenſet ſe-
 cundum arbitrium Miniſtri Dei, quod fit in Satisfactione.

Tribus Di-
 vinarum
 Perſonarum
 attributis
 tre Pœni-
 tentiæ. par-
 tes reſpon-
 dent.

Tribus autem Divinarum Perſonarum attributis tres illæ Pœnitentiæ par-
 tes per accommodationem quandam reſpondent: Contritio miſericordiæ,
 vel bonitati, propter dolorem de malo: Confessio ſapientiæ, propter ve-
 ritatis manifeſtationem: Satisfactio potentie, propter ſatiſfaciendi laborem.
 Potentia Patri, ſapientia Filio, miſericordia, & bonitas Spiritui Sancto tri-
 butur. Ita S. Thomas Quæſt. VII. Supplementi. A. III. ad III. *Sed contri-
 tio eſt prima pars Pœnitentiæ, efficaciam aliis partibus præbens: ideoque eod-
 em modo judicatur de tota Pœnitentia, ſicut de contritione.*

Tres actus
 Pœnitentiæ.

Denique Eugenius II. in Decreto pro Inſtructione Armenorum, & Sa-
 cra Synodus Tridentina Seſſione XIV. Cap. III. & Canone IV. tres par-
 tes Pœnitentiæ assignant, Contritionem, Confessionem, & Satisfactionem.
 Tridentinus Canon his verbis conceptus eſt: *Si quis negaverit, ad inte-
 gram, & perfectam peccatorum remiſſionem requiri tres actus in Pœnitente,
 quaſi materiam Sacramenti Pœnitentiæ, videlicet Contritionem, Confessionem,
 & Satisfactionem, quæ tres Pœnitentiæ partes dicuntur; aut dixerit, duas tan-
 tum eſſe Pœnitentiæ partes, terrores ſcilicet incuſſos conſcientie agnito peccato,
 & fidem conceptam ex Evangelio, vel Abſolutione, qua credit quis ſibi per
 Chriſtum remiſſa peccata; Anathema ſit.*

Fides non
 eſt pars Pœ-
 nitentiæ, ſed
 diſpoſitio ad
 illam neceſ-
 ſaria.

Fides quidem ad Pœnitentiam deſideratur, ut diſpoſitio neceſſaria, ſicut
 ſuperius diximus. Unde Marc. I. dicitur: *Pœnitimini, & credite Evan-
 gelio*: ſed non eſt pars Pœnitentiæ. Quod ſi de fide, quæ virtus eſt theolo-
 gica, certum eſt; multo certius eſt de fide ſpeciali, ſeu certa fiducia remiſſio-
 nis peccatorum, ex promulgatione Evangelii concepta, quam Lutherus Pœ-
 nitentiæ partem eſſe voluit. Cuius errorem conſigit Canon Tridentinus.
 Quamvis etiam peccatores ad agendam Pœnitentiam ſepe divinitus incuſſis
 terroribus utiliter concutiantur, ſicut Ninivitarum, qui ad Jonæ prædicationem
Plenam terroribus Pœnitentiam egerunt; illi tamen terrores non ſunt
 partes Pœnitentiæ, quæ poſterior illis eſt. Nec vero ſunt neceſſarii vel ad
 Sacramenti perfectionem vel ad peccatorum remiſſionem: ſiquidem abſque
 hujusmodi terroribus integrum eſt Sacramentum, & remiſſio peccatorum ob-
 tinetur, cum peccator ex vero, & ſincero Dei amore compunctus, peccata confeſ-
 tetur, & impoſitam ſibi ſatiſfactionem implet, vel implendi propositum habet.

Cur tres
 actus Pœni-
 tentis quaſi
 materia Sa-
 cramenti
 Pœnitentiæ
 a Concilio
 Tridentino
 dicantur?

Dicuntur porro tres illi Pœnitentis actus ſupra recensiti, *Quaſi materia Sa-
 cramenti Pœnitentiæ*, non quod veræ materiæ rationem non habeant, ſed
 quia ejus generis materia non ſunt, quæ extrinſecus adhibeatur, ut aqua
 in Baptiſmo, & Chriſma in Confirmatione (inquit Concilii Catechiſmus):
 & quia Contritio, Confessio, atque interdum Satisfactio, ſemper vero Sa-
 tiſfactionis adimplendæ propositum, formæ, id eſt, Abſolutionis ſacramen-
 talis pronuntiationem præcedunt, cum in ceterorum Sacramentorum ad-
 mini-

ministratio forma proferri debeat simul, atque materiæ fit applicatio.

Quamvis autem Contritio secundum essentiam sit in corde, virtute tamen ad exteriorem Pœnitentiam pertinet, quatenus includit propositum confitendi, & satisfaciendi (inquit *S. Thomas*) & sensibus patet per exteriores actus Confessionis, & Satisfactionis, aliaque externa doloris signa, sicut contentus internus contrahentium Matrimonium innotescit, ac sensu percipitur per verba, vel alia signa externa. Contritionis vero nomine tam perfecta Contritio intelligitur, quam imperfecta, quæ vocatur Attritio.

Obiervandum nihilominus est, Confessionem, & Satisfactionem ad integritatem Sacramenti Pœnitentiæ non esse ita necessarias, ac Contritionem. Illæ enim ita necessaria est: ut suppleri nunquam possit: illæ vero in extremo vitæ discrimine suppleri possunt, cum homo vi morbi oppressus, linguæ, aut mentis etiam usum subito amisit, postquam externa quædam signa veræ Pœnitentiæ prodidisset. Tunc enim Sacerdos infirmum absolvere potest, adstantium testimonio, aut vitæ antea, & secundum Legem Christianam institutæ suffragio, vicem Confessionis quodammodo suppletibus, cuius, uti & Satisfactionis propositum habuisse pie creditur homo, qui Christiane vixit, & qui signa Pœnitentiæ edidit, ac Sacerdotem vocari iussit, apud quem peccata deponeret, antequam vox eum deficeret. Ita docet *S. Leo* Epist. LXXXII. alias XCI. ad Theodorum Forojuliensem Episcopum. *Verum* (inquit) *etiam talium necessitati ita auxiliandum est, ut & actio illis Pœnitentiæ, & Communionis gratia, si eam etiam amisso vocis officio per indicia integri sensus possulant, non negetur. At si aliqua ægitudine ita fuerint aggravati, & quod paulo ante posscebant, sub præsentia Sacerdotis significare non valeant: testimonia eis Fidelium circumstantium prodesse debebunt, ut simul & Pœnitentiæ, & Reconciliationis beneficium consequantur.*

Sola Contritio nunquam suppleri potest.

Obiervandum rursus, his duobus Pœnitentium officiis, quæ *Isaie* I. 16. & 17. exprimuntur: *Quiescite agere perverse, discite benefacere;* & illis *Psalmi* XII. *Declina a malo, & fac bonum,* intelligi omnia, quæ ad veram Pœnitentiam sunt necessaria. Sic enim a perversis operibus cessandum est, ut vitæ veteris odium, & peccatorum detestatio concipiatur, & ut eorundem Confessio fiat secundum institutionem Christi; atque pro illis Satisfactio divinæ iustitiæ offeratur. Sic etiam discendum est beneagere, ut novæ vitæ propositum, & inchoatio sit in animo Pœnitentis. Unde Propheta eodem loco ait: *Lavamini, mundi estote, auferite malum cogitationum vestrarum ab oculis meis, quærite iudicium, subvenite oppresso, iudicate pupillo, defendite viduam.* Et cap. xxx. *Ezechie* Pœnitentiæ specimen præbens ait: *Recogitabo tibi omnes annos meos in amaritudine animæ meæ.* Adde, hæc duo esse iustitiæ officia, *Declinare a malo, & facere bonum,* nec ad peccatores dumtaxat, sed ad iustos etiam pertinere, ideoque non esse partes Pœnitentiæ.

Duo Pœnitentium officia.

C A P U T IV.

DE MATERIA PROXIMA,
SEU PARTIBUS SACRAMENTI POENITENTIÆ.
ET PRIMO QUIDEM DE CONTRITIONE.
A R T I C U L U S I.*Quid sit contritio? Et in quo vis illius posita sit?*Pœnitentia
Contritionis

Contritio a Concilio Tridentino Sessione XIV. Cap. IV. definitur *Animi dolor, ac detestatio de peccato commisso, cum proposito non peccandi de cetero.*

Doloris nomine non is intelligitur, quem corporis sensu percipimus: Contritio enim est voluntatis actio: & S. Augustinus Sermone CCCLI. alias quinquagesimo inter Homilias quinquaginta, testatur dolorem illum Pœnitentiæ comitem esse, non Pœnitentiam. *Sicut enim (inquit) comes Pœnitentiæ dolor est; ita lachrymæ sunt testes doloris.* Verum peccati detestationem, & odium, doloris vocabulo Patres significarunt: tum quia sacræ Litteræ eo sensu illud usurpant; ait enim David Psalmo XII. *Quamdiu ponam consilia in anima mea, dolorem in corde meo per diem?* Tum quia dolor in inferiori etiam animæ parte, quæ concupiscendi vim habet, ex ipsa Contritione plerumque oritur, quamobrem Contritio non incommode dolor definita est, quod dolore efficiat, ad eumque declarandum Pœnitentes vellem etiam mutare soliti fuerint, ut observat Concilii Tridentini Catechismus. Quæ de re Christus Matthæi XI. ait: *Væ tibi Corozaim: væ tibi Bersaida: quia si in Tyro, & Sidone factæ essent virtutes, quæ factæ sunt in vobis, olim in cilicio, & cinere Pœnitentiam egissent.*

Contritionis
notio.

Recte autem Contritionis nomen huic de peccatis interno dolori impostum est, ducta similitudine a rebus corporalibus, quæ minutim saxo, aut duriore aliqua materia confringuntur: ut eo vocabulo declararetur, corda nostra, quæ superbia obduruerunt, Pœnitentiæ vi contundi, atque conterri. *Quare nullus alius dolor, vel parentum, & filiorum obitu, vel cuiusvis alterius calamitatis causa susceptus, hoc nomine appellatur: (ut observat Concilii Tridentini Catechismus:) Sed illius tantum doloris proprium est nomen, quo ex amissa Dei gratia, atque innocentia afficimur.* Quia enim initium omnis peccati est superbia, per quam homo sensui suo inherens a mandatis divinis recedit; oportet, ut id, quod destruit peccatum, hominem a proprio sensu discedere faciat. Qui autem in suo sensu pertinax est, rigidus, & durus per similitudinem appellatur: & frangi dicitur aliquis, quando a suo sensu divellitur. *Et quia ad dimissionem peccati requiritur, quod affectum peccati homo totaliter dimittat, quem per quamdam continuitatem, & soliditatem in suo sensu habebat; ideo adus ille, quo peccatum dimittitur, Contritio dicitur per similitudinem;*) inquit S. Thomas, in IV. Sententiarum, Dist. XVI. Q. II. A. 1.) Verum aliis quoque vocabulis eadem res declarari solet. Nam & Contritio cordis dicitur, quia cordis nomen frequenter sacræ Litteræ pro voluntate usurpant. Sicut enim cor motionum omnium corporis principium est: ita voluntas reliquas omnes animæ vires moderatur, & regit. Vocatur etiam a SS. Patribus Cordis compunctio: quos inter S. Joannes Chrysostomus Libros duos de Contritione a se editos, *De compunctione cordis* intituere maluit. Quæ etiam

Eccles. 10. 15.

etiam vocabulo *S. Ephrem*, usus est Semone *De extremo Judicio*, & *S. Isidorus Hispalensis*, Lib. II. *De Summo bono*, Cap. XXI. Quemadmodum enim tumida ulcera ferro secantur, ut inclusum virus possit erumpere; ita corda quasi scalpello contritionis adhibito inciduntur, ut peccati mortiferum virus ex iis eliciatur, & exprimatur, ac eo pacto a lethali vulnere sanentur adhibito Sacramenti celestis medicamine, & gratiæ medicinalis Christi per Sacramentum subministrata virtute. Quamobrem a *Joel* Propheta scisso cordis vocata est: *Convertimini ad me* (inquit Dominus) *in toto corde vestro, in jejuniis, & in fletu, & in planctu; & scindite corda vestra.*

Dicitur *Dolor*, ac detestatio de peccato commisso, cum proposito non peccandi de cetero: quia contritionis vis in eo solum posita non est, ut quis peccare desinat, aut propositum ei sit novum vitæ genus instituere, aut ipsum jam instituat: sed in primis male actæ vitæ odium, & expiatio suscipienda est. Hæc igitur tria includit dolor de peccato sincerus; primo cessationem a peccatis: deinde eorundem odium, ac detestationem; tertio vitæ novæ propositum, atque inchoationem. Dolere namque de peccatis nemo potest, nisi prius ab illis cessaverit. Hinc *Isaiæ* I. dicitur: *Lavamini, mundi estote, auferite malum cogitationum vestrarum ab oculis meis: quiescite agere perverse, discite benefacere.* Et Cap. LV. *Derelinquat impius viam suam, & vir iniquus cogitationes suas, & revertatur ad Dominum, & miserebitur ejus, & ad Deum nostrum, quoniam multus est ad ignoscendum.* Apostolus etiam prius hortatur Romanos, ut abjiciant opera tenebrarum, deinde ut induantur arma lucis. *Abjiciamus ergo* (inquit) *opera tenebrarum, & induamur armalucis. Sicut in die honeste ambulemus; non in comessationibus, & ebrietatibus, non in cubilibus, & impudiciis, non in contentione, & emulatione, sed induimini Dominum Jesum Christum.* Et Ephesios prius deponere jussit secundum pristinam conversationem veterum hominem, qui corrumpitur secundum desideria carnis: deinde subjunxit; *Renovamini autem spiritu mentis vestre, & induite novum hominem, qui secundum Deum creatus est in justitia, & sanctitate veritatis.* Qui reconciliari vult amico, quibus eum ante hac injuriis afficiebat, ab iis deinceps jam abstinere, quo facilius redire possit in gratiam. Quæ autem est alia Pœnitentiæ ratio, quam ut reconciliemur Deo, remissione peccatorum impetrata? Cessemus itaque a peccatis necesse est, in quibus, vel in proximis illorum occasionebus quamdiu perseverat aliquis, dolere de illis, eaque ex animo detestari non potest. Primum itaque cessandum est a peccatis, quod tamen solum non sufficit. Doleamus insuper oportet, quod ea perpetraverimus aliquando; ac sicut ea placuerunt antea, sic deinceps detestemur, & odio habeamus. Hinc *Ezechielis* XVIII. dicitur: *Projicite a vobis omnes prævaricationes vestras, in quibus prævaricati estis, & facite vobis cor novum, & spiritum novum.* Quo etiam pertinent pœnitentiæ, & tristitiæ, doloris & gemitus vocabula, quibus Scriptura Sacra utitur; ut cum Christus ait, *Lucæ* XIII. *Si Pœnitentiam non egeritis, omnes similiter peribitis.* Et II. ad Corinthios VII. *Nunc gaudeo, non quia contristati estis, sed quia contristati estis ad Pœnitentiam. Contristati enim estis secundum Deum, ut in nullo detrimentum patiamini ex nobis. Quæ enim secundum Deum tristitia est, Pœnitentiam in salutem stabilem operatur. Ecce enim hoc ipsum secundum Deum contristari vos quantam in vobis operatur sollicitudinem: sed defensionem, sed indignationem, sed timorem, sed desiderium, sed vindictam: Id vero maxime confirmant illi Pœnitentium clamores, quos in sacris Litteris frequenter editos esse legimus. Laboravi, inquit David, in gemitu meo, lavabo per singulas noctes lectum meum, lachrymis meis stratum meum rigabo. . . . Exaudivit Dominus vocem fletus mei. . . . Afflixit sum,*

Rom 19.

Ephes. 4.

sum, & humiliatus sum nimis? rugiebam a gemitu cordis mei ... Et gemitus meus a te non est absconditus. Et *Isaïæ xxxviii.* Ezechias Rex Pœnitens ait: *Domine, vim patior...* *Recogitabo tibi omnes annos meos in amaritudine animæ meæ.* Quas certe, & alias hujusmodi voces vehemens quoddam antea factæ vitæ odium, & peccatorum detestatio expressit. Unde *S. Augustinus* Sermone ccclii. alias xxvii. inter Homilias quinquaginta, ait: *Nemo eligit vitam novam, nisi quem veteris paniter.* Communis certe sensus indicat, ad novam vitam inchoandam opus esse detestatione vitæ prioris, & displicentia. Etiam homini si quis reconciliari vult, ostendit sibi displicere quod cum aliquando offenderit. Quod si delectari se illatis injuriis indicaverit, eoque nomine sibi placuerit, tantum abest, ut in gratiam redeundi potestas illi fiat, majorem etiam ut iram sibi cumulet. Si ad hunc modum agi par est cum homine æque, ac nos mortali, quo ore ad Deum accedemus? qua fronte ei reconciliari postulabimus, nullum de injuriis ipsi factis dolorem præ nobis ferentes?

Merito itaque damnata est Propositio illa Lutheri: *Optima Pœnitentia, nova vita:* quatenus significat non aliam a nobis exigi Pœnitentiam, quam vitam bonam impoſterum. Declaravitque Sacra Synodus Tridentina Sessione xiv. Cap. iv. *Contritione non solum cessationem a peccato, & vitæ novæ propositum, & inchoationem; sed veteris etiam odium continere.*

Dicitur, *Cum proposito non peccandi de cetero:* Quia Pœnitentia sincera non est, nisi Pœnitens certam, & stabilem vitæ emendandæ cogitationem suscipiat, & voluntatem habeat. Hoc vero disertis verbis Deus docet. *Ezechielis xviii.* *Si impius egerit Pœnitentiam ab omnibus peccatis suis quæ operatus est, & custodierit omnia præcepta mea, & fecerit judicium, & justitiam, vita vivet, & non morietur. Omnium iniquitatum ejus, quas operatus est, non recordabor.* Et paulo post: *Cum averterit se impius ab impietate sua, quam operatus est, & fecerit judicium, & justitiam, ipse animam suam vivificabit.* Ac paucis interjectis: *Convertimini, & agite Pœnitentiam ab omnibus iniquitatibus vestris: & non erit vobis in ruinam iniquitas; proſicite a vobis omnes prævaricationes vestras, in quibus prævaricati estis: & facite vobis cor novum, & spiritum novum.* Idem etiam Christus Dominus mulieri in adulterio deprehensæ præscripsit, *Joannis viii.* *Vade & amplius noli peccare.* Item Paralytico illi, quem ad Probaticam Pilcinam curaverat, *Joannis v.* *Ecce sanus factus es; jam noli peccare, ne deterius tibi aliquid contingat.*

Sed natura quoque ipsa, & ratio plane ostendunt, duo illa ad Contritionem esse in primis necessaria, dolorem scilicet de peccato admisso, & propositum cautionemque, ne quid hujusmodi impoſterum committatur. Nam qui amico reconciliari velit, quem injuria aliqua affecerit, & debeat necesse est, quod in eum fuerit injuriosus, & diligenter impoſterum caveat, ne qua in re amicitiam laxasse videatur. Quæ duo obedientiam adjunctam habeant oportet. Hominem enim legi sive naturali, & divinæ, sive humanæ, quibus subiectus est, parere convenit. Quamobrem ipsa Contritio confitendi, & satisfaciendi voluntatem conjunctam habere debet. Unde Concilium Tridentinum Sessione xiv. Cap. iv. ait: *Contritionis motus ita demum preparat ad remissionem peccatorum, si cum fiducia divine misericordiae, & voto præstandi reliqua conjunctus sit, quæ ad rite suscipiendum hoc Sacramentum requiruntur.*

Contritionis definitionem, ejusque mox datas explicationes Sacrorum Canonum auctoritas confirmat, scilicet Canon *Pœnitentia*, Dist. liii. *De Pœnitentia*, ex *S. Gregorio Lib. ix. Epistola xxxix.* aliisque Patribus detumptus, cujus

ejus hæc sunt verba: Pœnitentia est, & mala præterita plangere, & plangenda iterum non committere. Et Canon. Ille, eadem distinctione, qui ex S. Isidoro, Lib. II. De Summo Bono, Cap. XIII. excerptus est: Ille Pœnitentiam diu agit, qui sic præterita mala deplorat, ut futura iterum non committat. Nam qui plangit peccatum, & iterum admittit peccatum, quasi si quis laverit laterem crudum, quem quanto magis laverit, tanto amplius lutum fecit.

Definitionem Contritionis a Sacra Synodo Tridentina consecratam, ceteris merito antepōnimus, quas S. Thomas refert in IV. Sententiarum loco supra laudato. Definiebatur a quibusdam, Dolor de peccatis assumptus, cum proposito confitendi, & satisfaciendi. Ab aliis, Dolor voluntarius pro peccato, semper puniens, quod dolet commississe. Quæ definitio ex Libro De Vera, & falsa Pœnitentia sub nomine S. Augustini edito colligitur. A S. Isidoro Lib. II. De Summo Bono, Cap. 12. Compunctio & humilitas mentis cum lachrymis, veniens de recordatione peccati, & timore iudicii. Ab aliis, Dolor remittens peccatum. Quæ definitio colligitur ex S. Augustini Enarrationibus in Psalmos L. LXXIV. & CXLVI. Ab aliis denique, Humilitas spiritus annihilans peccatum inter spem, & timorem; quæ definitio eruitur ex S. Gregorio Lib. XXXIII. Moralium, Cap. XI.

A R T I C U L U S II.

De Necessitate, & Utilitate Contritionis.

P R O P O S I T I O I.

Contritio ad remissionem peccatorum mortalium, & ad justificationem peccatoris ita necessaria est, ut sine ipsa peccatorum remissio, & gratia justificans obtineri non possit.

Id probant omnia Scripturæ Sacræ loca, quibus Pœnitentiæ, conversionis ad Deum, scissionis cordis necessitas significatur. Joëlis II. Convertimini ad me in toto corde vestro, in jejuniis, in fletu, in planctu, & scindite corda vestra. Quando flere, quando plangere, quando scindere cor jubet, quid aliud quam Contritionem præcipit, sine qua toto corde converti ad Deum non possumus? Ezechielis XVIII. Convertimini, & agite Pœnitentiam ab omnibus iniquitatibus vestris, & non erit vobis in ruinam iniquitas. Isaïæ LX. Dominus evangelizare pauperibus misit me, sanare contritos corde. Ex quo vel solo colligitur, qui sanari vult per Pœnitentiam, eum contrito corde esse oportere. Christus etiam dixit Lucæ XIII. Si Pœnitentiam non egeritis, omnes similiter peribitis. Et Princeps Apostolorum Petrus peccatoribus Baptismo initiandis Pœnitentiam commendans Actuum II. dicebat: Pœnitentiam agite, & baptizetur unusquisque vestrum. Pœnitentiam porro peccati odium, & detestationem, vitæque novæ propositum, & inchoationem complecti, in quo posita est Contritio, Articulo superiore probatum est.

Idque ex Tertulliano confirmatur Libro De Pœnitentia Cap. IX. Itaque (inquit) Exomologesis prosteruendi, & humilificandi hominis disciplina est, conversationem injungens misericordiæ illicem, de ipso quoque habitu, atque victum mandat, sacco, & cineri incubare, corpus sordibus obscurare, animum mœroribus desiccare; illa, quæ peccavit, tristi translatione mutare. Plerumque vero jejuniis preces alere, ingemiscere, lachrymare, & mugire, dies, noctesque ad Dominum Deum suum, Presbyteris advolvi, & charis Dei adgeniculari.

Item ex S. Cypriano in Tractatu De lapsis, dicente: „ Convertamur ad „ Dominum mente tota, & Pœnitentiam criminis veris doloribus exprimentes, Dei misericordiam deprecemur. Illi se anima prosternat, illi mœstitia

Jeel 2.
Necessitas
Contritionis

„satisfaciat: illi spes omnis incumbat. Rogare qualiter debeamus, dicit ipse: *Re-*
 „*vertimini* (inquit) *ad me ex toto corde vestro, simulque in jejuniis, in fletu in*
 „*planctu; & scindite corda vestra, & non vestimenta vestra.* Ad Dominum to-
 „corde redeamus. Iram & offensam eius jejuniis, fletibus, planctibus, sicut
 „admonet Ipse, placemus. Lamentari eum putamus ex toto corde, jejuniis,
 „fletibus, planctibus Dominum deprecari, qui ex primo criminis die lavacra
 „quotidie celebrat, qui epulis affluentibus pascit, & sagina largiore disten-
 „tus, cruditates suas postridie ructat, nec cibos, & potus suos cum paupe-
 „rum necessitate communicat? Qui hilaris, ac lætus incedit, quomodo mor-
 „tem suam deserit? Cumque scriptum sit, *Non corrupetis effigiem barbæ*
 „*vestræ;* barbam vellit, & faciem suam comit: & placere nunc cuiquam
 „studet, qui Deo displicet? An illa ingemiscit, & plangit, cui vacat cul-
 „tum pretiosæ vestis induere, nec indumentum Christi, quod perdidit cogi-
 „tare? Accipere pretiosa ornamenta, & monilia elaborata, nec divini, &
 „cœlestis ornatus damna deslere? ... Si quem de tuis charis mortalitatis exi-
 „tu perdidisses, ingemisceres pariter, & fleres, facie inculcata, veste mutata,
 „neglecto capillo, vultu nubilo, ore dejecto indicia meroris ostenderes. Animam
 „tuam misera perdidisti, spiritaliter mortua supervivere hic tibi, & ipsa am-
 „bulans funus tuum portare cepisti; & non acriter plangis, non jugiter ingemi-
 „scis? Non te vel pudore criminis, vel continuatione lamentationis abscondis?
 „Et infra: „Agite Penitentiam plenam, dolentis, ac lamentantis animi pro-
 „bate mœstitiam. Nec vos quorundam moveat, aut error improvidus, aut
 „stupor vanus, qui cum teneantur in tam grandi crimine, percussî sunt animi
 „cœcitate, ut nec intelligant delicta, nec plangent. Indignantis Dei major
 „hæc plaga est.

Idem confirmat *S. Joannes Chrysostomus* Libro 1. De Compunctione cordis.
 „Lugendum est (inquit) & fletum, & per totam vitam plangendum, ut vel
 „sic occupata in luctu, & lachrymis anima erubescat peccare. Denique lugen-
 „tes pro charorum suorum amissione interrogemus. Si quando aut unicum pa-
 „ter filium, aut uxor ereptum cito plangit maritum, quomodo velut fulmine
 „quodam ista anima contremiscit, & in stuporem vertitur; aufugiunt continu-
 „uo, nec ulquam apparent omnes illæ moles, & dissolute deliciæ; nusquam
 „ventris cura, aut sollicitudo carnis habetur, sed acerrimæ continentiae intro-
 „ducitur Philosophia, abstinetur ab omnibus, aguntur extenta jejunia, iuges vi-
 „gilæ, humicubationes, iuge silentium, quies magna, humilitas ultima, man-
 „suetudo ineffabilis, miseratio immentia: etiam si omnia auferantur, etiam si
 „diripiantur, nihil pro his animus curat, nihil movetur. Etiam si igne concre-
 „mentur universa, & census pariter cum domibus pereat, non indignatur, non
 „irascitur. Multos novi post amissionem charorum nec urbes habitare voluisse,
 „sed commigrasse ad agros, atque ibi jejunium & sobriam duxisse vitam cum
 „omni silentio, & quiete. Alios memini in iplis defunctorum suorum sepulchris
 „habitalum posuisse, atque ibi vitam similem mortuo transigisse. Interim
 „donec dolor in augmentis est, nihil curat anima, nihil cogitat, procul omnis
 „illa insania congregandæ pecuniæ, procul omnis cupiditas possidendi; honoris
 „autem, & ambitionis omnis apud eos gloria tunc vere ut ignem, & velut flos
 „seni videtur, & ita ex omni parte anima transfertur ad Philosophiam, ut deli-
 „ciliarum, atque suavitatum vitæ huius ne ratio quidem ulla habeatur: imo po-
 „tius si quid prius delectabile visum est, si quid gratum, id nunc amarissimum,
 „& odibile ducitur. ... Una sola cogitatio lugenti, unus ingratis imago defun-
 „cti est. ... Sic oportebat, & nos salutem nostram lugere perditam, atque ani-
 „mam nostram mortuam lamentari. Exhibeamus animæ nostræ quod illi
 „exhibent carni alienæ. An non extremæ miseræ est, ut hi quidem qui filios,

„ aut

„ aut uxores lugent, ad nihil aliud occupent mentem suam, nisi ut de-
 „ functos suos quasi intueantur: nos vero quibus salus mortua, & Regni cœ-
 „ lorum spes extincta est, omnia magis quam inde cogitemus? Et illi qui-
 „ dem, etiamsi regii generis sint, nemo tamen erubescit solemnitatem lu-
 „ ctus implere: sed & humi resident, & cum amaritudine lamentantur,
 „ & vestem lugubrem sumunt, & omnia faciunt, quæ ad afflictionem animæ,
 „ & corporis spectant: & neque quod in deliciis nutriti sunt cogitant, neque
 „ florem sui corporis respiciunt, neque metu futuræ ex afflictione ægritudinis
 „ deterrentur, sed omnia ferunt non solum viri, sed multo magis feminae,
 „ etiamsi valde fuerint delicatae. Nos e contra qui non filios, aut uxores, sed
 „ animam lugemus, & animam non alienam, sed nostram, præteximus ægri-
 „ tudinem corporis, & excusamus, quod in deliciis educati sumus. Quid
 „ corporis viribus opus est, cum cor conterere debeamus? Quid necessariæ
 „ sunt vires corporis, ut pura Deo fundatur oratio, ut peccatorum fiat
 „ recordatio, ut humilitas assumatur, ut superbia depellatur? Non re-
 „ quirat Deus ciliciorum pondus, neque concludi inter angustias cellulæ,
 „ neque in obscuris antris, & tenebrosis sedere jubet. Hoc solum est, quod
 „ expocitat a nobis, ut semper recordemur, & ad animum revocemus ma-
 „ la nostra, ut pro his supplicemus Deo, ut gehennam ponamus ob oculos, &
 „ Angelos, qui in die iudicii ubique discurrunt, & congregant de omni orbe
 „ terrarum eos, qui trudenti sunt in gehennam, ac suppliciis tradendi. Pon-
 „ namus etiam ob oculos, quanti doloris est excludi, ac projici a Regno
 „ cœlorum, quod gravius est ipsa gehenna. Nam etsi ignis ille non arde-
 „ ret, & immortalis illi pœna non esset parata, hoc solum quod alieni ef-
 „ ficimur a Christo tam clemente, tam benigno, qui & seipsum pro nobis in
 „ mortem tradidit, & omnia passus est, ut ab illo nos supplicio liberaret,
 „ suoque Patri reconciliaret peccatis nostris inenso, & excludimur a bonis
 „ æternis, nonne omni pœna gravius diceretur, & ad erigendas animas, at-
 „ que ad spem sufficeret incitandas?

Necessitas
Contritio-
nis

Et Homilia ix. in Epistolam ad Hebræos: „ Cujusmodi (*inquit*) est medica-
 „ mentum Pœnitentiæ, & quomodo conficitur? Primum est ex tuorum pec-
 „ catorum condemnatione, & confessione. Dixi, *inquit*, *confitebor adversum*
 „ *me iniquitatem meam Domino, & tu remisisti impietatem cordis mei*. Secundo
 „ ex multa humilitate. Oportet autem alia quoque addere humilitati, si
 „ talis sit, qualem Beatus David habebat, dicens: „ *Cor contritum, & humi-*
 „ *liatum Deus non despicies*: Nam quod est contritum, non exsurgit, non fer-
 „ rit, sed est paratum ad malum quodlibet perferendum. Ejusmodi est cordis con-
 „ tritio etiamsi contumelia affecta fuerit, etiamsi male & indigne accepta, con-
 „ quiescit, nec ad ultionem incenditur. Post humilitatem vero opus est inten-
 „ sis precibus, multis lacrymis, & interdiu, & noctu.

Psalm. 51. 5.

Psalm. 50.

Idem confirmat & S. Augustinus, Enarratione in Psalmum LXXIV. Omnia
 „ sublimia tu contingamus (*inquit*) ad tollimus nos: contra Deus & altus est, &
 „ ab humilibus contingitur. Scriptum est, Prope est Dominus his, qui obtrive-
 „ runt cor. Tritura cordis, pietas, humilitas. Qui se conterit, irascitur sibi.
 „ Se habeat iratum, ut illum habeat propitium: se habeat judicem ut illum ha-
 „ beat defensores. Et in Psal. CLXVI. *explicans illa verba*, „ Qui sanat contri-
 „ tos corde, & alligat contritiones eorum, ait: Noli erubescere, contere cor,
 „ tales sanat Deus. Distortum cor parum est, quod se non corrigat ad Deum,
 „ & Deum vult distortum a se. Quid ergo dicit Deus desuper? Tortus es, æquus
 „ sum. Si tu rectus esses, sentiret æquitatem meam. Quemadmodum si in pa-
 „ vimento æquali poneret distortum lignum, non collocaretur, undique nura-
 „ ret, undique agigaretur; quod non loci inæqualitas, sed distortio ligni facit: si-

Psalm. 51.

Psal. 71.

„cut ait Scriptura, *Quam bonus Israel Deus rediis corde!* Quid ergo tortum cor
 „quomodo dirigitur? Et tortum est, & durum; jam ergo tortum, & durum
 „frangatur, conteratur, ut dirigatur. Tu dirigere cor tuum non potes: Tu fran-
 „ge. Ille dirigat. Quomodo tu frangis? quomodo tu conteris? Confitendo, puni-
 „niendo peccata tua. Quid aliud significat pectorum tunfio? Nisi forte puta-
 „mus ossa nostra aliquid peccasse, cum cœdimus pectus. Sed significamus nos
 „cor conterere, ut a Domino dirigatur. Sanat ergo contritos corde: & sanat
 „ipsius cordis tunc erit perfecta, cum & corporis reparatio implebitur, quæ
 „promissa est. Nunc interim quid facit Medicus? Alligat contritiones tuas, ut
 „possis pervenire ad plenissimam firmitatem, donec consolidetur, quod fractum
 „est, quod alligatum est. Quæ sunt ista alligamenta? Temporalia Sacramenta.

Denique Propositionem nostram Trident. Conc. disertis verbis asserit sessione
 XIV. Cap. IV. *Fuit autem (inquit) quovis tempore ad impetrandam veniam pecca-*
torum hic Contritionis motus necessarius. Qua assertione depellitur etiam Hæreti-
 corum calumnia ab Catholicis Scriptoribus, *Quasi tradiderint Sacramentum Pœ-*
nitentiae absque bono motu suscipientium gratiam conferre: quod nunquam Ecclesia
Dei docuit, nec sensit: ut declarat Sacra Synodus.

P R O P O S I T I O II.

Fructus Contritionis securus est.

Hanc Propositionem Concilii Catechismus ex eo probat, quod cum ple-
 raque alia pietatis studia, veluti beneficia in pauperes, jejunia, preces,
 & alia id genus sancta, & honesta opera, hominum culpa, a quibus
 proficiuntur, a Deo interdum repudientur: ipsa certe Contritio numquam il-
 ligata, & accepta esse non potest. Hinc David Psalmo quinquagesimo ait:
Cor contritum, & humiliatum Deus non despicier. Quem Verum S. Augustinus
 explicans ait: *In te habes, quod offeras. Noli extrinsecus thura comparare,*
 Psal. 55. 12. *sed dic: In me sunt Deus vota tua, quæ reddam, laudes tibi. Noli extrinsecus*
 „pecus, quod mæles, inquirere, habes in te, quod occidas. Sacrificium Deo
 „spiritus contribulatus, cor contritum, & humiliatum Deus non spernit.
 Psal. 50. *Prorsus spernit taurum, hircum, arietem. Jam non est tempus, ut hec offeran-*
 „tur. Oblata sunt cum aliquid indicarent, cum aliquid promitterent: venientibus
 „rebus promissis, promissiones ablatae sunt. „Cor contritum, & humiliatum
 „Deus non spernit. Nostis, quia excelsus est Deus: sicut excelsum feceris, lon-
 „ginquabit a te; sicut humiliaveris, propinquabit ad te.

Idem confirmatur ex Psalmo xxxi. Dixi, *Confitebor adversum me iniqui-*
tatem meam Domino: & tunc misisti impietatem peccati mei. Peccatum suum non-
 dum ore confessus fuerat David, sed corde pronuntiaverat. Et hoc ipsam
 dicere, *Pronuntiabo*, pronuntiare est (inquit S. Augustinus). *Confessio ergo mea*
nondum ad os venerat; dixeram enim, Pronuntiabo adversum me: Verum-
 „tamen Deus audivit vocem cordis mei. *Vox mea in ore nondum erat, sed*
 „aureis Dei jam in corde erat. *Tu dimisisti impietatem cordis mei, quia dixi.*
Pronuntiabo. Pronuntiatio autem interior, qua peccator iniquitatem suam
 adversus se ipsum confitetur, dicens ex intimo animi sensu cor Dei offensam
 dolentis, & peccatum detestantis: *Ego dixi, Domine, miserere mei: salva ani-*
 „mam meam, quia peccavi tibi: Contritio est, exterioris Confessionis votum
 includens. Cum ergo charitate perfecta est hujusmodi contritio, statim homi-
 nem Deo reconciliat ante Confessionem Sacramentalem, & Absolutionem,
 cum solo Sacramenti voto, ut docet Tridentina Synodus. Atque il-
 lius rei figuram in decem Leprosis animadvertimus, qui a Salvatore nostro
 ad Sacerdotes missi, antequam ad illos pervenirent, a lepra liberati sunt.

Psal. 40. 5.

Quotuplex fit Contritio?

Contritio duplex est, ut docet Concilium Tridentinum, Sessione XIV. Cap. IV. perfecta scilicet, & imperfecta.

Contritio perfecta est dolor de peccato commisso, ex amore Dei super omnia conceptus, & charitate perfectus, cum proposito non peccandi in posterum, & voto suscipiendi Sacramentum Pœnitentiæ.

Contritio imperfecta, quæ Attritio dicitur, est dolor, ac detestatio de peccato commisso, vel ex turpitudinis peccati consideratione, vel ex gehennæ, & pœnarum metu conceptus, peccandique voluntatem excludens, cum spe veniæ.

PROPOSITIO I.

Contritio perfecta hominem Deo non reconciliat sine voto Sacramenti Pœnitentiæ; quamvis ante Sacramentum actu susceptum peccatorem iustificet.

Doctrina est Concilii Tridentini Sessione XIV. Cap. IV. declarantis, Et si contritionem aliquando charitate perfectam esse contingat, hominemque Deo reconciliare, prius quam hoc Sacramentum actu recipiatur; ipsam nihilominus reconciliationem ipsi contritioni, sine Sacramenti voto, quod in illa includitur, non esse adscribendam.

Qua ratione Contritio perfecta peccatorem iustificet?

Sed & Sixtus Quartus Pontifex Maximus hunc Articulum Petri Oxomeni damnavit: Peccata mortalia delentur per solam cordis contritionem, sine ordine ad claves Ecclesiæ.

Id confirmat præclarus S. Augustini locus, Sermone CCCL. alias quinquagesimo inter Homilias quinquaginta: *Quisquis ergo (inquit) post baptismum aliquorum pristinorum malorum opere obligatus tenetur, usque adeo ne sibi inimicus est, ut adhuc dubitet vitam mutare, cum tempus est, cum ita peccat, & vivit: ... Implicatus igitur tam mortiferorum vinculis peccatorum, detrahatur aut differt, aut dubitat confugere ad ipsas claves Ecclesiæ, quibus solvatur in terra, ut sit solutus in cælo; & audet sibi post hanc vitam, quia tantum Christianus dicitur, salutem aliquam polliceri, nec veridico illo dominicæ vocis tonitruo contremiscit:* „ Non omnis, qui dicit mihi, Domine, Domine, ne intrabit in Regnum Cælorum; sed qui facit voluntatem Patris mei, qui in cælis est, ipse intrabit in Regnum Cælorum ... „ Judicet ergo se ipsum homo in istis voluntate, dum potest, & mores convertat in melius: ne cum jam non poterit, etiam præter voluntatem a Domino iudicetur. Et cum ipse in se protulerit severissimæ medicinæ, sed tamen medicinæ sententiam, veniat ad Antistites, per quos illi in Ecclesia claves ministrantur: & tamquam bonus jam incipiens esse filius, maternos membrorum ordine custodito a Præpositis Sacramentorum accipiat Satisfactionis suæ modum: ut in offerendo sacrificio cordis contribulati devotus, & supplex, id tamen agat, quod non solum ipsi profit ad recipiendam salutem, sed etiam ceteris ad exemplum.

Math. 7. 21.

Denique S. Thomas in IV. Sententiarum, Dist. XVII. Q. III. A. V. Quæstiuncula I. docet, quod „ Pœnitentia, in quantum est Sacramentum, præcipue in Confessione perficitur; quia per eam homo Ministris Ecclesiæ se subdit, qui sunt Sacramentorum dispensatores. Contritio enim votum Confessionis annexum habet; & satisfactio, pro iudicio Sacerdotis, cui fit confessio, taxatur. Et quia in Sacramento Pœnitentiæ gratia infunditur, per

„ quam fit remissio peccatorum, sicut in Baptismo; ideo eodem modo Confes-
 „ sio ex vi Absolutionis conjunctæ remittit culpam, sicut Baptismus. Libe-
 „ rat enim Baptismus a morte peccati non solum secundum quod actu reci-
 „ pitur, sed etiam secundum quod in voto habetur; sicut patet in illis, qui jam
 „ sanctificati ad Baptismum accedunt: & si aliquis impedimentum non præsta-
 „ ret, ex ipsa collatione Baptismi gratiam consequeretur remittentem pecca-
 „ ta, si prius ei remissa non fuissent. Et similiter dicendum est de Confessio-
 „ ne (adiuncta Absolutione) quod secundum quod in voto Pœnitentis præ-
 „ cessit, a culpa liberavit: postmodum autem in actu Confessionis, & Abs-
 „ lutionis gratia augetur; & etiam remissio peccatorum daretur, si præcedens
 „ dolor de peccatis non sufficiens ad Contritionem fuisset, & ipse tunc obi-
 „ cem gratiæ non haberet.

Et Opusculo xxxii. *De forma Absolutionis*, Cap. 11. Nullus (inquit) reputatur contritus, nisi habeat propositum subiiciendi se Ecclesiæ Clavibus, quod est habere Sacramentum in voto.

PROPOSITIO II.

*Contritio perfecta non est necessaria ad justificationem peccatoris in Sa-
 cramento Pœnitentiæ; sed imperfecta, que vocatur Attritio, cum
 Sacramento sufficit.*

Contritio
perfecta non
est necessa-
ria cum Sa-
cramento
Pœnitentiæ.

ID colligitur ex Concilio Tridentino, Sessione xiv. Cap. iv. ubi declarat, Contritionem imperfectam, que Attritio dicitur, quamvis sine Sacramento Pœnitentiæ per se ad justificationem perducere peccatorem nequeat; tamen cum ad gratiam in Sacramento Pœnitentiæ impetrandum disponit. Nihil autem magis haberet cum Sacramento conjuncta, & per se spectata sine Sacramento, nisi sufficeret ad justificationem peccatoris, quatenus cum Sacramento conjuncta est. Nam & per se spectata sine Sacramento, ad gratiam impetrandam disponit.

Præterea, si perfecta contritio necessaria esset cum Sacramento, sequeretur, Absolutionem Sacerdotis non esse verum iudicium, nec vere peccata remittere, quod illius tamen verba significant; sed solum remissa declarare: siquidem perfecta contritio peccati remissionem operatur: charitas enim perfecta rare cum reatu peccati non potest. Is autem error est a Sacra Synodo Tridentina damnatus Sessione xiv. Canone ix. cuius hæc sunt verba: *Si quis dixerit, Absolutionem Sacramentalem Sacerdotis non esse solum iudicalem, sed nudum ministerium pronuntiandi, & declarandi remissa esse peccata confitenti; modo tantum credat se esse absolutum; Anathema sit.*

Id confirmat Concilii Catechismus P. 11. Cap. *De Pœnitentiæ Sacramento*, §. xlvii. Ex Fidei (inquit) Catholicæ doctrina omnibus credendum, & constanter affirmandum est: si quis ita animo affectus sit, ut peccata admissa deleat, simulque impossibile non peccare constituat: & si huiusmodi dolore non efficiatur, qui ad impetrandam veniam satis esse possit: ei tamen cum peccata Sacerdoti rite confessus fuerit, vi Clavium seclera omnia remitti, ac condonari: ut merito a sanctissimis viris Patribus nostris celebratum sit, Ecclesiæ Clavibus aditum in celum aperiri: de quo nemini dubitare licet, cum a Florentino Concilio decretum legamus, Pœnitentiæ effectum esse Absolutionem a peccatis.

Obiciet quipiam, SS. Patres, & præsertim S. Gregorius Magnus, exemplo Lazari prius ad vitam Christo revocati, quam a Discipulis solveretur, probare peccatorem prius a morte peccati ad vitam gratiæ revocari (quod utique non fit nisi contritione perfecta) quam a Sacerdote absolvari: ac proinde Contritionem perfectam ad justificationem peccatoris in Sacramento.

Pœni-

Pœnitentiæ esse necessariam: nec imperfectam, quæ vocatur Attritio, cum Sacramento sufficere. Sic autem loquitur S. Gregorius Hom. xxvi. in Evangelia: „Causæ pensandæ sunt, & tunc ligandi, atque solvendi potestas exercenda. Videndum est, quæ culpa præcessit, aut quæ sit Penitentia secuta, post culpam: ut quos omnipotens Deus per compunctionis gratiam visitat, illos Pastoris sententia absolvat. Tunc enim vera est Absolutio Præsentis, cum æterni arbitrium sequitur Judicis. Quod bene quatruidani mortui resuscitatio illa significat, quæ videlicet demonstrat, quia prius mortuum Dominus vocavit, & vivificavit dicens: *Lazare, veni foras*: & postmodum, qui vivens egressus fuerat, a Discipulis est solutus, sicut scriptum est: *Et statim prodiit, qui fuerat mortuus, ligatus pedes, & manus institis, & facies illius sudario erat ligata. Dicit eis J. sus Solvite eum, & finite abire.* Ecce illum Discipuli jam viventem solvunt, quem Magister resuscitaverat mortuum. Si enim Discipuli Lazarum mortuum solverem; factorem magis ostenderent quam virtutem. Ex qua consideratione intuendum est, quod illos debemus per Pastoralem Auctoritatem solvere, quos Auctorem nostrum cognoscimus per suscitantem gratiam vivificare.

Joan. 11. 44.

Respondetur, Peccatorem non absolvi a Sacerdote, nisi prius fuerit a Deo suscitatus a morte peccati ad vitam gratiæ, resurrectione inchoata, non perfecta, & consummata, resurrectio, & vita spiritualis inchoata, est effectus gratiæ actualis animam interius excitantis, & moventis. Resurrectio, & vita spiritualis perfecta, & consummata, est effectus gratiæ justificantis. Prior Absolutionem Sacramentalem præcedere debet, sicut resurrectio Lazari solutionem eius ministerio Discipulorum Christi factam: posterior fit Absolutionis ipsius virtute, & efficacia. Prior ab affectu peccati voluntatem avertit, & revocat, & ad Deum convertit: posterior a reatu peccati hominem suscitatur. Prior Contritioni tribuitur; posterior Sacramento Pœnitentiæ, id est, ipsi etiam Confessioni, & Absolutioni Sacramentali. Itaque vitam inchoatam Contritio imperfecta sive Attritio ex impulsu, & dono Spiritus Sancti concepta operatur; & ad vitam perfectam per Sacramentum Pœnitentiæ conferendam disponit. Quod significat S. Gregorius his verbis: „Ut quos omnipotens Deus per compunctionis gratiam visitat, illos Pastoris Sententia absolvat. „Idemque docet S. Augustinus Serm. 67. alias 8. *De Verbis Domini*, cap. 1. & 11. „Qui confitetur, inquit, foras prodit foras prodire non posset, nisi viveret: vivere non posset, nisi resuscitatus esset.... Dicit ergo alius: „Quis? Quid prodest Ecclesia, si jam confessor voce Dominica resuscitatus prodit? Quid prodest Ecclesia confitenti, cui Dominus ait, *Quæ solveritis in terra, soluta erunt, & in celo*? Ipsum Lazarum attende: cum vinculis prodit. Jam vivebat confitendo; sed nondum ambulabat, vinculis irretitus. Quid ergo facit Ecclesia, cui dictum est, *Quæ solveritis, soluta erunt*? Nisi quod ait Dominus, minus continuo ad Discipulos, *Solvite illum, & finite abire*. Qui reatu, & vinculis peccati nondum solutus est, nondum vivit vita perfecta, & consummata. Sed peccator ante Sacramentalem Absolutionem, quæ fit potestate clavium Ecclesiæ traditarum, nondum solutus est reatu, & vinculis peccati: nondum igitur vivit vita perfecta, & consummata: nisi forte Contritionem charitate perfectam esse contingat: quo casu nec ipsa Contritio per se, sed votum Sacramenti in ea inclusum, spiritalem peccatoris resurrectionem operatur.

Necessitas Contritionis.

Matth. 18.

Confirmatur hæc Responsio ex S. Thoma idem argumentum traſſante Opusculo xxii. cap. 11. *Constat* (inquit) quod Dominus Lazarum suscitavit, & Discipulis solvendum mandavit: ergo Discipuli absolvunt. Per hoc ergo non ostenditur, quod Sacerdos non absolvat, aut non debeat dicere: *Ego te absolvo: sed quod cum non debet absolvere, in quo signa contritionis non*

D. 4.

videt,

videt, per quam homo iustificatur interius a Deo culpa remissa.

Idem confirmat S. Bonaventura in iv. Sententiarum Dist. xvii. P. 11. A. 11. Q. iv. ubi explicans hanc S. Augustini Sententiam: *Nemo potest confiteri nisi suscitatus; quia a mortuo, velut qui non est, perit confessio*: respondet: *Dicendum quod vocat suscitatum, dispositum per charitatem, qui jam incipit suscitari, cum atteritur per dolorem. Et in Confessione plerumque recipit viam*. Idemque S. Thomas tensus est Q. vii. Supplementi, Art. 1. dicentis in Responsione ad secundum: *Confessio presupponit charitatem, qua quis vivus efficitur. Contritio autem est, in qua datur charitas*.

PROPOSITIO III.

Attritio naturalis non sufficit, etiam cum Sacramento, ad hominem Deo reconciliandum.

Pelagiana est illa propositio Molinae in Concordia Q. 14. A. 13. Disput. 1. liberum Arbitrium cum solo concursu Dei, elidere potest actum Contritionis naturalem.

Naturalis Attritio dicitur, quam rationes mere naturales excitant, & quæ solis naturæ viribus concipitur; cum scilicet quis dolet de peccato commissio propter infamiam ex eo consecutam, aut aliud quodcumque damnum, vel supplicium temporale; vel quia contra rationem, & honestatem esse intelligit, quod fecit; aut quia illud improbari videt a parentibus, amicis, viris probis, sequi illis hoc nomine displicere, quod illud commiserit.

Hanc autem Attritionem etiam cum Sacramento non sufficere ad hominem Deo reconciliandum, probant Scripturæ Sacræ testimonia, quibus veræ conversionis ad Deum ex toto corde necessitas significatur ad remissionem peccati obtinendam. Ezechiel xviii. *Convertimini & agite Penitentiam ab omnibus iniquitatibus vestris, & non erit vobis in ruinam iniquitas*. Et cap. xxxiii. *Si impius non fuerit conversus a via sua mala, ipse in iniquitate sua morietur*. Jeremiæ xxix. *Queretis me, & invenietis, cum que feceritis me in toto corde vestro*. Joelis ii. *Convertimini ad me in toto corde vestro Scindite corda vestra, & convertimini ad Dominum, quia benignus, & misericors est*. Act. ii. *Pœnitementi, & convertimini, ut delvantur peccata vestra*. Et ii. ad Corinth. vii. *Quæ secundum Deum tristitia est, Pœnitentiam in salutem stabilem operatur*. Sed qui Attritionem naturalem solum habet de peccato, non convertitur ad Deum ex toto corde, nec ejus tristitia secundum Deum est, cum infideles, & impii sic de peccatis doleant; & ita doluerit Antiochus, ut habetur ii. Machabæorum ix.

Necessitas Contritionis.

Præterea, Contritio quovis tempore fuit ad peccatoris justificationem necessaria, ut docet Concilium Tridentinum. Attritio autem naturalis non est vera contritio, cum non sit *Donum Spiritus Sancti*, sine cuius gratia nihil salutare ex nobis habere possumus, secundum Concilii Tridentini definitionem Sess. vi. Can. iii. *Si quis dixerit, sine præveniente Spiritus Sancti operatione, atque ejus adiutorio, hominem credere, sperare, diligere, aut pœnitere posse sicut oportet, ut ei justificationis gratia conferatur; Anathema sit*. Quod & ab Arausiana Synodo secunda jam olim definitum fuerat. Et certe cum gratia sanctificans, ad quam in Sacramento Penitentiae impetrandam Contritio imperfecta, sive Attritio disponit, sit supernaturalis, Attritionem ipsam ejusdem ordinis esse, necesse est.

Propositio damnata.

Denique Innocentius XI. Pontifex Maximus hanc inter alias Propositionem damnavit: *Probabile est sufficere Attritionem naturalem, modo honestam*. Et Clerus Gallicanus in Conventu generali anni 1700. hanc propositionem judicavit, ac declaravit *Hæreticam*.

P R O P O S I T I O IV.

Attritio, qua quis dolet de peccato quatenus Dei offensa est, non tamen absoluta, & efficaci voluntate, non sufficit, etiam cum Sacramento, ad justificationem peccatoris.

HÆc enim Attritio peccandi voluntatem, & affectum non excludit, adeoque non est verus Dolor, & detestatio de peccato commisso, cum proposito non peccandi de cetero, nec Vitæ veteris odium, & vitæ novæ propositum, & inchoationem continet: quæ necessaria sunt omnino ad Contritionem tam perfectam, quam imperfectam, quæ dicitur Attritio. Unde & ulurarii, & concubinarij, alijque peccati mortalis habitu, consuetudine, & occasionibus implicati, dolent interdum de peccato quatenus Dei offensa est, non tamen absoluta, sed inefficaci dumtaxat, & suspensa voluntate, quæ velleitas nuncupari solet: quibus tamen inutilis est hujusmodi dolor, quia in peccatis nihilominus perseverant, & cum Dei vocem interius loquentis audierint, corda sua fiunt obdurari fallacia peccati.

P R O P O S I T I O V.

Attritio ex turpitudinis peccati consideratione, vel ex gehennæ, & pœnarum metu concepta, utilis est, & ad justificationem disponit.

Gehennæ, sive pœnæ æternæ timorem ex fide conceptum, utilem esse, & ad justificationem disponere, probat illud Scripturæ Sacræ oraculum, Timor Domini expellit peccatum: nam qui sine timore est, non poterit justificari. Unde Christus ad timorem Dei, pœnas æternas justo iudicio peccatoribus infligentis, homines adhortatur, Matth. x. *Time te, qui potes, & animam, & corpus perdere in gehennam.* Eccl. 1.

Id confirmat S. Augustinus, Serm. clxi. alias xviii. De Verbis Apostoli, cap. viii. *Modo (inquit) cum dicis mihi, Gehennam timeo, ardere timeo, in æternum puniri timeo: quid dicturus sum? Male times, vane times? Non audeo, quando quidem ipse Dominus ablato timore, subiecit timorem; & ait, ubi dixit, Nolite timere eos, qui corpus occidunt, & postea non habent, quid faciant: sed eum time, qui habet potestatem, & corpus, & animam perdere in gehennam ignis: ita dico vobis, hunc time. Cum ergo Dominus timorem incusserit, & repetendo verbum comminationem geminaverit, dicturus ego sum, Male times? Ista non dicam. Plane time, nihil melius times; nihil est, quod magis timere debeas. Sed interroga te, si te non videret Deus, quando facis, nec quisquam te convinceret in iudicio illius, faceres? Tu te vide. Non enim potes ad verba omnia mea respondere, inspicere teipsum. Faceres? Si faceres, ergo pœnam times, castitatem nondum amas, charitatem nondum habes: serviliter times; formido est mali, nondum dilectio boni. Sed time tamen, ut ista formido custodiat te, ut perducat ad dilectionem. Timor enim iste, quo gehennam times, & ideo mala non facis, continet te; & sic volentem peccare animum interius non sinit. Est enim quidam custos timor, quasi Pedagogus legis; littera est minans, nondum gratia juvans. Custodiat tamen te timor iste, dum non facis timendo, & venit charitas; intrat in cor tuum; & quantum illa intrat, tantum timor exit. Timor enim id agebat, ne faceres: charitas id agit, ut nolis facere, etiamsi impune possis admittere. Timor itaque servilis, quo voluntas peccatum refugit, & averfatur eo nomine, quod peccantem obnoxium reddat penis a Deo iusto Iudice infligendis, utilis est, quia prohibet saltem opus externum peccati;*

Necessitas Contritionis.

Matt. 10. 28.

Attritio servilis non est mala.

Timor disponit ad dilectionem.

cati: & ad charitatem disponit, removendo impedimenta. *Nisi enim timore incipiat homo Deum colere, non perveniet ad amorem.* Initium sapientiae timor Domini: incipit ergo a vinculis ferreis, finitur ad torquem aureum. *Didum est enim de Sapientia: Et torquem aureum circa tuam cervicem. Non tibi imponderet torquem aureum, nisi primo in compedibus ferreis te alligasset.* Capisti a timore, consummaris ad sapientiam; (inquit S. Augustinus, Enarratione in Psalmum cxlix.)

Eandem doctrinam pluribus in locis confirmat; scilicet Enarratione in Psalm. cxxvii. *Ille timor* (inquit) *nondum castus, praesentiam, & penas timet. Timore facit quicquid boni facit; non timore amittendi bonum illud, sed timore patiendi illud malum. Non timet ne perdat amplexus pulcherrimi Sponsi, sed times ne mittatur in gehennam. Bonus est & iste timor, utilis est.*

Et Lib. 1. Contra Adversarium Legis, & Prophetarum; cap. xvi. Salubriter non solum bonitatem, verum etiam severitatem Dei Sancta Scriptura commendat, quoniam & amatur Deus utiliter, & timetur:

Propositionem nostram confirmat Synodus Tridentina, Sess. vi. Can. viii. cuius haec sunt verba: *Si quis dixerit, gehennae metum, per quem ad misericordiam Dei de peccatis dolendo confuginus, vel a peccando abstinemus, peccatum esse, aut peccatores peiores facere; Anathema sit.* Quo Canone configitur error Lutheri asserentis, Timorem gehennae malum esse, & hominem facere hypocritam. Contra quem & cap. iv. Sess. 14. declarat. *Contritionem imperfectam, quae Attritio dicitur, quoniam vel ex turpitudinis peccati consideratione, vel ex gehennae, & poenarum metu communiter concipitur; si voluntatem peccandi excludat cum spe veniae, non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsus; non adhuc quidem inhabitantis, sed tantum moventis, quo Poenitentis adjutus viam sibi ad justitiam parat. Et quamvis sine Sacramento Poenitentiae per se ad justificationem perducere peccatorem: nequeat; tamen eum ad gratiam in Sacramento Poenitentiae impetrandam disponit.* Hoc enim timore utiliter concussi Ninivitae, ad Jonae predicationem plenam terroribus Poenitentiam egerunt, & misericordiam a Domino impetrarunt.

Objicitur: Omnem motum, qui oritur ex cupiditate, malum esse: atqui timor gehennae oritur ex cupiditate: timor enim, qui oritur ex amore creaturae, oritur ex cupiditate: timor porro gehennae, aliarumve poenarum peccato debitarum oritur ex amore creaturae: ideo enim gehennam, aliasve poenas timet homo, quia se ipsum diligit. Timor itaque poenarum malus est: ac proinde Attritio ex illo metu concepta non videtur esse utilis, nec ad justificationem disponere.

Respondetur, Timorem gehennae oriri ex amore creaturae, in quo non quiescit, ut in fine ultimo. Unde non oritur ex cupiditate. Quod enim est ex impulsu Spiritus Sancti, nondum quidem inhabitantis, sed moventis, non est ex cupiditate; sed timor poenarum quo peccator concussus ad divinam misericordiam confugit, est ex impulsu Spiritus Sancti, nondum quidem inhabitantis, sed moventis, ut docet Tridentina Synodus: non est igitur ex cupiditate. Neque vere omnis amor creaturae & sui ipsius est inordinatus, cum ordo charitatis postulet, ut nos ipsos secundum Deum diligamus, & proximum sicut nosmetipsos; sed tunc solum est illicitus, cum in creatura sistit, & ad Deum, qui ultimus appetitus finis est, non refertur. Deinde quamvis timor gehennae inordinatus oriatur ex amore creaturae, non tamen ordinatus. Timor ordinatus est, quo plus culpa timeatur quam poena. Inordinatus, quo plus poena timeatur quam Dei of-

Psalm. 110.
Prov. 1. 9.

Error Lutheri.

Servilis Attritio non est mala.

Objectionibus Haeticorum respondetur.

fensa;

fensa; qui etiam servilis appellatur. At servilitas ista (ut ita loquar) vitium est timentium, non timoris ipsius. Sicut enim amor creaturarum, & appetitus naturalium bonorum per se bonus est, sed amantium vitio malus fit, quia hærent colligati creaturis, nec amando transeunt, quo eos transire Lex Dei jubet: ita non timoris, sed timentium vitium est, si in malis timentidis ad finem ultimum non referant timorem, id est, ad finem charitatis de corde puro, de conscientia bona, & fide non ficta.

Obijciunt secundo illud *S. Augustini* principium: *Inimicus est justitiæ, qui pœnæ timore non peccat*: timor itaque pœnarum malus est.

Respondetur, ex illo principio id minime sequi quod colligitur: non sequitur (inquam) timorem pœnæ malum esse, sed adhuc malum esse, qui serviliter timet; quia ita affectus est, ut peccare vellet, nisi Deus pœnas peccatori comminaretur: unde abstinet solum ab opere externo peccati, quia timor intra claustra cogitationis coercet malam cupiditatem. Ceterum timor paulatim cupiditatem demat, malamque consuetudinem frangit, ut *S. Augustinus* docet Serm. clxxx. alias xxviii. *De Verbis Apostoli*, cap. ix. Ex quo (inquit) Deo servire cepimus, & quantum malum sit in perjurio vidimus, timuimus vehementer, & veternoissimam consuetudinem timore frenavimus. Frenata restringitur, restricta languescit, languescens emoritur, & male consuetudini bona succedit: Et infra: Lingua facilitatem habet motus, in udo posita est, facile in lubrico labitur. Quanto illa citius, & facilius movetur, tanto tu adversus illam fixus es. Domabis, si vigilabis; vigilabis, si timebis; timebis, si Christianum te esse cogitaveris. Ita plerumque fit, Ut Deo terrente, & hortante, convertente, & implente, humanus in melius mutetur affectus. Et quod erat necessitate ceptum, fiat charitate perfectum (ut loquitur *S. Augustinus* Lib. ii. *De Adulterinis Conjugiis*, cap. xix.)

Obijciunt tertio; Timor qui expellitur a charitate malus est: sed *Perfœcta charitas foras mittit timorem* (ut docet *Apostolus S. Joannis* Epist. i. cap. iv.) Timor itaque pœnarum malus est.

Respondetur, primam Propositionem falsam esse. Non enim quicquid expellitur a charitate, ipsi per se contrarium est, & secundum substantiam (ut ita loquamur) sed secundum statum dumtaxat, & perfectionem; Peccatum expellitur, & aboletur a charitate, ut per se ipsi contrarium; timor vero ab eadem expellitur, ut contrarius ejus perfectioni. Unde non sequitur, timorem pœnæ esse per se malum, sed solum imperfectum. Charitas autem hunc timorem expellens, adducit alium perfectiorem, scilicet timorem castum, manentem in sæculum sæculi. Id egregie *S. Augustinus* explicat, Sermone clxi. alias xviii. *De Verbis Apostoli*, cap. ix. *Sellamini charitatem* (inquit), intret charitas, admittite illam, timendo peccare, admittite amorem non peccantem, admittite amorem bene viventem. Illa intrante, incipit timor exire. Quanto plus illa intraverit, tanto timor minor erit. Cum illa tota intraverit, nullus timorebit: quia perfecta charitas foras mittit timorem. Intrat ergo charitas, pellit timorem. Non autem intrat & ipsa incommutata. Habet secum suum timorem, quem introducit ipsa; sed illum castum, permanentem in sæculum sæculi. Servilis timor est, quo times cum diabolo ardere; timor castus est, quo times Deo displicere. Considerate, Charissimi, & ipsos humanos interrogate affectus. Timet servus offendere Dominum suum, ne jubeat eum verberari, jubeat in compedes mitti, jubeat carcere includi, jubeat eum pistrino conterri. Hæc timens servus non peccat: sed quando senserit absentes oculos Domini sui, nec habuerit testem, a quo possit convinci, facit. Quare facit? Quia pœnam timebat, non justitiam

Timor servilis, & timor casti discernitur

25 tiam diligebat. Vir autem bonus, vir iustus, homo liber ... delectatur
 26 ipsa iustitia: & si possit sine teste peccare, testem reformidat, & Deum:
 27 & si possit audire Deum dicentem sibi, Video te, cum peccas, non te
 28 damnabo, sed displices mihi: ille nolens displicere oculis Patris, non
 29 formidolosi Judicis, timet, non ne damnetur, non ne puniatur, non ne
 30 crucietur, sed ne offendat gaudium paternum, ne displiceat oculis aman-
 31 tis. Si enim amat ipse, & amantem suum Dominum sentit, non facit,
 32 quod displicet amanti se. *Eandem doctrinam luculento exemplo explicat*
 33 *cap. x Lubricos (inquit) & inhonestos amatores attendite; si quis amore*
 34 *foeminae lascivus, & nequam vestit se aliter, quam illi placet, vestit*
 35 *se aliter, quam amata suæ placet, aut ornat se aliter, quam illi pla-*
 36 *cet: illa dixerit, Nolo habeas talem byrrhum; non habet: si perhye-*
 37 *mem illi dicat, In lacerna te amo; eligit tremere, quam displicere.*
 38 Numquid illa, cui displicet, damnatura est? Numquid in carcerem mis-
 39 sura? Numquid tortores adhibitura? Hoc solum ibi timeatur, Non te vi-
 40 debo: hoc solum ibi contremiscitur, Faciem meam non videbis. Si hoc
 41 impudica dicit, & terret: Deus dicit, & non terret? Sane plurimum,
 42 sed si amamus. Si autem non amamus, non inde terremur, sed terre-
 43 mur ut servi, de igne, de gehenna, de atrocissimis tartareis minis, de
 44 exaggeratissimis diaboli angelis, ejusque suppliciiis. Vel inde terreamur.
 45 Si illud minus amamus, vel illa timeamus.

Timor lo-
 cum præpa-
 rat charita-
 ti.
 Eccl. i.

Non minus necesse est id explicat Tract. ix. in Epistolam S. Joannis. *Er-*
 46 *go (inquit) timor non est in charitate. Sed in qua charitate? Non in inchoa-*
 47 *ta. In qua ergo? Sed perfecta, inquit, charitas foras mittit timorem. Ergo*
 48 *incipiat timor: quia initium sapientiæ timor Domini. Timor quasi lo-*
 49 *cum præparat charitati. Cum autem cœperit charitas habitare, pelli-*
 50 *tur timor, qui ei præparavit locum. Quantum enim illa crescit, ille*
 51 *decrescit: & quantum illa fit interior, timor pellitur foras. Major cha-*
 52 *ritas, minor timor: minor charitas, major timor. Si autem nullus ti-*
 53 *mor, non est, qui intret charitas. Sicut videmus per setam introduci*
 54 *linum: quando aliquid fuitur, seta prius intrat, sed nisi exeat, non suc-*
 55 *cedit linum: sic timor primo occupat mentem, non autem ibi remanet*
 56 *timor, quia ideo intravit, ut introduceret charitatem.... Stimulat timor:*
 57 *sed noli timere, intrat charitas, quæ sana, quod vulnerat timor. Ti-*
 58 *mor Dei sic vulnerat, quomodo Medici ferramentum putredinem tollit,*
 59 *& quasi videtur vulnus augere. Ecce putredo quando erat in corpore,*
 60 *minus erat vulnus, sed periculosum: accedit ferramentum Medici; mi-*
 61 *nus dolebat illud vulnus, quam dolet modo cum secatur. Plus dolet,*
 62 *cum curatur, quam si non curaretur: sed ideo plus dolet accedente me-*
 63 *dicina, ut numquam doleat succedente salute. Occupet ergo cor tuum*
 64 *timor, ut inducat charitatem: succedat cicatrix ferramento Medici.*
 65 *Talis est Medicus, ut nec cicatrices appareant: tu tantum subde te*
 66 *dexteræ ipsius. Nam si sine timore es, non poteris justificari.... Opus*
 67 *est ergo, ut intret timor primo, per quem veniat charitas. Timor me-*
 68 *dicamentum, Charitas sanitas.*

Utrum Attribitio ex solo pœnarum metu concepta nullumque Dei amorem includens, cum Sacramento sufficiat ad justificationem peccatoris; an Dei amorem super omnia includere debeat necessario; questio est summam Fidei non spectans.

DE illa enim etiamnum disputant Catholici Theologi: nec affirmans, negantive sententia ex Scriptura, vel Traditione certo, & aperte colligitur: nec a Synodo Tridentina, aut altero Ecclesiæ Judicio finita est. Synodi namque Tridentinæ tempore, nulla ea de re Catholicos inter, & Hæreticos erat controversia. Unde id unum Sacra Synodus contra Lutherum pronuntiavit, & declaravit, *Eam Contritionem, quæ paratur per discussionem, collectionem, & detestationem peccatorum, qua quis recogitat annos suos in amaritudine animæ suæ, ponderando peccatorum suorum gravitatem, multitudinem, fedtatem, amissionem æternæ beatitudinis, & æternæ damnationis incursum, cum proposito melioris vitæ, esse verum, & utilem dolorem; præparare ad gratiam; nec facere hominem hypocritam, & magis peccatorem; demum illum non esse dolorem coactum, sed liberum, ac voluntarium: contrariumque sentientes, & asserentes Anathemate confixit.*

Utrum Attribitio sine Dei amore inchoato sufficiat cum Sacramento.

Id confirmat Cardinalis Palavicinus in Historia Concilii Tridentini, Lib. XII. cap. X. ubi refert hanc fuisse Theologorum Tridentinorum mentem, ut error Hæreticorum damnaretur, tanquam inhonestum improbatum pœnæ timorem; non item, ut ferrent, sententiam de Scholastica Quæstione, an huiusmodi timor non solum absque contritione animi perfecta (de quo controversia vix fuit) sed etiam absque eo, quod ullus excitetur amor imperfectus, sufficiat ad peccatorum remissionem in Sacramento. Id vero clare liquet ex ipsa probatione Concilii, qua hujus Articuli doctrinam firmat Capite quarto; nimirum, Niniutarum Pœnitentiam ex timore perfectam ipsis profuisse; cum certum esset, eo tempore, quo Sacramentum Pœnitentiæ adhuc non extabat, eam formidolosam Pœnitentiam minime sufficere per se ipsam ad peccatum delendum; sed vim tantummodo habuisse ad impetrandam novam gratiam, cujus ope adjiceretur charitatis affectus, quem omnes necessarium fuisse fatentur ante Novam Legem ad iustitiam recipiendam. Addit Palavicinus, in Patrum Conventu id paucos attigisse. Aliquod dumtaxat vestigium opinionis negantis necessitatem amoris, inveniri in iis, quæ Granatensis disputavit. At vero Joannem Amilianum, Hispaniensem, Tudetanum Antistitem, extremum oppositæ sententiæ tenuisse: hoc est, opus esse Contritione perfecta; nec tamen hinc argui per Sacramentum peccata non remitti, quippe, quæ jam invenit remissa præeuntis Contritionis efficacitate: siquidem, aiebat, Ipsa Contritio id præstat virtute Sacramenti, cuius votum in ea continetur. Addit Illustris Historicus, Postea decretis doctrinam complexis verba hæc fuisse adiecta, *Illam Contritionem, quam Theologi Attribitionem vocant, quod imperfecta sit, & solum vel ex turpitudinis peccati consideratione, vel ex gehennæ, & pœnarum metu, qui servilis timor dicitur, concipiatur, si voluntatem peccandi excludat, & dolorem qualemcumque de commissis delictis exprimat, statuit hæc Sancta Synodus, & declarat, non solum non facere hominem hypocritam, & magis peccatorem (ut quidam blasphemare non verentur) verum etiam sufficere ad Sacramenti huius constitutionem, ac donum Dei esse, & Spiritus Sancti impulsu verissimum, non adhuc quidem inhabitantis, sed tantum morientis quo Pœnitens ad-*

Concilium Tridentinum Quæstionem illam non finivit.

justus;

Justus, cum sine aliquo dilectionis in Deum motu esse vix queat, viam sibi ad justitiam munit, & per eam ad Dei gratiam facilius impetrandam disponitur.
 „ Sed laudatus Episcopus monuit, falso dici, hujusmodi dolorem sine amo-
 „ re vix unquam concipi posse; quod autem hæc Attritio satis esset Sacra-
 „ mento constituendo, variare Auctorum sententias, adeoque id esse tol-
 „ lendum: quamobrem Decretum, sicuti nunc extat, reformatum est.

Neutri sen-
tentia inu-
renda censu-
ra.

Post Synodum Tridentinam Theologi hanc, vel illam partem libere propugnarunt. Denique contentione ea de re in Belgio fervente, & ad Sedem Apostolicam relata, Summus Pontifex *Alexander VII.* Decreto edito die quinta Maii, anni millesimi sexcentissimi sexagesimi septimi: In „ virtute sanctæ obedientiæ, & sub pœna Excommunicationis latæ senten- „ tiæ Sanctæ Sedi reservatæ, aliisque penis ejusdem Sanctæ Sedis arbitrio „ taxandis, præcepit cunctis, & singulis Fidelibus, quocumque gradu, & „ dignitate, Episcopali, & majori, imo & Cardinalitia fulgentibus, ut si „ deinceps de materia Attritionis scribent, vel Libros edent, vel doce- „ bunt, vel prædicabunt, vel alio quovis modo Pœnitentes, aut Scholares, „ ceterosve erudiant, non audeant alicujus Theologicæ Censuræ, alterius- „ ve injuriæ, aut contumeliæ nota taxare alterutram sententiam, *Sive ne- „ gantem necessitatem aliqualem dilectionis Dei in præfata Attritione ex metu ge- „ henne concepta, que hodie inter Scholasticos communior videtur: sive asseren- „ tem diſſe dilectionis necessitatem, donec ab hac Sancta Sede fuerit aliquid hac in re definitum.*

PROPOSITIO VII.

Attritionem sine Dei amore, saltem inchoato, ad justificationem peccatoris in Sacramento non sufficere, probabilius est.

Joel 2.
Jerem. 29.
13.
2. Reg. 8.

Amoris Dei
necessitas ad
justificati o-
nem, etiam
in Sacra-
mento, pro-
batur ex
Scriptura
Sacra.

ID probatur primo ex Prophetis Oraculis, quæ homines ad meliorem frugem adhortantur his verbis ex persona Dei prolatis, *Convertimini ad me in toto corde vestro.... Quæretis me, & invenietis, cum quæseritis me in toto corde vestro.... Si peccaverint tibi, & reversi fuerint ad te in universo corde suo, tu propitiaberis populo tuo.* Atqui ex toto corde ad Deum non convertitur, nisi, qui Deum amat. Cum enim cor peccatoris a Deo aversum, amore conglutinatum sit creaturis, necesse est, ut a creatura abstra- hatur, & amore Deo adhærescat, ut vere conversus dici possit. Cum nam- que cupiditas charitate sola minuatur, aut perimatur, & peccator sit un- nusquique quamdiu dominatur ipsi cupiditas: consequens est neminem ho- minem a statu peccati ad statum justitiæ transferri, nisi vi, & beneficio charitatis.

Idem colligitur ex verbis Christi de Muliere peccatrice, Luc. vii. *Dimissa sunt ei peccata multa, quoniam dilexit multum: cui autem minus dimittitur, minus diligit.* Dilectionem esse mensuram remissionis peccatorum Sal- vator noster his verbis significat: ita ut illi minus remittatur, qui minus diligit; illi multa condonentur, qui multum diligit: adeoque nihil illi remittatur, qui non diligit.

Idem confirmatur ex illis Domini nostri verbis, Joannis xiv. *Qui diligit me, diligetur a Patre meo.* Nemo porro Dei gratiam impetrat per Sa- cramentum, nisi a Deo diligatur; nemo itaque justificatur etiam in Sacra- mento, nisi Deum diligat.

Confirmatur & Apostolorum testimonio 1. ad Corinthios ultimo: *Si quis non amat Dominum nostrum Iesum Christum, sit Anathema.* Et 1. Joan. 111. *Qui non diligit, manet in morte.* Quomodo autem justus quis censeri potest,

De Sacramento Pœnitentiæ. Cap. IV. Art. III. 63

potest, qui coram Domino est anathema, & in morte peccati manet? Nemo ergo iustus esse potest, nisi amet Dominum Jesum.

Probat secundum Propositionem luculentissimo S. *Augustini* principio. Sincera conversio nulla est, nisi peccandi voluntas deponatur, & nova secundum Christum vita inchoetur. Voluntatem porro peccandi non deponitur, nisi quis iustitiam, id est, Deum ipsum amet: neque novam vitam auspicatur quando solo timore pœnæ abstinere a peccato: siquidem timor ille ab opere quidem peccati revocat, sed affectionem animi a peccato non avertit: iustus itaque nullus homo esse potest, nisi Dei amore a peccato absteat. Præclarum illud principium tradit S. *Augustinus*, Libro *De Spiritu*, & *Littera*, cap. VII. ubi de Judæis sic loquitur: „ Illis Lex iram operabatur, abundante „ peccato, quod a scientibus perpetrabatur: quia & quicumque faciebant, „ quod Lex jubebat, non adjuvante Spiritu gratiæ, timore pœnæ faciebant, non amore iustitiæ: ac per hoc coram Deo non erat in voluntate, quod coram hominibus apparebat in opere: potiusque ex illo „ rei tenebantur, quod eos noverat malle, si fieri posset, impune „ committere.

Et cap. XIV. Mandatum si fit timore pœnæ, non amore iustitiæ, serviliter fit, non liberaliter: & ideo nec fit: non enim fructus est bonus, qui de charitatis radice non surgit.

Mem. cap. XIX. Ex hac promissione, hoc est, Dei beneficio, Lex impletur, sine qua promissione prævaricatores facit, vel usque ad effectum mali operis, si etiam repagula timoris concupiscentiæ flamma transcendunt, vel certa in sola voluntate, si timor pœnæ suavitatem libidinis vicierit.

Illud ipsum inculcat Libro *De Natura*, & *Gratia*, cap. LVII. *Sub lege est* (inquit), „ qui timore supplicii, quod Lex minatur, non amore iustitiæ, „ se sentit abstinere ab opere peccati, nondum liber, nec alienus a voluntate peccandi. In ipsa enim voluntate reus est, qua mallet, si fieri posset, non esse, quod timeat, ut libere faciat, quod occulte desiderat. Ergo si Spiritu, inquit, ducimini, non adhuc estis sub Lege: utique Lege, quæ timorem incutit, non tribuit charitatem: quia Charitas Dei diffusa est in cordibus nostris, non per Legis litteram, sed per Spiritum Sanctum, qui datus est nobis. Hæc est lex libertatis; non servitutis; quia charitatis utique, non timoris.

Et Lib. III. Ad *Bonifacium* contra duas Epistolas Pelagianorum, cap. IV. veteribus Judæis rursus ait: „ Illi etiam quicumque ibi erant, sola quæ ibi „ Deus pollicetur terrena promissa sectantes, & quid pro Novo Testamento ea ipsa significant, ignorantes, eorum adipiscendorum amore, & „ amittendorum timore, Dei præcepta servabant: imo non servabant, sed „ sibi servare videbantur. Neque enim fides in eis per dilectionem operabatur, sed terrena cupiditas, metusque carnalis. Sic autem præcepta qui „ facit, proculdubio invitatus facit, ac per hoc in animo non facit: mavult enim omnino non facere, si secundum ea, quæ cupit, & metuit, permittatur impune. Ac per hoc in ipsa voluntate intus est reus, ubi ipse, „ qui præcipit, inspicit Deus.

Idem confirmat disertissimis verbis Epistola CXLV. alias CXLIV. ad Anastasium: *Inaniter* (inquit) „ putat victorem se esse peccati, qui pœnæ timore non peccat, quia etsi non impletur foris negotium malæ cupiditatis, „ ipsa tamen mala cupiditas intus est hostis. Et quis coram Deo innocens „ invenitur, qui vult fieri, quod vetatur, si subtrahas, quod timeatur? Ac „ per hoc in ipsa voluntate reus est, qui vult facere, quod non licet fieri.

„ sed

Amoris Dei necessitas ad justificationem, etiam in Sacramento, invictè probatur ex S. *Augustino*, & aliis Patribus.

De Contritione.

sed ideo non facit, quia impune non potest fieri. Nam quantum in ipso est, malle non esse iustitiam peccata prohibentem, atque punientem. Et utique si mallet non esse iustitiam, quis dubitaverit, quod eam, si posset, auferret? Ac per hoc quomodo iustus est, iustitiæ talis inimicus, ut eam, si potestas detur, præcipientem auferat, ne conminantem, vel judicantem ferat? Inimicus ergo iustitiæ est, qui pœnæ timore non peccat; amicus autem erit, si ejus amore non peccet. Tunc enim vere timebit peccare. Nam qui gehennas metuit, non peccare metuit, sed ardere. Ille autem peccare metuit, qui peccatum ipsum sicut gehennas odit... Tantum porro quisque peccatum odit, quantum iustitiam diligit, quod non poterit Lege terrente per litteram, sed Spiritu sanante per gratiam.

Et Enarratione in Psalm. LXXVII. observat Prophetam de veteribus Judæis maluisse dicere, „ In Lege ejus noluerunt ambulare, quam, Non ambulaverunt. Poterat enim putari lex operum quasi iustificare ad justificationem, cum ea, quæ præcipiuntur, forinsecus sunt ab eis hominibus, qui mallerent non præcipi, quod non ex corde faciunt, & tamen faciunt; ac per hoc quasi videntur ambulare in lege Dei, sed nolunt ambulare: non enim ex corde faciunt. Ex corde autem nullo modo fieri potest, quod formidine sit pœnæ, non dilectione iustitiæ. Nam quantum attinet ad facta, quæ forinsecus aguntur, & qui timeant pœnam, & qui amant iustitiam non furantur; & ideo pares sunt manu, dispares corde; pares opere, dispares voluntate.

De Contritione.

Et Concione xxv. in Psalm. CXVIII. ad illa verba, „ Confige timore tuo carnes meas, ait: Timor iste, quo non anatur iustitia, sed timetur pœna, servilis est, quia carnalis est; & ideo non crucifigit carnem. Vivit enim peccandi voluntas, quæ tunc apparet in opere, quando speratur impunitas. Cum vero pœna creditur secutura, latenter vivit: vivit tamen. Mallet enim licere, & dolet non licere, quod Lex vetat: quia non spiritaliter delectatur ejus bono, sed carnaliter malum metuit, quod minuitur. Timore autem callo ipsa, quæ hunc timorem foras mituit, peccare timet charitas, etiamsi sequatur impunitas; quia nec impunitatem judicat secuturam, quando amore iustitiæ peccatum ipsum deputat pœnam. Tali timore carnes crucifiguntur, quoniam carnales delectationes, quæ Legis littera vetantur potius, quam vitantur, perpetuum bonorum delectatione vincuntur, & eadem usque ad perfectionem crescente victoria perimuntur.

Item Sermone CLXIX. alias xv. De Verbis Apostoli, cap. vi. insigni exemplo hanc doctrinam explicat. „ Lege Dei proposita (*inquit*) exceptis illis carnalibus Sacramentis, quæ fuerunt umbræ futurorum; Lege Dei proposita quisquis timuerit, & suis viribus eam implere se posse putaverit, & fecerit, quod Lex jubet, non amando iustitiam, sed timendo pœnam; fuit quidem secundum iustitiam, quæ ex Lege est homo sine querela; non furatur, non adulterat, non dicit falsum testimonium, non concupiscit rem proximi sui: potest hoc: potest fortassis, unde? Timore pœnæ. Quanquam, qui timore pœnæ non concupiscit, puto quia concupiscit. Terrore ingenti armorum, atque telorum, & circumstantis forsitan multitudinis, vel obviam euntis, etiam leo revocatur a præda: & tamen leo venit, leo redit; prædam non rapuit, non malitiam posuit. Si talis es, adhuc iustitia est, quia iustitia tibi consulis, ne torqueris. Quid magnum est, pœnam timere? Quis eam non timeat? Quis latro, quis sceleratus, quis nefarius? Sed hoc interest inter timore-

timorem tuum, timoremque latronis quod latro timet leges hominum, & ideo facit latrocinium, quia sperat se fallere leges hominum: tu autem leges ejus times, quem fallere non potes. Nam si fallere posses, quid non fecisses? Ergo & concupiscentiam tuam non amor tollit, sed timor premit. Ad ovile venit lupus: latratu canum, & clamore pastorum ab ovili reversus est lupus: ipse tamen semper est lupus. In ovem vertatur. Facit enim & hoc Dominus: sed ipsa est justitia ejus, non tua. Nam quando habes tuam, potes timere pœnam, non amare justitiam. Ex quibus colligitur, affectum peccati non deponi, cum solo timore pœnæ correptus homo a peccato abstinet, sed opus esse, ut amor Dei cor hominis ad ipsum convertat.

Idem inculcat Serm. 179. alias 19. *De Verbis Apostoli, c. VIII. Quid est magnum*, inquit, „timere malum? Magnum est, non facere malum: magnum est, amare bonum. Nam & latro timet malum; & ubi non potest, non facit: & tamen latro est. Deus enim cor interrogat, non manum. Lupus venit ad ovile ovium, quærit invadere, quærit jugulare, quærit devorare: vigilant pastores, latrant canes: nihil potest, non aufert, non occidit; sed tamen lupus venit, lupus redit. Nunquid quia ovem non tulit, ideo lupus venit, & ovis redit? Lupus venit fremens, lupus redit tremens: lupus est tamen & fremens, & tremens. Interroga ergo te quiquis vis judicare; & vide si tunc non facis male, quando potes facere, & ab homine non puniri: tunc times Deum. Nemo est ibi, nisi tu, & ille, cui facis malum, & Deus, qui ambos videt: Vide, ibi time. Parum est, quod dico, Vide, ibi time malum: ibi ama bonum. Nam etiamsi timore gehennæ non facis malum, nondum es perfectus. Audeo dicere, si timore gehennæ non facis malum, est quidem in te fides, quia credis futurum Dei esse judicium: gaudeo fidei tuæ, sed adhuc timeo malitiæ tuæ. Quid est quod dixi? Quia si timore gehennæ non facis malum, non amore justitiæ facis bonum. Ex quibus rursus colligo, hominis peccatoris voluntatem timore pœnæ non immutari, sicut nec lupi immanis indoles timore immutatur. Et sicut lupus latrantibus canibus timore percussus, & intactis ovibus fugiens, non ideo fit ovis, sed plus manet; ita peccator Concionatorum Judicii divini minas exaggerantium verbis perterritus, etsi abstinere aliquandiu ab opere peccati, non fit justus, si solo timore abstinere; sed necesse est, ut amore justitiæ succensus peccatum excretur.

De Contritione.

Probatur tertio Propositio aliorum Patrum testimoniis, qui Sancto Augustino in eadem asserenda veritate præverunt, vel ipsum fecuti sunt. Prævit S. Jo: Chrysostomus, Hom. iv. in Epistolam 11. ad Corinth. Cum peccaveris (inquit) ingemisce, non quod pœnas daturus sis nihil enim hoc est, sed quod Dominum tam benignum, tam te amantem, tam denique salutis tuæ appensum offenderis, ut Filium quoque suum tua causa tradiderit. Nec nunc letum, cras autem mestum, ac rursum letum te prebe, verum perpetuo in luctu, ac Contritione tui mane.

Secuti sunt, Sanctus Petrus Chrysologus, Serm. 94. Audisti (inquit) quemadmodum cœlestis Creditor totum debitum charitate compersat, & ad incrementum totius fœnoris Amoris solius exigit, & requirit usuram. Plebendus debitor, qui dilectione sola suam negligit redimere cautionem. Vis scire, homo, quid Deo debeas? Quod factus es, Dei creditum est: quod es rationis capax, Dei fœnus est: quod discretionem boni, malive possides, accepisti: & quod vivendi normam acceperis, per chirographum legis stipulanti Deo spondidisse te, non potes diffiteri. Sed dum te per vitia carnis in lutum instar suis demergis, & quadrupedum more vivens, qua præditus es ratione priva-

ris, & in gurgite criminum, boni, malive perditæ discretione, confundis, & divinæ legis substantiam dissipas, mundana voluptate captivus, factus es gloriosi sceleris debitor luctuosus: cui deficientibus virtutum lucris, criminum multiplicatur usura. Sed licet in hac re cecideris, licet fueris in ista devolutus, vide ne desperes: homo, remansit tibi unde piissimo satisfacias Creditori. Absolve vis? Ama. Charitas cooperiet multitudinem peccatorum.... Ama ergo homo Deum, & ama totus, ut possis omnia sine labore vincere peccata.

S. Leo, Serm. xc. qui septimus est De Jejunio Septimi Mensis, cap. 1. Quamvis (inquit) varietas hostiarum, differentia baptismatum, & otia sabbatorum, cum ipsa carnis circumcissione cessaverint: manent tamen ex ipsis Voluminibus etiam apud nos plurima præcepta moralia. Et cum inde dicatur: „Diliges Dominum Deum tuum ex toto corde tuo, & Diliges proximum tuum sicut te ipsum, Christo Domino dicente cognoscimus, quod in his duobus mandatis tota Lex pendet, & Prophetæ. Tantaque est sub hujus geminæ Charitatis edicto utriusque copula Testamenti, ut sine istarum connexionè virtutum, nec Lex quæquam inveniatursi justificasse, nec Gratia. Quibus verbis non obscure significat, neminem unquam justificatum fuisse, sive tempore Legis Mosaicæ, sive tempore Legis Evangelicæ, absque amore Dei.

Matth. 22.

De Contritione.

S. Gregorius Magnus Hom. xxvi. in Evangelia: „Videndum (inquit) quæ culpa præcessit, aut quæ sit Pœnitentia secuta post culpam, ut quos omnipotens Deus per compunctionis gratiam visitat, illos Pastoris sententia absolvat. Tunc enim vera est Absolutio Præsentis, cum æterni arbitrium sequitur Judicis. Ibidem ait, Sacerdotes illos debere solvere, quos noverunt Dominum per suscitantem gratiam vivificare. Ex quibus colligitur, necessarium esse ad justificationem, ut peccator jam sit suscitatus a peccandi affectu, & novam vitam agere incipiat: quod fieri cum non possit absque Dei amore, secundum illud 1. Joan. 111. Qui non diligit; manet in morte; amor Dei saltem inchoatus omnino necessarius esse videtur ad justificationem etiam per Sacramentum Pœnitentiæ consequendam.

Et Lib. 12. in Job cap. xxi. explicans illa verba: „Auferet a me virgam suam, & pavor ejus non me terreat; ait: A peccati morte timor nos suscitare non valuit, sed ad statum vitæ aspirata manuetudinis gratia reduxit. Quod bene in Elisæo Sunamitis filium suscitante signatur: qui cum baculo puerum mittens, extincto filio vitam minime redidit; per semetipsum vero veniens, seque super mortuum sternens, atque ad ejus membra se colligens, huc illucque deambulans, & in ore mortui septies aspirans, hunc ad redivivam lucem protinus per ministerium compassionis animavit. Auctor quippe humani generis Deus, quasi mortuum puerum doluit, cum extinctos nequitia aculeo miseratus aspexit. Et quia per Moysen terrorem Legis protulit, quasi per puerum virgam misit. Sed puer cum baculo mortuum revocare non valuit, quia Paulo attestante: Nihil ad perfectum adduxit Lex. Ipse autem per semetipsum veniens, & super cadaver humiliter se sternens, ad exequenda sibi mortui membra se collegit, quia Cum in forma Dei esset, non rapinam arbitratus est esse se æqualem Deo: sed semetipsum exinanivit formam servi accipiens, in similitudinem hominum factus, & habitum inventus ut homo. Huc illucque deambulat, quia & Judæam juxta, & longe positas Gentes vocat. Super mortuum septies oscitat, quia per apertionem divini muneris, gratiæ septiformis Spiritum in peccati morte jacentibus aspirat. Moxque vivens erigitur: quia is, quem terroris „virga

Hebr. 7.

Philipp. 25.

virga suscitare non potuit, per Amoris Spiritum puer ad vitam rediit.
 Dicat itaque Beatus Job ex sua, dicat ex voce humani generis: *Auferat a me virgam suam, & pavor ejus non me terreat: loquar, & non timebo.* Ubi & apte iungitur: *Neque enim possum metuens respondere.*
 Respondere quippe cuilibet dicimur, cum factis illius digna opera repensamus. Deo ergo respondere, est donis ejus præcedentibus nostra obsequia reddere. Rectum Deus hominem condidit, eumque ad perversa defluentem cum longanimitate toleravit. Quotidie culpas aspicit, & tamen vivendi spacia non citius abscindit. Dona largitur benignitate sua, & erga malos utitur patientia sua. Respondere homo tot beneficiis debet; sed tamen respondere metuens non valet, quia humani generis Conditorum, qui adhuc serviliter formidat procubdubio non amat. Nam tunc solum Deo vera obsequia reddimus, cum eum propter amoris fiduciam non timeamus; cum nos ad bona opera affectus, non metus dirigit; cum malum nostræ menti jam non placet, etiam si liceat. Nam qui a perversitatis opere ex timore restringitur, perversa libenter ageret, si liceret. Nequaquam ergo veraciter rectus est. Bene itaque dicitur: *Neque enim possum metuens respondere:* Quia vere obsequia Deo non reddimus, si ex timore man-

De Con-
tione.

daris illius, & non potius ex amore servimus.
 Et Lib. I. *Meralium*, cap. XI. *Sancta Ecclesia* (inquit), simplicitatis suæ vias timore inchoat, sed charitate consumat. Cui tunc est funditus a malo recedere, cum ex amore Dei ceperit jam nolle peccare. Cum vero adhuc timore bona agit, a malo penitus non recessit: quia eo ipso peccat, quo peccare vellet, si inulte potuisset.

Auctor Sermonis inter Augustinianos olim VII. *De Tempore*, nunc CXVII. in Appendice: *Pœnitentiam*, inquit, certam non facit nisi odium peccati, & amor Dei.

Auctor Commentariorum in Libros Regum sub *Sancti Gregorii Magni* nomine editorum, Lib. II. cap. III. interiorem hominem in Sacramento Pœnitentiæ non renovari asserit nisi per amorem iustitiæ, & affectionem charitatis.
 Conversio peccatoris, inquit, non est in humilitate Confessionis, sed in renovatione interioris hominis, cum peccatori jam divina inspiratione correcto & malo displicet, quod amavit, & bonum placet, quod odit. Nam sunt nonnulli, qui se & de nequitia accusant criminis, & pravitatem non corrigunt voluntatis, qui profecto converti ad Dominum non creduntur: quia vera conversio in ore non accipitur, sed in corde. Converti etenim simul verti est. Conversio itaque peccatoris vera tunc est, cum ad Creatoris nostri beneplacitum uterque noster homo reducitur; cum & caro nostra per iniquitatis dium cohibetur a perpetrations facinoris, & per amorem iustitiæ mens se extendit ad intentionem bonæ operationis. Et infra: Ex vi conversionis magnitudo deletur criminis. Vis autem conversionis est infusio charitatis cordi in luce visitatione Sancti Spiritus.

Sanctus Isidorus Hispanensis Lib. II. *Sententiarum*, cap. XXI. *Qui sola* (inquit) pœna supplicii in se vitia reprimat quamvis non expleat opus peccati, vivit tamen in eo voluntas peccandi: doletque sibi esse illicitum, quod lex prohibere dignoscitur. Ille ergo mercedem boni operis percipit, qui mandatum iustitiam facit, non is, qui eam solo metu penarum invitus custodit.

Sanctus Bernardus, Tract. *De Diligendo Deo*, cap. XII. *Est* (inquit) qui confitetur Domino, quoniam potens est: est & qui confitetur Domino, quoniam sibi bonus est: & item qui confitetur, quoniam simpliciter bonus est. Primus servus est, & timet sibi: secundus mercenarius est, & cupit sibi: tertius filius est, & desert patri. Itaque & qui timet, & cupit, utrique ro-

Philos. 8. 8.

se agunt: sola, quæ in filio est, charitas non quærit, quæ sua sunt. Quæ membris patet de illa dictum: *Lex Domini immaculata, convertens animas*: quod iusta videlicet sit, quæ ab amore sui, & mundi avertere possit animam, & in Deum dirigere. Nec timor quippe, nec amor privatus convertunt animam: mutant internum vultum, vel actum, affectum nunquam. Facit quidem nonnunquam, & servus opus Dei, sed quia non sponte, in sua adhuc duritia permanere cognoscitur: facit & mercenarius, sed quia non gratia, propria trahi cupiditate vincitur. Sit itaque servo sua lex timor ipse, quo confringitur: sit mercenario sua cupiditas, qua & ipse arctatur, quando ab ipsa tentatur abstractus, & intellectus: sed harum nulla, aut sine macula est, aut animas convertere potest. Charitas vero convertit animas, quas facit, & voluntarias.

Amoris Dei
meritas ad
iustificatio-
nem, etiam
in Sacra-
mento pro-
fatur ex S.
Thoma

Ad Patres laudatos accedit S. Thomas, in iv. *Sententiarum*, dist. xx. q. 1. art. 1. q. 1. in Responsione ad primum. *Antiochus* (inquit) veniam consecutus fuisset, si vere penitisset: sed non habuit veram Penitentiam, quia non ex amore sufficit de peccatis commissis dolebat; sed timore pænæ, quam expectabat, vel dolore pænæ, quam sustinebat. Et hoc etiam multis in fine Penitentibus contingit; quia non est facile, ut affectus quem homo toto tempore vitæ suæ inclinavit in aliquid, subito ad contrarium retrahatur.

Et Lib. iv. *Contra Gentes*, cap. lxxxi. *Primum* (inquit) quod in Penitentia requiritur, est ordinatio mentis, ut scilicet mens convertatur ad Deum, & vertatur a peccato, dolens de crimine suo, & proponens non committendum, quod est de ratione contritionis. Hæc vero mentis reordinatio sine gratia esse non potest: nam mens nostra debere ad Deum converti non potest sine charitate: charitas autem sine gratia haberi non potest.

Item in Quæstionibus Disputatis, q. vii. art. xi. in Responsione ad tertium. *Eiusdem* (inquit) rationis est, quod voluntas feratur in appetitum contrarii, & in desertationem alterius. Nullus autem usus habens liberi arbitrii potest inchoare novam vitam, quæ est per gratiæ infusionem, nisi amet, & appetat gratiæ bonum: ideo oportet, quod desectetur omne malum repugnans. Item 1. 2. q. cxiii. art. iv. cum præmississet, Ad iustificationem in pñ requiri motum mentis, quo convertitur in Deum, eamque conversionem fieri per fidem, subdit in Responsione ad primum: *Motus fidei non est per se, nisi sit charitate informatus. Unde simul in iustificatione impit, cum motu fidei esset etiam motus charitatis. Movetur autem liberum arbitrium in Deum: ad hoc, ut ei se subiciat: unde etiam concurrens adus timoris filialis, & adus humilitatis.*

Et 1. 1. p. quæst. lxxxv. art. vi. *Adus*, inquit, *virtutis Penitentiae est contra peccatum ex amore Dei.*

Eiusdem Quæstionis Art. v. quinque adus esse docet, quibus Deo in Penitentia operanti Dispositivè cooperamur: quorum actuum primum principium est Dei operatio convertentis eor, secundum illud: *Convertite vos Domine: ad te, & convertemur.* Primus actus est *Motus fidei*. Secundus est *Motus timoris servilis*, quo quis timore suppliciorum a peccatis retrahitur. Tertius est *Motus spei*, quo quis sub spe veniæ consequendæ assumit propositum emendandi. Quartus est *Motus charitatis*, quo alicui peccatum displicet secundum se ipsum, & non jam propter supplicia. Quintus est *Motus timoris filialis*, quo propter reverentiam Dei aliquis emendat, idest, vitæ melioris propositum, & satisfactionem Deo voluntarius offert. Igitur *Adus Penitentiae a timore servili procedit sicut a primo motu affectus ad hoc ordinato: a timore autem filiali sicut ab immediato, & proximo principio.* Peccatum in Sacramenti susceptione remitti non potest sine actu Penitentiae: actus vero Penitentiae est a timore filiali sicut ab immediato, & proximo principio: cum itaque timor filialis sit

fit a charitate; actus Pœnitentiæ sine charitate saltem inchoata esse non potest.

Art. III. ejusdem Quæstionis docet, Pœnitentiam virtutem specialem non esse eo solum nomine, quod sit dolor de malo perpetrato, (ad hoc enim sufficeret charitas) *Sed ex eo, quod Pœnitens dolet de peccato commisso, in quantum est offensæ Dei; cum emendationis proposito.* Dolor porro de peccato quatenus est offensæ Dei, oritur ex charitate. Unde in Responsione ad quartum asserit: Pœnitentiam, quatenus est iustitia quædam hominis ad Deum, participare ea, quæ sunt Virtutum Theologicarum. *Quamobrem Pœnitentia est, cum fide Passionis Christi, per quam justificamur a peccato, & cum spe veniæ: & cum odio vitiorum, quod pertinet ad charitatem.*

Et Art. II. Pœnitentiam specialem virtutem esse probat, quia in illa invenitur specialis ratio actus laudabilis, *Scilicet: Operari ad destructionem peccati præteriti, in quantum est Dei offensæ.* Et in Responsione ad primum: *Si ergo in actu Pœnitentiæ consideretur sola displicentia peccati præteriti, hoc immediate ad charitatem pertinet: sed intentio operandi ad deletionem peccati præteriti requirit specialem virtutem sub charitate.* Veram itaque Pœnitentiam charitati saltem inchoatæ individuo fœdere conjunctam docet *Sanctus Thomas.*

De Contritione.

Idem confirmat quæst. LXXXVI. art. III. *Peccatum mortale, (inquit) non potest sine vera Pœnitentia remitti, ad quam pertinet deferere peccatum, in quantum est contra Deum. Quod quidem est commune omnibus peccatis mortalibus. Unde non potest esse vere Pœnitens, qui de uno peccato pœnitet, & non de alio. Si enim displiceret ei illud peccatum, quia est contra Deum super omnia dilectum (quod requiritur ad rationem veræ Pœnitentiæ) sequeretur, quod de omnibus peccatis pœniteret.* Veræ igitur Pœnitentiæ character est, secundum *S. Thomam* ut sit dolor de peccato, quatenus est contra Deum super omnia dilectum.

Quæstione tandem tertia, Supplementi; Art. I. Contritionem dolorum omnium maximum esse debere probat, quia *Omnis dolor in amore fundatur: amor autem charitatis, in quo fundatur dolor Contritionis, est maximus.* Ex quibus colligitur, sincerum non esse dolorem de peccatis conceptum, neque ad justificationem sufficere, etiam cum Sacramento, nisi in amore Dei fundetur.

His, ut opinor, momentis adducti Sacræ Synodi Tridentinæ Patres, (quamvis Quæstionem, quam tractamus, finire noluerint) Sententiæ tamen amoris divini, saltem inchoati necessitatem ad justificationem peccatoris, etiam in Sacramento Pœnitentiæ, asserenti, & Attritionem ex solo pœnæ timore conceptam, vel cum ipso Sacramento sufficere neganti, non obscure faverunt. Docet nimirum Sacra Synodus, *secl. VI. cap. VI. Homines adultos justificari, dum peccatores se esse intelligentes a diviniæ justitiæ timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore: illumque tanquam omnis justitiæ fontem diligere incipiunt: ac propterea moventur adversus peccata per odium aliquod, & detestationem, hoc est, per eam Pœnitentiam, quam ante Baptismum agi oportet.* Ex quibus colligitur, inter dispositiones ad justificationem necessarias a Concil. Tridentino inchoatum Dei amorem postulari. Qui quidem non est merus amor spei, sed benevolentiae, quo Deus super omnia diligitur. Præter spem enim, in quam peccatores eriguntur, fidentes Deum sibi propter Christum propitium fore, Sacra Synodus postulat amorem, quo ipso *Tanquam fontem omnis justitiæ diligere incipiant.* At amor a spe distinctus est amor benevo-

Conc. Trid. favet omni-
no opinioni
propugnan-
di amorem Dei
necessarium
esse ad justi-
ficationem,
etiam in Sa-
cramento
Pœnitentiæ.

lentia: Concilium igitur postulat amorem benevolentia:, ceu dispositio-
nem omnino necessariam ad justificationem primam, quæ sit per Baptis-
mum.

Confirmatur ex can. III. ita sanciente: *Si quis dixerit, sine præveniente Spiritus Sancti inspiratione, atque ejus adjutorio, hominem credere, sperare, diligere, aut pœnitere posse sicut oportet, ut ei justificationis gratia conferatur, Anathema sit.* Quo ex Canone liquet, non solum fidem, & spem, sed & dilectionem, qua Deum sicut oportet, idest, super omnia diligamus, a Concilio statui inter dispositiones necessarias ad justificationem; adeoque non de solo amore spei, qui a spe ipsa indistinctus est, sed de amore benevolentia: esse intelligendum.

Amor Dei
multo magis
ad justifica-
tionem re-
quiritur in
Sacramento
Pœnitentiæ,
quam Eap-
tismi.

Ezech. 18.

Ex quibus rursus colligitur, multo magis amorem Dei ad justifica-
tionem in Sacramento Pœnitentiæ necessariam esse; cum longe major dispo-
sitis desideretur ad justificationem peccatoris post Baptisma, quam ante
Pœnitentis. Quo circa Trid. Conc. sess. XIV. cap. 11. ait: *Ad quam tamen
novitatem, & integritatem per Sacramentum Pœnitentiæ sine magnis nostris fle-
tibus, & laboribus, divina id exigente iustitia, pervenire nequaquam possu-
mus: ut merito Pœnitentiæ laboriosus quidam Baptismus a SS. Patribus dictus
fuerit.* Id evidentiùs colligitur ex cap. IV. ejusdem Sessionis, ubi Contritio-
nis motum quovis tempore ad impetrandam veniam peccatorum necessariam ius-
se docet. Declarat secundo. Hanc Contritionem non solum cessationem a pec-
cato, & vite nove propositum, & inchoationem; sed veteris etiam odium con-
tinere, juxta illud: *Projicite a vobis omnes iniquitates vestras, in quibus præ-
varicati estis; & facite vobis cor novum, & spiritum novum.* Tertio docet,
Contritionem hanc aliquando charitate perfectam esse, hominique Deo reconcili-
are, priusquam hoc Sacramentum actu suscipiatur. Quo tamen casu justifi-
catio ipsi Contritioni sine Sacramenti voto, quod in illa includitur, non
est adscribenda. Postremo docet, Illam Contritionem imperfectam, quæ At-
tritio dicitur, quoniam, vel ex turpitudinis peccati consideratione, vel ex gehennæ,
& pœnarum metu communiter concipitur, si voluntatem peccandi excludat,
cum spe veniæ, non solum non facere hominem hypocritam, & magis peccato-
rem, verum etiam donum Dei esse, & Sp. Sancti impulsus, nondum quidem
inhabitantis, sed tantum moventis; quo Pœnitens aditus, viam sibi ad justifi-
cationem parat. Et quavis sine Sacramento Pœnitentiæ per se ad justificationem
perducere peccatorem nequeat; tamen eum ad gratiam in Sacramento Pœnitentiæ
impetrandam disponit. Hec enim timore utiliter concussus Niniuite, ad Jo-
ne prædicationem plenam terroribus, Pœnitentiam egerunt, & misericordiam
a Domino impetrarunt. Ex quibus colligo, Conc. Tridentini Patres in eam
propensos fuisse Sententiam, quæ Attritionem ex solo gehennæ metu con-
ceptam, etiam cum Sacramento non sufficere ad justificationem asserit,
sed necessarium esse Dei amorem, saltem inchoatum, & imperfectum,
propugnat: primo, quia eum dolorem Sacra Synodus postulat, qui pec-
candi voluntatem excludat. Peccandi porro voluntas non excluditur nisi
contraria voluntate, scilicet amore iustitiæ, sive amore Dei super omnia.
Timor enim pœnæ voluntatem non mutat. *Qui enim metuit, reprimitur,
non emendatur;* (inquit Sanctus Ambrosius, Lib. VIII. in Lucam.) Et certe
voluntas peccandi perseverat, quamdiu mundus amatur, quamdiu cupiditas
dominatur; amor autem Mundi manet in corde radicans, quamdiu non
diligitur Deus. Duo namque amoris sunt, ex quibus omnes prodeunt volunta-
tes, ita diverse qualitatibus, sicut aviduntur austeribus. Rationabilis enim
animus, qui sine dilectione esse non potest, aut Dei amator est, aut Mundi. In
dilectione Dei nulla nimia: in dilectione autem Mundi cuncta sunt noxia; (in-
quit

De Contritio-
ne.

quit S. Leo Serm. v. De Jejunio 7. Mensis.) Concinit S. Leoni S. Gregorius Magnus, Lib. XVIII. *Moralium*, cap. VIII. *Qui terrenarum rerum* (inquit) *amore vincitur, in Deo nullatenus solidatur. Esse quidem sine dilectione animus nequaquam potest: nam, aut infimis deficiatur, aut summis; & quanto altiori studio exercetur ad summa, tanto majori studio torpescit ad infima: quantoque acriore cura inardescit ad infima, tanto tepore damnabili frigescit a summis.* Nulla porro in Sacramento Pœnitentiæ virtus est, qua efficiat, ut in amore Mundi cuncta non sint noxia; ut acriore cura infimis bonis inardescens, tepore damnabili non frigescat a summis. Nulla itaque in Sacramento Pœnitentiæ virtus est, qua iustus fiat, qui Deum non amat.

Secundo, quovis tempore Contritionis motum ad impetrandam veniam peccatorum necessarium fuisse docet Sacra Synodus. Si quovis tempore, non igitur extra Sacramentum duntaxat, sed etiam in Sacramento. Cum igitur Contritio sit dolor de peccato, quatenus Dei offensa est, ex amore ipsius super omnia conceptus; & Contritio perfecta, & imperfecta, quam Attritionem vocamus, differant tantum, ut perfectum, & imperfectum sub eodem Contritionis genere, ut innuit Sacra Synodus his verbis: *Illam vero Contritionem imperfectam, quæ Attritio dicitur, &c.* Sequitur Attritionem non ex solo pœnitentiæ timore conceptam esse debere, ut sit dispositio ad justificationem sufficiens cum Sacramento; sed admixtum habere Dei amorem super omnia, saltem inchoatum & imperfectum. Quod autem dixi, Attritionem a Contritione non differre, nisi ut imperfectum a perfecto intra idem genus veterum Theologorum Sententia est, inprimis *Guilhelmi Parisensis*, Tract. De Sacramento Pœnitentiæ, cap. vi. *Attritio* (inquit) „ad Contritionem sic est, sicut vulneratio non lethalis ad occisionem, & „gratia præveniens, ac præparans ad gratiam gratumfacientem, sicut calefactio „ad arsonem, & sicut illuminatio, quæ est umbra ad irradiationem, hoc „est, sicut umbra crepusculi ad radium. *Et paulo post*: Amor, quo iste a- „mat Deum, & amor, quem quærit, & quo nondum amat Deum, sunt „unius, & ejusdem, videlicet Dei, & secundum idem, & propter idem: „sunt ergo unius, & ejusdem speciei, & non differunt nisi secundum magis, & minus. *Et infra*: Amore autem præparatorio amatur Deus secundum quod Deus, & propter id quod Deus, quemadmodum amore, „qui charitas dicitur. Amorem præparatorium Attritionem vocat: charitatem vero amorem, qui in Contritione perfecta continetur.

Attritio a Contritione non differt nisi ut imperfectum a perfecto in eodem genere.

Ita S. Thomas, in iv. Sententiarum, dist. xvii. quæst. ii. art. i. quæst. ii. ad iii. *Attritio* (inquit) *dicit accessum ad perfectam Contritionem; unde in corporalibus dicuntur attrita, quæ aliquo modo sunt comminuta, sed non perfecte: sed Contritio dicitur, quando omnes partes trite sunt simul per divisionem ad minima: & ideo significat Attritio in spiritualibus quandam displicentiam de peccatis commissis, sed non perfectam; Contritio autem perfectam.* Et art. v. quæst. iii. *Contritio* (inquit) *habet duplicem dolorem: unum rationis, quæst displicentia peccati commissi; & hic potest esse adeo parvus, quod non sufficiat ad rationem Contritionis, ut si minus displiceret ei peccatum, quam debeat displicere separatio a fine, sicut etiam amor potest esse remissus, quod non sufficiat ad rationem charitatis. Alium dolorem habet in sensu, &c.*

De Contritione.

Ezech. 18.

Tertio declarat Sacra Synodus, hanc Contritionem non solum cessationem a peccato, & vitæ novæ propositum, & inchoationem, sed veteris etiam odium continere, juxta illud: *Projicite a vobis omnes iniquitates vestras, & facite vobis cor novum.* Atqui cor novum fieri non potest sine Dei amore. Ut enim ait S. Augustinus, Libro contra Adimantum Manichæum, cap. xvii. *Hæc est brevissima, & apertissima differentia duorum Testamentorum.*

72 Theologiæ Dogmaticæ, & Moralis Liber II.

mentorum, timor, & amor: illud ad hominem veterem, hoc ad novum pertinet: In illam ergo sententiam propensa fuit Sacra Synodus Tridentina, quæ Dei amorem, seu dispositionem necessariam ad justificationem postulat.

Quarto, in exemplum affert Sacra Synodus Pœnitentiam Ninivitarum, qui timore utiliter concussi, ad Jonæ prædicationem plenam terroribus, Pœnitentiam egerunt. Atqui Pœnitentia Ninivitarum aliquem charitatis affectum admixtum habuit. Nam *Vidit Deus opera eorum quia conversi sunt de via sua mala*, &c. Deus porro nullam rationem habet operum in ordine ad justificationem, nisi procedant ex fide, quæ per dilectionem operatur. Ut enim ait S. Augustinus, Sermone cxxxviii. alias L. *De Verbis Domini*, cap. 11. *Adde charitatem, profunt omnia: detrabe charitatem, nihil profunt cetera.*

Et Traët. v. in Joannem: *Per hanc dilectionem peccata solvuntur. Hæc si non teneatur, & grave peccatum est, & radix omnium peccatorum.* Synodus itaque Tridentina in eam propensa fuit Sententiam, quæ Contritionem imperfectam aliquem gradum amoris Dei includere necessario debere asserit, ut cum Sacramento justificet.

Merito igitur Clerus Gallicanus in generali Conventu anni 1700. hanc Propositionem damnavit: *Conc. Tridentinum adeo expresse definiit Attritionem, quæ non vivificet animam, quæque supponatur sine amore Dei esse, sufficere ad Absolutionem, ut anathema pronuntiet adversus negantes.* Hanc, inquam, propositionem merito confixit his verbis.

Hæc propositio falsa est, temeraria, Conc. Tridentino contraria, & in errorem inducit.

Sequentem etiam propositionem jure damnavit idem Cleri Gallicani generalis Conventus: *Attritio ex gebeanne metu sufficit etiam sine ulla Dei dilectione, sine ullo ad Deum offensum respectu, quia talis honesta, & supernaturalis est.* Sic autem de illa judicavit:

Hæc propositio, quæ a dispositionibus necessariis ad Absolutionem excluditur qui libet ad Deum offensum respectus, temeraria est, scandalosa, perniciofa, & in hæresim inducit.

Hanc denique Declarationem edidit Illustrissimus, & Religiosissimus Clerus: *De dilectione Dei sicut ad Sacramentum Baptismi in adultis, ita ad Sacramentum Pœnitentiæ, quæ est laboriosus Baptismus, requisita, ne necessariam doctrinam omittamus, hæc duo in primis ex Sacrosancta Synodo Tridentina memenda, & docenda esse duximus. Primum, ne quis putet in utroque Sacramento requiri, ut præviam Contritionem eam, quæ sit charitate perfecta, & quæ cum voto Sacramenti, antequam actu suscipiatur, hominem Deo reconciliet. Alterum, ne quis putet in utroque Sacramento securum se esse, si præter fidei, & speciæ actus non incipiat diligere Deum tanquam omnis justitiæ fontem.*

Neque vero satis adimpleri potest utrique Sacramento necessarium vitæ novæ inchoandæ, ac servandæ mandata divina præceptum, si pœnitens primi, ac maximi mandati, quo Deus toto corde diligitur, nullam curam gerat, nec sit saltem animo ita preparato, ut ad illud exequendum divina opitulante gratia sese excitet, ac provocet.

Placet etiam caveri a Sacramenti Pœnitentiæ Administris, ne in hoc Sacramento, aliisque Sacramentis conferendis sequantur opinionem probabilem de valore Sacramenti, relicta tutiore. Neve pœnitentes ipsorum fidei animam suam committentes admonere cessent, ut in pœnitendo inchoatæ saltem dilectionis Dei incant viam, quæ sola secunda sit, graviter peccaturi in hoc salutis discrimine, vel eo solo, quod certis incerta præpogant.

Pluri-

Plurimos Auctores proferrem, qui Sententiam de necessitate amoris Dei in Contritione imperfecta, sive Attritione cum Sacramento coniuncta, ante, & post Tridentinum Concilium propugnant: sed cum a minorum gentium Theologis hoc in Opere citandis abstinere decreverim: paucorum sanctitate pascitur, & doctrina insignium testimoniis Propositionem nostram confirmabo; imprimis S. Raymundi in Summa, Lib. III. Tit. De Pœnitentia, & Remissionibus, §. xi. dicentis: *Qualiter autem hoc intelligendum, utrum scilicet sola Contritio sine Confessione tollat peccata, an Contritio cum Confessione, varie sunt opiniones: quas cum sigillatim retulisset, de tertia subdit: Tertii vero dicunt, sola cordis Contritione dimitti peccatum cuilibet adulto, si vere conteritur, & proponit ab aliis abstinere, & illud confiteri, & de eo satisfacere secundum iudicium Ecclesiæ. Hæc ultima opinio celebrior est. Et paulo post: Quod ista opinio etiam si vera, patet per exempla Lazari, quem primo suscitavit Dominus, quam a Discipulis solveretur. & per decem Leprosos, qui in via, antequam venirent ad Sacerdotes, mundati sunt. Subdit denique, quod Hæc tria, Contritio, Confessio, & Satisfactio sunt in præcepto. Attritionis non meminit: nullam itaque agnovit, nisi quæ vere Contritio esset, adeoque verum, & prædominantem Dei amorem includeret. Præcedit gratia, (actualis scilicet) sequitur dilectio: quoniam, qui gratiam habet diligit, Sequitur Contritio: qui enim diligit, conteritur. Sequitur remissio. Et iste processus colligitur, De Pœn. dist. 1. Omnis, qui non diligit, manet in morte. Et August. Sine charitate quomodo veram cordis Contritionem quis habere poterit? Quomodo ergo delictorum remissionem?*

S. Antonini, in Summa, IV. p. tit. xiv. cap. v. Quia (inquit) timor servilis non est in charitate, ideo non sufficit ad salutem: & ideo Pœnitentes, præcipue in gravibus infirmitatibus, oportet admonere, ne ad pœnitendum, & confitendum propter huiusmodi principaliter moveantur: nam inutilis esset sibi talis Pœnitentia. Hoc expresse dicit B. Augustinus De Pœnit. dist. vii. cap. ult. Non in solo timore vivit homo: quem ergo serio pœnitet, oportet non solum timere Deum, iudicem, sed Iustum diligere. Non tantum pœnam timeat, sed etiam anxietur pro gloria. Id confirmat exemplo relato in Lib. De Septem Donis, suo tempore vulgato, Scholastici cujusdam Parisiis defuncti, qui lethaliter decumbens, multis cum lacrymis peccata confessus est, devote suscipiens omnia Sacramenta secundum humanum iudicium. Hic postquam e vita migravit, Doctori suo, prout sponderat, Deo volenti apparuit, a quo de statu suo interrogatus, respondit se in æternum damnatum esse. Cumque ille attonitus causam quæreret, respondit miser: Pœnitentia mea, & lacryme illæ non fuerunt ex amore Dei, & principaliter propter Dei offensam: sed propter timorem inferni, ne ad illum deputarer, & ideo mihi non valuit.

S. Bernardini Senensis, Sermone quem habuit Feria III. post Dominicam primam Quadragesimæ: Qui conteritur (inquit) principaliter propter timorem inferni, & non propter amorem Dei, non est in statu salutis, quia non dolet amore Dei, sed amore sui; ut si cessaret damnatio ex propria culpa, cessaret & contritio illa. Et continuo subdit: Licet ad veram Contritionem concurrat timor humilians, debet tamen concurrere amor inflammans. Unde etsi in peccatore initietur timor pœnæ, superveniens tamen amor talem timorem debet repellere.

Venerabilis Ludovici Granatensis Operum pietate, ac doctrina, vitæque sanctimonia celebris, Conc. 1. in Festo B. Mariæ Magdalænæ, Constat plane (inquit) neminem ex injusto fieri iustum, nisi is peccatum super omnia desisset, illudque supra omnia vitare constituat: hæc vero duo habere nemo potest, nisi Deum diligat super omnia. Hæc enim tria, Dilectio Dei super omnia,

Sanctitate illustrum Theologorum suffragis confirmatur sententia necessitatem amoris Dei ad justificationem, etiam in Sacramento propugnans.

Terribile exemplum.

De Contritione.

odium peccati, & propositum ejus omni opera, & studio vitandi, ita se mutuo consequuntur, ut alterum sine altero consilium nullo modo aueat. At hujusmodi dilectionem post naturæ lapsum nemo nisi præsentis Dei opæ adjutus habere potest. Et allata ratione, quod scilicet post peccatum homo totum amorem, quem Deo debebat. in seipsum inverterit, & seque jam supra cetera omnia diligat, subdit: Hæc igitur tanta erga se amoris vis in causa est, ut nemo Deum supra se sine singulari opæ diligere queat: sine hac vero Dei dilectione, neque vera Contritio, neque firmum sceleris vitandi propositum, ac proinde, neque justificatio consilium potest.

S. Thome De Villa Nova Sermone, quem habuit in Dominica Passionis: Non de damno (inquit) vel de pœna, vel de infamia, vel de turpitudine, & vilitate peccati: sed dolendum est de peccato, prout offensa Dei, sicut etiamsi nullum incommodum de peccato proveniret, neque esset infernus, aut judicium, neque aliquis sciret, etiam displiceret peccatum, quia Deus fuit offensus. Vera Contritio ex amore Dei debet procedere, non extimore, ac amore sui. Unde Attritio, & Contritio non tam differunt, quia Contritio est dolor intensus & Attritio est dolor remissus; sed magis quia Contritio est dolor perfectus propter Deum, & Attritio est dolor imperfectus, & mixtus cum aliis respectibus.

Sancti denique Francisci Salesii, Lib. II. De Amore Dei cujus verba Latino idiomate fideliter, & simpliciter reddo. Pœnitentia (inquit) quæ non excludit amorem Dei, quamvis adhuc sine ipso sit, est bona, & optanda Pœnitentia, sed imperfecta, & quæ salutem nobis dare non potest, donec ad amorem provectus sit, & cum ipso commixta: ita ut, sicut magnus Apostolus dixit, Si corpus suum traderet, & distribueret pauperibus omnes facultates suas, non haberet autem charitatem id sibi prodesset nihil: ita vere dicere possumus. Essi Pœnitentia nostra tanta esset, ut in lacrimas oculi noster solvere, & dolore corda nostra colliquecerent, nisi sanctum Dei Amorem habeamus, id totum nobis ad vitam æternam nihil plane profuturum esse.

Obijcitur. Si amorem Dei super omnia necessario continere debet Attritio cum Sacramento Pœnitentiæ conjuncta, ut peccator justificetur, sequitur, inutiles esse Ecclesiæ claves, inane, & otiosum Sacramentum; siquidem Amor Dei super omnia justificat peccatorem ante Sacramentum, & absque Sacramento.

Resp. Id non sequi, quod obijciunt. Optime enim conciliantur, & Contritionis saltem imperfectæ, & Sacramenti necessitas. Hunc inter alios *Viclesi* Articulum damnavit Synodus Constantiensis; Si homo fuerit debite contritus, omnis Confessio exterior, seu Sacramentalis, est sibi superflua, & inutilis. Et redeuntes ex illa Secta ad Ecclesiam Hæreticos Martinus P. interrogari jubet, Utrum credant, quod Christianus ultra Contritionem cordis, habita copia Sacerdotis idonei, de necessitate salutis ei confiteri teneatur. Idem docet Sacra Synodus Tridentina sess. XIII. cap. VII. statuens: Ut nullus sibi conficius mortalis peccati, quantumvis sibi contritus videatur, absque præmissa sacramentali Confessione ad Sacramentum Eucharistiæ accedere debeat, &c. can. XI. Statuit, atque declarat, illis, quos conscientia mortalis peccati gravat, quantumcumque etiam se contritos existiment, habita copia Confessoris, necessario præmittendam esse Confessionem Sacramentalem, antequam SS. Eucharistiæ Sacramentum sumant; Si quis autem contrarium docere, prædicare, vel pertinaciter asserere, seu etiam publice disputando defendere præsumpserit, eo ipso excommunicatus existat. Inutiles itaque Ecclesiæ claves, otiosum, & inane Sacramentum Sacra Synodus non existimavit, etiamsi Contritio perfecta necessaria censeretur: multo minus si Contritio duntaxat imper-

Objectionum solutio.

Contritionis imperfectæ ex amore Dei saltem inchoato, & Sacramenti necessitas recte conciliantur.

fecta Amorem Dei super omnia inchoatum includens necessaria cum Sacramento asseratur. Nec vero inutile fore Sacramentum judicarunt ipsi Theologi, qui Contritionem perfectam ad remissionem peccati etiam in Sacramento velut necessariam postularunt: quia non remitti peccatum per Contritionem nisi in ordine ad Claves Ecclesiæ agnovère; adeoque non uni Contritioni, sed Sacramento Pœnitentiæ, cujus illa votum includit, peccatorum remissionem tribuendam. Absolutionem enim Sacramentalem in iis operari, qui ad ipsam votis ferventissimis inhiant, sicut Christi Passio in iis operabatur; qui in Christum venturum credebant, antequam re ipsa consumata esset.

Verum opinionem illam, quæ sine Contritione perfecta peccatorem etiam in Sacramenti susceptione non justificari asserit, merito rejicimus, & improbamus. Nam & Pius V. Sanctissimus Pontifex Propositiones illas Michaelis Baii anno millesimo quingentesimo sexagesimo septimo damnavit; Charitas perfecta, & sincera, quæ est ex corde puro, & conscientia bona, & fide non ficta, in Catechumenis, & Pœnitentibus potest esse sine remissione peccatorum.

Charitas illa, quæ est plenitudo legis, non semper est conjuncta cum remissione peccatorum.

Et Sacra Facultas Parisiensis in Comitibus generalibus congregata Kalendis Julii anno millesimo sexcentesimo trigesimo octavo hanc Propositionem damnavit: *Altius charitatis perfectæ, seu veræ, & perfectæ Contritionis absolutione necessarius est ad gratiam in Sacramento Pœnitentiæ obtinendam.* Hanc Propositionem in Lib. De Sancta Virginitate ex S. Augustino Gallice reddito, & Notis illustrato a Claudio Seguenot Presbytero Sacra Facultas merito præscripsit. Censuræ ipsius verba adscribo: *Quæ tradit de Attritionis sufficientia, & Contritionis ex perfecta charitate absoluta necessitate, ad recipiendum Sacramentum Pœnitentiæ; & quæ addit, & approbat de Absolutione, quod nihil aliud sit, quam declaratio juridica peccati jam remissi, damnavit quoque Facultas, & censuit has Propositiones esse quietis animarum perturbativas, communis, & omnino iustæ praxi Ecclesiæ contrarias, efficacie Sacramenti Pœnitentiæ imminutivas, & insuper temerarias, ac erroneas.*

Quod autem objicitur, Amorem Dei super omnia justificare peccatorem absque Sacramento, id concedimus de amore perfecto, non de amore inchoato. Quæ responsio ex Tridentino Concilio colligitur. *Et si (inquit) Contritionem hanc aliquando charitate perfectam esse contingat, hominemque Deo reconciliare prius, quam hoc Sacramentum actu suscipiatur, ipsam nihilominus reconciliationem ipsi Contritioni sine Sacramenti voto, quod in illa includitur, non esse adscribendam.*

Idemque confirmat Conc. Catechismus p. II. De Pœnitentiâ, §. XLVI. *Ut enim hoc concedamus (inquit) Contritione peccata deleri, quis ignorat illam adeo vehementem, acrem, intensam esse oportere, ut doloris acerbitas cum scelerum magnitudine æquari, conferrique possit. Hæc est Contritio charitate perfecta, qua justificatur peccator absque actuali Sacramenti susceptione, cum solo illius voto. De imperfecta vero subdit: At quoniam pauci admodum ad hunc gradum pervenirent, fiebat etiam, ut a paucissimis hac via peccatorum venia speranda esset. Quare necesse fuit, ut clementissimus Dominus faciliiori ratione communi hominum salutem consuleret, quod quidem admirabili consilio effecit, cum claves Regni cœlestis Ecclesiæ tradidit. Etenim ex Fidei Catholicæ doctrina omnibus credendum, & constanter affirmandum est: si quis ita animo affectus sit, ut peccata admissa doleat, simulque impossibilem non peccata constituat: & si huiusmodi dolore non afficiatur, qui ad impetrandam veni-*

Merito rejicitur opinio Contritionem perfectam, etiam in Sacramento, ad justificationem esse necessariam asserens.

De contritione.

Seff. 14. c. 43

am satis esse possit: ei tamen, cum peccata Sacerdoti vite confessus fuerit, vñ clavium scelera omnia remitti, ac condonari: ut merito a sanctissimis viris Patribus nostris celebratum sit, Ecclesiæ clavibus aditum in cælum aperiiri: de quo nemini dubitare fas est, cum a Florentino Concilio Decretum legamus, Pœnitentie effectum esse Absolutionem a peccatis.

Amor Dei imperfectus pœnitentem non iustificat ante Absolutionem.

Amor itaque Dei imperfectus, & inchoatus Pœnitentem non iustificat ante Absolutionem, sicut non iustificat Catechumenum ante Baptismum. Utriusque enim eadem ratio est. Porro Catechumenus imperfectus tantum, & inchoato amore Deum diligens, aut minori fervore Baptismum desiderans, non iustificatur ante susceptionem Baptismi. Quo spectant illa S. Augustini verba Tract. xiiii. in Joannem: *quantumcumque* (inquit) *Catechumenus proficiat, adhuc sarcinam sue iniquitatis portat, non ei dimittitur, nisi cum venerit ad Baptismum. Quomodo non caruit Populus Israel Populo Ægyptiorum, nisi cum venisset ad Mare Rubrum: sic pressuris peccatorum nemo caret, nisi cum ad fontem Baptismi pervenerit.* Intelligit autem S. Augustinus Catechumenum divina charitate flagrantem (ut ipse loquitur Lib. iv. De Baptismo contra Donatistas, cap. xxi.) Et certe negari non potest quin Augustinus ipse Catechumenus charitate flagraret saltem imperfecta, & inchoata, quamvis nondum adulta, & robusta: siquidem de se scribit Lib. viii. Confessionum, cap. xii. *Flebam amarissima Contritione cordis mei.* Et Lib. ix. cap. ii. *Sagittaveras tu cor nostrum charitate tua.* Et cap. iv. *Gaudens in fide laudavi nomen tuum.* Fides illa cum Amore Dei saltem inchoato conjuncta erat: & tamen peccata sibi remissa non fuisse antequam Baptismum susceperet, ibidem testatur. Et ea fides me securum esse non sinebat de præteritis peccatis meis, quæ mihi per Baptismum tuum remissa nondum erant.

De Contritione.

Verum (inquires) spiritualiter vivit, qui Deum amat: quid igitur præstabit Sacramentum, si Amor Dei super omnia necessario præcedere debeat Absolutionem Sacramentalem? Et quomodo Pœnitentia vere dici poterit Sacramentum mortuorum?

Varii spiritualis vitæ gradus.

Respond. Varios esse vitæ spiritualis gradus. Habet illa exordium suum, progressum, perfectionem. Amor vitæ cordis est. Amor inchoatus est initium vitæ spiritualis: amor proventus est progressus vitæ spiritualis: amor perfectus est perfectio vitæ spiritualis; secundum illud S. Augustini: *Inchoata charitas, inchoata iustitia est: proventus charitas, proventus iustitia est: perfecta charitas, perfecta iustitia est.* Peccator itaque imperfecte contritus, sive attritus, Deumque ut omnis iustitiæ fontem diligere incipiens, vivit vita inchoata, quæ dispositio est ad vitam perfectam ex charitate perfecta, & a Sacramento ipsam conferente procedentem. Duplicis hujus vitæ distinctionem approbavit Pius Quintus Sanctissimus Pontifex, cum Michaelis Baii Propositionem sexagesimam tertiam his verbis conceptam inter alias damnavit: *Illam distinctionem duplicis vivificationis, alterius, qua vivificatur peccator, dum ei Pœnitenti, & vite novæ propositum, & inchoatio per gratiam inspiratur; alterius, qua vivificatur, qui vere iustificatur, & palmes vitæ in Christo vite efficitur, commentitia est, & Scripturis minime conveniens judicatur.* Et quamvis ante susceptionem Sacramenti, seu ante Absolutionem Sacramentalem vivat Pœnitens, seu vita inchoata, & imperfecta, cum imperfecte contritus est, seu vita perfecta, cum perfectam Contritionem habet; Pœnitentia nihilominus Sacramentum est mortuorum, quia peccatores vivificat per dispositiones, vel partes sibi prævias, sibi que connexas, quæ etiam efficaciam ab ipsa mutantur. Præterea Baptismus adultorum, & Pœnitentia lapsorum in peccatum mortale post Baptismum, sa-

Baii propositio damnata.

eramenta sunt mortuorum, qui jam divinæ gratiæ virtute excitati e tumu-
lo, idest, ex affectu peccati prodire cæperunt; instar Lazari, quem prius vi-
vificavit Dominus dicens, *Lazare, veni foras*, & postmodum jam viven-
tem solverunt Discipuli. Ex quo S. Gregorius colligit, *Quod illos debemus per Pa-*
storalementem auctoritatem solvere, quos Pastorem nostrum cognoscimus; per suscitanti-
tem gratiam vivificare. Hinc S. Augustinus Sermone 11. in Psal. ci. ait: *Cum*
audis hominem pœnitere peccatorum suorum, jam revixit. Et tamen non-
dum esse solum, idest, nondum ipsi remissa peccata, ibidem asserit. „Re-
„missio peccatorum (inquit) solutio est. Quidenim prodesset Lazaro, quia
„processit de monumento, nisi diceretur: *Solvite eum, & finite abire*? Ipse
„quidem voce de sepulcro suscitavit, ipse clamando animam reddidit,
„ipse terrenam molem sepulto impositam vicit, & processit ille victus;
„non ergo pedibus propriis, sed virtute producentis. Fit hoc in corde Pœ-
„nitentis; cum audis hominem pœnitere peccatorum suorum, jam revixit;
„cum audis hominem confitendo proferre conscientiam, jam de se-
„pulcro eductus est, sed nondum solutus est. Quando solvitur? A qui-
„bus solvitur? *Que solveritis*, inquit, *in terra, erunt soluta & in cœ-*
lo. Merito per Ecclesiam dari solutio peccatorum potest: suscitari
„autem ipse mortuus nonnisi intus clamante Domino potest: hæc enim
„Deus interius agit.

Hom. 24. in
Evangel.

Præterea, Sacramentum Pœnitentiæ peccatorum medicina, ejusque Mi-
nistri Sacerdotes Animarum Medici frequentius a Patribus appellantur: mor-
tuis vero medicina non datur, sed viventibus. Unde Pœnitentes semivi-
vos potius, quam mortuos dicendos esse, S. Cyprianus asserit Epistola LII.
Opem nostram (inquit) medelam nostram vulneratis exhibere debemus. Nec
putemus mortuos esse, sed magis semianimes facere eos, quos persecutione fune-
sta sauciati; videmus qui sint totum mortui essent, nunquam de eis dem postmodum
& Confessores, & Martyres fierent. Idem asserit S. Ambrosius, Lib. 1. De
Pœnitentia, cap. x. *Si mortuus est (inquit) cur ei dicitis agendam Pœni-*
tentiam, qui jam curari non potest? Si semivivus est, infunde vicum, &
oleum, &c.

Pœnitentes,
semivivi po-
tius, quam
mortui,
dicendi.

Instabis: Minima charitas sufficit ad delendum peccatum: cum igitur
Attritio, cum Sacramento sufficiens, peccatum delere non possit, quando
a Sacramento sejuncta est, charitatem non includit.

Resp. Minimam quidem charitatem habitualement sufficere ad delendum pec-
catum, non vero minimam charitatem actualem. Charitas, & gratia habi-
tuali delent maculam, & reatum peccati: charitas actualis non delet nisi
sit perfecta; & adeo vehementer, acris, intensa, ut habitum producat.
Si vero inchoata sit, imperfecta, languida, tollit quidem affectum pec-
cati, & peccandi voluntatem excludit, sed maculam, & reatum non delet.
Nec est, quod obijciatur, concipi non posse, quomodo homo Deum amans
ipsi displiceat, ac æternæ pœnæ reus sit: responderetur enim, In pœnitente
Deum tanquam omnis justitiæ fontem diligere incipiente placere quidem Deo
exordium conversionis, & sancti amoris initium, sicut & timorem, spem,
fidem, quæ Dei ipsius dona sunt: displicere vero peccatum, quod a Deo
non est, sed ab homine, adeoque & hominem ipsum peccati labe adhuc in-
quinatum, & consequenter æternæ pœnæ reatu, obligatum donec macula, &
reatus, vel charitate perfecta, & Sacramenti in voto suscepti efficacia, vel
ipsius Sacramenti actuali susceptione expungantur, & solvantur. Id per duellis
exemplo explicari utcumque potest, quem etsi criminis pœniteat, reus tamen
manet donec indulgentia Principis absolvatur. Sic reus peccati manet Pœni-
tens, qui perfecte contritus non est, nec Deum perfecte diligit, sed diligere in-
cipit;

De contri-
tione.

Minima
charitas ac-
tualis non
sufficit ad
delendum
maculam, &
reatum pec-
cati, sed so-
lum ad affec-
tum pec-
cati tollen-
dum, & pec-
candi vo-
luntatem
excluden-
dam.

capit; manet (inquam) reus peccati, & damnationis æternæ, donec a Deo per ejus Ministros sit absolutus, quia id æterna, & immutabili Dei lege statutum est, ut nulla iniquitas maneat impunita, nisi quam Sanguis Christi per Sacramenta defluens, & applicatus expiaverit.

Id confirmat præclarus S. *Augustini* locus Lib. vi. „ Contra Julianum, „ cap. ix. Sicut (*inquit*) idolis immolatio, quæ jam nec in actione est, quia „ præterit, nec in voluntate, quia error, quo fiebat, absorptus est, manet tamen reatus ejus donec in Lavacro regenerationis peccatorum omnium remissione solvatur: sic e contrario, quamvis reatus malæ concupiscentiæ eodem Baptismate sit solutus, manet tamen ipsa, donec ab eo, qui post ejecta dæmonia perficit sanitates, medicina pericente sanetur. Sed quæro te, cum & ipse concedas peccati facti, atque transacti reatum manere, nisi sacro Fonte abluatur, dic mihi, reatus iste quis sit, & ubi maneat in homine correcto, recteque vivente, nondum tamen peccatorum remissionem liberato? Resp. Julianus, *Alu prætereunte, manere peccati reatum in ejus conscientia, qui deliquit, donec remittatur. Quam responsionem* S. *Augustinus sic refellit*: „ Quid si obliviscatur se deliquisse, nec ejus conscientia litigat? Ubi erit reatus ille, quem transeunte peccato manere concedis, donec remittatur? Non est certe in corpore, quia non est eorum accidentium, quæ accidunt corpori: non est in animo, quia ejus memoriam delevit oblivio: & tamen est. Ubi est igitur, cum jam bene vivat homo nihil tale committens, nec dici possit eorum peccatorum, ejus reatum manere, qui meminit, ejus vero, qui oblitus est, non manere? Manet quippe omnino donec remittatur. Ubi ergo manet, nisi in occultis legibus Dei, quæ concriptæ sunt quodammodo in mentibus Angelorum, ut nulla sit iniquitas impunita, nisi quam Sanguis Mediatoris expiaverit? Cujus signo Crucis consecratur unda Baptismatis, ut ea diluatur reatus tamquam in chirographo scriptus in notitia spiritualium Potestatum, per quas pœna exigitur peccatorum. Quod de *Catechumeno* S. *Augustinus dixit, idem de Pœnitente dici potest.* „ Quæ enim baptismatis, eadem & Pœnitentiæ ratio est, ut ipse asserit Lib. De Adulterinis Conjugiis, cap. ultimo.

Sed (inques) si Pœnitens imperfecto illo Dei amore succensus moriatur, sequitur, ipsum damnatum iri, posito, quod amor inchoatus ad justificationem non sufficiat extra Sacramentum. Quomodo vero fieri potest, ut quis Deum quoquo modo diligens in æternum pereat? ut qui Deum amat, non sit consors bonorum æternorum, *Que preparavit Deus diligentibus se?* ut qui Dei amanter reminiscitur, ejusque laudes amando confitetur, in mortem secundam incidat, in qua nemo Dei memor est; in internum detrudatur, in quo nemo Deo confitetur? secundum illud, *Non est in morte, qui memor sit tui: in inferno autem quis confitebitur tibi?* ut quia averiam a peccato voluntatem habet, & ad Deum conversam, projiciatur in locum ubi, *Et si eris stimulus pœnitundinis, nulla tamen erit correctio voluntatis?* A damnatis enim iniquitas sua ita culpabitur, ut nullatenus possit ab eis Justitia vel diligi, vel desiderari. Verba sunt San. *Fulgentii*, Lib. De Fide ad Petrum, cap. 111.

Resp. Aliud ferendum esse indicium de homine in extremis posito, qui non habeat copiam Sacerdotis, apud quem peccata deponere, & a quo beneficium Abolutionis consequi possit, & de homine cui præsto est Sacerdos, cui peccata confiteri, & a quo absolvi possit. Posterior enim, quamvis Attritionem cum amore Dei super omnia supponatur habuisse, ab illo tamen amore excidit, nec vere averiam a peccato, & ad Deum conversam habet voluntatem, quia contempti, vel neglecti Sacramenti reus est. Prior vero

fi. Sa-

De Contri-
tione.

Psalm. 6.

Quomodo
Pœnitens in
extremis po-
situs, neque
copiam ha-
bens Sacer-
dotis, justi-
ficetur cum
imperfecta
Contritione
ex amore
Dei inchoa-
to concepta?

Si Sacramentum non contemnat, non negligat, sed illud vehementer desideret, si Contritione imperfecta, & peccandi voluntatem excludente, peccatum detestetur, Deumque tanquam omnis iustitiæ fontem diligere incipiat; nec tamen sistere velit in illo conversionis & bonæ voluntatis exordio, in illis amoris nascentis initiis, sed pio desiderio, sinceroque cordis affectu Deum magis diligere exoptet, quantum necesse est, ut Ei reconcilietur; antequam de vita migret peccatorum remissionem consequitur, Dei misericordia complente, quod deest ei, qui quod in se est facit, Divina scilicet bonitas nascentem, & imperfectum amorem Penitentis, in extremo illo discrimine ad illum perfectionis gradum provehit, qui ad justificationem necessarius est: quod fit & in Catechumenis Deum imperfecte diligentibus. Si enim Baptismus non recipiant, non iustificantur, sed portant iniquitatis suæ sarcinam, ut ait S. *Augustinus*: quostamen Baptismi voto iustificari, certum est, si mors ipsos intercipiat, antequam Baptismus suscipere valeant; *complente Deo, quod non ex voluntate desuit*, ut loquitur idem S. Doctor Libro IV. *De Baptismo contra Donatistas*, cap. XXIV. Quoniam idem pro hominem, potest dimittere & præter hominem, ut ipse alibi ait. *Sed tunc impletur invisibiliter, cum Ministerium Baptismi non contemptus Religionis, sed articulus necessitatis excludit*. Idem asserit, multisque Patrum testimoniiis probat Theobaldus Stampensis in Galliis Abbas, in Epistola ad Lincolniensem in Anglia Episcopum, edita Tom. III. *Spicilegii*, quam ita concludit: *Pater ergo, quod quicumque bonam voluntatem habebit in terris, pacem indubitanter, & gloriam consequetur in caelis. Amen. Si quis vero hanc Epistolam improbare voluerit, & hos præfatos Doctores Catholicos recipere noluerit, lapide percutiatur, percussus comminuetur, cominutus in pulverem redigatur*. Idem docet Innoc. III. in Epistola Decretali, quam ea de Quæstione interrogatus scripsit ad Episcopum Cremonensem. *Inquisitioni tuæ (inquit) taliter respondemus, Presbyterum, quem sine unda Baptismatis extremum diem clausisse significasti, quia in Sanctæ Matris Ecclesiæ fide, & Christi nominis confessione perseveravit, ab originali peccato solutum, & cælestis patriæ gaudium esse adeptum asserimus incunctanter. Lege super claro Libro Augustini De Civitate Dei, ubi inter cetera legitur: Baptismus invisibiliter ministratur, quem non contemptus Religionis, sed terminus necessitatis excludit*. Librum etiam B. Ambrosii De obitu Valentini, idem asserentis revolve. Sopitis igitur Quæstionibus Doctorum, Patrum Sententias teneas. Refertur, Extra, *De Presbytero non baptizato*, cap. Apostolicum. Hanc denique veteris Ecclesiæ fuisse sententiam, colligitur ex Conciliis Carthaginensi IV. Canone septuagesimo nono; Vasensi can. 11. Arelateni 11. can. XII. Toletano XI. can. XII. quibus statutum est, ut Pœnitentium, qui Pœnitentiam impositam sedulo obibant, si casu in itinere, vel in mari, ubi eis subveniri non posset, morte interciperentur, antequam reconciliati fuissent, memoria orationibus, & oblationibus Deo commendaretur.

Id Catechumenorum exemplo explicatur.

De Contritione.

Obijcitur commune Theologorum Axioma: *Pœnitentem ex attrito fieri contritum* in Sacramento Pœnitentiæ: quod certe falsum esset, nisi Attritio ex solo penarum metu concepta sufficiens esset dispositio ad justificationem in Sacramento.

Quo sensu pœnitens ex attrito fiat contritus in pœnitentiæ Sacramento?

Resp. Pœnitentem ex attrito fieri contritum, non quod Attritio ex solo penarum metu concepta sufficiat, aut quod Attritio illa possit fieri Contritio; sed quia Contritio Attritioni succedit, & amor inchoatus virtute Sacramenti maturefcit, adolescit, & perfectus evadit, infuso in animam habitu charitatis; a quo velut principio facile contritionis, & amoris perfecti actus oriuntur. Hinc S. Bonaventura, in IV. *Sententiarum*, dist. 16. qu. 3. ad primum,

primum, & secundum ait; Tria esse in peccato, scilicet actionem malam, interiorem maculam, & sequelam. *Actio mala* (inquit) expellitur timore; *macula, dolore; sed sequela, charitatis ardore. Unde timor servilis est in Justificatione (ut dicitur) preparatio ad justitiam: dolor, ut infuso justitiæ: charitatis ardor, in consumationem.* Et par. II. dist. XVII. quæst. IV. *Attritio* (inquit) frequenter ob Confessionem superadjunctam, & Absolutionem Sacerdotis, formatur per gratiam, ut fiat Contritio, sive ut ad ipsam Contritio subsequatur, & multi ibi gratia conceditur. Et ad quartum: *Ad illud, quod obijciunt de Absolutione, dicendum, quod nemo recipit effectum, nisi charitatem habeat saltem in principio Confessionis, vel in medio, vel in fine.*

De Contritione.

Idem confirmat Sanctus Carolus Borromeus in Instructionibus De Sacramento Pœnitentiæ. *Antequam* (inquit) Confessarius Pœnitentiam imponat, & Absolutionem tribuat Pœnitenti, videbit, an propter Deum veram peccatorum suorum Contritionem habeat: atque certum deliberatumque ei sit in posterum, quantum in se est, divina gratia adjuvante a peccatis abstinere: & quæ antea commiserit, pro iis satisfactionem persolvere. Quod si ita animo affectum viderit, monbit, valdeque hortabitur, ut pro tanto beneficio maximas gratias Deo agat, ab eoque cælestis gratiæ præsidium petere nunquam desinat; quo adjutus, pravis cupiditatibus facile resistere possit. Si vero talem Contritionem illum non habere intellexerit, illius desiderium accendat, conabitur, hoc admonens, propter Deum ipsum usque adeo, quantum potest, cum peccata dolere oportere, ut saltem adjunctrice divina gratia, quam a Deo intime precetur, ex Sacramentique virtute, ex attrito contritus fiat. Contritio igitur imperfecta ex amore Dei inchoato procedens, inchoatio quædam est novæ vitæ, novique hominis conceptioni similis: verumtamen non solum concipi, sed nasci opus est ad salutem. Fit autem nati-vitas illa, seu perfectio novæ vitæ vi Sacramenti, Contritionem imperfectam perficientis, & amore inchoatum virtute Pœnitentiæ Christi ad perfectionem charitatis promoventis. Contritionem igitur Sacramentum non supplet, quæ ex divina Lege, & Christi institutione necessaria est; sed complet, ac perficit Gratia sanctificante, & Charitate in animo producta: pios conatus, & affectus hominis Deum, seu omnis justitiæ fontem diligere incipientis, & magis, ac magis diligere cupientis adjuvat, roborat, ad maturitatem, & perfectionem perducit. Hoc sensu Pœnitens virtute Sacramenti *Ex attrito fit contritus.*

A R T I C U L U S IV.

De Contritionis objecto.

I. **C**ontritionis objectum sunt peccata propria, & præterita. Contritio namque odium est, ac detestatio peccati propria voluntate commissi ab eo, qui firmum habet deinceps non peccandi propositum. De alienis proinde peccatis non conterimur, quamvis illa displicere nobis debeant: nec de originali peccato, quamvis & illud detestari quisque debeat, & dolere, ac erubescere, quod in eo natus sit, dicendo cum Davide: *Ecce enim in iniquitatibus conceptus sum, & in peccatis concepit me mater mea:* & ad illud destruendum per susceptionem Baptismi, & ad concupiscentiam ex eo superflitem domandam, eradican-dam, crucifigendam teneatur. Dolor ille de peccato originis homines ad Baptismi desiderium, accendit, secundum illud *S. Augustini Lib. De Correctione. & Gratia, cap. VI. Corripitur origo damnabilis, ut ex dolore correctionis voluntas Regenerationis oriatur.* Neque etiam cir-

Psalms. 50.

De Sacramento Pœnitentiæ. Cap. IV. Art. IV. 81

ta pœnas peccata consecutas contritio versatur : hæ namque materia sunt patientiæ, non pœnitentiæ, si de pœnis temporalibus hujus vitæ loquamur: nec eas detestari, sed amplecti debet Pœnitens, ut a Deo ordinatas ad expiationem peccatorum suorum. Pœnarum vero alterius vitæ debitum, maximeque æternarum se incurrisse merito dolet; sed hæc non est propriè dicta contritio, nisi quatenus dolor est de peccatis, propter quæ pœnis illis obnoxius est. Unde & quod S. Augustinus ait, Serm. CCCLII. alias I. inter Homilias quinaginta: *Nemo vitam æternam, in corruptibilibus, immortalemque desiderat, nisi eum vitæ hujus temporalis, corruptibilis, mortalisque pœniteat*: ita intelligendum est, Pœnitentiam agendam esse de hac vita mortali, & corruptibili, non ratione mortalitatis, & corruptibilitatis, sed ratione peccatorum, quæ mortis, & corruptionis, ac miseriarum hujus vitæ causæ sunt.

De Contritione.

Objectum itaque Contritionis actualis sunt peccata, seu mortalia, seu venialia: sed actualis Contritio ad mortaliū veniam obtinendam necessaria est, ut scilicet singulis peccatis mortalibus diligenti examine in memoriam revocatis, singula peccata detestetur: ad venialium autem remissionem obtinendam sufficit virtualis contritio (ut loquuntur Theologi) quæ quidem in eo posita est, ut quis eo affectu, eoque charitatis fervore in Deum feratur, ut si singula peccata venialia ejus memoriæ actu occurrerent, illi displicerent, ac de illis ex animo doleret. Nec ad venialium duntaxat, sed & mortaliū, quæ post accuratum, & diligens conscientiæ examen memoriæ non occurrunt, virtualis illa contritio sufficit. Quæ S. Thomæ doctrina est III. p. q. LXXXVII. art. I.

Contritionis actus in omnia, & singula peccata mortalia ferri debet.

Virtualis Contritio ad venialium remissionem sufficit.

Quamvis autem necesse non sit, ut tot Contritionis actus eliciantur, quot numero commissæ sunt peccata; necesse tamen est, ut singulis discussis, collectis, & in memoriam singulatim revocatis, unus contritionis actus in omnia, & singula feratur, & ad omnia, & singula terminetur. Unde Conc. Tridentinum sess. IV. can. V. *Contritionem parari docet per discussionem, collectionem, & dejectionem peccatorum suorum, qua quis recogitat annos suos in amaritudine animæ suæ, ponderando peccatorum suorum gravitatem, multitudinem, sæditatem*. Quod S. Thomas confirmat in IV. Sententiarum, dist. XVII. qu. II. art. II. Quæst. VI.

Ista. 38.

Necesse est igitur, peccata omnia, quæ admiximus, odisse, & dolere: ne si quedam tantum doleamus, ficta & simulata, neque salutaris Pœnitentia a nobis suscipiatur. Nam, ut a S. Jacobo Apostolo dictum est: *Quicumque totam legem servaverit: offendit autem in uno, factus est omnium reus*. Ita Conc. Tridentini Catechismus p. II. De Sacramento Pœnitentiæ, §. XI.

Jacob. 2.

Sed & §. XXXIX. Monendos Fideles, & maxime hortandos esse docet, *Ut ad singula mortalia crimina proprium contritionis dolorem adhibere studeant*. Ita enim Ezechias Contritionem describit: *Recogitabo tibi omnes annos meos in amaritudine animæ meæ. Etenim recogitare omnes annos, est sigillatim peccata discutere, ut ea ex animo doleamus*. Sed apud Ezechielem quoque legimus: *Si impius egerit Pœnitentiam ab omnibus peccatis suis, vita vivet*.

Ista. 38.

Ezech. 18.

Ad singulas scilicet mortalium peccatorum species propriam adhibere contritionem, ut propria singulorum gravitas, & iēditas est, saluberrimum fuerit; ut docet S. Jo: Chrysostomus, Homilia XLII. in Matthæum. „ Non „ est profecto, (inquit) non est insufficiens ad emendandum via, si cum „ omnia secundum speciem in unum peccata collegeris, assidue animo de „ inde ipsa verses, ac de ipsis deinde continuo mediteris, & cogites. Nam „ qui hoc faciet, his adeo compungetur, ut neque hac vita se ipsum di „ gnū existimet. Quod qui de se ipso iudicabit, omni cetera tenerior hu-

Ad singulas mortalium peccatorum species propriam Contritionis actum adhibere saluberrimum.

82 Theologia Dogmaticæ, & Moralis Liber II.

De Contritione.

„milius vivet in dies. Nec fornicationes solum, & adulteria, atque illa,
„quæ omnes perhorrescunt, collegeris; verum etiam occulta insidiarum
„confilia, & calumnias, obreptiones arcanas, inanem gloriam, in-
„vidiam, ceteraque hujusmodi omnia collige. Non enim effugient, qui
„hæc delinquant. extremos suppliciorum dolores. Nam & convitiatores
„in gehennam incident: & qui vino inebriatur, nihil cum Regno Dei
„habet commune. Et qui proximum non diligit, sic Deum offendit, ut
„neque Martyrio juvetur. Et qui propinquos negligit, fidem negat: & qui
„pauperes despiciat, atque contemnit, in ignem mittitur. Noli ergo tan-
„quam parva hæc negligere, sed collige, ac in mente pervide, ac si in li-
„bro conscriberes. Si enim tu scripseris, Deus delebit: si vero non con-
„scripseris, ipse Deus & scribit, & pœnas exigit. Quare multo melius est
„a nobis ista conscribi, ut a Deo deleantur, quam horum nobis omnium
„oblitis, præ oculis nostris in die judicii hæc a Deo proponi. Quod ne ita
„fiat, exquisitis omnia recolamus, & inveniemus multis nos esse obno-
„xios.

Thren. 3.

Idem confirmat Auctor Commentarii in septem Psalmos Penitenciales
inter Opera S. Gregorii editi, ad illa verba Pl. v. *In quacunque die tribulor,
inclina ad me aurem tuam.* In electorum scilicet cordibus tribulationem esse
notat, quam in eis generat continua Penitentia amaritudo. *Qui enim (in-
quit) mala, quæ commisit, ante mentis oculos congerens, pro singulis quibus-
cumque compungitur, in arcano cordis magna, & amara doloris, & metus
anxietate contribulatur. Solent namque electi viri, ad ea, quorum sibi sunt con-
fessi peccata, mentis intuitum reducere, & modis eorum cauta singulatim con-
sideratione persequi: singula quæque desiere; ut hoc modo cordis sui præpa-
rent habitaculum, dum per unumquodque erroris sui deplorant excessum. Hinc
namque Jeremias ait: Divisiones aquarum deduxit oculus meus. Divisas
quippe aquas ex oculis deducere, est dispersitas lacrymas unicuique peccato tri-
buere, & iniquitatis gaudia satisfactionis doloribus compensare: quatenus dum
nunc hujus, nunc illius delicti memoria mentis acrius tangitur simul de omnibus
singulis commota pergetur.*

A R T I C U L U S V.

De Contritionis Vehementia.

P R O P O S I T I O I.

*Summus, & maximus dolor de peccatis Contritio esse debet, ita ut nullus
major excogitari possit.*

Par. 11. De
Pœnit. 35.

Duplici ratione hanc Propositionem probat Conc. Tridentini Catechis-
mus: prima hæc est: Cum perfecta Contritio sit charitatis actio, a
timore, qui filiorum est profecta, idem statuendus est charitatis. & contri-
tionis modus. Charitas porro qua Deum diligimus, perfectissimus est amor:
Contritio itaque summus, & maximus animi dolor esse debet. Ut enim
maxime diligendus est Deus: ita quæ nos a Deo alienant, maxime dete-
stari debemus. Hinc eodem loquendi genere charitatis, & contritionis ma-
gnitudo in Sacris Litteris significatur. De charitate dictum est: *Diligas Do-
minum Deum tuum ex toto corde tuo.* De contritione clamat Dominus per
Prophetam: *Convertimini ad me in toto corde vestro.*

Deut. 6.
Matth. 22.
Jeh. 1.

Ratio altera hæc est. Sicut Deus summum bonum est inter omnia, quæ
diligenda sunt: ita peccatum summum est malum inter omnia, quæ odisse
homines debent: unde quæ ratio probat Deum summe diligendum esse,
eandem

eadem demonstrat peccatum odio maximo detestandum. Omnibus vero rebus amorem Dei anteponendum esse, ita ut ne vitæ quidem conservandæ causa peccare liceat, aperte nos docet Christus Dominus, Matth. x. *Qui amat (inquit) patrem, aut matrem plus quam me, non est me dignus: & qui amat filium, aut fratrem super me, non est me dignus.* Et Matth. xvi. *Qui voluerit animam suam salvam facere, perdet eam.* Quemadmodum igitur nullus finis, & modus charitati præscribitur: Modus enim diligendi Deum, est ipsum diligere sine modo; (inquit S. Bernardus, Lib. De Diligendo Deo) ita detestationi peccati nullus modus definiendus est.

Idem argumentum tractat S. Thomas in iv. Sententiarum, dist. xvii. qu. ii. art. iii. quæst. ii. & Propositionem nostram his rationibus probat.

Omnis dolor in amore fundatur: sed amor charitatis, in quo fundatur dolor contritionis, est maximus: dolor itaque contritionis est maximus.

Secundo, dolor est de malo, ac proinde gravius est malum doloris majoris obiectum est: at culpa gravius est malum pœna: dolor itaque de culpa conceptus, qui est contritio, omnem alium dolorem excedit.

Tertio, quantum aliquid placet, tantum contrarium ejus displicet: finis autem super omnia placet; cum omnia propter ipsum desiderentur: & ideo peccatum, quod a fine ultimo avertit, super omnia displicere debet.

PROPOSITIO II.

Contritionem non solum maximam esse necesse est, sed vehementissimam esse decet, ita ut ignaviam omnem, & socordiam excludat.

Dilectis Scripturæ Sacræ testimoniis Propositio probatur. Deut. enim iv. scriptum est: *Cum quæseris Dominum Deum tuum, invenies eum: si tamen toto corde quæseris, & tota tribulatione animæ tuæ.* Et Jer. xxix. *Queretis me, & invenietis, cum quæseritis me in toto corde vestro, & inveniar a vobis, ait Dominus.*

Idem confirmat S. Cæsarius Arelatenfis Hom. i. *Homo ipse (inquit) se decipit, si cum in medullis sibi fervere sentiat morbum, per superficiem corporis molle deducat unguentum. Hæc itaque principalia mala ingenti rugitu, & gemitu, & fonte indigent lacrymarum: atque per lacrymas clamandum est cum Propheta, Rugiebam a gemitu cordis mei: Oportet itaque sicut super mortuum exclamatum, ita magnos super extinctam animam dare planctus.* Et quomodo solet mater orbata super amissione unici filii sui fracto pectore lamentari; ita convenit super unicam suam, sed cum spe reparationis affligi: necesse super hanc unicam criminum mucrone confossam totum pondus doloris effundi, si forte possit lacrymarum vivificata fontibus calore fidei suscitari.

Psal. 37. 9.

PROPOSITIO III.

Et si vehementissima Contritio non sit, vera tamen, & efficax esse potest.

Sæpe enim usu venit, ut quæ sensibus subiecta sunt, magis quam spiritualia nos afficiant, & vehementius moveant voluntatem, idque citra culpam hominis, propter statum animæ in corpore corruptibili constitutæ. Quare nonnulli interdum majorem ex filiorum obitu, quam ex peccati turpitudine doloris sensum capiunt. Vera etiam Contritio esse potest, quamvis lacrymæ doloris acerbiter non consequantur: quæ tamen in Pœnitentia summopere optandæ, & commendandæ sunt (inquit Conc. Tridentini Catechismus.) Atque ad id valent plurimum Niniuitarum, Davidis,

Peccatricis Mulieris, & S. Petri exempla, qui omnes uberrimis, amarissimisque lacrymis Dei misericordiam implorantes, peccatorum veniam impetrarunt. Hinc Patres lacrymas *Secundum Baptisma* vocarunt, scilicet S. Gregorius Nazianzenus, Oratione xi. in Sancta Lumina, S. Gregorius Nyssenus, Homilia in eos, qui de aliis durius judicant, S. Jo. Chrysostomus Homilia iv. De Pœnitentia, S. Isidorus Pelusiota, Lib. i. Epistola 48. S. Isidorus Hispalensis, Lib. ii. De Officiis Ecclesiasticis, cap. xxiv. & S. Jo. Damascenus, Lib. i. De Fide Orthodoxa, cap. x. Hinc S. Casarius Arelatenfis, Sermon. xxxvii. inter Augustinianos, alias xli. De Sanctis, nunc in civ. Appendice, ait: *Sic lugeamus extinctam nostram animam, quomodo alienam carnem mortuam plangimus. Si aut uxor, aut filius, aut maritus mortui fuerint, in terram se collidunt homines, capillos trahendo, pectora tundendo, in luctu, & pœnitentia, vel in lacrymis non parvo tempore perseverant. Rogo vos, Fratres, exhibeamus animæ nostræ, quod illi exhibent alienæ carni. Carnem, quam non possumus suscitare, plangimus; & animam nostram mortuam non plangimus, quam possumus per Pœnitentiam ad statum pristinum revocare.*

Anima nostra quomodo plangenda?

Vita animæ nostræ Deus.

Præclare S. Augustinus, Sermone lxxv. alias xlii. inter editos a Theologis Parisiensibus, cap. iv. ait: Vita corporis anima est: vita animæ Deus est. Sicut adest vita corporis, idest, anima, ne moriatur corpus: sic debet adeste vita animæ, hoc est Deus, ne moriatur anima. Corpus quomodo moritur? Anima deferente. Anima, inquam, deferente moritur corpus, & jacet cadaver paulo ante appetibile, modo aspernabile. Insunt membra, oculi, aures: sed hæc fenestræ sunt domus, habitator abscessit. Qui plangit mortuum, ad fenestras habitaculi frustra clamat: non est intus, qui audiat. Quanta dicit plangentis affectus, quanta enumerat, quanta commemorat; & per quantam, ut ita dixerim, doloris inianiam, quasi cum sentiente loquitur, cum loquatur cum absente? Enumerat mores, enumerat indicia benevolentia: circa se. Mortuum est corpus. Quare? Quia discessit vita eius, hoc est, anima. Vivit corpus, & impius est, infidelis est, ad credendum durus, ad corrigendos mores ferreus: vivente corpore mortua est anima, per quam corpus vivit. Interrogo corpus, an vivat. Respondet mihi, Vides ambulantes, vides operantes, audis loquentem, cernis appetentem, & fugientem, & non intelligis corpus vivere? Et interrogo ipsam animam, an vivat? Habet & ipsa opera sua, per quæ ostendat vitam suam. Ambulant pedes, intelligo corpus vivere. Sed quo ambulant? Ad adulterium, inquit. Ergo mortua est anima. Sic enim veracissima Scriptura dicit, *Mortua est vidua, quæ in deliciis erat.* Cum multum inter se inter delicias, & adulterium, quomodo potest anima, quæ in deliciis mortua dicitur, in adulterio vivere? Mortua est. Sic etiam cum audio loquentem, intelligo, quia corpus vivit: quæro, quid loquatur, utrum & anima vivat? Mendacium loquitur. Si mendacium loquitur, ergo mortua est. Ipsam Veritatem interrogemus, quæ ait, *Os, quod mentitur, cecidit animam.* Plangis mortuum, plange peccatorem magis, plange impium, plange infidelem. Scriptum est, *Luctus mortui, septem dies: facis autem. & impii omnes dies vite illorum.* An vero non in te sunt viscera miserationis Christianæ; ut plangas corpus, a quo recessit anima, & non plangas animam, a qua recessit Deus?

1. Tim. 5.

Sap. 1.

Eccli. 22. De Contritione.

Lacrymæ sunt tacite preces.

Hinc S. Eligius Noviodunensis Episcopus: *In omni culpa (inquit) prius scindendum est, & sic deinde precantur: Lacrymæ enim tacite quodammodo preces sunt. Veniam non loquendo postulant, sed merentur.*

PROPOSITIO IV.

Contritio, quatenus animi dolor est, non potest esse nimia.

EJus namque mensura est amor Dei, qui nimius esse non potest: & deformitas peccati, quod nimis displicere non potest, quatenus Dei est offensa. Sed dolor, qui sensu percipitur, potest esse nimius; velut si quis ita dolori, & lacrymis indulgeret, ut oculos amitteret, corporeque extaberet: sicut etiam exterior corporis afflictio non debet esse nimia. Unde Epist. ad Roman. XII. dicitur, *Rationabile obsequium vestrum*. Ita S. Thomas in IV. Sententiarum, dist. XVII. q. II. art. III. quæst. III. Si quis autem dolorem Contritionis ex animo in sensus redundantem non temperaret, non advertens, fervoreque raptus, in tali casu non peccaret, (inquit S. Bonaventura) quia daret operam rei licitæ. Si autem advertat, debet temperare. Hoc tamen consilium, ait Seraphicus Doctor, paucis necessarium est. Si autem non temperaret, vel affectione gaudii, vel consolatione spei, transcereret metas virtutis, ac prout Contritionis.

PROPOSITIO V.

Gravioribus peccatis major Contritio respondere debet.

MAjor enim ratio doloris est in uno, quam in alio peccato, scilicet offensa Dei: ex actu siquidem magis inordinato Deus gravius offenditur. Præterea idem ordo esse debet in dolore, qui in amore, cum ex ipso ortum habeat: sed majus bonum secundum ordinatam dilectionem magis amandum est: pari ergo ratione gravius malum est magis detestandum. Nec solum intelligenda est Propositio de dolore quatenus affectus est animi peccatum detestantis, sed etiam quatenus sensum afficit, & libere suscipitur quasi pena peccati. Majori etenim culpæ major pena debetur. Ita docet S. Thomas, in IV. Sententiarum, dist. XVII. qu. III. art. III. quæst. III. Quod a Patribus didicerat, Sancto scilicet Cypriano in Tractatu De Lapsis, dicente: *Quam magna deliquimus, tam granditer deseamus. Alto vulnere diligens & longa medicina non desit, Pœnitentia crimine minor non sit.* Et S. Ambrosio Lib. I. De Pœnitentia, c. II. scribente: *Qui culpam exaggeravit, exaggeret etiam Pœnitentiam. Majora enim crimina majoribus abluuntur fletibus.* Ita nec Novatianus probatur, qui veniam intercessit omnibus, nec vos ejus discipuli imitatores ejusdem, & condemnatores, qui ibi minutis studiis Pœnitentiæ, ubi augeri oportet: quia graviora peccata majoribus sustentanda fulcris docuit Christi misericordia. S. denique Hieronymo, Epist. XXVII. ad Eustochium data: *In Paula (inquit) crederes fontes lacrymarum: in levia peccata plangebatur, ut illam gravissimorum criminum crederes ream.*

ARTICULUS VI.

De Contritionis diuturnitate.

PROPOSITIO I.

Contritionis dolor perpetuus esse debet.

DOctrina est S. Thomæ, in IV. Sententiarum, dist. XVII. q. II. art. IV. Duplex dolor duplicem dolorem distinguens: unum rationis, qui est detestatio peccati a se commissi: alterum sensitivæ partis, qui ex isto consequitur: & quantum

„tū ad utrumque (inquit) Contritionis tempus est totus præsentis vitæ
 „status . Quamdiu enim aliquis est in statu vitæ , detestatur incommoda ,
 „quibus a pervertione ad terminum vitæ impeditur , vel retardatur . Un-
 „de cum per peccatum præteritum vitæ nostræ cursus in Deum retarda-
 „tur , (quia tempus illud , quod erat deputatum ad currendum , recupera-
 „ri non potest ,) oportet , quod semper in vitæ hujus tempore status con-
 „tritionis maneat quantum ad peccati detestationem . Similiter etiam quan-
 „tum ad sensibilem dolorem , qui ut pœna peccati a voluntate assumitur .
 „Quia enim homo peccando pœnam æternam meruit , & contra æternum
 „Dei peccavit , debet pœna æterna in temporalem mutata (saltem dolor)
 „in æterno hominis , idest , in statu hujus vitæ remanere . Hinc *Eccl. V.*
dicitur : de propitiato peccato noli esse sine metu . Perpetuus itaque de pecca-
 „tis dolor esse debet , ut Deus nobis propitius sit . Quamvis autem Satisfa-
 „ctionis modus definitum sit , non tamen Contritionis : quia pœna in Satisfa-
 „ctionem imposita proportionem habet cum culpa ex parte conversionis ad crea-
 „turam , ex qua finita est : sed dolor Contritionis respondet culpæ ex parte
 „aversivis a Deo , ex qua infinitudinem quamdam habet . Et ita vera Con-
 „tritio debet semper permanere (inquit *S. Thomas .*)

Tria in Con-
 tritione spe-
 ctanda .

Addit Quæstiuncula tertia , tria in Contritione spectari posse : primum
 est Contritionis genus , quod est dolor : secundum est Contritionis forma :
 quia est actus virtutis gratia informatus : tertium est Contritionis efficacia :
 quia est actus meritorius , & sacramentalis , & quodammodo satisfactorius .
 Sancti , qui Deo in cœlis fruuntur , Contritionem habere non possunt ; quia
 carent dolore , propter gaudii plenitudinem . Dammati Contritione carent ,
 quia etsi doleant , deest tamen eis gratia dolorem informans . Animæ in
 Purgatorio detentæ dolorem habent de peccatis gratia informatum , sed non
 meritorium ; quia non sunt amplius in statu merendi . In hujus autem mortal-
 is vitæ curriculo , doloris capaces sumus : gratiam a Deo impetrare pos-
 sumus , qua dolor ille informetur ; in statu denique merendi , Sacramenta
 suscipiendi & satisfaciendi sumus .

Propositionem nostram confirmat *S. Thomas a Villanova* , Sermone in
 Dominica Passionis . *Quarta* (inquit) *conditio doloris , quod sit perpetuus :*
nam Penitentia cum vita finienda est . Vide , peccator , quod onus imponis su-
per te propter momentum delectationis . Non tamen sic est intelligendum , quod
dolor ille continuatus duret per totam vitam : hoc enim quis posset ? Sed quod
quoties peccatum tibi occurrit in memoriam , teneris odio habere , & detestari ,
ut te poeniteat fecisse illud . Quidam dicunt , quod sufficit , ut non placeat , sed
tutius est , ut etiam displiceat . Unde Psalmus : Peccatum meum contra me
est semper . Et iterum : Tota die , id est , tota vita , contritus ingre-
diebar .

Psal. 50.
 Psalm. 37.

P R O P O S I T I O II.

*Momentanea Contritio , modo vera sit , & sincera , sufficit ad veniam pec-
 catorum quovis tempore obtinendam .*

UT enim ait *S. Leo* , Epist. 82. alias 91. ad *Theodorum* Forojuliensem
 Episcopum . *His qui in tempore necessitatis , & in periculi urgentis in-*
stantia , præsidium Penitentiae , & mox Reconciliationis implorent , nec Satis-
factio interdicenda est , nec Reconciliatio deneganda : quia misericordiae Dei nec
mensuras possumus ponere , nec tempora definire , apud quem nullas patitur ve-
 „nie moras vera conversio , dicente Spiritu Dei per Prophetam , Cum con-
 „versus ingemueris , tunc salvus eris . Et alibi , Dic tu iniquitates tuas
 „prior

Isai. 30. 25.
 Isai. 43. 26.
 Secundum
 LXX.

De Sacramento Pœnitentiæ. Cap. IV. Art. VII. 87

5, prior, ut justificeris. Et iterum. Quia apud Dominum misericordia, & Psal. 129. 7
 5, copiosa apud eum redemptio. In dispensandis itaque Dei donis non debemus esse difficiles, nec accusantium se lachrymas, gemitusque negligere, cum ipsam pœnitendi affectionem ex Dei credamus inspiratione conceptam.

Confirmat ex Canone, Talis, Dist. III. De Pœnitentia, qui ex S. Jo: Chrysostomo in Epistola ad Theodorum lapsus sumptus est. Talis, (inquit) mihi crede, talis est erga homines pietas Dei: nunquam enim spernit Pœnitentiam, si ei sincere, & simpliciter offeratur. Etiam ad summum quis perveniat malorum; & inde tamen velit reverti ad virtutis viam, suscipit, & libenter amplectitur: facit omnia quatenus ad priorem revocet statum: & quod est adhuc præstantius, & eminentius, etiam si non potuerit quis explere omnem satisfaciendi ordinem, quantulumcumque tamen, & quamlibet brevi tempore gestam non respuit Pœnitentiam: suscipit etiam ipsam, nec patitur quamvis exiguo conversionis perdere mercedem. Id Ninivitarum, & Boni Latronis exemplis S. Jo: Chrysostomus confirmat Hom. 27. in Genesim: Ninivite (inquit) tanta peccatorum multitudine aggravati, qui magnam, & veram Pœnitentiam egerunt, non indigebant ampliori, quam trium dierum tempore ad provocandam Dei bonitatem, & antiquandam, que adversum se lata erat Sententiam. Et quid dico, Ninivitas? Latro in cruce neque uno die opus habebat. Et quid dico, die uno? Neque brevi hora. Tanta est Dei erga nos misericordia! Nam ubi viderit voluntatis nostræ firmum propositum, & ferventi nos desiderio ad se accedere, non tardat, neque differt; sed accelerat.

A R T I C U L U S VII. R E G U L Æ M O R U M

Contritionem spectantes explicantur.

R E G U L A I.

Qui solo pœnæ timore concussus de peccatis dolet, ab iisque abstinere proponit, ita ut Deum tanquam omnis justitiæ fontem diligere non incipiat Sacramentali Absolutione donari non debet.

Incertum enim vero esse fatentur ipsi servilis Attritionis defensores, an servilis Attritio cum Sacramento sufficiat ad justificationem peccatoris. De Contritione. Unde asserunt, eum, qui in mortis periculo constitutus est, absolvi non posse, si solam illam Attritionem ipsum habere perfectum sit, nec facere, quod in se est, ut vere conteratur; quia damnationis æternæ periculo se exponit, qui ita affectus est. [Nam ubi est morale dubium, est morale periculum, præsertim in re tam gravi: hic autem est morale dubium, cum illa opinio nec valde antiqua, nec multum communis sit; (ut loquitur Suarez III. P. Q. xc. Disp. xv. A. iv. Num. 17.) Idem asserunt Sanchez Lib. 11. cap. ix. Num. 34. Becanus, Tract. 1. cap. iv. Q. ix. De Bonitate, & Malitia humanorum Actuum, ad tertium. Comitulus, Lib. 1. Quæst. Moral. Q. xxxii. Num. 8. insignes, & eruditi Societatis Jesu Theologi, & P. Gamacheus, Doctor, & Professor Sorbonicus in Tract. De Pœnitentia, cap. 8. Porro si in mortis discrimine hæc sententia non est omnino tuta, & periculo violandi Sacramentum se exponit, qui illam sequitur: nec sequenda est toto vitæ curriculo, cum periculum sit non minus sacrilegii committendi, si hæc opinio falsa sit, quæ servilem Attritionem sufficere censet, ut forsan falsa est, eruditis illis Theologis fatentibus. Et certe cum Christianus quisque eo animo, eaque pietate disponere se debeat ad Sacramentum

suscipiendum, cum sanus est, qua ad illud se disponit morti proximus; & parem gerere salutis suæ curam teneatur: si quidem mors est semper in ianuis: consequens est non magis licere sanis quam moribundis, sequi opinionem quæ non est omnino certa, nec tuta, qualis illa est, quæ Attritionem omni Dei amore destitutam sufficere ad justificationem cum Sacramento asserit. *Graviter enim peccaret homo in rebus ad salutem animæ pertinentibus, vel eo solo, quod certis incerta præponeret, (inquit S. Augustinus Lib. 1. De Baptismo, cap. 111.)*

R E G U L A II.

Qui nihil timet magis quam a Deo separari, ejusque Visione beatifica privari, sufficienter contritus censendus est, ut Sacramentali Absolutione donetur.

Dei castus
amor.

1. Jean. 3.

De Contri-
tione.

Qui Deum
diligat, ut
finem suæ
beatitudi-
nis, non est
mercena-
rius.

Psal. 126. 2.

Psal. 72.

Hic enim Deum tanquam omnis justitiæ fontem, gratis amore casto diligit, ut docet S. Augustinus Sermon. 173. alias 19. *De Verbis Apostoli, cap. x. Aliud est (inquit) timere penam; aliud est amare justitiam. Amor castus in te esse debet, quo amore desideres videre, non celum, & terram, non campos liquidos maris, non spectacula nugatoria, non fulgores, nitoresque gemmarum: sed desideras videre Deum tuum, amare Deum tuum: quia dictum est: „ Dilectissimi, filii Dei sumus, & nondum apparuit, quod erimus. Sci-
„ mus autem, quia cum apparuerit, similes ei erimus, quoniam videbi-
„ mus eum sicuti est. Ecce propter quam visionem fac bonum, ecce propter
„ quam noli facere malum. Si enim amas videre Deum tuum, si in hac peregrina-
„ tione illo amore suspiras; ecce probat te Dominus Deus tuus, quasi dicat ti-
„ bi: Ecce fac quod vis, imple cupiditates tuas, extendende nequitiam, dilata lu-
„ xuriam; quicquid libuerit licitum puta; non hinc te punio, non te in gehennas
„ mitto, faciem meam tantum tibi negabo. Si expavisti, anastasi; si hoc quod di-
„ ctum est, Faciem suam tibi negabit Deus tuus, contremuit cor tuum, in non
„ videndo Deum tuum magnam penam putasti; gratis amasti. Quicumque ergo
„ Deum, ut bonum suum, ac æternam tuam beatitudinem diligit, illum a-
„ micitiæ, non concupiscentiæ desiderio expetit. Non enim illum ad com-
„ modum suum deprimit, verum diligit, ut se illi omnino subdat, illi ob-
„ temperet, in illoque tanquam in fine suo ultimo requiescat. Castus qui-
„ dem non est amor, quo Deus ut origo, & auctor bonorum externorum,
„ fonsque terrenæ felicitatis tantum diligitur. Qui Deum hoc modo diligit,
„ illum non tam propter ipsum, quam propter ista, quæ ab ipso accipiunt,
„ vel sperant bona, diligit. Hinc S. Augustinus Enarratione in Psalm. XLIII.
„ ait: Exigitur a te, ut tu eum gratis colas, non quia dat temporalia; sed quia
„ præstat æterna. Sed castus est amor, quo quis Deum diligit tanquam suum,
„ & omnis creaturæ rationalis beatificum bonum.*

Id confirmat S. Bernardus, Sermon. viii. De Diversis: *Nunquid (inquit) mercenarium eum quis æstimet, qui paternæ inhiat hereditati, camque toto affectu expetit, & expellat, quam nimirum filii mercedem esse, non mercenarii, Propheta testatur? Cum dederit, inquit, dilectis suis somnum, ecce hæreditas Domini, filii merces fructus ventris. Invenitur tamen alter gradus sublimior, & affectus dignior isto, cum penitus castificato corde nihil aliud desiderat anima, nihil aliud a Deo querit, quam ipsum Deum. Crebro si quidem didicit experimento, quoniam bonus Dominus sperantibus in se, animæ querenti ipsum, ita ut jam ex affectu cordis, atque ex sententia clamet „ illud in Psalmo: Quid enim mihi in cælo, & a te quid volui super ter-
„ ram? Defecit caro mea, & cor meum, Deus cordis mei, & pars mea
„ Deus in æternum. Neque enim suum aliquid, non felicitatem, non glo-
„ riam;*

De Sacramento Pœnitentiæ. Cap. IV. Art. VII. 89

nam, non aliud quidquam tanquam privato sui ipsius amore desiderat anima, quæ ejusmodi est: sed tota pergit in Deum, unicumque ei, ac perfectum desiderium est, ut introducat eam Rex in cubiculum suum, ut ipsi adhaereat, ipso fruatur.

Id confirmat Hugo a S. Victore, Libro II. De Sacramentis, cap. VIII. Sed forte (inquit) mercenarius eris, si diligis Deum, & servis ei, ut præmium ab illo accipias. Dicunt hoc stulti quidem, & tam stulti, ut se ipsos non intelligant: Diligimus Deum, & servimus illi; sed non quærimus præmium, ut mercenarii simus: etiam ipsum non quærimus. Dabit si voluerit, sed nos non quærimus. In tantum enim excutimus manus ab omni munere, ut etiam ipsum non quæramus, quem diligimus. Pura enim gratuita, & finali dilectione diligimus, nihil quærimus. Ipse cogitet, si quid dare voluerit, nos nihil requirimus. Diligimus ipsum, sed non quærimus aliquid, etiam ipsum non quærimus quem diligimus. Audite, homines sapientes. Diligimus, inquit, ipsum: sed non quærimus ipsum. Hoc est dicere. Diligimus ipsum; sed non curamus de ipso. Ego homo sic diligere nolle a vobis. Si me sic diligere, ut de me non curaretis, ego de vestra dilectione non curarem. Vos videritis, si dignum est ut Deo offeratis, quod homo digno respueret. Quomodo, inquit, mercenarii non sumus, si Deum propter hoc diligimus, ut præmium ab ipso accipiamus? Non est gratis hoc amare, neque amor iste filialis, sed mercenarii, & servi, qui præmium quærit pro servitute sua. Qui hoc dicunt, virtutem dilectionis non intelligunt. Quid est enim diligere, nisi ipsum velle habere? Non aliud ab ipso, sed ipsum, hoc est gratis: Si aliud quæres ab ipso, gratis non amares. Nunc autem non aliud quæris pro eo, quod amas, & tamen aliquid quæris, & desideras in eo ipso, quod amas. Alioquin non amares, si non desiderares. Sed aliud est pro ipso, aliud in ipso. Si pro ipso, aliquid amas, mercenarius. Si in ipso amas, & ipsum amas, filius es.

Purus amor Dei non excludit ipsius desiderium quatenus beatitudo nostra est.

De Contritione.

R E G U L A III.

Qui dolet, quod Deum, ut par est, non diligit, ipsumque magis diligere desiderat, Deum ut omnis justitiæ fontem diligere incipit: ac proinde sufficienter contritus censendus est ad Absolutionem Sacramentalem recipiendam.

Desiderium enim amoris, initium amoris est. Siquidem, ut ait Guillelmus Parisiensis, Lib. De Sacramento Pœnitentiæ, cap. VI. Qui querit amare Deum, utique jam amat Deum, licet nondum ex amore, quem querit. Cum enim querat amare Deum, utique desiderat amare Deum: qui autem desiderat, amat. Amat ergo amare Deum, & non amat illud nisi propter Deum: Hinc a S. Augustino Epist. CXXVII. alias XLV. scriptum est: Iusta vita, cum volumus, adest, quia eam ipsam plene velle, justitia est; nec plus aliquid perficienda justitia, quam perfectam voluntatem requirit. Vide si labor est, ubi velle satis est... Sed hæc voluntas ut plena sit, oportet ut sana sit. Erat autem sana, si Medicum non refugiat, cujus solius gratia sanari potest a morbo desideriorum noxiorum. Igitur & qui Deum vera, & sincera voluntate vult amare, ipsum amare incipit. Quicumque enim actus, ita a voluntate dependent, ut ad eos producendos externis membris, aut instrumentis minime indigeat, illi hoc ipso producuntur, quo eos ipsa vere, & sincere, fortiter, & integro vult esse productos, potest quis vere, & sincere velle ambulare, scribere, ædificare, qui tamen nec ambu-

Qui desiderat amare Deum, amat.

ambulet, nec scribat, nec ædificet, quod vires corporis, instrumenta, & facultates voluntatem deficiant. Verum nemo sincere vult amare, qui revera amare non incipiat. Hunc enim actum si voluntas omnino, & sincere velit, statim adesse necesse est, cum eum producere nihil aliud sit, quam illum velle. Qui autem firmum propositum habet non peccandi de cetero, quod necessarium est ad fructum Absolutionis consequendum, is certe Deum amare firmo proposito decrevit. Habet enim propositum servandi mandata Dei, ac proinde servandi primum, & maximum mandatum, hoc est, amandi Dominum Deum suum ex toto corde. Illum igitur amare incipit. Nonne enim vero fur est, quisquis gerit furandi propositum? Nonne adulter est, quisquis firmum adulterandi propositum concepit? Nonne avarus, sive amator pecuniæ est, quisquis firmo proposito decrevit pecuniam amare? Eadem igitur ratione Dei amator est, quisquis firmo proposito decrevit Deum amare. Quisquis autem peccatum sincere detestatur, & deinceps non peccare decrevit, Deum amare sincere desiderat, ac firmiter decernit. Quomodo enim illum veteris amoris pœniteret, qui novo amore succendi non inciperet? Quomodo creaturarum cupiditate detestaretur, qui cor suum non devoveret Creatori? Quomodo diceret, *Iniquitatem odio habui, & abominatus sum*, qui una non diceret, *Legem autem tuam dilexi?*

Psal. 118.

Propositionem nostram confirmat S. Fulgentius, Epistola ad Eugypium, ostenditque sine Charitate fieri non posse, ut quis Deum diligere velit. *Dilectio* (inquit) *nullatenus diligitur, nisi dilectio habeatur, qua ipsa dilectio diligitur.* A se ipsa igitur dilectio diligitur, quia tunc diligitur, cum habetur, nec diligitur nisi habeatur. Equidem potest diligi a nobis, etiam cum petimus, ut augeatur in nobis: sed non diligit ejus augmentum, qui non habet initium. Non ergo sic charitas diligitur sicut nummus, aut aliquid ejusmodi. Potest enim quisque unum non habere nummum, & multitudinem diligere, ac desiderare nummorum. Diligit ergo iste nummorum multitudinem, cum ne unius quidem nummi habeat facultatem.... Charitas tamen non habetur, si non diligitur; nec diligitur, si non habeatur.

De Contritione.

R E G U L A IV.

Sacrilegii reus est, qui Sacramentalem Absolutionem recipit, Deum super omnia non diligens, id est, finem suum ultimum adhuc in creatura, non in Deo constituens.

Ille enim Sacramentum violat, quod sine debita dispositione suscipit. Ille in affectu peccati perseverat, quod se odisse, ac detestari coram Deo, & ejus Ministris profitetur. Ille remissionem peccatorum, quam Deus ad se sincere conversis duntaxat pollicetur, Deo si fieri posset, decepto suffragari conatur. Si conversus fueris, & ingemueris, salvus eris, (inquit Deus apud Isaiam.) In hoc testimonio (inquit S. Fulgentius Lib. 1. De Remissione Peccatorum, cap. x1.) Deus & præcepto utitur, & promisso. Dicens quippe, Si conversus fueris, & ingemueris, salvus eris, ostendit ex conversionis conditione promissionem salutis omnino pendere. Hec est igitur inter Deum, hominemque conditio, id est, inter præcipientem Dominum, servumque poscentem, inter judicem, qui sine justitia misericordiam præerogat, & peccatorem, qui misericordiam justè judicantis expectat. Dicit igitur iste Dominus misericors, & justus, severus, & pius: Si hoc feceris, hoc habebis. Ego tibi præcipio conversionem, tu poscis a me salutem. Si parveris præcepto, potius, tieris beneficio. Si jussa fieri videam, postulata concedam. Si conversus fue-

„ris

ris, & ingemueris, saluus eris. Cum dicitur igitur peccatori beneficium salutis accipere cupienti, quia si conversus fuerit, & ingemuerit, saluus erit; consequenter intelligitur, quia etiam si ingemuerit, tamen conversus non fuerit, saluus non erit. Non enim frustra utrumque divinus sermo complexus est, nisi ut hæc duo, id est, conversionem, & gemitum, necessaria cognosceremus ad consequendum salutis effectum. Non sufficit gemitus orantis, nisi accedat conversio cordis. Nonnulli enim scelerum suorum consideratione perterriti, pro iniquitatibus suis in oratione gemunt, nec tamen ab iniqua operatione discedunt. Fatentur se male fecisse, nec ullum finem volunt malefactis suis imponere. Accusant humiliter in conspectu Dei peccata, quibus tenentur oppressi, & eadem peccata, quæ humilitate sermonis accusant, corde perverso contumaciter cumulant. Indulgentiam, quam lacrymosis gemitibus poscunt, ipsi sibi pravis operibus adimunt. Medelam postulant a Medico, & in perniciem suam subrogant adiutorium morbo. Inaniter verbis querunt placare Iudicem, quem factis iniquis magis irritant ad futurum. Tales nunquam diluunt gemento peccatum, quia non desinunt peccare post gemitum. Rectissime igitur dicit Deus homini: „ Si conversus fueris, & ingemueris, saluus eris. Apud Deum quippe se verum, & bonum tunc oratio gementis auditur, tunc poscentis fletus attenditur, tunc fletui conceditur salus, si fuerit ad Deum contriti cordis humilitate conversus. Non est autem vera conversio, nisi hominis animus, qui finem suum ultimum in creatura peccando collocaverat, eique Creatorem postposuerat, a perverso creaturæ amore averfus Deum tanquam finem suum ultimum diligat, eoque nomine peccatum oderit, ac detestetur, quod illum a summo illo bono, suoque & omnium creaturarum ultimo fine separaverit. Si autem nec ita sit affectus, neque sic affectum se probabiliter putet, ac nihilominus Sacramentum recipiat, sacrilegium committit, ut docet S. Bonaventura in iv. Sententiarum, Dist. xvii. P. II. Q. iv. Nemo (inquit) recipit effectum Absolutionis, nisi charitatem habeat saltem in principio Confessionis, vel in medio, vel in fine. Multi autem habent in fine, qui tamen non habent in principio: & alii se credunt habere in principio, & in fine, qui fortassis non habent: & aliqui non habent, nec credunt se habere. Primi non incurrunt offensam, sed acquirunt gratiam. Secundi evadunt offensam, quamvis non acquirant gratiam. Tertiis vero non acquirunt gratiam, sed iram.

Nemo recipit effectum Absolutionis nisi charitatem habet.

REGULA V.

Quamvis Confessarius explorare debeat animum Pœnitentis, an sit vere contritus; ipsum tamen interrogare non debet, an hæc, & illa supplicia, verbi gratia, rotas, ignes, pellis detractionem, &c. uxoris, filiorum, bonorum omnium amissionem, penas ipsas inferni, seclusa Dei offensa pati mallet, quam vel unum peccatum mortale perpetrare.

Notatur hæc Regula S. Thomæ auctoritate, Qu. III. Supplementi, Art. I. ad quartum. Sciendum est (inquit) quod quamvis talis debeat esse contriti dispositio, non tamen de eis tentandum est, quia affectus suos homo non de facili mensurare potest: & quandoque illud, quod minus displicet, videtur magis displicere: quia est propinquius nocumento sensibili, quod magis est nobis notum.

Vera Contritio renovatio patii cum Deo in Baptismate initi esse debet :

Hinc S. Joannes Climacus, Gradu v. ait : *Penitentia est revocatio Baptismatis ; Penitentia est pactum cum Deo initum de vita priore emendanda & meliore instituenda.* Hinc Gregorius VII. Pontifex Maximus, Lib. VII. Epist. x. ad Britanniam Episcopos, & Sacerdotes scribit : *Quisquis digne vult penitere, necesse est, ut ad fidei recurrat originem, & quod in Baptismo promissit, diabolo scilicet, pompisque illius abrenunciare, & in Deum credere, videlicet ressa de eo sentiendo, mandatis ipsius obedire, sollicitus sit vigilanter custodire.* Hinc Poenitentes non prius olim absoluebantur, quam elata in altum manu promitterent se deinceps non peccaturos, sed acturos vitam Christianis dignam, teste S. Eligio, Hom. VII. de Penitentia. Si (inquit) quantum humane fragilitati scire permittitur, digne penitueritis, & deinceps ne talia facere velitis, tota mentis contentione promittitis, dexterarum manus vestras in sublime extendite, & ab hinc celestem conversationem, & vitam Deo dignam gerere offerdatis.

R E G U L A VII.

Quamvis Formulæ quedam Precum, quæ inscribuntur, Actus Contritionis, pie sint, & Penitentibus utiles, non tamen confendi sunt Contritionis actum elidisse, quicumque Preces huiusmodi recitarunt.

De Contritione.

UTiles quidem sunt ad gratiam Contritionis a Deo postulandam, quam ex nobis ipsis habere, propriisque viribus consequi non possumus: sed actus contritionis non sunt. Contritio namque, & amor Dei sunt actus, & motus voluntatis, non cogitationes mentis. Illæ porro Precum formulæ, sive ore proferantur, sive interiori abique sono verborum concipiantur, non sunt actus voluntatis, non propensiones cordis in Deum, sed actuum significationes, propensionis, & amoris testimonia. Qualia his S. Augustini verbis Lib. XIII. Confessionum, cap. VIII. exprimuntur : *Da mihi te, Deus meus, redde te mihi, te enim amo, & si parum est, tamen validius. Non possum metiri quantum desi mihi amoris ad id, quod sat est, ut currat vita mea in amplexus tuos, nec advertitur, donec abscondatur in abscondito vultus tui. Hoc tantum scio, quia male mihi est propter te, non solum extra me, sed & in me ipso; & omnis mihi copia, quæ Deus meus non est, cegestas est.*

Veræ Contritionis, & sinceræ conversionis indicia.
1. Occasionum peccati fuga.
2. Frequens de Deo cogitatio.
Concione 2. de B. Maria Magdalena.
Matth. 6.

Quædam autem sunt veræ contritionis, & sinceræ ad Deum conversionis indicia. Primum est occasionum peccandi fuga. Ut enim ait S. Bernardus, Sermone De Paschate, *Non satis cordis piget hominem, (ut videtur,) qui adhuc disponit manere in lubrico; aut errare, qui ducem non querit. Sic vere compunctionis indicium opportunitatis fuga, subtrahit occasionis.*

Alterum veræ contritionis signum est frequens de Deo cogitatio. Si enim Deus super omnia diligitur, super omnia de illo cogitatur. *Ubi si ne (inquit S. Bonaventura) si Deum perfecte diligas, vel aliud plus Deo amas? attende si de Deo plus, quam de aliis rebus cogitas, quia de illo plus cogitas, quod plus amas.* Ubi enim thesaurus tuus, ibi cor tuum est. *Peritus hoc docet, quæ mentiri non potest; ergo si plus cogitas de mundo, plus de lucro, plus de carnali amico, vel socio, quam de Christo, amas illa plus quam Christum.* Hanc ob causam Dominus ait : *Diligas Dominum Deum tuum ex toto corde tuo, & ex tota anima tua, & ex tota mente tua.* Nam (sicut S. Bernardus

Matth. 22.

das

De Sacramento Pœnitentiæ. Cap. IV. Art. VII. 93

das dicit.) *Diligere Deum ex toto corde, est diligere toto intellectu sine errore: diligere Deum tota anima, est diligere tota voluntate sine contradictione: diligere vero tota mente, est diligere tota memoria sine oblivione.*

Tertium veræ contritionis signum est studium ardens quærendi Deum, cum illum nostris peccatis amisimus. Ut enim ait S. Gregorius, Hom. 25. in Evangelia, *Vis amoris intensiorem multiplicat inquisitionis.* Sic Sponsa præ amore, & absentia Sponsi languens, illum ardentissima solitudine quærit.

3. Studium ardens quærendi Deum. Cant. 3.

Quantum veræ contritionis signum, est studium bonorum operum, & desiderium, quo anima fertur ad omnia, quæ Deo sunt placita. *Da mihi vacantem amorem, & nihil operantem* (inquit S. Augustinus.) *Dilectio vacare non potest, nisi & mali nihil operetur, & quicquid potest boni operetur.* Quid enim facit dilectio? Declina a malo, & fac bonum.

4. Studium bonorum operum. Psal. 36. 7.

Quantum veræ contritionis signum est vindicta peccati. Cum enim ordo justitiæ postulet, ut peccatum impunitum non maneat; puniatur necesse est aut ab homine pœnitente, aut a Deo vindicante.

5. Vindicta peccati.

Sextum veræ contritionis signum est constantia, & perseverantia in fuga peccati, & observantia divinorum mandatorum. *Si quis diligit me* (inquit Christus) *sermonem meum servabit.* Hæc omnia sinceræ conversionis, & veræ Contritionis indicia complectitur Apostolus II. ad Corinthios VII. scribens: *Quæ secundum Deum tristitia est, Pœnitentiam in salutem stabilem operatur...* Ecce enim hoc ipsum secundum Deum contristari vos, quantum in vobis operatur sollicitudinem, sed defensionem, sed indignationem, sed timorem, sed desiderium, sed emulationem, sed vindictam.

6. Perseverantia in bono. Joan. 14. 23.

Tristitia (inquit S. Thomas in hujus loci Commentario) ex amore oritur. Tristatur enim quis, quia caret eo, quod amat. Qualis autem est amor, talis est tristitia ex amore orta. Est autem duplex amor: unus, quo diligitur Deus, ex quo nascitur tristitia secundum Deum: alius, quo amatur sæculum, ex quo nascitur tristitia sæculi. *Amor quo diligimus Deum, facit nos libenter servire Deo, sollicite quærere honorem Dei, & vacare Deo dulciter.* Et quia peccando impedimur a servitio Dei, & ideo ei non vacamus, nec ejus honorem quærimus, ideo amor Dei causat tristitiam de peccato: & hæc est tristitia secundum Deum. Hæc autem tristitia operatur Pœnitentiam stabilem, & constantem, non fugacem, desultoriam, vacillantem. Secundo, *Sollicitudinem* operatur ad vitanda mala, & facienda bona. Tertio *Defensionem* parat contra illos, qui nos ad malum inducant, facitque ut eis resistamus fortes in fide, illisque armaturam Dei opponamus. Quarto, *Indignationem* operatur. Pœnitens enim sibi ipsi irascitur, quod ob vilia, & peritura Deum dereliquerit. Quinto, *Timorem*, quo metuit, ne Deum offendant, illique displiceat. Sexto, *Desiderium*, quo anima fertur ad omnia, quæ Deus jubet, secundum illud Regis Pœnitentis: *Concupivit anima mea desiderare justificationes tuas in omni tempore.* Septimo *Emulationem*, qua æmulatur charismata meliora, & eos, qui in via mandatorum Dei incedunt, imitari studet. Octavo *Vindictam*, qua Pœnitens a se ipso pœnas exigit, Deique justitiæ satisfacere pro virili conatur.

Tristitia salutaris effectus.

Psal. 118. 20.

R E G U L A VIII.

Ad Contritionis aſum eliciendum tenetur homo in periculo mortis, & quotiescumque Sacramentum aliquod ſuſcipiendum, vel adminiſtrandum eſt: quoties tandem ſe a Deo averſum eſſe per peccatum mortale cognoscit, de quo alias contritus non fuit.

Hanc Regulam tradit S. Thomas, Qu. III. Supplementi, Art. v. his verbis: *Cum propoſitum conſitendi ſit annexum contritioni, tunc tenetur aliquis ad hoc propoſitum, quando ad Contritionem tenetur, ſcilicet quando peccata memoriæ occurrunt, præcipue, cum in periculo mortis exiſtit, aut in aliquo articulo, in quo ſine peccati remiſſione oporteat eum peccatum incurſſe. Sicut cum tenetur Sacerdos ad celebrandum, ſi non deſit copia Sacerdotis, conſiteri tenetur; aut ſi deſit, ſaltem conteri tenetur, & habere propoſitum conſitendi, copia Sacerdotis oblata.*

De Contritione,

Nec obſtat, quod præceptum de contritione ſit affirmativum, quod etſi obliget ſemper, non tamen pro ſemper. Nec enim dicimus pro ſemper teneri hominem ad excitandam contritionem, ſed pro loco, & tempore, videlicet cum recogitat mala ſua. in quibus offendit Deum; (inquit S. Bonaventura in IV. Sententiarum, Diſt. xvi. Qu. II. Primæ Partis.)

Idem confirmat S. Antoninus III. P. Tit. xiv. cap. xviii. Quantum (inquit) ad peccata mortalia, de quibus nondum quis habuit contritionem, videtur, quod ſemper teneatur, quando peccatum menti occurrit, ad aſu odien- dum, & deſtandam peccatum. Alias peccat mortaliter peccato omiſſionis, quouſque conteneretur. Dicit enim D. Thomas, quod poſt mortale peccatum non tenetur quis ad ſtatim conſitendum: tenetur tamen ad ſtatim contendum: nec enim per momentum licet ſtare in peccato. Unde Eccli. xxi. dicitur: Quasi a facie colubri fuge peccatum, Imminet enim tali maximum periculum: cum enim nulla neceſſitas excuſet a Contritione, ſi moriatur ante Contritionem, etiamſi non potuit conſiteri, quia ſubito moritur, nihilominus damnatur.

Et certe graviter peccare hominem, qui ſe a Deo averſum animadvertens, Pœnitentiam diſſert, confirmat ſacrum oraculum Eccl. v. *Non tardes converti ad Dominum, & ne differas de die in diem. Subito enim venit ira illius, & in tempore vindictæ diſperdet te.* Quæ verba conſilium duntaxat, non præceptum exprimere, perabſurde diceretur. Præterea, Lex naturæ docet nos reconciliationem cum eo quem offendimus, non eſſe diſſerendam, ubi datus opportunitas: quo pertinet illud Domini mandatum, Matth. v. *Si ergo offeris munus tuum ad Altare, & ibi recordatus fueris, quia frater tuus habet aliquid adverſum te, relinque ibi munus tuum ante Altare, & vade prius reconciliari fratri tuo.* Et filium nemo novi criminis reum non censeret, qui monitus, ut patrem offenſum placare conetur, cum facile id poſſit, nihilominus in ejus inimicitia adhuc permanere vellet: quanto magis reus eſt, qui ſimul ac cognoscit Deum a ſe offenſum, eum ſibi reconciliari, ac propitium reddere vera, & ſincera contritione non ſtudet?

Denique cor humanum ſervit rei, quam propter ſe ipſam amore prædominante diligit. Servit igitur creaturæ, qui diligit ipſam præ Creatore. Debet ergo homo ſimul ac perverſitatem illam in ſe cognoscit, tam cito reſpiſcere ab amore, quo creaturam ſuper omnia diligit, quam cito ab idololatria recedere; eumque ſentum abicere, quo creaturæ potius ſervitur, quam Creatori. Hoc enim colitur, quod diligitur: unde quia Deus rebus omnibus major, & melior invenitur, plus omnibus diligendus eſt, ut colatur: (inquit S. Auguſtinus Enarratione in Pſalm. lxxvii.)

C A P U T V.

DE CONFESSIONE

SACRAMENTALI

ARTICULUS I.

Quid sit Confessio?

Confessio definitur in Catechismo Concilii Tridentini, *Peccatorum accusatio, ad Sacramenti genus pertinens, eo suscepta, ut veniam virtute clavium impetremus.* Confessionis definitio.

Accusatio dicitur, quia peccata ita commemoranda non sunt, quasi scelera nostra ostendamus, ut ii faciunt, qui lætantur, cum male fecerint: aut omnino enarranda, quasi rem aliquam gestam otiosis auditoribus delectandi causa exponamus. Verum accusatorio animo ita enumeranda sunt, ut ea etiam in nobis vindicare cupiamus. Hinc Tertullianus, Lib. De Pœnitentia, cap. ix. Exomologesis (inquit) qua delictum Domino nostrum confitemur, non quidem ut ignaro, sed quatenus Satisfactio Confessione disponitur, Confessione Pœnitentia nascitur, Pœnitentia Deus mitigatur. Exomologesis prosterrendi, & humiliificandi hominis disciplina est, conversationem injungens misericordiae illicem, de ipso quoque habitu, atque visu mandat, sacco, & cineri incubare, corpus sordibus obscurare, animam meroribus deicere, illa, quæ peccavit, tristi translatione mutare.... Plerumque vero jejuniis preces alere, ingemiscere, lacrymari, & mugire dies, noctesque ad Dominum Deum suum, Presbyteris advolvi, & caris Dei adgeniculari, omnibus fratribus legationes deprecationis sue injungere. Hæc omnia Exomologesis, ut Pœnitentiam commendet, ut de periculi timore Dominum honoret, ut in peccatorem ipsa pronuncians pro Dei indignatione fungatur, & temporali afflictione æterna supplicia non dicam frustretur, sed expungat.

Dicitur ad Sacramenti genus pertinens; Christus enim, qui bene omnia, & unius salutis nostræ causa fecit, hoc Sacramentum instituit singulari bonitate, & misericordia, cum Apostolis post Resurrectionem unum in locum congregatis insufflavit, dicens: *Accipite Spiritum Sanctum: quorum remiseritis peccata, remittuntur eis, & quorum retinueritis, retenta sunt.* Joan. 22.

Dicitur *venie impetrande causa*, quia hoc judicium longe dissimile est forensibus capitalium rerum quæstionibus, in quibus confessioni pœna, & supplicium, non culpæ liberatio, & errati venia constituta est.

In eandem fere sententiam Confessionem definierunt SS. Patres, & veteres Theologi. Ita quippe definitur ex S. Augustino: *Confessio est, per quam morbus latens spe venie aperitur.* Quæ definitio colligitur ex ejus Enarratione in Psal. lxxvi. ad illa verba, *Confiteantur tibi populi Deus*, quæ ita commentatur: Tuam iniquitatem confitere, gratiam Dei confitere: te accusa, illum glorifica te reprehende, illum lauda: ut & ipse veniens inveniat te punitorem tuum, & exhibeat tibi Salvatorem tuum.... Confiteri times Deo, ne confessum damnet? Si non confessus lates, confessus damnaberis? Times confiteri, qui non confitendo esse non potes occultus: damnaberis tacitus, qui posses liberari confessus. Et quia ista Confessio non ad supplicium ducit, sequitur, & dicit, *Latentur, & exultant gentes.* Si plangunt ante hominem confessi latrones, lætentur ante Deum confessi fideles. Si homo judicet, exigit a latrone confessionem tortor, & timor: imo aliquando confessionem premit timor, exigit dolor: &

De Confessione.

„ ille,

„ ille, qui plangit in tormentis, timet autem occidi confessus, portat tor-
 „ menta quantum potest; & si victus dolore fuerit, profert ad mortem vo-
 „ cem suam. Nusquam ergo lætus, nusquam exultans: antequam confi-
 „ teatur, exarat ungula; cum confessus fuerit, damnatum carnifex ducit:
 „ mihi ubique. Sed *Latentur, & exultent gentes.* Unde? Per ipsam con-
 „ fessionem. Quare? Quia bonus est cui confitentur: ad hoc exigit confes-
 „ sionem, ut liberet humilem; ad hoc damnat non confitentem, ut puniat
 „ superbum. Ergo tristis esto, antequam confitearis; confessus exulta, jam
 „ sanaberis. Conscientia tua saniem collegerat, apostema tumuerat, cru-
 „ ciabat te, requiescere non sinebat: adhibet Medicus somenta verborum,
 „ & aliquando secat, adhibet medicinale ferrum in correptione tribulatio-
 „ nis; tu cognosce Medici manum; confitere, exeat in Confessione, &
 „ defluat omnis sanies: jam exulta, jam lætare; quod reliquum est, faci-
 „ le sanabitur.... Advocatum misit tibi (*Deus:*) Propter illum, & per il-
 „ lum confitere: age causam tuam, & defensor est Pœnitentis, & petitor
 „ veniæ confitentis, & iudex innocentis.

Quid est
Confessio
Sacramenta-
lis?

Sic vero definitur a S. Gregorio: *Confessio est peccatorum detectio, & ruptio
vulneris.* Quæ definitio colligitur ex Homilia illius xl. in Evangelia. *Quid
est (inquit) peccatorum Confessio, nisi quedam vulnerum ruptio? Quia pec-
cati virus salubriter aperitur in Confessione, quod pestifere latebat in mente.*

Sic definitur a S. Raymundo, Lib. 111. Tit. De Pœnitentiis, & Remissio-
nibus, §. x111. *Confessio est coram Sacerdote legitima peccatorum declaratio.*

Sic denique definitur a Beato Alberto Magno, in iv. Sentent. Dist. xvi.
A. xvi. & ab antiquioribus Theologis: *Confessio est sacramentalis delinquentis
accusatio, ex crubescencia, & per claves Ecclesiæ satisfactoria, obligans ad
peragendam Pœnitentiam injunctam.*

A R T I C U L U S II.

De Confessionis Utilitate.

Confessio medium efficacissimum est ad iram Dei placandam, ad satis-
faciendum illius iustitiæ pro peccatis nostris; amores denique in me-
lius emendandos.

Confessio
Deum pla-
cat.

I. Quam utilis sit ad iram Dei placandam sincera peccatorum Confessio,
Sacrae Litteræ testantur. Adamum, statim atque peccavit, Deus ad pecca-
ti Confessionem benigna vocatione hortatus est, ut a peccato liberaret. Ge-
nes. 111. *Peccavitque Dominus Deus Adam, & dixit ei: Ubi es? Quæ ver-
ba expendens S. Jo: Chrysostomus, Hom. xvii. in Genesim, ait. Vel ex ipsa
interrogatione hac dignum est, ut obstupeamus ad eminentem Dei clementiam,
non solum quod vocavit, sed quod per se ipsum vocavit. Non ita Iudices ter-
reni, qui reos ad tribunal suum per sictores vocant. Verum Deus non sic
agit: Ipse per sese vocat. Et vocavit Dominus Adam, & dixit illi, A-
dam ubi es? Vide in brevi hac dictione quanta vis recondita sit. Nam &
ipsum vocare, magne, & ineffabilis est clementie; tum ob benignam interro-
gationem, quæ crubescens, & neque os aperire, neque linguam movere au-
dentem animabat: tum quod ipsum dicere, Ubi es, plurimam una cum beni-
gnitate vim habet. Adamum, & Evam non ignorans interrogat Deus, sed
ut suam declararet misericordiam, ad illorum se iniquitatem demittit, & ad
peccatorum Confessionem provocat. Illi vero peccatum excusarunt, & Ada-
mus in mulierem culpam refudit, mulier in serpentem: qua excusatione
culpam cumularunt, quam Confessione expiant. Quia de re S. Grego-
rius,*

Confessionis
utilitas.

rius, Lib. xxii. Moralium, cap. ix. Ad hoc (inquit) requisiti fuerant, ut peccatum quod transgrediendo commiserant, confitendo delerent. Unde & Serpens ille persuasor, qui non erat revocandus ad veniam, non est de culpa requisitus. Interrogatus itaque homo est, ubi esset, ut perpetratam culpam respiceret, & confitendo cognosceret, quam longe a Conditoris sui facie abesset. Sed adhibere sibi utrique defensionis solatia, quam Confessionis elegerunt. Cumque excusare peccatum voluit vir per mulierem, mulier per serpentem: auxerunt culpam, quam tueri conati sunt: oblique Adam Dominum tangens, quod ipse peccati eorum auctor extiterit, qui mulierem fecit: & Eva culpam ad Dominum referens, qui serpentem in Paradiso posuisset. Sic ergo reatum suum dum defendere moluntur, addiderunt, ut culpa eorum atrocior discussa fieret, quam fuerat perpetrata. Unde nunc quoque humani generis rami ex hac adhuc radice amaritudinem trahunt: ut cum de vitio suo quisque arguitur, sub defensionum verba, quasi sub quædam se arborum folia abscondat, & velut ad quædam excusationis suæ opaca secreta faciem Conditoris fugiat, dum non vult cognosci quod fecit. In qua videlicet occultatione non se Domino, sed Dominum abscondit sibi. Agit quippe, ne omnia videntem videat, non autem ne ipse videatur. Quo contra cuique peccatori jam exordium illuminationis est humilitas Confessionis: quia sibi ipse jam parcere renuit, qui malum non erubescit confiteri, quod fecit: & qui defendendo accusari potuit, accusando se celerrime defendit. Unde & mortuo Lazaro, qui magna mole premebatur, nequaquam dicitur. Revivisce, sed, *Veni foras*. Ex qua scilicet Resurrectione, quæ gesta in illius est corpore, signatur qualiter nos resuscitemur in corde cum videlicet mortuo dicitur, *Veni foras*; ut nimirum homo in peccato suo mortuus, & per molem malæ consuetudinis jam sepultus, quia intra conscientiam suam absconditus jacet per nequitiam, a semetipso foras exeat per Confessionem. Mortuo enim, *Veni foras*, dicitur, ut ab excusatione, atque occultatione peccati ad accusationem suam ore proprio exire provocetur Quia igitur hæc occultationis culpa in humano genere vehementer excrevit, bene Beatus Job cum diceret: *Si abscondi peccatum meum*, interposuit, *quasi homo*. „ Hominis esse proprium

Joann. 11.

conspicit, quod ex parentis veteris imitatione descendit. Tanta inter iustitiam Dei, & peccatoris Confessionem consensio est, ut Dei iustitia placetur simul, ac peccator iniquitates suas confitetur. Quod his Prophetæ verbis, *Veritas de terra orta est, & iustitia de cælo prospexit*, significatum observat S. Augustinus, Enarratione in Psalm. lxxxiv. *Veritas* (inquit), de terra orta est: Confessio ab homine. Homo enim peccator eras. O terra, qui quando peccasti, audisti, *Terra es, & interram ibis*, Oriatur de te veritas, ut respiciat de cælo iustitia. Quomodo a te oritur veritas, cum tu peccator sis, cum tu iniquus sis? Confitere peccata tua, & oriatur de te veritas. Si enim cum sis iniquus, dicis te iustum, quomodo a te veritas oriatur? Si autem cum sis iniquus, dicis te iniquum; *Veritas de terra orta est*. Intende illum Publicanum longe a Phariseo in Templo orantem, qui neque oculos ad cælum audebat levare, sed percutiebat pectus suum, dicens, Domine, propitius esto mihi peccatori. Ecce *Veritas de terra orta est*: quia Confessio peccatorum ab homine facta est. Orta est veritas de terra in Confessione peccatorum: *Et iustitia de cælo prospexit*, ut descenderet iustificatus Publicanus ille magis quam ille Phariseus. Nam ut noveritis, quia Veritas pertinet ad Confessionem peccatorum, ait Joannes Evangelista: Si dixerimus, quia peccatum non habemus, nos ipsos seducimus, & veritas in nobis

Psalm. 34.

Confessionis
utilitas.

1. Jean. 19.

„ non est. Quomodo ergo veritas de terra oritur, ut iustitia de cælo pro-
 „ spiciat, audi illum sequentem, & dicentem: Si confiteamur peccata nostra,
 „ fidelis est, & iustus, ut remittat nobis peccata, & purget nos ab omni ini-
 „ quitate. *Veritas ergo de terra orta est, & iustitia de cælo prospexit.* „ Quæ
 „ iustitia de cælo prospexit? Tanquam Dei dicentis, Parcamus huic homi-
 „ ni, quia ipse sibi non pepercit: ignoscamus, quia ipse agnoscit. Con-
 „ versus est ad puniendum peccatum suum, convertat & ego ad eum libe-
 „ randum. *Veritas de terra orta est.* Confessio peccatorum ab homine. *Et*
 „ *iustitia de cælo prospexit,* „ Id est, a Domino Deo data est justificatio confiten-
 „ ti, ut ipse agnoscat impius pium se fieri non posse, nisi ille fecerit, cui con-
 „ fiteatur, credendo in eum, qui iustificat impium. Tu ergo peccata potes ha-
 „ bere, sed fructum bonum non habebis, nisi ille dederit, cui confiteris. Ideo cum
 „ dixisset, *Veritas de terra orta est, & iustitia de cælo prospexit:* tanquam dice-
 „ retur ei, Quid est quod dixisti, *iustitia de cælo prospexit? Etenim,* inquit, *Do-*
 „ *minus dabit suavitatem, & terra nostra dabit fructum suum.* „ Nos ergo respi-
 „ ciamus nos; & si nihil in nobis invenerimus nisi peccata, oderimus peccata,
 „ & desideremus iustitiam. Cum enim ceperimus odisse peccata, jam ipsum odi-
 „ um peccatorum similes nos incipit facere Deo: quia hoc odimus, quod odit
 „ & Deus. Cum ergo ceperis odisse peccata, & confiteri Deo, cum te delecta-
 „ tiones illicitæ rapiunt, & ducunt ad ea, quæ tibi non prosunt, ingemisce ad
 „ Deum: & confitens illi peccata tua, mereberis ab illo delectationem, & su-
 „ avitatem iustitiæ faciendæ dabit tibi, ut incipiat te delectare iustitia, quem pri-
 „ mo delectabat iniquitas: ut qui primo gaudebas in ebrietate, gaudeas in sobrie-
 „ tate: & quem delectabat rapere, delectet donare; quem delectabat spectare,
 „ delectet orare; quem delectabant cantica nugatoria, & adulteria, delectet
 „ hymnum dicere Deo; currere ad Ecclesiam, qui primo currebas ad thea-
 „ trum. Unde nata est ista suavitas, nisi quia Dominus dabit suavitatem &
 „ terra nostra dabit fructum suum: *iustitia ante eum ambulabit, & ponet in via*
 „ *gressus suos.* „ Iustitia ista est, quæ est in Confessione peccatorum: Veritas enim
 „ ipsa est. Iustus enim debes esse in te, ut punias te. Ipsa est prima homi-
 „ nis iustitia, ut punias te malum, & faciat te Deus bonum. Quia ergo ipsa est
 „ prima hominis iustitia, ipsa fit via Deo, ut veniat ad te Deus: ibi illi fac vi-
 „ am in Confessione peccatorum. Ideo & Joannes cum baptizaret in aqua Pæ-
 „ nitentiæ, & vellet ad se venire Pœnitentes de suis prioribus factis, hoc dicebat,
 „ *Parate viam Domino, reſſas facite ſemitas ejus.* „ Placebas tibi in peccatis tuis, o
 „ homo: displiceat tibi quod eras, ut possis esse quod non eras. Parate viam
 „ Domino: præcedat ista iustitia, ut confitearis peccata. Veniet ille, & visi-
 „ tabit te, quia ponet in via gressus suos. Est enim iam ubi ponat gressus suos, est
 „ ubi ad te veniat. Ante autem quam confiteris peccata, intercludas ad te
 „ viam Dei, non erat qua ad te veniret. Confitere vitam, & aperis viam: &
 „ veniet Christus, & ponet in via gressus suos, ut te informet vestigiis suis.
 „ Et in Psal. lxxvi. *Confiteri times Deo, ne confessum damnet: Si non con-*
 „ *fessus later, confessus damnaverit. Times confiteri, qui non confitendo esse non*
 „ *potes occultus: damnaberis tactus, qui posses liberari confessus....* Latentur,
 „ & exultant gentes. Unde? *Per ipsam Confessionem: Quare? Quia bonus est, cui*
 „ *confitemur: ad hoc exigit Confessionem, ut liberet humilem; ad hoc damnat non*
 „ *confitentem, ut puniat superbum.* Ergo tristis est antequam confitearis; con-
 „ fessus exulta, jam sanaberis.

Luc. 3. 4.

Confessionis
utilitas.Confessio
suum Animi
decorem re-
stituit.
Psal. 103.

Peccatorum Confessione decorem suum recuperat Anima. Unde S. Ber-
 nardus, Epist. cxlii. ad Sophiam Virginem scribit: *Ama Confessionem, ob*
quam amaris; ama Confessionem, si afficiat decorem. Confessioni jungitur decor,
 jungitur pulchritudo. Habes utrumque: Confessionem, & decorem induisti;

Et,

Et, Confessio, & pulchritudo in conspectu ejus. Si peccata sunt, in Confessione lavantur, si bona opera, Confessione commendantur. Cum mala tua confiteris, sacrificium est Deo spiritus contribulatus: cum Dei beneficia, immolas Deo sacrificium laudis. Bonum animæ ornamentum Confessio, quæ & peccatorem purgat, & justum reddit purgatorem. Absque Confessione justus judicatur ingratus, & peccator mortuus reputatur. A mortuo quippe, tanquam, qui non sit, perit Confessio, Confessio igitur peccatoris est vita, justii gloria.

Psal. 13. 6.

Eccli. 17. 26.

II. Secundo, utilis est Confessio ad satisfaciendum justitiæ Dei pro peccatis nostris. Ut enim ait S. Ambrosius, Lib. 11. De Cain, & Abel, cap. ix. Confessio peccatorum compendium est. Inde in Judiciis secularibus impositi, equuleo torquentur negantes, & quædam tangit Judicem miseratio consentientis. Est quædam in peccatis verecundia, & Pœnitentiæ portio crimen fateri, nec derivare culpam, sed recognoscere. Mitigat Judicem pudor reorum, excitat autem pertinacia denegantium.

Confessio justitiæ Dei pro peccatis nostris suo modo satisfacit.

Idem confirmatur ex Canone, Quem pœnitet, 88. Dist. 1. De Pœnitentia, qui sumptus est ex Libro De vera, & falsa Pœnitentia, sub nomine S. Augustini olim edito, cap. x. Quem pœnitet (i. quit) omnino pœniteat, & dolorem lacrymis ostendat: representet vitam suam Deo per Sacerdotem; præveniat Judicium Dei per Confessionem Erubescantia partem habet remissionis. Ex misericordia enim hoc præcepit Dominus, ut neminem pœniteret in occulto. In hoc enim, quod per seipsum dicit Sacerdoti, & erubescantiam vincit timore Dei offensi, fit venia criminis Multum satisfactionis obtulit, qui erubescantia dominans, nihil eorum, quæ commisit. Nuntio Dei denegavit. Deus enim misericors, & iustus est: sicut conservat misericordiam in justitia, ita & justitiam in misericordia. Opus enim est misericordie peccanti peccata dimittere; sed oportet, ut justus misereatur iuste. Oportet enim, ut non solum quid, sed in quo doleat consideret, si dignus est, non dico justitia, sed misericordia. Justitia enim sola damnat. Sed dignus est misericordia, qui spiritali labore petit gratiam. Laborat enim mens patiando erubescantiam. Et quoniam verecundia magna est pœna, qui erubescit pro Christo, fit dignus misericordia.

Et S. Augustinus, Tract. xii. in Joannem, explicans hæc verba: & dilexerunt homines magis tenebras, quam lucem: erant enim mala opera eorum. Qui autem facit veritatem, venit ad lucem, ut manifestentur opera ejus, ait: Qui confitetur peccata sua, jam cum Deo facit. Accusat Deus peccata tua: si & tu accusas, conjungeris Deo. Quasi due res sunt, homo & peccator. Quod audis homo, Deus fecit: quod audis peccator, ipse homo fecit. Dele quod fecisti, ut Deus salvet, quod fecit. Oportet ut oderis in te opus tuum, & ames in te opus Dei. Cum autem cœperit tibi displicere, quod fecisti, incipiunt bona opera tua, quia accusas mala opera tua. Initium operum bonorum, Confessio est operum malorum. Facis veritatem, & venis ad lucem. Quid est, Facis veritatem? Non te palpas, non tibi blandiris, non te adulas, non dicis, Justus sum, cum sis iniquus, & incipis jacere veritatem. Venis autem ad lucem, ut manifestentur opera tua, quia in Deo sunt facta: quia & hoc ipsum, quod tibi displicuit peccatum tuum, non tibi displiceret, nisi Deus tibi luceret, & ejus veritas tibi ostenderet. Sed qui & admonitus diligit peccata sua, odit admonentem lucem, & fugit eam, ut non arguantur opera ejus mala, quæ diligit. Qui autem facit veritatem, accusat in se mala sua: non sibi parcat, non sibi ignoscit, ut Deus ignoscat: quia quod vult, ut Deus ignoscat, ipse agnoscit, & venit ad lucem, cui gratia agit, quod illi quid in se odisset, ostenderit. Dicit Deo, Averte faciem tuam a peccatis meis. Et qua fronte dicit, nisi iterum dicat, Psalm. 50.

Confessionis utilitas.

Psalm. 50.

„ Quoniam facinus meum ego cognosco, & peccatum meum contra me est
 „ semper? *Sit ante te, quod non vis esse ante Deum. Si autem post te feceris*
peccatum tuum, retorquet illud tibi Deus ante oculos tuos: & tunc retorquet,
quando jam Pœnitentiæ fructus nullus erit.

Adde præclarum *Tertullianilocum*, Lib. *De Pœnitentia*, cap. 1x. *Exmologesis*, cum: *provocat hominem, magis relevat: cum squalidum facit, magis mundum reddit: cum accusat excusat: cum condemnat, absolvit. In quantum non peperceris tibi, in tantum tibi Deus, crede, parcat.*

Gen. 4. 23.

Lamechum pœnam evasisse propter peccati Confessionem, cum ait: *Quoniam occidi virum in vulnus meum, & adolescentulum in livorem meum: et si septuplum ultio de Cain, de Lamech vero septuagies septies repetenda esset; asserit Theodoretus. Interrogatione xlii. in Genesim: Pœnam tamen (inquit) evasis, propter peccati Confessionem: & contra se ferens Sententiam, evitavit Sententiam divinam.*

Confessio
 utilis ad mo-
 rum emen-
 dationem.

III. Utilis etiam Confessio est ad emendationem morum. Iis enim quorū est corrupta vitæ consuetudo, nihil tam prodesse ad mores emendandos experimur, quam si interdum ocultas animi sui cogitationes, facta, dictaque omnia prudenti, & fideli amico patefaciant, qui eos opera, & consilio juvare possit. Quare ob eandem rationem maxime salutare existimandum est iis, qui scelorum conscientia agitantur, ut Sacerdoti, tanquam Christi Domini Vicario, cui perpetui silentii severissima lex proposita est, animæ suæ morbos, & vulnera aperiant: statim enim parata sibi medicamenta invenient, quæ non solum præsentis ægritudinis sanandæ, verum ita præparandæ animæ cælestem quandam vim habent: ut deinceps facile futurum non sit, in ejusdem morbi, & vitii genus recidere. Constat denique, si sacramentalem Confessionem et Christiana Disciplina exemeris, plena omnia occultis, & nefandis sceleribus futura esse: quæ postea, & alia etiam multo graviora, homines peccati consuetudine depravati palam committere non verebuntur. Etenim confitendi verecundia, delinquendi cupiditati, & licentiæ tanquam frenum injicit, & improbitatem coercet; (inquit Concilii Tridentini Catechismus P. II. *De Pœnitentia*, §. xlviii. & xlii.) Addit, Quicquid hoc tempore sanctitatis, pietatis, & religionis in Ecclesia conservatum est, id magna ex parte Confessioni tribuendum esse, ut nulli mirandum sit, humani generis Hostem, cum Fidem Catholicam sanctius evertere cogitat, per Ministros impietatis suæ, & satellites hanc velati Christianæ virtutis arcem totis viribus oppugnare conatum esse. Quod enim aiebat *Tertullianus* de Ethnicis ab Idolorum cultu ad Christum conversis, & Baptismo initiatis, idem de lapsis post Britannum Pœnitentibus, & sacramentali Confessione peccata sua eluentibus dici potest: *Non aliunde noscibile, quam de emendatione vitiorum pristinorum.* Et Apologetici cap. 111. testatur, Gentiles fuisse solitos, cum viderent quantam morum emendationem in illis Deus operabatur, qui Christo nomen dabant, his verbis exclamare: *Quæ mulier! quam lasciva, quam festiva! Qui juvenis! Quam lusus! Quam amatus! Facti sunt Christiani.* Ita (inquit) nomen emendationi imputatur. Sic olim quidam Adolescentens post amores meretricios peregre profectus, & abolito amore regressus, postea veteri dilectæ, cum occurrisset, illaque non interpellata, se non recognitam miraretur, & rursus occurrens dixisset: *Ego sum: respondit ille, Sed ego non sum ego;* (ut refert *S. Ambrosius*, Lib. 11. *De Pœnitentia*, cap. x.) Par mutatio in iis, qui rectam peccatorum Confessionem edunt, conspicitur. Hinc Dominus ait: *Qui vult post me venire, abneget semetipsum, & tollat crucem suam, & sequatur me.* Etenim (inquit.) *S. Ambrosius* Quæ-

Confessionis
 utilitas.

mortui, & sepulti Christo sunt, non debent iterum velut viventes de hoc mun-

Matth. 16.
24.

Quatuor
Confessionis
effectus.

Quatuor Confessionis effectus assignat S. Thomas in iv. Sententiarum Dist. xvii. Qu. iiii. A. v. Primo liberat a culpa, seu morte peccati, gratiamque confert, vel auget. Secundo liberat a pœna æterna, quam in temporalem Purgatorii commutat, & purgationem ita minuit vi clavium, ut proportionata remaneat viribus Pœnitentis, ita ut satisfaciendo in hac vita purgare se possit. Tertio, Paradisum aperit, remotis impedimentis, culpa nimium, & pœna. Quarto spem salutis tribuit: quia hæc spes non est nobis nisi per Christum: per Confessionem autem se subijcit homo clavibus Ecclesiæ ex Passione Christi vim habentibus.

A R T I C U L U S III.

De Necessitate Confessionis.

P R O P O S I T I O U N I C A.

Confessio Sacramentalis ex Institutione Christi Domini Sacerdotibus necessario facienda est ab iis, qui post Baptismum in peccatum aliquod mortale lapsi sunt.

Istud Fidei Catholicæ Dogma colligitur ex Christi verbis. Discipulos suos Matthæi xviii. ita conpellantis: *Amen dico vobis, Quicumque alligaveritis super terram, erunt ligata & in cælo: & quicumque solveritis super terram, erunt soluta & in cælo.* Et Joan. xx. *Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt.* Singularem quandam, & excellentem potestatem ligandi, & solvendi, remittendi, & retinendi peccata Apostolis, eorumque Successoribus, vice sua, Christum tradidisse, ex his locis perspicuum est. Hanc porro potestatem exercere non possunt, nisi Christiani post Baptismum lapsi omnia peccata mortalia, in quæ ceciderint, Sacerdoti aperiant, & confiteantur. Alligatio namque, & solutio, remissio, & retentio peccatorum, Judicium est, quod quidem exerceri non potest incognita causâ, ut ait Concilium Tridentinum, eiusdemque Concilii Catechismus. Enim vero si Sacerdos in foro Pœnitentiæ constitutus est a Domino Iudex ad solvendum, & ligandum, ad remittendum, & retinendum, necesse est, ut non præcipiti Judicio, neque pro libito, sed iusto, ac prudenti arbitrio, juxta merita causarum, utatur tradita sibi potestate: alioqui ratum non habebitur a Christo in cælis, quod ipse fecerit in terris. Id autem præstare non potest, nisi peccata, & peccantis causam, de qua Judicium ferre debet, plene cognitam habeat, & perspectam. Quæ cognitio cum haberi non possit absque spontanea peccatoris Confessione, qua peccata sua singulatim exponat Sacerdoti; recte colligitur, Confessionem Sacramentalem ex Institutione Christi necessario faciendam esse Sacerdotibus ab iis, qui post Baptismum in peccatum aliquod mortale lapsi sint.

Catholici
Dogmas
probatio ex
Scriptura
Sacra.

Necessitas
Confessio-
nis.

Ad eam præterea ligandi, & solvendi potestatem pertinet, ut Sacerdotes Pœnitentiæ opera, quibus divinæ justitiæ fiat satis, & radices peccatorum excindantur, iteratæque prolapsionis periculum avertatur, in sacro illo Judicio Pœnitentibus imponant, ut docet Sacra Synodus Tridentina Sess. xiv. cap. viii. Ut autem in operibus Pœnitentiæ injungendis ita se gerant Sacerdotes, necesse est, ut peccata Pœnitentium particularem cognoscant. Quam notitiam non nisi ex spontanea ipsorum Confessione compa-

rare possint; necesse est, ut Pœnitentes peccata mortalia, quorum sunt rei, Sacerdotibus singulatim exponant.

Necessitas
Confessionis
probat ex
Traditione.

Nemo vero dixerit, potestatem remittendi, retinendique peccata a Christo suis Ministris concessam, nudum esse jus, ac officium Legatorum, Nuntiorum, Præconum, qui peccatorum veniam, ac remissionem Pœnitentibus annuntient. Illud enim Hæreticorum commentum falsum esse, & verba ipsa Christi, & veteris Ecclesiæ Doctrina, quam Patres ab Apostolis ad sua tempora transmissam scriptis consignarunt, invictissime probant. Christus enim vero non dicit Apostolis. Quorum remissa nuntiaveritis, & promulgaveritis peccata, remissa jam ipsis erant: sed, *Quorum remisieritis peccata, remittuntur eis*. Porro nec præco, nuntius, vel caduceator, qui gratiam a Rege factam annuntiat, dicitur gratiam impartiri: nec apparitor, qui Sententiam Judicis promulgat, dicitur damnare reum, aut infontem absolvere.

Necessitas
Confessionis
his.

Deinde antiqui Patres Apostolicæ Doctrinæ, & Traditionis testes fidelissimi, judicariam potestatem laudatis Christi apud SS. Matthæum, & Joannem verbis primum promissam, denum collatam asserunt Sacerdotibus, quam remittere, vel retinere peccata possint Domini auctoritate, ut ejus Ministri, Præclarum est ea de re S. Jo: Chrysostomi *locus Lib. 111. De Sacerdotio, cap. v.*, Qui terram incolunt, *inquit*. atque in ea versantur, iis commissum est, ut ea, quæ in cælis sunt, dispensent: iisdatum est, ut potestatem habeant, quam Deus Optimus neque Angelis, neque Archangelis datam esse voluit. Neque enim ad illos dictum est *Quæcumque alligaveritis in terra, erunt alligata & in cælo: & quæcumque solveritis in terra, erunt soluta, & in cælo*. Habent quidem, & terrestres Principes vinculi potestatem, verum corporum solum. Id autem, quod dico Sacerdotum vinculum, ipsam etiam animam contingit, atque ad cælos usque pervadit: inque adeo, ut quæcumque inferne Sacerdotes confecerint, illa eadem Deus superne rata habeat, ac servorum Sententiam Dominus confirmet. Etenim quidnam hoc aliud esse dicat, nisi omnem rerum cælestium potestatem illis a Deo concessam? *Quorumcumque enim, ait peccata remisieritis, aut remittuntur eis, & quorumcumque retinueritis, retenta sunt.* Quænam, obsecro, potestas hac una major esse queat: Pater omnium judicium Filio dedit: ceterum video ipsum omne judicium a Deo Filio illis traditum. Nam quasi jam in cælum translatus, ac supra humanam naturam positus, atque nostris ab affectibus exemptus, sic illi ad Principatum istum perducti sunt. Quid multa? Rex aliquis, si cui ex subditis suis hunc honorem detulerit, ut potestatem habeat, quoscumque velit, in carcerem conjiciendi, eosdemque rursus laxandi, beatus ille, & admirandus judicio omnium fuerit, at vero, qui a Deo tanto majorem accepit potestatem, quanto cælum terra pretiosus est, quanto etiam animæ corporibus præstant, hic vilem eo usque dignitatem accepisse nonnullis videri debet, ut vel in illorum cogitationem descendere queat, reperiri posse quandoque unum aliquem ex eorum numero, quibus tanta illa fuerint a Deo concedita; cui ipsi minus suum sordescat, quique donum sibi a Deo datum despiciat?

Idem confirmat S. Ambrosius, Lib. 1. *De Penitentia*, cap. 11. Novatianorum hæresim convellens, qui potestatem peccata remittendi soli Domino reservandam asserbant. Sed *ajunt* (inquit) *se Domino deferre reverentiam, cui soli remittendorum criminum potestatem reserveat. Imo non majorem injuriam faciunt, quam ei, cujus volunt mandata descendere, commissum munus refundere. Nam cum ipse in Evangelio suo dixerit Dominus Jesus: Accipite Spiritum Sanctum: quorum remisieritis peccata, remittuntur eis; & quorum detinueritis, detenta sunt: quis est, qui magis honorat, utrum, qui mandatis*

dati obtemperat, an qui resistit? Ecclesia in utroque servat obedientiam, ut peccatum & alliget, & relaxet. Hæresis in altero immitis, in altero inobediens, vult ligare quod non resolvat, non vult solvere, quod ligavit: in quo se sua damnat sententia. Dominus enim par jus & solvendi esse voluit, & ligandi, qui utrumque pari conditione permisit Certum est, Ecclesiæ utrumque licere, Hæresis utrumque non licere. Jus enim hoc solis permissum Sacerdotibus est. Recte igitur hoc Ecclesia vindicat, quæ veros Sacerdotes habet: Hæresis vindicare non potest, quæ veros Sacerdotes non habet.

Suffragatur eidem veritati S. Hieronymus Epist. 1. ad Heliodorum De laude vitæ solitariæ, ubi jus triplex, ac officium, seu triplicem potestatem in Sacerdotibus agnoscit, quæ maximam ipsis venerationem conciliare debet: primo, conficiendi Corpus Christi, seu consecrandi Eucharistiam: secundo, parturiendi Christianos per Baptismum: tertio, reconciliandorum Deo, qui post Baptismum peccaverunt, quod pertinet ad potestatem clavium, & forum Pœnitentiæ: & hanc potestatem judiciariam esse docet. *Abstine* (inquit) *ut de his quidquam sinistrum loquar; qui Apostolico gradui succedentes, Christi Corpus sacro ore conficiunt: per quos & nos Christiani sumus: qui claves Regni cœlorum habentes, quodammodo ante iudicii diem judicant.*

Necessitas
Confessio-
nis.

Sanctus etiam Augustinus, Libro xx. De Civitate Dei, cap. ix. exponens Visionem S. Joannis, Apocalypsis xx. *Et vidi sedes, & sedentes super eas, & iudicium datum est: iudicium illud Ecclesiæ Præpositis in Administratione Pœnitentiæ commissum interpretatur. Non hoc putandum est* (inquit) *de ultimo iudicio dici; sed sedes Præpositorum, & ipsi Præpositi intelligendi sunt per quos Ecclesia nunc gubernatur. Iudicium autem datum, nullum melius accipiendum videtur, quam id, quod dictum est: Quæ ligaveritis in terra, ligata erunt & in cœlo: & quæ solveritis in terra, soluta erunt & in cœlo. Unde Apostolus: Quid enim mihi est* (inquit) *de his, qui foris sunt, iudicare? Nonne de his; qui intus sunt, vos iudicatis?*

1. Cor. 5, 12,

His concinit S. Gregorius Magnus. Hom. 26. in Evangelia, exponens laudatum Christi oraculum (Joannis 20.), Libet intueri (inquit) illi Discipuli ad tanta onera humilitatis vocati, ad quantum culmen gloriæ sint perducti. Ecce non solum de semetipsis securi fiunt, sed etiam alienæ obligationis potestatem relaxationis accipiunt: Principatumque superni iudicii sortiuntur, ut vice Dei quibusdam peccata retineant, quibusdam relaxent Ecce, qui districtum Dei iudicium metuunt, Animarum Iudices fiunt: & alios damnant, vel liberant, qui se ipsos damnari metuebant. Horum profecto nunc in Ecclesia locum Episcopi tenent. Ligandi, atque solvendi auctoritatem suscipiunt, qui gradum Regiminis sortiuntur. Recte itaque Sacra Synodus Tridentina docet Sessio. xiv. cap. v. „ Ex institutione Sacramenti Pœnitentiæ universam Ecclesiam semper intellexisse, institutam etiam a Domino integram peccatorum Confessionem, & omnibus post Baptismum lapsis Jure Divino necessariam existere: quia Dominus noster Jesus Christus e terris ascensurus ad cœlos, Sacerdotes sui ipsius Vicarios reliquit, tanquam Præsides; & Iudices, ad quos omnia mortalia crimina deferantur, in quæ Christi Fideles ceciderint, quo pro potestate clavium remissionis, aut retentionis peccatorum sententiam pronuntient. Constat enim, Sacerdotes iudicium hoc incognita causa exercere non potuisse: neque æquitatem quidem in penis injungendis illos servare potuisse, si in genere duntaxat, & non potius in specie, ac sigillatim sua ipsi peccata declarassent.

Dogma Catholicum inde confirmatur, quod Pœnitentia medicina sit,

curandis peccatorum morbis a Christo instituta: & qui illius Administrationi praesident Sacerdotes, sub summo, primarioque, ac celesti Medico Christo Domino, ac Salvatore nostro sint animarum Medici ab ipso constituti. Quomodo vero peccatorum morbos curabit Sacerdos, nisi ipsos particulatim cognoscat? Quomodo vero cognoscat, nisi illos aperuerit ægrotus, id est, ipse peccator Sacramentali Confessione? Hinc Origenes Hom. 11. in Psal. 37. explicans illa verba: *Quoniam iniquitatem meam pronuntiabo*, hæc habet: *Pronuntiationem iniquitatis, Confessionem peccati frequentius diximus. Vide ergo quid adiecit nos Scriptura divina, quia oportet peccatum non celare intrinsecus, Porta sis enim sicut ille, qui habent intus inclusam iadizestam escam, aut humoris, vel phlegmatis stomacho graviter, & moleste imminenti, si vomuerint, releventur: etiam illi, qui peccaverint, siquidem occultant, & retinent intra se peccatum, intrinsecus argentur, & prorsus suffocantur a phlegmate, vel humore peccati. Si autem ipse sui accusator sit, dum accusat semetipsum, & confitetur, simul evomit & delictum, atque omnem morbi dixerit causam. Tantummodo circumspice diligenter, cui debeas confiteri peccatum tuum: proba prius Medicum, cui debeas causam languoris exponere, qui sciat infirmari cum infirmante, flere cum fiente, qui condolendi, & compatiendi noverit disciplinam: ut ita demum si quid ille dixerit, qui se prius, & eruditum Medicum ostenderit, & misericordem, si quid consilium dederit, facias, & sequaris.*

S. Basilii in Regulis brevioribus, in Responsione ad Interrogationem 229. *Omnino* (inquit) in peccatorum Confessione eadem ratio est, quæ in apertione vitiorum corporis. Ut igitur vitia corporis nequaquam quibulvis homines remere aperiunt, sed iis tantummodo, qui rationem, qua ea curanda sint, teneant: eodem modo etiam peccatorum Confessio fieri debet, apud eos videlicet, qui ea possint curare: sicut scriptum est: *Vos qui firmiores estis, imbecillitates infirmorum, portate, hoc est, tollite, diligentia, & cura vestra. Et in Responsione ad Interrogationem 288. Necessario* (inquit) iis peccata aperiri debent, quibus credita est dispensatio, & Mysteriorum Dei.

S. Gregorius Nyssenus Oratione In eos, qui alios acerbè judicant, *idem confirmat*: Major (inquit) in eo tibi fiducia sit, qui te in Deo genuit, quam in illis, a quibus corpore procreatus es. Audacter ostende illi, quæ sunt recondita. Animi arcana tanquam occulta vulnera Medico detege. Ipse & honoris, & valetudinis tuæ rationem habebit. *Et paulo infra*: Tu vero, cuius animus æger est, cur non ad Medicum properas? cur non ei confitendo morbum ostendis tuum.

S. Io: Chrysostomus Lib. 11. De Sacerdotio, cap. 111. *Multa* (inquit) *arte opus est, ut iis, qui laborant, Christianis persuadeatur, ut ultro se, ac volentes Sacerdotum curationibus submittant: neque id solum, sed etiam ut curationis, ac medicinae nomine gratiam illis habeant.* Et Homilia 1x. in Epistolam ad Hebræos: *Cujusmodi* (inquit) *est medicamentum Penitentiae, & quomodo conficitur? Primum ex suorum peccatorum condemnatione, & ex Confessione. Delictum, inquit, meum cognitum tibi feci, & peccatum meum non abscondi, & Pronuntiabo contra me iniquitatem meam Domino, & tu remisisti impietatem cordis mei. Et iterum: Dic peccata tua prior, ut justificeris; Et, iustus es tui accusator in primo sermone. Secundo, ex multa humilitate. Est enim veluti quedam cetera aurea, & si initium acceperit, sequantur omnia. Nam si peccatum fueris confessus, ut oportet confiteri, sit humilis anima. Ibidem inter præcipuas Penitentiae condiciones recenset, *Se in Sacerdotes, ut convenit, gerere.* Subdit paulo infra, peccata particulatim esse delegendæ: *Sin autem dicit: Sum peccator; ea autem per species non cogitat, ac specu-**

Necessitas
Confessionis.

Philos. 3. 5.

Prov. 18. 17.

tat;

tat, & non dicit, Hoc, & illud peccatum admisi; numquam cessabit, semper quidem confitens, curam autem nullam gerens confessionis.

S. Hieronymus in cap. x. Ecclesiasticis : Si quem serpens diabolus occulte morderit, & nullo conscio eum peccati veneno infecerit; si tacuerit, qui percussus est, & non egerit Pœnitentiam, nec vulnus suum fratri, & Magistro voluerit confiteri; Magister, qui linguam habet ad curandum facile ei prodesse non poterit. Si enim erubescat ægrotus vulnus Medico confiteri, quod ignorat Medicina, non curat. Fratrî autem, & Medici nomine Sacerdotem intelligit, cui ex officio convenire afferit ligandi, solvendi que potestatem. Cum peccatorum audierit varietates, ab ipso utique peccatore ea sigillatim confesso, ut implet S. Hieronymus explicat Commentario in cap. xvi. S. Matthæi. Quamobrem sicut æger non tantum detegere generatim debet Medicum morbum occultum, quo forte laborat; sed ipsi debet indicare, quid sibi doleat, eique omnia morbi symptomata, causas, & circumstantias aperire, ut congruis curet eum remediis, maxime si gravis sit morbus, qui naturæ vi, aut facilibus, obviis remediis sanari non possit, utpote partes internas, quibus vita fovetur, afficiens; ita confessio peccatorum, quæ vitæ spiritualis principium, id est, gratiam, & charitatem destrunt, & ob id mortalia nuncupantur, omnium admissorum sigillatim; & nominatim esse debet.

Necessitas
Confessionis,

S. Augustinus in Psal. Lxvi. *Conscientia tua* (inquit) saniem collegerat, apothema tumerat, cruciabat te, requiescere non sinebat: adhibet Medicus, fomenta verborum, & aliquando fecat: adhibet medicinale ferrum in correptione tribulationis: tu agnosce Medici manum, confitere, exeat in confessione, & defluat omnis sanies; jam lætare, quod reliquum est, facile sanabitur.

Concilii Tridentini Catechismus alio probat argumento confessionis utrumque necessarium esse ei, qui mortali scelere premitur, ut ad spirituale vitam revocetur: quod quidem argumentum petit ex Christi verbis, huius Sacramenti administrandi potestatem clavem Regni cœlorum appellantis, Matth. xvi. *Et tibi dabo claves Regni cœlorum. Et quodcumque ligaveris super terram, erit ligatum & in cœlis: & quodcumque solveris super terram, erit solutum & in cœlis.* Quod ad iolum Petrum non pertinere, sed ad ceteros etiam Discipulos, Christi verba confirmant cap. 18. Vers. 18. Unde Tertullianus cap. xi. *Scorpiaci ait. Cœli claves hic Dominus Petro, & per eum Ecclesiæ reliquisse.* Et S. Optatus Milevitanus Lib. 1. contra Parmenianum ait: Petrum claves Regni cœlorum ceteris communicandas solum accepisse. Sicut ergo locum aliquem ingredi nemo potest sine ejus opera, cui claves commissæ sunt; sic intelligimus neminem in cœlum admitti, nisi fores a Sacerdotibus, quorum fidei claves Dominus tradidit, aperiantur. Aliter enim nullus plane clavium usus in Ecclesia esse videbitur: ac frustra is, cui clavium potestas data est, quempiam cœli aditu prohibebit, si tamen alia via introitus patere queat. Unde S. Augustinus Serm. 392. alias 49. inter Homilias 50. ait: *Qui post uxores vestras vos illicito concubitu maculastis, si præter uxores vestras cum aliqua concubistis; agite Pœnitentiam, qualis agitur in Ecclesia, ut oret pro vobis Ecclesia. Nemo sibi dicat, Occulte ago, apud Deum ago: novit Deus, qui mihi ignoscat, quia in corde meo ago. Ergo sine causa dictum est, Quæ solveritis in terra, soluta erunt in cœlo: Ergo sine causa sunt claves datæ Ecclesiæ Dei? Frustramus Evangelium, frustramus verba Christi? Premittimus vobis, quod ille negat?*

Plurimis vero figuris adumbrata est Sacramentalis Confessio, & in Vergeri

Sacramentalis
confessionis
figuræ,

Necessitas
Confessionis.

teri Testamento, & in exordio Novi. Peccatorum scilicet Confessionem quodammodo delineabant varia illa Sacrificiorum genera, quæ ad expianda diversi generis peccata a Sacerdotibus fiebant. In Nova autem Legge Christus figuras insignes illius institutioni præmisit. Ad eam enim pertinet, quod Christus iis, qui a lepra in itinere curati sunt, præceperat, ut Sacerdotibus se ostenderent, illorumque iudicium subirent, (*Luc. 17. 14.*) Sicut Sacerdotum Leviticum Sacerdotii Evangelici figura fuit; ita ostensio lepræ Leviticis Sacerdotibus facta, & sanitas Leprosi, ad illos ex mandato Christi euntibus collata, figura fuit Confessionis peccatorum Sacerdotibus Evangelicis faciendæ, & veniæ, ac salutis eorum ministerio obtinendæ. *Corporis quippe lepram purgare, seu (ut verius dicam) baud purgare quidem, sed purgatos probare, Judæorum Sacerdotibus solis licebat. At vero nostris Sacerdotibus non corporis lepram, verum animæ sordes, non dico purgatas probare, sed purgare prorsus concessum est; (inquit S. Jo: Chrysostomus Lib. III. De Sacerdotio, cap. v.)*

Ligandi, solvendi que potestatem, quam Novi Testamenti Sacerdotibus collaturus erat, significasse etiam videtur Dominus, cum Apostolis id negotii dedit, ut Lazarum a mortuis excitatum vinculis solverent, quibus constrictus erat, (*Joannis XI. Quem locum ita S. Augustinus explicat, Serm. 67. alias 8. De Verbis Domini: Mortuus est peccator, maxime ille, quem moles consuetudinis premit, quasi sepultus est Lazarus... Quis eum suscitabit, nisi qui remoto lapide clamavit, dicens, Lazare, prodii foras?*) Quid est autem foras prodire, nisi quod occultum erat, foras prodere? Qui confitetur, foras prodit. Foras prodire non posset, nisi viveret: vivere non posset, nisi resuscitatus esset. Ergo in Confessione sui accusatio, Dei laudatio est. Dicit ergo aliquis, Quid prodest Ecclesia, si jam confessor voce Dominica resuscitatus prodit? Quid prodest Ecclesia confitenti, cui Dominus ait, *Quæ solveritis in terra, soluta erunt & in celo?* Ipsum Lazarum attende: cum vinculis prodit. Jam vivebat confitendo; sed nondum liber ambulabat, vinculis irretitus. Quid ergo facit Ecclesia, cui dictum est, *Quæ solveritis, soluta erunt, nisi quod ait Dominus continuo ad Discipulos, Solvite illum, & finite abire?* Sive ergo nos acculemus, sive Deum laudemus, bis Deum laudamus. Quando Deum laudamus, tanquam eum, qui sine peccato est prædicamus; quando autem nos ipsos accusamus, ei, per quem resurreximus, gloriam damus. Hoc si feceris, nullam occasionem inveniet Inimicus, qua te circumveniat ante Judicem. Cum enim tu ipse fueris accusator, & Dominus liberator; quid erit ille nisi calumniator?

Confessionis
ceremoniæ.

Catholici dogmatis de Confessione Sacramentalis necessitate probationes concludat Canon sextus Sessionis XIV. Concilii Tridentini. *Si quis negaverit, Confessionem Sacramentalem, vel institutam, vel ad salutem necessariam esse jure divino; aut dixerit, modum secreto confitendi soli Sacerdoti, quem Ecclesia Catholica ab initio semper observavit, & observat, alienum esse ab institutione, & mandato Christi, & inventum esse humanum; Anathema sit.*

Ritus tamen, & solemnes ceremonias ad Confessionem adhiberi solitas, non Christus instituit, sed Ecclesia. Quamvis autem illæ ad Sacramenti rationem non spectent, ejus tamen dignitatem magis ante oculos ponunt, & confitentium animos pietate accensos, ad Dei gratiam facilius consequendam præparant (inquit Concilii Catechismus.) Cum enim aperto capite ad pedes Sacerdotis abjecti, demisso in terram vultu, supplices manus tendentes, aliaque hujusmodi Christianæ humilitatis signa dantes, quæ ad Sacramenti rationem necessaria non sunt, peccata confitemur, ex his

percipi.

perspicue intelligimus, tum in Sacramento celestem vim agnoscendam; tum a nobis divinam misericordiam summo studio requirendam, atque efflagitandam esse.

Objicitur, Sacras Litteras passim omni Fideli contrito, & vere peniten- Obiectio-
num solutio.
ti remissionem peccatorum polliceri absque ulla apud hominem prævia Confessione. Isaï. 1. 16. *Lavamini, mundi estote, auferite malum cogitationum vestrarum ab oculis meis, quiescite agere perverse, discite benefacere...* Si fuerint peccata vestra ut coccinum, quasi nix dealbabitur: & si fuerint rubra quasi vermiculus, velut lana alba erunt. Et Ezechielis xviii. 21. Si autem impius egerit Pœnitentiam ab omnibus peccatis suis, quæ operatus est, & rusticodierit omnia præcepta mea, & fecerit judicium, & justitiam: vita vivet, & non morietur. Omnium iniquitatum ejus, quas operatus est, non recordabor. Cum igitur Deus veracissimus sit, ei, qui hæc præstiterit, quæ a Prophetis describuntur, plenam atque absolutam confert remissionem peccatorum. Nostra certe conditio deterior non est, quam Judæorum olim sub Lege: atqui deterior erit, si illis quidem sola apud unum Deum peccati Confessio veniam obtinuit, nobis vero idem consequi non licet, nisi homini insuper confessi fuerimus. Huc accedit, quod cum Veteris Testamenti servitus, Novi libertas propria sit, conveniens non videtur, ut Confessionis jugum nobis quidem sub Novo imponatur; Judæis vero sub Veteri degentibus nullum impositum fuerit.

Respondetur, Pœnitentibus quidem Deum optimum maximum veniam peccatorum polliceri, si secundum statutas ab eo leges Pœnitentiam agant, & remedia sibi procurent, quæ pro vario generis humani statu ejus providentia variis temporibus alia, atque alia præparavit. Alioquin Pœnitentia vera, & sincera non esset. Sicut ergo in veteri Lege interior mentis conversio non satis erat ad veniam peccatorum obtinendam, nisi præscriptis a Lege Sacrificiis, & Purificationibus peccata expiarent: & sicut Judæis, qui Christo nomen dabant, non sufficiebat fides, & Contritio ad impetrandam indulgentiam peccatorum post Circumcisionem commissorum, sed necessarius erat Baptismus a Christo Novæ Legis auctore ut medium ad salutem necessarium institutus: nec tamen divinarum promissionum veritati Baptismi necessitas repugnabat: ita in Novo Testamento non sufficit conversio mentis, & contritio; sed necesse est, ut peccator apud Sacerdotem Exomologesim agat, & peccata sua confiteatur, ab eo imposita Pœnitentiæ opera suscipiat, atque ab eo absolvatur: quia his omnibus necessario constat Pœnitentia, qua Sacramentum est a Christo Domino institutum: quod si hæc non præstiterit peccator, vere Pœnitens, & contritus dici non potest; quippe qui secundum statutas a Christo leges Pœnitentiam non agat.

Nec sequitur, nostram conditionem deteriorem esse, quam Judæorum olim erat sub Lege: imo potior est absolute, siquidem excusso per Christum veterum Sacramentorum, Sacrificiorum, Cæremoniarum, & Observantiarum legalium iugo. *Alia nobis Sacramenta data sunt virtute majora, effectu meliora, actu faciliora, numero pauciora*; ut ait S. Augustinus Lib. ix. *Contra Faustum*, cap. xiii. Confessionis autem jugum, ut vocant Hæretici, cum a Christo sit impositum, cujus *Jugum suave est*, & onus leve, legi libertatis non magis repugnat, quam præceptum Baptismi, & alia Christi mandata, quæ non sunt sarcina onerati, sed ale volaturi, ut ait alibi S. Augustinus: & quæ charitas facillima efficit. Nec vero gravior est Confessio Sacramentalis, imo longe levior, ac faciliior veterum Sacrificiorum apparatu, quæ Lex Mosaïca ad expianda peccata præscribebat. Denique cum

non

Necessitas Confessionis. non timore pœnæ, sed amore justitiæ; non Lege extrinsecus terrente per litteram, sed Spiritu intus sanante per gratiam, homines, quos vere peccatorum penitet, ad præceptum Confessionis implendum adducantur, non servi sunt, sed liberi ea libertate, qua Christus ipsos donavit. Quidni enim liberi essent, cum ad illud remedium quærendum obligantur, quo a peccati servitute, qua nullatempus est, ac durior, liberantur?

Objectioni ex facto Nestarii petite respondetur.

Objicitur secundo celebre factum *Nestarii* Episcopi Constantinopolitani, qui Pœnitentiarium Presbyterum Constantinopoli abrogavit, occasione nobilis cujusdam mulieris, quæ Diaconum cum ipsa stupri consuetudinem habuisse confessâ erat: & *Unumquemque pro arbitrio, & pro animi sui conscientia ad Sacramentorum Communionem accedere* permisit; ut referunt *Socrates* Lib. v. *Historiæ Ecclesiasticæ*, cap. xix. & *Sozomenus* Lib. vii. cap. xvi. Ex quo Sacramentalem Confessionem vel tunc in usu non fuisse, vel certe fuisse abrogatam a *Nestario*, colligitur.

Sed & *Nestarii* in eadem Sede Successor *S. Jo: Chrysostomus* Confessionem soli Deo factam sufficere asserit ad peccatorum veniam obtinendam. Hom. xxi. ad Populum Antiochenum: *Neque hoc (inquit) tantum est admirabile, quod nobis peccata dimittit; verum & quod ipsa non revelat, nec manifesta facit, aut conspicua: nec cogit in medium procedenter, quæ peccavimus enuntiare, sed sibi soli rationem reddere jubet, & sibi confiteri.* Et Hom. ii. in Psalm. l. *Peccata tua dicito, ut ea doleas. At pudet dicere, te peccasse: dic ea quotidie in oratione. Num enim dico, ut ea confesso dicas, qui tibi exprobet? Dic Deo, qui eis medetur?* Homilia etiam xxxi. in Epistolam ad Hebræos: *Non tibi dico, ut peccata tanquam pompam in publicum efferas, neque ut apud alios oculos accuses; sed suadeo, ut pareas Propheetæ dicenti: Revela Domino viam tuam. Apud Deum ea confitere; apud Judicem confitere peccata tua, orans, si non lingua, saltem memoria: & sic misericordiam impetra.*

Psalm. 36. 5.

Respondetur ad primum, Publicam tantum arcanorum peccatorum Confessionem cum Pœnitentiarium Constantinopolitano abrogatam esse a *Nestario*, quæ Christianæ plebi gravissimam offensionem creaverat occasione mulieris a Diacono vitiatæ, quæ abdicando Pœnitentialis Disciplinæ Præfecto locum dederat: sed sacramentalem Confessionem, (quæ an publica sit, an secreta, perinde est ad Sacramenti substantiam) *Nestarium* abrogasse negamus. Peccata etiam occulta palam renunciata fuisse aliquando coram Clero, & Plebe Christiana, ex consilio, vel mandato Sacerdotis, discimus ex *Origene*. Hom. ii. in Psalm. xxxvii: *Circumspice (inquit) diligentius, cui debeas confiteri peccatum tuum: proba prius Medicum cui debeas causas languoris exponere Ut ita demum si quid ille dixerit, qui se prius, & eruditum Medicum, ostenderit, & misericordem, si quid consilii dederit, facias, & sequaris: si intellexerit, & præviderit talem esse languorem tuum, qui in conventu totius Ecclesiæ exponi debeat, & curari, ex quo fortassis & ceteri ædificari poterunt, & tu ipse facile sanari: multa hoc deliberatione, & satis perito Medici illius consilio procurandum est.* Publicam fuisse mulieris, quæ se a Diacono vitiatam prodidit, Confessionem constat, siue ipso, siue jussu, aut consilio Pœnitentiarium illam peregerit: Confessio enim secreta non adeo Ecclesiam turbasset, aut offensioni fuisset. Constat nihilominus Confessionis peccatorum lethalium, etiam occultorum, usum & tunc temporis, & antea in Ecclesia receptum fuisse. Non enim publicam fuisse videtur Mulieris illius peccatum. Quod nisi ignotum fuisset, tantam Christianæ Plebi offensionem illius Confessio non creasset. Id *Sozomeni* verba probant: *A Diacono se supratam prodidit.* Quid est enim prodere, nisi rem

occult-

Necessitas Confessionis.

occultam, atque intus latentem referare? Constat insuper non quædam solum capitalia crimina, sed sigillatim omnia post Baptismum commissa explicari solita Sacerdoti Pœnitentiæ Præfecto. De illa enim Muliere *Socrates* refert, quod *Delicta post Baptismum a se perpetrata sigillatim confessa erat*. Constat tertio, Pœnitentiarium pro aliis peccatis præter crimen stupri, quæ Confessione detexerat hæc mulier, Pœnitentiam publicam imposuisse. *Presbyter vero* (inquit *Socrates*) *præcepit Mulieri, ut jejuniis, & orationibus continuis vacaret, quo scilicet una cum delictorum Confessione opus etiam Pœnitentiæ conveniens ostenderet*. Opus autem conveniens Pœnitentiæ occultæ non ostenditur. Peccata igitur occulta, præter stuprum, hæc Mulier Pœnitentiario confessa fuerat, pro quibus Pœnitentiam cum in Ecclesia perageret, a Diacono vitiata est. Quarto, id confirmat *Sozomenus*, Lib. VII. *Historiæ Ecclesiasticæ*, cap. XVI. ubi ait: *In petenda venia peccatum necessarii confiteri oportere: utrumque Confessionis, & Pœnitentiæ Episcopos urbis Rome jam inde ab ultima vetustate ad suam usque ætatem custodisse*. Denique testatur *Sozomenus*, Pœnitentiarium Presbyterum, qui Novationorum occasione albo Ecclesiastico ab Episcopis adjectus est, hominem fuisse prudentia, & taciturnitate insignem: ad quid autem necessaria fuisset taciturnitas, nisi occultorum etiam criminum arcanam Confessionem exceperisset? *Græce* (inquit) *ac molestum ab initio jure merito visum est Sacerdotibus, id est, Episcopis, tanquam in theatro circumstante totius Ecclesiæ multitudine, crimina sua evulgare*. Itaque ex Presbyteris aliquem, qui vitæ integritate spectatissimus esset, & taciturnitate, ac prudentia polleret, huic Officio præfecerunt: ad quem accedentes ii, qui deliquerant, actus suos confitebantur; Ille vero pro cuiusque delicto quid, aut facere singulos, aut luere oporteret, pene loco indicens, absolbat confitentes a se ipsis pœnas criminum exaduros.

Quod vero ait *Socrates*, Nectarium permixtibile, ut Unusquisque pro arbitrio, & pro animi sui conscientia ad Sacramentorum Communionem accederet, nihil aliud significat, nisi iugo publicæ Confessionis, & publicæ pariter Pœnitentiæ ob occulta crimina subeundæ solutos Fideles in Ecclesia Constantinopolitana, simul ac Pœnitentiarius sublati sunt; rebus in eam statum restitutis, in quo erant ante Pœnitentiarii illius institutionem, ut unusquisque Confessione secreta peccatorum, cum opus erat, expiatus, ad Eucharistiam accederet.

Ad secundum respondetur, *S. Jo: Chrysostomum* locis laudatis, & aliis similibus. Confessione sacramentali nihil officere, quamalibi dilerte adstruxit, Libris præsertim *De Sacerdotio*; sed vel illius tantum Confessionis excludere necessitatem, ex qua reorum infamia sequatur: vel cuiuscunque ministerium, sive testimonium excludere ab examine conscientię quotidiano, sive a quotidiana Pœnitentiā: non autem a Pœnitentiæ Sacramento, quod potestate clavium Ecclesiæ a Christo Domino traditum administratur: vel denique de Contritione loqui, quæ peccata quælibet expungit, cum perfecta est, absque actuali Ministerio Sacerdotis. Negat itaque *S. Chrysostomus*, Deum Optimum Maximum Confessionem a peccatoribus exigere, quæ ipsos in discrimen conciat salutis, vel honoris, qualis exigitur ab iis, qui capitalium criminum rei ad Magistratum tribunalia deferuntur; nullam ipsis infamiæ labem aspergi ait, quia non coguntur *Presentibus quibuscum ea enuntiare, & in medium procedentes palam confiteri, sicut capiti latrones, vel effosores sepulchrorum a secularibus Judicibus* ad confessionem coguntur. Negat, Deum Confessionem illi similem exigere, quæ sit a furciferis coram frequenti hominum cœtu, qui *Crimen exponant, ac veluti in medio theatro*. Negat, Confessionem exigi a Deo, ut pecca-

S. Chrysostomus Confessionem sacramentali non officit.

Necessitas Confessionis.

peccator puniatur, non negat exigi, ut relaxetur. Negat denique Confessionem a Deo exigi, quæ in publico iudicio, probatione per testes instituta fiat; & qua peccata *Tamquam pompam in publicum proferamus*: non negat Confessionem secretam.

Loquitur etiam quandoque *S. Joz Chrysostomus*, de quotidiana Penitentia, de examine conscientiæ singulis diebus a Fidelibus instituendo, & de contritione, ac lacrymis, quæ illius examinis comites esse debent. Hac autem intus in conscientiæ secreto, sine teste, solo Deo præsentem, fieri possunt. Eo collineat Hom. 11. in Plalm. L. *Cum autem* (inquit) *in lectum, hoc est, ad tranquillum portum te coniecisti, nec ullus est, qui tibi molestiam exhibeat, dic cordi tuo, atque animæ tuæ; Exegimus hodiernam diem, o anima: quid boni fecimus, aut quid mali admisimus? Ac gehennæ recordare, ut metu affectus, bonum augeas, malum autem de medio tollas. Si in lecto sis, atque tibi peccata tua in memoriam venerint, collacryma; atque ea hac ratione in lecto delere potes. Deum tuum roga, atque obsecra, sicque corpus somno trade, postea quam prius peccata confessus fueris. Hac Confessione soli Deo facta peccata quotidiana, & leviora curantur, atque delentur absque ministerio Sacerdotis: sed ad gravia, atque lethalia peccata expianda non sufficit absque Sacerdotis opera, & absque Confessione sacramentali apud eum facta, vel ejus saltem proposito, cum peccator perfecte contritus est. Quod ex Hom. xxx. ejusdem Patris in Genesim diserte confirmatur: Quia (inquit) in magnam hanc Hebdomadam pervenimus Dei gratia, nunc maxime & Jejunii cursus intendendus, & magis continuandæ sunt preces, faciendæque diligens, & pura peccatorum Confessio. Et infra: Scit enim Inimicus noster, quod per tempus illud possumus de iis, quæ ad nostram salutem attinent, loqui, & peccata declarare, seu aperire, & detegere vulnera Medico, & sanitatem consequi. Et Hom. xx. in Genesim: Attamen, qui hec fecit, si voluerit, ut decet, uti conscientia adiumento, & ad Confessionem facinorum fininare, & Medico ostendere ulcus, qui curat, & non exprobet, atque ab illo remedia accipere, & soli ei loqui, nullo alio conscio, & omnia dicere cum diligentia, facile peccata sua emendabit. Confessio enim peccatorum, abolitio etiam est delictorum. Hic enim de Confessione soli Deo facta non loqui *S. Chrysostomum*, patet, cum necesse non videatur omnia facinora Deo cum diligentia confiteri, & ulcus illi ostendere, cujus notitiam effugere non possunt, quantumvis arcana, & recondita sint.*

S. Ambrosius
Confessionem
Sacramentali
minime
contrarius.

Obijcit tertio *S. Ambrosii* locus Lib. x. in Lucam, *Petrus doluit, & fleuit, quia erravit, ut homo. Non invenio quid dixerit; invenio quod feverit. Lacrymas ejus lego, satisfactionem non lego. Sed quod defendi non potest, abluui potest. Lavant lacrymæ delictum, quod voce pudor est confiteri. Ex quibus verbis colligitur, minime necessariam esse Confessionem Sacerdotibus factam.*

Respondetur; *S. Petrum*, nondum instituto Pœnitentiæ Sacramento, & Confessione, quæ pars ejus est, Pœnitentiam egisse; quæ proinde sola Contritione, lacrymisque peccatum ipsius delere potuit. Et nunc etiam Contritionis perfectæ tanta vis est, ut ante vocalem Confessionem peccata dimittat: sed Confessionis apud Sacerdotem edendæ necessitatem propterea non excludit *S. Ambrosius*: imo diserte adstruit Lib. 11. *De Penitentia*, cap. vi. *Si vis iustificari, fatere delictum tuum: solvit enim criminum nexus verecunda Confessio peccatorum.* Et cap. x. *An quisquam ferat, ut erubescas Deum rogare, qui non erubescis rogare hominem? Et pudeat te Deo supplicare, quem non lates, cum te non pudeat peccata tua homini, quem lateas, confiteri?*

Obijcitur

Obijcitur quarto, Canon *Quidam*, Dist. 1. De Pœnitentia, ex *Theodoro Cantuariensis* Pœnitentialem a *Gratiano* citatus: *Quidam* (inquit) *De solummodo confiteri debere peccata dicunt, ut Græci. Quidam vero Sacerdotibus confitenda esse peccata percensent, ut tota fere Sancta Ecclesia, quod utrumque non sine magno fructu intra Sanctam sit Ecclesiam.* Ex quibus verbis colligitur, Confessionem peccatorum Sacerdoti factam, non esse jure divino necessariam, cum Ecclesia Græca Confessionem soli Deo factam sufficere censet ad veniam peccatorum obtinendam.

Ex Theodoro Cantuariensis Pœnitentialem, & ex Concilio Cabilonenſi, nihil contra Confessionis necessitatem colligi potest.

Respondetur. In Pœnitentialem *Theodori Cantuariensis* Archiepiscopi, nihil ejusmodi occurrere, ut constat ex Codicibus Manuscriptis, & ex Editione Parisiis facta studio *Jacobi Petii* anno Christi millesimo sexcentesimo septuagesimo septimo. Imo vero ex Capitulis *Theodori*, ad finem ejusdem Pœnitentialis editis constat, ejusdem Archipræfatus tempore, qui anno Christi circiter nonagesimo supra sexcentimum vita decessit, usum sacramentalis Confessionis generalem fuisse. Fidem enim ejus rei facit Capitulum sexagesimum. Canon, *Quidam*, a *Gratiano* laudatus legitur in Concilio Cabilonenſi Canone xxxiiii. sed fæde interpolatus est in Editione *Gratiani*, siquidem, & in illo Concilio, & in Capitularibus adjectis, in quibus est quinquagesimus octavus, legitur absque illis verbis, *Ut Græci*, itemque sine istis, *Ut tota fere sancta Ecclesia.* Quidam, fateor, ea tempestate censabant, peccatorum Confessionem soli Deo factam sufficere, quæstione nondum eliquata in Plenario totius orbis Concilio; sed hi graviter errabant: neque hanc opinionem probabilem esse, aut in Ecclesia Catholica tolerandam significat Synodus Cabilonenſis: sicut nec *S. Gregorius* eorum opinionem, qui de carnis Resurrectione dubitabant, cum eodem fere loquendi modo ait Hom. xxvi. *Sunt nonnulli, qui de Resurrectione carnis incerti sunt.* Canonis hic titulus est: *Quod Deo, & Sacerdoti confitenda sint peccata.* Sic vero habet: *Quidam Deo solummodo confiteri debere dicunt peccata, quidam vero Sacerdotibus confitenda esse percensent: quod utrumque non sine magno fructu intra Sanctam sit Ecclesiam.* Pronomen *Utrumque*, significat Confessionem Deo, & homini factam individuo nexu conjungi in Ecclesia, nec unam ab altera dissociandam esse, ut spiritalis fructus, scilicet peccatorum veniam referatur. Confessio itaque, quæ Deo fit, purgat peccata: ea vero, quæ Sacerdoti fit, docet qualiter ipsa purgentur peccata. Non ait Synodus, quæ soli Deo fit, sed quæ Deo fit: Deo enim fieri Confessionem significat, quæ fit Sacerdoti ejus Ministro. Deus namque salutis, & sanitatis tutor, & largitor plerumque hanc præbet suæ potentie invisibili administratione (perfecte scilicet contritis: plerumque Medicorum operatione: idest, Sacerdotum Ministerio. Quod autem Græca Ecclesia nusquam in ea fuerit opinione, quam ipsi affingit Canonis, *Quidam*, interpolator apud *Gratianum*, sed Confessionem sacramentalem iis, qui in peccatum aliquod mortale post Baptismum lapsi essent, jure divino necessariam agnoverit, antiquorum Patrum testimonia liquido probant, & quod post ætatem Patrum ad hæc usque tempora ejusdem Catholici dogmatis tenacissima iuerit, certum est ex Libro Pœnitentialem *Joannis Jejunatoris* Patriarchæ Constantinopolitani; ex *Nicephori Charsophylacis* insigni Fragmento, quod in Bibliotheca Patrum editum est; ex *Euchologiis*, ex Libris *Simeonis Thesialonicensis*, & *Gabrielis Philadelphici* Metropolitæ, De Sacramentis; ex *Jermie* Patriarchæ Constantinopolitani Responso I. ad Articulos Augustinæ Confessionis, a Vvirmbergensibus Lutheranæ Sæctæ Pseudo-Theologis ad eum missæ, cap. xi. ex Synodo apud *Insum*, contra *Cyilli* Lucaris Capitula a Patriarcha Constantinopolitano celebrata anno Christi millesimo sexcentesimo

mo ſecundo, & ex Synodo Bethleemitica ſub *Dofitheo* Hieroſolymorum Patriarcha celebrata anno milleſimo ſexcentefimo ſeptuageſimo ſeptimo, cap. xv. Quæ loca ſatis ſit indicaffe.

Ceterum de neceſſitate ſacramentalis Confeſſionis ſi quis plura velit, adeat Diſſertationem ſingularem de hoc argumento a me editam contra *Dalleum* Miniſtrum Calvinianum.

A R T I C U L U S IV.

De Clavibus Eccleſiæ a Chriſto traditis.

Cum poteſtatem remittendi, retinendique peccata Chriſtus Clavium nomine appellaverit, operæ pretium eſt, ut de Clavibus breviter agamus, earumque notionem, & diviſionem tradamus, quantum neceſſe eſt ad Clericorum inſtitutionem.

Clavis nomine in Scriptura Sacra quid intelligatur.

Clavis in Scriptura Sacra ſummam quamdam auctoritatem, poteſtatem, gubernationem, & domeſticam adminiſtrationem designat. Nam & in profanis, ac civilibus rebus clavium traditio translationem domini, ac poſſeſſionis ſignificat. Nec abs re, quod habenti claves non ſolum omnia, quæ in domo ſunt, pateant, ſed & ei poteſtas ſit quolibet vel admittendi, vel excludendi, atque etiam ſecretiſſima quæque cubacula referendi, vel occludendi. Cum itaque Chriſtus in domo Dei non tamquam ſervus, ſed tamquam filius in domo ſua fuerit, ſumma eademque æterna auctoritate adminiſtrationis a Patre accepta fruitur, quemadmodum ipſe ait *Matth.* ultimo: *Data eſt mihi omnis poteſtas in cælo, & in terra.* Item *Joan.* viii. *Pater omne Judicium dedit Filio.* Et ut Apoſtolus ad Hebræos ſcribit: *Omnia ſubjecit ſub pedibus ejus: & ipſum dedit caput ſuper omnem Eccleſiam.* Idcirco *Iſaiæ* xxii. de ipſo legimus: *Et dabo clavem Domus David ſuper humerum ejus: & aperiet, & non erit, qui claudat: & claudet, & non erit, qui aperiat.* Et *Apocalypſis* iii. *Hæc dicit Sanctus, & Verus, qui habet clavem David; qui aperit, & nemo claudit, claudit, & nemo aperit.* Et cap. i. *Ego ſum Primus, & Noviſſimus, & vivus: & fui mortuus, & ecce ſum vivens in ſecula ſæculorum: & habeo claves mortis, & inferni.* Quibus verbis nihil aliud ſignificatur, quam Chriſtum eſſe ſummum Caput ſuper univerſam Eccleſiam, atque adeo accepiſſe cum a Patre auctoritatem ſuper omnem Principatum, & Virtutem, & Dominationem, & omne nomen, quod nominatur non ſolum in hoc ſæculo, ſed & in futuro, ut ei omne genuſſectatur, cœleſtium, terreſtrium, & infernorum: qui prope- rantes ad ſe per veteris vitæ Pœnitentiam a peccatorum vinculis abſolveret, abſoluteque in Regnum ſuum intromitteret: averſos vero, & ad ſua deſideria converſos a Regni cœleſtis ingreſſu repelleret, ligatiſque manibus, ac pedibus mitteret in tenebras exteriores: qui Scripturas denique nobis aperiret, voluntatem Dei pateſaceret, & quæcumque a Patre audiviſſet, nobis manifeſtaret. Eaſdem Regni cœleſtis Claves, Chriſtus hinc diſcedens Apoſtoliſ, illorumque Succeſſoribus in Eccleſia reliquit, quemadmodum Petro dixit: *Tibi dabo Claves Regni Cælorum. Et quodcumque ligaveris ſuper terram, erit ligatum & in cælis, & quodcumque ſolveris ſuper terram, erit ſolutum & in cælis.* Namquod eadem poteſtate, qua Ipſe a Patre miſſus eſt, eoſdem in orbem terrarum miſerit, plane teſtatur *Joannis* xx. *Sicut (inquit) miſi me Pater, & ego mitto vos: non tamen, ut Dominos, ſed ut Miniſtros, qui legatione pro Eo fungerentur, in ædificationem corporis ejus, quod eſt Eccleſia. Unde poteſtatem Chriſti Cla-*

Matth. 16.

rem excellentiæ: potestatem vero Ministrorum Ecclesiæ, *Clavem Ministerii*, Theologi post S. Thomam appellant.

Quæ ut magis perspicua facerent, Claves partiti sunt in *Clavem Ordinis*, Clavis multiplex acceptio. & *Clavem Jurisdictionis*: Et rursus utramque in *Clavem Scientiæ*, quam & *discretionis* appellant, & *Clavem Potestatis*.

Clavis Ordinis, est Potestas ligandi, atque solvendi, cum Ordine Sacerdotali collata, qua Juxta Ecclesiasticus dignos recipere, & indignos excludere debet a Regno. Quam definitionem tradit Joannes XXII. Pontifex Maximus in Extravaganti, Quia quorundam, Tit. De Verborum significatione, & ante ipsum Magister Sententiarum, & S. Thomas.

Clavis Jurisdictionis, est Auctoritas in alterum tanquam in subditum data, Clavis Jurisdictionis. per quam Sacerdos velut Juxta Sententiam in eum rite ferre valeat, eumque ligare, vel solvere.

Clavis, seu Potestas Jurisdictionis duplex est, alia in foro interiori, seu Hæc duplex. in Tribunali Pœnitentiæ, alia in foro exteriori Ecclesiastico exercenda. Prima confertur vel Pastoralis Beneficii canonica collatione, & institutione; vel approbatione Episcopi, five Ordinarii Prælati ad audiendas Confessiones suorum subditorum. Quæ quidem Potestas solis Sacerdotibus conferri potest: nec simul confertur cum Ordine Sacerdotali. Unde hæc verba Episcopi Sacerdotes inaugurantis, *Accipite Spiritum Sanctum, quorum remisistis peccata, remittuntur eis*, Clavem, seu Potestatem Ordinis duntaxat, non Jurisdictionis conferunt. Quod aliis verbis exprimit S. Thomas, Q. XVII. Supplementi, Art. 11. ad secundum. *Omnis* (inquit), Potestas spiritalis datur cum aliqua consecratione; & ideo Clavis cum Ordine datur. Sed executio Clavis indiget materia debita, quæ est plebs subdita per Jurisdictionem: Et ideo antequam Jurisdictionem habeat, habet Clavem, sed non habet actum Clavium: & quia Clavis per actum definitur, ideo in definitione Clavis ponitur aliquid ad Jurisdictionem pertinens.

Clavis Jurisdictionis in foro Ecclesiastico exteriori, est potestas coercendi peccatores sine vi corporali, quæ adhibetur, non ut homines, sed ut error, & crimenes tollantur; non ut homines lædantur, sed ut curentur; non ut perdantur, sed ut corrigantur. Hæc est potestas Excommunicationis, aliarumque Censurarum ferendarum in publicos peccatores, & contumaces, eosque absolvendi, & reconciliandi, si Pœnitentes Absolutionem petant. Quæ potestas iis etiam, qui Sacerdotali Characterem non sunt insigniti, modo sint Clerici, conferri potest a Summo Pontifice, vel ab Episcopo.

Potestas Jurisdictionis in utroque foro, alia est ordinaria, alia delegata. Ordinaria in iis duntaxat residet, quibus Animarum cura, & regimen ex officio competit, scilicet in Summo Pontifice, Episcopis, Parochis, & Prælati Regularibus. Summo Pontifici convenit summa, & plena Potestas Jurisdictionis in utroque foro per universam Ecclesiam. Episcopo convenit utriusque fori potestas ordinaria in sua duntaxat Diocesi. Parochis convenit Potestas ordinaria jurisdictionis in foro duntaxat interiori, & in suos duntaxat Parochianos, Prælati Regularibus competit ordinaria potestas in utroque foro, sed in suos duntaxat subditos Regulares. Potestas delegata tribuitur ab eo, qui ordinariam habet: sic Sacerdotes animarum curam non habentes, five Sæculares sint (ut loquuntur) five Religiosi, qui ab Episcopo ad audiendas Confessiones approbantur, delegatam jurisdictionis potestatem habent. Qua ratione *Coadjutores, & cooperatores Episcoporum* appellantur illi, quibus audiendarum Confessionum, & Pœnitentiarum injungendarum munus tam in Cathedralibus, quam in aliis Conventualibus Ecclesiis demandaverint, Canone x. Concilii Lateranensis IV. Decanustamen, seu prima cujusque Capituli Dignitas, in omnia

Capituli membra jurisdictionem ordinariam habet: si vero nullæ sint Dignitates, sed æquales sint omnes Canonici, Antiquior Canonicoꝝ, qui præsens fuerit, vel alius a Capitulo legitime deputatus, secundum Ecclesiæ Statuta, vel Consuetudinem, jurisdictionem ordinariam exercet nomine Capituli. Pœnitentiarîi Ordinarii Cathedralium Ecclesiarum, ubi sacrum illud officium Dignitati, & Beneficio annexum est, ordinariam pariter in Diocesanos omnes jurisdictionem habent in foro interiori. Pœnitentiarîi vero in aliis Ecclesiis ob Fidelium commodum ab Episcopis deputati ad Casum reservatorum Confessiones audiendas, & Absolutionem ab hujusmodi Casibus impartendam, habent jurisdictionem delegatam.

Potestas Ordinis, quam & *Sacramentalem* vocat S. Thomas, remanet in homine, qui per consecrationem eam est adeptus, quandiu vivit, sive in Schisma, sive in Hæresim labatur, sive excommunicetur, suspendatur, aut degradetur. Potestas vero Jurisdictionis non immobiliter adhæret. Unde in Hæreticis, Schismaticis, Excommunicatis, Degradatis non manet. Potest etiam ab iis, qui Animarum curam habent, cum Beneficio, sive Sacra Pæfectura penitus auferri, vel suspendi iustis, & canonicis de causis, multo magis ab aliis, quibus demandata est.

Clavem utramque, scilicet Ordinis, & Jurisdictionis, duplicem esse dixi, nempe *Clavem Scientiæ*, & *Clavem Potestatis*. Neque hanc divisionem mirabere, cum similes (licet non ejusdem dignitatis, & excellentiæ) Claves etiam Synagoga concessas doceat Christus, abulæ illarum Scribes, & Phariseis interim exprobrans. De Clavi Scientiæ ipsos increpat *Lucæ XI.* quod eam abstulerint, & sibi solis vindicaverint. *Pœ vobis Legi peritis, qui tulistis Clavem Scientiæ! Ipsi non introistis, & eos, qui introibant, prohibuistis.* De Clave Potestatis. *Matthæi XXIII.* ait: *Super Cathedram Moysi sederunt Scribæ, & Pharisei. Omnia ergo quaecumque dixerint vobis, servate, & facite.* Clavem etiam Jurisdictionis habuerunt; sed ea pariter abusi sunt, ejicientes extra Synagogam eos, qui nomen Jesu constitebantur. Quod si in Synagoga hæ Claves conjunctæ fuerunt quanto magis in Ecclesia easdem conjunctas esse oportet? Neque enim Christus Potestatem, quam dedit Apostolis, cæcam, & temerariam esse voluit, alioqui alibi non dixisset, *Simite illo: Cæci sunt, & duces cæcorum: cæcus autem si cæco ducatur præstet, ambo in forcam cadunt.* Quin & ipsa vocabula remittendi, & retinendi, ligandi, & solvendi, claudendi, & aperiendi, indicant non solum auctoritatem illam, qua Christi Ministri peccata remittunt, ac retinent, sed etiam inter ligandos, ac solvendos discretionem, Claves esse, hanc *Potestatis*, illam *Scientiæ* merito nuncupatam. Ambas illas Claves in Christo conjunctas agnoscimus. Ipse est enim, in quo omnes thesauri scientiæ, & scientiæ Dei sunt absconditi, qui solus docet hominem scientiam; qui solus dignus inventus est aperire librum, & tollere septem signacula ejus: Ipse, cui dedit Pater judicium facere, & discernere inter paleam, & triticum: Ipse, de quo dixit Deus, *Isaïæ XLII.* *Dedi Spiritum meum super eum, judicium Gentibus proferet. Calamum quassatum non conteret, & linum fumigans non extinguet: in veritate educet iudicium.* Quamobrem & Apostolos, quos sua potestate ornavit, ac pro se legatione fungi voluit, ambabus illis Clavibus instruxit, nempe scientiæ, & potestatis. Ad superni enim Judicii Principatum, quem in administratione Sacramenti Pœnitentiæ Sacerdotes exercent, Clavis utraque conjuncta esse debet. Clavis porro scientiæ erudit ad salutem: Clavis potentæ suscipit ad quietem. Clavis scientiæ doctrina verbum coram, da patefacit: Clavis potestatis animabus aperit Regna celorum (inquit Auditor Sermonis *III.* in Natali SS. Apostolorum Petri, & Pauli, inter Ambrosianos.)

Clavis scientiæ, & Clavis potestatis.

Matth. 15.
14.

fianos.) Quamobrem recte dixit *S. Hieronymus* in cap. xvi. *S. Matthæi* : eos , qui clavem potestatis a clave scientiæ separant , „ Aliquid sibi de Phariseorum „ supercilio assumere , ut vel damnent innocentes , vel solvere se noxios ar- „ bitrentur : cum apud Deum non sententia Sacerdotum , sed reorum vita que- „ ratur . Legimus in Levitico de Leprosi , ubi jubetur , ut ostendant se Sacer- „ dotibus , & si lepram habuerint , tunc a Sacerdote immundi fiant : non quo „ Sacerdotes leprosos faciant , & immundos , sed quo habeant notitiam lepro- „ si , & non leprosi , & possint discernere ; qui mundus , quive immundus sit . „ Quomodo ergo ibi leprosum Sacerdos mundum , vel immundum facit ; sic & „ hic alligat , vel solvit Episcopus , & Presbyter : non eos , qui infontes sunt , „ vel noxii sed pro officio suo , cum peccatorum audierit varietates , scit , „ qui ligandus sit , quive solvendus .

Cum autem *Clavem scientiæ* dicunt Theologi ad sacrum iudicium , sive in fo- ro interno Pœnitentiæ , sive in externo Ecclesiæ foro necessariam , non intel- ligunt clavem nomine scientiam ipsam , quæ mentis habitus est , vel acquisitus , vel infusus , sed auctoritatem exercendi actum scientiæ in Sacro Tribunali , & Iudicio . Quæ quidem auctoritas quandoque sine scientia est , quandoque au- tem scientia sine ipsa : quod sæcularium Iudiciorum exemplo compertum est . Aliquis enim Iudex sæcularis habet auctoritatem iudicandi , qui non habet Ju- ris scientiam ; & aliquis e contrario habet Juris scientiam , qui non habet au- thoritatem iudicandi . Et quia iudicium sine utroque rectum esse non potest , ideo auctoritatem iudicandi sine peccato suscipere non potest , qui scientia de- stitutus est ; ut observat *S. Thomas* , in Supplemento , Quæst. xvii. Art. iii. in Responsione ad secundum .

De Confes-
sione .

A R T I C U L U S V.

R E G U L E M O R U M .

Circa necessitatem , & præceptum Sacramentalis Confessionis .

R E G U L A I .

Unusquisque Christianus , cum ad annos discretionis pervenerit , id est , ad eam ætatem , qua rationis usum habere potest , & inter bonum , ac malum discernere , Confessionis lege tenetur .

HÆC Regula colligitur ex Concilio Lateranensi iv. Can. xxi. cuius in- tium est , *Omnis utriusque sexus* . Neque tamen ea ætas certo aliquo annorum numero definita est , (inquit Catechismus Concilii Tridentini .) „ Sed illud univèrsè statuendum videtur , ab eo tempore Confessionem pue- „ ro inditam esse , cum inter bonum , & malum discernendi vim habet , „ in ejusque mentem dolus cadere potest . Nam cum ad id vitæ tempus „ quisque pervenerit , in quo de salute æterna deliberandum est , tum pri- „ mum Sacerdoti peccata confiteri debet : cum aliter salutem sperare ne- „ mini liceat , qui scelerum conscientia premitur .

Optime vero consuetudinis erit (inquit *S. Carolus* in Instrucone „ Confes- „ forum) pueros , & puellulas , etiamsi sex tantum annorum , acceriere , „ ut paulatim a prima ætate edoceantur , & ad hujus Sacramenti uium , „ & cognitionem assuefiant . Observent tamen Sacerdotes Sacramentalem „ eis Abolutionem non largiri , in quibus materia non solet reperiri , nec „ talis rationis usus , unde eos ad hoc Sacramentum suscipiendum capa- „ ces judicent . Qui vero ad septem , aut octo annos pervenerint , pro mo- „ dulo de necessitate , & virtute Sacramenti , illudque frequentandi modo „ instruantur .

R E G U L A II.

Quisquis sibi mortalis peccatis conscius est, & ad Sacramentum Eucharistiæ vult accedere, aut aliud Sacramentum suscipere, vel administrare, Confessionis Sacramentalis lege est adstrictus.

Hanc Regulam tradit Concilium Tridentinum Sess. xiii. cap. vii. *Communicare volenti* (inquit) *revocandum est in memoriam Apostoli præceptum: Probet autem se ipsum homo.* „ Ecclesiastica autem consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad Sacram Eucharistiam accedere debeat: quod a Christianis omnibus, etiam ab iis Sacerdotibus, quibus ex officio incumbit celebrare, hæc Sancta Synodus perpetuo servandum esse decrevit. Et Can. xi. Ne tantum Sacramentum indigne, atque ideo in mortem, & condemnationem sumatur: statuit, atque declarat ipsa Sancta Synodus, illis, quos conscientia peccati mortalis gravat, quantumcumque etiam se contritos existiment, habita copia Confessoris, necessario præmittendam esse Confessionem Sacramentalem. Si quis autem contrarium docere, prædicare, vel pertinaciter asserere, seu etiam publice disputando defendere præsumpserit, eo ipso excommunicatus existat. *Idem docet Concilii Catechismus.* Quoties (inquit) aliquam rem tractare aggredimur, cujus tractatio homini peccatis contaminato non conveniat: veluti cum Sacramenta administramus, aut percipimus toties Confessio prætermittenda non est.

Confessionis præceptum.

Quamvis autem Confessio venialium non sit absolute necessaria, Monitum tamen S. Caroli in Instructione de Sacramento Communionis auscultandum est. *Nec Sacerdoti* (inquit) *satis esse videatur vacare a culpa mortali, sed & a venialibus debet abstinere, & de iis, si quæ sint, confiteri.* Licet enim ex se ipsis hominem a Sacrificio non removeant; fervorem tamen charitatis: gustum, & consolationem, quam Iusti horum peccatorum immunes sentiunt, solent minuere; timendumque, ne dum talia peccata nonnulli negligunt, & cum iis celebrant, occultum aliquod peccatum mortale eis forsitan lateat, in quod ex venialium negligentia incidant.

R E G U L A III.

Confessionis lege tenemur, quoties mortis periculum imminet.

Hanc Regulam tradit Concilii Tridentini Catechismus. Ita S. Thomas in iv. Sentent. Distinct. xvi. Quæst. iii. Art. i. Quæstioncula iv. *Quia* (inquit) *ea, quæ sunt de necessitate salutis tenetur homo in hac vita implere, ideo si periculum mortis imminet, etiam per se loquendo obligatur aliquis ad Confessionem faciendam tunc, vel ad Baptismum suscipiendum:* & propter hoc etiam S. Jacobus simul præceptum edidit de Confessione faciendâ, & Extrema Unctione suscipiendâ. Hinc Medicis præceptum est sub pœna Excommunicationis, ut ad infirmos periculose decumbentes vocati, ipsos ante omnia moneant, ut Medicos advocent animarum. Ita statuit Concilium Lateranense iv. sub Innocentio III. Canone xxii. Eandem Constitutionem innovavit Clemens V. Pontifex Maximus in Concilio Ravennate ii. cap. xv. *De Pœnitentiis*, prohibuitque, ne Medici ad infirmos vocati ulterius redeant. & eosdem curare pergant, Nisi prius eis consiteris, quod infirmi prædicti Medicum advocaverint animarum, & eis fuerit de animarum salute provisum, Eandem Sanctionem confirmavit Beatus Pontifex Pius V. Constitutione,

tutione , quæ incipit , *Super gregem* , edita viii. Martii , anno 1566. cujus executionem imperat *Sanctus Carolus* in Concilio Mediolanensi ii. Decreto xvii. *Quod* (inquit) *Summus Pontifex Pius V. propositis Excommunicationis, aliisque pœnis iussit, Medicos ab ægotantis curatione post triduum abstinere, nisi eo tridui spatio de peccatis suis confessus ille sit; id Episcopus curet quam diligentissime observari. Rationemque præterea aliquam statuatur, qua Medicis ipsi facilius exploratum esse possit, ægrum peccata sua vere confessum esse.* Idem edixerunt Concilia Gallicana, Bituricensis anno 1584. Tit. xxi. *De Pœnitentia, & ejus partibus*, Can. xiv. Aquisgranensis anno 1585. Tit. *Quæ ad Sacramentum Pœnitentiæ pertinent*, & Naibonensis anno 1609. *De Sacramentum Pœnitentiæ*, cap. xvii.

Confessionis
præceptum.

Secundum hanc Regulam, Confessionis præcepto tenentur Fideles, qui fe in mortis discrimen adducendos probabiliter prævident, verbi gratia mulieres puerperæ, Milites in procinctu certaminis, item quicumque periculosas navigationes, vel infestum iter ineunt. Ita statuit *S. Carolus* in Concilio Mediolanensi v. Tit. Quæ ad Sacramentum Pœnitentiæ pertinent. *Salutariter* (inquit) *ex doctrina Spiritus Sancti cautum est, Christi Fideles de peccatis confiteri debere, quotiescumque rem, actionemve aliquam aggrediuntur, in qua præsens mortis periculum pertimescendum sit. Quamobrem Parochus curet, atque efficiat, ut præter id, quod Pii Quinti Constitutione, Decretoque Provinciali de ægotante sancitum est, si quis etiam Parochialis eo profecturus est, ubi sit, aut pestis, aut hæresis, aut ubi nullam Confessarii copiam habere possit, aut ad bellum iturus sit, aut pugnam initurus, aut iter infestum, navigationemque periculosam facturus; antequam viæ, navigationisve se committat, peccata confiteatur. Idem officium præstet de mulieribus proxime parituris.*

REGULA IV.

Pium consilium est peccata sacramentaliter confiteri, quoties rem arduam, & difficilem aggredimur.

Hanc Regulam tradit *S. Carolus* in eodem Concilio: *Moneat quoque sæpe numero Parochus, cohorteturque, ut quoties quis rem arduam, & difficilem, etiam in qua nullum mortis periculum extimescendum sit, aggreditur, primo confessus, itidem faciat: ut tanto Sacramento corroboratus, (scilicet Eucharistia) spe erectiori fiat rei bene gerendæ.*

REGULA V.

Præceptum Confessionis obligat, cum veremur, ne nos alicujus culpæ lethalis, quam admiserimus, oblivio capiat: vel ne Confessarii copiam intra annum non habeamus, cui peccatum mortale, cujus forte rei sumus, confiteri possimus.

Primam partem docet Concilii Tridentini Catechismus, & merito: neque enim peccata confiteri possumus, quæ non meminimus: neque peccatorum veniam a Domino impetramus, nisi ea Pœnitentiæ Sacramentum per Confessionem debeat.

Partem alteram docet *S. Antoninus* Par. ii. Tit. ix. cap. xiii. §. 4.

R E G U L A VI.

Confessionis præceptum non obligat statim atque aliquis in mortale peccatum lapsus est.

Confessionis
præceptum.

Confessionis enim præceptum ex iis est, quæ affirmativa dicuntur a Theologis, quæ obligant semper, sed non ad semper (ut loquuntur) cum e contrario præcepta negativa semper, & ad semper obligent . Unde quia rei alienæ retentio invito domino repugnat præcepto negativo, semper & statim ad restitutionem tenetur, qui rem alienam injuste retinet, si restituere possit . Præterea, *Eadem ratio esse videtur de Confessione, & de Baptismo differendo* (inquit S. Thomas), quia utrumque est Sacramentum necessitatis. Ad Baptismum autem percipiendum non tenetur aliquis statim postquam habet propositum Baptismi, ita quod peccet mortaliter, nisi statim baptizetur: nec est aliquod tempus determinationis, ultra quod si Baptismum differat, peccatum mortale incurrat. Sed potest contingere, quod in dilatione Baptismi mortale erit peccatum, vel non erit: & hoc pensandum est ex causa dilationis. Unde si causa dilationis Baptismi mortale peccatum annexum habeat, utpote si propter contemptum, vel aliquid hujusmodi Baptismum differat, dilatio erit peccatum mortale; alias non. Et ideo idem videtur esse de Confessione, quæ non est majoris necessitatis quam Baptismus. *Qui ergo statim oblata opportunitate non confitetur, Etiam si major opportunitas non exspectetur, non peccat mortaliter*; sed quando ex articulo temporis necessitas inducitur: quia præcepta affirmativa non obligant ad statim, sed ad tempus determinatum, non quidem ex hoc, quod tunc commode impleri possunt, (quia tunc si non daret aliquis elemosynam de superfluo, quodcumque pauper monstraretur, peccaret mortaliter, quod falsum est;) sed ex hoc, quod tempus necessitatem urgentem adducit. Ita S. Thomas, in *iv. Sententiarum, Dist. xvii. Quæst. iij. Art. 1. Quæstioncula 1v.* Consilium tamen sanum est, ut omnes, qui in mortale peccatum lapsi sunt, quam citius possunt, confiteantur: non enim videtur vere contritus, qui tam longo tempore vulnus peccati portat occultum. De his itaque generaliter asserere, quod possunt usque ad Pascha differre, videtur periculosum (inquit S. Bonaventura in *iv. Sententiarum Dist. xvii. Quæst. ij. P. ij.*)

R E G U L A VII.

Præcepto Confessionis semel in anno faciendæ omnes, & singuli Fideles sunt adstricti.

Eccllesiastico Jure hæc obligatio Christianis omnibus imposita est. Id scilicet præcepit Ecclesia in Concilio Lateranensi *iv. congregata, Can. xxi. relato Extra, De Penitentiis, & Remissionibus*, cujus hæc sunt verba: *Omnis utriusque sexus Fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & injunctam sibi Penitentiam studeat pro viribus adimplere, suscipiens reverenter, ad minus in Pascha, Eucharistiæ Sacramentum ... Alioquin & vivens ab Ecclesiæ ingressu arceatur, & moriens Christiana careat Sepultura.* Unde hoc salutare Statutum frequenter in Ecclesiis publicetur, ne quisquam ignorantie cecitate velamen excusationis assumat.

Idem confirmat S. Thomas, in *iv. Sententiarum, Dist. xvii. Q. iij. A. 1. Quæ-*

Quæstiuncula 111. *Ad Confessionem* (inquit) *duplíciter obligamur : uno modo ex Jure divino, ex hoc, quod est medicina : & secundum hoc non omnes tenentur ad Confessionem, sed illi tantum, qui peccatum mortale incurrunt post Baptismum. Alio modo ex præcepto Juris positivi : & sic tenentur omnes ex institutione Ecclesiæ edita in Concilio Generali sub Innocentio III. Tum ut quilibet se peccatorem recognoscat, quia Omnes peccaverunt, & egent gloria Dei: tum ut cum majori reverentia ad Eucharistiam accedat: tum ut Ecclesiarum Recloribus sui subditi innotescant, ne lupus intra gregem lateat.*

Rom. 3. 21.

R E G U L A VIII.

Quamvis annuæ Confessioni nullum certum tempus Ecclesiæ præcepto præfixum sit, ratione tamen Communionis Paschalis in Paschate implendum est.

CUm enim ad Eucharistiam accedere nemini liceat, qui sibi mortalis peccati conficius fuerit, nisi Confessione Sacramentali prius fuerit expiatus; peccatique mortalis reus sit, qui Ecclesiæ præceptum de annua Confessione contemnit, vel negligit: sequitur illud in Paschate impleri ab illis necessario oportere, qui intra annum eo Christianæ religionis; & observantiæ functi non sunt officio: aliqui Eucharistiam indigne fumerent, & Apostolicum, imo divinum ab Apostolo promulgatum præceptum violarent: *Probet autem se ipsum homo, & sic de Pane illoedat, & de calice bibat. Qui enim manducat, & bibit indigne, judicium sibi manducat, & bibit, non dijudicans Corpus Domini.* Sed & ab iis, qui venialibus dumtaxat peccatis obstricti sunt, tunc illud præceptum impleri postulat obedientia, quam Ecclesiæ præcepto debent. Hinc Ecclesiæ mos obtinuit, ut tempore Paschatis annuæ Confessionis præceptum a Fidelibus impleatur. Unde Concilium Burdigalense anno vigesimoquarto supra millesimum sexcentesium, Can. 111. de tempore Paschatis loquens: *Sacris* (inquit) *Canonibus insistentes, statuimus, eo tempore omnes Christi Fideles, tum ad Confessionem peccatorum proprio Parocho, aut alii de ejus licentia faciendam, tum ad sacram Eucharistiam in eadem Ecclesia percipiendam teneri, & obligari, nullosque alias præcepto Ecclesiæ satisfecisse; ac proinde in eos, nisi resipiscant, ab Ordinario Censuris agendum esse, declaramus.* Et Concilium Bituricense anno 1584. Omnes Christiani cujuscunque sexus, peccata sua, saltem semel in anno, ad diem Paschæ, proprio Sacerdoti confiteantur. Ex veteris porro Ecclesiæ instituto, & consuetudine manavit usus Confessionis Paschali tempore a Christianis omnibus faciendæ, ut Pascha Domini sancte celebrarent, & digne Eucharistiam perciperent, ut constat ex S. Jo: Chrysostomo, Homilia xxx. in Genesim, Anthiochiæ habita in magna, seu sancta, ut vocatur, Hebdomada. *Quemadmodum* (inquit) *naucleri & cursores, & athlete, ubi ad finem veniunt, magis enituntur, & vigiliant, eodem modo & nos facere oportet: quia in Magnam hanc pervenimus Hebdomadam Dei gratia, nunc maxime & jejunii cursus intendendus, magis continuandæ sunt preces, faciendæque diligens, & pura peccatorum Confessio.*

Confessionis præceptum.

1. Cor. 11. 28

Hanc Regulam, superioresque confirmat S. Thomas, Quodlibeto 1. Qu. vi. Art. 11. Quidam (inquit) dixerunt, quod tenetur confiteri, quam cito opportunitas confitendi se obtulerit, ita quod si differat, peccat; sed hoc est contra rationem præcepti affirmativi; quod licet obliget semper, non tamen obligat ad semper, sed pro loco, & tempore: tempus autem implendi præceptum de Confessione videtur, quando imminet aliquis casus, in quo necesse est homini, quod sit confessus; puta si imminet ei mortis articulus, vel necessitas accipiendi Eucharistiam, aut sacrum Ordinem, vel aliquid hujusmodi, ad quod oportet hominem per Confessionem purga-

Confessionis
præceptum:

tum preparari: unde si aliquid horum imminet, & aliquis confiteri prætermittat, peccat, dummodo debita opportunitas adsit. Et quia ex præcepto Ecclesie omnes Fideles tenentur saltem semel in anno (præcipue in Feslo Paschæ) Sacramenti Communionem accipere; ideo Ecclesia ordinavit: ut semel in anno, quando imminet tempus accipiendi Eucharistiam, omnes Fideles confiteantur.

R E G U L A IX.

Optat vehementer Ecclesia, ut Fideles initio Quadragesimæ Sacramentalem peccatorum Confessionem edant: ad idque ipsos ferventer adhortari Parochi, & Concionatores debent.

HÆc Sacri Concilii Tridentini mens est, cum morem illum saluberrimum commendat Confessionis a Fidelibus faciendæ sacro Quadragesimæ tempore, Seis. XIV. cap. v. Jam (inquit) in universa Ecclesia cum ingenti animarum fructu observatur mos ille salutaris con tendi sacro illa, & maxime acceptabili tempore Quadragesimæ: quem morem hæc Sancta Synodus maxime probat, & amplectitur tanquam pium, & merito retinendum.

Et Canone VIII. Anathemate ferit eum, qui dixerit, Confessionem omnium peccatorum, qualem Ecclesia servat, esse impossibilem, & traditionem humanam a piis abolendam: aut ad eam non teneri omnes, & singulos utriusque sexus Christi Fideles, juxta magni Concilii Lateranensis Constitutionem, semel in anno, & ob id suadendum esse Christi Fidelibus, ut non confiteantur tempore Quadragesimæ. Ne quis autem existimet, Concilium approbasse, & commendasse consuetudinem eorum, qui cum perraro confiteantur, Confessionem differunt in postremos Quadragesimæ dies: non ea Concilii mens est; sed intelligendum est de Confessione ineunte Quadragesima a Fidelibus fieri solita; ut habetur in Notis ad Decretum Concilii Tridentini in Bibliotheca Doctissimi, & Plurissimi Cardinalis Bellarmini repertis: Non in fine, ut abusus irrepsit, sed initio hujus temporis, ut olim recte constitutum fuerat.

Idem confirmatur ex Concilio Mediolanensi v. sub Sancto Carolo Borromeo, Tit. De his, quæ ad Sacramentum Pœnitentiæ pertinent. Parochus (inquit) singulos, eosque præsertim, qui perraro confitentur, monet ut ne Confessionem differant in postremos illos Quadragesimæ dies, quibus Sacerdotes, vel ob Mysteriorum celebritatem, assidua divinorum occupatione ab audiendis Confessionibus impediuntur; vel frequenti tunc concursu Fidelum defatigati, ita in eo ipso Munere præstando fere opprimuntur, ut tantum, tamque salutare Ministerium in consertissima multitudine vix recte illis præstare queant. Idem repetit in Instructionibus De Sacramento Pœnitentiæ, & in instructionibus Confessorum.

Confirmatur iterum ex Concilio Bituricensi anno 1584. celebrato, Tit. De Pœnitentia, & ejus partibus, Canone x. Qui curam animarum habent, veram confitendi rationem populo suo exponant, præsertim tempore Quadragesimæ, & Adventus Domini, necnon circa solemniores Festivitates anni: & ab initio Quadragesimæ Confessiones incipient audire, ut adveniente Feslo Paschæ omnes Fideles Eucharistiam suscipiant.

Idem in Synodis plerique Provincialibus, & Dieceſanis statutum est. Ita Statuta Synodalia Ecclesiæ Trecentis, apud L. Boechellum, Lib. II. Decretorum Ecclesiæ Gallicanæ. Sacerdotes frequenter moneant Laicos, & alios Parochianos suos venire ad Confessionem. & præcipue in principio Quadragesimæ: quia jejunium, vel elemosyna facta ab illo, qui est in peccato mortali, parum prodest.

Odo Parisiensis Episcopus in Synodo : *Frequenter Presbyteri moneant ad Confessionem, & præcipue ab initio Quadragesimæ instanter præcipiant venire generaliter ad Confessionem.* Confessionis præceptum.

Synodus Senonensis anno 1524. Quoniam hominum labilis est memoria, periculosissimumque sit diutius in peccato remanere mortali, ac etiam damnosum, cum bona opera in mortali peccato ad salutem directæ non proficiat: statuimus, ut Curati de cetero ex parte nostra diligenter Parochianos suos moneant, & hortentur, ut sua frequenter, & præsertim in Festis solemnibus, confiteantur peccata, in Festo, scilicet Paschæ, Pentecostes, Assumptionis Beatæ Mariæ Virginis, in Festo omnium Sanctorum, Natalis Domini, & Dominica prima Quadragesimæ, Insuper singulis diebus Dominicis Quadragesimæ moneant, & inducant eosdem Parochianos suos, ut nullus eorum, qui per annum confiteri distulit peccata sua, usque ad diem Mercurii Hebdomadæ Sanctæ confiteri differat, vel expectet, comminando eis, & dicendo: Quod si quis eorum absque exultatione notoria, & iusta ita confiteri distulerit, prædicto die elapso non admittetur. *Idem statuit Synodus Carnotensis anno 1526. celebrata.*

Vuillelmus Parisiensis Episcopus in Synodo statuit, Ut Presbyteri Parochianos suos moneant, & frequenter in Ecclesiis suis denuncient, quod omnes, saltem patres familias, & matres, ad Confessionem veniant ante Pascha Floridam: & qui in hoc negligentes fuerint, in penam, usque post Octavam Paschæ, ad Confessionem non admittantur, sed usque ad illud tempus a carnibus jejunabunt, sicut in Quadragesima.

Saluberrimam illam disciplinam initio Quadragesimæ confitendi commendat Petrus Blesensis, Sermone in die Cinerum. *Cum initio Jejunii (inquit) debet esse initium confitendi. Unde in fine Quadragesimæ de ablutione pedum Discipulorum legitur: Qui lotus est, non indiget, nisi ut pedes lavet, sed est mundus totus. Non dixit, Qui lavandus est, sed lotus: nec dixit, Nisi ut faciem, & pedes lavet, sed tantum pedes. Ac si dicat: In principio Jejunii debet quis criminalia peccata lavare, pure, & humiliter confiteri: in fine venialia, quæ contraxit.*

Eandem commendat, & observari jubet *Tebodulphus Aurelianensis Episcopus in Capitulari ad Presbyteros suæ Diœcesis, anno 835. Hebdomada una ante initium Quadragesimæ Confessiones Sacerdotibus dandæ sunt, Pœnitentia accipiendæ, discordantes reconciliandæ, & omnia iurgia sedandæ, & dimittere debent debita invicem de cordibus suis, ut liberius dicant: Dimitte* Joan. 13. 10. *nobis debita nostra, sicut & nos dimittimus debitoribus nostris. Et sic ingredientem in Beatæ Quadragesimæ tempus, mundis, & purificatis mentibus ad Sanctum Pascha accedant, & per Pœnitentiam se renovent, quæ est secundus Baptismus.*

R E G U L A X.

Qui sola venialia admisit, Confessionis annuæ præcepto nihilominus tenetur.

ITa Sanctus Thomas, in iv. Sentent. Distinct. xvii. Quæst. iiii. Art. i. Quæstiuncula iiii. ad primum. *Quamvis (inquit) homo in hac vita post Baptismum naufragium evadere possit, quod est per peccatum mortale, non tamen potest evadere venialia, quibus ad naufragium disponitur; contra quæ etiam Pœnitentia ordinatur; ideo manet Pœnitentiæ locus etiam in illis, qui* Confessionis præceptum. *non*

non mortaliter peccant; & per consequens locus Confessionis. Et ad tertium: Ex vi (inquit) Sacramenti non tenetur aliquis venialia confiteri, sed ex institutione Ecclesiæ, quando non habet alia, quæ confiteatur. Accedit, quod multa sint mortalia, quæ interdum a peccatoribus venialia existimantur.

Propositio
damnata.

Quantumcumque ergo provectus sit homo in Vita spirituali, confiteri peccata sua semel in anno tenetur sub reatu peccati mortalis; & alias Sacramentalem Confessionem frequentare debent, qui ad Eucharistiam frequenter accedunt, quantumvis in Via interna provecti supponantur. Unde inter ceteros Michaelis Molinos errores ab Innocentio XI. merito hæc damnata est Propositio: *Animabus provectis, quæ reflexionibus mori incipiunt; & eo etiam perveniunt, ut sint mortuæ, Deus Confessionem aliquando efficit impossibilem; & supplet ipse tanta gratia præservante, quantum in Sacramento recipere; & ideo hujusmodi animabus non est bonum in tali casu ad Sacramentum. Pœnitentiæ accedere, quia id est illis impossibile.*

REGULA XI.

Annua Confessionis præceptum sacrilega Confessione non impletur.

U Na enim, eademque Confessio a Deo, & ab Ecclesiâ præcipitur Ecclesiæque præceptum determinatio est divini præcepti ad certum tempus. Nemo autem dixerit, sacrilega Confessione divinum præceptum impleri. Deus enim Confessionem præcepit ex veræ, & sinceræ Pœnitentiæ affectu editam; adeoque conjunctam cum omnium peccatorum mortalium, quæ singulatim apud Sacerdotem deponit, *Contritione*, (saltem imperfecta,) *quæ est de essentia Sacramenti*, ut docet S. Thomas. Quæst. viii. Supplementi, Art. ii. ad primum: & quæ *Primum locum tenet inter actus Pœnitentiæ, fuitque quovis tempore ad impetrandam veniam peccatorum necessaria*; ut docet Tridentina Synodus. Quamobrem qui Confessionem invalidam fecit, ut Ecclesiæ præceptum implere videretur, non solum accusare se debet de sacrilegio, sed etiam de violatione Præcepti Ecclesiastici.

Propositio
damnata.

Tandem ab *Alexandro VII.* Pontifice Maximo inter alias Propositiones, die 14. Septemb. anno 1665. hæc etiam damnata est ordine decima quarta: *Qui facit Confessionem voluntarie nullam, satisfacit præcepto Ecclesiæ. Eandem Clerus Gallicanus anno 1700. damnavit, ut temerariam, erroneam, sacrilegio faventem, & præceptis Ecclesiæ illudentem.*

REGULA XII.

Confessionis præceptum non impletur, qui scripto, vel nutu, non ore proprio confiteretur, nisi loquendi facultate, seu libertate destitutus esset.

C onfessio enim vero, quatenus pars est Sacramenti, habet determinatum actum, sicut & alia Sacramenta habent determinatam materiam: Et sicut in Baptismo ad significandam interiorem ablutionem, assumitur illud elementum, cujus est maximus usus in ablundo: ita in Confessione Sacramentali, ad manifestandum ordinarie assumitur ille actus, quo maxime consuevimus, manifestare, scilicet proprium verbum. Alii autem modi sunt in supplementum istius, (inquit S. Thomas, in iv. Sententiarum, Distinct. xvii. Qu. 111. Art. iv. Quæstiuncula 111.) Et Quodlibeto i. Quæst. vi. Art. i. Ex institutione Ecclesiæ (inquit) tenetur homo, qui potest, ut verbo confiteatur; non solum propter hoc, ut ore confitens magis erubescat, & qui ore pecca-

peccavit, ore purgetur; sed etiam, quia semper in omnibus Sacramentis accipitur id, cuius est communior usus. Unde & in manifestatione peccatorum convenit uti verbis, quibus homines communius, & expressius suos conceptus significare consueverunt. Et certe cum Sacerdos in Pœnitentiæ tribunali sedeat, ut Iudex vice Dei jus habet interrogandi Pœnitentem, ut causam ipsius, ac statum omnino exploratum habeat: adeoque ore proprio respondere Pœnitens debet. Hinc Tridentinum Concilium Sess. XIV. cap. 11. ait: Eos, qui se crimine aliquo post Baptismum contaminaverint, ante hoc Tribunal tanquam reos sibi voluit Christus, ut per Sacerdotum sententiam, quoties ab admissis peccatis ad ipsum Pœnitentes confugerint, possent liberari.

Confirmatur ex Canone, Quem pœnitet, Dist. 1. De Pœnitentia, ubi de Leprosis a Christo mundatis, & ad Sacerdotes missis dicitur: Præcepit Dominus mundandis, ut ostenderent ora Sacerdotibus, docens corporali præsentia consistenda peccata; non per nuncium, aut per scriptum manifestanda: dixit enim, Ora monstrate, & Omnes, non unus pro omnibus: non alium statuatis nuncium, qui pro vobis offerat munus a Moysæ statutum; sed, Qui per vos peccatis, per vos erubescatis. Erubescencia enim ipsa partem habet remissionis. In hoc enim, quod per seipsum dicit Sacerdoti, & erubescencia vincit timore offensi, fit venia criminis. Qui canon ex cap. x. Libri De vera, & falsa Pœnitentia, olim S. Augustino adscripti, sumptus est.

Confirmatur iterum ex Decreto Clementis VIII. Pontificis Maximi, anno secundo supra sexcentesium, & millesimum, quo hanc Propositionem, Licere per Litteras, seu per internuncium Confessario absenti peccata sacramentaliter confiteri, & ab eodem absente Absolutionem petere; ad minus Uti falsam, temerariam, & scandalosam se damnare, ac prohibere declaravit; imo præcepit, ne deinceps ista Propositio in publicis privatisque lectionibus, concionibus, & congressibus doceatur, neve unquam tanquam aliquo casu probabilis defendatur; aut imprimatur, aut quovis modo ad praxim deducatur, Sub pœna Excommunicationis latæ sententiæ, Summo ipsi Pontifici reservata.

Fuere, qui Propositionem a Clemente VIII. in sensu duntaxat completo, & copulativo, non in sensu disjunctivo damnatam esse propugnarent: adeoque Pœnitentem posse in aliquo casu per Litteras, vel per internuncium confiteri absenti, etsi non possit ab absente absolvi. Verum partem utramque Propositionis a Summo Pontifice fuisse damnatam, inde constat, quod Sectionem in qua celeberrimus Theologus Clementis VIII. Decretum in eum sensum detorquebat, ex ejus Commentariis eradi iusserit ipse Pontifex; & doctissimus Cardinalis Bellarminus, necnon Armacanus Archiepiscopus Petrus Lombardus, qui Clementem VIII. privatim rogarunt, quænam ipsius mens fuisset, testati sunt, Sanctitatem suam declarasse, partem utramque Propositionis a se fuisse damnatam laudato Decreto; & prohibuisse ne Confessio fiat absenti, quamvis Absolutio in præsentia danda esset.

Denique Concilii Tridentini Catechismus, P. 11. De Pœnitentia, §. 69. docet, Nemini omnino licere neque per nuncium, neque per litteras peccata confiteri; quoniam ea ratione nihil jam occulte agi potest.

Circumferuntur quidem Absolutiones quædam olim absentibus concessæ; sed vel Absolutiones erant a Censuris duntaxat Ecclesiasticis, non a peccatis; vel cæremoniales tantum, & deprecatoriæ, non sacramentales, & iudicialiæ. Sic S. Thomas Cantuariensis, timens ne Censuram aliquam incurrisset cedendo Henrico II. Angliæ Regi Libertates Ecclesiasticas oppugnanti, in Clarendonensi Conventu, Absolutionem petiit ab Alexandro III. quam ipsi concessit Pontifex, iussitque ne deinceps a missarum celebratione abstineret;

Per litteras, aut per internuncium absenti Sacerdoti peccata confiteri non licet.

ret; sed tamen ad Sacerdotem illum remisit, cui confiteretur peccata, quorum sibi forte conficius esset, ab eoque sacramentaliter abolveretur, ut constat ex Pontificis Rescripto, cuius hæc sunt verba: *Site recois aliquid commississe, de quo propria te debeat conscientia remordere, quicquid sit, Sacerdoti, qui discretus, & providus habeatur, tibi consulimus per Penitentiam confiteri.* Sic Gregorius VII. Linconiensis in Anglia Episcopo Absolutionem per litteras concessit, quam ipse per Epistolam petierat, sed canonicam duntaxat, quæ in mera pœnarum canonicarum relaxatione, seu Indulgentiæ concessione posita est, ut constat ex illius Regesti Lib. I. Epist. XXIV. Similem Absolutionem per litteras concessit Episcopo Leodiensi, Epist. LXI. Lib. II. Robertus Cenomanensis Episcopus gravi morbo laborans, confessus est peccata per Epistolam Coepiscopis circa Muros Andegavensium residentibus cum Rege Christianissimo, & ab ipsis Absolutionem petit, obtinuitque, cujus formula legitur Tomo III. Conciliorum Galliæ: sed hæc Absolutio cœremonialis tantum fuit, & deprecatoria, sicut illa, quæ Missæ præmittitur, non sacramentalis, uti nec Confessio, quæ nullum peccatum particulatim explicabat, sed in genere duntaxat *Innumerabilia scelera.*

Qui tamen usum linguæ non habet, sicut mutus, vel qui est alterius linguæ, sufficit, quod per scriptum, aut per nutum, aut per interpretem confitentur; quia non exigitur ab homine plus quam possit: quamvis homo non possit, vel debeat Baptismum accipere nisi in aqua, quæ omnino ab exteriori, & nobis ab alio exhibetur; sed actus Confessionis est ab intra, & a nobis: & ideo quando non possumus uno modo, debemus, secundum quod possumus, confiteri: (inquit S. Thomas loco supra laudato in Responsione ad secundum.)

A R T I C U L U S VI.

De Conditionibus Confessionis.

Confessionis sacramentalis Conditiones sexdecim vulgo nunciantur his Versibus expressæ:

*Sit simplex, humilis Confessio, pura, fidelis,
Atque frequens, nuda, discreta, libens, verecunda,
Integra, secreta, lacrimabilis, accelerata,
Fortis, & accusans, & sit parere parata.*

Quæ Conditiones ad quatuor, aut quinque capita, brevitatatis, & facilitatis causa revocandæ sunt, ut ait S. Carolus in Instructione Confessorum.

§. I.

Confessio integra esse debet.

Confessionis
integritas.

Præcipua conditio est, ut integra, & absoluta sit. Quæ quidem integritas in eo est posita, ut omnia peccata mortalia Sacerdoti aperiuntur. Nam venialia, quæ nos a Dei gratia non divellunt, & in quæ frequentius labimur, tamen recte, atque utiliter, quod Piorum usus demonstrat, confitemur: tamen sine culpa prætermitti, multique aliis rationibus expiari possunt. At mortifera peccata singula enumeranda sunt, quamvis etiam occultissime lateant, & ejus generis sint, quæ duobus tantum extremis Decalogi capitibus interdicuntur, soloque desiderio, & cogitatione perpetrata sint. Unde S. Cyprianus Tract. De lapsis, ait, eos, qui vel de sacrificio idolis offerendo, vel de libellis ab Ethnico Magistratu accipiendis cogitaverant, quibus fidem facere se te

Prin-

Principum Decretis paruisse, atque ita immunes essent a persecutione in Christianum nomen excitata, adire debuisse Sacerdotes, apud eos crimen confiteri quamvis occultum, quamvis cogitatione sola admissum; conscientia suæ pondus exponere, medicinam salutarem ab ipsis exquirere, *Quanto* (inquit), & fide majores, & timore meliores sunt, qui quamvis nullo sacrificii, aut belli facinore constricti; quoniam tamen de hoc vel cogitaverunt, hoc ipsum apud Sacerdotes Dei dolenter, & simpliciter confitentes, Exomologesim conscientia faciunt, animi sui pondus exponunt, salutarem medelam parvis licet, & modicis vulneribus exquirunt. *Quod autem non spontanea tantum animi religione, sed publica lege id officii Lapsi præstare deberent, sequentia verba ostendunt*: „ Confi-teantur singuli, quælo vos fratres dilectissimi, delictum suum, dum adhuc, qui deliquit, in sæculo est, dum adhuc admitti Confessio ejus potest, dum Satisfactio, & Remissio facta per Sacerdotes apud Dominum grata est. Convertamur ad Dominum mente tota, & Pœnitentiam criminis veris doloribus exprimentes, Dei misericordiam deprecemur.

Idem docet *Origenes*, Hom. 111. in Leviticum, *Est* (inquit), „ aliquid in hoc mirabile secretum, quod jubet pronunciare peccatum. Etenim omni genere pronuncianda sunt, & in publicum proferenda cuncta, quæ egerimus, si quod in occulto egerimus, si quod in sermone solo, vel etiam intra cogitationum secreta commisimus, cuncta necesse est publicari, cuncta proferri. Idem docet *S. Augustinus*, Serm. ccl.1. alias 1. inter Homilias 50. ubi loquens de Pœnitentia pro illis peccatis, quæ *Legis Decalogus continet*, & de quibus Apostolus ait: „ Quoniam qui talia agunt, Regnum Dei non possidebunt; *hec habet*: Implicatus igitur tam mortiferorum vinculis peccatorum detrectat, aut differt, aut dubitat confugere ad ipsas Claves Ecclesiæ, quibus solvatur in terra, ut sit solutus in cælo, & audet sibi post hanc vitam, qui tantum Christianus dicitur, salutem aliquam polliceri? „ Judicet ergo seipsum homo in istis voluntate, dum potest, & mores convertat in melius: ne cum jam non poterit, etiam præter voluntatem, a Domino judicetur. Et cum ipse in se protulerit severissimæ medicinæ, sed tamen medicinæ sententiam, veniat ad Antistites, per quos isti in Ecclesia Claves ministrantur; & tanquam bonus jam incipiens esse filius, maternorum membrorum ordine custodito, a Præpositis Sacramentorum accipiat Satisfactionis suæ modum.

Confessionem integram esse debere omnium peccatorum mortalium singulatim, constat & ex Canone Concilii 11. Cabilonensis xxx11. „ Sed & hoc emendatione indigere perpeximus, quod quidam dum confitentur peccata sua Sacerdotibus, non plene id faciunt. Quia ergo constat hominem ex duabus esse substantiis, anima videlicet & corpore, & interdum animi motu, interdum carnis fragilitate peccatur, solerti indagatione debent inquiri ipsa peccata, ut ex utrisque plena sit Confessio: scilicet, ut ea confiteantur, quæ per corpus gesta sunt, & ea, quibus in sola cogitatione delinquitur. Instruendus est, itaque peccatorum suorum confessor, ut de octo principalibus vitiis, sine quibus in hac vita difficile vivitur, Confessionem faciat: quia aut cogitatione, aut quod est gravius, opere, eorum instinctu peccavit. Odium etenim, invidia, superbia, vel ceteræ hujusmodi pestes, tanto periculosius lædunt, quanto subtilius serpunt.

Idem docet *S. Bernardus*, Serm. xl. De Diversis: *Quid prodest* (inquit), „ partem peccatorum dicere, & partem celare? Ex parte mundari, & ex parte immunditiæ deservire? Omnia nuda, & aperta sunt oculis Dei, & tu illi aliquid abscondis, qui Dei locum in tanto obtinet Sacramento? Ostende, & denuda. quæcumque cor tuum dilacerant: detege vulnus, ut sentias operam medicantis.

Idem.

Confessionis.
integritas ..

Idem confirmat Concilium Tridentinum, Sess. XIV cap. v. *Cum*, inquit, *universa mortalia peccata, etiam cogitationis, homines iræ filios, & Dei inimicos reddant, necessum est omnium etiam veniam, cum aperta, & verecunda Confessione a Deo querere. Itaque dum omnia, quæ memoriæ occurrunt, peccata Christi Fideles confiteri student, proculdubio omnia divinæ misericordiæ ignoscenda exponunt: qui vero secus faciunt, & aliqua scienter retinent, nihil divinæ bonitati per Sacerdotem remittendum proponunt. Si enim erubescat ægrotus vulnus Medico detegere, quod ignorat Medicina non curat.*

Circumstan-
tias peccati
speciem mu-
tantes confi-
teri necesse
est.

Ad integritatem quoque Confessionis pertinet circumstantiarum, quæ speciem peccati mutant, declaratio. Si quis enim hominem interemerit, explicandum est utrum ille Sacris initiatus, an profanus fuerit. Item si cum muliere concubuit, aperiendum est, an Matrimonii lege libera sit, an alterius uxor, an propinqua, aut alicujus voti sponione Deo consecrata. Hæc enim diversa peccatorum genera constituunt; primum quidem simplicis fornicationis, alterum adulterii, tertium incestus, quantum sacrilegii. Furtum etiam in peccatis numerandum est: verum si quis rem sacram furetur, malitiam furti cumulat sacrilegio: similiter si quis in loco sacro occidat hominem, aut graviter percutiat, vel fornicetur, seu quodvis aliud peccatum luxuriæ perpetret. Hæc igitur circumstantiæ sunt enumerandæ, „ Cum sine illis peccata ipsa neque a Pœnitentibus integre exponantur, nec Judicibus „ innotescant; & fieri nequeat, ut de gravitate criminum recte censere „ possit, & penam, quam oportet, pro illis Pœnitentibus imponere; (inquit Tridentina Synodus sess. XIV. cap. v.) *Quod fidei dogma est, quantum ad circumstantias speciem mutant, ut constat ex can. VII.* „ Si quis dixerit, in „ Sacramento Pœnitentiæ ad remissionem peccatorum necessarium non esse „ jure divino confiteri omnia, & singula peccata mortalia, quorum memoria cum debita, & diligenti præmeditatione habeatur, etiam occulta, & „ quæ sunt contra duo ultima Decalogi præcepta, & circumstantias, quæ „ peccati speciem mutant, sed eam Confessionem tantum esse utilem ad erudiendum, & consolandum Pœnitentem, & olim observatam fuisse tantum ad Satisfactionem canonicam imponendam; aut dixerit, eos, qui omnia peccata confiteri student, nihil relinquere velle divinæ misericordiæ ignoscendum, aut demum non licere confiteri peccata venialia; Anathema sit.

Confessionis
integritas.

De his *Petrus Blesensis*, in Tractatu De Confessione: *Omnes* (inquit) *circumstantias peccatorum* is, qui confitetur, aperiat: causam, locum, tempus, modum, & quicquid mensuram reatus exaggerat. Sic enim *B. Augustinus*, (seu potius Auctor Libri *De vera, & falsa Pœnitentia*, cap. XIV. scribit: „ Pœnitens suorum criminum exprimat qualitatem, in loco, in tempore, in „ perseverantia, in varietate personæ, ut attendatur excellentia officii „ sui, turpitudinis operis: si in sacro loco, si in die festivitatis, vel orationi consecrata, aut jejuniis: quanta tentatione impulsus sit. Et ut gratia evidentia ponamus hujus rei exemplum: qui fornicatur, non solum suam, sed illius animam perimit, quam in consensum, & participium suæ iniquitatis allexit. Porro animæ tertiæ homicida est, si rogatu ejus aliquis mediator illius turpitudinis intercessit. Turpe reputas de tam turpi materia loqui: sed turpior est internus. Si sedus est sermo, sedus est putrescere in peccato. Sic ergo Confessio fiat, ut etiam in tui accusationem peccati veniant, quæcumque videntur illius accessio, vel sequela. Tuam igitur conscientiam solerti revolve scrutinio, explora omnes angulos ejus, nihilque in eo remaneat indiscussum. Fode parietem, & abominations conscientia monstruosas revelabit tibi familiare scrutinium.

De

De circumstantiis malitiam peccati intra eandem speciem augmentibus paulo major difficultas est, utrum earum explicatio ad Confessionis integritatem sit omnino necessaria. Qua dere, etsi nihil sit a Sacra Synodo Tridentina definitum, Catechismus tamen Concilii, p. 11. *De Pœnitentia*, §. LXIII. illas etiam circumstantias declarandas esse docet. *Furtum etiam* (inquit) *in peccatis numerandum est, verum si quis aureum nummum furetur, levius omnino peccat, quam si, quicentum, vel ducentos, vel ingentem aliquam auri vim, præsertim vero, qui sacram pecuniam abstulit. Quæ etiam ratio ad locum, & tempus pertinet. Hæc igitur enumeranda sunt: quæ vero pravitatem rei magnopere non augent, sine crimine omitti possunt.* Censet igitur Ecclesia, cujus doctrina censenda est, quæ in illo Catechismo traditur, circumstantias illas, quæ pravitatem facinoris magnopere augent, sine crimine omitti non posse. Hinc S. Carolus Borromeus, in Instructionibus Confessorum, a quarta Synodo Provinciali Mediolanensi approbatis, monet Confessarium apprimè scire debere *Circumstantias peccati speciem mutant, aut augentes: nam hæc due circumstantiarum species debent necessario explicari.* Verbi gratia vir conjugatus, qui commisit adulterium cum aliena conjuge, debet circumstantiam illam confiteri, quæ tamen peccati speciem non mutet, certe plurimum auget malitiam. Qui commisit incestum, explicare debet, in quo gradu consanguinitatis, vel affinitatis conjunctus sit cum muliere, cui stuprum intulit. Qui puellam alteri pactam, & sponsaliorum solemnè Ritu destitutam violavit, circumstantiam illam tenetur exprimere, quæ plurimum auget gravitatem facinoris, facitque, ut proxime ad adulterium accedat. Qui furatus est, pecuniæ summam, aut rei ablatae naturam, quantitatem, & pretium declarare tenetur quantum potest. Qui lethalia peccata ex habitu, & consuetudine commisit, circumstantiam consuetudinis explicare debet. Unde Innoc. XI. Pontifex Maximus hanc inter alias sexaginta quinque Propositionem damnavit §8. *Non tenemur Confessario interroganti fateri peccati alicujus consuetudinem.* Et certe ratio, qua Conc. Tridentinum probat, circumstantias peccati speciem mutant, in Confessione aperendas esse, probat pariter illas oportere declarari, quæ intra eandem speciem plurimum augent malitiam peccati, scilicet. *Quod sine illis peccata ipsa, neque a Pœnitentibus integre exponantur, nec Iudicibus innotescant; & fieri nequeat, ut de gravitate criminum rectè censere possint, & pœnam, quam oportet, pro illis Pœnitentibus imponere.* Congruam namquam Pœnitentiam spectatis peccatorum circumstantiis imponendam, Sacri Canonis statuunt. Innoc. III. cap. *Deus qui*, Extra, *De Pœnitentiis*, & *Remissionibus: Consideratis* (inquit) *circumstantiis omnibus, competentem Pœnitentiam delinquentibus imponatis, prout saluti eorum videritis expedire.* Et cap. *Omnis utriusque*, ibid. *Sacerdos autem sit discretus, & cautus, ut more periti Medici superinfundat vinum, & oleum vulneribus sauciat, diligenter inquirens, & peccatoris circumstantias & peccati: quibus prudenter intelligat, quale debeas illi præbere consilium, & cujusmodi remedium adhibere diversis experimentis utendo ad sanandum ægrotum.*

Circumstantias malitiam peccati plurimum augentes confiteri necesse est.

Confessionis integritas.

Hæc sententia probabilior, & tutior est, & in praxi omnino sequenda. Nec S. Thomam in aliam opinionem iturum existimo, si post Tridentinam Synodum, & ejus Catechismum ab Ecclesia approbatum, & Pastoribus traditum scripserit, quamvis in IV. *Sententiarum*, dist. XVI. q. III. art. II. qu. V. rotundè asseruerit, quod *Circumstantiæ aggravantes, quæ aliam speciem peccato non tribuunt, (vel quæ tribuunt quidem, sed non mortalis peccati) non sunt de necessitate Confessionis; tamen easdem confiteri, perfectionis est;*

est; sicut de venialibus dictum est. Idemque confirmat Opusculo XII. ad Lectorem Bisuntinum, qu. VI. Nemini Thomistæ religioni sit ab ea S. Thomæ opinione discedere, quam junior propugnauit, & quam ipsum ejuratum fuisse, ac retractatum verisimile est, si post Synodum Tridentinam scripsisset. Unde selecti ex Ordine Dominicano Theologi, qui Conc. Catechismo adlaborarunt, contrariam opinionem asseruerunt Ecclesiæ approbante: Et Dominicus Soto, qui Concilio magna cum eruditione, pietatisque laude interfuit, illam propugnare non dubitavit in IV. Sententiarum, dist. XVIII. qu. II. art. IV. Pro mea (inquit) ingenii tenuitate statuerem septimam Conclusionem: Omnis circumstantia notabili modo ad iudicium Sapientis aggravans peccatum, sive mutet, sive non mutet speciem, est necessario confitenda. Hancque antiquorum Theologorum sententiam fuisse ait: Et licet S. Thomas contrarium scripserit in IV. Sententiarum, cum junior esset, Fortasse in Summa, quæ suum erat postremum testamentum, sententiam mutasset.

Propositio
damnata.

Ad integritatem Confessionis pertinet multo magis, ut gradus malitiæ, & qualitas individua peccati exprimatur. Unde, qui copulam habuit cum muliere Matrimonii lege soluta, integram Confessionem non facit, dicendo se grave peccatum contra castitatem cum soluta commisisse. Idcirco Alexander VII. inter plurimas alias Propositiones hanc damnauit ordine 25. Qui habuit copulam cum soluta, satisfacit Confessionis præcepto, dicens: Commisi cum soluta grave peccatum contra castitatem, non explicando copulam.

Nec pudore,
nec timore,
deterri debent
peccatores ab in-
tegritate
Confessio-
nis.

Ad integritatem denique Confessionis pertinet, ut numerus peccatorum, quoad fieri potest, explicetur.

Si qui pudore impediti, vel timore deterriti, peccata confiteri non audent, Confessarius ipsis animos addere debet, & monere, nihil esse, quod vitia sua aperire vearantur, neminem hominem esse, qui infirmus, fragilisque non sit, & in graviora peccata cadere non possit; Sacerdotem hominem esse Penitentibus similem, peccatorem, qui compati sciat peccatoribus. Christum non Angelis, sed hominibus administrandæ Penitentiae auctoritatem commississe, ne homines peccata sua detegere vererentur iis, qui nullam ad peccandum proclivitatem haberent. Pudorem, & cruciatum æternum temporali pudore, & dolore redimi. Eos, qui stulta quadam verecundia peccatum aliquod mortale, aut circumstantias speciem peccati mutantes, vel aggravantes in Confessione studiose omittunt, pudore suffundendos coram Christo, & Angelis ejus, omnibusque Sanctis, quibus eorum peccata in supremi Iudicii die manifesta erunt. Timendum non esse, cum se non habeat Confessio Penitentium ut Confessio reorum coram sæculari Iudice; istos torqueri, ut crimen fateantur, confessos ad patibulum duci: illos Dei benignitate, & patientia ad peccatorum Confessionem invitari; confessos absolvi, & in Regnum cælorum recipi. Eo spectat præclarus Tertullianilocus, Lib. De Penitentia, cap. x. „ Pleroque (inquit) hoc opus, ut publicationem sui suffugere, aut de die in diem differre præsumo, pudoris magis memores quam salutis; veluti illi, qui in partibus verecundioribus corporis contracta vexatione conscientiam Medentium vitant, & ita cum erubescencia sua pereunt. Intolerandum scilicet pudori. Domino offenso, satisfacero, salutem productam reformari. Ne tu verecundia bonus, ad delinquendum expandens frontem, ad deprecandum vero subducens. Ego rubori locum non facio, cum plus de detrimento ejus acquirō. Certe periculum ejus tunc, si forte cerosum est, cum penes insultaturos in risu loquio confiluit, ubi de alterius ruina alter attolitur, ubi prostrato superascenditur. Cete-

„ rum

¶ *¶* tum inter fratres, atque conservos, ubi communis spes, metus, gaudium, dolor, passio (quia communis Spiritus de communi Domino, & Patre) quid tu hos aliud, quam te opinaris? Quid cōiōrtēs casum tuorum, ut plaufores fugis? Non potest corpus de unius membri vexatione lætum agere: condoleat univerſum, & ad remedium collaboret necesse est. ∴ Grande plane emolumentum verecundiæ occultatio delicti pollicetur. Videlicet, si quid humanæ notiæ subduxerimus, proinde & Deum celabimus? Adeo ne existimatio hominam, & Dei conscientia comparantur? An melius est damnatum latere, quam palam absolvi? Miserum est, sic ad Exomologesim pervenire. Malo enim ad miseriam pervenitur: sed ubi pœnitendum est, definit miserum, quia factum est salutare. Miserum est iecari, & cauterio exuri, & pulveris alicujus mordacitate cruciari: tamen quæ per intinuitatem medentur, ea & emolumento curationis offensam sui excusant, & præsentem injuriam superventuræ utilitatis gratia commendant.

Ad malum illum pudorem vincendum pariter opem ferent *S. Augustini* verba, locum illum Pl. XLIX. Arguam te, & statutum contra te faciem tuam, *explicantis*: Quando (*inquit*) Deus manifestus venit, Deus non silebit, & non silebit, *Arguam te*. Et quid tibi faciam arguendo te? Modo te non vides, facio, ut videas te. Quia si videres te, & displiceret tibi, placeret mihi: quia vero non te videns placuisti tibi, displicebis, & mihi, & tibi; mihi cum judicaberis; tibi, cum ardebis. Quid enim tibi faciam, *inquit*? *Constituam te ante faciem tuam*. Quid enim vis latere te ipsum? In dorſo tuo tibi es, non te vides: facio ut te videas; quod post dorſum posuisti, ante faciem ponam; videbis fœditatem tuam, non ut corrigas, sed erubescas. ∴ Modo ergo tu fac, quisquis talis es, quod tibi minatur facere Deus. Tolle te a tergo tuo, ubi te videre non vis dissimulas a factis tuis, & constitue te ante te. Ascende tribunal mentis tuæ, esto tibi iudex, torqueat te timor, erumpat a te Confessio, & dic Deo tuo, *Quoniam iniquitatem meam ego cognosco, & delictum meum contra me est semper*. Quod erat post te, fiat ante te: ne tu postea a Deo iudice fias ante te, & non sit, quod fugias a te.

S. Bernardus, Sermone civ. *De Diversis* quatuor impedimenta Confessionis recenset, & quomodo removenda sint, docet. Quatuor sunt (*inquit*) quæ impediunt Confessionem, pudor, timor, ipes, desperatio. Quosdam enim impedit pudor, qui scilicet pro sola confusione dicere erubescunt peccata, quæ commiserunt. De quo per Salomonem dicitur: *Est confusio adducens peccatum*. Quo contra de his, qui confitentur, iterum dicitur: *Est confusio adducens gloriam*. Alios impedit timor. Timent enim si confiteantur, ne gravis eis Pœnitentia injungatur: & hos arguit Job dicens: *Qui timet pruinam, irruet super eum nix*. Sunt autem nonnulli, qui in hoc mundo adhuc aliquid concupiscunt, nec putant se adepturos, quod desiderant, si hominibus, quales sint, innotescant. Horum Confessionem impedit spes, idest, cupiditas potiendi desiderii: talibus comminatur Dominus in Evangelio: *Ve prægnantibus, & nutriendis* *bus in illis diebus!* Sunt item alii, qui nihil horum verentur, sed solum hoc timent, quia post peccatorum Confessionem ab ipsis abstinere minime possent. Et his obest desperatio. Quibus non incongrue illud potest aptari: *Peccator cum venerit in profundum malorum, contemnit*. Fit vero nonnunquam, ut hæc omnia simul Confessionem impendant. Sed qui quatuor his malis premitur, recte jam in monumento jacet, & velut ille Evangelicus Quiriduanus fœtet. Scriptum est enim: *A mortuo, ve-*

Psal. 58.

Quatuor
Confessionis
impedimen-
ta quomodo
removenda?
Eccli. 4.

Job 6.

Matth. 24.

Prov. 18.

Joan. 11.
Eccli. 17.

„*Iut qui non fit, perit Confessio.* Quod si is mortuus est, qui non confite-
tur, utique reviviscet, qui confitebitur. Veniat ergo Iesus, & dicat,
„*Veni foras.* Et ad vocem ejus illico suscitabitur mortuus. Excipiat hic
„noſter mortuus exhortationem, & non differat Confessionem. Dicatur
„ergo illi, quem pudor afficit: Cur te pudet peccatum tuum dicere, quem
„non puduit facere? Aut cur erubescis Deo confiteri, cujus oculis non po-
„tes abscondi? Quod si forte pudor est tibi uni homini, & peccatori pec-
„catum tuum exponere, quid facturus es in die iudicii, ubi omnibus ex-
„posita tua conscientia patebit? Hæc itaque tria proponenda sunt contra
„pudorem, scilicet consideratio rationis, reverentia intuitus Dei, com-
„paratio majoris confusionis. Similiter contra timorem opponenda sunt
„tria. Considerandum enim est, quod sit longa pœna inferni, quam gra-
„vis, quam infructuosa. E contrario vero præsentis temporis Pœnitentia
„brevis est, & levis, & fructuosa. Contra spem quoque itidem tria op-
„ponuntur, bona scilicet futuri sæculi, præsentis vitæ bonis majora, certio-
„ra, durabiliora: ad quorum comparisonem quicquid in hoc mundo
„desiderari potest, modicum est, & incertum, & ut ita dicam, momen-
„taneum. Ita contra desperationem vincendi peccatum tria sunt remedia.
„Primum est, vigor ipse propositi boni, quem assumit ex Confessione.
„Secundum est gratia Dei, quam meretur ex humilitate. Tertium est au-
„xilium, quod ex ejus habet, cui confitetur, compassione. Fortis est,
„quæ hæc impedimenta removet Confessio; fortis (inquam) quæ pudorem,
timorem, spem, desperationemque vincit.

§. I I.

Confessio Simplex, & nuda esse debet.

Confessionis
simplicitas.

Altera Confessionis conditio est, ut nuda, simplex, & aperta sit, non
artificiose composita, ut a nonnullis fit, qui potius vitæ suæ ratio-
nem exponere, quam peccata confiteri videntur. Ea enim Confessio esse
debet, quæ nos tales Sacerdoti aperiat, quales nos ipsos novimus, certa-
que pro certis, ac dubia pro dubiis demonstret. Quod si vel peccata non
recensentur, vel alieni a re, quam tractamus, sermones inferuntur, per-
spicuum est, ipsam hac virtute carere. Cum tamen narrantur a Pœniten-
te quædam ad peccata, & eorum circumstantias minime spectantia, eo
consilio, ut peccata sua detegat, ut sit ab hominibus rudioribus, & mulier-
culis imperitis, non vitiatur propterea Confessio: sed prudens Confessarius
auctor esse debet, quantum fieri potest, ut superflux narrationes, & quæ
ad rem non pertineant, resecentur. Ut vero id simplicibus, & rudioribus
condonatur, ita in iis damnandum est, qui probe instituti, non superfluas
solum, sed vanas narrationes Confessionibus suis inferunt. Quam perversi-
tatem S. Bernardus, Sermone xvi. in Cantica, his verbis interfectur:
„Quamquam & de his, qui religiose vestiti, & Religionem professi sunt,
„nonnunquam audivimus aliquos reminisci, & iactare impudentissime ma-
„la sua præterita, quæ (verbi gratia) aliquando vel fortiter gladiatorio,
„vel argute litterario gessere conflictu, seu aliud quid secundum Mundi
„quidem vanitatem favorabile. secundum animæ vero salutem nocivum,
„perniciosum, damnosum. Secularis adhuc animi indicium est hoc: &
„humilis habitus, qui gestatur a talibus, non sanctæ novitatis est meri-
„tum, sed præicæ vetustatis operculum. Nonnulli talia quasi delendo, &
„pœnitendo rememorant, sed gloriam intentione captantes, commissa sua
„non diluunt, sed se ipsos illudunt: nam *Deus non irridetur.* Veterem
„ho-

Galat. 6. 7.

hominem non exuunt, sed novo palliant. Non proditur, aut projicitur
vetus fermentum illa Confessione. Sed statuitur. Pudet reminisci quo-
rundam tantam proterviam, ut non pudeat eos cum exultatione iugen-
da jactitare, quod & post susceptum sanctum habitum callide quempiam
supplantaverint, & circumvenerint in negotio fratrem: aut quod talio-
nem pro convitio, vel maledicto, idest, malum pro malo, aut maledi-
ctum audacter reddiderint.

§. III.

Confessio Humilis esse debet.

Altera conditio Confessionis est, ut sit *humilis*, ita ut peccata non ex-
cusemus, non rejiciamus in alium, non in defectum gratiae, non in
tentationem dæmonis, non in fatum, non in homines, qui nos ad malum
provocaverunt; sed nostrae duntaxat malitiae tribuamus. Unde Confessio-
nis humilitas conditionem alteram involvit, nempe ut sit *Accusans*. Huc
pertinet illud Eccles. iv. *Presbytero humilia animam tuam*, & illud Pl. xxxi.
Dixi, Pronunciabo adversum me in iustitiam meam Domino. Imitanda Publica-
ni illius Evangelici humilitas, cavenda Pharisei superbia, qui merita sua
prædicabat, peccata tacebat, & tegebat: *Deus tegat vulnera; noli tu*. Nam
si tu tegere volueris erubescas, *Medicus non curabit*. Sub tegmine Medici sa-
natur vulnus, sub tegmine vulnerati celatur vulnus: (inquit S. Augustinus
Enarratione 11. in Pl. xxxi.) Eo etiam spectat Canon, *Non est*, cautâ xv.
qu. 1. sumptus ex S. Ambrosio Lib. 1. De Jacob, & Vita Beata, cap. 111.
cujus hæc sunt verba: *Non est, quod cuiquam nostram adscribamus erum-
nam, nisi nostrae voluntati*. Nemo tenetur ad culpam, nisi voluntate propria
desseverit: non habent crimen, quæ inferuntur reluctantes: voluntaria tan-
tum commissæ sequitur invidia, quod in alios deriverimus. Voluntarium sibi mi-
litem elegit Christus, voluntarium servum sibi diabolus auctionatur. Neminem
jugo servitutis adstridum possidet, nisi se prius peccatorem ere ei vendiderit.
Quid carnem velut infirmam accusamus? Membra nostra arma sunt iniquita-
tis, & arma iustitiæ: Affectus igitur, non caro ducitor est culpæ, caro au-
tem voluntatis ministra. Non ergo vendat nos voluntas nostra.

Confessionis
humilitas.

Confessionis
humilitas.

Excusationem peccati iniquam esse, & a diabolo suggeri docet S. Augu-
stinus, Sermon. xx. alias 111. ex editis a Sirmondo: Neminem (inquit) que-
ras accusare, ne accusatorem invenias, a quo te non possis defendere. Nam
& ipse Inimicus noster Diabolus quando accusatur, gaudet: & vult omnino,
ut accuses illum, vult ipse, ut a te ferat qualem volueris criminationem, cum
tu perdas Confessionem, Et Sermon. xxix. alias De Diversis 111. Est etiam sa-
lubris Confessio peccatorum. Unde audivimus in Psalmo, qui primo lætus est,
Pone, Domine, custodiam ori meo, & ostium continentiae circa labia
mea, ut non declines cor meum in verba maligna, ad excusandas ex-
cusationes in peccatis. Cum vis esse excusator tuus, triumphat de te Ac-
cusator tuus. Vis ergo facere, quod doleat, & gemat accusator tuus, idest
Diabolus? Fac, quod audisti, fac, quod didicisti, & dic Deo tuo: Ego dixi,
Domine, miserere mei, sana animam meam, quoniam peccavi tibi. Ego,
inquit, dixi: Non diabolus, non fortuna, non fatum. Ego dixi, Non me ex-
cuso, sed accuso. Ego dixi, Domine, miserere mei, sana animam meam.
Unde enim ægrotat? Quoniam peccavi tibi.

Peccata mi-
nime excu-
sanda.

Psal. 140. 3

De Confessionis humilitate hæc docet Conc. Trid. Catechismus p. 11.
De Sacramento Poenitentiae, §. LXXIX. Inprimis autem reprimenda est
quorundam superbia, qui scelera sua excusatione aliqua vel defendere,

„ vel minora facere nituntur. Nam exempli causa, cum aliquis fateatur
 „ se ira vehementius fuisse commotum; statim hujus perturbationis cau-
 „ sam in alium confert, a quo prius injuriam sibi factam esse queritur.
 „ Monendus itaque est hoc elati animi, & hominis peccati sui magnitu-
 „ dinem, vel despicientis, vel plane ignorantis signum esse: tum vero e-
 „ jusmodi excusationis genus ad augendum potius, quam minuendum pec-
 „ catum pertinere. Nam qui ita factum suum probare contendit; hoc vi-
 „ detur profiteri, se tunc patientia usurum esse, cum a nemine injuria læ-
 „ detur, quo quidem nihil homine Christiano indignius esse potest. Ete-
 „ nim cum illius vicem dolere maxime debuerit, qui injuriam fecit: ta-
 „ men non peccati pravitatem commovetur, sed fratri irascitur: at cum ei
 „ præclara occasio oblata fuerit, ut Deum patientia colere, & fratrem
 „ mansuetudine sua corrigere possit, salutis materiam ad perniciem suam
 „ convertit.

Confessionis
humilitas.

Conditionem illam Confessionis, aliasque adjunctas, diserte, ac pie S.
 „ Bernardus explicat, Serm. xvi. in Cantica. Omne (*inquit*) quod re-
 „ mordet conscientiam, confitere humiliter, pure, fideliter. Est Con-
 „ fessio eo periculosius noxia, quo subtilius vana, cum ipsa etiam inhone-
 „ sta, & turpia de nobis detegere non veremur, non quia humiles su-
 „ mus, sed ut esse putemur. Appetere autem de humilitate laudem, hu-
 „ militatis est non virtus, sed subversio. Verus humilis vilis vult prædica-
 „ ri. Gaudet contemptu sui, hoc solo sane superbus, quod laudes contem-
 „ nit. Quid perversius, quidve indignius, quam ut humilitatis cultus Con-
 „ fessio superbiæ militet, & inde velis videri melior, unde videris deter-
 „ rior? Mirabile iactantiæ genus, ut non possis putari sanctus, si non ap-
 „ pareas sceleratus. At talis Confessio speciem habens humilitatis, non
 „ virtutem, non solum veniam non meretur, sed & provocat iram. Nun-
 „ quid profuit Saul, quod se ad increpationem Samuelis peccasse confessus
 „ est? Culpabilis procul dubio fuit illa Confessio, quæ culpam non diluit.
 „ Quomodo enim humilem contemneret Confessionem humilitatis Magi-
 „ ster, & cui humilibus dare gratiam certe ingenuum est? Omnino non
 „ poterat non placari, si quæ in ore sonuit, in corde radiasset humilitas.
 „ Oportet autem esse, & simplicem. Non intentionem (forte quia la-
 „ tet homines) excusare delectet, si sit rea; nec levigare culpam, quæ
 „ gravis est; nec alieno adumbrare suavitatem, cum invitum nemo coegerit.
 „ Primum illud non Confessio est, sed defensio, nec placat, sed provocat.
 „ Sequens monstrat ingratitudinem, & quo minor reputatur culpa, eo &
 „ gloria minuitur Indulitoris. Sed enim minus libenter beneficium datur,
 „ quod minus grate, minusve necessarie provenire sentitur. Veniam proinde
 „ sibi abjudicat, qui munus largitoris attenuat: quod quidem omnis,
 „ qui reatum suum verbis alleviare conatur, facit. Jam a postremo primi
 „ hominis dehortetur exemplum, nec culpam siquidem diffidentis, nec ta-
 „ men consequentis veniam, non dubium quin ob reatus mulieris admix-
 „ tionem. Genus excusationis est, cum argueris tu, alium inculcare. Por-
 „ ro excusare te velle, quando corripieris, quam sit non modo minime fru-
 „ ctuosum, sed & perniciosum, S. David interroga: *Verba nempe malitiæ*
 „ *excusationes in peccatis* appellat, ne se ita declinet cor suum rogans, &
 „ supplicans. Merito quidem. In animam etenim tuam peccat, qui se ex-
 „ cusat, repellens proinde a se indulgentiæ medicinam, & sic vitam sibi
 „ proprio ore intercludens. Et quænam maior malitia, quam propriam ar-
 „ mari in salute, & linguæ tuæ temetipsum mucrone confodere?
 „ Sit autem & fidelis Confessio, ut confitearis in spe, de indulgentia pe-
 „ nitus

Psal. 140.

De Sacramento Pœnitentiæ. Cap. V. Art. VI. 133

„ nîus non diffidens, ne tuo te ore non tam iustifices, quam condemnes;
 „ Judas certe proditor Domini, & Cain fratricida confessi sunt, & diffisi
 „ sunt. Alter, *Peccavi*, inquit, *tradens Sanguinem iustum*: alter, *Major* Matth. 27.
 „ *est iniquitas mea, quam ut veniam merear*: & verax licet, nihil eis pro- Gen. 4.
 „ fuit infidelis Confessio. Hæc S. Bernardus.

Humilis, & accusans Confessio id nobis procurat commodi, quod diabo-
 lo salutis nostræ hostis os occludat, ne ultra nos coram divino tribunali ac-
 cusare possit. Hinc a Propheta dictum est: *Dic iniquitates tuas prior, ut* Isa. 43. 26.
justificeris. Nam, ut ait *Origenes* Hom. 111. in Leviticum, *Præventus dia-* secundum
bolus in accusatione, ultra nos accusare non poterit: & si ipsi nostri sumus ac- Verf. LXX.
cusatores, proficit nobis ad salutem: si vero expellemus, ut a diabolo accu-
mur, accusatio illa cedit nobis ad pœnam. Ad Confessionis humilitatem al-
 tera quoque conditio revocatur, nempe ut verecunda sit, modestique ver-
 bis concepta.

§. IV.

Prudens sit Confessio necesse est.

Prudentia etiam opus est ad peccatorum Confessionem. Neque enim ni-
 mis multis verbis agendum est; sed quæ ad cuiusque peccati naturam, Confessio
 & rationem pertinent, brevi oratione aperienda sunt: ita ut graviora pec- prudens.
 cata pœnitens cum majori pondere confiteatur, ut ait *S. Thomas*, qu. 1x.
 Supplementi, art. iv. Ad prudentiam quoque Confessionis pertinet, ut per-
 sonam, cum qua peccavit, non declaret, nisi ad Confessionis integritatem
 id necessarium sit; vel utile futurum videatur, ut prudens Confessarius,
 cum ipsius Pœnitentis licentia, secreto conficium sceleris admoneat, ad
 Confessionem criminis hortetur, fraterno affectu corripiat, prohibeatque
 pro viribus, ne vel pœnitenti, vel alteri cuiquam spiritale, vel temporale
 detrimentum inferat. Conficii revelatio alias facta, non solum imprudens
 est sed contra charitatem, utpote alienæ famæ violatio, qua de re inferius
 agetur.

§. V.

Confessio debet esse secreta.

Illud vero tum confitenti, tum Sacerdoti maxime laborandum est, ut eo-
 rum sermo in Confessione secreto habeatur: idque petitur ex conditione
 fori, in quo de arcanis conscientiæ agitur (inquit *S. Thomas*.) Quare fit, Confessio
 ut nemini omnino neque per litteras; neque per nuncium confiteri liceat, secreta.
 ut superius diximus. Hinc publicam peccatorum occultorum Confessionem
 Ecclesia prohibuit. Qua de re *S. Leo* Epist. cxxxvi. alias lxxx1. Ad uni-
 versos Episcopos per Campaniam, Samnium, & Picenum constitutos, cap.
 „ 11. scribit: Illam etiam contra Apostolicam Regulam præsumptionem,
 „ quam nuper cognovi a quibusdam illicita usurpatione committi, modis
 „ omnibus constituo submoveri: ne videlicet de singulorum peccatorum
 „ genere libello scripta professio publicetur: cum reatus conscientiarum
 „ sufficiat solis Sacerdotibus indicari Confessione secreta. Quamvis enim
 „ plenitudo fidei videatur esse laudabilis; quæ propter Dei timorem apud
 „ homines erubescere non veretur: tamen quia non omnium huiusmodi
 „ sunt peccata, ut ea, qui Pœnitentiam poscunt, non timeant publicare;
 „ removeatur tam improbabilis consuetudo: ne multi a Pœnitentiæ reme-
 „ diis arceantur, dum aut erubescunt, aut metuunt inimicis suis sua facta

referari, quibus possint legum constitutione percelli. Sufficit enim illa Confessio, quæ primum Deo offertur, tum etiam Sacerdoti, qui pro delictis Penitentium precatore accedit. Tunc enim demum plures ad Penitentiam poterunt provocari, si populi auribus non publicetur conscientia confitentis. *Hinc S. Synodus Tridentina, sess. xiv. c. v. Quoad modum (inquit) confitendi secreto apud solum Sacerdotem, etsi Christus non vetuerit, quin aliquis in vindictam suorum scelerum, & sui humiliatorem, tum ob aliorum exemplum, tum ob Ecclesiæ offensæ ædificationem delicta sua publice confiteri possit: non est tamen divino præcepto mandatum; nec satis consulte humana aliqua lege præciperetur, ut delicta, præsertim secreta, publica essent Confessione aperienda. Et S. Thomas in iv. Sententiarum, dist. xvii. in Expositione Textus ait: Non licet publice confiteri, nisi forte sit peccatum manifestum; quia talis humilitas proximo præjudicaret, qui ex peccato manifestato posset scandalizari.*

§. VI.

Lacrymabilis Confessio.

Quæ rationes elicere debent lacrymas peccatori?

Lacrymabilis etiam Confessio esse debet, idest, cum Contritione sive perfecta, sive imperfecta, quæ Attritio vocatur, conjunctam esse necesse est. Quæ de re *S. Bernardus*, Serm. xvi. in Cantica: Deum (*inquit*) cogita factorem tuum, cogita & benefactorem, cogita patrem, cogita Dominum. Ad omnia reus es, plange per singula. Non est, quod a patre formides, qui etsi quandoque seriat ut emendet, nunquam tamen ut vindicet. At vero cogitantem, quod patrem offenderim, est certe quod pudeat, etsi non quod terreat. Voluntarie genuit me verbo veritatis, non simpulo carnalis cupiditatis excussit, quemadmodum genitor carnis meæ. Deinde etiam non pepercit Unigenito pro sic genito. Ita ipse quidem patrem se exhibuit mihi, sed non ego me illi vicissim filium. Quanam fronte attollo jam oculos ad vultum patris tam boni, tam malus filius? Pudet indigna gessisse genere meo, pudet tanto Patre vixisse degenerem. Exitus aquarum deducite oculi mei: operiat confusio faciem meam. Deficiat in dolore vita mea, & anni mei in gemitibus. Proh pudor! Quem fructum habui, in quibus nunc erubescio? Si in carne feminavi, de carne non meram nisi corruptionem; si in mundo, & ipse transit, & concupiscentia ejus. Quid? Cauca, vana, & prope nulla, & quorum finis mors est, infelix, & insanus præferre non erubui æterni Patris amor, & onori? Confundor, confundor audire: *Si ego pater, ubi est honor meus?* Sed etsi Pater non esset, obrueret me beneficiis. Instaurat adversum me testes (ut alia innumera taceam) huius corporis victum, & utrum temporis huius, & super omnia Sanguinem dilecti Filii clamantem de terra. Pudet ingratitude, quamquam ad confessionis cumulum, arguar etiam reddidisse mala pro bonis, & odium pro dilectione. Quod si feignior forte partes suas minus exequitur pudor: timor sane excitetur in adiutorium. Excitetur, ut excitet. Sepone parum pia vocabula benefactoris & patris, atque ad austeriora convertere. Nempe, qui legitur *Pater misericordiarum, & Deus totius consolationis*, legitur nihilominus *Deus ultionum Dominus*; legitur. *Deus Iudex iustus, & fortis*; legitur *Terribilis in consiliis super filios hominum*; legitur *Deus zelans*. Quod Pater est, quod beneficus est, tibi est: quod Dominus, ac Creator,

Galat. 6.
1. Joan. 2.

2. Cor. 1.
Psalm. 93.
Psalm. 7.

tor, sibi; etenim *Propter semetipsum fecit omnia*, Scriptura teste. Qui
 „ ergo, quod tuum est, tibi defendit, ac servat; putas, & pro se aliquan- Psalm. 65.
Exod. 20.
Prov. 16.
 „ do non zelabit? Putas sui non requirit principatus honorem? *Propter hoc*
 „ *irritavit impius Deum, quia dixit in corde suo: Non requirit.* Et quid est
 „ in corde suo dicere: *Non requirit*, nisi non metuere, quod requirat? Sed
 „ requirit usque ad novissimum quadrantem: requirit, & *Retribuet abun-*
 „ *danter facientibus superbiam.* Requirit a redempto servitium, honorem, Psalm. 9.
 „ & gloriam ab eo, quem plasmavit. Esto, quod dissimulet Pater, igno-
 „ scat beneficis: sed non Dominus, & Creator; & qui parcat filio, non
 „ parcat figmento, non parcat servo nequam. Paveo gehennam, paveo
 „ Judicis vultum, ipsis quoque tremendum Angelicis Potestatibus. Contre- Jerem. 5.
 „ misco ab ira Potentis, a facie furoris ejus, a fragore ruentis mundi, a
 „ conflagratione elementorum, a tempestate valida, a voce Archangeli,
 „ & a verbo aspero. Contremisco a dentibus bestię infernalis, a ventre
 „ inferi, a rugientibus præparatis adestam: horreo vermem rodentem, &
 „ ignem torrentem. Horreo tenebras exteriores. *Quis dabit capiti meo a-*
 „ *quam, & oculis meis fontem lacrymarum,* ut præveniam fletibus fletum, Jerem. 9.1.
 „ & stridorem dentium, & manuum pedumque dura vincula, & pondus
 „ catenarum prementium, stringentium, urentium, nec consumentium?
 „ Qui sic afficitur, sensum proculdubio recuperavit, & in duplici metu
 „ isto, itemque pudore illo æque duplici habet oscitationes quatuor. Tres,
 „ quæ restant ex voce Confessionis adjiciet. *Conditionis hujus defectum spe-*
 „ *stat Hugo a S. Victore Lib. 11. De Sacramentis, p. xiv. cap. 1. Qui-*
 „ *dam, inquit, sine aliquo timoris, vel amoris Dei attractu, pro sola con-*
 „ *suetudine explenda, ad dicenda peccata sua se ingerunt, existimantes se*
 „ *propter solam verborum prolationem a debito peccatorum absolvi: qui-*
 „ *bus recte dicitur: Prius flendum est, post confitendum.*

§. VII.

Parere parata.

U Na item ex Confessionis conditionibus est, ut sit *Parere parata*, id
 est, ut Pœnitens sit paratus ad parendum sententiæ Sacerdotis in
 Sacro Tribunali prolata, & ad exequendum opera sibi injuncta tum in re-
 medium peccatorum, tum ad satisfaciendum Justitiæ divinæ. Unde Conc.
 Lateranense iv. can. xxi. jubet ut Pœnitens *Injunctam sibi Penitentiam stu-*
deat pro viribus adimplere. Id confirmatur ex Canone, *Consideret*, dist. v.
 De Pœnitentia, qui ex Libro *De vera, & falsa Pœnitentia*, inter S. Augu-
 stini Opera edito, sumptus est: *Ponat se, (inquit) omnino peccator in pote-*
state Judicis, in judicio Sacerdotis, nihil sibi reservans sui: ut omnia eo juben-
te paratus sit facere pro reparanda animæ vita, quæcumque faceret pro vi-
tanda corporis morte; & hoc cum desiderio, quia vitam recuperat infinitam,
ut Deus. Cum gaudio enim debet facere immortalis futurus, quæ faceret pro
differenda morte moriturus. Peccat ergo mortaliter, adeoque absolvi non
 debet, qui non vult suscipere *Condignam Satisfactionem* a Sacerdote imposi-
 tam, ut docet S. Bonaventura in iv. *Sententiarum*, dist. xvi. p. i. dub. vi.
 Condignam ait, quia si Sacerdos Professionem vitæ Monasticæ, aut vo-
 tum castitatis perpetuæ alicui injungeret, aliave opera, quæ cum illius pec-
 catis proportionem non habent, aut vires illius forte superant, vel secun-
 dum præsentem illius statum fieri non possunt absque offensione aliorum;
 ut si mulieri conjugatæ, aut puellæ sub parentum cura positæ, extraordi-
 narias

Qui confite-
tur, paratus
esse debet ad
parendum
sententiæ
Sacerdotis.

Quæ satisfac-
tiones a pœ-
nitente ne-
cessario su-
scipiendæ?

narias abstinencias, & jejunia; peregrinationes, aut aliquam in muliebri cultu singularitatem, præter conditionis illarum decorum, & Patriæ mores Legi Dei; Ecclesiæ Statutis, Principum Sanctionibus non repugnantes imponeret, Pœnitens non teneretur parere Confessario, nec eam satisfactionem suscipere. Cum enim dicimus suscipi debere a Pœnitente opera satisfactionis, quæ a Sacerdote Confessionem illius excipiente imponuntur, Intelligendum est de his, quæ Sacerdos, in quantum habet clavem scientiæ, & auctoritatis per divinum Judicium, & non secundum humanum errorem injungit; introitus autem in Religionem, cum sit voluntatis, non potest alicui injungi: & si aliqui Canones injungere inveniantur, magis est consilium quam præceptum: qualibet enim pœnitentia taxata levissima Religio est major satisfactio; in quantum homo abdicat propriam voluntatem, qua nihil est homini carius, (inquit S. Thomas in iv. Sententiarum, dist. xvi. in Expositione Textus.) Rem illustrat S. Antoninus III. p. tit. xiv. c. xviii. §. 19. Si pœnitens (inquit) dubitat non posse implere, debet declarare Confessori, & Confessor debet injungere talem, quam credat eum servaturum. Tripliciter autem Confessor imponit pœnitenti aliquid: uno modo per modum consilii, & exhortationis, sicut cum admonet eum, ut quotidie oret, det indigentibus elemosynas, &c. Ad ista non tenetur ex necessitate. Alio modo per modum declarationis communis obligationis, sicut declarando, quod restituat ablata, communit in Pascha, satisfaciat leso: & ista si non observat, evacuat sibi fructum satisfactio: non tamen propter hoc tenetur iterum confiteri, nec committit peccatum inobedientiæ speciale non obediendo Sacerdoti. Tercio modo per specialem satisfactionem, per commissionem: & ad istam tenetur ex præcepto, alias est transgressor, & committit speciale peccatum inobedientiæ. Si tamen injungeret Sacerdos alicui, quod intraret Religionem, vel non contraheret, & hujusmodi, non tenetur eam acceptare.

Addit ibidem S. Antoninus: Pœnitentiam autem, seu Satisfactionem, quæ sibi imponitur a Confessore, facere debet: nam si ex negligentia omittit, cum proposito non satisfaciendi id, quod sibi est injunctum pro mortalibus, mortaliter peccat: & si ejus est oblitus, tenetur iterum confiteri: sed si ejus recordatur adhuc, si vult eam facere, non tenetur iterum confiteri. Sed si non videtur sibi posse facere, vel nimis difficile, propter quod petit sibi commutari, potest fieri, etiamsi alteri confiteatur quam ei, qui eam imposuit; nec tenetur propter hoc iterum confiteri illa peccata, ut dicit Petrus de Palude. Quod videtur intelligendum, si pœnitentia fuit data pro peccatis, a quibus iste absolvere potuisset. Nam datam pro casibus reservatis, non potest commutare nisi in casu necessitatis, puta si impletio illius Pœnitentiæ posset illi esse periculosa, vel causa infirmitatis, vel ruine spiritualis, & ipse Pœnitens non commode posset habere recursum ad illum, qui primo injunxit: tunc enim presumendum est, quod esset contentus de hujusmodi permutatione Pœnitentiæ. Non autem leviter, & sine causa, secundum Raymundum, sunt permutande Pœnitentiæ.

Neque vero dicant ignavi homines, se pœnas peccatis suis debitas in Purgatorio subituros, divinæ Justitiæ sese summittere; impositam a Sacerdote Pœnitentiam citra crimen omittere posse. Illos enim, qui ita sunt affecti, & hic Pœnitentiam agere negligunt, non Purgatorii pœnis expiandos, sed penis inferni damnandos, docet S. Cæsarius Arelatenfis Episcopus, Serm. xxxvii. inter Augustinianos alias xli. De Sanctis, nunc civ. in Appendice. Illi autem (inquit) qui capitalia crimina committunt, si quando vivunt, ea redimere Pœnitentiæ medicamentis noluerunt, ad illum ignem, de quo dicit Apostolus: Ipse tamen salvus erit, sic tamen quæ

per

Satisfactio-
nis omisso,
& commu-
tatio.

Neglectus
satisfactio-
nis, im-
positæ gravæ
peccatum.

per ignem, venire non potuerunt; sed magis illam duram, & irrevocabilem sententiam audituri sunt, Discedite a me maledicti in ignem æternum. Et ideo, qui ab ista perpetua pœni, & ab illo Purgatorio ignis desiderant liberari, crimina capitalia non admittant, aut si jam commiserunt, fructuosam agant Pœnitentiam, & illa parva, vel quotidiana peccata bonis operibus redimere non desistant. Sed etsi Purgatorii pœnis addicendi tantum essent, qui condignam Pœnitentiam hic agere, Satisfactionemque a Sacerdote impositam implere neglexerunt, nemo tamen dicat: Non pertinet ad me quandiu moras habeam, si tamen ad vitam æternam perrexero: nemo hoc dicat. Fratres carissimi, quia ille Purgatorius ignis durior erit, quam quidquid potest in hoc sæculo pœnarum aut cogitari, aut videri, aut sentiri; (inquit S. Cæcilius.)

Matth. 25.

S. VIII.

Confessio frequens, & accelerata.

Confessio denique debet esse *Frequens*, & *accelerata*; quæ tamen potestem conditiones non sunt omnino necessariæ, sed optandæ, & peccatoribus suadendæ, ut ajunt Ss. Thomas, & Antoninus. Frequens esse debet, ut qui frequenter cadit, frequenter per Confessionem resurgat, ut habetur Canone, *Septies*, dist. 111. De Pœnit. Accelerata autem esse debet, ut si statim non confiteatur, qui lethalis peccati sibi conscius est; non tamen Confessionem nimis procrastinet, vel ad mortem differat. Hæc enim dilatio est impœnitentia est, quam lethale peccatum esse nemo negaverit. Hinc Ecclesia suspectam semper habuit eorum Pœnitentiam, qui eam ad mortem neque distulerant, interdum illis Communionem, imo & Absolutionem negavit, qui in mortis discrimine politi signa Pœnitentiæ dare, & Sacramenta postulare cœpissent. Qua de re S. Cyprianus Epist. LII. ad Antonianum, ex Ecclesiæ Africanæ sententia ita scribit: Pœnitentiam non agentes, nec dolorem delictorum suorum toto corde, & manifesta lamentationis suæ professione testantes, prohibendos omnino censuimus a sp̃e communicationis, & pacis, si in infirmitate, atque in periculo cœperint deprecari; quia rogare illos non delicti Pœnitentia, sed mortis urgentis admonitio compellit: nec dignus est in morte accipere solatium, qui se non cogitavit esse moriturum.

Ecclesia suspectam semper habuit eorum Pœnitentiam, qui ad mortem neque illam procrastinaverant.

Idem constat ex Conc. Arelatenfis I. canone ult. De his (inquit) qui apostatant, & nunquam se ad Ecclesiam repræsentant, ne quidem Pœnitentiam agere querunt, & postea infirmitate correpti, petunt Communionem, placuit eis non dandam Communionem, nisi revaluerint, & egerint dignos fructus Pœnitentiæ.

Id confirmat S. Augustinus, Serm. cccxciii. alias xli. ex Homiliis quinquaginta. Dico (inquit) in conspectu Dei, timori vestro, timorem meum. Qui autem non timet, timentem me contemnit, sed malo suo. Certus sum, quia homo baptizatus, si vitam, non audeo dicere sine peccato, quis enim sine peccato? sed vitam sine crimine duxerit, & talia peccata habuerit, quæ quotidie dimittuntur in oratione dicenti, *Dimitte nobis debita nostra, sicut, & nos dimittimus debitoribus nostris*: quando diem finierit, vitam non finit, sed transit de vita in vitam, de laboriosa ad quietem, de misera ad beatam: sive iste voluntate sua currat, ad Baptismum, sive in periculo constitutus baptizetur, & exeat de hac vita, ad Dominum vadit, ad requiem vadit: Qui egerit veraciter Pœnitentiam, ni-

Confessionis
frequentia,
& prompti-
tudo.

nitentiam, & solutus fuerit a ligamento, quo erat confectus, & a Christi corpore separatus, & bene post Pœnitentiam vixerit, sicut ante Pœnitentiam vivere debuit, post reconciliationem quodcumque defunctus fuerit, ad Deum vadit, ad requiem vadit, Regno Dei non privabitur, a populo diaboli separabitur. Si quis autem positus in ultima necessitate ægriitudinis suæ, voluerit accipere Pœnitentiam, & accipit, & mox reconciliatur, & hinc vadit: fateor vobis, non illi negamus, quod petit, sed non præsumimus, quia bene hinc exit. Non præsumo, non vos fallo. Fidelis bene vivens securus hinc exit. Baptizatus ad horam, securus hinc exit. Agens Pœnitentiam, & reconciliatus, cum sanus est, & postea bene vivens, securus hinc exit. Agens Pœnitentiam ad ultimum, & reconciliatus, si securus hinc exit, ego non sum securus. Pœnitentiam dare possum, securitatem dare non possum. Non solum post Pœnitentiam ab istis vitis se homo servare debet, sed & ante Pœnitentiam, dum sanus est: quia si ad ultimum vitæ steterit, nescit, si ipsam Pœnitentiam accipere, ac Deo, & Sacerdoti peccata sua confiteri poterit. Nunquid dico, Damnabitur? Non dico. Sed nec dico etiam, Liberabitur. Vis te dubio liberare? Vis, quod incertum est, evadere? Age Pœnitentiam, dum sanus es. Si sic agis, securus es. Quare securus es? Quia egisti Pœnitentiam eo tempore, quo & peccare potuisti. Si autem tunc vis agere Pœnitentiam ipsam, quando jam peccare non potes; peccata te dimiserunt, non tu illa. Ergo dimitte incertum, tene certum.

Non minus luculenter Auctor Sermonis inter Augustinianos alias LVII. *De Tempore*, nunc CCLV. in Appendice: Parum est (*inquit*) peccatorem penitere, nisi Pœnitentiam peregerit. Ad emendanda enim crimina vox Pœnitentis sola non sufficit: nam in satisfactione ingentium peccatorum non verba tantum, sed opera quærantur. Datur quidem etiam in extremis Pœnitentia, quia non potest denegari: sed auctores tamen esse non possumus, quod qui sic petierit, mereatur absolvi. Quomodo enim agit Pœnitentiam lapsus? Quomodo agit Pœnitentiam in extremis vitæ finibus constitutus? Quomodo Pœnitentiam agere possit, qui nulla jam pro se opera satisfactionis operari non potest? Et ideo Pœnitentia, quæ ab infirmo petitur, infirma est: Pœnitentia, quæ a moriente tantum petitur, timeo ne ipsa moriatur.

Et S. Cæsarius, Serm. LVII. in Augustiniana Appendice CCLVI. Cum (*inquit*) omnes homines Pœnitentiam velint in finem vitæ suæ accipere, & vix paucos videamus eam, secundum quod desiderant, promereri; quare non quotidie ipsam Pœnitentiam agimus, ut rem certam tenentes, de rebus incertis, & dubiis liberemur? Quanti enim qui se ad extremum vitæ suæ Pœnitentiam accepturos esse credebant, aut subita ruina oppressi, aut forte per naufragium demersi sunt, aut fulmine interfecti; aut illa infirmitate, quæ apoplexia dicitur, ita percussi sunt, ut non solum Pœnitentiam petere, sed etiam signare se, aut Orationem Dominicam dicere omnino non possent? Cum enim tantis casibus fragilitas humana subiaceat: nimis periculosa præsumptio est, ut nos in longa tempora ad agendam Pœnitentiam reservemus, qui unius diei vitam in potestatem habere non possumus: Et ideo cum timore, & tremore audiamus Dominum per Prophetam dicentem, & pia nos exhortatione monentem: Nolite tardare converti ad Dominum, nec differatis de die in diem.

Ecclesi. 5.

„Et

3, Et Sermone LVIII. in Augustiniana Appendice cclvii. Considera, si
 3, justum est, ut per totam vitam tuam vitiis, & peccatis servias, & ad Ezech. 33.
 3, acquirendum vitam jam semivivus assurgas. Nunquid tibi hoc fieri vis
 3, a servo tuo, ut quamdiu fortis, ac juvenis fuerit, inimicis tuis serviat;
 3, & cum ad senectam venerit, tunc demum ad tuum servitium redire ve-
 3, lit? Quod ergo non vis pati a servo tuo, non est justum, ut facias Do-
 3, mino tuo. Cum tamen multos noverimus, dum sani essent, frequenter
 3, dixisse, Pœnitentiam se toto corde desiderare: sed tamen quia illam sta-
 3, tim agere noluerunt, sine ipsius remedio de hoc sæculo recefferunt. Per-
 3, cutitur enim etiam hac animadversione peccator, ut moriens oblivisca-
 3, tur sui, qui vivens oblitus est Dei. Nam qui remedium animæ suæ,
 3, quando potuit, noluit quærere; postea etiam si velit, dubium est, utrum
 3, mereatur accipere.

Non differenda con-
 versio.

3, Et Sermone LX. in Appendice Augustiniana cclix. O homo, quare
 3, differs de die in diem; & non magis times, ne forte hodie habeas ulti-
 3, mum diem? Et Sermone LXI. in eadem Appendice cclx. Non sanitati cre-
 3, dendum est, non ætati. In remedium salutis suæ semper tardus est, qui
 3, vitæ suæ incertus est. O si tempus Pœnitentiæ sic disponderetur, quando
 3, est in potestate positum, quomodo desideraretur amissum?

Idem confirmat *Salvianus*, Lib. 1. *Ad Ecclesiam Catholicam*, ubi in illo-
 rum præsumptionem invehitur, qui conversionem ad mortem usque diffe-
 runt ea fiducia, quod eleemosynis peccata sua tunc redempturi sunt. Non
 3, quidem (*inquit*) ulli vitiis carnalibus implicato sufficere ad vitam æter-
 3, nam putem, si cum usque ad mortem in flagitiis consenuerit, in obitu
 3, bene cuncta dispenset, nisi antea & peccatis renunciaverit, & sordidam
 3, illam criminum tunicam, lutulentamque projecerit, & novam conver-
 3, sionis, ac sanctimoniarum vestem de manu Apostoli prædicantis acceperit.
 3, Alioqui peccare non desinit, quem in extremis situm recedere a crimi-
 3, nibus sola tantum facit impossibilitas, non voluntas. Qui enim a malis
 3, actibus tantum morte discedit, non relinquit scelera, sed relinquitur a
 3, sceleribus. Ac per hoc necessitate exclusus a vitiis, & tunc, puto, pec-
 3, cat, quando cessaverit, quia quantum ad animum necdum desit, qui ad-
 3, huc velit peccare, si possit. Non bonis itaque spebus innititur, qui ad
 3, hoc tantum peccat in vita, ut peccatorum molem redimat in morte, &
 3, ideo se evaluatum putat, non quia bonus, sed quia dives sit; quasi vero
 3, Deus non vitam quærat hominum, sed pecuniam, atque a cunctis malo-
 3, rum redimendorum spe male agentibus accipere solos pro criminibus num-
 3, mos velit, & corruptorum Judicium more argentum exigit, ut peccata
 3, vendat. Non ita est: prodesse enim largitionem plurimum, certum est;
 3, sed non illis, qui ultima futuræ largitionis spe male vivunt, qui fidu-
 3, cia redimendæ impunitatis scelera committunt; sed illis, qui decepti, aut
 3, lubrico ætatis, aut nubilo erroris, aut vitio ignorantiae, aut postremo
 3, lapsu fragilitatis humanæ, respicere tandem quasi post mortem gravissi-
 3, mæ infirmitatis, aut quasi post luctum turbatæ mentis incipiunt. *Et in-
 fra*: Quod si aut tanta vis morbi, aut tanta ægrotorum fuerit incuria,
 3, ut valetudinis labem usque ad dies ultimos trahat, quid dicam, nescio,
 3, quid promittam, penitus ignoro. Revocare ab inquisitione ultimi reme-
 3, dii periclitantes, durum, & impium; spondere autem aliquid in tam
 3, fera curatione, temerarium. Sed melius tamen est absque dubio, quam-
 3, vis diuturna paralyti aridas manus, aliquo tamen nisu ad cælum erigi,
 3, quam lethali penitus desperatione dissolvi. Melius est nihil inexpectum
 3, relin-

„relinquere, quam morientem nulla curare; maxime quia nescio, an in
 „extremis aliquid tentare, medicina sit: certe nihil tentare, perditio. Et
 „unum scio, quod quicumque in hanc miseriam longi languoris extrema
 „perduxerit, ineffabile dictum est quantum lamentationis erroribus suis de-
 „beat, qui nunquam errata cognovit. Et quid inter hæc fiet? Quando lu-
 „gebit, qui dies lugendi perdidit? Quando satisfaciet, qui tempus satisfaci-
 „tionis amisit? Quando hæc tam grandia faciet, vicino jam exitu etiam
 „a mediocrium actione disclusus? Satisfacient jam corpore, ubi exercebit
 „dilationis officium censor animus?

Confessionis
 dilatio peri-
 cula ob
 multiplicem
 rationem.

Guillelmus Parisiensis. Tract. De Sacramento Pœnitent. cap. XIX. pericu-
 losam esse probat Confessionis dilationem: Primum, ne propter negligen-
 tiam faciendi Confessionem, dum quis potest, dum non vult, iusto Dei iudicio
 infigatur ei non posse, cum velit: hoc enim modo consuevit iustissimus Deus
 negligentias nostras punire. Secundo, propter periculum oblivionis peccatorum.
 Tertio, propter periculum moræ, quæ non mediocriter aggravat peccatum.
 Quarto, propter periculum ruendi in aliud: Peccatum enim, quod statim
 per Pœnitentiam non diluitur, suo pondere trahit ad aliud, sicut dicit Gre-
 gorius: Quis hoc vestimento suo, vel calceamento faciat; ut non quam ci-
 to inquinatum fuerit, illud ablui, vel abstergi curet; Quis in luto illud us-
 que ad putrefactionem dimittat? Si vero dissolutum, vel derisum fuerit,
 quis non statim sutori, vel refectori tradat? Quis non equum suum, statim,
 ut vulneratus fuerit, curandum mittat? Si autem tantopere inquinamenta,
 & detritiones vestimentorum, & calceamentorum curantur a nobis; qua stu-
 diositate, & vigilantia curande sunt detritiones, & inquinamenta vestimen-
 torum spiritualium? Si tanta sollicitudine occurrere festinamus morbis equo-
 rum nostrorum, ne crescant, aut invalescant; quanto fortius accelerandum
 est nobis, ne morbi, aut lesiones animarum nostrarum crescant, & medica-
 mentum Confessionis statim adhibere? Si serpentes, & colubros ab asino no-
 stro, si venenum de corpore expellere; si hostem, vel latronem de domo nostra
 tantis studiis, atque conatibus eicere properamus; & moram illud faciendi
 tam acriter, & in nobis, & in aliis culpamus; & petere inducias, aut
 dilationes, quo minus hæc statim fiant, tantæ distractionis damnamus, quid
 nobis de spiritualibus serpentibus, colubris, & veneno, de diabolo hoste, &
 latrone faciendum putamus? Si ignis incendio domum cuiusquam vastare ce-
 perit, quis super extinctione illius inducias ei, etiam unius momenti, sugge-
 rere audeat, vel suadcat? Quis etiam adeo cecus, aut demens esse potest,
 ut hoc suadentem, vel suggerentem audiat? De peccato scriptum est, Job
 XXXII. Quia ignis est usque ad consumptionem devorans; de omnibus vero
 generaliter in Psalmo dictum est: Supercecidit ignis, & non viderunt solem.
 Et iterum: Incensa igni, & suffusa.

Accedit Hugo a S. Victore, Lib. II. De Sacramentis, p. XIV. c. v. Pal-
 de (inquit) difficile est, ut tunc vera sit Pœnitentia, quando tam fera ve-
 nit: quando cruciatus membra ligat, & dolor sensum opprimit, vix aliud co-
 gitare potest. Ergo si vis securus esse, Pœnitentiam age, dum sanus es. Dum
 mens sibi vacare potest, exerce illum in opere suo. Valde suspecta debet esse
 Pœnitentia, quæ contra videtur esse. Facile est, ut homo se nolle putet, quod
 posse non datur. Possibilitas optime voluntatem probat. Si non facis, dum po-
 tes, manifeste ostendis, quod non vis: Quamvis autem in tempore sanitatis
 securior sit Pœnitentia; tamen melior est fera, quam nulla. Ante finem time,
 ne penitere differas: in fine confide, ut vel tunc respicias. Quod si tunc
 forte tibi suppetere non vides tempus boni operis, egredere tamen in spe fir-

ma cum arrha bonæ devotionis. Multum sera fuit Latronis Pœnitentia, sed indulgentia sera non fuit. Quod tamdiu distulit, vide quam cito accepit. Cor contritum, & humiliatum Deus noster nunquam despiciet; quia mortem non vult peccatoris, sed ut convertatur, & vivat.

Neque tamen Latronis exemplo peccatores abuti debent, ut Pœnitentiam ad obitum ulque differant. Istud enim gratiæ miraculum fuit. Recolamus fidem Latronis, quam non invenit Christus post Resurrectionem in Discipulis suis. Pendebat in cruce Christus, pendebat & Latro; in medio ille, illi a lateribus. Insultat unus, credit alter, judicat medius ille. Hic enim, qui insul-
tabat, hoc dixit, Si Filius Dei es, libera te. Et alius ad illum, Tu non
times Deum. Si nos propter facta nostra merito patimur, ipse quid fe-
cit? Et conversus ad eum, Memento mei, Domine, cum veneris in Re-
gnum tuum. Magna fides: huic fidei quid addi possit, ignoro. Titubaverunt
ipsi, qui viderunt Christum mortuos suscitantem: credit ille, qui videbat se-
cum in ligno pendentem. Quando illi titubaverunt, tunc ille credidit. Qualem
fructum Christus de arido ligno percepit? Quid ei dixerit Dominus audiamus:
Amen dico tibi, Hodie mecum eris in Paradiso. Tu differis te, ego agnosco
te. Quando speraret Latro, de latrocinio ad Judicem, de Judice ad crucem,
de cruce ad Paradisum? Denique ipse attendens merita sua, non dixit, Me-
mento mei, ut liberes me hodie: sed, Cum veneris in Regnum tuum, tunc
mei memor esto; Ut si mihi tormenta debentur, vel quo usque veneris in Re-
gnum tuum. Et ille: Non sic: invasisti in Regnum colorum, vim fecisti, cre-
didisti, rapuisti. Hodie mecum eris in Paradiso. Non te differo, tantæ fidei
hodie reddo, quod debeo. Latro dicit, Memento mei, cum veneris in Re-
gnum tuum. Non solum credebatur resurrecturum, sed etiam regnaturum.
Pendenti, Crucifixi, cruento, herenti: Cum veneris, inquit, in Regnum
tuum. Et illi. Nos sperabamus. Ubi spem Latro invenit, Discipulus perdi-
dit. Verba sunt S. Augustini Serm. cccxxxii. alias De Tempore cccxliv. Ti-
meant itaque ne in exitu a Deo contemnuntur, qui Deum ad Pœnitentiam
illos vocantem nunc contemnunt: timeant ne tunc illis in penam pecca-
torum desit gratia conversionis, qui hic in peccatis perseverando defuerunt
gratiæ vocationis: timeant pondus iustitiæ vindicis, qui speraverunt, dum
viverent, opem misericordiæ manum tendentis, Quia vocavi (inquit) &
renuistis; extendi manum meam, & non fuit, qui aspiceret: despexistis omne
consilium meum & increpationes meas neglexistis: ego quoque in interitu vestro
ridebo, & subsannabo, cum vobis id, quod timebatis, advenerit, cum irru-
erit repentina calamitas, & interitus, quasi tempestas ingruerit: quando vene-
rit super vos tribulatio, & angustia: tunc invocabunt me, & non exaudiam;
mane consurgent, & non invenient me: eo quod exosam habuerint disciplinam,
& timorem Domini non susceperint, nec acquieverint consilio meo, & detraxe-
runt universæ correctioni meæ. Comedent igitur fructus viæ suæ, suisque con-
siliis saturabuntur. Et Ilia. lxxv. Vocavi, & non respondistis: Locutus sum, &
non audistis: & faciebatis malum in oculis meis, & quæ nolui elegistis. Pro-
pter hoc hæc dicit Dominus Deus: Ecce servi mei comedent, & vos esurietis:
ecce servi mei bibent, & vos sitiatis. Ecce servi mei letabuntur, & vos con-
fundemini: ecce servi mei laudabunt præ exultatione cordis, & vos clamabitis
præ dolore cordis, & præ contritione spiritus ululabitis. Unde Christus
comminatur: Ego vado, queretis me, & in peccato vestro moriemini. Quem
locum S. Augustinus, expendens, Tract. xxxviii. in Joannem, ait: Tota
infelicitas Judæorum ipsa erat, non peccatum habere, sed in peccatis mori.
Hoc est, quod debet fugere omnis Christianus: propter hoc ad Baptismum cur-
ritur; propter hoc, qui aegritudine, vel aliunde periclitantur, sibi desiderant
sub-

Boni Latro-
nis exem-
plum con-
versionem
differentibus
non tævet.

Luc. 23.

Prov. 1.

Joan. 3.

subveniri; propter hoc etiam lugeus parvulus a matre piis manibus ad Ecclesiam fertur, ne sine Baptismo exeat, & in peccato, quo natus est, moriatur. Infelicissima conditio, misera fors istorum, qui de ore veridico audierunt: *Lu peccatis vestris moriemini.*

ARTICULUS VII. REGULÆ MORUM.

Quæ Conditiones Confessionis spectant.

REGULA I.

Qui peccatum aliquod mortale, aut circumstantiam, quæ species peccati mutetur, vel plurimum aggravetur, dedita opera celaverit, Confessionem sacrilegam edidit & nullam; quam proinde iterare tenetur.

Quando iteranda Confessio.

Hanc Regulam tradit Conc. Tridentini Catechismus, p. 11. De Pœnitentia, §. LX. *Ad Confessionem (inquit) adeo necessarium est, ut integra, & absoluta sit: ut si quis dedita opera, alia quidem ex iis, quæ explicari debent, prætermittat: alia vero tantummodo confiteatur, non solum ex ea Confessione is commodum nullum consequatur, sed etiam novo scelere se obstringat: neque ejusmodi peccatorum enumeratio Confessionis nomine, in qua Sacramenti ratio inest, appellanda est: quin potius Pœnitenti Confessionem repetere est necesse, sequè ipsum illius peccati reum facere, quod Sacramenti sanctitatem simulatione Confessionis violavit.*

Eadem Regula confirmatur ex S. Thoma in iv. Sent. dist. xvii. qu. iiii. art. iv. qu. ii. *In medicina (inquit) corporali oportet, quod Medicus non solum unum morbum, contra quem medicinam dare debet, cognoscat; sed etiam universaliter totam habitudinem ipsius infirmi; ex eo quod unus morbus ex adjunctione alterius aggravatur; & medicina, quæ uni morbo competeret, alteri nocumentum præstaret: & similiter est in peccatis; quia unum aggravatur ex adjunctione alterius, & illud quod uni peccato esset conveniens medicina, alteri incentivum præstaret; cum quandoque aliquis contrariis peccatis infectus sit, ut Gregorius in Pastoralis docet: & ideo de necessitate Confessionis est, quod homo omnia peccata confiteatur, quæ in memoria habet; quod si non facit, non est Confessio, sed Confessionis simulatio.*

REGULA II.

Qui Confessionem divisit, uni Sacerdoti peccatorum partem, alteram alteri dedita opera declarans, nullam Confessionem fecit: adeoque omnia, & singula peccata uni, & eidem Sacerdoti tenerur iterum confiteri.

Quando iteranda Confessio.

Hanc Regulam tradit S. Carolus in Instructione Confessorum: nititurque Canone Consideret, dist. v. De Pœnitentia, cuius hæc sunt verba: *Cautus sit, ne verecundia ductus dividat apud se Confessionem, ut diversa diversis velit Sacerdotibus manifestare. Quidam enim uni celant, quæ alii manifestanda reservant, quod est se laudare, & ad hypocrisim tendere, & semper venia carere, ad quam per frustra putat totum pervenire. Quod sumptum est ex Authore Libri De vera, & falsa Pœnit. inter Opera S. Aug.*

Confirmatur ex S. Thoma, in iv. Sententiarum dist. xvii. qu. iiii. art. iv. quæst. 11. *ad primum. Et si (inquit) erubescencia sit multiplicior quando dividit diversa peccata diversis, tamen omnes simul non sunt ita magna, sicut illa una, quæ quis omnia peccata sua simul confitetur; quia unum peccatum*

për se consideratum non ita demonstrat malam dispositionem peccantis, sicut quando cum pluribus aliis consideratur; quia in unum peccatum aliquis quandoque ex ignorantia, vel infirmitate labitur; sed multitudo peccatorum demonstrat malitiam peccantis, vel magnam corruptionem ejusdem.

Et in responsione ad secundum: Pœna (inquit) a diversis Sacerdotibus imposita non esset sufficiens, quia quilibet consideraret tantum unum peccatum per se, & non gravitatem ipsius, quam habet ex adjunctione alterius; & quandoque pœna, quæ contra unum peccatum daretur, esset promotiva alterius peccati. Præterea, Sacerdos Confessionem audiens vicem Dei gerit; & ideo debet ei hoc modo fieri Confessio, sicut fit Deo in Contritione: unde sicut non esset Contritio, nisi quis de omnibus contereretur; ita non esset Confessio, nisi quis de omnibus, quæ memoriæ occurrunt, confiteretur.

R E G U L A III.

Hypocritis reus est, & periculo peccandi mortaliter se exponit, qui duos eligit Confessarios, quorum uni venialia duntaxat, alteri vero lethalia peccata aperiat.

Peccat enim ille contra sinceritatem Pœnitentiæ Sacramento debitam; & inanis gloriæ studio inflammatus, suæ potius famæ, & existimationi, quam animæ salutis, & gloriæ Dei consulit: ac præterea exponit se periculo frequentioris prolapsionis in peccata mortalia, si Confessarium adeat vel imperitum, vel cui est ignotus, qui proinde opportuna Pœnitentiæ, & Satisfactionis remedia non applicet. Hanc Regulam confirmant verba Canonis, *Consideret*, superius prolata. Qui autem ita est affectus, ut Confessario suo ordinario mortale peccatum non aperiret, si alterius Confessarii copiam non haberet, procul dubio peccat lethaliter.

Damnanda hypocritis.

- R E G U L A IV.

Qui peccati alicujus mortalis declarationem omisit, vel ex oblivione, vel ex minus sufficienti conscientie discussione, adhibita tamen diligentia juxta conditionem, scientiamque suam, Confessionem iterare non tenetur; sed tamen ea peccata, quorum oblitus est, confiteri debet, ubi memoriæ occurrerint.

Hanc Regulam tradit Conc. Tridentinum sess. xiv. c. v. *Constat* (inquit) nihil aliud in Ecclesia a Pœnitentibus exigi, quam ut postquam quisque diligentius se excusserit, & conscientie suæ sinus omnes, & latebras exploraverit, ea peccata confiteatur, quibus se Dominum, & Deum suum mortaliter offendisse meminerit: reliqua autem peccata, quæ diligenter cogitanti non occurrunt, in universum, eadem Confessione inclusa esse intelliguntur: pro quibus fideliter cum Propheta dicimus: *Ab occultis meis munda me.* Minus autem sufficiens conscientie discussio esse potest ob Pœnitentis imperitiam, & tamen adhiberi ab illo diligentia, quam pro modulo suo, & facultate potest: quem casum spectat hæc Regula in Catechismo Concilii confirmata, p. 11. *De Pœnitentia, §. Lxv. At vero* (inquit) *si alia de causa Confessioni aliquid defuisse videatur: vel quia Pœnitens nonnulla crimina oblitus fuerit; vel quia conscientie suæ latebras non ita accurate perquisiverit, cum tamen illud in animo haberet, ut integre peccata omnia confiteretur, nihil ei opus erit Confessionem iterare: satis autem habebit, si quando peccata, quæ oblitus erat, in memoriam reduceret, ea Sacerdos alio tempo-*

Psal. 18.

Quando iteranda Confessio.

144 Theologiæ Dogmaticæ, & Moralis Liber II.

re confiteri. Neque necesse est, ut illa peccata aperiat eidem Sacerdoti, cui cetera confessus est, si forte ipsum adire facile non possit; aut ut alteri eadem peccata declaret, quæ prius confessus fuerat; sed sufficit, ut illa, quorum oblitus fuerat, singulatim explicet, alia vero generatim, dicendo, quod cum alia multa confiteretur, horum oblitus fuit, ut docet S. Thomas loco proxime citato, in Responsione ad tertium.

Propositio
damnata.

Denique Alexander VII. Pontifex Maximus plurimas inter Propositiones die 14. Septembris anno MDCLXV. damnatas, hanc ordine 11. confixit: *Peccata in Confessione omissa, seu oblita ob instans periculum vite, aut ob aliam causam; non tenentur in sequenti Confessione exprimere*. Hanc damnavit, & Clerus Gallicanus his verbis: *Hæc Propositio temeraria est, erronea, & Confessionis integritati derogat*.

R E G U L A V.

Qui conscientiam adeo negligenter discussit, ut videri possit parvifacere alicujus peccati mortalis, aut circumstantiæ necessario explicandæ omissionem, Confessionem iterare debet.

ITa S. Carolus, in Instructionibus Confessorum, & Conc. Tridentini Catechismus, p. 11. §. LXVI. *Animadvertendum est (inquit) ne forte nimis dissolute, & remisse conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidem voluisse merito videri possimus: id enim si factum fuerit, Confessionem iterare omnino oportebit.*

R E G U L A VI.

Accuratum, & diligens examen conscientie censendum est, in quo ea diligentia adhibetur, quæ in gravioris momenti negotiis adhiberi solet.

Conscientiæ
examen ac-
curatum.

Hinc S. Jo: Chrysostomus, Hom. LVIII. Tomi v. cui titulus est: *Non est ad gratiam concionandum*, ait: *Apud conscientie rationes fiat discussio delictorum*, Et Hom. L. auctor est, ut quotidie, antequam in lectum nos recipiamus, conscientiam nostram diligenter discutamus. Quod & Philosophi ipsi Ethnici docuerunt. *Democrates* turpe esse ait, anxie scrutari res alterius, nostras ignorare, meliusque esse peccata nostra reprehendere, quam aliena. *Cleobulus* affirmat, multa aliis ignoscenda, nihil sibi. Auctor Pythagoreorum Carnium *Lyfis*, ante somnum ter nos ad animum revocare jubet acta diurna singula, quo iverimus, quid gesserimus, quid gerendum omiserimus: malefactis dolendum, lætandis rectis; ita demum virtutis vestigiis inhasiuros. Quæ ex doctrina Pythagoræ expressa fuisse confirmant *Diogenes Laertius*, & *Porphyrus* in istius Philosophi Vita. Morem hunc animi quotidie ad rationem reddendam cogendi disertis verbis commendat *Seneca* Lib. III. *De Ira*, cap. xxxvi. Fieri id solitum fuisse, ait, a *Sextio*, consummato quolibet die, postquam ad nocturnam quietem se receperat: fieri id a se sublatum e conspectu lumine; se causam dicere apud se, & totius diei facta, ac dicta remetiri. Nec levem hinc sibi fructum ipondet *Seneca* Epist. xxviii. imo salutem ipsam; quippe usurpat, atque laudat istud Epicuri: *Initium est salutis, notitia peccati*. Ex quibus patet, quanti momenti vel ab ipsis Philosophis Christiana Religione minime imbutis habitum sit istud conscientiæ discutiendæ negotium.

Conscientiæ
examen.

Denique S. Carolus in Instructione Confessorum, Pœnitentem interrogari jubet a Sacerdote, *Num in examinanda conscientia diligentiam debitam adhibuerit, eamque qualem equum est exigi in negotio tanti momenti.* „ Modum autem hujus examinis instituendi varium esse, nemo ne-
 „ scit. In eo Pœnitenti rudiori opitulari debere Confessarium, monet
 „ S. Carolus, ac docere, quæ ratione peccata cum circumstantiis in me-
 „ moriam possint revocari, animo scilicet vitam percurrendo, aut per
 „ ætates, pueritiam, juventutem, &c. vel per status varios, puta quo-
 „ modo se gesserit ante Matrimonium, aut post ipsum: vel per vari-
 „ os prosperitatis, aut adversitatis, sanæ vel infirmæ valetudinis ca-
 „ sus, per temporum diversitates, per officia, quæ administravit, socie-
 „ tates quas frequentavit, loca, regiones, domos, in quibus conver-
 „ satus est; in his denique, aliisque rebus, num corde, aut lingua, aut
 „ opere peccaverit, examinet.

De confitendi ratione plures libelli sunt editi; commemorantes quic-
 quid inter homines committitur, aut committi potest sceleris. Qui, ut re-
 cte a confirmatis ætate, usuque rerum viris leguntur, ita periculose spar-
 guntur in vulgus, periculosius animis simplicibus, & innocentibus offerun-
 tur. Sunt quibus ea ratio confitendi placet, ut quæcumque confiteri veli-
 mus, memoriæ juvandæ causa in septem, aut octo illa peccatorum lethali-
 um genera distribuamus, quæ sunt superbia, vana gloria, avaritia, ira,
 invidia, luxuria, gula, & acedia, quodex iis velut fontibus omnia vitia
 oriantur, ut alias explicabimus. Quam rationem probavit Conc. Cabilo-
 nense 11. can. xxxii. *Instruendus est (inquit) peccatorum suorum confessor,*
ut de octo principalibus vitiis, sine quibus in hac vita difficile vivitur, Con-
fessionem faciat, quia aut cogitatione, aut quod est gravius, opere, eorum in-
stinctu peccavit. Sunt qui confitendi locos ex se ipsis petant, quod omne
 peccatum, aut animo, aut aliquo quinque sensuum committatur. Vete-
 rem confitendi rationem magis probat Conc. Colonienfis Catechismus, ut
 ad fidem, & charitatem cuncta revocentur. Olim (inquit) Confessarius de
 „ Articulis Fidei, & quæ illis cohærent Ecclesiæ Sacramentis, ac Præce-
 „ ptis dominicis interrogabat, ex quo Pœnitentes duplicem fructum refere-
 „ bant: primum quod de Fide, & Præceptis instruerentur; deinde quod
 „ in sui, ac peccatorum agnitionem (quæ salutis initium est) venirent.
 „ Quemadmodum ergo omnino velimus, ut Sacerdotes veterem Ecclesiam
 „ in hoc imitentur, ita nobis simplicissima confitendi ratio videtur; si
 „ Pœnitentes doceantur, omnino duo esse, quæ a nobis Deus postulat,
 „ nempe fidem cum spe conjunctam, & charitatem. Fidem duo exigere, nem-
 „ pe ut quicquid Symbolo Apostolico summam continetur, firmiter cre-
 „ damus; deinde, ut tota fiducia præsentis, ac futuræ vitæ constitutur
 „ in Deo. Principio ergo de diffidentia confitendum erit. Nempe si
 „ quis de ullo Articulo Fidei vel tenuiter hæsitaverit. Deinde quotusquis-
 „ que hominum totam suam fiduciam in Deum collocat? Nunquid non
 „ singuli pene singulos sibi Deos faciunt? Alius finem operum suorum in
 „ fastu, ac vana gloria constituit; alius in divitiis confidit; alius ventrem
 „ curat, atque alii alia respiciunt: interim de fide in Deum parum, aut
 „ nihil solliciti: atque interim, quam pauci sunt, qui hanc suam diffiden-
 „ tiam, atque adeo idololatriam peccatum putant, cum tamen sit omnium
 „ peccatorum fons, & origo? Nam qui a fiducia in Deum prorsus alienus
 „ est, hujus tota vita nihil aliud est, quam unicum peccatum, de quo Spi-
 „ ritus Sanctus mundum condemnat. Ab hac ergo diffidentia initium recte
 „ capietur, & instruetur per Sacerdotem Pœnitens. Jam charitas ad duo

Conscientiæ
examen.

„ se porrigit, charitatem Dei, & proximi. Utramque Deus in Deca-
 „ logo præcipit, qui aptissima quædam methodus est, docens nos om-
 „ nia, quæ Deus fieri velit, & quæ fieri nolit, quod in ea omnes
 „ leges morales includi possint: Cum ergo omnino velimus, ac cupia-
 „ mus, ut non tantum privatim, sed & publice exsuggeris, idque fre-
 „ quentissime populus in Decalogo instruat, utque non solum Deca-
 „ logum memoria tenere; sed & quibus operibus singulis præceptis fa-
 „ tisfiat, rursus quibus contra singula peccetur, doceatur, sit, ut spe-
 „ remus (id cum Parochi factum curant) fore, ut hinc plebs certissi-
 „ mam simul, ac simplicissimam confitendi rationem sibi facillime col-
 „ ligat. Porro ad memoriam juvandam nihil magis profuerit, quam
 „ frequens interior Confessio. Præterea, huc non parum fecerit, si Pœ-
 „ nitens attendens ad præcepta dominica, recolat secum ubi locorum
 „ vixerit, quibus in negotiis versatus sit, & apud quos vixerit. Vi-
 „ dendum est autem Sacerdoti, ne peccatum omissionis extenuetur,
 „ quod solet esse gravissimum, maxime in iis, qui auctoritate, aut
 „ dignitate præminent, veluti sunt Episcopi, Abbates, Parochi, Prin-
 „ cipes, Magistratus, & Patres familias. Hæc Concilii Colonienfis
 „ Catechismus.

R E G U L A VII.

Confessionem dividi posse vulgo Theologi censent, ubi probabile periculum est, ne Sacerdos Pœnitentem ad peccatum sollicitet, ne Confessionem revelet; adeoque ne certi cujusdam peccati, aut circumstantiæ declaratione, Pœnitens se ipsum, aut alium in salutis æternæ, vitæ, aut famæ discrimen adducat. Veruntamen hanc doctrinam plebi tradi non expedit.

Possit ne di-
vidi Confes-
sio?

Juris positivi præcepta (inquiunt Theologi) cum tanto periculo non ob-
 „ ligant: ac proinde in illa hypothesi stricto jure non obligat Confessio,
 „ & perinde se habet Pœnitens, ac si copiam Confessarii non haberet. Vel, si
 „ Confessio facienda sit, nec obtineri potest facultas, aut non habetur oportu-
 „ nitas alterum Confessarium adeundi, explicanda sunt cetera, illud vero pec-
 „ catum, seu circumstantiæ, ex quibus periculum merito timetur, eadem Con-
 „ fessione generatim, & implicite (ut loquuntur) includendæ sunt, cum pro-
 „ posito illud, vel illas explicandi, ubi primum copia idonei Confessarii habe-
 „ bitur. Tuncque Confessio integra non erit per accidens (ut ajunt) id est, non
 „ ex intentione Pœnitentis, sed ex defectu Confessarii integri. Melius autem
 „ (inquit) videtur provideri con scientiis communicantium, si hoc modo con-
 „ fiteantur, quam si ad Eucharistiam accedant tota Confessione dilata. Ca-
 „ vendum tamen, ne leves suspiciones, inanesque timores peccatorem aldu-
 „ cant ab alicujus peccati lethalis, aut circumstantiæ necessario explicandæ,
 „ Confessione. Ideo plebi hujus Regulæ doctrina tradenda non est, ne ipsa abu-
 „ tatur, ut est hominum genus ad suspiciones, & inanes timores pronum.

R E G U L A VIII.

Qui Reservatorum Criminum reus est, & apud Sacerdotem constitetur, qui potestatem non habet a Casibus Reservatis absolvendi, tenetur nihilominus omnia peccata mortalia confiteri, tam reservata, quam non reservata: & de his quidem quamvis ab inferiori posset absolvi, & ad Superiorem remitti, ut a reservatis absolveretur: convenientior tamen illa videtur Disciplina ratio, ut ab omnibus simul absolvatur ab eo, qui potestatem habuerit, integra peccatorum Confessione apud ipsum edita.

HÆC Regula nititur auctoritate S. Thomæ, in IV. Sententiarum, Dist. XVII. Q. III. A. IV. Quæstiuncula II. ad IV. Dicendum (inquit) quod etiamsi Sacerdos non possit de omnibus absolvere, tenetur ei omnia confiteri; ut quantitatatem totius culpæ cognoscat, & de illis, de quibus non potest absolvere, ad Superiorem remittat.

Hanc doctrinam confirmat Parisiensis Ecclesiæ Ritualis Liber anno 1601. editus, Tit. De Sacramento Pœnitentiæ; Reg. IV. cujus hæc sunt verba: Debet esse integra Pœnitentis Confessio, nec unum peccatum debet confiteri, & alterum celare, si veram, & perfectam absolutionem consequi desiderat. Hic cavebit Sacerdos, ne Pœnitentem absolvat ab uno peccato, altero retento, nisi forte de eorum sit genere peccatorum, quæ ad Superiorem iure ipso devolvuntur, & remittuntur; & tunc mittat ad Superiorem.

Id omnino continetur in Instructionibus S. Caroli De Pœnitentiæ Sacramento, quarum hæc sunt verba: Si Censura, aut peccato Pœnitens sit irretitus, a quo non possit absolvere, ne tamen eum rejiciat, sed potius juvare studet: qua in re cum liceat ipsum, a quibus potest absolvere, & pro Reservatorum Absolutione mittere ad eum, qui habet absolvendi facultatem, videbit tamen, utrum Animæ illius magis consulatur, si ipse absolvendi facultatem impetret coram, si fieri possit, alioqui per litteras saltem, idque caute, quantum fieri possit: ut ita Pœnitentem uno tempore ab omnibus peccatis absolvat.

Quæ mihi convenientior videtur Disciplina ratio, magis probata est S. Carolo Borromæo in Instructionibus pro iis, qui Sacramentum Pœnitentiæ in Urbe, & Diocesi Mediolanensi ministrabant. Confessor (inquit) sæpius legat, juxtaque se Tribunali affixam habeat Bullam in Cæna Domini, aliosque casus Sedis Apostolicæ, aut nobis reservados. Qui vero his Casibus irretitifuerint, ad eum mittantur, qui ab iis absolvendi potestatem habet, prius quam illos audiat, vel ab aliis peccatis absolvat.

Si vero inferior audita omnium peccatorum Confessione Pœnitentem absolveret ab iis, a quibus potest, quod plerique Doctissimi Theologi * jure fieri posse censent, remitterentur illi omnia peccata, modo recte dispositus esset, cum ordine tamen ad Absolutionem alteram, quam paratus esset postulare, ac recipere ab eo, ad quem remitteretur, accepta congrua Pœnitentia. Ex utraque enim illa Absolutione partiali Sacramentum unum eo in casu confici, & quasi unam moraliter Absolutionem, unamque Confessionem censendam, Theologi illi sentiunt. Ceterum, quod Deum spectat, unum peccatum sine altero non posse remitti, certissimum est; cum homo ex parte Dei amicus, & ex parte inimicus esse non possit, nullumque mortale peccatum cum gratia, & charitate, quæ filios Dei faciunt, possit consistere.

* Henricus Gandavensis Quodl. 1. Q. 1. Petrus Paludanus in IV. Sent. Dist. XVII. Q. 1. A. 1. Conclus. 2. Sylvester Prierias in Summa verbo, Confessio 1. §. 9. Cajetanus in Summa verbo, Confessio, Conditione 10. Paulus Senninas, in IV. Sent. Dist. XVIII. Conclus. 2. &c.

R E G U L A IX.

Esti venialium peccatorum Confessio non sit necessaria, illa tamen confiteri oportet, de quibus dubitatur, an mortalia sint, an venialia.

Quando
teranda
Confessio?

Alioqui Pœnitens exponit se periculo celandi peccatum aliquod mortale in Confessione, proindeque sacrilegium committit, & Confessionem iterare debet.

Confirmatur ex S. Thoma, Qu. vi. Supplementi A. iv. ad tertium. *Quando (inquit) aliquis dubitat de aliquo peccato, an sit mortale, tenetur illud confiteri dubitatione manente. Quia qui aliquid committit, vel omittit, in quo dubitat esse peccatum mortale, peccat mortaliter, discrimini se committens. Et similiter periculo se committit, qui de hoc, quod dubitat esse mortale, negligit confiteri: non tamen debet asserere illud mortale esse, sed dubitative loqui, & iudicium Sacerdotis expectare, cujus est discernere inter lepram, & lepram.*

R E G U L A X.

Quamvis mendacium in Confessione venialium commissum, cum alia suppetit Sacramenti materia, lethale peccatum non esset, certe periculosissimum est Mentiri vero circa peccata mortalia, est absque dubio lethale peccatum.

Mendacium
in Confessione
nequam
grave crimen?

Quamquam enim quibusdam Theologis materiæ levitas mendacium circa venialia peccata in Confessione admissum, cum alia confitetur Pœnitens, nec debitam Sacramento materiam subtrahit, a peccato mortali excusare videatur: non tamen hominibus mentitur, sed Deo, injuriamque Sacramento facit, qui mendacium hujusmodi committit. A nemine vero in dubium revocatur, quin mendacium circa peccata mortalia, aut venialia, quæ sola Pœnitens confitetur, sit peccatum lethale. Cum enim in iudicio etiam civili mentiri in re gravi ad iudicium ipsum pertinente, lethale peccatum sit: lethale pariter peccatum esse, & quidem longe gravius, nemo negaverit, in sacro iudicio, scilicet in Confessione Sacramentali mentiri de rebus ad ipsam Confessionem pertinentibus. Si quis ergo a Confessario interrogatus de aliquo peccato lethali, illud se commississe neget, cum revera cominiterit, & se commississe meminerit, sacrilegii reus est, & Confessionem iterare tenetur, si Absolutionem illo in statu recipiat. Idem esto iudicium, si quis de aliquo mortali certo se accuset, quod non commisit, aut quod se commississe haud ipsi certum est. Iudicem enim a Deo constitutum decipit, occasionemque illi præbet, abutendi Clave scientiæ, inimicum Dei ipsum iudicando, & a lethali peccato, cujus non est reus, frustra ipsum absolvendo. Ne vero quis existimet humilitatis causa id licere, cum falsa sit humilitas, quæ veritatem oppugnat. Unde S. Augustinus, Sermone 181. alias 29. *De Verbis Apostoli, cap. iv. ait: Cum humilitatis causa mentiris, si non eras peccator, antequam mentireris, mentiendo efficeris, quod evitaveras: Veritas in te non est, nisi te ita dixeris peccatorem, ut etiam esse cognoscas. Veritas autem ipsa est, ut quod es, dicas. Nam quomodo est humilitas, ubi regnat falsitas? Neque id repugnat celebri S. Gregorii Sententiæ: Bonarum mentium est, ibi culpas suas agnoscere, ubi culpa non est. Id enim unum significat, iustos etiam vereri debere, ne opera sua sordibus, ac nævis aliquibus inficiantur, quibus Deo displiceant, secundum illud Job. ix. Verebar omnia opera mea, sciens quod*

non

non parceres delinquenti. Debet etiam justus se peccatorem confiteri in genere, juxta illud *Tertulliani*, Libro De Pœnitentia, *Peccator omnium notarius cum sim, nulli rei, nisi Pœnitentiæ natus, &c.* Quia nemo sine peccato vivit: *In specie vero non dicat se perpetrasse peccatum; nisi sciatur, vel credat ita esse;* (inquit. *S. Raymundus* Lib. 111. §. 24. Vel ut ait *S. Thomas*) agnoscere culpam, ubi culpa non est, dupliciter intelligitur: „Uno modo quantum ad substantiam actus, & sic non est verum. Non enim ad bonam mentem pertinet, sed ad errantem, ut se actum aliquem commisisse agnoscat, quem non commisit. Alio modo quantum ad conditionem actus, & sic verum est, quod *S. Gregorius* dicit, quia justus in actu, qui de se bonus est, formidat, ne aliquis defectus ex parte sua fuerit. Et sic dicitur *Job* IX *Verēbar omnia opera mea.* Et ideo ad bonam mentem etiam pertinet, ut hanc formidinem, quam corde tenet, lingua accuset. Tandem Per Confessionem debet Pœnitens se Confessori suo manifestare. Qui autem alius Sacerdoti de se loquitur, quam in sua conscientia habeat, sive bonum, sive malum, non se Sacerdoti manifestat, sed magis occultat: & ideo non est idonea Confessio, nisi os cordi concordet; ut solum hoc os accuset, quod conscientia tenet. *Hec S. Thomas*, loco supra citato, & in *iv. Sententiarum*, Dist. XXI. Q. II. A. III.

R E G U L A XI.

Fidelem Confessionem non facit, lethalisque peccati reus est, qui circumstantias a peccato prorsus excusantes, aut ita minuētes, ut veniale faciant, quod alias esset mortale, silentio premit.

Ille enim Confessarius decipit in re gravi, neque cor suum effundit, sicut aquam in conspectu Dei, & Ministri ejus; cum aliud profiteatur ore, ab eo quod in animo gerit. Si quis, verbi gratia, occidit aggressorem cum inculpata tutelæ moderamine, (ut loquuntur Theologi) idest, necessaria vitæ suæ defensione compulsus; vel in bello justo hostes interfecerit; & homicidia se perpetrasse simpliciter declaret, confitetur, ut mortale peccatum, quod nullum revera peccatum est, adeoque mortaliter peccat. Si quis item urgente fame panem alienum invito Domino arripuit, cum frustra mendicasset, seque furti reum simpliciter confiteatur, circumstantiam illam non explicans, mortalis peccati reatum incurrit. Item si quis de violato jejunio quadragesimali se accuset, qui ob infirmitatem jejunare non potuit, nec circumstantiam infirmitatis aperiat, lethali peccato se obstringit. Lethalis tamen peccati reos non censerem homines simplices, rudes, & imperitos, qui circumstantias illas malo animo, vel ex industria, Confessarium non celarent: illorum enim simplicitati & imperitiæ prudens Confessarius succurrere debet.

Circumstantiæ prorsus a peccato excusantes, aut peccatum minuētes non distimulandæ.

R E G U L A XII.

Pœnitens confiteri tenetur circumstantiam relapsus in eadem peccata.

HÆc enim circumstantia peccati gravitatem plurimum auget: *Fiuntque novissima hominis*, ita relapsi peccata prioribus, ut Christus docet ... Hanc Regulam confirmat *S. Thomas*, in *iv. Sententiarum*, Dist. XXII. Q. I. A. III. ubi eorum opinionem refellit, qui hanc circumstantiam non esse necessario in Confessione aperiendam contendebant: *Sed ex hac opinione* (inquit) videtur relinqui, quod non possit plene recidivantis morbo remedium

Luc. 11. 26. Recidiva, & consuetudinis circumstantiam confiteri esse.

„dium adhiberi: multa enim expediunt ad spirituales salutem recidivantis;
 „quæ non sunt necessaria innocenti; ut scilicet circa eum major cautela adhi-
 „beatur. Et ideo videtur distinguendum esse, quod in Confessione est aliquid
 „exponendum dupliciter: uno modo directe; & sic exponi dicitur, cujus abo-
 „litione per Confessionem quæritur: & sic peccata dimissa recidivans nullo modo
 „confiteri tenetur, nec in generali, nec in speciali, cuicumque confiteatur;
 „alio modo indirecte, sicut illud sine quo fieri non potest debitus satisfaciendi
 „modus: cum enim Contritio secundum quod est de necessitate salutis, vo-
 „tum Confessionis, & Satisfactionis debitæ includat, tenetur ille, qui confi-
 „tetur, Sacerdoti exponere ea, quibus Sacerdos possit scire, quæ Satisfactio
 „sit congrue injungenda, sicut confitens Sacerdoti interdum se esse infirmum,
 „ut jejunium non imponat; & per hunc modum tenetur recidivans notificare
 „peccata dimissa, quantum sufficit ad hoc, quod sciatur, quæ Satisfactio est
 „ei injungenda; ut si ipse frequenter lapsum carnis passus est ex aliqua occasio-
 „ne, illa occasio præcidatur per Satisfactionem; & sic de aliis peccatis: & ad
 „hoc videtur sufficere Confessio dimissorum peccatorum in generali: tamen
 „interdum ad aliqua specialia oportet descendere, secundum quod confitens
 „viderit opportunum: non enim potest in his aliqua certa mensura præfigi.

Denique inter varias corruptæ Moralis Propositiones Innocentius XI. Pon-
 tifices Maximus hanc damnavit LVIII. *Non tenemur Confessario interroganti
 fateri peccati alicujus consuetudinem.* Clerus etiam Gallicanus in generalibus
 Comitibus anni 1700. hanc propositionem confixit his verbis: *Falsa est, te-
 meraria, in errorem inducit, sacrilegiis favet, Christianæ simplicitati, Ministrorum
 Christi judicariæ potestati, Confessionis integritati, atque ipsius Sacramenti in-
 stitutioni, ac fini derogat.*

R E G U L A XIII.

*Imminente naufragio, vel prælio, aut alio præsentem periculo, ex quo nullus
 pateat exitus, si Sacerdos omnium Pœnitentiæ remedium posulantium Con-
 fessiones integras excipere non possit, plures simul peccatum aliquod suum
 confessos, aut generatim dumtaxat se de peccatis accusantes, & signa Con-
 tritionis dantes, absolvere sacramentaliter potest, & debet.*

An multo-
 rum Confes-
 siones simul
 audiri ali-
 quando pos-
 sint.

Cum enim Ecclesiæ Clavibus se subiciant, faciantque in illis angu-
 stiis, quod in se est, remedio a Christo instituto, & Ecclesiæ com-
 misso, lapsique in mortale peccatum post Baptisma necessario, privari
 non debent, ne ligati exeant ex hoc mundo. Si tamen ex eo periculo
 evaserint, omnia peccata sua singillatim, ac soli tenentur Sacerdoti confi-
 teri.

R E G U L A XIV.

*Lethaliter peccaret Sacerdos, qui extra hujusmodi periculorum extrema,
 multorum simul Confessiones audiret, etiam puerorum doli
 capacium.*

Pœceptum enim Ecclesiæ violare non vereretur, quæ Confessionem se-
 cretam esse jubet, atque a solo Pœnitente fieri, Can. XXI. Concilii La-
 teranensis IV. *Omnis utriusque sexus Fidelis, postquam ad annos discretionis
 pervenerit, omnia sua solus peccata saltem semel in anno fideliter confiteatur
 proprio Sacerdoti.*

Sacerdos vocatus ad infirmum, qui obmutuit, aut rationis usu destitutus est, ipsum absolvere potest, & debet ex aliorum testimonio, asserentium Pœnitentis animi signa ipsum exhibuisse, & Confessarium postulasse.

Hæc Regula nititur inprimis auctoritate S. Augustini Libro 1. De Adulterinis Conjugiis, cap. xxvi. & xxviii. ubi Cathecumenos in extremis constitutos, etiamsi nec ad interrogata respondere, nec Baptismum petere possint, esse nihilominus baptizandos docet, & similiter moribundis Pœnitentibus Reconciliationem, sive Absolutionem concedendam, etiamsi ipsos vox, & sensus defecerint. *Catechumenis, (inquit) in ulsi morte huius constitutis, si morbo, vel casu aliquo sic oppressi sunt, ut quamvis adhuc vivant, petere tamen sibi Baptismum, vel ad interrogata respondere non possint, profit eis, quod eorum in Fide Christiana jam nota voluntas est, ut eo modo baptizentur, quomodo baptizantur infantes, quorum voluntas nulla adhuc patuit.* Et postquam significavit eos non esse judicandos, qui contrariam disciplinam usurpant; & baptizare non audent eos, qui pro se respondere nequiverint, ne forte contrarium gerant voluntatis arbitrium, eorum scrupulum his verbis amolitur: „ Sed non solum incredibile est, nec in fine vitæ huius „ baptizari Catechumenum velle: verum etiam si voluntas ejus incerta est, „ multo satius est nolenti dare, quam volenti negare; ubi velit, an nolit, sic non apparet, ut tamen credibilis sit, eum, si posset, velle se „ potius fuisse discendum ea Sacramenta percipere, sine quibusjam credidit „ se non oportere de corpore exire. Et inferius, *hypothefi facta de Catechumeno adultero, constituto in extremis, & vocis usu, sensuumque destituto, eum etiam baptizandum esse censet.* Ego (inquit) „ non solum alios Catechumenos, „ verum etiam eos, qui viventium conjugis copulati retinent adulterina consortia, cum salvo corpore in his permanentes non admittimus ad Baptismum; tamen si desperati, & intra se Pœnitentes tacuerint, nec pro se respondere potuerint, baptizandos puto, ut etiam hoc peccatum cum ceteris „ Lavacro regenerationis ablatur. Quis enim novit, utrum fortassis adulterinæ carnis illecebra utique ad Baptismum statuerant detineri? *Tamdem eandem esse Pœnitentiæ rationem asserit, id est, eam Fidei moribundo, ante Sacerdotis adventum vocis usum amittenti administrandam esse.* „ Quæ autem Baptismatis „ eadem Reconciliationis est causa, si forte Pœnitentem finiendæ vitæ „ periculum præoccupaverit. Nec ipsos enim ex hac vita sine arrha suæ pacis „ exire velle debet Mater Ecclesia.

Nititur secundo Concilii Carthaginensis IV. Canone LXXVI. cujus hæc sunt verba: „ Is, qui Pœnitentiam in infirmitate petit, si casu dum ad eum „ Sacerdos invitatus venit, oppressus infirmitate obmutescat, vel in phrenesim versus fuerit, dent testimonium, qui eum audierunt, & accipiat Pœnitentiam. Et si continuo creditur moriturus, reconcilietur per manus impositionem, & infundatur ori ejus Eucharistia. Si supervixerit, admonetur a supradictis testibus suæ petitioni satisfactum, & subdatur statutis Pœnitentiæ legibus, quamdiu Sacerdos, qui Pœnitentiam dedit, „ probaverit.

Tertio nititur Concilii Arauscani I. Canone XII. *Subito obmutescens, (inquit) prout statutum est, baptizari, aut Pœnitentiam accipere potest; si voluntatis præteritæ testimonium aliorum verbis habet, aut præsentis in suo munus.*

Quarto, auctoritate S. Leonis, Epist. LXXXIII. alias xci. ad Theodorum Forojulientem Episcopum. *Oportet (inquit) unumquemque Christianum*

Quomodo se gerere debeat Confessarius erga infirmum, qui obmutuit, & rationis usu destitutus est, dum vocatus ad illum veniret

stianum conscientiæ suæ habere iudicium, ne converti ad Deum de die in diem differat, nec Satisfactionis sibi tempus in fine vitæ suæ constituat: quia periculose hac fe conditione fragilitas, & ignorantia humana concludit, ut ad paucarum horarum se reservet incertum: & cum possit plenior Satisfactione indulgentiam promereri, illius temporis angustias eligat, quo vix inveniat spatium, vel Confessio Pœnitentis, vel Reconciliatio Sacerdotis, Verum etiam talium necessitati ita auxiliandum est, ut & actio illis Pœnitentiæ, & Communionis gratia, si eam etiam amisso vocis officio, per indicia etiam integri sensus postulant, non negetur. At si aliqua ægitudine ita fuerint aggravati, ut quod paulo ante poscebant, sub præsentia Sacerdotis significare non valeant: testimonia eis Fidelium circumstantiam prodesse debent, ut simul & Pœnitentiæ, & Reconciliationis beneficium consequantur. Quinto, nititur Concilium Toletani xii. Can. 11. *Multos* (inquit), sæpe conspeximus in salute positos ultimum desiderantes Pœnitentiæ fructum, & rursus nimietate ægitudinis ita loquendi, & sentiendi naturale perdidisse officium, ut nulla illis cura salutis suæ videretur inesse, nullo etiam pristinæ devotionis noscerentur desiderio anhelare: quorum tamen casibus Fraternitas condolens, ita talium necessitates in fide suscepit sua, ut ultimum illis tribuatur Viaticum, scilicet ne sine fructu Pœnitentiæ transire videantur e sæculo. Idemque confirmat Concilium Toletanum xii. Can. 1x. „Sicut Baptisma, quod nescientibus parvulis sine ulla contentione in fide tantum proximorum accipitur: ita Pœnitentiæ donum, quod nescientibus illabitur, absque impugnantia violationis, hi, qui illud acceperint, obtinebunt. Sicut ergo ad gratiam Baptismi suscipiendam non est necessaria cognitio administrationis Baptismi sibi factæ, ut Baptismus parvulorum demonstrat: ita nec ad gratiam Reconciliationis in Sacramento Pœnitentiæ suscipiendam semper, & in omni casu necessaria est in eo, qui absolvitur, cognitio eorum, quæ circa ipsum geruntur.

Sexto, idem confirmat Rituale Romanum, de moribundo ita loquens: *Si petiit Sacerdotem, ut confiteretur, ostendit se facere velle omnia, quæ debet, & interea factus est mutus, vel phreneticus, & periculum est in mora, debet præsupponi contritus, & faciente aliquo Confessionem generalem pro eo, Sicut fit in populo, Sacerdos faciat Absolutionem ab omni sententia, & peccato: & potest injungere circumstantibus aliquid pro eo faciendum, vel hæredibus, aut consanguineis pro ejus Anima, si volunt acceptare. Deinde debet ei dari Eucharistia, si non sit confessus.*

R E G U L A XVI.

Homines moribundos, quos vox, & sensus defecit, antequam ullum Pœnitentis animi signum darent, ac Sacerdotem postulare, absolvere non licet, si constet vitiiis deditos fuisse, aut peccandi proximis occasionibus implicatos.

IN voluntate namque peccandi perseverare censentur, donec eam se deposuisse demonstraverint. Nec aliud colligi potest ex loco S. Augustini superius citato, ubi Catechumenos, qui adulterina retinent consortia, baptizandos esse docet, si infirmitate correpti, vocis, & sensus usum subito amiserint, eandemque esse Pœnitentiæ rationem. Supponit enim S. Augustinus, illos in adulterinæ carnis illecebra perseverare noluisse, & propositum illis fuisse concubinas dimittere ante Baptismum, atque peccato nuntium omnino remittere: & in illis angustiis illos *Intra se pœnitere*, quod credibile faciebat Catechumenorum status, quem sponte susceperant, & Baptismi suscipiendi voluntas, quæ conjuncta præsumebatur cum voluntate sincera præstan-

di ea omnia, sine quibus Ecclesia ipsos ad Baptismum non admisset. Illos ergo vitio deditos homines; aut etiam vagos, & ignotos, quibus nullum testimonium fide dignum perhibetur, quod pie, & Christiane vixerint, nullus Sacerdos absolvat.

R E G U L A XII.

Moribundum hominem, qui vocis usu, sensuque subito destitutus, Pœnitentiam ac Reconciliationem, nec verbis nec nutibus petit, nullave signa pœnitentis animi dare potest, absolvere non licet, quamvis bene vixerit, & Confessionem, Communionemque frequentaverit.

ITa censet Sacra Facultas Parisiensis, ad cujus examen inter alias Propositiones ex Libro quodam excerptas hæc etiam Propositio olim delata est: Talis infirmus, *Qui amisit loquelam, vel usum rationis, si bene vivebat, ut bonus, & fidelis, & frequentabat Confessionem, & Communionem, quamvis non petierit Sacramenta, quia ex insperato talia acciderunt, debet præsupponi contritus, & faciente aliquo Confessionem pro eo, sicut fit in Populo, Sacerdos faciat Absolutionem ab omni sententia, & peccato:* quam Propositionem eadem Sacra Facultas in solemnibus Comitibus die tertia Februarii anni 1665. in Sorbona celebratis hac Censura notavit: *Doctrina hujus Propositionis universim, & absolute sumpta, est in praxi periculosa.* Neque enim Pœnitentis actus, qui sunt materia necessaria Sacramenti Pœnitentiæ, in hac hypotheseprehenduntur, nec præsentem Pœnitentis statum, & intentionem satis perspectam habet Sacerdos, ut Absolutionis sententiam per modum judicii proferre possit. Alia vero Catechumenorum, & publice Pœnitentium ratio erat, de quibus in Regulæ superioris explicatione diximus. In illis enim Baptismi suscipiendi, in illis Reconciliationis, & Absolutionis virtutem certe intentionem perseverare compertum erat, cum Baptismum petissent, nomenque dedissent, vel Pœnitentiam professi essent, & ad hæc Sacramenta suscipienda instruerentur, expiarentur, præpararentur ab Ecclesia. Verum in hypothese Regulæ, quam explicamus, virtutem intentionem perseverare minime compertum est. Moribundis igitur vocis usu, sensuque subito destitutis Absolutio sacramentalis tunc tantum tribuenda est, cum ipsos Pœnitentis animi signa exhibuisse, & Confessarium postulasse, aliorum saltem relatione, ac testimonio constat quicquid Theologi nonnulli contra scripserint.

Nec alius est sensus Sacerdotalis Venetiis editi apud Joannem Variscum anno 1560. Statutorum Synodaliū Ecclesiæ Lemovicensis, editorum Lemovicibus anno 1620. cap. lxxi. Conditor contrariam sententiam secutus videtur; sed cum a Sede Apostolica confirmata non sint, vel ab aliis Ecclesiis recepta, ea in praxi eiq. non tenemur. Sic autem habent: *Poterit quoque idem applicari remedium ei, qui judicio, omniumque sensuum usu statim captus est, non petita Pœnitentia, nulloque signo Contritionis edito, cum violentia morbi judicatur de repente, & ex improvviso præventus, & oppressus, & Christiane vixit, ferrique potest judicium ex actionibus vite, & moribus cum libenter Pœnitentis Sacramentum petiturum fore, si tempus, & morbi violentia permisset, licet hoc in casu nihil de Absolutionis effectu promittere possimus. Sed Animarum salvandarum causa nullum remedium omittere debemus, quod Deus potestati nostræ commisit, Deum orantes, ut immensa bonitate, & misericordia, quod deest ægrotorum dispositioni, suppleat, cetera inscrutabilibus Dei Judiciis commendantes.*

Confessio absque Contritione, vel Attritione antecedente, concomitante, vel subsequente facta, prorsus invalida, adeoque iteranda est.

Confessio
informis, &
invalida.

Contritio enim perfecta, vel imperfecta, quæ Attritio vocatur, dispositio necessaria est ad gratiam in Sacramento Pœnitentiæ suscipiendam: Et quovis tempore ad impetrandam veniam peccatorum hic Contritionis motus fuit necessarius. Qui ergo peccata sua confitetur, absque Contritione, vel Attritione antecedente, concomitante, vel subsequente, eaque destitutus absolvitur, dispositionem necessariam non affert ad Pœnitentiæ Sacramentum: ejus itaque Pœnitentia nulla, & invalida est, cum Sacramento sacrilege abutatur. Pœnitentia enim sola Confessione non constat, sed & Contritione, & Satisfactione, qui sunt actus Pœnitentis, & quasi materia Sacramenti, (ut Concilium Tridentinum loquitur.) Pœnitentiam autem nullam, & invalidam, Confessionemque sacrilegam iterari oportere nemo negaverit.

Præterea, *A mortuo, quasi qui non sit, perit Confessio*, (ut dicitur Ecclesiastici xvii.) Confessio igitur, quæ fit a peccatore, in quo nullum est vitæ novæ initium per Contritionem saltem imperfectam, nulla, invalida, & sacrilega est. *Qui confitetur* (inquit S. Augustinus) *foras prodit. Foras prodire non posset, nisi viveret. Vivere non posset, nisi resuscitatus esset.*

S. Thomæ
locus de
Confessione
informi, &
scilicet expli-
catur.

Frustra vero quidam obijciunt locum S. Thomæ, in iv. Sententiarum, Dist. xvii. Q. iiii. Art. iv. Quæstiuncula 1. & Q. vii. Supplementi, Art. ii. *Confessio est actus virtutis, & pars Sacramenti: secundum autem quod est actus virtutis, est actus meritorius proprius, & sic Confessio non valet sine charitate, quæ est principium merendi: sed secundum quod est pars Sacramenti, sic ordinat consistentem ad Sacerdotem, qui habet Claves Ecclesiæ, qui per Confessionem conscientiam confitentis cognoscit: & secundum hoc Confessio, etiam potest esse in eo, qui non est contritus, quia potest peccata sua Sacerdoti manifestare, & Clavibus Ecclesiæ se subicere. Et quamvis tunc non percipiat Absolutionis fructum, tamen recedente fitione percipere incipiet; sicut etiam, & in aliis Sacramentis: unde non tenetur iterare Confessionem, qui fictus accedit, sed tenetur postmodum fitionem suam confiteri. Confessus absque Contritione, vel Attritione sufficienter attritus non est, ad Sacramentum fictus accedit: nec tamen (inquiunt) iterare Confessionem tenetur, S. Thomæ iudice.*

Frustra (inquam) hunc locum obijciunt: cum enim ait S. Thomas, hominem, qui ad Sacramentum Pœnitentiæ fictus accedit, non teneri ad iterandam Confessionem, sed solum ad confitendum postmodum fitionem suam; intelligendus est de homine, qui apud eundem Sacerdotem peccata sua semper deponit; vel qui sine Contritione, aut Attritione sufficienti confessus, hunc defectum ignoravit. Qui igitur Confessionem fecit, & Absolutionem accepit absque sincero dolore de peccatis, eorumque detestatione quatenus sunt offensa Dei, si eundem adeat Confessarium, eique suam illam fitionem declararet, minime necesse est, ut cetera peccata confiteatur, quæ in sacrilega illa Confessione aperuerat, quia fitionem illam aperiendo eidem Sacerdoti, qui *Conscientiam illius per Confessionem cognoscit*, eadem peccata subijcit clavibus Ecclesiæ, (ut docet S. Thomas.) Conscientiam vero peccatoris per Confessionem præcedentem penitus non cognovit Sacerdos; siquidem fitionem illius perspexit non habuit: ipsum enim non absolvisset, si neque contritum, neque sufficienter attritum esse cognovisset. Præterea, si fitionem confiteri tenetur, eam certe aperire de-
buit.

buit Sacerdoti prima Confessione, in qua ipsam commisit: cum enim huiusmodi fictio sit lethale peccatum, certum est, eum qui sine dolore sincere de peccatis, & eorum detestatione, quatenus Deum offendunt, absolvitur, Confessionem integram non fecisset, siquidem fictionem illam celavit. Confessio autem, quæ non est integra, prorsus invalida est, nec est Confessio, sed Confessionis simulatio. Cum itaque fictio illa, seu contritionis defectus peccatori confitenti cognitus, pars fuerit peccatorum lethaliū, quorum reus erat, cum primum confessus est, nec ab illa fictione fuerit absolutus, quam postmodum confiteri tenetur, secundum *S. Thomam*; evidens est, ipsum a reliquis etiam peccatis absolutum non fuisse: illa ergo cum ipsa fictione tenetur confiteri, ut simul ab omnibus absolvetur: nisi eidem, cui primum confessus est, Sacerdoti fictionem illam confiteatur, qui peccatorum memor jam clavibus Ecclesiæ a Pœnitente subditorum, conscientiæ illius statum ex unius fictionis confessione satis perfectum, & exploratum habet. Verum si peccator alterum Confessarium adeat, non sufficit, ut fictionem ipsi confiteatur, ac de sacrilega Confessione se accuset, sed & reliquorum peccatorum Confessionem ipsam iterare necesse est: alioquin conscientiæ illius statum Sacerdos ille cognitum non habebit. Iudex ergo illius in sacro Pœnitentiæ tribunali esse non poterit, nec pro gravitate peccatorum congruam satisfactionem imponere, nec Absolutionis Sententiam vice Christi proferre: ipsum enim Iudicem, qui sententiam profert, plenam causæ cognitionem habere necesse est. Ita *S. Thomas* interpretatur *S. Antoninus* III. P. Tit. XIV. cap. XIX. §. 5. *Potest* (inquit) *sustineri opinio S. Thomæ, loquendo de illo, qui confitetur ei cui prius; & non oportet iterare Confessionem ei prius factam, licet factam, etiamsi Sacerdos non recoleret peccata sibi prius dicta; quia nec quando Confessio est integra, oportet quod recolat actum de principio usque ad finem. Et maxime, quia hic sufficit absolvere ab omnibus, & injungere Pœnitentiam pro fictione, & pro aliis, quod faciat Pœnitentiam tunc sibi injunctam.*

Potest etiam explicari *S. Thomas* de peccatore, qui ad Sacramentum Pœnitentiæ fictus accedit, sed fictionem illam suam, seu contritionis defectum ignorat: qua in hypothesi Pœnitens confessionem iterare non tenetur, quam nullam fuisse nescit. Ipse sui sit Interpres *S. Thomas* locis supra laudatis. *Quilibet* (inquit) *tenetur ad Confessionem mortalium; sed si aliquis semel confessus est, etiam in mortali existens, non tenetur ulterius ad confitendum eadem peccata; quia cum nullus sciat se charitatem habere, nullus sciret se confessum fuisse: ergo non est de necessitate Confessionis, quod sit charitate formata. Idque confirmatur ex verbis ejusdem Angelici Doctoris, III. P. Q. LXXX. Art. IV. ad quintum dicentis: Quod non habeat aliquis conscientiam sui peccati, potest contingere sine culpa ipsius, puta cum doluit de peccato, sed non est sufficienter contritus. Et in tali casu non peccat sumendo Corpus Christi: quia homo per certitudinem scire non potest, utrum sit vere contritus: sufficit enim si in se signa contritionis inveniat, puta si doleat de præteritis, & proponat cavere de futuris. Ita rursus *S. Thomas* explicat *S. Antoninus* ibidem, & de eo loqui ait, *Qui fictus est quia habet dolorem, sed ita imperfectum, quod nec cum Sacramento actu suscepto sufficit ad contritionem: nihilominus tamen hanc imperfectionem, quæ est fictio, non confitetur, quia credit se sufficienter esse dispositum, & sic non scienter celat peccatum, quod fuit in hoc, quod non examinavit conscientiam suam, sicut debuit Tali, quando rediit ad cor, & recolit se non bene fecisse debitum, & ex negligentia aliqua oblitum, tunc incipit valere Confessio, & non tenetur confiteri illa, quæ prius confessus fuit sic fictus, quia non fuit dimidiata ex intentione, sed solum illam fictionem tenetur confiteri. Si autem fuisset fictio, quia non doleret, & scienter celata**

data fuisset, Confessio est nulla: vel si filio fuisset confessa, non debuisset dari Absolutio, (ea marcente.) Id rursus confirmat sententia illa *S. Thomæ*, in *iv. Sententiarum*, Dist. *xxi. Q. 11. Art. 11. bis repetita: Confessio operatur præsupposita Contritione*. Ubi ergo nulla Contritio est, sive perfecta, sive imperfecta, quæ Attritio vocatur, Confessio est invalida, adeoque iteranda.

Cum autem *S. Thomas* ait, peccatorem, qui sine Contritione constitetur, quamvis tunc non percipiat Absolutionis fructum, recedente tamen fitione percepturum, *sicut etiam in aliis Sacramentis*: comparisonem usquequaque accuratam non instituit inter Penitentiam, & alia Sacramenta, quæ recedente fitione gratiam conferunt. Illa enim, etsi sacrilege suscepta, vera nihilominus Sacramenta erant. Adultus, verbi gratia, qui sine dispositionibus ad gratiam iustificantem necessariis baptizatur, verum Sacramentum recipit, Christi Characterem insignitur, fit Ecclesiæ membrum: & Sacramentum illud in malo Christiano ratione characteris permanens gratiam operatur, cum obex, scilicet fictio præcedens, conversione sincera ad Deum removetur. Verum qui confessionem facit, & Absolutionem recipit absque Contritione saltem imperfecta, quæ Attritio dicitur, nullum Sacramentum suscipit: Confessio illa, & Absolutio nullum in eo producant effectum: nihil in eo relinquunt, nisi magnum sacrilegium: characterem non imprimunt, cujus virtute gratia produci possit accedente contritione. Quod enim quidam Theologi ajunt, in eo, qui fictus accedit ad Sacramentum Penitentiae, produci quemdam ornatum, cujus virtute gratia Sacramenti, recedente fitione, producat, merum figmentum est, nullum in Scriptura, vel Traditione fundamentum habens; neque explicari adhuc potuit, quid sit ornatus ille. Certe si Eucharistia indigne recepta spirituale effectum in anima non producit, recedente etiam fitione, quia characterem non imprimit, cum tamen Sacramentum recipiat, qui Christi Corpus indigne manducat, ut docet *S. Thomas III. P. Q. lxxx. Art. 1. ad primum*: quomodo Confessio sacrilega, quæ characterem pariter non imprimit, imo quæ nullum Sacramentum est, gratiam operari dici potest fitione recedente, secundum Angelici Doctoris mentem?

Denique *Dominicus Soto* Ordinis Prædicatorum Theologus eximius, maximamque laudem in Tridentino Concilio consecutus, dicere non dubitat *S. Thomam* in *iv. Sententiarum* locutum fuisse cum vulgo, quod quidem in „ Summa correxit, & correxisset clarius, si huc ulque pervenisset. *Secundo*, non videri idem tribuisse huic Sacramento, quod Baptismo. Ait enim, „ quod quamvis tunc confessus non percipiat Absolutionis fructum, tamen „ recedente fitione recipiet, sicut est in aliis Sacramentis. De aliis autem „ Sacramentis non imprimentibus characterem nullibi hoc ipse opinatus est; „ sed Capreolus, & Paludanus, qui fictitium illum ornatum per Sacramen- „ tum hoc imprimi autumant, illum gratiæ fructum recedente fitione, & „ hic quoque fingunt. Attamen *S. Thomas* (ut arbitror) non aliud sibi „ vult, quam quod recedente fitione per Contritionem incipiat homo habere gratiam, & remissionem peccatorum, quam non habuit prius per Sacramentum: & si iterum confiteatur, habebit etiam gradum sacramentalis gratiæ similem illi, quem habuisset per primum Sacramentum. Hæc paulo prolixius explicare operæ pretium fuit, ne Theologi solutioris, molliorisque doctrinæ in iis, quæ Penitentiae Administrationem spectant, *S. Thomæ* verbis ulterius abutantur.

Hanc de fitione Penitentium quæstionem dilucide Venerabilis *Gerfonius* explicat in Responsione ad Quæstiones quasdam Morales, Q. 11. *Quædam fictio* (inquit) *est perniciose mentiens; quædam dolose dimisiãs; quædam paten-*

Multiplex
fictio Pœni-
tentium.

ter inficiens; quedam insufficienter discutiens. Fictio triplex prior impedit ne Confessio, vel præterita Absolutio valeat sic fingenti; quin oporteat, vel necessarium sit iterum de omnibus sacramentaliter confiteri. Quarta vero fictio potest inveniri, licet non bona, non tamen sicut priores æqualiter mala; ubi licet Absolutio non conferat gratiam, nec peccata deleat, confert tamen cessante fictione, nec oportebit de sic confessis iterum confiteri. Mentiens autem in Confessione perniciosè, peccat mortaliter. Scus autem est de mendacio quod ex genere suo alias esset solum veniale, ut videlicet miscendo quamdam levem circumstantiam falsam, vel excusationem frivolum. Fictio autem secunda, scilicet dolo se dimidiari dicitur, quæ tacet solum ad celandum peccatum suum uni certo Sacerdoti, attamen proponit hoc alteri consistere, & hæc facit in fraudem integritatis ipsius Confessionis, videlicet ne vili reputetur si hoc peccatum tali detegeret, cui jam forsitan alia plura detexit gravia, & reservans hoc cuidam alteri, qui propria nescit, ut fallaciter reperiatur apud humanum iudicium peccator parvus, qui coram Deo est peccator magnus Fictio tertia, quæ est patenter inficiens, fit dum confitens retinet adhuc propositum actualiter iterum peccandi, nec habet propositum juxta Confessoris voluntatem injustè ablata restituendi, & satisfaciendi aliis, prout foret satisfaciendum. Et hæc fictio relabitur, & coincidit in duo membra fictionis priora: quia vel hic est celatio peccati mortalis, si non confitetur hoc propositum peccandi: vel est perniciosum mendacium, si dicit, se pœnitere, & dolere peccasse, cum manifestè oppositum ostendant signa sua, ex quo non vult satisfacere juxta Sacerdotis Judicium. Fictio quarta, quæ est insufficienter discutiens, potest contingere multipliciter. Primo, ignorando factum, quia non fuit sufficienter recogitatum. Secundo, ignorando si factum sit peccatum, saltem mortale. Tertio, ignorando si sit taliter, & expresse confitendum. Quarto, ignorando si displicitia peccati sit principaliter in continente, non ratione culpe, sed ratione pudoris, & pœne. Quinto, ignorando si motus in detestationem peccati sit satis intensus, vel non. Sexto, ignorando si ponatur obex Absolutioni per propositum non abstinendi a peccato. His præmissis, dicendum est ad Quæstionem, quod Confessio non est propter aliquam istarum sex fictionum, quartam fictionem, quæ insufficienter discuit, respicientium, iteranda. Hujus ratio est ista: Quia ipsa Confessio obtinet, & habebit efficaciam, vel in Absolutione sacramentali virtute clavium Ecclesiæ, vel postmodum cessante fictione hujusmodi; sicut fit etiam quandoque in Baptismo. Et ita concordat satis S. Thomas cum ceteris Doctoribus.

R E G U L A XIX.

Qui peccatum aliquod mortale in Confessione prætermisit ex Divini Juris ignorantia, Confessionem iterare tenetur: si vero ex ignorantia facti, sufficit, ut illud confiteatur, nec ceterorum Confessionem repetere necesse est.

Hanc Regulam tradit S. Thomas, in iv. Sententiarum, Dist. XXI. Qu. 11. Art. 1. ad quartum: Ignorantia Juris (inquit), non excusat, quia, ipsa peccatum est; sed ignorantia facti excusat. Unde aliquis de hoc, Quod non confiteretur peccata, quæ nescit esse peccata propter ignorantiam juris divini, non excusatur a fictione; excusaretur autem, si nesciret ea esse peccata propter ignorantiam particularis circumstantiæ: ut si cognovit alienam, quam credidit esse suam: sed obliquo de actu peccati habet ignorantiam facti: & ideo excusat a peccato fictionis in Confessione, quod fructum Absolutionis, & Confessionis impedit.

Quando iteranda Confessio?

R E G U L A XX.

Quamvis peccata venialia sine virtuali saltem Contritione non deleantur, quæ tamen sine Contritione illa confitetur, & ab illis absoluitur, non semper contrahit mortale peccatum, neque Confessionem iterare tenetur.

An Confessio venialium sine contritione facta necessario iteranda sit?

Primam hujus Propositionis partem asserit S. Thomas, III. P. Quæst. LXXXVII. Art. 1. ubi docet, Pœnitentiam ad remissionem venialis peccati, non minus quam mortalis esse necessariam, quia *Sicut peccatum mortale remitti non potest quandiu voluntas peccato adheret, ita etiam nec peccatum veniale*; sed perfectiori Pœnitentia opus esse ad mortaliū remissionem, scilicet actuali detestatione omnium, & singulorum: ad venialium vero remissionem virtuali tantum displicentia, qua vis iustus affectu tam fervido fertur in Deum, & res divinas, ut quicquid ipsi occurreret, quod eum ab hoc motu retardaret, displiceret ei, & doleret se id commississe, quamvis actu de illo non cogitaret.

Et in IV. Sententiarum, Dist. XXI. Quæst. 1. Art. 1. ad primum: *Confessio generalis* (inquit), quandoque est Sacramentalis, & quandoque non: Sacramentalis quidem est, quando aliquis in secreto Sacerdoti confitetur, quædam, quæ meminit, & alia venialia in generali: & tunc illa generalis Confessio ex quatuor habet, quod valeat ad remissionem venialium quantum ad culpam; & etiam pœnam, vel in parte, vel in toto; scilicet ex contritione confitentis, ex humilitate Confessionis, ex oratione Sacerdotis, ex vi clavium. Quando autem sit publice coram multis, & cum multis in Ecclesia, non est Sacramentalis: unde tunc habet efficaciam ex tribus primis, & non ex quarto. *Ad tertium vero respondet*, quod Contritio generalis sufficit ad peccatorum venialium dimissionem quoad culpam; sed illud quod habitu retinetur in affectu, excluditur ab illa generalitate; unde illud non deletur per talem Contritionem, neque etiam per generalem Confessionem. Denique Sacramentum Pœnitentiæ tribus constat partibus, scilicet Contritione, Confessione, Satisfactione, quæ sunt *Quasi materia hujus Sacramenti*: cum igitur venialia peccata Sacramento Pœnitentiæ, & Ecclesiæ clavibus per Sacramentalem Confessionem subjiciuntur, quod certe saluberrimum est, Pœnitens de illis contritus esse debet saltem imperfecta Contritione, quæ peccandi voluntatem excludat; alioqui Pœnitentiæ Sacramentum in eo, qui venialia dumtaxat confitebitur, nullum erit, & carebit effectu.

Pars altera Propositionis inde probatur, quod adhæsiō ad veniale peccatum, quod vir iustus confitetur, adeoque Contritionis in illa Confessione defectus, non sit peccatum lethale: siquidem regnans Dei amor non expellitur ex anima nisi majore creaturarum amore, & nisi res condita Creatori præferatur. In ipso itaque Sacramenti Pœnitentiæ usu, sicut extra usum Sacramenti, charitas cum aliquo creaturarum amore consistere potest. Peccatum igitur lethale non contrahit homo iustus, qui venialia peccata confitetur, a quorum amore necdum expeditus est, nec de illis vere contritus; præsertim si illud Sacramentum adeat non animo profanandi; sed sese in actibus Religionis exercendi, & spe Sacramentalem Absolutionem obtinendi. Neque enim Sacramentum profanari, & violari quis jure dixerit, cum traditur non profano, qui temporalia æternis antepōnit, sed iusto, & religioso, qui Deum omnibus præfert. Non prodest quidem Sacramentum ei, qui iola venialia confitetur absque illorum detestatione, sed lethalem noxam animæ propterea non asserit. Possunt enim pharmaca sic

fic sumi, ut nec profint, nec obsint, vel certe non lethaliter obsint. Pari ratione Sacramenta non semper animæ mortem inferunt, quando accepta non profunt. Nam inter prodesse, & lethaliter obesse, medium intercedit, nec prodesse nec obesse, vel etiam parum prodesse. Et quamvis Sacramenta sint res sacrosanctæ, non omnis tamen irreverentia, quæ in illa committitur, lethale sacrilegium est. Quamobrem nec est iteranda necessario Confessio venialium absque Contritione facta, nec huiusmodi fictio Confessioni Sacramentali necessario subiicienda est, cum aliis remediis expiari possit, sicut & venialium peccatorum reliquum omne genus. Periculi tamen plena res est venialia sine Contritione frequenter confiteri, & si quando perspectum sit Conscientiarum Moderatoribus Pœnitentes, qui sola venialia, illaque eadem læpe consistunt, de illis non dolere, nec propositum ipsis esse ab illis cavere, quantum humana fragilitas patitur, sed in illis præsertim, quæ plena voluntate, non ex subreptione, vel infirmitate perpetrantur, amore adhuc hære: omnem dare operam debent, ut illos ad Contritionem excitent, & ab amore nimio sui ipsius, vel terrenarum rerum ceterarum abstrahant, quibus vel ut glutino quodam, & visco detinetur anima, ne ad Sponsi cœlestis amplexus currat; illique Communionem Eucharistiæ, imo & Absolutionem differre debent, nisi peccata quantumvis minuta detestentur, emendationisque propositum habeant. Non sunt tamen scrupulis conturbandæ piorum animæ, qui quotidianæ incurisionis peccata frequenter consistuntur, & in eadem, (quæ humana fragilitas est) semper impingunt, constet modo ipsis displicere noxas illas etsi leviores, illarumque remedia in Sacramento quærere, aliave adhibere, & Christianæ perfectionis desiderio in id incumbere, ut concupiscentiam expugnent, aut minuunt. Sed cum illis severius agendum, qui sine timore ruunt in peccata, quæ non existimantur esse mortalia, illaque voluntate plene deliberata committunt, quia suppliciis æternis illa non puniri periculum habent. Qui enim ita sunt affecti, non videntur amare virtutem, sed timere dumtaxat supplicia; nec Deum colere, ut Patrem, quem offendere nolint, sed solum vereri, ut Judicem a quo timent damnari. Probis enim filius non solum sollicitè cavet, ne illa committat, propter quæ scit se a patre exheredandum; sed etiam omne studium adhibet, ne illa perpetret, quibus patrem suum novit offensum iri, tametsi non adeo, ut filium propterea ab hæreditate excludat.

R E G U L A XXI.

Virginibus, & Devotis Fœminis summopere cavendum est, ne ex frequentibus venialium peccatorum Confessionibus, & occasione Confessionum, colloquutionibus cum Confessariis, & Moderatoribus Conscientiarum, nimia ad ipsos Confessarios, & Directores adhæsiō, & impuri, vel inquieti affectus nascantur.

Hanc Regulam tradit insignis Vitæ Spiritualis Magister Joannes Avila, cap. viii. super Verbum Psal. xlv. Audi, filia, his verbis ex Hispano fideliter redditis: Fuge viris familiaris esse. Nunquam sola sis cum ullo illorum, nisi cum Confessario tuo; neque diutius apud illum commoraris, quam postulat Confessio. Et hæc nullis superfluis verbis protrahenda est, ne multiloquio & ipsa pecces, & peccandi occasionem Confessario præbeas. Hoc tanto studiosius curandum est, quo Confessio ordinata est, ut tollat, non ut ingerat peccata. Nihil enim magis perversum, quam eo uti ad augendos animarum morbos, quo illos curare

Cautio Devotis fœminis necessaria.

vi oportet. Sponsæ Christi, præsertim juveni, magna diligentia, & prudentia eligendo Confessario opus est. Necessè ut is sit vitæ irreprehensibilis, & famæ illibata, atque ætatis maturæ. Hic ubi fuerit repertus, atque electus, tum observandæ animi affectiones; ne circa hunc fere ea ratione occupentur, qua animus matrumfamilias circa maritum, prolesque suas cogitando, amando, & satagendo occupatur. Locus, quem in corde uxoris maritus occupat, in corde Virginis non Confessario, sed Christo, qui unus Virginum Sponsus est, totus dandus est. Non cogitandum de Confessario, nisi ut, quod ipse docet, Virgo opere exerceat: dum Dei, qui solus spes, & consolatio nostra est, voluntas finit, ut Confessarii præsentia Virgo destituatur, id æquo animo ferendum est. Si autem, qualem descripsimus, Confessarium Virgo, aut Femina Deo Devota reperire non potest, satius ei fuerit, ut sacrorum Librorum lectione, & meditatione contenta, nonnisi ter, aut quater in anno peccata confiteatur, sumatque Sacramentum Corporis Domini; quam ut frequenti Confessione de incontinentia, aut inordinatis affectibus suspecta fiat. Et licet inquietorum affectuum sibi conscia Virgo non foret, tamen ne aliis scandalo sit, etiam ab illis congressibus, & sermocinationibus cavere debet, quæ aliis male suspicandi materiam sufficere nata sunt.

Moram diuturniorem in frequentibus Devotarum Feminarum Confessionibus audiendis, & prolixiora cum ipsis sive in Confessione, sive extra sacrum Tribunal colloquia Directionis specie, tam ipsis mulierculis, quam Confessariis admodum periculosa censuerunt Venerabilis Umbertus Ordinis FF. Prædicatorum Generalis Magister, Libro de Officiis ejusdem Ordinis, & S. Antoninus, 111. P. Tit. xvii. cap. xix. Audiendo mulieres (inquiunt, caveat, ne nisi in publico audiat, & nisi ab aliquo, vel aliquibus videatur, nec multum immoretur, nisi quantum necessitas Confessionis requirit. Et eis, quæ nimis frequenter confiteri volunt, assignet certum tempus, extra quod ipsas non audiat, nec aliis colloquiis se eis exponat. Et semper verbis duris, & rigidis circa illas utatur potius quam mollibus. Hæc ex B. Umberto laudat S. Antoninus, subditque: Et hoc est contra illos, qui quotidie audiunt mulierculas, & faciunt eis longas Prædicationes. Unde amittunt multum temporis, & scandalum communiter sequitur in ipsis, & in Populis.

Specie charitatis moram diuturniorem, aut frequentati nem nimiam devotarum feminarum frustra excusarent imprudentes confitentiarum moderatores. Timendum enim, ne sani non sint in charitate. Timendum frigus charitatis, vento flante ab Aquilone, unde omne malum. Le hoc frigore charitatis, & Amon in sorore sua Thamar obriguerat. Timendum ergo, ne forte & nos hac infirmitate charitatis aliquando superemur. Nonnunquam enim evenit, ut primum a nobis in virginem sive in quamlibet feminam sit sancta dilectio, & cum mollita mens fuerit in affectus, paulatim sanitas charitatis laqueore pallescat, & infirmari incipiat, & ad extremam mortem diligentem ferat. U de Apostolus caute, & prudenter Timotheo præcipit, ut exhortetur adolescentulas in omni castitate. Omnis autem castitas in carne, & spiritu, & anima est: ne scandalezetur oculus: ne in pulchritudine vultus femine hærentes pondeamus: ne blanda nos audire verba deleat, ne ad simulatos sermones mens prius dura marcescat. Caveant ergo tam juvenes quam senes, tam adolescentule quam vetule, & omni diligentia custodiant cor suum: ne sanitatem dilectionis morbus charitatis introeat, & per amorem sanctum fiat non sancta dilectio, quæ illos pertrahat in gebennam (inquit S. Hieronymus.)

S. Hieron.
in cap. 2.
Epist. ad
Titum.

Confessiones, præsertim mulierum, in Ecclesia, in loco patenti, non in angulis, abditivæ locis, aut Capellis minus late patentibus excipi debent.

Sic enim in plerisque Conciliis statutum est. Sic Odo Parisiensis Episcopus in Synodo anni mxcv. „ Ad audiendum Confessiones communiorem locum in Ecclesia sibi eligant Sacerdotes, ut communiter ab omnibus „ videri possint: & in locis abditis, aut extra Ecclesiam nullus recipiat Confessiones, nisi in magna necessitate, vel infirmitate.

Locus, ubi
Confessiones
excipiendæ.

Ita Richardus Episcopus Sarum in Constitutionibus anno 1217. editis, cap. xlv. „ Confessiones mulierum audiantur extra velum, & in propatulo quantum ad visum, non quantum ad auditum.

Concilium Narbonense anni 1226. cap. vii. „ Illi qui Confessiones audiverint, in loco patenti audiant, non occulto.

Synodus Colonienfis sub Sifrido Archiepiscopo, anno 1280. cap. viii. *Ad Confessionem* (inquit) „ audiendam communem, & aptum locum in Ecclesia, ut ab omnibus videri possint, sibi eligant Sacerdotes. In locis autem obscuris, & tenebrosis Confessiones non audiant: nec extra Ecclesiam, nisi in magna necessitate, vel infirmitate. Contrarium facientes Sententiam Excommunicationis se noverint incursum.

Item præcipimus, ut Sacerdotes ante solis ortum, & post solis occasum, nullatenus ad Confessionem audiendam sedent, nisi in magna necessitate, & in loco illuminato, & aliquibus præsentibus.

Item Sacerdos mulierem, quæ sola sit in Ecclesia, nullatenus audiat confitentem, sed in conspectu honestæ societatis. Contrarium facientes ipso facto Sententiam Excommunicationis se noverint incursum, & insuper tribus diebus in pane, & aqua jejurent.

Synodus Nemaufensis anni 1284. Tit. De Pœnitentia: „ Districte vero præcipimus; quod illi, qui Confessiones audierint, in loco patenti audiant confitentes, non in occulto; & præcipue si fuerint mulieres.

Synodus Exoniensis anni 1287. Tit. v. De Pœnitentia: „ Mulieres in aperto, & extra velum confiteantur: non ut audiri valeant, sed videri.

Synodus Bajocensis anno 1300. cap. lxxxi. „ Ad audiendam Confessionem eminentem locum sibi eligant Sacerdotes ut communiter possint videri: & in locis abditis extra Ecclesiam nullus recipiat Confessiones, nisi necessitate.

Concilium Lambethense anno 1330. cap. ii. „ Sacerdos ad audiendum Confessiones communem eligat sibi locum, ubi communiter ab omnibus videri poterit in Ecclesia: & in locis absconditis non recipiat Sacerdos alicujus, & maxime mulieris Confessionem, nisi pro maxima necessitate, aut infirmitate Pœnitentis.

S. Carolus Borromeus in Instructionibus de Fabrica Ecclesiæ, Lib. i. „ A latere Ecclesiæ, extra Capellæ Majoris ambitum, loco aperto, patenti- que Confessionalia constituantur: partim a Meridionali regione, partim a Septentrionali. In aliis etiam Ecclesiæ locis, pro ratione amplitudinis, & situs Ecclesiæ, Episcopi concessu aliquando collocare licebit, ut in Capellis quibusdam ample patentibus, aut in earum aditu, vel limine: ita ut Confessarius intra clathris septa, Pœnitens vero extra sit: quo fiat ut clathris Capellæ arceantur, qui inordinate concurrentes ad sacram Confessionem, nimisque prope alium, qui tunc peccata sua confitetur, vel ipsum Pœnitentem, vel Confessarium facile inturbant.

Concilium Burdigalense anni 1624. cap. v. Num. 6. „ Sed etiam edicimus,
 „ ut quarumcumque Ecclesiarum locis patentibus, non in Capellis, aut an-
 „ gulis Confessionalia collocentur: nunquam vero in Sacristiis Laicorum
 „ Confessiones audiantur. Provideat etiam Episcopus, Ecclesiarum habita-
 „ ratione, ne audiendarum Confessionum tempora in noctem protrahant
 „ Confessarii, neve ante Auroram præveniant.

R E G U L A XXIII.

*Conficior, sive complices criminum in Confessione declarare tenetur Pœnitens, ta-
 cito eorum nomine, cum id ad Confessionis integritatem necessarium est, sci-
 licet cum peccatum ratione complicitis speciem mutat, vel gravius evadit. Ali-
 lias complices Confessario revelare non licet, nisi forte servato fraterne cor-
 rectionis ordine, ut Sacerdos illum ad peccati Confessionem, & Pœnitentiam
 hortetur; vel a malo ipsi Pœnitenti, aut alteri cuiuspiam inferendo pro viri-
 bus deterreat, & prohibeat, arcani religione, prudentiæque legibus servatis;
 vel ut confilium necessarium quærat a Conscientiæ Moderatore.*

H Ujus Regulæ prima pars nititur Canone XLIII. Concilii Triburiensis.
*Si quis (inquit) cum qualibet fornicatus fuerit, & eo nesciente filius
 ejus, vel frater ejusdem, & rei inscius, cum eadem se polluerit: & postquam
 se pollutum esse cognovit confessus fuerit, quia hoc pœnituit, & confessus fuit,
 post peractam congruam Pœnitentiam, legitimo utatur Matrimonio.*

Quando
 conici sive
 complices
 peccatorum
 in Confes-
 sione decla-
 randi?

Item Concilii Vvormatensis Canone LXII. *Si quis, (inquit), cum ma-
 tre, & filia in adulterio mansit; nesciente matre, quod cum filia man-
 sisset, similiter, & filia nescia, & postea ille vir si acceperit mulierem,
 dimittat eam, & usque in diem mortis suæ non habeat uxorem: & il-
 la mulier, quam reliquerit, accipiat virum. Et illa mater, & filia, cum
 quibus in adulterio mansit, ambabus nescientibus, quod cum matre, &
 filia mansisset, habeant viros. Nam in notitiam earum si venerit hoc
 scelus, dimittant maritos, & agant Pœnitentiam. Idem ibi decernitur
 de noverca, & filiastra, & duabus sororibus. Idem prope referunt *Burbar-
 dus*, Lib. xvii. cap. xii. & *Ivo Carnotensis*, P. ix. cap. lxxii. ex Canone
 iv. Concilii apud *Vermerias*, & *Gratianus*, Causa xxxv. Quæst. i. cap. ix.
 ex Concilio Triburiensi. Similia pleraque leguntur in Pœnitentiali Ro-
 mano, Tit. iiii. cap. vi. vii. viii. ix. x. xi. xii. xiv. Neque vero de
 publicis tantum peccatis, sed etiam de occultis loquuntur illi Canones.
 Vix enim hujusmodi crimina publicantur, siquidem intra domesticos pa-
 rietes perpetrantur, & sceleris occultandi, & perpetrandi facilitatem ma-
 ximam præbet consanguinitatis, & affinitatis propinquitatis. Deinde Ca-
 nones non explicant an sæpius, aut cum scandalo hæc crimina commi-
 serint illi, quibus Pœnitentia constituitur, an semel. At sane crimina il-
 la omnia ex una, aut altera perpetratione assergi suspitione vix possunt,
 nedum divulgari. Denique occultissima esse crimina ipsi Canones apertis-
 sime testantur, cum hypothesim statuunt, duorum affinium, vel consan-
 guineorum circa eandem personam etiam ipsi affinem, vel consanguineam
 crimen perpetrantium, neutrum crimen alterius cognoscere. Confes-
 sarius porro Pœnitentiam in sacro Tribunali injungens, nosse non po-
 terat gravitatem incestus, nisi Pœnitentium aliquis criminis conficior Con-
 fessarius declarasset. Eadem autem ratio nunc obligat Pœnitentes ad re-
 velationem conficiorum, sive complicum in Confessione Sacramentali: sæ-
 pe enim contingit, ut peccati species Sacerdoti aperiri non possit, vel
 gravitas innotescere, nisi criminum conficii declarandi.*

Quando pec-
 catorum
 conficii de-
 clarandi.

se filio

ſeſſio jure divino integra eſſe debeat, eodem quoque jure conſcios criminis Confeſſario declarare neceſſe eſt, quoties id poſtulat Confeſſionis integritas.

Neque vero famæ proximi detrudere conſonum eſt, qui conſcium revelat Confeſſario, integræ Confeſſionis faciendæ neceſſitate compulſus; ſicut nec maledictus cenſetur reus, qui a ſæculari iudice legitime interrogatus, criminis conſcios declarat; nec maledictiæ rei ſunt, qui alterius crimen occultum Principi, Epifcopo, patri, amico denuntiant, ut grave, imminensque malum avertant ab Eccleſia, a Principe, a Republica, a familia, a Principis, ab amici, vel proximi capite, fama, fortunis; quod obviis exemplis explicari poteſt. Non enim maligno animo, non ex odio, aut invidia in proximum hæc fiunt, ſed ex officio juſtitiae, charitatis, vel amicitiae; & ſi quod malum inde redundet in reos, id per ſe non intenditur a denuntiatoribus, quibus publicum dumtaxat bonum, vel ſalus Principis, aut amici, vel proximi utilitas ſtudio eſt: & ſi quod reis malum eveniat, id ſibi tribuere debent, qui criminis perpetratiōe ſe in illud periculum conjecerunt. Quanto minus cenſendi ſunt detractores, & maledici, qui divina lege de Confeſſionis integritate compulſi conſcios criminis, ut ei pareant, in Confeſſione ſacramentali declarant Sacerdoti, vice Dei ſacrum Judicium exercenti, juſ habenti Pœnitentem de omnibus, quæ ad ipſius peccatum pertinent, interrogandi, arcani religione obſtricto, prudenti; non ut noceat, ſed ut proſit ipſi Pœnitenti, imo & conſcio, ſi opportunitas detur, ut ipſos cum Deo reconciliet, ut ſalutem illis æternam procuret?

Pars utraque poſitæ Regulæ aſſeritur a S. Thoma, Opusculo xii. ad F. Gerardum, Lectorum Biſuntinum, O. P. Quæſtione vi. De expreſſione autem perſonæ, cum qua aliquis peccavit, videtur mihi, quod non ſit in Confeſſione faciendâ, quando poteſt vitari. Primo quidem, quia prodere crimen alterius, & ledere famam, eſt peccatum, quod maxime vitandum eſt in Confeſſione, per quam quis querit præterita peccata delere. Secundo, quia a Domino, (Matth. XVIII.) eſt forma denuntiandi peccatum proximi deſcripta, contra quam agere non licet. Tertio, quia in Confeſſione eſt credendum peccatori conſitenti, & pro ſe, & contra ſe, ſed contra alium nullo modo eſt ei credendum: alioquin daretur multis occaſio fidei Confeſſionis, & fraudulentæ infamationis. Et ideo, ſi poteſt ſpeciem peccati conſiteri non innotescendo perſonam cum qua peccavit, peccat eam exprimendo, niſi forte ſalvato correptionis ordine, quem Dominus ſtatuit. Si vero ſpeciem peccati exprimere non poſſit, niſi exprimendo perſonam cum qua peccavit, puta ſi cum ſore concubuit, neceſſe eſt, ut exprimendo peccati ſpeciem, exprimat perſonam. Sed, ſi fieri poteſt, debere querere talem Confeſſorem, qui perſonam ſoris pœnitus non cognoſcat.

Idem docet S. Raymundus, Lib. iiii. §. 24. Confeſſio (inquit) debet eſſe propria, ut ſe ipſum tantum accuſet; & non alium: alias ſi crimen alterius diceret, non eſſet erroris illius correſtor, ſed proditor; vel detractor. Fallit hoc, ubi circumſtantia ſaſſi talis eſt, quod alias non poſſet conſiteri peccatum; ut ſi cognovit matrem, vel filiam, vel ſimile: & tunc non eſt dicendus proditor, quia non dicit, ut alium prodât, vel gravet, ſed ut ſe liberet, quod alias facere non poſſet. Sed nec proditor, aut detractor dicendus eſt, qui conſcium in Confeſſione ſacramentali declarat; ut ipſum a peccato liberet, ut nimirum Sacerdos ex ipſius Pœnitentis licentia conſcium criminis, cujus Confeſſionem mox excepturus eſt, ad peccati Confeſſionem, & Pœnitentiam adhortetur; vel ut ipſum adeat, & ſecreto moneat, arguat, obſecret, increpet, & ad meliorem frugem revocare conetur; ſi forte ipſes alicuius fructus ſpiritualis aſſulget.

Idem confirmat Sanctus Bonaventura in iv. Sententiarum, Diſtinct. xxi. Quæſt. iiii. P. ii. Art. i. Aliena peccata (inquit), aut ſunt impertinentia ad

Quando peccatorum conſcii declarant ſi in Confeſſione?

peccati nostri accusationem, sed ex quadam associatione refert ea, & ad quamdam excusationem, ille, qui confitetur, quia solatium est miseris sociis habere poenarum: & sic dicendum quod male facit, qui sic confitetur, sicut multi simplices aliquando accusant omnes vicinos suos, ut ipsi minus confundantur, ut si dicant; Sumus latrones, usurarii, perjuri, & consimilia: & tales a Confessoribus corripiendi sunt, qui rectam formam Confessionis non servant. Aut peccata aliena sunt nostris conjuncta, & admixta, ita quod sine illis non potest bene culpa propria explicari: & tunc licitum est confiteri eatenus, quatenus non potest sine alieno peccato culpa propria explicari. Unde sufficit aliquando in generali; ut si mulier cognita est ab Episcopo (quod absit) sufficit dicere quod aliquis magnus Prælati eam cognovit. Si a persona Religiosa, sufficit quod in generalitate sua steterit, quia satis apparet genus culpæ. Si vero descendat ad personam singularem, increpanda est persona confitens. Similiter nec debet Confessor curiose inquirere de persona. Sed si suspicatur, quod sit persona, cui possit prodesse, & competens, & utile sit illam scire, potest extra forum Confessionis illam inquirere. Nam talia frequenter sunt occasio frangendi sigillum Confessionis, ubi est maximum periculum. Si vero peccatum non potest explicari sine explicatione personæ determinatæ, utpote si mulier inordinate a viro cognita est, tunc si dicat de marito, non peccat, pro eo quod non potest aliter confiteri propriam culpam: & tunc non debet attendi accusatio aliena, sed accusatio propria: & sic generaliter verum est, quod peccata aliena non sunt dicenda in Confessione, nisi eatenus quatenus sunt propria, nec Confessores debent inquirere. Unde illi Confessores, qui rumusculos in Confessionibus inquirunt, & audiunt de aliis malum, & sustinent, vix, aut numquam a peccato detractio- nis exculari possunt, & nesciunt mederi animabus, dum patiuntur eos, qui veniunt ad medicinam, alios accusando sibi infligere vulnus grave.

Sanctus etiam Antoninus III. P. Tit. XIV. cap. XIX. §. II. censet, Non peccare Pœnitentem, sed mereri, si personam complicitis revelet Confessario. Cum bona intentione, non ut prodat, vel se excuset, sed ut Pœnitentiarius oret pro ea, vel cum secreta admonitione corrigat.

R E G U L A XXIV.

Si ex complicitis revelatione in Confessione sacramentali facta, grave damnum anime, vel corporis, vel fame probabiliter imminet sive Pœnitenti, sive Confessario, sive ipsi complicit, aut aliis, Pœnitens facultatem petere debet alteri confitendi: quam si obtinere nequeat, reliqua peccata confiteri debet, circumstantiam vero si reticeat, ex qua persona complicitis innotescere posset, cum proposito illam confitendi opportunitate data, nulla propterea Confessio censeri non debet.

Quando
confessio cri-
minum in
Confessione
delectandi?

Hæc Regula nicitur auctoritate S. Thome in IV. Sententiarum, Dist. XVII. Quæst. III. Quæstiuncula IV. ad quintum. In casibus illis (inquit) in quibus probabiliter timet Pœnitens periculum sibi, vel Sacerdoti ex Confessione ei facta, debet recurrere ad Superiorem, vel ab eodem petere licentiam alteri confitendi. Quod si licentiam habere non possit, idem est iudicium quod de illo, qui non habet copiam Sacerdotis.... Nec in hoc transgreditur præceptum Ecclesiæ; quia præcepta juris positivi non se extendunt ultra intentionem præcipientis, quæ est finis præcepti: Hac autem est charitas, secundum Apostolum. Nec iterum fit aliqua injuria Sacerdoti, quia Privilegium meretur amittere, qui concessa sibi abutitur potestate.

Quamvis absolute liceat Confessario conscium, cum Pœnitentis licentia, Superiori tanquam patri, non tanquam iudici denuntiare, ut occulte, & prudenter occasionem peccandi complici auferat: ea tamen licentia nec a Pœnitente postulanda est, nec illa uti hodiernæ Disciplinæ convenit.

Primam Propositionis partem probat communis pene Theologorum consensus, qui post *S. Thomam* docent, Confessarium, de licentia Pœnitentis, peccatum illius, quod sub sigillo Confessionis habet, alteri revelare posse, modo absit scandalum periculum. Quidni ergo & peccatum Complicis, cum ejusdem Pœnitentis licentia, Superiori tanquam Patri, non tanquam Iudici, revelare posset, remoto scandali periculo, si nimirum Superior vir sit singulari prudentia, & charitate præditus? Sic olim mulieres maritos suos adulteros Episcopo denuntiabant, qui prodesse posset, non obesse. Ille vero secreto corripiebat hominem, & ad Pœnitentiam adducere conabatur, faucibusque conscientiam curare, arcani religione servata. Sit Superior ea prudentia, & charitate præditus, qua *S. Augustinus*; spes affulgeat spiritualis utilitatis maxima, complicitis nimium conversionem a Superiore procurandam; vel certe cohibendum a malo, & subtrahendas illi peccandi, & alias corruptendi occasiones; quidni Pœnitentis dare poterit licentiam Confessario, ut spe tanti boni complicem ad Superiorem ceu Patrem spiritualem deferat, sicut Pœnitens ipse deferre posset, sive in Confessione, sive extra Confessionem? *S. Augustini* verba subjicio, Serm. *lxxxii.* alias *xvi.* *De Verbis Domini*, cap. *viii.* *Sunt homines adulteri in domibus suis, in secreto peccant, aliquando nobis produntur ab uxoribus suis plerumque zelantibus, aliquando maritorum salutem querentibus, nos non prodimus palam, sed in secreto arguimus. Ubi contigit malum, ibi moriatur malum. Non tamen vulnus illud negligimus: ante omnia ostendentes homini in tali peccato constituto, faucibusque gerenti conscientiam, illud vulnus esse mortiferum: quod aliquando qui committunt, nescio qua perversitate contemnunt.*

Denuntiatio complicitis a Confessario, etiam cum licentia pœnitentis periculosa.

Partem Propositionis alteram probat frequens scandalum periculum, quod ex denuntiatione complicitis a Confessario facta Superiori, nempe Episcopo, aut Prælo Regulari, cum licentia Pœnitentis, immineret, & quod inde redderetur odiosa Confessio, palamque vulgaretur nullam sacri sigilli rationem haberi. Quapropter a Synodis plerisque prudenter, & juste vetitum est, ne Confessarii consciorum nomina, cognomina, vel loca mansionum a Pœnitentibus quærant.

Odo Parisiensis Episcopus in Synodo: *In Confessione (inquit) caveant sibi Confessores, ne inquirent nomina personarum, cum quibus peccaverunt confiteantes, sed circumstantias tantum, & qualitates, & si confitens indicaverit, arguat eum Confessor, & secretum illud teneat, sicut confitentis peccatum.*

Synodus Bajocensis anno 1300. cap. *lxxxii.* *In Confessione sibi caveant Sacerdotes, ne inquirent nomina personarum, sed circumstantias tantum, quæ possunt aggravare peccatum.*

Synodus Lingonensis anno 1404. *Caveant Sacerdotes, ne in Confessione inquirent ab his, quorum audiunt Confessiones, ut nominent eis expresse personas, cum quibus ipsi confitentes peccaverint, nisi esset tale peccatum, quod oporteat exprimi aliquid de persona: puta, Peccavi cum filia mea naturali, vel spiritali, vel nepte: & hoc casu non debet dici nomen proprium, aut cognomen personæ.*

Hoc est unum præcipuum (inquit eadem Synodus) quod in principio Confessionis Sacerdos expresse prohibeat confitenti, ne ipse prodant in sua Confessione.

ne, aut nominet peccata per alias personas commissa, neque ipsas personas nominare presumat; quia eo ipso, quod confitentes produunt peccata aliena, quae celare deberent, in hoc peccant.

Synodus Senonensis anno MDXXIV. In audiendis Confessionibus caveant Sacerdotes, ne inquirant loca mansionum, & nomina personarum, cum quibus peccaverunt confitentes: sed de circumstantiis aggravantibus diligenter examinent, ut gravitatem, & quantitatem peccati melius discernere, & judicare, ac pro enormitate peccatorum congruam Pœnitentiam injungere possint.

Synodus Carnotensis anno MDXXVI. Pœnitentes audiant Parochiales Presbyteri pacifice ad longum, & caute interrogent de circumstantiis peccatorum: non tamen petant personas nominari, cum quibus peccatum est commissum.

Synodus Parisiensis anno MDLVII. Si forte de peccatis, quæ vocantur carnalia, Pœnitens confiteatur, ne sit nimis curiosus Confessarius, nec nisi generaliter de his inquirat; nec eorum, cum quibus peccatum patratum est, nomina, aut cognomina persequatur, sed generatim tantummodo petat, an sit adulterium, an sit sacrilegium, an simplex stuprum, idve cum Clerico, Sacerdote, vel Religioso, quæ circumstantie flagitii magnitudinem multo plus augent, ideo dicendæ sunt: nominatim tamen nulla exprimitur persona.

Synodalia Statuta Ecclesiæ Trecentis: Caveant Sacerdotes, ne a confitente quarant nomina personarum, cum quibus peccaverit: sed circumstantias, quæ quandoque tantum aggravationem peccati faciunt, quod sine hoc de peccati quantitate non potest bene judicari.

Statuta Synodalia Siffredi Colonienſis Archiepiscopi: Sub pœna Excommunicationis omnibus Sacerdotibus inhibemus, ne a confitentibus nomina eorum, cum quibus peccaverint, vel circumstantias, per quas possint nomina eorum sciri, inquirant: quod si fecerint, ab officio Confessionis audiendæ, & sacrorum Ministeriorum, ipso facto se noverint esse suspensos. Et in principio Confessionis Sacerdotes districte inhibeant confitentibus, ne peccata aliorum confiteantur, vel revelent, aut nomina eorum, cum quibus peccaverint, expriment.

REGULA XXVI.

Confessarius, qui ex Pœnitentis Confessione crimen Complicis cognovit, quod ille in Sacro Tribunali interrogatus renuit confiteri, hujusmodi Complici sacramentalem Absolutionem negare, eumque velut imparatum remittere potest, ac debet, inviolato Confessionis, ex qua peccatum illius notum habet, sigillo.

Quomodo se gerere debet Confessarius erga Complicem ad ipsum pro Confessione accedentem, quod ille novit ex alterius Confessione, confiteri renuentem.

Hæc Regula colligitur ex Concilio Vasensi I. can. viii. cujus hæc sunt verba: Quod si tantum Episcopus alieni sceleris se conscium novit, quandiu probare non potest, nihil proferat, sed cum ipso ad compunctionem ejus secretis correctionibus elaboret. Et ex Canone vii. Concilii Carthaginensis v. cujus hæc sunt verba: „Placuit, ut si quando Episcopus dicit aliquem sibi soli proprium crimen esse confessum, atque ille negat, & pœnitere noluerit, non putet ad injuriam suam Episcopus pertinere, quod illi soli non creditur; & si scrupulo propriæ conscientiæ se dicit neganti nolle communicare, quamdiu excommunicato non communicaverit suus Episcopus, eidem Episcopo ab aliis non communicetur Episcopis, ut magis caveat Episcopus, ne dicat in quemquam quod aliis documentis convincere non potest: Refertur a Gratiano, causa vi. quæst. ii. can. Placuit. Eundem Canonem refert Burchardus, Lib. xix. cap. cxxvii. addique post hæc verba, Neganti nolle communicare, hanc pericopen, Secrete tamen interdisat Communionem, donec obtemperet.

Deni-

Denique *S. Augustinus*: Serm. LXXXII. alias XVI. *De Verbis Domini*, cap. VII. explicans quomodo se gerere debeat Episcopus, qui secretum alicujus crimen, vel per se ipsum, vel forte ex alterius Pœnitentis arcana Confessione novit: *Sic agamus* (inquit) „ & sic agendum est, non solum „ quando in nos peccatur, sed quando peccatur ab aliquo, ut ab altero „ nasciatur. In secreto debemus corripere, in secreto arguere.: Novit nescio quem hominem Episcopus, & alius illum nemo novit. Ego volo „ illum publice corripere: at tu quæris inscribere. Profus nec prodo, nec „ negligo. Corripio in secreto: pono ante oculos Dei Judicium, terreo „ cruentam conscientiam, persuadeo Pœnitentiam, &c. Ex his autem omnibus colligitur, Sacerdotem, qui ex Pœnitentis Confessione crimen complicitis cognovit, quod ille in Sacro Pœnitentiæ Tribunali interrogatus, confiteri renuit, non posse quidem hujusmodi complici palam Eucharistiæ Communionem sacram negare, sicut nec alteri cuilibet peccatori cujus crimen sit occultum: sed tamen posse, ac debere illum secreto corripere, & ad compunctionem, ac Pœnitentiam promovere; atque etiam illi Communionem secreto interdicere, ut *Burchardus* Canonici Juris consultissimus Antistes interpretatur. Correptiones autem illæ molliores essent, palparique videretur homo in peccato pertinax, nisi negaretur illi Absolutio, remittereturque velut imparatus, ut conscientiam suam diligentius discutiatur, ut serio meditetur quam gravia crimina sint sacrilega Confessio, & Communio; ut cogitet Deum falli non posse: peccata, quæ nunc abscondere peccator stultæ verecundiæ motu conatur, in die Judicii coram hominibus universis, Angelisque revelanda, &c. Sane si Potest Sacerdos, qui est conscius criminis, occulto monere peccatorem occultum, vel etiam in publico generaliter omnes, ne ad Mensam Domini accedant, antequam de peccatis pœniteant, & Ecclesie reconcilientur, (ut docet *S. Thomas*, III. p.q. LXXX. art. VI.) Potest etiam & illi, cujus crimen aut per se ipsum novit, aut ex Confessione complicitis, Absolutionem negare.

ARTICULUS VIII.

De Ministro Confessionis, & Pœnitentiæ.

PROPOSITIO I.

Solutus Sacerdos Minister est Confessionis, & Pœnitentiæ.

ILLUSTRE hujus Ministerii testimonium præbent illa Christi Domini verba, *De Pœnitentiæ, & Confessionis Ministro.*
Joan. xx. Accipite Spiritum Sanctum: Quorum remiseritis peccata, remittuntur eis, & quorum retinueritis, retenta sunt. Neque enim omnibus, sed Apostolis tantum hæc dicta fuisse constat, quibus in hac functione Sacerdotes succedunt. Idque etiam maxime consentaneum est. Nam cum omne gratiæ genus, quæ hoc Sacramento tribuitur, a Christo capite ad membra derivetur: merito debent Corpori Christi mystico, id est, Fidelibus illud „ administrare, qui soli verum ejusdem Corpus conficiendi potestatem habent: cum præsertim Fideles hoc ipso Pœnitentiæ Sacramento ad Sacram „ Eucharistiam sumendam apti, idoneique reddantur. Hanc rationem convenientiæ ex *S. Thoma* sumpsit Conc. Tridentini Catechismus, ut enim ait ille in IV. Sententiarum, & quæst. VII. Supplementi, art. I. *Gratia, quæ in Sacramentis datur, a capite ad membra descendit: Ideo solus ille Minister est Sacramentorum, in quibus gratia datur, qui habet ministerium super Corpus Christi verum; quod solus Sacerdotis est, qui consecrare Eucharistiam potest: Ideo cum in Sacramento Pœnitentiæ gratia conferatur, solus Sacerdos Minister est*
 L 4 hujus

Solus Sacerdos
Pœnitentiæ Mini-
ster.

Solus Sacerdos
Pœnitentiæ Mini-
ster.

*hujus Sacramenti; & ideo ei soli facienda est Sacramentalis Confessio, quæ Mini-
stro Ecclesiæ fieri debet. Hanc doctrinam ab Apostolis ad nos uique continua
Traditione traductam SS. Patres disertis confirmant testimoniis. Ius ligan-
di, & solvendi solis Sacerdotibus concessum, S. Ambrosius affirmat Lib. 1. De
Pœnitentia, cap. 11. S. Jo: Chrysostomus Lib. 111. De Sacerdotio, vel hoc nomi-
ne Sacerdotii dignitatem cuivis alteri anteponendam censet, quod terrestres
dignitates habent quidem vinculi potestatem, sed in corpora tantum: at Sa-
cerdotum vinculum ipsam etiam animam attingit, atque ad cœlos uique per-
vadit; atque adeo ut quæcumque Sacerdotes in terra confecerint, ea Deus in
cœlis recta habeat, ac servorum Sententiam Dominus confirmet. Non om-
nes, & singulos Christi Fideles (quod Hæretici posterioris sæculi impie
asseruerunt) sed solos Sacerdotes hujus Sacramenti Ministros esse, testis est
& S. Augustinus Epistola cccxxviii. alias clxxx. ad Honoratum, docens quan-
donam Episcopo, sive Clericis fugere liceat imminente obsidionis, aut ex-
cidii periculo: An non cogitamus (inquit) cum ad istorum periculorum per-
venitur extrema, nec est potestas ulla fugiendi, quantus in Ecclesia fieri soleat
ab utroque sexu, atque omni ætate concursus, aliis Baptismum flagitantibus,
aliis Reconciliationem, aliis etiam Pœnitentiæ ipsius actionem, omnibus conso-
lationem, & Sacramentorum confessionem, & erogationem? Ubi si Ministri de-
sint, quantum exitium sequitur eos, qui de isto sæculo vel non regenerati ex-
eunt, vel ligati? Quantus est etiam luctus Fidelium suorum, qui eos secum in
vitæ æternæ requie non habebunt? Quantus denique gemitus omnium, & quo-
rumdam quanta blasphemia, de absentia Ministeriorum, & Ministrorum: .
Si autem Ministri adsint, pro viribus, quas eis Dominus subministrat, omnibus
subvenitur; alii baptizantur, alii reconciliantur, nulli Dominici corporis Com-
munionem fraudantur. Denique S. Leo Epist. lxxxii. alias xci. ad Theodorum
Forojuliensem Episcopum, cap. 11. scribit: Multiplex misericordia Dei ita
lapsibus subvenit humanis, ut non solum per Baptismi gratiam, sed etiam per
Pœnitentiæ medicinam spes vitæ reparetur æternæ, ut qui Regenerationis do-
na violassent, proprio se iudicio condemnantes, ad remissionem criminum per-
venirent: sic divine bonitatis præsidii ordinatis, ut indulgentia Dei nisi sup-
plicationibus Sacerdotum nequeat obtineri. Mediator enim Dei, & hominum
homo Christus Jesus hanc Præpositis Ecclesiæ tradidit potestatem, ut & con-
fidentibus actionem Pœnitentiæ darent, & eosdem salubri Satisfactione pur-
gatos, ad Communionem Sacramentorum per januam Reconciliationis admit-
terent.*

Hinc Martinus V. in Concilio Constantiensi, redeuntes ad Ecclesiam a
Pwicklesi hæresi interrogari jubet, Utrum credant, quod Christianus ultra
contritionem cordis, habita copia Sacerdotis idonei, soli Sacerdoti ex neces-
sitate salutis confiteri teneatur, & non Laico, seu Laicis quantumcumque bo-
nis, & devotis. Hinc etiam Eugenius IV. in Decreto, Ministrum Sacra-
menti Pœnitentiæ Sacerdotem esse declarat. Hinc tandem Sacra Syno-
dus Tridentina, sess. xiv. cap. vi. declarat, Falsas esse, & a veritate E-
vangeliæ penitus alienas doctrinas omnes, quæ ad alios quosvis homines, præ-
ter Episcopos, & Sacerdotes, clavium Ministerium perniciosè extendunt, pu-
,, tantes verba Domini, Quæcumque alligaveritis super terram, erunt al-
,, ligata & in cælo; & quæcumque solveritis super terram, erunt soluta
,, & in cælo; & Quorum remiseritis peccata, remittuntur eis; & quo-
,, rum retinueritis, retenta sunt; ad omnes Christi fideles indifferenter, &
promiscue, contra institutionem hujus Sacramenti ita fuisse dicta, ut qui-
vis potest item habeat remittendi peccata; publica quidem per correptionem, si
corruptus acquieverit; secreta vero per spontaneam Confessionem cuicumque sa-
cræ.

Matth. 16. &
18.

Joan. 20.

Sam. Et canone x. Anathemate damnat eum, qui dixerit; *Non solos Sacerdotes esse Ministros Absolutionis.*

Obijcitur, Lapſos olim ablente Presbytero, apud Diaconum Exomologesim facere delicti sui potuisse; ut manu eis in Pœnitentiam imposita, venirent ad Dominum cum Pace, teste S. Cypriano Epistola xii. ad Presbyteros, & Diaconos Carthagenenses.

Respondetur, Exomologesis nomine, quam Lapſi apud Diaconos facere poterant, non designari Sacramentalem Confessionem, sed solemnem Pœnitentiæ Ritum, quo Lapſi humi prostrati crimina sua palam detestabantur, & ea se nunquam perpetraturos contestabantur, & peracta Pœnitentia, Ecclesiæ reconciliari, & Sacramentorum Communioni restitui supplices postulabant. Hæc autem restitutio, seu Absolutio a Censuris, & Pœnis Canonis, erat Episcopo reservata, sed absente Episcopo, & imminente Pœnitentibus obitu, permittebatur Presbyteris: iis autem absentibus, Diaconi ex Ecclesiæ concessione Pœnitentes reconciliare poterant, illisque pacem dare. Sed Reconciliatio illa, quamvis ab Episcopis, & Presbyteris facta Absolutio Sacramentalis esset; a Diaconis tamen data, erat Absolutio duntaxat Canonica, quæ jus Communionis reddebat. Cum enim Absolutio Canonica spectet forum exterius, Diaconis, imo inferioribus etiam Ordinibus committi potest munus illam impartienti. Quæ sunt nempe Jurisdictionis, committi possunt Clericis non initiatis Sacerdotio, v.g. Sententiam Excommunicationis ferre, ab Excommunicatione absolvere, Indulgentias dare. Quæ sunt vero Ordinis, demandari non possunt, nisi illis, qui sunt inaugurati. Absolutio porro Sacramentalis, quamquam Jurisdictionem postulet, Sacerdotalis tamen Ordinis Ministerium est. Unde S. Cyprianus, Lib. De Lapſis, ait: Pœnitenti, operanti, roganti potest clementer ignoscere, potest in acceptum referre, quicquid pro talibus, & petierint Martyres, & fecerint Sacerdotes. Et paulo superius: Confiteantur singuli delictum suum, dum adhuc qui deliquit in seculo est, dum admitti Confessio ejus potest, dum satisfactio, & remissio facta per Sacerdotes, apud Dominum grata est. Et paulo ante: Quanto fide majores, & timore meliores sunt, qui quamvis nullo Sacrificii, aut Libelli facinore constricti, quoniam tamen de hoc vel cogitaverunt, hoc ipsum apud Sacerdotes Dei dolenter, & simpliciter confitentes Exomologesim conscientie faciunt, animi sui pondus exponunt, salutarem medelam parvis licet, & modicis vulneribus exquirunt! Quamvis ergo susceptio Pœnitentium, quæ spectat Jurisdictionem exterioris fori, & Absolutionem Canonica, necnon Eucharistiæ Administratio, non solum primis sæculis, sed adulta jam Ecclesia, Diaconis aliquando demandata sit, ubi absentes erant Sacerdotes, ut fidem faciunt hæc Alcuini * verba Lib. De Divinis Officiis, in Capite Jejunii: Si autem necessitas evenerit, & Presbyter non fuerit præsens Diaconus suscipiat Pœnitentem, ac det Sanctam Communionem: Sacramentalis tamen Absolutio conferri non poterat nisi a Sacerdotibus, quæcumque necessitas urgeret. Unde idem Auctor ait: Claves Regni Cælestis solis Episcopis, vel Presbyteris traditas esse.

Obijcitur; Diaconis audiendi Confessiones, & Pœnitentias imponendi potestatem facere Concil. Eboracense anno millesimo centesimo nonagesimo quarto celebratum, Londoniense anno ducentesimo supra millesimum & Odonem de Soliaco Parisiensem Episcopum, qui post annos octo ad Dominum migravit.

Respondetur, Synodos Anglicanas, & Odonem de Soliaco, non permisisse Diaconis Administrationem Sacramenti Pœnitentiæ, sed cærimoniam cujusdam ex earum numero, quas Theologi vocant Sacramentalia, executionem,

Solus Sacerdos Pœnitentiæ Minister.

* Sive alterius Auctoris sub Alcuini nomine.

Quæst. 1.
Supplem-
ent. 2.

Solus Sacer-
dos Peniten-
tiæ Minister.

tionem, qua, deficiente vero Sacramento, Moribundi in impotentia illud sequendi, ob Sacerdotum absentiam constituti, Contritio excitaretur, & Charitas accenderetur: atque Deus interiori ejus dispositione, & precibus Ecclesiæ motus ipsi effectum Sacramenti tribueret. Nec mirum, cum ejusdem generis Confessionem a Laico fieri urgenti necessitate scripserit S. Thomas, quæ tamen non sit *Sacramentum perfectum*, quia deest id, quod est ex parte Sacerdotis, scilicet Absolutio. Quod & Odo de Soliaco in statutis Synodalibus, Statuto LVI. satis explicat. Prohibetur districte (inquit) ne Diaconi ullo modo audiant Confessiones, nisi in arctissima necessitate: *Claves enim non habent, nec possunt absolvere.*

Objicitur tertio, Penitentiam esse necessitatis Sacramentum, sicut & Baptismum: Baptismi porro, propter necessitatem Sacramenti, quilibet homo Minister est periculo mortis imminente: igitur & Penitentia, & Confessionis quilibet Christianus, urgente necessitate, Minister est.

Respondet S. Thomas, qu. VIII. Supplementi, art. 1. ad secundum, quod Baptismus est magis Sacramentum necessitatis, quam Penitentia, quo ad Confessionem, & Absolutionem; quia quandoque Baptismus prætermitti non potest sine periculo salutis æternæ, ut patet in pueris, qui non habent usum rationis: sed non est ita de Confessione, & Absolutione, quæ tantum ad adultos pertinet; in quibus Contritio cum proposito confitendi, & desiderio Absolutionis sufficit ad liberandum a morte æterna.

Objicitur tandem illud Jacobi V. *Confitemini alterutrum peccata vestra: ex quibus verbis colligitur, Christianos Confessiones peccatorum suorum mutuo excipere posse, neque adeundum esse necessario Sacerdotem.*

Resp. 1. S. Jacobum loqui de Confessione Sacerdotibus faciendæ supponeret, illisque collatam a Christo remittendi peccata potestatem, Joannis xx. Unde præmittit S. Jacobus: *Infirmatur quis in vobis? Inducat Presbyteros Ecclesiæ, & orent super eum, ungentes oleo in nomine Domini: & oratio fidei salvabit infirmum, & alleviabit eum Dominus: & si in peccatis sit, remittetur ei.* Subditque continenter: *Confitemini ergo alterutrum peccata vestra.* Quibus verbis significari videtur Confessionis Ministerium ad Sacerdotes pertinere, non minus quam Unctionis Extremæ.

Resp. 2. Sanctum Jacobum de Confessione venialium explicari posse, quæ Christiano cuique fieri potest, ut humilitate, & mutua oratione remittantur; non de Confessione mortalium, quæ faciendæ est necessario Sacerdoti, ut eorum vinculis peccator ab ipso solvatur. Unde Dominus non quibuscumque, sed solis Discipulis præcepit, ut Lazarum solverent (Joannis XI.) & lepram ostendi Sacerdoti Lex jubebat, ut de illa iudicium ferre posset. Hinc Venerabilis Bedæ Sancti Jacobi Sententiam sic explicat: *In hac sententia illa debet esse discretio ut quotidiana, levique peccata coequalibus alterutrum confiteamur: porro gravioris lepræ immunditiam Sacerdoti pandamus: atque ad ejus arbitrium, qualiter, & quanto tempore jufferis, purificari curemus.*

P R O P O S I T I O II.

Ad Confessiones audiendas, & Ministerium Sacramenti Pœnitentiæ, non sufficit Potestas Ordinis Sacerdotalis sed necessaria est Potestas Jurisdictionis, ordinaria, vel delegata, sive a Superiore demandata.

Absolutio enim Sacerdotis a Christo instituta est *Ad instar actus judicialis*, quo ab ipso velut a iudice sententia pronuntiatur (inquit Tridentina Synodus sess. xiv. cap. vi.) Quoniam igitur natura, & ratio iudicii illud exposcit, ut Sententia in subditos duntaxat feratur, persuasum semper in Ecclesia Dei fuit, nullius momenti Absolutionem eam esse debere, quam Sacerdos in eum profert, in quem ordinariam, aut subdelegatam non habet Jurisdictionem: quod verissimum esse eadem Sacra Synodus confirmat cap. vii. idque antea declaraverat Eugenius IV. in Decreto; & ante Eugenium IV. Concilium Lateranense sub Innoc. III. Canone xxi. disertis verbis asserens, alienum Sacerdotem sine licentia proprii solvere, vel ligare non posse, defectu scilicet Jurisdictionis. Si quis autem (inquit) alieno Sacerdoti voluerit iusta de causa sua confiteri peccata, licentiam prius postulet, & obtineat a proprio Sacerdote: cum aliter ipse illum non possit absolvere, vel ligare.

Id confirmat S. Thomas hac ratione. Imperare alteri nemo potest, cumque ad pœnam satisfactoriam subeundam obligare, nisi in eum Jurisdictionem habeat: Minister autem Sacramenti Pœnitentiæ obligare potest Pœnitentem ad pœnam satisfactoriam subeundam: necessaria igitur est, ut eo ministerio fungatur, non solum potestas Ordinis, ut in aliis Sacramentis, sed etiam potestas Jurisdictionis. Et ideo sicut ille, qui non est Sacerdos, non potest hoc Sacramentum conferre; ita nec ille, qui non habet Jurisdictionem. Et propter hoc oportet, sicut Sacerdoti, ita proprio Sacerdoti Confessionem fieri. Cum enim Sacerdos non absolvat, nisi ligando ad aliquid faciendum, ille solus potest absolvere, qui potest per imperium ad aliquid faciendum ligare.

Denique Concilii Tridentini Catechismus, P. II. De Sacramento Pœnitentiæ, §. lxxi. ubi docuit Confessionis Ministrum habere oportere non solum Ordinis, verum etiam Jurisdictionis potestatem, ordinariam, aut delegatam; subdit: Quanta olim religione in antiquissima Ecclesia jux Ordinarii Sacerdotis conservatum fuerit, ex veteribus Patrum Decretis facile intelligitur: quibus cautum est, ne quis Episcopus, aut Sacerdos in alterius Parochia aliquid gerere auderet sine ejus auctoritate, qui illi præesset, aut nisi magna necessitas cogere videretur. Id vero ab Apostolorum sancitum est, cum Tito præcepit, ut in singulis civitatibus Sacerdotes constitueret: qui scilicet doctrinæ, & Sacramentorum cœlesti pabulo Fideles alerent, & educarent. Disciplinam illam, quam laudat Concilii Catechismus, antiquis Canonibus sanctam legimus, scilicet, Canone Si quis Episcoporum, Causa xvi. Quæstione II. & Canone Nullus, Causa ix. Quæstione II. Item Canone Nullum, ibidem, & Canone Placuit, Distin. vi. De Pœnitentia, quo statuit Urbanus II. Ut deinceps nulli Sacerdotum liceat quolibet commissum alteri Sacerdoti ad Pœnitentiam suscipere sine ejus consensu, cui prius se commisit, nisi pro ignorantia illius, cui prius confessus est. Qui vero contra statuta facere tentaverit, gradus sui periculo subiacebit.

Quamvis autem potestatem Ordinis ad remittenda peccata Sacerdotes accipiant, cum inaugurantur, quod his verbis in ipso Ordinationis Ritu signi-

Potestas
Jurisdictionis
Ordinaria, vel de-
legata, in
Ministro Pœ-
nitentiæ ne-
cessaria.

Quæst. 8.
Supplem.
Ar. 4.

Ad Titum II.

significat, Episcopus Manus imponens *Accipe Spiritum Sanctum. Quorum res miseris peccata, remittuntur eis, & quorum retinueris, retenta sunt*: non tamen accipiunt potestatem Jurisdictionis, nisi cum Pastorale Beneficium accipiunt, aut ab Episcopo ad Confessiones audiendas approbantur. Ordinarium itaque Jurisdictionis potestatem habent, quicumque Animarum Regimini præficiuntur ab Ecclesia, scilicet Summus Pontifex in tota Ecclesia, Episcopus quilibet in sua Diocesi, Episcopi quoque Penitentiarius; Parochus in sua Parochia, Prælati Regularis in Regulares duntaxat personas ipsi subditas. Delegatam vero Jurisdictionis habent potestatem, quicumque ab Episcopis ad Confessiones audiendas admittuntur.

PROPOSITIO III:

Quilibet Fidelis tenetur semel in anno peccata sua confiteri proprio Sacerdoti, vel alteri de ejus licentia.

Annuæ
Confessionis
præceptum.

ITa decrevit Concilium *Lateranense* Quartum sub *Innocentio III.* Canone *xxix* „ Omnis utriusque sexus Fidelis, postquam ad annos discretionis pervenerit, omnia sua solus peccata confiteatur fideliter proprio Sacerdoti, & „ injunctam sibi Penitentiam studeat pro viribus adimplere, suscipiens reverenter ad minus in Pascha Eucharistiæ Sacramentum: nisi forte de consilio „ proprii Sacerdotis, ob aliquam rationabilem causam ad tempus ab ejus perceptione duxerit abstinendum: alioquin & vivens ab Ecclesiæ ingressu arceatur, & moriens Christiana careat sepultura. Unde hoc salutare Statutum „ frequenter in Ecclesiis publicetur, ne quisquam ignorantia cæcitate velamen excusationis assumat. Si quis autem alieno Sacerdoti voluerit iusta de „ causa sua confiteri peccata, licentiam prius postulet, & obtineat a proprio „ Sacerdote; cum aliter ille ipse non possit solvere, vel ligare. *Quam Lateranensis Concilii Constitutionem confirmat Sacra Synodus Tridentina Sessione xiv. Cap. v. & Canone VIII.*

PROPOSITIO IV.

Proprii Sacerdotis nomine Parochum intellexit Lateranense Concilium.

Quis Proprius Sacerdos?

ITa Concilii Decretum explicant *Martinus Quartus*, Constitutione, quæ incipit, *Ad uberes*, data quarto Idus Januarii anno millesimo ducentesimo octogesimo primo, decernens, ut qui peccata sua apud Fratres Minores deposuerint, suis Presbyteris Parochialibus confiteri, saltem semel in anno, prout Concilium generale statuit, teneantur.

Benedictus Undecimus, Constitutione, quæ incipit, *Inter cunctas*, proprii Sacerdotis nomine Parochum pariter intellexit: *Districte* (inquit) *injuungimus*, ut Fratres ipsi, confitentes attente moneant, & in suis prædicationibus exhortentur, quod suis Sacerdotibus semel confiteantur in anno, asserendo id ad animarum profectum proculdubio pertinere.

Sixtus Quartus in Extravag. *Vices illius*, jubet ut Religiosi Mendicantes desistant prædicare, quod Parochiani non sunt obligati, saltem in Paschate proprio Sacerdoti confiteri.

Concilium Biterrense anno millesimo ducentesimo quadragésimo sexto celebratum a *Guillelmo* Narbonensi Archiepiscopo, & ejus Suffraganeis, Canone *xlvj.* Qui vero proprio Sacerdoti semel in anno confessi non fuerint, vel alii de ejusdem Capellani licentia speciali, ad Sacramenta Ecclesiastica minime admittantur.

Concilium Arelatense anno millesimo ducentesimo septuagesimo quinto celebrata-

lebratum, Canone xix. statuit, ut *Si contigerit; quod Religiosi, aut alii Confessiones audiant, præsertim in Quadragesima, de Parochia alicujus, nomina sibi consentientium, infra Octavam Paschæ, in scriptis tradant proprio Sacerdoti, ut sic Parochialis Sacerdos certitudinem habeat de Confessionibus subditorum, ad fraudulentam quorundam Parochianorum versutias evitandas, & animarum pericula evitanda.*

Synodus Colonienfis anno millesimo ducentesimo octogesimo, C. viii. Si quis autem proprio Sacerdoti Parochiali ad minus semel in anno plene, & integre confessus non fuerit, præcipimus, quod Sacerdos in Pascha ei Sacramentum minime administret.

Synodus Lingonensis anno millesimo quadringentesimo quinquagesimo secundo, jubet singulis Ecclesiarum Rectoribus, ut Statutum Concilii Generalis Lateranensis suis Parochianis publicent, & exponant, videlicet: *Quod omnis utriusque sexus Fidelis semel in anno a suo proprio Curato Sacerdote Pœnitentiam debet recipere, & Sacramentum Eucharistiæ ad minimum in Paschate.*

Concilium Narbonense anno millesimo quingentesimo primo, Canone quinquagesimo; *Quia omnibus Christianis præceptum est, ut semel in anno Sacrosanctum Eucharistiæ Sacramentum percipiant, & Parocho suo peccata confiteantur, voluit Concilium ut post hac nemo audeat sanctissimo die Paschæ peccata sua confiteri, aut Sanctissimum Eucharistiæ Sacramentum ab alio accipere, quam ab eo ipso Parocho, vel in ejus locum suffecto, nisi exorata a Parocho venia.*

Synodus Cameracensis eodem anno celebrata, Tit. iv. De Pœnitentia: *Semel in anno consteantur proprio Sacerdoti, id est, Presbytero Parochialis: qui ideo magis proprius dicitur Sacerdos, quia non solum Confessiones audit, & absolvit, sed etiam ministrat alia Ecclesiastica Sacramenta.*

Concilium Mediolanense i. sub S. Carolo Borromeo, P. ii. Tit. vi. Innocentii III. Constitutionem (inquit) in Generali Concilio editam, qua sanctum est, ut Fideles saltem semel in anno proprio Parocho peccata sua confiteantur, inviolate omnes servant.

Eandem tradunt proprii Sacerdotis notionem Concilium Rhemense anno millesimo quingentesimo octogesimo tertio celebratum, Cap. De Pœnitentia, §. v. Aquisense anno millesimo quingentesimo octogesimo quinto; Burdigalense anno millesimo sexcentesimo vigesimo quarto, Canone iii. & proprium Sacerdotem, cui semel in anno omnes, & singuli Fideles tenentur confiteri, Proprium Parochum esse declarant. Idipsum docet S. Thomas in iv. Sententiarum, sive in Supplemento, Quæstione viii. Articulo v.

PROPOSITIO V.

Quamvis proprii Sacerdotis nomine in Canone Omnis utriusque sexus, Parocho designetur, Summus tamen Pontifex, Episcopi, & ab iis Delegati pro ipso tempore Paschatis, vel absque ulla temporis, aut loci restrictione approbati, non excluduntur. Unde qui apud ipsos peccata deposuerunt, & absoluti sunt, ipsi Canoni paruisse sunt censendi.

EX ipso Lateranensi Concilio id facile probatur, quod Canone x. præcipit, *Tam in Cathedralibus, quam aliis Conventualibus Ecclesiis viros idoneos ordinari, quos Episcopi possint Coadjutores, & Cooperatores habere, non solum in prædicationis officio, verum etiam in audiendis Confessionibus, & Pœnitent-*

Quis sensus
Canonis
Omnis utri-
usque sexus?

nitentis injungendis, ac ceteris quæ ad salutem pertinent animarum. In eo; qui Coadjutores ad audiendas Confessiones, & Pœnitentias injungendas in Cathedralibus, & Conventualibus Ecclesiis instituere potest, residet Jurisdictio superior ea, quæ Parochis convenit in hoc audiendarum Confessionum officio: cum igitur Fidelium Confessiones audire possint Presbyteri alieni, cum licentia Parochorum, modo sint ab Episcopis approbati, idem possunt Summus Pontifex, & Episcopi, quovis tempore; & quos ipsi ad sacrum istud Munus obeundum destinaverint, & in Cathedralibus, sive Conventualibus Ecclesiis instituerint; quos denique absque ulla temporum restrictione approbaverint. Quæ enim inferiori conceditur potestas, multo magis Superiori concessa intelligenda est. Exemplum esto de potestate administrandi Extremæ-Uñctionis Sacramentum, quam *Innocentius I.* Episcopis convenire colligit in Epistola ad *Decentium* Eugubinum Episcopum, quamvis Presbyterorum duntaxat meminerit *S. Jacobus*, illius Sacramenti divinam institutionem promulgans: quia nulla ratio permittit ut Episcopis concessum ambigatur, quod Presbyteris licere non dubium est. Exemplum sit alterum de Matrimonio, quod a *Proprio Contraentium Paracho* celebrari debet: nec tamen excluditur Episcopus; qui & ipse Matrimonii benedictionem facere, & ad eam faciendam alii Sacerdoti licentiam concedere potest, ut ex Concilio Tridentino constat, Sessione xxiv. *De Reformatione Matrimonii.* Sic a pari, etsi nomine proprii Sacerdotis, cui semel in anno Confessio peccatorum facienda est, intelligatur Parochus juxta Lateranense Concilium, non excluduntur tamen Summus Pontifex, & Episcopi, & ab iis Delegati, atque ad audiendas Confessiones absque restrictione temporum approbati.

Accedit momentum alterum ex his verbis Canonis Lateranensis petitum: *Si quis autem alieno Sacerdoti voluerit iusta de causa confiteri peccata, licentiam prius postulet, & obtineat a proprio Sacerdote, cum aliter ille ipse solvere non possit, vel ligare.* Quis autem adeo desipiat, ut dicat, Summum Pontificem, Episcopos, eorum Pœnitentarios, & Presbyteros quoslibet, ad Confessiones Fidelium audiendas absque restrictione ab Episcopo approbatos, non posse ipsos ligare, vel solvere? Cum præsertim Romanorum Pontificum Constitutionibus causa finita sit, contrariaque *Joannis de Poliacio* Sententia damnata tamquam *Falsa, erronea, & a doctrina sacra devia*, Constitutione, quæ incipit, *Vas electionis*, Lib. v. *Extravag. Pœnitent. Tit. De Hereticis*, Et *Leo X.* Constitutione, quæ incipit, *Dum intra mentis arcana*, quæ a Concilio Lateranensi Quinto, Sessione xi. approbata est, declaraverit, Fideles, qui Sacerdotibus Regularibus ab Episcopis approbati confessi fuerint, Constitutioni, quæ incipit, *Omnis utriusque Sexus*, quoad Confessionem satisfecisse.

Gallicanas Synodos præterire non possum, quibus Propositio nostra confirmatur. Synodus Diœcesana Nemausensis anno millesimo ducentesimo octogesimo quarto. Tit. *De Pœnitentia*, postquam proprium Sacerdotem cujus meminit Canon, *Omnis utriusque sexus*, Parochum esse declaravit, casus nonnullos exponit, in quibus *Sine licentia proprii Sacerdotis potest aliquis alieno Presbytero confiteri. Primus est, cum Episcopus hoc alicui specialiter delegavit.*

Diœcesana Synodus Lingonensis a *Philippo* Episcopo habita anno millesimo quadringentesimo quinquagesimo secundo, Constitutionem, *Omnis utriusque sexus*, singulis diebus Dominicis Quadragesimæ a Rectoribus Ecclesiarum publicari statuit, subditque, *Volumus, quod in fine publicationis Constitutionis prædictæ, subinferatur & publica, quod per hoc non intendimus præ-*
judi-

judicare Privilegiis Fratribus (id est , Regularibus Sacerdotibus) concessis , subjungendo , quod Fratres nobis presentati possunt audire Confessiones libere , & consentientibus , eisdem Pœnitentias salutaris impertiri de commissis . Item ne remaneat aliqua hæsitatio quis proprius dicatur Sacerdos , declaramus , prout Doctores , & Jura declarant , quod proprius Sacerdos est Papa , ejus Legatus , Episcopus , & Pœnitentiarius Diœcesanus , & ejus Vicarius Generalis , & ille cui cura Parochialis Ecclesiæ est commissa , sive Rector , sive Vicarius .

Quis sensus
Canonis Omnis utriusque sexus?

Synodus Diœcesana Sueffionensis , anno millesimo quingentesimo secundo , neminem ad audiendum Confessiones recipi statuit , sine Parochorum assensu , nisi a Summo Pontifice , vel ab Episcopo licentiam habeat . Nullus (inquit) ad audiendum Confessiones , præter voluntatem Rectorum Ecclesiarum Parochialium recipiatur : nisi super hoc a Summo Pontifice , vel a Nobis , licentiam obtinuisse constiterit .

Idem statuit Stephanus Poncherius , Parisiensis Episcopus , in Synodo anno millesimo quingentesimo decimo quinto celebrata .

Diœcesana Synodus Trecensis ab Odoardo Hennequino , qui anno millesimo quingentesimo vigesimo septimo Episcopatum iniit , habita de iis , apud quos ipso Paschatis tempore Confessio fieri potest , sic loquitur : „ Sânt autem a „ liqui Presbyteri , qui in die Paschæ inhihent Parochianis suis sub pœna „ Excommunicationis , ne Corpus Christi recipiant , nisi fuerint sibi , vel „ potestatem ab eis habentibus confessi : quæ quidem inhibitiõ temeraria „ videtur , quia quamplurimi Sacerdotes , & Religiosi habent potestatem a „ Domino nostro Papa , seu Domino Episcopo Trecensi audiendi Confessio- „ nes omnium , sibi peccata sua confiteri volentium , Pœnitentiasque injun- „ gendi , & absolvendi . Quare præcipimus omnibus Presbyteris , ut de ce- „ tero faciendo tales inhibitiones ; adjungant ista verba : Vel Alteri , Qui „ Super Hoc habeat Potestatem .

Diœcesana Synodus Tolosana , a Ludovico Aurelianensi , Archipræsule , celebrata , anno millesimo quingentesimo trigesimo , proprii Sacerdotis notio- nem ad Summum Pontificem , Episcopum , & quovis potestatem ab ipsis habentes , extendit . Injungimus (inquit) omnibus confiteri volentibus , ut proprio Sacerdoti consiteantur . Proprium Sacerdotem dicimus Summum Pontificem , Episcopum , Vicarios illius , Rectorem , & ejus Vicarium , & generaliter omnes alios Sacerdotes a prædictis legitime deputatos . Idem repetit Claromontana Synodus anno millesimo quingentesimo trigesimo-octavo celebrata . Idem Ludovicus Carnotensis Episcopus in Constitutionibus Synodicis anno millesimo quingentesimo quinquagesimo editis .

Diœcesana Synodus Sueffionensis a Carolo Episcopo habita anno millesimo quingentesimo sexagesimo-Primo . Neque (inquit) cuilibet Sacerdoti confitendum est , sed proprio Curato , vel ab eo commissio , aut commissis Vicariis , vel Superioribus Curatis , ut Episcopo , Pape , aut per eos ad hoc commissis . Eodem modo proprii Sacerdotis notionem explicant Petrus Lugdunensis Archiepiscopus in Synodo habita anno millesimo quingentesimo septuagesimo-septimo , Cap. 19 .

Concilium Provinciale Rotomagensis anno millesimo quingentesimo octogesimo primo , Cap. xxxvii . potestatem audiendi Confessiones sæcularium , Paschali etiam tempore , convenire agnoscit Sacerdotibus Regularibus ab Episcopo approbatis . (Nullus (inquit) Sacerdos , atque etiam Regularis , nequidem in suo conventu , audeat , maxime per omne tempus Quadragesimæ , & Octavæ Paschæ , audire Confessiones quorumcumque , & aliquem absolvere , nisi de licentia Episcopi expressa , atque etiam in scriptis habita .

Quis sensus
Canonis Omnis utriusque sexus?

Concilium Aquisense anno millesimo quingentesimo octogesimo-quinto; Cap. *De Pœnitentia*, Regulares ab Episcopo approbatos Confessiones, Paschali etiam tempore, legitime audire docet. *Confessarius* (inquit), Sacerdos, quicumque sit, etiam Regularis, ne auditæ sacræ Confessionis testimonium scriptum, aut impressum, manu sua, suoque sigillo signatum, sibi peccata confessis dare recuset, tum in Paschate, ut Parochis, tum ægrotationis tempore, ut Medicis, quod debent, eos præstitisse plane confitetur. Confitentium præterea Paschæ tempore nomina, & cognomina, ut fraudi multiplici occurratur, in librum certum, notato etiam die, & mense referat; quem librum Episcopo petenti pro debito charitatis studio non modo non denegat, sed prompte ostendat, atque exhibeat, tradatque.

Cambracense Concilium Provinciale anno millesimo quingentesimo octogesimo-sexto, C. ix. Fideles, qui Regularibus Sacerdotibus ab Episcopo approbatis peccata confitentur, Canon *Omnis utriusque sexus*, satisfacere indicat. Ne autem (inquit) negligatur præceptum Ecclesiæ de confitendo proprio Pastori, & communicando quotannis, juxta caput, Omnis Utriusque Sexus, scribantur omnium confitentium in Paschate nomina, & cognomina tam a Regularibus, quam Sæcularibus, quæ a Pastoribus tradant in Registrum conscribenda: Et post Pascha. Pastores eorum omnium, qui non communicaverunt, nomina ad Episcopum referant.

Istud argumentum uberius tractatum habes Dissertatione iv. in Ecclesiasticam nostram Historiam Sæcul. xiii. & xiv.

PROPOSITIO VI.

Summus Pontifex, & Episcopi jus habent graviorum quorundam criminum Absolutionem sibi reservandi.

Potestas reservandi sibi certos casus Summo Pontifici, & Episcopis competit.

Quamvis enim potestas Ordinis simplicibus Presbyteris in eorum Ordinatione collata se extendat ad omnia peccata remittenda; quia tamen ad utrumvisque potestatis necessaria Jurisdictio est, quæ a Majoribus ad inferiores descendit: ideo potest Superior sibi aliqua reservare, in quibus judicium inferiori non committat; (inquit S. Thomas in iv. *Sententiarum*, sive *Quæstione* xx. Supplementi. Articulo ii.) Harum autem Reservationum Decreta Jus Canonicum exhibet, Can. *Si quis suadente*, Causa xvii. Quæst. iv. Item C. *Conquesti*, Extra, *De Sententia Excommunicationis*, C. *Et si Dominici*, in *Extravag. Com. Tit. de Pœnitentiis*, & *Remissionibus*, & Cap. *Quicumque* in Sexto, Tit. *De Sententia Excommunicationis*. Unde Sacra Synodus Tridentina *Sessio*ne xiv. C. vii. ait: „Magnopere ad Christiani Populi disciplinam pertinere, „Sanctissimis Patribus nostris visum est, ut atrociora quædam, & graviora „crimina non a quibusvis, sed a Summis dumtaxat Sacerdotibus absolverentur. „Unde merito Pontifices Maximi, pro suprema potestate sibi in Ecclesia „universa tradita, causas aliquas criminum graviores suo potuerunt peculiari „judicio reservare. Neque dubitandum est, quando omnia, quæ a Deo sunt, „ordinata sunt, quin hoc idem Episcopis omnibus in sua cuique Diocesi, in ædificationem tamen, non in destructionem liceat, pro illis in subditos tradita supra reliquos inferiores Sacerdotes auctoritate, præsertim quoad illa, „quibus Excommunicationis Centura annexa est. Hanc autem delictorum „reservationem, consonum est Divinæ Auctoritati, non tantum in externa „politia; sed etiam coram Deo vim habere.

Et Canone xi. Anathemate ferit eos, qui dixerint, *Episcopos non habere jus reservandi sibi casus, nisi quoad externam Politiam. atque ideo casuum reservationem non prohibere, quominus Sacerdos a reservatis vere absolvat.*

Causa autem reservandi duplex est, prima, ut hominum propensio ad peccandum quodam verecundiæ freno coerceatur, dum Summus Pontifex, vel Episcopi sunt adeundi ad obtinendam Absolutionem. Secunda, ut morbi graviore Medicis peritioribus curandi serventur.

Id vero discriminis est inter Casum reservatum, & Censuram, quod Censura sit pœna quædam Ecclesiastica. Casus vero reservatus sit peccatum, sive adjunctum habeat Censuram, sive non. Sunt enim aliqui Casus Episcopis reservati, quibus nulla Censura annexa est. Sunt etiam Censuræ quædam illis reservatæ peccatis, ob quæ illæ feruntur, minime reservatis, ut Suspensiones, & quædam Irregularitates.

Reservationem duplicem esse, Tridentinum Concilium declarat, Episcopalem scilicet, ac Pontificiam.

Quod Episcopos attinet, jam pridem graviora crimina, pro quibus inponebatur antiquitus Pœnitentia publica, ipsis reservata erant; si quidem publica Pœnitentium reconciliatio penes solos Episcopos erat; neque secundi Ordinis Sacerdotibus fas erat Pœnitentes reconciliare, nisi vel Episcopo absente, vel urgente necessitate, vel ex speciali mandato Episcopi. Cum autem publica Pœnitentia in desuetudinem abiisset, Episcopi nihilominus graviorum quorundam criminum absolutionem sibi reservarunt, ut populus majorem eorum horrorem conciperet, ac difficultas absolutionis minueret facilitatem peccandi; sicut e contrario facilitas veniæ incentivum tribuit delinquendi. Ut autem hic reservationis finis facilius obtineretur, Episcopi raro admodum, & paucis secundi Ordinis Sacerdotibus facultatem a reservatis absolvendi indulgebant: sed volebant, ut graviorum illorum criminum rei ad se pro absolutione obtinendam accederent. Hinc Arelatenſe Concilium anno millesimo ducentesimo sexagesimo, Canone decimo-sexto ait, propter *imbecillium, & impotentium, & pauperum occupationem, & penuriam*, consuevisse aliquando Episcopos per villas, & oppida Pœnitentiariorum suos in Quadagesima destinare, qui eos a Casibus, qui Majoribus reservabantur, abolverent: quod indicium manifestum est, inferioribus Confessariis per villas, & oppida constitutis facultatem a reservatis absolvendi non fuisse communicatam: neque Pœnitentiariorum ab Episcopis destinatos potuisse quoslibet a casibus reservatis abolvere, sed illos duntaxat, qui ratione impotentia, aut penuriæ ad Episcopum accedere facile non valebant; quod Synodus ipsa in fide ejusdem Canonis clarissimis verbis expressit: *Nec Prælati, inquit, super casibus sibi reservatis, ad Parochianos suos Pœnitentiariorum destinant, nisi eos, qui commode suos Prælatos adire non possunt.* Et Synodus altera ejusdem Provinciæ anno millesimo ducentesimo sexagesimo-quinto celebrata, prohibet Canone xiiii. ne Sacerdotes, qui Confessiones audiunt, se intromittant de absolutionibus peccatorum reservatorum, *Nisi personæ, quæ in aliquos prædictorum casuum inciderint, fuerint adeo senes, vel valetudinariæ, quod ad Episcopos, vel eorum Pœnitentiariorum venire non possint, vel nisi fuerint in mortis articulo constitutæ.* Et tunc eis nihilominus injungatur, quod si recuperaverint sanitatem, pro prædictis se debeant Episcoporum aspectibus præsentare.

Quod spectat reservationem Pontificiam Casuum, Summi Pontifices jure illo, quo per totam Ecclesiam possunt sibi reservare casus, decem sæculorum spatio non sunt usi. Plenam enim, & omnimodam auctoritatem absolvendi in foro Pœnitentiali cujuscumque quamvis atrocis criminis reos, Episcopis relinquebant. At sæculo undecimo cæperunt ipsi Episcopi nonnullos graviorum criminum reos ad Sedem Apostolicam mittere, vel ut a Summo Pontifice reconciliarentur, vel ut ab ejus Sanctitate Pœnitentia

ipsis imponeretur; quæ deum peracta ab Episcopis suis absolverentur: Nec tantum in particulari aliquo casu penitentes ad Sedem Apostolicam mittebant; quod ex Concilio Lemovicensi secundo constat anno trigesimo-primo supra millesimum celebrato, ex Hildeberto Cenomanensi Episcopo Epistola 60. & ex Yvone Carnotensi Epistolis 98. & 160. Sed quandoque etiam generali Decreto criminis alicuius reos non ab Episcopis, sed a solo Pontifice Maximo absolvendos decernebant. Sic Episcopi Gallicani in Concilio Rhemenſi anno millesimo centesimo trigesimo-primo Canone xiiii. Innocentio II. Præſide decreverunt, ut *Nullus Episcoporum illum, qui violentas manus in Clericos, vel Monachos injecerit præsumat absolvere, donec Apostolico conspectui præſentetur; & ejus mandatum suscipiat*. Simile Decretum edidit Concilium Londinense anno 1142. Sed & Concilium Avenionense quatuor Provinciarum, Arelatenſis, Viennensis, Ebreduſenſis, & Aquentis anno millesimo ducentesimo nono celebratum, publici perjurii reos, & Cenſurarum Ecclesiasticarum contemptores, a solo Romano Pontifice absolvendos Canone 13. statuit: *Contra publice perjuros, seu convictos de perjurio, & eos, qui pertinaciter in excommunicatione per sex menses permanserint, pro eo quod faciles sunt homines ad perjuriam, & ad cenſuram Ecclesiasticam contemnendam, specialem, & novum Canonem promulgamus, scilicet, ut nulli Episcoporum liceat hujusmodi anathematizatos absolvere, sed ad Sedem Apostolicam, sicut sacrilegi, & incendiarii absolvendi mittantur*. Perjuri vero, præter aliam satisfactionem, dictam Sedem in præſentia visitare cogantur. Secutis sæculis Romani Pontifices plures sibi Calus reservarunt, & absolvendi ab iis potestatem inferioribus Conſeſſariis delegare ceperunt; ut charitatis, non minus quam potestatis plenitudinem exercerent.

ARTICULUS IX.

De Conſeſſariorum Dotibus.

Sacerdotum, quibus Conſeſſionum audiendarum sacra provincia demandatur, necessarias dotes Concilium Mediolanense I. a S. Carolo Boromeo celebratum, P. 11. Tit. *Que pertinent ad Sacramenti Penitentie administrationem*, sic explicat: *In iis probandis hanc rationem habeant Episcopi, ut pii, bene morati, docti, prudentes, patientes, de animarum salute solliciti, & fideles custodes sint eorum, que in Conſeſſione dicuntur; proveſta etiam ætate, præſentim illi, quibus Conſeſſiones mulierum erunt audiende*.

Pietas conscientiarum moderatrix necessarius.

I. Necessaria imprimis est conscientiarum Moderatrix pietas, de qua scribit Apostolus 1. ad Timotheum iv. *Exerce te ipsum ad pietatem*. Pietas ad omnia utilis est. Pietatis nomine cultus Dei, & misericordia intelliguntur; interprete S. Thoma. Utroque sensu pium esse Sacramenti Penitentiae Minister necessarium est; in cultu Dei fervente, in oratione, & meditatione rerum divinarum assiduum, in Librorum piorum lectione frequentem, ut quem imberbit Spiritum pietatis, in animas eorum transfundat, quorum conscientias moderatur. Oportet nihilominus, ipsum peccatorum infirmitati compati, & divinæ erga illos misericordiæ, cuius Minister est, ingenium æmulari. Unde S. Gregorius, Pastoralis Cura P. 11. C. v. Sit (inquit) Rector singulis compassionis proximus, præ cunctis contemplatione suspensus: ut & per pietatis viscera in se infirmitatem ceterorum transferat, & per speculationis altitudinem semetipsum quoque invisibilia appetendo transcendat. Hinc Moyses crebro Tabernaculum intrat, & exit: & qui intus in

contemplationem rapitur, foris onera carnalium portat. Qui de rebus quoque dubiis semper ad Tabernaculum recurrit, coram Testamenti Arca Dominum consulit: exemplum providubio Reſtoribus prebens, ut cum foris ambigunt, quid disponant, ad mentem semper quasi ad Tabernaculum redeant: & velut coram Testamenti Arca Dominum consulant, si de his, in quibus dubitant, apud semetipsos intus sacri Eloquii paginas requirant. Hinc ipsa Veritas per susceptionem nostræ humanitatis nobis ostensa; in Monte orationi inheret, miracula in urbibus exeret: imitationis videlicet viam bonis Reſtoribus sternens; ut etsi jam summa contemplando appetunt, necessitatibus tamen infirmantium compatiendo miscantur.

Pietatem, quatenus commiseratio est erga Pœnites, necessariam esse Pœnitentiæ Ministro, confirmat Can. Qui vult, Dist. vi. De Pœnitentia, cuius hæc sunt verba: Confessor habeat pietatem in alterius crimine; adjuvet, consistentem orando, eleemosynam dando, & cetera bona pro eo faciendo: semper eum iuvet leniendo, consolando, spem promittendo, & cum opus fuerit, etiam increpando: doceat loquendo, instruat operando: sit particeps laboris, qui particeps vult fieri gaudii; doceat perseverantiam, caveat ne corrumpat, ne iuste perdat potestatem iudicariam.

II. Secundo necessaria est Pœnitentiæ Ministris probitas morum, five sanctitas vitæ, ut irreprehensibiles sint, & sint exemplo Fidelibus in fugam vitiorum, in bonorum operum exercitatione, in omni conversatione. Unde laudato Canone dicitur: Sacerdos, cui omnis offertur peccator, ante quem statuitur omnis languor, in nullo eorum sit iudicandus, quæ in alio iudicare est promptus. Hinc S. Gregorius, Pastoralis Curæ P. II. C. III. Sic Reſtor (inquit) operatione præcipuus, ut vitæ viam subditis vivendo denunciet, & grex, qui Pastoris vocem, moresque sequitur, per exempla melius quam per verba gradiatur. Qui enim loci sui necessitate exigitur summa dicere, hac eadem necessitate compellitur summa monstrare. Illa namque vox libentius auditorum cor penetrat, quam dicentis vita commendat: quia quod loquendo imperat, ostendendo adjuvat, ut fiat.

De ista Confessarii dote S. Carolus in Instructionibus Confessorum hæc habet: Cum Sacramenti Minister peccet mortaliter, si in peccato mortali illud administraverit, hinc Confessores aliquem audire fugiant, si ipsi mortali peccato fuerint inquinati, aut aliqua innodati Censura Ecclesiastica. Verum Confessor animarum salutis cupidus, & earum in virtutibus instituendarum zelo flagrans, ut remedia assignet, quibus ille a peccato liberentur, & salutis nostræ Inimici fraudes deregant; hominem denique veterem quomodo exuendum, & novum & contra induendum, sciunt; in quo Christiana Perfectio consistit, non debet tantum sine peccato mortali hoc Sacramentum ministrare; sed cum ad predictos effectus promovendos multum iuvet, illud in se primum ostendere, quod in aliis positum desiderat; (plus enim movent exempla quam verba) nec alios valeat edocere virtutem, quam non in se habet, ad propriam perfectionem maxime attendat, & ad eam sibi conciliandam se in virtutibus necessariis exerceat. Nam Quanto magis omni virtute, præcipueque charitate paterna, zeloque salutis animarum præcellentior erit, tanto aptius erit instrumentum bonitatis Dei; (inquit idem Sanctus Archipræfuit in Instructionibus. De Sacramento Pœnitentiæ.) Habere tamen potestatem ligandi, & solvendi Sacerdotes in peccato mortali existentes, Dogma Fidei est, Canone Sessionis XIV. Concilii Tridentini declaratum.

III. Tertia necessaria est Scientia Pœnitentiæ Ministro. Cecus enim si ego ducatum præfer, ambo in foveam cadunt. Confessarius Iudex est, Medicus est: Iudicis autem, & Medici munere fungi, ut par est, non valet,

Commiseratio erga Pœnites.

Morum probitas, & sanctitas.

Matth. 15. 14. Scientia moderatoribus conscientiarum necessaria.

qui scientia fuerit destitutus eorum, quæ ad Causarum cognitionem, & tamque sententiam ferendam, & ad morborum cognitionem, salutariumque remediorum applicationem sunt necessaria. Hinc Can. *Qui vult, Dist. vi. De Pœnitentia*, dicitur, *Caveat spiritualis Judex, ut sicut non commisit crimen nequitie, ita non careat munere Scientie*. Oportet enim, ut sciat cognoscere, quicquid debet judicare; judiciaria enim potestas hoc expossulat, ut quod debet judicare, discernat. Hinc S. Gregorius, *Pastoralis Curæ P. 1. C. 1. Nulla ars* (inquit) *doceri præsumitur, nisi intenta prius meditatione discatur*. Ab imperitis ergo Pastorale Magisterium, quæ temeritate suscipiunt, quando *Ars est artium Regimen animarum*? Quis autem cognitionum vulnera occultiore esse nesciat vulneribus viscerum? Et tamen sepe, qui nequaquam spiritualia præcepta cognoverunt, cordis se Medicos profiteri non metunt: dum qui pigmentorum vim nesciunt, videri Medici carnis erubescunt.

Et Concilii Tridentini Catechismus P. II. De Sacramento Pœnitentiæ, §. LXXIII. Præter Ordinis (inquit) & Jurisdictionis potestatem, quæ propria necessaria sunt: imprimis opus est, ut hujus Sacramenti Minister tum scientia, & eruditione, tum prudentia præditus sit: *Judicis enim, & Medici simul personam gerit*. Ac quod ad primum attinet, satis constat, non vulgarem scientiam necessariam esse, quæ, & peccata investigare, & ex variis peccatorum generibus, quæ gravia, quæ levia sint, pro cuiusque hominis ordine, & genere judicare possit. Et infra. Ex quo poterunt Fideles intelligere, cuius maximo studio curandum esse, ut eum sibi Sacerdotem deligat, quem vite integritas, doctrina, prudens judicium commendat: qui & quantum in eo officio, cui præest, ponderis, ac momenti sit, & quæ cuique secleri pœna conveniat, & qui solvendi, vel ligandi sint, optime noverit.

Scientia
Confessorio-
rum ex Scri-
ptura Sacra,
& Canonibus
derivare
debet.

Ex Scripturis Sacris, & Canonibus derivatam esse necesse est scientiam Sacerdotum, qui Sacramento Pœnitentiæ administrando præficiuntur, ut docet Canon *Ignorantia*, ex Concilio Toletano IV. sumptus, *Dist. xxxviii. Ignorantia* (inquit) *mater cunctorum errorum, maxime in Sacerdotibus Dei vitanda est*. Sciant igitur Sacerdotes, *Scripturas Sanctas, & Canones, ut omne opus eorum in prædicatione, & doctrina consistat; atque ædificent cunctos tam fidei scientia, quam operum disciplina*. Et Canon *Nulli*, eadem Distinctione: *Nulli Sacerdotum liceat Canones ignorare, nec quidquam facere, quod possit Patrum Regulis obviare*. Debet autem Sacerdos Pœnitentiæ administrandæ præfatus, scientia præditus esse convenienti, licet non eminenti, quemadmodum de Episcopis statuit *Innocentius III. C. Cum nobis, Extra. De Electione, & electi potestate*. Quæ sit porro scientia eminens, quæ mediocris, & conveniens, explicat *Innocentius Quartus*, in *C. Cum in cunctis, De Electione, & electi potestate*: *Scientiam* (inquit) *reputamus eminentem, quæ subtiles Questiones discutere; & definire novit, & in promptu responsiones habet*. Ille habet mediocrem, qui scit aliquo modo examinare negotia, quamvis ad omnia nesciat respondere: & qui in Libris veritatem eorum, quæ scire tenetur, scit querere, etsi in promptu omnia non habeat. Cui consonat S. Thomas in IV. Sententiarum *Dist. xvii. explicans Textum Magistri*: *Hec scientia* (inquit) *etsi non sit major, tamen tanta debet esse, ut sciat distinguere inter peccatum, & non peccatum, vel etiam inter peccatum mortale, & peccatum veniale: quod si in aliquo esset dubitatio, posset ad discretiores recurrere*.

Quanta debeat esse Confessarii peritia, explicat S. Carolus, in instructionibus *De Sacramento Pœnitentiæ*: Quoniam: (inquit) Confessionis Minister, *Judicis & Medici simul personam gerit: ut & quod ad Judicium attinet, ex variis peccatorum generibus, quæ gravia, quæ levia sint,*
„ quove

quove modo corrigenda, pro cuiusque hominis ordine, & genere judicare possit; & tanquam Medicus ea remedia ægroto adhibeat, quæ ad illius animam sanandam, & in posterum contra vim morbi muniendam aptiora videantur; opus est, ut is tum scientiam atque eruditionem, tum prudentiam studeat sibi, quantam potest, comparare; tum ex divina gratia, quam assidua precatione supplex a Deo petat; tum ex Auctoribus probatis, qui eam materiam pie, pleneque tractarunt. Inprimis bene cognita habeat, quæ Monitis, seu Instructionibus in hac Ecclesia editis ad Confessarium usum continentur. Sacramenti igitur hujus doctrinam omnem recte nosse studebit: ita ut, quæ illius ratio, qui effectus, quæ illius partes, quæ illarum partium vis, & natura, perite intelligat. Quæ peccata mortalia, & quæ venialia cognoscat. Peccati circumstantias sciat, quæ præsertim mutant speciem peccati, & quæ in Confessione explicandæ sunt, quæ restituendi onus inducant. Censurarum rationem, & vim recte intelliget, & quibus criminibus annexæ illæ sint. Casus reservatos in promptu habebit; ita ut recte sciat, qui jure Canonum Summo Pontifici, qui rursus Episcopo, qui præterea in Bulla Censuræ Domini, quique pro varietate temporum Episcopo reservati sint. Differentiam satisfactionum Pœnitentialium etiam probe noscet, ac præterea Canones Pœnitentiales, ut infra ordine Decalogi explicatos. Memoria tenebit casus, quibus Confessio sit iteranda. Cognitum etiam habere Confessarius omnis debet, ac præterea animadvertere antequam ad audiendas Confessiones accedat, quanta sit auctoritas, potestatis Jurisdictionis suæ: ita ut cum norit, & quos, & a quibus peccatis, Censurisque absolvere possit; tum etiam caveat, ne facultatis suæ fines prætergrediatur. Quanti sit periculi in salutis æternæ negotio conscientiam suam imperitis, aut fœditatis Confessarii dirigendam credere, testis est Sancta Theresia, C. v. Vitæ suæ, & in *Via perfectionis*, C. v.

IV. Necessaria est præterea Pœnitentiæ Ministro prudentia singularis, tum ad opinionum delectum, Casuumque difficultum, qui passim occurrunt, solutionem; tum ad salutarium consiliorum suggestionem, convenientiumque remediorum applicationem, siue Pœnitentiarum injunctionem, tum denique ad examen Pœnitentis, illiusque affectus explorandos, ut noverit an absolvere ipsum debeat, vel Absolutionis beneficium ipsi differre. Hanc Ministri Pœnitentiæ dotem explicat Concilium Lateranense Quartum Canone xxi. Sacerdos (inquit) sit discretus, & cautus, ut more periti Medici superinfundat vinum, & oleum vulneribus sauciati, diligenter inquirens peccatoris circumstantias, & peccati; quibus prudenter intelligat, quale debeat ei consilium, & cujusmodi remedium adhibere, diversis experimentis utendo ad sanandum ægrotum.

Qua vero prudentia gerere se debeat Sacerdos in examine Pœnitentis, docet S. Thomas, in iv. Sententiarum, Dist. xix. Magistri Textum exponens: Sacerdos (inquit) debet perscrutari conscientiam peccatoris in Confessione, quasi Medicus vulnus, & Judex causam: quia frequenter, quæ præ consensione confitens taceret, interrogatus revelat. Sed tamen in interrogationibus faciendis tria sunt attendenda. Primo, ut quilibet peccator interrogetur de peccatis, quæ consueverunt in hominibus illius conditionis abundare: non enim oportet, quod a Milite quæratur de peccato Clericorum, aut Religiosorum, & e converso. Secundo, ut non fiat explicita interrogatio de peccatis, nisi de illis, quæ omnibus manifesta sunt: de aliis autem ad inventionibus peccatorum ita debet a longinquo fieri interrogatio, ut si commisit, dicat; & si non commisit,

Prudentia singularis moderatoribus conscientiarum necessaria.

Qua prudentia gerere se debeat Confessarius in examine Pœnitentium?

non adducat. Tertio, ut de peccatis, præcipue carnalibus, non descenda, dat nimis ad particulares circumstantias; quia hujusmodi delectabilia quantum magis in speciali considerantur, magis concupiscentiam nata sunt movere. Et ideo potest contingere, ut Confessor talia quærens, & sibi, & confitenti noceat, & sic quandoque deficiant in suo scrutinio iniquitates scrutantes.

Idem S. Carolus, in Instructionibus de Sacramento Penitentiae: Prudens (inquit) cautusque erit in interrogationibus; ne rudibus præsertim, atque utriusque sexus junioribus, ad novum, & nunquam antea attentatum scelus occasionem aperiat, atque det: hi tamen de peccatis, quorum nullam in Confessione mentionem fecerunt, & in quibus probabiliter existimari possunt deliquisse, prudenti cautione interrogandi erunt; ne aut pudore, aut ignorantia celent peccata.

Et in Instructionibus Confessorum: Cum ordine (inquit) interrogando procedat, & a præceptis dominicis incipiat, & ad quæ licet omnia possint revocari, si tamen, qui rarius ad Confessionem accedunt, super septem peccatis capitalibus, quinque sensuum ulibus, Ecclesiæ præceptis, & misericordiæ operibus sunt examinandi. Confessor prudens esse debet, non interrogando nisi de peccatis Penitentium statui communibus. Quod spectat ad carnis peccata, summam adhibeat cautelam in eorum interrogatione, ut cum peccati speciem, & circumstantias gravius audierit, a ceteris absteat. . . Summa prudentia mulieres, aut adolescentes interroget, ne eos, quod ignorant, doceat: sique utatur verbis pudorem minime lædentibus, nec ex gestu, aut signo, de non ordinario, aut graviori peccato Penitentem confessum fuisse aliquis suspicetur, nec verbis cum deterreat, ut in causa sit, cur aliud peccatum gravissimum prætermittat: immo eum ad graviora quæcumque sint, detegenda inducat. Idem docet S. Franciscus Salesius, in Monitis ad Confessarios, primumque de sermonum obicænorum auditu, tum de cogitationibus impudicis, postea de pravis desideriis, tandem de operibus interrogandos esse Penitentes, & ad Confessionem carnalium peccatorum sensim perducendos.

V. Summa etiam patientia, & benignitate præditos esse oportet Sacramenti Penitentiae Ministros, ut Penitentium rusticitatem, ignorantiam, imbecillitatem, tarditatem, alioque defectus patienter ferant, eos pro virili juvent, paterna charitate suscipiant, filii prodigi pium, ac misericordem Patrem imitentur, qui porcorum sordibus squallidum, fetentem, dissipati patrimonii reum, meretriciis amoribus inquinatum, amanter amplexus est, & super eum flevit. De ista dote S. Carolus in Instructionibus Confessorum hæc habet: Confessiones æquo animo audiant, nec Penitentes inconfessoris dimittant, ex labore quem fugiunt, nec egre eos audire quoquo modo significant, sed e contra efficiant, ut Penitentibus innotescat. sibi gratissimos esse pro eorum salute labores. Debet etiam Sacerdos Penitentibus compati: quam gratiam a Deo rogabat S. Ambrosius, Libro II. De Penitentia, Cap. VIII. Sum (inquit) minimus omnium Episcoporum, & infimus merito. Tamen quia ego laborem aliquem pro sancta Ecclesia tua suscepi, hunc fructum tuere, ne quem perditum vocasti ad Sacerdotium, eum Sacerdotem perire patiaris: ac primum ut condolere noverim peccantibus affectu intimo. Hæc enim summa virtus, quia scriptum est: Et non gaudebis super filiis Juda in die perditionis eorum: sed quotiescunque peccatum aliquis lapsi exponitur, compatiar: nec superbe increpem, sed lugeam, & deprecem: ut dum alium ficio, me ipsum deprecem, dicens: Iustificata est magis Thamar, quam ego, Fortasse adolescentula lapsa sit, occasionebus, quæ delictorum fomites sunt, decepta,

Patentia, &
benignitas
necessaria
Confessariis.

Abdiæ 12.

Gen. 38. 26.

De Sacramento Pœnitentiæ. Cap.V. Art.IX. 183

pta, ac præcipitata sit: peccamus, & seniores. Repugnat in nobis lex hujus carnis legi mentis nostræ, & captivos nos trahit in peccato, ut faciamus, quod nolumus. Illi de etate suppetit excusatio, mihi jam nulla. Illa enim debet discere, nos docere. Ergo justificata est magis Thamar, quam ego. Incuramus alicujus avaritiam, recordemur si nihil ipsi avaræ fecimus: & si fecimus, quoniam radix malorum est avaritia, & tamquam sub terra occulte in nostro serpit corpore, dicamus singulis: Justificata est magis Thamar, quam ego. Si commoti fuerimus in quemquam graviter, leviozem causam Laicum habet, quam Episcopus, eo quod commotus egerit aliquid, retrahemus nobiscum, & dicamus: Justificatus est magis iste, qui commotionis arguitur, quam ego.

„ Et Lib. I. cap. I. Quemadmodum (inquit) se tibi curandum præbeant, quem fastidio habes, qui contemptui se, non compassioni, Medico suo putet esse futurum; Ideo Dominus Jesus compassus nobis est, ut ad se vocaret, non detereretur. Mitis venit, venit humilis. Denique ait: *Venite ad me omnes, qui laboratis, & onerati estis, & ego vos reficiam.* Reficit ergo Dominus Jesus, non excludit, neque abigit: meritoque tales Discipulos elegit, qui dominicæ voluntatis interpretes, plebem Dei colligerent, non repudiarent. Unde liquet eos inter Christi Discipulos non esse habendos, qui dura pro mitibus, superba pro humilibus sequenda opinantur: & cum ipsi quarant Domini misericordiam, aliis denegant. *Hanc Regulam sequebatur S. Odilo Cluniacensis Abbas, de quo B. Petrus Damiani, in ejus Vita, scribit: In promulgandis porro Juridiciis, ac modis Pœnitentiæ præfigendis tam pius erat, & tanta merentibus humanitate compatiens, ut nequaquam districtum patris imperium, sed maternum potius exhiberet affectum. Unde se reprehendentibus, hujusmodi verbis solebat eleganter alludere; Etiam si damnandus sum (inquit) malo tamen de misericordia, quam ex duritia, vel crudelitate damnari.*

Prætermittere non possum egregium ea de re locum *Petri Blesensis*, in Tractatu *De satisfactione*, scribentis: Sicut confidenti necessaria est humilis, & sincera devotio, sic Pœnitentiali, id est, Sacerdoti, necessaria est diligens, & circumspecta discretio, ut discernat inter lepram, & lepram, & habeat in se tria, bonitatem, scientiam, & disciplinam; bonitatem in sanctitate; scientiam in eruditione; disciplinam in correctione. Sit Samaritanus infundens oleum misericordiæ, vinumque justitiæ. Habeat conscientia ejus quasi Arca fœderis manna, & virgine, ut sciat compati, & ignoscere, arguere, & monere. Gaudeat de primitivis fructibus Pœnitentis, sicut bonus agricola; compatiatur infirmo, dubiumque confortet, recolens illud Apostoli: *Quis infirmatur, & ego non infirmor?* Et audiens tentationes ejus, suam infirmitatem cogitans, apud se dicat: Si in tanta tentatione fuisset, gravius cecidisset. Nihil dicatur, aut fiat cum indignatione, & ira: *Ira enim viri justitiam Dei non operatur: mendium autem teneat, ne nimia remissio, vel nimia austeritas sit in eo, certumque Pœnitentiæ modum juxta Sanctorum Patrum Instituta præscribat.*

VI. Necesaria est insuper Confessario sollicitudo salutis animarum, qua placere non querat hominibus, sed prodesse ad æternam eorum salutem procurandam. Quamobrem mollis, & remissus esse non debet, nec *Pulvillus sub omni cubito manus ponere*, ut ait Propheta, & facere cervicalia *sub capite universæ ætatis*, ad capiendas animas; ut Pœnitentium, præsertim nobilium, & divitum frequentior fiat ad ipsius Confessionalem concursus. *Pulvillus quippe sub omni cubito manus ponere, est cadentes a sua rellitudine animas, atque in hujus mundi se delectatione reclinantes, blanda adulatione refovere. Quasi enim pulvillo cubitus, vel cervicalibus caput jacentis*

Matth. 23.

1. Cor. 11. 29.

Jacob 1. 27.

Sollicitudo
salutis Ani-
marum Pœ-
nitentiæ
Ministris
necesaria.
Ezech. 13. 18.

excipitur, cum correptionis duritia peccanti subtrahitur, eique mollioribus favoris adhibetur, ut in errore molliter jaceat, quem nulla asperitas contradictionis pulsaret, Verba sunt S. Gregorii, P. 11. Pastoralis Curæ cap. 1x. Nec tamen adeo morosi, & severi esse debent Confessarii, ut Penitentes a Confessione absterceant. Medicorum imitentur industriad necesse est, qui amaris potionibus non nihil mellis, aut succi suavioris instillant, ut facilius ab ægris sorbeantur, ut docet S. Gregorius, 111. P. Pastoralis, Admonitione xvi. Inferenda (inquit) illis sunt, aut alia bona, quæ in ipsis sunt, aut dicendum certe, quæ poterant esse, si non sunt: & tunc demum refecanda sunt, mala, quæ nobis displicent, cum prius ad audiendum eorum placabilem mentem fecerint præmissa bona, quæ placent. Nam amaro pigmentorum poculo mellis dulcedo adiungitur, ne ea, quæ salutis profutura est, in ipso gestu aspera amaritudo sentiat: dum vero gustus per dulcedinem fallitur, humor mortiferus per amaritudinem vacuatur. Ipsa ergo in elatis invectionis exordia permixta sunt laude temperanda, ut dum admittunt favores, quos diligunt, etiam correptiones recipiant, quas oderunt. Verum quemadmodum Medici ferrum, & ignem vulneribus adhibent, cum id postulât medicinæ ratio, nec aliter procurari potest ægroti sanitas: ita Penitentiarum Ministri zelo salutis animarum succensi, severiora debent adhibere remedia, cum aliter curari non possunt vulnera peccatorum. Nam cum scriptum sit. Qui vos felices dicunt, in errorem vos mittunt, & semitas pedum vestrorum turbant: qui peccantem blandimentis adulantibus palpat, peccandi fomitem subministrat: nec comprimit delicta illa, sed nutrit. At qui consiliis fortioribus redarguit simul, atque instruit fratrem, promovet ad salutem. Quos diligo (inquit Dominus) redarguo, & castigo. Sic oportet, & Dei Sacerdotem non obsequiis decipientibus fallere, sed remediis salutaribus providere. Imperitus est Medicus, qui tumentes vulnerum sinus manu parcente contrectat, & in altis recessibus viscerum virus inclusum dum servat, exaggerat. Aperendum vulnus est, & secandum, & putraminibus amputatis, medela fortiore curandum. Vociferetur, & clamet licet, & conqueratur eger impatiens per dolorem, gratias aget postmodum, cum senserit sanitatem. Verba sunt S. Cypriani in Tractatu De lapsis. Denique vitii non parcendum multitudinis conciliandæ causa, S. Augustinus Apostoli exemplo ostendit, qui cum summo in honore esset apud Corinthios, & ab illis, ut Angelus Dei susceptus, accessit tamen ad ovem languidam, ad ovem putridam, iecare vulnus, non parcere putredini. Non enim sua quærebat, sed quæ Jesu Christi. Absit ergo, ut dicamus vobis (inquit S. Doctor) Vivite ut vultis, securi estote, Deus neminem perdet, tantummodo fidem Christianam tenete; non perdet ille, quos redemit, non perdet, pro quibus Sanguinem fudit. Et si Spectaculis volueritis oblectare animos vestros, ite; quid mali est? Et festa ista, quæ celebrantur per universas civitates in lætitia convivantium, & publicis mensis se ipsos, ut putant, jucundantium, revera magis perdentium, ite, celebrate: Magna est Dei misericordia, quæ totum ignoscat... Hæc si dixerimus, forte congregabimus turbas ampliores: & si sunt quidam, qui nos sentiant hæc dicentes non recte sapere, paucos offendimus, sed multitudinem conciliamus. Quod si fecerimus, non verba Dei, non verba Christi dicentes, sed nostra, erimus Pastores non metiplos pascentes, non oves. Hæc S. Augustinus, Serm. xlv. alias De Tempore clxv. sive Libro De Pastoribus, cap. 111.

De hac Ministri Penitentiarum dote S. Carolus in Instructionibus Confessorum ita scribit: Confessor ita debet intentionem in hoc ministrando Sacramento dirigere, ut illud ex humano motivo non exerceat, sed ad Dei tantum gloriam, animarumque salutem: quare quoties ad Confessiones audiendas vocatus fuerit, ad Deum mentem erigat, & sibi ob oculos proponat suo

„ Ministerio mundandos esse Pœnitentes, & in Christi Domini pretiosissimo
 „ Sanguine lavandos.

VII. Sit præterea Confessarius fidelis custos eorum, quæ in Confessione dicuntur, sive secreti tenax, ita ut omnia, & singula peccata in Confessione Sacramentali, vel in ordine ad ipsam sibi patefacta, omnique circumstantias peccatorum, tum speciem mutantes, tum aggravantes, tum alia accidentia adjuncta, antecedentia, consequentia; quibus pateferi potest peccatum Pœnitentis, aut alterius delictum in Confessione declaratum, sacro sigillo clausa, & perpetuo, ac religioso silentio compressa tenere debeat; mortemque potius oppetere, quam ea cuiquam homini revelet. Cujus quidem sigilli obligatio triplici jure nititur, Naturali, Divino positivo, & Ecclesiastico; ut declarat Concilium Senonense anno millesimo quingentesimo vigesimo quarto: Naturali, quo arcanum fidei suæ commissum quisque reticere tenetur: & quo unum membrum aliis membris ejusdem corporis infirmioribus compatitur. Nos enim sumus *Corpus Christi*, & *membra de membro*. Unde sicut inhonestis, & ignobilioribus corporis nostri membris *honorem abundantius circumdamus*, ut Apostolus loquitur; ita non solum peccatoribus compati debemus, sed eorum peccata Sacramentali Confessione nobis patefacta silentii velo contegere, & sacramentali sigillo obsignare. Divino jure positivo nititur idem sigillum, sicut & ipsa Confessio Sacramentalis, quæ sine ipso consistere non posset, eo-que sublato veniret in odium hominum. Unde istius sigilli violatio, seu Confessionis revelatio, sacrilegium est, utpote in gravem Sacramenti redundans injuriam. Nam, ut ratiocinatur *S. Thomas*, in iv. Sententiarum, sive Supplementi Q. xi. A. i. In Sacramentis ea, quæ exterius geruntur, sunt signa rerum, quæ interioribus contingunt: & ideo Confessio, qua quis Sacerdoti se subicit, signum est interioris subjectionis, qua quis Deo subicitur. Deus autem peccatum illius, qui se subicit per Pœnitentiam, tegit: unde & hoc oportet in Sacramento Pœnitentiæ significari: & ideo de necessitate Sacramenti est, quod quis Confessionem celet: & tanquam violator Sacramenti peccat, qui Confessionem revelat. Et præter hoc sunt aliæ utilitates hujus celationis, quia per hoc homines magis ad Confessionem attrahuntur, & simplicius peccata confitentur. *Et in Responsione ad secundum*: Præceptum (*inquit*) de Confessione celanda consequitur ipsum Sacramentum: & ideo sicut præceptum de Confessione Sacramentali facienda est de jure divino, & non potest aliqua dispensatione, vel jussione humana homo absolvi ab eo; ita nullus ad revelationem Confessionis potest ab homine cogi, vel licentiarum. *Jure tandem Ecclesiastico nititur sigillum Confessionis. Nam* & *S. Leo Epist. cxxxvi. alias lxxx.* Illam contra Apostolicam Regulam præsumptionem, modis omnibus subinvereri *constituit*, ne de singularum peccatorum genere, libello scripta confessio publicetur: cum reatus conscientiarum sufficiat solis Sacerdotibus indicari Confessione secreta. *Et Concilium Lateranense iv. Can. xxi. sacramentalis sigilli violationem prohibet, gravissimis pœnis in ejus infractores constitutis.* Caveat autem omnino (*inquit*) ne verbo, aut signo, aut alio quovis modo aliquatenus prodatur peccatorem. Sed si prudentiori consilio indiguerit, illud absque ulla expressione personæ caute requirat. Quoniam qui peccatum in Pœnitentiali Judicio sibi detestatum præsumplerit revelare, non solum a Sacerdotali Officio deponendum decernimus, verum etiam ad agendam perpetuam Pœnitentiam in arcem Monasterium detrudendum. *Gravior pœna Sacerdoti Confessionem revelanti ante Concilium Lateranense irrogabatur, ut constat ex Canone Sacerdos, Dist. vi. De Pœnitentia: Sacerdos* (*inquit*) ante omnia caveat, ne de his, qui ei confitentur peccata, alicui recitet, non propinquis, non extraneis, nec

Sigillum
Confessionis.

Concilio Ca-
techismus P.
11. §. 74.

Sigillum
Confessionis.

1. Cor. 12.

Sigillum
Confessionis.

„ quod

„ (quod absit) pro aliquo scandalo. Nam si hoc fecerit, deponatur, & omnibus diebus vitæ suæ ignominiose peregrinando pergat.

Religionis, qua sacrum sigillum Confessionis inviolatum custodire Confessarius debet, præclarum exemplum dedit *S. Ambrosius*, teste *Paulino* Presbytero in ejus Vita. Quotiescumque (inquit) illi aliquis ob percipiendam Pœnitentiam lapsus suos confessus esset, ita flebat, ut & illum flere compelleret: videbatur etiam sibi cum jacente jacere. Causas autem criminum, quas illi confitebantur, nulli nisi Domino soli, apud quem intercedebat, loquebatur: bonum relinquens exemplum posteris Sacerdotibus, ut intercessores apud Deum magis sint, quam accusatores apud homines. Nam & secundum Apostolum circa hujusmodi hominem confirmanda charitas est, quia ipse sui accusator est, nec expectat accusatorem, sed prævenit, ut confitendo suum allevet ipse delictum, nec habeat, quod adversarius criminetur.

„ Confessarius itaque in primis caveat, ne verbis, aut quibuscumque signis peccatorem prodatur, aut peccatum patefaciat, aliudque, unde persona, cum qua peccatum commissum est, cognoscatur; nec denique quidquam loquatur, unde vel minimum peccatum ex Confessione innoteat. Et si quando necessitas occurrat consilii postulandi, ut difficultatis alicujus ad Confessionem pertinentis solutionem noverit, eo modo se gerat, ut in eorum, quorum sententiam rogat, notitiam nullatenus veniat persona Pœnitentis. Cum aliis igitur de auditis in Confessione nunquam loquatur. Quod si loqui cum Pœnitente necessum sit petita ab ipso licentia, tum eadem secreti religione, ac in Confessione teneri se noverit. Ita monet *S. Carolus* in Instructionibus Confessorum.

Juniores Sacerdotes Confessionibus mulierum audientis, non præficiendi.

VIII. Conveniens tandem est, ut Pœnitentiæ Minister provecta sit ætate, maxime ut mulierum Confessiones audiat, ex Concilio Mediolanensi I. Qui triginta annos nondum attigerit, nec Pastor fuerit, mulieres non audiat, nisi probitatis, & pietatis tot argumenta dederit, ut ad eas audiendas capacem Superiores eum arbitrentur; ut monet *S. Carolus* in Instructionibus.

De Officiis Confessarii legi potest *Guillelmus Parisiensis*, Tractatu De Sacramento Pœnitentiæ, cap. XXI.

ARTICULUS X. REGULÆ MINISTROS

Sacramenti Pœnitentiæ spectantes.

REGULA I.

Nulla est Confessio, quæ sit Sacerdoti Potestatem Jurisdictionis non habenti. aut qui legitimam formam non adhibuerit; aut quæ ad Pœnitentiam Sacramenti Administrationem omnino necessaria sunt penitus ignoraverit.

Hanc Regulam tradit *S. Carolus* in Instructionibus Confessorum. Debet (inquit) interrogare de actis antea Confessionibus, in quantum ei necessarium fuerit, ut resciat, num in aliquem casum inciderit, ex quo cum nulle hæ fuerint, iterandæ sint: puta, num confessus fuerit Sacerdoti absolvens potestatem non habenti; aut qui legitimam in Absolutione formam non adhibuerit; aut quæ sunt ad hoc Sacramentum ministrandum necessaria, penitus ignoraverit; aut si Pœnitens ipse sciens, & ex animo peccatum omiserit; aut Confessionem ita diviserit, ut Confessori peccatorum partem, & alteri partem aliam deposuerit; aut sine ullo peccatorum dolore, & emendandi proposito accesserit; aut pro excutiendis, inveniendisque peccatis debitam diligentiam non adhibuerit.

De Sacramento Pœnitentiæ. Cap. V. Art. X. 187

5, Et quia negligentia in Confessionibus solet multa committi, ab iis potissimum, qui nullum, vel levem de Deo timorem habent, aut curam de anima; ita ut potius ex usu, quam ex peccatorum horrore, & emendandi desiderio, confiteantur: & pro utilitate maxima, quæ ex Confessionibus generalibus semper oritur, maxime conversionis, meliorisque frugis initio; debent Confessores loco, & tempore, juxta personarum qualitatem, ad Confessionem generalem Pœnitens exhortari, ut ejus ope, vitæ suæ affectionibus ita propositis, ardentius ad Deum convertantur, & pro omnibus peccatis, & defectibus, quos noverint, satisfaciant.

R E G U L A II.

Nullus Sacerdos, etiam Regularis, Confessiones secularium, etiam Sacerdotum, audire potest, nisi Parochiale Beneficium obtineat, aut ab Episcopo fuerit approbatus.

Hanc Regulam statuit Sacra Synodus Tridentina, Sess. xxiiii. cap. xv. *Quamvis* (inquit) *Presbyteri in sua Ordinatione a peccatis absolvendi potestatem accipiant; & decernit tamen Sancta Synodus, nullum etiam Regularem, Confessiones secularium, etiam Sacerdotum, posse audire, nec ad id idoneum reputari, nisi aut Parochiale Beneficium, aut ab Episcopis per examen, si illis videbitur esse necessarium, aut alias idoneus judicetur, approbationem, quæ gratis detur, obtineat: privilegiis, & consuetudine quacumque, etiam immemorabili, non obstantibus.*

Quamobrem vetera Privilegia Regularium, quibus eis, ab Episcopo approbatis, aut injuste recusatis, licebat Confessiones audire, hoc Tridentini Concilii Decreto pœnitens abrogata sunt: scilicet Bonifacii VIII. Decretalis, *Super Cathedram*, quæ habetur Tit. *De Sepulturis*, Lib. iii. *Extravag. Commun.* Constitutio *Benedicti XI.* quæ incipit, *Inter cunctas*, eodem Lib. Tit. *De Privilegiis*, Clementina *Dudum*, Tit. *De Sepulturis*, & Constitutio *Leonis X.* quæ incipit, *Dum intra mentis arcana*: hæc (inquam) Constitutiones quatenus Regularibus per mittebant Administrationem Sacramenti Pœnitentiæ absque Episcoporum approbatione, nullam amplius vim habent; nec possunt Regulares Confessiones secularium, etiam Sacerdotum audire, nisi Episcopi illos approbaverint, quantumvis injuste se fuisse recusatos causentur.

Approbatio Episcopi necessaria Sacerdotibus curam Animarum non habentibus ad Confessiones audientes.

Hanc Disciplinam confirmarunt *S. Pius V.* Constitutione, quæ incipit, *Romani Pontificis*, Lectores etiam, aut in Theologia Graduatos, huic legi subditos esse declarans; *Gregorius XV.* Constitutione, quæ incipit, *Inscrutabili*, aliique Pontifices, & *S. Carolus* in Concilio Mediolanensi i. & in Instructionibus; necnon Concilium Rothomagense anno 1581. Burdigalense anno 1582. Turonense 1583. Bituricense 1584. Aquense 1585. quod Excommunicatione ferit Sacerdotes, qui absque Episcopi approbatione Confessiones audierint. Eandem ipsis pœnam irrogat Concilium Mediolanense I. *Alexander VII.* inter plures alias Propositiones erroneas die 14. Septembris 1665. damnatas hanc confixit 13. *Satisfacit precepto annuæ Confessionis, qui constitetur Regulari Episcopo presentato, & ab eo injuste reprobat.*

Propositio- nes damnatæ.

Et in Brevi Apostolico, dato die 26. Februarii, anno 1659. in causa Andegavensis Episcopi, & Regularium ejusdem Urbis, hanc Propositionem demnat: *Concilium Tridentinum non obligat Regulares in Gallia ad obtinendas approbationes ab Episcopis, ut Confessiones secularium audire possint; neque ex illius Concilii auctoritate Privilegia Regularium restringi possunt, cum in Galliis receptum non sit, præter quam in decisionibus fidei, neque etiam Bulla Pii*

188 Theologiæ Dogmaticæ, & Moralis Liber II.

la Pii IV. pro Confirmatione illius Concilii promulgata. Hanc (inquam) Propositionem Summus Pontifex damnat his verbis: Est falsa, temeraria, scandalosa, in heresim, & schisma inducens, sacro Concilio Tridentino, & Sedi Apostolicæ injuriosa.

R E G U L A III.

Caput Concilii Tridentini, Quamvis Presbyteri, intelligendum est tam de Episcopo loci, quam de Episcopo Pœnitentis. Adeoque invalida est Confessio illorum, qui ad Sacerdotem in aliena Diœcesi commorantem, & ibi duntaxat approbatum, dedita opera se conferunt, ut apud eum peccata deponant.

Pertinet enim ad unumquemque Episcopum designare Ministros idoneos suis ovibus: & fieri potest, ut judicatus idoneus ad Confessiones excipiendas pro una Diœcesi, non habeat scientiam, & experientiam sufficientem pro alia, in qua difficiliore Quæstiones, & Casus magis intricati occurrunt.

Præterea S. Carolus Borromæus, & ejus Provincialia Concilia, Sedis Apostolicæ Auctoritate confirmata, Tridentini Concilii Caput citatum interpretati sunt tam de Episcopo loci, quam de Episcopo Pœnitentis. Concilium Mediolanense III. Tit. De iis, quæ ad Sacramentum Pœnitentiæ pertinent: Qui ad Confessarium etiam Regularem, in aliena Diœcesi commorantem dedita opera se conferens, peccata sua sit confessus; nisi Confessarius ille, & ab Episcopo loci, & a confitentis Ordinario ad Confessiones audiendas probatus erit; ei tanquam inconfesso Parochus Eucharistiæ Sacramentum ne præbeat: illius præterea Ordinarius, cujus Confessionem ille Sacerdos Confessarius non probatus audierit, ne eum patiatur in sua Diœcesi Confessiones pro biennium audire, neque itidem concionari. Alia est ratio viatorum, & peregrinorum, quia dedita opera ad Confessarium in alia Diœcesi commorantem, & a suo Ordinario non approbatum sese non conferunt: & dum, sine fraude extra suam Diœcesim versantur, subjiciuntur tantisper Episcopis locorum ubi sunt, quantum ad Sacramenta.

R E G U L A IV.

Ne venialium quidem peccatorum Confessiones excipere, & ab illis absolvere potest Sacerdos, sive secularis, sive Regularis, ab Episcopo non approbatus.

Quamvis enim peccata venialia confiteri necessarium non sit, ex quo tamen Ecclesiæ Clavibus subjiciuntur, necessaria est ad eorum sacramentalem Confessionem excipiendam potestas Jurisdictionis. Unde Sacra Congregatio Concilii Tridentini Interpres, Decreto edito die 12. Februarii anno 1679. approbante Innocentio XI. Pontifice Maximo. prohibuit, Ne venialium Confessio fiat simplici Sacerdoti non approbato ab Episcopo, aut Ordinario. Si Confessarii, etiam Regulares, aut quicumque alii Sacerdotes secus egerint, sciant Deo Optimo Maximo se rationem reddituros esse; neque futuram Episcoporum, & Ordinariorum justam, & rigorosam animadversionem in contra facientes, etiam Regulares, etiam Societatis Jesu, facultate ipsis Episcopis, & Ordinariis per hoc Decretum per Sedem Apostolicam specialiter attributa. Et facta de præmissis omnibus, ac de verbo ad verbum Relatione, Sanctitas sua probavit, ac præsens Decretum ipsis mandari, ac publicari voluit.

R E G U L A V.

Sacerdotes Regulares a suis Superioribus approbati, possunt absque approbatione Episcopi excipere Confessiones Virorum Regularium sui Ordinis, imo & secularium ad familiam vere pertinentium.

Synodus enim Tridentina id unum statuit, ac declarat, Nullum etiam Regularem posse Confessiones secularium, etiam Sacerdotum, audire, nisi, aut Parochiale Beneficium, aut ab Episcopis approbationem obtineat. De Regularium Confessione nihil statuit, adeoque supponit, ipsos posse cum sola Superiorum suorum approbatione Confessiones Religiosorum ejusdem Ordinis hominum excipere. Dubitationem omnem sustulit Clemens X. Pontifex Maximus, Constitutione, quæ incipit, *Superna*, edita undecimo Kalendas Julii, anno 1670. Ceterum (inquit) in Monasteriis, ac etiam Collegiis, ubi juxta Regularia Instituta vivitur, posse tam Prælatos Regulares, quam Confessores Regularium eorumdem Monasteriorum, seu Collegiorum audire Confessiones illorum secularium, qui inibi sunt vere de familia, & continui commensales; non autem illorum, qui tantum ipsis deserviunt. Idem ante Clementem X. declaraverat Gregorius XV. Constitutione, quæ incipit, *Inscrutabili*, edita 9. Febr. anno 1622.

R E G U L A VI.

Sacerdotes tum Sæculares, cum Regulares generatim in aliqua Diœcesi ad audiendas Confessiones ab Episcopo approbati, ad audiendas Monialium Confessiones propterea non censentur approbati, sed approbatione singulari indigent. Qui sunt etiam approbati ad audiendas Monialium unius Monasterii Confessiones, nova indigent approbatione, ut in alio Monasterio Confessiones excipiant. Extraordinarii denique Confessores pro una vice ab Episcopo deputati, nova indigent approbatione, ut eandem functionem alia vice exerceant.

Ita declaravit Congregatio Cardinalium Concilii Tridentini Interpretum, cujus Decretum legitur apud Barbosam, P. II. De Officio, & Potestate Episcopi, Allegatione xxv. §. 71.

Ita declaravit, & Clemens X. Constitutione mox laudata: Et generaliter approbatos ab Episcopo ad personarum secularium Confessiones audiendas, nequaquam censi approbatos ad audiendas Confessiones Monialium sibi subjectarum, sed egere quoad hoc speciali Episcopi approbatione. atque approbatos pro audiendis Confessionibus Monialium unius Monasterii, minime posse audire Confessiones Monialium alterius Monasterii. Itidemque Confessores extraordinarios semel deputatos, atque approbatos ab Episcopo ad Monialium Confessiones pro una vice audiendas, haud posse expleta deputatione in vim approbationis hujusmodi illarum Confessiones audire, sed toties ab Episcopo esse approbandos, quoties casus deputationis contigerit.

R E G U L A VII.

Regulares Sacerdotes Confessiones Monialium, etiam Regularibus subjectarum, excipere non possunt absque approbatione Episcopi.

Ita statuit Gregorius XV. Constitutione, quæ incipit, *Inscrutabili*, superius laudata, §. 5. Confessores vero, sive Sæculares, sive Regulares quomodocumque exempti, tam ordinarii, quam extraordinarii, ad Confessiones Monialium, etiam Regularibus subjectarum, audiendas nullatenus deputari valeant, nisi prius ab Episcopo Diœcesano idonei judicentur, & approbationem, quæ gratis conce-

da-

datur, obtineant. Liceatque Episcopo ex rationabili causa Superiores Regulares admonere, ut hujusmodi Confessores amoveant, usque Superioribus id facere detestantibus, aut negligentibus, habeat Episcopus facultatem prædictos Confessores amovendi, quoties, & quando opus esse indicaverit. Non tenentur autem Episcopi Superioribus Regularibus ejusmodi causam significare, sed hoc relinqui prudentiæ, & arbitrio Episcoporum, declaravit Sacra Congregatio Cardinalium Concilii Tridentini Interpretum, cujus Declarationem refert *Barbosa*, loco supra laudato.

Propositio
damnata.

Clerus etiam Gallicanus in generali Conventu anni 1700. hanc Propositionem damnavit: *Religiosæ exemptæ possunt absolvi a Sacerdote non approbato ab Episcopo, sive Sacerdos ille sit Sæcularis, sive Regularis. Hanc, inquam, Propositionem damnavit, ut falsam, temerariam, a Concilio Tridentini mente alienam, Jurisdictioni Episcoporum, & Ecclesiasticæ Disciplinæ contrariam.*

R E G U L A VIII.

Sacerdos tum Sæcularis, cum Regularis, in una Diœcesi generatim approbatus, Confessiones in altera Diœcesi audire non potest sine approbatione Episcopi Diœcesani.

ID constat ex Clementina *Dudum*, Tit. *De Sepulchris*, quoad hoc caput non revocata, imo potius ab Apostolica Sede confirmata: „Magistri, (inquit) Priores, Provinciales, & Ministri Ordinum prædictorum, eligere studeant personas sufficientes, idoneas, vita probatas, discretas, modestas, atque peritas, ad tam salubre Ministerium, & Officium exequendum: quas sic ab ipsis electas repræsentent, vel faciant præsentari Prælati, ut de eorum licentia, gratia, & beneplacito in Civitatibus, & Diœcesibus eorundem hujusmodi personæ sic electæ Confessiones confiteri sibi volentium audiant, imponant Penitentias salutares, & beneficium Absolutionis impendant: extra Civitates, & Diœceses, in quibus fuerint deputatæ, Confessiones nullatenus audiantur.

Præterea, Congregatio Concilii, die sexta Junii anno 1608. declaravit, *Tam Sæcularem, quam Regularem in una Diœcesi approbatus ad audiendas personarum Sæcularium Confessiones, non posse in alia easdem Confessiones audire absque Episcopi Diœcesis approbatione.* Refert *Barbosa*, P. 11. *De Officio*, & potestate Episcopi, Allegatione xxv. §. 32.

Id confirmavit *Clemens X.* Constitutione superius laudata. *Ad hec* (inquit) *Religiosos ab Episcopo ad Confessiones Sæcularium in sua Diœcesi audiendas approbatus, non posse in alia Diœcesi eas absque Episcopi Diœcesani approbatione audire, quamvis Pœnitentes subditi sint ejus Episcopi, a quo ipsi Religiosi jam fuerant approbati.*

R E G U L A IX.

Parochi subditorum suorum Confessiones in alienæ Parochiæ territorio, & in aliena etiam Diœcesi audire possunt.

ORdinariam enim in illos auctoritatem habent, quam exercere possunt ubique, quoad ea, quæ sunt sine strepitu Judicii, qualis est Confessio. Et certe Concilium Lateranense Can. xxi. statuit, ut Fideles semel in anno confiteantur *Proprio Sacerdoti*, nulla facta mentione loci, in quo Confessiones illorum excipere debet, vel potest.

R E G U L A X.

Sacerdotum, sive Sæcularium, sive Regularium approbationes certis limitibus circumscribere possunt Episcopi, & ad certas personas, loca, vel tempora restringere.

ID constat ex S. Carolo in Instructionibus Confessorum : Porro (inquit) Sacerdotes, qui quidem a Nobis licentiam Confessiones audiendi, sed non nisi ad certum tempus, aut locum, aut quasdam personas limitatam obtinuerunt, caveant, ne facultatis formam, & limites excedant.

Idem confirmatur ex Decreto Congregationis Concilii Tridentini Inter-
 „ pretis dato die 2. Julii, anno 1587. Regulares (inquit) qui ad Confes-
 „ siones audiendas idonei generaliter ab Ordinariis, eorumve Examinatori-
 „ bus reperti, & probati fuerint, generaliter quoque, & indistincte, absque
 „ aliqua limitatione temporis, certorumve locorum, aut generis persona-
 „ rum, admittantur in Diœcesi propria. De ceteris vero, qui non adeo
 „ idonei reperientur, si petierint se admitti, arbitrio Ordinariorum relin-
 „ quitur ipsos, cum limitata facultate, prout eisdem Ordinariis magis ex-
 „ pedire videbitur, probare & admittere.

Alexander VIII. in Causa Andegavenfis Episcopi, & Regularium, hanc Propositionem, ut Falsam, temerariam, scandalosam, & erroneam damnavit anno 1659. Non possunt Episcopi limitare, seu restringere Approbationes, quas Regularibus concedunt ad Confessiones audiendas, neque ulla ex parte revocare.

Idem confirmat Clemens X. Constitutione, quæ incipit, *Superna magni Patrisfamilias*, §. 4. cujus hæc sunt verba : Illos autem Religiosos, qui ad Confessiones audiendas idonei generaliter reperti fuerint, ab Episcopis generaliter quoque, & indistincte absque aliqua limitatione temporis, certorumque locorum, aut generis personarum in Diœcesi propria admit- tendos : quoad ceteros vero, qui non adeo idonei reperiuntur, si petierint se admitti, arbitrio Ordinariorum relinqui, ipsos cum limitata facultate, prout eisdem Ordinariis magis expedire videbitur, probare, & admittere.

Idem constat ex Ecclesiæ Gallicanæ Declarationibus, & Censuris in Comitiis Generalibus Cleri, annis 1625. 1635. 1645. & 1700.

R E G U L A XI.

EPiscopus singulos, sive Sæculares, sive Regulares Sacerdotes, simpliciter, & absolute a se approbatos, ab audiendis Confessionibus suspendere potest ex nova causa, ad Confessiones pertinet.

R E G U L A XII.

Confessarios omnes, & singulos, sive Sæculares, sive Regulares, a Vicario suo Generali, aut a Decessore suo approbatos, Episcopus ad Examen revocare potest.

PRiorem Regulam quoad primam partem tradit Concilium Mediolanense V. sub S. Carolo, Tit. Quæ ad Sacramentum Poenitentiae pertinent: Episcopus (inquit) a Confessionibus audiendis suspendat, aut omnino amoveat Confessarios etiam Regulares jam approbatos, quos pro sue timorate conscientiae Religione viderit in eo munere non ita sincere, integreque, & cum edificatione
 se

se gerere, quemadmodum & tanti Ministerii illis commissi sanctitas postulat, & animarum salus deposcit, quæ suæ fidei concedita sunt.

Pofteriore Regulam statuit S. Pius V. Pontifex Sanctissimus, Constitutione, quæ incipit, *Romani Pontificis providentia*, cujus hæc sunt verba: *Volumus tamen eos, qui semel ab Episcopo in Civitate & Diœcesibus suis prævio examine approbati fuerint, ab eodem Episcopo iterum non examinari, ab Episcopo autem Successore pro majori conscientie suæ quiete examinari de novo poterunt.*

Hanc, & superiorem Regulam tradidit Urbanus VIII. in Brevi dato die 30. Januarii 1639. in Causa Cardinalis *De Sandoval*, Giennensis Episcopi, & Regularium ejusdem Diœceseos. De venerabilium Fratrum nostrorum S. R. E. Cardinalium negotiis, & consultationibus Episcoporum, ac Regularium præpositorum consilio, partibus auditis, reque mature discussa, Auctoritate Apostolica tenore præsentium decernimus, & declaramus, ut Regulares quidem in Civitate, & Diœcesi Giennensi a Prædecessoribus Episcopis examinati, & approbati ad Confessiones personarum sæcularium audiendas, a præstante Episcopo Successore pro majori conscientie suæ quiete possint iterum examinari, ac si minus idonei reperti fuerint, reprobati ad præscriptum Constitutionis sanctæ memoriæ Pii Papæ V. Prædecessoris nostri hac de re editæ: sed illi quos idemmet Episcopus approbavit, si quidem hujusmodi approbationem obtinuerint ad certum tempus, eo elapso non possint Confessiones audire absque nova ipsius Episcopi licentia, & approbatione, prævio etiam, si eidem libuerit, novo examine. Illi autem quos ipsemet Episcopus ad Confessiones hujusmodi audiendas semel admisit simpliciter, ac sine ulla temporis præfinitione, nullatenus possint ab eodem reprobari sine nova causâ, eaque Confessiones ipsas concernente. Ceterum an eadem causâ subsit, necne, Episcopum non teneri ipsis Regularibus edicere, sed Sedi Apostolicæ duntaxat, ubi eam sibi aperiri postularint.

Utramque Regulam *Clemens X.* confirmat Constitutione, quæ incipit, *Superna magni Patrisfamilias*, §. v. cujus hæc sunt verba: Regulares vero ad ejusmodi Confessiones audiendas prævio examine simpliciter, & absque ulla temporis præfinitione ab ipsomet Episcopo: secus autem ab ejus Vicario, aut Antecessoribus Episcopis approbatos, non posse ab eodem, qui sic approbavit, iterum examinari, aut ab eisdem Confessionibus audiendis suspendi, seu licentias illis concessas revocari, nisi nova superveniente causâ, quæ ipsas Confessiones concernat. De qua tamen haud necessarium esse, ut in Actis constet; nec eam teneri Episcopum ipsis Regularibus significare, sed Sedi Apostolicæ duntaxat, ubi eam sibi aperiri postulaverint. Porro si Regulares cum scandalo, aut alias inhoneste vivant, vel aliquid delictum committant, per quod rationabili Episcopi judicio videantur a Confessionibus suspendendi, in quo ipsius Episcopi conscientiam oneratam esse volumus, cum præcipua Ministri Sacramenti Pœnitentiæ qualitas sit vitæ integritas, ac morum honestas; utique eam causam ad Confessionis Ministerium pertinere, ac proinde nihil obstaré, quo minus ob eam possit Episcopus Regulares a semetipso approbatos suspendere, aut repellere a Confessionibus audiendis.

R E G U L A XIII.

Parochi non possunt eligere sibi in Confessarium simplicem Sacerdotem, siue Scularem, siue Regularem, ab Episcopo non approbatum.

Simplex enim Sacerdos, absque approbatione Episcopi Jurisdictionem nullam habet, adeoque nullam Confessiones excipiendi, & absolvendi potestatem. Unde *Alexander VII.* Pontifex Maximus inter plurimas alias Propositiones die 14. Septembris 1665. hanc ordine decimam sextam damnavit: *Qui Beneficium Curatum habent, possunt sibi eligere in Confessarium simplicem Sacerdotem non approbatum ab Ordinario.* Et Conventus generalis Cleri Gallicani anno 1700. pronuntiavit, ac declaravit hanc Propositionem esse *Falsam, temerariam, Concilio Tridentino contrariam.*

Concil Trident. ses. 23. de Reform. cap. 15. Propositione damnata.

R E G U L A XIV.

Parochi possunt eligere sibi, quem voluerint, Confessarium ab Episcopo approbatum.

Id constat ex cap. *Ne pro dilatione*, Extra. *De Pœnitentiis, & Remissionibus*; cujus hæc sunt verba: *Ne pro dilatione Pœnitentiæ periculum imminet animarum, permittimus Episcopis, & aliis Superioribus, nec non minoribus Prælati exemplis, ut etiam præter sui Superioris licentiam, providum, & discretum sibi possint eligere Confessorem.* Hac voce, & aliis Superioribus, Parochos etiam significari, viris doctissimis videtur, tum quia Beneficia Principum sunt interpretanda largissime, ut habetur cap. *Olim*, *De Regulis Juris*, & Favores conveni ampliari: tum quia Parochos maxime spectat ratio Canonis, *Ne scilicet periculum imminet animarum.* Cum enim frequens Sacrosancti Sacrificii celebratio, & quotidiana Sacramentorum administratio illis incumbat, in magno salutis periculo versarentur, nisi, quem vellent, eligere sibi possent Confessarium ex approbatis ab Episcopo.

Accedit, quod Superiorum nomine Parochos etiam intelligere conveniens sit, qui Christianæ plebi præfunt, qui *Prælationis Officio funguntur*, ut ait *Clemens III.* cap. *Tua nos*, Extra. *De Clerico egrotante*, & quos *S. Thomas*, Secunda Secundæ, Q. *CLXXXVIII.* Art. *IV.* & *V.* *Prælatos inferiores*, & *III.* P. Quæst. *LXVII.* Art. *II.* ad secundum, *Ecclesiarum minores Principes* vocat. Unde & ad ipsos videtur pertinere, quod idem Angelicus Doctor scribit Q. *VIII.* Supplem. Art. *IV.* *Quia Prælati incumbit Sacramenta dispensare, quæ non nisi mundi tractare debent: ideo concessum est eis a Jure, quod possint sibi eligere proprios Sacerdotes Confessores, qui quantum ad hoc sunt eis superiores; sicut etiam unus Medicus ab alio curatur, non in quantum Medicus, sed in quantum infirmus.*

Antiqua etiam consuetudine id Juris habent Parochi: quæ consuetudo, cum sit *Rationabilis, & legitime sit præscripta*, in Ecclesia vim legis habet, ex cap. *Cum tanto*, Extra. *De Consuetudine.* Quam consuetudinem convellere, aut immutare non expedit, secundum præclaram illam *S. Augustini* Regulam Epist. *LIV.* alias *CXVIII.* ad *Januarium*, cap. *V.* *Hic enim causis, id est, aut propter fidem aut propter mores, vel emendari oportet, quod perperam fiebat, vel institui, quod non fiebat.* Ipsa quippe mutatio consuetudinis, etiam quæ adjuravit utilitate, novitate perturbat. Quapropter, quæ utilis non est, perturbatione infructuosa consequenter noxia est.

R E G U L A XV.

Sacerdos Regularis, ab Episcopo approbatus, peccat quidem, si Confessiones audiatur Superiore suo prohibente: valide tamen absolvit.

Peccat (inquam) ob violationem obedientiæ, quam vovit: sed valide absolvit, quia Jurisdictionem habet ab Episcopo, non a suo Superiore Regulari.

R E G U L A XVI.

Parochus, qui Beneficium Parochiale dimisit, Confessiones excipere non potest absque nova Episcopi approbatione.

Duplici enim duntaxat nomine Sacerdos secundi Ordinis Confessiones audire potest, secundum Tridentini Concilii Decretum, vel quia Parochiale Beneficium obtinet, vel quia ab Episcopo est approbatus: cum igitur ille Beneficium Parochiale amplius non habeat, ejus Jurisdictio desisse censenda est, si alio titulo approbatus non fuit, adeoque nova indiget approbatione. Hinc Sacra Congregatio Cardinalium Concilii Tridentini Interpretum interrogata, *An Sacerdos, qui aliquando approbatus, & idoneus judicatus sit, atque ideo in Parochum assumptus fuerit, dimissa postea Parochiali, haberi etiam nihilominus debeas adhuc idoneus ad Confessiones valide audiendas, ita ut hæc particula Decreti Concilii, Beneficium obtineat, extendat ut etiam, &c. vel obtinuerit.* Respondit, *Non haberi.* Ita refert Barboſa, P. 11. *De Officio, & Potestate Episcopi*, Allegatione xxv. §. 16.

R E G U L A XVII.

Invalida Confessio est, quæ fit Sacerdotibus Hæreticis, Schismaticis, Excommunicatis, Suspendis, Irregularibus, Degradatis.

Nullam quippe Jurisdictionem habent, cum Ecclesia subditos illis subtraxerit, ut docet *S. Thomas* in iv. *Sententiarum*, sive Quæst. xix. Supplementi, Articulo vi. idem colligitur ex *S. Augustini* verbis, Tract. cxxi. in Joannem: *Ecclesiæ charitas* (inquit) *quæ per Spiritum Sanctum diffunditur in cordibus nostris, participum suorum peccata dimittit, eorum autem, qui non sunt ejus participes, retinet. Ideo postquam dixerit, Accipite Spiritum Sanctum, continuo de peccatorum remissione, ac eorum retentione subjecit.* Cum igitur Hæretici, Schismatici, Excommunicati, sint ab Ecclesiæ charitate, sive unitate divisi, Clavium usum non habent in remittendis peccatis.

Tertio, qui ab hujusmodi Sacerdotibus Sacramentum petit absque necessitate, lethaliter peccat, utpote violans Ecclesiæ præceptum in gravi, adeoque a peccatis non absolvitur.

Si tamen Excommunicatio sit occulta, neque nota Pœnitenti, nec ille aliunde ullum ponat obicem, validum videtur Sacramentum. Jurisdictionis enim usum in illis tolerat Ecclesia, qui non sunt denunciati, ut constat ex Extravag. *Ad evitanda scandala*: si ergo Minister occulto Excommunicationis, aut alterius Censuræ vinculo ligatus Sacramentum conferat, nihilque ex parte materiæ, formæ, vel intentionis Ministri desit, & nullus a suscipiente ponatur obex, Confessio, & Absolutio validæ sunt.

R E G U L A XVIII.

Parochi licentiam dare non possunt audiendi Confessiones in Parochia sua aliis Sacerdotibus ab Episcopo non approbatis.

ID olim ex consuetudine recepta potuisse Parochos, quidam colligunt ex S. Thoma in IV. Sententiarum, seu Supplementi Q. VIII. Art. v. sed si viguit olim ista consuetudo, nunc certe abrogata est cap. xv. Sess. XXI. Concilii Tridentini, quod incipit, *Quamvis Presbyteri*, quo sancitum est, neminem Sacerdotem posse Confessiones sæcularium, etiam Sacerdotum, audire, nec ad hoc idoneum censerì, nisi aut Parochiale Beneficium obtineat, aut ab Episcopo fuerit approbatus, Privilegiis, & consuetudine quacunque, etiam immemorabili, non obstantibus.

Idem confirmatur ex S. Raymundo, Lib. III. De Pœnitentiis, & Remissionibus, §. 15. scribente: *Proprius Sacerdos non potuit dare Jurisdictionem, sive potestatem talem: sed Episcopus solus potest illis, qui sunt in suo Episcopatu, non tamen aliis, qui sunt in aliis Episcopatibus.*

R E G U L A XIX.

Parochi extra suarum Parochiarum fines Confessiones audire non possunt eorum, qui Parochiali suæ Curæ non sunt subditi, nisi Episcopus hanc ipsis potestatem per totam Diœcesim concesserit, aut ita se habeat consuetudo ab Episcopo approbata.

PARochialis enim Beneficii titulus nullam ipsis nisi in Parochianos suos Jurisdictionem tribuit: adeoque alios absolvere non possunt, nisi ab Episcopo fuerint ad hunc finem approbati. Id confirmat S. Carolus Borromeus, qui in Synodo sua Diœcesana XI. in Monitis, quæ ad Sacramenta pertinent, ita statuit: *Ne quis Parochus Confessionem audiat hominum aliæ Parochiæ, nisi a Nobis, Vicariove Generali nostro scriptam bujus rei facultatem generatim, aut sigillatim habeat.*

Quod in nostris Sacramenti Pœnitentiæ Instructionum Additionibus cautum est, ut tempore Paschali Parochi aliorum Parochorum Ministerio ad Confessiones Parochialium suorum audiendas uti possint, id de Parochis tantummodo intelligi declaramus, quibus extra Parochiæ propriæ fines ad audiendas Confessiones probatis, scripta facultas data est.

Idem antea declaraverat Concilium Senonense anno 1529. Interrogent (inquit) Sacerdotes Pœnitentes ad Confessionem accedentes, an sint Parochiani, maxime si de ipsis dubitant: quia non debent absolvere, nec audire in Confessione nisi suos Parochianos.

R E G U L A XX.

Quamvis satisfaciant Canonis, Omnis utriusque sexus, quicumque peccata sua tempore Paschali Pœnitentiario Episcopi, aut alteri Sacerdoti ab Episcopo generatim approbato confitentur; nihilominus convenit, ut pœnitentes borteantur tunc temporis Confessarius quisque tam Sæcularis quam Regularis, ut ad Parochi pedes se sistant, eique Confessionem faciant.

Primam partem Regulæ satis superque probavimus, eamque confirmat Clementis X. Pontificis Maximi Constitutio, quæ incipit, *Superna Magni Patris familias*, declarans, *Semel simpliciter approbatus posse in Diœcesi E-*

piscopi approbantis quovis anni tempore, etiam Paschali, Confessiones audire Et eos, qui diſſis Religioſis ſimpliciter approbatis tempore Paſchalis confeſſi fuerint, Conſtitutioni, quæ incipit, Omnis utriuſque iexus, quoad Confeſſionem duntaxat, ſatiſfeciffe conſendos. Non tamen ſatiſſaciunt Canoni, qui abſque Parochi licentia conſitentur Sacerdotibus Sæcularibus, aut Regularibus approbatis ab Epifcopo cum hac clauſula, De conſenſu Parochorum: aut, Excepta Quindena Paſchali: & qui apud illos peccata depoſuerant, tenentur eadem iterum conſiteri Parocho, aut Sacerdo i approbato, cum ejus licentia.

Hanc partem ſimul, & alteram S. Th. auctoritate confirmamus, in 1v. Sentent. ſive Supplementi Q. viii. A. v. ad quartum, Nullus (inquit), tenetur conſiteri peccata, quæ non habet: & ideo ſi aliquis pœnitentiario, Epifcopi, vel alteri ab Epifcopo commiſſionem habenti confeſſus fuerit, cum ſint ſibi dimiſſa peccata, & quoad Deum, & quoad Eccleſiam, non tenetur ea conſiteri proprio Sacerdoti, quantumcumque petat. Sed propter ſtatutum Eccleſiæ de Confeſſione facienda proprio Sacerdoti ſemel in anno, eodem modo ſe debet habere, ſicut ille, qui habet ſolum venialia. Taliſ enim ſolum venialia conſiteri debet, ut quidam dicunt, vel proſiteri ſe a peccato mortali immunem eſſe; & Sacerdos ei in foro conſcientiæ credere debet, & tenetur. Si tamen iterum conſiteri teneretur, non fruſtra primo confeſſus fuiſſet, quia quanto pluribus Sacerdotibus conſiteretur quis, tanto ei plus de pœna remittitur: tum ex erubeſcentia Confeſſionis, quæ in pœnam ſatiſfactoriam computatur, tum ex vi Clavium. Unde Bonum eſt, quod ille qui Auctoritate Epifcopi Confeſſionem audit, inducat Conſitentem ad hoc, quod conſiteatur Proprio Sacerdoti: quod ſi noluerit, nihilominus cum abſolvere debet.

Ad reverentiam erga proprium Sacerdotem, ad fiduciam in Paſtorem Animarum ſuarum adhortari fideles, noſtro certe Miniſterio dignum fuerit.

REGULA XXI.

Quicumque Sacerdoti Sæculari, vel Regulari ab Epifcopo approbato peccata ſua conſitentur, ac deinde Parocho Confeſſionem faciunt, magis tenentur obedire Parocho ſuo, quam aliis Confeſſariis, ſi forte contraria jubeant.

Hanc Regulam ſtatuit S. Thomas loco citato ad tertium. *Super eandem plebem* (inquit), immediate ſunt & Sacerdos Parochialis, & Epifcopus, & Papa: & quilibet eorum poteſt ea, quæ ſunt Jurisdictionis ad ipſum pertinentia alteri committere. Sed ſi Superior committat, qui & principalior eſt, dupliciter poteſt committere: aut ita, quod eum vice ſui conſtituat, ſicut Papa, & Epifcopus ſuos Pœnitentiariorum conſtituunt; & tunc talis eſt principalior quam inferior Prelatus; ſicut Pœnitentiarius Papæ, quam Epifcopus; & Pœnitentiarius Epifcopi, quam Sacerdos Parochialis: & magis tenetur ei conſitens obedire. Alio modo, ut eum coadjutorem illius Sacerdotis conſtituat; & quia coadjutor ordinatur ad eum, cui adjutor datur, ideo coadjutor eſt minus principalis: & ideo pœnitens non tantum obedire tenetur ei, quantum proprio Sacerdoti.

R E G U L A XXII.

Quamvis Parochus minus peritus, minus probus, minus prudens esset, non posset tamen Parochianus alteri confiteri, nisi cum Episcopi licentia.

UT enim ait S. Thomas, in iv. Sententiarum, sive quæstione viii. Supplementi Articulo. iv. ad tertium: *Electio discreti Sacerdotis non est nobis commissa ex nostro arbitrio faciendæ, sed de licentia Superioris, si forte prius Sacerdos esset minus idoneus ad opponendum peccatis salutare remedium.*

R E G U L A XXIII.

Parochi faciles esse debent ad præbendam licentiam alteri confitendi tempore Paschali.

TA S. Thomas, Articulo proxime citato, ad sextum. „ In hoc (inquit) „ quod oportet proprio Sacerdoti confiteri, non arctatur via salutis; sed „ sufficiens ad salutem via statuitur. Peccaret autem Sacerdos, si non esset „ facilis ad præbendam licentiam alteri confitendi, quia multi sunt adeo infirmi, quod potius sine Confessione morentur, quam tali Sacerdoti confiterentur. Unde illi, qui sunt nimis solliciti, ut conscientias subditorum per Confessionem sciant, multis laqueum damnationis injiciunt; & per consequens quens sibi ipsis.

Eandem Regulam confirmat S. Carolus Borromæus in Synodo Diœcesana xi. in Monitis, quæ ad Sacramenta pertinent. „ Parochus unusquisque (inquit) in Urbe Parochiales suos generatim ineunte Quadragesima hoc moneat, ut cum ipse multis occupationibus eo tempore distineatur, quicumque aliis Confessariis Sacerdotibus approbatis, quos maluerint, confiteri velint, eos ad confitendum adeant, & Confessionis testimonium scriptum ante Hebdomadam Sanctam ipsi Parocho tradant. In Diœcesi autem & generatim, & sigillatim Parochus se facilem præbeat, in confitendo Parochialibus suis, de quibus nulla sit suspicio, eos medicinæ vitandæ causa Parochi iudicium subterfugere, ut ad alios Confessarios a nobis testimonio scripto probatos se conferant, qui peccatorum suorum Confessionem audiant. Imo vero eam facultatem sponte sigillatim offerre debet iis, qui lites, controversas, disensionesve secum exeruerint, exercentve, de iis præsertim rebus, quæ ad munus spirituale Parochialis Curæ non attinent. Qua in re si Parochus defuerit, tunc Vicarius foraneus facultatem concedat licet, ut alios Confessarios adire possint. Verum ne idem Vicarius foraneus, & Parochus generatim consentiat, eos a quo maluerint Confessario audiri, sed ab eo quem ipse, vel Parochus, vel Vicarius maluerit, vel ab illo, quem ex pluribus piis, & peritis ab eodem Parocho, & Vicario propositis, pœnitens ipse sibi delegerit.

Diœcesana Synodus Lingonensis anno 1404. Idem decreverat. Quia (inquit) tam de Jure, quam per Doctores, sunt causæ, propter quas aliquis Parochianus jussu posset refutare confiteri Curato, vel Vicario suæ Parochiæ, quas non posset faciliter coram Superiore proponere: idcirco statimus, quod cum aliquis Parochianus de cetero a Curato, vel Vicario petet sibi dari licentiam alteri confitendi, Curatus concedat faciliter absque magna inquisitione causæ. Quod si Curatus recusaret; Nos tenore præsentis Statuti, petita prius a Curato, & non concessa, eidem de gratia concedimus, salvo in aliis jure Curati.

R E G U L A XXIV.

Advenæ, peregrini, vagi, & qui plura domicilia in diverſis Parochiis habent, Confessionis annuæ præcepto ſatisfaciunt, ſi Parocho, ſeu Coadjutoribus illius Parochie conſiteantur, in cuius Parochie territorio Paſchali tempore commemorantur.

ITa S. Carolus in Concilio Diœceſano xi. *Advenæ* (inquit) & peregrinos, quos intra Parochiæ ſuæ ſines brevi tempore in Diœceſi morari contigerit, audire liceat etiam tempore Paſchali, niſi fortasſe de induſtria eo acceſſerint, ne in Parochiali Eccleſia Sacramenta ſumant.

Idem ſtatuit Synodus Nemaufenſis Diœceſana a Bertrando Epifcopo anno milleſimo ducentefimo octogefimo quarto celebrata, Tit. *De Penitentia*. Inter caſus enim, in quibus ſine licentia proprii Sacerdotis poteſt aliquis alieno Presbytero conſiteri, hos recenſet: *Si cauſa domicilii ſe duxerit ad aliam Parochiam transferendum Cum vagabundus circumit Cum imminet ſibi mortis periculum, & non poteſt habere proprium Sacerdotem Cum Epifcopus hoc alicui ſpecialiter delegavit, &c.* Eadem habet S. Thomas in iv. *Sententiarum*, Diſt. xxi. in *Expoſitione* textus. Eadem habet S. Raymundus Libro iii. Tit. *De Penitentia*, & *Remiſſionibus*. Addunt, Parochum audire poſſe Confessionem alterius Parochiani, cum ille extraneus peccavit in Parochia ſua. Sed Gloſſa Joannis de Friburgo in Summam S. Raymundi, recte notat hunc caſum generatim recipiendum non eſſe.

„ Quia ſi quis fornicatus ſit vel adulteratus occulte, vel aliud crimen commiſiſſe, in Parochia aliena, propter quod crimen non ſit excommunicatus a Prælato, illius loci, debet de illo peccato conſiteri proprio Sacerdoti: ſi autem ſit excommunicatus propter illud peccatum, ſicut conſuevit fieri de furis, & rapinis, & huiuſmodi, in quibus ignorantur auctores, mittendus eſt talis ad Excommunicatorem abſolvendus ab excommunicatione huiuſmodi, quia non poteſt ab illa abſolvi per proprium Sacerdotem: & quod diſt ius, quod ſortitur quis forum ratione delicti, intelligendum eſt quoad illa, quæ pertinent ad forum contentioſum, quia poteſt ibi conveniri, iudicari, & puniri de crimine ibi commiſſo.

R E G U L A XXV.

Regulares, ab Epifcopo generatim, & abſque ulla prorsus exceptione, & reſtrictione approbati, Confessiones ſecularium infirmorum audire poſſunt: tenentur tamen Parochum de huiuſmodi Confessionibus certiores facere. Expediit etiam, ut Parochum adeant; antequam Confessionem excipiant, & cum illo de ſtatu infirmi conſerant, ſi id fieri poſſit. Diœceſana denique Statuta, & Mandata Epifcoporum obſervanda ſunt.

Confessiones
infirmorum.

Prima, & altera pars Regulæ nititur Jure communi, & Sacri Concilii Tridentini Decretis, quibus Sacerdotes ab Epifcopis approbati, ad Fidelium Confessiones audiendas admittuntur. Itaque ſi generatim abſque ulla prorsus exceptione perſonarum, locorum, & temporum, abſque ulla conditione ſint approbati ab Epifcopo, Confessiones infirmorum audire poſſunt, non minus quam optime valentium. Aliter ſe res haberet, ſi approbati eſſent ab Epifcopo ad audiendas Confessiones, *Exceptis Confessionibus infirmorum aut Cum licentia Parochi*, &c. In illa enim hypotheſi Contentiones infirmorum vel audire omnino non poſſent, vel nonniſi cum Parochi licentia.

Idem confirmat Clementis X. Conſtitutio, quæ incipit, *Superna magni Patris familias*, edita Tom V. Bullarii Romani, pag. 494 qua declarat Summus Pontifex, *Semel ſimpliciter approbatos poſſe in Diœceſi Epifcopi approbantis quovis anni*

anni tempore, etiam Paschali, & quorumcumque etiam infirmorum Confessiones audire absque ulla Parochorum licentia. De qua tamen Confessione teneri dictos Religiosos eorumdem infirmorum Parochum illico certiores reddere. Et hoc posse illis ab Episcopo sub pœna Suspensionis a facultate audiendi Confessiones præcipi: sufficere tamen, ut certioratio huiusmodi fiat saltem per scripturam apud ipsum infirmum relinquendam.

Postremam Regulæ partem tradit S. Carolus Borromeus, in Instructionibus Confessariorum: „ Regulares (*inquit*) ad infirmos audiendos convocati, si ex temporis angustia aliud non potuerint, hujus infirmi Pastorem adeant, quæ spectant ad hujus statum sciscitaturi, ut diligentius illum examinent, utpote in hoc vitæ termino constitutum, a quo salus, aut æterna damnatio pendet: quod si ante Confessionem Pastorem convenire tempus non fuerit, saltem post eam quamprimum Confessor adeat, ut ambo de infirmi necessitatibus, eoque specialiter adjuvando statuunt. Denique Statuta Diocesana, & Mandata Episcoporum servanda sunt, siquidem jus habent statuendi, quod suarum Digressum spirituali bono expedire judicaverint, Sedis Apostolicæ Auctoritate in omnibus, & per omnia semper salva.

R E G U L A XXVI.

Parochos inter, & Regulares Confessores, concordia maxima esse debet ad Animarum salutem promovendam, & Fidelium ædificationem.

Hanc Regulam Venerabilis Gersonius Parisiensis Ecclesiæ, & Accademiæ Cancellarius tradit Lib. De Statibus Ecclesiasticis. De Statu enim Curatorum agens, Consideratione xv. hæc habet: „ Status Curatorum debet cum bona gratia suscipere statum Privilegiatorum tanquam coadjutores missos, habentes a Superioribus licentiam prædicandi, & Confessiones audiendi; si non appareat rationabilis causa aliquem talem repellendi, utpote si detractor, si collusor, si corruptor, si quæstuosus, si seductor appareat: aut Parochianorum multi inde veniant in contemptum Curatorum: aut si tunc Curator perse ipsam id agere circa Parochianos suos, quod agendum sit, satis potuerit; quia videretur præferendus, nisi legitima fieret exceptio contra eum.

Tum de Statu Privilegiatorum, Consideratione ii. „ Status Privilegiatorum (*inquit*) debet cum bona charitate licentia sua uti, non ad quæstum, non ad æmulationem, non ad ambitionem, non denique in præjudicium temporale, vel spirituale Curatorum; sed instando clam, & palam apud Parochianos, quatenus honorem debitum, ac sustentationem suis reddant Curatis, alioquin faciunt, quod sibi fieri nollent: meritoque repelluntur hi, de quibus aliter constitit, & Excommunicationem a Canone nonnunquam incurrunt.

Et Consideratione iii. de utroque Statu: „ Status uterque (*inquit*) studeat alter alterius onera portare sine contentione, & æmulatione de rebus prædicatis, vel aliis, ne si invicem mere cornicum se mordeant, consumantur: ne præterea surgat scdæ opinio Ecclesiasticorum apud Laicos, & vituperetur ministerium verbi Dei. Nonne Deus. quæso, abunde dives est pro omnibus? Nonne pacis est Deus, non divisionis? Denique quid prodest Pharisaïca contentio de Status præminetia? Quid sanctius est dare operam, ut quis perfectus inveniat, quam si jacens in iniis de perfectione status gloriatur?

Fandem concordiam stabilire cupiens S. Carolus Borromeus, in Instructionibus Confessorum hæc habet: „ Confessores Regulares, qui potissimum extra Urbem degunt, cum locorum Parochis, ubi aut habent Monasteria, aut concionantur, aut quacumque ex causa ibi Confessiones audiunt, ita conveniant; ut Pœnitentes non absolvant, qui viventes cum scandalo in peccato

Servanda
Parochos
inter, & Re-
gulares
Confessarios
concordia,

perseverant, aut Pœnitentiis publicis ipso facto subijciuntur, aut ad legatorum, similiaque rerum restitutionem tenentur, qui propterea a Parochis non absolventur, nisi prius his obligationibus satisfecerint. Ideo Regularium Superiores Confessarios suos sapienter moneant, & ad hanc animarum unionem, in fidelium ædificationem adhortentur: curentque impunis, ut dum in casuum resolutione diversa inter eos, & Parochos sententia fuerit, prudenter in eo se gerant, & ad Laicorum notitiam id non veniat, sed ad nos pro decisione recurrant.

R E G U L A XXVII.

Confessarii Regulares ab Episcopo approbati, absolvere non possunt a Casibus Summo Pontifici, aut ipsi Episcopo reservatis, nisi specialem ab ipsis acciperint potestatem: nullaque illis Privilegia quoad hoc suffragantur.

De Absolu-
tione a Cas-
ibus reserva-
tis.

Hanc illis potestatem simululum ademit *Clemens V.* in Concilio Vientiensi, ut constat ex Clementina *Dudum*, Tit. *De Sepulturis*, qua declarat, se Regularibus ad Pœnitentiæ Sacramentum administrandum deputatis potestatem non impendere ampliorem, quam in eo Curatis, vel Parochialibus Sacerdotibus est a Jure concessa: Nisi forsaneis Ecclesiarum Prelati veniorem in hac parte gratiam specialiter ducerent faciendam. Eum Clementina, Religiosi, Tit. *De Privilegiis*. & *Privilegiatorum exceptis*, Regularibus vetat sub interminatione maledictionis æternæ, Ne in Casibus Sedi Apostolicæ, aut locorum Ordinarii reservatis quinquam absolvere presumant. Concilium etiam Tridentinum Sessione xiv. cap. vii. declarat In Ecclesia Dei custoditum semper fuisse, ut nulla sit reservatio in articulo mortis; atque ideo omnes Sacerdotes quolibet Pœnitentes a quibuscumque Censuris, & peccatis absolvere posse: extra quem est eorum, Sacerdotes, cum nihil possint in Casibus reservatis, id unum Pœnitentibus persuadere nituntur, ut ad superiores, & legitimos Judices pro beneficio absolutionis accedant.

Idem sanxit Concilium Mediolanense iii. Præsule S. Carolo Borromeo, Tit. *De iis*, que ad Sacramentum Pœnitentiæ pertinent, prohibet (inquam) Ne Confessarii Regulares, eorum peccatorum, quorum absolutio Episcopo reservata est, vinculis irretitos Pœnitentes absolvant, quemadmodum a Sede Apostolica declaratum est, idcirco non licere, quavis Privilegiorum suorum auctoritate.

Et Concilium Mediolanense v. sub eodem Archipræsule Sanctissimo: Quod facultatum (inquit) Privilegiorumque jure, que cuicumque etiam Reservati, & Cruce signatorum Scholæ, Confratriæ, Collegiæ etiam Laicorum, quæque Collegiis, Confratribusve in eo adscriptis ante, vel post Concilii Tridentini confirmationem concessa sunt; Confessarius, cujusvis Ordinis sit, ab iis casibus, quos sibi Episcopus in sua Diocesi reservaverit, Pœnitentes sine illius facultate absolvat. Si contra fecerit, Suspensionem a divinis ipso facto incurrat.

Ibidem: Ab iis casibus proxime promulgatis, si quis Confessarius cujusvis Ordinis, sine facultate scripto ab Episcopo data, aliquem absolvere attentarit, Excommunicatoris penam ipso facto subeat.

Idem sanxere Concilia Provincialia post Tridentinum in Galliis celebrata, Rothomagense anno millesimo quingentesimo octogesimo primo, Tit. *De Curatorum*, & aliorum Presbyterorum, ac Paræcianorum officiis; Burdigalensis anno millesimo quingentesimo octogesimo tertio, cap. xii. *De Pœnitentiis*; Bituricensis anno millesimo octogesimo quarto, Tit. xxi. *De Pœnitentiis*; Aquisenſe anno millesimo quingentesimo quarto, Tit. *Que ad Pœnitentiæ Sacramentum pertinent*; Tolosanum anno millesimo quingentesimo nonagesimo, cap. iv. *De Pœnitentiis*, & *Confessione*. Narbonense anno millesimo sexcentesimo nono, cap. xvii. *De Casibus reservatis*.

Abso-

Abolutionem a Casibus Sedi Apostolicæ, aut Ordinariis locorum reservatis illicitam esse Regularibus pariter, & Sæcularibus Sacerdotibus: nulla illis ad hoc suffragari Privilegia; Abolutiones, si quas ab his Casibus sine speciali facultate concesserint, nullas, & irritas esse: ab his absolventes, Excommunicationis, Privationis Officiorum, & Dignitatum, aut Beneficiorum, inhabilitatis; item audiendi Confessiones, & ad quæcumque Officia, Prælaturas, Beneficia in posterum obtinenda, pœnas ipso facto absque ulla alia declaratione; incurturos: super quibus a nemine nisi a Romano Pontifice habitatio, dispensatio, aut Absolutio possit impartiri, declararunt Summi Pontifices *Clemens VIII.* Decreto edito die nona Januarii anno millesimo sexcentesimo primo; *Paulus V.* Decreto edito septimo Januarii anno millesimo sexcentesimo decimo septimo; *Urbanus VIII.* Decreto edito die decima septima Novembris anno millesimo sexcentesimo vigesimo octavo; *Innocentius X.* in Litteris ad Archiepiscopum Neapolitanum per Sacram Congregationem Episcoporum, & Regularium negotiis præpositam scriptis die nona Decembris anno millesimo sexcentesimo quadragésimo septimo. Quæ Decreta, & Litteræ legi possunt apud *Barbosam*, P. 111. *De Officio, & Potestate Episcopi*. Allegatione 111. *Alexander VII.* plurimas inter Propositiones, quas minimum tamquam scandalosas damnavit, & publice, vel privatim propugnari, aut doceri prohibuit sub pœna Excommunicationis ipso facto incurrenda, & ad praxim deduci sub interminatione divini Judicii, die xxiv. Septembris, anno millesimo sexcentesimo sexagesimo quinto, hanc ordine duodecimam Apostolica Censura confixit: *Mendicantes possunt absolvere a casibus Episcopis reservatis, non obtenta ad id Episcoporum facultate.* Et rursum die xviii. Martii, anno millesimo sexcentesimo sexagesimo sexto, hanc inter alias Propositionem damnavit, pariterque prohibuit ordine trigésimam sextam: *Regulares possunt in foro conscientie ut Privilegiis suis, quæ sunt expresse revocata per Concilium Tridentinum.*

De Absolutione a Casibus reservatis.

Denique *Clemens X.* Constitutione, quæ incipit, *Superna magni Patris familiaris*, declarat, „ Ex facultatibus per Mare Magnum, aliave Privilegia Regularibus cujuscumque Ordinis, Instituti, aut Societatis, etiam *Jesu*, concessis, factam eis non esse potestatem absolvendi in casibus ab Episcopo sibi reservatis. Et per Confirmationes dictorum Privilegiorum, quas Regulares a Sede Apostolica post Sacrum Concilium Tridentinum obtinuerunt, nequaquam revixisse Privilegia, prius ab eodem Concilio, aut deinde Apostolicis etiam Decretis sublata, atque extincta, si quæ habebant, absolvendi a casibus Episcopo reservatis.

REGULA XXVIII.

Habentes facultatem absolvendi ab omnibus casibus Sedi Apostolicæ reservatis, non ideo a casibus Episcopo reservatis possunt absolvere.

Hanc Regulam iisdem verbis tradit *Clemens X.* in Constitutione mox laudata. Cuique enim Episcopo suam Jurisdictionem integram servare Summi Pontifices volunt, juxta illud *S. Gregorii Magni*: *Si sua unicuique Episcopo Jurisdictio non servatur, quid aliud agitur, nisi ut per Nos, per quos Ecclesiasticus custodiri debuit Ordo, confundatur?*

R E G U L A XXIX.

Confessarius tum Sæcularis, tum Regularis Pœnitentes ex alia Diœcesi ad se confluentes absolvere potest a casibus in illa Diœcesi, non autem in Diœcesi ipsius Confessarii reservatis, modo dedita opera, & in fraudem reservationis ad alienam Diœceseos Confessarium sese non contulerint.

ITa Clemens X. in Constitutione mox laudata declarans, *Posse Regularem Confessorem in ea Diœcesi, in qua est approbatus, confluentes ex alia Diœcesi a peccatis in ipsa reservatis, non autem in illa, ubi idem Confessor est approbatus, absolvere, nisi eosdem Pœnitentes noverit in fraudem reservationis ad alienam Diœcesim pro Absolutione obtinenda migrasse.* Præterea, reus judicari solet juxta Leges, & Consuetudines loci, in quo reperitur: iter itaque agentes, sive peregrini, Casus habentes reservatos Episcopo proprii domicilii, non autem Episcopo loci, in quo reperiuntur, ab iis absolvi possunt a quocumque Confessario approbato in ea Diœcesi, in qua negotiorum causa versantur, aut per quam transiunt. Siquidem reservatio non afficit Confessarium, sed Pœnitentem, qui sortitur forum Pœnitentiale, ubi moram trahit: quod ab Eugenio IV. declaratum observat Cajetanus in Summa, verbo *Absolutio*.

De Absolutione a Casibus reservatis.

R E G U L A XXX.

Confessarius, qui potestatem obtinuit absolvendi a casibus Episcopo reservatis, non ideo potest absolvere a Censuris.

CUm enim aliud sit Casus reservatus, aliud Censura, & Episcopus soleat aliquando reservare Casus cum Censuris, aliquando sine illi: potestatem ab utriusque absolvendi concedat necesse est: nec facultas circa unum concessa potest ad aliud extendi.

R E G U L A XXXI.

Qui facultatem habent absolvendi a Casibus Summo Pontifici reservatis, possunt etiam absolvere a Censuris.

CUm enim nulli Casus Summo Pontifici reservati sint absque Censura, concessa facultate absolvendi a Casibus Sedi Apostolicæ reservatis, concessa cenetur & facultas absolvendi a Censuris.

R E G U L A XXXII.

Si periculum mortis immineat, desique Confessarius approbatus, quilibet Sacerdos potest a quibuscumque peccatis, & Censuris absolvere.

In articulo mortis nullus Casus est reservatus.

HÆ Regula iisdem verbis traditur in Rituali Romano Pauli V. jussu edito, & nititur Concilii Tridentini declaratione Sess. XIV. De Pœnitentia, cap. VII. *Pe admodum* (inquit) *ne hac ipsa occasione aliquis pereat, in eadem Ecclesiu Dei custodantur semper sit, ut nulla sit reservatio in articulo mortis: atque ideo omnes Sacerdotes quolibet Pœnitentes a quibuscumque peccatis, & Censuris absolvere possunt.* Quolibet Sacerdotes in articulo mortis a quibuscumque peccatis, & censuris absolvere posse, cum declarat Sacra Synodus, suspensos, excommunicatos, degradatos, schismaticos, hæreticos non excludit, facta hypothefi, quod nullus præsto sit Sacerdos Catholicus, vel a Censuris liber. Censet tamen S. Raymundus, neminem teneri in ea hypothefi confiteri peccata Sacerdoti Hæretico, Schismatico, vel Excommunicato: imo Con-

fessio-

sessionem huiusmodi hominibus, etiam in mortis articulo dissuadet ob subversionis periculum. (Lib. III. §. 16.) Cum etiam in mortis articulo nullam esse reservationem Concilium ait, de mortis periculo idem intelligendum est, ut explicat Rituale Romanum. Accedit, quod Canones absolventi potestatem concedentes non distinguunt inter articulum, & periculum mortis, ut constat ex cap. *Eos qui*, Tit. *De Sententia Excommunicationis*, in sexto. Et ex Can. *Si quis*, Causa XVII. Q. IV. & ex cap. *Ea noscitur*, Extra, *De Sententia Excommunicationis*. Hanc Regulam confirmat S. Thomas, in IV. *Sententiarum*, seu Qu. VIII. Supplementi, Art. VI.

R E G U L A XXXIII.

Qui ob mortis periculum fuerint absoluti a Censuris Superiori reservatis, sistere se tenentur ei cui reservatæ sunt, quamprimum convalescerint, non quidem ut rursus absolvantur, sed ut Mandatis ejus pareant: idque nisi præstiterint, in eisdem Censuris incurrunt.

HÆC Regula nititur cap. *Eos qui*, Tit. *De Sententia Excommunicationis*, in sexto, cujus hæc sunt verba: „Eos, quia sententia Canonis, vel hominis (cum ad illum, a quo alias de jure fuerunt absolvendi, nequeunt propter imminens mortis articulum, aut aliud impedimentum legitimum, pro Absolutionis beneficio habere recursum) ab alio absolvantur: si cessante postea periculo, vel impedimento huiusmodi, se illi, a quo his cessantibus absolvi debebant, quam cito commode poterunt, contemplantur præsentare, Mandatum ipsius super illis, pro quibus excommunicati fuerant, humiliter recepturi, & satisfacturi prout justitia suadebit: decernimus (ne sic Censuræ illudant Ecclesiasticæ) in eandem Sententiam recidere ipso jure.

De Casibus reservatis.

Hanc Regulam confirmat S. Thomas, Quæst. & Articulo supra citatis, in Responsione ad secundum: Non oportet (inquit) cum recurrere ad proprium Sacerdotem, ut iterum a peccatis absolvatur, a quibus in articulo mortis absolutus est: sed ut innotescat ei, quod sit absolutus. Nec similiter oportet, quod absolutus ab Excommunicatione ad Iudicem vadat, qui alias absolvere potuisset, Absolutionem petens, sed Satisfactionem offerens.

R E G U L A XXXIV.

Qui facultatem ab Episcopo obtinuit absolvendi a Casibus illi reservatis, mortuo Episcopo ab illis absolvere non potest, nisi novam potestatem obtinuerit a Successore, aut a Capitulo Sede vacante.

DElegatio enim morte delegantis extinguitur; ut habetur I. *Et quia*, ff. *De Jurisdictione omnium Iudicum*.

R E G U L A XXXV.

In Casuum reservatione summa prudentia Episcopis opus est.

Non enim passim, sed cum id videtur communi bono expedire, atrociorum tantum, & graviorum criminum absolutionem sibi reservare debent, quorum reservatio ad Christianam Disciplinam retinendam conferat, & in ædificationem, non autem in destructionem cedit: ne alioqui Sacramenti Pœnitentiæ, Ministrorum coarctata potestate. Sanctæ Matris Ecclesiæ piæ menti contrarius subiequatur effectus; ut declarat Sacra Congregatio Cardinalium Concilii Tridentini interpretum,

„*Ad*“

§ die 26. Novembris anno 1611. Peccata etiam occulta non sunt facile reservanda, nisi plures ab eis deterreat reservatio, quam ab eorum Confessione Superioribus faciendi prohibeat pudor, quod in peccatis carnis, ut plurimum, contingit, iis præsertim, quæ a sexu muliebri, & a pueris committuntur, bestialitate ex epra, ut ait *Cerso*, in Opusculo *Super absolvendi potestate, & qualiter expediri fieri Reservationem peccatorum*.

De C. sibus
reservatis.

Præsumimus idem Cancellarius in Epistola ad quemdam Episcopum, *De Moderatione Casuum reservandorum*, ita scribit: „Pastoralis Auctoritas in Casibus reservandis, sicut & alia quælibet potestas, data est Prælati in edificationem Ecclesiæ, non in destructionem, sicut dicit Apostolus, & in favorem Populi Christiani pro salute, non pro quæstu, aut simili modo consequendo. Constat autem certissime per plures expertos in Confessionibus audiendis tempore isto, quod reservatio stricta quorundam casuum, præsertim in gravioribus, & occultis speciebus peccati carnalis retrahit innumeros a Confessione talium peccatorum, sicut sunt pueri, & puellæ, & mulieres verecundissime, & rurales idiotæ, a quibus vix potest extrahi Confessio talium peccatorum, quantumcumque Confessor sit sollicitus, humilis, morosus, & discretus. Quod si remittantur ad Prælatum, vel Pœnitentiarium de longinquo, vel in publico, refugiunt, & horrent. Expertumque est nullies, quod non vadunt: sed nec ducenti, nec trecenti sufficienter aliquando in una Diœcesi ad tales casus plane audiendos, absolvendorumque. Denique quid prodest, & certe obest plurimum, addere verecundiam super verecundiam, onera gravia super onera, & difficultatem confitendi talia peccata super difficultatem, quæ tanta est, ut vix credi posset? Et hoc præcipue, quando peccatum secretum est. Si diceres. Talis si non revelabit, damnabitur: tatemur quidem, sed obvian- dum esset huic damnationi modis omnibus, potius quam addenda sit occasio. Numquid requiritur sanguinis locus, id est, damnatio ab illis, qui occasionem dederunt, præcipue Prælati Majoribus? Sic certe & isti satisfaciunt pro isto usque ad ultimum quadrantem, eantes in eandem damnationem, cum sint Prælati ad salvandum gregem Domini positi, & pascendum, non occidendum, aut scandalizandum. Expertum est itaque, quod hic terror reservationis nullos, aut paucissimos cohibet sic peccare, innumeros autem sic retrahit confiteri propter dictas causas, & etiam alias, quoniam mulieres præcipue tali modo retrahuntur: primo timentes, notari a maritis; cum tales Confessores adeant; qui cum zelotypi sint, statim sinistram contra uxores suas sumerent occasionem, unde surgerent jurgia, lites, discordiæ, & amoris interruptio, &cetera, quæ peiora procurarent mala, utinam non sæpius mortem! &c..... Postremo si non placeat casus omnes occultos relinquere passim cuilibet Confessori, ut pro omni ætate confitentium, saltem hoc expedire videretur, primo, quod nullus casus judicaretur esse reservatus quoad occultis casibus, scilicet, qui non compleverunt decimumquartum annum, quia non habent perfectum usum rationis, nec faciliter resistunt temptationibus suis, vel malitiis alienis, nec leviter audent coram personis authenticis, & extraneis comparere, quanto minus audent de tam pudendis confiteri? Considerandum est insuper verecundiæ etiam parentum, si crebro, vel publicæ, vel de longinquo ad Pœnitentarios mitterentur. Et expedit denique faciliter, & cito relinquere potestatem super occultis casibus Curatis, & Ordinariis, & generaliter omnibus, qui bona fide voluerint, & ceiverint proficere animabus, non ad quæstum, vel subversionem: imo tales diligenter inquirendi essent, & inducendi, & rogandi ad laudem Dei, & salu-

tem populi Confessores, & Prædicatores, per condescensionem bonitatis in hoc tempore pessimo, quando nimis experimur, heu! illud Genesi vi. *Corruerat omnis caro viam suam*. Hinc horrendum est ubique flagitiorum naufragium, in quo saluat arca Pœnitentiæ: cujus arcæ introitum ideo plus expedit ampliare, quam nimia arctitudo suo prohibeat eos, qui ad ingrediendum allici, imo juxta Parabolam Evangelicam quasi compelli debuerunt.

Secundum hanc Gersonis Doctrinam Synodus Senonensis anno 1524. ita statuit: *Ne contingat ex supradictorum Casuum reservatione delinquentem prodere, & periculum famæ, & scandalum inducere: omnibus, & singulis nostræ Diœcesis Parochialibus Curatis, & eorum Vicariis impartimur, & concedimus auctoritatem, & potestatem absolvendi mulieres Parochianas suas, non notorias peccatrices, sed occultas, ab incestu, & omnibus aliis luxuriæ peccatis, etiam sodomiticis occultis, si qua talia se confiteantur commississe: maxime si cognoscent prædicti Curati distas consistentes ad Nos, aut Pœnitentiarium nostrum pro Absolutione supra præmissis habenda, absque scandalo, & famæ periculo accedere non posse*. Idem statuit Diœcesana Synodus Carnotensis anno 1526. Idem Synodus Parisiensis anno 1557. *Parochos (inquit) & Vicarios non impedimus, quo minus famæ, pudique muliebri consulant; & a libidinis sordibus absolvant, ea tamen lege, ut occultæ sint, & de his dolor animi, Confessioque fuerit*.

De Casibus
reservatis.

REGULA XXXVI.

Casus Summo Pontifici, & Episcopis reservados singuli Confessarii nosse debent, eosque apud se descriptos, aut ipsis Confessionalibus intus affixos habere decet.

Ita statuit *Sanctus Carolus* in Conciliis plerisque suis, & in Instructionibus.

CASUS ROMANO PONTIFICI RESERVATI.

In corpore Juris Canonici, in Concilio Tridentino, & in plerisque Summorum Pontificum Constitutionibus, quam plurimæ habentur Excommunicationes Summo Pontifici reservatæ, sed non omnes ubique receptæ sunt, aut vigent; plurimas enim abrogavit contraria consuetudo, quam Sacri Canonnes vim legis habere decernunt, ut constat ex *Can. Consuetudo*, Dist. 1. & *Cap. Cum olim*, Extra, *De Consuetudine*. Et quemadmodum Leges Divinæ natura constant, ita leges humanæ moribus, ut habetur *Can. Omnes leges*, Distinct. 1. Ipsaque consuetudo Jurisdictionem confert, ut patet ex *Can. Conquestus*, Causa 1x. Quæst. 111. & *Cap. Cum contingat*, Extra, *De foro competenti*. Unde Ordinariorum Jurisdictio consuetudine præscripta ampliat, eademque Superiorum Reservationes restringuntur.

Inter Summorum Constitutiones Pontificum, quibus Casus Romano Pontifici reservati continentur, celeberrima est *Bulla Cœnæ Domini*, ita nuncupata, quod die Cœnæ Domini quotannis Romæ solemni Ritu promulgetur. Verum Bullam istam in nonnullis Provinciis, & Regnis non esse receptam, notum est. Recepta est alibi. Disciplina res est, quam Romana Ecclesia omnium Ecclesiarum optima Mater, & Magistra variam in variis Ecclesiis tolerat, tum in hac specie, cum in aliis. Hinc *Alexander III.* in Matrimonii causa rescripsit olim: *Licet Ecclesia Romana propter maleficium legitime conjunctos dividere non consueverit: si tamen Consuetudo generalis Ecclesie Gallicanæ habet, ut hujusmodi Matrimonium dissolvatur, Nos patienter toleramus*.

Bulla in Cœ-
næ Domini.

Eustachius Du Bellay Parisiensis Episcopus, qui Tridentino Concilio interfuit,

Casus Summo Pontifici reservati.

terfuit, in Statutis suis Synodalibus hos dumtaxat Casus adscribit Romano Pontifici reservatos, seu quod aliorum quorundam reservatio Ecclesiæ Gallicanæ Moribus recepta non sit, seu quod infrequentius occurrant.

1. *Omnis Hæreticus, fautor, receptor, ac Hæreticorum defensor.*
2. *Qui patrem, vel matrem vulneravit, aut occidit.*
3. *Qui Clericum atrociter percussit.*
4. *Qui Virginem per vim desloravit, & constupravit.*
5. *Qui Moniales in loco sacro cognoverit, vitia rit.*
6. *Qui Templorum tectis faces ad incendium immisit.*
7. *Qui Litteras Apostolicas adulteravit.*
8. *Qui nova vestigalia, tributa, & exactiones excogitarit.*

Quod tamen supremos Principes, & eorum Ministros, vel Respublicas non spectat: quibus jus est imponendi vestigalia, & tributa ex causa communis boni.

9. *Qui Simonismo, id est, malis artibus, Sacerdotia Ecclesiastica adeptus fuerit.*

Synodi Gallicanæ atrociorum quorundam criminum absolutiōem Romano Pontifici olim referarunt.

Inconculsa tamen veritas est, eaque ad fidempertinens, Romanum Pontificem in tota Ecclesia posse reservare sibi Casus. Quædam crimina Ecclesiæ Gallicanæ agnoscit Summo Pontifici reservata, a quibus ne absolvant Confessarii potestatem absolvendi a Sede Apostolica non habentes, diligenter caver. Atque ab antiquis temporibus hæc in nostrorum Præsalum pæctoribus viguit religio, & in Romano Pontificem observantia, ut atrociorum quorundam criminum Judicium Sedi Apostolicæ sponte etiam reservarent, ut constat ex Concilio Bituricensis Provinciæ Lemovicis celebrato, anno millesimo trigesimo-primo. Hoc (inquiunt) *ab ipsis Apostolicis Romanis, & ceteris Patribus cautum tenemus: ut Parochiano suo Episcopus, si Pœnitentiam imponit, eumque Papæ dirigat, ut judicet utrum sit an non Pœnitentia digna pro tali reatu, potest eam confirmare Auctoritas Papæ, aut levigare, aut super adicere.* Judicium enim totius Ecclesiæ maxime in Apostolica Romana Sede constat. Item si Episcopus Parochianum suum cum testibus, vel litteris Apostolicis ad Pœnitentiam accipiendam direxerit, *ut multoties pro gravissimis reatibus fieri solet, in quibus Episcopi ad dignam hesitant Pœnitentiam imponendam: hic talis licenter a Papa remedium sumere potest.*

CASUS EPISCOPIS RESERVATI.

Casus Episcopis reservati.

Sex casus a Jure Episcopis reservatos Auctores aliqui recensent, freti Extravaganti Benedicte Undecimi, quæ incipit, *Inter cunctas*, Lib. v. Extravag. Commun. Tit. De Privilegiis. 1. Peccata illa, quibus a Jure imponitur publica Pœnitentia. 2. Peccata quibus major Excommunicatio annexa est. 3. Quæ Irregularitatem ex delicto inducunt. 4. Incendium. 5. Publica blasphemia. 6. Homicidium voluntarium, aut mutilatio. Verum casus istos aliquibus Episcopis non Jure scripto, sed sola Consuetudine reservatos; itaque consuetudine in universalem non fuisse, sed aliquarum dumtaxat Diocesum, colligitur ex verbis istius Constitutionis: *Quod ea rationabilis consuetudo præscripta canonicè in Episcopatibus aliquibus reservavit Episcopis.* Deinde hæc Benedicti XI. Constitutio posteriore Clementis V. Constitutione, quæ incipit, *Quia*, Tit. De Sepulturis, abrogata est.

Casus Episcopis partim Jure scripto, partim Jure consuetudinis in Gallia reservati sunt.

1. *Hæresis.* Hinc casu in Sacra Synodus Tridentina Sessione xxiv. De Reformatione, Cap. vi. solis locorum Episcopis reservat. Quo Tridentini Concilii Jure Gallicana utitur Ecclesia. Attamen hæresim mentalem, nec exterius

terius manifestatam, & assertam, casum reservatum non esse, certum est, cum Ecclesia in actus mere internos Jurisdictionem suam non exerceat. Id autem ita Episcopis concessum est a Sacra Synodo, ut eorum Vicariis non sit permixtum. In Gallia tamen Episcopi hanc Absolutionem committunt; indulto Sedis Apostolicæ, aut consuetudine, Romanorum Pontificum expresso, vel tacito consensu approbata.

2. *Incendium ex deliberata malitia*, antequam incendiarius sit publice denunciatus.

3. *Rapina rerum Ecclesiæ cum effractione*, modo hujus criminis rei non fuerint publice denunciati.

4. *Gravis percussio Clerici, vel Monachi*. Hic casus Jure scripto est Episcopis reservatus; Cap. *Pervenit*, Extra, *De Sententia Excomm.* Gravem percussione dicimus, quæ cum peccato mortali conjuncta est, quam tamen *Clemens III. Cap. Pervenit*, vocat *Modicam*, & *levem injuriam*, comparate scilicet ad *enormem*, ut constat ex contextu Capituli: *De his* (inquit) *absolvendis, qui Clericis non enormem, sed modicam, & levem injuriam irrogarunt, tuæ Fraternitatis arbitrio duximus committendum*. Levis percussio est, *Quæ non odio, vel invidia, vel indignatione fit, sed levitate jocosa*, & hæc non est casus reservatus, nec Excommunicationi obnoxius, ut constat ex Cap. *Super eo*, Extra, *De Sententia Excomm.* Idem ferendum est iudicium de percussione, quæ fit a parentibus, Superioribus, & Magistris intuitu discipline, vel correctionis, quia non potest in ipsis injectio manuum violenta notari. Percussio enormis, seu atrox censetur, si ad mutilationem membri, vel effusionem sanguinis est processum, aut in Episcopum, aut Abbatem violenta manus injecta; ut habetur Cap. *Cum illorum*, Extra, *De Sententia Excomm.* De sanguinis effusione copiosa *Innocentium III.* esse intelligendum, Glossa observat, quia facile sanguis per nares effluit. Quamquam, & sine sanguinis effusione percussio enormis esse possit. In gravi autem, modica, aut levi percussione Clerici dijudicanda, gradus personæ, & circumstantia loci spectanda est, necnon contumeliæ ratio habenda. Si enim alapa impingatur Clerico ad Sacrum Altaris ministerium stanti, aut concionanti: si pugno percutiatur, vel calcibus impetatur in sacris Officiis, in Choro, in solemnibus Supplicatione: si vestis ejus injurioso, & contumelioso animo dilaceretur, si facies ejus, aut caput luto, attramento, stercore, urina, sputis fœdetur, levem hanc, vel modicam percussione esse nemo dixerit, sed gravem, forte & atrocem, sive enormem injuriam.

Violenta, & enormis manuum injectio in Clericum vel Monachum, Casus est cum Excommunicatione Summo Pontifici reservatus, ut declaravit Concilium Lateranense sub *Innocentius II.* Canone v. & refertur Can. *Si quis suadente*, Causa xvii. Quæst. iv. cujus hæc sunt verba: *Si quis suadente diabolo hujus sacrilegii reatum incurrerit, quod in Clericum, vel in Monachum violentas manus injecerit, Anathematis vinculo subjaceat. Et nullus Episcopus illum presumat absolvere, nisi mortis urgente periculo, donec Apostolico conspectui præsentetur, & ejus suscipiat Mandatum*. De percussione enormi alii Canones explicant. Eandem in Censuram Summo pariter Pontifici reservatam incurrunt, qui Clericum ex odio, invidia, vel indignatione in custodia publica, vel privata detinent, aut in vincula detrudunt: *Quamvis per eorum factum corporalis lesio non fuerit subséquuta, citra quam violentia sæpius circa Clericos nequiter perpetratur*; (Cap. *Nuper*, Extra, *De Sententia Excomm.*) Idem ferendum iudicium est de iis, *Qui non per seipsos, sed eorum auctoritate, vel mandato alii violenter injiciunt manus in Clericos: cum is committat vere, cujus auctoritate, vel mandato delictum committi probatur*; (Cap.

Quos percussores Clericorum vel Monachorum absolvere possit Episcopus quos non possit?

(Cap. *Mulieres*, eodem Titulo.) Idem esto iudicium de his, qui suo nomine factam approbant, & ratam habent : (Cap. *Cum quis*, sub eodem tit. in Sexto. Item, qui eisdem consenserunt, aut quomodolibet sauerunt, aut cum facile, commodeque possent, non impediverunt ; Cap. *Quante*, Extra, De *Sententia Excommun.*) Nam *Eos delinquentibus favere* Canones interpretantur, qui cum possint, manifesto facinori desinunt obviare.

Abolvere tamen potest Episcopus Ostiarium Principis, Prælati, aut alterius Potestatis, Qui sub prætextu sui officii malignatus Clericum læserit, nisi forte eundem Clericum graviter vulneraverit, idest, enormiter, ut explicat Innoc. III. Cap. *Cum illorum*. Ita respondet Alexander III. Cap. *Super eo*, Extra, De *Sententia Excomm.*

Ab Excommunicatione contracta propter injectionem manuum in socium abolvere potest Episcopus Clericos simul viventes in Collegio, Seminario, vel Ecclesiastica Communitate, Nisi forte atrocitas facti panam graviores expectet ; (Cap. *Quoniam*, Extra, De *vita, & honestate Clericorum*.)

Clerici impuberes, idest, qui decimum quartum ætatis annum non attigerunt, si se invicem, aut unus alterum percusserint, non sunt ad Apostolicam Sedem mittendi, cum eos ætas quodam modo excuset, sed ab Episcopis suis possunt absolvi: etsi sit enormis percussio ; (Cap. *Super eo*, Extra, De *Sententia Excommun.*) Sive ante; sive post pubertatis annos Abolutionem postulent: Cum propter defectum ætatis, in qua fuit commissus excessus, rigor sit mansuetudine temperandus ; (Cap. *Pueris*, ultimo sub eodem Titulo.)

Servos Clericorum percussores abolvere pariter potest Episcopus, Si hoc fecerint in fraudem, ut subtrahant se ab obsequio dominorum: aut Si ipsi domini propter hoc sine culpa sua grave damnum incurrant. Quod de mancipiis, non de servis conductitiis intelligendum est, Si tamen sit tam gravis, & enormis excessus, ut propter vitandum scandalum, & tollendum exemplum, ad Sedem Apostolicam mittendi videantur, illos Episcopus non absolvat (Cap. *Relatum*, sub eodem Titulo.)

Mulieres, quæ in istud delictum, ac Censuram quovis modo inciderunt, abolvere etiam potest Episcopus: necnon personas magnæ potentix, & ita delicatas, ut Romani laborem itineris sustinere nequeant: sed Status personæ, & veritas negotii prius debent significari Summo Pontifici, ut secundum consilium ejus ipsis imponatur Pœnitentia; ut statuit Alexander III. Cap. *Mulieres*, sub eodem Titulo.

Abolvere pariter potest Episcopus qualemcumque Clerici percussorem; si sine periculo Romanum Pontificem adire non possit, ut si habeat Capitales inimicitias, vel alias justas excusationes, quibus ab itinere rationabiliter excusetur: sed in illa hypothesi reo sub juramenti debito est injungendum, ut quam citius opportunitatem habuerit, Romanum Pontificem adeat, Mandatum Apostolicum suscepturus; (Cap. *De cetero*, sub eodem Titulo) Potest abolvere & Cæcos, & valetudinarios, & membrorum destitutionibus impeditos; nempe cæcos, claudos, aliosque similiter impotentes ad iter; (Cap. *Ea nescitur*, sub eodem Titulo.) Item *Pauperes*, qui suo labore victum sibi comparant, nec Romam ire possent, nisi mendicando. (Cap. *Quod de his*, ibidem.)

Moniales denique, si vel in se invicem, vel in Conversos, aut Conversas suas, aut Clericos etiam manus injecerint temere violentas, Episcopus Diocesanus abolvere potest; (Cap. *De Monialibus*, ibidem.)

In his autem Casibus, in quibus potest Episcopus abolvere, potest absolvere, & Pœnitentiarius Episcopi, & quilibet ab Episcopo potestatem habens absolvendi a Casibus ipsi reservatis.

In hunc Casum, & Censuram Canonis, *Si quis suadente*, non incurrit, qui Clericum vim sibi inferentem, quam citius vi repellit, vel cædit, *Cum vim vi repellere omnes leges, omniaque jura permittant*. Licitum est, (inquam) se defendere servato moderamine inculpatæ tutelæ; (Cap. *Si vero*, i. Extra, *De Sententia Excomm.*) Ab Excommunicatione pariter tutus est; *Qui in Clericum cum uxore, matre, sorore, vel filia propria turpiter inventum manus injecerit violentas*; (eodem cap.) Ab Excommunicatione quoque immunis est mulier, quæ Clericum percutit ipsi stuprum inferre tentantem, aut oculis, vel tactibus inhonestis ipsi furtim, aut vi, seu etiam importunis conatibus illudentem, aut illudere conantem.

Nec illum attingit Excommunicatio, qui manus violentas injicit in hominem, quem Clericum esse ignorabat, utpote, qui comam nutriet, aut relicto habitu Clericali arma deferret; (Cap. *Si vero*, 2. & cap. *In audientia*, Extra, *De Sententia Excomm.*) Nec etiam excommunicatus est, qui Clericum degradatum percussit, hic enim excidit Privilegiis Clerici; (cap. *Degradatio*, Tit. *De Pœnis*, in Sexto.) Idem Privilegiis excidit Clerici, qui negotiationibus prohibitis se immiscet & ter a Prælato admoniti, ab iis non abstinent; (cap. *Ex litteris*, Extra, *De vita, & honestate Clericorum.*) Item, qui Clericalem habitum, & tonsuram dimiserunt, si tamen tertio moniti seipsos emendare contempserint: Nam *Privilegium meretur amittere, qui permessa sibi abutitur potestate: ac frustra legis auxilium invocat, qui committit in legem*. (cap. *Contingit interdum*, Extra, *De Sententia Excomm.*) Quamobrem, qui in hujusmodi homines manus violentas immitte, crimen Summo Pontifici, aut Episcopo reservatum non committit, nec ulli Censuræ obnoxius est.

Qui violentas manus in Conversos cujuscumque Religionis injiciunt, in eandem Excommunicationem incidunt, in quam percussores Clericorum; (cap. *Non dubium est*, Extra, *De Sententia Excomm.*) Idem esto judicium de eis, qui violentas manus in Novitios non Professos injecerint; cap. *Religiofo*, sub eodem Titulo, in Sexto, §. *Quamvis*.

Qui manus violentas injicit in Clericum, etiam volentem, seque verberibus sponte supponentem in satisfactionem præcedentis injuriæ, nihilominus in Excommunicationem incurrit: Quia *Hujusmodi manus injectio, etsi non violenta, tamen injuriosa videtur: cum ille Canon non tam in favorem Clerici ordinati, quam in favorem Ordinis Clericalis fuerit promulgatus*. Excommunicatur & Clericus, qui se verberibus sponte subjecerit; (cap. *Contingit*, i. Extra, *De Sententia, Excomm.*)

5. Quintus Casus Episcopis reservatus, est *duellum*. Duello certantes, & eorum (ut vocant) patrinus, spectatores, & omnes, qui consilium tam in jure quam in facto dederint, aut alia quacumque ratione id cuiquam suaserint, *Excommunicationis ac perpetuæ maledictionis vinculo*, Concilium Tridentinum ligat, sess. xxv. c. xix. Absolutionem ab hac Censura editis Constitutionibus sibi reservarunt Summi Pontifices *Gregor. XIII. Clemens VIII. & Urbanus VIII.* Consuetudo tamen in Gallia invaluit, ut duelli crimen, & provocatio ipsa ad duellum, singulari certamine non sequuto, sint casus solis Episcopis reservati.

Sextus Casus Episcopis in Gallia reservatus, est *Violatio Clausuræ Regularis*, sive per egressum Monialium extra septa, sive per ingressum, aut admissionem externarum cujuscumque sexus personarum intra septa Monialium, sive etiam per seminarum ingressum, ac admissionem intra claustrum Religiosorum Virorum. Perpetuam Monialium cujuscumque Ordinis claustrum sanxit, ac præcepit *Bonifacius VIII.* Constitutione, quæ incipit,

Duellum Casus reservatus.

Violatio clausuræ Regularis Casus reservatus.

Periculoso, Tit. *De Statu Regularium*, in Sexto : ita ut nulli concedi valeat facultas e Monasterio exeundi, Nisi forte tanto, & tali morbo evidenter earum aliquam laborare constaret, quod non posset cum aliis absque gravi periculo, seu scandalo commorari: Nullique, absque rationabili & manifesta causa, ac de illius, ad quem pertinuerit, speciali licentia, ingressus, vel accessus pateat ad eandem. Atque ut hæc Constitutio executioni mandetur, univervis præcipit Episcopis In virtute sanctæ obedientiæ, sub obestatione divini Judicii, & interminatione maledictionis æternæ, ut eorum quilibet in Monasteriis, sibi ordinario jure subiectis sua, in iis vero, quæ ad Romanam Ecclesiam immediate spectant, Sedis Apostolicæ Auctoritate; Abbates vero, & alii tam exempti quam non exempti Prælati Ecclesiarum, Monasteriorum, & Ordinum quorumcumque in Monasteriis hujusmodi sibi subiectis, De clausura convenienti, ubi non est, ipsorum Monasteriorum expensis & fidelium elemosynis, & de ipsis Monialibus includendis, quam primum commode poterunt, providere procurent: Contradictores, atque rebelles per Censuram Ecclesiasticam, appellatione postposita compescendo; invocato ad hoc (si opus fuerit) auxilio brachii secularis. Nulla Censura contra violantes clausuram regularem hac Bonifacii VIII. Constitutione decreta est.

Concilium Tridentinum sess. xxv. Tit. *De Regularibus* cap. v. Bonifacianam Constitutionem renovat, & confirmat, adjecta Excommunicationis pœna, ipso facto incurrenda, sed absque ulla reservatione. Nemini autem (inquit) Sanctimonialium liceat post Professionem exire e Monasterio, etiam ad breve tempus, quocumque prætextu, nisi ex aliqua legitima causa ab Episcopo approbata: indultis quibuscumque & Privilegiis non obstantibus. Ingredi autem intra septa Monasterii nemini liceat, cujuscumque generis, aut conditionis, sexus, vel ætatis fuerit, sine Episcopi, vel Superioris licentia in scriptis obtenta, sub Excommunicationis pœna ipso facto incurrenda. Dæve autem tantum Episcopus, vel Superior licentiam debet in casibus necessariis.

S. Pius V. Constitutione, quæ incipit, *Circa Pastoralis*, edita quarto Kalendas Junii anno MDLXVI. Bonifacii VIII. Constitutionem, *Periculoso*, confirmat, & executioni mandari præcipit, in quibulvis Monasteriis Monialium perpetuam ab illis clausuram servari, Etiam si ex institutis, vel foundationibus earum Regule ad clausuram non teneantur, nec unquam in earum Monasteriis, seu domibus etiam ab immemorabili tempore servata fuerit. Quod si aliquæ Moniales forsan reperiantur, quæ consuetudine etiam immemorabili, aut instituto, vel fundatione Regule suæ fretæ, animo obstinato huic clausuræ resistant, Ordinarii, una cum Superioribus earum, omnibus Juris, & facti remediis compellant easdem tanquam rebelles, & incorrigibiles ad præcise subeundum dictam clausuram, & perpetuo observandum.

Altera vero Constitutione, quæ incipit, *Decori, & honestati*, edita Kalendis Februarii anni MDLXX. Conc. Trid. Decretum de clausura Monialium confirmans, nulli Monialium cujuscumque sit Ordinis, & dignitatis licere
 „ declarate Monasteriis exire quacumque occasione, & prætextu, nisi ex
 „ causa magni incendii, vel infirmitatis lepræ, aut epidimiæ; quæ tamen
 „ infirmitas, præter alios Ordinum Superiores, quibus cura Monasteriorum
 „ incumberet, etiam per Episcopum, seu alium loci Ordinarium, etiam si
 „ prædicta Monasteria ab Episcoporum, & Ordinariorum Jurisdictione exem-
 „ pta esse reperiantur, cognita, & expresse in scriptis approbata sit: sed nec
 „ in prædictis casibus extra illa, nisi ad necessarium tempus stare licere. A-
 „ liter autem exeuntes, seu licentiam exeundi quomodocumque conceden-
 „ tes, necnon comitantes, ac illarum receptatrices personas, sive laicas,
 „ aut sæculares, vel Ecclesiasticas, consanguineos, vel non, Excommuni-
 „ catio-

„ cationis majoris latæ sententiæ vinculo statim eo ipso absque aliqua decla-
 „ ratione subiacere, a quo præter quam a Romano Pontifice, nisi in mor-
 „ tis articulo, absolvi nequeant.

Non tamen ob solas causas in *S. Pii V.* Constitutione expressas Moniales exire possunt e Monasteriis cum Superiorum, & Episcoporum licentia; sed ob alias æque graves, scilicet ob aquarum eluvionem, incurSIONem hostium, ædificiorum ruinam imminentem, imo & ob quolibet morbum, ex quo moritura sit Monialis, nisi in locum salubriorem transferatur; vel inutilis, & semper oneri futura sit Monasterio, utpote nunquam curanda, nisi ad Aquas Medicinales mittatur. Atque id concessisse *Gregorium XIII.* modo duorum Medicorum consilium accedat, referunt *Navarrus* in cap. *Statuimus* 44. ver. 3. causa XIX. qu. III. & *Zerola* in Praxi Episcopali, verbo, *Moniales*, In hoc tamen casu periculosa infirmitatis, spectandum est, quid per Constitutiones Ordinis, & Statuta, vel consuetudinem domorum liceat, aut prohibeatur. E Monasteriis suis exire Moniales non possunt, ut Monasterii causas, & lites persequantur, aliave negotia peragant, quæ per Procuratores, & Advocatos agere possunt.

Altera Constitutio, quæ incipit, *Regularium Personarum*, edita 24. Octobris 1566. mulieribus cuiuscumque sint dignitatis, etiam Comitissis, Marchionissis, Ducissis prohibet *S. Pius V.* sub pena Excommunicationis latæ sententiæ, & Summo Pontifici reservatæ, ne domos, & Monasteria quorumcumque Regularium Ordinum, etiam Mendicantium, ingrediantur.

Verum hæc in Galliis invaluit consuetudo, ut qui violatæ clausuræ Regularis rei sunt, non ad Summum Pontificem, sed ad Episcopos confugiant, ab iisque absolvantur, non solum quando delictum occultum, sed etiam quando publicum, & ad forum contentiosum deductum est.

Septimus casus Episcopis ex Gallicanæ Ecclesiæ disciplina in Gallia reservatus, est procuratio abortus animati: censetur autem secundum opinionem vulgi animatus ex die conceptus quadragesimo fetus masculinus, ex die octogesimo femininus. Excommunicationis Apostolicæ Sedi reservatæ Sententiæ contra procurantes abortum fetus tam animati, quam inanimis ejusque sceleris participes, & adjuutores, necnon contra eos, qui mulierum fecunditatem impedirent, & sterilitatis potiones, seu venena præberent, tulerat *Sixtus V.* Constitutione, quæ incipit, *Effrenatam*, data IV. Kal. Novembris, Pontificatus sui anno tertio: sed Absolutionem ab hoc delicto, & excommunicatione contra personas in Sixtina Constitutione expressa *Gregorius XIV.* permisit Episcopis, & omnibus Sacerdotibus ad Confessiones audiendas ab ipsis approbatis, & ad hos casus specialiter deputatis, in foro conscientiarum tantum, Constitutione, quæ incipit, *Sedes Apostolica*, edita pridie Kal. Junii MDXCI. Pœnas vero procurantium abortum fetus inanimis, aut exhibentium mulieribus, vel sumentium venena sterilitatis, aut quocumque modo auxilium, vel consilium eis dantium, in dicta Constitutione *Sixti V.* contentas, reduxit ad terminos Juris communis, ac Sacrorum Canonum, & Conc. Tridentini dispositionem.

Hi sunt Casus Jure Consuetudinis Episcopis in tota Gallia reservati, quorum etiam Absolutionem inferioribus Sacerdotibus committere possunt. Præter hæc autem delicta, sunt alia in singulis Diœcesibus speciatim Episcopis reservata; quorum numerum Episcopus quilibet augere, vel minuire potest, prout Animarum salutem conveniens judicaverit. Illa porro nosse debent, quicumque in Diœcesi ad excipiendas Confessiones sunt approbati.

Procuratio
abortus fœ-
tus animati,
Casus refer-
vati.

R E G U L A XXXVII.

Episcopi absolvere possunt ab omnibus Casibus occultis Sedi Apostolicæ reservatis, & in omnibus Irregularitatibus, & Suspensionibus ex delicto occulto provenientibus dispensare, excepta ea, quæ oritur ex homicidio voluntario, aliisque ad forum contentiosum deductis.

Absolutio a
Casibus re-
servatis.

ID (inquam) possunt in sua Diœcesi, non in aliena; suosque duntaxat subditos in foro conscientiæ, per seipsos, aut Vicarium ad id speciatim deputandum, in foro conscientiæ, absolvere, aut dispensare possunt, gratis, & imposita Pœnitentia salutari, ut declarat Sacra Synodus Tridentina sess. xxiv. cap. vi. Quod incipit, *Liceat Episcopis*. A publicis etiam criminibus Apostolicæ Sedi reservatis absolvere possunt Episcopi, si Pœnitentes ita pauperes sint, ut Romam ire, aut mittere, vel sumptus Expeditionumolvere non valeant. Ab his autem Casibus absolvere non possunt quicumque generalem habent ab Episcopo Diœcesano potestatem absolvendi a Casibus illi reservatis; sed illi tantum quibus vices suas speciatim committit, ut ab his Casibus absolvant.

R E G U L A XXXVIII.

Superiores Regularium certos duntaxat Casus sibi reservare possunt.

Superiorum
Regularium
potestas in
reservatione
Casuum.

Hanc Regulam statuit *Clemens VIII.* Pontifex Maximus Decreto edito anno MDXCIII. quo sanxit, ne subditorum Absolutiones sibi reservarent, nisi in Casibus sequentibus: cum hæc scilicet crimina, aut aliquod ex illis commiserunt:

1. *Veneficia, incantationes, sortilegia.*
2. *Apostasia a Religione, sive habitu dimisso, sive retento, quando eo deveniret, ut extra septa Monasterii, seu Conventus fiat egressio, etiam non animo apostatandi facta.*
3. *Proprietas contra votum paupertatis, quæ sit Peccatum mortale; qualis est receptio, detentio, vel donatio rei notabilis absque Superiorum licentia.*
4. *Juramentum falsum in Judicio Regulari, seu legitimo.*
5. *Procuratio, auxilium, seu consilium ad abortum faciendum animati factus, etiam effectu non sequuto.*
6. *Falsificatio manus, aut sigilli Officialium, Monasterii, aut Conventus.*
7. *Furtum de rebus Monasterii, seu Conventus, in ea quantitate, quæ sit peccatum mortale.*
8. *Lapsus carnis voluntarius opere consummatus; quo nomine non sola copula, sed voluntariæ etiam, & solitariæ pollutiones intelliguntur.*
9. *Occisio, seu vulneratio, aut gravis percussio cujuscunque persone.*
10. *Malitiosum impedimentum, seu retardatio, aut apertio litterarum a Superiori ad inferiores, aut ab inferioribus ad Superiores.*

Si quid aliud Superioribus reservandum videbitur, Pro Religionis conservatione, & conscientie puritate, id fieri Pontifex non permittit nisi ex deliberatione, & consensu Generalis Capituli in Ordine; aut Provincialis in Provincia.

R E G U L A XXXIX.

Superiores Regularium possunt ipsos a gravi Sociorum percussione absolvere; ab enormi vero solus Pontifex Maximus potest.

HÆc Regula nititur Rescripto *Alexandri III. cap. Monachi*, Extra, De Sententia Excomm. cuius hæc sunt verba: *Monachi vero, & Canonici Regulares, quocumque modo se in clauistro percusserint, non sunt ad Apostolicam Sedem mittendi: sed secundum providentiam sui Abbatis discipline subdantur: & si discretio Abbatis non sufficit ad eorum correctionem, est providentia Diœcesani Episcopi adhibenda.*

Et *Innocentii III. cap. Cum illorum*, sub eodem Titulo, quo *Alexandri III. Decretalem moderatur. Licet* (inquit) *ab Alexandro III. fuerit constitutum, quod Monachi, & Canonici Regulares, quocumque modo se in clauistro percusserint, non sint ad Apostolicam Sedem mittendi, sed secundum providentiam sui Abbatis discipline subdantur; & si Abbatis discretio ad eorum correctionem non sufficit, providentia est Diœcesani Episcopi adhibenda; & alibi dicatur, quod de sæculo fugientes, qui Religionis habitum in Monasterio receperunt, & inter cetera postmodum consentiant se tale commississe delictum, per quod ipso actu Excommunicationis Sententiam incurrerunt, sine licentia Romani Pontificis Abbas non potest, nec debet eos absolvere, quamvis presumptionem delinquentium debita possit animadversione punire. Nos tamen in Religionis favorem, ut evagandi materia subtrahatur, maiorem eis gratiam exhibere volentes, eorum Prælati, quod etiam talibus Absolutionis Beneficium impertiri valeant, indulgemus: nisi excessus ipsorum extiterit difficilis, & enormis: utpote si ad mutilationem membri, vel effusionem sanguinis est processum: aut in Episcopum, aut Abbatem violenta manus injecta: cum excessus tales, & similes nequeant sine scandalo præteriri. Si autem Monachus Abbatem non habeat, sed Priorem, aut alterius nominis Prælatum Regularem, injectio manuum violentarum in illum enormis pariter censetur.*

De Absolutione a Cæsis reservatis.

R E G U L A XL.

Regularis, qui percussit alterius Claustri Regularem, a suo, & ejus, quem percussit, Superiore absolvi debet. Si vero Clericum Sæcularem enormiter percusserit, ejus Absolutio Summo Pontifici; si graviter, Episcopo reservata est.

ITa statuit *Innocentius III. cap. Cum illorum*; mox citato: *Si vero Claustralis aliquis in Religiosam Personam alterius Claustri manus injecerit violentas, per Abbatem proprium, & ejus, qui passus est injuriam, absolvatur. Quod si Clericum percusserit Sæcularem, non nisi per Apostolicam Sedem (ut scandalum evitetur) Absolutionis gratiam poterit promereri.*

Et cap. Religioso, Tit. De Sententia Excomm. in Sexto, *Bonifacius VIII. sic decernit: Religioso, qui manus violentas in Clericum Sæcularem injecit, (ne hoc prætextu habeat materiam evagandi) poterit ab Episcopo eo Casu Absolutionis beneficium exhiberi, quo Sæculari Clerico posset, si alium Clericum percussisset.*

R E G U L A XLI.

Confessarius, qui legitima potestate destitutus Penitentem a Casibus reservatis absolvit, illum ad Sac. Tribunal, si fieri potest, revocare tenetur, & obtemperantia facultate absolvere, aut monere de errore, ut Superiorem adeat, si vero non potest, Pœnitentiam agere ipse debet.

Sic respondet S. Antoninus, III. p. tit. XVII. cap. XII. *Quicumque* (inquit) *absolvit aliquem ab aliquo peccato in casu, in quo non potest, sive quia reservatus est Episcopo, sive quia nullam habet potestatem, vel auctoritatem, quamvis graviter peccet, quando absolvit scienter, vel etiam quando ignorantia Juris crassa; non tamen Censuram aliquam, seu Excommunicationem ex hoc incurrit, sive sit Clericus Sæcularis, sive Religiosus dictus absolvens.* Nullam quidem S. Antonini tempore sic absolventes: sed nunc Excommunicationem ipso facto incurrunt, qui absolvere audent, vel præsumunt a Casibus Sedi Apostolicæ, aut Ordinariis locorum reservatis, ut constat ex Decretis Sacræ Congregationis Cardinalium negotiis Episcoporum, & Regularium præpositorum a Clemente VIII. Paulo V. & Urbano VIII. confirmatis. Audent autem, & præsumunt, qui scientes absolvent, vel ex ignorantia Juris crassa, aut affectata. Pergit S. Antoninus: *Sed tenetur illum, quem sic absolvit, admonere de errore suo, si cognoscit, vel potest invenire. Ille tamen* (scilicet Penitens) *quoad Deum excusatur, dum ignorat. Et quod dictum est, quod Confessor debet illum admonere, quem absolvit, cum non possit, intelligitur, quando fieri potest sine scandalo notabili.* Unde in Concilio Basilensi quidam Periti habita super hoc collatione dixerunt, *Quod talis Confessor potest auctoritatem a Superiore super hoc casu, a quo non potest absolvere, & tamen absolvit: quia habita, vocat illum, quem absolvit, cum non possit, & per aliquem modum cooptum interroget de aliquibus, que sibi confisus est, quasi melius volens informari, ac si non plene intellexisset, & si quæ alia commisit crimina postea: & sic absolvit ab omni omnis iterum, & tunc, & prius alias auditis. Vel si magnum scandalum ex hoc timeretur, quia prædictus modus servari non posset, absolvit assentem, si ab ultima Confessione adhuc creditur perseverare in gratia. Concilium illud, quod refert S. Antoninus, minime probandum est, quod spectat Absolutionem abientis. Quamvis enim abiens absolvi possit a Centuris, ut Canonici Juris Interpretes, & Theologi asserunt, non tamen a peccatis. Aut, ut alius placet, cum ex hoc timeretur notabile scandalum evenire, committat Summo Sacerdoti, scilicet Christo, præsertim quando multitudo est sic neglecta, vel mutum dilians a loco, ubi est Confessor.*

R E G U L A XLII.

Monialibus, quæ Regularibus sunt subditæ, & nulla ratione possunt adduci, ut peccata sua Confessarius Regularibus confiteantur, & quibus Superiores Regulares Confessorium extraordinarium ter in anno non concedunt, aut quoties id earum postulat infirmitas, Episcopus Confessariorum deputare potest.

Quando potestatem habent Episcopi dandi Confessoria, quæ Regularibus, sunt subditæ.

Cum enim Sacra Synodus Tridentina Sanctimoniales saltem singulis mensibus Confessionem peccatorum facere, & Sacrosanctam Eucharistiam suscipere jubeat: ac præter ordinarium Confessorium illis alium extraordinarium ab Episcopo, & aliis Superioribus, aut ter in anno offerri; (scilicet. xxv. De Regularibus, cap. x.) Cum insuper teneantur Superiores omni modo salutis subditorum consulere, parcere pudori, infirmitatibus compati, non viam salu-

salutis arctare: si Superiores Regulares Monialibus in eo statu positis facultatem non concedant alteri confitendi; potest Episcopus, qui omnium Diœcesanorum suorum Pastor est, illis Confessarium cognita causa designare. Sæpe contingit, ut Confessarius unicus sit Monasterio a Superioribus Regularibus deputatus, vel ab ipso Episcopo in Monasteriis illius Jurisdictioni subditis: Confessarius ille Abbatissæ, aut Priorissæ gratus est, & singulari familiaritate conjunctus: quæ alienum a se Abbatissæ, aut Priorissæ animum experiuntur (ut est mulierum sexus ad suspiciones pronus, quas auget ut plurimum æmulatio) suspicantur Confessarium huius abalienationis auctorem esse; si quid durum in ipsas agit, aut loquitur Abbatissæ, Confessarii suggestionibus tribuunt: ipsum Confessiones suas Abbatissæ, ne revelet, metuunt, id facere conjiunt, pene etiam persuasum habent ex modo regiminis. Non patitur Abbatissa, ut apud alium Sacerdotem Exomologesim faciant: Regularis Superior infelicitum Virginum querelis insuperhabitis, Abbatissæ, aut Priorissæ favet, alium ipsis Confessarium quamvis importune rogantibus, & ad Sacramenta interim non accedentibus, non concedit. Nonne in his angustiis positas consolari potest, ac debet Episcopus earum spiritali necessitati, ac saluti consulere, Confessariumque illis designare, cui peccata sua cum fiducia confiteri, & conscientias suas exponere libere, ac secure possint? Hinc Sacra Congregatio Cardinalium Conc. Tridentini interpretum declaravit, ex facultate Decreti Concilii cap. x. sess. xxv. *De Regularibus*, Episcopum dare posse Confessarium Monialibus subiectis Regularibus, quæ nulla ratione induci possunt, ut suis Regularibus peccata confiteantur. Refert Barbosa, p. 11. *De Officio, & Potestate Episcopi*, Allegatione xxv. §. 63.

R E G U L A XLIII.

Confessarius Ordinarius sine causa mutari non debet.

Hanc Regulam tradit S. Carolus Borromæus, in Instructionibus Confessorum: Si aliqui sine causa Confessorem Ordinarium, ipsis ad animæ salutem admodum utilem cognitum reliquerint; quo poterit modo, ad eundem remittantur; & eorum negligentiam Confessor infestabitur, qui pro Confessore virum spirituales, & peritum non solent eligere, aut qui damno suo frequenter adeo mutant. Nam sicut Medici, qui naturam, & infirmorum temperamentum ex praxi norunt, utpote remediorum ad infirmitatem curandam magis utilem peritiores, facile non mutantur; sic etiam, nec Pœnitentes suum debent dimittere spirituales Medicum, qui eorum animæ necessitatum peritus, opportuniora, magisque utilia remedia potest eis assignare. Si tamen aliqua ex causa admittat aliquem alteri probo Confessori confiteri solitum, cum huius participatione id fieri juvat, vel cum Pœnitens ab eo licentiam prius habuerit.

Confessarius Ordinarius sine causa non mutandus.

R E G U L A XLIV.

Neminem juramento, vel voto devincire potest Sacerdos, ut alium Confessarium non eligat: & huiusmodi promissio, etiam juramento, aut voto firmata, irrita est.

Has enim promissiones periculi plenas esse, & multis sacrilegiis viam aperire, certum est. Quamobrem Conc. Mechliniense anno MDCVII. celebratum, & a Paulo V. Pontifice Maximo confirmatum ita statuit: Nemo aliquem ad sibi soli perpetuo confitendum obliget, & ejusmodi promissionem etiam juratam, tanquam irrationabilem, & indiscretam, hæc Synodus irritam esse declarat, & quatenus opus est, irritat.

Promissio plena periculi.

R E G U L A XLV.

*Sacerdos ad Confessionem admittere non debet imparatos.*Imparati ad
Confessionem non ad-
mittendi.

ITa statuit S. Carolus in Instructionibus Confessorum. *Moneamus* (inquit) *ne ad Confessiones admittant, quos sine debita interiori, aut exteriori præparatione accedentes viderint: eos ideo verbis quidem lenioribus pro cuiusque capacitate præparandos dimittant.*

Nullus Confessor mulieres excipiat, quæ ad eum accedunt cum pigmentis, fucis, inauribus, variis ornamentis, & ex auro phrygiæ vestibus, aliisque vano simili apparatu, sed quæ non nisi habitu modesto, & simplici induantur, & velato capite, ita ut velum non sit subtilius, sed pannum sit ex lino, aut lana, aut sericum colore obscuro tinctum: cum ea denique, quæ ad tantum Sacramentum, & ad compunctionem, seu contritionem cum qua ad Deitremendi Tribunal, & Judicium, misericordiam, & veniam imploratura peccatrix sisti debet, reverentia requiretur.

Idem cum viris observetur, nec ad Confessionem ii admittantur, qui variis ornamentis, auro, aut argento, aut pilorum ornamentibus exculti, aut cum armis, & huiusmodi rebus, ad Sacramentum audent accedere.

Sed imprimis attendant ad animi præparationem ad hoc Sacramentum accedentibus necessariam; quæ in peccatorum discussione consistit, in dolore de peccatis, & pro iis satisfaciendi, & impoſterum emendandi proposito. Qui ergo sine tali præparatione inventi fuerint, eos Confessor moneat, & instruat, ut alia vice cum præparatione debita revertantur.

Argumentum autem, unde cognosci possit, num imparati Pœnitentes accedant, sunt: si ab aliquo temporali exercitio ad Confessionem tranſeant, non interposito debito pro orationis temporis spatio; aut si peccatorum commissorum non recordari dignoscantur; aut si Confessor aliunde noverit eos adhuc in illicitis exercitiis, aut in peccato, aut in occasione ad illud inducente, quam vitare non ſincere polliceantur, versari; aut si, cum potuerint, bona aliorum non restituere.

R E G U L A XLVI.

Violatio sigilli Confessionis mortale semper peccatum est, seu venialia dumtaxat peccata Pœnitentis revelet Confessarius.

Sacrum Con-
fessionis ar-
canum.

EIt enim gravis injuria Sacramento, & Confessio redditur odiosa, & onerosa, etiamsi peccatum dumtaxat veniale in Confessione auditum speciatim reveletur. Dixi speciatim, quia sigilli non censetur infraſcriptum, qui Pœnitentem venialia sibi confessum esse ait, cum nemo ad Confessionem accedat, nisi peccata saltem venialia deponere velit apud Sacerdotem: quæ autem venialia sit confessus, non aperit. Si tamen plurium Confessiones exceperit, & dicat; Talis sola venialia mihi confessus est, sigillum violat, si quidem tacite innuit, alios sibi peccata lethalia fuisse confessos.

R E G U L A XLVII.

Periculo violandi sigillum Confessionis exponit si Sacerdos, qui de rebus in Confessione auditis, vel a se factis imprudenter loquitur.

Periculum enim est, ne personam Pœnitentis manifestet; aut ne audientes in illius cognitionem, aut suspicionem veniant. Exemplis rem illustro. Confessarius loquax, & imprudens ait: Titius mihi gravia peccata, vel Casum reservatum confessus est. Hanc ad Pœnitentiarium remissi. Hanc in-

injunxi Pœnitentiam Petro : & ante , vel postea dixit : Hanc impono Pœnitentiam illis , qui ita deliquerunt . Alius de loco angusto , in quo Confessiones excepit , multos ait esse fures , fornicatores , adulteros : aut in quopiam Monasterio plures esse proprietarios , aut impudicos . Alius ait : Utinam omnes mulieres , quarum Confessiones excipio , æque castæ essent , ac Susanna ! vel , ex omnibus , quas audiui , puellis paucae sunt virgines . Alter dicit : Aliquis ex isto Collegio , vel ex ista Communitate tale delictum admisit . Alter Patri-familias , aut Superiori alicujus Religiosæ Domus , aut Ecclesiasticæ , vel Laicæ Societatis ait : Attende , vigila , observa , Unus e tua familia , domo , societate fur est ; aut mortem tibi machinatur ; aut filia tuæ pudicitia in domo tua tuta non est . Alius ait : Prima mulier , cujus Confessionem audiui , fidem fefellerat marito . Alius alicui ex suis Pœnitentibus in jurgio ait : Novi qualis sit : vel , Probe nosti me scire unde pudore fufundendi deberes . His omnibus modis sigillum Confessionis violatur ; quia vel manifestatur persona peccatoris , vel audientibus aperitur via , ut in illius cognitionem , aut suspicionem veniant . Qui autem jocando referunt peccata in Confessione audita , et si nullum esse videatur periculum infamiae in Pœnitentem derivandæ ; graviter tamen peccant contra Religionem Sacramento debitam .

Inviolabile
Contentum
argantur.

R E G U L A XLVIII.

Qui per Confessionem novit peccatum vergens in magnum Ecclesie , vel Reipublice damnum , illius reos detegere , absque sacrilegio non potest . Monere tamen potest , & debet Prælatos , Principem , sive eos , qui Reipublice præsumt , de malo imminenti , & criminis attentati genus revelare , ut periculum avertatur , modo reus , vel complices , quorum crimen ex sola Confessione notum est , nominatim , & in individuo , directe , vel indirecte non indicentur , non prodantur .

ITa docet S. Thomas , Quodlibeto xii. q. x. art. i. Nec verbo (inquit) nec facto , nec nutu , nec aliquo signo licet in aliquo casu revelare Confessionem , quia est sacrilegium . Nam ita est in Sacramentis Novæ Legis , quod efficiunt , quod figurant : effectus autem Pœnitentiæ est occultatio peccatorum ab oculis Dei viventis ; & hæc occultatio significatur per Sacramentum Confessionis ; & ideo sicut profanaret Sacramentum , qui conficeret Corpus , & Sanguinem Christi de alio , quam de pane , & vino , ita esset revelans sacrilegus . Nec tamen (inquit idem Sanctus Doctor in iv. Sententiarum , sive Supplementi qu. xi. art. i. ad primum .) Sigillum Confessionis contra charitatem militat , quia charitas non requirit , quod apponatur remedium peccato , quod homo nescit . Illud autem , quod Confessione scitur , est quasi nescitum , cum illud nesciat aliquis ut homo , sed ut Deus . * Tamen aliquod remedium adhibere debet in prædictis Casibus , quantum potest sine revelatione Confessionis , sicut monendo eos , qui confitentur , & aliis diligentiam apponendo , ne corrumpantur per heresim . Potest etiam dicere Prælato , quod diligentius vigilet super gregem suam : ita tamen , ut non dicat aliquid , per quod verbo , vel nutu confitentem prodatur . Potest etiam , & debet Sacerdos monere Principem , vel eos , qui Reipublicæ præsumunt de periculo imminente , speciemque criminis attentati revelare , modo reum ex cujus tantum Confessione illud novit , nominatim , & in individuo non indicet , non prodatur , non revelet .

* Sive , ut
Dei Mini-
ster .

Nec Parochus, nec Seminarii Superior, sive Moderator ac Director Ordinandum, Clerico, ob crimen in Confessione auditum, & ex sola Confessione notum, denegare testimonium de vita, & moribus, aut de spiritalibus Exercitiis rite peractis potest: nec Parochus a Matrimonio repellere Pœnitentem ob impedimentum occultum, ex sola Confessione sibi cognitum.

Violarent enim sigillum Confessionis, ipsam redderent odiosam, & injuriam facerent Sacramento. Unde sicut occulto peccatori Eucharistiam publice petenti Sacerdos negare non potest, nec debet; sed privatim tantum monere tenetur, ne ad Eucharistiam accedat, ante quam se probaverit, & conscientiam expurgaverit, fueritque sacramentaliter absolutus; (ut docet S. Thomas III. p. q. LXXX. art. VI.) Ita Seminarii Superior, aut Doctor Ordinandorum, & Parochus, monere quidem debent, & divini Judicii metu a Sacris Ordinationibus, aut a Matrimonio detertere eos, quorum crimina, vel impedimenta occulta ex sola Confessione noverunt, quibus indigni, vel inhabiles, (ut ita loquar) facti sunt ad Ordinem suscipiendum, aut Matrimonium contrahendum: debent illis in foro Pœnitentiæ Dei Omnipotentis nomine prohibere, ne se sistant Ordinandos, aut Matrimonium contrahant impedimentis manentibus: sed nec Episcopus Ordines, nec Seminarii Superior, aut Ordinandorum Director testimonium; nec Prælati Regularis licentiam; nec Parochus Nuptialem Benedictionem, negare debent eis, quorum crimen, vel impedimentum ex sola Confessione noverunt; nisi alia ratio legitima, & sufficiens, & extra Confessionem cognita, sufficiat ad hæc illis deneganda.

Inviolabile
Confessionis
arcantum.

R E G U L A L.

Qui crimen ab aliquo perpetratum ex sola illius Confessione novit, nulla Ecclesiæ Censura, nullo Superiorum præcepto ad illud revelandum cogi potest.

Hæc Regula traditur ab Honorio III. Pontifice Maximo, cap. Dilectus, Extra. De excessibus Prælatorum, cuiusdam Cardinali sic scribente: Dilectus filius Jo: Presbyter exposuit conquerendo, quod Rectores Fraternalitatis Urbis ipsum ad revelandum fures, & quod super quodam furto sibi tanquam Sacerdoti fuerat revelatum, vel ad satisfaciendum exinde damnum passio ardere nitentes, in eum (nisi alterum præmissorum efficeret) tulerunt Sententiam Interdicti. Quia igitur perniciosum esset prædictum Presbyterum sibi taliter credita revelare, ac cogi ad id, quod non rapuit exsolvendum: discretioni tue mandamus, quatenus præfatos Rectores coram te conveniens, injungas eisdem, ut a memorati Presbyteri gravamine penitus conquiescant.

Eandem Regulam confirmat S. Thomas, in IV. Sententiarum, sive Supplementi qu. XI. art. I. ad secundum. Præceptum (inquit) de Confessione celanda consequitur ipsum Sacramentum: Idcirco sicut præceptum de Confessione sacramentali facienda est de Jure divino, & non potest aliqua dispensatione, vel jussione humana homo absolvi ab eo; ita nullus ad revelationem Confessionis potest ab homine cogi, vel licentiam: unde si præcipiatur sub pœna Excommunicationis jam late, quod dicit si aliquid scit de tali peccato, non debet dicere, quia debet existimare, quod intentio præcipientis est, si sciat, ut homo. Hoc autem non scit, ut homo. Et si etiam exprimeret de Confessione interrogatus, non deberet dicere; nec Excommunicationem incurreret, quia non est subiectus Superiori suo, nisi ut homo: hoc autem non scit ut homo, sed ut Deus; idest, ut Dei vices gerens in Administratione Sacramenti Pœnitentiæ.

Si quis Confessarius in Jus vocetur ad dicendum testimonium, & interrogetur a Judice de crimine, quod ex sola Confessione novit, illud revelare non tenetur, nec potest, sed tuta conscientia respondebit, Se nescire.

NAm, (ut ait S. Thomas in Responsione ad tertium.) *Homo non adducitur in testimonium, nisi ut homo; & ideo sine læsione conscientie potest jurare se nescire, quod scit tantum ut Deus.* Si autem interrogetur, utrum Confessionem Titii audiverit, respondere debet se audivisse. At si Judex urgeat, quæratque num tale peccatum confessus fuerit, respondere debet, Hanc impiam esse quæstionem, se ad respondendum huic interrogationi non tenere, se penitus nescire. Si rursus quærat, an ipsum absolverit: respondere debet, Se partes suas implevisse. Cum enim ex Absolutionis negatione colligi possit hominem gravis alicujus peccati reum esse, quod dimittere nolit; sacrum sigillum violat, qui Absolutionis Beneficium se negasse ait tali homini, cujus Confessionem excepit.

Inviolabile
Confessionis
arcanum.

R E G U L A L I I.

Sigillum Confessionis non frangit, qui schedulam Confessionis testimonium continentem in foro Pœnitentiæ negat illis, quos Absolutione judicat indignos, ubi schedularum hujusmodi mos, & usus receptus est.

Hanc enim schedulam negans, nihil facit, ex quo alter directe, vel indirecte possit cognoscere delicta Pœnitentis, neque ipsa magis prodit, quam cum Absolutionem negat. Deinde via alioquin fraudibus aperiretur; nam multo plures improbi, & impenitentes tempore Paschatis Parochos deciperent, & ad Sacram Mensam sacrilege obrepent, exhibito Confessionis testimonio. De cuius quidem testimonii forma S. Carolus ita statuit in Instructionibus Confessorum: *Cum Pœnitens a Sacerdote; quod ei confessus fuerit, attestationem Parocho exhibendam, ut in Paschate fieri solet, petierit, eam sub infra scripta formula tradet: ideo cuilibet Confessori plurimas excusas trademus, quas cum alicui concesserit, singulas suo sigillo munit. Anno. Die. Mensi. administravi Sacramentum Pœnitentiæ in. Parochia. habitanti. In primo spatio dies, in secundo mensis, in tertio Pœnitentis nomen, & cognomen, in quarto ejus Parochia inscribetur, quibus Sacerdos nomen, & cognomen, titulum Beneficii, aut Officii, quo vulgo distinguitur, ut Rectores, Canonici, Capellani Ecclesiæ, aut Regularis Monasterii N. apponet: quæ omnia ipsa Confessoris manu scribentur, aut saltem dies, mensis, & subscriptio.*

Qua porro fide Confessarius testari posset se Pœnitentiæ Sacramentum, quod Absolutione Sacramentali perficitur, illi administrasse, quem non absolvit, imo Absolutione prorsus indignum judicavit?

Verum (inquires) si neget aliquibus testimonium, quod ceteris concedit, id observabunt, qui Sacrum Tribunal circumstant, & conspicient illos absolutos non fuisse.

Respondetur, Satagendum esse, ne propius ad Tribunal, seu Confessionalem Sedem accedant Pœnitentes, monendos, ut aures, oculisque avertant omnino, & a Confessario dum Sacrum Ministerium exercet, & ab eo, qui peccata sua confiteretur; ne obviarent ullatenus, quid agatur Confessarium inter, & Pœnitentem: hæc enim ad Confessionis arcanum pertinere, quod explorare sine gravi peccato, revelare si quo modo cognoverint, sine sacrilegio non possunt. Præterea, si id obviarent, qui Sacrum Tribunal circumstant,

stant, hoc incommodum prohibere Sacerdotem non debet, ne suo functum officio, cum illius non sit causa. Pari enim modo observare poterit, cum aliquos absque Absolutione dimittit, nec tamen indignos, & non penitentes absolvi tenetur.

Inviolabile
Confessionis
secretum.

Quid vero si homo Sacerdotem, qui ejus Confessionem excepit, con-
niat coram Judice, ut det ipsi Confessionis testimonium? Si secularis sit Ju-
dex, ipsi significet, hujusmodi causam ejus Tribunal, ac Jurisdictione non
spectare, & ea de re moneat Episcopum, ejusque consilium, & mandatum
sequatur. Si vero sit Judex Ecclesiasticus, dicat se officio suo functum esse,
& nemini homini rationem reddere debere eorum, quæ ipsum inter, & Pe-
nitentem in Sacro Confessionis Tribunali acta sunt, sed soli Deo cujus vice
judicat.

R E G U L A LIII.

Prelatus punire subditum non potest ob peccatum, quod ex sola Confessione novit.

ITa S. Thomas, in iv. Sententiarum, sive Supplementi Q. xi. A. 1. ad ter-
tium. Potest (inquit) Prelatus sine lesione conscientie dimittere pecca-
tum impunitum, quod scit tantum ut Deus, vel sine aliquo remedio; quia
non tenetur adhibere remedium, nisi eo modo, quo ad ipsum deferuntur. Un-
de in his, quæ ad ipsum deferuntur in foro Penitentis, debet in eodem fo-
ro, quantum potest, adhibere remedium.

Matt. 16. 22.

Confirmatur hæc Regula ex Cap. Si Sacerdos, Extra, De Officio Judi-
cis Ordinarii, quo Eugenius Papa sic respondet: Si Sacerdos sciat pro cer-
to aliquem esse reum alicujus criminis: vel si confessus fuerit, & emendare
noluerit: nisi judiciario ordine quis probare possit, non debet eum arguere no-
minatim, seu indeterminate: sicut dixit Christus, Unus vestrum me tradi-
turus est. Sed si ille, cui damnum illatum est, petierit justitiam, potest ex-
communicare auctorem damni, licet etiam ei confessus sit: sed tamen non no-
minatim potest eum remove a Communionem, licet sciat eum esse reum: quia
non ut Judex scit, sed ut Deus: sed debet eum admonere, ne se ingerat: quia
nec Christus Judam a Communionem removit.

R E G U L A LIV.

Prelatus ab Administratione, vel Officio remove non potest subditum propter crimen, quod ex sola Confessione novit, si sit probabile periculum prave suspicionis de Penitente ingenerande.

Inviolabile
Confessionis
secretum.

Hanc Regulam tradit S. Thomas, in iv. Sententiarum, Dist. xxi. Q.
iii. A. 1. Quæstioncula 1. ad tertium, & prolixius Quodlibeto v.
Q. vii. A. 1. Nihil (inquit) est faciendum in præjudicium Confessio-
nis: esset autem præjudicium Confessionis, si subditi ab Administratione
ne removeretur propter crimen, quod suo Prælato confessus est; quia per
hoc alii retraherentur a confitendo, non ergo debet Prælatus subditum ab
Administratione remove propter peccatum, quod ei confessus est. *Et in*
corpore Articuli: Id (inquit) quod per Confessionem auditur, nullo modo
est manifestandum, nec verbo, nec signo, nec nutu, nec etiam aliquid est
faciendum, unde in suspicionem peccati aliquis possit devenire. Si ergo
amotio subditi ab Administratione possit inducere ad manifestandum pec-
catum in Confessione auditum, vel ad aliquam probabilem suspicionem ha-
bendam de ipso, nullo modo Prælatus deberet subditum ab Administrazio-
ne remove: puta, si in aliquo Monasterio esset consuetum, quod Prio-

res

res non amoverentur de suis Prioratibus, nisi propter culpam, manifesta-
retur peccatum Pœnitentis per remotionem ab Administratione : unde si
Abbas hoc faceret, graviter peccaret, tanquam Confessionem revelans.
Posset tamen eum secreto charitative admonere, ut cum instantia peteret
cessionem, si hoc videret saluti ejus expedire. Si vero per amotionem ab
Administratione peccatum nullatenus manifestaretur, puta si in aliquo Mo-
nasterio esset consuetum, quod Abbas pro suo libitu de facili aliquos ab
Administratione removeret; tunc alia occasione posset subditum si
bi confessum ab Administratione remove, & deberet hoc facere, cum
debita tamen cautela, si talis Administratio esset subdito periculosa inpo-
sterum: quamvis etiam & in hoc casu melius esset, quod eum induceret
ad cessionem petendam. Si vero periculum in posterum non timeretur,
non oporteret, quod pro peccato præterito per Pœnitentiam deletum, eum
ab Administratione removeret: sicut etiam Augustinus dicit Lib De Adul-
terinis Conjugiis, *Cur adhuc deputamus adulteros, quos credimus Pœniten-
tia esse sanatos?* Qandoque enim Pœnitentes innocentibus meliores sunt.

R E G U L A LV.

*Quantumvis re absolute spectata licitum videatur Prælo subditum ab Officio
remove propter crimen, quod ex sola Confessione novit, ubi revelandæ Con-
fessionis periculum abest: Ecclesiastica tamen Lege id omnino prohibetur.*

Nam Clemens VIII. Pontifex Maximus Decreto edito die 16. Maii anno
1594. Regularium Superioribus vetuit, ne notitia per Confessionem
parita ad exteriorem gubernationem quovis modo uterentur. *Tam Superio-
res (inquit) pro tempore existentes, quam Confessarii, qui postea ad Superio-
ritatis gradum fuerint promoti, caveant diligentissime, ne ea notitia, quam de
aliorum peccatis in Confessione habuerunt, ad exteriorem gubernationem utan-
tur.* Atque ita per quoscumque Regularium Superiores, quicumque illi sint,
fieri mandavit. Unde (inquit Suarez Societatis Jesu Theologus Doctissimus
Tom. IV. in III. P. Disp. xxxiii. Sect. vii.) *Cum indistincte loquatur, non
est, quod a nobis limitetur, sed simpliciter observetur.* Et P. Claudius Aqua-
viva Societatis ejusdem Religiosissimæ Præpositus Generalis prohibuit, ne
contrarium publice, vel privatim ab ejus Professoribus doceatur.

R E G U L A LVI.

*Sacerdos, qui ex sola Confessione novit aliquem indignum esse Ecclesiastica Di-
gnitate, vel Præfectura, suffragium illi negare potest, & illius electioni con-
tradecere.*

Multis enim aliis rationibus moveri aliquis potest ad suffragium alteri
negandum, quam ex peccato cognito, nempe ex defectu ætatis, sci-
entiæ, industriæ, &c. & quia novit alios digniores. Ex multis aliis causis
(inquit S. Thomas) redditur quis indignus ad Prælationis Officium, quam ex
peccato: sicut ex defectu scientiæ, vel ætatis, vel alicujus hujusmodi. & ideo
qui contradicit, nec suspensionem de crimine inducit, nec Confessionem revelat.

Idem docet S. Antoninus III. P. Tit. xvi. cap. xxii. *Qui liberam electio-
nem habet (inquit) licet per solam Confessionem sciat aliquem indignum ad
Prælaturam, ad quam eligitur, quem alias putabat dignum, non debet eligere
ex conscientia sibi sic distans: quia eligendo scienter dignum, vel indignum,
negotium geritur inter ipsum, & Deum: unde potest etiam ex his, quæ scit ut
Deus, judicare in proposito.*

R E G U L A LVII.

Qui publici peccatoris Confessionem excepit, negare illi Eucharistiæ publice etiam petenti potest, ac debet, si ad Sacram Mensam accedat antequam scandalum palam removerit, & manifesta Conversionis dederit argumenta.

Inviolabile
Confessionis
arcanum.

Publico enim peccatori ante Pœnitentiam neganda est Eucharistia, ne *Sanctum deur canibus*: at quantumvis confessus fuerit, publicus peccator est, nisi scandalum tollat, verbi gratia, nisi concubinam ejiciat concubiniarius, fœnus exercere desinat, usurasque restituat usurarius, theatrum dimittat histrio, &c. Removendus est igitur ab Altari. Nec propterea sacrum Confessionis sigillum violatur, modo Confessarius non dicat, Se illum non absolvisse, aut ex ejus Confessione compertum, & exploratum habere, quod Pœnitentiam non egerit; sed ita se gerat, ac si Confessionem illius non excepisset, dicatque: Ille hæcenus publicus concubiniarius fuit, vel publicus usurarius, vel histrio, vel publicas inimicitias exercuit, & in eodem peccato manere videtur. Publico autem peccatori Communione publice præbere non licet, donec publice constet, ipsum peccatum dimisisse: propterea illi Corpus Christi non præbeo.

R E G U L A LVIII.

Confessio quolibet Sacramentalis, quæ scilicet fit Sacerdoti, aut qui Sacerdos esse creditur, animo se accusandi, & peccata sua Clavibus Ecclesiæ subjiciendi, quamvis sit invalida, sacri sigilli necessitatem inducit.

Inviolabile
Confessionis
arcanum.

Hæc Regula nititur cap. Quod quidam, Extra, De Pœnitentiis, & Remissionibus, ubi Alexander III. Bellovacensis Episcopo hunc in modum respondet: Quod quidam ad Confessionem de criminibus veniunt, & quamvis confiteri velint, se tamen asserunt abstinere non posse: consultationi tuæ taliter respondemus, quod eorum Confessionem recipere debes, & eis de criminibus consilium exhibere: quia licet non sit vera hujusmodi Pœnitentia, admittenda est tamen eorum Confessio, & crebris, & salubribus monitis Pœnitentia indicenda. Si quis igitur bona fide accedat ad pedes Sacerdotis, sine contritione quidem, sine melioris vitæ proposito, sed tamen eo animo, ut se accuset coram illo, ceu Dei Ministro, ut aliquo modo Ecclesiæ satisfaciatur, ut Confessarii consiliis juvetur, hujusmodi Confessio Sacramentalis est, & peccata in ea declarata sigillo celanda sunt: alioqui fidelibus fiducia omnis tolleretur, & Confessio odiosa redderetur. At vero si peccator specie Confessionis ad Sacerdotis pedes provolvatur, non tamen, ut se de peccatis accuset, ut conscientiae suæ pondus exponat, sed solo animo irridendi, decipiendi, corumpendi Confessarium, sive ipsum in consortium sui peccati, verbi gratia hæresis, schismatis, conjurationis, libidinis pertrahendi, Confessio illa non est Sacramentalis, nec sigilli religionem inducit. Quo pertinet Casus a Dominico Soto relatus in IV. Sententiarum, Dist. XVIII. Q. IV. A. V. his verbis: Cardinalis quidam, qui conspirationem in Pontificem moliebatur, confessus est alteri ejusdem Ordinis Domino, & quidam sacramentaliter, sed tamen ea intentione, ut eum in suam conjurationem traheret. Postea vero per aliam viam re comperta, Cardinalis, qui Confessionem audierat, de hoc accusatus fuit, quod rem non protinus detexisset: imo ob id fuit pecunia multatus, & nisi ignorantiam sibi obtendisset, acrius fuisset punitus. Illam scilicet Confessionem Summus Pontifex Sacramentalem non fuisse judicavit.

Huc etiam pertinet Casus singularis relatus a Cesario Cisterciensis Ordinis Mo-

Monacho Lib. III. Historiarum Memorabilium, cap. xxxi. & xxxii. his verbis: In Domo quadam Cisterciensis Ordinis Monachus quidam sine Ordine celebravit. Hoc cum die quadam Abbati suo retulisset in Confessione, nec tamen cessare vellet a tanta presumptione, Abbas dolens, & lachrymans, ut a blasphemia tam magna desisteret, miserum rogavit, monuit, præcepit, sed non profecit. Ille vero timens notari, si cessaret, celebravit ut prius. In sequenti Capitulo Generali Abbas idem proposuit Casum eundem, interrogans quid faciendum foret Confessori, si forte tale quid in aliqua domo emergeret. Cumque Dominus Cisterciensis, & ceteri Abbates super hoc nihil auderent definire. Casum scripserunt Innocentio Papæ, qui convocans Cardinales, virosque litteratos, casum eis proposuit, & quid de hoc sentirent a singulis requisivit. Omnibus pene in hoc sentientibus, quod Confessio non esset prodenda, respondit: Ego dico in tali articulo esse prodendam, quia talis Confessio non est Confessio, sed blasphemia: nec debet Confessor blasphemiam talem, ac insaniam celare, per quam periculum incumbere poterit toti Ecclesiæ. Et placuit Sententia omnibus, scripsitque sequenti anno Capitulo, quod a se fuerat determinatum, & Cardinalibus approbatum. Facinus suum Abbati proculdubio detexerat sacrilegus ille Monachus, non animo se accusandi coram Deo, & subiiciendi se clavibus Ecclesiæ, sed animo irridendi, aut pertrahendi Abbatem in criminis sui patrocinium, aut illum impediendi a puniendo scelere, quod aliunde forte noverrat, aut in illud inquirendi, quod vehementibus indicis impulsus suspicabatur. Nam si animo se accusandi, & peccata sua clavibus Ecclesiæ subiiciendi suum illud sacrilegium confessus fuisset, Innocent. III. sigillo celandam qualemcumque illam Confessionem respondisset. De illius enim mente dubitari non finit Canon Omnis utriusque sexus, eo auctore in Concilio Lateranensi IV. conditus. Quamobrem, vel sic intelligendum est factum illud a Casario memoriæ commendatum, litterisque proditum, vel illius narrationi fides deroganda.

R E G U L A LIX.

Peccata consciorum, vel aliorum a Pœnitente in Sacramentali Confessione Sacerdoti declarata, eodem sigillo celanda sunt, quo peccata ipsius Pœnitentis.

HÆc enim, vel ad Confessionis integritatem spectant; vel propriorum peccatorum expositioni a Pœnitente rudi, & imperito conjuncta sunt. Deinde ex peccato complices plerumque agnosci potest peccatum Pœnitentis. Tandem Confessio aliquoquin odiosa, & onerosa fieret.

R E G U L A LX.

Sigillo Confessionis ea omnia claudi debent, quæ in Confessione audita sunt, sive ut famæ, ac pudori Pœnitentis consulatur, sive ut scandalum vitetur.

HANC Regulam tradit S. Thomas, in IV. Sententiarum, sive Supplementi Q. XI. A. II. Sigillum (inquit) Confessionis directe non se extendit nisi ad illa, de quibus est Sacramentalis Confessio, sed indirecte, id, quod cadit sub Sacramentali Confessione, etiam ad sigillum Confessionis pertinet, sicut illa, per quæ posset peccator, vel peccatum deprehendi: nihilominus etiam illa summotudine sunt celanda, tum propter scandalum, tum propter pronitatem, quæ ex consuetudine accidere posset. Sacrilegii ergo reus esset Confessarius, qui vel naturalium defectum, vel aliquem alium defectum naturalem, aut infamiæ notam Pœnitenti, vel ejus familiæ inustam, & in Confessione Sacramentali ab illo sibi declaratam, nec aliunde notam, aut quidvis aliud in ipsa Confessio-

ne

ne auditum, (quamvis ad ipsam non pertinens) ex quo pudor, dedecus ; aut quodvis damnum inferri, vel accidere posset Pœnitenti, aut mala de ipso suspicio generari, quovis modo revelaret.

R E G U L A LXI.

Non solus Sacerdos Pœnitentiæ Minister, sed omnes, & singuli, qui peccata Pœnitentis ex Confessione, aut cum ordine ad illam, sive immediate, sive mediate noverunt, eadem sacri sigilli lege tenentur.

Illi scilicet, qui vel maligno animo, vel casu, & sine culpa, aliquid ad Confessionem pertinens audiverunt; ille, qui cum Sacerdos non sit, tanquam Sacerdotem se gerens, aut furtim in Sacrum Tribunal irrepens, Confessionem excipere præsumit, aut divinum illud Ministerium sibi palam arrogat, sicut olim Abbatisse quædam Monialium sibi subditarum Confessiones audiebant, quarum absurdam audaciam coercebat *Clemens III.* cap. *Nova quedam*, Extra, *De Pœnitentiis, & Remissionibus*: item illi, quibus peregrinæ linguæ homines Confessionum suarum interpretibus utuntur. Item illi, quibus Confessarius vel ex deliberata malitia, vel imprudenter, consilium petendo, aut aliis de rebus intemperanter loquendo, peccata in Confessione audita revelat. Item qui chartam, in qua peccata Confessario exposita descripta sunt, invenit, legit, vel ejus lectionem audivit. Hi, inquam, omnis sacrilegii rei sunt, si peccatum Pœnitentis, etsi veniale duntaxat, vel aliquid ad Confessionem pertinens, & unde peccatum, & persona, quæ illud commisit, innotescere potest, revelent: quamvis longe gravius sit Sacerdotis, qui Confessionem excipit, quam aliorum sacrilegium. Unde & pœnæ canonicæ in Confessarium duntaxat sacrum sigillum violantem decretae sunt. Nam, *Sigillum Confessionis competit Sacerdoti in quantum est Minister hujus Sacramenti; quod nihil aliud est, quam debitum Confessionem celandi, sicut clavis est potestas absolvendi* (inquit *S. Thomas* in *iv. Sententiarum* five *Supplementi* Qu. *xi. A. 111.*) *Tamen sicut aliquis, qui non est Sacerdos, in aliquo casu participat aliquid de actu clavis, dum Confessionem audit propter necessitatem; ita etiam participat aliquid de actu sigilli Confessionis, & tenetur celare, quamvis proprie loquendo sigillum Confessionis non habeat.*

R E G U L A LXII.

Ille, cujus fidei creditur aliquod arcanum, illudque excipit quasi sub sigillo Confessionis, illud jure naturæ celare tenetur, illudque revelando peccat contra fidelitatem, sed sigillum Confessionis non frangit.

Confessionis
arcanum.

Sacri enim sigilli obligatio ex sola Confessione Sacramentali oritur, nec ex hominum institutione, aut voluntate originem ducit. Sicut enim ex hominum arbitrio non pendet Sacramenti natura, efficientia, Minister; ita nec in eorum potestate est, ut arcanum aliquod extra Sacramentalem Confessionem alterius fidei commissum, obliget ut sigillum Confessionis, ita ut prodi non possit absque sacrilegio. Quamobrem, si huiusmodi arcanum vergeret in damnum Ecclesiæ, Reipublicæ, Principis, alicujus tertii, illud revelare non solum posset, sed deberet, qui illud excipit quasi sub Confessionis sigillo, etiamsi flexis genibus, signo crucis se muniens, & præmissio, *Confiteor*, id apud ipsum aliquis deposuerit: quia nec animo se accusandi quis arcanum suum in amici sinum effundit, aut Ecclesiæ Clavibus illud subiicit, quæ ad peccati remissionem institutæ sunt: & arcana huiusmodi non solum profanis hominibus, sed & mulieribus, quasi sub sigillo Confessionis creduntur.

Ea S. Thomæ mens est in iv. Sententiarum, sive Supplementi quæst. xi. art. 11. ad 11. Aliquis, (inquit) non debet de facili aliquid recipere hoc modo: si tamen recipiat, tenetur ex promissione hoc modo celare, ac si in Confessione haberet; quamvis sub sigillo Confessionis non habeat.

R E G U L A LXIII.

Sacerdos, cum licentia Pœnitentis, peccatum, quod ex illius Confessione novit, aut alia, quæ apud ipsum in Sacro Tribunali deposuit, alteri revelare potest.

Cum enim id possit Pœnitens per seipsum, quidni & eo auctore Sacerdos possit? Duo sunt enim vero propter quæ tenetur Sacerdos peccatum occultare: (inquit S. Thomas in iv. Sententiarum, sive Supplementi quæst. xi. art. iv.) Primo, & principaliter, quia ipsa occultatio est de essentia Sacramenti, in quantum scit illud ut Deus, cuius vicem gerit in Confessione. Alio modo propter scandalum vitandum. Potest autem confitens facere, ut illud, quod Sacerdos sciebat tantum ut Deus, sciat etiam ut homo, quod facit, dum licentiat eum ad dicendum. Et ideo, si dicat, non frangit sigillum Confessionis, tamen debet cavere scandalum, dicendo, ne fractor sigilli reputetur. Neque vero ex hoc datur aliqua impunitas malis Sacerdotibus; quia imminet eis probatio (si accusantur) quod de licentia confitentis revelaverint.

Secundum hanc Regulam Sacerdos quidam Innocent. IV. Pontifici Maximo conjurationem in ipsum factam aperuit ac Militem ad ejus cædem subornatum denunciavit, cum id omne ex complicitis cuiusdam moribundi Sacramentali Confessione didicisset: quod volente, & permittente (ut par erat) Pœnitente factum, nullus dubitat, quamvis id non exprimat Mathæus Parisius ad annum MCCXLVII. pag. 486. hanc referens Historiam.

Secundum eandem Regulam, Confessarius potest cum licentia Pœnitentis hæredes admonere de restitutione rei alicujus faciendâ.

Ceterum hæc licentia expressa esse debet, nec sufficit implicita, aut interpretativa. Præterea necesse est, ut sponte libereque concessa sit. Tertio, concessam esse oportet ex causa legitima, & in commodum Pœnitentis. Unde si uxor a marito coacta, potestatem faceret Confessario peccatum suum revelandi; aut si reus sponte concederet licentiam detegendi crimen, propter quod capite plestendus est; aut si Confessarius ipse molestus sit Pœnitenti, ut ei peccatum suum, aut complicitis personam extra Confessionem aperiat, & revelandi licentiam concedat, hæc licentia uti non potest violata sigilli Religione. Et si Prælati præcipiat Confessario, ut peccatum alicujus omnino occultum revelet, illud revelare non debet, etiam cum licentia expressa ipsius Pœnitentis, quia Prælati non est Judex occultorum, & fori contentiosum, ac Pœnitentiale non sunt miscenda. Tandem licentia, quam dat Pœnitens Confessario revelandi Confessionem, quantumcumque generalis, non intelligitur nisi in bonum confitentis. Ita docet S. Antoninus, III. p. tit. xvi. cap. xxii. §. 1.

Confessionis
arcanum.

R E G U L A LXIV.

Confessario cum Pœnitente loqui non licet, citra ejus consensum, de peccatis, aliisque in ejus Confessione auditis.

Vix enim hujusmodi colloquium fieri potest, nisi Pœnitens pudore suffundatur, adeoque nisi grave fiat, odiosumque Confessionis jugum. Unde *S. Carolus Borromeus* in Instructionibus Confessorum ait: *Si loquium Pœnitente necesse sit petita ab ipso licentia, tum eadem secreti Religione, ac in Confessione se teneri noverit.*

R E G U L A LXV.

Qui ex Confessione sacramentali ita aliquid novit, ut alio etiam modo noverit, illud revelare potest, nulla Confessionis mentione facta, si necessitas urgeat.

Nullam enim injuriam Sacramento facit, aut Pœnitenti; cum vi sacri Sigilli non obligetur nisi ad celandum peccata, quatenus in Confessione audita sunt. Et certe gravissimum Sacrorum Auriculariorum onus esset, si propter Confessionem peccatoris jus amitterent illis de rebus loquendi, quæ, vel ante, vel post Confessionem ipsi viderunt, vel audiverunt. Præterea, ita sibi confociatæ sunt virtutes, ut una alteram non impediat; Religio, v.g. justitiæ: impediretur autem justitia, si quis revelare non posset, quod humano modo novit, etsi illud etiam per Confessionem noverit. Subditi enim Superioribus suis gravissima quæque peccata confiterentur, ne propter illa corripere ab eis, vel plecti possent. Hinc *S. Thomas* in *iv. Sententiarum*, sive Supplementi quest. *xi. art. v.* scribit: *Opinio est communior, quod illud, quod homo aliter scit, sive ante Confessionem, sive post, non tenetur celare quantum ad id, quod scit ut homo: potest enim dicere; Scio illud, quia vidi. Tenetur tamen celare illud in quantum scit, ut Deus: non enim potest dicere, Ego hoc audivi in Confessione. tamen propter scandalum vitandum, debet abstinere, ne de hoc loquatur, nisi immineat necessitas; imminens scilicet Ecclesiæ, vel Reipublicæ periculum, vel grave damnum proximi; aut mandatum Judicis testimonium ferre jubentis; vel Superioris Ecclesiastici præceptum excommunicantis omnes, qui talis facinoris auctores, sive comices noverint, & non revelaverint; aut denique necessaria propter commune bonum correctio. Nec retert, quod inde scandalum in infirmi animi hominibus forte oritur, quia (ut ait *S. Thomas* ibidem in Responsione ad *iv.*) Non debet ita vitari scandalum ex una parte, quod ex alia justitia relinquatur: veritas enim non est propter scandalum amittenda. Et ideo quando imminet periculum justitiæ, & veritatis, non debet dimitti revelatio ejus, quod quis in Confessione audivit, si aliter sciat, propter scandalum: verumtamen scandalum, quantum in se est, vitare tenetur.*

Confessionis
arcanum.

R E G U L A LXVI.

Conveniens esset, ut Sacerdotibus omnibus, & singulis cuiuscumque criminis sociis interdiceretur, ne facinorum, & participum ejusdem criminis Confessiones audiant; omnique quoad hoc Jurisdictione privarentur.

Confessio
fieri non de-
bet Sacerdo-

Vix enim contingit, ut peccatores, qui apud ipsos hujusmodi crimen deponunt, sinceram illius Pœnitentiam agant; vix contingit, ut criminosi illi Sacerdotes salutaria dent consilia, & convenientem Satisfactio-
nis

nis modum præscribant: & si peccata sint impudicitæ, periculum est, ne nova cum Pœnitenti tum Sacerdoti in ipsa Confessione peccati nascatur occasio. Quamobrem Sanctus Carolus Borromæus in Synodo Mediolanensi Diœcesana xi. ita statuit: *Confessario, qui cuiuscunque criminis, etiam minimi, socius, particepsve ullo modo fuit, Munere interdictum sit Confessionis eorum audiendæ, quos illius socios habuerit. Idem de illis item absolvendis sanctum sit. Si quam vero auctoritatem, jurisdictionemque habet, eane abutatur, illum privamus, quod ad hanc causam, culpamque attinet: nec vero Absolutio, si quam impartivit, ullius roboris sit, sed irrita plane, ac rescissa, nullaque omnino, tanquam ab eo impartita, qui jurisdictionis, & facultatis expertus est. Et vero si quis Confessarius culpæ socius, particepsve aliquid contra ausus fuerit, Excommunicationis Sententiam statim subeat: cuius vinculo irretitus, ab alio Sacerdote nisi a Nobis absolvi non possit.*

ti criminis
conficio,
quod In
Confessione
aperiendum
est.

C A P U T VI. DE SATISFACTIONE ARTICULUS I.

Quid sit Satisfactio, & quatuorplex Satisfactionis Gradus?

I. **S**atisfactio generatim sumpta est *Rei debitæ integra solutio*. Speciatim sumpta, cum scilicet de gratiæ reconciliatione agitur. *Satisfactio est iniuriæ alteri illatæ compensatio*. Quod autem ad hunc locum pertinet, Satisfactionis nomen divinarum rerum Doctores usurparunt, ad eam compensationem significandam, qua homo pro peccatis commissis Deo aliquid persolvit.

Satisfactio-
nis definitio.

S. Anselmus Lib. I. *Cur Deus homo*, cap. xi. Satisfactionem sic definit: *Satisfacere, est Deo debitum honorem impendere*; ratione scilicet culpæ commissæ, qua homo Deo debitum honorem violavit. Hunc enim per Pœnitentiam restituere, iustitiæ ratio postulat: Peccare quippe nihil aliud est, quam Deo non reddere debitum. Debitum porro est, ut omnis voluntas rationalis creaturæ subiecta sit voluntati Dei. Hunc honorem debitum qui Deo non reddit, aufert Deo, quod suum est, & Deum exhonorat. Quamdiu autem non solvit, quod rapuit, manet in culpa: nec sufficit solummodo reddere, quod ablatum est; sed pro contumelia illata plus debet reddere, quam abstulit. Sicut enim, qui lædit salutem alterius, non sufficit, si salutem restituit; nisi pro illata doloris iniuria re-compenset aliquid: ita qui honorem alicujus violat, non sufficit honorem reddere; si non tecundum exhonorationis factam molestiam, aliquid, quod placeat illi, quem exhonoravit, restituat. Hoc quoque attendendum, quod cum aliquis, quod injuste abstulit, solvit; hoc debet dare, quod ab illo non posset exigi, si alienum non rapuisset. *Sic ergo debet omnis, qui peccat, honorem, quem rapuit Deo, solvere; & hæc est Satisfactio, quam omnis peccator debet Deo facere.* Alii sic definiunt: *Satisfactio est iniuriæ illatæ compensatio secundum iustitiæ aequalitatem.* Alii accuratius: *Satisfactio est voluntaria sui ipsius punitio ad compensandum injuriam Deo per peccatum illatam, ipsique placandum.*

Aliter definitur a Gennadio Lib. *De Ecclesiasticis Dogmatibus*, sub nomine S. Augustini olim edito, cap. LIV. *Satisfactio est peccatorum causas excidere, & eorum suggestionibus aditum non indulgere.* Et a S. Isidoro Lib. VI. *Originum* Tit.

de Officiis: Satisfactio est causas peccatorum, & suggestiones excludere, ac peccatum ultra non iterare, Satisfactio enim vero, quæ est adus iustitiæ prænam inferentis, est Medicina curans peccata præterita, & præservans a futuris. Primam rationem spectat S. Anselmi, alteram Gennadii definitio. Causæ autem peccati actualis sunt duplices; scilicet interiores, ut Libido ex consuetudine, vel abusu peccati relicta; & quæ dicuntur reliquie peccati: quædam exteriores, ut Occasione ad peccandum, scilicet locus, mala societas, & huiusmodi: & tales cause in hac vita per Satisfactionem tolluntur; quamvis fomes, qui est causa remota peccati actualis, non tollatur totaliter in hac vita per Satisfactionem, etsi debilitetur, (inquit S. Thomas, in IV. Sententiarum, sive Supplimenti quest. XII. art. III.) Sicut ergo præservatio a morbo corporali fit per remotionem causarum, ex quibus morbus consequi potest; ita & præservatio a morbo spirituali. Sed tamen cum ex causis mox recensitis peccatum necessario non sequatur, quia Liberum arbitrium non cogitur: ideo Gennadii, & S. Isidori definitio completitur excisionem causarum, sive occasionum peccati, & liberi arbitrii suggestiones propulstantis propositum.

1. Joan. 2. Alis denique, Satisfactio est purgatio, qua eluitur quicquid sordium propter peccatum maculam in anima resedit, atque a pœnis tempore definitis, quibus tenemur, absolvimur; ut habet Concilii Trident. Catechismus par. II. §. xc. Satisfactio quippe exhibetur, non ad culpam, vel prænam æternam expiandam, (hæc enim Satisfactio soli Christo tribuenda est, qui solus actus est Propitiatio pro peccatis nostris, non pro nostris tantum, verum & totius Mundi.) Sed persolvitur a nobis Satisfactio ad excidendum peccatorum causas, ad mendandum peccati reliquiis, ad temporalem pœnam vel tollendam, vel mitigandam: cuius luendæ in hoc, vel in futuro sæculo debitum remanere post remissionem culpæ, ac æternæ pœnæ condonationem non ducimus in idem.

Multiplex
gradus Sa-
tisfactionis.

II. Multiplex est Satisfactionis gradus. Prima, & præstantissima est Satisfactio Christi, qua misericors Dominus & Redemptor plene, & cumulate Deo persolvit quicquid pro scelorum nostrorum ratione illius iustitiæ debetur, etiam si summo jure nobiscum agere velit. Majus Satisfactionis, scelorum omnium rationi, & gravitati, quæ in hoc sæculo commissa sunt, pariter, æqualiterque respondentis, pondere hominum actiones apud Deum plurimum valent, & sine eo nullæ prorsus æstimatione dignæ haberentur; (inquit Concilii Trident. Catechismus) atque huc Davidis verba videntur spectare, Psal. cxv. ubi postquam illud protulisset: Quid retribuam Domino pro omnibus, quæ retribuit mihi? Nihil præter hanc Satisfactionem, quam calicis nomine expressit, dignum tot, tantisque beneficiis invenire potuit; quare subje it: Calicem salutaris accipiam, & nomen Domini invocabo. Quem locum S. Augustinus sic explicat: Quæ præcesserant hominis, ut omnium donorum Dei non attributio, sed retributio vocari possit? Quæ præcesserant hominis, nisi peccata? Retribuit ergo Deus bona pro malis: cui homines retribuunt mala pro bonis. Hæc enim retribuunt, qui dixerunt, Hic est hæres, venite, occidamus eum. Sed querit iste, quid retribuatur Domino, & non invenit, nisi excelsis, quæ ipse Dominus retribuit. Calicem, inquit, salutaris accipiam, & nomen Domini invocabo. O homo, peccato tuo mendax, dono Dei verax, & ideo jam non homo, quis tibi dedit Calicem salutaris, quem accipiens, & invocans nomen Domini, retribuies ei pro omnibus, quæ retribuit tibi? Quis nisi ille, qui ait: Potestis bibere calicem, quem ego bibiturus sum? Quis dedit tibi imitari passiones suas, nisi qui pro te passus est prior?

Matth. 23.

Matth. 20.

Alterum Satisfactionis genus, est illa quæ Canonica appellatur, quod Sacris Canonibus præscripta, & constituta sit: & certo temporis spatio definita perficitur. Quare antiquissimo Ecclesiæ usu receptum est, ut cum Pœnitentes

tentes a peccatis solvuntur, pœna aliqua eis irrogetur, cujus pœnæ solutionem Satisfactionem vocamus.

Tertium Satisfactio- nis genus est pœna quælibet, non quidem a Sacerdote constituta, sed sponte suscepta, & tolerata. Verum hæc ad Pœnitentiam, ut Sacramentum est, minime pertinet.

Sacramentalis itaque Satisfactio est voluntaria pœnæ a Sacerdote in Pœnitentiæ Tribunali impositæ permissio, ad compensandam iniuriam Deo illatam, ipsumque placandum, cum firmo proposito peccata in posterum omni studio vitandi.

ARTICULUS II.

De Satisfactionis Necessitate.

PROPOSITIO I.

Necessaria est Satisfactio Pœnitentibus ad Deum placandum, & pœnam temporariam redimendam, cujus debitum post remissionem culpæ sæpe manet.

DUO quippe sunt, quæ peccatum consequuntur, macula, & pœna, & quamvis semper culpa dimissa, simul etiam mortis æternæ supplicium apud inferos constitutum condonetur: tamen non semper contingit, ut Dominus pœnam temporariam, quæ peccatis debetur, remittat. Cujus rei perspicua sunt exempla in Sacris Litteris: sed illud Davidis præ ceteris illustre, cui etsi Nathan Propheta dixerat 11. Reg. xii. *Dominus quoque transiit peccatum tuum, non morieris*: gravissimas tamen pœnas ultro subiit, Dei misericordiam his verbis dies, noctesque implorans: *Amplius lava me ab iniquitate mea, & a peccato meo munda me: quoniam iniquitatem meam ego cognosco, & peccatum meum contra me est semper*. Quibus verbis illud petebat a Domino, ut non solum crimen, sed etiam pœnam peccato debitam condonaret, atque a criminum reliquiis purgatum in pristinum decoris, & integritatis statum restitueret. Atque hæc cum summis precibus peteret, eum tamen Dominus tum filii ex adulterio suscepti morte, tum *Abfusonis* defectione, aliisque pœnis, & calamitatibus domesticis, & publicis multavit, quarum minas illis antea intentaverat. In Exodo etiam, etsi Dominus Moysi precibus exoratus, populo idololatræ pepercit, tamen minatus est, se tanti flagitii pœnas repetiturum esse: ipseque Moyses testatus est fore, ut illud Dominus severissime in tertiam, & quartam usque generationem ulciceretur.

Necessitas Satisfactionis.

Psalm. 50.

Cur autem pœna omnis Pœnitentiæ Sacramento, æque, ac Baptismo non condonetur, præclare Sacra Synodus Tridentina explicat his verbis: Sane & divine justitiæ ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint; aliter vero, qui semel a peccati, & damonis servitute liberati, & accepto Spiritu Sancti dono, scientes templum Dei violare, & Spiritum Sanctum contristare non formidaverint. Et divinam clementiam decet, ne ita nobis absque ulla Satisfactione peccata dimittantur, ut, occasione accepta, peccata leviora putantes, velut injuriæ, & contumeliosi Spiritui Sancto, in graviora labamur, thesaurizantes nobis iram in die iræ. Ex his colligitur, Pœnitentem Deo satisfacere oportere, ut injuriam ipsi per peccatum illatam pro modulo suo compenset, ipsum placare satagat, pœnamque temporariam, imo & æternam, quæ in temporarias Dei misericordia commutata est, redimat. Hæc vero doctrina semper a Patribus in Ecclesia Catholica tradita est.

Necessitas
Satisfactio-
nis.

Ita enim *Tertullianus*, Libro *De Penitentia*, cap. VIII. & IX. „ Confessio
Satisfactionis consilium est, dissimulatio contumaciæ. Huius igitur Pen-
nitentiæ secundæ, & unius, quantum in arcto negotium est, tanto opero-
rior probatio est; ut non sola conscientia proferatur, sed aliquo etiam a-
ctu administretur. Satisfactio Confessione disponitur, Confessione Pœni-
tentia nascitur, Penitentia Deus mitigatur. Itaque Exomologesis proster-
nendi, & humiliandi hominis disciplina est, conversationem injungens
misericordiæ illicem, de ipso quoque habitu, atque victu mandat, sacco,
& cineri incubare, corpus sordibus obscurare, animam mœoribus deice-
re, illa, quæ peccavit tristi tractatione mutare. Plerumque vero jejuniis
preces alere, ingemiscere, lachrymari, & mugire noctes, diesque ad Do-
minum Deum suum, Presbyteris advolvi, & caris Dei adgeniculari, om-
nibus fratribus legationes deprecationis suæ injungere. Hæc omnia Exo-
mologesis, ut Penitentiam commendet, ut de periculi timore Dominum
honoret, ut in peccatorem ipsa pronuntians pro Dei indignatione funga-
tur, & temporali afflictione æterna supplicia non dicam frustretur, sed exp-
ungat. In quantum non peperceris tibi; in tantum tibi Deus, crede, par-
cet.

Et cap. XI. Deliqui dicito in Deum, & periclitor in æternum perire: ita-
que nunc pendeo, & maceror, & excrucior, ut Deum reconciliem mihi,
quem delinquendo læsi. Sed enim illos, qui ambitus obeunt capefendi
Magistratus, neque pudet, neque piget incommodis animæ, & corporis,
nec incommodis tantum, verum & contumeliis omnibus eniti in causa vo-
torum suorum. Quas non ignobilitates vestium affeant? Quæ non atria
nocturnis, & crudis salutationibus occupant? Ad omnem occursum mayo-
ris cujusque personæ decrecentes, nullis conviviis celebres, nullis come-
sationibus congreges, sed exules a libertatis, & lætitiæ felicitate: idque
totum propter unius anni volaticum gaudium. Nos quod securum, vir-
garumve petitio sustinet, in periculo æternitatis tolerare dubitamus? Et
castigationem victus, atque cultus offenso Domino præstare cessabimus,
quæ Gentiles nemine omnino læso sibi irrogant?

S. Cyprianus Tractatu de Lapsis: „ Quam magna deliquimus, tam granditer
desseamus. Alto vulnere diligens, & longa medicina non desit. Pœni-
tentia crimine minor non sit. Putasne tu Dominum cito posse placari,
quem verbis perfidis abnuisti, cui patrimonium præponere maluisti, cujus
templum sacrilega contagione violasti? Putas facile eum milereri tui,
quem tuum non esse dixisti? Orare oportet impensius, & rogare, diem
luctu transigere, vigiliis noctes, ac fletibus ducere, tempus omne lacry-
mosis lamentationibus occupare; stratos solo, adhærere cineri; in cilicio,
& sordibus volutari; post indumentum Christi perditum, nullum hic
jam velle vestitum; post diaboli cibum, malle jejunium; iustis operibus
incumbere, quibus peccata purgantur; eleemosynis frequenter insistere,
quibus animæ a morte liberentur.

S. Pacianus Barcinonensis Episcopus in *Paranesi* ad Penitentiam verbis non
minus luculentis Satisfactionis necessitatem adstruit, cum Penitentibus hæc
verba suggerit, quibus respondeant eis, a quibus ad voluptates alliciuntur:
*Si quis ad balneum vocet, recusare delicias; si quis ad convivium roget, dice-
re: Ista felicitas, ego deliqui in Dominum, & periclitor in æternum perire. Quid
mibi epica, qui Dominum læsi? Tenere præterea pauperum manus. Vi-
duas obsecrare, Presbyteris advolvi, exoratricem Ecclesiam deprecari, omnia prius
tentare, ne pereas.*

S. Ambrosius Lib. II. *De Penitentia*, cap. X. Facilius inveni, qui innocen-
tiam

tiam servaverint, quam qui congruam egerint Pœnitentiam. An quisquam illam Pœnitentiam putat, ubi acquirendæ ambitio dignitatis, ubi viæ effusio, ubi ipsius copulæ conjugalîs usus? Renunciandum seculo est, somno ipsi minus indulgendum, quam natura postulat, interpellandus est gemitibus, interrumpendus est suspiriis; sequestrandus orationibus, vivendum ita ut vitali huic moriamur usui, seipsum homo abneget, & totus immutetur.

Et in Psalm. cxviii. Serm. viii. illum Versum explicans: *Miserere mei secundum eloquium tuum*; ait: In ipsa Ecclesia, ubi maxime misereri decet, teneri quam maxime debet forma justitiæ; ne quis a Communionis consortio abstinens, brevi lacrymula, atque ad tempus parata, vel etiam uberioribus fletibus Communionem, quam plurimis debet postulare temporibus, facilitate Sacerdotis extorqueat. Nonne cum uni indulget indigno, plurimos facit ad prolapsionis contagium provocari? Facilitas enim veniæ incentivum tribuit delinquendi.

S. Augustinus, Serm. xx. alias iii. ex editis a Sirmondo: *Impunitum* (inquit), „ non potest esse peccatum; impunitum esse non decet, non oportet, non est justum. Ergo quia impunitum non debet esse peccatum, puniatur a te, ne puniaris pro illo. Peccatum tuum judicem te habeat, non patronum. In tribunal mentis tuæ ascende contra te, & reum confitue te ante te. Noli ponere te post te, ne Deus ponat te ante se. Ideo dicit in eodem Psalmo, unde facillimam impetret veniam: *Quoniam iniquitatem meam ego cognosco, & peccatum meum ante me est semper*. Tamen quam dicens, Quoniam ante me est, ne sit ante te; & quia ego agnosco, tu ignosce. Ergo peccatum aut a te punitur, aut a Deo: sed a te sine te, a Deo tecum. Te ergo habeat punitorem, ut tu Deum habeas defensorem.

Et Serm. cccxi. alias l. inter Homilias 50. ubi opera carnis recensuit, quæ qui agunt, Regnum Dei non possidebunt, ut ait Apostolus ad Gal. v. subdit: „ Judicet ergo seipsum homo in istis voluntate, dum potest, & mores res convertat in melius: ne cum jam non poterit, etiam præter voluntatem a Domino judicetur. Et cum ipse in se protulerit severissimæ medicinæ, sed tamen medicinæ sententiam, veniat ad Antistites, per quos illi in Ecclesia claves ministrantur: & tamquam bonus jam incipiens esse filius, maternorum membrorum ordine custodito, a Præpositis Sacramentorum accipiat Satisfactionis suæ modum: ut in offerendo (Sacrificio cordis contribulati devotus, & supplex, id tamen agat, quod non solum ipsi profit ad recipiendam salutem, sed etiam ceteris ad exemplum. Ut si peccatum ejus, non solum in gravi ejus malo, sed etiam in tanto scandalo aliorum est, atque hoc expedire utilitati Ecclesiæ videtur Antistiti, in notitia multorum, vel etiam totius plebis agere Pœnitentiam non recuset, non resistat, non lethali, & mortiferæ plagæ per pudorem addat tumorem.

Et infra: *Non sufficit mores in melius commutare, & a facili malis recedere; nisi etiam de his, quæ facta sunt, satisfiat Deo per Pœnitentiæ dolorem, per humilitatis gemitum, per contriti cordis sacrificium, cooperantibus eleemosynis.*

S. Innocentius I. Pontifex Maximus Epist. i. Ceterum (inquit) de pondere æstimando delictorum, Sacerdotis est judicare, ut attendat ad Confessionem Pœnitentis, & ad fletus, atque lacrymas corrigentis; ac tum jubere dimitti, cum viderit congruam Satisfactionem.

S. Cæsarius, Hom. viii. ubi peccatorum venialium, & mortalium discrimen exposuit, explicat, quæ Satisfactio pro venialibus, quæ pro lethalibus Deo sit exhibenda. Quoties (inquit) infirmos visitamus, in carcere positos requirimus, discordes ad concordiam revocamus, indigne in Ecclesia jejuno

Necessitas Satisfactionis.

Psalm. 50.

Cap. 4.

Cap. 5.

Cap. 7.

jejunamus, hospitibus pedes abluimus, ad vigilias frequentius convenimus, eleemosynam ante ostium prætereuntibus pauperibus damus; inimicis nostris, quoties petierint, indulgemus: istis operibus, & bis similibus minuta peccata quotidie redimuntur. Pro capitalibus vero criminibus non hoc solum sufficit, sed addende sunt lacrymæ, & rugitus, & gemitus, continuata, & longo tempore procrastinata jejunia, largiores eleemosynæ, etiam plusquam nos ipsi valere possumus, erogandæ; ultro nos ipsos a communione Ecclesiæ removentes, in luctu, & tristitia multo tempore permanentes, & Pœnitentiam etiam publice agentes.

Necessitas
Satisfactio-
nis.

Et Hom. 1. *Mortificatione præsentis* (inquit) „ futuræ mortis sententia præ-
venitur; & dum culpæ auctor humiliatur, culpa consumitur, dumque ex-
terior afflictio voluntariæ districtiōis infertur, tremendi Judicis offensæ
sedatur; & ingentia debita labor solvit exiguus, quæ vix consumpturus
erat ardor æternus. Tractantes ergo causam salutis nostræ, faciamus intra
nos, quod circa nos Medici facere solent. Si læsura aliqua, vel quere-
la in prima corporis cute sentitur, curatio medicamenti blandioris appo-
nitur: si vero in ossibus vulnus absconditum, aut in viscerum profunda
demersum est, austeriorem, ac violentiorem poscit vis occulta medicinam.
Similis ratio in ægitudine interioris hominis adhibenda est. Si levia sunt
fortasse delicta, v. gr. si homo, vel in sermone, vel aliqua reprehensibili vo-
iuntate, vi oculo peccavit, aut corde; verborum, & cogitationum maculæ
quotidiana oratione curandæ, & privata compunctione tergendæ sunt. Si ve-
ro quisque conscientiam suam interrogans, facinus aliquod capitale commi-
sit, ut si fidem suam falso testimonio expugnavit, ac prodidit, aut sacrum
Veritatis nomen perjurii temeritate violavit; si veram Baptismi tunicam, &
pretiosam virginitatis holosericam cæno immaculati pudoris infecit, si in se-
metipso novum hominem nece hominis occidit: si per Augures, & Divinos,
atque Incantatores captivum se Diabolo tradidit: hæc & ejusmodi commissæ ex-
piari vel secretis communii, & mediocri, vel secreta Satisfactione non possunt;
sed graves causæ graviore, & acriore publicas curas requirunt: ut qui cum
plurimorum destructione se perdidit, simili modo cum plurimorum ædifica-
tione se redimat.

Lutherani,
& Calviniani
reselluntur.

Imperite porro Lutherani, & Calviniani respondent, Satisfactiones illas me-
ra fuisse spectacula instituta tum exempli causa, tum ad probandos ho, qui
recipi petebant ab Ecclesia: disciplinam fuisse, & rem prorsus politicam, fin-
xisseque Scholasticos, eas non ad disciplinam coram Ecclesia, sed ad placan-
dum Deum valere. Quod enim spectacula mera non fuerint, exempli cau-
sa instituta, & ad probandos eos, qui in Ecclesia recipi postulabant; sed vel
maxime ad Deum placandum, ad expiandas, & curandas peccatorum reli-
quias, ad penas temporarias, quarum sæpe debitores sumus post remissionem
peccatorum, redimendas, non solum allata probant testimonia Patrum, sed
duo confirmant argumenta luculentissima, quibus demonstratur quibusdam pec-
catoribus vel occultis, vel ab Ecclesia non præcis, Satisfactionem secretam
olim imponi ab Ecclesia consuevisse.

Primum argumentum petitur ex S. Basilio, qui mulieribus adulterium secre-
to confessis Pœnitentiam Canonicam impositam fuisse, quam secreto quoque pe-
ragerent, ab Eucharistia communione separatæ certo, ac definito tempore,
Epist. III. ad *Amphilochium*, can. xxxix. testatur.

Alterum petitur ex S. Leone, Epistola ad *Rusticum* Narbonensem Episcopum
asserente, alienum esse a consuetudine Ecclesiastica, ut Presbyteri, & Diaconi
pro crimine aliquo suo per manus impositionem remedium accipiant pœniten-
di. Unde (inquit) *hujusmodi lapsi ad prouocandam misericordiam Dei priu-*

ta est expetenda secessio, ubi illis Satisfactio, si fuerit digna, sit etiam fructuosa. Quod & Juliani Pomerii testimonio Lib. II. De Vita Contemplativa, c. VII. & Ilerdensis Concilii can. 1. & can. Presbyter, apud Gratianum dist. LXXXII. confirmatur.

Sed & Traditionis fonti propinquior S. Cyprianus, Lib. De lapsis, diserte asserit, Pœnitentiæ operibus non Ecclesiæ solum, sed Deo satisfieri, ejusque iram placari: *Potest ille (inquit) indulgentiam dare, sententiam suam potest ille destituere.* Pœnitenti, operanti, roganti potest clementer ignoscere, potest in acceptum referre, quicquid pro talibus & petierint Martyres, & fecerint Sacerdotes: vel si quis plus eum suis Satisfactionibus moverit, si ejus iram, si indignantis offensam iusta deprecatione placaverit, dat ille, & arma rursum quibus victus armetur, reparat, & corroborat vires quibus fides instaurata vegetetur.

Necessitas
Satisfactio-
nis.

PROPOSITIO II.

Satisfactionis necessitas Dei præcepto peccatoribus imposita est.

ID probat S. Joannis sententia, Lucæ III. *Facite fructus dignos Pœnitentiæ.* Quid enim aliud sibi volunt digni fructus Pœnitentiæ, quam Satisfactionem per opera justitiæ? *Pœnitentiam dico (inquit) S. Jo Chrysostomus.* HONR. x. in Matthæum, non solum ut a malis prioribus desistamus, verum etiam ut bonorum operum fructibus impleamur. *Facite, inquit, fructus dignos Pœnitentiæ.* „ Quo autem modo fructificare poterimus? Si utique peccatis adversa „ faciamus. Aliena rapuisti? Incipe donare jam propria. Longo es tempore fornicatus? A legitimo quoque usu suspendere conjugii, ac perpetuam continentiam sæpius paucorum dierum castitate meditare. Injuriam vel opere cuiquam, vel sermone fecisti? Refer benedictionis verba conviciis, & percutientes te nunc officiis, nunc etiam beneficiis placare contentere. Neque enim vulnere sufficit ad salutem tantummodo spicula de corpore evellere, sed etiam remedia adhibere vulneribus. Delicias ante, & temulentia diffuebas? Jejunio, & aquæ potu utrumque compensa, ut famem superes imminuentem. Vidisti impudicis alienum decorem oculis? Fæminam jam omnino non videas, majore tactus cautione post vulnera.

Eandem S. Joannis sententiam expendens, S. Gregorius Hom. xx. in Evangelia ait, „ Sciendum est, quia quisquis illicita nulla commisit, huic jure „ conceditur, ut licitis utatur, sicque pietatis opera faciat, ut tamen si noluerit, ea, quæ mundi sunt non relinquat. At si quis in fornicationis culpam, vel fortasse, quod est gravius, in adulterium lapsus est, tanto a se licita debet abscindere, quanto se meminit, & illicita perpetrasse. Neque enim par fructus boni operis esse debet ejus, qui minus, & ejus, qui amplius deliquit: aut ejus, qui in nullis, & ejus, qui in quibusdam facinoribus cecidit, & ejus, qui in multis est lapsus. Per hoc ergo, quod dicitur. *Facite fructus dignos Pœnitentiæ;* uniuscujusque conscientia convenitur: ut tanto majora quærat bonorum operum lucra per Pœnitentiam, quanto graviora sibi intulit damna per culpam.

Idem, sive alius Auctor Lib. VI. Commentarii in Lib. I. Regum inter ejus Opera editi: *Vindicta (inquit) peccati quasi medicina necessaria est, ut apostema reatus, quod conversione compungitur, confitendo purgetur, afflictionisque medicina sanetur.* Signum ergo vere conversionis non est in oris Confessione, sed in afflictione Pœnitentiæ. Tunc namque bene conversum peccatorem cernimus, cum digna afflictionis austeritate dolere nititur, quod loquendo confitetur. Unde Jo: Baptista male conversos Judeos ad se con-

flu-

Neceſſitas
Satisfactio-
nis.

„*fluentes increpans, ait: Genimina viperarum, quis ostendit vobis fugere a*
 „*ventura ira? Facite ergo dignos fructus Pœnitentiæ. In fructu ergo, non in so-*
 „*liis, aut ramis Pœnitentia cognoscenda est. Quasi arbor quippe bona voluntas est.*
 „*Confessionis ergo verba, quid sunt aliud nisi folia? Non ergo nobis folia propter*
 „*seipsa, sed propter fructum expetenda sunt: quia idcirco omnis Confessio pecca-*
 „*torum expetitur, ut fructus Pœnitentiæ subsequatur. Unde & Dominus arbo-*
 „*rum foliis decoram fructu sterilem maledixit, quia Confessionis ornatum non reci-*
 „*pis sine fructu afflictionis.*

His etiam Joëlis Prophetæ, & S. Pauli verbis Satisfactionis præceptum
 expressum est, quibus peccatores ad Pœnitentiam adhortantur. Joel. II.
 „Convertimini ad me in toto corde vestro, in jejunio, & fletu, & plan-
 „ctu. II. Corinthio. VII. Hoc ipsum secundum Deum contristari vos, quan-
 „tam in vobis operatur sollicitudinem, sed defensionem, sed indignationem,
 „sed vindictam. Et ad Rom. VI. Sicut enim exhibuistis membra vestra servire
 „immunditiæ, & iniquitati ad iniquitatem; ita & nunc exhibete membra ve-
 „stra servire justitiæ in sanctificationem. Hunc verborum illorum sensum esse,
 „se, constat ex S. Basilio, Versum illum Ps. XXXII. In Psalterio decachor-
 „do psallite illi, explicante: Quoniam (inquit) in corpore peccavimus, quan-
 „do membra nostra serva peccati ad iniquitatem præbuimus, corpore item
 „confiteamur, eodem in peccati dissolutionem usi instrumento. Maledixi-
 „sti? Benedicas. Circumvenisti proximum in negotio? Redde. In ebrie-
 „tatem incidisti? Jejuna. Arroganter, & superbe egisti? Humiliare. Invi-
 „disti? Consolare. Occidisti? Martyrium subito, aut certe, quod Martyrio
 „æquivalere queat, per Exomologesim proprium corpus afflige. Tunc de-
 „mum post Confessionem dignus fueris, qui Deo psallas in decachordo Psalte-
 „rio. Et Homilia contra Ebrios: Medicina (inquit) magna delicta sanat.
 „Jejunium febricitatem curet, Psalmus turpes cantus, lachrymæ risum. Pro
 „saltatione genu Deo fleatur, pro manuum plausu pectus pulsetur. Pro ve-
 „stium sumptu, atque ornatu succedat humilitas. In omnibus vero eleemo-
 „syna peccata diluat. Redemptio animæ viri divitiæ ipsius. Quid autem est
 „aliud satisfacere Deo, quam quod his verbis exprimitur? Hinc S. Augustinus, Epist.
 „CLIII. alias LIV. „Nihil aliud agit, (inquit) quem veraciter pœnitet, nisi ut id,
 „quod mali fecerit, impunitum esse non sinat. Eoque modo sibi non par-
 „centi ille parcat, cujus altum, justumque judicium nullus contemptor evadit.

Prov. 5.

PROPOSITIO III.

*Ut Satisfactio in Sacramento Pœnitentiæ a Sacerdotibus imponatur, non hu-
 mana potestate usurpatum, sed divina auctoritate institutum est.*

CHRISTUS enim Apostolis suis, eorumque Successoribus ligandi, & solven-
 di potestatem tradidit, Matth. XVIII. quod non solum ad remissionem,
 & retentionem peccatorum pertinet, sed etiam ad Satisfactionem imposi-
 tionem. Id evidentissime S. Leo testatur Epist. LXXXII. alias XCI. ad Theo-
 dorum Forojuliensem Episcopum. Mediator, (inquit) Dei, & hominum homo
 Christus Jesus hanc Præpositis Ecclesiæ tradidit potestatem, ut & consentientibus
 actionem Pœnitentiæ darent, & eosdem salubri satisfactionis purgatos, ad Com-
 munionem Sacramentorum per januam Reconciliationis admitterent. Cui utique
 operi incessabiliter ipse Salvator intervenit, nec unquam ab his abest, quæ
 Ministris suis exequenda commisit dicens, Ecce ego vobiscum sum usque ad
 consummationem sæculi: ut si quid per servitutem nostram bono ordine, &
 gratulando impletur effectu, non ambigamus per Spiritum Sanctum fuisse do-
 natum.

Matth. 28.

Ohi-

Objicitur, Deum Ezech. xviii. contestari: *Si impius egerit Pœnitentiam ab omnibus peccatis suis, &c. omnium iniquitatum ejus, quas operatus est, non recordabor.* At recordaretur iniquitatum, quas Pœnitentibus condonavit, si post illarum remissionem pœnam aliquam, sive satisfactionem exigeret.

Respondetur, Non recordari Deum iniquitatum, quas vere Pœnitentibus dimisit, ita ut propter illas hominem odio habeat, ipsique pœnas æternas infligat, quæ cum amicitia Dei cohærere non possunt: ipsarum vero ita memorem esse, ut pœnas exigat temporarias, atque Satisfactiones, non tam severitate Judicis, quam misericordia Patris, quia a peccatorum reliquiis filios his Satisfactionibus expiat, & tanquam medicinis saluberrimis adversus futuras peccatorum ægritudines præmunit, ac præterea Filii sui passionis, & mortis pœnis illos conformes facit. Eodem certe sensu intelligi debent hæc verba Dei apud Ezechielem, *Omnium iniquitatum ejus non recordabor*, quo ista, quæ ibidem leguntur de Justis in lethale peccatum prolapsis, & a justitia sua averfis: *Omnes iustitiae ejus, quas fecerat, non recordabuntur*: Porro & Patres docent, & experientia suadet, Deum non ita oblivioni tradere bona iustorum opera, cum a gratiæ statu deficiunt, quin ob illa præmiis ipsos temporalibus donet. Non sic igitur oblivioni tradit impiorum crimina, cum Pœnitentiam agunt, quin ob ipsa pœnis temporalibus obnoxios ipsos esse velit, vel in hoc sæculo satisfactione, vel in Purgatorio satisfatione luendis.

Objicitur secundo: Ficta, & fraudulenta esset hominis cum inimico suo reconciliationio, si post injuriæ condonationem, & sponsonem amicitiae, aliquid damnum, aut malum ipsum pati vellet. Qua igitur ratione Deus a Pœnitentibus pœnas exigit, si vere ipsis peccata dimisit, illosque in suam recipit amicitiam?

Respondetur; & in hominum reconciliatione non alia lege amicitiam redintegrari, nisi ut violatus reparetur honor, ut injuria illata convenienti modo compensetur, ut pro damnis illatis congrua satisfactio fiat. Qui læso satisfacere nolit amico, amicitia indignum censeri. Sed magnum præterea discrimen est inter hominis reconciliationem cum inimico, & Dei cum Pœnitente. Illa enim externis tantum signis innotescere potest, ac probari: proindeque merito veniret in suspicionem fraudis, si grave aliquid malum inferret inimico qui cum eo in gratiam rediisset. Præterea, malum illud, quo afficeretur inimicus ad prioris expiationem injuriæ, aut confirmationem amicitiae nihil conferret. Dei vero cum Pœnitente reconciliatio interior est, & externa pœnæ prorsus omnis remissione non indiget, ut probetur. Ac præterea pœnæ, quas hic a se peccator Penitens repetit ex mandato Sacerdotum, vel sponte assumit, aut patitur; plurimum valent ad refarciendum honorem Deo ablatum, & violata divinæ justitiæ pariter, & misericordiæ jura quodammodo reparanda. Suum quippe jus exercet Misericordia, cum peccata condonat; suum Justitia, cum pœnas satisfactionis exigit. Nec enim Deus instar privati cujusdam cogitandus est, qui non solum injuriam, sed & pœnam omnem injuriæ debitam remittere debet inimico, ut ipsum in amicitiam suam sincere recepisse censeatur: sed instar Judicis, qui leges, ordinemque juris servare debet. Sic justitia, & pax sese mutuo osculantur. Unde S. Augustinus, Enarratione in Psalmum 50. explicans hæc Davidis pœnitentis ad Deum verba: *Ecce enim veritatem dilexisti*; ait: *Veritatem dilexisti*; id est, *impunita peccata etiam eorum quibus ignoscis, non reliquisti. Sic misericordiam prærogasti, ut servares, & veritatem. Ignoscis confitenti, ignoscis, sed se ipsum punienti; ita servatur misericordia, & veritas, misericordia, quia homo liberatur; veritas, quia peccatum punitur.*

Objicitur tertio; Post remissionem peccatorum in Baptismo nulli pœnæ obnoxii manent baptizati, quia Baptismus omnia peccata delet, ac remittit: igitur

Objectiones
contra Satis-
factionis
necessitatem
solvuntur.

Necessitas
Satisfactor-
nis.

tur nullius etiam penæ manent debitores, quibus peccata omnia per Pœnitenti-
am dimissa sunt.

Respondetur: Id minime sequi, magnumque discrimen Baptismum inter, & Pœnitentiam in hoc etiam intercedere. Baptismus enim regenerationis, & innovationis Sacramentum est, quod ideo culpam pariter, & penæ debitum omne abolet, & expungit: Pœnitentia vero Sacramentum est sanationis, in quo majores ex parte hominis Pœnitentis dispositiones postulantur: quia gravius peccatum est, quod post Baptismum perpetratur, illo, quod ante Baptismum committitur: ac propterea majores ad Deum placandum labores subeundi sunt. Nam *lavari quidem cito possumus* (inquit S. Bernardus Sermone in Cœna Domini) *ad sanandum vero opus est curatione multa*. Et, ut docet Sacra Synodus Tridentina sessione XIV. cap. 11. *Alius est Baptismi, & alius Pœnitentiæ fructus*. Per Baptismum enim Christum induentes, nova prorsus in illo effici-mur creatura, plenam & integram peccatorum omnium remissionem consequentes: ad quam tamen novitatem, & integritatem per Sacramentum Pœnitentiæ sine magnis nostris fletibus, & laboribus, divina id exigente iustitia, pervenire nequaquam possumus; ut merito Pœnitentia Laboriosus quidam Baptismus dictus fuerit.

Apoc. 1. 5.
1. Joan. 2. 2.

Objicitur quarto; Christus *Lavit nos a peccatis nostris in sanguine suo; & Pro-pitiatio est pro peccatis nostris*: Ejusque Satisfactio pro delictis nostris, & non solum pro nostris, sed & totius mundi, non modo sufficiens est, sed superabundans: quomobrem ejus Passioni, & Morti infertur injuria, si præter illius satisfactionem humanæ etiam satisfactiones ad Deum placandum necessariae asserantur. Unde S. Ambrosius, nullam S. Petrum pro negatione Christi, quod gravissimum certe crimen fuit, obtulisse Deo satisfactionem, affirmare non dubitat Lib. x. in Lucam: *Lachrymas Petri lego* (inquit) *Satisfactionem non lego*.

Christi Satisfactio non derogat Pœnitentiæ Satisfactionis, necessitas.

Respondetur; Christi satisfactionem sufficientissimam esse pro nostris, & totius mundi peccatis, in modum causæ, & remedii universalis, quod nihilominus tum per Sacramenta, tum per Satisfactiones nostras nobis applicari debeat, ut efficaciter in nobis operetur. Unde sicut nulla fit injuria dolori, quo Christus pro peccatis nostris afflictus est, & lacrymis, quas pro illorum remissione fudit, tamen contritio, & lacrymæ Pœnitentium ad expianda delicta necessariae asserantur: nec ulla fit injuria orationibus Christi, licet orationibus nostris sit opus ad remissionem peccatorum, divinæque beneficia impetranda: ita nulla fit injuria Satisfactioni Christi, etsi Satisfactio nostra necessaria sit divino jure ad Deum placandum. Et quemadmodum in oblatione mandatorum Dei semper conjungenda sunt gratia, & liberum hominis arbitrium: ita in remissione peccatorum simul concurrere debet Christi Satisfactio, & nostra. Sicut enim liberum arbitrium sine gratia nihil prorsus boni operari potest: ita omnis nostra quantacumque videatur Pœnitentia, & Satisfactio, nihil prodest ad remissionem peccatorum, nisi Deus Filii sui Passionem respiciat, quæ potiores partes in remissione peccatorum semper obtinet; sicut gratia in bonis operibus semper habet principatum. Verumtamen sicut bona opera non ita gratiæ tribuimus, ut liberum hominis arbitrium excludamus; ita neque Passioni Christi sic remissionem peccatorum adscribimus, ut nostram etiam Satisfactionem esse necessariam negemus. Utrumque enim Catholicæ Fidei dogma, utrumque Spiritus Sancti oraculum est. Et *Sanguis Jesu emundat nos ab omni peccato: &, Quæ secundum Deum tristitia est, Pœnitentiam in salutem stabilem operatur*. Hæc Ecclesiæ doctrina est a Sacra Synodo Tridentina explicata, sess. XIV. cap. VIII. *Neque vero* (inquit) *ita nostra est Satisfactio hæc, quam pro peccatis nostris exsolvimus,*

1. Joan. 1.
2. Cor. 7.

ut

ut non sit per Christum Iesum: nam qui ex nobis tanquam ex nobis nihil possumus, eo cooperante, qui nos confortat, omnia possumus: ita non habet homo unde gloriatur, sed omnis gloriatio nostra in Christo est, in quo vivimus, in quo meremur, in quo satisfacimus, facientes fructus dignos Pœnitentiæ, qui ex illo vim habent, ab illo offeruntur Patri, & per illum acceptantur a Patre. Satisfactio igitur nostra Passionem Christi non obscurat, sed illustrat. Eo enim copiosior Christi gratia videtur esse, quod non solum ea nobiscum communicatur, quæ ipse solus; sed illa etiam, quæ tanquam caput in membra suis Sanctis, & iustis hominibus promeruerit, ac persolvit: quæ ratione fieri perspicuum est, ut iustæ, & honestæ piorum actiones tantum ponderis, & dignitatis habeant; (inquit Conc. Catechismus.)

Cum porrò S. Ambrosius asserit se Petri Satisfactionem non legere, nomen satisfactionis non usurpat eo sensu, quo de illa agimus, prout Pœnitentiæ pars est; sed populari significatione, pro excusatione, quæ verbis fieri solet. Nam satisfacere alicui vulgo dicitur, qui apud illum verbis se excusat. Ambrosius itaque S. Petrum laudat, quod ingenue confessus fuerit peccatum, non excusaverit, ac defenderit. Sed Satisfactionem proprie dictam in S. Petri Pœnitentia non negat. Nos (inquit) excusamus, ipse non excusavit: Maluit enim ipse suum accusare peccatum, ut iustificaretur fatendo, quam gravaretur negando: Iustus enim in principio accusator est sui; & ideo flevit: Petrus doluit, & flevit; quia erravit, ut homo. Non invenio quid dixerit, invenio quod fleverit: lacrymas ejus lego, Satisfactionem non lego: & quod defendi non potest, ablui potest. Ceterum Lib. II. De Pœnitentia, cap. V. peccatorum reliquias non dilui, nec penas condonari docet, nisi Satisfactione, quæ fit Deo per opera iustitiæ. Utrumque (inquit) beatum dixit David, & cui remisse sunt iniquitates, & cuius peccatum tegitur bonis operibus: Qui enim agit Pœnitentiam, non solum diluere lacrymis debet peccatum, sed etiam emendatioribus factis operire, & tegere delicta superiora, ut non ei imputetur peccatum.

Prov. 18.

Quam isto Articulo explicuimus doctrinam, velut Fidei Catholicæ dogma Trid. Conc. Sacra Synodus Tridentina quatuor Canonibus confirmavit sess. XIV. De Pœnitentia, scilicet.

Trid. Conc. Canon de Satisfactione.

Canone XII. Si quis dixerit, totam pœnam simul cum culpa remitti semper a Deo, Satisfactionemque Pœnitentium non esse aliam quam fidem, quam apprehendunt, Christum pro eis satisfecisse; Anathema sit.

Canone XIII. Si quis dixerit, pro peccatis, quoad pœnam temporalem, minime Deo per Christi merita satisfieri pœnis ab eo inflicis, & patienter toleratis, vel a Sacerdote iniunctis; sed neque sponte susceptis, ut jejuniis, orationibus, elemosynis, vel aliis etiam pietatis operibus, atque ideo optimam Pœnitentiam esse tantum novam vitam; Anathema sit.

Canone XIV. Si quis dixerit, Satisfactiones, quibus Pœnitentes per Christum Iesum peccata redimunt, non esse cultus Dei, sed traditiones hominum, doctrinam de gratia, & verum Dei cultum, atque beneficium mortis Christi obscurantes, Anathema sit.

Canone XV. Si quis dixerit, Claves Ecclesiæ esse datas tantum ad solvendum, non etiam ad ligandum, & propterea Sacerdotes, dum imponunt pœnas consentientibus, agere contra finem Clavium, & contra institutionem Christi; & fictionem esse, quod virtute Clavium, sublata pœna eterna, pœna temporalis plerumque exsolvenda remaneat; Anathema sit.

ARTICULUS III.

De Satisfactionis utilitate.

Satisfactionis utilitates, ac fructus, non aliis quam Tridentini Concilii verbis declarabo, sess. xiv. cap. viii. *Proculdubio* (inquit) *magnopere a peccato revocant, & quasi fræno quodam coercent hæ satisfactoriæ pænæ; cautioresque, & vigilantiores in futurum Pœnitentes efficiunt. Medentur quoque peccatorum reliquiis, & vitiosos habitus male vivendo comparatos, contrariis virtutum adionibus tollunt. Neque vero securior ulla via in Ecclesia Dei unquam existimata fuit ad amovendum imminens a Domino pœnam, quam ut hæc Pœnitentiæ opera homines cum vero animi dolore frequentent. Accedit ad hæc, quod dum satisfaciendo patimur pro peccatis, Christo Jesu, qui pro peccatis nostris satisfaciit, ex quo omni: nostra sufficientia est, conformes efficiamur, certissimam quoque inde arrium habentes, quod si compatiatur, & conglorificabimur. Eisdem Satisfactionis fructus percipiet Conc. Trid. Catechismus p. 11. duosque superaddit, scilicet quod satisfactoriæ pœnæ testes sint doloris, quem de peccatis commissis concipimus, & quod Pœnitentiæ nostræ exempla alios a peccatis deterreant.*

Pœnis Satisfactoriis Pœnitentes cautiores & vigilantiores efficiuntur.

II. Prima igitur Satisfactionis utilitas ea est, quod satisfactoriis pœnis homines quasi fræno quodam coerceantur, cautioresque, & vigilantiores efficiantur. Nam si cito rediret homo ad pristinam beatitudinem, ludus illi esset peccando cadere in mortem (inquit S. Augustinus Serm. cclxxxvii. alias xxxiv. De Diversis.) Sane cautior est homo in tuenda sanitate, cum ex gravi, diuturnaque ægritudine summa cum difficultate evasit, ne iterum secetur, exuratur, amaralque portiones haurire cogatur. Unde S. Pacianus, Epist. 111 ad Sympronianum, Novatianis objicientibus, quod Deus permittere hominibus videretur, ut sæpius peccarent, si sæpius eos pœnitentia juberet; respondet id minime sequi. Nec enim Medicus, cum curat; assidue vulnerari docet: nec qui ab incendio liberat, incendium monstrat: nec qui naufragum e scopulis eripit, in taxa compellit. *Aliud est de periculo liberari, aliud ad periculum cogi. Et fortasse* (inquit) *paterer hoc credi, si Pœnitentia deliciae putarentur, cui labor tantus imponitur, cui carnis interitus impetratur, cui juges lacrymæ, cui gemitus sempiterni. Voles ergo ille sanatus iterum se secari, rursus exuri? Voles peccare iterum, & iterum pœnitentia, cum scriptum sit: Noli adjicere peccatum, ne quid tibi deterius contingat?*

Eccli. 5. 5.

Et antiquior S. Paciano Tertullianus, Lib. „ De Pœnitentia, cap. vii. „ Absit (inquit) ut aliquis ira interpretetur, quasi via sibi etiam nunc pateat „ ad delinquendum, quia patet ad pœnitendum: & redundantia clementiæ „ celestis libidinem faciat humanæ temeritatis. Nemo idcirco deterior sit, „ quia Deus melior est, toties delinquendo quoties ignoscitur: Plerique naufragio liberati, exinde repudium & navi, & mari dicunt; & Dei beneficium, salutem suam scilicet, memoria periculi honorant. Laudo timorem, „ diligo verecundiam: nolunt iterum divinæ misericordiæ oneri esse; formidant videri inculcare, quod consecuti sunt: bona certe sollicitudine iterum experiri vitant, quod semel didicerunt timere. Ita modus temeritatis, testatio est timoris. Timor autem hominis, Dei honor est.

Pœnæ Satisfactoriæ testes sunt doloris de peccatis concepti.

III. Secundo, pœnæ satisfactoriæ testificationes quædam sunt doloris, quem ex peccatis commissis capimus: qua ratione & Ecclesiæ sit satis, quæ nostris sceleribus graviter offensa est. Unde S. Augustinus, Enchiridii cap. lxxv. ait: Neque de ipsis criminibus quamlibet magnis remittendis in Sancta Ecclesia, Dei misericordia desperanda est agentibus Pœnitentiam secundam.

modum sui cuiusque peccati. In actione autem Pœnitentiæ, ubi tale commissum est, ut is, qui commisit a Christi etiam Corpore separaretur, non tam consideranda est mensura temporis, quam doloris. Cor enim contritum, & humiliatum Deus non spernit. Verum quia plerumque dolor alterius cordis occultus est alteri, neque in aliorum notitiam per verba, aut quæcumque signa procedit: cum sit coram illo, cui dicitur. Gemitus meus a te non est absconditus; Recte constituntur ab iis, qui Ecclesiis præsent, tempora Pœnitentiæ, ut fiat satis etiam Ecclesiæ, in qua remittuntur ipsa peccata: extra eam quippe non remittuntur.

„ IV. Præterea (inquit Conc. Tridentini Chatechismus) Pœnitentiæ nostræ exempla alios docent, quo modo ipsi vitam instituere, & pietatem sequi debeant: cum enim penas nobis pro peccatis irrogatas ceteri homines intuentur, summam cautionem sibi in omni vita adhibendam, & mores pristinos corrigendos intelligunt. Quare sapientissime illud ab Ecclesia observatum est, ut cum ab aliquo publice flagitium commissum esset, publica etiam Pœnitentia ei iudicaretur, ut ceteri timore perterriti deinceps peccata diligentius vitarent, Quod, etiam in occultis criminibus, quæ graviora essent, interdum fieri solitum erat, ut colligitur ex antiquis Canonibus, qui graviorum criminum reis Pœnitentiam publicam imponunt, nec distinguunt uspiam inter crimina publica, & occulta: item ex S. Ambroso, Libro 1. De Pœnitentia, cap. xvi. & S. Augustino, Serm. cccxi. alias l. inter Homilias quinquaginta, cap. iv. Sed (ut diximus) id in more Ecclesiæ fuit, ut qui ea commiserant, antequam publicam Pœnitentiam suscepissent, non absolventur, nisi vita eorum interim explorata, & discussa, ut certum esset, an peccata ex animo detestarentur: an vitam veterem odissent, novamque agere cœpissent; & ne in ipso Pœnitentiæ decursu facerent, quod postea Pœnitentia indigeret, ut loquitur S. Ambrosius.

V. Quarto, huiusmodi perpeffione pœnarum consequimur, ut Capituli nostri Jesu Christi similitudinem, & imaginem geramus. Nam, teste Apostolo, sumus Chæredes Christi: si tamen compatimur, ut & conglorificemur. Et, Si commortui sumus, & convivemus: si sustinebimus, & conregnabimus. Exemplum dedit nobis, ut sequamur vestigia ejus: ut sicut ipse tulit crucem suam, carnem nostram indutus, verum ab omni prorsus peccato immunis; ita & nos peccatis contaminati, tollamus & ipsi crucem nostram. Hoc est, quod nos admonet, dicens: Si quis vult venire post me, abneget semetipsum, & tollat crucem suam, & sequatur me. Hinc S. Leo, Serm. xiv. De Passione Domini, ait oportere, ut corpus regenerati fiat caro Crucifixi.

VI. Ad purgandas quoque peccatorum reliquias, & vitiosos habitus eradicandos pœnæ satisfactoriæ plurimum prosunt. Non satis est (inquit S. Jo: Chrysofomus) sagittam e corpore extrahi, sed plaga quoque a sagitta inflicta curanda est: sic etiam in anima post acceptam peccati veniam Pœnitentia curanda est plaga relicta. Hinc David post remissionem peccati orabat: Amplius lava me ab iniustitia mea, & a delicto meo mundame. Quæ verba S. Chrysofomus expendens Homilia 11. in Psal. 50. ait: Non satis habet curatum esse vulnus, etiam cicatricem sanari, pristinum etiam decorem restitui petit. Quod igitur fieri videmus in Baptismo, ut remisso peccati originalis reatu, reliquiæ tamen ejus manerant, fomes ille concupiscentiæ, quem tota vita piis exercitiis mortificare oporteat: id & in Pœnitentiæ Sacramento evenit. Manent quasi fomes quidam, reliquiæ quædam peccati, quas purgare salubri Satisfactione necesse est: cum præsertim præteritum peccatum in consuetudinem abiit, quod quanto fixerat altius radices, tanto majore, & diuturniore purgatione opus habet. Has peccati reliquias præclare describit S. Jo: Chrysofomus. Homilia xi. in Acta Apostolorum: „ Sicut enim, qui febre laborat, non in hoc solum læditur,

Plat'm. 97o

Satisfactiones ad aliorum exemplum etiam impositæ.

Penis Satisfactoriæ Pœnitentes Christo conformantur. Rom 8. 17. 2. Tim. 2. 11.

Matth. 16. 14.

Pœnæ Satisfactoriæ ad purgandum peccatorum reliqua & pravorum habitus eradicandos maxime possunt. Psal. 50.

„ quod

„ quod ægrotat, fed etiam, quod post morbum infirmior fit, licet a mor-
 „ bo diuturno ad bonam valetudinem redeat: ita sane & de peccato dicen-
 „ dum; licet sanemur, adhuc tamen egemus magna fortitudine. Vide enim
 „ oro quendam, qui contumelia affectus, & non supplicio affectus: non
 „ propter hoc solum debet lacrymari, quia non contumelia dat pœnam;
 „ sed etiam propter aliam causam, ut luceat dignum. Et qualis hæc? Quia
 „ impudentior facta est anima. Nam unumquodque peccatum, ubi patra-
 „ tum fuerit, & ad finem pervenerit, relinquit in anima venenum. Non
 „ audis quosdam dicentes, quando a morbo confirmati fuerint: Non ausim
 „ aquam bibere? quamvis sanus sit, sed ita morbus læsit.

De his etiam reliquis antiquior *Origenes* Hom. viii. in *Leviticum* ita scribit:
 „ In vulneribus corporum, postquam curata fuerint, remanet interdum ipsius
 „ vulneris signum, quod cicatrix appellatur. Vix enim est, qui curetur,
 „ ut nullum suscepti vulneris residere videatur indicium. Transi nunc ab ista
 „ Legis umbra ad veritatem ejus, & intue te. quomodo anima, quæ peccati vul-
 „ neris accepit, etiam si curetur, tamen habet peccati cicatricem in loco vul-
 „ neris residentem. Quæ cicatrix non solum a Deo videtur, sed & ab eis,
 „ qui acceperunt ab eo gratiam, qua providere possint animæ languores, & dis-
 „ cernere, quæ sit anima ita curata, ut omni genere vestigium illati vulneris ab-
 „ jecerit: & quæ curata sit quidem, sed ferat adhuc veteris morbi in ipso velti-
 „ gio cicatricis indicia.

VII. Denique Penitentiae pœna a nobis suscepta Dei animadversionem,
 „ suppliciaque in nos constituta anteverit. Sic Ahab III. Reg. cap. xxi.
 „ Manasses II. Paralip. cap. xxi. Ninivæ *Josep. II.* Penitentiae operibus im-
 „ minentem sibi a Domino pœnam depulerunt. Id confirmat Apost. i. ad Cor. xi.
 „ 31. 32. Quod si nosmetipsos dijudicavimus, non utique judicabimur. Dum judicamur
 „ autem, a Domino corripimur, ut non cum hoc Mundo damnemur. Omnia ergo
 „ præterita converſis dimittuntur (inquit S. Augustinus). Ceterum huius vitæ sunt
 „ quedam gravis & mortifera, quæ nisi per vehementissimam molestiam humiliationis
 „ cordis, & contritionis spiritus, & tribulationis Penitentiae non relaxantur. Hæc
 „ dimittuntur per Claves Ecclesiæ. Si enim, tute cæperis judicare, sibi ceperi dis-
 „ plicere; Deus veniet, ut misereatur. Si tu te punire volueris, parcat ille. Qui au-
 „ tem agit bene Penitentiam, suus ipse punitor est. Sit oportet ipse severus in se, ut
 „ in eum sit misericors Deus; quomodo dicit David, „ Averte faciem tuam a pecca-
 „ tis meis, & omnes iniquitates meas dele. Sed quo merito? ait in ipso Psal-
 „ mo, Quo niam iniquitatem meam ego cognosco, & peccatum meum ante me est
 „ semper. Siergo tu agnoscis, ille ignoscit. Hæc ille Ser. cclxxvii. alias *De Diversis*
 „ xxxiv.

S. Augustino concin't S. Bernardus, Serm. lv. in Cantica. *Verendum valde* (in-
 „ quit) cum ad hoc ventum fuerit ne sub tam subtili examine multa nostræ iustitiæ (ut
 „ putantur) peccata appareant. Unum est tamen, Si nosmetipsos dijudicaverimus,
 „ non utique judicabimur. Bonum iudicium, quod me illi d. h. i. d. o, divinoque iudicio
 „ subducit, & abscondit. Proxius horreo incidere in manus Dei viventis: volo vulnus
 „ iræ iudicatus presentari, non iudicandus. Spiritualis homo omnia dijudicat, &
 „ ipse a nemine iudicatur. Judicabo proinde mala mea, iudicabo ego bona: mala
 „ melioribus curabo corrigere a libus, diluere lacrymis, punire jejuniis, ceterisque
 „ sanctæ laboribus discipline: in bonis de me humiliter sentiam, & juxta præceptum
 „ Domini servum me inutilem reputabo, qui quod facere debui, tantum feci; dabo ope-
 „ ram nec lola pro gratis, nec paleas cum granis offerre; scrutabor ego vias meas, &
 „ studia mea: quo is, qui scrutaturus est Jerusalem in lucernis, nihil inscrutatum in
 „ me, sive indiscussum inveniat: neque enim iudicaturus est bis in idipsum.

1. Cor. 11. „ putantur) peccata appareant. Unum est tamen, Si nosmetipsos dijudicaverimus,
 „ non utique judicabimur. Bonum iudicium, quod me illi d. h. i. d. o, divinoque iudicio
 „ subducit, & abscondit. Proxius horreo incidere in manus Dei viventis: volo vulnus
 „ iræ iudicatus presentari, non iudicandus. Spiritualis homo omnia dijudicat, &
 „ ipse a nemine iudicatur. Judicabo proinde mala mea, iudicabo ego bona: mala
 „ melioribus curabo corrigere a libus, diluere lacrymis, punire jejuniis, ceterisque
 „ sanctæ laboribus discipline: in bonis de me humiliter sentiam, & juxta præceptum
 „ Domini servum me inutilem reputabo, qui quod facere debui, tantum feci; dabo ope-
 „ ram nec lola pro gratis, nec paleas cum granis offerre; scrutabor ego vias meas, &
 „ studia mea: quo is, qui scrutaturus est Jerusalem in lucernis, nihil inscrutatum in
 „ me, sive indiscussum inveniat: neque enim iudicaturus est bis in idipsum.

Luc. 17.

ARTICULUS IV.

De his, quæ ad veram Satisfactionem requiruntur.

PROPOSITIO I.

Neceſſe eſt ut is, qui ſatisfacit, juſtus ſit, ac Dei amicus.

ITa docet Conc. Tridentini Catechiſmus p. 11. §. ciii. idque ex eo probat, quod opera, quæ ſine fide, & charitate ſunt, nullo modo Deo grata eſſe poſſint. Id confirmat S. Thomas, in iv. Sententiarum, ſive Supplementi qu. xiv. art. 11. *Oportet (inquit) quod opera ſatisfactoria ſint Deo accepta: quod dat eis charitas; & ideo ſine charitate opera facta non ſunt ſatisfactoria.*

Præterea, *Univerſa delicta operit charitas*, ut dicitur Prov. X. Cum igitur Satisfactionis virtus ſit abolere delicta; nullius virtutis eſt abſque charitate.

Tertio, Inter opera Satisfactoria præcipuum eſt eleemoſyna: hæc autem ſine charitate nihil prodeſt, Apoſtolo dicente 1. ad Cor. xiii. *Si diſtribuo in cibis pauperum omnes facultates meas: Charitatem autem non habuero, nihil mihi prodeſt.*

Condi-
tiones
Satisfac-
tionis.

Quæ tamen Sacræ Scripturæ Sententia, & S. Thomæ aſſertio, non ſunt intelligendæ de ſola charitate, quæ diſfuſa in cordibus noſtris per Sp. Sanctum, qui datus eſt nobis, propria eſt Juſtorum, in iſque habitu permanet: ſed etiam de illo affectu, quo Deus ita ſincere diligitur, ut aliis omnibus præponatur; qualis dominatur in vere Pœnitentium animis: nam alioqui non recte diceretur, *Nihil mihi prodeſt*: cum Pœnitentium oratio, gemitus, jejunia, eleemoſynæ multum eis proſint, etiamſi nondum ſint juſtificati; proſint (inquam) ut congruæ diſpoſitiones ad gratiam ſanctificantem, qua filii Dei nominamur, & ſumus. Unde Satisfactio ſecundum veteris Eccleſiæ Diſciplinam Abſolutioni præmittebatur: quem uſum non inſtituiſſet Eccleſia, ſi Satisfactiones Pœnitentibus nondum cum Deo penitus reconciliatis inutiles fuiſſent. Cum ergo Tridentini Conc. Catechiſmus aſſerit, *Neceſſe eſſe, ut is, qui Deo ſatisfacit, juſtus ſit, & Dei amicus*, loquitur de juſtitia inchoata, & de amore actuali, quo quis gratia Spiritus Sancti, *Nondum quidem inhabitantis, ſed moventis* adjutus ad Deum animo Pœnitente convertitur, eum amore dominante diligit, ejusque amicitiam pia ſolicitudine quærit.

Id clarius ut explicant Theologi, obſervant, Eſſe in peccato variis modis intelligi, vel actu, cum peccatum committitur: vel affectu, cum peccatum voluntati placet, etiamſi actu tranſierit: vel reatu, & macula, dum voluntas quidem odio ſincero adverſus peccatum movetur, illudque pœnitens animus deſteſtat, nondum tamen abolita macula eſt, nondum ſolutus damnationis æternæ reatus. Hominem igitur in actu, vel affectu lethaliſ alicujus peccati perſeverantem, Deo ſatisfacere nullatenus poſſe aſſerunt. Quam doctrinam ex Sacris Litteris, & Patribus hauſere. Eo enim pertinet illud Proverbior. xviii. *Qui declinat aures ſuas, ne audiat legem, oratio ejuserit execrabilis.* Item illud Eccl. xxxiv. *Qui baptizatur a mortuo, & iterum tangit eum, quid proſicit lavatio illius? Sic homo, qui jejunat in peccatis ſuis, & iterum eadem faciens, quid proſicet humiliando ſe? Orationem enim illius quis exaudiet? Quo ſpectat etiam illud Ia. lviii. *Quare jejunavimus, & non aſpexiſti? humiliavimus animas noſtras, & nesciſti? Ecce in die jejunii veſtri invenitur voluntas veſtra, & omnes debitores veſtros repetitis. Ecce ad lites, & contentiones jejunatis, & percutitis pugno impie, &c.* Id S. Auguſtinus confirmat Enchiridii cap. lxx. lxxv. lxxvi. & lxxvii. docetque infanda illa crimina, qualia qui agunt, Regnum Dei non poſſidebunt, eleemoſynis non redimi, niſi vita metetur.*

Nat. Alex. Theol. Tom. II.

Q

In me-

Luc. 11. 41. *In melius quippe est vita mutanda (inquit) & per eleemosynas de peccatis præteritis est propitiandus Deus; non ad hoc emend ut quodam modo, ut ea semper liceat impune committere. Nemini enim dedit laxamentum peccandi: Quamvis miserando delectat jam facta peccata, si non Satisfactio congrua negligatur. Frustra ergo sibi blandiri sceleratos, & inter ipsa flagitia sua eleemosynas frequentantes, quod Dominus dixerit, Date eleemosynam, & ecce omnia munda sunt vobis. Qui enim vult ordinate dare eleemosynam, a seipso debet incipere, & eam sibi primum dare. Est enim eleemosyna opus misericordiæ; verissimeque dicitur, Miserere animæ tuæ placens Deo. Non autem miserentur animæ suæ, qui eleemosynis Impunitatem se emere existimant in facinorum immunitate, ac flagitiorum nequitia permanendi: non solum enim hæc faciunt, sed ita diligunt, ut in eis semper optent, tantum si possint impune versari. Qui autem diligit iniquitatem, odit animam suam: Et qui odit animam suam, non est in eam misericors, sed crudelis.*

Eccl. 30. 24. *Conditiones Satisfactionis.*

Psalm. 10. 6.

Idem confirmat rursus **S. Thomas**, in **iv. Sententiarum**, sive Supplementi qu. **xiv. art. 1.** Cum (inquit) per Satisfactionem tolli debeat offensæ præcedens, oportet, quod talis sit modus Satisfactionis, qui competat ad tollendam offensam: offensæ autem ablatio est amicitie restitutio. Et ideo si aliquid sit, quod amicitie restitutionem impediatur, etiam apud homines Satisfactio esse non potest. Cum ergo quodlibet peccatum amicitiam charitatis impediatur, quæ est hominis ad Deum; impossibile est, ut homo de uno peccato satisfaciat, alio retento; sicut nec homini satisfacere, qui pro alapa ei data se ei prosterneret, & aliam similem daret.

Ex his compertum est, Opera satisfactoria extra charitatem, sive sine charitate facta nullius esse momenti ad placandum Deum, & ad remissionem pænæ peccato debitæ promerendam, quia Deo grata, & accepta non sunt, quamdiu homo permanet in affectu peccati. Verum cum affectum peccati penitus deposuit, cum ab amore creaturæ, cujus in fructione sibi finem ultimum constituerat, voluntatem suam expedivit, & ad Deum amore pœnitente, & pravis cupiditatibus dominante conversus est, opera ejus Deo grata sunt, & probata, quamvis homo ipse pœnitens nondum forte sit plene Deo gratus, utpote nondum cum ipso reconciliatus, sed peccati macula adhuc inquinatus, & damnationis æternæ reatu obstrictus. Unde Satisfactionem illam, ut Deus acceptam ratamque habeat, illiusque intuitu pœnam temporalem peccato debitam minuat, vel condonet, statim atque peccator justificatus fuerit, divinam bonitatem maxime decet: quamvis id non sit debitum Pœnitenti adhuc in statu; quamvis id non amplius in affectu peccati perseveranti, sed de sua cum Deo reconciliatione sollicito, Pœnitenti, operanti, roganti, ut sibi Deus ignoscat. Hinc **S. Thomas** art. **iii.** ejusdem Quæstionis in Responsione ad primum, ait: Satisfactionis, & bonæ conversationis fructus homini computari *A tempore, quo peccare cessavit* (id est, affectum peccati deposuit) *vel intelligitur, quando statim post peccatum contritus fuit, & fecit multa bona, antequam confiteretur. Vel dicendum, quod quanto est major contritio, tanto magis diminuit de pœna; & quanto aliquis plura bona facit in peccato existens, (id est, in statu, non in affectu peccati) magis se ad gratiam Contritionis (utique perfectæ) disponit. Et ideo probabile est, quod minoris pænæ sit debitor: & propter hoc debet a Sacerdote discretè computari, ut ei minorem pœnam injungat, in quantum invenit eum melius dispositum.*

P R O P O S I T I O I I.

Ad Satisfactionem requiritur, ut ejusmodi opera suscipiantur, quæ natura sua dolorem, & molestiam homini afferant.

ITa docet Conc. Trid. Catechismus p. 11. §. ciii. hac ratione fretus, quod opera satisfactoria præteritorum scelerum compensationes sint, ut S. Martyr Cyprianus ait, *Redemptrices peccatorum*; adeoque omnino necesse sit, ut aliquid acerbitalis habeant. Id paulo uberius explicat S. Thomas in 1v. *Sententiarum*, sive Supplementi quæst. xv. art. 1. Satisfactio, inquit, respicit & præteritam offensam, ut compenietur, & futuram culpam, ut caveatur. Utroque autem nomine fieri debet per opera, quæ natura sua dolorem, & molestiam homini afferant. Justum quippe est, ut qui plus sibi tribuit auferendo aliquid alteri, eidem aliquid reddat subtrahendo sibi. *Quamvis autem Deus, quantum est ex ejus parte, nihil subtrahi possit; tamen peccator, quantum in ipso est, aliquid eisubtraxit peccando.* Unde oportet ad hoc, quod recompensatio fiat, quod aliquid subtrahatur a peccante per Satisfactionem, quod in honorem Dei cedat. Opus autem bonum, ex hoc quod est hujusmodi, non subtrahit aliquid ab operante, sed magis perficit ipsum. Unde subtractio non potest fieri per opus bonum, nisi pœnale sit: & ideo ad hoc, quod aliquid opus sit satisfactorium, oportet quod sit bonum, ut in honorem Dei sit; & pœnale, ut per hoc aliquid peccatori subtrahatur. Similiter etiam pœna a culpa futura præservat, quia non facile homo ad peccata redit, ex quo pœnam expertus est.

Rationes
Satisfactio-
nis.

Hinc S. Ambrosius Lib. 11. De Pœnitentia, cap. x. ait: *Ufus doloris ablegat luxuriam criminis, erroris delicias.* Ita dum dolemus admissa, admittenda excludimus, & fit quedam de condemnatione culpæ disciplina innocentia.

Hinc S. Hieronymus, Commentario in Michæe c. vii. scribit: *Sentiens igitur anima se peccasse, & habere vulnera peccatorum, & in mortuis carnibus vivere, & indigere cauterio, constanter dicit ad Medicum: Ure carnes meas, rescica vulnera, humores omnes, seuque noxium adure, ellebori potione confringe. Mei vitii fuit, ut vulnerarer: mei doloris sit, ut tot tormenta sustineam & postea sanitatem recipiam.*

Hinc S. Gregorius, p. 111. Pastoralis, Admonitione xxxi. *Admonendi sunt* (inquit) „ qui admissa deserunt, nec tamen plangunt; ne jam relaxatas „ æstiment culpas, quas etsi agendo non multiplicant, nullis tamen fletibus „ mundant. Neque enim scriptor, si a scriptione cessaverit, quia alia non „ addidit, etiam illa, quæ scripserat delevit: nec qui contumelias irrogat, „ si solummodo tacuerit, satisfecit, cum profecto necesse sit, ut verba præ- „ missæ superbiæ verbis subjunctæ humilitatis impugnet: nec debitor absolutus „ est, quia alia non multiplicat, nisi & illa, quæ ligaverat, solvat. Ita & „ cum Deo delinquimus, nequaquam satisfacimus si ab iniquitate cessamus, „ nisi vol. præteritas quoque, quas dileximus, e contrario appositis lamentis insequa- „ mur. Si enim nulla nos in hac vita operum culpa maculasset, nequaquam nobis „ hic adhuc degentibus ipsa ad securitatem innocentia nostra sufficeret: quia illicita animum multa pulsarent. Qua ergo mente securus est, qui perpetratis ini- „ quitatibus ipse sibi testis est, quia innocens non est? Neque enim Deus no- „ stris cruciatibus pascitur, sed delictorum morbos medicamentis contrariis me- „ detur: ut qui voluptatibus delectati discessimus, fletibus amaricati redeamus: „ & qui per illicita diffuendo cecidimus, etiam a licitis nosmetipsos restringen- „ do surgamus: & cor, quod insana lætitia infuderat, salubris trilitia exu- „ rat: & quod vulneraverat elatio superbiæ, curet abjectio humilis vitæ.

Hinc S. Isidorus Lib. Sententiarum, cap. x111. *Ille* (inquit) *Pœnitentiam digne*
Q 2 agit

Conditiones
Satisfactio-
nis.

agit, qui reatum suum Satisfactione legitima plangit, condemnando scilicet, ac descen-
do, quæ gessit, tanto in deplorando profusus, quanto exstitit in peccando proclivius.
Hinc Venerabilis Beda in Psal. iv. explicans hunc Versum, Sacrificate sacrifici-
um iustitiæ, ait: Ita dico, ut irascamini præteritis peccatis, ut sacrificetis sa-
crificium: idest, mortificetis propria vitia vestra, faciendo dignos fructus Peniten-
tiæ, tantum scilicet pro singulis vos affligentes, quantum digna expetit Peniten-
tia, quod erit sacrificium iustitiæ; idest, iustum sacrificium.

Opus bo-
num eatenus
satisfacto-
rium est,
quatenus
aliquid mole-
stia adjun-
ctum habet.

Ex his colligitur, Opus bonum eatenus esse satisfactorium, quatenus ali-
quid molestia conjunctum habet. Id autem non solum *Jejuniis*, *orationibus*,
elemosynis, sed aliis etiam pietatis operibus convenire pronunciat Sacra Sy-
nodus Tridentina sess. xiv. can. xiii. Et certe homini carnali, & terrenis
assueto molestiam affert omne opus, quo Deo servitur, & mens ad cœlestia
erigitur: adeo ut sicut elemosyna homini subtrahit bonum utile, sic jeju-
nium, & oratio bonum delectabile subtrahant: Nam, ut ait S. Thomas in
iv. Sententiarum, sive Supplementi qu. xv. art. iii. ad primam, *Quelibet*
oratio habet rationem satisfactionis, quia quamvis habeat suavitatem spiritus,
habet tamen afflictionem carnis: Quia, ut dicit S. Gregorius Homilia xiv. in
Ezechielem, „Dum crescit in nobis fortitudo amoris intimi, infirmatur pro-
cul dubio fortitudo carnis. Unde & nervus femoris Jacob ex luctu Angelus
emarcuisse legitur. Non igitur externa dumtaxat, sed & interna pietatis
opera, scilicet piæ meditationes, & actus interni virtutum, offerri Deo
in satisfactionem possunt, quia & ipsi sunt grata, & aliquid molestia homi-
ni inferunt. Quamquam non semper illud consequitur (inquit Conc.
Tridentini Catechismus) ut qui se in illis molestis actionibus exercent
doloris sensum habeant. Sæpe enim vel patiendi consuetudo, vel accen-
sa in Deum charitas efficit, ut quæ perpassu gravissima sunt, ne sentian-
tur quidem. Neque tamen idcirco fit, quo minus ea ipsa opera satisfac-
iendi vim habeant: siquidem hoc proprium est filiorum Dei, ita ejus
amore, & pietate inflammari, ut acerbissimis doloribus cruciati, aut ni-
hil fere incommodi sentiant, aut omnia lætissimo animo perferant. Unde
S. Augustinus, Lib. De Bono Viduitatis, cap. xxi. ait: *Jejunia quoque, ac vi-*
gilia, in quantum valetudinem non perturbant, florando, psallendo, legendo, &
in lege Dei meditando insumantur, in deliciis spirituales etiam ipsa, quæ viden-
tur, laboriosa vertuntur. Nullo modo enim sunt onerosi labores amantium, sed
etiam ipsi delectant, sicut venantium, aucupantium, piscantium, vindemiantium
negotiantium, ludo aliquo se oblectantium. Interesse ergo quid ametur. Nam in eo
quod amatur, aut non laboratur, aut & labor amatur.

Ex his colligitur, Bona opera, sive ex voto, sive ex præcepto alias debi-
ta, satisfactoria esse posse, cum & Deo grata, & homini molesta sint. Sic
Ecclesiæ jejunia satisfactoria esse nemo negaverit. Ideo enim ab Ecclesia in-
stituta sunt, ut Christiani pœnas peccatis suis debitas per ea redimant. Sic
macerationes carnis, aliaque bona opera Viris Religiosis in Regula, vel Con-
stitutionibus Ordinis sui præcepta utilia esse ad satisfaciendum Deo pro pecca-
tis, si ea intentione tolerantur, certum est. Per Martyrium quoque maxi-
me satisfacere hominem pro suis peccatis constat, si quidem, ut Tertullianus
ait, *Omnia huic operi delicta donantur.*

PROPOSITIO III.

Præcipua Satisfactionis sunt, oratio, jejunium, & elemosyna.

Supplem.
Q. 15. a. 3.

POST S. Thomam ita docet Concilii Tridentini Catechismus. P. II. §. 104.
Ratio Propositionis est, quod satisfactio talis esse debeat, perquam nobis
ali-

aliquid ad honorem Dei subtrahamus, Non habemus autem nisi tria bona; quorum sumus domini, bona animi, bona corporis, & bona exteriora, quæ fortunæ vulgo vocantur. Ex bonis porro fortunæ subtrahimus nobis aliquid per eleemosynam, quam in sinu pauperis abscondimus: ex bonis corporis subtrahimus nobis aliquid per jejuniū, quo carnem maceramus: ex bonis animæ non oportet, ut aliquid nobis subtrahamus, quia per ea efficimur Deo accepti; sed ea omnino Deo submittimus per orationem.

His præterea operibus nihil aptius, & convenientius ad extirpandas omnium peccatorum radices esse potest. Nam cum *Omne, quod est in mundo, sit concupiscentia carnis, aut concupiscentia oculorum, aut superbia vite*: nemo non videt, hisce tribus morborum spiritualium causis totidem medicinarum genera respondere; priori scilicet jejuniū, alteri eleemosynam, tertiæ orationem.

Denique, si eos etiam, qui peccatis nostris offenduntur, spectemus, facile erit intelligere, cur ad hæc tria potissimum omnis Satisfactio referatur. Hi vero sunt, Deus, proximus, nos ipsi. Quare Deum oratione placamus, proximo eleemosyna satisfacimus: nos ipsos vero jejuniū castigamus. Hinc *Tobie xii. 8.* dicitur: *Bona est oratio cum jejuniis, & eleemosyna magis quam thesauros auri recondere: quoniam eleemosyna a morte liberat, & ipsa est, quæ purgat peccata, & facit invenire misericordiam, & vitam æternam.* Hinc *S. Ambrosius, Lib. De Elia, & Jejunio, cap. xx.* Habemus (inquit) plurima subsidia, quibus peccata nostra redimamus. Pecuniam habes, redime peccatum tuum. Non venalis est Dominus, sed tu ipse venalis es. Peccatis tuis venundatus es, redime te operibus tuis, redime te pecunia tua. Vilis pecunia, sed pretiosa est misericordia.

Et *Lib. II. De Pœnitentiâ, cap. viii.* Plura (inquit) solvendi habet subsidia, qui Deo, quam qui homini debet. Homo pecuniam pro pecunia reposcit, quæ semper debitori præsto est: Deus affectum exigit, qui in tua potestate est. Nemo pauper est, qui Deo debet, nisi qui se ipsum pauperem fecerit. Et si non habet, quæ vendat, habet, quæ solvat. Oratio, lacrymæ, jejunia debitoris boni census est, multoque uberior quam si quis ex pretiis fundorum pecuniam sine fide deferat.

Hinc *S. Leo, Serm. i. De Jejunio decimi Mensis*, ait: Tria sunt, quæ maxime ad religiosas pertinent actiones. Oratio scilicet, Jejunium, & Eleemosyna.... Oratione enim propitiatio Dei queritur, jejuniis concupiscentia carnis extinguitur, eleemosynis peccata redimuntur: simulque per omnia Dei in nobis imago renovatur. Si & in laudem ejus semper parati, & ad purificationem nostram sine cessatione solliciti, & ad sustentationem proximis indefinenter sinus intenti. Hæc triplex observantia omnium virtutum comprehendit effectus. Hæc ad imaginem, & similitudinem Dei pervenit, & a Spiritu Sancto inseparabiles facit. Quia in orationibus permanet fides recta, in jejuniis innocens vita, in eleemosynis mens benigna.

Quamvis autem singula ex quadam convenientia singulis peccatorum generibus respondeant. Quia congruum est, ut in quo quis peccavit, in hoc puniatur, & quod peccati commissi radix per satisfactionem abscindatur: tamen quodlibet horum pro quolibet peccato satisfacere potest: (inquit *S. Thomas*, in *iv. Sentent. five Supplementi Quest. xv. Art. iii. ad tertium*) Unde ei, qui non potest unum ex his perficere, injungitur aliud, & præcipue eleemosyna, quæ aliorum vices supplere potest, in quantum alia satisfactionis opera per eleemosynam quisque sibi mercatur, quodammodo in illis, quibus eleemosynam tribuit. Unde non oportet, quod si eleemosyna mundet omnia peccata, propter hoc aliæ satisfactiones superfluant.

Ad hæc tria satisfactionum genera omnia opera satisfactoria revocantur. Ad orationem scilicet, quæcumque Deo proxime exhibetur, ut sacrificium,

laus, gratiarum actio, meditatio, & contemplatio, piorum librorum lectio ad meditationem, & orationem ordinata. Ad junium omnia quibus caro macerari, & castigari solet, nempe asperitas victus, & veltitus, vigilia, humi cubationes, genuflexiones, terræ desolationes, solitudo, silentium, abstinentia a vino, ab equitatione, a ludis, piæ peregrinationes, flagellationes, &c. Ad elemosynam omnia misericordiæ opera.

P R O P O S I T I O I V.

Temporalibus etiam flagellis a Deo influctis, & a nobis patienter toleratis, Deo pro peccatis nostris satisfacere possumus.

Pœnæ Satisfactoriæ.

Quamvis enim præsentis vitæ flagella non sint omnino in potestate nostra, tamen aliquo modo nostra fiunt, cum ad purgationem peccatorum ea suscipimus, eaque Christiana patientia tolerantes, Deo sacrificium justitiæ offerimus, ut docet S. Thomas, in iv. *Sententiarum*, seu Qu. xv. Supplementi, Art. 11. Hinc David 11. *Regum* xvi. de Semei aiebat: *Dimittite eum, ut maledicat juxta præceptum Domini, si forte respiciat Dominus afflictionem meam, & redeat mihi bonum pro maledictione hac, die hodierna.* Hinc idem Rex Penitens Psal. xxxvi. ait: *Ego in flagella paratus sum.* Quem locum expendens S. Ambrosius, ait: „Ad omnia pulchrum remedium, quod in flagella paratus est, & offert se Domino, ut quæ placuerint Deo, flagella sustineat. Elegisse quidem lego Sanctum David flagelli genus, quod æquanimiter sustineret: sed elegit, quia de tribus conditionibus eligendæ unius necessitas mandabatur. Ubi autem non mandatur, ad omnia paratus est Dei servulus, seu corporalem ægritudinem subeat, seu fugam a facie inimici, siue obitum filiorum, quos non timet præmittere; quia recipere potest imperterritus. Nam & sciens, quod si hic fuerit punitus supplicio temporali, levare in futurum perpetuæ possit pœnam æternæ: rogat ergo, ut recipiatur petitio sua, & castigetur ipse, ut recipiatur; Castigat enim Dominus omnem filium, quem recipit.

Pœnæ satisfactoriæ.

Et infra: „ipsi nos committamus, parati ad curandum, quo velit curari medicamento. Nemo dicit Medico corporis sui quemadmodum sit curandus. Novit medicus, quæ singulis vulneribus medicamenta convenientia, cujus ulceris putredo ferro sit amputanda, ne in totius corporis serpat exitium. Si dixerit Medicus medicinæ genus, quo curari æger debeat, & ille saltim, discedit Medicus, & ægrum derelinquit. Vide eum, qui curari velit, omni genere Medico acquiescentem. Aperit primo vulnera suo Medico, & dicit: Cura me, sed rogo ne in ira tua; quia non iustinent duram medicinam infirmitates meæ. Medicina Christi, correptio est; corripit enim Dominus, quem vult convertere Non ergo recusat curari, qui petit argui; sed levare vult pœnam, ne si in iracundia arguatur, impetu iræ corripatur Et si dissent Medicus, æger offerre se debet, ut citius cecur; sicut offerebat se David in flagella Domini. Hinc S. Paul. 1. ad Cor. xi. 32. ait: Cum judicamur, a Domino corripimur, ut non cum hoc mundo damnemur.

Idem confirmat Sacra Synodus Tridentina Sess. xiv. cap. ix. docetque *Tantam esse divine munificentie largitatem, ut non solum pœnis sponte a nobis pro vindicando peccato susceptis, aut Sacerdotis arbitrio pro mensura delicti impositis; sed etiam, quod maximum amoris argumentum est, temporalibus flagellis a Deo influctis, & a nobis patienter toleratis, apud Deum Patrem per Jesum Christum satisfacere valeamus.* Idemque fidei dogma esse declarat Canon XIII.

Tribus modis Deo satisfacimus.

Primum itaque Deo satisfacimus pœnis, & operibus a Sacerdote iniunctis; de quibus S. Leo scribit Epist. 82. alias 91. *Mediator Dei, & hominum bo-*

mo Christus Jesus hanc Præpositis Ecclesiæ tradidit potestatem, ut & consentientibus actionem Pœnitentiæ darent, & eosdem salubri Satisfactione purgatos, ad Communionem Sacramentorum per januam reconciliationis admitterent.

Et S. Gregorius sive alius Auctor Commentarii in Librum I. Regum sub ejus nomine editi, Lib. I. I. Dum mens (inquit) flendo compungitur, necesse est, ut etiam caro, quæ delectationibus subjacuit, affligatur Quæ tamen afflictio Pœnitentiæ ad delenda peccata tum denum idonea est, cum Sacerdotis fuerit judicio imperata, cum ab eo consentium actibus discussis, pro modo criminis onus eis decernitur afflictionis.

Secundo, Deo satisfaciens penis sponte susceptis, cum videlicet ultro elemosynas damus, jejunamus, oramus, aliisque bonis operibus Deum placare, & peccata redimere satagimus, Christi mandatum secuti, Lucæ XVI. Facite vobis amicos de Mammona iniquitatis, ut cum defeceritis, recipiant vos in æterna tabernacula. Multitudo Pœnitentium in Scripturis Sacris exempla hunc satisfaciendi modum satis confirmant, scilicet Davidis, Magdalenæ, Petri, &c. Unde S. Augustinus, Enarratione in Psalmum quinquagesimum, hæc Davidis verba, Et a delicto meo munda me, explicans: Quo merito? (inquit) „ Medicus est, offer mercedem: Deus est, offer Sacrificium. Quid dabis, ut munderis? Vide enim, quem invoces; Justum invocas: Odit peccata, si justus est; vindicat in peccata, si justus est: non poteris auferre a Domino Deo justitiam ejus: implora misericordiam, sed attende justitiam: misericordia est, ut ignoscat peccanti, justitia est, ut puniat peccatum. Quid ergo? Quæris misericordiam, peccatum impunitum remanebit? Responderit David, responderint lapsi, responderint cum David, ut misericordiam mereantur sicut David, & dicant: Non, Domine, non erit impunitum peccatum meum: novi justitiam ejus, cujus quæro misericordiam: non impunitum erit, sed ideo nolo, ut tu me punias, quia ego peccatum meum punio; ideo peto, ut ignoscas, quia ego agnosco.

Tertio denique Deo satisfacimus temporalibus penis ab illo inflictis, sive ærumnis hujus vitæ, & calamitatibus; si eas patienti animo feramus, morbos, jaeturas bonorum, persecutiones, infamiam, calumnias, pestem, famem, hostium incursiones, orbitates, mortesque parentum, conjugis, filiorum, propinquorum, amicorum, aeris intemperiem, egestatem. Si autem inviti, & repugnantes hujusmodi pœnas sustinemus, omni satisfactionis fructu privamur; sed Dei tantum, peccata justo judicio ulciscantis, animadversionem, & supplicium perferimus, (inquit Concilii Tridentini Catechismus P. II. §. 107.) Patimur, ut malefici, & scelerati, non ut Pœnitentes, non ut Christiani. Adeo, (inquit S. Augustinus, Lib. I. De Civitate Dei, cap. VIII.) „ Manet dissimilitudo passionum, etiam in similitudine passionum; & licet sub eodem tormento, non est idem virtus, & vitium. Nam sicut sub uno igne aurum rutilat, palea fumat; & sub eadem tribula stipulæ comminuuntur, frumenta purgantur; nec ideo cum oleo amurca confunditur, quia eodem preli pondere exprimitur: ita una eademque vis irruens bonos probat, purificat, eliquat; malos damnat, vastat, exterminat. Unde in eadem afflictione mali Deum detestantur, atque blasphemant; boni autem precantur, & laudant. Tantum interest, non qualia, sed qualis quisque patiatur. Nam pari motu exagitatum, & exhalat horribiliter cenum, & suaviter fragrat unguentum.

Pœnæ satisfactoriæ.

A R T I C U L U S V.

Utrum unus pro altero satisfacere possit?

P R O P O S I T I O U N I C A.

Unus pro alio satisfacere potest.

De Satisfac-
tione.

EX Fidei Symbolo, quo *Sanctorum Communionem* profiteamur, Propositio-
nem itam probat Concilii Tridentini Catechismus P. II. §. cx. Nam
„ (inquit) cum omnes eodem Baptismo abluti Christo renascamur, eorum-
„ dem Sacramentorum participes simus; inprimis vero eundem Corporis,
„ & Sanguinis Christi Domini cibo, & potu recreamur, hoc apertissime
„ demonstrat, nos omnes ejusdem esse corporis membra. Unde Apostolus
1. ad Corinthios XII. scribit: *Sicut enim corpus unum est, & membra habes*
multa, omnia autem membra corporis cum sint multa, unum tamen corpus sunt:
ita & Christus. Etenim in uno Spiritu omnes nos in unum corpus baptizati su-
mus ... & omnes in uno Spiritu potati sumus ... Nunc autem multa quidem
membra, unum autem corpus. Non potest autem oculus dicere manus: Opera
tua non indigeo; aut iterum caput pedibus: Non es mihi necessarii ... Et si
quid patitur unum membrum, compatiuntur omnia membra: sive gloriatur u-
num membrum, congaudent omnia membra. Vos autem estis corpus Christi, &
membra de membro. Et ad Ephesios IV. Unum Corpus, & unus Spiritus, si-
cut vocati estis in una spe vocationis vestre ... Veritatem autem faciente: in
charitate, crescamus in illo per omnia, qui est caput Christus: ex quo totum
corpus compactum, & connexum per omnem juncturam subministrationis, se-
cundum operationem in mensuram uniuscuiusque membri, augmentum corporis
facit in edificationem sui in charitate. Quemadmodum igitur neque pes iux-
ta tantum, sed etiam oculorum utilitatis causa munere suo fungitur: neque
rursus quod oculi videant, ad illorum propriam, sed ad communem o-
mnium membrorum utilitatem referendum est: ita communia inter nos
Satisfactionis officia exstimari debent. Hinc Apostolus II. ad Corinb.
VIII. adhortatur illos, qui terrenis opibus divites erant ad eleemosynam
Macedoniæ Christianis inopibus tribuendam, ut cum illi sua beneficentia
corporalem istorum paupertatem sublevaverint; hi vicissim interiorem eor-
um tenuitatem spiritualibus divitiis sublevent, bonorumque operum com-
municatione Deum illis propitium reddant. In presenti tempore (inquit)
vestra abundantia illorum inopiam suppleat: ut & illorum abundantia vestre
inopiæ sit supplementum, ut fiat æqualitas. Quo etiam spectat illud ad Ga-
latas VI. Alter alterius onera portate: cui non repugnat subjuncta paulo post
ab eodem Apostolo sententia. Unusquisque onus suum portabit. Nam, ut
explicat S. Augustinus, Lib. II. De Consensu Evangelistarum, cap. xxx. Alia
sunt onera participande infirmitatis, alia reddende rationis Deo de actibus no-
stris: illa cum fratribus sustentanda communicantur, hæc propria ab unoquoque
portantur.

Hinc S. Ambrosius Lib. I. in Lucam, Num. 92. *Et si grave (inquit)*, pec-
„ catum est, quod Penitentia tuæ lacrymis ipse lavare non possis, fiat
„ pro te Mater Ecclesia, quæ pro singulis tanquam pro unicis filiis vidua
„ mater intervenit; compatiatur enim quodam spiritali dolore naturæ, cum
„ suos liberos lethali bus vitiis ad mortem cernit urgeri. Viscera sumus de
„ visceribus ejus; sunt enim & spiritalia viscera, quæ habet Paulus dicens:
„ Ita, frater, ego te fruor in Domino, resce viscera mea in Christo. Nos ergo
„ viscera sumus Ecclesiæ; quoniam membra sumus corporis ejus, de car-
„ ne

A. P. H. I. S.

ne ejus, & offibus ejus. Doleat igitur pia Mater, adhistat & turba: non solum turba, sed etiam multa compatiatur bonæ Parenti. Jam resurges a funere, jam liberaberis a sepulcro.

Et Libro II. De Pœnitentiâ, cap. x. *An testes* (inquit), „precationis, & confcios refugis, cum si hominifatisfaciendum sit, multos necesse est ambias, obsecres, ut dignentur intervenire, ad genua te ipse prosterneas, osculeris vestigia, filios offeras culpæ adhuc ignaros, paternæ veniæ precatores? Hoc ergo in Ecclesiâ facere fastidis, ut Deo supplices, ut patrociniū tibi ad Deum obsecrandum sanctæ plebis requiras... Fleat pro te Sancta Mater Ecclesiâ, & culpam tuam lacrymis lavet, videat te Christum merentem... Amat ut pro uno multi rogent. Denique in Evangelio motus Viduæ lacrymis, quia plurimi pro ea flebant, filium ejus resuscitavit. Ideo citius exaudivit Jesus Petrum, ut Dorcas resurgeret, quia pauperes mortem mulieris ingemiscebant.

Neque tamen sine exceptione verum est, quod unus pro alio satisficiat, si commodæ omnia spectemus, quæ ex satisfactione capiuntur. Nam pœnitentia satisfactoria, & debiti solutio est, & medicina, quæ Pœnitenti ad sanandos pravos animi affectus præscribitur. Si spectetur quatenus solutio debiti est, nullus est dubitandi locus, quin unus pro alio satisficere possit, dummodo sit in charitate, ut opera ejus satisfactoria esse possint. Caritas enim magis potest apud Deum, quam apud homines: cum igitur apud homines unus alterius amore debitum illius solvere possit; multo magis id in divino judicio fieri potest. Sed quatenus opera satisfactoria medicinæ quædam, & curationes sunt, satisfactio unius non prodest alteri; quia ex jejunio unius caro alterius non domatur; nec ex actibus unius, alius bene agere consuevit.

Id autem hujus partis Pœnitentiæ maxime proprium est, ut ab uno pro altero perfolvi possit. Quod enim ad Contritionem, & Confessionem attinet, unus pro altero dolere, aut confiteri non potest, quia (ut ait S. Thomas in IV. Sententiarum, sive Supplementi quest. XLII. art. II. ad secundum) *Contritio ordinatur contra culpam, quæ ad dispositionem bonitatis, vel malitiæ hominis pertinet; & ideo per contritionem unus, alius a culpa non liberatur. Similiter per Confessionem homo se Sacramentis Ecclesiæ subicit; non tamen potest unus Sacramentum pro alio accipere, quia in Sacramento gratia suscipienti datur, non alii... Sed quantum ad pœnitentiæ remissionem, unus alteri potest mereri, quia actus unus efficitur alterius mediante charitate, per quam omnes unum sumus in Christo;* (inquit idem S. Doctor in Responsione ad primum.)

A R T I C U L U S VI.

Quo Regule Morum, ac Disciplinæ circa Satisfactionem exponuntur.

R E G U L A I.

Sacerdos Satisfactionem Pœnitentibus injungere tenetur.

PRO viribus enim agere debet, ut sit integrum Pœnitentiæ Sacramentum: at sine Satisfactione integrum non esset. Præterea, cum vice Christi sit Juxta, æquitatis leges servare tenetur, & obligare Pœnitentem, ut Deo, cuius ostendit Mœstitem, satisficiat. Id enim potest, siquidem habet ligandi, non minus quam solvendi potestatem, ad quam satisfactoriæ pœnitentiæ impositio pertinet, ut declarat sacra Synodus Tridentina, Sess. XIV. Can. xv. Quamobrem si id non præbet, id est, si nullam Satisfac-

De Satisfac-

nem

250 Theologiæ Dogmaticæ, & Moralis Liber II.

nem imponat Pœnitenti, ministerii sui prævaricator est, & lethalis criminis reus. Medicus etiam est animarum, seu divinæ medicinæ Minister: Pœnitentium itaque vulnera curare debet, pravosque affectus pœnis satisfactoriis sanare. Unde Tridentina Synodus, Sess. XIV. cap. VIII. docet, *Debere Sacerdotes Domini, quantum Spiritus, & prudentia suggererit, pro qualitate criminum, & Pœnitentium facultate, salutare, & convenientes Satisfactiones injungere.* Tum subdit: *Habeant autem præ oculis, ut Satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad prætorum peccatorum vindictam, & castigationem.* Merito itaque rejicienda, & damnanda hæc Propositio est: *Abfolvi potest Pœnitens nulla Satisfactione imposita, sed in Purgatorium dilata.*

REGULA II.

Satisfactionem ante Absolutionem imponere convenientius est.

De Satisfactionis impositione.

Hunc enim ordinem præscribunt Rituales Libri plerique omnes, & Sacramentaria in Ecclesia recepta, & S. Carolus in Instructionibus Confessorum: *Si opus fuerit* (inquit) *efficiet, ut rerum, aut famæ, aut bonoris in quo proximum lesit, restitutio fiat: & indicta salubri Pœnitentia eum absolvet.* Deinde cum Satisfactio sit quasi materia Sacramenti Pœnitentiæ, sicut Contritio, & Confessio, conveniens est, ut ejus impositio præmittatur Absolutioni, ut Pœnitentes tum voto, tum spontanea indictæ pœnæ susceptione satisfacere incipiant, & satisfaciendi votum, susceptioque Satisfactionis Absolutione sacramentali confirmetur. Tertio, fieri potest, ut Pœnitens congruam, ac legitimam Satisfactionem suscipere nolit, ac Sacerdotis in Sacro Tribunali vice Christi Judicis parere Sententiæ; eaque inobedientia se Absolutione indignum prodat: prius itaque imponi Satisfactionem conveniens est, ut exploretur animus Pœnitentis, & innotescat Sacerdoti, num dignos Pœnitentiæ fructus facere velit. Si tamen post Absolutionem imponatur; perinde est ad Sacramenti perfectionem, sufficit enim, ut ceteris partibus Sacramenti Satisfactionis impositio, & susceptio moraliter conjungatur. Hinc S. Antoninus III. P. Tit. XVI. cap. XX. *Apud multos* (inquit) *est consuetudo, quod prius absolvatur, & Pœnitentia injungatur. Quomodocumque fiat, vel ante, vel post, sufficit. Præsupponit enim Confessor, illum habere propositum faciendi, quod sibi injunget, cum ipsum pœnitat.*

REGULA III.

Non est necesse, ut imposita Satisfactio ante Absolutionem Sacramentalem impleatur.

De tempore Satisfactionis adimplendæ.

EX veteris quidem Ecclesiæ Disciplina Pœnitentes, non prius olim absolvi soliti erant, quam Pœnitentiæ functi essent laboribus, & Satisfactionem Canonicam implevisset, nisi mortis, aut imminentis persecutionis periculum aliud postularet, ut constat ex variis S. Cypriani locis, ex Innocentio I. Epist. I. S. Leone Epist. ad Theodorum Foro-Juliensem Episcopum, S. Eligio Homilia IV. in Cena Domini, S. Gregorio Magno, Homilia XXVI. in Evangelia, & veterum Conciliorum Canonibus, Librisque Penitentialibus. Hæc tamen disciplina sensim sine sensu remissa, & mutata est, Ecclesia pia matre indulgente, & tacito quodam consensu approbante. Hodiernaque disciplina est, ut vere Pœnitentibus impendatur Absolutio, antequam Satisfactionem expleverint. Totum id disciplinæ negotium est, quæ *Lege fidei manente*, (ut loquitur Tertullianus) varias mutationes patitur. Suas habuit vetus

vetus disciplina rationes. Cogebantur enim Pœnitentes implere Satisfactionem Canonicam, prius quam Reconciliationis gratia donarentur: Primo, ut ex Pœnitentiæ fructibus innotesceret conversionis eorum sinceritas. Secundo, ut diuturnis, molestisque Pœnitentiæ laboribus, & difficultate veniæ a peccatis magis deterrerentur. Tertio, ut salubri Satisfactione purgarentur amplius, expiarentur, probarentur, ad Eucharistiam digne percipiendam. Suas habet etiam rationes nova disciplina. Absolutio namque sincere Pœnitentibus tribuitur, antequam Satisfactionem impleverint, ut Deo citius reconciliati, in gratia, & meritis proficere, efficaciusque satisfacere valeant in statu charitatis existentes. Secundo, sic magis offenditur, Absolutionem sacramentalem valere ad solutionem pœnæ, non solum æternæ, sed etiam (ex parte) temporalis. Sicut ergo ad Baptismi essentiam, & efficaciam minime necesse est, ut trina conferatur immersio, quod olim usurpatum est: neque ad Eucharisticæ Communionis integritatem, aut fructum, ut sub utraque specie sumatur Eucharistia, quamvis id olim usitatum fuerit: quia hæc ad disciplinam pertinent, quæ & antiquitus varia fuit, & mutari potuit ab Ecclesia iustis de causis: ita minime necesse est ad essentiam Pœnitentiæ, vel etiam ad ejus integritatem, & fructum, aut ad Absolutionis valorem, ut Satisfactio ante Sacramentalem Absolutionem impleatur. Unde Sixtus IV. Pontifex Maximus Concilium Complutense confirmans, hunc Petri Oxomensis errorem merito damnavit anno millesimo quadragesimo septuagesimo octavo: *Non sunt Absolvendi Pœnitentes, nisi peracta prius Pœnitentia eis injuncta.* Et Sacra Facultas Parisiensis similes Propositiones, asserentes Executionem Pœnitentiæ, seu Satisfactionis impostæ, necessario, & ex Institutione Christi, ac invariabili Sacramenti natura, ita prærequiri Absolutionem, ut alioqui Absolutio non sit valida; nisi ejusmodi Satisfactio prius completa fuerit; damnavit, ut Temerarias, & Hæreticas, & a Sixto IV. contra Petrum de Osma, illiusque sequaces, prædamnatas.

Veteris, & novæ discipline rationes.

Error ab Ecclesia damnatus.

Præterea & veteris Ecclesiæ Disciplina probat, ipsam omnino necessariam non existimasse, ut Satisfactio ante Sacramentalem Absolutionem impleatur: siquidem iis etiam, *Qui post Baptismum omni tempore incontinentie, & voluptatibus dediti in extremo fine vitæ suæ Pœnitentiam simul, & Reconciliationem Communionis*, exposcebant, idest, Absolutionem. Innocentius I. antiquioris moris severitatem temperans, Absolutionem concedi statuit, *Ut homines ejusmodi, vel in supremis suis permittente Salvatore nostro, a perpetuo exitu vindicentur*; (ut constat ex illius Epist. III. ad Exuperium Tolosanum Episcopum data.) Sanctus etiam Leo Epistola ad Theodorum Forojulensem Episcopum. *His, qui in tempore necessitatis, & in periculi urgentis instantia, præsidium Pœnitentiæ, & mox Reconciliationis implorant, nec adhibitionem Pœnitentiæ, nec Communionem denegandam statuit, si eam etiam amisso vocis officio, per indicium integri sensus querere comprobentur.* Concilium Carthaginense quartum, Canone LXXVI. ei, qui Pœnitentiam in infirmitate petit, si casu, dum ad eum Sacerdos venit, oppressus infirmitate fuerit, vel phrenesi correptus, suffragante eorum, qui ipsum audierunt testimonio, Pœnitentiam imponi decernit: ita ut, *Si continuo creditur moriturus, reconcilietur per manus impositionem, & infundatur ori ejus Eucharistia*: ea tamen lege, ut *Si supervixerit, subdatur statutis Pœnitentiæ legibus, quamdiu Sacerdos, qui Pœnitentiam dedit, probaverit.* Concilium Arausicanum I. Canone III. Pœnitentes in extremis reconciliatos, si incolumitati pristina restituerentur, *In ordine Pœnitentium stare jubet, ut ostensis necessariis Pœnitentiæ fructibus, legitimam Communionem cum reconciliatoria Manus Impositione*, (idest, Absolutione cæremionali a penis Canonicis) accipiant.

Ecclesia vetus non nino necessarium non censuit, ut Satisfactio ante absolutionem impleatur.

Quo

7. Cor. 11.

Quo autem spectabat illa Satisfactio, quæ ab ægrotis, postquam convalescant, persolvebatur in Ecclesia Africana, & Gallicana, eodem pertinet illa, quæ nunc & ab eis, qui ad Penitentia Sacramentum sani accedunt, post Absolutionem Sacramentalem frequentius expletur. Itaque etsi pro conditione temporum, vel pro languore Christianorum, vel alia quampiam non prætereunda ratione mutatio quadam acciderit in hac Satisfactoriæ Disciplinæ observatione; doctrina tamen, & fides, ratioque satisfaciendi una, atque eadem perseverat: quemadmodum una est disciplina, & ars Medicinæ, quamvis nec eadem omnibus, neque pari prædita virtute, neque eodem tempore medicamenta præbeantur. Et cum unius, ejusdemque Ecclesiæ Christi sit utraque Consuetudo, non debet improbari posterior, quod veris prior extiterit: quemadmodum nec in Medico reprehendi uno debet, si ingravescente cuiuspiam ætate alia velit medicamenta præscribere, quam antea solitus sit, ægri corpore valentioris. Nec eidem homini vitio verti debet, si parcius cœnet, aut aliis exercitiis utatur senior, quam junior consueverat. Atque similem in modum in hac de Satisfactione causa, sic illa prior consuetudo laudanda est, ut ista non vituperetur. Est enim unius, ejusdemque Ecclesiæ, & Sponsæ Christi consuetudo diversa. Tenendum proinde in utraque consuetudine illud Apostoli: *Si quis videtur contentiosus esse, nos talem consuetudinem non habemus, neque Ecclesia Dei.*

Propositiones damnandæ.

Quamvis autem Satisfactio sit pars ad integritatem Sacramenti Penitentia requisita, non ideo necesse est, ut ante Absolutionem impleatur. Nam & capilli, & ungues partes hominis sunt, nec tamen simul cum homine nascuntur. Accutatio quoque, testimonia, Sententia Judicii, & solatio penæ, cum non sint simul, sunt tamen de integritate Judicii. Quia ergo Satisfactio jam est in intentione Penitentis, quia ipsam obligatus est propter spiritualis Judicii Sententiam, quique illam suscepit, Ecclesiæ Clavibus se subiciens, antequam re ipsa impleatur, integrum Sacramentum est, & paulatim ad perfectam integritatem perducitur, cum illa persolvitur. Unde S. Thomas, III. P. quæst. xc. art. 11. ad secundum ait, quod *Satisfactio confert gratiam, prout est in proposito, & auger eam prout est in executione.* Illæ ergo Propositiones merito rejiciuntur, ac damnantur.

Ordinem præmittendi Satisfactionem Absolutioni induxit non politica, aut iustitia Ecclesiæ, sed ipsa Christi lex, & præscriptio, natura rei ipsam quodammodo dicente.

Per illam praxim mox absolvendi, ordo Penitentia est inversus:

Consuetudo moderna quoad Administrationem Sacramenti Penitentia, etiam si eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed pro abusu.

R E G U L A IV.

Confessarius Penitentem obligare potest ad Satisfactionem vel ex toto, vel ex parte implendam ante Absolutionem, si id ejus emendationi, & saluti expedire judicaverit.

De Penitentia impositione.

Cum enim Christus de modo, & tempore implendæ Satisfactionis nihil præceperit, sed Ecclesiæ arbitrio reliquerit, ipsa vero non jubeat Satisfactionem adimpleri ante Absolutionem in Penitentia privata, sed nec Absolutionem differri prohibeat, donec adimpleta fuerit Satisfactio, in potestate Sacerdotis est, Absolutionem Penitentis differre, donec Satisfactionem impleverit, si id tanquam Jux, & Medicus ejus curationi spirituali

tuali judicaverit expedire. Id autem peritus, ac prudens Medicus opportu-
num proculdubio salutem Pœnitentis judicabit, cum in eadem sæpe relapsus
peccata est. Tunc enim satisfactoriis operibus secundum modum criminum
impositis, magis sollicitus fiet, ac vigilans ad vitanda peccata. Nam per-
cipiendæ Communions difficultas major Pœnitentem humiliorem efficit,
& cautiorem. At humilitate virtutes comparantur, & insignuntur altius;
cautione peccata vitantur diligentius: Deinde id ipsi Sacerdoti videbitur
interdum conducibile, ut satisfactoriis operibus peccandi consuetudo, & pra-
vi habitus eradicentur, & bonis operibus paulatim Pœnitens assuescat, ut
purior accedat ad Sacram Eucharistiam. Necessarium denique videbitur a-
liquando, ut exploret Contritionem Pœnitentis, & sinceram conversionem;
cujus sufficientia forte indicia non habet ex Confessione. *Confessionis ver-
ba, quid sunt aliud, nisi folia?* Non autem ex foliis, sed ex fructibus bo-
nitas, & secunditas arboris cognoscitur: adeoque & conversio peccatoris ex
fructibus Pœnitentiæ. Cum ita se geret Sacerdos in Administratione Sacra-
menti Pœnitentiæ, antiquos Mores sequetur. Faciet, quod faciendum præ-
scripsit S. Innocentius Pontifex hujus nominis primus, Epist. 1. *De pondere*
(inquit) *estimando delictorum, Sacerdotis est judicare, ut attendat ad Confessio-
nem Pœnitentis, & ad fletus, atque lacrymas corrigentis, ac tum jubere dimitti*
cum viderit congruam Satisfactionem. Faciet, quod S. Leo suo tempore fieri
consuevisse testatur, & probat Epistola ad Theodorum Foro-Julientem Epif-
copum sæpe laudata. Faciet, quod S. Gregorius Magnus faciendum esse do-
cuit Homilia xxvi. in Evangelia: *Videndum est (inquit) quæ culpa præcessit,*
*aut quæ sit Pœnitentia secuta post culpam, ut quos omnipotens Deus per compunctio-
nis gratiam visitat, illos Sententia Pastoris absolvat. Tunc enim vera est Absolu-
tio Præsentis, cum æterni arbitrium sequitur Judicis.* Quamquam vero ita se
gerere Sacerdotem aliquando conveniens sit, veterem tamen Disciplinam
universim instaurare, non est privatorum hominum, sed Summorum Pon-
tificum, vel Conciliorum Generalium.

R E G U L A V.

*Sacerdotes tenentur imponere Pœnitentibus Satisfactiones gravitati criminum,
& Pœnitentium facultati respondentes: alioqui alienorum participes fiunt pec-
catorum.*

Hanc Regulam tradit S. Cyprianus Tractatu De Lapsis. *Quam magna*
(inquit) *deliquimus, tam granditer desceamus; alto vulnere diligens, &*
longa medicina non desit, Pœnitentia crimine minor non sit.

*Ibidem: Qui peccantem (inquit) „ blandimentis adulantibus palpat, pec-
candi fomitem subministrat; nec comprimit delicta, sed nutrit. At qui
„ consiliis fortioribus redarguit simul, atque instruit fratrem, promovet ad
salutem. Quos diligo, inquit Dominus, redarguo, & castigo. Sic oportet,
„ & Dei Sacerdotem non obsequiis decipientibus fallere, sed remediis sa-
lutaribus providere. Imperitus est Medicus, qui tumentes vulnerum si-
nus manu parcente contrectat, & in altis recessibus virus inclusum dum
„ servat, exaggerat. Aperiendum vulnus est, & secandum, & putramini-
bus amputatis, medela fortiore curandum. Vociferetur, & clamet licet
„ æger impatiens per dolorem, gratias agat postmodum, cum senserit sa-
nitatem. Emergit enim, Fratres dilectissimi, novum genus cladis; & quasi
„ parum persecutionis procella sævierit, accessit ad cumulum sub misericor-
diæ titulo malum fallens, & blanda perniciēs. Contra Evangelii vigo-
rem, contra Domini, ac Dei Legem, temeritate quorundam laxatur in-
„ cautis*

Congruæ Sa-
tisfactionis
impositio.

„cautis communicatio: irrita, & falsa pax; periculosa dantibus, & nihil
 „accipientibus profutura. Non quærunt sanitatis patientiam, nec veram
 „de Satisfactione medicinam. Pœnitentia de peccatoribus excussa est, gra-
 „vissimi, extremique delicti memoria sublata est. Operiuntur morientium
 „vulnera: & plaga lethalis altis, & profundis visceribus infixæ, dissimulato
 „dolore contegitur.

Eandem Regulam tradit *S. Ambrosius*, Lib. 1. *De Pœnitentia*, cap. 11. Deus
 „distinctionem non facit, qui misericordiam suam promissit omnibus; & re-
 „laxandi licentiam Sacerdotibus suis sine ulla exceptione concessit. Sed qui
 „culpam exaggeravit, exaggeret etiam Pœnitentiam. Majora enim crimi-
 „na majoribus abluuntur fletibus.

Congruæ Sa-
 tisfactionis
 impositio.

Eandem Regulam confirmat Concilium Moguntinum sub *Rabano*, Can.
 „xxx1. *Modus* (inquit), tempusque Pœnitentiæ peccata sua confitentibus,
 „aut per antiquorum Canonum institutionem, aut per Sanctarum Scriptu-
 „rarum Auctoritatem, aut per Ecclesiasticam Consuetudinem imponi debet
 „a Sacerdotibus. Nam qui pro peccatis gravibus leves quosdam, & inuti-
 „tatos imponunt Pœnitentiæ modos, consueunt pulvillos, secundum Pro-
 „pheticum sermonem, sub omni cubito manus, & faciunt cervicalia sub
 „capite universæ ætatis ad capiendas animas. Quem Canonem repetit Con-
 „cilium Cabilonense 11. Can. xxxviii. Libelloque Pœnitentiales, *Quorum*
 „sunt certi errores, incerti Auctores, eliminari jubet.

Et Concilium Turonense 111. Can. xxii., Episcopis, & Presbyteris dili-
 „genti cautela pertractandum est, qualiter hominibus sua sibi delicta confiten-
 „tibus tempus abstinenti adscribant, & juxta modum peccati Pœnitentibus ab-
 „stinencia indicatur: quoniam varie ab aliquibus Sacerdotibus, & indilcre-
 „te hæc Judicia proferuntur. Ideo necessarium nobis videbatur, cum omnes
 „Episcopi ad sacrum Palatium congregati fuerint, ab eis edoceri cujus Antiquo-
 „rum Liber Pœnitentialis potissimum sit sequendus.

Eandem Regulam confirmat Concilium Romanum v. sub *Gregorio VII.* Can.
 „v. *Falsas* (inquit) Pœnitentias dicimus, quæ non secundum Auctoritatem Sancto-
 „rum Patrum pro qualitate criminum imponantur.

Ita Concilium Tridentinum, Sess. xiv. cap. viii., Debent ergo Sacerdotes
 „Domini, quantum Spiritus, & prudentia suggererint, pro qualitate criminum,
 „& Pœnitentium facultate, salutares, & convenientes Satisfactiones injungere:
 „ne, si forte peccatis conniveant, & indulgentius cum Pœnitentibus agant, le-
 „vissima quædam opera pro gravissimis delictis injungendo, alienorum pecca-
 „torum participes efficiantur.

Ita denique *S. Carolus Borromæus*, in Instructionibus Pœnitentiæ: Cum hæc
 „Parochus pro prudentia, charitateque sua spectabit, tum vero maxime videbit, ut
 „ne pro peccatis gravibus levissimas Pœnitentias imponat: id quod & Confessoribus,
 „& Pœnitentibus periculosum est: cum id a Sacris Litteris, & a Conciliorum Decre-
 „tis, & a Sanctorum Patrum Sententia alienum sit. Nam Divina Litteræ, ab his,
 „qui Pœnitentiam agunt, hoc efflagitant, Ut fructus dignos Pœnitentiæ faciant, ut-
 „que ad Dominum convertantur in jejunio, & planctu. Et vero, qui peccatis gravi-
 „bus leves quosdam Pœnitentiæ modos imponunt, hi consueunt pulvillos, secundum
 „Propheticum sermonem, sub omni cubito manus, & faciunt cervicalia sub
 „capite universæ ætatis ad capiendas animas. Imo Concilium Tridentinum
 „docet, Alienorum peccatorum participes fieri eos Confessores, qui dum cum
 „Pœnitentibus indulgentius agunt, levissima quædam opera pro gravissimis deli-
 „ctis injungunt.

Ezech. 13.
 18.

Satisfactionum impositio non ita est in arbitrio Sacerdotis posita, ut in iis imponendis delictorum gravitatem, & personarum conditionem, statumque spectare non teneatur.

Hanc Regulam, quæ major est præcedentis explicatio, tradit S. Thomas in iv. Sententiarum, sive Supplementi quæst. xviii. art. iii. ubi quærit, Utrum Sacerdos possit ligare, & solvere secundum proprium arbitrium. Sacerdos (inquit) operatur in usu Clavium, sicut instrumentum, & Minister Dei; nullum autem instrumentum habet efficaciam actum, nisi secundum quod movetur a principali agente, & ideo dicit Dionysius in fine Ecclesiasticæ Hierarchie, quod Sacerdotibus utendum est virtutibus hierarchicis, quomodo Divinitas eos movet. In cuius signum (Matth. xvi.) ante potestatem Clavium Petro traditam fit mentio de revelatione Divinitatis ei facta; & in Joan. xx. præmittitur potestati Remissionis Apostolis datæ; Spiritus Sancti donum, quo filii Dei aguntur. Unde Si quis præter illum motum divinum uti sua Potestate præsumeret, non consequeretur effectum, ut Dionysius dicit. Et præter hoc a divino Ordine averteretur, & sic culpam incurreret. Et quia pœne satisfactoriæ insigende medicinae sunt; sicut medicinae in arte determinatæ non omnibus competunt, sed variandæ sunt secundum arbitrium Medici, non propriam voluntatem sequentis, sed scientiam Medicinæ: ita pœne satisfactoriæ in Canonibus determinatæ non competunt omnibus, sed variandæ sunt secundum arbitrium Sacerdotis divino insinû regulatum.... Sicut ergo Medicus aliquando prudenter non dat Medicinam ita efficacem, quæ ad morbi curationem sufficiat, ne propter debilitatem naturæ majus periculum oriatur; ita Sacerdos divino insinû motus non semper totam pœnam, quæ uni peccato debetur, injungit, ne infirmus aliquis ex magnitudine pœnæ desperet, & a Pœnitentia totaliter recedat.

Congrua
Satisfactio-
nis imposi-
tio.

Sancto Thomæ concinit S. Antoninus, iii. P. Tit. xvii. cap. xx. Pro quolibet (inquit) peccato mortali esset regulariter septennis Pœnitentia imponenda, ut habetur xxii. Quæst. i. Can. Prædicandum, in Glossa, & xxxiii. Quæst. i. Can. Hoc ipsum §. sequenti, quod servabatur antiquitus. Et ista septennis Pœnitentia magis, vel minus aspera secundum majoritatem, & minoritatem criminum, & circumstantiarum, & compunctionem erat. Sed hodie omnes Pœnitentiæ sunt Confessoris arbitrio taxandæ, consideratis circumstantiis personarum, & criminum, & hujusmodi. (Extra. De Pœnitentiis, & Remissionibus, cap. Deus qui.)

Idem ante S. Antoninum docuit S. Raymundus, in Summa, Lib. iii. §. xli. & sequentibus, ubi Satisfactionem pro diversis criminibus, secundum Pœnitentiales Canones imponendam esse ait; Nec debere Sacerdotem a forma prædicta recedere, nisi propter causam, & in hoc, inquit, consistit ejus arbitrium, scilicet pro qua, vel pro quibus circumstantiis, & quantum, & quando, possit augeri, vel minui pœna canonica. Et hæc opinio est tutior, licet difficilior.

Id confirmatur ex Synodo Lingonenfi anno 1404. Licet (inquit) pro quolibet peccato mortali esset regulariter septennis Pœnitentia injungenda, quæ deberet imponi magis, vel minus aspera, prout majoritas, vel minoritas, & circumstantiæ eorum exposcunt: tamen hodie omnes Pœnitentiæ Sacerdotis arbitrio sunt taxandæ, sive in quantitate temporis, aut rei, vel modi, seu conditionis, considerando gravitatem peccati, & circumstantias temporis, loci, personarum, conditionis, & status earum. Addit, satisfactoria opera peccatis commissis contraria Sacerdotem semper imponere debere. Sacerdotes, inquit,

Congruæ
Satisfactio-
nis imposi-
tio.

inquit, debent semper injungere Pœnitentiam per contrarium peccatori, puta superbo humilem orationem; avaro eleemosynarum largitionem; accedioso peregrinationem, & Ecclesiarum frequentationem; guloſo abſtinentiam a cibis, & potibus; luxurioso carnis macerationem, & quandoque loci mutationem; iracundo mansuetudinem, & quod in corde reprimat fortiter primum motum iræ, & sic de ſimilibus.

Item ex Synodo Senonenſi anno 1524. In injungendis, inquit, Pœnitentiis conſiderent Confeſſores peccatum, modum peccandi, tempus, locum, qualiter, & quando perſonam, qualitatem, & quantitatem culpæ, & Contritionem conſitentis.

Item ex Concilio Bituricenſi anno 1584. Tit. De Pœnitentia, & ejus Partibus, Canone XII. Pœnitentiam, inquit, & Satisfactionem injungant Sacerdotes, non pro ſuo arbitrato, ſed pro gravitate peccatorum: habeant tamen rationem Contritionis, dum Pœnitentem absolunt.

Eandem Regulam confirmat S. Carolus Borromæus in Inſtructionibus Sacramenti Pœnitentiæ. Injunget, inquit, Pœnitentiam pro culpæ, & perſonæ ratione: ita ut ſuperbis humilitatis opera: carnis voluptatem ſedantibus, jejunia, abſtinentiam, cilicigeſtationem, aliamque corporis macerationem pro peccati gravitate indicat: in oratione negligentibus, ut ſingulis diebus mane ſaltem, & veſpere orationi vacent, feria ſecunda, & aliis certis feriis pro Defunctis orent; certis item definitisque diebus devote viſitent Stationales, & præcipue devotionis Eccleſias, & Altaria, præſertim in Quadrageſima, & in Adventu. Mundi pompas, choreas, aliaque opera Satane conſeſtantibus, eam Pœnitentiam imponet, ut in hebdomada mane certis diebus (id quod in ſingulos dies etiam faciendum eſſe graviffime Beatus Chryſoſtomus monet) ſancta meditatione ſibi propoſita, ſolemnnem illam ſponſionem, quam per compadres in Baptiſmo ſancte fecerunt, redintegrent, intime Deum precando; in qua precatione firmo, ſtabiliſque animi propoſito ſtatuant, ſe Chriſto Domino adherere, renunciareque iterum, atque iterum ſæculi pompis, operibus tenebrarum, & diabolo inprimis, cui ſe adverſarios eſſe & profeſſi ſunt, & proſitentur perpetuo.

Atque hæc quidem Pœnitentiæ genera a Sanctis Viris accepta Eccleſiaſticaque Diſcipline Interpretibus, pro peccatorum ratione adhiberi poterunt.

Ut Pœnitens veſtium ſericarum uſu, auri ornamento, conviviorum apparatu, veneratione, aliquo certo tempore abſtineat.

Ut egentibus hominibus cibum ſuppeditet, ac miniſtret; pedes item lavet.

Ut peregrinos pro facultatum ratione hoſpitio excipiat.

Ut in publica domo hoſpitati, locove pio aliquot dies operam navet.

Ut viſitet, qui in carcere ſunt, eoſdem conſoletur, & cum per facultates poteſt, aliat certo preſtituto tempore.

Ut ſe per aliquot dies in Monasterium aliquod, aliumve ſemotum locum abſeat, ubi Pœnitens vivat.

Ut aliquot diebus carne, aut vino item abſtineat.

Ut certis diebus, præſertim feria quarta, ſexta, & Sabbato jejunet: vel etiam veſcatur ſolum pane, & aquæ potu utatur.

Ut certo aliquo tempore non equitet.

Ut, ſi facultates ſuppent, certam pecuniæ, aut frumenti, aut vini quantitatem in eleemoſynam pauperibus Chriſti conſerat.

Congruæ
Satisfactio-
nis imposi-
tio.

Ut genibus flexis, aut etiam brachiis extensis in modum crucis, certo tempore, & hora preſinita, ante Crucem, aliamve Sacram Imaginem in Eccleſia oret.

Ut bumi aliquandiu ſaceat, cubetve.

Ut flagella certis præſcriptis diebus ſibi adhibeat.

Ut ciſcium aliquot dies induat.

De Sacramento Pœnitentiæ. Cap.VI.Art.VI. 257

Ut religiosam aliquam peregrinationem suscipiat, sancteque conficiat.

Ut statutos Psalmos Pœnitentiales, aliasque pœnitentiales preces pie recitet aliquot dierum spatio.

Ut certas Ecclesias, puta Stationales, vel præcipue devotionis vifitet.

Monet insuper S. Carolus, ut Sacerdos in peccati gravitate perpenderit, quoties commissum sit: Nam si quis in eodem peccati genere sæpius offenderit, dignus est, qui graviori pœna afficiatur.

„ Et in Instructionibus Confessorum: Faciat (*inquit*) ut imposita Pœnitentia peccatis respondeat. Ita pro peccatis luxuriæ injungantur jejunia, vigiliæ, peregrinationes, cilicii usus, aliæque hujusmodi corpori macerant, do propria. Pro avaritiæ peccato, præter debitas restitutiones, eleemosynæ pro cuiusque facultatibus imponantur. Sanandæ superbiæ, aliisque peccatis spiritualibus oratio adhibeatur, qua coram Deo vires, & vigor accquiruntur, quibus his peccatis obfistatur. Pro negligentia rerum Christianarum quas ignorant, Conciones audiant, & per aliquod tempus Doctrinæ Christianæ Scholas frequentent. In devotis, & tepidis juvabit imponere, ut Ecclesias, Divinaque Officia, oraturi sæpius adeant.

REGULA VII.

Confessarius Canones Pœnitentiales nosse debet, & juxta eos Pœnitentiam imponere, servatis prudentiæ regulis, habitaque ratione conditionis, & diversitatis personarum, aliisque circumstantiis, & maxime contritionis Pœnitentium.

Hæc Regula traditur a S. Celestino I. Pontifice Maximo Epist. 11. Nulli (*inquit*) Sacerdotum suos liceat Canones ignorare, nec quicquam facere, quod Patrum possit Regulis obviare.

Canonum
Pœnitentia-
lium scien-
tia.

„ A Concilio Parisiensi VI. Lib. I. cap. XXXI. Quoniam (*inquit*) multi Sacerdotum partim incuria, partim ignorantia, modum Pœnitentiæ reatum suum confitentibus, secus quam Jura Canonica decernant, imponunt, utentes scilicet quibusdam Codicillis contra Canonicam Auctoritatem scriptis, quos Pœnitentiales vocant: & ob id non vulnera peccatorum curant, sed potius foventes palpant, incidentes in illud Propheticum: *Vae qui consuunt pulvillos sub omni cubito manus, & faciunt cervicalia ad decipiendas animas: omnibus nobis salubriter in commune visum est, ut unusquisque Episcoporum in sua Parochia eosdem erroneos Codicillos diligenter perquirat, & inventos igni tradat, ne per eos ulterius Sacerdotes im- periti homines decipiant. Sacerdotes porro, qui aut muneris, aut amoris, aut timoris, aut certe favoris causa, tempora, modumque Pœnitentiæ ad libitum Pœnitentium inducunt, audiant, quid Dominus per Ezechielem Prophetam terribiliter dicat: Hæc dicit Dominus Deus, Quia locuti estis vana, & vidistis mendacium: ecce ego ad vos, ait Dominus Deus: Et erit manus mea super Prophetas, qui vident vana, & divinant mendacium: in concilio Populi mei non erunt, & in scriptura domus Israel non scribentur, nec in Israel ingredientur, & scietis, quia ego Dominus Deus. Eo quod deceperint Populum meum dicentes: Pax, pax, & non est pax. Et post non multa: Cum caperent animas Populi mei, vivificant animas eorum, & violabant me, ac populum meum propter pugilum hordei, & fragmentum panis, ut interficerent animas, quæ non moriuntur, & vivificarent animas, quæ non vivunt, mentientes populo meo credenti mendaciis. Presbyteri etiam imperiti solerti studio ab Episcopis suis instruendi sunt, qualiter & confitentium peccata discrete inquirere, eisque congruum modum secundum Canonicam Auctoritatem Pœnitentiæ*

Ezech. 13.

Ibidem.

Canonum
Pœnitentia-
lium scien-
tia.

„noverint imponere. Quoniam hæcenus eorum incuria, & ignorantia multorum flagitia remanserunt impunita: & hoc ad Animarum ruinam pertinere, dubium non est.

Eandem Regulam tradit Isaac Lingonenſis Epiſcopus, Canonum ſuorum Pœnitentialium Tit. I. cap. xxxix. hunc in modum concludens: *Quibus vero peccatis adhibenda ſit medicina, ſecundum Canonum authenticorum, & Sanctorum Patrum eſſe debet institutionem, & non ſecundum placitum hominum, ſed ſecundum Dei voluntatem. Nec in hac parte voluntas, aut gratia hominis ſeclanda eſt. ſed voluntas Dei in omnibus exquirenda, quatenus dignis precibus, & penituntine digna placare poſſit omnipotentis Dei vindictam, quam ſuo vitio provocavit.*

Quod autem habenda ſit ratio conditionis, & diverſitatis perſonarum, aliarumque circumſtantiarum, & maxime contritionis, idem Præſul docet cap. xxi. *Tempora (inquit) penituntinis, habita moderatione, & arbitrio ſunt conſtituenda, prout converſorum animos Sacerdotes viderint eſſe devotos. Pariter etiam habentes ætatis ſenilis intuitum, & periculorum quorumcumque, aut ægrotudinum reſpicientes neceſſitates. Quod ſumptum eſt ex Epiſtola S. Leonis ad Nicetam, & reſertur etiam in Collectione Gratiani, Cauſa xxvi. qu. vii. Can. Tempora.*

Eandem Regulam tradit S. Carolus Borromæus in Inſtructionibus Pœnitentiæ: Pœnitentis (inquit) culpas graves pendenti ſibi ob mentis oculos proponet Canones Pœnitentiales, qui lumen & ſibi, & Pœnitenti quoque aſterant; quo videant quemadmodum pro peccati ratione, Pœnitentia imponenda, & ſuſcipienda ſit. Eorum Canonum tamen Pœnitentias, ut tempora ſerunt, pro charitate, & prudentia ſua minuet, prout peccati, & peccatoris circumſtantiæ requirent: in quibus rationem etiam habebit contritionis ejus, qui peccavit. Demonſtrabit tamen iis, qui gravius peccarint (quo magis ſcelerum ſuorum magnitudinem agnoſcant) quanta iſtis Pœnitentia ex Canonum Regulis imponenda eſſet: nec vero putent ſua peccata levia eſſe, quia parva illis Pœnitentia data eſt: ſed hoc factum eſſe, ne eam, quæ pro culparum ratione injungenda erat, deſerant cum periculo ſalutis ſuæ. Proinde Pœnitentes ideo hortandi erunt, ut præter Pœnitentiæ opera impoſita, plura etiam alia præſtare conentur.

Canonum
Pœnitentia-
lium ſcientia.

Idem in Inſtructionibus Confeſſorum: Sacerdos (inquit) Canones Pœnitentiales conſulet, quibus licet cum prudentia, diſcretionem, & modo, pro Pœnitentis contritione, qualitate, ſtatu, aliisque circumſtantiis uti debeat, obſervandi tamen ſunt, ita ut juxta eos, quaſi traditam ſibi Regulam Sacerdos ſe gerat, prout expedire ei viſum fuerit. Et quando Pœnitentiam Canonibus antiquis præſcriptam non imponet, eam tamen Pœnitenti ſignificabit, ut ad contritionem eum moveat, & levioſorem injunctam Pœnitentiam ipſe ardentius exequatur; motus ſcilicet ex hodiernæ Eccleſiæ benignitate, qua antiquioris Diſciplinæ rigor mitigatur.

His conſonum eſt Concilii Bituricensis Decretum anno 1584. Tit. De Pœnitentia, & ejus partibus, Can. ix. Sacerdotes (inquit) Canones Pœnitentiales diſcant, ut modum, & rationem Pœnitentiæ injungende melius intelligant.

Id confirmat Guillelmus Pariſienſis, Tractatu De Sacramento Pœnitentiæ, cap. xx. Cum (inquit) in arbitrio Confeſſoris, & voluntate Pœnitentialem ſatisfactionem poſitam eſſe dicamus; dicimus conſequenter, quod in bona fide ipſius hoc poſitum eſt. Hoc autem exigit bona fides, ut conſultantur periti Juris celeftis, atque divini, vel Scripta Sanctorum, atque prudentium de Pœnitentiæ injunctiõne, ubi Confeſſori propria peritia non ſufficit: & quod debita deliberatione, atque conſilio Pœnitenti injun-

„*xix*, hoc misericors Deus, tanquam gratam Satisfactionem, & sacrificium
 „reconciliationis, seu propitiationis a Pœnitente suscipit. Si enim ne er-
 „retur in iudicio, quo de agro vel fundo, vel de alia re temporali agitur,
 „tantopere consuluntur Libri Legum, ac Iudiciorum sæcularium, atque so-
 „licite examinatur factum, de quo, vel per quod iudicandum est, tanta
 „circumspectione cogitatur, deputatur, circumspicitur, atque pronuntiatur
 „etiam in scriptis Sententia: quanto magis similia omnia facienda sunt in
 „hoc iudicio spirituali? Et qui minori diligentia uteretur in isto iudicio,
 „quam in iudicio sæculari, manifeste negligens esset, & iniquus, atque in-
 „fidelis Iudex.

„*Id* confirmat *S. Antoninus*, III. P. Tit. XVII. cap. XXI. Quamvis (*in-*
 „*quit*) Pœnitentiæ injungendæ a Confessore Pœnitentibus hodie sint arbi-
 „trariæ, & ad arbitrium Iudicis, id est, Confessoris imponendæ, ut habe-
 „tur XXVI. *Quest. VII. Can.* Tempora, & De Pœnitentiâ *Dist. I. Can.* Men-
 „suram. Et hanc opinionem approbat consuetudo, & generaliter hoc ser-
 „vatur, ut dicit Hostiensis in Summa, Tit. De Pœnit. & Remiss. Tamen,
 „ut Sacerdos circa hujusmodi dispensationem cautius arbitretur, notandi
 „sunt casus, in quibus per Canones certæ Pœnitentiæ imponuntur. Nam
 „& Canones Pœnitentiales tenetur scire Sacerdos, alias vix in eo nomen
 „Sacerdotis constabit XXXVII. *Dist. Canon.* Quæ ipsi.

„Denique Concilii Tridentini Catechismus P. II. §. 113. & 114. In ir-
 „roganda (*inquit*) Satisfactionis pœna, Sacerdotes nihil sibi suo arbitratu
 „statuendum esse; sed omnia iustitia, prudentia, & pietate dirigenda exi-
 „stimabunt. Atque ut hac regula peccata metiri videantur, & Pœnitentes
 „scelerum suorum gravitatem magis agnoscant, operæ pretium erit inter-
 „dum eis significare, quæ pœnæ quibuldam delictis ex veterum Canonum
 „præscripto, qui Pœnitentiales vocantur, constitutæ sint. Igitur universæ
 „Satisfactionis modum culpæ ratio temperabit.

R E G U L A VIII.

In Pœnitentialium Canonum moderatione iustitiam, prudentiam, pietatem, cha-
 ritalitatem singularem Sacerdotes adhibere debent, ita ut nimiam severitatem,
 æque ac nimiam lenitatem devitent.

Hanc Regulam tradit Trullana Synodus, Canone ultimo. *Oportet*, in-
 quit, eos, qui solvendi, & ligandi potestatem a Deo accepere, peccati
 qualitatem considerare, & ejus, qui peccavit ad conversionem promptum stu-
 dium, & sic morbo convenientem asferre medicinam: ne si in utroque im-
 moderatione utantur, ab ejus, qui laborat, salute excidant. Non enim simplex est
 morbus peccati, sed varius, & multiformis, & multas incommodi propagines
 germinans; ex quibus malum multum diffunditur, & ulterius progreditur,
 donec viribus Medentis consistat. Quare, qui Medicinæ scientiam in Spiritu pro-
 ficitur, oportet eum primum ejus, qui peccavit, affectionem considerare; &
 sive vergit ad sanitatem, sive contra, propriis moribus provocat in se mor-
 bum, aspicere; quomodo ejus, quæ intercedit, vitæ, rationis, conversionisque
 curam gerat: & si Artifici non relinquitur, & ulcus animæ auget per im-
 positorum medicamentorum adjectionem: & sic misericordiam, prout dignus est,
 impertiri. Omnem enim rationem init Deus, isque, cui Pastoralis traditus est
 Principatus, ut errantem ovem reducat; & ei, quod est a serpente vulnera-
 tum, medeat; & neque per desperationis præcipitia impellat, nec ad vitæ
 dissolutionem, & contemptum fræna relaxet: sed una quidem omnino ratione,
 sive per acriora, & astringentia, sive per molliora, & leniora medicamenta

Canonum
Pœnitentia-
lium mode-
ratio.

affectioni resistat, & ad ulceris abduccionem annitatur, fructus Pœnitentiæ examinans, & sapienter dispensans, & gubernans hominem, qui ad superiorem illuminationem vocatur. Nos enim utraque scire oportet, & quæ sunt summi Juris, & quæ Consuetudinis. In iis autem, qui extrema non admittunt, sequi formam traditam, quemadmodum Sanctus docet Basilus.

Id confirmat Epistola Nicephori Carthophylæus ad Theodosium Monachum, Lib. iv. Juris Orientalis edita: Adhærendum est iis, inquit, quæ synodice promulgata, & confirmata sunt: deinde etiam ex personarum, & temporum, rerumque qualitate, correctionis dispensatio facienda, magno Basilio id permittente. Ceterum tua virtute illud indignum est, quod dicis, Homines ne auditu quidem Canonica præcepta ferre. Qui enim ea non admittunt, nullo modo sunt Christianarum partium, ob eamque causam non severe, & sine consolatione his tibi erit utendum, sed benigne, & facili Disciplina.

Hæc Regula confirmatur ex Innocentio III. Extra. De Pœnitentiis, & Remissionibus, cap. Deus qui: cujus hæc sunt verba: Ceterum cum Pœnitentia, non tam secundum quantitatem excessus, quam Pœnitentis contritionem, per discreti Sacerdotis arbitrium sit moderanda, pensata qualitate personæ, super fornicatione, adulterio, homicidio, perjurio, & aliis criminibus, consideratis circumstantiis omnibus... competentem Pœnitentiam delinquentibus imponatis, prout saluti eorum videritis expedire.

Item ex Synodo Lingonensi anno 1424. celebrata: Caveant Sacerdotes (inquit) ne gravent Pœnitentes per difficiles, vel onerosas Pœnitentias: sed eas imponant, quas putant posse, & velle Pœnitentem portare, ne deterius contingat peccare Pœnitentiam non adimplendo, etiamsi non deberent injungere, nisi unum Ave Maria. Debet enim sufficere Sacerdoti, si Pœnitentem liberatum videat ab offensa, & penam mittat ad Purgatorium, licet eundem Pœnitentem liberatum a culpa ad Paradisum non transmittat. Ibidem: Omnino caveant Sacerdotes, ne Pœnitentes dimittant recedere desperatos, propter gravitatem Pœnitentiæ, quantumcumque gravia commiserint peccata. Caveant etiam Sacerdotes, ne per Pœnitentias, quas injungunt, faciant præjudicia, vel onus alicui alteri, quam Pœnitenti: puta, non injungant marito, quod sit in onus uxoris, vel e contra, & sic de similibus.

Item ex Synodo Senonensi anno 1524. In injungendis, inquit, Pœnitentiis considerent Confessores peccatum, modum peccandi, tempus, locum, qualiter, & quando personam, qualitatem, & quantitatem culpæ, & Contritionem confitentis; & non injungant nimis magnas Pœnitentias, neque graves, & duras, sed moderatas, dicendo: Nimis parva est ista Pœnitentia, sed quicquid boni ultra feceris, hoc tibi valeat in remissionem peccatorum, & quantum poteris, abstineas a peccato. Si Pœnitens recuset Pœnitentiam propter ejusdem difficultatem, debet Sacerdos aliam mitiorem imponere, & nihilominus Pœnitentem absolvere. Idem habent Statuta Synodalia Ecclesiæ Trecentis.

Hanc Regulam pariter confirmat Synodus Parisiensis anno 1557. celebrata sub Eustachio Du Bellay Regiæ Urbis Episcopo, Tit. xxix. Satisfactionis partes sunt, oratio, jejunium, elemosyna; quæ tamen ratione habita, juxta horum, qui confitentur, vires, & delicti magnitudinem Confessarius imperet. Et qui vicem Domini, tam misericordis, & clementis tenet, ne sit erga Pœnitentes durus, ac difficilis, neve gravius pondus humeris confitentium, & forte impar imponat.

Concilium quoque Rhemense anno 1583. Tit. De Pœnitentia, §. 4. Ut autem (inquit) injunctæ penæ satisfacere valeant Pœnitentes, Sacerdos non se præ-

Canonum
Pœnitentia-
lium mod-
eratio.

præbeat nimis severum, neque tamen ita lenem, ut pœne contemptu ad rursum peccandum Pœnitentem potius invitet, quam ad novæ vitæ genus ineundum. Idem confirmat S. Thomas, Quodlibeto III. qu. XIII. art. 1. Videtur satis conveniens (inquit) quod Sacerdos non oneret Pœnitentem gravi pondere Satisfactionis: quia sicut parvus ignis a multis lignis superpositis de facili extinguitur, ita posset contingere, quod parvus affectus Contritionis in Pœnitente nuper excitatus, propter grave onus Satisfactionis extingueretur, peccatore totaliter desperante. Unde melius est, quod Sacerdos Pœnitenti indicet quanta Pœnitentia esset ipsi injungenda, & iungat nihilominus aliquid, quod tolerabiliter ferat; ex cuius impletionem assuescat, ut majora impleat.

Idem confirmat S. Raymundus Lib. III. §. 49. Si dicit se pœnitere de peccatis, & proponit de cetero abstinere, cum allegans fragilitatem, recusat Satisfactionis asperitatem, debet Sacerdos primo ipsum inducere, ut animum habeat paratum ad omnem Satisfactionem, ostendendo sibi magnitudinem peccatorum, quot, & quanta bona amisit propter ista peccata, quæ omnia recuperabit per Pœnitentiam. Ostendat etiam quantam pœnam sustinuit Adam, & totum genus humanum usque in finem sæculi, tantummodo, quia gustavit de pomo ligni vetiti; quanta ergo pœna debetur tantis, quæ tu commisisti? ... Si non potest eum ad hoc inducere, imponat ei talem Satisfactionem, cum voluntate sua, quam utiliter possit portare, ne forte postea frangendo, deterius peccet. Invitant nos ad hoc multa; primo exemplum Domini, qui numquam legitur gravem Pœnitentiam injunxisse. Joannis VIII. Vade, & amplius noli peccare. Item Jo: Chrysostomus super illum locum, Alligant onera gravia, & importabilia. Si Erramus modicam Pœnitentiam imponentes, nonne melius est propter misericordiam rationem reddere, quam propter crudelitatem? xxvi. qu. vii. Can. Alligant. Item in Evangelio: Nolite mittere vinum novum in utres veteres, &c. Ad hoc autem præcise laboret, ut peccator caulas, & radices removeat, & omnem occasionem peccandi pro posse tollat. ... Item si non potest gaudere Sacerdos de omnimoda ejus purgatione, gaudeat saltem, quia ipsum liberatum a gehenna ad Purgatorium possit transmittere.

Auctor Operis impetrecti in Matt. sub nomine S. Chrysost. laudatus a S. Raymundo, Homil. XLIII.

Et §. 55. Quia folius Dei est, quem, ut ait Augustinus, nec peccati qualitas, nec peccantis fallit affectus, videre Contritionis cujuslibet intensiorem pariter, & mensuram: Dispensatores Ecclesiæ, quibus non est datum occulta cordium cognoscere, debent vigilanti studio ad hoc intendere, ut per circumstantias, & signa exteriora interim majorem, vel minorem deprehendant intensiorem doloris, & secundum hoc majorem, vel minorem Satisfactionem injungant.

Cum Sanctis Thomas, & Raymundo sentit S. Antoninus III. P. Tit. xvi. cap. xx. docens sine causa legitima non esse dimittendas Pœnitentias antiquis Canonibus præscriptas. Est autem (inquit) satis rationabilis causa non dandi hujusmodi Pœnitentias indispositio Pœnitentium, etiam, quia non sufficeret aliquando tempus vitæ. Nam, ut dicunt Raymundus, & Hostiensis, debet Confessor dare talem Pœnitentiam, quam credat verisimiliter illum implere, ne ipsum violando deterius ei contingat. Quod si magna peccata commisit, & dicit se pœnitere, sed non posse aliquam duram Pœnitentiam agere, animer eum ad hoc Confessor, ostendendo ei gravitatem peccatorum, & per consequens pœnarum, & Pœnitentiarum sibi propterea debitarum: & sic tandem injungat ei Pœnitentiam, quam libenter suscipiat. Et si Sacerdos non potest gaudere de omnimoda purgatione ejus, saltem gaudeat, quod liberatum a gehenna transmittit ad Purgatorium. Ita

Canonum Pœnitentiarum moderatio.

que Confessor nullo modo debet permittere peccatorem desperatum recedere a se, ut inquit Hostiensis Quæst. vi. Can. *Presbyter* : Sed potius imponat ei unum *Pater noster*, vel aliud leve, & quod alia bona, quæ fecerit, & mala, quæ toleraverit, sint ei in Pœnitentiam. Concordat Thomas. Hoc tamen sane intellige : Videlicet, quia si alias ipsum pœnitent, & paratum dicit se facere, quod debet, sed onus Pœnitentiæ dicit non posse sufferre, tunc propter hoc, quantumcumque deliquerit, non debet dimitti sine Absolutione, ne desperet. Et dicit Petrus de Palude, quod debet Confessor, cum minorem Pœnitentiam debito imponit, innoscere ei, quod illa imposita non est condigna, ne decipiatur putans ipsam sufficere : sed quod deberet pro quolibet mortali septennem agere Pœnitentiam, quam si hic non faciet, luet in Purgatorio. Si tamen crederet per istam declarationem illum incidere in desperationem, non debet hoc dicere. Et infra : Imponendo Pœnitentias, ne vilescat Auctoritas Ecclesiæ, arbitretur Confessor, & ne potestas clavium contemnatur. De Pœnitentiâ, Dist. III. Can. Sunt, qui arbitrantur. 1. Dist. Can. Absit, & Can. Si quis præpostera. Et Minus malum est, si pure contingat errare dando nimis parvam, quam dando nimis magnam.

Hanc Regulam suo etiam suffragio, & approbatione munit S. Carolus Borromeus, in Instructionibus Pœnitentiæ. In Pœnitentia imponenda (inquit) adhibebit & prudentiam, & pietatem, & iustitiam. Habebit rationem status, conditionis, sexus, ætatis. Videbit, ne ei, qui in aliena potestate est, eam Pœnitentiam injungat, qua vel præjudicium afferatur illius juri, qui Pœnitentem in potestate habebat; neve eam, qua vel occasio detur spiritualis ruinæ, vel Pœnitentis, alteriusve peccatum detegi, vel aliquod scandalum suboriri, vel ipse Pœnitens nimium deterreri, remissive, & tepidus reddi possit. Quamobrem talem imponet, qualem ab eo præstari posse judicet. Proinde aliquando, si ita expedire viderit, illum interroget, an possit, anve dubitet Pœnitentiam sibi junctam peragere. Alioquin eam mutabit, aut minuet. Considerabit item animum, mentemque Pœnitentis, ac fletum, gemitum, & lacrymas intimi doloris indices.

Canonum
Pœnitentia-
rum mode-
ratio.

Et in Instructione Confessorum: Pro imponenda Pœnitentia prudens esse debet Confessor; nec ita levem adhibeat, ut Clavium potestas inde contemnatur, & ipse peccatorum alienorum evadat particeps; nec ita etiam gravem, aut diuturnam, ut Pœnitentes ei obsequi recusent, aut acceptam ex integro non exequantur.

Eandem Regulam tradit S. Franciscus Salesius, in Monitis ad Confessoriorum Instructionem editis, cap. VIII. Monet quippe Confessarium ab impositione Pœnitentiæ antiquis Canonibus præscriptæ abstinere posse, si Pœnitentem ad eam implendam paratum non videat : & consultius facturum, si tunc leviolem Satisfactionem illi imponat: cum, ut plurimum, expediat magis cum Pœnitentibus benigne, & amanter agere (ita tamen, ut in peccatis non adulentur) quam dure, & asperè illos tractare. Operæ tamen pretium esse, ut significet Pœnitenti, majorem ipsi Pœnitentiam, spectata peccatorum gravitate imponi debere, si summo jure cum ipso ageretur, ut præscriptam Satisfactionem humiliter, & ferventius impleat.

REGULA IX.

Non semper peccat Sacerdos, qui pro gravi peccato levioris Pœnitentiam imponit.

Congruæ Sa-
tisfactionis
impositio.

Hanc Regulam tradit S. Thomas, in iv. Sentent. Dist. xx. qu. 1. ar. 11. Quæstioncula 11. ad tertium: Sacerdos (inquit) minorem condigno Pœnitentiam injun-

De Sacramento Pœnitentiæ. Cap.VI.Art.VI. 263

injuuens, non semper peccat, tum quia non potest determinate quantitatem pœnie debite cognoscere, quamvis aliquando proprie consideratis Regulis Patrum determinare possit; tum quia quandoque etiam ex industria minorem Pœnitentiam imponens, plus prodest Pœnitenti, quam noceat, qui forte magnitudine pœne posset a Pœnitentia peragenda impediri propter debilitatem virtutis adhuc in eo de novo recuperatæ: & ideo negligit minus damnum, ut majus evitet: & iterum paulatim confortatus in eo divinus Amor ad plura Pœnitentiæ opera peragenda ipsum incitabit propria sponte, quam Sacerdos eidem secundum quantitatem peccatorum injungere potuisset.

R E G U L A X.

Pro minori peccato gravior quandoque Pœnitentia imponenda est.

ITa enim quandoque postulat spiritualis Medicinæ ratio, *Vel quia peccato unius difficilius potest resisti, quam peccato alterius; sicut juveni pro fornicatione imponitur major Pœnitentia, quam seni, quamvis minus peccet: vel quia in uno peccatum est periculosius, sicut in Sacerdote, quam in alio: vel quia multitudo magis prona est ad illud peccatum; & ideo per pœnam unius alii sunt ex terrendi, (inquit S. Thomas in iv. Sententiarum, Dist. xx. qu. i. art. i. Quæstiuncula 1.)*

R E G U L A XI.

Ægrotis significanda est Pœnitentia, quam implere teneantur, si convalescerint, ea- que interim imposita, quam in eo statu facile possint implere, sunt absolvendi.

HÆc Regula traditur Caufa xxvi. qu. vii. Canone. *Ab infirmis, qui ex Theodori Cantuariensis Archiepiscopi Pœnitentia sumptus est. Ab infirmis (inquit) in periculo mortis positus per Presbyteros pura inquirenda est Confessio peccatorum: non tamen illis imponenda quantitas Pœnitentiæ, sed innotescenda: & cum amicorum orationibus, & elemosynarum studiis pondus Pœnitentiæ sublevandum: & si forte migraverint, ne obligati a Communione: & consortio venie fiant alieni. A quo periculosi divinitus ereptus convalescerit, Pœnitentiæ modum a Sacerdote sibi impositum diligenter observet.*

Pœnitentia infirmis significanda.

Idem confirmat S. Carolus Borromæus in Instructionibus de Visitatione, & Cura Infirmorum. *Pœnitentiam (inquit) ne ideo nimis levem imponat, quod justa ab homine jacente non possit præstari; si probabile sit, quod convalescet, & tunc præstare poterit, quod non potuerat jacens. Quod si credibile sit, eum non amplius surrecturum, rationes Pœnitentiæ justæ eliget, quæ possint præstari a jacente; veluti magnam elemosynam pro facultatum modo. Suadebit vero semper, ut morbi afflictiones Pœnitentiæ loco libenter accipiat, Dominoque pro peccatis suis offerat.*

R E G U L A XII.

In peccatorum remedia Satisfactiones quasdam imponere convenit subito post peccatum peragendas.

Hanc Regulam tradit S. Carolus Borromæus in Instructionibus Confessorum: *In peccatorum (inquit) remedia imponantur Pœnitentiæ subito post peccatum peragende, ut blasphemi, verbi gratia, terram osculentur, aut elemosynas erogent, aut brevem recitent orationem. Aliis peccare solitis, ut quavis hebdomada, aut pro singulis diebus, ut illis suaverit suaderi poterit, confiteantur; sicque alia adhibeant remedia, quibus a peccatis abstineant. Item his, qui legere novierint, pro necessitate distribuuntur folia, in quibus habentur reme-*

Satisfactio medicinalis.

264 Theologiæ Dogmaticæ, & Moralis Liber II.

alia pro peccatis communioribus, luxuria scilicet, & blasphemia, & inter alias Penitentias imponatur, ut hæc legant toties per mensem, aut hebdomadam, plus aut minus, prout necessum fuerit, usque ad proximam Confessionem, aut donec ea memoriter didicerint.

R E G U L A XIII.

Satisfactiones intricatas, & ex variis operum generibus, aut diversarum orationum magno numero compositas, Confessarium Pœnitentiam vulgo imponere non expedit.

Consilium est S. Francisci Salesii in Monitis pro Confessariorum Instructione scriptis, cap. VIII. hac ratione fultum, quod illa diversarum orationum congeries, aut piorum operum varietas oblivionem Penitentiarum impositarum inducat, indeque anxietatem, & scrupulos pariat in animis Pœnitentium. Deinde remittitur, ac tepescit plerumque devotio, dum Pœnitens magis cogitat, quas orationes recitare, vel quid agere debeat, & quo die: quam attendat ad preces ipsas quas fundit, aut ad opera ipsa, quæ facit.

R E G U L A XIV.

Sacerdos qui eleemosynas, vel Missas in Satisfactionem imponit, nec sibi, nec Ecclesie suæ, aut Monasterio eas applicare potest, aut applicandas committere. Idemque in rerum incertarum Restitutione, Votorum commutatione, & aliis hujusmodi observandum est.

Impositio
Pœnitentiæ
ab omni spe-
cie cupidita-
tis aliena.

Hanc Regulam plurima Concilia tradunt, scilicet Eboracense anno MCXCV. Can. III. Prohibemus (inquit) ne Sacerdos Laico ad Penitentiam venienti obtentu cupiditatis injungat, ut Missas faciat celebrari.

Synodus Senonensis anno MDXXIV. Caveat Confessor, ne de restitutionibus faciendis aliquid sibi, seu ad utilitatem suam, vel suorum retineat, ne per hoc Pœnitentes a restitutione retrahantur, & etiam ne ipsi non Pœnitentarii, sed fraudulentii consiliarii videantur: sed omnia in eleemosynas, ubi fuerit major indigentia, expendantur: nec ullus Sacerdos præsumat celebrare Missas, quas in Pœnitentia injunxerit.

Odo Parisiensis Episcopus in Synodo: Nullus (inquit) Missas, quas injunxerit, celebret.

„ Statuta Synodalia Ecclesiæ Lingonensis: Quando Sacerdotes injungunt Pœnitentias de faciendo celebrari Missas, vel dicere aliquas orationes, vel dando pecunias, aut alias res pro eleemosyna, non inducant ipsi Sacerdotes, quod sibi dentur pecuniæ, vel aliæ res pro præmissis faciendis, nisi Pœnitentes proprio motu, absque persuasione Sacerdotis, vellent per Sacerdotem fieri.

„ Statuta Synodalia Ecclesiæ Trecensis: Cavere debent tam Episcopus, quam Confessor, ne de restitutionibus faciendis aliquid retineant, ne ex causa Pœnitentis a restitutione retrahatur: & ne ipsi non Pœnitentarii Ecclesiastici, sed fraudulentii consiliarii videantur; sed omnia in eleemosynas, ubi fuerit major indigentia, expendantur. Nullus Sacerdos Missas, quas injunxerit, audeat celebrare, ne credatur ipsas Missas injunxisse propter lucrum.

„ Synodus Carnotensis anno MDXXVI. Prohibemus, ne de bonis, & vagis restitutionibus Confessores aliquid ad suam, vel suorum utilitatem, præextu divini servitii, vel alias retineant: sed restituta, si sexaginta solidorum summam non excedant, distribuant intra mentem in eleemosynas, ubi major erit necessitas. Quod si major sexaginta solidis restitutio sit, deferatur ad

„ No.

Nos, aut Officiale nostrum, ut in similes usus convertatur, & non in aliam quampiam causam. Item, ut in Sacramento Pœnitentiæ committendi abusus suspicio tollatur, districte inhibemus, sub pena Suspensionis, ne illi Presbyteri celebrent Missas, quas in Confessione injunxerint celebrandas. Synodus Parisiensis anno 1557. *Si quis Confessarius Missas injunxerit, caveat ipse eas celebrandas recipere.*

Concilium Mediolanense III. Tit. VIII. De iis, quæ ad Pœnitentiæ Sacramentum pertinent. Si Pœnitentibus Pœnitentiæ præscribenda est aliqua pecuniæ ratio, ne sibi Sacerdotes Confessarii eam pecuniam, sed locis piis attribui curent, ut in officia, operaque pietatis erogetur: neque vero hujus pecuniæ distribuendæ curam ipsi ullo plane modo suscipiant. Neque præterea sibi dari curent, si quid eleemosynæ causa Pœnitenti erogandum est in Missæ Sacros Ritus faciendos.

Concilium Mediolanense IV. sub eodem Titulo, vetat *Nec capsule, loculive, colligendæ eleemosynæ causa, sive Confessarii usui, sive Ecclesiæ utilitati ea sit, ac ne ob id quidem ullum aliud opus, loco Confessionalibus proximo, nedum ipsi Confessionalibus affigantur, apponanturve.* Idem prohibet Concilium Aqueense anno 1584. Tit. *Que ad Pœnitentiæ Sacramentum pertinent.*

Statuta Synodalia Sifridi Colonienfis Archiepiscopi: Sub pœna Excommunicationis prohibemus Sacerdotibus, ne Missas, quas Pœnitentibus, ut celebrari faciant, injunxerint, aliquatenus celebrent, sed ad alios mittant. Neque Sacerdotes inter se faciant conventionem de Missis celebrandis, ut sic mutuo sibi Parochianos pro celebrandis Missis transmittant.

S. Carolus Borromæus in *Instructionibus Confessorum*: Ut Sacerdos liberius circa Pœnitentem debito fungatur officio, & auctoritate in ejus utilitatem semper gaudeat, ab omni avaritiæ specie alienus videri debet. Hinc non modo non petat, sed nec velle se habere significet pecuniam, aliamve rem pro suscepti in Confessione laboris munere; imo verbis, vel potius factis, ab his omnibus abhorre se demonstrat. Cum pro Pœnitentia Missas injunxerit, sibi, aut Ecclesiæ suæ, aut Monasterio dicendas non addicat. Quod idem servabitur in restitutionibus incertis, aut votorum commutatione, aliisque hujusmodi. Nec ipse pecuniæ, aliuvæ rei restituendæ provinciam assumat, nisi necessitas ad id eum adegerit, ne scilicet Pœnitens dignoscatur: tumque apocham recipiat ab eo, cui restitutionem contulerit, quam postea Pœnitenti tradet: ita denique legerat, ut nec minimam avaritiæ labis suspicionem contrahat.

R E G U L A X V.

Publicis peccatoribus publica Pœnitentia est imponenda, quam Confessarius cum privata commutare inconsulto Episcopo non debet.

Hanc Regulam tradit Concilium Tridentinum, Sessione xxiv. De Reformatione, cap. VIII. his verbis: *Apostolus monet publice peccantes palam esse corripiendos. Quando igitur ab aliquo publice, & in multorum conspectu crimen commissum fuerit, unde alios scandalo offensos, commotosque fuisse non sit dubitandum: huic condignam pro modo culpæ Pœnitentiam publice injungi oportet; ut quos exemplo suo ad malos mores provocavit, sue emendationis testimonio ad rectam revocet viam.* Episcopus tamen publice hoc Pœnitentie genus in aliud secretum poterit commutare, quando ita magis judicaverit expedire.

Et Concilii Catechismus P. II. §. cxvii. Si interdum etiam ad publicam offensionem publica Pœnitentia præscribenda fuerit, quamvis eam Pœnitens refugiat, ac deprecetur, non erit facile audiendus: verum persuadere ei oportebit, ut quæ tum sibi, tum aliis salutaria futura sunt, libenti, & alacri animo excipiant.

Omnis avaritiæ species in Pœnitentiæ institutione Confessarius vitanda.

Publica Pœnitentia quibus imponenda.

Publica Pœ-
nitentia pub-
licis pec-
toribus im-
ponenda.

„ Ita Concilium Mediolanense I. Tit. De Pœnitentia. Idem Confessores,
„ quemadmodum a Sancta Tridentina Synodo iussum est, publice peccantibus
„ publicam Pœnitentiam imponant; neque illud Pœnitentiæ genus, nisi data
„ ab Episcopo facultate, secreta alia pœna commutare audeant.
„ Concilium Mediolanense III. Studeat Episcopus ad Sacrorum Canonum,
„ & Tridentini Concilii præscriptum, pro publicorum delictorum gravitatis
„ ratione, & publicam, & solemnem Pœnitentiam in usum revocare. Quos
„ vero ita solemniter pœnitere oportet, mensē ante Quadragesimæ initium ad
„ se per Parochos deferri curet: ut primum incunte Quadragesimâ illi Pœni-
„ tentia affici, tum die Cœnæ Domini Ecclesiæ reconciliari possint statuto so-
„ lemnī Ritu. Id confirmant Concilium Mediolanense V. & Instructiones ab
„ iisdem Conciliis approbatæ. In iis, quæ Eucharistiæ Administrationem spe-
„ ctant, hæc habentur: Parochus neminem peccatis publicis irretitum ad
„ Communionem excipiet nisi prius scandalo publico satisfecerit, etiamsi Ab-
„ solutionis a Pœnitentiis, aut Confessoribus etiam Regularibus acceptæ tes-
„ timonium protulerit. Nec etiam admittet eos, qui juxta Concilii Triden-
„ tini, nostrarumque Synodorum Decreta, ad Pœnitentiam publicam, aut
„ solemnem tenentur, ob publicum, & in multorum conspectu commissum
„ crimen, quodque multis scandalum peperit. Siquidem Pœnitentiam publice
„ fieri necessum est juxta culpæ gravitatem, ut sua emendatione eos ad rectam
„ viam revocent, quos exemplo suo ad malum vocaverunt: nisi ipsi Parocho
„ confiterentur, hanc Pœnitentiam publicam in aliam a Nobis fuisse commutatam.
„ Eadem Disciplina confirmata est in Synodis Provincialibus Gallicanis post
„ Tridentinum celebratis, scilicet Burdigalensi anno 1583. cap. xii. *De Pœnitentia*;
„ Bituricensi anno 1584. cap. xxi. Canone 11. &c.

Antiquis Canonibus consona hæc Disciplina est. Ita namque Can. *Sed illud*,
Dist. XLVI. sumptus ex Origene, Hom. vii. in Josue: *Sed illud non otiose trans-*
mittendum est, quod uno peccante ira Dei super omnem populum venit. Hoc quan-
do accidit? Quando Sacerdotes, qui populo præsunt, erga delinquentes benigni vi-
deri volunt, & verentes peccantium linguas, ne forte male de eis loquantur, Sa-
cerdotalis severitatis immemores, nolunt complere, quod scriptum est: Peccan-
tem coram omnibus argue, ut ceteri timorem habeant, &c. Et Can. *Si pec-*
caverit, Causa 11. quæst. 11. *Ipsa corripienda sunt coram omnibus, quæ peccantur*
coram omnibus. Ipsa vero corripienda sunt secretius, quæ peccantur secretius.
Quæ S. Augustini verba sunt.

Et Can. *In Capite*, Dist. 1. *In Capite Quadragesimæ omnes Pœnitentes, qui pu-*
blicam suscipiunt, aut susceperunt Pœnitentiam, ante fores Ecclesiæ se represen-
tent Episcopo Civitatis, &c. De Pœnitentia publica solemni Ritu imponenda
hic Canon loquitur. Solemnem enim Pœnitentiam solus Episcopus imponere
potest; solus Pœnitentes solemni Ritu reconciliare. At publicam Pœnitentiam
Confessarius quilibet approbatus in Pœnitentiæ foro pro publicis peccatis
imponere potest, nisi publicæ quoque Pœnitentiæ impositionem Episcopus sibi
reservaverit: quo in casu peccatorem crimine aliquo publico irretitum Sacer-
dos ad Episcopum remittet.

Eadem Regula confirmatur ex cap. *Manifesta*, Extra. *De Pœnitentiis, &*
Remissionibus, cujus hæc sunt verba: *Manifesta peccata non sunt occulta corre-*
ptione purganda. Canones Pœnitentiales idem probant, antiquiora Concilia,
Nicænum, Ancyranum, Illiberitanum, &c. Epistolæ Canonicae SS. Basilii
ad Amphilochoium, Gregorii Nysseni ad Letoium, &c. S. Cypriani, pleræque
Epistolæ, & Tractatus De Lapis, S. Ambrosii Libri De Pœnitentia, S. Augu-
stini Sermones De Utilitate agendæ Pœnitentiæ, SS. Cæsarii, & Eligii
Hemiliæ plures, &c.

Publicæ autem Pœnitentiæ imponendæ ratio hæc erit, ut peccator publicus in Ecclesiæ Porticu genuflectere jubeatur, faciem ardentem manibus gestare, septem Psalmos aut alias preces Pœnitentiales recitare, dum ceteri Fideles Templum ingrediuntur; vel ipsos palam rogare, ut pro se miserrimo peccatore preces ad Deum fundant, vel in extrema Templi parte, prope januam, aut Baptismatis fontem, habitu modesto, demissis oculis, genu flexo, cum ardente face pariter orare: vel in solemnî aliqua Supplicatione nudis pedibus procedere: vel in Concione, quæ intra Missæ Parochialis solemnîa habetur a Parocho flexis, ut dictum est, genibus, Pœnitentis animi signa in totius Populi Christiani conspectu dare, Parocho alta voce dicente; (prout ipsum inter, & Pœnitentem convenerit) Infelicem illum peccatorem a Deo, quem graviter offendit, & Ecclesia, cui scandalo fuit, humiliter veniam precari, adstantium omnium orationes implorare; ut Pœnitentiam ejus Deo commendent; hæc peregrinationem ipsum Satisfactionis causa peracturum, aut singulis Dominicis statuto tempore in extrema Ecclesiæ parte septem Psalmos, aliaque preces Pœnitentiales, aut Rosarium recitaturum; vel pauperibus in Xenodochio ministraturum, aut in Monasterium aliquod ad certum tempus secessurum, ut Pœnitentiam agat; præter alia opera satisfactoria, quæ ipsi in Pœnitentiæ Tribunali imposita sunt a Sacerdote, qui Confessionem ejus excepit. Hoc fere modo publicam cujusdam Mathematici Pœnitentiam S. Augustinus moderatus est, ut constat ex ejus Enarratione, sive Sermone in Psal. xxi. *Ille (inquit) Ecclesiæ sitis, etiam istum quem videtis, bibere vult.... Ille ex Christiano, & Fideli Pœnitens redit: & territus potestate Domini, convertitur ad misericordiam Domini. Seductus enim ab Inimico, cum esset Fidelis, diu Mathematicus fuit, seductus seducens, deceptor decipiens, illexit, fefellit, multa mendacia locutus est contra Deum.... Modo, sicut de illo credendum est, horruit mendacium, & multorum hominum illeceorem se aliquando a diabolo sensit illeceum, convertitur ad Deum Pœnitens. Putamus, Fratres, de magno timore cordis accidisse.... Pœnitens est, non querit nisi solam misericordiam. Commendandus est ergo & oculis, & cordibus vestris. Eum, quem videtis, cordibus amate, oculis custodite.... Custodite vos, non vos lateat conversatio ejus, via ejus: ut testimonio vestro Nobis confirmetur vere illum ad Dominum esse conversum. Non enim silebit fama de vita ejus, quando sic vobis & videndus, & miserandus offertur.... Perierat ergo iste nunc quesitus, inventus, adductus est: portat secum Codices incendendos, per quos fuerat incendendus, ut illis in ignem missis, ipse in refrigerium transeat. Sciatis eum tamen, Fratres, olim pulsare ad Ecclesiam. Ante Pascha enim cepit petere de Ecclesia Christi medicinam. Sed quia talis est ars, in qua exercitatus erat, quæ suspecta esset de mendacio, atque fallacia, dilatus est, ne tentaret; & aliquando tamen admissus est, ne periculosus tentaretur. Orate pro illo per Christum. Prorsus hodiernam precem pro illo fundite Domino Deo nostro. Scimus enim, & certi sumus, quia oratio vestra delet omnes impietates ejus. Hæc exempli gratia proponuntur: nam & alias Pœnitentiæ pro publicis criminibus publice agendæ rationes, modosque Sacerdotibus suggeret prudentia Spiritus, & præcipue Episcopis, quorum consilium, ac voluntatem his in Casibus exquirere convenientius, ac tutius erit, ut æstimato pondere delicti, judicent num publicæ duntaxat, num solemnî Pœnitentiæ peccator sit addicendus; quis sit illi Satisfactionis modus imponendus pro ratione scandali, & spectatis personæ, sexus, ætatis, conditionisque circumstantiis, necnon signis Contritionis consideratis; ut denique videant, num forte expediat, Pœnitentiam publicam in aliam commutare, quæ privatim peragatur. Quæ quidem commutatio Episcoporum potestati reservata est ex Sacrorum Canonum præscripto, nec ab inferioris ordinis Sacerdotibus quibuscum-*

Publica Pœnitentia publicis peccatoribus imponenda.

que,

que, five Regularibus, five Sæcularibus, etiam Parochis, nisi cum Episcopi licentia fieri potest. Semper autem in potestate fuit Episcopi, etiam secundum antiquam Discipulinam, Pœnitentium satisfactorios labores moderari, & Pœnitentiæ tempus contrahere; ut probant cum alia, pleraque Antiquitatis Ecclesiastica monumenta, tum Nicæni Concilii Canon xiiii. *In his omnibus (inquit) propositum, & speciem Pœnitentie convenit explorare. Quotquot enim merui, & lachrymis, atque patientia, vel bonis operibus, rebus ipsis conversionem suam, non simulatione demonstrant; hi definitum tempus Audientis implentes, tum demum Fidelibus in oratione communicent: postmodum vero licebit Episcopo de his aliquid humanius cogitare.*

R E G U L A XVI.

Pœnitentia ab uno Confessario imposita, ab altero mutari non potest, nisi causa cognita, & graves ob causas.

Pœnitentiæ
commutatio.

Constat enim (inquit Sacra Synodus Tridentina Sessioe xiv. De Pœnitentia, cap. v.) Sacerdotes iudicium hoc incognita causa exercere non possent, neque æquitatem in penis injungendis, moderandis, aut commutandis servare. Quamobrem Canonibus sancitum est, ut quem unus Episcopus a Communione suspenderit, alter non admittat. Et cum publici peccatores a Germaniæ Sacerdotibus Pœnitentiam accipere nollent publice peragendam, ideoque Romam se conferrent, & per fraudem, ac subreptionem a Summo Pontifice Absolutionem, ac Indulgentiam extorquerent, Sæcè transigente Concilium anno mxxii. decrevit, ut nihil ipsis proficerent hujusmodi Indulgentiæ, nisi causâ cognita concessæ essent. Quia multi (inquit cap. 8.) tanta mentis suæ falluntur stultitia, ut in aliquo capitali crimine inculpatis Pœnitentiam a Sacerdotibus suis accipere nolint, in hoc maxime confisi, ut Romam euntibus Apostolicus omnia sibi dimittat peccata. Sancto visum est Concilio, ut talis Indulgentia illis non præstetur; sed prius juxta modum delicti Pœnitentiam sibi datam a Sacerdotibus suis adimpleant, & tunc Romam ire, si velint, ab Episcopo proprio licentiam, & literas ad Apostolicam ex eisdem rebus deferendas accipiant.

Hanc Regulam confirmat S. Raymondus, Lib. iii. §. 66. Ad illud (inquit) quod ultimo querebatur. Utrum Sacerdotes possint facere commutationes jejuniorum, vel alterius satisfactionis, ad petitiones ipsorum Pœnitentium: credo, quod sic, dum tamen discrete, & propter causam, & circa subditos suos, alias non. Dist. lxxxii. Can. Presbyter. Idem docet S. Antoninus, iii. parte Tit. xiv. cap. xv.

R E G U L A XVII.

Pœnitens opera satisfactoria sibi a Confessario imposita suscipere, & implere tenetur. Unde peccati lethalis reus est, qui Pœnitentiam pro lethali peccato sibi præscriptam implere negligit.

Præscripta
Satisfactio
necessario
adimplenda.

Hujus Regulæ rationem in antecessum protuli qu. v. art. 6. ubi de conditionibus Confessionis egimus. §. 7. & illud S. Antonini Tit. xiv. cap. xviii. §. 19. Pœnitentiam, seu Satisfactionem, que sibi imponitur a Confessore, facere debet: nam si ex negligentia omittit, cum proprio non faciendi id, quod sibi est injunctum pro mortalibus, mortaliter peccat: & si ejus est oblitus, tenetur iterum confiteri: sed si ejus recordatur adhuc, si vult eam facere, non tenetur iterum confiteri.

R E G U L A XVIII.

Peccator, cui leviores pœnæ pro gravibus peccatis sunt impostæ, alia satisfactionis opera sponte exercere, & implere debet.

Alioqui divinum illud præceptum non implet ore Sanctissimi Præcurforis promulgatum, *Facite fructus dignos Pœnitentiæ: & divinæ justitiæ vi-* ces in se ipsum, ut par est, non exequitur, dum peccatum suum impun- tum relinquit contra ejusdem justitiæ ordinem: de quo S. Gregorius Lib. ix. *Moralium*, cap. xvii. scribit: *Delinquenti Dominus nequaquam parciit, quia delictum sine ultione non deserit. Aut enim ipse hoc homo in se Pœnitens punit, aut hoc Deus cum homine vindicans percutit. Nequaquam ergo peccato parci-* tur, quia sine vindicta nullatenus laxatur.

Condigna
Satisfactio-
nis neces-
sitas.

Hanc Regulam S. Basilius Homilia in illud, *Attende tibi ipsi*, confirmat: „Itaque (*inquit*) attende tibi ipsi, ut pro delicti proportionem, hinc quo- que mutueris ex admota valetudinis instaurandæ subsidium. „Magnum est, & grave peccatum: multa habes opus confessione, lacrymis „amarulentis, peracri contentione vigiliarum, indivulso, & continenti je- „junio. Levis est, nec intoleranda offensio, huic quoque exæquetur Pœni- „tencia. Solum attende tibi ipsi, ut cognoscas animæ tuæ sanitatem, & „morbum.

„Idem confirmat S. Thomas. Quodlibeto III. qu. xiii. art. i. Peccator (*inquit*) est debitor alicujus Satisfactionis dupliciter: uno modo, ex in- „junctione Sacerdotis: alio modo, ex peccato commisso: unde si contin- „gat, quod Sacerdos minorem Satisfactionem imponat Pœnitenti, quam sit „illa, ad quam alligatur ex quantitate sui peccati, subtrahit eo, quod re- „mittitur virtute Clavium, & Contritionis præcedentis, nihilominus Pœ- „nitens ad aliquid ulterius obligatur, quod si in hac vita non perficiet, in „Purgatorio exsolvet: & e converso, si Sacerdos imponat majorem Pœni- „tenciam, quam Pœnitens facere teneatur pensata remissione, quæ est fa- „cta per vim Clavium, & Contritionem præcedentem, nihilominus Pœni- „tens tenetur facere, quod sibi injunctum est, si adsit facultas... Quæ ve- „ro Satisfactionis opera Pœnitens præter injunctionem expressam facit, ac- „cipiunt majorem vim expiationis culpæ præteritæ ex illa generali injun- „ctione, qua Sacerdos dicit, *Quicquid boni feceris sit tibi in remissionem pec-* „catorum: (unde laudabiliter contuevit hoc a multis Sacerdotibus dici) li- „cet non habeant majorem vim ad præbendum remedium contra culpam „futuram: & quantum ad hoc talis Satisfactio est Sacramentalis, in quan- „tum virtute Clavium est culpæ commissæ expiativa.

Ex his sequitur, Pœnitentem non posse tuta conscientia pœnas, quarum debitum superest, in Purgatorio luendas reservare. Lex enim ipsa naturæ præcipit, ut propositis duobus malis, minus eligatur: ut si quis sanari pos- sit a morbo lethali apertione venæ, aut abscissione brachii, teneatur eligere apertionem venæ: & gravissime peccaret si aliter faceret. Cum igitur ho- mo duobus modis justitiæ divinæ pro peccato satisfacere possit, aut in hac vita se ipsum utcumque puniendo, vel in Purgatorio manum Dei vindicis patiendo, Purgatorii pœnam eligere non licet, ac Pœnitentiæ labores longe leviores declinare.

R E G U L A XIX.

Satisfactio a Sacerdote injuncta majoris virtutis est quam sponte suscepta.

ITa docet S. Thomas, Quodlibeto III. qu. XIII. art. I. *Opus (inquit) quod quis facit ex injunctioe Sacerdotis, dupliciter valet Pœnitenti: uno modo ex natura operis: alio modo ex vi Clavium: cum enim Satisfactio a Sacerdote absolvente injuncta sit pars Pœnitentiæ, manifestum est, quod in ea operatur vis Clavium; ita quod amplius valet ad expiandum peccatum, quam si proprio arbitrio homo faceret idem opus.*

R E G U L A XX.

Sacerdos Pœnitentiæ partem arbitrio Pœnitentis relinquere potest.

ITa docet S. Thomas ibidem: Sacerdos (inquit) potest Pœnitenti Satisfactionem injungere, vel ex proprio arbitrio, vel etiam ex consilio alieno. Est ergo dicendum, quod sicut potest Sacerdos injungere Satisfactionem Pœnitenti ex arbitrio alieno, ita et ex arbitrio ipsius Pœnitentis; sicut si dicat, Facias hoc, si potes, & si non potes, facias hoc: & simile videatur, cum Sacerdos dicit, Quicquid boni feceris, sit tibi in remissionem peccatorum.

R E G U L A XXI.

Pœnitens graviores Pœnitentiam pro levioribus peccatis a Sacerdote sibi impositam adimplere tenetur.

ITa respondet S. Thomas, in IV. Sentent. Dist. XX. qu. I. art. II. *Quæstionculæ I. ad secundum: Pœnitens (inquit) cui major condigno Pœnitentiæ injuncta est, tenetur eam explere ex Sacerdotis injunctioe, qui non solum debitorum pœnæ considerat, sed peccato remedium adhibet.*

R E G U L A XXII.

Pœnitens impositæ sibi Satisfactionis onus propria auctoritate alteri imponere non potest; & si alter Satisfactionem pro ipso sponte suscepit, non ideo solutus est Satisfactionis obligatione, si per se ipsum satisfacere possit. Confessarius itaque permittere non debet, ut Pœnitens impositam Satisfactionem alteri committat adimplendam.

Satisfactio-
nis onus in
alterum
transferri
non potest.

HÆC Regula colligitur ex Concilio Lateranensi IV. Can. XXI. *Injunctam (inquit) sibi Pœnitentiam pro viribus studeat adimplere.* Hinc S. Jo: Chrysostomus, Hom. V. in Matthæum ait: *Si negligentes fuerimus, ac desides, nec per aliorum quidem possumus merita salvari.* Si vero mente vigilemus, etiam per nosmetipsos istud valeamus efficere, & multo magis nostro quam alieno tuti esse suffragio. Nam & Deus gratiam nobis potius, quam aliis rogantibus pro nobis vult donare: ut hoc ipso quo iram in nos ejus placare cupimus, ad studia meliora migremus, & fiduciam bonæ conscientie colligamus. Sic enim Chananeam illam aliquando miseratus est; sic Meretrici donavit salutem; sic Latronem e Cruce in Paradisum transtulit, nullius patroni, nullius precibus mediatoris inflexus. Et hec dicimus, non ut supplicandum esse Sanctis negemus, sed ne nosmetipsos in otium, ac desidiam resolvamus, & dormientes ipsi aliis tantummodo nostra curanda mandemus. Nam cum dixisset, Facite vobis amicos, non hic stetit, sed adjecit, ex iniquo Mammona: ut scilicet tuum id esset, ac proprium. Nihil quippe hic aliud quam misericordiæ opera designavit.

Luc. 16. 9.

Ea-

De Sacramento Pœnitentiæ. Cap.VI.Art.VI. 271

Eadem Regula S. Thomæ suffragio confirmatur, in iv. Sententiarum, sive Supplementi qu. xiii. art. ii. Nec etiam (inquit) exigitur quantum ad solutionem debiti , quod ille , pro quo fit Satisfactio , sit impotens ad satisfaciendum ; quia etiamsi esset potens , alio satisfaciente pro ipso , ipse a debito immunis esset . Sed hoc requiritur in quantum pœna satisfactoria est in remedium . Unde non est permittendum , quod aliquis pro alio Pœnitentiam agat , nisi defectus aliquis appareat in Pœnitente , vel corporalis , per quem sit impotens ad sustinendum , vel spiritualis , per quem non sit promptus ad portandam pœnam .

Merito igitur hanc inter alias Propositionem , ut minimum tanquam scandalosam , & in praxi perniciosam damnavit Alexander VII. Pontifex-Maximus ordine decimam quintam : Pœnitens propria auctoritate potest sibi substituere alium , qui , loco ipsius , Pœnitentiam adimpleat .

Propositio
damnata.

REGULA XXIII.

Satisfactoria opera in peccato mortali facta , quæ nullum in satisfaciendis effectum relinquunt , iterari debent a Pœnitentibus : non autem illa , quæ permanentem in homine relinquunt effectum .

Hanc Regulam tradit S. Thomas , in iv. Sentent. sive Supplementi q. xiv. art. iiii. ad tertium . Aliquæ (inquit) satisfactiones sunt , ex quibus manet aliquis effectus in satisfaciendis , etiam postquam actus satisfactionis transit , sicut ex jejuniis manet corporis debilitatio , & ex eleemosynarum largitione substantiæ diminutio ; & sic de similibus . Et tales satisfactiones in peccatis factæ non oportet , ut iterentur , quia , quantum ad hoc , quod de eis manet , per Pœnitentiam Deo acceptæ sunt . Satisfactiones autem , quæ non relinquunt aliquem effectum in satisfaciendis , postquam actus transit , oportet , ut iterentur , sicut orationes , & alia hujusmodi . Actus autem interior , quia totaliter transit , nullo modo vivificatur , sed oportet , ut iteretur : id est , actum illum quo satisfacere quis proposuit in peccato mortali existens , vel quo sive ad jejunandum , sive ad orandum , sive ad eleemosynam erogandam se voluntas ipsius applicavit , iterandus est a Pœnitente , cum fuerit in Dei amicitiam restitutus .

Opera Satisfactionis
iniunctæ
quando iteranda.

Eandem Regulam confirmat S. Antoninus , iii. P. Tit. xiv. cap. xx. tutiusque propterea esse docet , ut Confessarius etsi diuturnas imponat Pœnitentias jejuniorum , peregrinationum , similibusque operum , prout requirunt peccata , non tamen injungat diuturnas Pœnitentias orationum , & præcipue his , de quorum relapso celeri dubitat .

REGULA XXIV.

Quamvis nemo certo sciatur , se in statu gratiæ Deo satisfecisse , iterare tamen Satisfactionem non tenetur , nisi conscientiam habeat peccati mortalis .

Hanc Regulam tradit S. Thomas , art. ii. quæstionis mox indicatæ , ad secundum . Sicut (inquit) homo nescit pro certo utrum charitatem habuerit in satisfaciendo , vel habeat ; ita etiam nescit pro certo , utrum plene satisfecerit : & ideo dicitur Ecclesiastici v. De propitiato peccato noli esse sine metu . Nec tamen exigitur , quod propter hunc metum homo satisfactionem expletam iteret , si conscientiam peccati mortalis non habeat : quamvis enim pœnam non expiet per hujusmodi satisfactionem , tamen non incurrit reatum omissionis ex satisfactione neglecta ; sicut nec ille , qui accedit ad Eucharistiam sine conscientia peccati mortalis , cui subjacet , reatum indigne sumptionis incurrit .

RE-

ARTICULUS VII.

De Canonibus Pœnitentialibus.

CUm necessaria sit Sacerdotibus, qui Confessiones audiunt, Canonum Pœnitentialium scientia, ut iis velut Regulis quibusdam dirigantur, cum ad culpæ commissæ gravitatem recte dignoscendam, tum ad imponendam pro illius ratione congruam Satisfactionem, ut Patres docuerunt, Canones Pœnitentiales pro Decalogi ratione dispositos a *S. Carolo Borromæo*, & ex antiquis Patribus, & Conciliis, ex Pœnitentiali *Bede*, ex Pœnitentiali *Rabani*, & Pœnitentiali Romano, necnon ex *Burchardi Vormatiensis*, *Anselmi Lucensis*, *Yvonis Carnotensis*, & *Gratiani* Collectionibus maximam partem descriptos, hic exhibere operæ pretium est in gratiam Parochorum, ac Sacerdotum ceterorum, qui Confessiones excipiunt.

CANONES PŒNITENTIÆ.

Speſtantes peccata contra primum Decalogi Præceptum commiſſa.

„ **Q**ui a Fide Catholica deſciſcens, intimo, ſummoque prævaricationis
 „ ſuæ dolore affectus ad Eccleſiam redierit, Pœnitentiam aget annis
 „ decem.

„ Qui Dæmoni immolaverit, in Pœnitentia erit annis decem.

Canones Pœ-
 nitentiales.

„ Qui more Gentilium elementa coluerit: qui vel ſegetibus faciendis, vel
 „ ædibus extruendis, vel arboribus ſerendis, vel nuptiis contrahendis, ina-
 „ nem ſignorum fallaciam obſervaverit; Pœnitentiam aget annos duos feriis
 „ legitimis. Feriæ legitimæ ſunt ſecunda, quarta, & ſexta, Canonum le-
 „ gibus Pœnitentiæ, Jejunioque conſecratæ.

„ Qui cum Judæo cibum ſumpſerit, Pœnitens erit dies decem, pane, &
 „ aqua victitans.

„ Qui auguriis, & divinationibus ſervierit, quive incantationes diabolicas
 „ fecerit; Pœnitens erit annos ſeptem.

„ Mulier incantatrix Pœnitentiam aget annum; vel ut alio Canone ca-
 „ vetur, annos ſeptem.

„ Qui herbas medicinales cum incantationibus collegerit; Pœnitentiam
 „ aget dies viginti.

„ Qui Magos conſuluerit; quive domum ſuam induxerit, aliquid arte
 „ Magica exquirendi cauſa; in Pœnitentia erit annos quinque.

„ Qui ædes Magicis cantionibus luſtrat, aliudve tale admittit; & qui ei
 „ conſentit, quive conſulit; in Pœnitentia erit annos quinque.

„ Qui tempeſtatum immiſſor erit; Pœnitentiam aget annos ſeptem, tres
 „ in pane, & aqua. Qui vero crediderit, particepsve fuerit, annum unum
 „ per legitimas ferias.

„ Si quis ligaturas, aut ſcinationes fecerit; Pœnitens erit annos duos per
 „ legitimas ferias.

„ Si quis fortilegus erit; Pœnitentiam aget dies quadraginta.

„ Si quis in codicibus, aut in tabulis forte ducta res iuturas requiſierit,
 „ Pœnitens erit dies quadraginta.

„ Reſpiciens furta in Aſtrolabio, annis duobus.

„ Si quis Clericus, vel Monachus, poſtquam Deo voverit, ad ſæculum
 „ redierit; Pœnitentiam aget annos decem, quorum tres in pane, & aqua.

Speſtantes peccata contra ſecundum Decalogi Præceptum commiſſa.

Quicumque ſciens pejeraverit, quadraginta dies in pane, & aqua, & ſeptem ſequentes annos pœniteat, & nunquam ſit ſine Pœnitentia, & nunquam in teſtimonium recipiatur; & poſt hæc Communionem percipiat.

Qui perjurium in Eccleſia fecerit; Pœnitentiam aget annos decem.

Qui ſciens pejerat Domini impulſu; Pœnitens erit Quadageſimæ tres, & ſerías legítimas: Dominus autem quia præcepit, quadraginta dies in pane, & aqua, & ſeptem ſequentes annos.

Si quis ſciens pejeraverit, alioſque in perjurium induxerit; Pœnitens erit dies quadraginta in pane, & aqua, ſeptem ſequentes annos: & tot perjuria jejunabit, quot homines in perjurium induxerit.

Si quis ſuſpicatus ſe ad perjurium induci, ex conſenſu jurat; Pœnitentiam aget dies quadraginta, & ſeptem annos ſequentes, & nunquam ſine gravi Pœnitentia erit.

Si quis per cupiditatem perjurium fecerit; carinam in pane, & aqua jejundet, & quandiu vivit, omnes ſextas ſerías. Carinæ jejunium appellatur, quod per quadraginta dies in pane, & aqua fiebat, ut Burchardus interpretatur. Quidam carenam, alii carentenam, alii quadragenam dicunt. Item, ſi quis per cupiditatem pejeraverit; omnes res ſuas vendet, & pauperibus diſtribuet, & Monafterium ingreſſus jugi ſe Pœnitentiæ ſubdet.

Si quis coactus, neceſſitateque aliqua impulſus perjurium commiſerit; in Pœnitentia erit Quadageſimis tribus.

Item, ſi quis coactus pejeraverit; Pœnitens quadraginta diebus pane, & aqua viſcitet, ac præterea omnibus ſextis feriis.

Si quis ſeducus, ignorans, & poſtea cognoscit, Pœnitentiam aget annum unum, vel Quadageſimas tres, vel dies quadraginta.

Qui compellit alium, ut falſum juret; quadraginta dies in pane, & aqua, & ſeptem annos in Pœnitentia erit.

Si quis juſjurandum, quo ſe Regi, & Domino ſuo adſtrinxerit, violaverit: in Monafterio Pœnitentiam aget omnibus diebus vitæ ſuæ.

Si quis ſe jurejurando obſtrinxerit, ut cum aliquo litiget, nec pacem cum eo reconciliet; Pœnitentiam aget dies quadraginta in pane, & aqua, per annum a Sacra Communionem ſegregatus: ad charitatem vero celeriter redeat.

Si quis per capillum Dei, aut per caput ejus juraverit; ſi ſemel neſciens fecerit, Pœnitens aqua, & pane ſeptem dies viſcitet: ſi ſecundo, ac tertio monitus idem fecerit, dies quindecim.

Si per cælum, aut per aliam aliquam creaturam; dies item quindecim.

Si quis blaſphemat, tamdiu Pœnitens erit, quamdiu impenitens permaſit.

Si quis Deum, vel B. Mariam Virginem, vel aliquem Sanctum publicè blaſphemaverit; pro foribus Eccleſiæ diebus Dominicis ſeptem, inmanifeſto, dum Miſſarum Solemnia aguntur, ſtet: ultimoque ex illis die ſine pallio, & calceamentis, ligatus corrigia circa collum: ſeptemque præcedentibus feriis ſextis in pane, & aqua jejundet, Eccleſiam nullo modo tunc ingreſſurus. Singulis item ſeptem illis diebus Dominicis tres,

- „ aut duos, aut unum pauperem pascat, si potest; alioquin alia Pœnitentia
 „ afficiatur: recusans, Ecclesiæ ingressu interdicatur; in obitu Ecclesiastica
 „ careat sepultura. Dives a Magistratu mulctetur pœna solidorum quadra-
 „ ginta, alioqui triginta, seu viginti.

CANONES PŒNITENTIÆ.

Speſtantes peccata contra tertium Decalogi Præceptum commiſſa.

Canones Pœ-
nitentiales.

- „ **Q**ui opus aliquod servile die Dominico, Festive fecerit; Pœniten-
 „ tiam aget tres dies in pane, & aqua.
 „ Qui die Dominico opus terrenum fecerit dies septem Pœnitentiam aget.
 „ Si quis ante Ecclesias, vel die festo saltationes fecerit; emendationem
 „ pollicitus, Pœnitentiam aget annis tribus.
 „ Si quis pransus Missæ interfuerit, Pœnitens erit dies tres in pane, &
 „ aqua.
 „ Si quis Sacram Communionem sumpserit post aliquam, vel minimam
 „ degustationem; Pœnitentiam aget dies decem in pane, & aqua.
 „ Si quis in Ecclesia confabuletur, cum Divina fiunt; Pœnitens erit dies
 „ decem in pane, & aqua.
 „ Si quis Jejunia a Sancta Ecclesia indicta violarit; Pœnitentiam aget
 „ dies viginti in pane, & aqua.
 „ In Quadragesima, carne sine inevitabili necessitate vescens, in Pascha
 „ non communicet, ac præterea a carne abstineat.
 „ Qui in Quadragesima Jejunium violaverit; pro uno die Pœnitentiam
 „ aget dies septem.
 „ Si quis Jejunium Quatuor Temporum non custodierit, Pœnitens erit dies
 „ quadraginta in pane, & aqua.

CANONES PŒNITENTIÆ.

Speſtantes peccata contra quartum Decalogi Præceptum commiſſa.

- „ **Q**ui parentibus maledixerit, quadraginta dies Pœnitens sit in pane,
 „ & aqua.
 „ Qui parentes injuria affecerit, tres annos.
 „ Qui percusserit, annos septem.
 „ Qui expulerit, tamdiu Pœnitens, quamdiu in impietate permanſerit.
 „ Si quis contra Episcopum, Pastorem, & Patrem suum insurrexerit, in
 „ Monasterio omnibus diebus vitæ suæ Pœnitentiam aget.
 „ Si quis contra Episcopum conspiraverit, gradu suo amovebitur.
 „ Si quis Episcopi sui, aut Ministrorum ejus, vel Parochi sui præcepta
 „ contempſerit, vel irriterit, Pœnitentiam aget dies quadraginta in pane,
 „ & aqua.

CANONES PŒNITENTIÆ.

Speſtantes peccata contra quintum Præceptum Decalogi commiſſa.

- „ **Q**ui Presbyterum occiderit, Pœnitentiam aget annos duodecim.
 „ Si quis Presbyter Presbyterum occiderit, Pœnitentiam aget annos
 „ viginti octo.
 „ Si quis Presbyterum armis contra se irruentem occiderit; Pœnitens erit
 „ annos decem.
 „ Si quis patrem, aut matrem, fratrem, aut sororem occiderit; toto vi-

ta suæ tempore non suscipiat Corpus Domini nisi in obitu : abstineat a carne, & vino dum vixerit : jejundet secunda, & quarta, & sexta feria...

Si autem nolenti accidit, decem annis pœniteat Judicio Sacerdotis.

Qui voluntarie filium suum, aut filiam suam, vel germanum, aut germanam suam occiderit; quinque annis extra metas ipsius terræ exul fiat: deinceps viginti annis pœniteat.

Quæ mulier filios suos necarit, peracta septenni Pœnitentiâ, in Monasterium detrusa, Monasticam vitam perpetuo regulariter agat.

Si quæ mulier post partum, filium, filiamve sponte interfecerit; Pœnitentiam aget annos duodecim, & nunquam erit sine Pœnitentiâ.

Paupercula, si ob difficultatem nutriendi id commiserit, annos septem.

Si qua mulier sponte abortum fecerit; Pœnitentiam aget tres annos.

Si nolens, Quadragesimas tres.

Item: Mulier partum suum perdens voluntarie ante quadraginta dies, Pœnitens erit annum unum: Si post quadraginta dies, annos tres: Si vero postquam editus est in lucem, tanquam homicida.

Quæ sceleris occultandi causâ filium necarit; Pœnitentiam aget annos decem.

Qui nolens filium oppresserit, si post Baptismum, Pœnitentiam aget dies quadraginta in pane, & aqua, oleribus, ac leguminibus: abstinebit ab uxore dies totidem. Deinde Pœnitens erit tres annos per legitimas ferias: tres præterea Quadragesimas in anno observabit. Si ante Baptismum, quadraginta dies, ut supra, & quinquennii præterea Pœnitentiam explebit.

Cujus parvulus sine Baptismo per negligentiam moritur, tres annos pœniteat, unum in pane, & aqua.

Cujus filius sine Confirmationis Sacramento moritur; parentes, quorum negligentia id factum est, Pœnitentiam agent annos tres.

Canones Pœnitentiales.

Si quis explendæ causâ libidinis, vel odii meditatione, ut non ex eo soboles nascatur, homini, aut mulieri aliquid fecerit, vel ad potandum dederit, ut non possit generare, aut concipere; homicida teneatur.

Qui uxorem occiderit, aut Monasterium ingrediatur Pœnitentiam perpetuam acturus: aut cuncta negotia sæcularia dimittens, perpetuo abstineat a carne, sagimine, vino, medone, mellita, cervisia, exceptis diebus Resurrectionis, & Natalis Domini: uxorem non ducat, &c. in fine tantum vitæ Eucharistiam accipiat.

Si mulier maritum suum causâ fornicationis veneno interfecerit, aut quacumque arte perimere facit; sæculum relinquit, & in Monasterio pœniteat.

Qui mortem sibi consciverit: pro eo nulla in Missa commemoratio fiat, neque cum Psalmis ejus cadaver sepeliatur.

Si quis sponte hominem occiderit; ad januam Ecclesiæ semper erit; & in obitu Communionem recipiet. Si casu necarit, Pœnitentiam aget annos septem.

Si quis hominem necare voluerit, neque hoc scelus patrare potuerit, ut homicida Pœnitentiâ afficietur.

Si quis per iram subitam, aut per rixam hominem necarit; Pœnitentiam aget annos tres.

Si quis jussu domini homicidium perpetravit; dies quadraginta in pane, & aqua, & præterea septem annos sequentes per legitimas ferias jejunabit.

” Qui homicidii auctor fuit, ob consilium quod dedit, erit in Pœnitentia quadraginta dies in pane, & saqua, cum septem sequentibus annis.

” Si quis casu homicidium fecerit, Pœnitens erit quadraginta dies in pane, & aqua; quinquennio Communionem privabitur: a cibis abstinebit arbitrio Sacerdotis.

” Qui homicidio, quod postea factum est, consenserit; Pœnitentiam aget annis septem; tres in pane, & aqua.

” Si autem voluerit, nec potuerit, tres tantum annos.

” Si quis aliquem vulneraverit, vel ei aliquod membrum præciderit; Pœnitentiam aget uno anno per legitimas ferias: si cicatrix gravis est, & vulneratum deformem reddit; quadraginta etiam dies pœnitebit in pane, & aqua.

” Si quis istum proximo dederit, nec nocuerit; tridui Pœnitentiam aget in pane, & aqua: Clericus, unius anni, & mensium sex.

” Si quis aliquem per iram percutiens, debilitaverit: soluta medicamenti impensa, si Laicus est, Pœnitens erit quadraginta dies in pane, & aqua: si Clericus, duas quadragesimas, si Diaconus, septem mensibus, si Presbyter, uno anno.

” Si quis fratri suo, quem oderit, reconciliari non vult; tamdiu in pane, & aqua Pœnitentiam aget, quoad reconcilietur.

CANONES PŒNITENTIÆ.

Speñantes peccata contra sextum Decalogi Præceptum commissa.

Canones Pœnitentiales.

” **S**I Laicus solutus cum fœmina soluta concubuerit, Pœnitens erit annos tres: & quanto sæpius, tanto majori Pœnitentia afficietur.

” Uxor viro concilio mæchata, ne in obitu quidem communicabitur: si dignam Pœnitentiam egerit, post decem annos Sacram Communionem sumet.

” Si quis uxorem nolentem adulterium perpetrare coegerit; Pœnitentiam aget dies quadraginta in pane, & aqua, & septem præterea annos, & quibus unum in pane item, & aqua.

” Vir solutus, si cum alterius uxore adulterium commiserit, Pœnitentiam aget annos septem, mulier quinque.

” Mulier soluta cum alterius marito adulterium patrans, Pœnitentia afficietur decennali.

” Si quis maritus semel lapsus est, Pœnitentiam aget annos quinque.

” Si sæpius mæchatus est, in fine vitæ est conveniendus; sique promiserit se cessaturum, dabitur ei Communio.

” Si quis uxorem simul, & concubinam habuerit; in Pœnitentia erit annos septem, & amplius pro ratione culpæ.

” Qui cum uxore sua turpiter concubuerit, Pœnitens erit quadraginta dies.

” Si quis adolescens cum virgine peccaverit, Pœnitentiam aget annum unum.

” Qui puellam, aut mulierem libidinose obtræxerit, si Clericus est, quinque dies; si Laicus, tres dies Pœnitentiam aget: Monachus, vel Sacerdos a Ministerio suspensus, Pœnitens erit dies viginti.

” Si quis in balneis cum muliere se laverit, Pœnitentiam aget triduo.

” Qui concupierit virginem, quam postea uxorem duxerit; Pœnitentiam aget annum unum per legitimas ferias: si vero non duxerit, annos duos per legitimas ferias.

” Vidua,

- 57 Vidua, quæ stuprum admiserit, Pœnitentiam aget annum unum, &
 58 præterea altero anno dies jejuniorum, *Feriis nimirum legitimis.*
 59 Cum duabus sororibus fornicatus, Pœnitentiam aget toto vitæ suæ
 60 tempore.
 61 Qui incestum fecerit (*non ita enormem*) ei alii annorum duodecim,
 62 alii quindecim, alii decem, alii septem Pœnitentiam constituunt.
 63 Quicumque Sacerdos spiritualement filiam violaverit, dignitatis honorem
 64 amittet, & perpetuam Pœnitentiam aget.
 65 Qui Monialem violaverit, Pœnitens sit annis decem.
 66 Presbyter, si fornicationem admiserit, sponte confessus Pœnitentiam a-
 67 get annos decem.
 68 Qui cum brutis cojerit; Pœnitentia afficietur annorum decem, & diutur-
 69 niori etiam pro personæ conditione.
 70 Qui contra naturam cojerit; si servus est, scopis castigabitur, & pœ-
 71 nitentibus annos duos: si liber est, & Matrimonio junctus, anno duos: si
 72 liber est, & Matrimonio junctus, annos decem: si solutus, annos se-
 73 ptem: pueri dies centum: Laicus Matrimonio junctus, si in consuetudi-
 74 ne habeat, annos quindecim: si Clericus, de gradu amotus, ut Laicus
 75 Pœnitentiam aget: qui cum fratre tale scelus admiserit, ab omni carne
 76 abstinebit, Pœnitensque erit annos quindecim: si Clericus, diuturniori &
 77 & graviori Pœnitentia afficietur.
 78 Mulier in se, aut cum altera fornicans, Pœnitentia afficietur duorum
 79 annorum. Vir se inquinans primo dies decem; si iterum, dies viginti; si
 80 tertio dies triginta, si nefarie agere perget, Pœnitentiæ accessio ei fiet: si
 81 puer, dies quadraginta: si major quindecim annis, dies centum.
 82 Qui complexu feminæ, vel osculo polluitur, Pœnitentiam aget dies tri-
 83 ginta: qui contactu inverecundo, menses tres.
 84 Qui concupiscit mente, sed non potuit; dies decem Pœnitentiam a-
 85 get.
 86 Qui turpiloquio, aspectuque polluitur negligens, nec vero peccare vo-
 87 luerit; Pœnitentiam aget dies viginti: si vero impugnatione tentationis,
 88 & cognitionis inquinatur, penitebit item dies viginti.
 89 Quicumque lenocinium exercuerit, Pœnitentiam aget annos duos per
 90 legitimas ferias: item Sacram Communionem non accipiet nisi in fine.
 91 Si quæ mulier cerussa, aliove pigmento se oblinat, ut aliis viris placeat;
 92 Pœnitentia afficietur annorum trium.

Canones Pœ-
nitentiales.

CANONES PŒNITENTIÆ.

Speſtantes peccata contra ſeptimum Decalogi Præceptum commiſſa.

- 93 **Q**ui furatus est aliquid de Ecclesiæ suppellectili, vel thesauro; quod
 94 sustulit, reddet; & tres carinas cum septem sequentibus annis pe-
 95 nitentibus.
 96 Qui Sacras Reliquias furatus est, illis restitutis, septem carinas jeju-
 97 nabit.
 98 Pecuniam Ecclesiasticam furatus, quadruplum reddet; si quid item
 99 de Ministerio Ecclesiæ aliquo modo surripuerit, Pœnitens erit annos se-
 100 ptem.
 101 Sacrilegus rerum Ecclesiasticarum invasor tres annos Communionem pri-
 102 vabitur: ac præterea sine esu carnis & potatione vini usque ad septennium
 103 Pœnitens permanebit.

Nat. Alex. Theol. Tom. II.

S 3

Qui

- „ Qui Ecclesiam incenderit, aut incendio consenserit, restitutione facta;
 „ Pœnitentiam aget annos quindecim.
 „ Si quis malo studio, vel odio, vel ulciscendæ injuriæ causa, incendium commiserit, committive jusserit, aut incendiario auxilium, vel consilium scienter dederit, excommunicatur: mortuus Christiana Sepultura carebit. Nec vero absolvetur, nisi damnum pro facultatibus relierit: juretque se impostero tale facinus nunquam admissurum.
 „ Si quis sepulchrum violaverit, Pœnitens erit annos septem; & quibus tres in pane, & aqua.
 „ Qui sepulchrum intregerit, ut defuncti sepulti vestimenta furaretur; Pœnitens erit annos duos per legitimas serias.
 „ Qui de oblationibus, quæ Ecclesiis factæ sunt, aliquid retinuerit: Pœnitens erit dies quadraginta in pane, & aqua.
 „ Qui decimam sibi retinuerit, aut dare neglexerit; quadruplum restituet, & Pœnitentiam aget dies viginti in pane, & aqua.
 „ Qui Hospitalis Domus Administrator, aliquid de administratione subtraxerit; restituet, quod abstulit, Pœnitensque erit annos tres.
 „ Qui pauperem oppresserit, ejusque bona abstulerit; reddet ei suum, & Pœnitens erit dies triginta in pane, & aqua.
 „ Clericus furtum capitale faciens, septenni Pœnitentiam explebit: Laicus quinquennii, & quod furatus est, reddat.
 „ Qui frugerit noctu alicujus domum, aut aliquid auferet, pretium reddet, & Pœnitentiam aget annum in pane, & aqua: si non reddit, annos duos.
 „ Si quis furtum de re minori semel, aut bis fecerit; restituta re, Pœnitentiam aget annum unum.
 „ Qui rem inventam non reddit, furtum committit: idcirco tanquam de furto Pœnitentiam aget.
 „ Si quis uluras accipit, rapinam facit, ideoque quicumque illas exegerit, Pœnitentiam aget annis tribus, uno in pane, & aqua.

CANONES PŒNITENTIÆ.

Speſtantes peccata contra octavum Decalogi Præceptum commiſſa.

Canones Pœnitentiales.

- „ **Q**ui affirmaverit verum eſſe, quod falſum eſt, Pœnitentiam aget, ut adulter, ut homicida, qui ſponte id facinus admiserit.
 „ Qui falſo teſtimonio conſenſerit; Pœnitens erit annos quinque.
 „ Qui proximo falſum crimen objicit, Pœnitentia afficitur ut falſus teſtis.
 „ Qui proximo peccatum imputarit, priuſquam eum arguerit; primum illi ſatisfaciens Pœnitentiam aget tres dies.
 „ Si quis contra proximum lingua laſcivus erit, triduana Pœnitentia expiabitur.
 „ Si quis murmuraverit, Judicio Sacerdotis Pœnitentiam aget pro culpæ gravitate.
 „ Si quis convitium manifeſtum fratri intulerit, diuturna expiabitur Pœnitentia pro modo peccati.
 „ Si quis facile detraxerit, falſumque in hoc dixerit; Pœnitens erit dies ſeptem in pane, & aqua.
 „ Qui falſitatem, fraudemve in ponderibus, & menſuris admiserit, Pœnitens erit in pane, & aqua dies viginti.
 „ Falſarius in pane, & aqua Pœnitentiam agat, quamdiu vivit.

CANO.

CANONES PŒNITENTIÆ.

Speſtantes peccata contra nonum Decalogi Præceptum commiſſa.

” **R**em alienam nefarie concupiſcens, avaruſque, Pœnitens erit annis
” tribus.

” Qui aliena concupiſcit, furtum eſt: qui aliena rapere cupit, rapina
” eſt: qui res Eccleſiæ furari appetit, ſacrilegium eſt: ideo cum nefarie
” concupiſcendo graviter peccet, ut peccati mortalis Pœnitentiam aget Sa-
” cerdotis arbitratu.

” Qui rem aliquam proximi pretioſam invenire cupit, ut illam ſibi re-
” tineat; mortale peccatum concipit, cujus Pœnitentiam aget, ut ſupra-
” dictum eſt de furto.

CANONES PŒNITENTIÆ.

Speſtantes peccata contra decimum Decalogi Præceptum commiſſa.

” **S**i quis concupiſcit fornicari; ſi Episcopuſ, Pœnitens erit annos ſe-
” ptem: ſi Presbyter, quinque: ſi Diaconuſ, vel Monachuſ, tres; &
” quibus unum in pane, & aqua: ſi Clericuſ, aut Laicuſ, annos duos. Canones Pœ-
” Si quis in ſomnis ex immundo deſiderio polluitur; furgat, & cantet nitentiales.
” ſeptem Pſalmos Pœnitentiales: & in die triginta.

” Si Clericuſ, aut Laicuſ ex mala cogitatione, concupiſcentiaque ſemen
” effuderit; Pœnitens erit dieſ ſeptem.

CANONES PŒNITENTIÆ.

*De ſeptem peccatis Capitalibus, ſpeciatiſque de Gula, &
Ebrietate.*

” **P**ro capitali, mortaliſque crimine Pœnitentia ſeptem annorum indi-
” tur, niſi peccati gravitas, & perſonæ ſtatuſ ſeveriorem, diuturnio-
” remque Pœnitentiam requirat.

” Pro capitali crimine, Pœnitentiam aget Laicuſ annos quatuor, Cle-
” ricuſ quinque, Subdiaconuſ ſex, Diaconuſ ſeptem, Presbyter decem, E-
” piſcopuſ duodecim.

” Sacerdoſ imprudenter ebriuſ factuſ, pane, & aqua Pœnitentiam agat
” dieſ ſeptem: ſi negligenter, dieſ quindecim: ſi per contemptum, dieſ
” quadraginta.

” Diaconuſ, & aliuſ Clericuſ ebriuſ factuſ, arbitrio Sacerdotiſ Pœni-
” tẽs erit.

” Monachuſ ebriuſ, pane, & aqua menſibus tribuſ: ſi Clericuſ, viginti
” dieſ.

” Laicuſ ebriofuſ graviter arguatur, & Pœnitentiam agere a Sacerdote
” cogatur.

” Qui humanitatiſ gratia aliuſ inebriare cogit, Pœnitentiam aget dieſ
” ſeptem: ſi per contemptum, dieſ triginta.

” Qui ad bibendam invitã pluſ quam naturæ ſatiſ eſt, Pœnitentiam
” agat.

” Qui præ ebrietate, & crapula vomituſ fecerit, ſi Presbyter, aut Diaconuſ,

- 30 Penitentiam agat dies quadraginta. Si Monachus, aut Clericus, dies trigin-
 31 ta. Si Laicus, dies quindecim, abstineatque a vino, & carne dies tres.
 32 Si quis gulæ causa ante horam legitimam jejunium fregerit duos dies
 33 Penitentiam aget in pane, & aqua.
 34 Si quis nimio cibo se ingurgitaverit, ut inde dolorem senserit; unum
 35 diem Penitentiam aget in pane, & aqua.

CANONES POENITENTIÆ.

Pro variis peccatis

- 30 **S**I quis Sacerdos Missam canit, neque communicat; per annum Penitentiam
 31 agat, nec vero interea celebret.
 32 Sacerdos excommunicatus si celebrat; tribus annis Pœnitens sit, hebdo-
 33 madisquo singulis feria secunda, quarta, & sexta, a vino & carnibus
 34 jejunct.
 35 Sacerdos, Sacerdotii sui gradu, ordineque in perpetuum amotus, si cele-
 36 brare audet, privatur Communione Corporis, & Sanguinis Jesu Christi
 37 usque ad ultimum diem, & in Excommunicatione est, Viaticum tantum
 38 in fine sumens.
 39 Si gutta Sanguinis Christi in terram cadit, Sacerdos in Pœnitentia sit quin-
 40 quaginta diebus; si super Altare, & ad pannum unum transit, diebus duobus;
 41 si usque ad pannos duos, diebus quatuor: si usque ad tres, diebus novem. Si
 42 incaute dimiserit, quamvis nil nefandi acciderit; tribus mensibus a sui muneris
 43 Administratione amovetur.
 44 Qui per ebrietatem Eucharistiam evomit; si Laicus est: quadraginta die-
 45 bus; si Clericus, sexaginta, si Episcopus nonaginta diebus, si infirmus Pœ-
 46 nitentiam agat diebus septem.
 47 Sacerdos, qui interest clandestinis desponsationibus, per triennium ab Offi-
 48 cii sui administratione amovetur.
 49 Qui legata pia Ecclesiæ non solvit, uno anno Pœnitens erit per legitimas
 50 ferias.
 51 Qui vir faciem suam transformaverit habitu muliebri, & mulier habitu vi-
 52 ri; emendationem pollicitus, annis Pœnitens sit tribus.
 53 Infirmos, aut viectos visitare negligens, Pœnitentiam aget dies decem, pa-
 54 ne, & aqua victurus.

CAPUT VII.

DE ABSOLUTIONE SACRAMENTALI.

ARTICULUS I.

Quibus verbis Absolutio constet?

PROPOSITIO I.

*Absolutio Sacramentalis his verbis necessario constat, Absolvo te, aut certe
 verbis æquivalentibus.*

De Absolu-
 tione Sacra-
 mentali.

ITa docet Concil. Trident. Sess. XIV. cap. III. scilicet, Sacramenti Pœ-
 nitentiæ formam, in qua præcipue vis ipsius sita est, in illis Ministri ver-
 bis positam esse; Ego te absolvo, &c. Quibus quidem de Ecclesia sancte mo-
 re

re preces quedam laudabiliter adjunguntur : ad ipsius tamen formæ essentiam nequaquam spectant, neque ad ipsius Sacramenti Administrationem sunt necessariæ.

Et Concilii Tridentini Catechismus par. 11. §. 19. De Sacram. Pœnit. Est autem forma: (inquit) Ego te absolvo: quam non solum ex illis verbis licet colligere: Quæcumque solveritis super terram, erunt soluta & in cælis; „ Sed Math. 18. ex eadem Christi Domini doctrina ab Apostolis tradita accepimus. Ac „ quoniam Sacramenta id significant, quod efficiunt, & illa, Ego te absolvo, ostendunt peccatorum remissionem hujus Sacramenti Administratione „ effici; planum est, hanc esse Pœnitentiæ perfectam formam. Sunt enim „ peccata tanquam vincula, quibus constrictæ animæ tenentur, & ex quibus Pœnitentiæ Sacramento laxantur.... Adduntur præterea complures „ preces, non quidem ad formam necessariæ; sed ut ea removeantur, quæ „ Sacramenti vim, & efficientiam illius culpa, cui administratur, impedire „ possent.

Idem confirmat S. Thomas, 111. par. qu. LXXXIV. ar. 111. Unde nec pronomen: Ego, quod in verbo includitur, neque hæc verba, a peccatis tuis, ad essentiam formæ spectant, ipsique prætermis, rata nihilominus esset Absolutio, quamvis Sacerdos illa prætermittens, gravis peccati reus esset. Hæc etiam verba, In Nomine Patris, & Filii, & Spiritus Sancti, quamvis uturpari debeant ex Ecclesiæ usu, & convenientia sint ad significandum Sacerdotes non principali, sed ministeriali duntaxat auctoritate, ut Christi Ministros a peccatis absolvere; non sunt essentialia, quia non sunt determinata ex Institutione Christi, sicut in forma Baptismi.

Dixi, his verbis, aut æquivalentibus Absolutionis formam constare: qui enim diceret, Ego remitto tibi, vel, Condono tibi omnia peccata tua, vel Mea Mediocritas habet te venia donatum, & absolutum qua forma Græcos uti eorum Euchologia, & Arcudius testantur, vere absolveret. Tamen peccaret gravissime Latinus Sacerdos aliis verbis Absolutionem exprimens, ab iis, quæ in Sacramentariis, & Ritualibus Ecclesiæ Latinæ Libris sunt præscripta.

Quod autem monui, Sacerdotes Auctoritate duntaxat ministerii peccata remittere; Deum autem & Christum Dominum auctoritate principali, S. Agustinus egregie explicat Serm. xcix. alias Hom. xxiii. inter Homilias 1. cap. 11. Ut evidentius (inquit) ostenderet Dominus ab Spiritu Sancto, quem donavit Fidelibus suis, dimitti peccata non meritis hominum, quodam loco sic ait resurgens „ a mortuis, Accipite Spiritum Sanctum, & cum dixisset, Accipite Spiritum Sanctum, continuo subiecit: Si cui dimiseritis peccata, dimittuntur ei: „ Hoc est, Spiritus dimittit, non vos. Spiritus autem Deus est. Deus ergo dimittit, „ non vos. Sed ad Spiritum quid estis vos? „ Nescitis, quia templum Dei estis, & „ Spiritus Dei habitat in vobis? Et iterum, Nescitis, quia corpora vestra templum a vobis est Spiritus Sancti, quem habetis a Deo? „ Deus ergo habitat in „ templo sancto suo, hoc est, in Sanctis suis Fidelibus, in Ecclesia sua: per eos „ dimittit peccata, quia viva templa sunt. Sed qui dimittit per hominem, potest „ dimittere, & præter hominem. Et S. Ambrosius Lib. 111. De Spiritu Sancto ait: Homines in remissionem peccatorum ministerium suum exhibent, „ non jus alicujus potestatis exercent. Neque enim in suo, sed in Patris, & Filii, „ & Spiritus Sancti nomine peccata dimittunt. Isti rogant, divinitus donat. Humanum enim obsequium, sed munificentia supernæ est potestatis,

Absolutio Deprecatoria, vel nulla, vel certe dubia Sacramenti Pœnitentiæ forma est.

ID probant *Eugenius IV.* in Decreto Instructionis Armenorum, & Sacram Synodus Tridentina, Formam Sacramenti Pœnitentiæ in his verbis positam afferentes, *Ego te absolvo*: & quidem Scripturæ Sacræ verba deprecationis non meminerunt pro Sacramento Pœnitentiæ. Non enim dicunt: Quorumcumque solutionem perieritis, sed *Quodcumque solveritis*.

Secundo, Sacramentum Pœnitentiæ a Christo institutum est ad modum Judicii: Judex porro non fert sententiam orando, sed ex Tribunali pronuntiando, & solvendo, vel ligando.

Tertio, Ecclesiæ usu non deprecatoria, sed indicativa duntaxat Pœnitentiæ forma recepta est. Unde *Clemens VIII.* Pontifex Maximus in Instructione de Ritibus Græcorum, edita anno millesimo quingentesimo nonagesimo quinto ita statuit: *In casu necessitatis, Presbyteri Græci Catholici possunt Latinos absolvere. Utantur forma Absolutionis in Generali Concilio Florentino præscripta: & postea, si voluerint, dicant Orationem illam deprecativam, quam pro forma hujusmodi Absolutionis dicere tantum consueverunt.*

Quarto, nostram Propositionem probat *S. Thomas* Opusculo xxii. cap. ii. *Pater* (inquit), ex dictis Salvatoris, quod habens claves absolvit. Præsumptuosum ergo est, ne dicam erroneum, ut Sacerdos dicere non possit, *Ego absolvo te*, quem Dominus absolvere confitetur. Ad hoc etiam est communis consuetudo tali forma utentium, cui aliquem contrariari, non parvæ præsumptionis est. Et in exemplum offert, quod *Apostolus ait in Epist. II. ad Corinthios*, Se donasse peccatum in persona Christi, quasi dicat, secundum Glossam, se absolvere a peccato..... Non est etiam parva auctoritas ejus, quod in Ecclesia cantatur: *Iam Bone Pastor Petre clemens accipe vota precantum, & peccati vincula resolve tibi potestate tradita*. Potestas autem tradita Petro est potestas clavium. Potest ergo habens claves dicere, *Ego te absolvo*. Nec hoc solum convenienter dicere potest, sed & necessarium esse videtur; quia Sacramenta novæ Legis efficiunt id, quod figurant. In Sacramento autem Pœnitentiæ verba Scripturæ, quæ maxime sectanda sunt, non faciunt mentionem de aliqua deprecatione; sed magis ipsa verbo indicativo utitur. Non enim dicit, Quæcumque perieritis esse solvenda, erunt soluta, sed, *Quæcumque solveritis*. Si ergo illa tantum dicuntur esse solvenda, quæ habens claves solverit: qui autem petit, aliquid esse solvendum, non solvit: miror, qua temeritate aliquis asserat esse solum, quem habens Claves non significat se solvere, sed solum rogat esse solvendum. Sicut autem temerarius est in solvendo, sic vaniloquus in probando, dum frivola quædam pro rationibus inducit, puta quamdam Postillam super Summam Raymundi, quæ in Absolutione nullam verborum formam præscriptam esse dicit, sicut est in Baptismo, & in Eucharistia: ubi derisorium in tanta re Postillam Summæ pro auctoritate adducere. Sed ne Postillatori fiat injuria, dicamus, quod alia ratio est de Absolutione ab Excommunicatione, quæ non est sacramentalis, sed magis judiciaria, jurisdictionem consequens, & aliud de Absolutione a peccatis in Sacramento Pœnitentiæ, quæ consequitur potestatem clavium, & est sacramentalis. In illa enim verba efficaciam habent ab intentione dictantis: unde non relict quibuscumque verbis utatur ad exprimendam suam intentionem: in Sacramentis autem verba efficaciam habent ex institutione divina:

An absolutio deprecatoria valida, sit?

De Absolutione deprecatoria.

na: unde tenenda sunt verba determinata, consonantia divinæ institutioni
 ni. Institutioni autem dicentis, *Quodcumque solveris, &c.* hæc verba conveniunt, *Ego absolvo te*, ac propterea tenenda sunt.

Secundo ponit, quod Magister, qui Sententias compilavit, non posuit hanc formam, nec aliquem Sanctorum ea legimus usum esse. Contra quod dicendum est, quod nec Magister formam posuit, nec legitur alia forma qua Sanctorum aliquis usus fuerit; sicut nec etiam legitur, quod aliquis hanc formam negaverit. Legitur autem quod ipse Institutor Sacramenti dixit, Quodcumque solveritis, quod est majus omni auctoritate.

Inducit quoque sic sensisse quosdam antiquos, & famosos Magistros, scilicet Magistrum Guillelmum de Altrifodoro, & Magistrum Guillelmum quondam Parisensem Episcopum, & Dominum Hugonem quondam Cardinalem: de quibus, quod ita senserint, non constat. Sed etsi sic senserunt, nunquid eorum opinio præjudicare poterit verbis Domini dicentis Petro, Quodcumque solveris? &c. Nunquid etiam, si nunc viverent, præjudicare possent communi Sententiæ Magistrorum Parisiis Regentium, qui contrarium sentiunt, decernentes absque his verbis, *Ego te absolvo*, Absolutionem non esse per solam deprecativam orationem?

Obijciunt testimonio Patrum, qui peccata precibus Sacerdotum remitti afferunt. Ita S. Pacianus in Parænesi ad Pœnitentiam: Qui fratribus peccata sua non taceat, Ecclesiæ lacrymis adiutus, Christi præcibus absolvitur.

S. Augustinus Hom. xlv. cap. iii. „Agite Pœnitentiam, qualis agitur in Ecclesia, ut oret pro vobis Ecclesia. Nemo sibi dicat, Occulte ago, apud Deum ago. Ergo sine causa dictum est, *Que solveritis*, &c. Et Lib. iii. De Baptismo, cap. xvi. Manus impositio non sicut Baptismus repeti non potest: quid est enim aliud nisi oratio super hominem;

S. Leo Epist. lxxxiii. alias xci. ad Theodorum Foro-Juliensem Episcopum scribit, Deum sic præsidia suæ Bonitatis ordinasse, *Ut indulgentia Dei nisi supplicationibus Sacerdotum nequeat obtineri* Multum utile, ac necessarium est, ut peccatorum reatus ante ultimum diem Sacramentali supplicatione solvatur.

Respondetur primo, Patres laudatos intelligi de Oratione, quæ præmittitur Absolutioni, non vero quod Absolutionis formula sit simplex oratio. Ita respondet S. Thomas iii. P. qu. lxxxiv. art. iii. ad secundum.

Respondetur secundo, Solemne esse Patribus, ut orationis nomen formis Sacramentorum tribuant, quod preces in Sacramentorum confessione adhiberi soleant, quibus verba ipsa inferuntur, ut iis veluti gradibus ad Sacramenta perficienda, vel suscipienda animus præparetur. Sic forma consecrationis Eucharistiæ, Canonis Missæ infera interdum precatio, & oratio dicitur a Patribus Græcis, & Latinis, S. Basilio Lib. De Spiritu Sancto, cap. xxxvii. S. Augustino Epist. cxlix. alias lxx. ad Paulinum, S. Gregorio Magno Lib. ii. Epist. lxi.

Respondetur tertio, Patres exponi posse de Oratione super publicos Pœnitentes fundi solita, de qua Tertullianus *Tenere præterea pauperum manus, viduas obsecrare, Pre bytern advolvi, orationes Ecclesiæ deprecari, omnia potius tentare ne pereas.*

Obijciunt, antiquos Libros Rituales, & Pœnitentiales, Sacramentaria, Pontificalia ante annum supra millesimum scripta nullam aliam Absolutionis formulam quam deprecatoriam exhibere.

Respondetur, Formulas illas, quæ ex veteribus Ritualibus, & Sacramentalibus proferuntur, Absolutionem sacramentalem non ipsestare, sed judicialem, & canonicam. Unde maxima pars Orationum, sive Formularum illarum hunc titulum inscriptum habet: *Orationes ad reconciliandos Pœnitentes Feria v. in Cæna Domini.* Spectant igitur publice Pœnitentium Reconciliationem, quæ mere cæremonialis est, non sacramentalis.

De Absolutione deprecatoria.

Obijcitur testimonium *Guillelmi Parisensis* cap. xix. *De Sacramento Pœnitentiæ*, scribentis: *Dubitandum nullatenus est, quin per utrumque Sacerdotem plenam gratiam sanctificationis, & Absolutionis recipit* (ille, qui: Confessionem dividit) *nisi per ipsum steterit: neque more forinsecorum Judicum pronuntiat Confessor, Absolvoimus te, non condemnamus; sed magis orationem facit super eum, ut Deus Absolutionem, & remissionem, atque gratiam sanctificationis tribuat.*

Respondetur, *Sententiam Guillelmi Parisensis* esse, quod non auctoritate suprema, & absoluta, sed precatória peccatores absolvant Sacerdotes; proindeque aâui judiciali supplicationem præmittant. Secundo, discrimen intercedere inter forentes Judices, & Confessarium, quod illi non absolvant præsumptum reum nisi ab hoc, aut illo crimine, de quo lis ipsi intentata fuit; iste vero Pœnitentes ab omnibus peccatis absolvat. Unde post verba in objectione laudata subdit: *Et nemo dubitat, quin possit, & debeat Confessor orare Patrem misericordiarum, ut etiam remittat peccata, quæ nec ipse Pœnitens in se cognoscit, & eundem Confessori recognoscit. Unde in Absolutione consentium non consueverunt dicere Sacerdotes, Dimittat tibi Deus peccata, quæ confessus es mihi, sed potius omnia. Certe Alexander Aensis* cœvus, aut supra *Guillelmo Parisensi*, meminit Absolutionis indicativæ tamquam usui Ecclesiæ perpetuo consecratæ. iv. p. Summæ, qu. xxi. M. c. i. *Sacerdos* (inquit) *per potestatem Clavis Mediator est Dei ad hominem, & hominis ad Deum. Unde per ipsum peccator ascendit ad Deum: & sic est Sacerdos os peccatoris, sive loquens de peccatore: & per ipsum descendit Deus ad hominem; & sic est Sacerdos os Dei, eo quod separat pretiosum a vili. Secundum quod ascendit, habet se per modum inferioris, & supplicantis: secundum quod descendit, per modum Superioris, & judicantis. Secundum primum modum potest gratiam impetrare, & ad hoc est idoneus. Secundum alterum modum, potest Ecclesiæ reconciliare; & ideo in signum ejus præmittitur in forma Absolutionis oratio per modum deprecatorium, & subjungitur Absolutio per modum indicativum.*

Obijcitur testimonium *Francisci Mayronis* in iv. Sententiarum, dist. xiv. qu. i. scribentibus, Quosdam suo tempore in administrando Pœnitentiæ Sacramento adhuc ea formula usos, *Absolvat te Deus Pater, Deus Filius, Deus Sp. Sanctus.* Et in responsione ad 111. ait: *Sic fiebat in Provincia Provincia, sed improbatâ fuit ista forma.*

Respond. Provinciæ Sacerdotes a legitima Absolutionis forma aberrasse: unde merito improbatâ est ab Episcopis, & Doëtoribus deprecatoria formula, quam usurpabant. Porro si ad duodecimum usque sæculum usurpata fuisset in Ecclesia forma deprecatoria, non improbassent Episcopi, & Doëtores illius usum tot sæculis præscriptum, & consecratum. Nulquam enim nisi in novitates, corruptelas, abusus, & errores, Episcopos, & Doëtores Catholicos infurrexisse videris.

A R T I C U L U S II.

Quis sit hororum verborum sensus:

Ego te Absolvo?

P R O P O S I T I O U N I C A.

Sensus horum verborum, Ego te Absolvo, non est, Declaro tibi remissa esse peccata, sed, Tibi peccata remitto.

Absolutio
non est mera
declaratio
remissionis
peccatorum.

Christus enim se illam potestatem Discipulis tradere significavit, quam ipse a Patre acceperat: Joan xx. *Sicut mihi me Pater, & ego mitto vos. Accipite*

recipite Sp. Sanctum: quorum remisistis peccata, remittuntur eis, &c. Christus autem Dominus non solum declarat remissa esse peccata, sed ea vere remittit: igitur & Sacerdotes accepta ab ipso potestate peccata dimittunt, non solum remissa esse declarant. Unde *S. Leo*, Sermone de Transfiguratione ait: *Nec in solvendis, aut ligandis, quorumcumque causis aliud ratum esset in cœlis, quam quod Petri sedisset arbitrio.* Et *S. Bernardus* Sermon. 1. De Sanctis Petro, & Paulo ait: *Præcedit sententiam cœli sententia Petri.*

Secundo, id docet, ac definit Sacra Synodus Tridentina sess. xiv. cap. vi. & can. ix. cujus hæc sunt verba: *Siquis dixerit, Absolutionem Sacramentalem Sacerdotis non esse actum judicalem, sed nudum ministerium pronunciandi & declarandi remissa esse peccata confitenti. Anathema sit.*

Tertio, idem docet *S. Thomas* 1.1. p. q. lxxx. art. 1.1. ad v. *Ista* (inquit) Absolutio non est mera declaratio remissionis peccatorum. Ego te absolvo, ,, idest, absolutum ostendo quantum ad aliquid ,, quidem vera est, non tamen perfecta: Sacramenta enim novæ Legis non ,, solum significant, sed etiam faciunt, quod significant. Unde sicut Sacerdos ,, baptizando aliquem, ostendit hominem interius ablutum per verba, & facta, ,, & non solum significative, sed etiam effective; ita etiam cum dicit, *Ego te absolvo*, ostendit hominem absolutum, non solum significative, sed etiam ,, effective. Nec tamen loquitur quasi de re incerta; quia sicut alia Sacramen- ,, ta Novæ Legis habent de se certum effectum ex virtute Passionis Christi (licet ,, possit impediri ex parte recipientis) ita etiam & in hoc Sacramento. Unde *S. Augustinus*, dicit *Lib. 11. De Adulterinis Conjugiis, cap. ix. Non est turpis, nec difficilis post patrata, & purgata adulteria reconciliatio conjugii, ubi per Claves Regni cœlorum non dubitatur fieri remissio peccatorum.* ,, Unde nec Sacerdos ,, indiget speciali revelatione sibi facta, sed sufficit generalis revelatio fidei, per ,, quam remittuntur peccata. Esset autem perfectior expositio, *Ego te absolvo*, idest, *Sacramentum Absolutionis tibi impendo.*

Quarto, idem confirmat Conc. Trid. Catechismus p. 11. §. xxi. * ex Sacer- * De Pœnit. dotum Novæ Legis excellentia supra Sacerdotes Veteris Legis. *Neque enim* (inquit) *ut in Veteri Lege Sacerdotes testimonio suo aliquem a lepra liberatum esse dumtaxat renuntiabant: ita nunc in Ecclesia ea tantum potestas Sacerdotibus facta est, ut aliquem a peccatis absolutum esse declarent: sed vere tamquam Dei Ministri absolvent: id quod Deus ipse gratiæ, & iustitiæ auctor, ac parens efficit.* Hinc *S. Jo. Chrysostomus*, *Lib. 111. De Sacerdotio* ait: *Corporis lepram purgare, seu verius dicam, haud purgare quidem, sed purgatos probare, Judæorum Sacerdotibus solis licebat: at vero nostris Sacerdotibus, non corporis lepram, verum animæ sordes, non dico purgatas probare, sed purgare, prorsus concessum est.*

Sacerdotes tamen auctoritatem non habent absolvendi pro arbitrio, quos vo- luerint, sed necesse est, ut expendant eorum merita, vitam, & dispositionem; & quos dispositos repererint, absolvant, quos indispósitos, non absolvant: si- cut Sacerdotes veteris Testamenti potestatem non habebant pro suo arbitrio judi- candi quoslibet mundos esse a lepra. Hoc sensu *S. Hieronymus* in c. 16. *S. Mat- thæi*, explicans illa verba, *Et tibi dabo claves regni cœlorum, & quodcum- que solveris super terram, &c.* ait: *Ilum locum Episcopi, & Presbyteri non in- telligentes, aliquid sibi de Phariseorum assumunt supercilio, ut vel damnent in- nocentes, vel solvere se noxios arbitrentur: cum apud Deum non sententia Sa- Lev. 24- cerdotum, sed reorum vita queratur. Legimus in Levitico de leprosis, ubi ju- bentur, ut ostendant se Sacerdotibus, & si lepram habuerint, tunc a Sacerdo- te immundi fiant: non quo Sacerdotes leprosos faciant, & immundos: sed quos habe- ant notitiam leprosi, & non leprosi, & possint discernere, qui mundus quive immun- dus sit. Quomodo ergo ibi leprosum Sacerdos mundum vel immundum facit: sic & his alligat, vel solvit Episcopus, & Presbyter: non eos, qui infantes sunt, vel*

noxii (idest, non alligat infontes, vel noxios impœnitentes absolvit) sc̃t̃ pro officio suo, cum peccatorum audierit varietates, scit qui ligandus sit, quive solvendus.

Hæc autem verba, *Ego te absolvo* Catholico, quem exposuimus, sensu intellecta, Non minus vere de illo etiam homine Sacerdos pronunciat, qui prius ardentissimæ Contritionis vi, accedente tamen Confessionis voto, peccatorum veniam a Deo consecutus sit; ut docet Conc. Trid. Catechismus. Contritio enim perfecta peccata non delet, ac remittit, nisi in ordine ad Ecclesiæ claves, & Sacramentum, quod his verbis, *Ego te absolvo*, perficitur, & exhibetur; quæ quidem verba tam ex Christi institutione, quam ex Ecclesiæ, & Ministri intentione significant effectum, quem Sacramentum per se operatur, si aliunde nihil obitet. Quamobrem a S. Pio V. merito damnati sunt illi Michaelis Baji art. 54. *Absolutione Sacerdotis proprie reatus peccati dumtaxat tollitur, & ministerium Sacerdotis solum liberat a reatu*. Et 55. *Peccator pœnitens non vivificatur ministerio Sacerdotis absolventis; sed a solo Deo, qui Pœnitentiam suggerens, & inspirans, vivificat cum & resuscitat: ministerio autem Sacerdotis solus reatus tollitur*.

Damnati
Baji Arti-
culi.

A R T I C U L U S III. REGULÆ PRAXIM SPECTANTES

Circa Absolutionem.

R E G U L A I.

Obviis quibusque concedenda non est Absolutio; sed iis omnibus neganda, quorum nulla vel fida conversio: iis differenda, quorum dubia, & incerta Pœnitentia est.

Quibus con-
cedenda, vel
neganda Ab-
solutio.

LEges enim quas Christus Ministris suis præscripsit, exigunt, ut peccata illis dumtaxat relaxent, qui ea oderunt; qui lavant se, ac mundant Pœnitentiæ Baptismo; qui malum cogitationum suarum auferant non solum ab oculis hominum, sed etiam ab oculis Domini; qui peccatum, ejusque occasiones fugiunt, & bene operari discunt; qui de omnibus peccatis Pœnitentiam agunt, & promptum ad omnia præcepta custodienda gerunt animum; qui corde novo per justitiæ amorem sibi facto, projiciunt a se omnes prævaricationes suas, sincereque ad Deum convertuntur, a quo fuerant averfi. Ita 1. Lavamini, mundi estote, auferte malum cogitationum vestrarum ab oculis meis: quiescite agere perverse, discite benefacere: querite judicium, subvenite oppresso, judicate pupillo, defendite viduam. Si fuerint peccata vestra ut coccinum, quasi nix dealbabitur; & si fuerint rubra quasi vermiculus, velut lana alba erunt. Et Ezech. xviii. Si impius egerit Pœnitentiam ab omnibus peccatis suis, quæ operatus est, & custodierit omnia præcepta mea, & fecerit judicium, & justitiam, vita vivet, & non morietur; omnium iniquitatum ejus, quas operatus est, non recordabor; in justitia sua, quam operatus est, vivet. Convertimini, & agite Pœnitentiam ab omnibus iniquitatibus vestris; & non erit vobis in ruinam iniquitas. Projicite a vobis omnes prævaricationes vestras in quibus prævaricati estis, & facite vobis cor novum, & spiritum novum; & quare morimini domus Israel? Quia nolo mortem morientis, dicit Dominus Deus; revertimini, & vivite. Si his legibus Deus veniam delictorum pollicetur, non est in hominis potestate aliis legibus eam impetrari. Non est servus major Domino suo; nec amplior est potestas dispensatoris, quam voluntas Principis.

In Evangelio datur hominibus potestas remittendi peccata, sed iis, qui Pœnitent-

nitentiam egerint, dicente Christo Marth. iv. *Pœnitentiam agite: Appropinquavit enim Regnum cœlorum.* Et Lucæ xii. *Nisi Pœnitentiam habueritis, omnes similiter peribitis.* Sub hac Pœnitentiæ conditione S. Petrus adultis promittit per Baptismum peccatorum remissionem, Act. ii. *Pœnitentiam (inquit) agite, & Baptizetur unusquisque vestrum in nomine Jesu Christi, in remissionem peccatorum vestrorum.* Iis igitur, quos vere non pœnitet, peccata non remittuntur. Hinc S. Augustinus, in Psal. xxxii. ait: *Deus conversis ad se peccata donat, non conversis non donat.* Et S. Fulgentius, Epistola ad Venantium: *Ipsa (inquit) iustitia Deitalis est, ut aversos damnet, conversos salvet.* Ratio hujus ordinis est, quod *Deus sic dat peccatis veniam, ut iustitiam in ipsa miseratione, rationemque custodiat;* (ut loquitur S. Petrus Chrysologus Serm. xxx.) Iustitiam autem violaret, si eis, qui peccandi voluntatem non exuunt, peccatorum veniam indulgeret. Si Deus nonnisi conversis, & sincere Pœnitentibus peccata remittit, non debent, nec possunt ejus Ministri eanon conversis remittere; si Deus conversos dumtaxat solvit, non possunt, nec debent eos absolvere, quorum ficta, aut dubia conversio est. *Quam ineptum* (inquit Tertullianus, Lib. De Pœnitentia, cap. vi.), *quam iniquum Pœnitentiam non adimplere, & veniam delictorum sustinere; hoc est, pretium non exhibere, ad mercedem manum emittere.* Hoc enim pretio Dominus veniam addicere instituit; hac Pœnitentiæ compensatione redimendam proponit impunitatem. Si ergo, qui venditant, prius nummum, quo paciscuntur, examinant, ne scalptus, ne verasus, ne adulter: etiam Dominum credimus Pœnitentiæ probationem prius inire, tantam nobis mercedem, perennis scilicet vitæ concessurum. Sed differamus tantis per Pœnitentiæ veritatem. Tunc opinor emendatos liquerit, cum absolvimus. Nullo pacto. Sed cum pendente venia, pœna proficitur: cum adhuc liberari non meretur, * ut possimus mereri: cum Deus comminatur, non cum ignoscit. Peccator ante veniam deslere se debet, quia tempus Pœnitentiæ idem quod periculi, & timoris. Furto quidem aggredi, & Præpositum hujus rei asseverationibus tuis circumduci facile est. Sed Deus thesauro suo providet, nec finit obrepere indignos. Quid denique ait? Nihil occultum, quod non revelabitur. Quascumque tenebras factis tuis superstruxeris, Deus lumen est. Quidam autem sic opinantur, quod Deus necesse habeat præstare etiam indignis, quod spondit, & liberalitatem ejus faciunt servitutem.

Quibus commendanda, vel neganda Absolutio.

* Id est: cum nos indignos veniam censentur.

Propositionem nostram confirmant S. Cyprianus, in Tractatu De Lapsis docens Reis, qui nullos protulerunt Pœnitentiæ fructus, qui nullo temporis spatio delicta sua planxerunt, qui sinceræ, constantisque conversionis signa vitæ novitate, & satisfactoriis operibus non ediderunt, pacem, sive Absolutionem dari non debere; si detur, irritam, & falsam esse, periculosam dantibus, & nihil accipientibus profuturam. Emergit (inquit) novum genus cladis: & quasi parum persecutionis procella sævierit, accessit ad cumulum sub misericordiæ titulo malum fallax, & blanda perniciēs. Contra Evangelii vigorem, contra Domini, ac Dei legem temeritate quorundam laxatur incautis communicatio: irrita, & falsa pax, periculosa dantibus, & nihil accipientibus profuturum. Non quærunt sanitatis patientiam, nec veram de Satisfactione medicinam. Pœnitentia de pectoribus excussa est, gravissimi, extremique delicti memoria sublata est. Opriuntur morientium vulnera; & plaga lethalis, altis, & profundis visceribus infixæ dissimulato dolore contegitur. Ante expiata delicta, ante exomologesim factam criminis, ante purgatam conscientiam Sacrificio, & manu Sacerdotis, ante offensam placatam indignantis Domini, & minantis; pacem putant esse, quam quidam verbis fallacibus venditant. Non est pax illa, sed bellum, nec

Irrita, & falsa pax, quæ non vere Pœnitentibus datur.

Ecce

Quibus concedenda, vel neganda Absolutio?

Ecclesiæ jungitur, qui ab Evangelio separatur. Quid iniuriam beneficium vocant? Quid impietatem vocabulo pietatis appellant? Quid eis, qui flere jugiter, & rogare Dominum suum debent, intercepta Penitentiae lamentatione communicare se simulant? Hoc sunt ejulmodi lapsis, quod grandio frugibus; quod turbidum sidus arboribus; quod armentis pestilens vastitas; quod navigiis sæva tempestas. Solatium æternæ spei adimunt, arborem a radice subvertunt; sermone morbido ad lethale contagium serpunt: navem scopulis, ne in portum perveniat, illidunt. Non concedit pacem facilitas ista, sed tollit: nec communicationem tribuit, sed im-pedit ad salutem. Persecutio est hæc alia & alia tentatio, per quam subtilis inimicus impugnandis adhuc lapsis occulta populatione grassatur; ut lamentatio conquiescat, ut dolor sileat, ut delicti memoria evanescat, ut communitur peccatorum gemitus, statuatur fletus oculorum; nec Dominum graviter offensum longa, & plena Penitentia deprecetur, cum scriptum sit: *Memento, unde cecideris, & age Penitentiam*, .: Ceterum si quis præpropera festinatione temerarius remissionem peccatorum dare se cunctis putat posse, aut audet Domini præcepta rescindere; non tantum nihil prodest, sed & obest lapsis: provocasse est iram, non servasse sententiam: nec misericordiam prius Dei deprecandam putare, sed contempto Domino de sua facultate præsumere.

1. p. 2. 55.

Ep. 31. inter
Ep. S. Cypri-

Interitiosa
perpetratæ
Communio-
nis venena
pro salutari-
bus pilatio-
num reme-
diis porri-
gunt imperi-
ti, & im-
prudentes
confectia-
rum modera-
tores.

Tertio, Clerus Romanus ad S. Cyprianum scribens docet conversionem cordis, sine qua Sacerdotes remittere peccata non possunt, sincerumque Penitentiae affectum, non cito adollescere ut plurimum in iis, qui post Baptismum Deum graviter offenderunt, adeoque novæ absolventi magis animarum saluti consuli. Quamobrem fugillat imperitos, & imprudentes Sacerdos, qui pro salutaribus dilationum remediis, exitiosa præperatæ Communionis venena lapsis porrigere audent; idque Romanam Ecclesiam minime probare ait Reorum in dilatione Absolutionis patientiam, veræ Penitentiae argumentum esse. *Abstine* (inquit) *ab Ecclesia Romana vigorem suum tam profana facilitate dimittere, & nervos severitatis eversa fidei majestate dissolvere; ut cum adhuc non tantum acent, sed & cadant everforum fratrum ruinæ, præperata nimis remedia communicationum utique non profutura præstentur, & nova per misericordiam falsam vulnera veteribus transgressionis vulneribus imprimantur, ut miseriis ad everfionem majorem eripiantur & Penitentia. Ubi enim poterit indulgentiæ medicina procedere, si etiam ipse Medicus intercepta Penitentia indulget periculis? Si tantummodo operit vulnus, nec finit necessaria temporis remedia obducere cicatricem? Hoc non est curare, sed si dicere verum volumus, occidere.*

Quibus concedenda, vel neganda Absolutio.

Et paulo post: Oremus, ut qui cecidisse referuntur, delicti sui magnitudinem agnoscetes, intelligant non momentaneam, neque præproperam desiderare medicinam: oremus, ut effectus indulgentiæ lapiorum sublequatur, & Penitentiam, ut intellecto suo crimine velint nobis interim præstare patientiam, nec adhuc fluctuantem turbent Ecclesiæ statum; ne interio-rem nobis persecutionem ipsi incendisse videantur, & accedat ad criminum cumulum, quod etiam inquieti fuerunt. Maxime enim illis congruit verecundia, quorum in delictis damnatur mens invereconda. Pullent sane fores, sed non utique confringant. Adeant ad limen Ecclesiæ, sed non utique transiliant. Castrorum cælestium excubent portis, sed armati modestia, qua intelligant se desertores fuisse. Refumant precum suarum tubam, sed qua non bellicum clangant .: Multum illis proficiet petitio modesta, postulatio verecunda, humilitas necessaria, patientia non otiosa. Mittant legatos pro suis doloribus lachrymas; advocacione fungantur ex intimo pectore pro-
,, lati

„lati gemitus, dolorem probantes commissi criminis, & pudorem. Imo si
 „dedecoris admissi magnitudinem perhorrescunt, si peccatoris, & conscientię
 „sue lethalem plagam, & sinuosi vulneris altos recessus vere medica manu
 „tractant, eubescant & petere, nisi quia majoris rursus & periculi, & pudo-
 „ris, auxilium pacis non petiisse.

Quarto, S. Jo: Chrysostomus, Hom. xiv. in secundam Epistolam ad Corin-
 thios, illos Sacerdotes erga lapsos præ ceteris misericordes esse docet, qui ipsos
 salutaribus Pœnitentię vinculis diu ligant, nec solvunt, antequam emendati
 fuerint, & Pœnitentię operibus Dominum sibi propitium reddiderint, *Quod si*
quispiam (inquit), Christianis hominibus convenire dixerit, humanitatem
 „erga peccantem fratrem adhibere, discat ille, humanitate eum uti, qui irasci-
 „tur, non eum, a quo præmature, qui peccat, vocatur, nec peccati sui sensu
 „affici finitur. Uter enim, quæso, febre, ac phrenesi laborantem misericor-
 „dia prosequitur, isne, qui in lecto eum sternit, ac vinculis adstringit, atque
 „a noxiis cibis, & potionibus arcet, an qui ei mero se ingurgitandi facultatem
 „præbet, ac sui juris, & arbitrii eum esse jubet, omniaque facere, quæ ab ho-
 „mine sano, atque incolumi valetudine fieri debent? An non morbum quoque
 „hic exulcerat, qui humanitatis officio fungi sibi videtur, cum contra ille mor-
 „bum pellat, ac profliget? eodem modo hic quoque judicamus. Humanitatis
 „enim est, ægrotis non ubique indulgere, ac præposteris ipsorum cupiditati-
 „bus adblandiri. Nemo eum, qui apud Corinthios stupri crimine se obstrinse-
 „rat, tam amabat, quam Paulus, qui eum Satanæ tradi jubebat. Nemo rur-
 „sus tam eum oderat, quam ii, qui peccanti applaudebant & obsequebantur.
 „Atque hoc exitus rei comprobavit. Illi enim ipsius etiam animum inflarunt,
 „ac tumorem majorem effecerunt: hic autem tumorem compressit, nec ante
 „abstinit, quam eum integrę valetudini reddidisset. Atque illi quidem malum,
 „quod jam erat, auxerunt: hic vero id quoque, quod primum contractum fue-
 „rat, evulsit. Quocirca nos etiam has humanitatis, clementięque leges addi-
 „camus. Nam & tu, si equum videris, qui in præcipitia feratur, frænum inji-
 „cis, acriterque inhibes, ac læpe flagellas. Atqui cruciatus hoc est: verum hu-
 „jusmodi cruciatus salutem ei affert. Eamdem igitur erga eos, qui peccant ratio-
 „nem tene. Vinculis eum, qui facinus improbum admisit, coerce, usque dum
 „ipse Deum sibi propitium, ac placidum reddiderit. Solutum, ac liberum eum
 „ne linquas, ne arctioribus divinæ iræ vinculis constringatur. Si vincula ipse in-
 „jecero, Deus non jam vinciet: si autem in vinculis eum non teneo, ejus-
 „modi eum vincula manent, quæ frangi nullo modo queant. *Si enim nos ipsos*
judicaretur, non utique judicaretur. Proinde non est, quod hanc rem crudelita-
 „tis, ac severitæ esse arbitreris, sed summę clementię, ac benignitatis, præstantissi-
 „męque medendi rationis, nec vulgaris erga peccatoris salutem curę. Verum satis diu
 „pœnas expenderunt, (inquit) Quamdiu quæso? Annum unum, & alterum, ac tres.
 „Atqui temporis moram non quero, sed animę correctionem. Hoc itaque fac demonstres,
 „sint ne compuncti, sint ne in melius immutati: & res tota confecta erit. Quod nisi ita
 „sit, nihil profecto temporis diuturnitas emolumenti attulerit. Neque enim sæpius ne
 „obligatum vulnus fuerit, quarimus sed an obligatio illa quicquam profuerit. Ac si
 „quidem etiam ad exiguum tempus adhibita, profuit, non jam amplius adhibeat: si
 „autem nondum eam adhibuisse juxit, etiam post decem annos adhibeat. Denique hic
 „tibi ejus, qui vinculus est, solvendi præscriptus terminus esto, nempe ipsius utilitas.

Quinto, S. Ambrosius, graviorum criminum reos, qui cito absolvuntur,
 ple rumpere non solvi asserit, imo potius sacerdotem ipsos absque probatione Pœ-
 nitentię absolventem ligari: non festinatione, sed mora vulnera curari: illis
 Absolutionibus lapsos non meliores, sed deteriores reddit. Sic ille Lib. 11. De
 Pœnitentia, cap. ix. Nonnulli (inquit) ideo possunt Pœnitentiam, ut statim sibi

Sacerdotes
 illi erga la-
 pos præ cæ-
 teris sunt
 misericor-
 des, qui ip-
 sos salutaribus
 Pœnitentię
 vinculis
 diu ligant.

1. Cor. 11.

Quibus con-
 cedenda,
 vel neganda.
 Absolutio.

Sacerdos
 graviorum
 criminum
 reos, absque
 Pœnitentię
 probatione

citius absolvens, illos non solvit, seipsum vero ligat.

Math. 7. Peccatorum vulnera secundum divinæ Leges curanda sunt.

Reddi Communionem velint. Hi non tam se solvere cupiunt quam Sacerdotem ligare: suam enim conscientiam non exuunt, & Sacerdotis induunt: cui præceptum est; Nolite Sanctum dare canibus, neque miseritis margaritas vestras ante porcos: Hoc est, Immundis impuritatibus Sacra Communionis non impendenda consortia.

Et Sermone IV. in Pl. cxviii. hunc Verbum, „ Viam iniquitatis amove a me, & de lege tua miserere mei, exponens ait: Merito quia vulnus grande, ac vetus est, & diu serpens, perfectioris medicinæ remedia deposcit, obliens, crans, ut Domini legitima miseratione curetur. Cito enim reficitur vulnus, quod sanatum medicinæ lege non fuerit; imo etiam seriore curatio sentit profectum. Ideoque si virus in interiora proserpit, medicamenta foris apposita non sentit. Exigit ergo medicinæ ratio, ut aut sectione, aut adustione curetur. Nisi enim putrefacta recidantur, aut humor inutilis decoquatur, frustra medicinæ manus adhibentur ad vulnera. Ideoque bonus Medicus huiusmodi ægrum legitime dicit esse curandum; ut possit medicina proficere. Lege ergo miseretur, qui cum iustitia, sapientiaque misertur; ut ea dimittat, quæ scit jure posse dimitti; ne cum alterius misereretur, seipsum legi faciat obnoxium. Consideremus etiam, ne & ipsum deteriorem faciamus, cujus miseremur injuste. Plerumque enim non coercere delinquentes majoris austeritatis est, quam si ulciscaris. Traduntur enim in passionem ignominia, quicumque inhonestum aliquid commiserunt, nullumque culpæ premium ferunt.

Et Serm. viii. *Facilitas veniæ* (inquit), „ incenturum tribuit delinquendi. Hoc eo dictum est, ut sciamus secundum verbum Dei, secundum rationem, dispensandam esse misericordiam debitoribus. Medicus ipse si serpentis interioris inveniat vulneris cicatricem, cum debeat resecare ulceris vitium, ne latius serpat; tamen a secandi, urendique proposito lacrymis inflexus ægroti, medicamentis tegat, quod ferro aperiendum fuit: nonne ista inutilis misericordia est, si propter brevem incisionis, vel exustionis dolorem corpus omne tabescat, vitæ usus intereat? Recte igitur & Sacerdos vulnus grave, ne latius serpat, a toto corpore Ecclesiæ, quasi bonus Medicus debet abscindere, & prodere virus criminis, quod latebat, non fovere; ne dum unum excludendum non putat, plures faciat dignos quos excludat ab Ecclesia.

Ceci sunt, qui obvios quosque eo solam nomine, quod peccata committantur, absolvent. Quibus concedenda, vel neganda Absolutio?

Peccatores absolvi non possunt, nisi facti sint nova in Christo creatura, idque Sacerdos compertum habeat ex Pœnitentiæ fructibus.

Sexto, S. Hieronymus Sacerdotes illos cæcitate asserit, qui obvios quosque absolvent. Explicant scilicet illa verba: *Et tibi dabo Claves Regni Cælorum* (Matth. xvi.) *Illum locum* (inquit) *Episcopi, & Presbyteri non intelligentes, aliquid sibi de Phariseorum assumunt supercilio, ut vel damnent innocentes, vel solvere se noxios arbitrentur: cum apud Deum non sententia Sacerdotum, sed reorum vita queratur.* De quibus Ezech. XIII. dicitur: *Mortificabant animas, quæ non moriuntur; & vivificabant animas, quæ non vivunt.* Quod S. Gr. sic explicat Hom. xxvi. in Evangelia: *Non morientem mortificat, qui justum damnat: & non visurum vivificare nititur, qui reum a supplicio solvere conatur.* Causæ ergo pensandæ sunt, & tunc ligandi, ac solvendi potestas exercendi. Videndum, quæ culpa præcessit, & quæ sit Pœnitentiæ secuta post culpam: ut quæ omnipotens Deus per compunctionis gratiam visitat, illos Pastoris sententia absolvat. Tunc enim vera est Absolutio Præsidentis, cum æterni sequitur arbitrium Judicis.

Septimo, S. Eligius, Hom. iv. docet, Pœnitentes reconciliari cum Deo non posse a Sacerdotibus, quibus Christus ministerium reconciliationis dedit, nisi sint facti nova in Christo creatura, idque ipsos cognoscere ex Pœnitentia, sive Satisfactione prævia, ac morum immutatione. *Qui ex vobis talibus, (nempe infidelitate, injustitia, inobedientia, concupiscentia mala, avaritia, rapina, adulterio, homicidio, furto, falso testimonio, & quæ Apostolus*

ad Galatas scribens enumerat) & in his similibus involuti sceleribus fuerint, & per Confessionem, ac Pœnitentiam nequaquam condignam Satisfactionem egerint, sed adhuc in vetustate perdurant, non se a nobis reconciliari posse existiment, nisi prius veterem hominem cum suis actibus expolient, & novum induant, & ipsi in eodem novo homine (idest, in Christo Jesu) nova creatura (idest, novi homines) per Pœnitentiam fiant, sicut dudum per Baptismum facti fuerant, ut hoc Apostoli dictum merito illis conveniat: Vetera transferunt, facta sunt omnia nova. Si igitur condignam Deo Pœnitentiam obtulistis de præteritis, & si adhuc eadem admittere non vultis, sed cum Dei gratia, & adjutorio in omni bonitate, justitia, & veritate perseverare desideratis; tunc scire potestis, quia noxia vetustate exuti, nova creatura facti estis, & vere cum Deo reconciliamini per Christum, & per Nos, quibus dedit Ministerium reconciliationis.

Octavo, Richardus a S. Viſſore, in Tractatu De ligandi, & solvendi Potestate, cap. vi. eandem veritatem confirmat. Multi (inquit) confitentium Absolutionem querunt, qui tamen crimina sua ex toto corde deferere nolunt. Eiusmodi omnes, eo quod vere non pœnitent, proculdubio absolvi non debent. Hoc est enim vere pœnitere, de præterita prævaricatione dolore cum firmo proposito confitendi, satisfaciendi, & cum omni cautela impoterum cavendi. In hunc modum Pœnitentes merito debent absolvi; aliqui sine Absolutione remitti.

Denique Propositionem nostram confirmat Catechismus Conc. Tridentini & Rituale Romanum, S. Carolus Borromæus, in Instructionibus, S. Franciscus Salesius, qui Regulas a S. Carolo de neganda, vel differenda Absolutione præscriptas laudavit, ac sequendas esse docuit, Synodali Constitutionum tit. ix. cap. v. n. 3. & Ecclesia Gallicana in Generalibus Cleri Comitibus congregata Parisiis, annis 1655, 1656, 1657. Instructiones S. Caroli omnibus Regni Christianissimi Sacerdotibus Gallico idiomate donatas tradens, ut juxta illas Pœnitentiæ Sacramentum administrent.

Eandem Regulam confirmat S. Thomas de Villa Nova, Sermone, quem habuit Feria vi. post Dominicam 4. Quadragesimæ, qua ignavos, & laxiores Confessarios siperstringit. „ O Medice, cur fetentem solvis? Cur indigno veniam promittis? Cur, cui absolutionis beneficium exhibeas, non discernis? Duas tibi claves Dominus dedit, unam discernendi, alteram judicandi; absolvendi scilicet, & ligandi, & tu sine discretionis examine neminem ligas, omnes absolvis: una tantum clave, neque integra quidem uteris, sed dimidiata. Heu! heu ventrem meum doleo! ventrem meum doleo! „ In domo Dei horrendum vidi, Pastores Domini sui oves jugulantes, „ Medicos populi sui ægrotos occidentes, Judices turpibus blandientes, censores flagitia palpantes, cæcos gregem Domini dirigentes. Hi sunt Prophetæ mendaces, in quos Dominus per Prophetam invehitur, dicens: Eo quod deceperint populum meum, dicentes, Pax, pax; & non est pax, & ipse ædificabat parietem, ipsi autem liniebant eum luto abque paleis. Væ, qui consuunt pulvillos sub omni cubito manus, & faciunt cervicalia sub capite universæ ætatis, ad capiendas animas, & cum caperent animas populi mei, vivificabant animas eorum: & violabant me ad populum meum, propter pugillum hordei, & fragmen panis, ut interficerent animas, quæ non moriuntur, & vivificarent animas, quæ non vivunt, mentientes populo meo credenti mendaciis. Et per alium Prophetam aperitus. A minore usque ad majorem omnes avaritiæ student. A Propheta usque ad Sacerdotem cuncti faciunt dolum: & curabant contritionem filiæ populi mei cum ignominia, dicentes, Pax, pax; & non erat pax. Confusi sunt, quia abominationem fecerunt: quin potius confusione non sunt confusi, & erubescere nescierunt. O miseri animarum non curatores, sed interfectores; non con-

Quibus concedenda, vel neganda Absolutio?

Ezech. 23.

Jerem. 6.

sultores, sed deceptores, quid respondebitis Domino pro grege, quem vestris blanditiis decepistis, vestris consiliis jugulaſtis? Quid Eccleſiam Domini hodie perdit, niſi Confeſſariorum, & Paſtorum blandiens adulatio, delinens, demulcenſque aſſentatio? *Vae miſeris!* Non ægritudinem, ſed contritionem, ac conſuſionem peccatorum curant, quam augere debuiffent, promittentes pacem, quibus non eſt pax: & veniam, quibus æterna damnatio parata eſt. Parvum eſt (inquiunt) nimirum humanum eſt peccare. Quis eſt homo, qui non peccat? Facilis eſt venia, ne trifieris, ne doleas: conſeſſus eſt, abſolutus eſt, ſufficit tibi ad ſalutem. *Prove latus, Domini Sacramenta ſuſcepisti, ſine dubio ſalvaberis.* Sic animas mortuas, & ſecuras a ſuis pedibus mittunt, tanto miſeriores, quanto ſecuriores; vulnera laniunt, vermem conſcientiæ extingunt, ſtimulum peccati auferunt, & ſecuros peccatores ad inferna demittunt: qui ſi timorem populo incuterent, forſitan illum a vitiis revocaſſent. Cui comparabimus adultores iſtos aut cui aſſimilabimus eos? Similes ſunt proſecto hominibus, qui a ripa percontibus in flumen manum porrigunt, & violentia fluminis ipſi cum aliis demerguntur. Unde aptiſſi ne ſequitur in Prophetâ: „Quamobrem cadent inter ruentes in tempore viſitationis ſuæ. Corruent, dicit Dominus: pondere namque peccatorum aſſentatores ſuos poſt ſe peccatores in præcipitia rapiunt; & ſecum eos ad inferna deducunt. Hæc contra quosdam Confeſſarios noſtri temporis pie impios, & impie pios diſta ſint, qui ne pœnitentem aliquantiſper contriſtent, illum in ſua nequitia manere permittunt.

Obijcitur, Ad Abſolutionem ſacramentalem ex Inſtitutione Chriſti nihil aliud requiri, niſi Contritionem, Confeſſionem, & Satisfactionem, ſive ſatisfactionis propoſitum: ac proinde nemini, qui vere contritus, integreque conſeſſus ſit, ac implendæ Satisfactionis propoſitum habeat, Abſolutionem eſſe negandam, aut differendam.

Obiectiones
contra ſalu-
berriam
Eccleſiæ Di-
ſciplinam
deneganda,
vel diſcre-
da Abſolu-
tione pecca-
toribus, quo-
rum nulla,
vel dubia
Pœnitentia,
eſt, diluun-
tur.

Reſp. Nihil quidem aliud requiri; ſed neceſſe eſſe, ut innoteſcat Sacerdoti, qui vice Chriſti Juxex eſt, an Pœnitens ſit vere contritus, an eius converſio ſincera ſit: quod ex ſola Confeſſione minime peripetum. & exploratum eſt. *In fruſtu, namque, non in foliis, aut ramis Pœnitentia cognoscenda eſt. Quæſi arbor bona, voluntas bona: Confeſſionis ergo verba, quid ſunt aliud niſi folia?* (inquit S. Gregorius, ſive alius Auctor Expositionis in Lib. 1. Regum inter ejus Opera editæ, Lib. vi.) Deinde cor contritum, & humiliatum, cor novum, & a regnantibus peccatorum liſidibus omnino mundum, ac liberum raro in ictu oculi, plerumque ſentim eſſormatur & creatur; veraque Pœnitentiæ virtus, ſine qua nemo per januam reconciliationis ad Sacramentorum Communionem admittendus eſt, ſentim adoleſcit, & perficitur, præfertim in illis, quibus longa peccandi conſuetudo veluti altera natura facta eſt. Primo enim oportet, ut ferventibus precibus a Deo poſtuletur. Nam gratia, qua ab illecebris peccatorum vinculis expeditur, *Non niſi magnis precibus in nos implorata deſcendit,* (ut loquitur Innoc. I.) His, ut cor contritum impetremus, adiungenda jejunia, ſeceſſus a noxiis conſortiis, lectio. & meditatio rerum ſacrarum, erogandæ pauperibus eleemoſynæ, ut cor ipſi pro nobis intercedat. Nam *Exomologeſis humiliſcandi, & proſternendi hominis diſciplina eſt, converſationem injungens miſericordiæ illicem;* (inquit Tertullianus, Lib. De Pœnitentia) Chriſtus quidem peccatores abſolvit, ſtatim atque in illorum animis vera eſt eſſormata Pœnitentia, & quandoque ſubito eſſormatur, ut in Latrone, in Peccatrice, in Publicano, quorum tamen converſio dignis Pœnitentiæ fruſtibus ſe proſudit: ſed Sacerdos abſolvere peccatores non debet, niſi converſionem ejus ſinceram eſſe certis moraliter indicis cognoscat, quia corda non novit ut Deus. Hinc *two Carnotenſis Episcopopus Epist. ccxxviii. Cri-*
bit: Cum criminalis culpa delinquentem ſeparet a Capite, & a Corpore, ratio-
nis ordo hoc exigit, ut internus Juxex tanto remittat celerius, quanto ſolus ma-

gis videt interius. Iudex vero, qui tantum videt in facie, usque adeo delinquentes sub peccati pœna detineat, donec per manifestum Pœnitentiæ fructum quis sit Pœnitentiis affectus intelligat. Per internum enim gemitum satisfit interno Iudici, & idcirco indilata datur ab eo peccati remissio, cui manifesta est interna conversio. Ecclesia vero quia occulta cordis ignorat, non solvit ligatum, licet suscitatum, nisi de monumento elatum, id est, publica Satisfactione purgatum. Hinc fit, quod Ecclesia sua crimina confitentes a Sacramentorum Communione suspendit, & in cinere, & in cilicio positos ab introitu Ecclesiarum statuto tempore excludit, ut per hoc experiat, si jam sunt intus vivificati, cum fuerint longa Pœnitentiæ maceratione probati.

At (inquit) Pœnitenti tam profe, quam contra se credendum est. Cum ergo Pœnitens se intimo animi dolore affici asserit, quod Deum offenderit summe bonum; cum emendationem pollicetur, cum ad Satisfactionem se paratum ostendit? sine mora absolvendus est, quantumvis in gravia peccata lapsus sit, & relapsus, diuque in iis hæserit.

Respondetur, Pœnitenti quidem peccata sua confitenti, eorumque speciem, numerum, circumstantias explicanti, credendum esse, sicut Medicus credit ægro morbi, & vulnere caulas aperiendi, ac exponendi ubi maxime dolet: sed quod attinet ad sinceritatem conversionis, cum frequentes in eadem peccata prolapsiones, cum vicissitudines perpetuæ criminum, & Confessionum; cum inania falsaque promissa multoties repetita locum relinquunt de illa dubitandi, imprudenter Pœnitenti crederetur: prudenter vero ex fructibus Pœnitentiæ, bonæ voluntatis, sinceræque conversionis probatio exigitur. Minus enim salunt opera, quam verba. Imprudentem certe Medicum nemo non censeret, qui ægroto crederet ei medendi rationem præscribenti, & non secundum medicinæ regulas morbum ejus curaret, sed secundum ejus voluntatem; parceretque ferro, cum vulneris putredo secanda est, quia forte se sanum esse, aut periculosum non esse vulnus suum, asserit ægrotus. Imprudens esset, qui humorum cruditate nondum digesta, potionem præberet infirmo, quam ipsi nocituram certo scit, aut dubitat, an sit nocitura, quamvis asserat ægrotus fore sibi saluberrimum. Ita imprudentissimus foret Sacerdos, qui animarum vulnera, ac morbos spiritualiter ægrotantium judicio curaret, Absolutionemque statim illis impenderet, qui in eadem peccata sæpe lapsi, & confessi, quoties emendationem promiserunt, fidem toties se fellerunt: maxime cum tot sint in hominum animis latebræ, tot recessus, tot post iterata flagitia, & illicitas cupiditates diuturna consuetudine firmatas, offusæ tenebræ, cæcitas tanta, ut seipsum peccator sæpe non dignoscatur. Sæpe (inquit S. Gregorius) sibi de seipsa mens hominis mentitur, sitque ut aliud in intemis intentio supprimat, aliud tractantis animo superficies cogitationis ostendat.

Deinde, credendum in tribunali Pœnitentiæ reis, sicuti in Judiciis publicis creditur reo, ac testibus, dum ille suum crimen confitetur, isti apud Judicem ea deponunt, quæ facta norunt. Verum sicut in Judiciis publicis non discit Iudex, si reo, si testibus, quibus pœnis, & quanto tempore crimina castiganda sint, sed eam notitiam haurit e legibus: ita in Pœnitentiæ tribunali facit Iudex reo credit, dum declarat, quæ crimina commisit, & quibus in circumstantiis; verum minime ei credere oportet, dum Judicem vult docere, quam grave sit peccatum, quantis pœnis, & quanto tempore sua crimina castiganda, & curanda sint. Nulli enim ad istiusmodi minus comparati sunt, quam illi, qui longa consuetudine peccatis impliciti, vixerunt: siquidem consuetudo peccandi facit, ut ea vel levia, vel nulla putent quamvis in judicio Dei gravissima sint.

Nec etiam peccatori in eadem peccata sæpius relapso facile fides habenda est, (ut jam monuimus) dum suum de peccatis dolorem, & promptam ad satisfaciendum voluntatem, non ex fructibus Pœnitentiæ, sed verbis fallacibus probare

Quando Pœnitenti in Pœnitentiæ Tribunali adhibenda fides.

Quibus concedenda, vel neganda Absolutio?

Tract. 3. in
Ep. S. Joan.

studet. Tamenim oportet, ut dicat sacer Juxta cum S. Augustino; *Non audio, quid sonet; sed video, quid vivat. Opera loquuntur, & verba requirimus?* Exigat ergo Sacerdos fructus emendationis, nec credat æquivoco, & fallaci doloris signo, nec promissioni emendationis, cui sponsor infidelis notetur sæpius defuisse.

Obijciunt, Se de fama periclitaturos, nisi statim Absolutione, & Sacrosanctæ Eucharistiæ Communione donentur.

Respondetur, Ad percipiendum Absolutionis, & Communionis beneficium, ut par est, dispositos non esse, & idoneos, qui magis timent male suspicantium hominum judicium, quam judicium Dei viventis; magis detrimentum famæ, quam periculum animæ; magis exultationis suæ læsionem, quam Sacramentorum violationem. Haic vero timori medendam est, docendo abstinendum a Sacra Mentia, non esse semper argumentum animæ ad participationem Corporis Domini male præparatæ. Homines etiam Justos variis de causis, nempe illusione nocturna, somnio impuro, commotione iræ, gravedine mentis, verbo in pauperes duriore, &c. aut suo, aut conscientiæ suæ Moderatorum judicio, a Communione Corporis Domini sæpe abstinere. Absolutionem differri aliquando expedire etiam iis, qui non nisi venialiter in Dominum peccaverunt. Peccatoribus id laudi veniatur apud Deum, tam apud homines spiritum Dei habentes, si vel cum Petro dicant: *Exi a me, quia homo, peccator sum, Domine*: vel cum Publicano a longe stare eligant, & non Sacræ Mentis temere accumbere; si cum Centurione se indignos arbitrentur, in quorum domum Christus ingrediatur; si cum Chanaanæ filia iugæ, id est, Animæ sanitatem serventibus precibus a Christo rogantes, canibus se comparent, nec Mentiam Dominicam superbe invadant, sed micæ humiliter quaerant. Denique Absolutionis negatio vel dilatio negotium est, quod Pœnitentem inter, & Sacerdotem transigitur, nec alteri cuiquam revelatur, sicut nec peccata, quæ confessus est.

Luc. 5. 8.

Obijciunt, Se forte sine Absolutione morituros, nisi hoc illis beneficium statim post Confessionem conferant Sacerdotes.

Resp. Ipsi non obfuturam Absolutionis dilationem, si ex animo peccata detestentur, & Pœnitentiam agant; nec ipsos perituros, si Pœnitentiam agentes, & totis viribus in emendationem veteris vitæ incumbentes, morte intercipiantur. Unde Ss. Patres quotidiana subita mortis non ignorantes pericula, Absolutionis tamen gratiam Pœnitentibus differebant; donec fructibus dignis Pœnitentiæ suæ fecissent, se cor novum, & spiritum novum a Domino accepisse. Et Ecclesia Dei misericordiam non defuisse confidebat Pœnitentibus, qui ubique Receptione fuerant morte subita intercepti dum Pœnitentiam secundum ejusdem Ecclesiæ leges agebant. Unde Conc. Carthaginense IV. can. lxxxix. de his ita statuit: *Pœnitentes, qui attente leges Pœnitentiæ exequuntur: si casu in itinere, vel in mari mortui fuerint, ubi eis subveniri non possit, memoria eorum & orationibus, & Oblationibus commendetur.* Et Conc. Arelatense II. can. xlii. *De his qui in Pœnitentiâ post vitam excesserunt, placuit nullum Communionis vacuum debere admitti: sed pro eo, quod honoraverit Pœnitentiam, Oblatio illius recipiatur.* De his S. Cyprianus Epist. xli. *Neque enim deferentur ab ope, & auxilio Domini, qui mites, & humiles, & vere Pœnitentiam agentes, in bonis operibus perseveraverint, quo minus illis quoque divino remedio consulatur.*

R E G U L A II.

Absolutio his verbis conferri non debet, Absolvete ab omnibus Peccatis tuis, Contritis, Confessis, & oblitis.

Hec enim tria postrema verba aut superflua sunt, aut in formam Sacramenti contra Ecclesiæ universalis usum intrusa. Ac illud quidem, *Contritis*, si de Contritione perfecta intelligatur, perperam ponitur, & contra Ecclesiæ doctrinam, siquidem Contritio imperfecta, quæ Attritio dicitur sufficit ad Absolutionem obtinendam: illa vero, *Confessis, & oblitis*, sunt superflua: quia *Reliqua peccata, quæ diligenter cogitanti non occurrunt, in universum eadem Confessione inclusa esse intelliguntur*; ut docet Synodus Tridentina sess. xiv. cap. v. Quamobrem, nec Ecclesia Romana ceterarum Mater, & Magistra, nec aliæ Ecclesiæ hæc verba in forma Absolutionis nunc admittunt: quamvis olim in Ritualia quædam irrepsissent, & in Ecclesiis quibusdam usurpata fuerint, etiam in Romana, ut constat ex Libro cui titulus est: *Sacra, institutio baptizandi, aliaque Sacramenta, quæ simplex Sacerdos conferre potest, administrandi juxta Ritus Sanctæ Romanæ Ecclesiæ ex Decreto sacrosancti Concilii Tridentini restituta*. Qui Liber Romæ primum anno MDLXXXI. Gregorio XIII. in Cathedra S. Petri sedente, deinde Lugduni an. MDLXXXIX. tum Parisiis an. MDXIV. MDCII. & MDCXIV. editus est. Eadem verba leguntur in Sacramentario ad usum Lugdunensis Ecclesiæ edito anno MDXLVIII. in Rituali Senonensis Ecclesiæ, auctoritate Nicolai Pelveii Archiepiscopi edito anno MDLV. Institutione generali de Pœnitentia. In Libro Rituali, cui titulus est, *Catechumenum secundum Ordinem Romanæ Ecclesiæ, necnon morem Bononiensis Ecclesiæ*; edito anno MDLXVI. Item in Rituali Catalaunensis Ecclesiæ, quod auctoritate Hieronymi Episcopi editum est anno MDLXI. in Rituali Aurelianensi, quod in lucem prodiit anno MDLXXXI. & Carnotensi, edito anno MDCXIV. in Instructione generali de Pœnitentia. Verum hæc verba, *Contritis, confessis, & oblitis*, e formula Absolutionis expunge da sse, satis significant Conc. Tridentinum, ejusdemque Conc. Catechismus. Item Synodus Lingonensis anno MCCCCIV. celebrata, Senonensis an. MDXXIV. Aqueusis anno MDLXXXV. hanc Absolutionis formulam tradentes. *Ego Absolve te a peccatis tuis. In Nomine Patris, & Filii, & Spiritus Sancti. Denique S. Carolus Borromeus in Sacramentali, in Instructione Sacramenti Pœnitentiæ, de absolvendi Ritu hæc habet.*

Pœnitentiam Confessarius imponit: remedia peccatorum tradit; mox, situnc absolvendus est, dicit distinctis verbis, ut a Pœnitente audiat, capite aperto, & manibus junctis, Miseratur tui omnipotens Deus: & dimissis omnibus peccatis tuis perducatur te ad vitam æternam. Pœnitens responder: Amen. Deinde signum Crucis dextra formans versus Pœnitentem, dicit: Indulgentiam, absolutionem, & remissionem omnium peccatorum tuorum tribuat tibi omnipotens, & misericors Dominus. Pœnitens respondet: Amen. Deinde caput aperit: manu dextra supra caput Pœnitentis elevata, & extenta, absolvit hac formula: & dum dicit, In Nomine Patris, &c. Crucis signum dextera formatur versus Pœnitentem. Dominus noster Jesus Christus te absolvat; & ego auctoritate ipsius, quasi fungor, absolvo te ab omni vinculo Excommunicationis, Suspensionis, & interdicti, si quod incurristi, quantum ego possum, & tu indiges. Deinde, Ego te absolvo a peccatis tuis, In Nomine Patris, & Filii, & Spiritus Sancti.

Tum Sacerdos capite aperto, & manibus junctis dicit: Passio Domini nostri Jesu Christi, merita B. Mariæ Virginis, & omnium Sanctorum, & quic-

Absolutioni formula.

296 Theologiæ Dogmaticæ, & Moralis Liber II.

„ quid boni feceris, & mali sustinueris, sint tibi in remissionem peccatorum;
 „ augmentum gratiæ, & præmium vitæ æternæ. *Pœnitens respondet:* Amen „
 „ *Et Confessarius dicit.* Vade in pace, & noli amplius peccare.

R E G U L A III.

Abolutio sub conditione de præsentī est illicita, sub conditione de futuro irrita est.

Abolutionis
forma.

Christus enim formam certam, non dubiam, & conditionatam instituit; nec usurpat, aut approbat Ecclesia, nisi dubitet Sacerdos, utrum Abolutionis verba protulerit, qua in hypothēsi sub hac verborum formula absolvere potest: *Sinones absolutus, egote absolvo.* Sicut in simili dubio rite confertur Baptisma sub hac forma: *Sinones baptizatus, egote baptizo.* Potest etiam, imo & debet apponi conditio, cum de moribundo, qui facta, vel inchoata Confessione, aut postulato Sacerdote absolvitur, vel ex probabili vitæ Christianæ, pieque transactæ testimonio iudicatur absolvendus, dubitatur, utrum vivat, vel animam emiserit. Sic fabrum quemdam ex fabrica S. Petri Romæ cadentem videns *Clemens VIII.* Pontifex Maximus absolvisse fertur sub hac formula: *Si es capax, absolvo te a peccatis tuis;* ut refert *Homobonus* in examine Ecclesiæ, p. 1. Tract. VII. cap. XVIII. q. LXXXIV. Alias appositio conditionis præsentis illicita est, quamvis irritam Abolutionem non faciat, si revera posita sit conditio; ut si quis dixerit: *Si sinceram habes restituendi voluntatem, aut coram Superioribus te sistendi, Egote absolvo a peccatis tuis.* Unde, *Exterminanda est huiusmodi superstitio ab Ecclesia Dei;* (inquit Cardinalis *Cajetanus.*) Appositio autem conditionis futuræ Abolutionem irritam reddit; v. g. cum dicit Sacerdos: *Si restitueris, cum inimico reconciliatus fueris; si Satisfactionem tibi impostam impleveris, absolvo te.* Non est enim in potestate Sacerdotis, ut Sacramentum nunc conferat, illiusque suspendat effectum ad tempus usque conditionis implendæ. *Sacrilegus ergo est abusus iste Formæ Sacramentalis* (inquit *Cajetanus*) *Fis enim injuria Sacramento, dum perficitur modo excludente fructum Sacramenti ex indebita intentione Ministrantis.* Et eadem ratione non potest Sacramentalis Abolutio impendi sub ipse ratihabitionis.

R E G U L A IV.

Ab iisdem peccatis pluries absolvi potest Pœnitens in diversis Confessionibus, non in eadem.

Diversa enim materiâ proxima Pœnitentiæ necessaria est, ut Abolutio iterum conferatur, non autem materiâ remota diversa: quia eadē peccata utile est, sine cum dolore, detestatione, & satisfaciendi proposito, confiteri. Unde ergo Confessione, una respondet Abolutio: sed cum diversa sunt Confessiones, iterari Abolutio eorundem peccatorum potest, siquidem materiâ proxima est diversa, nempe actus Pœnitentis distincti. Unde cum Pœnitens accepta Abolutione adhuc ad pedes Sacerdotis prostratus, alicujus mortalis peccati meminit, illudque confitetur, Abolutio iterari potest, & debet, quia Confessio distincta censetur: quamvis Pœnitens illius etiam peccati, quod ipsi e memoria exciderat, remissionem sit consecutus, si conscientiam diligenter excusserit.

R E G U L A V.

Absolutio a Censuris præcedere debet Absolutionem a peccatis.

Hanc Regulam tradit S. Thomas, in IV. *Sententiarum* sive Supplementi q. xxiv. art. 1. ad 11. Cum (inquit) excommunicatus non sit particeps Sacramentorum Ecclesiæ, Sacerdos non potest absolvere excommunicatum a culpa, nisi sit prius absolutus ab Excommunicatione. Absolutio- nis ordo.

Eandem Regulam confirmat S. Carolus, in Instructione Confessorum: Si Pœnitens (inquit) aliqua Censura innodetur, a qua Sacerdos licentiam habeat eum absol- vendi, debet ea Absolutio peccatorum Absolutionem præcedere: & bonum est præ- mittere semper ad cautelam: In quantum possum, & tu indignes.

R E G U L A VI.

Neganda, vel differenda est iis Absolutio, qui Christianæ Fidei Rudimenta, Dei- que, & Ecclesiæ Præcepta ignorant: necnon Patribus-familias, qui liberos suos, & domesticos scientia credendorum, & agendorum ad salutem necessaria imbuere negligunt.

Hanc Regulam tradit S. Carolus Borromæus, in Instructionibus Confessio- rum. Quicumque (inquit) rationis usum attigerit, sub reatu peccati mortalis omnes Symboli Apostolici, cujus in Ecclesia sollemnis est usus, Articulos scire tenetur; saltem quoad substantiam. Item Dei, & Ecclesiæ Præcepta, quæ sub peccato mortali observanda sunt, & quæ vulgo doceri solent in Scholis Do- ctrinæ Christianæ. Si Confessarius Pœnitentem reperiat istorum omnium ignarum, nec ad ea quamprimum discenda dispositum, non debet eum absolvere. Imo si ad ea dis- cenda se paratum exhibuerit, si alias a Confessario suo, velleodem, vel diverso, aut a suo Parocho sit admittus, nec debitam diligentiam adhibuerit, ut ea secun- dum ingenii sui modum, capumque addisceret, differatur illi Absolutio, donec huic obligationi aliqua saltem ex parte fecerit satis. Si vero ea de re nusquam antea monitus fuerit, ipsum absolvat, præmissa semper Instructione, de his rebus necessaria; ut sit in præsentiarum Absolutionis capax.

Et in Sacramentali, in Instructionibus Pœnitentiæ: Confessarius quisque an- tequam Confessionem audiat, efficiat, ut Pœnitens ipso audiente recitet Orationem Dominicam, Salutationem Angelicam, Symbolum Fidei, & Decalogum, ad præscriptum Concilii Provincialis v. nisi ejus recitationis certis personis ali- quando remittendæ facultatem habeat, ut sexto Provinciali Concilio, & Dize- cesano XI. permixtum est. Cum iis vero, qui ea capita recitare nesciant, aut difficile discere possunt, agat ad præscriptum eorumdem Conciliorum. At vero omnino perquirat si rudes quidam homines ad Confessionem accedentes Fidei Ar- ticulos ignorent, & si opus esse viderit, doceat; ita ut explicite eos, & intel- ligenter sciant, non autem quasi recitantes tantum. Si quis vero, vel præ tenetudine præ ingenii hebetudine, vel alia causa, se non posse discere Orationem Domi- nicam, Salutationem Angelicam, Symbolum Apostolorum, Dei, & Ec- clesiæ Mandata, dixerit, nec vero Scholas Doctrinæ Christianæ adire vel- lit, hujus Confessio abque Episcopi consilio, & facultate non est audien- da, ut decernunt Conc. Mediolanense v. Provinciale, & Diocesenum xi.

Quod Patres-familias spectat, idem S. Carolus in laudatis Instructionibus Confessorum, statuit, ut Patres, ac Matres familias qui suos filios, filias, servos, & ancillas (qua de re particulatim interrogabuntur) supradicta Do- ctrinæ Christianæ capita addiscere non compellunt, vel non invigilant, &

Quibus ne- ganda, vel differenda Absolutio.

pro-

procurant, ut Dei. Ecclesieque Præcepta ab eis observentur, aut quod peius est, eorum observationem impediunt, puta cum famuli, aut famule tot laboribus, & curis onerantur, ut pro suis necessitatibus laborare festis diebus compellantur: aut tempus non concedunt, quo illi juxta Ecclesie præceptum Missam audire possint: aut nescientes quinam e sua familia legitime teneantur impedimento, cenare eos sinunt Tempore Quadragesimali, aliis Jejuniis diebus, aut ante statam horam prandere: aut eos non admonent, & corrigunt, quando hec Præcepta transgrediuntur: aut denique quando famuli cum scandalo, & sine emendatione vivunt, nec e domo eos ejiciunt: si in his casibus officio suo non satisficiant, nec de negligentia hactenus in familiae suae administratione commissa emendentur, non absolvantur. Quod si id se præstituros pollicentur, neque his de rebus moniti antea fuerint a Confessario, aut Parocho, poterit eos absolvere: sed si sæpius moniti, nullatenus emendati fuerint, provoget illis Absolutionem, donec sinceræ emendationis argumenta aliquo temporis spatio dederint.

propositio-
nes damna-
tes.

Hanc Regulam confirmavit Innocent. XI. Pontifex Maximus, hac inter alias Propositione damnata: Absolutionis capax est homo, quantumvis laboret ignorantia Mysteriorum Fidei, etiamsi per negligentiam etiam culpabilem nesciat Mystrium SS. Trinitatis, & Incarnationis Domini nostri Jesu Christi. Hanc etiam Propositionem in Christi Mediatoris nomen contumeliosam, erroneam, & hereticam esse judicavit, & declaravit Conventus generalis Cleri Gallicani anno. 1700.

R E G U L A VII.

Neganda est Absolutio iis, qui nimio vestium ornatu debita contrahunt, quibus solvendis pures esse non possunt, earumve luxu, & immodestia pudicitiam ledunt.

Hanc Regulam ibidem tradit S. Carolus: *Nec eos etiam absolvat* (inquit), *qui in vestium splendore, aut superfluo corporis ornatu mortaliter peccant.* Et quia hodie sæculi pompæ, & vanitates ad summum creverunt, potissimum ex culpa, & negligentia Confessariorum, qui ab hoc peccato Pœnitentes suos inconsideratius absolvunt, & nullum fortassis ea de re scrupulum ipsis movent, aliquos hic casus designare placuit, in quibus mortaliter peccat, cui cordi est nimius ille luxus, ut juxta præscriptas Regulas se gerant in illorum Absolutione.

Quilibet igitur utitur hac pompa, ut alios ad peccatum mortale pelliciat, reus ipse fit mortalis peccati; aut si ex illius occasione violat ipse, vel aliis auctor est. & causa cui violent Dei, vel Ecclesie præcepta; ut si festo die laboret, vel alios laborare compellat; vel Sacro non intersit; aliove, ne intersint, impediatur. Si quæ uxor maritum, aut quemlibet alium, cui rei familiaris cura commissa sit, ad nimios sumptus cogat, quos sciat, aut probabiliter suspicetur, odia, dissensionetque domesticas parere; maritum, vel alios compellere ad blasphema verba, ad turpes, & illicitos quæstus, vel contractus, ad refecandas elemosynas, quas alioqui erogare tenetur; ad ea omittenda, quæ ex aliorum piis legatis facienda in se receperat, fraudando ære suo creditores, retinendam, aut differendam operariorum mercedem; ad novum æs alienum contrahendum, cui solvendo statuto tempore par esse non possit (quod nusquam contingit sine gravi proximi detrimento) si impediatur, ne filie jam nobiles collocentur, quod eas in casus infelices sæpe inducit: denique si merito timendum est, ne ex pompis hujusmodi alia peccata nascantur: in iis

Quibus neganda, vel differenda Absolutio.

omnibus casibus superflui ornatus, promparumque usus, mortale peccatum est. Et quoniam vix fieri potest, ut is, cujus expensæ proprias facultates excedunt, aut nesciat, aut non possit, vel non debeat scire nimios hos sumptus similibus peccatis locum dare, generatim hoc iudicium ferri potest, hujusmodi homines esse in statu peccati mortalis; nisi habito diligenti cum Pœnitente examine Confessario constet de contrario ob particulares quasdam rationes.

Reum etiam peccati mortalis facit modus se ornandi, etiamsi non excedat statum, & facultates personæ; nempe si lasciviam inspiret, vel ex se, vel secundum communem hominum opinionem: vel si videat, dubitetve probabiliter ex occasione illius (quod inter honestos conditionis suæ viros, ac mulieres nondum sit usitatus) non defuturos, qui amorem impudicum concipiant, aut in animo suo nutrant; & tamen parvisciat salutem proximi, quem ex hoc ornatu ruiturum videt, eumque non abjicit: aut si vestis instituta sit ad obscenos affectus, aut motus amoris inhonesti exprimendos, aut ad illorum etiam indicia præbenda, seu variis coloribus, aut quolibet alio modo.

R E G U L A VIII.

Neganda illis est Absolutio, qui occultas, vel apertas cum proximo inimicitias exercent, & odium deponere nolunt; neque cum inimicis reconciliari.

Hanc Regulam tradit S. Carolus in Instructionibus Sacramenti Pœnitentiæ: eaque Salvatoris nostri sententia est, Matth. vi. *Si autem non dimiseritis hominibus, nec Pater vester dimittet vobis peccata vestra.* Hinc eos, qui litibus implacabilibus ad invicem dissident, statim reconciliari: Quod si retinuerint pacem suscipere, ab Ecclesia ejici, Canones jubent, usquequo ad charitatem redeant. Quod Conc. Nannetensis can. ii. sancitum est. Idemque decretum est Conc. Carthaginensi iv. can. xciii. Arelatenſis ii. can. l. Agathensis can. xxxiii. Ilerdensis can. vii. Toletani xi. can. iv. & Troslejan can. xii. quos aibi descripsimus.

R E G U L A IX.

Qui restitutioni, aut satisfactioni sunt obnoxii, quia proximum, vel in fama, vel in rebus læserunt, non sunt absolvendi nisi debita restitutio, aut satisfactio prius intercedat.

Ita S. Carolus in Instructionibus Confessorum, eos solos excipiens, a Restitutione Absolutioni præmittenda, quos gravis, & periculosa infirmitas, aut impotentia exculat, ne statim hac obligatione perfungantur. Notum illud S. Augustini, Epistola ad Macedonium cliii. olim liv. *Pessimum hominum genus commemoras, cui pœnitendi medicina omnino non prodest. Si enim res aliena, propter quam peccatum est, cum reddi possit, non redditur, non agitur Pœnitentia sed fingitur: si autem veraciter agitur, non remittitur peccatum, nisi restituatur ablatum; sed ut dixi cum restitui potest.* Quod in corpus Juris, can. Si res aliena, causa xiv. quæst. vi. transcriptum est, & ab Alexand. III. laudatur cap. Cum tu, Extra, De Usuris, & relatum est inter Regulas Juris in Sexto, his verbis: *Peccatum non dimittitur, nisi restituatur ablatum.* Sola autem restitutionis promissione facta Pœnitentem absolvi non debere, maxime si alias restitutionem, aut satisfactionem promisit, & fi-

Quibus neganda, vel differenda Absolutio.

-dem

dem sefellit, sed Absolutionem illius esse differendam donec revera satisfecerit, ac restituerit, Concilia docent.

Ita Synodus Mediolanensis i. sub S. Carolo Borromæo: *Caveant Confessores, ne ante debitam satisfactionem illos absolvant, quibus cum facultas ad se aliena restituendi, vel legata, quæ ad pias causas facta sunt, persolvendi, illisque ut id facerent, superiori Confessione præceptum istud, præstare tamen neglexerunt, exceptis iis, qui periculose egrotant, quos tamen moneant, ut quæ debent, quamprimum solvant.*

Ita Neapolitana Synodus anno MDLXXVI. celebrata, & a Gregorio XIII. confirmata, cap. xvi. De Sacramento Pœnitentiæ: *Et ne quis cito manus imponens alienis peccatis communicare convincatur, caveant Sacerdotes, ne ante debitam famæ, vel pecuniæ satisfactionem, ubi restituendi facultas fuerit, aliquem absolvant, præcipue ubi Pœnitens datum in superiori Confessione præceptum neglexerit.* Idem repetunt Synodus Salernitana anno MDLXXIX. tit. xxvi. cap. x. Pistoriensis, & Concordiensis anno MDLXXXVII. tit. De Sacramento Pœnitentiæ; Volaterrana anno MDXC. sub eodem Titulo, & Anagnina anno MDXCVII. cap. xx.

Ita Synodus Burdigalensis, anno MDLXXXIII. congregata, & a Gregorio XII. confirmata, cap. xii. de Pœnitentia: *Neminem Parochi absolvant eorum, qui cum præcedente Confessione se oblata restitutos, aut legata ad pias causas soluturos essent polliciti, cum facultas adfuisset, neglexerint. Eos excipimus, qui in mortis articulo fuerint constituti: qui tamen admoneantur, ut id oneris, si obierint, heredibus imponant: vel si convalescerint, quamprimum poterunt, satisfaciant.*

R E G U L A X.

Neganda illis est Absolutio, qui in occasione proxima peccati versantur.

Hanc Regulam stabiliunt Scripturæ Sacræ, & Patrum testimonia, a nobis proferenda Lib. III. huius Operis, cap. viii. art. iii. Regulæ vii. & Regula 31. Eamque confirmat S. Carolus in Instructione Confessorum: *Nec ii (inquit), possunt absolvi, qui sincerum propositum non habent, peccata mortalia, & eorum occasiones fugiendi. Et quia plurimum refert, ut Confessarii clarius hæc intelligant, paulo fusius sunt explicanda.*

Peccati mortalis occasiones vocantur, quicquid ad peccatum inducit, aut ex sua natura, aut ex parte Pœnitentis, qui in ea occasione positus ita peccare consuevit, ut probabile sit, ex suo pravo habitu illum in eadem peccata lapsum iri, si in illa occasione perseveret.

Occasiones porro, quæ ex natura sua inducunt ad peccatum, istæ sunt: aleatorios ludos profiteri, v.g. chartarum, & taxillorum; domum hunc in finem paratam habere, ac aleatorios recipere: domi retinere, aut suos, aut alieno nomine, personam qua cum peccatur; aut alio modo cum ipsa cohabitare. In eadem conversatione, colloquiis, aspectibus, amorique impudici significationibus, & incentivis perseverare. Pœnitentem ergo aliqua ex his occasionibus, aut similibus irretitum, si occasio huiusmodi sit præsens, ut retinere concubinam, aut quid simile, non debet Confessarius eum absolvere, nisi prius ab illa occasione se ipsa discefferit, seque separaverit. Quod autem alterius generis occasione spectat, ut aleæ professionem, mutuos aspectus, conversationem, nutus impudicos, &c. non absolvetur Pœnitens, nisi eas dimittere polliceatur; quod si jam alias id pollicitus sit, nec emendatus fuerit, Absolutio tamen differatur, donec emendationem perspexerit.

Quibus neganda, vel differenda Absolutio?

,, Et

Et quia contingere potest, ut Pœnitens nullo ex mediis, quæ ipsi proponit prudens, ac zelo salutis animarum fervens Confessarius, extricare se possit ab occasione, illamque dimittere sine periculo, & scandalo, Confessarius hæc adhibere debet remedia.

Primo Absolutionem differat, donec certa sinceræ emendationis videat indicia. Quod si Absolutionem differre non possit sine periculo, vel infamia Pœnitentis, & Confessarius talia contritionis in eo signa perspexerit, debitamque ad excipienda remedia emendationi suæ necessaria dispositionem observaverit, debet illi proponere, quæ magis opportuna, & necessaria videbuntur; v.g. illi præcipere, ne solus cum tali persona colloquatur, orationes aliquas, carnisque macerationes illi præscribere, & frequentem inprimis Confessionem, aliaque similia: quæ si Pœnitens in se recipiat, Confessarius illum absolvere poterit. Quod si tamen hac jam adhibita, aut a se, aut ab alio Confessario diligentia, Pœnitens emendatus non fuerit, non absolvatur, donec occasio illa sublata fuerit, vel agendum aliter nobis videatur. De quo nobis in eo casu, celato per longæ nomine, aliquid significabitur:

Occasiones peccati mortalis secundi generis, sive tales censentur ex personæ dumtaxat infirmitate, sunt eæ res, quæ licet in se licitæ sint, prudenter tamen judicatur Pœnitentem earum usu in eadem peccata relapsum iri, si in illis, ut antea, perseveret. Talia plerisque sunt hodie sæculi nostri vitio, bellum, negotiatio, Magistratus, Advocatorum, Procuratorumque professio, & alia huiusmodi exercitia, in quibus quis sæpius mortaliter peccare consueverit blasphemis, furtis, iniuriis, calumniis, odiis, fraudibus, perjuriis, & aliis similibus, ex quibus novit, quod si in his exercitiis perseveret, eadem illi occurrant peccandi occasiones; nec ulla ratio suadet adversus peccatum firmiorem fore, quam antea; quamobrem in eadem peccata relapsum iri prudenter judicari potest. Ideo qui sic affecti sunt, aut debent a professione ipsis periculosa omnino abstinere (ut ait S. August.) aut certe illam non exercere sine licentia, & sub moderamine probi alicujus, prudentisque Sacerdotis, qui non debet absolvere hominem in eo statu constitutum, cum probabiliter judicat ad eadem peccata reverturum, si in iisdem occasionibus perseveret; sed per aliquod tempus emendationem ejus oportet experiri.

Qua in re invigilare eo majus operæ pretium est, quod Confessarium hac in parte incuria in omnibus artibus, & professionibus regnent plures abusus, gravissimæque peccata, sine quibus jam videtur a multis, ne justissimas quidem Professiones exerceri posse.

Quibus neganda, vel differenda Absolutio.

Sic, v. gr. in Magistratum, & aliorum Officiorum institutione, ea solemnî sæpe Sacramento promittuntur, quæ numquam observantur.

Apud Jurisconsultos, Advocatos, & Procuratores, clientum improbitati, & injustitiæ contra propriam conscientiam servitur.

In Militia, duello, odiis, homicidiis, alea, blasphemis, rapinis, & impudiciis peccari solet.

Mercatores usuras palam exercent, pro sinceris fucatas merces plerumque proponunt, pretiis longe justo majoribus omnia vendunt. Frequentia sunt apud eos perjuria, fraudesque in solvendis pedagiis, & vetigalibus, aliaque ab illis peccata committuntur.

Artifices plurimi festis diebus, ut aliis, laborant; ita ut vix cultui divino unquam vacent, & Dei verba audiant, & familiam suam eodem modo tenent occupatam. Quo fit, ut eorum plurimi vitam omnem in peccatis mortalibus traducant, qui proinde Absolutionis capaces non debent

„bent æstimari, nisi primum diligentia omnis adhibeatur, ut liberentur
 „ab occasionibus, & fortiores quam antea reddantur. Imo Confessarius,
 „accusatori habito examine, forsitan inveniet eorum aliquos numquam re-
 „cte confessos fuisse: quod si ita fuerit, debet eis suadere, præter emen-
 „dationis signa, quæ dederint, aut professionis ipsis perniciosæ derelictionem,
 „ut generalem Confessionem faciant, valentioraque pro sua salute
 „adhibeant remedia.

„Cautior, ac severior sit Confessarius necesse est circa eas actiones, &
 „exercitia, quæ Reipublicæ inutilia sunt, aut minime necessaria; quæ li-
 „cet ad primam speciem occasionum ex se, naturaque sua homines ad
 „mortale peccatum inducentium non referantur, quæ propterea dimitti a
 „quocumque debent, ad malum tamen inclinant, & sæpiissime pertrahunt
 „hominem ad diversa peccata mortalia. Hujusmodi sunt, choræis interer-
 „se, cum blasphemis, rixæ deditis, aliisque improbis hominibus sæpius
 „versari, popinas frequentare, indulgere otio, & id genus alia, quorum
 „occasione si homo peccare mortaliter consueverit, Absolutionem non de-
 „bet impartiri, quin his omnibus renuntiet Pœnitens, & pollicitus fuerit
 „dictam occasionem reipsa dimittiturum. Si tamen ipem aliquam de suo
 „Pœnitente Confessarius concepit, semel iterumque promittentem se oc-
 „casionem dimittiturum, poterit absolvere; ea tamen lege, ut deinceps Ab-
 „solutionem differat, donec certis, & evidentibus indicis contet, illum
 „ab his occasionibus penitus esse segregatum.

Hæc autem S. Caroli Borromæi doctrina Sacris Canonibus omnino conso-
 na est, scilicet Canoni VII. Conc. Romani v. sub Gregorio VII. Canoni XVI.
 Conc. Melfitani sub Urbano II. Canoni XXII. Oecumenici Lateranensis II.
 sub Innocent. II. cuius unius adscribo verba. Sane inquit) quia inter cetera
 unum est, quod Sanctam maxime perturbat Ecclesiam, falsa videlicet Pœniten-
 tia, Confratres nostros, & Presbyteros admonemus, ne falsis Pœnitentiis Lai-
 corum animas decipi, & in infernum pertrahi patiantur. Falsam autem Pœ-
 nitentiam esse constat, cum spretis pluribus, de uno solum Pœnitentia agitur:
 aut cum sic agitur de uno, ut non discedatur ab alio. Falsa etiam sit Pœni-
 tentia, cum Pœnitens ab Officio, vel curiali, vel negotiali non recedit, quod
 sine peccato agi nulla ratione prævalet: aut si odium in corde gestetur, aut si
 offenso cuiuslibet non satisfiat, aut si offensi offensus non indulgeat, aut si ar-
 ma quis contra iustitiam gerat.

His Conciliis præivit S. Gregorius, Hom. xxiv. in Evangelia: Sunt enim
 (inquit) pleraque negotia, quæ sine peccatis exhiberi, aut vix, aut nullatenus
 possunt. Quæ ergo ad peccatum implicant, ad hæc necesse est, ut post con-
 versionem animus non recurat. Et S. Bernardus, Serm. I. de Resurrect. Non
 satis (inquit) cecidisse piget hominem, qui adhuc manere disponit in lubrico;
 aut errasse, qui ducem non querit. Veræ compunctionis indicium opportunitatis
 fuga, subtractio occasionis.

Denique Innoc. XI. Pontifex Maximus sequentes Propositiones inter alias
 pleraque damnavit.

Quibus ne-
 ganda, vel
 differenda
 Absolutio.

Propositio-
 nes damna-
 tæ.

Potest aliquando absolvi, qui in proxima peccandi occasione versatur, quam
 potest, & non vult omittere, quinimmo directe, & ex proposito querit, aut ei
 se ingerit.

Proxima occasio peccandi non est fugienda, quando causa aliqua utilis, aut
 honesta non fugiendi occurrit.

Licetum est querere directe occasionem proximam peccandi pro bono spirituali,
 vel temporali nostro, vel proximi.

De iisdem Propositionibus ita iudicavit Generalis Conventus Cleri Gal-
 licani

licani anno 1700. *Hæ Propositiones scandalosæ sunt, perniciosæ, hæreticæ, aperte repugnantes præcepto Christi jubentis manum, pedem, oculum quoque dextrum scandalizantem abscindere, & projicere.*

A sanctissimis illis Regulis non finant Confessarii se abduci falsa misericordia erga illos, qui dicunt: Si hanc domum, si hoc officium, si hanc artem deferam, deest, unde vivam. Nam contra hujusmodi excusationes in peccatis audiendus Dominus, qui ait: *Querite primum regnum Dei, & iustitiam ejus, & hæc omnia adjicientur vobis.* Neque audiendi, qui dicunt: Si hujus, vel istius consortio destituatur, vel inops, vel miser vivam; nam Dominus dicit: *Si oculus tuus dexter scandalizat te, erue eum, & projice abs te: expedit enim tibi, ut pereat unum membrorum tuorum, quam totum corpus tuumeat in gehennam.* Neque magna illorum habenda ratio est, qui ut in proximis peccandi occasionibus adhuc fordescant, lamentando dicunt; Si ab istius personæ, vel domus frequentatione me subtraxero, si hanc ejecero mulierem, quæ consanguinea mea censetur, vel quæ uxori meæ servit, veniam in suspicionem criminis. Nam Salvator noster damnat eos, qui *Dilexerunt gloriam hominum magis, quam gloriam Dei.* Nulla est ergo peccandi necessitas, quia *Una est non peccandi necessitas*; ut [ait Tertulianus.

Matth. 6. 33.

Joan. 12. 43.

R E G U L A X I.

Absolutio illis neganda est, qui de iisdem peccatis semper se accusant, & numquam emendant.

Hanc Regulam pariter tradit S. Carolus: *Differenda* (inquit) *Absolutio, donec aliqua emendatio appareat, iis Pœnitentibus, qui licet se peccatum dimissuros polliceantur, Confessarius tamen probabiliter judicat ad illud reversuros.* Cujusmodi sunt præsertim juvenes otio dediti, qui majorem vitæ suæ partem consumunt in ludis, comestationibus, ebrietatibus, & impudiciis, blasphemis, detractoribus; odiis, turpiloquio additi, qui semel tantum quotannis sub finem Quadragesimæ Sacerdoti se sistunt ad Confessionem: aut qui in eadem peccata frequentius relapsi, in iis a multis annis perseverarunt, nec diligentiam ullam adhibuerunt, ut se emendarent.

Qui Pœnitentiam ita agunt, ut in eadem peccata relabantur, sædissime Pœnitentiam agunt, ut loquitur Concilium Toletanum 111. can. xi. cuius hæc sunt verba: *Quoniam comperimus per quasdam Hispaniarum Ecclesias, non secundum Canones, sed sædissime pro suis peccatis homines agere Pœnitentiam, ut quoties peccare libuerit, toties a Presbyteris se reconciliari exposculent: Ideo pro coercenda tam execrabili presumptione, id a Sancto Concilio jubetur, ut secundum formam Canonum antiquorum detur Pœnitentia.*

Quibus neganda, vel differenda Absolutio.

Adversus hanc alternarum prolapsionum, & Absolutionum sæditatem styllum exacerunt SS. Patres S. Cæsarius, seu alius Auctor antiquus Sermonis inter Augustinianos olim 7. *De Tempore*, nunc in Appendice 117. Multi assidue se dicunt esse peccatores, & tamen adhuc illos delectat peccare. Professio est, non emendatio: accusatur anima, non sanatur: pronuntiatur offensio, non tollitur. Pœnitentiam certam non facit nisi odium peccati, & amor Dei.

Sanctus Gregorius part. 111. Pastoralis, Admonitione xxxi. *Admonendi sunt* (inquit) *qui admissa plangunt, nec tamen deserunt, ut considerare sollicitè sciant, quia fiendo inaniter se mundant, qui vivendo nequiter inquinant,*

nant, cum idcirco lacrymis lavant, ut mundi ad sordes redeant. Et qui admissum plangit, nec tamen deserit, pæne gravius culpa se subicit; quia ipsam quam sciendo veniam potuit impetrare, contemnit, & quasi in luto aqua semetipsum volvit; quia dum fletibus suis vitæ munditiam subtrahit, ante Dei oculos sordidas ipsas etiam lacrymas facit.

Sanctus Ildorus Libro 11. Sententiarum, cap. xiiii. Ille (inquit) Pœnitentiam digne agit, qui sic præterita mala deplorat, ut futura iterum non committat. Nam qui plangit peccatum, & iterum admittit peccatum, quasi si quis lavet laterem crudum, quem quanto magis laverit, tanto amplius lutum fecit.

Et cap. xvi. Canis reversus ad vomitum, est Pœnitens ad peccatum. Multi enim lacrymas indefinenter fundunt, & peccare non desinunt. Quosdam accipere lacrymas ad Pœnitentiam, & effectum Pœnitentiæ non habere constat, quia inconstantia mentis nunc recordatione peccati lacrymas fundunt; nunc vero reviviscente usu, ea, quæ fuerant, iterando committunt.

Gregorius VII. Pontifex Maximus, Lib. vii. Epist. x. Sacerdotalis (inquit) culminis dignitas tum imperitia, tum negligentia Sacerdotum, ex longo iam tempore peccatis exigentibus fuit collapsa. Ex qua quidem re, quasi ex pestifera radice innumera mala exorta sunt, adeo ut usque ad hæc nostra tempora, inter cetera, quæ male pullulant vitia, falsæ nihilominus Pœnitentiæ consuetudo inoleverit. His malis, ut remedium opportunum adhibeatur, Concilium in Aremorica congregari jubet. Synodale Concilium congregetur, ubi cum aliis, quæ ad salutem pertinent animarum, etiam de Pœnitentiæ consultatione diligentius pertrahatur. Qua in re hoc summopere vobis cavere oportet, aliosque monere debetis, quia si quis in homicidio, adulterio, perjurio, vel aliquid huiusmodi lapsus, in aliquo talium criminum permanferit; aut negotiationi, quæ vix agi sine peccato potest, operam dederit; aut arma militaria portaverit, excepto si pro tuenda iustitia sua, vel domini, vel amici, seu etiam pauperum, necnon pro defendendis Ecclesiis (nec tamen sine religiosorum virorum consilio sumpserit, qui æternæ salutis consilium dare sapienter noverunt) aut aliena bona iniuste possederit, aut in edium proximi sui exarserit, verâ Pœnitentiæ fructum facere nullatenus potest. Infructuosam enim Pœnitentiam dicimus, quæ ita accipitur, ut in eadem culpa, vel simili, vel deteriori, vel parum minori permaneat. Unde quisquis digne vult pœnitere, necesse est, ut ad fidei recurat originem, & quod in Baptismo promisit, diabolo scilicet, pompisque illius abrenuntiare, & in Deum credere, videlicet recta de eo sentiendi mandatis ejus obedire, sollicitus sit vigilanter custodire. Quicumque ergo taliter pœniterit, (quoniam aliter simulatio dici potest, non Pœnitentia) illi peccatorum suorum remissionem Apostolica freti Potestate largimur.

Quibus ne-
cessaria, vel
entenda
Absolutio?

Quam grave
recedivatum
malum?

Quam grave sit frequentium in eadem peccata prolapsionum malum, quam infelix hominum ex consuetudine peccantium status, Christus explicat Lucæ cap. xi. Cum immundus Spiritus exierit ab homine, ambulat per loca inagosa, quærens requiem, & non inveniens dicit: Revertar in domum meam, unde exivi. Et cum venerit, invenit eam scopis mundatam, & ornatam. Tunc vadit, & assumit septem alios Spiritus secum nequiores se, & ingressi habitant ibi. Et sunt novissima hominis illius pejora prioribus. Hinc Paralytico a triginta, & octo annis membrorum usu destituto, ac decumbenti, figuramque peccatoris ex inveterata consuetudine cadentis, atque in peccato permanentis gerenti dixit, postquam illi sanitatem restitisset: Vade, noli amplius peccare, ne quid tibi deterius contingat. Hinc S.

Petrus

Petrus, Epist. 11. cap. 11. Si refugientes (inquit) coinquinationes Mundi in cognitione Domini nostri, & Salvatoris Jesu Christi, his rursus implicati superantur: facta sunt eis posteriora deteriora prioribus. Melius enim erat illis non cognoscere viam iustitiæ, quam post agnitionem retrorsum converteri ab eo, quod illis traditum est. sancto Mandato. Contigit enim eis illud veri Proverbi: Canis reversus ad suum vomitum, & Sus lota in volutabro luti.

Quam gravem Deo inferat injuriam iteratæ prolapsiones, luculenter exponit Tertullianus, Libr. De Pœnitentia, cap. v. Jam quidem (inquit) nullum ignorantie prætextum tibi patrocinatur; quod Domino agnito, præceptisque ejus admissis, denique Pœnitentia delictorum functus, rursus te in delicta restituis. Ita, in quantum ignorantia segregaris, in tantum contumacia agglutinaris. Nam si idcirco te deliquisse pœnituerat, quia Dominum ceperas timere, cur, quod metus gratia gessisti, rescindere maluisti, nisi quia metuere desisti? Neque enim timorem alia res, quam contumacia subvertit. Cum etiam ignorantes Dominum nulla exceptio tueatur a pena (quia Deum in aperto constitutum, & vel ex ipsis cœlestibus bonis comprehensibilem ignorari non licet) quanto cognitum despicere periculosum est? Despicit porro, qui bonorum, ac malorum intellectum ab illo consecutus, quod intelligit fugiendum, quodque jam fugit, resumens, intellectui suo, idest, Dei dono contumeliam facit: respuit datorem, cum datum deserit; negat beneficium, cum beneficium non honorat. Quemadmodum ei potest placere, cujus munus sibi displicet? Ita in Dominum non contumax, sed etiam ingratus apparet. Ceterum non leviter in Dominum peccat, qui cum æmulo ejus Diabolo Pœnitentia renuntiasset, & hoc nomine illum Domino subiecisset, rursus eundem egressu suo erigit, & exultationem ejus se ipsum facit; ut denovo Malus, recuperata præda sua adversus Dominum, gaudeat. Nonne, quod dicere quoque periculosum est, sed ad edificationem proficendum est, Diabolum Domino præponit? Comparationem enim videtur egisse, qui utrumque cognoverit: & judicato pronuntiasse, cum meliorem, cujus se rursus esse maluerit. Ita qui per delictorum Pœnitentiam instituerat Domino satisfacere, Diabolo per aliam Pœnitentiæ Pœnitentiam satisfaciet; erique tantomagis perosus Deo, quanto æmulo ejus acceptus.

Quam gravem Deo inferat injuriam iteratæ in eadem crimina prolapsionis.

Quibus neganda, vel differenda Absolutio.

Hinc Sanctus Thomas, in iv. Sententiarum, dist. xxi. quæst. 1. articulo 11. quæstiuncula 1. Peccatum post remissionem iteratum gravius esse docet ratione „ ingratitudinis. Ex gratiarum actionis defectu (inquit) aliquis ingratus dicitur; & tanto magis, quanto magis ab hoc discedit: unde primus modus ingratitudinis est, cum quis effectui pro beneficiis acceptis retribuere aliquid negligit: secundus, cum affectu contemnit: tertius, cum etiam intellectu obliviscitur: quartus, & maximus, ut contra beneficientem aliquid operetur indebite. Ingratitudo autem quantum ad tres primos gradus semper est peccatum speciale; sed quantum ad quartum est deformitas annexa peccato, quia ex hoc ipso, quod ponitur aliquid indebite fieri, ponitur peccatum esse, sed ex hoc, quod dicitur fieri contra beneficientem, additur circumstantia aggravans, quæ est ingratitudo. Unde cum omne peccatum contra Deum fiat, ex quolibet peccato homo ingratitudinem incurrit, quia ipse est nobis summe beneficus; & per hunc modum quodlibet peccatum, post beneficium remissionis peccatorum, ingratitudinem habet annexam.

Et quæst. 111. Quanto (inquit) fuerunt peccata dimissa graviora, tanto fuit beneficium remissionis majus; & quanto beneficium fuit majus, tanto ingratitudo major; & sic aliquo modo quantitas reatus præcedentium peccatorum manet in ingratitudine recidendi.

Quæ cum ita sint, Sacerdotes absolvere non debent hominem, qui in eadem

dem peccata continuo prolabitur, & ex pravo habitu, atque consuetudine peccat, semperque de iisdem peccatis se acculât, nec emendat. Unde Innoc. XI. Pontifex Maximus hanc inter alias Propositionem damnavit: *Pœnitenti habenti consuetudinem peccandi contra legem Dei, Naturæ, aut Ecclesiæ, etsi emendationis spes nulla appareat, nec est deneganda, nec differenda Absolutio, dummodo ore proferat, se dolere, & proponere emendationem.* Hanc Propositionem pariter confixit Clerus Gallicanus anno 1700. ut *erroneam, & ad finalem impœnitentiam ducentem*: & jure quidem merito. Quamvis enim gratiæ thesaurum in vasis fictilibus habeamus, & per lubrica incedentes, innumerisque tentationibus intus, exteriisque pulsati, cadere iterum possumus in lethale peccatum post Pœnitentiam, ex fragilitate seu infirmitate (quod vulnus est ex primi hominis peccato relictum.) Vera tamen conversio non ita desultoria est, ut plerique videtur; non instar marini æstus veniens, & rediens: non instar feriarum, quibus gaudent febricitantes, post diem unum aut alterum febri agitandi; non instar mundanæ lucis, quæ quotidie oritur, & occidit; sed constans, & novis incrementis accrescens, usque ad perfectum æternitatis diem. Si Davidem audiamus, Justum describit non tanquam in iustitia vacillantem, & quotidie deciduum, sed *Tanquam lignum, quod plantatum est secus decursus aquarum; quod fructum suum dabit in tempore suo, & folium ejus non defluet, & omnia, quæcumque faciet, semper prosperabuntur.* Si Salomonem, Justum ille comparat luci, non quotidie evanescenti, sed continuis splendoris incrementis ad perfectum diem crescenti. *Is florum semita* (inquit) *quasi lux solens, procedit, & crescit usque ad perfectam diem.* Mystica illa apud Ezechielem Animalia, *Ubi erat impetus Spiritus, illuc gradiebantur, nec revertebantur, cum ambularent*; quia (ut explicat S. Gregorius) *Electi sic ad bona tendunt, ut ad mala perpetranda non redeant. Qui enim perseveraverit usque in finem, hic salvus erit.* Christum Justum instar domus supra petram fundatæ, quam nec flumina, nec venti evertant, mansurum immobilem inter tentationes significat. *Omnis* (inquit) *qui audit verba mea hæc, & facit ea, assimilabitur viro sapienti, qui ædificavit domum suam supra petram, & descendit pluvia, & venerunt flumina; & flaverunt venti, & irruerunt in domum illam, & non cecidit: fundata enim erat supra petram.* De conversionibus itaque desultoriis merito dubitatur, an veræ sint, & sinceræ: imo sinceræ non esse probabiliter judicatur. Hinc S. Fulgentius, Lib. 1. De Remissione Peccatorum, cap. xii. ait: *Numquam diluunt gemendo peccatum, quia non desistant peccare post gemitum.*

T R A C T A T U S D E C E N S U R I S.

CUM ad Sacramenti Pœnitentiæ Administrationem Sacerdotes notitiam Cenurarum habere debeant, tum ut de iis in sacro Tribunali dicent, tum ne potestatis suæ fines transgrediantur, operæ pretium est, Tractatum de Pœnitentia brevem, & accuratam Cenurarum tractationem per modum appendicis, & complementi subnectere.

C A P U T I.

DE CENSURIS IN GENERE.

A R T I C U L U S I.

Quid sit Censura?

Censura est pena spiritualis, inflicta ab Ecclesiastica Potestate, privans hominem baptizatum bonorum aliquorum spiritualium usu, propter animæ salutem. Censuræ definitio.

Pœna spiritualis dicitur: Vinculum enim est, quod animam attinet. Ab Ecclesiastica Potestate inflicta dicitur, quia Laica Potestati res dumtaxat terrenæ, & corpora subiciuntur, non animæ: Claves Regni Cœlorum, ligandique, & solvendi animas potestatem Christiani universi non acceperunt; sed Apostoli, & eorum Successores, quibus dictum a Christo Domino nostrum est: *Quodcumque ligaveritis super terram, erit ligatum &c. in cœlis, &c.* Ad bonum autem Ecclesiæ regimen potestas ferendi Censuras, quibus peccatores coerceantur, eorumque plectatur contumacia omnino necessaria est. Nam Jurisdictio nullius videretur esse momenti, si coercionem aliquam non haberet, ut dicitur cap. Pastoralis, Extra. De Officio Delegati. Et ut dicitur in Digestis, Lib. 2. tit. de Jurisdictione omnium Judicum, Cui Jurisdictio data est, ea quoque concessa esse videntur, sine quibus Jurisdictio expleri non potuit. Dicitur, Privans hominem baptizatum, quia homines non baptizati non sunt subditi Ecclesiæ, adeoque illius censuris non subjacent. Quid enim mihi de iis, qui foris sunt, judicare? (inquit Apost. 1. ad Cor. v.) Nonne de iis, qui intus sunt, vos judicatis? Nam eos, qui foris sunt, Deus judicabit. Dicitur, Bonorum aliquorum spiritualium usu, quo differt a pœnis civilibus, quæ rebus dumtaxat temporalibus privant. Non autem omnibus bonis spiritualibus privat Censura: virtutibus namque infusis, & earum actibus hominem non privat, sed iis dumtaxat, quæ Ecclesiæ dispensationi credita sunt, scilicet participatione Sacramentorum, communione suffragiorum, functione munerum Ecclesiasticorum, &c. Dicitur denique, Propter animæ salutem, qui censuræ finis est. Pœna enim medicinalis est Censura Ecclesiastica, quam Ecclesia infligit, non solum ut puniat peccatorem, sed ut eum ad Pœnitentiam adducat, ut constat ex cap. Ex litteris, De Constitutionibus, cap. De Quod vult Deus, Extra. De Judiciis, & cap. Cum Medicinalis, De Sententia excommun. in Sexto. Idemque docuit S. Augustinus, Sermone cccxi. alias l. inter Homilias quinquaginta: Nos vero (inquit) a Communionem prohibere quemquam non possumus, (quamvis hæc prohibitio nondum sit mortalis, sed medicinalis,) nisi aut sponte convictum, aut in aliquo, sive seculari, sive Ecclesiastico Judicio nominatum, atque convictum.

Censuræ autem dicuntur, quod Ecclesiastici Judices, Censuræ more, ita iis inflictis delinquentes punire soleant, ut sanguinem non effundant, sed suffundant, unamque sibi proponant peccatoris emendationem.

A R T I C U L U S II.

Quotuplex sit Censura?

Censura Ecclesiastica tres species complectitur, scilicet Excommunicatio- Censuræ divisiones.
nem, Suspensionem, & Interdictum, ut respondet Innoc. III. cap. Quæ- renti,

renti, Extra. *De Verborum Significatione*. Unde Irregularitas pœna quidem Ecclesiastica est, non Censura. Quædam enim Irregularitates, abique crimine contrahuntur: nulla autem Censura, nisi gravis peccati reis infligitur.

Censura rursus alia est a jure, alia ab homine.

Censura a jure est illa, quæ fertur a Legislatore cum intentione condendi legem, seu statutum generale perpetuum, pœna Censuræ Ecclesiasticæ illius transgressoribus indicta.

Censura ab homine, ea est, quæ fertur ab homine Jurisdictionem Ecclesiasticam habente, non intentione condendi statutum, aut legem perpetuam, sed temporale, ac transitorium præceptum dandi in singulari actione, vel negotio, decreta contra inobedientes, & contumaces Censura.

Censura rursus alia est latæ Sententiæ, alia Sententiæ ferendæ. Prima est illa in quam ipso facto incurritur, abique alia Sententia Judicis: altera, quæ solummodo est comminatoria, nec ipso facto in eam incurritur ante Sententiam Judicis.

Censura latæ Sententiæ his verbis indicatur *Ipsò jure, Ipsò facto, aut latæ sententiæ*. Item his verbis, *Excommunicationis sententia duximus innodandum; vel Excommunicationis sententia innodantes*. Similem vim habent verba illa, *Sententiam Excommunicationis incurrat; vel, Ecclesiastico subjaceant Interdicto*. Item illa, *Excommunicationis sententiæ se noverint subjacere*. Item illa, *Sic Anathematis mucrone percussus; Anathema sit; Excommunicatus sit*. Censura ferendæ Sententiæ judicanda est, quæ verbis futuri temporis fertur, ut cum dicitur, *Qui hoc fecerit, Excommunicabitur, vel suspendetur, aut, Excommunicetur, vel suspendatur*, nisi verbo futuri temporis addatur, *Ipsò facto, ipso jure, aut latæ Sententiæ*. Item hæc verba, *Sententiam Excommunicationis te noveris incursurum*, Excommunicationem comminatoriam, non latæ Sententiæ indicant: sicut & illa, *Sub pœna Excommunicationis, sub interminatione Anathematis*. Cum enim odia restringenda sint, & in mitiorem partem interpretanda, secundum Regulam Juris Legislator, & Superior non est existimandus Censuram ipso facto incurrendam tulisse, nisi id verbis disertis expresserit.

A R T I C U L U S III.

De Potestate ferendi Censuras, seu a quibus ferri possint?

Matth. 18.

Potestas ferendi Censuras Ecclesiæ a Christo tradita.

Potestatem ferendi Censuras Ecclesiæ a Christo Domino nostro traditam esse, dogma fidei est, fundatum in illis verbis, *Quæcumque alligaveritis, &c.* Et in illis Apostoli 1. ad Cor. v. *Auferte malum ex verbis ipsis; ut explicat S. Augustinus Lib. 11. Retractionum, cap. xvii. & qu. xxxix. in Deuter.* Hanc potestatem exercuit Apostolus, cum Incestuosum Corinthium excommunicavit, 1. ad Cor. v. *Et non magis luctum habueris (inquit) ut tollatur de medio vestrum, qui hoc opus fecit. Ego quidem absens corpore, præsens autem spiritu, jam judicavi, ut præsens eum, qui sic operatus est, in nomine Domini nostri Jesu Christi, congregatis vobis, & meo spiritu, cum virtute Domini nostri Jesu, tradere hujusmodi Satane in interitum carnis, ut spiritus salvus sit in die Domini nostri Jesu Christi.* Et paulo infra: *Su is, qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax: cum ejusmodi nec cibum sumere.* Et 11. ad Thels. 111. *quod si quis non obedit verbo nostro per Epistolam, hunc notate, & ne commisceamini cum illo, ut confundatur.*

Hanc potestatem in Ecclesia permanere, testimoniis Patrum, & Conciliorum facile probari potest. Unum, aut alterum subjicio. Insignis est Tertullianus

Nulliani locus in *Apologetico* cap. xxxix. ubi sacros Christianorum conventus describit. *Ibidem*, etiam, inquit, exhortationes, castigationes, & Censura divina. Nam, & judicatur magno cum pondere, ut apud certos de Dei conspectu; summumque futuri iudicii præjudicium est, si quis ita deliquerit, ut a communicatione orationis, & conventus, & omnis sancti commercii relegetur.

De eadem potestate, S. Hieronymus, Epist. 1. ad Heliodorum ita scribit: In veteri quidem Lege quicumque Sacerdotibus non obtemperasset, aut extra castra positus lapidabatur a Populo, aut gladio cervicæ subiecta, contemptum expiabat cruore. Nunc vero inobediens spirituali mucrone truncatur, aut ejus de Ecclesia rabido Demonum ore discerpitur.

Et S. Augustinus, Lib. De Fide, & Operibus, cap. 11. malos in Ecclesia non ita tolerari docet, ut disciplinæ severitas, siue diligentia solvatur omnino, atque omittatur. Neque enim quia illam primi populi permixtionem Moyses Dei famulus patientissime persequebatur, ideo non in multis etiam gladio vindicavit. Et Phineas Sacerdos adulteros simul inventos ferro ultore confixit. Quod utique Degradationibus, & Excommunicationibus significatum est esse faciendum hoc tempore, cum in Ecclesiæ Disciplina visibilis fuerat gladius cessaturus.

Potestas ferendi Censuras Ecclesiasticas tradita.

Ecclesia denique in Conc. Oecumenicis congregata Hæreticos, & Schismaticos Anathemate, siue Excommunicatione confixit, & graviorum criminum reos latè Censuris castigavit, tum in sacris illis Conventibus, tum extra. Et Conc. Constantiense inter errores Jo: Vviclef istos Articulos damnavit: Nullus Prælatus debet aliquem excommunicare, nisi prius sciat eum excommunicatum a Deo: & qui sic excommunicat, sit ex hoc Hæreticus, vel Excommunicatus.

Prælatus excommunicans Clericum, qui appellavit ad Regem, vel ad Concilium Regni, eo ipso traditor est Regis, & Regni.

Excommunicatio Papæ, vel cujuscumque Prælati non est timenda, quia est Censura Antichristi.

Item inter Articulos Jo: Hunc hunc pariter damnavit: Per Censuras Ecclesiasticas Excommunicationis, Suspensionis, & Interdicti, ad sui exaltationem Clerus populum laicalem sibi suppeditat, avaritiam multiplicat, malitiam protegit, & viam præparat Antichristo.

Et Martinus V. Pontifex Maximus redeuntes ad Ecclesiam Hussitas interrogari jubet, Utrum credant, quod Papa, vel alii Prælati, & eorum Vicarii in spiritualibus habeant potestatem Sacerdotes, & Laicos inobedientes, & contumaces excommunicandi, ab Officio, Beneficio, ingressu Ecclesiæ, & Administratione Ecclesiasticorum Sacramentorum suspendendi.

Item, Utrum credant, quod inobedientia, siue contumacia excommunicatorum crescente Prælati, vel eorum Vicarii in spiritualibus habeant potestatem aggravandi, & reagravandi, Interdictum ponendi, & brachium seculare invocandi; & quod illis Censuris per inferiores sit obediendum.

Objicitur S. Augustini testimonium, quo ligandi potestatem Christianis omnibus communem esse; non minus quam fraternæ correctionis officium significare videtur, Serm. lxxxii. alias xvi. De Verbis Domini, cap. iv. Cępisti (inquit) habere fratrem tuum tanquam Publicanum, ligas illum in terra, sed ut juste alliges, vide. Nam injusta vincula dirumpit justitia. Cum autem correxeris, & concordaveris cum fratre tuo, solvisti illum in terra. Cum solveris in terra, solutus erit & in cælo.

Ligandi potestas Christianis omnibus non convenit.

Reip. S. Augustinum, eo loci hæc verba, Quæcumque alligaveritis, &c. ad bonos Christianos extendere morali quodam sentiu, & minus proprio, atque ad fraternam correctionem spectante; non autem secundum sensum

proprium, ac litteralem, quatenus potestatem retinendi, & remittendi peccata, & infligendi Censuras, atque ab illis absolvendi significant. Quod solis Ecclesiæ Præpositis, sive Sacerdotibus convenit, ut alibi explicat, scilicet Lib. xx. *De Civitate Dei*, cap. ix. illud Apoc. xx. *Et vidi sedes, & sedentes super eas, & iudicium datum est*, exponens: *Non hoc* (inquit) *putandum est de ultimo iudicio dici: sed sedes Præpositorum, & ipsi Præpositi intelligendi sunt, per quos Ecclesia nunc gubernatur. Iudicium autem datum nullum melius accipiendum videtur, quam id, quod dictum est, Quæ ligaveritis in terra, ligata erunt & in cælo; & quæ solveritis in terra, soluta erunt, & in cælo. Unde Apostolus: Quid enim mihi est, inquit, de his, qui foris sunt iudicare? Nonne de his, qui intus sunt vos iudicatis? Et Serm. cccxi. alias Homilia quinquagesima inter Homilias quinquaginta dilerte docet, Nontemere, aut quomodolibet, sed per iudicium asserendos esse malos ab Ecclesiæ Communione. Illud parro iudicium pertinere. Ad Antisites, per quos in Ecclesia Claves ministrantur. Et Tractatu quinquagesimo in Joannem: Si in Petro (inquit) „ non esset Ecclesiæ sacramentum, non ei diceret Dominus, Tibi dabo claves „ Regni cælorum: quæcumque solveris in terra, soluta erunt & in cælo, „ & quæcumque ligaveris in terra, ligata erunt & in cælo. Si hoc Petrotantum dictum est, non facit hoc Ecclesia. Si autem & in Ecclesia fit, ut quæ in terra ligantur, in cælo ligentur, & quæ solvantur in terra, solvantur in cælo: quia cum excommunicat Ecclesia, in cælo ligatur excommunicatus; cum reconciliatur ab Ecclesia, in cælo solvitur reconciliatus: si hoc ergo in Ecclesia fit, Petrus quando claves accepit, Ecclesiam sanctam significavit. Lib. i. iniquæ De Correctione, & Gratia, cap. xv. Corripiantur itaque (inquit) a Præpositis suis subditi fratres correctionibus de caritate venientibus, pro culpæ diversitate diversis, vel maioribus, vel amplioribus: quia & ipsa, quæ damnatio nominatur (id est Excommunicatio) quam facit Episcopale iudicium, quæ pœna in Ecclesia nulla maior est, potest si Deus voluerit, in correptionem saluberrimam cedere, atque proficere. Neque enim scimus, quid contingat sequenti die, aut ante finem vite huius de alio desperandum est, aut contradici Deo potest, ne respiciat, & det penitentiam, & accepto sacrificio spiritus contribulati, cordis sane contriti, a reatu quamvis iuste damnationis absolvat, damnatumque ipsi non damnet. Pastoribus tamen necessarius habet, ne plures serpent dira contagia, separare ab ovibus sanis morbidam, ab illo cui nihil est impossibile, ipsa forsitan separatione sanandam.*

Obicitur, S. Jo: Chrysostomus, Sermone De Anathemate, docere, Neminem hominem esse excommunicandum, & Qui hominem facit Anathema ab Ecclesia, abdicere se ipsum in extremam perniciem, usurpando dignitatem Filii Dei. Et infra: Obsecramus, & contestamur vos, ut a tanto malo desistatis. Nam is, quem tu anathematizare decrevisti, vel vivit, vel mortuus est. Quod si adhuc sup. vult, impie agis, qui eum, qui a malo in bonum se convertere potest, crudelis relinquis. Sin mortuus est, multo magis crudelis es: quia Domino suo stat, aut cadit, non jam sub iure humano existens. En propter vos oro, ne vob hæc verba mente excedant. Dogmata enim inopia, & quæ ab hereticis proficiant, arguere, & anathematizare oportet: hominibus autem parcendum, & pro salute ipsorum orandum.

Respondetur, S. Jo: Chrysostomum ferendarum Censurarum auctoritatem Ecclesiæ, & illius Præpositis non negare, sed illis dātaxat, qui nullam in Ecclesia auctoritatem habent, & nihilominus Anathema in filios Ecclesiæ jaculati præsumunt. Hanc fuisse ejus mentem constat ex tempore, loco, circumstantiis, personis, in quibus, & causis quibus perorabat. Hunc Sermonem de Anathemate habuit Antiochiæ, tempore Schismatis, quod

Flu-

Matth. 18.
1. Cor. 5.

S. Chrysost.
ferendarum
Censurarum
pot. statem
non negat
Ecclesiæ.

Flavianum inter, & *Paulinum*, post obitum *S. Moletii* perdurabat. Utriusque partis Fideles, illi scilicet, qui *Paulino*, & illi, qui *Flaviano* communicabant, mutuum sibi inclamabant Anathema. Qui *Flaviano* adhaerebant, maxime omnium erant exasperati, & alios Anathemate confodiebant. Qua ab audacia illos *S. Chrysostomus* abducit. *En specto viros* (inquit) *qui nullum ex sacris Litteris germanum sensum, imo nihil omnino sacrarum Litterarum tenent, furibundos, nugaces, contentiosos, qui neque sciunt, quae dicunt, neque de quibus affirmant; in hoc uno tantum audaces, quod dogmata statuunt, & Anathema declarant ea, quae maxime ignorant. Et inf. Cur potestatem assumis, quae Apostolis tantum communicata, & his, qui illorum idonei Successores? Ceterum S. Chrysostomus Excommunicationis ferendae potestatem in Ecclesia agnoscit Hom. xvii. in Matthaeum. Propterea* (inquit) *nos lamentamur, & plangimus: & si viderimus vos in eisdem manentes, etiam interdicens omnino vobis sacri istius ingressione vestibuli, & caelestis participationem Mysterii.*

Et Hom. iv. in Epistolam ad Hebraeos: *Nemo* (inquit) *vincula contemnat Ecclesiastica. Non est enim homo, qui ligat: sed Christus, qui nobis hanc dedit ligandi potestatem, & efficiens, ut homines in sua potestate habeant tantum honorem. Nam nos quidem uti volumus potestate ad solvendum. Imo vero vellemus, ne hoc quidem esse necesse. Nullum enim volumus esse apud nos vinculum. Sed si necesse habuerimus, ignorete. Non enim lubentes, nec volentes, sed magis quam vos vincti dolentes, vincula injicimus. Si quis autem illa contemnat; adveniet tempus judicii, quod ipsum doceat. Lege & Hom. xv. in 1. ad Corinthios, Hom. v. in Epist. 1. ad Timotheum, &c.*

Censuras ferre possunt quicumque Jurisdictionis potestatem habent, ordinariam, vel delegatam in foro exteriori: Ordinariam, scilicet Concilia Generalia, & Romanus Pontifex, in tota Ecclesia; Patriarchae, Concilia Provincialia, Archiepiscopi, Episcopi habentes Clerum, & Populum, in suis Provinciis, aut Diocesis, Legati Apostolici, Vicarii Generales Episcoporum, Capitulum Sede vacante, ejusque Vicarii, Praelati Regulares, idest, Moderatores, Generales Ordinum, Abbates, Provinciales, Priores, Guardiani, Correctores, Rectores, Ministri, seu alio quovis nomine vocentur Monasteriorum, sive Religiosorum Domorum Superiores; non Parochi, non Abbatissae. Delegatam potestatem habent ferendi Censuras, quibus Jurisdictio Ecclesiastica in foro exteriori demandata est a Superiore legitimo, vel ex legitima, & probata consuetudine quaesita. Quae quidem Jurisdictio, nec Mulieribus, nec Laicis, nec Religiosis etiam viris prima Tonsura nondum initiatis, neque Clericis conjugatis jure committi potest. De his inter Juris Canonici peritos, & Theologos, qui de Censuris egerunt, convenit, ut Canones ad singulorum probationem congerere non sit opus.

A quibus
Contemnat
ti possunt?

A R T I C U L U S IV.

Quam ob causam ferri possit Ecclesiastica Censura?

I. Censura solum propter culpam ferri potest. Poena enim spiritualis est, adeoque non nisi propter culpam infligenda. Medicina est: quomobrem morbum peccati supponit. Idque Jus omnino postulat, cap. *Sacro*, Extra. *De Sententia Excommunicat*. Et quidem culpam propriam illius esse necesse est, in quem fertur Censura, si sit Excommunicatio. Nemo enim propter alienum peccatum excommunicari potest, ut confirmat can. *Si habes*, causa xxiv. q. 111. Suspendio autem, quia in communitatem ferri potest, ut probat cap. *Quia sepe*, tit. *De electione*, & cap. *Si Sententia*, tit. *De Sententia Excommun.* in Sexto, & fieri potest, ut in communitate aliqui

sint immunes a culpa, satis est hac in hypothesi, ut rea sit communitas. in quam Censura directe fertur. At cum Suspensionis Sententia fertur in hominem singularem, abique proprio illius crimine ferri non potest. Interdictum vero id proprium habet, ut in aliquos ferri possit sine culpa eorum personali, & propria, ut habetur ex eodem cap. *Suspensio*; sed tamen fertur semper ob peccatum saltem alterius, propter quod eos etiam, qui sunt infantes, penas aliquas pati minime injultum est, quatenus ad reum aliquo modo pertinent; sicut membra quædam corporis propter alia patiuntur. Ecclesia itaque propter commune bonum, & ad majorem terrorem incutendum ei, qui deliquit, Censuram interdicti aliquando etiam imponit eis, qui non deliquerunt. Atque ob eandem causam quandoque locus Interdicti supponitur in execrationem criminis, ad rei terrorem, & ad excitandum reliquos, ut solliciti sint de reo ad poenitentiam, & obedientiam Ecclesiæ revoquantur.

Propter peccatum mere internum ferri Censura non potest.

1. Reg. 16.

II. Propter peccatum mere internum, & sola mente, ac voluntate consummatum ferri Censura non potest, sed necesse est, ut in actum externum prodeat. Ecclesia enim de occultis non judicat, sed tantum de manifestis, ut constat ex cap. *Tua nos*, & cap. *Sicut tuis*, Extra. De *Simonia*. Idque ex Apostolo confirmatur 1. ad Corinth. iv. Nolite (inquit) ante tempus judicare, quoadusque veniat Dominus, qui & illuminabit abscondita tenebrarum, & manifestabit consilia cordium, & tunc laus erit unicuique a Deo: Hoc iudicium solius Dei proprium esse significans: Quoniam Homo videt ea, quæ parent, Dominus autem intruetur cor. Id confirmat Axioma illud Juris, can. *Christiana*, causa xxxii. qu. v. Non habent latentia peccata vindictam: & illud: Cogitationis poenam nemo patitur: cum scilicet intra fines cogitationis, & voluntatis silitur, nec tentatur voluntatis executio. Quamobrem cum excommunicantur credentes talem errorem, aut non credentes talem veritatem, cap. *Excommunicamus* 1. §. *Credentes præterea*, & cap. *Excommunicamus* 2. §. *Si qui autem*, Extra. De *Hæreticis*, sermo est de illis, qui errorem suum verbo, vel facto exterius produnt. Atque hoc etiam sensu intelligenda sunt verba Conc. Gangrentis can. xix. relata a Gratiano can. *Si quis eorum*, dist. xxx. *Si quis Jejunia Ecclesiæ putaverit esse contemnenda, perflam in sua conscientia iudicans rationem, Anathema sit*. Hæc enim verba. *Si quis putaverit contemnenda*, solam exiltimationem interiorem non significant, sed quæ prodit in actum exteriorem; quod Versio Dionysii Exgvi clarius explicat. Hanc enim Canonem ita reddit: *Si quis eorum, qui continentie student, absque necessitate corporea, tradita in commune Jejunia, & ab Ecclesiâ custodita, superbiendo dissolvit, stimulo suæ cogitationis impulsus; Anathema sit*.

Censura ob peccatum duntaxat mortale ferri potest.

III. Censura ob peccatum duntaxat mortale infligi potest, non quodlibet, sed speciali quadam gravitate notandum, aut quod scandalum generet, aut pacem perturbet, aut grave damnum afferat, quod alia via commodè impediri non possit. Unde Conc. Aurelianense iv. can. ii. pro levibus culpis aliquem excommunicari vetat: Nullus (inquit) Sacerdotum quemquam reſtæ fidei hominem pro parvis, & levibus causis a Communione suspendat: præter eas culpas, pro quibus antiqui Patres arceri ab Ecclesiâ iusserunt committentes. Refertur can. Nullus, causa xi. q. iiii. Et Conc. Meldense can. lvi. statuit, Ut nemo Episcoporum quolibet sine certa, & manifesta peccati causa Communionem prius Ecclesiastica. Anathema autem sine consensu Archiepiscopi, aut Coepiscoporum, prælata etiam Evangelica admonitione, nulli imponat, nisi unde Canonica docet Auctoritas; quia Anathema æternæ est mortis damnatio, & non nisi pro mortali debet imponi crimen, & illi, qui aliter non

potest

potuerit corrigi. Refertur can. *Nemo Episcoporum*, causa xi. qu. iiii. Idemque confirmat Conc. Tridentinum sess. xxv. *De Reformatione*, cap. iiii.

IV. Censura ferri non potest pro peccato jam commissio, nisi intercedat contumacia, ut colligitur ex verbis Christi Matth. xviii. *Si Ecclesiam non audierit, sit tibi sicut Ethnicus, & Publicanus*. Unde Monitio Censuræ inflictionem præcedere debet secundum Canones. Et certe cum sit pœna medicinalis, pro delicto præterito, in quo reus permanere non vult, ferri non potest: alioquin vindicta esset, non medicina.

Censura ferri non potest nisi in contumaces.

Id confirmat S. Thomas, in iv. *Sententiar.* dist. xviii. qu. ii. art. i. quæst. iiii. Per *Excommunicationem* (inquit) *Judex Ecclesiasticus excommunicatos excludit a Regno quodam modo: unde cum non debeat excludere nisi indignos, nec aliquis reddatur indignus, nisi per peccatum mortale amiserit charitatem, quæ est via ducens ad Regnum; ideo nullus excommunicari debet, nisi pro peccato mortali. Sed quia Excommunicatio est gravissima penarum, pœne autem medicine sunt: sapientis autem Medici est a levioribus medicinis incipere, & minus periculosis; ideo Excommunicatio infligi non debet etiam pro peccato mortali, nisi contumax fuerit; vel non veniendo ad Judicium, vel ante terminationem Judicii sine licentia recedendo; vel determinationi non parendo: tunc enim postquam monitus fuerit, si obedire contempserit, contumax reputatur, & excommunicari debet a Judice jam non habente, quid contra ipsum faciat amplius. Unde si qui Canones pro peccato præterito Censuram ferunt, intelligenda semper est conditio de futuro, vel quoad restitutionem, vel quoad satisfactionem; vel remotionem scandalum: & Censura ligatur, qui hoc, vel illud crimen commisit, nisi resipiscat, nisi satisfaciatur, nisi scandalum removeat, &c. Quamquam propter peccatum præteritum infligi pœna aliqua potest nulla intercedente contumacia, v. g. privato Officio, aut Dignitate, separatio ab Altari, & a Communione Corporis, & Sanguinis Christi certo tempore; sed hujusmodi pœnæ propriæ Censuræ non sunt. Sic exponitur can. *Tanta*, dist. lxxxvi. quo duorum mensium spatium excommunicatos esse decernit S. Gregorius illos, qui prævum consilium Episcopo cui dederant; ita tamen, ut si intra illud tempus in mortis periculum venirent, Viatico non privarentur. Privatio enim illa Eucharistiæ per duos menses, Excommunicatio minus proprie vocatur.*

ARTICULUS V.

Qui Censura ligari possint?

Censuris ligari possunt quilibet adultæ ætatis homines, baptizati, sui compotes, non perpetuo amentes; non mortui, qui foro Militantis Ecclesiæ non subiacent. In mortuum tamen ferri potest declaratoria Sententia Censuræ, quam vivens incurrit: atque hoc nomine Hæreticis post mortem Anathema dicitur: & quicumque Excommunicationis vinculo ligati obierint, sepultura sacra, & suffragiis Ecclesiæ privantur. Hoc sensu intelligi debet can. *Sane*, causa xxiv. q. ii. can. *Neque*, dist. lxxxviii. ex S. Cyrilliano sumptus Epistola ad Clerum, & Plebem Furnitanorum, & cap. *Quis Episcopus*, Extra. *De Hæreticis*. Quod autem mortui interdum ab Excommunicatione absolvantur, non probat, eos Ecclesiæ foro obnoxios esse, sed Censuram morte solutam, si pœnitens (ut præsumitur) obierit, qui ligatus erat, in Ecclesiæ foro aliquo modo mansisse, quoad sepulturæ sacræ, publicarumque suffragiorum privationem. Quod ita ab Ecclesiâ statutum, ut majori tempore, ac reverentia erga Censuras afficerentur Christiani, magisque soli-

An Censuræ in mortuos ferri possunt?

Qua ratione mortui ab Excommunicatione absolvantur?

soliciti essent de Absolutione obtinenda propter periculum mortis. Hæc autem disciplina de Absolutione interdum post mortem tribuenda excommunicatis, nititur cap. *A nobis*, 2. & cap. *Sacris*, Extra. De *Sententia Excommun.* In primo sic respondet Innoc. III. *Judicium Dei veritati, quæ non fallit, nec fallitur. semper innititur: Judicium autem Ecclesiæ nonnumquam opinionem sequitur, quam & fallere sepe contingit, & falli: propter quod contingit interdum, ut qui ligatus est apud Deum, apud Ecclesiam sit solutus, & qui liber est apud Deum, Ecclesiastica sit Sententia inodatus. Vinculum ergo quo peccator ligatus est apud Deum, in culpe remissionem dissolvitur: illud autem, quo ligatus est apud Ecclesiam, cum sententia remittitur, relaxatur. Quod in suscitatione Lazari sermo Evangelicus manifestat: quem prius Dominus suscitavit, & Apostolis precepit postmodum solvere suscitatum. Unde quantumcumque se quis juramento prestitit, quod Ecclesiæ Mandato pareret, humiliare curaverit, quantumcumque penitentie signa præstiterit, si tamen morte preventus, Absolutionis non potuerit beneficium obtinere, quamvis absolutus apud Deum fuisse credatur, nondum tamen habendus est apud Ecclesiam absolutus: potest tamen & debet ei Ecclesiæ beneficio subveniri, ut si de ipsius viventis penitentia per evidèntia signa constiterit, defuncto etiam Absolutionis beneficium impendatur. Nec obstat, quod Ecclesiæ legitur attributa potestas ligandi, atque solvendi homines super terram, tanquam non possit solvere, & ligare sub terra sepultos: & quod legitur, Non communicetur, mortuo, cui non est communicatum & vivo: cum etsi communicatum non fuerit, communicandum tamen illi fuisset, quem non contempnus Religionis, sed necessitatis articulus impedit, & in certis casibus a Canonibus denotatis ligasse legatur Ecclesia mortuos, & solvisse.*

Ut autem incurratur in Censuram, necesse est, ut homo sit Censuræ capax, non solum pro tempore, quo imperavit facinus, propter quod illa contrahitur, sed etiam pro tempore, quo idem facinus executioni mandatur. Unde si quis mandavit, dum viveret, interfici, aut percuti Clericum, & mortuus est antequam nefaria jussio executioni mandaretur, non ligatur Excommunicatione lata in cap. *Si quis suadente*, quamvis in eam incurrat non tantum, qui per seipsum, sed etiam, qui sua auctoritate, vel mandato manus injicit temere violentas in Clericum, ut habetur cap. *Mulieres*, §. *Illi vero*, Extra, De *Sententia Excommunicationis*.

Hominem porro una jam Censura ligatum, altera non tantum diversæ, sed ejusdem etiam speciei ligari posse, totque Censuras contrahi, quot numero patrantur facinora, quibus annexa Censura est, Juris Canonici Periti, & Theologi summa consensione docent; post *S. Thom.* in iv. *Sententiarum*, dist. xviii. qu. ii. art. iii. q. iii.

ARTICULUS VI.

Quibus de causis nulla, & irrita, vel injusta Censura sit:

Censura nulla ob jurisdictionis defectum.

Censura nulla, & irrita est tribus de causis: primo defectu Jurisdictionis in eo, a quo fertur: secundo defectu causæ legitimæ: tertio defectu ordinis ad Judicii substantiam requisiti.

Ob primum defectum, scilicet Jurisdictionis, nulla est Censura, quæ fertur a non Judice, ut colligitur ex can. *Sententia*, causa xi. qu. iiii. quo *Sententia Pastoris*, non alterius, timenda dicitur. Nulla pariter Censura est lata ab Excommunicato, vel Suspendo, si non solum ab Ordine, sed etiam a Jurisdictione suspensus sit, ut habetur can. *Audivimus*, causa xxiv. q. i. Item lata ab intruso, idest, qui absque Institutione Canonica Dignitatem

Eccle-

Ecclesiasticam obtinuit, ut colligitur ex can. *Alienationes* causa xii. q. ii. Id confirmat S. Thomas in iv. *Sententiarum*, dist. xviii. q. ii. art. ii. quæst. iii.

Hinc sequitur, I. Censuram ab Episcopo latam extra proprium territorium, ac Diocesim, aut in loco exempto, cum ad illam ferendam contentiosa (ut loquuntur) Jurisdictione opus est, nullam esse. Jurisdictio enim solemniori more, sedendo scilicet pro tribunali, & cum cognitione causæ, extra proprium territorium exerceri non potest absque licentia Ordinarii.

II. Colligitur, Censuris ab Episcopo latis per modum Statuti non ligari ejus subditos in aliena Diœcesi delinquentes; ut constat ex cap. *Ut animarum*, tit. *De Constitutionibus*, in Sexto. Statuto (inquit) *Episcopi*, quo in omnes, qui furtum commiserint, *Excommunicationis Sententia promulgatur*, subditi ejus furtum extra ipsius Diocesim committentes, minime ligari noscuntur, cum extra territorium *Jus dicenti non pareatur impune*. Censura tamen per modum statuti lata in Clericos non residentes, aut ad Synodum non accedentes, a proprio Episcopo, delinquentes ligat, quamvis in aliena Diœcesi existent. Peccatum enim omissionis ibi committi censetur, ubi actus præscriptus exercendus erat.

III. Colligitur, Censuram a Superiore latam per modum Sententiæ ligare illius subditos in aliena etiam Diœcesi existentes. Id enim discriminis inter Statutum, & Sententiam intercedit, quod Statutum territorium respiciat, seu personas subditas in territorio Superioris degentes: Sententia vero personam ipsam respiciat, cujus contumacia coercenda est. Unde Parisiensis Episcopus Sententiam Excommunicationis ferre potest contra fures, qui Parisiis grave furtum commiserunt, nisi quamprimum restituant, eoque vinculo fures illi ligabuntur, quamvis in alienam Diocesim se receperint, & domicilium mutaverint, quia manent subditi ratione delicti, quod in alieno territorio patratum est, ut constat ex cap. *Licet*, Extra. *De Foro competentis*, quod rationes, siue causas quatuor assignat, quibus forum regulariter quis sortitur, scilicet delictum, contractum, domicilium, & rem, de qua contra possessorem lites moventur. Censuram quoque ferre potest Episcopus in reum, qui domicilium mutavit data opera, ut Jurisdictionem illius declinaret, vel etiam bona fide, si causæ cognitio in foro suo fuerit inchoata, ut constat ex cap. *Proposuisti*, Extra. *De Foro competentis*, ubi Gregorius IX sic respondet cuidam Episcopo: *Proposuisti Nobis, quod quidam subditus tuus ad petitionem cujusdam adversarii sui a te legitime citatus ad causam, quia postmodum Jurisdictionis alterius esse cepit, tum intendit Judicium declinare. Porro tue Prudentie dubium esse non credimus, quod is in prædicta causa jus revocandi forum non habet, quasi ab altero jam præventus*.

IV. Colligitur, Nullam fore Censuram, quam quis ferret in seipsum, vel æqualem, vel Superiorem, quia nec in seipsum, vel in Superiorem, vel æqualem ullam Jurisdictionem habet. Ita S. Thomas in iv. *Sententiarum*, dist. xviii. qu. ii. art. iii. quæst. i.

V. Nullam esse, & irritam Censuram latam, postquam Appellatio legitima interposita est: Quia Per Appellationem interpositam, *Excommunicantis videtur Jurisdictio dormitasse*, ut respondet Innoc. III. cap. *Pastoralis*, Extra. *De Sententia Excommun.* Id est, Judicis, qui Censuram sub conditione tulerat, Jurisdictio suspensa est, causæque ad Superiorem Judicem devoluta. Episcopus v. g. fert Censuram Suspensionis, vel Excommunicationis in Clericum, nisi intra duos menses compareat in foro suo. Clericus appellat ab hujusmodi Sententia. Episcopus nihilominus contendit illum Censura hujusmodi ligari: frustra quidem & perperam, quia Appellatio ad Metropolita-

Appellatio
legitima
Censuram
suspendit.

num suspendit Jurisdictionem Episcopi hac in causa, adeoque, & latam ab eo Sententiam, ut respondet *Celestinus III.* cap. *Præterea* 2. Extra. *De Appellationibus*, cuius hæc sunt verba: *Requiritur sumus, si quis Iudex ita protulerit Sententiam: Nisi Sempronio intra viginti dies satisfeceris, te excommunicatum, vel suspensum, vel interdictum esse cognosceas: ille, in quem fertur Sententia, medio tempore appellans, ad diem statutum minime satisfecerit, utrum ille Sententia tali ligeatur, aut interpositione Appellationis tuus existat: videtur autem Nobis, quod huiusmodi Sententiam Appellationis obstaculum debeat impedire.* Idem confirmatur ex cap. *Cum contingat*, Extra. *De Officio, & Potestate Judicis Delegati*, Ex cap. *Per tuas*, Extra. *De Sententia Excommunicatæ*, & cap. *Solet*, sub eod. tit. in Sexto.

Quæ appellatio legitima?

Ut autem legitima sit Appellatio, necesse est, ut sit ex causa probabili, sufficiente, expressa, & coram Iudice probanda, si Sententia sit interlocutoria, juxta cap. *Ut debitus*, Extra. *De Appellationibus*. At vero si peremptoria Sententia fuerit; simplex Appellatio, causa etiam non expressa, sufficit ad Suspensionem Censuræ ut vulgo docent Juris Canonici Periti. Et hæc quidem forum externum spectant. In foro vero Conscientiæ si quis mala fide appellat, ad prorogationem litis, sciens Appellationem esse injustam, nullaque causa legitima fultam, huiusmodi Appellatio vim Censuræ non suspendit: quia nemini fraus sua patrocinari debet, sive dolus: neque vera illa defensio est, sed offensio. In foro tamen exteriori hanc semper vim habet Appellatio, quamdiu non probatur mala fides, sive legitimæ causæ defectus. Excipiendæ sunt causæ, in quibus non est Appellationi locus secundum Canones ut causa Fidei, vel hominis Religiosi, quando secundum Regulam corrigitur, ut habetur cap. *Ad nostram*, & cap. *Reprehensibilis*, Extra. *De Appellationibus*. Quæ quidem Decreta intelligenda sunt de Disciplina Regulari, quæ fit ad Pœnitentiam, & extra Judicium.

Covarruv. Navarrus.

Præterea, ad Appellationem legitimam necesse est, ut legitimo tempore fiat, idest, intra decem dies, a die latæ Sententiæ computandos, quod tempus est appellandi in causis omnibus jure præscriptum, cap. *Quod ad consultationem*, Extra. *De Sententia, & de rejudicata*: aut certe ante conditionem in Censura expressæ tempus expletum, ut Auctores Juris Canonici consultissimi docent, qui Responso *Celestini III.* cap. *Præterea*, supra laudato nituntur, innuente legitimam Appellationem censi, quæ medio tempore interjecta est, idest, ante diem explendæ conditioni peremptorie statutum.

Verum Censuræ absolute, & absque conditione latæ effectum non suspendit Appellatio, etiam si ante denunciationem interpolata sit, ut docet cap. *Pastoralis*, Extra. *De Appellationibus*, quia (inquit) *Excommunicatio executionem secum trahit*.

Judex in propria causa Censuram ferre, regulariter non potest.

Sequitur sexto, Censuram a Iudice, quem reus servato Juris ordine recusavit, latam, antequam reculationis causæ legitime examinentur, nullam, & irritam esse.

Sequitur septimo, Irritam esse Censuram, quam Iudex in propria causa tulerit, & in vindictam propriæ injuriæ, ut *S. Gregorius* respondet *Januario Episcopo*, & refertur can. *Inter querelas*, causa xxiii. qu. iv. Eundem enim Actorem esse & Judicem, jus ipsum naturæ vetat. Excipitur casus necessariæ defensionis, in quo Episcopus, aut alius Iudex Ecclesiasticus Censuram fert in eum, qui sibi vim infert. Vim enim vi repellere licet. Atque eam exceptionem approbat *Innocentius IV.* cap. *Dilectus*, tit. *De Sentent. Excommunicatæ* in Sexto.

Sequitur octavo, irritam esse Censuram a Metropolitanis latam in subditos Suffraganeorum suorum, nisi in casu Appellationis, aliisve casibus in Jure expressis, quia in eos Jurisdictionem non habet.

Alte-

Altera causa, propter quam nulla est, & irrita Censura, est defectus causæ legitimæ, ut si quis Judex Ecclesiasticus subditum nullius criminis reum excommunicet, vel suspendat, aut Sacris interdicit, nulla alia causa impulsus, quam perversa sua voluntate: aut si pro levi culpa Censuram ferat: aut si in ipsa Sententia causam prorsus insufficientem, & iniquam exprimat, v. g. quod Missam quotidie non audit, vel celebrat; quod Concioni Fatis diebus non adest; vel subditis sub pena Excommunicationis prouidet, aut præcipit aliquid contra Jus. Tunc enim Sententia continere dicitur *Errorem intolerabilem*, propter quem nulla, & irrita merito pronuntiatur, cap. *Per tuas*, Extra. *De Sententia Excommun.* & cap. *Soler*, sub eod. Tit. in Sexto.

Censura nullæ esse debet, si iniqua sit, & intolerabilem errorem continere

Quamvis porro in foro exteriori irrita non sit Sententia, in qua error intolerabilis non exprimitur, si tamen sufficiens, & legitima causa Censuræ defuerit, & propterea in Sententia taceatur, Censura etiam per se nulla, & irrita est: unde si ab illa appelletur, & defectus hujusmodi coram superiori Judice probetur, irrita declarabitur; nec is, in quem lata est, Absolutione indigebit, ut constat ex can. *Cui est*, can. *Irritam*, can. *Cepisti*, can. *Quid obest*, can. *Non debet*, & can. *Illud plane*, causa xi. q. iiii. Idemque confirmat Regula Juris Lxiv. in Sexto. *Quæ contra Jus fiunt, debent pro invalidis haberi.*

Tertio, nulla, & irrita Censura est defectu ordinis ad Judicii substantiam requisiti; cum v. g. legitima citatio partis non præcensit; cum causa Censuræ legitime, & juridice probata non est, reulque legitimis documentis, seu testimoniis non convictus, aut sponte confessus; cum denique deest aliqua conditio, vel Jure naturæ, vel speciali Jure positivo ita præscripta, ut illius defectu Sententiam nullius roboris fore declaretur. Talis est Admonitio Canonica, & competens, in certis casibus Jure expressis, nempe cum fertur Excommunicatio major in participantes cum Excommunicatis, non in crimine, sed in locutione. Hæc enim Censura defectu Canonice Monitionis nulla erit, secundum cap. *Statuimus*, tit. *De Sent. Excom.* in Sexto. Quæ lex extenditur ad Suspensionem, & Interdictum in eisdem participantibus lata, cap. *Statutum*, ibid.

Censura nullæ est defectu ordinis ad iudicii substantiam requisiti.

Quamvis autem omnis Sententia, quæ nulla, & irrita est, sit etiam injusta: non tamen omnis Censura injuste lata etiam nulla est. Injusta enim Sententia est, quæ iniqua intentione fertur, ex odio, & vindicta, aliave simili causa: quæ tamen rata est, & valida, si causa legitima sit, & sufficiens ex parte Rei, in quem fertur a suo Judice, liberum Jurisdictionis usum habente; nihilque omittatur eorum, quæ ad substantiam Judicii necessaria sunt. Unde in Conc. Nicæno i. can. v. & can. *Servetur*, causa xi. q. iiii. requiri jubetur, *Si forte ex aliqua indignatione animi, aut contentione, aut qualibet tali commotione ab Episcopo suo excommunicati sint subditi, Ut qui ob culpas suas Episcoporum suorum offensas merito contraxerunt, digne etiam a ceteris excommunicatis similiter habeantur.* Injusta pariter est Sententia, quæ lata est accidentario Juris ordine non servato, scilicet absque trina monitione, & sine scriptura, cum tamen trina monitione, vel una pro trina præmissa, & in scriptis ferri Censuras Jure Canonico sancitum sit: sic tamen lata non semper irrita est. Injusta denique Censura est ex parte Rei, quæ fertur ob falsum crimen, sed tamen in Judicio legitime probatum: & tamen rata est in foro exteriori, iustaque est ex parte actionis, sive Judicii.

Non omnis Censura injuste lata, nulla est.

Perperam vero quis inferret, Censuram omnem, quantumvis injusta sit, semper esse validam, ex celebri illo S. Gregorii Axiomate Hom. xxvi. in Evangelia, quod refertur a Gratiano, causa xi. q. iiii. cap. i. *Sententia Pastoris, sive iusta, sive injusta, timenda est.* Id enim unum ex illo Axiomate

Qua ratione Sententia Pastoris, sive iusta, sive injusta, timenda est? recte

recte colligitur, Sententiam, quæ ita est injusta, ut tamen sit valida, recommendanda esse. Si (inquam) Pastor Sententiam ferat malo animo, vel accidentario Juris ordine temere prætermisso, hæc tamen Sententia timenda est, quia hi defectus ipsam irritam non faciunt; adeoque vere ligat Reum, in quem lata est. Sententia etiam ita injusta, ut sit per se nulla, timenda est, cum illius nullitas certis documentis non est probata: quia in dubiis semper obediendum est Superiori. Præterea, Sententia evidenter nulla ea ratione timenda est subdito, ut in foro exteriori non contemnatur, si forte in eo valida est; vel ut cum aliorum scandalo non parvipendatur, qui forte defectum illius ignorant; vel certe si omnibus perspectum sit, & exploratum, nullam, & irritam esse, non propterea ita Sententiam, vel præceptum Superioris despiciat, ut ipsum etiam Superiorem, & Auctoritatem ejus contemnat, sed cum debito moderamine, ac reverentia quadam Jure suo utatur. Denique timere debet, qui censura injusta percellitur, ne ob aliam culpam ligari mereatur. Hunc esse *S. Gregorii* sensum, verba ejus demonstrant. Sub magno (inquit) moderamine Pastores Ecclesiæ vel solvere studeant, vel ligare: sed utrum justè, an injustè obliget Pastor; Pastoris tamen sententia grægi timenda est; ne is, qui subest, & cum injustè forsitan ligatur, ipsam obligationis suæ Sententiam ex alia culpa mereatur. Pastor ergo vel absolvere indiscrete timeat, vel ligare: is autem, qui sub manu Pastoris est, ligari timeat, nec Pastoris sui Judicium temere reprehendat; ne, etsi injustè ligatus est, ex ipsa timidæ reprehensionis superbia culpa, quæ non erat, fiat.

Quæ de injusta Censura diximus, confirmat *S. Thomas* in 14. Sententiarum, dist. xvi. q. 11. art. 1. quæst. 111. Excommunicatio, inquit, potest dici injusta dupliciter: uno modo ex parte Excommunicantis; sicut cum ex odio, vel ira excommunicat: & tunc Excommunicatio nihilominus habet effectum suum; quamvis ille, qui excommunicat, peccet; quia iste justè patitur, quamvis ille injustè faciat: alio modo ex parte ipsius Excommunicationis: vel quia causa Excommunicationis est indebita; vel quia fertur Sententia Juris ordine prætermisso: & tunc si sit talis error ex parte Sententiæ, qui Sententiam nullam faciat esse, non habet effectum; quia non est Excommunicatio: si autem Sententiam non annullet, habet effectum suum; & debet Excommunicatus humiliter obedire: & erit ei ad meritum, vel Absolutionem petere ab Excommunicante, vel ad superiorem Judicem recurrere. Si autem contemneret, eo ipso mortaliter peccaret. Contingit autem quandoque, quod est debita causa ex parte Excommunicationis, quæ non est debita ex parte excommunicati; sicut cum aliquis pro falso crimine in Judiciæ probato excommunicatur: & tunc si humiliter iustinet, humilitatis meritum recompensat Excommunicationis damnum.

A R T I C U L U S VII.

Quæ excusent a Censuris incurrendis?

A Censuris incurrendis excusatur primo invincibilis ignorantia Juris: tum quia contumaciæ reus non est, qui laborat ignorantia invincibili: tum quia non censetur admonitus. Ad Censuram porro contrahendam necessaria est contumacia, & aliqua admonitio. Quamobrem, qui scit aliquid delictum prohibitum esse iure naturæ, vel divino, sed ab Ecclesia prohibitum esse nescit, aut certe sub Censura prohibitum ignorat, non incurrit in Censuras ab Ecclesia latis contra patrantes hujusmodi delictum. Hæc Regula confirmatur ex cap. *Ut animarum*, tit. *De Constitutionibus*, in Sexto, cujus

hæc

Hæc sunt verba : Ut animarum periculis obvietur , Sententis per Statuta quorundamque Ordinariorum prolatis ligari nolumus ignorantes ; dum tamen eorum ignorantia crassa non fuerit, aut affectata.

II. A Censuris incurrendis excusat ignorantia invincibilis facti, aut qualitatis facti. Unde si quis hominem occidat, quem fallente visu credebatur esse feram; vel Clericum, quem credebatur esse Laicum, in Censuram non incurrit: contumax enim censeri non potest: Imo Reus cognito facto, aut facti qualitate perspecta, forte a facinore abstinuisset. Hanc regulam confirmat cap. *Si vero*. 2. Extra. De Sententia Excomm. quod est *Alexandri III.* Responsum: *Si vero (inquit) aliquis in Clericum nutrientem comam manus injecerit violentas, propter hoc non debet Apostolico presentari conspectui: nec etiam Excommunicatione notari, dummodo ipsum esse Clericum ignoraverit: vel si hoc dubium fuerit, propria manu duntaxat præstiterit Juramentum, quod eum esse Clericum ignorasset.*

III. A Censuris, vel Irregularitate ex delicto proveniente, non excusat ignorantia crassa, & supina, quæ a culpa mortali non excusat. Istud enim ignorantia genus culpam non minuit, sed augeat: cum ignorare veli homo, vel scire contemnat, aut negligat, ut liberius peccet. Quamobrem contumacia ad contrahendam Censuram requisita cum hujusmodi ignorantia conjuncta est.

IV. A Censuris, & Irregularitate ex delicto proveniente non excusat ignorantia concomitans: quia non excusat a peccato, propter quod Censura contrahitur, ut docet *S. Thomas*, 1. 2. qu. LXXVI. art. III. Unde si quis vibrat sagittam in suum inimicum, quem credebatur esse feram, sed tamen inimicum occidere decreverat, & ita erat animo affectus, ut illum nihilominus occidisset, si scivisset inimicum esse suum, incurrit in Irregularitatem, vel Excommunicationem, si lata sit Excommunicatio contra homicidas. Plures quidem Casuistæ id negant: sed Assertioni nostræ *S. Thomæ* principium, rationeque suffragatur.

V. A Censuris sub conditione latis excusat Appellatio ante conditionem adimpletam interposita, ut superius probatum est.

VI. A Censuris excusat impotentia faciendi, quod præcipitur: siquidem excusat a peccato, & a contumacia, ob quæ Censura contrahitur. *Nemo enim potest ad impossibile obligari*; ut habet Regula Juris.

VII. Metus gravis, & cadens in virum constantem, excusat a Censuris latis contra violatores Legis Ecclesiasticæ, modo contemptus absit Legis, & potestatis illam ferentis, Religionis, ac Fidei, graveque scandalum: pro quibus vitandis mortem subire homo Christianus tenetur: His autem seclusis, Ecclesia non censetur filios suos cum certo vitæ, famæ, honorum, & dignitatum, seu bonorum omnium periculo, vel detrimento obligare voluisse. Unde, qui gravi metu, & in virum constantem cadente periculo, Ecclesiæ præceptum prætermittit, contemptu, gravique scandalo seclusis, non est contumax contra Legem Ecclesiasticam: ac proinde in Censuram non incurrit.

VIII. Voluntas, seu consensus illius in cujus favorem Censura concessa est, excusare videtur ab ea incurrenda. Quamobrem si quis ab Episcopo Censuram obtinuisse contra debitores suos non restituentes, sive solventes intra sex menses: ipse vero inconsulto Episcopo terminum prorogaret ad annum, illi Censuram non contraheret elapso priore temetipso: quia sublata esset Censuræ materia ex eo tempore: sicut omnino, & in perpetuum ablata esset, si creditor debitum absolute condonasset. Verumtamen in illa hypothese debitor, elapso termino illi a creditore prorogato, Censura ligaretur, nisi restituisse, sive solvasset. Terminus enim in Sententia Excommunicationis præfixus non fuerat

ad

ad finiendam obligationem solutionis, sed ad solutionem urgendam, ac maturandam: quando autem constituitur terminus aliquis ad urgendam, ac sollicitandam, non ad finiendam obligationem, non cessat obligatio elapso temporis, quod constitutum est, intervallo. Prorogatio enim fit sub eadem conditione, ut sancitum est *l. Sed si manente*, tit. *De Precario*, Lib. XLII. Digestorum.

A R T I C U L U S VIII.

Quis absolvere possit a Censuris?

A Censura potest absolvere: 1. qui eam tulit; 2. Superior; ad quem appellatum est. 3. Quilibet Sacerdos in moris articulo.

A Censuris ab homine latis absolvere potest, qui eas tulit, vel ejus in eodem Munere, & Officio Successor, ut habetur Canone *Si Episcopus*, causa XI. qu. III. Quamobrem, & Capitulum sede vacante absolvere potest a Censuris ab Episcopo latis, quia in Episcopali Jurisdictione succedit, ut constat ex cap. *Si Episcopus*, tit. *De Supplenda negligentia Prælatorum*, in Sexto. Quæ Regula non solum in Ordinariis Pastoribus, sed etiam in Delegatis locum habet, quando uno Delegato mortuo, alter loco illius in eadem causa, & cum eadem potestate mittitur; vel delegatio non est facta personæ, sed Dignitati, v. g. Officiali Parisiensi, ut colligitur ex cap. *Pastoralis*, Extra. *De Officio Judicis Ordinarii*, §. *Præterea*. Potest autem absolvere Delegatus non solum toto temporis intervallo, quod illi ad finiendam causam a Delegante constitutum est, sed etiam intra annum ex quo munere suo functus est, finitivam Sententiam proferendo, ut responder *Innoc. III.* cap. *Quærenti*, Extra. *De officio*, & potestate Judicis Delegati. Cum autem dicimus, Neminem absolvere posse a Censura, nisi qui ipsam tulit, nec Delegatus, aut Subdelegatus excluditur, cum Index, qui Censuram tulit, delegare, aut subdelegare potest. Non excluditur etiam Prælati Jurisdictione superior, cui subordinata sit illius, qui Censuram tulit, Jurisdictio. Non excluditur tandem quilibet Sacerdos in articulo mortis, cum ad proprium Judicem recurri non potest. Hi enim omnes absolvere possunt.

Quamvis porro Index, ad quem interposita est Appellatio absolvere possit a Censura lata ab inferiori, cum jam causa sit ad eum devoluta, & accessorium sequatur naturam principalis; idque confirmet cap. *Per tuas*, Extra. *De Sententia Excomm.* & cap. *Venerabilibus*, §. *Porro*, sub eodem tit. in Sexto: ut ea tamen potestate legitime utatur, servare debet modum a Jure præscriptum, cap. *Ad reprimendam*, Extra. *De Officio Judicis Ordinarii*, ut scilicet non absolvat, nisi prius probatum fuerit Censuram inique fuisse latam: alioquin remittat absolvendum reum ad Judicem, qui Censuram tulit; nisi periculum esset in mora, vel ille Absolutionem tribuere nollet satisfaciendi, ut Juris Canonici Periti docent.

In illa tamen hypothese potest etiam a Censura absolvere ille, a cujus Sententia est appellatum, quia Jurisdictione ordinaria non excidit; sed solum illam habet impeditam per Appellationem, ne aliquid agere possit, quod effectum, vel fructum Appellationis possit impedire. Absolutio autem a Censura non impedit effectum Appellationis: quin potius fructus est, qui per Appellationem queritur. Idque probant cap. *Cum cessante*, & cap. *Cum teneamur*, Extra. *De Appellationibus*, & cap. *Cum a Jure*, sub eodem tit. in Sexto.

Episcopi subditos suos absolvere possunt a Censuris Juris sive Canonis, si non sint reservata.

II. A Censuris Juris, sive Canonis, si reservatæ non sunt, Diocesanos suos, & subditos absolvere possunt Episcopi, vel alii Superiores Ecclesiastici Jurisdictionem Episcopalem habentes, & Parochi, ut colligitur ex cap. *Nuper*, Extra. *De Sentent. Excomm.* cuius hæc sunt verba: *In secundum vero casu a suo Episcopo, vel a proprio Sacerdote poterit Absolutionis beneficium obtinere: quamvis enim ex tunc non Judicis, sed Juris Sententia*

tia

tia excommunicatus sit ligatus: quia tamen conditor Canonis ejus Absolutionem sibi specialiter non retinuit, eo ipso concessisse videtur aliis facultatem relaxandi. Plerique tamen Juris Canonici Periti, & Theologi non infimi ordinis, id Patrochis licere negant, & Canonis *Nuper*, contraria consuetudine derogatum fuisse contendunt. Alii ad quoscumque Sacerdotes ab Episcopo approbatos id extendunt, hac ratione freti, quod Superior facultatem absolvendi cuicumque Confessario concedere cenietur, cum sibi Absolutionem non refervat. Quæ postrema Sententia probabilior est, & approbata a *S. Thoma* in *iv. Sententiarum*, dist. *xviii.* qu. *ii.* art. *v.* quæst. *i.*

III. Absentes, imo & invitos absolvi posse a Censuris, Theologos inter & Juris peritos convenit. Quin etiam *Manente contumacia potest aliquis Excommunicationem iuste latam remittere; si videat saluti illius expedire, in cujus medicinam Excommunicatio lata est;* (inquit *S. Thom.* in eodem art. qu. *ii.* ad *ii.*.) Absolutio etiam ab una Censura tribui potest, altera remanente, cum inter Censuras non sit necessaria connexio, ut docet *S. Thom.* ibid. q. *111.*

Ab senter
im o & invi-
ti, a Censuri
absolvi pos-
sunt.

IV. Absolutio autem a Censuris duplex est; prima simplex, & absoluta, quæ vinculum omnino solvit; altera ad cautelam, sive cautionis causa, quæ conceditur, ubi dubium est, an Excommunicatio valida sit; vel ut appellans possit Judicio contendere, suamque Appellationem proseguire: Excommunicatum enim audiri in Judicio non posse, Canones decernunt, ut constat ex cap. *Per tuas litteras*, Extra. *De Sentent. Excomm.* Hoc autem casu Absolutio plerumque conceditur *Cum reincidentia* (ut loquuntur Juris Canonici Periti) id est, sub lege iterum incidendi in Censuram, ut primum finitum fuerit negotium, nisi Excommunicatus Ecclesiæ paruerit.

Absolutio ad
cautelam.

C A P U T II.

DE EXCOMMUNICATIONE.

ARTICULUS I.

Quid, & quotuplex sit Excommunicatio?

Excommunicatio est *Censura*, qua quispiam ab Ecclesiastica Fidelium Communionem separatur.

Dividitur in *Majorem*, & *Minorem*. Excommunicatio minor, est *Censura*, qua quis a participatione tantum Sacramentorum excluditur. Major, est *Censura*, qua quis non solum a Sacramentorum perceptione, sed etiam a Communione Fidelium segregatur. Ita definit *Gregor. IX.* cap. *Si quem*, Extra. *De Sentent. Excomm.* Sive, est *Censura divina*, qua quis a communicatione orationis, & conventus, & omnis sancti commercii relegatur; ut definit *Tertullianus*, *Apologetici* cap. *xxxix.* Idem est sensus definitionis a *S. Thoma*, aliisque traditæ his verbis; Excommunicatio est *separatio a communione quædam fructum, & suffragia generalia Ecclesie*. Cum enim per Baptismum Fidelium cœtui adscribatur homo, & ad participationem Sacramentorum admittatur; extra Ecclesiam poni per excommunicationem dupliciter potest: Primo, ita ut separetur tantum a Sacramentorum participatione; quæ est Excommunicatio minor: alio modo, ut excludatur ab utroque quæ est Excommunicatio major. Fidelium autem communicatio duplex est, quædam Sacra, & Ecclesiastica, in spiritualibus scilicet bonis, qualia sunt orationes Fidelium, & conventus ad Sacra percipienda: quædam Politica, & Civilis, in actibus scilicet corporeis legitimis posita, quales sunt salutatio, collocutio, seu voce, seu litteris, seu nutibus fiat, convivium. Superior itaque definitio

De Excommu-
nicatio-
ne.

separationem a Sacramentis exprimit his verbis: *Quoad fructum*; & a Communionem Fidelium quantum ad spiritualia his verbis; & *suffragia Ecclesiæ generalia*. Utrumque pariter exprimit altera illa definitio: *Excommunicatio est a quolibet licita Communione Fidelium separatio*.

Excommunicatio alio nomine a Veteribus interdum appellatur *Abfentio*, præcipue a S. Cypriano, Epist. xxviii. ubi de *Felicissimo* scribit: *Interim cum Felicissimus comminatus sit, non communicatus in morte secum, qui nobis obtemperassent, idest, qui nobis communicarent, accipiat Sententiam quam prior dixit, ut abfentum se a nobis sciat*. Et Epist. i.v. *Felicissimum hostem Christi non novum, sed jam pridem ob crimina sua plurima, & gravissima abfentum*. Epist. lxxvii. *Novatianus olim abfentus, & hostis Ecclesiæ iudicatus*. Et Tract. de Oratione Dominica: *Christus noster (qui Corpus ejus contingimus) panis est. Hunc autem panem dari nobis quotidie poscimus, ne qui in Christo sumus, & Eucharistiam quotidie ad cibum salutis accipimus, intercedente aliquo graviore delicto, dum abfenti, & non communicantes a cælesti Pane prohibemur, a Christi Corpore separeremur*. Et infra. *Timendum est, & orandum, ne dum quis abfentus separatur a Christi Corpore, procul remaneat a salute*.

Notio vocis
Anathema.

Deut. 71.
Ios. 6. & 7.
Zach. 14.
Marci 12.
Rom. 9.
1. Cor. 12. &
16.

Major Excommunicatio alio etiam nomine *Anathema* appellatur. Quæ quidem vox ambigua est, in bonam æque, ac malam partem usurpatur, ut S. Chrysostomus observat Hom. i. in Isaiam, & Homilia De Anathemate. Quandoque enim significat id, quod certo loco appensum, & ex voto Deo oblatum, vel in ejus Templo dedicatum est; quandoque vero, quod a Deo sejunctum est per impietatem, quod Scripturæ Sacræ complura exempla declarant, & Auctor Quæstionum ad Orthodoxos inter Opera S. Justini, q. cxx. confirmat. Sed hujus vocis significationem in præsentī materia præclare jam laudatus Chrysostomus explicat Hom. xvi. in Epist. ad Romanos, tractans illum Apostoli locum, *Optabam ego ipse Anathema esse a Christo pro fratribus meis*. Quid igitur est *Anathema*? (inquit) *Audis ipsum ita loquentem: Si quis non amat Dominum nostrum Jesum Christum, is Anathema sit: Hoc est, ab omnium commercio segregetur, alienus ab omnibus sit. Nam quemadmodum Anathema, donumque id, quod Deo oblatum dedicatur, nemo est, qui temere manibus contingere audeat, neque ad id propius accedere: sic & eum; qui ab Ecclesia separatur, ab omnibus abscindens, ac tanquam longissime abducens, hoc nomine, a contrario scilicet appellat, magno cum terrore omnibus interminatus, ab eo ut separentur, & pedem reserant. Anathemati enim bonoris gratia appropinquare nemo audebat: ab eo autem, qui ab Ecclesia abscissus erat, ex apposita sententia omnes separabantur: quapropter separatio quidem tum hæc, tum illa, ex æquo a vulgo abanathematio erat: separationis vero modus non unus, sed illi contrarius. Ab illo enim abstinebant, tanquam Deo dicato: ab hoc autem decedebant tanquam a Deo alienato, & ab Ecclesia abscisso. Hoc ipsum igitur, & Paulus sentiens dixit: Optabam Anathema esse a Christo*.

Significat etiam *Anathema* occisionem, ut observat S. Hieronymus, Epist. cli. ad Algasiam, qu. ix. *Vult ergo (inquit) Apostolus perire in carne, ut alii salventur in spiritu; suum sanguinem fundere, ut multorum animæ conserventur. Quod autem Anathema interdum occisionem sonet, multis Veteris Testamenti testimoniis probari potest*.

Voci *Anathema* additur *Maranatha*, imitatione Apostoli ad Corinthios scribentis: *Si quis non amat Dominum nostrum Jesum Christum, sit Anathema, Maranatha*. Quæ vox Syriaca magis quam Hebraica, divini iudicii contestationem exprimit: significat namque *Dominus noster venit*.

Quamvis autem Excommunicatio major, & *Anathema* idem re ipsa sint, solemnitate tamen quadam *Anathema* ab Excommunicatione distinguitur, quod solemnī Ritu, ac Cæremoniis majorem terrorem incutientibus

tibus peccatorem contumacem Ecclesia excretur, dirisque devoveat.

Aliæ sunt divisiones Excommunicationis in Excommunicationem Canonis, & Judicis; sive a Jure, & ab Homine: item in Excommunicationem latæ Sententiæ, & ferendæ: quæ facile intelliguntur ex iis, quæ de Censuris in genere dicta sunt.

A R T I C U L U S II.

De Potestate ferendæ Excommunicationis.

Excommunicandi potestatem Ecclesiæ a Christo traditam ea omnia argumenta probant, quibus ferendarum Censurarum Auctoritas Ecclesiæ vindicatur superiori capite, art. III. Idque confirmat *S. Thomas*, in iv. *Sententiarum*, Dist. xviii. qu. 11. art. 1. Quæstiunc. 11. *Judicium* (inquit), „Ecclesiæ conforme debet esse Judicio Dei: Deus autem multipliciter peccatores punit, ut eos ad bonum trahat: uno modo flagellis castigando: alio modo hominem sibi relinquendo, ut auxiliis subtractis, quibus a malo præpediebatur, suam infirmitatem cognoscat, & humilis ad Deum redeat, a quo superbus abcessit. Et quantum ad utrumque Ecclesia in Excommunicationis Sententia divinum Judicium imitatur. In quantum enim eum a Communione Fidelium separat, ut erubescat, imitatur divinum Judicium quo per flagella castigat: in quantum autem a suffragiis, & aliis spiritualibus separat, imitatur divinum Judicium, quo hominem sibi relinquit, ut per humilitatem se ipsum agnoscens ad Deum redeat.

De Excommunicatione.

Hæc autem Excommunicandi potestas ab Episcopis tantum, Majoribusque Prælati, atque aliis Jurisdictionem quasi Episcopalem in foro Judiciali habentibus exerceri potest. Ut enim ait *S. Thomas* Art. 11. ejusdem Quæstionis, Quæstiunc. 1. „In foro conscientiæ causa agitur inter hominem, & Deum: in foro autem exterioris Judicii causa agitur hominis ad hominem; & ideo absolutio, vel ligatio, quæ unum hominem obligat quoad Deum tantum, pertinet ad forum Pœnitentiæ: sed illa, quæ hominem obligat in comparatione ad alios homines, ad forum publicum exterioris Judicii pertinet: & quia per Excommunicationem homo a Communione Fidelium separatur, ideo Excommunicatio ad forum exterius pertinet; & illi soli possunt excommunicare, qui habent Jurisdictionem in Foro Judiciali: & propter hoc soli Episcopi propria Auctoritate, & Majores Prælati possunt excommunicare, non Presbyteri Parochiales. Hinc *Episcopi mure* appellatur Causa xvi. qu. 11. Can. *Vsis*.

Necesse porro non est, ut Sacerdotio quis sit inauguratus ad Excommunicationem ferendam, modo exterioris fori Jurisdictionem habeat. Unde Episcopi electi, & confirmati, etiam si nondum consecrati sint, imo necdum Sacerdotes, excommunicandi potestatem habent. Id enim discriminis inter Sacramentorum dispensationem, & Excommunicationem intercedit, quod, Sacramenta, in quibus gratia confertur, dispensare ad solos Sacerdotes pertinet: & ideo ipsi soli possunt absolvere, & ligare in foro Pœnitentiæ: sed Excommunicatio non directe respicit gratiam, sed ex consequenti; in quantum homo suffragiis Ecclesiæ privatur, quæ ad gratiam disponunt, vel in gratia conservant: & ideo etiam non Sacerdotes, dummodo Jurisdictionem habeant in foro contentioso, possunt excommunicare: (inquit *S. Thomas*, Quæstiunc. 11. ejusdem Articuli.) Idque confirmatur ex cap. *Transmissam*, Extra. De Electione, & *Electi potestate*.

Quod vero superius diximus, Parochos Jus excommunicandi non habere, non convellit cap. *Cum ab Ecclesiarum*, Extra. De Officio Judicis Ordinarii,

narii, quod Plebanus *S. Pancratii* Excommunicationis Sententiam in *Parochianos* suos ferre potuisse declarat. Quod ipse *S. Thomas* ait, *Presbyteros Parochiales non posse excommunicare, nisi ex commissione eis facta, vel in certis casibus, sicut in furto, & rapina, & ejusmodi, in quibus est eis a Jure concessum, quod excommunicare possint.* Nam Plebanus ille *S. Pancratii* ex institutione, privilegio, vel consuetudine, Jurisditionem ordinariam habebat in foro exteriori, quod aliis Parochis non convenit. Et si consuetudo ipsis aliquando id Juris tribuit, ut in certis casibus Excommunicationem ferre possent, hæc consuetudo Jure, Moribusque contrariis abrogata est.

ARTICULUS III.

De Fine Excommunicationis.

Finis Excommunicationis primarius est honor Dei, ne scilicet nomen ejus apud Infideles blasphemetur, Christianaque Religio in contemptum veniat, si gravissima Christianorum hominum crimina impune grauari videant.

Secundus est Ecclesiastica Disciplina, cujus juxta severitate ceteri a similibus criminibus deterrentur. Unde Excommunicationis gladius nervus Ecclesiæ Discipline vocatur a Concilio Tridentino Sess. xxv. De Reformatione, cap. 111. & a *S. Augustino* Lib. De Fide, & Operibus, cap. 111. *Miseriors severitas* appellatur.

Tertius est custodia, & salus aliorum, qui contagione morbi infici possent. Nam *Modicum fermentum totam massam corrumpit.*

Quartus est salus ejus, qui Excommunicatione percellitur, ut scilicet pudore, & spiritualium bonorum privatione, omniamque Fidelium execratione commotus, & *Traditus Satane in interitum carnis*, ad cor tandem redeat, *Ut spiritus salvus sit in die Domini nostri Jesu Christi.* Quamobrem Excommunicatio Medicinalis interdum appellatur in Sacris Canonibus. *Nec est inconveniens* (inquit *S. Thomas*) „ si ille, qui non est desperatus, hosti

„ datur, quia non datur ei quasi damnandus, sed quasi corrigendus; cum „ in potestate Ecclesiæ sit ex ejus manu ipsum eripere, cum voluerit. *Et* „ *Maledictio* quandoque est salutifera, cum malum, quod quis maledictione „ do imprecatur, ad bonum illius ordinat, qui maledicitur. Sicut & *Medicus* „ aliquod nocumentum infert infirmo (ut sectionem) per quod ab „ infirmitate liberetur; (inquit idem *S. Doctor* in Responsione ad primum.)

ARTICULUS IV.

De Majoris Excommunicationis effectibus, sive de bonis, quibus privatur major Excommunicatio.

Excommunicationem pœnarum omnium, quæ ab Ecclesia infligi possunt, esse gravissimam diserte *S. Augustinus* docet, Libro Contra Adversarium Legis, & Prophetarum, cap. xvii. Ignoscendi autem misericors mansuetudo (inquit) propter quam dictum est, Non solum septies, verum etiam septuagies septies fratri remittenda esse peccata, non ad hoc valet, ut sit iniquitas impunita, aut torpens, & dormiens Disciplina, quod potius obfit quam diligen-
vigilansque vindicta. Claves quippe Regni cœlorum sic dedit Christus Ecclesiæ, ut non solum diceret, Quæ solveritis super terram, erunt soluta & in cœlis; ubi apertissime bonum, non malum pro malo reddit Ecclesiæ: verum & adjungeret, „ Quæ ligaveritis in terra, erunt ligata & in cœlo; quia bona est & vindican-

di iustitia. Illud enim, quod ait, Si nec Ecclesiam audierit, sit tibi tamquam Ethnicus, & Publicanus: gravius est, quam si gladio feriretur, si flammis absumeretur, si feris subigeretur. Nam ibi quoque subjunxit, Amen Matth. 16. 17.
dico vobis, quæ ligaveritis super terram, erunt ligata & in cœlis: ut intelligeretur, quam gravius sit punitus, qui velut relictus est impunitus. Et infra: Ecce ab hominibus non reddentibus malum pro malo, alligatur homo avarius, & infelicius Ecclesiæ clavibus, quam quibuslibet gravissimis, & durissimis ferreis, vel adamantinis nexibus.

Summum futuri Judicii præjudicium est. Excommunicatio, (inquit Tertullianus in Apologetico.) Sicut enim Christus impios a societate Sanctorum separabit: ita nunc, qui Christi vicem gerit Sacerdos, aliquem excommunicans, segregat eum a societate Fidelium. Christus Judex malos adjungit cœtui hædorum, ac reproborum: Sacerdos excommunicans peccatorem ipsum infidelibus adjungit, ut tanquam Ethnicus, & Publicanus habeatur. Tunc Christus in æternum retinebit peccata reproborum, nec eorum penam relaxabit, quantumcumque clament, & misericordiam postulent, sed ligari illos jubebit, & in tenebras exteriores mitti: ita nunc Sacerdos excommunicans divino vinculo peccatores ligat, ipsique a diabolo captivi tenentur; ut quantumcumque ad Deum clament, orent, jejunent, eleemosynas erogent, pia hæc opera nihil illis profint, nisi resipiscant, Ecclesiæ satisfaciant, ab eaque Absolutionem impetrent. Et quemadmodum diabolus impios possidebit, illique, ceu tyrannus in perpetuum dominabitur, ita nunc excommunicatos possidet, illique proprio quodam jure, velut sibi traditis dominatur. Cujus rei exemplum in Juda Proditore videmus, qui anteaquidem obfessus fuerat a Satana, ut S. Lucas testatur Evangelii sui cap. xxii. Vers. 2. Sed postquam Christus perpetrandi maleficii dedit ipsi potestatem, dicens: Quod facis, fac citius, & ab Apostolorum consortio abire jussit, Tunc introivit in eum Satan, (inquit S. Joannes) Non ut adhuc alienum tentaret, sed ut proprium possideret. Verba sunt S. Augustini, Tract. Lxii. in Joannem.

Verum, ut melius intelligatur, quibus, quantisque bonis priventur excommunicati, expendendum est, quid conferat Sanctorum Communio. Quando aliquis in Ecclesia permanet, quamvis ad Christianæ vitæ regulam mores non componat, Ecclesiæ tamen membrum est, ad eumque fructus aliquis e corpore mystico derivatur. Omnia enim bona corporis ad membra singula pertinent ob connexionem mutuam, & corporis unitatem. At si plane præcisum est membrum, nihil fructus, aut commodi a corpore, aliisque membris capit: sicut palmes quamdiu viti adhæret, ex ea succum aliquem trahit, ab ea vero præcisus arescit. Alio res exemplo illustratur. Contingit interdum, ut Civitas aliqua merito insignium aliquot, & proborum virorum, qui de Republica, vel de Rege optime meriti sunt, amplissimis donetur privilegiis, quibus non boni tantum, sed & mali cives nihilominus perfruuntur: ita certe in Ecclesia; mystica illa Jerusalem, quæ ædificatur ut civitas, omnia bona aliquo modo ad malos etiam in ea permanentes, & cum bonis permixtos redundant. Hos enim propter Sanctos, quibuscumque permixti sunt, protegit, quos alioqui pro merito criminum disperderet, ac delecter Deus.

Secundo, Eos, qui in Ecclesia consistunt, quamvis impii sint, & reprobi, Pastores agnoscunt pro ovibus suis, eoque nomine ipsos hortantur, corripiunt, illorumque salutis curam gerunt.

Tertio, Christiani reliqui ipsos, ut fratres, ejusdemque corporis membra agnoscunt: ideoque pro eis orant, vigilant, laborant, ut eos ad viam virtutis revocent.

De Excommunicatio-
ne.Quibus bonis privet
major Ex.
communicatio?

Joann. 15.

De Excommunicatio-
ne.

Quarto, Jus habent percipiendi Sacramenta, statim atque pœnitentiam egerint; quorum fructu salutem consequi possunt.

His autem bonis longe maximis privantur excommunicati, cum ab Ecclesia præcipientur. Amittunt inprimis protectionem Spiritus Sancti, ut docet S. Jo: Chrysostomus de incestuosis Corinthio loquens Hom. v. in 1. ad Timotheum. *Et ciebatur (inquit) a communi Fidelum cœtu, abscindebatur a grege, fiebat nudus, atque destitutus, atque ita luporum incurfibus patebat. Sicut enim per diem nubes Hebræorum castra tegebat; ita & Ecclesiam protegit Sancti Spiritus gratia. Si quis igitur extra Ecclesiam fieret, comburebatur. Fiebat autem extra Ecclesiam Apostolorum iudicio, &c.*

Secundo, Pro excommunicatis non sunt Pastores tanquam pro ovibus suis solliciti. Unde Innocentius I. de Pelagio, & Cælestio ab Ecclesiæ Communionem ob hæresim præcisus scribit ad Patres Milevitani Concilli: *Absint atriis Domini, careant custodia pastoralis, ne duarum ovium dira contagia serpent forsitan per vulgus incutiant, rapacique lupus corde lætetur intra ovile dominicum tantas ovium suas catervas, dum a custodibus dissimulantur habetur vulnus duarum.*

Tertio, Christiani reliqui Excommunicatos tanquam fratres, & membra ejusdem corporis non agnoscunt, Christi Sententiæ obsecuti, *Sit tibi tanquam Ethnicus, & Publicanus.* Quamobrem carent illi fructu omnium illarum precum, quas Fideles pro fratribus in Christo suis, ejusdemque corporis mystici membris fundunt.

Quarto, Quamvis Excommunicati aliquid boni agere videantur: id tamen nihil eis prodest ad salutem, quamdiu extra Ecclesiam manent.

Major Excommunicatio privat Communionem Sacramentorum.

Sed jam particulatim explicandum est, quibus bonis privetur major Excommunicatio. Privat itaque primo participatione, & administratione Sacramentorum, ut docet Innocentius III. cap. Cum illorum, Extra. De Sententia Excommuni. cujus hæc sunt verba: *Nonnulli Ecclesiasticam Sententiam negligenter, in Excommunicatione positi, Ecclesiasticos Ordines accipere non formidant: quid autem de his fieri debeat; Apostolicum Oraculum sæpius imploratur. Circa quos credimus distinguendum quod tales, vel sciunt Excommunicationis se vinculo irritos, vel non recolunt factum, pro quo in latæ Sententia Canonem inciderunt: vel factum quidem scientes, Jure ignari ascium exinde se teneri. Primos, si fuerint seculares Clerici, a Jussceptis Ordinibus censemus in perpetuum deponendos: in reliquis casibus tam Archiepiscopi, quam Episcopi absque Mandato Sedis Apostolicæ speciali, dispensandi facultatem se avertint non habere.*

Idem confirmatur ex cap. Illud Dominus, Extra. De Clerico excommunicato ministrante, cujus hæc sunt verba: *Illud autem, quod sub spe veniæ Divina sibi fecit, postquam se a nobis excommunicatum noverat, celebrari, & Communioni Fidelium se ingessit, potius contra eum facere credimus, quam pro eo: cum sub fiducia penitentia non debuerit deliquisse; & Excommunicatus non vitare, multo magis quam non vitari periculosum exstat, non vitare siquidem, cum in eo sit, Excommunicatus sine delicto non potest: sed cum ex his penaeat, sine suo delicto poterit non vitari. Et infra: Cum eo misericordiam facientes, ut an quam Canon infigit his, qui post excommunicationem Divina præsumpserint Officia celebrare, vel se celebrationi ingesserint Divinorum, ei non duximus infigendam.*

Idem constat S. Thomas, in iv. Sententiarum, Dist. xviii. quæst. 11. art. v. Quæstioncula 1. ad secundum. Cum (inquit) excommunicatus non sit particeps Sacramentorum Ecclesiæ, Sacerdos non potest absolvere excommunicatum a culpa; nisi sit prius absolutus ab excommunicatione.

Major Excommunicatio privat

Secundo, communibus iussu, & orationibus, quæ pro Ecclesiæ membris sunt, privat Excommunicatio, ut colligitur ex cap. A nobis, & cap. Sacris,

Sacris, Extra. *De Sententia Excommun.* quibus prohibetur, ne pro iis oblationes recipiantur, aut preces fundantur, qui in excommunicatione sunt defuncti, (quamvis Pœnitentiæ signa dederint, nec per eos steterit, quin Ecclesiæ reconciliarentur) nisi prius Absolutionis beneficium defunctis etiam fuerit impenſum.

communibus
Ecclesiæ fu-
t. a. 2.
orationibus.

Id confirmatur ex *S. Cypriano*, Epist. LXVI. qua prohibet, ne oblatio fiat, aut oratio fundatur a Sacerdotibus nominatim pro *Victore*, qui *Faustinum* Presbyterum testamento suo tutorem nominans, in excommunicationem incurrat a Concilio Africano latam. *Quod Episcopi* (inquit) „Antecessores „nostri religiose considerantes, & salubriter providentes, cenſuerunt, ne „quis frater excedens ad tutelam, vel curam Clericum nominaret, ac si „quis hoc fecisset, non offerretur pro eo, nec Sacrificium pro dormitione „eius celebraretur. Neque enim apud Altare Dei meretur nominari in Sa- „cerdotum prece, qui ab Altari Sacerdotes, & Ministros voluit advocare. „Et ideo *Victor* cum contra formam nuper in Concilio a Sacerdotibus da- „tam *Geminium Faustinum* Presbyterum ausus sit tutorem constituere, non „est, quod pro dormitione ejus apud vos fiat Oblatio, aut deprecatio ali- „qua nomine ejus in Ecclesia frequentetur.

De Excom-
municatio-
ne.

Idem confirmatur exemplo Sanctimonialium, quas *S. Benedictus* ob linguæ petulantiam excommunicaverat, & paulo post defunctæ, & in Ecclesia sepultæ, de sepulchris suis progredi, & exire de Ecclesia viæ sunt, quoties Diaconus clamabat: *Si quis non communicat, det locum*. Refert *S. Gregorius* Lib. II. *Dialogorum*, cap. XXIII.

Ex hoc autem, quod aliquis suffragiis Ecclesiæ privatur, „Triplex in- „commodum incurrit per oppositum ad tria, quæ quis ex Ecclesiâ suffra- „giis consequitur. Valent enim ad augmentum gratiæ eis, qui habent, „vel ad merendum eis, qui non habent: & quantum ad hoc Magister „Sententiarum dicit, Quod gratia Dei per Excommunicationem subtrahi- „tur. Valent etiam ad custodiam virtutis: & quantum ad hoc dicit: „Quod protectio subtrahitur; non quod omnino a Dei providentia exclu- „datur, sed quod ab illa protectione, qua filios Ecclesiæ specialiori mo- „do custodit. Valent item ad defendendum ab hoste: & quantum ad hoc „dicit: Quod diabolo major potestas sæviendi in ipsam datur, & spiri- „tualiter, & corporaliter. Unde in primitiva Ecclesia, quando oportebat „per signa ad fidem homines invitare; sicut Spiritus Sancti donum visi- „bili signo manifestabatur, ita & Excommunicatio corporali vexatione „a diabolo innotescebat; (inquit) *S. Thomas*, in IV. *Sententiarum* distinct. „XVII. qu. II. art. I. qu. II. ad III.)

Tertio, privatur excommunicatus auditione Missæ, Divinorumque Officio- „rum, ut constat ex cap. *Illud Dominus*, supra laudato, item ex cap. *Respon- „so*, Extra. *De Sententia Excom.* & ex cap. *Is, qui*, necnon ex cap. *Episcopo- „rum*, tit. *De Privilegiis*, ibidem: & ex Clementina, *Gravis*, tit. *De Senten- „tia Excom.* Lib. V. Clementinarum. Divinorum autem Officiorum nomine in- „telliguntur Horæ Canonice; quæ in Ecclesia publice recitantur, Supplica- „tiones solemnes, ad quas Populus fidelis concurrat, omnes item orationes „publicæ, benedictiones, similesque Ritus Ecclesiastici alicui Ordini Clericali ex Christi, aut Ecclesiæ Institutione, aut consuetudine annexi, ut colli- „gitur ex can. *Si quis Episcopus*, causa XI. qu. III.

Major Ex-
communi-
catio privat
auditione
Missæ, & di-
vinorum
Officiorum.

Quarto, excommunicatus privatur Ecclesiastica sepultura, ut constat ex cap. *Sacris*, Extra. *De Sepulturis*, cuius hæc sunt verba: *Sacris est Canoni- „bus institutum, ut quibus non communicavimus vivis, non communicemus de- „functis: & ut careant Ecclesiastica sepultura, qui prius erant ab Ecclesia*

Qui Excom-
municatus
maiori est
privatus,
privatur Ec-
clesiastica
sepultura.

fica unitate præcisi, nec in articulo mortis Ecclesie reconciliati fuerint. Unde si contingat interdum, quod vel excommunicatorum corpora per violentiam aliquorum, vel alio casu in Cimiterio Ecclesiastico tumulentur, si ab aliorum corporibus discerni poterunt, exhumari debent, & procul ab Ecclesiastica sepultura jactari. Quod si discerni non poterunt, expedire non credimus, ut cum excommunicatorum ossibus corpora extumulentur Fidelium; cum licet non obstitit iussus sepultura nulla vel vilis, impiis tamen celebri, vel speciosa non prosit. Idem confirmatur ex Clementina, Eos, qui, tit. De Sepulturis, quæ excommunicatos isto facto declarant eos. Qui in Cimiteriis Interdicti tempore, in casibus non concessis a Jure, vel excommunicatos publice, aut nominatim interdixit; vel usurarios manifestos, scienter sepelire presunt. Cimiteria vero, in quibus excommunicatorum corpora sepeliri contingit, Reconcilianda erunt aspersione aque solemniter benedictæ: sicut in Dedicationibus Ecclesiarum fieri consuevit; ut respondet Innoc. III. cap. Consulisti. Extra. De Consecratione Ecclesie, vel Altaris. Hæc tamen poena ad solos excommunicatos denunciatos pertinet, ut colligitur ex Constitutione, quæ incipit; *Ad vitanda scandala*.

Fit incapax
beneficiorum Eccle-
siasticorum deinceps im-
petrando.
tum Excommuni-
catione manente.
In Sexto.

Quinto excommunicatus fit incapax Beneficiorum, & Dignitatum Ecclesiasticarum in futurum obtineandarum, quandiu excommunicatione ligatus permanferit, quamvis aarte impetrata retinere possit. Quamobrem collatio Beneficii excommunicato facta prorsus invalida est, nec Beneficium illud licite potest retinere, etiamsi ab excommunicatione absolvatur, nisi nova collatione, vel legitima dispensatione jus ad illud, titulumque legitimum obtineat. Sola namque Absolutione convalescere non potest collatio, quæ nulla fuit, secundum Regulam illam Juris: *Non firmatur tractu temporis, quod de Jure ab initio non subsistit*. Quo fit, ut nec fructus talis Beneficii retinere possit, si eos percepit, sed restituere teneatur, nisi forte suam excommunicationem ignorans Officium aliquod, aut Ministerium in Ecclesia exercuisset, dictosque fructus bona fide percepisset, atque consumpsisset. At Beneficium retinere non potest, quod obtinuit, dum excommunicatione ligatus erat, quamvis bona fide acceperit, aut suam excommunicationem ignorans, aut ab illa se absolutum probabiliter existimans: quia ignorantia, quamvis a nova culpa, & consequenter a nova poena, proindeque a nova Censura excuset, non tamen avertit, ut instrumento alias invalido valorem, ac robur conferat, neque impedit effectum ex priori Censura canonice inflicta provenientem, qui est quasi poena illius peccati, pro quo prior excommunicatio lata fuit, a qua proinde poena excusare non potest ignorantia, quæ in Beneficii collatione intervenit. Hæc autem doctrina confirmatur ex cap. *Posulastis*, Extra. De Clerico Excommunicato ministrante, cujus hæc sunt verba: *Cum excommunicatis communicari non debeat, Clericis Excommunicationis vinculo innodatis Ecclesiastica Beneficia conferri non possunt, nec illi valent ea licite retinere, nisi forsitan cum eis fuerit misericorditer dispensatum: cum ea non fuerint canonice consecuti. Illi vero, qui scienter illa Beneficia talibus contulerunt, tamdiu debent a Beneficiorum collatione suspendi, donec super hoc veniam consequi mereantur: ut puniantur in hoc, in quo delinquere præsumperunt*.

De Excommuni-
catione
ne.

Si quis tamen post collationem Beneficii sibi factam, & ante acceptationem subsecutam excommunicetur, non statim privatur jure ad illud Beneficium per collationem sibi quæsitum; nec illud alteri conferre potest is, ad quem collatio pertinet, nisi is, cui collatum est, consensum præbuerit, antequam ab Excommunicatione absolveretur, & elapsum sit tempus ad consentiendum statutum. Jus enim ad Beneficium collatio confert, non jus in Beneficio, nisi consensus accedat, sive acceptatio eius, cui collatum est. Consensus autem durante Excommunicatione præstiter inefficax fuit, ut jus in Be-
nefici-

beneficium conferret. Quamobrem si excommunicatum ante Absolutionem mor contingat, Beneficium illud per ejus obitum denuo vacare non censetur. Id colligitur ex cap. *Si tibi absenti*, in Sexto.

Suorum etiam Beneficiorum ante excommunicationem legitime possessorum fructibus privari potest excommunicatus, adeoque & Pensionibus Ecclesiasticis, ut colligitur ex cap. *Pastoralis*, §. *Verum*, Extra. De *Appellationibus*, cujus hæc sunt verba: *Cum executionem Excommunicatio secum trahat, & excommunicatus, per denuntiationem amplius non ligetur, ipsum excommunicatum denunciare potes, ut ab aliis evitetur. Et illi proventus Ecclesiastici merito subtrahuntur, cui Ecclesie communicatio denegatur.* Sed hujusmodi fructibus non privatur ex præscripto juris, & ante judicis Sententiam. Cui enim Ecclesia Beneficii possessionem indulget, eidem attribuire censetur accessoria: Nam *Accessorium naturam sequi congruit principalis*, ut habet Regula Juris, in Sexto. Præterea, pœnæ cum sint odiosæ, restringendæ potius sunt quam ampliandæ: jus autem hanc pœnam diserte non decernit: nec eam admittit Ecclesiæ Gallicanæ consuetudo, quasi jure ipso præscriptam.

Excommunicati beneficiorum suorum fructibus a Jussu Ecclesiastico privari possunt.

Sexto, privatur Excommunicatus usâ spiritus divinis Jurisdictionis in foro exteriori, ut colligitur ex canone *Audivimus*, causa xxiv. qu. 1. ex cap. *Romana Ecclesia* tit. De *Officio Vicarii*, in Sexto; ex cap. *Si is*, tit. De *Officio & potestate Judicis Delegati*, ibidem. Item ex cap. *Decernimus*, tit. De *Sententia Excommun.* & cap. *Veniens*, 2. De *Testibus*, in Sexto. Quæ Regula extenditur ad omnes actus Jurisdictionis, quales sunt præcipere leges, vel statuta condere, judicium ferre, & alii similes, quos recensent cap. *Accedentibus*, Extra. De *Excessibus Prelatorum*, & cap. *Dilectus filius*, Extra. De *Officio Ordinarii*. Hac etiam spectat Jurisdictionis delegatio, quæ si ab Excommunicato fiat, nulla prodest, & invalida est. Quæ vero Jurisdictio delegata est ante Excommunicationem delegantis, eo excommunicato suspenditur, si res sit integra; non vero si jam inchoata sit causæ cognitio.

Excommunicati privantur usâ spiritus divinis Jurisdictionis.

Acta tamen excommunicati, qui Jurisdictionem suam exercet (quod absque novo peccato mortali non potest) valida sunt, & rata, nisi sit publice, ac nominatim denunciatus, vel nisi ita notorie in Excommunicationis Sententiam constiterit incidisse, ut nulla possit tergiversatione celari. Id constat ex Constitutione, quæ incipit: *Ad vitanda scandala*.

Postremo privatur excommunicatus omni civili, & prolixa cum aliis Fidelibus communicatione, exceptis tantum casibus in Jure expressis. Quamobrem, & osculum pacis, omneque signum specialis amicitiae, & benevolentiae, & familiare colloquium sive per verba, sive per litteras, sive per nutus, omnis salutatio honorifica, seu reverentiæ testimonium; conversationis, societatis, vel contractus genus omne; communis denique refectio, & cohabitatio cum excommunicato Sacris Canonibus prohibetur, scilicet can. *Sicut Apostoli*, causa xi. quæst. 111. & can. *Ad mensam*, ibidem; cap. *Nuper*, & cap. *Si aliquando*, Extra. De *Sententia Excommun.* & cap. *A nobis*, Extra. De *Exceptionibus*. Quæ hoc Versiculo exprimuntur.

Omni communicatione etiam Civili cum aliis fidelibus privatur excommunicatus.

Os, orare, vale, communico, mensa negatur.

ARTICULUS V.
REGULÆ PRAXIM SPECTANTES.

Circa Excommunicationem.

REGULA I.

Si quem sub hac forma verborum, Illum excommunico, vel simili, a Iudice suo excommunicari contingat: dicendum est; cum non tantum minori, sed etiam majori excommunicatione esse ligatum.

ITa Gregorius IX. cap. *Si quem*, Extra. De Sententia Excommunicationis.

REGULA II.

Lethalis peccati reus esset, qui pro Excommunicatis publice, ac nominatim oraret inter preces, quæ Ecclesiæ nomine, & pro ejus duntaxat membris sunt.

De Excommunicatione.

HAnc enim suffragiorum Communionem intercipit Excommunicatio: Quia Ecclesiæ per excommunicationis Sententiam separat excommunicatos ab universitate Fidelium, pro quibus suffragia facit. Unde suffragia Ecclesiæ eis non profunt, quæ pro tota Ecclesiæ sunt; nec ex persona Ecclesiæ oratio pro ejus inter membra Ecclesiæ fieri potest, quamvis aliqua persona privata possit ad eorum conversionem aliquod suffragium per intentionem dirigere. Verba sunt S. Thomæ, in IV. Sentent. Dist. XVIII. q. II. art. I. Quæstiunc. I. ad secundum. Quamobrem, qui pro excommunicato publice, ac nominatim orat Ecclesiæ nomine, & inter eas preces, quæ pro Ecclesiæ membris sunt, lethaliter peccat, cum Ecclesiæ Statuta violet in re gravi.

REGULA III.

Pro Excommunicatis privatim orandum est, ut ad Pœnitentiam redeant, & a fornidando vinculo solvantur.

HAnc Regulam tradit S. Bernardus Lib. De Gradibus Humilitatis, cap. XXI. absit, (inquit) a nobis, ut etiam pro talibus, etsi palam non præsumimus, vel in cordibus nostris orare cessemus, cum Paulus eos quoque lugeret, quos sine Pœnitentia mortuos sciret. Et si enim a communibus orationibus ipsi se excludant, sed ab affectibus omnino non possunt. Viderint tamen in quanto periculo sint, pro quibus Ecclesiæ palam orare non audeat, quæ fidenter etiam pro Judæis, pro Hæreticis, pro Gentibus orat. Cum enim in Parasceve nominatim oretur pro quibuscumque malis, nulla tamen mentio fit de Excommunicatis. Et cerre cum Excommunicatio sit medicinalis, & ex charitate infligi debeat, diligenter, & ferventer orandus est Dominus, ut ipsis excommunicatis salutaris sit, & eos ad veram Pœnitentiam adducat. Quidni vero Deum pro illis privatim oremus, quos Deus ad Ecclesiam reducere vult, & potest, Qui Non vult mortem peccatoris, sed magis, ut convertatur, & vivat: Præterea de nemine desperandum est, quamdiu vivit, adeoque nec de ipsis excommunicatis. Nec enim pro illo imprudenter oratur, de quo non desperatur; (inquit S. Augustinus Lib. I. Retractionum, cap. XIX.) Hinc Gelasius I. Pontifex Maximus, in Tractu De Anathematis vinculo, nullum esse peccatum docet, pro cujus remissione non oret Ecclesiæ.

Ezech. 16.

Id confirmat S. Thomas, in IV. Sentent. Dist. XVIII. q. II. art. I. Quæstion-
cula.

cula .1. ad primum *Pro Infidelibus* (inquit) oratur ; sed ipsi fructum orationis non percipiunt , nisi ad fidem convertantur . Similiter , & pro excommunicatis orari potest , quamvis non inter orationes , quæ pro membris Ecclesiæ sunt ; & tamen fructum non participant , quamdiu in excommunicatione manent ; sed oratur , ut detur eis Spiritus Penitentiae , ut ab excommunicatione solvantur .

R E G U L A IV.

Lethale peccatum committit Excommunicatus quodlibet suscipiens Sacramentum .

ID enim sacris Canonibus prohibitum est , cap. *Cum illorum* , & cap. *Si quem* , Extra . *De Sententia Excomm.* & cap. *Illud Dominus* , & cap. *Si celebrat* , Extra . *De Clerico excommunicato ministrante* . Cum autem hæc prohibitio sit in materia gravi , illius transgressio lethale ex genere suo peccatum est , utpote contra reverentiam Sacramento debitam , adeoque sacrilegium . Nec refert , an Excommunicatus denunciatus sit , vel non : Constitutum enim , *Ad evitanda scandala* , non faret excommunicatis , neque novum ipsis jus tribuit , ut Canonici Juris , Theologiæque Periti summo consensu asserunt .

R E G U L A V.

Sacerdos Sacramenta Excommunicato denunciato , & vitando administrans non solum lethaliter peccat , sed in minorem Excommunicationem , aliasque penas incurrit .

Lethaliter peccat , quia prohibitionem Ecclesiæ violat in re gravi . Omnem namque communicationem cum Excommunicatis , præsertim in divinis , prohibet Ecclesia cap. *Significasti* , Extra . *De Sententia excomm.* Quod autem minorem Excommunicationem Jure novo incurrat , pariter certum est ; cum ea lata sit generatim contra omnes , qui communicant cum Excommunicato , maxime in divinis , cap. *Nuper* , Extra . *De Sententia excomm.* Ac præterea incurrit ipso Jure Interdictum ab Ingressu Ecclesiæ , ut constat ex cap. *Episcoporum* , Tit. *De Privilegiis* , in Sexto . In Majorem tandem Excommunicationem , eamque Summo Pontifici reservatam incurrit Clerici , qui scientes , & iponte cum excommunicatis a Summo Pontifice communicant , ut habetur cap. *Significavit* , Extra . *De Sententia excomm.* cujus hæc sunt verba : *Clericos , qui scienter , & sponte participaverunt excommunicatis a Nobis , & ipsos in Officiis receperunt , eadem excommunicationis Sententia cum ipsis non dubitamus involvi* . Hæc pena non Laicos spectat , sed Clericos , qui scientes , & iponte , non qui ignari , vel coacti , communicant cum excommunicatis a Summo Pontifice , postquam nominatim denunciati sunt , eos ad divina Officia recipientes .

De Excommunicatione.

R E G U L A VI.

Clericus excommunicatus Missam celebrans , aut coram se jubens celebrari , vel quovis alius Ordinis sui sacrum Ministerium solemniter exercens , in Irregularitatem incurrit .

Istud colligitur ex cap. *Illud Dominus* , Extra . *De Clerico excommunicato ministrante* , cujus hæc sunt verba : „ Illud autem , quod sub ipse veniæ „ Divina sibi fecit (postquam se a Nobis excommunicatum noverat ,) „ celebrari , & Communionis Fidelium se ingessit , potius contra cum facere credimus , quam pro eo : cum sub fiducia Pœnitentiæ non debuerit de „ liquif-

De Excommunicatione.

„ liquisse. *Et infra* : cum eo misericordiam facientes , pœnam quam Ca-
 „ non infligit his , qui post Excommunicationem divina præsumperint
 „ Officia celebrare , vel se celebrationi ingesserint divinorum , ei non du-
 „ ximus infligendam. *Canon laudatus est, Can. Si quis Episcopus ; Causa*
xi. qu. iiii.

Idem confirmatur ex cap. *Cum illorum*, Extra. *De Sententia excommun.* Et
 cap. *Is cui*, in Sexto. Tit. *De Sententia excommun.* ita statuitur : „ Is , cui
 „ est Ecclesiæ interdictus ingressus , (cum sibi per consequens censeatur in
 „ ipsa divinorum celebratio interdicta) Irregularis efficitur , si contra Interdi-
 „ ctum huiusmodi Divinis in ea se ingerat , in suo agens Officio , sicut prius.
 „ Idem confirmat Innocentius IV. in cap. *Cum æterni*, Tit. *De Sententia* , &
 „ re iudicata , in Sexto , *cujus hæc sunt verba* : Si Suspensione durante dam-
 „ nabiliter ingesserit se Divinis , Irregularitatis laqueo se involvet , secun-
 „ dum Canonicas Sanctiones : a qua non nisi per Summum Pontificem po-
 „ terit liberari ,

R E G U L A VII.

*Clerici excommunicati , vel interdicti , si ante Absolutionem divina celebrave-
 rint Officia , nisi moniti absque mora ad Pœnitentiam redierint , perpetuæ
 depositionis pœna plectuntur .*

Hanc Regulam tradit Alexander III. cap. *Clerici*, Extra. *De Clerico ex-
 communicato* ministrante , *cujus hæc sunt verba* : *Clerici autem , si qui
 a suis , aut etiam de Mandato Romani Pontificis ab alienis Episcopis interdicti ,
 vel excommunicati , ante Absolutionem divina Officia celebraverint : nisi moniti
 sine dilatione redierint , perpetuæ depositionis sententiam pro ausu tantæ temer-
 itatis incurrant*. Clericos excommunicatos , vel suspensos , qui divina Offi-
 cia celebrare præsumperunt , vel præsumunt , omnibus Beneficiis Eccle-
 siasticis spoliari posse , respondet Innocentius III. cap. *Fraternitati* , ibidem.

R E G U L A VIII.

*Si notorius , aut nominatim denunciatus Excommunicatus inchoata Missa adve-
 niat , nec monitus exire velit , aut vi ejici possit , a Sacri prosecutione ab-
 stinendum est , nisi forte Canon sit inceptus .*

De Excom-
 municatione

Hanc Regulam unanimi consensu tradunt Canonici Juris , & Theolo-
 giæ Periti. Excommunicatos vero , vel interdictos , qui admoniti per-
 tinaces remanserint , eorumque in huiusmodi pertinacia fautores , novo ex-
 communicationis ipso facto Summo Pontifici reservatæ vinculo ligari , decla-
 rat Clementina. *Gravis*, Tit. *De Sententia excommunicationis*.

R E G U L A IX.

*Clericus , qui dubitat de excommunicatione in se lata , siue qui non aliter eam
 novit , quam per famam publicam , sit Irregularis , si Divina celebret , aut Sa-
 cro Ordinum suorum actus exerceat .*

Hæc Regula nititur Innocentii III. Responsio , cap. *Illud*. Dominus , Extra.
De Clerico excommunicato ministrante , *cujus hæc sunt verba* : *Quia in
 dubiis via tutior est eligenda , ut si de lata in eum sententia dubitaret , debuerat
 tamen potius se abstinere , quam Sacramenta Ecclesiastica pertrahere .*

R E G U L A X.

In Irregularitatem non incurrit Sacris operando, qui se suspensum esse, vel excommunicatum probabiliter ignorat: secus si ignorantia crassa sit, & supina.

Hanc Regulam tradit Gregorius IX. cap. *Apostolicæ Sedis*, Extra. De *Sententia Excommunicationis*, cujus hæc sunt verba: *Verum quia tempore Suspensionis ignari celebrastis Divina, vos reddit ignorantia probabilis excusatos. Cæterum si forte ignorantia crassa, & supina, vel erronea fuerit, propter quod dispensationis gratia egeatis, eam vobis de benignitate Apostolica indulgemus.*

R E G U L A XI.

Sacrae Concioni in Templo interesse potest quilibet excommunicatus.

Id constat ex cap. *Responso*, Extra. De *Sententia excommunicationis*, quod Innocentii III. Rescriptum est ad Ferrariensem Episcopum. *Postulas (inquit) edoceri, an cum Ferrarienses cives Excommunicationis, & Interdicti Sententiis sint ligati, liceat tibi viros, & mulieres semel in hebdomada, vel in mense apud aliquam Ecclesiam convocare, quibus prædices verbum Dei, & eosdem ad correctionem inducas. Super quo respondemus: Quod sine scrupulo conscientie hoc facere poteris, cum videris expedire: dummodo contra formam Interdicti nullum eis divinum Officium celebretur.*

Confirmatur ex Concilio Carthaginensi IV. Canone LXXXIV. Episcopus (inquit) nullum prohibeat ingredi Ecclesiam, & audire verbum Dei, sive Gentilem, sive Hereticum, sive Judæum.

R E G U L A XII.

Majori excommunicatione irretitus, vel suspensus, ab homine, voce activa, & passiva in electionibus canonicis privatur, si nominatim sit denunciatus, vel palam notum sit illum in has Censuras incurrisse.

Id colligitur ex cap. *Cum delictus*, Extra. De *Consuetudine*, cujus hæc sunt verba: *Quia Nobis constitit electionem ipsam a suspensis, & de suspensio etiam celebratam, eam iustitia cassamus exigente. Et cap. Cum iter, De Electione, & Electi Potestate, dicitur: Si constititerit, quod electio fuerit facta a suspensis, ea omnino cassata, ipsi Monasterio (post satisfactionem condignam Suspensionis, & Interdicti Sententia relaxata) de persona idonea consulatur. Quod autem de suspensis decretum est, multo magis de majoris Excommunicationis vinculo constitutis intelligitur constitutum.*

R E G U L A XIII.

Sacerdos Excommunicatione minori ligatus, graviter quidem peccat Sacrum celebrando, sed in Irregularitatem non incurrit.

Hanc Regulam tradit Gregorius IX. cap. *Si celebrat*, Extra. De *Clerico excommunicato ministrante*, cujus hæc sunt verba: *Si celebrat minori Excommunicatione ligatus, licet graviter peccet, nullius tamen notam Irregularitatis incurrit.*

De Excom-
municatio-
ne.

RE-

R E G U L A XIV.

Minori Excommunicatione irretitus, ea quæ ratione Jurisdictionis sibi conveniunt, potest exercere: & voce activa gaudet in electionibus canonicis, non passiva.

ID constat ex eodem Pontifice, cap. mox laudato: *Nec eligere (inquit) prohibetur, vel ea, quæ ratione Jurisdictionis sibi competunt, exercere. Si tamen scienter talis electus fuerit, ejus electio est irritanda: pro eo quod ad susceptionem eorum eligitur, a quorum perceptione a Sanctis Patribus est privatus.*

R E G U L A XV.

Excommunicatione minori ligatus peccat quidem Ecclesiastica Sacramenta conferendo, sed ab eo collata virtutis effectus non carent.

ITa constat ex capite Juris mox laudato: *Peccat autem (inquit) conferenda Ecclesiastica Sacramenta: sed ab eo collata virtutis non carent effectus: cum non videatur a collatione, sed participatione Sacramentorum, (quæ in sola consistit perceptione,) remotus. Verumtamen novum per se peccatum non committit vi Censuræ, administrando Sacramenta, quorum collatio ipsi prohibita non est, (nisi forte conferendo celebret; ut sit ab Episcopo in Sacris Ordinationibus;) sed ideo peccat, quia Sacramenta confert in statu peccati, cum Excommunicatione etiam minor nonnisi ob peccatum infligatur. Sed sicut ob veniale peccatum, & levem contumaciam aliquando infligitur hæc censura; ita veniale interdum peccatum est eo in statu Sacramenta conferre.*

R E G U L A XVI.

Qui cum excommunicato communicat in crimine, in majorem Excommunicationem incurrit: si vero cum illo communicet in divinis, vel civilibus actionibus, & ab ejus crimine alienus sit, minorem duntaxat Excommunicationem contrahit.

De Excom-
municatio-
ne.

ID constat ex cap. Nuper, Extra. De Sententia Excommunicationis, cujus hæc sunt verba: „Credimus distinguendum, an is, qui nominatim excommunicato communicat, scienter in crimine communicet criminoso, ei consilium impendendo, auxilium, vel favorem: aut alias in oratione, vel osculo, aut orando secum, aut etiam comedendo. In primo quidem articulo, cum talis communicet crimini, & participet criminoso, ac per hoc ratione damnati criminis videatur in eum delinquere, qui damnavit: ab eo, vel ejus Superiore merito delicti tunc erit Absolutio requirenda: cum facientem, & consentientem par præna constringat, &c. Idem colligitur ex cap. Si concubinæ, ibidem.

Eandem Regulam confirmat S. Thomas, in iv. Sententiarum, Dist. xviii. qu. ii. art. iv. Quæstiuncula iii. *Excommunicatio* (inquit) „potest ferri in aliquem dupliciter: aut ita, quod ipse sit excommunicatus cum omnibus ei participantibus; & tunc non est dubium, quod quicumque participat ei, est excommunicatus majori excommunicatione: aut est excommunicatus simpliciter: & tunc, aut participat aliquis ei in crimine, præbendo ei consilium, & auxilium, & favorem: & sic iterum est excommunicatus majori excommunicatione: aut participat in aliis, sicut in verbo, vel osculo, vel mensa; & sic est excommunicatus minori excommunicatione. De qua Canon Sanctis, Causa xi. qu. iii. ait Urbanus II. Pontifex Maximus, Sanctis Canonibus cautum est, ut qui excommunicatis communicaverit, excom-
muni-

„ municetur: eo tamen moderamine, ut quicumque ignorantia, seu timore, seu
 „ necessitate cuiuscunque maximi negotii, eorum se convictu contaminave-
 „ rit, cum minoris poenitentiae medicina societatis nostrae participationem for-
 „ tiatur: eos vero, qui aut spontanee, aut negligenter inciderint, sub ea vo-
 „ lumus disciplinæ correctione suscipi, ut ceteris metus incutiatur.

De Excom-
 municatio-
 ne.

R E G U L A XVII.

*Cum excommunicato maiori Excommunicatione communicans, in minorem Ex-
 communicationem non incurrit, si ex ignorantia, charitate, officio, vel necessi-
 tate communicet.*

ITa S. Thomas, in iv. Sentent. Dist. xviii. qu. ii. art. iv. Quæstioncula. i. Du-
 „ plex est, (inquit), Excommunicatio: una est minor, quæ separat tan-
 „ tum a participatione Sacramentorum, sed non a Communione Fideli-
 „ um; & ideo tali excommunicato licet communicare, sed non licet ei Sa-
 „ cramenta conferre: alia est maior Excommunicatio; & hæc separat homi-
 „ nem a Sacramentis Ecclesiæ, & a Communione Fidelium: & ideo excom-
 „ municato tali excommunicatione communicare non licet. Sed, quia Eccle-
 „ sia excommunicationem ad medelam, & non ad interitum inducit, excipi-
 „ untur ab hac generalitate quædam, in quibus communicare licet, scilicet in his,
 „ quæ pertinent ad salutem; quia de talibus homo licite cum excommunicato
 „ loqui potest, & etiam alia verba interferere, ut facilius salutis verba ex fami-
 „ liaritate recipiantur. Excipiuntur etiam quædam personæ, ad quas specialiter
 „ pertinet provisio excommunicati, scilicet uxor, filius, servus, rusticus, &
 „ serviens. Sunt etiam quidam alii casus excepti, sicut quando ignoratur Excom-
 „ municatio; & quando aliqui sunt peregrini, & viatores in terra excommuni-
 „ catorum; qui licite possunt ab eis emere, vel etiam accipere eleemosynam:
 „ & similiter aliquis videat excommunicatum in necessitate; quia tunc ex præ-
 „ cepto charitatis tenetur ei providere *Quæ exceptiones hoc Versu exprimuntur:*
Utile, lex, humile, res ignorata, necesse.

Prima itaque causa, ob quam licet cum excommunicatis communicare, est
 Utilitas tum spiritualis, sive ipsius excommunicati, sive illius, qui cum ipso
 communicat: tum temporalis, non ipsius excommunicati, sed aliorum. Qua-
 mobrem Concionatoribus, aliisque sive Clericis, sive Laicis licet cum excom-
 municato loqui de rebus ad illius salutem, & Absolutionem pertinentibus,
 ut habetur cap. Cum voluntate, Extra. De Sententia Excommunicationis, cujus
 hæc sunt verba: Cum voluntate, ac proposito maleficia distinguantur, Excommu-
 nicationis Sententiam non incurrit, qui excommunicato in his, quæ ad Absolutionem,
 vel alias ad salutem animæ pertinent, in locutione participat: licet etiam alia
 verba incidenter, ut apud eum magis proficiat, interponat. Licet etiam ab ex-
 communicato petere consilium, si aliud æque salutare ab alio sperare non
 possim. Licet ab excommunicatis repetere debita, eosque in Iudicio convenire,
 ut habetur cap. Intelleximus, Extra. De Iudiciis: & in Jus vocati debent per
 alium respondere: Ne videantur de sua malitia commodum reportare.

Quas ob
 causas cum
 excommuni-
 catis com-
 municare li-
 cet?

Altera causa, ob quam communicare cum Excommunicatis licitum est, est
 Lex, matrimonialis scilicet, qua maritus, & uxor sibi mutuo obligantur. Un-
 de uxor cum viro excommunicato cohabitans, aut vir cum uxore excommuni-
 cata, invicemque exhibentes ea, quæ ad rationem conjugii pertinent, in mi-
 norem excommunicationem non incurunt, etiamsi excommunicatio matri-
 monium antecesserit, ac utrique coniugi nota fuerit. Quamvis enim pecca-
 verit, ac minore excommunicationem contraxerit, quæ nupsit excom-
 municato, aut qui duxit excommunicatam: ex quo tamen matrimonium
 cele-

De excom-
 municatio-
 ne.

celebratum est, ac ratum, jus naturæ postulat, ut mutua sibi exhibeant officia, quæ ad conjugalis vitæ societatem pertinent. At si excommunicatio lata sit in causa matrimonii, utpote quia ratione impedimenti prohibitum est partibus, ne contraherent, aut ne cohobitarent: tunc cohobitare licite non possunt, & in Excommunicationem incurrunt non minore duntaxat, sed majorem. Utenim mutuos contractus, ita & mutuum crimen est, adeoque pari poena plectendum.

Tertia causa est subiectio, quæ hoc verbo, *Humile*, exprimitur; qua fit, ut cum patre, vel domino conveniatur, & communicare possint filii non emancipati, & servi sive domestici, sive rustici, qui ejus obsequiis ante Excommunicationem additi erant. Hanc exceptionem tradit *Gregorius VII.* Canone *Quoniam multos*, Causa xi. qu. 111. qui in Synodo Romana ab eo conditus est. *Quoniam* (inquit) *multos peccatis nostris exigentibus pro causa Excommunicationis pervenire quotidie cernimus, partim ignorantia, partim nimia simplicitate, partim timore, partim etiam necessitate, devoti misericordia, Sententiam Anathematis ad tempus, prout possumus, temperamus. Apostolica itaque Auctoritate ab Anathematis vinculo subtrahimus uxores, liberos, servos, ancillas, seu mancipia, necnon rusticos servientes, & omnes alios, qui non adeo curiales sunt, ut eorum consilio scelera perpetrentur.* Quod Decretum *Innocentius III.* Extra. *De Sententia Excommunicationis*, cap. *Inter alia*, quatenus servos spectat, aut Rusticos servientes, de illis intelligendum esse declarat qui jam servi erant ante prolatam in dominos Excommunicationis Sententiam, ut scilicet ad idem obsequium exhibendum postea teneantur: si autem antea servi non essent, addicere se illorum servituti, ac obsequio non debeant, quandiu manent excommunicati: alioqui minoris excommunicationis vinculo, sicut ceteri cum excommunicatis communicantes constringentur. *Inter alia* (inquit) quæ Strigoniensis Archiepiscopus proponi fecit, Nos recolimus respondisse, Quod nullus nominatim excommunicato scienter communicare tenetur, nisi quædam personæ, quæ per illud Gregorii Papæ Capitulum, *Quoniam Multos*, specialiter excusantur. Verum ex hac Responsione orta est occasio disputandi, aliis concedentibus, quod excommunicato communicare tenentur personæ in prædicto Capitulo nominatæ; præsertim quæ prius ad communicationem eorum ex debito tenebantur: aliis asserentibus eos communicare licite posse, si velint: non tamen ad hoc ex necessitate teneri. Ut igitur unde Jus procedit, Interpretatio quoque procedat, ambiguitatem hujusmodi taliter duximus absolvendam, quod cum quædam personæ in præmissis Capitulo denotatæ, illis, in quos lata fuerat Excommunicationis Sententia, ante prolationem ipsius obsequio tenerentur familiariter adhærere, neque postmodum ad contrarium teneantur (cum adhuc debitum duret) beneficio Canonis id agente, a prior non sunt obnoxietate solutæ, sed ad familiarem tenentur obsequium: & ita per consequens ad communionem tenentur, sine qua illud nequeunt exhibere. Illud autem non ad omnes personas Capituli credimus referendum: ut videlicet obnoxietati hujusmodi sint subiectæ; cum viatores, peregrini, & mercatores, a communione talium personarum (nisi articulus necessitatis immincat) debeant abstinere; ut in fine colligitur manifeste: sed ad illas duntaxat, quæ talibus arctiori tenentur obnoxietate constrictæ: quibus tamen in his, pro quibus sunt excommunicatione notatæ, ut in criminibus, communicare non debent, sed ab eis penitus abstinere.

Sicut autem Inferiores Superioribus, ita Superiores Inferioribus excommunicatis in iis saltem communicare debent, in quibus sunt eis obligati. *Quia, sicut Inferiores obligantur ad obsequium Superiorum, ita Superiores ad providentiam Inferiorum;* (inquit *S. Thomas.*)

Quarta causa est *Ignorantia*; Cum enim vel factum, vel jus ipsum probabili-

De excom-
municatione

ter ignoratur, nec ignorantia crassa, & supina est, in Excommunicationem non incurrit, nec peccat, qui cum excommunicato communicat, quia nec scit excommunicatum esse, nec vult cum excommunicato communicare. Omnis porro Censura ob peccatum infligitur: & nullum est sine voluntate peccatum. Hanc etiam exceptionem addit *Gregorius VII.* cum Romana Synodo Canone *Quoniam multos*, mox citato. *Et eos qui ignoranter excommunicatis communicant*. Idemque colligitur ex cap. *Apostolica Sedis*, Extra. *De Sententia Excommunicationis*.

Postrema causa, obquam cum excommunicatis communicare Canones permittunt, est *Necessitas*. Unde Canone *Quoniam multos*, jam citato, *Gregorius VII.* addit: *Quicumque autem Orator, sive peregrinus, aut viator in terram excommunicatorum devenerit, ubi non possit emere, vel non habeat unde emat, ab excommunicatis accipiendi licentiam damus: & si quis excommunicatis non in sustentationem superbie sue, humanitatis causa dare aliquid voluerit, rit, non prohibemus*.

De Excommunicatione

Idem confirmatur ex cap. *Cum voluntate*, Extra. *De Sententia Excommunicationis*, quod *Gregorius IX.* responsum est. *Predicadores quoque* (inquit), qui „ penes excommunicatos, vel alios alienarum rerum detentores, in Prædicationibus, & Confessionibus, quasi gerunt causam, vel curam eorum, „ ad quos res iptæ spectare noscuntur, elemosynas licite possunt ab illis „ recipere: præsertim si alias non valeant in illo loco sustentationem habere.

R E G U L A XVIII.

Qui cum nominatim excommunicatis deliberata voluntate communicant (præter personam beneficio Canonis exceptas) nisi moniti ab eorum Communionem, atque conversationem discesserint, *Excommunicatione majori sunt plectendi*.

Hanc Regulam tradidit *Innocentius III.* cap. *Quod in dubiis*, Extra. *De Sententia Excommunicationis*, cujus hæc sunt verba: *Nullus autem scienter nominatim excommunicato communicare tenetur; nisi quedam persone, quæ per illud Gregorii Pape Capitulum, Quoniam multos, specialiter excusantur. Illi autem, qui nominatim excommunicatis præsumptuose participant, præter personas a dicto Canone annotatas, nisi ab eorum participatione commoniti forte destiterint, Excommunicationis vinculo sunt innodandi*.

R E G U L A XIX.

In majorem Excommunicationem incurrunt ipso facto sine alia monitione, quicumque scientes cum illo communicant, qui cum participibus suis est excommunicatus.

Hæc Regula est *Innocentii III.* in eodem cap. *Secus autem*, (inquit) *si scienter ci communicant, qui cum participibus suis est vinculo Excommunicationis sententialiter innodatus: tunc enim & ipsi Sententiam Excommunicationis incurrunt*.

R E G U L A XX.

Cum Excommunicato ante Absolutionem communicare nemo debet, quamvis se Ecclesiæ paritutum juraverit.

Ita declarat *Innocentius III.* in eodem cap. *Excommunicato* (inquit) *licet quod sit Mandato Ecclesiæ juramento firmaverit, communicari non debet, donec per Ecclesiam fuerit absolutus: alioquin post Juramentum non esset Absolutio necessaria*.

R E G U L A XXI.

Communio cum excommunicato in crimine, vel in rebus Divinis, lethale semper peccatum est: Communio vero in actionibus civilibus, politicis, & mere corporeis, est veniale duntaxat peccatum, nisi fiat in contemptum Ecclesiæ.

Hanc Regulam tradit *S. Thomas*, in *iv. Sentent. dist. xviii. qu. ii. art. iv. Quæstiuncula iii. Quidam* (inquit) „ dicunt, quod quodcumque „ que aliquis participat excommunicato (vel verbo, vel quocumque disto- „ rum modorum, secundum quos ei communicare non licet) peccat mor- „ taliter, nisi in casibus exceptis a Jure: sed quia hoc videtur valde gra- „ ve, quod homo pro uno verbo levi, quod excommunicatum alloquitur, „ mortaliter peccet; & multis excommunicantes laqueum damnationis in- „ jicerent, quod in eos retorqueretur; ideo aliis probabilius videtur, quod „ non semper peccant mortaliter, sed solum quando vel in crimine illis „ participant, vel in Divinis, vel in contemptum Ecclesiæ.

hoc Excom-
municatio-
ne.

Ad Decretalem, *Sacris, Extra. De his, quæ vi, metusve causa sunt*, qua declarat *Innocentius III.* eos, qui metum mortis cum excommunicatis com-
municant, excommunicationis labe inquinari, *Cum pro nullo metu debeat quis mortale peccatum incurere*: *S. Thomas* respondet, Decretalem illam loqui de participatione in Divinis, quæ mortale peccatum est. Vel Decretalis illa intelligenda est de illis, qui directe communicant excommunicatis, ut respondet Sanctus Doctor *Quodlibeto xi. qu. vii. art. ii. Aliquis*, scilicet, „ potest communicare, seu participare cum excommunicato directe, & „ indirecte: directe quidem in his, quæ sunt Fidelium: & qui hoc modo „ ei communicat, peccat mortaliter. Et hoc contingit tripliciter: puta, si „ communico cum illo in Divinis: sicut si orem pro eo, vel audiam Mis- „ sam cum eo; & in aliis spiritualibus: item si ex contemptu; & hoc in quocum- „ que communicet quis cum eo, quasi contemnens Mandatum Ecclesiæ, peccat „ mortaliter: item quicumque participat cum illo in crimine, & in causa. In- „ directe vero communicat quis cum eo in his, quæ sunt hominis, sicut in verbo, „ in cibo, & in his, quæ sunt simpliciter humanæ conversationis: & secun- „ dum hoc non peccat mortaliter, sed venialiter, nisi faciat ex contemptu.

Addit Doctor Angelicus ibidem, in Responsione ad tertium, Quod non solum debet aliquis mortem subire potius quam peccet mortaliter, sed etiam potius quam peccet venialiter, quia peccatum nunquam est eligendum. Non recte ergo colligitur, communionem quamlibet cum excommunicatis esse peccatum mortale, quia vitanda est: quia etsi veniale tantum esset, non esset cum eis communicandum, & mors potius esset eligenda.

Cum autem sibi objecisset, Juris Canonici Peritos communionem quamcumque cum excommunicatis damnare peccati mortalis: respondet, hanc opinionem non esse veram, *Quia ipsi plus assentiunt in his, & sequuntur ius humanum, quam divinum; cum plus sit assentiendum divino, quam humano: & ideo melior est opinio aliorum, qui dicunt contrarium.*

At (inquit) Ecclesiæ præcepta violare est peccatum mortale: sed Ecclesiæ prohibet, ne Fidelium ullus cum excommunicatis loquatur, aut comedat: hoc ergo, qui facit, mortalis peccati reus est.

Quod lxi. q.
7. art. 2. ad
secundum, &
in iv. Sent.
dist. 18. q. 11.
art. 4. Quæ-
stiones 3. ad
secundum.

Respondet *S. Thomas*, ad secundum: „ Communicare cum excommuni- „ cato directe, est contra præceptum Ecclesiæ, & est peccatum mortale; sed „ communicare indirecte, non est contra, sed præter præceptum Ecclesiæ. „ Nam Præceptum Ecclesiæ directe respicit spiritualia, & ex consequenti „ legitimos actus: & ideo, qui communicat ei in Divinis, facit contra præcep- „ tum,

ptum, & peccat mortaliter: qui autem participat ei in aliis, facit præter præceptum, & peccat venialiter. Quædam nempe sunt per se mala: & hæc non possunt fieri sine peccato, sicut communicare excommunicato in his, quæ sunt excommunicati, (scilicet in crimine;) & ideo non possunt fieri sine peccato mortali: quædam vero sunt occasiones malorum tantum, & ista possunt fieri sine peccato mortali; ut loqui, vel comedere cum excommunicatis. Addit denique S. Thomas, loco *Sententiarum* mox citato, ad quartum: „ quamvis participare excommunicato sit peccatum veniale, tamen participare ei pertinaciter est peccatum mortale: & per hoc potest aliquis excommunicari secundum Jura. Pertinacia nempe illa cum Ecclesiæ contemptu conjuncta est.

R E G U L A XXII.

Major Excommunicatio ferri non debet, nec potest levibus de causis, sed solum ob mortale peccatum: alioqui nulla, & irrita est.

Scriptura enim Sacra, quotiescumque potestatem ad hanc Censuram ferendam Ecclesiæ a Christo traditam significat, ad gravium peccatorum emendationem, ac vindictam eam ferri satis innuit: Matth. xviii. *Si Ecclesiam non audierit, sit tibi sicut Ethnicus, & Publicanus.* Nemo enim dixerit, aliquem esse rebellem Ecclesiæ ob solam culpam venialem; maxime cum ibi sermo sit de correctione fraterna, & ejus ordine, qui divina illa Censura terminatur, si contumacia intercedat. Illa autem correptio, proprie, ac stricte loquendo, in peccatis duntaxat venialibus locum non habet, ut S. Augustinus colligit Sermone lxxxii. alias xvi. De Verbis Domini, illa Christi verba expendens: *Si te audierit, lucratur eris fratrem tuum: Si faciendo (inquit) lucraris, nisi fecisses, perierat. . . . Nemo ergo dicat, quia non peccavi in Deum, sed peccavi in fratrem. In hominem peccavi, leve peccatum est, vel nullum peccatum est. Forte inde dicis, leve est, quia cito curatur. Cito fecisti misericordiam rem, sed remedium cito invenisti.* Deinde S. Paulus Corinthium hominem excommunicaturus, gravissimum illius crimen pallam exposuit. Tertio, pœna respondere debet culpæ: major autem Excommunicatio gravissima omnium pœnarum est, quæ ab Ecclesia infligitur, ut docet S. Augustinus, Lib. De Correctione, & Gratia, cap. xv. & habetur Can. Corripiantur, Causa xxiv. quæst. iii. Pro veniali ergo culpa infligi non debet, nec potest. Quarto, Excommunicatio Christianum ejicit ex Ecclesia: nemo autem meretur ejici ab Ecclesia, nisi qui meretur ejectionem e Regno Dei: qua pœna nemo dignus est, nisi ob peccatum mortale. Quinto, quod est in Republica temporali pœna mortis, id est in Ecclesiastica Republica pœna Excommunicationis, ut docet S. Augustinus quæst. ii. in Deuteronomium. Ideoque vocari solet *Gladus Ecclesiasticus*, Can. *Inter hæc*, Causa xxxiii. quæst. ii. Et S. Augustinus, in Collatione tertiæ diei cum Donatistis, eam vocat *Damnationem, quam facit Episcopale Iudicium.* Sicut ergo Reipublicæ temporali non est data potestas interficiendi hominem propter peccatum veniale: ita nec Ecclesiæ data est potestas hominem excommunicandi ob solam culpam venialem.

Hanc Regulam confirmant sacri Canones. Can. *Nemo*, causa xi. qu. iiii. *Nemo (inquit) Episcoporum quemlibet sine certa, & manifesta peccati causa Communionem privet Ecclesiastica: sub Anathemate autem sine conscientia Archiepiscopi, aut Coepiscoporum nullum præsumat ponere, nisi unde Canonica docet Auctoritas; quia Anathema est æternæ mortis damnatio, & non nisi pro mortali debet imponi crimine, & illi, qui aliter non potuerit corrigi.* Quod ex Concilio Meldensi Can. lvi. sumptum est.

Item ex Canone, *Nullus Sacerdotum*, qui ex Concilii Aurelianensis iv. Canno-

De Excommunicatio-
ne.

1. Cor. 3.

Excommu-
nicatio levi-
bus de causis
non est infli-
genda.

ne II. & Vvormatiensis Can. XIII. conflatus est: Nullus Sacerdotum quemquam recte fidei hominem pro parvis, & levibus causis a Communione suspendat: præter eas culpas, pro quibus antiqui Patres arceri ab Ecclesia iusserunt committentes.

De Excom-
municatio-
ne.

Idem confirmat S. Leo, Epist. x. alias LXXXIX. cap. VIII. Nulli (inquit) Christianorum facile Communio denegetur; nec ad indignantis fiat hoc arbitrium Sacerdotis, quod in magni reatus ultionem invitis, & dolens quodammodo debet inferre animus Judicantis. Cognovimus enim pro commissi, & levibus verbis quosdam a gratia Communionis exclusos, & animam pro qua Christi Sanguis effusus est, irrogatione tam sevi supplicii sauciata, & inermem quodammodo, exutamque omni munimine, diabolicis incurfibus, ut facile cape-
retur, obiectam. Certe si quando causa emerferit, ut pro commissi criminis qualitate aliquem iuste faciat Communione privari, is tantum pœnæ subdendus est, quem reatus involvit; nec particeps debet esse supplicii, qui confors non docetur fuisse commissi.

Idem docet S. Avitus Viennensis Episcopus Epist. LXI. ad Constantiam Episcopum: Illud tamen suggerere, ac monere præsumo, ne propter leves causas, & non ad Deum, sed ad seculum pertinentes, ne Laici quidem, non dicam Clerici sancta Communione priventur: quia nescit cuius dignitatis sit ipsa Communio, qui non eam omni animositate seposita, & cum magno dolore suspendit, & cum maxima festinatione restituit.

Et S. Gregorius Epist. XXVI. Libri secundi, ad Magnum Presbyterum Mediolanensem scripta: Sicut (inquit) exigente culpa, quis a Sacramento Communionis digne suspenditur, ita infonibus nullo modo talis debet irrogari vindicta. Comperimus siquidem, quod Laurentius quondam frater, & Cospiscopus noster nullis te culpis exigentibus Communione privaverit: ideoque huius Præcepti nostri Auctoritate munitus, officium tuum securus perage, & Communio-
nem sine aliqua sume formidine.

Confirmatur amplius ex Canone, Ecce, causa XXIV. qu. III. qui est Juliani Pomerii Lib. II. De Vita Contemplativa, cap. VII. Ecce autem (inquit) crimina quorumlibet, si ipsis criminosis confiteri nolentibus, undecumque claruerint, quæcumque non fuerint patientiæ leni medicamento sanata, velut igne quodam pie increpationis urenda sunt, & curanda. Quod si nec sic quidem sustinentis, ac pie increpantis medela processerit in iis, qui diu portati, & salubriter objurgati, corrigi noluerint, tanquam putres corporis partes debent ferro Excommunicationis abscindi: nec sicut caro morbis emortua, si abscissa non fuerit, salutem reliquæ carnis putredinis suæ contagione corrumpit, isti, qui emendari despicunt, & in suo morbo persistunt, si viribus depravatis in Sanctorum societate permanferint, eos ex exemplo suæ perditionis inficiant.

Confirmatur denique hæc Regula ex Concilio Tridentino Sess. XXV. De Reformatione cap. III. Quamvis (inquit) Excommunicationis gladius nervus sit Ecclesiasticæ Discipline, & ad continendos in officio Populos valde salutaris; sobrie tamen, magnaque circumspectione exercendus est: cum experientia doceat, si temere aut levibus ex rebus incutiat, magis contemni quam formidari, & perniciem potius parere, quam salutem.

Quamobrem quoties aliquis a peccato mortali excusatur in violatione legis alicujus, vel præcepti, excusatur etiam ab Excommunicatione majori, etiam si adversus omnes illius præcepti transgressores lata sit. Cessante enim causa, cessat effectus: Et, Rem, quæ culpæ caret, in damnum vocari non convenit, ut dicitur cap. Cognoscentes, Extra. De Constitutionibus. Secundum hanc Regulam, Gregorius IX. cap. Odoardus, Extra De Solutionibus. Sententiam Excommunicationis latam in quemdam Clericum recognoscentem qui-
dem

De Excom-
municatio-
ne.

dem debita, sed propter rerum inopiam solvere non valentem, nullam fuisse significat, jubetque relaxari, seu invalidam declarari, *Si constiterit, quod dictus Clericus in totum, vel pro parte non possit solvere debita supra dicta, recepta prius ab eo idonea cautione, ut si ad pinguiorem fortunam devenierit, debita prædicta persolvat.*

R E G U L A XXIII.

Excommunicatio major infligi non debet pro quolibet peccato mortali, sed pro eo duntaxat, quicum conjuncta est contumacia.

ID satis significat Christus, Matth. 18. declarans, tum demum excommunicandum, sive rescindendum peccatorem tanquam ethnicum, & publicanum, *Si Ecclesiam non audierit.*

Ita docet S. Thomas, in iv. Senten. dist. xviii. qn. ii. art. 1. Quæstione. **II.** Quia (inquit) Excommunicatio est gravissima panarum: panæ autem medicinæ sunt: sapientis autem Medici est a levioribus medicinis incipere, & minus periculosis; ideo excommunicatio infligi non debet etiam pro peccato mortali, nisi contumax fuerit; vel non veniendo ad iudicium, vel ante terminationem iudicii sine licentia recedendo, vel determinationi non parendo. Tunc enim postquam nominatur fuerit, si obedire contempserit, contumax reputatur, & excommunicari debet a iudice non habente quid contra ipsum faciat amplius.

R E G U L A XXIV.

Excommunicatio ob damnum temporale proximo illatum ferri potest.

CUm enim S. Petrus Ananiam, & Saphiram ob defraudatum agri pretium morte damnaverit (act. v.) quidni Ecclesia ob temporale damnum Excommunicationem ferre potest? Id confirmat S. Thomas loco supra citato. *Per Excommunicationem (inquit) Iudex Ecclesiasticus excommunicatos excludit quodammodo a Regno: unde cum non debeat a Regno excludere nisi indignos, nec aliquis reddatur indignus, nisi per peccatum mortale charitatem amiserit, quæ est via ducens ad regnum, ideo nullus excommunicari debet, nisi pro peccato mortali. Et quia in damnificando aliquem corporaliter, vel in rebus temporalibus, aliquis mortaliter peccat, & contra charitatem facit; ideo pro damno temporali illato, Ecclesia aliquem excommunicare potest.*

R E G U L A XXV.

Excommunicationem pro huiusmodi causis soli decernere possunt Episcopi: in eaque decernenda, & ferenda modum sacris Canonibus, & præsertim a Concilio Tridentino præscriptum servare debent; ut scilicet ea potestate non utantur, nisi vel gravitas criminis, vel nimia in satisfaciendo mora, vel iusta aliqua causa illos moveat: nec executio realis, aut personalis fieri possit.

Hæc Regula partim colligitur ex cap. Romana, Tit. De Sententia Excommunicationis, in Sexto, partim ex Concilio Tridentino Sess. xxv. cap. **III.** Et quidem caput Romana Ecclesia, quod est Innocentii IV. in Concilio Generali Lugdunensi ita statuit: Caveant etiam, ne tales Sententias Excommunicationis, sive specialiter, sive generaliter in aliquos profuturis culpis, videlicet, si tale quid fecerint, vel etiam pro jam commissis sub hac forma, si de illis intra tale tempus minime satisfecerint, proferre presumant: nisi mora in exhibenda satisfactione, vel culpa, seu offensa præcesserit, quibus merito ad injun-

De Excommunicatione.

gendam satisfactionem hujusmodi, & taliter prohibenda similia inducantur: aut alia rationabilis (quam in ipsis Sententiis exprimant) causa subsistat. Quod pro futuris culpis Excommunicationis ferri prohibetur, spectat Excommunicationem Judicis, sive ab homine, non Excommunicationem Canonis, sive a Jure latam. Statutum enim ad futura delicta cavenda, & coercenda condici potest, adjuncta pœna Excommunicationis ipso facto incurrenda ab iis, qui Statutum illud violaverint, ut constat ex cap. *A nobis*, Extra. De *Sententia Excommunicationis*. At Sententiam Excommunicationis ferre non potest Judex Ecclesiasticus pro futuris delictis, hoc modo: Excommunico Petrum, si furtum faciat.

Monitoriales, & excommunicationes ad finem revelationis, non nisi gravibus de causis, & summa cautione concedi debent.

Concilium vero Tridentinum ita decernit: *Excommunicationes ille, quæ Monitionibus præmissis, ad finem revelationis (ut ajunt) aut pro perditis, seu subraclis rebus ferri solent, a nemine prorsus, præterquam ab Episcopo decernantur*. Non excluduntur Vicarii Generales, & Officiales Episcopi: una enim est Episcopi, & Vicarii Generalis, sive etiam Officialis Jurisdiclio, ut habetur cap. *Non putamus*, Tit. De *Consuetudine*, in Sexto, cujus hæc sunt verba: „ Non putamus illam consuetudinem, quantocumque tempore de facto servatam, consonam rationi, quod ab Officiali Episcopi ad eundem Episcopum valeat appellari: ne ab eodem ad se ipsum (cum sit idem Auditorium utriusque) Appellatio interposita videatur. *Pergit Concilium Tridentinum*: Et tunc non alias, quam ex re non vulgari, causaque diligenter, ac magna maturitate per Episcopum examinata, quæ ejus animum moveat: nec ad eas concedendas cujusvis sæcularis, etiam Magistratus, auctoritate adducatur: sed totum hoc in ejus arbitrio, & conscientia sit positum: quando ipse pro re, loco, persona, aut tempore eas decernendas esse judicaverit. In causis vero judicialibus mandatur omnibus Judicibus Ecclesiasticis, cujuscumque dignitatis existant, ut quandocumque executio realis, vel personalis in qualibet parte Judicii propria auctoritate ab ipsis fieri poterit, abstinere tam in procedendo, quam definiendo, a Censuris Ecclesiasticis, seu Interdictis: sed liceat eis, si expedire videbitur, in causis civilibus ad forum Ecclesiasticum quomodolibet pertinentibus, contra quoscumque, etiam Laicos, per multas pecuniarias, quæ locis piis ibi existentibus, eo ipso, quod exactæ fuerint, assignentur: seu per captionem pignorum, personarumque distractionem, per suos proprios, aut alienos executores faciendam, sive etiam per privationem Beneficiorum, aliaque Juris remedia procedere, & causas definire. Quod si executio realis, vel personalis adversus eos hac ratione fieri non poterit; sitque erga Judicem contumacia, tunc eos etiam Anathematis mœrone, artificio suo, præter alias pœnas, ferre poterit. In causis quoque criminalibus, ubi executio realis, vel personalis fieri poterit, erit a Censuris abstinendum: sed si diu executioni facile locus esse non possit, licebit Judici hoc spirituali gladio in delinquentes uti; si tamen delicti qualitas, præcedente bina saltem Monitione, etiam per edictum, id possit. Ex Actis porro, & Instrumentis juridicis constare debet, quod personalis, vel realis executio fieri non possit, ut respondit sacra Congregatio Tridentini Concilii Interpres.

De Excommunicationis Sententia.

Carolus IX. Regis Christianissimi Lictum in Comitibus Aurelianensibus, art. XVIII. statuit, ne Prælati, Officiales, alique Judices Ecclesiastici Monitiones decernant, & Censuras Ecclesiasticas ferant nisi ob crimen, & scandalum publicum. Denique *Ludovicus Magnus* Constitutione edita Mense Aprilis anni 1666. vetat, ne compellantur Judices Ecclesiastici ad Censuras, vel Monitiones decernendas, nisi pro gravibus causis.

Non incurrit in Excommunicationem latam adversus eos, qui certi delicti reum non revelaverint, qui non denunciatur personam cognatione, vel affinitate sibi conjunctissimam.

SI Pater non obligatur ad revelandum crimen filii, nec maritus crimen uxoris, nec filius ad denunciandum patrem, aut uxor maritum, nec frater fratrem, &c. Quia testimonium adversus se ipsum quodammodo ferret, infamiamque, vel aliud grave incommodum contraheret. Unde in cap. 34. qu. 3. ex l. 4. ff. De Testibus, cavetur, *Ne invito denunciatur, ut testimonium litis dicat adversus socerum, generum, vitricum, privignum, sobrinum, sobrinam, sobrinum natum, eosque, qui in priori gradu sunt.* Ubi etiam excipiuntur liberti, & patroni inter se, & respectu suorum cognatorum in iisdem gradibus. Si ergo Leges Civiles hos excipiunt, nec Judices sæculares eos invitos ad testimonium ferendum cogant: multo minus Prælati, & Judices Ecclesiastici, qui Excommunicationes pro rebus temporalibus ferunt quasi in subsidium, & adiutorium ipsorum Judicum sæcularium, easdem personas Excommunicatione obligare possunt, vel debent. Tertullianus. Excipiuntur causæ lætæ Majestatis, &c. Nam sicut *Contra publicos hostes, & Majestatis reos omnis homo miles*, ita omnis homo testis est.

R E G U L A XXVII.

Excommunicatum Excommunicatione majori vitare tenetur, nisi sit nominatim denunciatus, vel ob evidentiam patrati criminis ipso facto excommunicatus noscatur.

Hanc Regulam tradit Constitutio, quæ incipit his verbis, *Ad vitanda scandala*: quam S. Antoninus 111. P. Tit. xxv. cap. 111. alique ipsum fecuti, Concilio Constantiensi tribuunt cum in ejus Actis non habeatur, sed in Concilio Basiliensi, Sessione xx. ex quo in Pragmatica Sanctione, & in Concordatis inter Leonem x. & Franciscum i. Regem Christianissimum descripta est, & in Concilio Lateranensi v. sub eodem Pontifice approbata, & confirmata. Sic autem statuit: „ Ad vitanda scandala, & multa pericula, sub-
„ veniendumque conscientis timoratis, nemo deinceps a communicatione ali-
„ cuius in Sacramentorum administratione, vel receptione, aut aliis quibus-
„ cumque divinis, vel extra, prætextu cujuscumque Sententiæ, aut Censuræ
„ Ecclesiasticæ, seu Suspensionis, aut prohibitionis ab homine, vel a jure ge-
„ neraliter promulgatæ, teneatur abstinere, vel aliquem vitare, vel Interdi-
„ ctum Ecclesiasticum observare, nisi Sententia, prohibitio, Suspendio, vel
„ Censura hujusmodi fuerit, vel contra personam, Collegium, Universita-
„ tem, Ecclesiam, aut locum certum, aut certam, a Judice publicata, & de-
„ nunciata specialiter, & expresse, aut notorie in Excommunicationis senten-
„ tiam constituerit incidlisse, quod nulla possit tergiversatione celari, aut aliquo
„ Juris suffragio excusari, eum a Communione illius abstinere nolumus, juxta
„ Canonicas Sanctiones: per hoc tamen hujusmodi excommunicatos, suspen-
„ sos, interdictos seu prohibitos non intendimus in aliquo relevare, neque eis
„ quomodolibet suffragari.

Ista Constitutio Juris antiqui severitatem temperat, prohibentis olim communicationem quancumque cum excommunicatis, etiamsi nominatim denunciati non essent: permittit deinde communicationem cum excommunicatis, etiam in Divinis, & Sacramentorum administratione, vel receptione, modo non sint publice, & nominatim denunciati. Tertio, istud privilegium excommunicatis, quantumvis occultis nullo modo favere declarat: ipsosque a di-

De vitandis
excommuni-
catis.

Juris anti-
qui severitas
temperata
per Concilii
Constantien-
sis Constituti-
onem.

vinis, & ab administratione, ac receptione Sacramentorum, omnique cunctis Fidelibus commune tam sacro, quam civili abstinere debere.

Quamvis autem illa Constitutione declaratur, vitandos non esse, nisi qui nominatim denunciati sunt, & ceteros, quos ita notorie in Excommunicationis sententiam constiterit incurrisse, ut nulla possit tergiversatione celari, aut aliquo Juris suffragio excusari: usus tamen solos excommunicatos nominatim, & notorios Clericorum percussores ab hujus Constitutionis beneficio videtur exclusisse, ut *S. Antoninus*, aliqui Theologi asserunt: qui & laudatam Constitutionem Concilii Constantiensis nomine cum hac reserunt clausula: *Salvo, si quem pro sacrilega manu iniectione in Clericum Sententiam latam a Canone adeo notorie constiterit incidisse, quod factum non possit aliqua tergiversatione celari, neque aliquo suffragio excusari.* Nam a Communione illius, licet denunciatus non fuerit, volumus abstinere juxta *Canonicas Sanctiones*. In Concilio quidem Constantiensis Actis non extat, sed tamen ab eo fuisse editam *S. Antoninus* certis documentis instructus asserit Tit. xxv. 111. P. cap. 111. Duo (inquit) „ venerabiles viri, famosi in vita, & scientia. quorum unus „ Doctor in Theologia, alter in Jure & Episcopus, scilicet Dominus Nico- „ laus de Dnchelserbuhel, & Dominus Andreas postea Episcopus Polnaniensis in Polonia, qui fuerunt praesentes in Concilio Constantiensi, ubi facta fuit dicta Constitutio, dixerunt ipsam acceptatam ab omnibus, & perpetuam, & unam de concordatis. Magistri etiam Universitatis Parisiensis acceptaverunt ipsam Constitutionem, quia in ea dicitur: Omnibus Christi- „ fidelibus. Sed & dictus Dominus Andreas Polnaniensis Episcopus post celebratum Concilium Senis, cui etiam interfuit, vadens ad Curiam ad visitandum Martinum V. Papam; cum ipse putaret dictam Constitutionem fuisse temporalem, scilicet per quinquennium, & sic jam expirasse, loquens cum Papa, petivit ab eo, ut concederet sibi ex gratia uti tali Sententia, siue dispensatione quam continebat illa Constitutio. Respondit Papa: Vos scitis illam unam esse de Concordatis. Et cum ipse Episcopus quinquennalem esse objiceret, dixit Papa: Ego volo, quod semper duret. Dominus Julianus Auditor Cameræ Apostolicæ, vir Jureperitus, & famolus, postmodum Cardinalis effectus, super hoc consultus dixit: Tale Indultum datum non solum Germanicis, verum etiam omnibus Christianis, & de jure esse perpetuum, quia ista est natura Constitutionis ipsius, nisi revocetur. Non fuit autem revocata, sed in Concilio Basileensi confirmata ante sui dissolutionem. At Concilium Basileense non solum notorios Clericorum percussores, sed eos omnes excludit, quos ita notorie in Excommunicationis sententiam constiterit incidisse, ut nulla possit tergiversatione celari, aut aliquo juris suffragio excusari: atque ita etiam habetur in Concordatis, & confirmatur a Concilio Lateranensi v. & Leone X. Sed in usu recepto (ut dixi) acquiescendum est.

Adde, in Gallicanæ Jurisprudentiæ praxi nullam admitti notorietatem facti, (ut loqui mos est) nisi legitimis, ac juridicis inquisitionibus, testimoniis, seu documentis, vel ipsa rei confessione probatum; siue de Clerici percussione, siue alio de crimine quaestio habeatur; eaque praxis consentanea est Regulæ a *S. Augustino* traditæ Sermone cccli. alias l. inter Homilias quinquaginta: Nos vero a Communione prohibere quemquam non possumus (quamvis hæc prohibitio nondum sit mortalis, sed medicinalis) nisi aut sponte confessum, aut in aliquo siue sæculari, siue Ecclesiastico Judicio nominatum, atque convictum.

De excommunicatione.

R E G U L A XXVIII.

In casu Excommunicationis dubie standum potius est Sententiæ Judicum, quam aliorum Doctorum.

Hanc Regulam tradit S. Thomas, Quodlibeto IV. qu. VIII. art. III. *Dubitatio* (inquit) *de Excommunicatione aliquorum aut præcedit Sententiam Judicum, aut sequitur: si præcedit, (puta cum nondum est declaratum per Judicum consensum aliquos esse excommunicatos) non sunt vitandi, quousque certo iudicio terminetur: in hoc enim casu verum est, quod in mitiore parte interpretari debemus: unde & Deuteronomii VII. dicitur: Si difficile, & ambiguum apud te Judicium esse perspexeris, & Judicum intra portas tuas videris verba variari, venies ad Sacerdotes, & ad Judicem; quæ resque ab eis, & facies quodcumque dixerint. Sed si ambiguum oriatur, post concordem Judicum determinationem, magis standum est Sententiæ Judicum, duplici ratione: primo quidem, quia Judices sollicitius discutientes negotium, plenius possunt percipere veritatem, etiam si sint minus periti, quam alii, qui perfunctorie constituntur, & extraordinarie: secundo, quia hoc esset in magnum nocumentum utilitatis communis status hominum, si Sententiæ non staretur, sed quilibet pro suo libito vellet Sententiæ calumniam ingerere; quia sic litigiæ essent interminabiles: & ideo in tali casu magis est standum Sententiæ Judicum, nisi forte sit per Apellationem suspensa.*

Cujus standum Sententiæ casu Excommunicationis dubiæ.

De Excommunicationis Sententiæ.

R E G U L A XXIX.

Ferri non potest Excommunicatio ab Ecclesiastico Jure, nisi Monitione prævia, alioqui irrita erit. Triplex autem præmittenda est Monitio, vel una protribus, assignato competenti dierum intervallo, nisi necessitas urgeat.

Excommunicatio namque non nisi in contumaces contra Ecclesiam, vel Superiorem Ecclesiasticum ferri potest: contumax porro non est, qui non fuit admonitus. Peccator enim si per admonitionem conscius esset Censuræ, cujus ipsi minas Ecclesiasticus Juxta intentat, fortassis pareret, & a peccato resisteret, Ecclesiastici fulminis metu. Triplex autem Admonitio necessaria est, quia Christus peccatorem prius corrigi secreto, deinde adhiberi testes, postremo ejus crimen ad Ecclesiæ tribunal referri, jubet: quam si non audierit, habendus est ut Ethnicus, & Publicanus. (Matth. XVIII.) Sufficit tamen una pro tribus Monitio Canonica, competentibus aliquot dierum intervallis assignatis, ut Jure cautum est: debent autem assignari sex, ut minimum, dies, quorum duo pro prima, duo pro altera, duo pro tertia, & ultima Monitione computentur; nisi negotii qualitas, & necessitas postulet, ut Juxta Monitionum tempus ampliet, vel restringat: qua in re prudentia opus est non vulgari. Hanc Regulam confirmant Canones, scilicet cap. *Sacro*, quod est Innocentii III. in Concilio Generali Lateranensi. Extra. *De Sententia Excommunicationis*, cujus hæc sunt verba: *Sacro approbante Concilio prohibemus, ne quis in aliquem Excommunicationis Sententiam, nisi competenti Admonitione præmissa, & personis presentibus idoneis, per quas (si necesse fuerit) possit probari Monitio, promulgare præsumat: quod si contra præsumpserit, etiam si iusta fuerit Excommunicationis Sententia, ingressum Ecclesiæ per mensem unum sibi noverit interdictum, alia nihilominus pœna muldandus, si visum fuerit expedire.*

Competentis Monitio præmittenda.

Trina Monitio.

De Sententia Excommunicationis.

Et cap. *Constitutionem*, quod est Gregorii X. in Concilio Generali Lugdunensi,

Lugdunensi,

nenſi, Tit. *De Sententia Excommunicationis*, in Sexto: *Conſtitutionem* (inquit)
 „ ſcelicet recordationis Innocentii Papæ IV. Prædeceſſoris noſtri, quæ pro-
 „ hibet participantes excommunicatis ea participatione, quæ ſolam immo-
 „ rem Excommunicationem inducit, Monitione Canonica non præmiſſa,
 „ majori Excommunicatione ligari, decernens promulgatam aliter Excom-
 „ municationis Sententiam non tenere: ad tollendum omnem ambiguita-
 „ tis ſcrupulum declarantes decernimus ita demum eſſe Monitionem cano-
 „ nicam in hoc caſu, ſi aliis rite ſervatis, eos, qui monentur, exprimant
 „ nominatim, Statuimus quoque, ut inter Monitiones, quas (ut cano-
 „ nice promulgetur Excommunicationis Sententia) ſtatuunt Jura præmit-
 „ ti: Judices ſive Monitionibus tribus utantur, ſive una pro omnibus, ob-
 „ ſervent aliquorum dierum competentia intervalla: niſi facti neceſſitas a-
 „ liter ea ſuaſerit moderanda: ut quia partes ſunt ad rixam, vel arma pa-
 „ ratæ, nec curant Monitiones Epifcopi. Interdum enim nec locus, nec tem-
 „ pus patitur plenius deliberare conſilium: & quandoque res celeritatem deſi-
 „ derat, (inquit Leges in Gloſſa citatæ.)

Monitionis prævia neceſſitatem confirmat cap. *Cum medicinalis*, in Sex-
 to. Ceterum ſi Excommunicatio lata ſit a Jure, aut etiam ab homine,
ipſo facto incurrenda, alia Monitione non eſt opus, cum Lex, vel Sententia
 Monitionum vim habeant: & contumax cenſendus ſit, qui ſciens volens
 contra Legem, vel Sententiam agit.

Communis hæc eſt Reſponſio; verumtamen difficultate non caret, quam
 ſenſit Gerſonius Tractatu *De Vita Spirituali*, Lectione 14. Coroll. 14. *Cete-
 rum*, inquit, *dum aliquis ex ignorantia, quamquam culpabili, aut ex infir-*
mitate, & paſſione vitioſa, non tamen contumaci, facit aliquem alium, pro
quo eſt ſtatuta Sententia Excommunicationis late Sententiæ ab aliquo Præla-
to, videntur Jurifſæ, & Judices, ſi talis poſſet dici Excommunicatus ipſo
facto, cum ſemper ſit, & fuerit promptus ſtare correptioni Eccleſiæ ſuper ſuo
delicto, prout ſupponitur: quia non ex contemptu clavium, & Jurifſactionis Le-
cleſiaſticæ, ſed aliunde motus malum fecit. Non enim quælibet inobedientia
contumaciæ reputatur. Quid ergo (inquit Venerabilis ille Doctor) *operantur*
Excommunicationes late Sententiæ per Canones? Reſpondeo, ſicut accepi a præ-
ceptore meo (Petro de Alliaco, poſtea Romanæ Eccleſiæ Cardinali) Eas
tantumdem operari, ut abſque proceſſu alio judiciali, aut nona Conſtitutione poſ-
ſit Juxta ſtatim probato facto, vel conſeſſo ferre Juris Sententiam, & eandem
publicare: non ſic ubi Canones eſſent ſolum ferendæ Sententiæ, quoniam Moni-
tionibus, & proceſſibus ſecundum terminos Juris prærequirerentur multiplices. Ce-
terum incertus an Gerſonii, & Præceptoris ejus opinio hac in materia Sed-
i Apoſtolicæ probeatur, cujus eſt interpretari Canones pro ſumma ſua au-
thoritate in Eccleſia univerſa, in communi, quam præmiſi Reſponſione ſta-
re tutius exiſtimo. Trinam igitur Monitionem Jus non poſtulat niſi in Sen-
tentiæ Excommunicationis ab homine lata.

Monitiones autem ipſi delinquenti faciendas, cum aliquis nominatim ex-
 communicandus eſt, nec ſufficere, ut ſiant ad ejus domum, aut in loco pu-
 blico, verbi gratia, in Eccleſia, & frequenti Populi Chriſtiani conventu,
 quemadmodum fieri ſolet, cum in perſonam incertam ferenda excommuni-
 catio eſt: Juris Canonici Periti aſſerunt: quia contingere poſſet, ut alias
 Monitio ad rei notitiam minime perveniret. Si tamen ad ejus notitiam per-
 veniſſe conſtet legitimis documentis; aut illum per vim, & fraudem im-
 pediviſſe, ne perſonaliter moneretur, ſufficiet Monitio ad ejus domicilium
 facta; vel, ſi domicilium non habeat, in Eccleſia Matrice, vel Principali
 illius loci: vis enim, & dolus nemini prædeſſe debent: ideoque ille jam
 meri-

Gerſonii
 opinio de
 Excommu-
 nicatione
 late Senten-
 tiæ ipſo fa-
 cto incur-
 renda.

De Senten-
 tiæ Excom-
 municationis.

merito contumax censetur; ut colligitur ex cap. *Causam*, Extra. *De dolo*; & *contumacia*. Præterea, si semel facta fuerit personalis Admonitio, ceteræ ad ejus domum fieri possunt, secundum Romanæ Jurisprudentiæ præxim, seu Decisiones Rotæ, (ut vocant.) Idem est judicium, si nova Excommunicatione ferenda non sit, sed declarandum aliquem in Excommunicationem pridem a Jure, vel ab homine latam incidisse.

At veteri Juri derogavit Concilium Tridentinum, Sessione xxv. *De Reformatione*, cap. ixi. declarans, in causis criminalibus, ubi executio realis, vel personalis fieri non potest, Judicem hoc spiritali gladio in delinquentes uti posse; si tamen delicti qualitas, *precedente bina saltem Mōitione, etiam per edictum, id postulet*.

R E G U L A XXX.

Ut Excommunicationis Sententia nominatim in aliquem ab Ecclesiastico Judice feratur, non solum Monitio, sed & citatio juridica præmitti debet: alioqui irrita erit Sententia.

QUæ enim inaudita parte fertur Sententia, irrita est: cumque Judicium inter Judicem, & partes exerceatur, necesse est, ut pars in jus vocetur, noveritque, qua de re sit quæstio, & comparere possit, seque defendere; ut colligitur ex cap. *Inter quatuor*, Extra. *De Majoritate*, & *Obedientia*.

R E G U L A XXXI.

Sententia Excommunicationis ab Ecclesiastico Judice in scriptis ferri, causaque exprimi debet, ob quam fertur, & ejus transumptum Reo tradi intra mensem postulant: alioqui Judex ipso facto suspenditur: Sententia vero a Superiore relaxanda est.

HANC Regulam tradit *Innocentius IV.* cap. *Cum medicinalis*, in Sexto, *Quisquis* (inquit) „ excommunicat, Excommunicationem in scriptis „ proferat, & causam Excommunicationis expresse conscribat, propter quam „ Excommunicatio proferatur: exemplum vero hujusmodi scripturæ teneatur „ excommunicato tradere intra mensem, si fuerit requisitus, super qua „ requisitione fieri volumus publicum instrumentum, vel litteras testimoniales „ niales confici sigillo authentico consignatas. Si quis autem Judicum hujusmodi „ Constitutionis temerarius extiterit violator, per mensem unum „ ab ingressu Ecclesiæ, & Divinis Officiis noverit se suspensum. Superior „ vero ad quem recurritur, Sententiam ipsam sine difficultate relaxans, „ Latorem excommunicato ad expensas, & omne interesse condemnnet, & „ alias puniat animadversione condigna, ut poena docente discant Judices, „ quam grave sit Excommunicationum Sententias sine maturitate debita „ fulminare. Et hæceadem in Suspensionis, & Interdicti Sententiis volumus „ observari.

Ferri debet in scriptis.

De Sententia Excommunicationis.

R E G U L A XXXII.

Excommunicationem in aliquem nominatim latam Judex Ecclesiasticus denunciare tenetur.

HÆC Regula colligitur ex Can. *Cure*, Causa xi. qu. iiii. & cap. *Conqueristi*, Extra. *De Sententia Excommunicationis*. Et certe cum feratur Excommunicatio, ut ad Pœnitentiam adducatur peccator contumax, ad id maxi-

Excommunicatio denuncianda

maxime conducibilis est denunciatio. Majori enim pudore suffundetur, dum se a ceteris Fidelibus necessario vitandum intelligit: vitare autem non tenentur Excommunicatos nisi nominatim denunciati fuerint. Ad valorem tamen, & effectum Excommunicationis necessaria non est denunciatio, sed ad solemnitatem duntaxat pertinet.

R E G U L A XXXIII.

Excommunicatio in totam Communitatem, familiam, Civitatem, Provinciam aut Regnum, sive in Principem, & subditos simul ferri non potest.

Hanc Regulam tradidit Innocentius IV. cap. Romana Ecclesia, Tit. De Sententia Excommunicationis, in Sexto. In Universitatem (inquit) vel Collegium proferri Excommunicationis Sententiam penitus prohibemus: volentes animarum periculum vitare, quod exinde sequi posset, cum nonnunquam contingeret, innoxior hujusmodi Sententia irretiri: sed in illo duntaxat de Collegio, vel Universitate, quos culpabiles esse constituit, promulgetur.

In commu-
nitatem non
ferenda Ex-
communi-
catio.

Confirmatur hæc Regula S. Augustini testimonio Epist. ccl. alias lxxv. ad Auxilium Episcopum, qui Clasicianum cum tota ejus familia excommunicaverat: & refertur Can. Si habes, causa xxiv. quæst. III. Si habes (inquit) de hac re Sententiam, certis rationibus, vel Scripturarum testimoniis exploratam, nos quoque docere digneris, quomodo recte Anathematizetur pro patris peccato filius, aut pro mariti uxor, aut pro domini servus, aut quisquam in domo etiam nondum natus, si eodem tempore, quo universa domus est anathematizata, nascatur, nec ei possit per lavacrum regenerationis in mortis periculo subveniri. Neque enim hæc corporalis est pœna, qua legimus quosdam contemptores Dei cum suis omnibus, qui ejusdem impietatis participes non fuerant, pariter interfectos. Tunc quidem ad terrorem viventium mortalia corpora perimebantur, quandoque utique moritura. Spiritalis autem pœna, qua fit, quod scriptum est, Quæ ligaveritis in terra, erunt ligatæ & in cœlo, Animas obligat, de quibus dictum est: Anima patris mea est, & anima filii mea est, Anima, quæ peccaverit, ipsa morietur. Audisti fortasse aliquos magni nominis Sacerdotes cum domo sua quempiam anathemasse peccantium? Sed forte si essent interrogati, reperirentur idonei reddere inde rationem. Ego autem; quoniam si quis ex me quærat, utrum recte fiat, quid ei respondeam non invenio; numquam hoc facere ausus sum, cum de quorundam facinoribus immaniter adversus Ecclesiam perpetratis gravissime permoverer. Sed si tibi forte quoniam iuste fiat, Dominus revelavit, nequaquam juvenilem etatem tuam, & honoris ecclesiastici rudimenta contemno: en adsum, senex a juvene, & Episcopus tot annorum a Collega necdum anniculo paratus sum discere, quomodo, vel Deo, vel hominibus iustam possumus reddere rationem, si animas innocentes pro scelere alieno, ex quo non trahunt sicut ex Adam, in quo omnes peccaverunt, originale peccatum, spiritali supplicio puniamus. Etenim Clasiciani filius, etsi traxit ex parte primi hominis culpam sacro fonte Baptismatis expiandam; tamen quicquid postea quam genuit eum peccati pater ejus admisit, ubi participes ipse non fuit, ad eum non pertinere quis ambigat? Quid dicam de conjuge? Quid de tot animabus in universa familia? Unde si una anima per ipsam severitatem, qua tota domus ista anathematata est, sine baptismo de corpore excedendo perierit, innumerabilium mors corporum, si de Ecclesia homines innocentes violentè abstrahantur, & interficiantur, huic damno non potest comparari. Si ergo de hac re potes reddere rationem, utinam & nobis referendo præstes, ut possimus & Nos: si autem non potes, quid tibi est in consilia commotione animi facere, unde si fueris interrogatus, rectam responsionem non vales invenire?

Matth. 16.

Ezech. 18.

Eandem Regulam confirmat S. Thomas in III. Sententiarum, dist. xviii. quæst. ii. art. i. Quæstionc. ii. Excommunicari (inquit), non debet alius, quis nisi pro peccato mortali: peccatum autem in actu consistit: actus autem non est communis, sed singularium personarum, ut frequenter: & ideo singuli de communitate excommunicari possunt, non autem ipsa communitas: & si etiam quandoque actus sit totius alicujus multitudinis, (ut quando multi navim trahunt, quam nullus trahere posset) non tamen est probabile, quod aliqua communitas ita tota ad malum consentiat, quin aliqui sint dissidentes. Et quia non est Dei, qui judicat omnem terram, ut condemnet iustum cum impio (ut dicitur Gen. xviii.) ideo Ecclesia, quæ Judicium Dei imitari debet, satis provide statuit, ut tota communitas non excommunicetur; ne collectis zizaniis simul eradicetur & triticum.

An vero Excommunicatio in Universitatem lata sit irrita ipso Jure, dubium est, Juris Canonici Consultis in varias Sententias abeuntibus. Injustum esse, non tamen nullam si ab Ordinario lata sit, secus si a Delegato, plerique consent: ita tamen ut liget singulos dumtaxat de Universitate doli capaces: alii irritam pronuntiant, scilicet Hostiensis, Joannes Mo-nachus, Archidiaconus, Joannes Andreas, &c. Videri potest Prosper Fagnanus in cap. Responso, Tit. De Sententia Excommunicationis.

R E G U L A XXXIV.

Ab Excommunicatione ferenda est abstinendum, cum timetur, ne peior fiat peccator in quem fertur, vel pax Ecclesie perturbetur.

Hanc Regulam tradit S. Augustinus, Serm. xvii. alias xxviii. ex Homiliis quinquaginta, cap. i. Quis (inquit), non contemnat ebrios, sitatis peccatum? Abundat tale peccatum, & contemnitur. Jam cor ebriosum perdidit sensum, non habet dolorem, quia nec salutem. Quando aliquid pungitur, & dolet, aut sanum est, aut est in illo spes aliqua sanitatis: quando autem tangitur, pungitur, vellicatur, nec dolet; pro mortuo habendum est, ac de corpore præcidendum. Sed aliquando nos parcimus, & non novimus nisi loqui: Excommunicare, de Ecclesia projicere pigri sumus. Aliquando enim timemus, ne ipso flagello peior fiat, qui cæditur.

Et Serm. iv. alias De Diversis xliv. cap. xxxii. Nomen (inquit), sit modo in Ecclesia malis hominibus, qui volunt perturbare Ecclesiam, ut tolerantur ad necessitatem ipsius pacis, ut admittantur, ut habeant Sacramenta communia? Et aliquando scitur, quia mali sunt, & convinci forte non possunt ut emendentur, & degradentur, ut excludantur, ut excommunicentur, non possunt convinci. Si insulterit aliquis, aliquando itur in disruptiones Ecclesiæ. Cogitur Gubernator Ecclesiæ tanquam dicere: Ecce ab ubertate terræ erit tibi, & a rore cæli: utere Sacramentis, tibi manducas judicium, tibi bibis judicium: Qui enim manducat, & bibit indigne, judicium sibi manducat, & bibit. Nosti, quia admitteris ex necessitate pacis Ecclesiæ, non habes in corde nisi perturbationes, & divisiones, &c.

Et Lib. De Fide, & Operibus, cap. v., Nos vero ad sanam doctrinam pertinere arbitramur ex utroque testimoniis vitam, sententiamque moderari, ut & canes in Ecclesia propter pacem Ecclesiæ toleremus, & canibus Sanctum, ubi pax Ecclesiæ tuta est, non demus. Cum ergo sive per negligentiam Præpositorum, sive per aliquam excusabilem necessitatem, sive per occultas obreptiones, invenimus in Ecclesia malos, quos Ecclesiastica Disciplina corrigere, aut coercere non possumus: tunc veniant in mentem, illæ

De Sententia Excommunicationis.

Ab ea ferenda quando abstinendum?

1. Cor. [xii].

Magna circumspicienda ferenda est.

Ab eis abstinendum
quando feri non potest sine labe
pacis, & unitatis.

„ ille de Scripturis similitudines, & divina oracula, vel certissima exempla,
„ quibus demonstratum, & prænunciatum est, malos in Ecclesia permixtos
„ bonis usque in finem sæculi, tempusque Judicii futuros, & nihil bonis in
„ unitate, ac participatione Sacramentorum, qui factis eorum non consen-
„ serint, obfuturos. Cum vero eis, per quos Ecclesia regitur, adest salva
„ pace Ecclesiæ potestas disciplinæ adversus improbos, aut nefarios exercen-
„ dæ, tunc rursus, ne fœcordia, segnitiaque dormianus, aliis aculeis præ-
„ ceptorum, quæ ad severitatem coercionis pertinent, excitandi sumus, ut
„ gressus nostros in via Domini ex utrisque testimoniis illo duce, atque ad-
„ jutore dirigentes, nec patientiæ nomine torpescamus, nec obtentu dili-
„ gentiæ lævianus.

Et Lib. III. *Contra Epistolam Parmeniani*, cap. II. *In hac velut angustia quæstio-
nis* (inquit) *non aliquid novum, aut insolitum dicam, sed quod saniam observat Ec-
clesiæ: ut cum quisque fratrum, id est, Christianorum intus in Ecclesiæ societate con-
sultorum, in aliquo tali peccato fuerit deprehensus, ut Anathematis dignus habea-
tur, fiat hoc, ubi periculum schismatis nullum est, atque id cum ea dilectione, de*

2. Thess. 5.

„ *qua ipse alibi præcipit dicens: Ut inimicum non eum existimetis, sed corripi-*
„ *te, ut fratrem: Non enim ad eradicandum, sed ad corrigendum. Quod si se non*
„ *agnoverit, neque penitendo correxerit, ipse foras exiet, & per propriam volunta-*
„ *tem ab Ecclesiæ Communione dirimetur. Nam & ipse Dominus cum servis volentibus*

Matth. 13.

„ *zizania colligere dixit, Sinite utraque crescere usque ad mettem: Præmisit cau-*
„ *sam dicens: Ne forte, cum vultis colligere zizania, eradicetis simul & triti-*
„ *cum. Ubi satis ostendit, cum metus iste non subest, sed omnino de frumentorum cer-*
„ *ta stabilitate certa securitas manet, id est, quando ita cuiusque crimen notum est, &*
„ *omnibus execrabile apparet, ut vel nullos prorsus, vel non tales habeat defensores,*
„ *per quos possit Schisma contingere; non dormiat severitas discipline, in qua tanto est*
„ *efficacior emendatio pravitatis, quanto diligentior conservatio charitatis. Tunc au-*
„ *tem hoc sine labe pacis, & unitatis, & sine lesione frumentorum fieri potest, cum*
„ *Congregationis Ecclesiæ multitudo ab eo crimine, quod anathematur, aliena est. Tunc*
„ *enim adjuvat Præpositum potius corripientem, quam criminisum resistentem: tunc*
„ *se ab ejus conjunctione salubriter continet, ut nec cibum quisquam cum eo sumat, non*
„ *rabie inimica, sed coercionis fraterna. Tunc etiam ille & timore percutitur, & pu-*
„ *dore sanatur, cum ab universa Ecclesia se anathematum videns, sociam turbam, cum*
„ *qua in delicto suo gaudeat, & bonis insultet, non potest invenire. Ad hoc enim & ipsi*

1. Cor. 5.

„ *Apostolus ait: Si quis frater nominatur. In eo quippe, quod ait, Si quis; nihil aliud*
„ *videtur significare voluisse nisi eum posse tali modo salubriter corrigi, qui inter dissimiles*
„ *peccat, id est, inter eos, quos peccatorum similium pesilentia non corrumpit. In eo*
„ *vero, quod ait, Nominatur, hoc nimirum intelligi voluit, parum esse, ut sit quis-*
„ *que talis, nisi etiam nominetur, id est, famosus appareat, ut possit omnibus dignif-*
„ *ima videri, quæ in eum fuerit Anathematis prolata Sententia. Ita enim, & salva*
„ *pace corrigitur, & non interfectorie percutitur, sed medicinaliter utitur. Propte-*
„ *rea & de illo dixit, quem tali medicina sanari voluerat, Satis huic est correptio,*
„ *quæ fit a multis. Neque enim potest esse salubris a multis correptio, nisi cum ille cor-*
„ *ripitur, qui non habet sociam multitudinem: cum vero idem morbus plurimos occupa-*
„ *verit, nihil aliud bonis restat, quam dolor, & gemitus, ut per illud signum, quod*
„ *Ezechielis sancto revelatur, illesse evadere ab illorum vastatione mereantur Mife-*
„ *ricorditer igitur corripiat homo, quod potest: quod autem non potest patenter ferat,*
„ *& dilectione gemat, atque lugeat, donec aut ille desuper emundet, & corrigit, aut*
„ *usque ad mettem diffuset eradicare zizania, & paleam ventilare: ut tamen securi*
„ *de salute sua bonæ spei Christiani inter desperatos, quos corrigere non valent, in uni-*
„ *tate versentur, auferant malum a se ipsis, id est, ut in ipsis non inveniantur, quod*
„ *in moribus aliorum displicet.*

Ex his colligitur, magna prudentia opus esse cum de Principibus, aut eorum Ministris excommunicandis deliberatur, nec facile in illos ferendam Sententiam, cum sociam multitudinem habere soleant, multosque suorum criminum defensores. Sane cum experientia compertum sit, Excommunicationes, vel Censuras Ecclesiasticas in Ministros Regios, præsertim ob conflictum jurisdictionis latas, plus contentionis, & turbationis parere quam ædificationis, ab iis abstinere Judices Ecclesiasticos in his, quæ ad eorum officium spectant, prudentiæ, & charitatis leges postulant, & ad Regem recurrere, cuius officium est Ecclesiam tueri, ejusque Jurisdictionem sanctam rectam præstare.

R E G U L A XXXV.

Cum necessitas cogit Prælatos ad Excommunicationem ferendam, eam severitatem servata hominum dilectione exercere debent.

Hanc Regulam tradit S. Augustinus, Lib. III. *Contra Epistolam Parmeniani*, cap. I. *Quisquis* (inquit) „contempserit Ecclesiæ Dei Discipulam, ut „malos cum quibus non peccat, & quibus non faver, desistat monere, corrigere, arguere, & si talem gerit personam, & pax Ecclesiæ patitur, etiam a Sacramentorum participatione separare, non alieno malo peccat, sed suo. Ipsa quippe in tanta re negligentia grave malum est: & ideo sicut Apostolus monet, si auferat malum a se ipso, non solum auferet audaciam committendi, aut pestilentiam consentiendi; sed etiam pigritiam corrigendi, & negligentiam vindicandi, adhibita prudentia, & obedientia in eo, quod præcipit Dominus, ne frumenta lædantur. Ea quippe intentio quisquis inter triticum zizania toleraverit, auferendo a se ipso malum, non eis communicat: & ea distinguit, ac judicat interim addiem; non enim novit, quid cras futurum sit: & ideo dilectione servata, non sine spe correctionis vindicandum est, quicquid etiam cogit necessaria severitas vindicari. Quod ut satis appareat, totum ipsum Epistolæ Apostolicæ locum diligentius pertractemus. *Quid vultis*, inquit? *In virga, veniam ad vos, an in charitate, & spiritu mansuetudinis?* Jam hic apparet, eum loqui de vindicta, ad cujus significationem virgam nominavit. Numquid tamen & virga sine charitate est, quia ita contextuit, *In virga veniam ad vos, an in charitate?* Sed quod sequitur, *Spiritu mansuetudinis*: admonet intelligi, quia & virga charitatem habet. Sed aliud est charitas severitatis, aliud charitas mansuetudinis. Una quidem charitas est sed diversa in diversis operatur.... Cum ergo ad talem vindictam necessitas cogit, humilitas lugentium debet impetrare misericordiam, quam repellit superbia sævientium, nec illius ipsius, qui de medio fratrum tollitur debet negligi salus; sed ita agendum est, ut ei talis vindicta sit utilis; & agendum voto, & precibus, si corrigi oburgationibus non potest.

De Sententia Excommunicationis.

Severitas exercenda servata hominum dilectione.

1. Cor. 4.

R E G U L A XXXVI.

Excommunicatio prorsus injusta, nullatenus timenda est in foro interiori, & coram Divino Tribunali: in foro autem exteriori non semper tenenda est.

Hanc Regulam probant, quæ Articulo 11. istius Capituli, §. VI. dicta sunt, ubi explicuimus, *Quibus de causis nulla, & irrita, vel injusta Censura sit*: necnon ea, quæ hoc ipso Articulo, Regula XXII. protulimus; quibus addendum est S. Augustini testimonium, Epist. LXXVIII. alias CXXXVII. *Quid enim* (inquit) *obest homini, quod ex illa Tabula non vult*

Scilicet ex Tabula Ecclesiæ.

cum

Iniusta penitus Excommunicatione non ligatur excommunicatus coram Deo.

De Sententia Excommunicationis.

eum recitari humana ignorantia, si de libro vivorum non eum delet iniqua conscientia? Item Can. *Illud*, causa xi. quæst. iiii. qui S. *Augustino* etiam tribuitur, habeturque apud *Anselmum Lucensem* Lib. xii. cap. lxxvi. *Illud plane* (inquit), non temere dixerim, quod si quisquam Fidelium fuerit anathematus iniuste, ei potius oberit, qui faciet, quam qui hanc patietur injuriam. Spiritus enim Sanctus habitans in Sanctis, per quem quisque ligatur, aut solvitur, immeritam nulli penam ingerit: per Eum quippe diffunditur charitas in cordibus nostris, quæ non agit perperam.

Idem confirmat S. *Augustinus*, Lib. *De Vera Religione*, cap. vi. Sæpe etiam finit divina providentia, per nonnullas nimium turbulentas carnalium hominum seditiones expelli de Congregatione Christiana etiam bonos viros. Quam contumeliam, vel injuriam suam cum patientissime pro Ecclesiæ pace tulerint, neque ulla novitates vel hæresis, vel schismatis moliti fuerint, docebunt homines, quam vero affectu, & quanta sinceritate charitatis Deo serviendum sit. Talium ergo virorum propositum est, aut sedatis remeare turbinibus; aut si id non sinantur, vel eadem tempestate perseverante, vel ne suo reditu talis, aut sævior oriatur, tenent voluntatem consulendi etiam eis ipsis quorum motibus, perturbationibusque cesserunt, sine ulla conventiculorum segregatione usque ad mortem defendentes, & testimonio juvantes eam fidem, quam in Ecclesia Catholica prædicari sciunt. Hos coronat in occulto Pater, in occulto videns. Rarum hoc videtur genus, sed tamen exempla non desunt: imo plura sunt quam credi potest.

Idem confirmatur ex Can. *Cui est illata*, causa xi. quæst. iiii. qui est Gelasii I., Cui est illata Sententia, deponat errorem, & vacua est: sed si iniusta est, tanto eam curare non debet, quanto apud Deum, & Ecclesiam ejus neminem potest iniqua gravare Sententia. Ita ergo ea se non absolvi desideret, qua se nullatenus perspicit obligatum.

Eadem Regula confirmatur ex *Gerfonio*, in Tractatu *De Sententia Excommunicationis*, asserente. Aliquas Sententias Pastoris non esse tenendas, imo nec timendas, dum sunt iniustæ: & hoc in multis casibus: primo, si Sententia lata sit post Appellationem legitimam, ut notavit Innocentius III. in Epistola ad Archiepiscopum Senonensem. Secundo, si contineat intolerabilem errorem, ut notavit idem. Et hoc multipliciter potest evenire, cum nullus Pastor vivens in terris, imo nec Papa sit impeccabilis, quando possit abuti sui potestate; cum circumdatus sit infirmitate, ut dicitur ad Hebræos. Unus casus est, si sententiet expresse, vel etiam implicite contra Fidem, & Scripturam Sacram. Alter, si sententiet in præjudicium veritatis, vitæ, & justitiæ: ut si volens rapere sponsam alterius, ferat in contrahentes Sententiam Excommunicationis. Aliter, si sententiet in præjudicium justæ libertatis: ut si volens usurpare Civitatem unius Principis, ferat Sententiam Excommunicationis in nolentes eam sibi tradere; & ita de multis similibus, ut si excommunicare velit illos, qui suo Regi, & suis Edictis rationabilibus obediunt. Notavit hæc Innocentius ubi prius: & habetur fundamentaliter ex infallibili lege divina, & naturali. Addit, S. *Gregorium* non dixisse quod Sententia Pastoris sit tenenda, sive iusta, sive iniusta sit, sed quod sit timenda. At Longe aliud est dicere, quod Sententia aliqua sit timenda, & quod sit tenenda: quia tyrannica iniquitas etiam timeri potest, sed teneri non debet, imo contemni.

Ceterum cum Sententia excommunicationis non est notorie iniusta, & a Superiore legitime lata est, absit, ut subditus Superioris sui iudicium temere, ac super.

Superbe reprehendat, palamque contemnat; sed vereri debet, ne forsan peccatum adeo terribilem alia culpa sua, quam non intelligit, mereatur. Is verus est S. Gregorii sensus Homilia vigesima sexta in Evangelia. Sub magno, inquit, moderamine Pastores Ecclesiae vel solvere studeant, vel ligare. Sed utrum iuste, an injuste obliget Pastor, Pastor tamen sententia gregi timenda est: ne is, qui subest, & cum injuste forsitan ligatur, ipsam obligationis suae sententiam ex alia culpa mereatur. Pastor ergo vel absolvere indiscrete timeat, vel ligare. Is autem, qui sub manu Pastoris est, ligari timeat vel injuste: nec Pastoris sui iudicium temere apprehendat; ne etsi injuste ligatus est, ex ipsa tumidae reprehensionis superbia culpa, quae non erat, fiat.

De Excommunicationis Sententia.

R E G U L A XXXVII.

Injusta Excommunicatio ligat in foro exteriori, cum ab habente Jurisdictionem lata est, nisi contineat errorem non ferendum, & ex se manifestum; vel Appellatio ad Superiorem Iudicem interjecta sit ante Sententiam latam.

Hanc Regulam tradit S. Raymundus Libro III. §. xxxiii. Tribus (inquit) modis dicitur Sententia iusta, vel injusta, scilicet ex animo, ex causa, & ex ordine. Ex animo, cum ex zelo iustitiae, aut ex odio, vel indignatione fertur. Ex causa, cum subest in veritate certa, & efficiens causa, vel non subest. Ex ordine, cum servatur, vel praetermittitur ordo Juris: & notantur isti tres modi *Causa xi. qu. 111. Can. Si Episcopus*. Teneas ergo circa Sententiam Excommunicationis indubitanter, quod si sit injusta ex animo, si sit ex causa, si sit ex ordine; si sit ex animo, causa, & ordine simul, tenet, & ligat quantum ad Ecclesiam militantem: dum tamen sit lata ab illo Iudice, qui habebat super hoc canonicam Jurisdictionem: quod probatur aperte, *Causa xi. qu. 111. Can. Si Episcopus*. Fallit in duobus casibus; unus est, quando est lata post Appellationem legitimam: alius quando continet intolerabilem errorem: in quibus casibus ad probationem eorum, etiam si Absolutionem non petant, debent admitti; sed, donec de ipsis constiterit, in aliis evitari: quamquam tales Sedes Apostolica consueverit absolvere ad cautelam: verum in aliis, nisi gratiam Absolutionis implorent, non debent audiri, ne Sententiam Ecclesiasticam contemnere videantur, *Extra. De Sententia Excommunicationis, cap. Per tuas*.

Quando iusta excommunicatio in foro exteriori liget?

Excommunicato autem injuste est consulendum, ut sustineat Excommunicationem patienter, humiliter, ac devote, & praesentet se Excommunicatori, offerens canonicam satisfactionem, si in aliquo offenderit, & sic instanter postulet absolvi. Si ita fecerit, erit ei ad meritum; alias si contemneret, peccaret mortaliter. *Extra, eod. cap. Per tuas. Item* Potest proponere querimoniam contra Excommunicatorem coram Superiore de injusta Excommunicatione.

Idem docet iisdem pene verbis S. Antoninus, III. P. Tit. xxiv. cap. lxxiv. additque ex Petro de Palude, quod Quando Sapientibus notum est Sententiam esse nullam, quamvis apud vulgus nesciatur, potest homo non servare eam in occulto: sed in publico debet eam servare, quousque scandalum rationabiliter sedaverit: ut sicut aliquis publice excommunicatur, & publice denunciatur, ita ex adverso ipse publice proferat causam, quare Sententia non valet, puta Appellationem, vel alias injustam causam: quo facto, non est amplius scandalum puffillorum, sed Phariseorum; & ideo est contemnendum.

Denique Sacra Congregatio Concilii Tridentini Interpres rogata, an Ex-

communicationes latæ ab Episcopo non servata forma in Concilio Tridentino Sess. xxv. cap. iiii. De Reformatione præscripta, sint ipso Jure nullæ, respondit, hæc validas, & excommunicatum indigere Absolutione, ut refert Prosper Fagnanus in cap. Saero. De Sententia Excommunicationis. Et hæc Responsio consona est Innocentii III. Decretali, cap. xxviii. De Sententia Excommunicationis dicenti, contingere posse, *Ut qui liber est apud Deum, Ecclesiastica sit innodatus Sententia.*

R E G U L A XXXVIII.

Ab Excommunicatione majori lata a Jure, nec reservata, quilibet Sacerdos ad audiendas Confessiones legitime approbatus absolvere potest: ab ea vero, quæ lata est ab homine, ille solus absolvere potest, qui tulit, vel ejus Superior.

Vide, quæ Artic. i. Quæstionis hujus, §. viii. dicta sunt: quibus addendus est insignis S. Thomæ locus in iv. Sentent. dist. xviii. qu. ii. art. v. Quæstioncula i. ubi compendio explicat plurima, quæ hoc argumentum spectant, & Absolutionem a casibus reservatis, de qua superius scripsimus. A minori (inquit) Excommunicatione quilibet potest absolvere, qui potest absolvere a peccato participationis. Si autem est Major, aut est lata a Judice, & sic ille, qui tulit, vel ejus Superior potest absolvere: vel lata a Jure; & tunc Episcopus, vel etiam Sacerdos, potest absolvere; exceptis sex casibus, quos sibi Juris Conditor (scilicet Papa) reservavit: primus est, cum aliquis iniicit manus in Clericum, vel Religiosum: secundus est de illo, qui incendit Ecclesiam, & est denunciatus: tertius de illo, qui frangit Ecclesiam, & denunciatus est: quartus de illo, qui in Divinis scienter communicat excommunicatis nominatim a Papa: quintus de illo, qui falsat litteras Apostolicæ Sedis: sextus de illo, qui excommunicatis in crimine communicat: non enim debet absolvi nisi ab eo, qui excommunicavit (etiamsi non sit ejus subditus) nisi propter difficultatem accedendi ad ipsum absolveretur ab Episcopo, vel a proprio Sacerdote, præstita juratoria cautione, quod pareret Mandato illius Judicis, qui Sententiam tulit.

„ A primo autem casu octo excipiuntur: primus est in articulo mortis,
„ in quo a qualibet Excommunicatione potest quis a quolibet Sacerdote ab-
„ solvi: secundus, si sit Oltiarius alicujus Potentis, & non ex odio, vel
„ proposito percussit: tertius, si percutiens sit mulier: quartus, si sit ser-
„vus, & dominus læderetur de ejus absentia, qui non est in culpa: quin-
„tus, si Regularis Regularem, nisi sit enormis excessus: sextus, si sit pau-
„per: septimus, si sit impubes, vel senex, vel valetudinarius: octavus, si
„ habeat inimicitias capitales.

„ Sunt autem alii casus septem, in quibus percutiens Clericam Excom-
„ municationem non incurrit: primus, si causa disciplinæ, (ut Magister,
„ vel Præbatus) percussit: secundus, si iocosa levitate: tertius, si inve-
„ nerit eum turpiter agentem cum uxore, vel matre, sorore, vel filia:
„ quartus, si statim vim vi repellat: quintus, si ignoret eam esse Clericam:
„ sextus, si inveniat eum in apostasia post trinam admonitionem: septimus,
„ si transfert se Clericus ad actum penitus contrarium, ut si fiat Miles, vel
„ ad bigamiam transeat.

R E G U L A XXXIX.

Qui dubitat, utrum in Excommunicationem incurrit, Absolutionem ad cautelam postulet. Absolutio autem postulanti non negetur, oppositione quacunque non obstante, nisi Actor ob manifestum crimen excommunicatum fuisse obijciat: tunc enim octodierum intervallum ad probationem concedendum est, interimque Absolutio differenda. Si crimen probatum fuerit, Absolutio non tribuatur, nisi satisfecerit Excommunicatus, vel se Juri paritutum prestitio vadimonio promiserit, si dubia fuerit offensa.

Absolutio ad cautelam.

Hanc Regulam tradit Innocentius IV. in Concilio Lugdunensi, & habetur cap. Solet, Tit. De Sententia Excommunicationis, in Sexto. „ Statuimus (inquit) observandum, ut petenti Absolutio non negetur, quamvis in hoc Excommunicator, vel Adversarius se opponat: nisi eum excommunicatum pro manifesta dicat offensa. In quo casu terminus octo dierum indulgebatur sic dicenti, ut si probaverit, quod opponit, non recusetur Sententia, nisi prius sufficiens praestetur emenda: vel competens cautio de parendo Juri, si offensa dubia proponatur.

De Absolutione ab Excommunicatione.

Idem probatur ex cap. Ex parte, Extra. De Verborum significatione, ubi Innocentius III. distinguendum ait: Utrum in aliquem Interdicti vel Excommunicationis Sententia sit prolata pro contumacia tantum: quia scilicet citatus stare noluit Juri: vel etiam pro offensa, quia videlicet iussus noluit maleficium emendare. In primo casu, posse relaxari Sententiam respondet, Si prius sufficiens standi juri cautio tribuatur. In secundo vero. Si offensa est manifesta, non esse relaxandam Sententiam, nisi prius sufficiens praestetur emenda. Si vero dubia est offensa, sufficere ad relaxandum eandem, sive ad Absolutionem concedendam, Si parendi Mandato Ecclesiae competens cautio praebatur. Quid vero nomine offensa manifestae intelligi debeat, idem Pontifex explicat cap. sequenti, Cum olim, his verbis: Offensam illam Nos rescribimus intelligere manifestam, quae vel per confessionem, vel probationem legitime notata fuerit; aut evidentia rei, quae nulla possit tergiversatione celari.

R E G U L A XL.

Absolutio ab Excommunicatione peti non debet, neque concedi potest omisso medio, nisi consuetudo contrarium induxerit.

Hanc Regulam tradit Innocentius IV. cap. Romana Ecclesia, Tit. De Sententia Excommunicationis, in Sexto. Interdicti (inquit) Suspensionis, vel Excommunicationis Sententias latis ab Officialibus Archidiaconorum, seu quibuslibet aliis Jurisdictionem habentibus, Suffraganeorum Remensis Ecclesiae subditis, Remensis Archiepiscopus, & ejus Officiales, (omisso ipsi Excommunicatoribus) non relaxent: salva contraria super hoc consuetudine, si quam habent.

Idem constat ex cap. Venerabilibus, 7. sub eodem Tit. in Sexto: Rotomagensi Archiepiscopo, vel ejus Officiali non licet excommunicatis ab Archidiaconis, vel aliis subditis Suffraganeorum ipsius Archiepiscopi, (cum nec excommunicantium, nec excommunicatorum sint Iudices) Absolutionis beneficium impertiri: excommunicatos autem ab ipsis Suffraganeis, vel eorum Officialibus possunt absolvere, si ab ipsis litigantibus ad eos fuerit provocatum. Metropolitanus itaque non potest absolvere subditos suorum Suffraganeorum a Censuris, quas iidem Episcopi, vel eorum Officiales tulere, nisi in casu Appellationis, aut Visitationis Provinciae.

De Absolutione ab Excommunicatione.

R E G U L A XLI.

Judex Superior, ad quem Excommunicationis causa delata est, si justam illam esse perpexerit, excommunicatum ad inferiorem primumque Judicem remittere debet absolvendum, nisi is Absolutionis beneficium injuria negaret, aut dolo differret. Si vero Excommunicationem, injustam esse Superior cognoverit, excommunicatum absolvere sine cunctatione debet. Si dubitetur, utrum justa sit, vel injusta, Absolutionem concedere poterit: quamvis honestius, & convenientius absolvendum remittat ad eum, qui Censuram tulit.

De Absolu-
tione ab Ex-
communica-
tione.

HÆc Regula traditur ab Innocentio IV. cap. *Venerabilibus*, 7. Tit. *De Sententia Excommunicationis*, in Sexto. „ Sane (inquit) si certum est Excommunicationis Sententiam esse justam, velut cum propter manifestum excessum est in aliquem promulgata, Superior Judex (nisi periculum sit in mora) excommunicatum ad Excommunicatorem prorsus remittere debet, nec debet eum absolvere, nisi Excommunicator requisitus malitiose illi Absolutionis Beneficium denegerit exhibere. Si vero constet, hujusmodi Sententiam esse injustam, nequaquam remittendus est ad suum Excommunicatorem, excommunicatus: sed debet sine difficultate aliqua mox absolvi. Quod si dubitetur utrum justa sit, vel injusta, Superior (nisi Excommunicatori deferat) relaxare juxta formam Ecclesiæ potest illam, quamquam honestius, & convenientius agat, si ei deferat in hoc casu.

R E G U L A XLII.

Cum cognitio causæ Superiori competit, Absolutio ab eo data, quamvis injuste in foro Ecclesiæ rata est.

ITa declarat Innoc. IV. cap. *Venerabilibus*, mox laudato: *Ubi autem* (inquit) Superiori competit de Excommunicatione cognoscere, Absolutio, seu relaxatio, quam ipse fecerit, tenet, licet forsitan sit injusta: quoniam etsi contra jus litigatoris, non tamen contra jus Constitutionis absolvit.

R E G U L A XLIII.

Excommunicatus ob plures causas, sive ab uno, sive a pluribus Judicibus, non est absolvendus, nisi pro utraque causa satisfaciatur: Absolutio vero, quæ alterutra causa tacita, aut alias suppressa veritate, & per subreptionem impetratur, nulla, & irrita est.

De Absolu-
tione ab ex-
communi-
catione.

Hanc Regulam tradit Innocentius III. cap. *Cum pro causâ*, Extra. *De Sententia Excommunicationis*, cujus hæc sunt verba: „ Discretionem vestræ mandamus, quatenus si vobis constiterit, dictum Archidiaconum ob duplicem causam excommunicatum fuisse, & expressisse tantum alteram in litteris, quas super Absolutione sua impetravit: ipsum tanquam excommunicatum satisfacere Ecclesiæ suæ pro altera, Monitione præmissa, cogatis.

„ Et cap. *Officii*, sub eodem Titulo: Postremo quævisisti, utrum is, qui propter plures excessus a pluribus Prælatibus jus in ipsum habentibus, Excommunicationis est vinculo innodatus, & uni Prælatorum de uno tantum satisfacere vult excessu, ab eo sit absolvendus, de quo satisfacere vult eidem, & cum de alio non satisfecerit aliis, absolutus valeat nunciari.... Super hoc articulo respondemus: Quod supprimenti veritatem Absolutio subrepta non prodest: & veritatem intelligens Absolutionem hujusmodi exhibere non debet.

Eadem

Eadem Regula confirmatur cap. *Ex parte tua*, Extra. *De Officio Judicis Ordinarii*, quod *Alexandri III.* Rescriptum est ad Cantuariensē Archiepiscopum: *Quia* (inquit) *Nos consulere voluisti, utrum illorum Absolutio teneat, qui (occultatis excessibus, pro quibus excommunicati fuerant) Absolutionis Beneficium per Sedem Apostolicam meruerunt, sue Excommunicationis causam aliam prætendentes: taliter respondemus. Quod si tibi ita constiterit, debes eos Ecclesiastica Censura compellere cum litteris tuis rei veritatem continentibus ad Sedem Apostolicam redire. Si vero id tibi non constiterit, & eos suspectos habueris, quod confessi non fuerint veritatem: ipsos compellere debes exinde coram te, quod veritatem confessi fuerint purgationem præstare.*

Idem confirmat *S. Thomas*, in *iv. Sentent. dist. xviii. qu. ii. art. v. Quæstiunc. iiii.* Excommunicationes (inquit) non habent connexionem in aliquo, & ideo possibile est, quod aliquis ab una absolvatur, & in altera remaneat. Sed circa hoc sciendum est, quod aliquis quandoque est excommunicatus pluribus Excommunicationibus ab uno Iudice, & tunc quando absolvitur ab una, intelligitur ab omnibus absolvi, nisi contrarium exprimitur; vel nisi in casu, quo quis Absolutionem impetrat ex una tantum causa Excommunicationis, cum pro pluribus excommunicatus sit: quandoque autem est excommunicatus a diversis Iudicibus; & tunc absolutus ab una Excommunicatione, non propter hoc est absolutus ab altera; nisi omnes alii ad petitionem ejus Excommunicationem ipsius confirmaverint; vel nisi omnes uni demandent Absolutionem.

R E G U L A XLIV.

Qui vi, aut metu Absolutionem ab Excommunicatione extorserit, duplicis Excommunicationis vinculo constringetur.

Hanc Regulam tradit *Gregorius X.* in Concilio Generali Lugdunensi, & refertur cap. unico, *De his, quæ vi, metusve causa sunt*, in *Sexto*. Absolutionis (inquit) beneficium ab Excommunicationis Sententia, vel quamcumque revocationem ipsius, aut Suspensionis, seu etiam Interdicti, per vim, vel metum extortam, præsentis Constitutionis auctoritate omnino viribus vacuamus. Ne autem sine vindicta violentiæ crescat audacia: eos, qui Absolutionem, seu revocationem hujusmodi vi, vel metu extorserint, Excommunicationis Sententiæ decernimus subiacere.

R E G U L A XLV.

Ab Excommunicatione iuste lata peccatorem in contumacia perseverantem interdum Prælati prudenter absolvet.

Ita docet *S. Thomas*, in *iv. Sententiarum, Dist. xviii. qu. ii. art. v. Quæstiuncula ii.* ad secundum: *Manente*, (inquit) *contumacia, potest aliquis discretè Excommunicationem iuste latam remittere; si videat salutem illius expedire, in cuius Medicinam Excommunicatio lata est.*

C A P U T III.

D E S U S P E N S I O N E .

A R T I C U L U S I .

Quid, & quotuplex sit Suspendio?

De Suspendio.

Suspendio est Censura quedam Ecclesiastica, qua Minister Ecclesiæ impeditur, ne functiones Ecclesiasticas exerceat, aut aliqua Potestate Ecclesiastica utatur. Est autem genus quoddam Suspensionis, quæ non per modum Censuræ, sed tantum per modum pœnæ imponitur; cujus frequens est in Jure mentio, scilicet cap. *Tam litteris*. Extra, *De Testibus*, & cap. *Cum in cunctis*, §. ultimo, Tit. *De Electione*, in Sexto, & Clementina 1. §. penult. *De Hereticis*, & Clementina 11. *De Pœnis*. Quotiescumque enim Suspendio infligitur solum ad plectendum delictum præteritum, non ad frangendam, ac domandam contumaciam præsentem, rationem Censuræ non habet, sed pœnæ. Illud autem inter utrumque genus Suspensionis discrimen interceat, quod illa, quæ mere pœna est, ad certum tempus infligitur: quæ vero Censura est, non fertur ad certum tempus, sed tamdiu durat, quamdiu perseverat contumacia. Prima cessat elapso temporis, quo definita est, intervallo, absque alia Abiolutione: altera sola absolutione tollitur. Prima nullam Monitionem præviam requirit, quam necessario postulat secunda, saltem illam, quæ includitur in illa conditione, *Si hoc feceris*; vel *Nisi satisfeceris*: Est autem Suspendio Censura quædam Clericorum propria: nam Excommunicatio, & Interdictum non solum Clericos, sed etiam Laicos ligare possunt: at Suspendio ipsos tantum Clericos attingere potest: nec enim ulli ejus Ordinibus, vel Officiis, cujus est pœnitentia expers, administratio vetari, & interdici potest.

Quotuplex suspendio?

Suspendio alia est *A Jure*, alia *Ab homine*: a Jure, cum quis ob simulationem, vel ob aliud delictum, ipso Jure ab executione sui Ordinis, vel Officii prohibetur: ab homine, cum quis Judicis Sententia ab eadem executione ex causa removetur.

Clericus suspendus ab Ordine fit irregularis, si functiones Ordinis exerceat.

Suspendio rursus alia est *Ab Officio tantum*; alia *A Beneficio duntaxat*; tertia *Ab Officio simul, ac Beneficio*. Alia rursus integra, & totalis est, alia partialis: partialis est Suspendio ab Ordine, vel a Jurisdictione: integra, & totalis est Suspendio ab Ordine, & Jurisdictione simul: *Qui enim suspendus est ab Ordine tantum, non potest ea, quæ sunt Ordinis, sed potest ea, quæ sunt Jurisdictionis*: & e converso, *si sit suspendus a Jurisdictione, & non ab Ordine: si autem ab utroque, tunc neutrum potest*; (inquit S. Thomas, in iv. *Sententiarum*, Dist. xviii. qu. 11. art. 11. Quæstionculæ 111.)

Suspendio ab Officio absolute lata privat omnium Ordinis, & Jurisdictionis, omnibusque functionibus Muneris Ecclesiastici, quantum persona capax est. Quamobrem, si divinis se ingererit manente Suspensione, fit Irregularis, ut declarat Innocentius IV. cap. *Cum medicinalis*, Tit. *De Sententia Excommunicationis*, in Sexto: *Caveant autem* (inquit) *Ecclesiarum Prelati, & Judices universi, ne prædictam pœnam Suspensionis incurrant: quoniam si contingeret eos sic Suspendos Divina Officia exequi sicut pœnis*. Irregularitatem non effugient juxta Canonicas Sæditiones, super qua nonnulli per summum Pontificem poterit dispensari. Ut tamen Irregularitatem contrahat, qui ab Officio suspen-

suspensus est, requiritur, ut actum exerceat alicujus Ordinis proprium tanquam Minister.

Ea autem Suspensionis ab Officio vis est, ut absolute suspensus, absque loci determinatione, ubique suspensus censendus sit, ita ut nec in aliena Diocesi sacras functiones obire possit: sicut excommunicatus a suo Episcopo, ubique a Communionem excluditur. Quod vero durationem spectat, si Suspensio proferatur absque temporis limitatione, semper durat, donec auferatur ab habente potestatem. Perpetua tamen minime censenda est, nisi causa peremptoria Sententia finita sit, delictumque adeo grave, ut Suspensionem perpetuam mereatur. At in dubio censenda est temporalis, & ad Judicis prudens arbitrium duratura, quia (secundum Regulam Juris XLIX. in Sexto.) *In paenis benignior est interpretatio facienda.*

De Suspensione.

ARTICULUS II.

Regule circa Suspensionem.

REGULA I.

Suspensus ab Officio, consequenter ab Ordinum susceptione prohibetur.

Suspensus enim ab inferiori Ordine, consequenter suspensus est ab usu superiorum Ordinum, si ad illos promotus est, vel ab eorum susceptione, si non est promotus. Cum itaque suspensus ab Officio prohibeatur ab usu superiorum Ordinum, ita ab eorum susceptione arceri censendus est.

REGULA II.

Suspensus ab Ordine, consequenter suspensus est ab usu Jurisdictionis, cum Ordinis functione connexo.

Quamobrem Confessiones audire, & Sacramentaliter absolvere non potest.

REGULA III.

Qui a Jurisdictione suspensus, actum aliquem Jurisdictionis nihilominus exercet, non fit irregularis.

Irregularitas enim non imponitur nisi ob violationem Suspensionis ab Ordine: nullam vero poenam Jus decernit contra eos, qui Suspensionem a Jurisdictione violaverint, sed eam relinquit arbitrio Judicis.

REGULA IV.

Suspensus a Beneficio, solis Beneficii fructibus privatur: & tamen ad omnes Officii partes implendas obligatur.

Distinguitur enim Beneficium ab Officio, propter quod institutum, & collatum est; adeoque Suspendio a Beneficio nullos Officii sacri actus prohibet, sed solum percipiendi fructus impedit, ne in actum prodeat; siue ne Clericus Jure Beneficii utatur ad fructus percipiendos. Nec tamen obligationem tollit implendi omnes partes Officii, propter quod sacrae militiae stipendium Clerico collatum est: quod stipendium culpa sua non percipit: commodum porro ex culpa reportare non debet; nec Censura, quae poena Ecclesiastica est, tollit onus, in eorum praesertim detrimentum, qui Beneficia fundaverunt, aut Christianae plebis, quae sacra Ministeria suo Jure a Clericis expectat, & postulat.

De Suspensione.

R E G U L A V.

A Beneficio simpliciter, & absolute Suspendus, censendus est suspendus ab omnibus Beneficiis.

LOcutio enim indefinita hac in materia, sicut & in aliis, æquivalet universalis, nisi sensus ejus restringatur expressis verbis ad certa duntaxat Beneficia, verbi gratia, ad illa, quæ in tali Ecclesia quis possidet: quæ restrictio habetur cap. *Cupientes*, & cap. *Si compromissarius*, Tit. *De Electione*, in Sexto.

R E G U L A VI.

Episcopus Clericum sibi subditum suspendere potest a Beneficiis, quæ in alia Diœcesi obtinet.

CENSURA enim fertur in personam, cui Jus inhæret cujuslibet Beneficii, quamvis Jus illud sit ad fructus percipiendos in alio territorio, vel Episcopatu: at persona Clerici Episcopo domicilii subdita est. Idque confirmatur ex cap. *Postulasti*, Extra. *De Foro competenti*: cujus hæc sunt verba: *Postulasti per Sedem Apostolicam edoceri, utrum Sacerdos habens Ecclesiam in una Diœcesi, & residens in eadem, domicilium vero patrimonii ratione in alia, ibi delinquens, ab eo, in cujus Diœcesi habet patrimonium, pro delicto ibidem commissio debeat judicari: præsertim in causis, quæ Officii sui, seu Beneficii privationem exposcunt. Ad quod breviter respondemus, Quod per Episcopum, in cujus Diœcesi deliquit, Sententia promulgari poterit in eundem: sed ab eo, in cujus Diœcesi Beneficium obtinet, erit quoad illud executio facienda.* Sed quamvis hæc de Potestate Episcopi vera sint: in usu tamen Sententiam Suspensionis ab Episcopo prolatam, nisi amplius declaretur, ita intelligendam esse vult *Panormitanus*, ut suspendat solum a Beneficiis in sua Diœcesi sitis: nam odia, & pœnæ restringendæ sunt, quoad commode fieri potest.

R E G U L A VII.

Suspenso a Beneficio simplex, & absoluta novi Beneficii impetrationem, & collationem prohibet.

CUI enim aliqua functione, vel usu interdictum est, eidem interclusus censendus est aditus ad id, quod est principium talis functionis, vel usus, ut colligitur ex cap. *Si celebrat*, Extra. *De Clerico excommunicato ministrante*. Et confirmatur ex cap. *Per Inquisitionem*, Extra. *De Electione*, quo jubetur, ut qui malæ Episcopi electioni fuerat suffragatus, atque ita se Beneficiis Ecclesiasticis indignum reddiderat, alio Beneficio privetur, ad quod ipse postea electus fuerat. Hæc autem indignitas, (ut notat Glossa) in eo præcipue posita erat, quod malæ illius Electionis ratione suspendus fuerat a Beneficiis, juxta cap. *Cum in cunctis*, eodem Titulo. Collatio tamen Beneficii facta Clerico, qui a Beneficio simpliciter suspendus est, non est ipso Jure irrita, sed a Superiore potest irrita declarari, ut colligitur ex cap. *Si celebrat*, mox laudato.

R E G U L A VIII.

Suspensus a Beneficio, fructibus omnibus Beneficii, cujuscumque sint rationis, seu redditus annui, seu decimæ, primitiæ, oblationes: quin etiam quotidianis distributionibus privatur.

AD illa enim omnia jus tribuit Beneficium: & quamvis quotidianæ distributiones propter præsentiam, vel ministerium aliquod in Divinis Officiis dentur; illa tamen præsentia, vel ministerium sufficiens ratio non esset, distributiones illas obtinendi, nisi jus ex Beneficii titulo derivaretur. Sunt ergo distributiones illæ velut pars quædam Beneficii: quoniam obrem Suspendio a Beneficio ab his etiam distributionibus obtinendis impedit: non autem a fortuitis oblationibus sive extraordinariis stipendiis, & elemosynis, quæ per se Beneficio non sunt annexæ, sed ob Missæ celebrationem, aut aliud Ministerium Ecclesiasticum Beneficio non annexum, Sacerdotibus vitæ conferunt Fideles.

De Suspensione.

R E G U L A IX.

Qui a Beneficio suspensus, fructus illius nihilominus percipit, lethaliter peccat, & ad restitutionem tenetur, etiamsi Suspendio sit occulta.

QUÏ enim rem alienam usurpat, peccat contra justitiam, & ad restitutionem tenetur; quia nemo potest juste retinere, quod suum non est: qui autem suspensus est a Beneficio, fructus suos non facit; adeoque rem alienam usurpat, cum illos percipit: graviter itaque peccat, & ad illorum restitutionem obligatur. Nec refert, quod occulta sit Suspendio, quia suum nihilominus consequitur effectum, prohibetque, ne sic suspensus fructuum dominium acquirat. Nec vero contrarium colligi potest ex Constitutione *Ad evitanda*, tum quia ibi solum de communicatione agitur, non de fructuum perceptione; tum etiam quia homini Censura victo nullum beneficium vel privilegium per illam concessum est.

R E G U L A X.

Suspensio ab Ordine Beneficium conferri valide, ac juxta potest.

NON est enim incapax obtinendi Beneficii, cum aliud sit Suspendio a Beneficio, & Suspendio ab Officio. Unde *Honorius III. cap. Vel non est compos*, Extra. *De tempore Ordinationum*, suspendit puerum tredecim annorum usque ad legitimam ætatem; & tamen præcipit, ut ei Beneficium Ecclesiasticum competens conferatur.

R E G U L A XI.

Prælati ab Ordine suspensi, nihilominus Beneficia conferre possunt, ad quorum collationem jus habet.

Beneficiorum enim collatio nullius Ordinis, sed solius Jurisdictionis actus est. Ob eandem rationem ferre potest Excommunicationem, aliasque Censuras Ecclesiasticas, & ab illis absolvere: & Canonicam illam Absolutionem tribuens non fit Irregularis, nisi id præstet tanquam Sacerdos, & cum solemnitate, quam præscribunt cap. *A nobis*, secundum, Extra. *De Sententia Excommunicationis*, & Ritualia.

R E G U L A XII.

Episcopus ab Ordinum collatione suspensus, ipsos conferendo fit Irregularis.

Epis copatus enim Ordo sacer est, cujus præcipuus actus est consecratio Sacerdotum, & Ministrorum Ecclesiæ: itaque Sensusio ab Ordinum collatione est vere, & proprie Censura Ecclesiastica, quippe quæ privat Episcopum præcipua sui Ordinis functione. Quamobrem si Ordines conferat, sive Majores, sive Minores, sicque tamquam Minister functionem Ordinis Episcopalis exerceat, Irregularis efficitur, juxta cap. *Cum æterni*, tit. *De Sent. & Re judicata*, in Sexto, & cap. *Cum medicinalis*, tit. *De Sententia Excommun.* ibidem.

R E G U L A XIII.

Episcopi, iisque Superiores, nunquam incurrunt in Suspensionem, vel interdictum ipso Jure, nisi de illis expressa mentio fiat.

Hanc Regulam tradit Innoc. IV. in Conc. Lugdunensi, & habetur cap. *Quia periculosum*, tit. *De Sententia Excommunicat.* in Sexto. Quia (inquit) periculosum est Episcopis, & eorum Superioribus, propter executionem Pontificalis Officii, quod frequenter incumbit, ut in aliquo casu Interdicti, vel Suspensionis incurrant Sententiam ipso facto: nos deliberatione provida duximus statuendum, ut Episcopi, & alii Superiores Prælati, nullius Constitutionis occasione, Sententiæ, sive Mandati, prædictam incurrant Sententiam ullatenus ipso Jure: nisi in ipsis de Episcopis expressa mentio habeatur. Quo privilegio gaudent etiam Episcopi electi, & confirmati, quamvis nondum consecrati: siquidem actus Jurisdictionis exercere possunt. Favores enim convenit ampliari, & Privilegia præsertim a Principe concessa, ut habent Regulæ Juris.

De Suspensione.

R E G U L A XIV.

Sensusio generatim lata in Clericos, non minus Regulares quam Sæculares Clericos complectitur.

Nomen enim, & Officia Clerici Regularibus, & Sæcularibus Clericis communia sunt. Unde quæ de vita, & honestate Clericorum in sacris Canonibus sunt sancita, & quæcumque Conciliorum, aut Summorum Pontificum Decretis prohibita sunt velut Ordini Clericali indecentia, non minus Regulares Clericos spectant, obligantque, quam Sæculares. Si ergo Constitutio aliqua, vel Mandatum Clericis aliquid jubeat, vel prohibeat sub pœna Suspensionis, in eam incurrere pariter censendi sunt Regulares, & Sæculares Clerici, nisi materia Legis, Constitutionis, aut Mandati ad Sæculares tantum pertineat: vel potestati ferentis Constitutionem, aut Mandatum, v. g. particularis Episcopi, Regulares non subiaceant ob Exemptiones, & Privilegia.

R E G U L A XV.

Sensusio in Communiatem, seu Capitulum, aut Conventum jure ferri potest.

Hæc Regula ex Ecclesiæ usu perspicua est, & confirmatur, cap. *Quia sæpe*, tit. *De Electione*, in Sexto, quod contra Capitula, Conventus, & Col-

& Collegia, & singulares eorumdem personas editum est, quæ Cathedralibus, & Regularibus, ac Collegiatis Ecclesiis vacantibus, bona a Prælatibus dimissa, vel vacationis tempore obvenientia, quæ in utilitatem dictarum Ecclesiarum expendi, vel futuris Successoribus reservari debuissent, occupabant, inter se dividebant, surripiebant, dilapidabant, dissipabant. Decernit autem Pontifex, *Ut hi, qui præmissa de cætero præsumpserint, (nempe Capitula ipsa, Conventus, Collegia, & singulares eorumdem personæ) eo ipso sint, & tamdiu maneant ab Officio, & Beneficiis quibuscumque suspensi, donec plene restituerint quicquid de bonis perceperint supradictis.*

Idem rursus confirmatur ex cap. *Si ad Episcopum*, tit. *Ne sedē vacante aliquid innovetur*, in Sexto. *Si (inquit) ad Episcopum, & Capitulum communiter pertineat collatio Præbendarum: mortuo Episcopo, vel a Beneficiorum collatione suspensio, poterit Capitulum vacantes conferre Præbendas: etiamsi Episcopus interesse habeat in collatione huiusmodi, ut Prælatus. Idem poterit Episcopus, si Capitulum ab ipsa collatione suspendi contingat, vel singulariter omnes de Capitulo majoris Excommunicationis vinculo innodari.*

Denique idem confirmatur ex Concil. Tridentino sess. xxiv. *De Reformatione*, cap. xvi. ubi Capitulum quod Sede vacante non constituit Oeconomum, & Vicarium Generalem tempore, & modo ibi præscriptis facultate constituendi eos Ministros privatur, quod est ab eo Munere pro hac vice suspendi: jusque deputationis hujus ad Metropolitanum devolvitur: vel, si Ecclesia Metropolitana fuerit, ad antiquiorem Episcopum ex Suffraganeis; si vero Exempta, ad propinquiorem.

R E G U L A XVI.

Sine peccato proprio aliquis suspendi potest; non tamen sine causa.

ITa docet S. Thomas in iv. Sententiarum, dist. xviii. qu. ii. art. iii. quæst. ii. ad ii. *Suspensio (inquit) non tanta pœna est, quanta Excommunicatio; quia suspensi non fraudantur Ecclesiæ suffragiis sicut excommunicati: unde etiam aliquis sine peccato proprio suspenditur.* De Suspensione.

Idem confirmatur ex cap. *Requisivit*, Extra. *De Ordinatis ab Episcopo, qui renunciavit Episcopatu*, ubi qui ab huiusmodi Episcopo ignorans ordinatus est, ab executione Officii suspenditur, nisi prudens Pontifex cum eo dispensaverit. Et cap. *Vel non est compos*, Extra, *De Temporibus Ordinationum*. Puer tredecim annorum in Diaconum ordinatus ab executione Officii Diaconi ulque ad ætatem legitimam suspenditur *In injuriam Ordinantis*.

Quod autem obijci potest, Penam iuste non infligi sine culpa propria, falsum esse docet Regula Juris, hanc exceptionem apponens: *Nisi subsistat causa*. Cap. *Sine*, tit. *De Regulis Juris*, in Sexto: *Sine culpa, nisi subsistat causa, non est aliquis puniendus.*

R E G U L A XVII.

Suspensionem, quæ fertur ad frangendam contumaciam, præcedere canonica Monitio debet.

Nemo enim contumax est, & habetur, nisi monitus fuerit.

R E G U L A XVIII.

Suspensio, quæ fertur, ut pœna dumtaxat delicti præteriti, sine prævia Monitione infligi potest.

ID colligitur ex cap. *Tam litteris*, Extra . *De Testibus*, ubi Summus Pontifex Innoc. III. Archipresbyterum Lucanum, & Sacristam, qui Litteras contra Lucanum Episcopum electum sub nomine majoris partis Capituli ad ejus Sanctitatem falso scripserant, propter istud crimen ab Officio, & Beneficio suspendit, etiamsi Monitio nulla præmissa esset, neque ab homine, neque a Jure per Legem aliquam, quæ tale delictum sub pœna Suspensionis prohiberet.

R E G U L A XIX.

Fideles non tenentur vitare suspensum Clericum in iis, in quibus suspensus est, nisi sit denunciatus.

Hæc Regula colligitur ex Constitutione, *Ad vitanda*. Quamobrem Sacerdotem ab Officio suspensum & non denunciatum, inducere possunt absque mortali peccato ad celebrandum, ad Sacramentum Pœnitentiæ, vel Eucharistiæ administrandum, ad Sententiam in foro exteriori ferendam, ob necessitatem suam, vel commodum, si ratione Officii ad hæc Ministeria in eorum utilitatem obeunda teneatur. Possunt etiam suspensum a Beneficio participem facere fructuum ejusdem, si non sit nominatim denunciatus. At denunciatum in his vitare tenerentur; alioquin Claves Ecclesiæ contemnerent, & contra obedientiam Ecclesiæ debitam peccarent: & cum Clerico contumace, & suspensio ad peccatum mortale cooperari censerentur.

R E G U L A XX.

Suspensio in pœnam delicti præteriti ad certum tempus lata, elapso tempore ipso jure tollitur absque Absolutione.

Sublato enim impedimento, res per se ipsam redit ad pristinum statum; & qui non est impeditus, potest uti jure suo: at suspensus non privatur Officio, vel Beneficio suo, sed functionibus dumtaxat, utique impeditur: cum ergo hoc impedimentum cesset elapso tempore; Officium ut prius exercere, ac Beneficii fructus percipere potest, ut Juris Canonici Consulti observant.

R E G U L A XXI.

Suspensio ad certum tempus, vel etiam in perpetuum explicite lata, Superioris dispensatione, vel Absolutione tolli potest.

De Suspensione.

Manet enim semper potestas penes Superiorem solvendi subditum ab hac pœna, nondum licet elapso tempore, quo definita est: vel licet in perpetuum lata sit; cum a Depositione, & exauctoratione, sive degradatione differat.

R E G U L A XXII.

Suspensio a Jure lata in pœnam delicti, sive perpetua, sive ad certum tempus, ab Auctore tantum Canonis ante tempus elapsum solvi potest, si publica sit, & ad forum contentiosum delata.

Hujus enim pœnæ condonationem, sive Absolutionem tacite sibi reservasse censetur; a qua proinde nullus inferior potest absolvere secundum cap.

cap. *Nuper*, Extra. De *Sententia Excommun.* Atque ita sentiunt Juris Canonici Consulti cum Glossa in cap. *Cupientes*, §. *Ceterum*, tit. De *Electiōe*, in Sexto. Idque locum habet non solum in Suspensionibus latis ipso Jure, sed etiam ferendis secundum Jus. Verbigr. si lex in delicti alicujus reos triennalem Suspensionem decernat, (ut cap. *Cum inhibito*, Extra. De *Clandestina Desponsatione*;) non poterit Episcopus illam infligendo minuere, nec in illa inflicta dispensare: quia inferior Judex in Lege Superioris dispensare non potest, nec reum convictum a pœna Legis absolvere. Nam *Facti quæstio in arbitrio est judicantis*; pœna vero prosecutio non ejus voluntati mandatur, sed Legis auctoritati reservatur; (inquit Papinianus L. 1. Digest. Ad *Senatusconsult. Turpil.*) Idque confirmat S. Thomas 2. 2. qu. LXVII. art. IV. *Judex* (inquit) inferior non habet potestatem absolvendi reum a pœna contra Leges a Superiore sibi impostas. At vero si Jus Canonicum, sive Constitutio Pontificia decernit Suspensionem ferri in eum, qui tale delictum commisit, nulloque tempore illam definiat, nec perpetuam fore significet, integrum erit Judici eam ferenti ad certum tempus restringere, vel latam ante tempus elapsum remittere: quia tunc non in Lege Superioris dispensare, sed Sententiam suam temperare censetur.

R E G U L A XXIII.

Quamlibet Suspensionem ex delicto occulto proveniente, & ad forum contentiosum non delatam, Episcopi solvere possunt.

ITa declarat Conc. Tridentinum, sess. XXIV. De Reformatione, cap. VI. *Licet* (inquit) Episcopis in Irregularitatibus omnibus, & Suspensionibus, ex delicto occulto provenientibus, excepta ea, quæ oritur ex homicidio voluntario, & exceptis aliis deductis ad forum contentiosum, dispensare: & in quibuscumque casibus occultis, etiam Sedi Apostolicæ reservatis, delinquentes quoscunque sibi subditos, in Diocesi sua per seipsos, aut Vicarium ad id specialiter deputandum, in foro conscientie, gratis absolvere, imposita Pœnitentia salutari.

R E G U L A XXIV.

Suspensio quælibet a Jure lata ob contumaciam, nisi Summo Pontifici reservata sit, ab Episcopo, aut Prælato auctoritatem quasi Episcopalem habente solvi potest.

Hæc Regula colligitur ex cap. *Nuper*, Extra. De *Sent. Excommunicationis*, cujus hæc sunt verba: *Quia Conditor Canonis ejus Absolutionem sibi specialiter non retinuit, eo ipso concessisse videtur facultatem aliis relaxandi.* Quæ tamen de Excommunicatione sola dicta sint, a Juris tamen Canonici Consultis ad Suspensionem extenduntur, cum hoc discrimine, quod ab Excommunicatione a Jure lata quilibet Sacerdos ad Confessiones audientibus approbatus, a Suspensionem vero solus Episcopus, aut Vicarius ejus absolvere possit. Ratio discriminis est, quod Absolutio ab Excommunicatione multo magis sit ad salutem animæ necessaria: siquidem Excommunicatio participatione Sacramentorum, & communione suffragiorum privat: non vero Suspendio.

De Suspensione.

R E G U L A XXV.

Suspensionem ab homine latam solus ille per Absolutionem auferre potest, qui eam tulit.

A R T I C U L U S III.

Quæ Suspensiones ipso Jure latæ?

Suspensio-
nes a jure
latæ.

I. **A**B Ordinis suscepti executione suspenduntur, qui Sacrum Ordinem scientes susceperunt ab Episcopo, qui loco simul, & dignitati renunciavit. Si autem renunciationem hujusmodi ignoraverint, cum ipsis dispensari poterit ab Episcopo proprio, nisi ignorantia crassa fuerit supina. (cap. *Requisivit*, Extra. *De Ordinatis ab Episcopo, qui renunciavit Episcopatu.*)

II. Ab Ordinum executione suspenduntur ordinati ab Episcopo excommunicato, suspenso, vel interdicto, denunciato, ut colligitur ex cap. *Quod a Prædecessore*, & cap. *Fraternitati*, Extra, *De Schismaticis*. Idem est judicium de eo, qui ab Episcopo Simoniaci per Sententiam declarato est ordinatus. Can. *Si qui a Simoniacis*, causa 1. qu. 1. & cap. *Per tuas*, Extra, *De Simonia*.

III. Qui Ecclesiasticos Ordines in Excommunicatione positi scienter acceperunt. Quæ Suspendio Summo Pontifici reservata est. (cap. *Cum illorum*, Extra, *De Sententia Excommunic.*)

IV. Qui aliquem Ordinem simoniace susceperint. (cap. *Per tuas*, 37. Extra. *De Simonia*, & Extrav. *Cum detestabile*, Lib. v. Extravag. comm. tit. *De Simonia*.)

V. Qui per saltum ordinantur, idest, superiorem Ordinem inferiore prætermisso suscipiunt, ab Ordine sic suscepto sunt suspensi. Potest tamen Episcopus cum sic promotus dispensare ex legitima causa, si non ministraverint; modo prætermissum Ordinem prius susceperint. Cap. *Tue*, Extra, *De Clerico per saltum promoti*, & Concilii Tridentini sess. xxiii. *De Reformatione*, cap. xiv.

VI. Qui duos Ordines sacros una die, aut duobus diebus immediate consecutis susceperunt, ab Ordinis postremo suscepti executione: qui vero eodem ita contulerunt Episcopi, ab utriusque Ordinis collatione suspenduntur. (cap. *Litteras*, Extra, *De Temporibus Ordinationum*.)

VII. Qui majores Ordines ante legitimam ætatem, vel extra tempora ab Ecclesia constituta, vel sine litteris dimissoriis ab alieno Episcopo suscipiunt, Suspensionem mutantur Constitutione Pii II. quæ incipit, *Cum ex Sacrorum*, & altera Sixti V. quæ incipit, *Sanctum*, & *salutare*. Quam Suspensionem etsi Summo Pontifici reservaverit Sixtus V. ab ea tamen, si sit occulta, Episcopus absolvere potest, quia Clemens VIII. Constitutione, quæ incipit, *Romænum Pontificem*, Decretalem Sixti V. moderatus est, secundum Tridentini Concilii Decreta.

VIII. Qui sacros Ordines suscipiunt confecto Titulo patrimonii, vel Beneficii, atque ita fallunt Ordinem. Quamvis enim Conc. Tridentinum sess. xxi. cap. 11. statuatur, ut nemo ad Sacros Ordines promoveatur, nisi prius legitime constet, cum Beneficium Ecclesiasticum, quod sibi ad victum honeste sufficiat, pacifice possidere, vel aliunde habeat, unde vivere possit: Antiquorum Canonum pœna super his innovando; & Sacra Congregatio Tridentini Concilii Interpretes declaraverit, isto Concilii Decreto innovatam quidem esse pœnam cap. *Cum secundum*, Extra. *De Præbendis*, quæ mentem Episcopalem obligat ad alimenta præbenda sic ordinato, non autem pœnam

nam Suspensionis in Episcopum latam can. *Neminem*, & can. *Sanctorum* dist. lxx. Eadem tamen Sacra Congregatio die xxvii. Novembris mdcx. respondit, pœnam Suspensionis antiquis Canonibus latam, a Tridentino Concilio innovatam fuisse in Clericum, qui conficto Beneficii, aut patrimonii Titulo Ordinatore decepti.

IX. Suspenduntur Clerici, qui ante Ordinationem, vel cum Episcopo ordinante, vel cum Patrono ad Ordines præsentante paciscuntur, quod alimentum, aut provisionem ab iis non postulabunt. Ordinator item a collatione, Prælatorum vero ab executione Ordinum sunt suspensi: omnium absolutione, sive dispensatione Sedi Apostolicæ reservata. (cap. *Si quis ordinaverit*, Extra. *De Simonia*.)

X. Qui furtive, idest, inscio Episcopo, nec approbante, nec examinante, Ordines susceperunt; sive non vocati, aut non approbati inter Ordinandos irrepererunt, aut alium in sui locum, suoque nomine submiserunt examinari (cap. *Veniens*, cap. *Cum lator*, & cap. *Innotuit*, Extra, *De eo, qui furtive Ordinem suscepit*.)

Suspensiones a jure latæ.

XI. Qui vacante Episcopatu, & Beneficii Ecclesiastici recepti, vel recipiendi occasione non arctati, Sacros Ordines susceperint cum litteris dimissoriis a Capitulo *Infra annum vacationis* concessis. Suspensi sunt (inquam) ipso Jure sic ordinati ab executione Majorum Ordinum, ad beneplacitum Episcopi futuri. Capitulum vero *contraveniens Ecclesiastico subjacet Interdicto*. Qui autem Minores Ordines cum dimissoriis hujusmodi susceperunt, nulla Censura plectuntur, sed excidunt Privilegio Clericali, præsertim in criminalibus: Ita sanxit Conc. Tridentinum sess. vii. *De Reformatione*, cap. x. Quam pœnam eadem Sacra Synodus sess. xxi. *De Reformatione*, cap. x. ad illos extendit, *Qui easdem litteras non a Capitulo, sed ab aliis quibusvis in Jurisdictione Episcopi, loco Capituli, Sede vacante, succedentibus obtinerent. Concedentes autem dimissorias contra formam Decreti, ab Officio, & Beneficio per annum ipso jure sunt suspensi*. Quinam porro censendi sint arctati occasione Beneficii recepti, vel recipiendi, explicabitur in Tractatu *De Sacramento Ordinis*.

XII. Qui post Matrimonium contractum etiam non consummatum, exceptis casibus a Canone concessis, Ordinem Sacrum susceperit, ab Ordine sic suscepto ipso Jure suspensus est, nec ad superiores Ordines provehi, nec ad aliquod Beneficium, vel Officium Ecclesiasticum valer promoveri, ut declaravit Joannes XXII. Extrav. *Antiquæ*, tit. *De Voto*. Nisi forte solvatur Matrimonium Religiosa Professione canonice emissâ, quo casu Episcopus dispensare cum ipso poterit.

XIII. In Suspensionis pœnam incurrit Presbyter, qui Missam celebrat, & Christi Corpus, ac Sanguinem in ea non fuit. (Can. *Relatum*, dist. ii. *De Consecratione*.) Item qui Missam incompletam sine gravi causa dimittit. (Can. *Nullus Episcopus*, dist. i. *De Consecratione*.)

XIV. Ab ingressu Ecclesiæ sunt suspensi, quicumque in loco interdicto celebrant, aut celebrari jubent, donec ad arbitrium Episcopi satisfecerint. Item quicumque Clerici, etiam Regulares, & Exempti, admittunt ad Sacramenta, vel ad divina Officia, aut Ecclesiasticam Sepulturam publice excommunicatos, suspensos, vel interdictos. (Cap. *Episcoporum*, tit. *De Privilegiis*, in Sexto.)

XV. Qui manifestos Usurarios ad Communionem Eucharistiæ, vel ad Sepulturam Ecclesiasticam admittunt, vel recipiunt eorum oblationem. Hi (inquam) ipso jure ab Officio sunt suspensi, donec ad arbitrium Episcopi satisfecerint. (Cap. *Qui in omnibus*, Extra, *De Usuris*.)

XVI. Parochus, vel alius Sacerdos, sive Regularis, sive Sæcularis, etiam si id

id sibi ex privilegio, vel immemorabili consuetudine licere contendat, qui alterius Parochiæ Sponsos sine illorum Parochi licentia Matrimonio conjungere, aut benedicere ausus fuerit, ipso jure tamdiu suspensus manet, quamdiu ab Ordinario ejus Parochi, qui Matrimonio interesse debebat, seu a quo benedictio suscipienda erat, absolvatur. Ita statuit Sacra Synodus Tridentina sess. xxiv. *De Reformatione Matrimonii*, cap. i.

XVII. A Beneficiis suspenduntur ad triennium, quivis eligentes indignum ad Episcopatum, aut ad inferiora beneficia, quibus animarum cura annexa est. (Cap. *Cum in cunctis*, tit. *De Electione*, in Sexto.) Item qui per abusum sæcularis Potestatis contra canonicam libertatem, aliquem ad Ecclesiasticam Dignitatem eligere ausi fuerint, ab Officiis, & Beneficiis ad triennium suspensi sunt, & hac vice privantur eligendi potestate, adeoque facta ab illis electio irrita est. Qui vero electioni sic de se factæ consensit, ineligibilis, nec absque dispensatione ad aliquam eligi valet Dignitatem. (Cap. *Quisquis*, Extra. *De Electione*.)

Suspensio-
nes a jure
latæ.

XVIII. Qui Sede vacante Ecclesiæ Cathedralis, Collegiatæ, aut Regularis, occupant bona pertinentia ad Prælatum defunctum, vel ad Successorem, vel ad ipsam Sedem suspenduntur ab Officiis, & beneficiis, donec integre restituant. (Cap. *Quia sæpe*, tit. *De Electione*, in Sexto.) Similis Suspendio fertur in Clericos Episcopis inferiores, qui bona vacantium Ecclesiarum sibi subjectarum in suos usus convertunt. Episcopi autem id facientes, ab ingressu Ecclesiæ suspenduntur. (Cap. *Præfenti*, tit. *De Officio Ordinarii*, in Sexto.)

XIX. Episcopus conferens Ordines, aut Tonsuram extraneo absque proprio Episcopi licentia, aut etiam subdito in aliena Diocesi sine expressa licentia Ordinarii, suspensus est ipso jure a Pontificalibus: Clericus vero recipiens, est suspensus ab Ordine suscepto ad arbitrium proprii Episcopi (ex Conc. Tridentino sess. vi. *De Reformatione*, cap. v. & sess. xxiii. Cap. viii.)

XX. Episcopus ordinans Religiosum non professum, suspensus est per annum a collatione Ordinum quos ei contulit, ut sanxit S. Pius V. Clericos Societatis Jesu, qui in ea vota simplicia emisserunt, Gregorius XIII. exceptos voluit. Novitii sic ordinati suspensi sunt ab Ordinum executione.

XXI. Qui bigamum ad Ordines promovet, vel quemlibet invitum, a celebratione Missæ per annum suspenditur. (Can. *Nullus*, dist. lv. can. *Episcopus*, & can. *Gesta*, dist. lxxiv.) Qui vero sciens volens Sacerdotalem Ordinem confert indigno, seu suspensio ab illius Ordinis receptione, suspenditur a collatione Ordinis Sacerdotalis. (Can. *Si qui Episcopi*. Causa ii. qu. ii.)

XXII. Episcopus, qui Tonsuram Clericalem confert infanti, nondum scilicet septenni illiterato, idest, qui legere nesciat, & scribere, Doctrinæque Christianæ sit ignarus, vel conjugato, nisi volenti Religionem intrare secundum Canones; vel homini Diocesis alienæ absque sui Superioris licentia, per annum a collatione Clericalis Tonsuræ dumtaxat suspensus est. (Cap. *Nullus*, tit. *De Temporibus Ordinationum*, in Sexto.)

XXIII. Episcopus conferens Ordines simoniace, sive cum pacto, ut Ordinatus ab ipso non petat alimenta in defectu beneficii, aut Patrimonii, suspenditur per triennium a collatione Ordinum. (Cap. *Si quis ordinaverit*, Extra. *De Simonia*.)

XXIV. Episcopus, aut quivis alius Beneficiorum Collator, qui beneficii Relinquationem admittit contra formam Constitutionis S. Pii V. quæ incipit, *Quanta Ecclesiæ Dei*, estque inter ejus Diplomata LVIII. suspensus est a col-

a collatione, præsentatione, electione, confirmatione, institutione, donec a Romano Pontifice absolvatur.

XXV. Episcopus, aut Abbas, alienans bona Ecclesiarum, Monasteriorum, aut piorum locorum, sine Summi Pontificis licentia, suspensus est ab ingressu Ecclesiæ: si post sex menses non resipuerit, suspenditur ab Administratione temporalis, & spirituali suæ Ecclesiæ. Inferiores vero ejusdem criminis rei, excommunicati sunt ipso Jure. (Cap. *Ambitiosæ*, tit. *De rebus Ecclesiæ non alienandis*, in *Extravag. Comm.*) Ab Officio pariter, & administratione rerum temporalium commissæ sibi Ecclesiæ suspenduntur Episcopi, & alii Prælati, qui bona immobilia commissarum sibi Ecclesiarum Laicis subjiiciunt sine Capitali consensu, & speciali Sedis Apostolicæ facultate, exceptis casibus in Jure permissis. (Cap. *Hoc consultiſſimo*, tit. *De rebus Ecclesiæ non alienandis*, in *Sexto*.)

XXVI. Episcopus Monasteria Monialium absque necessitate ingressus, prima vice in Suspensionem incurrit ab ingressu Ecclesiæ: secunda vice suspenditur a divinis: tertia, Excommunicatione plectitur, ut sanxit *Gregorius XIII.* Constitutione, quæ incipit, *De Sacris*.

XXVII. Episcopus permittens publicos Fœneratores alienigenas conducere domos in sua Diocesi ad exercendum fœnus suspensus est ab Officio, & beneficio, donec illos expulerit, (Cap. *Usuras*, tit. *De Usuris*, in *Sexto*.)

XXVIII. Conventus, & Capitula, quæ directe, aut indirecte aliquid exigunt ob receptionem alicuius in Monasterium, sive ante, sive post illam, aliquid pretio æstimandum, seu pecunias, seu convivia, seu vasa argentea, ornamenta, aut quidvis aliud, etiam ad usum Ecclesiasticum, seu quemvis alium pium usum deputata, vel deputanda, suspenduntur ipso Jure ab Officio, & beneficiis, singulares vero personæ tam dantes, quam accipientes, in Excommunicationem incurrunt ipso facto, neque his Censuris extra mortis articulum solvi possunt, sine speciali Sedis Apostolicæ licentia. (Cap. *Sane*, tit. *De Simonia*, Lib. v. *Extravag. Commun.*)

XXIX. Superiores Ordinum Mendicantium, qui aliquem admittunt ad Professionem, nondum expleto Probationis anno, ipso Jure sunt suspensi. (Cap. *Non solum*, tit. *De Regularibus*, in *Sexto*.)

Suspensiones
a jure latæ.

XXX. Ab Ordine Religioso Apostata, qui Ordinem sacrum in Apostasiæ statu suscepit, ab illius Ordinis functionibus, & ab aliorum susceptione suspensus est, donec Summus Pontifex cum ipso dispensaverit; etiam si ad alium Ordinem absque necessaria licentia transierit, in eoque Sacrum Ordinem suscepit. (Cap. *Consultationi*, Extra. *De Apostatis*.)

XXXI. Ab Officiis, Administrationibus, & Beneficiis suspensis sunt ipso Jure Regulares defraudantes Ecclesias decimis eis debitis, vel eas usurpantes, nisi intra duos menses satisfaciant. Qui autem, nec Officia, nec Beneficia, nec Administrationes habent, Excommunicationis vinculo constringuntur. (Clement. 1. *De Decimis*.)

XXXII. Prælati Regulares, ad quos aliquid quovis modo pervenerit occasione certorum damnorum ab eorum subditis illatorum Ecclesiis, aut Personis Ecclesiasticis, nisi satisfactionem plenariam illis exhibuerint intra mensem, post quam id ab ipsis fuerit postulatum, Suspensionis Sententiam usque ad satisfactionem debitam eo ipso incurrunt. Damna autem illata hæc sunt: Prælati Ecclesiarum in suis Concionibus detrahere, aut etiam retrahere Laicos ab Ecclesiarum suarum frequentia, vel accessu: cum testamentorum confessionibus interfunt, a restitutionibus debitis, aut legatis Matricibus Ecclesiis faciendis retrahere testatores: legata, vel debita, aut male ablata incerta, sibi, aut aliis singularibus Ordinis sui Fratribus, vel Conventibus, ut in aliorum damnum fiant,

seu erogentur, procurare: a Casibus Sedi Apostolicæ, aut locorum Ordinariis reservatis quemquam absolvere: indilcretas, five falsas, & non concessas Indulgentias promulgare: Personas Ecclesiasticas, præsertim coram Judicibus a Sede Apostolica delegatis Jus suum prosequentes, vexare indebite, aut ad loca plura, & multum remota convenire. (Clementin. *Religiosi*, tit. *De Privilegiis, & excessibus Privilegiatorum*.)

XXXIII. Confessarii Regulares, qui Pœnitentibus apud eos peccata sua deponentibus non suaserint eos teneri ad solvendas decimas Rectoribus Parochiarum Ecclesiarum, suspenduntur ab Officio concionandi, donec eosdem Pœnitentes docuerint, quam primum opportunitate data ipsos ad id obligari, nec tanta conscientia decimas hujusmodi retinere, aut eorum solutionem recusare, vel differre possent. (Clement. *Cupientes*, tit. *De Pœnis*.)

XXXIV. Clerici concubinari, quorum crimen notorium est per Sententiam, seu per Confessionem factam in Jure, aut per evidentiam rei, quæ tergiversatione aliqua celari non possit, olim suspensi erant, non solum quoad se (quæ Suspendio mortale quodlibet peccatum sequitur) sed etiam quoad alios, itaut in divinis Officiis vitandis essent; ut habetur cap. *Quæstum*, Extra. *De Cohabitatione Clericorum, & Mulierum*.) Sed hæc Censura Jure novo sublata est, secundum, quod Clerici concubinari, quorum crimen notum est; & publicum, suspensum non sunt, nisi Suspensionis Sententia in eos, prævia monitione Canonica, ab Ecclesiastico Judice lata sit, nominatimque fuerint denunciati; ut colligitur ex Constitutione, *Ad vitanda*: & ex Conc. Tridentino sess. xxv. *De Reformatione*, cap. xiv. Primo namque prohibet sacra Synodus, ne Clerici concubinas, aut alias mulieres suspectas in domo, vel extra retineant; aut cum iis ullam consuetudinem habeant: alioquin penis a Jure, vel Statutis Ecclesiarum impositis puniantur. Secundo, ut si a Superioribus moniti, ab iis se non abstinerint, tertia parte fructuum, obventionum, ac proventuum Beneficiorum suorum quorumcumque, & Pensionum, ipso facto sint privati. Tertio, si in delicto eodem cum eadem, vel alia femina perseverantes, secundæ Monitioni adhuc non paruerint, a Beneficiorum administratione, quoad Ordinarius arbitrat, suspendantur. Quarto si ita suspensi, nihilominus eas non expellant, aut cum iis etiam versentur, tunc Beneficiis, Portionibus, ac Officiis, & Pensionibus quibuscumque Ecclesiasticis perpetuo priventur, atque inhábiles, & indigni quibuscumque honoribus, Dignitatibus, Beneficiis, ac Officiis in posterum reddantur, donec post manifestam vitæ emendationem, ab eorum Superioribus, cum iis ex causa visum fuerit dispensandum. Quinto, ut si intermissum consortium repetere, aut alias hujusmodi scandalosas mulieres sibi adjungere ausi fuerint, præter prædictas pœnas, Excommunicationis gladio plectantur. Sexto, ut Clerici Beneficia Ecclesiastica, aut Pensiones non habentes, juxta delicti, & contumaciæ perseverantiam, & qualitatem, & ab ipso Episcopo carceris pœna, Suspensione ab Ordine, ac inhábilitate ad Beneficia obtinenda, aliisve modis, juxta sacros Canones, puniantur. Postremo, ut Episcopi, si ab hujusmodi crimine (quod absit) non abstinerint; & a Synodo Provinciali admoniti, se non emendaverint; ipso facto sint suspensi. Ex quo Tridentinæ Synodi Decreto colligitur, Clericos concubenarios, quorum publicum, & notum crimen est, non esse ipso Jure suspensos: tum quia post secundam monitionem amittunt solum fructus, & ab administratione Beneficiorum arbitrio Ordinarii suspenduntur; & si postea non paruerint, Concilium præcipit, ut Beneficiis priventur, lata scilicet ab Episcopo, vel ejus Officiali Sententia: non sunt itaque ipso Jure suspensi a Beneficio; consequenter, nec ab Officio; quia suspensus ab Officio, si sit suspensus propter crimen grave, & sit in mora petendi Absolutionem, censetur

Suspensio-
nes a jure
latæ.

tur

tur etiam suspensus a Beneficio, ut Juris Canonici Periti colligunt cum Auctore Glossæ in Clementinam *Cupientes*, tit. *De Pœnis*: tum quia Clericos non beneficiatos, pro qualitate delicti, & contumaciæ, Concilium puniri præcipit ab Episcopo pœna Suspensionis ab Ordine: non sunt igitur ipso Jure suspensi.

XXXV. De Suspensione, in quam incurritur, asserendo Virginem Deiparam in peccato originali fuisse conceptam, sive in Concionibus, sive in Lectionibus, aut publicis Actibus; aut opinionem contrariam tenentibus notam hæresis, aut mortalis peccati inurendo, &c. videris quæ dicimus Lib. 111. hujus Operis, cap. 1. art. 1. n. XI.

C A P U T IV.

D E I N T E R D I C T O .

A R T I C U L U S I .

Quid, & quotuplex sit Interdictum? Et a quo hæc Censura ferri possit?

Interdictum est Censura Ecclesiastica, qua certis personis, locisve interdicitur, & prohibetur divinorum Officiorum celebratio publica, & Sacramentorum administratio, quæ ad nascentium, vel morientium salutem necessaria non sunt, & Ecclesiastica Sepultura.

Quid est Interdictum.

Ad hanc Censuram spectare videtur exemplum a S. Gregorio Turonensi relatum Lib. VIII. Historiæ Francorum, cap. 31. scilicet, cum Prætextatus Rotomagensis Episcopus in Ecclesia sua die Paschatis Sacris operans ab impiis trucidatus fuisset, Lendovaldus Episcopus Epistolas ad omnes Sacerdotes direxit, & accepto consilio Ecclesias Rotomagenses clausit, ut in his populus solemnia Divina non spectaret, donec indagatio communi reperiretur hujus auctor sceleris.

Hujus Censuræ vestigia quædam videre est in Conc. Triburiensi can. xxxi. & Cabilonensi 11. can. xxvi. Meminit ejusdem *Ademarus* S. Eparchii Engolismensis Monachus in Chronico ad annum nongentesimum nonagesimum-quartum de Alduino Lemovicensi Episcopo scribens: *Sæpe idem Alduinus pro nequitia Populi novam observantiam constituit, scilicet Ecclesias, & Monasteria cessare a divino cultu, & S. Sacrificio, & Populum quasi Paganum a divinis laudibus cessare: & hanc observantiam Excommunicationem censebat.* Ejusdem Censuræ sub Excommunicationis nomine meminerunt *Fulbertus* Carnotensis Episcopus Ep. 111. ad *Robertum* Regem Francorum, & Epist. xciii. ad eundem Regem, & Conc. Lemovicense anno mxxx. Ejusdem meminit sub proprio nomine *Interdicti, & Suspensionis a divino servitio*, Yvo Carnotensis Episcopus Ep. 111. l. lxii. cclxiv. & cclvi. Ante Yvonem vero *Interdicti* Censuram sæpius commemorat *Gregorius VII.* Lib. 1. Ep. lxxx. Lib. 11. Epist. v. & xxiii. & Lib. vii. Epist. xvi. & xvii. Perperam itaque, & imperite nonnulli scripserunt, ante *Alexandri III.* Pontificatum *Interdicti* memoriam nullam extare; unico argumento freti, quod *Interdicti* apud *Gratianum* nulla mentio fiat: huic siquidem argumento certissimis testimoniis facile præscribitur.

Interdictum aliud est *Locale*, aliud *Personale*. Locale directe fertur in loca, in quibus divinorum Officiorum celebratio, Sacramentorumque confessio, & administratio & Ecclesiastica Sepultura prohibentur. Personale immediate dirigitur ad personas, eisque interdicit certo quodam usu divinarum rerum; differtque ab altero quod certo loco non definiatur: personæ enim simpli-

Quotuplex interdictum.
Cap. Presenti. Cap. Si Sententia. Cap. Si Civitas. Tit. Decretum.

Sententia
Excom. in
Sexto.
Cap. Cum
in partibus,
Extra de
verb. signif.

De Interdi-
cto.

Interdicti
Ecclesiastici
effectus.

citer interdictæ prohibitus est certus rerum divinorum usus, ubicumque sit.

Utrumque dividitur in *generale*, & *speciale*. Generale locorum Interdictum est, non solum cum Regno, & Provinciæ, sed etiam cum Castro, & Villæ divinis interdicatur. Speciale est, cum inter plures Ecclesias paucæ, vel una interdicatur. Generale personarum Interdictum respicit corpus aliquod politicum plurium personarum collectivum, & personas singulas quatenus partes sunt talis communitatis, juxta cap. *Si Sententia*, tit. *De Sententia Excommunicat.* in Sexto. Particulare personarum Interdictum est, quod in determinatam, vel determinatas personas fertur. Interdictum rursum aliud est a Jure, aliud ab homine.

Effectus Interdicti ad tria capita revocantur, scilicet privationem activam, & passivam quorundam Sacramentorum, divinorum Officiorum, & Ecclesiasticæ Sepulturæ. Quæ omnia complectitur interdicto divinorum, quando sub hac forma fertur Interdictum, ut colligitur ex cap. *Ex Rescripto*, Extra. *De Jurejurando*, Baptismi tamen, & Confirmationis administratio, & susceptio tempore interdicti non sunt prohibita, ut constat ex cap. *Responso* 43. Extra. *De Sententia Excommunicat.* & cap. *Quoniam*, eodem tit. in Sexto. Concessa quoque est Interdicti tempore Chrismatis confessio in die Cœnæ Domini, quia necessarium est ad Baptismi, & Confirmationis administrationem, & veteri ante annum confecto uti nefas, cap. *Quoniam*, tit. *De Sententia Excommunicat.* in Sexto. Permissa est etiam administratio Sacramenti Pœnitentiæ, cap. *Alma mater*, tit. *De Sententia Excommunicat.* in Sexto. Item Eucharistiæ per modum Viatici, juxta *Innocent. III.* Decretum cap. *Quod in te*, Extra. *De Pœnitent. & Remissionibus*. Ab illorum tamen Sacramentorum administratione excluduntur, qui causam Interdicti directæ, vel indirecte dederunt, nisi necessitas urgeat, nec præsto sint alii Ministri.

Excluduntur etiam a Pœnitentiæ Sacramento tempore Interdicti Excommunicati, præterquam in mortis articulo: necnon illi, propter quorum culpam, dolum, vel fraudem lata est Sententia Interdicti; vel qui ad perpetrandum delictum, cujus occasione ipsum Interdictum latum est, præbuerunt auxilium, consilium, vel favorem: nisi de ipso delicto, (si sint tales, qui id facere valeant) prius satisfecerint, vel de satisfaciendo idoneam dederint cautionem: aut si satisfacere nequeunt, vel hujusmodi cautionem præstare juraverint, quod cum poterunt, satisfacient: & ad satisfactionem hujusmodi per eum, vel per eos, qui facere ipsam debent, & possunt, præstandam, dabunt consilium, & auxilium, ac pro virili laborabunt. (Cap. *Alma mater*, supra laudato.) Indulget *Bonifacius VIII.* eadem Constitutione, ut singulis diebus in Ecclesiis, & Monasteriis Missæ celebrentur, & alia dicantur divina Officia sicut prius, submissa tamen voce, januis clausis, excommunicatis, ac interdictis exclusis, & campanis etiam non pulsatis. In Festivitatibus vero Natalis Domini, Paschæ, ac Pentecostes, & Assumptionis Deiparæ Virginis Mariæ, campanæ pullentur, & januis apertis, alta voce divina Officia solemniter celebrentur, excommunicatis prorsus exclusis, sed Interdictis admisis. Corporis Christi Solemnitatem addidit *Martinus V.*

Interdictum locale privat Fideles Ecclesiastica Sepultura in tali dumtaxat loco: personale vero in quolibet loco. Clericis tamen, qui Interdictum servarunt, Ecclesiasticæ Sepulturæ honor conceditur, cap. *Quod in te*, Extra. *De Pœnitentiis, & Remissionibus*, ea lege, ut campanæ non pullentur, solemnitas omnis omittatur, & cum silentio eorum corpora terræ mandentur.

Interdi-

Interdictum personale speciale nonnisi propter gravem culpam ejus, qui divinis interdictitur, ferri potest: generale vero propter gravius, & commune delictum. Commune autem censetur quodammodo, cum Princeps, vel Rector Populi causam dedit Interdicto: culpa namque capitis quodammodo refunditur in corpus: sicut & poena corporis in caput redundat: vel cum delictum ipsum a Communitate procedit, v. g. a Capitulo, Collegio, Urbe, Republica, aut ab iis, qui Communitatem ipsam repræsentant, & nomine illius agunt: vel si majori ex parte talis delicti reæ sint illius Communitatis personæ, nec Princeps, Respublica, Gubernator, Prælatus illud prohibeant, vel peccantes coerceant, sed conniveant ipsis, vel faveant.

Localia etiam interdicta ob gravia dumtaxat delicta ferri possunt, quale est corporalis injuria Cardinali, vel Episcopo illata, ut habetur cap. *Felicitis*, tit. *De Pænis* in Sexto, & in Clementina I. *De Pænis*; vel Usurarium publicorum alienigenarum receptio in aliquam civitatem, aut locum, ad fœnus exercendum; ut habetur cap. *Usurarum*, tit. *De Usuris*, in Sexto.

Interdicti Sententiam ferre possunt Episcopi, illisque Superiores, & quicumque Prælati territorium habent, in quo Jurisdictionem contentiosam (ut ita loquar) exercent: Prælati vero Regulares, licet subditos suos Interdicto personali plectere possint ob grave delictum, vel contumaciam, non tamen interdictum locale ponere; quia Jus, & consuetudo id solis Episcopis vindicant. Qui autem Interdicti Sententiam ferre possunt, iidem possunt ab illa absolvere.

Interdicto affinis est cessatio a divinis, quam pro gravioribus Laicorum in Clericis injuriis Ecclesia introduxit: iidemque privat Beneficiis spiritualibus, quibus Interdictum, cum hoc tamen discrimine, quod tempore cessationis celebrans divina Officia, vel administrans Sacramenta, non incurrat in Irregularitatem, sicut ille, qui tempore interdicti sacras illas functiones exercet. De hoc vinculi, sive pænæ genere statuit cap. *Si Canonici*, tit. *De Officio Ordinarii*, in Sexto, ut absque publica, & authentica Monitione eorum, quorum interest, ad hujusmodi cessationem non veniant Canonici, qui id Juris sibi vindicant in aliquibus Ecclesiis ex consuetudine, vel alias, causamque cessationis exprimant, ac significant instrumento publico. Quod si hoc prætermisso cessaverint, vel causa, quam expresserint, non fuerit inventa canonica: omnia, quæ de quibuscumque proventibus illius Ecclesiæ, in qua cessatum a divinis fuerit, cessationis tempore perceperint, restituere tenebuntur: illa vero, quæ pro eodem tempore illis debentur, nullo modo percipient, sed ipsi Ecclesiæ cedere, ac ei, cujus occasione cessaverant, de damnis, & injuriis satisfacere cogentur.

Supereff, ut Regulars quasdam de Interdicto Ecclesiastico tradamus ad plementum hujus argumenti tractationem.

ARTICULUS II.

CONSECTARIA PRAXIM SPECTANTIA

Circa Interdictum.

REGULA I.

Interdictio loco principali, censetur interdictus accessorius, vicinus, & contiguus.

Hanc Regulam tradit Bonifacius VIII. Cap. *Si civitas* tit. *De Sentent. Excomm.* in Sexto. *Si Civitas* (inquit) *Castrum, aut Villa subiciantur* Nat. Alex. Theol. Tom. II. Ecclesia-

Localia Interdicta quibus de causis ferri possunt?

Qui ferre possunt Interdicti Sententiam?

Quid cessatio a Divinis & quomodo ab Interdicto differat?

De Interdicto.

Ecclesiastico Interdicto, illorum suburbia, & continentia ædificia eo ipso intelligi volumus interdicta. Nam licet prædicta videantur alias murorum ambitu terminari: hoc tamen casu, ne vitipendi valeat Sententia Interdicti (quod fieret, si posset in ipsorum suburiis, vel continentibus ædificiis licite celebrari ut prius) expedit interpretationem fieri latiore. Ratione quoque simili, si sit Ecclesia Interdicto subiecta, nec in Capella ejus celebrari, nec in Cæmeterio ipsius eidem Ecclesiæ contiguus poterit sepeliri: secus si ei contigua non existant.

R E G U L A II.

Si Sententia Interdicti lata sit in Populum, Clerus interdictus non censetur; nec interdicto Clero, Populus.

De Interdicto.

HÆc Regula traditur cap. Si Sententia, tit. De Sent. Excommun. in Sexto. Si Sententia, inquit, Interdicti proferatur in Clerum, non intelligitur, nisi aliud sit expressum in ea, interdictus Populus, nec etiam e converso. Unde uno interdicto ipsorum, alius licite admittitur ad divina.

R E G U L A III.

Interdicta Civitate, vel alio loco propter delictum Domini, Recloris, vel Prælati, cives non Interdicti extra ipsam divina Officia audire, Sacramenta percipere, & Ecclesiastica Sepultura mortui donari possunt.

HÆc Regula traditur eodem cap. Si Sententia, mox laudato: Ceterum (inquit) cum propter delictum Domini, vel Recloris est civitas interdicta, cives ejusdem, qui culpabiles non existunt (dummodo & ipsi propter Dominum, vel Reclorem puniendum in eis non fuerint interdicti) possunt extra ipsum licite interesse divinis.

R E G U L A IV.

Interdicta Communitate, & singuli de Communitate censentur Interdicti; ita ut alicubi divinis Officiis interesse, vel Ecclesiastica Sacramenta recipere non valeant.

Hanc Regulam eodem Capite expressam habemus. Cum vero alicujus terræ populus Interdicto innodatur, singulares ex eo personæ, quas interdictus esse constat, (ne Sententia effectu careat, cum divinarum auditio, & Sacramentorum perceptio populo ut universis non competant) non debent alicubi (casibus expressis a jure dumtaxat exceptis) audire divina, vel Ecclesiastica recipere Sacramenta.

R E G U L A V.

Clerici personali Interdicto ligati, si illud violaverint, sacra suorum Ordinum exercendo Ministeria sicut prius, in Irregularitatem incurrunt, etiamsi ab Interdicti Sententia appellaverint.

NItitur hæc Regula cap. Is cui. Tit. De Sent. Excom. in Sexto, cuius hæc sunt verba: Is, cui est Ecclesiæ interdictus impressus (cum sibi per consequens censeatur a ipsa divinarum celebratio interdicta) Irregularis efficitur, si contra Interdictum hujusmodi divinis in ea se ingerat, in suo agens Officio sicut prius. Tamen quoque si hoc Interdicto durante decedat, non debet in Ecclesia, vel Cæmeterio Ecclesiastico (nisi penituerit) sepeliri. Sane sicut

Excom-

Excommunicatio, sic ab Officio, vel ab ingressu Ecclesie lata Suspendio, aut ipsius effectus per Appellationem sequentem minime suspenduntur.

R E G U L A VI.

*In Excommunicationis Summo Pontifici reservatæ Censuram ipso facto incur-
runt, qui Ecclesiasticum Interdictum servari prohibent, aut moniti servare
pertinaciter renunt.*

ITa sanxit *Clemens V.* sacro approbante Conc. Viennensi, ut habetur in Clementina, *Gravis*; tit. *De Sententia Excommunic.* qua Excommunicationis Sententia innodatos declarat Dominos temporales, & alios quoslibet, *Qui locis Interdicto suppositis quemquam divinam celebrare Officia quomodolibet cogere: aut qui ad Officia eadem audienda aliquos Excommunicationis præsertim, vel Interdicti ligatos Sententia evocare: seu, qui excommunicati publice, aut interdicti de Ecclesiis, dum in ipsis Missarum aguntur solemnia, a celebrantibus moniti, ut exeant, prohibere: necnon excommunicatos publice, & Interdictos, qui in ipsis Ecclesiis nominatim a celebrantibus, ut exeant, moniti remanere præsumpsint.*

R E G U L A VII.

Interdictum a Religiosis quibuscumque, etiam Exemptis, servandum est, necnon cessationes a divinis, sub pœna Excommunicationis ipso facto incurrendæ.

ITa sanxit *Clemens V.* Clementina, *Ex Frequentibus*, tit. *De Sententia Excommun.* Prohibuitque, ne interdictum Ecclesiarum nervum Discipline infringant, sed illud religiose observent, *Cum Cathedrali, vel Matricem, sive Parochialem loci Ecclesiam, illud viderint, aut sciverint observare, non obstantibus quibuscumque Appellationibus antea etiam ad Sedem Apostolicam interdictis, cum moderatione tamen Decretalis, Alma.* Idemque præcipit observari in cessationibus generalibus a divinis civitatum, terrarum, & aliorum locorum, quas aliquando ex consuetudine Capitula, Collegia, vel Conventus Sæcularium, aut Regularium Ecclesiarum sibi vindicant ad repellendas injurias sibi factas. Nulla porro privilegia, statuta, conventiones nullas, vel consuetudines Religiosis ipsis contra Constitutionem istam suffragari declarat.

De Interdicto.
cro.

R E G U L A VIII.

Interdictum servare nemo tenetur, nisi sit expresse denuntiatum.

ITa quippe declaratum est a Conc. Basileensi, & Lateranensi, Constitutio-
ne, *Ad vitanda scandala*, quæ pactis inter *Leonem X. & Franciscum I.* Concordatis etiam inierta est.

R E G U L A IX.

Interdictum nisi servent illi, in quorum gratiam positum est, alii servare non tenentur.

SI enim perseveranter non servent, non merentur, ut Ecclesia alios in eorum gratiam a divinis prohibeat, ut colligitur ex cap. *Petisilis*, Extra. *De Privilegiis*, cujus hæc sunt verba: *Si præfati Hospitalarii, vel Templarii, Privilegiorum suorum fines exceßerint, violando temere Interdictum, quod pro eis fuerat promulgatum: ne videantur de aliorum actu ridere, vos in pœ-*

nam præsumptionis eorum, quandiu ipsi violaverint Interdictum, de nostra licentia celebretis.

R E G U L A X.

Laicus tempore Interdicti divinis interesse potest, sive ratione Privilegii, seu ob aliam causam legitimam.

TRes namque Casus vulgo proferuntur, in quibus id Laico licet. Primus est, cum Privilegium a Romano Pontifice ea de re obtinuit. Secundus, cum Laicus est de familia singularis alterius personæ, quæ privilegium habet, eamque comitatur. Tertius, cum Clericus indiget ministerio Laici, ut sacrum Officium modo sibi licito peragat. De secundo casu sic loquitur Bonifacius VIII. cap. *Licet*, tit. *De Privilegiis*, in Sexto. Cum (inquit) conceditur singulari personæ, ut tempore Interdicti celebrare valeat, vel audire divina: eius familiares domestici ad audiendum cum ea, & celebrandum sibi divinum Officium licite admittuntur. Non sic autem in familiaribus allicujus Conventus, seu Collegii est censendum: illi enim nisi privilegiati fuerint, admitti non debent. Hujusmodi quoque concessione gaudere non potest is, cujus causa, seu culpa, dolo, vel fraude, fuit Sententia Interdicti prolata, seu qui ad perpetrandum delictum, cujus occasione lata exitit, præbuit consilium, auxilium, vel favorem.

R E G U L A XI.

Interdicto generali personarum, non loci durante, infantes Ecclesiastica Sepultura non privantur.

De Interdicto.

Interdictum scilicet personale personas tantum doli capaces afficit: Censuris namque ligari non possunt infantes, qui nondum ad usum rationis pervenerunt: in loco autem Interdicto non possunt sepeliri, sicut nec adulti. Si autem durante Interdicto generali personarum ad usum rationis perveniant, Interdicto ligantur, statim atque ratione uti incipiunt. Idem esto judicium de eo, qui durante Interdicto sit membrum Communitatis interdictæ.

R E G U L A XII.

Interdictum generale loci propter temporale debitum Episcopi, vel Principis poni non potest, nisi de licentia specialis Sedis Apostolicæ, & per Litteras ejus Patentes expressa,

ITa sanxit Bonifacius VIII. cap. *Provide*, inter *Extravag. Comm.* tit. *De Sententia Excommunicat.*

R E G U L A XIII.

Quamvis terra interdicta alienetur, adhuc remanet Interdictum.

Interdictum enim locale est velut onus quoddam loci interdicti: cum autem res alienatur, ad alium transit cum suo onere, ut colligitur ex cap. *Ex litteris*, Extra. *De Pignoribus*, & cap. *Pastoralis*, Extra. *De Decimis*. Deinde hic modus tollendi Interdictum non est usu receptus quia ad Ecclesiasticam Censuram eludendam, & contemnendam aditum aperiret.

R E G U L A XIV.

Interdictum generale personarum tollitur destructa Communitate.

Destruitur enim subiectum, in quod per se primo latum erat: cum igitur *Destructis nobis, destruantur ea quæ sunt in nobis*, destructa Communitate, in quam generale Interdictum latum erat, cessat Interdictum ipsum in singulis hominibus, qui ad illam pertinebant, & jam illius esse membra desierunt, ipso corpore politico destructo.

Atque hinc etiam colligitur, istius generalis Interdicti vim ipso facto definire in qualibet illius Communitatis persona, cum illius membrum esse desinit, etiamsi tota Societas, Collegium, vel Capitulum interdicta maneat. Similiter interdicta Civitate, si quis domicilium mutet, Interdicto liberatur. Cum enim Civitatis, Capituli, Collegii, seu Societatis, a quibus separatur, Privilegiis non gaudeat, nec eorum oneribus premi debet. Excipiendus ille tamen est, qui causam Interdicti dedit: cum enim hæc Censura per se lata sit ad illius plectendam contumaciam, ab eoque in Communitatem redundet; haud æquum est, ut in contumacia perseverans poenam evadat cui Communitatem totam obstrinxit, quamvis ab ea separetur. Unde generale Personarum Interdictum Censuræ specialis vim habere respectu illius, propter cuius crimen latum est, Theologi docent.

R E G U L A XV.

Qui Pœnitentiæ signa moriens exhibuit, Ecclesiastica Sepultura non est donandus, nisi prius ab Interdicto fuerit absolutus.

EAdem enim est quoad hoc Excommunicationis & Interdicti ratio. Unde sicut Ecclesiasticæ Sepulturæ tradi vetat Canon eum, qui excommunicatus est, quamvis Pœnitens obierit, nisi fuerit Excommunicationis vinculo solutus; ita & Sacris interdictus, nisi hac censura solutus fuerit. Nec alius sensus est cap. *Is cui*, tit. *De Sent. Excommun.* in Sexto, cujus hæc sunt verba: *Talis quoque si hoc Interdicto durante decedat, non debet in Ecclesia, vel Cæmeterio Ecclesiastico, nisi pœnituerit, sepeliri.*

De interdicto.

R E G U L A XVI.

Interdictum latum ab homine ab eo dumtaxat auferri potest, qui Sententiam tulit, vel ab ejus Superiore post cognitionem causæ canonicam; vel ab eo, cui munus vinculum illud solvendi demandaverint.

R E G U L A XVII.

Interdictum locale a Jure latum, solius Episcopi, vel ejus, qui Episcopalis Auctoritatis particeps est, Absolutione tolli potest.

Solus namque Episcopus, vel qui Jurisdictionem Episcopalem participat, respectu loci ordinarius Judex est, Jurisdictionemque habet in foro contentioso, quæ ad interdictum illud relaxandum est omnino necessaria.

R E G U L A XVIII.

Interdictum generale personarum solus Episcopus tollere potest

Ille quippe solus respectu Communitatis ordinarius in foro Ecclesiastico externo Judex est. Neque enim fori interioris Jurisdictione in totam Communitatem potest exerceri, cum tota per se Communitas Sacramenti Pœnitentiæ capax non sit, sed personæ singulæ.

R E G U L A XIX.

A speciali personæ Interdictio a Jure lato absolvere potest quilibet Sacerdos audiendas Confessiones approbatus.

Quia enim Conditor Canonis ejus Absolutionem sibi specialiter non retinuit, eo ipso aliis concessisse videtur, (ut habetur cap. Nuper, Extra. De Sententia Excomm.)

R E G U L A XX.

Absolutio ab Interdictio iisdem legibus, quibus Absolutio ab Excommunicatione dari debet.

Id tamen observandum ex institutione Juris, ut a locali Interdictio Absolutio ad cautelam dari non valeat, ut habetur c. Præsenti, tit. De Sententia Excomm. in Sexto.

T R A C T A T U S

D E I N D U L G E N T I I S.

Quid Indulgentia.

Cum Ecclesiæ concessa sit a Christo ligandi potestas, & solvendi, non solum condignam Satisfactionem Pœnitentibus injungere, sed & pœnam temporalem eorum peccatis debitam moderari, & relaxare potest: quam moderationem, condonationem, & remissionem Indulgentiæ nomen usque Ecclesiastico significat. Quamobrem definitur Indulgentia, Absolutio a Pœnitentiis a Sacerdote, aut a Canone iniunctis. Sive, Remissio pœnæ temporalis, quæ post remissionem peccatorum luenda superest, extra Sacramentum facta ab eo, qui spirituales Jurisdictionem habet cœlestem. Ecclesiæ thesaurum dispensandi: Quod ut intelligatur, inconcussum illud principium recolendum est, quod ex Concilio Tridentino superius posuimus, non similiter in Pœnitentiæ Sacramento, atque in Baptismo peccatorum omnium remissionem conferri. Nam in Baptismo ita Christo commorimur, & ad vitam renovamur perfecta peccatorum remissione, ut pro iis nulla omnino pœna supersit in futuro sæculo luenda. At in Pœnitentiæ Sacramento sic remittuntur peccata quoad culpam, ut tamen adhuc restet terribilis quædam expectatio Judicii in futuro sæculo, nisi per dignos fructus, & opera Pœnitentiæ in hac vita divinæ Justitiæ satisfiat. Cum igitur illa futuri sæculi pœna dignis Pœnitentiæ operibus redimitur, Satisfactio est. Cum vero ea Pœnitentiæ opera ex causa legitima ab eo, qui spirituales Jurisdictionem habet Pœnitenti remittuntur, Satisfactionis remissio, donatio, seu relaxatio est, quam Ecclesiastico usu Indulgentiam vocamus.

Duo de Indulgentiis credenda.

Duo autem dumtaxat de Indulgentiis credenda proponuntur ab Ecclesia: Primum, Potestatem concedendi Indulgentias a Christo Ecclesiæ concessam

fam esse. Secundum, Eas Christianis utiles esse, ac salutares. Ita docet sacra Synodus Tridentina sess. xxv. in Decreto de indulgentiis. Cum (inquit) potestas conferendi Indulgentias a Christo Ecclesie concessa sit; atque huiusmodi Potestate divinitus sibi tradita antiquissimis etiam temporibus illa usa fuerit, sacrosancta Synodus Indulgentiarum usum, Christiano Populo maxime salutarem, & sacrorum Conciliorum auctoritate probatum, in Ecclesia retinendum esse docet, & præcipit: eosque Anathemate damnat, qui aut inutiles esse asserunt; vel eas concedendi in Ecclesia potestatem esse negant. Quam potestatem Vviclefus in Concilio Constantiensi damnatus, Lutherus, & Calvinus præfracte negarunt. Quamobrem totam de Indulgentiis tractationem ad hæc duo Capita revocamus, Regulas quasdam praxim, & disciplinam spectantes pro more subiecturi.

CAPUT I.

DE POTESTATE CONCEDENDI

INDULGENTIAS.

ARTICULUS UNICUS.

An Potestas concedendi Indulgentias sit in Ecclesia?

PROPOSITIO UNICA.

Potestas Indulgentias concedendi a Christo tradita est Ecclesie, que antiquissimis etiam temporibus sacra illa potestate usa est.

Potestas illa colligitur ex Christi Domini verbis Matth. xvi. & xviii. Quæcumque ligaveritis super terram, erunt ligata & in cælo: & quæcumque solveritis super terram, erunt soluta & in cælo. Quibus verbis cum Apostoli, eorumque Successores potestatem acceperint imponendi penitentibus penas satisfactorias, illosque ad eas subeundas obligandi; potestatem pariter acceperint impositas, vel imponendas ex causa legitima condonandi, vel remittendi.

Præterea, ex Scripturis sacris perspicuum, & exploratum est Deum intuitu alienæ fidei, orationis aliorumque meritorum, seu bonorum operum, aliis peccata remittere, penasque condonare, ut observat etiam S. Ambrosius, in illud S. Lucæ, Quorum fides ut vidit, dixit Paralytico, Remittuntur tibi peccata tua. Et in Veteri Testamento legimus, propter Abraham, Isaac, & Jacob; item propter Moysen, Samuelem, Davidem, sæpe Deum populo peccata condonasse. Quocirca Pastores ligandi, solvendi Potestate a Christo adaucti non solum propria cuiusque hominis Pœnitentis opera intueri debent; sed etiam more, & exemplo Christi Domini sui attendere, quinam pro eo sint solliciti, quinam illum orationibus, aliisve piis operibus adjuvent; ac prudenter dijudicare, quousque illi ad remissionem penarum succurrere, & applicari valeant.

Quod autem sacra illa potestate Indulgentias concedendi antiquissimis temporibus usa sit Ecclesia, constat ex Apostolo 2. ad Corinthios cap. 11. de Incestuoso Corinthio scribente: Sufficit illi, qui ejusmodi est, objurgatio hæc, que fit a pluribus: ita ut e contrario magis donetis, & consolemini, ne forte auctiori tristitia absorbeat, qui ejusmodi est. Incestuoso illi homini jam peniteati aliquid de impositæ penitentiae severitate remitti jubet Apostolus, ne forte austeriori disciplina in desperationem compulsus, ac merore dejectus, a Christiana Religione deficiat. Ea igitur donatio, seu condonatio, cujus Apo-

Indulgentiarum usus Ecclesie cognus. Indulgentia Incestuoso Corinthio ab Apostolo concessa auctoritate Christi

stolus

stolus meminit, non aliud fuit, quam Indulgentiæ concessio, de qua *ibidem* subdit: *Cui autem aliquid donastis, & ego: nam & ego, quod donavi, si quid donavi propter vos in persona Christi, ut non circumveniamur a Satana.* Quibus verbis significat S. Paulus, eam donandi, seu indulgendi potestatem se a Christo accepisse, & vice Christi exercere. Atque ita hunc Apostoli locum S. *Jo: Chrysostomus* interpretatur Hom. iv. in 2. ad Corinth. Epistolam. *Non enim* (inquit) *quod dignus sit, neque quod sufficientem exhibuerit Pœnitentiam, sed quod infirmus sit, ideo* (inquit) *dignor illum venia.* Unde & adiecit: *Ne abundantiori tristitia absorbeat.* *Qui sermo declarat illius vehementem pœnitentiam, quem Paulus non sit passus in desperationem venire.* Et infra: *Ex ea re docemur, quod non solum ab peccatorum naturam, verum etiam ad mentem, habitumque peccantium oporteat moderari Pœnitentiam.* Quam interpretationem suffragio quoque suo roborant *Theodoretus, Oecumenius, & Theophilactus*: & ex Latinis S. *Pacianus* Epist. 111. & S. *Ambrosius* Lib. 1. De Pœnitentia, cap. 6. & ult. qui & Indulgentiæ ab Apostolo concessæ expressè meminerunt.

Indulgentiæ ad Martyrum intercessionem olim ab Episcopis data.

Indulgentiarum usum primis Ecclesiæ sæculis *Tertullianus, & S. Cyprianus* frequentissimum fuisse testantur. Ex *Tertulliano* discimus Lib. *Ad Martyres*, cap. 1. quoddam persecutionis tempore in Idololatriam lapsos, & nondum in Ecclesiâ pacem habentes, idest, nondum reconciliatione donatos, pacem a Martyribus in carcere constitutis exorare consuevisse. Cum enim Pœnitentiæ tempus nondum implevisset, Martyrum intercessionem condonationem residuæ Pœnitentiæ ab Ecclesiâ impetrabant; atque ita statim ad pacem, idest, Reconciliationem, & Eucharistiæ Communionem admitterentur, quæ Pœnitentia dumtaxat funditis dari solebat ex prædicta Ecclesiæ Disciplina. *Quam pacem*, inquit *Tertullianus, quidam in Ecclesiâ non habentes. a Martyribus in carcere exorare consueverunt.* Idem vero *Tertullianus*, cum ad Montanistas postea defecisset, Lib. *De Pudicitia*, cap. ult. Catholicæ Ecclesiæ id vitio vertit, quod antea laudaverat; nempe quod ad Martyrum petitionem relaxata Lapsis Pœnitentia pacem daret. *At tu jam* (inquit) *& in Martyres tuos effundis hanc potestatem, ut quisque ex consensione vincula induit adhuc mollia, in novo custodiæ nomine, statim ambiunt mechi, statim adeunt fornicatores, jam preces circumsonant.* Et pacem ab his querunt, qui de sua periclitantur. Ex utriusque porro loci collatione perspicuum est, jam tunc in Ecclesiâ consuetudinem obtinuisse Lapsis pariter aliquam Pœnitentiæ præcibus Martyrum condonandi.

Martyrum preces exornate.

Idem ex S. *Cypriano* colligitur, qui Epistola 9. quorundam Presbyterorum temeritatem reprehendit, qui inconsulto Episcopo, & non expectato iusto tempore, contra Disciplinæ Ecclesiasticæ ordinem Lapsi nedum ulla Pœnitentia funditis pacem, & Eucharistiâ tribuebant, & Christi Martyres, cum Episcopo committebant, & invidiæ exponebant. Perierant quippe Martyres litteris honorificis ad Episcopum scriptis, tunc desideria sua examinari, cum pax Ecclesiæ restituta fuisset: imprudentes vero Presbyteri ante extinctum persecutionis metum, ante ipsum pene Martyrum obitum, cum Lapsis communicabant, illiusque Eucharistiâ dabant: cum potius Martyres admonere debuissent, si plus aliquid peterent, quam concedi æquum esset; Sicut (inquit) semper in præteritum factum est. Et Epist. x. sic Martyres ipsos, sive Confessores compellat: Et credideram quidem Presbyteros, & Diaconos, qui illic præsentis sunt, monere vos, & instruere plenissime circa Evangelii legem, sicut in præteritum semper sub Antecessoribus nostris factum est, ut Diaconi ad carcerem commeantes Martyrum desideria consiliis suis, & Scripturarum præceptis gubernarent: sed nunc cum maximo animi dolore cognosco, non tantum illic vobis non suggeri divina Præ-

Martyrum libellos habentibus non dabatur Indulgentia ante actum pœnitentiam & ante sedatam persecutionem, nisi periculo mortis imminente.

„ cepta

cepta, sed adhuc potius inveniri, ut ea, quæ a vobis ipsis & circa Deum caute, & circa Sacerdotem Dei honorifice fiunt, a quibuidam Presbyteris revolantur, qui nec timorem Dei, nec Episcopi honorem cogitantes, cum vos ad me litteras direxeritis, quibus examinari desideria vestra, & quibuidam Lapsis pacem dari postulastis, cum persecutione finita convenire in unum cum Clero, & recolligi cœperimus: illi contra Evangelii legem, contra vestram quoque honorificam petitionem, antea actam Pœnitentiam, ante Exomologesim gravissimi, atque extremi delicti factam, ante manum ab Episcopo, & Clero impositam, offerre Lapsis pacem, & Eucharistiam dare, idest, Sanctum Domini Corpus profanare audeant.

Et inf. „ Oro vos, quibus possum precibus, ut Evangelii memores, & considerantes, quæ, & quanta antecessores vestri Martyres concesserint, quam solliciti in omnibus fuerint, vos quoque solliciti, & caute petentium desideria ponderetis, utpote amici Domini; & cum illo postmodum iudicaturi, inspiciatis & actum, & opera, & merita singulorum: ipsorum quoque delictorum genera, & qualitates cogitetis, ne si quid abrupte, & indigne, vel a vobis promissum, vel a nobis factum fuerit, apud Gentiles quoque ipsos Ecclesia nostra erubescere incipiat. Sed & illud ad diligentiam vestram redigere, & emendare debetis, ut nominatim designetis eos, quibus pacem dari desideratis. Et ideo peto, ut quos ipsi videtis, quos novistis, quorum Pœnitentiam scitis, designetis nominatim libello.

Et Epist. xlii. sic Presbyteros, & Diaconos alloquitur: *Qui libellum a Martyribus acceperunt, & auxilio eorum adjuvari apud Dominum in delictis suis possunt, si premi infirmitate aliqua, & periculo cœperint, Exomologesi facta, & manueis a vobis in Pœnitentia imposita, cum pace a Martyribus sibi promissa ad Dominum remittantur.* Ex quibus omnibus colligitur, & ante S. Cyprianitempora, & ipsius ætate, Ecclesiæ ob preces, ac merita Martyrum Pœnitentibus Pœnitentiæ tempus contraxisse, laborumque pœnitentialium partem condonasse. Indulgentiarum igitur usus in Ecclesiâ frequens erat. In illis vero concedendis moderationem servari sanctissimi, & vigilantissimi Præsules curabant, ne nimia facilitate Ecclesiastica Disciplina solveretur.

Eundem usum antiquiora Concilia confirmant, quæ in Episcopi arbitrio esse voluerunt, ut Pœnitentiam vita priori, ac posteriori ducissa, lachrymisque, patientia, & bonis operibus spectatis, Pœnitentiæ tempus ipsis contraheret, eorumque penas moderaretur, ut loquitur Conc. Ancyranum, can. v. sive ut *De his aliquid humanius cogitaret*, ut loquitur Concilium Nicænum, can. xii.

Indulgentias amplissimas, ac plenarias iis, qui Expeditionem bellicam in Terram Sanctam contra Saracenos pugnaturi suiciperent, Concil. Claromontanum Præsidente Urbano II. can. ii. conceiit. Eadem indulgentias confirmavit, & ad Expeditionem Hispanicam contra Mauros prorogavit Concil. Oecumenicum Lateranense I. Præsidente Calisto II. can. xi. Eadem confirmarunt Eugenius III. & Clemens III. ut similes Expeditiones promoverent. Alexander III. in Conc. Lateranensi III. duorum annorum Indulgentiam concessit iis, qui contra Hæreticos armasse cepissent. Si autem longiorem ibi moram fecerint, Episcoporum prudentiæ committit, ut ad eorum arbitrium, secundum modum laboris major eis Indulgentia tribuatur. Innoc. III. in Concilio Lateranensi IV. can. lxii. *Indiscretas, & superfluas Indulgentias moderatur*, a quibuidam Ecclesiarum Prælaris concedi solitas, ob quas Claves Ecclesiæ contemnuntur, & Pœnitentialis Satisfactio evincitur.

Bonifacius VIII. cum Antiquorum fida relatione didicisset, Romam ad Basilicam Principis Apostolorum accedentibus magnas Remissiones, & Indulgentias

Episcopi
pœnitentiæ
tempus pu-
blicis pœni-
tentibus
contrahere
poterant.

Indulgentiæ
Plenariæ.

Ob opus la-
boriosum
concessæ.

Indulgentiæ
jubiliæ.

dulgentias peccatorum esse concessas; anno millesimo trecentesimo, & quolibet anno centesimo secuturo, ad *Basilicam ipsarum Principum Apostolorum accedentibus reverenter, vere Pœnitentibus, & confessis, non solum plenam, & largiorem, imo plenissimam omnium suorum veniam peccatorum concessit.* (*Extrav. Antiquorum, tit. De Pœnitentiis, & Remissionibus.*) Hæc epocha Jubilæi, quod *Clemens VI.* anno quolibet quinquagesimo concedi voluit Christi Fidelibus universis, attendens, quod annus quinquagesimus in Lege Mosaiica, quam non venit Dominus solvere, sed spiritaliter adimplere, „Jubilæus remissionis, & gaudii, sacerque dierum numerus, quo Lege sit remissio, censetur: quodque ipse quinquagesimus numerus in Testamentis, Veteri quidem ex Legis datione, Novo ex visibili Spiritus Sancti in Discipulos Missionem, per quem datur peccatorum remissio, singulariter honoratur: & quod pauci propter vitæ hominum brevitatem valeant ad annum centesimum pervenire. (*Extrav. Unigenitus, tit. De Pœnitentiis, & Remissionibus.*) In trigessimum tertium annum universalem hanc Indulgentiam transtulit *Gregorius XI.* ac tandem ad vigesimum quintum quemque annum *Paulus II.* & *Sixtus IV.* contraxere. (*Extravag. Quemadmodum, sub eodem Titulo.*) A Plenaria autem Indulgentia non differt indulgentia Jubilæi, nisi ratione facultatis amplissimæ, quam Summus Pontifex concedit Confessariis quibuslibet approbatis absolvendi a Casibus Sedi Apostolicæ reservatis, & Vota quælibet commutandi, votis Castitatis, & Religiosæ Vitæ amplectendæ duntaxat exceptis.

Fons Indulgentiarum.

Clemens VI. Extrav. *Unigenitus*, mox laudata, fontem Indulgentiarum indigitat, *Thesaurum* scilicet, quem copioso pretiosi Sanguinis sui profluviu unigenitus Dei Filius Redemptor noster, „Militanti Ecclesiæ acquisivit, volens suis „thesaurizare filiis piis pater, ut sic sit infinitus thesaurus hominibus, quo qui „uti sunt, Dei amicitie participes sunt effecti. Quem quidem thesaurum non „in sudario repositum, non in agro absconditum, sed per B. Petrum cæli Clavigerum, ejusdem Successores suos in terris Vicarios commisit Fidelibus salubriter dispensandum, & propriis, & rationabilibus causis, nunc pro totali, „nunc pro partiali remissione penæ temporalis pro peccatis debitæ tam generaliter, quam specialiter (prout cum Deo expedire cognoscerent) vere Pœnitentibus, & confessis misericorditer applicandum. Ad cujus quidem thesauri cumulum, Beatæ Dei Genitricis, omniumque Electorum a primo Justo utque „ad ultimum merita adminiculum præstare noscuntur: de cujus consumptione, „seu minutione non est aliquatenus formidandum, tam propter infinita Christi merita, quam pro eo, quod quanto plures ex ejus applicatione trahuntur ad „justitiam, tanto magis accrescit ipsorum cumulus meritorum.

Solutio
Hæretico-
rum obiectio
contra In-
dulgentias.

Ne vero cavillentur Hæretici, obiciantque Indulgentias vergere in Christi Salvatoris injuriam, cum ad remissionem peccatorum nostrorum concurrere pariter Sanctorum merita, satisfactiones, passionisque doceamus; quasi Christi Sanguis ad remissionem peccatorum omnium non sufficiat, & Martyrum sanguine ad Indulgentias profundendas adjavetur: vel ad aquirendum Ecclesiæ Militanti perennem gratiarum thesaurum non satis opum spiritualium, & virtutis habuerit, qui dives est in misericordia, & apud quem copiosa est redemptio, de cujus plenitudine omnes accipimus; & necesse fuerit, ut Sancti thesaurum illum suis meritis implerent, satisfactionibus cumularent.

Respondemus enim, Sanctorum merita, satisfactiones, passionem, in Ecclesiæ thesaurum eo nomine non conferri, quod Christi Sanguis minus sufficiens sit ad remissionem peccatorum nostrorum, aut quod Martyrum sanguine, ac meritis adjavetur; vel quod ab ipsis remissionem peccatorum expectemus, & accipiamus; aut quod denique eadem ratione ad Ecclesiæ spiritualem

the-

thesaurum conſtandum concurrant, ac Sanguis Chriſti, ejuſque paſſiones, ac merita. Agnoſcimus enim, credimus, & prædicamus, quod ſolus Chriſtus lavit nos a peccatis noſtris in Sanguine ſuo: Quod ſolus Chriſtus eſt propitiatio pro peccatis noſtris: Quod ſolus Chriſtus ſemetipſum redemptionem dedit pro omnibus: Quod ſolus Chriſtus Aquisvit Eccleſiam ſanguine ſuo: Quod ſolus Chriſtus Una oblatione conſummavit in æternum ſanctificatos. Quod Sancti Laverunt ſolas ſuas, & dealbaverunt eas in ſanguine Agni. Aſſerimus cum S. Auguſtino Lib. II. contra duas Epistoſas Pelagianorum cap. IV. quod ſolus Chriſtus ſuſcepit pro nobis ſine malis meritis pœnam, ut nos per illum conſequeremur gratiam. Et Tract. LXXXIV. in Joannem. Quod In fraternorum peccatorum remiſſionem nullus ſanguis Martyris funditur. Aſſerimus cum S. Leone Epist. xcvii. alias LXXXIII. Mortis vinculum unius prævaricatione contractum, unius morte, qui ſolus morti nihil debuit, ſolutum eſſe. Effuſo enim pro injuſtis ſanguinis Juſti tam potens fuit ad privilegium, tam dives ad pretium, ut ſi univerſitas captivorum in Redemptorem ſuum crederet, nullum tyrannica vincula retinerent. Scimus nullum unquam Sacrificium ſacratius fuiſſe quam quod verus Pontifex Altari crucis per immolationem ſuæ carnis impoſuit. Quamvis enim multorum Sanctorum in conſpectu Domini pretioſa mors fuerit, nullus tamen inſontis occiſo, propitiatio fuit Mundi. Acceperunt Juſti, non dederunt coronas; & de fortitudine Fidelium exempla nata ſunt patientiæ, non dona juſtitie. Singulares quippe in ſingulis mortes fuerunt, nec alterius quiſquam debitum ſuo ſine perſolvit: cum inter filios hominum unus ſolus Dominus noſter Jeſus Chriſtus extiterit, in quo omnes crucifixi, omnes mortui, omnes ſepulti, omnes ſunt etiam ſuſcitati. Sanctorum itaque merita concurrunt ſolum ad remiſſionem peccatorum noſtrorum, & ad ſpiritualem Eccleſiæ theſaurum, ex quo Indulgentiæ profunduntur, per modum impetrationis. Veniam enim a Deo nobis impetrant, obtinentque, ut Indulgentiæ nobis ex Chriſti merito applicentur; ut idonei efficiamur, quibus fructus mortis Chriſti copioſe communicetur: præparant nos, ac diſponunt ad uberioſiorem gratiam Dei digne percipiendam: ſicut eleemoſynæ, jejunia, orationes noſtræ, & alia Pœnitentiæ opera nos redimere, ſolvere, & peccatorum veniam nobis procurare dicuntur. Et quemadmodum hæc ſatisfactoria ſunt pro peccatis, quia Deus ſatisfactionis loco illa accepta habet; ita merita Sanctorum nobis apud Deum ſuccurrunt, quatenus illa Deus tanquam amicorum ſuorum pro nobis ſuffragia benigne accipit, illorumque intuitu nobis peccata, penasque peccatis debitas condonat, ſicut intuitu orationis Moyſis Populo pepercit, & merito Pauli ducentas ſeptuaginta ſex animas a perditione ſervavit. Docet itaque Clemens VI. ad cumulum Theſauri Paſſionis Chriſti Beatæ Dei Genitricis, & omnium Sanctorum merita adminiculum præſtare, non quaſi meritum Paſſionis Chriſti non ſit copioſiſſimum, ſufficientiſſimum, ac ſemper inexhausus Theſaurus, ex quo profundantur Indulgentiæ; aut Sanctorum meritis augeri, ac juvari debeat: ſed quod Virginis Deiparæ, omniumque Sanctorum merita nobis adminiculum præſtant, quo Theſauri illius infiniti Dominicæ Paſſionis ſinus participes. Præſtant nobis adminiculum præparationis, ac diſpoſitionis, ideſt, reddunt nos aptos, & idoneos interceſſione ſua ad fructum indulgentiarum percipiendum faciuntque, ut ſimus digni, quibus Theſaurus meritorum Chriſti communicetur: ſicut S. Paulus ait, *Dei adiutores ſumus*: non quod Deus adiutorio Pauli, aut alterius cujuſcumque Apoſtoli indigeat, quaſi per ſe ſufficiens aut omnipotens non ſit ad operandum, quodecumque vult fieri: ſed quia Paulus prædicando, monendo, corripiendo, plantando, rigando, homines divinæ operationis capaces reddit, præparat, diſponit, idoneos facit ad gratiam ſuſcipiendam.

Quam-

Apoc. 1.
1. Joan. 2.
1. Tim. 2.
Act. 20.
Hebr. 10.
Apoc. 7.

Qua ratione
Sanctorum
ſatisfactiones,
& merita ad
cumulum ſpi-
ritualis
Theſauri ac-
cedant, &
per Indul-
gentias ap-
plicentur.

Exod. 32.
Act. 17.

1. Cor. 9.

Quamquam, & Scholastici vulgo doceant, Satisfactiones Sanctorum, quas multi in operibus Penitentiae supererogaverunt ultra menturam peccatorum suorum, cum meritis, & satisfactionibus Christi nobis per Indulgentias applicari in solutionem peccatorum, quæ absterfis culparum nostrarum maculis luendæ supersunt in hoc sæculo, vel in futuro. Huius vero rei causam arculunt ex Communione Sanctorum, quam in Symbolo profiteamur; qua fit, ut in Ecclesia Dei aliorum merita, & passiones aliis tanquam ejusdem corporis membris applicari, & prodesse possit, ut sic aliorum abundantia sit aliorum inopiae supplementum, ut loquitur Apostolus II. ad Cor. VIII. Hortatur enim eo loci Corinthios terrenis opibus abundantes ad conferendam liberaliter eleemosynam in Sanctos quosdam secundum sæculum quidem inopes, sed apud Deum bonis operibus divites; vicissim promittens fore, ut spiritualis horum abundantiam suppleat illorum inopiam; ut quibus ad Deum placandum, & premerendum propria minus sufficiunt, ad id alienorum operum Communione juventur. Huc etiam referri potest, quod idem Apostolus ad Colossenses scribit cap. II. *Qui nunc gaudeo in passionibus pro vobis, & adimpleo ea, quæ defunt Passionum Christi in carne mea, pro corpore ejus, quod est Ecclesia.* Ideo enim se adimplere dicit ea, quæ defunt Passionem Christi, non quasi Passio Christi sufficientissimum pretium non fuerit ad totius mundi exhaurienda, & expungenda peccata; sed quia cum totus Christus sit Caput, & Corpus, (ut sæpe S. Augustinus repetit) ad passiones Capitis passiones quoque membrorum accedere oportet, ut suo Capiti conformentur, ut docet sacra Synodus Tridentina sess. XIV. cap. VII. Passiones itaque & satisfactiones Sanctorum, Communione Charitatis nostræ fiunt: unde sicut satisfactionibus operibus nostris redimere peccata nostra dicimur, & solvere, quod divinæ iustitiæ debemus; ita satisfactiones Sanctorum, passionesque nobis per Indulgentiam applicatæ, cum defectum nostrarum satisfactionum suppleant; valent etiam quodam modo ad solutionem debitorum, & redemptionem peccatorum, quibus obstricti post remissionem culpæ manemus. Hinc Origenes Hom. X. & XXIV. in Numeros, expendens Apostoli verba, I. Cor. XII. *Libenter impendat, & superimpendat pro animabus vestris,* observat, Apostolum se quasi victimam pro eorum, ad quos scribit, salute devotam profiteri. *Hostia autem cum immolatur, ad hoc immolatur, ut eorum, pro quibus immolatur, peccata purgentur.* Sed tamen Origenes Scholasticorum assertioni iussragari his locis non videtur; nec aliud ex illius verbis extundi potest, quam Sanctorum passiones, & satisfactiones per modum impetrationis, non per modum solutionis ad peccatorum nobis debitam condonacionem, ac remissionem concurrere. Unde subdit postremo loco: *Sed in his omnibus unus est Agnus, qui totius Mundi potuit auferre peccatum, & ideo cessaverunt ceteræ hostiæ, quia talis hæc fuit hostia, ut una sola sufficeret pro totius Mundi salute.* Ceteri enim precibus peccata, hic solus potestate dimisit. Quocirca S. Thomas. III. p. quæst. XLVIII. art. V. ad III. ait: *Passiones Sanctorum proficiunt Ecclesiæ, non quidem per modum redemptionis, sed per modum exempli, & exhortationis, secundum illud II. ad Cor. I. Sive tribulamur pro vestra exhortatione, & salute.* Nec aliud etiam colligi potest ex illo S. Augustini principio, Christum pati quotidie in membris suis, & ad finem usque sæculi passurum; ideoque deesse aliquid Passionibus Christi in ejus corpore, quamvis nihil desit ejus Passionibus quatenus caput est. Id enim non aliud omnino probare videtur, qua teneri unumquemque Fidelium ad exsolvendum aliquid, & inferendum quemdam (ut ita loquamur) passionum canonem, ut quod Christus in Corpore suo Mystico pati debet, impleatur, & Ecclesia quasi communis quædam Respublica Christianæ patientiæ exemplis ediscatur. Unus enim bo-

imo cum capite, & corpore suo Iesus Christus, (inquit S. Augustinus, Enarratione in Pl. LXI.) Salvator corporis, & membra corporis, duo in carne una, & in voce una, & in Passione una, & cum transierit iniquitas, in requie una. Passiones itaque Christi non in solo Christo, imo Passiones Christi non nisi in Christo. Si enim Passiones Christi in solo Christo, imo in solo capite, unde dicit quoddam ColoT. 1. „ membrum ejus Paulus Apostolus, Ut suppleam, quæ desunt pressurarum Christi in carne mea? Si ergo in membris Christi es quicumque homo, quisquis hæc audis, quisquis hæc nunc non audis: (sed tamen audis, si in membris Christi es:) quidquid pateris ab eis, qui non sunt in membris Christi, deerat Passionibus Christi. Ideo additur, quia deerat; mensuram imple, non superfundis: tantum pateris, quantum ex passionibus tuis inferendum erat universæ Passioni Christi, qui passus est in Capite nostro, & patitur in membris suis, idest, in nobis ipsis. Ad communem hanc quasi Republicam nostram, quisque pro modulo nostro exsolvimus, quod debemus, & pro possessione virium nostrarum quasi Canonem Passionum inferimus. Pariatoria plenaria omnium passionum non erit, nisi cum sæculum finitum fuerit. Sic patiebatur Christus a Saulo; quando audivit Saulus: Saul, Saul, quid me persequeris? Quomodo lingua solet dicere calcato pede, Calcas me. Linguam nullus tetigit compassione clamat, non attritione: (inquit S. Augustinus Enarratione in Psalm. LXXXVI.) Sed ut se habeat probabilitas opinionis Scholasticorum, qui Sanctorum passionibus, & satisfactionibus per modum solutionis nobis applicari censent, & in thesaurum Ecclesiæ inferri, quatenus eorum satisfactiones mensuram superabant delictorum, propter quæ divinæ iustitiæ debitores erant, (ut cum duplex sit in bonis operibus ratio una meriti, satisfactionis altera; meritum cumulatissime sit a Deo remuneratum; quod vero satisfactionum residuum erat præter mensuram debitorum, in commune velut ærarium Ecclesiæ ita statuente Deo illatum sit;) Quamvis (inquam) ita doceant Scholastici plerique inter Catholicos tamen omnes convenit, quicquid illud sit, quod conferunt Sancti ad Indulgentiarum Thesaurum, totum illud nisi meritis Christi, a quibus satisfactiones Sanctorum, & nostræ pretium omne suum, & valorem accipiunt. In Christo enim meremur, in illo satisfacimus, facientes fructus dignos Penitentis, qui ex illo vim habent: ab illo offeruntur Patri, & per illum acceptantur a Patre, (ut docet sacra Synodus Tridentina sess. XIV. cap. VII.)

Quamvis porro Ecclesiasticum Dogma sit, Ad cumulum Thesauri Passionis, & meritorum Christi, Beata Dei Genitricis, & omnium Sanctorum merita administrare præstare, ut Clemens VI. docet, Extravag. Unigenitus; & Leo X. inter Lutheri Articulos istum quoque merito damnaverit, Indulgentias non pendere ex Christi meritis, & Sanctorum: Dogma tamen Ecclesiasticum non est, quod Sanctorum merita per modum solutionis nobis in Indulgentiis applicentur: aut quod superabundantes satisfactiones Sanctorum, & Passiones Martyrum in Ecclesia spirituale conferantur ærarium, ut eas applicet opportuno tempore pia Mater ad solutionem debitorum, quibus divinæ iustitiæ post remissionem offensarum obstricti manemus, Nullum enim de superabundantibus illis Sanctorum Passionibus verbum habet Clemens VI. imo Scholasticorum ea de re commentationem sequi non videtur, cum Ad thesauri cumulum, omnium Electorum merita, a primo Iusto usque ultimum, administrare præstare docet. Omnes autem, & singulos Electos superabundantes satisfactiones, & redundantia merita non habere, certissimum est, cum plurimi pœnas temporales peccatis suis debitas in Purgatorio luant: & nos, qui in Electorum grege divina miseratione nos collocandos speramus, superabundantes satisfactiones, & redundantia merita non habere nos agnoscamus, & profiteamur. Adminiculum itaque ad spiritualis

Quicquid Sancti ad Indulgentiarum thesaurum conferunt, meritis Christi totum nititur.

Theauri cumulum præstant merita Sanctorum, quatenus Sancti suis meritis, & intercessione a Deo impetrant, ut fructus Passionis Christi ad debita nostra spiritualia expungenda nobis per Indulgentias applicetur.

Quod ergo Christi, Sanctorumque merita conjunxerunt Summi Pontifices *Clemens VI. & Leo X.* cum de Indulgentiarum fonte sermonem habere, non est argumento, quod eodem loco Christi, Sanctorumque merita habuerint. Pessima hæc olim erat Macedonianorum Hæreticorum argumentatio: Christus connumerat Spiritum Sanctum creaturæ, dicens, *Nisi quis renatus fuerit ex aqua, & Spiritu Sancto*, &c. Sicut ergo aqua est creatura, ita & Spiritus Sanctus, Spiritum Sanctum pariter sibi connumerarunt Apostoli, dicentes: *Visum est Spiritui Sancto, & nobis*: sicut ergo ipsi creaturæ erant, ita & Spiritus Sanctus. Horum argumentorum vanitatem ostenderunt SS. Patres, responderuntque, Non esse a Scripturæ sacre locutione alienum, ut ea sermone jungantur, quorum longe diversa ratio est, ut cum dicitur Exodi xiv. *Crediderunt Domino, & Moysi seruo ejus*. Et iv. Reg. xix. *Protegam urbem hanc, & salvabo eam propter me, & propter David servum meum*. Et Joan. xx. *Sicut misit me Pater, & ego mitto vos*. Et ad Philipp. i. *Hoc mihi proveniet ad salutem, per vestram orationem, & subministrationem Spiritus Jesu*. Et i. ad Tim. v. *Testificor coram Deo, & Christo Jesu, & electis Angelis, ut hæc custodias*. Quamvis ergo Christi, Sanctorumque merita jungamus, cum de Indulgentiis agimus, non tamen utraque eodem loco, & numero habemus, non idem utrorumque pretium, aut eandem virtutem agnoscimus: sed ipsius Ecclesiæ thesauri pretium omne, ac superabundantes, & semper inexhaustas opes ex Passione, meritisque Christi, & pretiosissimi Sanguinis illius virtute constare credimus. Sanctorum autem merita ad eundem thesaurum eatenus adminiculum præstare, quatenus Sancti a Deo impetrant, ut Passionis Christi virtus nobis per Indulgentias applicetur.

C A P U T II.

DE INDULGENTIARUM

U T I L I T A T E.

Indulgentiæ non solum in foro Ecclesiæ ad Penarum Canonicarum remissionem sed etiam in Judicio Dei plurimum valent ad penas futuri sæculi remittendas.

Indulgentiarum utilitas in eo posita est, quod Indulgentiæ condonationes sint, ac remissiones penarum temporalium, laborumque penitentialium, sive per Sacerdotes Penitentiarum Administros in sacro Tribunali impositurum, sive per Canones præscriptorum. Secundo, quod non in foro dumtaxat Ecclesiæ, sed etiam apud Deum valeant, ut debitum pænæ temporalis in futuro sæculo subeundæ per illas expungatur, & remittatur.

Cujus quidem Dogmatis Ecclesiastici veritatem Christi verba confirmant, quibus potestas nititur Indulgentias concedendi: Matth. xviii. *Quæcumque solveritis super terram, soluta erunt & in cælo*. Si enim, qui potestate a Christo accepta satisfactorias penas relaxat, ita solvit eas in terra, ut solutæ sint & in cælis, certum est, fructum Indulgentiarum ad futurum sæculum pertinere.

Idem confirmant Apostoli verba ii. ad Corinth. cap. ii. scribentis, Incestuosio illi Corinthio se donasse, idest, penam ejus crimini debitam condonasse propter ipsos *In persona Christi*: ex quibus verbis colligitur, condonationem illam in Judicio Dei valere, ac ratam esse, perinde ac si Christus ipse, qui Pater est futuri sæculi, & Pontifex futurorum bonorum, condonasset.

Tertio, S. Cyprianus statuit, Ut qui libellum a Martyribus acceperunt, & auxilio eorum adjuvati apud Dominum in delictis suis poscunt, si premi infirmitate aliqua, & periculo ceperint, Exomologesi facta, & manu eis in Pœnitentiam imposita, cum pace a Martyribus sibi promissa ad Dominum remittantur. (Epist. xiiii. Et Tract. de Lapsis: Credimus quidem (inquit) posse apud Iudicem plurimum valere Martyrum merita, & opera Justorum, &c. Concilia etiam superius laudata, & præsertim Nicænum, quæ permittunt Episcopis, ut circa Pœnitentes, eo quo par erat fervore Pœnitentiæ stadium decurrentes, Humanius aliquid cogitent, pessime Pœnitentibus illis consuluisse, si nihil de futuri sæculi pœnis Indulgentia illa fuisset ipsis condonatum; multoque melius actum cum illis fuisset, si totam satisfactionem implere, pœnaque omnes Canonibus præscriptas subire jussi, pœnas futuri sæculi redemissent.

Indulgentiarum utilitas.

Denique Christianos Ecclesia deciperet, (quod absit) si pœnis satisfactionis in hoc sæculo condonatis, & relaxatis, pœnas longe acerbiores in Purgatorio subire cogerentur. Dicere autem, quod Ecclesia pia fraude homines ad bonum allicit, sicut mater, quæ promittens filio pomum ipsum ad ambulandum provocat, hæreticum est. Sicut enim ait S. Augustinus, Epist. xxviii. alias viii. ad S. Hieronymum, *Fluere auctoritatem Scripturarum Divinarum, ut in eis quod vult quisque credat, quod non vult non credat, si semel fuerit persuasum, aliqua illos viros, per quos nobis hæc ministrata sunt, in scripturis suis officioso potuisse mentiri* : Et, *Admisso semel in tantum Auctoritatis fastigium officioso aliquo mendacio, nulla illorum Librorum particula remanebit, quæ non ut cuique videbitur vel ad mores difficilis, vel ad fidem incredibilis, eadem perniciosissima regula ad mentientis Auctoris consilium, officiumque referatur* : Atque ita nusquam certa erit in Libris Sanctis castæ veritatis Auctoritas. Similiter (inquit S. Thomas in iv. Sententiarum, dist. xx. q. i. art. iiii. qu. ii.) *Si in prædicatione Ecclesiæ aliqua falsitas deprehenderetur, non essent documenta Ecclesiæ alicujus auctoritatis ad roborandum fidem. Cum itaque doceat, & prædicet Ecclesia Indulgentias plurimum valere in Judicio Dei ad pœnas futuri sæculi remittendas, id omnino censendum, & asserendum est. Sane inter Petri Oxoniensis Propositiones, quas Toletanus primum Archiepiscopus, deinde Sixtus IV. confixerunt, ut Eroneas, scandalosas, a fidei veritate alienas, ac manifestam hæresim continentes, hæc damnatur: Romanum Pontificem Purgatorii pœnam remittere non posse. Et inter Articulos Lutheri, quos Leo X. tanquam Hæreticos, aut scandalosos, aut falsos, aut piarum aurium offensivos, & Veritati Catholicæ obviantes damnavit, hi duo leguntur: 1. Indulgentiæ sunt pie fraudes Fidelium. 2. Indulgentiæ his, qui veraciter eas consequuntur, non valent ad remissionem pœnæ pro peccatis actualibus debite apud divinam iustitiam.*

Sixtus IV. Constit. que incipit, Licet ea.

Adde, Merita Christi, vimque Passionis ejus infinitam, quæ per Indulgentias nobis applicantur, non solum ad pœnas canonicas, sed ad pœnas futuri sæculi remittendas, & sufficere, & operari. Quidam (inquit S. Thomas, in iv. Sentent. dist. xx. qu. i. art. iiii. qu. ii.) „ quod Indulgentiæ non valent ad „ absolvendum a reatu pœnæ, quam quis in Purgatorio secundum Judicium Dei „ meretur; sed valent ad absolvendum ab obligatione, quæ Sacerdos obligavit „ penitentem ad pœnam aliquam; vel ad quam etiam ordinatur ex Canonum statutis. Sed hæc opinio non videtur vera. Primo, quia est expresse contra Privilegium Petro datum, ut quod in terra remitteret, & in cælo remitteretur: unde remissio, quæ fit quantum ad forum Ecclesiæ, valet etiam quantum ad forum Dei. Et præterea Ecclesia hujusmodi Indulgentias dans, magis „ damnificaret, quam adjuvaret; quia remitteret ad graviore pœnas, scilicet „ Purgatorii, absolvendum a Pœnitentiis injunctis. Et ideo aliter dicendum, quod „ valent,

„ valent, & quantum ad forum Ecclesiæ, & quantum ad Judicium Dei, ad remissionem pœnæ residuæ post Contritionem, & Absolutionem, & Confessionem, sive sit injuncta, sive non.

APPENDIX DE JUBILÆO.

Unde Jubilæi nomen?

Jubilæum Legis Moisaicæ.

Evangelici Jubilæi typus.

Inter Indulgentias omnes celeberrima est Anni Sancti seu Jubilæi Indulgentia, quam se concedere *Clemens VI.* Extrav. *Unigenitus*, ait, *Ut cunctorum Fidelium augeatur devotio, fides splendeat, spes vigeat, charitas vehementius incalcescat.* Cum autem Jubilæum analogia quadam a Moisaicæ Legis Jubilæo dicatur, observandum est, varias istius vocis origines assignari. Nonnulli Jubilæum derivant a voce *Jobel*, quæ arietem significat, qui scilicet Annus Jubilæus clangore tubæ, seu cornu arietis promulgari solebat. Alii vocem illam derivant a voce *Jobal*, quæ dimissionem, sive remissionem significat. *Jubilæus*, idest remissionis annus, (inquit *S. Hieronymus* in cap. 111. *Isaie*.) *Josephus*, Lib. 111. *Antiq. Judaic.* Jubilæi voce *Libertatem* significari docet, quia eo anno Judæi ab omni labore vacantes, neque ferebant, neque metebant, a debitis etiam omnibus absoluti; servique e Judaica Gente cum liberis suis libertate donabantur. *R. Moses Maimonides* hanc vocem derivat a verbo *Jobal*, non quatenus significat *dimittere*, sed *adducere*, quia hoc anno adducebatur unusquisque ad possessionem suam, & ad familiam suam. Atque hæc significationes omnes cum iis optime conveniunt, quæ Lex de Jubilæo tradit, Lev. xxv. „ Clanges buccina mense septimo, decima die mensis, pro- „ pitiationis tempore in universa terra vestra. Sanctificabisque annum quinquagesimum, & vocabis remissionem cunctis habitatoribus terræ tuæ: ipse „ est enim Jubilæus. Revertetur homo ad possessionem suam, & unusquisque „ que rediet ad familiam pristinam: quia Jubilæus est, & quinquagesimus annus. Non seretis, neque metetis sponte in agro nascentia: si paupertate compulsi venderit se tibi frater tuus, non cum opprimes servitute famulorum, sed quasi mercenarius, & colonus erit: usque ad Annum Jubilæum operabitur apud te, & postea egredietur cum liberis suis, & revertetur ad cognationem, & ad possessionem patrum suorum.

Judaicus ille Jubilæus typicus erat, verumque Legis Evangelicæ Jubilæum, qui a Christi Adventu sumpsit exordium, significabat. Ad hoc enim Christus venit, ut spiritualium debitorum, scilicet peccatorum Indulgentiam, ac remissionem prædicaret. Unde *Isaie* cap. Lxi. ait: *Spiritus Domini super me, eo quod unxerit me: ad annunciandum mansuetinis mist me, ut morderem contritis corde, prædicarem captivis Indulgentiam, & clausis apertionem, ut prædicarem Annum placabilem Domino.* Annus Jubilæus a Festo Expiationis, pœnitentiæ dicato, incipiebat, ut ex *R. Abrabanele* discimus; Jubilæum Evangelicum prædicatione Pœnitentiæ Christus aperuit: Matt. iv. *Pœnitentiam agite: appropinquavit enim Regnum celorum.* Clangore tubæ Judaicus Jubilæus nunciabatur; Jubilæum Evangelicum nuntiavit *Joannes*, cujus quasi tubæ vox intonuit in deserto: *Pœnitentiam agite: appropinquavit enim Regnum celorum.* Nunciarunt & Angeli laudantes Deum, & dicentes: *Gloria in altissimis Deo, & in terra pax hominibus bonæ voluntatis.* Quamdiu enim homo in peccato versatur, pacem cum Deo non habet, quia *Non est pax impiis*, ut dicitur *Isa. xlviii.* Sed etsi remissum sit peccatum, abiterisque per gratiam sanctificantem culpæ labe, pœnæ tamen debito remanente nondum est pax perfecta hominis cum Deo; sed pax omnibus modis perfecta, & absoluta, utriusque remissione culpæ scilicet, ac pœnæ procuratur; quod per Indulgentiam Christiani Jubilæi obtinetur. Legali Jubilæo servi manumittebantur; possessiones dominis restituebantur: Christi-

stia-

fiano Jubilæo a servitute peccati redempti; ad æternam hæreditatem reducimur. Quemadmodum vero, licet omnes vitæ Christianorum dies perpetuum Sabbatum, five Dies Dominicus esse debeant, ut docet *Clemens Alexandrinus*, Libr. VII. *Stromatum*; nihilominus tamen spiritale Sabbatum five diem Dominicum statis diebus rite celebramus; ita licet totum Legis Evangelicæ tempus Jubilæus sit perpetuus; ipsum tamen rite selectis temporibus celebrat Ecclesia, quibus cælestis Thesaurus pretioso Christi Sanguine comparatus a Summo Pontifice, qui Ecclesiæ universæ Christi vice præest, aperitur, & Fidelibus Pœnitentia prius expiatis, ac recte dispositis dispensatur.

Ceterum Jubilæi gratiam sine vera, & omnibus partibus suis absoluta Pœnitentia consequi nemo potest: nec per hanc Indulgentiam ab agenda pro viribus Pœnitentia peccatores, graviorum criminum rei dispensantur. Magni & universalis Jubilæi prædicandi normam a S. Jo: Baptista, imo a Christo Jesu Domino nostro Pastores, ac Prædicatores Evangelici acceperunt. Uterque, scilicet Salvator noster, & ejus Præcursor; ille suo, iste Salvatoris nomine remissionem peccatorum, condonationem penarum, solutionem captivitatis, restitutionem in libertatem gloriæ filiorum Dei, in hæreditatem æternam conservatam in cælis, nonnisi Pœnitentiam agentibus prædicavit, ac promisit. *Pœnitentiam agite* (inquit S. Joannes) *appropinquavit enim regnum cælorum* : Facite ergo fructum dignum pœnitentiæ : *Pœnitentiam agite* (ait Christus) *appropinquavit enim regnum cælorum* : Si pœnitentiam non egeritis, omnes similiter peribitis. Plenariam Indulgentiam, ceteram Anni Sancti, Summi Pontifices (tamen plenitudinem potestatis habent in Ecclesia Universa, & Sacri Thesauri supremam dispensationem) donare nec possunt, nec volunt in persona Christi, nisi ea lege, qua dat Christus Jesus, ut scilicet Pœnitentiam pro viribus agamus, & offenso Deo, quoad possibile nobis est, satisfaciamus: uno Dei, & hominum Summo Mediatore per suam satisfactionem infinitam supplente, quod non possimus ob vitæ brevitate, ac infirmitatem. Quæ quidem Redemptoris nostri satisfactio, & merita, Deipara Virgine, Sanctisque omnibus intercedentibus, per Indulgentiam applicantur iis, qui sinceram, & congruam pœnitentiam agunt, & divinæ Justitiæ, cujus facta testia sunt jura etiam ipso misericordiarum tempore, satisfacere pro viribus proponunt, ac nituntur.

Plenariæ certe Indulgentiæ, & Jubilæi plenum fructum non consequitur quisquis opera facit, quorum intuitu conceditur; sed pro mensura piæ dispositionis, devotionis, ac fervoris, quo illa facit, majorem, vel minorem penarum peccatis suis debitaram remissionem obtinet, ut colligitur ex Bonifacii VIII. Constitutione Extrav. *Antiquorum*, cujus hæc sunt verba: *Unusquisque plus merebitur, & Indulgentiam efficacius consequetur, qui Basilicas ipsas amplius, & devotius frequentabit*. Idem colligitur ex Innoc. IV. in cap. *Quod autem*, Extrav. De Pœnitentiis, d'cente: *Licet generaliter fiat Indulgentia propter laborem, propter devotionem, & propter pericula: tamen unus plus alio habet intra metam a Prelato constitutam, secundum quod plus devotus est, vel plus laborat, vel majoribus periculis se exponit*.

Hæc doctrina probabilior, imo sola vera mihi videtur, quam propugnant S. Thomas in IV. Sententiarum, dist. XX. qu. I. art. III. quæst. II. ad III. cujus verba descripta habes infra Regula XII. S. Bonaventura eadem dist. qu. ultima. Adrianus VI. Dominicus Soto. Estius. Sylvius. Molanus. Neque vero (inquit Estius) quidquam id derogat Indulgentiis, quæ Plenæ, seu Plenariæ conceduntur. Plenæ enim dicuntur Indulgentiæ, quarum ea vis est ut Plenam is, qui sit præparatus, accipere queat peccatorum remissionem.

Nat. Alex. Theol. Tem. II.

Bb 3

Per Indulgentiam Jubilæi ab agenda pro viribus Pœnitentia nemo dispensatur.

Matth. 3. 4.
Luc. 13.

Plenariæ Indulgentiæ, & Jubilæi fructum pro ut dispositionis mensura quisque consequitur.

nem. Per quod in primis certum est, non omnem satisfactionem excludi, quandoquidem præparatio, seu dispositio quædam satisfactoria requiritur ex parte iucipientis, idque ex Lege divina, cui Beneficium hoc Indulgentiæ Plenariæ non est contrarium. Quocirca Pontifex huiusmodi Indulgentiam concedens non Legem divinam infringit, sed ea præsupposita de plenitudine potestatis Indulgentiam dispensat nulla temporis mentura limitatam; tantum videlicet largiens, quantum quique secundum præparationem suam capere potest; & totam condonans penam, si totalis condonationis secundum præparationem suam capax est penitens. Unde vere dicitur, quod Indulgentia etiam Plenaria tantum valet quantum sonat: tamen si non omnis, qui eam participat, plenum inde fructum consequatur.

Error in Jubilæi, & Plenariæ Indulgentiæ prædicatione cavendus.

Isaïæ 22.
S. Basilii in
Isaïam Vi-
sione 2.

Procul ergo, qui prædicare populo Christiano non dubitant, quod non ex Scriptura sacra, vel Traditione hauserunt, nec ab Ecclesia didicerunt, sed inerudita cordis sui visione fixerunt, Omnes, qui Plenariam Indulgentiam, aut Jubilæum quomodocumque consequuntur, in statum innocentie baptismalis restitui, & si continuo moriantur, postquam omnia, quæ Bulla Pontificia præscripta sunt exterius impleverint, utcumque tepido licet languentis pietatis affectu, nullis Purgatorii penis obnoxios esse, sed recte in cælum evolare; quamvis nullam aliam pro innumeris, gravibusque peccatis exhibere satisfactionem proposuerint, nullam aliam egerint Penitentiam, cum possent. Qui Jubilæum ita prædicant, caupones sunt *miscentes vinum aqua*, ut loquitur Isaïas Propheta. Hi nempe, ut S. Basilii explicat, *Documenta Scripturarum præcipuam anime facultatem, scilicet mentem exhiarantia, per S. Prophetas, & Apostolos vinum illud celeste fundente nobis Spiritu Sancto ad percipiendam jucunditatem æternam, cauponum instar adulterant, & corrumpunt, proprii ingenii commenta permiscentes ad perniciem auditorum. Dum enim studiose admittuntur, ut indulgendo eorum voluptatibus demercentur ipsorum gratiam, per blanditiæ, & juvenes seniores assentando alunt illorum vitia in perditionem, per hæc enervantes austeritatem, & vigorem Scripturarum vitioses utiliter perstringentem; ad anathemum subreptionem enarrantes multimodam erga homines benignitatem plane ineruditam; condonationes item peccatorum nullo districtiōis sale conditas, & talia quedam ad capiendam multorum gratiam; quibus maxinopere effeminant animas eorum, qui stud esse voluptates consensunt.* Nemo ergo Christianus, perniciosola securitate se deludi patiatur, neque ab agenda, & ante Jubilæum, & post acceptum Jubilæi tempus, Penitentia immunem existimet, quamvis gravia peccata veteribus non adiecit: quia Catholica, æternæque veritatis sententia est a Sacra Synodo Tridentina auctore Spiritu Sancto tradita, & promulgata: *Tota vita Christiani perpetua penitentia esse debet.* Vide Regulam XII. Capituli III. hujus Tractatus.

Sess. 14. De
Sacram. Ex-
tremæ Un-
ctionis.

CAPUT III.

REGULÆ INDULGENTIARUM

DISPENSATIONEM,

USUMQUE SPECTANTES.

REGULA I.

Indulgentias concedere possunt Summus Pontifex, & Episcopi: Ille quidem Plenarias toto qua late patet Orbe Christiano; isti vero in Diocesis suis, & secundum mensuram Canonum.

Cum enim Thesaurus Indulgentiarum commune sit Ecclesiæ bonum, ab iis solis dispensari potest, qui Ecclesiæ præstant. Ea enim, quæ sunt multitudinis alicuius, distribuntur singulis de multitudine secundum arbitrium ejus, qui multitudini præest. Cum igitur Summus Pontifex universæ præsit Ecclesiæ cum plenitudine Potestatis, Indulgentias toto qua late patet orbe Christiano concedere potest,

Episcopus vero Christi vice, & ordinatione Ecclesiæ portioni præest, Solusque proprie Prælati Ecclesiæ dicitur, ideoque solus quasi Sponsus Ecclesiæ annulum recipit: quamobrem & ipse solus habet plenam potestatem in dispensatione Sacramentorum, & Jurisdictionem in foro causarum, quasi persona publica; alii autem secundum, quod ab eo eis committitur. Sed Sacerdotes, qui plebibus præficiuntur, non sunt simpliciter Prælati, sed quasi Coadjutores: unde in consecratione Sacerdotum Episcopus dicit: Quanto fragiliores sumus, tanto magis his auxiliis indigemus: & propter hoc etiam non omnia Sacramenta dispensant. Unde Sacerdotes Parochiales, vel Abbates, aut alii huiusmodi Prælati non possunt Indulgentias dare. Verba sunt S. Thomæ in iv. Sententiar. dist. xx. q. 1. art. iv. q. 1. Hinc Abbatibus prohibetur Indulgentiarum concessio cap. *Accedentibus*, Extra. De Excessibus Prælatorum.

Confirmatur ex Martini IV. Constitutione in Conc. Constantiensi edita, qua suspectos de Vviclehana Heresi inter cetera interrogari jubet. *Utrum credant, quod Papi omnibus Christianis vere contritis, & confessis, ex causa pia, & iusta, possit concedere Indulgentias in remissionem peccatorum: & quod singuli Episcopi suis subditis, secundum limitationem sacrorum Canonum possint etiam illas concedere.*

Modi porro Indulgentiis ab Episcopo concedendis præscribitur cap. *Cum ex eo*, Extra. De Pœnitentiis, & Remissionibus, quod ex Conc. Lateranensi sub Innoc. III. sumtum est. *Quia (inquit) per indiscretas, & superfluas Indulgentias, quas quidam Ecclesiarum Prælati facere non verentur, & claves Ecclesiæ contemnuntur, & penitentialis satisfactio invernatur, decernimus, ut cum dedicatur Basilica, non excedatur Indulgentia ultra annum, siue ab uno, siue a pluribus Episcopis dedicetur: ac deinceps in Anniversario Dedicationis Tempore quadraginta dies de inunctis Penitentiis Remissio indulta non excedat.* Et intra: *Hunc quoque dierum numerum Indulgentiarum litteris præcipimus moderari, quæ pro quibus libet casibus aliquoties conceduntur: cum Romanus Pontifex, qui plenitudinem obtinet potestatis, hoc in talibus moderamen consueverit observare.* Idemque confirmatur cap. *Indulgentie*, in Sexto.

Ecclesiæ in
dandis In-
dulgentiis
moderatio.

R E G U L A II.

Archiepiscopus Indulgentias in tota Provincia sua concedere potest secundum mensuram Canonibus præscriptam, etiam si sacram Provincie Visitationem actu non obeat

Hæc Regula traditur cap. Nostro, Extra. De Pœnitentiis, & Remissionibus, quod. s. Honorii III. ad quendam Archiepiscopum Rescriptum. Nostro (inquit) postulasti certificari Responso, utrum per tuam Provinciam possis concedere Remissionis litteras generales: nos igitur tuæ Fraternalitati breviter respondemus; Quod per Provinciam tuam libere potes hujusmodi concedere litteras: ita tamen, quod Statutum Generalis Concilii non excedas. Nec ad tempus, quo Provinciam illustrat Archiepiscopus, hanc facultatem Jus restringit.

R E G U L A III.

Indulgentiæ ab Episcopis concessæ, eorum dumtaxat Diocesis profunt.

Ad quos
pe tinet in-
dulgentia-
rum concef-
sio.

Ita constat ex c. Quod autem, quod Responsum est Alexandri III. Cantuariensi Archiepiscopo datum. Cum (inquit) a non suo Iudice ligari nullus valeat, vel absolvi, Remissiones prædictas prodesse illis tantummodo arbitramur, quibus ut profunt, proprii Iudices specialiter indulserunt.

R E G U L A IV.

Episcopi in foro Pœnitentiæ non solum quadraginta dierum, sed plurium dierum, & annorum Indulgentias, iusta de causa, largiri possunt.

Sacris namque Canonibus, & Summorum Pontificum Decretis modus præscriptus non est Episcopalis Indulgentiis, nisi quæ publice, ac solemniter in foro externo concedantur; non autem iis, quæ in foro Pœnitentiæ dispensantur: quod Prosper Fagnanus ex Innoc. IV. interpretatione confirmat, cap. Cum ex eo, Extra. De Pœnitentiis, & Remissionibus.

R E G U L A V.

Episcopus Electus, atque confirmatus, & Legati Apostolici, quamvis Sacerdotes non sint, possunt Indulgentias concedere.

Potestas enim Indulgentias concedendi Jurisdictionem sequitur: & quia Diaconi, & alii non Sacerdotes possunt habere Jurisdictionem, vel commissam sicut Legati; vel ordinariam sicut Electi; ideo possunt Indulgentias concedere etiam non Sacerdotes; quamvis non possint absolvere in foro Pœnitentiali, quæ functio est Ordinis.

R E G U L A VI.

Summus Pontifex, & Episcopi peccati mortalis rei Indulgentias nibilominus concedere possunt.

Indulgentiarum enim concessio est actus Jurisdictionis: peccatum porro non privat hominem Jurisdictione, ut Sac. Conc. Oecumenicum Constantinense contra Viclef, & Jo: Hus errores declaravit: & ideo Indulgentiæ æque profunt, si ab eo concedantur, qui lethalis peccati reus est, ac si ab eo concederentur, qui est sanctissimus. Cum non remittat poenam ex vi suorum meritum, sed vi meritum recordatorum in Tractatu Ecclesie: (inquit S. Thomas in 4. Sententiarum, dist. xx. qu. 1. art. 1. quæst. 14.)

R E-

R E G U L A VII.

Ad Indulgentiæ valorem causa iusta, & legitima requiritur.

Indulgentiarum enim concessio est Thesauri spiritualis dispensatio, quæ pro merito Summi Pontificis, & Episcoporum arbitrio fieri non potest. Qui enim communia Ecclesiæ bona temporalia donare non possunt solo imperio, multo minus bona communia spiritualia solo ex imperio possunt effundere, cum hæc maioris sint pretii, & excellentiæ, & sint illorum non minus quam illorum dispensatores, non domini. Hinc *S. Thomas* in *iv. Sentent. dist. xx. qu. ii. art. iiii. qu. ii.* tria necessaria esse docet ad Indulgentiarum valorem, scilicet Auctoritatem in dante, charitatem in recipiente, pietatem in causa. Quæcumque autem causa vergit in honorem Dei, & utilitatem proximi, pia cenetur. Quod autem vulgo dicitur in Scholis, Indulgentias indiscretas nihilominus validas esse, verum est (inquit *Cardinalis Cajetanus*) de indiscretis quoad eventum, non autem de indiscretis quoad causam. Sunt enim Indulgentiæ indiscrete ratione eventus, quando Indulgentiæ alias bene concessæ, pariunt propter earum multitudinem quasi contemptum aut ipsarum, aut satisfactionum penitentialium, & tales sunt validæ. Sed si sunt indiscretæ, quia carent rationabili causa, aut omnino, aut quoad tantam quantitatem, sunt invalidæ. Atque hoc sensu intelligendus est *S. Thomas* loco proxime citato ad primum dicens: *In arbitrio dantis Indulgentiam est taxare, quantum per Indulgentiam de pœna remittatur. Si tamen inordinate remittat, ita quod homines quasi pro nihilo ab operibus Penitentiae revocentur, peccati faciens tales Indulgentias: nihilominus quis plenam Indulgentiam consequitur.* Quamobrem sacra Synodus Tridentina *sess. xxv. In Indulgentiis concedendis moderationem juxta veterem, & probatam in Ecclesia consuetudinem adhiberi cupit; ne nimia facilitate Ecclesiastica Disciplina enervetur.*

De causis, propter quas dantur Indulgentiæ.

Tract. iii. De suscipientibus Indulgentias, q. 1^a

Modus Ecclesiæ in concedendis Indulgentiis moderatio.

R E G U L A VIII.

Causa legitima concedendi Indulgentias censendum est temporale subsidium ad spiritualia ordinatum.

Sic respondet *S. Thomas*, in *iv. Sentent. dist. xx. qu. ii. art. iiii. qu. iiii* Temporalia (inquit) ad spiritualia ordinantur, quia propter spiritualia temporalibus uti debemus: & ideo pro temporalibus simpliciter non potest fieri Indulgentia, sed pro temporalibus ordinatis ad spiritualia; sicut represso inimicorum Ecclesiæ, qui pacem Ecclesiæ perturbant; vel sicut consuetudine Ecclesiæ, & pontium, & aliarum elemosynarum collatio. Nec fit ibi simonia; quia non datur spirituale pro temporali, sed pro spirituali. Sic Indulgentiæ Plenariæ generatim primum concessæ sunt Cruce Signatis, qui contra Turcas, aut Mauros pugnaturi, in Terram Sanctam, vel in Hispaniam proficiscerentur, aut pecunia, vel qualibet opera præstita tam sanctum opus promoverent. Sic Episcopus Andegavensis quintam partem Penitentiarum peccatorum Confessione expiatorum relaxavit iis, qui Templi Militibus beneficia sua obtulissent, ut testatur *Sugenius Abbas*, Epist. *xxi.* apud *Duchesarium* Tom. *ii.* Collectionis *Historiæ Francorum*. Sic *Mauritius* Parisiensis Episcopus Indulgentias concessit iis, qui ad Cathedralis Ecclesiæ Sanctissimæ Virginis Deiparæ sacræ fabricam nummos conferrent. Sic *Innoc. IV.* Indulgentiam contulit iis, qui elemosynam erogarent in Ecclesiæ fabricam, quam Anglorum Rex magnificentissime exstruebat, ut ex ipsius Epistola *civ.* colligitur. Provide tamen statuit Sacra Synodus Tridentina, Prætorum quæstus

Prævi quæ-
stus abolen-
di.

omnes pro Indulgentiis consequendis, unde plurima Christiano Populo abusu-
causa fluxit, omnino abolendos esse. Et Quæstorum nomen, & usum penitus
aboluit: ac decrevit, ut Indulgentiæ deinceps per Episcopos adhibitis duo-
bus de Capitulo, debitīs temporibus publicarentur, session. xxi. caput. ix.
De Reformat.

REGULA IX.

Pro causis mere spiritualibus multo magis concedi possunt Indulgentiæ.

ITa respondet S. Thomas, in iv. Sentent. dist. xx. q. 1. art. 111. qu. 111. ad
11. Dicendum (inquit) quod etiam pro pure spiritualibus potest fieri Indul-
gentia, & fit quandoque, sicut quicumque orat pro Rege Franciæ, habet de-
cem dies de Indulgentia a Papa Innoc. IV. ob insignia nimirum officia, &
beneficia, quæ olim erga Sedem Apostolicam Christianissimi, & Piiſſimi
Principes præstiterunt; quia septem, vel octo Pontifices Apostolica Sede
deturbatos suis impensis, & suorum sanguine restituerunt, ut ait Navarrus,
in Tract. De Oratione, & Horis Canonicis, cap. xvii. n. 90. & Urbes, ac
Provincias, Romanque ipsam Orbis Christiani caput Ecclesiæ Romanæ Re-
gia munificentia contulerunt. Clemens quoque VII. pro Rege Christianissimo
preces Deo fundentibus centum dies, Leo X. annum Indulgentiarum con-
cessit, ut refert Durandus Lib. 11. De Ritibus Ecclesiæ, cap. xxxiii. n. 18.
Et similiter Crucem prædicantibus datur quandoque eadem Indulgentia, quæ
Crucem accipientibus.

REGULA X.

Existentibus in peccato mortali Indulgentiæ non profunt.

Indulgentiæ namque sunt Relaxationes penæ temporalis peccati debitæ:
nulli autem potest dimitti pena, nisi cui jam dimissa est culpa. Qui enim
non est consecutus operationem Dei in remissione culpæ, non potest consequi remis-
sionem penæ a Ministro Ecclesiæ, neque in Indulgentiis, neque in foro Pœnitenti-
ali (inquit S. Thomas in iv. Sententiarum, dist. & quæst. citatis, art. v. q.
1.) Unde Indulgentias Ecclesia non concedit nisi Contritis, & Confessis, ut
patet ex Pontificiis Diplomatis. Qui enim non est contritus, & confessus,
non potest absolvi. Indulgentia autem Absolutio quædam est.

REGULA XI.

*Opus, cujus intuitu conceditur Indulgentia, fieri debet ab homine in gratia
existente.*

De disposi-
tionibus ad
consequen-
dam Indul-
gentia.

Hanc opinionem, & tutiorem, & rationi magis consentaneam esse
probat Cardinalis Cajetanus, primo ex Indulgentiarum formulis, quibus
Indulgentia concedi solet: Omnibus vero penitentibus, & confessis, qui
talem Ecclesiam viderint, qui toties jejunaverint, & pro his, & illis Ec-
clesiæ necessitatibus oraverint, vel ad tale opus manus porrexerint adju-
trices. Præterea, sicut thesaurus civilis pro causa dumtaxat civili; ita thesaurus
vitalis pro causa tantum vitali dispensatur. Thesaurus porro Indulgentiarum
est thesaurus vitalis, utpote ex Passionibus Christi, meritisque Sanctorum
constans, æternæque vitæ tollens impedimenta: igitur pro causa dumtaxat
vitali dispensatur. Cum igitur opus extra gratiam factum non sit vivum,
sed mortuum; ad Indulgentiam obtinendam non sufficit. Viva certe sunt
quæcumque ad dispensationem thesauri Indulgentiarum concurrunt. Vivit
Chri.

Christus Summus Sacerdos, qui præcipuus est Indulgentiæ dispensator: vivunt Sancti, quorum meritis Indulgentiæ: fructus impetratur: vivit, qui particeps est indulgentiæ: vivat ergo necesse est & Indulgentiæ causa, sive opus, cuius intuitu confertur, & quod ad illius participationem imperatur. Quæ est enim conventio lucis ad tenebras, & vitæ ad mortem? Nec obstat, quod Pontifex dans Indulgentiam mortuus esse possit morte peccati, quoniam ipse Minister tantum est, & velut instrumentum Christi ad cælestis Thesauri dispensationem concurrat. Ad causam enim principem respiciendum est, ut exemplum confirmat domini in gratiæ statu constituti, qui per improbum dispensatorem eleemosynas distribuit: opus enim illud vivum est, non obstante spiritali morte ministri. Cum igitur conceditur Indulgentia iis, qui tot Ecclesias visitaverint, & in iis pro his, & illis Ecclesiæ necessitatibus Deum oraverint, qui toties jejunaverint, qui eleemosynas erogaverint, necesse est, ut opera illa fiant ab homine in gratiæ statu existente; alioqui non consequitur Indulgentiam, etsi sit in gratia constitutus, cum Indulgentiæ fructus percipiendus est.

Ne vero quis obstrepat, ad Indulgentiam sufficere auctoritatem in dante, gratiam in recipiente, pietatem in causa: ex hoc enim, quod exigitur pietas in causa, hoc est, in opere, pro quo datur Indulgentia, consequens est, quod exigitur etiam vita, nam pietas ipsa, nisi sit viva, pietas non est, cum nulla sit Christiana virtus sine charitate; (inquit Cardinalis Cajetanus Tract. x. De Suscipientibus Indulgentias, q. 11.)

Pastores itaque, Concionatores, & conscientiarum Moderatores auctores esse debent Fidelibus, eosque adhortari, ut Jubilæi, vel aliarum Indulgentiarum tempore ante omnia Sacramentali Confessione conscientiam expurgent, deinde opera faciant Pontificio Diplomate, aut Episcopi Mandato præscripta ad Indulgentiam consequendam.

Hanc Regulam confirmat S. Carolus Borromæus in Ordine, & Instructione pro S. Jubilæo consequendo, Auctor. Eccles. Mediol. par. vii. p. 942. *Curent singuli, inquit, omnes a Sanctitate sua impositas pro lucrando Jubileo conditiones observare, illud alias non consecuturi, si eas omiserint. Prima est, ut re-re contriti peccata deponant; quod sane omnes, prius quam Ecclesiarum visitationem incæperint, juvat egisse, ut Jubilæi consequendi legibus se satisfecisse hoc modo certiores fiant. Eademque de causa, si quis postquam peccata deposuisset, inchoatamque post Ecclesiarum visitationem, in mortale peccatum (quod Deus avertat) prolapsus fuisset, illud confiteri deberet, & cæptum visitationis dierum numerum, qui præscriptus est, continuare.*

R E G U L A XII.

Ad Plenariam Indulgentiam, etiam Jubilæi consequendam, totis viribus eniti, & omni studio contendere necesse est ad satisfaciendum Iustitiæ Divinæ congruis, & diuturnis Pœnitentiæ laboribus.

Hæc Regula colligitur ex S. Cypriano, qui Indulgentias illis dumtaxat Lapsis concedi voluit, qui Pœnitentiæ maximam partem impleverint. Sic enim scribit ad Confessores Epist. x. *Et ideo peto, ut eos, quos ipsi videritis, quos noscitis, quorum Pœnitentiam scitis, designetis nominatim libello, &c.* Alter concessam Indulgentiam etiam ait contra Ecclesiæ Disciplinam, *Contra Evangelii legem.* Provisorium denique Decretum Africanæ simul, & Romanæ Ecclesiæ ediderunt, ut iis dumtaxat Indulgentia, quam Martyres pro ipsis postulaverant, concederetur, qui in ipsa Pœnitentiæ stadio morte interciperentur. Ita enim scribit Romanus Clerus Epistola inter Cypriani-

De dispositionibus ad consequendam Indulgentiam.

CAS XXXI. Eorum autem quorum vite sue finem urgens exitus dilationem non potest ferre, ad hæc Pœnitentia, & professio frequenter suorum dejectione factorum, si lacrymis, si gemitibus, si fletibus dolentis, ac vere pœnitentis animi signa prodiderint, cum spes vivendi secundum hominem nulla existeret, ita deum caute, & sollicite subveniri, Deo ipso sciente, quid de talibus faciat.

Indulgentie
prostant Pœ-
nitentibus,
orantibus,
operantibus.

Eandem Regulam confirmat præclara hæc ejusdem SS. Epi. copi, & Martyris Sententia, in Tractatu de Lapsis: Si precem toto corde quis faciat, si veris Pœnitentie lamentationibus, & lacrymis ingemiscat, si ad veniam delicti sui Dominum iustis, & continuis operibus inflectat, misereri talium potest. Potest ille Indulgentiam dare, sententiam suam potest ille desistere. Pœnitenti, operanti, roganti potest clementer ignoscere, potest in acceptum referre, quidquid pro talibus & petierint Martyres, & fecerint Sacerdotes.

Sed & Nicæna Synodus can. xii. iis tantum Indulgentias ab Episcopis concedi statuit, qui in Pœnitentia implenda fervorem maximum præ se tulissent, non qui negligenter se gessissent. Quotquot (inquit) merui, & lacrymis, atque patientia, vel bonis operibus, rebus ipsis conversionem suam, non simulatione demonstrant; hi definitum tempus auditionis implentes, tum deum Fidelibus in oratione communicent: postmodum vero licebit Episcopo de his aliquid humanis cogitare. Quicumque vero indifferenter tulerunt, & aditum introeundi Ecclesiam sibi arbitrati sunt ad conversionem posse sufficere, hi definitum modis omnibus tempus impléant.

Propter In-
dulgentias
non minus
tenentur fi-
deles agere
Pœnitentiam.

Hinc Conc. Salegnitiadiense, can. xviii. Indulgentias illis nequaquam profuturas declaravit, qui ut pœnis satisfactoriis a Confessario suo, aut ab Episcopo pro peccati gravitate sibi imponendis se liberarent, Romam pergebant, Plenam Indulgentiam a Summo Pontifice impetrari. Quia (inquit) multi torta mentis sue falluntur stultitia, ut in aliquo capitali crimine inculpato Pœnitentiam a Sacerdotibus suis accipere nolit, in hoc maxime casu; ut Romam euntibus Apostolicus omnia sibi peccata dimittat: Sancto visum est Cornelio, ut talis Indulgentia illis non proferretur, sed prius juxta modum delicti Pœnitentiam sibi datam a suis Sacerdotibus adimpleant: & tunc Romam si venerint ire, ab Episcopo proprio licentiam, & litteras ad Apostolicum ex ejusdem rebus deferendas accipiant.

Hinc Gregorius VII. Lincolnienfi Episcopo Indulgentiam delictorum roganti ea lege concessit, ut Pœnitentiam pro viribus ageret. Abolutionem præterea peccatorum tuorum (inquit) sicut rogasti, auctoritate Principum Apostolorum Petri, & Pauli facti, quorum vice quamvis indulgentiam impetratur, tunc mittere dignum duximus: si tamen bonis operibus habendo, commisso excessu plerumque quantum valueris, corporis tui habitaculum tuo mundano templum exi- bueris.

Ex quibus apparet (inquit Cardinalis Baro) hæc referens ad annum MLXXXIII. num. 71.) Sedis Apostolicæ Indulgentias illis communicari, qui quantum suppetunt vires, bene operari non prætermittunt; non autem ignavis, otiosis, ac negligentia torpescant.

Hinc Gregorius VII. eam Ecclesiam Benevolentia decessisset, ait Populo: Tertia est, ut rogati Pœnitentiam, quam vel tertiam, rem, vel aliquotam rem remittam. Refert Petrus Cantor Parisiensis in Summa De Sacramentis, & Animæ Consiliis.

Quibus pro-
stant, vel
non pro-
stant Indul-
gentie?

Hinc S. Antoninus, 1. p. tit. x. cap. 111. §. 111. ait: Nec credunt, quod propter has Indulgentias generales minus teneatur agere Pœnitentiam in hac vita; & horum dictum satis videtur concordare æquitati, ut notat Innocentius.

Hanc Regulam confirmat Cardinalis Cæstanius, qui hanc de Indulgentiis quæstionem, Luthero contra Indulgentias prædicante, & scripturante, quam

quam accuratissime tractavit, Tract. x. De Suscipientibus Indulgentias, qu. 1. Sunt (inquit) confessi in gratia duplicis ordinis: quidam solliciti ad satisfaciendum per se ipsos pro peccatis suis; quidam negligentes satisfacere per se ipsos. Primi condignas Pœnitentias vel petunt a Confessoribus sibi imponi, parati eas implere, vel sponte illas assumunt, dum continuo student per sua sancta opera satisfacere, jejunando, orando, elemosynas dando, &c. Secundi vero levissimam Pœnitentiam aut rogant, aut leti suscipiunt; & cum illam impleverint, quam sciunt esse minimam, non curant amplius de satisfaciendo. Et hi sunt, quibus Indulgentiæ non profunt, iudicio meo. Nullus enim indignus aliena satisfactione pro pœna sibi debita consequitur veraciter fructum Indulgentiæ; sed quilibet in gratia constitutus, negligens satisfacere per se ipsum, est indignus aliena satisfactione pro pœna propriis peccatis debita: ergo nullus constitutus in gratia, negligens satisfacere per se ipsum, acquirit fructum Indulgentiæ.

Pœnitentia, in qualibet bene ordinata Republica, quantumcumque rationalis adesset quandoque causa dispensandi communem thesaurum in cives gravatos e-re alieno; negligentes tamen solvere, indigni censerentur adiutorio thesauri: ex eo enim, quod possunt de suo solvere, & non curant, indignos se reddunt tali sublevamine. Et nisi tales pro indignis haberentur, foret negligentiæ, quoniam alii horum exemplo ad similem negligentiam provocarentur: legis autem est facere non negligentes, sed virtuosos. Cum igitur Ecclesia sit a Deo ordinata, equum non est, ut spiritalis dispensatio thesauri negligentes satisfacere pro dignis habeat. Hoc enim vere esset enervare Satisfactiones Pœnitentiales. Non profunt igitur Indulgentiæ constitutis in gratia negligentibus satisfacere per se ipsos, quoniam indigni sunt Indulgentiæ. Parati autem ad satisfaciendum per se ipsos sunt, non qui negligunt per se ipsos satisfacere, sed illi soli, quorum voluntas sic est ad satisfaciendum parata, quod non retardat opus nisi impedita.

Id confirmatur ex antiqua forma Indulgentiæ, qua dicitur concedi Vere Pœnitentibus, quibus verbis significatur, Indulgentias non consequi Pœnitentes negligentes, sed Pœnitentes sollicitos, qui soli sunt vere Pœnitentes.

Denique, (inquit Pissimus, & Doctissimus Cardinalis) secundum hanc sententiam solvantur omnes quæstiones tam de nimis largo Dei foro, quam de omittendis suffragiis pro plenarie absolutis in morte, quam de admiratione Sapientium, & obloquutionibus detrahentium, & excitantur Christi Fideles ad Pœnitentiæ opera. Nec aliquid admittitur inefficiæ Indulgentiarum; sicut nihil admittitur inefficiæ Sacramentorum ex hoc, quod oportet accedentes ad illa esse digne dispositos, si fructuosa sibi esse volunt: soli siquidem indigni Indulgentia ab illius fructu iuxta hunc dicendi modum excluduntur.

Hanc Regulam pariter confirmat Jo. Hesselius Doctor, & Professor Lovanienfis Academiæ, unusque e Concilii Tridentini Theologis, part. 11. Catechismi, cap. XLVI. Si Plenariam (inquit) Indulgentiam acciperet omnis, qui utcumque contritus est, & confessus, qui est in statu gratiæ, male diceret Bonifacius VIII. Extravag. Antiquorum, quod unusquisque plus mereretur, & efficacius consequeretur Indulgentiam, qui Basilicas ipsas amplius, & devotius frequentaret. Quare non est putandum, ut quidam docent, quod quicumque Indulgentiarum particeps fuerit, si statim moreretur; absque ulla pœna continuo ad cæli gaudia transiret. Multum oportet pro peccato peniteat, & valde pie, perfecteque participet Indulgentias, cui hoc contingit. Et revera si ad hoc, ut plenarias Indulgentias homines acciperent, sufficeret eos esse in statu gratiæ; plurimum evacuetur studium Pœnitentiæ, & satisfactionis, nec vellet homines ullam subire Pœnitentiam, si putarent se aliquam Plenariam Indulgentiam & totius promerite pœne condonationem esse accepturos.

Ad Praxim igitur quod attinet, Consulendum est eis, qui Indulgentiam con-

Pœnitentes negligentes Indulgentiarum fructum non plene consequuntur.

consequuntur, ne propter hoc ab operibus Penitentiae injunctis abstineant; ut etiam ex his remedium consequantur, quamvis a debito poenae essent immunes; praecipue, quia quandoque sunt plurimum debitores quam credant; (inquit S. Thomas, in iv. Sententiarum, dist. xx. quaest. 1. art. 111. quaest. 1. ad iv.) Et ante ipsum Guilielmus Parisensis Tract. De Sacramento Ordinis, cap. iv. Cum (inquit) certum sit eos solos Indulgentias percipere, qui mundi sunt, & immunes a mortalibus peccatis, nulli autem est certum, quod immunis sit, & mundus ab illis: nulli ergo certum est, quod Indulgentias percipiat. Certum est autem unicuique se esse debitorem injunctae Poenitentiae, vel injungendae: quare certum est, neminem debere propter hujusmodi Indulgentias cessare ab agenda Poenitentia, ne committat se periculo, & inestimabilem acerbiteriam ignis Purgatorii incurrat.

R E G U L A XIII.

Totam Indulgentiam non consequitur quicumque facit opus, cujus gratia Indulgentia concessa est, sed qui meliori, quo potest, modo, studioque ferventiore facit.

Haec Regula colligitur ex S. Thoma, in iv. Sententiarum distinct. & quae mox indicatis, art. 111. quaest. 11. ad 111. Quando (inquit) datur Indulgentia indeterminate ei, qui dat auxilium, ad fabricam Ecclesiae, intelligitur tale auxilium, quod sit conveniens ei, qui auxilium dat; & secundum hoc plus, vel minus de Indulgentia consequitur: unde etiam aliquis pauper dans unum denarium consequitur totam Indulgentiam; non autem dives, quem non decet ad opus tam pium, & fructuosum ita parum dare: sicut non diceretur Rex alicui homini auxilium facere, si ei obolum daret.

R E G U L A XIV.

Aliis operibus satisfactoriis Deum magis promeremur, quam Indulgentiis.

Ita docet S. Thomas loco mox citato, ad secundum: Quamvis (inquit) hujusmodi Indulgentiae multum valeant ad remissionem poenae, tamen alia opera satisfactoria sunt magis meritoria respectu praemii essentialis; quod infinitum melius est quam dimissio poenae temporalis.

Et art. v. quaest. 11. ad 11. Propter Indulgentias (inquit) non debet dissolvi Regularis observantia: quia Religiosi magis merentur Religionem suam servando, quantum ad praemium vitae aeternae, quam Indulgentias exquirendo; quamvis minus quantum ad dimissionem poenae, quod est minus bonum.

R E G U L A XV.

Non Vivis solum, sed etiam Defunctis profunt Indulgentiae a Summo Pontifice pro illorum levamine concessae, illisque speciatim a Fidelibus vitam hic mortalem agentibus applicatae.

Indulgentiae
quomodo
profunt De-
functis.

ID antiquus Ecclesiae usus probat, Indulgentias pro Defunctis concedentis. Si quid autem tota per orbem frequentat Ecclesia, quin ita faciendum sit disputare, insolentissime insanie est: (inquit S. Augustinus Epist. 114. olim cxviii. ad Januarium.) Indulgentias Defunctis prodesse declaravit Sixtus IV. Confirmarunt Innocent. VIII. Alexander VI. Clemens VII. Julius III.

III. & Greg. XIII. in Bullis Jubilæi, &c. Contrarium errorem a sacra Facultate Parisiensi damnatum Jo: Major testatur in iv. Sentent. dist. xx. qu. 11. Seque interfuisse eruditi Ordinis Deliberationi. Leo X. in Constitutione contra Lutheri errores hunc inter alios damnat Articulum: *Sex generibus hominum indulgentiæ nec sunt necessariae, nec utiles videlicet Mortuis, &c.* Iis autem dumtaxat profunt, qui in Ecclesiæ Communione, & in gratiæ statu obiere, cum nondum divinæ justitiæ pro peccatis plene satisfecissent; ac propterea in Purgatorium ad reliquas pœnas exsolvendas sunt relegatæ. Profunt autem ipsis, non per modum Absolutionis, quia Summi Pontificis Jurisdictioni non subsumt amplius, sed per modum suffragii, (ut loquuntur Pontifices, & Theologi:) idest, eo modo quo cetera piorum bona opera satisfactoria, scilicet orationes, jejunia, flagellationes, peregrinationes, elemosynæ defunctis suffragantur, non via justitiæ, sed quatenus Divina Misericordia pro illorum Animabus hæc accepta habet. Cujus rei duplicem rationem offert Cardinalis Cajetanus Tract. xviii. *De Indulgentiis*, quæst. v. Prima est, quod pœnæ nostræ sint alterius rationis a pœna servitutis, longeque levior, quo fit, ut sicut servitus pecunia non redimitur secundum justitiæ rigorem, sed secundum acceptationem domini; ita pœnæ Animarum separatarum pœnis, ac satisfactionibus nostris non redimantur secundum justitiæ rationem, sed secundum divinæ Misericordiæ dispensationem. Secunda ratio est, quod forum nostrum, in quo hic patimur, longe sit diversum a foro, in quo Animæ separatæ puniuntur. Forum nostrum lene est, quasi canonicum, aut civile; istud severum, quasi forum rerum capitalium. Quemadmodum igitur, si quis hic ob debita servituti mancipatus esset, (ut olim fiebat) aut Clericus in forum rerum capitalium incidisset, non sufficeret pecunia ad illum redimendum a servitute; nec pœnæ canonicæ sufficerent ad Clericæ vitam redimendam: ita non sufficiunt pœnæ nostræ, laboriosæque Pœnitentiæ opera ad satisfaciendum justitiæ divinæ pro Animabus in Purgatorio detentis; quæ tamen sufficerent ad satisfaciendum pro ipsis, antequam corporibus solutæ, & in forum iræ, ac severitatis divinæ justitiæ translata essent. Non enim patet nobis via Juris aliqua, ut forum illud adeamus ad cujusque redemptionem; sed una divinæ Misericordiæ fiducia suffragia nostra, satisfactionesque Deo ad Animarum patientium levamen offerimus. Summus tamen Pontifex eadem auctoritate sibi a Christo commissæ confert Indulgentias ex Ecclesiæ Thesauris pro defunctis, ac pro vivis, sed longe diverso modo: vivos siquidem absolvit, ut Judex: defunctis auxiliorum suffragia confert, divinæ Misericordiæ confidens, futurumque sperans, ut pro illorum levamine hæc accepta habeat. Id exemplo illustremus. Princeps civitatis alicujus ex ærario publico cives omnes ære alieno gravatos liberare decrevit, quorum aliqui ejus dominio subditi manerent; alii sub alieno versentur, propter debita servituti addicti: in eo casu eadem auctoritate pecuniam dispensat ex publico ærario pro utriusque; sed Jurisdictioni suæ subditos judiciaria etiam potestate absolvit a debito; alienæ vero servituti mancipatis subvenire non potest, nisi pecuniam in modum auxilii mittendo, si forte eam acceptam habeat dominus, ipsosque libertate donet. Pari quodam modo Summus Pontifex pœnas vivorum, ac defunctorum peccatis debitas ex Ecclesiæ Thesauris soluturus, utriusque cœlestis Thesauri opes dispensat; sed vivis applicat absolvendo; defunctis succurrendo, sive satisfactoria fidelium suffragia ad illorum liberationem, vel levamen Deo offerendo.

Indulgentiæ
quomodo
prostant De
functis?

Quibuscumque Purgatorii Animabus plenaria Indulgentia applicatur, non ideo a penis statim liberantur.

Non enim certum est, an hujusmodi suffragium divina Misericordia pro illarum liberatione acceptum habuerit. Deinde id suffragiorum genus illis solis prodest, qui in hac vita, ut sibi prodesse meruerunt. Quamvis autem meruerint omnes, qui in gratia, & charitate obierunt, ut hæc sibi possent prodesse, non tamen, ut hæc sibi reipsa prodesse; sed illi soli, qui reverentia, ac devotione singulari erga claves Ecclesiæ, & Indulgentias affecti fuere, qui misericordia, sollicitudine ad satisfaciendum pro peccatis, studio ad suffragandum Defunctis insignes extitere, (inquit Cardinalis *Cajetanus*.) In hujusque rei confirmationem affert verba *S. Thomæ*, III. par. quæst. LII. art. VIII. ad 1. scribentis, ex testimonio *S. Augustini* in Epist. ad *Evodium*, quod sibi objecerat, non posse concludi, *Quod omnes illi, qui in Purgatorio erant, cum Christus descendit ad Inferos, fuerint a Purgatorio liberati, sed quod aliquibus eorum fuerit hoc beneficium collatum, illis scilicet, qui jam sufficienter purgati erant: vel etiam, qui dum adhuc viverent, meruerunt per fidem, & devotionem ad Mortem Christi, ut eo descendente, liberarentur a temporali Purgatorii pœna.* Quod si Christus Pontifex futurorum bonorum, Plenariam Indulgentiam Sanguine suo partim illis duntaxat Animabus indulgit, qua liberarentur a Purgatorii pœna, cum descendit ad Inferos, quæ id singulari fide, & devotione ad mortem ejus futuram meruerant: non est existimandum, Indulgentiam Plenariam a Romano Pontifice Christi in terris Vicario Animabus Purgatorii concessam, & a Fidelibus in hac vita constitutis aliquibus speciatim applicatam, illis ad pœnæ totius relaxationem plenamque liberationem suffragari, nisi fide, & devotione ad Indulgentias singulari sollicitudine ad satisfaciendum pro peccatis, misericordia, studioque suffragandi defunctis; aliisve piis operibus Deo hunc in finem acceptis, æternoque ejus consilio prædestinatis, (inter quæ pietatem, ac devotionem singularem erga Passionem Christi, erga SS. Sacramentum, erga Deiparam Virginem, numerari pie existimaverim,) ut sibi Plenariæ Indulgentiæ ad plenam liberationem suffragarentur, dum hic viverent, meruerunt.

Ex quibus patet, quid de Bullæ Sabbathinæ Privilegio, & de Altaribus Privilegiatis sentiendum, ac dicendum sit, & quanta sobrietate prædicandæ sint hujusmodi Indulgentiæ a Viris Religiosis, quibus *Clemens V.* in Conc. Viennensi prohibuit *In virtute sanctæ obedientiæ, & sub interminatione maledictionis æternæ, ne in Sermonibus suis Indulgentias pronunciet indiscretas.*

R E G U L A XVII.

Tempore Jubilei quilibet tam Sæcularis, quam Regularis Confessarium eligere potest, quem voluerit, ex approbatis ad hunc effectum. Unde Viri Religiosi, & Sanctimonialia Sacerdoti sæculari, aut alterius Ordinis Regulari peccata sua confiteri possunt, & ab iis absolvi, repugnantibus etiam Superioribus Regularibus.

De facultate eligendi Confessarium tempore Jubilei.

Facultas enim eligendi Confessarium Pontificiis Diplomatis sub hac forma conceditur tempore Jubilei: *Omnibus, & singulis Christi Fidelibus utriusque sexus, tam Laicis, quam Ecclesiasticis, sæcularibus, & Regularibus*

laribus cujusvis Ordinis, & Congregationis, & Instituti, tam in Urbe, quam extra eam, ubique locorum degentibus licentiam concedimus, & facultatem, ut sibi ad hunc effectum eligere possint, quemcumque Presbyterum Confessarium, tam Sæcularem quam cujusvis Ordinis, & instituti Regularem ex approbatis a locorum Ordinariis, qui eos ab Excommunicationis, Suspensionis, & aliis Ecclesiasticis Sententiis, & Censuris, a Jure, vel ab homine quavis causa latis, seu infidelis, necnon ab omnibus peccatis, excessibus, criminibus, & delictis, quantumvis gravibus, & enormibus, etiam locorum Ordinariis, sive Nobis, & Sedi Apostolicæ quomodocumque reservatis, in foro conscientie, & hac vice tantum, absolvere, & liberare valeant.

Contrarium quidem Clemens VIII. declaravit olim Decreto, quod incipit, *Ad perpetuam rei memoriam*: sed supposebat facultatem tam amplam, & tam expressis verbis conceptam Pontificiis Litteris non concedi, sed solum eligendi quemcumque idoneum Confessarium, ut colligitur ex *Barbosa Decreto* illud commemorante Libro *De Officio, & Potestate Episcopi*, P. II. Allegatione xxv. §. 64. Utrum autem (inquit) quando tempore Jubilæi cullibet tam Sæculari, quam Regulari facultas eligendi quemcumque idoneum Confessorem conceditur, integrum sit ipsi Regulari extra Religionem confiteri? Non posse, ex Decreto Clementis VIII. quod incipit, *Ad perpetuam rei memoriam*, resolvunt Ugolinius, &c. Suas, & Decessorum suorum Constitutiones interpretari potuit Clemens VIII. non Successorum Pontificum, qui facultatem concedunt quibuslibet Fidelibus, etiam cujusvis Ordinis, & Congregationis Regularibus, eligendi tempore Jubilæi *Quemcumque Presbyterum Confessarium, tam Sæcularem, quam cujusvis Ordinis, & Instituti Regularem ex approbatis a locorum Ordinariis*. Cum itaque Favores conveniat ampliari, ut habet Regula Juris, & Beneficia Principum, quam latissime debeat interpretari: non est, cur gratia Regularibus tempore Jubilæi Pontificiis Litteris concessæ restringantur: nec a quovis Superiore Regulari prohiberi possunt Viri Religiosi, aut Moniales, ne illis fruantur.

R E G U L A XVIII.

Jubilæi tempore semel tantum hac gratia frui possunt Regulares, Confessariumque Sæcularem, aut alterius Ordinis Regularem eligere. Unde Viri Religiosi, aut Moniales exemptæ Confessionem invalidam, ac nullam ederent, si altera vice peccata deponerent apud sæcularem Sacerdotem, aut alterius Ordinis Regularem a Prælati suis Regularibus non approbatum, sive absque eorum licentia.

Pontificiis enim Diplomatis hæc eligendi Confessarium tam ampla facultas ipsis conceditur *Ad hunc effectum*, id est, ad Indulgentiam Jubilæi consequendam, & hac vice tantum. De Jubilæo.

R E G U L A XIX.

Cum Jubileum pluribus hebdomadibus durat, Indulgentiam Jubilæi bis non consequitur, qui opera Pontificio Diplomate præscripta bis peragit; verbi gratia, qui prima, & altera hebdomade stata Jejunia observat, Ecclesias adit Stationibus destinatas, preces fundit, peccata confitetur, & Sacram Eucharistiam percipit.

Hæc Regula colligitur, tum ex Pontificiis Diplomatis, quæ hanc Indulgentiam semel tantum obtineri significant, tum ex S. Thoma in iv. *Sentent. Dist. xx. qu. i. art. III. qu. II. ad quartum. Quandocumque* (inquit

quit) *Indulgentia ad determinatum tempus datur; ut cum dicitur, Quicumque vadit ad Ecclesiam talem usque ad tale tempus, habeat tantum de Indulgentia; intelligitur semel tantum: sed si in aliqua Ecclesia sit Indulgentia perennis, sicut in Ecclesia Beati Petri quadraginta dierum, tunc quoties vadit aliquis, toties Indulgentiam consequitur.*

R E G U L A XX.

Probanda, & laudanda est Piorum sollicitudo, qui opera Pontificio Jubilei Diplomate præscripta bis faciunt.

HÆc enim repetitio ipsis prodest ad accuratiorem, & pleniorém satisfactionem, ampliúsque meritum, & ad ejusdem Indulgentiæ fructum uberiorè consequendum, si forte prima vice non ita dispositi fuerint, ut totum a Deo obtinerent. Atque piæ illi devotorum Christi famulorum, ac famularum consuetudini, praxique favet Bonifacius VIII. Extravag. *Antiquorum*, Extra. De Penitentis, & Remissionibus, dicens: *Unusquisque tamen plus merbitur, & Indulgentiam efficacius consequetur, qui Basilicas ipsas amplius, & devotius frequentabit.*

R E G U L A XXI.

Sacerdotes, & Clerici, Virique Religiosi, & Sanctionales, adeuntes Ecclesias suas, quarum Visitationi annexa est Indulgentia vel in perpetuum, vel statis temporibus, non minorem (si cætera sint paria) consequuntur Indulgentiam iis, qui e locis remotissimis ad easdem accedunt cum in finem oraturi.

Hanc Regulam tradit S. Thomas, in iv. Sentent. Dist. xx. quæst. 1. art. 111. Quæstiuncula 11. ad quartum: *Ille (inquit) qui est vicinus Ecclesie, & etiam Sacerdos, & Clerici, consequuntur tantam Indulgentiam, sicut illi, qui venirent a mille dietis; quia remissio non proportionatur labori, sed meritis, quæ dispensantur: sed ille, qui plus laboraret, plus de merito acquireret.*

R E G U L A XXII.

Jubileum, aut Indulgentias aliis, seu vivis, seu defunctis applicare, aut fructum earum ad illos transferre Fideles non possunt, qui opera peragunt pro illis consequendis præscripta, nisi Pontificiis Litteris id exprimitur.

HÆc Regula colligitur ex S. Thoma, in iv. Sententiarum, dist. xx. qu. 1. art. v. Quæstiuncula 111. ad secundum: *Opus proprium (inquit) potest quis applicare per intentionem cuicumque voluerit; & ideo potest pro quocumque vult satisfacere: sed Indulgentia non potest applicari ad aliquem, nisi ex intentione ejus, qui dat Indulgentiam: & ideo cum ipse applicet ad facientem, vel dantem (hic autem illud non potest) ille, qui hoc facit, ad alterum hanc intentionem transferre non potest. Si tamen fieret sic Indulgentia, Ille, qui facit, vel pro quo hoc fit, habeat tantam Indulgentiam, valeret ei, pro quo fit: nec tunc iste, qui facit hoc opus, daret alteri Indulgentiam, sed ille, qui Indulgentiam sub tali forma facit.*

T R A C T A T U S

D E E X T R E M A U N C T I O N E.

DAvidem Regem tribus vicibus unctum esse legimus. Primum in domo patris sui: secundo in Hebron, ut regnaret super Domum Juda, postquam unctionem multa mala, & adversa passus est. Tertio iterum unctus est

est in Regem super omnem Israellem; post quam unctionem in pace regnavit. Prima significabat unctionem, quæ fit in Baptismo, quæ & ipsa signum est futuros nos Regni illius participes, quod expectamus, Regni sempiterni, Regni, cuius non erit finis, Regni, quod paravit nobis Deus a constitutione Mundi. Altera significabat unctionem, quæ fit in Sacramento Confirmationis, per quam nobis confertur Spiritus Sanctus ad resistendum diaboli tentationibus, qui nos per omne vitæ nostræ tempus graviter oppugnare numquam intermittit, cum nihil aliud sit vita hominis super terram, quam Militia. Tertia significabat Unctionem nostram Extremam, post quam, superatis hostibus, divino beneficio nobis datur, ut in Regno illo, ad quod in Baptismo inuncti sumus, & inaugurati, pace fruamur sempiterna. Quemadmodum autem Baptismi Sacramento Christus Jesus Redemptor noster aditum ad veram vitam nobis patefecit; & auxilia maxima in Sacramentis aliis præparavit, quibus nos conservaremus integros, dum vivimus, ab omni graviore spiritus incommodo: ita Extremæ Unctionis Sacramento finem vitæ tanquam firmissimo quodam præsidio munivit, ut ad propellendos Dæmonis impetus firmiores efficeremur, utque expeditiorem ad cælum viam haberemus.

Multis autem nominibus hoc Sacramentum ab Antiquis vocatum est; primo *Sacramentum Unctionis Infirmorum*: secundo, *Sacramentum exeuntium*: tertio, *Extrema Unctio*, quod hæc *Omnium sacrarum Unctionum*, quas Salvator noster Ecclesiæ suæ commendavit, *ultima* administranda sit: quarto, *Pœnitentiæ complementum*, & *consummatio*; nam hoc Sacramentum (ut ait Synodus Tridentina) non modo Pœnitentiæ, sed & totius Christianæ vitæ, quæ perpetua Pœnitentia esse debet, consummativum existimatum est a Patribus. Quinto, *Celestis Medicina*, quod animæ, corporisque morbos propulset; animæ quidem cum peccata remittit, quibus nulli possunt esse morbi graviore, eorumque reliquias abstergit; corporis autem cum hominem allevat, eique sanitatem interdum restituit, quando nimirum id ipsi profuturum est ad æternam salutem.

C A P U T I. D E N A T U R A U N C T I O N I S E X T R E M Æ. A R T I C U L U S I.

Utrum Extrema Unctio sit Novæ Legis Sacramentum?

P R O P O S I T I O U N I C A.

Extremæ Unctioni propria Sacramenti ratio convenit.

ID perspicuum fiet, si verba, quibus S. Jacobus Apostolus hujus Sacramenti Legem promulgavit, attendamus. Sic autem habet Epistolæ suæ Catholicæ cap. v. *Infirmatur quis in vobis? Inducat Presbyteros Ecclesiæ, & orent super eum, ungentes eum oleo in nomine Domini. Et oratio fidei salvabit infirmum: & alleviabit eum Dominus: & si in peccatis sit, remittentur ei.* Signum enim sensibile perpetuum, vim habens condonandi peccata, & gratiam sanctificantem conferendi, verum, ac proprie dictum Sacramentum est: atqui ex his S. Jacobi verbis perspicuum, ac exploratum est, Extremam Unctionem esse signum sensibile, perpetuum, vim habens conferendi gratiam sanctificantem. Signum enim sensibile est, cum materia sensibili, scilicet oleo, unctioneque, & præscripta verborum forma constet: per-

Unctionis
Extremæ Sa-
cramentum
a S. Jacobo
Apostolo
promulga-
tum.

petuum; siquidem Unctionis Ritus, cujus S. Jacobus meminit, non duobus tantum primis sæculis, sed sequentibus ad nostra usque tempora in Ecclesia fuisse usurpatum, veteres Patres, Synodi, Auctores Ecclesiastici testantur: vim gratiam sanctificantem conferendi habere, probatur ex eo, quod juncta orationi remittit peccata: *Ungetes eum oleo in nomine Domini: Et oratio fidei salvabit infirmum: Et si in peccatis sit, remittentur ei.*

Ecclesiæ
perpetua do-
ctrina de
Unctionis
Extremæ
Sacramento.

Hanc vero Catholicæ Ecclesiæ de Extrema Unctione perpetuam fuisse doctrinam, veteres Patres, & Concilia, Auctoresque Ecclesiastici testantur, ex quibus nonnulla profero. Prodeat in primis Origenes, Homilia 11. in Leviticum scribens: *Est adhuc Et septima, licet dura, Et laboriosa per Pœnitentiam remissio peccatorum, cum lavat peccator in lacrymis stratum suum, Et sunt ei lacrymæ sue panes die, ac nocte, Et cum non erubescit Sacerdoti Domini indicare peccatum suum, Et quærere Medicinam, secundum eum, qui ait:* „Dixi pronuntiabo adversam me injustitiam meam Domino, & tu remisisti impietatem cordis mei. In quo impletur Et illud, quod Apostolus dicit: Si quis autem infirmatur, vocet Presbyteros Ecclesiæ, Et imponent ei manus, ungetes eum oleo in nomine Domini. Loquitur tibi Origenes de universa Christiani hominis Pœnitentia, quæ complectitur Sacramentum Pœnitentiæ, & Sacramentum Extremæ Unctionis, quod consummatio, atque perfectio Pœnitentiæ Christianæ a Patribus appellatur; ad eum modum, quo Sacramentum Confirmationis consummatio, atque perfectio Baptismi nuncupatum est.

Psal. 31. 5.

Jacob 5.

Jacob 5.

Prodeat secundo S. Jo: Chrysostomus Lib. 111. De Sacerdotio, ubi de potestate Sacerdotum ad remittenda peccata sic loquitur: *Neque enim solum cum nos regenerant, sed postea etiam condonatorum nobis peccatorum facultatem obtinent.* Infirmatur, inquit, inter vos aliquis? Accersat Presbyteros. At Sacerdotes non habent potestatem remittendi peccata regeneratis, & quidem simili modo, quo remittunt in Baptismate, nisi per Sacramentum.

Prodeat tertio Innocentius I. respondens Decentio hunc in modum: *Sane quoniam de hoc sicuti de ceteris consulere voluit Dilectio tua, adjecit etiam filius meus Celestinus Diaconus in Epistola sua, esse a tua Dilectione positum illud, quod in Beati Jacobi Epistola conscriptum est (si infirmus aliquis in vobis est, vocet Presbyteros, & orent super eum, ungetes eum oleo in nomine Domini, & si peccata fecit, remittent ei: Quod non est dubium de Fidelibus egrotantibus accipi, vel intelligi debere: qui Sancto Oleo chrismatis perungi possunt, quo ab Episcopo confecto, non solum Sacerdotibus, sed omnibus uti Christianis licet, in sua, aut suorum necessitate inungendo. Ceterum illud superfluum videmus adjectum, ut de Episcopo ambigatur, quod Presbyteris licere non dubium est. Nam idcirco de Presbyteris dictum est, quia Episcopi occupationibus aliis impediti, ad omnes languidos ire non possunt. Ceterum si Episcopus aut potest, aut dignum ducit aliquem a se visitandum, Et benedicere, Et tangere chrismate, sine cunctatione potest, cujus est ipsum Chrisma conficere. Nam Pœnitentibus istud infundi non potest, quia genus est Sacramenti. Nam quibus reliqua Sacramenta negantur, quomodo unum genus putari posse concedi? Ex hoc Innocentii I. testimonio colligitur, illius ætate Unctionem Infirmorum in Ecclesia usurpatam fuisse, quæ a S. Jacobo fuerat promulgata; & hanc Sacramentum existimatam fuisse non minus quam cetera, quæ Pœnitentibus ante Reconciliationem negabantur. Illius porro materiam Chrisma vocat, prout vox ista significat unguentum, seu id, quo fit unctio, non prout mixtam ex oleo, & balsamo. Oleo ab Episcopo benedicto Christianos omnes uti posse ait, in sua aut suorum necessitate inungendo, hoc est, ad recuperandam sanitatem: sed unctionem a quibuslibet Christianis, etiam laicis*

Extrema
Unctio pœ-
nitentibus
publicis o-
lem negata.

laicis factam ipsum esse Unctionis Infirmorum Sacramentum non ait. Quem-
admodum scilicet Fideles olim usi sunt aqua consecrata ad restitutionem fan-
nitatis corporeæ, cum plurimos in pristinam sanitatem Baptismate restitu-
tos vidissent: ita cum Unctionis Infirmorum Sacramento plures convale-
scere novissent, Oleum illud sanctum in suis, suorumque necessitatibus ad-
hibuerunt, ut de *Macario* testatur *Palladius*, *Historiæ Lausiacæ* cap. xx. de
Eutychio Constantinopolitano *Eustachius* Presbyter in ejus Vita, de *Marti-
no*, & *Senoch* Abbatibus *Gregorius Turonensis* in *Vitis Patrum*, cap. xiv. &
xv. de *Hospitio* Recluso; idem Lib. vi. *Historiæ*, cap. vi. & vii. de *S. Mar-
tino* Turonensi *Sulpitius Severus*, &c. Et hæc inunctio non condonabat pec-
cata, quod Jacobæa, seu nostra facit, secundum hæc ejusdem Apostoli ver-
ba: *Si in peccatis sit, remittentur ei*. Sed illa, quam Presbyteri, aut Episco-
pi administrabant ægrotantibus, ut illis peccata dimitterentur, Jacobæa erat,
& nostra: idque ita certum erat, ut in dubium merito vocari non posset.
Quod non est dubium de Fidelibus ægrotantibus accipi, vel intelligi debere, (in-
quit *Innocentius I.*)

Prodeat quarto *S. Augustinus*, in *Speculo*, verba *S. Jacobi* referens, *Infir-
matur quis in vobis*, &c. Dixerat autem in Præfatione Libri: „ De his igi-
tur, quæ ita sunt posita in Litteris Sacris vel jubendo, vel vetando, vel
sinendo, ut etiam nunc, id est, tempore Novi Testamenti, ad vitam
piam exercendam, moresque pertineant, hoc Opus, quod in manus sum-
psi, componere aggressus sum, ut quantum me Deus adjuvat, omnia ta-
lia de Canonicis Libris colligam, atque ut facile inspicere possint, in u-
num tanquam Speculum congeram. Cum itaque *S. Jacobi* locum de Un-
ctione Infirmorum eo in Libro referat, existimavit sua ætate, generatim-
que tempore Novi Testamenti præceptum esse infirmis, ut vocent Presby-
teros, a quibus inungantur, ut per hanc Unctionem Orationi junctam eor-
um peccata deleantur. Hoc vero quid aliud est, quam agnoscere Unctio-
nem illam, ut signum perpetuum, vim habens gratiam sanctificantem con-
ferendi?

Prodeat quinto *S. Cyrillus Alexandrinus*, Lib. vi. *De Adoratione in Spiritu,
& Veritate*, ubi contra incantationes agens, sic loquitur: *Tu vero, si qua ti-
bi pars corporis dolet, & vere credis, hæc verba*, Dominus Sabaoth, „ & alias
huiusmodi appellationes, quas Deo, qui secundum naturam est, Divina
Scriptura tribuit, vim habere putas pellendi malum illud, pro te ipso pre-
ces fundens hæc verba pronuncia: sic enim rectius, quam illi facies, ne-
que impuris Spiritibus, sed Deo gloriam tribues. Commemorabo etiam di-
vinitus inspiratam Scripturam, quæ ait: *Infirmitur quis in vobis*, inducat
Presbyteros, &c. Duo remediorum genera contra incantationes proponit *S.
Cyrillus*, Orationem, qua Dominus Sabaoth invocetur, & Unctionem,
quam *S. Jacobus* Apostolus commendat, adeoque huiusmodi Unctio usitata
erat quinto sæculo: remissionem porro peccatorum conferebat, ut docet A-
postolus a *S. Cyrillo* laudatus: illam itaque Sacramentum esse proprie dictum
S. Cyrillus agnovit.

Prodeat sexto *Vissor Antiochenus*, in hæc verba *S. Marci*, *Et ungebant o-
leo multos*, scribens: „ Quæ Apostolus *Jacobus* in sua Canonica narrat, ab
hoc non dissentiant: scribit enim: *Infirmitur* &c. Oleum inter alia &
laborum molestias mitigat, & lumen fovet, & hilaritatem conciliat
Oleum igitur, quod in sacra Unctione adhibetur, & Dei Misericordiam,
& morbi sanationem, & cordis illuminationem denotat. Dicit tamen po-
test Orationem hæc omnia efficere; oleum autem eorum omnium, quæ
sunt, externum tantum symbolum esse. Hos effectus orationi, non oleo,

nisi ob adjunctam orationem tribuit *Victor Antiochenus*, secundum modum loquendi Patrum, qui Sacramentorum effectus verbis, non signo sensibili, nisi ratione verborum tribuere consueverunt. Unde *S. Augustinus* de Baptismo ait: *Que tanta virtus aque, ut corpus tangat, & cor abluat, nisi faciente verbo? &c.*

S. Gregorii Sacramentarium Catholicam Fidem de Unctionis Extremæ Sacramento confirmat. In eo enim Ritus benedictionis Olei ad Infirmum ungendum habetur in Officio Feriæ v. in Cæna Domini: & in Ordine ad visitandum Infirmum, fit mentio Unctionis quinque sensuum, sub hac verborum forma: *Inungo te Oleo sancto, sicut unxit Samuel David in Regem, & Prophetam. Operare creatura olei in nomine Patris omnipotentis: ut non lateat illic Spiritus immundus, &c.* Moriturus, seu in mortis periculo constitutis adhibitam sacram illam Unctionem, hæc Orationis alterius verba probant: *Et quem languor curvat ad exitum, & virium defectus trahit ad occasum.* Oratur Deus, ut hac Unctione peccati reliquias abstergat, his verbis: *Ut castigationibus emundata, continuo sentiat tua medicina salvatam Ut medelam tuam non solum in corpore, sed in anima sentiat Viscerumque, ac cordium interna medica, medullarumque & cogitationum Propitietur Dominus cunctis iniquitatibus tuis, & sanet omnes languores tuos.* Poscitur quoque cœleste præsidium adversus tentationes, his verbis: *Ut mittere digneris Sanctum Angelum tuum, qui famulum tuum in angustiis, & necessitatibus laborantem, consolationibus tuis attollat, quibus & de præsentī consequatur auxilia, & æterna remedia comprehendat.*

Ejusdem Catholici dogmatis veritati suffragatur *S. Eligius* Noviomensis Episcopus, in Sermone, quem habere solebat ad Populum, qui refertur in ejus Vita a *B. Audoeno* Rotomagensi Episcopo conscripta, Lib. 11. cap. xv. quæ Tomo v. *Spicilegii Dacheriani* edita est. *Præterea* (inquit), quoties aliqua infirmitas supervenerit, non quærantur præcatores, non divini, non fortilegi, non caragi, nec per fontes, aut arbores, vel bivios diabolica phylacteria exerceantur; sed qui egrotat, in sola Dei Misericordia confidat, & Eucharistiam Corporis, & Sanguinis Christi cum fide, ac devotione accipiat, Oleumque benedictum fideliter ab Ecclesia petat, unde corpus suum in nomine Christi ungat, & secundum Apostolum, Oratio fidei salvabit infirmum, & alleviabit eum Dominus; & non solum corporis, sed etiam animæ sanitatem recipiet.

Eandem veritatem confirmant Venerabilis *Beda* in cap. vi. Evangelii *S. Marci*, & in cap. v. *S. Jacobi*; *Crodo gangus* Metensis Episcopus in *Regula Canonicorum* edita Tom. 1. *Spicilegii*, Capitularia *Caroli Magni*, Lib. 1. cap. cxlii. Lib. vi. cap. lxxv. & lxxvi. Concilium Cabilonenſe anno 813. celebratum, Can. xlviii. Aquisgranenſe 11. anno 836. Canone v. Moguntinum anno 847. cap. xxvi. Regiaticenſe anno 850. cap. viii. Vormatienſe anno 968. Canone lxxii. *Heraldus* Turonensis, & *Hincmarus* Rhemenſis, Archiepiscopi, in Capitulis, *Jonas Aurelianensis* Lib. 111. *De Institutione Laicali*, cap. xiv. ubi usum Unctionis Infirmorum ad Traditionem Apostolicam refert; *Paschasius Radbertus* Libro *De Corpore, & Sanguine Domini*, cap. viii. & in Vita *Adelardi* Corbejenſis Abbatis, *Ratherius* Veronenſis Episcopus in Sermone Synodali, *Lanfrancus* Cantuarienſis Archiepiscopus in Decretis pro Ordine *S. Benedicti*, cap. xxiii. *B. Petrus Damiani*, in Sermone in Dedicatione Ecclesiæ; *Ivo Carnotensis* Episc. xx. Lib. 11. ad *Goffridum Vin-docinensem*, qua Unctionem Infirmorum Publicæ Pœnitentiæ Sacramentum vocat, & non esse repetendam censet, sicut nec Baptismum: *Goffridus Vin-docinensis*, Episc. xix. Lib. 11. & Opusculo ix. eodem fere modo loquitur: *Inunctio* (inquit), infirmorum magnum Sacramentum est: & ideo nulla

„ est

Disputatum
olim an Un-
ctio Extre-
ma iteranda
esset.

est ratione iterandum. Sicut enim cetera Sacramenta per Apostolos Christiana Religio suscepisse creditur: ita & istud suscepisse ab Apostolica Traditione minime dubitatur. Omne autem Sacramentum a Spiritu Sancto, per Doctores sanctos, in quibus ipse loquitur, iterari prohibetur: idcirco videlicet, ne Medicina sancta vilesceret, & minus utilis esset: quæ tanto magis salubris est, quanto minus contemptibilis invenitur. Contra vero iterandæ Unctionis Infirmorum consuetudinem vindicat Petrus Cluniacensis Episcopus. i. Lib. vi. Iterari (inquit) prout mihi videtur, necesse est Infirmorum Unctionem: quia iterari necessarium est peccatorum, propter quam illa fit Unctio, remissionem. Istud indicant & ipsa verba hoc præcipientis Apostoli. Infirmatur, &c. Cum igitur certum sit, causam Unctionis hanc esse, ut Oratio fidei salvet infirmum, & allevet eum Dominus, ut si in peccatis sit, dimittantur ei; cur non iterabitur Unctio, præcedente Unctionis causa? Denique S. Bernardus in Vita S. Malachie Episcopi, cap. xxxi. de eo scribit: *Jubet se sacro Oleo ungi. Exeunt Conventu Fratrum, ut solemniter foret, non sustinuit, ut ad se ascenderent: Ipse ascendit ad eos. Facebat siquidem in solarium in domo superiori. Ungitur, & sumpto Viatico, Fratrum se orationibus, & Fratres commendans Deo, ad lectum revertitur.* Et cap. xxiv. refert ipsum vehementer doluisse de morte cujusdam femine, quæ absque Extrema Unctione obierat; sibi quæ imputasse, *Quod fraudata gratia Sacramenti obiret.* Et postquam retulit, quomodo suscitaverit eam Sanctus Antistes, subdit: *Et unxit eam nihilominus, sciens in hoc Sacramento remitti peccata, & quod Oratio Fidei salvet infirmum.*

Secundum hæc, Sacra Synodus Tridentina Sess. xiv. cap. 1. De Sacramento Extremæ Unctionis, docet, Institutam esse Sacram hanc Unctionem Infirmorum, *Tanquam vere, & proprie Sacramentum Novi Testamenti a Christo Domino nostro apud Marcum quidem insinuatum, per Jacobum autem Apostolum, ac Domini fratrem Fidelibus commendatum, ac promulgatum:* Infirmatur quis in vobis? &c. Quibus verbis, ut ex Apostolica Traditione per manus accepta, Ecclesia didicit, & docet materiam, formam, proprium Ministrum, & effectum hujus salutaris Sacramenti, &c. Tribus denum Canonibus doctrinam fidei declarat, explicat, & confirmat contra Lutheri, & Calvini hæreses.

De Extrema
Unctione
quid credendum.

1. Si quis dixerit, Extremam Unctionem non esse vere, & proprie Sacramentum a Christo Domino nostro institutum, & a Beato Jacobo Apostolo promulgatum; sed Ritum acceptum a Patribus, aut figmentum humanum; Anathema sit.
2. Si quis dixerit, sacram Infirmorum Unctionem non conferre gratiam, nec remittere peccata, nec alleviare infirmos; sed jam cessasse, quasi olim tantum fuerit gratia curantium; Anathema sit.

3. Si quis dixerit, Extremæ Unctionis Ritum, & usum, quem observat Sancta Romana Ecclesia, repugnare Sententiæ Beati Jacobi Apostoli; ideoque eum mutandum, posseque a Christianis absque peccato contemni; Anathema sit.

Obijciunt Hæretici: Extrema Unctio, quæ a Catholicis usurpatur, non est eadem cum Jacobæa: hæc enim dari jubetur ad sanitatem absolute conferendam: *Alleviabis eum Dominus, & oratio fidei salvabit infirmum:* ad remissionem vero peccatorum conditionate: *Si in peccatis sit, remittentur ei.* Contra vero nostræ Unctionis Extremæ finis primarius, & absolutus est remissio peccatorum: restitutio autem sanitatis est finis duntaxat secundarius, & conditionatus, si expediat salutem animæ, imo nullatenus sanitas corporis est effectus nostræ Unctionis. Nam Sacramenta effectum suum conferunt ex opere (ut ajunt) operato: quo modo Unctio nostra non confert sanitatem: alioqui non morerentur quicumque Extrema Unctione fuissent delibuti. Denique Unctio Jacobæa omnibus Infirmis adhibetur; nostra solis decernitur adhibenda moribundis; illa per Presbyteros, nostra per unum Sacerdotem.

Hæreticorum
Objectionibus
contra Unctionis
Extremæ Sa-
cramentum
respondetur.

Respondetur, Sanitatem corpoream eodem modo esse effectum *Unctionis* nostræ, ac Jacobæ. Effectus (inquam) *Unctionis* Extremæ absolutus, quamvis particula conditionali ab aliquibus exprimitur, est sanitas ordinata ad salutem succipientis, quam omnes rite dispositi recipiunt, & quando eam non recipiunt, ideo eis non confertur, quia saluti animæ illorum non expedit. Quamquam vero primo loco recensetur restauratio sanitatis corporeæ. *Jacobi V.* non ideo primarius est effectus, *Unctionis* Infirmorum. Ideo enim primo loco recensetur, vel quia magis notus est, vel quia respondet magis verbis istis antecedentibus, *Infirmatur quis in vobis*; vel ob aliquam aliam causam. Sic Matthæi xix. de eo, qui reliqueri patrem, aut matrem dicitur: *Centuplum accipiet, & vitam æternam possidebit*. Quæ verba, *Centuplum accipiet*, exprimunt mercedem in hac vita reddendam, quæ certe minus præcipua est, quamvis primo loco nominetur, & ante vitam æternam, quæ merces præcipua est. Remissio itaque peccatorum est primarius effectus *Unctionis* Jacobæ, & nostræ, quæ una, & eadem est cum Jacobæ: effectus item absolutus est, non conditionatus, quamvis conditionali particula exprimitur a S. Jacobo: *Et si in peccatis sit, remittentur ei*. Particula enim, *Si*, non semper significat in Scripturis conditionem rei dubiæ, sed aliquando significat concessionem rei certæ. Sic Malachiæ i. *Si Pater ego sum, ubi est honor meus? Et si Dominus ego sum, ubi est timor meus?* Id est, cum ego sim Pater, cur mihi honorem non impenditis; & cum ego sim Dominus, cur me non timetis? Sic ii. ad Thesalon. i. *Si tamen iustum est apud Deum retribuere tribulationem iis, qui vos tribulant*: id est, si quidem iustum est, &c. Ita Sanctus ipse Jacobus cap. i. *Si quis vestrum indiget sapientia*: id est, cum unusquisque vestrum indiget sapientia. Sic cap. v. hæc verba, *Si in peccatis sit, remittentur ei*, concessionem rei certam significant, eorumque sensus est: Per *Unctionem* in Nomine Domini a Sacerdotibus factam dimittentur infirmo peccata, in quibus est. Hunc autem esse verborum S. Jacobi sensum, Patres, & Ecclesia docent, a quibus genuinus Scripturæ sensus peti debet.

Nec solis moribundis *Unctio* nostra, sicut nec Jacobæ adhibetur, sed aliis etiam infirmitate gravi decumbentibus. Nam Concilium Tridentinum, quod suam de Sacramento Extremæ *Unctionis* haurire se doctrinam proficitur ex verbis Apostoli Jacobi, ait illis declarari, *Esse hanc Unctionem infirmis adhibendam, illis vero præsertim, qui tam periculose decumbunt, ut in exitu vitæ constituti videantur*.

Cum autem ait S. Jacobus, *Inducat Presbyteros*, plures Sacerdotes ad *Unctionem* Extremam administrandam necessario vocandos esse non significat. Usitatum enim est genus locutionis in Scripturis, ut pluralis numerus ponatur pro singulari; ut observat S. Augustinus Lib. iii. *De Consensu Evangelistarum*, cap. xvi. ubi exponit illud Matth. xxvii. *Idipsum & Laetrone, qui crucifixi erant cum eo, improperabant ei*: quod S. Lucas ab uno tantum factum esse scribit cap. xxiii. *Nisi (inquit) intelligamus*, „ Matthæum, & Marcum breviter perstringentes hunc locum, pluralem numerum pro singulari posuisse. Sicut & in Epistola ad Hebræos legimus pluraliter dictum; Clauserunt ora leonum, cum solus Daniel significari intelligatur: & pluraliter dictum, Secti sunt: cum de solo Isaia tradatur. In Psalmis etiam, quod dictum est: *Astiterunt Reges terræ*, & Principes convenerunt in unum: pluralem numerum pro singulari positum in Actibus Apostolorum exponitur. Nam Reges propter Herodem, Principes propter Pilatum intellexerunt, qui testimonium ejusdem Psalmi adhibuerunt. Sed quia & Pagani solent calumniari Evangelio, vi-

deant

deant, quemadmodum locuti sint Auctores eorum, Phedras, Medeas, & Clytemnestras, cum singulæ fuerint. Quid autem usitatus, verbi gratia, quam ut dicat aliquis: Et rusticus mihi insultant, etiam si unus insultet? Tunc enim esset contrarium, quod Lucas de uno manifestavit, si illi dixissent, Ambos Latrones conviciatos Domino. Ita enim non possit sub numero plurali unus intelligi. Cum vero dictum est, Latrones, vel, Qui cum eo crucifixi erant: nec additum est, Ambo: non solum si ambo fecissent, posset hoc dici, sed etiam, quia unus hoc fecit, potuit usitato locutionis modo per pluralem numerum singularis significari.

Obijciunt Hæretici: Ritus ille, cujus nulla mentio occurrit apud omnes quatuor priorum sæculorum Patres, etiam cum accurate sacros Ecclesiæ Ritus, & Sacramenta exponunt, probari non potest ex Traditione, quod sit Novæ Legis Sacramentum: sed quatuor priorum sæculorum Patres numquam, & nullibi meminerunt Extremæ Unctionis, etiam cum Ecclesiæ Ritus, & Sacramenta exponunt. Illius non meminit *Dionysius* Libro De Ecclesiastica Hierarchia, in quo ne minimas quidem Ecclesiæ cæremonias intactas reliquit, ut nec Auctor Constitutionum Apostolicarum, quam tamen omnino commemoraturi videntur, si tum fuisset in usu Christianorum.

Secundo, *S. Augustinus* Heracleonitarum hæresim referens Lib. De Hæresibus, cap. xvi. ait, istos Hæreticos novo modo Morientes suos, quasi redimere, id est, per oleum, balsamum, & aquam, & Invocationes, quas Hebræis verbis dicunt super capita eorum. Atqui si hodiernus Unctionis Extremæ Ritus tum in Ecclesia viguisset, *S. Augustinus* debuisset superfluitatem illam Heracleonitarum Unctionem ab Ecclesiastica distinguere.

Tertio, si prioribus sæculis aliquo in usu fuisset Extrema Unctio, ejus meminissent Scriptores Ecclesiastici priorum Sæculorum, cum Piorum mortes describunt, & quæcumque gessere in mortis articulo ad pietatem pertinentia: atqui non meminerunt Unctionis Extremæ cum Piorum mortes referunt. Hujus non meminit *Eusebius*, cum *Constantini* Imperatoris supremam describit Lib. III. De Vita *Constantini*; nec *S. Athanasius* in vita *S. Antonii*; nec *S. Gregorius Nazianzenus* in Vita Sororis *Gorgoniæ*, aut in Orationibus editis in laudem Patris sui *Gregorii*, & *Basilii*; non *S. Gregorius Nyssenus*, cum *Gregorii Neocesariensis*, *Ephremi*, & *Macrinæ* Sororis obitum describit; non *S. Ambrosius*, in Orationibus, quibus *Satyri* fratris, & *Theodosii* Augusti funera profecutus est; non *Severus Sulpitius*, cum *B. Martini* mortem describit; non *Simeon Metaphrastes*, cum *Chrysostomi*; non *Paulinus*, cum *Ambrosii*; non *Hieronymus*, cum *Nepotiani*, *Paulæ*, & *Marcellæ* mortes celebravit; non *S. Augustinus*, cum *Monicæ* Matris; non *Possidius*, ipsius *Augustini* obitum narrans; non *Ferrandus* in *S. Fulgentii* Vita ejus obitum describens. Denique in Vitis Patrum, seu veterum Anachoretarum, nullum deprehendes vestigium Unctionis Extremæ.

Quarto, Sæculi quinti, & sequentium ad nonum usque accuratissimi Scriptores, qui in describendis piorum, & sanctorum hominum moribus, sumptæ ab iis Eucharistiæ sæpissime meminerunt, Extremam Unctionem ab iis susceptam numquam memorarunt, ut patet ex infinitis propemodum locis apud *Surium*. Atqui si tum in usu fuisset, ac pro Sacramento habita, ejus æque ac Eucharistiæ meminissent.

Quinto, Concilia, & Pontifices qui Eucharistiam vel negarunt, vel concesserunt Pœnitentibus in exitu constitutis, pro varia Ecclesiasticæ Disciplinæ ratione, numquam de concedenda, vel neganda Unctione Extrema Canones ullos, aut Decreta ediderunt, ut constat ex Historia

ria *Serapionis* apud *Eusebium* Lib. vi. cap. xxxiv. ex Concilio Illiberitano, Canone xxxvi. ex Concilio Nicæno, ex *Innocentio I.* in Epistola ad *Exuperium*, &c. Unctio igitur Extrema tunc non erat in usu, neque Sacra ullatenus habebatur.

Ad primum respondetur, *Origenem*, qui tertio Sæculo vixit, & *S. Ioan. Chrysostomum*, qui quarto floruit, Unctionis Extremæ meminisse, ut supra ostendimus. *Dionysius*, & Auctor constitutionum Apostolicarum nullos Infirmorum procurandorum sacros Ritus commemorant, non Viatici Eucharistiæ, non precum, non benedictionum ullatenus meminerunt. Ut ergo nemo recte collegerit ex eorum silentio Viaticum Eucharistiæ morituris concessum non fuisse primis Ecclesiæ Sæculis: ita nec ignotam fuisse Unctionem Extremam, eorum silentium probat. Præterea, ut *S. Thomas* respondet in *iv. Sententiarum*, dist. 22. qu. 1. art. 1. Quæstiuncula 1. ad secundum, *Dionysius non facit aliquam mentionem de Extrema Unctione, sicut nec de Pœnitentia, nec de Matrimonio: quia ipse non intendit determinare de Sacramentis, nisi quatenus per ea innotescere potest Ecclesiasticæ Hierarchiæ ordinata dispositio quantum ad Ministros, & actiones Ministrorum, & recipientes.*

Ad secundum respondetur, *S. August.* Lib. *De Hæresibus*, totum esse in referendis Hæreticorum erroribus, non in refellendis, neque in Ritibus eorum a Ritibus Ecclesiæ Catholicæ discriminandis versari. Non mirum igitur, quod *Heraclæonitarum* superstitionem erga morientes commemorans Unctionis nostræ non meminerit, cuius meminit alias, scilicet in *Speculo*.

Ad tertium respondetur primo, inanem esse objectionem petitam a silentio Auctorum, qui Piorum Vitas prioribus Sæculis scribere, cum ex Auctoribus istorum sæculorum, *Origene* scilicet, *S. Jo. Chrysostomo*, *Innocentio I.* *S. Augustino*, *S. Cyrillo Alexandrino*, *Villoro Antiocheno*, *S. Gregorio*, &c. constet Infirmorum Unctionem Extremam illis Sæculis in Ecclesiæ usurpata, & pro Sacramento habitam fuisse. Unde Auctores, qui Piorum Vitas scripserunt, aut illorum obitum narraverunt, prætermisere morem illum tamquam notissimum, & quotidianum.

Secundo, qui paulo post baptismum susceptum ex hac vita migraverunt, Sacramentum Extremæ Unctionis non susceperunt custodita per illud breve tempus baptismali sua innocentia. Non mirum ergo, quod *Constantinus Magnus*, qui baptismum paulo ante obitum suscepit, ut refert *Eusebius* Libro *iv.* De ejus Vita, Unctionem Extremam non suscepit.

Tertio, Unctionem Extremam adhiberi non potuisse iis, qui morte subitanea intercepti sunt, & absque ægritudine prævia obierunt, ut *S. Ioan. Chrysostomus*, *S. Paulus Eremita*, *Simeon Stylites*, *Barlaam*, *Josaphat*, *Psalmutius*, & alii, de quibus in Vitis Patrum: unde non mirum est, quod Unctionis Extremæ ab iis susceptæ non meminerint, qui Vitas illorum scripserunt; cum nec eam suscipere potuerint, nec debuerint.

Quarto, Auctores plerisque in Objectione laudatos, scilicet *Gregorium Nazianzenum* in Vitis Sororis Gorgoniæ, *Gregorii Patris*, & *Basilii*; *Gregorium Nisenum* in Vitis, aut Laudationibus *Gregorii Neocæsariensis*, *Ephremi*, & *Macrinæ Sororis*; *S. Ambrosium* Orationibus de obitu *Satyri fratris*, & *Theodosii Augusti*; *Severum Sulpitium* in vita *S. Martini*; *S. Hieronymum*, cum *Nepotiani*, & *Marcellæ* mortes celebravit; *S. Augustinum*, cum mortem *Monicæ* matris descripsit; *Possidium*, cum *S. Augustini*; *Fernandum* Diaconum, cum *S. Fulgentii* obitum commemorarunt, nullam Viatici ab ipsis suscepti mentionem fecisse, quod tamen administrabatur morituris ex veteri Ecclesiæ Regula, de qua Nicæna Synodus Can. *xliii.* *De*

his, qui ad exitum veniunt etiam nunc lex antiqua, regularisque servabitur, ita ut si quis egreditur e corpore, ultimo, & necessario Viatico minime privetur. Quamobrem ex Auctorum illorum silentio non recte colligitur, pios homines, quorum mortes describunt, Viatico Corporis Domini in exitu munitos non fuisse. Nec ergo recte colligitur eos Extrema Unctione procuratos non fuisse, quod ejus non meminerint Scriptores laudati.

Quinto, quia Unctio Infirmorum instituta est a Christo tamquam consummatio, atque perfectio Penitentiae Christianae, forte non administrabatur primis saeculis viris iustis, & sanctis, praecipue Praeulibus, in statu perfectionis constitutis, sed illis solummodo, qui in statu quodam Penitentiae constituti erant, aut esse propter peccata debebant. Quod nono saeculo adhuc perseverasse, colligi videtur ex Paschasio Radberto in Vita S. Adelbardi Corbejenfis Abbatis scribente: *Interim vero audiens beatus vir Hildemanus Episcopus Sanctus egrotare Patrem, advenit illico. Interea cum coepisset idem sanctus Episcopus a nobis percontari, utrum benedictionis oleo, sicut a Beato Apostolo sanctum est, deberet perungi: interrogavimus eum utrumve vellet? quem proculdubio scieramus peccatorum oneribus non detineri. Quod ille audiens, erectis oculis in caelum, cominus obsecrabat, ut fieret.* Cum itaque Gregorius Nazianz. Pater, Basilus, Gregorius Neocaesariensis, Martinus, Ambrosius, Augustinus, Fulgentius Sancti Pontifices essent, continuo Sacris incumbentes, ob hanc forte rationem illis administratum non est Unctionis Extremæ Sacramentum, quod est complementum Penitentiae.

Extrema
Unctio Pœ-
nitentiae
complemen-
tum.

Sexto, Auctores illi, qui pios homines, quorum Vitas scribebant, in Penitentia mortuos esse, testati sunt; sub nomine generico Penitentiae Unctionem Infirmorum comprehendisse videri possunt, utpote Christianae Penitentiae consummationem: Sic Pessidius de S. Augustino scribit: *Post perceptum Baptismum, etiam laudatos Christianos, & Sacerdotes absque digna, & competente Penitentia exire de corpore non debere. Quod etiam ipse fecit ultima, qua defunctus est, aegritudine.* Sic Ferrandus Diaconus de S. Fulgentio scribit, *Ipsum Postrema sua Penitentia consecravisse.*

Ad quartum respondetur, Hisiis saeculis Extremam Infirmorum Unctionem in Ecclesia usitatam probari testimoniis Innocentii I. Augustini, S. Cyrilli Alexandrini, & Victoris Antiocheni, quinto saeculo: S. Gregorii Magni, necnon Vitae S. Augustini, seu Eugendi Abbatis Iurenfis ab ejus Discipulo scriptae, sexto saeculo: S. Eligii Noviomenfis, necnon Vitae S. Hune Gundis ab Auctore Anonymo coevo scriptae septimo saeculo: Vitae Caroli Magni ab Eparchio; S. Maurae a Prudentio Trecenti Episcopo; Adelardi Corbejenfis Abbatis a Paschasio Radberto; S. Remberti Bremenfis Episcopi ab Auctore coetaneo scriptae nono saeculo. Quamobrem ex aliorum silentio colligi non potest, illos, quorum Vitas scribere, sacra Unctione non fuisse in extremis delibutos.

Addiderim, quod cum Viaticum Eucharistiae susceperetur olim post Unctionem Infirmorum, hanc suscepisse intelligendi sunt, qui Viaticum suscepere, quamvis id non exprimat, quemadmodum Sacramento Penitentiae intelligitur expiatus, qui Viaticum Eucharistiae modo suscepit, etiam si Auctor Vitae id non exprimat.

Ad quintum respondetur, Cum Extrema Unctio sit Penitentiae consummatio, ut ex Origene, S. Jo: Chrysostomo, & Concilio Tridentino discimus, Conciliorum, & Pontificum Decreta, quae Sacramentalem Absolutionem Penitentibus in exitu concesserunt, Unctionem Extremam pariter concessisse: si quae Absolutionem negarunt temporibus illis, quibus Observatio durior erat (ut loquitur Innocentius I.) & Unctionem negasse. Certe concessa Eucharistia, concessa fuerunt, quae illius perceptionem antecedunt, vel subsequuntur.

Obji-

Obiiciunt, Unctionem Extremam non esse a Christo institutam; nihil enim de illa in Evangelio haberi.

Extrema
Unctio a
Christo in
stituta.

Respondetur, Secundum opinionem Magistri Sententiarum, S. Bonaventuræ, & Hugonis a S. Victore, a Christo saltem mediate institutam Unctionem Infirmorum Extremam. Apostolos enim ipsam instituisse ajunt in instinctu Spiritus Sancti, & potestate sibi a Christo concessa. Ceteri vero Theologi a Christo immediate institutam propugnant, ut & cetera Sacramenta, cui sententiæ favet magis Tridentina Synodus. Nec obstat, quod expressa illius mentio in Evangelio non fiat. *Multa enim Dominus fecit, & dixit, quæ in Evangelis non continentur: illa enim præcipue curaverunt Evangelistæ tradere, quæ ad salutis necessitatem, & ad ordinem Ecclesiasticæ dispositionis pertinent: & ideo potius institutione Baptismi, & Pœnitentiæ, & Eucharistiæ, & Ordinis a Christo factam naraverunt, quam Extremæ Unctionis, vel Confirmationis, quæ neque sunt de necessitate salutis, neque ad dispositionem, sive distinctionem Ecclesiæ pertinent.* Tamen etiam de Olei Unctione fit mentio in Evangelio, Marci 9. ubi dicitur quod Apostoli oleo ungebant infirmos (inquit S. Thomas in IV. Sententiarum, distinctione xxiii. questio. 1. articulo 1. Quæstiunc. 111. ad primum. Quamobrem sacra Synodus Tridentina hoc Sacramentum a Christo apud S. Marcum insinuat, a Sancto Jacobo promulgatum docet.

ARTICULUS II.

De Materia Extremæ Unctionis.

PROPOSITIO I.

Oleum ab Episcopo benedictum est materia remota Extremæ Unctionis.

Materia
Unctionis
Extremæ.

Oleum esse hujus Sacramenti materiam, docet S. Jacobus Epistola suæ cap. v. *Unctes (inquit) eum oleo.* Idem confirmant Patres, & Concilium Tridentinum. Quia vero oleum proprie dictum illud solum est, quod ex olivarum baccis expressum est, & nomen olei imponitur per similitudinem ceteris liquoribus, ideo hoc oleum debet esse olivarum. *Aptissime autem (inquit Concilii Catechismus) hæc materia significat illud, quod vi Sacramenti interius in anima efficitur.* Nam ut oleum ad mitigandos corporis dolores magnopere proficit: ita Sacramenti virtus animæ tristitiam, ac dolorem minuit. Oleum præterea sanitatem restituit, hilaritatem affert, & lumini tanquam pabulum præbet: tum vero ad recreandas defatigati corporis vires maxime accomodatum est. *Quæ omnia quid in egroto divina virtute per hujus Sacramenti administrationem efficiatur, declarant.* Idem confirmat S. Thomas in IV. Sententiarum, dist. xxiii. qu. 1. art. 111. Quæstiunc. 1. *Spiritualis (inquit) curatio, quæ in fine adhibetur, debet esse perfecta; quia post eam alia non relinquatur; & lenis, ut spes, quæ excentibus maxime necessaria est, non frangatur, sed foveatur: Oleum autem lenitivum est, & penetrativum usque ad intima, & etiam diffusivum: & ideo est conveniens materia hujus Sacramenti.*

Quod oleum benedictum esse debeat, constat etiam ex Patribus, & Conciliis, præsertim ex S. Eligio, Venerabili Bedæ, Jona Aurelianensi, Concilio Aquisgranensi, Heraldo Turonensi, & Hincmaro Rhemeni in Capitulis; S. Bernardo in Vita S. Malachiæ, ex Eugenio IV. in Decreto pro Instructione Armenorum, & ex Concilio Tridentino. Rationem, cur in hoc Sacramento, & quibusdam aliis materiæ sanctificatio requiratur, triplicem asserit S. Thomas loco laudato, Quæstiuncula 11. Prima est, quia omnis efficacia Sacra-

„ Sacramentorum a Christo descendit, & ideo Sacramenta, quibus ipse est
 „ usus, habent efficaciam ex suo usu, sicut tactu suæ carnis vinum regenera-
 „ tivam contulit aquis: sed hoc Sacramento non est usus, nec aliqua cor-
 „ porali Unctione; & ideo in omnibus Unctionibus requiritur sanctifi-
 „ catio materiæ. Secunda causa est propter plenitudinem gratiæ, quæ con-
 „ fertur non solum, ut culpam tollat, sed etiam reliquias, & infirmitatem
 „ corporis. Tertia est, quod effectus ejus corporalis, scilicet sanitas corpo-
 „ ris, non capitur ex materiæ naturalis proprietate; & ideo oportet, quod
 „ hæc efficacia per sanctificationem ei detur.

Hæc tamen benedictio ex necessitate duntaxat Præcepti Ecclesiastici, non ex necessitate Sacramenti requiri videtur. Non enim ab substantiam Sacramenti benedictionem illam pertinere, Patres, & Concilia docent; ita ut invalida censeretur debeat Extrema Unctio, quæ ex oleo non benedicto fieret: neque his Scripturæ verbis, *In nomine Domini*, significatur Olei benedictio, sed solum Unctionem fieri debere auctoritate Christi.

Oleum benedictum ab Episcopo esse debet in Ecclesia Occidentali, ut docent *Innocentius I.* Epistola ad Decentium, *S. Gregorius* in Sacramentario, *Venerabilis Beda* in Epistolam S. Jacobi, *Capitularia Caroli Magni* Lib. vi. cap. lxxvi. Concilium Cabilonense II. Canone xlviii. Vormatiense I. Canone lxxii. Decretum *Eugenii IV.* & Concilium Tridentinum. Congruam rationem affert *S. Thomas* loco laudato, Quæstiunc. III. *Minister* (inquit) *Sacramenti non propria virtute effectum Sacramenti inducit, ut principale agens: sed per efficaciam Sacramenti, quod dispensat: quæ quidem efficacia primo est a Christo, & ab ipso in alios descendit ordinate, scilicet in Populum mediantibus Ministris, qui Sacramenta dispensant, & in Ministros inferiores mediantibus Superioribus, qui materiam sanctificant: & ideo in omnibus Sacramentis, quæ indigent materia sanctificata, prima sanctificatio materiæ fit per Episcopum, & usus quandoque per Sacerdotem, ut ostendatur Sacerdotalis Potestas ab Episcopali derivata, secundum illud Psalmi cxxxii. Sicut unguentum in capite, quod prius descendit in barbam; deinde usque ad oram vestimenti.*

Dixi, ab Episcopo benedictum esse debere in Ecclesia Occidentali, quia alia est Ecclesiæ Orientalis disciplina, in qua Presbyteri Oleum benedicunt in ipsa Sacramenti Extremæ Unctionis administratione, ut constat ex Eucharologiis in *Officio Olei Sancti*. Quam disciplinam approbavit *Clemens VIII.* in Instructione directa ad Episcopos Latinos: *Non sunt* (inquit) *cogendi Presbyteri Græci Olea Sancta præter Christum ab Episcopis Latinis Diocesanus accipere: cum ejusmodi Olea ab eis in ipsa Oleorum, & Sacramentorum exhibitione, ex veteri Ritu consueverint, & benedicantur.*

PROPOSITIO II.

Materia proxima hujus Sacramenti est Unctio.

ID docet S. Jacobus: *Ungentes*, inquit, *oleo*. Idem confirmant Patres, & Concilia. Ratio suffragatur: Materia enim proxima Sacramentorum, quæ sunt in usu posita, est usus ipse, seu applicatio materiæ remotæ ad subiectum idoneum: cum igitur materia remota Extremæ Unctionis, quod Sacramentum est in usu positum, sit oleum, nec aliter applicetur illud, nisi unctio, unctio materia proxima est.

Apud Græcos unctio adhibetur in fronte, genis, mento, & manibus, teste *Simeone Thessalicensi* Lib. *De Simeonis*. Græcos nunc inungere præterea pectus, & pedes, *Arcudius* testatur. In Occidente unctio fit in quinque sensuum sedibus (secundum *S. Gregorium* in Sacramentario.) Additur

Olei benedictio non est necessaria necessitate Sacramenti, sed præcepti Ecclesiastici.

Infirmitatem Oleum ab Episcopo benedictum esse debet secundum Ecclesiæ Latine disciplinam.

Alia Ecclesiæ Græcæ disciplina.

Extremæ Unctionis materia.

unctio pedum, & etiam renum, secundum quædam Ritualia, & *Eugenium IV.* in Decreto de Unione Armenorum. Congruam rationem affert *S. Thomas*, in *III. Sententiarum*, dist. *xxiii.* qu. *ii.* art. *iii.* Quæstiunc. *ii.* Quod scilicet triplex sit in nobis potentia, quæ est peccandi principium, scilicet potentia cognoscendi, vis appetendi, & vis exequendi. Facultatum, quibus cognoscimus, prima origo est in quinque sensibus, vis concupiscendi in renibus; vis exequendi in pedibus, quibus videlicet ad bonum, vel malum progredimur. Et quia prima origo peccati est in sensibus; Ideo illa unctio ab omnibus observatur, quæ fit ad quinque sensus, quasi de necessitate Sacramenti: sed quidam non servant alias; quidam vero illam servant, quæ ad pedes, & non quæ ad renes, quia appetitiva, & motiva sunt secundaria principia. Necessariam autem non esse unctionem renum, neque necessitate Sacramenti, neque universim necessitate præcepti, certum est, cum nec hæminis propter pudorem adhiberi debeat, nec soleat, nec in omnibus Ecclesiis usurpetur. Unusquisque autem Ritus Ecclesiæ suæ servare debet.

A R T I C U L U S III.

De Forma Extremæ Unctionis.

P R O P O S I T I O U N I C A.

Forma Sacramenti Extremæ Unctionis est verbum, & solemnitas illa precatio, quam Sacerdos ad singulas unctiones adhibet, cum ait: Per istam Sanctam Unctionem Indulgeat tibi Deus, &c.

Forma Ex-
tremæ Un-
ctionis.

ID probat Concilium Tridentinum ex his *S. Jacobi* verbis: *Exorent super eum, & oratio fidei salvabit infirmum.* Ex quo perspicuum est formam precationis modo proferendam esse: tamen quibus potissimum verbis concipienda sit, Apostolus non expresserit. Verum (inquit) hoc ad nos *fideli Patrum Traditione* permanavit, ita ut omnes Ecclesiæ eam formæ rationem retineant; qua omnium Mater, & Magistra Sancta Ecclesia Romana utitur. Nam etsi aliqui nonnulla verba immutant, tamen quoniam nulla sit sententiæ immutatio, constat eandem ab omnibus formam religiose servari. Apud Græcos forma pure deprecatoria est, in hac scilicet Oratione posita, *Pater Sancte, &c.* ut pater ex *Euchologio*, utque testatur *Neophytus Rhodinus* in sua Synopsi vernacula, iussu, & impensis Congregationis *De Propaganda Fide* Romæ edita, & approbata. Olim forma ex absoluta, & deprecatoria mixta erat: sed absoluta, seu indicativa oratio potius erat dispositio ad formam, quam ipsa forma, ut docet *S. Thomas* in *iv. Sententiarum*, dist. *xxiii.* qu. *i.* art. *iv.* Quæstiunc. *ii.* ad tertium. Verba illa indicativi modi (inquit) quæ secundum morem quorundam præmittuntur Orationi, non sunt forma huius Sacramenti, sed sunt quedam dispositio ad formam, in quantum intentio Ministrum determinatur ad actum per illa verba. Sic in Sacramentario *S. Gregorii* absoluta, seu indicativa Oratio deprecatoria conjungitur hunc in modum: *Inungo te de oleo sancto, sicut unxit Samuel David in Regem, & Prophetam. Operare creatura olei, in nomine Patris omnipotentis, ut non lateat illic Spiritus immundus, neque in membris illius, neque in medullis, neque in ulla compagine membrorum, sed in te habitet virtus Dei altissimi, & Spiritus Sancti, Per eundem, &c.* In Codice *Armeniensis*, in Codice *S. Mariæ Rhemensis*, in Codice *Ratoldi*, in *Tiliano*, seu *Sagiensi*, nec non in Codice *Siculo*, indicativa oratio deprecatoriæ formæ pariter adiungitur. Ambrosiana Unctionis Extremæ formula his verbis concepta est: *Unge hos oculos oleo sanctificato. In nomine Patris, & Filii, & Spiritus Sancti:*

& sic

& sic ad omnes sensus: sed verba hæc deprecatoria sequuntur: *Ut more Militis uncti preparatus ad certamen, possis aereas Potestates superare.* Similiter in forma Veneta verbis illis indicativæ formulæ adjungitur: *Ut quidquid illicito visu deliquisti, hujus olei unctione expiatur, per Christum Dominum nostrum.* Quamvis ergo formulæ istæ indicativo modo incipiant, quia tamen precationis modo finiuntur, eadem quoad sensum cum nostrâ esse censentur.

Nec vero quisquam miretur, cur factum sit, ut aliorum Sacramentorum forma, vel absolute significet, quod efficit, ut cum dicimus: *Ego te baptizo;* aut, *Signo te Signo Crucis;* vel tanquam ab impetrantibus pronunciatur, ut cum in Sacramento Ordinis administrando dicitur, *Accipite potestatem:* hæc una vero Extremæ Unctionis forma precatione quadam absolvatur: id enim optimo jure constitutum est: nam cum hoc Sacramentum propterea adhibeatur, ut præter spiritualem gratiam, quam tribuit, sanitatem etiam restituat ægrotis: tamen, quia non semper sequitur, ut ægri a morbis convalescant, ob eam causam precatione forma conficitur, ut a Dei benignitate id impetremus, quod Sacramenti vis constanti, & perpetuo ordine efficere non solet. Ita Concilii Tridentini Catechismus.

Cur forma precationis in modum concepta esse debeat, rationem multiplicem affert S. Thomas in iv. Sentent. dist. xxiii. qu. ii. art. iv. Quæstiunc. iii. Prima est, quia *Suscipiens hoc Sacramentum est viribus propriis destitutus; unde indiget orationibus sublevari.* Secunda est, *Quia datur exeuntibus; qui jam desinunt de foro Ecclesiæ esse, & in solius Dei manu requiescunt; unde & ei per orationem committuntur.* Tertia est, *Quia hoc Sacramentum non habet aliquem effectum, qui semper ex operatione Ministri consequatur, omnibus, quæ sunt de essentia Sacramenti rite peractis, sicut character in Baptismo, & Confirmatione, & Transsubstantiatio in Eucharistia, & remissio peccati in Pœnitentia existente Contritione, quæ est de essentia Sacramenti Pœnitentiæ, non autem de essentia hujus Sacramenti: & ideo in hoc Sacramento non potest esse forma indicativi modi, sicut in prædictis Sacramentis.*

Convenientissima autem illa est, quam Sacra Synodus Tridentina Sessione xiv. cap. i. præscribit, & Romana Ecclesia usurpat: *Per illam sanctam Unctionem, & suam piissimam misericordiam indulgeat tibi Deus: quia exprimitur in illa Sacramentum, cum dicitur: Per istam Unctionem: & id quod operatur in Sacramento, scilicet divina Misericordia, cum dicitur, & suam piissimam Misericordiam: & effectus, scilicet remissio peccatorum, cum dicitur, Indulgeat tibi Deus.* Non autem necesse est, ut in forma hujus Sacramenti corporis sanitas exprimat. Satis enim est, quod in forma exprimat effectus principalis, & qui semper inducitur ex Sacramento, nisi sit defectus ex parte recipientis: talis autem non est corporis sanitas, quamvis quandoque sequatur. Ita S. Thomas, in iv. Sententiarum, dist. xxiii. qu. i. art. iv. Quæstiunc. iii.

C A P U T II.

DE UNCTIONIS EXTREMÆ

E F F E C T I B U S

Quintuplicem Extremæ Unctionis effectum esse docet Concilii Tridentini Catechismus.

Primus est remissio peccatorum, his S. Jacobi verbis expressa: *Et si in peccatis sit, remittetur ei:* & verbis formæ significata, cum dicitur: *Per istam unctionem indulgeat tibi Deus, quidquid peccasti, &c.* Id confirmant Origenes, & S. Jo: Chrysostomus art. i. laudati, alique Patres, qui Unctionem Infirmorum

Forma Extremæ Unctionis.

Unctionis Extremæ quintuplex effectus.
1. Remissio peccatorum

morum *Complementum Pœnitentiæ* vocant: *S. Eligius*, qui hoc Sacramentum *Animæ sanitatem* conferre asserit: Concilium Cabillonense secundum, quod illam appellat *Medicinam*, quæ animæ, corporisque medetur languoribus: Concilium Regiaticense, quod *Sacramentum* esse ait, per quod *Remittuntur peccata*, confertur *spiritualis cura*. Gofridus Vindocinensis, qui *Unctionem Extremam* vocat *Medicinam sanctam*, Opusculo ix. Yvo Carnotensis, qui *Publicæ Pœnitentiæ Sacramentum* nuncupat: Petrus Cluniacensis, qui institutam esse scribit *Propter peccatorum remissionem*: & sacra Synodus Tridentina Sess. xiv. cap. 11. Can. 11. De Extrema Unctione, docens, ac definiens hoc Sacramentum *Remittere peccata*. Remittit autem inprimis leviora, quæ communi nomine venialia appellantur. Lethales enim culpæ Sacramento Pœnitentiæ tolluntur. Neque enim hoc Sacramentum primario loco ad graviorum criminum remissionem institutum est, sed Baptismus tantum, & Pœnitentia vi sua hoc efficiunt, (inquit Concilii Catechismus.) Ex ipsa enim significatione Sacramenti præcipue ejus effectus accipi debet, quia Sacramentum efficit, quod significat: adhibetur porro Extrema Unctio secundum modum cujusdam medicinæ, medicina autem datur ad pellendam infirmitatem: unde hoc Sacramentum primario institutum est ad sanandam infirmitatem peccati; ut sicut Baptismus est quædam spiritalis regeneratio, & Pœnitentia quædam spiritalis fuscitatio; ita & Extrema Unctio sit quædam spiritalis sanatio. Sicut autem corporalis sanatio vitam corporis supponit in eo, cui præbatur medicina: ita spiritalis sanatio vitam animæ supponit; quare hoc Sacramentum non datur contra defectus, quibus spiritalis vita tollitur, scilicet peccatum originale, & mortale, sed contra venialia, quibus spiritaliter fit infirmus. Ita disserit *S. Thomas* in iv. *Sententiarum*, Dist. xxiiii. qu. 1. art. 11. Consequenter tamen remittit etiam mortalia Sacramentum istud, si quæ forte commissæ sunt a tempore susceptæ Absolutionis in infirmitate, præsertim si ea se commississe infirmus ignoret, vel confiteri non valeat. Hinc *S. Thomas* iv. contra *Gentes*, cap. lxxiii. scribit: *Contingit, quod homo omnium peccatorum, quæ commisit, notitiam, vel memoriam non habet, ut possit per Pœnitentiam singula expurgare: sicut etiam quotidiana peccata, sine quibus præsens vita non agitur, a quibus oportet hominem in suo exitu per hoc Sacramentum emundari.* Suffragatur *S. Carolus* in Instructionibus de Extrema Unctione: *Prima* (inquit) *utilitas, & effectus hujus Sacramenti est, quod peccati reliquias tollit tanquam complementum Sacramenti Pœnitentiæ. Quæ reliquæ peccata esse intelliguntur, sive mortalia, sive venialia, quæ post alia Sacramenta remanent: potest enim fieri, ut ignorante eo, qui commisit, vel non valente confiteri, peccatum mortale remaneat: in quo delendo ita hoc Sacramento juvatur, ut fieri possit eum per hoc Sacramentum salvari, qui alioqui fuisset damnandus.*

2. Absterio
reliquiarum
peccati.

Quænam
illæ?

Alter Extremæ Unctionis effectus est absterio reliquiarum peccati; quo nomine intelligitur etiam reatus pœnæ temporalis; prævæ dispositiones ad peccandum, quæ per frequentes actus peccatorum contrahuntur; animique languor, & infirmitas ex peccato relictæ. Sicut enim curata corporis infirmitate remanet in homine debilitas quædam, qua fit, ut perfectum vigorem non habeat ad exercenda vitæ opera; sic deleto peccato remaneat adhuc in homine debilitas quædam ad operationes vitæ spiritalis exercendas. Hujus autem Sacramenti vis propria est, ut eas reliquias peccati abstergat, quia totius spiritalis curationis consummatio est. *Hujusmodi quidem spirituales infirmitates per Pœnitentiam sunt curande, prout Pœnitens per opera virtutis, quibus satisfaciendo utitur, a malis retrahitur, & ad bonum inclinatur. Sed quia homo, vel per negligentiam, aut per occupationes varias vite,*

aut

aut etiam propter temporis brevitatem, aut propter alia hujusmodi prædictos de-
fectus in se perfecte non curat; salubriter ei providetur, ut per hoc Sacramen-
tum prædicta curatio compleatur, & a reatu pœnæ temporalis liberetur: ut sic
nihil in eo remaneat, quod in exitu animæ a corpore eam possit a perceptione
gloriæ impedire. Verba sunt S. Thomæ, Libro IV. Contra Gentes, cap.
LXXIII, non tamen remittitur semper omni ex parte reatus pœnæ tempo-
ralis, ita quod post mortem homo nulli pœnæ obnoxius remaneat; sed
tunc tantum, cum adest interior dispositio ad remissionem talis reatus si-
mul cum hoc Sacramento sufficiens. Denique ut ait S. Thomas in IV. Sen-
tentiarum, dist. XXIII. quæst. I. art. II. Quæstiuncula I. ad secundum.
Reatum pœnæ temporalis dimittit ex consequenti, in quantum debilitatem tollit,
quia eandem pœnam levius portat fortis, quam debilis.

Tempus autem curationis languoris, & infirmitatis, quam anima ex
peccatis contraxit, maxime opportunum est, cum gravi morbo affli-
ctamur, ac vitæ periculum impendet. Etenim homini a natura insitum
est, ut nihil in rebus humanis æque ac mortem pertimeat: augeat au-
tem magnopere hunc timorem præteritorum scelerum memoria: cum
præsertim gravissima conscientia nostræ accusatio nos urgeat. Ut enim
scriptum est Sap. XII. Venient in cogitationem peccatorum suorum timidi,
& traducent illos ex adverso iniquitates ipsorum. Deinde illa cura, & co-
gitatio vehementer angit, quod paulo post stare oporteat ante tribunal
Dei, a quo de nobis iustissima pro eo, ac meriti fuerimus. Sententia
ferenda sit. Sæpe autem evenit, ut Fideles hoc terrore percussi, se mi-
ris modis exagitari sentiant. Ita Concilii Tridentini Catechismus P. II.
De Unctionis Extremæ Sacramento, §. XXVIII.

Tertius, & quartus Extremæ Unctionis effectus est allevatio animæ,
ejusque confirmatio, ut morbi incommoda levius ferat, & Adversarii sa-
luti suæ fortius resistat. Efficit enim hoc Sacramentum, ut tristitiam ab-
jiciamus, & læto animo Domini adventum expectemus, paratique simus
depositum nostrum, quandocumque illud a nobis repetere voluerit, liben-
ter reddere. Præterea, cum nullo tempore magis nitatur humanæ salutis
Hollis, ut nos omnino perdat, spemque divinæ Misericordiæ nobis eripiat,
quam cum supremum vitæ diem appropinquare animadverterit, Fidelibus
arma, & vires hoc Sacramento subministrantur, quibus Adversarii vim,
& impetum frangere, & illi fortiter repugnare possint. Allevatur enim,
& erigitur animus divinæ bonitatis spe, eaque confirmatus, morbi omnia in-
commoda fert levius, & ipse Daemonis calcaneo insidiantis artes, & calli-
ditatem facilius eludit; (inquit Concilii Tridentini Catechismus,) Hinc
Extrema Unctio dicitur Sacramentum Spei, quemadmodum Baptismus, &
Confirmatio dicuntur Sacramenta Fidei, Eucharistia Sacramentum A-
moris.

Quartus Extremæ Unctionis effectus est corporis sanitas, si quidem ad
animæ salutem profutura sit, ut colligitur ex S. Jacobi verbis, Et oratio
fidei salvabit infirmum, quod Patres, Concilia, & Ritualia confirmant,
novissimeque Sacra Synodus Tridentina, quæ de hujus effectu Sacramenti
sic loquitur: Res porro, & effectus hujus Sacramenti illis verbis explicatur:
Et Oratio fidei salvabit infirmum: & alleviabit eum Dominus, &, si
in peccatis sit, dimittentur ei. Res etenim hæc gratia est Spiritus San-
cti, cujus unctio delicta, si quæ sint adhuc expianda, ac peccati reliquias
abstergit, & æroti animam alleviat, & confirmat, magnam in eo divinæ
misericordiæ fiduciam excitando, qua infirmus sublevarur, & morbi incom-
moda, ac labores levius fert, & tentationibus Daemonis calcaneo insidiantis

3. & 4. Alle-
vatio, &
confirmatio
animæ.

3. Corporis
sanitas si sit
ad animæ
salutem pro-
futura.

facilius resistit; & sanitatem corporis interdum, ubi salutem animæ expediret; consequitur.

„ Quod si ægroti hoc tempore eam minus consequuntur, id quidem non
 „ Sacramenti vitio, sed ob eam causam evenire credendum est, quod eo-
 „ rum magna pars, vel qui sacro Oleo inunguntur, vel a quibus admini-
 „ stratur, infirmiores fidem habet. Testatur enim S. *Matthæus*, cap. xiii.
 „ Dominum apud suos, multas virtutes non fecisse propter incredulitatem
 „ illorum. Quamquam etiam dici potest, Christianam Religionem, ex
 „ quo altius tanquam radices egit in animis hominum, minus jam huius-
 „ modi Miraculorum adminiculis indigere; quam olim nascentis Ecclesiæ
 „ initio necessaria viderentur. Ita Concilii Tridentini Catechismus.

Addendum cum S. *Thoma* in iv. *Sententiarum*, Dist. xxiii. quæst. i. art. ii. Quæstiuncula ii. Quod Extrema Unctio non facit corporalem sanationem ex proprietate naturalis materiæ, sed ex virtute divina, quæ operatur rationaliter: & quia ratio operans nunquam inducit secundarium effectum, nisi secundum quod expedit ad principalem, ideo ex hoc Sacramento non sequitur corporalis sanatio semper, sed quando expedit ad spiritualem sanationem: & tunc semper eam inducit, dummodo non sit impedimentum ex parte recipientis.

Extrema
Unctio cha-
racterem
non imprimi-
t.

Inter Sacramenti istius effectus Character non numeratur, quia tria duntaxat Sacramenta imprimunt characterem; scilicet Baptismus, Confirmatio, & Ordo. Et Character non imprimitur, nisi in illis S. Sacramentis, in quibus homo ad aliquod Sacrum deputatur: hoc autem Sacramentum est solum in remedium, & non deputatur per ipsum homo ad aliquod sacrum agendum, vel suscipiendum: & ideo non imprimitur in eo Character: (inquit S. *Thomas*, in iv. *Sententiarum*, distinct. xxiii. quæst. i. art. ii. Quæstiuncula iii.)

Quamquam vero *Goffridus Vindocinensis*, & *Tyvo Carnotensis* Extremam Unctionem non esse iterandam censerent, non tamen existimabant eam characterem imprimere; sed his rationibus nitebantur. 1. Quod Sacramentum sit. 2. Quod sit species publicæ Pœnitentiæ, quæ semel duntaxat olim concedebatur. 3. Quod ceteræ unctiones non iterentur. Hæ rationes nullius sunt momenti: nam Sacramenti ratio non prohibet, quin iteretur, ut patet de Eucharistia, Pœnitentia, & Matrimonio, Pœnitentiam publicam iterari sola Ecclesiæ sanctio, non Christi institutio prohibuit. Aliæ unctiones non iterantur, quia sunt consecratorie: hæc autem medicinalis est. Quam rationem assert S. *Thomas* iv. *Contra Gentes*, cap. lxxiii. Hujus Sacramenti unctio (inquit) non est ad consecrandum, sicut unctio Confirmationis, ablutio Baptismi, & quædam aliæ unctiones, quæ ideo nunquam iterantur, quia consecratio semper manet, dum res consecrata durat, propter efficaciam divinæ virtutis consecrantis. Ordinatur autem hujus Sacramenti inunctio ad sanandum. Medicina autem sanativa toties iterari debet, quoties infirmitas iteratur. Quamobrem *Petri Chuniacensis*, & *Petri Lombardi* vicit opinio, assertum hoc Sacramentum posse iterari, non modo in diversis infirmitatibus, sed in eadem secundum diversos morbi status, puta, si cum periculose ægrotaret homo, inunctus convaluit, & postea in eundem infirmitatis statum relapsus est. Quam opinionem suscepit Ecclesia.

C A P U T III.

DE MINISTRO

UNCTIONIS EXTREMÆ.

PROPOSITIO UNICA.

Minister Unctionis Extremæ est Presbyter, vel Episcopus.

Dogma fidei est a S. Jacobo traditum: *Infirmatur quis in vobis? Inducat Presbyteros Ecclesiæ.* Quo nomine Seniores e Laicis non intelligi, series contextus docet. Non enim simpliciter Presbyteri dicuntur, sed Presbyteri Ecclesiæ. Deinde, iubentur orare super infirmum ipsumque ungere in Nomine Domini: denique per eorum Ministerium remissio peccatorum obtinenda promittitur. Atque ita hunc locum exposuerunt Patres. S. Jo: Chrysostomus. Lib. III. De Sacerdotio, Innocentius I. in Epistola ad Decentium, S. Eligius in Sermone ad Populum, Venerabilis Beda in cap. v. S. Jacobi; Concilia, Vvormatiense cap. LXXII. Aquilgranense II, cap. v. & Tridentinum Sessione XIV. cap. III. De Sacramento Extremæ Unctionis, & Canone IV. cujus hæc sunt verba: *Si quis dixerit, Presbyteros Ecclesiæ, quos Beatus Jacobus adducendos esse ad infirmum inungendum hortatur, non esse Sacerdotes ab Episcopo ordinatos; sed ætate Seniores in quavis communitate; ob idque proprium Extremæ Unctionis Ministerium non esse solum Sacerdotem; Anathema sit.*

Extremæ
Unctionis
Minister.

Septem Sacerdotes ex consuetudine Orientalis Ecclesiæ hoc Sacramentum administram, ut constat ex Euchologio, & Simeone Thessalonicensi. Plures etiam in Ecclesia Occidentali hoc olim obibant Ministerium, ut docent S. Gregorius Sacramentarium, & antiqui sacrorum Rituum Codices, necnon S. Thomas IV. Contra Gentes, cap. LXXIII. Quia hoc Sacramentum perfectæ curationis effectum habet, & in eo requiritur copia gratiæ: competit huic Sacramento, quod multi Sacerdotes intersint, & quod oratio totius Ecclesiæ effectum hujus Sacramenti coadiuvet.

Plures Sacerdotes ad
Unctionis
Ministerium
ubi fieri potest
intervenire de-
bet.

Sufficit tamen unus Sacerdos ad inungendum ægrotum, ut docet ibidem S. Thomas: *Si tamen (inquit) unus solus Presbyter adsit, intelligitur hoc Sacramentum perficere in virtute totius Ecclesiæ, cujus Minister existit, & ejus personam gerit.* Sed & olim ab unico Sacerdote fuisse interdum administratam infirmis Unctionem Extremam probant Vita S. Eugendi, Vita S. Popponis ab Everhelmo conscripta, Vita S. Vvolpbeni a Conrado Monacho, Vita Hereberti Colonienfis Episcopi a Ruperto edita, Concilium Aquilgranense II. cap. v. Hincmarus Rhemenfis in Capitalis, cap. x. &c. Quamobrem merito Alexander III. cap. Quæsit, Extra. De Verborum significatione, declarat, quod Sacerdos uno præsentem Clerico, & etiam solus, potest infirmum ungere.

Unicus
sufficit

Olim quidem Viros Sanctos oleum ad Infirmos transmisisse, ut se ipsos ungerent, & sanitatem hujusmodi inunctione illos recepisse legimus: Similiter B. Genovesam oleo infirmos inungere solitam: Sed illæ unctiones non erant sacramentales, sed ex quadam devotione recipientium talem unctionem, & ex meritis ungentium, vel oleum mittentium, consequebatur effectus sanitatis corporalis per gratiam sanitatum, non per gratiam sacramentalem; ut respondet S. Thomas in IV. Sententiarum, dist. XXIII. qu. II. art. I. Quæstionum. 22. ad secundum.

C A P U T IV.

D E S U B J E C T O

U N C T I O N I S E X T R E M Æ.

IN Ecclesia Græca Extrema Unctio non tantum ægrotantibus, verum etiam peccatoribus sanis, & bene valentibus confertur ad remissionem peccatorum, ut constat ex Euchologio, ex Simeone Thessalonicensi, Lib. *De vii. Sacramentis*, ex Jobo Monacho in Contemplatione vii. Ecclesiæ Mysteriorum, ex Jeremia Constantinopolitano Patriarcha in sua Censura adversus Augustanam Confessionem Lib. 1. cap. vii. Ejusdem moris testes sunt *Arcudius, Jacobus Goar, Leo Allatius*, & alii, qui de Ritibus Græcorum scripserunt. Hunc Græcorum morem nunquam redarguerunt Latini. In Concilio Florentino de multis ab ipsis quæsierunt post Synodicam Definitionem; nullam de Unctione Extrema Quæstionem moverunt. *Innocentius IV.* Epistola ad Episcopum Tusculanum prohibet, *Ne Sacerdotes Græcorum, aut Confessores pro satisfactione Pœnitentiæ Unctionem aliquam solummodo injungant*: illos vero non redarguit, quod peccatores sanos inungerent.

Nihilominus retinenda est, & servanda Latinæ Ecclesiæ doctrina, & perpetua Disciplina solis infirmis hoc Sacramentum administrari permittens. Magis enim consona est verbis S. Jacobi, *Infirmatur quis in vobis, &c.* necnon modo loquendi Patrum, Conciliorum, Ritualium veterum, & *Innocentii III.* cap. Unico *De Sacra Unctione*, appellantium materiam istius Sacramenti *Oleum Infirmorum*, Quocirca *Eugenius IV.* in Decreto declarat, *Hoc Sacramentum non nisi infirmo, de cuius morte timetur, dari debere*. Et Concilium Tridentinum Sessione xiv. cap. 111. *De Extrema Unctione* declarat, *Esse hanc Unctionem infirmis adhibendam, illis vero præsertim, qui tam periculose decumbunt, ut in exitu vitæ constituti videantur: unde & Sacramentum Exeuntium nuncupatur*.

C A P U T V.

R E G U L Æ

E X T R E M Æ U N C T I O N I S

ADMINISTRATIONEM SPECTANTES

R E G U L A I.

Oleum balsamo, aut alteri liquori admixtum, non esset sufficiens Unctionis Extremæ materia, si per eam admixtionem olei natura mutaretur.

R E G U L A II.

Etiamsi non mutaretur Olei natura hujusmodi admixtione, tamen illicita est; graviterque peccaret, qui Chrisma, aut peregrinum liquorem, in modica licet quantitate, Oleo Infirmorum admisceret; aut eo sic mixto infirmum ungeret.

Materiæ enim, formæque Sacramentorum, vel leviter, & quoad accidentia mutari ex industria non possunt, quin adversus institutionem Christi, adversus Ecclesiæ sanctissimam Disciplinam, & reverentiam Sacramentis ipsis debitam graviter peccetur.

R E G U L A III.

Cum Oleum benedictum ab Episcopo ex frequenti usu, & administratione Unctionis Extremæ deficit, oleum non consecratum admisceri (consecrato potest, eoque infirmos inungi.

Hæc Regula colligitur ex cap. *Quod in dubiis, Extra. De consecratione Ecclesiæ*, cujus hæc sunt verba: *Nec negamus, quin oleum non consecratum consecrato possit oleo commisceri.* Idque confirmat Sanctus Thomas O-puscul. LXV.

R E G U L A IV.

Summus Pontifex concedere potest, ut Oleum Infirmorum a simplici Presbytero benedicatur.

Cum enim in Ecclesia Orientali benedicatur a Presbyteris in ipsa Sacramenti Administratione, nulla ratio est, cur potestas Romano Pontifici negetur hanc benedictionem secundi Ordinis Sacerdotibus committendi.

R E G U L A V.

Si per errorem Sacerdos aliud Oleum, quam quod Infirmorum est, ad ægrotum ungendum unquam adhibuerit, etiamsi Chrismatis, aut Catechumenorum sit; ut erratum emendet, Olei sacri, quod proprium Infirmorum est, Unctionem eidem adhibeat, tumque Sacramenti formam repetat.

Hanc Regulam iisdem verbis tradit S. Carolus Borromæus in Instructionibus *De Extrema Unctione.* Et Concilium Mediolanense v. Tit. *De iis, quæ pertinent ad Sacramentum Extremæ Unctionis.*

R E G U L A VI.

Quamvis tot Unctiones fieri debeant, quot in Ritualibus præscribuntur, maximeque in organa quinque sensuum; nullaque prætermitti possit absque gravi peccato, cum adhiberi possunt omnes: Unica tamen sufficit ad substantiam Sacramenti.

Unica enim Unctione satisfit præcepto S. Jacobi, seu potius præcepto Domini per S. Jacobum promulgato, *Ungentes eum oleo:* sicut unica ablutione satisfit præcepto Christi, *Baptizantes eos.* 2. Græci non inungunt organa quinque sensuum, seu partes viciniore illorum, quorum tamen Unctionem Extremam Romana Ecclesia approbat. 3. Multa Ritualia id approbant, quibus permittitur inungi unica unctio, & peste laborantes, ut Ministri periculum vitent, & eos etiam quibus mors proxima non finit fieri singulas. Ita Pastorale Mechliniense anno 1589. editum, & a Doctoribus Lovaniensibus approbatum: *In morbis contagiosis, & peste grassante, ut periculum vitetur, sufficit inungi sensus organum magis ad unctionem expositum, ac detectum, dicendo: Per istam sanctam Unctionem, & piissimam suam misericordiam indulgeat tibi Deus quicquid deliquisti per visum, auditum, odoratum, gustum, & tactum.* Eandem praxim approbant, eandemque Regulam tradunt Cameracensis, Atrebatensis, aliarumque Ecclesiarum Manualia.

In Mutilatis debent inungi partes viciniores organis sensuum.

Hanc Regulam tradit S. Thomas, in iv. Sententiarum. Dist. xxiii. qu. ii. art. iii. Quæstiunc. iii. Mutilati (inquit) inungi debent quanto propinquius esse potest ad partes illas , in quibus Unctio fieri debuerat ; quæ quamvis non habeant membra, habent tamen potentias animæ, quæ illis membris debentur, saltem in radice, & interius peccare possunt per ea, quæ ad partes illas pertinent, quamvis non exterius. Et S. Carolus in Instructionibus De Extrema Unctione: Si quis (inquit) membro aliquo careat, quod inungi præscriptum est, ungat partem ei propiorem.

In cæcis, aut surdis a natiuitate non fiat Unctio oculorum, aut aurium, nec verba iis sensibus respondentia proferantur: in mutis a natiuitate fiat Unctio ad labia, & dicatur tantum, *Quicquid peccasti per gustum.*

R E G U L A VIII.

Reliquis infirmis manus ab interiori parte inungi debent: Sacerdotibus vero ab exteriori parte, cum prius in sacra Ordinatione uncti fuerint.

Hanc Regulam tradunt Ritualia, & S. Carolus in Instructionibus De Extrema Unctione.

R E G U L A IX.

Unghendis oculis, aliisque membris, quæ in homine paria sunt, cavere debet Sacerdos, ut cum utrumque membrum unius tantum sensus sit, utriusque unctionem absolvat unica solum verborum formula, licet duas cruces faciat. Unget autem primo dexterum, deinde sinistrum, cruce univique impressa Oleo sacro.

Ita Ritualia, & S. Carolus præscribunt. Addit ille, Crucem dum unctio adhibetur oleo sacro imprimi, ut sciamus, hæc dona nobis concedi meritis Crucis, & Passionis Domini; utque eo signo in pugna, quæ cum Adversario sustinenda est, utamur, sensusque nostros muniamus, itemque ut ad Christi Iudicis tribunal signum Crucis deferamus, quo ostendamus nos constanter sub crucis vexillo usque ad mortem pugnassee.

R E G U L A X.

Extremæ Unctionis Sacramentum cuilibet Sacerdoti administrare non licet, sed solum proprio Pastori, id est Episcopo, aut Parocho, vel cui illi commiserint.

Hanc Regulam tradit Concilii Tridentini Catechismus P. II. De Sacramento Extremæ Unctionis, §. xxvii. Neque tamen (inquit) ex sanctæ Ecclesiæ Decreto cuius Sacerdoti, sed proprio Pastori, qui jurisdictionem habeat, sive alteri, cui ille huius muneris fungendi potestatem fecerit, hoc Sacramentum administrare licet. Item Concilium Mediolanense v. Ne alius Sacerdos nisi Parochus hoc Sacramentum ministret. Quamobrem Regulares Sacerdotes Extremam Unctionem alicui sæculari infirmo administrantes absque licentia Parochi, vel Episcopi illius, lethali ter peccarent, & in Excommunicationem incurrerent, ut constat ex Clementina i. De Privilegiis, & Clementina Dudum, Tit. De Sepulturis. Deficiente tamen Parocho,

cho, & quovis ab eo, vel ab Episcopo potestatem habente, quilibet Sacerdos, etiam Regularis, hoc Sacramentum licite administrare potest. Cum enim quilibet Sacerdos potestatem habeat absolvendi a quibuscumque peccatis, & Censuris in articulo mortis constitutos; par est etiam, quemlibet habere potestatem in hoc articulo administrandi Sacramentum illud, quod est Complementum Pœnitentiæ, ne forte moribundi hoc beneficio destituti priventur æterna salute, quod contingere posset, si vel aliqua peccata mortalia remittenda haberent, vel non confirmarentur Oleo sacro adversus tentationes extremas.

R E G U L A X I.

Omni diligentiam Parochus adhibeat, ut cum periculum mortis ægroto imminet, supremusque vitæ dies instare videtur, illud opportuno tempore ministret; proposito sibi exemplo Sanctissimi Episcopi Maluchie, qui cum culpe sue, licet immerito, adscriberet, quod mulier quedam sine hoc Sacramento decessisset, totam noctem lacrymis se afflixit, ita ut Dei misericordia mane illa quasi a somno excitata, e loco se erigens, hoc Sacramentum acceperit, & etiam a morbo convalesceret.

Verba sunt S. Caroli in Instructionibus De Extrema Unctione. Idem statuit Concilium Mediolanense v. Caveat Parochus, ne in eo ministrando negligentiam, ullamve moræ culpam contrahat. Alioquin si ad illius Ministrationem accersitus, ire neglexerit, cum rationem Deo reddet, tum pœna ab Episcopo graviter plebitur.

Ut autem opportuno tempore ministret, cum sæpe alias, utpote cum ægrotantem primo visitat, tum quo etiam tempore Sacram. Eucharistiam pro Viatico ei ministrat, hoc illum monebit, Ut dum sana mente est, sibi ministrari petat: simulque item demonstrabit, quam salutariter expediat, ultro, sponteque pie hoc Sacramentum deposci.

R E G U L A X I I.

Si aliquando acciderit, ipsum Parochum, vel ab eo delegatum Presbyterum, dum ungit infirmum, præ virum imbecillitate, aliove casu deficere: alius Sacerdos, si præsens aderit, aut aliunde statim evocatus, reliquas partes, quas ille non unxerit, ungere rite perget: unctas autem denovo non unget.

Hanc Regulam tradit S. Carolus in Instructionibus De Sacramento Extreme Unctionis.

R E G U L A X I I I.

Necesse non est expectare tempus, quo infirmus est in exitu constitutus, ut ei administretur Unctionis Extreme Sacramentum, sed sufficit, quod periculosa ægritudine laboret.

Nec enim S. Jacobus, nec Patres, qui verba illius de infirmorum Unctione explicarunt, censuere infirmum esse oportere morti proximum, ut sacra Unctione procuraretur, præsertim S. Cyrillus Alexandrinus, S. Eligius, Venerabilis Beda; imo indicant ungi solitos fuisse infirmos, ut sanitati corporis restituerentur. Et revera hic secundarius est Unctionis Extreme effectus: potest itaque conferri nondum desperata valetudine. Nam frustra conferretur ad hunc effectum consequendum homini in exitu constituto. Hunc enim effectum Sacramentum non operatur per modum miraculi, sed

virtute ordinaria supernaturali, quæ causas naturales adjuvat. Præterea, constat ex Lib. vi. Capitularium Caroli Magni, cap. lxxv. tunc temporis expectatum non fuisse mortis articulum, ut infirmus ungeretur, sed tatis fuisse si foret ille *depressus infirmitate, nondum vite sine periculo*. Idem constat ex Canone v. Concilii Aquilgranensis 11. quo præcipitur Sacerdoti, ut ungat eum, quem *Depressum infirmitate agnoverit, etiamsi nondum urgentem vite illius finem perspexerit*. Concilium Moguntinum Canone xxvi. postulat tantum, ut infirmi, quibus administratur, *sint in mortis periculo positi*.

Id confirmat S. Thomas, in iv. Sentent. dist. xxii. qu. 11. art. 11. Quæstione 11. *Hoc Sacramentum* (inquit) *est ultimum remedium, quod Ecclesia potest conferre, quasi immediate disponens ad gloriam: & ideo illis tantum infirmantibus debet exhiberi, qui sunt in statu excantium, propter hoc quod ægritudo nata est mortem inducere, & de periculo timetur*. Et Concilii Tridentini Catechismus: *his etiam, qui adeo periculose egrotare videntur, ut ne supremis vite dies infest, metuendum sit, hoc Sacramentum præberi debet*.

Verisimile est, ob vulgi deliramenta Unctionem infirmorum in mortis articulum reservari cœpisse, ac sensum hunc ulum fuisse propagatum. Invaserat enim vulgi mentes stulta illa opinio xiiii. sæculo, præsertim in Britannia majori, quod conjugatis post susceptam Unctionem infirmorum non liceret ad opus conjugale reverti, vel carnes comedere, vel nudis pedibus ambulare. Hos errores, ac superstitiones populares acriter convellunt Synodus Vvignonensis anno millesimo ducentesimo quadragesimo, cap. 19. Synodus Exoniensis anno millesimo ducentesimo octogesimo septimo, Synodus Vintoniensis anno millesimo trecentesimo septimo, & Richardus Episcopus Sarisberienfis in Constitutionibus editis anno millesimo ducentesimo decimo septimo, cap. lxxviii.

R E G U L A XIV.

Sacramentum Extreme Unctionis administrari decet, dum æger integris sensibus est.

ITa Concilii Tridentini Catechismus §. xviii. de Extrema Unctione: *Ita quo tamen gravissime peccant, qui illud tempus ægroti ungerendi observare solent, cum jam omnis salutis spe amissa, vita, & sensibus carere incipiat*. Constat enim ad uberiorem Sacramenti gratiam percipiendam plurimum valere, si ægrotus, cum in eo adhuc integra mens, & ratio viget, fidemque, & religiosam animi voluntatem asserere potest, sacro Oleo liniatur. Quare Parochis animadvertendum est, ut eo potissimum tempore celestem Medicinam adhibeant, illam quidem semper vi sua admodum salutarem, cum eorum etiam pietate, & religione, qui curandi sunt, magis profuturam intelligitur.

Idem statuit Concilium Burdigalense anno 1582. *Non eo usque* (inquit) *differendum est, dum æger omnibus pene sensibus destitutus sit*. Concilium Remense anno 1583. *Parochus caveat, ne vel mors Unctionem preveniat, vel morbo invalescente semimortuus non sentiat*. Concilium Bituricense anno 1584. *Administretur* (inquit) *tempestive a Sacerdote Extrema Unctio, ita ut Christianus mente adhuc integra Sacramenti efficaciam agnoscere possit*.

Idem statuit Concilium Mediolanense 1. *Extreme* (inquit) *Unctionis Sacramentum curet Parochus, ut ægroto, dum integris est sensibus, adhibeatur*.

Idem repetit S. Carolus in Instructionibus de Extremæ Unctionis Sacramento: *Ministrabit autem, dum æger integris sensibus est. Quod si aliqua morbi vi infirmus oppressus, dubitatur, vivusne sit, an mortuus, tunc diligenter de hoc Sacerdos videbi: & consulto etiam Medico, si in tanta temporis brevitate po-*
test.

test. Si non potest, & in dubio est, ea conditione utetur: Si es vivus. Per istam sanctam Unctionem, & suam piissimam misericordiam indulgeat tibi Dominus, &c.

Si æger in eo statu est, ut spiritum ante exhalaturus videatur, quam Sacramenti hujus ministracionem Parochus absolvere possit, tunc Psalmis, & Litanis prætermisiss, statâ formula verborum singulas corporis partes, quas ungi Ritus postulat, inunget. Sique superster erit, tunc statas reliquas Præces, Litaniasque adbibebit. Si vero dumungitur, spiritum emiseric, ungere Parochus desisset.

R E G U L A X V.

Extrema Unctio pueris conferri non debet.

Ipsis enim non congruit forma hujus Sacramenti, *Indulgeat tibi Dominus;* cum non peccaverint. Id confirmat S. Thomas, in iv. Sententiarum, dist. xxiij. q. ij. art. ij. Quæstiunc. iv. Hoc Sacramentum, inquit, *exigit actualem devotorem in suscipiente, sicut & Eucharistia. Unde sicut Eucharistia non debet dari pueris, ita nec hoc Sacramentum.* Et ad primum: *Non datur contra reliquias originalis peccati, nisi secundum quod sunt per actualia peccata quodammodo confortatæ: unde principaliter contra actualia peccata datur (ut ex ipsa forma patet) quæ non sunt in pueris. Et ad secundum: Infirmitates in pueris non sunt ex peccato actuali causatæ, sicut in adultis: & contra illas præcipue infirmitates hoc Sacramentum datur, quæ sunt ex peccato causatæ, quasi peccati reliquæ.*

R E G U L A X V I.

Furiis, & amentibus, qui non habent lucida intervalla, Extremæ Unctionis Sacramentum non est ministrandum.

Ita S. Thomas Quæstiunc. iij. Ad effectum (inquit) hujus Sacramenti suscipiendum plurimum valet devotio susipientis, & personale meritum conferentium, & generale totius Ecclesie: quod patet ex hoc, quod per modum deprecationis forma hujus Sacramenti confertur: & ideo illis, qui non possunt recognoscere, & cum devotione suscipere, hoc Sacramentum dari non debet; & præcipue furiosis, & amentibus, qui possunt irreverentiam Sacramento per aliquam immunditiam facere; nisi haberent lucida intervalla, in quibus Sacramentum recognoscerent; & sic eis conferri in statu isto posset.

Infirmitas, tamen, qui sana mente dum erant, illud petierunt, aut verisimile est, quod petissent; etiam si postea in amentiam inciderint, vel ratione, sermoneve uti desierint, ministrabitur item. Si vero dum infirmus amentia, phrenesive laborat, verisimile sit, indecenter, aut spurce, impureve aliquid agat, quo irreverentia Sacramento huic fiat; non ungetur, nisi alicujus complexu ita teneatur, ut firmus, stabilisque hereat. Ita S. Carolus in Instructionibus.

Synodus Parisiensis anni 1557. Si qui vero (inquit) ex morbi gravitate in amentiam inciderint, consideranda est eorum vita præcedens: qui si laudabiliter vitam duxerint ante amentiam, & Christiane, ab hujus Sacramenti perceptione arceri non debent.

R E G U L A XVII.

*Mulieribus in partu laborantibus, nisi sint in mortis periculo ex ægritudine constitutæ: ad bellum proficiscentibus, navigantibus, peregrinantibus, capite dam-
natis, Extrema Unctio conferri non debet.*

Quamvis enim isti morte proxime afficiendi sint, illi in frequenti vitæ discrimine versentur, periculose tamen non ægrotant. Hanc Regulam confirmant Concilium Mediolanense IV. & S. Carolus in Instructionibus De *Extrema Unctione*, Synodus Senonensis 1524. Synodus Aquisgranensis 1585.

R E G U L A XVIII.

Extrema Unctio administrari potest senio confectis, in diem morituris, nulla licet alia ægritudine laborantibus.

Extréma enim senectus periculosus per se morbus est. Quamobrem Concilium Mediolanense IV. & S. Carolus in Instructionibus, hanc Regulam tradunt. Synodus etiam Aquisgranensis anno 1585. hoc Sacramentum administrari jubet senio confectis, etiam leviter laborantibus.

R E G U L A XIX.

Extrema Unctio in eadem infirmitate repeti potest, si convalescat, & postea in idem periculum relabatur infirmus.

Ita docent, ac jubent Concilii Tridentini Catechismus, & S. Carolus in Instructionibus. Ita etiam S. Thomas in IV. Sententiarum, dist. XXIII. qu. II. art. IV. Quæstiuncula II. Hoc Sacramentum (inquit) non respicit tantum infirmitatem, sed etiam infirmitatis statum; quia non debet dari, nisi infirmis, qui secundum humanam estimationem videntur morti appropinquare. Quædam ergo infirmitates non sunt diuturnæ: unde si in eis datur hoc Sacramentum, tunc cum homo ad illum statum perveniat, ut sit in periculo mortis, non recedit a statu illo nisi infirmitate curata; & ita iterum non debet inungi: sed si recidivum patitur, erit alia infirmitas; & poterit fieri alia inunctio. Quædam vero sunt ægritudines diuturnæ, ut hæctica, & hydropisis, & hujusmodi: & in talibus non debet fieri inunctio, nisi quando videntur perducere ad periculum mortis: & si homo illum articulum evadat eadem infirmitate durante, & iterum ad similem statum per illam infirmitatem reducatur, iterum potest inungi; quia jam est quasi alius infirmitatis status, quamvis non sit alia infirmitas simpliciter. Ita etiam statuit Synodus Lingonensis anno 1404. Senonensis 1524. Carnotensis 1526.

R E G U L A XX.

Quamvis Sacramentum Extremæ Unctionis non sit ad salutem simpliciter necessarium, lethalis tamen peccati rei sunt, qui a Pastore moniti recusant, vel disserunt illud suscipere, propter contemptum Sacramenti.

Contingere enim potest, ut post Absolutionem, & Eucharistiam perceptam peccatum aliquod lethale infirmus commiserit, quod memoriæ non occurrat, ut illud confiteatur: quod Extrema Unctione tanquam medio ordinario in hac circumstantia debebitur, & remittetur. Nemo etiam est, qui graviter tentari sub finem vitæ suæ non possit, contra quas tentationes Unctio Extrema instituta est: quamobrem, qui illam suscipere recusaret, vel disseret, salutem suam periculo exponeret. Denique metuendum est,

est, ne recusatio illa, vel dilatio ex contemptu saltem virtuali Sacramen-
 ti procedat. Omnium autem Sacramentorum contemptus est saluti contrarius.
 Hinc Synodus Lingonensis anno 1404. Quia (inquit) hoc Sacramentum tunc
 datur, cum infirmitas mortalis videtur, propterea frequenter infirmi aliqui de
 morte dubitantes illud recusant recipere, vel differunt quantum possunt, & in-
 tantum quod morte præventi recedunt absque Sacramenti receptione: idcirco de-
 bent per omnes honestas vias induci ad recipiendum, & debet eis dici, quod si
 recusent, vel differant recipere, ex eo, quod contemnant Sacramentum, peccant
 mortaliter, & graviter. Et licet dicant, quod non faciant ex contemptu, debet
 tamen dubitari, ne malignus Spiritus eos extrahens, in extremo decipiat.

Synodalia Remensis Ecclesiæ: Sæpe moneant Sacerdotes populum, quod
 priusquam decimumquartum annum compleverint, maxime Sacramentum Extre-
 mæ Unionis petant, & recipiant reverenter, si timeatur versimiliter de morte
 infirmorum, quia necessarium est ad salutem istud Sacramentum, si possit haberi.

Synodus Andegavensis 1593. Nos quoque accepimus referentibus fide dignis,
 quod illud Sacramentum, sine quo (ut dicunt Sancti) periculosum est ex hac vita
 migrare, ex quadam negligentia omittatur, &c.

Synodalia Ecclesiæ Trecentis: Si aliquis infirmus præmonitus in articulo
 mortis inungi, contempserit dictum Sacramentum recipere, Ecclesiastica careat
 Sepultura.

Synodus Parisiensis anno 1557. Commonefaciendi sunt ægrotantes, dum ad-
 huc in illis ratio viget, ut hoc Sacramentum ad salutem suam digne, & devote
 suscipiant: quoniam, qui taliter præmonitus, & mentis ad huc compos inungi con-
 temperit, hunc Ecclesiastica Sepultura indignum decernimus.

R E G U L A XXI.

Extremæ Unionis Sacramentum administrari non debet infirmo nisi post Con-
 fessionem peccatorum suorum, & post Viaticum Corporis Christi, si recipere il-
 lud possit: nisi alius sit Ecclesiarum Ritus, aut Episcopi aliter decreverint.

ITa Concilii Tridentini Catechismus: „ Quoniam (inquit) omni studio
 „ curare oportet, ne quid Sacramenti gratiam impediat, ei vero nihil
 „ magis adverteretur quam alicujus peccati mortiferi conscientia: servanda est
 „ Catholicæ Ecclesiæ perpetua consuetudo: ut ante Extremam Unionem
 „ Pœnitentiæ, & Eucharistiæ Sacramentum administraretur: ac deinde ægro-
 „ to persuadere Parochi studeant, ut ea fide se ungendum Sacerdoti præ-
 „ beat, qua olim qui ab Apostolis sanandierant, se ipso offerre consueverant.

Synodus Carnotensis anno 1526. Cum hoc Sacramentum sit ultimum Sacra-
 mentorum, inhibemus illud dari infirmo, nisi post Confessionem peccatorum suo-
 rum, & post Corporis Christi Communionem, si possibile sit infirmum communicare.

S. Carolus in Instructionibus idem docet: Quoniam (inquit) nihil Sacra-
 menti gratiam magis impedit, quam mortiferi alicujus peccati conscientia: Idcir-
 co in eo ministrando usum, consuetudinemque hanc tenebit, ut si fieri potest, in-
 firmum non ante ungat, quam peccata confessus sit, ac præterea sacram Eucha-
 ristiam sumpserit, aut saltem sit confessus; si forte non potuerit infirmus ob stoma-
 chi, gutturisve impedimentum sacram Communionem sumere. Si quem vero deve-
 pente vis morbi occupavit, ut neque confiteri, neque communicare potuerit; ex
 aliqua tamen contritionis, aut pietatis significatione conjicitur, eum velle sibi hoc
 Sacramentum Extremæ Unionis ministrari: tunc Parochus ministrabit.

Olim quidem ante Viaticum Corporis Christi administratam Infirmis Un-
 tionem Extremam veteris Disciplina Ecclesiasticæ Monumenta probant. In
 Sacramentario S. Gregorii apud Menardum, post recitatas preces, & Un-
 tionem

tionem infirmi subditur: *Deinde communicet cum Corpore, & Sanguine Domini.* Ita habetur in Codice Rotardi, & Ratoldi, & Tiliano, & S. Remigii, & S. Germani a Præf. Concilium Aquigranense anno octingentesimo trigesimo sexto, Canone v. ita decernit: *Si quis infirmitate depressus fuerit, ne Confessione, atque Oratione Sacerdotali, necnon Unctione sanctificati Olei per ejus negligentiam careat. Denique si finem urgentem perspexerit, commendet animam Christianam Domino Deo suo more Sacerdotali cum acceptione sacre Communionis.* Vides Unctionem sacro Viatico præmissam. Idem confirmant plurimum Ecclesiarum Ritualia sive Manualia, multique Scriptores hanc antiquam fuisse Disciplinam testantur. Hæc testimonia, Ritualiumque verba prolixè refert Joannes Launojus in Libro, cujus titulus est: *Explicata vetus Ecclesie Traditio de data infirmis post Unctionem Eucharistia.* Sed ex hodierno Ecclesiæ vii Unctionis Sacramentum administrare vulgo non licet nisi post Viaticum, ut præscribit Rituale Romanum Pauli V. *Ilud in primis ex generali Ecclesiæ consuetudine observandum est (inquit) ut sit tempus, & infirmi conditio permittat, ante Extremam Unctionem Pœnitentiæ, & Eucharistiæ Sacramenta præbeantur.* Ab ea Regula exceptæ censeantur Ecclesiæ, in quibus mos antiquus perieverat, ut apud Cistercienses: vel ubi Episcopi morem illum venerandum ob rationes, quibus nitebatur, & sæculorum pene quatuordecim praxim, suis Decretis renovarunt. Hac in re demum, quæ meræ Disciplinæ est, sequatur unusquisque Parochus quod Ritualibus, seu Manualibus Diœcesis suæ Libris præscribitur.

C A P U T VI.

R E G U L Æ

VISITATIONEM INFIRMORUM,

Testamenta, & Sepulturam Spectantes.

R E G U L A I.

Parochi quotidie Parochianos suos graviter ægrotantes, quoad fieri potest, visitare debent, eisque omnia charitatis, & pastoralis sollicitudinis officia exhibere.

De Visitatione, & cura infirmorum.

Hanc Regulam tradunt Concilium Mediolanense v. & S. Carolus in Instructionibus De Visitatione, & Cura infirmorum. Quod Concilio (inquit) *Agatensi olim pie cautum est, in Synodo Provinciali renovatum, idem Parochus præstare curet, ut Missa celebrata, si quos infirmos in Parochiali vicinia habet, frequenter, atque adeo quotidie, cum per alias Parochiali Curæ sue occupationes potest, visiter: eisdemque præstet, prout opus esse viderit, officia charitatis, & sollicitudinis Parochiali suo Muneri conjuncta. Et vero quam alius Parochialis Curæ officiis aliquando fortasse distinxit potest: propterea Parochiæ sue Sacerdotes, si quos habet, aut saltem Laicos aliquot homines virtute, & vite spiritualis usu præstantes deliget, qui ægrotum adeant, reledge cohortentur, cum ad vim morbi patienter in Domino ferendam, tum ad alia Christiane pietatis officia præstanda.*

Illis maxime visitandis, & consolandis assiduam charitatem navabit, qui rerum omnium indigentia, & morbi acerbitate miserabilem in modum affligi, curationem difficillimam experiuntur: quorum paupertatem commotus zelo pietatis sublevabit; ut & ipse, si per facultates potest, aliquid de suo erogat, & aliorum elemosynas conquirat.

De ægri statu, genereque morbi, adversave valetudine perquiret: ejus item mores, vitam, actiones, negotiaque, ut sciat salubria dare consilia, opportunaque adhibere remedia, omnique sancta consolatione juvare.

Hortabitur, ut ægritudinem, in quam incidit, patienter ægrotus in Domino ferat: gratiaque ei agat de egrotatione, qua corpus attingitur: cum inde animæ utilitas salutaris existeret possit, si vere, & pieque charitatem Dei erga se agnoscens, confirmabit se ipsum in omni patientia. Demonstrare poterit, a Deo, qui fons est omnium bonorum, factum esse, ut infirmus prosperam corporis valetudinem amiserit; quoniam illius animæ salutariter consultum esse vult emendatione vitæ antea. Si vero ægrum disciplinæ spiritualis, sanctarumque virtutum studiosum esse animadverterit, morbi vim illatam esse a Deo ostendet, ut in spiritualis vitæ cursu, quem suscepit, majori progressionem versetur, atque adeo perfectius insilstat. Monebit, ut ne dæmonis astu, neque Medicorum pollicitationibus, nec propinquorum aut amicorum domesticorumve blandis cohortationibus se ullo modo decipi sinat, quo minus in ea, quæ sibi salutaria sunt, incumbat. Quare hoc infirmo suadere studebit, ut quod *S. Ambrosius* ex Sacris Scripturis monet, salutare Dei inprimis concupiscat, nempe Christum Dominum; sicque animæ æternam salutem primo expetens, quærat deinde, quæ ad corporis valetudinem attinent.

Monebit, ut elemolynas det quamplurimas pro facultatum ratione, & modo. Ut pro se orationes a Religiosis hominibus fieri postulet, omnique ratione curet. Ut ipse, cum per morbum potest, aliquid pie meditetur de vanitate Mundi, de exemplis patientiæ, de fructu tribulationum, de cœlesti gloria. Ut quotidie, si per valetudinem potest, vel Coronam B. Virginis: vel, si litteras norit (quod *S. Augustinus* fecisse traditur, dum æger fuit,) septem Psalmos Pœnitentiales pie recitet: aut omnino aliquid precum pro viribus suis adhibeat. Proponet etiam ægrotanti, prout illius conditio tulerit, aliquas breves orationes, quas jaculatorias dicimus; præsertim e Psalmorum libro sumptas, quæ facile in promptu sint.

Hoc inprimis suadebit, ut de peccatis confiteatur. Idque maxime studebit, ut ad generalem de tota vita antea facta Confessionem illum inducat. Cohortabitur, ut Sacram Communionem sumat, etiamsi graviter non ægrotet; maxime si Festi alicujus celebritas id suadeat: neque ipse ministrare recusabit sæpius in eadem infirmitate, pro devotione, & desiderio ægroti; præsertim si ille cum valet, solet frequentare. Pro Viatico ministrabit, cum probabile est, quod eam amplius sumere non poterit: cavebit autem ne ita cunctetur, ut periculum adeat ægrotus moriendi priusquam sumat. Cum præterea postquam Viaticum Extremamque etiam Unctionem æger suscepit; aliquot dies superstes sibi Sacram Communionem ministrari petit, ejus pio desiderio Parochus non deerit, sed pro Viatico illam iterum in eodem morbo non ministrabit.

Aget cum eo, ut si Dei gratia, munereque ab eo morbo convalescet, vitam omnino emendet, aut sanctiorem vivendi disciplinam suscipiat.

Demonstrabit. Satanam nihil non agere, ut impediatur salutaria ejus remedia: ideoque in id studere, ut infirmo in animum sæpe numero inducat, nihil periculi ex morbo, quo laborat, imminere: Medicos autem verborum blanditiis spem longioris vitæ sæpe polliceri, in idipsum familiares etiam, & cognatos incumbere. Periculum igitur morbi eum ita celari, ne sinat, ut eum mors opprimere possit inopinantem, & imparatum. Atque opportune inducet illum, suaviter, ut velit, suum sibi periculum pateferi.

Animadverte autem, ægrotos tribus potissimum solere valde molestis co-

„ gita-

gitationibus affici, anxieque perturbari: quarum primam affert mortis metus, alteram conscientia peccatorum, tertia oritur ex contemplatione divinæ justitiæ: quamobrem in promptu habebit argumenta ad persuadendum apposita pro conditione egrotantis: quem lenibus suavisque verbis alloquetur.

Ostendit mortem Christianis hominibus non modo extimescendam non esse, sed etiam amandam, & expectandam: quæ nisi intercedat, fieri non potest, ut peccati servitute, & hujus vitæ calamitatibus, atque incommodis omnino liberati, æternam felicitatem per Jesu Christi meritum consequamur. Atque in hoc suadendi genere rationes, & locos sibi sumere poterit ex Libro S. Cypriani, qui est *De mortalitate*. Quem metum depellere studebit non solum multis aliis rationibus, sed etiam & sacrarum Litterarum auctoritatibus, & exemplis Sanctorum, & orationibus. Si ob affectum quo erga res terrenas irretitus tenetur, aut ob alias causas mortem exhorrescit: hunc affectum expellere conabitur rationibus ab earum vanitate, vitioque deductis.

Ad sedandam perturbationem, quæ oritur ex conscientia peccatorum, hortabitur, ut frequenti Confessionis, & Sacræ Communionis usu sese religiose corroboret: credatque omnino Sacramentis peccata infinita Dei benignitate deleri.

Ad justitiæ vero divinæ contemplationem ægrotum valde se abjiciendum eriget commemoratione infinitæ bonitatis divinæ: quæ numquam patitur Fideles esse destitutos, qui velint, quamdiu in hujus vitæ cursu versantur, Penitentia exactæ vitæ peccata deleri.

Si impatientem ægrotum viderit, ei proponet Passionem Christi Domini, tormenta Sanctorum Martyrum, exempla aliorum Sanctorum, Job, Tobie, Joseph, & aliorum. Merita præterea ostendit patientiæ, quæ multa sunt & maxima. Causas item ostendit afflictionum, quas Deus Pater amantissimus, & Medicus sapientissimus tanquam medicamenta Fidelibus adhibet.

R E G U L A II.

Ad Testamenti factionem Infirmos hortari, dum integra sunt mente, Parochus, & Confessarius debent, si morbus gravior, & cum periculo fuerit.

De condendo testamento.

Ita S. Carolus in Instructionibus de Visitatione Infirmorum. In Testamenti autem factione significabit quanti inter sit religiosos homines doctrina, & pietatis usu præstantes adesse, de quorum consilio ad remedium animæ suæ in ultima voluntate pro facultatibus aliqua pia opera statuat.

Legata pia, quæ fecerit, præstari quamprimum, aut etiam eo vivente monebit; cum hoc ei plurimum suffragari possit ad animæ salutem. Hæc in primis monebit, quæ quamquam semper præstanda sunt, tali tamen tempore in primis: ut si quid alieni habet, si per facultates potest quamprimum restituat, aut saltem id præstari Testamento caveat.

Synodus Carnotensis anno 1526. ea potissimum ratione Christianos ad Testamentorum factionem hortari oportere statuit, *Ut per ea morientium fides sit superstitibus cognita, ut de debitorum, & male ablatorum, ac forsactorum restitutione, sine qua peccatum non dimittitur; necnon de legatis in usus pios constitutur ad animæ salutem.* Idem statuit Synodus Senonensis anno 1524. & Ecclesiasticæ Sepulturæ privationem comminatur iis, qui intestati decesserint, nisi propter mortem repentinam, aut pauperatē condere omiserint Testamentum. Idem confirmat Synodus Parisiensis anno 1557. Idem decre-

verat

verat Synodus Lingonenſis anno 1404 Ut Teſtamentum fiat initio morbi; niſi quis morbum prudenter ante verterit, utque fiat in ſtatu gratiæ, ad hoc ut actio tanti momenti meritoria ſit apud Deum, auctor eſt Piſſimus Cardinalis Bellarminus Lib. 11. *De Arte bene Moriendi*, cap. v.

R E G U L A III.

In ſaſtione Teſtamenti ſervandæ ſunt Leges, & Conſuetudines Municipales.

Leges enim juſtæ conſcientiam obligant, ſecundum illud Apoſtoli ad Romanos XIII. *Omnis anima Potestatibus ſublimioribus ſubdita ſit. Non eſt enim Potestas niſi a Deo: quæ autem ſunt a Deo, ordinata ſunt. Itaque qui reſiſtit Potſtati, Dei ordinationi reſiſtit. Qui autem reſiſtunt, ipſi ſibi damnationem acquirunt... Ideo neceſſitate ſubditi eſſote, non ſolum propter iram, ſed etiam propter conſcientiam.* Hinc contractus omnes, in quibus Juris ſolemnia ſervata non fuere, ſunt irriti. Eademque de Teſtamentis ratio eſt, non enim legitima cenſentur, niſi ſecundum Leges ſint condita. Unde Lex, *Hac conſultiffima*, Cod. de Teſtamentis, *Non ſubſcriptum a teſtibus, ac non ſignatum teſtamentum pro inſeſſo haberi* decernit. Sic etiam Teſtamenta, in quibus nomen hæredis, vel hæredum ſcriptum, aut nuncupatum non eſt, irrita ſunt Jure Romano. Nulla ſunt pariter, in quibus præteriti ſunt filii, etiam poſthumi, vel abſque cauſa legitima exhæredati, (L. *Maximum*, C. De *Liberis præteritis, vel exhæredatis*. L. *Si poſt teſtamentum, & L. Quod certum eſt*, C. De *Poſthumis hæredibus inſtituendis, vel exhæredandis, vel præteritis*.) Sic in Galliis alienigenarum Teſtamenta de bonis in Regno acquiſitis ſunt irrita, niſi Jure Civitatis, ſeu Regnicolarum a Rege donati ſint; atque hujusmodi bona Fiſco cedunt, Rexque illis ſuccedit tanquam ab inteſtato, & Jure bonorum vacantium, quod Jus Albanagi vocatur, id eſt alibi nati, vulgo *Droit d'Aubaine*. Curare ergo debet in primis Parochus, vel conſcientiæ Moderator, ne infirmus, quem in Teſtamenti ſaſtione, ut in aliis ad conſcientiam pertinentibus dirigit, de bonis ſuis diſponat, aut aliquid ſuprema voluntate ſieri caveat contra Leges: quoniam lethaliter peccaret, qui contra illas ſciens volens Teſtamentum conderet.

De conde-
do teſta-
mento.

R E G U L A IV.

*Si Teſtator habeat liberos, pietas exigit; ut illis ad vivendum, & ad ſtatum ſu-
um ſuſtentandum neceſſaria relinquat, prius quam de piis cauſis cogitet.*

Nulla enim pietas eſt, quæ naturæ oblivifcitur: Lex porro naturalis parentes obligat, ut filiis ſuis conſulant, eiſque neceſſaria præbeant, vel relinquant, quantum in ipſis eſt. Id confirmat S. Auguſtinus, Sermone CCCLV. alias XLIV. *De Diverſis*, cap. IV. *Quicumque vult* (inquit) *exhæredato filio hæredem facere Eccleſiam, querat alterum, qui ſuſcipiat, non Auguſtinum, imo Deo propitio neminem inveniat. Quam laudabile factum Sancti, & Venerandi Epifcopi Aurelii Carthaginienſis, quomodo implevit omnibus, qui ſciunt, os lau-
dibus Dei: Quidam cum filiis non haberet, neque ſperaret, res ſuas ven-
tento ſibi uſufructu donavit Eccleſiæ. Nati ſunt illi filii, & reddidit Epifcopus
nec opinanti, quæ illi donaverat. In poteſtate habebat Epifcopus non reddere, ſed
jure fori, non jure poſt.*

Cauſæ quidem ſunt legitimæ, ob quas filius a patre exhæredari poteſt; verbi gratia, ſi manus violentas in parentes injecerit, ſi gravi injuria eos affecerit, ſi de crimine accuſaverit, exceptis criminibus læſæ Majeſtatis, & Hæreſis; ſi verſetur cum maleficis, ſi mortem patri, vel matri molitus ſue-
rit, etiam effectu non ſecuto; ſi thorum paternum maculaverit; ſi pro pa-
tre

Cauſæ ob
quas filii ju-
ſte exhære-
dari poſſunt.

Officium
Parochorum,
& Conficien-
tium Modera-
torum, ut
patres filios
reconcilia-
rent.

tre noluerit fidejubere, cum posset; si testamentum patris impediatur; si bona parentum dilapidaverit, si filia innupta luxuriose vivat: si denique filii annis triginta, filiæ annis viginti quinque minores Matrimonium invitis parentibus contraxerint, possunt iuste exheredari, nec ipsis tanquam de inofficioso testamento conquerendi locus est, secundum Edictum Parisiense *Henrici II.* Regis Christianissimi anno 1555. datum. In plerisque tamen casibus operam dare debent Parochi, & conscientiarum Moderatores, ut patres, et filii iuste iratos, placeant, & filii reconcilient, nec approbare, ut exheredatis filius, etiam merentibus, Ecclesia hæres scribatur. *Si quis* (inquit *S. Augustinus*, loco mox laudato,) *in se ipsum in filium suum, & moriens exheredat eum, si viveret, non cum placarem? Non ei filium suum reconciliare deberem? Quomodo ergo cum filio suo volo, ut habeat pacem, cuius appeto hereditatem? Sed plane si faciat, quod sepe hortatus sum; unum filium habet, putet Christum alterum; duos habet, putet Christum tertium; decem habet, Christum undecimum faciat, & suscipio.*

R E G U L A V.

Si consanguinei Testatoris indigeant, & si filios non habeat, ipsi potius bona sua relinquere tenetur, quam ob alias pias causas testari.

De conden-
do Testa-
mento.

ID enim iustitiæ, veræque pietatis officium est, ut quis suorum curam gerat; in charitatis ordine postulat, ut suis prius quam alienis subveniat; ut nepotes, aut cognati inopes sublevet potius quam Sacella erigat, vel exornet, Sacerdotia augeat, vel æternas in Templis Exequias sive perpetua Anniversaria sua defuncto constituat. Id *S. Augustinus* doctrina, & exemplis confirmavit; nam & aliquas hereditates reulavit, ut scribit *Possidius* in eius Vita, cap. xxiv. *Non quia pauperibus inutile esse possent, sed quia ipsum, & æquum esse videbat, ut a mortuorum vel filii, vel parentibus, vel affinis magnis possiderentur, quibus ab eis deficientes dimittere non venient.* Secundum hanc Regulam Conscientiarum Moderatores dirigere Testatores debent in constitutione Testamentorum, vel Codicillorum.

R E G U L A VI.

Filiis, & cognatis præponi debet Restitutio bonorum male partorum; de qua ante omnia Testator supreme voluntatis tabulis statuere debet.

Restitutio
Filiis, & co-
gnatis præ-
poni debet.

SI enim res aliena, propter quam peccatum est, cum reddi possit, non redditur, non agitur Penitentia, sed fingitur: si autem veraciter agitur, non remittitur peccatum, nisi restituatur ablatum; (inquit *S. Augustinus* Epistola ccliii. alias lvi.) Cum itaque salutis suæ curam ante omnia gerere debeat Christianus homo, prius restituere debet res alienas, quam filiis vel cognatis providere, quævis facta restitutione relinquendi sint inopes, destituti, & ad mendacitatem rediendi. Tam enim bona aliena transmutare non potest ad hæredes, quam furari non potest, ut illis benediciat, vel illorum inopiam sublevet. Quamobrem Curamus manifestus non potest testari, nisi prius præstita sit cautio pignoratitia, vel fideiussoria de restituendis iuribus, vel ipso facto restituatur sint, ut habetur cap. *Quamquam*, Tit. De Usuris, in Sexto. Nec a restituendo opere præscriptio liberat, nisi ab initio, & toto tempore, quod Leges ad præscriptionem necessarium statuunt, quis bona fide rem alienam possiderit, ut est cap. *Ille*, Extra. De Prescriptionibus, quod *Alexander III.* rescriptum est, & ex cap. *Quoniam* omne, quod est Innocentius III. in Concilio Orlamencio Laurentius IV. Canone xli. Neque vero

Præscriptio
a restitu-
tis opere
non liberat.

hæres præscriptionis privilegio uti potest, si mala fide possedisse constet, aut verisimile sit, eum, qui transiit ad ipsam hereditatem. Nam *Vitia possessionum a Majoribus contracta perdurant, & Successorem Auctoris sui culpa comitatur*, (L. *Vitia*, C. Lib. vii. Tit. De acquirenda, & retinenda Possessione.)

R E G U L A VII.

Spurii seu ex adulterio, vel incestu, aliique ex illegitimo coitu progeniti, heredes institui a parentibus non possunt: Equitas tamen, jusque naturale postulat, ut parentes necessaria illis ad vitam sustentandam relinquunt.

De condendo testamento.

Legibus namque constitutum est, ut ab hereditate adeunda excludantur; & Quicquid talibus liberis pater donaverit totum retractum legitima soboli reddatur, aut fratri, aut sorori, aut patri, aut matri: siue per ipsum donatum est, qui pater dicitur, vel per alium, siue per interpositam personam, siue ab eo emptum: vel ab alio, siue ipsorum nomine comparatum: id (inquam) omne retractum legitimis hæredibus reddendam, aut, si non existant, Fisco vindicandum statuit Lex Senatores, C. Lib. v. Tit. 27. De naturalibus liberis, & l. Licet, sub eodem titulo: Sed qui ex damnato sunt coitu, omni prorsus beneficio secludantur. Et l. Si qua Illustris, Lib. vi. Cod. Tit. LVII. Ad Senatufconsultum Orfitianum, sancitum est, Ut neque ex testamento, neque ab intestato, neque ex liberalitate inter vivos habita, justis liberis existentibus, aliquid penitus ab illustribus Matribus ad spurios perveniat. Quamvis autem spurios, & ab alimentorum petitione Leges submoveant, ut constat ex Authentica, Ex complexu, Cod. Lib. v. Tit. De Incestis, & inutilibus Nuptiis, & cap. Pervenerabilem, Extra. Qui filii sint legitimi. Jure tamen poli, ipsaque naturali lege parentes ipsis subministrare tenentur alimenta, idque ut fideicommissio fiat, conscientie Moderator permittere, aut suadere potest, ut colligitur ex Clementis III. Responso, cap. Cum haberet, Extra. Deco, qui duxit in Matrimonium, quam polluit per adulterium: quo quendam hominem, qui uxore legitima superlita contraxerat cum adultera, ab ipsa separari, & eis injuncta pœnitentia perpetuam continentiam indici jubet: nec eis adminiculum afferre ut simul maneant, quod decennio cohabitaverunt ad invicem, ac decem filios susceperunt: Cum multiplicitas prolis ita susceptæ magis eorum crimen exaggeret, & diuturnitas temporis peccatum non minuat, sed augmentet. Tum subdit: Solitudinis tamen tue intererit, ut uterque liberis suis, secundum quod eis suppetunt facultates, necessaria subministret.

Filiis illegitimis quæ ratione providendum.

Quamobrem nec spurios, aut ex damnato coitu progenitos, cui pater bonorum suorum portionem testamento, codicillo, aut fideicommissio reliquit, ipsam tuta conscientia retinere potest; sed quod ultra victui, & vestitui necessaria sibi relicta sunt, legitimis hæredibus restituere tenetur. Si quidem leges a paterna hereditate ipsum excludunt; adeoque illam retinens, rem alienam retinet.

R E G U L A VIII.

Testator fideicommissio transmittere non potest ad uxorem legitimam, nec uxor ad maritum, quod ipsi testamento donare, ac relinquere Leges non permittunt; nec etiam filios spurios, aut naturales, vel eorum matres, aliasve personas, quas hæredes instituere Leges prohibent, fideicommissis vocare potest in partem hereditatis.

Cum enim Leges prohibeant, ne conjuges seu Donatione inter vivos seu Testamento, aut alia quavis ratione, directe, vel indirecte res suas alteri donent, aut relinquunt, nisi reciproca Donatione: cum etiam filios spurios, Alex. Theol. Tom. II.

Ee

rios,

Fideicommissa Legibus contraria damnantur.

De conden-
do Testa-
mento.

rios, vel naturales arceant ab hæreditate, lethaliter peccant qui fideicom-
misso ipsis relinquunt, quod alias ad ipsos transmittere non possunt; seu
universalem instituunt hæredem ea conditione, ut uxori, aut filiis natura-
libus, aut spuris, vel eorum matri, aliisve personis, quas Leges ab adeun-
da hæreditate repellunt, hæreditatem, aut portionem hæreditatis tradat.
Illegitimum namque est hujusmodi fideicommissum, quo Legibus illuditur,
ut ait præclare S. Hieronymus, Epistola 11. *Provida, severaque Legis cautio,*
& tamen sic refrenatur avaritia; per fideicommissa Legibus illudimus. Neque
vero consuetudo ratione ulla, aut uxoris, maritive officia, hujusmodi fidei-
commissa exculare possunt a peccato, vel ipsis auctoritatem præbere, cum
stet ex adverso Lex conscientiam ligans. Quamobrem & Parochus sive con-
scientiæ Moderator prohibere debet Testatorem, ne talibus fideicommissis
hæreditatem gravet, ipsumque docere, id absque lethali peccato injustitiæ
fieri non posse. Non posse etiam fiduciarium hæredem tradere hæreditatem,
aut portionem ejus marito, cui ab uxore, aut uxori, cui a marito,
vel spuris, aut naturalibus liberis, quibus a parentibus contra Legis dispo-
sitionem relicta est: quia, ut habet Regula Juris LXXXVIII. in Sexto, *Cer-*
tum est, quod is committit in Legem, qui verba Legis complectens, contra Legis
nitiur voluntatem. Tenetur itaque hæreditatem ipsam, vel portionem hære-
ditatis fideicommisso sibi commendatam restituere legitimis hæredibus ab inte-
stato: vel eam retinere sibi potest, si ipse sit hæres legitime, & abique
alterius fraude institutus, ut colligitur ex L. *Si quis sub conditione*, Digest.
xxviii. Tit. *De conditionibus Institutionum*, cujus hæc sunt verba: *Si quis*
sub conditione hæredes instituisse, si invicem cavissent, se legata eotestamento
relicta reddituros: placet remitti eis conditionem: quia ad fraudem Legum res-
ponderent, quæ veterent quosdam legata capere. Docere denique debet consen-
tiæ Moderator Maritum, cui ab uxore, vel uxorem, cui a marito; vel
spuriis, aut naturales liberos quibus a parentibus hæreditas, aut hæreditatis
portio contra Legem relicta est, ad restitutionem obligari. Cumenim pos-
sessionis jus humanum sit, Principumque Legibus nitatur: id omne injuste
possidetur, quod possidetur contra Principum Leges, adeoque legitimo do-
mino restitui debet. Quod autem Legum Civilium auctoritate & bona tem-
poralia possideantur, S. Augustinus confirmat, Tract. vi. in Joannem: *Ec-*
ce (inquit), sunt villæ, quo jure defendis villas? Divino, an humano?
 „ Divinum jus in Scripturis habemus, humanum jus in Legibus Regum.
 „ Unde quisque possidet, quod possidet? Nonne jure humano? Nam jure di-
 „ vino, Domini est terra, & plenitudo ejus. Pauperes, & divites de uno
 „ limo fecit, & pauperes, & divites una terra supportat. Jure tamen hu-
 „ mano dicit: Hæc villa mea est, hæc domus mea, hic servus meus est.
 „ Jure ergo humano, Jure Imperatorum, quia ipsa jura humana per Im-
 „ peratores, & Reges sæculi Deus distribuit generi humano. Tolle Jura
 „ Imperatorum, & quis audet dicere, mea est illa villa, aut meus est il-
 „ le servus, aut domus hæc mea est? Si autem ut teneantur ista ab homini-
 „ bus, Jura acceperunt Regum, vultis recitemus Leges? &c. ... Noli dicere,
 „ Quid mihi, & Regi? Quid tibi ergo, & possessioni? Per Jura Regum
 „ possidentur possessiones. *Et Epistola CLIII. alias LIV.* Hoc certe alienum
 „ non est, quod jure possidetur, hoc autem jure, quod iuste, & hoc iuste
 „ quod bene. Omne igitur, quod male possidetur, alienum est. Ex quo prin-
 „ cipio colligitur, id omne injuste possideri, quod contra Legum Civilium dis-
 „ positionem possidetur, adeoque alienum esse, & restitui debere.

R E G U L A I X.

Quamvis Moribus hodiernis sit receptum, ut Clerici bona ex Proventibus Ecclesiasticis parte Testamento relinquunt, quibus voluerint, illisque ab intestato succedant hæredes consanguinei: peccant nihilominus gravissime. si de hujusmodi bonis ad causas profanas disponant, vel ipsa relinquunt consanguineis divitibus, aut eos ab intestato succedere sinant.

Non enim ad consuetudinem, aut Legum Civilium permissionem hoc in negotio attendere debent, sed ad sacros Canones, & ad bonorum Ecclesiasticorum conditionem, quæ possident cum hoc onere, ut quæ prætervictum, & honestum vestitum ex eis superfluum, pauperibus erogentur, seu ad pias causas dispensentur. Non sunt tractandæ res Ecclesiæ *Ut proprie*, sed *ut dominicæ, & a Domino commendatæ* (inquit Concilium Parisiense vi. Lib. i. cap. xv.) Illis *Non ut propriis, sed ut sibi ad dispensandum commissis*, uti debent Clerici, ut declarat Concilium Turonense iii. Can. x. Quoniam *Pretia sunt peccatorum, patrimonium pauperum*; (ut loquitur Concilium Cabilonense ii. Can. vi.) Hinc S. Thomas, Secunda Secundæ, qu. cxxxv. artic. vii. & Quodlibeto vi. qu. vii. art. ii. Clericos bonorum ecclesiasticorum non *vere dominos, sed dispensatores* esse docet. Ex quibus principiis colligitur, gravissime peccare Clericos, qui bona ex Proventibus Ecclesiasticis parte, seu reservatas ex illis pecunias, seu testamentum, seu ab intestato relinquunt consanguineis divitibus, & hæredibus, aut ad causas profanas de ipsis disponunt: quia bonam fidem in dispensatione non servant.

De Clericorum testamentis.

Id confirmat S. Hieronymus, in cap. xlvi. Ezechielis: *Sacerdotes* (inquit) *ipsis quoque filiis suis, quibus paterna debetur hæreditas, nil debent relinquere: nisi quod sibi a parentibus derelictum est.* Ergo qui ditior est Sacerdos quam venit ad Sacerdotium, quicquid plus habuerit, non filiis debet dare, sed pauperibus, & sanctis fratribus, & domesticis fidei, qui vincunt merita liberorum, ut reddat ea, quæ Domini sunt Domino suo.

Hæc Regula nititur etiam Can. xxiv. Concilii Antiocheni: Justum, & acceptum est (inquit) coram Deo, & hominibus, ut sua Episcopus, quibus voluerit, derelinquat; & quæ Ecclesiæ sunt, eidem conserventur Ecclesiæ, ut nec Ecclesia aliquid patiatur incommodum, nec Episcopus sub occasione proferatur Ecclesiæ.

Et Canone, *Episcopi*, Causa xii. qu. i. qui est Agathensis Concilii Canon xlviii. *Episcopi de rebus propriis, vel acquisitis, vel quicquid de proprio habent, hæredibus suis, si voluerint, relinquunt. Quicquid vero de provisione suæ Ecclesiæ fuerit, sive de agris, sive de fructibus, sive de oblationibus, omnia in jure Ecclesiæ reservare censuimus.*

Et Canone *Placuit*, qu. iiii. qui est Concilii Carthaginensis iii. xlix. *Placuit, ut Episcopi, Presbyteri, Diaconi, vel quicumque Clerici, qui nihil habentes ordinantur, & tempore Episcopatus, vel Clericatus sui agros, vel quæcumque prædia nomine suo comparant, tanquam rerum Dominicarum invasionis crimine teneantur, nisi admoniti Ecclesiæ eadem ipsa contulerint.*

Et cap. *Inquirendum*, quod Concilii Rhemensis tribuitur, Extra, *De Peculio Clericorum*, cujus hæc sunt verba: *Inquirendum est, si quis Presbyterorum de redditibus Ecclesiæ, vel oblationibus, vel votis fidelium, alieno nomine res comparavit: quia sicut nec suo, ita nec alieno nomine Presbyter fraudem facere de facultatibus Ecclesiasticis debet; quoniam hoc sacrilegium est, & par crimini Judæ furis, qui sacras oblationes asportabat, & furabatur.*

Hæc S. Gregorii Magni Decretis consentanea sunt, qui Lib. ix. Epistola xiv. scribit: *Quicquid Pater tuus Episcopatus sui tempore de proprio Ecclesiæ*

Clerici bona ex redditibus Ecclesiasticis parte relinquere consanguineis divitibus tuto conscientia non possunt,

constitit acquississe, ne tollas; quia & sacris Canonum legibus esse noscitur definitum, ut in his, quæ Antistes Episcopatus tempore acquisiverit, non alius nisi sola succedat Ecclesia.

Idem confirmatur ex cap. *Cum in Officiis*, Extra. De Testamentis, qui est Concilii Lateranensis sub Alexandro III. Can. xv. „Cum (inquit) in officiis charitatis primo loco illis teneamur obnoxii, a quibus beneficium nos cognoscimus recepisse: contra quidam Clerici cum ab Ecclesiis suis multa beneficia perceperint, bona per eas acquisita in alios transferre præsumunt. Hoc igitur quia antiquis Canonibus constat esse prohibitum, nos indemnitati Ecclesiarum providere volentes, si intestati decesserint, siue aliis conferre voluerint, penes Ecclesias eadem bona præcipuum permanere.

Et cap. *Quia nos*, quod ejusdem Pontificis Responsum est: „Licet Clerici de his, quæ paternæ successionis, vel cognitionis intuitu, aut de artificio sunt adepti, seu dono consanguineorum, aut amicorum, non habito respectu ad Ecclesiam, pervenerunt ad ipsos, libere disponere valeant: de his tamen, quæ consideratione Ecclesiæ perceperunt, nullum de jure possunt facere Testamentum. Et cap. Ad hæc, sub eodem Titulo: Clerici de mobilibus, quæ per Ecclesiam sunt adepti, de jure testari non possunt. Viventes tamen, & sui compotes moderate valent aliqua de bonis ipsis, non ratione testamenti, sed elemosinæ intuitu erogare, in ægritudine constituti.

Et cap. *Relatum est*, Lateranensis Concilii Canonem, quo statutum est, ut bona per Ecclesiam acquisita ad eam in Clericorum obitu devolvantur, non de immobilibus tantum, sed etiam de mobilibus intelligendum esse declarat: Respondemus (inquit) quod generaliter bona quælibet per Ecclesiam acquisita ei debent, juxta Lateranense Concilium, post acquirentis obitum remanere.

Idem confirmat Concilium Parisiense sextum, Canone xvi. Episcopus (inquit) res sui juris, quas aut ante Episcopatum, aut certe in Episcopatu hæreditaria successione acquisivit, secundum Auctoritatem Canonicam quicquid vult faciat, & cui vult conferat. Postquam autem Episcopus factus est; quascumque res de facultatibus Ecclesiæ, aut suo, aut alterius nomine quolibet conditione comparaverit, decrevimus, ut non in propinquorum suorum, sed in Ecclesiæ, cui præest, jura deveniant: similiter, & de Presbyteris, qui de Ecclesiarum rebus, quibus præsent, prædia eo modo emunt, faciendum statuimus.

Eandem Regulam confirmant Innocentius IV. in cap. *Cum in Officiis*, Extra. De Testamentis, Panormitanus in cap. *Cum esses*, sub eodem titulo; Joannes Andreas in Can. *Res Ecclesiæ*, Causa xii. q. i. asseruntque, Clericos ex Ecclesiæ redditibus honestam duntaxat sustentationem jure decerpere posse, quidquid vero ex proventibus Ecclesiæ residuum habent, aut ex canonica portione sua, seu fructibus Beneficiorum parsimonia sua reservant, Ecclesiæ relinquere debere. Nec obstat (inquit Panormitanus) quod Clerici ministerium suum implens dicatur fructus Beneficii facere suos: id enim eatenus verum, ut sibi primo ex illis provideat; tum quod superest, in usus pios impendat, non ut de ipsis testari possit, aut pro arbitrio disponere. Nec suæ itaque portionis dominus sunt, nisi quoad dispensationem. Id confirmat Glossa in Canonem *Res Ecclesiæ*, Causa xii. quæst. i. *Si ergo*, inquit, *de rebus Ecclesiæ emisti equum, vel aliud, illud non est tuum sed dicas, quod illud solum Clericorum est, quod probabiliter ratione consuntur. Quicquid enim habes supra illud, quod sufficit tibi, illud violenter detines.* Et Gratianus in Canonem *Nulli*, eadem quæst. *Ex his*, inquit, *quæ sibi assignata sunt, primum sibi necessaria percipiat: si quæ vero suis necessitatibus supersunt, in communes usus Ecclesiæ expendat.*

Nec vero quis dicat, priscam illam disciplinam non obligare, Cardinale

Cajetanum, & *Navarrum* censere Clericos portionis canonicæ suorum Beneficiorum esse dominos, ac fructus residuos sanguineis suis relinquere tanta conscientia posse: hunc morem esse receptum, nec ab Ecclesia improbatum. Hunc enim morem et si toleret Ecclesia, non tamen approbat; imo Canones laudatos observari cupit, & jubet; damnatque etiam nunc Clericos, qui ex redditibus Ecclesiæ sanguineos suos augent. Quæ sit ea de re mens Ecclesiæ, Concilium Tridentinum declarat Sessione xxv. cap. i. De Reformatione. Sanguineis igitur eo tantum nomine aliquid ex bonis per Ecclesiam partis, aut ex residuo proventuum Ecclesiasticorum donare, seu Testamento relinquere jure possunt. quod pauperes sint; atque ad pias duntaxat causas Testamentum condere, ut declarat *Alexander III.* cap. *Relatum est*, 2. Extra. De Testamentis, cuius hæc sunt verba: *Licet autem mobilia per Ecclesiam acquisita de jure in alios pro meritis arbitrio transferri non possint, consuetudinis tamen est non improbandæ, ut de his, pauperibus, & religiosi locis, & illis, qui viventi servierant, sive consanguinei sint, sive alii, aliqua juxta servitii meritum conferantur. Ceterum, quæ ex hereditate, vel artificio, aut doctrina proveniunt, distribuantur pro arbitrio cedentis.* Id confirmat *Hugotio* antiquus Canonici Juris Interpres, & *Joannes De Friburgo*, in Commentariis Summæ S. *Raymundi*, ad Lib. ii. Tit. De Prædonibus, §. vii. Proprietas (inquiunt) Rerum Ecclesiasticarum ipsius Ecclesiæ est, non Clericorum; & Clerici percipiendo fructus Præbendorum suarum, non faciunt eos suos quoad proprietatem; & in hoc conveniunt cum fructuariis, qui percipiendo fructus, faciunt eos suos quoad usum, & quoad transmissionem illorum bonorum ad illos, qui succedunt sibi in Beneficiis, sed in hoc differunt, quod non faciunt eos suos quoad proprietatem; & quod non licet illis eos expendere, nisi in usus domesticos, & causa pietatis, nec inde possunt condere Testamentum: sed fructuarius suos facit, & potest eos dare, cui vult, & inde testari. Idem confirmat Synodus Parisiensis sub *Stephano Poncherio*: Prohibemus Clericis de bonis Ecclesiasticis testari, & legare aliis locis, & personis quam eorum Ecclesiis, si velint sacrilégium, & ultionem evitare divinam.

Clerici fructus Beneficiorum suorum non faciunt suos quoad proprietatem; nec ex his testari possunt, nisi ad pias causas.

R E G U L A X.

Parochus, sive conscientiæ Moderater suadere debet Testatori, ut si commode possit, elemosynas potius erogat pauperibus, dum vivit, quam post mortem relinquat.

Eleemofyna enim ab homine data, dum vivit, majoris est meriti quam quæ Testamento relinquitur post mortem eroganda: magis etiam satisfactoria est: nam in morte solummodo datur, quod amplius retineri non potest, sicut velut ex quadam necessitate datur. Parendum itaque Deo, Ecclesiastici xiv. jubenti: *Fili, si habes, benefac tecum, & Deo dignas oblationes offer. Ante Mortem benefac amico tuo, & secundum vires tuas exporrigens da pauperi. Non defrauderis a die bono, & particula boni doni non te prætereat. Da, & accipe, & iustifica animam tuam.* Si tamen extremum morbum eleemofynis peccata sua non prædemerit, id faciat certo cum mors est in januis. „ Offerat vel Moriens ad liberandam de perennibus pœnis animam suam, quia aliud jam non potest, saltem substantiam suam: sed offerat tamen cum compunctione, cum lacrymis; offerat cum dolore, cum luctu. Aliter quippe oblata non profunt, quia non pretio, sed affectu placent Itaque cum offert Deo quispiam facultates suas, non offerat quasi præsumptione donantis, sed quasi humilitate solventis; nec absolvere se peccata sua credat, sed allevare; nec offerat cum redemptionis fiducia, sed cum placationis officio; nec quasi totum debitum

De condendo testamentum.

reddens, sed quasi vel parvum de magno reddere cupiens: quia etiam si tradat, quod habet pro modo rerum, non reddit, quod debet pro magnitudine peccatorum. Et ideo licet offerat, oret Deum, ut sua placeat oblatio, plangens id ipsum, quod tarde offert; plangens ac pœnitens quod non prius. Si- que erit ut, juxta Prophetam, propitiatur forsitan Deus delictis suis. *Verba sunt Salviani, Lib. I. Ad Ecclesiam Catholicam.*

R E G U L A X I.

Ecclesiastici, Religiosique Viri ab omni specie aucupandi hæreditates alieni esse debent.

Imitari enim præ aliis debent Salvatoris nostri exemplum, qui homini cui- dam e turba roganti, *Magister, dic fratri meo, ut dividat mecum hæredita- tem:* respondit: *Homo, quis me constituit iudicem, aut divisorem super vos? Dixitque ad illos, Videte, & cavete ab omni avaritia.*

Hanc Regulam confirmat S. Hieronymus. Epistola II. ad Nepotianum, ubi & Legem ab Imperatoribus latam commemorat, ad Clericorum avaritiam ea in re coercentem. *Pudet dicere,* (inquit), *Sacerdotes idolorum, mimi, & aurigæ. & scorta hæreditates capiunt, solis Clericis, & Monachis hac Le- ge prohibetur, & prohibetur non a Persecutoribus, sed a Principibus Chri- stianis: nec de Lege conqueror, sed quod meruerimus hanc Legem Et infra. Audio in senes, & anus abique liberis quorumdam turpe servitium. Ipsi apponunt matulam, obsident lectum, purulentiam stomachi, & phlegmata manu propria suscipiunt. Pavent ad introitum Medici, trementibusque labiis an commodius habeant, sciscitantur; & si paululum tenex vegetior fuerit, pe- riclitantur, simulataque lætitia mens intrinsecus avara torquetur. Timent enim, ne perdant ministerium, & vivacem senem Mathusalem annis compa- rant. O quanta apud Deum merces, si in præsentem pretium non sperarent? Quantis sudoribus hæreditas cassa expetitur? Minori labore margaritam Christi emi poterat.*

De conden-
do testamen-
to.

Ne Clerici
hæreditates,
& legata,
vel pro se,
vel pro suis
Ecclesiis,
Monasteriis,
Societati-
bus, Con-
gregationi-
bus aucu-
pentur.

S. Ambrosium contra Clericorum hæreditates aucupantium, testamenta fugerentium, & in causis pecuniariis intervenientium, avaritiam, & impruden- tiam, audire præstat egregie differentem Lib. III. *De Officiis*, cap. IX. *Nihil* (inquit), *deformius, quam nullum habere amorem honestatis, & usum quodam degeneris mercaturæ quæstus sollicitari ignobili, avaro æstulare corde, diebus, ac noctibus inhiare in alieni detrimento patrimonii, non elevare animum ad honestatis nitorem, non considerare veræ laudis pulchritudinem. Hinc nascuntur aucupia quæsitæ hæreditatis, continentiarum atque gravitatis simulatio- ne captatæ, quod abhorret a proposito Christiani Viri. Omne enim, quod arte elicitum, & fraude compositum est, caret merito simplicitatis. In ipsis, qui nul- lum Ecclesiastici Ordinis Officium receperint, incongrua judicatur affectatæ ambitio hæreditatis. In supremo fine vitæ positos suum habere iudicium, ut li- bere testentur, quod sentiunt, qui postea non sunt emendaturi: cum honestum non sit, compendia aliis vel debita, vel parata avertere; cum vel Sacerdotis, vel Ministri sit prodesse, si fieri potest, omnibus, obesse nemini. Denique si non potest alteri subveniri, nisi alter lædatur, commodius est neutrum juvari, quam gravare alterum. Ideoque in causis pecuniariis intervenire, non est Sacerdotis; in quibus non potest fieri quin frequenter lædatur alter, qui vincitur, quoniam Intercessoris beneficio se victum arbitratur. Sacerdotis est igitur nulli nocere, prodesse velle omnibus: posse autem solius est Dei.*

Observatione denique digna sunt hac in materia verba Concilii Tronen- sis sub Alexandro III. Pontifice Maximo, Can. VI. *Non satis utiliter in Populo Avaritia vedarguitur, si ab iis, qui in Clero constituti videntur, & præci-
pue,*

pue, qui contempto saculo Religiosorum nomen profitentur, & Regulam, modis omnibus non cavetur.

R E G U L A XII.

Parochus, & conscientia Moderator cavere debent, ne Testator, quem dirigunt, aliquid Testamento suo statuat contra bonos mores, & honestatem.

Conditiones enim turpes, siue contra bonos mores, & honestatem appositæ, admitti non debent, nec impleri. Unde Testamento ejus, qui ea conditione hæredem instituit, *Si cadaver ejus in Mare abiciat*, non esse parendum, Jus statuit L. *Quidam*, Digest. xxvi. II. Tit. *De Conditionibus Institutionum*; & suspicio est, hominem, qui talem conditionem posuit, mentis compotem non fuisse: quod si probari poterit, irritum erit Testamentum. Ibidem L. *Conditiones*, 9. Paulus Jureconsultus ait, „Conditiones, quæ contra bonos mores, inferuntur, remittendæ sunt: veluti si ab hostibus patrem suum non redemerit; si parentibus suis, patronove alimenta non præstiterit. Et L. *Conditiones* 14. sub eodem titulo: Conditiones contra Edicta Imperatorum, aut contra Leges, aut quæ Legis vicem obtinent, scriptæ, vel quæ contra bonos mores, vel derisorix sunt, aut hujusmodi, quas Prætores improbaverunt, pro non scriptis habentur: & perinde, ac si conditio hæreditati, siue legato adjecta non esset, capitur hæreditas, legatumve. Et L. *Filius*, 15. *Filius*, qui fuit in potestate, sub conditione scriptus hæres, quam Senatus, aut Principes improbant, Testamentum infirmet patris, ac si conditio non esset in ejus potestate, Nam quæ facta lædunt pietatem, exiltimationem, verecundiam nostram, & (ut generaliter dixerim) contra bonos mores fiunt, nec facere, nos posse credendum est. Porro sub impossibili conditione, vel alio modo factam institutionem non vitiari, auctor est Ulpianus. Quamobrem (ut idem Jureconsultus respondet Lib. 8. sub eodem titulo Digestorum.) Quæ sub conditione Jurisjurandi relinquuntur, a Prætoribus reprobandur: providit enim ne iis, qui sub Jurisjurandi conditione, quid accepit, aut omitiendo conditionem, perderet hæreditatem, legatumve, aut cogeretur turpiter accipiendi conditionem jurare. Voluit ergo eum, cui sub Jurisjurandi conditione quid relatum est, ita capere, ut capiunt hi, quibus nulla talis Jurisjurandi conditio inferitur, & recte. Cum enim faciles sint nonnulli hominum ad jurandum, contemptu Religionis, alii perquam timidi metu divini Numinis usque ad superstitionem, ne vel hi, vel illi aut consequerentur, aut perderent, quod relatum est, Prætor consultissime intervenit.

Hanc Regulam confirmat Synodus Carnotensis anno MDXXVI. celebrata; *Prohibemus* (inquit), Curatis, & aliis, ne Testamenta impia, injusta, (veluti ut Testatoris corpus jactetur in aquam,) siue contra jura vel bonos mores, vel ea, quæ pietatem, aut verecundiam lædunt (sicuti nonnulli fatui fecerunt) recipiant.

Et rursus: Rectores Parochiarum ad conscienda Parochianorum Testamenta vocati, si Testatores aliquid contra communem Exequiarum consuetudinem, vel Defunctorum Officium ordinare velint, ut Canticum lætitiæ, & gaudii pro sua inbuatione, non recipiant.

Quamvis enim olim in Officio pro Defunctis caneretur Psalmus *In exitu Israel de Aegypto*, cum *Alleluia*, ut constat ex Sacramentario S. Remigii Rhemenfis, quod edidit Dom. Hugo Menardus in Notis eruditissimis ad Sacramentarium S. Gregorii: quamvis Ecclesia Græca hanc lætitiæ vocem in Defunctorum Officio usurpet; quamvis olim usitatum fuisse in exequiis ad significandam lætitiā, quæ toti Ecclesiæ ex morte Justorum obvenit, S. Hieronymus in Fabiolæ Epitaphio testetur: præsens tamen Disciplina, & Ritus Ecclesiasticis Libris præscripti in unaquaque Diœcesi accurate servandi sunt; nihil innovandum,

R E G U L A XIII.

Testamentum solemnitatibus destitutum etsi in foro exteriori non valeat, in foro tamen conscientie valere, ac heredes teneri ad legata solvenda, maxime quæ ad pias causas, piis, & eruditis Auctoribus visum est. Id certe agendum, quod Judex æquus secundum Leges decerneret, causa ad forum exterius delata.

Illa Juris solemnia pertinere duntaxat ad probationem Testamenti, ut in foro scilicet externo probari possit, & ab hominum fraudibus, & dolis vindicari; non autem ad ejus substantiam, censet inter alios *S. Antoninus* 11. p. tit. x. cap. 111. §. 14. ita scribens: „Nota, quod cum quis sanus, vel infirmus, qui est sanæ mentis, ultimo disponit de bonis suis, de quibus potest disponere, per simplicem scripturam, vel verba solum, non violentatus, vel circumventus, sed libere sine Notario, & testibus debitis, standum est ejus tali dispositioni in foro conscientiæ, & hæredes, quibus hoc constat certitudinaliter, tenentur ad observandum illud.

Id confirmat ex Canone, *Ultima*, qui *S. Gregorio* tribuitur, causa xiii. qu. 11. *Ultima* (inquit) voluntas defuncti modis omnibus servari debet. Et ex cap. *Indicante*, quod *Greg. IX.* Responsum est, Extra, De Testamentis: „Cognovimus (inquit) quod moriens uxor Redempti, concham argenteam nudis verbis jussit venundari, & suis dari libertis, & scutellam argenteam cuidam Monasterio reliquisse. In quibus voluntatem ejus per omnia volumus adimpleri. Idem censet *Silvester*, in Summa, verbo „Legatum, 4. §. 10. Quando (inquit) Testamentum est nullum, quia non sunt testes sufficientes. vel deficit solemnitas aliqua Juris Civilis: si constat hæredi de voluntate defuncti, vel per duos testes probari potest, obligatur naturaliter Jure Gentium ad illam implendam. *Atque eo referri possunt verba Plinii Epist. x. Lib. iv. scribentis*; Defunctorum voluntatem bonis heredibus intellexisse, pro jure est: neque enim apud nos minus honestas, quam apud alios necessitas valet.

Si autem hanc opinionem sequi nolit hæres, qui vi Testamenti minus solemnitis aliquid debere existimatur, a conscientiæ Moderatore saltem obligari debet, ut de Testamenti valore Juris Peritissimos consulat; idque faciat omnino, quod Judex æquus fieri decerneret cognita causa: manente dubio, cum illo, cujus interest, amice componat, ne periculo iniustitiæ se exponat, & mala fide possideat alienum. Certe si Romanis Legibus agatur, hæres ad solvendum obligabitur. ut constat ex *L. Questionem. Cod. Libro vi. tit. De Fideicommissis*, cujus hæc sunt verba: „Cum res per testamentum solemnitatem ostenditur, tunc & numerus testium, & nimia subtilitas requirenda est. Lex etenim, ne quid falsitatis incurrat per duos forte testes compositum Testamentum, majorem numerum testium exposulat, ut per ampliores homines perfectissima veritas reveletur. Cum autem is, qui aliquid ex voluntate defuncti lucratur (& maxime ipse hæres, cui summa auctoritas totius causæ commissa est) dicere compellitur veritatem per sacramenti Religionem: qualis locus testibus relinquatur, vel quemadmodum ad extraneam fidem decurratur, propria, & indubitata fide relicta? Cum & in Leges respeximus, quæ iustis dispositiõibus Testatorum omnino hæredes obedire compellunt: & sic strictius cautam exigunt, ut etiam amittere lucrum hæreditatis sanciant eos, qui Testatoribus suis minime paruerint. Idem sancitum est *L. Etsi inutiliter*, & *L. Si veritas*, C. eodem tit. Veram eam ubique secum dum Romanas Leges Jus non dicatur, tuta illius conscientia fuerit, qui Testamentum Regni Legibus, vel Municipalibus, aut Judicis Sententia irritam, & quod bona fide irritam credit, non fuerit executus.

RE-

De condendo testamento.

R E G U L A XIV.

Testamenta suppressere, vel abscondere, aut eorum executionem retardare, vel legata intervertere, lethale peccatum est contra iustitiam, & charitatem;

Hanc Regulam explicat Synodus Lingonensis anno mccciv. celebrata: Crimen (inquit) falsi committit, & pœna Legis Cornelie de falsis puniri debet, qui Testamentum celat, occultat, retinet, vel abscondit, ne ad executionem perducatur. Et quia sunt multi, ut dicitur, qui nescientes hanc Legem, vel ad eam non attendentes, ut deberent, Testamenta, aut extremas ordinationes defunctorum detinent injuste, & occultant: quod quantum offendet oculos Divinæ Majestatis, ex eo apparet, quod Animæ existentes in acerbissimis penis Purgatorii remanent, a quibus possent per Testamentorum suorum executionem cito liberari. Impiissimus etiam est filius, vel cognatus, & crudelissimam committit contra patrem, vel matrem offensam, qui non miseretur animæ patris, vel matris, cujus est hæres, si suum occultat testamentum, ut non exequatur, & Anima sui patris manet in prædictis pœnis propter defectum executionis sui Testamenti. Et pauperes personæ, & Ecclesiæ, quibus aliquid relinquitur in Testamentis, fraudantur pia elemosyna sibi relicta; & tales occultatores Testamentorum nostram Autoritatem, & Potestatem perimunt penitus, & enervant. Unde auctoritate præsentis Statuti, & nostra, monemus semel, secundo, & tertio, ac peremptorie omnes, & singulos cuiuscumque gradus, conditionis, sexus, & status exstant; & vos Presbyteri nobis subditi etiam singulis diebus Dominicis moneatis in vestris Ecclesiis omnes, qui habent injuste, occultant, detinent, vel abscondunt, & qui sciunt alios habere, detinere, occultare, vel abscondere Testamenta, aut extremas defunctorum ordinationes: & dantes in his consilium, auxilium, vel favorem, seu juvamen, ut ipsis infra xv. dies ab ab inde, & a qualibet Monitione per vos faciendâ, illa & illas apportent, & exhibeant, tradantque Clerico regenti Officium Testamentorum nostræ curiæ, qui alio nomine nominari potest Procurator Animarum. Alioquin ipsi omnes, & singulos in his scriptis ex nunc prout ex tunc lapsis dictis quindecim diebus excommunicatos publice nunciatis.

Synodus Parisiensis anno mdlvii. hæredes, vel executores malevolos, qui præ nimia cupiditate, & avaritia Testamenta fidei suæ commissa occultare non verentur, Excommunicatione percussit, nisi ea intra mensem revelent.

Synodus Aquisgranensis anno mdlxxxv. decernit, ut Parochus semel in Mense moneat inter missarum solemnias Notarios, testes, & alios quoscumque scientes aliqua Legata facta fuisse ad pias causas, ut ea revelent intra tres Menses sub pœna Excommunicationis.

Synodus Turonensis an. mdlxxxiii. Eos, qui oblationes, seu legata, & pia relicta defunctorum, aut negant, aut solvere recusant, illorumve Testamentum, seu codicillos celant, & dolose retinent, tanquam Animarum Egentium Necatores, ex Conc. Agathensi, Excommunicationis subjacere, decernit.

Hanc Regulam confirmat S. Thomas Quodlibeto vi. qu. viii. art. i. ubi quærit; Utrum mortuus aliquod detrimentum sentiat ex hoc, quod elemosynæ, quas mandavit dari, retardantur. Quam quæstionem hunc in modum solvit: Quantum ad meritum elemosynæ, nullum detrimentum patitur Defunctus ex prædicta tarditate; maxime si quantum in ipso fuit, curam adhibuit, ut huiusmodi elemosynæ cito darentur: quia meritum principaliter ex voluntate, & intentione dependet: sed quantum ad effectum elemosynæ, patitur detrimentum; non quidem, ut pro huiusmodi tarditate puniatur; sed quia

De testamentorum executione.

remedium ei non adhibetur, dum suffragia differuntur, ex quibus plurimum juvaretur.

De testamentorum executione.

„ Addit *S. Antoninus*, 111. p. tit. x. cap. 11. Non pati similiter detrimentum, si differatur Restitutio, quam ipse mandavit fieri, licet tarde mandaverit, etiam in morte, si tamen fecit, quod potuit. Quod si tepide, & incaute mandavit suffragium fieri, ideoque non fit, vel multum differtur, nocet & quoad meritum, ex remissione voluntatis, & quoad suffragium, ut non sublevetur, si non fit, vel non ita cito, sed tarde fit. Et multo magis de Restitutione facienda. Nam posset cum voluntate ita Remissa mandare fieri restitutionem, puta, ne filii egerent, vel, ne quasi de Restitutione non curans haberetur, ut parum, vel nihil ipsi prodesset talis Restitutio mandata, si etiam fieret.

De testamenti executione.

Articulo 11. ejusdem quodlibeti, & quæstion. quærit *S. Thomas*, Utrum Executor debeat tardare distributionem eleemosynarum ad hoc, quod res Defuncti melius vendantur? Resp. Quod in mora modici temporis non videtur esse magnum periculum. Unde si Executor per modicum tempus eleemosynam dare differat, ut rebus defuncti melius venditis ampliores eleemosynas faciat, non videtur esse absque culpa: quia forte defunctus a Purgatorio liberaretur, in quo existenti remedium Suffragiorum maxime necessarium erat. Hoc autem requirit prudentis Executoris examen; ut scilicet consideratis dilatione temporis, & conditione personæ, quæ creditur citius, vel tardius liberanda, & etiam quantitate augmenti eleemosynarum, faciat quod videbitur expedire defuncto.

Lethalis peccati reos esse, qui Testamentorum executionem in legatis ad pias causas diu differunt, ac negligunt, probat *S. Antoninus* 111. p. tit. x. cap. 11. De Testamentis, ex canone Oblationes, causa xxii. quæst. 111. ubi dicitur: Qui oblationes defunctorum detinent, & Ecclesiis tradere demorantur, ut infideles sunt ab Ecclesia abiciendi, & quasi egentium neccatores, nec credentes Dei iudicium habendi sunt. Ex quibus *S. Antoninus* post Joannem de Neapoli colligit, Executores, & hæredes multum differentes peccare mortaliter; tum quia decernitur adversus ipsos Excommunicatio, quod non fit nisi in lethalis peccati reos: tum quia notabile nocumentum inferunt animabus proximorum, unde dicuntur *Necatores animarum*, scilicet subtrahendo ipsis suffragia.

R E G U L A XV.

Cum Hæredes, vel Executores legitimorum Testamentorum officio suo desunt, nec tempore a Jure, vel Consuetudine præscripto pias defunctorum dispositiones executionur, Episcopus ipsos Forsuris cogere potest ad earum executionem.

Hæc Regula nititur *Greg. IX.* Responso, cap. Nos quidem. Extra, De Testamentis, quo Monasterii fundationem supremæ voluntatis tabulis a quodam religioſæ mulieri, quam hæredem instituerat, commissam, sed ab ipsa hærede protractam, intra annum executioni mandari jubet: si vero id hæres neglexerit, ad Episcopum executionem devolutam fore declarat. Quod si (inquit) intra prædictum tempus, sive in loco, quo constitutum fuerat, seu, si ibi non potest, & alibi placet ordinari, tecum imple, plere neglexerit: tunc per te ædificetur, & omnia per te loco ipsi sine diminutione qualibet assignentur. Sic enim secundum piissimas Leges, dilatas defunctorum pias voluntates Episcopali decens est studio adimpleri.

Idem confirmat cap. Si hæredes, & cap. Tua, sub eodem titulo, cujus hæc sunt verba: „ Tua nobis Fraternitas intimavit, quod nonnulli tam Religiosi, quam Clerici Sæculares, & Laici, pecuniam, & alia bona, „ quæ

quæ per manus eorum ex Testamentis decedentium debent in usus pios expendi, non dubitant aliis usibus applicare. Cumigitur in omnibus piis voluntatibus sit per locorum Episcopos providendum, ut secundum defuncti voluntatem universa procedant, licet etiam a Testatoribus id contingere interdici: mandamus, quatenus Executores Testamentorum huiusmodi, ut bona ipsa fideliter, & plenarie, in usus prædictos expendant, monitione præmissa compellas.

Et cap. *Ioannes*, ibidem, de Testamenti cuiusdam ad pias causas conditi Executoribus ita statuit: *Post Mandatum susceptum, per Diæcesanum cogi debent Testatoris explere voluntatem.*

Eandem Regulam confirmat Conc. Trident. sess. xxii. cap. viii. *Episcopi* (inquit) *etiam tamquam Sedis Apostolicæ Delegati, in casibus a Jure concessis, suis omnium piarum dispositionum, tam in ultima voluntate, quam inter vivos, sint Executores.* Quæ particula, *Etiam tamquam Sedis Apostolicæ delegati*, significat, Episcopum his in negotiis utramque potestatem habere, tam ordinariam, quam delegatam, (inquit *Barbosa*, p. ii. *De Officio, & Potestate Episcopopi*. Allegat. lxxxii. §. 30.)

His addendum Decretum Conventus Melodunensis Cleri Gallicani, tit. xxvii. *De Rebus*, aut piis causis: „Non foret inutile in singulis Diæcesibus Procuratorem causarum piarum statuere (quem quidam vocant Procuratorem Animarum) his in Jus vocandis, qui pias eleemosynas, aliasve fundationes, a testatoribus vita functis fundatas, solvere negligunt, & contemnunt, & ad voluntates testatorum implendas, etiam nolentibus, & invitis cogendis: ne horum Procuratorum defectu mali hæredes deteriores efficiantur, & sacræ testatorum voluntates sua executione fraudentur.

Imperandum esset, sub pœna Excommunicationis, omnibus Notariis Testamenta recipientibus, ut legatorum huiusmodi dinumerationem Episcopo, aut ejus Vicariis dare teneantur infra mensem post testatorum mortem: ut omnium ab Episcopo, aut ejus Vicario facto Registro, nihil fraudis in huiusmodi testamentariis voluntatibus committi possit.

R E G U L A XVI.

Testamentorum Executores, aliive ad certa bona pauperibus distribuenda deputati, pro arbitrio suo distribuere illa non possunt, sed Regulas Justitiæ, Prudentiæque Christianæ, & Charitatis ordinem servare tenentur.

Quamobrem eleemosynæ in primis erogandæ sunt consanguineis, & affinis defuncti, si pauperes sint. Deinde illis, qui graviori premuntur egestate, ut sancitum est, *Lege, Si quis ad declinandam, C. De Episcopis, & Clericis, §. 6.* Tertio, uni conferenda non est tota pecuniæ summa, quam testator pauperibus distribui iussit. Quarto, legatum factum pauperibus ad januam Testatoris concurrentibus, non potest conferri Xenodochio. Quinto, cum indistincte pauperes scripti sunt hæredes, Xenodochio civitatis conferenda est hæreditas, & per Xenodochium in ægrotantes fieri debet patrimonii distributio, vel per reddituum annuorum erogationem, vel per venditionem rerum mobilium, vel semoventium, si ex his res immobiles comparentur, & annuus victus ægrotantibus accedat. *Quis enim pauperior est hominibus, qui in inopia tenti sunt, & in Xenone repositi, & suis corporibus laborantes, necessarium visum sibi non possunt offerre?* Si autem plura sint in civitate Xenodochia, vel Ptochotrophia, tunc ei, quod pauperius esse dignoscitur, secundum Episcopi iudicium, hæreditas, vel legatum tribui debet.

De testamenti executione.

De testamenti executione.

Si

Si autem nullum in civitate Xenodochium inveniatur, pauperibus civitatibus vel penitus mendicantibus, vel alia sustentatione egentibus eadem pecunie distribuendæ sunt. Si captivi scripti sint hæredes, in alium usum, quam in redemptionem captivorum hæreditas, vel legatum impendi non potest. Ita sancitum est L. *Si quis*, C. tit. *De Episcopis, & Clericis*, 49.

Qui ad certa bona pauperibus distribuenda deputatus est, pauperes sibi conjunctos eligere potest, si nulli sint ex consanguineis, vel affinibus Testatoris. An autem sibi adscribere possit Executor, si pauper sit, quærunt Auctores, variæque in sententias abeunt. Illorum opinioni lubentius subscriberem, qui negant id fieri posse; tum quia Testatoris voluntatem implere non videtur, qui sibi legatum adscribit titulo paupertatis; alios enim ab Executore pauperes proculdubio spectabat: tum quia in suspitionem malæ fidei, & avaritiæ facile veniret Executor, si legata pauperibus sibi adscribere posset, vique pateret ad pauperum defraudationem. Si tamen summa esset Executoris paupertas, Episcopi auctoritate, & Moderatoris conscientiæ suæ judicio, sibi adscribere posset, quod pauperibus incertis relictum est. Religiosum Executorem suo Monasterio pauperi conferre posse, quod pauperibus relictum est, censent Cardinalis Mantica, Sylvester, Barbosa, & alii quos citat p. 111. *De Officio, & Potestate Episcopi*, Allegat. lxxxiii. §. 25. Hanc tamen opinionem sequi nollem, nec aliis auctor esse, ut sequeretur, tum ob vitandam avaritiæ suspitionem; tum adparendum accuratius, & fidelius Testatoris voluntati, qui voluisse præsumitur, ut legata pecunia distribuatur pauperibus magis indigentibus, magisque destitutis.

Cum Testator bona sua distribui jubet collocandis Matrimonio Virginibus, ea erogare non potest Executor Virginibus Monasterio se devoventibus: legitimam namque Testatoris voluntatem exequi oportet. Si vero legatum certæ personæ relinquitur, ut Matrimonium contrahat, eidem solvi debet si Deo se consecrerit in Monasterio, ut colligitur, ex Authentica *Nisi rogati*, C. *Ad senatusconsultum Trebellianum*, & Authentica *De sanctissimis Episcopis*, §. *Sed & hoc præsentis*, Collat. ix. *Nisi* (inquit) *rogati restituere datum dotis causa, vel propter Nuptias donationis, vel relictum sub conditione Nuptiarum, vel liberorum, Monasterium, vel alium locum venerabilem ingrediantur, &c.* Conditionum enim, quæ a meliori bono homines retrahunt, nullam omnino in Testamentis, & legatis rationem haberi, jus & æquitas volunt.

R E G U L A XVII.

Quorumvis Defunctorum corpora passim in Ecclesia sepeliri, aut omnibus divitiibus indiscriminatim id concedi, prisca non permittebat Disciplina, cujus renovatio, & observantia maxime optanda esset.

UT in Ecclesiis corpora Defunctorum sepelirentur, non statim receptum est, imo expresse prohibitum L. *Nemo*, 2. Cod. *De sacrosanctis Ecclesiis*, & Can. *Præcipiendum*, causa xiii. quæst. 11. qui Nannetensis Concilii anno 850. sextus est, *Prohibendum est* (inquit) etiam secundum Majorum Instituta, ut in Ecclesia nullatenus sepeliantur, sed in atrio, aut in exedris Ecclesiæ. Intra Ecclesiam vero, & prope Altare, ubi Corpus, & Sanguis Domini conficitur, nullatenus sepeliuntur. Idem sentit Cencil. Bracarense l. can. xvi. Placuit, ut corpora defunctorum nullo modo in Basilica Sanctorum sepeliuntur: sed si necesse est, deforis circa murum Basilicæ, usque adeo non abhorret. Nam si firmissimum hoc privilegium usque nunc retinent civitates, ut nullo modo intra ambi-

, tum

De sepulchris.

Locus sepulchrorum.

Exedre erant camere quedam, ac fornices in muris Ecclesiarum.

„tum murorum, cujuslibet defuncti corpus humetur, quanto magis hoc ve- De sepul-
 „nerabilium Martyrum debet reverentia obtinere? In Ecclesiarum valvis, ris.
 „& vestibulis sepeliri, magno olim honori fuit. Unde S. Jo: Chrysostomus
 Hom. xxvi. in Epist. II. ad Corinthios ait, *Constantinum* sepultum fuisse in
 vestibulo *Ædis Apostolorum*, quasi eorum Janitorem. Honor in sepulcri in- Locus sepul-
 tra Ecclesiæ septa Episcopis, aliisque Sacerdotibus propter Altaris Ministe- tur.
 rium permisit Triburiense Concilium can. xvii. Laicis vetuit. *Secundum Sta-*
tuta Sanctorum Patrum, (inquit) „& experimenta Miraculorum prohibe-
 „mus, & præcipimus, ut deinceps nullus Laicus in Ecclesiâ sepeliatur.
 „Quidam mirabilis Doctor nostræ Definitioni consentiens, inquit: Nemo
 „enim in Ecclesiâ sepeliatur, nisi forte talis sit persona Sacerdotis. aut al-
 „terius justî hominis, qui per vitæ meritum talem vivendo suo corpori
 „defuncto locum acquisivit: Doctor ille est S. Gregorius, ex cujus Lib. Ivi
Dialogorum, cap. lxi. Miraculum refert. Quamobrem can. *Ubi*que, ex
 Conc. Triburienſi, & can. *Cum gravia*, ex S. Gregorio relati causa xlii qu.
 ii. qui de Mortuis in Ecclesiâ sepeliendis loquuntur, intelligendi sunt non
 de interiori Ecclesiæ parte, sed de exteriori, sive de Atrio Ecclesiæ aut
 Cæmeterio Ecclesiæ contiguo. Idem confirmatur ex can. *Nullus*, qui Mo-
 guntini Concilii quinquagesimus secundus est. *Nullus Mortuus* (inquit) in-
 tra Ecclesiâ, sepeliatur, nisi Episcopi, aut Abbat, aut digni Presbyteri, vel
 fideles Laici; idest, virtutibus eximii. Idem confirmatur ex Conc. Meldensi
 can. lxxii. *Nemo* (inquit) *quemlibet Mortuum in Ecclesiâ quasi jure hæreditario*
nisi quem Episcopus, aut Presbyter pro qualitate conversationis, & vite dignum
duxerit, sepelire præsumat. Triburiensis Concilii can. xviii. supra laudatum
 transcriptus Theodolphus Aurelianensis Episcopus in Capitulari ad Presbyteros
 Diocesis suæ, vimque Diocesanæ Legis habere voluit. Defunctorum cor-
 pora in Ecclesiis sepeliri vetant Capitularia Regum nostrorum, Libro i
 cap. clxi. Et Lib. ii. cap. xlviii. cujus verba gemina sunt verbis can. xxi.
 Conc. Arelatenſis vi. anno 813.

Eandem Regulam confirmant recentiora Concilia post Tridentinum cæ-
 lebrata. Mediolanense iv. p. i. tit. De Sepulcris: *Ne sepulture locus quovis no-*
mine cuiquam detur, neve sepulcra fiant, construanturve in ulla quavis Ecclesiâ, si-
ne Episcopi concessu scriptis exarato. In Choro autem, vel Capella Majori nullo
modo.

Decreta Hieronymi Famagustani Episcopi, Mediolanensis Ecclesiæ Visita-
 toris Apostolici, a S. Carolo Borromæo promulgata: „Curetur omni ratio-
 „ne, ut antiquus, ac probatissimus mos sepeliendi in Cæmeteriis inutium
 „revocetur: neque sepulcra nova in Ecclesiis ædificentur abique licentia
 „in scriptis obtenta a Reverendissimo Archiepiscopo: in Regularium ve-
 „ro Ecclesiis saltem a R. P. Provinciali: qui ejusmodi licentiam dare non
 „possit, nisi ea sepulcra ad præscriptam formam construantur.
 Synodus Turonensis. anno MDLXXXIII. „Laicis omnibus etiam Nobilibus,
 „minime liceat sepulchras in Ecclesiis jure proprio sibi vindicare: cum se-
 „pultura sit proprie, & mere jus spirituale, & Ecclesiasticum: neque se-
 „pulturam in illis assumere, & eligere, ad, juxta, vel prope Majus Al-
 „tare, aut Sacram, quacumque præsentia in contrarium consuetudine,
 „aut possessione non obstante, nisi forte sint Episcopi, aut Ecclesiarum
 „Rectores, aut Fundatores ipsarum: Quibus in Ecclesiis neminem sine
 „Rectoris consensu, aut auctoritate inhumare liceat.

Concil. Bituricense: „In Ecclesiis sepeliantur tantum Prælati, & Mini-
 „stri Ecclesiæ, Principes, Fundatores Ecclesiarum, Patroni, & Domini lo-
 „corum, & qui Magistratu aliquo cum honore functi fuerint, ac de Re-
 „publi-

„ publica benemeriti, & ii, qui ab antiquo in Ecclesiis sepulturi sunt habent.

„ Bardigalense anno MDLXXXI. „ In Ecclesiis vero nulli ex sepe sepeliuntur, nisi fuerint Sacerdotes, prout Jura præstabant, vel sacris initiati, & Religiosi, Ecclesiarumve Patroni. Alii autem, qui nobilitate, auctoritate, meritisque in Deum, & Religionem commendati fuerint, ad id cum licentia Episcopi admittantur. Ceteros vero in Cæmeteriis, quæ olim etiam illustriores non aspernabantur, sepeliri mandamus.

De sepulchris.

„ Concilium Rhotomagense anno MDLXXXI. „ Non adeo promiscue (ut nunc fit) sepeliuntur in Ecclesiis, ne quidem ditiores, ne is honor detur pecuniis, potius quam gratis Spiritus Sancti: sed hoc servetur Deo sacris specialiter hominibus, eo quod præ aliis eorum corpora templa sint Christi, & Spiritus Sancti: & aliis in sublimitate, & Dignitate tam Ecclesiastica, quam sæculari constitutis: quandoquidem & isti Dei Ministri sunt, & organa Spiritus Sancti: aliis insuper, qui in Nobilitate, vel Virtutibus, vel meritis erga Deum, & Rempublicam fulgent. Ceteri pie, & religiose in Cæmeteriis ad hoc dedicatis sepulturæ tradantur.

Locus sepulture.

„ Rituale denique Romanum Pauli V. jussu editum, jubet, ut, *Ubi viget antiqua consuetudo sepeliendi mortuos in Cæmeterio, retineatur, & ubi fieri potest, restituatur. Etsi cui locus sepulture deinceps dabitur in Ecclesia, humi tantum detur, &c.*

Eorum autem, qui in Ecclesia sepeliuntur, tumuli pavimento Ecclesiæ coæquari debent, nisi forte Prælatorum, Regum, & Principum, ut statutum est in Conc. Rhemenfi MDLXXXIII. Bituricensi MDLXXXIV. & Mediolanensi I. In Sanctuario certe Monumenta erigi celsitudine, & magnificentia non modo cum Altari majore certantia, sed Tabernaculo, in quo Christi Corpus asservatur, æmulo fastigio velut insulantia, Parochi, & Religiosi Viri Ecclesiasticæ Disciplinæ periti, & observantes in Ecclesiis suis nusquam patientur, qualecumque ad eos inde proveniat temporale emolumentum.

R E G U L A XVIII.

Unusquisque liberam habet facultatem sepulturam eligendi: & si quis non eligat, in Parochiali Ecclesia, aut Majorum sepulchris est sepeliendus, salva semper Ecclesiæ Parochiali Canonica Portione.

Electio sepulture.

„ **I**ta decrevit *Leo III.* ut refertur cap. *Nos instituta*, Extra, *De sepulturis*, cujus hæc sunt verba: „ Statuimus unumquemque in Majorum suorum sepulchris jecere, ut Patriarcharum exitus docet. Nulli tamen negamus propriam eligere sepulturam, & etiam alienam: Dominus enim, & Magister alienam elegit ut propriam. Sed quia dignus est operarius mercede sua, tertiam partem sui judicii illi Ecclesiæ dari censuimus, in qua cælesti pabulo refici consuevit: ut juxta Apostolum sint consolationum socii, ut fuerunt passionum: & sic demum ubicumque libitum fuerit, eligat sepulturam. Aliter ne fiat, auctoritate Domini nostri, qui per Prophetam locutus est, dicens: Ne transgrediaris terminos antiquos, quos posuerunt patres tui, sub Anathematis vinculo detestamur, & contradicimus.

De sepulturis.

Prov. 22. 18.

Idem confirmatur ex cap. *Fraternitatem*, sub eodem titulo, quod *Innoc. III.* Responsum est Genuensi Archiepiscopo datum, cujus hæc sunt verba: „ Fraternitatem tuam non credimus ignorare, Mortuorum sepulchra, & cæmeteria apud illas Ecclesias, & Monasteria, ex antiquo esse deposita, &c.

„ quæ-

quibus Religiosorum Fratrum Conventus sunt constituti, & orationes, atque Missarum solemnitas tam pro vivis, quam pro defunctis frequentius celebrantur. Unde ipsorum devotioni, & extremæ voluntati, qui apud hujusmodi Ecclesias sepeliri desiderant, minime contradicendum est. Qui vero relictis antiquis Ecclesiis, & patrum, aliorumque parentum suorum sepulcris, contra consuetudinem Patrum Veteris Testamenti, qui cum patribus suis sepulti esse leguntur, ad nova, & minus religiosa loca se transferunt, irrationabiliter & contra antiquam consuetudinem facere videntur. Unde si P. De Castello contra antiquam, & rationabilem consuetudinem alicuius de corpore suo sepeliendo mandavit, hoc non præjudicat rationi, sed viribus debet carere. Quocirca mandamus, quatenus corpus ipsius Monachis S. Stephani reddi facias, & cum suis patribus sepeliri. Liberam ergo quisque facultatem habet eligendi sibi sepulturam: nulla autem facta electione, in monumentum majorum, sive familiæ inferri debent, qui proprium, seu familiare habent sepulcrum: & uxor cum viro, liberi cum parentibus, fratres, & sorores cum fratribus sepeliendi, ut habetur can. *Ebron*, & canone *Unaquæque*. Causa xiii. quæst. ii. Qui autem familiari sepulcro carent, in Ecclesia Parochiali, vel ejus Cœmeterio sepeliendi sunt, ut decretum habetur, Extra, *De Sepulturis*, c. 3. & cap. 2. sub eodem Tit. in Sexto, & Clementina 2.

Libertati eligendi sepulturam ita consultum voluit Bonifacius VIII. ut si quis antiqua dimissa, novam etiam in loco minus religioso elegerit, talis electio propter hoc impugnari non possit, quamvis antiqua Jura diversa esse videantur. (Cap. *Cum quis*, tit. *De Sepulturis*, in Sexto, quo derogatum est cap. *Fraternitatem*, Extra, *De Sepulturis*.)

Quod autem Ecclesiæ Parochiali semper servanda sint jura sua, & Canonica portio, cum alibi sepultura electa est, constat ex cap. *Certificari*, Extra, *De Sepulturis*, quod Clementis III. Responsum est. Et in Pontificiis Diplomatis, quibus jus Sepulturæ Ecclesiis Regularium conceditur, inseri solet hæc clausula: *Salva justitia Ecclesiarum*, a quibus corpora assumuntur. Id constat ex Bulla Honorii III. quæ incipit, *Religiosam*, Ordinis FF. Prædicatorum confirmatoria, & ex Bulla Sixti IV. quæ vocatur *Mire Magnum*, qua varia Privilegia Ordini Carmelitarum largitur. Jura autem illa Clementina *Dudum*, tit. *De Sepulturis*, Episcopalia Statuta, Ritualia, & consuetudines locorum determinant.

R E G U L A XIX.

Uxor eligere sibi potest sepulturam distinctam a sepultura Mariti.

NUllum enim quoad hoc inter virum, & uxorem faciendum discrimen est, sed utrique æqualis est sepulturam eligendi facultas: Cum electio sit adest ad eum statum pertineat, in quo mulier solvitur a lege viri. Ita statuit *Lucius III.* cap. *De uxore*, Extra, *De Sepulturis*. Mulier autem, quæ plures viros habuit, si sepulturam non eligat. Est cum viro ultimo, cujus domicilium retinet, & honorem, tumulanda; ut decernitur cap. *Is qui*, tit. *De Sepulturis*, in Sexto.

Filius Familias sibi sepulturam eligere potest, cum pubertatem attingit, si vero sit impubes, pater illum sepelire potest, ubi voluerit, si id loci consuetudo, & Diocesana Disciplina patiatur.

Hæc Regula nititur cap. *De uxore, Extra, De Sepulturis, §. Utrum*, cuius hæc sunt verba: *Utrum autem pater, quo magis voluerit, minores filios valeat sepelire, non invenimus a SS. Patribus definitum: propterea Terræ consuetudini decernimus relinquendum.* Et cap. *Licet*, sub eodem titulo, in Sexto: *Licet pater minores filios, qui nequeunt, antequam ad annos pubertatis perveniant, eligere sepulturam possit (si consuetudo Terræ id habeat) quo voluerit, sepelire: hoc tamen non potest, ubi consuetudo huiusmodi non habetur, sed fuit cum suis Majoribus, vel in Parochiali Ecclesia tumulandi. Quamvis autem filius familias absque patris assensu sibi possit libere eligere sepulturam; pro animæ tamen suæ, præter ipsius assensum (nisi peculium castrense, aut quasi castrense habeat) aliquid judicare non potest: idest, ultima voluntate relinquere.*

REGULA XXI.

Lethaliter peccant Clerici, & Viri Religiosi, qui Fideles inducunt ad votendum, jurandum, vel promittendum, ut in eorum Ecclesiis sepulturam eligant, vel jam electam ulterius non immutent. Electio vero hoc pacto facta nullius est roboris, eaque non obstante sepeliendus est quis, ubi erat de Jure sepeliendus.

Hæc Regula traditur cap. *Animarum*, tit. *De Sepulturis*, in Sexto, quo prohibetur universis Religiosis, & secularibus Clericis, cujuscumque status, vel conditionis existant, *In virtute sanctæ obedientiæ, ac sub interminatione maledictionis æternæ*, ne aliquos ad eligendam in suis Ecclesiis sepulturam sic inducant: decernitque Pontifex electionem talem nullius penitus existere firmitatis: statuitque, ut qui sic induci elegerint, nec in Ecclesiis electis, nec alibi sepulturam eligere valeant, sed in illis Ecclesiis sepeliantur, in quibus Jure sepeliendi fuissent, si sepultura non electa obisset. Si vero iidem Religiosi, vel Clerici prædictos in suis Ecclesiis, vel Cœmeteriis præsumperint sepelire; ad restitutionem tam sepulcorum corporum, (si petantur) quam etiam omnium, quæ occasione sepulturæ illorum pervenerint quomodolibet ad eisdem, infra decem dies faciendam tenentur: quam nisi fecerint, Ecclesiæ, in quibus sepulti fuerint, & Cœmeteria earundem, Ecclesiastico supponuntur Interdicto, donec restitutio plenaria prædictorum omnium facta fuerit. Pœnam Excommunicationis ipso facto incurrendæ, & Sedi Apostolicæ reservatæ contra Clericos Sæculares, & Regulares Bonifacianæ Constitutionis de Sepulturis violatores decrevit *Clemens V.* cap. *Cupientes*, Lib. v. Clementinarum, tit. *De Penis, §. Sane*.

Eandem Regulam confirmant Synodus Lingonensis an. mcccciv. Synodalia Ecclesiæ Rhemenfis, &c.

In prima collectione antiqua Decretalium ab Antonio Augustino Ilerdensi Episcopo edita, Lib. iii. tit. *De Sepulturis*, refertur Epistola Leonis Papæ (Noni) omnibus Fidelibus per Dardaniam constitutis inscripta, dioclinam firmans, de qua in præsentī agimus. *Relatum est*, (inquit), „ auri-
bus nostris esse quosdam perverse agentes, qui subvertere nituntur, at-
que dividere conantur Ecclesiæ unitatem, videlicet Abbates, Monachos,
„ qui

De sepul-
ris.

„ qui non studio charitatis, sed zelo rapacitatis invigilant, atque seducere
 „ canentur sæculares, quos illaqueare possunt, ut res suas, atque possessioni-
 „ nes, sive in morte, sive in vita, Monasteriis suis tradant, & Ecclesiis qui-
 „ bus subiecti esse videntur, & a quibus Baptismum, Pœnitentiam, Eucha-
 „ ristiam, necnon pabulum vitæ, cum lacte carnis acceperint, vel accipiant,
 „ nihil de bonis relinquunt. Hunc denique fomitem discordiæ nos anima-
 „ dvertendo, modis omnibus inhibere volumus, & ne amplius fiant, omnino
 „ prohibemus, considerantes non esse bonum, si illi, qui olim socii fuerant
 „ passionis, secundum Apostolum, sint immunes a societate consolationum.
 „ Et quia dignus est operarius mercede sua, ideo præcipimus, atque manda-
 „ mus, ut quicumque amodo Monasterio converti voluerit, sive in morte, sive
 „ in vita, omnium rerum, & possessionum, quas pro salute animæ suæ decre-
 „ vit, medietatem Ecclesiæ, cui ipse dignoscitur pertinere, relinquat. Qui-
 „ cumque autem hujus edicti violator extiterit, gladio anathematis subiaceat.

R E G U L A XXII.

Ab Ecclesiastica Sepultura multiplex hominum genus arceri debet.

EO scilicet beneficio carent non modo Ethnici, & Judæi, sed etiam Hæ-
 retici eorumque fautores, ut habetur (cap. *Sicut*, Extra, *De Hæreti-*
vis;) in Torneamento, aut Duello interfecti, (cap. *i.* & *ii.* Extra, *De*
Torneamentis;) In furto, aliove crimine occisi, siquidem impenitentes obie-
 rint, (can. *Questum*, causa *xiii.* quest. *ii.*) Qui sibi mortem conscive-
 runt, (can. *Placuit*, causa *xxii.* qu. *v.*) Homicidæ, Incendiarii, Ecclesia-
 rum violatores, Usurarii manifesti, (cap. *Quia in omnibus*, Extra, *De Usu-*
ris;) Incestuosi, blasphemii, qui violentas manus in Personas Ecclesiasti-
 cas injecerint, & generatim omnes, & singuli Excommunicati (cap. *Sa-*
ceris, & cap. *Parochiano*, Extra, *De Sepulturis*.) Qui peccata semel per an-
 num confessi non fuerint, & Eucharistiam in Paschate sua culpa non percepe-
 rint, (cap. *Omnis utriusque sexus*, Extra, *De Pœnitentiis*, & *Remissionibus*.)

Quibus non liceat Ecclesiasticam concedere Sepulturam, sic explicat *S. Carolus Borromæus* in Instructionibus ad funera ducenda: *Negatur Ecclesiastica Sepultura Paganis, Judæis, Hæreticis, cum eorum fautoribus.*

Excommunicatis majori Excommunicatione, etiam injuste; qui in eo-
 rum Obitu ab ea non fuerint absoluti.

Interdictis nominatim: & contra facienti proposita est pœna Excommu-
 nicationis: & durante tempore Interdicti, iis, qui sunt de loco interdicto:
 atque iis, quibus est interdictus ingressus Ecclesiæ.

Blasphemis manifestis Dei, & Sanctorum, quando Pœnitentiam contemnunt.
 Se ipsos occidentibus ob desperationem, vel iracundiam, si decedant abs-
 que Pœnitentia: secus si ex furore, vel insaniam.

Morientibus in torneamento, sive extra torneamentum ob vulnus in eo
 receptum, etiamsi eos pœniteat; modo sint de numero eorum, qui in eo
 dimicabant, vel in eo se exercentibus arma suppeditabant: nam adstantes
 non comprehenduntur: extenditur tamen hæc pœna ad morientes in basti-
 ludiis, quando hujusmodi ludi itidem exercentur cum probabili periculo mortis.

Corporibus exenteratis, & dilaceratis contra Constitutionem Bonifacii
 VIII. quod non procedit, si id non fiat propter vindictam; sed vel ob ana-
 tomiam, vel ne corpora fateant, vel hujusmodi.

Infantibus mortuis absque Baptismo, si de ventre matris mortuæ sint
 extracti; secus si non sunt extracti.

Manifestis raptoribus, & violatoribus Ecclesiarum: si tamen hos pœni-
 tet, quando moriuntur, Ecclesiastica conceditur Sepultura: sed Clerici non

Nat. Alex. Theol. Tom. II.

Ff

„ de-

Saceris est
 Canonibus
 institutum,
 ut quibus
 non commu-
 nicamus vi-
 vis, non
 communice-
 mus Defun-
 ctis, verba
 sunt Inn.
 II l. c. 12.
 De Sepultu-
 ris.

Qui Sacra
 Sepultura
 privandi?

De Sepultu-
 ris.

„ debent eorum sepulturae interesse, nec eorum elemosynas accipere, si præter Pœnitentiam non satisfecerint ex impotentia.

„ Manifestis Usurariis, nisi pœniteant; item si recusent præstare cautionem, de facienda restitutione; & est excommunicatus, qui aliter eos in loco sacro sepelit.

„ Religiosi, qui in eorum obitu inventi sunt proprietarii, & absque Pœnitentia obierunt.

„ His, de quibus certum est, & manifestum, quod semel in anno non receperunt Sacramentum Pœnitentiæ, vel SS. Eucharistiæ in Pascha (sine licentia Confessarii) & absque ullo signo Contritionis obierunt. Si vero dubium est, vel occultum, quod non receperint ea Sacramenta, non debet eis denegari Ecclesiastica Sepultura. Ad probandum autem, quod huiusmodi homines aliquid signum Contritionis dederint, sufficit unus testis; & hæredes tenentur pro eis satisfacere, ut opus est.

„ Cuilibet notorio peccatori morienti in peccato mortali, absque ullo signo Contritionis: & unus tantum testis sufficit ad Contritionem probandam.

Si quis autem prædicorum in loco sacro fuerit sepultus; si discerni potest, exhumandus est; si vero non potest, relinquendus, ne fidelium, & piorum corpora, cum excommunicatorum corporibus extumulentur: *Cum licet non ob sit Julius sepultura nulla, vel vilis, impiis tamen celebris, vel speciosa non prosit*, (ut habetur cap. Sacris, Extra, De Sepulturis.)

R E G U L A XXIII.

Aliquid pro Sepulturis pacisci, vel exigere non licet: Laudabiles tamen consuetudines servandæ sunt, curaque debent Pastores, ut servantur.

Pastiones
pro Sepul-
uris vetitæ.

Primam hujus Regulæ partem tradit S. Gregorius, Ep. LV. Lib. VII. Indict. II. ad Januarium Episcopum, & refertur can. *Quæstæ*, cautæ XIII. qu. 11. Proponitur exemplum *Seor*, qui pretium pro sepulcro ab Abrahamo accipere noluit, ne commodum videretur de cadavere consecutus: quanto magis id cavere debent Sacerdotes? Quamobrem (inquit) *Si quando aliquem in Ecclesia vestra sepeliri conceditis, siquidem parentes ipsius, proximi, vel hæredes, pro luminaribus sponte quid offerre voluerint, accipi non vetamus: peti vero aliquod, aut exigi omnino prohibemus: ne (quod valde irreligiosum est) aut venalis fortasse dicatur Ecclesia, quod absit, aut vos de humanis videamini mortibus gratulari, si ex eorum cadaveribus studeatis querere quomodolibet compendium.*

De sepul-
uris.

Eccl. 7. 37.

Idem confirmatur ex can. *Postquam*, eadem causa, & quæstione, qui ex S. Hieronymo in Quæstionibus Hebraicis, ad cap. XXIII. Geneseos petitus est: & ex can. *In Ecclesiastico*, qui Conc. Triburiensis decimus textus est. *In Ecclesiastico Libro*, (inquit) *scriptum est: Mortuo non prohibeas gratiam, sciens quoniam omnes moriemur. Quid terra terram vendis? Memento quoniam terra es, & in terram ibis: Recordare, quoniam non hominis est terra, sed Domini est terra, & qui habitant in ea. Si terram vendis, invasione alienæ rei reus teneberis. Gratis accepisti a Deo; gratis da pro eo. Quare interdictionem sit omnibus omnino Christianis, terram mortuis vendere, & debitam sepulturam denegare: nisi forte proximi, & amici defuncti propter nomen, & redemptionem animæ viri gratis aliud dare velint.*

Psalm. 25.

Pastiones,
& exactio-
nes pro se-
pulturis ve-
titæ.

Nec consuetudo excusât, ut aliquid pro sepulturae Jure exigatur, vel eo nomine, quod in Ecclesia potius, quam in Cæmeterio, aut in Ecclesiæ loco honorificentiori quis sepeliatur, ut colligitur ex cap. *Non satis*, Extra, *De Simonia*, quod est *Alexandri III.* in Conc. Turonensi: *Pro sepultura quoque* (in-

(inquit) nulla cuiusquam pretii exactio attentetur : nec sub obtentu cuiusquam consuetudinis reatum suum quis taceatur : quia diuturnitas temporis non diminuit peccata sed auget. Et ex cap. Cum in Ecclesia, ex Concilio Oecumenico Lateranensi III. quo prohibetur, ne pro Sepulturis, & Exequiis Mortuorum aliquid exigatur, quacumque consuetudine non obstante. Putant autem plures ex hoc licere, quia legem mortis de longa invaluisse consuetudine arbitrantur : non attendentes, quod tanto graviora sunt crimina, quanto diutius infelicem animam tenuerunt alligatam.

Idem Confirmatur ex c. Abolendæ, Extra, De Sepulturis, quod est Innocentii III. Concilium Mediolanense IV. & S. Carolus in Instructionibus propterea statuunt, Ut pro crucibus, & quæ circa cadaver, aut cenotaphium disponuntur pro campanis item, lampadibusve, aliove prætextu, aut nomine nihil propterea capiat, exigat ve, nec Capitulum, nec quisquam de Capitulo, nec Rector, nec Sacrista, Custos, aliisque Clericus quicumque, nisi quid est, quod Fabricæ, aut Sacristiæ, campanarum nomine dare, piæ consuetudinis Episcopus esse censuerit, idque vere in eum usum cedat : at pro Crucibus nihil omnino quovis etiam Fabricæ aut Sacristiæ nomine accipi liceat.

Secunda pars Regulæ, quod nimirum laudabiles consuetudines servandæ sint, compellere possint hæredes peracto Sepulturæ Officio ad iurium funebrium consuetam solutionem, colligitur ex cap. Ad Apostolicam, Extra, De Simonia, qui Lateranensis Concilii sub Innoc. III. Canon sexagesimus sextus est. „ Ad Apostolicam Audientiam (inquit) frequenti Relatione pervenit, quod quidam Clerici pro Exequiis Mortuorum, & Benedictionibus Nubentium, & similibus pecuniam exigunt, & extorquent, & si forte eorum cupiditati non fuerit satisfactum, impedimenta fictitia fraudulenter opponunt. E contra vero quidam Laici laudabilem consuetudinem erga S. Ecclesiam pia devotione Fidelium introductam, ex sermone hæreticæ pravitatis nituntur infringere, sub prætextu canonicæ pietatis. Quapropter super his pravas exactiones fieri prohibemus, & piæ consuetudines præcipimus observari : statuentes ut libere conferantur Ecclesiastica Sacramenta : sed per Episcopum loci veritate cognita compescantur, qui malitiose nituntur laudabilem consuetudinem immutare.

Idem confirmant Synodus Lingonensis anno MCCCCIV. Odo Parisiensis Episcopus in Synodo, & Synodus Rotomagensis anno MDLXXXI. celebrata, cuius hæc sunt verba : Decernimus insuper, ut Curatus contra hæredes ex laudabili consuetudine sepulturam agat, postquam sepulture Officia impenderit, & suffragia publica, & assueta exsolverit, quos ad solutionem via Juris compellat, nisi paupertas obstitit. Paupertatis exceptionem sapienter, ac iuste Synodus addidit : quia Pauperes, quibus adeo tenues fuere facultates, ut propriis impensis humari nequeant, Parochi gratis, ac honeste sepelire tenentur, ut decrevit Concilium Rhemense anno MDLXXXIII.

Concilium Mediolanense I., Exequiarum, Sepulture, & Anniversariorum, cauta nemini quidquam pacisci, aut exigere liceat, neque etiam petere, vel quid aliud committere, quod simoniacæ labis, aut sordidæ avaritiæ suspicionem habeat. Pias tamen consuetudines in his servari iubemus, cuius rei Episcopus curam suscipiat.

Concilium Turonense anno MDLXXXVII. cap. XIV. „ Sedulo curent Episcopi, ut Jura Rectoribus Ecclesiasticis debita, & ab antiqua, & laudabili consuetudine solvi solita, tam pro Sepulturis, quam pro aliis etiam Officiis in suis Ecclesiis celebrandis, integre, & sine fraude præstentur, juxta Regum Edictum, ad trium Ordinum Regni Blefis congregatorum supplicationem promulgatum.

Laudabiles consuetudines servandæ.

De sepulturis.

De sepulturis.

Admonendi sunt Christiani ut superfluum Funerum pompam refecent; Precibusque, & Eleemosynis sibi potius subveniri curent.

ITa statuit Synodus Carnotensis anno MDXXVI. Moneant Sacerdotes Parochianos suos, ne superflam diligentiam gerant de pompa funeris, aut sumptuosarum Exequiarum. Talia enim sunt qualiacumque solatia vivorum, non adjutoria mortuorum.

Synodus Parisiensis MDLVII. Superflua Funeris, & Exequiarum pompa videtur, quæ ad vivorum potius, quam defunctorum solatium inventa est: Defunctis enim subveniunt preces, eleemosynæ, jejunia, oblationes, & missæ Sacrificium. Concilium Rhemense MDLXXIII. Quantum attinet ad Christianorum sepulturam, quam nec superbam, nec neglectam esse decet, aut despectam, Parochi in hanc Officii sui partem diligenter incumbant, ut piorum Funera Christianæ simplicitatis, ac modestiæ limites non excedant. Id autem fiet, si ipsi primum mercede consueta, & honesta contenti, deinde superfluas impensas, quæ propter ambitionem, ac fastum fiunt, vel hæredibus relinqui, vel pauperibus erogari suadeant.

Inculcetur Fidelibus præclara illa S. Augustini Sententia Sermone CXXXII. alias XXXII. De verbis Apostoli: *Pompæ funeris, agmina exequiarum, sumptuosa diligentia Sepulturæ, monumentorum opulenta constructio, vivorum sunt qualiacumque solatia, non adjumenta mortuorum.*

Denique ipsi etiam Romani Gentiles moderationem sumptuum, & expensarum in defunctorum exequiis desiderarunt: iique Magistratuum arbitrio determinandi erant, ut constat ex Lib. 12. §. 5. & L. 14 §. 6. ff. De Religiosis, & sumptibus funerum: additque posterior ista Lex, *Nec testatoris voluntatem sequendam, si res egrediatur justam sumptus rationem.* Verum in Missarum celebratione; & Eleemosinarum erogatione pro Defunctorum requie sumptibus minime parcendum est. Certum est enim illis mortuos adjuvare, ut cum illis misericorditer agatur a Domino. Certum est hæc illis prodesse, qui ita vixerunt ante mortem, ut possint eis hæc utilia esse post mortem, ut loquitur S. Augustinus.

R E G U L A XXV.

Ante Solis ortum, & post occasum, & inter Majoris Missæ sollemnia Mortuos deferri, & ad sepulturam recipi minus decet.

ID prohibent Conc. Mediolanense 1. & S. Carolus in Instructionibus. Apertissimum vero tempus ad Fidelium corpora sepelienda est Matutinum (inquit) ut scilicet pro eis Missa Defunctorum ex Ecclesiastico Ritu, si commodum possit, & Ritus non impediat, celebretur. Curandum esse addit, ne die festo funus ducatur: aut si ducendum sit, ut fiat post Vesperas; sed tamen non prohiberi, quin ob urgentem causam Missa Conventualis pro mortuo, qui sepelitur, tali die celebretur; nisi alioquin Ritus id nullo modo ferat. Hanc Regulam confirmat Synodus Aquisgranensis MDLXXXV.

R E G U L A XXVI.

Corpora Mortuorum, eorumque præsertim, qui repentina morte obierunt, Sepulturæ celerius tradi non debent.

ITa statuit Synodus Mediolanensis VI. & S. Carolus in Instructionibus: *Decernimus, ne in posterum corpus aliquod sepeliatur, nisi duodecim saltem horis postquam spiritus exhalavit.* Verum si quem de improvisa

MORTS,

mors, aut morbi alicuius repentina vis occupavit: is ne in sepulcrum inferatur ante vigesimam quartam huiusmodi repentini eventus horam; nisi secus Episcopo, eive videbitur, cui ipse id cura dederit. Idem Ecclesiarum Ritualibus præscriptum est.

REGULA XXVII.

Laicorum hominum cadavera offerri ab Ecclesiastici Ordinis hominibus non decet.

ITa statuit Concilium Mediolanense VI. Tit. De his, quæ ad funera pertinent: *Mortuum quovis etiam generis, gradus, dignitativæ nomine illustrem Laicum Ecclesiastici homines, ne offerant; ne item inferioris Ordinis Clericum, qui in superiori Ordine constituti sunt: Idemque repetit S. Carolus in Instruktionibus ad funera ducenda.*

REGULA XXVIII.

Orationes Funebres in Defunctorum laudem pronuciare non expedit, præterquam in Funere Virorum Principum, & Episcoporum, nisi permiserit Episcopus, & scriptam Orationem ante probaverit.

ITa scilicet sanxere Concilium Mediolanense I. tit. De Funeribus, & Exequiis, Concilium Rhemense anno MDLXXXIII. & Aquisgranense anno MDLXXXV. Cum vero habebuntur, ita se gerant Concionatores, ut assentationem omnem fugiant, nec nisi ob veras, & compertas virtutes Defunctos laudent: auditores vero ad divinam misericordiam pro illis implorandam excitent; qua indigent omnes quantumvis laudabilis vitæ. Eos etiam ex consideratione mortis, & iudicii ad peccatorum fugam, & morum emendationem hortentur.

REGULA XXIX.

In Anniversariis flagitandis molesti esse non debent Ecclesiastici, Regularesque Viri, nec diebus Dominicis, aut Festis sunt celebranda.

Hanc Regulam tradit Concilium Mediolanense I. tit. De Funeribus: *Caveant Parochi (inquit) & alii Ecclesiarum Rectores, ne quod pietate adducti suadere debent Mortuorum hæredibus, ut Anniversaria Officia illorum causa celebranda curent, id cupiditate impulsu molestius flagitent; qua in re si peccarint, Episcopi arbitrio puniantur.*

Et Mediolanense VI. p. III. eodem Titulo, vetat, *Ne die Dominico, & Festo, qui Ecclesiæ præcepto, consuetudine, votove colatur, Anniversaria agantur: quæ si certo aliquo Festo is, qui decessit, pro se agi præscripserit; alio promissæ præcedenti die, cum pro Officii ratione licet, celebrentur.*

Idem longe antea prohibuerat Parisiense Concilium, anno scilicet millesimo ducentesimo duodecimo, can. XI. *Prohibemus (inquit) ne pro annalibus, vel triennialibus, vel septennialibus Missarum faciendis, Laici, vel alii dare aliquid, vel legare in Testamento cogantur; & ne super his aliqua passio, vel actio vera, vel sub aliqua specie palliata, a Sacerdotibus, vel aliis Mediatoribus fiat.*

TRACTATUS.

DE SACRAMENTO ORDINIS.

Cum quæ sunt a Deo, ordinata sint, non alibi magis necessarium videtur, ut omnia sint ordinata, quam in Ecclesia, quæ Regnum est a Deo

Varia Ordinis acceptiones.

constitutum. Ipsam enim Deus, & Dominus noster Jesus Christus collegit, & ædificavit Sanguine suo, qui propterea mori dignatus est, ut filios Israel, qui erant dispersi, congregaret in unum, ut esset unum ovile, & unus Pastor. Quamobrem recte in Canticis *Castorum acies ordinata* vocatur: neque ulla magis re est adversariis Potestatibus terribilis, quam eo ipso, quod est ordinata. Est igitur Ordo cum primis in ea necessarius; de quo S. Augustinus Lib. I. De Ordine, cap. IX. scribit: *Ordo est, quem si tenuerimus in vita, perducet ad Deum, & quem nisi tenuerimus in vita, non pervenimus ad Deum. Et infra: Ordo est, per quem aguntur omnia, quæ Deus constituit.*

Ordinem generatim sumptum ita definit Conc. Trident. Cathecismus: *Ordo est dispositio superiorum, & inferiorum rerum, quæ inter se ita aptatæ sunt, ut una ad alteram referatur.* Paulo aliter S. Augustinus, Lib. XIX. De Civitate Dei, cap. XIII. *Ordo est parium, dispariumque rerum sua cuique loca tribuens dispositio.*

Secundo sumitur Ordo pro hominis statu, & dignitate, quæ ipsi cum multis aliis communis est. Eo sensu dicitur Ordo Senatorius, Ordo Equestris. Ita qui vulgo dicuntur tres Status Regni, Ecclesiasticus, Nobilis, & Plebejus, Latine loquentibus tres Ordines dicuntur. Sic in Ecclesia distinguitur Ordo Clericorum, Ordo Monachorum, Ordo virginum; sic varii Ordines Religiosi.

Tertio sumitur Ordo significatione magis propria pro statu quodam, & dignitate hominum, qui consecratione quadam pollentes, Sacerdotio apud Christianos fungi possunt; aut destinatione, & benedictione quadam consecrati jus habent ad Ministerium aliquod in Sacerdotii functione exercendum, quæ quidem Benedictio, seu Consecratio, Ordinis Sacramentum, vel Sacra Ordinatio vocatur. Placuit autem SS. Patribus hoc vocabulo uti, quod latissimam significationem habet, ut dignitatem, & excellentiam Ministrorum Dei indicarent. Cum enim in Sacro Altaris Ministerio multi sint gradus: omnes vero certa ratione distributi sint, & collocati: recte & commode Ordinis nomen ei impostum videtur, (inquit Concilii Catechismus.)

C A P U T I.

DE ORDINIS ESSENTIA, ET DIVISIONE.

A R T I C U L U S I.

Quid sit Ordo? Utrum sit vere Sacramentum?

Quid est
Ordo?

Ordo est Sacramentum, quo potestas quædam spiritualis traditur Ordinato, sive ad sacrosanctum Christi Corpus consecrandum, sive ad alias functiones, & Ministeria Ecclesiastica obeunda. Hæc definitio Ordinationes omnes complectitur, sed imprimis Sacerdotium, quo traditur consecrandi Corporis Christi potestas, quæ omnium Ordinationum finis est ultimus, cuius gratia institutæ sunt: deinde Ordinationes ceteras, quæ ad eminentem illam potestatem suscipiendam pro modulo suo Sacerdotem futurum præparant, ac disponunt.

Potestas Ec-
clesiastica
quotuplex?

Duplex autem Potestas Ecclesiastica est, *Ordinis* scilicet, ac *Jurisdictionis*. Potestas Ordinis ad verum Christi Domini Corpus in sacrosancta Eucharistia refertur. Potestas Jurisdictionis tota in Christi Corpore mystico versatur: ad eam enim spectat Christianum populum gubernare, & moderari, & ad æternam, cœlestemque beatitudinem dirigere. Non minus enim eget Ecclesia Sacerdotio, ut regatur, & defensatur, quam Sacri-
ficio,

ficio, ut nutriatur. Id docet Conc. Tridentinum scilicet. xxiii. cap. i. cum ait: *A Domino Salvatore nostro Apostolis, eorumque Successoribus in Sacerdotio potestatem traditam consecrandi, offerendi, & ministrandi Corpus, & Sanguinem ejus, necnon & peccata dimittendi, & retinendi.* Hæc enim verba utramque potestatem complectuntur. Deinde omnes Ordines, si primaeorum institutio spectetur, creati non sunt tantum ad Sacrificium Ecclesiæ celebrandum, sed etiam ad bonum Ecclesiæ Regimen constituendum. Quemadmodum enim, si Sacrificium tollas perit omnis Religio: ita si Regimen auteras, Ecclesia non erit amplius Ecclesia, sed hominum turba, quæ ut temere confluit, sic nullo cum consilio dissolvitur.

Spiritualem illam Ordinis potestatem contulit Christus Dominus Discipulis suis, quando Corporis, & Sanguinis sui Sacramentum, & Sacrificium instituens, dixit illis: *Hoc facite in meam commemorationem;* (ut refert Apostolus 1. ad Cor. xi.) Illis enim verbis, ut recte docet Tridentina Synodus, Christus Apostolos suos Novæ Legis Sacerdotes instituit. Et rursum quando post Resurrectionem insufflavit in eos dicens: *Sicut misit me Pater, & ego mitto vos. Accipite Spiritum Sanctum: quorum remiseritis peccata, remittuntur eis: & quorum retinueritis, retenta sunt.* (Joan. xx.) Et cum illos his verbis compellavit (Matth. xviii.) *Amen dico vobis, Quaecumque alligaveritis super terram, erunt ligata & in cælo: & quaecumque solveritis super terram, erunt soluta & in cælo.*

Sacramentum Ordinis quanto institutum a Christo?

PROPOSITIO UNICA

Ordo est verum, & proprie dictum Novæ Legis Sacramentum.

Est enim Sacræ rei signum efficax, sive Signum visibile invisibilis gratiæ. Signum, seu elementum est Manus impositio, vel certorum Instrumentorum contactus: ad quod elementum, cum accedit verbum, fit Sacramentum. Nec enim significatur modo, verum etiam reipsa confertur invisibilis gratia, qua fit, ut tradita sibi spiritali potestate recte fungi possit ordinatus. Quod autem sacer ille Ritus gratiam conferat, testis est S. Paulus, cum Timotheum suum his verbis alloquitur (1. ad Timoth. iv.) *Noli neglegere gratiam, quæ in te est, quæ data est tibi per Prophetiam, cum impositione manuum Presbyteri esset,* (idest, Episcoporum, qui te mecum inaugurarunt, ut S. Jo. Chrysostomus interpretatur) Et iterum: *Admoneo te ut resuscites gratiam Dei, quæ in te est per impositionem manuum mearum.* Quæ gratia cujusmodi sit, verbis sequentibus indicat, quæ internam, & occultam Sp. Sancti subministrationem significant: *Non enim dedit nobis Deus Spiritum timoris; sed virtutis, & dilectionis, & sobrietatis.* Hæc enim verba ad gratiam in Ordinatione collatam pertinere intellexit Ecclesia in Concilio Tridentino congregata, scilicet. xxiii. cap. iii. Ad hujusmodi gratiam & illud referendum est, quod ait Dominus, Joan. xx. *Accipite Spiritum Sanctum:* cum enim potestatem daret sacri Muneris exequendi etiam gratiam addere voluit, qua ad functionem illam sacram rite, & sancte obeundam præpararentur, & instruerentur. Eam gratiam ad sanctificationem hominis pertinere constat, quia Spiritus Sanctus omnis sanctificationis est auctor. Atque ita hunc locum explicant S. Cyrillus Lib. xii. in Joannem; & antiquus Auctor Quæstionum in Verus, & Novum Testamentum, inter S. Augustini Opera editarum, qu. xciii. Nec vero gratiam duntaxat gratis datam Ordinatione sacra conferri quis recte colligeret ex eo, quod gratiam Timotheo datam *per Prophetiam* Apostolus testatur. Non enim hoc loco data fuisse dicitur Timotheo gratia Prophetiæ, sed *per Prophetiam*, idest, secundam

Ordo verum Sacramentum.

præcedentem de illo prophetiam, ut dicitur explicatius cap. 1. *Hoc prædictum commendo tibi, fili Timothee, secundum præcedentes in te Prophetias, ut milites in illis bonam Militiam.* Hoc est, secundum revelationem prius factam, qua significatum fuerat, Timotheum tanquam Ecclesiæ militem, Sacerdotem, & Episcopum esse inaugurandum.

Idem ex Apostolica Traditione, & Patrum consensu confirmatur. Unus sit instar omnium S. *Augustinus* Lib. 11. *Contra Epistolam Parmeniani*, cap. xlii. ubi Sacramentum Ordinationis cum Sacramento Baptismi ita comparat, ut utrumque Sacramentum esse, & quadam consecratione homini dari asserat, illud cum baptizatur, istud cum ordinatur; ideoque neutrum iterandum esse, ne injuria fiat Sacramento. Nam illud (inquit) quod quidam eorum veritate convulsi dicere cœperunt, Baptismum quidem non amittit, qui recedit ab Ecclesia, sed jus tamen dandi amittit: multis modis apparet frustra, & inaniter dici. Primo, quia nulla ostenditur causa, cur ille, qui ipsum Baptismum amittere non potest, jus dandi potest amittere. Utrumque enim Sacramentum est; & quadam consecratione utrumque homini datur, illud cum baptizatur, istud cum ordinatur: ideoque in Catholica utrumque non licet iterari. Nam si quando ex ipsa parte venientes etiam Præpositi pro bono pacis correctio Schismatis errore suscepti sunt, & si visum est opus esse, ut eadem Officia gererent, que gerebant, non sunt rursus ordinati: sed sicut Baptismus in eis, ita Ordinatio mansit integra: quia in præcisione fuerat vitium, quod unitatis pacis correctum est; non in Sacramentis, que ubicumque sunt, ipsa sunt. Et cum expedire hoc iudicatur Ecclesiæ, ut Præpositi eorum venientes ad Catholicam Societatem honores suos ibi non administrarent: non eis tamen ipsa Ordinationis Sacramenta detrahuntur, sed manent super eos. Ideoque non eis in Populo manus imponitur, ne non homini, sed ipsi Sacramento fiat injuria. Et paulo post: Si enim utrumque Sacramentum est, quod nemo dubitat; cur illud non amittitur, & illud amittitur? Neutri Sacramento injuria facienda est. Ex quibus perspicuum est, Ordinem non minus proprie Sacramentum esse, quam Baptismum; & ea de re dubitasse neminem S. *Augustini* ætate, adeoque illud ex Traditione acceptum.

S. *Leo* Epist. xi. aliàs lxxxix. Sacram Ordinationem Sacramentum vocat. Nam præter auctoritatem consuetudinis (inquit) quam ex Apostolica novimus venire Doctrina, etiam Sacra Scriptura manifestat, quod cum Apostoli Paulum, & Barnabam ex præcepto Spiritus Sancti ad Evangelium Gentibus mitterent prædicandum, jejunantes & orantes imposuerunt eis manus, ut intelligamus quanta, & dantium, & accipientium devotione curandum sit, ne tantæ Benedictionis Sacramentum negligenter videatur impletum. Et ideo pie, & laudabiliter Apostolicis morem gesseris Institutis, si hanc ordinandorum Sacerdotum formam per Ecclesias, quibus Dominus præesse se voluit, etiam ipse servaveris: ut his, qui consecrandi sunt, nunquam Benedictio, nisi in die Resurrectionis Dominicæ, tribuatur: idest Dominica die, qua Resurrectionis Christi memoria recolitur. Et Epistola 1. alias lxxxvii. de sacris Ordinationibus loquens: Quis ergo (inquit) dissimulare audeat, quod in tanti Sacramenti perpetratur injuriam?

Denique *Eugenius IV.* in decreto pro Instructione Armenorum, Ordinem Sacramentum esse docet, ejusque effectum esse *Augmentum gratiæ*, ut possit quis esse idoneus Minister. Ex Conc. Tridentinum sess. xxiii. c. iii. Cum Scripturæ (inquit) testimonio, Apostolica Traditione, & Patrum unanimi consensu perspicuum sit, per sacram Ordinationem, que verbis, & signis exterioribus perficitur, gratiam conferri, dubitare nemo debet, Ordinem esse verum, & proprie unum ex septem Sanctæ Ecclesiæ Sacramentis.

Orio verum
Sacramen-
tum.

Et can. 111. *Si quis dixerit, Ordinem, sive sacram Ordinationem non esse vere, & proprie Sacramentum, a Christo Domino institutum; vel esse figmentum quoddam humanum, excogitatum a viris rerum Ecclesiasticarum imperitis; aut esse tantum Ritus quemdam eligendi Ministros verbi Dei, & Sacramento- rum; Anathema sit.*

ARTICULUS II.

Quot sint Ordines?

Cum divina res sit Sacerdotii Ministerium; consentaneum fuit, quo dignius, Plures Ordines. & majori cum veneratione exerceri posset, ut in Ecclesiæ ordinantissima dispositione plures, & diversi essent Ministrorum ordines, qui Sacerdotio ex Officio deservirent; ita distributi, ut qui jam Clericali Tonsura insigniti essent, per minores ad majores ascenderent (inquit Tridentina Synodus sess. xxiii. cap. 11.) Proinde visum est Spiritui Sancto septiformis gratiæ largitori omnes Ordines ad Corpus Christi verum, id est, ad Eucharistiæ Sacrificium directe destinatos septenario numero concludere, quorum tres Majores, & peculiari ratione Sacri dicuntur; quatuor Minores, tamen & hi generali quadam ratione Sacri dici possunt. Majores sunt Sacerdotium, Diaconatus, & Subdiaconatus; Minores, Ostiarius, Lectoratus, Exorcistatus, & Acolytatus. Ad septenarium numerum Ordinum, qui ad verum Christi Corpus referuntur, addere licet octavum Ordinem his omnibus eminentiorem, nempe Episcopatum, qui ad Corpus Christi mysticum, scilicet Ecclesiam regendam ab ipso Christo institutus est. Hic apex est, & consummatio Sacerdotii, huncque verum Ordinem a Presbyteratu distinctum esse docent, & propugnant Doctissimi Theologi. Ad hanc dignitatem per inferiorum Ordinum gradus pervenitur. Equam enim esse visam est, quod in gubernatore navis observatur, ut id multo diligentius observetur in Ecclesiæ navi gubernanda. Sicut enim in illa non statim alicui gubernacula creduntur, sed primum adhibetur ad remos, postea in proram deducitur, inde paulatim ad ulteriora procedit, ac ubi multam rerum maritimarum experientiam consecutus est, tandem ad gubernacula admovetur: sicut etiam in rebus bellicis, Militis primum officio fungitur aliquis, postea fit Decurio, deinde Centurio, ac posteaquam Ordines duxit aliquamdiu, tandem si judicetur idoneus, Dux, & Imperator Militum designatur: ita fieri oportet in Ecclesia, ut ne quis ad summum gradum subito proficiat, verum in Minoribus aliquandiu se exerceat, ac pedetentim ad Majores progrediatur. Quod ita factum esse a S. Cornelio narrat S. Cyprianus Ep. LII. *Nam, quod Cornelium charissimum nostrum Deo, & Christo, & Ecclesiæ ejus, item Confacerdotibus cunctis laudabili prædicatione commendat; non iste ad Episcopatum subito pervenit: sed per omnia Ecclesiastica Officia promotus, & in divinis Administrationibus Donum sepe promeritus, ad Sacerdotii Sublime fastigium cunctis Religionis gradibus ascendit.* Ita quoque de Nepotiano S. Hieronymus Epist. 111. *Fit Clericus, & per solitos gradus Presbyter ordinatur.* Hos omnes Ordines præcedit Tonsura Clericalis, quæ & prima Tonsura dicitur, quæ est *Ceremonia sacra, quæ hominibus in Clerum allegantur.*

ARTICULUS III.

De prima Tonsura.

Primam Tonsuram non esse Ordinem, certum est, cum a Christo non sit instituta, sed ab Ecclesia, nec spiritualem potestatem conferat ad Ministerium aliquod Ecclesiasticum obeundum, eamque Tridentina Synodus ab Ordinibus diserte distinguit: sed est præparatio ad Ordines accipiendos: me-
raque

Prima Tonsura non est Ordo.

raque ad cultum divinum deputatio. Ut enim homines ad Baptismum Exorcismis, ad Matrimonium Sponsalibus præparari solent: ita cum toto capillo Deo dedicantur, tanquam aditus ad Ordinis Sacramentum illis aperitur (inquit Conc. Tridentini Catechismus.)

Clerici non
magis quid si-
gnificet?

Tunc primum eis imponitur *Clerici* nomen, quod tamen Sacris omnibus hominibus commune est, etiam Presbyteris, & Episcopis, ad quos inprimis pertinent Canones Clericis præscripti, & in quibus hujus vocabuli ratio conspicui debet. Dicuntur enim *Clerici* ἀπόπλῦτοι, idest, a sorte, ad significandum quod Clericus Dominum sortem suam, & hæreditatem habere debeat, veluti qui in Hebræorum Populo divino cultui mancipati erant: quousque vetuit Dominus aliquam agrorum partem in Terra promissionis distribui, cum ait num. xviii. Ego pars, & hæreditas vestra. Quod quamvis omnibus Fidelibus commune sit, præcipua tamen ratione eis conveniat necesse est, qui se Dei Ministerio consecrarunt. Unde S. Hieronymus Epist. ii. ad Neprianum scribit: *Clericus*, qui Christi servit Ecclesie, interpretetur primo vocabulum suum, & nomini definitione prolata, nitatur esse, quod dicitur. Si enim κλῆρος Græce, fori Latine appellatur: propterea vocantur Clerici, vel quia de sorte sunt Domini; vel quia ipse Dominus fors, idest, pars Clericorum est. Qui autem, vel ipsa pars Domini est, vel Dominum partem habet; talem se exhibere debet, ut & ipse possideat Dominum, & possideatur a Domino. Qui Dominum possidet, & cum Propheeta dicit: Pars mea Dominus, nihil extra Dominum habere potest.

Psalm. 119.

Quod si quidpiam aliud abuteretur præter Dominum, pars ejus non erit Dominus; verbi gratia, si aurum, si argentum, si possessiones, si varias suppellectilem, cum istis paribus Dominum par ejus fieri non dignabitur. Si autem ego pars Domini sum, & funiculus hereditatis ejus: nec accipio partem inter ceteras Tribus, sed quasi Levita, & Sacerdos vinctus de Decimis; & Altari serviens, Altaris oblatione sustentor, habens victum, & vestitum, his contentus ero, & nudam Crucem nudus sequar. Quæ tamen non eo dicta sunt animo a Sanctissimo Doctore, ut Clericis interdictam bonorum temporalium possessionem vellet, qui Joann. V. cleff error fuit in Concilio Constantiensis damnatus: sed ut significaret, Clericos congerendis opibus studere non debere, sed iis, quæ ad victum, & vestitum sufficiant, contentos, negotiis, & curis sæcularibus se non implicare. Obsecro itaque (inquit) & repetens iterum iterumque monito, ne officium Clericatus genus antiquæ Militiæ putes, idest, ne lucra sæculi in Christi queras Militia; ne plus habeas quam quando Clericus esse coepisti; & dicatur tibi: Clericorum non proderunt eis. Nonnulli enim sunt ditiores Monachi, quam fuerant sæculares; & Clerici, qui possideant opes sub Christo paupere, quas sub locuplete, & fallace diabolus non habuerant; ut suspiret eos Ecclesia divites, quos Mundus tenuit ante mendicos. Refertur Canone Clericus, causa xii. qu. ii.

Quid significet hæc professio Clericorum? Dominus pars hereditatis meæ.

Quod igitur profitentur Clerici, cum Tonsuræ initiantur, Dominus pars hereditatis meæ, non significat ipsos omni hæreditati, & possessioni terrenæ renunciare, sed spem suam, & amorem in Deo desigere, cujus se Ministerio mancipant. Id enim pars alicujus vocatur more Scripturæ Sacræ, quod habet pro re præstantissima, quam præcipue amat, & in qua spem suam constituit. Quo sensu de voluptatibus hujus sæculi dicunt impii, Sap. 11. Hæc est pars, & fors nostra. Et David Psalm. cxviii. Portio mea, Domine, dixi custodire legem tuam. Hoc sensu partem si Clericus habuerit extra Dominum, pars ejus non erit Dominus, quia Nemo potest duobus Dominis servire. Ceterum sicut David, qui dixit, Dominus pars hereditatis meæ, divitias habuit, & Sancti Patriarchæ, qui hoc dicere poterunt, bona terrena possederunt; ita Clericus, & vere dicere potest, Dominus pars hereditatis meæ, & nihilominus bona temporalia possidere, modo eos iis

nota

Non apponat, ut idem Psalmista monet: imo, ut superius dictum est, omnibus Christianis commune est, ut Dominum partem habeant, sed excellentiori modo id competit iis, qui Sacris Officiis, & Ministeriis consecrati sunt; non quo facultates suas relinquere teneantur, sed animum a terrenis rebus, & curis avocare, secundum illud Apostoli 11. ad Timoth. 11. *Nemo militans Deo, implicat se negotiis secularibus*. Hinc S. Thomas in 1v. Sententiarum, distinct. xxiv. quæst. 1. art. 1. quæst. 111. ait: *Clerici in hoc, quod Coronam accipiunt, non renunciant patrimonio, neque aliis rebus temporalibus; quia terrenorum possessio non contrariatur divino cultui, ad quem Clerici deputantur, sed nimia eorum sollicitudo*; quia ut ait S. Gregorius, Lib. x. *Moral.* cap. xvii. *Non census in crimine, sed affectus*. Imo ipsi Levitæ Veteris Legis, qui Clericorum nostrorum typi fuerunt, bona temporalia possederunt. Ipsi enim attributæ sunt civitates ad habitandum, & suburbana ad alendum pecora, Num. xxxv. Quin & Barnabas Levita agrum habuisset legitur, cuius pretium ad pedes Apostolorum deposuit Act. iv. Jeremias Sacerdos a patruale suo agrum emit. Jerem. xxxii. & cap. xii. hæreditatem se habuisse testatur. Judas Machabæus, & fratres ejus Levitæ, cum Principes Populi, bellicique Duces essent, bona temporalia proculdubio habuerunt. Quod ergo Lex Num. xviii. Levitas quidquam possidere vetat, id de parte Terræ promissæ distincta, ac separata a reliquis Tribubus intelligendum est, ut Scriptura manifeste significat. Voluit enim Dominus Levitas omnibus Tribubus permixtos habitare, ut eorum opera, ac ministerio verus Dei cultus apud omnes conservaretur. Se autem esse partem, & hæreditatem Levitarum Dominus ait, quod oblationes omnes Deo factæ in eorum usum cederent.

Quod autem Levitæ Clericorum nostrorum typi fuerint, egregie confirmat S. Cyrianus Epit. lxxvi. *Scriptum est (inquit) Nemo militans Deo ob-* Levitæ, Clericorum typi. 2. Tim. 2.
ligat se molestiis secularibus, ut possit placere ei, cui se poravit. Quod cum de omnibus dictum sit, quanto magis Clerici molestiis, & laqueis secularibus obli-
 gari non debent, qui spiritualibus occupati, ab Ecclesia recedere, & ad ter-
 renos, & seculares adus vacare non possunt. Cujus Ordinationis, & Religio-
 nis formam Levitæ prius in Lege tenuerunt, ut cum Terram dividerent, & possessiones partirentur undecim Tribus, Levitica Tribus, quæ Templo, & Al-
 tari, & Ministeriis divinis vacabat, nihil de illa divisionis portione perciperet, sed aliis terram colentibus, illa tantum Deum coleret; & ad victum, atque alimentum ab undecim Tribubus de fructibus, qui nascebantur, decimas per-
 ceperet. Quod totum fiebat de auctoritate, & dispositione divina; ut qui ope-
 rationibus divinis insistebant, in nulla re avocarentur, nec cogitare, aut agere secularia cogerentur. Quæ nunc ratio, & forma in Clero tenetur, ut qui in
 Ecclesia Domini Ordinatione Clerici promoventur, in nullo ad administrationes
 divina avocentur, nec molestiis, & negotiis secularibus alligentur, sed in ho-
 nore sportulantium fratrum, tanquam decimas ex fructibus accipientes, ab Al-
 tari, & Sacrificio non recedant, sed die, ac nocte celestibus rebus, & spirita-
 libus inserviant.

Iis porro, qui Clericali Militiæ adscribuntur, tondentur Capilli ad Coronæ speciem; quem Ritum S. Petrum induxisse ferunt in memoriam coronæ, quæ ex ipinis contexta, Salvatoris nostri capiti fuit imposita: ut, quod impii ad Christi ignominiam, & cruciatum excogitarunt, eo Apostoli ad decus, & gloriam virentur: simulque significarent, curandum esse a Ministris Ecclesiæ, ut omnibus in rebus Christi Domini nostri speciem, & figuram gerant. Hanc rationem Tridentini Concilii Catechismus affert, quam tradit Ceosfridus Abbas apud Bedam Venerabilem, Lib. v. *Historiæ Ecclesiasticæ Gentis Anglorum*, cap. xii. *Neque vero (inquit) ob id tantum in Co-* Sportulan-
tes Clerici
dicti a spor-
tulis, seu ca-
nistulis in
quibus nisi s
honoraria,
seu post o-
nes ex Ec-
clesiæ bonis,
& oblation-
ibus ad vi-
ctum confe-
rebantur.
Quid signifi-
cet ritus ton-
sionis is
capillorum

ronam attondemur, quod Petrus ita attonsus est; sed quia Petrus in memoriam Domini Passionis ita attonsus est, idcirco & nos, qui per eandem Passionem salvari desideramus, ipsius Passionis signum cum illo in vertice, summa videlicet corporis nostri parte gestamus. Ad exemplum S. Petri Coronam Clericalem pariter referunt Ordo Romanus, Amalarius Lib. iv. De Ecclesiasticis Officiis, cap. xxxix. S. Gregorius Turonensis Libro De Gloria Martyrum, cap. viii. & Rabanus Maurus Lib. i. De Institutione Clericorum, cap. iiii.

Nonnulli asserunt, hac nota Regiam Dignitatem declarari, quæ iis maxime, qui in sortem Domini vocati sunt, videtur convenire. Quod enim Apostolorum Princeps fidei Populo tribuit; Vos estis genus electum, regale Sacerdotium, gens sancta, peculiari quadam, & magis propria ratione, ad Ecclesiasticos Ministros pertinet (inquit Concilii Tridentini Catechismus.) Quæ ratio ex S. Isidoro Hispalensi Lib. ii. De Ecclesiasticis Officiis, cap. iv. sumpta est.

Alii vitæ perfectionis professionem a Clericis susceptam circuli figura, quæ omnium perfectissima est, significari existimant, ut Auctor Libri, qui Gemma Animæ inscribitur, cap. cxv. Rotunditas, quæ remanet crinium (inquit) est ornatus virtutum. Capilli vero in circulum coequantur, quia omnes virtutes in charitatis concordia consumantur. Coronæ Clericalis figuram expressit Concilium Toletanum iv. Canone xl. Omnes Clerici (inquit) detonsius superius capite toto, inferius solam circuli coronam relinquunt.

Alii denique hoc signo externarum rerum contemptum, animique ab omnibus curis vacuitatem declarari putant; quod capilli supervacaneum quiddam in corpore tondeantur. Vitiorum resectionem hoc Ritu significari docet S. Isidorus Lib. ii. De Officiis Ecclesiasticis, cap. iv. Quia scilicet Deo sacri homines præ ceteris omnibus Exponere debent, veterem hominem, cum actibus suis, & induere Novum, qui in agnitionem Dei renovatur. Quam renovationem in mentem oportet fieri, sed in capite demonstari, ubi mens noscitur habitare. Hinc pro Clericis initiandis Deum orat Episcopus: Ut donet eis Spiritum Sanctum, qui habitum Religionis in eis perpetuum conservet, & a Mundi impedimento, ac sæculari desiderio corda eorum defendat; ut sicut immutantur in vultibus, ita dextera manus ejus virtutis tribuat eis incrementa, & ab omni cæcitate spiritali, & humana oculos eorum aperiat, & lumen eis æternæ gratiæ concedat; ut legitur in Pontificali Romano.) Præclare omnino S. Thomas, in iv. Sententiarum, distinct. xxiv. quæst. iiii. art. i. quæst. i. Eis (inquit), qui ad Divina Ministeria applicantur, competit Tonsura, & rasura in modum Coronæ, & ratione figuræ, quia Corona est signum Regni; & ratione perfectionis, cum sit circularis: illi autem, qui Divinis Ministeriis applicantur, adipiscuntur regiam dignitatem, & perfecti in virtute esse debent. Comperit etiam eis ratione subtractionis capillorum; & ex parte superiori per rasuram, ne mens eorum temporalibus occupationibus, a contemplatione divinorum retardetur; & ex parte inferiori per Tonsuram, ne eorum sensus temporalibus obvolvatur.

Quid significet superpelliceum?

Superpelliceum ab Episcopo induuntur, quo significatur ipsos sæcularis habitus servitute, & ignominia deposita, & Sacre Religionis habitu assumpto, novos homines esse oportere. Morum enim candorem, vitæque integritatem designat. Unde ipsos induens Episcopus ita precatur: Induat te Dominus novum hominem, qui secundum Deum creatus est in iustitia, & sanctitate veritatis.

Clericorum, in a, & privilegia.

Qui Tonsura Clericali initiantur, Beneficiorum Ecclesiasticorum capaces redduntur, de foro Ecclesiæ sunt, & Clericalia Privilegia sortiuntur, ut decla-

declarat Episcopus sic ipso allocutus ex Romani Pontificalis præscripto : *Hodie de foro Ecclesiæ facti estis, & Privilegia Clericalia sortiti estis. Cavete igitur, ne propter culpas vestras illa perdati.* Non tamen privilegio fori eo ipso gaudent, quo prima tonsura sunt initiati, nisi positis conditionibus a Concilio Tridentino præscriptis sels. xxiii. *De Reformat. cap. vi. de quibus inferius dicemus.*

ARTICULUS IV.

De Minoribus Ordinibus.

Minores Ordines antiquissimos esse, & ab Apostolis, vel immediatis eorum Successoribus institutos, Scholastici Doctores asserunt, quamvis nec in Actis, nec in Epistolis Apostolorum distincta eorum mentio fiat, nec in Scriptis Patrum primi, & secundi Sæculi. Sed cum *S. Thoma in iv. Sententiarum, dist. xxiv. quæst. i. art. i. qu. ii. ad ii. dicendum*, quod *In primitiva Ecclesia propter paucitatem Ministrorum omnia inferiora Ministeria Diaconis committebantur; ut patet per Dionysium 111. cap. Ecclesiasticæ Hierarchie, ubi dicit: Ministrorum alii stant ad portas Templi clausas; alii aliud quid proprii Ordinis operantur; alii cum Sacerdotibus proponunt super Altare sacrum Panem, & benedictionis Calicem. Nihilominus erant omnes prædictæ Potestates, sed implicite in una Diaconi Potestate. Sed postea amplius est cultus divinus, & Ecclesia, quod implicite habebat in uno Ordine, explicite tradidit in diversis.* Contingit nimirum Ecclesiæ, quod hominibus solet, qui dum tenue patrimonium habent, uno servo contenti sunt, qui solus omnia administrat: si vero redditus augeantur, servorum etiam augetur numerus; eoque magis crescit familia, quo illi locupletiores, & spectabiliores evadunt. Sic Evangelicæ Prædicationis initio parvula adhuc, & latitans Ecclesia paucis indiguit Ecclesiasticarum functionum Ministris. Crescente autem Fidelium multitudine, & auctis Ecclesiæ facultatibus juxta Christianorum oblationibus, quo soli Diaconi omnia exequi ministeria non possent, diversa Officia diversis personis distributa sunt; ex quo factum est, ut splendidiore, & augustiori apparatu Ecclesiasticarum functionum cæremoniæ peragerentur.

Minorum
Ordinum
antiquitas.

Ex Minoribus Ordinibus unum tantum agnoscunt Græci, nempe Lectorum, ceteros prætermittunt, ut ex eorum Euchologiis ante annos octingentos scriptis, ex antiquis Canonibus Conciliorum in Oriente celebratorum, & exemplis, ac monumentis Græcorum Antistitum sanctitate illustrum probat *Jo. Morinus p. 111. de Sacris Ordinationibus, Exercitatione xiv. cui subscribit Cardinalis Bona Lib. 1. Rerum Liturgicarum, cap. xxv. Ministeria tamen quatuor Minoribus Ordinibus a Latinis tributa in Liturgiis, & Officiis suis Ecclesiasticis non omiserunt Græci, sed ea partim Lectori, partim Subdiacono diviserunt. In Ecclesia autem Occidentali distinctam singulorum Ordinum Minorum mentionem faciunt certissima Sacræ Antiquitatis Monumenta. Nam S. Cornelius Pontifex, & Martyr Epistola ad Fabium Antiochenum, apud Eusebium Lib. vi. Historiæ Ecclesiasticæ, c. xliiii. scribit suo tempore in Ecclesia Romana fuisse Presbyteros quatuor, & quadraginta, septem Diaconos, totidemque Subdiaconos; Acolythos duos, & quadraginta, Exorcistas, & Lectores, cum Ostiariis quinquaginta duos. Lectorum meminit Tertullianus Lib. De Prescriptionibus Hereticorum, cap. xli. Ordinationes (inquit) eorum temerariæ, leves, inconstantes: Itaque alius hodie Episcopus, cras alius: hodie Diaconus, qui cras Lector: hodie Presbyter, qui cras Laicus.*

Sed

Minores
Ordines.

Sed & S. Cyprianus Epist. xxiv. Lectorem Staturum se constituisse, significat: Epist. xxxiii. Aurelium Confessorem Lectorem a se ordinatum denunciat. *Merebatur* (inquit) *talis Clericæ Ordinationis posteriores gradus, & incrementa majora, non de meritis estimandus; sed interim placuit, ut ab officio lectionis incipiat. Quia & nihil magis congruit voci, quæ Dominum gloriosa prædicatione confessus est, quam celebrandis divinis lectionibus personare: post verba sublimia, quæ Christi Martyrium prolocuta sunt, Evangelium Christi legere, unde Martyres sunt: ad pulpitem, post catastam venire. Hunc igitur a me, & Collegiis, qui præsentibus aderant, Ordinum sciatis, quod vos scio, & libenter amplecti, & optare tales in Ecclesia nostra quamplurimos ordinari.* Et Epist. xxxiv. Celerinum Confessione nominis Christi insignem, pariter ordinatum Lectorem scribit. *Nihil est* (inquit) *in quo magis Confessor fratris profit, quam ut dum Evangelica lectio de ore ejus auditur, Lectoris fidem quisquis audierit, imitetur. Jungendus in lectione Aurelio fuerat, cum quo & divini honoris Societate conjunctus est. Hos Lectores interim constitutos sciatis, quia oportebat lucernam super candelabrum poni, unde omnibus luceat, & gloriosos vultus in loco altiore constitui, ubi ab omni Populo circumstante conspecti incitamentum gloriæ videntibus præbeant.* Ceterum Presbyteri honorem designasse nos illis jam sciatis. Acolythorum etiam meminit Epistola xlii. lv. & lxxviii. Exorcistas nominat Epist. lxxvi. *Quod hodie* (inquit) *etiam geritur, ut per Exorcistas voce humana, & potestate divina flagelletur, & uratur, & torqueatur Diabolus.* Apostolicarum Constitutionum Auctor Lib. viii. cap. xxvi. Exorcistam ordinari negat, quia *Hoc Munus spontaneæ Dei erga homines benevolentiae, & gratiæ est, qui illud nimirum gratis dat, cui vult.* Hanc gratiam initio Ecclesiæ Fidelibus plerique datam certum est, ut in Christi nomine dæmonia ejicerent; sed hac potestate subtrahita Ecclesia Sancti Spiritus afflatu Ordinem constituit, qui dæmonia ex Officio expelleret. Concilium Antiochenum can. x. facultatem tribuit Chorepiscopis ordinandi Exorcistas. S. Martinum a S. Hilario Pictaviensi Episcopo Exorcistam ordinatum testatur Severus Sulpitius in ejus Vita. *Intellexit vir altioris ingenii* (inquit) *hoc eum modo posse constringi, si ei Officii imponeret, in quo quidam locus injuriæ videretur. Itaque Exorcistam eum esse præcepit. Quam ille Ordinationem ne despexisset tanquam humiliorem videretur, non repudiavit.* Ordo igitur Exorcistarum ab aliis distinctus erat, & inter humiliores, seu Minores habebatur, adeo ut injuriæ tribui posse videretur, quod vir aliquis eximius ad illum assumeretur. S. Felicem primo Lectorem, deinde Exorcistam ordinatum fuisse, testatur S. Paulinus in ejus Natali lv.

primis Lector servivit in annis;

Inde gradum capit, cui munus voce fidelis

Adjurare Malos, & sacris pellere verbis.

Lectores, Acolythos, Exorcistas recenset Siricius Epistola i. & Zosimus Epistola i. Ostiarios, Lectores, Acolythos Gelasius i. Epistola vi. Singulos illos Ordines recenset Conc. Carthaginense iv. cui S. Augustinus interluit; Psalmistas, seu Cantores addit; sed merum Officium, non Ordinem esse perspicue significat: unde cum ceterorum Ordinum Ministrum esse doceat Episcopum, Cantores a Presbytero constitui posse declarat can. x. *Psalmista* (inquit) *idest, Cantor, potest absque scientia Episcopi, sola jussione Presbyteri, Officium suscipere cantandi, dicente sibi Presbytero: Vide, ut quod ore cantas, corde credas: & quod corde credis, operibus comprobes.* Hinc S. Thomas in iv. Sententiarum, distinct. xxiv. quæst. i. art. i. quæst. ii. ad v. *Psalmistatus* (inquit) *non est Ordo, sed Officium Ordini annexum: quia enim Psalmi cum cantu pronunciantur, ideo dicitur Psalmista, & Cantor: Cantor autem*

autem non est nomen Ordinis specialis : tum quia cantare pertinet ad totum eborum ; tum quia non habet aliquam specialem relationem ad Eucharistiæ Sacramentum ; tum quia Officium quoddam est , quod inter Ordines largo modo acceptos quandoque computatur. Minores autem Ordines ad Eucharistiam referuntur. Acoly:thi enim materiam Sacramenti in urceolis præparant, & subministrant. Ostiarii Infideles, & excommunicatos arcent a conspectu Sacrorum, & a cœtu Fidelium. Lectores Fidei rudimentis Catechumenos instruant, ipsique Fideles erudiunt Scripturarum publica lectione. Exorcistæ Energumenos a Dæmonis potestate liberant, ut Eucharistiæ participes esse possint.

Minores Ordines vere, & proprie Sacramenta esse, negant plerique magni nominis Theologi, *Durandus*, Cardinalis *Cajetanus*, *Dominicus Soto*, *Nazarus*, *Vasquezius*, *Morinus*, & alii: quod ab Ecclesia, non a Christo instituti sint; quod eorum Officia possint a Laicis exerceri: quod possint a Cardinalibus, Abbatibusque, & aliis simplicibus Presbyteris, ex Sedis Apostolicæ Privilegio conferri: quod Sacerdotium duntaxat, & Diaconatum Ecclesia primitiva habuerit; Subdiaconatus, & ceteri Ordines postea introducti sint, & adjecti crescente credentium multitudine, ut disertis verbis asserunt *Amalarus* Lib. II. *De Officiis Ecclesiasticis*, cap. VI. *Urbanus II.* in Conc. Beneventano, ut apud *Ivonem* III. p. Decreti, cap. LXXII. citatur; *Petrus Blesensis* Sermone XLVII. *Hugo a S. Victore* Lib. II. *De Sacramentis Fidei*, p. III. cap. XII. *Gratianus* dist. XXI. & *Magister Sententiarum* Lib. IV. dist. XXIV. littera I. Secundo. Quod tres ex quatuor istis Minoribus Ordinibus, ab antiquis saltem mille, & ducentis in Ecclesia Orientali prorsus desierint, si modo in ea aliquando fuerint: tantoque tempore Latinorum nemo Græcos redarguerit, aut mutilum esse apud eos Sacerdotium conquestus sit. Tertio. Quod istorum Ordinum subordinatio in altiorum Ordinum collatione sæpe non fuerit observata, & sæpe fuerint ordinati Subdiaconi, Diaconi, & Presbyteri, qui Minoribus Ordinibus initiati non fuerant. Sic *S. Epiphanius* a *Pappo* Citriæ Episcopo Diaconum ordinatum, quamquam repugnantem, deinde Presbyterum, & Episcopum, cum ad Ordinationem effugendam sæpius clamaret, & affirmaret se non esse Clericum, refert Vitæ ejus Auctor apud *Surium*, die XII. Maii. Sic *S. Epiphanius* ipse *Paulinianum* Monachum *S. Hieronymi* fratrem comprehensum ore compresso, ne repugnaret, omnis ceteris Ordinibus, Diaconum, & Presbyterum ordinavit, ut testatur *S. Epiphanius* apud *S. Hieronymum* Epist. x. Sic *Macedonius* Eremita a *Flaviano* Antiocheno Episcopo; sic alius Eremita *Acephemas* nomine; sic *Salamanus*, qui toto vitæ tempore additi fuerant, & cellis subterraneis inclusi, non solum Minoribus Ordinibus, sed etiam Subdiaconatu prætermisso, ab Episcopis Sacerdotes ordinati sunt, ut colligitur ex *Theodoro* Historiæ Religiosæ cap. XIII. xv. & XIX. Ita *S. Marcellus* primum Lector, deinde Subdiaconus ordinatus est, ut refert *Fortunatus* apud *Surium* die 1. Novembris. Sic *S. Bernardus* Episcopus Hildefementis primum Exorcista ab *Osdrago* Episcopo ordinatus est, deinde Subdiaconus ab *Vullegiso* Archiepiscopo, ut in illius Vita a Præceptore conscripta, apud *Surium* XX. Novembris legimus. *Siricius* Pontifex Maximus Epist. I. Ordines omnes enumerans, in quorum functionibus mereri debebant Clerici antequam ad Episcopatum pervenirent, Ostiariatum prætermittit.

Ordines tamen Minores esse Sacramenta, *S. Thomas*, alique censent. Tridentina vero Synodus hanc de inferioribus Ordinibus controversiam seponens, ea quæ contra Hæreticos universa constanter propugnat Ecclesia, definire tantum voluit, nullo præjudicio adversus Catholicorum Theologorum

Utrum Minores Ordines sint Sacramenta, quæstio est fidei summam non spectans.

Sess. 23.
Can. 2.

Unum est
Ordinis Sa-
cramentum.

logorum opiniones edito: scilicet, *Præter Sacerdotium esse in Ecclesia Catholica alios Ordines Majores, & Minores, per quos, velut per gradus quosdam in Sacerdotium tendatur.* Ut ut est, unum tantum est Ordinis Sacramentum, quamvis sint Ordines diversi, quia omnes ad Sacerdotium referuntur, atque ita omnes in illo quodam modo unum sunt, sicut uno Ordinationis nomine comprehenduntur, ut docet *S. Thomas* in iv. *Sententiarum*, distinct. xxiv. quæst. 11. art. 1. quæst. 1. ad 11. *Tota (inquit) plenitudo hujus Sacramenti est in uno Ordine, scilicet Sacerdotio: sed in aliis est quædam participatio Ordinis: Et ideo omnes Ordines est unum Sacramentum.*

Atque hæc de Minoribus Ordinibus generatim sufficiunt: nunc de singulis speciatim agendum.

§. I.

De Oſtarii.

Oſtarius
materia, &
forma.

Oſtiorum
munus.

Inter minores Ordines primus occurrit *Oſtarii* Ordo, cujus materia est Clavium Ecclesiæ traditio ab Episcopo; forma: *Sic age, quasi redditurus Deo rationem pro his rebus, quæ his Clavibus recluduntur.* Id conſtat ex Conc. Carthaginensi iv. can. ix. & ex Pontificali Romano.

Oſtiorum munus est Templi claves, & januam custodire, & aditu Templi arcere Infideles, & excommunicatos. Ad Sanctum etiam Miſſæ Sacrificium adſitebant, curaturi, ne quis propius, quam pareſſet, ad ſacram Aram accederet, & Sacerdotem rem divinam facientem interpellaret. Illis etiam convenit ex Officio pulſare campanas. Unde benedictionem divinam illis adprecatur Episcopus: *Ut ſit eis fideliffima cura in domo Dei diebus, ac noſtribus, ad diſtinctionem certarum horarum, ad invocandum nomen Domini.* Quamobrem Archidiaconus ducit illos ad oſtium Ecclesiæ, illudque aperire, & claudere jubet; funemque campanæ tradit: quæ poteſtas jam collatæ executio eſt, & veluti miſſio in poſſeſſionem ejus. Ipliſ etiam olim pertinebat Librum aperire Episcopo verbum Dei prædicanti. Studere autem debent, ut ſicut materialibus clavibus Eccleſiam viſibilem aperiant, & claudunt, ſic & inviſibilem Dei domum, corda ſcilicet Fidelium, diſtis, & exemplis ſuis claudant diabolo, & aperiant Deo; ut divina verba, quæ audierint, corde retineant, & opere compleant; quemadmodum ipſos admonet Episcopus ex Pontificali Romani præſcripto.

Magnam autem in veteri Eccleſia fuiſſe hujus Ordinis dignitatem, ex eo intelligitur, quod his temporibus ſervari animadvertimus. Nam Theſaurarii Officium, qui erat idem, ac Sacarii Cultos, quod ad Oſtarios pertinebat, inter honeſtiores Eccleſiæ functiones etiam nunc habetur; (inquit Concilii Tridentini Catechiſmus.)

§. II.

De Leſtoribus.

Munus Le-
ſtoris.

Secundus inter minores Ordines eſt *Leſtoris* gradus, cujus Munus eſt. Veteris, & Novi Teſtamenti Libros clara voce, & diſtincte in Eccleſia recitare, præſertim vero eos, qui inter nocturnam Pſalmodiam legi ſolent. In veteri Eccleſia, Episcopo Concionem ad Populum habituro, ſtabat Leſtor toti Populo conſpicuus, & de Pulpito legebat præſcriptam ab Episcopo Evangelii, vel alterius Libri Sacri partem, quam deinde Episcopus Chriſtianæ Plebi exponebat. Id ex antiquorum Patrum Sermonibus compertum eſt, maxime ex Enarratione *S. Auguſtini* in Pſalm. cxxxviii. Leſtorum quoque partes erant prima Chriſti-
na

ux Religionis rudimenta Fidelibus tradere, ut observat Conc. Tridentini Catechismus: *Panem etiam, & omnes fructus novos benedicere*, ut admonet Episcopus ipforum Officia explicans ex Romani Pontificalis præscripto: quamquam hodie benedictiones illæ a solis Presbyteris peragantur. Lectores longe pluribus Officiis funguntur apud Græcos. Epistolam in Missa legunt, quod solis Subdiaconis in Ecclesia Latina convenit. Lampades, & cereos Altaris accendunt: Oblationes, vinum, & aquam, Sacerdoti celebranti deferunt: præeunt Sanctis Mysteriis luminaria ferentes in magno (ut vocant.) introitu: singula quæque in Ecclesia præparant, ornantque, &c.

Hujus Ordinis materia est traditio sacri Codicis, de quo lectura est. Forma. *Accipe, & esto verbi Dei relator, habiturus, si fideliter, & utiliter impleveris Officium, partem cum iis, qui verbum Dei bene administraverunt ab initio. Orat Episcopus, ut Deus super eos benedictionem suam clementer effundat. Quatenus distinde legant, quæ in Ecclesia Dei legenda sunt, & eadem operibus impleant.* Ipsos admonet, ut verba Dei, videlicet lectiones, sacras distinde, & aperte ad intelligentiam, & ædificationem Fidelium, absque omni mendacio falsitatis proferant: ut quod ore legunt, corde credant, atque opere compleant, quatenus auditores suos verbo pariter, & exemplo docere possint. Ideo, dum legunt, in alto Ecclesiæ loco stare, ut ab omnibus videantur, figurantes positione corporis, se in alto virtutum gradu debere conversari; *Quatenus cunctis, a quibus audiuntur, & videntur, celestis vitæ formam præbeant.*

Lectoratus materia, & forma, in Ecclesia Latina.

In Ecclesia Græca, Ordinationis hujus materia manus impositio, forma oratio manuum impositioni adjuncta, ut constat ex Euchologiis, & ex Concilii VII. Generalis can. XIV. cujus hæc sunt verba: *Lectoris autem Manus impositionem licet in proprio Monasterio, etiam soli unicuique Abbati facere. Similiter & ex antiqua consuetudine Chorepiscopo, Episcopi permisso oportet per manuum impositionem Lectores creare.* Constitutiones Apostolis adscriptæ Lib. VIII. nihil aliud referunt in Ordinatione Lectoris, quam Orationem, & manuum impositionem.

In Ecclesia Græca.

Pueros olim, modo legendi periti essent, in hoc gradu constitutos, discimus ex S. Augustino, Lib. I. *De Consensu Evangelistarum*, cap. x.

§. III.

De Exorcistis.

Tertius est Ordo Exorcistarum, quibus potestas data est nomen Domini invocandi in eos, qui ab immundis spiritibus obfiduntur. Hujus Ordinis materia est traditio Libri Exorcismorum, ut docent Conc. Carthaginense IV. can. VII. Ordo Romanus, Ritualia edita a Morino p. II. *De Sacris Ordinationibus*, Missale Francorum editum a Domino Jo: Mabillonio, S. Isidorus Hispalensis lib. II. *De Divinis Officiis*, cap. XIII. Rabanus lib. I. *De Institutione Clericorum*, cap. x. Amalarius lib. II. cap. IX. Ivo Carnotensis Sermone *De Excellentia Ordinum*, &c. Hanc materiam dilatat Pontificale Romanum: permittit enim loco libri Exorcismorum, Pontificalis, aut Missalis traditionem. Forma, sunt verba in Conc. Carthaginensi IV. in Ritualibus antiquis, & Romano Pontificali præscripta: *Accipe, & commenda memoriam, & habe potestatem imponendi manus super Energumenos, sive Baptizatos, sive Catechumenos.* Enunciatur in plurali, *Accipite*, &c. cum plures, simul traditum Librum dextera manu tangunt. Deum orat Episcopus, ut Famulos suos in Officium Exorcistarum benedicere dignetur: ut per impositionem manuum, & oris officium potestatem, & imperium habeant Spi-

Ordinis Exorcistarum materia & forma.

„ ritus immundus coercendi , *Ut probabiles sint Medici Ecclesie gratia curarum, virtutisque celesti confirmati.*

Exorcismum obsequium.

Exorcistarum officium est ejicere dæmones, & dicere Populo, *Ut qui non communicat, det locum; & aquam in Ministerio fundere, ut habet Pontificale Romanum.*

Morum integritas.

Qua vitæ sanctimonia, & morum integritate debeant effulgere, ipsos admonet Episcopus his verbis, ex ejusdem Pontificalis præscripto: *Studete, ut sicut a corporibus aliorum Dæmones expellitis, ita a mentibus vestris omnem immunditiam, & nequitiam ejiciatis; ne illis succumbatis, quos ab aliis, vestro Ministerio, effigatis. Dscite per officium vestrum vitis imperare; ne in moribus vestris aliquid sui juris Inimicus valeat vindicare. Tunc etenim recte in aliis Dæmonibus imperabitis, cum prius in vobis multimodam eorum nequitiam superabitis.*

Quod spectat hujus Ordinis functionem, optimum interdum foret illam non a Presbyteris, multo minus ab Episcopis, sed ab Exorcistis junioribus, ab adolescentulis ad hoc officium ordinatis, ac morum innocentia, & sapientia huic Ministerio paribus, exerceri ad majorem Dæmonis contemptum, & confusionem. Hæc autem in Exorcistinis Energumenum observanda præscribunt Concilia Mediolanensia primum, & quartum sub S. Carolo Borromeo.

Regule in Exorcismis Energumenum observandæ.

Ne Sacerdoti, Clerico sæculari, aut regulari Exorcismum Energumenis adhibere liceat, nisi exorcizandi facultatem scripto exarata ab Episcopo impetaverit.

Antequam vero exorcizare aliquem aggrediatur, perquirat inprimis Energumenum, Energumenæque vitam, ac mores; tum explorat actiones; & Medcum, si expedire censuerit, consulat; ut videat an quod ab illo, ille lave agit, fiat morbi alicuius, aut bilis atræ vi; an vero sponte, ac dissimulanter; an denique Dæmonis, malorumque Spirituum vexatione. Signa porro certiora possessionis alicuius a Dæmone sunt, si quis incognitis linguis loquatur, longa præsertim oratione, quam imparatam esse constet: si litterarum, atque artium ignarus, legit, scribit, pingit, aut de rebus altissimis duserit, qui nunquam studuit: si res prorsus arcanas, & occultas aperiat, quæ in locis remotis sunt, præsertim vero, quæ manifestè cuiquam observantur, aut cogitationes cordis ad ipsum directas, nulloque externo signo manifestas: si quid agat vires hominis, aut malens, sive sanæ, sive quovis morbo vexatæ, Medici judicio, superans: si vexatione cessante, eorum, quæ dixit, non recordetur.

Videndum præterea, an Energumenum, vel Energumena Excommunicationis vinculo irretiti unquam fuerint, atque Absolutionem rite acceperint.

In hoc exorcizandi munere, ejusve occasione, non modo quædam sagaciter Exorcista; sed nedoni, aut minus qui quædam, v. l. minimum curant.

Ne in profanis aedibus locivæ privatis, sed in Ecclesia, loco aperto, & conspicuo; neque in omni quavis Ecclesia, sed in his solum, quas Episcopus statuerit, Energumenum exorcizet, idque in inferiori Ecclesie parte, non in Choro, non in Sacellis. Neque in contestu multitudinis: non remotis tamen arbitris, sed præsentibus viris honestis, atque ætate gravibus, in iisq. uno saltem, vel duobus Ecclesiasticis hominibus. Mulieri autem energumenæ, cum Exorcismum adhibet, id præter duobus ætate, virisque probatis viris, tum fœminis etiam ætatem probis præsentibus, iisque omnibus, si fieri potest, energumenæ contrariis, vel affinis. Mares autem alios præsentis adde, ne omnino patiat, nisi unum Ecclesiastici Ordinis hominem.

„ Ne ante ortum, nec vero post occasum Solis quemquam exorcizet. Ne duos simul eodem tempore, sed unumquemque singillatim, ac separatim.

„ In hujus Muneris functione, graviter, pie, & religiose imprimis se gerat. Quamobrem pridie illius diei, quo alicui Exorcismus adhibere incipit, se jejunio, & oratione præparare studeat. Tum confessus, conscientia ab omni culpa pura, ac munda, magna cum humilitate, & fide, memor potestatis, quam a Domino accepit, expellendi dæmones, ad id munus obeundum accedat. Si Sacerdos autem est, antequam Exorcismum inchoet, Missæ Sacrum faciat, si id commodè præstare possit.

„ Energumenis vero Exorcismum ne adhibere incipiat, nisi illi primum confessi sint: ad hocque eos cohortetur, ut omnis antea actæ vitæ peccata diligenti conscientiæ discussione confiteantur. Tum sæpe moneat, ut precibus, orationi, & sanctis meditationibus, & pietatis studiis, atque exercitationi se dent; religiosas Ecclesias, ubi Sanctorum Reliquiæ reconditæ sunt, certis diebus pie visitent; Jejunia præterea, & in sexta quaque in primis Feria, quo die Passionis Jesu Christi Domini nostri memoria recollitur, religiose amplectantur.

„ Caveat, dum exorcizat, ne Energumenæ mulieris capiti, corporive, nisi cum magna honestate, atque cautione manum adhibeat: neve Energumenum, Energumenamve Altari imponat, neve quidquam aliud agat, quod offensionem præbeat.

„ Ne aliis vero Exorcismis, Precibus, Ritibusque ad id munus utatur nisi ad Libri, Episcopi Judicio comprobati, rationem præscriptam. Cui nihil ab eo addi, detrahi, aut mutari fas sit.

Interrogandus est dæmon de nomine, numero eorum, qui hominem vexant, causa possessionis, nec permittendum, ut sermones inutiles, & vanos effundat. Cavendum, ne de quæstionibus curiosis, aut futuris eventibus interrogetur: comprimendus est, ne calumniis, detractationibus, scurrilibus, ac ludicris verbis aditantibus illudat, eosque ad curiositatem, levitatem, aut voluptatem incitet. Artes dæmonis exploratas habere debet Exorcista, ne ab ipso fallatur, sive responsoꝝ ambiguitate, sive latendi maligna industria, ne possessio vera videatur; sive recessus simulatione, ut intermittantur Exorcismi. Quibus artibus constantiam, & patientiam singularem opponere debet Exorcista, nec ab Exorcismis cessare, donec certis, & evidentibus signis compertum habeat Energumenum liberatum esse. Adhiberi possunt Reliquiæ ad caput, vel ad pectus Energumeni; cavendum tamen, ne sacræ illæ res a Dæmone indigne tractentur: nusquam adhibenda in Exorcismis Eucharistia, propter irreverentis periculum: neque Hostia etiam non consecrata, ad veritatem possessionis explorandam.

§. IV.

De Acolythis.

A Colythorum quartus est gradus, & ultimus eorum omnium, qui Minores, & non Sacri appellantur. Eorum munus est, Ministris Majores, Subdiaconos, & Diaconos, in Altaris Ministerio assistere, eisque operam dare. Præterea lumina deferunt, & asservant, cum Missæ Sacrificium celebratur, præcipue vero cum Evangelium legitur: ex quo Ceroferarii alio nomine vocati sunt.

Munus Acolythis.

Hujus Ordinis materia duplex: una est Ceroferarii cum cereo traditio; altera Urceoli vacui. Atque in hoc conveniunt antiqui Libri Rituales, & recentiores cum Conc. Carthagenensi IV. & antiquis Officiorum Ecclesiasticorum materia, & forma.

rum Auctoribus. Sed materiam illam Concil. Carthagenſe, omneſque antiqui Rituales Libri volunt ab Archidiacono tradi, idemque præſcribit Ordo Romanus, ſed formam ab Epifcopo pronunciari jubet. Nulli verba præferantur ab Epifcopo, cum hæc instrumenta porrigebantur ordinandis, ſed ſi duntaxat officii admonebantur, ut docet can. vi. Concilii Carthagenſis. *Acolythus cum ordinatur (inquit) ab Epifcopo quidem doceatur, qualiter in Officio ſuo agere debeat. Sed ab Archidiacono accipiat Ceroſerarium cum cereo, ut ſciat ſe ad accendenda Eccleſiæ luminaria mancipari. Accipiat & Urceolum vacuum, ad ſuggerendum vinum in Euchariftiam Sanguinis Chriſti. Ex Pontificali autem Romani præſcripto, Epifcopus tradit omnibus Ordinandis candelabrum cum candela extincta, quod ſucceſſive manu dextera ſinguli tangunt, Eo dicente: Accipite Ceroſerarium, cum cereo, & ſciatis vos ad accendenda Eccleſiæ luminaria mancipari, in nomine Domini. Tradit illis etiam urceolum vacuum, quem ſimiliter tangere debent, dicens communiter omnibus: Accipite Urceolum, ad ſuggerendum vinum, & aquam in Euchariftiam Sanguinis Chriſti.*

Deum orat, ut eos benedicere dignetur, *Quatenus lumen viſibile manibus præferentes, lumen quoque ſpirituale moribus præbeant: utque eorum mentes, & luminis ſcientiæ illuſtret, & pietatis rore irriget.*

» Illos admonet Epifcopus ante Ordinationem, ne lucem Deo manibus
» præferentes, operibus tenebrarum inſerviant, & per hoc aliis exempla
» perſidiæ præbeant: ſed impleant, quod Veritas jubet: *Luceat lux veſtra
» coram hominibus. ut videant opera veſtra bona, & glorificent Patrem veſtrum,
» qui in cælis eſt: & quod Apoſtolus Paulus ait: In medio Nationis prave, &
» perverſe luceat ſicut luminaria in Mundo, verbum vite continentes. Ut ſint
» filii lucis: ut abſiciant opera tenebrarum, & arma lucis induantur: ut
» fructus lucis afferant In omni bonitate, & juſtitia, & veritate; ut ſeipſos
» & alios, & Dei Eccleſiam illuminent. Tunc etenim in Dei Sacrificium
» digne vinum ſuggeſturos, & aquam, Si ipſi Deo Sacrificium, per caſtam vi-
» tam, & bona opera oblati fuerint.*

Ritus anti-
quus Ordina-
ndi Aco-
lythum por-
recto ſaccul-
lo.

In Libello octavo Ordinis Romani, quem edidit D. Mabillonius Tom. 11. *Muſei Italici, Ritus ordinandi Acolythi ita deſcribitur: Dum Miſſa celebra-
ta fuerit, induunt Clericum illum Planctam, & Orarium. Dumque venerit
Epifcopus, aut ipſe Dominus Apoſtolicus ad communicandum, faciunt cum ve-
nire ad ſe, & porrigit in ulnas ejus ſacculum ſuper planctam: & præſternit ſe
in terram cum ipſo ſacculo, & dat ei Orationem ſic: Intercedente Beata, &
Glorioſa ſemper Virgine Maria, & B. Apoſtolo Petro, ſalvet, & cuſtodiat,
& protegat te Dominus. Amen. Acolythi ordinabantur olim porrecto ſaccul-
lo: quia huiusmodi ſacculus in Miſſa Pontificia tunc geſtare ſolebant ad ex-
cipiendas Oblationes conſecratas, tum quæ in Miſſa conſingebantur ad Fi-
delium Communionem, tum quæ fermenti nomine ad Titulos mittebantur
ad fovendam unitatem, concordiam, charitatem, teſte Innoc. I. Epifcola
xxix. ad Decentium: De fermento (inquit) quod die Dominica per Titulos
mittimus, ſuperſus nos conſulere voluiſti, cum omnes Eccleſiæ noſtræ intra Ci-
vitatem ſint conſtitutæ: quarum Presbyteri, quia die ipſa, propter plebem ſibi
creditam nobiſcum convenire non poſſunt, ideoque fermentum a nobis conſecrum
per Acolythos accipiunt, ut ſe a noſtra Communionem, maxime illa die, non ju-
dicent ſeparatos. Sane Thæſius Martyr ex illorum Acolythorum numero
erat: Qui cum quodam die deſerret Chriſti Corporis Sacramenta, nec vellet ea
diſcipientibus prodeſe Paganis, tamdiu eſt ſiſtibus, & lapidibus maceratus ab
eis, quouſque exhalearet ſpiritus, teſte Uſuardo, ad xviii. Kalendas Septem-
bris.*

Acolythi
Eucharis-
tiam ad Ti-
tulos, ſeu
Eccleſiæ
Urbis Romæ
deterabant.

ARTICULUS V.

De Subdiaconatu.

A Minoribus Ordinibus, iisdemque non Sacris, ad Majores, & Sacros legitimus aditus, & ascensus patet. Hi sunt Subdiaconatus, Diaconatus, & Sacerdotium. Ordo, (inquit) *S. Thomas*, in *iv. Sentent. dist. xxiv. qu. 1. art. 1. qu. 111.*) Sacer dicitur dupliciter: uno modo secundum se: & sic quilibet Ordo est Sacer, cum sit Sacramentum quoddam: alio modo ratione materie, circa quam habet aliquem actum; & sic Ordo Sacer dicitur, qui habet aliquem actum circa rem aliquam consecratam: & sic sunt tantum tres Ordines Sacri; scilicet Sacerdos, & Diaconus, qui habet actum circa Corpus Christi & Sanguinem consecratum, & Subdiaconus, qui habet actum circa vas consecratum: & ideo etiam eis continentia indicitur, ut sancti, & mundi sint, qui sancta tradant. Antiquissima est in Ecclesiasticis Monumentis Subdiaconorum mentio. Fuisse enim Romæ septem Diaconos, totidemque Subdiaconos testatur *S. Cornelius Pontifex*, & Martyr in Epistola ad *Fabium Episcopum Antiochenum*, apud *Eusebium Lib. vi. Historie Ecclesiasticæ*, cap. *xxiii.* Eodem ævo Optatum quemdam in Africa Subdiaconum a se ordinatum scribit *S. Cyprianus Epist. xxiv.* Eorundem meminere Epistola *S. Ignatii* ad Antiochenos interpolata, Constitutiones Apostolicæ, Lib. *viii.* & Concil. *Laodicenum*. Ab initio tamen, & deinceps per aliquot sæcula Subdiaconatus inter minores Ordines numerabatur, nec ei annexus erat cœlibatus. Post sextum sæculum, vix ulla Subdiaconorum occurrit memoria, qui continentia voto non fuerint adstricti. Romæ jam ab iis continentia servabatur tempore *Pelagii II.* qui Subdiaconis Siciliæ præcepit, ut more Romanæ Ecclesiæ nullatenus uxoribus suis miscerentur, teste *S. Gregorio Epistola xlii.* Libri primi, & *xxxiv.* Libri tertii. A Romana autem ad alias Occidentis Ecclesias eadem Disciplina propagata est: qua occasione paulatim cœpit hic Ordo a Minoribus separari, & inter Majores, ac Sacros recenferi. Nam cum prius extra Sanctuarium, & Altare conferri solet, ut constat ex *Amalario Libro 11. De Divinis Officiis*, cap. *vi.* (quod etiamnum apud Græcos observatur) invaluit postea quorundam Episcoporum consuetudo, cum intra Missarum solemniam conferentium, & ita sensim majoribus æquiparatus est. Multum nihilominus tempus intercessit antequam certa, & firma Lege inter Sacros Ordines recensitus sit. Nam *Petrus Cantor*, qui anno ducentesimo supra millesimum florebat, ab *Hugone Menardo* in *Notis ad Sacramentarium S. Gregorii* laudatus, pag. 280. ait: *De novo institutum est, Subdiaconatum esse Sacrum Ordinem.* Id ante nos observant *Viri doctissimi Jo. Morinus p. 111. De Sacris Ordinationibus*, Exercitatione *xii.* & *Cardinalis Bona*, *Rerum Liturgicarum Lib. 1. cap. xxv.*

Subdiaconorum Officia ex Romano Pontificali hæc sunt: Aquam ad ministrum Altaris præparare; Diacono ministrare; pallas Altaris, & Corporalia ablueri; Calicem, & Patenam in usum Sacrificii Diacono offerre, oblationes, quæ veniunt ad Altare, suscipere, ut ex iis, quantum satis est, in Altari ponatur, ne aliquid putridum in Sacrario remaneat. Eadem ministeria recenset *S. Isidorus Hispalensis Epistola ad Ludifredum Cordubensem Episcopum*. Olim nec Calicem, nec Patenam, nec Oblationes, in Altari ponebant, sed hæc omnia porrigebant Diaconis, eisque ministrabant intra Sanctuarium; verum ad Altare minime accedebant, ut constat ex eodem Patre, necnon ex *Rabano Mauro Lib. 1. De Institutione Clericorum*, cap. *viii.* De legenda ab illis Epistola nihil habet antiquus Ordinationis eorum ritus,

Subdiaconatus primis Ecclesiæ sæculis non erat Ordo sacer.

Subdiaconorum Officia.

nec veteres Scriptores: hoc enim munere Rectoresungebantur, ut funguntur etiamnum apud Græcos. Ex Conc. Carthaginensi iv. constat, liquissimis vasa sacra contingere, sed vacua: cum enim Corpus, & Sanguinem Christi continent, id illis prohibet Concilii Laodicensi Canon vigesimus primus, quo sancitur, *Non oportere Ministrum* (idest Subdiaconum, qui Diacono ministrat) *locum habere in Diaconis, & Sacra vasa tangere*. Sic enim hunc Canonem interpretatur *Balsamon*.

Lex perpetuæ continentię Subdiaconis ab Ecclesia imposita.

Subdiaconis ordinandis significat inprimis Episcopus legem perpetuæ continentię huic Ordini esse impositam: illique, cum hunc Ordinem suscepissent, amplius non licere a proposito resiliire; sed Deo, cui servire regnare est, perpetuo famulari, atque in Ecclesiæ ministerio semper esse mancipatos. Ipsos deinde admonet quanta sedulitate, & sanctimonia sacrum Ministerium exercere debeant. *Si usque nunc* (inquit) *fuisistis tardi ad Ecclesiam, amodo debetis esse assidui. Si usque nunc somnolenti, amodo vigiles. Si usque nunc ebriosi, amodo sobrii. Si usque nunc inhoneſti, amodo casti.*

Subdiaconatus materia, & forma.

Subdiaconatus materia est traditio Patenæ vacuæ, & Calicis vacui ab Episcopo: urceolorum vero cum vino, & aqua, & linteolo, quo manus absteruntur ab Archidiacono, ut intelligatur Subdiaconum Diacono ministrare debere. Ideo autem Subdiaconus horum instrumentorum traditione ordinatur, *Quia manus impositionem non accipit* (inquit Conc. Carthaginense iv. can. v.) Idem constat ex Pontificali Romano, & antiquis Ritualibus omnibus Ecclesiæ Latinæ. Forma huic materiæ respondens, sunt verba, quæ profert Episcopus ex Romani Pontificalis præscripto, dum singuli Calicem, & Patenam successively tangunt: *Videte, cujus Ministerium vobis traditur: ideo vos admonco, ut ita vos exhibeatis, ut Deo placere possitis*. Tum „orat Episcopus, ut Deus super eos benedictionem suam effundat; eosque „in Sacratio suo sancto strenuos, sollicitosque cælestis Militiæ instituat ex- „cubitores, Sanctisque Altaribus fideliter subministrant; & requiescat su- „per eos Spiritus sapientiæ, & intellectus; Spiritus consilii, & fortitudi- „nis; Spiritus scientiæ, & pietatis, & repleat eos Spiritu timoris sui: & „in Ministerio divino confirmet; ut obediētes facto, ac dicto parentes „gratiam consequantur.

Deinde Amictum, Manipulum, Tunicam ipsos induit Episcopus, præscriptam in Pontificali verborum formam adhibens. Tradit denique ipsis Librum Epistolarum, quem dum singuli manu dextera contingunt, hæc verba profert: *Accipite Librum Epistolarum, & habete potestatem legendi eas in Ecclesia Sancta Dei, tam pro vivis, quam pro Defunctis. In nomine Patris, & Filii, & Spiritus Sancti*. Ad materiæ, formæque integritatem hæc in Ecclesia Latina pertinere nemo negaverit: sed in sola Libri Apostolici traditione Subdiaconatus materia sita esse non videtur. Traditio enim istius Libri in Ordinatione Subdiaconi perpetua non fuit. Ejus non meminerunt Concil. Carthaginense iv. nec antiqua Ritualia, nec *S. Isidorus* in *Libris De Officiis Ecclesiasticis*, nec *Rabanus Maurus* in *Libris De Institutione Clericorum*, licet Ritus Ordinationum sigillatim explicant. Tam altum silentium probat Subdiaconos antiquitus Epistolam in Synaxi, sive publico Ecclesiæ cætu ex Officio non legisse. Id confirmant *Amalarius Lib. 1. De Officiis*, cap. xi. *Micrologus* cap. viii. *Stephanus Autensis Lib. De Sacramento Altaris*, cap. v. Auctor Libri, qui scribitur *Gemma Animæ*, Libro i. cap. clxxxix. *Hugo a Sancto Victore* in *Speculo De Myſteriis Ecclesiæ*, cap. v. *Petrus Lombardus* in *iv. Sententiarum*, dist. xxiv. littera G. Ad integritatem igitur materiæ, & formæ Subdiaconatus, non ad essentiam, pertinent Traditio Libri Epistolarum, verbaque illi respondentia.

Traditio Libri Epistolarum, & verba illi respondentia, non sunt materia & forma essentialis Subdiaconatus.

Apud Græcos sola Manus impositio materiæ, Oratio formæ vicem subit, ut constat ex Eucharologiis. Mantile quidem, & pollubrum manibus lavandis ab Episcopo eis traduntur, multaque alia ministeria exercere jubentur: sed hæc omnia fiunt post Ordinationem completam, ut munere, quod recens acceperunt, fungantur.

Tres obligationes contrahunt, qui Subdiaconatus Ordinem suscipiunt. Prima est, obligatio Titulum sive Beneficii, sive Patrimonii habendi; ne rerum temporalium curis a Sacris Ministeriis distrahantur. Secunda, est castitatis, quæ huic Ordini, ac superioribus, Ecclesiæ lege inviolabili annexa est. Tertia obligatio recitandi divinum Officium, seu Breviarium, Ecclesiæ etiam lege, seu consuetudine universali illis imposita.

Triplex Subdiaconorum obligatio.

ARTICULUS VI.

De Diaconatu.

Secundum Sacrorum Ordinum gradum *Diaconus* obtinet; cujus Ministerium latius patet, sanctiusque semper habitum est. Ejus functiones sunt, Episcopum perpetuo sequi, concionantem custodire, eique, & Sacerdoti Sacra facienti, vel alia Sacramenta administranti præsto esse. Hinc *S. Epiphanius* Hæresi lxxv. tanti facit Diaconi Ministerium, ut Episcopum absque Diacono nunquam fuisse, aut esse posse asseveret. Unde Pontificale Romanum Diaconos vocat *Communisfros*, & *Cooperatores Corporis*, & *Sanguinis Domini*. Ejus præterea munus est, in Missæ Sacrificio Evangelium legere, ut constat ex *S. Hieronymo* in Epistola ad Sabinianum, ex Conc. Valensi II. can. II. ex *S. Gregorio* Epist. XLIV. Libri IV. Ind. XIII. & *S. Isidoro* Lib. II. De Divinis Officiis, cap. VIII. Ejus munus est, panem, & vinum offerre, non quidem consecrando, ut ex Conc. Ancyran. can. II. male colligunt Hæretici, sed utrumque Sacerdoti consecraturum porrigendo. Olim Fidelium animos Diaconi sæpius excitabant, ut Sacra attenderent. Quod & nunc præstant apud Græcos. Dominicum Sanguinem, imo & Corpus Fidelibus distribuunt, ut testantur *S. Justinus Martyr* Apologia II. *S. Cyprianus* Libro De Lapsis, Auctor Constitutionum Apostolicarum, *S. Ambrosius*, & plures alii Patres. Hic mos ante Conc. Nicænum adeo invaluerat, ut etiam Presbyteris Eucharistiam porrigerent, quam audaciam Sancta Synodus coercuit, edito contra hujusmodi abusum can. XVIII. Ipsi etiam vetitum est can. XV. Concilii II. Aurelianensis, & can. XXXVIII. Conc. Carthaginensis IV. ne præsentem Presbytero Corpus Domini Fidelibus traderent. Diacono præterea Ecclesiasticorum bonorum dispensatio commissa erat, ut unicuique necessaria ad victum subministraret, ac elemosynas distribueret. Ejus erat curam gerere Martyrum, & Confessorum, qui in carcere ob Christi fidem detinebantur, eisque necessaria suppeditare; eorum vota, precesque pro Lapsis excipere, & ad Episcopum deferre, ut ipsorum gratiam infelicibus illis Christianis, qui in persecutione ceciderant, & Pœnitentiam agebant, Indulgentiam concederet, Pœnitentiæque tempus contraheret, ac rigorem moderaretur, ut ex pluribus *S. Cypriani* Epistolis, & Lib. De Lapsis compertum est. Pœnitentes etiam reconciliare in absentia Episcopi, & Presbyteri aliquando ipsis licuit, eosque absolvere, non quidem sacramentaliter, sed a pœnis satisfactoriis, vel ab Excommunicatione, quæ ipsos a Sacramentis Altaris participandis removebat. Hujus disciplinæ testis est *S. Cyprianus* Epist. XIII. Si Presbyter (inquit) repertus non fuerit, & urgere exitus ceperit, apud Diaconum quoque Exomologesim facere delicti sui possint, ut manu eis in Pœnitentiam imposita

Sacra Diaconorum functiones.

veniant ad Dominum cum pace, quam dari Martyres litteris ad nos factis desideraverunt. Diaconorum etiam erat sacris Virginibus, & Viduis præesse, Ecclesiastica negotia apud Imperatorem procurare: Catechumenorum nomina recitare, & Ordinis Sacramento initiandos ante Episcopum statuere: quod & nunc præstant Archidiaconi. Ad Diaconum etiam pertinet, tanquam Episcopi oculum, peruestigare, quinam in Urbe pie, & religiose, quive secus vitam traducant: qui ad Sacrificium, & Concionem statim temporibus convenient, qui non convenient; ut cum de omnibus Episcopum certiores fecerit, ille vel privatim unumquemque hortari, admonere, vel palam corrigere, & oburgare possit, uti magis utile futurum ipsorum salutem perspexerit.

Diaconatus
Ordo ex in-
stitutione
sua facit.

Quamvis autem ab Apostolis electi fuerint septem primi Diaconi occasione murmuris Græcorum adversus Hebræos, *Eo quod despicerentur in Ministerio quotidiano Viduæ eorum* (ut habetur *Actuum* cap. vi.) non tamen electi sunt, ut mensis tantum communibus ministrarent, sed Mensis Sacris. Et hæc eleemosynas quotidianas Viduis distribuendi cura secundarium duntaxat Diaconorum Ministerium fuit, minusque præcipuum; cujus ratione dixerunt Apostoli: *Non est æquum nos derelinquere verbum Dei, & ministrare Mensis.* Sed primum ipsorum, potissimumque Ministerium sacratius, divinusque fuisse colligitur evidenter ex dotibus, quas Apostoli in illis septem viris desiderarunt, ut nimirum essent *boni testimonii, pleni Spiritu Sancto, & sapientia*; & quod illos manuum impositione consecrarent, oratione prævia. Quorum enim tot dotes, tamque sacri Ritus ad constituendos Ministros mentiarum communio: Apostolus etiam, postquam dotes Episcopis necessarias descripsit, eandem prope postulat in Diaconis 1. ad *Timotheum* cap. iii. *Diaconos* (inquit) *similiter pudicos, non bilingues, non multo vino deditos, non turpe lucrum sectantes: habentes Mysterium fidei in conscientia pura.* Et hi autem *proberunt primum, & sic ministrent* :: *Diaconi sint unus uxoris viri: qui filiis suis bene præsent, & suis domibus.* Qui enim bene ministraverint, gradum bonum sibi acquirunt.

Præterea, vi suæ Ordinationis jus habent administrandi Baptismi solenni Ritu, jus item prædicandi Evangelium, ubi id ipsis commiserit Episcopus, quod *S. Stephani* Protomartyris, & *Philippi* Diaconorum exempla probant a *S. Luca* in *Actis Apostolorum* consignata. Idque confirmant *Tertullianus* Libro *De Baptismo*, c. xvii. & Conc. Illiberritanum can. lxxvii. Plebem etiam Christianam regebant olim, sacra sui Ordinis Ministeria obeuntes in Ecclesiis, quæ propterea *Diaconie* vocabantur, ut colligitur ex eodem Concilio: & ex *Tarraconensi*, can. vii. Hinc Tituli Cardinalium Diaconorum. Hinc Episcopus Diaconos ordinandos admonens ex Romani Pontificalis præscripto, ait: *Diaconum oportet ministrare ad Altare, baptizare, & prædicare.*

Id confirmant *S. Ignatii* Martyr in Epistola ad *Trallianos*: *Oportet* (inquit) *& Diaconus, Ministros existentes Mysteriorum Jesu Christi, secundum omnem modum omnibus placere. Non enim ciborum, & potuum sunt Ministri, sed Ecclesiæ Dei Ministri.*

S. Cyprianus Epist. lxx. *Diaconos post Ascensum Domini in cælos, Apostoli sibi constituerunt Episcopatus sui, & Ecclesiæ Ministros.*

S. Hieronymus Epistola lxxv. ad *Evagrium*, scribit Diaconos veterum Levitarum vice in Ecclesia iungi, sicut Presbyteri nostri filiorum Aaron vires implent, atque ideo in illis istorum typum præcessisse. Levitæ porro Mosaicæ Legis Sacrificiis cooperabantur.

S. Isidorus Hispalensis, Lib. ii. *De Officiis Ecclesiasticis*, cap. viii. *Sine ipso Sacerdos nomina habet, officium non habet. Nam sicut in Sacerdote consecratio,*

ita in Ministro dispensatio Sacramenti . Illi orare , huic psallere mandatur . Ille oblata sanctificat , hic sanctificata dispensat . Ipsi etiam Sacerdotibus propter presumptionem non licet de Mensa Domini tollere Calicem , nisi eis traditus sit a Diacono . Levitæ inferunt Oblationes in Altaria , Levitæ componunt Mensam Domini , Levitæ operiunt Arcam Testamenti . Non enim omnes vident alta Mysteriorum , quæ operiuntur a Levitis , ne videant , qui videre non debent , & summant qui servare non possunt . Quæ verba in Concilio Aquilgranensi i. cap. vii. repetuntur .

Materia Diaconatus est Manus impositio, forma Oratio manuum impositioni adiuncta, ut constat ex Actibus Apostolorum cap. vi. *Hos statuerunt (inquit) ante conspectum Apostolorum , & orantes imposuerunt eis manus .* Et ex Conc. Carthaginensi iv. can. iv. cuius hæc sunt verba: *Diaconus cum ordinatur , solus Episcopus , qui eum benedicit , manum super caput illius ponat : quia non ad Sacerdotium , sed ad Ministerium consecratur .* Sola manuum impositio, non traditione certorum instrumentorum tunc fuisse consecratos Diaconos, probat evidenter Canon sequens, quo Subdiaconus ordinari dicitur traditione Patenæ vacuæ, & Calicis vacui, *Quia Manus impositionem non accipit ; ex quo certo colligitur , in Ordinationibus , quæ per manus impositionem fiebant , nulla instrumenta fuisse tradita .* Id confirmant antiqui Libri Rituales nongentorum annorum, qui traditionis Evangeliorum non meminerunt; uti nec Missale vetus Francorum editum a P. Mabillon; nec Græcorum Euchologia . Quin & Amalarius Lib. ii. *De Officiis Ecclesiasticis* cap. xi. & xii. Evangelii traditionem ab Ordinatione Diaconi excludit, cum de Evangelii lectione facienda in Missa a Diacono scribit : *Præximo tempore Diaconus non legebat Evangelium , quod nondum erat scriptum . Sed postquam statutum est a Patribus nostris , ut Diaconus legeret Evangelium statutum , ut & Subdiaconus legeret Epistolam .*

Diaconatus materia, & forma .

Essentialis Diaconatus materia est manuum impositio ; accidentaria & integrans, Libri Evangelio una traditio .

Non semper igitur traditus est Diaconis Evangeliorum Codex in ipsorum Ordinatione. Accessit tamen ex Ecclesiæ institutione ad materiæ integritatem huiusmodi traditio, & ad integritatem formæ præscripta verba in Romano Pontificali, dum singuli sacrum Codicem tangunt: *Accipite potestatem legendi Evangelium in Ecclesia Dei tam pro vivis , quam pro defunctis . In nomine Domini .*

Quarundam in Galliis Ecclesiarum olim mos fuit, ut in Diaconorum Ordinatione manus eorum chrismate ungerentur, ut docet Hugo Menardus in Notis ad Sacramentarium S. Gregorii, pag. 289. ex antiquo Pontificali, & ex Epistola Nicolai I. Pontificis Maximi ad Rodulphum Archiepiscopum Bituricensem.

ARTICULUS VII.

De Sacerdotio .

Tertius omniumque Sacrorum Ordinum summus est *Sacerdotium*. Qui vero illo præditi sunt, eos veteres Patres duobus nominibus vocare solent. Interdum enim *Presbyteros* appellant, quod Græce Seniores significat, non solum propter ætatis maturitatem, quæ huic Ordini minime necessaria est; sed multo magis propter morum gravitatem, doctrinam, & prudentiam. Ut enim scriptum est Sap. iv. *Senectus venerabilis est , non diuturna , neque annorum numero computata : cani autem sunt sensus hominis , & ætas senectutis vita immaculata .* Interdum vero *Sacerdotes* vocant, tum quia Deo consecrati sunt, tum quia ad eos pertinet Sacramenta administrare, sacraque res, & divinas tractare.

De Sacerdotii proprie dicti existentia.

PRæter Sacerdotium internum, & spirituale, quod S. Hieronymus in Dialogo contra Luciferianos Sacerdotium Laicorum appellat, de quo 1. Petri 11. *Et ipsi tanquam lapides vivi superædificamini, domus Spiritualis, Sacerdotium sanctum, offerre spirituales hostias, acceptabiles Deo per Jesum Christum* : Vos autem genus electum, regale Sacerdotium, gens sancta, populus acquisitionis : Et Apoc. 1. *Fecit nos Regnum, & Sacerdotes Deo, & Patri suo*. Præter hoc (inquam) Sacerdotium generale Christianorum omnium, cujus fundamentum est Baptismus, & quod in oblatione orationum, & gratiarum actionum positum est, dogma fidei est aliud esse Sacerdotium externum, & visibile a Christo Domino institutum ad sacrificandum, & offerendum Deo Corpus, Sanguinemque suum. Unde Conc. Nicænum can. xiv. Diaconos potestatem habere negat offerendi Corpus Christi, eamque solis convenire Presbyteris asserit. *Pervenit ad sanctum Concilium (inquit) quod in locis quibusdam, & civitatibus, Presbyteris Sacramenta Diaconi porrigant. Hæc neque Regula, neque consuetudo tradidit, ut hi, qui offerendi Sacrificii non habent potestatem, his, qui offerunt, Corpus Christi porrigant.*

Joan. 3. & 6.

S. Jo: Chrysostomus Libro 111. De Sacerdotio, Christi Corpus, & Sanguinem aliter confici negat quam manibus Sacerdotum. *Nam si non potest quis in Regnum celorum ingredi, nisi per aquam, & Spiritum regeneratus fuerit : & qui non manducat Carnem Domini, & Sanguinem ejus non bibit, eterna vita privatur : omnia autem hæc haud aliter, quam per sanctas illas manus perficiuntur, manus, (inquam) Sacerdotum : qui fiet, ut circa illarum opem aut gebennæ ignem evitare quis possit, aut repositæ in cælo corone præmia assequi?*

S. Hieronymus in Dialogo adversus Luciferianos, Orthodoxum inducit sic loquentem : Hilarius cum Diaconus de Ecclesia recesserit, solusque, ut putat, turba sit Mundi, neque Eucharistiam conficere potest, Episcopus, & Presbyteros non habens, neque Baptisma sine Eucharistia tradere : & cum jam homo mortuus sit, cum homine pariter interit & Sella : quia post se nullum Clericum Diaconus potuit ordinare. Ecclesia autem non est, quæ non habeat Sacerdotes.

Conc. Lateranenfe 111. sub Innocentio 111. can. 1. de Eucharistia loquens *Hæc utique Sacramentum (inquit) nemo potest conficere nisi Sacerdos fuerit, rite ordinatus, secundum claves Ecclesiæ, quas ipse concessit Apostolis, & eorum Successoribus Jesus Christus.*

Concilium Tridentinum sess. xxiii. cap. 1. *Sacrificium, & Sacerdotium ita Dei Ordinatione conjuncta sunt, ut utrumque in omni Lege extiterit. Cum igitur in Novo Testamento Sanctum Eucharistiæ Sacrificium visibili ex Domini institutione Catholica Ecclesia acceperit ; fateri etiam oportet in ea novum esse, visibile, & externum Sacerdotium, in quod vetus translatus est : hoc autem ab eodem Domino Salvatore nostro institutum esse, atque Apostolis, eorumque Successoribus in Sacerdotio, Potestatem traditam consecrandi, offerendi, & ministrandi Corpus, & Sanguinem ejus, necnon & peccata remittendi, & retinendi, Sacra Litteræ ostendunt, & Catholicæ Ecclesiæ Traditio semper docuit.*

Et Canone 1. *Si quis dixerit, non esse in Novo Testamento Sacerdotium visibile, & externum ; vel non esse Potestatem aliquam consecrandi, & offerendi verum Corpus, & Sanguinem Domini, & peccata remittendi, & retinendi : sed officium tantum, & nudum ministerium prædicandi Evangelium vel eos, qui non prædicant, prorsus non esse Sacerdotes ; Anathema sit.*

Et

Et Canone iv. *Si quis dixerit, Per sacram Ordinationem non dari Spiritum Sanctum, ac proinde frustra Episcopum dicere: Accipe Spiritum Sanctum; aut per eam non imprimi Characterem; vel eum, qui Sacerdos semel fuit, Laicum rursus fieri posse; Anathema sit.*

Sacerdotii duplicis discrimen, interni scilicet, ac externi, Concilii Trid.

„ Catechismus perspicuis verbis explicat. Quod igitur (inquit) ad interius

„ Sacerdotium attinet, omnes Fideles, postquam salutari aqua abluti sunt,

„ Sacerdotes dicuntur; præcipue vero iusti, qui Spiritum Dei habent, & di-

„ vinx gratiæ beneficio Jesu Christi, Summi Sacerdotis, viva membra ef-

„ fecti sunt. Hi enim fide, quæ charitate inflammatur, in Altari mentis

„ suæ spirituales Deo hostias immolant: quo in genere bonæ omnes, & ho-

„ nestæ actiones, quas ad Dei gloriam referunt, numerandæ sunt. Quare

„ in Apocalypsi ita legimus: *Christus lavit nos a peccatis nostris in sanguine*

„ *suo, & fecit nos Regnum, & Sacerdotes Deo, & Patri suo.* In quam sen-

„ tentiam ab Apostolorum Principe dictum est: *Ipsi tanquam lapides vivi su-*

„ *perædificamini, domus spiritualis, Sacerdotium sanctum, offerre spirituales ho-*

„ *stias, acceptabiles Deo per Jesum Christum.* Et Apostolus nos hortatur, *Ut*

„ *exhibeamus corpora nostra hostiam viventem, sanctam, Deo placentem, rationa-*

„ *bile obsequium nostrum.* David item multo ante dixerat: *Sacrificium Deo spi-*

„ *ritus contribulatus: cor contritum, & humiliatum Deus non despiciet.* Quæ

„ omnia ad interius Sacerdotium spectare, facile intelligitur.

„ Externum vero Sacerdotium non omnium Fidelium multitudini, sed

„ certis hominibus convenit, qui legitima manuum impositione, solemn-

„ busque S. Ecclesiæ cæremoniis instituti, & Deo consecrati, ad aliquod

„ proprium, sacramque Ministerium adscribuntur.

„ Hoc Sacerdotii discrimen in Veteri etiam Lege observari potest: nam

„ de interiori Davidem locutum esse, paulo ante demonstratum est. Exter-

„ ni vero nemo ignorare potest, quam multa Dominus Moyse, & Aaroni

„ præcepta dederit. Præterea, universam Leviticam Tribum Ministerio

„ Templi adscripsit, ac lege cavit, ne quis ex alia Tribu in eam functio-

„ nem se inferre auderet: quare Ozias Rex lepra percussus, quod Sacerdo-

„ tale munus usurpasset, arrogantiae, & sacrilegii sui gravissimas pœnas de-

„ dit. Quia igitur eandem Sacerdotii distinctionem in lege Evangelica licet

„ animadvertere, de Sacerdotio externo hic agimus, quod certis hominibus

„ attributum est: Hoc enim tantummodo ad Ordinis Sacramentum perti-

„ net.

„ Præclare hoc argumentum explicat *Guillelmus Parisensis*, Tractatu *De Sa-*

„ *cramento Ordinis*, cap. iv. Sicut (inquit) non est Procurator, nisi con-

„ stitutus ab ipso domino litis, seu causæ, ita non est Sacerdos Procurator

„ Ecclesiæ quantum ad interpellandi officium, nisi ab Ecclesia constitutus.

„ Iterum, sicut Procuratorem non facit gratia ipsius, quam habet apud Prin-

„ cipem, sed constitutio, & mandatum ejus, qui causam agit coram ipso

„ Principe: esse autem Sacerdotem, est esse Procuratorem, quantum ad Of-

„ ficiam interpellandi: manifestum ergo est, quod Sacerdotem non facit

„ gratia, seu sanctitas, quantacumque illa sit cujuscumque personæ apud

„ Deum, sed constitutio, & mandatum Ecclesiæ, quod ei datur ad inter-

„ pellandum. Nuncium non facit deportatio litterarum, sed missio: idem

„ autem est constitutio Sacerdotum, & Ordinatio, sive Missio interpellan-

„ tium. Si virtus, & fortitudo bellica non faciunt Militem, sed adscriptio

„ Ducis, & institutio, nec potestas super decem Milites Decurionem, sed

„ ipsa Principis electio, & constitutio: ita gratia, & potestas impetrandi

„ non faciunt Sacerdotem, sed Ordinatio. Sicut Advocatum publicum non

„ scien-

Interni, ex-
ternique Sa-
cerdotii di-
scrimen.

Apoc. 1.

1. Petri 2.

Rom. 12.

Psal. 50.

„scientia Juris; aut eloquentia, nec etiam ipsa iustitia facit: esse autem Sacerdotem, est esse publicum Advocatum in causis Animarum; ergo nec scientia juris cœlestis, nec sacra eloquentia, nec ipsa spiritalis iustitia facient Sacerdotem: sed quemadmodum ibi constitutio principalis, ita & hic constitutio Pontificis, idest Ecclesiæ ministerio illius. Et quemadmodum non licebat, cuiquam usurpare publici Advocati Officium, & si usurparet, repelleretur, nisi electus esset ad hoc, & institutus; sic nulli licet usurpare publicæ interpellationis officium, hoc est Sacerdotale. Non negamus autem quin omnis vir sanctus, & in conspectu Dei gloriosus orare, pro omnibus teneatur, & quin apud Deum propter Divinæ Misericordiæ divitiis audiat: sed auditur ut amicus, & filius, & orat similiter, utque interpellat; non autem ut Procurator, ut Nuncius universalis Ecclesiæ, neque ut ab ea missus ad hoc, quod est proprium Sacerdotalis Ordinis officium. Quis enim dubitat juxta Reges, & Principes esse pauperum, & oppressorum interpellatores, & hoc non per officium ad hoc publice institutos, sed magis benevolentia, & miseratione ad hoc promptos? Nec cum eo rogatu ipsi rogant Principes, propter hoc Nuncii, aut Procuratores sunt miserorum, &c.

§. I I.

De Presbyteratus Materia, & forma, sacrisque Ceremoniis.

I. **M**ateria Presbyteratus est manuum impositio. Eam enim actionem esse huic Ordinationi substantialem, colligitur ex Scriptura Sacra, quæ solam manuum impositionem, & orationem commemorat: cum Ordinationis sacræ meminit, 1. ad *Timotheum* cap. iv. & v. & ii. ad *Timotheum* cap. iv. Solam manuum impositionem commemorant omnes antiqui Libri Rituales, omnesque Patres Latini, & Græci: Traditionis Instrumentorum non meminerunt. Græci legitime, & valide Presbyteros consecrant: semper Ecclesia Romana eorum Ordinationes probavit: & tamen apud eos incognita est ista Instrumentorum traditio, semperque incognita fuit. Ea igitur non pertinent ad Sacerdotalis Ordinationis substantiam.

Presbyteratus materia essentialis, manuum impositio Episcopalis, forma essentialis oratio.

Traditionem Instrumentorum a Græcis in Ordinatione Presbyteri non fuisse usurpatam antiquitus, probat silentium Constitutionum Apostolis inscriptarum, & *S. Dionysius* in Libris *De Ecclesiastica Hierarchia*, ubi de Ritibus sacræ Ordinationis agunt. Idem colligitur ex Ordinatione *Salomani* Eremitæ Sanctissimi, quam *Theodoretus* commemorat in *Historia Religiosa*, cap. xix. Porro (inquit) Pontifex civitatis, cujus erat vicus, cum viri didicissent virtutem, accessit, volens ei donum dare Sacerdotii; & domuncule per fossa aliqua parte est ingressus, manumque imposuit, & peregit precationem. Et sepe quidem ei dixit, & quæ ad eum advenerat, gratiam significavit. Ex hoc testimonio perspicuum est, ad Sacerdotii Ordinem tradendum nihil apud Orientales præter Orationem, & Episcopalem manuum impositionem requisitum fuisse. Si enim tradita fuissent Sancto illo Monacho Calix cum vino, Pate-na cum Hostia, procul dubio se factum Presbyterum ignorare non potuisset: imo factus Presbyter non fuisset. Tangere namque instrumenta recuisset, aut vis illi ad contactum inferenda fuisset, quod factum *Theodoretus* non commemorat.

Idem confirmat Ordinationis similis historia, ejusdem Libri cap. xiii. relata, *Macedonii* scilicet hominis simplicissimi, & Solitarii. Scribit enim *Theodoretus*, eum Ordinatione facta nescivisse prorsus quid contigisset: cum autem adstantium aliquis hoc indicasset, gravissime excanduisse, & obvios convitiis, & baculo, cui innitebatur, lacessivisse.

Idem

Idem colligitur ex *S. Hieronymo* in cap. LVIII. *Isaie*, ad Versum 9. *Plerique nostrorum* (inquit) *ἁποσταλῶν*, idest, Ordinationem Clericorum, quæ non solum ad imprecationem vocis, sed ad impositionem impetratur manus, ne scilicet, ut in quibusdam risimus, vocis imprecatio clandestina Clericos ordinat nescientes, sic intelligunt, ut assumant testimonium Pauli scribentis ad *Timotheum*: *Manus cito nemini imposueris*, &c. Si tum instrumentorum usus viguisset, ejusmodi clandestinas Ordinationes, quibus nescientes consecrabantur, nemo tentare potuisset. Manus enim variis de causis imponuntur, ideo facile potest, quis etiam manus imponens ordinatum celare, præsertim cum sine contactu imponi possint. Non ita vero latere potest Ordinatum Instrumentorum traditio.

Præterea, antiqui Libri Rituales Latini, non secus ac Græci, istorum Instrumentorum, & verborum, quæ pronuntiari solent cum Ordinandis traduntur, *Accipe potestatem offerendi Sacrificium Deo*, &c. nullatenus meminerunt, uti nec *S. Isidorus*, *Amalaricus*, *Rabanus Maurus*, *Vvalafridus Strabo*, licet de Officiis Ecclesiasticis uberrime scripserint. Concilium Carthaginense IV. Can. 111. solam manuum impositionem, & Orationem pro materia, & forma Sacerdotalis Ordinationis agnoscit. *Presbyter* (inquit) *cum ordinatur, Episcopo eum benedicente, & manum super caput ejus tenente, etiam omnes Presbyteri, qui præsentibus sunt, manus suas juxta manum Episcopi super caput illius teneant*. Manus itaque impositio, & Oratio ipsi adjuncta, quam repræsentant omnes Libri Rituales antiqui, recentiores, hodierni, quæ in antiquis inscribitur, *Consecratio*, & in Romano Pontificali notatur ad modum Præfationis, est materia, & forma essentialis Presbyteratus. Denique Concilium Tridentinum eandem sententiam confirmat Sessio XIV. cap. 111. ubi Extremæ Unctionis Ministros docet esse solos Episcopos, *Aut Sacerdotes ab ipsis rite ordinatos per Impositionem Manuum Presbyteris*. Prior igitur illa manuum impositio ab Episcopo, & deinde ab omnibus Presbyteris adstantibus facta super caput cujuslibet ordinandi, vicem materiz subit, Oratio adjuncta vicem formæ: atque ad substantiam Sacerdotalis Ordinationis pertinet.

II. Post hanc manuum impositionem, & adjunctas Orationes, Episcopus Stolum humeris Ordinandorum aptans, eam ante pectus in formam Crucis componit: quo Ritu declarat, Sacerdotem virtute indni ex alto, qua possit Crucem Christi Domini, & jugum suave divinæ Legis perferre, eamque non verbis solum, sed & vitæ sanctissime, & honestissime actæ exemplo tradere. Quamobrem stolum singulis hunc in modum imponens, & aptans, ait: *Accipe jugum Domini: jugum enim ejus suave est, & onus ejus leve*. Jugum appellatur Potestas excellentior, quam recipit Ordinandus, quia in Ecclesia Dei quanto quisque dignitate sublimior est, tanto humilior esse debet, ac subjectioni. Qua nota Ecclesiastica Potestas a Laica distinguitur, secundum illa Christi verba: *Reges gentium dominantur eorum; Vos autem non sic*. Luc. 22. 25.

III. Imponit deinde Episcopus cuilibet Ordinando successive Catulam usque ad scapulas, quam quilibet tenet super humeros complicatam, a parte anteriori dorsum dependentem, singulis dicens: *Accipe Vestem Sacerdotalem, per quam charitas intelligitur: potens est enim Deus, ut augeat tibi charitatem, & opus perfectum*. Charitatem ergo casula significat: quia vero charitas Deum versus, & proximum extendi debet, a parte anteriori primum explicatur, quo significatur affectus in Deum: postea explicatur a parte posteriori, quo affectus erga proximum indicatur.

IV. Post hæc, manus Ordinandorum sacro Oleo inungit, hunc in modum orans: *Consecrare & sanctificare digneris, Domine, manus istas per istam unctionem, & nostram benedictionem*, &c. Quæ unctio dum perficitur, canitur

tur Hymnus, *Veni Creator Spiritus*. Unguntur autem manus in forma Crucis; quia Spiritus Sanctus fons est benedictionum omnium, quas Passione, & morte sua in Cruce Christus nobis promeruit. Hunc Unctionis Ritus in Ordinatione Presbyteri non semper fuisse in Ecclesia usurpatum, colligitur ex Epistola xxxix. Nicolai I. ad Rodulphum Episcopum Bituricensem, a quo interrogatus sic respondet: *Præterea sciscitaris utrum solis Presbyteris, an & Diaconibus debeant, cum ordinantur, manus Chrismatis liquore perungi. Quod in Sancta hac Romana, cui Deo Auctore deseruimus, Ecclesia neutris agitur. Sed & quia sit a Novæ Legis Ministris actum, nusquam, nisi nos siliat oblitio, legimus.* Hunc Nicolai I. locum refert Ivo Carnotensis in Decreto Parte vi. cap. cxxi. & Gratianus dist. xxiii. Can. xii. Id confirmant antiquissimi Libri Rituales duo exquisite Romani, a Morino laudati P. iii. *De Sacris Ordinationibus*, Exercitatione vi. qui Unctionis in Presbyterorum Ordinatione non meminerunt. Hunc tamen Ritus in Ecclesia Gallicana fuisse ab antiquo receptum probat laudata Nicolai I. Epistola, confirmant *Amararius* Lib. ii. *De Officiis Ecclesiæ*, cap. xiiii. & *Theodulphus* Episcopus Aurelianensis in Capitulari ad Ecclesiæ suæ Presbyteros.

V. Omnium, & singulorum manibus unctis, & consecratis, Episcopus tradit cuilibet successive Calicem cum vino, & aqua, & Patenam superpositam cum Hostia, singulis dicens: *Accipe potestatem offerre Sacrificium Deo, Missæque celebrare, tam pro vivis, quam pro Defunctis. In Nomine Domini.* In Ritualibus antiquioribus ante annos septingentos hæc non habentur; in Ordine Romano edito, & in recentioribus leguntur, ut observat *Joannes Morinus*. Vir doctissimus P. iii. *De Sacris Ordinationibus*, Exercitatione vii. cap. i. Documentum hoc esse potestatis acceptæ, & pignus exercendæ, docet *Hugo a Sancto Victore* Lib. ii. *De Sacramento Fidei*, P. iii. cap. xii. *Accipiunt* (inquit) & Calicem cum vino, & Patenam cum Hostiis de manu Episcopi: quatenus his Instrumentis potestatem se accepisse agnoscant, placabiles Deo Hostias offerendi. Eodem modo loquitur *Magister Sententiarum* Lib. iv. dist. xxiv. S. *Thomas* eadem dist. qu. i. art. iiii. aliter censet. *Per manus impositionem* (inquit) datur plenitudo gratiæ, per quam ad magna Officia sunt idonei; & ita solis Diaconibus, & Sacerdotibus fit manus impositio; quia eis competit dispensatio Sacramentorum; quamvis uni ut principali, alteri sicut Ministro: sed Unctione ad aliquod Sacramentum tradendum consecrantur: & ideo Unctio solis Sacerdotibus fit, qui propriis manibus Corpus Christi tangunt.... Sed potestatis collatio fit per hoc, quod datur eis aliquid quod ad proprium actum pertinet: & quia principalis actus Sacerdotis est consecrare Corpus, & Sanguinem Christi, ideo in ipsa datione Calicis sub forma verborum determinata Character Sacerdotatus imprimitur. Ut ut est de Scholastica illa Quæstione, cum Romanum Pontificale hunc Ritus præscribat, & traditionem illam Instrumentorum, verbaque præscripta, *Accipe potestatem*, &c. partialis saltem materiæ, ac formæ vices in Ordinatione Sacerdotali habere Theologi vulgo doceant, post *Eugenium IV.* in Decreto pro Instructione Armenorum, ad materiæ, formæque integritatem illa pertinere censendum est, Christus scilicet materias, & formas Ordinationum Sacrarum in genere tantum sic instituisse Theologis, plerisque doctissimis videtur, ut ex Ecclesiæ institutione, ac usu speciale aliquod pro materia, & forma addi posset; cujus omissio Ordinationem irritam redderet.

VI. Tandem manus super singulorum capita impositis, Episcopus hæc verba profert: *Accipite Spiritum Sanctum, quorum remisistis peccata, remittantur eis; & quorum retinueritis, retenta sunt: eisque cœlestem illam, quam*

Traditio Instrumentorum, verbaque illi respondentia, ad materiæ & formæ integritatem accessere.

quam Dominus Discipulis suis dedit, peccata retinendi, ac remittendi potestatem tribuit.

Postrema hæc manuum impositio, hæcque verba illi adjuncta, cum Græcis ignota sint, ut ex eorum Euchologiis patet: cum etiam absint ab antiquis Ecclesiæ Latinæ Ritualibus ante duodecimum sæculum scriptis, ut probat *Joannes Morinus* P. 111. *De Sacris Ordinationibus*, Exercitatione VII. c. 11. ad substantiam Sacerdotalis Ordinationis non pertinent, sed ad materiam, formæque integritatem. Unde si quis horum Rituum, qui ad materiam, vel formam pertinent, secundum varias Theologorum opiniones, in Ordinatione fuisset omisus, verbi gratia, manuum impositio prima, vel adjuncta Oratio; aut Calicis cum vino, & aqua, & Patenæ cum Hostia traditio, adjunctave formula verborum; aut unctio; aut denique manuum impositio postrema, vel hæc verba ipsam concomitantia, *Accipite Spiritum Sanctum*, &c. supplere deberet Episcopus, quod in Ordinatione fuisset incaute prætermisum, ut colligitur ex cap. *Pastoralis*, & ex cap. *Presbyter*, Extra, *De Sacramentis non iterandis*, quod Gregorii IX. Rescriptum est. *Presbyter* (inquit) & *Diaconus* cum ordinantur, *Manus impositionem tactu corporali, Ritum ab Apostolis introducto, recipiant*; quod si omisum fuerit, non est aliquatenus iterandum, sed statuto tempore ad huiusmodi Ordines conferendos, caute supplendum, quod per errorem extitit prætermisum.

§. III.

De Sacerdotalis Ordinis Dignitate, & Excellentia.

Sacerdotalis Ordinis dignitas, & excellentia ex ejus Officio intelligitur, quod in eo positum est, ut circa Corpus Christi versetur. Est autem Corpus Christi duplex: Verum, quod a Sacerdote consecratum offertur in Altari, ac sumere volentibus distribuitur: & Mysticum, quod est Ecclesia, (ut superius diximus.) *Unus enim panis, unum corpus multi sumus, qui de uno Pane participamus.* Circa utrumque versatur Sacerdotis officium, cui varia, & multiplex potestas conceditur. Nam quod attinet ad verum Christi Corpus, datur illi potestas consecrandi, offerendi, & iis, qui sumere volunt, distribuendi: idque ex institutione Christi, qui in Cæna illa novissima Sacerdotes instituens secundum ordinem Melchisedech, ac dicens, *Hoc facite in meam commemorationem*, potestatem hanc illis largitus est. Quod vero attinet ad Mysticum Christi Corpus, scilicet Ecclesiam, datur illis potestas baptizandi, datur illis potestas absolvendi. Apostolus 1. ad Corinthios 14. vocat Sacerdotes *Ministros Christi, & Dispensatores Mysteriorum Dei*. Quale sit autem Sacerdotis Ministerium docet 11. ad Corinthios 5. cum ait: *Deus nos reconciliavit sibi per Christum, & dedit nobis ministerium reconciliationis. Quoniam quidem Deus erat in Christo mundum reconcilians sibi, & non reputans illis delicta ipsorum, & posuit in nobis verbum reconciliationis. Pro Christo enim legatione fungimur, tanquam Deo exhortante per nos. Obsecramus pro Christo, Reconciliamini Deo.* Hoc legationis munus tunc mandavit Christus Apostolis, & eorum Successoribus, cum post iteratam salutationem, *Pax vobis*, dixit: *Sicut misit me Pater, & ego mitto vos.* Quomodo enim, vel ad quid misit Filium Pater, nisi, ut inter Deum, & homines pacem faceret? Ad hoc igitur ipsum suos in universum orbem Filius misit Sacerdotes, & Episcopos, ut eorum Ministerio reconciliarentur Deo, si qui se ab illo disjunctissent, peccatisque suis eum offendissent. Quamobrem repetita vice dixit, *Pax vobis*, ut indicaret, & pacem se fecisse illis, & pacem se per illos mittere nobis. Sacerdos igitur nihil aliud est, quam Christi Legatus: qua etiam ex causa dictus est a Propheta, *Angelus Domini exercituum.* Quando

Si quis Rituum, qui ad materiam, vel formam sacramentum Ordinationis pertinent, secundum varias Theologorum opiniones, omisus fuerit, Ordinatione non est iteranda, sed Ritus ille ab Episcopo supplendus tempore ad ordines conferendos statuto.

1. Cor. 10. 17.

Divinum
Sacerdotum
ministerium

Dispensatores
Mysteriorum Dei.

Joan. 20. 21.

Sacerdotes
Christi Legati.

Malach. 2.

do autem Christi Legatum dicimus esse Sacerdotem, & Capitis, & corporis legatione fungi intelligimus. *Totus enim Christus Caput, & Corpus*, ut sæpe S. Augustinus inculcat. Pro Christo capite legatione fungitur Sacerdos, quando ex loco superiore verba facit ad Populum, & Christi Dei, ac Salvatoris nostri voluntatem explicat; simul obsecrat Christi nomine, ut vitia sua detestari, atque ab illis averſi, Deo reconciliantur. Pro Christi Corpore, id est, Ecclesia, legatione fungitur, quando stans ad Altare, eam, quæ perſuſum pro nobis in Cruce Christi Sanguinem facta est, reconciliationem Deo Patri offerens, supplex rogat nomine totius Ecclesiæ, ut illius reconciliationis virtute Populo suo propitius esse, ac fructum illius ipsi applicare velit. Sic Jeremie xlii. legimus, quod missus fuerit ab universo Populo, ut oraret pro illis ad Dominum Deum suum, illisque Dei nomine annuntiaret viam, per quam pergerent. *Et dixerunt ad Jeremiam: Sit Dominus inter nos testis veritatis, & fidei, si juxta omne verbum, in quo miserit te Dominus Deus tuus ad nos, sic faciemus. Sive bonum est, sive malum, voci Domini Dei nostri, ad quem mittimus te, obediemus, ut bene sit nobis, cum audierimus vocem Domini Dei nostri.* Sic ille deferebat preces populi ad Deum, & vicissim Populo voluntatem Dei annuntiabat. Hinc Sacerdotem Mediatorem Dei, & hominem SS. Patres appellant, Hieronymus scilicet in cap. i. Malachiæ, *Chrysostomus* Homilia v. De verbis Isaïæ, & Libro iiii. De Sacerdotio, *Ambrosius* Epistola ad Ecclesiam Vercellensem. *Cyrillus Alexandrinus* Libro ii. De recta Fide ad Reginas. S. Augustinus Epistola cxlix. alias lxxix. ad Paulinum, respondens quintæ Quæstioni: *Tunc* (inquit) *Antistites velut Advocati, susceptos suos per manus impositionem misericordissime offerunt Potestati.* Summus Pontifex *Celestinus I.* Epistola i. cap. xi. *Cum sanctorum* (inquit) *plebium Præsules mandata sibi legatione funguntur, apud divinam clementiam humani generis causam agunt; & tota secum congenscente Ecclesia postulant, & precantur, ut Infidelibus donetur Fides, &c.* Sacerdos itaque reconciliationis est Minister, non solum cum prædicat Evangelium, verum etiam cum baptizat, cum Pœnitentem absolvit, cum Eucharistiæ Sacramentum porrigit, cum orat pro peccatis Populi, cum Corporis, & Sanguinis Christi Sacrificium offert, agitque, ut commissus sibi Populus reconciliationis in Cruce factæ fructum consequi possit. Verus tamen Mediator, & reconciliator Christus est, cui dictum est: *Tu es Sacerdos in æternum secundum ordinem Melchisedech*; ille, de quo dictum est, quod *Factus est propitiatio pro peccatis nostris.* Ille est, qui baptizat, qui peccata remittit, qui reconciliat, qui interpellat pro nobis. Ille est, qui offert Corporis, & Sanguinis sui Sacrificium in Altari. Ipse Sacerdos, & Sacrificium, unum cum eo, qui offertur, unum cum iis, pro quibus offertur: ut minime diversum sit illius a nostro Sacerdotio, & Sacrificio. Sicut enim Episcopi, & ejus Vicarii unum tribunal esse dicitur, sic omnium Sacerdotum, & Christi unum Sacerdotium, unum Sacrificium est. Sicut igitur in prædicando Evangelio non est Sacerdotis, nisi ministerium: non enim Sacerdos est qui loquitur, sed Spiritus Patris cœlestis, qui loquitur in illo: quod etiam testatur S. Paulus dicens: *An experimentum queritis istius, qui loquitur in me Christus? Sicut in baptizando non est Sacerdotis nisi ministerium: solus enim Christus vere baptizat, & a sordibus abluit peccatorum, de quo dictum est in Evangelio, Hic est, qui baptizat. Sicut in remittendis peccatis non est Sacerdotis, nisi ministerium: recte enim dixerunt, Quis adest dominare peccata, nisi solus Deus? Sic in consecratione, sic in oblatione, sic in distributione Eucharistiæ non est Sacerdotis, nisi ministerium. Cum Sacerdotem videris offerentem* (inquit S. Jo. Chrysost.) *ne tu Sacerdotem esse putas hoc facientem, sed Christi manum invisibiliter extendam.*

Et alibi: Non sunt humanæ virtutis hæc opera. Qui tunc in illa Cœna confecit, ipse nunc quoque operatur, ipse perficit. Ministrorum nos ordinem tenemus, qui vero hæc sanctificat, & transmutat, Ipse est. Hinc S. Leo Epist. LX. alias XL. ad Anatolium cap. 11. scribit: Aliter in Ecclesia Dei, quæ Corpus est Christi, nec rata sunt Sacerdotia, nec vera Sacrificia, nisi in nostræ proprietate naturæ verus nos Pontifex reconciliet, verus Immaculati Agni Sanguis emundet. Qui licet in Patris sit dextera constitutus, in eadem tamen carne, quam sumpsit ex Virgine, Sacramentum Propitiationis exequitur, dicente Apostolo; Christus Jesus, qui mortuus est, imo & qui resurrexit, qui est in dextera Dei, qui etiam interpellat pro nobis.

Rom. 8.

Sacerdotum Novæ Legis dignitatem præclare demonstrat. S. Jo: Chrysostomus in Libris De Sacerdotio, præsertim Lib. 111. Sacerdotium ipsum (inquit) in terra peragitur, sed in rerum cœlestium classem, ordinemque referendum est. Quippe non mortalis quisquam, non Angelus, non Archangelus, non alia quævis creata potentia, sed ipse Paracletus ordinem humani generis disposuit: qui mortalibus hominibus, etiamnum in carne manentibus auctor fuit, ut Angelorum Ministerium animo conciperent. Idcirco necesse est Sacerdotem sic esse purum, ut si in cœlis ipsis collocatus inter cœlestes illas Virtutes medius staret. Terribilia namque, atque horrida fuisse ferunt, quæ gratiæ tempus præcesserunt: quod genus fuerit tintinnalula, mala punica, lapides pectori Sacerdotis, alique superhumerali ejusdem superpositi, mitra, cidaris, vestis ad pedes usque demissa, lamina aurea, Sancta Sanctorum, ingens intus quies, atque silentium. At vero, si quis ea, quæ gratiæ tempus nobis advexit, examinet, terribilia, atque horrida, quæ dixi, judicabit esse admodum levia. Nam dum conspici Dominum immolatum, & Sacerdotem Sacrificio incumbentem, & preces fundentem, tum vero turbam circumfulam pretioso illo Sanguine intingi, etiamne te inter mortales versari, atque in terra consistere censet? An non potius e vestigio in cœlos transferri? Pono ob oculos Eliam, & infinitam turbam circumfulam, & Sacrificium lapidibus superpositum; tum vero aliquos omnes admodum quietos, ac taciturnos, solum autem Prophetam preces fundentem, secundum id flammam repente e cœlo delapsam, Sacrificiumque ipsum lambentem: mira sunt ista prædicto, ac stupore omni plena. Ab illis ergo Sacris ad nostra te transfer: nec ea mira modo esse videbis, sed etiam omnem stuporem excedentia. Adest enim Sacerdos non ignem gestans, sed Spiritum Sanctum. Is preces diurnas fundit, non quo flamma cœlitus delapsa Sacra apposita absumat; sed ut gratia in Sacrificium influens per illum ipsum omnium animos inflammet, & puriores reddat argento rene excocto, purgatoque.

Et infra: Iis, qui terram incolunt, commissum est, ut ea, quæ in cœlis sunt, dispendent: iis datum est, ut potestatem habeant, quam Deus optimus neque Angelis, neque Archangelis datam esse voluit. Neque enim ad illos dictum est: Quæcumque alligaveritis in terra, erunt alligata & in cœlo: & quæcumque solveritis in terra, erunt soluta & in cœlo. Habent quidem & terrestres Principes vinculi, potestatem, verum corporum solum. Id autem, quod dico Sacerdotum vinculum, ipsam etiam Animam contingit, atque ad cœlos usque pervadit: usque adeo, ut quæcumque inferno Sacerdotes confecerint, illa Deus superne rata habeat, ac fervorum Sententiam Dominus confirmet. Etenim quidnam hoc esse dicas, nisi omnem rerum cœlestium potestatem illis a Deo concessam?

Sacerdotum
Novæ Legis
dignitas a S.
Chrysostomo
explicatur.

Matth. 16.

Joan. 20. „ Quorumcumque, ait, peccata remiseritis, remittuntur eis, & quorumcum-
 „ que retinueritis, retenta sunt. Quænam obsecro potestas hac una major
 Joan. 5. 22. „ esse queat? Pater omne iudicium Filio dedit: Ceterum video ipsum om-
 „ ne iudicium a Deo Filio illis traditum. Nam quasi jam in cælum trans-
 „ lati, ac supra omnem humanam naturam positi, atque nostris ab affecti-
 „ bus exempti, sic illi ad Principatum istum perducti sunt. Quid multa?
 „ Rex aliquis si cui ex subditis suis hunc honorem detulerit, ut potesta-
 „ tem habeat quoscumque velit in carcerem conjiciendi, eosdemque rursus
 „ laxandi, beatus ille, & admirandus iudicio omnium fuerit. At vero,
 „ qui a Deo tanto majorem acceperit potestatem, quanto cælum terra pre-
 „ tiosius est, quanto etiam animæ corporibus præstant, hic vilem eo us-
 „ que dignitatem accepisse nonnullis videri debet, ut vel in illorum cogi-
 „ tationem descendere queat, reperiri posse aliquem ejus eorum numero,
 „ quibus tanta illa fuerint a Deo concredita, cui ipsi munus suum sordescat,
 „ quique donum sibi a Deo datum despiciat? Insania manifesta est
 „ despiciere tantum Principatum, sine quo neque salutis, neque promissio-
 „ rum bonorum compotes fieri possumus. Nam si non potest quis in Re-
 „ gnum cælorum ingredi, nisi per aquam, & Spiritum regeneratus fuerit:
 „ & Qui non manducat Carnem Domini, & Sanguinem ejus non bibit,
 „ æterna vita privatur: omnia autem hæc haud aliter, quam per sacrosan-
 „ ctas illas manus perficiuntur, manus (inquam) Sacerdotum: qui fiet, ut
 „ citra illarum opem gehennæ ignem evitare quis possit, aut repositæ in
 „ cælo coronæ præmia assequi? Hi enim sunt, quibus tum concredita sunt
 „ spirituales parturigines; tum etiam Baptismatis partus a Deo est com-
 „ missus: per hos Christum induimus, una cum Dei Filio sepelimur, bea-
 „ ti illius Capitis membra efficimur. quo nomine Sacerdotes merito non
 „ modo vereri plus debemus, quam vel Principes, vel Reges, verum et-
 „ iam majori honore, quam parentes proprios honestare. Hi enim ex san-
 „ guinibus, & voluntate carnis nos genuerunt: illi vero auctores nobis
 „ sunt nativitatæ ejus, quam a Deo habemus, beatæ regenerationis illius,
 „ libertatis veræ, atque adoptionis ejus, qua nos per gratiam filii Dei su-
 „ mus effecti. Corporis lepram purgare, seu verius dicam, haud purgare
 „ quidem, sed purgatos probare, Judæorum Sacerdotibus solis licebat: at
 „ vero nostris Sacerdotibus, non corporis lepram, verum animæ sordes,
 „ non dico purgatas probare, sed purgare prius concessum est. Quare,
 „ qui istos despiciunt contemnuntque, multo sceleratiores, ac majori sup-
 „ plicio digni fuerint, quam Dathan una cum suis omnibus. Illi enim,
 „ tametsi Principatum ad se non spectantem sibi vindicabant, tamen mi-
 „ ram quamdam de eo Principatu opinionem animo conceperant: id quod
 „ declaravit ingens rei concupitæ studium. Hi autem tum cum jam Sacer-
 „ dotalis Honos incrementum, ornatum, præstantiam magnam acceperit,
 „ contra quam illi, sed tamen multo majora audent. Neque enim perinde
 „ est ad despicientiæ rationem subducendam, honorem aliquem indebitum
 „ appetere, & tot, tantaque bona fastidire: verum facinus hoc tanto est
 „ illo gravius, quanto inter se dissident intervallo fastidium, & admira-
 „ tio.

Sacerdotes
contemnere
quam peri-
culosum.

1. ebr. 13. 17.

Quam vero periculosum sit Sacerdotes contemnere, aut ob pravos mores eo-
 rum dignitati, & auctoritati insultare, S. Jo: Chrysostomus rursus exponit Hom.
 11. in secundam Epistolam ad Timotheum. *Hæc est* (inquit) *malorum omnium*
causa, quod Rectorum auctoritas perit, nulla illis reverentia habetur, nullus bo-
nor, nullus metus. Obedite, inquit, Præpositis vestris, & subditi estote illis.
 „ At nunc perversa, & confusa sunt omnia. Neque istud Præpositorum gra-
 „ tia

tia dico. Quid enim illi de nostro honore lucrantur, nisi in quantum obtemperantes habebunt, idque pro utilitate nostra? Hic enim licet honorentur, nihil ex honore in futurum lucrantur, majoremque damnationem inde suscipiunt. Et si patiuntur injurias, nihil ex eis detrimenti in futurum acquirunt: imo & meritum illis accedit cumulus, atque defensio. Nostri denique causa cuncta illi faciunt. Nam si ve honorantur a subditis, & hoc illis fieri juber, quemadmodum dicebat Heli: Assumpsit te de domo patris tui. Si ve injuriis afficiantur, hoc in se Deus ipse perpetitur, sicut ad Samuelem ait; Non te spreverunt, sed me. Itaque illis contumelia lucrum, honor vero onus est: non ergo hæc illorum gratia, sed vestri causa dico: Qui honorat Sacerdotem, Deum quoque honorat: qui vero Sacerdotem spernit, ad id sensim prolabitur, ut in Deum ipsum contumeliosus evadat. Qui vos, inquit, suscipit, me suscipit. Et Sacerdotes, ait, ejus in honore habete. Hinc Judæi Deum spernere didicerunt, quia Moysen contemphere, & lapidibus impetebant. Nam qui pie erga Sacerdotem afficitur, majore pietate Deum reverebitur. Et si enim malus fuerit Sacerdos quispiam, attendit Deus, quod sui gratia illam etiam, qui dignus honore non est, obsequiis foves ipseque tibi præmia exsolvet. Si enim, qui Prophetam in nomine Prophetæ suscipit, mercedem Prophetæ accipiet: profecto & qui cedit, & obtemperat Sacerdoti, mercede sua non destituetur. Nam si ubi de hospitalitate agitur tantum, ubi quem suscipis ignoras, tantum præmiorum accipis: si ei subijciaris, cui imperat Deus, non multo magis mercede donaberis? Super Cathedram, inquit, Moysis sederunt Scribæ, & Pharisei: omnia ergo quæcumque dixerint vobis, facite, secundum autem opera eorum ne faciatis. An ignoras, quid sit Sacerdos? Angelus utique Domini est: Non ex seipso loquitur: si despicias, non illum despicias, sed Deum, qui illum ordinavit. Sed unde, inquires, constat, Deum fuisse illius Ordinationis auctorem? Nempe si tu hanc habeas opinionem, spes tua inanis facta est. Nam si nihil per illum operatur Deus, neque Lavacrum habes, neque Mysteriorum particeps es, neque Benedictionibus frueris. Non ergo Christianus es. Quid ergo? Deus omnes ordinat, etiam indignos? Non omnes quidem ille ordinat, per omnes tamen operatur, salutem populi moliens, non illorum intuens merita. Nam si per alios os, si per Balaam scelustum hominem populi causa locutus est, multo magis loquitur per Sacerdotem plebis suæ gratia. Quid enim non agit Deus salutis nostræ causa? Quid non loquitur? Per quem non operatur? Si enim per Judam operatus est, & per Prophetas, quibus dicturus est: Non novi vos, discedite a me, qui operamini iniquitatem; perque illos, qui dæmones in nomine suo ejecerunt: non magis per Sacerdotes Divino Ministerio famulantes operabitur? Namque si Præpositorum vitas discutere pergitur, ipsi Doctores nostros ordinare contendimus, perverfoque ordine naturali, quæ supra sunt, infra esse volumus, ut superius pedes, inferius vero sit caput. Audi, quid Paulus dicat: Mihi autem pro minimo est; ut a vobis judicer, aut ab humano die. Et iterum: Tu quid iudicas fratrem tuum? Si fratrem, judicare non expedit, quanto minus Magistrum? Insurrexerunt adversus Aaron, post Vituli formatam effigiem, Core, Dathan, & Abiron. Quid ergo, nonne illi periire? Quilibet, quæ ad se pertinent, sollicito curet. Nam si quidem fidei dogma pervertat, etiam si Angelus sit, obedire noli: sin vero recta ducet, noli vitæ, sed verbis intendere.

ARTICULUS VIII.

De Episcopatu.

Epis copatus est apex, & consummatio Sacerdotii, si ve Summum, perfectumque Sacerdorum. An sit Ordo a Presbyteratu distinctus, Theolo-

reli distinctus?

gi disputant. Affirmanti Sententiæ favere videtur Apostolus 1. ad *Timotheum* 1v. & 2 ad *Timotheum* 1. ubi *Timotheum* admonet, ut gratiam in Episcopatus inauguratione acceptam non negligat, sed resuscitet, Patres quoque Sententiam illam confirmant. S. *Epiphanius* Hæresi Lxxv. *Aerium* Hæresarcham refellit asserentem, Unum esse Ordinem Episcopi, & Presbyteri. Quamquam non idem sit sensus Theologorum id asserentium, ac *Aerii*. Illi enim Episcopos Jure divino Presbyteris Superiores esse propugnant, quod fides docet. *Aerius* vero nullam esse discrimen inter Episcopum, & Presbyterum pertinaciter contendebat, sed in omnibus æquale esse, & Ordine, honore, dignitate, potestate pares.

Episcopalis Ordinationa ceteris distincta.

Concilium Carthaginense 1v. Sacrarum Ordinationum Ritus describens, Ordinationem Episcopalem, ut a ceteris distinctam in primis commemorat Canone 11. *Episcopus cum ordinatur, duo Episcopi ponant, & teneant Evangeliorum Codicem super caput, & cervicem ejus, & uno super eum fundente Benedictionem, reliqui omnes Episcopi, qui adsint, manibus suis caput ejus tangant.*

S. *Leo* Epist. x11. alias Lxxxiv. ad *Anastasium* Episcopum Thessalonicensem cap. 1v. Episcopalem Ordinem a Presbyterali distinguit, ubi de continentia lege Subdiaconis imposita sic loquitur: *Quod si in hoc Ordine, qui quartus a capite est, dignum est custodiri: quanto magis in primo, aut secundo, vel tertio servandum est, ne aut Levitico, aut Presbyterali honore, aut Episcopali excellentia quicquam idoneus aestimetur qui se a voluptate uxoria necdum frenasse dignoscitur.*

Episcopali Consecratione tribuitur Spiritus Sanctus.

Romanum Pontificale docet, Episcopali Consecratione tribui Spiritum Sanctum; siquidem Consecrator, & Assistentes Episcopi, ambabus manibus caput consecrandi tangunt, dicentes: *Accipe Spiritum Sanctum.* Singularis etiam, & excellens quædam potestas spiritualis Episcopo tribuitur, quæ Presbytero simplici non convenit, scilicet Potestas conferendi sacramenta Confirmationis, & Ordinis: quæ potestas non Jurisdictionis daturatur, verum etiam Ordinis est, adeoque novus Character.

Episcopi Jure Divino Presbyteris Superiores.

II. Sed ut se habeat Quæstio illa, quam Ecclesiæ Scholasticis disputationibus permittit, Utrum Character Episcopalis novus omnino sit, an solum Sacerdotalis Characteris extensio, Dogma Fidei est, Episcopos Jure Divino Presbyteris esse Superiores, quod Scripturæ Sacræ testimoniis, & continua Traditionis serie probavimus Dissertatione singulari *De Episcoporum supra Presbytero: Eminentia*, adversus *Blondellum* magni inter Calvinianos non inanis Auctorem, qui veterem *Aerii* errorem de Episcopi, & Presbyteri æqualitate propugnavit edito Libro, quem inscripsit, *Apologia S. Hieronymi*. Nunc autem argumenta repetere, quibus dogma illud Catholicum adstruximus, minime opus est. In memoriam revocare sufficit S. *Epiphanius* verba Hæresi Lxxv. ubi de *Aerio* sic loquitur: *Est (inquit) illius dogma supra hominis captum furiosum, & immane: Quanam, inquit, in re Presbytero Episcopus antecellit? Nullum inter utrumque discrimen est. Est enim amborum unus, Ordo, par & idem honor, ac dignitas. Parem itaque dignitate, & honore Episcopo Presbyterum asserere, Hæresis est, quam in *Aerio* Ecclesiæ exhorruit, & damnavit. Illam autem stoliditatis plenam, ut vocat, Sententiam hac ratione refellit S. *Epiphanius*: Episcoporum Ordo ad gignendos Patres præcipue pertinet. Huius enim est Patrum in Ecclesiâ propagatio. Aliter, cum Patres non possit, filios Ecclesiæ Regenerationis lotionem producit; non tamen Patres, aut Magistros. Quinam vero fieri possent, ut is Presbyterum constituat, ad quem creandum manuum imponendarum jus nullum habeat? Aut quomodo Presbyter Episcopo dici possit æqualis? Itaque jure ordinandi Presbyteros solis Episcopis convenire, non vero simplicibus Presbyteris, S. *Epiphanius* cum Ecclesiæ sui temporis credebatur, dogmaque istud tanquam Catholicum contra *Aerium* propugnabat.*

Et

Et ante *S. Epiphanium* Alexandrina Synodus in causa *S. Athanasii* congregata, in Epistola Synodica *Ischyram* Presbyterum non fuisse ex eo probat, quod a *Collutho* ordinatus esset, qui non erat Episcopus, sed simplex Presbyter, adeoque Sacerdotes ordinare non poterat. Agnoscit proinde laudata Synodus ordinandi potestatem divino jure solis Episcopis convenire, nec a Presbyteris consecrari posse tam Episcopos, quam Presbyteros.

Quamobrem Sacra Synodus Tridentina Sess. xxiii. declarat. *Præter ceteros Ecclesiasticos Gradus, Episcopos, qui in Apostolorum locum successerunt, ad Hierarchicum Ordinem præcipue pertinere; & positos, sicut Apostolus ait, Act. 19. a Spiritu Sancto, regere Ecclesiam Dei; eosque Presbyteris superiores esse; ac Sacramentum Confirmationis conferre, Ministros Ecclesiæ ordinare: atque alia pleraque peragere ipsos posse: quarum functionum Potestatem reliqui inferioris Ordinis nullam habent.*

Et Cap. vii. *Si quis dixerit, Episcopos non esse Presbytero superiores; vel non habere Potestatem confirmandi, & ordinandi; vel eam quam habent, illis esse cum Presbyteris communem... Anathema sit.*

Objicitur *S. Hieronymi* testimonium Commentario in cap. i. Epistolæ ad Titum, ubi explicans hæc verba. *Et constituas per civitates Presbyteros, &c.* Oportet enim Episcopum sine crimine esse, hæc habet: *Idem est ergo Presbyter, qui & Episcopus, & antequam diaboli instinctu studia in Religione fierent, & diceretur in populis, Ego sum Pauli, ego Apollo, ego autem Cephae, communi Presbyterorum Consilio Ecclesiæ gubernabantur. Postquam vero unusquisque eos, quos baptizaverat, suos esse putabat, non Christi, in toto orbe decretum est, ut unus de Presbyteris electus superponeretur ceteris, ad quem omnis Ecclesiæ cura pertineret, ut schismatum semina tollerentur. Et infra: Eosdem fuisse Presbyteros apud Veteres asserit, quos & Episcopos: paulatim vero, ut dissensionum plantaria evellerentur, ad unum omnem sollicitudinem esse delatam. Sicut ergo Presbyteri sciunt se ex Ecclesiæ consuetudine ei, qui sibi Præpositus fuerit, esse subiectos; ita Episcopi noverint se magis consuetudine, quam dispositionis Dominicæ veritate, Presbyteris esse majores, & in commune debere Ecclesiam regere, imitantes Moysen, qui cum haberet in potestate solus præesse Populo Israel, Septuaginta elegit, cum quibus Populum judicaret.*

Obiectio ex *S. Hieronymo* petita diluitur.

1. Cor. i. 12b

Respondetur, Apud Veteres eosdem Presbyteros fuisse, quos & Episcopos, nomine quidem, non Ordine, non Dignitate, non Jurisdictione. Communia namque primi, & secundi Ordinis Sacerdotibus tunc erant nomina, ut Episcopi vocabulo Presbyterorum, & Presbyteri vocabulo Episcoporum significari tunc solerent; quamvis magna inter illos esset Ordinis, ac Dignitatis differentia. Id ipsa *S. Hieronymi* verba significant: *Sed quia eosdem Episcopos illo tempore, quos & Presbyteros appellabant, propterea indifferenter de Episcopis, quasi de Presbyteris est locutus.* Duplici autem ratione supra Presbyteros eminnerunt semper Episcopi, potestate scilicet Ordinis, qua Presbyteros, & Episcopos alios ordinare possunt, sive *Patres Ecclesiæ* gignere (ut loquitur *S. Epiphanius*.) Secundo, potestate Jurisdictionis, quæ in Ecclesiæ Regimine posita est; ratione cujus leges ferre, sancire disciplinam, ab Ecclesiæ liminibus publicos peccatores, & adversus Ecclesiam perduelles arcere, Lapsis Pœnitentiam imponere, Pœnitentes Communionem donare, Casus sibi reservare, ab illis abolvere, Indulgentias concedere, Christianæ Plebis mores reformare possunt. Quoad utramque potestatem superiores semper fuisse Presbyteris Episcopos, etiam in Ecclesiæ incunabulis, *S. Hieronymus* agnovit. Quod vero spectat Jurisdictionis usum, non eadem fuit ab initio, quæ seculis temporibus, Ecclesiæ disciplina, & Epil-

piscoporum supra Presbyteros eminentia. Tunc enim communi Presbyterorum Consilio Ecclesiæ regebantur, & res Ecclesiasticæ administrabantur; nihilque decernebatur nisi ex ipsorum suffragiis, & ex communi totius Senatus Ecclesiastici sententia: sed hæc Regiminis forma immutata est occasione schismatum, & ad unum delata omnis sollicitudo est. Igitur quoad externam illam Ecclesiæ gubernationem, & rerum ipsius administrationem, atque Jurisdictionis usum dispoiticum, *Magis Ecclesiæ consuetudine, quam dispositionis dominicæ veritate*, Presbyteris else majores Episcopos S. Hieronymus asserit; non quoad Ordinem, aut Jurisdictionem ipsam. Unde subdit, eos *In commune debere Ecclesiam regere, imitantes Moysen, qui cum haberet in potestate solus præesse Populo Israel, Septuaginta elegit, cum quibus Populum judicaret*. Ex quibus verbis, & exemplo colligitur, Potestatem summam regendæ Ecclesiæ, & Jurisdictionem amplissimam, cum in Plebem Christianam, tum in ipsum Presbyterorum, Clerique totius Collegium, Episcopis institutione divina fuisse concessam, quamvis eam cum secundi Ordinis Sacerdotibus communicarent primis Ecclesiæ temporibus: sicut Moyses collatam divinitus Auctoritatem, cum in Populum universum, tum in Septuaginta ipsos Seniores habuit, quamvis illos in consortium Jurisdictionis suæ, ac Regiminis partem asciverit.

Ex his facile explicatur S. Hieronymi locus alter, scilicet Epist. lxxv. ad Evagrium, in qua scribit, *Apostolum diserte docere eosdem esse Presbyteros, quos & Episcopos. Quod autem poslea unus electus est, qui ceteris præponeretur, in schismatis remedium factum est, ne unusquisque ad se trahens Ecclesiam Christi rumpere*. Eisdem enim Episcopos esse, quos & Presbyteros nomine tenus, non Ordine, Dignitate, Jurisdictione, Apostolus docet, ex S. Hieronymi sententia. Quod S. Hieronymo satis erat ad vecordis illius hominis temeritatem refellendam, qui Diaconos Presbyteris anteferebat.

Cum autem ait S. Hieronymus, In schismatis remedium factum esse, ut unus ex Presbyteris electus ceteris præponeretur, spectat Rerum Ecclesiasticarum administrationem, quæ schismatum occasione tota ad unum delata est Episcopum, cum antea toti Presbyterorum Collegio cum Antistite communis esset. Quamobrem insolescere non debere Diaconos colligit, propterea quod Ecclesiasticorum bonorum Oeconomi, & dispensatores essent, aut quod ad ipsorum testimonium Presbyteri ordinarentur: quia utcumque se haberet Ecclesiæ his in rebus disciplina, certum erat, Presbyteros, quos Apostolus Episcoporum nomine designavit, esse Diaconis Ordine superiores; cum ex Diaconis Presbyteri, non ex Presbyteris Diaconi ordinentur.

At (inquiunt) S. Hieronymo teste, *Alexandria a Marco Evangelista, usque ad Heraclam, & Dionysium Episcopos, Presbyteri semper unum ex se electum in excelsiori gradu collocatum, Episcopum nominabant: quomodo si exercitus Imperatorem faciat; aut Diaconi eligant de se, quem indutrium noverint, & Archiepiscopum vocent*. Quod abique nova Inauguratione, sive Ordinatione factum colligitur, tum ex eo, quod S. Hieronymus novæ Ordinationis non meminit: tum quia Presbyter ita fiebat Episcopus electione Compresbyterorum, sicut Miles, vel Tribunus fiebat Imperator electione Compellitonum; & Diaconus creabatur Archidiaconus Condiaconorum nominatione: quibus in creationibus Ritus alius ab Electione necessarius non erat, ut his dignitatibus fruerebatur.

Respondetur, Novam semper Ordinationem intercessisse, qua electus a Compresbyteris inauguraretur Episcopus. Idque S. Hieronymus satis innuit, cum singularem ad quadam effecta Potestatem agnoscit in Episcopis, quæ Pres-

Presbyteris non conveniat, scilicet, ad sacras Ordinationes. *Quid enim facit, excepta Ordinatione, Episcopus, quod Presbyter non faciat?* (inquit ille.) Secundo, Episcopos *Apostolorum Successores* ibidem vocat. Quamobrem sicut Apostoli superiores erant Presbyteris, quos ordinabant, non humana institutione, sed Christi ipsos cum summa potestate mittentis, cuius Ecclesiae suae propagandae, & regendae provinciam demandantis: ita Episcopi jure divino superiores sunt Presbyteris. Tertio, hanc ad *Evagrium Epistolam S. Hieronymus* his verbis concludit: *Et, ut sciamus Traditiones Apostolicas sumptas de Veteris Testamento, quod Aaron, & filii ejus, atque Levitae in Templo fuerant; hoc sibi Episcopi, & Presbyteri, & Diaconi vindicent in Ecclesia.* Quibus verbis Episcopos cum Aarone, Presbyteros cum filiis Aaronis componit. Nemo porro parem potestatem Aaronis, qui Sacerdos Maximus, sive Pontifex fuit, & filiorum ejus, qui Sacerdotes tantum erant, fuisse dixerit. Quarto, Episcoporum supra Presbyteros eminentiam inter *Traditiones Apostolicas* S. Hieronymus ibidem recenset. Quinto, in Dialogo adversus Luciferianos S. Hieronymus ait: *Ecclesiae salus in Summi Sacerdotis dignitate pendet, cui si non exors quaedam, & ab hominibus eminens detur Potestas, tot erunt in Ecclesia schismata, quot Sacerdotes.* Si Ecclesiae salus ex Summi Sacerdotis, & singularis Episcopi eminentiorem potestatem habentis dignitate pendet, non satis providisset Ecclesiae suae Christus Dominus, nisi Summos Sacerdotes, id est, Episcopos, cum eminenti illa potestate instituisset.

Idem confirmat Lib. I. *Adversus Jovinianum*, cap. xix. *Episcopus* (inquit) & *Presbyter, & Diaconus*, non sunt meritorum nomina, sed Officiorum: nec dicitur, *Si quis Episcopatum desiderat, bonum desiderat gradum, sed, bonum opus desiderat; quod in majori Ordine constitui possit, si velit occasionem exercendarum habere virtutum.... Non percussorem.* Neque enim pugilem describit sermo Apostolicus, sed Pontificem instituit.

Epistola denique *LIV. ad Marcellam*, hoc inter Catholicos, & Montanistas discrimen ponit: *Apud nos Apostolorum locum Episcopi tenent: apud eos Episcopus tertius est.*

Creationem porro Imperatoris ex Militibus, & Archidiaconi ex Diaconis, cum Episcopi creatione ex Presbytero, S. Hieronymus in eo tantum comparat, quod sicut olim ex corpore Exercitus eligebantur Imperatores, & ex Diaconorum Ordine eligebantur Archidiaconi; ita ex Presbyterorum Collegio crearentur Episcopi: non vero in eo, quod sola electione, & absque nova Ordinatione ad hanc Dignitatem promoverentur.

III. Episcoporum Officia Pontificale Romanum explicat his verbis: *Episcopum oportet iudicare, interpretari, consecrare, ordinare, offerre, baptizare, & confirmare.*

Episcoporum Officia.

Præcipuum Episcoporum munus est Evangelii prædicatione. Unde Sacra Synodus Tridentina Sess. v. *De Reformatione*, cap. ii. statuit, & decrevit, *Omnes Episcopos, Archiepiscopos, Primates, & omnes alios Ecclesiarum Prelatos teneri per se ipsos, si legitime impediti non fuerint, ad prædicandum Sanctum Jesu Christi Evangelium.* Et Sess. xxiv. *De Reformatione*, cap. iv. *Prædicationis Munus, quod Episcoporum præcipuum est, cupiens Sancta Synodus, quo frequentius possit ad Fidei salutem exerceri, mandat, ut in Ecclesia sua ipsi per se, aut si legitime impediti fuerint per eos, qui Prædicationis Munus assument; in aliis autem Ecclesiis per Parochos, sive iis impeditis, per alios ab Episcopo, impensis eorum, qui eas præstare tenentur, vel solent, deputandos in Civitate, aut in quacunque parte Diocesis censebunt expedire, omnibus Dominicis, & solemnibus diebus Festis, tempore autem Jejuniorum Quadragesimæ, & Adventus Domini quotidie, vel saltem tribus in hebdomada diebus, si ita oportere duxerint, Sacras Scripturas, Divinamque Legem annuntiant; & alias quotiescumque id opportune fieri posse iudicaverint.*

Evangelii prædicatione præcipuum Episcoporum munus.

*Diœcesis
Visitationis.*

Unum etiam ex præcipuis Episcopi Muneribus est Diœcesis Visitatio; quam per se ipsos, aut si legitimo impediti fuerint, per suum Generalem Vicarium, aut Visitatorem, quolibet saltem biennio obire, complereque debent, si quotannis, ob Diœcesis amplitudinem perfici non possit, ut decernit Sacra Synodus Tridentina, Sessione xxiv. *De Reformatione*, cap. iiii. Ut autem executio Visitationis quoad ea, quæ Morum emendationem spectant, nulla ratione suspendi, vel retardari possit, eadem Sacra Synodus cap. x. statuit, ut Episcopi in omnibus iis, quæ ad Visitationem, ac Morum correctionem subditorum spectant, jus & potestatem habeant, etiam tanquam Apostolicæ Sedis Delegati, ea ordinandi, moderandi, puniendi, & exequendi, juxta Canonum Sanctiones, quæ illis ex prudentia sua, pro subditorum emendatione, ac Diœcesis suæ utilitate necessaria videbuntur. Nec in his ubi de Visitatione, aut Morum correctione agitur, Exemptio, aut ulla Inhibitio, Appellatio, seu querela, etiam ad Sedem Apostolicam interposita, executionem eorum, quæ ab iis mandata, decreta, aut iudicata fuerint, quoquo modo impediat, aut suspendat.

C A P U T II.

D E H I E R A R C H I A

E C C L E S I Æ.

A R T I C U L U S I.

Quid sit Hierarchia?

*Hierarchiæ
Ecclesiasti-
cæ notio, ac
delineatio.*

Hierarchia, secundum Græci vim nominis, est *Sacer Principatus*. Definiri potest *Ordo Præpositorum, & Sacrorum Ministrorum ad Ecclesiæ Regimen, & hominum sanctificationem a Christo institutus*. Hanc Hierarchiam in Ecclesia divinitus institutam esse, eamque Episcopis, Presbyteris, & Ministris, (quo nomine Diaconi præsertim intelliguntur) constare, dogma fidei est, ut constat ex Concilio Tridentino, Sessione xxxiii. Canone vi. cujus hæc sunt verba: *Si quis dixerit, in Ecclesia Catholica non esse Hierarchiam Divina Ordinatione institutam, quæ constat ex Episcopis, Presbyteris, & Ministris; Anathema sit.*

Hierarchiæ Ecclesiasticæ delineationem videre est in genuinis Epistolis S. Ignatii Episcopi, & Martyris. In Epistola ad Smyrnæos: „Omnes (inquit) Episcopum sequimini, ut Jesus Christus Patrem; & Presbyterium, ut Apostolos: Diaconos autem revereamini, ut Dei Mandatum. Nullus sine Episcopo aliquid operetur eorum, quæ conveniunt in Ecclesiam. Illa firma gratiarum actio reputetur, quæ sub ipso est, vel quam utique ipse concesserit. Ubi apparet Episcopus, illic multitudo sit: quemadmodum utique ubi est Christus Jesus, illic Catholica Ecclesia. Non licitum esse sine Episcopo neque baptizare, neque Agapem facere: sed quod utique ille probaverit, hoc est Deo beneplacitum; ut stabile sit, & firmum omne, quod agitur. Honorans Episcopum, a Deo honoratus est: qui occultans ab Episcopo aliquid operatur, diabolo præstat obsequium.

In Epistola ad Polycarpum: *Unanims ego cum subjectis Episcopo Presbyteris, & Diaconis: & cum ipsis mihi pars fiat capere in Deo.*

In Epistola ad Magnethios: *In concordia Dei studere omnia cooperari: præsentem Episcopo in loco Dei, & Presbyteris in loco confessionis Apostolorum, & Diaconis mihi dulcissimis, habentibus creditam Ministracionem Jesu Christi, qui ante sæcula apud Patrem erat, & in fine apparuit Quemadmodum igitur*

igitur Dominus sine Patre nihil fecit, unitus existens, neque per se ipsum, neque per Apostolos; sic neque vos sine Episcopo, & Presbyteris aliquid operemini.

In Epistola ad Philadelphios: Locutus sum magna voce, Dei voce: Episcopo attendite, & Presbyteris, & Diaconis.

In Epistola ad Trallesios: Necessarium est, quemadmodum facitis, sine Episcopo nihil operari vos: sed subiecti, & Presbyterio, ut Apostolis Jesu Christi Spei nostræ; in quo conversantes inveniamur. Oportet autem, & Diaconos Ministros existentes Mysteriorum Jesu Christi, secundum omnem modum omnibus placere. Non enim ciborum, & potuum sunt Ministri, sed Ecclesie Dei Ministri. Et infra: Similiter & omnes revereantur Diaconos, ut Mandatum Jesu Christi; & Episcopum, ut Jesum Christum, existentem Filium Patris; Presbyteros autem, ut Concilium Dei, & conjunctionem Apostolorum. Sine his Ecclesia non vocatur.

S. Dionysius, Libro De Ecclesiastica Hierarchia, cap. v. tres actus hierarchicos recenset, Purgare, scilicet, illuminare, perficere. Et harum quidem functionum primam Diaconis, alteram Presbyteris, tertiam Episcopis tribuit. Est igitur (inquit), Pontificatus, seu Episcopatus Ordo, qui consummatur, te virtute fultus perfectientia quæque Sacri Ordinis Munia præminenter consummat, atque Sacrorum disciplinas interpretando tradit, & edocet, quamam ipsis sacræ competant habitudines, & virtutes. Sacerdotum autem Ordo, qui illuminat, ad Sacra Mysteria contuenda initiatos manu, ducit, divinorum Ordini Pontificum subiectus, cum quo propria sua celebrat Officia... Verum Ordo Ministrorum, seu Diaconorum est, qui ex- piat, antequam ad Sacerdotum Sacra veniant, accedentes etiam lustrat, ut eos a contrariis immunes reddat, atque Sacrorum Mysteriorum spectaculo, & communione dignos.

Tres actus
hierarchici.

Tres illos Ordines Hierarchicos, Episcoporum scilicet, Presbyterorum, & Diaconorum, Patres reliqui frequenter commemorant. Tertullianus Libro De Baptismo, cap. xvii. Dandi quidem baptismi jus habet Summus Sacerdos, qui est Episcopus: debinc Presbyteri, & Diaconi, nontamen sine Episcopi Auctoritate, propter Ecclesie honorem, quos salvo, salva pax est.

Tres Ordines
Hierarchici, Episcopi, Presbyteri, Diaconi.

S. Cyprianus, plerasque Epistolas Presbyteris, & Diaconis inscribit, & Ecclesiam ab Episcopo, atque etiam a Presbyteris, & Diaconis sub ipso, regi significat. Epistola lxx. Episcopos, & Presbyteros a Christo immediate: Diaconos vero mediate, scilicet Apostolorum Ordinatione institutos fuisse docet. Meminisse autem Diaconi debent (inquit) quoniam Apostolos, id est, Episcopos, & Presbiteros Dominus elegit: Diaconos autem post Ascensum Domini in caelos Apostoli sibi constituerunt Episcopatus sui, & Ecclesie Ministros. Id etiam confirmant Epistolæ Cleri Romani ad Cyprianum ipsum de Lapforum causa sic inscriptæ: Cypriano Papæ Presbyteri, & Diaconi Romæ consistentes, salutem.

Crægenes Homilia II. in Numeros. Putasne, qui Sacerdotio funguntur, cogunt omnia, quæ illo Ordine digna sunt? Et unde est, quod sese audimus blasphemare homines, & dicere; Ecce qualis Episcopus, aut qualis Presbyter, qualis Diaconus?

Idem in Psalmum xxxv. Omnes (inquit) Episcopi, atque omnes Presbyteri, vel Diaconi erudiunt Plebem, & adhibent correptiones.

Et Lib. II. in Epistolam ad Romanos, cap. II. Ecclesiarum (inquit) Re- toribus, & Principibus loquitur Apostolus, his videlicet, qui judicant eos, qui intus sunt, id est, Episcopis, vel Presbyteris, & Diaconibus.

Clemens Alexandrinus Lib. VI. Stromatum: Nam hic quoque (inquit) in Ecclesia progressionem Episcoporum, Presbyterorum, Diaconorum, sunt (ut arbitror) imitationes gloriæ angelicæ, & illius cœlestis, ac dispensationis, quam

quam dicunt *Scripturæ* illos expectare, qui insisterent vestigiis *Apostolorum*, vixerent in perfectione iustitiæ, convenienter *Evangelio*.

Epistola Synodi Antiochenæ contra *Paulum Samosatenum*, apud *Eusebium* Lib. vii. *Historiæ Ecclesiasticæ*, cap. xxx. inscribitur: *Dionysio & Maximo, & omnibus per univ[er]sum orbem Communiſtris noſtris; Episcopis, Presbyteris, & Diaconis, & univ[er]sæ Ecclesiæ Catholice, que sub cælo est.*

Constantinus Imperator scribit: Quotquot igitur *Ecclesiis* aut ipse præes, aut alios in singulis locis præsidentes *Episcopos, & Presbyteros, ac Diaconos* noſtri, cunctos admone, ut in opera *Ecclesiarum* omnistudio, ac diligentia incumbant. Refert ipse *Eusebius* Lib. 11. *De Vita Constantini*, cap. xlvii.

S. Cyrillus Hierosolymitanus, *Catechesi* xvi. *Perspicue cujuslibet Nationis Episcopos, Presbyteros, Diaconos, &c.*

S. Optatus Milevitanus lib. 1. *Adversus Parmenianum*, idem confirmat. Quid (inquit) commemorem *Laicos*? Quid plurimos *Ministros*? Quid *Diaconos*, in tertio, quid *Presbyteros* in secundo *Sacerdotio* constitutos? ipsi apices, & Principes omnium *Episcopi, &c.* Et Lib. 11. Ut cum sint quatuor genera capitum in *Ecclesia, Episcoporum, Presbyterorum, diaconorum, & fidelium, &c.* Et infra: Invenisti, *Diaconos, Presbyteros, Episcopos, scilicet Laicos.*

S. Jo. Chrysostomus. *Homilia* 1. in *Epistolam ad Philippenſes*, explicans hæc verba salutationis, *Coepiscopis, & Diaconis*, ait: Quid hoc? An unius civitatis multi erant *Episcopi*? Nequaquam, sed *Presbyteros* isto nomine appellavit. Tunc enim nomina adhuc erant communia, atque ipse etiam *Episcopus* vocabatur *Diaconus*. Idcirco ad *Timotheum* scribens, inquit, *Diaconiam*, id est, *Ministerium tuum* imple, cum tamen ille *Episcopus* esset, quod constat ex illis verbis ad eundem scriptis, Manus cito nemini impolueris. Et rursus. Quæ data est tibi cum impositione manuum *presbyterii*: *Presbyteri* vero *Episcopos* non ordinassent. Et rursus ad *Titum* scribens, inquit: Hujus rei gratia reliqui te *Creta*, ut constituas per civitates *Presbyteros*, sicut & ego disposui tibi. Si quis sine crimine est, unius *Uxoris* vir, quæ quidem de *Episcopo* dicit. Atque hæc cum dixisset, statim addidit: Oportet enim *Episcopum* si ne crimine esse, sicut *Dei dispensatorem*, non superbum. Antiquitus igitur ipsi etiam *Presbyteri* vocabantur *Episcopi, & Diaconi Christi*. Quocirca vel hodie multi *Episcopi* ita scribunt. *Compresbytero, & Condiacono*. Proecedente vero tempore, proprium cuique distributum est nomen, ut hic quidem *Episcopus*, ille vero *Presbyter* appelletur.

S. Hieronymus, in *Apologia* adversus *Jovinianum*. *Episcopi, Presbyteri, Diaconi, aut virgines* eliguntur, aut vidui, aut certe post *Sacerdotium* in æternum pudici.

S. Augustinus, Lib. 1. *De Moribus Ecclesiæ Catholice*, cap. xxxi. Quam multos *Episcopos* optimos viros, sanctissimosque cognovi, quam multos *Presbyteros*, quam multos *Diaconos, & ejusmodi Ministros* divinarum *Sacramentorum*, quorum virtus eo mihi mirabilior, & majore prædicatione dignior videtur, quo difficilior est eam in multiplici hominum genere, & in ista vita turbulentiore servare. Non enim sanatis magis, quam sanandis hominibus præstant.

Et *Epist.* xx1. alias cx1. vi11. ad *Valerium Hipponensem Episcopum*. „ Cogitet religiosa Prudentia tua, nihil esse in hac vita, maxime hoc tempore facilius, & hominibus acceptabilius, *Episcopi, aut Presbyteri, aut Diaconi* Officio, si perianctorie, atque adulatore resagatur: sed nihil apud Deum miserius, & tristius, & damabilius. Item nihil esse in hac vita, & maxime hoc tempore, difficilius, laboriosius, periculosius *Episcopi, aut Presbyteri, aut Diaconi* officio; sed apud Deum nihil beatius, si eo modo militetur, quam nollet Imperator jubet.

S. Leo Serm. x. De Quadagesima : *Non enim Summos tantum Antistites, aut secundi Ordinis Sacerdotes, nec solos Sacramentorum Ministros: sed omne corpus Ecclesie, universumque Fidelium numerum, ab omnibus contaminationibus oportet esse purgatum.*

Ex his porro Patrum testimoniis perspicuum est, quam arcta sit trium illorum Ordinum connexio, Episcoporum scilicet, Presbyterorum, & Diaconorum in Hierarchia Ecclesiastica.

ARTICULUS II.

De variis Sacerdotalis Ordinis Gradibus.

Quamvis Sacerdotalis Ordo unus sit, varios tamen Dignitatis, & Potestatis Gradus habet.

I. Primus est eorum, qui Sacerdotes simpliciter vocantur, sive secundi Ordinis Sacerdotes, & Presbyteri, de quibus 1. ad Timotheum v. *Qui bene presunt Presbyteri, duplici honore digni habeantur: maxime qui laborant in verbo, & doctrina ... Adversus Presbyterum accusationem noli recipere, nisi sub duobus, aut tribus testibus.* Et Jacobi v. *Infirmatur quis in vobis? Inducat Presbyteros Ecclesie, &c.* In eo sunt ordine. Rectores Parochiarum, sive Curati, qui septuaginta duorum Discipulorum locum in Ecclesia tenent, sicut Episcopi Apostolorum, ut ait Theodulphus Aurelianensis Episcopus ad suam Diocesis Sacerdotes scribens: *Scitote vestrum gradum nostro gradui secundum, & bene conjunctum esse. Sicut enim Episcopi Apostolorum in Ecclesia, ita nimirum Presbyteri ceterorum Discipulorum Domini vicem tenent: & illi tenent gradum Summi Pontificis Aaron, isti vero filiorum ejus.* Unde oportet vos semper esse memores tantæ Dignitatis, memores vestræ Consecrationis, memores sacræ quam in manibus suscepistis Undionis, ut nec ab eadem dignitate degenereis, nec vestram consecrationem irritam faciatis, nec manus sacro unguento delibutas peccando pollutis; sed cordis, & corporis munditiam conservantes, plebibus exemplum bene vivendi præbentes, his, quibus præestis, ducatum ad cælestia Regna præbeatis.

Secundi Ordinis Sacerdotes.

Et Fulbertus Carnotensis Episcopus, Epist. 11. *Moses Dux Populi secundis Adjutoribus, septuaginta viris videlicet de eodem Populo sustentabatur, per quos forma Presbyterorum exprimitur, qui nunc in Ecclesia nostra Pontificale onus in se suscipientes, regendis populis invigilant.*

Id confirmat Pontificale Romanum in Ordinatione Presbyteri, ubi Episcopus ita Deum orat: „ Sic Moyse in eremo per Septuaginta Virorum prudentium mentes Moyse spiritum propagasti, quibus ille Adjutoribus usus, „ in populo innumeras multitudines facile gubernavit. Sic & in Eleazarum, „ & Ithamarum filios Aaron paternæ plenitudinis abundantiam transfudisti; ut ad hostias salutares, & frequentioris officii Sacramenta Ministerium „ sufficeret Sacerdotum. Hac providentia, Domine, Apostolis Filii tui Doctores Fidei comites addidisti, quibus illi orbem totum secundis prædicationibus impleverunt. Quapropter infirmitati quoque nostræ, Domine, „ hæc Adjumenta largire; qui quanto fragiliores sumus, tanto his pluribus indigemus.

Presbyteros Apostolico Gradui succedere, in secundo scilicet Ordine Sacerdotii, S. Hieronymus asserit Epistola ad Heliodorum: *Abstine* (inquit), „ ut de Clericis quidquam sinistrum loquar, qui Apostolico Gradui succedentes, „ Christi Corpus sacro ore conficiunt, per quos & nos Christiani sumus; qui „ Claves Regni cælorum habentes, quodammodo ante diem Judicii judicant; qui Sponsam Domini sobria castitate conservant . . . Mihi ante

Pro-

Episcopi.

„ Presbyterum sedere non licet. Illi, si peccavero, licet me tradere Satanae, &c.
 „ II. Secundus Sacerdotii Gradus est Episcoporum, qui singulis Episcopatibus
 præpositi sunt, ut non solum ceteros Ecclesiæ Ministros, sed hæclem Po-
 pulum regant, & eorum salutem summa cum vigilantia, & cura prospiciant.
 „ Unde in Sacris Litteris *Pastores ovium* sæpe appellantur. De quibus Aposto-
 lus Actuum xx. „ Attendite vobis, & universo gregi, in quo vos Spiritus
 „ Sanctus posuit Episcopos regere Ecclesiam Dei, quam acquisivit Sanguine
 „ suo. *Et S. Petrus Epist. 1. cap. v.* Pascite, qui in vobis est, gregem Dei,
 „ providentes non coacte, sed spontaneæ secundum Deum, neque turpis lu-
 „ cri gratia, sed voluntarie: neque ut dominantes in cleris, sed forma facti
 „ gregis ex animo: & cum apparuerit Princeps Pastorum, percipietis im-
 „ marcescibilem gloriæ coronam. *Apostolorum (ut dixi) Successores sunt Epi-*
 „ *copi; unde Hieronymus ad Marcellam scribens adversus Montanistas:* Apud
 „ nos Apostolorum locum Episcopi tenent, apud eos Episcopustertius est.
 „ *Et in Epistola ad Evagrium:* Ubicumque fuerit Episcopus, sive Romæ,
 „ sive Eugubii, sive Constantinopoli, sive Regii, sive Alexandriae,
 „ sive Tanis, ejusdem meriti, ejusdem est & Sacerdotii. Patientia di-
 „ vitiarum, & paupertatis humilitas, vel sublimiorem, vel inferiorem Epi-
 „ scopum non facit. Ceterum omnes Apostolorum Successores sunt. *Hinc*
 „ *S. Pacianus Barcinonensis Episcopus, Epist. 1.* Denique (inquit) & Epi-
 „ scopi Apostoli nominantur, sicut de Epaphrodito Paulus edisserit, &c. De-
 „ us jus illud nobis, ut Apostolorum Chatedram tenentibus non negabit, qui
 „ Episcopis etiam Unici sui nomen indulsit. Nemo Episcopum hominis con-
 „ templatione despiciat. Recordentur, quod Petrus Apostolus Dominum no-
 „ strum Episcopum nominavit. Quid Episcopo negabitur, in quo Dei no-
 „ men operatur? *Et multo ante, S. Cyprianus, Epist. Lxix. de Episcopis scri-*
 „ *bit:* Apostolis vicaria Ordinatione succedunt. *Et Epist. Lxiii. Episcopos*
Ecclesiis Dominicis in toto Mundo divina dignatione præpositos.

Archiepiscopi, sive
Metropolitani.

III. *Episcopatus* quidem unus est, cujus pars a singulis in solidum tenetur,
 (ut loquitur S. Cyprianus,) Lib. De Unitate Ecclesiæ, Et, Ad Trinitatis in-
 star, cujus una est atque individua Potestas, unum est per diversos Antistes
 Sacerdotium (ut scribit Symmachus Pontifex Epist. 1. ad Eonium Arelaten-
 sem Episcopum) inter ipsos tamen Episcopos discretio eadem est Pote-
 statis. Archiepiscopi namque Ecclesiastico Jure ex Apostolica Traditione de-
 rivato sunt Episcopis Superiores. Tertius igitur Sacerdotalis Ordinis gradus
 est Archiepiscoporum, qui pluribus Episcopis præstant, qui Metropolitani eti-
 am vocantur, quod illarum Urbium Antistes sint, quæ tanquam Marces
 habentur illius Provinciæ. Quare superiorem quam Episcopi locum, & am-
 pliorem Potestatem habent, tametsi ab Episcopis Ordinatione nihil differant.
 De quibus S. Leo. Epist. xli. alias lxxxiv. *Connexio* (inquit) „ totius cor-
 „ poris unanimitatem, unam pulchritudinem facit: & hæc connexio totius
 „ quidem corporis unanimitatem requirit, sed præcipue exigit concordiam
 „ Sacerdotum. Quibus etsi dignitas sit communis, non est tamen ordo gene-
 „ ralis: quoniam & inter Beatissimos Apostolos in similitudine honoris fuit
 „ quædam discretio Potestatis, & cum omnium par esset electio, uni tamen
 „ datum est, ut ceteris præmineret, de qua forma Episcoporum quoque est
 „ orta distinctio, & magna ordinatione provisum est, ne omne sibi omnia
 „ vindicarent: sed essent in singulis Provinciis singuli, quorum inter fratres
 „ haberetur prima Sententia: & rursus quidam in majoribus urbibus consti-
 „ tuti sollicitudinem susciperent ampliorem, per quos ad unam Petri Sedem
 „ universalis Ecclesiæ cura conflueret, & nihil usquam a suo Capite distide-
 „ ret. Qui ergo scit se quibusdam esse præpositum, non moleste ferat, ali-
 „ „ quem

„ quem sibi esse prælatum: sed obedientiam, quam exigit, etiam ipse dependat. Duplicem Episcopalis Dignitatis gradum *S. Leo* describit, Metropolitanorum scilicet, qui omnibus alienius Provinciæ Episcopis præstant; & Præmatum, qui in majoribus Religionis alienius urbibus constituti. Summi Pontificis vices susceperunt. Metropolitanis substant Episcopi. Præmatibus vero Metropolitanis. Unde *S. Leo* in eadem Epistola *Anastasio* Thessalonicensi Episcopum Illyrici Primatem his verbis compellat: *Igitur secundum sanctorum Patrum Canones Spiritu Dei conditos, & totius Mundi reverentia consecratos, Metropolitanas singularum Provinciarum Episcopos, quibus ex delegatione nostra Fraternitatis tue curæ præstenditur, Jus tradite sibi antiquitus Dignitatis intemeratum habere decernimus: ita ut a Regulis præstituti nulla aut negligentia, aut presumptione discedant.* Ab Episcopo ad Metropolitanum; a Metropolitanis ad Primatem; a Primate ad Romanum Pontificem in causis Ecclesiasticis appellatur.

Ad Metropolitanos pertinet Synodorum Provincialium congregatio. Visitationis totius Provinciæ, seu Diocesis Comprovincialium suorum, quam tamē aggređi non possunt, nisi propriæ Diocesis Visitationem plene peregerint, & causa cognita, & probata in Concilio Provinciali, ex Concilii Tridentini Decreto, Sessione xxiv. cap. iiii. Ad eosdem pertinet executionem Canonum Concilii Tridentini circa Residentiam Episcoporum suæ Provinciæ curare, & legitimæ absentię causas probare, ut decernit eadem Synodus Sessione xxiii. *De Reformatione*, cap. i. Si Capitulum Sede vacante Vicarium Generalem infra octo dies post mortem Episcopi constituere, vel existentem confirmare neglexerit, institutio, & deputatio huiusmodi Vicarii ad Metropolitanum devolvitur, ut sanxit Concilium Tridentinum Sessione xxiv. *De Reformatione*, cap. xviii. Si in Seminarii erectione negligens fuerit Episcopus, ipsum corripere, ad idque cogere Metropolitanus potest, secundum Concilii Tridentini Decretum Sessione xxiii. *De Reformatione*, cap. xviii.

Ceterum Appellationibus ab Episcopo ad Metropolitanum modum præscripsit Sacra Synodus Tridentina Sessione xiii. cap. i. *Cum* (inquit) „ rei „ criminum plerumque ad evitandas pœnas, & Episcoporum subterfugien- „ da Judicia, querelas, & gravamina simulent; & Appellationis dissi- „ Judicis processum impediunt, ne remedio ad innocentię præsidium institu- „ to ad iniquitatis defensionem abutantur, atque ut huiusmodi eorum calli- „ ditati, & tergiversationi occurratur, ita statuit, & decrevit: In causis vi- „ stationis, & correctionis, sive habilitatis, & inhabilitatis, necnon in cri- „ minalibus, ab Episcopo, seu illius in spiritualibus Vicario Generali, ante „ definitivam Sententiam, ab Interlocutoria, vel alio quocumque gravami- „ ne non appelletur: nec Episcopus, seu Vicarius Appellationi huiusmodi, „ tanquam frivola, deferre teneatur nisi gravamen huiusmodi per defi- „ nitivam Sententiam reparari, vel ab ipsa definitiva appellari non possit.

IV. In quarto Sacerdotalis Ordinis gradu Patriarchæ, idest, summi, præmiquique Patres, sive Principes Patrum collocantur. Quos inter primum locum tenet Romanus Episcopus, qui totius Occidentis Patriarcha est, adeoque *Majores Dioceses* tenere dicitur, ut scribebat Concilium Arelatense ad *Sylvestrum* Papam: *Tu qui Majores Dioceses tenes.* Secundum locum tenebat olim Alexandrinus, tertium Antiochenus. Eximia quædam, & eminens dignitas his Episcopis collata est propter *S. Petrum*, cuius auctoritate tres illæ Ecclesiæ fundatæ sunt. Romanam enim Ecclesiam fundavit ipse, Cathedram in ea collocavit, eique non doctrinam duntaxat totam, sed & sanguinem profudit. Alexandrinam Ecclesiam fundavit per *S. Marcum* Evangelistam discipulum suum. Antiochenam etiam Ecclesiam per discipulum fundavit Apo-

Metropoli-
tanicorum
officia.

Patriarchæ

stolo.

stolorum Princeps, in ea sedit priusquam Romam veniret; ibique Religio Christiana Nomen accepit. Atque tres istos duntaxat Patriarchas agnovit Nicæna Synodus. Hunc Sedium Patriarchalium ordinem vindicant *Innocentius I.* Epistola *xviii.* *S. Leo* Epist. *lxxx.* alias *lxi.* ad *Anatolum* Episcopum Constantinopolitanum, Synodus Romana sub *Gelasio I.* anno *cccxiv.* *Nicolaus I.* Epistola ad *Michaelen* Imperatorem. Hierosolymitano Episcopo post tres primarios Patriarchas locum seu *Honoris consequentiam*, salva Metropolitano Cæsariensi propria Dignitate, Nicæna Synodus dedit. Inter Patriarchas deinde locum obtinuit, & quidem primum post Romanum Episcopum, Constantinopolitanus Episcopus: quem ipsi honorem Secunda Synodus Generalis Constantinopoli celebrata, & Synodus Chalcedonensis Canone *xxviii.* propter dignitatem Urbis, quæ caput erat Imperii, *Nova Roma* vocabatur, contulerunt, repugnante dia, tandemque consentiente Romana Ecclesia, ut constet ex Concilio Florentino in Definitione Fidei.

Summus Pontifex.

Romano Pontifici Primatus in Ecclesia universa Jure divino convenit.

Supremum Sacerdotalis Ordinis Gradum tenet Romanus Pontifex, amplissimamque Jurisdictionem in Christianos omnes, & Episcopos universos, non quidem ullis Synodicis, aut aliis humanis Constitutionibus, sed divinitus datam. Quamobrem universali Ecclesiæ, Divino Jure præsidet ut *S. Petri* Successor, Christi que Domini nostri verus, ac legitimus Vicarius. Primatus *S. Petri* in Ecclesia universa collatus, atque in ejus Successores Romanos Episcopos eodem Jure transfusus, nititur Christi Domini, ac Salvatoris nostri verbis Matthæi *xvi.* *Tu es Petrus, & super hanc petram ædificabo Ecclesiam meam, & portæ inferi non prævalebunt adversus eam. Et tibi dabo Claves Regni cælorum.* Quibus verbis *Petro*, & ejus Successoribus duo promittuntur: Primum, quod sit futurus Ecclesiæ totius fundamentum adeo firmum, ut portæ inferi nunquam sint adversus eam tam bene fundatam prævalituræ. Quamvis igitur super Christum, lapidem angularem, & Fundamentum primum, ac præcipuum, præter quod *Nemo potest aliud ponere*, fundata sit Ecclesia: quamvis, & super *Petri* confessionem fundata sit quia dignitatem illam, & honorem confessione sua promeritus est, ut Ecclesiæ fundamentum esset: unde *S. Leo* Epistola *v.* ad Metropolitanos Illyrici ait: *Et quia per omnes Ecclesias cura nostra distenditur, exigente a Nobis Domino, qui Apostolicæ Dignitatis Beatissimo Apostolo Petro Primatum fidei suæ remuneratione commisit, universalem Ecclesiam in fundamenti ipsius soliditate constituens, &c.* Tamen, & super ipsum Petrum fundatam Ecclesiam Christus Dominus significat, atque in hunc locum Patres intellexerunt, & Concilia, ut *Ecclesia super Petrum voce Domini fundata sit.* Alterum quod his verbis promittit Christus, est summa regendi Ecclesiam universam Potestas, quam Claves Regni cælorum significat. Hinc *S. Leo* Sermone *lxx.* in Anniversario die Assumptionis suæ ait: „ De toto Mundo unus Petrus eligitur, qui & universalium gentium vocationi, & omnibus Apostolis, cunctisque Ecclesiæ Patribus præponatur: „ ut quamvis in Populo Dei multi Sacerdotes sint, omnes tamen proprie regat „ Petrus, quos principaliter regit & Christus. Magnum, & mirabile huic viro „ consortium potentia suæ tribuit divina dignatio: & si quid cum eo commune „ ceteris voluit esse Principibus, nunquam nisi per ipsum dedit, quicquid aliis „ non negavit *Et ego dico tibi:* Hoc est, Sicut Pater meus tibi manifestavit „ Divinitatem meam: ita & ego tibi notam facio excellentiam tuam. *Quia tu es „ Petrus;* id est, Cum ego sim inviolabilis petra, ego lapis angularis, qui facio „ utraque unum; ego fundamentum præter quod nemo potest aliud ponere: „ tamen tu quoque petra es, quia mea virtute solidaris, ut quæ mihi potestate „ sunt propria, sint tibi mecum participatione communia. Et super hanc petram „ ædifi-

Romani Pontificis primatus.

„ædificabo Ecclesiam meam, & portæ inferi non prævalebunt adversus eam.
 „Super hanc (inquit) fortitudinem æternum extruam Templum: & Ec-
 „clesiæ meæ cælo inferenda sublimitas in hujus Fidei firmitate confurget.
 „Hanc confessionem portæ inferi non tenebunt, mortis vincula non liga-
 „bunt: vox enim ista vox vitæ est.... Propter quoddiciter Beatissimo Petro
 „Tibi dabo claves Regni cælorum &c. Transiit quidem etiam in alios Apo-
 „stolos Jus Potestatis istius, & ad omnes Ecclesiæ Principes Decreti hujus
 „constitutio commeaiv: sed non frustra uni commendatur, quod omni-
 „bus intimitur. Petro enim ideo hoc singulariter creditur, quia cunctis
 „Ecclesiæ Rectoribus Petri forma præponitur. Manet ergo Petri privile-
 „gium, ubicumque ex ipsius æquitate fertur judicium. *Et mox exponens*
 „*illa Christi verba*; Simon ecce Satanas expetivit vos, ut cribraret sicut
 „triticum. Ego autem rogavi pro te, ut non deficiat fides tua. Et tu ali-
 „quando conversus confirma fratres tuos: ait, Commune fuisse omnibus
 „Apostolis periculum de tentatione formidinis, & divinæ protectionis au-
 „xilium pariter indiguisse, quoniam diabolus omnes exagitare, omnes cupie-
 „bat elidere: *Et tamen* (inquit) *specialis a Domino Petri cura suscipitur, &*
 „*pro Fide Petri proprie supplicatur, tanquam aliorum status certior sit futurus, si*
 „*mens Principis viciata non fuerit.* In Petro ergo omnium fortitudo munitur, &
 „divinæ gratiæ ita ordinatur auxilium, ut firmitas, quæ per Christum Petro tri-
 „buitur, per Petrum Apostolis conferatur.

Nititur etiam Primatus S. Petri, & Successorum ejus Romanorum Pon-
 tificum, illis Christi verbis, Joannis xxi. Petrum compellantis, *Pasce agnos*
meos, pasce oves meas: id est, Prælatos matrum ovium nomine, & subdi-
 tos, nomine agnorum significatos: omnium igitur Pastor est *Petrus*, ejus-
 que Successor Pontifex Romanus, quia præter agnos, & oves in Ecclesia
 nihil est. Hinc Ecclesiam Romanam *Maximam*, & antiquissimam vocat S.
 Irenæus, *ad quam propter potentiorum Principalitatem necesse est omnem con-*
venire Ecclesiam. Hinc Romanus Episcopus Pontifex Maximus, Episcopus Epi-
 scoporum, jam vocabatur Tertulliani ætate, ut ex ejus Libro *De Pudicitia*
 colligitur. Hinc S. Cyprianus, Epistola i.v. ad S. Cornelium Romanum Pon-
 tificem, de Fortunato, & Felicissimo, aliisque Hæreticæ, & Schismaticæ fa-
 ctionis hominibus scribit: Pseudo-Episcopo sibi ab Hæreticis constituto, naviga-
 re audent, & ad Petri Cathedram, atque ad Ecclesiam Principalem, unde Uni-
 tas Sacerdotalis exorta est, a Schismaticis, & profanis litteras ferre, nec co-
 gitare eos esse Romanos (quorum Fides Apostolo prædicante laudata est) ad quos
 perfidia habere non possit accessum. Et Libro *De Unitate Ecclesiæ*, scribit; Lo-
 quitur Dominus ad Petrum: Ego tibi dico (inquit) quia tu es Petrus, &
 „super istam petram ædificabo Ecclesiam meam, & portæ inferi non præ-
 „valebunt adversus eam. Et tibi dabo claves Regni cælorum, &c. Et
 „iterum post Resurrectionem suam dicit: Pasce oves meas. Super illum unum
 „ædificat Ecclesiam suam, & illi pascendas mandat oves suas. Et quamvis Apo-
 „stolis omnibus post Resurrectionem suam parem Potestatem tribuat, & dicat: Si
 „cut misit me Pater, & ego mitto vos, Accipite Spiritum Sanctum. Si
 „cui remiseritis peccata, remittentur illis, &c. Tamen ut unitatem ma-
 „nifestaret, unam Cathedram constituit, & unitatis ejusdem originem ab
 „uno incipientem, sua auctoritate disposuit. Hoc erant utique & ceteri
 „Apostoli, quod fuit Petrus, pari consortio præditi, & honoris, & pote-
 „statis; sed exordium ab unitate proficiscitur, & Primatus Petro datur,
 „ut una Christi Ecclesia, & Cathedra una monstretur. Hanc Ecclesiæ
 „unitatem, qui non tenet, tenere se fidem credit? Qui Cathedram Petri,
 „super quam fundata est Ecclesia, deserit, in Ecclesia se esse confidit?

Romani
 Pontificis
 Primatus.

Joan. 23.

Pares

Pares fuerunt Apostoli quoad Apostolatus dignitatem, quoad potestatem prædicandi Evangelium, & fundandi Ecclesias per Mandum universum, non quoad Primatum, & Potestatem regendi universalem Ecclesiam, non quoad dignitatem Capitis visibilis, & ministerialis totius Ecclesiæ sub Christo essentiali, & præcipuo Capite. Quo etiam sentit S. Hieronymus Lib. 1. Adversus Jovinianum, cap. XIV. At dicis, Super Petrum fundatur Ecclesia, licet id ipsum alio in loco super omnes Apostolos fiat, & cuncti claves Regni caelorum accipiant, & ex æquo super illos Ecclesiæ tortitudo solidetur; tamen propterea inter duodecim unus eligitur, ut Capite constituto Schismatis tollatur occasio. *Hinc ipse*, Hieronymus ad Damasum *Papam scribebat Epistola* LVII. Quamquam (inquit) tui me terreat magnitudo, invitat tamen humanitas. A Sacerdote victimam salutis, a Pastore præsidium ovis flagito. Facessat invidia, Romani culminis recedat ambitio: cum Successore Piscatoris, & Discipulo crucis loquor. Ego nolum primum nisi Christum sequens, Beatitudinē tuā, id est, Cathedræ Petri, Communionē confocior: super illam petram ædificatam Ecclesiam scio. Quicumque extra hanc Domum agnum comederit, profanus est. Si quis in Arca Noe non fuerit, peribit regnante diluvio Non novi Vitalem, Meletium respuo, ignoro Paulinum. Quicumque tecum non colligit, spargit: hoc est, qui Christi non est, antichristi est Quomobrem obtestor Beatitudinem tuam per Crucifixum, Mundi Salutem, per homouisionem Trinitatem, ut mihi Epistolis tuis sive tacendarum, sive dicendarum hypostaseon detur auctoritas.

R mani
Pontificis
Primatus.

In Romana Ecclesia *Apostolica Cathedra semper viguisse Principatum*, S. Augustinus docet Epistola XLIII. alias LXII. & Romanum Episcopum *Celsiore fastigio in Specula Pastoralis præminere* asserit Lib. 1. *Ad Bonifacium* cap. 1. Magistro concinit Discipulus S. Prosper. in Carmine *De Ingratis*.

Sedes Roma Petri, quæ Pastoralis Honoris

Facta Caput Mūdo, quicquid non possidet armis,
Religione tenet.

De Romani Pontificis Primatu præclarus est S. Bernardi locus, Lib. 11. *De Consideratione*, cap. VIII. „ Age (inquit) indagemus adhuc diligentius; qui sis, quam geras videlicet pro tempore personam in Ecclesia Dei. Quis es? Sacerdos Magnus Summus Pontifex. Tu Princeps Episcoporum; tu hæres Apostolorum; tu primatu Abel, gubernatu Noe, Patriarchatu Abraham, Ordine Melchisedech, Dignitate Aaron, Auctoritate Moyses, Judicatu Samuel, Potestate Petrus, Unctiōne Christus. Tūc, cui claves traditæ, cui oves creditæ sunt. Sunt quidem & alii cæli janitores, & gregum Pastores: sed tu tanto gloriosius, quanto & differentius præ illis nomen hereditasti. Habent illi assignatos greges singuli singulos: Tibi universi crediti, uni unus. Nec modò ovium, sed & Pastorum omnium tu unus Pastor. Unde id probem, quæris? Ex verbo Domini. Cui enim non dico Episcoporum, sed etiam Apostolorum, sic indiscriminate totæ commissa sunt oves? Si me amas, Petre, pascere oves meas. Quas? Illas, aut istius populos civitatis, aut regionis, aut certi Regni? Oves meas (inquit.) Cui non planum, non designasse aliquas, sed assignasse omnes? Nihil excipitur, ubi distinguitur nihil... Ergo juxta Canones tuos, alii in partem sollicitudinis. Tu in plenitudinem potestatis vocatus es. Aliorum potestas certis arctatis limitibus: tua extenditur in ipsos, qui potestatem super alios acceperunt. Nōne, si causa extiterit, tu Episcopo cælum claudere; tu ipsum ab Episcopatu deperire, etiam & tradere Satanæ pores? Srat ergo inconculcatus, tu. Privilegium unum tui tuiq; deus claudus, qui in ovibus commendatus.

In Conciliis Generalibus agnitus est, & commendatus Romani Pontificis Primatus, quod cum locupletissimis testimoniis olim a nobis probatum sit, Concilii Florentini Græcam pariter, & Latinam Ecclesiam representantis, ac utriusque fidem, & doctrinam in Definitione sua exprimentis verba hic adscribere satis erit: *Diffinimus, Sanctam Apostolicam Sedem, & Romanum Pontificem in universum orbem tenere Primatum: & ipsum Pontificem Romanum Successorem esse Beati Petri Principis Apostolorum, & verum Christi Vicarium, totiusque Ecclesie Caput, & omnium Christianorum Patrem, & Doctorem existere, & ipsi in Beato Petro pascendi, regendi, ac gubernandi universalem Ecclesiam a Domino nostro Jesu Christo plenam potestatem traditam esse, quemadmodum & in gestis Generalium Conciliorum, & in Sacris Canonibus continetur.*

Romani
Pontificis
jura.

Ratione Primatus a Christo Domino in tota, qualitate patet, Ecclesia accepti, Romanus Pontifex potestatem habet recipiendi, & judicandi Appellationes ex toto Orbe Christiano ad ejus Sedem delatas, in causis Fidei, dubiæ Disciplinæ, & Episcoporum dejectorum. Jus habet Concilia Generalia convocandi, illis præsidendi per se, vel per Legatos; illorum Decreta confirmandi; cogendique non solum vulgus Christianorum, & secundi Ordinis Sacerdotes, sed ipsos gregis arietes, Episcopos ipsos, ad observantiam Canonum Spiritu Dei conditorum, & totius Mundi reverentia consecratorum. Controversiarum Fidei, etiam extra Concilia Oecumenica, præ ceteris omnibus, & supra singulos Episcopos, Summus Judex est; Legum per universam Ecclesiam Conditor, & Dispensator, & Interpret Canonum. Graviorum criminum Absolutionem sibi reservare potest toto Orbe Christiano; Plenarias Indulgentias concedere. Hæc Jura Pontificii Primatus inconcussa: quæ tamen hic omnia nec explicare, nec recensere aggredimur, sed maxime reverentiam, & obedientiam Christi Domini in terris Vicario debitam Clericis commendare, juxta Formulam Professionis Fidei a Pio IV. præscriptam, & ab Ecclesia Catholica receptam: *Sanctam Catholicam, & Apostolicam Romanam Ecclesiam omnium Ecclesiarum Matrem, & Magistram agnosco; Romanoque Pontifici Beati Petri Apostolorum Principis Successori, ac Jesu Christi Vicario, veram obedientiam spondeo, ac juro.* Hanc obedientiam secundam sacratissimas Ecclesiæ Regulas in Seminariis edocti, Christianæ Plebi diligenter inculcent; illamque Doctoris Angelici certissimam, & ad Fidem pertinentem Sententiam: Subesse Romano Pontifici est de necessitate Salutis.

Obedientia
Romano
Pontifici ab
universis fidelibus debita.

C A P U T III.

DE MINISTRO SACRAMENTI

ORDINIS,

ARTICULUS I.

Utrum sacræ Ordinationis Minister sit solus Episcopus?

PROPOSITIO I.

Minister Sacramenti Ordinis est solus Episcopus.

Catholicum istud Dogma est a Concilio Tridentino Sessione xxxiii. cap. vi. & Canone vii. definitum. Potestatem enim Ecclesiæ Ministros ordinandi Episcopum habere, nunquam illi non esse cum Presbyteris communem, Sacra Synodus declarat. Quod & ex Scriptura Sacra, & ex Traditione

De Ministro
Ordinatio-
num.

ne compertum est. Christus Summus Sacerdos Apostolos suos in ultima Coena Sacerdotes ordinavit his verbis, *Hoc facite in meam commemorationem* ut Concilium Tridentinum declarat Sessione xxii. Canone secundo. Apostoli septem primos Diaconos a multitudine Fidelium electos, per manuum impositionem ordinarunt, *Act. vi.* Paulus, & Barnabas per singulas Ecclesias Presbyteros constituunt, *Act. xiv.* Timotheum manuum suarum impositione Presbyterum ordinatum testatur S. Paulus *1. ad Timotheum 1.* Idem Timotheo, & Tito tanquam Episcopis declarat, quibus manus imponere, & quos vel Episcopos, vel Presbyteros ordinare debeant, *1. ad Timotheum 111.* *2. ad Timotheum 1.* Novatianus Schismaticus, & Hæresiarcha, cum Episcopatum Romanum ambiret, duos deploratæ salutis homines sibi socios adiunxit, ut eos in exiguum, ac vilissimam Italiæ partem mitteret, atque illinc „ accitos tres Episcopos, homines plane rudes, ac simplices, fraudulenta „ quadam molitione deciperet; constantissime affirmans, ipsos quamprimum „ Romam proficisci oportere, ut omnis undecumque orta discordia, ipsorum una cum aliis Episcopis interventus atque arbitrio sedaretur. Qui cum „ advenissent, eos ille inclusos hora decima, temulentos, & crapula oppressos, adumbrata, & inani manuum impositione Episcopatum sibi tradere per vim cogit. Ita refert *Sandius Cornelius* Romanus Pontifex in Epistola ad *Fabium* Antiochenum Episcopum, apud *Eusebium* Lib. *vi. Historie Ecclesiastice*, cap. *xliii.* Adeo omnibus, etiam Schismaticis ipsis, & Hæreticis persuasum erat, Episcopum nisi ab aliis Episcopis consecrari non posse.

Ischyram Presbyterum non esse, quia fuerat ordinatus a *Collutho*, qui secundi tantum Ordinis Sacerdos erat, non Episcopus, declarat Synodus Alexandrina in causa *S. Athanasii* congregata in Epistola Synodica. *Presbyter* (inquit) qui fingitur adfuisse, est ille toties rumoribus lachatus *Ischyram*, qui neque ab Ecclesia ordinatus est Presbyter; neque cum a *Meletio* constitutus Presbyteros *Alexander* in Ecclesiam recipiebat, in eorum numero unquam habitus fuit, aut ab eo creatus. Quo pacto igitur Presbyter *Ischyram*, aut quo tandem auctore constitutus? Numquid scilicet a *Collutho*? Atqui *Colluthum* in gradu Presbyterii mortuum, omnemque ejus manuum impositionem rejecissam, omnesque ab eo constitutos in Laicorum ordinem redactos esse, & sub nomine Laicorum ad Synaxim admissos, adeo apud omnes constat, ut nemo de ea re dubitandum putet.

Tritum illud *S. Hieronymi* Epist. *Lxxxv. ad Evagrium* data: Quod enim facit excepta ordinatione Episcopus, quod non faciat Presbyter? Sed & *S. Epiphanius* ordinandi potestatem Presbyteris cum Episcopo non esse communem, ex Ecclesiæ sententia propugnat contra *Aerii* hæresim.

Favet & ratio: solus enim Episcopus est Christianæ Reipublicæ Præfatus, & Hierarcha, sive Sacrorum Princeps: ad solum autem Principem, & Præfectum pertinet Officia publica idoneis Administris distribuere.

PROPOSITIO II.

Secundi Ordinis Sacerdotibus Potestas conferendi Tonsuram Clericalem, & Minores Ordines a Summo Pontifice demandari potest.

ID enim Chorepiscopis, quorum plerique non erant Episcopi, aliquando concessam est. imo & Subdiaconorum Ordinatio illis permittitur Concilii Antiocheni Canone x. & Concilii Hispanensis Canone iv. Solos Presbyteros, & Diaconos ab eis ordinari prohibuit *Leo III.* Ordines Ecclesiasticos, qui per manus impositionem tribuantur, id est, Presbyteratum, & Diaconatum, ipsos conferre vult *Concilium Melitense* Canone *xliv.* Subdiaconatu

rua

sum tamen Ordinationes ipsis prohibitas Regum nostrorum Capitularia significant Lib. VII. cap. CCCXXVIII. & CCCXXX. Cardinalibus S. R. E. Presbyteris, & Abbatibus, modo Presbyteri fiat, & Episcopali benedictione insigniti, Privilegium ab Ecclesia, & Sede Apostolica concessum est, Tonsuram Clericalem, & Minores Ordines conferendi. Cardinalium Privilegium nititur consuetudine a Summo Pontifice approbata. Privilegium vero Abbatum in Jure expressum est, scilicet Septimæ Synodi Generalis Canone XIV. & cap. *Requisivit*, quod est *Alexandri III. Extra. De Ordinatis ab Episcopo*, De Ministro Ordinationum. qui renuntiavit. Et cap. *Cum contingant*, quod est *Innocentii III. Extra. De etate, & qualitatibus Ordinandorum*. Id confirmavit Tridentina Synodus: inhaibuit duntaxat, *Ne cuiquam qui Regularis subditus sibi non sit, Tonsuram, vel Minores Ordines conferant.* (Sessioe XXIII. De Reformatione, cap. X.) Quamobrem si quos sibi non subditos, si quos non Regulares ad Tonsuram, ac Minores Ordines promovere tentaverint, irrita erit promotio, & Ordinatio nulliusque efficaciz; quippe cum eorum Privilegium, quo solo Potestas illorum completur, ad illas personas nullatenus extendatur.

Hanc Minores Ordines, non autem Majores conferendi provinciam simplici Sacerdoti a Summo Pontifice demandari posse non autem ei, qui Sacerdotio initiatus non sit, docet S. Thomas in IV. *Sentent.* dist. XXV. qu. I. art. I. ad tertium: *Papa* (inquit) *qui habet plenitudinem Potestatis Pontificalis, potest committere non Episcopo ea, quæ ad Dignitatem Episcopalem pertinent, dummodo illa non habeant immediatam relationem ad verum Corpus Christi: & ideo ex ejus commissione aliquis Sacerdos simplex potest conferre Minores Ordines, & confirmare: non autem aliquis non Sacerdos: nec iterum Sacerdos Majores Ordines, qui habent immediatam relationem ad corpus Christi, supra quod consecrandum Papa non habet majorem potestatem quam simplex Sacerdos.*

Et in Responsione ad quintum: *Quia* (inquit) *Sacerdos non habet completam potestatem in Hierarchicis Officiis sicut Episcopus, ideo non sequitur, quod possit Diaconos efficere, quamvis ille Ordo sit sibi propinquus.*

In contrarium obijci solet Privilegium Cisterciensibus Abbatibus ab *Innocentio VIII.* Pontifice Maximo datum, ut Subdiaconatus, & Diaconatus Ordines conferre Monachis suis possent, ne extra claustrum discurrere cogerentur; ut in Compilatione Privilegiorum, Privilegio CXVII. videre est: quod *Navarrus* Lib. V. *Consiliorum*, cum de Privilegiis agit, Consilio XIV. *Exorbitans Privilegium* vocat, & rejicere non veretur tanquam non legitimum. Illud etiam in dubium revocat *Silvius* in III. P. S. *Thomæ*, qu. XXVIII. art. I. Licet illud se legisse *Vasquesius* Disp. CXLIII. in III. P. S. *Thomæ* tectetur, & in Collegio Complutensi assevari, & verba Privilegii exscribat, quod anno 1439. datum est. *Victoria* in Summa Num. 235. Pontificium Diploma se vidisse ait, quo Cisterciensibus Abbatibus facultas data sit conferendi Subdiaconatum; additque aliquos idem asserere de Diaconatu. *Bensonius* Lib. II. *De Anno Jubilei*, cap. XXIII. ubi Diplomatis istius meminit, asserit *Innocentii VIII.* Privilegium in eo solum positum esse, ut Cistercienses Abbates Litteras Dimissorias Monachis suis dare possent, quibus cuilibet Catholico Antistiti rite promotio potestas fieret Monachos Cistercienses ordinandi, non habita Dæcesum, & Provinciarum ratione: & ita non solum Romæ declaratum fuisse a Sacra Congregatione Concilii Tridentini Interprete anno millesimo quingentesimo nonagesimo secundo, verum etiam explicatum fuisse a *Clemente VIII.* in Bulla Cisterciensibus data. Denique (inquit *Hallerius* Sezione V. *De Ministro Sacre Ordinationis*, §. II. Num. XXI.) Nec Cistercienses nostra, aut Patrum nostrorum memoria, eo Privilegio usi dicuntur: quod si hec Privilegium a Sancta Sede obtinuisse, nusquam ab

eius usu tamdiu se continuissent, præsertim in Gallia. Quare (inquit) concludimus totum istud Privilegium, saltem quoad Diaconatum, incertæ esse auctoritatis, probabilius esse, quod fictum, ac suppositum censendum sit. Si tamen (inquit *Silvius*) constaret de istius Privilegii veritate, hanc ordinandorum Subdiaconorum, & Diaconorum Potestatem simplici Presbytero a Summo Pontifice demandari posse non negaremus.

Presbyteros
ordinate
non potest
simplex Sa-
cerdos cum
Summi Pon-
tificis Pri-
vilegio.

Ut ut est, Sacerdotes ordinare non potest simplex Sacerdos, quolibet munus Privilegio. Sentiunt quidem veteres nonnulli Canonici Juris Interpretes, & Scholastici etiam aliqui, quorum loca *Joannes Morinus* indicat & describit Libro *De Sacris Ordinationibus* P. III. Exercitatione IV. cap. III. simplicem Presbyterum delegari posse a Summo Pontifice ad Presbyteri Ordinationem, atque in ea etiam fuisse sententia *Innocentium IV.* in cap. *Quanto*, Extra. *De Consuetudine*, ostendit. Verum eam sententiam ut a Traditione alienam rejiciamus: eam enim Ordinationem ad Episcopum pertinere, *Sanctarum Litterarum Auctoritate, certissima Traditione; omnium Patrum testimonio, Conciliorum Decretis, Sanctæ Ecclesiæ usu, & consuetudine, facile erit comprobare* (inquit Concilii Tridentini Catechismus.) In ejusmodi certe Quæstionibus nihil pronuntiandum ultra ea, quæ a Patribus tradita sunt, & quæ docet Ecclesia *Mentis nostræ partus* (inquit *S. Basilii* Epistola IX.) *non audent tradere, ne verba pietatis censeantur humana; sed quæ a sanctis Patribus edocli sumus, ea nos interrogantibus annuntiamus*. Et, (ut ait *S. Augustinus* Lib. VIII. *De Baptismo contra Donatistas*, cap. LIII.) *Nobis tamen tutum est in ea non progredi aliqua temeritate sententiæ, que nullo in Catholico Regionali Concilio coacta, nullo Plenario terminata sunt: id autem fiducia secus vocis asserere, quod in gubernatione Domini nostri, & Salvatoris Jesu Christi universalis Ecclesiæ consensione roboratum est.*

A R T I C U L U S II.

A quo Episcopo quisque ordinari debeat?

I. **U** Numquemque a proprio Episcopo ordinari Leges Ecclesiæ jubent, aut certe ab alio cum ejus licentia, & litteris dimissoriis. Ita sanxit Sacra Synodus Tridentina Sessione XXIII. *De Reformatione*, cap. VIII. *Unusquisque* (inquit) *a proprio Episcopo ordinetur*. Quod si quis ab alio promoveri petat, nullatenus id ei etiam cuiusvis generalis, aut specialis Rescripti, vel Privilegii prætextu, etiam statutis temporibus permittatur: nisi ejus probitas, ac mores Ordinarii sui testimonio commendentur: si secus fiat, Ordinans a collatione Ordinum per annum, & Ordinatus a susceptorum Ordinum executione, quamdiu proprio Ordinario videbitur expedire, sit suspensus.

Triplex
Episcopus
proprius a
quo Ordines
possunt sus-
cipi, jure
novo.

II. Triplex autem Episcopus proprius jure novo distinguitur, Caput *Cum nullus*, quod est *Bonifacii VIII.* Tit. *De tempore Ordinationum*, in Sexto: scilicet Episcopus originis, domicilii, & Beneficii: & ab eorum quolibet Ordines licite suscipi posse declarat. *Cum nullus* (inquit) *Clericum Paræciæ aliene, præter Superioris ipsius licentiam, debeat ordinare, Superior intelligitur in hoc casu Episcopus, de cujus Diocesi est is, qui ad Ordines promoveri desiderat, oriundus: sive in cujus Diocesi Beneficium obtinet Ecclesiasticum: seu habet, licet alibi natus fuerit, domicilium in eadem.*

Episcopus
originis est
Episcopus
loci in quo
quis natus
est.

III. Quamvis autem jure veteri Episcopus loci in quo Baptismo regeneratus quis fuerat, conferetur Episcopus originis, a quo poterat ordinari, ut colligitur ex Concilii Illiberitani Canone XXIV. & ex Concilii Carthaginensis 111. Canone XLIV. secundum hodiernam tamen disciplinam Episcopus originis intel-

intelligitur Episcopus loci, in quo quis natus est: Id enim significant verba Canonis, *De cuius Diœcesi est is, qui ad Ordines promoveri desiderat, oriundus.*

IV. Quamvis rursus secundum jus commune, quod nunc etiam in Italia viget, in Ordinationibus ratio paternæ originis haberi possit, ita ut qui Mediolani natus est ex patre Genuensi, possit pro arbitrio ad Ordines suscipiendos eligere vel Mediolanensem, vel Genuensem Episcopum, ut *Zeroda*, in Praxi Episcopali P. 11. verbo *Dimissoria*, alique docent; idque fundamentum habeat in 1. *Assumptio*, ff. *Ad Municipalem*, §. *Filius*, et 1. *Filius*, C. *De Municipibus*: in Galliis tamen paternæ originis quoad Ordines suscipiendos nulla solet haberi ratio, & consuetudo ita Legem interpretata est, ut unusquisque non alium agnoscat originis Episcopum, præter Episcopum loci, in quo natus est.

V. Duo casus excipiuntur: primus est, si quis Reipublicæ causa absens, & ad aliquam regionem missus pro quodam certo tempore, annali, verbi gratia, biennali, triennali, vel non ita diuturno ut domicilio constituendo sufficiat, liberos interim aliquos suscipiat, in hoc enim casu liberi isti a paternâ origine potius censendi erunt quam a propria, sive Leges Civiles, sive Consuetudinem, sive loquendi usum respicias. Quamobrem liberi ab Oratoribus Principum, aliisve Reipublicæ causa a Rege missis, in remotioribus regionibus suscepti, ex paternâ civitate censentur, & paternæ civitatis Episcopus censetur Episcopus originis a quo possunt ordinari.

Alter casus est, si quis fortuito in aliquo loco natus est, in eo scilicet, quem mater pertransibat, aut quo animo minime commorandi perrexerat. Nam qui ita ex aliquo loco est, non efficitur civis hujus loci, in quo natus est, ut colligitur ex 1. *Filius* superius laudata, cujus hæc sunt verba: *Filius apud originem patris, non in materna civitate, etsi ibinatus sit, ad honores, seu munera posse compelli, explorati juris est.*

VI. Episcopus domicilii est Episcopus loci, in quo quis ita habitat, ut perpetuo manendi in eo nec uquam in locum originis suæ redeundi intentionem habeat, fortunæque suas in eo collocet, ut colligitur ex 1. *Cives*, C. *De Incolis*, cujus hæc sunt verba: *In eodem loco singulos habere domicilium non ambigi, ubi quis lavem, rerumque, ac fortunarum suarum summam constituit: unde rursus non sit discessurus, si nihil avocet; unde cum profectus est, peregrinari videtur: quo si redit, peregrinari jam desistit.* Et 1. *Nec ipsi*, C. sub eodem Titulo: *Nec ipsi qui studiorum causa aliquo loco commorantur, domicilium ibi habere creduntur, nisi decem annis transactis eo loco sedes sibi constituerint, secundum Epistolam D. Hadriani, nec pater, qui propter filium studentem frequentius ad eum commeat.* Nemo ergo, qui a brevi tempore locum aliquem incolit, credi debet in eo domicilium fixisse, nisi rationes, seu conjecturæ probabiles id suadeant: sicut enim in fugientibus onera, *Domicilium* re, & factio transferitur, non nuda contestatione, ut habetur 1. *Domicilium*, ff. *Ad Municipalem*: ita in appetentibus honores nuda contestatione contenti esse non debemus. De exteris facile quisque suspicari potest, eos, si in alieno loco postulent ordinari, patriam fugere, in qua nati sunt, ut facilius Ordinationibus imponant, suæque crimina, & impedimenta canonica quibus forte sunt irretiti, occultent, quemadmodum monuit *Clemens IV.* Cap. *Sepe constringit*, Tit. *De temporibus Ordinationum*, in Sexto. Cavendum est, ne quis aliquo figmento, & prætenso in fraudem domicilio ab alienæ Diœcesis Episcopo ordinetur: quod pœna etiam in Ordinatos constituta puniendum censuit *Gregorius X.* in Concilio Generali Lugdunensi, cujus Decretum refertur cap. *Eos qui*, Et *De Temporibus Ordinationum*, in Sexto. Adhibendæ sunt

Exceptiones

Quis Episcopus domicilii?

igitur ab Episcopo aliquæ conjecturæ, antequam alienæ Diœceseos hominem, qui brevi tempore in sua Diœcesi fuerit commoratus, ad Ordines promoveat. Conjectura autem in impuberibus optima est, si patrum domicilium incolant, imò etiam si matrum, quando pater mortuus est, vel incertus: pro puberibus autem, si nuptias aliquando in eo loco contraxerint, si summam rerum suarum in eum locum transfulerint: si Officium, quod residentiam exigat, in eo loco obtinuerint: non si domum, vel prædium emerint: denique si per decem annos ibi commorati fuerint. Ex diuturna enim, continuaque mansione, qualis est decennalis, voluntas perpetuo commorandi alicubi colligitur, nisi contrarium aliunde conjiciatur, ut in Scholasticis, & Castellanis, qui plures annos alicubi morari solent, cum animo remeandi in locum originis. *Decennale domicilium*, ut quis ab Episcopo domicilii possit ordinari, postulat Concilium Mediolanense IV. anno MDLXXVI. & Aquisense anno MDLXXXV. Ceterum quia domicilii probatio non ita facilis est, quia fieri potest, ut quis diu in aliena Diœcesi maneant cum animo revertendi in propriam, Gallicani Episcopi ab Ordinatione Clericorum, qui alibi nati sunt, sibi temperare solent, eosque ad Episcopum originis remittere. Et certe jus originis juri domicilii multum præponderat: illud enim naturale, istud civile est: illud necessarium, istud voluntarium: illud immutabile istud variabile.

Ab Episcopo, cujus in Diœcesi Beneficium obtinet, aliquis ordinari potest secundum Bonifaciani tenorem Decreti, siue Beneficium simplex sit, siue Residentiam possulet; siue in Titulum (ut vocant) siue in Commendam possideatur; siue opimum sit, siue tenue; siue unum, siue plura in diversis Diœcesibus habeantur Beneficia; modo possessionem illorum adierit Ordinandus. Episcopo enim competit auctoritas in Clericum ratione Beneficii cujuscumque, quod in sua Diœcesi obtinet: sicut olim, cum nullus Clericus fiebat, nisi certæ adhiberetur Ecclesiæ, nemo absolute ordinabatur, jus ordinandi Clericum illi soli conveniebat Episcopo, in cujus Diœcesi erat Ecclesia, cui addictus erat.

Episcopus
beneficii.

Verum quia fieri potest, ut Beneficium aliquod in fraudem suscipiatur, quo proprii Episcopi, ex cujus Diœcesi quis oriundus est, & in qua domicilium habet, examini se subducit: & quia vita, & mores Clerici Ordinandi non ita accurate discuti possunt, ab Episcopo, in cujus Diœcesi simplex Beneficium possidet absque mansione, ac ab Episcopo originis, & domicilii: ideo ad fraudem avertendam, & hujusmodi periculum cavendum, raro in Gallia ab Episcopo Beneficii, præsertim simplicis, Ordinatio recipitur, raro hoc Jure Episcopi nolit ratetur utitur. Ecclesiasticæ Disciplinæ conservationi conducibilis certe est consuetudo ista, quæ ad unum Episcopum originis Clericos adstringit, nec licentiam a variis Episcopis Ordines recipiendi passim indulget; quæ licentia & confusionem inducere, & Clericorum inobedientiam augere, & imperitiam, atque dissolutionem aliquando fovere posset. His expensis, Generalia Cleri Gallicani Comitia anno millesimo sexcentesimo quinquagesimo quinto congregata Gallicanos Præsules hortata sunt, ut Diœcesanos duntaxat suos, siue ex suis Diœcesibus oriundos ordinarent. Quin & Sacra Congregatio Cardinalium Concilii Tridentini Interpretum xv. Februarii anno 1596. censuit satius esse Clericum, cum quendam ab Episcopo Tirafonensi, in cujus Diœcesi ortus erat, ad Ordines promoveri. Ceterum posse etiam Episcopum Valvensensem, in cujus Cathedrali Canonicatum obtinebat, eundem ordinare: verumtamen instructionem de vita, moribus, natalibus, ceterisque qualitatibus Ordinandi ab Episcopo Tirafonensi sumere ipsum Valvensensem Episcopum debere, præter quam quoad doctrinam, circa quam ab eodem Episcopo Ordinando diligenter examinandus est.

Ecclesiæ
Disciplinæ
magis
convenit,
ut a solo
Episcopo
originis
Ordines
(vulgo
recipiantur).

ARTICULUS III.

REGULÆ PRAXIM SPECTANTES.

Circa Episcopum, a quo quisque debet ordinari:

REGULA I.

Episcopus, qui Beneficium alicui contulerit, ut eum absque proprii Episcopi licentia ad Ordinem promoveat, aut quolibet figmento quæsto, aut affectata ignorantia alienæ Diœcesis hominem ordinaverit, incurrit in pœnas Canonum.

Ita declavit Gregorius X. in Concilio Generali Lugdunensi, & refertur cap. *Eos qui, Tit. De Temporibus Ordinationum, in Sexto. Eos (inquit) qui Clericos Parochiæ, absque Superioris Ordinandorum licentia scienter, seu affectata ignorantia, vel quocumque alio figmento quæsto præsumpserit ordinare, per annum a collatione Ordinum decernimus esse suspensos. His, quæ Jura statuunt contra taliter Ordinatos in suo robore duraturis. Tritum illud Juris: Fraus, & dolus alicui patrocinari non debent.* Si ergo Beneficium alicui conferatur in fraudem, ut ex aliena Diœcesi extrahatur, & Episcopi proprii, ex cujus Diœcesi oriundus est, examini, atque Ordinationi subducatur, fraus hujusmodi ipsi non prodest, ut declaravit Sacra Congregatio Cardinalium Concilii Tridentini Interpretum ad Episcopi Cadurcensis consultationem respondens die septima Octobris anno millesimo sexcentesimo sexagesimo secundo. Congregatio (inquit) Concilii sæpius declaravit: tametsi quis possit ordinari ab Episcopo loci Beneficii: si tamen adeptus sit Beneficium in fraudem, esse male promotum; ac si in susceptis Ordinibus ministraverit, Irregularitatem contrahere. Ceterum an ipsa fraus interceperit, ex legitimis conjecturis ad præscriptum Juris esse dignoscendum. Cum etiam Cardinalis Aquaviva Neapolitanus Archiepiscopus Congregationi exposuisset, quosdam Clericos prima Tonsura, vel Minoribus Ordinibus Neapoli initiatos, deinde ad subterfugiendum examen, & probationem Patrimonii sufficientis, prout Constitutiones Synodales Neapolitanæ requirunt; adire aliquem ex vicinis Episcopis, a quo provideri sibi de aliquo vel tenuissimo Beneficio curabant, cujus ratione, tamquam illi Episcopo subditi, ab eo ad Subdiaconatus, Diaconatus, & Presbyteratus Ordines promovebantur, ac mox Neapolim reversi, Ordines per supra dictam fraudem susceptos in illa Diœcesi exercebant; Sacra Congregatio censuit: Non item hos ad effectum Ordinationis Beneficium adipiscentes, debere ordinari ab Episcopo conferente Beneficium, Ordinatosque in Suspensionem incidisse, & Episcopum a collatione Ordinum per annum etiam suspensum esse. Id confirmat Fagnanus in 11. P. Lib. v. Decretalium, pag. 135. Clericus primæ Tonsuræ (inquit) qui beneficium obtinet in aliena Diœcesi, etsi promoveri possit ad Minores Ordines ab Episcopo Beneficii quantumvis tenuissimi, ad præscriptum Capituli Cum nullus, Tit. De Temporibus Ordinationum, in Sexto, tamen si illud Beneficium sibi in fraudem conferri curaverit, ut eludat examen, ac judicium sui Ordinarii; censetur male promotus, & remanet suspensus ab executione Ordinum, tanquam ordinatus a non suo Episcopo juxta Caput VIII. Sessionis XXIII. ut Sacra Congregatio declaravit.

A quo Episcopo Ordinatus recipiendi?

R E G U L A II.

Episcopus Ordines alicui conferre non potest ratione tenuissimi Beneficii, quod in ejus Diœcesi obtinet, si ex aliena Diœcesi sit oriundus, in eaque domicilium habeat.

IN eo enim casu præsumptio fraudis est, puta si Beneficium quatuor duntaxat ducatos annuatim reddat, vel ad summum septem ducatos, ut censent Zerola in Praxi Episcopi, P. verbo *Beneficia*, §. 4. Soto Lib. 11. De *Justitia*, & *Jure*, qu. 111. Barbosa P. 11. De *Officio*, & *Potestate Episcopi*, Allegatione IV. Num. 43.

R E G U L A III.

Episcopus alienæ Diœcesi hominem in familiam suam adscriptum, & tres annos continuos apud se commoratum ordinare potest, ea lego, ut Beneficium statim ipsi conferat absque fraude.

A quo Episcopo Ordines recipiendi?

ITa statuit Concilium Tridentinum, Sess. xxiii. De *Reformatione*, cap. ix. *Episcopus familiarem suum non subditum ordinare non possit, nisi per triennium secum fuerit commoratus, & Beneficium quacumque fraude cessante statim reipsa illi conferat: consuetudine quacumque, etiam immemorabili, in contrarium non obstante.*

R E G U L A IV.

Titulares Episcopi non gaudent privilegio familiares suos ordinandi.

Hanc enim potestatem ad Ordinarium Episcopum restrinxit Tridentina Synodus Sessione xiv. De *Reformatione*, cap. 11. *Nemo* (inquit) *Episcoporum, qui Titulares vocantur, etiam in loco nullius Diœcesis, etiam exempto, aut aliquo Monasterio cujusvis Ordinis resederint, aut moram traxerint, vigore cujusvis Privilegii, sibi de promovendo quoscumque ad se venientes pro tempore concessi, alterius subditum, etiam prætextu familiaritatis continue commensalatis suæ, absque proprii Prælati expresso consensu, aut litteris dimissoriis ad aliquos Sacros, aut Minores Ordines, vel ad primam Tonsuram promovere, sine ordinare valeat. Contra faciens exercitio Pontificalium per annum: taliter vero ordinati ab executione Ordinum sic susceptorum, donec suo Prælato visum fuerit, ipso jure sint suspensi.*

R E G U L A V.

Regulares a proprio Episcopo debent ordinari, non minus quam ceteri Clerici. Proprius autem eorum Episcopus est Diœcesanus Monasterii, in quo ipsi permanentes degunt.

Hec Regula colligitur ex Canone xv. Concilii Carthaginensis v. & refertur dist. LVIII. Canone *Si quis*, cujus hæc sunt verba: *Si quis de alterius Monasterio repertum, vel ad Clericatum promovere voluerit, vel in suo Monasterio Majorem Monasterii constituere, Episcopus, qui hoc fecerit, a ceterorum Communionem secludens, suæ tantum plebis Communionem contentus sit, & ille neque Clericus, neque Præpositus perseveret.*

Idem colligitur ex Concilio Arelatensi III. in causa Lirinensis Monasterii, in quo contendente pro Jurisdictione Episcopali Theodoro Antipolitano Episcopo, pro libertate vero Monachis Lirinensibus, convocari Provin-

Vinciae Arelatensis Episcopi a Ravenio Arelatensis Metropolitano, quædam capitula ab utroque observanda condiderunt: tum vero sanxerunt, Ut Clerici, atque Altaris Ministri a nullo nisi ab ipso Episcopo Diocesano, vel cui ipse injunxerit, ordinentur: id scilicet Episcopali honori in Monasteriis quantumvis exemptis reservandum censentes, ut a nullo quam a Diocesano Monachi ordinari possent.

Id confirmatur ex Diplomate Pontificio Leonis X. quod incipit *Dum intra Mentis arcana*, quod in Concilio Lateranensi vi. Sess. xi. promulgatum est, quo statuitur, *Ut nullatenus in Regularium Ecclesiis, seu Domibus, aut aliis eorum locis, ab alio quam a Diocesano Episcopo, vel ejus Vicario super hoc cum debita reverentia requisito, & absque rationabili causa contradicente, vel in eadem Diocesi absente, ad dictos Ordines promoveri debeant.*

Id a Sacra Synodo Tridentina confirmatum, & Privilegia, si quæ forent in contrarium, abrogata sunt Sessione xxiiii. *De Reformatione*, cap. viii. Unusquisque (inquit) a proprio Episcopo ordinetur: quod si quis ab alio promoveri petat, nullatenus id ei, etiam cujusvis generalis, aut specialis Rescripti, vel Privilegii prætextu, etiam statutis temporibus permittatur, nisi ejus probitas, ac mores Ordinarii sui testimonio commendentur. Ex cap. x. Abbatibus, ac aliis quibuscumque, quantumvis Exemptis, non liceat in posterum, intra fines aliqujus Diocesis consistentibus etiamsi nullius Diocesis, vel Exempti esse dicantur, cuiquam qui Regularis subditas sibi non sit, Tonsuram vel Minores Ordines conferre: nec ipsi Abbates, & alii Exempti, aut Collegii, vel Capitula quæcumque, etiam Ecclesiarum Cathedralium, litteras dimissorias aliquibus Clericis, ut ab aliis ordinentur, concedere: sed horum omnium Ordinatio, servatis omnibus, quæ in hujus Sanctæ Synodi Decretis continentur, ad Episcopos, intra quorum Diocesis fines existunt, pertineat, non obstantibus quibusvis privilegiis, præscriptionibus, aut consuetudinibus. Ex his duobus Decretis manifestum est, Concilium Tridentinum integram ordinandi cum Seculares, tum Regulares potestatem penes Diocesanos Episcopos esse voluisse.

A quo Episcopo Ordines recipiendi?

Istud Tridentini Concilii Decretum in Italia, Gallia, Hispania receptum est. Nucerina Synodus a Simone Lunadoro Senensi Episcopo habita anno millesimo sexcentesimo octavo, Tit. In quibus Viri, & loca Regularia Episcopali subiaceant Jurisdictioni, ita de eâ re statuti: Regulares, licet a suis Superioribus examinati, & dimissi, nihilominus sine diligenti Episcopi examine ordinandi non sunt, nec ab alio quam ab Episcopo loci, ubi suorum Superiorum Mandato degunt, si is Sacras Ordinationes habuerit, promovendi sunt.

Constitutiones Arretinæ, in Diocesana Petri Usmardi Synodo anno millesimo quingentesimo nonagesimo octavo promulgatæ, Tit. De Sacramento Ordinis, idem statuunt: Sciant tam Regulares quam Seculares Clerici, qui ante ætatem legitimam ad singulos Sacros Ordines promovebuntur, ut etiam qui, cum ex Urbe vel Diocesi Arretina oriundi sunt, absque legitimis Dimissoriis ab alieno Episcopo aliquem ex ipsis Sacris ordinibus acceperint, se a prædictorum Ordinum executione ipso jure suspensos esse ex Pii II. Pontificis Constitutione.

Synodus Cremonensis primo sub Cesare Epeciano Episcopo celebrata anno millesimo quingentesimo nonagesimo nono, Tit. De iis, quæ pertinent ad Sacramentum Ordinis, ita decernit: Apostolico Decreto Sanctissimi Domini nostri (Clementis VIII.) sub die 15. Martii anni millesimi quingentesimi nonagesimi festi edito, quod in fine hujus Synodi describetur, inherendo, mandamus, ne quispiam cujusvis Ordinis Regularis ad ullos Ordines promoveri possit extra hanc Diocesim.

Synodus Burdigalensis Provincialis sub Cardinali *De Sourdis* celebrata anno millesimo sexcentesimo vigesimo quarto, Tit. *De Ordine*, cap. xii. *Superioribus* (inquit) *Monasteriorum, in quibus Religiosi fixam, & firmam commorandi sedem habent, prohibemus, ne Litteras Dimissorias Religiosis suis, ut a quocumque ordinentur, concedant, sed a suo Pontifice, aut ab alio de ejus licentia ordinandos esse dumtaxat decernimus: eos vero, qui pro instituto ad varia domicilia certis temporum intervallis transferuntur, cum litteris Provincialium suorum de voto Religionis emisso fidem facientibus, ab Ordinario loci, in quo pro tempore degunt, admitti tantum præcipimus: ab aliis nunquam nisi Attestatione præhabita, a Pontifice loci, seu Vicario Generali obtenta, qua cur apud se nequiverint ordinari, prohibeatur.*

Generalia Cleri Gallicani Comitia anno millesimo sexcentesimo vigesimo quinto celebrata, nonnisi a propriis Episcopis quosvis Clericos tam Regulares quam sæculares ordinari sanxerunt.

Concilium Toletanum anno millesimo quingentesimo octogesimo tertio celebratum, actione iii. cap. xlvii. ejusdem est sententiæ, & Declarationis Cardinalium Tridentini Concilii Interpretam ea de re editæ meminit, cujus hæc sunt verba: „ De Mandato S. D. N. Clementis divina Providentia Papæ VIII. tenore præsentium mandatur omnibus, & singulis quocumque Regularium Superioribus, ut de cetero observent, & observari faciant ea, quæ in Decreto Sacræ Congregationis Concilii Tridentini continentur, cujus tenor est talis; Congregatio Concilii censuit, Superiores Regulares posse suo subdito item Regulari, qui præditus qualitatibus requisitis Ordines suscipere voluerit, Litteras Dimissorias concedere, ad Episcopum tamen Diocesæ, nempe illius Monasterii, in cuius familia ab iis, ad quos pertinet, is Regularis positus fuerit: & si Diocæsanus abfuerit, vel non esset habiturus Ordinationes, ad quemcumque alium Episcopum: dum tamen ab eo Episcopo, qui Ordines contulerit, examinetur quoad doctrinam: & dum ipsi Regulares non distulerint industria concessionem Dimissoriarum in id tempus, quo Episcopus Diocæsanus abfuerit, vel nullas habiturus Ordinationes esset. Verum cum a Superioribus Regularibus, Episcopo Diocæsano absente, vel Ordinationes non habente, Litteræ Dimissoriæ dabantur, in iis utique hujusmodi causam absentis Diocæsani Episcopi, vel Ordinationum ab eo non habendarum, exprimendam esse: quod qui non fecerint, Officii, & Dignitatis, seu administrationis, ac vocis activæ, & passivæ privationis, ac alias arbitrio ejusdem S. D. N. Papæ reservatas pœnas incurrerent. Datum Romæ die xv. Martii anno 1596.

Denique cum *S. Pius V.* Constitutione sua, quæ incipit, *Et si Mendicantium Ordo*, decrevisset hujusmodi Ordinum Fratres sacros Ordines a quolibet Antistite gratiam, & commissionem Apostolicæ Sedis habente, Ordinarii loci minime requisita licentia, in locis sive domibus suis, sive alibi recipere posse, hanc Constitutionem *Gregorius XV.* Constitutione sua xv. quæ incipit, *In tanta rerum*, revocavit, & ad terminos Juris communis, ac Tridentini Concilii reduxit.

R E G U L A VI.

Rescripta Apostolica, ut quis a quocumque Antistite promoveri possit, nemini suffragantur, nisi ejus probitas, ac Mores Ordinarii sui testimonio comprobentur.

Hanc Regulam tradit Concilium Tridentinum, Sess. xxiii. cap. viii. *Unusquisque* (inquit) *a proprio Episcopo ordinetur. Quod si quis ab alio pro-*

Superiores
Regulares
Litteras Di-
missorias
concedere
possunt sub-
ditis suis ad
Episcopum
Diocæsa-
num, non ad
alium; nisi
Diocæsanus
abfuerit, vel
Ordinatio-
nes non sit
habiturus.

A quo Epi-
scopo Ordi-
nes reci-
piendi?

promoveri petat, nullatenus id ei, etiam cujusvis generalis aut specialis Rescripti, vel Privilegii prætextu, etiam statutis temporibus permittatur, nisi ejus probitas, ac mores Ordinarii sui testimonio commendentur: si secus fiat, Ordinans a collatione Ordinum per annum, & Ordinatus a susceptorum Ordinum executione, quandiu proprio Ordinario videbitur expedire, sit suspensus. Res scilicet plena æquitate, & digna laude visa est Tridentinis Patribus, Ut de mendacio nemo lucretur, præsertim apud Sanctam, & Summam Sedem; ut scribebat olim ad Innocentium II. S. Bernardus. Equissimum visum est fraudibus, & clandestinis molitionibus occurrere, quibus Rescripta ista ignari, & perditæ vitæ, atque existimationis homines extorquere possunt. Nullum autem convenientius remedium judicatum est, quam ut Episcopi; quorum maxime interest Ordinatio, & qui Ordinandos perfectius nosse possunt, de eorum vita, & moribus prius testimonium perhibeant, quam ipsis licentia Ordines ab aliis suscipiendi concedatur. Quamobrem idem Concilium statuit, ut ii, quibus prohibitus aditus ad Sacros Ordines ab Ordinario fuerit, nullius vi Rescripti interdictos Ordines recipere possint. Tridentinum autem Decretum his verbis conceptum est Sessionis XIV. De Reformatione, cap. 1. Cum honestius, ac tutius sit subiecto, debitam Præpositis obedientiam impendendo, in inferiori Ministerio deservire, quam cum Præpositorum scandalo graduum altiorum appetere dignitatem; ei, cui ascensus ad Sacros Ordines a suo Prælato, ex quacunque causa, etiam ob occultum crimen, quomodolibet, etiam extrajudicialiter fuerit interdictus: aut qui a suis Ordinibus, seu Gradibus, vel Dignitatibus Ecclesiasticis fuerit suspensus, nulla contra ipsius Prælati voluntatem concessa licentia de se promoveri faciendo; aut ad priores Ordines, & Gradus, & Dignitates, sive honores restitutio suffragetur.

Idem Concilium Sess. VII. De Reformatione, cap. XI. de hujusmodi Rescriptis ita statuit: Facultates de promovendo a quocunque, non suffragentur nisi habentibus legitimam causam, ob quam a propriis Episcopis ordinari non possint, in litteris exprimendam: & tunc non ordinentur nisi ab Episcopo in sua Diocesi residente, aut pro eo Pontificalia exercente, & diligenti prævio examine.

R E G U L A VII.

Nemo ab alieno Episcopo ordinari potest sine licentia proprii Episcopi, seu Dimissoriis Litteris.

Hanc Regulam a Conciliis Carthaginensi I. Canone v. Bracarensi I. Canone XXVI. Trullano Canone XVII. Cabilonensi II. Canone XII. Meldenensi Canone XV. & Summis Pontificibus Innocentio I. Epistola II. Zacharia in Synodo Romana, cap. XI. Clemente IV. cap. I. De Temporibus Ordinationum in Sexto traditam confirmat Concilium Tridentinum Sessione XIV. cap. II. De Reformatione, dum a Titulari Episcopo alterius subditum quocunque prætextu ordinari vetat, Absque sui proprii Prælati expresso consensu, aut litteris dimissoriis. Expressum consensum, vel litteras dimissorias requirit, non absolute dimissorias litteras, quod aliquando contingat, publice ac solemniter in Ecclesia Episcopi proprii, eo præsentis, sed honoris causa alienum Episcopum ad celebrationem Ordinum invitante, vel propter infirmitatem indigente, aut absente eo quidem, sed præsentibus Officialibus ejus, iisque adjuvantibus examinantibus, & testimonio de Ordinatione ferentibus, Ordinationem celebrari: quo unico casu litteris dimissoriis opus non est, ut quis ab alterius Civitatis Episcopo ordinari valeat, sed expressus consensus Episcopi sufficit. Idem confirmatur ex Sessione VII. De Reformatione, cap. X. & Sessione XXI. cap. X.

R E -

R E G U L A VIII.

Soli Episcopi, non Abbates, neque alii etiam Exempti, aut Collegia, vel Capitula, quæcumque, etiam Ecclesiarum Cathedralium, Litteras Dimissorias Clericis secularibus concedere possunt, ut ab aliis Ordines suscipiant.

ITa sanxit Concilium Tridentinum Sessioe xxiiii. *De Reformatione*, cap. x. quod Decretum executioni mandari iussit Synodus Burdigalensis anno millesimo sexcentesimo vigesimo quarto, Tit. *De Ordine*, cap. xii. Vicarius etiam Generalis Episcopi Dimissorias Litteras concedere non potest, nisi ex speciali Mandato Episcopo, vel ipso Episcopo in remotis agente, ut decretum est cap. *Cum nullus*, Tit. *De Temporibus Ordinationum*, in Sexto.

R E G U L A IX.

Capitulum Sede vacante nonnisi elapso anno, a die obitu Episcopi numerando, licentiam ordinandi, aut Dimissorias Litteras concedere potest, tam ex Juris communis dispositione, quam etiam cujusvis Privilegii, aut Consuetudinis vigore, alicui, qui Beneficii Ecclesiastici recepti, sive recipiendi occasione arctatus non fuerit.

An, & quando Capitulum Potestas Sede vacante conveniat concedendi licentiam ordinandi, aut Litteras Dimissorias.

SANCTIO est Concilii Tridentini Sessioe vii. cap. x. *De Reformatione*, quam si Capitulum violaverit, Ecclesiastico subiacet Interdicto: & sic Ordinati, si in Minoribus constituti fuerint, nullo Privilegio Clericali, præsertim in criminalibus gaudent: in Majoribus vero, ab executione Ordinum, ad beneplacitum futuri Prælati sunt ipso jure suspensi. Quam prænam Sacra Synodus Sessioe xxiiii. cap. x. ad illos, qui eandem Litteras non a Capitulo, sed ab aliis quibuscvis, in Jurisdictione Episcopi loco Capituli, Sede vacante succedentibus, obtinerent, mandat extendi. Concedentes autem Dimissorias contra formam Decreti, ab Officio, & Beneficio per annum ipso jure suspensos declarat.

De Dimissoria.

Arctatus porro quis dicitur occasione Beneficii recepti, qui aliquod obtinet Beneficium requirens Ministerium personale, ratione cujus de jure, consuetudine, privilegio, statuto Ecclesiæ, vel foundationis tabulis, Ordines intra annum suscipere tenetur: exempli gratia, qui Parochialem Ecclesiam obtinet, arctatus est ad Sacerdotium intra annum suscipiendum, & qui obtinet Canonicatum, arctatus est ad suscipiendum Ordinem illi annexum: idemque judicium esto de aliis Beneficiis, seu Capellaniis, requirentibus ex instituto Ministerium personale, seu Ordinis alicujus functiones.

Arctatus vero dicitur occasione Beneficii recipiendi, qui jus habet, seu vocatus est ad aliquod Beneficium vacans, quod requirit certum Ordinem, quo ille caret: vel qui cum sit initiatus prima Tonsura, præsentatus est ad Beneficium quod Majorem Ordinem actu requirit. Sed minime dici arctatum occasione Beneficii recipiendi illum, cui aliquis vult resignare Beneficium requirens actu Ordinem, quo ille caret, post alios observat *Barbosa* Par. ii. *De Officio, & Potestate Episcopi*, Allegatione vii. §. xi. Nec etiam arctatus censetur occasione beneficii recipiendi, qui nondum Clericus est, sed opportunitate data captandi Beneficii, Tonsuram vult suscipere, ut Beneficii capax fiat. Vocatio enim Spiritus Sancti, non cupiditas, & ambitus Beneficii, hominem ad Statum Clericalem perducere, ac promovere debet.

Litteræ Dimissorie concedende non sunt nisi ex iusta causa, & prævio illius examine cui conceduntur, nec generatim ad omnes, sed speciatim, ac seorsim ad singulos Ordines.

Conciliorum Decretis hæc Regula nititur, in primis Decreto Concilii Tridentini Sessione xxiiii. cap. iiii. De Reformatione. *Episcopi* (inquit) *per semetipsos Ordines conferant. Quod si ægritudine fuerint impediti, subditos suos non aliter quam jam probatos, & examinatos, ad alium Episcopum ordinandos dimittant.* De l'imissio-
riis.

Item Concilii Mediolanensis iii. Tit. De iis, quæ pertinent ad Ordinis Sacramentum, ita statuente: „Infirma valetudine, aliave iusta causa impeditus Episcopus; si statas sacras Ordinationes habere non potest, & alium quem propterea Clericum suum ad alium Episcopum mittere velit, a quo alicui Ecclesiastico Ordini adscribatur, testimonialibus litteris ei datis hæc adscribat, & testata faciat; vitæ in primis, & morum probitatem; doctrinam; quæ idoneus examine habito iudicatus est; Ecclesiasticum Ordinem, quo est proxime initiatus, tum præterea natales, aut dispensationem, si quam super illis obtinuerit; si vero Majori Ordini adscribendus est, ætatem item, & Titulum, sufficientemque centum Beneficii, vel pensionis, vel Patrimonii, quod illi habet. Quicumque Clericus non huiusmodi litteras attulerit, quibus omnia adscripta, testatave fiant; Ordini, cui adscribi vult, ne adscribatur, perinde ac si nullas Episcopi sui dimissorias Litteras impetrarit.

Concilii Mediolanensis iv. eodem Tit. *Sæpe* (inquit) „illud, facileque evenit, ut vel hominis mores mutantur, vel quod de illius vita minus antea notum, atque exploratum erat, id postea aliquo modo patefiat; quo fit, ut quem Episcopus, Superiorve aliquando probavit, dignumque existimavit aliquo etiam sacro Ordine initiari, illum ipsum post inveniat indignum, neque idoneum esse, cui idem, aut major Ordo conferatur. Quare ut & erroribus, multiplicique fraudi occurratur, & plane serventur Decreta illa Tridentina; unum, quo vetatur ad superioris Ordinis gradum illos ascendere, qui in inferiori aliquandiu Episcopi iudicio versati non sint; quique cum ætate, vitæ etiam merito, doctrinaque majori non processerint; alterum quo cavetur, nemini licere ab alio Episcopo primam Tonsuram, aut Ordinem aliquem suscipere, nisi ejus probitas, & mores Ordinarii sui testimonio primum commendentur: Episcopus, aliuseve Superior, prout pro sua prudentia, pietateque expedire censuerit; in primis videat, ne cuiquam antequam sacræ Ordinationis tempus proxime inflet, litteras ejusmodi testimoniales, dimissoriasve pro Ordinibus ab alio Episcopo incipientis, sine necessaria causa unquam concedat.

Neque item illidem litteris facultatem det plures Ordines suscipiendi, quam illos ipsos tantum, quos uno, eodemque tempore ab eo suscipi voluerit, ac per sacros Canones, Conciliaque licuerit.

Præstat præterea in illis ipsis certum suscipiendi Ordinis, cui quisquam adscribendus est, tempus, menstruum scilicet, vel bimestre, vel longius, ut pro loci distantia, pro aliave ejusmodi causa opus esse viderit: Quo præstituto tempore transacto, eas litteras illo nomine a se concessas imposterum nihil suffragari, nihilque roboris habere, iisdem litteris declaret: quas etiam Cancellario Episcopali, ab illo, cui concessæ sunt, reddi decernat.

„Nec:

„ Nec vero alienæ Diœcesis Clerico sæculari, neque ulli omnino Re-
 „ gulari, litterarum auctoritate, quas dimissorias, testimonialesve, hic ab
 „ Superiore, aut ille ab Ordinario suo habet, Episcopus Ordinem aliquem
 „ vel Minorem, vel Majorem, ac ne primam quidem Tenturam tempore
 „ illarum litterarum præterito conferat. Quod si nullum iisdem litteris spa-
 „ tium temporis præscriptum sit; ne item in sacra Ordinatione quemquam
 „ promoveat, nisi eas recenter aut scriptas, aut renovatas confirmatasve
 „ is afferat; atque ita recenter quidem, ut non amplius duobus, tribusve
 „ mensibus ante sacræ Ordinationis qua ille proxime initiandus est, tem-
 „ pus, datæ, confirmatæve sint; si modo aut loci distantia, aut ejus, qui
 „ Ordinem susceptorus est, diuturna a suo Episcopo, Superioreve absentia,
 „ aliave id generis causa, vetustiores litteras ejusdem Episcopi judicio ad-
 „ mitti, probarive non postulet. Id ipsum quoque Episcopus in testimonia-
 „ libus Morum litteris cavebit, quas suæ etiam Diœcesis Clerici, aliive qui-
 „ cumque eo de genere afferent.

„ Litteras autem ejusmodi de Moribus testatum facientes ab alienæ Diœ-
 „ cesis Clericis, Regularibusve, item qui a sua Diœcesi, Monasteriove pro-
 „ xime aliquandiu abfuerint, sibi afferri, exhiberive curet, non solum ab
 „ eorum Episcopo, Superioreve, sed ab illo etiam, apud quem proxime
 „ manserint, ejusve auctoritate scriptas, atque obsignatas. Quod idem a suis
 „ Clericis præstari jubeat, qui in aliena Diœcesi aliquo temporis spatio
 „ proxime fuerint.

Eadem statuit Concilium Aquisense anno 1585. Tit. De his, quæ ad Sacra-
 menti Ordinis Administrationem pertinent.

Concilium Narbonense Can. xii. Nullus posthac, qui Diœcesi præsit, lit-
 teris dimissoriis inserat clausulam illam, negligentie potius quam muneris: re-
 Æ administrati testem, videlicet, Conscientiam nostram exonerantes: sed per
 litteras suas testetur eos idoneos, & qui provehantur dignos: quibus hanc inse-
 ret clausulam: QUEM idoneum, & dignum reperimus: aut nulla litteris fides
 habebitur. Neque ad omnes simul hujusmodi litteræ dabuntur, sed ad singulos
 Ordines separatim: ut qui ad Majores promoveri voluerint, de aptitudine, &
 dignitate, seu idoneitate, & de his, quæ ratione susceptorum, suscipiendorum-
 que Ordinum in Ecclesia faciendæ sunt, respondere valeant: nisi qui Ordines
 capessunt, in Sacra Pagina, aut altero Jure Gradum adepti sint: aut in in-
 genuis, liberalibusque scientiis tanquam emeriti, & rude donati fuerint, qui
 vulgo in Artibus Magistri appellantur, quos verisimillimum est idoneos, & di-
 gnos esse.

Concilium Mexicanum Lib. i. Tit. iv. Litteræ item dimissoriæ ad unum tan-
 tum Ordinem suscipiendum concedantur, ut quam in munere suscepi Ordinis
 exequendo diligentiam Ordinatus præstiterit, Episcopus intelligat.

Narbonense anni 1609. cap. xxi. Litteræ dimissoriæ illis tantum conferan-
 tur, quos prævio examine, & diligenti facta inquisitione de ipsorum vita, &
 moribus idoneos, & probatæ vitæ repererint In litteris dimissorialibus non
 inseratur clausula illa: CONSCIENTIAM nostram exonerantes, vestram one-
 rantes: cum nullus remitti debeat, quin ejus Ordinis ad quem sumendum re-
 mittitur, capax & idoneus fuerit judicatus.

In litteris dimissoriis non detur facultas nisi ad solum Ordinem Sacrum su-
 scipiendum intra annum, quo elapso, diſtæ litteræ nullius sint effectus.

R E G U L A XI.

Clericum ad se remissum cum litteris commendatitiis Episcopi proprii, ab illaque examinatum, iterum examinare potest Episcopus ad quem Dimissoria diriguntur, antequam Ordines illi conferat.

Hæc Regula colligitur ex Concilio Tridentino, Sessione VII. cap. XI. *De Reformatione*, ubi habentes litteras dimissorias, quibus a quocumque Ordines suscipere possunt, ab Episcopo ordinato examinandos innuit: *Facultates* (inquit) *de promovendo a quocumque, non suffragentur nisi habentibus legitimam causam, ob quam a propriis Episcopis ordinari non possint, in litteris exprimendam: & tunc non ordinentur nisi ab Episcopo in sua Diocesi residente, aut pro eo Pontificalia exercente, & diligenti prævio examine.* Quamvis enim ista intelligi possint de iis, qui Rescripta Pontificia obtinuerunt, ut Ordines a quocumque recipere possint; non dubium est tamen quin ad eos etiam possint extendi, qui eandem a suo Episcopo licentiam habent, præsertim cum id in Italia, & Gallia observetur: nec periculum sit ullum, ut quis denuo examinetur: nam qui dignus est, semper reperietur dignus; & aliquando accidit, ut indignus, sive ob festinationem interrogantis, sive ob incuriam, sive felici quodam eventu, ut quis in eas Quæstiones rogatus fortuito incidit, quas solum noverit, cum tamen in reliquis omnibus, vel fere omnibus ignarus sit, pro digno habeatur. Deinde minimum incommodum Ecclesiæ creatur ex ejus rejectione, qui utcumque dignus fuerit: maximum vero in ejus receptione, qui omnino indignus sit. Quamobrem tutius est, si examinetur Ordinandus, non solum a proprio Episcopo, qui litteras dimissorias concedit, sed etiam ab eo, ad quem dirigitur, ut Ordines illi conferat.

R E G U L A XII.

Ordines Clericis sibi subditis denegare potest Episcopus ob crimen, etiam occultum: maxime si Beneficium Ecclesiasticum non habeant, cui Ordo sit annexus.

Repugnare videtur prima fronte cap. *Ex tenore*, Extra. *De Temporibus* Ordinationum, quod est *Alexandri III.* cujus hæc sunt verba: *Quoniam peccatum ipsius fore occultum dixisti, mandamus quatenus Pœnitentiam ei condignam imponas, & suadeas ut parte Pœnitentiæ peractâ, Ordine suscepto utatur: quo contentus existens, ad superiores amplius non ascendat. Verumtamen quia peccatum occultum est: si promoveri voluerit, eum non debes aliqua ratione prohibere.*

An Episcopus Ordines denegare possit subditis suis ob crimen occultum?

Sed Regulam nostram aperte confirmat cap. *Ad aures*, sub eodem Decretalium Titulo, quod est *Lucii III.* Rescriptum ad Archiepiscopum Turonensem: *Ad aures* (inquit) *nostras pervenit, quod Religiosi quidam ad Superiores desiderant Ordines promoveri, sed Prælati eorum desideria contradicunt. Tuæ igitur Quæstioni respondemus, quod honestius, & tutius est subiectis, debitam Præpositis obedientiam impendendo, in inferiori Ministerio deservire, quam cum Præpositorum scandalo graduum appetere dignitatem. Nec est in hac parte subiectorum desiderium conservandum: quoniam esse potest, quod Prælati eorum commissa secreta noverint, ex quibus constat eis, quod salva conscientia nequeunt sublimari: quia non in sublimitate graduum, sed in amplitudine charitatis acquiritur Regnum Dei.*

S. Raymundus, Lib. III. Summæ, Tit. De etate Ordinandorum, & temporibus

ribus *Ordinationum*, §. 17. hæc duo Juris Capita, quæ prima fronte pugnantia videntur, dupliciter conciliari posse ait, primo, ut Caput *Ex tenore*, de Clerico sæculari; Caput *Ad aures*, de Regulari intelligatur. Rationem diversitatis affert, quod *Regulares sunt fortius adstricti suis Prælati quam sæculares*. Secundam conciliationis viam aperit, ut prior Decretalis intelligatur de Clerico Beneficium Ecclesiasticum habente, cui sit Ordo annexus; altera de Clerico nullum hujusmodi Beneficium habente. *Si habet Clericus jus petendi Ordinem, forte ratione Beneficii, cui est Ordo annexus, non potest Episcopus cum prohibere, quamvis sciat illum commississe peccatum occultum: & ita potest intelligi illa, Ex tenore. Si vero non habet jus petendi, non tenetur eum Episcopus ordinare: & ita intelligas illam, Ad aures.*

Idem docet Barbosa, P. 11. De Officio, & Potestate Episcopi, Allegatione IV. §. 66. Illud (inquit) notare oportet, Denegare Ordines, aut Dimissorias non posse Episcopum ei, qui obtinet Beneficium, vel est in Dignitate Ecclesiastica constitutus, ut probat Cap. Ex tenore, & ibi Glossa, De tempore Ordinationum, nisi desint in eo debite qualitates, aut aliquod habeat canonicum impedimentum. Alii vero non tenetur Ordines conferre Episcopus, Cap. Ad Aures, eodem titulo; maxime stante dispositione Concilii Tridentini Sessione XXI. De Reformatione Cap. 11. ibi, Nisi illis quos Episcopus judicaverit assumendos: *Que verba cum denotent boni viri arbitrium, hoc est, voluntatem rationi submissam ideo si Episcopus legitime non interponat arbitrium, Deum solummodo Judicem habebit ... ac proinde non dabitur Appellatio, &c.*

Fagnanus, in 11. Partem Lib. 1. Decretalium, in Cap. Ex tenore, illud de Clerico sæculari interpretatur, Caput vero, *Ad aures*, de Regulari; eamque Glossæ, Innocentii IV. Hostiensis, & aliorum explicationem a sacra Congregatione Cardinalium Concilii Tridentini Interpretum probatam testatur: verum Decretalem *Ex tenore*, hac in parte correctam fuisse ait ex Jure novissimo Concilii Tridentini in cap. 1. Sessionis XIV. ubi, ut Episcopi liberius exequi possint suum Munus, quod ea vitia funditorum redergare, statuitur, ut ei, cui accessus ad sacros Ordines a suis Prælati reclusus ex quacunque causa etiam ob occultum crimen, quomodolibet extrajudicialiter fuerit interdictus, aut qui a suis Ordinibus, seu gradibus, vel Dignitatibus Ecclesiasticis suspensus, nulla contra ipsius Prælati voluntatem concessa licentia de se promoveri faciendo, aut ad priores Ordines, gradus, & Dignitates, sive nobiles restitutio suffragetur. Unde (inquit Fagnanus) ex Sententia S. Congregationis Concilii eo Decreto corrigitur dispositio Textus nostri in ea parte, in qua determinat criminis occultum esse tantummodo commonendum, sed non prohibendum ascendere ad superiores Ordines: & dispositio Capituli proximi, quod de Regularibus loquitur, extenditur etiam ad Clericos sæculares; ac præterea ampliat in eo, quia Episcopus non solum potest ob crimen occultum prohibere ascensum ad Ordines, sicut poterant Prælati in vi dicti Capituli proximi, sed etiam eos suspendere ab Ordinibus, gradibus, & Dignitatibus jam susceptis, quod nec Episcopo, nec Prælati Regularibus ante Concilium licebat. Et illis igitur, qui Beneficia obtinent, quibus annexus est Ordo, Episcopus ob occultum crimen denegare posse collationem Ordinum, cenet Fagnanus: quod si Prælati hac auctoritate forte ausantur, subditos ad Sedem Apostolicam posse contingere, secundum Cap. Ex literis, Extra. De integritate Retentione. Ideoque cum olim de hoc ipso dubitatum esset quoad Episcopos, Sacra Congregatione ad Gregorium XIII. delata, edidit Decisionem, que postea perpetuo obtinuit in Dataria, videlicet: Quotiescumque Ordinarius recusaverit quonquam ordinare, committendum esse Metropolitano, vel viciniori Episcopo, ut ab eodem Ordinatio prius

prius requirat, cur recusaverit; quo causam legitimam non allegante, liceat illi eundem recusatum ordinare.

ARTICULUS IV.

De Ordinationum effectibus.

PROPOSITIO UNICA.

Duplex est Sacrarum Ordinationum effectus, scilicet Gratia sanctificans, & Character.

Duplicem hunc effectum sacris Ordinationibus tribuendum, Catholicæ Fidei dogma est, ut declarat sacra Synodus Tridentina Sessione **xxiii.** Can. **iv.** *Si quis dixerit, per sacram Ordinationem non dari Spiritum Sanctum, ac proinde frustra Episcopos dicere, Accipite Spiritum Sanctum: aut per eam non imprimi Characterem; vel eum, qui Sacerdos semel fuit, Laicum rursus fieri posse, Anathema sit.*

§. I.

De primo Ordinationis effectu, scilicet Gratia.

Quod primum spectat, gratiam sanctificantem, non quidem primam, sed gratiæ incrementum in Sacris Ordinationibus dari, colligitur ex Apostolo **i.** ad Timotheum **iv.** *Noli (inquit) negligere gratiam, quæ est in te, quæ data est tibi per prophetiam, cum impositione manuum Presbyterii.* Et **ii.** ad Timotheum **i.** *Admoneo te, ut resuscites gratiam Dei, quæ est in te per impositionem manuum mearum:* Id est, (ut Theodoretus commentatur) *Hortor te, ut excites gratiam Spiritus, quam per meam Ordinationem accepisti.* Et mox *Gratiam Spiritus interpretatur, quia pericula pro pietate non timemus, & Deum cum fervore amamus.* Et ante Theodoretum Sanctus **Jo:** Chrysostomus Homilia **i.** *Hoc est (inquit) gratiam, quam accepisti ad Ecclesiæ institutionem, & ad omne Religionis obsequium: quippe hanc vel excitare, vel extinguere in nobis est: Quod ad gratiam sanctificantem præcipue pertinet; unde inferius Gratiam charitatis vocat.* Adde quod **Anastasius II.** Pontifex Maximus scribens ad **Anastasium Imperatorem**, *Per iniquum traditam Sacramenti gratiam firmam permanere declarat, de Ordinatione Sacra simul, & de Baptismo loquens.* Et Auctor Libri *De Dignitate Sacerdotali*, inter Opera Sancti **Ambrosii**, cap. **v.** *Homo (inquit) imponit manum, Deus largitur gratiam.* Hinc **Eugenius IV.** in Decreto: *Effectus (inquit) est augmentum gratiæ, ut quis sit idoneus Minister.* Et rursum Concilium Tridentinum, Sessio **xxiii.** cap. **iii.** *Scripturæ testimonio; Apostolica Traditione, & Patrum unanimi consensu perspicuum est, per Sacram Ordinationem, quæ verbis, & signis exterioribus perficitur, gratiam conferri.*

Id confirmat **S. Thomas** in **iv.** Sententiarum, distinct. **xxiv.** quæst. **i.** art. **ii.** Quæstiuncula **i.** *Dei perfecta sunt opera (inquit), & ideo cuiuscumque datur potentia aliqua divinitus, dantur ea, per quæ executio illius potentiae potest congrue fieri.* Sicut autem gratia gratum faciens est necessaria ad hoc, quod homo digne recipiat Sacramenta, ita etiam ad hoc, quod homo digne dispense: & ideo sicut in Baptismo, per quem fit homo susceptivus aliorum Sacramentorum, datur gratia gratum faciens; ita in Sacramento Ordinis, per quod homo ordinatur ad aliorum Sacramentorum dispensationem.

Et in Responsione ad tertium: *Ad idoneam (inquit), executionem Or-*
Nat. Alex. Theol. Tom. II. dum

Ordinatio-
num effe-
ctus.

„dum non sufficit bonitas quantacumque, sed requiritur bonitas ex-
 „cellens, ut sicut illi qui Ordinem suscipiunt, super plebem constituuntur
 „gradu Ordinis, ita & superiores sint merito sanctitatis; & ideo præ-
 „exigitur gratia, quæ sufficiebat ad hoc, quod digne connumerarentur in
 „plebe Christi: sed confertur in ipsa susceptione Ordinis amplius gratiæ
 „donum, per quod ad maiora reddantur idonei.

§. II.

De altero Ordinationis effectu, scilicet Characterē.

QUOD alterum effectum attinet, scilicet Characterem hunc in Ordine
 imprimi fides docet, spiritualement scilicet potestatem, quæ ad Sanctis-
 simum Eucharistiæ Sacramentum refertur; in Sacerdote quidem plenam, &
 perfectam, ut qui Christi Jesu Domini nostri Corpus, & Sanguinem unus
 potest conficere; in aliis vero inferiorum Ordinum Ministris maiorem mi-
 noremve, quo quisque Ministerio suo magis, minusve ad Altaris Sacra-
 menta accedit. Hæc autem potestas character spiritualis dicitur; quod qui
 Sacris initiati sunt, interiori quadam nota animæ impressa ab aliis Fide-
 libus discernantur, ac divino cultui mancipentur. Quæ potestas, ac nota
 cum perpetua sit, semperque maneat, Ordinationem iterare non licet,
 quamvis ab Hæreticis, Schismaticis, Excommunicatis, exautoratis sive de-
 gradatis Episcopis collatam, ut probat perpetuus Ecclesiæ consensus. Hinc
Sanctus Augustinus Lib. 1. De Baptismo contra Donatistas, cap. 1. ait: „Sa-
 „cramentum Baptismi est, quod habet, qui baptizatur: & Sacramentum
 „dandi Baptismi est, quod habet, qui ordinatur. Sicut autem baptizatus,
 „si ab unitate recesserit, Sacramentum Baptismi non amittit; sic etiam
 „Ordinatus, si ab unitate recesserit, Sacramentum dandi Baptismi non a-
 „mittit. Nulli enim Sacramento injuria facienda est: si discedit a malis,
 „utrumque discedit; si permanet in malis, utrumque permanet. Sicut er-
 „go acceptatur Baptismus, quem non potuit amittere, qui ab unitate di-
 „scesserat; sic acceptandus est Baptismus quem dedit ille, qui Sacramen-
 „tum dandi, cum discederet, non amiserat. Nam sicut redeuntes, qui
 „prius quam recederent baptizati sunt, non rebaptizantur: ita redeuntes,
 „qui prius quam recederent ordinati sunt, non utique rursus ordinantur;
 „sed aut administrant, quod administrabant, si hoc Ecclesiæ utilitas po-
 „stulat; aut si non administrant, Sacramentum Ordinationis suæ tamen
 „gerunt; & ideo eis manus inter Laicos non imponitur.
 Idem confirmat Libro 111. *Contra Epistolam Parmeniani*, cap. XIII. *Nu-
 la* (inquit), „ostenditur causa, cur ille, qui ipsum Baptismum amittere non
 „potest jus dandi potest amittere. Utrumque enim Sacramentum est; &
 „quadam consecratione utrumque homini datur; illud cum baptizatur, istud
 „cum ordinatur: ideoque in Catholica utrumque non licet iterari.

Quo sensu
 Pontifices,
 & Concilia
 Ordinationes
 Hæretico-
 rum, Schi-
 smaticorum,
 Excommu-
 nicatorum
 irritas pro-
 nuntiant?

Quamvis igitur propter immania quædam scelera Ministris Altaris, &
 Ecclesiæ auferri possint honor, dignitas, & locus Ordini conveniens; ut
 non alio loco deinceps habeantur quam Laici (quod fit exautorazione,
 sive degradatione) ipsa tamen consecratio, & quæ consecratione collata
 est Potestas Ordinis, amitti non potest. Cum itaque Ordinationes ab Hæ-
 reticis, Schismaticis, Simoniacis, Excommunicatis factas, juxta formam
 Ecclesiæ, Pontifices, & Concilia irritas pronuntiant, intelligendum est,
 eas esse irritas, non quoad substantiam Ordinis, quasi sint invalidæ, ac
 proinde iterari debeant; sed quoad Ordinis executionem, quia sic Ordina-
 tis

eis non licet Ordinis sui functiones exercere. Tametsi vero dicantur nihil recipere quia nec Ordinis honorem, sive administrationem recipiunt, nec Privilegia Ordini adnexa; imo nec Spiritum Sanctum, gratiamque sanctificantem, si ab huiusmodi hominibus scientes ordinentur, quia peccatis eorum communicant: spirituales tamen Potestatem, seu Characterem recipiunt, qui in eis perpetuo manet. *Omnis enim potestas, quæ datur cum aliqua consecratione, nullo casu contingente tolli potest, sicut nec ipsa consecratio annullari: quia etiam Altare, vel Chrisma semel consecrata perpetuo sacra manent.* Unde cum Episcopalis potestas cum quadam consecratione detur, oportet, quod perpetuo maneat, quantumcumque aliquis peccet, vel ab Ecclesia præciatur; (inquit Sanctus Thomas in IV. Sententiarum, distinct. XXIII. quæst. I. art. II.) Hinc Synodus Toletana VII. Canone VII. Nequaquam (inquit) aliquando poterit profanari, quod divina iussione, simulque Apostolicæ Traditionis auctoritate sacrum noscitur extitisse. Verum sicut sacrum Chrisma collatum, & Altaris honor evelli nequeunt, ita quoque sanctorum decus Honorum, quod his compar habetur, & socium, qualibet fuerit occasione perceptum, manebit modis omnibus inconvulsum. Quamobrem Episcopi ab Ecclesia præcisi retinent potestatem alios ordinandi; & Ordinationes ab ipsis factæ sunt validæ, quamvis licitæ non sint. *Vera sacramenta conferunt* (inquit ibidem S. Thomas) *sed cum eis gratiam non dant; non propter inefficaciam Sacramentorum, sed propter peccata recipientium ab eis sacramenta contra prohibitionem Ecclesiæ.*

Ordinationum effectus.

Et in Responsione ad tertium: Illi (inquit) qui ab Hæreticis promoventur, quamvis accipiant Ordinem, non tamen recipiunt executionem, ut licite possint in suis Ordinibus ministrare.

Atque ita explicandus est Canon, Daibertum, causa I. quæst. VII. quod Urbani II. Rescriptum est ad Petrum Pistoriensem Episcopum, & Rusticum Abbatem Vallis-Umbrosæ. Daibertum enim a Nezelone simoniaci, tametsi non simoniaci, Diaconum ordinatum, Ex integro Diaconum constituit quoad honorem, locum, & executionem Ordinis, ex quibus Nihil habuit simoniacus ille Episcopus, nihil dare potuit: non vero quoad substantiam Ordinis, & characterem spirituales. Suam ipse mentem Urbanus II. explicat in Epistola ad Lucium Præpositum S. Iuvencii apud Ticinum: Ceterum (inquit) Schismaticorum, & Hæreticorum sacramenta, quoniam extra Ecclesiam sunt, juxta SS. Patrum Traditiones, scilicet Pelagii, Gregorii, Cypriani, Augustini, Hieronymi, formam quidem Sacramentorum, non autem virtutis effectum habere profitemur, nisi cum ipsi, vel eorum Sacramentis imbuti, per manus impositionem ad Catholicam redierint unitatem.

Ita explicandus est, Innocent. I. Epistola XVIII. cap. III. cum ait, in Arianis, alique huiusmodi pestibus Solum Baptisma ratum esse, nec Spiritum Sanctum eos habere ex illo Baptismate; Nec dare ejusdem plenitudinem posse, quæ maxime in Ordinationibus operatur, quam per impietatis sue perfidiam perdidierunt. Sentus enim illius est, Solum Baptisma in Hæreticis illis, cum ad Fidem Catholicam convertuntur, esse ratum quoad honorem, gradum, & privilegium; quia illis tribuitur locus inter Fideles, & ad Communionem admittuntur ut Fideles Laici, nec detruduntur in Ordinem Catechumenorum: non autem solum Baptisma ratum esse quoad substantiam Sacramenti, & spirituales characterem: nam & sic ratæ sunt Ordinationes sacræ: quamvis Spiritus Sancti, sive gratiæ sanctificantis plenitudinem dare non possint Hæretici in Ordinatione iis, qui ipsorum communione maculantur; sicut nec Spiritum Sanctum ex Baptismate in Hæresi suscepto acceperunt. Sed ratæ non sunt eorum Ordinationes quoad honorem, locum,

Ordinatio-
num et-
sectus.

cum, Privilegia, & functiones Sacerdotii, seu Ministerii: quia eorum Clerici ad Laicam Communionem dumtaxat suscipiuntur. *Quia* (inquit) *eorum Laicos conversos ad Dominum sub imagine Penitentiae, ac Sancti Spiritus sanctificatione per manus impositionem suscipimus. non videtur Clericos eorum cum Sacerdotii, aut Ministerii cuiuspiam suscipi debere dignitate.* Hinc Epist. xxii. cap. iii. *Nesce vero lex est Ecclesiae* (inquit) *venientibus ab Haereticis, qui tamen illic baptizati sunt, per manus impositionem Laicam tantum tribuere Communionem, nec ex his aliquem in Clericatus honorem, vel exiguum subrogare.* Eos vero, qui ab Haereticis scientes volentes ordinati sunt, atque ita perfidia illorum participes sunt effecti, locum, honorem, privilegia, & ministerium, sive executionem Ordinum non recipere docet, ut nec gratiam sanctificantem, sed inanimen dumtaxat characterem, suspensionemque potestatem. Cum nos (inquit) dicamus ab Haereticis Ordinato vulneratum per illam manus impositionem habere caput. : Atque ubi Penitentiae remedium necessarium est, illic Ordinationis honorem locum habere non posse decernimus. : Eum, qui honorem amisit, honorem dare non posse. : Certe, qui quod non habuit, dare non potuit, damnationem utique quam habuit, per pravam manus impositionem dedit : & qui particeps effectus est damnato, quomodo debeat honorem accipere, invenire non possum. Ordinationes tamen eorum quoad substantiam validas esse sentit Innocent. I. significans cum iis, quos Bonifacius ordinaverat, dispensatum olim fuisse agnoscat Anselm. Theofalonicensis Episcopi, & Synodi Capuae iudicio, ut in Ordinum ab illo susceptorum gradibus, honoribus, ac ministeriis, sive functionibus reciperentur : itemque cum Novatianis dispensatum esse in Synodo Nicæna, can. viii. ut accepta manus impositione in Clero permanerent. Qua etiam indulgentia erga Donatistas usam Ecclesiam, ut scilicet in suis Ordinibus susciperentur, etiamsi extra Ecclesiam ordinati essent, testatur non semel S. Augustinus.

Eadem Responsione diluuntur Objectiones peti solitæ ex octava Synodi Oecumenicæ Decretis contra Ordinationes Photii; & ex Decretis Synodi Sueffionensis contra Ordinationes Ebbonis Rhemenis Archiepiscopi : neque enim a Photio, neque ab Ebbone ordinatos iterum ordinari Concilia illa tanxerunt. Ordinato autem a Meletio Presbyteros, sanctiore manus impositione confirmari, Nicæna Synodus præceperat, sicque Dignitatis Ecclesiasticæ, & Ministerii gradum habere; ita tamen ut omnibus Presbyteris ab Alexandro Episcopo Alexandrino ordinatis loco inferiores essent: sed de manus impositione reconciliatoria id intelligendum, qua in Ecclesiæ Communionem, & Ecclesiasticæ Dignitatis honorem, ac sacras functiones restituerentur; non de manus impositione consecratoria, qua iterum ordinarentur.

Ordinatio-
num ef-
fectus.

Concilio Toleranti iv. can. xxvii. pariter intelligendum est de cæremoniis quadam reconciliatoria. Clericos scilicet, qui antea fuerant depositi, si postea innocentes reperti fuissent, coram Altari indumenta sui Ordinis, & instrumenta recipere ab Episcopis jubet, Episcopos Orarium, Annulum, & Baculum, Presbyteros Orarium, & Planetam; Diaconos Orarium, & Albam; Subdiaconos Patenam, & Calicem; non ut denuo ordinentur, sed ut sui Ordinis executioni restituti videantur. *Non potest* (inquit) *esse quod fuerat, nisi gradus amissos recipiat coram Altario de manu Episcoporum, &c.* Quæmadmodum enim dum ipsi Ecclesiastici Muneris functiones interdicebantur, dumque de Dignitatis suæ gradu movebantur, insignia ab iis Ecclesiasticæ Dignitatis ablata fuerant, non sublata Characteris indelebili potestate; ita congruum erat, ut dum pristino redderentur honori, eadem suæ Dignitatis ornamenta recuperarent, non ad Ordinationis iterationem, sed ad Dignitatis recuperatæ, & redditæ ad functiones antea vetitas obcundas auctoritatis, liberæque

que facultatis significationem, ut explicat *Fulbertus* Carnotensis Episcopus Epistola xxiv. ad *Leuthericum* Senonensem Archiepiscopum.

ARTICULUS V.

De Temporibus Ordinationum, Ætate, & Qualitatibus Ordinandorum.

REGULA I.

Clericatus, seu Prima Tonsura, quocumque die, & hora conferri potest.

ID constat ex Pontificali Romano, ex Concilio Bituricensi anni MDLXXXIV. cap. v. *De Ordine*, & ex Ecclesiæ usu.

REGULA II.

Minores Ordines singulis diebus Dominicis, & Festis duplicibus, matutino tamen tempore conferri possunt.

HÆC Regula nititur eiusdem Libri Pontificalis auctoritate, & *Alexandri III.* Decretali, cap. *De eo*, Extra, *De tempore Ordinationum*, cujus hæc sunt verba: *De eo autem, quod quesivisti, An liceat extra Jejunia Quatuor Temporum aliquis in Ostiarios, Lectores, Exorcistas, vel Acolythos, aut etiam Subdiaconos promoveri: taliter respondemus, Quod licitum est Episcopis, Dominicis, & aliis festivis diebus unum, aut duos ad Minores Ordines promoveri.* An autem plures, quam duos ordinare possit Episcopus die Dominico, aut Festo duplici, dubium est. Glossa plurium Ordinationem non prohiberi significat, dummodo non videatur esse generalis Ordinatio; idemque censent *S. Antoninus*, *Innocent. IV. Sylvester*, *Tabiena*, & alii. Non licere pluribus, quam duobus Minores Ordines iis diebus conferre, aut certe tutius esse, ne pluribus conferantur, censent *Holsiensis*, *Angelus De Clavasio*, & alii, quod *Alexandri III.* verba id minime permittere videantur: & *In re dubia melius sit verbis Edicti servire*, ut ait *Ulpianus*.

Ulpianus
Lib. 28. ad
Edictum, scilicet
Lib. 1. ff. De
exercitoria
actione.

REGULA III.

Subdiaconi, Diaconi, Presbyteri, Quatuor dumtaxat Jejuniorum Temporibus, tum Sabbato ante Dominicam Passionis, itemque Sabbato Sancto Pasche possunt ordinari: non autem extra hæc tempora generales Ordinationes fieri possunt.

ITa statuunt *Gelasius I.* Epistola ad Episcopos per Lucaniam, & *Brutius* constitutos, cap. xiiii. *Gregorius II.* Epistola iiii. ad Clerum, & Populum Turingiæ, Synodus Romana sub *Zacharia* Summo Pontifice, can. xi. Concilium Lemovicense sub *Benedicto IX.* Actione ii. *Urbanus II.* in Concilio Claromontano Act. ii. Concilium Cabilonense ii. can. xxiiii. & *Alexander III.* in Responso ad *Herfordiensem* Episcopum, cap. *De eo autem*, Extra, *De Temporibus Ordinationum*, Concil. Tridentinum sess. xxiiii. *De Reformatione*, cap. viii. *Rothomagense* sub *Carolo Borbonio* Archipræsule, & alia Concilia Gallicana.

In eos porro, qui extra statuta tempora sacros Ordines susceperint, Suspensionem ab Ordinis executione decernunt *Alexander III.* cap. *De eo*, Extra, *De Temporibus Ordinationum*, *Urbanus III.* cap. *Cum quidam*, eodem *Tit. Gregorius IX.* cap. *Consultationi*, eodem; *Pius II.* Constitutione, quæ incipit, *Cum ex Sacrorum*, Suspensionem ipso facto incurri declarat ab iis,

Ordinationum
in temporibus
ra.

Nat. Alex. Theol. Temp. II.

Kk 3

qui

qui extra tempora a Jure statuta ad aliquem ex sacris Ordinibus se fecerint promoveri, quod *Julius III. Clemens VIII. Paulus V.* confirmarunt. A-
 „ quense Concilium Pii II. Constitutionem recepit. Opinatur *Hallerius*
 „ Pontificias istas Constitutiones in Galliæ nostræ saltem maxima parte
 „ non esse receptas; ideoque eum, qui extra tempora a Jure statuta ordi-
 „ natus fuerit, non esse ipso facto suspensum, sed ab Ordinario suo, vel
 „ alio Superiore in pœnam commissi criminis esse suspendendum. Porro
 „ Concil. Tridentinum, quod Legem istam Ecclesiasticam innovavit, ut
 „ Ordinationes Sacræ statutis a Jure temporibus fierent, nullam pœnam
 „ expresse adhibuisse in eos, qui secus facerent, sed recepto Jure apud u-
 „ namquamque regionem rem dirimendam reliquisse. Ut ut est, qui talem
 „ Suspensionem incurrerunt, ab ea per Episcopos possunt absolvi, si deli-
 „ ctum sit occultum, ut colligitur ex Concilio Tridentino sess. xxiv. cap. 6.
De Reformatione.

R E G U L A IV.

Summus Pontifex extra Tempora a Jure statuta Sacros Ordines conferre potest: possunt & Episcopi, quibus id Romanus Pontifex permiserit.

IN iis enim, quæ sunt Ecclesiastici Juris, Summum Pontificem posse dispensare, certum est. Id confirmatur ex cap. *Subdiaconos*, Extra, *De Temporibus Ordinationum*, & cap. *De eo*, eodem Titulo.

R E G U L A V.

Quatuor Minores Ordines simul cum Subdiaconatu conferre, vel suscipere non licet, si Jus spectetur; licet secundum consuetudinem.

PRima pars constat ex cap. *Cum Hilator*, Extra, *De eo*, qui furtive Ordines susceperit. Pars altera nititur auctoritate S. Antonini l. iii. par. tit. xiv. cap. xvi. §. 16. Nec isti consuetudini derogavit Concilium Tridentinum.

R E G U L A VI.

Duos Ordines Sacros simul eodem die suscipere, aut conferre non licet.

Ordinario-
rum Tempo-
ra.

HANC Regulam Decretis suis firmarunt *Innocent. III.* cap. *Litteras*, Extra. *De Temporibus Ordinationum*, & *Honorius III.* cap. *Dilectus*, eodem tit. Suscipientem autem, & conferentem eodem die duos ordines Sacros, Suspensione multat. Eandem Legem confirmat Tridentina Synodus, sess. xxiii. cap. xiii. *De Reformatione Duo Sacri Ordines* (inquit) *non eodem die, etiam Regularibus, conferantur, Privilegiis, ac Indultis quibuscumque concessis non obstantibus quibuscumque.*

R E G U L A VII.

Episcopi Consecratio Dominico die, aut Festivo, qui a Populo solemniter celebretur, peragi potest.

Dominicum diem Episcopi consecrationi præscribunt *S. Leo* Epist. xi. alias lxxxii. ad *Dioscorum* Alexandrinum Episcopum, cap. ii. & *Epist. x.* alias lxxxix. ad Episcopos Provinciæ Viennensis, cap. iii. Conc. *Toletanum* iv. can. xviii. & *Cæsaraugustanum* can. i. Vetus Ordo Romanus dies solum Dominicos, & Apostolorum Natalitiis consecratos, Episcopo-

piscoporum Ordinationi destinat. Pontificale vero Romanum legitimum diem Consecrationis, vel Dominicum, vel Natalitium Apostolorum, vel etiam Festivum definit. Dominicus autem dies præsertim Episcoporum Consecrationi destinatus est, quia & ea die plenitudo Spiritus Sancti in Apostolos effusa est; & ut se cum Christo resurrexisset, & in novitate vitæ ambulare admoneretur. Additi sunt postea Dominicis diebus dies Natales Apostolorum, ut significetur, Episcopos Apostolis succedere, & *Pro Patribus nati filii*, pro Apostolis Episcopi subrogati videantur. Additi item postea reliqui festivi dies, quibus Populi conventus commode fieri posset, quem ad Episcoporum Consecrationem convenire congruum est.

R E G U L A VIII.

Religiose servanda sunt inter singulos Ordines temporum intervalla, sive Interstitia Legibus Ecclesiæ præscripta.

Ecclésiæ vetus, & antiqua Lex est, ut aliqua a suscepto uno Ordine ad alium temporis intercapedo velut necessaria præscribatur, triplici de causa. Primo, ut Ordinandus ea, quæ sui sunt Muneris, ac Sacra Religionis ediscat, antequam aliorum docendorum curam suscipiat. Non enim solum Sacrorum doctrina imbuendus est, qui ad Sacerdotium destinatur, verum etiam praxim sacri Ministerii edocendus, quæ nonnisi diuturno usu comparatur. Qua de re legenda *S. Augustini*, Epistola ad *Valerium* Hipponensem Episcopum *xxi.* alias *cxlviij.* & *S. Gregorius* Epist. *cx.* Libri *vii.* ad *Syagrium* Augultodunensem Episcopum, *Etherium*, & alios: *Necesse est* (inquit) *ut quamvis inculpati quisque sit meriti, ante tamen per distinctos Ordines Ecclesiasticos exerceatur Officiis, videat, quod imitetur; discat, quod doceat; informetur, quod teneat: ut postea non debeat errare, qui eligitur viam erranti demonstrare.* Diu ergo religiosa meditatione polietur, ut placeat, & sic lucerna posita super candelabrum luceat, ut adversa ventorum vis irruens conceptam eruditionis flammam non extinguat, sed augeat. Secundo, hæc intervalla præsertim statuta sunt, ut qui ad Sacerdotium sunt perventuri, animum prius Ecclesiasticum assumant, Cleri Disciplina imbuantur, & ad Ecclesiasticam Regulam mores componant, quod nonnisi longo usu comparari potest. Ad quam rem illustrandam *S. Gregorius* Epistola mox laudata similitudines ex rebus inanimatis appolite deducit, ut sicut ligna in sylvis succisa, in ædificationibus compacta, citius superimposita mole franguntur, nisi eorum viriditatem multorum dierum mora siccaverit; sic spiritale Ecclesiæ ædificium corruat, in quod Laici, qui Laicalem animum non exuerint, compacti fuerint. Et sicut Medici quædam corpori adiutoria recenti adhuc confectioe formata indigenti non afferunt, sed maceranda temporis derelinquunt: ita nec momentanei Sacerdotes Populo utiles futuri sint, sed tempore opus sit, quo laicalia eorum studia conficiantur, ipsique in viros alios transformentur. Tertio, Interstitia ista instituta sunt ad probationem Ordinandorum, ut in inferioribus Ordinibus, tanquam in statu discipulatus, ac Novitiatus probentur diu, qui ad superiores gradus aspirant, ut nonnisi iis dotibus instructi, ac virtutibus, quæ ad sacrum Munus sancte obeundum necessariæ sunt, ad Sacerdotium provehantur. Nam (ut ait *Hormisdas* Pontifex Maximus, Epist. *iv.*) *Longa debet vitam suam probatione monstrare, cui gubernacula committuntur Ecclesiæ.* Et, (ut ait *S. Gregorius* Epistola mox laudata) *Cum scriptum sit, ut prius quis probetur, sic ministret, multo ante probandus est, qui populi intercessor assumitur, ne fiant causa ruinæ populi Sacerdotes mali.* Idipsum docet *Joannes VIII.* Epistola *cxvii.*

Ordinatio-
num temp-
ora, & inter-
stitia.

Ordinatio-
num temp-
ora, & inter-
stitia.

nullos ad Sacerdotium promoveri volens, nisi *Qui in Minoribus Officiis se diu perdurent, & vota eorum pariter, & obsequium comprobentur, ut per tempora a Majoribus instituta, comprobatis prius moribus, & bonæ vitæ meritis resurgentibus, ad Summum Sacerdotium postmodum veniant.*

Quamvis autem varia fuerit in definiendis Interstitiis Ecclesiæ Disciplina, illa tamen, prout ab Ecclesiâ præscripta essent, religiose servanda sanxerunt *Siricius Pontifex Maximus Epist. 1. ad Himerium Tarraconensem Episcopum, cap. 1x. & refertur can. Quicumque, distinct. lxxvii. Innocent. I. Epistola 1v. ad Felicem Nucerianum Episcopum cap. v. Zosimus Epist. 1. ad Hefycium cap. 11. & refertur can. In singulis, distinct. lxxvii. S. Leo Epist. 1. alias lxxvii. ad Episcopos Africanos, Gelasius I. Epist. ad Episcopos per Lucaniam, & Brutios & Siciliam constitutos, cap. 111. & refertur can. Si quis, & can. Monachus, distinct. lxxvii. Conc. Arelatense 1v. can. 1. Aurelianense 111. can. vi. Aurelianense v. can. 1x. Bracarense 1. can. xxxviii. Barcinonense sub Reccaredo Rege, can. 111. Synodus Octava Generalis, can. v.*

Nunc vero servanda sunt inter singulos Ordines Interstitia, prout a Concilio Tridentino definita sunt. Sic autem de Minoribus Ordinibus sanxit sess. xxiii. De Reformatione, cap. xi. *Minores Ordines (inquit) iis, qui saltem Latinam linguam intelligant, per temporum Interstitia, nisi aliud Episcopo expedire magis videretur, conferantur; ut eo accuratius quantum sit huius discipline pondus possint edoceri, ac in unoquoque Munere, juxta præscriptum Episcopi se exercent, idque in ea, cui adscripti sunt, Ecclesiâ; nisi forte ex causa studiorum absint; atque ita de gradu in gradum ascendant, ut in eis cum ætate vitæ meritum, & doctrina major accrescat: quod & bonorum morum exemplum, & assiduam in Ecclesiâ Ministerium, atque maior erga Presbyteros, & superiores Ordines reverentia, & crebrior quam antea Corporis Christi Communio maxime comprobabunt. Cumque hinc ad altiores Gradus, & Sacratissima Myſteria sit ingressus, nemo iis initietur, quem non scientiæ spes Majoribus Ordinibus dignum offendant. Hi vero nonnisi post annum a susceptione postremi Gradus minorum Ordinum, ad Sacros Ordines promoventur, nisi necessitas, aut Ecclesiæ utilitas, Judicio Episcopi, aliud exposcat.*

Et cap. xiiii. Promoti ad Sacrum Subdiaconatus Ordinem, si per annum saltem in eo non sint versati, ad altiorem Gradum, nisi aliud Episcopo videatur, ascendere non permittantur.

Cap. tandem xiv. De Presbyteratu sic decernit: *Qui pie, & fideliter in Ministeriis ante ædis se gesserint, & ad Presbyteratus Ordinem assumuntur, bonum habeant testimonium: & hi sint, qui non modo in Diaconatu ad minus annum integrum, nisi ob Ecclesiæ utilitatem, ac necessitatem aliud Episcopo videretur, ministraverint, sed etiam, &c. Quibus ex Decretis Concilii Tridentini Regulæ sequentes colliguntur.*

REGULA IX.

Inter Minores Ordines singulos, ut quædam servarentur Interstitia Episcopi arbitrio definienda, convenire Ecclesiasticæ Discipline.

Congruum autem erit, si intervallum istud ab uno Quatuor Temporum ad aliud definiant Antistites Religiosissimi, ut aliquod doctrinæ, ætatis, ac meriti incrementum inter susceptionem primæ Minoribus Ordinibus, & ultimi notari possit, ut optat Synodus Tridentina. Frustra quoque Interstitia illa statuerentur, nisi in singulis Ordinibus exercendis assiduitas, industria, pietas Ordinandorum probarentur: quis non autem

Ordinatio-
num tempo-
ra, & inter-
stitia.

pruden-

prudenter judicet, quin tres saltem menses in ea probatione in singulis Ordinibus facienda, & in singulis Ordinibus exercendis videantur esse necessarij?

R E G U L A X.

Inter postremum gradum Ordinum Minorum, & Subdiaconatum annus intercedere debet; inter Subdiaconatum, & Diaconatum annus saltem; inter Diaconatum, & Presbyteratum annus integer interponendus.

Concilii Tridentini ea de re Sanctionem promulgavit, & confirmavit Concilium Mediolanense IV. tit. *Quæ pertinent ad Sacramentum Ordinis*, his verbis: *Stata illa temporum intervalla, Ordinibus tum Minoribus, tum Majoribus suscipiendis Concilii Tridentini Decreto præscripta, ne facile, ac passim sine ullo delectu prætermittantur, omittanturve. Quod si de iis aliquid ab Episcopo remitti, dispensarive contigerit, in litteris dimissoriis, testimonialibusve Ordinum adscripta etiam dispensationis causa, testatum plane fiat.* Concilium Aquense, eodem Titulo, neminem nisi præscriptis Interstitiis servatis, vel obtenta in scriptis ab Episcopo dispensatione, ordinari permittit.

R E G U L A XI.

Dispensatio circa Ordinum Interstitia Episcopi arbitrio, & prudentiæ commissa est.

Sixtus V. ordinaros non servatis interstitiis, absque legitima dispensatione, suspensos declaravit. Verum cum Sixti V. Constitutio a Clemente VIII. ad terminos Concilii Tridentini revocata fuerit, non videtur ulla suspensio ab iis ipso facto incurri, qui etiam sine dispensatione præpropere fuerint ordinati. Quamvis fatendum sit, eos, qui tam testinanter ad aliquem Sacrorum Ordinum abique dispensatione promoventur, ab Episcopis Suspensione plecti posse ob violatos Canones. Legitime dispensari censentur illi, quibus & Vicarii Generales Episcoporum, & Capitulum, aut ejus Vicarius, Sede vacante, Interstitia remiserunt.

Sixti V. Constitutio v. contra male promotos, quæ incipit Sanctum, & salutare. Constitutio Clementis VIII. quæ incipit Summum, Pontificem.

R E G U L A XII.

Episcopus in lege Interstitiorum dispensare non debet, nisi necessitas, aut Ecclesiæ utilitas id exposcant.

ID autem postulat Ecclesiæ particularis necessitas, cum deficiunt Ministri, nec possunt suppleri per jam ordinaros Ecclesiæ onera, tam in Missarum celebratione, quam in aliis Ministeriis Ecclesiasticis. Id exigit Ecclesiæ utilitas, quando pauci sunt Ministri Ecclesiastici idonei; tunc enim utile est aliquos ordinare ad Ecclesiæ Ministerium, & majorem etiam ornatum, ac splendorem.

Utraque porro occurrit, cum aliquis in inferioribus Ordinibus constitutus ad Curam Animarum gerendam vocatur, aut ad quamvis eligitur Ecclesiasticam Dignitatem, cui altior Ordo annexus est: unde eo in casu morosa ista intervalla remittenda sunt ne plebs fidelis necessario diu Ministerio privetur, aut Ecclesia obsequio, & utilitate quam ipsi afferre debent Clerici has ad Dignitates promoti. Qua de re Lateranense Concilium sub Innoc. II. Canone X. ita sanxit: *Innovamus, & præcipimus, ut nullus in Archidiaconum vel Diaconum, nisi Diaconus, vel Presbyter ordinetur. Archidiaconi vero, Decani, & Præpositi, qui infra Ordines prænominatos existunt, si inobedientes ordinari contempserint, Honore suscepto priventur.* Refertur can. *Innovamus*, dist. LX. Promoto-

Ordinatio-
num tempo-
ra, & inter-
stitia.

motorum ad Dignitates Ecclesiasticas Ordinatione accelerandum esse statuit *Alexander III.* in Concilio Lateranensi, can. 111. *Inferiora etiam Ministeria* (inquit) *ut puta Decanatum, Archidiaconatum, & alia, quæ curam Animarum habent annexam, nullus omnino suscipiat: sed nec Parochialis Ecclesiæ Regimen, nisi qui jam vigesimum quintum ætatis annum attigerit, & scientia, & moribus commendandus existit. Cum autem assumptus fuerit, si Archidiaconus in Diaconum: Decanus, & reliqui admoniti non fuerint, præfeso a Canonibus tempore, in Presbyteros ordinati, & ab illo removeantur Officio, & aliis conferantur qui & velint & possint illud convenienter implere.* Idem Pontifex c. *Præterea, Extra, De Ætate, & qualitatibus Ordinandorum*, ad Regimen Parochialis Ecclesiæ, Subdiaconos ex rigore Juris, *Dispensative in Minoribus Ordinibus constitutos eligi concedit, dummodo tales sint, quod infra breve tempus possint in Presbyteros ordinari.* Sacrum Ordinem Ecclesiasticæ Dignitatis annexum intra annum ab eius pacifica possessione suscipiendum sanxerunt Concilium Lugdunense sub *Gregorio X.* can. xlii. & refertur cap. *Licet Canon, tit. De Electione, in Sexto; Bonifacius VIII. cap. Statutum, eodem Libro, & Titulo; Clemens V. in Concilio Viennensi, Clementina Ut ii, §. Illi vero.*

Has omnes Constitutiones renovat Sacra Synodus Tridentina. Sessione quippe vii. cap. 111. De Reformatione, *Gregorii X.* in Concilio Lugdunensi Sanctionem expresse confirmat, & aliter factam Collationem, sive Positivum irritam declarat, pœna etiam in Ordinarium Collatorem renovata. Secundo, statuit cap. xii. ejusdem Sessionis, *Ut facultates de non promovendo, præterquam in casibus a Jure expressis concessis, ad annum tantum saſragentur.* Tertio, sels. xxii. De Reformatione, cap. iv. minutatim præscribit. *Ut ii, qui Dignitates, Personatus, Officia Præbendas, Portiones, ac quælibet alia Beneficia in diſſis Ecclesiis obtinent, aut imposserum obtinebunt, quibus omnia varia sunt adnexa videlicet ut alii Missas, ut alii Evangelium, alii Epistolas dicant, seu cantent quocumque Privilegio, Exemptione, prærogativa, generis Nobilitate sint insigniti, teneantur, jussu impedimento cessante, infra annum Ordines suscipere requisiti: alioquin pœnas incurrant juxta Constitutionem Concilii Viennensis, quæ incipit, Ut ii qui, quam præſenti Decreto innovat: cogantque Episcopi eorundem diebus statutis diſſos Ordines per se ipsos exercere, ac cetera omnia Officia, quæ debent in cultu divino præſtare, sub iisdem, & aliis etiam gravioribus pœnis arbitrio eorum imponendis.* Et sels. xxiv. cap. xii. De Reformatione: *Nemo igitur (inquit) deinceps ad Dignitates quasunque, quibus Animarum cura subest, promoveatur, nisi qui saltem vigesimum quintum ætatis annum attigerit, & in Clericali Ordine versatus, doctrina ad suum Munus exequendum necessaria, ac Morum integritate commendetur juxta Constitutionem Alexandri III. in Concilio Lateranensi promulgatam, quæ incipit, CUM IN CUNCTIS.* Et paulo post: *Neminem etiam deinceps ad Dignitatem, Canonicatum, aut Portionem recipiant, nisi qui eo Ordine Sacro, aut sit initiatus, quem illa Dignitas, Præbenda, aut Portio requirit; aut in tali ætate, ut infra tempus a Jure, & ab hac Sancta Synodo statutum, initiari valeat, &c.*

Præter has causas dispensandi in Interstitiis, hujusmodi dispensationem concedi posse favore studii in aliqua Universitate, aut ob ætatem præcedam Ordinandi cum eximia virtute conjunctam, censet *Barbosa* p. 11. De Officio, & Potestate Episcopi, Alleg. xviii.

R E G U L A XIII.

Ordinator circa temporum Interstitia dispensare non potest cum iis, qui Diocessani sui non sunt, nisi id Dimissorii Litteris expresse concedatur.

Ordinatio-
num tempo-
ra, & inter-
stitia.

Sic responsum a Sacra Congregatione Episcoporum die nona Augusti, anno millesimo quingentesimo nonagesimo tertio refert *Piascius* in *Praxi* nova Episcopali, p. 1. cap. 1.

R E G U L A XIV.

Superiores Regularium cum ipsis dispensare de Interstitiis non possunt; sed solum jus habent Episcopo supplicandi, ut dispensare dignetur; habita ratione necessitatis, vel utilitatis Ecclesie sue, Monasterii, vel Ordinis. Quæ quidem supplicatio dimissorii litteris inferenda.

Ita declaravit Sacra Congregatio Cardinalium Concilii Tridentini Interpretum, teste *Barbosa* p. 11. *De Officio, & Potestate Episcopi*, Alleg. xviii. Et Concilium Tridentinum hanc dispensationem iudicio, & arbitrio Episcopi semper relinquit. Si autem Viris Religiosis facilius Interstitiorum moras canonicas remittant Illustrissimi, & Reverendissimi Episcopi, quam sæcularibus Clericis, *Gelasii I.* Pontificis Maximi iudicium, & exemplum sequentur, qui Interstitia inter singulos Ordines Monachis breviora; sæcularibus diuturniora imposuit: *Quia quod annorum interstitia fuerant collatura, sancti propositi sponte suscepta docetur præstitisse devotio.*

R E G U L A XV.

Ordines suscipere, aut conferre ante legitimam, & sacris Canonibus præscriptam ætatem, lethale peccatum est, gravique pœna secundum eosdem Canones plerendum.

Clericalis Tonsura, Minoresque Ordines conferri non debent pueris ante annos discretionis. Non debent quippe conferri nisi iis, qui capaces sint per ætatem eligendi certum aliquem vitæ statum, in quo perpetuo maneant: porro qui Tonsura Clericali initiatur, sæculari, seu laicali, vitæ renuntiat, & sanctioris vitæ genus eligit, quo Deo fidelius serviat. Quamobrem ante decimum quartum, aut certe duodecimum ætatis annum Tonsura Clericali pueros non initiari conveniens esset; quod & Episcopi plerique Ecclesiasticæ Disciplinæ studiosissimi Statutis suis Synodalibus edixerunt, ad Conc. Tridentini Sanctionem attendentes sess. xxiiii. *De Reformatione*, cap. iv. prohibentis, ne prima Tonsura intuentur, *De quibus probabilis conjectura non sit, eos ut Deo fidelem cultum præsent, hoc vitæ genus elegisse.* Concil. Burdigalense sub Cardinali *De Sourdis* habitum, cap. vi. Neminem ad primam Tonsuram admitti debere decernit, *quin duodecimum sue ætatis annum attigerit.* Concil. Mexicanum anno MDLXXV. Lib. 1. tit. iv. Neminem ad primam Tonsuram promovendum statuit, nisi prius de intentione permanendi in habitu Clericali iuramentum præstiterit. Idemque statuit *Bonifacius*, Cardinalis *Cajetanus* in Tarentina Synodo. Statuta Synodalia Cardinalis *Grimaldi* Aquisfensis Archiepiscopi sanciunt, neminem initiari prima Tonsura, *E qua velut e radice totius Ecclesiastici Ordinis integritas pendet, qui natus non sit ad minus annos quatuordecim.* Conc. Colonienſe an. MDXXXVI. celebratum, p. 1. cap. xxvii. de infantium promotione ad Clerum, & Minores Ordines sic loquitur: *Quid enim indecorum magis, quam admovei Infantes, qui*

Ordinando-
rum ætas.

non

non intelligant quid agant, imo ne capiant quidem quid Clerici nomen, & reliqua Minorum Ordinum vocabula significant. . . . Qua de re nemo post hac Ordinibus hisce insigniendus est, nisi quem & vita commendet, & literarum, etatisque sit pro ratione suscipiendi Ordinis sufficientis, ac recte, sinceræque voluntatis. Qui enim in Clerum alleguntur, rem proficiuntur minime ridiculam, nempe se peculiariter in sortem Domini ascitos, quibus post hac omnia terrena sordeant, ac solus Dominus fors, ac pars hereditatis futurus sit.

Quamquam vero Sacra Synodus Tridentina ætatem initiandorum prima Tonsura, aut Minoribus Ordinibus non definiverit, sed Episcoporum arbitrio, ac prudentiæ reliquerit judicandum, qua ætate quisque sit in Clerum cooptandus, aut ad Minores Ordines promovendus, nullum tamen prima tonsura initium, aut etiam in Minoribus Ordinibus constitutum. *Ante decimum quartum annum Beneficium posse obtinere*, declaravit sess. xxiii. cap. vi. *De reformatione*. Episcopus Clericalem Tonsuram Infanti conferens, ab illius Collatione per annum suspensus est, secundum cap. *Nullus Episcopus, tit. De Temporibus Ordinationum*, in Sexto.

Ordinando-
rum ætas.

Nullus ad Subdiaconatus Ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quintum ætatis suæ annum promoveri potest, secundum Concilii Tridentini Sanctionem, sess. xxiii. cap. xii. *De Reformatione*. Hunc autem annorum numerum attigisse sufficit, explevisse minime necesse est, ut probat Ecclesiæ usus. Vel unius diei, aut horæ defectus ab ætate legitima, susceptionem Ordinum impedit. Quod si quis dubitet, an præscriptam a Sacra Synodo ætatem attigerit, stante dubio suscipere Ordines non potest, alioqui periculo violandi præceptum Ecclesiæ se exponeret, nec illius leges curare videretur. Dispensatio porro super ætate Ordinandorum ad Episcopum non pertinet, sed Summo Pontifici reservata est. Unde nec Regulares ante ætatem a Sacra Synodo Tridentina præscriptam ordinari possunt absque speciali Sedis Apostolicæ Dispensatione; quibuscumque Privilegiis quoad hoc penitus abrogatis ab eadem Synodo sess. xxiii. c. xii. *De Reformatione*. Nec probandum est, quod quidam Regulares abique necessitate, vel utilitate Ecclesiæ, proprio arbitrio, non Superiorum judicio, ut citius ex inferioribus Ordinibus, aut ex Juniorum Fratrum subjectione emergant. Dispensationem obtinent a Sede Apostolica super defectu tredecim, aut quatuordecim mensium de ætate ad Sacerdotium requisita, fervorem devotionis obtinentes, secundum stylum Datarie. Illos certe tuto conscientia hujusmodi Dispensationem postulare, eaque uti posse non existimaverim; vereorque, ne ipsorum ad Sacerdotium nimia festinatio hanc illis maledictionem accerlat, *Hereditas, ad*

Prov. 20. 21. *quam festinatur in principio, in novissimo benedictione carebit*. Quod Sacrum Oraculum in eos, qui ad Sacerdotium festinatione præcipiti ascendunt, contorquet Ivo Carnotensis Episcopus Epist. LVIII.

Episcopus aliquem ad Sacros Ordines promovens ante legitimam ætatem, Suspensionem ab Ordinum collatione meretur, ex *Honorii III. Decretali*, cap. *Vel non est compos*, Extra, *De Temporibus Ordinationum*. Hæc tamen Suspendio non incurritur ipso Jure. Promoti vero ante legitimam ætatem ab executione Ordinum ita susceptorum suspendi poterant, usque dum ad eam perveniscent, ut ex eodem cap. colligitur: nunc vero ex Constitutione *Pii II.* quæ incipit, *Cum ex sacrorum*, ipso Jure a sacris ita susceptorum Ordinum functionibus sunt suspensi; & Irregulares sunt, si suscepto ante legitimam ætatem Sacerdotio celebrent, antequam Absolutionem impetraverint a Summo Pontifice, si delictum sit publicum; aut ab Episcopo, si sit occultum, ut eadem Constitutione sancitum est. Quamobrem ipsa Sacra

dotii

dotii susceptione ante vigesimum quartum ætatis annum expietum, aut sine titulo, aut ab alieno Episcopo, aut sine dimissoriis litteris, aut extra tempus statutum, Irregularitas, contrahitur, quia Sacerdos in Ordinatione sua simul cum Episcopo Ordinante Sacrum celebrat, unumque Sacrificium offert.

R E G U L A XVI.

Nemo absque Probatione, & Examine in Clerum admittendus est, & ad Ordines promovendus.

PRæcipit enim Apostolus, imo per Apostolum Christus: *Manus cito ne-* 1. ad Tim. 5.
mini imposueris, neque communicaveris peccatis alienis. Quæ verba S. Jo:
 Chrysostomus Hom. xvi. in Epist. i. ad Timotheum exponens, ait: *Quid est illud,*
cito: Non ex prima probatione, nec secunda, nec tertia, sed ubi consideratio
diuturna præcessit, exactissimaque discussio, tunc imposito manus. Neque enim
 ea res periculo caret: eorum, quæ ille peccaverit, tu quoque penam dabis,
 qui initium dedisti etiam præcautionum delictorum. Et S. Leo Epistola 1. ali-
 as LXXXVII. cap. II. *Quid est (inquit) cito manus imponere, nisi ante æta-*
tem maturitatis, ante tempus examinis, ante meritum laboris, ante experien-
tiam disciplinæ, Sacerdotalem Honorem tribuere non probatis? Et quid est com-
municare peccatis alienis, nisi talem effici Ordinantem, qualis est ille, qui non
meruit ordinari? Sicut enim boni operis sibi comparat fructum, qui rectum te-
net in eligendo Sacerdote iudicium; ita gravi semetipsum afficit damno, qui
ad suæ Dignitatis collegium subleat indignum. Jubeat rursus Apostolus, ut
 ordinandi *Probentur primum, & sic ministrent.* Et Tridentina Synodus di-
 ligentem in genus, natales, ætatem, mores, doctrinam Ordinandorum in-
 quisionem, & accuratissimum examen fieri jubet, ne indigni promove-
 antur. Sic enim statuit sess. xxiii. cap. v. De Reformatione: *Ad Mino-*
res Ordines promovendi, bonum a Parocho, & a Magistro Scholæ, in qua edu-
cantur, testimonium habeant. Hi vero, qui ad singulos Majores erunt assumen-
 di, per mensem ante Ordinationem Episcopum adeant, qui Parocho, aut al-
 teri, cui magis expedire videbitur, committat, ut nominibus, ac desiderio co-
 rum, qui volunt promoveri, publice in Ecclesia propositis, de ipsorum Ord-
 inandorum natalibus, ætate, moribus, & vita a fide dignis diligenter inquirat,
 & litteras testimoniales ipsam inquisitionem factam continentes, ad ipsum Epi-
 scopum quamprimum transmittat. Illum enim, qui ordinatur, Oportet, &
 testimonium habere bonum ab iis, qui foris sunt, ut non in opprobrium inci-
 dat, & in laqueum diaboli; (inquit Apostolus 1. ad Tim. 5.) Si autem
 ipsis Inidilibus iudicium de vita Ordinandorum, ac moribus Ecclesiæ per-
 mittit, ab iisque testimonium exigit, quanto magis fidelium populorum ne-
 cessarium est testimonium, quo Ordinandorum vita, probitalque confirme-
 tur? Quod si ab hostibus habere testimonium convenit, multo magis ab amicis
 ipsis, puta Populis Christianis; (inquit S. Jo: Chrysostomus, Hom. ix. in
 1. Epistolam ad Timotheum.) Hinc Apostoli de Diaconorum electione sol-
 liciti Fidelibus præceperunt, ut Considerarent viros boni testimonii septem ple-
 nis Spiritu Sancto, quos ad opus Diaconatus ordinarent. Hinc Tertullia-
 nus, in Apolog. de Ecclesiæ Præpositis ait: *Præsides probati quique*
Seniores, honorem istum non pretio, sed testimonio adepti. Hinc Con. Car-
 thaginensis III. can. xxii. sanxit, *Ut nullus ordinetur Clericus nisi proba-*
tus, vel Episcoporum examine, vel Populi testimonio. Et Carthaginensis IV. can.
 xxii. statuit, *Ut Episcopus sine Consilio Clericorum suorum Clericos non ordi-*
net, ita ut civium assensum, & conviventiam, & testimonium quaerat.

1. ad Tim. 5.

Ordinan-
 dum exa-
 men.

Can. Nullus
ordinetur, &
can. Episco-
pus d. xxiv.

De Inquisitionibus, ac denuntiationibus publicis, pro Candidatis. Majorum Ordinum probandis, Tridentino Concilio in hæserunt Mediolanense IV. Rothomagenſe, Aqueſe, Turonenſe, Burdigalenſia duo, &c.

De Ordinandorum Examine rursus Tridentina Synodus ſeſſ. xxiii. cap. vii. De Reformatione, ſic ſtatuit: *Episcopos autem Sacerdotibus, & aliis prudentibus viris, peritis diviſe legis, ac in Eccleſiaſticis ſunctionibus exercitatis, ſibi adſcitis, Ordinandorum genus, perſonam, ætatem, inſtitutionem, mores, doctrinam, & fidem diligenter inveſtiget, & examinet.*

Nulli Ordinum candidati ab Examine ſunt immunes. Concil. Colonienſe anno mdxxxvi. p. I. cap. xv. neminem excipit. *Eſſi Magiſterii titulum prætexat, niſi quem publicum ſit, & vitam integram egiſſe, & ea, quæ Ordo amplectendus requirit, facile callere: quamobrem nedum Clerici, qui ſeculares appellantur, ſed & Religioſi cujuſlibet etiam profeſſionis fuerint, hanc cenſuram experiuntur.* Leo X. in Conſtitutione, quæ incipit, *Dum intra mentis arcana*, ſeſſ. xi. Conc. Lateranenſis v. promulgata, Regulares, qui ad Ordines promovendi ſunt, admittendos decernit, *Postquam per Ordinarios de Grammatica & ſufficientia examinati fuerint, & dummodo competenter reſpondeant.* Con. Tridentinum ſeſſ. xxiii. cap. xii. De reformatione, ab examine neminem excipit, Regulares quoque *ſine diligenti Episcoporum examine prohibet ordinari.* Nec mirum, cum S. Auguſtinus Epistoſa lx. alias lxxvi. ad Aurelium ſcribat, *Ex his, qui in Monasterio permanent, non niſi probatiores, atque meliores ſe in Clerum assumere ſolere.* Cum aliquando etiam bonus Monachus vix bonum Clericum faciat, ſi adſit ei ſufficientia continentia, & tamen deſit Inſtitutio neceſſaria, aut Perſonæ Regularis integritas.

Quamvis autem Ordinandorum examen ad Episcopos præſertim ſpectet, ſecundum Regulam illam Innoc. III. cap. Venerabilem, Extra, De Electione: *Eſſe enim regulariter, & generaliter obſervatum, ut ad eum examinationis perſonæ pertineat, ad quem impoſitio manus ſpectat:* convenienſ tamen eſt, ut alii etiam, Episcoporum juſſu, etoque, ſi fieri poteſt, præſente, Ordinum Candidatos examinent. Eos autem de gremio Cathedralis Eccleſiæ aſſumi conſentaneum eſt *Examinatores ſiquidem a latere ſuo Episcopum eligere debere,* ſanxit Concil. Nanaetenſe, can. xi. Si qui autem ex Capitulo Cathedralis Eccleſiæ ad id Munus vocari debent, ii maxime Archidiaconi, Theologus, ſive Scholaſticus, Cancellarius, & Pœnitentiarius. Archidiaconos vocari decet, qui ad Episcopum de capacitate, & ſufficientia Ordinandorum publice in Eccleſia referant, qui Jure communi *Episcoporum Vicarii* dicuntur, ad quos Parochiarum pertinet ſollicitudo, & earum ordinatio, & ad quos Præſentandorum ad Beneficia examinatio ſpectat, ex Innoc. III. cap. Ut noſtrum, Ext. De Officio Archidiaconi. Theologum, ſeu Scholaſticum examini Ordinandorum convenit intereſſe, ad quem (ex Con. Colonienſi ſub Adolpho Archiepiſcopo) in pluribus Eccleſiis Ordinandorum examinatio jure ſpectaſſe dicitur, & cujus præcipue munus eſt, Ordinandos in ſuo Officio intruere, ac docere. Cancellarium pariter, qui Jure communi Magiſter Scholarum cenſetur, cujus proinde ſuffragio probari decet Ordinandos, qui in Scholis verſati, & a Magiſtris Scholarum commendati ſunt. Pœnitentiarium denique, quem videlicet Irregularitates, & alia canonica impedimenta dignoſcere maxime oportet, & cui, vel ei quem designaverit, peccata ſua conſiteri debere, Ordinandos, ſtatuit Concil. Rothomagenſe ſub Cardinali Borbonio, tit. De Episcoporum Officio, n. 7. quod & Statutis Synodalibus Trecentis Eccleſiæ ſancitum eſt, ut legere eſt apud L. Bochetum, Lib. I. tit. II. cap. xlvj.

Quamvis autem ex facie duntaxat non ſit de hominibus judicandum, non tamen prætermittenda eſt ab Examinatoribus diligens conſideratio motus, geſtus,

Ordinando-
rum exa-
men.

stus, incessus, aspectus, locutionis, totiusque habitus corporis, qui si levitatem sapiat, ad Ordines non facile admittendi sunt Candidati, sed diuturnioris temporis intervallo probandi, ut colligitur ex doctrina, & exemplo S. Ambrosii, Lib. 1. *De Officiis*, cap. xvi. *Est etiam* (inquit), in ipso motu, gestu, incessu, tenenda verecundia. Habitus enim mentis in corporis statu cernitur. Hinc homo cordi nostri absconditus, aut levior, aut iactantior, aut turbidior: aut contra gravior, & constantior, & purior, & maturior aestimatur. Itaque vox quædam est animi, & corporis motus. Meministis, filii, quemdam amicum, cum sedulis se videretur commendare officiis, hoc solo tamen in Clero a me non receptum, quod gestus ejus plurimum dedecet: alterum quoque cum in Clero reperissem: jussisse me, ne unquam præiret mihi; quia velut quodam insolentis incessus verbere oculos feriret meos. Idque dixi, cum redderetur post offensam Muneri. Hoc solum excepi, nec fessellit sententia; utque enim ab Ecclesia recessit, ut qualis incessu probebatur, talis perfidia animi demonstraretur. Namque alter Arrianæ infestationis tempore fidem deseruit: alter pecuniæ studio, ne iudicium subiret Sacerdotale, se nostrum negavit. Lucebat in illorum incessu imago levitatis, & species quædam scurrarum percurrentium.

R E G U L A XVII.

Neque Sacerdotum, & Ministrorum penuria, neque rationes aliæ, indignorum Clericorum Ordinationem ullatenus excusare possunt.

Non enim Sacerdotum, ac Ministrorum multitudine, sed pietate, doctrina, labore, assiduitate, Ecclesia ab initio plantata est, postea vero aucta, ornataque floruit. *Dilatata videtur Ecclesia* (inquit S. Bernardus, in Tractatu *De Conversione ad Clericos*, cap. xx.) „ Ipse etiam Cleri sacratissimus Ordo: Fratrum numerus super numerum multiplicatus est. Verum etsi multiplicasti gentem, Domine, non magnificasti lætitiā, dum nihil minus apparet decessisse meriti, quam numeri accessisse. Curritur passim ad Sacros Ordines, & reverenda ipsis quoque Spiritibus Angelicis Ministeria homines apprehendunt sine reverentia, sine consideratione. Periculosus hic Ecclesiæ morbus, cui graviter consules, si non tam de Clericorum numero sollicitus sis, quam de exemplo: *Quia* (ut scribit Gelasius I. ad Lucaniæ Episcopos) *convenientia Ecclesiæ Ministeria reparanda sunt, non inconvenientibus meritis ingerenda*. Ne per occasionem supplendæ penuriæ Clericalis, vitia potius divinis cultibus intulisse; non legitime familiæ Domini putemur procurasse compendia. Similiter S. Leo. inordinatas indignorum Ordinationes reprehendens, Epistola I. alias lxxxvii. ad Africanos Episcopos: *Non est hoc consulere Populis* (inquit) *sed nocere, nec præstare regimen, sed augere discrimen. Integritas enim Præsentium, salus est subditorum*. Concil. Lateranensis iv. can. xxvii. hanc Regulam egregie confirmat: „ Cum sit arsitium Regimen Animarum, districte præcipimus, ut Episcopi promovendos in Sacerdotes diligenter instruant, & informant, vel per se ipsos, vel per alios viros idoneos, super Divinis Officiis, & Ecclesiasticis Sacramentis, qualiter ea rite valeant celebrare; quoniam si ignaros, & rudes de cetero ordinare præsumperint, (quod quidem facile poterit deprehendi) & Ordinatores, & Ordinatos gravi decrevimus subjacere ultioni. Satiū enim maxime in Ordinatione Sacerdotum paucos bonos, quam multos malos habere Ministros: quia si cæcus cæcum duxerit, ambo in foveam dilabuntur.

Qualitates
Ordinando-
rum.

Refert ur d.
17. can. Mo-
nehus.

Ordinando-
rum voca-
tio.

Idem confirmat S. Thomas, in iv. *Sententiarum*, dist. xxiv. q. 1. art. 111. Luc. 12. & equ. iv. *A Domino* (inquit) *describitur fidelis, qui est servus constitutus super fami-* Matth. 24.

familiam, ut det illis tritici mensuram: & ideo infidelitatis reus est, qui alteri supra mensuram ejus Divina tradit: hoc autem facit, quicumque indignum promovet. Et ideo mortale crimen committit, quasi Summo Domino infidelis; & præcipue cum hoc in detrimentum Ecclesiæ vergat, & honoris divini, qui per bonos Ministros promoveretur: esset enim infidelis Domino terreno, qui in ejus Officio aliquos inutiles poneret.

Et in Responsione ad primum: Deus nunquam ita deserit Ecclesiam suam, quin inveniantur idonei Ministri sufficienter ad necessitatem plebis, si digni promoverentur, & indigni repellerentur. Et si non possent tot Ministri inveniri, quos modo sunt, melius esset habere paucos Ministros bonos, quam multos malos. Quod Conc. Burdigalensis anno MDLXXXIII. celebrati verbis confirmatur: Ut vinea Domini (inquit) ex illius præcepto rite semper colatur, multaque messis in ejus horarum repositur, multis operariis opus est, quorum non tam numerus, quam virtus spectanda est: paucos enim idoneos, & probatos habere satius est, quam multos inutiles atque adeo ipso vitæ genere perniciosos.

R E G U L A XVIII.

Nemo absque Dei Vocatione in Clerum eligendus, Sacrifis Ordinibus initiandus est.

Joan. 6.
Ad Hebr. 5.

Matth. 22.

Ordinando-
rum vocatio-
nis probanda.

Christus enim Dominus Apostolis suis ait: *Non vos me elegistis, sed ego elegi vos* Et (ut Apostolus ait) *Nec quisquam sumit sibi honorem, sed qui vocatur a Deo tanquam Aaron.* Nec enim Christus semetipsum clarificavit, ut Pontifex fieret; sed qui locutus est ad eum: *Filius meus es tu.* Hinc Apostoli in locum Judæ proditoris Apostolum succeduri, Deum ita precati sunt: *Tu, Domine, ostende; quem elegeris.* Nemo ingreditur ad regales Nuptias, nisi quos Pater familias invitavit. Christus ostium ovium est, ut ipsemet docet Joan. X. *Qui non intrat per ostium in ovile ovium, sed ascendit aliunde, ille fur est, & latro: qui autem intrat per ostium, Pastor est ovium: huic ostiarius aperit, & oves vocem ejus audiunt, quia ipse voci Christi paruit.* Ideoque nihil a Deo amplius requirendum censet S. Zeno Veronenis Episcopus Serm. II. *De Nativitate Christi*, quam *Ut quis ejus noverit voluntatem, sine qua ei nec legitime servire poterit, nec placere.* Quod si olim ab Assuero Persarum Rege constitutum legimus (Esther IV.) ut qui, sive mulier, sive vir non vocatus atrium Regis introiret, absque ulla cunctatione, aut indulgentiæ spe statim interficeretur; quantis putas damnandum pœnis, qui absque cœlesti vocatione in Ecclesiasticam Professionem invadit, & Ordinationis gratiam suffuratur? Si nemo terreni cujuslibet Reguli, eo non præcipiente, & vocante, occupare Ministeria, præcipere beneficia, negotia dispensare audeat, quantæ temeritatis rei sunt qui in Sacrum Ministerium absque Dei vocatione interna, & externa legitimorum Ecclesiæ Prælatorum, se ipsos arroganter inferunt, atque intrudunt? De quibus Dominus ait (Jerem. XXIII.) *Non mittebam Prophetas, & ipsi currebant.* Quo quidem hominum genere nihil infelicius, ac miserius, nihil Ecclesiæ calamitosius esse potest; (inquit Catechismus Concilii Tridentini.)

Divinæ vo-
cationis in-
dicia.

Divinæ autem vocationis varia sunt indicia. Primum est Conscientiæ puritas, & anteactæ vitæ innocentia. Alterum Ecclesiasticæ Disciplinæ studium, amorque, & a Sæculi moribus, ac vanitatibus alienatio. Tertium, recta intentio, seu finis bonitas, ob quem aliquis Clericali Militiæ dat nomen, vel ad Sacram Ordinationem accedit. Si enim aliquis liber ab omni terreno affectu, vacuus ab omni gloriæ cupiditate, expers omnis ambitionis & avaritiæ, ad Clerum Deo deservienti causa, & salutis populi procurandæ gratia solum se conferat, Dignus Dei hic est, Dextera Domini fecit virtutem,

Dex-

Dextera Domini ipsum exaltat. Sed si rapit ambitio, si invitat avaritia, si otiositas allicit, si domesticæ curæ impatientia inducit, divinam ad Clericatum, & ad Sacros Ordines vocationem deesse, hæc argumenta sunt.

Qua de perversitate intentionis Conc. Catechismus hæc habet: Alii eo consilio ad hanc vivendi rationem se convertunt, ut quæ ad victum, vestitumque necessaria sunt, parent: ita ut præter quæstum nihil aliud in

Sacerdotio, quemadmodum vulgo ceteri omnes in quovis sordidi artificii genere, spectare videantur. Quamvis enim ex Apostoli Sententia, natu-

ra, & divina lex jubeat, ut *Qui altari servit, ex Altari vivat*: tamen

quæstus, & lucri causa ad Altare accedere, maximum sacrilegium est.

Alios honorum cupiditas, & ambitio ad Sacerdotalem Ordinem ducit.

Alii vero, ut divitiis affluant, initiari volunt, cujus quidem rei illud argumentum est, quod nisi opulentum aliquod Ecclesiasticum Beneficium iis

deferatur, nullam Sacri Ordinis cogitationem habent: hi vero sunt, quos

Salvator noster *Mercenarios* appellat: & quos *Ezechiel* dicebat, *Semecipsos*,

Et non oves pascere: quorum turpitudine, & improbitas non solum Sacer-

dotali Ordini magnas tenebras offundit, ita ut jam nihil fere a fidei po-

pulo haberi possit contemptius & abjectius: verum etiam efficit, ut ipsi

nihil amplius ex Sacerdotio consequantur, quam Judas ex Apostolatus

Munere, quod illi sempiternum exitum attulit. Illi autem ostio in Ec-

clesiam introire merito dicuntur, qui a Deo legitime vocati, Ecclesiasti-

ca Munera ejus unius rei causa suscipiunt, ut Dei honori inserviant. Qua

de re *S. Bernardus*, seu potius *Gaufridus*, Abbas r.v. Claravallensis, Decla-

matione in Evangelium *Ecce nos reliquimus omnia*, ex verbis *S. Bernardi*

contexta §. XIII. præclare scribit: Videte Vocationem vestram, ait *vocatus*

Apostolus. Consideremus *Et nos an vocati venerimus*, *Et vocati a Deo*, cu-

jus nimirum hæc vocatio est. Nec communem modo vocationem dixerim, qua

sane juxta eundem *Apostolum*, Quos prædestinavit, hos & vocavit: sed quis

vocaverit nos in honorem Cleri, convenire velim conscientias singulorum, ut

secundum præceptum Domini ad cor Jerusalem loquar. Hæc enim parvulo ad-

buc, aut forsitan necdum nato, Ecclesiastica jam Beneficia provida sane paren-

tum sollicitudo parabat. Hunc nos, inquiens, illi, vel illi tradimus Episcopo,

apud quem habemus gratiæ locum, aut cui forte servivimus, ut dicitur de

bonis Domini, nec in tot liberos nostra dividatur hereditas. Illum *Præpositus*,

aut *Decanus*, ut sibi succederet, plusquam materno educavit affectu, in deli-

ciis enutrients, *Et delictis*. Ille dignus *Archidiaconatu*, utpote filius *Principis*:

magis autem si sit *Episcopi consobrinus*, in quo nimirum tota est *Episcopata*

progenies. Alius undique circuit sedulus explorator, blanditur, obsequitur, si-

mulat, *Et dissimulat*, miseraque sibi suffragia mendicare non erubescit, mani-

bibus *Et pedibus repens*, si quo modo tandem aliquando sese ingerere queat in

patrimonium *Crucifixi*, *Et bona Domini*, quæ sola ex omnibus hodie inveniu-

tur exposita. Quis ea intentione *Gradus Ecclesiasticos*, *Et Ministeria Sanctuarii*

querit, imo queritur (*Quæri nempe potius quam quærere ipse debuerat*) ut

sine curis sæculi, in sanctimonia cordis, *Et corporis illuminandus* accedat ad

Dominum, *Et suam* pariter, ac proximorum operetur salutem, orationis studio

deditus, *Et verbo prædicationis*? Nam si eo querit, aut tenet animo, coque

intuitu, ut huic vite habeat necessaria: evangelizat, ut manducet, *Et perverso*

nimis ordine cælestibus terrena mercatur. Quam certe dignius, ampliusque

consentaneum rationi, ut pro carnali victu carnalia magis opera, *Et negotia*

exerceret, nec fieret inverstor rerum, aut inhonoraret *Ministerium spirituale*?

Sed modico est natura contenta, nec multi sola in his necessaria querunt, quip-

pe minori facile satis obtinenda periculo. Honorati incedere volunt, piacere

Nat. Alex. Theol. Tom. II.

LI

flu-

1. Cor. 9.

Joan. 10.
Ezech. 34.

1. Cor. 1.

Ordinande-
rum vocatio.

Roni. 8.

Of. e. 8.

student hominibus, delectari, & superbire, & huic sæculo per omnia confor-
mari. Audi querelas Domini, quid super hac tanta hominum temeritate loqua-
tur patiens redditor, penitentiam cupiens, quam vindictam: Ipsi (inquit)
„ regnaverunt, & non ex me : Principes extiterunt, & ego non vocavi
eos. Universos siquidem in Ordinibus Ecclesiasticis, ceterisque ad Sanctuarium
pertinentibus, honorem quærentes proprium, aut divitias, seu corporis volupta-
tem, postremo, quæ sua sunt, non quæ Jesu Christi, manifeste prorsus, & in-
debitanter, non ea, quæ Deus est charitas, sed aliena a Deo, & omnium ra-
dix malorum cupiditas introducit. Quid istud temeritatis, imo quid insanæ est?
Ubi timor Dei? Ubi mortis memoria, ubi gehennæ metus, & terribilis expe-
ctatio illa judicii? Sponsa, nec cubiculum, nec cellam ingredi nisi Rege intro-
ducente præsumit: tu irreverenter irrui nec vocatus, nec introductus. Tra-
„ he me post te, ait illa, in odorem unguentorum tuorum curremus. Nunc
autem trahit sua quemque voluptas, & odorem turpis lucri sectantes, quæstum
æstimant pietatem, quorum certa est damnatio.

Cant. 1.

1. Tim. 6.

R E G U L A XIX.

Nemo est ad Sacros Ordines promovendus, nisi qui vel innocenter vixerit, vel
occultas prioris vitæ maculas diuturna Penitentia diluerit.

Ordinando-
rum sancti-
monia.

CHristi enim primi, Summique Sacerdotis sanctimoniam decet illos imi-
 tari, qui Sacerdotii illius participes esse cupiunt. *Talis decebat, ut no-*
bis esset Pontifex, sanctus, innocens, impollutus, segregatus a peccatoribus,
& excelsior cælis factus, qui non habet necessitatem quotidie, quemadmodum
Sacerdotes, prius pro suis delictis hostias offerre, deinde pro populi: (inquit
Apollolus ad Hebr. vii.) Hinc Apolt. 1. ad Timotheum 111. docens quales
esse debeant Episcopi, ceterique Ecclesiæ Ministri. Oportet (inquit) Episcopum
irreprehensibilem esse, unius uxoris virum, sobrium, prudentem, orna-
tum, pudicum, hospitalem, doctorem, non violentum, non percussorem, sed
modestum; non litigiosum, non cupidum, &c. Diaconos similiter pudicos, non
bilingues, non multo vino deditos, non turpe lucrum sectantes: habentes my-
sterium fidei in conscientia pura. Et hi autem prebentur primum: & sic mi-
nistrent, nullum crimen habentes. Et ad Titum 1. Huius rei gratia relinqui te
Crete, ut ea, quæ desunt, corrigas, & constituas per civitates Presbyteros,
sicut & ego disposui tibi. Si quis sine crimine est, &c. Oportet enim Episcopum
sine crimine esse, sicut Dei dispensatorem, non superbum, non iracundum,
non violentum, non percussorem, non turpis lucri cupidum: sed hospitalem,
benignum, sobrium, justum, sanctum, continentem.

Hanc Regulam confirmant Ss. Patres Gregorius Nazianzenus. Orat. 1.
 „ hunc esse rerum naturalem ordinem ait; Purgari prius, deinde purgare;
 „ sapientia instrui, atque ita demum sapientia alios instruere; lux fieri, &
 „ alios illuminare; ad Deam appropinquare, & ita alios deducere; sancti-
 „ ficari, & postea sanctificare. *Hæc sanctus idem Theologus de seipso ait:*
 „ Hæc igitur cum ego nolem, illudque intusper, Nemine magis, & Deo,
 „ & Sacrificio, & Pontifice dignum esse, nisi qui prius seipsum Deo viven-
 „ tem hostiam, sanctam exhibuerit, ac rationabile obsequium, gratum, at-
 „ que acceptum ostenderit, Deoque Sacrificium laudis, ac spiritum contri-
 „ bulatum obrulerit, quo tandem modo externa illud Sacrificium, illud
 „ magnorum Mysteriorum antitypum ipsi offerre audeam? Aut quomodo
 „ Sacerdotis habitum, aut nomen iurare, priusquam sanctis operibus ma-
 „ nus purificassem? Priusquam rebus creatis sane, atque ad Creatoris solam
 „ admirationem, non autem ad figmenti damnum aspiciendis oculis affe-

„ fe-

fecissem : priusquam per Domini disciplinam aures meæ fatis aperte fuissent : priusquam os , labia , & lingua , illud quidem apertum fuisset , ac spiritum attraxisset ; aut dilatatum , aut impletum Spiritu exponendis Mysteriis , & Dogmatibus ; hæc autem divino sensu ligata fuissent , atque etiam tempellive soluta ; ac denique lingua exultatione impieta fuisset , divinæque melodiarum plectrum effecta ; priusquam statuti essent ad petram pedes mei perfecti tanquam cervorum , meique secundum Deam gressus directi essent , ita ut nec pene , nec ullo omnino modo esunderentur : prius denique quam omnia membra iustitiæ arma effecta fuissent omnemque mortalitatem abiecissent , a vita scilicet absorptam , ac spiritui cedentem .

S. Hieronymus in cap. 1. Epistolæ ad Timotheum : Sine crimine iubetur esse Episcopus , quod puto alio verbo irreprehensibilem nominatum . Non quod eo tantum tempore , quo ordinandus est , sine ullo sit crimine , & præteritis maculas nova conversatione diluerit , sed quod ex eo tempore , quo in Christo renatus , nulla peccati conscientia remordeatur . Quomodo enim potest Præfex Ecclesiæ auferre malum de medio ejus , qui in delicto simili corruit ? Aut qua libertate corripere peccantem potest , cum tacitus sibi ipse respondeat , eadem admisisse , quæ corripit ?

S. Augustinus , Tractatu xli. in Joannem , §. 10. Prima est ergo libertas (inquit) carere criminibus . Ideo & Apostolus Paulus , quando elegit Ordinandos , vel Presbyteros , vel Diaconos , & quicumque ordinandus est ad Præposituram Ecclesiæ , non ait ; Si quis sine peccato est : hoc enim si diceret , omnis homo reprobareretur , nullus ordinaretur : sed ait : Si quis sine crimine est , sicuti est homicidium , adulterium , aliqua immanditia fornicationis , furtum , fraus , sacrilegium , & cetera hujusmodi . Cum ceperit ea non habere homo ; (Debet autem non habere omnis Christianus homo ,) incipit caput erigere ad libertatem , &c.

S. Gregorius Magnus , Pastoralis Curæ , p. 1. Ille (inquit) modis omnibus debet ad exemplum vivendi pertrahi , qui cunctis carnis passionibus moriens jam spiritualiter vivit , qui prospera Mundi postposuit , qui nulla adverbia pertimescit , qui sola interna desiderat . Cujus intentioni bene congruens , nec omnino per imbecillitatem corpus , nec valde per contumaciam repugnat spiritus . Qui ad aliena cupienda non ducitur , sed propria largitur . Qui per pietatis viscera citius ad ignoscendum flacciditur , sed nusquam plusquam deceat ignoscens , ab arce rectitudinis inclinatur . Qui nulla illicita perpetrat , sed perpetrata ab aliis , ut propria deplorat . Qui ex affectu cordis alienæ infirmitati compatitur , sicque in bonis proximi sicut in suis profectionibus lætatur . Qui ita se imitabilem ceteris in cunctis , quæ agit , insinuat , ut inter eos non habeat , quod saltem de transactis erubescat . Qui sic studet vivere , ut proximorum quoque corda amentia doctrinæ valeat fluentis irrigare . Qui orationis usum , & experimento jam didicit , quod obtinere a Domino , quæ poposcerit , possit . Si enim fortasse quis veniat , ut pro se ad intercedendum nos apud potentem quemdam virum , qui sibi notus , nobis vero est incognitus , ducat , protinus respondemus : Ad intercedendum venire non possumus , quia familiaritatis ejus notitiam non habemus . Si ergo homo apud hominem , de quo minime præsumit , fieri intercessor erubescit : qua mente apud Deum intercessionis locum pro populo accipit , qui familiarem se gratiæ ejus esse per vitæ meritum nescit ? Aut ab eo quomodo aliis veniam postulat , qui utrum sibi sit placatus ignorat ? Qua in re adhuc aliud est sollicitius formidandum , ne qui placare posse iram creditur , hanc ipse ex proprio reatu mereatur . Cuncti enim liquido novimus , qui cum is , quia displicet , ad in-

Ordinatio-
rum sa-
cramenta .

„tercedendum mittitur, irati animus ad deteriora provocatur. Et cap. xii^o postquam defessus, & vitia corporis recensuit, quæ a Sacerdotio in Veteri Lege arcebant, quorum defectum unumquemque ibidem moraliter explicat; ita suam illam expositionem concludit: Quisquis ergo quolibet horum vitio subigitur, panes Domino offerre prohibetur: ne perfectio diluere aliena delicta non valeat, in quem adhuc propria devallant.

Idem Lib. III. Epist. xxvi. Pervenit ad Nos quosdam de Sacris Ordinibus lapsos, vel post Penitentiam, vel ante, ad Officii sui Ministerium revocari: quod omnino prohibemus, & in hac re quoque Sacratissimi Canones contradicunt. Et Lib. IV. Epist. xvii. Si lapsus ad suum Ordinem licentia concedatur; vigor canonice procul dubio frangitur Discipline, dum pro reversionis spe, pravæ actionis desideria quis concipere non formidat.

S. Isidorus Hispalensis, Lib. III. Sententiarum, cap. xxxi. Non sunt (inquit) promovendi ad Regimen Ecclesiæ, qui adhuc vitiis subjacent: hinc est, quod preceptum est David non edificare visibilo Templum, quia sanguinum vir belli frequentia esset; qui figura illi spiritualiter admonetur, qui vitiorum adhuc corruptioni sunt delicti, ne Templum edificent, hoc est, Ecclesiam docere presumant. Subdit ibidem: Non debet honoris ducatum suscipere, qui nescit subjectionis tramite vitæ melioris præire: neque enim quidquam ad hoc tantum præficitur, ut subditorum culpas corrigat, & ipse vitiis serviat.

Et Lib. II. De Officiis Ecclesiasticis, cap. v. Quod is, qui post Baptismum aliquo mortali peccato corruptus ad Sacerdotium non promovatur, Lex ipsa testatur. Moyses enim in Lege præcepit Sacerdotibus, ne aliquod pecus vitiatum ad Aram Deo offerant. Unde & in Numeris vitula rasa, ejus cinis expiatio est populi, non aliter jubetur offerri ad Altare Domini; nisi quæ terrena opera non fecerit, jugumque delicti non traxerit, nec vinculis peccatorum fuerit alligata. Sed quid plura obijciamus? Si enim is, qui in Episcopatu mortale aliquod peccatum admisit, non debet offerre Panes Domino, quanto magis ante Ordinationem peccator inventus, repudiari debet, ut non ordinetur?

S. Martinus I. Pontifex, & Martyr, in Epistola ad Amatum Trajectensem Episcopum: Si tales (inquit) querimus ad Sacros Ordines promovendos, quibus nulla ruga, nullumque vitæ contagium præpeliat: quanto magis si post Ordinationem suam quispiam in lapsum ceciderit, & prævaricationis peccato deprehendatur obnoxius, omnino prohibendus est, cum manibus lutulentis, atque pollutis Mysterium nostræ salutis tractare?

Id confirmat S. Bernardus, in Tractatu De Conversione ad Clericos, cap. xix. Multi quidem veniunt (inquit) sed considera quis vocetur: ordinem ipsum dominici sermonis attende: Beati (inquit) mundo corde, quoniam ipsi Deum videbunt. Ac deinde: Beati pacifici, quoniam filii Dei vocabuntur. Mundicordes utique vocat Pater cælestis, qui non querunt, quæ sua sunt, sed quæ Jesu Christi: nec quod sibi utile, sed quod multis. Petre, (inquit) amas me? Domine, tu scis, quia amo te. Pafce, ait, oves meas. Quando enim sic amatas oves committeret non amanti? Nimirum hoc queritur inter dispensatores, ut fidelis quis inveniantur. Ve Ministris infidelibus, qui necdum reconciliati, reconciliationis alienæ negotia, quasi homines, qui justitiam fecerint, apprehendunt. Ve filiis iræ, qui se Ministros gratiæ profitentur. Ve filiis iræ, qui pacificorum sibi usurpare gradus, & nomina non verentur. Ve filiis iræ, qui fideles sese Mediatores pacis, ut peccata populi comedant, mentiuntur. Ve qui ambulantes in carne Deo placere non possunt, & placare velle presumunt. Non miramur, fratres, quicumque præsentem Ecclesiæ statum miseramur: non miramur de radice colubri regulam

Ordinando-
rum sancti-
monia.

Matth. 5.

Joann. 21.

Orientem. Non miramur, si vindemiat vineam Domini, qui institutam a Domino prætergreditur viam. Impudenter enim pacifici gradum, & Filii Dei vices occupat homo, qui nec primam quidem adhuc vocem Domini ad cor revocantis audit: aut si quando forsitan caperit audire, resiliens fugit ad folia, ut absconderetur in eis. Propterea necdum peccare quievit, sed longam adhuc trahit resem, &c. Quid de munditia cordis loquar? Utinam non illud oblivioni dedisset tanquam mortuus a corde! Utinam non esset columba seducta, non habens cor! Utinam esset, quod vel de foris est mundum, nec ea, quæ corporalis maculata tunica inveniretur! Ut obediret vel in hac parte dicenti: Mundamini, qui fertis Vasa Domini.

Ordinando-
rum sancti-
monia.

Isai. 58.

R E G U L A XX.

Sacrilegii reus est, qui cum peccati mortalis conscientia Ordinis suscipit.

Hanc Regulam tradit S. Thomas, in iv. Sentent. dist. xxiv. qu. 1. art. 111. quæst. 1. Cum (inquit) in quolibet Ordine aliquis constituitur Dum aliis in rebus divinis, in quolibet quasi presumptuosus mortaliter peccat, qui cum conscientia peccati mortalis ad Ordines accedit: & ideo sanctitas vitæ requiritur ad Ordinem de necessitate præcepti, sed non de necessitate Sacramenti: unde si malus ordinatur, nihilominus Ordinem habet, tamen cum peccato.

Et in Responsione ad secundum ait, Ordinatos per Ministerium spirituale ad quod applicantur, effici medios inter Deum, & plebem: Et ideo (inquit) debent bona conscientia nitere quoad Deum, & bona fama quoad homines.

Præterea, cum Sacramentum Ordinationis sit Sacramentum vivorum, non mortuorum, nec sanandis animæ nostræ languoribus, aut vivificandis animabus institutum, sed ad gratiam augendam hominibus relictum: ejus virtutem evacuant, dignitatem contaminant, effectui, finique repugnant, qui mortalis peccati labe inquinati, indignos se gratiæ augmento, & donorum Spiritus Sancti ubertate præbent, quæ cumulatissime hoc Sacramento effunduntur. Hanc rationem subministrat S. Thomas, loco mox indicato in Responsione ad tertium: Alique (inquit) Medicinæ sunt, quæ exigunt robur nature (alias cum periculo mortis assumuntur) & aliæ sunt, quæ debilibus dari possunt: ita etiam in spiritualibus quedam Sacramenta sunt ordinata ad remedium peccati; & talia peccatoribus sunt exhibenda, sicut Baptismus, & Pœnitentia: illa vero, quæ perfectionem gratiæ conferunt, requirunt hominem per gratiam confortatum.

Hanc Regulam confirmat Concilii Tridentini Catechismus: Primum (inquit) in eo, qui Sacerdos creandus est, vitæ, & morum integritas commendetur magnopere oportet: non solum quia si alicuius mortiferi peccati conscientia se initiari curet, vel etiam patiatur, novo se, & maximo scelere obstringit; sed etiam quia virtutis, & innocentie lumen aliis præferre debet. Ea de re quid Apostolus Tito, & Timotheo præcipiat, Pastoribus declarandum erit: & simul illud docendum, ea corporis vitia, quæ in Veteri Lege ex Domini præ-
scriptione aliquem ab Altaris Ministerio excludebant, in Evangelica Lege ad animæ vitia præcipue transferenda esse. Quare sanctam illam consuetudinem in Ecclesia servari animadvertimus, ut qui Sacris initiandi sunt, prius Pœnitentiæ Sacramento conscientiam purgare diligenter student. Hinc Synodus Parisiensis anno MDLVII. nullum ad Sacros Ordines admittendum statuit, Nisi Sacramentali Confessione purgatus sit. Concilium Bituricense anno MDLXXXIV. pariter decernit, Ut a hærenis tantum, & confessis recipiantur Ordines. A-
quense jubet, Ut die sacro Ordinationis summo mane convenient ordinandi in

Ad Tit. 1.
2. Tim. 3.

Ecclesia Cathedrali confessi de peccatis suis, ut ab Episcopo Sacram Communionem sumant. Concil. Rothomagensis sub Carolo Cardinali Borbonio, statuit ut, Ordinandos Penitentiarium interroget an aliqua Irregularitate, vel Excommunicatione obstricti teneantur, unde a suscipiendis Ordinibus impediuntur: eosdem vero ipse, vel alius idoneus per ipsum commissus in Confessione audiat, antequam ab Episcopo consecrentur. Ordinandis, præsertim iis, qui vel Subdiaconatum, vel Diaconatum susceperunt, Confessionem generalem, & pium Secesum, sive Spiritualia Exercitia suadent Synodus Mediolanensis IV. Aquensis, & Burdigalensis postrema.

R E G U L A XXI.

In mortalis peccati reatum incurrit, qui Tonsuram Clericalem indigne suscipit.

Ordinando-
rum sancti-
monia.

QUAMVIS enim non sit ipsa Sacramentum, sed Cæremonia tantum Sacramentalis, Ritusque Sacer, cui nullum gratiæ augmentum promissum est: tamen quicumque per Tonsuram Clero adscribitur, maximum a Deo spirituale beneficium consequitur, & novum vitæ genus; atque ex duobus generibus Christianorum, quorum unum communem vivendi rationem sectatur, alterum perfectionis studio vacat, & aliorum salutem procurat, perfectius ipse amplectitur, & ad proximi salutem procurandam se devovet. Si autem unquam charitatis, & contritionis præcepta hominem obligant, tunc præsertim cum insignia Dei beneficia spiritualia a Deo ei subministrantur; vel cum novam vitæ rationem aggreditur. Quemadmodum enim, ex sententia *S. Thomæ*, ut primum quis rationis usum attigit, tenetur ad Deum sese convertere, ac dirigere, eumque sibi omnium actionum suarum finem ultimum præfigere: ita homini novum vitæ genus inchoanti necessarium videtur, ut ad Deum se convertat, Deumque sibi omnium actionum suarum in eo vitæ genere finem præstituat: tum vero maxime cum perfectionis etiam in alios diffundendæ statum ingreditur. Quamobrem & injuriosus est in Deum, & Clericali Ordini contumeliosus, qui impænitens Clericorum Catalogo inscribi se procurat, & Deo se in isto Ordine ministraturum devovet. Prudenter itaque Synodus Carnotensis Ordinum Candidatos admonet, *Ut antequam ad Ordines, & primam Tonsuram accedant, diligenter confiteantur peccata sua.*

R E G U L A XXII.

Ordinandorum scientia probari debet, ac tentari pro ratione Ordinum, ad quos promovendi sunt, & locorum, quo mittuntur, pro ingenii captu, & doctrinæ genere, quam profitentur. Qui autem agresti sunt ingenio, & litterarum ignari, atque incapaces, reiiciendi sunt.

I Hanc Regulam tradunt Patres, & Concilia. Aurelianense secundum can. XVIII. *Presbyterum, vel Diaconum sine litteris, vel si baptizandi ordinem nesciat, prohibet ordinari.* Toletanum VIII. can. VIII. *ad alicujus Ordinis, vel Ecclesiasticæ Dignitatis statum vetat promoveri eos, qui totum Psalterium, & baptizandi Ritus non noverint, Absurdum siquidem est, eos, qui ceteros simpliciores, & laicos habent docere, (quibus & disciplinæ, & vitæ debent esse quoddam speculum) ad alicujus Ordinis, vel Dignitatis promoveri statum, qui Legem ignorant, nec Litterarum saltem mediocritate sunt insigniti. Nullus igitur ad Sacra Mysteria tractanda veniat indoctus, aut*
igno-

ignorantie tenebris cæcutiens; sed quem Morum innocentia, & litterarum splendor reddunt illustrem; aliter ordinaturis, & ordinandis imminet imposterum Dei, & Ecclesie ejus vindicta. Concilium Nannetense can. xi. Ordinandos diligenter examinandos esse ait, *Si bene litterati, si instructi in Lege Domini sunt, & Fidem Catholicam teneant, ac simplicibus verbis eam tueri, vel asserere possint.* Refertur can. *Quando Episcopus*, dist. xxiv.

Hanc Regulam confirmat S. Thomas, in iv. *Sentent.* dist. xxiv. qu. i. „ art. 111. quæst. 11. In quolibet actu hominis (inquit) si debeat esse ordinatus, oportet, quod adsit directio rationis: unde ad hoc, quod homo „ Ordinis officium exequatur, oportet, quod habeat tantum de scientia, „ quod sufficiat ad hoc, quod dirigatur in actu illius Ordinis: ideo talis „ scientia requiritur in eo, qui ad Ordines promoveri debet; & non quod „ universaliter in tota Scriptura sit instructus; sed plus, & minus secundum „ quod ad plura, vel pauciora se ejus Officium extendit; ut scilicet illi, „ qui aliis præponuntur, Curam Animarum suscipientes, scient ea, quæ „ ad Doctrinam Fidei, & Morum pertinent: & alii scient ea, quæ ad executionem sui Ordinis spectant.

II. Prima tonsura non sunt initiandi, qui *Sacramentum Confirmationis non susceperint, & Fidei Rudimenta edocti non fuerint; quique legere, & scribere nesciant, & de quibus probabilis conjectura non sit, eos non secularis Judicii fugiendi causa, sed ut Deo fidelem cultum præstent, hoc vitæ genus elegisse.* Quod igitur scientiam spectat, duo tantum in Clericatus Candidatis postulat Tridentina Synodus sess. xxiii. *De Reformatione.* Cap. iv. Primum, ut Fidei Rudimenta sint edocti; alterum, ut legendi, scribendique periti sint Tertium addit Concilium Mediolanense v. ut scilicet Epactæ intelligentiam habeant, quam ad Martyrologii lectionem, & Breviarii recitationem S. Carolus necessariam existimavit.

Examen ad legendorum in Clerum per primam tonsuram.

III. Minores Ordines iis tantum conferri debent. *Qui saltem Latinam linguam intelligant, & quos scientiæ spes Majoribus Ordinibus dignos ostendat:* Cum a Minoribus Ordinibus ab altiores Gradus, & *Sacratissima Mysteria sit ingressus.* Ita sanxerunt Tridentina Synodus sess. xxiii. cap. xi. *De Reformatione*, Mediolanensis v. p. 111. tit. De Examinandi ratione, & Burdigalensis 11. cap. vi.

Examen promovendorum ad Minores Ordines.

IV. Ab omnibus, & singulis Ordinum Candidatis generatim quærendum est, an vim, & naturam, Mysteriaque Ordinis, quem suscepturi sunt, noverint. 2. An Ritus & Cæremonias, quæ ex Libro Pontificali adhibentur, cum initiantur. 3. An eorum item significationes sanctiores. 4. An sacramentum vestium, quibus induuntur, Mysteria item & significata. 5. An functionum notitiam habeant Ordinis, quo sunt initiandi. 6. An earum usum, exercitationemque recte teneant, cum in litteris, tum etiam in cantu. Ita statuit Synodus Mediolanensis.

V. Ab iis, qui a Minoribus ad Sacros Ordines ascendunt, quærendum in primis est, utrum Breviarium, Sacra Biblia, Concil. Tridentinum, Catechismus Romanus, Rationale Divinorum Officiorum, & libros aliquos de Vitæ Spiritualis rationibus conscriptos, sui Muneris usui accommodatos habeant, ut statuit mox laudata Synodus Mediolanensis. Quod enim S. Paulus Timotheo, hoc Clericis omnibus serio inculcandum est: *Attende lectioni.* Ex iis autem libris, quorum lectioni debent incumbere, potissima sunt Sacra Biblia, quæ doctrinam utilem ad docendum, ad arguendum, ad corripiendum, ad erudiendum in justitia complectuntur. Secundum locum tenent Conciliorum Decreta, quibus Ecclesiasticæ Regulæ continentur, & Fidei, Morumque dogmata. Post hæc Libri illi ab Ecclesiasticis Viris evolvi debent,

1. Tim. 4.

Ordinandum scientia

qui Myfteriorum noſtræ Religionis arcana aperiunt, & Sacrorum Rituum cauſas, & ſignificationes explicant.

Examen
Subdiacono-
rum.

VI. Ad Subdiaconatum, & Diaconatum promoveri non debent, niſi *Habentes bonum teſtimonium, & in Minoribus Ordinibus jam probati, ac litteris, & iis, quæ ad Ordinem exercendum pertinent, inſtructi: qui ſperent Deo au-
dore ſe continere poſſe, Eccleſiis, quibus adſcribentur, infervant, ſciantque maxime decere, ſi ſaltem diebus Dominicis, & Solemnibus, cum Altari mini-
ſtraverint, Sacram Communionem perceperint.* Sanctio eſt Tridentini Con-
cilii, ſeſs. xxiii. cap. xiii. *De Reformatione.* Concilium Mediolanenſe v. promovendos ad Subdiaconatum interrogandos eſſe ſtatuit de Minorum, & Majorum Ordinum differentia; de Voto item continentia, quod Subdiacono-
natus Ordini conjunctum eſt; de Sacramentorum etiam doctrina, ſaltem generatim, de modo tandem recitandi Breviarii, ut qui ad ejus recitationem obligabuntur, non imperiti ad ſacrum hoc penſum perſolvendum accedant: de quo Concilium Burdigalenſe anno MDLXXXIII. cap. xiv. ita ſtatuit: *Ad Subdiaconatu, ſtatim Officii Divini recitandi rationem teneant, neque omnino ſu-
periores illis Ordines conferantur, quos per examen hac inſigni, & mortali ne-
gligentia teneri conſiterit.*

Diaconorum
examen.

VII. Diaconorum futurorum examen aliquando diligentius de Sacramen-
torum doctrina fieri debet: item de Concionibus habendis, ut ſtatuit Conc.
Mediolanenſe v. Cum enim in omnibus Sacramentis miniſtrant, vicesque gerant Sacerdotis in adminiſtrando Baptiſmo, eidemque propius adſtant; dum Sacrum facit, eiſque etiam Dominici Sanguinis diſpenſatio antiquitus conveniret, majori quam Subdiaconi Sacramentorum ſcientia imbuti eſſe de-
bent. Cum etiam Cathecumenos docere ex Officio teneantur, concionandi, ſeu catechizandi omnino imperiti ad hunc Ordinem admitti non debent.

Sacerdotum
examen, quæ
ſcientia illis
neceſſaria?

VIII. Major in Sacerdotibus Ordinandis ſcientia requiritur, cum ad docen-
dum alios apti eſſe debeant, & ad miniſtranda Sacramenta inſtructi, ut ſta-
tuit Tridentina Synodus, ſeſs. xxiii. cap. xiv. *De Reformatione: Ad Po-
pulum docendum ea, quæ ſcire omnibus neceſſarium eſt ad ſalutem, ac ad mi-
niſtranda Sacramenta, diligenti examine præcedente idonei comprehenduntur: atque
ita pietate, ac caſtis moribus conſpicui, ut præclarum bonorum operum exem-
plum, & vite Monita ab eis poſſint expectare.*

Ed paulo uberius explicat Concilii Catechiſmus. In Sacerdotes (*inquit*)
non ſolum ea cognitio requirenda eſt, quæ ad Sacramentorum ulum, &
tractationem pertinet; ſed etiam Sacrarum Litterarum ſcientia inſtructum
eſſe oportet, ut Populo Chriſtiano Fidei Myſteria, & Divinæ Legis Præ-
cepta tradere, ad virtutem, & pietatem incitare, a vitiiſ revocare Fide-
les poſſit. Sacerdotis enim duo ſunt Munera; quorum alterum eſt, ut Sa-
cramenta rite conficiat; & adminiſtret: alterum, ut Populum fidei ſuæ
commiſſum, iis rebus, & inſtitutis, quæ ad ſalutem neceſſaria ſunt, eru-
diat. Malachias enim ita teſtatur: *LABIA Sacerdotis cuſtodient ſcientiam,
& Legem requirent ex ore ejus: quia Angelus Domini Exercituum eſt.* Ut igitur
in horum altero, ſi mediocri cognitione ſit ornatus, præſtare quod debet,
poſſit; alterum certe non vulgarem, ſed exquisitam potius doctrinam de-
ſiderat: quamvis æque ab omnibus Sacerdotibus reconditarum rerum ſcien-
tia non exigatur, ſed quæ ad ſuſcepti Officii, & Miniſterii functionem
unicuique ſatis eſſe poſſit.

Malach. 2.

Ordinanda-
rum ſcientia

De ſcientia Sacerdotibus neceſſaria præclare S. Gregorius, Paſtoralis Curæ
p. 1. cap. 1. & S. Iſidorus Hiſpalenſis Lib. iii. *Sententiarum*, cap. xxxv. Sicut,
iniqui, & peccatores (*inquiunt*) Miniſterium Sacerdotale aſſequi probi-
bentur: ita indocti, & imperiti a tali officio retrahuntur. Illi enim exem-

plis

plis vitam bonorum corrumpunt, isti vero sua ignavia iniquos corriger
nequeunt. Quomodo docere poterunt, quod ipsi non didicerunt? Desinat
locum docendi suscipere, qui nescit docere. Ignorantia quippe Præfulum
vitæ non congruit subjectorum: CÆCUS enim si cæco ducatum præbue- Matth. 15.
rit, ambo in foveam cadunt.

Julianus Pomerius, Lib. 1. De Vita Contemplativa cap. xx. cujus verba sua
fecit Conc. Aquisgranense cap. xxxvi. Sacerdos (inquit) & sancte debet
vivere propter exemplum, & pie docere propter suæ administrationis of-
ficium, certus quod ei sua iustitia nihil suffragetur, de cujus manu anima
pereuntis exigitur. Quando quicumque alius perierit; quem nulla docen-
di necessitas manet, solus pœnas suis sceleris dabit: ille autem, cui dispen-
satio verbi commissæ est, etiam si sancte vivat, & tamen perditæ viventes
arguere, aut erubescat, aut metuat, cum omnibus, qui eo tacente perie-
rint; perit. Et quid ei proderit non puniri suo, qui puniendus est alieno
peccato? Mentior, nisi hoc Dominus per Ezechielem Prophetam sub cu-
iusdā terroris denunciatione loquitur ad eum: *Et tu, fili hominis, Spe-*
culatorem dedi tē domui Israel. Nec hoc transeunter debemus audire, quod Ezech. 3.17.
Sacerdotem speculatorem appellet. *Audies, inquit, sermonem ex ore meo,*
& annuntiabis eis ex me. Si ei peccata sua non annuntiaveris, si eum
non argueris, ut ab impietate sua convertatur, & vivat; & te, qui non
increpasti, & ipsum, qui te tacente peccavit, flammis perennibus perdam.
Et cap. xxxvi. *Sacerdotes pro Populorum iniquitate damnantur, si eos igno-*
rantes non erudiant, aut peccantes non arguant. Omnis igitur Sacerdos pro sua
virili proximorum salutē procurandæ collaborare debet.

Præclare item S. Bernardus, Declaratione in hæc verba, *Ecce nos reliqui-*
mus omnia, ait: Quomodo excusare ignorantia possit hominem, qui se
Magistram infantium, Doctorem insipientium proficitur? Ignorans utique
ignorabitur: imo & multos ignorare faciet, & ignorari. Quid enim pe-
riculi sit, ubi non invenit Pastor pascua, ignorat Dux itineris viam, Vi-
carius nescit Domini voluntatem, Ecclesia quotidie multipliciter, & mis-
rabiler experitur. Itaque hac dote (scientiæ nempe) carens, frustra si-
bi tanquam per Christum introierit, blandiatur; si quidem dicitur igno-
ranti: *SI CÆCUS cæco ducatum præstet, ambo in foveam cadunt.*

Nec est, quod aliquis scientiæ dotem in eo non ita severe dicat exigen-
dam, qui Presbyteratum hoc tantum sine petat, ut cantui, lectioni, velo-
rationi vacet; cui nec Populi docendi, nec regendi voluntas sit. Primo enim
quis spondere audeat eum, qui ante Ordinationem talia promiserit, postea
non omnem moturum lapidem, ut Sacramentorum administrandorum pote-
stas sibi detur; aut Animarum Cura demandetur? Quo argumento conjiciet, Ordinando-
rum scientia
ipsum non temere de Mysteriis Divinis verba facturum? indocta responsa,
noxia consilia, dogmata, errores non propalaturum, quæ in totius Ordinis
dedecus vergant, & perniciem Populi? Secundo, quis ferat Presbyterum or-
dinari, ut sibi tantum vacet non aliis? Quod enim Christiani sumus, pro-
pter nos est; quod Presbyteri, propter alios. Hoc Sacerdotalis Ordinis ra-
tio, hoc potestatis pro populo instituta dignitas; hoc vetus Ecclesiæ Disci-
plina, quæ inutilis, otiosus, nullam Populi Christiani curam habentes Pres-
byteros vix patiebatur: hoc institutio Christi, & Apostolorum Traditio,
quibus constat, Presbyteros ad Populi utilitatem, & Sacramentorum Admi-
nistrationem primum institutos, tanquam indecorum, & inordinatum reji-
ciunt. Quamobrem ex Conc. Mediolanensis v. præscripto, ab iis, qui ad
Presbyteratum promovendi sunt, quærendum est primo, Quid sit Missæ Sa-
crificium; Quis illius sacrificii effectus; Quæ ejusdem partes; Quæ mysteria
in

in eo sint; Quæ sacrarum vestium significationes; Quæ in eo Sacrificio offerendo requirantur; ubi, & quando illud fieri non licet; Quæ dubia aliquando incidere possint; Quæ explicatione opus habeant, ut illud recte fiat? Tum explorandum est; an sacræ Confessionis aliquam peritiam habeant; an ad alia item Sacramenta recte, riteque ministranda idonei sint: an eorum cognitionem explicatiorem habeant: an doctrinam teneant, quam verbum Dei recte tractare, Concionemve habere possint: anque de re sacra, de Christianarum Virtutum officiis, atque de omni re ad salutem necessaria, apte Populum instruere, aut docere possint.

IX. Aliquam tamen habendam esse rationem Virorum Religiosorum, qui perpetuo delitescere amant in suis Monasteriis, & ad nullas Animarum Curas; ad nullas functiones hierarchicas evocari, quales sunt Carthusiani, Camaldunenses, Grandimontenses, Cistercienses, &c. statuit Synodus Coloniensis anno MDXLIX. ut scilicet benignius cum iis agatur, nec eadem, quæ in aliis, scientia requiratur. Quam exceptionem confirmat S. Thomas, in „ IV. *Sententiarum*, dist. XXIV. qu. I. art. III. qu. II. ad primum. Sacerdos „ (*inquit*) habet duos actus; unum principalem supra Corpus Christi verum; & alterum secundarium supra Corpus Christi mysticum. Secundus „ autem actus dependet a primo, sed non convertitur: & ideo aliqui ad Sacerdotium promoventur, quibus committitur primus actus tantum, sicut „ Religiosi, quibus Cura Animarum non committitur: & a talium ore non „ requiritur Lex, sed solum, quod Sacramentaificent; & ideo talibus „ sufficit si tantum de scientia habeant, quod ea, quæ ad Sacramentum perficiendum spectant, recte servare possint. Alii autem promoventur ad „ alium actum, qui est supra Corpus Christi mysticum: & a talium ore Populus legem requirit: unde scientia legis in eis esse debet; non quidem, „ ut sciant omnes difficiles Quæstiones legis (quia in his debet ad Superiores haberi recursus) sed sciant, quæ Populus debet credere, & observare „ de lege. Sed ad superiores Sacerdotes (scilicet Episcopos) pertinet, ut etiam ea, quæ difficultatem in lege facere possunt, sciant; & tanto magis, quanto in majori gradu collocantur.

REGULA XXIII.

De studio Mentalis Orationis examinandi sunt Ordinandi.

Studium Orationis mentalis.

Cum enim certum sit ex S. Cypriano, Epistola LXVI. Singulos divino Sacerdotio honoratos, & in Clericali Ministerio constitutos, non nisi Altari, & Sacrificiis deservire, & precibus, atque orationibus vacare debere: probari conveniens est Ordinandos circa studium Orationis, & explorari, an sint in Mentalis Orationis studio, usuque versati; quibus Meditationibus instructi Deum taciti orent: quis Orationis modus, qui illius fructus, quæve utilitates; quot, quibusque partibus illa constet; quæ regulæ præparationis ad orationem, &c. Ita sanxit Concilium Mediolanense v.

REGULA XXIV.

Nemo ad Sacros Ordines promovendus est, nisi probatæ castitatis, & qui speres Deo auctore se continere posse.

Ordinandorum castitas.

Ita statuit Conc. Tridentinum, sess. XXIII. cap. XIII. De Reformatione: Cælibatus enim Ecclesiastica Lege Subdiaconatus, ac superioribus Ordinibus annexus est. Unde idem Concilium sess. XXIV. can. IX. Si quis dixerit, Clericos in Sacris Ordinibus constitutos, vel Regulares castitatem solemniter

per professos, posse matrimonium contrahere, contrahendumque validum esse, non obstante Lege Ecclesiastica, vel Voto; & oppositum nihil aliud esse quam damnare matrimonium; posseque omnes contrahere matrimonium, qui non sentiant se castitatis, etiamsi eam voverint, habere donum; Anathema sit: cum Deus id re. Ac petentibus non doneget, nec patiatnr nos supra id, quod possumus, tentari.

Ita S. Leo, Epistola XII. alias LXXXIX. ad Anastasium Thessalonicensem Episcopum, cap. IV. Cum (inquit) extra Clericorum Ordinem constitutis, Nuptiarum societati, & procreationi filiorum studere sit liberum arbitrium: ad exhibendam tamen perfectæ continentie puritatem, nec Subdiaconis quidem connubium carnale conceditur: ut & qui habent, sint tanquam non habentes, & qui non habent, permaneant singulares. Quod si in hoc Ordine, qui quartus a Capite est, dignum est custodiri: quanto magis in primo, aut secundo, vel tertio servandum est, ne aut Levitico, aut Presbyterali honore, aut Episcopali excellentia quisquam idoneus æstimeretur, qui se a voluptate uxoria necdum frænasse cognoscitur.

1. Cor. 7.

Innocentius III. cap. A multis, Extra, De Etate, & Qualitatibus Ordinandorum idem confirmant ex Urbani II. Decretis cujus hæc sunt verba: Erubescant impii, & intelligant iudicio Spiritus Sancti, eos, qui in Sacris Ordinibus, Presbyteratu, Diaconatu, Subdiaconatu sunt positi, si caste non vixerint, excludendos ab omni eorundem graduum dignitate. Et iterum: nemo ad Sacrum Ordinem permittatur accedere, nisi aut virgo aut probate castitatis existat: & qui usque ad Subdiaconatum unicam, & virginem habuerit uxorem. Et ad similitudinem Diaconi, & Presbyteri, Subdiaconus debet continentiam observare, sicut est in Sexta Synodo constitutum: ut si quis eorum, qui ad Clerum accedunt, nuptiali jure mulieri voluerit copulari, hoc ante Subdiaconatus Ordinem faciat. Et B. Gregorius statuisse legitur, ut nullum facere Subdiaconum præsumant Episcopi, nisi qui se caste victurum promiserint.

Lib. 1. Ep. 4.

R E G U L A XXV.

Leiballyter peccant, qui vel alieno nomine interrogari se patiuntur, vel aliam personam examini supponunt.

Qui enim sine examine ad Ordines promoventur, Ordinationem furtive surripiunt; qui vero alienas personas mentiuntur, sacrilego huic furto cooperantur; utrique Ecclesiam ludificantur, & impie sublantant. Hos autem, qui ea ratione fuerint ordinati, ad superiorem Ordinem ascendere, nisi ex dispensatione, sacra Decreta non permittunt. Alexander III. cap. Veniens; Ext. De eo, qui furtive Ordinem suscepit, cum eo, qui furtive Diaconatus Ordinationem consecutus est, dummodo ab Episcopo, vel Archidiacono, aliove Prælato sub Anathematis interminatione prohibitus non fuerit, ab Episcopo dispensari permittit, imposita Pœnitentia, ut ad Sacerdotium promoveatur: si vero interminatio Anathematis facta fuerit; eidem, nisi post Vitæ Religiosæ Professionem indulgendum negat, ut ad Sacerdotalem Ordinem ascendat. Hanc porro seu comminationem, seu Sententiam Anathematis contra eos ferri, qui furtive Ordines suscipiunt, mos est usitatus, ac legitimus. Pontificale scilicet Romanum hunc Ritus in ordinatione præscribit, ut antequam Ordinationes celebrentur, aliquis nomine Episcopi ordinaturi sub pœna Excommunicationis præcipiat, Ne quis non descriptus, examinatus, approbatus, & nominatus, ullo pacto audeat ad suscipiendos Ordines accedere. Quæ si Excommunicationis lata sententia est, nec iolum comminatio: (quod ex intentione Episcopi præsertim dijudicandum erit) is, qui ejusmodi prohibitionem insuper habita Ordinem surriperit, in susceptis Ord-

De Clericis furtive ordinatis.

Ordinibus ministrare non poterit, donec ab ea Excommunicatione fuerit absolutus. Addiderim, Canones, qui sine examine ordinatos, e Clero dejecti præcipiunt, scilicet Canonem, *Si quis*, dist. lxxxii. & Canonem, *Quisquis*, dist. lxxxv. in eos etiam militare, qui alia persona examini supposita Ordinationem surriperint. Hos enim sine examine promotos nemini dubium est, & eo magis plectendos, quod fraude sacrilega indebitam Ordinationem obtineant, & alium in partem criminis subornent.

R E G U L A XXVI.

Nullus ad Subdiaconatum promoveri debet sine legitimo Titulo sive Beneficii, sive Patrimonii: ita tamen, ut quoscunque Beneficium Ecclesiasticum obtinentes ordinare possit Episcopus, si nullum aliunde canonicum impedimentum habeant, & idonei judicentur; ad Titulum vero Patrimonii, vel Pensionis eos tantum ordinare possit, quos Ecclesiis suis necessarios, vel utiles judicaverit.

De Ordinatione Tituli.

Tituli Patrimonialis ordinis.

Antiqua Ecclesiæ Lex est, *Ut nemo absolute ordinetur*, id est, nisi certæ Ecclesiæ adscribatur, in qua Sacra Ministeria obeat, & ex cuius redditibus, vel obventionibus alatur. Hic Beneficii Titulus est, præter quem nullum alium agnovit Antiquitas ante Conc. Lateranense 111. sub *Alexandro III.* cuius can. v. titulus Patrimonii cœpit ex dispensatione quadam approbati. *Episcopus* (inquit) *si aliquem sine certo Titulo, de quo necessaria vite percipiat, in Diaconum, vel Presbyterum ordinaverit, tandiu necessaria ei subministret, donec in aliqua Ecclesia convenientia ei stipendia Militiæ Clericalis assignet: nisi forte talis, qui ordinatur, extiterit, qui de sua, vel paterna hereditate subsidium vite possit habere.* Id confirmat cap. *Non liceat*, Ext. *De Præbendis*, & cap. *Accipimus*, quod est Innocentii III. Ext. *De Ætate*, & qualitatibus Ordinandorum.

Titulus Ordinationum.

* Sordidus questus non in profanis solum, sed in sacris exercetur, de Titularum celebratione faciendo autem de pane lucrando.

Eandem Regulam confirmat, explicatiusque tradit Conc. Tridentinum, sess. xxi. cap. 11. De Reformatione: *Cum non deceat eos, qui Divino Ministerio adscripti sunt, cum Ordinis dedecore mendicare, aut sordidum aliquem questum exercere; * compertumque sit, complures plerisque in locis, ad Sacros Ordines nullo fere defectu admitti; qui variis artibus, ac fallaciis consingunt se Beneficium Ecclesiasticum, aut etiam idoneas facultates obtinere: statuit Sancta Synodus, ne quis deinceps Clericus secularis, quamvis alias sit idoneus moribus, scientia, & ætate, ad Sacros Ordines promoveatur; nisi prius legitime constet, eum Beneficium Ecclesiasticum, quod sibi ad victum honeste sufficiat, pacifice possidere.* Id vero Beneficium resignare non possit, nisi facta mentione, quod ad illius Beneficii titulum sit promotus: neque ea Resignatio admittatur, nisi constet, quod aliunde vivere commodè possit: & aliter facta Resignatio nulla sit. **PATRIMONIUM** vero, vel Pensionem obtinentes ordinari posthac non possint nisi illi, quos Episcopus judicaverit assumendos pro necessitate, vel commoditate Ecclesiarum suarum: eo quoque prius perspecto, Patrimonium illud, vel Pensionem vere ab eis obinari, taliaque esse, quæ eis ad vitam sustentandam satis sint; atque illa deinceps sine licentia Episcopi alienari, aut extinguì, vel remitti nullatenus possint; donec Beneficium Ecclesiasticum sufficiens sint adepti, vel aliunde habeant unde vivere possint: antiquorum Canonum penas super his innovando.

Solum Beneficium est Titulus legitimus: Patrimonium non nisi dispensative.

Profer Fagnanus Vir Juris Canonici Consultissimus in 1. p. Libri 3. Decretalium ad cap. Episcopus, tit. De Præbendis, & Dignitatibus, censet Hodie solum Beneficium esse Titulum legitimum ad Sacros Ordines: Patrimonium vero non nisi dispensative, quemadmodum etiam alias declaravit Sacra Congregatio ejusdem Conc. Interpres. Et propterea Concilium utitur illis verbis, Statuit, ne deinceps, quæ ostendunt hanc Provisionem esse Jus Novum.

Pœnas

Pœnas antiquis Canonibus latas adversus Ordinationes absque Titulo Conc. Tridentinum renovavit : quo nomine non solum intelliguntur can. *Neminem*, & can. *Sanctorum*, dist. lxx. quibus absque Titulo Ordinati a Sacris Ordinibus ita susceptis ipso jure suspendantur : sed etiam Gregorianæ Decretales, cap. *Cum jamdudum*, cap. *Non liceat*, & cap. *Episcopus*, tit. *De Præbendis*; quibus Episcopi, qui Clericum aliquem absque Titulo ad Sacros Ordines promoverint, ad alimenta eidem præstanda obligantur. Ita declaravit Sacra Congregatio Concilii Interpres, teste *Fagnano*. Tenetur autem Episcopus Clerico sic Ordinato de bonis suis vitæ necessaria congrue subministrare, donec Beneficium Ecclesiasticum competens vel ab ipso Ordinatore, vel ab alio fuerit assecutus. 2. Eadem pœna tenetur Episcopus, qui Clericum sine Titulo jam constitutum in Sacro Ordine promovit sine novo Titulo ad superiores Ordines. 3. Si plures Episcopi Clericum illis subditum ratione originis, domicilii, vel Beneficii sine Titulo ordinarint, quilibet tenetur in solidum præstare alimenta sic Ordinato. 4. Non solum Ordinator ad id tenetur, sed hoc onus transit ad illius Successorem, & ad hæredes.

Pœna Canonice adversus ordinatos, & ordinautes sine Titulo.

Ordinationum Titulus.

R E G U L A XXVII.

Qui cum fîlto Titulo decepit Ordinantem, ipso Jure ab Ordinum executione suspensus est.

Concilium enim Tridentinum innovavit pœnam Suspensionis statutam can. *Neminem*, & can. *Sanctorum*, adversus eos, qui sine Titulo Beneficii, vel Patrimonii legitimo fuerint per fraudem ordinati; eam certe non sustulit, ut declaravit Sacra Congregatio Conc. Tridentini Interpres, die 17. Novembris anno millesimo sexcentesimo decimo. Ita refert *Fagnanus* loco supra laudato. Hanc Regulam confirmat *Urbani VIII.* Constitutio, quæ incipit, *Secretis æternæ providentiæ*, edita die xi. Decembris anno mdcxxiv. Suspensionem perpetuam decernens contra promotum fîcto, falso, seu fiduciario patrimonio, his verbis: *Promoti vero perpetuæ Suspensionis pœnam absque spe dispensationis a Sede Apostolica obtinendæ incurrant*; eo ipso insuper promotos hujusmodi, ac etiam eos, qui cum falsis, aut fiduciariis Patrimonii Titulis scienter se ad Ordines hujusmodi promoveri fecerint, non solum prædictis, verum etiam majoribus, arbitrio nostro, & pro tempore existentis Romani Pontificis infligendis pœnis, &c. Refert *Barbosa* p. 11. *De Officio*, & *Potestate Episcopi*, Alleg. xx. §. 33.

R E G U L A XXVIII.

Religiosi, seu Canonici, vel Clerici Regulares, sive intra claustra Monasteriorum, aut Damarum more Regularium viventes in communi, qui nunquam, seu non nisi ad certum tempus Professionem emittunt, & ex claustro exire, vel dimitti, & ad seculum redire libere, & licite possunt, si prætextu Religionis ante Professionem expressam Sacros Ordines susceperint, absque Titulo sufficienti Beneficii, vel Patrimonii, ipso jure ab executione Ordinum sunt suspensi: & si Ministeria Sacra objerint, eo ipso in Irregularitatem incurrunt. Ordinantes vero per annum a collatione talium Ordinum ipso pariter Jure sunt suspensi.

Ita statuit, ac declaravit *Pius V.* Constitutione, quæ incipit, *Romanus Pontifex*, edita pridie Idus Octobris MDLXVIII. incommodum avertere volens, quo sic promoti, & ex claustro exeuntes, & per seculum vagantes, vel

men-

mendicare; vel sordidum quæstum exercere, non sine ipsoꝝ dedecore, vel Ordinis vilipendio. Et quamplurimorum Christi fidelium scandalis cogebantur. Patres Societatis Jesu ab hac lege singulari Privilegio excepti Greg. XII. Votaque simplicia post biennium Novitatus emissâ ipsis sufficere declaravit, ut sub Titulo religiosæ paupertatis ad Sacros Ordines promoveri possint, Constitutione, quæ incipit, Ascendente, edita anno MDLXXXIV. & Greg. XII. id confirmavit Constitutione, quæ incipit Ecclesiæ Catholicæ, edita anno MDXCI.

R E G U L A. XXIX.

Regulares Religiosæ Professionis testificationem loco Tituli exhibere tenentur, cuius Ratihabitionem in Scriptis, ac Juramento firmatam Episcopus ab ipsis exigere potest.

Ordinatio-
num Titu-
lus.

Hanc Regulam firmat laudata S. Pii V. Constitutio; & Conc. Mediolanensis 11. Decretum xxiii. his conceptum verbis: *Ut quod Summus Pontifex Pius V. in explicatione Decreti Tridentini, quod est Sessio xxii. cap. 11. constituit, executionem habeat, Episcopus ne Clericum ultimum Regularem, neque Sæcularem, qui Regularium more in communi vitæ disciplina sit, Beneficiumque Ecclesiasticum non habeat, Ordinibus Sacris adscribat, nisi a Superiore fidem ille attulerit, se Religionis, cui adscriptus est, Professionem consecuisse; juratusque affirmet, scripto manu sua subscripto, coram Episcopo, sed id sponte fecisse, aut ratum habuisse. Illud autem scriptum in Archivio asserendum Episcopus curet. Eadem fere habet Concilium Aquenſe. Decretique illius æquitas inde patet, quod cum loco Tituli Ecclesiastici, vel Patrimonii sit regularis Professio Religiosis Viris: sicut Ecclesiastici Beneficii Titulum, & pacificam possessionem, vel Patrimonium, seu annuum censum Ordinatori suo comprobare debent Sæculares Clerici, ut ad Sacros Ordines promoveantur; quia ipsius est cavere, ne sine hujusmodi Titulo facta Ordinatio vitiosa sit: ita apud eundem de Religiosa Professione emissâ Regulares fidem facere oporteat, ne ad Titulum Monasterii falsio aliqui ordinentur, & Religiosam Professionem ideo mentiantur. Quia vero vel extorta, vel ante ætatem facta, vel ante Probationem annuam, vel aliis ejusmodi conditionibus destituta, sine quibus ipsam irritam esse Summi Pontifices declararunt; nulla est, & irrita, consulto additur illa Religiosæ Professionis coram Episcopo ratihabitione, ne abolita postea Professione, absque ullo Titulo quis ordinatus remaneat; & ita cum Ordinis Clericalis dedecore mendicare, aut sordidum quæstum facere cogatur. Quam infamiam ut averteret Burdigalensis Synodus sub Cardinale De Sourdis, cap. vi. num. 4. De Subdiacono, hoc Decretum edidit; Regulares autem quicumque sine litteris Superiorum suorum, quibus constat eos Vota Religionis emisisse, non ordinentur: promoti vero, si quando ab hujusmodi Superioribus pro criminis exigentia puniri conveniat, & urgeat necessitas, ne possint tamen habitu Religionis privari, ita ut extra Monasteria in contemptum Ecclesiæ ejiciantur mendicaturi: sed intra eorundem Monasteriorum septa detineri, puniri, & sustentari: Et ad id prædicti Superiores per Ordinarios compellantur.*

Clerus denique Gallicanus in Comitibus Generalibus anno millesimo sexcentesimo vigesimo quinto congregatus, Regularium neminem ad Sacros Ordines promovendum esse decrevit, nisi Monasterium, in quo Professionem emisisset, se adstringat ad præbendum ipsi alimenta, si quocumque prætextu, specie, vel occasione ejectus, aut dimissus fuerit: quæ vero nullus redditis.

dictus habent, spondeant se nunquam illos, qui ad Sacros Ordines prom^o vendi sunt, ejecturos, Episcopo, aut ejus Vicario Generali inconsultis.

R E G U L A XXX.

Nullus ordinandus est, nisi certe adscribatur Ecclesie, quam si deserat inconsulto Episcopo, a Sacris Ministeriis suspendi debet.

Hanc Regulam, antiquis Conciliis statutam, confirmat Tridentina Synodus sess. xxiii. cap. xvi. De Reformatione: *Cum nullus (inquit) debeat ordinari, qui judicio sui Episcopi non sit utilis, aut necessarius suis Ecclesiis, Sancta Synodus vestigiis sexti Canonis Concilii Chalcedonensis inherendo, statuit, ut nullus imposterum ordinetur, qui illi Ecclesie, aut pio loco, pro cuius necessitate, aut utilitate assumitur, non adscribatur, ubi suis fungatur Muneribus, nec incertis vagetur sedibus. Quod si locum inconsulto Episcopo deseruerit; ei Sacrorum exercitium interdicatur.*

R E G U L A XXXI.

Ordinandorum consensus necessarius est, adeo ut irrita esset Ordinatio, quæ proventus renitenti, & reluctanti, & qui nulla ratione ad consentiendum adduci posset, conferretur.

Quod enim declaravit Innocent. III. cap. Majores, Extra, De Baptismo, & ejus effectu, quod Ille, qui nunquam consentit, sed penitus contradicit, nec rem, nec Charactrem suscipit Sacramenti; non minus de Ordinatione, quam de Baptismo verum est.

Ordinando-
rum consen-
sus.

Qui tamen conditionali coactione (ut loquuntur Canonici Juris Interpretes) ordinati sunt, idest, conditionaliter voluerunt, quod alias absolute noluisse, eorum Ordinatio valida est, ut docent S. Raymundus III. p. Summæ, tit. De Etate Ordinandorum, §. 16. alique Juris Canonici Commentatores. Sic Pauliniano S. Hieronymi fratri vis aliqua facta est a S. Epiphanio, ut Diaconatus, & Presbyteratus Ordinationem susciperet, ut ipsemet S. Epiphanius testatur in Epistola ad Joannem Hierosolymitanum: „Cum igitur (inquit) celebraretur Collecta in Ecclesia villæ; quæ est juxta Monasterium nostrum, ignorantem eum, & nullam penitus habentem suspicionem, per multos Diaconos apprehendi iussimus, & teneri os ejus, ne forte liberari se cupiens, adjuraret nos per Nomen Christi: & primum Diaconum ordinavimus, proponentes ei timorem Dei, & compellentes, ut ministraret, valdequippe obnitebatur, indignum se esse contestans: vix ergo compulimus eum, & persuadere potuimus testimoniis in Scripturarum, & propositione Mandatorum Dei: & cum ministraret in Sanctis Sacrificiis, rursus cum ingenti difficultate, tento ore ejus, ordinavimus Presbyterum, & iisdem verbis, quibus ante suaseramus, impulimus, ut sederet in Ordine Presbyterii. Sic S. Paulinus, cum Barcinone versaretur, Repentina vi multitudinis correptus, & Presbyteratu initiatus est invito: ea tamen conditione tandem consensit, ut Barcinonensi Ecclesie non alligaretur, ut ipse testis est in Epistola ad Severum. Sic Pinianus violenta plebis impressione ad Sacerdotium postulatus est, acceptumque Juramentum præstente S. Augustino, Ut si quando illi ad suscipiendum Clericatum consentire placuisset, nonnisi in ipsa Hipponensi Ecclesia consentiret. Ipsum autem ad Juramentum hujusmodi, & ad mansionem apud se promittendam

Ordinatio-
nem consen-
tiam.

dam Hipponenses compulerunt, Quia per illam præsentiam creditum est; cum etiam ad Clericatum suscipiendum posse desiderantibus consentire; ut refert S. Augustinus Epist. cxxvi. alias cxxv. ad Albinam. Sic Germano Antiochodorense postmodum Episcopo, cum esset Provinciæ Præfectus, vis quodammodo illata est a S. Amatore Episcopo, qui glomerata secum turba Clericorum, atque Nobilium, vallatis Ecclesiæ foribus, injiciens manus, ipsum apprehendit, & invocato Nomine Domini, cesariem ejus capiti detrahens, habitu Religionis, relictis secularibus ornamentis, cum promotionis honore induit: Germanum Episcopum una omnium vox postulat: bellum civile indicitur Potestati, cujus subjectio facilis fuit, cum etiam ab his, quos pro se paraverat, vinceretur. Suscepit Sacerdotium invitatus, coactus, adductus, sed repente mutatus ex omnibus, deserit Mundi Militia, celestis assumitur, sæculi pompa calcatur, uxor in sororem ex conjugē mutatur, &c. Ita refert Constantius Presbyter in ejus Vita. Sic Macedonius Monachus sanctissimus, & admirandæ simplicitatis, quodammodo invitatus a Flaviano Antiocheno Episcopo Presbyter ordinatus est, ut refert Theodoretus in Historiæ Religio-
 ,, sæ cap. xiiii. Flavianus (inquit) de Montis illum vertice per speciem
 ,, objectæ accusationis abduxit, & sub mysticum Sacrificium Altari admo-
 ,, vet, cooptavitque in numerum Sacerdotum. Cumque peracta Liturgia
 ,, hoc illi quidam indicasset (ignorabat enim prorsus quid egissent) pri-
 ,, mum quidem conviciis, verbiq; asperis procidit universos, deinde ac-
 ,, cepto baculo, quo innixus propter senium incedebat, Pontificem ipsum,
 ,, & alios, qui aderant infecutus est, Ordinationem hanc ratus Montis
 ,, verticem sibi, optatamque habitationem erepturam: sed tum quidem sic
 ,, indignantem ægre tandem amici quidam sedaverunt. Expleto autem
 ,, hebdomadæ circulo cum rediisset dies Dominicus, iterum evocat illum
 ,, Magnus Flavianus, rogatque, ut Celebritati cum ipsis intersit. Tum il-
 ,, le ad eos, qui venerant, An vobis, ait, non sufficiunt, quæ jam acta
 ,, sunt, sed iterum me Presbyterum creare vultis (Et respondentibus il-
 ,, lis, Fieri non posse, ut bis eadem fiat Manuum impositio, non acquie-
 ,, vit, nec profectus est, donec illum tempus, & familiares hoc sæpius
 ,, docuerunt. Plurima sunt alia, & quidem illustria Sanctorum Virorum
 ,, exempla, qui suæ tenuitatis, ut sibi ipsis videbantur, consilii, & Sacerde-
 ,, tii pondus, ac majestatem reveriti, aliquandiu Ordinationi restiterunt, sed
 ,, tandem cesserunt postulantis plebis importunitati, aut violentiæ, vel Epi-
 ,, scoporum imperio, in se, ac de se fieri consentientes quicquid Ecclesiæ, Præ-
 ,, fulesque vellent. Hoc sensu S. Augustinus Epist. clxxxiiii. alias cciv. ad
 1. Tim. 3. 1. Donatum, cap. iiii. scribit: Neminem existimas cogendum esse ad bonum: at-
 tende, quid Apostolus dixerit, Qui Episcopatum desiderat, bonum opus concu-
 piscit; & tamen tam multi, ut Episcopatum suscipiant, tenentur inviti,
 perducuntur, includuntur, custodiuntur, patiuntur tanta que nolunt, donec
 eis adsit voluntas suscipiendi operis boni: quanto magis vos ab errore pernicio-
 so, in quo vobis inimici estis, trahendi estis, & deducendi ad veritatem,
 vel cognoscendam, vel eligendam, non solum, ut Honorem salubriter habea-
 tis, sed etiam ne pessime pereatis?

CAPUT IV. DE IMPEDIMENTIS ORDINATIONUM, ET IRREGULARITATIBUS.

Irregularitas est nota, seu canonicum impedimentum, ex facto, seu defectu proveniens, quo quis tam ad Ecclesiasticos Ordines promoveri, quam promotus in iisdem ministrare prohibetur, etiam post Pœnitentiam. Quid sit irregularitas?

Irregularis dicitur, quasi alienus a regula, sive Canone, ut colligitur ex Conc. Nicæno can. xvii. ubi decernitur, ut si quis Clericus inventus fuerit usuras ex mutuo sumere, vel turpe lucrum sectari, *Deiciatur a Clero, & alienus existat à Regula*. Et can. ix. loquens de quibusdam Presbyteris sine examine ordinatis, & peccata ante Ordinationem commissa confitentibus, ait: *Tales Regula non admittit, quia quod irrepebensibile est, Catholica defendit Ecclesia*.

Dicitur *Impedimentum Canonicum*, idest, Jure Canonico, seu Ecclesiastico inductum. Unde contrahi non censetur Irregularitas, nisi in casibus à Jure expressis. Unde cap. xviii. *De Sententia Excommunicationis*, in Sexto, respondet Pontifex, quod is, qui in Ecclesia sanguinis, aut seminis effusione polluta, vel qui præsentibus majori excommunicatione nodatis scienter celebrare præsumpsit, licet in hoc temerarie agat, Irregularitatis tamen laqueum non incurrit: *Cum id non sit expressum in Jure*.

Dicitur, *Quo quis ad Ecclesiasticos Ordines promoveri, & in iisdem ministrare prohibetur*: quia Irregularitas primario, ac directe tendit ad impediendam susceptionem Ordinum, vel eorum usum. Nulla fit mentio Beneficiorum, quia non est consequens, ut qui Ordinum usu, & exercitio privatus est, Beneficiis etiam privetur, nisi id in Jure fuerit expressum, quemadmodum de homicidio per assassinos perpetrato decernitur, cap. i. *De homicidio*, in Sexto. Jure quidem antiquo, cum Ordines, & Beneficia simul conferrentur, eadem Irregularitas ad utrumque simul aditum præcludebat: postquam vero Beneficia ab ipsis Ordinibus separari cœperunt, eorumque collatio ab Ordinatione sejungi, cœpit Irregularitas ad solos Ordines restringi, de quibus solis Canones loquebantur, atque ita receptum est contra priscam Disciplinam, ut Irregulares suis Beneficiis privati non censeantur.

Hinc sequitur, Irregularitatem Censuram Ecclesiasticam non esse, quia tendit primario ad impediendam Ordinum susceptionem, aut eorum usum. Is autem non est primarius Censurarum effectus, sed consequens duntaxat, & indirectus. Censura, inquam, impedit Ordinum functiones, aut quatenus sunt communicatio quædam fidelium, ut *Excommunicatio*: aut quatenus sunt Officia quædam Ecclesiastica, idest, a personis Ecclesiasticis exercenda, ut *Suspensio*: aut quatenus sunt usus Sacramentorum, ut *Interdictum*: sola Irregularitas directe eas impedit, quatenus sunt exercitia Ordinum.

Dicitur denique, *Etiam post Pœnitentiam*; quia Irregularitati, etiam ex crimine contractæ, proprium est, ut crimine per Pœnitentiam remisso, nihilominus maneat.

Duplex est Irregularitatis genus. Quædam ex delicto, altera ex defectu. Ita oritur ex defectu, & indecentia, citra culpam hominis in illam incurrens. Illa proficiscitur ex delicto, quod Ecclesia prohibitione a Clericatu, & Sacris Ordinibus, eorumque Ministeriis coerceri voluit. Et quotumplex?

Irregularitas ex defectu septem species complectitur. Prima est defectu animi, quo modo amentes, energumeni, & illiterati sunt irregulares. Altera

ex defectu corporis, quo modo sunt irregulares, qui membro aliquo mutilati sunt, vel insigniter deformes, leprosi, morbo caduco laborantes. Tertia, ex defectu natalium in filiis illegitimis, & spuris. Quarta, ex defectu libertatis, in servis, & obligatis ad ratiocinia. Quinta, ex defectu ætatis. Sexta; ex defectu Sacramenti, in bigamis. Septima, ex defectu perfectæ lenitatis, idest, ex homicidio licite perpetrato, in Judicibus, Regiis Cognitoribus, Notariis causarum capitalium, Accusatoribus, Testibus.

Quis de irregularitate dispensare possit?

Irregularitas ex delicto quintuplex est. Prima ex iteratione Baptismi. Altera ex indebita susceptione, vel usu Ordinis. Tertia ex hæresi. Quarta ex homicidio illicite perpetrato. Quinta ex infamia.

In Irregularitatibus ex delicto occulto provenientibus dispensare potest Episcopus, excepta ea, quæ oritur ex homicidio voluntario, exceptis etiam aliis deductis ad forum contentiosum, ut declarat sacra Synodus Tridentina, sess. xxiv. cap. iv. *De Reformatione*. In iis vero, quæ ex delicto publico proveniunt, Summus Pontifex duntaxat dispensare potest.

Qui Tonsuram Clericalem, vel Ordines suscepit, cum esset irregularis, vel functiones Ordinum exercuit, lethale quidem commisit peccatum, sed novam Irregularitatem non contraxit. Irregularitas enim non contrahitur, nisi in casibus a Jure expressis, ut colligitur a pari ex c. xviii. *De Sententia Excommunicationis*, in Sexto, & ex Regula Juris *Odia restringi, favores convenit ampliari*.

Conc. Mediolanense, iv. p. 11. tit. *Quæ pertinent ad Sacramentum Ordinis*, paucis explicat, quinam impediuntur ab Ordinum susceptione. *Impedimento* (inquit) *irretiti, hi sunt: Minores natu, Sacramento Chrismatis non confirmati, rudes, & ignari, criminosi, solemniter Penitentes, Neophyti, ebrii, aut gula dediti, impudici, lapsi post Ordinem susceptum, perjuri, usurarii manifesti, infames, ratiociniis obligati, servi, corpore vitiiati, insigniter deformes, illegitime nati, peregrini & ignoti, bigami, irregulares quovis alio modo, suspensi, interdicti, excommunicati, amentes, morbo caduco laborantes, energumeni, non examinati, & probati.*

His prænotatis, de præcipuis Ordinationum impedimentis singillatim agendum est.

ARTICULUS I.

De Impedimento sexus.

De Irregularitatibus.

Mulieris sexus Sacræ Ordinationis est incapax, non Ecclesiastico tantum Jure, sed Naturali, & Divino. Sexus enim muliebris, sexus subjectionis est: vir caput est mulieris; Sacerdos autem caput Populi: mulier ergo Sacerdotii incapax, quam Deus caput esse noluit, cui tantum abest, ut Populum subjecerit, cum potius ipsa viro, Deo ita volente subiecta sit. Deinde nativo quodam pudore mulieres a docendo, aliisque publicis functionibus, quales sunt Sacerdotales, obeundis retardantur: ideo Christus mulieres a Sacerdotio arceri voluit. *Mulieres in Ecclesia taceant* (inquit Apost. i. ad Cor. xiv.) *Non enim permittitur eis loqui, sed subditas esse, sicut & Lex dicit: Si quid autem volunt discere, domi viros suos interrogent. Turpe est enim mulieri loqui in Ecclesia.* Ad Ephesios v. *Mulieres subditæ sint viris suis, sicut Domino: quoniam vir caput est mulieris, sicut Christus caput est Ecclesie. Ipse Salvator corporis ejus. Sed sicut Ecclesia subiecta est Christo, ita & mulieres viris in omnibus.* Et i. ad Timotheum ii. *Mulier in silentio discat cum omni subjectione. Docere autem mulieri non permitto, neque dominari in virum, sed esse in silentio: Adam enim primus formatus est, deinde Eva:*

va: *Et Adam non est seductus, mulier autem seducta in praevaricatione fuit.* Quamobrem conveniens non erat, ut ei Deus per Sacerdotium ducatum ad pietatem instillandam concederet, quæ posterior creata, prior in peccatum incidit, virumque suum in peccati foveam præcipitem traxit. Lege S. Epiphanium, Hæresi XLIX. ubi Quintilianorum, sive Papatianorum, aut Ariotyritarum hæresim describit, & impugnat, apud quos mulieres Episcopi erant, & Presbyteri, & ad ceteros gradus allegebantur; nullum ut sexus discrimen servaretur. Nam in Christo Jesu (inquirebant) *neque mas est, neque femina.* Quibus Apostoli verbis abutebantur, cum nihil aliud significant nisi, nullam esse sexus prærogativam quantum ad fidem, divinæ legis observationem, justificationis gratiam, adoptionem in filios, æternæ felicitatis retributionem: unde subiungit. *Omnes enim filii Dei estis per fidem, quæ est in Christo Jesu:* sed non significant parem esse ad Sacerdotium obtinendum sexus utriusque capacitatem.

Obiciebant, Sororem Moysis, & quatuor Philippi filias Prophetissas fuisse; ac perperam inde colligebant, mulieres Sacerdotio posse initiari. Dispar enim est Sacerdotii, & Prophetiæ ratio. Nam Prophetia ex genere est gratiarum, quæ gratis datæ nuncupantur, quarum in distributione nullus naturæ servatur ordo, quia præter naturam est, quod recipitur. At vero in Ecclesiastico Regimine instituendo licet supernaturalem Sacerdotibus, ac Ministris Christus tradiderit Potestatem, ordinem tamen naturalem servari voluit, ut sexus ille a Sacerdotio excluderetur, qui ad subjectionem factus est, non ad imperium destinatus. Id confirmat S. Thomas, in IV. Sententiarum dist. xxv. qu. 11. quæst. 1. ad primum: *Prophetia (inquit) non est Sacramentum, sed donum Dei. Unde non exigitur ibi significatio, sed solum res: Et quia secundum rem in his, quæ sunt animæ, mulier non differt a viro (cum quandoque mulier invenitur melior quantum ad animam multis viris;) ideo donum Prophetiæ & alia huiusmodi potest accipere, sed non Ordinis Sacramentum.* Cum enim Ordo ad imperandum institutus sit, & aliquam Ordinatorum filia ceteros præminentiam, & præcellentiam significet, mulieres vero ad subjectionem a Deo factæ sint, ideo Ordinationis incapaces sunt, quæ prærogativam subjectioni isti oppositam tribuit, expresseque significat.

Legatur rursus S. Epiphanius, hæresi LXXIX. ubi Collyridianos impugnat, apud quos Mulieres quædam currum, sive sellam quadratam adornantes, linteo desuper extento, solempni tempore, per aliquot dies panem proponebant, & in Mariæ Virginis Nomen offerebant: ostenditque nunquam ex quo Mundus conditus est, Sacerdotio functam esse mulierem, sive tempore Legis naturæ, sive Legis Mosæicæ, sive Legis gratiæ. Certe si Sacerdotium mulieribus mandatum foret, aut canonicum quiddam præstare in Ecclesia liceret, nulli potius, quam Mariæ illud in Novo Testamento committi debuit, cui tantus honor est habitus, ut in gremio, sinuque suo Regem omnium, ac cælestem Deum, Deique Filium exciperet. Cujus uterus, velut templum, ac domicilium ad Divini Verbi incarnationem singulari est Dei benignitate magno, ac stupendo Myserio præparatus. Verum longe Deo aliter est visum: ac ne baptizandi quidem potestas est illi facta: cum aliqui tingi ab illa Christus potius, quam a Joanne potuisset.

Nominantur quidem in Canonibus Episcopæ, & Presbyteræ; non tamen ab ullo Ordine, vel Ministerio, sed a viris suis, qui ad Episcopatum, vel Presbyteratum promoti fuerant: quibus mulieribus perpetuæ continentiæ lex imponebatur; antequam earum mariti Sacris Ordinibus initiarentur, a quibus proinde uxorum loco non amplius habebantur, sed fororum. Frequens etiam est in Ecclesiasticis Monumentis Diaconissarum mentio, sed nec illæ Sacram Ordinationem susceperunt, sed earum institutum est Ministerium,

De Irregularitatibus.

Conc. Turor.
11. can. 12. &
13. Antioch.
can.
20. & 21.
Cenc. Rom.
sub Greg. II.
can. 1. alterum
sub Zacharia,
can. 5. S. Greg. I.
IV. Dialog.
c. 20.

ut muliebris sexus honestati in Baptismo consuleretur, ut *S. Epiphanius* docet. Quamvis autem Ordinationis Diaconissarum meminerint *Tertullianus* Lib. 1. *Ad Uxorem*, cap. vii. Conc. Chalcedonense, can. xv. Conc. Trullanum can. xiv. Justinianus Imperator passim in Novellis; Ordo Romanus, &c. ea tamen Ordinato, seu manus impositio, sacramentalis non fuit, sed mera cæremonia, quemadmodum Abbatisarum Benedictio. Munus illarum præcipuum fuit, ea mulieribus Officia præstare, quæ Diaconi viris. Ideo portas custodiebant, per quas illæ ingrediebantur, earumque confessum in Ecclesia ordinabant; Principia Fidei, & Ritus Baptismi eis exposebant, ipsisque aderant cum ad immersionem nudabantur. Viduarum quoque, & pauperum, sacrarumque Virginum simul cum Diaconis curam gerebant: sed Altaris Sacrificio non ministrabant, non accedebant ad Altare, non sacra vasa tractabant, non caneant Evangelium, quamquam Orarium in sua Benedictione acciperent; non denique verbum Dei prædicabant, aut baptizabant: neque sacra hæc Ministeria obeundi tradebatur ipsis Potestas, quæ Diaconis confertur.

ARTICULUS II.

De Impedimento pueritiæ, & amentię, & vexationis a Dæmone.

De Irregularitatibus.

Pueris, vel amentibus, cum usu rationis careant, Sacramentum Ordinis illicitè conferretur. Si tamen illis administraretur, Sacramenti Characterem eorum animis imprimeret: unde Ordinationes eorum iterandæ non essent ubi adulta essent ætate, & singulis Ordinibus Ecclesiæ Decretis præscripta, aut sana mente; ut colligitur ex cap. unico *De Clerico per saltum promotus*; quod est *Innoc. III.* Necessitate quidem præcepti necessarius est rationis usus, ut quis ad Ordines promoveatur, non tamen necessitate Sacramenti, ut docet *S. Thomas* in *iv. Sententiarum*, dist. xxv. qu. 11. art. 1. quæst. 11. Idem docet Conc. Trid. Catechismus. Arreptitii, sive a Dæmonibus obsessi, ab Ordinibus pariter arcantur, can. *Maritum*, can. *Communiter*, can. *Clerici*, & can. *Usque*, dist. xxxiii.

ARTICULUS III.

De Impedimento servitutis.

Servi ab Ordinationibus excluduntur, can. *Nullus*, dist. lrv. ex *S. Leone* Epistola ad Episcopos Campaniæ, & can. *Nulli*, ex Conc. Triburiensi, aliisque Canonibus, & Pontificum Responsis, Lib. 1. Decretalium, tit. xviii. *De servis non Ordinandis*, Ab Ordinibus suscipiendis pariter arcantur quicumque ad ratiocinia sunt obligati, vel huiusmodi negotiis temporalibus implicati. Cap. *Magnus*, ex Conc. Carthaginensi 1. Ext. *De obligatis ad ratiocinia non ordinandis*. His non patet aditus ad Clerum, *Nisi post deposita onera, & reddita ratiocinia*. Rationem huius disciplinæ *S. Thomas* asserit in *iv. Sententiarum*, dist. xxv. q. 11. art. 11. qu. 1. *In susceptione Ordinis mancipatur homo Divinis Officiis: quia nullus potest alteri dare, quod suum non est, ideo servus, qui non habet potestatem sui, non potest ad Ordines promoveri: si tamen promoveretur, Ordinem suscipit; & quia libertas non est de necessitate Sacramenti; licet sit de necessitate præcepti, cum non impediatur Potestas, sed actum tantum. Et similis ratio est de omnibus, qui sunt aliis obligati.*

ARTICULUS IV.

De Impedimento natalium.

Impedimentum istud in filiis Presbyterorum primum consti-

Spurii, & quicumque ex legitimis Nuptiis non sunt procreati, ab Ordinum susceptione arcantur, ut constat ex variis Canonibus dist. lvi. re-latis, & ex cap. *Per venerabilem*, Ext. *Qui filii sint legitimi*. Rationem asserit

Sert S. Thomas, in iv. Sententiarum, dist. xxv. art. 11. quæst. 111. *Ordinati* (inquit) *in quadam dignitate præ aliis constituuntur: ideo ex quadam bonestate requiritur in eis claritas quædam, non de necessitate Sacramenti, sed de necessitate Præcepti; ut scilicet sint bonæ famæ, bonis moribus ornati, non publice Pœnitentes. Et quia obscuratur hominis claritas ex vitiosa origine, ideo etiam de illegitimo thoro nati a susceptione Ordinum repelluntur, nisi cum eis dispensetur: quanto est difficilior dispensatio, quanto origo est turpior: puta, si adulterini fuerint, vel ex stupro, incestu, aut sacrilegio nati, quam si ex fornicatione simpliciter procreati essent.*

Triplex est modus hunc defectum removendi, scilicet subsequens parentum matrimonium, de quo in cap. *Tanta*, Ext. *Qui filii sint legitimi*, ubi Exoniensis Episcopo rescribit Alexander III. *Tanta est viri matrimonii, ut qui antea sunt geniti, post contractum matrimonium legitimi habeantur.* 2. Religiosa professio in Cœnobiis, aut in Canonica Regulari, ut constat ex can. 1. *Presbyterorum*, quod Urbani II. Responsum est, dist. lvi. & ex cap. *Ut filii*, Ext. *De filiis Presbyterorum*, &c. 3. Modus hunc defectum removendi est dispensatio.

Potest autem Episcopus cum illegitimis ex quocumque etiam damnato coitu dispensare, ut ad Minores Ordines, & Beneficium simplex promoveantur; non vero, ut ad Majores Ordines, aut Beneficia Curam Animarum, Dignitatem, Ordinem Sacrum annexum habentia, quales sunt Canonicatus Cathedralium Ecclesiarum, secundum Jus Novum Tridentini Concilii sess. xxiv. cap. xii. *De Reformatione*. Ille vero qui cum Summus Pontifex dispensat, ut natalium defectum non obstante, valeat ad Beneficium Curam etiam Animarum annexam habens promoveri, non potest prætextu dispensationis hujusmodi, (quam exorbitantem a Jure oportet veluti odiosam restringi) nisi unicum Beneficium obtinere. Ita constant ex cap. 1. *qui defectum*, tit. *De filiis Presbyterorum*, in Sexto Illegitimenatos, ad Dignitates, Personatus, & alia Beneficia Curam Animarum habentia, sine dispensatione Sedis Apostolicæ promoveri non posse, declaraverat antea Gregorius IX. cap. *Nimis*, Ext. *De filiis Presbyterorum*.

An vero dispensare possit Episcopus super eo impedimento, cum occultum est, quæstio est ab Auctoribus ventilata. Probabilius est non posse: quia Conc. Trid. Sess. xxiv. cap. vi. *De Reformatione*, permittit Episcopis, ut dispendent duntaxat super Irregularitatibus ex delicto occulto, non autem ex defectu provenientibus.

Ceterum Religiosa Professio natalium defectum removet, facitque, ut qui Deo solemnibus votis consecratus est, ad Sacros Ordines absque dispensatione promoveri possit, ut constat ex Conc. Nannetensi, quod *Hildeberto* Turonensi Archiepiscopo Præsidente celebratum est anno mxxvii. ex Concil. Lateranensi 11. sub *Innoc. II.* can. xxi. ex Innocentio III. Lib. 4. Epist. 118. Decretum Urbani II. & Canonem Concilii Pictavenensis citante, & ex communi Ecclesiæ praxi: necessaria tamen ipsis est dispensatio, ut ad Episcopalem Dignitatem, & Regulares Prælaturas promoveri possint, ut constat ex cap. *Ut filii*, Ext. *De filiis Presbyterorum non ordinandis*. Sanxerat quidem Sixtus V. ne ad Religiosam Professionem reciperentur illegitimi, sed ejus Constitutionem rescidit Gregorius XIV. Constitutione, quæ incipit, *Circumspecta*, & Romanæ Pœnitentiariæ potestatem tribuit concedendi Dispensationes Regularibus extra legitimum Matrimonium natis, ut ad Claustrales Præfecturas promoveri possint.

Defectus tamen natalium non impedit, quin Monachus instituat Magister Novitiorum, aut Prior Claustralis sub Abbate Regulari sine dispensatione Pontificia; quia hæc mera sunt Officia Claustralia, non Prælatuæ, seu Dignitates; quarum duntaxat, non simplicium Officiorum gerendorum incapaces sunt illegitimi, ut constat ex cap. *Ut filii*, supra laudato. Prior namque

tutum est, ad incontinentiam Sacerdotum reprimendam undecimo sæculo; postea ad omnes illegitime natos extensum est. De Irregularitatibus.

Natalium defectus Religiosa professione tollitur.

De Irregularitatibus.

Claustralis curam Monasterii, & Monachorum ita gerit sub Abbate, ut ipse Abbati sublit, ab eoque possit ad nutum amoveri: unde non est Monasterii Caput, & Prælati, sed Abbatis Regularis, qui Monasterio præest, vires gerens, nec aliam auctoritatem habens, quam quæ ipsi ab Abbate demandatur: sicut illi, quos vocamus Superiores in Prioratibus Conventualibus, sive Cœnobiis, quæ ab Abbate Regulari immediate non reguntur. Verum illegitimi non possunt eligi, vel institui Priores Conventuales, seu Majores, sine dispensatione Summi Pontificis. Hi enim Prioratus sunt Prælaturæ, cum Priores Conventuales sint Pastores, & capita suorum Monasteriorum.

Filii Clericorum, qui non ex legitimo nati sunt Matrimonio, in Ecclesiis ubi eorum patres Beneficium aliquod Ecclesiasticum habent, aut habuerunt, quodcumque, etiam dissimile, Beneficium obtinere, nec in distis Ecclesiis quoquo modo ministrare, nec Peniones super fructibus Beneficiorum, quæ parentes eorum obtinent, vel alias obtinuerunt, habere possunt. Ita statuit Synodus Tridentina sess. xxv. cap. v. *De Reformatione.* Et *Clemens VII.* in Constitutione, quæ incipit, *Ad Canonum conditorem*, statuit, ut deinceps filii Presbyterorum ex fornicatione nati quæcumque Beneficia Ecclesiastica, cum cura, & sine cura, sæcularia, & quorumvis Ordinum Regularia, quæ illorum patres Presbyteri, & Clerici, vel Religiosi, in Titulum, vel Commendam, seu Administrationem ad tempus, vel in perpetuum aliquando obtinuerunt, nullo unquam tempore quoquo modo obtinere possint, non obstante, quod *Alexander III.* decreverit filios Sacerdotum posse succedere in Beneficiis parentum media interveniente persona. (Ext. *De filiis Presbyterorum*, cap. 2. 3. 4. 5. 7.) Quamquam nec filius legitimus possit immediate succedere in Beneficio patris, nisi cum eo per Apostolicam Sedem fuerit dispensatum, ut constat ex cap. *Constitutus*, ex cap. *Ex tua*, & cap. *Ex transmissa*, Extra, *De filiis Presbyterorum.*

ARTICULUS V.

De Impedimento ex vitiis, seu defectibus corporis.

AB Ordinum susceptione, & executione Ecclesiasticis Legibus arcentur homines mutilati, eunuchi, insigniter deformes, seu aliquo vitio corporis, aut morbo laborantes, qui horrorem, aut contemptum personæ ingeneret, & prohibeat, ne Sacra Ministeria cum debita dignitate, & reverentia exercentur. Id constat ex can. *Priscis*, qui est *Gelasii I.* Epit. 1. a. Episcopos Lucaniæ; can. *Pœnitentes*, qui est *Hilarii* Papæ in Concilio Romano; can. *Si quis*, ex Canonibus Apostolorum 22. & 23. quibus a Clero excluduntur, qui se ipsos absterunt; quod confirmat can. *Illicui* ex Conc. Arlatensi 11. a. n. 11. & can. *Si quis* ex Concilio Nicæno. Possunt tamen ad Ordines promoveri, qui a Medicis, a Barbaris, aut quovis modo per hominum infirmas eunuchi facti sunt, aut tales nati sunt; ut constat ex eodem Canone, & ex can. *Eunuchus*. Ita in cap. *Ex parte*, 1. & 2. Extra, *De corpore vitio, vel non.* Ob eandem rationem arceatur, qui partem digiti sibi clensaverunt, non qui calu, can. *Qui artem* ex Innoc. I. Epistola ad *Felicem* Nucerinum Episcopum n. & can. *Lator*. Illi, cui oculus evulsus est, non possunt secunda Canonis Sacerdotum iura concedi, ex *Gelasio I.* can. *Si Evangelica*. Hos Canones legere est 1. P. Decretorum, dist. 17. Presbyter, qui digiti partem amittit, etiam sua culpa, & in duellum dispensari potest ab Episcopo suo, ut in Ordine suo ministret, si Non perdidit tantum de digito, quia hoc jenuis possit solemniter celebrare. Ita statuit *Alexander III.* cap. *De Presbytero*, Extra, *De corpore vitiatu*. Qui tactus est eunuchus in carnalis, ad Ordines promoveri potest, ut declarat *Clemens III.* cap. *Ex parte*, primo, ibidem. Qui Consilio Medici ad averdendam

De irregu-
laritatibus.

mor-

morbi periculum sectus est, Sacerdotale Ministerium, ut prius, potest exequi, ut respondet *Innocentius III. cap. Ex parte*, secundo, ibidem. Mutilatus manu; ad Sacros Ordines non potest promoveri; (cap. *Exposuisti*, ibidem.) Carens ungula pollicis, *Si ad frangendum Eucharistiam sit in pollice ipso potens*, ad Sacerdotium potest promoveri, ut respondet *Honorius III. cap. Thomas*, ibidem. Presbyter cui medietas palmarum cum duobus digitis est abscissa, irregularis est, quoad Missæ Celebrationem, *Quia nec secure propter debilitatem, nec sine scandalo propter deformitatem membri, hoc fieri potest*: ceteris autem Officiis Sacerdotalibus fungi minime prohibetur, cap. *Presbyterum*, Ext. *De Clerico egrotante, vel debilitato*. Quæ Regula ad iudicandam Irregularitatem ex vitio, aut defectu corporis proveniente adhibenda est. Huius autem rei examen, atque iudicium pertinet ad Episcopos, ut respondit *Alexander III. de eo*, qui maculam in oculo habebat, cap. *Cum de tua*, Ext. *De corpore vitiatis*. Leprosi ab Ordinum susceptione, & executione arcantur, cap. *De Recloribus*, & cap. *Tua nos*, Extra *De Clerico egrotante, vel debilitato*.

Non inicitur irregularitas ex defectu corporis, nisi ratione deformitatis, quæ scandalum esse possit, aut debilitatis, quæ celebrationem impedire possit videatur. Iudicium de hoc defectu ad Episcopum pertinet. De Epileptico.

Epileptico, vel caduco morbo laborantes, si frequenter in terram eliduntur, a Sacris Ordinibus arcendi sunt: si vero hæc infirmitas accidat Sacerdoti, prohibendus est celebratione Missæ, nec Sacrum Ministerium obire permittendus, nisi annus integer ab ultimo epileptici morbi symptomate effluxerit; ut habetur can. *Communiter*, dist. xxxiii. & can. *In tuis*, causa. vii. qu. ii. ex *Alexandri II. Rescripto* ad Vivarensensem Episcopum. Si autem alicui lisintetata fuerit de epileptico casu, neque se huic morbo esse obnoxium, diligenter inquirendum est: *Si aliquando vel in domo, vel in Processione, vel in alio quocumque loco probatur repente collapsus, vocesque dedisse confusas, & spumas ore iactasse*. Re autem dubia manente, triginta dierum spatio explorandus est Clericus, qui eo morbo affectus dicebatur; quo temporis elapsio intervallo, permittendæ sunt ipsi Ordinum functiones ipsaque Missæ celebratio, si eo morbo affectum fuisse minime probetur. Sic respondet *Gelasius Papa*, can. *Nuper*, causa vii. quæst. ii.

De his impedimentis respondet *S. Thomas*, in iv. *Sententiarum*, dist. xxv. qu. ii. art. ii. qu. iii. *Aliquis efficitur ineptus ad susceptionem Ordinis, vel propter impedimentum ætus, vel propter impedimentum claritatis personæ: & ideo patientes defectum in membris, impediuntur a susceptione Ordinis, si sit talis defectus, qui maculam notabilem inferat, per quem obscuretur personæ claritas (ut abscissio nasi) vel periculum in executione facere possit; alias non impediuntur: Hæc autem integritas exigitur de necessitate Præcepti; sed non de necessitate Sacramenti.*

De Irregularitatibus.

ARTICULUS VI.

De Impedimento ex defectu Baptismi, Confirmationis, vel inferiorum Ordinum.

Impedimentum ex defectu Baptismi, divino jure institutum est: unde si quis non baptizatus ordinetur, ejus Ordinatio irrita est; & baptizari primum, deinde iterum ordinari debet, ut habetur cap. *Si quis*, ex Conc. Compendiensi can. xv. & can. *Veniens*, quod est *Innoc. III. Ext. De Presbytero non baptizato*. Rationem affert *S. Thomas* in iv. *Sententiarum*, dist. xxiv. qu. i. art. ii. qu. iii. *Nihil (inquit) potest aliquid recipere, cujus receptionem potentiam non habet: per characterem autem baptismalem efficitur homo receptivus aliorum Sacramentorum: unde qui characterem baptismalem non habet, nullum alterum Sacramentum suscipere potest: & sic character Ordinis baptismalem characterem præsupponit.*

II. Impedimentum ex defectu Confirmationis Ecclesiastico duntaxat Jure institutum est. Statuit enim Tridentinum Concilium scis. xxlii. cap. iv. *De Reformatione*, ut prima Tonsura nemo initiatur, qui Sacramentum Confirmationis non suscepit. Quæ lex etsi nulla foret, consuetudo tamen generalis vim legis haberet; quam in iis, quæ gravioris momenti sunt, & Sacramentorum institutioni consentanea, violare vix sine peccato mortali nullus potest. Quamobrem lethalis peccati reum existimarem eum, qui vel ex incuria, aut ignorantia culpabili, veliciens volens, Sacramento Confirmationis omisso Tonsuram Clericalem, aut Ordines susceperet. Unde *Corneilius* Summus Pontifex in Epistola ad *Fabium* Antiochenum apud *Eusebium* Lib. vi. *Historiæ Ecclesiasticæ*, cap. xliiii. de Novatiano, qui Presbyter factus est, Sacramento Confirmationis non suscepto, ita scribit: *Sed neque postquam liberatus est morbo, reliqua percepit, quæ juxta Ecclesiasticam Regulam percipi debent, neque ab Episcopo consignatus est. Hoc autem Signaculo minime percepto, quo tandem modo Spiritum Sanctum potuit accipere?* Accedit ratio ex ipso Sacramentorum ordine, & effectis petita. Sacri siquidem Ordines, & Clericalis status, perfectos tantum Christianos admittunt: nemo vero sine Sacramento Confirmationis perfectus censetur Christianus: unde *S. Ambrosius* Lib. iii. *De Sacramentis* cap. ii. docet, *Post Fontem superesse, ut perfectio fiat: & hanc Perfectam ætatem spiritualis vite* vocat *S. Thomas*. Præterea, ita se habent tria hæc Sacramenta, Baptismus, Confirmatio, & Ordo ad spiritualem vitam, quemadmodum ad corporalem natiuitas, augmentum, & generatio: nam in vitæ spiritualis lucem Baptismus nos emittit; Confirmatio spiritale robur, & gratiæ augmentum præstat; virosque perfectos facit; Ordo spirituales nos Patres efficit: quemadmodum ergo convenienter naturali rerum ordini prius oportet unumquemque nasci, deinde augeri, & roborari, antequam speciei propagande per generationem det operam: ita necessarium est, ut prius Baptismo renascamur; convenientissimum vero, ut per Confirmationem robaremur, priusquam per Ordinationem spirituales Patres efficiamur. Valida tamen, & rata esset Ordinatio hominis non confirmati, ut docet *S. Thomas*, in iv. *Sententiarum* dist. xxiv. qu. i. art. ii. qu. iv. „Character Baptismalis (inquit) præsupponitur de necessitate Sacramenti, ita quod sine eo Sacramentum Ordinis conferri non potest; sed de congruitate requiritur omnis perfectio, per quam aliquis reddatur idoneus ad executionem Ordinis; & unum de istis est, ut sit Confirmatus: & ideo de congruitate character Ordinis characterem Confirmationis præsupponit, & non de necessitate.

III. Impedimentum ex Ordinum inferiorum defectu Jure pariter Ecclesiastico institutum est, prohibente, ne quis iis prætermisiss ad superiorem Ordinem provehatur: Nam (ut docet *S. Thomas* loco mox indicato, quæst. v.) „Non est de idoneitate superiorum Ordinum, quod aliquis Minores Ordines prius habeat, quia potestates sunt distinctæ; & una quantum est de sui ratione, non requirit aliam in eodem subiecto; & ideo etiam in primitiva Ecclesia aliqui ordinabantur in Presbyteros, qui prius inferiores Ordines non susceperant; & tamen poterant omnia, quæ inferiores Ordines possunt; quia inferior potestas comprehenditur in superiori virtute; sicut sensus in intellectu, & Ducatus in Regno. Sed postea per Constitutionem Ecclesiæ determinatum est; quod ad Majores se non ingerat, qui prius in Minoribus Officiis se non humiliavit. Et inde est, quod, qui ordinantur per saltum, secundum Canones non reordinantur, sed id quod omisiss fuerat de præcedentibus Ordinibus, eis confertur. Ita statuit *Alexander II.* de quodam, qui Subdiaconatus Ordine postposito, ad Diaconatus, & Presbyteratus

Or-

De Irregularitatibus.

iii. p. quæst. vii. art. i. ad iii.

Ordines ascenderat: *Mandamus* (inquit) *ut ab Officio Sacerdotali eum prohibeas*, donec proximo Quatuor Temporum Jejunio Subdiaconatus Ministerium ei rite imponas, & sic deinceps ad Majora eum Officia redire concedas. Refertur can. *Sollicitudo*, dist. LII. Et *Innoc. III.* cap. *Tuæ litteræ*, Extra *De Clerico per saltum promoti*, de quodam, qui Ordine Diaconatus prætermisso Presbyter ordinatus fuerat; mandat Episcopo Bononiensi, ut ei Diaconatus Ordinem conferat, ac misericorditer in Ordine Sacerdotali postea ministrare concedat.

ARTICULUS VII.

De Impedimento Bigamiæ.

I. **B**igami ab Ordinibus arcentur Ecclesiastico Jure ab Apostolis ipsis instituto. Ait enim Apostolus *1. Tim. III.* & *Tit. I.* Episcopum esse oportere *Unius uxoris virum*. Id confirmant S. Hieronymus in Epistolam ad Titum, *Innoc. I.* in Epist. ad Victricium Rothomagensis Episcopum, S. Augustinus Lib. *De Bono Conjugali*, cap. 18. S. Leo Epist. 1. alias 87. can. *Maritum* dist. xxxii. & can. *Curandum*, dist. xxiv. & S. Gregorius Lib. II. Epistolarum, Ind. x. Epist. xxix. ad Episcopum Squillatinum, ex quo refertur in Decretis, dist. xxxiv. can. *Præcipimus*. Rationem Ecclesiasticæ istius Legis exponit S. Thomas, in *IV. Sententiarum*, dist. xxvii. qu. III. art. 1. quæst. 1. ex defectu significationis perfecte Nuptiarum Christi cum Ecclesia in Bigamorum Matrimonio petitam. *Aliquis* (inquit) *per Sacramentum Ordinis Minister Sacramentorum constituitur*, & ille, qui aliis Sacramenta ministrare debet, nullum in Sacramentis defectum pati debet. Defectus autem in Sacramento est, quando Sacramenti significatio integra non invenitur: Sacramentum autem Matrimonii significat conjunctionem Christi ad Ecclesiam, quæ est unius ad unam: & ideo requiritur ad perfectam significationem Sacramenti, ut vir sit tantum unius vir, & uxor tantum unius uxor: & ideo tollit Irregularitatem inducit. Hanc rationem pressius tradidit B. Petrus Damiani, Libro, qui inscribitur, *Dominus vobiscum*, cap. xii. Sicut (inquit) Christus, qui est Pontifex futurorum bonorum & verus Sacerdos, vir est unius Sponsæ Sanctæ scilicet Ecclesiæ, quæ procul dubio virgo est, quia fidei integritatem inviolabiliter servat; ita quilibet Sacerdos unius uxoris vir esse præcipitur ut illius Summi Sacerdotis præferre imaginem videatur.

De Irregularitatibus.

Aliam rationem adjungit Angelicus Doctor: „ In illis (inquit) qui accipiunt Sacramentum Ordinis, maxima spiritualitas debet apparere; tum quia spiritualia ministrant, scilicet Sacramenta, tum quia spiritualia docent, & in spiritualibus occupari debent: unde cum concupiscentia, per quam totus homo caro efficitur, maxime spiritualitati repugnet, non debet aliquod signum concupiscentiæ permanentis in eis apparere: quod quidem in bigamis apparet, qui una uxore contenti esse nolunt.

Triplex autem distingui solet Bigamia, scilicet vera, interpretativa, & similitudinaria. Vera bigamia est matrimonium cum duabus uxoribus successive contractum, & consummatum, sive ante, sive post Baptismum quis illud contraxerit, & consummaverit. Hos Bigamos ab Ordinum susceptione, & executione arceri constat cap. *Super eo*, Ext. *De Bigamis non ordinandis*.

Bigamia interpretativa est, qua Juris interpretatione quispiam habetur, ut Bigamus, tamen non sit vere Bigamus, quippe, qui multas quidem uxores, sed non veras habuerit, verbi gratia, qui duo Matrimonia cum impedimento dirimente contraxit, vel saltem alterum. Hi pariter ab Ordinum susceptione, & executione excluduntur, cap. *Nuper a nobis*, quod *Innocentii III.* Responsum est, Ext. *De Bigamis non ordinandis*. Nos autem (inquit) in hac

Bigamia quotuplex.

Legitur Epistola 56.

Innocentii
III. Lib. 2.
Edit. Balu-
zii.

hac Quæstione taliter respondemus: Quod cum hujusmodi Clericis, qui quantum in ipsis fuit, secundas mulieres sibi matrimonialiter coniunxerunt, tanquam cum Bigamis non liceat dispensari, licet in veritate Bigami non existant: non propter defectum Sacramenti, sed propter affectum intentionis, cum opere subsecuto.

Interpretative Bigamus est & ille, qui unicam quidem uxorem duxit, sed Viduam, aut ab altero corruptam, ideoque vere est Irregularis, ut constat ex Canone *Curandum*, distinct. xxxi. & ex cap. *De Bigamis*, quod est Celestini III. Ext. *De Bigamis non ordinandis*. Et quamvis homo credat, uxorem, quam ducit, virginem esse, quam in ipso congressu deprehendit corruptam ante Matrimonium fuisse, fit nihilominus Irregularis, ut docet S. Thomas, in iv. *Sententiarum*, dist. xxvii. quæst. iiii. art. i. Quæstiunc. iiii. ad tertium: *Irregularitas* (inquit) *non est pœna infidelis, sed defectus quidam Sacramenti; & ideo non oportet, quod semper sit voluntaria Bigamia ad hoc, quod Irregularitatem causet: & ideo ille, qui uxorem ducit corruptam, quam virginem credit, Irregularis est eam cognoscens*. Si tamen duxerit prius a se defloratam, non fit Irregularis, *quia carnem suam non divisit in plures*; (inquit S. Thomas ibidem ad secundum.)

De Irregu-
laritatibus.

Ille denique interpretative Bigamus est, eoque nomine ab Ordinibus, & Sacris Ministeriis arcendus, qui uxorem adulterio pollutam cognoscit, etiam iudicis Sententia, aut officio conscientię debitum ei reddere compellatur, illa ante exigente, quam adulterii damnetur, ut docet S. Thomas in Responsione ad quartum; & colligitur ex Canone *Si cuius*, qui Concilii Neocæsariensis octavus est, & ex Canone *Si laici*, qui est Martini Bracaren-
sis, apud Gratianum, dist. xxxiv.

Qui vero virginem duxit, sed alteri desponsatam, Bigamus non censetur, quia Bigamia non contrahitur, nisi carnalis copula inter conjuges præcesserit, ut respondet Innocentius III. cap. *Debitum*, Extra, *De Bigamis non ordinandis*, cujus hæc sunt verba: „Conjugium illud, quod non est commix-
„tione corporum consummatum, non pertinet ad illud conjugium desi-
„gnandum, quod inter Christum, & Ecclesiam per Incarnationis Myste-
„rium est contractum.... Cum ergo propter Sacramenti defectum prohibi-
„tum sit, ne Bigamus, aut maritus viduæ præsumat ad Sacros Ordines
„promoveri: quoniam nec illa est unica unici, nec iste unus unius; pro-
„fecto ubi deficit inter hujusmodi conjugum commixtio corporum, non de-
„est hujusmodi signaculum Sacramenti. Unde is, qui mulierem ab alio
„viro ductam, sed minime cognitam, duxit in uxorem: quia nec illa, nec
„ipse carnem suam divisit in plures, propter hoc impediri non debet, quin
„possit ad Sacerdotium promoveri.

Bigamia similitudinaria est matrimonium attentatum, & consummatum, etiam cum virgine, ab eo, qui voto solenni castitatis obstrictus est, sive Sacris Ordinibus annexo, sive Religiosa Professione nuncupato; quia per hujusmodi Matrimonium carnale, quod contrahit, violat spirituale, quod præcessit: quod Bigamiæ genus infert etiam Irregularitatem, ut constat ex Can. *Quotquot*, Causa xxvii. quæst. i. ex cap. *Nuper*, Extra *De Bigamis non ordinandis*, & ex cap. *A nobis*, ibidem, quod est Innocentii III. Respondit: *Ille autem* (inquit) *qui in Subdiaconatus Ordine constitutus, de facto tantum* (quia de jure non potuit) *duxit viduam in uxorem, profecto Bigamus non exi-
sit, sed nec vidue potest in veritate dici maritus; cum inter ipsum, & il-
lam non fuerit vinculum maritalis contractus: cum eo tamen contra doctrinam Apostoli, tanquam cum marito vidue dispensare non licet: non propter Sacra-
menti defectum, sed propter affectum intentionis cum opere subsecuto. Quia ni-*
mirum.

mirum affectum ad duplex Matrimonium carnali copula probat, ac de facto Matrimonium contrahere attentat, quamvis nullum, & irritum sit ipso Jure propter impedimentum voti. Si autem Clericus de facto Matrimonium non contrahat, sed tamen unam, vel plures concubinas habeat, non est cum ipso agendum, seu cum Bigamo, sed cum simplicis fornicationis reo, seu concubinario; ut declarat *Innocentius III. cap. Quia circa minima*, Extra. *De Bigamis non ordinandis*.

III. An Bigamiæ irregularitas ex nuptiis ante Baptismum contractis oriatur, olim dubitatum est. Ecclesia Græca eum, qui ante Baptismum plures uxores duxisset, irregularitatem ex Bigamia non contraxisse censuit, ut constat ex Canone 16. sub Apostolorum nomine edito, & ex Commentariis Balsamonis, & Zonaræ. Eadem fuit S. Hieronymi Sententia in Epistolam ad Titum, & Epistola LXXXIII. ad Oceanum dicentis: *Si baptizatus novum hominem facit, & ex toto novum creat, nihilque in eo veteris hominis reservatur, non potest novo imputari, quod in veteri quondam fuit*. Contra, Innocentius I. in Epistola ad Victricium Rothomagensis, c. 6. Bigamiam etiam ante Baptismum contractam inducere Irregularitatem censet, *Ne, inquit, ab aliquibus existimetur, ante Baptismum si forte quis accepit uxorem, & ea de sæculo recedente alteram duxerit, in Baptismo esse dimissum, satis errat a Regula: quia in Baptismo peccata remittuntur, non acceptarum uxorum numerus aboletur*.

Eandem Sententiam amplexus est S. Augustinus Libro *De Bono Conjugali*, cap. XVIII. Propterea, inquit, *Sacramentum Nuptiarum temporis nostri sic ad unum maritum, & unam uxorem redactum est, ut Dispensatore Ecclesie non liceat ordinari nisi unius uxoris virum. Quod acutius intellexerunt, qui nec eum, qui Catechumenus, vel Paganus habuerit alteram, ordinandum esse censuerunt. De Sacramento enim agitur, non de peccato. Nam in Baptismo peccata omnia dimittuntur: sed qui dixit: Si acceperis uxorem non peccasti, & si nupserit non peccavit, & quod vult faciat, non peccat si nubat, satis declaravit, nuptias nullum esse peccatum. Propter Sacramenti autem sanctitatem, sicut famina, etiamsi Catechumena fuerit vitata, non potest post Baptismum inter Dei Virgines consecrari; ita non absurde visum est eum, qui excessit uxorum numerum singularem, non peccatum aliquod commisisse, sed normam quamdam Sacramenti amisisse, non ad vite bonæ meritum, sed ad Ordinationis Ecclesiasticæ signaculum necessariam. In hoc autem positam esse ait hanc, de qua loquitur, Sacramenti normam, quod Sicut plures uxores antiquorum Patrum significaverunt nostras ex omnibus gentibus Ecclesias uni viro subditas Christo, ita noster Antistes unius uxoris vir significat ex omnibus gentibus unitatem uni vero subditam Christo*.

De Irregularibus.

IV. Cum Bigamo dispensare potest Summus Pontifex non solum ut ad Minores, sed ut ad Sacros Ordines promoveatur, ut colligitur ex Can. *Leclor*, dist. xxxiv. & ex Glossa illius Canonis, quæ Lucium Papam cum Panormitano Episcopo, qui erat Bigamus, dispensasse testatur. Id confirmat S. Thomas, in iv. *Sententiarum*, dist. xxvii. quæst. iiii. art. iiii. *Bigamie* (inquit) *non est adjuncta Irregularitas de Jure naturali, sed de Jure positivo: nec iterum est de essentialibus Ordinis. quod aliqui non sit Bigamus: quod patet ex hoc, quod si aliquis Bigamus ad Ordines accedat, Characterem percipit: & ideo Papa potest dispensare in tali Irregularitate totaliter*.

Cum Bigamis dispensare solus Summus Pontifex potest.

At (inquires) de iis, quæ in Scriptura Sacra jubentur, aut prohibentur, nemo homo potest dispensare: in Scriptura autem Sacra habetur, Episcopo esse oportere *Unius uxoris virum*.

Respondet S. Thomas, Non posse dispensari *Quantum ad ea, quæ sunt de jure*

jure naturali, & quantum ad ea, quæ sunt de necessitate Sacramentorum, & Fidei: sed in aliis, quæ sunt de Institutione Apostolorum, cum Ecclesia habeat nunc eandem potestatem statuendi; & destruendi, quam tunc habuit, potest per eum, qui Primum in Ecclesia tenet, dispensari.

Et Quodlibeto IV. quæst. VII. art. 1. ad secundum: *Apostolus (inquit) dupliciter in Doctrina sua aliqua proposuit: quædam quidem sicut promulgans Jus Divinum; sicut illud, quod habetur ad Galatas v. Si circumcidamini, Christus nihil vobis proderit, & multa alia hujusmodi: & in hoc Papa non potest dispensare: quædam vero sicut propria Auctoritate aliqua statuens: nam ipse dicit 1. ad Corinth. XI. Cetera cum venero disponam: Et infra cap. XVI. mandat. Ut Collectæ, quæ fiunt in Sanctos per unam Sabbati fiant; quod non pertinet ad jus divinum: & similiter etiam, quod dicitur de Bigamo non promovendo, non est Juris Divini, sed institutio Auctoritatis humanæ divinitus homini concessæ. In corpore vero Articuli præmiserat, Summum Pontificem habere plenitudinem Potestatis in Ecclesia, ita ut Quæcumque sunt instituta per Ecclesiam, vel Ecclesiæ Prælatos, sint dispensabilia a Papa: hæc enim dicuntur esse Juris humani, vel Juris positivi: circa ea vero, quæ sunt Juris Divini, vel Juris naturalis, dispensare non potest, quia ista habent efficaciam ex institutione divina.... Quamobrem in solis his, quæ sunt de Lege Naturæ, & in Articulis Fidei, & Sacramentis Novæ Legis, dispensare non potest: hoc enim non esset posse pro veritate, sed contra veritatem. Manifestum est autem, quod Bigamum non promoveri, neque est de Lege Naturæ, neque pertinet ad Articulos Fidei, neque est de necessitate Sacramenti (quod patet ex hoc, quod si Bigamus ordinetur, recipit Ordinis Sacramentum.) Sed hoc pertinet ad quamdam determinationem divini cultus. Unde circa hoc potest Papa dispensare, licet dispensare non debeat nisi ex magna, & evidenti causa.*

Quod autem *Lucius III. cap. Super eo. Extra. De Bigamis non ordinandis*, ait: *In Bigamis contra Apostolum dispensare non licet, ut debeant ad Sacros Ordines promoveri, vel in eis, si promoti fuerint, remanere; significat solum dispensationis illius Potestatem Episcopo non esse conceditam, sed Romano Pontifici reservatam. Unde si quis Episcopus Bigamum ordinaverit, a collatione Ordinum suspendi potest: Ordinatores eorum potestate, & officio ordinandi; & Ordinati, si ad Sacros Ordines fuerint promoti, eis sunt privandi, &c. In Ordinatione autem potest dispensatio adhiberi, ut ordinandi Potestate, & Officio non privetur.*

V. Dispensare poterant olim Episcopi cum Bigamis, ut ad Minores Ordines promoverentur, ut constat ex cap. *Super eo* mox citato, & quæ uti receptum erat tempore *S. Thomæ*: verum mos ille abrogatus est, neque dispensare nunc possunt Episcopi cum Bigamis, ut vel Tonsura Clericali initiarentur, & Beneficia possideant, ut colligitur ex Concilii Lugdunensis II. Cap. XVI. cujus hæc sunt verba: *Bigamos omni Privilegio Clericali declaramus esse nudatos; & correctioni fori secularis addictos, consuetudine contraria non obstante. Ipsi quoque sub Anathemate prohibemus deferre Tonsuram, vel Habitum Clericalem. Idem colligitur ex Concil. Trident. Sess. XXIII. cap. XVII. De Reformatione: Quod si (inquit) Ministeriis quatuor Minorum Ordinum exercentis Clerici calibres præsto non erunt, suffici possunt etiam conjugati vite probate, dummodo non Bigami, ad ea Munia obeunda idonei, & qui Tonsuram, & Habitum Clericalem in Ecclesia gesserint. Bigamos itaque ad Minores Ordines Episcoporum dispensatione promoveri non posse Concilium existimavit, alioqui functiones eorum, ac ministeria Bigamis permisisset, ubi Monogami præsto non fuissent. Denique*

Cum

Episcopi dispensare cum Bigamis non possunt.

Refertur Cap. Altercatio Tit. De Bigamis in Sexto.

Cum quidam Episcopus cum sibi subdito vero Bigamo dispensasset super Bigamia, eique Primam Tonsuram, & Beneficium simplex contulisset, contra Sententiam Sacre Congregationis Concilii Tridentini Interpretis, quæ declaravit Episcopobanc facultatem non competere, quamvis Congregatio niteretur eum excusare; tum quia pœna Suspensionis a Jure imposita non videtur latæ sententiæ, sed ferendæ; tum quia super hoc articulo inter primarios Doctores maxime dissidet: tamen Sixtus V. in Congregatorio respondit, Significandum Episcopo ipsum esse suspensum a collatione Ordinum: item promotum incidisse in pœnas, juxta Declarationem Congregationis: licet adjecerit, se benigne acturum cum utroque, ubi Absolutionem, & Dispensationem peterent. Refert Fagnanus in 1. P. Libri primi Decretalium, in cap. Quoniam, Tit. De Constitutionibus, Num. 32.

VI. In certa tamen quadam bigamiæ similitudinariæ specie dispensare potest Episcopus, Clericos scilicet, qui in Sacris Ordinibus constituti Nuptias contraxere, post longam Pœnitentiam officio suo restituere potest, eisque Sacrorum Ordinum executionem indulgere, ut respondet Alexander III. cap. Sane, Extra De Clericis conjugatis.

ARTICULUS VIII.

De Impedimento Criminis.

Hoc impedimentum ab ipsis Apostolis constitutum est, Oportet Episcopum sine crimine esse, sicut Dei dispensatorem (inquit S. Paulus in Epistola ad Titum.) Oportet Episcopum irreprehensibilem esse (inquit idem Apostolus scribens ad Timotheum.) Et de Diaconis loquens: Hi probentur primum (inquit) & sic ministrent, nullum crimen habentes. Non eo tantum tempore, quo ordinandus est sine ullo crimine sit, & præteritis maculas nova conversatione diluerit (ait S. Hieronymus in Commentario) Sed ex eo tempore, quo in Christum natus est, nulla peccati conscientia mordeatur. Pœnitentia publica, & reconciliatio criminis irregularitatem non tollebant. Unde Synodus Carthaginensis quarta Canone 64. decrevit, Ex pœnitentibus quantumvis sit bonus, Clericus non ordinetur. Et Siricius Papa Epist. 1. cap. 14. publicos pœnitentes etiam post Pœnitentiam, & reconciliationem arcet ab honore Clericatus: quia Quamvis sint ab omnium peccatorum contagione mundati, nulla tamen debent gerendorum Sacramentorum instrumenta suscipere, qui dudum fuerint vasa vitiorum. Nunc juxta receptam Disciplinam.

I. Delicta publica, ex quibus infamia consequitur, Ordinum susceptionem, & executionem impediunt, præsertim Hæresis; adeo ut non Hæretici solummodo, sed & eorum filii sint Irregulares, ut colligitur ex cap. Statutum, Tit. De Hæreticis, in Sexto. Quæ tamen Irregularitas locum non habet, ubi contraria viget consuetudo. Secundo, ratione delicti sunt Irregulares, quicumque sacrum Baptisma iterarunt, aut hujusmodi iterationi ministerium impenderunt, ut constat ex cap. Ex litterarum, Extra. De Apostatis, & Reiterantibus Baptisma. Tertio, Irregulares sunt, quicumque ad suscipiendos Ordines non approbati, nec vocati obrepserant, ut constat ex cap. Veniens ad nos, Extra, De Excessibus Prælatorum. Item qui majori Excommunicatione, vel alia Censura ligati Ordines suscipiunt, vel illorum obeunt Ministeria, ut constat ex cap. Clerici, cap. Latores, cap. Illud, & cap. Fraternalitatis, Extra. De Clerico excommunicato, deposito, vel interdicto ministrante, & ex cap. Cum illorum, Extra. De Sententia Excommunic. Item qui obeunt Ministeria Ordinum, quos minime susceperunt, ut constat ex cap. Si quis, Extra, De Clerico non ordinato ministrante.

II. Præcipuum delictum Ordinum susceptionem, & executionem impediens,

Irregularitas ex homicidio.

diens, est homicidium, vel mutilatio illicita. Quamobrem Irregulares sunt, quicumque facto, vel præcepto, vel consilio, vel lingua, & adhortatione, auxilio, vel defensione ad necem hominis, vel membrorum mutilationem concurrunt, ut constat ex Canone *Clericum*, & Canone *Miror*, dist. quinquagesima, quorum primus *Nicolai I.* alter *Joannis VIII.* verbis conceptus est, & ex cap. *Suscipimus*, necnon ex cap. *De cetero*, Extra. De *Homicidio voluntario*, vel *casuali*, quæ sunt *Alexandri III.* Responsa. Item ex cap. *Porro*, & cap. *Henricus*, Extra. De *Clericis pugnantibus in duello*, quorum primum est *Alexandri III.* aliud *Celestini III.*

Dans operam rei illicitæ irregularitatem contrahit ex homicidio fortuito.

Ex fortuito etiam homicidio contrahitur Irregularitas, cum aliquis dans operam rei illicitæ hominem fortuito interfecit, vel membro aliquo mutilavit, ut constat ex cap. *Continebatur*, Extra. De *Homicidio voluntario*, vel *casuali*. Sic Clericus, qui inter venandum telum vibravit in feram, & hominem interfecit, est Irregularis, tametsi omnem adhibuerit diligentiam; quippe qui hominem interfecit, operam dando rei illicitæ, id est, venationi Clericis interdictæ. Propter eandem rationem Clericus exercens Chirurgiam Irregularis est, si ex illius operatione, vel indirecte mors ægroti sequatur, quamvis sit peritus artis, & quam debuit diligentiam adhibuerit. Ita respondet *Innocentius III.* cap. *Tu nos*, Extra. De *Homicidio*, de quodam Monacho Sacerdote, qui mulierem a tumore gutturis curare volens, tumorem ipsum ferro aperuerat, monens ipsam, ne se vento exponeret; quod consilium cum illa neglexisset, aperto guttore, sanguinique copia effluente mortua est. *Licet* (inquit) *ipse Monachus multum deliquerit alienum officium usurpando, quod sibi minime congruebat: si tamen causa pietatis, & non cupiditatis id egerit, & peritus erat in exercitio Chirurgiæ, omnemque studuit, quam debuit, diligentiam adhibere, non est ex eo, quod per culpam mulieris contra consilium eius accidit, adeo reprobandus, quod non post satisfactionem condignam cum eo misericorditer agi possit, ut Divina valeat celebrare: alioquin interdicenda est ei Sacerdotalis Ordinis executio de rigore.* Chirurgicam porro artem exercere Subdiaconis, Diaconis, & Sacerdotibus vetat *Innocentius III.* cap. *Sententiarum*, Extra. *Nec Clerici, vel Monachi secularibus negotiis se immisceant.* Propter eandem rationem, qui alterum verberavit animo non occidendi, tamen vere mortuus est, etiam si ex Medicorum, vel infirmis incuria, aut ex morbo occasione vulneris emergente; est Irregularis, quia dabat operam rei illicitæ, ex qua mors est sequuta. Irregularis est, qui rixam iniquam cum altero habuit, & amici ejus forte advenientes, occiderunt illum ejus intuitu, quamvis præter ejus voluntatem, quia rei illicitæ dabat operam.

Artem Chirurgicam exercere, factis Ministris vetitum.

Ex fortuito homicidio irregularitas contrahitur defectu debitæ diligentiae, & cautionis.

III. Ex fortuito homicidio, vel mutilatione irregularitatem pariter contrahunt, qui defectu debitæ diligentiae hominem interficiunt, vel membro aliquo mutilant, quamvis rei licitæ operam darent. Id colligitur ex Canone *Hi qui arbore*, qui *Nicolao* Papæ tribuitur, dist. quinquagesima: „*Hi*, „*qui arbores incideres videntur, si contigerit, ut cadens arbor occiderit hominem, inculpabiles sunt, atque innoxii: quia nec voluntate eorum, nec desiderio homicidium perpetratum est. Si vero aliqua culpa eorum, vel neglectu, morientis hominis interitus cognoscitur advenisse: abjiciendi sunt a Gradu, & in Sacro Ordine nullatenus suscipiendi.*

Item ex Canone *Sæpe*, qui est Concilii *Vvornatiensis xxxix.* Sæpe contingit, dum quis operi necessario insistent, arborem inciderit, ut aliquis subtus ipsam veniens deprimatur. Et idcirco, si voluntate, vel negligentia incidens arborem factum est; ut homicidia Pœnitentiæ debet omnino submitti. Quod si non voto, non incuria illius, non denique scientia

„ tia

tia contingit, sed dum ille operi necessario fortassis incumberet, iste in-
 speratus occurrens sub arbore improvisus devenit, & sub ipsa oppressus
 est: incisor arboris non tenetur pro homicida.

Idem confirmatur ex cap. *Presbyterum*, Extra, *De Homicidio*, quo *Alexander III.* ab Altaris Ministerio, & ab omni Officio Sacerdotali perpetuo removendum esse respondet *Presbyterum*, qui puerum Intuitu discipline percussit in capite, si ex ipsa percussione interit, vel aliam infirmitatem incurrit, de qua noscitur expirasse. Ob eandem rationem *Presbyter*, qui quemdam e familia sua corrigere volens, cingulo verberavit, & gladio e vagina eidem cingulo appensa casu elapso, cum in dorso aliquantulum vulneravit. Irregularis censetur, etsi homo convalesceret ex vulnere, & alia gravior infirmitate correptus obierit, dubium enim est, utrum ex vulnere secuta sit gravior illa, & lethalis ægritudo: illum vero *Presbyterum* debitam diligentiam non adhibuisse, certum est. At in dubio utrum aliquis sit Irregularis, abstinere debet a Sacris Ministeriis, ut respondet *Clemens III.* cap. *Ad audientiam*, Extra. *De Homicidio*, cujus hæc sunt verba: Cum in dubiis semitam debeamus eligere tutiorem, vos convenit injungere *Presbytero* memorato, ut in Sacris Ordinibus non ministret: injuncta tamen Pœnitentia congruenti, sibi poteritis concedere, ut Minoribus Ordinibus sit contentus. Similis est casus Capituli, Significasti, Extra. *De Homicidio*, Quidam Maleficus ingressus Ecclesiam, Sacram Eucharistiam cum Altarium, ornamentis, & Libris Ecclesiasticis, extra abstulerat. *Presbyter* Ecclesiæ sacrilegum furem fossorio arrepto percussit: *Parochiani* arreptis gladiis, & fustibus protinus occiderunt. *Innocentius III.* rogatus respondet: Si discerni non possit, ex cuius idu percussus interit, in hoc dubio tanquam homicida debet haberi Sacerdos: & si forte homicida non sit, a Sacerdotali Officio abstinere debet: cum in hoc casu cessare sit tutius, quam tenere celebrare; pro eo quod in altero nullum, in reliquo vero magnum periculum timeatur. Idem confirmatur ex cap. *Petitio* ibidem.

Tandem, qui aggressorem repellendo homicidium committit, Irregularis pariter est, nisi moderamen inculpatæ tutelæ tenuerit, id est, nisi ad eas reductus fuerit angustias, ut mortem sibi ab aggressore probabiliter imminentem aliter evadere non posset. Ita respondet *Innocentius III.* Extra. *De Homicidio*, cap. *Significasti*, mox citato: Si vero (inquit) Sacerdos ille prius ab illo percussus sacrilego, mox eum cum ligone in capite repercutit: quamvis vim vi repellere omnes Leges, & omnia Jura permittant: quia tamen id debet fieri cum moderamine inculpatæ tutelæ, non ad sumendam vindictam, sed ad injuriam propulsandam: non videtur idem Sacerdos a pœna homicidii penitus excusari: tum ratione instrumenti, cum quo ipse percussit, quod cum gratia sit, non solet levem plagam inferre: tum ratione partis, in qua fuit ille percussus, in qua de modico idu quis lethaliter solet ledi. Idem confirmatur ex cap. *Suscipimus*, ibidem, quo *Alexander III.* duos Monachos reos declarat, quorum alter latrones ligaverat, qui noctu domum ingressi ipsos turpiter in personis affligere, & vestimentis propriis denudare præsumpserant: alter vero, cum frater rem ad Abbatem relaturus, eos in fratrâ custodia ligatos dimisisset, & fures se solvere niterentur (ne ab eis occideretur) occidit. Istum Pontifex Irregularem declarat: Quoniam expediebat potius post tunicam relinquere pallium, & rerum sustinere iacturam, quam pro conservandis vilibus rebus, & transitoriis tam acriter in alios exardescere. Et utrumque peccatum suum expiare jubet ad arbitrium Abbatis: quia constat latrones, contra mansuetudinem Ecclesiasticam, ex utriusque ope interemptos.

Idem confirmat *Clementina*: Si furiosus, Tit. *De Homicidio*, his verbis: Si furiosus, aut infans, seu dormiens, hominem mutilet, vel occidat, nullam ex

De Irregularitatibus.

Homicidium ob necessarium vitæ defensionem casu commissum non inducit irregularitatem si vero servatum non sit moderamen inculpatæ tutelæ contrahit Irregularitas.

hoc Irregularitatem incurrit. Et idem de illo censemus, qui mortem aliter vitare non valens, suum occidit, vel mutilat invasorem. Igitur e contrario; si mortem aliter vitare valens aggressorem suum interficiat, in Irregularitatem incurrit.

Tridentina
Synodus
optat ut cum
homicida
voluntario
nec ad Sa-
cros Ordines,
nec ad
Beneficia-
tum quam
dispensetur.

Id denique confirmat Concilium Trident. Sessione XIV. cap. VII. De Reformatione: *Cum etiam (inquit) qui per industriam occiderit proximum suum, & per insidias ab Altari avelli debeat; qui sua voluntate homicidium perpetraverit, etiamsi crimen id nec ordine iudiciario probatum, nec alia ratione publicum, sed occultum fuerit; nullo tempore ad Sacros Ordines promoveri possit; nec illi aliqua Ecclesiastica Beneficia, etiamsi Curam non habeant Animarum, conferri liceat: sed omni Ordine, ac Beneficio Ecclesiastico perpetuo careat. Si vero homicidium non ex proposito, sed casu, vel vim vi repellendo, ut quis se a morte defenderet, fuisse commissum narretur; quam ob causam etiam ad Sacrorum Ordinum, & Altaris Ministerium, & Beneficia quæcumque, ac Dignitates, jure quodammodo dispensatio debeat; committatur loci Ordinario, aut ex causa Metropolitano, seu viciniori Episcopo; qui non nisi causa cognita, & probatis precibus, ac narratis, nec aliter dispensare possit. Qui ergo invasorem suum cum moderamine inculpatae tutelæ repellens, casu occiderit, ad Summum Pontificem nihilominus confugere debet acriterim a Sacris Ministeriis abstinere, donec Episcopus ex Mandato Summi Pontificis causa cognita, dispensationem ipsi jure quodammodo debita indulserit.*

IV. Qui procurat abortionem fœtus animati, aut illius quovis modo causa est, etiam fortuito, & præter intentionem, est Irregularis, ut respondet Innocentius III. cap. Sicut, Extra. De Homicidio.

Qui procurat abortionem fœtus animati, etiam fortuito, est Irregularis.

V. Quæ de homicidio diximus, quatenus causa est Irregularitatis, breviter explicat Sanctus Thomas, in IV. Sententiarum distinct. XX. quæst. 11. art. 11. Quæstiuncula 11. Omnes (inquit) Ordines referuntur ad Sacramentum Eucharistiæ, quod est Sacramentum pacis nobis per Sanguinem Christi effusum factæ: & quia homicidium maxime contrariatur paci, & homicidæ magis conformantur occidentibus Christum, quam ipsi Christo occiso, cui omnes Ministri prædicti Sacramenti debent conformari; ideo de necessitate præcepti est, quod non sit homicida, qui ad Ordines promovetur; quamvis non sit de necessitate Sacramenti.

Et in Responsione ad tertium: Nullus (inquit) facit nisi illud, cuius causa est; quod est voluntarium in homine: & ideo ille, qui ignoranter hominem occidit homicidio casuali, non dicitur homicida, nec Irregularitatem incurrit, nisi dederit operam rei illicitæ, vel nisi omiserit debitam diligentiam, quia jam quodammodo efficitur voluntarium: nec hoc est propter hoc, quod culpa careat, quia etiam sine culpa incurritur Irregularitas: & ideo etiam ille, qui se defendendo in aliquo casu, nec peccat homicidium committendo, nihilominus Irregularis est. Ob hanc rationem, qui absque consilio Medici potionem dedit infirmo, ex qua mortuus est, quamvis bono animo fecerit, est Irregularis, quia dabat operam rei illicitæ, cum non esset peritus artis, ut rursus colligitur ex Cap. Tua nos, Extra. De Homicidio. Unde custodientes infirmum, & dantes aquam, vel vinum contra, vel præter Medici præceptum, unde mors est sequuta, sunt Irregulares. Item, qui infirmum morti proximum loco movent, quo fit ut citius moriatur, sunt Irregulares, si debitam non adhibuerint diligentiam.

De Impedimento ex defectu perfectæ lenitatis.

Homicidii voluntarii, aut mutilationis perpetratio, sive procuratio, si absque culpa sit, qualis sit e Judicibus, Notariis, lictoribus, carnificibus, dum suo iuste funguntur Officio, item ab accusatoribus, denunciatoribus, & testibus in causa criminis, si mors, aut mutilatio sequatur; necnon a Militibus in Bello iusto vulnerantibus, & occidentibus, parit Irregularitatem ex defectu perfectæ lenitatis; ut colligitur ex Canone *Si quis viduam*, dist. quinquagesima, & ex cap. *Ad audientiam*, Extra. De Homicidio, item ex cap. *Petitio*, eodem Tit. & ex cap. *Clericis*, quod est *Alexandri III.* Responsum: *Clericis* (inquit) *in Sacris Ordinibus constitutis, ex Concilio Toletano** *judicium sanguinis agitare non licet. Unde prohibemus, ne aut per se truncationes membrorum faciant, aut iudicent inferendas. Quod si quis tale quid fecerit, honore privetur, & loco.* Idem confirmatur ex cap. *Sententiam*, Extra. *Ne Clerici, vel Monachi negotiis secularibus se immisceant*, qui Concilii Lateranensis sub *Innocentio III.* Canone *xviii.* est. Testes vero a Iudice compulli non censentur Irregulares secundum Jurisprudentiam Gallicanam, moreque, & usum hujus Regni; quia causa proxima mortis reorum non habentur, sed remota dumtaxat. Idem esto de Notariis judicium; sed aliarum Ecclesiarum disciplinæ, ac moribus Gallicani mores non præjudicant.

Idem confirmat *S. Thomas*, in *iv. Sententiarum* distinct. *xxv.* quæst. *ii.* art. *ii.* Quæstiunc. *ii.* in Responsione ad secundum: *Irregularitas* (inquit) *non incurritur propter peccatum tantum, sed principaliter propter ineptitudinem persone ad Sacramentum Eucharistiæ ministrandum: & ideo Iudex, & omnes, qui in causa sanguinis ei participant, sunt Irregulares propter hoc, quod effusio sanguinis non decet Ministros tanti Sacramenti.*

II. Episcopus, seu quicumque alius Prælati, aut Clericus, Jurisdictionem obtinens temporalem, si homicidio, aut alio maleficio ab aliquibus in Jurisdictione sua commisso, Baillivo suo, aut alii cuicumque injungat, ut super hoc veritatem inquirens iustitiæ debitum exequatur, irregularis censeri non debet: quamvis ipse Baillivus, vel alius contra malefactores ad prænam sanguinis processerit iustitia mediante. Nam licet Clericis causas sanguinis agitare non liceat; eas tamen (cum Jurisdictionem obtinent temporalem) debent & possunt, metu Irregularitatis cessante, aliis delegare. Sic respondet *Bonifacius VIII.* cap. *Episcopus*, Tit. *Ne Clerici, vel Monachi secularibus negotiis se immisceant, in Sexto.*

III. Nec etiam in Irregularitatem incurrant Clerici, qui de injuriis, damniisque sibi illatis contra malefactores suos querelas deferunt ad Iudicem, & emendam exposcunt, si Iudex mortem illis inferat iustitia exigente: *Modo protestentur expresse, quod ad vindictam, seu penam sanguinis non intendunt.* Alioquin si Prælati, aut Clerici, propter metum huiusmodi, quia Iudex ad penam sanguinis posset procedere, de suis malefactoribus taliter conqueri non audent, daretur plerisque materia trucidandi eosdem, & ipsorum bona libere deprædandi. Responsum est ejusdem Pontificis, cap. *Prælati*, Tit. *De Homicidio, in Sexto.* Si tamen ea conquerentium intentio est, ut ad mortem damnentur malefactores illi, Irregulares erunt, quibuscumque verbis intentio ista dissimuletur: licet Ecclesia illos ab Ordinum susceptione, vel executione non prohibeat, nisi huiusmodi intentionem ipsorum confessione, vel probatione compertam habeat; ut observat Cardinalis Ostiensis in Summa, Tit. *De Homicidio*, §. *iv.* num. *5.*

Clericis judicium sanguinis exercere, aut ad illud concurrere non licet.

* Concilium Toletanum 6. Can. 31.

Testes a Iudice compulli, & Actuarii, in Gallia non sunt Irregulares.

Prælati Jurisdictionem temporalem habentes possunt per suos Officiaarios e iurisdictionem exercere.

An Irregularitatem contrahant Clerici, qui injurias propriam in causâ criminali persequuntur?

IV. Princeps Legem condens, cujus auctoritate rei morte dammandi sunt, non fit Irregularis, quia Leges non feruntur ad mortem inferendam, sed ad criminum licentiam reprimendam suppliciorum metu, ut docet S. *Anthonius*, 111. Part. Tit. xxviii. cap. 11. Nec etiam Irregularis est, qui auctor est Principi, ut Legem ferat, qua certorum criminum rei, morte digni, capite plectantur.

V. Qui auctor est, ut capiatur maleficus, non ideo fit Irregularis, etiam si is, qui capit maleficum, eum occidat, quia de licito opere consilium dedit, nec illius occisionem iussit, iussit, vel suggessit, ut docet *Innocent. IV.* in cap. *Ad audientiam*, Extra. *De Homicidio*.

Ad varios
casus Res-
ponfa.

VI. Qui homicidium pro se fieri mandavit, ab Irregularitate immunis est, si contrarium mandet, antequam crudele Mandatum impleatur, vel si pacem ineat cum eo, cujus eadem imperaverat, vel affinitatem, aliamve amicitiam cum eo contrahat, sciente eo, cui Mandatum dederat, ut eum interficeret: cum enim alterius Mandato, & in ejus gratiam homicidium perpetraturus esset, contrario Mandato, vel contraria voluntate Mandantis ostenfa, Mandatarius ab homicidio nisi absteineat illi soli, & non Mandanti imputatur, ut docet ibidem *Innocentius IV.*

VII. Qui consilium de perpetrando homicidio dedit, ab Irregularitate non est immunis, nisi primum consilium revocaverit, & contrarium suaserit; imo & illi, de cujus morte tractatum est, denuntiaverit, ut sibi caveat, si probabiliter existimet, eum, cui consilium immane dederat, a cædis proposito non fuisse revocatum.

VIII. Irregularis est, qui in aliqua rixa, vel duello impedit aliquem, ne se defendat, ne fugiat; aut prohibet, ne aliquis cohibeat impetum aggressoris, ne aut rixantes, vel pugnantes vi compescat, vel auctoritate. Id colligitur ex cap. *Sicut dignum*, quod *Alexandri III.* Responsum est. Extra. *De Homicidio*, §. *Illi etiam*. Sic enim loquitur: *Illi etiam, qui non ut ferirent, sed ut percussoribus opem ferrent, si forte per aliorum violentiam impediuntur, paulo minori debent pœnam multari: quia cum scriptum sit; Qui potuit hominem liberare a morte, & non liberavit, eum occidi: Constat ab homicidii reatu immunes non esse, qui occisoribus opem contra alios præstare venerunt: nec caret scrupulo societatis occultæ, qui manifesto facinori desinit obviare.*

Speſtat illud
Prov. 22.
Erue eos, qui
dicuntur ad
mortem, &
qui trahuntur
ad interitum,
liberare ne ceſ-
ſes.

IX. Non est Irregularis Confessarius, qui negat Absolutionem Magistratui sceleratum punire nolenti secundum Leges, quamvis Lex ipsum capitatis damnari jubeat; modo generatim loquatur, neque mortis pœnam directe significet inferendam. Eadem ratione Confessarius, absque metu Irregularitatis urgere potest reum juridice interrogatum, ut capitale crimen suum legitimo Judici confiteatur. Nec etiam periculum Irregularitatis incurrunt Sacerdotes, qui Caltra sequuntur, cum Milites adstantur; ut strenue pugnent pro patria, pro Rege in bello iusto; quia nec facto, nec auxilio, nec præcepto, neque consilio sunt auctores homicidii; sed solum hortantur Milites, ut officio suo fungantur.

X. Qui mandat aliquem verberari, licet expresse inibeat, ne occidatur ultatenus, vel membro aliquo mutiletur. Irregularis efficitur, si Mandatarius fines Mandati excedens, mutilet, & occidat; cum mandando in culpa fuerit, & hoc evenire posse debuit cogitare. Responsum est *Bonifacii VIII.* Tit. *De Homicidio*, in *Sexto*. Cap. *Itaque*.

XI. Reorum iurædictis, aut vindictæ sanguinis interesse Clericos prohibent Canonēs: non sunt tamen Irregulares, qui funesti illis spectaculis inter sunt, nisi auctoritatem præstent, vel auxilium. Id colligitur ex cap. *Sententiam*

sentiam, Extra. *Ne Clerici, vel Monachi secularibus negotiis se immisceant*: quod ex Concilio Lateranensi sub Iano entio III. sumptum est, ex Glossa, & ex Innocentii Quarti Commentario. Verba Canonis subijcio. *Sententiam sanguinis nullus Clericus dilet, aut proferat, sed nec sanguinis vindictam exercent, aut ubi exerceatur, intersit*. Ubi sic habet Glossa: *Sed si interest tantum, nunquid propter hoc efficitur Irregularis, ut propter hoc deponatur?* Non, videtur, quod debeat deponi: sed alias debet puniri, quia interfuit contra præceptum hujus Canonis. Innocentius IV. in Commentario ejusdem capitis, explicans hoc verbum, *Intersit*, eidem sententiæ suffragatur: *Hoc (inquit) non facit Irregularitatem, nisi auctoritatem præstet, vel auxilium*. Clericis, qui ad locum examinationis reorum, ut Sententiam capitis in eos ferendam audirent, aut ad locum patibuli, ubi extremo supplicio erant plectendi, ut ferali spectaculo pascere oculos, accedebant, honoris periculum comminatum est Concilium Matifconense 11. Canone XIX.

Qui carnificem hortatur, ut fusciferum citius interficiat, ne diu vexetur, quamvis bono animo id faciat, Irregularitatis periculo se exponit. Item, si forte reus præfocatus, & strangulatus non fuerit, sed post suspensionem adhuc vivat & aliquis moneat carnificem eo animo, ut illi mortem inferat, vel ipsi auctor sit, ut Sententiam omnino exequatur, vel ne diutius languere, & pati sinat miserum, Irregularitatis periculum subit. An autem vere sint irregulares, inter Doctores omnes non convenit. Qui enim censent ad Irregularitatem requiri, ut aliquis causa mortis proxima sit, quæ opinio in Galliis fere obtinuit, hos irregulares non censent: quia vis magnæ imprudentiæ rei sint, & contra mansuetudinem Ministerio suo convenientem peccent. In dubio tamen abstinere debent a sacris functionibus, & Dispensationem a Summo Pontifice humiliter postulare, quia *In dubiis semitam debemus eligere tutiorem*.

Ext. De Fomicid. c. 12.

ARTICULUS X.

De Impedimento infamiae.

Infamia, una est *juris*, altera *facti*. Infamia juris ab ipso quidem Jure inducitur, sed consequenter ad Sententiam Judicis, qua reus criminis quis declaratur. Infamia facti ea est, quam gravia crimina suis auctoribus inurunt, ex quo satis nota sunt, & pervulgata. Utramque comitatur Irregularitas, ut constat ex Canone *Infames*. Causa vi. quæst. 1. & ex Regula Juris 37. in Sexto: *Infamibus portæ non pateant dignitatum*. Contrahitur aliquando infamia delicto vero, quandoque præsumpto. Quamobrem innocens, qui falsis testimoniis, præsumptionibus, aut instrumentis oppressus, capitali pœna, exilio, carcere, aut ad triremes damnatus est in foro sæculari; aut Reus pronunciatus alicujus criminis, cui est annexa infamia, in Judicio Ecclesiastico, incapax est Ordinis, Beneficiorum, & Jurisdictionis Ecclesiasticæ suscipiendorum, vel exercendorum, ut compertum est ex Canonibus Causa 11. quæst. v. & toto Titulo *De Purgatione Canonica* relatis. Infamia facti tollitur notoria morum emendatione. Infamia Juris non tollitur nisi Purgatione Canonica, aut Romani Pontificis Dispensatione. Quamvis ergo aliquis sit innocens, si tamen damnatus sit, ut reus criminis, quod infamiam auctori suo inurit, tenetur in Foro exteriori pro Irregulari se gerere, quousque innocentiam suam probaverit, & Sententia Judicis ejusdem, vel Superioris fuerit absolutus; vel Dispensationem a Sede Apostolica obtinuerit. Sic respondi Titio, qui exilio damnatus fuerat ob stuprum, cujus tamen se innocentem contestabatur, & per calumniam oppressum.

sum. Sic respondi Sempronio, qui in Monasterio suo carcere damnatus, & reclusus, effracto carcere auigerat, & Religioso habitu deposito, velut secularis Presbyter conversabatur, integra manente Sententia, quam aperte iniquam esse causabatur; cum tamen innocentiam suam Superioribus Majoribus non approbasset.

C A P U T V.

D E V I T A , E T H O N E S T A T E C L E R I C O R U M .

Quanto quis honoris gradu, atque dignitate præstat, tanto ceteris omni virtutum genere debet excellere. Eius enim vita omnium oculis sic exposita est, ut inde bene, vel male vivendi communiter exemplum duci soleant. Ex quo, ut vitiosi Principes, sic flagitiosi Sacerdotes, perniciose de Republica merentur, quod non solum vitia concipiunt ipsi, sed ea infundunt in civitatem: præter quam quod efficiunt, ut ipsorum dignitas per se præclara, atque laudabilis, odio, atque contemptui apud impium, vel malitiosum hominum genus habeatur. Ideoque Clerici, qui in sortem Domini vocati sunt, non solum ab omni vitiorum turpitudine, ne abesse, sed etiam omni virtutum genere ornari debent: *Spoſſaculum, facti, (ut ait Apostolus) Mundo, Angelis, & hominibus. Nemini dantes ullam offensionem, ne vituperetur ipsorum ministerium, sed in omnibus exhibentes semetipsos sicut Dei Ministros.* Verba sunt Concilii Lugdunensis, anno 1582. celebrati. Quæ autem pertinent ad vitam, & honestatem Clericorum, certis Regulis exponemus.

R E G U L A I.

Clerici pænis Canonicis ab Episcopis compelli possunt, & debent, ut Tonsuram Clericalem, Vestesque Ordini suo congruentes gestent.

De vita, & honestate Clericorum.

Canonum enim observationem urgere debent Episcopi, ea, quæ ipsis divinitus tradita est a Christo, potestate. Canones porro Clericis præcipiunt, ut Tonsuram Clericalem, vestesque decentes, & Ordini suo congruentes gestent.

Honestas & modestia in habitu.

Concilium Carthaginense IV. Canone XLV. *Clericus professionem suam & habitu, & incessu probet: & ideo nec vestibus, nec calceamentis decorem quærat.*

Trullana Synodus, Canone XXVII. *Nullus eorum, qui communerantur in Clero, vestimentum indecens habeat, sive in civitate degens, sive in itinere ambulans: sed stolis utatur, quæ concessæ sunt Clericis. Si vero quis tale quid fecerit, per unam hebdomadam suspendatur.* Refertur Can. Nullus Causa XXI. quæst. IV.

Zacharias Papa in Synodo Romana, Canone III. *Episcopi, Presbyteri, Diaconi, secularibus indumentis non utantur, nisi, ut concedet, Tunica Sacerdotali: sed neque dum ambulaverint in civitate, aut in via, aut in plateis, sine operimento præsumant ambulare, præter si in itinere longo ambulaverint: quia sicut mulier orans in Ecclesia non velato capite deturpat caput suum, juxta Apostoli vocem: ita Sacerdos sine operimento deturpat Sacerdotium suum. Quid si temere præsumperit contra Statuta agere, communionem privetur.* (ibidem Can. Episcopii.)

Leo IV. in Synodo Romana, Can. xii. *Sine Ornatu Sacerdotali extra domos Sacerdotes apparere non conveniunt. Contrarius inventus, aut desinat, aut Canonice subiaceat Disciplinæ* (Can. Sine, ibidem.)

Concilium Lateranense sub Innocentio II. Can. iv. *Præcipimus, ut tam Episcopi, quam Clerici, in statu mentis, in habitu corporis, Deo & hominibus placere studeant; & nec in superfluitate, scissura, aut colore vestium, nec in Tonsura intentum, quorum forma, & exemplum esse debent, offendant aspectum: sed potius, quod eorum deceat sanctitatem præ se ferant: quod si moniti ab Episcopis emendare noluerint, Ecclesiasticis careant Beneficiis.*

Concilium Matifconense 1. anno quingentesimo octogesimo primo celebratum, Canone v. statuit, *Ut nullus Clericus sagum, aut vestimenta, vel calceamenta secularia, nisi quæ Religionem deceant, induere præsumat. Quod si post hanc definitionem Clericus, cum indecenti veste, aut cum armis inventus fuerit, a Seniore ita coerceatur, ut triginta dierum inclusione detentus, aquatantum, & modico pane diebus singulis sustentetur.*

Gregorius IX. Cap. Si quis, Ext. De Vita, & Honestate Clericorum: *Si quis ex Clericis comam relaxaverit; Anathema sit.*

Concilium Carthaginense iv. Canone XLIV. *Clericus neque comam nutriat, neque barbam.* (Cap. Clericus, ibidem.)

Alexander III. Cap. Clericus, 2. ibidem: *Clerici, qui comam nutriunt, & barbam, etiam invitati a suis Archidiaconis tondeantur.*

Concilium Lateranense sub Innocentio III. Can. xvi. *Clerici Coronam, & Tonsuram habeant congruentem. Clausa deferant de super indumenta, nimia brevitate, vel longitudine non notanda.*

Concilium Tridentinum, Sessio XIV. cap. vi. De Reformatione: *Quia vero et si habitus non facit Monachum, oportet tamen Clericos vestes proprio congruentes Ordini semper deferre, ut per decentiam habitus extrinseci morum honestatem intrinsecam ostendant: tanta autem hodie aliorum liquorum inolevit temeritas, religionisque contemptus, ut propriam dignitatem, & honorem Clericalem parvipendentes, vestes etiam deferant publice laicales, pedes in diversis ponentes, unum in divinis, alterum in carnalibus: propterea omnes Ecclesiasticæ Personæ quantumcumque exemptæ, quæ aut in Sacris fuerint, aut Dignitates, Personatus, Officia, aut Beneficia qualiacumque Ecclesiastica obtinuerint; si, postquam ab Episcopo suo, etiam per Edictum publicum, moniti fuerint, honestum Habitum Clericalem, illorum Ordini, & Dignitati congruentem, & juxta ipsius Episcopi Ordinationem, & Mandatum non detulerint, per Suspensionem ab Ordinibus, ac Officio, & Beneficio, ac fructibus, redditibus, & proventus ipsorum Beneficiorum; necnon, si semel correpti, denuo in hoc deliquerint, etiam per privationem Officiorum, & Beneficiorum hujusmodi coerceri possint, & debeant: Constitutionem CLEMENTIS V. in Concilio Viennensi editam, quæ incipit, QUONIAM, innovando, & ampliando.*

Concilium Mediolanense 1. Cap. xxii., Presbyteri, Diaconi, Subdiaconi, ceterique Clerici, Clericali Tonsura sint insigniti ad eam formam, quam ratio uniuscujusque Ordinis, Episcopi arbitrio postulabit. Ita sint abrafo capillo, ut Tonsura conspicua sit omnibus. Comam vero, & barbam, ne studiosè nutriant: capillis simplicem cultum adhibeant. Ne in Habitu Clericali, aut studiosius exquisita cultus elegantia, aut nimis abjecta negligentia, & assuetæ sordes appareant. In omni vestitu color tantum niger adhibeatur: nisi fortasse alium colorem requirat dignitatis gradus. Omnem habitum, & ornamentum novitatem Clerici fugiant. Ne

„tenere vestimento, aut ornamento domi, vel foris utantur. Jubenatque
 „ro illos laneum, & ei Ordini decorum vestimentum adhibere. Reclat-
 „lum, aut subbirretum(ut vocant) ne forant, nisi valetudinis causa, &
 „sine redimiculis. Canifas ad collum, & ad manus criipas, & rugosas,
 „vel artificio elaboratas reiciant. Collare simplex, ac modice latum ho-
 „neste reclinetur. Extrema vestis simplex, ac talaris erit.

• Eadem pene præcipiunt Concilium Burdigalense anno MDLXXXIII. Cap. XI. Bituricense anno MDLXXXIV. Tit. XXV. *De Clericis*. Aqueense anno MDLXXXV. Tit. *De Vita, & Honestate Clericorum*, breviores quidem vestes in trinare permittit, sed ne omnino supra genua sint, vetat. Tolosanum anno MDXC. P. I. Cap. IV. ubi & *Sixti P.* Constitutionem de Habitu, & Tonitura Clericorum, quæ incipit, *Cum sacrosanctum*, observari jubet. Avinionense, Cap. XXXI.

REGULA II.

Modestiam in vestibus, & in domestica suppellectili, necnon frugalitatem in Mensa, Clerici quavis Dignitate fulgentes, & quantumlibet divites servare tenentur.

Clericorum
 modestia, &
 frugalitas.

Hanc Regulam tradit Concilium Carthaginense Quartum, cui *S. Augustinus* intererat, Canone xv. *Episcopus vitem suppellectilem, & mensam, ac vitem pauperem habeat, & dignitatis suæ auctoritatem fide, & virtute meritis querat.*

Eandem Regulam confirmat Sacra Synodus Tridentina Sessione xxv. Cap. I. De Reformatione: *Optandum est (inquit) ut ii, qui Episcopale Ministerium suscipiunt, quæ suæ sint partes agnoscant, ac se non ad propria commoda, non ad divitias, aut luxum, sed ad labores, & sollicitudines pro Dei gloria vocatos esse intelligant. Nec enim dubitandum est, & Fideles reliquos ad Religionem, innocentiamque facilius inflammandos, si Præpositos suos viderint, non ea, quæ Mundi sunt, sed animarum salutem, ac cœlestem patriam cogitantes. Hec cum ad restituendam Ecclesiasticam Disciplinam præcipua esse Sancta Synodus animadvertat, admonet Episcopos omnes, ut secum ea sæpe meditantes, factis etiam ipsis, ac vitæ actionibus (quod est voluti perpetuum quoddam prædicandi genus) se Muneri suo conformes ostendant. In primis vero ita mores suos omnes componant, ut reliqui ab eis frugalitatis, modestiæ, continentiæ, ac quæ nos tantopere commendat Deo, sanctiæ humilitatis exempla petere possint. Quapropter exemplo Patrum nostrorum in Concilio Carthaginensi, non solum jubet, ut Episcopi modesta suppellectili, & mensa, ac frugali victu contenti sint; verum etiam in reliquo vitæ genere, ac tota coram domo careant, ne quid appareat, quod a sancto hoc instituto sit alienum, quodque non simplicitatem, Dei zelum, ac vanitatum contemptum præ se ferat. Quæ Lex Episcopis a sacro Concilio posita est, multo magis secundi Ordinis Sacerdotes, splendidi licet, ac opimis Beneficiis auctos, & Patrimoniis locupletes, & natalium claritate illustres adstringit.*

Nec est, quod tuendum suæ dignitatis splendorem obtendant. Hanc enim excusationem egregie depellit *S. Bernardus* Libro IV. De Consideratione, Cap. II. *Vides (inquit) Ecclesiasticum zelum servare pro sola Dignitate tuenda? Honori totum datur; sanctitati nihil, aut parum. Si causa requirente paulo summissus agere, ac sciatibus te habere tentaveris: Absit (inquit) non decet. tempori non congruit. maiestas non convenit: quam geras personam attendito. De placito Dei ultima mentio est; pro salute salutis tua*

cunctatio: nisi quod sublime est, hoc salutare dicamus, & quod gloriam redollet, id iustum: ita omne humile probro ducitur, ut facilius, qui esse, quam qui apparere humilis velit, invenias.

Et Petrus Blesensis, Epistola xv. ad filium cuiusdam Comitis electum Episcopum Carnotensem: *Si te* (inquit) „ illius discipulum proferis, qui „ venit ministrare, non ministrari; sic ministrabis pauperibus, ut non videretur tibi ministerium tuum; ut Patrimonium Christi, & pauperum eius, „ quod tibi commissum est, in egentium necessitates, non in usus extrordinarios expendatur. Patrimonii huius zelator est Dominus, rationem „ tecum districtissimam positurus, & usque ad novissimum quadrantem exiget universa. Sane propter hoc irritavit impius Deum. Dixit enim in corde suo, Non requiret. Sed certe requiret. Nec te poterunt excusabilem reddere tuæ generositatis eminentia, & numerositas clientelæ. Si „ quia filius Comitis, aut consobrinus Regis es, manu effusiore teneris expendere: necessitas hæc Christi Patrimonium non contingit, expensas „ quas de rebus mundanis fecisses, alias fortassis enormes pro tua generositate, debet in rebus Ecclesiasticis Episcopalis Modestia exhibere.

Psal. 10. 13.

R E G U L A III.

Abstinere debent Clerici a cohabitatione, & frequentatione suspectarum mulierum, necnon consanguinearum, quas Canones ab eorum ædibus excludunt.

ITa sanxit Nicæna Synodus Canone 111. *Interdixit per omnia Magna Synodus, non Episcopo, non Presbytero, non Diacono, nec alicui omnino, qui in Clero est, licere subintroducendam habere mulierem: nisi forte, aut matrem, aut sororem, aut amitam, vel eas tantum personas, quas suspitionem effugiunt.* Concilium Carthaginense iv. Canone cii. declarat *Ad reatum Episcopiper-tinere, si vel sustentandæ vitæ præsentis causa Viduæ, vel Sandimoniales Clericorum familiaritatibus subiciantur.* Ancillas habere sacris hominibus vetant Concilium Aurelianense 11. Canone quarto, Toleranum 11. Canone tertio, Matisconense Canone primo; Arvernense, Canone xv. & xvi. Turonense 11. Canone undecimo. Tam sanctæ disciplinæ violatoribus minas excommunicationis intentant Aurelianense v. Canone 111. *Nullus Episcoporum, Presbyterorum, & Diaconorum, extranearum mulierum intra domum præsumat habere solatium, quibus etiam pro utilitate sua aliqua familiariter regenda committat.* Quod etiam de propinquis feminis indicentes similiter prohibemus; ne sub concessa sibi licentia parentali, ex earum sequipedis memoratorum vita, vel opinio polluat. Concilium Bracarense 111. Canone quarto, solam matrem excipit, non sorores, aut propinquas: *Ne licentia sororum, aut propin quarum mulierum, quisquam solus familiarior habeatur ad perpetrandum scelus.* Huius præcepti transgressores sex mensibus Pœnitentiæ subdit. Concilium Forojulienſe Canone quarto, omnes omnino mulieres, etiam consanguineas propinquioris gradus, a domo, & cohabitatione sacrorum hominum excludit. „ Et quamquam (inquit) de quibusdam inhonestis carentibus suspitione, clementius aliquo „ modo inibi legatur indultum: nos tamen omnes omnino necessarium „ vetare prosequimur; eo quod experimento didicerimus: illarum velamento alias licentius ad eos aditum veniendi, perditionis causam habuisse. Concilium Metense Canone 111. Nequaquam in sua domo secum aliquam feminam habeant, nec matrem, nec sororem; sed auferentes omnem „ occasionem Satanæ, Anglicam vitam ducant, & Domino Deo casto corpore,

Cohabitatio, & familiarior conversatio cum mulieribus Clericis vetita.

„ & mundo corde sine tenus serviant. *Concilium Nannetense Canone III.* Prohibendum, & modis omnibus interminandum est, ut nullus Sacerdos eas personas fœminarum, sicut & in Canone insertum continetur, de quibus suspicio esse potest, in domo sua habeat, sed neque illas, quas Canones concedunt: (quia instigante diabolo etiam in illis scelus frequenter perpetratum reperitur, aut etiam in pedissequis illarum,) scilicet matrem, amantam, Sororem: sed si quis de his habuerit talem necessitatem patientem, cui sit necessaria sustentatio Presbyteri, habeat in vico, aut in villa domum longe a Presbyteri conversatione, & ibi eis subministret, quæ necessaria sunt. *Insertus est hic Canon Lib. VII. Capitularium, Cap. CCCXXVI. Concilium Aquisense vetat, ne Clerici cum mulieribus cujusvis generis, & conditionis cohabitent, præterquam cum matribus, & sororibus, sine Ordinarii licentia scriptis concessa: nec ancillas habere permittit, nisi quæ annum quinquagesimum ætatis exegerint, & vitam non suspectam duxerint.*

S. Carolus Borromeus in Admonitionibus ad Sacerdotes, & Clericos in Concilio Mediolanensi IV. probatis, hanc Regulam confirmat. „ Ad castitatem „ (inquit) conservandam, munite omnem viam Suspectarum autem „ mulierum consortium omnino vitare Cum aliis vero quibusvis mulieribus, quamvis, vel arctissimo consanguinitatis, vel affinitatis vinculo „ vobis illæ conjunctæ sint, ne in eisdem domiciliis ædibusve simul habitare „ nisi cum ex causa alicui vestrum aliquando Episcopalis litteris permissum „ sit. In famulatu Laicorum ne sitis, multo minus fœminarum, quamvis Nobilium. Ne vero illas Musicam, litterasve docete, nisi scripta nominatim facultate ab Episcopo permissum cuiquam sit. *Concilium Avenionense anno MDXCIV.* Caveant Clerici, ne partem domus, quam inhabitant, Laico habenti uxorem, vel alias mulieres, de quibus possit haberi suspicio, etiam si sit frater, locent. *Idem Concilium ancillas Clericis non concedit, nisi sint provectæ ætatis, quæ scilicet quinquagesimum annum expleverint, nec alias impudice vixerint, nec nisi licentia prius in scriptis obtenta ab Ordinario.* Horum Decretorum ratio est, ne antiqui Hostis fraude Clerici decipiantur, ne Templum Dei violare ipsos contingat, quod qui violaverit, disperdet illum Deus: ne profanorum hominum oblocutionibus pateant, & vituperetur Ministerium nostrum. Ut enim ait Auctor Libri *De Singularitate Clericorum*, inter Opera S. Cypriani editi: „ Noxia est Innocentia, quæ Spontæ Christi „ officit famæ. Et cum Christus Agnus innocens, imo ipse cœlestis innocentia, totum se contempserit pro Ecclesia, ut eam sine macula ulla, vel ruga redderet illibatam; qualis est Clericus, cui ad hoc Sponsa Christi committitur, ut pro unius fœminæ amore culpam totam Ecclesiam patiat? Audemus dicere, a Deo Patre missus est Filius desinu Patris, & Regno absens esse duravit, ut Ecclesiam faceret innocentem, & Clericus mulieris deserere non potest, ne Christi Ecclesiam reddat infamem? *Et infra, Clericos sic alloquitur:* Contemplamini, quid sit Populus sancto præfesse, & considerate, quale sit divinis Sacramentis insistere. Alteris placere debent, qui alteris vivunt; & talis convenit cura sinceritatis Sacratæ, qualia sunt Sacra ipsa, quibus exhibent officia servitutis; ne circa Dominum offendant ipsi, quod tractant, aut circa Populum incipiant impedire, quod prædicant. Propter quod Apostolus, sic testificatur: Et omnia sustinemus, ne quod impedimentum demus Evangelio Christi. Et iterum: Nemini dantes ullam offensio-nem, ut non vituperetur Ministerium nostrum Unusquisque qui securus est, quia necdum tentatur, timeat; quia nihil de illo dicitur, prospiciat ne dicatur; Homines sumus, fragilitatem nostram carne portamus. Accipimus quidem fortitudinem spiritualem, per quam substantiæ nostræ fragilitas

„roboretur: sed ita nobis spiritualis fortitudo collata est, ut providos, non
 „ut præcípites tueatur: ut illos muniat, qui renunciat importunitatibus de-
 „lictorum, non eos, qui se magis importunis delictis immergunt. Cautos no-
 „bis datus est Spiritus, sed ut contraria declinantibus assistendo subveniat,
 „non ut contraria eligentibus faveat, nec ut voluntarios, & pronos in ad-
 „versa confortet, sed ut ab adversis nitentes separari confirmet. Nam qui-
 „cumque perniciosos conatibus audet exercere virtutem, javamen non habet
 „Spiritus Sancti, qui neminem vult ultroneum virtutum fortem ad fraudulentas
 „victorias coarctari; nec protegit eum, quin imo deserit, quem periculis irruen-
 „tem per illicitos eventus exquirere triumphos agnoverit, sicut ipse jam tunc
 „per Salomonem locutus est dicens: *AMANS periculum in ipso peribit . . .* Ecc. 3. 27.
 „Rogo vos, hæc sint studia omnium Clericorum, ut singularitatis inaccusabi-
 „lis secessione fungantur: ne aut ipsi per fœminas, aut fœminæ per illos ad igno-
 „miniosa ludibria provocentur. Si quis habet matrem, vel filiam, vel sororem,
 „vel conjugem, vel cognatam, sic habeat, ut nulla ancilla interfit, neque ali-
 „qua ingrediatur extranea; ne ad hoc videatur tenere proximas suas, ut ipsa-
 „rum causa libere sibi adhibeat alienas: quod si non possunt ipsæ, quæ sunt
 „proximæ, sine famularum ministerio, vel sine amicarum esse solatio; expe-
 „dit, ut migrent ad aliud domicilium, quam propter illas personæ contra-
 „riæ teneantur. Humanum est enim, ut nec Clericus illas necessariis fœmi-
 „nis fraudet, nec ipsæ Clericum per importunas fœminas sordident. Assi-
 „gnari possunt sanctis mulieribus, cum quibus vivant, dummodo cum Cle-
 „rico fœmina nulla commaneat. Non despecta, non vetula sine affinitate,
 „peculiariter suscipienda ad domesticum obsequium: quia magis illicito
 „delinquitur, ubi sine suspitione securum potest esse delictum, maxime
 „quia cupidini nulla deformitas, nulla despectio fastidii, vel vilis exi-
 „tuit, sed Diabolus pingens speciosum efficit, quicquid fœdum, vel hor-
 „ridum fuerit.

„Legatur S. Hieronymus Epistola 11. ad Nepotianum, qua Vitæ Clericalis re-
 „gulas exponit. *Hospitalium tuum (inquit) aut raro, aut nunquam mulierum pe-
 „des terant. Omnes puellas, & virgines Christi, aut equaliter ignora, aut equali-
 „ter dilige. Ne sub eodem tecto mansites, neque in præterita consulas confidas.*
Nec sanctior David, nec Samson fortior, nec Salomone potes esse sapientior.
Memento semper, quod Paradisi colonum de possessione sua mulier eiecerit. Egro-
tanti tibi quilibet sanctus frater assistat, & germana, vel mater, aut proba-
tæ quælibet apud omnes fidei. Quod si huiusmodi non fuerint consanguinitatis,
castimonieque personæ, multas anus nutrit Ecclesia, quæ & officium præbeant,
& beneficium accipiant ministrando, ut infirmitas quoque tua fructum habeat ele-
mosynæ. Scio, Quosdam convaluisse corpore, & animo egrotare cepisse. Peri-
culse tibi ministrat, cujus vultum frequenter attendis.

„Item S. Ambrosius, Libro 1. De Officiis Ministrorum, Cap. xx. *Viduarum*
 „(inquit) „ac Virginum domos nisi visitandi gratia, juniores adires non est
 „opus: & hoc cum senioribus, hoc est, cum Episcopo, vel si gravior est
 „causa, cum Presbyteris. Quid necesse est, ut demus sæcularibus obrectandi
 „locum? Quid opus est, ut illæ quoque visitationes crebræ accipiant auctori-
 „tatem? Quid si aliqua illarum forte labatur? Cur alieni lapsus subeas invidiam?
 „Quam multos etiam fortes illecebra decipit? Quanti non dederunt errori lo-
 „cum, & dederunt suspitioni? Cur non illa tempora, quibus ab Ecclesia va-
 „cas, lectioni impendas? Cur non Christum revisas, Christum alloquaris,
 „Christum audias? Illum alloquimur, cum oramus: illum audimus, cum
 „Divina legimus Oracula. Quid nobis cum alienis domibus? Una est do-
 „mus, quæ omnes capit. Illi potius ad nos veniant, qui nos requirunt.

„ Quid

„ Quid nobis cum fabulis ? Ministerium Altaribus Christi, non obsequium
„ hominibus deferendum recepinus.

Et S. Gregorius, Libro VII. Epistola XXXIX. ad Romanum Defensorem da-
ta: „ Si qui (inquit) Episcoporum cum mulieribus degunt, hoc omnino com-
„ pelcas, & de cetero eas illic habitare nullo modo patiaris, exceptis eis,
„ quas sacrorum Canonum Censura permittit, id est, matre, amita, germa-
„ na, & aliis hujusmodi, de quibus prava non possit esse suspicio. Melius
„ tamen faciunt, si etiam a talium se cohabitatione contineant. Nam legitur,
„ quod Beatus Augustinus nec cum Sorore sua habitare consenserit, dicens:
„ Quæ cum sorore mea sunt, sorores meæ non sunt. Docti ergo Viri cau-
„ tela, magna nobis esse debet instructio. Nam incautæ præsumptionis est,
„ quod fortis pavet, minus validum non timere. Sapienter enim illicita su-
„ perat, qui didicerit etiam non uti concessis. . . . Præterea curæ tuæ sit
„ eosdem Fratres nostros Episcopos adhortari, ut subiectos sibi, in Sacris vi-
„ delicet Ordinibus constitutos, quod ipsi servant, ad similitudinem sui, mo-
„ dis omnibus fervare commoneant.

Theodorus Cappadociæ Presbyter a S. Basilio de dimittenda subintroducta
muliere admonitus, respondit, Se hominem septuagenarium, liberum ab
omni corporali perturbatione; reposuit vero S. Basilius: „ Neque enim cre-
„ do, eum, qui septuaginta annos natus est, cum muliere animi perturba-
„ tione commotum habitare: nec tanquam propter aliquam turpem actio-
„ nem, quæ facta fuerit, statuimus ea, quæ statuimus; sed quia ab Aposto-
„ lo edocti sumus fratri non esse ponendum scandalum, vel offerendiculum.
„ Scimus autem, quod recte, & sane sit ab aliquibus, erit aliis occasio ad
„ peccatum. Ea de causa decrevimus, Sanctorum Patrum Constitutionem se-
„ quentes, Ut a muliere separeris.

R E G U L A IV.

*Taxillis, tesseriis, sive Chartis, aliisque ludis aleatoriiis ludere Clerici absque
gravi crimine non possunt; nec licet illis ludentes studio se spectare, gravibusque
pœnis subduntur Sacrorum Canonum hac in re violatores.*

HI enim ludi non Clericis solum, sed & Laicis vetiti sunt, ut multipli-
cis peccati fontes, & per se mali. Ita Canones Apostolici XLII. &
XLIII. Episcopus, aut Presbyter, aut Diaconus aleæ, atque ebrietati deserviens
aut desinat, aut certe damnetur.

Subdiaconus, aut Lector, aut Cantor similia faciens aut desinat, aut Commu-
nionem privetur. Similiter etiam Laicus. Quatuor verba his in Canonibus ob-
servat S. Raymundus, scilicet, deserviens, desinat, damnetur, Communione pri-
vetur. Ex primo colligit, non incursum excommunicationem, nisi ludum
aleæ in consuetudinem duxerit. Ex secundo, etiam si ludendi consuetudinem
contraxerit, ab ea Censura fore immunem, si admonitus destiterit. Extertio,
& quarto colligit, Quod tale peccatum sit mortale, & grave. Cum tales
pœne non sint imponendæ pro levi crimine. Causa XI. Quæst. III. Can. Nemo,
& Nullus.

Concilium Illiberitanum, Canone LXXIX. Si quis Fidelis alea, id est, ta-
bula luserit, placuit eum absolvi nre: & si emendatus cessaverit, post annum po-
terit Communioni reconciliari.

Concilium Trullanum Canone L. Nullum omnino, sive Clericum, sive Lai-
cum, ab hoc deinceps tempore alea ludere: qui secus fecerit, excommunicatur.

Concilium Oecumenicum Lateranense Quartum sub Innocentio III. Canone
XVI. Clerici (inquit) ad aleas, & taxillos non ludant, nec hujusmodi ludi-
inter-

Interfint. Ubi Glossa : *Illic* (inquit) *prohibetur Clericis non tantum ludere, sed ne interfint ludo. In tantum, quod qui publice aleator est, repellitur a promotione; id est, arcetur ab Ordinibus, & Beneficiis: quod ex Innocentio III. confirmatur, Cap. Inter dilectos, Ext. De excessibus Prælatorum, ubi Clericum alearum ludo deditum, & ex consuetudine Clericorum Gallicanorum se excusantem, ab aditu beneficii ipsi collati repellit propter indignitatem, & vilitatem ipsius, cum personis vilibus, & indignis portæ dignitatum patere non debeant juxta legitimas sanctiones, Nos, inquit, qui ex officii nostri debito pestes huiusmodi extirpare proponimus: atque ludos voluptuosos (occasione quorum sub quadam curiositatis imagine, ad dissolutionis materiam devenitur) penitus improbamus, excusationem prædictam, quæ per pravam consuetudinem (quæ corruptela dicenda est) palliatur, frivolum reputantes: cum in illis magis pleribilis sit offensa, per quos ad excusandas excusationes in culpis delinquendi auctoritas usurpatur, &c. Citat Glossa, & Justiniani Imperatoris Legem, in Authentica De Sanctissimis Episcopis, & Clericis, seu Novella cxxiii. Cap. x. cujus hæc sunt verba: Interdicimus autem Sanctissimis Episcopis Presbyteris, & Diaconis, & Subdiaconis, Lecloribus, & omnibus aliis cujuslibet venerandi Collegii, aut Schematis constitutis ad tabulas ludere, aut aliis ludentibus participes, aut inspectores fieri, aut ad quodlibet Spectaculorum spectandi gratia venire. Si quis autem ex his hoc deliquerit, jubemus hunc tribus annis a venerabili Ministerio prohiberi, & in Monasterium redigi. Si autem in medio tempore ostenderit dignam sui vitii Pœnitentiam, liceat & Sacerdoti, sub quo constitutus est, minuire tempus, & hunc rursus proprio reddere Ministerio: scientibus quoque Sanctissimis Episcopis debentibus hoc vindicare; quia si tale aliquod agnoscentes non vindicaverint, ipsi rationem Deo pro tali causa persolvent. Quid Concilia Provincialia. Quid Diocesanas Synodos innumeras commemorem? Quid Regum Christianissimorum Edicta, quæ ludos aleatoris Christianis omnibus, sed Clericis præsertim prohibuerunt? Anteriorum ea de re Conciliorum Decreta Canoneseque renovavit, & confirmavit Concilium Tridentinum Sess. xxxii. Cap. i. De Reformatione. „ Nihil est (inquit) quod alios magis ad pietatem, & Dei cultum assidue instruat, quam eorum vita, & exemplum, qui se divino Ministerio dedicarunt: cum a rebus sæculi in altiorum sublati locum conspiciantur; in quos tanquam in speculum reliqui oculos conjiciunt, ex iisque sumunt, quod imitentur. Quapropter sic decet omnino Clericos in sortem Domini vocatos, vitam, moretque suos omnes componere, ut habitu, gestu, incessu, sermone, aliisque omnibus rebus, nil nisi grave, moderatum, ac Religione plenum præ se ferant; levitia etiam delicta, quæ in ipsis maxima essent effugiant, ut eorum actiones cunctis afferant venerationem. Cum igitur quo majore in Ecclesia Dei, & utilitate, & ornamento hæc sunt, ita etiam diligentius sint observanda: statuit Sancta Synodus, ut quæ alias a Summis Pontificibus, & a sacris Conciliis, de Clericorum vita, honestate, cultu doctrinæque retinenda; ac simul de luxu, comestationibus, choreis, ALEIS, LUSIBUS, ac quibuscumque criminibus, necnon sæcularibus negotiis fugendis copiose, ac salubriter sancita fuerunt, eadem impostero iisdem pœnis, vel majoribus, arbitrio Ordinarii imponendis observentur; nec Appellatio executionem hanc, quæ ad Morum correctionem pertinent, suspendat.*

Idem confirmarunt Concilia Provincialia Tridentinum secuta. Mediolanense i. P. ii. Clericalis Ordinis hominibus omni genere saltationis, & ludi, præsertim vero aleæ, & tesserarum, ac talorum interdiximus. Prohibemus etiam globos, qui malleis ligneis impelluntur; item solis ludum, id est pile majoris. Nec solum ludere vetamus; sed eos ludorum spectatores esse nolumus, aut quin-

Clerici aleatores, aut ludentium participes, vel inspectores graviter pœnitent.

Non solum alea ludere, sed ludentium spectatores esse Clericos, Concilia vetant.

quam

quam ludentem in ædibus suis permittere. Si autem valetudinis interdum causa parva pila, aut alio non indecoro ejusmodi exercitationis genere uti contingerit; nec publice id faciant, nec pecunia intercedat in ludo, nec quidquam, quod facile pecunia æstimari possit.

Clerici, qui in ludis aleæ quædam faciunt, ad reformationem tenentur.

Concilium Rhemenſe anno MDLXXXIII. Tit. De Clericis in genere. „ Ab alea, venatione, & omni ludorum genere Ecclesiasticis Personis interdicitur, & indecoro prorsus abſtineant: nec unquam aliis quam honestis recreationibus sese exerceant, nulla ducti fordidi lucri cupiditate. Quod si cum injuria Ordinis Ecclesiastici deinceps quicquam Ecclesiæ bona, quibus pauperes ali oportuit, in ejusmodi lusus profudisse convictus sit; & qui quantum fecit, rem pauperum male partam restituere: & qui jacturam passus est, tanquam sacri patrimonii dilapidator, graves poenas exsolvere cogatur.

Sacri patrimonii dilapidatores, qui jacturam faciunt.

Concilium Burdigalense, eodem anno, Tit. XXI. Clerici ab alea, tessera, chartis, & quavis alio vitio, & indecore ludo, cum privatim, tum publice penitus abſtineant. Idem statuunt Concilium Bituricense MDLXXXIV. Tit. XX. Can. VII. Aquisense MDLXXXV. Tit. De Vita, & Honestate Clericorum.

Reformationis lege tenentur, qui pecuniam in huiusmodi ludis lucrantur.

Synodus Mexicana Libro III. Tit. v. Cap. De ludis Clericis prohibitis. Cujusvis generis ludus omnibus hominibus maxime nocumento est, Clericis præsertim, quibus ratione Clericalis Officii in sanctis, & laudabiliter agendo tempus terendum esset, ab illisque redditus Ecclesiastici piis operibus essent impendendi. Eam ob causam hæc Synodus decernit, & jubet, ne ullus Sacro Ordine initiatus, aut Beneficiatus hujus Archiepiscopatus, & Provinciæ clam, aut publice, per se, vel interpositam personam ludum prohibitum exerceat, veluti aleæ, tesserarum, ac talorum, quæ ludorum genera Regiis Sanctionibus prohibentur: nec in ludo pecunie, gemme; aut alia, quæ pecunia æstimari possunt, intercedant, sub pena restituendi totum id, quod ludendo lucrati fuerint. Ludentibus præterea multam imponit. Vetat etiam ne spectatores ludorum sint, ne in suis domibus ludum permittant, nec aleas porrigant, nec pro aleæ pretium extorqueant, nec mutuo pecunias dent ad ludendum, & pro quoquam in ludo spondeant. Sin minus, contra Clericos hujusmodi aleatorum luscespites procedatur, & ita coerceantur, ut populus ædificetur, & tam turpis corruptela, ac Ministris Dei prorsus indigna, funditus extirpetur. Præterea, ut omnem gravitatem, & modestiam (prout decet Clericalem Statum) Clerici profiteantur, eis publice pila ludere prohibetur, & privatim quoque cum secularibus, vel coram secularibus personis, globos ligneos publice ludendo ne impellant. Sebachi, aut aliis ludis permissis ne ludant in locis publicis, aut in domibus, quo ad id multitudo hominum convenit. Si autem in occulto ludus licitus hujusmodi exercuerint, numerosa pecunia in eis non intercedat: aliter enim pro qualitate excessus corrigentur Nequaquam autem publice, aut privatim Clerici cum mulieribus etiam consanguineis ludant. Statuit denique Ut recreandi animi causa, extra tempus Adventus, & Quadragesimæ, ludi liciti Clericis permittantur, summa duorum pondorum intercedente, dummodo id raro, sine scandalo, & cum personis honestis fiat. Qui vero summam pecunie huiusmodi excesserint, in foro conscientie restituere tenebuntur, quicquid amplius fuerint lucrati.

Ludus Sacerdotum, aliusque ludi honesti, quibus conditionibus Clericis liceat?

Concilium Aquilejense Rubrica XI. Aleatum, & taxillorum usum, quo tempus misera jucunditate teritur, Clericis omnibus inhibemus: multo vero gravius, si non modo luserint ipsi, sed aliis ludendi potestatem fecerint parato loco, & domestico diversiculo. Episcoporum vero vigilantia, & prudentia Edictis, ac pœnis propositis opportunum erit remedium adhibendum, ut pestis avertatur, qua miserorum facultates suavi morbo exauriuntur, blasphemie, & rerum desperationes

tiones excitantur, cupiditatum intemperantiorum, & fraudum oblectamenta aluntur denique ipsa Deiclementia assidue offenditur: qui tanto periculosior morbus est, quanto ardentius interdum animos Clericorum occupat, & Ecclesiasticas opes pervadit.

Narbonense anno MDCIX. cap. xli. Non ludant aleis, tesseris, chartis, aut alio ludo prohibito, vel indecoro: præsertim publice, ut illorum in omnibus nota modestia promptiores eos reddat ad libere in hoc peccantes arguendum.

Ludos aleatorios a Patribus damnatos, nemo negaverit, qui in eorum lectione fuerit, vel mediocriter versatus. Apollonius vetus Auctor Ecclesiasticus, Montanum, ejusque sectatrices scæminas, de prophetiæ dono falso gloriari ostendit, quod indignam non Prophetis modo, sed Christianis vitam agerent. *Neceffe est (inquit) ut omnes Propheta fructus, atque ædus probentur. Dic mihi, tingitne capillos Propheta? An stibio oculos linat? An studet ornari? Tropæthane tabula ludit, & tesseris? An pecuniam locat fœnori? Ingenue fateantur, ac respondeant utrum hæc agere liceat, an secus. Ego vero hæc apud ipsos acta esse convincam.* Refert Eusebius Lib. v. Historiæ Ecclesiasticæ, cap. xviii.

Ludi aleatorii a Patribus damnati.

Clemens Alexandrinus Lib. iiii. *Paedagogi*, cap. xi. Jam vero (inquit) prohibendus quoque est tesserarum ludus, & præterea ex talorum ludolucris studium, quod nonnulli acriter sequuntur. Talia enim inconsideratus luxuriae amor otiosus oblectamenta suppeditat: In causa enim est desidiosa.

S. Basilii, Homilia viii. in Hexaemeron: Si vos (inquit) dimiseris, sunt qui protinus ad tesseras, aleasque se se conferent. Juramenta sunt illic, contentionesque pergraves, ac avaritiæ parvus. Spiritus malignus afflit, furorem punctis offibus illis ludentium insaniamque accendens. Eisdem ille pecunias nunc ad hunc, nunc ad alterum transfert. Atque modo hunc victoriam effert, illum victum mestitia premit: modo contra illum elatum, hunc demissum ostendit. Quid prodest queso, corpore jejunare, animam vero mille vitiiis, mille malis esse refertam? Legatur & S. Ambrosius Libro De Tobia, cap. xi.

S. Ephrem Libro De Abrenunciatione in Baptismo facta: Abrenunciatio (inquit) quam in Baptismo facimus nominata quidem apparet parva; ceterum intellecta, admodum magna; quam qui servare voluerint, beatissimus erit. Paucis namque verbis cuncta, quæ nominantur mala quæque odit Deus, valere jubemus, & abrenunciamus. Abrenuncio Satanae, & cunctis operibus ejus. Quibus (inquam) operibus? Fornicationi, adulterio, immunditie, furto, invidiæ, veneficio, divinationi, &c. Abrenuncio aliarum otio, & tabularum ludi, sicut etiam Sancti Apostoli hisce operam dantes, atque vacantes excommunicatos esse ordinarunt in suis Canonibus si Laici fuerint: at si Clerici, ut deponantur. Præfata igitur hæc opera mala, qui post gratiam in sacro Baptismate acceptam fecerit, gratia excidit Christusque tali in peccatis permanenti nihil proderit.

S. Joannes Chrysostomus Homilia xv. ad Populum Antiochenum: Aleas (inquit) tractare, non videntur multis peccatum esse manifestum, sed infinita vitæ mala solet inferre. Circa aleas studium blasphemias, iras, convitia, jacturas, infinitaque alia his graviora sæpe producit.

S. Casarius Arelatenfis, seu alius Auctor Sermonis inter Augustinianos olim lvi. De Tempore, nunc in Appendice cxi. ., Tempus (inquit) quod nobis furiosus tabulæ ludus solebat auferre, lectio divina incipiat occupare. Otiosus, fabulis, & mordacibus jocis & detractionibus venenatis, colloquia de Scripturis Sanctis succedant. Horarum spatiis, in quibus solebamus cum damno animæ detineri, visitentur infirmi, requirantur in carcere con-

„ situ-

nituti, peregrini suscipiantur, & discordes ad concordiam revocentur.
 Hoc si facimas, Fratres, inde nobis parare possumus medicamenta, unde nobis vulnera feceramus.

Auctor Libri *De Aleatoribus*, inter *S. Cypriani Opera* editi: „ Quid illud est, quæso Fideles, ut manus, quæ jam ab injuriis humanis expiata est, & ad Sacrificium admittitur, & quod ad salutem totius hominis pertinet dignatione suscipit; quæ ad laudem Domini in oraculo exsurgit; quæ signum Crucis, per quod tuemur, frontibus imprimit; ipsa quæ divina Sacramenta consummat; quid est (inquam) ut iterum laqueis diaboli, unde exuta est, implicetur, & per ipsa damnetur? Aleatrices manus libidinoso studio consueverunt, idest, aleæ tabulæ, quod est diaboli venabulum, & delicti vulneris insanabile Christianus, quies, & aleæ tabula ludis; licet non sacrifices, lege hujus facinoris particeps es. Christianus quicumque es, & alea ludis, hoc primum in hoc loco credere debes, quia non Christianum, sed Ethnicum tibi nomen est; & illud, quod ad Sacrificium Dominicum pertinet, in vacuum fumis: sicut enim dicit: Omnis immundus non tanget Sacrificium Sancti. Aleator quicumque es, Christianum te dicis; quod non es, eo quod sæculo particeps es: nec amicus Christi potes esse, qui cum inimico Christi tenes amicitiam Alea ne luteris, ubi lusus nocivus est, & crimen mortale.

Joannes Sarisberienfis Lib. 1. *De Nugis Curialium*, cap. v. Quis non erubescat, si fortis suæ gratiam non virtuti debeat, sed taxillis? Nonne satis improbata est ejusque artis exercitatio, qua quanto quisque doctior; tanto nequior? Aleator quidem omnis hic est. Mendaciorum siquidem; & perjuriorum mater est alea, & aliena concupiscentia sua prædigne, & nullam habens patrii reverentiam, cum illud effuderit, statim in turba dilabitur, & rapinas Chilon Lacedæmonius jungendæ societatis causa missus Corinthum, Duces, & Seniores populi ludentes invenit alea. Infesto itaque negotio reversus est, dicens: Se nolle gloriam Spartanorum, quorum virtus constructo Byzantio clarescebat, hac maculare infamia, ut dicerentur cum aleatoribus contraxisse societatem.

S. Raymundus Libro 11. *Summæ*, Tit. viii. §. xi. ii., qui ludunt ad aleas, vel taxillos, vel qui ludo intersunt, vel sunt particeps, vel inspectores ludi, peccant, & maxime si sunt Clerici Quam magnum peccatum sit, patet inter alia ex novem, quæ in talibus ludis attenduntur. Primum, desiderium lucrandi; ecce cupiditas, quæ radix est omnium malorum. Secundum, est voluntas spoliandi proximum; ecce rapina. Tertium, est usura maxima. (Extra, De excessibus Prælatorum cap. Inter Dilectos.) Quartum, est multiplicata mendacia, & verba otiosa, & vana. Quintum, est blasphemia; ecce hæresis. Sextum, corruptio multiplex proximorum, qui ad ludum inspicendum de consuetudine prava conveniunt. Septimum, est scandalum bonorum. Octavum, est contemptus prohibitionis Sanctæ Matris Ecclesiæ. Nonum, est amissio temporis, & bonorum, quæ in illo tempore tenentur facere.

S. Antoninus, 11. *P. Summæ*, Tit. 1. cap. xxiiii. Ludum aleæ peccatum esse docet, utpote Legibus Canonicis, & Civilibus prohibitum, non solum Clericis, sed etiam Laicis. Ludum autem aleæ esse ludum omnem, qui innititur fortunæ, ut ludus taxillorum: & idem videtur de chartis, quamvis sit ibi aliquid industriæ; principaliter enim est fortunæ. Ludus autem scachorum, non est fortunæ, sed industriæ; unde nec ipsis Clericis est prohibitus. Docet secundo, ludum aleæ esse peccatum mortale, Quando ex cupiditate quis ludit, ea scilicet principaliter motus (ut loquitur) non ob recreationem, sed ad acquirendum. quid notabile per ludum. Nam ludere quid medicum, ut pueri faciunt, vel ob recreationem, & moderate, non videtur mortale.

Quam grave peccatum aleatorum?

Ludus aleæ quando peccatum mortale est? Quando veniale?

Unde,

Unde in Digestis Tit. De alea L. finali dicitur, Quod in convivio vescendi causa ponitur, in eam rem familiæ ludere permittitur. Et hoc etiam videtur innuere textus Canonis, Episcopus; dicitur enim, deserviens, id est, frequenter deditus ludō, quod sit communiter ex cupiditate. Quod tamen non ita intelligendum admonet, quasi mortale peccatum non sit alea ludere, nisi ex consuetudine fiat, sed quia frequentia, & assiduitas; vehementis cupiditatis indicium est. Ceterum, vel semel taxillis, aut chartis ludere ex cupiditate lucri notabilis, lethale peccatum est: Sicut etiam vitium ebrietatis, cui ludus æquiparatur in pœna, etiam semel commissum advertenter; est mortale.

Et §. 6. Vix ullum esse actum ait, ex quo tot mala oriantur, quot ex ludō. Quot enim in taxillis sunt puncta: tot scelera ex eo procedunt. Primum, est amissio temporis. 2. Blasphemia. 3. Contumelia. 4. Dissipatio substantiæ temporalis. 5. Ecclesiæ contemptus, seu inobedientia. 6. est furtum, 7. est gula. 8. Homicidium. 9. Invidia. 10. Rerum necessariarum in familia penuria, ex qua uxoris, filiorum, domesticorum quærimoniæ, murmuraciones, maledicta. 11. Jactantia. 12. Mendacium. 13. Neglectus Divinorum, & Festorum dierum violatio, in quibus ludendo plura peccata, & graviora committunt, quam si terram colerent, quod est Festa violare. Opus servile non facietis in eo. Peccatum est opus maxime servile. 14. est odiū: Oderunt enim eos, qui vincunt, se ipsos, Deum, qui victoriam illis non tribuit. 15. Participatio sceleris: nam qui dant eis pecunias ad ludendum pro parte lucri, mortaliter peccant. Qui ludentes aspiiciunt, non sunt immunes a peccatis multis curiositatis, & vanitatis. Sed & parentes, qui non castigant filios ludentes, graviter peccant. Item, qui taxillos, chartasve præbent, aut domum ad ludendum. 16. Contentiones, ex quibus contumeliæ, & verba inordinata, 17. est Rapina: aliquando enim quasi violenter trahit unus alium ad ludum; vel volentem recedere, invitum tenet; vel falsos taxillos submittit: & tunc est tanquam rapina, & restituere tenetur. 18. est Scandalum. 19. Tristitia in desperationem aliquando inducens eos, qui perdunt. 20. Usura. Si enim quis pro centum, quæ exponit mutuo, recipiens decem, vel quinque, dicitur usurarius: quid dicendum est de eo; qui exponit se ludo cum decem florenis, & eadem die lucrabitur per ludum centum florenis? Certe videtur maxima usura (inquit S. Antoninus) Uade, & pro se retinere non potest: sed vel restituere tenetur in certis casibus, vel pauperibus erogare in alius. 21. est Christianitatis vituperatio, contra illud, quod ait Apostolus 11. ad Corinthios VI Non vituperetur Ministerium nostrum, id est, servitium, quo servimus Christo, sed per ludum servitur Diabolo. Sicut enim Deus invenit XXI. litteras primo, (nam aliæ postea sunt superadditæ) ad componendam Bibliam, ubi est omnis Sapientia revelata: ita invenit Diabolus taxillos (& chartas) Bibliam suam, ubi posuit XXI. puncta, litteras suas nigras, ubi repetitur omnis malitia peccati Non ergo debet dici Christianus, qui deditus est ludo, cum vituperet nomen Christi.

Mala excludenda.

Lev. 23. 7.

R E G U L A V.

Ab omnibus Spectaculis, & Choreis abstinere debent Clerici; Canonum hac in re violatores graviter peccant, gravibusque pœnis ab Episcopis plecti debent.

Quam periculosa sint innocentia, castisque moribus hæc oblectamenta, & quam studiose a Christianis omnibus vitari debeant, alias demonstravimus: nunc satis erit, si probemus Ecclesiastici Ordinis Viris hæc spectatim, ac nominatim Sacra Canonibus prohibere: adeoque graviter illos peccare, quoties hujusmodi spectaculis, choreis, profanis concentibus, ludisque publicis intersunt. Canonum verba subijcio.

Spe. Tacula & Choreæ Clericis prohibentur.

Con-

Concilium Turonense 111. anno dcccxi. celebratum Canone VII. „ Ab omnibus quæcumque ad aurium, & ad oculorum pertinet illecebras, unde vigor animi amolliri posse credatur, (quod de aliquibus generibus musicorum, aliisque nonnullis rebus sentiri potest,) Dei Sacerdotes abstinere debent: quia per aurium, oculorumque illecebras, vitiis turba ad animam ingredi solet. Histrionum quoque turpium, & obscenorum insolentias jocosum, & ipsi animo effugere, ceterisque Sacerdotibus effugienda prædicare debent.

Concilium Cabilonense eodem anno, Canone IX. „ Ab omnibus oculorum, auriumque illecebris Sacerdotes abstinere debent: & canum, accipitrum, falconum, vel ceterarum hujusmodi rerum curam parvipendere, & histrionum, sive scurronum, & turpium, seu obscenorum jocosum insolentiam, non solum ipsi respuant, verum etiam Fidelibus repugnanda percerneant. Concilium Mediolanense I. Constitutionum P. II. Tit. XXV. „ Clerici Chori ræas privatas, aut publicas non agent, nec spectabunt. Fabulis, Comædiis, & hastulidiis, aliisque profanis, & inanibus spectaculis non intererunt: ne aures, & oculi Sacris Officiis addicti, ludicris, impuri actionibus, sermonibusque distracti polluantur.

Concilium Burdigalense anno MDLXXXIII. Tit. XXI. „ Clerici nunquam personati incedant, neque Comædias, fabulas, Choræas, vel quicquid ludicum, ex iis, quæ ab histrionibus exhibentur, agant, vel spectent; ne vilis, & obtutus Sacris Mysteriis dicati, turpium spectaculorum contagione polluantur.

Concilium Turonense, eodem anno, Cap. XIV. „ Ipsi autem Rectores, prout ceteri Ecclesiastici, præsertim Beneficiati, cum non tantum a gravi, sed etiam a leviore vitio abstinere debeant, & a Mundi voluptatibus secedere, pompas, & spectacula publica, cætusque ubi amatoria cantantur, aut obsceni motus corporum, choræis & saltationibus exercentur devitare, ne auditus, & obtutus sacris tantum Mysteriis deputati, turpium spectaculorum, atque verborum lenocinio polluantur, &c.

Concilium Bituricense anno MDLXXXIV. Tit. XXV. Can. VI. „ Clerici nunquam personati sint: a Comædiis, Mimis, Choræis, ac saltationibus agentis, & spectandis abstinere.

Idem prohibent Concilium Aquisense anno MDLXXXV. Titulo *De Vita, & Honestate Clericorum*, Avenionense MDXCIV. Titulo XXXII. Narbonense anno MDCIX. Cap. XLII. *Quod in Populo veniale est*, (inquit) „ in Sacerdote judicatur sacrilegium. Ideo, ut monemus Populum, ita Clericos districte Choræas, quacumque ex causa ducere, aut illis interesse prohibemus: vitent trigædia, ludos publicos, larvas non gestent, aut larvatos sequantur; Comædias, fabulas, aut ludicra, & quæ ab histrionibus exhibentur, non agent; ad histriones non accedant; ne puritas Sacerdotis rerum inanum, aut etiam obscenarum aspectu polluat. Contra agentes poena carceris, & alia ad arbitrium Ordinarii comprimantur. Idem Sacerdotibus sub poena suspensionis prohibent Statuta Synodalia S. Francisci Salesii P. III. Tit. IV.

R E G U L A VI.

Crapula,
ebrietas,
popinorum
frequentatio
Clericis
vetita.

Clerici a crapula, & ebrietate abstinere debent: ipsique prohibere possunt Episcopi sub poena Suspensionis, aut aliis arbitrariis, ne Tabernas ingreßantur.

Apostolus I. ad *Timotheum* III. Sacerdotis dotes describens, *Non vinolentum* requirit. Ideo Concilia Tabernarum aditum Clericis inhibuerunt: nisi sint in itinere constituti.

Con-

Concilium Laodicenum Canone xxiv. *Non oportet Altari servientes, a Presbyteris usque ad Diaconos, & deinceps Ordinis Ecclesiastici omnes, tabernas introire.*

Concilium Agatenſe Canone iv. Clericum ebrium *Aut triginta dierum ſpatio Communione ſubmovendum ſtatuit, aut corporali ſubdendum ſupplicio.*

Concilium Auiſgranenſe, anno dcccxi. Canone xc. veteris Concilii Africanæ Eccleſiæ Canonem renovat, quo ſtatutum eſt, *Ut Clerici edendi, vel bibendi cauſa tabernas non ingrediantur, niſi peregrinationis neceſſitate compulſi.*

Concilium Lateranenſe iv. ſub Innocentio III. Canone xv. qui referitur Cap. A *crapula, Extra, De Vita, & Honeſtate Clericorum*, idem confirmat: A *crapula* (inquit) & ebrietate omnes Clerici diligenter abſtineant: unde vinum ſibi temperent, & ſe vino: nec ad bibendum quiſpiam incitetur: cum ebrietas & mentis inducat exilium, & libidinis provocet incentivum: unde illum abuſum penitus decernimus abolendum, quo in quibuſdam partibus ad potus æquales ſuo modo ſe obligant potatores: & ille iudicio talium plus laudatur, qui plures inebriat, & calices ſecundiores exhaurit. Si quis autem ſuper his ſe culpabilem exhibuerit, niſi a Superiore commonitus ſatiſfecerit, ab Officio, vel Beneficio ſuſpenderit.

Et Canone xvi. *Tabernas prorsus evitent, niſi forte cauſa neceſſitatis in itinere conſtituti.*

Concilium Herbiſipolenſe, Canone ii. *Uſum tabernarum, præterquam in itinere conſtitutis, omnibus Clericis, præſertim in Prælaturis, & Sacris Ordinibus conſtitutis, omnino prohibemus. Et qui contra fecerint in publico, vel alibi, Laicis præſentibus, arbitrio Ordinarii puniantur.*

Concilium Sueſſionenſe: Ordinarii diligenter puniant Clericos aleæ ſervientes, ac tabernas frequentantes.

Concilium Londinenſe anno mclxxv. Canone ii *Clerici in Sacris Ordinibus conſtituti, edendi, vel bibendi cauſa tabernas non ingrediantur, niſi peregrinationis neceſſitate compulſi. Si quis vero tale quid fecerit, aut ceſſet, aut deponatur.*

Concilium Mediolanenſe i. Cap. xxvi. *Non in comeſſationibus, & ebrietatibus, ſed ut ſobrie vivamus, prædicat Apoſtolus: ideo Clerici minus honeſtis conviviis ne interſint, neve ad bibendum quemquam incitent. Quod ſi interdum ſolemnibus Feſtis diebus, vel cum Sacrorum, aut Exequiarum cauſa in unum congregantur, aliqui ſint invitandi; ne plures ſex, & eos Clericos, ad ſuam menſam adhibeant.*

Ut ſlagitii occaſionem, quæ in cauponis, & tabernis deeſſe non ſolet, Clericis adimamus, cauponarum aditu, & uſu omnino eis interdicimus, niſi in itinere neceſſitatis cauſa: quo loco cum mulieribus ne diſcumbant. Monemus autem Epiſcopos, & vehementer hortamur, ut in ſingulis eorum Civitatibus curent parandum ænum, aut alterum pudicum, & honeſtum diverſorium, quo ſuarum Dioceſeon Clericis ruſticanis neceſſitatis cauſa convenire liceat, nec in hoſpicio improbis, aut nequam hominibus locus ſit, neve ſæminis ullo modo, ſed tantum Clerici, ac Religioſi Viri, ſi fieri poſſit, in eo recipiantur.

Concilium Rhenenſe anno mdlxxxiii. Ebrietati libidinis parenti, *crapulaeque, quæ menti eſt exitio, ne indulgeant: tabernas, niſi peregre profeſſi, non intrent: ad æquales hauſtus nec ſe ipſos, nec alios aſtringant, vel provocent. Si ſecus fecerint, & Superiori monenti non paruerint, ab Officio, vel Beneficio ſuſpendantur, & aliis panis canoniciſ afficiantur.* Idem vetat Concilium Burdigalenſe eodem anno, Tit. xxi. Turonenſe, eodem anno, Tit. xiv. „ *Omnibus* (inquit) Clericis, ne tabernas, aut cauponas, blaſphemiæ, & luxuriæ officinas, quovis, nec etiam ſponſaliorum, vel obſequio-

rum funeralium prætextu, nisi inter peregrinandum, ingrediantur, prohibet
 Concilium, pœna carceris per duos menses pro prima vice, per sex menses pro
 secunda, & per annum pro tertia (si prohibitionem contempserint, illis im-
 ponenda) mitioris pœnæ omni spe sublata.

Julianus Apostata Epistola XLIX. ad *Arfacium* Galatiæ Pontificem Ethni-
 cum, falsorum Numinum Sacerdotes modestiæ, quam profitebantur Sacer-
 dotes Christi, æmulos esse jubet. *Sacerdotem quemque hortare* (inquit) *ne ac-*
cedat ad spectacula, neve in taberna bibat ... Et qui tibi in his rebus morem ge-
runt, eis honorem tribuito; qui autem resistunt, expellito.

A conviviis etiam sæcularium hominum, quantum fieri potest, abstinere
 debent Clerici, secundum sapiens illud *S. Hieronymi* ad *Nepotianum* scri-
 bentis monitum, a Concilio Aquiligranensi repetitum, Cap. xciv. „ Convi-
 via tibi detestanda sunt sæcularium, maxime horum, qui honoribus tu-
 ment. Turpe est ante fores Sacerdotes Christi Crucifixi, & pauperis, &
 qui cibo, quoque vescatur alieno, lectores Consulium, & Milites
 excubare, Judicemque Provinciæ melius apud te prandere, quam in
 Palatio. Quod si ostenderit facere te hæc, ut roges pro miseris, Judex sæ-
 culi plus deest Clerico continenti, quam diviti, & magis sanctitatem
 tuam venerabitur, quam opes. Aut si talis est, qui non audiat Clericos nisi
 inter phialas, libenter carebo hujusmodi beneficio. *Ibidem*: Nunquam pe-
 tentes, raro accipiamus rogati. Facile contemnunt Clericus, qui sæpe
 vocatus ad prandium, non recusat. *Et Concilium Aquense, Tit. De Vita,*
& Honestate Clericorum, ita statuit: A comestationibus, & minus hone-
 stis conviviis abstinere omnino; atque ab iis etiam, quæ potius lu-
 xus, aut voluptatis sint, quam propinquitatis, aut necessitudinis causa
 instituta.

REGULA VII.

Clericis omnino prohibita est Venatio clamosa, quæ cum armis, avibus, & cani-
bus, exercetur: unde graviter peccant Clerici, qui Venationi incumbunt.

Venatio
 Clericis
 vetita.

Hæc Regula nittur Canone *Episcopum, Ext. De Clerico Venatore*, cujus
 hæc sunt verba: *Episcopum, Presbyterum, aut Diaconum, canes, aut*
accipitres, aut hujusmodi ad venandum habere non licet. Quod si quis talium
personarum in hac voluptate sæpius detentus fuit, si Episcopus est, tribus mensi-
bus a Communione; si Presbyter, duobus; si Diaconus, ab omni Officio suspen-
datur. Ubi Glossa: Saltuosa (inquit) & clamosa licita est Laicis; sed Cle-
ricis omnino non licet talis venatio: sed quieta causa necessitatis, vel recreatio-
nis. Idque confirmat Canon sequens sub eodem Decretalium Titulo: Om-
nibus servis Dei venationes, & sylvas vagationes cum canibus, & accipi-
tribus, & falconibus interdiximus.

Hinc *Joannes Sarisberiensis, Lib. I.* „ De Nugis Curialium, Cap. iv. Sunt
 vero (inquit) personæ, quæ non modo ab hoc, sed ab aliis quibusdam,
 ut pote levioribus, & voluptuosis studiis in perpetuum summoventur, ut
 in Sacris Ordinibus constituti, & qui gerunt amplissimos Magistratus ... Por-
 ro de virtute, & veritate Canonum, venatica clientulis suis non modo clau-
 dit ascensum, sed Summi Sacerdotii gradum admittit jam adeptum, &c.

Idem prohibet Concilium Lateranenſe iv. Canone xv. *Venationem (in-*
quit) & aucupationem universis Clericis interdiximus: unde nec canes, nec aves
ad aucupandum habere præsumant.

Et Concilium Nanetenſe anno MCCLXV. Canone III. *Qui nullum venato-*

rem invenimus sanctum, precipimus, ut Prælati solliciti sint, & intenti in puniendos Clericos venatores; & præcipue Presbyteros, & Religiosos, de quibus majus scandalum generatur. Sanctitati scilicet Status Clericalis clamorosa venatio non convenit, cum voluptas, quæ hujusmodi venatione percipitur, hominis cogitationem a Deo distrahat, in quo maxime sacrorum hominum animus defixus esse debet. Id confirmat Canon, Esau, Dist. LXXXVI. desumptus ex Commentario in Psalmos sub nomine S. Hieronymi edito, in Psalm. xc. Esau venator erat, quoniam peccator erat. Et penitus non invenimus in Scripturis Sanctis sanctum aliquem venatorem: piscatores invenimus sanctos. Hinc Nicolaus I. Epist. ad Albinum Archiepiscopum Januensem: Ab omni (inquit) bestiarum, vel volucrum venatione penitus alieni existere debent: nullum enim sanctum, ut ait B. Hieronymus, venatorem legimus. Esau, & Nembrod feroci indoli venationis studium congruebat: miti Clericorum indoli convenit venationis fuga.

Legatur Epistola LVI. Petri Blesensis ad Gualterum Episcopum Rossensem, venationi deditum, qua eum a venandi studio verbis gravissimis avertere conatur. Venationem gravitate Pontificis indignam esse scribit, quem nec juvenus ab hujusmodi voluptate exultaret. Nicolaum Papam suspensionis, & excommunicationis Sententiam in Lanfredum Episcopum ferendam censuisse, quia venaticam exercebat. Nullam Sanctorum ab exordio mundi legi venatorem. Aliud venationis genus Sacerdotibus incumbere, de quo Dominus Jeremiæ sexto ait: Ecce ego mittam venatores, & venabuntur in omni monte. Prælati siquidem Ecclesiæ venantur in omni monte, dum animas aberrantes, quasi in prædam ad obsequium Christi rapiunt, in eminentia scientiæ, & doctrinæ. Utinam (inquit) huic venationi velitis operam dare, longique temporis iacturam, quod in vanitates evanuit; fructus vitæ melioris, & eruditioris Populi compensare.

Venatio
Clericis ve-
nitia.

Orationi præterea, ac sacris studiis penitus addicti esse debent Ecclesiastici Viri: at venatio, & ab oratione, & a studio animum avertit. Hinc Concilium Romanum sub Eugenio II. Canone XII. Sacerdotes (inquit) qui ad debita, & opportuna Officia Ecclesiis indifferenter adesse debent, favore aliquo, aut venatione, vel aliqua aucupatione, rusticoque ministerio omnino non occupentur.

Accedit, quod sine habitu Clericali prodire in publicum non debent Clerici, eisque arma deferri sacri Canones vetant: Clericalis porro habitus venatoribus non convenit, nec sine armis venatio exercetur. Denique non est bonum sumere panem filiorum, & dare illum canibus; loco pauperum canes, & venatores alere. Has rationes urget Concilium Aquileiense anno MDXCVI. celebratum, Tit. IX. Dicit Canon: Esau venator erat, quoniam peccator erat: quam vero sit modestia Clericali indignum, qui paulo ante Breviarium manibus tractabat, & sacræ Læctionis studio intendebat, eum publice accipitrem deferre, & sua in eo studia profiteri: quique cum Angelis in Ecclesia gratiarum actiones, & laudes Deo persolvebat, eum inter canum latratus, & multitudinem versari, & incomptis obstrepere vocibus; Sacri Canones declarant, omnes vero facile intelligunt. Consequitur autem, ut panis, qui miserorum pauperum victui sufficeret; panis (inquam) de redditibus Ecclesiasticis collectus, quod est Patrimonium Christi, ad bestiarum cibum indigne transferatur: cujus criminis ratio diluere in die Domini reddetur. Quod ut longe a Clericorum vita, & honestate removeamus, omnibus Clericis, cujusque conditionis, & gradus sint, venatorium studium interdiciamus, ac in eos gravius per illorum Ordinariorum procedendum statuimus; ac si contumacia fuerit obstinator, &

„ inhibitionis mollioris ratio contemptui esse cœperit, graviori etiam animad-
 „ versione prospiciendum mandamus.

Idem statuit Concilium Senonense anno 1528. *Cum solatia, & arma Clericorum sint orationes, & lacrymæ, omnino prohibemus ne venationi, aut aucupationi clamose cum falconibus, accipitribus, seu aliis avibus prædatoriis, vel canibus venaticis intendant, nec accipitres, seu alias prædatorias aves deferant, aut canes venaticos teneant, aut nutriant, neque enses, venabula, baculos, aut arma quæcumque invasiva portent extra necessitatem, aut alios casus jure permissos.*

Et Concilium Aquisense anno 1585. *Ne ullum venationis genus exerceant, aut canes, accipitresve alant, aut aliud venaticum animal: armave ferant, &c.*

Quod & Regum nostrorum Capitularibus vetitum est, Lib. 5. Cap. 112. *Et hoc cavendum, ut Presbyteri, vel Diaconi, sive Subdiaconi, arma portare non præsumant, neque venationes aliquas exercere.*

Quamvis autem inquieta, seu clamosa venatio sit Clericis interdicta, non tamen quieta, quæ sit retibus, aut laqueis, sine canibus, aut avibus, ut confirmat Clementina prima *De statu Monachorum*. Hanc autem distinctionem confirmat etiam Tridentinum Concilium, Sessione xxiv. Cap. xii. *De Reformatione*, dum jubet Canonicos *ab illicitis venationibus, & aucupii abstinere*, tacite innuens, quasdam licitas esse venationes, quæ scilicet sine canibus, & avibus fieri solent, & inde quietæ dicuntur.

R E G U L A VIII.

Negotiis secularibus Clericos implicari, ac vacare, sacri Canones prohibent, quos absque gravi peccato violare non possunt.

Ne Clerici negotiis secularibus se immiscuant.

Hanc Regulam Timotheo suo, & in eo omnibus Clericali Militiæ adscriptis tradit Apostolus 11. *Nemo (inquit) militans Deo, implicat se negotiis secularibus, ut ei placeat, cuise probavit.* Hanc vero executioni mandari jubet Concilium Chalcedonense Canone 111. *Pervenit (inquit), ad Sanctam Synodum, quod quidam, qui in Clerum videntur, adlecti, propter lucra turpia conductores alienarum possessionum fiant, & læcularia negotia sub cura sua suscipiant, Dei quidem Ministerium parvipendentes, læcularium vero discurrantes domos, & propter avaritiam Patrimoniorum sollicitudinem sumentes.* Decrevit itaque Sanctum hoc, magnamque Concilium, nullum deinceps, non Episcopum, non Clericum, vel Monachum, aut possessiones conducere, aut negotiis læcularibus se immiscere, præter pupillorum (si forte Leges imponant) inexcusabilem curam; aut civitatis Episcopus Ecclesiasticarum Rerum sollicitudinem habere præcipiat, aut orphanorum, & viduarum, earum, quæ sine ulla provisione sunt, ac personarum, quæ maxime Ecclesiastico indigent adiutorio, & propter timorem Domini causa deponat. Si quis autem de cetero transgredi hæc Statuta tentaverit; qui est hujusmodi, Ecclesiasticis increpationibus subiacebit.

Excipitur inexcusabilis pupillorum cura.

Vetus circa hoc Ecclesiæ Africanæ disciplina.

Inexcusabilem pupillorum curam Synodus Chalcedonensis excepit: nam *S. Cyprianus* ab Africana Synodo decretum esse testatur, *Ne quis ad tutelam, vel curam Clericum nominaret, ac si quis hoc fecisset, non offeretur pro eo, nec Sacrificium pro dormitione eius celebraretur.* Neque enim (inquit) apud Altare Dei meretur nominari in Sacerdotum prece, qui ab Altari Sacerdotes, & Ministros voluit avocare. Ideoque pro *Victore*, qui *Faustinum* Presbyterum tatorem nominaverat, preces ad Altare fieri vetat, aut pro dormitione ejus Oblationem fieri. *Ut Sacerdotum*

„ De-

¶ Decretum religioſe, & neceſſarie factum ſervetur, ſimul & ceteris fra-
 tribus detur exemplum, ne quis Sacerdotes, & Miniſtros Dei, Altari ejus,
 & Eccleſiæ vacantes ad ſæculares moleſtias devocet. *Hæc ille Epif. lxxvi.*
Rationem hujus diſciplinæ ibidem reddit: Quia ſinguli divino Sacerdotio hono-
 rati, & in Clericali Miniſterio conſtituti, nonniſi Altari, & Sacrificiis
 deſervire, & precibus, atque orationibus vacare debeant. Scriptum eſt
 enim; Nemo militans Deo obligat ſe moleſtiis ſæcularibus, ut poſſit pla-
 cere ei, cui ſe probavit. Quod cum de omnibus dictum ſit, quanto magis
 Clerici moleſtiis, & laqueis ſæcularibus obligari non debent, qui ſpi-
 ritualibus occupati, ab Eccleſia recedere, & ad terrenos, & ſæculares actus
 vacare non poſſunt. Cujus ordinationis, & religionis formam Levitæ pri-
 us in Lege tenuerunt, ut cum terram dividerent, & poſſeſſiones partiren-
 tur undecim Tribus, Levitica Tribus, quæ Templo, & Altari, & Mi-
 niſterii vacabat, nihil de illa diſiſionis portione perciperet, ſed aliis ter-
 ram colentibus, illa tantum Deum coleret, & ad victum, atque alimen-
 tum ab undecim Tribubus de fructibus, qui naſcebantur, decimas reci-
 peret. Quod totum fiebat de auctoritate, & diſpoſitione divina; ut qui
 operationibus divinis inſiſtebant, in nulla re avocarentur, nec cogitare,
 aut agere ſæcularia cogerentur. Quæ nunc ratio, & forma in Clero te-
 netur, ut qui in Eccleſia Domini Ordinatione Clericali promoventur, in
 nullo ab Adminiſtratione Divina avocentur, nec moleſtiis, & negotiis ſæ-
 cularibus alligentur, ſed in honore ſportulantium Fratrum, tamquam de-
 cimas ex fructibus accipientes, ab Altari, & Sacrificiis non recedant, ſed
 die, ac nocte cœleſtibus rebus, & ſpiritualibus ſerviant. Quamvis ergo cogi
 non poſſint Clerici ad tutelam ſuſcipiendam, legitimam tamen tutelam pie-
 tatis, & miſericordiæ cauſa ſuſcipere poſſunt.

Hanc Regulam confirmat Concilium Pariſienſe ſextum Lib. i. Cap. xxviii. laudato S. Pauli teſtimonio, & Concilii Chalcedonenſis Canone; ſubditque: Oportet, ut Epifcopi ſuæ Parochiæ Sacerdotes, & Monachos a memo-
 ratis illicitis adionibus ſua auctoritate compeſcant, tranſgreſſores vero Censura
 Canonica corripiant, quia dicitur. Tranſgredientem vero hanc definitionem noſtram
 excommunicatum eſſe decrevimus, ne nomen Dei blaſphemetur.

Canones alios congerere minime neceſſe eſt. Legatur Cap. Sed nec pro-
 curationes, quod eſt Concilii Lateranenſis ſub Alexandro III. & Cap. Secun-
 dum, Ext. Ne Clerici, vel Monachi ſæcularibus negotiis ſe immiſceant.

Quæ ſint vero negotia ſæcularia Clerici prohibita, ſic explicat Con-
 cilium Mediolanenſe i. Cap. xxvi Qui Deo militat, implicare ſe negotiis ſæ-
 cularibus prohibetur; idcirco edicimus: Ne Clericus Sacris initiatus: aut Ec-
 cleſiaſtico Beneficio præditiis, coram Judice ſæculari Advocati, aut Procurato-
 ris nomine cauſas agat, niſi ab aliis in Judicium vocatus, ſuam, vel Eccleſiæ
 ſuæ, propinquorum etiam, ſi neceſſe erit, & miſerabilem perſonarum cauſas, ab
 Epifcopo facultate prius ſcripto conceſſa, tueatur.

Quæ negotia Clerici
 illicita?

Ne in profanis negotiis Officium Tabellionatus exerceat.

Ne Artem medendi faciat.

Ne in negotiationibus, & mercaturis ſe interpretem, & medium in-
 terponat.

Negotiationem etiam omnis generis omnino prohibemus:

Artes vero honeſtas concedimus, ut aliquid manibus ſuis lucretur, quo ſibi,
 quæ ad victum neceſſaria ſunt, compaſſare poſſit.

Ne aliena prædia lucri cauſa conducatur.

Ne aliorum tutelam, aut curam ſuſcipiat.

Ne pro aliis fide jubeat. Quod Apoſtolorum can. xx. can. Tequidem, cauſa
 Nat. Alex. Theol. Tom. II.

xi. qu. 1. & cap. Clericus, Ext. De Fidejussoribus, prohibetur. Excipiuntur tamen fidejussiones, quæ sunt pietate, vel misericordia suadente, cum Episcopi licentia.

„ Ne alicujus Principis, aut alterius, negotiorum Procurator sit sine saccultate ab Episcopo prius per litteras impetrata, singulis annis renovanda. Neve parum memor Ordinis, ac Dignitatis suæ, sit in famulatu Laicorum, etiam Principum: eorumve quibuscumque aliis obsequiis, nisi cui ex causa, & ad Officium Sacerdotali Munere non indignum, Episcopus hujus rei potestatem scripto ante fecerit.

„ Neve præcursor aut assecla sceminarum, aut eis discumbentibus assistat, aut ancilletur.

R E G U L A IX.

Clerici reddituum Ecclesiasticorum Dispensatores sunt, non Domini: unde cum eis in victum, & honestum vestitum delibarent, si quid residuum est, pauperibus debent.

HÆc Regula ex antiqua Ecclesiæ Disciplina colligitur, quæ Redditus Ecclesiasticos in quatuor partes dividi jussit, quarum una Episcopo; alia Clero, tertia pauperibus, quarta Ecclesiis restaurandis applicaretur, ut constat ex *Simplicii*, & *Gelasii I.* Pontificum Decretis, & ex Epistola xxxi. Libri xii. *S. Gregorii*, cujus hæc sunt verba: *Mos Apostolicæ Sedis est, ordinatis Episcopis præceptum tradere, ut de omni stipendio, quod accedit, quatuor debeant fieri portiones: una videlicet Episcopo, & familie ejus propter hospitalitatem; alia Clero; tertia vero pauperibus, quarta Ecclesiis reparandis.*

Eadem Regula confirmatur ex can. *Episcopus*, causa xii. quæst. 1. qui est *Antiocheni Concilii* xxv. *Episcopus Ecclesiasticarum rerum habeat potestatem ad dispensandum erga omnes, qui indigent, cum summa reverentia, & timore Dei. Participet autem & ipse quibus indiget, (si tamen indiget) tam in suis, quam in fratribus, qui ab eo suscipiuntur, necessariis usibus profuturis:*

1. Tim. 6. 8.

„ *tem: HABENTES victum, & tegumentum, his contenti sumus. Quod si contentus istis minime fuerit, convertat autem res Ecclesiæ in suos usus domesticos, &c. Synodo Provincie pœnas persolvat.*

De recto bonorum Ecclesiasticorum usu.

Et Canone, *Res Ecclesiæ*, qui *Urbani Papæ* nomine a *Gratiano* ibidem refertur: *Res Ecclesiæ non quasi propriæ, sed ut communes, & Domino oblatæ, cum summo timore non in alios, quam in præfatos usus sunt fideliter dispensandæ. Episcopus, par quæ ratione ceteros Ecclesiastici Ordinis viros. Rebus Ecclesiæ tanquam commendatis, non tanquam propriis uti debere, declarat Concilium Carthaginense iv. quod & S. Augustinus docet, qui huic intererat Concilio, Epist. clxxv. alias 50. Si (inquit) privatim, quæ nobis sufficiunt, possidemus, non sunt illa nostra, sed pauperum, quorum procuracionem quodammodo gerimus, non proprietatem nobis usurpacione damnabili vindicamus. Et can. 1. Quamvis, causa xii. quæst. 11. qui est Concilii Nicæni 11. can. 11. Omnium Ecclesiasticarum Rerum Episcopus habeat sollicitudinem, & dispense eas tanquam Deo contemplante, Non liceat autem ei fraudare quidquam ex illis, vel cognatis propriis donare, quæ Dei sunt. Hinc *Julianus Pomerius*, Lib. 11. De Vita Contemplativa, cap. ix. & post eum *Synodus Parisiensis* Sexta, Lib. 1. cap. xv. ait: *Nibil aliud esse res Ecclesiæ, nisi vota fidelium, pretia peccatorum, & patrimonia pauperum: ideoque Sanctos Pontifices non eas vindicasse in usus suos, ut proprias, sed ut commendatas pauperibus vindicasse. Hinc S. Hieronymus in Expositione „**

Clerici bonorum Ecclesiasticorum dispensatores sunt, non Domini.

Pro-

Propheta: Judices ejus quasi lupi Arabiæ, occidentes vespere, & nil relinquentes in mane; non aspicientes ad ortum Solis, sed morantes semper in tenebris, & possediunculas Ecclesiæ, & ea, quæ in Dei donaria continentur, vertentes in lucrum suum, ut non habeant pauperes, quod mane comedant: qui quasi in nocte; & nullo vidente populantur, & cum lutorum more cuncta diripiant, ne parvos quidem cibos indigentibus derelinquant. *Ex quibus ita colligit Concilium Parisiense* vi. Sicut igitur præmissa documenta declarant, non sunt res Ecclesiæ ut propriæ, sed ut dominicæ, & a Domino commendatæ tractandæ. Quicunque ergo eas ad suos proprios usus, terrenosque honores, & delectationes retorquet, quantifit discriminis, quantæque transgressionis, aperte animadverti potest. Idem confirmat Concilium Turonense III. can. x. & Cabilonense II. can. vi. Aquigranense anno DCCCXXXVI. p. II. can. VII. Nannetenſe, can. x. Idem confirmat *Alexander III. cap. Fratritatem*, Ext. *De Donationibus*, cujus hæc sunt verba: *Cum Episcopus, & quilibet Prælatuſ rerum Ecclesiasticarum sit Procurator, non Dominus.*

Derecto bonorum huiusmodi eorum usu.

Hanc etiam ob causam Concilium Tridentinum sessione xxv. cap. I. *De Reformatione*, Episcopis, & quibuscumque Beneficia Ecclesiastica, tam Sæcularia, quam Regularia obtinentibus, „ Omnino interdicit, ne ex redditibus Ecclesiæ consanguineos, familiaresve suos augere studeant; cum & Apostolorum Canones prohibeant, ne Res Ecclesiasticas, quæ Dei sunt, consanguineis donent; sed si pauperes sint, iis ut pauperibus distribuunt, eas autem non distrahant, nec dissipent illorum causa: imo, quam maxime potest, Sancta Synodus monet, ut omnem humanum hunc erga fratres, nepotes, propinquosque carnis affectum, unde multorum malorum, in Ecclesia seminarium extat, penitus deponant. Quod & Concilia, Tridentinum secuta, scilicet Rothomagenſe, Burdigalense, Aqueſe repetunt.

Consanguinei ex Ecclesiæ proventibus non ditandi.

Hanc Regulam confirmat *S. Bernardus*, Epistola II. Clericos omnes in unius Fulconis persona sic interpellans: *Conceditur tibi, ut si bene deservis, de Altario vivas, non autem ut de Altario luxurieris, ut de Altario superbias, ut inde compares tibi fræna aurea, sellas depictas, calcaria deargentata, varia, griseaque pellicea a collo, & manibus ornatu purpureo diversificata. Denique quicquid præter necessarium viduum, ac simplicem vestitum de Altario retines, tum non est, rapina est, sacrilegium est.* Et Sermone XVIII. in Cantica: *Timeant Clerici, timeant Ministri Ecclesiæ, qui in terris Sanctorum, quas possident, tam iniqua gerunt, ut stipendiis, quæ sufficere debeant, minime contenti, superflua, quibus egeni sustentandi forent, impie sacrilegeque sibi retineant, & in usus suæ superbiæ, atque luxuriæ viduum pauperum consumere non vereantur: duplici profecto iniquitate peccantes, quod & aliena diripiant, & sacris in suis vanitatibus, & turpitudinibus abutuntur.*

Et Declamatione in illud Evangelii, *Ecce nos reliquimus omnia, hæc habet: De Altario vivat, non superbiat, non luxurietur, denique non ditetur, nec contra Sancti cuiusdam dignam omni acceptione sententiam ex Clericatu ditior fiat. Non sibi de bonis Ecclesiæ ampla Palatia edificet, mutans quadrata rotundis; nec loculos inde congreget; nec in vanitate, aut superfluitate dispergat. Non extollat de facultatibus Ecclesiæ consanguineos, aut nepotes, (ne filias dixerim) nuptui tradat. Res pauperum non pauperibus dare, par sacrilegii criminis esse dignoscitur. Sane patrimonialia pauperum, facultates Ecclesiæ, & sacrilega eis crudelitate surripitur, quicquid sibi Ministri, & Dispensatores, non utique Domini, vel possessores, ultra viduum accipiunt, & vestitum. Nec enim ordinavit Deus his, qui Evangelio serviunt, de Evangelio quæerere, aut habere delicias, vel ornatum; sed vivere (ait Paulus) ex eo, ut vi-*

Matth. 19

delicet sint contenti alimenta corporis, non irritamenta gula, aut incentiva libidinis; Quibus tegantur, non quibus ornentur, accipere.

Et Epist. XLII. „Dicite Pontifices, non quidem in Sancto, sed in freno quid facit aurum? Hoc me etiam tacente, et si non Curia Regum, tamen penuria pauperum clamat. Nobis frigore, & fame laborantibus, quid conferunt tot mutatoria, vel extensa in periculis, vel plicata in manticis? Nostrium est, quod effunditis, nobis crudeliter subtrahitur, quod inaniter expenditis. Et nos enim Dei plasmatio, & nos Christi Sanguine redempti sumus. Nos ergo fratres vestri. Videte, quale sit de fraterna portione pascere oculos vestros. Vita nostra cedit vobis in superfluas copias. Nostreis necessitatibus detrahitur, quicquid accedit vanitatibus vestris. Duo denique mala de una prodeunt radice cupiditatis, dum & vos vanitando peritis, & nos spoliando perimitis.

De recto bonorum Ecclesiasticorum usu.

Hanc denique Regulam confirmat S. Thomas, 2.2. qu. CLXXXV. art. VII. ubi quærit, Utrum Episcopi mortaliter peccent, si Bona Ecclesiastica, quæ procurant, pauperibus non largiantur. Respondet, Aliter essediendum de propriis bonis, quæ Episcopi possidere possunt, & de Bonis Ecclesiasticis. Nam propriorum bonorum verum dominium habent: unde ex ipsa rerum conditione non obligantur, ut ea aliis conferant, sed possunt ea, vel sibi retinere, vel etiam aliis pro libito elargiri; possunt tamen in eorum dispensatione peccare propter inordinationem affectus, per quam contingit, quod vel sibi plura conferant, quam oporteat, vel aliis etiam non subveniant, secundum quod requirit debitum charitatis. Non tamen tenentur ad restitutionem, quia huiusmodi res sunt eorum dominio deputatæ: sed Ecclesiasticorum Bonorum sunt procuratores, vel dispensatores.

Clerici bonorum Ecclesiasticorum dispensatores sunt, non Domini.

Ad dispensatorem autem requiritur bona fides, secundam illud 1. ad Cor. IV. Hic jam quæritur inter dispensatores, ut fidelis quis inveniat. Sunt autem Bona Ecclesiastica non solum in usus pauperum, sed etiam ad cultum divinum, & necessitates Ministrum expendenda. Si ergo distincta sint bona, quæ debent in usum Episcopi cedere, ab his, quæ sunt pauperibus, & Ministris, & cultui Ecclesiæ eroganda; & si aliquid sibi retinuerit Episcopus de his, quæ sunt pauperibus eroganda vel etiam in usum Ministrorum, aut in cultum divinum expendenda; non est dubium quin contra fidem dispensationis agit, & mortaliter peccat, & ad restitutionem tenetur. De his autem, quæ sunt specialiter suo usui deputata, videtur esse eadem ratio, quæ est de propriis bonis: ut scilicet propter immoderatum affectum, & usum peccat quidem, si immoderata sibi retineat, & aliis non subveniat, sicut requirit debitum charitatis. Si vero non sint prædicta bona distincta, eorum distributio fidei ejus committitur. Et si quidem in modico deficiat, vel superabundet, potest hoc fieri absque bonæ fidei detrimento. Si vero sit molis excessus, non potest latere: unde videtur bonæ fidei repugnare: & ideo non est absque peccato mortali.

Idem docet Quodlibeto VI. qu. VII. art. I. Bonorum (inquit) patrimonium, vel licite acquisitionum, homo est vere Dominus: Bonorum vero Ecclesiasticorum Clerici non sunt vere Domini, sed Dispensatores. Et infra: Si non conservet bonam fidem in dispensando, mortaliter peccat.

S. Caroli Admonitio ad Clericos.

Argumentum istud S. Caroli Admonitio Conc. Mediolanensis IV. auctoritate firmata concludet. Is Clericos, quorum tenues sunt redditus, sic compellat: Exemplo Sanctorum, vos paupertate, sobrietate, ac parsimonia ita agite; ut non modo a supervacanearum rerum usibus abstinentes, sed vestro etiam defraudantes victu, Ecclesias vestras, & Altaria exornetis, larta.

facta recta habeatis, sacra suppellectili instruatis: alienis item necessitatibus subveniatis, & pauperibus optulemini.

Eos vero, qui pinguiora possident Beneficia, his verbis admonet, „ Qui vero ubiores Ecclesiasticos redditus habetis, Ecclesias equarum prædiis fructus percipitis, eo magnificentius, & augustius quo amelioribus donis, bonisque, augustiorque liberalitate illæ dotatæ sunt, illustri structura, præclaro opere restructis, egregisque muneribus exornate, tam omni Ecclesiasticæ suppellectili apparatu instruite, Christi visceribus substantiam Ecclesiasticam erogate, pauperibus scilicet, peregrinis, viduis, pupillis, ægrotis, in vincula coniectis, captivis: quibus egentibus, & indigentibus cum subvenire possitis, si alimenta necessaria denegatis, violatæ charitatis rei estis in conspectu Domini. Memores estote ejus, quod a SS. Patre Ambrosio scriptum est: Sua Fideles eo animo obtulisse Ecclesiæ Ministris, ut pereorum manus, quorum fidei, atque integritati summa omnia tribuebant, ad pauperes pervenirent.

Vos item alii, quicumque estis, quorum fidei Christi patrimonium proprie ad divini cultus, pauperumque usum committum est; cavete; ne ambitione, aut cupiditate prolapsi, in alium quam cui additum est, convertatis; idque propterea sacrilegii rei, damnationem æternam mereamini.

R E G U L A X.

Restitutionis lege tenentur, qui Bona Ecclesiæ, seu Redditus Ecclesiasticos in usus illicitos expendunt.

Prima quidem fronte contrariam sentire videri potest S. Thomas Quodlibeti vi. quæstione, & articulo citatis, ad tertium; Bona (inquit) Ecclesiastica non solum sunt dispensanda pauperibus, sed etiam Ecclesiæ Ministris. Aliter ergo dicendum est de illis Ecclesiasticis Bonis, quæ principaliter sunt attribuenda necessitatibus pauperum, & ex consequenti necessitatibus Ministrorum, sicut sunt bona Hospitalium, & aliorum hujusmodi: & aliter de illis bonis, quæ sunt principaliter attributa usibus Ministrorum; sicut sunt Præbendæ Clericorum, & alia hujusmodi: nam in primis bonis peccatum committitur non solum ex abusu, sed etiam ex ipsa rerum conditione, dum aliquis in suos usus assumit, quod est alterius, & ideo tenetur ad restitutionem tanquam defraudator rei alienæ: in secundis vero bonis non committitur peccatum, nisi per abutulum, sicut & de bonis patrimonialibus dictum est: unde non tenetur quis ad restitutionem, sed solum ad Pœnitentiam peragendam. Verum S. Thomas sensus est, ad restitutionem minime teneri, qui in Bonorum Ecclesiasticorum dispensatione sibi commissâ paululum modum exceßerint, sive in suos usus paulo plus quam par sit expendendo, sive consanguineis, domesticis, aut aliis, quibus propter obsequia, aut beneficia aliquid tribuere possunt, (juxta dispositionem cap. Relatum est, Extra, De Testamentis,) aliquanto plus erogando quam oporteat. Sed non negat quin ad restitutionem teneantur, si in usus pravos, & illicitos deliberata voluntate expenderint, quod pauperum est: imo id satis aperte significat in eodem articulo. Verum (inquit) quia horum dispensatio fidei dispensatoris committitur, si quis bona fide dispenset Ecclesiastica Bona, inde accipiens, quod sibi convenit secundum conditionem status, & personæ, & aliis largitur secundum, quod sibi videtur bona fide expedire, non peccat mortaliter, etiam si forte aliquid plus in suos usus convertat, quam oporteat: talia enim, quæ

De recta bonorum Ecclesiasticorum usu.

De recta bonorum Ecclesiasticorum usu.

„ in suo

in singularibus est eorum iudicium, non possunt per omnimodam certitudinem definiri: unde si non sit multus excessus, potest compati bonam fidem dispensatoris: si vero multus excessus sit, non potest latere; & ita non potest cum bona fide dispensatoris hoc agi: si autem non conservat bonam fidem in dispensando, peccat mortaliter. Quicumque ergo mala fide consumit, quod pauperibus debetur, raptor est, & ad restitutionem tenetur.

Et in Responsione ad quartum: *Neque* (inquit), moderatus usus divitiarum, neque bona fides dispensatorum salvari videtur in eo, qui scilicet superfluas expensas facit in voluptuosis conviviis, & aliis huiusmodi superfluitatibus, & sic non est dubium, quod in talibus peccat mortaliter: unde dicitur Matthæi xxiv. Si dixerit malus servus ille in corde suo, Moram facit dominus meus venire, & cœperit percutere conservos suos (quod pertinet ad superbum, & crudele dominum) Manducet autem, & bibat cum ebrios (quod pertinet ad superflua, & voluptuosa convivia:). Veniet dominus servi illius in die, qua non sperat; & hora, qua ignorat, & dividet eum, (scilicet in societate Sanctorum:). Partemque ejus ponet cum hypocritis; scilicet in Inferno; unde ibi subditur. Ibi erit fletus, & stridor dentium. Si autem aliquis non multum in talibus excedat, potest bona fide fieri ab aliquo, qui vult secundum decentiam sui status morem gerere his, quibus convivit.

Ceterum Clericos, qui redditus Ecclesiæ in usus illicitos expendunt, scilicet in meretrices, histriones, canes, equos superfluos, ludos, immoderata & sumptuosa convivia; in consanguineos ditandos, &c. ad restitutionem teneri docet *Sanctus Raymundus* in *Summa* Libr. 11. Titulo de *Raptoribus*, §. viii., De Meretricibus autem, & histrionibus, de quibus quæsitum est, dico, Prælatos, & Clericos qui res Ecclesiæ talibus, vel similibus personis conferunt, vel etiam consanguineis, non propter naturam sustentandam, sed ut faciant eos divites de patrimonio Crucifixi; item divitibus, & potentibus, non propter aliquam causam licitam, vel honestam, sed propter favorem sæculi, & pompam: tales (inquam) Prælatos, & Clericos, qui talibus conferunt bona Ecclesiastica pauperibus debita, dico esse raptores, & per consequens teneri ad restitutionem omnium. Hieronymus: Ecclesiam fraudare, sacrilegium est; accepisse pauperibus erogandum, & esurientibus plurimis illud reservare, vel cautum, vel timidum est; aut, quod apertissimi sceleris est, aliquid inde subtrahere, omnium prædonum crudelitatem superat. xii. Quæst. 11. Gloria Episcopi. Item Concilium Toletanum, Si illi, qui nulla ex rebus suis pauperibus distribuunt, æterni Judicis voce condemnabuntur in futuro: quanto magis ii, qui auferunt pauperibus, quod non dederunt? xii. Quæst. 11. Si illi.

De recto
bonorum
Ecclesiasti-
corum usu.

Idem docet *Sanctus Antoninus*, 111. Part. Summæ, Titulo xv. Cap. 1. §. 10. De bonis (inquit), seu fructibus Beneficiorum, quæ dant Clerici consanguineis, vel personis turpibus, Utrum in dando peccent, & teneantur ad restitutionem. Super hoc dicit Raymundus, quod Clerici, qui consanguineis potentibus, vel meretricibus, & histrionibus, & similibus bona Ecclesiastica pauperibus debita tribuunt, raptores sunt, quia quicquid Clerici habent, pauperum est, dicit Hieronymus xvi. Quæst. 1. Cap. finali. Nam pauperibus debentur: unde ad restitutionem tenentur omnium pauperibus, vel in utilitatem Ecclesiæ.... Idem videtur sentire S. Thomas Secunda Secundæ, Quæst. cxxxv. Petrus vero De Palude in Quartum, Distinct. xxiv. Quæst. 111. dicit. Quod quidam dicunt, quod

„ illud „

illud, quod Clerici in malos usus consumunt de patrimonio Jesu Christi, non tenentur restituere de proprio, quia sunt domini ejus, quod percipiunt aliter testari non possent. In re autem propria quilibet est moderator, & arbiter, ut patet. Argumentum etiam ad hoc est: Extra, De Clerico non Residente, Cap. 1. ubi dicitur, Quod qui non interest Horis sine causa rationabili, si recipit distributiones quotidianas, quæ pro hujusmodi dantur, non facit eas suas, sed tenetur ad restitutionem; ergo a contrariis, si interest Horis, facit eas suas, & si male expendit, non tenetur ad restitutionem. Alii dicunt; Quod non habet fructum favore sui, sicut pater in bonis filii adventitius, quorum fructus si male consumit, non tenetur restituere: sed pro bono Ecclesiæ, & pauperum facti sunt administratores, & tutores, qui sunt quasi domini, sed non quando pupillum spoliant. Et ideo, sicut illi possunt sibi vitium, & vestitum retinere, & benemeritis dare: sed si male expendunt, tenentur restituere; sic & isti. Et istud magis consonat dictis Sanctorum, & Juri Canonico. Hæc Petrus. Unde Hieronymus: Tibi, o Sacerdos, De Altario vivere, non luxuriari permittitur, Distinct. XLIV. Cap. 1. Et Augustinus dicit: Non illa nostra sunt, quorum procuracionem quodammodo gerimus, non proprietatem nobis ulurpatione damnabili vindicamus, XII. Quæstione 1. Can. Si privatum: Ubi dicit Glossa, Quo loco Domini habentur Prælati cum bene administrant, loco prædonis cum male, ff. pro empt. L. Qui fundum. §. Si tutor. Cui concordat ipse Petrus dicens, Quod Prælati sunt domini sub certa lege: scilicet si bene utantur, alias restituere tenentur; sicut in his, quæ dantur ob certam causam in legatis relictis sub certo modo, quibus deficientibus, licet dominium translatum fuerit, repetuntur.

Panormitanus, in Cap. Cum secundum, Extra, De Prebendis, censet, quod Beneficiati convertentes redditus Ecclesiæ in usus inhonestos, Si haberent patrimonium, tenerentur de suo reddere Ecclesiæ, quod male expenderunt.

Idem docet Alvarus Pelagius Joannis XXII. Pœnitentiarius Libro 11. De Placitu Ecclesiæ, Cap. xxviii. Ex dicto (inquit) Hieronymi potest elici solutio hujus Quæstionis, quod teneantur ad restitutionem, cum dicat, Permissum victum de bonis Altaris, non abusum. Fateor, quod durus est hic sermo, & multos scandalizat, sicut verbum Christi, Nisi quis manducaverit carnem meam: Nihilominus verus est; quia licet actio contra tales præsumptores directa non procedat, indirecta tamen procedit non solum coram Deo, sed etiam coram Ecclesia, quia rationem tenentur reddere de malis expensis Clerici Episcopo, Can. Placuit, Causa x. Quæst. 111. ibi. Et in singulis annis Episcopo ratio fiat. Et Clerici Ecclesias suas tenentur conservare indemnes de dilapidatione, & malis expensis, & de damnis, quæ eis intulerunt, ut est expressum XII. Quæst. 11. Statuimus, ibi: Et de facultatibus, si quas habent proprias, indemnem Ecclesiam reddant.

Sed luculentius nihil ad istius Regulæ confirmationem afferri potest Concilii Mediolanensis 1. Decreto sub S. Carolo borromeo, Tit. LXIII., Et sacrorum Canonum Decretis statutum est, & Sanctissimorum Patrum testimonio celebratum, quæ bona Fidelium pietas Deo consecravit, ea vel illorum necessitatibus honeste sublevandis, qui divinis dicati obsequiis, Christi Ministri, & dispensatores Mysteriorum Dei effecti essent; vel Ecclesiis reficiendis, earumque ornamentis ad divinum cultum necessariis comparandis, vel pauperibus sustentandis addicta esse; siquidem ubi primum Ecclesiæ bona esse cæperunt, eam naturam, & conditionem con-

secuta

De recto bonorum Ecclesiasticorum usu.

secuta sunt, ut in alium quam sacrum, & pium usum eorum fructus converteri neas esset. Quare cavendum est, ne cupiditate prolapsi, quæ radiæ est omnium malorum, dum vel propriis, vel propinquorum, & familiarum divitiis, & honoribus studeamus, quæ Deo dicata sunt bona, & Ecclesiæ detrimentum, & pauperum gemitu, & bonorum offensione ad aliorum usum convertamus. Itaque nos Sacrorum Canonum, & Sanctorum Patrum auctoritate innixi, atque iis inducti, quæ Sacra Tridentina Synodus de Officio administrandi Bona Ecclesiastica significavit, eos omnes, qui ea obtinent, vehementer monemus, ut muneris sui memores hæc, quæ sequuntur diligentissime præsent. Episcopi, Abbates, Præpositi, Pastori, ac ceteri omnes cuiuscumque dignitatis, & gradus, Ecclesias, etiam eorum Administrationi commissas, ac quæcumque Beneficia Ecclesiastica, etiam simplicia, quomodocumque etiam commendata, in Provincia nostra obtinentes, omni diligentia cognoscere studeant, quibus Oneribus eorum Ecclesiæ, & Beneficia ex bonorum Ecclesiasticorum natura, vel ex illorum, quæ obtinent, propria institutione; vel ex conditione Apostolicis Litteris in Provisione dictorum Beneficiorum eis præscripta, vel alia quacumque ejus generis ratione subjaceant, illisque integre satisfaciant. Quod si facere omiserint, sed eos fructus sibi vindicare, vel ad alios transferre ausi fuerint, vel in quem debent usum, non impenderint; se ex Sacris Canonibus, & Sanctorum Patrum Sententia sacrilegii reos esse intelligant; & eorum omnium necessaria restitutione teneri; neque ulla omnino, etiam immemorabili, consuetudine excusari. Noverint etiam ii, ad quos scientes hujusmodi fructus, vel aliquod ex illis commodum quovis nomine pervenerit, se eadem restitutionis lege teneri.

II vero, qui Ecclesias, & Beneficia Ecclesiastica quæcumque obtinent, quorum fructus ad eos, tanquam divinorum obsequiorum Ministros, honeste sustentandos proprie sunt attributi, si uberiores sint quam ad tuendam vitam, conditionisque suæ rationem requiratur; dubitare non debent, ad eum finem hanc copiam illis esse attributam, ut præter ea, quæ ad victum, & cultum eorum satis essent, suppetere etiam, quibus divini cultus ornatus, ac splendor conservaretur, & pauperum inopia, & indigentia sublevaretur; quemadmodum etiam Deus plerosque divitiis cumulat, ut amicos sibi faciant, a quibus, cum defecerint, in æterna recipiantur tabernacula. Quamobrem per viscera misericordiæ Jesu Christi obtestamur, atque monemus, ut meminerint, ea bona non esse sibi credita ad luxum, neque ad augendos sanguineos, sed ad vitam honeste, ut fidelem Dei Ministrum, & pietatis Christianæ Magistrum decet, traducendam. Ex eo vero quod supererit, si necessaria pauperibus alimenta denegarint, intelligant se, quos non paverint, occidisse; atque ob violatam sanctissimæ charitatis legem mortale peccatum commississe, quo sibi iram in die iræ thesaurizaverint.

Modum autem, & rationem, qua nitiri se pro conditione, & gradu unumquemque oporteat ad vitam suam fructibus Ecclesiasticis honeste traducendam, eam esse omnes debent intelligere, quæ ab iis non discrepet, quæ in Sacris Canonibus, & præsertim in his nostris Constitutionibus, de Clericali frugalitate, & modestia statuta.

Personæ turpes, lufores, consanguinei divites Clericorum, & alii, quibus sine iusta causa Ecclesiasticorum Bonorum fructus contulerunt, ad restitutionem tenentur.

ITa docet S. Raymundus loco supra citato, §. 9. Sed quid (inquit) defocaris, & huiusmodi turpibus personis, & aliis supra dictis, quæ sic pascuntur, vel ditantur de rebus Ecclesiæ, numquid & ipsi tenentur ad restitutionem? Utrique XIV. quæst. VI. Si Res aliena, propter quam peccatum est, reddi potest, & non redditur, pœnitentia non agitur, sed fingitur: si autem veraciter agitur, non remittitur peccatum, nisi restituatur ablatum: sed differenter (inquit S. Raymundus) nam turpes personæ indistincte tenentur restituere, si possunt; nisi forte fuerit eis datum causa elemosinæ, cum essent in necessitate, quod fieri debuit. Divites vero, & Potentes, credo, quod teneantur similiter ad restitutionem; si illud recipiebant per fraudes, vel minas, vel importunitatem indebitam, vel alias sine iusta causa: Sed cui fiet hæc restitutio? Credo, quod auctoritate Iudicis Pœnitentialis debeat fieri Ecclesiæ, cui sic injuriose ablatum est: item illi eidem, qui dedit, nisi cum turpiter dedit; tunc enim non sibi, sed Successori suo poterit fieri: vel in utilitatem Ecclesiæ convertetur; vel etiam ejusdem loci pauperibus, si hoc expedire videbitur, erogetur.

Idem confirmat S. Antoninus loco supra citato: Male autem recipientes a Personis Ecclesiasticis de Bonis Ecclesiarum, videlicet de fructibus, & elemosinis Beneficiorum, ut fornicariæ, & histriones, & consanguinei, non ratione indigentia, sed parentela, & lufores & alii huiusmodi; & domini potentes per fraudes, minas, & importunitates, secundum Raymundum, tenentur restituere: non quidem illi, qui turpiter dedit, sed auctoritate Superioris convertere in utilitatem illius Ecclesiæ, vel pauperibus erogare. XVII. quæst. IV. Si quis in a-

De recto bonorum Ecclesiastico-
rum usu.

R E G U L A XII.

Si Clerici de Bonorum Ecclesiasticorum portione usui suo destinata, (sive illa in fixis redditibus, sive in distributionibus, aut oblationibus adventitiis consistat) aliquid sibi subtraxerint, id consanguineis suis, aut aliis erogare licite possunt, ea moderatione adhibita, ut ditiores inde non fiant:

Hanc Regulam tradit S. Thomas, 2. 2. quæst. CXXXV. art. VII. ad II. Bonum (inquit) Ecclesiarum non sunt solum expendenda in usus pauperum, sed etiam in alios usus. Et ideo si de eo, quod usui Episcopi, vel alicujus Clerici est deputatum, velit aliquis sibi subtrahere, & consanguineis suis, vel aliis dare, non peccat, dummodo illud faciat moderate, id est, ut non indigeant, non autem ut divites inde fiant. Id confirmat ex S. Ambrosio Lib. I. De Officiis, cap. XXX. dicente: Est etiam illa probanda liberalitas, ut proximos seminis tui non despicias, si egere cognoscas. Melius est enim, ut ipse subvenias tuis, quibus pudor est ab aliis sumptum deposcere, aut alicui subsidium necessitati: non tamen, ut illi ditiores eo fieri velint, quod tu potes conferre inopibus; causa enim prestat, non gratia. Neque enim propterea te Domine dicasti, ut tuos divites facias: sed ut vitam tibi perpetuam fructu boni operis acquiras, & pretio miserationis peccata redimas tua. Putant se parum poscere? Pretium tuum querunt, vitæ tuæ fructum adimere contendunt, & se iusto facere putant. Ecce accipit, quod cum divitem non feceris, cum te ille velit æternæ vitæ fraudare mercede.

R E G U L A XIII.

Graviter peccat Clericus, qui imminente necessitate pauperibus subveniendi, reservat, ac reponit in futurum id, quod ex Ecclesiasticis redditibus ipsi residuum est.

DOctrina est S. Thomæ, 2. 2. quæstione, & articulo mox laudatis, in Responsione ad quartum: Bona (inquit) Ecclesiarum usibus pauperum deservire debent. Et ideo si quis necessitate non imminente providendi pauperibus, de his, quæ superfluent ex proventibus Ecclesiæ, possessiones emat, vel in thesauro reponat in futurum utilitati Ecclesiæ, & necessitatibus pauperum, laudabiliter facit. Si vero necessitas imminet pauperibus erogandi, superflua cura est, & inordinata. ut aliquis in futurum conservet. Quod Dominus prohibet, Matth. vi. dicens Nolite solliciti esse in crastinum. Quando vero necessitas illa non imminet, cum semper pauperes nobiscum habeamus? Præclare Petrus Cantor in Verbo Abbreviato, cap. lxx. Quomodo (inquit) Prælati, successores Apostolorum, hujus temporis dicunt. Ecce nos reliquimus omnia, & secuti sumus te? Cum temporalibus abundent, etiam supra laicos; cum omnia ea inquirant, quæ Gentes; cum thesaurizent sic contra præceptum Domini multiplicantes aurum, & argentum, equos, & phaleras, & pompam seculi, quod etiam Regibus Israel erat prohibitum, ne reducerentur in Ægyptum. Quomodo prædicabunt subditis dispergere, & erogare bona sua pauperibus, qui dispersa non cessant congregare, & reponere? Tutius esset, nec habere, unde aliis erogarent.

R E G U L A XIV.

Clerici, qui sufficiens ad sustentationem suam Patrimonium habent, Ecclesiasticorum tamen Beneficiorum redditibus, oblationibus, aliisque stipendiis ad necessarium victum, honestumque vestitum tuto conscientia uti possunt.

De recto bonorum Ecclesiasticorum usu.

Deut. 25.

HÆc Regula colligitur ex Apostolo 1. ad Corinth. ix. cap. uti probat, se ipsum, ac Barnabam exigere potuisse a Corinthiis necessitatem sustentationis, quamvis ex manuum suarum labore viverent, qui patrimonii loco ipsis erat. Quis (inquit) militat suis stipendiis unquam? Quis plantat vineam; & de fructu ejus non edit? Quis pascit gregem, & de lacte gregis non manducat? Numquid secundum hominem hæc dico? An & Lex hoc non dicit? Scriptum est enim in Lege Moysi: Non alligabis os bovi trituranti. Numquid de bobus cura est Deo? An propter nos utique hoc dicit? Nam propter nos scripta sunt: Quoniam debet in spe, qui arat, arare, & qui triturat, in spe fructus percipiendi. Si nos vobis spiritualia seminavimus, magnum est, si nos carnalia vestra metamus? Si alii potestatis vestre participes sunt, quare non potius nos? Sed non usi sumus hac potestate: sed omnia sustinemus, ne quod offendiculum demus Evangelio Christi. Nescitis, quoniam qui in Sacrario operantur, quæ de Sacrario sunt, edunt: & qui Altari deserviunt, cum Altari participant? Ita & Dominus ordinavit iis, qui Evangelium annuntiant, de Evangelio vivere.

Id confirmat perpetua Ecclesiæ Disciplina, praxisque: nunquam enim Clericos Patrimonium sufficiens habentes a reditu Ecclesiasticorum, Decimarum, distributionum, aut oblationum participatione exclusit, aut Beneficia possidentes ad relinquendum Patrimonium obligavit; aut erogandum pauperibus portionem Bonorum Ecclesiasticorum ipsorum sustentationi, atque usui alias destinaram. Imo Canones bona propria de-

functi Episcopi, aut cujusvis alterius Clerici, a Redditibus Ecclesiasticis diligenter separari jubent, & ista Ecclesiæ, illa vero ejus hæredibus servari. Episcopus etiam, aliisve Clericis permittunt, ut patrimonialia, propriaque bona donent, vel testamento legent, quibus voluerint: Ecclesiasticorum vero Bonorum fructus, sive oblationes, alteri, quam Ecclesiæ, relinquere non possint. Ita can. XL. inter eos, qui Apostolici vocantur: *Sint manifestæ res propriæ Episcopi, si tamen habet proprias; & manifestæ Dominicæ, ut potestatem habeat de propriis moriens Episcopus, sicut voluerit, & quibus voluerit derelinquere; ne sub occasione Ecclesiasticarum Rerum interdicant Res Episcopi.* Justum enim est apud Deum pariter, & homines simul, ne Ecclesiæ per ignorationem rerum Episcopi damni aliquid sustineat; simul ne Episcopus, aut cognati ejus, prætextu Ecclesiæ oblectantur. Refertur can. *Sint manifestæ*, causa XII. quæst. I.

Concilium Antiochenum, can. XXIV. *Manifesta sunt (inquit) quæ pertinere videntur ad Ecclesiam cum notitia Presbyterorum & Diaconorum, qui circa ipsam sunt, ita ut agnoscant, nec ignorent, quæ sunt Ecclesiæ propria, nec eos aliquid lateat: ut si contigerit Episcopum migrare de seculo, certis existentibus rebus; quæ sunt Ecclesiæ, nec ipse collapsæ depereant, nec quæ propria probantur Episcopi sub occasione rerum pervadantur Ecclesiæ. Justum namque, & acceptum est coram Deo, & hominibus, ut sua Episcopus, quibus voluerit derelinquat, & quæ Ecclesiæ sunt, eidem conserventur Ecclesiæ; ut nec Ecclesiæ aliquid patiatur incommodum, nec Episcopus sub occasione proferbatur Ecclesiæ, & in causas incident, qui ad eum pertinent, & ipse post obitum maleditionibus ingravetur.*

Concilium Agathense, can. XLVIII. *Episcopi de rebus propriis, vel acquisitis, vel quicquid de proprio habent, hæredibus suis, si voluerint, derelinquant: quicquid vero de provisione suæ Ecclesiæ fuerit, sive de agris, sive de fructibus, sive de oblationibus, omnia in jure Ecclesiæ servare consueverunt.* Hi, alique Canones manifeste probant, Clericos Patrimonium habentes, Ecclesiasticos redditus nihilominus percepisse, iisque uti potuisse ad congruam, & honestam sustentationem: ita tamen, ut quod ex illis residuum esset, Ecclesiæ post eorum obitum servaretur.

Præterea, Ecclesiæ redditus esse stipendia Clericorum ministerio, & laboribus debita, Canones asserunt: Jure igitur utendi stipendiis illis non privantur, quibus sufficiens Patrimonium est; si Ecclesiæ serviant. Ita Concilium Agathense can. XXXVI. *Clerici omnes, qui Ecclesiæ fideliter, vigilanterque deserviunt, stipendia sanctis laboribus debita, secundum servitii sui meritum, vel ordinationem Canonum a Sacerdotibus consequantur.*

Et Innocentius III. cap. Cum secundum, Extra. De Præbendis, ait: *Cum secundum Apostolum, qui Altari servit, vivere debeat de Altari: & qui ad onus eligitur, repelli non debeat a mercede; patet a simili, ut Clerici vivere debeant de Patrimonio Jesu Christi, &c.*

Frustra vero quidam obijciunt can. Ex his, causa XII. quæst. I. cujus hæc sunt verba: *Ex his, quibus Episcopus indiget, si tamen indiget, ad suas necessitates, & peregrinorum fratrum usus & ipse percipiat, ut nihil ei possit omnino deesse.* Hæc enim verba, si tamen indiget, non significant, Episcopum, vel Clericum, cui sufficiens Patrimonium est, Ecclesiasticis redditibus ad sustentationem suam uti non posse; sed ex hujusmodi redditibus tantum accipere, & expendere ei licere, quantum opus erit & ad peregrinos suscipiendos & hospitalitatem exercendam. Unde subdit idem Canon: *Lex enim Dei præcipit, ut qui Altario deserviunt, pascantur de ipso.*

De recto bonorum Ecclesiasticorum usu.

Frustra

Frustra etiam obijciunt Canonem, Clericos, sub S. Hieronymi nomine citatum causa 1. quæst. 11. *Clericos autem illos convenit Ecclesiæ stipendiis sustentari, quibus parentum, & propinquorum nulla suffragantur bona. Qui autem bonis parentum sustentari possunt, si quod pauperum est accipiunt, sacrilegium profecto committunt, & per abusionem talium, judicium sibi manducant, & bibunt.* Hic enim Canon de iis intelligendus est, qui cum Patrimonium sufficiens habeant, Ecclesiasticis redditibus abutuntur, eosque in malos usus convertunt; vel occasione augendi Patrimonii se a divinis subtrahunt obsequiis, quibus sic absentibus, & Ecclesiæ minime servitilibus, fructus Bonorum Ecclesiasticorum jure non competunt, nec illos suos faciunt. Vel de quarta pauperibus debita, quæ dari prohibetur divitibus, Canon exponendus est. Denique si absolute, & absque illis exceptionibus, verba Canonis accipiantur, exhortationem, & consilium, non præceptum continet. Si tamen locupletes Clerici de bonis Ecclesiæ percipiant, licet non debeat eis denegari portio, quia nemo cogitur suis stipendiis militare, mortaliter peccant, si ex cupiditate sua reservant. Ita Canonem illum explicat Glossa.

Frustra tandem obijciunt illa S. Augustini verba, Epistola cxxxv. alias L. *Si pauperum compauperi sumus, & nostra sunt, & illorum; si autem privatim, que nobis sufficiant, possidemus, non sunt illa nostra, sed pauperum, quorum procuracionem quodammodo gerimus, non proprietatem nobis usurpatione damnabili vindicamus.*

Item verba Juliani Pomerii, Libro 11. *De Vita Contemplativa*, cap. x., Nec illi, qui sua possidentes, dari sibi aliquid inde volunt, sine grandi peccato suo, unde pauper victurus erat, accipiunt. De Clericis, quidem, dicit Spiritus Sanctus, Peccata populi mei comedunt. Sed sicut nihil habentes proprium, non peccata, sed alimenta, quibus indigere videntur, accipiunt: ita possessores non alimenta, quibus abundans, sed aliena peccata suscipiunt. Refertur Canone Pastor, causa 1. qu. 11.

Verum hæc verba non perstringunt Clericos, qui Patrimonium habentes, ex redditibus Ecclesiæ nihilominus vivebant, sed eos, quibus cupiditas ingressum in Collegia, seu Congregationes, ac Societates Ecclesiasticas suadebat, non ut Ecclesiæ servirent, sed ut a suscipiendis apud se pauperibus, & peregrinis immunes, Patrimonium augerent, & ex substantia pauperum interim viverent. Ita horum Patrum sententias interpretatur Innocentius IV. in cap. *Episcopus*, Extra, *De Præbendis*, scribens: „Intendit Auctor Canonicis prohibere, ne quis de Patrimonio avare thesaurizet; & bona Ecclesiæ expendat; alias autem licet bona sua conservare hæredibus, & bona Ecclesiæ expendere. Atque hunc esse Juliani Pomerii sensum, verba sequenti Canone relata ostendunt: Illi quoque (inquit) qui velut idonei, nihil quidem sibi dari, velut debitum possunt, sed tamen Ecclesiæ sumptibus vivunt, non est meum dicere, quali peccato cibos pauperum præsumendo suscipiant; qui Ecclesiam, quam juvare propriis facultatibus debuerunt, suis expensis insuper gravant: propter hoc fortassis in Congregatione viventes, ne aliquot pauperes pascant; ne advenientes suscipiant, aut ne suum censum expensis quotidianis imminuant.

Hinc Aquilgranense Concilium anno mcccxvi. cum ex Juliani Pomerii verbis cap. 107. Regulæ, quam præscripsit Canonicis, contexerit, ait tamen cap. 115. ipsos *Proprias res, & Ecclesiæ cum humilitate, & justitia habere posse.* Et cap. 120. Proinde (inquit) qui suas, & Ecclesiæ habent facultates, & in utilitatem Ecclesiæ interius, & exterius conferunt, accipiant in Congregatione cibum, & potum, & partes elemosynarum, & his contenti sint, ne plus accipientes, pauperes gravare videantur. Et cap. 122. Qui vero suis, & Ecclesiæ abundat rebus, instante sterilitatis tempore, eis, quos

De recto bonorum Ecclesiasticorum usu.

quos pauperes pascit Ecclesia, suis facultatibus cum charitate, & humilitate suffragari procurent.

Prosper Fagnanus Vir Canonici Juris Consultissimus, oppositos hac in materia Canones trium temporum distinctione conciliat, in cap. *Si quis*, Extra, De Peculio Clericorum. Primum tempus est (inquit) quando in primitiva Ecclesia Clerici communiter habitabant, & nihil proprii habebant, sed omnia habebant communia, & de illis bonis communibus Clerici vivebant primo juxta dispensationem Apostolorum, deinde juxta dispensationem Episcoporum, qui Apostolis successerunt. Et secundum hoc tempus non est querendum, an Sacerdotes, & Clerici habentes propria, possent vivere de bonis Ecclesiæ, cum nihil proprium possiderent. Secundum tempus successit, in quo Episcopi videntes utiles fore, ut prædia oblata conservarentur Ecclesiis Cathedralibus, ut ex eorum fructibus posset omnibus indigentibus uberius subveniri, statuerunt, ut bona hujusmodi non venderentur, sed conservarentur, & Episcopus haberet potestatem ea dispensandi, prout cuique opus esset: & de redditibus Ecclesiæ fierent quatuor partes, quarum una deberetur Episcopis, alia Clericis, tertia fabricæ, quarta pauperibus. Et hoc tempore emanarunt Jura, quæ disponunt, ut Clerici habentes proprium nullatenus participent de redditibus Ecclesiæ. Ratio ejus dispositionis fuit, quia cum adhuc illicitum videretur, ut Clerici proprium possiderent contra vestigia Apostolorum, & nonnulli id facerent clam, ut ostenderent se sanctiores, quam essent, ut in *C. Certe*, xii. Quæst. 1. multo detestabilius videbatur, ut proprium haberent, & nihilominus viverent de Redditibus Ecclesiasticis, qui reservati erant principaliter pro subsidio indigentium: unde satis erat, ut permitteretur eis, Bona Patrimonialia possidere. Ideoque constitutum fuit, ut Clerici etiam servientes, stipendia Ecclesiastica non acciperent, nisi essent pauperes, prout disponitur *C. Sacerdos* 1. Quæst. 2. Tertium, & ultimum tempus fuit, quando Clerici, cum non essent ita ferventes in fide, cœperunt licite, omni scandalo cessante, possidere propria, & Ecclesiæ construi, & dotari principaliter pro earum Ministris, & erecti etiam fuerunt Tituli Beneficiales. Et hoc tempore statutum fuit, ut Clerici possent licite vivere de redditibus Ecclesiæ, & Bona Patrimonialia suis hæreditibus relinquere. Sit igitur firma Conclusio, quod Clerici etiam habentes proprium Patrimonium, possint sustentari de redditibus Beneficii: cui suffragatur etiam universalis consuetudo.

R E G U L A XV.

Clerici, quibus sufficiens Patrimonium est, urgente pauperum necessitate Reddunt omnes Ecclesiasticos, sive fructus Beneficiorum, decimas, distributiones, oblationes, aliasque obventiones sacras, pauperibus erogare tenentur, & ex Patrimonio suo vivere: alioqui graviter peccant.

Hanc Regulam tradit S. Thomas, 2. 2. quæst. CLXXXV. art. VII. ad tertium: *Nom omnia Bona Ecclesiarum (inquit) sunt pauperibus largienda, nisi forte in articulo necessitatis, in quo etiam pro redemptione captivorum, & aliis necessitatibus pauperum, vasa cultui divino dicata distribuntur, ut Ambrosius dicit: Et in tali necessitate peccaret Clericus, si vellet de rebus Ecclesiæ vivere, dummodo haberet patrimonialia bona, de quibus vivere posset.*

Denique illis, qui plene sufficientem habent sustentationem ex Patrimo-
nio, vel ex Beneficio, alterum est superfluum, ac proinde pauperibus
debitum: qui vero, neque ex Patrimonio, neque ex Beneficio sufficien-

De recto bonorum Ecclesiasticorum usu.

Lib. II. Officiorum cap. XXVIII.

, tem omnino sustentationem habent, ea lege utrumque retinere possunt, ut ex utroque nihil accipiant ultra sustentationem decentem, juxta conditionem proprii status. Quod enim vere superfluum est, dandum esse pauperibus, Theologi communiter docent (ait pius, & eruditus Cardinalis Bellarminus Libr. 1. *De Clericis*, cap. xxviii.) Certe si divino præcepto divites Laici obligantur ad ea pauperibus eroganda, quæ sibi superflua sunt, secundum illud Lucæ 111. *Qui habet duas tunicas, det non habenti: & qui habet escas, similiter faciat*: sic Christianæ Moralís egregii Doctores SS. Hieronymus, & Augustinus vere dixerunt, ille in Epistola ad Hedibiam, quæst. 1. *Si plus habes, quam tibi ad victum, vestitumque necessarium est; illud eroga, & in illo debitorum esse te noveris*: iste vero Ennarratione in Psalm. xlvii. num. 12. *Superflua divitum, necessaria sunt pauperum. Res alienæ possidentur, cum superflua possidentur*: quanto magis Clerici tenentur superflua, sive Beneficii, sive Patrimonii, sive utriusque, pauperibus erogare, non solum extremam, non solum gravem, sed communem etiam necessitatem patientibus; cum thesaurizare in terris non debeant, qui Dominum partem esse suam, ac hereditatem singulari quadam ratione profitentur; bonaque Ecclesiastica, quæ possident, deposita sint pietatis, & Patrimonia pauperum, illorum fidei, ac dispensationi commissa?

APPENDIX AD TRACTATUM

DE ORDINE.

CAPUT VI.

DE BENEFICIIS ECCLESIASTICIS,

Illicitaque eorum Captatione, Possessione, Resignatione, Permutatione, & Beneficiorum Officiis.

Beneficium Ecclesiasticum est Jus perpetuum percipiendi fructus ex Bonis Ecclesiasticis provenientes, Ecclesiæ auctoritate constitutum, competens Clerico propter Sacrum Ministerium, seu Officium spirituale, quod exhibere debet Ecclesiæ, cujus ex bonis sustentatur.

Ecclesiastici
beneficii de-
finitio ex-
plicitur.

Dicitur Jus perpetuum. Pensiones enim, quæ ad certum duntaxat tempus sunt concessæ, & Pensionarii morte extinguuntur, non sunt Beneficia. Nec etiam Dignitates, & Administrationes temporariæ, quales sunt Vicariorum Generalium, & Officialium Episcopi. Dicitur Auctoritate Ecclesiæ constitutum: Quia Summi Pontificis, aut Episcopi approbatio, & confirmatio necessaria est, ut proventus aliqui Ecclesiis, sive Clericis ob officium spirituale concessi, rationem Beneficiorum habeant. Unde Capellanæ, seu redditus ob Missarum celebrationem in perpetuum fundati, quos vulgo Obitus nuncupamus, Beneficia Ecclesiastica non censentur, sed stipendia duntaxat, vel eleemosynæ; nisi ab Episcopo, aut a Romano Pontifice in Beneficii Titulum accepti sint, & instituti. Dicitur Clerico competens: Quia nemini conferri potest, qui non sit prima saltem Tonsura initiatus. Dicitur denique Propter Sacrum Ministerium: Quia Beneficia ad divinum cultum, atque Ecclesiastica Munia obeunda sunt constituta, ut loquitur Concilium Tridentinum Sess. xxi. cap. 111. *De Reformatione*. Unde Beneficium, Ecclesiasticum Ministerium appellatur, Cap. Quia nonnulli, Extra. *De Clericis non residentibus*: Ut merito Beneficium propter Officium dari dicatur, Cap. Quia per ambitio-

sam,

jam, Tit. *De Rescriptis*, in Sexto. Officium autem illud non sola Canoniarum Horarum, seu Breviarii recitatio intelligenda est, ad quam omnes Beneficarii tenentur, sed Sacramentorum Administratio, Missarum celebratio, Evangelii prædicatio, aliæque functiones sacræ, quibus ex institutione, & ordine Ecclesiæ Beneficarii sunt obstricti, ut colligitur ex cap. *Significatum*, Extra, *De Præbendis*, & *Dignitatibus*. Cum enim æquum sit, eos, qui Altari serviunt, de Altari vivere; a contrario sensu sequitur, eos, qui de Altari vivunt, Altari servire oportere. Unde Concilium Colonienſe anno MDXLIX. celebratum Tit. ix. cap. III. *Divini* (inquit) *Juris est, ut qui servit Altari, de Altari vivat: Nec bono jure is, qui non servit Altari, de Altari vivit: Sicut stipendium non debetur nisi militanti*. Quamobrem, si nullum speciale munus Beneficiis sit annexum, iis Ecclesiasticum aliquid Ministerium, ut annexat Episcopus conveniens est Ecclesiæ Disciplinæ, ut statuit Concilium Mediolanense I. Constitutionum P. II. Tit. xxvi. Si (inquit) aliqua Dignitas, Personatus, aut Officium in Ecclesia fuerit, cui neque ab Institutione, neque a Jure communi, neque a propriis Constitutionibus, quæ probatæ sint, neque his Decretis proprium Munus in divinis Officiis sit attributum, aut quod sit non satis constet; Episcopi, duobus adhibitis de Capitulo, quorum alter ab Episcopo, alter a Capitulo deligatur, assignet singulis Dignitatibus, & Officiis proprium Munus, quemadmodum cum sententia sacerdotum Canonum, & cum propriæ Ecclesiæ probatis Constitutionibus, & cum his Sanctionibus pro ratione loci magis congruere judicabunt. Ceteris etiam Beneficiis, quæcumque jam ab Ecclesiasticis Officiis immunita reperiuntur, sive Canonicatus, sive Clericatus, sive etiam simplicium nomine appellantur, iis Episcopus pristina Munera restituat: Ac, si non constat satis, qualia essent, pro prædictum ratione Munera imponat, aut Missas, Divinaque Officia celebrandi; aut si Clericatus, simpliciarum Beneficia sint, Minorum etiam Ordinum functiones obcundi ad divini cultus propagationem. Idem statuit Concilium Burdigalense anno 1624. celebratum, cap. xviii. Num. I.

Beneficia porro nuncupata sunt, quod actione benefica, & spontanea conferantur Clericis Ecclesiæ militantibus, sicut & prædia, quæ Militibus præstans, & secularibus, concedebantur, feuda, & beneficia dicta sunt.

Omissa Beneficiorum divisione in ea, quæ Dignitatem habent, & præminentiam singularem, quæ & Personatus interdum appellantur; & ea, quibus annexa est Cura Animarum; & ea, quæ sunt absque Dignitate, & Cura: Beneficiorum primaria, & maxime vulgata divisio est in Sæcularia, & Regularia. Sæcularia sunt, quæ Clericis Sæcularibus tantum; Regularia, quæ Regularibus tantum debentur, & conferri possunt, id est, qui Professionem in aliquo Ordine Religioso, Beneficiorum capace, secundum Ecclesiæ Disciplinam emiserint; vel ei nomen dederint, profitendique intra annum conditionem subeant. Hinc tritum illud, & praxi receptum: *Sæcularia Sæcularibus, Regularia Regularibus*. Prout Concordatis a Concilio Lateranenſi v. confirmatis, & Concilii Tridentini Sessione xiv. cap. x. & xi. *De Reformatione* statutum est.

Quædam rursus Beneficia sunt cum Animarum Cura conjuncta, ut Episcopatus, Decanatus, Cura Parochialis, Abbatia, Prioratus Regularis, &c. Quædam sine Animarum cura, ut Canonicatus, Præbendæ, Capellanæ, ac Prioratus simplices. Ad Ordinem Beneficiorum curam Animarum habentium revocantur Ecclesiasticæ Dignitates, & Beneficia, quibus Jurisdictio contentiosa, & Jus quoddam correctionis morum est adnexum, quales sunt Archidiaconatus, & quædam Ecclesiarum Collegatarum Præfecturæ.

Beneficia rursus alia in Titulum, alia in Commendam collata sunt, Jure

Quotuplex
Beneficio-
rum genus.

Abbatum,
& Priorum
Commenda-
tariorum
obligatio.

novo Ecclesiæ probato: Alias enim reciproca erant in Ecclesia, Tituli Beneficii nomina. Ceterum commendata Beneficia dicuntur, quæ cum Regularia sint, a Summo Pontifice Clericis Sæcularibus, eorum immutata natura, velut Administratoribus conferuntur, atque commendantur. Commendatarios porro, si ætatem præscriptam a Jure ad suscipiendos Sacros Ordines attigerint, Concilium Rothomagensis Tit. *De Monasteriis*, intra annum promoveri debere decrevit; alias Episcopum pro suo jure agere posse, usque ad declarationem vacantium omnium Beneficiorum. Promotos vero ad celebrandam Missam, isdem legibus, quibus omnes Presbyteri obligandos, & compellendos esse ab Ordinariis, si fuerint contumaces, aut contemptores. Tum de eorum vita, & honestate subdit: *Commendatarii, quamvis ad Regularem observantiam non obligentur, ne tamen sint sine jugo, atque omni Regulari, decet eos medium statum, atque Ordinem sequi, & ostendere inter Regulares, & seculares Clericos in vestitu, in victu, & in omni ornatu. Tonsura utantur ampliori, quam Sacerdotali, habitu propius ad Regularem accedente: Nec existiment sibi commendatum Monasteriorum Regimen ad luxum, aut prodigalitatem, aut ad augendam rem suam, & consanguineorum familiam; sed ad piam, & justam alienarum rerum dispensationem, & quarum non habent proprietatem, Deoque de omnibus reddendam esse rationem.*

Ut autem præcipua vitia nolcantur, quæ in Beneficiorum Collatione, Capitatione, Possessione, Resignatione, & Permutatione contingant, Regulas quasdam pro more statuemus.

REGULÆ

Ad Beneficia Ecclesiastica promoveri non debent, nisi legitimi, & qui sint moribus, scientia, ætate, Ordineque idonei: Si vero sint Parochiales Ecclesiæ, requiritur insuper, ut idioma loci intelligant, & expedite loqui sciant.

Qui ad Beneficia Ecclesiastica possidenda idonei?

Excommunicatis conferri non possunt.

Ætas 25. annorum inchoatorum ad regimen Parochialis Ecclesiæ necessaria.

Beneficium enim Ecclesiasticum non potest sine institutione Canonici obtineri; secundum Regulam i. Juris, in Sexto. Pertinet autem ad Institutionem Canonici, ut Beneficium conferatur ei, qui sit ad illud possidendum, cuiusque functiones obeundas idoneus, puta, qui non sit Irregularis, nec infra legitimam ætatem (inquit S. Antoninus III. P. Tit. xv. §. *De Beneficiis*) Hinc Cap. *Postulasti*, Ext. *De Clerico Excommunicato*, deposito, vel interdicto ministrante, Innocentius III. respondet: *Cum excommunicatis communicari non debeat, Clericis excommunicationis vinculo innodatis Ecclesiastica Beneficia conferri non possunt, nec illi valent ea licite retinere, nisi forsitan cum eis fuerit misericorditer dispensatum: Cum ea non fuerint canonice consecuti.*

Idem confirmatur ex cap. *Licet*, Tit. *De Electione*, in Sexto. Licet Causa non a felicitis recordationis Alexandro Papa III. Prædecessore nostro editus, inter cetera statuerit, ut nullus Regimen Ecclesiæ Parochialis suscipiat, nisi vigesimum quintum annum ætatis attigerit, ac scientia, & moribus commendandus existat: Quodque talis ad Regimen assumptus humilissimi si monitus non fuerit præfixo a Canonibus tempore in Presbyterum ordinatus, a Regiminis ejusdem amoveatur Officio, & alii conferatur: Quia tamen in observatione Canonis memorati se multi exhibent negligentes: Nos periculofam illorum negligentiam volentes Juris executione suppleri, præsentis Decreto statuimus, ut nullus ad Regimen Parochialis Ecclesiæ assumatur, nisi sit idoneus moribus, scientia, & ætate: Decernentes collationes de Parochialibus Ecclesiis, his qui non attigerint vigesimum quintum annum, de cetero faciendas, viribus omnino carere.

Et

Et ex cap. *In Lateranensi*, Ext. *De Præbendis, & Dignitatibus*, quo *Inno-*
centius III. ex sententia Concilii Lateranensis *IV.* statuit, ut Regulares ad
 Regimen Parochialium Ecclesiarum, quæ ad ipsos pleno jure non pertinent,
 Episcopis Presbyteros instituendos præsentent, *Quos vel conversatio notos red-*
dit, vel commendat probabile testimonium Prælatorum.

Et Clemens V. Clementina Cum ei Tit. *III. De Concessione Præbende*, Scientia, &
 eum, cui Beneficium confertur, esse vult *Scientia idoneum, vitæ laudabilis,* Morum in-
 & *conversacionis honestæ.* tegratas.

Hanc Regulam confirmat Concilium Tridentinum, Sess. *XXIV.* cap. *XII.*
 De Reformatione. Nemo (inquit) deinceps ad Dignitates quascunque, qui-
 bus Animarum Cura subest, promoveatur nisi qui saltem vigesimum quintum Archidiaconus
 suæ ætatis annum attigerit; & in Clericali Ordine versatus, doctrina ad suum
 Munus exequendum necessaria ac Morum integritate commendetur, juxta Con-
 sultationem Alexandri III. in Concilio Lateranensi promulgatam, quæ incipit;
 CUM IN CUNCTIS. Archidiaconi etiam, qui Oculi dicuntur Episcopi, sint
 in omnibus Ecclesiis, ubi fieri poterit, Magistri in Theologia, seu Doctores, aut
 Licentiat in jure Canonico. Ad ceteras autem Dignitates, vel Personatus,
 quibus Animarum Cura nulla subest, Clerici alioquin idonei, & viginti duo-
 bus annis non minores adfiscantur. Quod de anno inchoato est intelligen-
 dum. Ad simplices autem Cathedralium Canonicatus sufficit decimus quar-
 tus annus completus: Ad Canonicatus Collegiarum, decennium comple-
 tum in Galliis: Ad Beneficia simplicia, quæ dicuntur ad simplicem Tonfu-
 ram, septennium completum. At extra Galliam nullus ante *XIV.* ætatis an-
 num Beneficium quodvis obtinere potest, juxta Tridentini Concilii Decre-
 tum Sess. *XXXIII.* cap. *VI. De Reformatione.*

Et infra. Neminem etiam deinceps ad Dignitatem, Canonicatum, aut Por-
 tionem recipiant, nisi qui eo Ordine aut sit initiatus, quem illa Dignitas, Præ-
 benda, aut Portio requirit; aut in tali ætate, ut infra tempus a Jure, & ab
 hac Sancta Synodo statutum initiari valeant.

In Galliæ Regno Oppidorum mutatorum Parochi Graduati esse debent, Gradus Aca-
 vel Artium Magistri, aut saltem triennium Studii Theologici, vel Juris Ca-
 nonici in aliqua Academia complevisse, ut patet ex Concordatis, Tit. *De*
Collationibus. Idemque statuitur de omnibus Ecclesiarum Cathedralium Di-
 gnitatibus, & Primariis Collegiarum, Edicto *Henrici IV.* anni 1606. Art. *XXXI.*
 Ad Præbendam Theologalem, non tamen ad Præceptoriam exigi-
 tur Gradus Doctoris in Theologia, ex Edicto Aurelianensi *Caroli IX.* Art.
VIII. & *Blesensi Henrici III.* Art. *XXXIII.*

Major autem scientia in Episcopis requiritur, quam in Parochialium Ec-
 clesiarum Rectoribus; major in Parochis, quam in Presbyteris animarum cu-
 ram non habentibus, major in Parochis urbium, quam Pagorum. Ad Epi-
 scopatum promovendi, *Scrutabiliter*, & non transitorie, debent legisse Sa-
 cro-s Canonēs, & omnem Divinam Scripturam. Substantia enim Summi Sacer-
 dotii, sunt Eloquentia divinitus tradita. Quod si hujusmodi lectione, & doctri-
 na sint destituti, nullatenus ordinandi sunt. Verba sunt Septimæ Synodi
 Oecumenicæ, relata Canone *Omnes Psallentes*. Dist. *XXXVIII.* Sed, & Cu-
 rati in studio Scripturæ Sacræ, & Canonum mediocriter saltem versati esse
 debent, ut colligitur ex Canone *Ignorantia*, Dist. *X.* qui ex Concilio To-
 letano desumptus est: *Sciant ergo Sacerdotes Scripturas Sanctas, & Canones,*
& omne opus eorum in Prædicatione, & Doctrina consistat; atque edificent cun-
 ctos tam Fidei scientia, quam Morum disciplina. Et Canone *Nulli*, Dist.
XXXVIII. Celestinus I. ait: *Nulli Sacerdotum liceat Canones ignorare: nec quic-*
quam facere, quod Patrum possit Regulis obviare. Eminentem litterarum in

Episcopo-
 rum scien-
 tia.

iis, qui ad Episcopatum, & Parochialium Ecclesiarum regimen promovendi, optat Ecclesia, competentem requirit, ut constat ex *Innocentio III. Cap. Cum nobis, Extra. De electione, & electi potestate*. Eminentis scientiæ est, *Qui subtile Questiones discutere, & definire novit, & in promptu Responsiones habet*. Mediocris vero scientiæ est. *Qui scit aliquo modo examinare negotia, quamvis ad omnia nesciat respondere; & qui in Libris veritatem rerum, quæ scire tenetur, scit quærere; etsi in promptu omnia non habeat*; ut explicat *Innocentius IV. in Cap. Cum in cunctis, De electione, & electi potestate*. Hinc Episcopus in lectione, & studio Scripturæ Sacræ, Sanctorum Patrum, Canonum, & Pastoralis Libri *S. Gregorii* assiduus esse jubent Concilia, Rhe-menſe II. Canone XIV. Turonense III. Canone II. & III. Cabilonense II. Canone I. Aquilgranenſe II. Canonibus II. III. & IV.

Eandem Regulam mire confirmat Concilii Toletani XI. Canon II. Quantum (*inquit*) quis præcelſi culminis obtinet locum, tanto necesse est præcedat ceteros gratia meritum; ut in eo quod præſidet ſingulis, ſingulariter ornatur eminentia ſanctitatis, habens ſemper in ore gladium veritatis, & in opere efficientiam luminis; ut juxta Paulum potens ſit exhortari in doctrina ſana, & contradicentes arguere. Nos proinde noſtri Ordinis gradum, vel ſuſcepti Regiminis modum magnopere cogitare debemus, ut qui officium prædicationis ſuſcepimus, nullis curis a divina lectione privemur. Nam quorundam mentes Pontificum, ita corporis otio a lectionis gratia ſecluduntur, ut quid doctrinæ ſubditis exhibeat gregibus, non inveniat Præco mutus. Inſiſtendum ergo ſemper erit Majoribus, ut quos ſub Regiminis ſui cura teneantur, fame verbi Dei perire non ſinant. Sic Metropolitanis in conſinitimos conſinitimis in commiſſo ſibi Religionum numero vigilandum eſt, qualiter nescientia talium divinæ Legis traditionibus imbuatur: Ita ut indefinenti ſolicitudine Prælatus quiſque ſubditos quærens, aut proſectum eorum lætabundus agnoſcat, aut nescientiam ſine arrogantia inſtruat. Placuit ergo de talibus juxta Inſtituta Toletani Concilii, ut aut ſponte ſumant intentionem neceſſariam perdiſcendi, aut a Majoribus ad lectionis exercitia cogantur inviti.

Hinc *S. Gregorius Magnus P. I. Pastoralis*, cap. I. Nulla ars (*inquit*) doceri præſumitur, niſi intenta prius meditatione diſcatur. Ab imperitis ergo Magiſterium Paſtorale ſuſcipitur in magna temeritate: Quoniam Ars eſt artium Regimen animarum. Quis autem cogitationum vulnera occultiora eſſe nesciat vulneribus viſcerum? Et tamen ſæpe qui nequaquam ſpiritualia præcepta cognoverunt, cordis ſe medicos proſiteri non metuunt; Dum qui pigmentorum vim nesciunt, videri Medici carnis erubeſcunt.

Quod vero promoveri ad Parochiales Eccleſias non debeant, niſi qui intelligant, & intelligibiliter loqui ſciant idiomata loci, ubi Eccleſia, aut Beneficium huiusmodi conſiſtit, aliaſque proviſio nullius ſit roboris, conſtat ex Regula XX. Cancellariæ Apoſtolicæ, *De Idiomate*. Cum enim Parochus Confeſſiones Pœnitentium excipere, illiſque verbum Dei prædicare, & Doctrina Chriſtiana imbuere illos debeat, omnino necesse eſt, ut eorum idiomate intelligibiliter loquatur. Quam Regulam confirmant verba Domini Ezechielis III. *Non enim ad populum proſundi ſermones, & ignora linguæ tu mitteris, ad domum Iſrael, quorum non poſſis audire ſermones, &c.*

Parochialibus Eccleſiis non præficiendi, niſi qui loci idioma intelligant, & loqui poſſint.

R E G U L A II.

Qui Beneficium impetravit Graduatis duntaxat, vel Doctoribus secundum Ecclesiæ Leges conferendum; aut illud vi Graduum obtinuit; illud tuta conscientia possidere, & retinere non potest, nisi præscriptum Studii tempus in aliqua Universitate perfecerit, ac scientiam adeptus sit competentem.

Hanc Regulam firmant pacta inter Leonem X. Romanum Pontificem, & Franciscum I. Concordata, & Concilium Lateranense v. ea confirmans Sess. xi. & Regum Christianissimorum Constitutiones Blesensis, Ludovici XII. anno 1498. Artic. 11. & Lugdunensis anni 1510. Art. viii. necnon Henrici III. quibus sancitum est, ut Beneficia Graduatis debita nonnisi illis conferantur, qui præscriptum, ac legitimum Studiorum tempus impleverint. Quamobrem, qui ad Gradus per saltum promoti fuerunt, Beneficia retinere non possunt Graduatis debita. Idem esto iudicium de illis, qui cum legitimo tempore studuerint, scientiam tamen competentem non sunt adepti. Alioqui Ecclesiæ Legibus illuditur, quæ certa Beneficia nonnisi Doctoribus, & Licentiatibus in Theologia, & Jure Canonico conferri decrevit, quia scientia, quam postulant Gradus illi Academici, necessaria est ad huiusmodi Beneficiorum functiones exercendas. Nam *Certum est, quod is committit in legem, qui legis verba complectens, contra legis nititur voluntatem.* Regula est Juris LXXXVIII. in Sexto.

Quid in eis desideretur, qui vi graduum Beneficia obtineant.

R E G U L A III.

Beneficia Ecclesiastica, Curam præsertim Animarum annexam habentia, suscipere nemo debet, nisi qui ad illa vocatus a Deo est.

Nec enim quisquam sumit sibi honorem, sed qui vocatur a Deo, tanquam Aaron; (inquit Apostolus Epistola ad Hebræos, cap. v.) Censeri autem debet a Deo vocatus, qui morum integritate, scientia, ætate, Ordine, ceterisque dotibus ad Beneficium obtinendum ejusque sacras functiones obeundas necessariis instructus, Ecclesiæque, ad quas, aut in quibus promovetur, necessarius, aut utilis ab Episcopo judicatur. Non solum enim ad Beneficia, sed ne ad Ordines quidem ullus est promovendus. *Qui iudicio sui Episcopi non sit utilis, aut necessarius suis Ecclesiis*, ut statuit Concilium Tridentinum Sessione xxiiii. cap. xvi. *De Reformatione.* Necesse est præterea, ut seipsum serio examinet, qui ad Beneficium promovetur, videatque, ne forte illud pro seipso postulaverit, suisque, aut parentum, vel amicorum precibus, aut favore illud impetraverit: Ne passionibus, aut conventionibus secretis, atque simoniaciis: Ne Pensionis absque legitima causa impossitæ, aut tertiam partem redditum excedentis onus subierit, & conditionem acceperit, ut Beneficium obtineret: Ne denique absque Institutione Canonica illud sit adeptus, aut prava intentione illud suscipiat. Explorare insuper debet voluntatem Dei, suis, piorumque orationibus, exemplo Christi, qui *Exiit in montem orare, & erat pernoctans in oratione Dei: & cum dies factus esset, vocavit Discipulos suos, & elegit duodecim ex ipsis, quos & Apostolos nominavit*; (ut habetur Luc. vi.) Virorum denique sapientum, & spiritualium consilium adhibere debet, sibi que ipsi diffidere, ne cupiditate sua decipiatur, ac seducatur.

Legitima vocatio. Quomodo exploranda?

R E G U L A IV.

Qui in Beneficia Ecclesiastica Curam Animarum habentia se ingerunt, vel illa ambiunt, a Deo minime sunt vocati.

Non sunt a Deo vocati, qui in Beneficia Curam animarum habentia se ingerunt aut illa ambiunt

NAm (ut scite ait Origenes Homilia vi. in Isaiam) Bonum est non proflire ad eas, quæ a Deo sunt Dignitates, & Principatus, & Ministeria Ecclesiæ; sed imitari Moysen, & dicere cum eo, Provide alium, quem mittas: Neque ad Principatum Ecclesiæ venit, qui salvari vult, sed ad servitutem Ecclesiæ.

Id confirmatur ex Canone, *Principatus*, qui est S. Leonis, & refertur Causa 1. q. 1. *Principatus*, quem aut seditio extorsit, aut ambitus occupavit, etiam si moribus, aut actibus non offendit, ipsius tamen initii sui est perniciosus exemplo, & difficile est, ut bono peragantur exitu, quæ malo sunt inchoata principio.

Et ex Canone, *In Scripturis*, qui est S. Gregorii, & legitur Causa viii. qu. 1. Sicut locus Regiminis desiderantibus negandus est, ita fugientibus offerendus. Et sicut scriptum est, nec quisquam sumit sibi honorem, sed qui vocatur a Deo tanquam Aaron. Desiderium quidem boni operis, & laboris, Ecclesiastico Beneficio annexi, laudabile est, secundum illud Apostoli, *Qui Episcopatum desiderat, bonum opus desiderat*; sed Principatus, ac dominationis desiderium damnum est. Illud charitatis est, adeoque divinæ vocationi congruum, istud ambitionis, ac proinde cœlesti vocationi adversum, ut explicant S. Jo. Chrysostomus Homilia x. in Epistolam 1. ad Timotheum; & Theodoretus Commentario in cap. 111. ejusdem Epistolæ. Laudabile fuerit Episcopatum appetere tempore persecutionis, quia Nihil aliud erat quam optare quotidianè millies pro Christo mori; sed vix id absque vitio contingeret nostris temporibus, quibus non aliud intelligitur Episcopatus appellatio, *Quam fructus, & vestigalia, & honores*, (inquit S. Gaudentius Brixiensis, in eundem Apostoli locum.) Et quamvis laboris solius bonique operis intuitu, optaret aliquis, aut postularet Beneficium Ecclesiasticum, cui annexa est animarum cura, ad idque esset idoneus, periculosum tamen esset hujusmodi desiderium, periculosa postulatio: Quia sibi inesse eam, quæ ad Sacras talis Beneficii functiones est necessaria, dispositionem, sine præsumptione vix quisquam de se ex propria animi sententia suspicatus: Præsertim quia Sæpe sibi de se ipsa mens humana mentitur, & fingit se de bono opere amare quod non amat, de Mundi autem gloria non amare quod amat: *Que principari appetens, fit ad hoc pavida, cum querit; audax cum pervenerit.* Quamobrem S. Augustinus Lib. 1x. De Civitate Dei, cap. xix. recte ait: *Locus superior, sine quo regi non potest, etsi ita teneatur, atque administretur, ut decet, tamen indecenter appetitur.* Et S. Gregorius Magnus, Pastoralis P. 1. cap. 1x. inter Ecclesiastici Regiminis difficultates, & bona medium illud tenendum docet. *Ut virtutibus pollens, coactus ad Regimen veniat; virtutibus vacuus, nec coactus accedat.* Hinc S. Isidorus Hispalensis, Lib. 111. Sententiarum, cap. xxxiv. Viro Ecclesiastico præcipit, ut *Ad dispensationem Ecclesiastici Ordinis, si ex Dei voluntate pervenerit, nolens quidem, sed humilis gubernandam suscipiat.* Id divinæ vocationis argumentum est.

Huc accedit, quod Lib. vii. Capitularium, cap. 449. scriptum est: *Ille in ovile ovium intrat per ostium, qui intrat per Christum. Ipse autem per Christum ingreditur, qui de eodem Creatore, ac Redemptore humani generis vera sentit, & predicat, & predicata custodit; culmen Regiminis ad officium portandi oneris suscipit, non ad appetitum gloriæ transitorii honoris; curæ quoque susceptæ*

ovium

Quando laudabile fuit Episcopatum appetere.

Locus Superior indecenter appetitur.

Nolentes ad Ecclesiæ regimen promovendi.

Quis intrat per ostium?

oviles solerter invigilat, ne oves Dei, aut perversi homines prava loquentes dilanient, aut maligni Spiritus oblectamenta vitiorum suadentes devastent.

Denique S. Thomas, Secunda Secundæ, Quæstione centesima, art. v. ad tertium, hanc Moralis Christianæ, quam stabilimus, regulam his verbis confirmat: *Si aliquis pro se rogat, ut obtineat Curam Animarum, ex ipsa præsumptione redditur indignus: & sic preces sunt pro indigno.*

Qui pro se
petit Curam
Animarum,
indignus est.

Consonat ista Doctoris Angelici doctrina S. Io: Chrysostomi Sententiæ, Homilia III. in Acta Apostolorum. Quem enim (*inquit*) conscium adibis, si procuraris vel per teipsum, vel per alium? Quibus oculis intueberis illum, qui tibi fuit auxilio? Quid habebis, quod excuses? Etenim qui nollens, & invitus compulsus est, habiturus est aliquam excusationem. Quamquam maxime & hic privatus est venia, nisi quod ad hoc coactus, aliquid habet excusationis. Cogita, quid acciderit Simoni. Quid enim refert, si non das pecuniam, sed pecuniæ loco adularis, subornas, multasque machinaris? Pecunia tua sit tecum in perditionem, ad illum dictum est: & his dicitur, Ambitio tua sit tecum in perditionem, quoniam putasti ambitu humano parari Regnum Dei.

R E G U L A V.

Qui Beneficia Ecclesiastica honoris, & reddituum temporalium intuitu principaliter suscipiunt, non solum a Deo non sunt vocati, sed lethalis peccati rei sunt.

HÆC Regula colligitur ex S. Augustino, Lib. 11. De Sermone Domini in Monte, cap. XIII. Sæpe (*inquit*) cogitatio necessariorum rerum, ad istam vitam pertinentium, fauciat, & sordidat interiorem oculum nostrum, & plerumque cor duplicat, ut ea, quæ videmus cum hominibus recte facere, non eo corde faciamus, quo Dominus præcipit, id est, non quia eos diligimus, sed quia commodum ab eis aliquod propter necessitatem præsentis vitæ adipisci volumus. Debemus autem benefacere illis propter salutem ipsorum æternam, non propter temporale commodum nostrum. Inclinet ergo Deus cor nostrum in testimonia sua, & non in emolumentum. Finis enim præcepti est charitas de corde puro, & conscientia bona, & fide non ficta. Qui autem propter suam in hac vita necessitatem fratri consulit, non utique charitati consulit: Quia non illi, quem debet tanquam se ipsum diligere, sed sibi consulit; vel potius nec sibi: Quandoquidem hinc sibi facit duplex cor, quo impeditur ad videndum Deum: In qua sola visione beatitudo est vera, atque perpetua. *Et infra:* Ergo si in terra erit cor, id est, si eo corde quisque operetur aliquid, ut terrenum commodum adipiscatur, quomodo erit mundum, quod in terra volutatur? Si autem in cælo, mundum erit, quia munda sunt quæcumque cælestia. Sordescit enim aliquid, cum inferiori naturæ miscetur, quamvis in suo genere non sordidæ; quia etiam de puro argento sordidatur aurum, si miscetur: Ita & animus noster terrenorum cupiditate sordescit.

Beneficia
Ecclesiastica
ob honorem,
aut propria
commoda
non susci-
pienda.

Idem confirmat Gaufridus Clarævallis Abbas, Declamatione in Evangelium Ecce nos reliquimus omnia, inter Opera S. Bernardi, §. 11. Petro dictum est, Simon Joannis, amas me? Pasce oves meas. Idemque tertio repetitum. Tertio dictum, Pasce, nec Mulge, seu Tonde, vel semel additum est. Speret ergo Discipuli locum, gradum Ministri, qui dominicum pascere gregem satagit, quam tondere: Pascere vero tripliciter, exemplo conversationis. verbo predicationis, fructu orationis; & pascere ad mandatum Christi, ut Nemo si hunc sumat honorem, sed qui vocatus fuerit a Deo tanquam Aaron.

Joann. 21.

Hebr. 5.

Quod de Episcopis dixit Tridentina Synodus Sess. 25. De Reformatione cap.

cap. I. reliquos Beneficiarios etiam spectat. Optandum est, ut se non ad propria commoda, non ad divitias, aut luxum; sed ad labores, & sollicitudines pro Dei gloria vocatos esse intelligant. Nec enim dubitandum est, & Fideles reliquos ad religionem, innocentiamque facilius inflammandos, si Præpositos suos viderint non ea, quæ Mundi sunt; sed animarum salutem, ac cælestem patriam cogitantes.

Puritas intentionis signum est legitime vocationis.

De divinæ vocationis ad Beneficia necessitate, ac recta intentione, quæ vocationis illius argumentum est, sic loquitur Concilium Biterricense anno Christi 1484. Tit. xxxvi. Canone 1. Cum Beneficium Ecclesiasticum non otiosis, sed Officium suum exequentibus sit constitutum, & propter Officium detur Beneficium, denunciavit hæc Synodus omnibus cujuscumque gradus, & conditionis, qui Beneficia Ecclesiastica solius temporalis proventus gratia suscipiant, eos non facere fructus suos, sed ad restitutionem teneri.

Hanc Regulam confirmat S. Thomas, Quodlibeto IX. qu. VII. art. II. Si aliquis (inquit) hæc intentione plura Beneficia habeat, ut sit ditior, ut lautius vivat, & ut facilius ad Episcopatum perveniat in aliqua Ecclesiæ, ubi est præbendatus, non tolluntur prædictæ deformitates, sed augentur; quia cum tali intentione & unum Beneficium habere, esset illicitum.

S. Antoninus, P. II. Summæ, Tit. III. cap. V. §. IV. Quærere (inquit) & appetere hujusmodi Curata (sive Beneficia, quibus adnexa Cura Animarum est) principaliter propter honores, & divitias, quæ inde sequuntur hominibus, videtur esse mortale: & ratio est, quia est contra ordinem charitatis. Nam non solum dilectio Dei, & proximi est in præcepto, sed etiam ipse ordo dilectionis. Est autem de ordine dilectionis, ut diligatur prius salus animarum, quam corporum: sed hunc ordinem talis pervertit, præferens temporalia, quæ ordinantur ad corpus, scilicet divitias, & honorem, saluti animarum, quæ exercetur per curam.

Quia Deo non vocati.

Nemo igitur a Deo vocatos dixerit, qui malis artibus captant Beneficia, fraudulentæ, verbi gratia, permutationis commento, quales æ sunt, quæ imminente morte fieri solent; cum scilicet Clericus mortui proximi Beneficium suscipit, non ut illius impleat officium, sed ut Beneficium aliud locupletius, commodius, aut illudius in alterum transferat; atque hoc pacto Ordinarium Collatorem Jure suo fraudet.

A Deo vocatos nemo dixerit Beneficiorum nundinatores, qui empti prædii redditum, seu quemlibet collocatæ pecuniæ proventum, a se, vel parentibus suis hebdomadariæ Missarum celebrationi additum, & Obitus nomine, tituloque Beneficii ornatum, cum vero Beneficio, verbi gratia, Canonatu, Ecclesiastica Dignitate, Parochiali Cura, vel simplici Prioratu permutant: Quod palliatæ Simoniz genus est.

A Deo vocatos nemo dixerit, qui Beneficium cum aliis permutant, non ut Ecclesiæ necessitati, vel utilitati consulant, sed ut rem familiarem augeant, majusve commodum consequantur.

A Deo vocatos nemo dixerit, qui adulterinas Resignationes, & Permutationes causa mortis supponunt; vel Resignationes per plures annos cum detrimento Collatorum celant contra Legem Ecclesiæ, seu Regulam Cancellariæ Apostolicæ De Publicandis Resignationibus: Aut Beneficiarium mortem publicæ notitiæ subducunt, reconditis eorum cadaveribus, ut sursum in ipsorum Beneficia irrepant, aut Rescriptum de Resignatione in Romana Curia admissa recipiant: Quo pacto Regulis Cancellariæ Apostolicæ De Infirmit Resignantibus, sive de viginti diebus, & De verisimili notitia, foedæ illudant. Gravius hæc in specie Gallorum peccatum est, quia non Ecclesiastica tantum, sed & Regia violare non dubitant Edicta. Juber enim Fran-

ciscus

eifcus I. Edicto dato anno 1539. Artic. 54. domesticis defuncti Beneficarii, sub pœna corpori infligenda, ut Ecclesiæ sincere significant diem, ac horam obitus. In Laicos vero, qui corpus telaverint, pœnam capitis decernit: In Clericos exclusionem a quibuscumque Defuncti Beneficiis, præter multam pecuniariam a Judicibus infligendam.

A Deo vocatos nemo dixerit, Beneficiorum aucupes, seu Devolutarios, qui pacificis per annum possessoribus insidiantur, & ob commentitiam incapacitatem adversus ipsos litem movent: Aut, si revera sint incapaces, qui Beneficia illa possident, illos non ob Ecclesiæ amorem, Deique gloriam, sed solius ambitionis, & avaritiæ impulsu, privatique commodi causa in Jus vocant, & e Beneficiorum possessione dejiciunt.

A Deo vocatos nemo dixerit eos, qui Parochialem Ecclesiam, seu Curatum Beneficium postulant, & suscipiunt cum proposito in illo non ministrandi: Idemque de Præbendis dicendum est.

Quicumque enim quinque illis modis proxime recensitis captant Ecclesiastica Beneficia, lethali ter peccant, Beneficium absque vocatione, plerumque, & absque legitimo titulo suscipiunt, & retinent, fructus suos non faciunt, Beneficium sic impetratum inter manus Ordinarii Collatoris, sub æternæ damnationis periculo, ejurare tenentur.

R E G U L A VI.

Resignatio Beneficii in manus Collatoris fieri debet.

Sic enim Renunciationem definit *S. Antoninus* 11. P. Summæ, Tit. I. cap. v. §. 11. *Renunciatio est Juris proprii spontanea refutatio, quæ fieri debet in manibus ejus, a quo habetur institutio, & confirmatio.* Beneficiorum resignationes.

Eadem Regula nititur auctoritate *Alexandri III.* Cap. *Admonet*; & *Innocentii III.* Cap. *Quod in Dubiis*, Ext. *De Renunciatione.*

R E G U L A VII.

Beneficium Ecclesiasticum sine causa legitima, & canonica resignari non potest, vel ejurari.

Hanc Regulam tradit *Innocentius III.* Cap. *Nisi cum pridem*, Ext. *De Renunciatione*: Causasque enumerat, & explicat, ob quas hujusmodi Renunciatio, aut Resignatio fieri potest. Cause Canonice propter quas resignari possunt Beneficia.

Prima est, *Conscientia criminis*, forsitan non cujuslibet, sed duntaxat illius, propter quod ipsius officii executio post peractam Penitentiam impeditur.

Secunda est, *Debilis corporis*, quæ vel ex infirmitate, vel ex senectute procedit: Nec tamen omnis, sed illa solummodo per quam impotens redditur Beneficarius ad exequendum Officium.

Tertia est, *Defectus scientiæ competentis*, quæ circa spiritualium administrationem est potissimum necessaria, & circa curam temporalium opportuna.

Quarta est, *Malitia plebis*, quando plebs adeo duræ cervicis existit, ut Pastor proficere nequeat apud ipsam. Non autem pro qualibet culpa Pastor debet gregem deferere, ne mercenario comparetur, qui videt lupum venientem, & dimittit oves, & fugit: Sed de Superioris licentia, tunc demum potest non tam timide fugere quam provide declinare, cum oves convertuntur in lupos: & qui debuerant humiliter obedire, jam irrevocabiliter contradicunt.

Quinta est, *Grave scandalum*, quod aliter sedari non potest.

Sexta est, *Personæ Irregularitas*, si forte sit bigamus, vel viduæ maritus.

Quas causas hoc Distichon complectitur:

Debilis, ignarus, male conscius, Irregularis:

Quem mala plebs odit, dans scandala cedere possit.

Subdit ibidem Innocentius III. Si propter aliquam causam utilem, & honestam in huiusmodi proposito perseveres, de licentia nostra cedas, alioquin cedendi licentiam Auctoritate Apostolica tibi scias esse penitus interdictam.

Hanc Regulam confirmat S. Pius I. Constitutione LVIII. quæ incipit: *Quanta Ecclesie Dei*, cuius hæc sunt verba: *Episcopi, & alii facultatem habentes, eorum duntaxat Resignationes recipere, & admittere possint, qui aut senio confecti, aut valetudinarii, aut corpore impediti, vel vitiiati, aut crimini obnoxii, Censuris Ecclesiasticis irretiti, aut nequeunt. aut non debent Ecclesie, vel Beneficio inservire; seu qui unum aliud, vel plura Beneficia obtinuerint, vel quos ad aliud contigerit promoveri; Religionem quoque ingressuri, vel Matrimonium contracturi, si statim postea id re ipsa exequantur; denique si quis ex aliis causis acciderit, qui Constitutione felicitis recordationis Innocentii Papæ III. de dimittendis Cathedralibus Ecclesiis edita continentur. Qui etiam ob capitales inimicitias nequeunt, vel non audent in loco Beneficii residere securi.*

Quamobrem graviter peccant, qui alias ob causas Beneficio Ecclesiastico renunciant, illudve resignant, scilicet ad laborem declinandum, vitamque in otio traducendam: Cum otiositas, & voluptas arma sint Hostis antiqui ad miseræ animas captivandas, (ut loquitur Innocentius III. Cap. supra citato) & S. Martini exemplum imitari Viros Ecclesiasticos deceat, qui viribus corporis destitutus dixit: *Domine, si adhuc Populo tuo sum necessarius, non recuso laborem, fiat voluntas tua: Et exemplum Apostoli dicentis: Cupio dissolvi, & esse cum Christo: Manere autem in carne, necessarium propter vos.*

Phil. 1. 23.

R E G U L A VIII.

Resignatio in favorem, qua Clericus Beneficio renunciat, ea lege, ut illud certo cuiquam viro ab ipso Renunciante designato conferatur, Ecclesiastico Jure vetita est, & illicita: Et a solo Pontifice Romano admitti potest: Alioquin nullius est roboris, & Simonie pænis obnoxios facit Resignantem, & Collatorem.

Resignationes in favorem curantibus Canonicis prohibet?

IN Beneficiis enim Ecclesiasticis ea, quæ hereditarie successionis imaginem referunt, sacris Constitutionibus sunt odiosa, & Patrum Decretis contraria; (ut loquitur Concilium Tridentinum sess. xxv. cap. vii.) Quod autem Canones omnem in Beneficiis hereditariæ successionis spem adimant, ac damnent, evidens est ex Canone Plerique, Causa viii. qu. i qui est Synodi Romanæ sub Hilario Papa Canon v. Plerique Sacerdotes (inquit) in mortis confinio constituti, in locum suum feruntur alios designati nominibus subrogare: Ut scilicet non legitima expectetur electio, sed defuncti gratificatio pro populi habeatur assensu. Quod quam grave sit, æstimate. Atque ideo, si placet, etiam hanc licentiam generaliter de Ecclesiis auferamus: Ne, quod turpe didu est, homini putet quisquam debere, quod Dei est: Ab universis acclamatum est: Hec presumptio nunquam fiat: Quæ Dei sunt, ab homine dari non possunt. Item ex Canone Apostolica, qui est Concilii Lateranensis sub Innocentio II. decimus sextus, & refertur Causa, & Quæstione eisdem. Idem ex Cap. Extramissa, quod Alexandri III. Responsum est, Ext. De filiis Presbyterorum. Et ex cap. Quia Clerici, Ext. De Jure Patronatus.

Alia præterea ratio fuit, cur Resignationes in favorem antiqui Canones prohibuerint, quia In spiritualibus omnis pactio, vel conventio cessare debet, juxta Canonicas sanctiones, (ut respondet Innocentius III. Cap. Tua nos, Ext. De Simonia.) Resignatio autem in favorem, fit cum pacto quodam ut

Bene-

Beneficium illi conferatur, quem nominat Resignans, qui Beneficium suum non erat alias resignaturus. Hæc autem pactio, cum ex natura sua simonica non sit, modo temporalis alicujus commodi intuitu non fiat, quod in personam, vel familiam Resignantis ex ipsa Resignatione, & collatione ei facta, cujus in favorem est, redundet; sed una Ecclesiæ utilitas, & merita Resignatarii spectentur: Consequens est, illam non esse malam, nisi quia Canonibus prohibita est: Unde cum Summus Pontifex de Canonibus dispensandi summam potestatem habeat, Resignationis in favorem approbatio illi uni reservata est, cum tamen Collatores Ordinarii puras, & simplices Resignationes admittere, & approbare possint.

Accedit & tertia ratio, cur Resignationes in favorem veteribus Ecclesiæ Sanctionibus improbatæ fuerint, quia nimirum Collatorum Ordinarium libertatem coarctant, & oppugnant. Hanc ob causam Regum Christianissimorum ad Tridentinam Synodum Oratores in Mandatis habuere, ut Resignationum in favorem abrogationem postularent, ac diligenter urgerent. Id tamen obtinere non potuerunt. Potestas enim ipsas approbandi penes Summum Pontificem remansit: Episcopis autem, aliisque Collatoribus est adempta.

Solus Rom. Pontifex eas admittere potest.

Id confirmat Constitutio LVIII. S. Pii V. quæ incipit, *Quanta Ecclesiæ Dei*, cujus hæc sunt verba: *Caveant autem Episcopi, & alii prædicti, nemque omnes Electores, Præsentatores, & Patroni, tam Ecclesiastici, quam Laici, quicumque sint, ne verbo quidem, aut nutu, vel signo futuri in hujusmodi Beneficiis, & Officiis Successores, ab ipsis Resignantibus, aut aliis eorum significatione, vel hortatu designentur, aut de his assumendis promisso inter eos, vel etiam intentio qualiscumque intercedat.*

REGULA IX.

Qui Beneficium resignant in manus Ordinarii Collatoris, cum pacto expresso, vel tacito, ut illud conferat certæ cuidam personæ ab ipsis Resignantibus designatæ, aut ab aliis, eorum significatione, vel hortatu, rei sunt peccati mortalis, & in penas contra Simoniacos latis incurrunt.

Hæc Regula sequitur ex præcedenti, & iisdem argumentis nititur: Eamque confirmat S. Raymundus Lib. I. Summæ, Tit. I. de Simonia. §. XXIII. Quid (inquit) de quadam consuetudine, quæ in plerisque Ecclesiis inolevit, videlicet dum debent fieri multi Canonici, dicunt, majores præcipue ad invicem: Canonizemus Nepotulos nostros, forte adhuc in cunabulis, vel quasi vagientes; Placeat tibi de meo, & mihi placebit de tuo: Sic paciscuntur per hæc verba, vel æquipollentia. Alius modus est etiam. Dicit aliquis: Consuetudo est, quod sicut fuisti exauditus in una petitione, ego debeam exaudiri in alia. Item alius dicit: Nunquam me vivente fiet aliquis Canonicus in Ecclesia ista, nisi ille, pro quo rogavi prius fiat Canonicus, vel ad minus cum aliis. Nunquid in talibus, & similibus committitur Simonia? Respondeo: In primo, & ultimo casu committitur Simonia; quia dicit Canon: ABSIT omnis pactio cesset omnis conventio. Caus. I. qu. II. Can. QUAMPIO. Licet tamen Resignanti rogare Collatorem, ut Beneficium, cui pure, & simpliciter renunciat, alteri conferat. si ille sit idoneus: Quamquam non teneatur Ordinarius illi consentire, pro quo rogatum est. (Cap. Tua nos, Ext. De Simonia.) Idemque docet S. Raymundus: Si preces sunt spirituales, (inquit) non est Simonia... Si sint carnales, vel ex pacto quodam facto, vel nunc faciendo, Simonia est.

Resignationes Simoniacæ.

R E G U L A X.

Reformatio in favorem, in manus Summi Pontificis facta, ab Eoque approbata Resignantem a Simonia immunem non præstat, si ea intentione, eoque intuitu suum Beneficium alicui resignet, ut commodum aliquod temporale sibi, aut familie sue inde proveniat, non autem ob Ecclesiæ utilitatem, & merita personæ, cujus in favorem fit Resignatio.

Resignatio in favorem Simoniaca est, nisi mere gratuita, & ob Ecclesiæ utilitatem, ac merita personæ facta.

Tunc enim Renunciatio gratuita non est, sed contractum quemdam involvit ex parte Renunciantis, quem Jurisperiti his verbis exprimunt, *Facio ut des: Adeoque Jure divino est prohibita, utpote per se, & ex natura sua Simoniaca. Quod ex meo sensu non assero, sed ex sententia S. Thomæ in iv. Sentent. Dist. xxv. qu. 111. art. 111. ad septimum: Ille (inquit) qui dat ratione consanguinitatis præbendam alicui principaliter, aut intendit temporale bonum illius, cui datur, & non alterius; & sic peccat graviter, sed Simoniam non committit, quia non vendit; cum nihil accipiat. Aut intendit aliquod bonum in se ipsum redundans, sic quod magnificetur per hoc, & nobilitetur domus sua, vel quod ipse in consanguineis sit fortior: Et sic ipse aliquid accipere sperat, pro quo spiritualia dat, & Simoniam committit; & reducitur ad id munus, in quo contrahitur commodum, quod ex tali datione sperat. Pactio autem quæ natura sua Simoniaca est, Romani Pontificis auctoritate non potest a labe Simonie purgari. Falsum namque est quod a quibundam decantatur, Simoniam coram Summo Pontifice non committi. Si enim quancumque Simonie labem purgare posset, nunquam ipse Simoniacus esse posset. At id asserenti non Opinio erronea est (judice S. Thomæ ibidem, ad secundum:) Si enim Papa pro aliquo spirituali munus acciperet, Simoniam committeret, sicut & alius homo; quia sub Petro, cui Papa succedit, Simonie vitium damnationem inchoavit in Novo Testamento. Et quamvis res Ecclesiæ sint aliquo modo Papæ, non sunt tamen ejus omnibus modis habendi, sicut illud, quod ad manum habet. Non est autem dubium quod Simoniam committeret, si quis aliquod spirituale debitori suo daret ut quod suum est recuperaret: Et ita etiam in proposito Papa a Simonia non excusaretur, si (quod absit) spiritualia pro temporalibus rebus Ecclesiarum daret.*

R E G U L A XI.

Resignationes cum expressa, vel tacita conditione Regressus in eadem Beneficia, illicitæ sunt: Et ita Resignantes rei sunt peccati mortalis; nec ad illa Beneficia redire possunt absque nova Collatione, aut ea tuta conscientia retinere, eorumque fructus facere suos.

Resignationes cum regressus conditione illicitæ.

Hæc Regula nititur Decreto Conc. Trid. sess. 25. cap. 7. *De Reformatione*, cujus hæc sunt verba: *Cum in Beneficiis Ecclesiasticis ea, quæ hereditarie successionis imaginem referunt, sacris Constitutionibus sint odiosa, & Patrum Decretis contraria; nemini posterum accessus, aut regressus, etiam de consensu, ad Beneficium Ecclesiasticum cujuscumque qualitatibus concedatur. Nec hæcenus concessi suspendantur, extendantur, aut transferantur. Hocque Decretum in quibuscumque Beneficiis Ecclesiasticis, ac in quibuscumque Personis, etiam Cardinalatus honore fulgentibus, locum habeat.*

Eandem Regulam confirmat Constitutio S. Pii IV. 134. quæ incipit, *Romani Pontificis*, cujus hæc sunt verba: *Volentes omnem hereditariam Beneficiorum Ecclesiasticorum successionem de Ecclesiâ Dei tollere, ac libertati Beneficiorum hujusmodi providere, & ut de personis magis utili, & idonea, prout requi-*

quiritur, facilius provideri valeat: Omnes, & singulos regressus, accessus, & ingressus, etiam eventuales, aut penales, aut Coadjutorias etiam de consensu, aut alias quomodolibet, sub quibuscumque tenoribus, & formis, ac cum quibusvis efficacissimis, etiam Motu proprio, & ex certa scientia, ac de Apostolica Potestatis plenitudine, Clausulis irritantibus, & aliis Decretis quomodolibet per quosvis Romanos Pontifices Prædecessores nostros ad Beneficia Ecclesiastica, cum Cura, & sine Cura, secularia, & quorumvis Ordinum Regularia... quibusvis Personis cujuscumque status, gradus, Ordinis, & conditionis existentibus, etiam Episcopali, Archiepiscopali, Patriarchali, dignitate, aut Cardinalatus honore pollentibus concessa.... Motu proprio, & ex certa nostra scientia, ac de Apostolica Potestatis plenitudine, Auctoritate Apostolica, tenore præsentium revocamus, cassamus, & abolemus.

Tuta tamen conscientia potest aliquis ad resignatum Beneficium regredi, si Resignatarius sponte, & ultro illud ipsi offerat, & Episcopus hujusmodi regressum, ob majorem Dei gloriam, & Ecclesiæ utilitatem judicio suo approbet: Hec enim nova Collatio, & Provisio censetur. Imo Gallicanæ Ecclesiæ Jurisprudentia, & consuetudo, ei, qui infirmitate gravi, & mortis periculo constitutus, coram Ordinario resignaverit, permittit Regressum recuperata valetudine, aut cessante periculo, ut declaratur Edicto Ludovici XIII. Regis Christianissimi dato anno 1638. Article 20. Est etiam Regressui locus, si contingat unum ex comperutatis Beneficiis evinci: Certum enim pro incerto, & caduco Beneficio permutare nemo velit; quamobrem Jus ipsi succurrit hac in specie, *Cap. Si Beneficia 20. De Præbendis, in Sexto.*

Gallicanæ
Ecclesiæ ju-
rispruden-
tia.

R E G U L A XII.

Qualibet Resignatio dolo, fraude, vi aut metu facta, illicita, & irrita judicanda est; Nec Beneficium ita sibi collatum tuta conscientia retinere potest Resignatarius, aut illius fructus suos facere.

Hæc Regula colligitur ex Cap. *Super hoc*, quod Clementis III. Responsum est, Ext. *De Renunciatione*, cujus hæc sunt verba: *Supervacuum esse non credimus, causam Resignationis diligenter inquiri: Quam si forte probabilem, id est, non vi, nec metu, nec oppressione, nec interventu pecunie, nec promissione extortam Judex invenerit.... admittere non postponat. Porro licet negantis factum, per rerum naturam nullas sit probatio, ejus tamen qui spontaneam Renunciationem negat, probationes credimus admittendas.*

Quæ resi-
gnationes
irritæ?

Eadem Regula confirmatur ex Cap. *Abbas*, quod est Alexandri III. & cap. *Ad audientiam*, quod est Innocentii III. Responsum, Ext. *De iis, quæ vi, metu, & causa sunt*; cujus hæc sunt verba: *Quia vero, quæ vi, metu, & causa sunt, carere debent robore firmitatis: Mandamus, quatenus si eundem ad Resignationem constiterit vobis per talem metum fuisse coactum, qui potuerit, & debuerit cadere in virum constantem, non obstante juramento prædicto, quo non ad non repetendum, sed ad resignandum solummodo tenebatur, præfatam Ecclesiam ei restitui faciatis. Unde si committatur alicui Resignationis receptio a Romano Pontifice, in Litteris adscribi solet hæc clausula: *Attente quoque provideas, quod in Resignatione prædicta dolo, vis, metus, aut aliqua simoniaca labe non intervenerit; (ut patet ex Regula Romanæ Cancellariæ xl.)**

Idem rursus confirmatur ex Canone, *Si quandoque*, causa xv. qu. vi. cujus hæc sunt verba: *Si quandoque a Sacerdotibus, & Auctoribus Ecclesiæ, quedam scripturæ quoquomodo per metum, aut fraudem, aut per vim extor-
tæ fue-*

re fuerint... ad nullum eis præjudicium, vel nocumentum valore ce nſentur. Resignationes itaque dolo, vi, aut metu factæ, judicandæ ſunt irritæ. Quamobrem ei, qui in gravi infirmitate, aut mortis periculo, quocumque conſtitutus reſignavit, ſi Beneficium repetat, ipſumque Reſignationis pœnitent, tenetur Reſignatarius Beneficium reſtituere, coram Ordinario reſignatum: Cum enim egritudo periculosa valde minuat hominis libertatem, & adigat ad ea, quæ nunquam in animum induceret, ob idque votum Religionis, pavore mortis Deo nuncupatum remittatur, cap. *Litterarum*, Ext. De Foro: Libere omnino non reſignaffe præſumitur, qui nunquam reſignatiſſet, ſi ex illa infirmitate, ſeu mortis periculo ſe ſolipſem evaluſſet certo præciſiſſet. Ut enim reſpondet *Clemens III.* cap. *Super hoc*, Ext. De Reſignatione. Nulla ratio hoc veriſimile reddit, ut quiſquam Beneficium multis ſorte expoſis, & laboribus quaſitum, quo ſuſtentari debet, facile, ſine magna cauſa, ſua ſponte reſignet.

R E G U L A XIII.

Qui Beneficium ſuum in favorem alterius reſignavit, illud tuta conſcientia retinere non poſſe, nec fructus ſuos facere: Unde in ſtatu peccati mortalis eſt, ſi Proviſions Romanæ Curie, ſeu Litteras Reſignationem approbantes apud ſe retineat, etiam conſentiente Reſignatorio; aut ab eo promiſſionem extorqueat, de poſſeſſione Beneficii non captanda, niſi poſt obitum ipſius Reſignantis, aut certe morte imminente.

Beneficium reſignatum tuta conſcientia retineri a reſignante non poſſe, admiſſa reſignatione. Regula Cancellariæ Romanæ de publicandis Reſignationibus.

Gallicana iuriſprudencia.

Fiducia enim huiusmodi in Reſignationibus teterrimum ſimoniaci genus eſt, ac Reſignantem ſimul, & Reſignatarium, Excommunicationi Summo Pontifici reſervatæ, aliſque Simoniacorum pœnis obnoxios facit. Præterea, cum, qui Beneficio ſuo renunciavit, non poſſe illud retinere, aut repetere, abique nova Inſtitutione Canonica, ſive Collatione, confirmat *Alexander III.* Cap. *Ex tranſmiſſa*, Ext. De Renunciatione.

Denique Regula Cancellariæ Apoſtolicæ, De publicandis Reſignationibus; quæ in hoc Regno recepta eſt, ſtatuit: Ut quæcumque Beneficia Eccleſiaſtica, ſive in Romana Curia, ſive extra eam reſignata, niſi de illis factæ Reſignationes, ſi in eadem Curia, intra ſex meſes a data Supplicationis, & non a die præſtiti conſenſus computandos: Si vero extra dictam Curiam factæ ſint, intra meſem, ex tunc, ubi dicta Beneficia conſiſtunt, publicatæ fuerint: Vel poſſeſſio illorum ab eis: quos id contingit, petita extiterit: Si Reſignantes iſta poſtmodum in eorandem reſignatorum Beneficiorum poſſeſſione deceſſerint, non per Reſignationem, ſed per Obitum huiusmodi vacare cenſeantur: Collationes quoque, & quævis, aliæ diſpoſitiones de illis tanquam per Reſignationem vacantibus factæ, & inde ſecutæ, nullius ſint roboris, vel momenti. In Gallia tamen tempus ſex meſium, aut unius meſis, hac Regula præſtitum, computatur a die admiſſæ Reſignationis, & non a die præſtiti a Reſignante conſenſus. Quæ autem ante diem mortis ejus, qui reſignavit, non eſt facta publicatio, noſtris Moribus invalida eſt.

Favet *Rebuffus* vir Juris conſultiſſimus in *Praxi Beneficiorum*, hanc Regulam Cancellariæ explicans. *Reſignans* (inquit) qui poſt Reſignationem, quam ſcit expeditam, remanet in detentione Beneficii, & capit fructus, non eſt in conſcientia tutus: Nec ille, in cujus favorem reſignavit, ſi permittat: Quia Reſignans per Reſignationem amiſit Jus percipiendi fructus, cum amiſerit Beneficium, & poſſeſſionem illius, C. Poſt translationem, §. Rurſus. De Re-

nun-

nanciacione. C. Inter. De præbendis. *Et sic est male fidei possessor, qui fructus non facit suos.* L. Bonæ fidei ff. De acquir. Rerum domin. Glofs. in Cap. Grav. De Restitut. spoliator. *Is etiam, cui fuit resignatum, peccat, permittendo Resignantem uti Beneficio, cum non sit Pastor: Et verus Pastor dimittit oves mercenario, qui non servit ut verus Pastor, vel prout teneretur: Publiceque interest eum, qui Jus habet in Beneficio, possidere illud: Et ille, qui non habet Jus, illud non teneat.* Tum propter hospitalitatem, quam exerceret verus Curatus, ut teneretur, non vero mercenarius, cap. De Monachis, Extra de Præbendis: *Tum ut oves Pastorem suum agnoscant, ut est in Evangelio.* Si autem elapso triennio Resignatarius possessionem non iniverit, idem Beneficium ipsi ab eodem resignari legitime, ac valide non potest, & Provisiones in Romana Curia obtentæ conferentur subreptitiæ, nisi Summo Pontifici fuisset expositus prioris Resignationis, & retentionis Provisionum per triennium casus.

R E G U L A XIV.

Simonice reus est, qui Beneficium suum resignat alteri cum passione expressa, vel tacita, ut ille vicissim suo renunciaret in favorem nepotis, seu consanguinei ipsius Resignantis.

Ibi enim intervenit contractus, *Do ut des.* Id confirmat S. Thomas, Secunda Secunda, quæstione centesima, art. v. ad secundum, scribens: *Si aliquis det Beneficium Ecclesiasticum alicui, hoc pacto, vel intentione, ut exinde suis consanguineis provideat, est manifesta simonia.* Quamobrem simoniæ rei sunt Canonici, qui paciscuntur invicem de promovendis ex Canonis cognatis, & proximis suis; aut mutuam a se in hoc genere officii gratiam exigunt, interposito etiam juramento.

Quæ resignationes permutatæ Simoniacæ?

R E G U L A XV.

Resignatio Beneficiorum Permutationis gratia, illicita, & simoniaca est, si ex pacto fiat, & conventionem inter partes, Episcopi arbitrio, & judicio non permittitur; aut commodi alicujus temporalis intuitu.

Ita respondet Urbanus III. cap. Quæstium, Extra: *De Rerum Permutatione*, cuius hæc sunt verba: *Generaliter itaque teneas, quod commutationes Præbendarum de jure fieri non possunt: Præsertim passione præmissa, quæ circa spiritualia, vel connexa spiritualibus, labem semper continet simoniæ.* Si autem Episcopus causam inspexerit necessariam, licite potest de uno loco ad alium transferre personas: *Ut quæ uni locum sunt utiles, alibi se valeant utilius exercere.* Id confirmat Innocentius III. Cap. Cum olim, sub eodem Titulo, quo duos Clericos, qui Archidiaconatum, & Præposituram propria auctoritate compermutaverant, illis Dignitatibus spoliavit. Idem constat ex cap. Majoribus, Ext. De Præbendis, & dignitatibus, quod Turonensis Concilii nomine inscribitur. Et ex cap. Passionem, Extra. De Pactis, quod est Gregorii IX. Responsum. *Passiones (inquit) faciæ a vobis pro quibusdam spiritualibus obtinendis: cum in hujusmodi omnis passio, omnisque conventio debeat omnino cessare, nullius penitus sunt momenti.*

Resignationes permutatæ gratia.

Idem confirmat Glossa Clementinæ, *Ne concessione*, Tit. De Rerum Permutatione, his verbis: *Tractatus de permutandis Beneficiis est permissus, dummodo non fiat passio arrestata inter partes, sed totum ponatur in arbitrio Superioris.* Non potest tamen Superior Beneficia causa permutationis resignata aliis conferre quam permutare volentibus: Alioquin Collationem irritam fore *Clemens V.*

declarat, *Ne concessione Juris utentibus, præsertim circa spiritualia, illudatur.*

Eandem Regulam confirmat S. Thomas, in iv. *Sententiarum* Distinct. xxv. quæst. lxxi. art. lxxi. ad octavum: *In permutatione (inquit) est simonia, si pro aliquo terreno commodo utriusque, vel alterius, talis commutatio fiat: Si autem pro aliquo spirituali, utpote quia hic in illo loco melius possit Deo servire, non est simonia: Unde tunc potest fieri commutatio auctoritate Episcopi Diocesani.* Et Secunda Secundæ, Quæstione centesima, articulo 1. ad quintum: *Nomine (inquit) emptionis, & venditionis intelligitur omnis contractus non gratuitus. Unde nec Permutatio Præbendarum, vel Ecclesiasticorum Beneficiorum fieri potest auctoritate partium, absque periculo simoniæ, sicut nec transactio, ut iura determinant. Potest tamen Prælatus ex officio suo Permutationes hujusmodi facere pro causa utili, & necessaria.*

Episcoporum vigi-
lantia in
Resignatio-
nibus exa-
minandis, &
admittendis.

Episcopi autem est invigilare, 1. Ne simonia, fraus, aut aliud vitium, seu canonicum impedimentum in Permutationibus intercedat: 2. Ut, si Beneficia permutanda in diversis Diocæsis sita sint, utriusque Episcopi interveniat auctoritas: 3. Ut illis, ad quos spectat Electio, vel Præsentatio ad hæc Beneficia, Resignatio causa Permutationis significetur, eorumque postuletur consensus: Qui, si Patroni Laici fuerint, ita necessarius est hoc in Regno, ut absque eo irrita foret Permutatio: 4. Ut Permutatio fiat rerum ejusdem generis, spiritualium scilicet cum spiritualibus, juris in re cum jure in re, & non cum jure ad rem: Nominationem enim ad beneficium, seu jus ex Indulto, Gradibus, Apostolicove Mandato, quæ solam spem obtinendi beneficii, non autem jus proximum tribuunt, cum beneficio jure quæsitio, & cujus Provisiones præ manibus habentur, permutare non licet. Quod autem Permutatio spiritualium cum temporalibus jure improbetur, ac damnetur, declarat Gregorius IX. cap. *Exhibita*, Extra. *De Rerum Permutatione*. Quamobrem nec Jus decimarum pro re temporali permutari potest. Ex hac *Decretali* (inquit Glossa) solvitur Quæstio, quæ multum occurrit de facto: Quandoque aliqui volunt certas possessiones tradere quoad proprietatem, vel usumfructum Ecclesiis, quibus tenentur prestare decimas possessionum suarum, ut sic aliæ possessiones liberæ remaneant ab exactione decimarum: Patet, quod hoc fieri non potest: Et hoc idem habuimus in antiqua Compilatione, tit. *De Decimis*, cap. *Intelleximus*, quod non debuit removeri, cap. *Intelleximus*, et *Alexandri III. Responsum*, & habetur in antiqua Collectione 1. *Decretalium*, edita ab *Antonio Augustino*.

Quæ permutatio-
nes sus-
pectæ?

In fraudis autem, ac doli suspicionem merito veniunt Permutationes Beneficiorum factæ in periculo mortis, aut in decrepita senectute; maxime si fiant cum consanguineo aut familiari. Item, si citra Beneficiorum inæqualitatem Pensio reservetur; si uterque Compermutans sibi Pensionem reservet, aut si de Pensione in gratiam tertiæ personæ partes conveniant: Aut si Pensio super alio quam compermutato beneficio constituitur: Item si sit magna Beneficiorum, sine ulla compensatione, inæqualitas. Sed manifesta fraus est, si Permutatio fiat cum ficto beneficio, aut pro beneficio, quod resignatur, aliud indefinite beneficium similis, ac paris proventus titulo Permutationis promittatur, aut beneficium, cujus nondum Provisiones habet compermutant um alter, ut constat, ex cap. *Quæsitum*, & cap. *Univerſorum*, Extra. *De Rerum Permutatione*.

Simoniam quod spectat in Permutationibus contingentem, de illa sermo erit cap. seq. in quo de Simonia agemus.

R E G U L A XVI.

Pensiones super Beneficiis resignatis constitui non possunt, nisi Romani Pontificis Auctoritate, & ex causa canonica. Qui vero Beneficiarias Pensiones aliter sibi reservant, aut sine causa canonica impetratas percipiunt, leſibilibus peccant, & ad Restitutionem tenentur.

Quod sine Summi Pontificis Auctoritate constitui non possint Beneficiariæ Pensiones, probat cap. *Ut nostrum*, quod *Innocentii III.* Responsum est, Extra. *Ut Ecclesiastica Beneficia sine diminutione conferantur*. Cum ergo Pensio sit delibatio quædam beneficii, & onus illi impositum; & Summo Pontifici concedita sit Canonum dispensatio, necessarius est ad constituendam super Ecclesiasticis Beneficiis Pensionem Summi Pontificis consensus. Deinde cum Pensiones omnes circa Beneficia Canonibus vetitæ sint, requiritur ad purgandam Simoniacæ suspicionem, ut illæ etiam, quæ natura sua, & per se vitiosæ non sunt, ac simoniacæ, Romani Pontificis Auctoritate, ac Judicio approbentur. Nec Gallicana Jurisprudentia Pensiones super beneficiis ratas habet, præter illas, quæ a Summo Pontifice constitutæ sunt. Tres duntaxat casus excipiuntur. Primus est, cum beneficiario ob ægritudinem, vel impotentiam, sive Censuram Ecclesiasticam, de Vicario providendum est, qui functiones ejus suppleat. Tunc enim Episcopus congruum reddituum portionem ex beneficio delibare potest ad sustentationem Vicarii, ut statuit Concilium Tridentinum sess. *xxi. c. vi. De Reformatione*; idemque colligitur ex sess. *xxv. cap. xiv.* Secundus casus est, Seminarii fundatio, ad quam si necessarii aliunde sumptus non suppetant, Episcopus ex Beneficiis suæ Diœcesis, suæque Collationis, certas contributiones, seu pensiones annuas delibare, ac reservare potest ad pium istud opus, ut sancitum est in Concilio Tridentino sess. *xxiii. De Reformatione*, cap. *xviii.* & Regiis Constitutionibus confirmatum. Tertius casus est, bonum pacis inter Clericos de eodem Beneficio contententes firmandæ, cum Jus illorum obscurum est. Si enim coram Episcopo litigent, potest ille tamquam Judex, vel Arbitrarius, Beneficium uni, pensionem alteri, pro bono pacis adjudicare; ut colligitur ex cap. *De cetero*, Extra. *De Transactionibus*. Quæ tamen compositio toleratur potius, quam laudetur ab *Innocentio III.* cap. *Nisi essent*, Extra. *De Præbendis*.

Pensionum
super Benefi-
ciis religio-
tis creatio.

II. Pensio autem Canonica non est, nisi ob causas in Jure approbatas constituatur. Tres porro assignari solent: Prima est, favor Resignationis, ne Resignans grave dispendium patiatur ejurato Beneficio, unde alimenta percipiebat vitæ fovendæ necessaria. Secunda est, æqualitatis ratio in Beneficiorum Permutatione: Quando enim locupletius Beneficium cum tenui, & exiguo permutandum est, inæqualitas reddituum adæquari potest constituta Pensione, ut colligitur ex cap. *Ad quæstiones*, Extra. *De Rerum Permutatione*, Tertia causa est, quam jam innuimus, finiendæ litis occasio.

Quæ Pensiones
Canonice?

III. Atque ut Pensio his de causis constituta juste percipiatur, necesse est imprimis, ut Clericus cui est assignata, hoc egeat subsidio ad inopiam sublevandam, & ad vitam, honestati Status Clericalis congruentem, sustentandam. Solius enim elemosynæ sive subventionis nomine, ad necessaria vitæ subsidia, Pensiones antiquitus assignatas legimus Ecclesiasticis Viris. Quod ex Actis Calcedonenſis Concilii facile probari potest, Actione *x. xii.* & *xiv.* & ex Consilio delectorum Cardinalium, & aliorum Prælatorum

rum sub *Paulo III.* ejusdem Pontificis jussu conscripto, anno *MDXXXVII.* Romæ anno sequenti typis edito, confirmatur. *Alius* (inquit) „ abusus, cum Beneficia conferuntur, seu cum ceduntur aliis, inrepleti in constitutendis super eorum fructibus Pensionibus. Imo quandoque cedens Beneficio, omnes sibi fructus reservat. Qua in re illud est animadvertendum. Nulla alia de causa, nulloque alio Jure Pensiones constitui posse, nisi ut quædam elemolynas, quæ in pios usus, & indigentibus concedi debent. Nam redditus sunt annexi Beneficio, ut corpus animæ: Ideo sua natura pertinent ad eum, qui Beneficium habet, ut possit ex eis vivere honeste pro suo ordine, simulque queat sustinere impensas pro Divino cultu, & Templi, Sacrarumque Aedium reparatione, ut quod reliquum est, impendat in pios usus. Hæc est enim natura eorum reddituum. Verum si, ti in rerum naturæ administratione nonnulla sunt a natura particulari præter inclinationem universalis naturæ: Sic in Pontifice, quoniam est universalis dispensator bonorum Ecclesiæ, si viderit eam fructuum portionem, quæ in pios usus expendi debet, aut ejus partem, in pium quempiam alium utrumque ut expendatur, magis expedire, potest proculdubio id facere. Ideo jure merito Pensionem ponere potest, ut subveniat egeno, præsertim Clerico, ut honeste queat vitam ducere pro ejusdem ordine. Ideo omnes fructus reservari, adimique id omne, quod divino cultui, sustentationique habentis Beneficium tribui debet, magnus est abusus. Itemque Pensiones dari Clericis divitibus, qui commode & honeste vivere queunt ex redditibus, quos habent, magnus certe abusus, tollendus, uterque. Unde qui Beneficium Curatum, aut Præbendam suscipiunt, cum proposito illa non servandi, nec in eis Ecclesiæ interveniendi, sed captandæ tantum ex eorum Resignatione Pensionis, graviter peccant, nec Pensionem hujusmodi tuto contentia percipere possunt.

Secundo, Pensio excedere non debet tertiam partem fructuum: quod Constitutione Caroli VI. Regis Christianissimi statutum est, Canonibus congruenter. Verum si Resignationis causa pensionis modus productus sit ultra metas, ad fructum verbi gratia medietatem, quod Romana Curia interdum approbat, reduci non solet, etiam conquirente resignatario: Quosam quippe judicatur, ut qui consensum præstitit certæ pensionis annuæ super Beneficio creationi ejusque solvendæ sponte subiit onus, & hac lege fruatur resignato sibi Beneficio, mox adversus pactum, & approbatam in Romana Curia stipulationem, benefactorem suum eludere, & frustrare promissis non erubescat. Idque Juri consentaneum est: *Cum ulusio, & variatio in personis Ecclesiasticis maxime sint vitandæ*; (ut ait Clementina unica *De Renuntiatione.*)

Tertio requiritur, ut exsoluta pensione, & persolutis beneficii oneribus Resignatario superest Congrua portio trecentarum libellarum, præter oblationes, & quotidianas obventiones, & quæcumque interiorum Ecclesiæ fructuum, & reddituum nomine veniunt.

Quarto, necesse est, ut ille, cui pensio assignata est, per plures annos beneficii illius nuntia obiverit, vel in iis obeundis infirmitatibus contraxerit, ex qua factus sit impotens ad hujusmodi functiones deinceps exercendas. Edicto autem *Ludovici Magni* Regis Christianissimi anno *MDCI.* mensis Octobris dato, cautum est, ne quis pensionem ex præbendis Ecclesiarum Cathedralium, aut etiam Collegiarum, vel Parochialium Curarum beneficiis percipiat, nisi hujusmodi beneficiorum sacras functiones solido quindecim annorum spatio exercuerit, officiaque impleverit. Quicumque beneficiarias pensiones, his conditionibus minime concurrentibus, percipiunt, furti sacrilegi rei sunt, & ad restitutionem

vis Pensio sit approbata ab Apostolica Sede , cui sæde obrepserunt . His belle convenit quod scribebat *Sanctus Bernardus* ad *Adam Monachum* Epistola VII. *Remorsas , ac remordentes conscientias Apostolica conati estis delinire licentia . O frivolum satis remedium , quod non est aliud nisi more Protoplastorum cauteriatis conscientias texere perizonata , non ad medicamentum , sed ad velamentum !* Ibidem : *Apostolicam (inquit) licentiam quæsumus , & impetramus . Utinam licentiam non quæsissetis , sed consilium !* Id est , non ut liceret , sed an liceret . Unde tamen quærebatis licentiam ; Ut liceret , quod non licebat : Itaque volebatis , quod non licebat : Sed quod non licebat , malum erat , mala erat igitur intentio , quæ in malum tendebat .

R E G U L A XVII.

Nec postulare licet , nec promittere Beneficium ante obitum possessoris . Qui secus fecerint , gravis peccati rei sunt .

Hanc Regulam tradit Concilium Oecumenicum Lateranense III. sub *Alexandro III.* can. VIII. & refertur cap. Nulla, Extra. De concessione Prebende, cujus hæc sunt verba: *Nulla Ecclesiastica Ministeria , seu etiam Beneficia , vel Ecclesie tribuantur alicui , seu promittantur , antequam vacent : Ne desiderare quis mortem proximi videatur , in cujus locum , & Beneficium se crediderit succedendum . Cum enim in ipsis etiam Legibus Gentilium invenitur inhibitorium , turpe est , & divini plenum animadversione Judicii , si locum in Ecclesia Dei future successionis expectatio habeat , quam ipsi etiam Gentiles condempnare curarunt .*

R E G U L A XVIII.

Abque Institutione Diocesani Episcopi Beneficium ordinarie obtineri rita conscientia non potest .

UT enim habet Regula 1. Juris, in Sexto : *Beneficium Ecclesiasticum non potest licite sine Institutione Canonica obtineri .* Et cap. Quod autem, Extra. De Jure Patronatus, quod est *Alexandri III.* Responsum dicitur : „ Antequam præsentatio per Diocesenum Episcopum approbetur , ratum „ non est quod a Patrono fuerat inchoatum . De cetero, tæ Prudentiæ res- „ pondemus , quod si Laici Clericis , vel Collegiis , de concessionibus , vel „ donationibus Instrumenta confecerint in hæc verba , vel similia : Conces- „ si , vel dedi Ecclesiam , & præsentî charta firmavi : Si consensus Episco- „ pi non accesserit , nihil agi videtur : Quia pro non dato habetur , quod „ ab illo datur , qui non potest de Jure donare : Et cap. Cum Laici , sub „ eodem Titulo : Cum Laici Episcopis nescientibus , aut non consentienti- „ bus Ecclesiis Clericis concedunt , in quibus habent Jus Patronatus , & „ postea penitentia ducti alios ad eandem Episcopis repræsentant , & illi „ ad eorum præsentationem in eisdem Ecclesiis ab Episcopis instituuntur : „ Eorum debet Institutio stare , qui Auctoritate sunt Episcopi instituti : „ Concessione priori , quæ nulla est , omnino evacuata . Non enim licet „ Laicis Clericos in Ecclesiis præsumptione propria ordinare . Idem confir- „ matur ex cap. Ex frequentibus , Extra. De Institutionibus , quod est *Ale- „ xandri III.* Responsum : Didicimus (inquit) in partibus vestris consue- „ dinem pravam a multis retroactis temporibus invaluisse , quod Clerici Ec- „ clesiastica beneficia sine consensu Episcopi Diocesis , vel Officialium suo- „ rum (qui hoc de jure possunt) recipiunt ; minus quam deceat cogitantes ,

Quæ insti-
tutio Cano-
nica in Be-
neficiis ?

Diocesani
Episcopi in
illis confe-
rentis au-
ctoritas .

„ quomodo id a SS. Patrum est institutionibus alienum, & Ecclesiasticæ con-
 „ trarium honestati. Unde cum tu, Frater Archiepiscopo, ex Officio tibi
 „ commissio, tam iniquam consuetudinem de Provincia tua velis (sicut de-
 „ bes) radicitus extirpare, tam in illos, qui Ecclesiastica beneficia taliter
 „ occupata scienter detinent, quam in eos, qui de cetero occupare præ-
 „ sumptierint, Excommunicationis Sententiam protulisti. Nos itaque eam-
 „ dem Sententiam ratam habentes, & eam Auctoritate Apostolica confir-
 „ mantes, mandamus, quatenus Clericos ipsos, qui ipsam Sententiam in-
 „ currerint, nisi congrue satisfecerint, absolvere minime præsumatis.

Provisiones
 Rom. Pont.
 in forma di-
 gnæ.

Quam ob rem Romanus Pontifex provisiones beneficii non concedit, nisi
 in forma dignum, idest, ea lege, ut Clericus, cui de beneficio provillum est,
 coram Episcopo se sistat, ab eoque examinetur de probitate, doctrina, &
 aliis dotibus ad hujusmodi beneficium possidendum, ejusque functiones digne
 obeundas necessariis; atque approbationem, & institutionem ab eo obti-
 neat, quæ vulgo *Visa* dicitur. Quod si ab Episcopo repulsam passus fuerit,
 id juste ab illo factum credendum est, & in ejus acquiescendum iudicio; nisi
 forte manifesta esset injusticia; non ipsius Candidati, quem forte cupiditas,
 & ambitio in propria causa obæcarent, sed virorum pietate, prudentia,
 & experientia in negotiis Ecclesiasticis spectabilium, consilio discutienda.
 Quo casu ad Metropolitanum confugere potest, & apud ipsum de injusta
 repulsa expostulare, causamque dicere, ac illius iudicium expectare, nulla
 commendatione, nullis precibus interpositis, ne ab ipso Institutionem ex-
 tortuisse potius quam promeruisse videatur. Ad alium vero Episcopum recur-
 rere non licet, quemadmodum declaravit Clerus Gallicanus in Comitibus Ge-
 neralibus anni MDXIV.

Ex his colligitur Provisiones beneficii *In forma gratiosa*, ad declinandum
 proprii Episcopi iudicium, a Summo Pontifice tuta conscientia postulari
 non posse.

An tuta
 conscientia
 peti possint
 a Rom. Pont.
 provisiones
 in forma
 gratiosa.

R E G U L A XIX.

*Graviter peccant non solum, qui indignis quæcumque beneficia Ecclesiastica con-
 ferunt, vel indignos ad ea nominant, & præsentant; sed & qui ad benefi-
 cia Curam Animarum annexam habent, a non promoveant digniores; aut iis
 pospositis, minus dignorum institutioni quovis modo cooperantur.*

Ad Benefi-
 cia curam
 animarum
 habentia
 promovendi
 digniores.

Hanc Regulam quoad primam partem tradunt Siricius Pontifex Maxi-
 mus Epistola III. *Ad Thimotheum loquitur Apostolus*: Manus cito ne-
 mini impoſueris, neque communicaveris peccatis alienis. *Quod propterea
 memoratur, ut examine habito, & probitate morum, & Ecclesiastico labore sit
 commendatior, qui vocatur in medium, & Summum Sacerdotium possit accepe-
 re, probatus iudicio, non favore; susceptus veritate, non gratia; Apostolico or-
 dine fretus, non præcipiti voluntate.*

Quam grave
 peccatum
 promovendi
 indignos.

S. Leo. Epist. I. alias LXXXVII. ad Episcopos Africanos: *Miramur tantum
 apud vos per occasionem temporis impacati, aut ambientium præsumptionem, aut
 tumultum valuisse popularem, ut indignis quibusque, & longe extra Sacerdota-
 le meritum constitutis Pastoralis fastigium, & gubernatio Ecclesiæ crederetur.
 Non est hoc consulere populis, sed necere; nec præstare regimen, sed augere dis-
 crimen. Integritas enim Præſidentum salus est subditorum: & ubi est incolumi-
 tas obediencie, ibi sana est forma doctrine. Quod si in quibuscumque Ecclesiæ
 gradibus providenter, scienterque curandum est, ut in Domini domo nihil sit in-
 ordinatum, nihilque præposterum: quanto magis elaborandum est, ut in electione
 ejus;*

Jesus, qui supra omnes gradus constituitur, non erretur? Nam totius familie Domini status, & ordo notabit, si quod requiritur in corpore, non inveniat in capite. Ubi est illa B. Pauli per Spiritum Dei emissa præceptio, „Manus cito nemini imposueris, neque communicaveris, peccatis alienis? „Quid est cito manus imponere, nisi ante ætatem maturitatis, ante tempus examinis, ante meritum laboris, ante experientiam disciplinæ, Sacerdotalem honorem tribuere non probatis? Et quid est communicare peccatis alienis, nisi talem effici Ordinantem, qualis est ille, qui ordinatur? Sic, ut enim boni operis sibi comparat fructum, qui rectum sectatur in eligendo Sacerdote judicium: Ita gravi semetipsum afficit damno, qui ad suæ Dignitatis collegium sublimat indignum.

S. Leoni in eadem doctrina tradenda præverant S. Augustinus, Epistola clxvii. alias xxix. ubi explicans illud Apostoli Jacobi cap. 11. argumentis eos, qui personas accipientes dicunt diviti, „Sede hic: Pauperi vero, Tu sta illic; hæc habet: Nec sane, quantum arbitror, putandum est leve peccatum in personarum acceptione habere fidem Domini Nostri Jesu Christi, si illam distantiam sedendi, ac standi ad Honores Ecclesiasticos referamus. Quis enim ferat eligi divitem ad Sedem honoris Ecclesiæ, contempto paupere instructiore atque sanctiore?

S. Hieronymus in cap. 1. Epistolæ ad Titum, ad illa verba, Constituas per civitates Presbyteros: & refertur can. Moses, causa viii. quæst. 1. „Moses, amicus Dei, cui facie ad faciem Deus locutus est, potuit utique Successores Principatus filios suos facere, & posteris propriam relinquere dignitatem: Sed extraneus de alia Tribu eligitur Jesus, ut sciremus Principatum in populos non sanguini deferendum esse, sed vitæ. At nunc cernimus plures hanc rem beneficium facere, ut non quærant eos in Ecclesia erigere columnas, quos plus cognoscant Ecclesiæ prodesse; sed quos, vel amant, vel quorum sunt obsequiis deliniti; vel pro quibus Majorum quispiam rogaverit; & (ut deteriora taceam) qui ut Clerici fierent, muneribus impetrarunt.

Origenes Hom. vi. in Leviticum: ut refertur Canone Licet, causa viii. Licet ergo Dominus de constituendo Principe præcepisset, & Dominus elegeret, tamen convocatur etiam Synagoga. Requiritur enim in ordinando Sacerdote, & præsentia Populi, ut sciant omnes, & certi sint, quia qui præstantior est ex omni Populo, qui doctior, qui sanctior, qui in omni virtute eminentior, ille eligitur ad Sacerdotium.

Concilium Oecumenicum Lateranense iv. can. xxvi. Nihil est (inquit) quod Ecclesiæ Dei magis officiat, quam quod indigni assumantur Prælati ad regimen animarum. Volentes igitur huic morbo necessariam adhibere medicinam, irrefragabili Constitutione sancimus, quatenus cum quisquam fuerit ad regimen Animarum assumptus, is ad quem pertinet ejus Confirmatio, diligenter examinet & electionis processum, & personam electi, ut cum omnia rite concurrerint, munus ei Confirmationis impendat: Quia si secus fuerit incaute præsumptum, non solum deiciendus est indigne promotus, verum etiam indigne promovens puniendus.

Et can. xxx. Grave nimis est, & absurdum, quod quidam Prælati Ecclesiarum, cum possint viros idoneos ad Ecclesiastica beneficia promovere, assumere non verentur indignos, quibus nec morum honestas, nec litterarum scientia suffragatur, carnalitatis sequentes affectum, non judicium rationis. Unde quanta Ecclesiis damna proveniant, nemo sanæ mentis ignorat. Volentes igitur huic morbo mederi, præcipimus, ut prætermisiss indignis assumant idoneos, qui Deo, & Ecclesiis velint, & va-

Pensionarum acceptio in collatione Beneficiorum animarum curam habentium, grave peccatum.

Illis conferenda sunt, qui Ecclesiæ magis profuturi cognoscuntur.

Doctior, & sanctior eligendus.

Deiciendus indigne promotus, indigne promovens puniendus.

„ leant gratum impendere famulatum, fiatque de hoc in Provinciali Concilio
 „ diligens inquisitio annuatim: ita quod, qui post primam, & secundam corre-
 „ ptionem fuerit repertus culpabilis, a conferendis beneficiis per ipsum Con-
 „ ciliū suspendatur, &c.

Conciliū denique Tridentinum sess. viii. cap. iiii. *De reformatione*, idem confirmat. *Inferiora beneficia Ecclesiastica* (inquit) *præsertim Curam Animarum habentia, personis dignis, & habitibus, & quæ in loco residere, ac per se ipsos Curam ipsam exercere valeant, juxta Constitutionem Alexandri III. in Lateranensi, quæ incipit, Quia nonnulli, & aliam Gregorii X. in Generali Lugdunensi Concilio, quæ incipit, Licet Canonæ, editam, conferantur: Aliter autem facta collatio, sine provisto omnino irritetur; & Ordinarius Collator pœnas Constitutionis Concilii Generalis, quæ incipit, Grave nimis se noverint incursum.*

Beneficia
Ecclesiæ cu-
ram anima-
rum habenti-
a magis
idoneis con-
ferenda.

Secundam partem Regulæ, scilicet quod graviter peccent, qui ad benefi-
cia Curam Animarum annexam habentia non promovent digniores, aut illis
postpositis minus digniorum institutioni quovis modo cooperantur, probat cap.
Constitutis, Ext. *De Appellationibus*, quo Innocentius III. approbat, laudatque
factum Episcopi Metensis, qui vacante Præpositura die electioni præfixo, „ Per
„ Patrem, & Filium, & Spiritum Sanctum in virtute obedientiæ, ac sub ani-
„ mæ Periculo Canonicos adjuravit, ut secundum Deum, & juxta conscien-
„ tiam suam, unum eligerent de duobus, in quos partes videbantur oculos
„ extendisse, quem Ecclesiæ magis utilem, & idoneum reputarent.

Et cap. *Ut nostrum*, Ext. *Ut Ecclesiastica beneficia sine diminutione conferantur*, sic respondet Mediolanensi Archiepiscopo: *Non ex affectu carnali, sed dis-
creto iudicio debuisse Ecclesiasticum Officium, & beneficium in persona magis ido-
nea dispensare.* Et cap. *Quoniam*, Ext. *De Jure Patronatus*, quod ex Con-
cilio Generali Lateranensi iii. sumptum est, statuitur, *Ut si forte in plures par-
tes Fundatorum si vota dividerint, ille præficiatur Ecclesiæ, qui majoribus juva-
tur meritis, & plurimorum eligitur, & approbatur assensu.*

Non ex af-
fectu carnali.

Eandem veritatem declaratione sua confirmat Concil. Tridentinum sess.
xxiv. cap. i. *De reformatione.* „ Si in quibuslibet Ecclesiæ gradibus (inquit)
„ providenter, scienterque curandum est, ut in Domini domo nihil sit inor-
„ dinatum, nihilque præposterum: Multo magis elaborandum est, ut in electio-
„ ne ejus, qui supra omnes gradus constituitur, non erretur. Nam totius sa-
„ milie Domini status, & ordo nutabit, si quod requiritur in corpore, non
„ inveniatur in capite. Unde etsi alias Sancta Synodus de promovendis ad
„ Cathedrales, & Superiores Ecclesias nonnulla utiliter decrevit; hoc ta-
„ men munus hujusmodi esse censet, ut, si pro rei magnitudine expen-
„ datur nunquam satis cautum de eo videri possit. Itaque statuit, ut cum
„ primum Ecclesiæ vacaverit, supplicationes, ac preces publicæ, privatimque
„ habeantur; atque a Capitulo per Civitatem, & Diocesim indicantur, qui-
„ bus Clerus, Populusque bonum a Deo Pastorem valeat impetrare. Omnes
„ vero, & singulos, qui ad promotionem præficiendorum quodcumque ius
„ quacumque ratione a Sede Apostolica habent, aut alioquin operam suam
„ præstant, nihil in iis pro præsentis temporum ratione innovando, hortat-
„ ur, & monet, ut imprimis mœninerint, nihil se ad Dei gloriam, & po-
„ pulorum salutem utilius posse facere, quam si bonos Pastores, & Eccle-
„ siæ gubernandæ idoneos promoveri studeant. Eoque alienis peccatis com-
„ municantes mortaliter peccare, nisi quos digniores, & Ecclesiæ magis utiles
„ ipsi iudicaverint, non quidem precibus, vel humani officii, aut ambirent um sugge-
„ stionibus, sed eorum exigentibus meritis, præfici diligenter curaverint.

Alienis pec-
catis com-
municant,
qui dignio-
res, & Ec-
clesiæ magis
utiles non præfi-
ciunt Bene-
ficiis curam
Animarum
habentibus.

Et cap. xviii. *De Parochialium Ecclesiarum provisionibus* agens, examen
feri jubet per Examinatores in Diocesana Synodo deputatos; & ex bene-
ficiis.

ficii candidatis, atque competitoribus, qui fuerint iudicati idonei, eum ab Episcopo eligi, quem ceteris iudicaverit digniorem. „ Peracto deinde examine, renuncientur quotquot ab his iudicati fuerint ætate, moribus, doctrina, & aliis rebus advocantem Ecclesiam gubernandam opportunis: Ex hisque Episcopus eum eligat, quem ceteris magis idoneum iudicaverit. „ Quod si sit beneficium Juris Patronatus Ecclesiastici, ac institutio ad Episcopum, & non alium pertineat; quem Patronus digniorem inter probatos, ab Examinatoribus iudicabit, Episcopo præsentare teneatur, ut ab eo instituat. Cum vero Institutio ab alio quam Episcopo erit facienda, tunc Episcopus solus ex dignis eligat digniorem, quem Patronus ei præsentet, ad quem Institutio spectat. „ Alias provisiones omnes, seu Institutiones præter supra dictam formam factæ, subreptitiæ censentur: Non obstantibus huic Decreto executionibus, Indultis, Privilegiis, Præventionibus, affectionibus, novis Provisionibus, Indultis concessis quibuscumque Universitatibus, etiam ad certam summam, & aliis impediementis quibuscumque.

Idem confirmat B. Pontifex Pius V. Constitutione, quæ incipit, *In conferendis Beneficiis* data xv. Calend. Aprilis MDLVII. „ Ut autem (inquit) non solum dignis, sed magis idoneis repertis, juxta ejusdem Concilii Decretum, Parochiales Ecclesiæ conferantur, volumus, & eadem auctoritate decernimus, quod si Episcopus minus habilem posthabitis magis idoneis elegerit, possint ii, qui reiecti fuerint, a mala electione hujusmodi ad Metropolitanum; vel si ipse eligens Metropolitanus, aut exemptus fuerit; ad viciniorem Ordinarium, uti nostrum, & Sedis hujusmodi Delegatum, aut alias ad ipsam Sedem Apostolicam appellare; ac præelectum ad novum examen coram ipso Appellationis Iudice, & ejus Examinatoribus provocare. Ubi tamen non est receptus concursus, non datur locus hujusmodi Actioni, & Appellationi: Quamvis gravis peccati reus sit coram Deo Episcopus, aliive Collator, qui minus dignum postpositis magis idoneis eligat, vel instituit.

Regulam, quam exponimus, multis confirmat *Guillelmus Parisiensis*, Tractatu *De collatione Beneficiorum*. Prælatos Architectos esse ostendit, quorum officium est ædificare domum Domino, instar Salomonis, ex lapidibus grandibus, & pretiosis, & dolatis, atque quadratis, non ex paleis, fusticis, & luto; quod tamen faciunt, qui indignos ad Ecclesiastica beneficia promoveant. Nec excusant eos preces Magnatum: Nam *Architecto nemo audent hujusmodi preces porrigere, ut pro columna forti festucam fragilem in edificio, cujus fabrica fidei ejus commissæ est, poneret: Et si forte eo usque aliquis insisteret ut præsumeret, & diceret: Magister, ego diligo festucam istam ultra modum, charissima mihi est, rogo te, quantum possum, honora eam, & pone in loco honorabili, videlicet in loco columnæ fortis, & altæ; nunquid subsannari se ab illo non adverteret, & in faciem ejus spueret?* Addit Officium Prælatorum, non solum esse ædificare Templum Domino, sed etiam corpus mysticum Christo. Membra igitur, quæ tanto Capiti congruant, in corpore Ecclesiæ ponenda sunt: Nemo autem dubitat, peccatores esse membra Diabolici. *Quare, qui peccatores in Ecclesiis suis constituunt, non corpus mysticum Christo Domino; sed corpus utique quale decet Diabolum, Diabolo ædificant, ex membris videlicet putridis, omnique deformitate horribilibus.* Prælati Dux est, cujus officium est eligere, & colligere Bellatores ad præliandum contra Diabolum, & exercitum ejus. Quapropter eligere debet fortes, & doctos ad bella. Anigitur parvuli, an mortui, scilicet mortalibus peccatis extincti, ad prælianda prælia Domini eligendi sint, qui non judicet: Qui non moverunt gladium Spiritus, quod est verbum Dei, qui non moverunt arcum sacrarum disciplinarum, scilicet eloquiorum sagittarum, sicut um fidei, galeam salutis, lorica mysticæ, & omnia

Dignitates, & Beneficia curam Animarum habentia, dignioribus esse conferendi censent, ac probant Guillelmus Parisiensis Episcopus.

Zech. 11.
Gen. 31.

ignaros armorum lucis, quis eligat ad bellandum, nisi damnabilissimus Domini sui prædicator, quique hostibus ejus de eo querit victoriam? Prælati Princeps Pastorum est: Debet igitur vocare electos Pastores, non qui paucant semetipsos, sed qui pascant populum scientia, & doctrina: Non Pastores, qui sint idola, detestantes gregem, quibus maledixit Zacharias, sed magis, qui cum Jacob possint dicere Domino: *Over, & capræ tuæ non fuerunt steriles, arietes gregis tui non comedi, nec captum a bestia ostendi tibi; ego omne damnum redderam, quidquid furto peribat, a me exigebas, &c ac nocte estu urebar, ac gelu, fugebatque somnus ab oculis meis.*

Ostendit præterea Guilielmus Parisiensis, Collatores beneficiorum dispensatores esse, non dominos, adeoque bona fide juxta mandatum illis a Domino traditum, nonnisi idoneis conferre illa debere; alioqui collationem a Deo ratam non haberi, & collatorem rapinæ, & furti reum esse. Pulchre Episcopum habentem pyrum onustam fructibus, & volentem Archidiaconatum conferre Robinulo nepotulo suo quidam delusit. Cum interrogaret Episcopus, cui pyrum illam committeret custodiendam, & responsum esset a quodam, ut illam memorato Robinulo committeret, Episcopus respondit: *Abstine, quia pyra illa omnia devoraret.* Dicit Episcopo, Domine, qualiter committetis Robinulo tot millia Animarum custodiendam, cui tam pauca pyra committere non audetis?

S. Thomas.

S. Thomas, 2, 2. qu. LXIII. art. II. ad tertium, digniores ad Ecclesiasticas Dignitates, & beneficia eligendos, ac promovendos ille docet. Quantum ad hoc (inquit) quod electio impugnari non possit in foro judiciali, sufficit eligere bonum, nec oportet eligere meliorem: Quia sic omnis electio posset habere calumniam; Sed quantum ad conscientiam eligentis, necesse est eligere meliorem, vel simpliciter, vel in comparatione ad bonum commune: Quia si potest haberi aliquis magis idoneus erga aliquam Dignitatem, & alius præferatur, oportet, quod sit propter aliquam causam. Quæ quidem si pertineat ad negotium, quantum ad hoc erit ille, qui eligitur, magis idoneus: Si vero non pertineat ad negotium, id quod consideratur ut causa, erit manifeste acceptio personarum.

Et quæst. CLXXXV. art. III. Circa assumptionem alicujus ad Episcopatum, aliquid considerandum est ex parte ejus, qui assumitur, & aliquid ex parte ejus, qui assumit. Ex parte enim ejus, qui assumit vel eligendo, vel providendo, requiritur, quod talem eligat, qui fideliter divina Mystéria dispenset; quæ quidem dispensari debent ad utilitatem Ecclesiæ, secundum illud 1. ad Cor. XIV. Ad ædificationem Ecclesiæ quærite, ut abundetis. Non autem divina Mystéria hominibus committuntur propter eorum remunerationem, quam expectare debent in futuro. Et ideo ille, qui debet aliquem eligere in Episcopum, vel de eo providere, non tenetur assumere meliorem simpliciter, quod est secundum charitatem; sed meliorem, quoad regimen Ecclesiæ, qui scilicet possit Ecclesiam & instruere, & defendere, & pacifice gubernare. Non eligere autem eos, quos Ecclesiæ utiliores futuros noveris, pertinet ad acceptionem personarum, quæ in talibus est grave peccatum. Ex parte autem ejus, qui assumitur, non requiritur, quod reputet se aliis meliorem, (hoc enim esset superbum, & præsumptuosum;) sed sufficit quod nihil in se inveniat, per quod illicitum ei reddatur assumere Prælationis Officium. Unde licet Petrus interrogatus esset, an ceteris plus Dominum diligeret, in sua responsione non se prætulit cæteris, sed simpliciter respondit, quod Christum amaret.

Et Quolibeto VII. quæst. IV. art. I. Aliquis homo potest dici bonus, vel melior altero dupliciter: Uno modo simpliciter; sic melior est, qui est in charitate perfectior. Alio modo secundum quid, & sic dicitur aliquis melior altero, vel ad Militium, vel ad Magisterium, vel ad Prælationem, vel ad aliquid hujusmodi.

quæ

qui non est melior simpliciter, eo quod in singulis Officiis tam spiritualibus, quam corporalibus requiruntur aliqua præter moralem bonitatem, ad hoc ut aliquis sit idoneus ad illud Officium exequendum. Dicendum est ergo, quod oportet eligere ad Prælationem, vel Ecclesiasticum Officium aliquem, qui sit bonus simpliciter; quia per quodlibet peccatum mortale aliquis redditur indignus ad quodlibet spirituale exequendum. Non tamen oportet, quod semper eligatur ille, qui est melior simpliciter: Possibile enim est, quod illi, qui est in charitate perfectior, deficiant multa, quæ requiruntur ad hoc, quod aliquis sit Prælati idoneus, quæ in alio, qui est minoris charitatis, inveniuntur; ut sunt scientia, industria, potentia, et alia huiusmodi; Unde non oportet semper eligere meliorem simpliciter, sed eum, qui sit melior ad hoc Officium. Si autem eliget, quis eum quem reputat minus idoneum ad tale Officium, peccat. Non enim potest esse, quod de duobus unus alteri præeligatur, nisi propter aliquod in ipso consideratum: Illud autem quod consideratur in eo, qui est minus idoneus, ad hoc, quod magis idoneo præferatur, est aliqua conditio indebite movens, vel familiaritas, vel consanguinitas, vel aliquid huiusmodi: Non enim potest esse aliqua conditio pertinet ad Prælati idoneitatem, ex quo alter simpliciter magis idoneus reputatur; & sic indebite movet: & sic in talielectione erit acceptio personarum, quæ sine peccato fit.

Insignis pietatis Magister Ludovicus Granatenfis, in Concione De Officio Pastoris, habita in Consecratione Episcopi Mirandensis anno MDLXV. locutissimis rationibus probat, quod Eligere minus dignum, digniore prætermisso, omnibus iustitiæ legibus adversetur, tam ejus, quæ distributiva, quamque commutativa nominatur. In quo quidem crimine multiplex reatus invenitur. Præferens enim indignum, reus est omnium Animarum, quæ ob ejus indignitatem periclitantur: Reus est omnium flagitiorum, quæ ex hoc crimine consequuntur: Reus denique omnium, aut elemosinarum, aut aliorum bonorum, quæ boni Rectoris studio persicerentur. Quomodum enim, qui aut imperitum Medicum, aut Nauclerum, aut Pastorem præficit, reus est omnium damnorum, quæ ex horum ignorantia consecuta sunt: Ita plane, qui indignum eligit in Ecclesiæ Ministrum, omnium malorum consequentium reus est. Omnia enim hæc, & nomina, & officia cuilibet Ecclesiæ Ministro simili ratione conveniunt: Cum ad Davidem Abiathar Sacerdos, amissus, injuria, & crudelitate Saulis, parentibus, ac fratribus, in desertum profugus pervenisset, ait ad illum David: EGO sum reus omnium animarum patris tui: Nimirum, quia neque volens, neque animadvertens, in causa fuerat, ut Saul præcipiti quodam furore percitus, invidiaque stimulatus, Sacerdotes Domini jugularet. Quid ergo dicet, qui & sciens, & volens, & affectibus suis, aut amicorum serviens, contemptis dignioribus præficit indignos, ex qua indignitate tot pereuntium Animarum strages consequuntur? Quoniam vero abusus hic vehementissime semper Ecclesiæ nocuit. Concilium Basiliense tanto malo occurrere volens, Pragmatica Sanctione decrevit, ut electores Ministrorum Ecclesiæ, decantata prius Missa Spiritus Sancti, post sacramentalem. Peccatorum Confessionem, & Venerabilis Eucharistiæ sumptionem, in manibus Præsentium huiusmodi se Religione juramento confringerent. EGO „ iuro, & promitto omnipotenti Deo, & tali Sanctæ, vel Sanctæ, sub cuius „ vocabulo dedicata est Ecclesiæ, eum eligere, quem credam futurum Ecclesiæ in spiritualibus, & temporalibus utiliorem: Nec illi vocem dare, quem „ verisimiliter scivero promissione, aut datione alicujus rei temporalis, seu „ prece pro se, aut alium interposita, aut alias qualitercumque directæ, vel indirectæ, pro fe electionem procurare. Et quamvis Decretum hoc non obliget, novum Ius inducendo, declarat tamen, quid hoc nostro calamitosissimo sæculo (quando fides nutat, & omnis iustitia, atque virtus exulat, solaque externa bona petuntur,) Pastoribus Ecclesiæ necessarium sit, ut tanto discrimini occurrant.

Deni-

Venerab. P. Ludovicus Granateus. Multiplex crimen promouentium indignos, aut minus dignos prætermittit dignioribus.

1. Reg. 28.

Propositio
damnata.

Denique inter Propositiones ab *Innoc. XI.* Pontifice Maximo die 11. Martii anno MDCLXXIX. Romæ damnatas, hæc legitur 47. „ Cum dicit Concilium Tridentinum, Eos alienis peccatis communicantes mortaliter peccare, qui „ nisi, quos digniores, & Ecclesiæ magis utiles ipsi judicaverint, ad Ecclesias promoveant: Concilium, vel primo videtur per hoc, DIGNIORES, „ non aliud significare velle, nisi dignitatem eligendorum, sumpto comparativo pro positivo: Vel secundo, locutione minus propria ponit DIGNIORES, ut excludat indignos, non vero dignos: Vel tandem loquitur tertio, quando fit concursus. *De eadem Propositione hoc iudicium tulit Clerus Gallicanus anno MDCC.* Hæc Propositio Concilio Tridentino contraria est, Ecclesiæ utilitati, ac saluti Animarum, quæ a Pastorum selectu præcipue pendet, advertatur.

R E G U L A XX.

Absque peccato conferuntur Beneficia Curam Animarum annexam habentia, minus sanctis, & minus doctis, si Ecclesiæ, cui providendum est, utiles futuri judicentur iis, qui sanctiores sunt, atque doctiores.

Hanc Regulam tradit *S. Thomas*, 2. 2. qu. LXIII. art. II. „ Acceptio (inquit) personarum est peccatum in quantum contrariatur iustitiæ. Quanto autem in majoribus aliquis iustitiam transgreditur tanto gravius peccat. „ Unde cum spiritualia sint temporalibus potiora, gravius peccatum est personas accipere in dispensatione spiritualium, quam in dispensatione temporalium. Et quia personarum acceptio est, cum aliquid personæ attribuitur præter proportionem dignitatis ipsius; considerare oportet, quod dignitas alicujus personæ potest attendi dupliciter. Uno modo simpliciter, & secundum se: Et sic majoris dignitatis est ille, qui magis abundat in spiritualibus gratiæ donis. Alio modo per comparisonem ad bonum commune. Contingit enim quandoque quod ille, qui est minus sanctus, & minus sciens, potest magis conferre ad bonum commune propter potentiam, vel industriam sæcularem, vel propter aliquid hujusmodi. Et quia dispensationes spiritualium principaliter ordinantur ad utilitatem communem, secundum illud 1. ad Corinth. XII. *Unicuique datur manifestatio Spiritus ad utilitatem*: Ideo quandoque absque acceptione personarum; in dispensatione spiritualium illi, qui sunt simpliciter minus boni, melioribus præferuntur. Sicut etiam & Deus gratias gratis datas quandoque concedit minus bonis.

Et Quodlibeto IV. quæst. V. art. III. *Aliquis*, inquit, „ potest dici melior dupliciter: Uno modo simpliciter, qui est sanctior, vel plus habens de charitate: Alio modo dicitur melior quoad aliquid: Contingit autem quandoque, aliquem esse meliorem simpliciter, qui tamen non est melior quantum ad hoc, quod Beneficium percipiat; quia aliquis forte potest Ecclesiam magis juvare, vel per consilium sapientiæ, vel per auxilium potentiæ, vel quia servivit in Ecclesia. Non ergo Episcopus tenetur semper dare meliori simpliciter; sed tenetur dare meliori quoad hoc,

R E G U L A XXI.

Consanguineos suos in Collatione Beneficiorum Ecclesiasticorum aliis præferre nemo potest absque gravi peccato, nisi sint æque digni & id absque scandalo fieri possit, Simplicitas tamen Beneficia illis conferre potest, unde sustententur si indigni non fuerint.

Hanc Regulam tradit Petrus Cantor Ecclesiæ Parisiensis, in *Verbo Abbreviato*, cap. XLIII. Cum (inquit) de intrantibus in Ecclesiam per os, sicut dicitur: Qui non ex sanguinibus, neque ex voluntate carnis, sed ex Deo nati sunt: De intrantibus per carnem, & sanguinem dici potest: Qui ex sanguinibus, & ex voluntate carnis, non ex Deo nati sunt, in Ordinem, & Beneficiorum Ecclesiasticorum perceptionem. Tales nequeunt dicere, In manibus tuis sortes meæ. Non enim consideratur voluntas, & Beneplacitum Domini, cum fors, & hereditas Christi eis confertur. De talibus ait Michæas: Væ illis, qui ædificant Sion, scilicet Ecclesiam, in sanguinibus, in peccatis: In carnalibus etiam affectibus, dantes carni, & sanguini, potius ad destructionem Ecclesiæ, quam ad edificationem. Sic danti Ecclesiasticum Beneficium potest obici, Quia caro, & sanguis revelat ei sic dare, non Pater meus, qui in cælis est. Qui non odit Patrem, & matrem, propter me, id est, non postposuerit carnales affectus, quod non illi in dando spirituale naturæ, & ideo non sunt digni Deo. Item Dominus: Qui sunt pater, & mater mea, & fratres mei? Et extendens manum in Discipulos, ait: Hi sunt mater, & soror, & fratres mei. Omnis enim, qui facit voluntatem Patris mei, ipse est & frater, & soror, &c. Quasi diceret: Vir spiritualis carnales nescit: Ac si diceret patri, & matri. Nescio vos: Insinuans nobis se esse imitandum, maxime in spiritualibus confrendis. Ob hoc etiam Petrum, & de alia Tribu genitum Joanni præposuit. Item Hieronymus: Moyses Amicus Dei &c. Nepotem ergo tuum in columnam Ecclesiæ non erigas: Tamen Ecclesiasticum Beneficium, unde sustentetur, ei assignare potes. Sed quid si æque honestus est, & dignus ut extraneus? Sed & hoc periculosum est, nisi probitas ejus exigit, & excludat omnem infamiam, scandalum, & malum exemplum, quod de facili non fit. Non enim exemplum a bene gestis nostris sumitur, sed a cortice, specie, & superficie illorum, non a veritate. Si enim dedi nepoti meo propter gratiam, alii meo utentur exemplo; ut dent suis propter naturam magis, quam propter gratiam, dicentes: Nonne meis, sicut & ille suis, dabo? Ego gratiæ, ille dat naturæ. Ex præmissis patet, quantum recessimus a cunabulis primitivæ Ecclesiæ in conferendo Administrationem, & Dispensationem rerum pauperum, consuetudinem potius, quam antiquos Sanctos sequentes, quasi prescriptione nos tuentes.

Eandem Regulam confirmat S. Thomas, Secunda Secundæ, qu. LXI. art. 1. ad primam: Circa consanguineos Prælati (inquit) distinguendum est. Quia quandoque sunt minus digni, & simpliciter, & per respectum ad bonum commune. Et sic, si dignioribus præferantur, est peccatum personarum acceptionis in dispensatione spiritualium, quorum Prælati Ecclesiastici non est dominus, ut possit ea dare pro libito, sed dispensator, secundum illud 1. ad Corinthios IV. Sic nos existimet homo ut Ministros Christi, & dispensatores Mysteriorum Dei. Quandoque vero consanguinei Prælati Ecclesiastici sunt æque digni: ut alii: Et sic licite potest absque personarum acceptione consanguineos suos præferre: Quia saltem in hoc præeminet, quod de ipsis magis confidere potest, ut unanimiter secum Ecclesiæ negotia tractent. Effet tamen hoc propter scandalum dimitendum, si ex hoc aliqui exemplum sumerent, etiam præter dignitatem, bona Ecclesiæ consanguineis dandi.

Et

Joan. 1.

Psal. 39. 16.

Mich. 3.

Consanguinei in collatione Beneficiorum curam habent. Animarum ceteris præferri sine gravi peccato non possunt, nisi sint æque digni.

Luc. 14. 26.

Matt. 12. 49.

Can. Moyses
Causa 8. q. 1.

Ratio duplex cur consanguinei minus idonei non sint præferendi.

Et Quodlibeto IV. qu. VIII. Artic. IV. „ Aliter (inquit) est dicendum
 „ de consanguineo Prælati æque idoneo, & aliter de minus idoneo: Si
 „ enim sit æque idoneus, potest Prælatus suum consanguineum præferre,
 „ nisi forte ex hoc scandalum oriatur, vel aliqui exinde malum exemplum
 „ accipiant, ut probabiliter præsumi possit, quod alii Prælati hoc exemplo in-
 „ ducantur ad dandum suis consanguineis etiam minus dignis: Et hoc ideo,
 „ quia ex quo nihil deperit utilitati Ecclesiæ, cum æque idoneo providetur, li-
 „ cet circa hujusmodi provisionem etiam amoris naturalis satisfacere, qui non est
 „ contrarius charitati, sed magis charitate informatur: Et hoc significatur
 „ Gen. XLVIII. ubi Pharao dixit ad Joseph de fratribus suis: Si nosti in eis viros
 „ industrios, constitue eos magistros pecorum meorum. Si vero sit minus idoneus
 „ consanguineus Prælati, non debet eum præficere ad Curam Ecclesiæ, post-
 „ posito meliori; duplici ratione: Primo quidem, quia hoc videtur esse contra
 „ fidelitatem, quam in bono dispensatore Dominus requirit. Non enim faceret
 „ fideliter negotium alicujus domini, qui posset rem ejus meliorare, si hoc
 „ prætermitteret, ut suis consanguineis satisfaceret. Secundo, quia hoc vide-
 „ tur ad personarum acceptionem pertinere, quæ consistit in hoc, quod aliquis
 „ accipit pro causa conditionem personæ, quæ non facit ad negotium; si-
 „ cut si aliquis daret Sententiam pro aliquo; quia dives est, & non quia
 „ iustitiam habet, quæ est conditio faciens ad negotium; Esse autem consanguini-
 „ neum, non est aliqua conditio pertinet ad Curam Ecclesiæ, quæ non obtine-
 „ tur jure sanguinis, sed divino munere; esset autem conditio faciens ad nego-
 „ tium circa dispensationem patrimonialium bonorum. Unde si Episcopus de
 „ patrimonialibus bonis magis provideat consanguineo suo minus idoneo, non
 „ est acceptio personarum: Sed si ratione consanguinitatis ei provideat in patri-
 „ monio Crucifixi, non caret vitio personarum acceptionis, quam Augustinus
 „ dicit esse in Ecclesiasticis gradibus dispensandis, exponens illud Jacobi II. *No-
 „ lite in personarum acceptione habere fidem Domini Jesu Christi.*

R E G U L A XXII.

Dignum ex Ecclesiæ gremio alteri alias digniori præferre licet.

Ille enim, qui de gremio Ecclesiæ assumitur, ut in pluribus consuevit esse
 „ utilior, quantum ad bonum commune; Quia magis diligit Ecclesiam, in-
 „ qua est nutritus. Et propter hoc etiam mandatur Deuter. XVII. *Non poteris
 „ alterius gentis hominem facere Regem, qui non sit frater tuus.* Ita S. Thomas
 „ ibidem in Responsione ad quartam Objectionem.

R E G U L A XXIII.

*Quamvis graviter peccent Patroni, qui minus dignum præsentant postpositis di-
 „ gnioribus; non peccat Episcopus illum instituens.*

Liberum enim non est Episcopo alium in Beneficio instituere, nisi quem
 „ Patronus præsentaverit, modo non sit incapax. Hinc Innocentius III.
 „ Ext. De Electione, cap. Cum dilectus, de ipsa Episcopi electione loquens, il-
 „ lam improbandam non putat, licet alii supponerentur digniores, nisi alia
 „ impedimenta essent. Verum hæc Decretalis (ut explicat S. Thomas, Quodli-
 „ beto VIII. qu. IV. art. 1.) Non loquitur quantum ad forum conscientiæ, sed
 „ quantum ad forum contentiosum, in quo non reprobat electio ex hoc, quod
 „ potest aliquis alius magis idoneus inveniri; dummodo ille, qui eligitur, idoneus
 „ sit; alias omnis electio calumniam pateretur. Sic Episcopus negare non po-
 „ test institutionem illi, quem Patronus præsentaverit, si revera dignus sit,
 „ quam--

quamvis alii digniores occurrant. Tenetur tamen Patronus eligere digniorem. At si duo, pluresve Patroni diversas personas nominent, & sint æqualia horum suffragia, tenetur Episcopus instituere digniorem: Alioqui gravis peccati reus erit.

R E G U L A XXIV.

Plures Episcopatus, aut plures Parochiales Ecclesias, aut duas Dignitates, Personatus, vel Præbendas uniformes sub eodem testō possidere nemini licet.

HÆc enim Beneficia incompatibilia esse Theologi omnes, & Juris Canonici Periti, summo consensu fatentur; adeo ut, qui plura hujusmodi Beneficia possident, nisi infra sex menses unico contenti, cetera dimittant, omnibus ipso Jure excidant, & ad fructuum omnium post dictum tempus perceptorum restitutionem teneantur. Ita declarat Concilium Tridentinum Sessione VII. *De Reformatione*, cap. II. IV. & V. Sessione XXIV. *De Reformatione*, cap. XVII. Illi vero (inquit) qui in præsentī plures Parochiales Ecclesias, aut unam Cathedralē, & aliam Parochialem obtinent, cogantur omnino, quibuscumque dispensationibus, ac unionibus ad vitam non obstantibus, una tantum Parochiali, vel sola Cathedrali relicta, alias Parochiales infra spatium sex mensium dimittere: Alioqui tam Parochiales, quam Beneficia omnia, quæ obtinent, ipso jure vacare censeantur; ac tanquam vacantia libere aliis idoneis conferantur, nec ipsi antea illa obtinentes, tuta conscientia, fructus post dictum tempus retineant.

Quæ beneficia incompatibilia.

Eandem Regulam antea statuerant Oecumenica duo Concilia Lateranensia, Tertium scilicet sub Alexandro III. Can. XIII. Quia (inquit) nonnulli modum avaritiæ non ponentes, Dignitates diversas Ecclesiasticas, & plures Ecclesias Parochiales contra Sacrorum Canonum instituta nituntur acquirere, ita ut cum unum Officium vix implere sufficiant, stipendia sibi vindicent plurimorum, ne id de cetero fiat, districtius inhibemus. Cum igitur Ecclesia, vel Ecclesiasticum Ministerium committi debuerit, talis ad hoc persona quærat, quæ residere in loco, & curam ejus per seipsam valeat exercere: Quod si aliter fuerit factum, & qui receperit, quod contra Sanctos Canones accepit, amittat: & qui dederit largiendi potestate privetur. Refertur cap. Quia nonnulli, Ext. *De Clericis non Residentibus*.

Et Quartum sub Innocentio III. Canone XIX. „ Præsentī Decreto statui-
mus, ut quicumque receperit aliquod Beneficium habens Curam Anima-
rum annexam, si prius tale obtinebat, eo sit Jure ipso privatus; & si for-
te illud retinere contenderit, alio etiam spoliatur. Is quoque, ad quem
prioris spectat collatio, illud post receptionem alterius libere conferat, cui
merito viderit conferendum: & si ultra sex menses conferre distulerit, non
solum ad aliud, secundum Statutum Lateranensis Concilii ejus Collatio
devolvatur, verum etiam tantum de suis cogantur proventibus in utilita-
tem Ecclesiæ, cujus est illud Beneficium assignare, quantum a tempore va-
cationis ipsius constiterit ex eo esse perceptum. Hoc idem in Personati-
bus decernimus observandum, addentes, ut in eadem Ecclesia nullus plu-
res Dignitates, aut Personatus habere præsumat, etiamsi Curam non ha-
beant Animarum. Refertur cap. *De multa providentia*, Ext. *De Præben-
dis*. Quam Innocentii III. Constitutionem confirmat dilectis verbis Concil. Tri-
dentinum Session. VII. *De Reformatione*, cap. IV.

R E G U L A XXV.

Parochialem Ecclesiam cum Annexa unus, idemque Sacerdos regere potest, constituto in ista Vicario. Canonicatum item in Ecclesia Cathedrali, cum Parochia annexa possidere quis potest, modo perpetuus in ea Vicarius constituatur cum Portione congrua.

HÆC Regula, quoad primam partem nititur cap. *Eam de te decet*, Ext. De *Ætate*, & *Qualitatibus Ordinandorum*, quod est *Alexandri III.* Responsum: *Habentes plures Ecclesias, quæ ex una non pendeant, tibi liceat, Appellatione postposita, cogere ad unam ipsarum, quam maluerint, dimittendam, nisi ita fuerint tenues in substantia, quod proprios Sacerdotes non possint convenienter alere.* Quoad alteram vero partem nititur cap. *Extirpanda*, Ext. De *Præbendis*, §. *Qui vero*, & Concilii Tridentini Decreto Sessione VII. cap. VII. An tamen Vicarii Perpetui sint in huiusmodi Parochiis instituendi, iudicium penes Episcopum Sacra Synodus esse voluit, his verbis: *Nisi ipsis Ordinariis pro bono Ecclesiarum regimine alter expedire videbitur.*

R E G U L A XXVI.

Plura Beneficia etiam diversi generis, Residentiam postulantia, in diversis Ecclesiis possidere, prorsus illicitum est.

Plura Beneficia residentiam postulantia in diversis Ecclesiis possidere non licet.

SACRIS enim Canonibus constitutum est, Neminem licere in duabus simul Ecclesiis conscribi, scilicet Concilii Chalcedonenfis Can. x. Nicæni II. quod est Oecumenicum VII. Canone xv. Placentini sub *Urbano II.* Canone xv. five Canone, *Sanctorum*, Dist. LXX. & III. Lateranensis Concilii Oecumenici sub *Alexandro III.* Can. XIV. qui refertur cap. *Quia in tantum*, Extra de *Præbendis*, cujus hæc sunt verba: *Quia in tantum quorundam processit ambitio, ut non duas, vel tres, sed plures Ecclesias perhibeant habere, cum nec duabus possint debitam Provisionem impendere; per Fratres, & Coepiscopos nostros hoc emendari præcipimus; & de multitudine Præbendarum Canonibus inimica, quæ dissolutionis materiam, & evagationis inducit, certumque continet periculum animarum, eorum, qui Ecclesiis deservire valeant, indigentiam volumus sublevare.*

Et cap. *Ad hæc licet*, sub eodem Titulo: *Illud est omnirationi contrarium, ut unus Clericus in una, vel diversis Ecclesiis plures Dignitates, vel Personatus obtineat; Cum singula Officia in Ecclesiis assiduitatem exigant Personarum.*

Innocentius III. cap. *Cum jamdudum*, sub eodem Titulo; quemdam Clericum pluribus Dignitatibus, & Præbendis gravem, a nova Præpositura excludit: *Cum multa per patientiam tolerantur, quæ si deducta fuerint in Iudicium, exigente iustitia non debeant tolerari.*

Eandem Regulam confirmat *Joannes XXII.* Extravaganti *Excerabilis*, Tit. De *Præbendis*, non solum plura Beneficia Curam Animarum habent retineri prohibens, sed & plures Dignitates. Personatus, Officia, seu Prioratus, dispensationes omnes revocans, quam improbitas importuna potentium ab eo, & Prædecessoribus Romanis Pontificibus extorierat magis, quam obtinuerat. Iis quibuscum ab Apostolica Sede dispensatum fuerat, solummodo indulget, ut cum Beneficio Curam Animarum habente, simplex alterum, seu Curam non habens retinere ipsis licet. Illos vero, qui sine Dispensatione Canonica pluribus huiusmodi Beneficiis sunt adacti, illa dimittere iubet, eodumtaxat servato, quod ultimo receperunt: Alioqui ipso Jure omnibus, & illo etiam postremo privatos, atque ad alia cuiuscumque sint generis obtinenda penitus

tus inhabiles declarat. Mala deplorat, quæ ex hac spiritali polygamia oriuntur. Quod videlicet interdum unus, qui unicum quorvis modicum vix Officium implere sufficeret, plurimorum sibi vindicaret stipendia, quæ multis literatis vix vite puritate, ac testimonio bonæ famæ pollentibus, qui mendicant, possent abunde sufficere æqua distributione collata; Habentibus ipsa paratur vagandi materia; divinus cultus minuitur, hospitalitas in ipsis Beneficiis debita non servatur; Et dum non sunt suis in unaquaque regione Rectores, Ecclesiarum detrahatur commodis, & honori, quæ carentes defensorum auxilio, in furibus suis, & liberatibus multipliciter collabuntur; & ruinis patent ædificia nobilia; quæ magnificentia extruxerat Decessorum: & (quod amarum est dolendum) Animarum cura negligitur, & vitiorum sentibus fomentum periculose præbatur.

Hujusmodi Beneficiorum pluralitatem velut horrendum cupiditatis monstrum inestantur Petrus Cantor Parisiensis Ecclesiæ in Verbo Abbreviato, cap. xxxi. xxxii. xxxiii. & xxxiv. Guillelmus Parisiensis, Tractatu De Vitiis, & Peccatis, cap. ix. & Tractatu De Collatione Beneficiorum, cap. vi. Thomas Cantipratanus Libro i. Apum, cap. xix. ubi refert, anno millesimo ducentesimo triginti octavo, quò Parisiis veriebatur Guillelmum Parisiensem Episcopum Magistris omnibus Sacræ Facultatis in Capitulo FF. Prædicatorum, ad S. Jacobi congregatis, proposita Quæstione de Pluralitate Beneficiorum, ipsis suffragantibus declarasse: Duo Beneficia, dummodo unum valeat quindecim libras Parisienses, teneri cum salute animæ non posse. Multo toleminorem ante triennium habitam Disputationem addit, in qua etiam omnes Magistri Theologiæ, exceptis duobus, idem pronunciaverunt, ac declaraverunt. Horum alter Philippus erat Parisiensis Ecclesiæ Cancellarius, qui post obitum Guillelmo Parisiensi Episcopo apparuit, Deo ita volente, sequæ æterna morte damnatum significavit triplicem ob causam: Primo quod crescentes fructus annuos reservasset, neque subvenisset pauperibus: Secundo, quod contra Sententiam plurimorum, de pluralitate Beneficiorum, quasi licite tenendorum sententiam propugnans, mortalis peccati periculo se commisit: Tertio, quod vitio carnis multo tempore se inquinasset. His adde Dionysium Cartusianum in Tractatu De Beneficiorum Pluralitate, Guillelmum Peraldum Ordinis Prædicatorum, in Summa De virtutibus, & vitiis, (quod Opus magni fecit S. Carolus Borromeus) Tractatu De avaritia, cap. xi. & alios bene multos, quos vel nominare longum foret.

Sacræ Facultatis Parisiensis sententia contra Beneficiorum hujusmodi pluralitatem.

R E G U L A XXVII.

Plura Beneficia, cujuscuque naturæ sint, etiam simplicia, simul possidere non licet. Qui absque canonica, & iusta Dispensatione plura obtinuerit, lethalis peccati reus est: si unum ad vitam ejus honeste sustentandam sufficiat.

Hanc Regulam colligimus ex cap. Cum teneamur, Ext. De Præbendis, quod Alexandri III. Responsum est: Si Mandatum nostrum (inquit) pro alicujus Provisione receperis, qui aliud Beneficium habeat, de quo valeat commodè sustentari: Nisi forte in litteris de hoc mentio habeatur. Aut si non potest ei sine scandalo provideri, æquanimiter sustinemus, si pro eo Mandatum nostrum non duxeris exequendum.

Nititur eadem Regulam cap. Ad aures, Ext. De Rescriptis, quod est Lucii III. Responsum: Cum non sit (inquit) intentionis nostræ, ut Personæ pluribus redditibus abundantes per litteras nostras pauperes Clericos super minoribus Beneficiis inquietent; litteras, in quibus Actor suæ nomen Dignitatis supprimit, vires nolumus obtinere.

Pluralitas Beneficiorum damnanda in eo, qui unum possidet, dum quo potest eorum modo sustentari.

Hanc Regulam confirmat Conc. Tridentinum, Sess. xxiv. cap. xvii. De Reformatione. Cum (inquit) Ecclesiasticus Ordo pervertatur, quando unus plurium Officia occupat Clericorum; sancte sacris Canonibus cautum fuit, Neminem oportere in duabus Ecclesiis conferri. Verum quoniam multi improbe cupiditatis officio seipso, non Deum decipientes, ea, quæ bene constituta sunt, variis artibus eisdem, & plura simul Beneficia obtinere non erubescunt; Sancta Synodus debitam regendis Ecclesiis Disciplinam restituere cupiens, quod in quibuscumque Personis quocumque titulo, etiam si Cardinalatus honore fulgeant, mandat observari; statuit ut posterum unum tantum Beneficium Ecclesiasticum singulis conferatur: Quod quidem si ad vitam ejus, cui confertur, sustentandam non sufficiat, liceat nihilominus aliud simplex sufficiens, dummodo utrumque personalem Residentiam non requirat, eidem conferri. Hæcque non modo ad Cathedralis Ecclesias; sed etiam ad alia omnia Beneficia, tam secularia, quam Regularia quæcumque, etiam Commendata, pertineant, cuiuscumque tituli, ac qualitatis existant.

Inter Articulos Reformationis, quos Carolus IX. Rex Christianissimus per Oratores suos a Sacra Synodo Tridentina postulaverat, hi leguntur: Unum tantum Beneficium uni conferatur, sublata, quod attinet ad pluralitatem, compatibilitatem, & incompatibilitatem differentia. Quæ distinctio, ut est nova & antiquis Decretis incognita, ita Ecclesiæ Catholicæ magnam calamitatem attulit. Dentur autem Regularia Regularibus, Sæcularia Sæcularibus. Qui vero duo, vel plura possident, aut illud tantum retineant, quod intra breve tempus elegerint, aut in pœnas antiquorum Canonum incidant.

Idem statuerunt Concilia Provincialia Tridentinum secuta, Mediolanense iv. P. 11. Tit. De Beneficiorum Collatione: Beneficiorum etiam simplex obtinenti (inquit) quod ad vitæ sustentationem satis est, si alterum simplex, aut Ecclesiæ etiam Parochialis, aliudve Beneficium cujuscvis generis conferatur; ubi is alterius Beneficii cujuscumque generis illud sit, possessionem pacificam adeptus est: aut si per eum steterit, quominus duobus mensibus, quos a die, quo alterum collatum est, præstitimus, illa adipiscatur; primum ipso jure vacare censetur: Cui vacanti provideatur; cum ex Tridentini Concilii Sententia unum, & alterum item ab illo simul retineri nullo modo liceat.

Beneficii quacumque Auctoritate deinceps collati, unde satis ad vitæ summum, possessionem pacificam quis adeptus, si nulla sibi facultate, dispensationeve legitima concessa, Beneficii prioris, quod obtinebat, censum exegerit; ea pœna illi sit, ut quod egerit, illius duplum ad Ecclesiæ usum restituat: Tum alia ratione etiam mulsetur, plebaturve Episcopi arbitratu.

Mediolanense v. Par. 111. Tit. Quæ ad Beneficiorum Collationem pertinent: Quod Synodi Tridentinæ auctoritate quarto Concilio nostro Provinciali permixtum est, simplex Beneficium habenti alterum etiam ejusdem generis, quod personalis Residentiæ munus non requirat, ob honestam illius vitæ sustentationem conferri, id ita locum habeat, ut ne tamen eo prætextu, causare vitæ honeste sustentandæ, plura, quam duo Beneficia Simplicia uni eidemque conferri liceat sine concessu permissive Sedis Apostolicæ.

Concilium Avenionense 1594. Tit. xxxvi. Nemo audeat plura Beneficia incompatibilia tenere. Quod si dispensationem se obtinuisse aliquis dicat, eam ostendere intra duorum mensium spatium post hujus Concilii publicationem compellatur. Juxta Decreti Concilii Tridentini tenorem, unum tantum beneficium Ecclesiasticum conferatur singulis. Quod quidem si ad vitam ejus honeste sustentandam non sufficiat, liceat nihilominus aliud simplex sufficiens, dummodo utrumque personalem residentiam non requirat, eidem conferre.

Concilium Mechliniense, anno MDCVII. tit. XIX. cap. v. *Pluraliter* (inquit) *beneficiorum* & certum continet animarum periculum, & totius Ordinis Ecclesiastici perversio est: Ideoque mandat hæc Synodus exacte servari, quidquid de ea cap. De multis, x. De Præbendis, ac in aliis sacris Canonibus, & præsertim in Sacro Concilio Tridentino, statutum, & decretum est.

R E G U L A XXVIII.

Plurium Beneficiorum possessio plures in se deformitates continet.

Ita docet S. Thomas, Quodlibeto x. quæst. VII. art. II. *Quædam* (inquit) *sunt actiones*, quæ de se indifferentes sunt ad bonum, vel malum; Inter quarum numerum quidam computant habere plures Præbendas, dicentes; Ita licet, tum est habere plures Præbendas, sicut habere plura poma. Sed hoc non videtur esse verum, cum hoc quod est habere plures Præbendas, plurimas in se inordinationes contineat; utpote quia non est possibile aliquem in pluribus Ecclesiis deservire, in quibus est Præbendatus, cum Præbendæ videantur esse ordinatæ quasi quædam stipendia Deo ibidem Ministrantium. Sequitur etiam diminutio cultus divini, dum unus loco plurium instituitur. Sequitur etiam inæqualitas, dum unus pluribus beneficiis abundat, & alius nec unum habere potest: Et multa alia huiusmodi, quæ de facili patent: Unde non potest contineri inter indifferentes actiones: & multo minus inter eas, quæ sunt secundum se bonæ; ut dare elemosynam, & huiusmodi. Hinc S. Thomas hanc velut S. Bernardi Sententiam citat: Qui non unus sed plures est in beneficiis, non unus sed plures erit in suppliciis.

Multiplex deformitas in pluralitate Beneficiorum.

Intentionem fundatorum fraudari, cum uni plura Beneficia conferuntur, pariter asserit Guillelmus Parisiensis Tractatu De Collatione Beneficiorum, cap. VI. Quoniam scilicet certum numerum voluerunt habere servitiorum, sic & servitorum. Si quis vero dixerit Ministrum unum sufficere ad plura Ministeria obeunda: Id manifeste falsum esse respondet Episcopus Doctissimus: Quia Ad maiorem gloriam sunt ei multi præcones laudum ipsius, quam unus: Alioquin ad quid institutæ essent tot, & tantæ Ecclesiæ Collegiatæ, totque Chori canentium laudes ipsius? Si autem dixerit, quod hoc sufficit ipsis Ecclesiis: & hoc falsum esse quis dubitet? Quæ enim Ecclesia est, nisi forte malignantium, quam Deus odit, quæ nolit habere integritatem corporis sui, & universitatem membrorum suorum? Quæ (inquam) quæ portione sui contenta velit esse pro toto, nisi quæ magis est Synagoga Satanae, quam Ecclesia? Quod si quis dixerit quod sufficit Prælato: Vel intelligit, sufficere ei ad meritum, quod est impossibile manifestum. Sed revera sufficit ei ad gehennam. De, fraudare enim Dominum præconibus gloriæ suæ, atque præconiis, & ipsam etiam membris suis, & membrorum Officiis; Animas vero tam mortuorum, quam vivorum patronis similiter, & patrociniis, sive suffragantibus, atque suffragiis, sufficiens meritum est, & causa damnationis æternæ. Et. inf. Si Dux Exercitus daret uni ex Bellatoribus decem bellatorum stipendia, nunquid non fraudem faceret Domino, & victoriam Adversarii contra ipsum procuraret? Ubi enim debet habere mille Bellatores, per hanc viam non haberet, nisi centum. Quantum minuat Dei Exercitum ista pestis, quamque graviter plectendi sunt a Deo huiusmodi Proditores, manifestum est satis.

Hinc can. Singula, dist. LXXXIX. hæc S. Gregorii Sententia refertur; Singula Ecclesiastici juris officia singulis quibusque personis singulatim committi jubemus.

demus. Sicut enim in uno corpore multa membra habemus, omnia autem membra non eundem actum habent; Ita in Ecclesiæ corpore, secundum veridicam Pauli Sententiam, uno, eodemque Spirituali conferendum est hoc officium, alii committendum est illud: Neque uni, quantumlibet exercitatus persone, uno tempore duarum rerum Officia committenda sunt: Quia si totum corpus est oculus, ubi auditus? Sicut enim varietas membrorum per diversa officia, & robur corporis servat, & pulchritudinem representat: Ita varietas personarum per diversa nomina Officia distributa, & fortitudinem, & venustatem Sanctæ Dei Ecclesiæ manifestat. Et sicut indecorum est, ut in corpore humano alterum membrum alterius fungatur officio, ita nimirum noxium, simulque turpissimum, si singula rerum Ministeria personis totidem non fuerint distributa. Auream illam SS. Pontificis Sententiam refert Joannes Diaconus in ejus Vita, Lib. 11.

Multiplex igitur deformitas est in Beneficiorum pluralitate secundum se ipsa. 1. Privatur Deus cultu suo: Magis enim & melius per plures Ministros, quam per paucos, collitur. 2. Privatur Ecclesiæ suo Jure: Nam enim plura beneficia unus usurpat, Ecclesiæ caret Ministris sibi debitis. 3. Fit injuria aliis dignis, imo dignioribus, qui nullum beneficium habent. 4. Id pugnat contra rationem naturalem, quæ docet unum membrum corporis unum in corpore officium habere debere. 5. Datur locus ambitioni, & cupiditati. 6. Pereunt studia literarum, emulatione laudabili sublata.

R E G U L A XXIX.

Plurium Beneficiorum possessio ex Dispensatione Canonica, & iustis de causis a Summo Pontifice concessa, scilicet ob Ecclesiæ necessitatem, vel utilitatem, honesta, & licita esse potest.

Circa Beneficiorum pluralitatem iustis de causis dispensare Summus Pontifex potest.

Iustæ causæ sunt Ecclesiæ necessitas vel utilitas.

Nemo potest plura Beneficia possidere tuta conscientia, ut sit ditor, & lautius vivat.

HÆc Regula colligitur ex S. Thoma, Quodlibeto supra citato. „Sunt „quædam actiones (inquit) quæ absolute deformitatem, vel inordinationem quamdam important, quæ tamen aliquibus circumstantiis advenientibus bonæ efficiuntur: Sicut occidere hominem, vel percutere, in se deformitatem quamdam importat: Sed si addatur, occidere malefactorum propter iustitiam, vel percutere delinquentem causa disciplinæ, non erit peccatum, sed virtuosum. In numero harum actionum videtur esse habere plures Præbendas: Quamvis enim aliquas inordinationes contineat, tamen aliæ circumstantiæ possunt supervenire, ita honestantes actum, quod prædictæ inordinationes totaliter evaueant; ut puta si sit necessitas in pluribus Ecclesiis ejus obsequio, & possit plus servire Ecclesiæ, vel tantumdem absens quam alius præsens; & si qua alia sunt hujusmodi: Et tunc istis conditionibus supervenientibus cum recta intentione, non erit peccatum, etiam nulla dispensatione interveniente, si consideretur tantum Jus naturale; quia dispensatio ad Jus naturale non pertinet, sed solum ad positivum: Si vero aliquis hac intentione plura beneficia habeat, ut sit ditor, ut lautius vivat, & ut facilius ad Episcopatum perveniat in aliqua Ecclesiâ ubi est Præbendatus, non tolluntur prædictæ deformitates, sed augentur; quia cum tali intentione & unum beneficium habere, quod nullam inordinationem importat, esset illicitum. Et sic quidem esset dicendum secundum Jus naturale, etiam nullo Jure positivo superveniente. Nunc autem certum est, per antiqua Jura hoc esse prohibitum. Si ergo antiqua Jura, quæ hoc prohibent, in suo robore maneant, contraria consuetudine non obstante, certum est non posse aliquem plures Præbendas „ habere.

habere absque dispensatione; etiam illis circumstantiis supervenientibus, quæ secundum considerationem Juris naturalis actum poterant honestare.

Hanc Regulam acceperat *S. Thomas* ex c. *De Multa*, quod est Conc. Lateranensis XIII. sub Alexandro III. „ In eadem Ecclesia (inquit) nullus plures Dignitates, aut Personatus habere præsumat, etiam si Curam non habeant Animarum. Circa sublimes tamen, & litteratas Personas, quæ majoribus sunt Beneficiis honorandæ, cum ratio postulerit, per Sedem Apostolicam poterit dispensari.

Sola porro nobilitas, vel eruditio rationes non sunt legitimæ dispensationis, sed Ecclesiæ necessitas, cum scilicet Ministri desunt, per quos plura Officia impleantur; Vel utilitas personæ erga Ecclesiam. Cum scilicet viri nobilitate sublimes, aut doctrina eximii, plus Ecclesiæ profunt, quam plures alii, quibus beneficia conferrentur, magisque laborant in verbo, & doctrina: & cum unum beneficium sublimibus istis, litteratisque viris non sufficit, ut ex eorum opera, studiisque ac laboribus utilitatem maximam reportet Ecclesia. Alias nulla ratio postulat, ut cum sublimibus, litteratisque viris circa pluralitatem Beneficiorum dispensetur, ut docet *S. Bern. Epist. cclxxi.* ad Principem *Theobaldum* Campaniæ Comitem a quo rogatus fuerat, ut apud *Eug. III. Pontif.* Maximum pro filio suo *Villelmo* intercederet, & certum quoddam Beneficium in ejus gratiam, qui tamen jam unum habebat, impetraret. *Scitis* (inquit) „ quia diligo vos: Sed quantum, novit Deus melius quam vos. Me quoque diligi a vobis non dubito, sed propter Deum. Quem si offendero, non erit quod me diligere debeatis, cum jam non fuerit in causa Deus. Qui enim ego sum, ut de me tantillo tantus Princeps curetis, nisi quandiu Deum in me esse creditis? Ergo ut offendam eum, fortassis nec vobis expedit. Offendo autem procul dubio, si facio, quod requiritis. Nam Honores, & Dignitates Ecclesiasticas non ignoro deberi his, qui eas digne secundum Deum administrare, & velint, & possint. Porro eas acquiri parvulo filio vestro precibus meis, vel vestris, nec vobis justum, nec mihi tutum esse noveritis. Nam nec cuiquam, vel adulto plures in pluribus Ecclesiis habere licet: Nisi dispensatorie quidem ob magnam vel Ecclesiæ necessitatem, vel personæ utilitatem. Quamobrem si vobis videtur hic durus sermo, & placet quod cogitastis implere: Parcite mihi in hoc; nam vos satis (ni fallor) per vos & per alios amicos vestros istud obtinere potestis. Ita nec vos minus quod vultis efficitis: Nec ego peccavi. Sane *Villelmulo* nostro cupio bene per omnia, sed ante omnia Deum, Hinc est, quod contra Deum nolo aliquid habeat, ne non habeat Deum, Quod si alius fecus voluerit: Nolo per me habeat: Ne perdam & ego Deum.

Sola nobilitas, vel eruditio, rationes non sunt legitimæ dispensationis.

R E G U L A XXX.

Dispensatio Pontificia possidentem plura Beneficia cujuscunque sint generis, quorum alterum ad vitam honeste sustentandam sufficiat, a peccato mortali non prestat immunem, nisi justa sit causa dispensationis.

Hæc Regula firmatur i. auctoritate *Guilielmi Parisiensis* Episcopi, Lib. *De Collatione Beneficiorum*, cap. vi. Si quis (inquit) „ objecerit nobis ex Ecclesiis, in quibus non compellitur fieri Residentia: Dicimus, Quia non est libertas ex constitutione, vel fundatione, sed magis ex longa consuetudine, & Clericorum malitia usurpata. Quod si objecerit nobis de Dispensationibus, Apostolicis: Respondemus, Quod illæ supra nos sunt, & quod diligentius consideratæ, irritæ sunt: & de omni Dispensatione facta idem sentimus, nec interpretari præsumimus. E contrario tamen indubitanter sciendum est, quod

Pontificia dispensatio plura Beneficia possidentem non excusat, nisi justa sit causa dispensationis.

„ Romanus Pontifex quantumcumque largam Dispensationis gratiam videatur
 „ facere in Beneficiis cum aliquibus personis; tamen non dispensat cum ava-
 „ ritia, cupiditate, vel ambitione earum; Non enim intendit pascere, vel nutri-
 „ re pestes viriorum de bonis temporalibus Ecclesiasticis, quæ plene novit ad su-
 „ stentationem Servorum Dei in ejus servitio certificata esse Domino, & oblata.

Secundo, ex S. *Thoma*, Quodlibeto ix. qu. vii. art. ii. „ Si antiqua Ju-
 „ ra (inquit) sunt per consuetudinem abrogata, tunc prædictis circumstantiis su-
 „ pervenientibus, etiam sine dispensatione licitum est plures Præbendas habere:
 „ Sine quibus circumstantiis licitum non est, quantumcumque dispensatio inter-
 „ veniat; eo quod dispensatio humana non aufert ligamen Juris naturalis, sed
 „ solum ligamen Juris positivi, quod per hominem statuitur, & per ho-
 „ minem dispensari potest.

Tertio, ex Cardinali *Cajetano*, in Summa, verbo *Beneficium*, num. ix. *Nec*
excusatur (inquit) *peccatum mortale propter dispensationem Papæ sine rationa-*
bili causa: Quoniam dispensatio Papæ cadit super Jus Positivum, & non super
Jus Divinum, aut Morale: Pluralitas autem Beneficiorum sine rationabili causa
est contra Jus Divinum, & Morale, quo communia Ecclesie bona distribui ju-
ste debent partibus Ecclesie.

Beneficiatis
in hoc casu
constitutus
neganda Sa-
cramentalis
absolutio.

Et infra, in Beneficiorum pluralitate tria spectanda esse ait: „ Primo damnum
 „ Ecclesiarum quoad divinum cultum, numerum Ministrorum, & tempora-
 „ lia: Secundo, damnum Clericorum benemeritorum in illis partibus, ubi sunt
 „ hæc Beneficia, qui deberent ex his Beneficiis & honorari, & pasci. Tertio,
 „ scandalum bonorum virorum, qui vident hujusmodi exorbitantes distributio-
 „ nes conservari ab his, qui in formam gregis Christiani dati sunt: Inde enim
 „ alii similia audent; & sic in præceptis ruit Ecclesia Christi. Et propterea qui
 „ hæc parvipendit, quia sic communiter a tot sit, & quia forte Papa dissipando
 „ dispensavit, non esset absolvendus; ut abque alia probatione clare pater-
 „ tet. Qui vero hæc æstimat, provideat opere, & veritate, ut hæc mala
 „ non sint: Alioquin repidus est, & evomendus.

Quarto, ex Cardinali *Toledo*, Lib. v. *De Institutione Sacerdotum*, cap. lxxxii.
 „ Non obstante (inquit) illo Jure Concilii, qui cum Pontificis dispensatio-
 „ ne plura quæcumque, & quomodocumque Beneficia habet, tutus est in con-
 „ scientia. Sed adverte, ut in foro exteriori possit illa habere, satis est dis-
 „ pensatio, tamen ut in conscientia, & coram Deo tutus sit, necessaria est causa
 „ dispensationis. Hæc autem causa debet esse in utilitatem Ecclesiæ, vel ob ipsius
 „ Ecclesiæ necessitatem. Quando causa non est in bonum Ecclesiæ, non est
 „ bona dispensatio, nec est homo securus coram Deo. Rursus quamvis ista causa
 „ sit, non potest sine dispensatione habere plura Beneficia pingua, quia est contra
 „ Concilium: Sed utrumque est necessarium, dispensatio cum causa convenienti.
 „ Quinto, ex Cardinali *Bellarmino* in Admonitione ad Episcopum Theanen-
 „ sem, Nepotem suum: „ Sed quia multi (inquit) multa beneficia ex dispen-
 „ satione Pontificia possident: Sciendum est, Pontificam dispensationem,
 „ quando non adest justa causa dispensandi, valere in foro fori, sed non in
 „ foro poli, ut aperte docet S. *Thomas*: Id est, in foro exteriori, non in fo-
 „ ro conscientiæ, & coram Deo.

Sexto, ex *Paromiten*o, in cap. *Dudum* 2. *De Electione*, cuius hæc verba
 refert ibidem *Bellarminus*: *Dispensatus etiam per Papam circa pluralitatem istorum*
beneficiorum, sine causa, etiam si sit tutus quoad Ecclesiam Militantem, non tamen
quoad Triumphantem, & sic non videtur dispensatio quoad Deum.

Quæ dispen-
sationes le-
gitimæ.

Aliorum Theologorum, ac Juris Canonici Peritorum iustitia hac in re con-
 cordantia adscribere non minime necesse est: Satis sit observare, illorum Asser-
 tionem S. *Bernardi* Sententiæ plane consentaneam esse, Lib. iii. *De Consi-*
dera-

deratione ad *Eugenium Pontificem Maximum* cap. iv. scribentis: „ Ubi necessitas urget, excusabilis dispensatio: Ubi utilitas provocat, dispensatio laudabilis est: Utilitas, dico, communis, non propria: Nam cum nihil horum est, non plane fidelis dispensatio, sed crudelis dissipatio est. *Et Epist. vii. ad Adam Monachum*: Apostolicam (inquiunt) licentiam quaesivimus, & impetravimus. Utinam non licentiam quaesivissetis, sed consilium; idest, non ut liceret, sed an liceret. Unde tamen quaerebatis licentiam? Ut liceret, quod non licebat? Facere itaque volebatis, quod non licebat; Sed quod non licebat, malum erat. Mala igitur erat intentio, quae in malum tendebat. *Et inf.* Hujus patrandi mali quaerendam putastis effecti- centiam. Sed ad quid? An ut quanto licentius, tanto securius; & quo securius, eo & periculosius peccaretis? Mira cautela, & stupenda providentia! Malum quod jam corde conceperant, opere tamen cauti fuerunt non implere, nisi cum licentia. Conceperunt dolorem, sed non peremerunt iniquitatem, donec in quo Papa conceptui praebuisset assensum. Quo lucro? Quove saltem compendio mali? Numquid ideo aut malum esse desit, aut vel minoratum est, quia Papa concessit? Quis vero malum esse neget, assensum praebere malo? Quod tamen Summum fecisse Pontificem, nequaquam crediderim, nisi aut circumventum mendacio, aut importunitate victum.

R E G U L A XXXI.

Intentio expendendi redditus Beneficiorum in bonos & pios usus, pluralitatem Beneficiorum non excusat.

Cum enim non sint facienda mala, ut eveniant bona, pluriumque Beneficiorum possessio secundum se sumpta, & his destituta circumstantiis, quas explicuimus, mala sit, non excusantur a peccato, qui plura beneficia possident, quorum unum ad honestam ipsorum sustentationem sufficiat habita ratione personae, loci, & temporis, nisi ob Ecclesiae necessitatem, vel utilitatem personarum in Ecclesiam, cum ipsis fuerit dispensatum; quamvis intentionem habeant expendendi redditus hujusmodi beneficiorum in pios usus. Ita docet *Guillelmus Parisiensis*, Lib. De Collatione beneficiorum, cap. vi. Quam ridiculosum sit; quod quidam dicunt, quod potest habere quolibet, & quantumcumque penuria temporaliter beneficia quivis, dum ea bene expendat, ex his apparere. Licet enim Medicus salarii in quantumcumque pios usus expendat, quod b. egro pro eo medicando recepit, non omnino propter hoc satisfacit egro, qui nunc minus rotat. Idem dicimus & de Bellatore, quantumcumque large, & magnifice expendat stipendium, non propter hoc minus exheredatur Rex, cujus bellum debuit agi. Similiter & de Vinitore, & de Advocato eis objici potest: Non enim solam dispensationem temporalium suscipiant proventuum Clerici institutione, vel evocatione sua, sed officium medicandi sauciatum, de quo loquitur *Lucæ X* & officium agendi bellum Dei; similiter, & officium allegandi causam Animarum, & officium operandi in vinea Domini.

Idem docet *Dionysius Carthusianus* in Tractatu Contra Pluralitatem Beneficiorum, Art. xii. At vero (inquit) hospitalitatem servare, & eleemosynas erogare, non est sufficiens causa habendi hujusmodi Beneficia plura, cum ex hoc aliunde proveniant multa inconvenientia graviora. Deus quoque non exigit ab aliquo hospitalitatem, & eleemosynarum largitionem ultra vires ipsius, seu ultra id, quod sibi de uno competentis Beneficio superest.

Intentio expendendi redditus Beneficiorum in pios usus non sufficit ad pluralitatem excusandam.

R E G U L A XXXII.

Beneficiorum pluralitatem non excusat quorundam huic pluralitati favens opinio, vel exempla.

Non enim hominum opiniones Legi Dei, aut Sacris Canonibus, & Ecclesiæ Decretis contrariæ; vel eorum exempla nos excusant, cum id committimus quod Legi Dei, vel Ecclesiæ vetitum est.

Præterea, (ut recte dixerit *Guillelmus Parisiensis* loco supra citato) Si dubium est, utrum liceat, vel non liceat, ipsa dubietas certitudo est, & determinatio, quia procul dubio non licet. Nulli enim dubium est, quod non licet alicui committere se discrimini: Discrimini autem se committi qui aliquid facere præsumit, de quo dubitat, an peccatum mortale sit. Quare sicut dicimus, quod ipsa dubietas efficit hoc discriminis, & propter hoc vitandum ex necessitate; quare & illicitum.

Amplius, nullus dicit hoc, videlicet quod liceat, nisi vel qui plurima habet hujusmodi Beneficia, vel qui ea habere intendit: Quare in causa sua, & pro se ipso dicit hujusmodi testimonium: Non ergo verum, si conveniens est testimonium ejus; & ideo non est credendum ei. Qui autem e contrario dicunt, quodammodo se obligant, ut plurima in futuro non habeant, & uno contenti sint tali Beneficio, sicut legitur Prov. xiii. Qui detrahit alicui, in futurum se obligat; *Subaudi, ne illud faciat* &c.

Amplius quærimus ab hujusmodi avaris, & ambiosis, ut videtur, utrum ex charitate detineant multa hujusmodi Beneficia, an cupiditate, vel ambitione? Quod si ex charitate respondeant; non est qui eis credat: Non enim ex charitate Dei, & proximi tanta damna iustificationum, nec ipsi Ecclesiæ, quæ incomparabiliter magis diligenda est, quam quisvis proximus, tantam sui corporis vastationem facerent. Quod si ex cupiditate, vel ambitione, ex ore suo judicentur: Manifeste enim confitentur quia male.

R E G U L A XXXIII.

Episcopi, & Parochialium Ecclesiarum Rectores Divino, Naturali, & Ecclesiastico Jure ad Mansionem, sive Residentiam personalem in suis Ecclesiis tenentur.

Episcopalis enim dignitas non est instituta nisi propter Officium, & nunquam in sacris Litteris nisi Officii nomine designatur. Ait Christus Petro Joan. xx. *Pasce oves meas*: Non ait, Sis Præsul, aut Episcopus, imo nec, Sis Pastor; nam & Pastores focordes, & somnolenti esse possunt, sed, Pasce, idest, doce, institue, gubernare exemplo meo oves meas. Hinc Apostolus ait: *Qui Episcopatum desiderat, bonum opus desiderat*: Idest, si legitimum est desiderium, non ad dignitatem, sed ad opus referendum est. Quare statim subiunxit, Episcopum *Doctorem* esse oportere, idest, necesse esse ut doceat. Unde Episcopo in ejus Consecratione dicitur: *Pasce, prædica Populo Dei*. Episcopis igitur, & inferioris Ordinis Pastoribus per se incumbit gregem pascere. Id porro sine personali præsentia fieri non potest: Ex quo sequitur, Episcopos, & Parochialium Ecclesiarum Rectores jure divino ad Residentiam obligari. Nam quo quique jure obligatur ad finem, obligatur etiam ad media quæ ad illius assecutionem sunt necessaria. Id confirmat Christus (Joannis X.) boni Pastoris indolem explicans: *Ego sum (inquit) Pastor bonus. Bonus Pastor animam suam dat pro ovibus suis. Mercenarius autem, & qui non est Pastor, cujus non sunt oves propriæ, videt lupo-*

In Beneficiis.
Curam Ani-
marum ha-
bentibus re-
sidentis obli-
gatio, ex
jure divino
positivo.
1. Tim. 3.

pum

sum venientem, & dimittit oves, & fugit: & lupus rapit, & dispergit oves: Mercenarius autem fugit, quia Mercenarius est, & non pertinet ad eum de ovibus. Certe nisi Residentia jure divino Episcopis, ceterisque Pastoribus præscripta esset, non tenerentur vitam potius exponere quam a grege recedant, cum gregi periculum imminet, in quo Pastoris præsentia illi opus est. Pergit Christus in explicanda boni Pastoris indole. *Ego sum Pastor bonus: Et cognosco oves meas, & cognoscent me meæ.* Quomodo vero Pastor cognosceret oves, ut earum ingenium, mores, morbosque animi non ex aliorum relatione, sed propria observatione sciat; quomodo item oves Pastorem, ut eum diligere, vocantem, ac præcipientem audire, ducentem sequi, ac imitari valeant, absque assidua mansionem; & personali Residentia? *Qui intrat per ostium, Pastor est ovium.* Huic ostiarius aperit, & oves vocem ejus audiunt, & proprias oves vocat nominatim, & educit eas. Et cum proprias oves emisserit, ante eas vadit: *Et oves eum sequuntur, quia sciunt vocem ejus.* Alienum autem non sequuntur, sed fugiunt ab eo, quia non noverunt vocem alienorum. Sacramentorum Administratio, verbi divini prædicatio, sacra Visitatio, pauperum, viduarum, orphanorum, peregrinorum cura, morum reformatio, atque correctio Pastoralis partes sunt officii Pastoris prædicantis, docentis, admonentis, in omni patientia & doctrina increpantis; vocem audiunt Oves Christi ejus curæ commissæ. Vocat eas nominatim, & educit eas in optima, & saluberrima Christianæ Doctrinæ, & Sacramentorum pascua: Singularum morbis medetur, & necessitatibus subvenit: Hunc consilio, illum solatio, istam correctione, illum elemosynæ subsidio sublevat: Illos e vitiorum ceno educit, ex lupi tartarei faucibus eripit: Illorum lites sine judiciorum strepitu componit, dissidentes conciliat. Hæc vero Officia nonne mansionem assiduam, sive personalem Residentiam, postulant? Ex Scriptura ergo Sacra colligitur evidenter, Episcopos, aliosque Pastores ad Residentiam esse obstrictos; adeoque divini juris est obligatio residendi. Quod argumentum contra Catharicum triumphali calamo tradarunt, & exornarunt *Bartolomæus Caranza* Toletanus Archiepiscopus ex Ordine Prædicatorum assumptus, *Dominicus Soto* Lib. x. *De Justitia, & Jure*, qu. 111. *Franciscus Torrensis*, seu *Turrianus*, Societatis Jesu Theologus Doctissimus, *Thomas Campegius*, Cardinalis *Bellarminus* in Epistola ad Nepotem suum Theanentem Episcopum, & ante illos Cardinalis *Cajetanus* in Secundam Secundæ *S. Thomæ*, ad Quæst. CLXXXV. Art. v.

Ex jure naturali.

Quo vero naturali etiam juri consentanea sit facile demonstratur ex Officio Pastorum. *Lux enim Mundi, Civitas supra montem posita, Sal terræ*, a Christo nuncupantur: *Lux mundi*, quia ignorantix tenebras a Populorum sibi commissorum mentibus dispellere tenentur: At lucem natura docet nisi præsentem lucere non posse. *Civitas supra montem posita esse debet*, ut ipsos aspiciens Populus, vitæque ipsorum sanctimoniam, & egregia virtutum exempla considerans, ad viam salutis redeat, si forte ab ea deflexerit: *Oculis autem omnium patere non possunt Pastores, nisi præsentem sint.* *Sal terræ esse debent*, ut pravis affectus divino quodam sacre doctrinæ, sanctæque conversationis sapore condiant, quod præstare non possunt absentes. Medici sunt Animarum: Quod officium industriam personæ, ac præsentiam desiderat. Naucleri sunt, Duces, fideles servi, ac Dispensatores Mysteriorum Dei. Sunt ad arcendum hostes custodes, & vigilæ a Christo constituti. Eorum officium est parare Domino plebem perfectam, & uni viro virginem castam exhibere Christo: Quæ Officia personæ industriam, ac præsentiam postulant.

Quod denique Episcopi Ecclesiastico etiam jure ad mansionem assiduam, seu Residentiam in suis Diocesis; & Parochi in suis parochiis teneantur, constat

Ex jure Ecclesiastico.

stat

stat ex cap. *Quia nonnulli*, Extra. *De Clericis non Residentibus*, quod est XIII. Lateranensis Concilii sub Alexandro III. Cum (inquit) *Ecclesia, vel Ecclesiasticum Ministerium committi debuerit, talis ad hoc persona queratur, quæ residere in loco, & curam ejus per seipsam valeat exercere. Quod si aliter actum fuerit, & qui receperit, quod contra Sacros Canones accepit, amittat, & qui dederit, largiendi potestate privetur.* Idem confirmatur ex cap. *Relatum*, quod est Alexandri III. Rescriptum ad Eboracensem Archiepiscopum, ex cap. *Qualiter*, quod est Innocentii III. & aliis Pontificum Decretis, sub eodem Titulo. Præterea Concilium Sardicense can. XIV. vetat, ne Episcopus ultra tres septimanas, sive tres Dominicos dies sit absens ab Ecclesia sua. Diaconus, vel Presbyter, si per tres hebdomadas ab Ecclesia sua abfuerit, triennio a Communionem suspenditur, can. *Si quis*; causa VII. quæst. I. qui est Agathensis Concilii LXIV. Concilium Sardicense Canonibus VII. IX. & X. Episcoporum aditum ad Principum Aulas prohibet, nisi litteris ipsorum invitati, aut vocati fuerint: Si vero causa aliqua emerferit, in qua pauperibus, viduis, pupillis, oppressis, necessaria sit eorum intercessio, statuit, ut Diaconum mittant cum precibus, ipsique in Ecclesiis suis maneant. Et can. *Clericus*, causa XXI. quæst. I. Residentiæ gratia prohibetur *Ne in duabus Ecclesiis Clericus commoveretur*: Qui Septimæ Synodi can. XV. est: Idque divino testimonio confirmatur, quia scilicet, *Nemo potest duobus Dominis servire*, can. *Placuit* causa VII. quæst. I. prohibetur Episcopo, *Ne relicta principali Cathedrali, ad aliquam Ecclesiam in Diocesi constitutam se conferat*; (nisi causa Visitationis, aut alia necessitas id postulet;) *vel in re propria diutius, quam oporteat constitutus, curam, vel frequentationem propriæ Ecclesiæ negligat.* Est Concilii Carthaginensis V. can. V. & can. *Sciscitaris*, eadem causa, & questione, *Nicolaus I.* respondet non minus juri naturali repugnare, ut Episcopus Ecclesiam sibi commissam persecutionis tempore deserat, quam ut Prophetam tempestate peractam. *Præcipue nos* (inquit), qui tamquam arietes, ducatum gregibus præbemus, imo qui & horum Pastores sumus. Deo autem cum eis in periculis pro viribus persistere pro certo conveniat: Et cum tranquillitas reddita divina fuerit pietate, sopitaque furentium in-festatio, mox gregem requirere, & in unum colligere, & ejus animos cœlestis patriæ pace, ac potissimum iecuritate prædicata sursum erigere debemus. Et can. *Decrevimus*, causa X. quæst. I. qui est Concilii Tarracoenensis VIII. statuit *Ut antiquæ consuetudinis ordo servetur, & acquirit vicibus ab Episcopo Diœceses visitentur.* Legi possunt & Epistolæ Athanasii Patriarchæ Constantinopolitani, *De Residentia Episcoporum*, quibus *Andronicus* Imperatorem adhortatur, ut Episcopos in Regia Urbe degentes sacra Iustione in Diœceses suas remittat. Editæ sunt Tom. XXV. Bibliothecæ Patrum, Editionis Lugdunensis.

Antiquos illos Canones adversus Prælatos non residentes Tridentina Synodus innovat sessione VI. cap. I. *De Reformatione*, Ipsos monet, „ Ut attendentes sibi, & universo gregi, in quo Spiritus Sanctus posuit eos, regere Ecclesiam Dei, quam acquisivit Sanguine suo, vigilant sicut Apostolus præcipit, in omnibus laborent, & ministerium suum impleant: „ Implere autem illud se nequaquam posse sciant, si greges sibi commissos mercenariorum more deserant, atque ovium suarum, quarum sanguis de eorum est manibus a supremo Judice requirendus, custodiæ minime incumbant. Cum certissimum sit, non admitti Pastoris excusationem, si lupus oves comedit, & Pastor nescit. Statuit insuper, ut qui sex mensibus continuis extra suam Diœcesim morando abfuerint, pœnam privationis quartæ partis fructuum ipso Jure incurrant. Si per alios sex men-

Matth. 6. 24.

ses in hujusmodi absentia perseveraverint, aliam quartam partem fructuum amittant. Crescente vero contumacia, Metropolitanus Suffraganeos absentes, Metropolitanum absentem Suffraganeus Episcopus antiquior, sub poena interdicti ingressus Ecclesiae eo ipso incurrenda, *Infra tres menses Romano Pontifici denunciare teneatur: Qui in ipsos absentes, prout cujusque major, aut minor contumacia exegerit, suae Supremae Sedis Auctoritate animadvertere, & Ecclesis ipsis de Pastorum utilioribus providere poterit, sicut in Domino noverit salubriter expedire.* Et sessione *xxiii. cap. i. De Reformatione*, assidue mansionis, sive Residentiae obligationem divino praecepto Episcopis omnibus impostam luculentius explicat, ut mox videbimus.

R E G U L A XXXIV.

Episcopi, Parochi, & alii quicumque Beneficia Curam Animarum habentia obtinentes, peccati mortalis reatum incurrunt, cum sacram de Residentia legem violant; Fructus etiam suos non faciunt pro rata temporis absentiae, nec tuta conscientia illos retinere possunt.

HÆC Regula nititur Decreto, & declaratione Concilii Tridentini sess. *xviii. cap. i. De Reformatione.* Cum (inquit) „praecepto divino mandatum sit omnibus, quibus Animarum cura commissa est, oves suas agnoscere, pro his Sacrificium offerre; verbique divini praedicatione, Sacramentorum administratione, ac bonorum omnium operum exemplo pascere; pauperum, aliarumque miserabilium personarum paternam Curam gerere, & in cetera Munia Pastoralia incumbere: Quæ omnia nequaquam ab eis præstari, & impleri possunt, qui gregi suo non invigilant, neque assistunt, sed mercenariorum more deserunt: Sacrosancta Synodus eos admonet, & hortatur, ut divinorum praeceptorum memores, fastique forma gregis, in iudicio, & veritate pascant, & regant. Ne vero ea, quæ de Residentia sanctæ, & utiliter jam antea sub felicitis recordationis Pauli III. sancita fuerunt, in sensus a Sacrosanctæ Synodi mente alienos trahantur, ac si rigore illius Decreti quinque mensibus continuis abesse liceat: illis inhærendo declarat Sancta Synodus, omnes Patriarchalibus, Primatialibus, Metropolitanis, ac Cathedralibus Ecclesiis quibuscumque, quocumque nomine, & titulo præfectos, etiam si Sanctæ Romanæ Ecclesiæ Cardinales sint, obligari ad personalem in sua Ecclesia, Diocessive Residentiam, ubi juncto sibi officio defungi teneantur; neque abesse posse nisi ex causis, & modis infra scriptis, &c. Si quis autem, (quod utinam nunquam eveniat,) contra hujus Decreti dispositionem abuserit, statuit Sacrosancta Synodus, præter alias poenas adversus non residentes, sub Paulo III. impositas, & innovatas, ac mortalis peccati reatum, quem incurrit, eum pro rata temporis absentiae fructus suos non facere, nec tuta conscientia, alia etiam declaratione non secuta, illos sibi detinere posse; sed teneri, aut ipso cessante, per Superiorem Ecclesiasticum illos fabricæ Ecclesiarum, aut pauperibus loci erogare, prohibita quacumque compositione, vel conventionione, quæ pro fructibus malè perceptis appellatur: ex qua etiam prædicti fructus in totum, aut pro parte ei remitterentur.

Eadem omnino, etiam quoad culpam, amissionem fructuum, & poenas, de Curatis inferioribus, & aliis quibuscumque, qui Beneficium aliquod Ecclesiasticum, Curam Animarum habens, obtinent, Sacrosancta Synodus declarat, & decernit: ita tamen ut quandocumque eos, causa prius per Episcopum cognita, & probata, abesse contigerit, Vicarium idoneum,

Conc. Trid.
doctrina, &
Decretum
de Pastorum
Residentia.

„ idoneum, ab ipso Ordinario approbandum, cum debita mercedis assigna-
 „ tione relinquant. Discedendi autem licentiam in scriptis, gratique conce-
 „ dendam, ultra bimestre tempus, nisi ex gravi causa, non obtineant.
 „ Quod si per Edictum citati, etiam non personaliter, contumaces fuerint,
 „ liberum esse vult Ordinariis, per censuras Ecclesiasticas, & sequestratio-
 „ nem, & subtractionem fructuum, aliaque Juris remedia, usque ad priva-
 „ tionem compellere. His adde *Pii V.* Constitutionem contra non Residentes,
 quæ incipit: *In suprema*.

Ista Concilii Tridentini de Residentia Episcoporum, & Parochorum De-
 creta promulgarunt, & observari jusserunt Synodi Provinciales, & Diocesa-
 næ pleræque omnes postea celebratæ Mediolanenses i. & v. p. 11. tit. *De*
Residentia, Rothomagensis MDLXXI. Burdigalensis anno MDLXXXII. Rhe-
 mensis, & Turonensis MDLXXXIII. Aquisgranensis MDLXXXV. Tolosana MDXC.
 Ebroicensis ann. MDLXXVI. quæ Curatos omnes obtestatur, *Ut cogitent de gra-*
viore illis pœnis, quæ juris divini, & naturalis transgressoribus imminet: Cog-
itent (inquam) se vivere in perpetuo mortali peccato, quandiu præceptum divi-
num de Pastorum Residentia violant: Cogitent utroque jure non sibi deberi Beneficiū,
nisi propter Officiū. Ideoque fructus suos non facere, si suum non observent Ministe-
rium, quemadmodum a Concilio Tridentino fuit declaratum. Tridentini Concilii
 Decretum constantiæ sunt Regiæ Constitutiones Blesenses, anno MDLXXX.
 promulgatæ.

R E G U L A XXXV.

*Episcopos, Parochos, aliosque Beneficia Curam Animarum habentia, aut alia
 quæcumque Residentiam postulantia obtinentes, a lethali peccati reatu, pœ-
 nisque a Jure statutis contra non Residentes, nulla Dispensatio excusat, nul-
 late ratio, nisi causa absentię legitima sit, & canonica. Nulla porro abs-*
entiæ causa legitima est, & canonica, nisi Christiana Charitas, urgens ne-
cessitas, debita obedientia, & evidens Ecclesiæ, vel Reipublicæ utilitas.

Nulla dis-
 pensatio non
 Residentes
 beneficiatos
 excusat, nisi
 ratio absen-
 tiæ legitima
 sit.

Hanc Regulam statuit sacra Synodus Tridentina sess. vi. cap. i. De Re-
 formatione: *Episcopi inferiores* (inquit), quævis Beneficia Ecclesia-
 stica personalem Residentiam de Jure, vel consuetudine exigentia, in
 Titulum sive Commendam obtinentes, ab eorum Ordinariis, quemadmo-
 dum eis pro bono Ecclesiarum regimine, & divini cultus augmento, lo-
 corum & personarum qualitate pensata, expediens videtur, opportunis
 Juris remediis residere cogantur: Nullique Privilegia, seu Indulta per-
 petua de non residendo, aut de fructibus in absentia percipiendis suffa-
 gantur. Indulgentiis vero, & dispensationibus temporalibus, ex veris, &
 rationabilibus causis tantum concessis; & coram Ordinario legitime pro-
 bandis, in suo robore permanant: Quibus casibus nihilominus officium
 sit Episcoporum, tamquam in hac parte a Sede Apostolica delegatorum,
 providere, ut per deputationem idoneorum Vicariorum, & congruæ por-
 tionis fructuum assignationem, Cura Animarum nullatenus negligatur:
 Nemini quoad hoc Privilegio seu Exemptione quovismode suffragante.
 Et Sessione 23. cap. i. De Reformatione: *Cum* (inquit), Christiana Cha-
 ritas, urgens necessitas, debita obedientia, ac evidens Ecclesiæ, vel Re-
 publicæ utilitas aliquos non Residentes, quam abesse possint, & exigant; de-
 cernit eadem Sacrosancta Synodus, has legitimæ absentię causas a Pre-
 latissimo Romano Pontifice, aut a Metropolitanano, vel eo abente, Sui-
 fraganeo Episcopo antiquiori residente, qui idem Metropolitanani absen-
 tiam probare solent, inscriptis esse approbandas; nisi cum absentia in-

Quæ ratio-
 nis legitimæ
 absentiæ.

„ ciderit propter aliquod Munus, & Reipublicæ Officium Episcopatibus ad-
 „ junctum, cujus quoniam causæ sunt notoriæ, & interdum repentinæ, ne
 „ eas quidem significare Metropolitano necesse erit. Ad eundem tamen
 „ cum Concilio Provinciali spectabit judicare de licentiis a se vel a Suf-
 „ fraganeis datis; & videre ne quis eo jure abutatur, ut pœnis canonicis
 „ errantes puniantur.

„ Quoniam autem qui aliquantisper tantum absunt, ex veterum Cano-
 „ num sententia non videntur abesse, quia statim reversuri sunt, Sacrosan-
 „ cta Synodus vult illud absentiæ spatium singulis annis, sive continuum,
 „ sive interruptum, extra prædictas causas, nullo pacto debere duos, aut
 „ ad summum tres menses excedere, & haberi rationem, ut id ex æqua
 „ causa fiat, & absque ullo gregis detrimento: Quod an ita sit, absen-
 „ dentium conscientiæ relinquit, quam sperat religiosam, & timoratam fo-
 „ re, cum Deo corda pateant, cujus opus non fraudulenter agere suo pe-
 „ riculo tenentur. Eosdem interim admonet, & in Domino hortatur, ne
 „ per illius temporis spatium; Dominici Adventus, Quadragesimæ, Nati-
 „ vitatis, Resurrectionis Domini, Pentecostes item, & Corporis Christi die-
 „ bus, quibus refici maxime, & in Domino gaudere Pastoris præsentia o-
 „ ves debeant, ipsi ab Ecclesia sua Cathedrali ullo pacto absint, nisi Epis-
 „ copalia Munia in sua Diœcesi eos alio vocent.

„ Nullæ causæ absentiæ Episcoporum, aut Pastorum inferiorum ab Eccle-
 „ siis suis legitimæ sunt, & canonicæ, nisi ad supra scriptas revocentur. Unde
 „ Concilium Rothomagense anno MDLXXXI. ita statuit: „ Plerique nere-
 „ sident, prætexunt litigia, aut suscitant ipsimet Devoluta, ne videantur
 „ sua Beneficia pacifice possidere. Verum quisquis Beneficio, aut ejus tru-
 „ ctibus gaudet, aut resideat, aut fructus non percipiat, quos sine
 „ Residentia facere non potest, & aliis Decretis pœnis subiaceat. Alii cau-
 „ santur Nobilium, aut Paræcianorum vexationem, & oppressionem. Sed
 „ si nihil ipsis de fructibus, aut saltem major portio non deperit, Residen-
 „ tiæ sunt obnoxii, aut ad fructuum restitutionem obligati. Obtestamur au-
 „ tem in Domino Nobilitatem, atque alios quoscunque, ut residentem Pa-
 „ rochum, sicut oves Pastorum, ament, & sequantur, atque ut filii pa-
 „ trem honorent: Unde cum gaudio, & non gemens gregem pascat. Quis-
 „ quis vero proprio Parocho injuriam fecerit, & ad Residentiam impelle-
 „ rit, sit ille maledictus sicut Cham, & ipso facto Anathema. Sit suspen-
 „ sus quoque a Divinis ipso facto qui sciens & volens illi Communionem,
 „ aut aliud Sacramentum, nisi in mortis articulo subministraverit. Oble-
 „ cramus Judices sæculares sub divini Judicii interminatione, ut in favo-
 „ rem Residentiæ contra oppressores Curatorum severius insurgant. Idem
 „ statuunt Synodus Aquisensis, & Tolosana.

„ Mansionem, & servitium in Curia Romana Canonicæ absentiæ ratio-
 „ nem non esse, declarat Synodus Ebroicensis ex Responsis Romanorum Pon-
 „ tificum. *Olim maxime* (inquit) „ in nostra Diœcesi Ebroicenti diu, multum-
 „ quæ questum, & litigatum, quotnam Episcopus pro dispensatione de resi-
 „ dentia judicare posset, ita ut non semel fuerit necessarium a nostris An-
 „ tecessoribus, & de re Apostolicam Sedem Romanam consuli, quæ per se-
 „ licis recordationis Papa Urbanum, & Gregorium X. respondit, solos ab
 „ illa Residentia eximendos esse, qui ipso facto universali Ecclesiæ in Cu-
 „ ria Romana servirent. „ Nostra ætate post Concilium Tridentinum ne
 „ quidem Sanctissimis Romanis Pontificibus Pio IV. V. & Gregorio XIII.
 „ placuit illos excipi, sed Episcopos, etiam Cardinales, & Curatos, vel
 „ ad Residentiam de Curia, & Ecclesia Romana expulerunt, vel coegerunt

„ Benefi-

Beneficiis cedere, ac gravissimas pœnas non residentibus constituerunt, non obstante quocumque Privilegio, vel consuetudine. Quæ omnia ad nostram conscientiam exonerandam singulis nostræ Diœcesis Curatis in præsentis Synodo significanda duximus, ne quærant excusationes in peccatis, aut existiment in nostra, vel alterius potestate situm esse, illos a debito residentia non solum coram Deo, & in conscientia, sed vel in Ecclesiæ foro quocumque prætextu liberare.

Concilium Mediolanense v. p. 111. tit. *De Residentia*, solas causas a Tridentina Synodo designatas a Residentia excusare declarat, ceteras seu non legitimas excludit, ac rejicit: *Personalis* (inquit), Residentiæ munus, ut revera per eos præstetur, qui illius generis Beneficia Ecclesiastica obtinent, omnem rationem can. Jure, Tridentinisque Sanctionibus præscriptam Episcopus ineat.

A quo munere non excusetur, neque qui Beneficium, Ecclesiamve habet, de cuius titulo adhuc lis, & controversia pendet: Nec vero item qui nondum Sacerdotio, aut eo Ordine, quem Beneficium illud requirit, initiatus est: Nec præterea, qui iusta aliqua causa, impedimento ve distinetur, quominus eo initietur.

Nec vero a Residentiæ munere liberi sint, qui tertiam partem fructuum, qui sibi ex Dignitatibus obveniebant, quas in Ecclesiis Cathedralibus obeunt, in distributiones contulerint. Imo vero ii cetera etiam, quæ Tridentino Decreto in Sessione xxiv. promulgato, ipsis præscripta sunt, præstare ab Episcopo cogantur.

Ne ille quidem excusetur, cuius Ecclesia, aut Beneficium ejusmodi est, unde omnis, aut certe magna pars fructuum, aliquo modo reservata ad alium pervenit.

Ne Episcopus, propterea quod sibi liberum, integrumque est, facultatem permittere, qua liceat aliquem ab Ecclesia commissa, Beneficiove personalis Residentiæ abesse, ea potestate, facultateve deinceps ob cuiusvis generis causam utatur: Sed in illa concedenda modum, & rationes adhibeat, Concilii Tridentini Sanctione præscriptas.

Ne vel ad Seminarii quidem Curam, vel ad Vicarii Munus, vel ad Sanctæ etiam Inquisitionis Officium, ne vero ad aliud quidquam opera Sacerdotis, Curam Animarum gerentis, Episcopus ita utatur, ut ab Ecclesia, Beneficiove, in ejus Curam tradito, diutius absit, ac muneri debita residentia personalis desit.

Ne Parochus, Animarumve Curator ob senectutem, aut ob adversam valetudinem, cœlve gravitatem, ab eo residentia munere excusetur. Si vero ejus invalitudo id generis est, quæ curari possit, atque eo loci, ubi Ecclesia Parochialis sita est, non datur, nec aliunde facultas Medici, & medicamentorum; tunc Parocho, ex infirma illa valetudine laboranti, Episcopus curationis causa facultatem dare possit, qua liceat ei tribus, quatuorve mensibus ad summum, loco propinquiori in quo ejusmodi necessaria non desint, manere, ubi valetudinem curet. Interea ad illius Ecclesiæ Parochialis curam gerendam Vicarium Episcopus constituat, Parochi sumptus.

Nec præterea similitatis, odiive solum causa Parochum ab Ecclesiæ Parochialis Statione, locove abesse permittat, ac ne inimicitiarum quidem, quæ vel leves, vel fictæ sint, causa, prætextuve. Si vero unquam graves illæ erunt, ac veræ, ortæque posteaquam Parochialis Curæ Munus obit, idque sine culpa Parochi; permittere Episcopus poterit illum inde abesse, locove propinquo, ubi tuto sit, morari, eo solum tempore inimicitiarum, non tamen ultra annum, etiamsi diuturniores anno sint inimicitia.

Summus Pontifex obligationem residendi Episcopis, aut Parochis, aliisque Curam Animarum habentibus remittere non potest.

IN iis enim, quæ divino Jure constituta, & a Deo præcepta sunt, Pontifex Maximus, & Ecclesia, dispensare non possunt; Sed in iis dumtaxat quæ humano Jure sunt posita. Si tamen dispensatio minus stricte sumatur pro divini Juris interpretatione, & declaratione, Summus Pontifex cum Episcopis, & Parochis super Residentia dispensare dicitur, quia declarare potest Jus divinum in certis casibus propter aliquam circumstantiam non obligare. Attamen ut declaratio illa coram Deo valeat, necesse est, ut veniam faciat discedendi ad tempus ab Ecclesiis intuitu boni publici, nimium charitatis, aut urgentis necessitatis, aut debitæ obedientiæ, aut evidenti utilitatis Ecclesiæ, vel Reipublicæ, ut explicat Concilium Tridentinum. Quas causas *Cajetanus*, & plerique Theologi recentiores ad tria capita revocant: Prima est necessitas impedimenti: Secundum qualitas negotii: Tertium, conditio personæ. Impedimentum duplicis generis distinguunt: Intrinsecum unum, ex infirmitate proveniens; quod quidem, si spes sit recuperandæ sanitatis, justam causam præbet abscedendi ad tempus ab Ecclesia, ut si mutare cælum, aut ire ad balnea oporteat. Impedimentum extrinsecum est persecutio, in qua non est commune ovium, Pastorisque periculum, nec subditorum salus exigit Pastoris præsentiam. Unde *S. Augustinus* Epistola cccxviii. alias clxxx. ad *Honoratum*, scribit: *Faciant ergo servi Christi Ministri verbi, & Sacramenti ejus, quod præcepit, siue permisit. Fugiant omnino de civitate in civitatem, quando eorum quisquam specialiter a persecutoribus periturus, ut ab aliis, qui non ita requiruntur, non deseratur Ecclesia, sed præbeant cibaria conservis suis, quos aliter vivere non posse noverunt. Cum autem omnium, idest, Episcoporum, Clericorum, & Laicorum est commune periculum, hi qui aliis indigent, non deserantur ab his, quibus indigent. Si enim perniciosum est, nautam in tranquillitate navem deserere, quanto magis in fluctibus? (ut ait *Nicolaus* Papa causa vii. quæst. i. can. *Siscitaris*.)*

Negotium autem excusans Episcopum a Residentia, vel propriam ipsius Ecclesiam spectat, vel alias Ecclesias, vel Ecclesiam universalem. Nam si necessitas immineat Ecclesiam suam, & Jura ipsius defendendi, ad Curiam Romanam, vel ad Aulam Regiam, aut alio proficisci potest Episcopus, dummodo id per alios perficere non possit. Id confirmat cap. *Ex parte*, *Extra. De Clericis non residentibus*, cujus hæc sunt verba: *Præposituræ tuæ Jura fideliter prosequeris, cum per hoc censeris debeas residens*. Quamvis enim ab Ecclesia absit, abest tamen negotiis Ecclesiæ. Secundo, interdum abesse potest Episcopus ab Ecclesia sua ob aliarum Ecclesiarum necessitatem, aut utilitatem, ita jubente charitate, qua *sumus omnes unum corpus in Christo, singuli autem alter alterius membra*. Ad negotium igitur fidei, vel pacis procurandum, ad alienam Ecclesiam divertere, in eaque per aliquod tempus morari Episcopus potest: & pacis etiam inter Principes Christianos componendæ causa Legationem obire. Sed quod promiscue ad Principum temporalia negotia gerenda ab Ecclesiis suis Episcopis discedant, abusum esse *Cajetanus* ait, quia *Nemo militans Deo implicat se negotiis secularibus*. Excipienda tamen sunt Regis, & Reipublicæ negotia, quæ in Comitibus Regni, & Provinciarum tractantur, in quibus suffragii Jus habent: Ipsosque interesse, est ex Ecclesiæ, aut Reipublicæ bono. Ob negotium universalis Ecclesiæ multo æquius a suis ad tempus absunt Pastores, si negotium illud necessario exigit Episcopum, ut processio ad Concilium

Quæ negotia Episcopos excusant Residentia.

cilium Generale, vel ad Synodum Provincialem: At si negotium non exigat necessario Episcopum, non excusat a Residentia. Nec est quod dicatur, Residentes in Ecclesia communi, quæ sit Romana, contendos esse ubique residere: Eri enim id forte verum, ut actione juris positivi, non tamen verum est quoad Deum (inquit *Cajetanus*.)

Conditio personæ excusans Episcopum a Residentia, unica est, secundum eundem *Cajetanus*; videlicet cum persona talis est, ut melius, aut magis bene regat Ecclesiam abfens, ac alius præfens reget. Hac ratione Cardinalis Episcopi sex Diocesium Urbis finitimarum, a mansionibus in illis Ecclesiis excusantur. Porro cum aliqua circa huiusmodi causas dubitatio subest, ad Romanum Pontificem pertinet, Auctoritate sua declarare, num Episcopus a Residentia in illo casu excusetur. Hoc sensu a Residentia dicitur dispensare.

REGULA XXXVII.

Episcopo, qui longo annorum tractu in Ecclesia sua assidue mansit, & ne quidem ipsa vacatione, quam ex causa iusta Concilium per tres menses quotannis permittit, unquam usus est, concedi non potest licentia non residenti ad aliquod tempus, nisi aliqua ex causis a Concilio Tridentino approbatis ad id mereatur.

ITa respondit Sacra Congregatio Concilii Interpres, die XVII. Julii MDCLVIII. referente *Fagnano* in cap. *Qualiter, De Clericis non Residentibus*.

REGULA XXXVIII.

Episcopus jungere non potest trimestrem absentiam unius anni cum absentia trimestri sequentis anni; adeo ut licite abesse valeat a sua Ecclesia menses Octobri, Novembri, & Decembri anni currentis, & prorogare absentiam mensibus Januario, Februario, & Martio anni proximi.

ITa respondit Sacra Congregatio Concilii Tridentini Interpres, (ut refert *Fagnanus* loco mox citato) his rationibus freta: Primo, quod ejusmodi semestris absentia tempus Dominici Adventus, & Quadragesimæ completatur, quo ne a sua eisdem Cathedrali, nedum a Diocesi, Episcopo abesse licet, ut ex Concilio Tridentino sessione XXIII. cap. 1. *De Reformatione*, colligitur, Secundo, quia non aliquantisper tantum abest, nec statim est reverturus, qui sex mensibus continuis præsentiam suam Ecclesiæ subtrahit: Adeoque peccat graviter contra Residentiæ legem veteribus Canonibus confirmatam, & a Sacra Synodo Tridentina amplius explicatam his verbis: *Quoniam autem qui aliquantisper tantum absint, ex veterum Canonum sententia non videntur abesse, quia statim reverturi sunt: Sacrosancta Synodus vult illud absentiae spatium singulis annis, sive continuum, sive interruptum, extra prædictas causas nullo pacto debere duos, aut ad summum tres menses excedere.* Tertio, quia semestris absentia non censetur brevis a Tridentini Concilii Patribus, ut patet ex his verbis sessionis VI. cap. 1. *De Reformatione*: *Si quis, legitimo impedimento, seu iustus, & rationabilibus causis cessantibus, sex mensibus continuis extra suam Diocesim morando abfuerit, quartæ partis fructuum unius anni panam ipso iure incurrat.* Quarto, quia magis relaxari potest nervus Ecclesiasticæ Disciplinæ, majusque detrimentum in spiritualibus, & temporalibus pati potest Ecclesia, si trimestre tempus absentia unius anni cum alterius anni trimestri conjungatur, quam si trimestria sint interpolata.

REGULA XXXIX.

Ad eo stricta est Residentiæ obligatio, ut ne duobus quidem mensibus, aut breviori temporis intervallo, Episcopi, & inferiores Pastores ab Ecclesiis suis abesse possint, nisi id fiat ex justa causa, & absque gregis ipsis commissi detrimento.

Ita declarat Concilium Tridentinum sessione xxiii. cap. 1. *De Reformatione*; idque confirmat S. Thomas, Secunda Secundæ, Quæstione clxxxv. articulo v. In qualibet (inquit) obligatione præcipue attendi debet obligationis finis. Obligant autem se Episcopi ad exequendum Pastorale officium propter subditorum salutem. Et ideo ubi subditorum salus exigit personæ Pastoris præsentiam, non debet Pastor personaliter gregem suum deferere, neque propter aliquod commodum temporale, neque etiam propter aliquod personale periculum imminens, cum bonus Pastor animam ponere teneatur pro ovibus suis. Si vero subditorum saluti possit sufficienter in absentia Pastoris per alium provideri, tunc licet Pastori, vel propter aliquod Ecclesiæ commodum, vel propter personæ periculum, corporaliter gregem deferere.

REGULA XL.

Curati Residentiæ officium non implent, nisi Parochialem Ecclesiam per seipsos regant, in eaque Pastorales functiones obeant, non per Vicarios, aut conductitios Sacerdotes: Si tamen Parochialis Ecclesia Dignitati, vel Præbendæ annexa sit, Curatus in Ecclesia Majori residens Officio suo satisfacit, modo Perpetuum in Parochia Vicarium canonicè institutum, & congrua Portione de ipsius Parochiæ proventu donatum habeat.

Hanc Regulam statuit Concilium Lateranense sub Innocentio III. can. vi. & refertur cap. *Extirpandæ* Ext. De Præbendis, cujus hæc sunt verba: Qui vero Parochialem habet Ecclesiam, non per Vicarium, sed per seipsum illi deserviat, nisi forte Dignitati, vel Præbendæ Parochialis Ecclesia sit annexa: In quo casu concedimus, ut qui talem habet Præbendam, vel Dignitatem, cum oporteat eum in Majori Ecclesia deservire, in ipsa Parochiali Ecclesia idoneum, & perpetuum habeat Vicarium canonicè institutum, qui congruam habeat de ipsius Ecclesiæ proventibus Portionem: Alioquin illa se sciat Auctoritate hujus Decreti privatum, libere alii conferenda, qui velit, & possit, quod dictum est, adimplere. Hujus Regulæ ratio est, quia omnes Animarum Rectores gregem sibi commissum pascere tenentur, secundum præceptum a Christo S. Petro datum, ac subinde Pastoribus omnibus, quibus forma S. Petri proponitur, Joan. xx. *Pasce oves meas*. Pascendi autem officium personale est: Nam qui gregem alienum pascit, non est Pastor, sed Mercenarius, ad quem non pertinet de ovibus. Certe qui per Vicarios commissas sibi Ecclesias regunt, videntur meretricibus esse similes, quæ statim ut pepererunt, infantes aliis nutricibus tradunt educandos, ut citius libidinem explere valeant: Sic & isti populos sibi commissos aliis instituendos, & educandos tradunt, ut otio, genioque liberius indulgeant, ut Urbes frequentent, ut Magnatum favorem consecutur, aut sæcularibus negotiis vacent. Sed est, cur timeant illud S. Bernardi nomine ab Ostiensi in cap. *Extirpandæ* vulgatum: Qui per Vicarium inseruit, per Vicarium remunerabitur. Præterea publici Magistratus, illi potissimum, quibus ob personalem functionem justa stipendia decreta sunt, iuste per Vicarios non administrantur. Quis enim Consulem,

Parochi residentiæ legem violare censendi sunt, qui per vicarium, non per se ipsos functiones Pastorales obeant.

Prætores, aut Ducem creari dixerit, ut per alium rem administret? Immo vero in rebus privatis quis œconomus, medicus, nauclerus, aurigam conducit, qui non ejusdem personæ industriam requirat? Quod si Magistratus alii & privata etiam officia personalem eorum operam, & ministerium exigunt, qui ad ea sunt electi, & quibus constituta sunt stipendia, ut iis fungantur: Id multo magis in Officiis Pastorum necessarium est, qui electi sunt, ut regant Animas Christi Sanguine redemptas; utque eas pascant verbo, doctrina, Sacramentis, exemplo; quo nomine proventus, decimas, oblationes recipiunt.

R E G U L A XLI.

Fructuum tenuitas Parochum a Residentia personali non excusat.

ID constat ex cap. *Conquerente*, Ext. *De Clericis non Residentibus*, quod est *Alexandri III.* Responsum. Quinimo si Parochialis Ecclesia nullos habeat fructus, tenetur nihilominus in ea residere, qui hujusmodi Curam volens suscepit. Unde proposito dubio in Sacra Congregatione Concilii, An Parochus a Residentia excusetur, quia fructus omnes reservati sunt, & nihil pro ipso Parocho residuum est: Vel quia Parochialem Ecclesiam parum a Civitate distantem obtinet: Vel quia dat operam litteris in eadem Civitate; ita tamen ut singulis diebus Dominicis in Ecclesia præsens sit, & sacras functiones obeat: Vel ob aeris intemperiem: Vel quia loco in quo mansurus est Parochus, opera ejus ad docendam Grammaticam necessaria est; Sacra Congregatio respondit, In nullo ex his casibus Parochum a Residentia excusari: Ejus tamen inopiæ ordinario vel extraordinario subsidio subveniendum, secundum cap. *Licet*, Ext. *De Censibus*, & Concilii Tridentini Decretum cap. xiii. sess. xxiv. *De Reformatione*. Id est, aut Beneficiorum unione, aut Primitiarum, vel Decimarum assignatione, aut Parochianorum symbolis, & collectis, aut qua commodiori ratione Episcopo videbitur.

Hinc cum Canonici Collegiatae cujusdam Ecclesiæ, qui Canonicatus, & Parochiales tenuis redditus obtinebant, peterent, ut Beneficiorum quorundam unione ipsis provideretur; nec interim compellerentur ad residendum in Parochialibus, prout compellebantur vi Constitutionis *S. Pii V.* & Concilii Provincialis Mediolanensis: Sacra Congregatio censuit non posse suspendi Constitutionem *S. Pii V.* & Decretum Synodi Provincialis, sed scribendum ad Episcopum, ut Beneficiorum unione tenuitatem reddituum suppleat. Ita refert *Fagnanus* in cap. *Extirpande*, Extra, *De Præbendis*.

R E G U L A XLII.

Quamvis paucissimi sint Parochiani, ad Residentiam nihilominus adstrictus est Parochus.

ITa declaravit Sacra Congregatio Concilii Tridentini Interpres. Dubio siquidem proposito, An Parochus residere teneretur, cujus in Parochia tres tantum, vel quatuor essent incolæ? Respondit, Omnino teneri, ut refert *Fagnanus*.

R E G U L A XLIII.

Non sufficit Parochum infra limites Parochiæ manere, sed in Aedibus Parochialibus ipsum commorari necesse est.

Sic multoties respondit eadem Congregatio. Qui tamen in propriis, aut paternis aedibus infra Parochiæ fines sitis manens, munia Curæ Parochiæ-

chialis per seipsum exerceret, gravis peccati reus non esset, nisi ab Episcopo iustus in Domo Parochiali habitare renueret : Faceretque nihilominus fructus suos. Quod si Parochialem Ædem Ecclesia non habeat, vel commoda non sit ejus habitatio, aut ædificari non possit ob tenuitatem proventuum, & Parochianorum inopiam, insons erit Parochus, si in domo conductâ, vel alia, ubi Episcopus permiserit, intra Parochiæ fines commoretur; ex ejusdem Congregationis Sententia.

Ex his sequitur, in sacram Residentiæ legem peccare Parochos, qui totis hebdomadibus a Parochiis suis absunt, Officio suo satis functos se esse arbitrati, si Dominicis, Festisque diebus Missam Parochialem celebraverint, Vesperasque decantaverint.

R E G U L A XLIV.

Si quis ex Dispensatione Præbendam, vel Dignitatem simul cum Ecclesia Parochiali obtineat, in Ecclesia Parochiali residere tenetur, & Parochialia munia per seipsum obire, ad idque ab Episcopo compelli potest, ac debet.

Prima enim, & præcipua est Animarum Cura : Atque ita declaravit Sanctissimus Pontifex S. Pius IV. Constitutione, quæ incipit, *Cupientes*, edita VIII. Idus Julii MCLXVIII. Et merito quidem, cum Residentia in Parochialibus sit Juris Divini, in aliis vero Beneficiis Curam Animarum non habentibus, Juris sit duntaxat Ecclesiastici. Quamobrem Curatos, si qui Dignitatem, aut præbendam in Cathedralibus Ecclesiis obtinent, Dominicis, Festisque diebus Ecclesia Parochiali relicta Choro Cathedralis Ecclesiæ interesse, & Distributionum participes esse, pati non debent Episcopi, ut statuit Concilium Mediolanense v. par. III. tit. VIII. Sed illos cogere, ut Parochiali Ecclesiæ statis horis operam, curam, muneraque suscepti Parochialis officii usque adeo præstent, ut ei nulla statâ hora desint, nullumque Officium omnino prætermittant suæ Curæ, sollicitudinique commissum. Si tamen præstito Parochiali debito servitio, temporis aliquid superfuert, tunc Canonicatus servitio vacare, & distributiones quotidianas jure lucrari poterunt, ut declarat Concilium Tolosanum anno MDXC. cap. VII. *De Residentia*, Decretum illud Mediolanensis Concilii V. suum faciens.

R E G U L A XLV.

Divino Residentiæ præcepto non satisfaciunt Episcopi, & Clerici in Beneficiis Animarum Curam habentibus corpore duntaxat præsentés, nisi pro viribus omnes Pastoralis Officii partes impleant.

Sacra enim Synodus Tridentina sess. XXIII. cap. I. *De Reformatione*, omnes, quibus Animarum Cura commissa est, admonet, & hortatur, Ut divinorum præceptorum memores, fastique forma gregis, in judicio, & veritate pascant, & regant.

Id explicat magis Concilium Aquilejense anno MDXCVI. cap. V. *Quod vero de Episcoporum Residentia a Sacro Tridentino Concilio, & Summorum Pontificum Constitutionibus cautum est; hoc non est intelligendum, ut præsentia assideant, nihil præterea agant: Cum ex Sacris Canonibus Residentia sit accipienda in eum sensum, ut sit laboriosa, non otiosa: Id quod duobus præsertim Tridentinæ Synodi verbis egregie exprimitur, Ut pascant, & regant: Quorum primum ad vitæ innocentiam, ad salutaris verbi predicationem, ad Sacramentorum Administrationem, & bonum exemplum pertinet: Secundum ad Disciplinam restituendam, ad Mores purgandos, & Juris Ecclesiastici dictionem: ad*

Divino Residentiæ præcepto non satisfaciunt, qui omnes Pastoralis Officii partes pro viribus non implent.

bonorum laudem, & vindictam malorum sustinendam spectat. Utrumque si præstiterint Episcopi, satis illa, quæ sunt Episcopalis Muneris videbunt præstisse, & implese.

Et cap. vi. Qui Curam Animarum ex officio susceptam habent, rei debent, quam sustinent, quæ singulis periclitatur momentis, præsentem operam dare: Atque hi quidem ut corporali insistant Residentia, ita piis debent conatibus urgere, ne quid propter illorum injuriam, aut nequitiam pereat, & reddendæ rationis obligatio malum custodem obstringat. Debent Curati meminisse, datos se Populis Mediatores inter Deum, & homines, ut Sacra frequenter facere pro Ecclesia Sancta Dei, & Populo sibi commisso non omittant: ut verbum Dei, cujus dispensatores facti sunt, inculcare animis Fidelium non desinant, ut Sacramenta petentibus ministrare, vel proponere, & suadere maxima diligentia studeant; ut vitæ integritatem in exemplum aliis præstendant, & quasi lucernis ardentibus viam demonstrent, qua per divinorum mandatorum observantiam in cælum ascenditur.

Et infra: Sint igitur Curati diligentia, & fidei Ministerio commendabiles, ut opus, quod tenent, diligenter sustineant, Dei, & Episcopi sui animadversionem subituri, si negligenter se gesserint.

Idiplum confirmat Diocesana Synodus Ebroicensis anno MDLXXVI. Scimus (inquit) in Residentia Curatorum potius requiri personæ industriam, & diligentiam, quam corporis in eodem loco Residentiam, & inertiam: Atque inter residentes numerandos potius, qui absentes corpore, spiritu, & assidua speculatione gregi invigilant, quam qui præsentibus corporaliter, seipsos pascunt potius quam gregem, cui scandalo sunt.

Continuas igitur excubias agere debet Parochas super gregem sibi commissum, ideoque nec pernoctare debet absque necessaria, & legitima causa extra Parochiales Edes, quamvis nulli actû sint ægroti. Semper enim timenda sunt pericula, & repentini casus, quorum exempla tam frequentia sunt.

REGULA XLVI.

Parochi ad Residentiam tenentur tempore pestis, alteriusve morbi contagiosi, & ad Sacramenta Pœnitentiæ, Eucharistiæ, & Unctionis Extreme Parochianis per se administranda obligantur, si major pars infecta sit.

Parochi residentere tenentur tempore pestis.

NAm Qui sic fugit, ut gregi Christiæ, quibus Spiritualiter vivit, alimenta subtrahantur, mercenarius est, (inquit S. Augustinus Epistola ad Honoratum:) Idem constat ex Concilio Mediolanensi v. sub S. Carolo Borromeo. Si vero pauci, aut certe minor Parochianorum pars pestifera lue fuerit infecta, & Vicarius, seu alius Sacerdos ab Episcopo approbatus devovere se periculo ex charitate voluerit, poterit Parochus ipsius uti opera ad Sacramenta peste laborantibus administranda, seque multitudini servare, interimque sedulo invigilare, ne cui salutis subsidia desint.

REGULA XLVII.

Qui Dignitates, Canonicatus, Præbendas, aut Portiones in Ecclesiis Cathedralibus, vel Collegiatis obtinent, Ecclesiastico Jure ad Residentiam tenentur, gravisque peccati rei sunt, si diutius quam tribus ad summum mensibus, sine continuis, sine interruptis, a Beneficiis suis absint.

Canonicorum Residentia.

Hanc Regulam statuit Sacra Synodus Tridentina sess. xxiv. De Reformatione, cap. i. Præterea (inquit) obtinentibus in eisdem Cathedralibus; aut

ut Collegiatis Dignitates, Canonatus, Præbendæ, aut Portiones, non liceat vigore cujuslibet Statuti, aut consuetudinis, ultra tres menses ab eisdem Ecclesiis quolibet anno abesse: Salvis nihilominus earum Ecclesiarum Constitutionibus, quæ longius servitii tempus requirant: Alioquin primo anno privetur unusquisque dimidia parte fructuum, quos ratione etiam præbendæ, ac residentiæ fecit suos. Quod si iterum eadem fuerit usus negligentia, privetur omnibus fructibus, quos eodem anno lucratus fuerit: Crescente vero contumacia, contra eos juxta factorum Canonum Constitutiones procedatur; idest priventur Beneficio, juxta dispositionem cap. Inter, & cap. Clericos, Ext. De Clericis non Residentibus: Quam privationis poenam ante triennium elapsum infligi non posse, declaravit Sacra Congregatio Tridentini Concilii Interpres. Quod vero spectat privationem fructuum, eam non incurrunt ipso Jure, quamvis ab Ordinario infligi ipsis possit, & debeat. Quo Tridentini Concilii Decreto, omni consuetudini non residendi, aut diutius quam tribus mensibus vacandi, aut fructus in absentia percipiendi, derogatum est. Nec tamen Sacra Synodus Canonicis omnibus concessit, ut tres menses abesse possint: Ecclesiarum enim Statuta, quæ longius quam novem mensium servitium, diuturnioremque Residentiam exigant, observari voluit: Unde illarum Ecclesiarum beneficiati, si toto temporis, quod illis Statutis præscriptum est, intervallo in Beneficiis non manserint, poenis a Concilio Decretis subjacent, ut respondit Sacra Congregatio Concilii ejusdem Interpres.

Quod autem minime necesse sit absentiam esse continuam, ut Canonicis ultra tres menses abuisse censeatur, sed satis esse ut dies absentia, licet interpolati, trimestre superent, declaravit Concilium Burdigalense an. MDCXXIV. can. VII. Sed & illa fraus (inquit) longe amovenda, qua quod cuilibet Canonico per tres menses abesse concedatur, quidam tamen, nullam fere residentiam Ecclesiis exhibere agnoscuntur. Decernimus igitur tres illos absentia menses ita numerandos esse, ut in eisdem omnes dies, sive continui, sive non continui, & interpolati, concludantur: Unde qui a residentia ultra tres menses eo modo reductos abfuerit, poenis eum a Sacris Canonibus contra absentes latis feriri, & Capitulum in hoc contra Sacros Canones dispensare non posse censemus. Sed nec Episcopos posse contrarium statuere, declaravit Congregatio Concilii Interpres. Additque, tres absentia menses continuos esse posse: Non tamen omnibus Canonicis eodem tempore abesse licere, ne omni servitio destituat Ecclesia; sed tantum per vices.

R E G U L A XLVIII.

Ad Distributiones quotidianas illi soli Jus habent Canonici, aliive Cathedralium aut Collegiarum Ecclesiarum Beneficiati, qui Divinis Officiis interfuerint; A qua lege sola infirmitas, seu justa, & rationabilis corporis necessitas, & evidens Ecclesiæ utilitas excusant.

Hæc Regula traditur cap. Consuetudinem, tit. De Clericis non Residentibus, in Sexto, Statuimus, (inquit) ut distributiones ipsæ quotidianæ, in quibuscumque rebus consistant, Canonicis, ac aliis Beneficiatis, & Clericis Ecclesiarum ipsarum, qui eisdem Officiis, in ipsis Ecclesiis adfuerint, tribuantur, juxta Ecclesiæ cujuslibet ordinationem rationabilem jam factam, seu etiam faciendam. Qui vero aliter de Distributionibus ipsis quicquam exceperit (exceptis illis, quos infirmitas, seu justa, & rationabilis corporalis necessitas, aut evidens Ecclesiæ utilitas excusaret) rerum sic receptorum dominium non acquirat, nec faciat eas suas, imo ad omnium restitutionem, quæ contra hujusmodi nostram Constitutionem receperit, teneatur. De distributionibus etiam pro Defunctorum Anniversariis largiendis idem decernimus observandum.

Illi soli Canonici ad distributiones quotidianas jus habent, qui divinis Officiis interfuerint.

Eandem Regulam confirmat Synodus Tridentina sess. xxiv. *De Reformatione* cap. xii. *Distributiones vero* (inquit) *qui statim Horis interfuerint, recipiant: Reliqui, quamvis collusione, aut remissione exclusi, his careant, & juxta Bonifacii VIII. Decretum, quod incipit, Consuetudinem: Quod Sancta Synodus in usum revocat, non obstantibus quibuscunque Statutis, & Consuetudinibus. Omnes vero Divina per se, & non per Substitutos, compellantur obire Officia; & Episcopo celebranti, aut alia Pontificalia exercenti adstare, & inservire, atque in Choro ad psallendum instituto, Hymnis, & Canticis Dei nomen reverenter, dissimile, devotique laudare.*

Servandam nihilominus consuetudinem, secundum quam, qui non sunt Presbyteri, licet inserviant, distributiones non lucrantur, Sacra Congregatio Concilii Interpret respondit. Item servandam consuetudinem, secundum quam de mensa communi nullus Presbyter participat, nisi per annum gratis inservierit. 3. Absentes tribus mensibus a Concilio permisis, fructus Præbendæ, non tamen distributiones lucrari. 4. Absentes a loco Beneficii tempore pestis, fructus quidem Præbendæ, non tamen distributiones percipere, nisi consuetudo obtinuerit, ut justa ex causa absentibus dentur. 5. Nec absentes studiorum causa, nec duos Canonicos in servitio Episcopi constitutos, etiamsi Diocesis Visitationem obeant, quotidianarum distributionum esse participes, nisi forte fructus omnes in certis distributionibus consistant: Quo tamen calu tertiam illam partem, quæ inservientibus accrescit, non lucrantur. 6. Nec Vicariis Episcoporum, nec Theologis iis diebus, quibus non docent, distributiones deberi. 7. Nec iis, qui in Choro corpore quidem præsentibus, Officium tamen privatim recitant, aut stant in sedibus suis otiosi, neque cum aliis psallunt: Nec etiam iis, qui Divini Officii tempore Missam celebrant, nisi forte ea hora ab eo ad quem pertinet, ad celebrandum sint notati. Has Sacræ Congregationis Declarationes refert Fagnanus in cap. *Licet*. Ext. *De Præbendis*.

Exceptiones.

Secundum Exceptiones Bonifacii VIII. cap. *Consuetudinem*, a Tridentina Synodo confirmatas, & Declarationes Sacræ Congregationis ejusdem Concilii Interpretis, Distributiones Canonicis a Choro absentibus debentur. 1. Si sint infirmi, aut sine vitæ periculo Divinis Officiis interesse non possint. 2. Si cæci. 3. Si senio confecti. 4. Si sanguine minuti fuerint, aut medicinam sumplerint. 5. Si iniuste in carcerem coniecti, aut ob causam criminalem in jus vocati, & illorum probata sit innocentia. 6. Si qualibet injusta vexatione impediti fuerint, ne Divinis Officiis interessent. 7. Si absint ob evidentem Ecclesiæ, cujus distributiones sunt, utilitatem, sive ob negotia Capituli. 8. Si absint ob functiones Curæ Animarum, suæ Dignitati, vel Præbendæ incumbenti, ut rursus declarat Concilium Tridentinum Sessione xxii. cap. iii. 9. Cum assistunt, & inserviunt Episcopo Pontificalia celebranti. 10. Theologo debentur, iis diebus, quibus docet, vel Concionem habet. Nec non Canonico Pœnitentiario, quo tempore Confessiones audit, aliis in Choro Divina celebrantibus.

R E G U L A XLIX.

Theologiæ Professores, dum in Scholis docent, & Studentes, per quinquennium, a Residentia in Ecclesiis, in quibus Dignitates, Præbendas, aut alia Beneficia obtinent, legitime excusantur, absentesque Jure percipiunt fructus Beneficiorum suorum.

Professorum Theologiæ, & Studentium Privilegium.

Hæc Regula nititur Decretali Honorii III. cap. *Super specula*, Ext. *De Magistris*, quam Clemens V. anno 1308. Joannes XXII. anno 1332. Clemens VI.

VI. annis 1342. & 1356. confirmarunt, & Concilium Tridentinum Sessio 7. cap. 1. De Reformatione. Docentes vero ipsam Sacram Scripturam (inquit) dum publice in Scholis docuerint, & Scholares, qui in ipsis Scholis student, Privilegiis omnibus de perceptione fructuum Præbendarum, & Beneficiorum suorum, in absentia a Jure communi concessis, plene gaudeant, & fruantur.

Ad Professores, & Studentes in Jure Canonico idem Privilegium pertinere, Sacra Congregatio declaravit: Parochis tamen Ordinarios indulgere non posse, ut absint ratione studiorum, teste *Fagnano in 1. Par. Libro v. Decretalium, cap. Super Specula. Tit. De Magistris. Num. 17.*

Canonicos ratione studiorum absesse non posse, absque licentia Episcopi, eadem Congregatio declaravit, posseque Episcopum revocare Canonicos, & Præbendatos, & qui absque ejus licentia se ad Studia Universitatis etiam Privilegiatæ contulerunt, præsertim in Ecclesia propter eorum absentiam Ministeriorum defectum patiatur. Posse etiam Episcopum eos ad Residentiam revocare, qui manentes in Universitate cum sua licentia, negligenter, & inutiliter dant operam litteris, Juris Canonici Periti summo consensu assentunt. Tales enim viri ad studia se contulisse censentur in fraudem legis, & ut fugiant Episcopi correctionem, vel ut liberius vivant. Quocirca Concilium Mediolanense 1. P. II. cap. XXVII. statuit, ut in facultatibus absentia, studiorum causa concedendis, hæ conditiones necessario exprimentur: *Ut vere in publico, celebrique Gymnasio Theologie, vel Sacris Canonibus studeant. 2. Ut minores sint triginta annis, aut fuerint; cum in publico Gymnasio iisdem studiis operam dare cæperunt, quæ nunc cupiunt absolvere. 3. Ut intra annum ad Ordinem saltem Subdiaconatus promoveantur. 4. Ut singulis sex mensibus Episcopo scriptum sui Doctoris exhibeant, quo ipsos in eo studii genere proficere testetur, quod etiam Episcopus secreto ab aliis cognoscere studeat. Quod si superscriptæ conditiones omnes in licentia expressæ non fuerint; aut is qui impetrat, qualitates omnes requisitas non habeat; aut quæ ipsi servanda proponuntur, deinceps non præstiterit, Facultates irritæ, ac nullæ sint: Et qui impetravit, sciat se fructus suos non fecisse, neque facere, ac pænis, quæ non residentibus propositæ sunt, teneri. Concedatur autem ad quinquennium tantum, ab eo die numerandum, quo eum in publico Gymnasio Theologie, aut Sacris Canonibus constet, operam dare cæpisse.*

Idem edixit Concilium Turonense anno 1583. cap. 13. Quod si qui in celebri Universitate Theologiæ aut Sacrorum Canonum Professioni studium, strenuamque operam navare desiderant: Hi licentia, privilegioque percipiendi in absentia fructus Præbendarum ita demum potiantur, si minores triginta annis existentes, docibiles fuerint judicati; & postquam præsentibus recepti, & promoti fuerint saltem ad Subdiaconatum: Nec quam tale indultum ultra quinquennium suffragetur. Quandiu autem in Universitatibus studiorum causa manebunt, tamdiu suorum Præceptorum testimonium litteris authenticis confirmatum quotannis exhibere tenebuntur, se serio, graviterque prædictarum Facultatum studiis incumbere. Ex actoque tandem iusto studiorum tempore, ipsius Capituli arbitrio revocati, ad Ecclesiam suam Munia obituri redire tenebuntur assignatam Studiorum causa portionem, nec quamvis aliam haud aliter consecuti.

Idem decrevit Concilium Aquense anno 1585. Prohibuitque insuper. *Ne familes facultates, etiam prædictis requisitis concurrentibus, iis, qui Parochiales Ecclesias obtinent, concedantur.*

Idem confirmavit Concilium Aquilejense anno 1596. cap. VII. & obtinentes Ecclesias Parochiales a licentia hujusmodi proficiscendi ad publica

Parochorum exceptio.

Canonici absesse non possunt, etiam ratione studiorum sine licentia Episcopi.

Conditiones in facultatibus absentia Canonico-rum studiorum causa observanda.

Gymnasia pariter esse repellendos declaravit. *Qui enim (inquit) collationis tempore per concursum examinatus, & canonice promotus fuit, & publico Examinatorum Synodali testimonio ad Arinarum Cura n exercendam idoneus habitus, dimittendus non est, ut discat, cum ad docendos alios provehens fuerit.*

Denique Canonici, quibus Studiorum gratia est indultum, ut abientes percipiant fructus Præbendarum suarum, illis privandi sunt, si accepta licentia se ad villas transferunt, vel castella, in quibus nullum est, vel minus competentis Studiorum exercitium: *Cum fraus, & dolus nemini debeant patrocinari.* Sic respondet *Innocentius III.* Antifiodorensi Episcopo, cap. *Tua*, Ext. *De Clericis non Residentibus.*

R E G U L A L I.

Duo Canonici Episcopo ad Ecclesiæ utilitatem servientes; a Residentia legitime excusantur, fructusque Beneficiorum suorum absentes Jure percipiunt.

Hanc Regulam statuit *Honorius III.* cap. *Ad audientiam*, Ext. *De Clericis non Residentibus.* Potiori jure excusantur, qui Summo Pontifici serviunt ad Ecclesiæ universalis utilitatem, ut declarat *Innocentius III.* cap. *Cum dilectus*, sub eodem Titulo.

Regiæ Capellæ Clerici a Residentia pariter dispensantur, Privilegiis Summorum Pontificum, quo tempore Christianissimis Regibus, aut Reginis, in sacris Ministeriis serviunt. Elapso autem servitii tempore ad Ecclesias, in quibus Dignitates, aut Præbendas obtinent, redire, in iisque reliquo anni tempore residere tenentur, fructibus earum alioquin privandi, secundum Edictum Melodunense *Henrici III.* Regis Christianissimi. Privilegium istud a *Clemente VI.* Pontifice Maximo ad Regis Christianissimi *Joannis, & Reginae Joanne* illius conjugis preces concessum est. Editum est Tom. IV. *Specilegii Acheriani*, pag. 295. Illud confirmavit *Pius II.* teste *Guimerio* in Glossa Pragmaticæ Sanctionis Tit. *Qualiter Hæc sunt dicende extra Chorum.* Capellani domestici Principum ceterorum, etiam Regii Sanguinis, simili Privilegio non gaudent, nec fructus Beneficiorum suorum jure percipiunt quamdiu absunt, ut Principibus servant. Sed ne ipsis quidem Regum, aut Reginarum Capellanis, quos Beneficium Hebdomadarii titulo addidit Ministerio Altaris, tale Privilegium suffragatur, secundum Jurisprudentiam Gallicanam, testibus *Chopino* Lib. III. *Monasticorum*, cap. III. & *Feureto*, Lib. III. *De Abusu*, cap. I. Reg. XI. Neque etiam hoc Privilegio uti possunt Curiarum Summarum Senatores, cum non sint Capellani domestici Regis; nec tuta conscientia retinere possunt Beneficia, in quibus residere nolunt Officii sui prætextu, aut fructus Præbendarum suarum, vel Dignitatum abientes percipere, nisi forsitan simile Privilegium ipsis a Sede Apostolica sit indultum.

R E G U L A L I.

Abbates, & Priores Commendarii mortaliter peccant, qui Sacrum Presbyteratus Ordinem non suscipiunt intra annum, ex quo legitimam ætatem attigerunt; nisi a Summo Pontifice cum ipsis fuerit dispensatum, ut illa Beneficia sine Presbyteratus Ordine retineant.

Violant enim legem Ecclesiasticam, & Civilem in materia gravi: Si quidem utraque statuit, ut intra annum pacificæ possessionis, ex quo legitimam ætatem attigerunt, ad Sacerdotium promoveantur. Ita Clementina *Ne in agro*, Tit. *De Statu Monachorum*, §. *Ceterum*, decretum est:

Cetero

Ceterum Prioratus Conventuales, alicui nisi xxv. annum attigerit, alii vero Curam Animarum habentes, etsi Cura ipsa per seculares habeant Presbyteros exerceri, cuiquam nisi xx. annum peregerit, conferri nequeant, aut committi. Qui autem Prioratus istos, vel illos habuerint, infra annum computandum a tempore collationis seu commissionis sibi facta de eis, & possessionis eorum adeptæ, vel infra vigesimum quintum ætatis suæ annum, si ante annum ipsum non Conventuales Prioratus eis commissi fuerint, aut collati, se faciant ad Sacerdotium promoveri. Quod si (cessante rationabili causa) non fecerint; eo ipso nulla etiam mentione præmissa, prædictis Prioratibus sint privati, qui ipsis iterum ea vice nullatenus conferantur. Unde in Abbatiarum Commendariarum Bullis Pontificiis hæc apponitur clausula, quod ætatem legitimam adepti Presbyteratus Ordinem suscipere teneantur. Regiis etiam Constitutionibus Bleisensibus idem sancitum est, Articulo nono.

R E G U L A LII.

Lethaliter peccant, qui Parochialem Ecclesiam, seu Beneficium Curatum suscipiunt cum deliberata voluntate illud non servandi, & in eo non inserviendi: & ad fructuum restitutionem tenentur.

HÆc Regula colligitur ex cap. *Commissa*, Tit. *De Electione*, in Sexto. *Ceterum (inquit) si ad Sacerdotium promoveri non intendens Parochialem receperis Ecclesiam, ut fructus ex ea per annum percipias: Ipsam postmodum dimissurus (nisi voluntate mutata promotus fueris) teneberis ad restitutionem fructuum eorumdem: cum eos receperis fr audulenter.*

R E G U L A LIII.

Qui Præbendam obtinet, vel suscipit cum deliberata voluntate illam non servandi, nec in ea Ecclesiæ inserviendi, graviter peccat, nec eam pro alio Beneficio permutare potest.

NEque enim Beneficium legitime confertur, aut suscipitur, nisi propter Officium. Unde Concilium Lateranense III. sub *Alexandro III.* ex quo refertur cap. *Nulla*, Ext. *De concessione Præbende*, ait: *Cum vero Præbendas Ecclesiasticas, seu quolibet Officia in aliqua Ecclesia vacare contigerit, non diu maneant in suspenso; Sed intra sex menses personis, quæ digne administrare valeant, conferantur. Quare si quis Præbendam impetrat, ac suscipit cum deliberata voluntate illam non servandi, vel Ecclesiæ in ea non inserviendi, graviter peccat, nec in foro conscientiæ Beneficium illud canonice, ac legitime possidet, proindeque illud cum alio permutare non potest.*

C A P U T VII.

D E S I M O N I A.

CUM in sacras Ordinationes, & Beneficiorum Ecclesiasticorum distributionem, vel captationem, atque in Sacramentorum dispensationem, quæ Ministris Ecclesiæ concredita est, Simonia potissimum grassetur; ad complementum Tractatus de Sacramento Ordinis agendum superest de Simoniæ crimine.

ARTICULUS I.

Quid sit Simonia?

Definitio Simoniæ.

Simonia est studiosa voluntas emendi, aut vendendi aliquid spirituale, aut spirituali annexum.

Ita crimen illud S. Thomas definit, *Secunda Secundæ*, quæst. 100. art. 1. Quæ definitio tria complectitur, scilicet actum voluntatis, quia omne peccatum in actu voluntatis consistit. Unde ille, cui parentes Beneficium pecunia, aut qualibet alia re pecunia æstimabili obtinuerunt, Simoniæ reus non est, si id factum sit, illo nesciente, & cum primum scivit, improbaverit, ac detestatus fuerit sacrilegam nundinationem, & Beneficium ejuraverit in manibus Collatoris. Dicitur autem studiosa voluntas, id est, deliberata. Complementum namque peccati, & virtutis consistit in electione. Secundo, definitio exprimit materiam proximam hujus peccati, scilicet emptionem, & venditionem. *Nomine autem emptionis, & venditionis intelligitur omnis contractus non gratuitus*; (inquit S. Thomas) quales sunt permutatio, transactio, locatio, do ut des, do ut facias, facio ut des, facio ut facias. Tertio, definitio exprimit materiam remotam, sive objectum sacrilegæ istius actionis, scilicet rem spirituales, aut spirituali annexam. Dicitur autem aliquid spirituale tripliciter: Primo per essentiam, ut gratia, virtutes, Jurisdictio Ecclesiastica: Secundo, ratione effectus, sicut Sacramenta, quæ gratiam, vel spirituales potestates conferunt: Tertio, ratione causæ, ut Administratio Sacramentorum, quæ est a spirituali potestate, consecrationes personarum, locorum, valorum, aut aliarum quarumcumque rerum, Ecclesiasticæ jurisditionis usus, vel gratiarum datis datarum.

Spiritualibus annexa dicuntur, quæ ad usum Sacramentorum, aut Ministeriorum Ecclesiæ deputata sunt, ut Calices, & Ecclesiastica Beneficia. Nam sicut anima vivit secundum se ipsam, corpus autem vivit ex unione anime: Ita etiam quedam sunt spiritualia secundum seipsa, sicut Sacramenta, & alia hujusmodi; quedam autem dicuntur spiritualia ex hoc, quod talibus adherent. Unde *Can.* Si quis objecerit, *Causa* 1. quæst. 3. dicitur, quod spiritualia sine corporalibus rebus non proficiunt, sicut nec anima sine corpore corporaliter vivit. Ita S. Thomas, *Secunda Secundæ*, quæstione centesima, art. 1. ad sextam.

Spiritualibus aliquid annexum est dupliciter, scilicet antecedenter & consequenter. Annexum antecedenter est, quod cum natura sua materiale sit, præcedit rem sacram, ad quam refertur: Hujus generis sunt Calices, Altaria, sacra Vestimenta, quæ cum primario, & ex se materiale sint, spirituales formas induunt ex consecratione illis accedente. Ad hanc etiam classẽ pertinet Jus Patronatus, quod nominationem, seu præsentationem ad Beneficia antecedit. Spiritualibus consequenter annexum est, quod rem spirituales sequitur, & ab ea dependet, sicut Ecclesiastica Beneficia, quæ non competunt nisi habenti Officiũ Clericale. Ita rem explicat S. Thomas, quæstione mox citata, art. 1v.

ARTICULUS II.

Simonia crimen est gravissimum.

Riminis istius gravitatem Sacra Scriptura docet, quæ illud execratur in Balaam, Qui Mercedem iniquitatis amavit, correctionem vero habuit suæ insipientiæ subjugale mutum animal, quod in hominis voce loquens »
pro-

prohibuit Prophetæ insipientiam; (ut loquitur S. Petrus Epist. II. cap. II.) Et in Giezi, quem a Naaman Principe Assyriorum, quem Eliseus a lepra mundaverat, duo talenta accepisse refert, statimque Eliseo hoc divinitus cognoscente, & sacrilegium illud ulciscente, lepra fuisse infectum: (IV. Regum V.) Unde qui res sacras vendunt, Giezitæ nuncupantur, Et in Simone Mago, qui donum Spiritus Sancti, sive potestatem spirituales dandi Spiritum Sanctum, & Miracula patrandi instar Apostolorum, emere voluit, ut eam postea venderet, & ex venditione signorum, quæ per eum fierent, multiplicatam pecuniam lucraretur. (Actuum cap. VIII.) Cum vidisset autem Simon, quia per impositionem manuum Apostolorum daretur Spiritus Sanctus, obtulit eis pecuniam, dicens: Date & mihi hanc potestatem, ut cuiuscumque imposuero manus, accipiat Spiritum Sanctum. Petrus autem dixit ad eum: Pecunia tua tecum sit in perditionem, quoniam Donum Dei existimasti pecunia possideri. Non est tibi pars, neque sors in sermone isto. Cor enim tuum non est rectum coram Deo. Penitentiam itaque age ab hac nequitia tua: & roga Deum, si forte remittatur tibi hæc cogitatio cordis tui. In felle enim amaritudinis, & obligationis iniquitatis videote esse. Ab hoc parente Simoniaci nuncupati, qui res spirituales, aut spiritualibus annexas, pretio distrahere, aut emere volunt, aut de illis paciscuntur: Simoniacæque nomen illi vitio inditum.

II. Simonia lethale peccatum est, repugnans religioni iustitiæ, pietati, & studio, quo omnes Ecclesiæ Catholicæ filii ejus bonum prosequi debent. Religionis quidem repugnat, quæ violatur, tum contemptu Dei, cum non meliores, qui ei gratissimi sunt; sed pecuniosiores in Sacerdotes, ac Ministros assumuntur; tum contemptu rerum spiritualium, quibus inferitur injuria, cum pecunia æstimantur: Nam Quis non vile putat esse, quod venditur? (inquit Hormisdas Pontifex Maximus in Epistola ad Episcopos Hispaniæ) Vilia ergo dona Dei existimat, qui ea vendi putat. Ex hoc capite Simoniacæ pravitatem ostendit S. Petrus, & secundum ipsum Gennadius Constantino-politanus Patriarcha in Epistola Encyclica: Cœlestia enim, & spiritualia Dona (inquit) nulla est cum terrenis commutandi ratio. Quæ enim commutantur, tantumdem valere existimantur, quantum ea, quibuscumque commutantur. At valoris spiritualium donorum, quæ pretium omne excedunt, cum pecunia nulla proportio est. Iustitiæ quoque Simonia opponitur, tum quod turpi ista rerum spiritualium nundinatione doctiores, ac sanctiores, qui Dignitatum, & Beneficiorum Ecclesiasticorum minus cupidi esse solent, indolentioribus, ac minus probis in ea involantibus, in eorum distributione possint ponantur, imo prætermittantur: Tum quod iniquum sit, & contra iustitiæ commutativæ regulas, id pretio commutare, quod pretio commutari non potest; donum gratuitum vendere, vel emere, quod gratis acceptum est a Deo, & ea conditione, ut gratis detur, secundum Christi Domini sententiam Matthæi x. *Gratis accepistis, gratis date.* Denique pietati Ecclesiæ debiti, seu studio publici boni repugnat sibi, vel alteri quovis pretio procurata ad Ecclesiasticos Gradus, & Beneficia promotio. Ea siquidem labes Ecclesiæ sanctitatem obscurat, Canonicarum Institutionum ordinem pervertit, indignis ad Dignitatum apicem aditum aperit, contra præclaram illam Tertulliani Sententiam primæ Ecclesiæ ordinem deseribentis, Apologetici cap. xxxix. *Præfident probati quique Seniores, Honorem istum non pretio, sed testimonio adepti: Neque enim pretio ulla res Dei constat.*

At Simoniacæ deformitatem S. Thomæ verbis luculentius, ac facilius exponam, quam meis. Sic ille Secunda Secundæ, quæstione centesima, art. 1. *Actus aliquis (inquit) est malus ex genere, eo quod cadit super materiam indebitam. Emptionis autem, & venditionis est materia indebita rei spiritualis, triplici ratione. Primo quidem, quia res spiritualis non potest aliquo terreno pre-*

Simoniacæ deformitates.

„tio compensari; ut de Sapiëntia dicitur Proverb. 111. Pretiosior est cunctis
 „opibus, & omnia, quæ desiderantur, huic non valent comparari. Mo
 „etiam Petrus in ipsa sui radice Simonis pravitatem condemnans, dixit: Pe
 „cunia tua tecum sit in perditionem: Quoniam donum Dei existimasti pe
 „cunia possideri. Secundo, quia id non potest esse debita venditionis materia,
 „cujus venditor non est dominus: Prelatus autem Ecclesie non est dominus spiri
 „tualium rerum, sed dispensator, secundum illud 1. ad Corinthios 14. Sic non
 „existimet homo ut Ministros Christi, & dispensatores Mysteriorum Dei.
 „Tertio, quia venditio repugnat spiritualium origini, quæ ex gratuita voluntate
 „Dei proveniunt. Unde & Dominus dicit Matth. x. Gratis accepistis, gratis
 „date. Et ideo aliquis emendo, vel vendendo rem spiritualem, irreverentiam
 „exhibet Deo, & rebus divinis: Propter quod peccat peccato irreligiositatis.

Simoniacæ
 pravitas
 hæresis ap
 pellata.

III. Simoniacam pravitatem Hæresim vocant Pontifices, & Concilia. S.
 Gregorius Magnus Lib. 14. Regesti, Epistola LV. Pervenit (inquit) ad Nos,
 quod in illis partibus nullus ad Sacrum Ordinem sine commodi datione perve
 niat. Quod si ita est, fens dico, gemens denuncio: Quia cum Sacerdotalis Or
 do intus cecidit, foris quoque diu stare non poterit. Scimus quippe ex Ewan
 gelio, quid Redemptor noster per semetipsum fecerit: Quia ingressus Templum
 cathedras vendentium columbas evertit. Columbas enim vendere, est de San
 cto Spiritu, quem Deus omnipotens consubstantiali sibi per impositionem ma
 nuum hominibus tribuit, commodum temporale percipere. Ex quo malo jam
 innuitur, quid sequatur, quia qui in Templo Dei columbas vendere præsum
 pserunt, eorum Deo Judice Cathedræ ceciderunt. Qui videlicet error in sub
 ditis cum augmento propagatur. Nam ipse quoque qui ad Sacrum Ordinem
 perducitur, jam in ipsa proventus sui radice vitiosus, paratior est aliis venun
 dare, quod emitt. Et ubi est, quod scriptum est: Gratis accepistis, gratis da
 te? & cum primo contra Ecclesiam Simoniacæ Hæresis sit extorta: Cur non
 perpenditur, cur non videtur, quia eum quem quis cum pretio ordinat, pro
 vehendo agit, ut hæreticus fiat. Idem reperit Epistola LVI. ejusdem Libri, &
 Libri VII. Epistola CXI. CXIV. & CXV. Simoniam Hæresim pariter vocant Gre
 gorius VII. Epistola XXXIV. Libri XI. Paschalis II. Canone Altare, Causa 1.
 quæst. 111. Concilium Turonense sub Carolo Magno, Canone XV. Rhemen
 se Canone XXI. Moguntinum sub Rabano, Canone XII. & Caput Quoties,
 quod Adeodato Papæ tribuitur, Ext. De Simonia; & Tharasius Patriarcha
 Constantinopolitanus, in Epistola ad Adrianum I. Pontificem Maximum,
 nec non Goffridus Vindocinensis in Opusculo, quod Calixto II. nuncupavit,
 &c. Quamvis enim simoniaca pravitas per se non sit hæresis, cum aliquis
 Simoniacus esse possit ex sola depravatione voluntatis per avaritiam, re
 manente recto iudicio intellectus circa ea, quæ fides tradit: Potest tamen
 præsumptione Juris, vel operis Simoniacus omnis in fide haberi suspectus,
 ut Gersonius loquitur in Tractatu De Simonia: Sive, ut ait S. Thomas, Se
 cunda Secundæ quæstione centesima, Art. 1. ad primum, Simonia hæresis
 dicitur secundum exteriorem protestationem, Nam Sicut Religio consistit in
 quadam fidei protestatione, quam tamen aliquis interdum non habet in corde:
 Ira etiam virtus opposita Religioni habent quandam protestationem infidelitatis,
 licet quandoque non sit infidelitas in mente. Secundum hoc ergo simonia hære
 sis dicitur secundum exteriorem protestationem: Quia in hoc quod aliquis ven
 dit Donum Spiritus Sancti, quodammodo protestatur se esse dominum spiritua
 lis Doni, quod est hæreticum. Paulo aliter id explicat IV. Sententiarum,
 Dist. XXV. qu. 111. art. 1. Quæstiuncula 11. Aliquid (inquit) attribuitur alteri
 dupliciter: Uno modo simpliciter: Alio modo propter similitudinem actus, sicut dicit
 Philosophus VII. Ethicorum, quod incontinentes quandoque dicuntur intempera

ri, quia faciunt, quæ intemperati, sed non eodem modo; sicut etiam dicit, quod Mil. si stulti non sunt, sed operantur qualia stulti: Et secundum hoc dicendum, quod Simoniaci non sunt proprie, & per se loquendo Hæretici, cum non habeant aliquam falsam opinionem; sed dicuntur hæretici propter similitudinem actus, quia ita operantur, ac si æstimarent Donum Spiritus Sancti pecunia possideri, quæ æstimatio esset hæretica, Unde S. Gregorius Libro 1x. Epistolarum, Indictione 1v. Epistola 1111. ex qua refertur Canone Cum omnis, Causa 1. quæst. 1. ait: Cum omnis avaritia sit Idolorum servitus, quisquis hanc in Ecclesiasticis Dignitatibus dandis non præcavet, infidelitatis perditioni subicitur, etiamsi fidem, quam negligit, tenere videatur.

Hoc sensu Tharasius Patriarcha Constantinopolitanus in Epistola ad Adrianum I. ex qua refertur Canone Eos, Causa 1. q. 1. Simoniacam Pravitatem hæresim esse Macedonianorum errore damnabiliorem asserit: Illi enim (inquit) creaturam, & servum Dei Patris, & Filii Spiritum Sanctum deliverando fatentur: Isti vero (scilicet Simoniaci) eundem Spiritum Sanctum efficiunt suum servum. Omnis enim dominus, quod habet, si vult, vendit, sive servum, sive aliquod aliud eorum, quæ possidet: Similiter, & qui emit, dominus ejus volens esse quod emerit, per pretium pecunie illud acquirit: Ita, & qui hanc iniquam actionem operantur, detrahunt Spiritui Sancto, æqualiter peccantes his, qui blasphemaverunt, dicentes, Christus in Beelzebub ejicere Demoniam: Atque, ut verius dicam, Judæ comparantur proditori, qui Judæis Christum vendidit. Quod sic explicat S. Thomas in 1v. Sententiarum, loco supra citato, ad secundum: Ratione falsæ estimationis quam Simoniacus in actu demonstrat, dicitur Simonia esse gravior quam Macedonii Hæresis, qui posuit Spiritum Sanctum esse Patris, & Filii servum: Simoniaci autem in suo actu ostendunt se æstimare, quod sit servus hominis, si ab homine potest emi, & vendi.

Ethnicos Deorum quos se colere profitebantur, revera contemptores, & illudores fuisse Tertullianus probat Apologetici cap. xiiii. quia nimirum illos vendebant. Domesticos Deos (inquit) quos Lares dicitis, domestica potestate tractatis, pignorando, venditando, demutando... Publicos æque publico Jure sædatis, quos in hastario vestigales habetis. Sic Capitolium, sic olitorium forum petitur: Sub eadem voce Præconis, sub eadem annotatione Quæstoris Divinitas addita conducitur. Sed enim agri tributo onusti, viliores: Hominum capita stipendio censa, ignobiliora. Nam hæ sunt notæ captivitatis. Dii vero qui magis tributarii, magis sancti; imo, qui magis sancti, magis tributarii. Majestas quæstuaria efficitur, circuit, cauponas Religio mendicans. Exigitis mercedem pro solo Templi, pro aditu Sacri. Non licet Deos nosse gratis: Venales sunt... Quanti ergo contemptus in Spiritum Sanctum rei sunt, qui res spirituales vendunt, vel emunt.

Simoniam crimen esse omnibus criminibus atrocius, sacri Canones diserte docent: Omnia crimina (inquit Paschalis II.) ad comparisonem Simoniacæ Hæresis quasi pro nihilo reputantur. Refertur Causa 1. quæ. ultima, Canone ultimo. Idemque repetit Innocentius III. cap. Per tuas. Ext. De Simonia. Simoniacæ pestis sui magnitudine alios morbos vincit: (inquit Lucius Papa, cap. Sicut, Ext. De Simonia.) Quamobrem crimen illud sensu quodam inexpiable S. Ambrosius dixit Lib. 1v. in Lucam: Inexpiables est (inquit) venditi culpa Mytherii, & gratiæ vindicta celestis transit ad posteros. Denique Moabitæ, & ceteri, non intrabunt in Ecclesiam Dei uique ad tertiam, & quartam generationem. Tamdiu videlicet donec culpam auctorum multiplicis successio generationis aboleret. Sed cum illi, qui in Deum

Quo sensu
Simoniacæ
gravior dica-
tur, quam
Macedonii
Hæresis?

Ethnicos
qui Deos
suos vende-
bant Simo-
niacus imi-
tatur?

Simoniam cri-
men atrocis-
simum.

,, ido-

„ idololatriæ errore deliquerunt , in quartam generationem videantur esse
 „ multatati : profecto durior videtur esse sententia , qua Giezi semen usque in
 „ æternum pro cupiditate habendi , Prophetica Auctoritate damnatur , præ-
 „ sertim cum Dominus noster Jesus Christus per Lavacri Regenerationem
 „ omnibus remissionem dederit peccatorum ; nisi ut vitiorum magis quam
 „ generis semen intelligas . Sicut enim , qui filii promissionis sunt , æsti-
 „ mantur in semen bonum : Ita etiam , qui filii erroris sunt , æstimantur in
 „ semen malum . Nam & Judæi ex patre Diabolo , non utique carnis suc-
 „ cessione , sed criminis . Ergo omnes cupidi , omnes avari , Giezi lepram
 „ cum divitiis suis possident , & male quæsitâ mercede , non tam patrimo-
 „ nium facultatum , quam thesaurum criminum congregarunt æterno suppli-
 „ cio , & brevi fructu . Hæc S. Ambrosius , qui & paulo superius ait : Habes
 „ Domini præceptum , Vatis exemplum , Gratis accipere , gratis dare : nec
 „ vendere Ministerium , sed offerre . Non enim pretio taxatur Dei gra-
 „ tia , nec in Sacramentis lucrum quæritur , sed obsequium Sacerdotis .

V. Pecuniam igitur , vel quodlibet aliud pecunia æstimandum , dare , vel
 accipere non licet , neque pro Sacramentis , quæ sunt causâ gratiæ , quæ
 prætio æstimari non potest , & cui repugnat , quod gratuito non detar : Ne-
 que pro spiritualibus actibus , quales sunt Administratio Sacramentorum , u-
 sus spiritualium donorum , ut Prophetiæ , divini verbi prædicatio , Ecclesia-
 sticæ Jurisdictionis usus , laudes divinæ , Religiosa Professio , &c. Neque
 pro his , quæ sunt spiritualibus annexa , ut Beneficia Ecclesiastica , Jus Pa-
 tronatus , &c. Hæc enim omnia spectat sententia illa Christi Domini : *Gra-
 tis accepistis , gratis date* : Quam Diligenter , accurate , & ad litteram observa-
 re debemus ; nec in iis , quæ technas sophisticas nos admittunt , ut *sophistica
 calliditate , nec aleam periculosam jacere* (inquit Gennadius Patriarcha Con-
 stantinopolitanus cum sua Synodo .) Nihil ergo refert , an pecunia pro Be-
 neficio , aut quavis alia re spirituali offeratur *Tanquam pretium* , vel inci-
 tamentum , seu *Motivum* ; & flagitiosa , ac erronea illa opinio est , quæ *Sim-
 oniam Juris divini* esse negat , quando datur spirituale propter temporale ,
 solum tanquam *Propter motivum* , vel titulo *gratitudinis antidotali* , modo non
 detur , ut rei spirituali , verbi gratia Ordinationi , vel Beneficio *æquale pre-
 tium* , nec spirituale pro temporali *tanquam pro æquali* commutare quis ve-
 lit , ut temporale pluris , vel tanti æstimer , quam ipsum spirituale . Distin-
 ctuncularum enim hujusmodi vanitas ex eo patet , quod his admissis tam ra-
 rum esset Simonizæ vitium , ut ab illo possent facile defendi , & excusari ,
 vel Balaam , vel Giezi , vel ipsæ *Simon Magus* . Numquid enim Balaam con-
 fidenter asseverare non poterat , se munus a Rege Moabiturum accepisse non
 ut pretium , sed ut motivum ? Neque enim vel Rex curabat , quoniam ille
 titulo munus acciperet , dum quoquo modo ad maledicendum Populo Israël
 ipsum permoveret : Nec Balaam admodum curabat , quoniam titulo oblatum
 munus sibi obveniret , modo suam inde avaritiam expleret . Numquid pro-
 fanus Giezi cum magna confidentia non obtenderet se immerito Simonizæ in-
 simulari , ob idque lepra percuti , cum non alio quam gratuita compensatio-
 nis titulo munus a Naaman petierit , & impetraverit ; nec sub ratione pre-
 tii , quasi divinum miraculum compensaturus , ipsi duo talenta Naaman ob-
 tulerit , sed gratiam tantum ei relaturus : *Obsecro* (inquit) *ut accipias bene-
 dictionem a servo tuo* . Unde nec Eliseus ipsum reprehendens ait : *Accepisti
 argentum , accepisti vestes , ut pretium miraculi : sed simpliciter , Accepisti
 argentum , & accepisti vestes , ut emas oliveta , & vineas , & oves , & boves ,
 & servos , & ancillas* . Numquid tandem & ipsæ *Simon Magus* dicere non
 pos-

Error est af-
 ferre Simo-
 niam non
 esse , pecu-
 niam offerre
 pro Benefi-
 cio , aut qua-
 vis alia re
 spirituali ,
 tanquam
 motivum ,
 tametsi dica-
 tur non of-
 ferri tan-
 quam pre-
 tium .

posset. Se obtulisse Apostolis pecuniam non sub formali ratione pretii, sed tanquam motivum, quo eorum voluntatem incitaret ad conferendum sibi potestatem impertiendi Spiritum Sanctum per manuum impositionem? Neque enim ille curabat modum, dum tamen spirituale illam potestatem quoquo modo consequeretur. Nec S. Petrus eum reprehendit, quod voluerit pecuniam pro æquali commutare: sed, *Pecunia tua (inquit) tecum sit in perditionem, quoniam Donum Dei existimasti pecunia possideri?* Quod enim pecuniæ collatione per modum illecebræ permovetis, absque pretii cogitatione, vel expressa comparatione rei spiritualis cum temporalis obtinetur, nihilominus pecunia possidetur.

Præterea omnia Conciliorum Decreta, omnia Summorum Pontificum Statuta, omnes Patrum Sententiæ, quibus Simonia proscribitur, ita generales sunt, ut nulla earum excipiat illa species, in qua datur pecunia, non ut pretium, sed ut motivum; licet hoc genus dandæ pro Beneficiis pecuniæ semper frequentissimum fuerit: Quinimmo his verbis concepta sunt multa Ecclesiæ Decreta, ut vanas illas argutias penitus elidant. Nunc enim generatim negant fas esse per pecuniam ad Ecclesiæ Dignitates pervenire. *Si quis* (inquit Canon Apostolicus xxx.) *Episcopus, aut Presbyter, aut Diaconus, per pecunias hanc obtinuerit Dignitatem, deiciatur.* Nunc generatim vetant ne quis ad Ecclesiæ Munia consequenda aliquid offerat: *Si quis* (inquit Concilium Toletanum viii.) *pro percipienda dignitate.* Quolibet Præmium detestus fuerit obtulisse, ex eodem tempore *Anathematis se moverit opprobrio condemnatum.* Nunc decernunt nullo prorsus modo in conferendis Ecclesiæ Honoribus utilitatis terrenæ rationem irrepere debere. *In nulla Ordinatione* (inquit S. Gregorius Libro iv. Epistola viii.) *Fraternitati vestræ commoda Quolibet modo surrepant, ne laqueis Simoniacæ (quod absit) Hæreseos alligetur.* Concilium Tolosanum anno millesimo quinquagesimo sexto, Canone i. *Si quis Episcoporum* (inquit) *accepta Quocumque modo pecunia ordinaverit Episcopum, Abbatem, Presbyterum, Diaconum, aut quemcumque alium, qui numeratur inter Clericos, ipse gradus sui subiaceat periculo: & qui sic ordinatur, nullum habeat fructum ex hujusmodi mercimonio, sed sit alienus ejus Dignitatis, & Ordinis, quem per pecunias acquisivit.*

Denique *Innocentius III.* detestandas illas astutias, quibus Simoniacæ vitium palliatur, discrete damnavit in Epistola ad Archiepiscopum Cantuariensem. „ In tantum (inquit) peccatis exigentibus, corda quorundam Simoniacæ „ Pravitatis depravavit, ut in exterminium Canonicæ Sanctionis, & in elusionem quodammodo divini Judicii, lucris turpibus inhiantes, ac dicentes in corde suo, Non est Deus, Simoniam sub honesto nomine palliant, „ quasi mutato nomine, culpa transferatur, & pœna. Verum nec Deus, secundum Apostolum, irridetur, nec tales Simonis Sectatores, etsi temporalem in præfenti forsitan eludant, in futuro penam effugient sempiternam, cum nec honestas nominis malitiam palliabit, nec vox poterit abolere reatum.

Merito itaque ab Academia Lovanienfi anno millesimo sexcentesimo quinquagesimo septimo, a Sacra Facultate Parisiensi die decima sexta Julii anni millesimi sexcentissimi quinquagesimi octavi in Censura Apologiæ Casuitarum, & a plerisque Galliarum Episcopis in Censuris perniciosi ejusdem Libri, & ab *Alexandro VII.* & *Innocentio XI.* Pontificibus Maximis damnatæ sunt Propositiones sequentes.

Propositiones damnatæ.

Non est contra justitiam Beneficia Ecclesiastica non conferre gratis, quia Colator conferens illa Beneficia Ecclesiastica pecunia interveniente, non exigit illam pro collatione Beneficii, sed veluti pro emolumento temporali, quod tibi con-

conferre non tenebatur. Quæ propositio xxii. est inter eas, quas damnavit Alexander VII. die xxiv. Septembris anno millesimo sexcentesimo sexagesimo quinto.

„ Dare temporale pro spirituali, non est Simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut e contra.

„ Et id quoque locum habet etiam si temporale sit principale motivum, dandi spirituale; imo etiam si sit finis ipsius rei spiritualis, sic ut illud pluris æstimetur quam res spiritualis. Quæ Propositiones sunt xiv. & xlv. inter eas, quas damnavit Innocentius XI. die secunda Martii, anno millesimo sexcentesimo septuagesimo nono.

De his Propositionibus ita iudicavit Clerus Gallicanus in Generali Conventu anni 1700. *Hæ Propositiones temerarie sunt, scandaloſæ, pernicioſæ, erroneæ, Hæreſim ſimoniacam, Sacra Scriptura, Canonibus, & Pontificiis Conſtitutionibus reprobata, mutato tantum nomine, per fallacem mentis, ſive intentionis Directionem inducunt.*

S. Thomas
Iacob in mate-
rie Moralis
Conſtitutione
receptori-
bus non ta-
vet.

Perperam vero S. Thomæ iuffragio damnatas illas Propositiones defendere quidam moliti ſunt, his illius verbis freti in iv. *Sententiarum* Diſt. xxv. qu. 11. art. 11. Quæſtiunc. 1. *Sacramenta non poſſunt licite vendi, aut emi, quia pretium emptionis ponitur quaſi meſura adæquans illud, quod emitur.* Qui enim totum loci huius contextum expendit, ſtatim agnoſcet, ſecundum S. Thomæ mentem vere vendi Sacramenta, ſeu quaſilibet res alias ſpirituales, cum gratis non dantur, quamvis pecuniâ, quam dat aliquis, vel recipit, non ſpectet, ut pretium rei ſpiritualis, nec ipſam cum re ſpirituali æquare velit. Cum (*inquit*) Sacramenta contineant, & cauſent gratiam, non poſſunt licite vendi, aut emi propter tria: Primo, quia Diſpenſator Sacramenti non eſt dominus, ſed miniſter; emptio autem debet fieri a domino rei. Secundo, quia pretium emptionis ponitur quaſi meſura adæquans illud, quod emitur: Gratia autem non poteſt commenſurari alicui corporali bono. Unde injuriâ gratiæ facit, qui Sacramenta gratiæ vendit, aut emit. Tertio, quia gratia ex hoc nomen accepit, quod gratis datur; unde contra rationem gratiæ facit, qui Sacramenta gratiæ quaſi venalia tractat.

Præterea S. Thomas quæſt. 111. art. 111. rotunde aſſerit, *Quicumque pro aliquo temporali commodo dat aliquod ſpirituale, vel annexum, Simoniam committit:* Nec diſcernendum innuit an detur tanquam pretium rei ſpiritualis, vel motivum ſeu incitamentum ſelectens alicujus animum ad conferendam rem ſpiritualem, vel ſpirituali annexam.

Tertio, ſi ad Simoniam Juris Divini neceſſe eſſet, ut quis rem temporalem rei ſpiritualis pretium eſſe crederet, aut pluris, vel tanti valere, ac rem ſpiritualem, Simonia eſſe non poſſet abique hæreſi proprie dicta. Sed non ita ſe res habet ſecundum S. Thomam, qui Simoniacos proprie, & per ſe loquendo hæreticos eſſe negat, Cum non habeant falſam opinionem: Sed hæreticos dici ait propter ſimilitudinem actus, quia ita operantur, ac ſi æſtimarent Donum Spiritus Sancti pecunia poſſideri, quæ æſtimatio eſſet hæretica.

Nec illis patrociniatur
Gerſonius.

Perperam etiam Venerabili Gerſonio Pariſienſis Academiæ Cancellario damnatus error tribuitur in Tractatu *De Simonia*, cum ibi duplex Simoniacæ pravitatis genus expreſſe diſtinguat, unum, quo temporale bonum, ut motivum principale ſpiritualis actionis ſpectatur; alterum, quo conſideratur ut pretium rei ſpiritualis. Sic enim habet: *Prima Propoſitio: Finis principaliter intentus recipiendi temporalia pro miniſtratione ſpiritualium reddit hominem proprie*

prie simoniacum in foro conscientie, & ad Deum. Et si hanc intentionem apertis ad extra monstret indicis, censendus est in Ecclesiastico foro Simoniacus, vel de Simonia vehementer suspectus.

Secunda Propositio: Finis principaliter intentus accipiendi temporalia pro administratione spiritualium, tanquam ibi sit adæquatio vera pretii ad pretium, sicut est in commutatione temporalium ad invicem, reddit hominem proprie Simoniacum.

Et infra: „ Resolvendo (inquit) materiam de Simonia, possumus invenire distinctionem quadruplicem de intuitu, vel respectu commodi temporalis „ pro spirituali. Potest enim intuitus ferri ad temporale commodum, primo „ tanquam ad pretium rei spiritualis, quasi sit adæquatio valoris unius rei ad alteram, sicut inest in emptione, & venditione civilibus. Potest secundo „ ferri intuitus ad commodum temporale, tanquam ad motivum principale „ dandi spiritualia, vel ad finem ultimum in quo consistit intuitus spirituale „ contentis. Potest tertio ferri intuitus commodi temporalis tanquam ad „ motivum minus principale, vel ad finem subordinatum sub ultimo fine. „ Potest quarto ferri intuitus commodi temporalis, tanquam ad rem debitam „ jure divino pro sustentatione illius, qui spiritualia administrat „ Tunc ad propositum dicimus, quod primus intuitus, & secundus, sunt „ vere simoniaci de Jure Divino, & humano. Tertium vero, & quartum „ intuitum a Simoniæ labe purus esse docet, modo illud Apostoli ob- „ servetur: *Ab omni specie mala abstinete vos.*

Neque etiam necesse est ad Simoniæ pravitatem, ut pactio aliqua expressa intercedat; sed datio, vel acceptio munerum, absque expressa pactio, simoniaca censetur. Unde Canone *Salvator*, Causa 1. qu. 111. *Urbanus II.* ait: „ Quis „ quis res Ecclesiasticas (quæ dona Dei sunt, quoniam a Deo fidelibus, & „ a fidelibus Deo donantur, quæ ab eodem gratis accipiuntur, & ideo gratis „ dari debent) propter sua lucra vendit, vel emit, cum eodem Simone Do- „ num Dei possideri pecunia existimat. Ideo qui easdem res non ad hoc, ad „ quod institutæ sunt, sed ad propria lucra manere linguæ, vel indebiti ob- „ sequii, vel pecuniæ largitur, vel adipiscitur, Simoniacus est, cum prin- „ cipalis intentio Simonis fuerit sola pecuniæ avaritia.

Idem confirmat *B. Petrus Damiani*, Opusculo xxxi. cap. v. „ Et quia (in- „ quit) sunt nonnulli, qui vel antequam Consecrationis exhibeant Ministeri- „ um, vel ante decus causæ negotium, nullum pacti sunt commodum: post- „ modum vero tanquam a debitoribus exigunt, & extorquendis remuneratio- „ nibus vehementer insistant; hi se Giezi non dubitent crimen incurrere, qui „ postquam Naaman curatus est, jamque revertens, de Dono Sancti Spiritus „ ausus est pecuniam postulare. Et sicut ille non alia quam lepræ plaga per- „ cussus est, quæ homines removebat a castris, sic iste non levi, sed illius „ labe perfunditur criminis, quod ab Ecclesiæ separat Sacramentis.

A R T I C U L U S III.

Quotuplex Simoniæ genus?

I. Simonia triplex est, mentalis, conventionalis, & realis. Mentalis est, quæ solo animi consensu perficitur absque ulla conventionem expressa, vel tacita. Conventionalis est, qua expresse, vel tacite initur contractus super re spirituali vendenda, vel emenda, sed ille contractus non est executioni mandatus ab utraque parte; ut si emptor recepit quidem Beneficium, sed pretium conventum non solvit; aut si vice versa pretium quidem solvit, sed Beneficium non recepit. Realis est, in qua tria hæc concurrunt actu, scilicet pactio expressa, vel tacita de re temporali pro spirituali, solutio pretii, & receptio rei sacræ.

Nec tamen necesse est ad Simoniam realem, ut totum temporale, quod promissum est, sit solum; vel totum spirituale, quod promissum est, sit traditum: sed sufficit ad completam Simoniam realis rationem, quod utrinque aliquod sit traditum.

II. Dividit alii Simoniam in eam, quæ Divini, & eam, quæ Ecclesiastici Juris est. Prima (inquiunt) prohibita est, quia mala, ut emptiones, aut venditiones Sacramentalium, Sacramentalium, Excommunicationis, Absolutionis, Penitentiarum, Predicationis, Beneficiorum, Juris Patronatus. Altera mala est, quia prohibita. Hujus generis Simoniam esse volunt in Permutatione Beneficiorum, una videlicet Superioris auctoritate: neque enim hic datur spirituale pro temporali, ut in Simonia prioris generis; sed datur spirituale pro spirituali, quod non est ex se malum, siquidem auctoritate Superioris fieri potest; sed propterea malum est, quia per Ecclesiam est prohibitum cap. *Quesitum*, & cap. *Ulm olim*, Ext. *De Rerum Permutatione*. Similem Simoniam esse ajunt, quando Beneficiorum præsentationes, collationes, possessiones, institutiones fiunt cum pacto, modo, vel conditione, per se forte non male: sed tamen ab Ecclesia prohibitis, cap. *Accepimus*, & cap. *Pastores*, Ext. *De Pastis*. Ad idem genus pertinere volunt venditionem, & emptionem rerum aliquarum, quæ nihil spirituale continent, sed solum sunt Officia ad temporalium Ecclesiæ Administrationem instituta, ut Oeconomatus, Vice-dominatus, Advocatio, & Quorum venditionem velut Simoniacam prohibent Concilium Chalcedonense, & Canon *Salvator*, Causa 1. quæst. 111.

Divisio Simonie in eam, quæ divini, & eam, quæ sit Ecclesiastici Juris, Patribus, Conciliis, Pontificibus, & S. Thome incognita.

Verum hæc divisio Simonie veteribus Patribus, Conciliis, Pontificibus, ipsique S. Thome, incognita, aut saltem ab his non probata, mihi non placeat. Cum enim Simonia sit studiosa voluntas emendi, vel vendendi aliquid spirituale, vel spirituali annexam, & res spirituales sint indelita venditionis materia, ob triplicem rationem ex jure naturali, & divino petitam, quam exponit S. Thomas; fieri non potest Ecclesiæ Decreto, ut res spirituales, vel spirituali annexa, vendatur, aut ematur absque violatione Divini Juris: Quamvis Ecclesia pactiones quasdam, permutationes, aut venditiones, emptionesque, propter Simonie speciem, aut periculum prohibere possit, justaque prohibeat sub illidem pœnis, quæ in Simoniacos latae sunt. Unde recte *Silvius* in Secundam Secundæ, quæstione centesima, art. 1. quæstio 11. ubi hanc Simonie duplicis distinctionem explicuit: *Sunt quidem* (inquit) *Au-ctores, qui distinctionem allatam non approbant, existimantes nullam esse Simoniam, quæ jure tantum humano prohibeatur. Perum discordia videtur esse de nomine: Non enim asseritur, quod aliqua sit Simonia, in quam proprie, & perfecte competat ratio Simonie, & tamen solum prohibeatur jure humano; sed dicitur esse aliquod vitium habens similitudinem, & participans imperfectionem rationem Simonie: Quod ideo vocatur Simonia, non naturali, sed positivo jure prohibita.*

Id Venerabilis *Gersonii* verbis Tractatu *De Simonia*, Consideratione 1. confirmatur. *Thome* (inquit) *nulla est proprie Simonia, nisi quia prohibita jure Divino, ubi scilicet convenit contractus iste rerum spiritualium pro re commensurabili munimine, Do si des, vel, Do ut des. Nilominus apponitur in aliquibus contradiçtionibus non de se simoniæ pœna Simonie; ubi verum est, quod hoc ideo dicitur simoniæ, quia lege humana prohibitum, sicut aliquis puni-tur tanquam Hæreticus præsumptione juris positivi, vel operis, qui veraciter est Catholicus. Sed de nomine litigare nolum, modo ea distinctione Simonie duplicis, utius, quæ Divino, alterius quæ Ecclesiastico tantum jure prohibita sit, ad laxiores hac in materia opiniones asserendas non abutan-tur, qui illam usurpant.*

III. Celebrior est divisio Simoniz ratione simoniaci muneris, quod pro re spirituali datur, scilicet muneris *A manu*, *Ab obsequio*, & *A lingua*. Munus a manu est pecunia, vel res quæcumque pecunia æstimabilis. Munus ab obsequio est obsequium ab aliquo exhibitum ea lege, vel intentione ut Beneficium ipsi conferatur, ut si quis Episcopi sit Capellanus, seu (ut loquimur) Elemosynarius, aut Notarius, aliave ratione illi ministret abique stipendiis, ea lege, vel pactione expressa, vel tacita, siue ea spe, & intentione, ut ei Beneficium tribuatur: vel ipsi Beneficium detur ea conditione, ut abique stipendiis ministret: vel si Nobilis Patronus filiorum suorum Præceptorum, aut suorum negotiorum Procuratori stipendii loco Beneficium conferat, vel promittat. Munus a lingua est favor, adulatio, preces in gratiam alicujus, maxime indigni factæ.

Simoniacum munus triplex, 1. a manu 2. ab obsequio 3. a lingua.

Hæc divisio traditur Canone *Salvator*, Causa 1. qu. 111. ex *Urbano II.* eamque antea exposuerat *S. Gregorius* Homilia 1v. in Evangelia, ex qua refertur Canone *Sunt nonnulli*, Causa 1. qu. 1. *Sunt nonnulli* (inquit) qui quidem nummorum præmia ex Ordinatione non accipiunt, sed tamen sacros Ordines pro humana gratia largiuntur; atque de largitate eadem laudis solummodo retributionem querunt. Hi nimirum, quod gratis acceptum est, gratis non tribuunt: Quia de impenso officio sanctitatis nummum expetunt favoris. Unde bene cum iustum virum describeret Prophetæ, ait: Qui excutit manus suas ab omni munere. Neque enim dicit: Qui excutit manus suas a munere; sed adjunxit, ab omni; quia aliud est munus ab obsequio, aliud munus a manu, aliud munus a lingua. Munus quippe ab obsequio, est subiectio indebite impensa: Munus a manu, pecunia est: Munus a lingua, favor. Qui ergo Sacros Ordines tribuit, tunc ab omni munere manus excutit, quando in divinis rebus non solum nullam pecuniam, sed etiam humanam gratiam non requirit. Totam hanc sententiam repetit Concilium Aquisgranense sub *Ludovico Pio* Imperatore Canone xxxviii. sed & ante *S. Gregorium* eam divisionem non obscure innuit *S. Hieronymus* ad cap. 1. Epistolæ ad Titum, ex quo refertur Canone *Moses*, Causa viii. qu. 1. Eandem divisionem tradit *Gregorius VII.* Lib. vi. Regesti, Epist. xxxiv.

Et *B. Petrus Damiani* Epist. 11. Lib. 11. explicans eundem Isaïæ locum: Munus a manu (inquit) pecunia: Munus ab obsequio, obedientia subiectionis: Munus a lingua, favor adulationis. Et cum ab unoquoque horum manus excutendas Prophetæ denunciet, omnibus his manus implicasse convincitur, qui nanciscendæ Dignitatis ambitu Potestatum sublimium castra sectatur. Nam dum in vehiculi acquirendis, diversorumque sumptuum apparatus, non modica summa profunditur. hic procul dubio datæ pecuniæ obnoxius invenitur: Qui etiam nulli dubium quin ei, & obsequium præbeat, cui factus affleat sub tanto laboris, & itineris fasce desudat. Postremo dum Domino suo blandiri, ejusque voluntati congruere per omnia nititur, sepe sibi quibusdam adulatoris favoribus assentatur. Porro autem quisquis in dandis, accipiendisve Dignitatibus Ecclesiasticis una duntaxat eorum, quæ præditiæ sunt, peste corrumpitur, Simoniacæ Hæreseos teneri crimine judicatur. Quam ergo sui afferent excusationem, qui licet verbis non contraxerint venalis pacta commercii, operatione tamen non uno, sed omnibus his probantur laqueis irretiti? Verumtamen inest se, & eo gloriantur innoxios, quia nullam talenti summam pro suscipiendis honoribus se petigere daturus. Sed dic mihi, o Clerice! quisquis es, si redempto quolibet aureo vase, vel prædio, distractor exigeret, ut retenti apud te vice pretii huiusmodi sibi sedulitatis impendium exhiberes, numquam non postmodum constanter affereres, te, quod acceptum est, iusto pretio comparasse? Non videlicet, quia pecuniam persolvisti, sed quia servitium præbuisi Nequaquam ergo sibi

innocentiam spondeant, & a Simoniaca Hereseos maculis se mundos esse confitentur, qui licet metalla vibrantia non appendunt, pretium tamen pro suscipiendis Honoribus subjectionis, & obsequii, quedam quasi talenta persolvunt.

Eamdem Simoniam divisionem explicat S. Thomas, in IV. Sententiarum, Dist. xxv. qu. III. art. III. Simonia (inquit) consistit in emptione, & venditione spiritualium, vel eorum, quæ sunt eis annexa. Emptio autem, vel venditio consistit non solum in datione, & acceptione pecunie, sed omnium eorum, quorum potest pretium numismate mensurari. Omnis autem temporalis commodi pretium potest numismate mensurari: Et ideo quicumque pro aliquo temporali commodo dat aliquod spirituale, vel annexum, Simoniam committit. Bonum autem temporale, quod potest aliquis ab alio expectare, vel est ex parte animæ, sicut amicitia, aut favor aliquis; & quantum ad hoc est munus a lingua: vel ex parte corporis, sicut aliquis ab alio corporaliter exercitur; & quantum ad hoc est munus ab obsequio, sicut obsequium aliquod exhibitum: vel est aliquid exteriorum bonorum; & sic est munus a manu, quod consistit in exterioribus bonis. Quantum ad primum, committitur Simonia per munus a lingua; quis lingua opinionem exprimit, & gratiam conceptam: Quantum ad secundum, per munus ab obsequio: Quantum ad tertium, per munus a manu.

Et Secunda Secundæ, quæstione centesima, art. v. Nomine (inquit) pecunie intelligitur cuiuscumque pretium, quod pecunia mensurari potest. Manifestum est autem, quod obsequium hominis ad aliquam utilitatem ordinatur, quod potest pretio pecunie æstimari. Unde, & pecuniaria mercede Ministri conducuntur. Et ideo idem est, quod aliquis det rem spirituales pro aliquo obsequio temporali exhibitio, vel exhibendo, ac si daret pro pecunia data, vel promissa quæ illud obsequium æstimari posset. Similiter etiam, quod aliquis satisfaciat precibus alicuius ad temporalem gratiam querendam, ordinatur ad aliquam utilitatem, quæ potest pecunie pretio æstimari. Et ideo sicut contrahitur Simonia accipiendo pecuniam, vel quamlibet aliam rem exteriores, quod pertinet ad manus a manu: ita etiam contrahitur per munus a lingua, vel ab obsequio.

Frustra vero quis objiceret, Beneficium duo completi, unum spirituale, aliud temporale: Hoc pecunia æstimari, & commutari posse, non illud. Adeoque se pecunia, obsequio, vel precibus temporale duntaxat, non spirituale obtinere velle.

Spirituale & temporale Beneficii indivulsa, adeo ut unū sine altero vendi non possit.

Ita namque duo esse prorsus indivulsa, & inseparabilia, nec flexu mentis fieri posse, ut unum vendatur alio non vendito docet Paschalis Papa, Canone. Si quis objecerit. Causa I. qu. III. Si quis objecerit, non consecrationes emi, sed res ipsas, quæ ex consecratione proveniunt, penitus despere probatur: Nam cum corporalis Ecclesia, aut Episcopus, aut Abbas, aut tale quid sine corporalibus rebus in nullo proficiat, sicut nec anima sine corpore corporaliter vivit; quisquis alterum vendit, sine quo, nec alterum provenit, neutrum invenditum relinquit. Nullus igitur emat Ecclesiam, vel Prebendam, vel aliquid Ecclesiasticum: nec passellum antea, vel postea pro huiusmodi solvat.

Hinc Rhemense Concilium anno 1583. Illi (inquit) inprimis, & propriis habeantur, prout sunt, Simoniaci, qui Beneficia, resque spirituales pecunia comparant, vel conferunt, vel certe rebus, quæ pecunia æstimari queant. Nam eorum impudentissimum pretextum detestamur, qui de solo proventu, reque temporaria se pacisci dicunt, cum ea spirituali tam arcto sit annexa vinculo, ut non magis una ab altera divelli queat, quam in homine vivo manente corpus a sua Anima.

Hinc B. Petrus Damiani in Epistola ad Alexandrum II. Clericos Schismaticos refellit, qui Simoniam committi negabant emptione Episcopatus, aut alterius Beneficii, quia Non emi Sacerdotium, sed possessionem prediorum obsecrabant. Nam quemadmodum ille Pater dicitur, ex cuius femore sola

parvo est egressa, non anima: sic ille proculdubio dicendus est mercator Ecclesiæ, qui per terrena, quæ redimit, ad honoris culmen ascendit & per temporalis commercium lucri, emptor efficitur nihilominus Sacramenti.

Verum (inquit) Calix consecratus licite venditur, modo pretium non augeatur propter consecrationem, ut colligitur ex Canone *Hoc Jus*, *Causa x. qu. 11.* & Jus Patronatus transfertur per venditionem feudi cum Juribus temporalibus, quibus est annexum, ut habetur cap. *Cum sæculum*, & cap. *De Jure*. Ext. *De Jure Patronatus*: Quidni ergo & fructus, seu proventus Beneficii licite vendi possunt, re spirituali minime vendita?

Respondetur, Id intercedere discriminis inter Calicem, & Jus Patronatus ex una parte, & Beneficium ex altera, quod venditio Calicis, aut feudi, non cadat super consecrationem, aut Jus Patronatus feudo adhærens, sed super vasa ipsum materiale, aut bona temporalia, quibus Jus Patronatus annexum est, & quorum Patronus dominium habet. At in venditione Beneficii, venditio non caderet in fructus, quorum collator non est dominus, sed merus dispensator: Nemo enim vendere potest id, cujus dominium non habet: Caderet itaque pretium pro Beneficio datum, & receptum in ipsam Beneficii collationem, sive institutionem ad divinum Ministerium, quæ plane spiritualis est. Præterea, in temporalibus, quæ antecederent spiritualibus sunt annexa, ut Calix sacer, & feudum Jus Patronatus conjunctum habens, res sacra est, quid accessorium, res autem temporalis est ipsum principale: *accessorium autem naturam sequitur principalis*, ut habet Regula Juris in *Sexto*. In temporalibus vero consequenter adnexis rei spirituali, qualia sunt Beneficia, res sacra est ipsum principale, & res temporalis est accessorium: siquidem Beneficium non datur nisi propter Officium: Unde Beneficii proventus vendi non possunt, sicut nec ipsum Officium, seu Ministerium sacrum. Ita rem explicat *S. Thomas*, 2. 2. qu. 100. art. iv., *Aliquid (inquit)* „ potest esse annexum spiritualibus dupliciter: Uno modo, sicut ex spiri- „ tualibus dependens: sicut habere Beneficia Ecclesiastica dicitur spirituali- „ bus annexum: quia non competit nisi habenti Officium Clericale: unde „ hujusmodi nullo modo possunt esse sine spiritualibus: & propter hoc ea „ nullo modo vendere licet: quia eis venditis, intelliguntur etiam spiritua- „ lia venditioni subijci. Quædam autem sunt annexa spiritualibus, in quan- „ tum ad spiritualia ordinantur: sicut Jus Patronatus, quod ordinatur ad „ præsentandum Clericos ad Ecclesiastica Beneficia: & vasa sacra, quæ ordi- „ nantur ad Sacramentorum usum: unde hujusmodi non præsupponunt „ spiritualia, sed magis ea ordine temporis præcedunt; & ideo aliquo mo- „ do vendi possunt, non autem in quantum sunt spiritualibus annexa. *Et in* „ *responsione ad secundum*: Vasa sacra (*inquit*) sunt spiritualibus annexa „ sicut fini; & ideo eorum consecratio vendi non potest. Tamen pro ne- „ cessitate Ecclesiæ, & pauperum materia eorum vendi potest. *Et ad ter-* „ *tium*: Jus autem Patronatus per se vendi non potest, nec in feudum dari; „ sed transit cum villa, quæ venditur, vel conceditur. Jus autem spiritua- „ le accipiendi decimas non conceditur Laicis, sed tantummodo res tem- „ porales, quæ nomine decimæ dantur. *Quod expressius dixerat quæst.* „ *LXXXVII. art. 111.* Jus accipiendi decimas spirituale est; Consequitur „ enim illud debitum, quo Ministris Altaris debentur sumptus de Mini- „ sterio, & quo seminantibus spiritualia debentur temporalia Res „ autem, quæ nomine decimarum dantur, & corporales sunt. Ita de „ Beneficiorum fructibus dicendum: Jus percipiendi fructus spirituale est, & ab officio sacro, seu divino Ministerio indivisibile; ideoque vendi non po- „ test: Ipsi vero fructus corporales iunt, puta, certa quantitas frumenti, vi-

ni, olei, &c. Quamobrem licite vendi possunt ab eo, qui Beneficium jure possidet; quamvis promitti non possint, vel toti, vel ex parte ei, qui Beneficium confert, aut collationem procurat, vel alteri quem indicaverint: aut ab ipso collatore reservari. *Si ab eo, cui Beneficium confert, requiratur aliquid sibi exhiberi de fructibus illius Beneficii; idem est, ac si aliquid munus ab eo exigeret, & non caret vitio Simonie* (inquit S. Thomas, Secunda Secundæ, quæstione centesima, articulo 111. ad tertium.)

Nec est, quod opponatur, Beneficiorum Curam Animarum non habentium, quæ simplicia vocantur, institutionem, seu Præbendarum assignationem, esse Juris Ecclesiastici, non divini, aut naturalis: adeoque divino Juri, atque naturali non repugnare Beneficiorum hujusmodi venalitatem, sed Juri tantum Ecclesiastico, sicque approbante Romano Pontifice licitam evadere posse.

Sc te namque respondet Cardinalis *Cajetanus*, Tomo 11. Opusculorum Tractatu 1x. Illud esse Sophisma non causæ, ut causæ. Nam dependentia Beneficiorum simplicium a Jure Ecclesiastico non est causa cur licite vendi non possint, sed ipsorum spiritualitas. Res enim spirituales quantumvis a Jure Ecclesiastico pendeant, sunt extra humanum commercium, nec vendi abique Simonia possunt. Tales sunt Consecrationes Altarium, Ecclesiarum, Calicum, Virginum, &c. quæ positivo quidem Jure sunt institutæ, sed tamen vendi non possunt sine violatione Divini Juris, & Religionis, quia spirituales sunt. Ut igitur vim aliquam haberet Objectioni, necesse esset probare Titulum Beneficii rem profanam esse, & mere temporalem, non vero esse quid Ecclesiastico Jure institutum. Ita quamvis Episcopalis Ordo sit a Deo institutus, numerus tamen Episcoporum, & Episcopatum erectiones, & Diocetum limites, sunt Ecclesiastici Juris. Nemo enim nescit Ecclesiam posse Dioceses multiplicare, dividere, unire, limites arctare, vel profaræ, novos Episcopatus inter barbaras Nationes erigere: Nec tamen Episcopatum ullum etiam novissime erectum vendi posse quæ dixerit.

Hinc S. Thomas, in 1v. *Sententiarum*, distinctione xxv. quæstione 1. articulo 111. hanc sibi secundo loco proponit Objectionem: *Papa potest munus a manu suscipere pro aliquo spirituali: Sed (ut quidam dicant) Papa non potest committere Simoniam, maxime cum aliqua Persona Ecclesiastica, quia res Ecclesiæ sunt sue: Ergo non semper committitur Simonia per munus a manu. Quam Objectionem sic diluit: Ad secundum, dicendum quod opinio illa erronea est: Si enim Papa pro aliquo spirituali munus acciperet, Simoniam committeret, sicut & alius homo; quia sub Petro, cui Papa succedit, Simonie vitium damnationem inchoavit in Novo Testamento. Et quamvis res Ecclesiæ sint aliquo modo Papæ, non tamen sunt ejus omnibus modis habendi, sicut illud, quod ad manum habet. Non est autem dubium, quod Simoniam committeret, si quis aliquod spirituale debitori suo daret, ut quod suum est recuperaret: & ita etiam in proposito Papa a Simonia non excusaretur, si (quod absit) spiritualia pro temporalibus rebus Ecclesiarum daret.*

Et 2. 2. qu. 100. art. 1. in Responsione ad septimam Objectionem; *Papa (inquit) potest incurrere vitium Simonie, sicut & quilibet alius homo. Peccatum enim tanto in aliqua persona est gravius, quanto majorem obtinet locum. Quamvis enim res Ecclesiæ sint ejus ut principalis dispersatoris, non tamen sunt ejus ut domini, & possessoris. Et ideo si reciperet pro aliqua re spirituali pecuniam de redditibus Ecclesiæ alicujus, non careret vitio Simonie, Et similiter etiam posset Simoniam committere recipiendo pecuniam ab aliquo Laico non de bonis Ecclesiæ.*

ARTICULUS IV.

Quæ sint Simoniacorum pœnæ canonicae?

I. Excommunicationem latæ sententiæ, & Suspensionem ab Ordinum executione, & Beneficiorum administratione sacri Canones, & Constitutiones Summorum Pontificum decernunt in eos, qui Simoniam commiserunt in collatione, aut susceptione Ordinum: Excommunicationem pariter latæ sententiæ in eos, qui Beneficium Ecclesiasticum per Simoniam alicui conferunt, vel procurant, vel ab alio recipiunt: cujus pœnæ remissio, sive Absolutio ab hujusmodi Censuris Sedi Apostolicæ reservata est, secundum Constitutionem *Martini V.* in Concilio Constantiensis editam, quæ incipit, *Multæ*, & *Pauli II.* quæ incipit, *Cum detestabile*, inter Extravagantes communes, Tit. *De Simonia*, quam *Sixtus IV.* *Leo X.* in Concilio Lateranensi v. & *S. Pius V.* Constitutione, quæ incipit, *Cum primum*, confirmavit. In similem Excommunicationem incurrunt, quicumque Simoniam commiserunt in ingressu Religionis, tam dantes, quam accipientes, secundum Extravag. *Sane.* Tit. *De Simonia*; quæ est *Urbani V.* Quin & ipsi sacrilegæ nundinationis in Ordinationibus, Collatione Beneficiorum, & receptione ad Religiosam Professionem Mediatores, & sequestri eadem Excommunicatione percelluntur Canone 11. Concilii Chalcedonensis, & Constitutionibus *Pauli II.* & *Martini V.*

Simoniaci excommunicationem incurrunt Sedi Apostolicæ reservatam.

II. Beneficii, aut Pensionis Ecclesiasticæ collatio simoniace facta, penitus invalida est: Ideoque tenetur, qui Beneficium illud, aut Pensionem ita suscepit, illis se absolute abdicare, onnesque fructus a se perceptos restituere, sub animæ suæ periculo, secundum Extravag. *Cum detestabile* a *S. Pio V.* confirmatam. Idem docet *S. Thomas*, Secunda Secundæ, quæstione centesima, art. vi. Nullus (inquit) potest licite retinere id, quod contra voluntatem domini acquisivit; puta, si aliquis dispensator de rebus domini sui daret alieni contra voluntatem, & ordinationem domini sui, ille, qui acciperet, licite retinere non posset. Dominus autem, cujus Ecclesiarum Prælati sunt Dispensatores, & Ministri, ordinavit, ut spiritualia gratis darentur, secundum illud Matth. x. Gratis accepistis, gratis date. Et ideo, qui muneris interventus spiritualia quicumque assequitur, ea licite retinere non potest.

Simoniacæ collationes invalidæ.

Et in Responsione ad tertium: Quod aliquis privetur, eo quod accepit, non solum est pœna peccati, sed etiam quandoque est effectus acquisitionis injustæ: puta, cum aliquis emit rem aliquam ab eo, qui vendere non potest. Et ideo si aliquis scienter, & propria sponte simoniace accipiat Ordinem, vel Ecclesiasticum Beneficium, non solum privatur, eo quod accepit, ut scilicet careat executione Ordinis, & Beneficium resignet cum fructibus inde perceptis: sed etiam ulterius puniatur, quia notatur infamia.

Concilium Rothomagense anno 1581. Tit. *De Episcoporum Officiis*, §. 13. Singulis diebus Dominicis in Pronao, & in omnibus Concionibus declarari jubet, Vivere in perpetuo statu damnationis, jure & ipso facto excommunicari, nec facere fructus suos, sed teneri ad restitutionem, & Tituli cessionem, quicumque pecunia, aut alterius rei temporarie pretio expresso, vel tacito Beneficium Ecclesiasticum adipiscuntur, vel alteri procurant, & ab Ecclesiasticis Viris Irregularitatem incurrunt, quoties in eodem statu celebravit divinum Missæ Officium. In Confessionibus de Simonia diligenter inquirendum, ac consenti se aliquod Beneficium pecunia, aut alia re temporali sibi, aut alteri comparasse, Absolutionem (sicut de casu Summo Pontifici reservato) nisi in mortis articulo denegari statimur.

Non solum collatio simoniaca Beneficii, sed electiones, postulationes, con-

Idem esto
de Electioni-
bus Simo-
niacis judi-
cium.

Pœna Simo-
niæ inhabi-
litas ad alia
Beneficia
obtinenda.
Pretium Simo-
niacum
restituendum
est, etiam
ante senten-
tiam judicis.

firmationes, provisiones, seu quævis aliæ dispositiones omnino irritæ sunt; si labe simoniaca sint infectæ, nec per illos actus Jus ullum ad Beneficia, Dignitates, & Officia Ecclesiastica acquiri potest. Unde si in aliquo illorum actuum Simonia intervenerit, in manibus Collatoris Beneficium ejurare tenetur, qui ad illud promotus est, & fructus Ecclesiæ restituere, secundum *Pauli II.* Constitutionem supra laudatam.

III. Simoniaci præterea inhabiles redduntur ad alia Beneficia imposterum obtinenda, ex Concilio Tridentino Sess. xxiv. cap. xvi. & *S. Pii V.* Constitutione: Quem tamen incapacitatis obicem removet Absolutio a Romano Pontifice impetrata.

IV. Denique Simoniacus tenetur ad restituendum pretium simoniace acceptum, etiam ante Sententiam Judicis, secundum probabiliorum opinionem, cum præteritum illud sit injuste quæsitum, nulloque Jure illud retinere possit, qui accepit: Siquidem, nec res spiritualis vendi poterat, nec illius rei dominus erat. Idque colligitur ex *Alexandro III.* cap. *De hoc*, & *Innocentio III.* cap. *Audivimus*, Ext. *De Simonia*: Quorum primum sic habet: *Regem autem, & Principes ejus debes inducere, ut si qua receperint a præfato Episcopo, ut ejus electioni præberent assensum, Ecclesiæ Oxoniensi sine diminutione restituant; cum ea sine gravi suæ salutis periculo retinere non possint.* Cui porro fieri debeat Simoniaci pretii restitutio, postea dicemus.

ARTICULUS V.

Regule Morales absolutionem Questionum circa Simoniam emergentium.

R E G U L A I.

Quamvis aliqua munera modici valoris sponte oblata post Ordinationem recipere non sit absolute simoniacum, id tamen Episcopis, & eorum Ministris non liceat, gravissimæ peccati rei essent, si aliquid, vel sponte oblatum reciperent.

ID absolute simoniacum non esse, constat ex Canone *Sicut Episcopum*, Causa 1. qu. 11. qui ex Romana Synodo sub Gregorio VII. sumptus est, sive ex Lib. iv. illius Regesti, Epistola xlv. *Ita autem* (inquit) *qui ordinatus fuerit, si non ex placito, neque ex alius, neque petitis post acceptas Chartas, & Pallium, aliquid cuiuslibet ex Clero, & gratiæ tantummodo causa dare voluerit, accipi nullo modo prohibemus: Quia ejus oblatum nullam culpæ maculam ingerit, quæ non ex ambientis petitione processit.*

Idem confirmatur ex cap. *Et si quæstiones*, Ext. *De Simonia*, quod est *Alexandri III.* Rescriptum ad Archiepiscopum Strigoniensem.

Nihilominus *Paschalis II.* Canone, *Si quis objecerit*, Causa 1. quæstione 111. & *Innocentius II.* in Synodo Romana Canone secundo, aliquid dari, sive ante, sive post Ordinationem, etiam consuetudinis prætextu prohibuerunt, eamque prohibitionem ad omnem Simoniam speciem, & occasionem penitus excidendam confirmavit Concilium Tridentinum Sessione xxi. cap. 1. De Reformatione: *Quoniam* (inquit) *ab Ecclesiastico Ordine omnis avaritiæ suspicio abesse debet; nihil pro collatione quorumcumque Ordinum, etiam Clericalis Consecrationis, nec pro litteris dimissoriis, aut testimonialibus, nec pro sigillo, nec alia quacumque de causa, etiam sponte oblatum, Episcopi & alii Ordinum Collatores, aut eorum Ministri, quovis prætextu accipiant.* Decretum istud saluberrimum amplexa sunt, & promulgarunt Concilia pleraque post Tridentinum celebrata. Mediolanense 1. tit. *De his, quæ ad Ordinis administrationem pertinent*, Burdigalense 1. tit. *De Sacramento Ordinis*, Tolosanum anno mdc. & c.

R E-

R E G U L A II.

Simonia vitium incurrit Examinatores, si munus aliquod occasione examinis ad Ordines suscipiendos, aut ad Beneficia, ante, vel post recipiant.

CUm enim in eos Episcopi circa sacros Ordines potissima cura transmittatur, & ex eorum integritate Clericorum optima designatio maxime pendeat, Cavere debeat, ne aut favoris gratia, aut cuiuscumque muneris cupiditate illicita vero debeat, ut indignum, & minus idoneum ad sacros gradus suscipiendos Episcopi manibus applicent, quod si fecerint, & illicite, qui indigne accessit, & illi, qui Spiritus Sancti donum vendere conati sunt, coram Deo condemnati Ecclesiastica Dignitate carebunt. Verba sunt Concilii Nannetensis can. xi. ex quo refertur hoc Decretum can. Quando, dist. xxiv.

Id confirmat Sacra Synodus Tridentina sess. xxiv. De Reformatione, cap. xviii. Caveantque (inquit) ne quidquam prorsus occasione hujus Examinis, nec ante, nec post accipiant: alioquin Simoniæ vitium tam ipsi, quam alii dantes incurrant, a qua absolvi nequeant, nisi dimissis Beneficiis, quæ quomodocumque antea obtinebant, & ad alia impossitum inhabiles reddantur.

Et Concilium Mediolanense v. p. 111. tit. De Examinandi Ratione: Nec vero item, qui Examinatores adsciscuntur, Examinis occasione unquam quicquam, ne esculenta quidem, poculentare capiant: Qui contra fecerit, cum indignus deinceps censeatur, qui id muneris gerat, tum alia pœna arbitrio Episcopi afficiatur.

R E G U L A III.

Episcoporum Notarii pro Litteris dimissoriis, aut testimonialibus Ordinum susceptorum, aut Beneficiorum Provisionibus, &c. nihil exigere possunt, nisi forte pro charta, & labore moderatum stipendium ipsi ab Episcopo secundum Synodi Tridentinæ Decreta constitutum. Contraria siquæ sit consuetudo. Simoniæ & Paravitati favet.

Hanc Regulam firmat S. Gregorius, in Synodo Romana, ex qua refertur can. Sicut, causa 1. qu. 11. „ Antiquorum Patrum (inquit) Regulam sequens, nulli quicquam de Ordinationibus accipiendum esse constituto, neque ex traditione pallii, neque ex traditione chartarum, &c. „ Quia enim in ordinando Episcopo Pontifex manum imponit, Evangelium, cam vero lectionem Minister legit, Confirmationis autem ejus Epistolam, Notarius scribit; sicut Pontificem non decet manum, quam imponit, vendere, ita Minister, vel Notarius ejus non debet in Ordinatione ejus vocem, vel calamum venundare. Ex quibus prædictis rebus si quis aliquid commodi appellatione exigere, vel petere forte præsumperit, in districto Dei omnipotentis examine reatui subiacebit.

Eadem verba sub Urbani II. in Concilio Melphitano nomine referuntur can. Nullus causa 1. quæst. 11. nec multum immutata leguntur in Synodo Romana sub Gregorii VII. ex qua referuntur cap. In ordinando, Ext. De Simonia.

Concilium Valentinum auctoritate Guillelmi Sabinensis Episcopi Sedis Apostolicæ Legati in Hispania celebratum sub Joanne XXII. Pontificatu, tit. De Simonia, ita ea de re decernit: „ Ordinati, si post receptionem Ordinis pro scriptura, labore, charta; & cera aliquid offerre voluerint, hoc accipi minime prohibetur: Ita tamen, quod hæc gratuita oblatio summam, quinque Marabetinorum usualis monetæ aliquatenus non excedat; A pau-

„ pauperibus autem, aut nihil, aut minus accipiat pro prædictis .: Nec No-
 „ tarius, seu scriptor quicquam nisi moderatum exigit pro Collationis litte-
 „ ra, & sigillo.

Conc. Trid.
 Decretum
 de Notariis
 Episcoporum
 et
 Notariorum.

Concilium denique Tridentinum, sess. xxi. *De Reformatione*, cap. 1. an-
 „ tiquorum Patrum exempla servari, & Decreta in usu esse optavit, lauda-
 „ bilem consuetudinem vocans, cum Notarii nihil acciperent, sed ejus pro
 „ Officio exercendo salarium constitutum esset, vel e publico, vel ab Episcopo ni-
 „ hilque supra decimam aurei partem, nequidem gratis oblatum pro litteris dimis-
 „ soriis, aut testimonialibus accipere eis quovis prætextu permittit. Notarii ve-
 „ ro in iis tantum locis, in quibus non viget laudabilis consuetudo nihil ac-
 „ cipiendi, pro singulis litteris dimissoriis, aut testimonialibus decimam
 „ tantum unius aurei partem accipere possint, dummodo eis nullum sala-
 „ rium sit constitutum pro officio exercendo: nec Episcopo ex Notarii
 „ commodis aliquod emolumentum ex eisdem Ordinum collationibus dire-
 „ ctæ vel indirecte provenire possit. Tunc enim gratis operam suam eos
 „ omnino præstare teneri decernit; contrarias taxas, ac statuta, & con-
 „ suetudines etiam immemorabiles quorumcumque locorum, quæ potius
 „ abusus, & corruptela simoniacæ pravitati faventes nuncupari possunt,
 „ penitus cassando, & interdicens: & qui secus fecerint, tam dantes,
 „ quam accipientes, ultra divinam ultionem, pœnas a Jure inflatas ipso
 „ facto incurrant.

Idem lege civili in Galliis constitutum est, Ediçti Blesensis Art. xx.

R E G U L A I V.

*Nulla Statuta, aut Consuetudines a Simoniaca Pravitate purgant, quæ in In-
 „ stitutionibus, Collationibus, Confirmationibus, vel aliis Provisionibus, aut ad-
 „ missionibus ad possessionem Beneficiorum exiguntur.*

Hæc Regula nititur Canone Concilii Lateranensis sub *Innocentio III.* ex
 „ quo refertur cap. *Sicut Ext. De simonia*, cuius hæc sunt verba: „ Sicut
 „ pro certo didicimus, in plerisque locis, a plerisque personis, quali co-
 „ lumbas templi vendentibus, sunt exactiones, & extorsiones turpes, &
 „ prævæ pro Consecrationibus Episcoporum, Benedictionibus Abbatum, &
 „ Ordinibus Clericorum; etque taxatum quantum sit illi, vel illi, quan-
 „ tuncumve alteri, vel alii persolvendum: & ad cumulum majoris da-
 „ mnationis quidam cupiditatem, & pravitatem hujusmodi nitentur defen-
 „ dere per consuetudinem longo tempore observatam. Tantum igitur abolere
 „ volentes abusum, consuetudinem hujusmodi, quæ magis dicenda est cor-
 „ ruptela, penitus reprobamus, similiter statuantes, ut pro his, sive con-
 „ ferendis, sive collatis, nemo aliquid quocumque prætextu exigere, aut
 „ extorquere præsumat.

Simile Decretum ediderat antèrius Concilium Lateranense sub *Alexandro
 III.* ex quo refertur cap. *Cum in Ecclesia*, Ext. *De simonia*, cuius hæc sunt
 „ verba: „ Horribile nimis est, quod in quibusdam Ecclesiis locum venali-
 „ tas perhibetur habere: Ita ut pro Episcopis, vel Abbatibus, vel quibus-
 „ cumque Personis Ecclesiasticis in Sedem, seu introducendis Presbyteris in
 „ Ecclesiam .: seu aliis Sacramentis, aliquid requiratur. Putant autem
 „ plures ex hoc licere, quia legem mortis de longa invaluisse consuetudine
 „ arbitrantur; non attendentes, quod tanto graviora sunt crimina, quanto
 „ diutius infelicem animam tenuerunt allicitam: Ne igitur hæc de cetero
 „ fiant, vel pro Personis Ecclesiasticis deducendi in Sedem, vel Sacerdotibus in-
 „ stituendis .: seu aliis Sacramentis conferendis, seu collatis aliquid exigatur,

„ districte

„ districtius prohibemus. Si quis autem contra hoc venire præsumperit
 „ portionem cum Giezi se noverit habiturum.

„ Rursum Innocentius III. cap. In tantum, Ext. De Simonia. Cantuariensi Archiepiscopo scribit, ut *Pravam illam consuetudinem de sua Provincia studeat abolere, per quam pro Ecclesiarum Investitura Archidiaconi marcam argenti, minores vero Decani vaccam albam sibi dari possulant, vel certam solvi pecunie quantitatem.*

„ Eandem Regulam confirmat Sacra Synodus Tridentina sess. xxiv. De Reformatione, cap. xiv. „ In pluribus (inquit) Ecclesiis, tam Cathedralibus, „ quam Collegiatis, & Parochialibus, ex earum Constitutionibus, aut ex „ prava consuetudine observari intelligitur, ut in electione, præsentatione, nominatione, institutione, confirmatione, collatione, vel alia „ provisione sive admissione ad possessionem alicujus Cathedralis Ecclesiæ, „ vel Beneficii Canonicatum, aut Præbendarum, vel partem proventuum, „ seu ad distributiones quotidianas, certæ conditiones, seu deductiones ex „ fructibus, solutiones, promissiones, compositionesve illicitæ, aut etiam, „ quæ in aliquibus Ecclesiis dicuntur Turnorum lucra, interponantur; Hæc „ cum S. Synodus detestetur, mandat Episcopis, ut quæcumque hujusmodi „ in usus pios, non convertuntur, atque ingressus eos, qui simoniacæ labis, „ aut sordidæ avaritiæ suspicionem habent, fieri non permittant; Ipsique „ diligenter de eorum Constitutionibus, sive Consuetudinibus super prædictis cognoscant, & illis tantum, quas ut laudabiles probaverint, exceptis, „ reliquis ut pravas, ac scandalosas rejiciant, & aboleant. Eos vero, qui „ adversus hæc in præsentis Decreto comprehensa, quavis ratione commiserint, penis contra Simoniacos editis, Sacris Canonibus, & variis Summorum Pontificum Constitutionibus, quas omnes innovat, teneri decernit: „ Non obstantibus quibuscumque Statutis, Constitutionibus, Consuetudinibus etiam immemorabilibus, etiam Apostolica auctoritate confirmatis: De „ quorum surreptione, obreptione, & intentionis defectu Episcopus tanquam „ Apostolicæ Sedis Delegatus, cognoscere possit.

„ Et Concilium Rhemense anno MDLXXXIII. Rerum exactio, *quæ pro Canoniceorum, & aliorum Beneficiariorum ingressu in plerisque locis suspicionem Simonie, vel sordidæ avaritiæ non caret fieri nullo modo permittatur: Quamvis laudabiles consuetudines in Concilio Tridentino non damnatas approbemus eorum, quæ in pios usus conferre solent.*

R E G U L A V.

Fundatio, vel dotatio Canoniciatus, alteriusve Beneficii a Clerico, eo pacto, ut illud sibi conferatur, vel ut illud cum altero Beneficio sibi permutare liceat, simoniaca est.

Hæc Regula nititur cap. Tua nos, Ext. De Simonia, quod Innoc. III. Responsum est Decano Belvacensi datum: „ Si quis Clericus (inquit) „ cum conditione, vel pacto largiatur, aut offerat bona sua, ut illa postmodum pro Præbenda retineat, & in Canonicum admittatur: hujusmodi oblatio, vel receptio fieri non poterit sine vitio Simonie: cum in talibus „ omnis pactio, aut conventio cessare debeat; juxta Canonicas Sanctiones. „ Si vero pure, ac sine pacto, vel conditione qualibet offerat, rogans humiliter, ut in Canonicum admittatur, & bona sua retinere sibi liceat pro Præbenda & Clerici ejusdem Ecclesiæ pure consentiant, hujusmodi receptio fieri poterit absque scrupulo simoniacæ pravitatis. Licet autem taliter „ duximus respondendum, quia nobis datum est de manifestis tantummodo „ judica-

„ iudicare. Si tamen is, qui talem donationem facit ea intentione ducatur ;
 „ ut per temporalia bona, quæ offert, spiritualia valeat adipisci : & Cleri-
 „ ci, qui eum in fratrem admittunt, non essent eum, nisi commoda tem-
 „ poralia perciperent, admissuri : sine dubio tam ille, quam isti, apud distri-
 „ ctum Iudicem, qui scrutator est cordium, & cognitor secretorum, cul-
 „ pabiles iudicantur.

R E G U L A VI.

Simonie reus est quisquis confert alteri Beneficium ea conditione, vel pacto, ut ille sibi, aut alteri aliud Beneficium conferat.

HÆc Regula nicitur cap. *Questum*, quo Responsum est Urbani III. Ext. *De Rerum Permutatione*, quo Beneficiorum, quæ privata auctoritate fiunt, permutationes pactione præmissa, velut simoniacæ damnatur. *Generaliter itaque teneas (inquit) quod commutationes Præbendarum de Jure fieri non possunt, præsertim pactione præmissa, quæ circa spiritualia, vel connexa spiritualibus labem semper continet Simonie.*

Et cap. *Pactiones*, Ext. *De Pactionibus*, quod est Gregorii IX. *Pactiones factæ a vobis pro quibusdam spiritualibus obtinendis: cum in huiusmodi omnis pactio, omnisque conventio debeat omnino cessare, nullius penitus sunt momenti.*

Et Concilii Rhemensis a Gregorio XIII. approbati Decreto, cuius hæc sunt verba: *Si quis aliud Beneficium in compensationem solutionis etiam alteri conferendum exigat, vel aliam quamlibet pactionem a Sede Romana non approbatam fecerit, simoniacus esse censetur.*

Hinc S. Thomas, 2. 2. quæstione centesima, ait. 1. ad v. *Nomine (inquit) emptionis, & venditionis intelligitur omnis contractus non gratuitus. Unde nec permutatio Præbendarum, vel Ecclesiasticorum Beneficiorum fieri potest auctoritate partium absque periculo Simonie, sicut nec transactio, ut jura determinant.* Et in iv. *Sententiarum*, dist. xxv. qu. III. art. III. ad viii. *In permutatione (inquit) est Simonia, si pro aliquo terreno commodo utriusque, vel alterius, talis commutatio fiat.*

R E G U L A VII.

Simonie rei sunt, qui dum Beneficium resignant sub annuæ Pensionis onere, de illa ipsa Pensione redimenda paciscuntur, vel etiam extinguunt conferendo, aut procurando Beneficium Ecclesiasticum.

CUM enim Pensiones rei cuiusdam temporalis naturam induant, utpote quæ cum licentia Summi Pontificis redimi possunt : & cum Pensionis extinctio sit commodum temporale illius, qui ad ejus solutionem tenetur ; pactio de Pensione redimenda in Benefici Resignatione sub Pensionis onere interveniens, aut Conventio de Beneficio conferendo, aut procurando cum pacto, & conditione expressa, vel tacita, ut Pensio extincta maneat, æquivaleret pacto, aut conventioni de re spirituali conferenda pro temporali.

Resignatio-
nes Simo-
niacæ.

Quamobrem Concilium Rothomagensis anno MDLXXXI. tit. *De Episcoporum Officiis*, §. 17. ita statuit : „ Resignationes quorumcumque Beneficiorum,
 „ cum retentione fructuum vel pensione, quæ postea ab his, qui Resigna-
 „ tiones illas acceptaverint, præsertim pretio, sine Sedis Apostolicæ aucto-
 „ ritate redimuntur, pro simoniaci habendas judicamus. Præterquam enim,
 „ quod mentalem saltem Simoniam, aut etiam pactum illicitum antecessit
 „ frequentius apprehenditur, experientia docet hoc unum esse velamen ad
 „ contegendam Simonie turpitudinem, & malitiam.

R E G U L A VIII.

Pensiones quælibet absque Sedis Apostolicæ Auctoritate super Beneficiis constitutæ ab iis, qui ipsa resignant, simoniacæ censentur.

Hanc Regulam tradit Concilium Rothomagense mox laudatum. Omnes (inquit) *Pensiones, pactiones super Beneficiis, in quibus non intervenit Sedis apostolicæ Approbatio, illicitas, & simoniacas declaramus.*

Et Concilium Rhemense anno MDLXXXIII. „ Si quis Beneficium propter „ obsequium, vel impensæ servitutis mercedem conferat, vel de retinenda „ Pensione sibi, vel alteri paciscatur : vel aliam quamlibet pactionem a „ Sede Romana non approbatam fecerit, simoniacus esse censeatur.

Solus autem Resignationis titulus non est ratio legitima, & canonica Pensionis imponendæ, ut superius a nobis probatum est: quia Beneficiarius post renunciationem nihil juris habet, vel ad minimam partem fructuum Beneficii, quod dimittit: ipsa vero renunciatione nullum jus ad fructus acquirit. Tenetur enim vel rite ministrare, ut fructibus potiatur; vel si Beneficio cedere velit, gratis cedere tenetur, nisi titulum proferat aliquem, quo portionem fructuum retinere possit, puta paupertatem, nimiumque dispendium ex renunciatione proveniens, quia scilicet, nec aliunde ex Ecclesiæ bonis, neque ex patrimonio proventum habet, qui ad honestam sustentationem sufficiat. Si vero nullum hujusmodi titulum vere proferre possit, & tamen fructuum partem sibi securam velit, vel pro pretio Beneficii id deposcit, est Simoniacus coram Deo, etiamsi Pontificiam Dispensationem obreptitæ impetratam ostendat.

R E G U L A IX.

Resignationes incognitis, & obscuris hominibus factæ, de Simonia vehementer suspectæ sunt, nec ab Ordinario facile admitti debent.

Hanc Regulam tradit idem Concilium Rothomagense. „ Resignationes „ (inquit factæ prius incognitis, aut his, quos nulla virtus, aut singularis eruditio, aut alia honesta causa commendat, suspectæ de Simonia „ redduntur, præsertim si quid illicite actum fama proclamet. Tales igitur „ Resignationes non debent ab Ordinario absque purgatione canonica, ex „ Decreto Innocentii III. renovato, cum de Canonicis Cathedralium Ecclesiarum tractatum est, admitti.

Innoc. III.
cap. Quoties
& cap. Inter
solicitudines,
Ext. De
purgatione
Canonica.
Resignationes
Simoniacæ.

R E G U L A X.

„ **S**imoniæ reus est, qui Beneficium resignat ea conditione, ut Resignatarius emat bona, vel immobilia, vel mobilia, eo præsertim pretio „ quod ipse ultra legitimam æstimationem præfixerit: vel ea lege, ut expensas restituat, quas ad instaurandas, vel amplificandas Edes Sacerdotales fecit. Eiusdem criminis reus est, qui ea pactione, & conditione „ Beneficium obtinet.

R E G U L A XI.

„ **S**imoniæ rei sunt, qui mutuo dant pecuniam, aut locant ædes, aut prius „ mutuo datum, commodatum, locatum, aut quomodocumque debitum „ remittunt, aut relaxant, ea conditione, & pactione, tacita, vel expressa, vel ea intentione, ut ipsis Beneficium conferatur: vel qui Beneficium „ accipiunt, pacto expresso, vel tacito debitum proprium, vel alienum „ remittunt.

„ remittendi. Idemque iudicium esto de illis, qui simili conditione, vel intentione Beneficium conferunt, aut procurant.

R E G U L A XII.

Simoniæ rei sunt Clerici, qui Clericalis Status pertæsi, ad nuptias convolant, & beneficia sua future conjugis fratri, aut nepoti resignant, aut conferri procurant, eo pacto expresso, aut tacito, ut puellæ dos augeatur. Simoniacus pariter est, qui confert alicui Beneficium, aut resignat, ut soror, vel neptis ejus fratri, vel nepoti Collatoris, aut Resignantis nubat.

Resignationes
Simoniæ.

IN casibus enim, qui proximis tribus Regulis exponuntur, vel pecunia, vel commodum aliquod temporale pretio æstimandum, pro re spirituali promittitur, datur, recipitur: nec gratis datur beneficium, sed sub pacto oneroso, quod cedit in temporalem Conferentis, aut Resignantis utilitatem: quod ad Simoniacam nundinationem pertinere minime dubium est. Hinc Mediolanense Concilium 1. sub *S. Carolo*, in juramento ad purgandam Simoniæ Beneficiariis præscripto, nullos ex istis casibus complectitur. Neminem (inquit) vel præsentatum, vel nominatum, vel electum, vel ab inferioribus provisum prius admittant, aut instituunt Episcopi, quam infra scriptum iusjurandum ab eo exegerint: Ego Præsentatus, vel Electus, &c. ad Beneficium N. iuro per Sacrosancta Dei Evangelia, quæ meis manibus tango, neque me Beneficii obtinendi causa, aut ut ad id præsentarer, vel nominarer, &c. neque quemquam alium meo nomine, aut consentiente, vel sciente me, quidquam Collateri, Patrono, seu alii cuiquam ea de causa promississe, aut dedisse, aut compensasse, vel prius datum confirmasse, vel apud quemquam deposuisse: neque mutuo dedisse, vel locasse; vel prius mutuo datum, commodatum, locatum, aut quocumque modo debitum remississe, aut relaxasse: nec de domibus; terris; prædiis, redditibus ejus Ecclesiæ, fructibusve, decimis, aut Oblationibus ejusdem præteritis, presentibus, aut futuris, donationem, remissionem, locationemve fecisse, promississe, aut iniussisse, aut alium mandante, vel consentiente me promississe, fecisse, aut iniussisse. Ita me Deus adjuvet, & hæc Sancta Dei Evangelia.

R E G U L A XIII.

Simoniæ reus est Patronus, qui aliquem ad Beneficium præsentat ea lege, ut Decimas a se, vel ab alio non exigit.

Simoniæ Patronorum.

HÆC Regula nititur cap. *Veniens*, quod est *Alexandri III.* Responsum, Ext. *De Testibus*, & *Attestationibus*, quo Simoniæ damnatur Presbyter, Qui promiserat unicuique Parochianorum quinque barilos vini remittere, qui Sacerdoti ibi pro tempore servienti consueverant pro Beneficio dari.

R E G U L A XIV.

Simoniæ rei sunt, qui renuntiant liti super beneficio, aliquod temporale, etiam expensarum nomine exigentes: aut qui resignant beneficium, cum onere restituendi expensas, quas in eo acquirendo fecerunt.

Simoniæ liti
dubie super
Beneficio
renuntian-
tis.

NITITUR hæc Regula cap. *Cum pridem*, Ext. *De pactis*, quod est *Alexandri III.* Responsum. Cum Clericus (inquit) & Monachi pro causa, quæ inter eos vertebatur super Ecclesiâ, & Capella ad nostram præsentiam accessissent, inter se convenerunt, quod eidem Clerico pro expensis quas fecerat, tres marchæ argenti solverentur, & idem liti cederet. Cunque compositionem ipsam

*Jam auctoritate Apostolica peterent confirmari. Nos eam non duximus admit-
tendam, pro eo quod videbatur pravam illicite passionis speciem continere.*

Certe Simonia est pecunia parere sibi viam ad rem spirituales obtinendam (in-
quit S. Thomas, 2. 2. quæstione centesima, art. 11. ad v.) Ille porro, cui
resignatur beneficium cum onere restituendi expensas in ejus acquisitione fa-
ctas, pecunia parat sibi viam ad beneficium obtinendum; si quidem ipsi be-
neficium non resignaretur, nisi pecuniam daret: Simoniæ itaque reus est.

R E G U L A XV.

*Simoniam incurrunt, qui ex pacto ad finiendam litem 'dubiam ob aliquod be-
neficium intentatam, dant, vel accipiunt pecuniam, aut aliquod pretio æsti-
mandum. Ejusdem sunt criminis rei, qui de quocumque spirituali jure transigunt.*

ITa declaravit Alexander III. cap. Super eo, Ext. De Transactionibus, cujus
hæc sunt verba: Super eo, quod quæsisisti, Utrum de Ecclesiastico beneficio
in litigium deducto possit fieri transactio: tale damus Responsum, Quod transigi
super re sacra, & litigiosa non potest. Etenim res sacre, ut possideantur aliquo
dato, vel retento, sive promisso, speciem credimus habere Simoniæ.

Idem confirmatur ex cap. Constitutus, eodem Titulo, quod ejusdem Pon-
tificis Resp. est. Constitutus (inquit) in nostra præsentia G. Clericus sua no-
bis assertionem monstravit, quod cum inter ipsum, & A. Clericum super Capella
de Stratis controversia emerisset, tandem per transactionem sopita fuit: & licet
hinc inde fide præstita firmata fuisset, eam tamen præfatus A. servare recusat.
Quia igitur hujusmodi transactiones speciem continent Simoniæ, mandamus; qua-
tenus revocata transactione in irritum, causam audiat.

Idem confirmatur ex cap. Præterea, eodem Decretalium Titulo Monaste-
rium quoddam, seu Cella eximi voluit a subjectione, qua Ecclesiæ Matri-
ci, sive Principali Domui tenebatur. Oblato libello, & lite contestata, Fra-
tres illius Monasterii confessi sunt se olim Ecclesiæ Matrici fuisse subiectos,
& quæstionem de hac subjectione olim motam, & transactione sopitam
fuisse, Eatenus (ut quendam annuum censum Ecclesiæ Matrici reddendo, es-
sent a subjectione Principalis Domus exempti. Prior pro Majori Ecclesia pro-
ponebat, Quod de spirituali subjectione transigere non liceret. Resp. Celestinus
III. ferendam contra Fratres Sententiam: & nulla habita ratione transa-
ctionis, Cellam Ecclesiæ Matricis, sive Principali Domui subiectam mane-
re debere: Cum illa transactio iniquitatem simoniacam continuisse putetur.

R E G U L A XVI.

*Simonia est, redimendæ vexationis specie, pecunias dare ut removeantur impe-
dimenta, quibus aliquis prohibetur, aut retardatur a consecutione beneficii,
in quo nullum jus habet. Postquam vero jus acquisitum est, licet per pecu-
niam injusta impedimenta remove.*

PRimum hujus Regulæ Propositionem firmavit auctoritate sua Lucius III. cap.
Mattheus, Ext. De Simonia, cujus hæc sunt verba: Cum fuisset ad Ecclesiæ
tuæ regimen de voluntate majoris partis Fratrum electus, paucis tibi contradicenti-
bus: quidam amicus tuus de conscientia tua, & voluntate turbata, ei, qui magister
discordiæ videbatur, certæ quantitatis munus exsolvit, & sic contradicte conque-
vit: Nunc autem dubitas, quod non sis a labe Simoniæ prorsus immunis, do-
nec in Administratione volueris renanere. Quia igitur consilium requisisti, quid
tibi sit faciendum: Respondemus, quod tibi multum consulis, si Administra-
tionem celeriter, ac sponte dimittas, illius verbi memor existens: Nihil pro-

Pecuniam
dare vexa-
tionis redi-
mendæ cau-
sa non licet
nisi illi, qui
jus acqui-
situm, & in-
dubitatum
habet ad Be-
neficium
Matt. 16. 27.
desß

Alias specie
redimendæ
vexationis
pecuniam
dare, vel
offerre Si-
monia est.

dest homini, si universum Mundum lucretur, Anima vero suæ detrimentum patiat: Neque vero, merum consilium hic dari putes, ut cedat beneficio, vel Ecclesiasticæ Dignitati, aut Muneri, qui pecuniam dedit, aut dari consensit antequam per Institutionem Canonicam, aut Confirmationem jus in eo haberet, quia Pontifex utitur eo verbo, *Consulis*. Ideo enim eo usus est (ut observat Glossa.) Quia peccatum occultum erat, unde illum expresse non poterat prohibere, nisi consulendo. Et licet dicatur, Consulis, necessitatem tamen importat, si vult salvari, quia nisi renunciet, salvari non potest.

Idem confirmat S. Thomas simul & secundam Regulæ Propositionem, 2. quæst. c. art. 11. ad v. Antequam (inquit) alicui acquiratur jus in Episcopatu, vel quacumque Dignitate, vel Præbenda, per electionem, vel provisionem, seu collationem, Simoniacum esset adversantium obstacula pecuniæ redimere: sic enim per pecuniam pararet sibi viam ad rem spirituales obtinendam. Sed postquam jus alicui jam acquisitum est, licet per pecuniam injustam impedimenta removere. Quamobrem Jacob non peccasse respondet, cum primogeniti jura emisse visus est ab Esau, quamvis ille peccaverit vendens: Quia Jus primogenituræ debebatur Jacob ex divina electione, & suam vexationem redemisse intelligitur.

Iustam ve-
xationem
redimere
non licet.

Et in iv. Sententiarum, dist. xxv. qu. 111. art. 11. quæst. 1. ad septimum: Si (inquit) non est sibi acquisitum jus per electionem, nullo modo potest pecuniam dare adversario, ut desistat: Si autem est ei acquisitum jus, potest aliquid dare, non ut pretium Prælationis, sed ut redemptionem vexationis propriæ. Iustam tamen vexationem redimere non licet, ut si iuste accusaretur, (inquit S. Antoninus p. 11. tit. 1. cap. iv. §. 11.) Idem docet S. Raymundus Lib. 1. tit. 1. De Simonia, §. 20.

Ad restitu-
tionem ten-
etur, qui
pecuniam
accepit, ut
ab injusta
vexatione
desisteret.

Quod autem ad redimendam injustam vexationem pecuniam dare possit, qui certum Jus habet in Beneficio, abque Simonia nota, imo abque peccato: sed tamen injuste recipiat ille, qui vexat, adeoque ad restitutionem teneatur, maxime si a vexatione non desisterit etiam accepta pecunia, colligitur ex cap. Dilectus filius, 1. Ext. De Simonia, quod est Cælestini III. Resp. Dilectus filius R. Præpositus Nobis exposuit, quod cum Eboracensis Archidiaconus cum multis gravaminibus afficere non cessaret, promisit ei certam quantitatem pecuniæ se daturum, ut ab ipsius desisteret lesione: verum dictus Archidiaconus post receptionem pecuniæ, super Dignitatibus & Beneficiis ejus, ab ejus molestia non quievit. Ideoque Discretionis vestræ mandamus, quatenus si res ita se habet, Archidiaconum restituere, quod accepit, (si eum contra promissionem suam venisse constiterit) compellatis. Verba parenthesi inclusa sic Glossa exponit, ut supplendum sit, Maxime: Quia si constiterit, quod injuste acceperit, compelleretur ad restituendum, & crimine concussionis puniretur.

Ad Iustam
vexationem
hac in ma-
teria redi-
mendam,
obtinendus
Episcopi
consensus.

In hac denique redimendæ vexationis specie observare convenit Regulam a Concilio Mediolanensi 1. sub S. Carolo Borromeo traditam, tit. Quæ pertinent ad Collationem Beneficiorum; Ne (inquit) redimendæ vexationis specie in causis Beneficiorum Simoniacæ passionibus intercedant, nemini licere volumus ad redimendam vexationem, ne in casibus quidem iure permissis, pecuniam dare, quicquamve pacisci, aut transigere; nisi Episcopi consensus accesserit, cujus partes erunt, & perspicere diligenter an subsit aliqua fraus; & ubi rem fraude carere, & iure permissam esse cognoverit, non denegare ei, qui petierit, facultatem se a vexatione liberandi. Qui contra quam decretum a Nobis est, fecerit, Episcopi arbitrio plectatur, & quod actum fuerit, irritum sit, ac nullum.

R E G U L A XVII.

Litigantes super alicujus beneficii possessorio inter se convenire absque Simonia non possunt, ut pacis causa Beneficium alter, Pensionem alter super Beneficio habeat.

Hujusmodi enim Pensiones sedandæ litis causa tunc solum tolerantur, & a simoniæ labe sunt immunes, quando constituuntur, *Non ex pactione partium, sed ex jussione Judicum, pro bono pacis, & utilitatis*, (non privatorum, sed Ecclesiæ;) illisque non beneficium, sed persona beneficiarii manet onerata, ita ut defuncto beneficiario, Successor ipsius ad solutionem Pensionis minime teneatur. Nec Judices quoscunque, sed Arbitros duntaxat in quos compromissum est, id posse decernere, Jus Canonicum docet: alioqui enim judicare præter Jus non possunt, sed causa diligenter discussa, beneficium adjudicare debent illi, qui jus habent, absque ulla prorsus immutatione. Nec vero sic ab Arbitris constitutam Pensionem Sedes Apostolica simpliciter probat: quia per se *valde suspecta est propter exempli perniciosum*; sed *tolerat*, (ut respondet *Innocentius III.* Ext. De Præbendis, cap. *Nisi essent.*)

Collitigantium super Beneficii possessorio Conventio- nes Simoniæ.

Præterea jus illud, quo litigantium alter collitiganti cedit, vel est certum, vel incertum, aut nullum est: Si certum, ad hujusmodi Juris, quod spirituale est, siquidem per se beneficii titulum respicit, cessionem promitti, darivo non potest Pensio, quæ res temporalis est, abique Simoniæ nota: si Jus dubium, aut nullum est, qui juri illi cedit, & pro illius cessione Pensionem percipit, furti reus est, & nihilominus simoniacus, quia rem spiritua-lem, scilicet beneficium, aut præsumptivum Jus ad illud nundinatur.

Simoniæ pariter rei sunt collitigantes, quorum alter dubio, & quod in lite veniatur jure ad Beneficium cedit, ea conditione, ut alterum beneficium ipsi conferat collitigator.

R E G U L A XVIII.

Testimum Simoniæ genus est Confidentia, seu fiduciaria conventio tacita, vel expressa, ut qui Beneficium recipit, illud ipsum post hac in aliam certam personam transferat, aut Beneficii fructus, vel partem fructuum ab alio percipiat.

Ad illud Simoniæ genus extirpandum *Pius IV.* Constitutionem edidit, quæ incipit, *Romanum Pontificem*, & *S. Pio V.* alteram, quæ incipit, *Intolerabilis*: quæ decernit, „ Ut si quis quacunque auctoritate, Ecclesiam, „ vel Monasterium, aut aliud beneficium Ecclesiasticum qualecunque ex „ resignatione, vel cessione cujuscumque personæ, simpliciter, aut cum cir- „ cuita retrocessionis, cum regressu, vel accessu, etiam sola dimittentis in- „ tentione receperit, ut illa, vel illud etiam in eventum regressus, vel ac- „ cessus, eidem dimittantur, vel alteri postea conferantur; aut illius fru- „ ctus, vel eorum pars alii, vel aliis concedantur, vel Pensiones solvan- „ tur ex eisdem, hæc Confidentia censeatur.

„ Item, Si Ordinarius, vel alius Collator contulerit ante hac, aut con- „ ferat in futurum beneficium Ecclesiasticum quovis modo vacans, ea con- „ ditione tacita, vel expressa, ut postea in alterum pro arbitrio Collatoris, „ seu alterius cujuscumque contra Juris communis ordinationem disponatur, „ sive ut de eo provisus, fructus illius, vel partem ad utilitatem, vel libi- „ tum conferentis, vel decedentis, aut alterius relinquat, & remittat, seu „ pensionem illi, vel illis, quem, vel quos idem Collator, aut cedens, aut

Fiduciaria! Conventio- nis, seu Con- fidentia pe- nis.

Nat. Alex. Theol. Tom. II.

Vu

„ alius,

„ alius, per se, vel alium, scripto, aut verbo iusserit, seu significaverit
 „ persolvat; & pariter si a Patrono etiam Laico, vel altero presentato-
 „ re, seu electore contigerit, aut contingat id fieri.

„ Item, Si Clericus post Resignationem alicujus extranei, de Ecclesia, Mo-
 „ nasterio, vel alio beneficio Ecclesiastico in se, Apostolica, vel alia aucto-
 „ ritate factam, & admissam, illam, vel illud, etiam confectis Litteris Apo-
 „ stolicis, & possessione apprehensa, in eundem Resignantem, vel Cedentem,
 „ modico spatio interjecto, veluti duorum, vel trium mensium retroces-
 „ serit, aut retrocedat in futurum, & ex illa retrocessione fructus Ecclesie, seu
 „ Monasterii, aut Beneficii, vel eorum pars, seu pensio seu quid aliud super his
 „ reservatum; aut regressus, seu accessus, & ingressus ad illam, vel illud,
 „ ipsi Clerico sit, fueritve concessus.

„ Postremo, Si quis crimine aliquo absolutus, aut eum, quod super Irregu-
 „ laritate dispensatum est, denuo receperit quacumque auctoritate Ecclesiam,
 „ Monasterium, vel aliud beneficium Ecclesiasticum, quod ante, vel post
 „ commissum delictum, aut contractam Irregularitatem dimiserit.

Præsumptio-
 nes, & con-
 jecturæ, ex
 quibus pro-
 batur in foro
 exteriori.

Plures autem præsumptiones, & conjecturas præfert S. Pius V. ex quibus
 vult probatum haberi, & judicari in externo foro fiduciarie mancipatio-
 nis beneficiorum abusum. Videlicet;

*Si quis post cessam ab se Ecclesiam, vel Monasterium aut beneficium, & publi-
 catam Resignationem, seu Cessionem, captamque a Successore possessionem, sese in
 illa, vel illo, seu rebus illius, per se, vel alium, seu alios, de facto inegerit,
 aut fructus perceperit; aut quicumque Successor illi, vel ejus propinquis, ipsos,
 aut partem aliquam remiserit eorumdem.*

*Si recipiens beneficium constituerit dimittentem, vel ejus parentes, aut propin-
 quos, procuratores ad percipiendum, vel locandum fructus Beneficii dimissi, & illi,
 vel illis de fructibus perceptis, aut percipiendis donationem fecerit.*

*Si vel sola Procuratoris depositione, vel libris rationalibus Mensariorum, ex
 parte dimittentis, Expeditio, quæ personam recipientis concernit, prosecuta sit,
 simulque expensæ pro ea necessarie ab illo factæ fuerint.*

*Denique si quis pro concessione alicui facta, quacumque auctoritate, de Beneficio Ec-
 clesiastico, per se, vel alium, seu alios intercesserit, vel alias in negotio concessio-
 nis se immiscuerit quouo modo, deinde aliquid de fructibus talis Beneficii de facto,
 etiam per manus possessoris, ac etiam simplicis donationis titulo perceperit, seu de
 illo postmodum ad voluntatem Intercessoris fuerit dispositum quandocumque.*

Illæ porro multiplices Simonie fiduciarie præsumptiones ad forum dunta-
 xat exterius referuntur. Unde si quis Beneficium recipiat ab eo, qui cum
 intentione, atque conditione fiduciaria, verbis expressa, sibi resignat; neque
 tamen verbo, nec animo, nec ipso facto annuat voluntati dimittentis, sed men-
 tem gerat a simoniaca illa fiducia omnino alienam, eoque duntaxat animo Be-
 neficium suscipiat, ne Resignans aperta in contrarium declaratione repulsus,
 alium quærat, inveniatque, qui pravæ illius voluntati præbeat assensum,
 reus ille non est Simonie fiduciarie. Neque contrarium colligi potest ex his ver-
 bis S. Pii V. in Constitutione contra Confidentiam Beneficentiam, *Etiamsi sola
 dimittentis intentione receperit, nec non ex illis, Conscientia tantum unius partis.*
 Id enim vult unum, ubi prava offerentis intentio perspecta fuerit, de pravo sus-
 cipientis affectu præsumendum esse in foro externo. Ceterum in foro interiori
 Penitentiae, præsumptione agendum non est, & judicandum, sed secundum
 Confessionem Penitentis, qui testis simul, & reus, & actor adversus seipsum
 est. Si tamen recipiens Beneficium fiduciarie Mangonis pravitati assensum præ-
 buit, aut se assentiri verbo, nutu, vel facto per se, vel per Interpretem, seu Media-
 torem significavit, quamvis non intendat exequi nefaria promissa, fiduciarie Si-
 monie

monia reus est, & in pœnas incurrit hac *S. Pii V.* Constitutione decretas, „ *O-* Confessio-
nariarum
pœnæ.
mnes scilicet, & singulos, qui Ecclesias, Monasteria, Beneficia, fructus,
pensionibus, aliasve res, intercedente hoc confidentiæ vitio receperunt, ac re-
tinent, etiam omnibus, & singulis aliis Ecclesiis, Monasteriis, Dignitatibus,
Administrationibus, Officiis, & Beneficiis obtentis, nec non fructibus, pen-
sionibus, & aliis Rebus Ecclesiasticis privatos, & ad futura inhabiles decernit:
& Excommunicationis Sententia percellit; a qua nullus, nisi in mortis arti-
culo constitutus, ab alio quam a Romano Pontifice Absolutionis beneficium
valeat obtinere. Collatio itaque fiduciaria Beneficii nulla est ipso jure, tene-
turque renunciare Beneficio, qui illud in confidentiam accepit, & fructus quos-
cumque de illo perceptos restituere. Sedi autem Apostolicæ reservatur sic va-
cantium Beneficiorum Collatio extra Galliam: in Galliis enim *S. Pii V.* Con-
stitutio, quod hoc caput, non est usu recepta, Collationemque Ordinariis, eti-
am hoc in casu præscripta consuetudo vindicat; & alioquin *Sixtus V.* Consti-
tutione *LXI.* quæ incipit, *Pastoralis*, Constitutiones *Pii IV.* & *S. Pii V.* quoad hoc
caput in gratiam hujus Regni moderatus est, & Beneficia occasione confidentiæ
vacantia, seu vacatura, ab Ordinariis Collatoribus libere conferri voluit, mo-
do criminis participes non sint.

Quamquam vero omnes hujus criminis rei, & conscii penis generalibus a Jure
communi in Simoniacos latis obnoxii sint: privatio tamen Beneficiorum omni-
um, & Pensionum, etiam Simoniacæ fiducia non quæstorum, & inhabilitas in
futurum perpetua, soli recipienti, non autem resignanti, aut conferenti infligitur:
& id quidem nisi statim ad se reversus, & resipiscens, celeri dimissione male-
parti Beneficii sibi prospexerit, ut decernit Sanctus idem Pontifex *Pius V.*

Adversus fiduciariam mancipationem Concilium Rotomagen-
se anno *MDLXXXI.* tit. *De Episcoporum Officiis*, §. 21. 22. & 23. sic decernit:
„ Non levius malum nostris temporibus, aut exortum, aut longius propagatum
„ Ecclesiam affligit, ac perdit, per aliorum Beneficiorum Circellarios afinos, &
„ custodes, qui Confidentarii vocantur, quorum nomine, ac ministerio viri
„ laici, ac mulieres hæreditate possident Sanctuarium Domini, ac profanant.
„ Tam illos custodes, quam eos, quorum cupiditati deserviunt, denunciari quo-
„ que in Pronao, & Concionibus pro Excommunicatis, & teneri ad Restitutio-
„ nem fructuum, atque eorundem hæredes, ex Bulla SS. Domini Nostri Papæ
„ *Pii V.* per omnes dies Dominicos jubemus. Quamvis autem sicut Simoniaci vix
„ detegi, ita Custodes illi vix latere possint, attamen a Confessariis in foro con-
„ scientiæ de his quoque volumus inquiri, & contentibus laicis viris, & mulie-
„ ribus se hujus Sacrilegii participes esse, minime Absolutionem dari, nec ad Com-
„ munionem admitti quocumque modo compertos, præterquam in mortis arti-
„ culo, nisi prius restituerint pro viribus fructus perceptos pauperibus, aut fabri-
„ cis Ecclesiarum, & a tanto crimine abstinerint, atque a Sanctissimo Roma-
„ no Pontifice Absolutionem obtinerint.

Eodem crimine tenentur, & eisdem penis subduntur omnes Patroni, sive
„ Ecclesiastici, sive Laici, qui colore Patronatus Beneficia Ecclesiastica in servi-
„ tutem redigunt, dum per suppositas Clericorum personas, aut ex pacto tacito,
„ vel expresso cum ipsis inito in Præsentatione suorum Beneficiorum, seu qua-
„ cumque arte, aut quocumque quæsito colore, jura, aut fructus eorundem, aut
„ partem ipsorum in usus proprios convertunt: Alii vero sine Jure Patronatus,
„ atque etiam sine ullo Titulario, aut per aliquem suppositum aliena beneficia
„ vi occupant, eorumque jura, aut fructus deprædantur: contra utroque præ-
„ dicto modo procedatur, qui etiam ex Decreto Concilii Tridentini dictis Pa-
„ tronatibus ipso jure privati existunt:

Quicumque vero Clerici tam nefandæ fraudis, & usurpationis fabricatores, seu:

consentientes, atque alieni sacrilegii fautores fuerint, ejusdem pœnis per Generalia Concilia, & Decreta Pontificum subjacent, nec non quibuscumque beneficiis privantur, & ad quaecumque beneficia inhabiles efficiuntur, atque a divinis Ordinibus suspensi, nec in foro conscientiae possunt absolvi, aut suorum Ordinum executioni per Ordinarium resisti, nisi post integram satisfactionem, & Absolutionem prædictam. Celebrantes vero in eo statu Irregularitatem super incurrunt, & multiplicem damnationem, tam in presenti quam in futuro seculo sibi acquirunt.

Concilium Rhemense anno MDLXXXIII. tit. De Simoniaciis, & Fiduciariis, easdem pœnas contra Fiduciarios beneficiorum Custodes decernit, sicque simoniacam fiduciam explicat. Quisquis (inquit) acceptat beneficium, ut ei postea cedat in favorem cujuscumque personæ capacis, vel incapacis, Sæcularis, vel Regularis, Laicæ, vel alicujus ex Clericis, fiduciarius esse censetur. Idemque est judicium de eo, qui per Resignationem ejus beneficium recipit, cujus prius erat illi facta promissio.

Qui eandem confidentiam verbo, vel facto javerit, vel procuraverit, ejusdem criminis particeps habetur.

Qui beneficium acceptat, non ut cedat, sed ut alius fructibus, vel eorum portione, sub ipsius nomine gaudeat, fiduciarius esse judicetur.

Patroni etiam, seu Ecclesiastici, seu Laici, qui Clericorum personas interponunt, ut ex pacto, vel expresso, vel tacito, fructus Beneficiorum, quæ presentent, vel eorum partem aliquam in proprios usus convertant: vel qui aliquo supposito, vel etiam nullo Titulario existente, fructus beneficiorum occupant, non solum hujus criminis rei, sed etiam injustissimi raptores censentur, & Jure Patronatus ipso facto privati exstant.

Ex his colligitur, Simoniacam, ac fiduciariam esse conventionem, qua Collator Beneficium insigne, & pingue confert Clerico, ob Gradus Academicos ipsi debitum, ea lege, ut eo cedat in manibus ejusdem Collatoris, tertiæ personæ conferendo; ipse vero Collator impleta conditione, Beneficium aliud minoris proventus illi Graduato conferat, qui Juribus suis cessit.

R E G U L A XIX.

Simonie fiduciariæ reus non est, qui Beneficio renunciat simpliciter, & absolute in manibus Collatoris, nullo pacto inito, nulla promissione ab ipso, per se, aut per Mediatorem exacta, & facta: quamvis confidat, & speret, Collatorem idem Beneficium collaturum illi, quem ad illud promoveri desiderat, aut supplicat; vel Patronum illum presentaturum.

Simoniam enim fiduciariam, nulla est absque conventionem, & pactione tacita, vel expressa: quamobrem si pactio quæcumque prorsus absit, non est Conscientiæ crimen, quamvis absque pactione committi possit simonia mentalis.

R E G U L A XX.

Simonie reus est, qui preces pro indigno ad obtinendum illi Beneficio Ecclesiasticum interpositas exaudit: vel qui preces pro digno quidem factas, sed tamen favoris humani, non meritum rationem habet; vel qui pro seipso rogat, ut obtineat Curam Animarum: vel qui spe alicujus commodi temporalis, aut favoris ad Dignitatem aliquam Ecclesiasticam, aut ingentis Beneficium obtinendum conducibilis, confert beneficium ad alicujus Viri Principis, aut Nobilis commendationem, si spes illius commodi, ac favoris magis moveat, quam Clerici commendati merita.

Hanc Regulam tradit S. Thomas, 2. 2. quæstione centesima, art. v. ad 111.
„ Munus (inquit) a lingua dicitur, vel ipsa laus pertinet ad favorem bu-

manum, qui sub pretio cadit, vel etiam preces, ex quibus acquiritur favor humanus, vel contrarium evitatur. Et ideo si aliquis principaliter ad hoc intendit, Simoniam committit. Videtur autem ad hoc principaliter intendere, qui preces pro indigno porrectas exaudit. Unde ipsum factum est simoniacum. Si autem preces pro digno porrigantur, ipsum factum non est simoniacum: quia subest debita causa, ex qua illi, pro quo preces porriguntur, spirituale aliquid conferatur. Tamen potest esse Simonia in intentione, si non attendatur ad dignitatem personæ, sed ad favorem humanum. Si vero aliquis pro se rogat, ut obtineat curam Animarum, ex ipsa præsumptione redditur indignus, & sic preces sunt pro indigno. Licite tamen potest aliquis, si sit indigens, pro se beneficium Ecclesiasticum petere sine cura Animarum.

Et in iv. *Sententiarum*, dist. xxv. qu. iii. art. iii. ad iv. „ Quando (inquit) fiunt preces pro indigno, vel ab aliquo Potente, qui periculum comminatur, quæ dicuntur præces armatæ, manifeste Simonia committitur, si propter hoc beneficium Ecclesiasticum datur: Si autem pro digno fiant, quantum ad iudicium hominum probabile est, quod dans magis moveatur intuitu dignitatis personæ, quam favore precum; & ideo non reputatur Simonia: si tamen principaliter moveatur favore precum, vel timore rogantis, quantum ad divinum iudicium Simoniam committit, & rogatus, & rogans, si hoc intendat, sive aliquis pro se roget, sive pro alio.

Et S. Raymundus Lib. 1. tit. De Simonia, §. 7. *Aut eligitur quis, vel ordinatur suis precibus (inquit) aut alienis. In primo casu, quantumcumque sit dignus, est Simonia. viii. Quæst. 1. in Scripturis, qu. 1. Ordinationes. In secundo casu, aut ille preces sunt carnales, aut spirituales. Si carnales, & sunt pro indigno, Simonia est. 1. Quæst. 1. De Ordinationibus. Tunc enim preces succedunt locopretii. 1. Quæst. 1. Sunt nonnulli. Si vero sunt carnales, pro digno, non committitur Simonia. dummodo Ordinator, vel Elector non habeat, respectum ad preces, sed ad Deum, & ad merita personæ. Extra, de ætate, & qualitate Ordin. Tuam. 1. Quæst. 1. Latorem.*

R E G U L A XXI.

Simonie rei sunt, qui sædis adulationibus Principum, Nobiliumque Virorum gratiam ad obtinenda beneficia aucupantur.

Hinc S. Joan. Chrysostomus. Homilia iii. in Acta Apostolorum, ait: Cogita quid acciderit Simoni. Quid enim refert, si non das pecuniam, sed pecunie loco adularis, subornas, multaque machinaris?

R E G U L A XXII.

Simonie reus est, qui Beneficium alicui se collaturum, aut procuraturum pollicetur, ea lege, ut commendationem, vel preces Viri Principis, aut Potentis, cujus in gratiam vult irrepere, & cujus patrocinium ambit, apud se interponat.

Preces enim illæ sunt munus a lingua, quo veluti pretio Beneficium emitur. Porro Quod aliquis satisfaciat precibus alicujus ad temporalem gratiam querendam, ordinatur ad aliquam utilitatem, quæ potest pecunie pretio estimari. Et ideo sicut contrahitur Simonia accipiendo pecuniam, vel quamlibet aliam rem exteriorem, quod pertinet ad munus a manu: ita etiam contrahitur per munus a lingua (inquit) S. Thomas 2. 2. quæst. c. art. x.

Et in iv. *Sentent.* dist. xxv. quæst. iii. art. iii. ad iv. *Munus lingue (inquit)* Nat. Alex. Theol. Tom. II. V u 3

quit) duplex est; vel quod in ipso actu lingue consistit, sicut laus; vel quod ex lingua initium sumit, sicut cum quis ex hoc, quod precibus obsecrat, satisfactionem expectat: qui enim dat aliquod spirituale pro favore, vel laude acquirenda, non est dubium, quin simoniam committeret.

REGULA XXIII.

Simonie rei sunt duo Monachi, qui sibi invicem sua, suarumque partium suffragia pollicentur, ut alter ad Provincialis Munus, alter ad Prioratum, vel similem aliam Præfecturam Monasticam provebatur.

Monachorum Simonie.

Propositio damnata.

HÆC Regula nititur cap. De hoc autem, Ext. De Simonia, quod est *Alexandri III.* Resp. Toletano Archiepiscopo Idatum. De hoc autem (inquit) quod Episcopus Oxoniensis Archidiacono beneficium, & cuidam Clerico ante Electionem suam Prioratum dicitur promississe, ut uterque consentiret eidem: tue Prudentie respondemus, quod si manifestum est, eundem Archidiaconum, & Clericum, ob causam illam, promissa recepisse: Aut exinde confessi fuerunt in Jure, vel legitime convicti, ab Altaris Ministerio sunt perpetuo deponendi.

Merito itaque sacra Facultas Parisiensis hanc Propositionem ex Apologia Casuistarum excerptam XVI. Julii an. MDCLVII. damnavit ut falsam, & Juri Canonico contrariam: Simonie rei non sunt viri duo Religiosi, qui hunc in modum paciscuntur: suffragare mihi, ut sim Provincialis; & tibi suffragabor, ut fias Prior.

REGULA XXIV.

Si pecunia persoluta sit, aut pactio aliqua, vel promissio facta fuerit de altero beneficio Ecclesiastico, aut Monastica Præfectura, alicui procurandis, aut de suffragio in Electione ad hujusmodi beneficium, aut Præfecturam ferendo; simoniaca est, adeoque ipso jure nulla Collatio, vel Presentatio, Electio, Confirmatio, &c. Etiam si, cui collatum est beneficium, qui electus est, aut confirmatus, pactiois huius conscius non fuerit: nisi forte a malevolis data pecunia, aut pactio, vel promissio facta fuisset ad Collationem, aut Electionem in irritum mittendam.

HÆC Regula nititur cap. Nobis, Ext. De Simonia, quod est *Cælestini III.* Resp. Nobis (inquit), fuit ex parte tua intimatum, quod cum quatuor essent a Capitulo constituti, qui debebant quemdam eligere in Plebanum, amici ejus, de cujus electione spes habebatur, uni, vel omnibus Eligentium promiserunt se pecuniam soluturos, eo tamen ignorante, qui hujusmodi promissione interveniente postmodum est electus. Quia igitur super hoc consulere Nos voluisti consultationi tuæ breviter respondemus, Quod nisi constaret illos, qui promissum tale fecerunt, per fraudem in dispendium illius, qui eligendus erat, id malitiose fecisse: quamvis ipse promissionis conscius non fuerit, ejus tamen Electio, tanquam simoniaca pravitatem præsumpta, est penitus reprobanda.

REGULA XXV.

Simonie rei sunt, qui pro obsequio temporali, vel sibi, vel suis exhibito, vel exhibendo, nec ad Ecclesiæ utilitatem, aut Ministrorum ejus auxilium ordinato, Beneficia vel conferunt, vel promittunt.

Qui rei sunt Simonie ratione muneris ab obsequio.

IDe constet ex cap. Cum essent, Ext. De Simonia, quod est *Alexandri III.* Resp. Cum (inquit) ab ore præfati R. intellexerimus, quod memoratus Miles promiserat ei dare Ecclesiam, si quoddam negotium ejusdem in nostra pos-

Et presentia promovere, ac per hoc promissionem ipsam continere simoniacam gravitatem: eidem R. super eadem Ecclesia silentium duximus imponendum.

Idem confirmat S. Thomas, Secunda Secundæ, quæstione centesima, art. v. Manifestum est (inquit) quod obsequium hominis ad aliquam utilitatem ordinatur, quæ potest pretio pecuniæ æstimari: Unde & pecuniaria mercede ministri conducuntur. Et ideo idem est, quod aliquis det rem spirituales pro aliquo obsequio temporali exhibito, vel exhibendo; ac fidaret pro pecunia data, vel promissa, qua illud obsequium æstimari posset.

Et in Responsione ad primum, explicans verba illa ex S. Gregorio objecta, Ecclesiasticis utilitatibus deservientes, Ecclesiastica dignum est remuneratione gaudere, ait: Si aliquis Clericus alicui Prælato impendat obsequium honestum, & ad spiritualia ordinatum (puta, ad Ecclesiæ utilitatem, vel Ministrorum ejus auxilium,) ex ipsa devotione obsequii redditur dignus Ecclesiastico Beneficio, sicut & propter alia bona opera. Unde non intelligitur esse munus ab obsequio. Et in hoc casu loquitur Gregorius. Si vero sit inhonestum obsequium, vel ad carnalia ordinatum, (puta, quia servit Prælato ad utilitatem consanguineorum suorum, vel Patrimonii sui, vel ad aliquid hujusmodi;) erit munus ab obsequio, & est simoniacum.

Idem docet S. Raymundus, Lib. 1. tit. 1. §. 6. „ In munere (inquit) ab obsequio, distingue: quia aut est corporale, aut spirituale. In primo casu, si obsequium est honestum, potest; ut si eat Romam pro Ecclesia, vel serviat alicui Episcopo, vel Ecclesiæ in licitis, & honestis; dum tamen sine pactione. Si inhonestum, non potest, ut supra eod. prox. vers. Munus ab obsequio est servitus indebite impensa: si spirituale, non debet facere tale obsequium pro Beneficio, vel alio sibi dando, nisi cum tale obsequium fuerit impositum ipsi Beneficio: v. g. alicui Præbendæ est impositum hoc onus, ut qui eam habuerit, cantet quotidie de B. Virgine Maria Missam, Ext. De Præbendis, Significatum.

Quamobrem Concilium Mediolanense 1. tit. *Quæ pertinent ad Collationem Beneficiorum*, ita decrevit: *Ut omnis ad Simoniam aditus intercludatur; monemus, & obtestamur Episcopos, aliosque, quibus est jus conferendi Beneficia, ut familiaribus suis certam mercedem constituent, ne illi hoc subsidio destituti, Beneficia Ecclesiastica, tanquam suæ operæ, & laboris pretium præcipue sibi proponant. Fraudari tamen Ecclesias nolumus probatorum hominum ministerio, si qui sint in eorum familia, quorum doctrinæ, & pietati Sacrum Munus utiliter committi possit.*

Et Concilium Rhemense anno MDLXXXVIII. tit. XXIII. *Si quis (inquit) Beneficium propter obsequium, vel impense servitutis mercedem conferat: Simoniacus esse consecratur.*

R E G U L A XXVI.

Simonie rei sunt, qui se Principum Virorum, & Procerum obsequio mancipant, aut in eorum clientelam se conferunt, ut Ecclesiastica Beneficia sibi, vel suis obtineant.

ITa docet B. Petrus Damiani, Opusculo XXII. cap. II. *Nequaquam (inquit) desistant se dedisse pecuniam; qui Prælationis ambitione Principibus exhibent clientelam: qui animarum dominationis desiderio serviunt; & ut divitiis affluant, cum facultatibus suis & semetipsos expendunt. Humiliantur, ut postmodum impune superbiaut; se pedisequos exhibent, ut præcedant; laboribus atteruntur, gaudent; affliguntur inopia, ut nuptialis o dulii continua postmodum epulatione turgescant; & velut proposita venalitate mensa, fenerando servitium, mercantur im-*

tur imperium. Dent alii insensibilis metalli summam, trutinant solide pecuniæ quantitatem, numerentur æra, vasa ponderentur anaglypha: Dent, inquam, alii nummos, isti dant pretium semetipsos. An non est pretium sedulum subjectionis obsequium? ∴ Sicut ergo Laban filius vendidit, pretiumque comedit, non quia recondidit pecuniæ lucrum, sed quia laboriose servitutis percepit imperdium, & sicut Saul nupturæ filie non auri, vel argenti dona quesivit, sed laborem belli, vel insignie triumphi vice dotis accepit; sic ille necessario venditor esse convincitur, qui subjectionis obsequium de malo sperata ejus largitione mercatur. Et cum is, qui pretium accipit, asseratur Ecclesiam vendere; iste congruentius dicitur vendicare: quia venale commercium quod ille semel iniit, hic longa, ut ita loquar, & diuturna negotiatione protrahit: & infelix Clericus quot servitia fucate humilitatis exhibuit, quasi tot pecuniarum summas appendit:

R E G U L A XXVII.

Simonie rei non sunt, qui parva aliqua munera Beneficiorum Collatoribus, aut Ecclesiasticis Judicibus largiuntur, reverentiæ, aut amicitie colendæ causa, aut in grati animi pignus.

Hæc Regula nititur cap. Et si *Questiones*, quod est *Alexandri III.* Responsum Strigoniensi Archiepiscopo datum; Ext. *De Simonia*. Frater istius Archiepiscopi Legato Apostolico Pallium illi afferenti obviam profectus, ejusque præsciens necessitatem, quoniam per Mare veniens nullas, aut paucas secum equitaturas adduxit, equum transiitit ignorante Archiepiscopo fratre suo. Id ubi novit conscientie delicatioris Archipræsul, *Alexandrum III.* consuluit, metuens ne forte Simonie labem contraxisset. Pontifex scrupulum ejus Responsio suo discussit: „In accipiendis (inquit) vel „sacris muneribus tria sunt maxime attendenda: Persona scilicet dantis, „accipientis qualitas, quantitas muneris, & donationis tempus. Qualitas „personarum, ut a quo, & cui, videlicet an a paupere diviti, vel e converso, sive a divite locupleti datum fuerit; æstimatio muneris, & donationis tempus; si magni, vel minoris pretii res data existat, & an instante necessitate, seu alio tempore conferatur. Si ergo prædictorum Cardinalis, & fratris tui personam, & qualitatem pensamus; non fuit magnum ab eodem fratre tuo Cardinali equum unum transmitti, quem etiam joculari non petenti vir tantus, & tam abundans forte donaret; verum si temporis necessitatem perpendimus, non alia necessitate hoc constat factum fuisse, quam ut subveniretur Cardinali in articulo prænotato. Quod autem scriptum est: *Beatus qui excutit manus suas ab omni munere*: de illis donis dictum est, quæ accipientis animam allicere, vel pervertere solent; quoniam si ipsa etiam persona Electi offerat Ordinatori, vel Consecratori suo electuarium, aut de vino, sive de aliis hujusmodi, quæ modici pretii fuerint, & quæ voluntatem recipientis inclinare, vel movere non debeant: non tamen Ecclesia Romana in his interpretatur consuevit, accipientem in his delinquere, vel donantem.

Eandem Regulam confirmat *S. Thomas*, in *iv. Sententiarum*, dist. *xxv. quæst. iiii. art. iiii. ad primum. Ecclesia Judicium*, inquit, *est quantum ad exteriora*; & quia non est probabile, quod animus Judicis spiritualis flectatur ad aliquid faciendum pro parvo munere, ideo in parvis muneribus Judicis datis non judicat Simoniam committi: sed apud Deum, qui cor videt, Simonia est in parvis, & in magnis muneribus, si aliquis Judicis ex eis flectatur.

R E G U L A XXVIII.

Jus-Patronatus vendere, aut propter illud pluris vendere villam, cui est annexum, simoniacum est.

HAnc Regulam tradit *Alexander III.* cap. *De Jure, Ext. De Jure-Patronatus*, cuius hæc sunt verba: *Mandamus, quatenus si R. illud comparavit, cum inconveniens sit vendi Jus-Patronatus, quod est spirituali annexum, contra illud illum irritum esse decernas.*

Venditio
Juris-Patronatus
Simoniaca.

Id confirmat Concilium Mediolanense 1. tit. De iis, quæ pertinent ad Collationem Beneficiorum: *Episcopi Munus*, inquit, erit cavere, ne propter *Juris-Patronatus occasionem*, pluris aliquanto res, cui illud Jus annexum est, vendatur, aut transferatur: Si qui vero nihilominus ita vendiderint, penas contra *Simoniacos editas* incurrant.

Idem confirmat *S. Thomas*, in 1v. *Sententiarum*, dist. xxv. quæst. 111. art. 11. quæst. 11. ad 111. *Jus-Patronatus* (inquit) per se vendi non potest, nec in feudum dari: Si autem villa vendatur, & in feudum detur, cui annexum est *Jus-Patronatus*, transit cum universitate ad illum, cui villa datur, vel qui eam emit, non quasi *Jus-Patronatus* sub venditione cadat.

Et 2. 2. Quæstione centesima, Articulo 1v. ad 111. *Jus-Patronatus* per se vendi non potest, nec in feudum dari, sed transit cum villa, quæ venditur, vel conceditur.

R E G U L A XXIX.

Omnis conventio, & pactio de contributione pecuniaria pro ingressu in Religionem, sive admissione ad Professionem Religiosam, tam in Monasteriis pauperibus, quam divitibus, Simoniacæ est.

HÆc Regula nititur Concilii VII. generalis, scilicet Nicæni 11. can. XIX. In tantum (inquit) inolevit avaritiæ facinus in Rectores Ecclesiarum, ut etiam quidam eorum, qui dicuntur Religiosi Viri, atque Mulieres, obliti Mandatorum Domini decipiantur, & per aurum introitus accedentium tam ad sacrum Ordinem, quam ad Monasticum efficiant. Unde fit, ut quorum initium improbabile est, omnia sint projicienda, ut magnus ait Basilus. Neque enim Deo per Mammonam servire licet. Si quis ergo inventus fuerit hoc faciens, siquidem Episcopus, vel Abbas extiterit, aut quilibet de sacro Collegio, aut desinat, aut deponatur, juxta Regulam secundam Sancti Chalcedonensis Concilii: Abbatissa vero ejiciatur de Monasterio ad subjectionem: similiter & Abbas qui non habuerit Manus impositionem Presbyterii.

Simonia in
receptione
ad religio-
sam Profes-
sionem.

Concilii Oecumenici Lateranensis sub *Alexandro III.* can. x. Monachi non pretio recipiantur in Monasterio. Si quis autem exactus pro sua receptione aliquid dederit, ad sacros Ordines non ascendat. Is autem, qui accepit, Officii sui privatione mulsetur. Et can. XIX. Putant plures ex hoc sibi licere, quia legem mortis longa invaluisse consuetudine arbitrantur; non satis, quia cupiditate excecati sunt, attendentes quod tanto graviora sunt crimina, quanto diutius animam infelicem tenuerint alligatam.

Cap. Non satis, Ext *De Simonia*, quod est *Alex. III.* in Conc. Turonensi, Quia, inquit, non satis utiliter avaritia in populo redarguitur, si ab his, qui in Clero constituti videntur, & præcipue qui contempto sæculo Religioforum nomen profitentur, & Regulas, modis omnibus non cavetur: prohibemus, ne ab iis, qui ad Religionem transire voluerint, aliqua pecunia requiratur, neque Prioratus, vel Capellania quælibet, vel Monachorum

„ vel

„ vel Clericorum, annua districtione vendatur; neque ab eo, cui Regimen
 „ ipſarum committitur, ex earum commiſſione pretium exigant. Hoc ſi-
 „ moniacum eſſe, SS. Patrum Auctoritas manifeſte declarat. Unde quiſ-
 „ quis de cetero hoc attentare præſumpſerit, tam qui dederit, quam qui
 „ acceperit, partem ſe cum Simone non dubitet habiturum. Neque ſub
 „ obtentu huius Conſuetudinis reatum ſuum aliquis tueatur: quia diuturni-
 „ tas temporis non minuit peccatum, ſed augeat.

„ *Cap. Veniens, Ext. De Simonia, quod ejuſdem Pontificis Reſponſum eſt:*
 „ Veniens, *inquit*, ad nos frater Presbyter propoſuit, quod Abbas, & Fra-
 „ ter Sancti R. noluerunt eum in Monachum ſuſcipere, quouſque triginta
 „ ſolidos dare convenerit. Conventione autem facta, ſequenti die eum
 „ Monasticum habitum induerunt: & iidem Monachi triginta ſolidos, Ab-
 „ bas vero decem, & familia duodecim pro paſtu, aſſerentes hoc eſſe de
 „ conſuetudine Monasterii, poſtularunt. Quoniam ergo factum huiusmodi
 „ pernicioſum videtur, mandamus quatenus, ſi ita eſſe invenias, Abbatem,
 „ & Monachos ad reſtituendam pecuniam tam indigne acceptam compell-
 „ las; & Abbatem, & maiores Perſonas Monasterii pro tanto pravitatis
 „ exceſſu ab Officii executione ſuspendas. Præcipias dicto Fratri, ut ip-
 „ ſo alio Monasterio in habitu Monastico Domino ſtudeat deſervire.

„ *Cap. De Regularibus, Ext. De Simonia, quod eſt Clementis III. Re-*
 „ *ſponſum:* De Regularibus Canonicis, ſeu Monachis nos conſulere volui-
 „ ſti, qui per Simoniam ingreſſum iſtis ſcientibus habuerunt. Unde cum
 „ ſuper hoc Auctoritates multæ reperiantur expreſſæ, non aliud quam ſta-
 „ tutum eſt reſpondemus, Ut locum, quem taliter adepti ſunt, omnino
 „ dimittant, & Solitudines, vel alia Monasteria diſtrictiora adeant, in
 „ quibus tam execrabilem exceſſum ſine intermiſſione deplorent. Si autem
 „ ignorantibus illis pecunia data fuerit, cogas eos ad renunciandum loco
 „ eidem, & poſtmodum in ipſum reducere, ſi ibi abſque ſcandalo fuerint,
 „ vel in alio, qui ſit de Ordine ipſo, ad ſerviendum Deo poteris collo-
 „ care.

„ *Cap. Quoniam ſimoniaca, Ext. De Simonia, qui eſt Concilii Lateranenſis*
 „ *ſub Innoc. III. canon 64.* Quoniam ſimoniaca labes adeo pleraſque Mo-
 „ niales infecit, ut vix aliquas ſine pretio recipiant in Sorores, paupertatis
 „ prætextu volentes huiusmodi vitium palliare, ne id de cetero fiat, pe-
 „ nitus prohibemus: Statuentes ut quæcumque de cetero talem commiſe-
 „ rint pravitatem, tam recipiens quam recepta, ſive ſit ſubdita, ſive Præ-
 „ lata, ſine ſpe reſtitutionis de ſuo Monasterio expellatur, in locum ar-
 „ ctioris Regulæ ad agendam perpetuam Pœnitentiam retrudenda. Hoc
 „ etiam circa Monachos, & alios Regulares decernimus obſervandum,
 „ Verum ne per ſimplicitatem, vel ignorantiam ſe valeant excuſare: præ-
 „ cipimus, ut Diœceſani Episcopi ſingulis annis hoc faciant per ſuas Dio-
 „ ceſes publicari. *Huius Decreto conſonum eſt cap. Dilectus 2. Ext. De Simo-*
 „ *nia, quod eſt Innoc. III. & cap. Mandato, quod eſt ejuſdem Pontificis.*

Eadem Regula confirmatur ex Concilio Francortordiienſi, can. xvi. Lon-
 dinienſi tempore *Innoc. III.* celebrato per *Aubertum* Cantuarienſem Archie-
 piſcopum; ex Conventu Aquisgranenſi Abbatum anno MCCXVII. capito
 LXXV. & Concilio Oxoniienſi anno MCCXXII. tempore *Honorii III.* ſub *Step-*
phano Archiepiſcopo Cantuarienſi, ex Melſitano in Apulia ſub *Urbano II.*
 anno MXC. can. VII. Senonenſi MDXXVIII. tit. *De Decretis Morum*, cap.
 XXVIII. Trevirenſi MDLIX. tit. *De Religioſis Monachis, & Monialibus.* Me-
 diolanenſi I. p. I. *Conſtitutionum*, cap. *De Novitiis ad Profeſſionem recipien-*
dis. Mediolanenſi II. Tit. III. par. I. Rhemenſi anno MDLXXXIII. tit. *De*

Simoniacis, & Fiduciariis. Turonensi, eodem anno, cap. *De Monachis, & Monasteriis*, Cameracensi anno MCLXIX. tit. *De Monasteriis virorum, ac mulierum*, cap. XII. Aquilejensi MDXCVI. tit. *De Monialibus*.

Idem confirmat *Urbanus V.* Constitutione lata Romæ apud S. Petrum, secundo Nonas Aprilis, Pontificatus anno primo, cujus hic est tenor: „Universis Prioribus, Abbatibus, Abbatissis, Priorissis, &c. tenore præsentium, auctoritate Apostolica, quamvis sit eis a Jure prohibitum, districtius inhiemus, ne tam a maribus, quam a mulieribus volentibus ingredi eorum Religionem, Monasteria, Prioratus, Domos, seu loca, in earumdem personarum receptione, vel ante, vel post illam, quoscumque pastus, seu prandia, seu cœnas, pecuniam, jocalia, aut res alias, etiam ad usum Ecclesiasticum, seu quemlibet alium pium usum deputatas, vel deputandas, directe, vel indirecte petere, vel exigere quoquo modo præsumant, sed eas potius cum omnimoda pietate recipiant. Illa duntaxat quæ personæ illæ ingredientibus plene, & sponte, & plena libertate, omnique pactione cessante, dare, vel offerre Ecclesiis, Monasteriis, Prioratibus; & locis hujusmodi voluerint, cum gratiarum actione licite recepturi. Nos enim, qui secus egerint, si sint singulares personæ, tam dantes, quam accipientes hujusmodi Excommunicationis: si Capitulum, vel Conventus fuerit, Suspensionis Sententiis eo ipso decernimus subjacere, a quibus præterquam in mortis articulo absolvi nequeant, absque Sedis Apostolicæ licentia speciali, &c.

R E G U L A XXX.

Pensiones vitalitiæ, & consuetæ, legitimæque elemosynæ non solum recipi, sed exigi possunt a Monasteriis inopibus, & tenuibus.

ITa declarat Conc. Senonense anno MDXXVIII. tit. *De Decretis Morum*, cap. XXVIII. Si quæ enim Puella ultra numerum constitutum in Monasterium recipi petat, id permittit, *Dumodo congruam secum asserat Pensionem, qua cum ceteris Religiosis numerariis alatur.* Mediolanense i. sub *S. Carolo*, quod præscriptum Monialium numerum augeri vetat, *Nisi facta Monasterio annua, quæ satis sit, fructuum accessione.* Turonense MDLXXXIII. tit. *De Monialibus*, Decretum illud Mediolanensis Concilii totidem verbis repetens, & suum faciens.

Eandem Regulam confirmat *S. Thomas*, in IV. *Sent. dist. XXIII. qu. III. art. III. qu. 2. ad VII.*, Cum (*inquit*) possessiones alicujus loci Religiosi non sufficiunt ad sustentandum plures, tunc potest exigi ab eo, qui in loco illo vult Deo servire, non quasi pretium Religionis, sed ut habeat Monasterium, unde ei possit providere; & ideo non committitur Simonia: Si autem sine gravamine Ecclesiæ potest recipi, Simoniacum est aliquid pro receptione exigere.

Et *Secunda Secundæ*, Quæstione centesima, Artic. III. ad quartum: Pro ingressu (*inquit*) Monasterii non licet aliquid exigere, vel accipere quasi pretium. Licet tamen, si Monasterium sit tenue, quod non sufficiat ad tot personas nutriendas, gratis quidem ingressum Monasterii exhibere, sed accipere aliquid pro victu personæ, quæ in Monasterio fuerit recipienda, si ad hoc non sufficiant Monasterii opes. Similiter etiam licitum est, si propter devotionem, quam aliquis ad Monasterium ostendit, largas elemosynas faciendo, facilius in Monasterio recipiatur. Sicut etiam licitum est, aliquem & converso provocare ad devotionem Monasterii per temporalia beneficia, ut ex hoc inclinetur ad Monasterii ingressum: Licet non

Pensiones vitalitiæ, aut dotales elemosynæ recipi & exigi possunt a Monasteriis inopibus, & tenuibus, ita tamen ut gratis recipiantur postulantes, & novitii, ac Sententia *S. Thomæ.*

„ sit

„ sit licitum ex pacto aliquid dare, vel recipere pro ingressu Monasterii,
 „ ut habetur *Caus. 1. qu. 11. can.* Quam pio.

Sententia S.
 Bonaventuræ
 12.

S. *Thomas* concordat S. *Bonaventura*, in Apologetico adversus illos, qui
 Ordini FF. Minorum adversantur qu. xviii. „ Quadruplex est forma (*inquit*)
 „ recipiendi ad Ordinem qualemcumque. Prima, quando aliquis recipitur
 „ nec pro pecunia, nec cum pecunia, sed pure pro Deo: & ista est purissi-
 „ ma coram Deo, & hominibus. Secunda, quando aliquis recipitur non pro
 „ pecunia, sed cum pecunia; ita ut si nihil afferret, tamen reciperetur pro
 „ Deo: & similiter hoc purum est coram Deo, sed caute agendum est coram
 „ hominibus, ne detur eis occasio scandali, & ne sit ibi affectus avaritiæ
 „ infectus ex spe lucri. Tertia, quando quis recipitur non pro pecunia, nec
 „ tamen reciperetur sine pecunia, eo quod non habent aliter ei, qui eum
 „ recipiunt, providere, cum tenues facultates domus vix sufficiant jam re-
 „ ceptis, nec ad eas audeant plures recipere, & istos suis necessitatibus spo-
 „ liare; ita quod ista persona, quæ sic recipitur, si abundaret locus, sine
 „ pecuniis reciperetur. Similiter aliquis duxit uxorem propter divitias, &
 „ nobilitatem ejus, quæ habet nulum; nec tamen propter hoc ducit eam,
 „ quia nulum habet, quam tamen si nullo careret, nullatenus duxisset. Et
 „ hoc non est impurum, licet non appareat forsitan pulchrum. Quarta, cum
 „ aliquis recipitur amore pecuniæ, ita quod si possent illam pecuniam ha-
 „ bere sine persona, non reciperent personam; sed ut habeant pecuniam,
 „ personam recipiunt. Et hoc penitus impurum est, & simoniacum, quia
 „ sibi pecunia est causa receptionis personæ, & non e converso. Ubi er-
 „ go recipitur persona propter pecuniam, Simonia est; quia ibi venditur
 „ spirituale, id est, consortium spiritualis societatis, pro temporali, scilicet
 „ pecunia. Et hoc plerique faciunt etiam ex mera inopia, optantes
 „ aliquem venire cum pecunia, quem reciperent, ut eorum inopia repara-
 „ retur, vel debita contracta solverentur, vel bona concupita emerentur,
 „ vel ædificia construerentur. De talibus dicit Ecclesiasticus *cap. xxvii.*
 „ *Propter inopiam multi deliquerunt.* Ubi vero pecunia recipitur propter per-
 „ sonam quam alias libenter reciperent, si haberent unde eam pascere-
 „ rent, non videtur esse Simonia, dummodo forma cum intentione concordet.
 „ Et hoc modo sustinemus, quod Sorores Sanctæ Claræ recipiunt pecuniam
 „ cum personis, quando oportet eas plures personas recipere, quam de fa-
 „ cultatibus Monasterii congrue valeant sustentari. „

Sententia
 Petri Can-
 toris Paris.

Angelicus, & Seraphicus Doctor cum *Petro Cantore* Parisiensis Ecclesiæ
 consentiunt. *Verbi Abbreviati* cap. xxxviii. „ Sit (*inquit*) quod aliquis
 „ accedens ad Ecclesiam, vel Monasterium, dicat, Offero me, & mea huic
 „ Ecclesiæ, vel Monasterio ad serviendum in eo perpetuo, si sine distin-
 „ ctione recipitur, sanus erit ingressus ejus. Si autem plura quam oblata
 „ ab eo exigantur, vel si distinguatur inter sua, & illum, ut sua scilicet sint
 „ causa, cur recipiatur, vitiosus erit ingressus. Si autem inter sua, & il-
 „ lum distinguatur; ut scilicet ille sit causa, cur sua cum ipso recipiantur,
 „ sanus, & licitus erit ingressus. Si autem Monasterium egerit, ita quod
 „ offerentem se illi sine pecunia recipere non possit, vel sustentare, spiri-
 „ tualem fraternitatem ei concedat, non corporalem: vel in exceptionem
 „ paupertatis suæ, & sustentationem vitæ illius exigere potest ab eo, ut
 „ eum recipiat, & temporales redditus, quibus tantum sustentetur, dum
 „ vixerit. Quod si perpetuos exegerit, jam manifesta cupiditas vitiosam
 „ facit ingressum.

Sententia
 Raymundi „

Eandem Regulam confirmat S. *Raymundus*, Lib. i. Tit. 1. §. 22. „ *Si Mo-*
 „ *nasterium* (*inquit*) esset adeo tenue, vel paupertate depressum, quod red-
 „ ditus,

ditus, vel vix, vel non fuissent personis presentibus, non solum intentionem possent habere; sed etiam credo, quod possunt dicere: Non sufficiunt nobis, libenter suscipimus ad spiritualia, ad temporalia non possumus, nisi habeamus plures possessiones: & tunc ille offerat se, & sua *Ext. De Simonia. Cap. Tua.* Quod autem dicitur in *Constitut. Ext.* eod. *Quoniam.* Verbi Paupertatis pretextu, intelligitur, cum hoc dicebant in fraudem: unde consulendum esset ingredientibus, quod in hoc fundarent intentionem suam, aut principaliter darent propter Deum; & ne essent onerosi domui. *Arg. xvi. qu. iv. De lapsis.*

S. Antoninus hanc simul, & superiorem Regulam approbat, 11. P. cap. *S. Antonini sententia.* §. 18. ubi recensitis Juris Canonici Peritorum sententiis, duas Conclusiones statuit. Prima est: *Nulla passio de temporalibus debet intervenire pro ingressu Monasterii, etiamsi Monasterium sit tenue, secundum communioem, & tutiorem opinionem, & pene secundum omnes.*

„ *Secunda est:* Si Monasterium sit abundans, nullus debet ibi esse tractatus de temporalibus in receptione. Et hoc est contra communem abusum: nem: quia quanto Monasterium est abundantius, tanto volunt majores dotes. Sponte tamen oblata possunt recipere. Et siquidem haberent intentionem ad temporalia principaliter, nulla tamen interveniente passione, vel conventionione, seu exactione, erit secundum Raymundum simonia mentalis, quæ per solam Pœnitentiam aboletur, nec incurrunt poenas Ecclesiasticas.

„ Quod si gratis recepta est Puella, & parentes ejus post receptionem nil volunt dare Monasterio, cum tamen sit tenue, dicit Ostiensis, quod possunt Moniales agere contra patrem pro alimentis filiæ; vel, si est mortuus pater, agere possunt ad partem suæ hæreditatis, ut in Authentica *De Sanctissimis Episcopis:* Nulla. Non enim privari potest legitima per ingressum Religionis, nisi ipsa sponte juri suo renunciasset. „ *xix. qu. 111. cap. penult.* Addenda est & alia exceptio, scilicet: nisi Principum Legibus Viri Religiosi, Monialesque solemniter professæ ab hæreditate capessenda excludantur.

Cum his convenit Responsum Sacræ Facultatis Parisiensis ea de re interrogatæ, quod refert *Dionysius Carthusianus* Libro 11. De Simonia, „ *Dicimus (inquunt Theologi Parisenses)* quod a fœmina recipienda in Monasterio, oblati gratis spiritualibus, non licet exigere temporalia pro ipsis spiritualibus, tanquam pretium spiritualium, vel annexorum spiritualibus, faciendo commutationem unius pro altero.

„ Dicimus ulterius, quod ubi Monasterium est ita tenue, quod fœmina, quæ recipi petit, non possit de bonis ipsius Monasterii sustentari sine pecunia, oblati gratis spiritualibus, & receptione personæ libere facta ad spiritualia; si persona illa sic recepta habeat bona temporalia, de quibus juxta consuetudinem regionis potest dispenere, & ea Monasterio conferre, tunc potest ab ea aliquid peti solum pro necessitate sui victus, sine fraude, ut habeat Monasterium unde ipsi providere possit, & hoc non intelligendo de exactione coactoria, ita quod ejiciatur si non dederit.

„ Solo igitur elemosynæ nomine pecunia recipi potest ad alimenta Virginis, quæ Professionem emittit; solo nomine alimentorum, aliorumque onerum, quæ hoc vocabulo pariter significantur, Pensio exigi. Dotalis vero Elemosynæ summa Pensionisque modus Episcopi judicio, publicivæ Legis definitur, habita ratione locorum, facultatum Monasterii, numerique Monialium. Ut vero Monasterii securitati, & indemnitati consulatur absque passione, & conventionione, decernere possunt Episcopi, & Superiores, ut *Quod Professione facta, elemosynæ gratia ad Professam sustentandam Monasterio*

datur

*Sententia
Sacre Facul-
tatis Paris.*

*Cautio S.
Caroli Bor-
romæi.*

*Dotalis Ele-
mosynæ
super iunda
solilo con-
stituenda.*

natur id, quo tempore Puella Religionis habitum suscipiet, apud virum Monialibus, & earum Superiori probatum deponatur: ut nullo impedimento Monialibus sum presso esse possit; ut statutum est in Concilio Mediolanensi i. sub S. Carolo Borromeo, P. 111. cap. vi. & in Concilio Mediolanensi 11. sub eodem, in Capitibus ad Moniales pertinentibus. Cap. 11. Eleemosynam porro dotalem, numerata pecunia Monasterio collatam a parentibus Virginis, operæ pretium est super fundo statuere, cujus fors principalis non possit, aut debitis solvendis, aut quotidianis usus infumi; ut decernit Concilium Avenionense anno 1594. cap. quinquagesimo. De hoc argumento copiose tractat Juris Consultissimus Fagnanus in cap. Non amplius, Ext. De Institutionibus, sive in 1. P. 111. Decretalium, P. 216.

R E G U L A XXXI.

Pro victu, & vestitu Novitiorum, & Novitiarum toto Probationis anno congrua pensio exigi, & recipi potest.

Non enim jus habent, ut ex communibus Monasterii bonis alantur, nisi Professione solemniter Religiosæ Societatis membra. Unde Concilium Tridentinum, Sessione xxi. ita decernit: *Sed neque ante Professionem, excepto victu, & vestitu Novitii, vel Novitiæ, illius temporis, quo in Probatione est, quocumque pretexto, a parentibus, vel propinquis, aut curatoribus ejus, Monasterio aliquid ex bonis ejusdem tribuatur.*

R E G U L A XXXII.

In Monasteriis, & domibus quibuscumque Religiosis tam virorum, quam mulierum, is tantum numerus ad Professionem Religiosam recipiendus est, qui vel ex redditibus ipsorum Monasteriorum, vel ex consuetis eleemosynis commode possit sustentari.

Ita decernunt Concilium Moguntinum sub Leone III. an. 813. Canone xix. Arelatense vi. eodem anno celebratum, Canone viii. Turonense, eodem anno, Canone xxxi. Rhemense, eodem anno, Canone xxviii. Oxoniense, anno 1221. Canone lxiv. Bonifacius VIII. Constitutione quæ incipit, *Periculoso*. Concilium Senonense, anno 1528. Tit. *De Decretis Morum*, cap. xxviii. cujus hæc sunt verba: *Constituimus, ut in Monasteriis Monialium tot instituantur Moniales, quot de facultatibus eorundem Monasteriorum, reparationibus Ecclesie, clausuræ, & aliarum Regularium domorum, nec non & Processuum expensis deductis, commode, & sine penuria sustentari possint, &c.* Colonienſe, anno 1531. P. x. cap. xii.

Monachorū,
& Monialium
numerus in
singulis Monasteriis de-
finiendus.

Concilium Tridentinum, Sessione xxv. cap. 111. *In Monasteriis* (inquit) *& Domibus tam virorum, quam mulierum bona immobilia possidentibus, vel non possidentibus, is tantum numerus constituatur, ac in posterum conservetur, qui vel ex redditibus propriis Monasteriorum, vel ex consuetis eleemosynis commode possit sustentari.* Idem a S. Pio V. decretum est, Constitutione quæ incipit *Circa Pastoralis*, & a Clemente VIII. in Constitutione edita de Reformatione Regularium. Idemque Paulus V. Urbanus VIII. & Innocentius X. sanxerunt. Innocentii X. Constitutionem refert, & explicat Fagnanus in 1. P. Lib. 111. Decretalium, ad cap. Non amplius, Ext. *De Institutionibus*.

Hic Objectionem occupat Fagnanus, quæ adversus Dices Monialium ex his Decretis peti potest. Sed dices, Si Monasteria habent, prout habere debent redditus sufficientes ad alendas Moniales numerarias; ergo dotis delatio illicita est, & simoniaca, per textum in cap. *Quoniam*, infra, *De Simonia*, ubi simoniaca labe dicitur ulque adeo pleraque Moniales infecisse, ut vix aliquas sine pretio recipiant in Sorores, pauper-

, tatis

tatis prætextu volentes hujusmodi vitium palliare. Et Sacra Congregatio Cardinalium Concilii Tridentini Interpretum olim consultâ, An Monasteriis Monialium, in quibus juxta Decretum cap. 111. Sessione xxv. *De Regularibus* Episcopus certum numerum constituit, liceat Abbatissæ in locum Monialium deficientium alias recipere, pacta certa eleemosyna pro dote; & quatenus non liceat, quæ provisio sit per Episcopum adhibenda: Respondit: Si ex redditibus Monasterii, vel ex consuetis eleemosynis tantum suppetat Monialibus, ut ad ipsarum vestitum, & ad fabricam Ecclesiæ, aliaque necessitates commode sufficiat, minime licere: Secus si Monialium numerus augeatur. Cum autem hujusmodi theoricæ ad praxim difficulter deduci possit, referendum vitium est Sanctissimo, qui probavit sententiam Congregationis, confirmans, augendum numerum, si dos augeatur. *Verum* (inquit) *hanc difficultatem postea sustulit Sacra Cong. super negotiis Episcoporum, & Regularium; quæ animadvertens Sanctimonialium Monasteria sine dotium subsidio diu sustineri non posse, & propter ingruentes necessitates, & casus inopinatos, plerumque ad inopiam redigi: Summis Pontificibus approbantibus prudenter sanxit, ut dotales eleemosynæ a Monialibus numerariis perfolverentur, tametsi numerus esset taxatus ad mensuram reddituum Monasterii. Ex penuria enim multa proveniunt mala, præsertim in Monasteriis Dominarum, inquit Hostiensis hic, in fine.*

„ Subdit idem Auctor pag. 218. Num. 45. Cum Placentiæ fere in omnibus Monasteriis, definitus esset numerus Monialium, qui ex redditibus, & consuetis eleemosynis commode sustentari valeret: cumque multæ Puellæ instarent, ut supra numerum reciperentur, dicentes se non fore onerosas Monasterio; tum quia solvent dotem solitam, quæ poterit converti in emptionem alicujus annui redditus; tum quia parentes se obligabant ad solvendum pro qualibet ipsarum, donec vixerit, aliquid pro sustentatione vitæ illius: & cum difficile esset cohibere cives, ut expectarent mortem maritarum, quæ tunc erant, Monialium: Episcopus anticeps quid agendum esset, consuluit Sacram Congregationem Concilii.

„ *Primo*, An durante tempore Probationis satis consultum sit, si Puellæ alimenta a parentibus subministrantur?

Dubia Sacrae Congregationi Concilii hæc in materia proposita.

„ *Secundo*, An adveniente tempore emittendæ Professionis, satis sit solvere dotem ex pactione, ut inde emanetur annui redditus, vel res stabiles, vel ut redimatur aliquis ager Monasterii, ita ut augeantur redditus Monasterii, licet inspectis omnibus Monialibus in communi, adhuc non possint commode sustentari?

„ *Tertio*, An satis consultum sit menti Legislatoris, si ultra dotem in solitum dandam certa promissio fiat a parentibus alicujus annuæ Pensionis, vita durante illius Puellæ, quæ sufficiat ad victum illius?

„ *Quarto*, An promissio facienda sit Monasterio, vel Puellæ?

Ad primum Sacra Congregatio respondit: *Satis esse Consultum:*

Respons. S. C.

„ *Ad secundum*: Satis esse, si pecunia quæ nomine dotis dabitur, convertatur vere in emptionem tanti annui redditus, vel in redemptionem tot bonorum Monasterii oppignoratorum, ut sic redditus Monasterii tantum augeatur, quantum sufficiat victui Puellarum in Moniales recipiendarum: quod tamen augmentum non privatim vertatur in utilitatem ipsarum Puellarum, sed in totius Monasterii communem usum, ex quo, & ipsæ Puellæ una cum aliis ali poterunt.

„ *Ad tertium*: Debere Episcopum id curare omnino, ut propinqui publico, validoque Instrumento se obligent ad certam annuam præstant onem, quæ minor non sit duodecim aureis pro necessitatibus Puellarum, dum vixerint.

Ad quartum respondit: „Promissionem hanc faciendam esse Monasterio, non autem Puellis ipsis. Minime permittendum, ut pecunia hæc detur eis, ne alioquin contra Votum suum solemne fiant proprietariæ, sed recta deferatur ad manus Abbatissæ, quæ in primis ex ea subveniet arbitrio suo necessitatibus earum Monialium, pro quibus perfoluta fuerit. Si quid reliquum erit, convertet in communem usum Monasterii. Quæ omnia (inquit *Fagnanus*) Sanctissimus in Consistorio approbavit, non tamen ad eum finem, ut fiat nova Bulla super hac Declaratione, sed ut singulis Episcopis petentibus, prout nunc petit Placentinus, ita respondatur.

Ex his id unum colligi velim, Dotium eleemosynarum solutionem, & receptionem, Pensionumque vitalitiarum, a Simonia labe immunem esse in illis etiam Monasteriis, in quibus definitus est Monialium numerus, qui ex redditibus, & consuetis eleemosynis ali possit. Sed tamen Diocesani Mores, Legesque Municipales, & Edicta in Dotium, & Pensionum huiusmodi constitutione etiam servanda sunt.

R E G U L A XXXIII.

Pro Baptismo pecuniam solvere non licet, etiam urgente necessitate, & in vitæ discrimine.

Simonia in Sacramentorum administratione.

QUamobrem, si Sacerdos absque pretio baptizare nolit, ejus ministerio minime utendum est, ut docet *S. Thomas*, Secunda Secundæ, quæstione centesima, art. 11. ad primum: „In casu necessitatis (ait) quilibet potest baptizare. Et quia nullo modo est peccandum, pro eodem est habendum, si Sacerdos absque pretio baptizare non velit, ac si non esset, qui baptizaret. Unde ille, qui gerit curam pueri, in tali casu, licet te potest eum baptizare, vel a quocumque alio facere baptizari. Posset tamen licite aquam a Sacerdote emere, quæ est purum elementum corporale. Si autem esset adultus, qui Baptismum desideraret, & immineret mortis periculum, nec Sacerdos eum vellet sine pretio baptizare, deberet, si posset, per alium baptizari. Quod si non posset ad alium habere recursum, nullo modo deberet pretium pro Baptismo dare, sed potius absque Baptismo decedere. Suppleretur enim ei ex Baptismo flaminis, quod ei ex Sacramento deesset. Hinc Canone *Emendari*, *Caus. 1. qu. 1.* qui est Illiberitani Concilii Canon *XLVIII.* decretum est, ut qui baptizarentur, non mitterent nummos in concham, id est, in vas aquæ baptismatis (ut antea fieri solebat) ne ex hac fidelium pietate Sacerdotes Spiritum Sanctum, quam gratis acceperant, pretio distrahere viderentur. *Emendari placuit, ut hi, qui baptizantur (ut fieri solebat) nummos in concham non mittant, ne Sacerdos, quod gratis accepit, pretio distrahere videatur.*

Eandem Regulam confirmat *Gelasius I.* Epistola ad Episcopos per Lucaniam, & Bruttios, & Siciliam constitutos. „Baptizandis (inquit) consignantibusque fidelibus pretia nulla præfigant: neccillationibus quibuslibet impostitis exagitare cupiant renalcetes: quoniam quod gratis accepimus, gratis dare mandamur; & ideo nihil a prædictis prius exigere moliantur, quo vel paupertate cogente deterriti, vel indignatione revocati, redemptionis suæ causam adire despiciant: certum habentes, quod qui prohibita deprehensi fuerint admisisse, vel commissa non potius sua sponte correxerint, periculum subituri proprii sint honoris.

Et Concilium Bracarense II. Canone VII. *Placuit, ut unusquisque Episcopus per Ecclesias suas hoc præcipiat: ut hi, qui infantes suos ad Baptismum offerunt, si quid voluntarie pro suo offerunt voto, suscipiatur ab eis; si vero*

Deo per necessitatem paupertatis aliquid non habent, quod offerant, nullum eis pignus violenter tollatur a Clericis. Nam multi pauperes hoc timentes, filios a Baptismo retrahunt: qui si forte dum differuntur, sine gratia Baptismi de hac vita recesserint, necesse est, ut ab illis eorum perditio requiratur, quorum spolia pertinescentes, a Baptismi gratia se retraxerunt.

Nec refert, utrum ante, vel post Baptismum aliquid a Sacerdotibus, qui illud Sacramentum administrarunt, exigatur: utrumque enim Simoniacum est. Unde cum prava consuetudine in Mediolanensi Provincia receptum esset, Baptizatos infantes in Altari collocare, ut muneribus compatrum inde redimerentur, Concilium Mediolanense i. Præside S. Carolo Borromæo hanc sustulit corruptelam.

R E G U L A XXXIV.

Pro Chrismate Sacro, vel Oleo Catechumenorum, aut infirmorum, pretium exigere citra Simonie crimen nemo potest.

Hanc Regulam tradit Alexander III. cap. Ea, quæ de Avaritia, Ext. De Simonia, cujus hæc sunt verba: *Audivimus, quod nummos pro Chrismate ab Ecclesiis extorquetis: quos nunc Cathedralicum, aliquando Paschalem prestationem, interdum Episcopalem Consuetudinem appellatis. Quia vero hoc Simoniacum esse cognoscitur: mandamus, quatenus prætextu alicujus consuetudinis, vel Prælationis, præscriptos denarios nullatenus exigatis: pro certo scituri, quod si hoc præsumpseritis, periculum Ordinis, & Dignitatis poteritis non immerito formidare.*

Idem confirmatur ex cap. In tantum, quod Innocentii III. Responsum est, eod. Tit. Sane (inquit) pervenit ad audientiam nostram, quod cum olim quidam Suffraganei tui pro Chrismate certam conlueverint accipere pecuniæ quantitatem, non metuentes pœnam canonicam, & correctionem tuam eludere cupientes, tempus faciendæ solutionis anticipant, recipientes in media Quadragesima, quod recipere consuevere post Pascha: & ut causam recipendi dissimulent, nomen denariorum variant, denarios, quos prius Chrimales, secundo Paschales dicebant, consuetudinem mediæ Quadragesimæ nuncupantes. Cum vero expressius exprimat venditionis elemosinam, qui prius recipit pretium, quam rem conferat pretiosam, & gratis sit gratia conferenda: mandamus, quatenus taliter excessus corrigas supra dictos Suffraganeos tuos, & Officiales eorum a tam illicita exactione compescens, quo aliorum culpa tibi ob tuam negligentiam non imputetur ad pœnam.

R E G U L A XXXV.

Pactio quælibet pro Missarum celebratione illicita, & Simoniacæ est.

Quamobrem Tridentina Synodus Sessione xxii. in Decreto De observandis, & vitandis in Celebratione Missæ, monet Episcopos, ut Inprimis, quod ad avaritiam pertinet, cujusvis generis mercedem, conditiones, pacta, & quicquid pro Missis novis celebrandis datur; necnon importunas, atque illiberales elemosynarum exactiones potius quam postulationes, aliæque hujusmodi, quæ a Simoniacæ labe, vel certe a turpi quæstu non longe absunt, omnino prohibeant.

Pactiones quælibet pro celebratione Missarum illicitæ, & Simoniacæ.

Et Concilium Rhemense anno 1585. Sacerdotes, qui de pretio paciscuntur, ut Missas celebrent, & Parci, qui pro Sacramentorum administratione, vel

Funere, vel Sepulturis exigunt, præter ea, quæ de jure, vel consuetudine laudabili consenserunt, habebantur Simoniaci, non autem si sponte oblata recipiant.

Id consonum est antiquioris Concilii Toletani, scilicet anno 1324. celebrati Canone vi. quo Presbyteri perstringuntur, qui pro Missis pecunias exigunt, Æstimantes, ut ex eorum facto pernicioso videtur, gratiam Dei, quæ in Missæ Sacramento confertur, vel verius ipsum Deum, qui nobis sub specie dicti Sacramenti se exhibet, pecunia posse vendi. Verum (inquit) cum dictum Sacramentum super omnia pretiosum sit liberaliter sicut cetera Sacramenta celebrandum, districtius prohibemus, ne aliquis Presbyter pro Missis celebrandis pecuniam exigat, vel rem aliam temporalem; sed grate accipiat, si aliquid per facientem Missas celebrari oblatum sibi charitative fuerit, absque pacto, & conventionem quacumque. Qui vero contrarium fecerit, a celebratione Missæ per annum noverit se suspensum, & alias pro tam gravi excessu ad arbitrium proprii Episcopi puniendum.

Eandem Regulam confirmat S. Thomas in iv. Sententiarum, Dist. xxv. quæst. iiii. artic. ii. Quæstiuncula i. ad quartum: *Facere (inquit) passio-nem de Missa celebranda est Simoniacum semper: si tamen non habet alios sumptus, & non tenetur ex Officio Missam cantare, potest accipere denarios (sicut conducti Sacerdotes faciunt) non quasi pretium Missæ, sed quasi sustentamentum vitæ.*

Et Secunda Secundæ, quæstione centesima, art. ii. ad secundum: *Sacerdos non accipit pecuniam quasi pretium Consecrationis Eucharistiæ, aut Missæ decantandæ (hoc enim esset Simoniacum:) sed quasi stipendium sue sustentationis.*

Et rursus in iv. Sententiarum, quæstione, & articulo mox indicatis, Quæstiuncula ii. Actum aliquem spirituales dici posse notat, vel quantum ad suum principium, quia competit alicui ex aliquo spirituali dono, vel officio, vel quantum ad sui finem; ut quando per actum ad aliquod spirituale donum pervenitur. In actibus (inquit) qui primo modo spirituales sunt, quia spirituale est ex parte agentis, nullo modo sine Simonia potest aliquis locare actus suos: sed potest aliquid accipere in sustentationem vitæ: In secundis autem actibus, quia spiritualitas non est ex parte agentis, potest etiam vendere operas suas; sed non vendere hoc spirituale, quod ex eis actibus acquiritur. Unde quia docere artes liberales est actus spiritualis (secundum modum), nec Magistris artium vendere labores suos, sed non scientiam, tunc veritatem, quæ spiritualis est. Sed quia Anniversarium celebrare est spiritualis actus primo modo, nullo modo licet pacisci pro eo celebrando. Si tamen cum devotione aliquid detur Ecclesiæ, Ecclesia tenetur celebrare pro illis, pro quibus rogatur, (inquit S. Thomas in Responsione ad primum.)

Contra hoc Simoniaci genus scribit Petrus Cantor in Verbo Abbreviato, cap. xxvii. Ut (inquit) insitimas radices, id est, cupiditati simoniacæ extirpandæ: Sic benedicam te in vita mea, scilicet: In nomine tuo, non numini, non cupiditatis, Levabo manus meas; quas in honore, & gloriâ Domini levat, qui bonis insitens, non suam, vel Mundi, sed Domini gloriam quærit. Quasi diceret: A me incipio, quia me cum vitiis, & concupiscentiis crucingo; Crucifixum prædico, Crucifixum adoro; & quod plus est Crucifixum sincere conficio, semper, aliis manducandum distribuô. Quomodo ergo manus Mundi crucifigas, Te Christe, conficientes, levabo ad alium, quam ad Te, Pretium Mundi? Quomodo ad quæstum, maxime ad peccatum? Simon Magus, qui Christianus esse, & miracula facere voluit propter quæstum, repulsam passus est a Simone Pe-

tro: ob quam ulciscendam quasi dixit ei: Tu repellis me, & ego triumphabo de te, imo de toto corpore Ecclesiæ. In ipsis etiam Altaribus ponam folium, & cubile, & thronum, & dominium meum; ut etiam præsentibus Angelis, & quasi coadunatis in uno angulo Altaris conficere Corpus Domini, ego in alio cum Ministro Altaris, imo cum meo potius, illud pro pretio conficiam.

Hinc *Arnulfus* Lexoviensis Episcopus Epistola LIV. Oportet (*inquit*) offerentem puras manus inferre, ne quod impremiabile est, omnique veneratione dignissimum, vel sub pretii recidat utilitatem, vel causis indigioribus expendatur.

Et *Robertus* Cardinalis *Pullus*, P. VIII. cap. XVII. Quid est (*inquit*) Missarum solemniam contuitu temporalis commodi celebrare, nisi cum Juda Christum vendere, tanto nequius quanto resurgendo est sublimatus?

Certe cum Missarum Honorarium in locum antiquarum oblationum panis, & vini successerit, sicut Laici illud tanquam Deo acceptam oblationem Sacerdoti offerre debent, ita quoque illud Sacerdos non tanquam pretium Missæ, sed ut voluntariam oblationem grato animo accipere tenetur, atque ostendere se velle Deo voluntarie sacrificare. Et si quando nihil, aut aliquid minus liberali animo Honorarii loco ordinatum fuerit, non contristetur, nec aliquod indignationis det indicium; quin potius ut ostendat se magno, liberalique animo gratis dare, quod gratis accepit, ab omni cogitatione, & desiderio meritis, & honorarii se semper contineat; & si quando aliquid offeratur, illud quamvis exiguum lætiori, lubentiorique animo accipiat, quam paupercula illa vidua æra minuta duo, quæ sola habebat, in Gazophylacium mittebat. Cavendum denique & privatis Sacerdotibus, & Communitatibus, ne Conventiones directæ, vel indirectæ super hisce Honorariis ineant, ne & hisce temporibus locum habeat, quod deplorabat olim Ecclesiæ malum *Alvarus Pelagius*, *Silvensis* Episcopus ex Ordine S. Francisci assumptus, Lib. II. de Planctu Ecclesiæ, art. v. Tot hodie dicuntur Missæ quasi quæstuarie, vel consuetudinarie, vel ad complacentiam, vel ad scelera cooperienda, vel propriam justificationem, quod apud populum, vel Clerum sacrosanctum Corpus Domini jam vilescit. Unde, & almus *Franciscus* voluit, quod in quocumque loco Fratres contenti essent una Missa, præsciens Fratres se velle justificare per Missas, & ad quæstum eas reducere, sicut videmus hodie fieri. Unde & dicebat, quod una Missa cælum, & terram implebat.

R E G U L A XXXVI.

Quamvis Pœnitentibus in utroque foro imperari possint eleemosynæ, & Excommunicatis indici possint multæ pecuniariæ, cum in foro externo absolvuntur, nihil tamen exigi pro Absolutione potest citra Simonie crimen.

PRO Sacramentis enim, & pro Ministerio Ecclesiastico exercendo aliquid exigere, Simoniacum est. Hanc Regulam confirmat *Lucius III.* cap. *Ad aures*, Ext. De Simonia, scribens, Indignum esse, & Ecclesiasticæ rationi contrarium, ut Absolutionis Beneficium redimatur.

Eandem confirmat *S. Thomas*, 2. 2. quæst. centesima, art. II. ad tertium: *Pecunia* (*inquit*) non exigitur ab eo, qui absolvitur, quasi pretium Absolutionis: (hoc enim esset Simoniacum) sed quasi pœna culpæ præcedentis, pro qua fuit excommunicatus.

Simonie rei sunt Ecclesiastici Judices, qui pretio, vel favore celant peccatorem; aut digne Penitenti, ac satisfactionem condignam offerenti, Absolutionis Beneficium negant. Item Confessarii, qui pretio pariter, vel favore non penitentem absolvent, levioresque, quam par sit, Penitentiam imponunt.

Simonie Ecclesiastico-
rum iudicium.& Confessariorum.

Hæc Regula nititur cap. Nemo, Ext. De Simonia, quod *Alexandri III.* Responsum est: Nemo (inquit) Presbyterorum xenium, vel emolumentum quodlibet temporale, imo spirituale detrimentum, a quocunque publice peccante accipiat, ut Episcopo, vel Ministris ejus peccatum illius celet: nec respectu cujusque persone consanguinitatis, aut familiaritatis, alienis communicans peccatis hoc Episcopo innotescere detreget: nec quemquam Penitentem, vel minus digne Penitentem, gratia, vel favore ad Reconciliationem adducat, & testimonium Reconciliationis ferat eidem: Vel quocumque favore, digne Penitentem a Reconciliatione removeat; quia Simoniacum est utrumque.

Eandem Regulam confirmat *S. Thomas* in iv. Sententiarum, Dist. xxxv. quæst. 111. art. 11. Quæstioncula 11. ad sextum: *Correctio*, inquit, est spiritualis actus: unde Simoniam committit, qui pecuniam accipit, ut peccatum, quod tenetur revolare, aut punire, non revelet, nec puniat.

R E G U L A XXXVIII.

Pro Benedictionibus Nubentium, sicut & pro ceterorum Sacramentorum Administratione pretium exigere, aut quovis modo pacisci, crimen Simonie est: cogi tamen possunt Fideles, quos paupertas non excusat, ad solvendum Ecclesie Ministris honorarium, quod pia consuetudine constitutum est.

Honoraria
Ecclesie Ministris
pro
consuetudine
debita.

Hanc Regulam tradit Concilium Lateranense iv. sub *Innocentio III.* celebratum, Canone LXVI. & refertur cap. Ad Apostolicam, Ext. De Simonia, cujus hæc sunt verba: Quidam Clerici pro Exequiis Mortuorum, & Benedictionibus Nubentium, & similibus pecuniam exigunt, & extorquent, & si forte eorum cupiditati non fuerit satisfactum, impedimenta fictitia fraudulenter opponunt. E contra vero quidam Laici laudabilem consuetudinem erga Sanctam Ecclesiam pia devotione Fidelium introductam, ex fermento hæreticæ pravitatis nituntur infringere, sub prætextu canonicæ pietatis. Quapropter super his pravas exactiones fieri prohibemus, & pias consuetudines præcipimus observari: statuentes, ut libere conferantur Ecclesiastica Sacramenta: Sed per Episcopum loci, veritate cognita, compescantur, qui malitiose nituntur laudabilem consuetudinem immutare.

Idem antea decreverat Concilium Oecumenicum *Lateranense* sub *Alexandro III.* ut refertur cap. Cum in Ecclesia, Ext. De Simonia: cujus hæc sunt verba: Ne vel pro personis Ecclesiasticis deducendis in Sedem, vel Sacerdotibus instituendis, aut sepeliendis Mortuis, seu benedicendis Nubentibus, seu aliis Sacramentis aliquid exigatur, districtius prohibemus. Si quis autem contra hoc venire præsumperit, portionem cum Giezi se noverit habiturum.

Idem confirmatur ex Concil. *Turonensi* anno 1236. Canone iv. *Innovamus*, ut Sacramenta Ecclesiastica gratis exhibeantur: inhiabentes, ne pro eis, antequam fiant, aliquid petatur, seu etiam exigatur. Quibus gratis exhibitis, poterit peti, quod de pia consuetudine exigi consuevit, subditos ad hoc per Prælatos Censura Ecclesiastica compellendo.

Præclarum est ea de re Concilii Rothomagensis anno 1581. Decretum § Tit. De Curatorum, & aliorum Presbyterorum, ac Paræcianorum Officiis, cap. xxvi. *Quamvis* (inquit) nefaria sit simoniaca pro Sacramentorum administratione pactio, & licitatio: nihilominus, qui catechizatur, debet in omnibus ministrare ei, qui catechizat, & rependere temporalia seminanti spiritualia. Proinde sicut damnamus Curatorum, & Presbyterorum exactiones: ita non tantum ingrati animi, sed contra nature debitum, & Jus divinum nitentis, & corrupti esse judicamus, dispensanti Sacramenta ad salutem requisita non suppeditare vultui necessaria, & opere pretium, & salutis mercedem non reddere; scri-
ptum est enim: Non alligabis os bovi trituranti, Et, Quis pascit gregem,
& de lacte gregis non manducat? Quis plantat vineam, & de genimine
vitis non bibit? Ita & his, qui altari deserviunt, de Altare vivere con-
stituit Deus. Proinde noverint omnes Christiani, non liberalitatis esse, sed
debiti, ministranti Sacramenta, atque alia spiritualia, stipendium aliquod sol-
vere, unde vivat. Sed cum pretio nummario Sacramenta nequeant estimari,
nec quanti sit cuique necessarium ad victum, possit nisi ex ratione temporum,
locorum, & personarum definiri: recte Majores nostri ad laudabiles consuetu-
dines, ad evitandum avaritiæ, & sordium suspicionem, & occurrendum du-
xerunt, quæ cum hominum malitia intermittantur, obtestamur in Domino Cu-
ratos, & Paræcianos de his amice inter se convenire pro temporum varia-
te, & difficultate, Quod si Paræciani in contumacia contra Jus Naturæ, &
Divinum perstiterint, volumus eos vocari a Curatis coram Episcopis, & cir-
cumspectis omnibus, quod rationi videbitur constituatur, præsertim incivitati-
bus, & oppidiis, ubi refrigescit charitas, & abundat iniquitas, nec Curatis
ulle Decimæ, aut alii suppetunt proventus.

i. Cor. 9.

Eandem Regulam confirmat S. Thomas, quæst. 100. art. 11. Sacramen-
ta (inquit) Novæ legis sunt maxime spiritualia, in quantum sunt cau-
sa spiritualis gratiæ, quæ pretio æstimari non potest, & ejus rationi re-
pugnat, quod non gratuito detur. Dispensantur autem Sacramenta per
Ecclesiæ Ministros, quos oportet a populo sustentari, secundum illud A-
postoli 1. ad Corinth. 13. Nescitis quoniam, qui in Sacrario operantur, quæ
de Sacrario sunt, edunt: & qui Altario deserviunt, cum Altario participant?
Sic ergo dicendum est, quod accipere pecuniam pro spirituali Sacramen-
torum gratia, est crimen Simonie, quod nulla consuetudine potest ex-
cusari: quia consuetudo non præjudicat Juri Naturali, vel Divino. Per
pecuniam autem intelligitur omne illud, cujus pretium potest æstimari.
Accipere autem aliqua ad sustentationem eorum, qui Sacramenta Christi
ministrant, secundum ordinationem Ecclesiæ, & consuetudines approba-
tas, non est Simonia, neque peccatum. Non enim sumitur tanquam pre-
tium mercedis, sed tanquam stipendium necessitatis. Unde S. Augustinus
Lib. De Pastoribus ait: Accipiant necessitatem sustentationis a Populo,
mercedem dispensationis a Domino.

Et in Responsione ad Quartum: Consuetudo (inquit) non præjudicat
Juri Naturali, vel Divino, quo Simonia prohibetur. Et ideo si aliqua ex
consuetudine exigantur quasi pretium rei spiritualis cum intentione emen-
di, vel vendendi, est manifeste Simonia, & præcipue si ab invito exi-
gantur. Si vero exigantur quasi quædam stipendia per consuetudinem ap-
probata, non est Simonia, si tamen desit intentio emendi, vel vendendi,
sed intentio referatur ad solam consuetudinis observantiam, & præcipue
quando aliquis voluntarie solvit. In his tamen omnibus sollicite cavendum
est, quod habet speciem Simonie, vel cupiditatis secundum illud Aposto-
li 1. ad Thesalon. ult. AB OMNI specie mala abstinete vos.

„ Et ad Sextum : Dare pecuniam pro Matrimonio in quantum est *natus*
 „ ræ officium, licitum est : In quantum vero est Ecclesiæ Sacramentum,
 „ est illicitum : & ideo secundum Jura prohibetur, ne pro Benedictione Nu-
 „ ptiarum aliquid exigatur.
 „ Item Art. III. Vendere, quod spirituale est, aut emere, simoniacum
 „ est : sed accipere, aut dare aliquid pro sustentatione Ministrantium spiri-
 „ tualia, secundum ordinem Ecclesiæ, & Consuetudinem approbatam, lici-
 „ tum est : ita tamen quod desit intentio emptionis, vel venditionis ; &
 „ quod ab invitis non exigantur per spiritualium subtractionem, quæ sunt
 „ exhibenda : hoc enim haberet quamdam venditionis speciem. Gratis ta-
 „ men spiritualibus prius exhibitis, licite possunt statuta, & consuetæ obla-
 „ tiones, & quicumque alii proventus exigi a nolentibus, & valentibus sol-
 „ vere, auctoritate Superiori interveniente.

R E G U L A XXXIX.

*Statutum de Processione ad Funus non faciendum, aut de Mortuorum Officio non
 canendo, nisi certa Pecuniæ summa solvatur, simoniacum est.*

„ I D constat ex S. Thoma, 2. 2. quæst. 100. art. III. ad secundum : Aliqua
 „ (inquit) temporalia dantur Deum laudantibus in celebratione Eccle-
 „ siastici Officii, sive pro vivis, sive pro mortuis, non quasi pretium, sed
 „ quasi sustentationis stipendium. Et eo etiam tenore pro Processionibus fa-
 „ ciendis in aliquo funere aliquæ eleemosynæ recipiuntur. Si autem hujus-
 „ modi pacto interveniente fiant, aut etiam cum intentione emptionis, vel
 „ venditionis, simoniacum esset. Unde illicita esset ordinatio, si in aliqua
 „ Ecclesia statueretur, quod non fieret Processio in Funere alicujus, nisi sol-
 „ veret certam pecuniæ quantitatem : quia per tale statutum præcluderetur
 „ via gratis officium pietatis aliquibus impendendi. Magis autem licita esset
 „ ordinatio, si statueretur, quod omnibus certam eleemosynam dantibus ta-
 „ lis honor exhiberetur ; quia per hoc non præcluderetur via aliis exhiben-
 „ di. Et præterea, prima ordinatio habet speciem exactionis : secunda au-
 „ tem habet speciem gratuitæ compensationis.

R E G U L A XL.

*Pro verbi divini Prædicatione pretium exigere, Simonia est : stipendia tamen sus-
 tentationis Concionatoribus Evangelicis debentur.*

E Vangelii namque Prædicatio, cum sit Ministerium spirituale, pretio æ-
 stimari non potest : At stipendia sustentationis Concionatoribus Divino
 Jure debentur, ut docet Apostolus 1. ad Corinth. IX. *Quis militat suis sti-
 pendiiis unquam ? Quis plantat vineam, & de fructu ejus non edit ? Quis pas-
 cit gregem, & de lacte gregis non manducat ? Scriptum est in Lege Moysi :
 Non alligabis os bovi trituranti. Nunquid de bobus cura est Deo ? An propter
 nos utique hoc dicit ? Nam propter nos scripta sunt. Quoniam debet in spe, qui
 arat, arare : & qui triturat, in spe fructus percipiendi. Si nos vobis spiritua-
 lia seminavimus, magnum est, si nos carnalia vestra metamus ? Nescitis quo-
 niam, qui in Sacrario operantur, quæ de Sacrario sunt, edunt : & qui Altari
 deserviunt, cum Altari participant ? Ita & Dominus ordinavit iis, qui Evan-
 gelium annunciant, de Evangelio vivere.*

Idem confirmat S. Augustinus Libro De Opere Monachorum, cap. xxvi.
*Qui propter hoc (inquit) Evangelium prædicat, ut habeat, unde manducet,
 & unde vestiatur, simul se putet, & Deo servire, quia Evangelium prædicat ;*

Mammone, quia propter ista necessaria prædicat; quod Dominus dicit fieri non posse. Ac per hoc ille, qui propter ista Evangelium prædicat, non Deo, sed Mammonæ servire convincitur; etsi Deus illo ad aliorum proventum, quomodo ipse nescit, utatur.

Et S. Gregorius, Lib. XIX. Moralium, cap. x. explicans hæc verba cap. XXIX. Quando lavabam pedes meos butyro; pedes Domini Prædicatores Evangelii interpretatur; butyrum vero, sustentationem, quæ ipsis a fidelibus debetur. Butyro (inquit) pedes lavantur, dum Sanctis Prædicatoribus debita ab audientibus stipendia conferuntur: Et quos fatigat injunctus prædicationis labor, exhibita a discipulis pinguedo boni operis fovet: non quod ideo prædicent, ut alantur, sed ideo alantur, ut prædicent, id est, ut prædicare subsistant: non ut intentionem sumendi victus transeat actio Prædicatoris, sed ad utilitatem prædicationis deserviant ministeria sustentationis. Unde a bonis Prædicatoribus non causa victus prædicatio impenditur, sed causa prædicationis accipitur victus. Et quoties Prædicantibus necessaria ab audientibus conferuntur, non solent de rerum munere, sed de conferentium gaudere mercede. Unde per Paulum dicitur: Non quæro datum, sed requiro fructum. Datum quippe est res ipsa, quæ Phil. 4. 17. impenditur: fructus vero dati est, si benigna mente future mercedis studio aliquid impendatur. Ergo datum in re accipimus, fructum in corde.

Idem docet S. Thomas, in IV. Sententiarum, Distinct. XXV. qu. III. art. II. Quæstiuncula II. ad quintum, Stipendia (inquit) debentur Prædicantibus ad sustentationem victus, ne cogantur relinquere verbum Dei, & circa procurandâ sibi necessaria occupari, non autem debentur eis quasi pretium Prædicationis.

Et 2. quæstione centesima, artic. III. ad secundum: Prædicantibus (inquit) temporalia debentur ad sustentationem prædicantium; non autem ad emendum prædicationis verbum. Unde super illud I. ad Timotheum V. Qui bene præfunt Presbyteri, &c. dicit Glossa (ex S. Augustino sumpta Lib. De Pastoribus) Necessitatis est accipere, unde vivitur, Charitatis est præbere: non tanquam venale sit Evangelium, ut illud sit pretium ejus, quod sumunt, qui annuanciant, unde vivant. Si enim sic vendunt, magnam rem vili vendunt. Accipiant sustentationem necessitatis a populo, mercedem dispensationis a Domino... Non expectent illi mercedem, nisi unde & isti salutem.

R E G U L A XLI.

Simoniæ rei sunt Canonici, qui Chorum frequentant propter Distributiones, tanquam propter finem præcipuum.

Hanc Regulam adstruit S. Thomas, Quodlibeto VIII. quæst. VI. Articulo I. Celebrare Divinum Officium in Ecclesia (inquit) est actus spiritualis ex parte principii: competit enim alicui ex hoc, quod est Clericus. Et ideo Simoniam committit, qui hujusmodi actum vendere intendit; in qualibet enim venditione pretium accipitur quasi finis. Et ideo in prædicto casu distinguendum est: si enim hujusmodi distributiones recipit quasi finem sui operis principaliter intentum, simoniam committit: & ita mortaliter peccat: si autem habet principalem finem Deum in tali actu, ad hujusmodi autem distributiones respicit secundario, non quasi in finem, sed sicut in id, quod est necessarium ad suam sustentationem, constet, quod non vendit actum spirituales; & ita simoniam non committit, nec peccat: sic enim acceptio distributionum non erit causa, quare a Ecclesia vadat, sed proprie hujusmodi determinationis, quare nunc vadat, & non alia vice.

Triplici ex causa fiunt spiritualia (inquit Petrus Cantor in *Verbo Abbatis* viato, cap. xxv.) Causa propter quam, quæ debet esse solus Deus; & causa sine qua non possent fieri; & causa sine qua non fierent. Si spirituale sit ob temporale tantum, & non propter Deum, istud execrabile est, & diabolicum. Si vero causa Dei, & causa terreni emolumenti, sine qua non fierent, cum possent, jam causa sine qua vertitur in causam propter quam. Pallium enim meum breve est, &c. Et litratum meum angustum est, &c. Non potestis Deo servire, & Mammonæ. Quousque claudicatis in duas partes? Non potestis ingredi terram duabus viis. Tertiam vero causam necessitas humane fragilitatis excusat, Dignus est enim operarius cibo suo.

Matt. 23.

g. Reg. 18.
Eccl. 2.

R E G U L A XLII.

Simonia mentalis, & conventionalis Excommunicationem, aliasque pœnas canonicas non inferunt, sed sola Simonia realis; cum scilicet ita de pecunia, seu de re pretio æstimabili pro spirituali danda conventum est expresse, vel tacite, ut ex una saltem parte conditio impleta sit.

ITa docet S. Thomas, 2. 2. quæst. centesima, artic. vi. ad sextum: Quoad Deum (inquit) sola voluntas faciunt simoniacum: Sed quoad pœnam Ecclesiasticam exterioriorem non punitur, ut simoniacus, ut abrenunciare teneatur, sed debet de mala intentione pœnitere.

Id consonum est Capiti Mandato, Ext. De Simonia, quo Gregorius IX. Legato quærenti, utrum acceptum ab eo Mandatum dispensandi cum Monachis simoniace receptis ad ipsos etiam Abbates pertineret, respondet: Mandatum Apostolicum etiam ad Abbates extendi. Et ad Resignationes spiritualium, & temporalium, quæ nullo pacto, sed affectu animi præcedente, utrinque taliter acquiruntur (in quo casu delinquentibus sufficit per solam Pœnitentiam suo satisfacere Creatori) eos pro Simonia hujusmodi non teneri.

R E G U L A XLIII.

Qui pro re spirituali aliquid pretio æstimabile dedit, vel accepit, seu munus a manu, aut ab obsequio, aut a lingua, quamvis nullo pacto præcedente; ad renunciandum Beneficio, & ad restitutionem tenetur, si animo proposuerit rem temporalem pro spirituali dare, vel accipere.

Nullus enim potest licite retinere id, quod contra voluntatem Domini acquisivit (inquit S. Thomas, 2. 2. quæst. centesima, art. vi.) Puta, si aliquis dispensator de rebus domini sui daret alicui contra voluntatem, & ordinationem domini sui, ille, qui acciperet, licite retinere non posset. Dominus autem, cujus Ecclesiarum Prælati sunt Dispensatores, & Ministri, ordinavit, ut spiritualia gratis darentur, secundum illud Matth. x. Gratis accepistis, gratis date. Et ideo, qui muneris interventu spiritualia quæcumque assequitur, ea licite retinere non potest.

Necitur eadem Regula Can. Si quis neque, Causa 1. qu. 1. qui S. Gregorio tribuitur: Si quis fraudulentum munusculo Episcopalem, seu Sacerdotalem, non lucro animarum, sed inanis gloriæ, avaritia fultus dignitatem acceperit, & in vita sua non sponte reliquerit, cumque inasperata mors Pœnitentem non invenerit, procul dubio in æternum peribit. Fraudulenta n. munusculum intelligitur, quod nulla conventionem prævia, quasi ex mera, gratuitaque liberalitate datum est; cum tamen eo donatum vel acceptum sit animo, ut per illud ad spiritualem dignitatem, seu Beneficium Ecclesiasticum perveniretur, sive ut illius intuitu Beneficium conferretur.

Tan-

¶ Tandem qui lucrum solo mutui nomine percepit, nullo etiam pacto intercedente, ad ejus restitutionem obligatur, ut colligitur ex cap. *Consultuit*, Tit. *De Usura*: Pari ergo jure simoniacus, qui turpe lucrum ex re spirituali, vel ei annexa percepit, ad restitutionem tenetur, etiam si nullum pactum intercefferit, sed solo animi proposito pretium intenderit.

R E G U L A XLIV.

¶ Qui per Simoniam ordinati sunt, quamvis ipsi criminis istius conscii non fuerint, ab executione tamen Ordinum ipso jure sunt suspensi.

¶ Id constat ex cap. *Quoties*, & cap. *De hoc*, quod est *Alexandri III.* Responsum, Ext. *De Simonia*: Ex *Pauli II.* Constitutione, quæ incipit, *Cum* attestabile: & ex *S. Thoma* 2. 2. quæstione centesima, artic. vi. ad primum: *Ille* (inquit) qui simoniace recipit sacrum Ordinem, recipit quidem characterem Ordinis propter efficaciam Sacramenti: Non tamen recipit gratiam, neque Ordinis executionem, eo quod quasi furtive suscepit Characterem contra Principalem Domini voluntatem. Et ideo est ipso jure suspensus, & quoad se, ut scilicet de executione sui Ordinis se non intromittat; & quoad alios, ut scilicet nullus ei communicet in Ordinis executione. Et ad tertium: Si vero eo nec volente, nec sciente, per alios alicujus Promotio simoniace procuratur, caret Ordinis executione.

Simoniace
Ordinati
sunt irregu-
lares.

R E G U L A XLV.

¶ Cum iis, qui simoniace sunt ordinati, nec tamen Simonie conscii fuerunt, dispensare potest Episcopus, ut Ordinis ita suscepti functiones obeant: si vero ipsi Simoniam commiserint, aut hujusmodi criminis participes fuerint, necessaria est Summi Pontificis dispensatio. Idem esto judicium de simoniaca Beneficiorum impetratione. Quid enim aliena simonia, nec scientes, nec volentes, Beneficium Ecclesiasticum consecuti sunt, illud retinere possunt cum Episcopi dispensatione, qui vero Simonie participes, seu conscii fuere, non possunt, nisi Summi Pontificis Dispensatione, & indulgentia in integrum restituantur.

¶ Prima pars constat ex cap. *De simoniace Ordinatis*, Ext. *De Simonia*, quod est *Lucii III.* Responsum: Certum (inquit) tibi dare non possumus Responsum, nisi plenius cognoscamus, qualiter fuerint ordinati; cum quidam, licet secundum quamdam speciem Simonie, utpote ipsis ignorantibus, simoniace ordinentur, possunt (quia simoniaci non sunt) in suis Ordinibus remanere. Idem confirmatur, ex cap. *Post translationem*, Ext. *De Renunciatione*, quod est *Innocentii III.* Archiepiscopo Ravennati electo scribentis: Si quis per cupiditatem parentum (eo tamen penitus ignorante) fuerit Episcopatum adeptus, & hoc comperto, Episcopatum ipsum de licentia Superioris dimitens, Observantiam elegerit Regularem: etsi ad Episcopatum eundem redire postmodum nequeat, juxta canonicas Sanctiones, ad alium tamen poterit licite reassumi. Cujus Capituli Glossa hæc habet in rem nostram: Papa potest dispensare cum Simoniacis, qui characterem habent vitiosum, qui scienter simoniam commiserunt: Quod probat ex cap. penultimo, *De Simonia*, quod *Gregorii IX.* Responsum est: Si quis (inquit) ordinaverit, seu ad Ordinem presentaverit aliquem, promissionem, vel juramentum ab illo recipiens, quod super Provisione sua non inquietet eundem: Ordinator a Collatione, Presenterator vero ab executione Ordinum per triennium, & Ordinatus ab Ordine sic suscepto, donec dispensationem super hoc per Sedem Apostolicam obtinere meruerint, noverint se suspensos. Pergit Glossa: Sed inferiores Prelati non possunt dispensare cum

Quis dispensare possit cum iis, qui simoniace sunt ordinati?

re cum

re cum sciente, sed Papa: hoc ideo, quia bene purgatur vitium furti, ne fur
triva apud furem remanente de voluntate Domini, ff. De Viur. L. Si fur. &
Causl. 1. quæst. 1. C. Quod quidam, ver. Si forte malitiæ characterem, &c.
Sed cum Simonia commissæ est ignorante illo, cui acquisitum est Beneficium, vel
qui Ordinem, vel Dignitatem adeptus est ignoranter, possunt Episcopi dispensare
post liberam Resignationem. Sed in hoc distingue: Si Beneficium etiam simplex
eo modo est adeptus, statim post Resignationem potest resumere ad illud dispensati-
ve, ut supra, De electione, cap. Si alicujus. In illo, qui Dignitatem sic est
adeptus, distingue, si sponte resignat, petens humiliter Resignationem admitti,
statim potest Episcopus dispensare cum illo, & ad eandem Prælaturam. Causl.
1. q. 5. C. Præsentium. Ubi dispensatur in Dignitate assumenda cum eo, qui spon-
te renunciavit Ordini ignoranter recepto. Si vero de hoc contendit in iudicio, &
electio sua reprobata fuerit, quia simoniace fuit facta, licet eo ignorante, tunc
Episcopus illa vice cum eo non poterit dispensare, sed postea sic. Supra, De
electione, cap. Si alicujus. Et ita tenas circa huiusmodi dispensationem Simo-
niacorum.

Secunda pars Regulæ nostræ confirmatur ex Gregorio IX. cap. Si alicujus,
„ Ext. De Electione, mox laudato. Si alicujus electionem (inquit) propter
„ simoniam, eo ignorante, ac ratum non habente commissam, contigerit re-
„ probari; cum eo super Prælatione, ad quam taliter fuerat electus, illa vi-
„ ce non potest Episcopus dispensare. Quamvis circa eum, qui ignoranter
„ recipit simplex Beneficium per simoniacam pravitatem, post liberam Re-
„ signationem, Episcopi dispensatio toleretur.

Idem confirmatur ex S. Thoma, Secunda Secundæ, quæstione centesima,
„ art. vi. ad septimum: Dispensare, inquit, cum eo, qui est Beneficiatus
„ simoniace scienter, solus Papa potest. In aliis autem casibus potest etiam
„ Episcopus dispensare: Ita tamen, quod prius abrenunciet, quod simonia-
„ ce acquirit, & tunc dispensationem consequatur: vel parvam, ut ha-
„ beat laicam Communionem: vel magnam, ut post Pœnitentiam in alia
„ Ecclesia in suo Ordine remaneat: vel maiorem, ut remaneat in eadem, sed
„ in Minoribus Ordinibus: vel maximam, ut in eadem Ecclesia etiam Ma-
„ jores Ordines exequatur, non tamen Prælationem accipiat.

R E G U L A XLV.

Renuncians Beneficio simplici, ad quod per Simoniam ignoratam fuerat assum-
ptus, si postea ad illud ex indulgentia Capituli iterum assumatur, nihil ex
prima electione sibi vindicare potest.

C Anonicus itaque sic promotus, & post Renunciationem iterum admi-
tus, postremum locum in Choro, & in aliis obtinet, ut respondet
Clemens III. cap. Ex insinuatione. Ext. De Simonia. Prima enim collatio, seu
receptio ipso Jure nulla erat: Actio autem semel extincta non amplius re-
viviscit.

R E G U L A XLVI.

In pœnas Canonicas non incurrit, nec ad Beneficium, Dignitatem, vel Offi-
cium Ecclesiasticum resignandum tenetur ille, quo non solum ignorante, sed
prohibente, pecunia, vel aliquid aliud pretio alienandum datum est, ut ei
Beneficium illud, Dignitas, vel Officium procuraretur: maxime si datum sit
in ejus odium, & per insidias.

I Ta declarat Innocentius III. cap. Sicut, Ext. De Simonia, cujus hæc sunt
verba: Quamvis autem secundum sacrorum Canonum Instituta, etiam par-
vuli,

vuli, qui cupiditate parentum Ecclesias per pecuniam sunt adepti, eas dimittere teneantur: quia tamen longe diversum est non præbere consensum, & expresse aliquid prohibere: taliter duximus respondendum, quoniam ex eo, quod contra prohibitionem, & voluntatem tuam (a qua postmodum minime recessisti) aliquis, te penitus ignorante, promisit pecuniam, & exsolvit; præsertim cum is nulla sit tibi consanguinitate conjunctus, nihil tibi debet ad penam, vel culpam (sicut credimus) imputari: nisi postea consenseris, pecuniam solvendo promissam, aut reddendo solutam: alioquin contingeret, quod alicujus factum, insidias inimico parantis, ei damnosum existeret, cui penitus displiceret: & sic aliquis de fraude sua commodum reportaret.

R E G U L A XLVII.

Qui Beneficium per Simoniam sciens volens obtinuit, fructus omnes restituere tenetur, non solum extantes, sed consumptos, illis duntaxat exceptis, quin Ecclesie ipsius utilitatem sunt expensi: qui vero Simonie conscius non fuit, fructus consumptos restituere non tenetur.

Sic respondet S. Thomas, 2. 2. q. 100 art. 6. ad tertium: „ Si aliquis (inquit) scienter, & propria sponte simoniace accipiat Ordinem, vel Ecclesiasticum Beneficium, non solum privatur eo, quod accepit, ut scilicet cet careat executione Ordinis, & Beneficium resignet cum fructibus inde perceptis: sed etiam ulterius punitur, quia notatur infamia. Et tenetur ad restituendos fructus non solum perceptos, sed etiam eos, qui percipi poterunt a possessore diligenti. Quod tamen intelligendum est de fructibus, qui supersunt deductis expensis factis causa fructuum, exceptis fructibus illis, qui alias expensi sunt in utilitatem Ecclesie. Si vero eo nec volente, nec scienter, per alios alicujus Promotio simoniace procuratur, caret quidem Ordinis executione, & tenetur resignare Beneficium, quod est consecutus, cum fructibus extantibus: non autem tenetur restituere fructus consumptos, quia bona fide possedit: nisi forte inimicus ejus fraudulenter pecuniam daret pro alicujus Promotione, vel nisi ipse expresse contradixerit. Tunc enim non tenetur ad renunciandum, nisi forte postmodum pacto consenserit, solvendo fuit quod promissum.

Simoniaco-
rum restitu-
tio.

R E G U L A XLVIII.

Restitutio pecunie per Simoniam acceptæ, fructuumque ex Beneficiis simoniace obtentis perceptorum, facienda est Ecclesie, vel pauperibus.

Eccliesie restitutionem faciendam respondet Alexander III. cap. De hoc Ext. De Simonia. Ecclesie, vel pauperibus faciendam, S. Thomas, docet, 2. 2. qu. xxxiii. art. vii. Alio modo (inquit) est aliquid illicite acquisitum, quia quidem ille, qui acquisivit, retinere non potest, quia scilicet contra justitiam accepit, & alter contra justitiam dedit: sicut contingit in Simonia, in qua dans, & accipiens, contra justitiam legis divine agit. Unde non debet fieri restitutio ei, qui dedit, sed debet in elemosynas erogari.

Et questione centesima, art. vi. ad quartum: Pecunia, inquit, vel possessio, vel fructus simoniace accepti, debent restitui Ecclesie, in cujus injuriam data fuerunt, non obstante quod Prælatus, vel aliqui de Collegio illius Ecclesie fuit in culpa; quia eorum peccatum non debet aliis nocere: ita tamen quod, quantum fieri potest, ipsi, qui peccaverunt, inde commodum non consequantur. Si vero Prælatus, & totum Collegium sunt in culpa, tunc debet cum auctoritate Superioris, vel pauperibus, vel alteri Ecclesie erogari.

Cui facienda
restitutio
tantum a
Simoniaco.

CAPUT VIII.

DE HORIS CANONICIS,

ET OBLIGATIONE

ILLAS RECITANDI.

ARTICULUS I.

De Horarum Canoniarum Antiquitate, & Numero.

Luc. 18. 1.

Cum Oporteat Christianum semper orare, & nunquam deficere, ut docet Christus: multo magis Clerici, qui Deo singulari quadam, & præcipua ratione consecrati, & mancipati sunt, quasi quidam inter Deum, & Populum sequestri, ac Mediatores, & a rerum terrenarum curis, ac sollicitudinibus hujus sæculi magis liberi, & expediti, assidue in oratione versari tenentur, Apostolorum exemplo, qui sic orationi sese adstrictos esse sentiebant, ut relicta Diaconis Viduarum, & Pauperum procuratione, totos se orationi, & prædicationi Verbi Dei addictos profiterentur: Nos vero orationi, &

Act. 6.

Diversæ orandi Horæ ab initio Ecclesie constitutæ.

Ministerio verbi instantes erimus. Sed cum humana infirmitas & multiplex hujus vitæ necessitas non patiat, ut homines continua mentis intentione in Dei laudibus, & oratione occupentur; aliique etiam Ordinis sui Officiis pro salute proximorum incumbere Clerici debeant: ideo diversæ orandi Horæ ab initio Ecclesiæ constitutæ sunt. In Synagoga tres erant celebriores orandi Horæ, Tertia, Sexta, & Nona, ut ex Scriptura sacra colligitur, & ex Tertulliano Libro *De Jeuniis*, cap. x. & xi. qui & has Horas Officiis Dei consecratas, exinde *Apostolicas* vocat, id est, ab Ecclesia Christi Apostolorum tempore, & ex eorum præscripto observatas. Sed nobis, inquit, S. Cyprianus Libro de Oratione Dominica, „ præter Horas antiquitus observatas, orandi nunc & spatia, & sacramenta creverunt. Nam, & mane orandum est, ut Resurrectio Domini matutina oratione celebretur Recedente item Sole, ac die cessante necessario rurius orandum est. Nam quia Christus Sol verus, & dies est verus, Sole, ac die sæculari recedente, quando oramus ac petimus, ut supra nos lux denuo veniat, Christi precamur adventum, lucis æternæ gratiam præbiturum Quod si in Scripturis Sanctis Sol verus, & dies verus est Christus; Hora nulla a Christianis excipitur, quod minus frequenter, ac semper Deus debeat adorari; ut qui in Christo, hoc est, in Sole, & in die vero sumus, insistamus per totum diem precibus, & oremus: & quando mundi lege decurrens vicibus, alternis nox revoluta succedit, nullum de nocturnis tenebris esse orantibus damnum potest, quia filiis lucis & in noctibus dies est.

S. Hieronymus Epistola ad Eustochium, De Custodia Virginitatis, diversas orandi Horas institutas docet, ut si forte aliquo fuerimus opere nimium detenti, Ipsum nos ad Officium tempus admoneat. Et in Epist. ad Demetriadem Virginem singularum Horarum distinctius meminit. Præter Psalmorum, & orationis ordinem (inquit) quod tibi Hora Tertia, Sexta, Nona, ad Vesperas, Media Noctæ, & Mane semper est exercendum, statue, quot horis Sanctum Scripturam discere debeat.

Matutinus Laudes in Ecclesia Catholica, Lucernales item Psalmos, & Orationes, id est, Vespertinum Officium celebrari S. Epiphanius testatur, in Expositione Fidei. Lucernarium glie Veteribus appellavit. S. Hieronymus in Epistola ad Latam, Sacrosanctum Vespertinum, quod accensa lucerna reddebatur.

De Hymnis, & Psalmis canendis ipsius Domini, & Apostolorum habere nos

doct.

Documenta, & præcepta scribit *S. Augustinus* Epist. LV. alias CXIX. ad Januarium. Et Epist. CXXX. alias CXXI. ad Proban, cap. IX. ait, sine intermissione orare, nihil aliud esse, quam beatam vitam, quæ nulla nisi æterna est, ab eo, qui eam obscurare potest, sine intermissione desiderare. Sed ideo ab aliis curis, atque negotiis, quibus ipsum negotium quodammodo trespicit, certis Horis ad negotium orandi mentem revocamus, ubi orationi nos ipsos admonemus in id quod desideramus intendere, ne quod trespicere coeperat, omnino fessescat, & penitus extinguatur, nisi crebrius inflammetur.

Concilium Carthaginense IV. Canone XLIX. statuit ut Clerici, qui absque corporis sui inequalitate (id est, nisi morbo affectis.) Vigiliis deest, stipendiis privetur. Concilium Veticum in Britannia minori anno quadringentesimo sexagesimo quinto celebratum Canone XV. Unam Officiorum Regulam, unam Sacrorum Ordinem, unamque psallendi consuetudinem in Provincia Turonensi teneri decernit. Idem Concilium Canone XIV. Clericum, qui se Mutinis Hymnis subduxerit, septem diebus a Communione extraneum haberi sanxit: Quia Ministrum Sacrorum eo tempore, quo non potest ab Officio suo ulla honesta necessitas occupare, fas non est a fabrici devotione cessare. Plura de divinorum Officiorum Ritu, & ordine in aliis Conciliis Galliarum, Hispaniarum, Germaniarum, Angliarum, Africarum, Italiarum leguntur, quæ vel vindicare longum esset. Laicos ipsos Fideles olim Officia divina frequentasse SS. Patres, & Ecclesiastica Historiarum monumenta testantur. Monachos Officia divina, Illustraque Canonicas psallere solitos testantur Regulæ SS. Basilii, Pacomii, Benedicti, Casarii, Anselmi, Columbani, Ferreoli, Cassiani Lib. II. cap. V. & VI. & Lib. III. qui de Canonico Diurnarum Orationum, & Psalmorum Modo inscribitur, Clericos sacræ Psalmodiæ non minori studio, pietate, ac fervore vacasse constat ex *S. Paulino* Epist. ad *Vidricium* Rotomagensem Episcopum, ex *S. Gregorio Magno* Lib. IV. Epist. XLVII. & Lib. X. Epist. XXXI. *Gregorio Turonensi* in variis Historiarum suarum locis, præsertim vero Lib. X. ubi *Injuriosum* Episcopum instituisse Tertianum, & Sextam in Ecclesia Turonensi testatur; Quod modo (inquit) in Dei nomine perseverat. Item ex Concilio Turonensi II. anno 567. Canone XVIII. Item ex *Venantio Fortunato* in Vita *S. Germani* Parisiensis Episcopi, & Carmine X. Libri secundi, quo Parisiensis Ecclesiæ præclarum elogium continetur. Ex *Sidonio Apollinari* Lib. IV. Epistola XI. ubi *Claudianum* S. Mamerti Viennensis Episcopi fratrem, & Vicarium laudat, quod Psalmos præcinerit, & Lectiones per annum ordinaverit. Ex *Cypriano* Episcopo Tolonensi in Vita *S. Casarii* Arelatensis Episcopi lib. I. & ex ipso *Casario* Sermone CCLXXXVIII. & CXL. Appendicis Augustinianæ, Editionis postremæ Parisiensis. Ex Collatione Episcoporum, quorum caput erat *S. Avitus Viennensis*, coram *Gundebado* Burgundiæ Rege adversus *Arianos* anno quadringentesimo nonagesimo nono habita; & ex *Agobardo* Lugdunensi Episcopo in Libris De Divina Psalmodia, De Correctione Antiphonarii, & Contra Analarium. Ex *S. Ildoro* Hispanensi Episcopo Lib. VI. Originum, cap. XIX. & Libro I. De Officiis Ecclesiasticis, & ex Breviario Mozarabico, quod in Editione Cardinalis *Ximenes* inscribitur, Officium Gothicum, sive Mixtum secundum Regulam *B. Ildori*. Ex Capitulari *Hincmari* Archiepiscopi Rhemensis ad suæ Diocesis Presbyteros. Ex Regione Lib. I. De Ecclesiastica Disciplina. Ex Regula *Crudegandi* Mtenensis Episcopi. Ex Capitulari *Abitonis* Basileensis Antistitis; necnon ex aliis veteribus Monumentis.

Variis nominibus sacrum illud servitutis clericalis pensum insignitum est. Vocatum est Officium Canonicum; seu Hore Canonice, quod Ecclesiastica Regula præscriptum, ac ordinatum esset. Dictum est Officium a *S. Hieronymo*

Officij Ecclesiastici varia nomina,

in vita S. Hilarionis : *Oremus* (inquit) *psallamus*, reddamus *Domino Officium*, & sic ad vineam properabit : & a Concilio Veneto Canone xv. *Unam* (inquit) *Officiorum Regulam teneamus*. Item a Concilio Agathensi Canone xxvii. *Ad celebranda divina Officia ordinem quem Metropolitanus tenent, Provinciales observare debent* : a Gregorio II. Romano Pontifice in Capitulari, a Conciliis Toletanis, a S. Isidoro Hispanensi, &c. a SS. Benedicto, & Cesario, a S. Gregorio Magno Lib. viii. Epistola xxxiv. In Regula S. Donati Vesonensis Episcopi, &c. *Opus Dei* appellatur. *Cursum Ecclesiasticum* appellant Gregorius Turonensis Lib. v. *Historie*, cap. xxxii. & Libro i. *De Gloria Martyrum*, ubi se Librum unum *De Cursibus Ecclesiasticis* scripsisse testatur : *Venantius Fortunatus* in Vita S. Germani Parisiensis Episcopi Capite lxxvi. *Leo IV.* Pontifex Maximus Homilia iv. ad Presbyteros, & *Ratherius Veronensis Episcopus* in Homilia Synodica ; *Venerabilis Beda* Libro iv. *Historiæ*, cap. xviii. Concilium Celithetense in Anglia anno septingentesimo octogesimo septimo celebratum, cap. vii. Acta S. *Valarici Abbatis*; & antiquus Auctor Anonymus Libelli *De Cursuum Ecclesiasticorum Origine* editi a *Spelmano* Tomo i. Conciliorum Angliæ. *Breviarium* denique a Divinorum Officiorum abbreviatione, cum in gratiam Clericorum publicis Ecclesiæ negotiis occupatorum in Romana Curia, tum in gratiam Missionariorum Apostolicorum facta, & in omnibus Urbis Ecclesiis recepta mandato *Nicolai III.* de genere *Ursinorum*, qui Pontificatum iniit anno millesimo ducentesimo septuagesimo septimo, dictum ait *Radulfus Tungrensis Decanus*. Sed certe antiquius est *Breviarium* nomen : Statuta enim Abbatum Provincie Narbonensis anno millesimo ducentesimo vigesimo secundo condita, quæ leguntur Tom. vi. *Spicilegii*, jubent ut *Monachi in Sacris Ordinibus constituti, in longo itinere profecturi, sine Breviario, vel Psalterio non mitantur*. Et Concilium Tolosanum anno millesimo ducentesimo vigesimo nono, Canone xiv. prohibet. *Ne Libros Veteris Testamenti, aut Novi Laici permittantur habere, nisi forte Psalterium, vel Breviarium pro Divinis Officiis, aut Horas Beatæ Mariæ aliquis ex devotione habere velit. Sed ne præmissos Libros habeant in vulgari translatos*. *Breviarium* itaque dictum est, quod Lectiones breviores ex Scriptura Sacra, & Homiliis Patrum excerptas, & in dies anni singulos distributas pro ratione Temporis, & Festorum, uno Libro complectatur, in commodum Clericorum, & Religiosorum Virorum.

Breviarium
nomen quod
do usurpari
cepit.

Septem Ho-
ræ Canonici
Officii, di-
versis Pas-
sionis Chri-
sti Horis si-
gnificandis
accommoda-
tæ.

Septem sunt Horæ Canonici Officii, Matutinum, Prima, Tertia, Sexta, Nona, Vesperæ, & Completorium : Ut merito cum Propheta dicamus, *Septies in die laudem dixi tibi*. Diversis Passionis Christi horis significandis sunt accommodatæ, ut Clerici quotidianum istud servitutis suæ Officium persolventes, ea, quæ Redemptor noster pro nobis passus est in memoriam revocent, ac meditentur. Quod indicant Versus in Glossa cap. *Presbyter*, Ext. *De Celebratione Missarum*, relati.

Hæc sunt septenis propter quæ psallimus Horis :
Matutina ligat Christum, qui crimina purgat.
Prima replet sputis, causam dat Tertia mortis :
Sexta Cruci nescit, latus ejus Nona bipertit :
Vespera deponit, tumultu Completa reponit.

His prænotatis, Regulæ Morales de Horarum Canoniarum recitatione tradendæ sunt, & explicandæ.

ARTICULUS I. REGULÆ MORALES

De Officii Divini, seu Horarum Canonicarum recitatione.

REGULA I.

Clerici Sacris Ordinibus initiati, & beneficiati, Divinum, & Canonicum Officium etiam privatim recitare tenentur sub pœna peccati mortalis. Restituti vero obnoxii sunt beneficiati, qui sua culpa Officii Divini recitationem, emittunt, pro rata omissi Officii parte.

EA Ecclesiæ Lex, siue Consuetudo, qui Ministri Sacri ad recitandas Horas Canonicas tenentur, interpretatio quædam est Juris Divini, orta ex Clericorum conditione, qui toti divino cultui consecrati sunt, ac mancipati, ut saltem aliquot horas divinis laudibus infumant, quorum omnis cogitatio in Deum, & de Deo esse deberet. Unde Venerabilis *Be-da* in cap. xviii. *S. Lucæ* ait, *Eum*, juxta præceptum Domini, & Apostoli, *semper orare, & non deficere, qui Canonicis Horis quotidie juxta Ritum Ecclesiasticæ Traditionis Psalmodiis, precibusque consuetis Dominum laudare, & rogare non desistit.* Quam antiqua porro sit, quam stricta illa obligatio, multa probant cum veteris tum novæ Historiæ, Disciplinæ Ecclesiasticæ monumenta.

Clericis in Sacris Ordinibus Constituti, vel Beneficiarii, ad Breviarium etiam privatim recitandum tenentur.

S. Gregorius Nyssenus iter suum in Arabiam commemorans, *Pebiculum* (inquit) nobis pro Ecclesia, & Monasterio erat, omnibus per totam viam psallentibus.

Palladius in Vita *S. Joan. Chrysostomi* loquens de quadraginta Episcopis propter causæ ipsius defensionem ab Ecclesiis suis ejectis: *Reversi*, inquit, *Episcopi Vigiliis intra sua diversoria celebrarunt.*

Venantius Fortunatus in Vita *S. Germani Parisiensis Episcopi*, cap. lxxxvi. refert, ipsum in itinere Divinum Officium nudo capite persolvissè. *Qui equitans in itinere*, inquit, *semper de Deo aliquid, aut verbo contulit, aut cantavit, cursum nudo capite dicens, etsi nix, aut imber urgeret.*

Gregorius Turonensis in Officio recitando adeo religiosus erat, & diligens, ut *Expergescens circa medium noctis ad cursum reddendum surgeret*; ut ipse refert *Historiæ* Lib. viii. cap. xv. Et cum Parisiis versaretur tempore Concilii, nocte quadam postquam Matutinum recitasset, ad ostium hospitii sui graviter pulsatum fuisse scribit Lib. v. cap. xix. *Ea vero nocte, decantatis Nocturnalibus Hymnis, idest recitatis, ostium mansionis nostræ gravibus audio verberibus cogi.* Neque vero id peculiari Religione faciebat, sed ex More Sacerdotum, seu ex Ecclesiæ Disciplina, ut colligitur ex Libro *De Gloria Confessorum*, cap. xxxi. ubi agit de quodam Presbytero, qui in itinere constitutus, cum a paupere quodam hospitio receptus esset, *juxta Morem Sacerdotum nocte ab stratu suo consurrexisset; & orationi adstitisse refertur.* Et rursus Lib. v. *Historiæ*, cap. xxi. *Salonio, & Sagittario* Episcopis vitio vertit, quod Cursum sacrum, seu Divinum Officium negligerent. *Nulla prorsus de Deo erat mentio: nullus omnino Cursus memorie habebatur.*

Concilium Toletanum iv. can. x. Sacerdotibus, & subjectis Clericis sub gravi interminatione præcipit, ut *Dominicam Orationem* quotidie aut in publico, aut in privato Officio recitent. Ex quo intelligitur, privatam Divini Officii recitationem Clericis apud Hispanos ante septimum sæculum præceptam fuisse.

Concilii Nannetensis can. xix. a Regione in Collectione Canonum Libro 1. cap. cccviii. descriptus statuit, ut *Presbyter, mane Matutinali Officio expleto, pensum servitutis suæ canendo, idest, privatim recitando, Primam, Tertiam, Sextam, Nonamque persolvat: ita tamen ut postea, horis competentibus, iuxta possibilitatem, aut a se, aut a Scholasticis publice compleantur.* Verbum *canere* hic nihil aliud significare, quam privatim recitare, Canonis series ostendit: eaque significatione vocem illam interdum a Scriptoribus Ecclesiasticis usurpari Viri Eruditi norunt. Sic *Remigius* Monachus Antistiodorensis in Expositione Canonis Missæ, rationem reddens, cur Canon tacite recitetur: *Idcirco, inquit, venit consuetudo in Ecclesia, ut tacite ipsa Obsecratio, atque Consecratio a Sacerdote cantetur, ne verba tam sacra vilescerent.* Ipsa Concilii Nannetensis verba *Hincmarus* Archiepiscopus Rhemenensis sua facit in Capitulari ad suæ Diocesis Presbyteros, cap. ix. *Habetur etiam cap. Presbyter, Extra, De Celebratione Missarum, & tribuit Concilio Agathensi, in quo tamen illud non inveniri notatur ad marginem.* Sed non refert cujus sit Concilii, siquidem inter publicas Ecclesiæ Leges Decretalium Collectioni a Sede Apostolica approbatæ insertum est.

Crudegarius Metensis Episcopus, cap. xxvii. Regulæ Canonice præscriptæ ait: *Si longe ab Ecclesia aliquis fuerit, ut ad Opus Dei per Horas Canonicas occurrere non possit, agat Opus Dei cum tremore divino, ubi tunc fuerit.* Et infra, *Quicumque ex Clero in itinere cum Episcopo, vel cum alio proficiunt, Ordinem suum, in quantum ratio, vel iter permiserit, non negligant: & non eos debent præterire horæ constitutæ, tam de Officiis Divinis, quam aliunde.*

B. Petrus Damiani Libro, qui inscribitur, *Dominus vobiscum*, in eo totus est, ut ostendat hæc verba in privata Divini Officii recitatione non esse omitenda, siquæ ab omnibus Sacerdotibus recitari testatur, & a Solitariis: *Nec Dominus vobiscum, Venite exultemus Domino, Jube domne benedicere, & alia, quæ ad plures diriguntur, immutari debere ab iis, qui soli Divinum Officium recitant.* Si enim Doctores Ecclesiæ id expedire decernerent, in Ecclesiasticis Officiis alium singulis, alium multis Ordinem tradidissent. At Neque Apostolicæ Sedis Antistes, cum privata Deo reddit obsequia, neque quisquam omnino Pontificum, vel Catholicorum Sacerdotum his verbis ad alterum singulariter utitur.

Recitatio Canonici Officii Clericis in Sacris Ordinibus constitutis ita præcepta censetur, ut qui illam omisissent; se gravis peccatis reos agnoscerent. Unde Formula confessionis apud *Alcuinum* sic habet: *Peccavi, quod negligens fui de meo Cursu, quem per horas Canonicas exsolvere debui, &c.* In Statutis etiam *Eadgari* Anglorum Regis Formula Confessionis occurrit, in qua hæc leguntur: *Confiteor me Horas meas Canonicas neglexisse.* Inter accusationum capita quæ *Joan. XII.* Romano Pontifici obiecta sunt, & qua *Odonem* Imperatorem ad agendum contra ipsum impulerant, unum est, quod *Matutinas, & Canonicas Horas non celebrasset, ut refert Luitprandus* Lib. vi. c. vii. *Greg. X.* inter varia delicta, propter quæ *Hincmarus* Leodiensem Episcopum in Conc. Lugdunensi deposuit, *Horarum Canonicarum omissionem* recenset in Epistola ad ipsum scripta. *Quid plura, inquit, Horas Canonicas, maxime cum eas vesceas, & illiteratus oculis, in Arme tue periculum prætermittens, &c.* Il quoque criminis obiectam se *Joan. XXIII.* in Concilio Constantiensi sessione xi. *horas Canonicas diutè speravit.* Et *Innocentius III.* Commissariis delegans Inquisitionem contra *Neopatriensem* Episcopum *Epist. xcvi.* Libri xvi. inter cetera Capita, de quibus a Capitulo suo fuerat accusatus, illud recenset: *Nec ut tenetur, per seipsum horas Canonicas Deo reddat.*

Jacobus de Vitrino, Historiæ Occidentalis cap. xxxiv. obligationem istam strictissimam, & gravissimam esse testatur. *Licet autem Sacerdos privatas orationes, & secretas deprecationes variis circa Curas Animarum occupationibus intentus possit aliquando dimittere; Horas tamen Canonicas non debet omisere. Alie enim orationes sunt voluntatis, hæc autem necessitatis.*

Concilium Dertutanum in Hispania anno millesimo quadringentesimo vigesimo nono celebratum can. iv. ea de re ita statuit: „ Ne divinæ fer-
vitutis census, quem de fructu laborum suorum offerre tenetur quilibet
„ Clericus, Ecclesiasticum beneficium possidens, vel in Sacris Ordinibus con-
stitutus, dum per occupationes alias conventui Ecclesiæ interesse non va-
let, ex defectu Breviarii omittatur, provide duximus statuendum, ut per
„ locorum Ordinarios Beneficiarii prædicti, & in Sacris ordinibus constituti,
ad habendum proprium Breviarium infra tempus ipsorum Ordinariorum ar-
bitrio moderandum coercitione districta cogantur, nullusque de cetero in
„ Diaconum ordinetur, qui non habeat Breviarium, & in practica, & peritia
Divinum Officium faciendi per examen reperiatur idoneus. *Legendum esse,*
„ Nullusque in Subdiaconum ordinetur, verisimile est, cum Clericos omnes
ad Breviarii recitationem obligatos asserat, qui sunt in Sacris constituti.

Concilium Basileense sess. xxi. can. v. eandem obligationem supponit, ac declarat; „ Quicumque beneficiatus, *inquit*, seu in Sacris constitutos, cum
„ ad Horas Canonicas teneantur, admonet hæc Synodus, ut si ve soli, si-
„ ve associati, diurnum, nocturnumque Officium reverenter, verbisque di-
stinctis peragant.

Leo X. in Concilio Lateranensi v. sess. ix. Statuit, „ Ut quilibet habens
„ beneficium cum cura, vel sine cura, si post sex menses ab obtento be-
„ neficio Divinum Officium non dixerit, legitimo impedimento cessante,
„ beneficiorum suorum fructus suos non faciat pro rata omissionis recitatio-
nis Officii, sed eos tanquam injuste perceptos, in fabricas hujusmodi be-
„ neficiorum, vel in pauperum elemosynas erogare teneatur. Si vero ul-
tra dictum tempus in simili negligentia contumaciter permanserit, legi-
„ tima Monitione præcedente, beneficio ipso privetur, cum propter Offi-
cium detur beneficium. Intelligatur autem Officium omittere quoad hoc,
„ ut beneficio privari possit, qui per quindecim dies illud bis saltem non
„ dixerit, Deo tamen ultra præmissa de dicta omissione redditurus rationem.
Idem statuit *S. Pius V.* Constitutione cxxxv. quæ incipit, *Ex proximo.*

Secundum has Constitutiones eandem obligationem declarant Concilia
Mediolanensia i. 111. & iv. sub *S. Carolo Borromeo*. Et primum quidem
p. 11. c. xxi. addit: *Qui vero Sacris initiati, beneficium Ecclesiasticum non*
habent; si Divinum prætermiserint Officium, præter grave peccatum, quod com-
mittunt, graviter etiam ab Episcopis in eos animadvertatur.

Concilium Rothomagense an. 1581. cap. *De cultu Divino in genere*, de
Breviario loquens: „ Ab omnibus (*inquit*) ad Sacros Ordines promovendis
„ libri ad Divinum Officium necessarij habeantur. Promoti vero sciant se
„ ad Breviarium obligari, ac Romanum trium quotidie Lectionum a Car-
dinali S. Crucis compositum a Sacrosancta Sede Apostolica sublatum sibi
„ omnino prohiberi. Sciant insuper beneficiati, qui Breviarium recitare
„ neglexerint absque legitima exculpatione, graviter peccare, & suorum
„ beneficiorum fructus pro rata omissionis Officii, & temporis suos non face-
„ re, sed eos tanquam injuste perceptos, in fabricas hujusmodi beneficiorum,
„ vel pauperum elemosynas erogare teneri, ex proximi Lateranensis Con-
cilii Decreto per Sanctæ memoriæ Pium V. declarato.

Eandem obligationem cum recitandi Breviarium, tum restituendi fructus

Beneficiati
pro rata om-
missioni Officii
parte ad res-
titutionem
fructuum
teneantur.

„ pro rata portione omissionis Horarum , temporisque , confirmat Conc. Rhemenſe an. 1583. tit. „ De Breviario, *Aquense* 1585. Qui horas Canonicas legitimo ceſſante impedimento intermiſerint , quicumque eas recitare tenentur , ſciant ex Bulla S. Pii V. non ſolum gravi ſe peccato obſtriſtos , ſed omnes etiam beneficiorum ſuorum fruſtus , qui in ſingulos dies eis obtingerent , ſi quotidie in ſingulas Horas dividerentur , amittere , neque a Confeſſario ulla ratione abſolvi poſſe , etiam Jubilei cujuſcumque gratia ſuffragante , niſi fruſtum , quos indebite perceperint , facta prius ad dictæ Bullæ præſcriptum reſtitutione . „ Idem confirmant Burdigaleſe eodem anno tit. 111. *De Eccleſiaſticis Precationibus* , Tolosanum 1590. p. 1. c. 14. Avenionenſe 1594. c. xxxiv. Aquilejenſe an. 1596. c. xi. cujus hæc ſunt verba : „ Non tamen exiſtiment , qui ad ſubdiaconatus Ordinem , & ſuperiores „ proveſti ſunt , ſi beneficio Eccleſiaſtico careant , horis Canonicis ex Breviario Romano recitandis obſtriſtos non eſſe ; omnino vero intelligant , quemadmodum qui beneficium habent Eccleſiaſticum , Horas Canonicas „ non recitantes , ultra peccati mortalis reatum , amiſſione fruſtum plectuntur : ita illos omittendo Horas Canonicas mortaliter peccare , nec ſe prætextu beneficii non adepti excuſare poſſe .

Idem confirmat S. Thomas , Quodlibeto vi. q. v. art. 11. Clericus (inquit) ex hoc ipſo quod eſt Clericus , & præcipue in Sacris Ordinibus conſtitutus , tenetur dicere Horas Canonicas : videtur enim tales ſpecialiter eſſe aſſumpti ad laudem divinam ; ſecundum illud Iſaie xlii. „ Omnem , qui invocat nomen meum , in laudem meam creavi illum : Sed in quantum eſt Clericus beneficiatus in hac Eccleſia , tenetur dicere Officium ſecundum modum illius Eccleſie . Lethalis igitur peccati reus eſt Clericus Sacris initiatus , vel beneficium Eccleſiaſticum poſſidens , qui ſine cauſa legitima , ſeu neceſſitate urgentiſſima Officium Canonicum , aut notabilem Officii partem prætermittit .

Quæ pars
Horæ notabilis ?

Pars notabilis non ſolum eſt Hora integra , ſeu dimidia , ſed tertia pars Horæ . Unde omiſſio unius Nocturni , ſeu trium Pſalmorum , vel Lectio- num in Matutinis , omiſſio duorum Pſalmorum in Veſperis , unius Pſalmi in reliquis , mortale peccatum videtur .

Quæ cauſæ
legitimæ a
Breviarii
recitatione
diſſeſan-
tur ?

Cauſa legitima , ſeu neceſſitas urgens , eſt Breviarii defectus ; ſi quis in loco verſetur , ubi invenire non poſſit , comparare , aut commodato accipere , vel publicis Officiis intereſſe ; & abſque ſua culpa libro careat . Si vero Breviarium ſua culpa perdidisset , v. g. ludendo , aut illud vendidiſſet , vel donaviſſet , projeciſſet , ex inſultu reliquiſſet , ſive in itinere ſerre neglexiſſet , toties mortale peccatum committeret , quoties non recitaret , donec illud pœniteret malitiæ ſuæ . Legitima item cauſa ab Officii recitandi obligatione liberans eſt inſirmitas ita gravis , ut Officii recitatio illam probabiliter aggravaret , morbiſque curationem retardaret : qua in re Medici , aut Superioris arbitrio , ſeu prudentis bonique viri iudicio ſtandum eſt : nec non cæcitas . Id conſtat ex Conc. Carthagenſis 14. can. xli. & Venetici can. 114. Idem confirmat Conc. Marciacenſe Provinciæ Auſcitanæ an. 1326. celebratum , can. xix. „ Statuimus (inquit) quod omnes Clerici in Sacris Ordinibus „ conſtituti , & beneficium Eccleſiaſticum maxime cum Cura obtinentes , & omnes Religioſi Clerici , ad omnes ſeptem Horas Canonicas omni die dicendas vigilenter diligenter . Nam ad eas dicendas ſunt ex officio obligati , niſi eos inſirmitatis gravitas excuſaret . Idem confirmat Conc. Mediolanenſe 14. tit. De Vita , & Honore Clericorum , cujus hæc ſunt verba : Sacerdos , Clericusve Sacris initiatus , aut Eccleſiaſticum beneficium obtinens , Horarum Canonicarum Officio cum adſtriſtus ſit , meminerit ſe febri , morbove „ aliquo , vel adverſa valetudine aliquando leviter laborantem , non juſtam

„ pro-

propterea excusationem habere, quamobrem illud intermittat, omittatve. Itaque si quando corporis infirmitate affectus est, ipse pro sua conscientia recte videat quid præstare possit, ac ne omittendo graviter peccet, & Beneficii, si quod habet, fructus suos non faciat.

Charitas etiam ab Officii recitatione excuset, ut Cura Infirmorum necessaria, si simul Officium perfolvi non possit absque gravi illorum incommodo, & detrimento: Item Administratio Sacramentorum, quæ moram pati non potest: Moribundorum procuratio, aliæque functiones sacræ, si tempus Officii recitationi necessarium forte non relinquerent ei, qui ad illas tenetur ratione beneficii, aut Delegationis, sive Mandati Episcopalis. Quæ enim ab Ecclesia pro charitate instituta sunt, pro charitate quoque, ubi expedire videbitur, omitti possunt, vel intermitteri, vel in aliud forte commodius sive Ecclesiæ utilius opus mutari; (inquit S. Bernardus, Lib. De Træcepto & Dispensatione, cap. 11.) Et iniquum foret si statuta pro sola charitate, contra charitatem tenerentur. Ceterum locum tantum habet illa exceptio, cum adhibita diligentia, & cautione necessaria nullum omnino temporis intervallum superest ad majora illa, seu potiora charitatis opera exercenda, simul & ad perfolvendum Canonicum Officium. Debet enim Clericus diutius vigilare, Solis ortum prævenire, nocti etiam surgere pro more antiquo Sacerdotum, ab omnibus sæcularibus negotiis, inutilibus confabulationibus, recreationibus, deambulationibus abstinere, ut Deo vacet, ut Breviarium integrum religiose recitet. Denique si Conciones, aut lectiones simul habere non possint Ecclesiastici Viri, & recitandi Officii obligationi satisfacere, functiones illas potius dimittere debent, si id absque gravi scandalo fieri possit; quam Divinum Officium, in tanta Concionatorum, & Doctorum copia, qui utrumque Munus implere, & Canonicum Officium pie recitare possunt, & parati sunt. Si vero concionandi Munus ipsi ex Officio incumbat: meminerint, quod oportet istud facere, & illud non omittere.

Mérito itaque inter alias pravi dogmatis Propositiones hæ etiam ab Alexandro VII. Pontifice Maximo damnatæ sunt.

Habens Capellaniam collativam, aut quodvis aliud beneficium Ecclesiasticum, si studio litterarum vacet, satisfacit suæ obligationi, si Officium per alium recitet. Propositio- nes damna- tæ.

Unico Officio potest quis satisfacere duplici præcepto, pro die presenti, & crastino.

Restitutio a S. Pio V. imposita beneficiatis non recitantibus, non debetur in conscientia ante Sententiam declaratoriam Judicis, eo quod sit pœna.

Restitutio fructuum ob omissionem Horarum suppleri potest per quasvisque Eleemosynas, quas ante Beneficiatus de fructibus sui Beneficii fecerit.

R E G U L A II.

Tenuitas Ecclesiastici Beneficii ejus possessorem a Recitatione Breviarii non dispensat.

Ecclésiæ enim leges Clericos omnes, qui Curatum, aut quodvis aliud Ecclesiasticum Beneficium obtinent, ad Recitationem Divini Officii adstringunt. Ita loquitur Conc. Tolosanum anno 1590. celebratum, cap. 17. p. 1. De Presbyteris, & Clericis. Hanc Regulam tradit S. Antoninus 111. p. tit. 211. cap. 14. §. 1. Ad horas Canonicas, (inquit) tenentur ordinati in Sacris, scilicet in Subdiaconatu, & supra: & hoc tam secundum omnes Theologos, quam Canonistas; (Extra, De Celebratione Missarum, cap. Dolentes.) Tenentur secundo ex præcepto quilibet Clerici beneficiati, & non existentes in Sacris: nec excusare se possunt ratione exiguitatis beneficii, si ex eo non perci-

piant sibi necessaria; sed imputent sibi, ex quo se fecerunt ad illud intitulari. Id confirmat Glossa Decreti in can. Clericus, dist. xci. verbo *Vigiliis*, dicens: *Sicut vir tenetur ministrare necessario uxori, quæ tamen est talis, quod ei debitum reddere non valet*, (caul. xxxii. qu. vii. C. Quod proposuisti, & C. Hi qui:) Ita iste tenetur officiare Ecclesiam, licet pauper sit, & dicere cum Apostolo, Scio & abundare, & esurire.

Idem colligunt Canonici Juris Interpretes doctissimi ex cap. *Conquerente*, Ext. De Clericis non Residentibus. Ita inter alios Prosper Fagnanus in illud caput: *Sicut non excusatur a Residentia, ex eo quod ex Beneficio vite necessaria non percipiat; ita nec excusatur ab Horis dicendis. Imputet sibi si beneficium non sit competens, quia nihilominus tenebitur ad veras, ex quo se fecit ad hoc intitulari.*

R E G U L A III.

Qui totum Officium recitare non possunt propter infirmitatem, aliamve causam legitimam, & tamen aliquas Horas possunt persolvere, ad eas recitandas tenentur sub pœna peccati mortalis.

Cum enim Canonicum Officium pluribus Horis constet, & ad singulas recitandas Clerici in Sacris constituti, & beneficiati adstricti sint, sequitur, illos, qui totum Officium recitare non possunt, sed tamen partem aliquam persolvere valent, illam recitare debere: quemadmodum ille, qui Quadragesimam integram jejunare non potest, aliquot hebdomadarum diebus jejunare tenetur, si possit. Merito itaque inter alias pravi dogmatis Propositiones Lxv. anno millesimo sexcentesimo septuagesimo nono ab Innoc. XI. Pontifice Maximo proscriptas, hæc etiam damnata est ordine 54. *Qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad se minorem.* Hanc etiam ut falsam, temerariam, cavillatoriam, & præcepta Ecclesiæ illudentem, damnavit Clerus Gallicanus anno MDCC.

Propositio
damata.

R E G U L A IV.

Quicumque Pensionem, Fructus, aut Res Ecclesiasticas, ut Clericus percipit, ad parvum Officium B. Mariæ Virginis recitandum obligatur, cui si desit, pensionum, fructuum, rerumque ipsarum amissioni obnoxius est, & mortalis peccati reus.

Ita statuit, & declaravit S. Pius V. Constitutione quæ incipit, *Ex proximo*; idque confirmant Concilia Mediolanensia 111. & iv. sub S. Cæsaro Borromæo, Conc. Burdigalense anno 1583. Avenionense 1594 & Aquilejense 1596. cuius hæc sunt verba cap. xi. *Pensionarios serio monitos esse volumus, eos ad Officium B. Mariæ Virginis quotidie recitandum teneri; præter peccatum mortale, quod committunt, si omiserint, restitutionis onere obstrictos declaramus.*

R E G U L A V.

Monachi, seu Religiosi Professi Choro deputati, quomodo non sint in Sacris Ordinibus constituti, ad Officium Divinum privatim etiam recitandum tenentur sub pœna peccati mortalis.

Monachi orũ
seu Religio-

Ratione enim professionis suæ instituti sunt ad orandum non solum pro se, sed etiam pro Populo; & Ecclesiæ consuetudine, quæ sancta, & in-

& inviolabilis esse debet, vimque habet legis, ad sacrum illud, & canonicum pensum persolvendum tenentur, ut docet *S. Antoninus* p. 111. tit. XIII. cap. IV. §. I. „ Tenentur (*inquit*) ad Horas Religiosi professi, quorum Religio ad actus vitæ contemplativæ est instituta, & per Ecclesiam confirmata. Et hoc ratione suæ professionis, quia non solum sunt institutæ hujusmodi Religiones ad orandum particulariter pro se, sed etiam ad orandum pro universali utilitate Fidelium. Ad hujusmodi autem orationem faciendam in persona totius Populi Christiani pro utilitate omnium sunt institutæ specialiter Horæ Canonicæ. Religio autem instituta ad opera vitæ contemplativæ est Status Monachalis. Religio vero Mendicantium utramque complectitur, scilicet activam & contemplativam. Monachorum, & Religiosorum Virorum obligatio ad Officium Divinum privatim recitandum, cum absentes sunt a Choro, confirmatur ex Regulis Monasticis, Conciliis, & Summorum Pontificum Decretis. Occurrit in primis *S. Basilii* Regula, cap. XVII. „ Unusquisque (*inquit*) tota mente, & devotione complere debet id, quod scriptum est: *Cantantes, & psallentes in cordibus vestris Domino*. Si enim corporaliter non occurrat adesse cum ceteris ad orationis locum, in quocumque loco inventus fuerit, quod devotionis est, expleat. Oportet tamen observare, ne forte possit quis implere in tempore suo, quod complendum est, & occurrere: Sed dum loqui vult, occasionem necit, tamquam in ministerii opere occupatus. Quod qui facit, & offendiculum ceteris præstat, & ipse negligentis crimen incurrit.

2. Regula *S. Pachonii* cap. CXII. „ Et si in navi fuerit, & in Monasterio, & in agro, & in itinere, & in quolibet ministerio, orandi, & psallendi tempora non prætermitat. Ephes. 5.

3. Regula *S. Benedicti*, c. 50. „ Fratres, qui omnino longe sunt in labore, & non possunt hora competenti occurrere ad Oratorium, & Abbas hoc perpendit, quia ita est, agant ibidem Opus Dei, ubi operantur, cum tremore divino flectentes genua. 1. Cor. 2. „ Similiter qui in itinere directi sunt, non eos prætereant Horæ constitutæ: sed, ut possunt, agant sibi, & servitutis penum non neglegant reddere.

4. Regula *SS. Pauli, & Stephani* Abbatum cap. XII. „ Opus Dei, quod per diem in quocumque loco operantes Fratres per Horas constitutas dicent, cum disciplina, & timore Dei consona voce dicatur: non prout unusquisque operis excusatione, aut occupatione voluerit obrute.

5. Regula *S. Fereoli* Ucetienfis Episcopi, cap. XI. „ Similiter etiam his, qui Pastores pecorum, ut est moris, de congregatione mittentur, curæ erit vacare Psalmis, ut ceteri: ne in id, quod majus est, minores inveniantur, & in confusionem sui illud eis aptetur exemplum: *Animalis* homo non percipit ea, quæ sunt Spiritus Dei. Et cap. XII. Ut omni tempore Psalmi uique ad finem Psalterii in ordine decantentur: sibi tamen secretius propter propriam mercedem, excepto publico psallendi Cursum Dominico, quantum per singulos dies Deo tamen scienter laudes offerat occulta ruminacione.

6. Regula *Magistri*, cap. LVI. cujus titulus est, „ Quomodo debeant Fratres in itinere Opus Dei complere? hæc habet: In nubilo vero die, cum radios suos Sol mundo absconderit, sive in Monasterio, sive in via, sive in agro perpensatione Horarum transacta Fratres æstiment, & quævis hora sit, consuetum tamen compleatur Officium: & sive ante, sive retro, a certa hora dictum sit, consuetum Horæ opus tamen non prætereant, sed agatur.

forum Professorum obligatio ad Officium divinum privatim recitandum.

7. Concilium Marciacense Provinciæ Auxitanæ anno 1326. can. xix.
 „ Statuimus (*inquit*) quod omnes Clerici, in Sacris Ordinibus constituti, &
 „ Beneficium Ecclesiasticum, maxime cum Cura obtinentes, & omnes Re-
 „ ligiosi Clerici ad omnes septem horas Canonicas omni die dicendas sunt
 „ ex debito obligati, nisi eos infirmitatis gravitas excusarit.
 „ 8. S. Dominicus, ut in ejus Vita apud Surium legimus, Quando extra
 „ Monasterium erat, audito primo signo Nocturnarum Precum, surgebat,
 „ & Fratres excitans, cum multa devotione totum Divinum officium ab-
 „ solvebat horis, & temporibus suis, tum nocturnis tum diurnis, nihil pe-
 „ nitus omittens. Perfoluto Complectorio, etiam in itinere positus cum
 „ Sociis, silentium non minus servabat, quam si esset in Monasterio.
 „ 9. Gregorius IX. de Monachis foras profecturis statuit, „ Ut ipsi Horas
 „ dicant in via, & de libris provideatur eisdem.
 „ 10. Constitutio *Benedicti XII.* Pontificis Maximi ad restaurandam Disci-
 „ plinam Regularem in Ordine Benedictino edita: „ Ceterum (*inquit*) qui ad Cho-
 „ rum, vel Ecclesiam accedere nequiverint, prædicationi, lectioni, studio,
 „ seu administrationibus, vel Officiis suis, aut piis, sive licitis operibus, de
 „ licentia illius, ad quem eam dare pertinerit; occupati in loco aliquo congruo,
 „ & honesto, debitihis horis, juxta possibilitatem plures simul convenient, & debite
 „ dicant Divinum Officium, & quotidianum pensum exsolvant debite servitutis.
 „ 11. Statuta *Hugonis V.* Cluniacensis Abbatis: „ Universi ubicumq; constituti,
 „ suæ servitutis pensum non negligant reddere, maxime Horarum Regularium.

R E G U L A . VI.

Moniales professæ, & Choro deputatæ, ad Officium Divinum recitandum tenentur, etiam cum a Choro sunt absentes, sub pena peccati mortalis.

Obligatio
 Monialium
 ad Officium
 divinum pri-
 vatim re-
 citandum.

Consecrationis namque suæ, & Professionis ratione ad specialem cultum Deo exhibendum, assiduamque magis orationem tenentur: Qui quidem cultus Horarum Canonicarum recitatione determinatus est ex Ecclesiæ Disciplina, & consuetudine, cujus antiquitas ex *Epistola S. Hieronymi ad Dometriadem Virginem* probatur. *Præter Psalmorum, & orationis ordinem* (*inquit*) *quod tibi hora Tertia, Sexta, Nona, ad Vesperam, Media Nocte, & Mane semper est exercendum: statue, quot horis Sanctam Scripturam discere debeas.* Et in *Epistola Ad Letam de Institutione Filie*, professioni virginis destinatæ: *Assuescat, (inquit) ad Orationes, & Psalmos nocte confurgere, mane Hymnos canere, Tertia, Sexta, Nona Hora stare in acie, quasi Bellatricem Christi, accensaque lucerna reddere Sacrificium Vespertinum.*

Regula S. *Cæsarii* Moniales, quæ ad Opus Dei tardius venerint, increpationi subicit.

Regula S. *Aureliani* Monialibus Arelatensis Monasterii pariter data, facit Psalmodiæ ordinem illis præscribit. *Cursum diurnum, vel nocturnum, idest, Matutinos, Vigiliæ, Nocturnos, Vesperas, & Duodecimam in Basilica Domine Mariæ a Congregatione dici.* Quod si hyems aspera fuerit, *Matutinos tantum, Vesperas, & Duodecimam in prædicta Basilica dici: Secundam vero, Tertiam, Sextam, & Nonam in interiori Oratorio.* Fervorem in Opere Dei, psallendique disciplinam, & ordinem Sacris Virginibus etiam præscribit S. *Donatus* Vesontionensis Episcopus in Regula, cuiusdam Patris Regula cap. vi. statuit ut Sorores, quæ pro gravibus culpis in Pœnitentia detinentur, in Ecclesia cum ceteris quæ communicant, non stent; sed in Ecclesia secrete Cursum cantent: & expleto Cursu egredientes ante fores Ecclesiæ, in qua communicantes Cursum expleant, stare præcipiantur: & egre-

diente

diente : Congregatione supra humum prostrata , rogent pro se Dominum exorari , &c.

S. Leander Hispalensis Episcopus in Regula , sive Libro De Institutione Virginum , ad Florentinam Sororem , cap. vi. Lectio (inquit) tibi sit assidua , jugis oratio . Dividuntur tibi opera , & officia , ut postquam legeris , ores , postquam oraveris , legas . Sic alternes perpetim hæc duo bona , ut ab eisdem nullo sis tempore otiosa .

B. Elredus Rievallensis Abbas Ordinis Cisterciensis in Regula , sive Institutione Reclufarum , ad Sororem : cap. xiv. „ Secundum formam Regulæ „ B. Benedicti , (inquit) Nocturnas Vigiliæ celebres , quibus mox succedat „ oratio . Post orationem in honore Virginis debitum solvat Officium , San- „ ctorum commemorationem adiiciens . : . Albescente Aurora , Matutinas Lau- „ des cum Horæ Primæ hymnis persolvat : & sic in alternatione lectio- „ num , orationum , Psalmorum quoque , Tertiam expectet : qua dicta , in „ opere manuum usque ad Nonam occupetur . Cibo autem sumpto , & gra- „ tiarum actionibus Deo solutis , ad præscriptam mansuetudinem redeat spi- „ ritualibus exercitiis , opus corporale intermittens usque ad Vesperas . Fa- „ cto autem parvo intervallo , aliquam lectionem de Vitis Patrum , vel In- „ stitutis , vel Miraculis eorum , sibi secretius legat : ut orta ex his aliqua „ compunctio , in quodam fervore spiritus Complectorium dicat .

Sancta Lutgardis sepe reprehenderat Moniales in valetudinario manentes , quod parum attente persolverent Horas Canonicas divinitus institutas . : . Cum se infirmæ Sorores in valetudinario manentes in dicendis Precibus Canonicis correxissent , pestis penitus sopita est ; teste Thoma Cantipratano in ejus Vita , Lib. iii. cap. x.

R E G U L A VII.

Clerici in Sacris Ordinibus constituti , & Religiosi professi , ad recitandum Offi- cium tenentur , quamvis sint excommunicati .

ITa declarat Synodus Nemaufensis anno millesimo ducentesimo octogesimo quarto celebrata , tit. De Sententia Excommunicationis : *Debent tamen (inquit) extra Ecclesiam nihilominus dicere Officium sub silentio Clerici Excommunicati majori Excommunicatione , & Interdicti , si sunt in sacris Ordinibus constituti .* Et certe nemo suo delicto conditionem suam facit meliorem . Isti ergo tenentur ad ea , quæ sunt oneris , licet iis priventur , quæ sunt honoris . Publicis tamen Officiis ingerere se non possunt Excommunicati , sed privatim Officium persolvere .

R E G U L A VIII.

Ad Divini Officii recitationem ita necessaria est mentis attentio , ut præcepto non satisfaciatur , mortalisque sit peccati reus , qui per Officii partem notabiliter ad alia sponte mentem distrahit .

CUm enim oratio sit pius mentis in Deum affectus , seu mentis ascensus in Deum , colloquium animæ cum Deo , Deicultus ; ad illam jure divino necessaria mentis attentio est : alioquin orantibus merito dicit Dominus : *Populus hic labiis me honorat , cor autem eorum longe est a me .* Nam *Veri adoratores adorabant Patrem in spiritu , & veritate .* Hinc Apost. i. ad Cor. xiv. *Psallam spiritu (inquit) psallam & mente , & ad Ephesios v. Cantantes , & psallentes in cordibus vestris Domino .*

Id confirmavit S. Cyprianus , Tractatu de Orat. Dominica : „ Quando stamus „ ad orationem (inquit) vigilare , & incumbere ad preces toto corde debemus .

Isai. 29.
Matth. 15.
Joan. 4.

Præcepto de
Officii divi-
ni recitatio-

ne non satis-
fit sine at-
tentione.

Cogitatio omnis carnalis, & sæcularis abscedat, nec quidquam tunc animus, quam id solum cogitet, quod precatur. Ideo & Sacerdos ante orationem præfatione præmissa, parat fratrum mentes, dicendo. *Sursum corda*; ut dum respondet plebs. *Habemus ad Dominum*, admoneatur, nihil aliud se quam Dominum cogitare debere. Claudatur contra Adversarium pectus, & soli Deo pateat, nec ad se hostem Dei tempore orationis adire patiatur: obrepit enim frequenter, & penetrat, & subtiliter fallens, preces nostras a Deo avocat, ut aliud habeamus in corde, & aliud in voce, quando in attentione sincera Dominum debeat non vocis sonus, sed animus, & sensus orare. Quæ autem segnitia est alienari, & rapi ineptis cogitationibus, & profanis, cum Dominum deprecari; quasi sit aliud quod magis debeas cogitare, quam quod cum Deo loqueris? Quomodo te audiri a Deo postulas, cum te ipse non audias? Vis esse Deum memorem tui, quando tu ipse memor tui non sis; Hoc est, ab hoste in totum non cavere; hoc est, quando oras Deum, Majestatem Dei negligentia orationis offendere; hoc est, vigilare oculis, & corde dormire, cum debeat Christianus, & cum dormit oculis corde vigilare: sicut scriptum est ex persona Ecclesiæ loquentis in Cantico Canticorum: *Ego dormio, & cor meum vigilat*. Quapropter sollicite, & caute Apostolus admonet dicens: *Instate orationi vigilantes in ea*: docens scilicet & ostendens, eos impetrare, quod postulant de Deo posse, quos Deus videat in oratione vigilare.

De attentione mentis ad orationem necessaria possent aliorum Patrum non minus luculenta testimonia proferri, quæ in alium locum servantur. Satis hæc sunt ut jure divino imperata probetur attentionis illius necessitas. Cum itaque præcepta Ecclesiæ, ut par est, impleri non possint iis actibus, quibus Dei præceptum violatur; & ipsa præcipiendo aliquem actum exteriorem, consequenter præcipiat & interiorem, quævis veluti ratio, & forma est: minime dubium est, quin & ipsa præcipiat attentionem mentis ad Officium Divinum, cum illius recitationem præcipit. Quod ex Conc. Lateranense IV. sub Innoc. III. cap. XVII. confirmatur. *Dolentes* (inquit) *referimus, quod non solum quidam minores Clerici, verum etiam aliqui Ecclesiarum Prælati circa comestiones superfluas, & confabulationes illicitas, ut de aliis vocamus, fere medietatem nobis expendunt: & somno residuum relinquentes, vix ad diurnum concentum avium excitantur, transcurrento undique continuata sinecopia Matutinum. Et inf. Hæc igitur, & similia sub pœna Suspensionis penitus inhibemus: districte præcipientes in virtute obedientiæ, ut Divinum Officium diurnum pariter, & nocturnum, quantum eis Deus dederit, studiose celebrent pariter, ac devote. Refertur c. Dolentes, Ext. De Celebratione Missarum. Preces igitur, & Divina officia non cursim, & festinanter, sed devote, attente, & graviter in Choro recitandæ sunt a Clericis, Monachis, & Monialibus: Ext. Chororum etiam articulatæ, distinctæ, decore, attente, & devore, deposita omni sollicitudine sæculari, ne in Domini maledictionem a Propheta intentatam incurrant: Maledictus, qui facit opus Dei negligenter. Ita sanxerunt, ac declararunt Concil. Treverense anno 1549. can. VI. Mediolanense IV. p. III. cap. VII. Burdigalense anno 1583. tit. XVII. Bituricense 1584. tit. XII. can. XII. Conventus Melodunensis Episcoporum Galliarum, tit. De Canonicis, Conc. Narbonense anno 1609. c. XXX. Quamobrem Horarum Canonicarum, recitationi nulla colloquia intermiscenda, sunt nullum opus externum agendum est, cum perolvuntur, in nulla cogitatione profana, & sæculari, & a Deo aliena immorandum, ab iis avertenda mens est, & in uno Deo colligenda, & desigenda. Quod ut facilius fiat, secedendum est ad Officium recitandum in locum, in quo a pietate, & devotione non*

Jer. 48. 10.

abdu-

abducatur; nec deambulando recitandum est; ex deambulatione enim mentis evagatio nasci solet. Ita Concil. Treverense 31. anno 1549 cap. vi. Omnes, qui Horis Canonicis persolvendis deputati sunt dent operam, ut collectis animis, quoad fieri potest, debitum pensum absolvant: nec ita se habeant: ut dum voce psallunt, quidvis potius, quam Deum animo cogitare videantur: semper caventes, ne Propheticum illud audiant: Labiis quidem me honorant, cor autem eorum longe est a me. Quid autem est, voce quidem psallere, mente autem domum, aut forum circumire, nisi homines fallere, & Deum irridere? Grave admodum est, quod Scriptura dicit: Maledictus, qui facit opus Dei negligenter. Statuimus proinde, ut laudes divine per singulas Horas non cursim, ac festinanter, sed tractim, servatis intervallis decentibus, ratione dierum festorum habita, reverenter, & alacriter absolvantur, nequaquam sublato in altum clamore, ne vel insanire, vel animi lascivia gestire videantur potius, quam fervore spiritus exultare, semper Versiculum decantatissimum animo volentes: Nec clamans, sed amans cantat in aure Dei. Audit enim ille vocem cordis, sine qua sonum auris contemnit. Quare videndum est, ut qui spiritu psallunt, & mente psallant. Caveant item, qui aliis occupati negotiis extra Chorum Horas privatim legunt, ne somnolenter, aut truncatis verbis, aut intra fauces compresso spiritu preces demurmurare, sed articulate, distincte, diserte, & cum attentione integre omnia pronuntient. Ne qua item occasione in diversa rapti desint officio suo, districtius prohibemus, ne deambulando Horas dicant, sed in locum aliquem orationi aptum tantisper concedant, ne mentis evagatio, quæ ex tumultuaria deambulatione nasci solet, fructum orationis interceptat. Huic Concilii Treverensis Decreto consona est admonitio S. Caroli Borromæi in IV. Synodo Diocesana Decreto XXI.

Debitam reverentiam pariter non servant, qui Horas Canonicas in lecto recitant, nisi cogente infirmitate gravi. Unde B. Petrus Damiani Opusculo XXXIV. cap. vi. refert, Monachum quemdam, qui pridiano vespere lassus de via redierat, & fessa in lectulum membra proiciens, jacedo Canonicas Horas compleverat, ab Angelo sub Peregrini Hierosolymitani specie communitum, ac emendatum fuisse his verbis, *Complectorum in lecto, nec salus est, nec profectus*. Ibidem commemorat, Joannem Priorem Eremitæ Fontis Avellani, qui lentis quibusdam infirmitatibus macilentus videbatur semper, & gracilis: & sui corporis imbecilla tenuitate confusus, sepe jacens in lecto Complectorum decurrebat, a Dæmone per os Energumeni, quem exorcizabat, ea de re fuisse cum exprobratione reprehensum. Tu ne, ait, ille es, qui sub cotto quotidie complectorum insuerras? Et modo me quasi Sanctus eicere, & juris mei vasculum de meo vis dominio liberare?

Sed neque decorum, ac religiosum est, ut sedendo Divinum Officium recitetur, nisi infirmitatis, vel debilitatis ratione. Unde Tertullianus Lib. De Oratione, c. XIII. Siquidem (inquit) irreverens est assidere sub conspectu contraque conspectum ejus, quem quam maxime reverearis, ac veneris: quanto magis sub conspectu Dei vivi, Angelo adhuc orationis adstante? Factum istud irreligiosum est, nisi exprobramus Deo, quod nos oratio fatigaverit. Atqui cum modesti, & humilitate adorantes, magis commendabimus Deo preces nostras, &c. Id confirmat B. Petrus Damiani Opusculo XXXIX. ad Bisuntinum Archiepiscopum, *Contra sedentes tempore Divini Officii*. Istud pravæ consuetudinis vitium correctione dignum, & de studio Militantis Ecclesiæ penitus eradandum scribit. „ Nam cum ubique nobis adversus nequitiam Spiritus, ritus imminet intæderabile bellum, ferventius ingruit in modulatione, ne Psalmorum: & cum oramus, tunc velut in acie contra maligno-

Breviarium
deambulando non recitandum.

Isai. 29.

Jerem. 48.

Nec in lecto, nisi ab infirmis.

Nec sedendo, nisi debilitatis ratione.

„rum hostium tentamenta configimus, ut nobis omnino necesse sit, aut
 „superantibus enerviter cedere, aut corruentibus in Domino plausibiliter in-
 „sultare. Qui cum corpore nostra marcida sessione contemplantur hebesce-
 „re, de ruina quoque interioris hominis illico sperant se victoriam obtine-
 „re. Si Regi, vel terreno cullibet Optimati, suæ ditionis Officia reve-
 „renter adstant; cum ante terribile Majestatis divinæ conspectum lau-
 „dum præconia jubilamus, quæ præsumptionis audacia sedere præsumimus?
 „Dicit Daniel, *Millia millum ministrabant ei, & decies centena millia adstite-*
 „*bant ei.* Ecce dum innumerabilem Angelorum alii Deo ministrare, alii
 „dicuntur adstiteri, nullus eorum hoc reperitur in subfello residere. Cur
 „ergo Virtutes Anglicæ tremantes adstant, terreni, & corruptibiles ho-
 „mines adstare despiciunt? & cum Ecclesiasticis illis Officiis rite cedatur
 „Angelicam semper adesse præsentiam, dicente Scriptura: *In conspectu An-*
 „*golorum psallam tibi:* nostramque vigilantiam, sive desidiam non modo
 „diligenter attendere, sed superno Judici cuncta per ordinem nuntiare,
 „quanto putamus adversus nos zelo moventur, dum in conspectu illius
 „nos irreverenter sedere conspiciunt, cui scilicet ipsi tremantes adstant.

Dan. 7.

Psalm. 137.

Que mentis
 attentio in
 Officii reci-
 tatione ne-
 cessaria?

Moralis Christianæ Regulam, cujus in explicatione versamur, confirmat
 S. Thomas in *iv. Sententiarum*, dist. xv. qu. iv. art. ii. quæst. iv. *Attentio*
actualis (inquit) *requiritur ad orationem aliquomodo; vel ad evitandum trans-*
gressionem in illa oratione, quæ est in præcepto; vel ad meritum illa, quæ non
est in præcepto, sed non omnibus modis. Satis enim est, quod in orationis pro-
 greßu maneat attentio secundum virtutem, quod fit, cum aliquis ad oratio-
 nem accessit cum intentione debitum obsequium Deo reddendi, etiamsi in
 prosecutione orationis mens ad alia rapiatur; *Nisi tanta fiat evagatio, quod*
omnino depereat vis primæ intentionis; & ideo oportet quod frequenter homo cor
revocet ad seipsum. Hinc Hugo de S. Victore, Elucidatione in Psalmos, c.
 xvii. quod inscribitur: *De tribus orantium generibus*, ait; *Si cum orationem*
fundimus, aliud quolibet in corde versamur, etiamsi illud bonum sit, a culpa li-
beri non sumus. Quam Hugonis Sententiam intelligendam esse docet ibidem
 S. Thomas objectioni secundæ respondens: *Quando aliquis ex proposito mentem*
ad alia distrahit in orando: tunc enim sine culpa non est; & præcipue si in aliis
sporte se occupat, quæ mentem distrahunt, sicut sunt exteriora opera. Et, si ad
 contrarium mens evagetur, etiam culpa mortalis erit. Si autem sine hoc quod
 percipiamus, mens ad alia evagetur, vel culpa caret, vel parvissima culpa
 est; nisi præcedens cogitatio, ex qua contingit evagatio talis, in culpa esse
 dicatur.

Et Secunda Secundæ, quæst. lxxxiii. art. xii. in Resp. ad iii. Si quis
 (inquit) *ex proposito in oratione mente evagetur, hoc peccatum est, & impe-*
dit orationis fructum. Et contra hoc S. Augustinus dicit in Regula, Psalmis,
 „& Hymnis cum oratis Deum, hoc versetur in corde, quod profertur in
 voce. *Evagatio vero mentis, quæ fit præter propositum, orationis fructum non*
tollit. Triplex autem attentio orationi vocali potest adhiberi (inquit S. Tho-
 mas in eodem Articulo:), „Una quidem, qua attenditur ad verba, ne ali-
 „quis in eis erret: Secunda attenditur ad sensum verborum: Tertia, qua
 „attenditur ad finem orationis, scilicet ad Deum, & ad rem, pro qua ora-
 „tur, quæ quidem est maxime necessaria. Et hanc etiam possunt habere
 „idiotæ. Et in *iv. Sentent.* loco mox indicato: *Attentio* (inquit) in oratio-
 „ne potest esse duplex: Primo enim est attentio ad verba, quibus petimus;
 „deinde ad petitionem ipsam, & ad ea, quæ petitionem ipsam circum-
 „stant, sicut est necessitas, pro qua petitur, & Deus qui rogarur, & alia
 „hujusmodi: & quæcumque harum attentionum adsit, non est reputanda
 „inatten-

„ inattenta oratio: unde etiam illi, qui non intelligunt orationis verba, ad
 „ orationem attenti esse possunt: sed tamen ultima attentio est laudabilior
 „ quam secunda, & secunda quam prima.

Quamobrem a Clero Gallicano merito rejecta, & improbata est hæc Pro-
 positio: *Præcepto satisfacit, qui voluntarie labiis tantum, non autem mente*
orat. Confixa est, inquam, ut *Absona, verbo Dei contraria, hypocrisim in-*
ducens a Prophetis, & Christo damnata his verbis: Populus hic labiis me bo-
norat, cor autem eorum longe est a me. Hinc sequitur, illum, qui animo vo-
 luntarie distracto Horas recitat, ad eas repetendas teneri: non autem, qui
 illas attento persolvens animo simul Missam audit. Quamquam melius, con-
 venientius, ac religiosius magisque meritorium sit, utrique illi pietatis of-
 ficio seorsim, & distinctis temporibus satisfacere, iis præsertim diebus, qui-
 bus audire Missam præceptum est.

Propositio
damnata.

R E G U L A IX.

Horas Canonicas temporibus congruis non persolvere, peccatum est, nisi iusta cau-
sa, legitimumque impedimentum obest.

Cum enim in plures Horas diei Divinum Officium distributum sit ab
 Ecclesia, quæ Ministros suos identidem orationi vacare jubet, ut cum
 Propheta dicere possint, *Septies in die laudem dixi tibi*; Ecclesiæ certe in-
 tentioni sese non accommodant, qui congruis horis Officium non recitant,
 sed totius Breviarii recitationem in unam horam conjiciunt.

Horæ Cano-
nicæ con-
gruis tem-
poribus re-
citandæ.

Hanc regulam confirmat Auctor Libri *De Benedictione Dei*, qui nono sæ-
 culo florebat, a *Stevartio* editus, qui in Præfatione sua carpit nonnullos Sa-
 cerdotes, & Episcopos, qui, ut liberiori genio indulgere possint, ferotinus
 „ Horis Nocturnas Vigiliis desidiose persolventes, stratu mox decubant.
 „ Surgentes vero, dum se vestibus induunt, diurna peragunt Officia: pu-
 „ tantes sibi sufficere posse, si saltem quoquo illa decantent (idest,
 „ recitent.) Ignari, quia Horæ sunt in S. Ecclesia constitutæ, quibus per diem
 „ & noctem divinæ servitutis Officia persolvantur. Quas si negligimus, San-
 „ ctorum Patrum institutis contraimus, quibus contrarie periculosum est.
 „ Neque enim possunt communionem S. Ecclesiæ habere, qui ejus instituta
 „ etsi non verbis; operibus vero impugnare nituntur: Dum quod per ma-
 „ ximum est in Sancta Ecclesia, si cum charitate, & pietatis studio pera-
 „ gatur, idest, laudis divinæ Psalmodia modulata, & Missarum solemnina,
 „ nec temporibus congruis, nec religiosis celebrant affectibus.

Idem confirmat *S. Petrus Damiani*, Opusculo xxxiv. cap. v. ubi *S. Seve-*
rinum Coloniensem Episcopum Purgatorii penis cruciatur refert, quod Of-
 ficii Divini recitationem in unam horam conjecisset. Clerico enim Colo-
 nienfis Ecclesiæ apparens: „ Nihil, ait, aliud in me remansit ultione ple-
 „ stendum, præter hoc tantum, quia dum in Aula Regia constitutus Im-
 „ perialibus me Consiliis vehementer implicui, Canonica Synaxis Officia
 „ per distincta horarum spatia non persolvi. Mane quippe simul omnia
 „ coacervans tota die negotiis ingruentibus secuta libertate vacabam. Ob
 „ hanc itaque negligentiam Horarum ardoris hujus fero supplicium. *Subdit*
 „ *S. Petrus Damiani* cap. vi. Distinguenda sunt ergo per momenta tem-
 „ porum Ecclesiasticæ Institutionis Officia, & sub magna divini timoris,
 „ ac reverentiæ dicenda sunt disciplina.

Idem confirmat *S. Antoninus* lll. p. tit. xlii. cap. iv. §. 4. Mortale ta-
 men peccatum non esse docet, modo ante mediam noctem totum diei Of-
 ficiū persolvatur. Si quis autem Horarum ordinem intervertat, & post
 Primam,

Primam, v. g. recitet Horam Sextam, sufficit, ut suppleat quod omisit, & pœnitentiam agat de negligentia sua. Ordinem enim Horarum, sicut & tempus, absque ulla necessitate pervertere, veniale peccatum est.

Ob causam nihilominus, vel occupationem legitimam plures Horæ simul recitari possunt: Sed melius est Divinorum Officiorum tempus prævenire, quam tardare, quia illud providentiæ, istud negligentiae est; (inquit Hugo a S. Victore, & S. Antoninus.) Observandum tamen, ut Vesperæ, & Completorium nonnisi postmeridianis horis dicantur, excepto Quadragesimali tempore, quo Vesperæ paulo ante meridiem hodierno Ecclesiæ more recitari possunt, & debent; ita ut qui sine ulla causa Vesperarum recitationem post prandium sacro Quadragesimæ tempore differret, venialis peccati reus esset. Matutinum sequentis diei post occasum diei antecedentis recitare potest, v. g. Matutinum Officium Dominicæ die Sabbati serotinis horis, modo legitima causa subsit: At, hujusmodi anticipatio culpa non vacat, si absque iusta causa fiat. Ita docet S. Thomas, quodlibeto v. qu. xiv. art. 1. *Consideranda est* (inquit) *intentio ejus, qui prævenit tempus in Matutinis dicendis, vel in quibuscumque Horis Canonicis. Si enim hoc facit propter lasciviam, ut scilicet quietius somnolentiæ, & voluptati vacet, non est absque peccato. Si vero hoc faciat propter necessitatem licitarum, & honestarum occupationum, (puta, si Clericus aut Magister debet videre lectiones suas de nocte, vel propter aliquid aliud hujusmodi;) licite potest sero dicere Matutinas, & in aliis Horis Canonicis tempus prævenire; sicut etiam hoc in solemnibus Ecclesiis fit; quia melius est Deo utrumque reddere, scilicet, & debitas laudes, & alia honesta officia, quam quod per unum aliud impediatur.* Angelico Doctore subscribit S. Antoninus. Idem censet Jacobus a Vitriaco S. R. E. Cardinalis, *Historiæ Occidentalis* cap. xxxiv. ubi de Parochis, & Animarum Rectoribus hunc in modum loquitur: *Procure in quantum commisi tibi gregis permittit frequens Ministerium, ut Nocturnum Officium noctu peragatur: Diurnum autem certis, & determinatis horis de die perficiatur. Non enim debet Divinum Officium confundere, neque noctem in diem convertere: Conceditur tamen ex ratione frequentis Administrationis ad cautelam tempus determinatum quandoque prævenire, non tamen absque magna, & urgente necessitate præterire.*

Idem confirmant Statuta Stephani Poncherii Parisiensis Episcopi. *Permittimus* (inquit) *necessitatis causa, ut Matutinas diei sequentis possitis dicere sero præcedente: aut mane totum Officium successive dicere usque ad Vesperas, & sero Vesperas cum Completorio, si utilibus negotiis occupati essis, ut studio, aut Processionibus; sed si ex somnolentia, aut deliciis facitis, sine peccato facere non potestis.*

R E G U L A X.

Recitationem Horarum Canonicarum aliis negotiis, aut colloquiis interrompere, irreligiosum est.

ID enim absque irreverentia fieri non potest. Si enim irreverentiæ erga Regem reus merito conferetur, cum ejus Majestate colloquens, ei tergum verteret, aut cum alio confabularetur, aliudve negotium ageret: multo magis reus est, qui cum Rege Regum in oratione colloquens, orationem debitam interruptit, colloquia cum hominibus misceat, aut negotiis sæcularibus, seu externis quibulvis operibus vacet. Hinc S. Augustinus, in Enarratione in Psalm. lxxx, ait: *Quis est homo, cum quo si ceperit amicus ejus colloqui, & voluerit ille respondere colloquutioni ejus, & viderit eum averti a se, & aliud loqui ad illum, qui hoc ferat? aut si forte interpelles Judicem, & consue-*

Divini Officii tempus prævenire, vel tardare sine causa legitima peccatum est.

fitus cum loco, ut te audiat, & subito cum ad eum loqueris, dimittas eum, & incipias fabulari cum amico tuo, quando te tolerat? Et tolerat Deus tot corda peccantium, & diversas res cogitantium: omitto dicere & noxias; ipsa superfluas cogitare, injuria est ejus, cum quo loqui ceperas. Oratio tua locutio est ad Deum. Quando legis, Deus tibi loquitur: quando oras, Deo loqueris. Hinc colloquia in Choro, aut alia recitando Divinum Officium intermisceri, Concilia districtius prohibent, Burdigalense Anno 1583. cap. xviii. Rhemensis eodem anno, tit. De Cultu Divino, §. 4. Bituricensis 1584 tit. xii. cap. xii. Narbonensis 1609. cap. xxx. &c.

R E G U L A XI.

Quibus incumbit obligatio Divinum Officium recitandi, illud recitare tenentur juxta Breviarium, & præscriptam formam, Ritumque, sive Romanæ Ecclesiæ, sive Ecclesiæ, cujus sunt Clerici, sive ordinis Religiosi, quem professi sunt: nec Officii qualitatem ipsis mutare licet absque Superiorum facultate; alioqui peccati lethalis rei essent.

Hanc Regulam ex S. Thoma colligimus Quodlibeto 1. quæst. viii. art. 1. „Supposito (inquit) quod aliquis licite sit Præbendatus in duabus Ec-
„clesiis, (scilicet ex dispensatione) considerandum est, quod ille, qui in ali-
„qua Ecclesiâ Præbendam accepit, duobus obligatur; scilicet Deo, ut ei de-
„bitas laudes exsolvat pro ejus beneficiis, & Ecclesiæ, de qua accipit sum-
„ptus. Ea vero quæ ad Ecclesiâ pertinent, subjacent dispositioni Præla-
„torum Ecclesiæ: & ideo hoc debitum debet exsolvere, secundum quod
„statutum est; vel per seipsum, si sit Præbenda quæ requirit Residentiam;
„vel per Vicarium, si hoc sufficiat secundum Ecclesiæ statum, ac consue-
„tudinem: sed debitum quod debet Deo, per seipsum debet exsolvere.
„Non refert autem quantum ad Deum, quibus Psalmis, & Hymnis Deum
„laudet; puta utrum dicat in Vesperis, *Dixit Dominus*, vel, *Laudate pueri*
„*Dominum*, (nisi quantum ad hoc, quod debet sequi Majorum traditiones.)
„Et quia laudes Deo debet quasi unus homo, sufficit, quod semel Officium
„dicat secundum consuetudinem alicujus Ecclesiarum, quarum est Cleri-
„cus. Sed de electione Officii rationabiliter videtur, quod debeat dicere Offi-
„cium illius Ecclesiæ, in qua majorem gradum habet; puta, si in una sit De-
„canus, & in alia simplex Canonicus, debet dicere Officium Ecclesiæ, in qua est
„Decanus: quod si in utraque Ecclesiâ fuerit simplex Canonicus, debet di-
„cere Officium dignioris Ecclesiæ.

Hanc Regulam confirmat Beati Pontificis S. Pii V. Constitutio lxiv. quæ incipit, *Quod a nobis*, qua statuit, & declarat, Quoscunque, qui Horas Canonicas ex more, & Ritu Romanæ Ecclesiæ, jure, vel consuetudine dicere, vel psallere debent, propositis penis per Canonicas Sanctiones constitutis in eos, qui Divinum Officium quotidie non dixerint; ad dicendum, & psallendum post hac in perpetuum Horas ipsas diurnas, & nocturnas, ex Romani Breviarii, illius jussu emendati, præscripto, & ratione omnino teneri; neminemque ex iis, quibus hoc dicendi, psallendique munus necessario impositum est, nisi hac sola formula satisfacere posse. Excipit tamen Ecclesias, & Monasteria, quæ ab ipsa prima Institutione a Sede Apostolica approbata, vel Consuetudine, aut Statuto ante ducentos annos conditis, vel observatis, aliis certis Breviariis uti consiterit. Quibus Insuperatum illud Jus dicendi, & psallendi suum Officium non adimis.

R E G U L A XII.

Qui Breviario proprio Diœcesis alicuius, vel Ordinis Religiosi utuntur, recitare tenentur Officium parvum B. Virginis, & Officium Mortuorum, etiam extra Chorum, cum id singulis præscriptum est Rituali, vel Ordine, Rubricis, aut Statutis, aut Consuetudine illius Ecclesiæ, vel Congregationis Monasticæ; sine eum in Choro ab omnibus recitatur: Idque sub reatu peccati mortalis.

Qui ad par-
vum Officiũ
B. Virginis,
& ad Officiũ
Defunctorũ
recitandũ
tenentur?

Hæc enim Officia illis in Ecclesiis, vel Ordinibus Religiosis, scilicet, Benedictinorum, Cisterciensium, Carthusiensium, FF. Predicatorum, &c. sive quolibet die, sive certis diebus præscripta sint, non Choro tantum, sed singulis Clericis, aut Religiosis Viris ad Chorum Professis; partes sunt Officii Canonici, quod quisque recitare tenetur integrum secundum Ritum Ecclesiæ suæ, vel Ordinis, sub pœna peccati mortalis. Id colligitur ex Constitutione B. Pontificis S. Pii V. qua illos duntaxat, qui Breviarium Romanum recitant, ex præcepto, & sub periculo peccati non teneri ad Officia B. Mariæ, & Defunctorum recitanda declarat, sine præiudicio sanctæ, & laudabilis consuetudinis aliarum Ecclesiarum, quam servari jubet. Quod vero (inquit) in Rubricis nostri huius Officii præscribitur, quibus diebus Officium Beatæ semper Virginis, & Defunctorum, item septem Psalmos Pœnitentiales, & Graduales dici, ac psalli oporteat, Nos propter varia huius vitæ negotia, multorum occupationibus indulgentes, peccati quidem periculum ab ea præscriptione removendum duximus, &c. Aliam vero partem ejusdem Constitutionis, quam tamen Romanum Bullarium non exhibet, ita habere Prosper Fagnanus in cap. Presbyter, Extra, De Celebratione Missarum, testatur: Hoc autem concedimus sine præiudicio consuetudinis illarum Ecclesiarum, in quibus Officium parvum B. Mariæ semper Virginis in Choro dici consueverat: ita ut in ipsis Ecclesiis servetur ipsa laudabilis, & sancta consuetudo celebrandi more solito prædictum Officium. Ut ut est, idem Pontifex altera Constitutione, quæ incipit, *Superni*, qua Officium B. Mariæ nuper reformatum ubique suscipi jubet, & alia quæcumque, in primis vulgari idiomate composita, atque etiam quod Venetiis anno 1570. apud Jundtas editum erat, omniaque alia hujusmodi Officia, etiam Latino sermone, quovis titulo vulgata prohibet, obligationem ad recitandum Officium B. Mariæ arceffit ex Jure, Consuetudine, Usu, Statuto, Institutione, ac Constitutionibus Ecclesiarum, seu Ordinum Regularium.

Fagnanus in III. Decretalium p. II. pag. 290. Quæstionem proponit, An Monachi S. Bernardi de Observantia Hispaniarum Cisterciensis Ordinis teneantur ex præcepto ad recitationem Officii B. Mariæ Virginis, ac Defunctorum. Quamvis enim illud quotidie, istud festalibus diebus, ab ipsius Congregationis fundatione recitare consuevissent, atque ad hoc lege, seu consuetudine sub gravis peccati reatu obligati censerentur; nonnulli tamen ejusdem Congregationis Monachi se ab ea obligatione exemptos contendebant, si in privatis precibus uterentur Breviario Monastico Pauli V. Constitutione approbato, qua hujusmodi Breviarium recitantibus eadem Privilegia, gratias, Indulgentias, ac peccatorum remissiones concedit, quas S. Pius V. recitantibus Romanum Breviarium concessit. Unum autem ex his Privilegiis (inquirebant) est, ut ad recitationem Officii parvi B. Mariæ Virginis, & Officii Defunctorum non teneantur.

Hanc Quæstionem ut solvat Fagnanus, observat varias fuisse Doctorum Sententias ante S. Pii V. Constitutionem de obligatione recitandi Officia B. Virginis,

ginis, ac Defunctorum. Quidam enim ea non esse sub præcepto censebant: alii propugnabant, omnes, qui tenentur ad Horas Canonicas, teneri etiam ex præcepto ad Officium B. Mariæ. Hanc controversiam dirimere voluisset S. Pium V. Constitutione sua, non quidem concedendo privilegium, sed removendo periculum peccati ab his, qui Romanum Breviarium recitantes, Officium B. Virginis non persolvunt secundum Rubricarum præscriptum. Ceterum hanc peccati, & obligationis remotionem ad Monachos S. Bernardi non pertinere Fagnanus propugnat. Primo quia ipsi non tenentur solum ad Officium B. Virginis recitandum vi generalis consuetudinis, de qua prius erat controversia, an vim haberet præcepti, sed consuetudinis particularis, & instituti sui Ordinis, quam obligationem non est verisimile, ut SS. ille Pontifex abrogare voluerit. Etenim de valore particularis consuetudinis olim nulla erat controversia inter Doctores, sed omnes unanimiter conveniebant in hoc, ut Recitatio Officii esset in præcepto, si ita se haberet Ecclesiæ, aut Monasterii consuetudo, (inquit Fagnanus.) Addit, rationem illam Constitutionis S. Pii V. Nos propter varia huius vitæ negotia multorum occupationibus indulgentes, &c. non convenire Monachis, qui a negotiis, & occupationibus mundanis prorsus segregati, facilius possunt orationi vacare. Can. Placuit; & can. Sicupis, caus. xvi. qu. 1.

Ex hac Auctoris Juris Canonici Peritissimi Responsione colligitur, Officium parvum B. Virginis, in Ordine pariter FF. Prædicatorum esse ex præcepto recitandum ab omnibus, & singulis Fratribus ad Chorum Professis, quotiescumque recitatur in Choro ex præscripto Constitutionum, ac Rubricarum, & ex Consuetudine ab Ordinis exordiis religiose observata; mortalisque peccati reos esse, qui illius Recitationi defuerint. Idem esto iudicium de Officio Defunctorum singulis hebdomadibus semel recitando, tam in Choro, quam extra.

Hæc Responsio confirmatur auctoritate S. Thomæ, Quodlibeto v. quæst. v. art. 11. ubi quærit, Utrum Clericus Beneficiatus teneatur in Scholis existens dicere Officium Mortuorum? Sic autem respondet: Clericus ex hoc ipso, quod est Clericus, & præcipue in Sacris Ordinibus constitutus, tenetur dicere Horas Canonicas: sed in quantum est Clericus beneficiatus in hac Ecclesia, tenetur dicere Officium secundum modum illius Ecclesiæ. Est ergo considerandum, quod Officium Mortuorum quandoque in Ecclesia dicitur sicut ordinarie pertinet ad Ecclesiæ Officium; sicut in tota Ecclesia in die Animarum dicitur Officium pro Mortuis: & in qualibet Ecclesia est aliqua super hoc specialis consuetudo; puta, ut dicatur ordinarie Officium Mortuorum semel in septimana, vel qualitercumque aliter secundum certum tempus: & ad huiusmodi Officium Mortuorum tenetur Clericus beneficiatus in aliqua Ecclesia, etiam in Scholis existens, ut per hoc satisfaciatur Mortuis, quorum recipit bona. Aliquando vero dicitur Officium Mortuorum in Ecclesia extraordinarie, propter aliquam causam specialiter emergentem: puta, ad preces alicujus persone, vel propter aliquid huiusmodi: & ad huiusmodi Officium Mortuorum non tenetur Clericus existens in Scholis. Quia ratione Clericus beneficiatus Officium recitare tenetur secundum modum illius Ecclesiæ in qua beneficium possidet; ita Vir Religiosus Officium Divinum recitare tenetur secundum modum, ac Ritus Ordinis, quem professus est: obligatur itaque ex præcepto ad recitandum Officium B. Virginis Mariæ, & Officium Mortuorum, quoties recitatur in Choro sicut ordinarie pertinet ad Ordinis Officium, sive ex Lege, Statutis, Constitutionibus, Rituali, aut Rubricis; sive ex Consuetudine. Et quod spectat Officium Mortuorum, non minus tenetur Vir Religiosus satisfacere Mortuis, ex quorum eleemosynis vivit, quam Clericus beneficiatus.

Ad parvum Officium B. Virgin. privatum recitandum Monachi S. Bernardi tenentur.

Necnon Dominici, quotiescumque in Choro ex præscripto Constitutionum, & Rubricarum Breviarii ipsi proprii recitandum est.

Idem esto iudicium de Officio Defunctorum singulis hebdomadibus.

Respondetur
objectioni.

Frustra vero aliquis objiceret, Constitutiones FF. Prædicatorum ad culpam non obligare, nisi ratione præcepti, aut contemptus. Obligatio enim ad recitandum B. Virginis Officium certis diebus, & Oñium Mortuorum semel qualibet hebdomada, non oritur ex Constitutionibus duntaxat, sed ex Ecclesiæ præcepto. Ex Constitutionibus quidem, & peculiari Ordinis Consuetudine id habent hujusmodi Officia, ut pertineant ad Canonicum, & ordinarium Ordinis Officium certis diebus, ac temporibus. Sed obligatio recitandi Canonici Officium integrum secundum modum, ac Ritus suæ Ecclesiæ, vel Ordinis, ex Ecclesiæ præcepto est. Quamobrem sicut Monachi Benedictini tenentur duodecim Psalmos ad Matutinum singulis diebus dicere secundum Regulam S. Benedicti, & ordinem, Ritumque Breviarii Monastici, cujus usum ipsis permisit Ecclesiæ; & in mortalis peccati reatum incurrerent, si novem duntaxat Psalmos recitarent, ut ceteri qui Romano, vel aliis Breviariis utantur, quia duodecim Psalmorum ad Matutinum recitatio pertinet ad integritatem Officii Canonici secundum Ritum Ordinis Benedictini: ita Dominicani, qui B. Virginis parvum Officium omittunt, atque negligenter, vel etiam Officium Mortuorum, diebus, ac temporibus præscriptis, quibus in Choro recitatur ex consuetudine Ordini cœva, necnon etiam ex Constitutionum, Statutorum, Ritualis, & Rubricarum ejusdem Ordinis tenore, rei peccati mortalis essent.

Id confirmat *Sy. vester Prior* in Summa, verbo *Hora*, §. 6. *Queritur, utrum Officium B. Virginis sit in præcepto?* Dicit *Joannes de Lignano* in *Clementinam*, de Celebratione Missarum, quod hoc Jure non probatur: tamen communis consuetudo est, ut computetur inter Horas; & hoc verissimum putat *Panormitanus*, quia Ordo antiquus ab Ecclesiâ traditus est, ut publice dicatur in Ecclesiâ certis temporibus: quod non esset, si non esset in præcepto. Cardinalis etiam *Zabarella*, in *distam Clementinam*, credit, quod ex quo uno, & eodem modo Ecclesiâ alicujus Servitores consueverunt prædicta pro Horis dicere, quilibet eorum ad hoc tenetur: secus si aliqui dicerent, etiam plures, alii vero non: & idem dicit *Direktorium Juris* Lib. I. Igitur ad illud tenetur, qui tenentur ad Horas ratione generalis consuetudinis, quando & eo modo quo est in consuetudine Ecclesiæ cuius Officium dicunt. Idem censet de Officio Mortuorum, idque confirmat ex *Quodlibeto S. Thomæ* superius indicato; sed intelligendum id esse monet de consuetudine. Quatenus communiter tales se crediderint hactenus obligatos: quia consuetudo non obligat nisi ex intentione Legislatoris, quam communis opinio manifestat. Unde non teneor dicere Ave Maria, quando ad hoc pulsatur, licet sit consuetudo. Et consequenter videtur pari ratione dicendum, quod in Ordine Prædicatorum omnes tenentur ad Officium Mortuorum semel in anno, & semel in hebdomada, quando in Ecclesiâ est dicendum: tum quia ipsa est consuetudo communis, qua etiam communiter Fratres se credunt obligatos: tum etiam quia quisque ad Officium tenetur secundum Ecclesiæ, cuius Officium dicit, ordinationem: que in proposito ab hoc Officio nullum excipit. Ad Vigilias autem quotidianas tenentur solum Ministri Altaris cum Hebdomadario, & eo, qui notatus est ad Missam pro Defunctis, secundum quod tradit Rubrica: ita tamen quod hoc onus non videtur personale: unde est in arbitrio Cantoris annotantis ad Officia onerare hunc, vel illum, & consequenter, qui ad hoc tenetur, potest illud alteri committere, qui illud pro eo dicat in Choro, & ipse immunis est. Quantum autem ad Litanias in Ordine Prædicatorum, Fratres ex præcepto non tenentur: quia licet sint in consuetudine post Matutinum, illa tamen non creditur communiter obligatoria seu præceptiva: est signum quod ad hoc nunquam voluerunt Patres Ordinem obligare; quia si sic voluissent, ad præfatas per priores gradatim tamquam obligatoria pervenisset, sicut est de Of-
ficio

scio B. Virginis. Hæc Sylvestri Prieratis Responsio consona est S. Antonini Responsioni in summa p. 111. tit. xlii. c. iv. De Horis Cononicis, §. 3. ubi illud Cardinalis Zabarella principium approbat: *Ex quo uno, & eodem modo Ecclesiæ illius servitores* (idest Clerici illi Ecclesiæ additi) *consueverunt prædicta pro Horis dicere, quilibet de ipsis ad hoc tenetur.*

Suffragatur, & Dominicus Soto Lib. x. De Iustitia, & Jure, quæst. v. art. 1v. De Officio B. Virginis (inquit) *controvertitur inter Doctores, utrum etiam sit in Præcepto, eo quod hac de re nullum extat jus, sed sola consuetudo. Si conjecturis agere licet, hæc consuetudo non capit tamquam habens vim præcepti; alias alicubi legeretur: sed ex pietate, & devotione, qua SS. Virgo dignissima erat. Atque hujus nonnullum indicium est, quod in Institutione nostri Ordinis iustum est, ut surgentes Fratres illico in Dormitorio Officium Virginis Nocturnum recitanti solvant: quod, si præceptum esset Ecclesiasticum, in Choro jubere-
retur solvi. At vero decursu temporis consuetudo adeo invaluit, ut nullus Do-
ctorum negare audeat vim habere Præcepti.*

Circa Officium vero Mortuorum monendi sunt, qui ad illud semel hebdomada qualibet persolvendum tenentur, illos non satisfacere obligationi, ac præcepto, qui illud recitant Dominica die pro hebdomada præcedente: cum Dominica dies ad hebdomadam alteram pertineat, ut initium illius, ac prima dies, unde & dies Lunæ FERIA II. dicitur. Qui ergo neglecto, & omisso Mortuorum Officio per totius hebdomadæ decursum, illud Dominica sequenti recitat, præcepti violati, lethalisque omissionis reus est: quamvis ad satisfaciendum Deo pro negligentia sua, si de peccato contritus sit, illudque Sacramentali Confessione expiaverit, aut expiare decreverit, valeat hujusmodi recitatio.

Nec vero causerit, quidam Regulares, severiorem illam esse sententiam, virisque studio, & Verbi Dei Prædicatione occupatis proisus gravem: Viris enim vere Religiosis, piis, diligentibus, satis temporis supererit ad persolvendum Magnum Officium, etiam Feriale; & parvum Officium B. Virginis, ac Officium Mortuorum semel in hebdomada, cum legamus sæculares viros, imo etiam Reges, qui strenue Republicam per se ipsi administrabant, inter tot, & tantorum negotiorum turbas, Canonicum Officium integrum, & Horas B. Virginis, aliasque Preces recitasse. *Alfredus Angliæ Rex sic totum diei cursum dividebat, Ut octo horas inscribendo, legendo, & orando; octo in cura corporis; octo in expediendo Regni negotio transigeret, ut scribit Willelmus Malmesburiensis: De eodem Asserus Vitæ illius Scriptor fidelis, & accuratus: Inter bella* (inquit) *& præsentis vitæ frequentia impedimenta, necnon Paganorum infestationes, & quotidianas corporis infirmitates; inter Regni gubernacula, nihilominus Missam quotidie audire, Psalmos quosdam, & orationes, & Horas diurnas, & nocturnas, celebrare, & Ecclesias nocturno tempore clam a suis adire solebat.*

De S. Ludovico scribit, Guillelmus de Nangiaco in ejus Gestis: Omnes Horas Canonicas, & etiam de B. Virgine, cum cantu quotidie audire volebat; etiam si eas in itinere equitando audire contingeret, nihilominus eas inter se, & Capellanum suum tam de die, quam de B. Virgine submissè dicebat. Insuper Officium Mortuorum quotidie cum novem lectionibus, etiam in Festis quantumcumque solemnibus dicebat cum Capellano suo. Raro accidebat quin quotidie duas Missas audiret, & frequenter tres, vel quatuor.

Porro si Regibus tot negotiorum mole, ac Reipublicæ administratione occupatis, tempus non desuit persolvendi multiplex Officium, multo minus deerit Clericis, ac Religiosis Viris, quantumvis studio, & Verbi Dei prædicatione sint occupati, modo ipsis pietatis studium, Deique amor non desint: & breve temporis intervallum quod ex reliquo die succident, ut parvum Offi-

Viris Religiosis etiam studio occupatis, satis superest temporis ad Canonicum Officium, & Horas Beate Virginis, & Officium etiam Mortuorum, quibus præscriptum est temporibus recitandum

um B. Virginis perfolvant, quibus diebus in Choro recitatur, & Mortuorum Officium semel in Hebdomada, Deus benedictione sua compenfabit, majorem in studiis, & Concionibus parandis facilitatem, feliciorumque donans exitum. Parum enim studia nostra, Concionesque proficiunt, nisi Dominus intus nos docuerit, suoque lumine, & gratia illustraverit, ac verbum dederit evangelizantibus virtute multa: quod frequentibus, ac ferventibus precibus ab ejus bonitate, & misericordia postulandum est. *Nisi Dominus edificaverit domum, in vanum laboraverunt, qui ædificant eam.* Et *Neque qui plantat, neque qui rigat, est aliquid, sed qui incrementum dat Deus.* Unde ipsis quoque ministris sanctis hominibus, vel etiam Sanctis Angelis operantibus, *Nemo recte discit, quæ pertinent ad vivendum cum Deo, nisi fiat a Deo docilis Deo, cui dicitur in Psalmo.* Doce me facere voluntatem tuam, „ quia Deus meus es tu. Unde & ipsi *Timotheo dicit Apostolus, loquens, utique ad discipulum Doctorem.* Tu autem persevera in iis, quæ didicisti, „ & credita sunt tibi, sciens a quo didiceris, „ Sicut enim corporis medicamenta, quæ hominibus ab hominibus adhibentur, non nisi eis profunt, „ quibus Deus operatur salutem, qui & sine illis mederi potest, cum sine ipso illa non possint, & tamen adhibentur; & si hoc officioso fiat, inter „ opera misericordiæ, vel beneficentiæ deputatur: ita & adjuncta doctrina tunc profunt animæ adhibita per hominem, cum Deus operatur, ut „ profint, qui potuit Evangelium dare homini, etiam non ab hominibus, „ neque per hominem. Agat igitur divini verbi Prædicator, quantum potest, „ ut intelligenter, ut libenter, ut obedienter audiat: & hæc se posse, si „ potuerit, & in quantum potuerit, *Pietate magis orationum quam Oratorum, facultate non dubitet, ut orando pro se, ac pro illis, quos esse alloquitur, Sit orator antequam discat.* Ipsa hora jam ut dicat accedens, *Præ, usquam exeret proferentem linguam, ad Deum leves animam sitientem, ut erudet, quod biberit, vel quod impleverit, fundat.* Verba sunt S. Augustini Lib. IV. *De Doctrina Christiana* cap. XV. Nulli ergo Clerici, ac Religiosi Viri libentius, ac ferventius orationi vacare debent, quam qui Studiis, ac verbi Dei Prædicationi magis ex Professione sua sunt adstricti, ut cum Apostolis dicant, *Nos autem orationi & Ministerio verbi instantes erimus.*

R E G U L A XIII.

In divini Officii Recitatione congruitas temporis observanda est, adeoque ut Officium pro uno die præscriptum, vel notatum in Ordine, aut Directorio, in aliud mutari absque gravi peccato non possit, verbi gratia, Officium Ferie die Jovis in Officium de Sanctissimo Sacramento.

Hanc Regulam tradit S. Thomas, Quodlibeto III. qu. XIII. art. II. „ In omni divino Officio, (inquit) hoc est commune, quod pertinet ad „ laudem Dei & ad suffragium Fidelium; sed distinguitur unum Officium ab alio „ secundum diversitatem temporum, & locorum. Rationabiliter enim institutum est, ut diversimode Deus laudetur secundum congruentiam temporum, & „ locorum: Et ideo sicut in Officiis Divinis exsolvendis observanda est congruitas loci, ita etiam congruitas temporis: quæ quidem observari non posset, si „ oporteret injungere omittenti, quod Horas diceret. quas omisit: Forte enim in „ Completorio diceret, *Jam lucis orto sydere*; & in tempore Paschali diceret Officium Dominicæ Passionis; quod esset absurdum. Et ideo non videtur esse „ injungendum ei, qui omisit dicere Divinum Officium, quod Horas eadem repetat, sed aliquid ad divinam laudem pertinens; puta ut dicat septem Psalmos, vel unum Psalterium, vel aliquid amplius secundum qualitatem delicti.

Idem

Idem confirmat S. Antoninus P. II. Tit. IX. cap. XII. Quando (inquit) non dicit proprium, & ordinatum Officium Ecclesie sue, vel Religionis sue, sed ad placitum dicit nunc uno modo, nunc alio, & de Feria non facit, quando occurrit, causa abbreviationis, sed facit de Sanctis; vel etiam dicens Officium Ecclesie sue, quia non vult querere Breviarium, dicit unam Antiphonam, vel Capitulum, vel Orationem, pro alia, non est hoc absque gravi peccato.

Merito itaque ab Alexandro VII. Pontifice Maximo inter alias pravi dogmatis Propositiones hæc etiam ordine 34. damnata est: In die Palmarum recitans Officium Paschale satisfacit Præcepto. Propositio damnata.

R E G U L A XIV.

Canonici, qui Choro interesse debent, jus non habent distributiones percipiendi, sive cum absunt absque causa legitima, & canonica, sive cum non absunt modo convenienti, ac religioso, sacrisque Canonibus præscripto.

Hæc Regula nititur cap. Consuetudinem, Tit. De Clericis non Residentibus, in Sexto. Statuimus (inquit Summus Pontifex) ut distributiones ipse quotidianæ, in quibuscumque rebus consistant, Canonici, ac alii Beneficiarii, & Clerici Ecclesiarum ipsarum, qui eisdem Officiis, in ipsi Ecclesiis adjuvant, tribuantur juxta Ecclesie cujuslibet ordinationem rationabilem jam factam, seu etiam faciendam. Qui vero aliter de distributionibus ipsi quidquam exceperit, (exceptis illis, quos infirmitas, seu justa, & rationabilis corporalis necessitas, aut evidens Ecclesie utilitas excusaret,) Rerum sic receptarum dominium non acquirit, nec faciat eas suas, imo ad omnium restitutionem, quæ contra hujusmodi nostram Constitutionem receperit, teneatur. De distributionibus etiam pro Defunctorum Anniversariis largiendis idem decernimus observandum.

Eandem Regulam confirmat Concilium Tridentinum Sess. XXIV. De Reformatione, cap. XII. cujus hæc sunt verba: Distributiones vero, qui statis Horis interfuerint, recipiant: Reliqui, quavis collusione, aut remissione exclusi, his careant, & juxta Bonifacii VIII. Decretum, quod incipit, Consuetudinem, quod sancta Synodus in usum revocat, non obstantibus quibuscunque Statutis, & Consuetudinibus. Omnes vero divina per se, & non per substitutos, compellantur obire Officia; & Episcopo celebranti, aut alia Pontificalia exercenti adflesse, & inservire, atque in Choro, ad psallendum insituito hymnis, & canticis Dei nomen reverenter, distincte, devotèque laudare. Nisi ergo præsentibus fuerint, aut legitimam, & canonicam absentiae causam habeant, secundum tenorem Bonifacianæ Constitutionis, distributionibus privantur, quas si receperint, tenentur ad restitutionem iis, qui adfuerint, faciendam. Qui si remiserint illis jus suum, remissio illa, & condonatio nullam vim habet, atque ad restitutionem nihilominus obligantur. Nec pauperibus dare sufficit, nisi consenserint illi, in quorum commodum hujusmodi distributiones cessissent, utpote qui Divinis Officiis interfuerint.

Nec vero sufficit adesse Choro quovis modo, ut distributiones iusto titulo, tutaque conscientia recipiant; sed necesse est, ut adsint modo convenienti, religiosoque, reverenter, distincteque psallendo, ut decernit Sacra Synodus Tridentina. Oportet, ut adsint eo modo, quo præscribit Clemens V. in Concilio Viennensi; & habetur in Clementinis, cap. Gravi, Tit. De Celebratione Missarum. Gravi, nimirum turbatione movemur (inquit) quod ... plerique Ecclesiarum Ministri, modestia Ordinis Clericalis abjecta, dum offerre Deo Sacrificium laudis, fructum laborum suorum in puritate conscientiae, & animi devoti me deberent, Horas Canonicas dicere, seu psallere

Canonici, qui modo convenienti religioso & sacris Canonibus præscripto. Divinis Officiis non interfuerint, ad quotidianas distributio-

nes suis non
habent, iis-
que perce-
ptis ad re-
stitutionem
tendantur.

Qui suis in
sedibus otio-
si sedent, vel
dormiunt,
vel confabu-
lantur, vel
in Ecclesia
ambulant,
nec psallunt
cum ceteris,
suis non ha-
bent ad di-
tributione-
res.

transcurrendo, syncopando, extranea quidem, & plerumque vana, profa-
na, & inhonesta intermiscendo colloquia, tarde ad Chorum convenien-
do, seu Ecclesiam ipsam absque rationabili causa ante finem Officii exeun-
do... nimis indevote præsumunt... Ne igitur transgressiones invalescant hujus-
modi, aliisque veniant in exemplum, Sacri Concilii approbatione hoc fieri
prohibentes, sancimus, ut illi, ad quos id pertinet, & in eorum, si utique
Exemption non sint, negligentia, vel defectum locorum Ordinarii si vero Ex-
empti fuerint, Superiores ipsorum, omni negligentia, vel incuria peni-
tus relegata, circa reformanda præmissa, & eorum singula corrigenda; nec-
non, ut in Cathedralibus, Regularibus, & Collegiatis Ecclesiis horis debitis
devote psallatur: in aliis vero convenienter, & debite celebretur divinum di-
urnum, & nocturnum Officium, si Dei, & Apostolicæ Sedis indignationem
evitare voluerint, sollicitam curent diligentiam adhibere: Contradictores per
Censuram Ecclesiasticam, aliisque opportunis remediis compescendo.

Canonicos, qui suis in sedibus otiosi resident, cum aliis non psallentes, di-
stributiones iusto titulo non percipere, confirmat Concilium Mediolanense r.
sub. S. Carolo Borromeo, Tit. xxxviii. Partis II. „ Qui dignitates, (inquit)
aut Personatus in Ecclesiis obtinent, & Canonici nominis, ac institutionis
suarum memores, ea pietate, & assiduitate Divina Officia colere debent, ut alii
eorum exemplo ad studium, & amorem divini cultus accendantur. Itaque
auctoritate etiam Tridentini Concilii præcipimus, ut cum in Choro psallendum
est, ipsi quoque quantum honoris gradu ceteris præstant, tanto studiosius
Psalmis, Hymnis, & Canticis una cum aliis modulantes, Dei laudes con-
celebrent. Cui officio si defuerint, pro absentibus habeantur; & eorum Ho-
rarum, quas ea ratione non obierint, distributionibus mulctentur.

Accedit Concilium Burdigalense anno 1583. celebratum, cap. xvii. „ In
Choro (inquit) colloquia nulla permittantur, sed omnes pie, ac devo-
te divino cultui sint intenti. Quicontra fecerit, nisi monitus quiescat,
privetur ejus Horæ distributione, vel graviore poena mulctetur.

Dum psallitur, Canonici omnes, & Sacellani (nisi per invaletudinem,
aut aliam legitimam causam impediuntur) psallant, nec maneant in suis
sedibus otiosi: neve putent se officio functos, si vicaria tantum opera
cultum divinum celebrari curent.

Preces, & Divina officia non cursim, & festinanter, sed devote, at-
tente, & graviter in Choro omnes recitent, perpetuo memores tremendæ
illius Prophetæ sententiæ: *Maledictus*, qui facit opus Dei negligenter.

His consona sunt Concilii Turonensis eodem anno celebrati Decreta *De*
Capitulis, Dignitatibus, & Canonicis, cap. xlii. *Cum in Choro fuerint* (in-
quit) gravitatem servant, quam *locus, & Officium* exigunt, non inter se,
aut cum aliis confabulantes, seu colloquentes, non dormientes, aut litteras seu
scripturas alias legentes.

Cumque psallendi gratia ibidem considerant, muta, aut clausa labia non te-
nente: sed omnes, præsertim qui majore funguntur honore, in Psalmis, Hy-
mnis, & Canticis, Deo alacriter modulentur.

Qui in Matutinis ante finem Psalmi, Venite exultemus, in aliis Horis ante
finem primi Psalmi, in Missa ante ultimum Kyrie eleison, Chorum non fuerit
ingressus, & usque in finem Divino Officio non interfuerit, (nisi forte necessi-
tate cogente, ac petita, & obtenta a Præsidente Chori licentia discederet,) pro
illa Hora absens censetur, &c.

Ut autem Canonici his diligentius intendant, qui Annotatores pungendi offi-
cio deputabuntur, Ecclesiasticorum actiones observent, ut si Decreta hujus-
modi neglexerint, fructus illius Horæ, qua Chorum exierint, perdant.

¶

Et si in Ecclesia una Hora Divini Officii vagari per Ecclesiam seu deambulare visi fuerint, totius diei fructibus priventur.

Idem confirmat Concilium Aquisense anno 1585. celebratum, Tit. De Canonicis. Tridentini Concilii (inquit) & Bonifacii VIII. auctoritate nixi discernimus, ut nulla Canonicorum, aut aliorum passio, remisso, vel collusso fiat, aut facta vim habeat, nullumve statutum, aut Constitutio, quaecumque illa sit, valeat, quibus aut absenti quavis de causa, vel ejus sacre Horæ, in qua muneri suo defuerit, aut omnino cuiquam, contra quam Jure comunum, & ejusdem Tridentini Concilii definitum sit, distributiones quotidiane dari possint : Quod si datae fuerint, qui acceperint, nec in conscientia, nec alio modo suas faciat, sed eas restituere teneatur, disponaturque de illis juxta probatas illius Ecclesie Constitutiones. Volumus autem ab hoc Decreto excipi eos, qui infirmitate detinentur, vel alia justa causa a Sacris Canonibus permissa.

Remissio-
ne, & col-
lusiones hac
in causa ve-
titæ.

Inter justas absentiae causas habeatur, si unum, aut duos ex Dignitates habentibus, vel Canonicis, Episcopus mittat, aut secum pro Consilio deducat ad visitandam Dioecesim, vel ad Concilium Provinciale, aut ad aliud pro Religione, vel Dioecesi urgens negotium: non tamen diutius excusabuntur, quam duraverit negotii necessitas. Excusentur item, qui pro negotiis Capituli, & de ejusdem licentia aberunt, nec numerentur in diebus absentiae dies recessus, & redditus.

Juxta absen-
tia causa.

Qui alicujus Horæ Canonicæ tempore Missam celebrant, a Choro absentes censentur, nec jus habent ad distributiones, ut a Sede Apostolica, & Concilio Mediolanensi IV. P. II. cap. XIII. fuit declaratum: Quicumque; (inquit) dum alicujus statæ Horæ Officium in Choro peragitur, Missam celebrando tunc a Choro absuerit; illius Horæ distributionis, tanquam absens, particeps ne sit, ut a Sancta Sede Apostolica declaratum est, id vero nisi præabsentia Sacerdotum, qui in Ecclesia tunc Missæ Sacrificium faciunt, necessitas aliquando inciderit, ut Praefectus Canonicum aliquem Sacerdotem e Choro exire, a statæque Horæ officio abesse, Missæ celebrandæ causa jubeat, aut nisi a Sede Apostolica aliter concessum fuerit.

Missam ce-
lebrantes
Horarum
Canonicarū
tempore
censentur
absentes a
Choro.

REGULA XV.

Punclatores, qui injuria aliquem notant, aut notandum prætermittunt, The-saurarii etiam, seu qui distributiones solvunt iis, qui notati sunt a Punclatore, ad Restitutionem tenentur.

Ita declaravit Concilium Mediolanense I. sub S. Carolo Borromeo, P. LI. cap. XLII. Punclator studiose exploret, & in libro punclationum notet omnes, quicumque ii fuerint, qui sacras Horas, & Divina Officia non obierint: qui; contra quam his, alijsve Constitutionibus præscriptum est, in Choro quidquam fecerint: qua in re is ullius non odio, non amore, non spe, non metu moveatur. Si aliquem injuria notarit, de suo ei satisfaciatur: si vero notandum prætermiserit, de suo item tantundem det, quod in Ecclesie usum convertatur, & integras unius hebdomadæ distributiones amittat.

Punclatoris,
& The-saurarii obli-ga-tiones.

Et cap. XLIII. Thesaurarius Capituli, sive alius quocumque is nomine dicatur, qui quotidianas distributiones partitur, curet ipsas unicuique distribuendas pro rata parte laboris, & Officii, ex Juris, & harum Constitutionum præscripto, & ex ordine librorum punclatoris. Si distributiones eorum, qui absentiae, vel errati causa notati fuerint, ne persolvat: si id fecerit, tantundem de suo det, quod in Ecclesie usum conferatur: & ob eam causam etiam unius mensis distributiones amittat.

R E G U L A XVI.

Peccant Canonici, ceterique Clerici tam seculares quam Regulares, qui Divinorum Officiorum tempore libros legunt, aut privatim Breviarium recitant. Idem esto de Sanimonialibus iudicium.

Canonicis
ceterisque
Clericis tam
secularibus
quam Regu-
laribus Cho-
ro Deputa-
tis, nec non
Sanimonialibus
Divinorum
Officiorum
tempore, li-
bros, litem-
ras, aut alia
scripta lege-
re non licet.
Nec Officiū
privatim in
Choro reci-
tare.

HAnc Regulam Concilia tradunt, scilicet Basileense sess. XXI. cap. III. Nemo, dum Horæ in communi publice cantantur, legat, vel dicat privatim Officiū: nam non solum obsequium, quo obnoxius est Choro, subtrahit, sed alios psallentes perturbat. Mediolanense I. p. II. cap. LIII. Ne in Choro (inquit) ubi communi Officio opera datur; privatim Officiū dicant: neve litteras, libros, aliave scripta legant.

Concilium Rhemense anno 1583. tit. De Cultu Divino, num. 6. Clerici simul conveniant in Chorum, nec confabulentur, aut aliquid legant, ne privatim quidem Officiū.

Concilium Turonense eodem anno, cap. XIII. Nemo dum Horæ in communi cantantur, legat, vel dicat privatim Officiū. Nam non solum obsequium, cui obnoxius est, Choro subtrahit, sed alios psallentes perturbat.

Concilium Bituricense 1584. tit. XII. can. III. Non confabulentur in Choro, neque quidquam alienum a cultu, & divino Officio legant, sed nec privatim Officiū dicant, ne Choro subtrahant quod debent, aut per eos turben-
tur, qui psallunt.

Concilium Avenionense 1594. cap. XXXIV. Nullus Canonicus, nec Beneficiatus, neque alius Clericus inter canendum dormiat, nugeatur, litteras, aut libros legat, Officiū privatim recitet, per Chorum vagetur, indecori sedeat, quidquamve faciat, aut loquatur, quod Chori disciplinam, & psallentium attentionem perturbet.

Concilium Narbonense 1709. cap. XXX. In Choro colloquia non permittantur: non dormiat aliquis: non nugeatur: litteras, aut libros non legat: Officiū privatim non recitet.

Hanc Regulam confirmat S. Antoninus p. II. tit. IX. c. XII. De Negligentia in Horis Canonicis. Sexta (inquit) negligentia est, quando psallentibus aliis, qui velit illo tempore dicere alias Horas privatas submis-
se, plures Horas per se citius dicens; hi quodammodo furtum faciunt. Nam furtum committit, qui re alterius utitur contra voluntatem ipsius. Cum autem voluntas Religiosi sit in manibus Prælati: & Prælati velit subditum cum ceteris persolvere Horas, ut juvet alios, & conveniat cum aliis: proprio arbitrio vocem subtrahens, ut suas orationes dicat, furtum committit, nec Deo placet. Unde Bernardus: „Ingratum est Spiritui Sancto quicquid obtuleris, neglecto eo, ad quod teneris. Nec est sufficiens excusatio, si quis dicat, se non habere vocem bonam ad adiuvandum Chorum: quia & in Templo Domini erant vasa non solum aurea, & argentea, sed etiam ænea: & omnia Domini opera suo modo benedicunt Dominum, & suis vocibus non solum psittacus, & cernuus, & philomela, sed & canis, & asellus, & cicada.

APPENDIX PRIMA.

VARIÆ DE THEOLOGICIS DOGMATIBUS, AC DISCIPLINA

EPISTOLÆ.

EPISTOLA VIII.

Adultis, qui Symbolum Apostolorum, & Orationem Dominicam nesciunt, differenda, vel neganda est absolutio Sacramentalis.

A M A N T I S S I M O F R A T R I ***

Admittendos ad Sacramenta non esse adultæ ætatis homines, qui Symbolum Apostolorum, & Orationem Dominicam vulgari saltem, & vernacula lingua discere neglexerunt, satis intelligis ex Theologia nostræ Dogmaticæ, & Moralis Libro iv. cap. 111. Art. viii. Regula viii. & Libro II. Cap. vii. Art. 111. Regula vi. quæ Concilii Forojulienfis anno 791. celebrati Decreto confirmantur. Symbolum vero, & Orationem Dominicam (inquit) omnis Christianus memoriter sciât, omnis ætas, omni sexus omnisque conditio: masculi, fæminæ, juvenes, senes, servi, liberi, pueri conjugati, innuptæque puellæ: quia sine hac benedictione nullus poterit in cælorum Regno percipere portionem.

Et Concilii Moguntiaci anno 813. celebrati Canone 45. cujus hæc sunt verba: *Symbolum quod est signaculum fidei; & Orationem Dominicam discere semper admoveant Sacerdotes populum Christianum. Volumusque, ut disciplinam condignam habeant, qui hæc discere negligunt, sive in sermone, sive in alia castigatione emendentur. Propterea dignum est, ut filios suos doceant ad Scholam, sive ad Monasteria, sive foras Presbyteris, ut Fidem Catholicam recte discant, & Orationem Dominicam, ut domi alios edocere valeant. Et qui aliter non poterit, vel in sua lingua hoc discat. Vale, & divinam misericordiam pro me implora.*

Lutetia Parisiorum.

EPISTOLA IX.

Peccati lethalis affectus sola charitate saltem inchoata, excluditur.

C L A R I S S I M O V I R O ***

Oscitantiam suam prodit Scriptor Anonymus in libello, cui titulus est: *Servuli propositi Illustrissimo Domino Archiepiscopo Rothomagensi contra Theologiam Dogmaticam, & Moralem P. Alexandri: cum hanc Propositionem Lutheranam dicere non vetur: Peccati lethalis affectus sola charitate saltem inchoata, excluditur, & consumitur.* Statum Theologicæ Questionis sane non advertit. Contritionem imperfectam, quæ Attritioni dicitur, quoniam, vel ex turpitudinis peccati consideratione, vel ex gehennæ, & pœnarum metu communiter concipitur, si voluntatem peccandi excludat cum spe veniæ, credimus, ac docemus non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsu non adhuc quidem inhabitantis, sed tantum morientis, quo pœnitens adjutus viam sibi ad justitiam parat. Et quavis sine Sacramento Pœnitentiæ per se ad justificationem perducere peccatorem nequeat; tamen cum ad Dei gratiam in Sacramento Pœnitentiæ impetrandam disponit. Hanc Ecclesiæ fidem, ac doctrinam in Concilio Tridentino declaratam, & firmatam, in Tractatu de Pœnitentiâ tradidit, explicuit, propugnavit. Quamobrem mirum nemini non erit Anonymum scribere, me in Lutheri errore circa metum pœnarum impegisse.

Verum cum Attritione peccatorem ad gratiam in Sacramento Pœnitentiæ impetrandam non disponat, nisi vera sit, ac sincera, & peccandi voluntatem excludat cum spe veniæ, certissimum est, attritionem fervilem non semper excludere pravam illam voluntatem, nec affectum peccandi penitus destrueret. Unde Theologi Doctores censent, ac propugnant Attritionem non sufficere ad justificationem peccatoris, etiam in Sacramento Pœnitentiæ, nisi amorem Dei saltem inchoatum includat, vel adjunctum habeat. Hanc doctrinam in sacra Scriptura, & traditione fundatam demonstravi loco mox citato Theologiæ nostræ, Propositione 5. Huic sententiæ omni-

Tom. 2.
Alias x. 11.
quæ autem
8. erat,
nunc 18.

Tom. 2.
Alias IV.
quæ autem 9.
erat, nunc
33.

To. 2. Theol.
Dogm. & M.
ral. c. 5. Art.
6. Reg. 9.

To. 2. Theol.
c. 4. Art. 3.
Proposit. 5.

ad favere Tridentinum Concilium: suffragatores habere Theologos numero, sanctitate, & eruditione spectatissimos, SS. Thomam, Raymundum, Antoninum, Bernardinum Senensem, Thomam de Villanova, Franciscum Saleium, Venerabilem Spirituales Vitæ Magistrum Ludovicum Cranatem, quorum testimonia protuli.

His addidi Dominicus Soto Conc. Tridentini Theologus, Ordinis Prædicatorum, in *quartum Sententiarum*, Dist. 6. Quæst. 1. Art. 7. & Libro 2. *De Natura*, & *Gratia*, cap. 15. Andreas Vega Ordinis Minorum Theologus Libro 6. *De Justificatione*, Cap. 28. 30. 31. & Libro 13. Cap. 25. & 27. Joannes Hesselius Theologus Lovaniensis in *Tractatu De Penitentia*, & in *Catechismo* Lib. 5. Petrus Soto Dominicanus in *Affertione Catholice Fidei*, Tit. *De Penitentia Catholica*, & in *Instructioe Sacerdotum*, quam Otho S. R. E. Cardinalis Augustinus Episcopus adoptavit, ac suæ Diocesis Parochis tradidit, Lectione 14. Joannes Medina *Tract. De Penitentia*, cap. 4. Joseph Angles Ordinis Minorum celebris Theologus in *Floribus Theologicis*, Quæstio *De Clavibus*; Didacus Stella ejusdem Ordinis, *Commentar.* in Cap. 6. *S. Lucæ*. Martinus Asplicueta Navarrus in *Manuali*, cap. 1. *De Coniversione*; Jacobus Lainæ Societatis Jesu Præpositus Generalis, & Claudius Jajus ejusdem Societatis Theologus, qui hanc doctrinam in ipsa Synodo Tridentina propugnarunt, teste Palavicinio in *Historia Concilii*; Franciscus Cardinalis Toletus in *Instructioe Sacerdotum*, Lib. 3. Cap. 4. editiis Antuerpiensis 1609. & 1660. & Colonienfis 1661. Estius in *Quartum Sententiarum* Dist. 16. §. 9. Sylvius in *III. Partem S. Thomæ*. Ad Quæstionem 1. Supplementi Art. 3. Christianus Lupus, & Franciscus Fervæques Augustiniani Theologi in *Dissertationibus*, & *Opusculis* de hoc argumento editis; & Theologica facultas Lovaniensis, quæ a Curatis, Gandavensibus rogata, ut suum de hoc Articulo iudicium ferret: *Attritionem, quæ ex solo gehennæ, aut parvum a Deo infingendum metu concipitur sine interveniu alicujus saltem imperfecti amoris benevolentie erga Deum, non sufficere ad justificationis gratiam in Sacramento impetrandam* unanimi consensu censuit, ac respondit die ultima Maji anni 1662. *Doctrinam dicti Articuli esse sanam, securam, veram, nulli reprehensioni obnoxiam, & merito fidelibus esse prædicandam, & inculcandam.*

Hanc doctrinam in suis Diocesis doceri, & prædicari jussit plurimi Præsules religionis, & eruditione conspicui, ut ex eorum Statutis, Ritualibus, Catechismis, & Instructionibus Pastoralibus compertum est. Legi possunt ea de re Eucheridion Colonienfis ab Hermanno Archiepiscopo, & Electore Colonienfis anno 1536. editum, Moquantina ad pietatem Christianam Institutio ex Decreto Synodi edita anno 1549. Catechismus Catholicus Frederici a Nauea Viennensis Episcopi Libro 3. Capit. 47. Parochiale Leodienfis editum anno 1592. auctoritate Reverendissimi Ernesti Leodienfis Episcopi, Tit. *De Penitentia*; Mantatum Reverendissimi Jacobi Boonen Medlinensis Archiepiscopi die 26. Martii 1637. datum Bruxellis, Synodus Namurensis anni 1659. Tit. 5. *De Sacramento Penitentiae*, Cap. 21. Synodi Senonensis 1645. & 1658. Ejusdem Ecclesie Catechismus anno 1669. editus; Rituale Provincie Rhenensis auctoritate Illustrissimi Archiepiscopi Caroli Mauriti die 16. Martii 1666. *De Sacramento Penitentiae*, Tit. *De Coniversione*; Tornacensis Ecclesie Catechismus eodem anno editus; Catechismus Rupellensis, & Lucionensis Ecclesiarum p. 6. Art. 3. Lect. 8. Theologia Moralis Diocesis Gratianopolitanae a D. Genet. Vasionensi postmodum Episcopo edita, ab Eminentissimo Cardinali Stephano de Cambray Gratianopolitano Episcopo approbata, & adoptata: Liber egregius Reverendissimi Joannis Caistoriensis Episcopi pro Belgium Federatum Vicarii Apostolici, inscriptus. *Anus Penitentis*; Instructio Pastoralis Illustrissimi D. Jacobi Nicolai Colbert Archiepiscopi Rothomagensis data die 20. Martii 1697. occasione erroris: damnandique libelli in ejus Diocesi diffusimati, cui titulus erat, *Difficiles proposales à Monseigneur, l'Archevêque de Rouen*. &c. Doctrinam, quam tot, ac tanti Præsules, & Doctores, quam Sanctissimi Viri propugnaverunt, & propugnant, quæ in verbo Dei, & traditione fundata est, cui Tridentina Synodus tasset, Lutheranam dicere, temerarium quis non iudicaret? Dixerit forte quis Anonymo tam parum sobria scribenti, quod S. Augustinus Juliano Pelagiano Manichæismo sibi obiectanti olim reponebat: *Cernis nempe, cum quibus tua maledicta sustineam, cernis, cum quibus mihi sit causa communis, quam nulla consideratione sobria pulsare calumnias, & expugnare conaris? Cernis, quam tibi perniciosum sit, tam horribile crimen obicere salubris, & quam tibi gloriosum sit quodlibet crimen audire tam salubris? Si cernis, cernis, & tandem tace.* Sed hæc nulla faciamus.

Alexander VII. Pontifex Maximus edito die 5. Maii 1697. Decreto prohibuit cunctis, & singulis Fidelibus quocunque gradu, & dignitate, Episcopali, & maiori, etiam Cardinalibus, subicentibus, ne alicuius Theologicæ censuræ, abusu, & iniuriæ, aut contumeliæ nota insuere alterutram sententiam audeant, sive necessitatem aliquis dilectionis dei in Attritione, ex metu gehennæ concepta, sive afferentem dictæ dilectionis necessitatem, donec a Sede Apostolica fuerit aliquid hæc in re definitum: id ne sub pena excommunicationis late sententia, eidem Sanctæ Sedi reservate. Visitat libelli Auctor, quæ ratione in ven excommunicationis late sententia effugiat, qui sententiam afferentem *Peccati letalis effectum sola charitate, saltem inchoata, excludi, & consumi*, Lutheranorum erroris appellare non dubitat.

„Instat ille: Deum spe non minus quam charitate diligimus, cum hoc tamen discrimine, quod spe illum diligimus amore concupiscentiæ, ut summum, beneficium bonum noscatur, charitate vero in cum servamus amore benevolentie, velut utrumque bonum absolute, & perfecte

St. Ang. lib. 1.
contra Julianum c. 4.

infinite perfectum. Cum igitur P. Alexander peccati lethalis effectum sola charitate saltem inchoata excludi aſſeret, negat confequenter amorem Dei, ut ſummæ beatitudinis noſtræ, deſiderare poſſe peccati lethalis affectum: adeoque peccatorem, quo majori conatu ſalutem ſuam deſiderat, eo magis hypochrytam eſſe cenſet, qui Lutherano peior error eſt.

Ne inſultum, & abſolutum Anonymi ratiocinium! Ignorat ille Doctrinæ Chriſtianæ elementa, quæ vel pueris impune ignorare non licet. Si enim a puero queratur in Catecheſi, *Qua virtute Deum diligimus?* optime reſpondet *Charitate*. Anonymus vero ſpe etiam nos Deum amare contendit. Quod ſi ita eſt, ſequitur, peccatum mortale non impedire quin Deum amemus; ſiquidem ſpes in peccatoribus manet, quam ſola deſperatio perimit. Gratia igitur, & juſtitia Chriſtiana erit inamibiſibilib; qui Calvinianorum error eſt. Deo per amorem adhibebit cor hominis, qui corpus ſuum omni luxuriæ genere contaminat, modo in ipſo aliquæ ſint ſpei Chriſtianæ reliquæ qui palmaris Quietiſtarum error eſt. Amorem Dei tanquam fontis omnis juſtitie, ſummique ac beatifici boni noſtri, excludere peccati mortalis affectum cenſemus, aq̃ doceamus; ſed hunc amorem charitatis actum eſſe, non ſpei; benevolentie, non concupiſcentiæ, propugnamus; amorem cultum, quo Deus propter te diligitur, & rebus omnibus creatis præponitur.

Amore concupiſcentiæ Deum diligere, eſt ipſum propter ſpem bonorum temporalium colere; ipſum vero diligere, ut ſummum, & univerſale bonum, quod fruitione ſui nos beatos efficiet, caſtus amor eſt, amor benevolentie, proprius charitatis. Doctrina eſt S. Auguſtini Enarratione in Pſalmum LXXII. hæc Prophete verba explicantis *Quid enim mihi eſt in celo, & a te quid volui ſuper terram? Deus cordis mei, & pars mea Deus in æternum*. Servas mihi tu in celo divitiis immortales te ipſum, & ego volui a te in terra, quod habent & impij, quod habent & mali, quod habent & facinorofi, pecuniam, aurum, argentum, gemmas, familias; hæc pro magno a Deo meo deſideravi ſuper terram, cum ſervet te mihi in celo Deus meus. *Deus cordis mei, & pars mea Deus in æternum*. Vide, quomodo illum amavit. Factum eſt cor caſtum, gratis jam amatur Deus, non ab illo petitur aliud premium. *Qui aliud premium petit a Deo, & propterea vult ſervire Deo, carius facit, quod vult accipere, quam ipſum, a quo vult accipere. Quid ergo? Nullum premium Dei? Nullum præter ipſum.* Premium Dei ipſi Deus eſt. Hoc amat, nec diligit, ſi aliud dilexerit, non erit caſtus amor. Sic Deum diligebat David Rex ſanctus: *Inclinavi cor meum* (inquebat) *ad faciendâ juſtificationes tuas in æternum propter retributionem*. Non aliud a Deo premium deſiderabat, & expectabat præter ipſum Deum ut ei, quem amabat, æterna dilectione adhereret, cum illius eſſet fruitione beatus. Nunc quid in æternum facturi ſumus juſtificatione Dei? (ait S. Auguſtinus Sermone xxiii. in Pſalm. 118.) *Opera illa quidem, quæ operamur circa proximorum neceſſitates æterna eſſe non poſſunt, ſicut nec ipſæ neceſſitates; ſed ſi non diligendo iſta faciamus nihil eſt juſtificatio; ſi autem diligendo, æterna eſt ipſa dilectio, eique æterna parata eſt retributio, propter quam retributionem dicit ſe inclinâſſe cor juum ad faciendâ juſtificationes Dei, ut in æternum diligens, in æternum mereatur habere, quod diligit.* Quis dixerit eundem ſanctum Doctorem non ex puriſſimo, & gratuito divini amoris affectu oraſſe, quando Deum his verbis allocutus eſt Sermone 113. alias 35. *De Verbis Domini? O Domine Deus meus, o Domine Deus noſter, ut veniamus ad te, fac nos beatos de te. Nolumus de auro, neque de argento, nec de fundis, nolumus de terrenis iſtis, & vaniſſimis, & caducæ vite tranſitoriis. Non loquuturos noſtrum vanitatem, fac nos beatos de te, quia non perdemus te, cum tenuerimus te, nec te perdemus, nec nos peribimus. Fac nos beatos de te, quia Beatus Populus, cujus eſt Dominus Deus ipſius.*

Pſalm. 118

Idem Sanctus, dum caſtum Dei amorem, cultumque amatorem deſcribit Sermone 178. alias 19. *De Verbis Apoſtoli*, ad eius notionem plura non requirit, quam, ut viſionem Dei ardentè cupiat, & præ illa res omnes contemnat, æſtimans ſe ſine Deo in qualibet abundantia eſſe non poſſe, niſi miſerum, niſi æumnioſum. *Amor caſtus, inquit, in te eſſe debet, quo amore deſideres videre, non calum, & terram, non campos liquidos maris, non ſpectacula nugatoria, non fulgores, nitoreſque gemmarum, ſed deſidera videre Deum tuum: quia diſtum eſt: Dilectiſſimi, iſti Dei ſumus, & nondum apparuit, quid erimus. Scimus autem quoniam cum apparuerit, ſimiles ei erimus, quoniam videbimus eum ſicuti eſt. Ecce propter quam viſionem fac bonum, ecce propter quam noli facere malum. Si enim amas videre Deum tuum, ſi in hac peregrinatione illo amore ſuſpiras, ecce probat te Dominus Deus tuus, quaſi deat tibi, Ecce fac, quod vis, imple cupiditates tuas, extende nequitiam, dilata luxuriam, quicquid libuerit, licitum puti; non hinc te punio, non te in gehennas mitto, faciem meam tantum tibi negabo. Si expaviſti, amaſti; ſi ad hoc, quod diſtum eſt, Faciem ſuam tibi negabit Deus tuus, contremuit cor tuum, in non videndo Deum tuum magnam penam putaſti, gratis amas.*

1. Joan. 3.

Et Sermone 134. alias 48. De Sanctis: *Dominus pars hereditatis mee. Non dixit, O Domine, quid das mihi aliquam hereditatem? Quicquid mihi dederis, vile eſt. Tu eſto hereditas mea, amo te, totus amo te, tota corde, tota anima, tota mente amo te. Quid erit mihi quicquid mihi dederis præter te? Hoc eſt Deum gratis amare, de Deo Deum ſperare, de Deo properare impleri, de ipſo ſervari. Ipſe enim ſufficit tibi, præter illum nihil ſufficit tibi.*

Et Sermone 340. alias 39. ex editis a Sirimondo: *Quia gratis amamus; quia oves paſcimus, mercedem querimus. Quomodo fiet iſtud? Quomodo convenit, gratis amo, ut paſcem, & mercedem paſco, quia paſco? Nulla modo fiet hoc, nulla modo merces quæretur ab eo, qui gratis amatur,*

amatur, nisi merces esset ipse, qui amatur. En quid sit ex S. Augustini mente Deum amore pueri, sive gratis amare, a Deo non querere nisi Deum.

Huic doctrinae non adversatur Sancti Bernardus Epistola xi. scribens: *Est, qui confisetur Domino, quoniam potens est: & est, qui confisetur, quoniam sibi bonus est: est item, qui confisetur, quoniam simpliciter bonus est. Primus servus est, & timet sibi: secundus mercenarius est, & cupit sibi: servus filius, & deservit patri. Itaque, & qui times, & qui cupis, uterque sibi agens. Sola, quæ in filio est charitas, non querit, quæ sua sunt. Et enim eo loco mercenarium vocat, non illum, qui Deum diligit; quatenus commune mentis rationalis bonum est, sed illum duntaxat, qui Deum privato amore diligit, non tamquam suum, & omnis mentis rationalis bonum, sed quia sibi bonus est, concedendo illa, quæ mundi cupiditas, & non amor iustitiæ querit. Nunquid enim (inquit S. Bernardus Sermon 8. De diversis) mercenarium eum quis æstimet, qui paternæ inhiat hereditati, eamque toto affectu expetit, & expectat, quam nimirum filii mercedem esse, non mercenarii, Propheta testatur? Cum dederit (inquit) dilectis suis somnum, ecce hereditas Domini filii merces, fructus ventris. Imo S. Bernardus eodem loco ait, eos, qui Deum tanquam sponsum perfectissima ratione diligunt, fructumque ejus maxime cupere. Anima (inquit) quæ Deo tanquam sponso adheret, penitus castificato corde nihil aliud desiderat, nihil aliud querit, quam ipsum Deum. Crebro siquidem didicit experimento, quoniam bonus Dominus sperantibus in se, animæ querenti ipsum, ita ut jam ex affectu cordis, atque ex sententia clamet illud in Psalmo: Quid enim mihi est in cælo, & a te quid volui super terram? Defecit caro mea, & cor meum, Deus cordis mei, & pars mea Deus in æternum. Neque enim suum aliqui, non felicitatem, non gloriam, non aliud quidquam tanquam privato sui ipsius amore desiderat anima, quæ ejusmodi est, sed tota pergit in Deum, unicuique ei, ac perfectum desiderium est, ut introducat eam Rex in cubiculum suum, ut ipsi adherat, ipso fruatur. Non diligit itaque Deum privato amore, seu amore concupiscentiæ, qui a Deo non querit, nisi ipsum Deum. Amor iste charitatis est, non spei intormis, & charitate destitute.*

Psalm. 126.

Psalm. 71.

Nec inde sequitur, quod infert Anonymus Declamator, peccatorem qui salutem suam desiderat, hypocritam esse. Bona sunt certe salutis desideria; sed ad justificationem non omnino sufficient, nisi Dei amore, & charitate animentur. Dispositiones sunt ad conversionem peccatoris, sed remote. Desiderium gratiæ, initium gratiæ est: minorum illarum, & infirmarum gratiarum effectus est, quæ in Scholis sufficientes vocantur, per quas peccator nunquam convertitur, nec ad Deum redit, nisi potentiori gratiæ victricis adiutorio illum trahat, vires efficacissimas illi tribuat, ipsiusque etiam rebellem voluntatem invicta suavitate flectat ad amandam iustitiam *Pars sanitatis, velle sanari, fuit*. Ideo Christus Paraliticum curaturus interrogat, *Vis sanus fieri?* Sed sanitatis desiderium ad sanandum ægrotum non sufficit. Quot enim æternæ damnationis sunt adducti, qui salutem suam desideraverunt? Inutile desiderium salutis est, nisi cum odio peccati quatenus Dei offensæ est, & vitæ novæ firmo proposito, atque inchoatione sit coniunctum. Quæ omnia sine charitate saltem nascente, & inchoata præstari non possunt. Dei, ut summi, ac beatissimi boni nostri amorem, qui spei tribuit, non charitati, theologicam virtutem naturam, & actus confundit; similis illi est, qui nos oculis audire, & auribus videre contenderet. Vale, Deoque me commenda in Sacrificio Præti nostri.

Seneca.

Lusitæ Parisiorum.

EPISTOLA X.

Tom. 2.

Alias xxx.
quæ autem
10. erat,
nunc 34.

Auctor mittit ad Amicum Romæ degentem Epistolam retractatoriam Patris Francisci Caffaro; eaque occasione ostendit obiter Comædos a Sacramentorum Communione arcendos, & Comædiæ frequentationem prohibendam esse Christianis.

RELIGIOSO, ERUDITOQUE VIRO***

REtractationem Patris Caffaro Clerici Regularis Ordinis Theatinorum, quæ veterem de arte Historica, & de Comediæ frequentatione opinionem, & ea, quæ inconstituta, & erronee scripserat junior, ut hanc, & illam Christianis esse licitam, nec bonis moribus contrariam persuaderet; emendat Illustrissimi, ac Reverendissimi Archiepiscopi Parisiensis mandato, vir pius, docilis, & modestus, huic adnexam Epistolæ recipies, & cum amicis, patronisque tuis in Curia communicabis. Plures contra errorem istum libri prodierunt, quibus Historiones, & Comædus in arte sua perseverantes ad Sacramenta Ecclesiæ non esse admittendos probatur, & Comædiæ, eiusque frequentationem periculosam, & prohibitam esse Christianis demonstratur. In huius argumenti tractatione præcipua cum laude versatus est Illustrissimus, & doctissimus Dominus Bosluet Meldensium Episcopus. Sane Comædos a communionem Sacramentorum arcendos, Rituale Parisiensis Ecclesiæ, aliaque quam merito præteribant, quam convenienter veteri Ecclesiæ discipline, Conciliorum Decretis, Doctrinæ Patrum, satis nostri. Quam periculosa sit, & exitialis Christianis moribus Comædia, quam noxia ejus frequentatio, quantas peccati occasiones, & incentiva exhibeat, quam sit ad excitandas, & fovendas pravas cupiditates opportuna, & vehemens, quo nomine ad Satanae pompas pertineat, quas in Baptismo ejuramus,

mus.

mus, satis intellexisti ex assidua, & diligenti lectione Patrum, Tertulliani præsertim, S. Cypriani, Minucii Felicis, S. Joannis Chrysostomi, S. Augustini, Salviani. Ad Sanctissimam Parisiensis Ritualis disciplinam de Comædiis a communione Sacramentorum arcendis, nisi artem ejurent, ac Theatro renuncient, confirmandam, Epistola S. Cypriani LXI. ad Eucharistiam sufficeret, cum luculento illo S. Augustini testimonio Libro De Fide, & Operibus cap. xviii. In doctrina bona (inquit) & bonus potest esse, qui audit, & facit, & malus, qui audit, & non facit: in doctrina vero mala, & qui eam veram putat, quamvis ei non obtemperet, malus est; & qui obtemperat peior est. Illud sane mirabile est, quod Frætres, qui aliter sapiunt, cum debeant ab ista vel nova, vel vetere, perniciosa tamen opinione discedere, ipsi insuper dicunt novam esse doctrinam, quæ nequissimi homines in suis flagitiis se perseveraturos in propatulo profectus, non admittuntur ad Baptismum: quasi nescio ubi peregrinentur, quando mercatores, & HISTRIONES, nisi solutis, aut disruptis talibus vinculis, ad Christiana Sacramenta non permittantur accedere: qui utique secundum illorum sententiam omnes admittentur, nisi antiquum, & vossium morem sanctæ Ecclesiæ retinerent, ex illa scilicet liquidissima veritate venientem: Quoniam, qui talia agunt, regnum Dei non possidebunt. Et nisi egerint ab his mortuis operibus penitentiam, accedere ad Baptismum non sinuntur: si autem subreperint, nisi vel postea mutati egerint, salvi esse non possunt.

Gal. 5. 21. 1.
Cor. 6. 10.

Quam inani porro conatu Sanctum Thomam in sui patrocinium erroris arcessiverit Pater Casparo, perfectum habes. Angelicum Doctorem Hiltrionem nomine Scenicis homines, & Comædos non intellexisse, quos Sanctus Ludovicus e Regno expulit, sed homines, qui honestis tactis, & corporis agilitate, dexteritate, industria alios oblectant: & quædam faciunt præstigiis similia, quæ spectatoribus admirationem pariunt, & voluptatem. Quæ in ludis cavenda docet Angelicus Doctor, in Comædiis, similibusque spectaculis non caveri. Primum est, quod delectatio non queratur in aliquibus operationibus, vel verbis turpibus, & nocivis. Aliud, ne totaliter gravitas animæ resolvatur. Tertium, ut congruat persone, & tempori, & loco, & secundum alias circumstantias debite ordinetur, ut scilicet laus sit, & tempore, & homine dignus. Atqui Comædium multis modis animæ noxiam esse, cum cupiditates excitet, ac foveat, amoremque præsertim profanum; cum fit occasio peccati studiose quaesita; cum vigilantiam Christianam, spiritum orationis, compunctionis, & penitentiae facile destruat, & extinguat; cum vanitates, & infansias corruptrices innocentiae Christianæ per oculos, aureque in animum immittat, infelix experientia probat. Scenicis spectaculis gravitatem animæ penitus resolvit, frangi, dissipari, non minus notum est. Denique nec personæ Christiani conveniunt, qui Satanæ, & omnibus pompis ejus abrenuntiavit: cujus tota vita, si secundum Evangelium vivat, perpetua penitentia esse debet: cui nulla major debet esse voluptas, quam fastidium ipsius voluptatis; qui tempus redimere debet, quoniam dies mali sunt, non illud in otio, & voluptate terere, quia emollitur, & corrumpitur anima, in eaque veræ pietatis semina suffocantur. Denique Sanctus Thomas discrete pronunciat: Inspeczionem spectaculorum vitiojam reddi, in quantum per hoc homo fit pronus ad vitia vel lascivias, vel crudelitatis, quæ ibi representantur.

Secunda Secundæ Qu. 168. Art. 2. & 3.

Plura non dicam, tum quia scis omnia, quæ de isto argumento dici possunt; tum quia pervenire ad te poterunt libri plures ea de re recens editi: ex quibus tamen nihil novi dices. Sed laudabis, ut par est, Illustrissimi, ac Religiosissimi Archiepiscopi nostri pastoralis vigilantiam, qui errores, & vitia in Diocesi sua indefessa sollicitudine impugnat, damnat, & radicibus evellere, aspirante Dei gratia, conatur. Vale, mei in Sacrosancto Sacrificio memor.

Lutetia Parisiorum.

EPISTOLA XI.

Tom. 2.
Alias v.
quæ autem
11. erat,
nunc 29.

Gravis imprudentiæ reus est Confessarius, qui Penitentes compellit ad votum Deo faciendum de certis peccatis non committendis.

CLARISSIMO VIRO N. PAROCHO.

Rogas, quid sentiam de Confessario, qui Penitentes compellit ad votum Deo faciendum de certis peccatis non committendis, in quæ summa depravatæ voluntatis, & cupiditatis propensione probabuntur frequentius occasione data. Illum imprudentem reum esse censeo, quia laqueum injicit animabus. Quamvis enim voti forte memores aliquoties ab ejusmodi peccatis abstineant; alias tamen in ea pravo habitu, & mala consuetudine, vel fragilitate prolapsi, gravius peccabunt, gravioremque sibi damnationem arcescent, quam si nullius voti religione essent obstricti. Id confirmat Libellus Synodicus Ecclesiæ Nemausensis, anno 1282. editus. Districte (inquit) prohibemus, ne aliquis Sacerdos Provincialis inducat aliquem confitentem ad votum emittendum de non committendis peccatis, & maxime de illis, quæ non possunt de facili evitari, sicut quidam Presbyteri aliquando faciunt indiscrete. Nam contra votum faciendo dupliciter fiunt rei, & culpabiles apud Deum, & ideo gravius sunt puniendi. Tuæ Parochiæ Presbyteris auctor esto, ut hanc regulam in praxi sequantur. Vale, mei ad altare memor.

Lutetia Parisiorum.

EPI.

EPISTOLA XII.

A quo Episcopo approbari debeant Cohortium, & Classium Eleemosynarii?

VIRO CLARISSIMO***

DOCTORI THEOLOGO.

Alias VII.
quæ autem
12. erat,
nunc 30.

Cum certum sit, neminem Sacerdotem, sive sæcularem, sive regularem, quavis exemptione fretum, Confessiones sæcularium audire posse, sine approbatione Episcopi; rogas, a quo Episcopo approbari debeant cohortium & classium Eleemosynarii, sive Sacerdotes administrationi Sacramentorum in castris, aut navibus præpositi. Nullius enim Diœcesis esse videntur cohortes, & classes, nullius territorii, cum identidem loca mutant, certumque domicilium non habeant milites, & remiges, in exercitu terrestri, vel navali conscripti, cuius ratione unius potius quam alterius Episcopi diœcesani censeantur. Idemque de eleemosynario illorum conscientis regendis, audiendisque confessionibus præposito dicendum. Et, si Episcopi, cuius in Diœcesi versatur exercitus, necessaria sit approbatio, identidem nova approbatione opus erit, ut functiones suas exerceant, cum intra unam hebdomadam ad plures quandoque Diœceses castra moveant, classifque, aut navis pariter ad portus variarum Diœcesum appellat. Adire porro Episcopos, quoties castra in nova Diœcesi ponuntur, aut anchora figitur, impossibile fuerit. Meam siquidem de hac difficultate sententiam scire cupis, censeo, Eleemosynarium approbari debere Episcopo, de cuius Diœcesi locus est, in quo stationem habet cohors, vel unde discedit ad bellum, cum Eleemosynarius assumitur; vel de cuius Diœcesi portus est, in quo armatur, & e quo solvit classis. Illud enim impræsentiarum censetur militum, & eorum, qui in navi operantur, domicilium, adeoque & Confessarii illis præpositi, secundum legem *Municipes*, D. Tit. *Ad Municipalem, & de incolis*, cuius hæc sunt verba: *Miles ibi domicilium habere videtur, ubi moratur*. Certe si milites classis, vel nautæ in portu matrimonium contrahant, & dispensatione sit opus, aut remissione denunciationum, sive bannorum, non ab alio conceditur Episcopo, quam cuius in Diœcesi portus est, neque coram alio contrahetur, quam Parocho Ecclesiæ, cuius intra fines, & territorium portus comprehenditur: & morientium Sacramenta ab ipso ministrabuntur militibus, aut mutis periculosa ægritudine laborantibus antequam e portu solvant. Oleum etiam sacrum infirmorum, quod in navi fervabitur ad moribundorum Unctionem Extremam, accipietur ab Episcopo, cuius e Diœcesi solvit navis. Ab eodem itaque Eleemosynarius ad Confessiones audiendas approbetur examine prævio necesse est. Opus tamen nova approbatione non videtur quoties castra de una in aliam Diœcesim moventur, vel Classis in varias Diœceses appellat: quia eleemosynarii cohortium, naviumque sunt, quali Parochi militum, ac ceterorum, qui castra sequuntur, vel navi vehuntur: quoad functionem audiendi eorum Confessiones, & Sacramenta morientium etiam ministrandi in castris, in xenodochiis exercitus, & in navibus, præsertim postquam e portu solverunt. Sunt, inquam, quasi illorum Parochi ex omnium Episcoporum indulgentia, & consuetudine. Quamobrem, sicut Parochus semel institutus, & ab Episcopo in sua institutione approbatus, nova non indiget approbatione, ut Parochiani sui Confessionem audiat, etiam in aliena Diœcesi; ita nec eleemosynarii cohortium, vel navium. Sed tamen absolute jus habent Episcopi, quorum in Diœcesibus statim castra faciunt cohortes, vel quorum in Diœcesibus sunt portus, in quibus naves hyberna tempestate subsistunt, & morantur eleemosynarios ad examen vocandi coram se, aut Vicario suo Generali; seu alio ad Confessariorum examen, & approbationem delegato, & ipso a munere audiendi Confessiones suspendendi, ex causa maxime ad easdem Confessiones audiendas pertinente. Quæque tunc auctoritate, & prudentia apud Duces agent, ut alios Sacerdotes assumant ad sui Ministerii functiones obeundas ab ipsis Episcopis approbatos. Vale, mei tuis in Sacrificiis amor, qui sum ex animo tuus.

Lutetie Parisiorum.

EPISTOLA XIII.

Alias XVI.
quæ autem
13. erat,
nunc 25.

Qua ratione agere debeat Confessarius cum Canonico penitente, qui illis tantum Horis, & Officiis divinis interest quibus pinguioribus distributiones sunt annexæ, ceteris vero nusquam, quibus nullæ, aut exiguæ constituta sunt, tametsi immediate sequantur?

VENERABILI VIRO***

SACERDOTI.

Optandum est, ut nullæ sint Horæ Canonice, nulla Officia in Ecclesiis Cathedralibus, & Collegiis, quibus quotidianæ distributiones non sint adscriptæ, nec hæc sint adeo tenuis, ut eorum privatione multari non natiuant Canonici negligentes. Id in Synodo Mediolanensi

quarta, parte secunda, Cap. xii. constitutum, secundum Tridentini Con illic mentem, ne *quis in parte divinus cultus minuitur*, in omnibus Ecclesiis pariter statuendum, & executioni mandandum sperare licet ab Illustissimorum, & Reverendissimorum Episcoporum pietate, vigilantia, & zelo pro disciplina Ecclesiastica restauratione. Quod vero spectat Canonicum, qui illis tantum Horis, & Officiis interest, quibus pinguiores distributiones sunt annexæ, illis vero nusquam, quibus nullæ, aut exiguæ constitutæ sunt; auctor tibi sum, ut in sacro Pœnitentiæ Tribunali ipsi peccati gravitatem ostendas, Horarum, & Officiorum, quibus nullæ, aut exiguæ distributiones sunt annexæ frequentationem per certum tempus in pœnitentiam illi injungas, prout expdire prudentia tua judicaverit, ut illis assidue, ac devote adesse assueat cessante legitimo impedimento: elemosynas etiam convenientes illi impera in satisfactionem. Caveat, ne simoniz mentalis reus sit, qui divinis officiis principaliter interesse videatur intuitu commodi temporalis. Turpis certe *lucris cupidus* est, quod grave est, in Sacerdote præsertim vitium: Sacrificium laicis voluntarie Deo non offert, nec sincere, ac veraciter Deo dicere potest: *Voluntarie sacrificabo tibi*. Nam, ut præclare ait S. Augustinus, *Si adesses tibi, quod amas* (Domine Canonicè) *non laudares Deum*. Vide quid dicam: Laudas Deum, ut det tibi amplam pecuniam (ut pingues distributiones lucreris;) si aliunde haberes amplam pecuniam, non a Deo, numquid laudares Deum? Si ergo propter pecuniam laudas Deum, non voluntarie sacrificas Deo, sed ex necessitate sacrificas, quia præter illum nescio quid aliud amas.

Canonicos similiter affectos, ut tuus ille, utinam vere pœnitens! Concilium Colonienſe anno 1536. celebratum Parte 111. Cap. xiiii. his verbis adhortatur, & commonet: *Unam operando a Deo Optimo Maximo consequi possemus, ne quisquam lucri causa Divinis interesset, alioquin non accessurus sacra, veluti quem nummi magis, quam Dei amor in templum trahit, quæsum pietatem esse putans: qui, non dubium ex eorum numero est, de quibus Iſaias dixit: Omnes diligunt munera, sequuntur retributiones. Non multum is abest (ut plerisque ecclesiasticis viris placuit) ab horrendo crimine Giesi, qui existimavit divinum munus pecunia redimendum. Quare viderint Clerici nostri, ut eorum mens & intentio tota in Deum referatur, ut cum Davide confiteantur Deo in directione cordis, ac in labiis suis pronuncians omnia iudicia oris ejus: in via etiam testimoniorum Domini delectentur, sicut in omnibus divitiis. Operandum, ut Psalms ille censens decimus octavus, qui toties non sine causa in Ecclesiis replicatur ore simul, & correspondente singulis verbis mente decantetur, & cum eodem Psalte ex animo, mo dicatur: Voluntarie sacrificabo tibi, & confitebor nomini tuo. Non admittit Christus, sed decernit operanti suam mercedem. Dignus est enim operarius mercede sua. Et qui altario deservit, de altario & vivet. Sed interim cogitare debet Clericus se vivere non ut edat, sed edere, ut, ut Christo vivat; habereque semper mente reconditum Christi verbum. Primum querite regnum Dei, & iustitiam ejus, & hæc omnia adjiciuntur vobis.*

Hujusmodi Canonicis (inquit Venerabilis Cantor Parisiensis Petrus in Verbo Abbreviato, Cap. xxvi.) *Pecunia disciplina est, nummus decanus, & etiam Deus. Qui idololatæ sunt, nummum potius adorantes, quam Deum, non alias Deo cantaturi nisi propter nummum...* Hinc scandalum laicorum non leve. Quid vilius (inquit idem Auctor) quam duas Horas in Ecclesia quadam (quia ad illas decantandas non est constituta cetera pecunia) a Laicis dici Horas Domini, ceteras denarii, imo diaboli? Imo ad has Horas decantandas, & Horas etiam beate Virginis, non adsunt Clerici; sed præsentés in aliis ab his fugiunt, ut nullum opus in Ecclesia sibi vindicet Spiritus Sanctus, cum nihil gratis in ea fiat, sed omne sibi vindicet nummus, Hæc mala salutaribus correptionum medicamentis, quantum fieri potest, sananda, precibusque & gemitibus exorandus Deus, ut iis gratia sua medeatur. Vale, meique in Sacrosancto Altaris sacrificio memineris.

Lutetie Parisiorum.

EPISTOLA XIV.

Alias xxiii. quæ autem 14. erat, nunc 39.

Parochus, quem caste, sancteque conversationis semper fuisse constat, non est suspendendus ob suprum neptis quæ in Parochialibus adibus peperit, cujus illum accusat juvenis ab ipsa nepte suprasor denunciatus.

CLARISSIMO VIRO ***

OFFICIALI.

Interis, quas ad me scripsisti nuper, rem narras sane lugendam: Parochus, ais, integræ hucusque famæ, vir sexagenarius, in Presbyterali domo neptem educabat juvenem, formæ non inelegantis, indolis festivæ, vix, ac ne vix quidem extra ædem egredi solitum, nisi ut Sacro, Vespertinis Officiis, aut Concioni interesse, vel ut in rerum vernalium foro necessaria avunculo, libique compararet. Interea gravida facta, peperit in ipsa Ecclesiæ domo. Magnum inde scandalum ortum est. Interrogata puella ex cujus viri consuetudine concepisset, a filio natu majore oppidani Judicis, quem Vicecomitem vocant, seductam se fuisse, corruptam, im-

præ-

pregnatam, respondit. Parochus puellæ infelicis avunculus juvenem in jus vocavit: res ad Senatam * * delata. Contestata lite, negat petulans juvenis se unquam neptem Parochi cognovisse, nullam contra se probationem, præsumptionem nullam proferri; stupri reum potius esse contendit Parochum avunculum puellæ, cum quo neptis sub eodem tecto morabatur, & sæpe sola cum solo manebat. Graves hinc oppidanorum obloquutiones, publica offensio, infamia in Parochum derivata. Queris, utrum Parochum a sacris ministeriis suspendere debeat Episcopus, dum in facti veritatem inquires Donum consilii, quod illi a Spiritu-Sancto datum est, si sequatur Præful Religiosissimus, ut sequetur proculdubio, consulet famæ, & honori Sacerdotis, cuius hucusque casta conversatio, mores probatissimi, bonum nomen. Absque strepitu, & forma iudicii a Consecratoribus, & insignis notæque probitatis senioribus oppidanis percontabitur de morum illius honestate, & castitate, cum junior esset, & quæ sit nunc de ipso illorum opinio. Qui si virum honestæ castæque conversationis semper fuisse, ac etiam nunc sibi videri dixerint, illum non solum sacro ministerio fungi permittit Amplitudo sua, sed illius honorem ac famam pro virili tuebitur, agetque, ut petulans juvenis ad honorem famamque venerandi Sacerdotis, ac Parochi sui refarciendam compellatur. Consilium istud meum nuncitur cap. Cum in juvenute, Ext. De præsumptionibus, quod Innocentii III. responsum est Candiensis Episcopo, & Abbati Deciquorum datum in simili pene specie. Cum in juvenute sua (inquit) Quiquelesensis Episcopus adeo se maturum, honestum, & providum exhibuerit, ut ab Ecclesiæ Romana meruerit Pallio decorari, non est de levi credendum, quod postquam ad senilem pervenit ætatem, turpiter abjecerit iugum Domini, futores libidinis amplectendo: cum labes huiusmodi, quæ nonnunquam in juvenute contrahitur, in senectute frequentius exipiat. Quis præterea de facili crederet, quod vir præditus scientia litterarum, propriis studiis oblitus, ad eam passionis ignominiam se converteret, ut cum propria nepte abominabilem perpetraret incestum? Cum, etiam secundum sententias Ethnicorum, naturale fasus tales personas nihil permittat sibi criminis suspicari. Licet igitur Rex Hungariæ eundem Episcopum nobis per nuncios & litteras de tali crimine detulisset, postquam, ut malum huiusmodi perniciosum exemplo, de Hungarica Ecclesiâ tolleremus: quia tamen ejus suggestio non de radice caritatis procedere videbatur, nolimus aures nostras quasi malignis delationibus inclinare. Sed ut probemus si spiritus essent ex Deo, Auriensis Episcopo dedimus in mandatis, ut præsenter, & caute a Cosciscopis indagaret utrum præfatum Episcopum crederent tali labe reperiendum. Qui nobis postmodum referriperunt quod cum virum honestæ conversationis esse credebant, personam illius multipliciter commentantes.

Quoniam vero ex neptis mansione, cum avunculo Sacerdote ortum scandalum est, dataque convictio, & obsecrationibus occasio, prudentiæ Episcopalis erit, alias opportunitate data cum Diocæsana forte Statuta condet Religiosissimus Præful, Parochi, ceterisque Sacerdotibus, ac sacris viris prohibere, ne vel neptes, vel consobinas, multo minus ancillas apud se habeant, præsertim juvenes, prout Conciliorum plurimorum Decretis saluberrime sancitum est, quorum nonnulla descripsi Libro II. Theologiæ Dogmaticæ, & Moralis, in Tractatu De Sacramento Ordinis, cap. v. De vita, & honestate Clericorum, Regula 111. Prudenter olim Theodulfus Aurelianensis Episcopus in Capitulari ad suæ Diocæsesis Presbyteros hoc Decretum edidit: Nulla femina cum Presbytero in una domo habiteat. Quamvis enim Canones matrem, & sororem, & huiusmodi personas, in quibus nulla sit suspicio, cum illo habitare concedant, hæc nos modis omnibus idcirco anxiavimus, quia in obsequio, sive occasione illarum veniunt alie femine, quæ non sunt ei affinitate conjunctæ, & cum ad peccatum illicitum, Vale, mihi quæ apud Deum bene precare, tui observantissimum.

Lutetie Parisiorum.

EPISTOLA XV.

Sola alimentorum proviſio filiis illegitimis a parentibus debetur.

AMANTISSIMO FRATRI ***

Filios illegitimos hæredes a parentibus institui non posse: verumtamen æquitatem postulare, ut parentes necessaria illis ad vitam sustentandam relinquunt, probatum habes Lib. II. Theologiæ nostræ Dogmaticæ, & Moralis Tractatu De Extrema Unctione, cap. vii. * ubi de Testamentis agitur; plura, ut addam minime necesse est. Solam certe alimentorum provisionem liberis a patre jure naturæ debitam spectant Supremarum Galliæ Curiarum Magistratus, cum legata paterna, aut donationes inter vivos in gratiam illegitimorum filiorum factas, aut dotes filiabus naturalibus constitutas, Senatufconsultus confirmant ea cautione, ut legata illa immo dicata non sint, & in fraudem legitimorum hæredum.

Quamvis autem leges a paterna hereditate filios naturales, & spurios arceant, illos tamen a successione in bona materna non excludunt, ubi jure scripto judicatur. Succedunt enim ab intestato Matri legitimis liberis carenti in bona universa, sicutque hæredes ex affe; matri autem intestatæ legitimis filios habenti succedunt æquo jure cum illis, secundum legem, si qua

Alias XLIV.
quæ autem
35. erat,
nunc 31.

illustris, Ad Senatusconsultum Crystianum. Vale, Frater amantissime, meque Deo tuis in Sacris commenda.

Lutetiae Parisiorum.

EPISTOLA XVI.

Alias xxv.
quæ antea
16. erat,
nunc 32.

Sacerdos Ordinis Religiosi, qui sacrum Viaticum Eucharistia infirmo administravit in casu repentino absque licentia Parochi, cum licentia tamen Vicarii Generalis Episcopi, in Irregularitatem non incurrit.

CLARISSIMO VIRO ***

Exposuisti mihi per litteras nudius tertius ad me datas, Nobilem Virum apoplexiæ casu subito correptum die decima mensis ultimo præteriti, in diem usque crastinum omni sensuum usu destitutum permansisse. Cum autem summo mane vocis, rationisq; sufficiens usus ad Exomologesim peccatorum faciendam illi Deo miserante restitutus esset, vocatus est ex vicino Cœnobio Religiosus Sacerdos pius, & eruditus, qui Confessionem infirmi excepit. Quod dum perageret, Vicarium Generalem Illustrissimi Episcopi, eundemque Archipresbyterum adire, quibus incumbat ægri cura, ipsique supplicarunt, ob humanas quasdam, & civiles dumtaxat rationes, ut Religioso Sacerdoti infirmi Confessario licentiam concederet eidem administrandi Sacrum Corporis Domini nostri Jesu Christi Viaticum: quam licentiam, & in scriptis impetrarunt. Aedes Parochi domui infirmi viciniore erat quam aedes Vicarii Generalis: ad hunc tamen, non ad illum aditum est, Episcopo a Diœcesi absente. Religiosus ille Sacerdos visa licentia supra dicta; rogatus a familia infirmi, acceptum ex Ecclesia Cœnobii Eucharistiam illi bona fide administravit. Queris, Utrum in excommunicationem inciderit, secundum Clementinam 1. *Religiosi*, Tit. *De Privilegiis, & excessibus privilegiorum*, prohibentem Regularibus Sacerdotibus, ne Eucharistiam, vel Extremam-Uctionem infirmis administrarent, aut aliquos Matrimonio coniungant, non habita super his *Parochialis Presbyteri licentia speciali*, sub pœna excommunicationis Sanctæ Sedi Apostolicæ reservatæ ipso facto incurrendæ.

Meam siquidem rogas ea de re sententiam, respondeo, Clementinæ casum non complecti Episcopum, Vicarios Generales Episcopi, vel Sacerdotes, sive Saculares, sive Regulares, quibus Episcopos, aut ejus Vicarius Generalis, in casu aliquo singulari, & urgente, licentiam administrandi sacrum Viaticum infirmo concesserint.

Primo, quia verisimile non est, Summum Pontificem Episcoporum auctoritatem restringere voluisse, nulla illorum facta mentione. Episcoporum porro auctoritas, & iurisdicção in omnium Diœcesanorum animas extenditur in iis, quæ omnium, & singulorum Sacramentorum administrationem spectant: adeo ut per se ipsos, aut per secundi Ordinis Sacerdotes, quibus sacrum illud Ministerium secundum lumen prudentiæ ad Ecclesiæ regimen a Deo sibi data demandaverint, Sacramenta omnibus, & singulis Diœcesanis suis administrare valeant. Tota enim Diœcesis una Parochia est respectu Episcopi, cui totius plebis anima sunt commissa, ut habetur Canone, *Quicumque*, Causa x. Quæst. 1. & Canone, *Præcipimus*, Causa xii. Quæst. 1.

Secundo, quia Clementina laudata tert excommunicationem ipso facto incurrendam in Sacerdotes Regulares, qui Sacramenta Eucharistiæ, vel Extremæ-Uctionis, sine Presbyteri Parochialis licentia speciali infirmis administrare præsumpserint. Regularis porro Sacerdos, qui cum Vicarii Generalis licentia, in casu particulari, & urgente, Viaticum infirmo bona fide ministravit, id præsumpsisse, vel usurpasse dici non potest.

Tertio, Clementina citata præcipit Episcopis, ut Regulares Presbyteros, qui Sacramenta supra dicta infirmis administrare præsumpserint, excommunicatos denuntient. Quos etiam locum Ordinarii (postquam de hoc eis consulerint) excommunicatos faciant publice nuntiari, &c. Verisimile porro non est, Summum Pontificem voluisse, ut Episcopus excommunicatos ipso facto Sacerdotes Regulares denuntiaret, qui sacrum Eucharistiæ Viaticum, vel Extremam Uctionem infirmis ministrassent, cum ejusdem Episcopi, aut Vicarii illius Generalis licentia.

Quarto, Clementina, *Religiosi*, explicanda eodem modo videtur, quo caput *Omnis utriusque sexus*, Ext. *De Penitentia, & remissionibus*, in quo hæc verba, *sine licentia proprii Sacerdotis*, Episcopos, & eorum Vicarios Generales non excludunt, nec illos Sacerdotes, sive seculares, sive Regulares, quos approbaverint ad fideles Confessiones in suis Diœcesibus audiendas, sine ulla personarum ac temporis exceptione, sive restrictiones.

Quinto, Episcopi, & eorum Vicarii Generales, cum ipsis videtur, tribuere possunt Religiosis Sacerdotibus potestatem Diœcesanos aliquos suos Matrimonio coniungendi certis in casibus, quamvis id eis prohibeat Clementina, *Religiosi*, nisi specialem Parochialis Presbyteri, sive Curati licentiam habeant. Eodem porro jure concedere possunt Regularibus illis Sacerdotibus licentiam administrandi Eucharistiæ, & Uctionis Extremæ Sacramenta in singularibus quibuscumque, & urgentibus casibus.

Sexto, Glossa Clementinæ citatæ, ad hæc verba, *Parochialis Presbyteri licentia*, responsum

rem meam confirmat. *Puta* (inquit) *a penis excusari illum, qui hoc fecit de auctoritate Dige-
stiani . Facis de Penit. & Remiss. c. 2. in fin. lib. 6. Nam Diocesis est Pavorchia Episcopi.
Et facis, quod scripsit de Penis. & Remiss. cap. Omnis, super verbo, proprio.*

Ad Eandem sententiam accedunt Bonacina Tom. xii. Tit. De Excommuni. in particul. ext.
Bullam Cane, Disp. 2. Quæst. 4. Puncto 5. nu. 10. & Auctores ab eo citati, nec non Piale-
cius, *Praxis Episcopalis*, P. 11. Cap. 4. Art. 4. *De Matrimonio*, p. 297. col. 2.

Ex his omnibus compertum est, Religiosum Sacerdotem, qui sacrosanctum Viaticum infirmo
bona fide administravit, cum licentia Vicarii Generalis Episcopi, in eo casu quem exposuisti,
non incurrere in excommunicationem . Utrum vero Vicarius Generalis licentiam illam conce-
dere debuerit, seu legitime concesserit, ipse coram Deo expendat . Vale, meique ad Sanctum
Altare memor esto.

Lusitæ Parisiorum.

EPISTOLA XVII.

Medici Officia.

CLARISSIMO VIRO ***

IN SALUBERRIMA FACULTATE DOCTORI.

Tibi gratulor, quod lauream in saluberrima Facultate studii tuis, & eruditione promeritis sis,
& consecutus. Non dubito quin intra breve tempus magnum ex praxi nomen consequare. Ce-
ptis tuis faveat Deus, teque pietatem colere doceat, quæ ad omnia utilis est, *promissionem ha-
bens vite, quæ nunc est, & futura* (ut Apostolus loquitur.) Ad ipsum omnia reteras, qui dat
vires & Medicus, & medicinæ, sine cuius auxilio, & natura impotens, & inutilis Medicus, &
remedia omnia frustra essent. Cum ægrorum curationem Deo auspice suscipis, des operam, ut
spiritualis salutis suæ, & æternæ curam gerant. Si periculosa sit ægritudo, mone, ut quamprimum
Sacerdotem advocent, peccatorum Confessionem edant, sacrum Corporis Christi Viaticum
suscipiant: id si neglexerint, curam eorum te abicere significes. Huic officio, quod sacri Ca-
nones Medicis præscribunt, desse non potes sine gravi peccati reatu. Ita jubet Concilium La-
teranense quartum, Canone xxii. *Cum* (inquit) *infirmis corporalis nonnunquam ex peccato
proveniat, dicente Domino languido, quem sanaverat: Vade, & amplius noli peccare, ne dete-
rius aliquid tibi contingat: Decreto præsentis statuimus, & districte præcipimus Medicis corporum,
ut cum eos ad infirmos vocari contigerit, ipsos ante omnia moneant, & inducant, ut Medicos
advocent Animarum: ut postquam infirmis fuerit de spiritali salute provisum, ad corporalis me-
dicinæ remedium salubrius procedatur, cum causa cessante cesset effectus. Hoc quidem inter alia
huic causam dedis edicto, quod quidam in ægritudinis læto iacentes, cum eis a Medicis suave-
tur, ut de animarum salute disponant, in desperationis articulum incidunt, unde facilis mor-
tis periculum incurrunt. Si quis autem Medicorum, hujus nostræ constitutionis, postquam per
Prelatos locorum fuerit publicata, transgressor extiterit, sandiæ ab ingressu Ecclesie arceatur,
donec pro transgressione hujusmodi satisfecerit competenter. Hanc Lateranensis Concilii sanctio-
nem innovavit, & executioni mandari iussit Beatus Pontifex S. Pius V. Constitutione, quæ in-
cipit. *Supra gregem* anno 1566. prohibens Medicis ne ultra tres dies infirmos in læto iacen-
tes visitare, & curare pergant, nisi peccata sua, secundum Romanæ Ecclesiæ ritum confessi fue-
rint, sub penis Concilii Lateranensis Decreto expressis ipso facto incurrendis, adjecta contra
transgressores infamiae nota, & gradus privatione.*

Cave præterea, ne aliquod infirmis pro recuperanda, vel tuenda corporis valetudine
suadeas, quod animæ salutis obesse possit. Hoc enim consilio tibi ipsi animæ perniciem arcefferes.
Ceterum (inquit Concilium Lateranense mox laudatum) *cum anima sit multo pretiosior corpore,
sub interminatione anathematis prohibemus, ne quis Medicorum pro corporali salute aliquid ægro-
to suadeat, quod in periculum animæ convertatur.*

Ex morbis corporis intellige, quam lugendus sit ægræ imo mortuæ animæ status, quantis
studiis curanda sit salus illius æterna. *Medice, cura te ipsum.*

In morborum periculoso cura, Doctorum consilium adhibe, contentiones fuge, salubriora
consilia præpone, inanis gloriolæ studio, nimioque propriæ sententiæ, & rationis amore, ne
vitam infirmi periculo exponas. Opinionem minus probabilem, neglecta probabiliore, tibi sequi
non licet experimenti gratia. Studio, & lectioni meliorum Auctorum diligenter incumbere. Mo-
nitum audi Casthodi Libro vi. Variarum, Formula xix. *Medici* (inquit) *libris delectentur an-
tiquis. Nullus sibi assidue legit, quam qui de humana salute traxerit.* Deponite mendaci
artifices noxias egrotantium contentiones, ut cum vobis non vultis credere, inventa vestra inveni-
em videamini dissipare. Omnis prudens consilium queris: dum ille studiosior agnoscitur, quo
causior frequenti interrogatione monstratur. In ipsis artis hujus initiis quodam Sacerdoti genere
sacramenta vos conferant. Doctoribus enim vestris promissis odisse nequitiam, & amare puri-
tatem.

eatem. Sic vobis liberum non est sponte delinquere; quibus ante momenta scientia animas impamitur obligare. Et ideo diligentius exquirite, quæ curent saucior, corroborarent inopetentes. Homi-
cidii crimen est in hominis salute peccare. Vale.

Lusitæ Parisorum.

EPISTOLA XVIII.

Superior Regularis Viro Religioso sibi subdito permittere non debet, ut executionem testamenti
suscipiat, quod eam clausulam habet, ut dictus Executor decem millia nummorum ex
hereditate delibata accipiat, conferatque in usus, quos ipsi secreto Testatrix significavit.

Alias VIII.
quæ autem
18. erat,
nunc 35.

R. P. ORDINIS S. *** PRIORI.

Quamvis Religiosi Viri non minus quam Clerici sæculares nominari possint executores testa-
mentorum, ut constat ex cap. *Tua nobis*, Ext. *De Testamentis*, & ex Clementina, *Reli-
giosis*, eodem Tit. illud tamen onus sine Superioris sui Regularis licentia suscipere non
possunt, ut ex eadem Clementis V. Constitutione compertum est. Hoc posito, quæris, quomo-
do gerere te debas in eo, quod mihi exponis, negotio. Religiosus Sacerdos regimini tuo sub-
ditus, a Vidua nobili, & divite cui a Confessionibus erat, cuius & in extremis positæ conscientiam
moderatus est, nominatus fuit executor testamenti ab illa conditi, cum ea clausula, ut
decem millia nummorum ex hereditate delibata accipiat conferatque in usus, quos ipsi secreto
testatrix significavit. Dubitas porro, utrum permittere debeas Religioso tibi subdito, ut hujus
executionem testamenti suscipiat.

Auctor tibi sum, ut ab huiusmodi onere suscipiendi ipsum prohibeas; quia ex dispositione
Testatricis innox explicata præsumptio tacitæ fidei in fraudem legum assumptæ orietur; ut Ju-
risperiti docent. Collusionis etiam imo & avaritiæ suspicio adversus Religiosum virum nasce-
tur, quod Testamentum forte suggererit, & decem millia nummorum, quorum ipsi credita
dispensatio est, secundum voluntatem nobilis Testatricis eidem religioso secreto significatam,
vel retinere velit contra votum paupertatis, vel certe Conventui suo vindicare. Quamobrem si
causa ad forum exterius forte dederatur, vereor ne caducum pronuncietur testamentum, & su-
gillenter Religiosi viri quasi hereditatem aucupes, & qui executiones Testamentorum sibi de-
mandari curent in fraudem legum, & hæredum, quod vergeret in Status Monastici dedecus,
quemadmodum enim posita lege, vel consuetudine Municipali statuente, ut maritus non possit
aliquid relinquere uxori, non valet legatum factum pro anima Testatoris distribuendum abuxo-
re, ne fiat fraus legi, vel consuetudini, ut censent Joannes Andreas, alique Jurisperiti: ita
cum Religiosus Ecclesiasticis legibus aliquid proprium habere prohibeatur, non valet legatum
ab ipso distribuendum juxta mentem secretam Testatoris; vel certe aderit, tam vehemens suspi-
cio, ut Judices moveat ad interdicendum dictum Religioso officio executoris.

Accedit, quod Religiosi viri, etiam exempti, qui executionem cujuslibet ultimæ voluntatis
suscipiunt, etiam si Prælationis fungantur Officio, locorum Ordinariis debitam reddere, ipsique
Ordinarii ab eisdem absque dolo, fraude, seu negligentia, de susceptæ executionis officio te-
nentur exigere rationem, illos, quos circa id deliquisse repererint, in aliorum exemplum
pœna debita, quocumque non obstante privilegio, puniunt, ut statuit Clementina, *Religiosis*.
Tenentur itaque respondere Episcopo rationem exigenti: revelare cui distribuenda; vel confe-
renda sint legata secundum voluntatem Testatoris ipsis secreto significatam: rationes reddere;
affirmationem suam juramento confirmare, si jubeat Episcopus: aliqui executorum officio jure
interdi-entur, ut respondit sacra Congregatio Concilii Tridentini Interpres litteris datis ad
Cardinalem Borromæum Archiepiscopum Mediolanensem, cum similis casus Mediolani conti-
gisset; quod vero tempore factum retert *Fagnanus* in cap. *Tua nobis*, Ext. *De Testamentis*.
Cave ergo ne, si Religiosus tuus onus Executoris Testamenti supra dicti, te permittente, su-
scipiat, in laqueos incidat ex quibus extricare se non possit. Vale, mei in Sacrificio Pretii no-
stri ad Altare Domini memor.

Lusitæ Parisorum.

EPISTOLA XIX.

Abbatissa lethali morbo decumbens residuos pensionis suæ vitalitæ fructus, etiam ad pias cau-
sas, legare non potest; nec vasa argentea, gemmas, variam suppellectilem, libros nepi
sue ejusdem Monasterii Moniali donare.

Alias LXVIIII
quæ autem
19. erat,
nunc 36.

VIRO RELIGIOSO ***

Quam pro amicitia erga me tuæ jure vehementer urges responsum ad Quæstiones a te
propositas, paucis expedit. Rogas, utrum Abbatissa lethali morbo decumbens, quæ tria
millia nummorum ex vitalitæ pensione sua, parentumque donis residua habet, conferre
Nat. Alex. Theol. Tom. II.

Aaa possit

possit Monasterio suo fundationis titulo ad piam causam, ut scilicet lampas coram Sanctissimo Sacramento in Ecclesia exteriori, sive Sanctuario jugiter accensa maneant, præter eam, quæ lucet usque in Choro Sanctimonialium ardere consuevit.

Secundo, Utrum constituere possit numerum Missarum pro animæ suæ requie post obitum suum celebrandarum?

Tertio, Utrum certo pauperum numero indumenta legare possit?

Quarto, Utrum libros necesse sit in eodem Monasterio Sanctimoniali professæ donare possit, quorum illi jam permittit usum: cum hæc in Abbatia consuetudo vigeat, ut Sanctimonialia consanguinea, vel amica libris huiusmodi cum Abbatissæ licentia comparatis communiter utantur, inscriptis fororum duarum, vel amicæ, ac neptis, aut duarum amicarum nominibus; usque alterutra obeunte, remaneant alteri?

Quinto, Utrum eadem Abbatissa discos, aut crateres argenteos, horologium affabre factum, atque pretiosum, telæ subtilioris centum ulnas, variamque suppellectilem sibi superfluum (quæ omnia non ex Monasterii redditibus, sed ex vitalitiæ pensionis suæ, quam habet a familia nobili, & prædite, aut ex parentum donis comparavit) nepti suæ Sanctimoniali donare possit?

His Questionibus facile respondere posses, cum Moralis Theologiæ peritus sis, & in Sanctimonialium consensibus dirigendis exercitatus: verum cum sententiam meam exquiras, eamque Abbatissa ipsa (ut scribis) scire velit, ac sequi; ad singulas interrogationes ordine respondeo.

I. Gravis peccati reus est Abbatissa, quod pecuniæ fuminem ingentem ex vitalitiæ pensionis sua servaverit, & in commune Monasterii ærarium, seu massam communem non contulerit; cum præsertim superflua esset eidem Domine, quæ omnia religiosiis suis utilis necessaria ex pensione illa vitalitatis delibaverat. Si proprium aliquid dicere, vel habere Monachus, aut Monialis sine crimine non potest, quanto minus thesauria e? Si Christianos omnes spectat, quod Apostolus præcipit, *Habentes alimenta, & quibus regamur, his contenti simus*; quanto magis Monachus, & Sanctimonialis? De violato igitur paupertatis voto penitentiam iam agat, hortare, nec ante absolvas, & sacra Eucharistiæ Communionem dones infirmam, quam residuum illam ex pensionibus suis, & parentum donis pecuniam in commune Monasterii ærarium sive depositum intulerit, cum ceteris Abbatissæ bonis confundendam. *Quicquid enim Monachus, vel Sanctimonialis acquirit, sive ex pensionibus vitalitibus, sive ex donis parentum, consanguineorum, amicorum, sive ex proprio labore, & industria proveniat, acquirit Monasterio.* Inconculsa regula est, in sacris Canonibus, & in ipsa voti paupertatis substantia fundata.

II. Abbatissa gravi, lethaliq; morbo decumbens residuum illam pecuniæ summam conferre non potest Monasterio suo, ac adiecta conditione, ut lampas altera coram Sanctissimo Sacramento perpetuo ardeat, vel ut pro animæ suæ requie certus Missarum numerus post obitum suum celebraretur, aut pauperes aliquos vestiantur. Cum enim ea pecunia sit Monasterio iure debita, conferri debet Communitati sine onere. Præterea non potest Abbatissa contractum fundationis (ut loquimur) iniire cum Monasterio suo: siquidem peculium habere iure non potest, voto paupertatis repugnante: nec persona moraliter distincta censetur a Communitate, cui præsert, ut cum illa contrahere possit, sed præcipuum ejus membrum.

Accedit, quod condendi testamenti, aut aliquid supra voluntate legandi, vel etiam inter vivos donandi facultas Monachis, & Monialibus, etiam Abbatibus, & Abbatissis interdicta sit, & repugnet abdicationi proprietatis, quæ ita est annexa Regule Monachali, ut contra eam nec Summus Pontifex dispensare valeat. Bona donare, vel legare nemo potest, quorum non est dominus, sive testamentum, sive qualibet alia ratione, etiam ob causas pias: Monachus porro, & Sanctimonialis sunt incapaces domini, adeoque & Abbates, & Abbatissæ iisdem votis obstrictæ. Impia igitur essent, & sacrilega legata (tametsi piæ illis causæ obtenderentur) utpote voto paupertatis repugnantia. Quomodo vero constituere aliquid possunt propria voluntate, qui propriam voluntatem non habent? Denique id sacris Canonibus, & Legibus discrete vetitum est. Ita S. Gregorius Magnus Epistola vii. Libr. vii. Januario Calaritano Episcopo respondet: *Quia ingredientibus Monasterium convertendi gratia, ulterius nulla sit testandi licentia, sed res eorum ejusdem Monasterii juris fiant, aperta legis definitione decretum est.* Quod cum pene omnibus notum sit, in magnam nos Gravinie Abbatissæ Monasterii sanctorum Gravinii, atque Lucorii insinuatō admiratōnem perduxit; quæ Sivicam Monasterii sui Abbatissam, postquam regendi suscepit officium, condito testamento legata quibusdam assensu reliquisset. . . Necessarium visum est nobis, eam cum Consiliariis nostris, quam cum aliis hujus civitatis doctis viris, quid esset agendum de lege tractare. Qui tractantes responderunt: Postquam solemniter Abbatissa ab Episcopo ordinata est, & in Monasterii regimine per annos plurimos usque ad vitæ suæ transiitum præfuit. . . non potuisse Monasterio præjudicium irrogare, sed res ipsius eidem loco, ex quo illuc ingressa, & Abbatissa constituta est, manifesto iure competere. Et ideo quia ex dimissis illicitè rebus Xenodochium possessionem assensu indebite detinere; his res hortarum assatibus, ut quia & Monasterium, & Xenodochium ipsum in vestra est civitate positum, omni cura, ac studio providere debeatis: quatenus si possessio ipsa ex nullo præcedenti contractu, sed ex memoratæ Sivicæ legato descendit, antedicto Monasterio, postposito strepitu, vel executione, reddatur. Alia igitur omnia, quæ ex testamento prænominatæ Sivicæ desinuntur, quippe quod nullum esse legale sanctione permittitur, necesse est, ut juri Monasterii, Fraternitatis vestre sollicitudine, sacerdo-

1. Tim. 6. 8.

Cap. Cum ad
Monasterii
Ext. De stat.
Monachorum

Cap. Quia
ingredientibus
Ext. Exir.
De Testa-
mentis.

salis per omnia studio reparantur: quia Imperiali Constitutione aperte sancitum est, ut ea, quæ contra leges fiunt, non solum inutilia, sed etiam pro infectis habenda sint.

Potest tamen Abbatisa vivens, & nunc lethali decumbens ægitudine, decernere Sororum suarum suffragio, & assensu, ut lampas altera in choro exteriori coram Sanctissimo Sacramento jugiter ardeat; in idque pium opus impendantur pecuniæ ex pensionibus suis residuæ, atque in eum finem serventur in communis deposito Monasterii. Communitas enim Religiosa, cujus Abbatisa caput est, vis habet dispensandi bona sua, & in quos visum fuerit pios, ac religiosos usus infundendi, Regula Constitutionibusque servatis. Quin etiam mihi videtur, Abbatisam, cui vis plenæ, & liberæ administrationis bonorum temporalium Monasterii creditum est, posse, dum vivit, pauperes aliquos inducere, & eleemosynas, seu honoraria ad missarum celebrationem suo Monasteriique nomine conferre certis Ecclesiis, & Sacerdotibus; modo pia illa opera non retrorahantur quasi post ejus obitum ex ejus implenda mandato: quod testamentarium dispositionem sapit. Resignatis demum communitati prædictis pensionis suæ vitalitiæ fructibus, aut pecuniis ex gratuita parentum suorum largitione provenientibus (quæ resignatio integra, simplex, & absoluta esse debet) rogare potest Sorores suas, ut pro levamine, & remedio animæ suæ, cum diem ultimam obierit, Sacra piacularia Deo frequenter offerri curent, & eleemosynas erogari: in idque (si videbitur) fructus illos pensionum ipsius impendi, si necessarij non sint Religiosæ Familiæ ad alendas, & vestiendas Sorores, ad æs alienum expungendum, ad ædificia instauranda. Verumtamen id Communitatis suffragiis, & dispositioni relinquere debet, & cum omnimoda, & perfecta peculii, ac propriæ voluntatis abdicatione in Domino mori, Christumque in summa paupertate pro nobis omnibus mortuum imitari.

III. Nepti suæ ejusdem Monasterii Sanctimoniali donare non potest Abbatisa libros pios, quos sibi magno numero comparavit, & quorum usum illi permittit. Spectata tamen consuetudine Monasterii, librorum illorum usum retinere poterit Religiosa neptis post amittæ obitum, cum Abbatisæ futura licentia: sed eorum dominium sibi vindicare non poterit, quod nec habere potuit amita Abbatisa. Illos itaque alienare, vendere, donare, aut in aliud Monasterium auferre jure non poterit, si transferatur ipsa vel causa regiminis, ac Præfecturæ, vel ob aliam rationem.

IV. Religiosæ Nepti donare non potest Abbatisa, sive optime valeat, sive periculose (ut exponis) decumbat, discos, vel crateres argenteos, annulos ex auro, vel gemmis horologium pretiosum, aliaque id genus, telæ, vel panni plures ulnas, variamque suppellectilem; sed disci, crateres & similia, utensilia, vel instrumenta, & vasa argentea consari debent in usura Sacrarum; annuli gemmæ, & horologium pretiosum vendi, Altariisque decori, & ornameto pretium ex his proventurum applicari, nisi in alios usus magis necessarios ipsum converti iustitia, vel charitas possint. Suppellectilem necessariam, & religioso statui suo convenientem si neptis non habebat, illi ex superflua suppellectili sua providere potest Abbatisa quamdiu vivit: si habeat necessariam, & sufficientem, relinquere debet distribuendum, vel ipsa distribuere Sororibus quibus forte deest. Si nisi deest, in communem usum, vel emolumentum Monasterii convertendam tradat Sororibus, quæ officia, & ministeria regularia gerunt, & obeunt. Necessariam suppellectilem dixi, non curiosam, non pretiosam, quæ Monachos & Sanctimoniales non decet, nec salvo paupertatis voto ab illis retineri, vel ipsis indulgeri potest.

Monasterii consuetudinem responsis hisce meis contrariam si objiciant Sanctimoniales, vel Domina Abbatisa: consuetudinem sacris Canonibus, Regulis Monasticis, & votis Religiosis contrariam, *corruptelam* censendam esse doce, ac *legem mortis* coram Deo non excusantem cum Christus non dixerit, Ego sum consuetudo; sed, *Ego sum via, veritas, & vita*. Vale, mei in sancto Altaris Sacrificio memor.

L utetie Parisiorum.

EPISTOLA XX.

Sanctimonialis ex fructibus vitalitiæ pensionis suæ, cum Abbatisæ licentia reservatis, creare sibi pensionem non potest interposito fratris nomine.

RELIGIOSO VIRO ***

Oleo plurimum, quod in Monasteriis quibusdam Religiosi viri, vel Sanctimoniales ritualibus plurimum observantiis, humanisque legibus scrupulosa pietate adhærent: in multis vero, quæ vota spectant, vitæque Monasticæ substantiam, ac fundamentum, nullum sæpe scrupulum patientur, colantes culicem, camelum autem glutientes. Id probat Quæstio, de qua sententiam meam, consiliumque rogas.

Abbatisa quædam (inquis) Sanctimoniali Monasterii sui suppeditans abunde necessaria multorum annorum spatio, quibus Domui Religiosæ præfuit ad obitum usque suum: illi permittit, ut vitalitiæ pensionis quinquaginta nummorum argenti monetæ Gallicæ fructus annuos servaret, atque congereret, post obitum ejusdem Abbatisæ sibi profuturos. Postquam vero e vivis excessit Abbatisa, vult eadem Sanctimonialis conflam ex prædictis fructibus summam qua-

Aaa 2 tuo:

Alias

LXXIV.

quæ autem

20. erat

nunc 37.

tuor millium librarum, interposito fratris sui nomine, donare, seu conferre Monasterio, alienato capitali, & in Monasterii jus, ac dominium penitus translati; ea conditione, ut Monasterium eidem Sanctimoniali, quoad vixerit, solvat pensionem annuum centum quinquaginta librarum, ad incrementum pensionis pristinae, in religiosos ejus usus expendendam. Querit a Doctoribus, an id liceat, quod licere sibi vellet, & quod ipsi licere quidam Regulares Casuistae responderunt. De proposita Quaestione ita censo:

- Non potuit Abbatissae permittere Sanctimoniali praedictae, ut fructus vitalitiae pensionis suae servaret, ex iisque summam ingentem pecuniae constaret inposserum sibi profluturam. Nec ea licentia Sanctimoniali a vitio proprietatis immuniem praestitit, ut constat ex Cap. Cum ad Monasterium, Extr. De statu Monachorum. Sanctimoniali praedictae alimenta, & vestimenta, omniaque necessaria ad vitam commode transigendam abunde subministrabantur habita ratione Religiosi status: nec pensioni poterat ipsi aliquid defuturum post obitum Abbatissae, cum Monasterium dives sit, in eoque disciplina regularis, quoad hoc etiam caput, accurate servetur, ut Sororibus, cum sanis tum infirmis necessaria procurentur, ac subministrantur. Sequi igitur debuit, ac debet Apostoli regulam. *Habentes alimenta, & quibus tegamur, his consenti sumus.* Christi praeceptum sequi debuit: *Nolite solliciti esse in crastinum.* Suade igitur, ut penitentiam agat de praeterito, summam vero quatuor millium librarum ex fructibus vitalitiae pensionis suae constulat, Monasterio suo conferat, seu potius restituat: ipse enim Monasterii bonorum portio est. Quamobrem fructus annuos, seu redditum centum quinquaginta librarum, interposito fratris sui velut donantis nomine, a Monasterio exigere, aut recipere non potest ad incrementum antiquae pensionis suae, sine cupiditate, quae radix malorum omnium est; sine vitio proprietatis: sine furti sacrilegi labe; sine mendacio, & fraude damnabili. Nec proinde frater ejusdem Sanctimonialis hac in re nomen, operamque suam ipsi commodare potest sine mortali peccato, & onere restituendi Monasterio fructus annuos, quos soror sua ex praedicta summa, ejus nomine, ad velamen malitiae, Monasterio veluti collata, & collocata perciperet. Vale, mei tuis in Sacrificiis memor.

Lutetia Parisiorum.

EPISTOLA XXI.

De preparatione, & dispositione ad Tonsuram Clericalem.

CLARISSIMO VIRO ***

Alias II.
quae autem
21. erat,
nunc 38.

Epist. 2.

Miratus sum vehementer, quod Auctor Anonymus Libelli, cui titulus est: *Scrupuli adversus Theologiam Patris Alexandri Dominici Illustrissimo Rithmogentium Archiepiscopo propositi*, Gallice, *Difficultez proposees à Monseigneur l'Archevêque de Reims contre la Théologie du Père Alexandre*, primo impetu hanc propositionem oppugnet, quae in Tractu De Sacramento Ordinis Cap. III. Art. V. Regula XXI. legitur: *In mortali peccati reum incurrit, qui Tonsuram Clericalem indigne suscipit.* Ipso in limine mihi affingit Anonymus, quod pugnem lethalis peccati reum esse, qui Tonsuram Clericalem extra gratiae statum suscipit; verum non ita se res habet. Id unum assero, & propugno: teneri se ad Deum convertere per actum contritionis, & charitatis, quicumque per Tonsuram Clero adscribitur. *Quamobrem* (inquiebam) *& injuriosus est in Deum, & Clericali Ordini contumeliosus, qui impaenitens Clericorum catalogo inscribi se procurat, & Deo se in isto Ordine ministraturum devotus.* Haud satis attendit argutus ille Monitor, qui inter haec distinguere nescit, esse impaenitentem, & non esse in statu gratiae. Media inter duo haec extrema dispositio est, esse extra peccati affectum, seu in statu poenitentiae.

- Sane qui Tonsuram Clericalem suscipit, ritu solemniori coram Ecclesia proficitur Dominum Deum partem esse suam. *Dominus pars hereditatis meae.* Quamobrem Talem se exhibere debet, ut *et ipse possideat Dominum, & possideatur a Domino* (inquit S. Hieronymus.) Numquid vero id convenit homini in statu peccati mortalis constituto, & non poenitenti? Nonne mentitur Spiritui Sancto, qui se Deo addictum, ac penitus devotum esse velle proficitur exteriori, cum diabolo interiori affectu voluntatis addictus est? *Quae conventio lucis ad tenebras, Christi ad Belial, templi Dei ad Idola? ... Nemo militans Deo implicat se negotiis secularibus, ut ei placeat, cui se probavit.* Si a negotiis secularibus expeditus esse debet, qui Militiae Clericali dat nomen: quanto potiori ratione peccati vinculis, & affectu solutus sit, necesse est? Capillos illi tondet Episcopus, ut hoc ritu significet eum, qui statum Ecclesiasticum amplectitur, cupiditates suas, & pravos affectus felsecare debere. Comam illi tondet in modum coronae; ut ostendat illud teneri ad vitam suam Jesu Christo conformandam, spinis pro salute nostra coronato. Superpelliceo illum induit, ut eo ritu indicet eum, qui se Deo consecrat in statu Ecclesiastico, exspoliare debere veterem hominem, & induere novum. *Inductus te Dominus novum hominem, qui secundum Deum creatus est in iustitia, & sanctitate veritatis* (precatur Pontificator Episcopus.) Quis vero dixerit, hominem in affectu lethalis peccati perseverantem induere In Pontificatu Romano. Dominum Jesum Christum? Deum pro novis Clericis orat Antistes, *Ut donet eis Spiritum San-*

ctum,

Hum, qui habemus Religionis in eis perpetuum conservet, & a mundi impedimento, ac seculari desiderio corda eorum defendat. An porro ad recipiendum Spiritum Sanctum dispositus est, qui cum sit lethalis peccati reus, in ejus affectu perseverat, nec ad Deum veræ penitentiae motu, sinceræque contritionis actu convertitur? Nonne resistit Spiritui Sancto? Nonne cor suum illi claudit? Omnes denique Ecclesiæ Ritus in Ordinatione Clericorum, significant illos a crimine immunes, & in virtute perfectos esse debere. *Perfecti in virtute esse debent* (inquit S. Thomas.) Sacra illæ Ceremoniæ placæ significant eos, qui in Clerum cooptantur, sacris Ministeriis, ac divinis obsequiis jugiter addictos, & occupatos esse oportere. *Qui in Ecclesiæ Domini Ordinatione Clerica promoveantur* (inquit S. Cyprianus) *ab Alisari, & Sacrificio non recedant, sed die, ac nocte celestibus rebus, & spiritualibus inserviant.*

In 4. Sent.
Dist. 24. Q. 3.
Art. 1. Qu. 1.
S. Cypri. Ep.
66.

Mirum, quod Anonymus Auctor nostram hanc sententiam minus probabilem dicere non verear. certioribusque principiis contrariam. Mirum, quod unus dumtaxat Auctoris opinionem esse scripsit, quæ propagari non possit, nisi omnes vobis Christiani Doctores damnetur, Nam præter Carnotensem Ecclesiam, cujus Synodum laudavi anno 1526. celebratam, quæ Clerici candidatos admonet, *Ut antequam ad Ordines, & primam Tonsuram accedant, diligenter confiteantur peccata sua: Sententiæ nostræ suffragatur Martinus Navarrus in Tractatu D. Oratione, & Horis Canonicis, Cap. §. N. 15. Compluribus* (inquit) *qui prima Tonsura, aut quatuor Minoribus initiantur, satis foret ipso Ordinationis die frangere curam; quam prima Tonsura, aut quatuor Minoribus ordinari: tum quod nulla prævia Confessione, tum quod contraitione ordinantur in statu peccati mortalis, & consequenter mortaliter peccant... tum vero non se ordinant ad finem debent, &c.*

Eandem sententiam tuetur celeberrimus Sorbonæ Doctor, & Professor Hallerius in Libro De Sacris Ordinationibus Tit. de preparatione, & dispositione Ordinandum, Sectione 4. §. 1. *Peccati mortalis reatus* (inquit) *indigne suscipienti Tonsuram Clericalem adscribendus est...* Deo quidem injuriarum infert, qui nulla præcedente in Deum conversione, cum tamen ipso totius Hierarchie principium, & caput habeatur, ejus se famulus consecrat, & Hierarchie institutiones subit, nec se in ipsum tanquam omnis functionis Ecclesiastica scopum dirigit. Ordini vero Clericali contumeliam inurit, cuius cum finis sit ad Deum adducere, non potest sine ejus opprobrio quisquam cum Ordinem ingredi averfus a Deo, & alio ductore indigenus, a quo ad eum reducat. Tonsuram quoque Clericalem contaminat, quia vere a Mundo abstrahentem, ad Deum adducendum dicere possumus; eamque significatione sua frustratur, qui mundi inquinamenti conspurcatus, & divinis contemplationibus, ministeriiisque ineptus, eadem initiari non veretur.

Et Cap. III. §. 6. N. 30. *Ad eo jam passim aliquorum inolevit temeritas, & Religionis contemptus, ut non ad Tonsuram modo, verum etiam ad omnes Ordines, solius temporalis beneficii, vel otii, vel bonorum gratia se conferant: Tonsuram vero præsertim eo tantum fine capessant, abutentes sacri ista designatione in Clerum ad sua commoda; Episcopalem benedictionem ad profanas ambitiones convertentes; Ecclesiæ expositionem frustrantes; everentes mysticum ceremoniarum istius sensum; mendacii Ecclesiastica, quæ in Tonsuræ collatione funduntur, verba, præceque arguentes; professionem Clericatus temere emittentes, ejusque prerogativam injuste, ac fraudulentè usurpantes, quos proinde nescio quis a lethali noxa excusare possit, quos injuria, sacrilegii, publici mendacii, abususque rei sacre non levibus criminibus confictos teneri ostendimus. Nulla vox tot crimina velare potest, nulla ratio tueri. Quis enim levem materiam censuræ profanationem vel sacræ, violationem totius Clericatus, promissionem coram tota Ecclesiâ fallacem, usurpationem alieni juris, Ordinis Clericatus perturbationem? Quis adeo perficere frontis, ut defendere audeat leve crimen esse ambitionem illam, ac avaritiam, quæ sacros Ritus contra Ecclesiæ intensionem in sua commoda, honoresque detorquent? Quis non illud crimen sacrilegæ temeritatis arguat, per quod publica benedictio, eaque mystica, casta, mysterio vacua, inanis, infructuosa reddatur, ita ut, quod gravius etiam est, in pluribus mendacii coargui possit? Quis non mendacium in Spiritum Sanctum publicam illam Clericatus puritatis professionem, quæ fit Deo spectantibus Angelis, audientibus Sanctis, stipulationem firmante Ecclesiâ, acceptamque habente Episcopo, esse credat, si ab eo discordet profitentis animus?*

Eadem erat Illustrissimi Harduini Perfixii Parisiensis Archiepiscopi Sententia, ut constat ex ejus Statuto die 16. Maii, anni 1664. condito de dispositionibus ad Tonsuram, quod rectam, piamque intentionem in iis, qui illam suscipiunt, necessariam esse declarat; ut divina vocatione, & inspiratione, non parentum impulsu, aut intuitu commodi alicuius temporalis in Clerum cooptari velint, additque: *Ad sacram illam Ceremoniam frequentibus, ac serventibus orationibus se præparent, susceptione Sacramenti Penitentiae, & bonis operibus, ut Deum sibi propitium reddant, & gratias sibi necessarias ab illo impetrent.*

Eadem est Eminentissimi Cardinalis D. D. Antonii Ludovici de Noailles, qui Parisiensis Ecclesiæ Sacris modo tanta pietate, & prudentia, vigilantia, & zelo præest, sententia, ut constat ex ejus Constitutione edita die prima Octobris 1696. qua & Perfixii Archiepiscopi statutum confirmat, & alia quædam decernit, ac præcipit ad eorum examina, & probationem, qui prima Tonsura initiandi sunt. *Hec est* (inquit) *prima Sanctuarii Janua, quæ aditum ad Ordines aperit, ius tribuit ad Ecclesiastica Beneficia, ac sepe ab Episcopis Ordinationem, & Regimen*

animarum pro insigni extorquet; qui cum primum pravos affectus suos elaverint, subito sales, se produunt, quales re ipsa sunt, in opprobrium Characteris sui, & in perniciem animarum illis commissurarum. Quomodo enim nimia intelligentia adhiberi non potest in eorum examine, qui ad statum Ecclesiasticum admittuntur; sequens agitur de Dei gloria, de Ecclesie honore, de bono animarum, de perditione temporalis, & aeterna Clericorum, frequententium familiarum. Quid Deo inquisivissimus, quam ut proficentur Dominum hereditatem suam esse, qui bona dumtaxat temporalia querunt? Quid Ecclesie contumeliosus, quam habere Ministros, qui scandalo sunt, & offensionis, non edificationis; qui & seipsos, & ministerium suum contemptui exponunt? &c.

Ex principio nititur Propositio, quam propugno, quod sicut (ex S. Thomae sententia) ut primum quis rationis usum attingit, tenetur ad Deum sese convertere, ac dirigere, et quicquid sibi omnium actionum suarum finem praestituere: tum vero maxime cum perfectionis etiam in alios diffundende statum ingreditur, ac proficitur. Quid adversus tam firmum principium obicit Anonymus? Fictitia dumtaxat incommoda. Sequeretur, inquit, lethalis peccati reum esse, qui Monasticum habitum fuscipit, & Religiosam Professionem emittit extra gratiam statum; & (quod longe magis stupendum est) novum peccatum, idque mortale committere, qui Senatoris Officium fuscipit, qui fit Miles, aut Medicus, &c. cum conscientiam habet peccato contaminatam.

Graviter quidem peccat, qui Religiosum habitum fuscipit in statu mortalis peccati positus: absque illo animi penitentis affectu. Horrenda hypocritis reus est, qui sumit vestimentum ovium, cum fit intrinsecus lupus rapax, qui *Habitum Anglicum*, & Christi insignia recipit, cum nihilominus daemoni serviat, & ad ejus familiam pertineat; qui habitum induit penitentiae, sine penitentia peccatorum; qui Vitam Religiosam proficitur, Deoque solemnibus votis se consecrat, nec tamen in ejus gratiam se restitui prius curat, si ab ea exciderit, hunc novi peccati mortalis reum fieri minime dubitaverim. Deo namque Sacrificium exterius offert, non se ipsum. Impium Cainum imitatur, qui cum sua Domino bona offerret, se ipsum sibi retinuit, ideoque Sacrificium illius reprobaturum est. Insignem & eximium Religiosis actum modo plane irreligiosum, & sacrilegum exequitur. Abominatio est Domino cum votis suis. *Quis magis impius* (inquit S. Bernardus) *an proficiens impietatem, an mentiens sanctitatem? Nonne is, qui etiam mendacium addens, geminat impietatem?* Verum majorem dispositionem, ac vitae puritatem requiri certum est, ut ad statum Ecclesiasticum aliquis admittatur, quam ut ad Monasticum. Hic enim penitentiae, ille perfectionis status est. Ad perfectionem tendere debent Religiosi; ad illam pervenerint oportet Viri Ecclesiastici. Vita Religiosa status est perfectionis acquirendae. Vita Clericorum status est perfectionis acquisita, siquidem ex sui status officio aliorum sanctificationem, & perfectionem procurare illis incumbit. *Sic vive in Monasterio, ut Clericus esse merearis* (ait S. Hieronymus.) Antiqui certe Canones homines, qui crimina in saeculo commiserunt, ad Clericatum promoveri vetant, quamvis ea in Monasterio expleverint. Ita sanxit Gelasius I. in Epistola ad Episcopos per Lucaniam, & Brutios constitutos, & refertur Canone, *Priscis*, Dist. xv. *Si quis, inquit, Monasterialibus disciplinis eruditus ad Clericatum munus accedit, etiam de Laicis antea facta ejus vita requiratur, ne sit aliquo facinorose infectus. . . . vel ab adolescentia sordidatus, vel publica Penitentia notatus.*

Quocirca S. Augustinus ex Monachis, nonnulli probatores, atque meliores in Clerum assumere solebat. . . . Cum aliquando etiam bonus Monachus vix bonum Clericum faciat, si adit et sufficiens continentia, & tamen desit instructio necessaria, aut persona regularis integritas. Christum singulari quadam ratione imitari debent Clerici Pontificem sanctum, innocentem, impollutum, segregatum a peccatoribus, & excelsores calis factum. Deo grati esse debent; qui ad eum statum ascendunt, in quo mediatores ex officio inter Deum, & homines constituuntur, ut pro illorum cum Deo reconciliatione intercedant. *Ne enim ministri infidelitatis, qui nectum reconciliant, reconciliationis alienae negotia, quasi homines, qui iustitiam fecerunt, apprehendunt!* Ne filius ius, qui se ministros gratiae profectum! Ne filius ius, qui fideles se mediatores patris, ut peccata populi comendant, mentiuntur! Ne, qui ambulantes in carne Deo placere non possunt, & placere velle presumunt! Verba sunt S. Bernardi in Tractatu De conversione ad Clericos, Cap. xix.

Quod vero ex principia me posito colligit Anonymus, hominem, qui peccato mortali contaminatus fit Senator, Medicus, aut Miles, novum peccatum mortale committere, id minime consequens est: quae enim comparatio Ecclesiae cum Praetorio, Medicinae animarum cum Medicina corporum, militiae terrene, cum spirituali, conditionis, ac professionis civilis, prophanæ, secularis cum statu sacro? *Ne Officium Clericorum genus antiquæ Militie patet* (inquit S. Hieronymus.) Ex principio nostro id unum inferri potest, eum, qui Senatoris officium, aut similem Magistratum fuscipere, vel qui medicinam, aut negotiationem vult profiteri, aut exercere, aut Militiae nomen dare, ad Deum prius convertere se debere per actum contritionis, & charitatis. Hæc vero consecutio tantum abest, ut incommoda censeri debeat, quin potius saluberrima veritas est, fidelibus prædicanda. Nonne enim vero conditiones illas, & professiones vitæ civilis Christiano animo eligere debent propter Dei gloriam, & sanctificationem animarum suarum? Nonne a Deo lumen, & auxilium gratia ipsius humilis, & ferventi oratione postulare, ut sciant, quid ipsi acceptum sit, quid suæ salutis conducibile? Nonne cum Propheta precari

Euchel.
Grac.

Apol. ad
Guilliel.
Abb. c. 1.

Epist. 2.

Epist. 60.
Alias 76. ad
Aureliam.
Hebr. 7.

Epist. 1.

hunc in modum, *Notam fac mihi viam, in qua ambulem, quia ad te levavi animam meam...* Doce me facere voluntatem tuam, quia Deus meus es tu... Spiritus tuus bonus deducet me in servam rectam. Cum enim cogitationes mortalium timide sunt, & incerte providentiæ nostræ, nescimus, quid salutis nostræ expediat, nisi Dei voluntatem sedulo exploremus. Ad ipsum ergo confugiendum est, ut illuminet tenebras nostras, ut donum Consilii nobis tribuat, ne statum, aut conditionem, sive professionem eligamus, quæ nobis sit occasio peccati, & æternæ damnationis. Gratiâ nobis necessariam debemus implorare in tanti momenti negotio. Hanc vero nemo homo impletur, nisi a Deo postulet ut oportet; non postulat ut oportet, nisi peccati lethalis affectum deposuerit, & ad Deum animo pœnitente sit conversus; Peccatores enim Deus non audit, sed si quis Dei cultor est, & voluntatem ejus facit, hunc exaudit. Quod si Christiani hominis officium est ad Deum converti per actum contritionis, & charitatis cum statum, aut conditionem civilem eligit; multo magis ad id tenetur, cum Deo se devotet in statu Ecclesiastico, & in statu perfectionis: longeque gravioris peccati reus est, qui sacrum illum statum impœnitens amplectitur.

Psal. 112.

Joan. 9. 34.

Addiderim, Senatoriam Dignitatem, Medicinæ professionem, Militiam, proprie status non esse, sed varias vitæ civiles conditiones. Ad statum enim requiritur immobilitas in eo, quod pertinet ad rationem persone (inquit S. Thomas.) At Senator, Miles, Medicus, Mercator hujusmodi conditiones mutare possunt: Ordo vero Clericalis mera conditio non est, quam ad tempus eligere possit homo commodi alicujus temporalis intuitu, & pro arbitrio deferere; sed status est Hierarchicus, ad quem Ecclesia neminem admittere intendit, nisi, qui a Deo legitime vocatus, in eo perseverare velit, & cum Dei gratia se perseveraturum speret. Unde status Ecclesiastici defectionem, etiam a minoribus Clericis, ut veram apostasiam spectabat olim, & puniebat Ecclesia.

Secunda Secundæ Qu. 183. A. 1. Ad 3.

Rhemense Concilium anno millesimo quadragesimonono præside Leone Nono Pontifice Maximo. Canone statuit, *Ne quis Clericus, vel Monachus a suo gradu apostaret.*

Nicolaus II. in Concilio Romano anno millesimo quinquagesimo nono Decretum edidit adversus Clericos sacre Militiæ desertores, quos Juliani Apostatæ imitatores vocat, qui cum Ecclesiæ Lector esset, Clericatum simul, & Religionem Christianam ejuravit. De his autem Clericis, qui Tonfuram præciunt, & a Clericatu recedunt, quos apostatas Julianistas jure vocitamus, statuimus, ut nisi ad professionem Clericatus redierint, omni Christiana communione priventur.

Epist. 9.

Idem sanxerunt Concilia, Rothomagense anno millesimo septuagesimo-seculo, Canone undecimo; Londinense anno millesimo centesimo secundo, Canone pariter undecimo. Tolosanum anno millesimo centesimo decimo nono, Canone decimo.

Concilium Tridentinum lege lata prohibuit, *Ne prima Tonfura initientur, de quibus probabilis conjectura non sit eos ut Deo fidelem cultum præstent, hoc vitæ genus elegisse.* Concilium Burdigalense anno millesimo quingentesimo octogesimo-tertio, Cap. 14. addit: *Ut Deo fidelem, & perpetuum cultum præstent.*

S. Carolus Borromeus in Concilio quarto Mediolanensi P. 11. Tit. De his, quæ pertinent ad Sacramentum Ordinis, statuit, ut qui prima Tonfura vult initiari, testimonium afferat, *Spem esse se in Clericali Ordinis disciplina permanurum.* Hoc vero testimonium a Parocho, aut ab eo Sacerdote habere, cui ab Episcopo in disciplinam traditus est, postquam Clericali Ordinis suscipiendi animum, voluntatemque ei patefecit.

Navarrus magna laude dignos esse Episcopos scribit, qui primam Tonfuram, & quatuor Minores non conferunt, nisi ei, qui per se, si fuerit adultus, aut per parentes, si puer, juraverit se velle ad Majores legitimo tempore ascendere.

De Oratione & Horis Canon. C. 7. N. 15.

Ex his omnibus perspicuum est, quam absurda sit comparatio, quam instituit Auctor Anonymus inter electionem forensis Officii, aut Militiæ, vel aliarum vitæ civilis conditionum, & ingressum status Ecclesiasticum per primam Tonfuram: & quam sit non solum a Christiana pietate, sed etiam a recta ratione alienum, propugnare, majorem conscientie puritatem in eo non requiri, qui in sacro illo statu Deo se devotet, quam in illo, qui Senator, Medicus, vel Miles fieri velit. De hujusmodi commenti absurditate ipse judicabis. Vale.

Luscia Parisiorum.

EPISTOLA XXII.

De peccato Clericorum alea ludentium, aut ludos aleatorios spectantium.

VIRO CLARISSIMO ***

Alias 112. quæ autem 22. erat, nunc 40.

Quod humaniter ad me scribis, paulo severiorem nonnullis Clericis videri positam a me Regulam Theologiæ Dogmaticæ, & Moralis Tom. v. in Tractatu De Sacramento Ordinis, Cap. v. De vita, & honestate Clericorum, qua Clericos ludis aleatoris absque gravi crimine ludere non posse dixi, vel ludentes studiose spectare, jam aliunde acceperam, scilicet ex libello Auctoris Anonymi vernaculo idiomate conscripti, cui titulus est: *Scrupuli contra Theologiam Dogmaticam Patris Alexandri.* Objicit porro duriorum esse, immo improbabilem opinionem

morem, quæ lethalis peccati reum censet Clericum, qui virum aut fæminam nobilem urbanitatis, vel negotii causa conveniens, ludentes invenit, nisi statim oculos avertat, sine moræ domo exeat.

Verum Regula, quam tradidi, ad illam speciem non pertinet. Ludi enim aleatorii spectatores non sunt, si proprie, & canonicè loquamur, qui scientes volentes non adeunt domos, aut societates, in quibus alea luditur, aut in iis forte non morantur eo fine, ut huiusmodi ludo intersint: sed qui ex conducto, & deliberata voluntate, absque necessitate, eo se conferunt ubi alea luditur, ut eo spectaculo avidos pascant oculos, quæ Deus offenditur, qui ludentibus favent, iisque applaudunt, qui eorum cupiditate afficiuntur, qui denique præsentia sua ludis prohibitis conciliant auctoritatem. Hos autem graviter peccare scite dixi, cum in materia gravi transgrediantur Canones Spiritu Dei conditos, & totius mundi reverentia consecratos. Id a me probatum est ex Concilio Lateranensi sub Innocentio III. Canone xvi. relato Cap. *Clerici*, Extra, *De vita, & honestate Clericorum*; ex Glossa ibidem; ex Cap. *Inter distictos*, Extra, *De excessibus Prelatorum*, ex Novella cxxiii. Justiniani Imp. ex Concilio Tridentino antiquiora Ecclesiæ Decreta circa vitam, & honestatem Clericorum, & nominatim circa aleas, & lusus renovante Sessione xxii. Cap. 1. *De Reformatione*; ex Concilio Mediolanensi primo, & ex Mexicano, nec non ex Sancti Raymundi auctoritate. Horum verba cum protulerim in eo Theologicæ nostræ Dogmaticæ, & Moralis tractatu, quem penes te habes, ea hic repetere superfluum foret. Addere possum ad curulum.

Ephes. 5.

Concilium Senonense anno 1528. in Decretis Morum, Cap. 25. ubi de Clericis: *A ludo (inquit) alearum, aliisque, qui a sorte pendunt, abstineant: neque ludentium fautores, spectatores, aut testes existant.*

Philip. 1.

Concilium Narbonense anno 1531. Canone 18. *Cum exacti inter homines temporis Deo reddenda sit ratio, Clericosque (in primis) Divus Paulus moneat, ut quodcumque faciant in verbo, aut in opere, in nomine Domini nostri Jesu-Christi faciant, gratias agens Deo, & Patri per ipsum, non ad oculum servientes, sed in simplicitate cordis timentes Deum: cumque eorum modestiam omnibus notam esse velit, innumera autem sordes ex aleis contrahantur: jubet hæc Synodus, ut tesseræ, & omne aleæ genus, præsertim publice vident: ludisque haudquaquam permixti non utantur, neque intersint, ne ut supra puniantur.*

Concilium Aquense 1585. Tit. *De vita, & honestate Clericorum*, Cap. 9. *Ne pagellis pistis, aut alea, alioue huiusmodi ludi genere ludant, aut ludentes spectent.*

Concilium Mecliniense 1607. Tit. xviii. *De vita, & honestate Clericorum*, Cap. 6. *Generaliter quæcumque a sacris Canonibus, præsertim Concilii Tridentini, de vita, & honestate, & modestia Clericorum retinenda, & simul de luxu, lusu, & quibuscumque criminibus vitandis sanciti sunt, eadem omnia sub iisdem penis, tanquam hic repetita, hæc Synodus fieri mandat.*

Statuta Siffredi Colonienfis Archiepiscopi, Tit. *De vita, & honestate Clericorum: Item ad aleas, & taxillos non ludant, nec huiusmodi ludis intersint.* Hæc Statuta repetita sunt, & confirmata in Concilio Provinciali Colonienfi anno 1310.

Synodus Nemaufensis anni 1284. Tit. *De vita, & honestate Clericorum: Ad aleas, & taxillos non ludant, nec huiusmodi ludis intersint.*

Concilium Salzburgense 1420. Cap. 4. *Ad aleas etiam, & taxillos non ludant, nec huiusmodi ludis intersint, nec ludos tales in domibus suis exercere permittant.*

Synodus Carnotensis 1526. Clerici a ludo alearum, taxillorum, & similium, quæ in sorte pendunt, sic abstineant, ut neque etiam aliis ludentibus fautores, aut testes intersint.

Statuta Synodalia Stephani Poncherii Parisiensis Episcopi: *Clerici tabernas prorsus evitent... ac etiam aleas, taxillos, chartas... & ne ludere conspiciant, prohibemus.* Idem vetant Statuta Synodalia Illustissimi, ac Religiosissimi D. Antonii Ludovici de Noailles Archiepiscopi Parisiensis anno 1696. edita.

Hic adde Statuta Synodalia Petri de Colle-medio Rothomagensis Archiepiscopi &c.

Quis grave peccatum esse neget, Leges Ecclesiæ sacratissimas, ac mandata violare, quare Christus a nobis audiri, eique obedientiam accuratissimam ut Matri nostræ præstari iussit? Quis actiones permultas, sæpe in Clericis gratia esse peccata inficietur, tametsi in laicis, vel culla, vel levia peccata sint? Aleatorios ludos non modo SS. Patres, & Concilia damnant, non modo Imperatores, & Reges Christianissimi Legibus suis, & edictis prohibent, sed & gentiles ipsi, & heretici bonis moribus contrarios pronuntiant. Ab iis ut Clericos averteret Ecclesiæ, non solum prohibuit, ne taxillis, aut chartis, aliisque huiusmodi ludis luderent, verum etiam ne ludentes spectarent: quemadmodum illis prohibuit ingressum popinarum, ut eos a crapula, & ebrietate penitus averteret, quæ graviora sunt, in sacris hominibus, quam in secularibus, crimina. Plures Episcopi tabernarum ingressum sub pena suspensionis ipso facto incurrenda Clericis Dilectum suum suarum prohibent. Insuper, & temerarius est, qui saluberrimas illas Sanctiones nimis severitatis arguit. Sed ecce vir Ecclesiasticus ab amico rure veniente, invitatur, tabernam ingreditur, moderate bibit, popinam frequentare non solet, sobrius est, nullum forte scandalum inde ortum. Numquid in suspensionem propterea non incurrit? Incurrit certe ipso facto, & lethale peccatum commisit hoc ipso, quod Episcopi sui Statuta violavit, ingressum tabernarum sub pena tam gravi prohibentia. Ludis aleatoris non solum lu-

det.

tere, sed interesse, ac ludentes spectare, sub pœnis gravissimis prohibent non unus, aut alter Episcopus, sed frequentia Concilia, etiam generalia: quis prævaricator es sacrorum Sanctionum a gravi crimine excuset? Quis vero temeritatis non damnet Anonymum Auctorem, & alios idem cum eo sentientes, qui Canones illos vim legis amplius non habere effutiant, nullumque ex illis de morali questione iudicium nostris temporibus tenere terri posse? Quis non potius auscultandum censet Sacræ Synodo Tridentinæ, Sessione xiv. Capit. xlviii. *De reformatione* declaranti, Fideles omnes, & maxime Clericos ad observantiam sacrorum Canonum pro virili sua parte adituri? *Sciant universi, sacratissimos Canones exalte ab omnibus, & quoad fieri poterit indistincte observandos.*

Quis inconcussum illud S. Thomæ principium non amplectatur, secunda Secundæ, Quæstione 97. Art. 3. *Si minas ratio eadem, propter quam lex primo utilis erat, non consuetudo legem, sed lex consuetudinem vincit?* At eadem ratio manet, propter quam Ecclesia in Conciliis frequentibus, Generalibus, Provincialibus, Diocesanis prohibuit Clericis non solum, ne taxillis, & chartis luderent, verum etiam, ne huiusmodi ludis interessent, ac ludentes spectarent. Eandem igitur vim habent Canones, quibus id vetitum, quæcumque consuetudo, seu verius corruptela contra invaluerit.

Quamvis autem grave peccatum esse dixerim sic ludentes spectare, non tamen lethale semper peccatum esse scripsi, nec fieri posse, ut aliquando veniale sit propter circumstantias. Queniam enim a peccato mortali excusandos censeo cum S. Antonio, cujus verba retuli in eodem Theologiæ nostræ Moralis loco, illos, qui non ex cupiditate, sed ob recreationem, vel modicum quid, ut pueri, & moderate ludunt; ita nec gravis peccati reos existimo, qui sic ludentes spectant. Non ex regula solum generali, sed ex singularibus circumstantiis iudicium de moralibus actibus ferendum est. Apostolus rixas, contentiones, emulationes inter opera carnis enumerat, de quibus pronunciat, *Quoniam, qui talia agunt, Regnum Dei non consequentur.* Certum tamen est, quædam esse rixas, contentiones, & emulationes leviores, per quas non extinguitur charitas de quibus iudicium ferendum est ex adjunctis circumstantiis. Quamquam vero hanc exceptionem Apostolus non apposuerit, quæ aliunde facis intelligi potest, nemo impii impius dixerit Apostolum in tradendis Morum regulis modum excessisse. Grave peccatum in Clericis esse scripsi, alea ludere, aut ludentes spectare. Regula generalis est in sacris Canonibus fundata; cujus applicatio ad singulares species ita facienda est, ut expendatur, num forte actionis circumstantiæ malitiam ejus minuant. Modum certe mihi non videor excessisse, cum secundum Canones pronunciaverim Sancti Spiritus auctoritate firmatos, & æternum victuosi: assertionique near Auctorem etiam habeam S. Raymundum, S. Carolum Borromeum, &c. ceterum severitas in præxi hac in materia, & in similibus Moralis Christianæ Quæstionibus, severitas est, quam prudentia illuminat, pietas dirigit, atque huic sancti Thomæ Regula contentanea omnino est: *Cum debemus aliquibus malis addibere remedium, sive alienis, expedit ad hoc, ut securius remedium apponatur, quod supponatur id, quod est desertius: quia remedium, quod est efficax contra majus malum, multo magis est efficax contra minus malum.*

Valde, meique in sacrosancto Sacrificio memineris.

Lutetia Parisiorum.

EPISTOLA XXIII.

Simonie peccatum nullo intercedente pacto committitur.

CLARISSIMO VIRO ***

Firmiores, ac puriores Moralis Christianæ Regulas nostris temporibus impugnari, valde lugendum est. Gravissima hæc est in Ecclesia Dei tearatio, qua diabolus, & in errore, & in omne genus vitiolorum homines inducit. Ecclesiam malignantium sibi constituit Christi æmulus, & adversarius; & Ecclesiasticos plerosque Viros Simonie, ambitionis, avaritiæ laqueis implicatos, in eam pertrahit, cujus ipse caput est, malorum societatem, quod ut facilius assequatur, licitum esse persuadet, quod Divinis, & Ecclesiasticis Legibus vetitum est. Antiqui Illius Dei, & hominum hostis artibus fuisse delusum Anonymum summopere dolendum est, qui inter alias Theologiæ nostræ Dogmaticæ, & Moralis Regulas hanc impugnat Libro 11. Cap. vii. pag. 36. traditam, *Simonie reus est, qui pro indigno ad obtinendum illi Ecclesiasticum beneficium preces interpositas exaudis; vel qui preces pro digno quidam facias, sed tamen favoris humani, non meritum rationem habes; vel qui pro se rogat, ut obtineat curam Animarum.* Hanc Regulam quoad singulas partes tradit S. Thomas, cujus Doctrinam tutissimam, & inconcussam Sedes Apostolica non semel pronuntiavit, Secunda Secundæ Quæstione centesima Artic. v. in responsione ad tertiam objectionem, & in Quartam Sententiarum, Distin. xxv. Quæst. 111. Art. 111. in responsione ad quantum argumentum. Eandem confirmat Sanctus Raymundus in Summa Lib. 1. Tit. 1. *De Simonie*, Cap. vii. Doctoris Angelici, & Sancti Pœnitentiarum testimonia, & rationes protuli loco indicato.

His addo Sylvestrum Priorem in Summa, verbo *Simonie*, Quæst. xvi. *Si quis (inquit) preces*

Gal. 5. 21

Secunda Secundæ Quæst. 60. Art. 4. ad 2

Alias lvi. quæ autem 23. erat, nunc 44.

Preces porrigit pro se obtinendo beneficio, vel Ecclesia, aut dignitate habente curam animarum, Simonia est secundum Hugonem, Raymundum, Osiensem, Directorium Juris, & Sanctum Thomam, etiamque alias esse dignus: quia se ingerendo presumptuosus, & ambitiosus videtur, & consequenter indignus: quia secundum S. Thomam in Quodlibetis, sine gratia Dei, quam nullus scit se habere, non potest quis exercere curam animarum digne: cum peccet mortaliter, indigne faciendo ea, quae pertinent ad curam. Et intra: Ratio S. Thomae quoad curam animarum, non est solubilis, quia scilicet talis est presumptuosus, vel superbus, si omnibus, quibus vult praeferi, si credit meliorem; aut injustus, si hoc non credit. Et fundatur in Scriptura ad Hebraeos 5., Nemo assument sibi honorem, sed qui vocatur a Deo tanquam Aaron. ... Hae opinio non est dura humilium, & parvis, & amatoribus sapientiae, sed ambiciosi, & alicuius, & non habentibus interiores virtutum delectationes. ... Non tolerantia Papae excusatur in his, quae sunt prohibita quia mala. Nec inconvenit maiorem partem Clerici Beneficiarii esse in malo statu si vacat ambitioni, pompis, & lasciviis. ... Preces pro alio, si sit indignus, factum est Simoniacum: si vero sit dignus, ipsum factum non est Simoniacum; licet possit esse simonia in intentione, si non attendatur ad dignitatem-personae, sed ad humanum favorem.

At, inquit Anonymus Auctor, opulenta Abbatia cupiditatem, ac ambitionem movet multo magis, quam Parochiale Beneficium cuius redditus centum fere nummos non excedit. Quaezitur ratione signior reus asseritur, qui Parochialem Curam pro se petit, a Simoniz vero labe purgatur, qui pro se postulat Beneficium simplex, etiam Abbatiam, cuius redditus annuus ad centum millia librarum ascendat?

Abfit, ut cupiditatis, vel ambitionis artes, precesque ad Ecclesiastica Beneficia aucupanda ulatenus approbem, cuiuscunque generis illa sint, siue curam animarum-habentia, siue simplicia. Verumtamen cum illa, quibus animarum cura annexa est, singularem a Deo vocationem exigant in iis, qui illa suscipiunt, & dignioribus conferenda sint secundum Canones, Sanctorumque Patrum, & S. Thomae, ac celebriorum Theologorum sententiam longe gravior (ceteris paribus) peccatum est, in illa irrepere, ac se ingerere pro se rogando, quam in Beneficia simplicia. Horrenda enim presumptio est, ceteris existimare se digniorem, virtutibus praefertum, & charitatis ratione. Gravis iniustitia est, se dignioribus velle praeponi. Quamobrem, qui pro se rogat, pro indigno rogat, vocatus a Deo non est; Non intrat per ostium in ovile ovium, sed ase nitit aliunde, tanquam fur, & latro. Simplicis vero Beneficii pro se postulationem pauperibus dumtaxat Clericis permittunt SS. Thomas, & Raymundus, secundum quos hanc Regulam statui Libro 111. Theologiae Dogmaticae, & Moralis, Cap. v. Art. xxiv. numero septimam: *Qui pro se Beneficium Ecclesiasticum sine cura animarum petit ad inopiam sublevandam, non est reus ambitus.* Id enim spectatur velut Supplementum Tituli, qui ad congruam, & honestam Clerici sustentationem non sufficit.

Frustra vero Anonymus obicit, Simoniam rei spiritualis emptionem esse pro temporali, adeoque nullam esse Simoniam, ubi simplices preces intercedunt; aut ubi propter solam amici commendationem, nullo intercedente pacto, vel formali, vel tacito, beneficium contetur.

Triplex enim genus muneris, quo fit, ut rei spiritualis collatio non sit mere gratuita, S. Thomas, & omnes, cum eo Theologi, & Juris Canonici Periti vulgo distinguunt, scilicet *Munus a manu, munus a lingua, munus ab obsequio.* Munus a manu, pecuniam, & quaecumque pecunia aestimari possunt; munus a lingua, laudem humanam, adulaciones, preces, commendationes; munus ab-obsequio, genus omne obsequii, & officii complectitur. Nec arbitraria haec divisio est, sed a Patribus, & Conciliis tradita, scilicet a S. Gregorio Magno Homilia 4. in Evangelia ex quo refertur Canone, *Sunt nonnulli, Causa 1. Quæst. 1. quæ & multo ante S. Hieronymum innuerat in cap. 1. Epistolae ad Titum; ab Urbano II. ex quo refertur Canon Salvator, Causa 1. Quæst. 111. a Concilio Aquisgranensi sub Ludovico Pio Canone xxviii. a Gregorio VII. Libro sexto Regesti Epistola xxxiv. & a beato Petro Damiani Epistola 11. Libri secundi. Qui ergo preces pro indigno ad obtinendum illi beneficium Ecclesiasticum exaudiat; aut qui pro digno quidem, sed nulla meritorum habita ratione, is contra Christi Domini mandatum peccat: *Gratis accepistis, gratis date:* siquidem munus a lingua offert, ut sibi, vel alteri beneficium, quae res spiritualis est, conferatur. Nec relet, quod nullum patrum intercedat. Si enim aliq. pacto interveniente nulla committeretur simonia, & numero peccatorum expungenda esset simonia mentalis. Et eo quidem collineare videtur Auctoris Anonymi conatus, ut nulla agnoscat, nisi forte in illis, qui ita rides, ac stolidi laerint, ut artem dirigendi intentionem nesciant. Nec attendit, *Ea, quae contra esse peccata, nullo bona causa obtentu, nullo quasi bono fine, nulla velut bona intentione faciendâ;* ut docet S. Augustinus Lib. Contra Mendacium, Cap. viii.*

Nec sequitur, quod inter Anonymus ille Auctor, eo, qui beneficia Ecclesiastica pro se postularunt, & humanis rationibus, nulla meritorum habita ratione, obtinuerunt, vel contulerunt, in Censuras Ecclesiasticas, aliasque penas canonicas incurrisse, aut beneficia, sic impetrata devolutis esse obnoxia. Cum enim ad simoniae mentalis genus crimen istud pertineat, Ecclesiasticis penis in simoniacos latis non subiacet, quæ ne conventionalis quidem, sed realis dumtaxat simoniae reos afficiunt: cum scilicet ita de pecunia, seu re pretio venabili pro spirituali danda expresse, vel tacite conventum est, ut ex una saltem parte conditio impleta sit. Quod Libro 11. Theologiae Moralis, in Tract. De Ordine, Cap. vii., Regula xxi. probatur.

a me, & explicatum est. Verum quamvis in foro exteriori cogi non possit ad beneficium ejutandum, aut eo privari per sententiam Ecclesiastici Judicis, si ve jure devolutu ab eo excidere qui aliquo munere, seu a manu, seu a lingua, seu ab obsequio in illud irreptu nullo intercedente pacto, nulla conventionē; secundum fori tamen interioris leges tenetur ad resignandum, si ve dimittendum beneficium in manu Collatoris, si animo proposuerit rem temporalem pro spirituali dare. Id Regula sequenti probavi: quæ quidem etsi fœvera cupiditati videatur, nec nova tamen, nec singularis est cum sententia sit Henrici Gandavenis, Quodlibeto vi. Adriani vi. Quodlibeto ix. Dominici Soto Lib. 9. De iustitia & Jure, Quæst. 8. Art. 1. Bartholomæi Medinæ in Summa Lib. 1. Cap. 114. §. 2. Joannis Medinæ Quæst. De acquisitis per usum. Eschii in quartum sententiarum, Dist. xv. §. 18. & Silvii in Secundæ Secundæ, Quæst. 99. Art. 6. Dubio 1. Unius Eschii verba describo.

Ex jam dicta ratione (inquit) videtur & illud consequens, mentalem quam vocant simoniam cum opere subsecuto restitutioni obnoxiam esse, verbi gratia: Si quis non expresse pacificatur de pretio, sed munus quasi liberaliter offerat, mente tamen simoniaca, qua intendat munere tanquam pretio beneficium sibi comparere, is obnoxius fit restitutioni, quia tali modo beneficii possessor fieri non potest, nihilo magis quam si expressa pactio intercederet. Idque confirmari potest ex simili. Nam qui ea mente dat mutuum, ut aliquid speret ultra sortem; usuram mente committit, & ad restitutionem tenetur ejus, quod tali intentione acceperit etiam si expressa conventio non antecesserit; quemadmodum ex Urbano III. decretum habemus Extra, De Usuris, Cap. Consuluit: quare idem omnino de mentali simonia sententium videtur. Atque ita sentiunt Adrianus VI. & Dominicus, reclamantibus licet plerisque Canonum Doctoribus.

Neque obstat huic sententia Rescriptum Gregorii Noni, quod habetur, Extra, De simonia Cap. Mandato, quod ita sonat, quasi fateatur Pontifex ad eos resignationem spiritualium vel temporalium non teneri, qui nullo pacto, sed solo affectu animi procedentes, ea acquisiverint; sufficere enim, ut per solam penitentiam suo satisfaciatur Creatori. Nam eo loco non aliud docet Pontifex, quam panis Canonibus expressas, & solo jure positivo constitutas, non eas extendi ad eos, qui sola mentis intentione simoniam commiserunt; quia de occultis Ecclesia non judicat, & Pontifex canonice loquitur, id est de panis canonicis. Nam & nos dicimus, non eos teneri ad restitutionem lege Ecclesiastica, sed divina, ac naturali: qua utraque docetur, non dimitti peccatum, nisi restituatur ablatum, ac generaliter injusto acquisitum. Itaque restitutio in ea includitur penitentia, per quam vult Pontifex, ut qui dicto modo mentalem simoniam commiserunt, suo satisfaciatur Creatori. Eadem ratione Innocentius III. ejus tituli cap. Tua, tales apud districtum judicem Deum culpabiles judicari pronunciat, neque ipse aliam panam addit; Quia (inquit) nobis datum est de manifestis tantummodo judicare. Gregorius autem primus, a cuius sententia non est verisimile Gregorium IX. voluisse recedere, apud Gratianum 1. Q. 1. Can. Si quis, aperte dicit, eum, qui fraudulentum munusculo Dignitatem aliquam Ecclesiasticam acceperit, eumque inſperata moris penitentem non invenerit, proculdubio in æternum perituum. Quo loco fraudulentum munusculum intelligitur, quod sine pacto expresso quasi liberaliter datum est; quemadmodum illud recte Glossa interpretatur. Vult ergo Gregorius mentalem simoniam cum opere subsecuto, sub pena æternæ damnationis esse restitutioni obnoxiam. Nec plane apparet, sanctum Thomam in diversa esse sententia Articulo sexto ad sextum. Quamvis enim Cajetanus sic eum intellexerit, Dominicus tamen locutum eum interpretatur de simoniaco mentali, qui intendit quidem dare, aut accipere aliquid, non tamen dedit, aut accepit.

Non sequitur etiam, quod inferat rursus Anonymus Simoniaci reum esse collatorem, qui ex duobus Ecclesiastici Beneficii candidatis æqualium meritorum, illi beneficium confert, qui ab amico commendatur: siquidem ratio principalis, cur beneficium illi conferat, non est commendatio, aut propositum amico gratificandi. Ubi enim paria merita sunt, unus alteri sine iniustitia, & sine peccato acceptionis personarum præponi potest; & vero necesse est uni præ alium beneficium conferatur, quod sine divisione, & diminutione conferendum sacri Canones statuunt. Vale, meique ad Altare Domini in Sacrificio Præstii nostri memineris.

Lutetia Parisiorum.

EPISTOLA XXIV.

Qui Beneficium simplex habet per se ad honestam sustentationem insufficiens, illud dimittere non tenetur, cum pinguius Beneficium, ac per se sufficiens adeptus fuerit.

Alia lxxv.
quæ autem
24. erat,
nunc 43.

CLARISSIMO VIRO *** INSIGNIS ECCLESIAE ***

CANONICO.

Intentionis tuæ puritatem, conscientiaque tēneritudinem plurimum laudo, quæ te impulit, ut subiectam Questionem mihi proponeres, consiliumque de illa rogares meum. Beneficium Ecclesiasticum simplex antehac habebas, ad vitam quidem honeste sustentandam insufficiens,

valde.

valoris scilicet ducentarum dumtaxat libellarum annui redditus. Collatus nuper tibi est ab Illustrissimo Episcopo *** optimus Canonatus, qui ad honestam vitam, statumque tui sustentationem solus, ac per se sufficiat. Quævis utrum primum beneficium simplex eurare, ac dimittere tenearis? Sacerdotem Regularem conscientie Moderatorem tuæ de re tibi scrupulum movisse scribis, quod ea mens sacræ Synodi Tridentinæ fuisse videatur, ut Clericus ex fructibus unius, vel alterius Beneficii Ecclesiastici non habeat, nisi honestam sustentationem. Quemadmodum ergo non permittit, ut qui unum sufficiens habet, obtinere, ac possidere possit alterum, etiam per se insufficiens: ita (inquit) permisisse non censetur, ut qui alterum habet sufficiens primum, quod per se insufficiens erat, retinere possit.

Sefs. 24. De
Refor. cap. 7.

Quamvis inconcussa esse velim, quas contra Beneficiorum pluralitatem tradidi Regulas Libro 11. Theologie nostræ Dogmaticæ, & Moralis in Appendice ad Tractatum *De Ordine*, Cap. 6. p. 13. 14. 15. 16. tamen in specie quam proponis severior mihi videtur per Confessarii opinio, nec ea mens est Tridentini Concilii, quod statuit: *Ut impostum unum tantum Beneficium Ecclesiasticum singulis conferatur*, quod quidem, si ad vitam ejus, cui conferatur, honeste sustentandam non sufficiat, liceat nihilominus aliud simplex sufficiens dummodo utramque residentiam non requirat, eidem conferri. Nec valet optimi Sacerdotis ratiocinium a paritate rationis (ut illi quidem videtur) informatum. Ratio enim discriminis inter utramque speciem hæc est, quod primi beneficii ad honestam sustentationem per se sufficiens possessor, ad alterius impetrationem ex avaritia, vel ambitione impelli videatur; quæ præcipue rationes sunt, cur prohibita sit Beneficiorum pluralitas, Cap. *Cum jamdudum*, Extr. *De Præbendis, & Dignitatibus*. At vero unius Beneficii ad vitam suam honeste sustentandam minime sufficiens pretor iuste appetit alterum ad honestam sui sustentationem. Et quamvis accidat, ut tecundum per se sufficiat, illud tamen impetranda non peccat, cum auctoritate Concilii generalis juretur: nec privatione primi, quod insufficiens erat, mulctandus est, cum Ecclesie lex id permittat, & quod legitime factum est, nullam poenam mereatur. Primum itaque Beneficium per se insufficiens, nec personalem exigens residentiam, tuta conscientia retinere potes cum Canonatu. Sic respondet vir juris Canonici consultissimus, & laxiorum opinionum impugnator acerrimus Prosper Fagnanus in Cap. *Cum jamdudum*, Extra, *De Præbendis, & Dignitatibus*, Quæst. 4. N. 75. Favet enim Barbosa in Collectan. Doct. in Concil. Trident. Sess. 24. De Reform. C. 17. Nu. 4. Vale, & utriusque Beneficii fructibus ita utere, ut fidelem dispensatorem decet, superflua in pios usus erogans. Mei vero ad Altare Domini meminere.

Lutetia Parisiorum.

Alias XIII,
quæ autem
25. erat,
nunc 16.

EPISTOLA XXV.

Episcopus ad Capituli sui Visitationem non teneat sibi adjungere duos ex ejusdem Capituli gremio Canonicos, aut dignitates.

CLARISSIMO VIRO ***

Quantum tibi debeam ob tuam de me opinionem, ac singularem in me, resque meas benevolæ voluntatis propensionem, satis exprimere non possum, nec pro meritis gratias agere. Obsequii dumtaxat mei specimen occasione data exhibere valeo. De Quæstione, quam proposuisti, hæc mea sententia est: Episcopum ad sui capituli visitationem non teneri sibi adjungere duos ex ejusdem capituli gremio Canonicos, vel dignitates: imo aliquos extra capitulum asumere posse, si ita ipsi videatur. Tridentini scilicet Concilii Sessione vi. Cap. iv. *De Reformatione*, datur Episcopis facultas visitandi, & corrigendi capitula Cathedralium Ecclesiarum, illorumque personas, *per se ipsos, vel illis, quibus sibi videbitur, adjuvantes, iuxta canonicas sanctiones, &c.* Hæc porro verba rem totam permittunt arbitrio Episcopi, ut videlicet nemine capitularium adjuncto visitationem capituli peragat, aut etiam aliquos extra capituli corpus sibi hoc in negotio adjungat. Ita respondit sacra Congregatio Concilii Interpres, cujus sententiam approbavit Gregorius XIII. ut Fagnanus refert ad cap. *Ut iuxta*, Extr. *De Officio ordinarii*. Derogavit porro sacra Synodus capiti, *Irrefragabili*, sub eodem titulo, quatenus statuit *Ut excessus Canoniorum Cathedralis Ecclesie, qui consueverunt corrigi per capitulum, per ipsum in illis Ecclesiis, quæ hactenus talem consuetudinem habuerunt, ad commissionem, vel jussionem Episcopi corrigantur intra terminum competentem ab eo prescribendum; alioquin ex tunc Episcopus Deum habens præ oculis, ipsos, ut animarum cura requirit, per censuram Ecclesiasticam corrigere non postponat.* Huic (inquam) Decretali derogavit sacra Synodus Tridentina hæc in parte; siquidem Episcopo tribuit potestatem corrigendi capitula Cathedralium, & Collegiarum Ecclesiarum, & eorum personas, *non solum quando visiterit, sed & quoties ex officio, vel ad petitionem alicujus contra membra capituli procedet.* Ita tamen, ut si extra Visitationem processerit, formam servet eodem capite sexto Sessionis xxv. *De Reformatione* præscriptam: videlicet ut capitulum initio cuiuslibet anni eligat ex gremio suo duos, de quorum concilio, & assensu Episcopus, vel ejus Vicarius, tam in formam do Processum, quam in ceteris omnibus actibus, usque ad finem causæ inclusive, coram No-

tario

tario tamen ipsius Episcopi, & in ejus domo, aut consueto Tribunali procedere teneatur. Utrum autem tantum sit utriusque votum, possitque alteri Episcopo accedere. Quod si ab Episcopo discordes in aliquo actu, seu interlocutoria, vel definitiva Sententia fuerint, tunc intra sex dierum spatium cum Episcopo tertium eligant; & si in electione tertii etiam discordent, ad viciniorum Episcopum electione devolvatur; & juxta eam partem, cum qua tertius conveniet, articulus, in quo erat discordia, terminetur: alias Processus, & inde secuta nulla sint; nulloque producant juris effectus. In criminibus tamen ex incontinentia provenientibus, de qua in Decreto de concubinariis, & in atrocioribus delictis depositionem, aut degradationem requisitis, ubi de fuga timeatur, ne judicium eludatur, & ideo opus sit personali detentione, possit initio solus Episcopus ad summariam informationem, & necessariam detentionem procedere. In omnibus autem casibus ea ratio habeatur, ut juxta qualitatem delicti, ac personarum, delinquentes ipsi in loco decenti custodiantur. Vale, meque tui observantissimum semper dilige.

Lutetie Parisiorum.

EPISTOLA XXVI.

Alias xxxix
que autem
20. erat,
nunc 37.

Utrum Episcopus vagam, & indefinitam licentiam concedere possit Abbatiſſe, admittendi intra septa sui Monasterii pro libito, & absque necessitate, personas omnis sexus, ætatis, & conditionis; & utrum persone prætextu hujusmodi licentiæ ingressæ, & Abbatiſſa, quæ illas admittit, excommunicatæ sint ipso facto?

VENERABILI SACERDOTI SANCTIMONIALIUM***

CONFESSARIO.

Consilium meum, sententiamque rogas de subiectis conscientiarum casibus, urgeſque comiter, ut sine mora respondeam. Studia igitur mea intermitto ad horam, ut tibi faciam satis.

Queris primo, utrum Episcopus licentiam vagam, & indefinitam concedere poterit Abbatiſſe Diocesis suæ introducendi pro arbitrio, sine causa, & necessitate, intra septa Monasterii sui personas extraneas omnis generis, sexus, ætatis, conditionis diu, nocturne: illas ad medium noctem usque retinendi, permittendi etiam, ut in Monasterio ipsius interioribus ædibus manducet, & dormiant?

Queris secundo, utrum Abbatiſſa, quæ licentia Episcopi abutitur, & personæ, quæ sine causa necessaria ingressæ sunt septa Monasterii, vaga illa, & indefinita Episcopi licentia fretæ, in excommunicationem ipso facto incurrerint?

Ad primam Quæſtionem respondeo, incredibile videri, Episcopum licentiam superius enumeratam Abbatiſſæ Diocesis concessisse. Religioſissimi Præſules Ecclesiæ Regularis, & Decreta, potestatem suam, officiaque melius norunt, quam ut licentiam adeo exorbitantem sacris Canonibus, & Decretis Ecclesiasticis adeo contrariam, adeo periculosa, disciplinæ regulari adeo repugnantem, adeo scandalosa concedant. Ipsi namque compertum est Episcopos permittere non posse personas extraneas (ideſt, quæ ad ipsam familiam Religioſam non pertinent) cuiuscumque sint sexus, ætatis, conditionis ingressum in septa Monasterii sine causa, & necessitate: quæ quidem non ex parte personarum hujusmodi extranearum, sed ipsarum Monialium, attendenda sit, & ſpectanda.

Id Bonifacii VIII. Decretali, quæ incipit, *Periculoso* sanctum est, Tit. *De ſtatu Regularium*, in Sexto. Nullique aliquatenus inhonestæ personæ, nec etiam honestæ (nisi rationabilis & manifesta causa exiſtat, ac de illius, ad quem pertinuerit, speciali licentia) ingressus, vel accessus pateat ad caſdem: ut sic a publicis, & mundanis conſpectibus ſeparatè omnino ſervire Deo valeant liberius, & ſerviendi opportunitate ſublata, eidem corda ſua, & corpora in omni ſanctimonia diligentius custodire.

Sanctiſſimam hanc diſciplinam Decreto ſuo firmavit Tridentina Synodus Sefs. xxv. *De Regularibus*, & *Monialibus*, cap. v. Ingressi autem (inquit) intra septa Monasterii nemini liceat, cuiuscumque generis, aut conditionis, sexus, vel ætatis fuerit, sine Episcopi, vel Superioris licentia in ſcriptis obtenta, sub excommunicationis pena ipso facto incurrenda. Dare autem tantum Episcopus, vel Superior licentiam debet in casibus necessariis.

Id ipsum confirmarunt Concilia Provincialia poſt Tridentinum celebrata: Mediolanense i. P. 311. Tit. *De clauſura*: Toletanum anno 1566. Actione 111. Decreto xxv. Tit. *De Monialibus*: Rothomagenſe anno 1581. Tit. *De Monasteriis*: n. xxvii. Mediolanense ſextum Tit. xxx. Rhe-menſe 1583. Tit. *De Regularibus*, & eorum Monasteriis, n. xii. Aquenſe 1585. Tolosanum 1590. i. P. cap. vii. n. v. &c. Gregorius XIII. Constitutione, quæ incipit, *Ubi gratia*, idem confirmat, graviusque penis latis. Quin etiam sub iisdem penis (excommunicationis) ipso facto incurrendis prohibemus, atque interdicimus omnibus, & quibuſcumque Perſonis Ecclesiasticis, & Secularibus, ac etiam Ordinum quorumcumque, etiam Mendicantium, Regularibus, ne prætextu licentiarum ab Episcopis, vel Superioribus, quibus illas concedendi in casibus neceſſariis tantum ex Decreto Concilii Tridentini poteſtas tribuitur, ne Monasteria ipſa Monialium

pro libito, sed necessitatibus urgentibus duntaxat ingredi, neque Moniales, sub eisdem panis, illas aliter presumant.

Concilium Mediolanense v. anno 1579. P. 111. Titulo *Quæ ad Moniales pertinent*, hanc Gregorii XIII. Constitutionem executioni mandari jubet. *Caveant, qui ab Episcopo, Superioreve facultatem habent ingrediendi Monasterium, ne pro libito intra ejus septa dare facultatis prætextu ingrediantur, sed tum solum cum urgens necessitas deposeat: ut ne ex sanctissimi Pontificis Gregorii XIII. sanctione excommunicationis penam statim subeant, a qua nisi per Sedem Apostolicam absolvi non possint.*

Ad hæc accedit Regia Constitutio Blæsis data, cap. *De Ecclesia*, Art. xxxi. *Nemini (inquit) licebit ingredi claustrum Sanctimonialium sine Superioris licentia, in casibus necessariis tantum, sub panis a jure latis.*

Ad Questionem alteram respondens, Absurdam, & personas supra dictas in excommunicationem ipso facto non incurrisse, si bona fide existimaverint, Episcopum licentiam superius enunciata concedere potuisse: & Abbatissa, vel ipsemet, facultatem in scriptis ab Episcopo obtinuerint, nec ea fuerint abusa, extendendo vagam, & indefinitam licentiam ultra quam Episcopus esse verisimiliter concessurus; verbi gratia, pernoscendo intra septem Monasterii, vel ad noctem multam usque ibi permanendo, & cum Monialibus commendo. Excommunicationem enim ipso facto hac in specie in eos soluma Tridentina Synodolata est, qui *sine Episcopi, vel Superioris licentia in scriptis obtenta*, septa Monasterii ingressi fuerint. Constitutione quidem Gregorii XIII. excommunicantur ipso facto omnes, & quæcumque Personæ Ecclesiasticæ, & Sæculares, ac etiam O dinum quorumvis Regulares, quæ prætextu licentiarum ab Episcopis, vel Superioribus concessarum, Monasteria Monialium pro libito, & nulla necessitate urgente ingressi fuerint: & Moniales, quæ ipsas aliter admittunt. Verum ignorantia invincibilis Constitutionis illius, quæ in Galliis promulgata non fuit, Abbatissam, & personas supra dictas ab excommunicatione incurrenda excusare, ac tueri potuit. Excommunicatio enim solis contumaces ligat: contumacia porro monitionem supponit, aut certe notitiam legis Ecclesiasticæ, sive Decreti, aut Mandati Prælatorum. Si autem sine licentia Episcopi in scriptis obtenta Monasterium ingressæ fuerint, in casum excommunicationis ipso facto incurrendæ, ex Concilii Tridentini Decreto, inciderunt. Quamobrem absolutionem ad cautelam postulare debent, quamvis Abbatissa generale, & indefinitam potestatem, ac licentiam habere se præsumpserit, aut verbo tenus habuerit ab Episcopo admittenti intra septa Monasterii sui, pro libito, quas personas vellet, quando, & quotiescumque vellet.

Ceterum postquam Abbatissa, & personæ supra dictæ a Confessariis suis, seu aliis viris doctis didicerint, Leges & Decreta Ecclesiæ, quæ superius a nobis prolata sunt, prohibere personis quibuscumque ingressum in Monasteria Monialium sine causa necessaria, & urgente, etiam prætextu licentiæ ab Episcopo, vel aliis Superioribus concessæ, sub pena excommunicationis ipso facto incurrendæ, & sub eadem pena vetare Abbatissis, ne illas admittant: abstinere debent illæ ab ingressu, istæ ab admissione, & introductione, qualemcumque licentiam generalem ab Episcopo obtinuerint, nisi causa justa, & necessaria urgeat: alioquin mortalis peccati reæ erunt, & in periculum excommunicationis ipso facto incurrendæ incident. Vale, meque Deo in sacrosancto Altaris Sacrificio commenda.

Lutetie Parisiorum.

EPISTOLA XXVII.

Episcopus statuere potest, ut Parochi ne per hebdomadam quidem a Parochiis suis absint absque sua licentia.

CLARISSIMO VIRO ***

AB Illustrissimo, & Religiosissimo Episcopo N. statutum scribis, ut Parochorum Diocesis illius nemini liceat, vel per hebdomadam a Parochia sibi commissa abesse sine ejusdem Episcopi licentia in scriptis, sub pena Suspensionis, durum statutum vocas: quæris an Concilio Tridentino non repugnet, ea quæ de residentia Episcoporum constituta sunt Sessione xxiii. Cap. 1. ad Curatos extendenti. Episcopi autem (inquis) duos aut tres menses abesse possunt ab Ecclesiis suis absque licentia Metropolitanæ, & absque probatione causæ, cuius æquitatem eorum conscientie permittit, iudicioque Dei relinquit sacra Synodus. Quamobrem eodem iure Curatos uti posse tibi videtur. Addis, casus repentinos occurrere posse, in quibus temporis ægustie non permittant ad Episcopum scribere, ac responsum expectare, & rogas utrum in illis casibus incurrat in suspensionem, qui sine licentia per hebdomadam abserit?

Mea de proposita Questione sententia est, Episcopum id statuere potuisse; Decretum ejus durum videri non debere, sed prudens, salubre, suave, Ecclesiasticæ Disciplinae, & Concilii Tridentini Decretis profus congruum: quod etsi parem non relidentium Parochorum conditionem esse sanciverit, ac declaraverit, etiam quædam culpam, amissionem fructuum, & panis: continenter addidit: *Ita tamen ut quandocumque eos causa preus per Episcopum cognita,*

et c.

Alias
LXXXIII.
quæ autem
27. erat,
nume 58.

Et probata, abesse contigerit, Vicarium idoneum, ab ipso Ordinario approbandum, cum debita mercedis assignatione relinquant. Discedendi autem licentiam in scriptis, gratisque concedendam, ultra bimestre tempus, nisi ex gravi causa, non obtineant: Absente igitur non possunt Parochi a suis Ecclesiis quodcumque, nisi cum licentia Episcopi in scriptis. 2. Vicarium idoneum ab ipso Ordinario approbandum relinquere debent. 3. Hæc licentia ultra bimestre tempus concedi non debet nisi ex gravi causa.

Hinc sacra Congregatio Concilii Tridentini Interpres declaravit, Parochos non posse, etiam per durs menses, imo nec per hebdomadam abesse absque licentia Episcopi, quæ causa cognita, & in scriptis concedatur. Et alias rogata, an valeat constitutio Episcopi vetans, ne Parochi absint ultra duos dies sine sua licentia, respondit, *Vale*. Quin etiam cum Episcopus Brixienfis editurus esset constitutionem prohibentem, ne ullus Curatus a sua Parochia abesset, vel unicum diem sine ejus licentia, sub multa pecuniaria, & Parochi illius Diocesis dubitarent utrum id liceret Episcopo, cum ex Concilio Cap. 1. Session. xxiii. qui paulisper abest a sua Diocesi non videatur abesse: sacra Congregatio censuit, Statutum illud non fore contra Concilium, quod videtur velle, ne possit Rector paululum abesse absque licentia Episcopi, etiam per unum diem. Si tamen hujusmodi constitutio absque aliquo temperamento edatur, facram Congregationem effugerat, ut Episcopus det potestatem alicui ex Vicariis suis foraneis ut hujusmodi licentiam rogantibus concedat. Si quis autem ex gravi causa, repentina, & ita urgente, ut non potuerit petere licentiam, a sua Parochia abierit, quantocius redire debet ad residentiam: & cum primum potuerit, Episcopum de absentia sua, & absentiae causis certiores facere: cujus est judicare num absentiae causa legitima, an impotentia, vel difficultas petendi licentiam vera, an simulata fuerit. Si enim causa necessaria, & urgentissima non fuerit, aut necessaria quidem, & legitima, propter quam Episcopus facultatem discedendi concessurus fuisset; sed tamen non fuerit petita, & expectata, cum peti, & expectari facile potuisset, Parochum, qui sine licentia sua discessit suspendere, vel alia pœna canonica mulctare poterit Episcopus. Vale, mei tuis in Sacrificiis memor.

Lutetia Parisiorum.

EPISTOLA XXVIII.

Episcopus jure negat Parocho facultatem studium Theologicum, seu licentiam in aliqua universitate decurrendi.

Alias
LXXXIV.
quæ autem
28. erat,
nunc 2.

CLARISSIMO VIRO ***

Gratulandum est Illustrissimo, & Religiosissimo Episcopo N. de zelo, quo Dominus cor illius accendit præsertim vero de constanti animo in promovenda sacrorum Canonum de residentia Parochorum observantia. Jure negat ejus amplitudo Parocho Ecclesiæ N. facultatem studium Theologicum, seu licentiam decurrendi in Academia, cujus inter Baccalaureos cooptatus erat antequam illi Parochiale beneficium conferret. Quamvis enim similes dispensationes concedendi potestas olim Episcopis conveniret ex Cap. *Cum ex eo*, Tit. *De electione* in Sexto; Concilii tamen Tridentini Decreto videtur sublata, quo forma examinis per concursum in collatione Parochialium Ecclesiarum præscribitur, jubeturque, ut illi conferatur Beneficium, qui magis idoneus fuerit judicatus. Et quamvis ubique Disciplina illa non vigeat, supponit tamen sacra Synodus sufficiente scientia instructum esse debere, cui Parochialis Ecclesiæ cura committitur. Aliunde statuit, ut iis omnibus, qui Beneficium aliquod Ecclesiasticum obtinent, Episcopi *discedendi licentiam in scriptis gratisque, ultra bimestre tempus, nisi ex gravi causa, non concedant*. Eam vero dispensationem ultra annum extendi non posse sacra Congregatio Concilii censuit, etiam causa inimicitiarum; vel infirmitatis, quæ graviore certe causæ sunt quam studii, aut Licentiæ in aliqua universitate decurrendæ. Denique proposito sacre Congregationi dubio infrascripto; an Ordinarius possit concedere licentiam Parocho, ut in publica universitate studiis sacre Theologiæ, vel Canonum vacare possit, sacra Congregatio, & Summus Pontifex responderunt. *Non posse* jussitque Sanctissimus, *Episcopum ab ejusmodi licentiæ concessione abstinere*. Refert Fagnanus in Cap. *Super specula*, Ext. *De Magistris*. Vale.

Lutetia Parisiorum.

Alias XI.
quæ autem
29. erat,
nunc 8.

An Vicarius Generalis Episcopi in iisdem casibus agere possit absque speciali, novoque mandato, in quibus agere potest Episcopus, ut Sedes Apostolica Delegatus?

CLARISSIMO VIRO ***

Quæstionem litteris nuper ad me datis proposuisti, quæ paucis expediri non potest. Cum a sacra Synodo Tridentina tributa sit Episcopo facultas plurimis in casibus agendi tamquam Sedes Apostolicæ Delegato, rogas an Vicarius Generalis Episcopi possit in iisdem casibus agere absque speciali novoque mandato: cum in omnibus, quæ voluntariam jurisdictionem spectant, Vicarius Generalis vices gerat Episcopi, & una, eadenque cum ipso persona censeatur.

Ad Quæstionis huius solutionem observandum est Episcopo a sacra Synodo Tridentina jurisdictionem variis modis tribui. Primo in his, quibus etiam ante Concilium ordinario iure potestatem habebat: Et in his quidem casibus etsi constituitur *etiam* Sedes Apostolicæ Delegatus, potest tamen, ut Ordinarius cognoscere: & videtur potius excitata jurisdictione prius competens quam potestas collata, ut loquuntur Iuris Canonici Periti. Unde Vicarius Generalis eisdem actus, eademque munia exercere poterit. Secundo Episcopus constituitur Delegatus in casibus, in quibus iure ordinario ante Concilium non habebat facultatem: & in his quidem subdelegare Vicarium suum potest, ut colligitur ex cap. *Quoniam Apostolica Sedes*, Extra, *De Officio Delegati*: sed per generalem institutionem Vicarii translata in eum facultas non censeatur, quæ speciali iure competit Episcopo, ut Sedes Apostolicæ Delegato, ut colligitur ex cap. *Cum in generali Tit. de Officio Vicarii*, in Sexto. Unde nec in capitulum Sede vacante transit jurisdictione delegata. Tercio delegatur Episcopus cum adiectione dictionis exclusivæ *santum vel solum*, aut alterius vim eandem habentis: & in his casibus Vicarius Episcopi, & alii quicumque excluduntur, & cum industria personæ censeatur electa, Episcopus negotium alteri demandare non potest. His positis singulares casus expono, propositam a te Quæstionem spectantes.

I. Episcopi compellere possunt Abbates negligentes, ut in suis Monasteriis, ubi id commode fieri queat, lectio sacre Scripturæ habeatur, ut Sedes Apostolicæ Delegati (ex Concilio Tridentino, Sessione v. cap. 1.) Id vero non potest Vicarius Generalis Episcopi, nisi speciali mandato subdelegatus, quia Episcopus ante Concilium hanc facultatem ordinario iure non habebat nisi respectu subditorum, ut constat ex cap. *Prohibeas*, Extra, *De Magistris*. Et propterea Concilium Tridentinum non adiecit in ea specie particulam, *etiam*, sed simpliciter dicit: *Qua in re si Abbates negligentes fuerint, Episcopi locorum in hoc, ut Sedes Apostolicæ Delegati, eos ad id opportunis remediis compellant*.

II. Licentiam concionandi regularibus concedere potest Episcopus, sine qua concionari non possunt in Ecclesiis, quæ suorum Ordinum non sunt. Si vero concionator errores, aut scandala disseminaverit in populum, etiam in Monasterio sui, vel alterius Ordinis prædicit, Episcopus ei prædicationem interdicit: quod si hæreses prædicaverit, contra eum agere potest tanquam Sedes Apostolicæ Delegatus, exemptione quacumque regularium non obstantem (ex Concilio Tridentino, Sessione v. cap. 2.) Prædicandi licentiam regularibus concedere pariter potest Vicarius Episcopi, & in prædicantes hæresim animadvertere, quia hæc facultas iure ordinario competeat Episcopo ante Concilium, ut constat ex cap. *Excommunicamus* 1. Extra, *De Hæreticis*, §. *Qui vero*. Sed tamen contra Concionatorem exemptus agere non potest Vicarius Generalis Episcopi, nisi speciali mandato delegatus, quia Episcopus in exemptis iure ordinario jurisdictionem non habet, ut constat ex cap. *Sicut nobis*, Extra, *De supplenda negligentia Praelatorum*. Idque perspicue significant verba Concilii: *Quod si hæreses prædicaverit, contra eum secundum iuris dispositionem, aut loci consuetudinem procedas: etiam si Predicator ipse generali, vel speciali privilegio exemptum se esse prætenderet: quo casu Episcopus Auctoritate Apostolica, & tamquam Sedes Apostolicæ Delegatus procedas*. Hæc enim verba, quo casu, significant Episcopum tunc solum uti auctoritate delegata, cum agit contra exemptos.

III. Cum Parochi a Sede Apostolica dispensationem de residentia ad tempus impetrarunt, quæ ex veris tantum, & legitimis causis, coram Ordinario probandis, ipsis suffragatur: *Officium est Episcoporum, tamquam in hac parte a Sede Apostolica Delegatorum, providere, ut per deputatorem idoneorum Vicariorum, & congrue portionis fructuum assignationem, cura animarum nullatenus negligatur; nemini quoad hoc privilegio, vel exemptione quacumque suffragante. Hæc facultas in Vicarium Generalem Episcopi transit, si Ecclesiæ Parochiales non sint exemptæ. Hæc enim Vicariorum deputatio iure ordinario spectabat ad Episcopum ante Concilium, ut constat ex cap. *Cum ex eo*, §. *Porro*, Tit. *De Electione*, in Sexto. Si vero Ecclesiæ exemptæ sint, facultas illa non transit in Vicarium sine speciali delegatione: quia eo casu sacra Synodus Episcopum agere jubet tamquam in hac parte a Sede Apostolica delegatum.*

IV. Episcopus Regulares extra Monasterium degentes, quovis privilegio munitos, si deliquerint tamquam Sedes Apostolicæ delegatus visitare, punire, & corrigere potest, ex Tridentino Concilio Sessione vi. cap. 111. Hæc porro facultas in Vicarium Generalem Episcopi non transi-

transfunditur, nisi speciali mandato sit ab ipso delegatus: siquidem jure ordinario caret Episcopus hac potestate, quæ ipsi convenit in eos dumtaxat, qui non sunt exempti, ut colligitur ex cap. *Quanto*, & cap. *Licet*, Extra, De Officio Ordinarii. Quamobrem Concilium hoc loco non utitur dictione, *etiam*, sed hanc potestatem tribuit simpliciter Episcopo tamquam Sedis Apostolicæ Delegato. Nemo secularis Clericus cujusvis personalis: vel Regularis extra Monasterium egens, etiam juri Ordinis privilegii prætextu tunc censetur, quo minus, si deliquit, ab Ordinario loci tamquam super hoc a Sede Apostolica Delegato, secundum canonicas sanctiones visitari, puniri, & corrigi valeat.

V. Episcopus in Ecclesia sua residens de surreptione, & obreptione gratiæ, quæ super absolutione publici criminis vel delicti, de quo ipse inquirere cœperat, aut remissione pœnæ ad quam reus per eum condemnatus fuerat, falsis precibus impetratur, cognoscere potest tamquam Sedis Apostolicæ Delegatus, ex Concilio Tridentino Sessione xiiii. capit. v. Hujus tamen causæ cognitionem suscipere non potest Vicarius Generalis Episcopi. Hæc enim facultas, prout Episcopo non competens, illi tribuitur ut per se ipsum tamquam Sedis Apostolicæ Delegatus, etiam summarie, cognoscat, ipsamque gratiam, postquam per falsi narrationem, aut veri et eternitatem obtinens esse legitime constiterit, non admittat. Quamobrem pars hæc jurisdictionis non transit in Vicarium Generalem Episcopi, sed nec eidem speciali mandato committi ab ipso potest. Illa enim verba, per se ipsum, electam demonstrant personæ industriam, & causam delegari non posse.

VI. Episcopus in Ecclesia sua residens, quoscumque seculares Clericos, qualitercumque exemptos, qui alias sue jurisdictioni subessent, de eorum excessibus, criminibus, & delictis, quoties, & quando opus fuerit, etiam extra visitationem, tamquam ab hoc Sedis Apostolicæ Delegatus, corrigendi, & castigandi facultatem habet, ex Concilio Tridentino Sessione xiv. capit. xv. Sed non transmittitur hæc facultas in Vicarium Episcopi per ejus institutionem, ac generale mandatum. Ibi enim constituitur Episcopus summus Pontifex Delegatus in his, quæ non poterat ante Concilium, ut constat ex cap. *Irrefragabili*, Extra, De Officio Judicis ordinarii. Delegrari tamen potest Vicario Generali ab Episcopo facultas agendi in hujusmodi negotio: siquidem non est ipsi Episcopo demandata verbis designantibus electam esse personæ industriam.

VII. In Ecclesiis Cathedralibus, & Collegiatis, in quibus nullæ sunt distributiones quotidianæ, vel ita tenues, ut veniunt negligantur, tertiam partem fructuum, & quorumcumque proventuum, & obventionum, tam dignitatum quam canonicatum, personatum, portionum, & Officiorum, separari oportet, & in distributiones quotidianas convecti, quæ inter dignitates oblinentur, & ceteros divinis interessentes, proportionabiliter juxta divisionem ab Episcopo, etiam tamquam Sedis Apostolicæ Delegato, in ipsa prima fructuum deductione faciendam, dividuntur. ... non obstantibus exemptionibus, &c. crescentique non servantium contumacia, licet contra eos procedere juxta juris, & sacrorum Canonum dispositionem (ex Decreto sacri Concilii Tridentini, Sessione xxi. capit. iii. quod Sessione xxiiii. confirmatur.) Hæc facultas competit & Vicario Generali Episcopi in capitulis, non exemptis, quam jure communi in illis exercebant Præsides ante Concilium: sed non competit Episcopo Vicario in capitulis exemptis, in quibus ipsi Episcopo non competeat. Ideo Concilium his locis utitur dictione, *etiam*, quæ innuit, Episcopum aliquando agere debere jure delegato, respectu scilicet exemptionum, quibus utrobique sancta Synodus in fine laudatorum capitulum derogavit: sed tamen posse etiam aliquando agere jure ordinario respectu capitulorum, quæ nulla immunitate, aut privilegio donata sunt.

VIII. Episcopi, etiam tamquam Apostolicæ Sedis Delegati, in omnibus Ecclesiis Parochialibus, vel baptismalibus, in quibus populus ita numerosus sit, ut unus Rector non possit sufficere Ecclesiasticis Sacramentis administrandis, & cultui divino peragendo, cogere possunt Rectores, vel alios, ad quos pertinet, sibi tot Sacerdotes ad hoc munus adungere, quot sufficientes ad Sacramenta exhibenda, & cultum divinum celebrandum. In iis vero, in quibus ob locorum distantiam sine difficultate, Parochiani sine magno incommodo ad percipiendam Sacramenta, & divina Officia audienda accedere non possunt; novas Parochias, etiam inivitis Rectoribus, juxta formam Constitutionis Alexandri III. quæ incipit, AD AUDIENTIAM, constituere possunt (ex Decreto Concilii Tridentini Sessione xxi. capit. iv.) Hæc facultas cum Vicario Generali Episcopi communicatur, qui jure ordinario Episcopo competit. Unde sacrum Concilium voce, *etiam*, utitur, quæ jurisdictionem ordinariam supponit: Episcopi, etiam tamquam Sedis Apostolicæ Delegati: &c.

IX. Episcopi committunt Monasteria, etiam Abbatis, Prioratus, & præposituras, in quibus non viget Regularis observantia, nec non beneficia tam curata, quam non curata, secularia, & regularia, qualitercumque commendata, etiam exempta, etiam tamquam Sedis Apostolicæ Delegati, annis singulis visitare possunt (ex Decreto Concilii Tridentini Sessione xxi. capit. viii.) Vicarius Generalis Episcopi hanc jurisdictionis partem exercere potest in Monasteriis, & Beneficiis Episcopo jure ordinario subiectis: sed in exemptis exercere non potest vi istius Decreti, nisi ab Episcopo speciali mandato delegetur. Ideo sacra Congregatio Concilii censuit, si Episcopus visitare velit vi capituli quarti Sessionis sextæ, debere id personaliter agere, quia Concilium ait: Per se ipsos solos, vel illis, quibus sibi videbitur, adiunctis. Si vero vi aliorum Concilii Decretorum sacram Visitationem obire velit, per Vicarium suum Generalem.

Iem, aut Visitatorem id exequi posse, modo legitime fuerit impeditus, ut permittit Concilium Sessioe xxiv. capit. iiii. etiam de visitatione exemptorum ageretur juxta capit. viii. Sessio- nis xxi. cum dictum capit. tertium hac in specie exemptiones tollat his verbis: *Non obstan- tibus quacumque consuetudine etiam immemorabili, atque exemptionibus, & privilegiis qui- busque*.

X. Dispensationes a Sede Apostolica gratiose concessæ suum non fortiuntur effectum, *nisi prius ab Episcopis, tanquam Delegatis Apostolicis, summarie tantum, & extra judicialiter cognosca- tur, expressas preces surreptionis, vel obreptionis vitio non subiacere*; (ex Concilii Tridentini Decreto Sessioe xxii. cap. v.) hanc vero cognitionem Vicarius Generalis Episcopi sine speciali mandato suscipere non potest, siquidem Episcopus ordinario jure hanc facultatem ante Concilium non habebat. Ideo sacra Synodus hoc loco non adhibet dictionem, *etiam*, sed simpliciter ait: *Nisi prius ab eisdem tanquam Delegatis Apostolicis cognoscatur, &c.*

XI. Concilium Tridentinum Sessioe xxii. in Decreto de observandis celebratione Missæ, omnia, quæ ibi summam enumerata sunt, & statuta omnibus locorum Ordinariis ita propo- nit, *Ut non solum ea ipsa, sed quæcumque alia huc pertinere visa fuerint, ipsi pro data sibi a sacrosancta Synodo potestate, ac etiam ut Delegati Sedis Apostolicæ prohibeant, mandent, cor- rigant, statuam; atque ad ea inviolate servanda censuris Ecclesiasticis, aliisque pænis, quæ illorum arbitrio consenserint, fidelem populum compellant*. Hæc potestas, quam jure ordina- rio Episcopi exercent respectu secularium, & eorum, qui non sunt exempti, in Vicariis Ge- neralibus transfunditur. At respectu exemptorum auctoritate delegata, uti debent, quam Vicariis suis Generalibus demandare possunt, cum exemptiones nemini his in casibus suffragentur, *Non obstantibus privilegiis exemptionibus, appellationibus, ac consuetudinibus quibuscumque*.

XII. Episcopi, *etiam tanquam Sedis Apostolicæ delegati*, jus habent visitandi hospitalia, collegia quæcumque, & confraternitates laicorum, & pia loca omnia, etiam illorum cura ad laicos pertineat, *atque eadem pia loca exemptionis privilegio sint munita*; ac omnia, quæ ad Dei cultum, aut animarum salutem, seu pauperes sustentandos instituta sunt, *ex officio suo, juxta sacrorum Canonum statuta cognoscendi, & exequendi*: *Non obstantibus quacumque consue- tudine etiam immemorabili, privilegio, aut statuto* (ex Decreto Concilii Tridentini Sessioe xxii. cap. viii.) Hæc facultas ordinario jure competens Episcopo, in Vicarium illius Gene- ralem transfunditur.

XIII. Episcopus, *etiam tanquam delegatus Sedis Apostolicæ*, Notariorum capacitatem scru- tari potest. Quæ potestas cum jure ordinario competeret Episcopo ante Concilium Tridentinum, ut innuit dictio, *etiam*, huic Decreto Sessionis xxii. cap. x. adjecta, in Vicarium Generalem Episcopi sine speciali mandato transfunditur.

XIV. Episcopi Ecclesias quæcumque, quomodolibet exemptas Auctoritate Apostolica singulis annis visitare tenentur; & opportunis juri remediis providere, *ut quæ reparatione indigent, reparentur; & cura animarum, si qua illius immincat, aliisque debitis obsequiis minime fraudentur appellationibus consuetudinibus, privilegiis, & pænitibus exclusis* (ex Decreto Concilii Tridentini Sessioe vii. De reformatione, cap. viii.) In omnibus etiam iis, quæ ad visitationem, ac motum correctionem subditorum suorum spectant *jus, & potestatem habens Episcopi, etiam tanquam Sedis Apostolicæ Delegati, ea ordinandi; moderandi, puniendi, & exequendi juxta Canonum sanctiones, quæ illis ex prudentia sua pro subditorum emendatione, ac Diocesis sue utilitate necessaria videbuntur*: exemptionibus non impeditibus (ex ejusdem Concilii De- creto, Sessioe xxiv. cap. x.) In his duobus Decretis Concilium promiscue loquitur tam de exemptis quam de non exemptis. Quamobrem hac utitur loquendi ratione: *Auctoritate Apostolica etiam tanquam Sedis Apostolicæ Delegati*. Quoad Ecclesias scilicet, ac personas sibi subditas uti potest Episcopus auctoritate ordinaria, quæ cum Vicario Generali communicatur: quoad exemptas vero delegata dumtaxat, quæ Vicario non competit ex generali mandato, quam- vis illi speciatim demandari possit.

XV. Ecclesiæ seculares nullius Diocesis, ab Episcopo, cujus Cathedralis Ecclesia est proxi- mior, si id constat: alioquin ab eo, qui semel in Concilio Provinciali a Prælato loci illius ele- ctus fuerit, *tanquam Sedis Apostolicæ Delegato visitari debent, non obstantibus privilegiis, & consuetudinibus quibuscumque, etiam immemorabilibus* (ex Concilii Tridentini Decreto, Ses- sione xxiv. cap. ix.) Jus illud, ac potestas ante Concilium non competebat Episcopo: ideo sacra Synodus Episcopum in hac specie negotii agere decrevit *tanquam Sedis Apostolicæ Dele- gatum*. Quamobrem Congregatio Concilii interpretes declaravit, Episcopum Ecclesias exemptas, vel nullius Diocesis visitare volentem, exprimere debere se id agere *tanquam Sedis Apostolicæ Delegatum*, illasque visitare posse etiam per Vicarium suum Generalem, sed opus esse speciali in scriptis facultate. Refert Fagnanus in capit. Quoniam, Extra, De Officio Delegati.

XVI. Tridentina Synodus Bonifacio VIII. Constitutionem, quæ incipit, *Periculoso*, reno- vans, Episcopis præcipit Sessioe xxv. De Regularibus, capit. v. *Ut in omnibus Monasteriis sibi subiectis ordinariis, in aliis vero Sedis Apostolicæ auctoritate, clausuram Sanctimonialium, ubi violata fuerit, diligenter resistat; & ubi inviolata est, conservari maxime procurent: inobe- dientes, atque contradiatores per Censuras Ecclesiasticas, aliasque pænas, quacumque appella- tione suspensæ, compescant*. Et cap. ix. Sessionis ejusdem statuit, ut *Monasteria Sanctimonialium Sanctæ Sedis Apostolicæ immediate subiecta, ab Episcopis tanquam dictæ Sedis Delegatis, gu- bernentur*.

bernentur. Jus, & potestas, quæ competunt Episcopo in Monasteriis Monialium illi jure ordinario subjectis quoad clausuram competit, & ejus Vicario Generali: in exemptis vero non competit, nisi eis speciatim ab Episcopo demandetur. In Monasteriis etiam Sedi Apostolicæ immediate subjectis nullam exercere jurisdictionem Vicarius Generalis potest sine speciali Episcopi mandato.

XVII. Accessiones per viam unionis factas a quadraginta annis citra, de beneficiis liberis ad Ecclesias jurisdictionatui etiam laicorum subjectas, tam ad Parochiales, quam ad alia quæcumque beneficia etiam simplicia, Tridentina Synodus Sessione xxv. *De Reformatione*, cap. ix. *Nilominus ab Ordinariis, tanquam a Sede Apostolica Delegatis, revideri, ac examinari statuit, ac que per surreptionem obtentæ fuerunt, simul cum unionibus irritas declarari, ut beneficia ipsa separarentur, & aliis conferantur.* Decrevit insuper, ut Patronatus quicumque in Ecclesiis quibuscumque aliis beneficiis, etiam dignitatibus antea liberis, acquisitis a quadraginta annis citra, & in futurum aquirendi, seu ex augmento dotis, seu ex nova constructione, vel alia simili causa, etiam auctoritate Sedis Apostolicæ, *Ab iisdem Ordinariis, ut Delegatis, ut supra, qui nullius in his facultatibus, aut privilegiis impediuntur, diligenter cognoscantur: & quos non reppererint ob maxime evidentem Ecclesiæ, vel Beneficii, seu Dignitatis necessitatem legitime constitutos esse, in totum revocent; atque Beneficia hujusmodi sine damno illa possidentium, & restitutio Patronis eo, quod ab eis idcirco datum est, in pristinum liberatis statum reducant.*

De his causis judicare non potest Vicarius Generalis, nisi sit ab Episcopo speciatim ad hoc delegatus: cum hac facultate Episcopus jure ordinario non habeat, ut constat ex Clementina, *Romani*, Tit. *De Electione*; & propterea Concilium tribuat Episcopo hanc facultatem amplius, tanquam Sedis Apostolicæ Delegato, abque adjectione particularæ, *Etiā.*

XVIII. Episcopus, etiam uti *Sedis Apostolicæ Delegatus* in concubinariorum Clericos agere potest, eos a beneficiorum administratione suspendere, & si ita suspensi concubinas non expellant, Beneficiis, portionibus, ac Officiis & pensionibus ecclesiasticis quibuscumque perpetuo privare (ex Concilio Tridentino Sessione xxv. *De Reformatione* cap. xiv.) Hæc facultas in Vicarium Generalem Episcopi transit, quoad non exemptos, quia & ante Concilium poterat Episcopus jure ordinario in concubinariorum animadvertere, ut constat ex cap. *Cum multis*, & seq. Extra, *De cohabitatione Clericorum, & mulierum*. Quoad exemptos vero Vicarius Generalis indiget speciali Episcopi mandato: siquidem Concilium statuit, ut in ejusmodi causis Episcopus agat, etiam ut *Sedis Apostolicæ delegatus*.

XIX. Monasteria, quæ Generalibus capitulis, aut Episcopis non subsumt, nec suos habent ordinarios regulares Visitatores, si intra præscriptum tempus in Congregationem se redigere neglexerint, *Episcopis, in quorum Diocesis sita sunt, tanquam Sedis Apostolicæ Delegatis subduntur:* (ex Tridentini Concilii Decreto, Sessione xxv. *De Regularibus*, cap. viii.) Verum cum hæc facultas prius Episcopo jure communi non competeret, prohibentibus exemptionibus, ut colligitur ex cap. *Sicut nobis*, Ext. *De supplenda negligentia Prælatorum*, cap. *Cum tempore*, Ext. *De Arbitriis*, & cap. *Cum olim*, 2. Ext. *De Privilegiis*, non cœnietur in Vicarium Generalem translata sine speciali mandato.

XX. In omnibus quidem, quæ voluntariam jurisdictionem, & ordinariam spectant, Vicarius Generalis vices gerit Episcopi. Excipienda tamen est beneficiorum collatio: Vicarius enim Generalis Beneficia conferre non potest, quorum collatio ad Episcopum pertinet, nisi hæc illi facultas speciali mandato concessa sit, ut constat ex capit. *Cum in generali*, Tit. *De Officio Vicarii*, in Sexto, cujus hæc sunt verba: *Cum in generali concessione nequaquam illa veniant, quæ non esset quis verosimiliter concessurus: nec regulariter donare valeat is, cui honorum administratio etiam libera est concessa: Officialis, aut Vicarius Generalis Episcopi Beneficio conferre non possunt, nisi Beneficiorum collatio ipsis specialiter sit commissa.* Potest tamen Vicarius Episcopi præsentatos a Patronis instituere, quamvis Episcopus facultatem conferendi Beneficia ipsi non concesserit, ut Zerola in Praxi Episcopali 1. P. verbo *Vicarius*, Num. 15. & alii Juris Canonici Periti docent. Verum cum unaquæque res per eandem causam dissolvatur per quam constituta est, ut habetur cap. *Omnis res*, Ext. *De Regulis Juris*, ejusdemque propterea potestatis sit exire, cujus est investire: Vicarius Generalis qui potestas conferendi beneficia speciatim ab Episcopo non est demandata, resignationes Beneficiorum admittere non potest. Eadem ratione a receptione permutationum arcetur, quia permutatio Beneficio.um duplicem collationem requirit.

XXI. Excipienda rursus est ab ordinaria Vicarii Generalis jurisdictione facultas dandi litteras dimissorias ad Ordines, nisi Episcopus hanc illi speciatim concesserit, ut sancitum est, cap. *Cum nullus*, Tit. *De Temporibus Ordinationum*, in Sexto. Episcopo tamen in remotis agente, ipsius in spiritualibus Vicarius Generalis, vel Sede vacante capitulum, seu is, ad quem tunc temporis administratio spiritualium noscitur pertinere, dare possunt licentiam ordinandi, & dimissorias concedere, ut ibidem dicitur.

Hæc ad Quæstionem a te propositam habui, quæ responderem. Prolixitatem Epistolæ excuses velim: pauciores etiam confici res non potuit.

Vale, mihiq; ad Altare Domini memor esto.

EPISTOLA XXX.

Capituli potestas Sede vacante explicatur.

VENERANDO VIRO ***

INSIGNIS ECCLESIAE *** DECANO

Alias XII.
que autem
a erat,
nunc 57.

DE Illustrissimi, Religiosissimique Præfultis vestri obitu doleo ex animo ob egregias Viri doctes, eximiam virtutem, præcellentem eruditionem, zelum pro Ecclesiasticæ disciplinæ conservatione, vel restauratione incredibilem, profusam in pauperes beneficentiam, Pastoralium vigilantiam. Ipsius Animæ bene precor, Deumque oro, ut dignum Pastoralem, similemque successorem Ecclesiæ *** concedat, ac præficiat. Exequor interim quod optas, ut absque mora tibi per litteras breviter explicem fines potestatis Capituli Sede vacante: quod tamen non sine pudore quodam facio, cum in rerum Ecclesiasticarum praxi, Jurisque sacri notitia te peritissimum noverim.

I. Defuncto Episcopo Jurisdictionem Episcopalem ad Capitulum devolvi compertum est ex Cap. *Sum olim*, Ext. *De Majoritate*, & *Obedientia*, Cap. *Ad abolendam*, Ext. *De Hæresicis*, Cap. *unico De Majoritate*, & *Obedientia*, in Sexto, & Cap. 1. *De Institutionibus*, in eadem Collectione. Quamobrem Capitulum Sede vacante, judicare, excommunicare, absolvere potest; non tamen anathematizare, id est, excommunicare cum solemnitate, de qua Canon *Debent*, Causa XI. Quæst. III. Item potest visitare, quin etiam de delictis extra visitationem contra certas personas inquirere, ac in reos sententiam ferre per Vicarium a se institutum.

II. Capitulum Sede vacante beneficia conferre non potest, quorum collatio ad solum Episcopum pertinet, ut constat ex Cap. *Illa*, Ext. *Ne Sede vacante aliquid innovetur*, & Cap. 1. *De Institutionibus*, in Sexto. Præsentatos tamen a Patronis potest admittere, si sint idonei, & eos instituere in beneficiis, ad quæ fuerint præsentati: licet ad Episcopum (si viveret) admissio, & institutio hujusmodi pertineret, ut constat ex eodem capite. Ratio autem, cur capitulum admittere, instituere, & confirmare possit præsentatos, vel nominatos a Patronis, non vero beneficia conferre, est quod confirmatio sit necessitatis justitiamque sapiat: cum per electionem jus quæsitum sit electio, eique sit debita confirmatio, modo legitima sit electio, personeque idoneæ, capaci, & dignæ, ut colligitur ex Cap. *Cum inter* 3. *De electione*, & *electi potestatem*; sed collatio est voluntatis, & sapit gratiam, ut colligitur ex Cap. *Illa*, Ext. *Ne Sede vacante aliquid innovetur*, & ex Cap. *Cum in generali*, Tit. *De Officio Vicarii*, in Sexto. At capitulum Sede vacante non succedit in jurisdictionem voluntariam, sed in necessariam tantum, ut summo consensu docent Juris Canonici Periti.

III. Capitulum Sede vacante concedere non potest indulgentias: quod voluntariæ jurisdictionis est.

IV. Vicarius Capituli Sede vacante potest instituere concursum ad Parochiales Ecclesias vacantes, & magis idoneum præeligere, secundum præscriptum Concilii Tridentini Sessione xxiv. *De Reformatione*, Cap. xviii. Hæc enim præelectio necessariæ jurisdictionis est, & jurisdictiæ.

V. Jurisdictio Episcopo competens, ut Sedis Apostolicæ Delegato, in capitulum Sede vacante minime transfunditur.

VI. Bona, vel jura Ecclesiæ capitulum alienare non potest Sede vacante, ut colligitur ex Can. *Si qua de rebus*, & Can. *Precaria*, Causa xii. Quæst. 11. Cum enim Ecclesia pupillo comparetur, & jure minoris fruatur, ut habetur cap. *Auditis*, Ext. *De in integrum restitutione*: sicut pupillus nihil alienare potest sine auctoritate tutoris, ita nec Ecclesia sine voluntate, & consensu Episcopi. Exceptio tamen admittenda est in fructibus, & bonis, quæ servando servari non possunt, quales sunt res mobiles, quæ non durant triennio, vel usu consumuntur, & non fructificant. Has enim capitulum alienare potest, dummodo pretium servetur ut colligit Innocentius IV. in cap. *Novis*. Ext. *Ne Sede vacante aliquid innovetur*, argumentum sumpto ex L. *Lex qua tutores*, C. *De administratione Tutorum*.

VII. Licentiam transeundi ad aliam Ecclesiam capitulum Sede vacante Clerico impertiri non potest, ut colligitur ex Canone, *Presbyteri*, Dist. xxiv. & Can. *Fraternitatem*, Dist. lxxxi. Ratio est, quia major est alienatio personæ quam rerum: capitulum autem sine consensu Episcopi bona Ecclesiæ alienare non potest; multo minus igitur potest alienare personas.

VIII. Capitulum Sede vacante ordinandi licentiam, & litteras dimissorias infra annum a die vacationis concedere non potest, nisi arctatis ratione beneficii recepti, vel recipiendi: ad quod scilicet præsentatus sit Clericus, & quod Ordinem annexum habet, ad quem promoveri postulat: alioqui capitulum, & sic ordinati incidunt in pœnas a Concilio Tridentino statutas cap. x. Sessionis vii. *De Reformatione*. Solum autem capitulum, ex sacre Congregationis Sententia, quibus casibus potest dimissorias concedere, potest Ordinum interstitia remittere, non capituli Vicarius, nisi ex speciali mandato.

IX. Capitulum tenetur infra octo dies post mortem Episcopi, Officialem, seu Vicarium Gener-

ralem constituere, vel existentem confirmare, qui saltem in Jure Canonico sit Doctor, vel Licentiatuſ, vel alias, quantum fieri poterit idoneus: si secus factum fuerit, ad Metropolitanum deputatio hujusmodi devolvatur. Et, si Ecclesia ipsi Metropolitana fuerit, aut exempta, capitulumque (ut praefertur) negligens fuerit, tunc antiquior Episcopus ex Suffraganeis in Metropolitana, & propinquior Episcopus in exempta, Vicarium Generale constituit potest (ex Concilio Tridentino Sessione xxiv. *De Reformatione*, cap. xxi.) Unum tantum Vicarium deputare potest capitulum Sede vacante, nisi sit immemorabilis consuetudo constituendi duos, ut censuit sacra Congregatio Concilii Interpres, fulta ejusdem Concilii verbis loco mox laudato.

X. Vicarium a se institutum revocare capitulum potest, modo infra octo dies alterum instituat.

XI. Substitutio facienda propter absentiam Vicarii Generalis, aut aliorum Officialium capituli Sede vacante spectat ad ipsos Officiales, non ad capitulum, ut censuit sacra Congregatio: quia licet jurisdictione Sede vacante praecipue reideat penes capitulum, usus tamen jurisdictionis residet penes Vicarium Generalem ab eo institutum. Quamobrem nec capitulum absque Vicario suo Generali Visitatorem Dioecesis eligere potest, ut censent *Joannes Franciscus Pavinus* in Tractatu *De Officio*, & potestate capituli Sede vacante, & *Prosper Fagnanus* ad cap. *Hic, quae*, Extr. *De Majoritate*, & *Obedientia*. Vale, meque tui singularis aestimatorum, ac tibi comprimis addictum ad Altare Domino commenda, quoties Sacris operaberis.

Lutetia Parisiorum.

EPISTOLA XXXI.

Qua ratione Capitulum Statuta condere, & poenas in eorum transgressores possit decernere?

CLARISSIMO VIRO ***

DE Quaestione, quam mihi proponis, ita censeo: capitulum Statuta condere potest de his, quae non spectant Episcopum nec generalem statum Ecclesiae, sed singularia ipsius capituli negotia: & poenas decernere potest in transgressores Statutorum, non quasi jurisdictionem habens, sed ex conventionione. Quae tamen poenae non efficiunt Canonicos successores, nisi statuta sint ab Episcopo confirmata. Quamobrem die 30. Martii 1609. hoc dubio in sacra Congregatione Concilii proposito, Patres unanimi suffragio censuerunt, capitulum posse Statutis suis poenas adicere quae conventionione facta, modo sint ex eo poenarum genere, quae pacto promittuntur, atque in conventionem deduci possint: sufficereque ad hujusmodi Statuta condenda consensum majoris partis capituli: sed canonicos successores poenalibus illis statutis non affici, nisi fuerint ab Episcopo confirmata. Refert *Fagnanus* in cap. *Cum omnes*, Extr. *De Constitutionibus*. Nostri tuis in Sacrificiis memor sis, etiam, atque etiam rogo. Vale.

Lutetia Parisiorum.

EPISTOLA XXXII.

Potestas Episcopi in Regulares exemptos certis in casibus explicatur.

RELIGIOSISSIMO VIRO ***

ORDINIS *** PROVINCIALI.

PRudentiam tuam, ac Religionem laudo plurimum, quod Ordinem nostrum, qui ad sacram Hierarchiam quam proxime accedit, in observantia Illustrissimis, ac Reverendissimis Episcopis debita contineri semper velis, nec Priores aut Fratres tibi subditos cum illis committi. Id ne contingat aliquando, jubes, ut Episcoporum auctoritatem in Regulares explicem, & uno velut aspectu intuemdam proponam. Quod, ut tibi morem hac Epistola exequar cujus prolixitati parces, tamen si a rebus, verbisque inutilibus, quantum in me erit, temperabo.

I. Regulares Confectionarii ab Episcopo necessario sunt approbandi. Possunt Episcopi restringere, vel limitare eorum approbationes ad certas personas, necnon ad certa loca, & tempora, possunt eas revocare, vel Confectionarios hujusmodi ab audiendis Confectionibus suspendere ex nova causa ad approbationes pertinentem. Approbati sine restrictione a Vicario Generali Episcopi possunt iterum ab ipso Episcopo revocari ad examen. Approbati ab Episcopo possunt ab ejus successore rursus examinari, & si minus capaces inventi fuerint, rejici. In una Dioecesi generaliter approbati, Confectiones in alia Dioecesi audire non possunt absque Dioecesani Episcopi approbatione a casibus Episcopo reservatis Regulares absolvere non possunt, nisi haec facultas ab illo concessa ipsis fuerit. Haec partim ex Tridentino Concilio, partim ex Constitutionibus Sum-

Alias xv.
quae autem
31. erat,
nunc 10.

Alias xvi.
quae autem
32. erat,
nunc 45.

Episcoporum potestas quoad Regulares approbationes ad Confectiones audiendas.

morum Pontificum, præsertim ex Clementina, *Dudum*, Tit. *Sepulturis*, ex *Gregorii XV.* Constitutione, quæ incipit *Inferutabili*, ex Clementis X. Diplomate, quod incipit *Superna*, ex Decreto Alexandri VII. in causa Episcopi Andegavensis, & Regularium ejusdem Diocesis, &c. satis a me probata Lib. 11. *Theologie Dogmaticæ*, & *Moralis*, in Tractatu *De Sacramento Penitentiae*. Hic tantum subijciam sacra Congregationis Concilii Tridentini interpretis, & Congregationis Episcoporum, & Regularium declarationes quasdam hæc discipline capita spectantes, quas refert vir Juris Canonici Consultissimus *Prosper Fagnanus* in cap. *Grave*, Ext. *De Officio Ordinarii*.

Quæritum est a sacra Congregatione Concilii, 1. An Regulares ab Ordinario ad Confessiones audiendas, prævio examine approbati ad tempus, elapso tempore, tanquam semel approbati possint invito Ordinario deinde audire Confessiones? Congregatio censuit, *Non posse*.

Quæritum est 2. an Episcopus volens ex nova causa Regulares semel ad Confessiones audiendas approbatos examinare, teneatur eam patefacere Superioribus Regularibus: & an de hujusmodi causa constare debeat, vel sit credendum Episcopo attestati hujusmodi causam fuisse? Congregatio Concilii censuit, *Possit Episcopum ex nova causa, etiam si de ea non constet in Actis, rursus examinare, ac minus repertum idoneum reprobare Regularum semel ad audiendas Confessiones approbatorum, idque ejus arbitrio, quod tamen debet esse moderatum, & discretem, & ita ut eo non abutatur. Verum ubi hoc facere voluerit, debere id Superioribus Regularibus significare, non quidem cum individua expressione causæ, sed tantum se velle ob novam, quæ supervenerit, causam, ab hujusmodi examen procedere*.

3. Conquerentibus Regularibus S. Dominici Neritonenfis quod dum essent prævio examine approbati ad Confessiones secularium audiendas a Vicario Generali Episcopi, dum Episcopus Romæ degeret, ille ad suam Ecclesiam reversus vellet eos rursus pro audiendis Confessionibus examini subicere: Sacra Congregatio Concilii censuit, *Possit Episcopum rursus examinare Confessarios Regulares a suo Vicario approbatos*.

Quæritum est a sacra Congregatione Episcoporum, & Regularium, an Episcopus qui Regulares ad Confessiones personarum secularium audiendas approbavit, possit eisdem ex nova causa ab iisdem confessionibus audiendis suspendere, aut licentias illis concessas revocare, non obstantibus quibuscumque privilegiis, & qualis hujusmodi causa esse debeat? Sacra Congregatio respondit: *Episcopum, quamvis simpliciter & absque ulla temporis præstatione approbaverit Regulares ad Confessiones secularium personarum audiendas; posse tamen eisdem, si nova causa supervenerit, suspendere, ac licentias illis concessas revocare, dummodo causa hujusmodi Confessiones ipsas concernat. Ceterum si Regulares cum scandalo, aut aliis inhonestis vivant, vel aliquod delictum committant, propter quod rationabili Episcopi judicio videantur a Confessionibus suspendendi, in quo ipsius Episcopi conscientiam voluit esse ornatam, cum præcipua Ministri Sacramenti Penitentiae qualitas, sit integritas, vite ac morum honestas: utique eam causam ad Confessionis ministerium pertinere; ac proinde nihil ob stare, quo minus ob eam possit Episcopum Regulares a semetipso approbatos suspendere, aut repellere a Confessionibus audiendis*.

Quæritum est 5. a Congregatione Concilii, an Regulares possint personarum secularium Confessiones audire virtute licentiarum a decessoribus Ordinarii illis concessarum, etiam renuente Episcopo Ordinario pro tempore existente? Sacra Congregatio censuit, *Possit quando Episcopus non prohibuerit. Ceterum esse in facultate Episcopi successoris illos rursus examinare, atque interim prohibere*.

II. Regulares deputari non possunt ad audiendas Confessiones Monialium, etiam Ordinibus suis subiectarum, absque approbatione Episcopi. Potest Episcopus ex legitima causa Superiores Regulares monere, ut hujusmodi Confessarios Monialium amoveant, si renuerint, ac neglexerint, potest Episcopus illos ab audiendis Monialium Confessionibus amovere. (Et constitutione Gregorii XV. quæ incipit, *Inferutabili*) Regulares ad audiendas Confessiones Monialium unius tantum Monasterii ab Episcopo approbati, audire, non possunt Confessiones Monialium alterius Monasterii. Sic respondit sacra congregatio Cardinalium Concilii Tridentini Interpretum, ut refert *Fagnanus* in cap. *Cum Capellis*, Extra *De Privilegiis*.

III. Non licet Regularibus, etiam in propriis Ecclesiis Sanctissimum Eucharisticum Sacramentum publice adorandum exponere, nisi ex causa publica, quæ probata sit ab Ordinario. Ex causa autem privata possunt ea conditione, ut Sanctissimum Sacramentum et Tabernaculo non extrahatur, & velatum remaneat, ita ut sacra Hostia videri non possit. Ita declaravit sacra Congregatio Concilii, ut refert *Fagnanus* in cap. *Grave*, Ext. *De Officio Ordinarii*.

IV. Regulares extra claustra degentes visitari, corrigi, & puniri possunt ab Episcopo tanquam Sedis Apostolicæ Delegato, non solum in Visitatione, ut sanctum est, cap. 111. Sessionis sextæ Concilii Tridentini, *De Reformatione*, sed etiam extra Visitationem, modo Episcopo in Diocesi sua residet, ut declaravit Pius Quartus in Constitutione de Residentia Episcoporum. Similiter Regulares Apostatæ, & eieci ab Ordine subsunt Episcoporum Jurisdictioni, ut declaravit sacra Congregatio Concilii Interpretis.

V. Regulares etiam intra claustra degentes, qui vel curam animarum personarum secularium exercent, vel personis secularibus aliquod Sacramentum prævia Episcopi licentia administrant,

Approbatio ad audiendas Confessiones Monialium, etiam Regularibus subditarum.

Expositio sanctissimi Sacramenti in Ecclesiis Regularium. Visitatio, & correctio Regularium extra claustra degentium.

Regulares etiam intra claustra degentes, sub-

stant, aut in alicujus Sacramenti administratione de facto absque ulla auctoritate se ingerunt, plene in omnibus subiciuntur jurisdictioni, visitationi, & correctioni Episcopum huius, quæ Sacramentorum administrationem spectant, cum in aliqua sacri illius Monasterii parte delinquunt (ex Concilio Tridentino Sessione xxv. *De Regularibus* cap. xi. ex constitutione Gregorii XV. quæ incipit, *Insuperabili*: & ex Declaratione Congregationis Concilii.)

VII. Cum Regulares delinquant circa personas degentes intra septa Monasterium Monialium, aut circa eorumdem Monialium clausuram, aut circa bonorum eorumdem Monasterium administrationem, nullius privilegiis, & exemptionibus tueri se possunt, quominus ab Episcopo loci, tamquam ad hoc Sedis Apostolicæ Delegato, quoties, & quando opus fuerit, corrigi, & puniri valeant (ex laudata Gregorii XV. Constitutione.)

VIII. Regulares administrantes bona ad eadem Monasteria Sanctimonialium, etiam Regularibus subiectarum, pertinentia, quomodolibet exempti, Episcopo loci, adhibitis etiam Superioribus Regularibus, singulis annis rationes administrationis, gratis tamen exigendas reddere tenentur, ad idque juris remediis cogi, compelli possunt. Licetque Episcopo ex legitima causa admonere Superiores Regulares, ut eosdem Administratores amoveant, iisque negligentibus datur Episcopo facultas eos amovendi quoties, & quando opus esse iudicaverit (ex eadem Gregorii XV. Constitutione.)

VIII. Regulares, qui Libros de rebus sacris in lucem edunt, vel edicuntur sine nomine Auctoris, subiciuntur poenæ anathematis, a Concilio Lateranensi sub Leone X. statuta, & a Concilio Tridentino innovata Sessione iv. de editione, & usu sacrorum Librorum. Idemque poenis illi subiciuntur, qui scriptis communicant, vel evulgant, nisi antea examinati, probatique fuerint, ut declaravit sacra Congregatio Concilii.

IX. Concilii Tridentini Sessione v. *De Reformatione*, cap. i. statutum est, ut in Monasteriis Monachorum, commode fieri poterit, lectio sacre Scripturæ habeatur. Qua in re si Abbatibus negligentes fuerint, Episcopi locorum in hoc, ut Sedis Apostolicæ delegati, eos ad id opportunis remediis compellant.

X. Regulares, qui in alienis Ecclesiis, aut quæ suorum Ordinum non sunt, absque Episcopi licentia; & in Ecclesiis suis, aut suorum Ordinum, non petita illius benedictione, aut ipso contradicente prædicare præsumperint, idem Episcopus punire potest. (Ex Concilio Tridentino Sessione v. *De Reformatione*, cap. ii. ex Gregorii XV. Constitutione supra laudata, & declaratione Congregationis Concilii ab Urbano VIII. approbata.)

XI. Regularibus, qui errores, & scandala disseminaverint in populum, cum sacre Prædicationis munus obeunt, vel alias, etiam in Monasterio sui, vel alterius Ordinis Conciones habeant, Episcopus prædicatione interdiciere potest (ex Concilio Tridentino Sessione v. *De Reformatione*, cap. ii.) Possunt etiam Episcopi, quo tempore concionandi licentiam dabant, a Regularibus exigere professionem fidei, ut declaravit sacra Congregatio Concilii ab Archiepiscopo Mediolanensi rogata.

XII. Regulares promulgare, vel proponere populo Indulgentias non possunt sine licentia, & approbatione Ordinarii (ex Concilio Tridentino Sessione xxi. *De Reformatione*, cap. ix. & declaratione sacre Congregationis Concilii.)

XIII. Concilium Tridentinum Sessione xxii. *De observandis, & evitandis in celebratione Missarum*, statuit, Ne patiantur Episcopi privati in domibus, atque omnino extra Ecclesias, & ad divinum tantum cultum dedicata Oratoria, ab iisdem Ordinariis designanda, & visitanda, sanctum hoc Sacrificium a secularibus, aut Regularibus quibuscumque peragi. Quibus verbis sublatum est privilegium ab Honorio III. olim concessum Fratribus Prædicatoribus, & Minoribus celebrandi in Altari viatico, seu portatili; etiam Episcopo non permittente, secundum cap. *In his*, Ext. *De Privilegiis*. Declaravit autem sacra Congregatio Concilii, hoc Decreto comprehendere etiam Regulares quantumvis exemptos, eosque ea omnia, quæ ab Ordinariis locorum circa observanda, & evitanda in Missarum celebratione statuta fuerint, omnino servare teneri, ad idque etiam poenis, & Censuris Ecclesiasticis ab iisdem Ordinariis compelli posse.

XIV. Confraternitates Laicorum in Ecclesiis Regularium constitutas Episcopus visitare potest, atque ab illarum administratoribus rationes administrationis exigere (ex Concilio Tridentino ibidem) non tamen potest earum Capellas ibi sitas, aut Altaria visitare, nisi quatenus Confratrum administrationem spectant, ut respondit sacra Congregatio Concilii.

XV. Regulares, qui Confraternitatem Laicorum, vel Hospitalium administrationem suscipiunt, cogere potest Episcopus ad reddendas rationes administrationis singulis annis, & in eos, quos reos repperit, animadvertere, consuetudinibus, & privilegiis quibuscumque in contrarium sublati, ut statuit Concilium Tridentinum Sessione xxii. *De Reformatione*, cap. viii. & ix. & declaravit sacra Congregatio ejusdem Concilii Interpres.

XVI. Episcopi Regulares ordinandos ad interstitia servanda juxta præscriptum Tridentini Concilii Sessione xxiii. *De Reformatione*, cap. xi. compellere possunt, ut eadem sacra Congregatio declaravit.

XVII. Regulares, qui Parochialium Ecclesiarum, aut aliarum secularium, etiam annexarum contra gerunt, Synodo Diocesanæ debent interesse: & qui alias cessante exemptione interesse debent, nec generalibus capitulis subdantur, compelli possunt ab Episcopis, ut ad Synodum Diocesanam accedant (ex Concilio Tridentino, Sessione xxiv. cap. ii.) & contumaces priva-

tunt jurisdictioni, & correctioni Episcopi, in his quæ spectant Sacramentorum administrationem personarum sacralibus.

Regulares circa Monialium clausuram, aut bonorum eorumdem administrationem delinquentes, &c. Episcopi correctionem subiciuntur.

Librorum de rebus sacris tractantium examen, & approbatio.

Scripturæ sacre lectio in Cenobiis. Episcoporum in Concionatoribus Regulares auctoritates.

Indulgentiarum promulgatio.

Regulares statuti Episcoporum circa observanda, & evitanda in celebratione Missæ parere tenentur. Rationes Episcopos reddenda a Confraternitatibus & Hospitalium administratoribus, etiam Regularibus.

Regulares ordinandos ad interstitia servanda compellere potest Episcopus. Qui Regula-

res cogi possunt, ab Episcopo, ut ad sint Diocesis Synodo?

Numerum Monialium præscribere potest Episcopus etiam in Monasteriis Regularibus subiectis.

Monasteria sine licentia Episcopi erigi non possunt. Quibus conditionibus concedenda?

Episcopus animadvertere potest in Regulares fugitivos, & extra Conventus studiorum prætexere degentes.

Episcopi auctoritas in iis, quæ spectant clausuram Monialium.

tionis vocis activæ, & passivæ, aliisque pœnis arbitrariis, etiam excommunicationis, plectere potest Episcopus, ut declaravit olim sacra Congregatio Concilii, referente Fagnano in cap. *Quod super his Extra, De Majoritate, & Obedientia*.

XVIII. Numerum Monialium, etiam in Monasteriis Regularibus subiectis, Episcopus definire potest, secundum Tridentini Concilii Decretum Sessionis xxv. De Regularibus, cap. 111. ita tamen, ut adjuncto Superiore Regulari id agat.

XIX. Monasteria tam virorum quam mulierum erigi non possunt sine licentia Episcopi in cuius Diocesi erigenda sunt (ex Concilio Tridentino loco mox indicato.) Clemens VIII. ex sententia sacre Congregationis Episcoporum, & Regularium die 26. Augusti 1603. declaravit, locorum Ordinarios non posse licentiam ad novos Conventus, quoscunque, etiam Mendicantium Ordinis, in civitatibus, & locis eorum ordinariæ jurisdictioni subiectis erigendos concedere, nisi vocatis, & auditis aliorum in eisdem civitatibus, & locis existentium Conventuum Prioribus, seu Procuratoribus, & aliis, quorum interest; & causa cognita consiliter in eisdem civitatibus, & locis novos huiusmodi erigendo Conventus sine aliorum detrimento commode sustentari posse. Si vero ab eorum sententiis in huiusmodi causis ad Sedem Apostolicam appellari contigerit, ipsos Ordinarios tandiu erectionem novorum Conventuum suspendere debere, quousque ab Apostolica Sede pronuntiatum fuerit. Gregorius XV. decrevit, ut deinceps novi Conventus non erigantur, nisi in eis duodecim saltem Religiosis degere, & ex redditibus, & consuetis elemosinis, competenter sustentari valeant. Urbanus VIII. decrevit, ut Conventus imposterum erigendi, in quibus duodecim Religiosi sustentari, atque inhabitare non poterunt, & actu non habitaverint, Ordinarii loci visitationi, correctioni, atque omnimodæ jurisdictioni subiecti esse intelligantur. Quod Decretum Italiam solum non spectare, sed alia etiam Regna, & Provincias, declaravit sacra Congregatio Concilii, ut refert Fagnanus in cap. *Non amplius Ext. De Institutionibus*.

XX. Regulares, qui sine Superiorum mandato in scriptis recesserint a Conventibus suis, etiam prætextu ad Superiores suos accedendi, & reperti fuerint, ab Ordinariis locorum tantumquam Instituti sui desertores puniri possunt. Illi autem, qui studiorum causa ad Universitates mittuntur, in Conventibus tantum habitare debent: alioqui in illos animadvertere potest Episcopus (ex Concilio Tridentino Sessione xxv. De Regularibus, capit. 4.)

XXI. Episcopi in his, quæ pertinent ad clausuram Monialium conservandam, aut ubi violata est, restituendam, in Monasteriis etiam exemptis, plenam auctoritatem habent, ut Sedes Apostolicæ Decreti (ex Concilio Tridentino Sessione xxv. De Regularibus, capit. v.) Unde licet Episcopo Monasteria Monialium, etiam Regularibus subiectarum, visitare, & singulas Moniales absque Regularium interventu alioqui, in iis, quæ clausuram spectant, examinare: & clausuram violantibus penas infligere, ut declaravit sacra Congregatio Concilii, cuius eccæ Decretum.

Die 26. Maii anni 1640. Sacra Congregatio Eminentiſſimorum Cardinalium Concilii Tridentini Interpretum censuit, Episcopum Colimbriensem, uti Sedis Apostolicæ Delegatum, potuisse quoad clausuram Monasteriorum Monialium conventus, & Cellas Ordinis Cisterciensis Regularibus ejusdem Ordinis subiectis visitare, etiam assumpto secum Vicario Generali, & Confessario earundem Monialium, Monialesque ipsas in iis, quæ ad eandem clausuram pertinent, examini subicere: semotis etiam suspitione violatæ clausuræ, & quæcumque Superiorum Regularium negligentia, ipsiſque inconfultis, & irrequisitis: ac insuper eadem Episcopum licuisse Restorem Collegii dicti Ordinis ex supradicta causa inobedientem declarare in panam excommunicationis, ac alias comminatas incurriſſe. J. CARDINALIS PANPHILIUS.

Vide Barbosa P. 3. De Officio, & Potestate Episcopi, p. 3. Alleg. 102. Zerolam in *Praxi Episcop.* p. 1. verbo *Moniales*, Præfatum in *Praxi Episcop.* De Visitatione sanctimonialium, art. 7. Tamburinum De Jure Abbatisarum, disp. 24. quæst. 9. num. 4. Galletum verbo, *Clausura*.

XXII. Eodem Tridentini Concilii capite sancitum est ut nemini Sanctimonialium liceat post professionem exire a Monasterio, etiam ad breve tempus, quocunque prætextu, nisi ex aliqua legitima causa ab Episcopo approbata; indultis quibuscunque, & privilegiis non obstantibus.

Quæ Monasteria Regularium Episcopis subiecta?

XXIII. In Monasteriis omnibus, quæ generalibus capitulis non subſunt, nec suos habent Regulares Ordinarios Visitatores, Episcopi jurisdictionem exercere possunt, prout cap. viii. Sessione xxv. Concilii Trident. De Regularibus, statutum est. Nam si infra annum in Congregationem se redigere neglexerint, licet Metropolitanus, in cuius Provincia sita sunt, tantquam Sedis Apostolicæ Delegato, eos pro prædictis causis convocare. Quod si Metropolitanus id exequi non curaverit, Monasteria, eorumque personæ subdantur Episcopo in cuius Diocesi sita sunt, tanquam Sedis Apostolicæ Delegato.

XXIV. Monasteria Monialium Sedi Apostolicæ immediate subiecta Episcopo subſciuntur tantquam Sedis Apostolicæ Delegato (ex Concilio Tridentino Sessione xxv. De Regularibus, cap. ix.)

In Monasteriis, quibus curæ a Para-

XXV. In Monasteriis quibus imminet cura animarum personarum secularium, Regulares dictæ curæ, etiam pro tempore, ad nutum amovibiles perſici non possunt, nisi de Episcopi consensu, ac prævio examine per eum, aut ejus Vicarium faciendo, excepto Monasterio Clu-

niacensi cum suis limitibus, & exceptis etiam Monasteriis seu locis, in quibus Abbates Generales, aut capita Ordinum Sedem ordinariam principalem habent, atque alius Monasteriis, seu Dombus, in quibus Abbates, aut alii Regularium Superiores iurisdictionem Episcopalem, & temporalem in Parochos & Parochianos exercent. Ita statuit Concilium Tridentinum Sessioe xxv. *De Regularibus*, cap. xi.

XXVI. Censuræ, & interdicta Ecclesiastica ab Ordinariis promulgata, mandante Episcopo, a regularibus in eorum Ecclesiis publicari, atque servari debent (ex Concilio Trid. cap. xii. ejusdem Sessionis.) Cum autem dubitatum fuisset, an Episcopus prohibere posset, ne Regulares in Ecclesiis suis Sacerdotes externos seculares divina celebrare permitant, nisi prius ab Episcopo vris litteris commendatitiis Sacerdotes illi admitti fuerint? Sacra Congregatio Concilii respondit, *POSSE*.

XXVII. Dies etiam Festos, quos in Dioecesi sua servandos idem Episcopus præceperit, ab exemptis omnibus etiam Regularibus, servari debent, ut decernit ibidem Tridentina Synodus. Quod quidem Decretum sacra Congregatio Concilii ita intelligendum declaravit, ut Regularium ritus illis diebus festis nihilominus servetur, quoad Missas celebrandas, & alia divina Officia tam publice quam privatim ab ipsis Regularibus in eorum Ecclesiis perfolvenda.

XXVIII. Sessionis xxv. Concilii Tridentini *De Regularibus*, cap. xiii. tribuitur Episcopis facultas componendi controversias omnes de præcedentia, quæ persæpe maximo cum scandalo oriuntur inter Ecclesiasticas personas tam seculares, quam Regulares, cum in Processionibus publicis, tum in iis, quæ fiunt in tumultandis defuncto um corporibus, & deferenda umbella, remota omni appellatione, & non obstantibus quibuscunque.

XXIX. Statuit ibidem sancta Synodus, ut exempti omnes tam Clerici seculares, quam Regulares quicumque, etiam Monachi, ad publicas Processiones ab Episcopo vocati, accedere compellantur. Quod fieri posse censuit sacra Congregatio, etiam compellendo eos per pœnas, vel Censuras Ecclesiasticas; nec eo casu absolvi posse a suis Superioribus, qui sunt excommunicationis ab homine, quarum absolutio petenda est a Judicibus, qui eas tulerunt, vel a summo Pontifice. Excipit tantum sacra Synodus a publicarum Processionum officio Monachos, qui in strictiori clausura perpetuo vivunt.

XXX. Regularis non subditi Episcopo, qui intra claustra Monasterii degit, & extra ea ita notorie deliquerit, ut populo scandalo sit, Episcopo inistente, a Superiore intra tempus ab Episcopo præsidendum severe puniatur, ac de punitione Episcopum certiore faciat. Sin minus, a suo Superiore officio privetur, & delinquens ab Episcopo puniri possit. Ita statuit idem verbis Concilium Tridentinum Sessioe xxv. *De Regularibus*, cap. xiv. idemque decrevit Clemens VIII. Constitutione edita 18. Martii 1596. ac insuper statuit, ut si Superior ille delinquentem ad aliam Dioecesim transferat, postulante Episcopo intra terminum ab eo præscribendum, ad locum, in quo delinquit, illum revocare teneatur: alioquin Ordinarius loci, ad quem Regularis delinquens transfusus fuerit, ab Ordinario loci, ubi delictum commissum est, rogatus, vel alias de delicto certior factus tanquam Sedis Apostolicæ Delegatus Decretum Concilii exequi, & illum punire possit, ac debeat. Regularem vero extra claustra delinquentem sacra Congregatio declaravit, etiam cum in Ecclesia Monasterii delinquit, nisi clausis januis, & solis Regularibus in ea existentibus delictum sit commissum. Ceterum cum extra claustra delinquit, statim remittendum esse ad suum Superiorem una cum inquisitionibus, & probationibus, si quæ sint, sacra Congregatio declaravit.

XXXI. Ejusdem Sessionis cap. xvi. irritæ declarantur renunciaciones, & obligationes quælibet Novitiorum, etiam in favorem cuiuscunque causæ piæ, nisi fiant cum licentia Episcopi, aut ejus Vicarii Generalis infra duos menses ante Professionem.

XXXII. Statuitur ibidem, ut Novitii a Monasterio ante professionem abeuntibus, & habitum regularem dimittentibus, omnia restituantur, quæ sua erant. Idque ut recte fiat, Episcopum etiam per censuras Ecclesiasticas si opus fuerit, compellat.

XXXIII. Sancta Synodus Sessionis ejusdem xxv. *De Regularibus*, cap. xvii. statuit, ut si puella, quæ habitum regularem suscipere voluerit, major duodecim annis sit, non ante eum suscipiat, nec postea ipsa, vel alia Professionem emittat, quam exploraverit Episcopus, vel eo absente, aut impedito, ejus Vicarius, vel aliquis eorum sumptibus ab eis deputatus, virginis voluntatem diligenter, an coacta, an seducta sit, an sciat quid agat: & si voluntas ejus pia, ac libera cognita fuerit, habueritque conditiones requisitas juxta Monasterii illius, & Ordinis regulam, nec non Monasterium fuerit idoneum, libere ei profiteri liceat. Cujus Professionis tempus, ne Episcopus ignoret, teneatur præfecta Monasterio eum ante mensem certiore facere. Quod si præfecta certiore Episcopum non fecerit, quandiu Episcopo videbitur, ab Officio suspensa sit.

XXXIV. Ordinarius debet adhiberi una cum Superiore Regulari in judicio de nullitate Professionis (ex Concilio Tridentino Sessioe xxv. *De regularibus*, cap. xix.) si ve professus vota sua irrita esse contendat, five Ordo illum tanquam non professum expellere velit, ut declaravit sacra Congregatio Concilii. De nullitate tamen Professionis, ex eo quod tacta non fuerit in Conventu pro Novitiatu designato juxta Decreta Clementis VIII. & Urbani VIII. iudicare non potest Episcopus nisi ex speciali Sedis Apostolicæ mandato, sub pœna Interdicti: Abbas vero, seu Prelatus Regularis sub pœna excommunicationis; sed hujus causæ cognitio Sedi Apostolicæ

chialis annexa est. Regulares hujusmodi curæ præfici non possunt sine consensu, & examine Episcopi. Exceptio.

Regulares publicare, & servare tenentur Censuras, & interdicta Ecclesiastica ab Episcopis promulgata. Festos dies ab Episcopis præceptos servare tenentur Regulares. Controversias de præcedentia componere potest Episcopus.

Regulares exempti ad publicas Processiones ab Episcopo vocati, adesse tenentur. Punio Regularium extra claustra delinquentium.

Renunciaciones, & obligationes Novitiorum cum licentia Episcopi.

Puella ante susceptionem veli, & Professionem ab Episcopo examinanda.

Judicium de nullitate Professionis, qua ratione ad Episcopum pertinet.

Regularium ob notorium delictum excommunicationis publicae denuntiatio. Regulares in personam Episcoporum delinquentes, & eorum jurisdictionem turbantes, ab illis puniri possunt. Alias ix. quæ autem. 33. erat. nunc 46.

est reservata, ut declaravit sacra Congregatio Concilii, approbante Urbano VIII. die 5. Januarii 1636.

XXXV. Regulares, qui ob notorium delictum in excommunicationem incurrerunt, Episcopus publice excommunicatos denunciare potest, ut ab aliis videntur, ut declaravit sacra Congregatio Concilii.

XXXVI. Regulares, etiam S. Joannis Hierosolymitani, qui in personam Episcoporum delinquant, ipsorumque jurisdictionem turbant, aut illos impediunt, ne munus suum exequantur, idem Ordinarii legitime coercere, & punire possunt; incidentique in excommunicationem latam in Bulla Coenæ Domini, ut declaravit sacra Congregatio Concilii, cujus sententia a Gregorio XIII. probata est.

Hi sunt casus, & negotiorum species præcipuæ, in quibus Episcoporum jurisdictio in Regulares extenditur, immunitatibus, sive exemptionibus, ac privilegiis nequicquam prohibentibus Vale, meque tui semper observantissimum habeto.

Luceiæ Parisiorum.

EPISTOLA XXXIII.

Episcopus promovere non potest ad sacros Ordines juvenem in suo Seminario institutum, eo sola titulo, quod patrem divitem habeat, cujus aliquando heres erit.

ILLUSTRISSIMO PRÆSULI ***

Jubet amplitudo tuæ, ut sententiam dicam de questione, quam proponit. Juvenem habet in suo Seminario optimæ indolis, annos viginti duos natum, Philotheticis, ac Theologicis disciplinis instructum, moribus optimis præditum, a Deo vocatum ad Sacerdotium. Patrem habet divitem, qui filium unicuique vitæ secularis, connubique vinculis illigare velit; ideo bonorum patrimoniorum congruum, sufficientemque portionem filio in Titulum non vult assignare. Queris utrum illum nihilominus ad sacros Ordines promovere possis, nullo prius ipsi collato beneficio, cuius ad Titulum ordinetur cum certum sit, illum in patris bona successurum? Pareo iussioni amplitudinis tuæ.

Clericum illum promovere non debes, nec jure potes, nisi beneficium Ecclesiasticum ad sustentationem sufficiens ipsi contuleris. Ad Titulum enim patrimonii non potest ordinari, cui nulla bonorum patrimoniorum portio assignata est; siquidem perfectum prius esse debet Episcopo, patrimonium vel pensionem ab eo, qui ad sacros Ordines promovendus est, vere obtineri, & ad vitam congrue sustentandam sufficere, ex Trident. Concilii Decreto. Statuit præterea sancta Synodus, ut patrimonium illud, vel pensio in Titulum Clerico promovendo assignata, alienari, extinguatur, aut remitti non possit sine licentia Episcopi: quod cavere non potest de bonis, quæ actu non possidentur, sed spe duntaxat, & jure ad paternam hereditatem. *Patrimonium vero (inquit Concilium) vel pensionem obtinentes ordinari post hæc non possunt nisi illi, quos Episcopus judicaverit assensuros pro necessitate, vel commoditate Ecclesiarum suarum: eo quoque prius inspecto, PATRIMONIUM ILLUD, VEL PENSIONEM VERE AB EIS OBTINERI, taliaque esse, quæ eis ad vitam sustentandam satis sint; atque illa diuinceps sine licentia Episcopi alienari, aut extinguatur, vel remitti nullatenus possint, donec Beneficium Ecclesiasticum sufficiens sine adepti, vel aliunde habeant, unde vivere possint; antiquorum Canonum penam super his innovando.* Hoc sacre Synodi Decreto reicitor manifeste Tancredi, Hostiensis, Imolæ, & Decii opinio, Clericum posse ad sacros Ordines promovendi, si patrem habeat divitem, nec Ordinatore penam Canonum antiquorum obnoxium esse, idest ad alimenta sic ordinato subministranda, vel conferendum illi Beneficium Ecclesiasticum sufficiens, teneri, quia ad Titulum patrimonii tacite ordinatus censetur. Hæc, inquam, opinio reicitor, quandoquidem, ut recte observat Fagnanus in cap. *Episcopus*, Extra, *De Præbendis*, patrimonium patris non est patrimonium filii vere, sed interpretative, seu per quamdam juris fictionem, secundum quam pater & filius censentur una, & eadem persona. At ex Concilio huiusmodi præsumptio, sed fictio non sufficit; sed exigitur, ut promovendus patrimonium illud vere obtineat; obtinere autem non dicitur, qui actionem habet, vel ius ad rem, sed qui habet ius in re, & legitime possidet. Et adverbium illud, *vere*, fuit oppositum a Concilio ad huiusmodi fictiones excludendas. Præsertim vero quia Concilium paulo post adiecit, ut patrimonium illud deinceps sine licentia Episcopi alienari non possit: quæ verba non conveniunt nisi bonis vere assignatis in Titulum, non autem bonis paternis, quorum pater habet liberam dispositionem. Amplitudini tuæ prospera omnia a Deo adprecor. Vale mihiq; tui observantissimo benedicas.

Luceiæ Parisiorum.

an juvenis ex parentibus Calvinianis in Gallia genitus, qui post Edicti Nannetensis abrogationem in heresi pertinaciter manserunt, & in Angliam transfugerunt, ad Ordines, & Beneficia sine Pontificia dispensatione promoveri possit?

CLARISSIMO VIRO ***

Sententiam meam rogas, VIR CLARISSIME, de juvene ex parentibus Calvinistis nato, qui post Edicti Nannetensis abrogationem a Christianissimo Rege, in heresi pertinaciter manserunt, & in Angliam transtulerunt. Juvenis iste (ut scribis) optat in Clerum cooptari, & per Ordinem Ecclesiasticorum gradus ad Sacerdotium suo tempore promoveri. Catholicæ fidei probata integritas, & firmitas, probitas morum, litteraturæ sufficientia ipsi suffragantur; Titulus patrimonialis non suppetit; vellet Episcopus ipsi providere collatione beneficii. Quæris quid facto sit opus. Utrum sit irregularis, Ordinumque, & Beneficiorum Ecclesiasticorum ob præcedentem suam, & parentum hæresim incapax? Et si res ita se habet, utrum cum illo dispensare possit Episcopus, aut necessaria sit Summi Pontificis dispensatio?

Non te latet, Vir Clarissime, quam antiqua sit hominum, qui olim hæretici fuerunt, irregularitas. Hujus irregularitatis testis est Ilberitana Synodus Canone 51. Testis S. Aug. 43. alias 162. finis variis in locis Operum suorum contra Donatistas, cum quibus tamen dispensatum est a Melchiade Summo Pontifice, & ab aliis Episcopis, ut extra Ecclesiam ordinati, ad eam redeuntes in suis Ordinibus susciperentur. Testis Nicæna Synodus, quæ cum solis Novatianis dispensavit Canone Octavo. Legem firmavit Innocentius I. dispensationem a Nicæna Concilio Novatianæ sectæ Clericis ad Ecclesiam redeuntibus concessam, ad aliarum hæresum Clericos non pertinere declarans, Epistola xxii. Cap. vi. iis, qui ex parentibus Donatistis nati erant, & in ea secta baptizati, dispensationem, ut ad sacros Ordines promoverentur, concedere proprio arbitrio, & auctoritate noluerunt Africanæ Ecclesiæ Episcopi, sed ea de re ad Siricius Pontificem Maximum scripserunt, & ad Simplicianum Mediolanensem Episcopum, ut constat ex Concilio Africano, ferè potius ex collectione variorum Canonum Ecclesiæ Africanæ, Canonibus 14. & 24. *Tantum* (inquiunt Africani Patres) *de his, qui infantes baptizati sunt, Jagragimus, ut nosse, si placeat, in eisdem ordinandis consentiant voluntati.* Equum scilicet videbatur, ut eos, qui parvuli baptizati erant apud Donatistas nondum scire valentes erroris eorum interitum, & compotes rationis facti, agnita veritate, ad Ecclesiam Catholicam animo sincero conversi, & per manus impositionem recepti erant, ad Clericatum suscipiendum non impediret nomen erroris, præsertim in tanta rerum necessitate. Testes sunt ejusdem irregularitatis S. Athanasius in Epistola ad Rufinianum: S. Hieronymus in Dialogo adversus Luciferianos: S. Leo Epistola 14. alias 3. Cum iis tamen, qui Professionibus plenissime scriptis pristinorum errores ejurassent, & hæreses condemnaissent, S. Leo dispensavit, ut sacris Ordinibus initiarentur, Epistola 109. alias 71. Cum Nestorianis dispensavit S. Gregorius, ut servatis propriis Ordinibus in Catholicam Ecclesiam reciperentur. (Lib. ix. Epist. lxi.) Agapetus Papa ex Arianis ad Ecclesiam redeuntibus, quolibet modo, in qualibet ætate, illius pestilentie labe pollutos, a Clericatu exclusit, ut erubescerent aliud magis querere, quam redire. (Epist. ii.) Cum Clericis Arianis sincere conversis, & dignam vitam morum, & actuum probitate custodiuntibus, dispensandum decrevere Concilia, Aurelianense 1. Canone 10. & Casaraugustanum. Nicolaus III. Constitutione in Romano Bullario edita, Alexander Quartus cap. *Quicumque*. Innocentius Quartus, & Bonifacius VIII. cap. *Statutum*, Tit. *De Hæreticis*, in Sexto, Filios & nepotes Hæreticorum irregulares declarant, & beneficiorum incapaces. *Statutum* felicis recordationis Innocentii, & Alexandri prædecessorum nostrorum (inquit Bonifacius VIII.) *ne videlicet heretici, credentes, receptatores, defensores, & fautores eorum, ipsorumque filii usque ad secundam generationem, ad aliquod Beneficium Ecclesiasticum, seu publicum Officium admittantur; quod si secus factum fuerit, sit irritum, & inane: primum, & secundum gradum per paternam lineam comprehendere declaramus: per matrem vero ad primum duntaxat hoc volumus extendi. Hoc Jane de filiis, & nepotibus hereticorum, credentium, & aliorum hujusmodi, qui tales esse, vel etiam tales decessisse probantur, intelligendum esse videtur: non autem illos, quos emendatos esse consiverit, & reincorporatos Ecclesiæ unitati, & pro culpa hujusmodi ad mandatum Ecclesiæ Penitentiam recepisse: quam ipsi, vel iam perfecti, vel humiliter persecutioni ejus insistant, vel parati fuerint ad recipiendam eandem. Solam irregularitatem ad Beneficia, non ad Ordines, Decretales illæ Pontificum exprimunt. Irregularitas tamen, quæ homines olim hæreticos, & filios hæreticorum, incapaces Ordinationum sacrarum efficit secundum veterem disciplinam, sublata non est jure novo: maxime cum infames arceantur a Clero, & infamia committetur hæresim, ut Navarius, & omnis Canonistarum natio testatur. In illis quidem regionibus, in quibus illa disciplina consuetudine contraria abrogata est, & hæretici tolerantur, ut in Germania, & olim in Gallia ante Nannetensis Edicti revocationem, hæreticos post conversionem irregulares non manere, & multo minus eorum filios, plerique casuum conscientie arbitrio cessant.*

Verum

* Sayrus lib.

6. de Censuris cap. 10.
Heriquez lib. 14. c. 7.
n. 4. Tanne-
rus lib. 1. de
Fide q. 8.
dub. 6. n. 122.

Bonacina
disp. del. reg.
q. 3. punct. 7.
propof. 2. n.
9. & alii.
Const. 2. in
bull. Rom.
Tom. 1.

Verum cum post Nannetenſis Ediſſi abrogationem hæretici non amplius in Galliis tollerentur, hæretici antea Regis Ediſſi a publicis Officiis excluſi eſſent, infamiam ex eo tempore hæreſis proſeſſioni adjunctam in hoc Regno, & omnibus Regis Chriſtianitati ditionibus conſtat; adeoque irregulares eſſe, & incapaces non modo beneficiorum, ſed Ordinum Eccleſiaſticorum hæreticos, etiam poſt converſionem; eamque irregularitatem ab illorum filiis eſſe contractam cum infamia juris. De illa porro irregularitate mihi videtur diſpenſare non poſſe Episcopum. Beneficiorum namque collationem hujusmodi hominibus factam Nicolaus III. Conſtitutione ſua irritam declaravit. *Hæretici autem (inquit) receptores, deſervientes, & favoretes eorum, ipſorumque filii uſque ad ſecundam generationem, ad nulum Eccleſiaſticum beneficium, ſeu Officium admittantur: quod ſi ſcūs actum fuerit, decernimus irritum, & inane. Nos enim prædictos ex nunc privamus beneficiis acquiſitis, volentes, ut tales & habitis perpetuo careant, & ad alia ſimilia nequaquam poſteſterum admittantur.*

„ Ea de re olim controverſam contigide in Rota reſert Fagnanus, & re ad Clementem
„ VIII. Pontificem Maximum delata die 3. Novembris anni 1594. Sanctiſſimum in Generali
„ congregatione ſanctæ Inquiſitionis propoſito articulo, conſultiſque Cardinalibus, & reliquis
„ Prælatiſ Conſultoribus, qui præſentes aderant auditique Cardinalibus Inquiſitoribus ſenioribus, affirmantibus non eſſe Inquiſitionis uſu receptam doctrinam aſſerentium, filios hæreticorum præter parentum hæreſim privari beneficiis habitis: cenſuiſſe hanc opinionem
„ tanquam mitiorem fore amplectendam: & iterum referente D. Juſto die 23. Decembris
„ immediate ſequentis, Sanctitatem ſuam dixiſſe, ſe allocutum fuiſſe Congregationem ſanctæ
„ Inquiſitionis, & reperiſſe ſanctum Officium ſervare opinionem negativam tanquam benigniorem, & idcirco non eſſe locum diſputationi. Sed poſtea die 6. Martii 1598. dubio exa-
„ ctiſſime diſcuſſo, de mandato Sanctiſſimi Rotam declaraviſſe filios hæreticorum eſſe priva-
„ tos ipſo jure beneficiis, & penſionibus, etiam ante delictum obtentis, ſeu reſervatis: &
„ hanc opinionem dixiſſe eſſe veriorē de jure, & communiter receptam, eamque probari ex
„ pluribus Romanorum Pontificum Conſtitutionibus, nempe Innocentii Quarti, Alexandri
„ Quarti, & præcipua ex illa Nicolai III. Reſert Fagnanus in t. P. Libri v. Decretalium,
„ Tit. De Hæreticis, ad cap. *Vergentis*.

Quærit ibidem Vir Juris Canonici conſultiſſimus, utrum Episcopum poſſit diſpenſare cum filiis hæreticorum ad Officia, & beneficia Eccleſiaſtica? Quæſtioni hunc in modum reſpondet:
„ Cum explorati ſit juris hæreticorum filios nec ad Beneficia Eccleſiaſtica, nec ad Officia,
„ vel Honores admitti debere, cap. *Quicumque*, Tit. De Hæreticis in Sexto; non videtur Episcopum habere facultatem cum eis diſpenſandi. Primo quia cum textus dicti capitis contineat
„ decretum irritans; *Quod ſi ſecus actum fuerit, decernimus irritum, & inane*: ſequitur, ut
„ Episcopum diſpenſare non poſſit. Nam etiam in adulterio, & minoribus criminibus Episcopum
„ non poſſet diſpenſare, quando leges, vel canones prohibentes annullant actum factum
„ contra prohibitionem. Deinde, quia Nicolaus III. in conſtitutione ſuperius relata ſtatuit, ut
„ hæretici, eorumque filii uſque ad ſecundam generationem beneficiis habitis perpetuo careant,
„ & ad alia ſimilia nequaquam poſteſterum admittantur. Quibus verbis cenſetur adempta Episcopis diſpenſandi facultas, ut notat Gloſſa in cap. *Cupientes*, §. *Ceterum*, verbo *perpetuo*,
„ Tit. De Eleſtionibus, in Sexto. Denique cum filii hæreticorum, qui læſerunt Majeſtatem
„ divinam, non minus videantur infames, quam filii conſpirantium adverſus Principem: infamia hujusmodi per ſolum Principem, ſive Summum Pontificem aboleri poſſet, non per Episcopum. Hæc Fagnanus.

His omnibus perpenſis, cenſerem, juvenem, de quo ſententiam meam rogas, eſſe irregularem; nec Beneficiorum tantum, ſed Ordinum omnium Eccleſiaſticorum, & Clericatus incapacem ob præcedentem ſuam, & parentum ſuorum in Calvinismo pertinaciam hæreſim. Episcopum cum illo diſpenſare non poſſe: ſed Summo Pontifici ſupplicandum, ut juveni, cuius optimas dotes, fideique Catholicæ firmam integritatem, ac morum probitatem Episcopum probavit, Sanctitas ſua gratiam faciat, & canonicum impedimentum auctoritate ſua auferat. Si tamen uſu ſit receptum, ut Gallicani Episcopi, etiam num poſt Ediſſi Nannetenſis abrogationem diſpenſent cum hominibus ab hæreſi converſis, & cum filiis hæreticorum pertinacium, ut ad Ordines Eccleſiaſticos, & Beneficia promoveantur: Reverendiſſimus, & Religioſiſſimus Episcopum R. receptum in Eccleſia Gallicana uſum, ſi ita ipſi videbitur, ſequi poterit. Vale, miſque in ſacroſancto Altaris Sacrificio memineris. Vale.

Lutetie Pariſorum.

Alias XVIII.
quæ autem
35. erat,
nunc 46.

EPISTOLA XXXV.

Solutio dubiorum circa materiam Irregularitatum.

CLARISSIMO VIRO ***

Ubi quædam circa materiam Irregularitatum mihi proponis, eorumque ſolutionem rogas. Id officiū tibi libenter impendam.

Du-

Dubium I. Martinus Presbyter, cum audisset, Jacobum laicum quadam soluta ipsius Martini nepte abuti, & concubina nocte domum ejus ingressum, tenebrarum negotium peragere armatus ipse, aliisque consanguineis pariter armatis comitatus ad domum dictæ neptis accessit, intentione compellendi Jacobum, ut matrimonium cum illa contraheret, non ut illum occideret. Verum statim ac Jacobus audivit fores pulsare, se in aream domus e fenestra præcipitem egi, subitoque exanimatus est. Quæris, utrum Martinus sit Irregularis?

Dubium II. Joannes Subdiaconus cum noctu ad mulierem conjugatam accessisset de absentia viri certior factus, vir improvise casu rediens uxorem in flagitio deprehensam occidit, cum adulter evasisset. Quæris, an Joannes sit Irregularis, ita ut acta penitentia, ad superiores Ordines sine Pontificia dispensatione ascendere non possit?

Dubium III. Petrus Presbyter, Parochus S. Nicolai de *** iter agens, ad hospitium diverfit, in quo tres laici post multam computationem rixati ensibus districtis digladiati sunt, unusque ex eis cæsus est, Petro Presbytero præsentem quidem, sed diffusam, & ad concordiam adhortante, verumtamen nihil aliud agente, quia metu correptus, & viribus suis diffidens, tres in mutuum furentes perniciem solus ipse cohibere non potuit. Quæris, an sit Irregularis hoc ipso, quod homicidio intertuit, quamvis homicidæ testificati sint illum criminis conscium nullatenus fuisse? Quæris insuper, utrum Episcopus illum a sacris functionibus prohibere debeat; & Vicarium Ecclesiæ Parochiali, cujus Rector est, ejus sumptibus alendum præficere, donec dispensationem a Summo Pontifice obtinuerit.

Dubium IV. Robertus Clericus ascendit campanile in vigilia Festi solemnis, & dum fune una manu apprehenso, altera campanam crebro pulsaret, animadvertens campanam dimoveri, e tabula, cui infidebat, descendit, funem sursum traxit: dum autem attraheret, perensit funem gravi pondere onustum; sed tamen trahere perrexit, & alligavit trabi, ne campanas ad modulus pulsando, a quoquam impediri posset. Festivo sonitu finito, e campanili descendens, reperit puerum moribundum subtus fanem campanæ, qui fe cannabi appenderat, ut pueri ludendo solent, & usque ad torcicem elatus, casuque cæsus fuerat. Quæris utrum Robertus Clericus sit Irregularis?

Dubium V. Alfonsus Abbas mandavit famulis, ut hominem rusticum in ejus agris, aut nemore cum catapulta frequenter venationi indulgentem fuisse verberarent, prohibitione tamen addita, ne mutilarent: vel occiderent. Famuli herilis mandati fines prætergressi, rusticum examarunt, propriæque catapultæ cornu in caput ejus impactum, occiderunt. Quæris, utrum Alfonsus Abbas sit Irregularis ea irregularitate, quæ ex homicidio voluntario oritur, adeo ut a sacris Ministeriis, & ascensu ad majores Ordines, Beneficiis, & Officiis Ecclesiasticis in perpetuum exclusus, abque ullaspe dispensationis manere debeat, secundum Tridentini Concilii Decretum Sessione XIV. cap. VII.

Dubium VI. Sacerdos quidam ruralis ad exquirenda vasa stannea, & pateras argenteas in puteum a fure projectas, eo demisit adolescentem tunc novo, ac forti colligatum, eumque appensum sustentabat, donec pateras, & vasa expiscaretur; accidit ut funis, quore putei refricabatur, dum adolescens sensum extrahebatur onustus, dirumperetur; qui in aquam volu, farcinæque pondere ruens, suffocatus est. Quæris, utrum Sacerdos ille, quem rei illicitæ operam non dedisse constat, ob homicidium omnino fortuitum Irregularis evaserit?

Ad primum respondeo, Martinum Irregularem non esse, quia proxima causa non fuit, cur Jacobus e fenestra se præcipitem daret. Venerat, non ut occideret, sed ut terreret; atque ad neptem, quam seduxerat ducendam compelleret: ille apprehendi metuens, nec inveniens exitum, qua fugeret, e fenestra proflire voluit in aream, ac mortem sibi demens conscivit, cui nullatenus cooperatus est Martinus, in cameram, ubi erat cum ejus nepte, nondum ingressus. Irregularitatem in simili specie Clericum non contraxisse censuit sacra Congregatio Concilii Tridentini Interpres die 29. Novembris anno secundo supra millesimum sexcentesium, tulta cap. Exhibita, Ext. De Homicidio, cujus hæc sunt verba: Exhibita nobis f. Clerici confesso; quod cum in puerili esset constitutus ætate, cum quibusdam coetaneis suis ludens, & sequens unum ex illis, lapidem post eum, non animo ledendi, sed timore incutiendi projecit: qui licet ex projecto lapide percussus non fuerit, neque tactus, ad alium tandem lapidem corruens, & caput offendens, tum propter imperisiam medicantis, tum propter patris incuriam, qui laboribus, & sudoribus ipsum exposuit, expiravit. Quia vero dictus Clericus, ut mitigaretur dolor patris defuncti, veniam super hoc postulavit ab ipso, tu cum a sacrorum Ordinum suspensione repelli: quamquam idem defuncti pater in extremis laborans, tibi, & Presbytero, cui suam aperuit conscientiam, confessus fueris, & præstito firmaveris juramento, nihil ipsum in morte filii sui (prout sibi confiteretur) commississe. Quare idem Clericus postulavit a nobis, ut eum de illius obitu letam non habeat conscientiam, dignavemur agere nosterque cum eodem. Quocirca mandamus, quatenus si constiterit ita esse, ipsum propter hoc a receptione sacrorum Ordinum non repellas.

Ad secundum respondeo, Joannem Subdiaconum irregularem non esse, quamvis rei illicitæ operam daret; quia mortis, quam maritus adulteræ uxori intulit proxima causa non fuit, nec furtiva ejus libido tendebat ad eadem, quæ omnino ex accidenti consecuta est. Ita censuit in simili specie sacra Congregatio Concilii die trigesima Julii, anno millesimo sexcentesimo decimo, ut referat Fagnanus in cap. De cetero, Ext. De Homicidio. Ceterum si adulterium ejus no-

rum sit, ad altiores Ordines non est admittendus ob infamiam criminis, & ob scandalum. Sed & si occultum fuerit, ad sacros tamen Diaconatus, & Presbyteratus Ordines accedere Joannes non debet, nisi acta diu penitentia, siue in Monasterio vitam Religiosam prolesus, siue in Seminario, secundum prudentis, & pii Directoris consilium: quamvis ex occulto illo crimine irregularis non fuerit.

Ad tertium respondeo, Petrum Presbyterum in ea specie irregularitatem non contraxisse, siquidem nullatenus participes criminis fuit; non ope, non consilio, non mandato, nec silentio quidem occasionem homicidii dedit; imo rixantes ad pacem hortatus est, pugnam, & cædem dissuasi quantum in ipso erat, proindeque illi non convenit hoc Juris effectum, cap. *Sicut dignum*, Extra, De Homicidio, quod Alexandri III. responsum est: *Nec caret scrupulo forisæis occulte, qui manifeste facinorosi desens obviare*. Quamvis porro Speculator Tit. De dispensat. §. juxta, num. 56. Tabiena in verbo *Irregularitas*, 2. num. 31. & Majolus De Irregular. Lib. 5. Cap. 48. §. 5. num. 1. asserant, ad Irregularitatem contrahendam satis esse, ut aliquis interfuerit homicidio, tamen non percusserit; non tamen intelligendi sunt de eo, qui casu reperitur in loco, ubi homicidium perpetratur, sed eo, qui homicidiam comitatur, ut ipsum defendat, si necessitas postulet; vel ipsum non prohibet a cæde, cum possit; vel certe illum præsentia sua reddit audaciorem, & tortiorem, cum ejus adversarii comitatum magis timeant, quam solum. At in proposito specie nihil hujusmodi occurrit: itaque Petrus Presbyter Irregularitatem non contraxit, ut colligitur ex Canone, Si quatuor, Causa xxiii. Quæst. viii. Can. 33. Si quatuor, aut quinque homines, seu etiam plures contra unum hominem rixati fuerint, & ab his vulneratus mortuus fuerit, quicumque eorum plagam ei imposuit, secundum statutum Canonum, ut homicidia judicetur; reliqui autem, qui cum impugnabant, volentes eum interficere, similiter puniuntur; qui vero, nec eum impugnabant, nec vulnerabant, nec consilio, nec auxilio cooperatores fuerunt, sed tantum adfuerunt, extra noxam sunt. Aliud tulit iudicium Alexander III. de Presbytero, qui in quodam conspectu studiose præsens fuerat, quamvis ab illorum partibus staret, qui violentiam repellebant; & lapides ipse proiecerat, quamvis neminem percussisset: quia tamen in illo conspectu homicidia per alios perpetrata fuerant Presbyterum illum, ad exemplum quo Clerici a præsentia hujusmodi conflictibus exhibenda detererent, a celebratione Missarum per biennium suspendit, cap. *Presentium*, Ext. De Clerico percussore. Sed alia longe causa est Petri Presbyteri, qui casu fuit in eodem hospitio, in quod ebrii rixati sunt, & in mutuam cædem enses distrinxerunt: illique pugnam, & cædem frustra dissuasi, nec eorum furorem sedare, aut impetum, ac violentiam cohibere potuit. Quamobrem Episcopus inquisitione facta per suum Officiale, & comperta facti, prout propositum est, veritate, illum suo ministerio fungi, & Parochiam regere sinat: siquidem, etsi res dubia videretur, in foro tamen contentioso *Pæne legum interpretationes molliende sunt potius, quam exasperande*, ut dicitur Canone *Pæne*. Dist. 1. De Penitentia: & In pænis benignior est interpretatio faciendi, secundum regulam Juris in Sexto.

Ad quartum respondeo, Clericum, qui campanas pulsabat in campanili, in casu proposito Irregularitatem contraxisse, quia debitam diligentiam non adhibuit: dum enim funem sursum trahens sentiebat ponderis gravitatem, advertere poterat, & debebat, puerum aliquem (ut fieri solet) esse illi appensum, & inde posse grave aliquod nocumentum contingere. Ita respondit in simili specie sacra Congregatio Concilii Tridentini Interpres; quæ tamen cum Clerico misericorditer agendum censuit eique dispensationem ad Ordines, & beneficia indulgentiam.

Ad quintum respondeo, Alfonso Abbate Irregularem quidem esse, quia iubens famulis, ut hominem rusticum fuste verberarent, homicidio causam dedisse videtur (cap. De cetero, Ext. De homicidio) sed non ea Irregularitate, quæ oritur ex homicidio voluntario, siquidem contra ejus intentionem, immo contra expressum illius mandatum, mors rustico illata est. Quamobrem ad sacrorum Ordinum, & Altaris ministerio, & Beneficia quæcumque ac dignitates iure dispensari cum ipso potest in forma præscripta a Concilio Tridentino, Sessio xiv. cap. vii. De Reformatione. Ita censuit in simili specie sacra Congregatio Concilii Interpres. Et cum postea dubitatum fuisset, an is, qui gravibus ab aliquo affectus injuriis, famulo manserit, ut illi in facie vulnus leve cassim intingeret, si mandatus iussione fines excedens pluribus mortiferis vulneribus illi necem intulerit, censetur incurrere in Irregularitatem proveniente ex homicidio voluntario: sacra Congregatio censuit non incurrere, sed in eam duntaxat, quæ oritur ex homicidio fortuito. In his igitur, & similibus casibus solus mandatus est Irregularis ex homicidio voluntario, non autem mandans, ejus præter intentionem homicidium perpetratum est, adeoque non est simpliciter volitum.

Ad sextum respondeo, illum quidem Sacerdotem rei illicitæ operam non dedisse, dum vasta fua in puteum a fure denerta extrahere satagebat: an vero ipi nihilominus imputanda sit mors adolescentis in puteum propterea demissi, quæ inde consecuta est, dubium videri potest. Non imputandam colligi posset ex cap. *Dilectus*, Ext. De homicidio, ubi dicitur, Clericum equo insidentem, qui disrupto fræno hominem præcurrentem interfecit, Irregularem factum non esse, quia nec rei illicitæ operam dedit, nec ulla ei is culpa præcessit; quia videlicet fragile frænum non adhibuerat, sed validum satis (inquit Bernardus vetus Canonista.) Pari ergo ratione Sacerdos ruralis, de quo in proposito specie, ex usantibus videtur, quandoquidem tunc novo, sanctique firmo adficientem constrinxerat. Idem confirmari videtur ex cap. *Incipit*

nam, sub eodem Titulo, cuius hæc sunt verba: Nos igitur attendentes, quod dicto Sacerdoti, qui dabat operam rei licite, nihil potuit imputari, si casus omnes fortuitos non prævidit, &c. Imputandum vero esse Presbytero illi rurali mortem adolescentis in puteum demissi inde suadet, quod ut in casibus fortuitis aliquis culpa careat, ne esse sit, ut omnia præstiterit, ac observaverit, quæ diligentissimus quisque observaturus, ac præstiturus fuisset, ut ait Jurisconsultus, L. si merces, D. Locati conducti, §. Qui columnam. Presbyter porro in proposita specie ea omnia non præstiterit, quæ diligentissimus quisque præstiterit, ac observasset; tum quia firmiorem funem adhibere debeat in tanto periculo; tum quia prævidere debebat adolescentem, qui sursum trahebatur onus periculo obijci, ne disrupto fune laberetur, & mergeretur, præstiterit cum funis esset unicus, & ore putei retraheretur. Sacerdos igitur ille videtur irregularis esse, cum Hostiensis, Joannes Andreas, alique celebres Canonici Juris Interpretes in cap. Significasti, t. Extra, De homicidio, culpam levissimam ad Irregularitatem sufficere censuerunt. Addiderim, forte etiam in illa specie intervenisse latam culpam, quia vehementior vasa in puteum demissa recuperandi cupiditas causa fuit, ne infelix adolescens cautius extraheretur. Unde ad hanc speciem applicari potest Alexandri III. responsum cap. Suscepimus, Extra, De homicidio, cuius hæc sunt verba: Quoniam expediebat potius post tunicam relinquere pallium, & verum sustinere iacturam, quam pro conservandis vilibus rebus, & transitoriis tamen acriser in alios exardescere, abstinere ista humiliter ab Altaris ministeria. In eam quidem sententiam magis propendeo, Sacerdotem illum ruralem, de quo agitur, Irregularem esse: sed esto res dubia sit, in dubio certe a sacris ministeriis, & Missarum celebratione abstinere debet, donec dispensationem obtinuerit, quia In dubiis semitam debemus eligere iustiorum, ut respondet Clemens III. Cap. Ad audientiam, Extra, De Homicidio. Vale, mei in sacrosancto Altaris Sacrificio memor.

Lutetia Parisiorum.

EPISTOLA XXXVI.

Solutio difficultatum quarundam circa Irregularitates occultas.

CLARISSIMO VIRO ***

Alias xix.
quæ autem
36. erat,
nunc 47.

Cum liceat Episcopis in Irregularitatibus omnibus, & suspensionibus ex delicto occulto provenientibus excepta ea, quæ oritur ex homicidio voluntario, aliisque deductis ad forum contentiosum pariter exceptis, dispensare, ex Concilio Tridentino Sessione xxiv. cap. vi. quæris a me, an delictum coram duobus, aut tribus testibus commissum, de quo tamen nullus rumor sparsus in vulgum est, cum testes sint Rei amici, ac secreti tenacissimi, dici possit occultum, ita ut in Irregularitate ex eo secuta dispensare possit Episcopus, aut a Censura ipsi annexa, Summoque reservata Pontifici absolvere? Quid si crimen solis complicibus notum sit, quamvis plurimi sint? Quid si deductum fuerit ad forum contentiosum, sed probari non poterit, ideoque Reus dimissus fuerit, & quodammodo absolutus?

De his questionibus ita censeo. De prima: Delictum coram duobus, aut tribus testibus commissum, non esse quidem notorium evidentia facti, forte, nec evidentia præsumptionis, sed tamen occultum non esse. Occultum enim proprie dicitur, quod probari non potest: verbaque Concilii secundum proprietatem sunt accipienda; delictum porro coram duobus, aut tribus testibus commissum probari iudice potest, non est igitur occultum. Quamobrem ab eo absolvere non potest Episcopus, si sit Apostolicæ Sedi reservatum; nec in Irregularitate ex eo secuta dispensare. Ita censuit sacra Congregatio Concilii, ut refert Fagnanus in cap. Vestra, Extra, De cohabitatione Clericorum, & mulierum, num. 127.

De secunda Questione sic censeo. Si crimen solis complicibus notum sit, adhuc occultum censendum est: siquidem testimonium eorum, qui socii sunt criminis, ius repellit, ut constat ex cap. Veniens, & cap. Personas, Extra, De testibus, & attestacionibus, & L. Quoniam Cod. De testibus, & ex cap. Cum Monasterium, Extra, De Confessis. In illa igitur specie potest Episcopus absolvere a crimine reservato Sedi Apostolicæ, & in Irregularitate ex eo secuta dispensare, modo deductum non sit ad forum contentiosum.

De tertia questione censeo. Posse Episcopum in illa specie pariter absolvere, & dispensare: quia ex quo crimen probari in iudicio non potuit, adhuc occultum manet. Si tamen causa criminis iudicio finita non sit, nec reus absolutus, vel simpliciter dimissus, sed relaxatus sub fideiussione de sistendo se, ac repræsentando, non potest Episcopus a crimine Sedi Apostolicæ reservato absolvere, aut in Irregularitate inde secuta dispensare: siquidem ad forum contentiosum deductum est, manetque ratio scandalii, nec absterfa est infamia. Unde Concilii Tridentini exceptio cap. vi. Sessionis xxiv. locum habet: Ex exceptis aliis deductis ad forum contentiosum. Ita sacram Congregationem Concilii Interpretem censuisse refert Fagnanus in cap. Vestra, Extra, de cohabitatione Clericorum, & mulierum, Vale, meque tui observantissimum Deo commenda.

Lutetia Parisiorum.

EPI-

EPISTOLA XXXVII.

Alias xx.
quæ autem
37. erat,
nunc 48.

Qui Duello pugnans hominem occidit, & postea vitam Religiosam solemniter professus est, ac sacros Ordines suscepit, & dispensatione super Irregularitate a Summo Pontifice non impetrata; Sacris operari non potest. . . . Qui Professionem suam nullam esse contendit, voce activa, & passiva gaudere non debet.

RELIGIOSO VIRO ***

Quæris a me, quid sentiam de conscientie casu, quem his fere verbis exponis, F. N. cum adhuc in sæculo viveret, duello pugnans hominem interfecit. Monasterium deinde ingressus vitamque religiosam professus, dispensatione super Irregularitate, quam per homicidium voluntarium contraxerat, a Summo Pontifice non impetrata, sacros omnes Ordines suscepit, eorumque functiones hæcenus exercuit. Is porro ante lapsum quinquennii a religiosa professione, contra illam reclamavit, canonicam non esse causatam, tum quia diebus aliquot ante probationis annum omnino expletum emissæ fuit, tum quia minis patris in illum irati ad evadendum coactus est. Rogas primo, utrum Religiosa Professio sublatum sit Irregularitatis impedimentum, ex hypothesi, quod valida fuerit Professio? Secundo, utrum sacris operari poterit post reclamationem suam iudice per Notarios publicos Superioribus significatam? Tertio, utrum voce activa, & passiva gaudere debeat, ex quo secundum formam juris declaravit Professionem suam nullam, & irritam esse.

Ad primam quæstionem respondeo, F. N. Irregularem fuisse ratione homicidii voluntarii, ut constet ex Jure Canonico, Tit. *De homicidio voluntario, & casuali*, & ex Concilio Tridentino Sessione xiv. cap. vii. *Cum etiam* (inquit) *qui per inlustriam occiderit proximum suum, & per insidias, ab Altari avelli debeat; qui sua voluntate homicidium perpetraverit, etiam si crimen id, nec ordine iudiciario probatum, nec alia ratione publicum, sed occultum fuerit, nullo tempore ad sacros Ordines promoveri possit; nec illi aliqua Ecclesiastica beneficia, etiam si curam non habeant animarum, conferri liceat; sed omni Ordine, & beneficio, & Officio Ecclesiastico perpetuo careat.*

Ad secundam quæstionem respondeo, Irregularitatem illum Religiosa Professio minime fuisse sublatam, quamvis Professio canonica, & legitima fuisset. Solam enim Irregularitatem ex natalium defectu proveniente tollit Religiosa Professio (cap. *Ut filius Presbyterorum*) quæ vero per homicidium voluntarium contrahitur, ne ab Episcopis quidem potest auferri, etiam si delictum sit occultum, multo minus a Prelatis Regularibus. *Licet Episcopis in Irregularitatibus omnibus, & suspensionibus ex delicto occulto provenientibus, excepta ea, quæ oritur ex homicidio voluntario, & exceptis aliis deductis ad forum contentiosum, dispensare.* Verba sunt Concilii Tridentini Sessione xxv. De Reformatione, cap. vi. Cum itaque F. N. Irregularitatis impedimento solutus non fuerit a Summo Pontifice, Irregularis permanit etiam post Religiosam Professionem, quamvis legitima, canonica, & valida tenuisset: adeoque graviter, ac lethaliter peccavit singulos Ordines sacros suscipiendo; & quoties eorum functiones exercuit. Tu vero, VIR RELIGIOSE, cui animæ ejus cura commissæ sunt, illi prohibere debes, ne Sacris operetur, servatis prudentiæ legibus: & si nota sit, vel iudicium probari possit Irregularitas, contumacem, & sacrilegum arcere debes via juris ab Altari, & ab omnibus Ordinum Ecclesiasticorum ministeriis, ne peccata illius tibi imputentur.

Ad tertiam quæstionem respondeo, F. N. voce activa, & passiva frui non debere, ex quo Professionem suam nullam, & irritam esse contestatus est, donec re iudicata constet illum legitime professum esse. Vocis enim activæ, & passivæ privilegium in electionibus, ex Professione Religiosa legitime, & canonicè facta consequitur. *Ex eo porro non debet quis fructum consequi, quod visus existit impugnare; ut habet Regula Juris xxxvi. in Sexto, Vale, Vir Religiose, meque Domino ad sanctum Altare commenda.*

Lucia Parisorum.

Alias xxv.
quæ autem
38. erat,
nunc 49.

EPISTOLA XXXVIII.

Regularis sine Summi Pontificis dispensatione, & Superiorum suorum licentia ad mitiorem Ordinem transiens, ibique sacros Ordines suscipiens, non est Irregularis.

RELIGIOSO VIRO ***

Litteris nuper ad me datis dubium proponis his verbis conceptum. F. Vincentius Ordinis Capuccinorum a suis Superioribus ab annis aliquot male habitus, & vexatus absque causa, ad Monasterium *** Cluniacensis Ordinis migravit, ibique se licentiam a Summo Pontifice habere jactans ad mitiorem Ordinem transeundi, rogante Abbate Commendatario cognato suo receptus est a Priore claustrali, & Monachis, absque Pontificii rescripti exhibitione. Peracto Novitia-

vitiatum anno profectus, sacros Ordines suscepit, Sacerdosque factus, celebravit per multos annos. Promotus deinde Innocentii XII. Pontificis Maximi Diplomate, quo apostatas omnes, & fugitivos ad suos Ordines, & Monasteria redeuntis recipi jubebat Sanctitas sua, penitus omnibus, quas defectione sua meruerant, clementer condonatis, dictus F. Vincentius ad Capuccinos rediit. Receptus a Fratribus a sacrorum Ordinum functionibus prohibitus est. Superiores hanc interdicti sui rationem asserbant, quod sacris Ordinibus in apostasia, & consequenter in statu excommunicationis susceptis, eorumque ministerio in eodem statu functus, Irregularis esset. Summum Pontificis dispensatione speciali ad sacra ministeria obeunda indigeret, secundum cap. *Consultationi*, Ext. *De Apostatis*, cujus hæc sunt verba: *Monachus aliquem sacrum Ordinem in apostasia recipiens, quantumlibet suo reconciliatus fuerit Abbati, & recipere penitentiam, absque dispensatione Romani Pontificis: ministrare non poterit in Ordine suo suscepto*. Meam de hac difficultate sententiam rogas; eam tibi aperire non moror.

Censeo F. Vincentium proprie apostatam non fuisse. Monachus enim proprie non dicitur apostata, nisi qui a religioso statu omnino deficit, dimissisque habitu, & excusso penitus obedientie iugo, ad sæculum redit. Qui vero a strictiori ad mitiorem, seu laxiorem Ordinem abque licentia & dispensatione transiunt, a statu religioso omnino non deficiunt, nec penitus excutunt obedientie iugum; nec dimittunt habitum regularem, sed mutant, votaue substantialia Religionis in Ordine laxiori renovant: Apostata igitur minime censendi sunt, nec proinde excommunicati. Sententia est celeberrimorum Canonici Juris Interpretum Innocentii IV. in cap. *Intelleximus* Ext. *De etate*, & *qualitatibus ordinandorum*: Joannis Andreae, ibidem: *Archidiaconi*, in Can. *Placuit*; Dist. 50. nu. 4. Abbatis: Antonii de Butrio: Joannis de Annania Lupi Alleg. 33. Ludovici Romani Consil. 341. Glossæ in cap. *Consultationi*, Ext. *De Apostatis*. Itaque Frater Vincentius post suam in Ordine Cluniacensi Professionem sacros Ordines suscipiens eorumque factus ministerio, in Irregularitatem non incurrit. Tametsi enim lethaler peccasset descendendo ab Ordine FF. Capuccinorum, & gravissimo rursus peccato se obstrinxisset decipiendo Superiorem, & Monachos Monasterii laxioris, & mendaciter asserendo se dispensationem transiendi ad mitiorem Ordinem a Summo Pontifice obtinuisse; ac proinde Professio illius in Ordine Cluniacensi canonica, & valida non esset, ideoque ad Capuccinos suos reddere teneretur rebus ita stantibus; excommunicatus tamen ob defectionem non erat. Quamobrem illi ad priorem Ordinem reverso Capuccinorum Superiores immerito interdixerunt sacrorum Ordinum functionibus, & divinorum celebratione Mysteriorum. Quod disertis verbis confirmat cap. *Ex parte Extra*, *De temporibus Ordinationum*, quod Innocentii III. responsum est Abbati, & Conventui Carlioli datum. *Ex parte vestra* (inquit) *nostro fuit Apostolatus reservatum: quod quidam Monachus vester se ad nigros Minachos transferens, & habitum eorum assumens, ad Sacerdotii Ordinem in ipso habitu est promotus: unde quia dubitasti, utrum in assumpto taliter Ordine ministrare debeat: mandamus, quatenus (nisi canonicum aliud obviet) ipsum Monachum officium Sacerdotis libere exequi permittatis*. Vale, Vir Religiose, meque Domio ad sanctum Altare commenda,

Lutetia Parisiorum.

EPISTOLA XXXIX.

Quamvis Episcopi subditos suos Clericos possint corrigere, & mores eorum reformare, appellatione quavis, & consuetudine non obstantibus, Clericus tamen ob suspicionem de mala familiaritate in carcerem Episcopalem deversus ad Metropolitanum appellare potuit.

Alias XIV. quæ autem 39. erat, nunc 26.

CLARISSIMO VIRO ***

Dum Illustrissimus Præsul *** sacram Diocesis suæ Visitationem obiret, Clericum de mala familiaritate cum muliercula quadam graviter, ut scribis, suspectum in carcerem Episcopalem detrudi iussit. Appellavit ille ad Metropolitanum, Metropolitanus eum a carcere solvi decrevit, causamque ad Tribunal suum traxit. Nullum fuisse appellationi locum existimas, secundum Tridentini Concilii Decreta, cum de morum correctione, & reformatione ageretur: proindeque Metropolitanum potestatis suæ fines excessisse. Meam ea de re sententiam rogas. Morem gero libens.

Episcopi subditos suos corrigere possunt, mores eorum reformare, appellatione quavis, & consuetudine non obstantibus. Ita statuit Lateranense Concilium Generale sub Innocentio III. cujus hæc sunt verba: *Irrefragabili constitutione sancimus, ut Ecclesiarum Prælati, ad corrigendos subditorum excessus, maxime Clericorum, & reformandos mores prudenter, ac diligenter intendant, ne sanguis eorum de suis manibus requiratur. Ut autem correctionis, & reformationis officium libere valeant exercere, decernimus, ut executionem ipsorum nulla consuetudo, vel appellatio valeat impedire, nisi formam in talibus excessivè observandam*.

Correctionem legitimam, ac morum reformationem Prælati Regularibus competere appellatione non obstante, constat ex cap. *Ad nostram*, Ext. *De Appellationibus*: multo magis igitur convenit Episcopis. Decretalis illa sic habet; *Quia vero remedium appellationis non*

ideo est inventum, ut alicui a Religionis, & Ordinis observantia exorbitanti debeat in sua nequissia parocinium exhibere: mandamus quatenus si quilibet subditiore eorum ad hanc appellationis convolvatur, non ideo minus eum, juxta tenorem mandati, quod in prædicta regula continetur, & institutionem Ordinis, corrigas, & castiges.

Et capit. Reprehensibilis, sub eodem titulo: Nec subiecti contra Disciplinam Ecclesiasticam in vocem appellationis erumpant. Præcipue vero hoc in Religiosis volumus observari, ne Religiosi, cum pro aliquo excessu fuerint corrigendi, contra regularem Prelati sui, & capituli disciplinam appellare presumant, sed humiliter, ac devote suscipiant, quod per juri sui cisma fuerit injunctum.

Itud disciplinæ caput confirmat sacra Synodus Tridentina Sessione xxii. cap. i. Nec appellatio (inquit) executionem hanc, quæ ad morum correctionem pertinet, suspendat. Et Sessio xxiv. cap. x. Nec his ubi de visitatione, & morum correctione agitur, exemptio, aut ulla inhibicio, appellatio; seu querela, etiam ad Sedem Apostolicam interposita, executionem eorum, quæ ab eis mandata, decreta, aut judicata fuerint, quoque modo impediatur, aut suspendatur.

Ex his sacri Concilii Decretis compertum est, appellationem, etiam in causis correctionis, & visitationis, ad effectum suspensivum locum non habere, nec executionem impedire: ad effectum tamen devolutivum in his etiam causis locum habet, modo definitiva, non ab interlocutoria appelletur. Quamquamque, & ab interlocutoria appellare licet, si sit irreparabile gravamen, quod appellationis iudicamentum est. Id confirmatur altero ejusdem Concilii Decreto, Sessio xii. cap. i. Cum igitur (inquit) rei criminum plerumque ad evitandas penas, & Episcoporum subterfugienda judicia, querelas, & gravamina simulant, & appellationis diffusio iudicis processum impediatur; ne remedium ad innocentie præsidium instituto, ad iniquitatis defensionem abutantur, atque, ut hujusmodi eorum calliditatis, & tergiversationis occurratur, ita statuit, & decrevit: In causis visitationis, & correctionis, seu habilitatis, & inhabilitatis, nec non criminalibus, ab Episcopo, seu illius in spiritualibus Vicario Generali, ante definitivam sententiam, ab interlocutoria, vel alio quocumque gravamine non appelletur: nec Episcopus, seu Vicarius appellationi hujusmodi, tanquam frivole deferre teneatur, sed ea, ac quæcumque inhibitione ab appellatione emanata, nec non omni stylo, & consuetudine, etiam immemorabili, contraria non obstante, ad ulteriora valeat procedere, nisi gravamen hujusmodi per definitivam sententiam reparari, vel ab ipsa definitiva appellari non possit; quibus casibus sacrorum antiquorum Canonum statuta illibata persistant. In causis igitur visitationis, & correctionis appellare licet post definitivam sententiam, vel antea, si gravamen sit irreparabile, devolutiva duntaxat, non suspensiva appellatione. Ita censuit sacra Congregatio Concilii Interpreter, ut Fagnanus refert in cap. Ad nostram, Ext. De appellationibus.

Jam ad speciem, de qua sententiam rogas meam, descendendo. Cum carcer infamæ notam inerat, & damnum interat quasi irreparabile, nec ad penitentiam duntaxat, & simplicem correctionem infligitur, sicut imperatur excessus in Seminarium, sed ad penam corporalem; Clericus ob suspicionem de mala familiaritate carceri a suo Episcopo addictus appellare potuit ad Metropolitanum, ejusque appellationi Illustrissimus Episcopus deterre debuit, & causam ad Metropolitanum remittere, reo tamen in carceribus interim manente donec Metropolitanus causa cognita aliud forte decrevisset. Ita sacram Congregationem Concilii Interpretem in pari causa ab Episcopo Brundusienſi ad illam delata judicasse refert Fagnanus in cap. Super ea, Ext. De appellationibus. Vale, meque tui observantissimum semper habes, precor.

Luscia Parisiorum.

EPISTOLA XL.

Alas xxii.
quæ autem
40. erat,
nunc 17.

Clericos urbanitatis specie mulieribus passim oscula libantes, post monitionem saluberrimam, severioribus remediis a licentia periculis plena cohibere potest, & debet Episcopus.

CLARISSIMO VIRO**

DE Clericis, qui passim mulieribus libant oscula, nec ab Episcopo suo moniti pravæ consuetudinis vitium emendant, patriæ morem, urbanitatis officium, benevolentie testimonium confanguineis, aut amicis iniquis solum ab honestis quibique viris prætexentes sententiam meam queris, utrum post monitionem iteratam, severioribus remediis hanc licentiam periculis plenam cohibere possit, & debeat Illustrissimus, & Religiosissimus Præsul? **

Cohibere posse, ac debere censeo; siquidem oscula mulieribus libata exitia sæpe, periculosa semper sunt castitati, quam sacrati homines profitentur. De his præclare San. Clemens Alexandrinus Lib. 3. Pedagogi cap. xi. Dilectio non in osculo censetur, sed in benevolentia. Illi autem nihil aliud osculo, quam Ecclesias consubans, cum ipsam non habeant intus amicitiam. Etenim hoc utique turpem movet suspensionem, & maledicentiam, quod imprudenter osculo uterentur, quod esse oportebat mysticum. Id sanctum vocavit Apostolus. Regno digne

deglutito, ore modesto, & clauso benevolentiam animi ostendamus, per quod maxime se exierit mansuetudo morum. Est aliud quoque osculum incoctum, veneno plenum, sanctissimam simulans. An nescitis, quod etiam phalangia si ore tantum tangant, graves dolores hominibus offerunt? Oscula autem impudicitiae sepe virus immittunt. Manifestum itaque nobis factum est, osculum non esse dilectionem. Dilectio enim est Dei. Haec autem dilectio Dei (inquit Iohannes) et mandata eius servemus, non ut nos invicem ore demulceamus.

Et San. Ildorus Pelusioti Libr. 4. Epist. cix. ad Fidelem Diaconum: *Quoniam (inquit) per litteras quaesivisti, quam ob causam postquam scriptum fuerat: „Qui ingreditur ad mulierem, nuptam, non innocens erit, dictum si praeterea, neque omnis tangens eam? Respondeo ingrediendi quidem verbum usurpasse Salomonem de coitu, secundum id quod dictum est a Sara, ad Abrahamum, „ Ingredere ad ancillam meam, & liberos ex ea procrea: tangendi autem, de osculis, & contructu. Quamquam enim ista, si cum coitu conferantur, peccata esse non videntur, verum tamen veritate iudicante ipsa quoque merito lapsus quidam censenda fuerint. Nam si curiosus aspectus adulterium esse iudicatus est a Christo, contructio certe pro adulterio multo magis iudicabitur. Quemadmodum enim imaginibus depictis color magis afficit spectatores, quam nuda lineamenta; sic etiam in corporibus comparatum est, ut tactus, quam visus maiorem movendi vim habeat. Si igitur aspectus, quamvis subtilior sensus sit, ac purior, condemnatus est tamen, non immerito tactus, ut qui sit crassior, atque impurior sensus, probibitus est.*

Præclare quidam veterum ait: Osculum pars adulterii est, criminis ostium, mortis initium, morsus diaboli, & artha peccati. Et si enim nondum in opere consummatur iniquitas, persecta est in corde captivitas. Hinc Regula Militum Templi, cap. ultimo, mulierum omnium, etiam propinquarum, oscula ipsis prohibet: *Periculosum (inquit) esse credimus omni Religioso vultum mulierum nimis attendere: & ideo nec viduam, nec virginem, nec matrem, nec sororem, nec amicum, nec ullam aliam faminam aliquis Frater osculari praesumat. Fugias ergo faminea oscula Christi Militia, per quae solent homines sepe periclitari ut pura conscientia, & securâ vita in conspectu Domini valens perveniret conversari. Clericos, qui mulieribus oscula libarent, olim in Galliis coram Episcopo in ius vocatos, & castigatos, colligitur ex Dialogo II. Sulpitii Severi, ubi Postgumianus, cum ageretur de accepto per S. Martinum Imperatricis uxoris Maximi obsequio, idque exemplum aliqui Clerici mulierum familiaritati addicti ad sui excusationem traherent: Si (inquit) Martini sequeremur vias, nunquam causas de osculo dicemus, & universi seve opinionis opprobriis careremus. A prisca igitur Disciplina non recedit Religiosissimus Episcopus, si Clericos a mulierum osculis temperare nolentes, post monitionem saluberrimam, & increpationem, ad continentiam ore quoque servandam, quo Christi Corpus conficiunt, compellat. Vale, meque tui studiosissimum dilige.*

Lutetia Parisiorum.

EPISTOLA XLI.

Alias xxiv.
quæ autem
41. erat,
nunc 2.

Sacerdotes, qui boves, oves, equos emunt, in pascuis suis alunt, eorumque fructus vendunt, non sunt rei negotiationis illiciti.

CLARISSIMO VIRO ***

Quosdam Diœcesis N. Sacerdotes, boves, oves, equos emere scribis, in pascuis suis alere, & eorum fructus vendere, rogasque ut ea de re sententiam dicam, num illud sit illicitæ negotiationis genus, Clericisque prohibita cap. Secundum dist. 19, Ext. Ne Clerici, vel Monachi secularibus negotiis se immisceant: ac proinde illud prohibere possit Episcopus, sub pœna suspensionis.

Hanc proprie dictam negotiationem esse non censeo, sed magis artificium, quod Clericis sacri Canones permittunt, Canon. Clericus, & 2. Dist. xci. Hinc sanctus Raymundus in Summa Libro 11. Titul. De negotiis secularibus, ubi secularia negotia regulariter Clericis prohibita esse dixit his Apostoli verbis: *Nemo militans Deo implicat se negotiis secularibus*, nec non sacris Canonibus: quatuor casus explicat, in quibus possunt huiusmodi negotia tractare, quorum postremus Questionem propius attingit, quam mihi proposuisti. Quartus (inquit) casus est, si Clericus indigeat; tunc enim potest recipere possessiones excolendas ad firmam, seu conducere. Argum. Dist. 86. Pervenit, Versic. Avaritia causa. Dist. 91. c. 2. vers. Agricultura. Potest etiam salis Clericus artificio suo honeste acquirere sibi victum, dum tamen occasione salis artificii non desit divinis Officiis Dist. xx. per totum, Dist. v. De Consecratione. Numquid, Ext. Ne Clerici, vel Monachi, cap. 1. Item, quod dictum est supra, quod non licet Clerico emere vilius, ut vendas carius, ita intelligatur, si ejus intentio est, ut vendas carius in eadem forma sed ut vendas carius mutata forma, bene potest; puta, emis tabulas, ut faceret

1. Tim. 2.

erect serinium: vel chartas, ut scriberet libros: vel linum, ut faceret retia, & similia. *Postest etiam emere pullum, & illum educatum, & opera sua melioratum carius vendere.* Argum. Dist. 92. Clericus. Et est ratio, Quia salis questus ex artificio intelligitur provenire.

Idem docet S. Anthonius 211. P. Tit. 2111. Capit. 11. 3. Idem confirmant Declarationes sacre Congregationis Concilii in gratiam Presbyterorum, & Clericorum Terræ Maidæ Neocastrensis Diocesis. Quærantur, an liceat eis absque reatu illicitæ negotiationis.

1. Terras parimoniales, & beneficiales per laicos colere?
2. An pro necessario culturae usu possint emere boves, & alia animalia, & fructus illorum vendere?

3. An ii, qui in propriis terris habent quercus, & castaneas, quarum fructibus suis vescuntur, possint suos emere, eosque alere, & pro familia sustentatione vendere.

4. An iidem Clerici, cum solis suarum arborum possint in propriis edibus artis serice operam dare, vel idem opus alteri ad medietatem committere, ut in illis partibus fieri, consuevit.

Ad primum respondit sacra Congregatio, Licere Clericis agros beneficiorum, & parimoniarum suorum opera laicorum colere, absque reatu illicitæ negotiationis.

Ad secundum. Possè similiter Clericos pro ejusdem culturae usu boves, & alia animalia necessaria emere: illorum factus iusto pretio, atque honesta ratione vendere; nec propterea eos prohibita negotiationis prætextu vexari posse, aut debere.

Ad tertium itidem, Possè pro sua, & familie sustentatione, dummodo tamen in emendis, alendis, seu distrahendis suis nihil sordidum, aut indicens Ordini Clericali exeat.

Ad quartum, Licere Clerico arborum in propriis bonis existentium folia alicui laico concedere eo pacto, ut lucrum, quod ex bombicibus proveniat; inter utrumque dividatur, ac pariter eadem licere earundem arborum foliis per se ipsum, absque officii sui duntaxat detrimentum, & pro sua, & familie sustentatione arri serice operam dare, dum tamen in artificio hujusmodi personas suspectas non adhibeat, & quoad hoc Episcopi licentiam, quæ gratis datur, obtineat.

Eadem sacra Congregatio die xx. Augusti 1627. censuit Clericos pauperes, ob suam, suæque familie necessitatem possè terras Ecclesiasticorum conducere absque reatu illicitæ negotiationis: bona vero laicorum non possè, nisi ex mera præstite necessitate.

Item censuit, Possè retinere, & locare boves, oves & alia animalia, quæ habent ex successione, vel decimis, nec non fructus illorum vendere, absque crimine illicitæ negotiationis.

Hæc refert Fagnanus, quo Secretario Declarationes istæ a sacri Concilii Congregatione editæ sunt, in cap. Mulier, Extra, Clerici, vel Monachi, &c.

Quæ cum ita sint, Clericis de quibus questio est, molestim, (ut spero) non erit Religiosissimi Episcopus N. a Centuris in illos distringendis temperabit, minis pareet, modo alias honeste, & Ecclesiasticè vivant. Si quæ tamen avaritiæ labes illis adherere videatur, paternæ charitate illos arguet, obsecrabit, increpabit in omni patientia, & doctrina. Vale, neque Deo commenda in Sacrificio Pretii nostri.

Lusetiæ Parisorum.

EPISTOLA XLII.

Alias xxv.
quæ autem
42. erat,
aunc 3.

Oblationes Deo factæ ad imaginem Beate Virginis, muro Castrî ** contiguam, ad Parochiam, non ad Castrî Dominum pertinent.

CLARISSIMO VIRO ***

Cum unus sit Deus montium, & vallium, unusque & idem in pagis, & urbibus amplissimis colatur, fideles Ministros, ac pios Sacerdotes, animarumque Rectores, qui pagorum Ecclesiis præstant, Christianamque plebem regunt ruri degentem, non minus colo, & in Christo complector, quam urbium florentissimarum Parochos. Non est igitur, cur veniam deprecere, dum Quæstionis propositæ solutionem rogas. Christianis omnibus debitor sum, quia omnium frater, multo magis Consecratoribus. Quæris porro utrum oblationes Deo factæ ad imaginem Deiparæ Virginis ... in Oratorio, quod a D. Marchione, pagi Toparcha, erectum, muroque castrî contiguum est, ad eundem Marchionem pertineant: an vero ipsas repetere possis, ut loci Parochus.

Oblationes illas tui juris esse censeo, teque illas repetere posse, ac debere: siquidem sacra imago Deiparæ, & Oratorium intra fines Parochiæ tuæ posita sunt. Omnes enim proventus spirituales, qui infra limites Parochiæ obveniunt, quales sunt decime, primitiæ, oblationes, funeralia, &c. ad Parochialem Ecclesiam jure communi pertinent, ut colligunt Juris Canonici Periti ex cap. Pastoralis Ext. De his quæ fiunt a Prelatis sine consensu Capituli & cap. Ad audientiam, Ext. De Ecclesiis edificandis, & reparandis. Idque Sancti. Thome auctoritate confirmatur, Secunda. Secundæ, Quæst. lxxxvi. Art. 1. ad secundum. Monachi (inquit) siue alii Religiosi possunt oblationes recipere tripliciter. Uno modo, sicut pauperes, per dispensationem Sacerdotis, vel ordinationem Ecclesiæ. Alio modo, si sint Ministri Altaris; & tunc possunt accipere oblationes sponte oblatas. Tertiò modo, si Parochi sint eorum: & tunc ex debito possunt accipere oblationes, tanquam Ecclesiæ Rectores.

Obla.

Oblationes igitur omnes Deo factæ intra fines Parochiæ jure debentur Ecclesiæ Parochiali, secundum mentem Angelici Doctoris. Atque ita respondit sacra Congregatio Concilii, ut relict Fagnanus in cap. *Postulasti*, Ext. *De his, quæ sunt a Prelatis*, &c. Vindicare certe sibi illas non potest laicus Toparcha, administrationis etiam titulo, quamvis in pios usus erogaturus, nisi hæc illi cura demandetur ab Ecclesiæ Parochialis Rectore. Cum enim oblationes res spirituales sint, quatenus sunt Deo consecratæ, laici illarum dominium, receptionem, vel administrationem sibi privata auctoritate vindicare non possunt, ut constat ex Canone, *Quia Sacerdotes*, & Canone. *Hanc consuetudinem*, Causa x. Quæst. i. Idemque colligitur ex capitulo. *Decernimus* Ext. *De Judiciis*, quo prohibetur, ne laici Ecclesiastica tractare negotia presumant. Intercedere igitur jure potes, ne Dominus Marchio N. oblationes ad sacram imaginem Desipare Virginis N. & Oratorium Castri sui muris adjacens, Deo factas percipiat, quamvis in pios usus erogaturus. Ipsum urbane, & amice convenire primum debes, jus Ecclesiæ tuæ Parochiali illi exponere, rogare, ne jus illud usurpet cum animæ suæ periculo. Si precibus tuis insuper habitis dictas oblationes recipere, de illisque pro arbitrio disponere pergat, Illustrissimum Episcopum adi, & usque auctoritatem implora, ut D. Marchionem compellat ad dimittendum oblationes illas Ecclesiæ Parochiali. Vale, mei tuis in Sacrificiis memor.

Lutetiæ Parisiorum.

EPISTOLA XLIII.

Qua prudentia gerere se debeat Prelatus Regularis in Reformatione Monasteriorum sibi subditorum?

Alias lxx.
quæ au. erat
43. erat.
nunc 14.

RELIGIOSISSIMO VIRO ABBATI ***

Tuum de Regularis Disciplinæ instauratione in Cœnobii curæ tuæ, ac regimini subditis consilium non solum probo, sed laudo vehementer, Deoque gratias ago, qui hanc tibi voluntatem dedit: ipsum precor, ut det tibi sancti operis exequendi, & perficiendi facilitatem.

Prelatum arctioris, ut par est, Disciplinæ studiosum, in ea subditis imponenda, singulari prudentia, mansuetudine, & patientia uti debere, Tibi perspectum est. Hanc Regulam tradebat S. Bernardus Simoni Abbati S. Nicolai de Saltu in Diocesi Laudunensi, Epistola lxxxixi. Omnes, inquit, qui pie volunt vivere in Christo, perfectionem persequuntur, ita ut cum eis nunquam desit pie velle, non semper tamen adesse, & perficere pro bona voluntate. Sicut enim impiorum est pitis bonorum propositis assidue reluctari, sic contra pietatem non est, propter multitudinem adversantium, quamvis iusta, & sancta desideria paucorum plerumque non perfici. Sic Aaron secleratis tumultuantis populi contra voluntatem suam clamoribus cessit. Sic Samuel eidem populo inordinato Regem petenti inivit Saullem inuixit. Sic David, cum vellet consfrere Templum propter infestantium tamen bella inimicorum, quia vir bellicosus erat prohibitus est facere, quod sancte proposuit. Simili forma Tibi, Pater Venerande, consulimus, ut tamen sapientiorum consilio non prejudicemus, quatenus ad tempus propositi tui, tibi que consentientium vigorem sic temperes, ut infirmorum salutem non negligas. Inuitant quippe sunt ad arctiorem vitam, non cogendi, quibus illo Ordine illo Cluniacensi præfco consensit. Illis autem, qui aversius vive e desiderant, aut descendere imbecillioribus ex charitate (quantum sine peccato possunt) suadendum est; aut ibidem tenere, quod cupiunt permittendum, si absque utraqueque partium scandalo fieri possit; aut certe de Congregatione liberos dimitti, Fratribusque aliis secundum eorum propositum viventibus sociari oportet.

Idem confirmat Concilium Rotomagensis anno mdlxxxi. Tit. De Monasteriis Cap. xi. In his inquit, exequendis, & reformandis prudentia, & mansuetudine opus est, ne frangamus potius quam corrigamus, que in pravum longa consuetudine induverunt.

Eadem est Venerabilis Gersonii, Ecclesiæ, & Academiæ Parisiensis Cancellarii sententia, Libro De vita spiritali Animæ, Lectione vi. Esus carniū (inquit) & usus pelliciorum, & aliorum huiusmodi, quibus Regularis Institutionis superficies adversari videtur, eidem consonant in casu cavitatis, & necessitatis. Unde S. Bernardus in libello de Precepto et dispensatione ait: quod Ubique regulariter vivitur, ubi consuetudines laudabiles pro tempore, & loco observantur. Ex his concludendum, quod aliquando Monachus abstinent a carnibus, dum scrupulosus observat Regule videri vult, evit ejusdem violator, et hoc si tanquam singularis ferus turber alios, et quasi eos fce abstinentia putativa sanctitate condemnet, quos magistra caritas; aut caritatis comes necessitas, aut consuetudo laudabilis per Superiores tolerata, vel imposita excusat, absolvitque. Sed heu! varus valde casus talis. Usinam erubrior non esset transgressio per excessum, quam per diminutionem? Propterea non diximus ea, quæ diximus ad laxandum freno luxurie, gula, et inobedientie; non ad dissolvendum vigorem Regularis Discipline: non ad habendum velamen malitiæ libertatem: seorsum a nobis hoc sacrilegium; sed quod interim quantum investigare quousque, & quantum obligatio regularis extenditur, ne vitæ cupientes scyllam nimie laxationis, præcipitemus nos, & alios in charybdin falsæ, & austeræ obligationis: quoniam displicet Deo infidelis, & stulta promissio; infidelis, si non impletur: Eccl. 5. 3. Stulta, si diservatione non salitur.

Cum itaque prudentia, & mansuetudine singulari præditus sit, VIR RELIGIOSISSIMÆ, nullus dubito, quin susceptum Monasticæ Reformationis opus feliciter exequaris. Vale, meque tuis sanctis Sacrificiis, & Religioſæ Congregationis orationibus habeto commendatum.

Luceſiæ Paſiſorum.

EPISTOLA XLIV.

Alas xci.
quæ autem
44. erat,
nunc 15.

In Galliis, non vero in Italia, Moniales e Monasteriis ſuis exire poſſunt cum Superiorum ſuorum, & Episcoporum licentia, ut aliis Monasteriis præſint.

Nullum movere debes ſerupulum Sanctimoniali Ordinis N. in Prioriſſam alterius Monasterii ejuſdem Ordinis electæ, & confirmatæ circa migrationem, poſſitis conditionibus requiſitis. Nullum enim dubium eſt, quin e Monasteriis ſuis exire poſſint Moniales ſecundum mores Eccleſiæ Gallicanæ, ut aliis Monasteriis præſint, cum Superiorum ſuorum, & Episcoporum licentia. Hic caſus cum diſpoſitione capitis viii. ſeſſionis xxv. Concilii Tridentini *De Regularibus* convenit, quæ permittitur, ut ſi Monialis dotibus requiſitis prædita, & legitime ætatis non reperiatur in eodem Monasterio, quæ in Abbatiffam, vel Prioriſſam eligi valeat, *ex alio ejuſdem Ordinis eligi poſſit.*

Ceterum alia viget in Italia diſciplina. Hanc enim diſpoſitionem immutatam S. Pii V. Conſtitutione, quæ incipit, *Decoris*, declaravit Gregorius XIII. cujuſ declaratio illis in regionibus uſu recepta eſt; ita ut ſine ſpeciali Summi Pontificis licentia in huiſmodi caſu, Moniali e ſuo Monasterio exire non liceat. Cum enim Ordinis Eremitarum S. Auguſtini Generalis Archimandrita dubitaret, utrum poſt Conſtitutionem S. Pii V. liceat de uno ad aliud Monasterium tranſferre Monialem, ut illi præſit tamquam Abbatiffa: Sacra Congregatio conſult, Queſtionem referendam eſſe Sanctiſſimo. Reſpondit porro Summus Pontifex, Concilii Tridentini decreto ſupradicto derogatum fuiſſe Conſtitutione S. Pii V. ideoque vi illius decreti, non licere amplius educere Moniales e ſuo Monasterio, ut in alio Abbatiffæ, vel Prioriſſæ, ſeu Præpoſitæ inſtituantur, niſi petita, & impetrata licentia a Summo Pontifice.

Idem confirmat Decretum Pauli V. a Sacra Congregatione Episcoporum, & Regularium promulgatum die 22. Decembris anni 1617. ac Procuratoribus Generalibus Ordinum ſignificatum, quod declaratum eſt, non poſſe Moniales quacumque occasione tranſferri de Monasterio ad Monasterium, ſine ſpeciali Sedis Apoſtolicæ licentia; toties quoties impetranda, etiam ratione Prioratus, vel alterius Officii, quibuſcumque in contrarium non obſtantibus. Ita reſerunt *Cæſtelliſtus* in Tractatu *De diſtinctione*, Cap. 27. nu. 5. & Fagnanus in Cap. *Recolentes*, Ext. *De ſtatu Monachorum*, n. 51. Vale, meque ad ſanctum Altare Deo commenda.

Luceſiæ Paſiſorum.

EPISTOLA XLV.

Alas xxxix.
quæ autem
45. erat,
nunc 4.

Quæ ſervanda in expulſione Monachorum contumacium ab Ordine. A Sacrorum Ordinum functionibus perpetuo ſunt ſuſpenſi.

RELIGIOSISSIMO ARCHIMANDRITÆ ***

DE Monachis contumacibus, & qui emendari nolunt, ab Ordine expellendis, quid conſili tibi capiendum ſit, dubitas, & mecum quæris. Tibi morem gero.

Monachos contumaces, & qui emendari nolunt, ab Ordine expelli poſſe cenſeo, re absolute ſpectata. Sic a Sanctis Auguſtino, & Benedicto ſtatutum eſt in Regulis quæ probavit Eccleſia. Sic ſentiunt S. Bonaventura in Regulam S. Franciſci Quæſt. xiv. & S. Thomas Quodlibet xi. Quæſtione xxiv. Art. unico. Quod autem expulſio remedium ſit iuri conſonum, colligitur ex cap. *Ne Religioſi*, Ext. *De Regularibus*. Idque neceſſarium videtur ne Monachus ſceleratus, & contumax contagione peſtifera plu imos perdat. Sicut ad corporis naturalis valetudinem natura, & naturæ adiutrix Medicina humores noxios expellunt: & Magiſtratus flagitioſos quodam homines ad Reipublicæ purgationem in exilium emandat; & Eccleſia taciturnoſos Clericos exaltoratione, ſeu degradatione eiicit e Clero, ne Ordinis Eccleſiaſtiſci privilegiiſ amplius abutantur, & gravius noceant: ita congruum eſt, ut Monasticus Ordo ſibi conſulat flagitioſorum, & contumacium Monachorum expulſione, poſtquam alia remedia ad illorum emendationem fruſtra tentata ſunt, omneque charitatis officium inutiliter adhibuit eſt, ſcilicet multiplex admonitio, blanditiæ, terrores, minæ, flagella, carcer, jejunia, prorogatio temporis ad emendationis experimentum, aliaque remedia.

Decrevit autem ſacra Congregatio Cardinalium Concilii Tridentini Interpretum die 21. Septembris anni milleſimi ſexcentiſimi vigefimi quarti, ut impoſitum ex Ordinibus Religioſis, nemo legitime proteſſus eiici poſſit, niſi ſit vere incorrigibilis. Talis autem minime cenſetur, niſi non ſolum concurrent ævonia, quæ ad hoc ex iuris diſpoſitione requiruntur, ſubſiſti hæc in parte Statutiſ, & Conſtitutionibus cujuſque Religionis, & Ordinis, etiam a Sede Apoſtolicæ approbatiſ, & confirmatiſ; verum etiam unius anni ſpatio in jejuniis, & poenitentia probeatur in carceribus. Elapſo autem anno, ſi nihilominus non reſipuerit, ſed animo indurato in ſua perſeveraverit, ne contagione peſtifera plurimos perdat, tanquam pecus moribida, ac

,, mem-

membrum putre ejici tandem possit, sed ab ipsomet Generali tantum, de consilio, & assensu s. x. Patrum ex gravioribus Religionis eligendis in singulis Capitulis, vel Congregationibus generalibus; tumque nonnisi instructo secundum eorum stylum, & Constitutiones Processu, & plene probatis causis: expulsiōis ad sacrorum Canonum præscriptum. Sic vero ejecti, quando non redierint ad Religionem, in habitu Clericali incedant, atque Ordinarii loci jurisdictioni, & obedientie subiant: proindeque Generalis illico expulsiōis sententiam eidem Ordinario notificare teneatur. Ceterum sacra Congregatio Religionum Superiores serio admonet, ac Per Jesu Christi viscera obtestatur, ut memores paternæ charitatis, ac mansuetudinis, quam proficiuntur, nihil intentatum reliquant, ut lucerent animas fratrum suorum tere in profundum malorum delapsas, antequam gravissimum, atque extremum expulsiōis remedium experiantur; idque eo magis, quod subditorum suorum sanguinem, qui ex malo neglectum, & sui officii immemorati Prælatorum regimine peribant, Dominus noster Jesus-Christus in supremo Dei judicio de eorumdem Prælatorum manibus sit requiriturus.

Statuit præterea eadem sacra Congregatio, *Ut ejecti extra Religionem degentes sint perpetuo suspensi ab exercitio Ordinum, subfata Ordinarii locorum facultate dictam suspensionem relaxandi, aut moderandi.*

In contumacium igitur, & eorum, qui emendari nolunt, Monachorum expulsiōe, Provinciales, & Capitula Provincialia nihil aliud possunt, quam allegare causas, quæ merentur expulsiōem, & Inquisitionum, seu Processuum instrumenta, sive informationes (ut loquuntur) ad suamque Ordinis Moderatorem mittere, qui secundum formam a Sacra Congregatione præscriptam expulsiōis sententiam ferat. Hæc tamen de Monachorum expresse Proteccionis ejectione ab Ordine disciplina, in Galliis recepta non est, nec eam Curie supremæ patiuntur. Vale, mei ad sanctum Altare memor.

Latitæ Parisorum.

EPISTOLA XLVI.

Episcopus Collegiatam Ecclesiam suppressere potest, ut in ea Seminarium erigat, cui ejusdem Ecclesie Beneficia uniatur perpetuum.

CLARRISSIMO VIRO ***

DE Seminarii erectione, fundatione, dotatione pie, & ex officio cogitat Illustrissimus, ac Religiosissimus Episcopus *** remque strenue urgendam sentit. Nonnullas autem Quæstiones hæc occasione natas rogas ut expendam, tibi que de illis mentem meam aperiam.

Quæris primo, utrum Episcopus suppressere possit Capitulum Ecclesiæ N. ut in ea Seminarium suum erigat, & instituat: cum ea in Ecclesia canonicum Officium, & Missa diebus singulis regulariter cantentur a Canonicis, sicut in Ecclesiæ Cathedrali, ab annis mille circiter: plurimaque Anniversaria, Officia, statasque preces celebrari, ac recitari fundationum tabulis præscriptum sit?

Quæris secundo, utrum Canonici dictæ Ecclesiæ Collegiatæ tuta conscientia consensum præbere possint capitulo sui suppressioni, cum Episcopus spondeat se decreverunt, & curaturum, ut Officium divinum in dicta Ecclesia perpetuis temporibus celebretur, & fundationibus satisfiat; pitque Fundatorum voluntatibus, sicut in hanc usque diem factum est? Hunc articulum videri contrarium aïs Tridentini Concilii Decreto Sess. xxiii. *De Reformatione*, cap. xviii.

Quæris tertio, utrum Episcopus jure possit impedire dictos Canonicos, ne Præbendas suas resignent, ut eas unire possit Seminario suo, earumque redditus illi incorporare post eorum obitum, ad ejus dotationem, & sustentationem juniorum Clericorum, Præceptorum, & Moderatorum?

Quæris quarto, utrum Episcopus Seminario suo unire possit, sine Titularium consensu, Capellas, quas dictum Capitulum pleno jure confert, quæ dudum Capitulari mensæ unitæ fuerunt in casu vacationis.

Quæris quinto, Si Canonici prædictæ suppressioni consentire debeant, & resignandi facultate priventur, utrum pinguius postulare possint, ratione sumptuum, quos non sine incommodo fecerunt ab annis amplius quindecim, ad Ecclesiæ ædiumque canonicalium restaurationem, ampliationem, & decorem; tum etiam ratione dictarum Capellarum, quarum vacatio in dies continere potest, & ex quarum redditibus mensa Capitularis ipsorum augetur. Quibus commodis si fruatur Seminarium æquitatis esse videtur, ut Canonici consenserint?

Quæris sexto, utrum similes Capitulorum aliquorum in aliis Dioc. eibus suppressiones in eundem finem, sive de consensu Canonicorum, sive illis repugnantibus, & invitis, legis instar, & regulæ esse possint: cum non sit vivendum exemplis, sed legibus? Utrum his exemplis cogi possint Canonici ad cedendum Ecclesiæ suæ? Utrum tandem intervenienti Senatusconsulto tuta conscientia parere possint?

His Quæstionibus, quas ipse pro tua eruditione facile solvere potes, ut respondeam, tria suppono principia secundum Jus Canonicum, & Ecclesiæ Disciplinam inconcussa.

Primum, Episcopos suppressere, & unire posse beneficia juri-patronatus non obnoxia, in sua Diocesi, sicut Summus Pontifex Episcopatus in tota Ecclesia unire potest, ut constat ex cap. *Sicut unire*, Extra, *De Excessibus*, Prælatorum; ex Clementina 1. *De statu Monachorum*, §. *Ad hæc* & Concilio Tridentino Sessione xxi. *Re Reformatione*, cap. v.

Secundum, Suppressiones, & uniones hujusmodi Beneficiorum ab Episcopis fieri canonice non posse, nisi habita ratione necessitatis, vel utilitatis Ecclesiæ. *Si evidens necessitas, vel utilitas exiger* (ut habet cap. *Exposuisti*, Extra, *De Præbendis*.)

Ccc 4

Ter.

Alias xxxv. quæ autem 46. erat, nunc 42.

Tertium, Institutionem, dotationem, conservationem Seminarii opus esse necessarium, & maxime utile Ecclesie, ut experientia docet, ac ratio, qua nititur Concilium Tridentinum Sessione xxiii. *De Reformatione*, cap. xviii. *Cum adolescentium etas*, &c.

His positis, Ad primam Questionem respondeo, Episcopum suppressere posse Capitulum, de quo agitur, ad institutionem, & foundationem Seminarii sui: siquidem nullum in urbe Episcopali erectum est, sed provisorie solum ab Illustrissimis Episcopis eius decessoribus concessum, ut Seminarii exercitia interim ferebant in Communitate Sacerdotum, Regis quidem litteris approbata, non tamen in Seminario instituta, & confirmata. Verum Religiosissimus Episcopus hanc suppressionem, & unionem exequi debet *sine cultus divini, & illa beneficia obvenientium praejudicio*; ut statuit sacra Synodus Tridentina.

Ad secundam Questionem respondeo, dictae Ecclesiae Collegiatæ Canonicos non modo posse tuta conscientia suppressioni, & unioni prædictis consensum præbere, sed ex officio teneri, cum Episcopo suo canonicam obedientiam debeant, & cum veneratione, & summisione animi Statuta illius, ac mandata suscipere, auctoritatem suam secundum regulas, & pro bono Ecclesiae exercentis. Quod sane præstat instituens Seminarium, adhibensque media; quæ sancta Synodus Tridentina, & Regiæ Constitutiones Episcopis proponunt ad tam sancti, & Ecclesiae tam necessarij operis executionem. Concilij Tridentini decreto plane congruit, tantum abest, ut repugnet hic articulus. Triplex fundorum genus ab Episcopis destinari, & applicari posse ad institutionem, dotationem, & sustentationem Seminarii, sanxerunt Concilij Patres. Primum, *ea, quæ in aliquibus Ecclesiis, & locis ad instituendos, & alendis pueros sunt destinata*. Secundum, *est delibatio, vel substractio partis alicujus, vel portionis ex redditibus integris mensis Episcopalis, & Capituli, & quarumcumque Dignitatum, Personatum, Officiorum, Præbendarum, Portionum, Abbatiarum, et Prioratuum, cujuscumque ordinis, aut qualitatis, vel conditionis fuerint.... et Beneficiorum quorumcumque, etc. etiam ex quibuscumque aliis Ecclesiasticis redditibus, seu proventibus*. &c. Verum cum paucae sint Ecclesiae, in quibus aliqui redditus ad purorum institutionem, & educationem habeantur, aut illi sineadmodum tenues; cum delibatio, & substractio portionis fructuum ex mensa Episcopali, & Capitulari, & impositionem omnium omnibus dignitatibus, Officiis, Personatibus, Præbendis, Abbatibus, Prioratibus, & quibuscumque Beneficiis, & bonis Ecclesiasticis, Communitatibus etiam Clericorum, vel Regularum &c. multis incommodis, difficultatibus, contradictionibus plerumque insuperabilibus obnoxia sit: Tridentini Patres fundum certiorum, ac solidiorum Seminariorum fundationi, ac dotationi designarunt, scilicet Beneficiorum simplicium unionem. *Nec non Beneficia aliquot simplicia, cujuscumque qualitatis, & dignitatis fuerint, etiam ante vacationem, & sine cultus divini & illa obvenientium praejudicio, huic Collegio applicabunt, & incorporabunt. Quod locum habeat etiam si beneficia sint reservata, vel assita*.

Constitutio Regia Blesensis Art. xxiv. Episcopis præcipit, ut Seminarium in suis Diocesis instituant, eorumque fundationi, ac dotationi provideant *unione beneficiorum, aut assitione pensionum, prout ipsi expedire viderint*. Episcoporum arbitrio Rex permittit, ex illis duobus mediis, ac fundis illum ad Seminarii fundationem, ac dotationem eligere, quem convenientiorem judicaverint; nec ad beneficia duntaxat simplicia illorum potestatem coarctatam esse voluit.

Ad tertiam questionem respondeo, Episcopum jure impedire posse supra dictos Canonicos, ne Præbendas suas resignent, eas uniendo Seminario suo, *Etiam ante vacationem* (ut declarat Synodus Tridentina) *Nec per resignationem ipsorum beneficiorum uniones suspendi, vel ullo modo impediri possint; sed omnino quacumque vacatione, etiam si in Curia, effectum suum sortiantur, & quacumque Constitutione non obstante*.

Ad quartam Questionem respondeo, Episcopum Capellas ante hac mensæ Capitulari canonice unitas, Seminario suo incorporare posse sine consensu Titularium. *Quibusvis* (inquit Concilium Tridentinum) *quoad omnia, & singula supradicta, privilegiis, exemptionibus, etiam specialium derogationem requirent, consuetudine etiam immemorabili, quavis appellatione, & allegatione, quæ executionem impedit, non obstantibus*.

Ad quintam Questionem respondeo, Canonicos supra dictos non posse sine turpis lucri cupiditate, & injustitia postulare pinguiore pensiones ratione sumptuum factorum ad restaurationem, ampliationem, decorem, & ornatum Ecclesiae, & ædium canonicalium, & ratione capellarum mensæ ipsorum Capitulari unitarum, quarum vacationem in dies sperant. Ecclesie namque, & ædium canonicalium restaurandarum onus illis ex officio incumbet. Ex Præbendarum suarum redditibus habuerunt, quod eorum honestæ sustentationi satis esset: nihil præterea ipsis debet Ecclesia. Nullum jus habebunt in Capellis supra dictis, cum unitæ tuerint Seminario. Episcopus illas uniendo jure suo utetur. Nullo titulo pinguiore pensiones exigere, seu postulare possunt, ne compensationis quidem, cum illis non subtrahentur, nec earum redditus mensæ capitulari accedere deberent ante vacationem. Totum igitur committant Episcopi sui dispositioni, & æquitati.

Ad sextam Questionem respondeo, Similes Capitulorum suppressiones in aliis Diocesis ob eundem finem factas, novæ Legis vim non habere, sed firmare legem Tridentini Concilij, cuius in executionem decreta sunt, & factæ. Canonicos supradictos cogi posse, ut Tridentinæ Synodi Decreto, Constitutionibus Regis, Episcopi sui litteris, Mandato, Sententiæ hac in causa parent, Ecclesiaeque suæ Collegiali cedant, si ad Seminarii erectionem, & dotationem Capitulum illius

VARIARUM EPISTOLARUM. 777

canonice suppressum ab Episcopo fuerit. Regii Consistorii Decreta, aut Senatufconsulta in similibus causis gravissima sunt præjudicia adversus Canonicos. Expectare non debeat Regiorum Magistratum sententiam, ut pareant Episcopi decretis, ac mandatis, cui parere tenentur ex officio; sed interveniente Senatufconsulto non solum parere tenebuntur, sed compellentur. Ita censeo de Quæstionibus a te propositis. Vale, neque ad Altare Domini meminere.

Lutetia Parisiorum.

EPISTOLA XLVII.

Episcopus Beneficia simplicia Capitulari Mensæ unire non potest.

VIRO CLARISSIMO ***

Alias xxxv.
quæ autem
47. erat,
nunc 61.

Jubes, ut sententiam dicam de Quæstione, quam amantissimis litteris proponis; Utrum Episcopus ex Concilii Tridentini Decreto Sess. xxiv. *De Reformatione*, cap. xv. non solum Præbendis Canonicorum, sed ipsi etiam Capitulo, seu Capitulari Mensæ Beneficia simplicia unire possit ubi frequentes, & adeo tenues sunt Præbendæ, ut sustinendo decenti Canonicorum gradui non sufficiant?

Unire non posse censeo, jure communi repugnante, cui sacra Synodus Tridentina hac in specie non derogavit. Ita sancitum est Clementina. *si una*, Tit. *De rebus Ecclesiæ non alienandis*, cujus hæc sunt verba: *Quod si Episcopus (sui etiam Capituli accedente consensu) mensæ suæ, vel ipsi Capitulo aliquam duxerit Ecclesiam unientem, hoc irritum esse decernimus*. Neque vero huic Clementinæ derogavit Concilium Tridentinum, quod permittit quidem Episcopis, ut accedente Capituli sui consensu Beneficia simplicia, non tamen regularia, Præbendis, uniant, ubi frequentes, adeoque tenues sunt, ut simul cum distributionibus quotidianis, sustinendo decenti Canonicorum gradui pro loci, & personarum qualitate non sufficiant: sed facultatem non tribuit uniendo Mensæ Capitulari. Cur non conceperit, hæc ratio fuisse videtur, quod ad unionem necessarius sit Capituli consensus ex Clementina laudata: Capitulum autem factio proprio præstare non possit auctoritatem, ut ait Glossa ejusdem Clementinæ; summoque consensu docent omnes Canonici Juris Interpretes. Capitulum quidem potest auctoritatem præstare unioni Beneficiorum, quæ sit omnibus, & singulis Præbendis, quia tunc præcipue agitur de utilitate singulorum, & secundario de utilitate, & commodis Capituli: non autem unioni, quæ sit Mensæ Capitulari, quia tunc præsertim agitur de utilitate Capituli, & secundario de utilitate singulorum. Jure autem permixtum est ei, cujus non interest principaliter, & primario, sed secundario tantum in aliquo negotio, auctoritatem suam interponere, ut constat ex L. *Quamquam Regula*, D. *De auctoritate, & consensu tutorum*.

Hac tandem Quæstione ad sacram Congregationem Concilii Interpretem olim delata, sacra Congregatio declaravit, non posse Episcopum Beneficia simplicia unire Capitulo, seu Capitulari Mensæ: quod si fecerit, irritam fore unionem: & hanc declarationem confirmavit Paulus V. Pontifex Maximus die 19. Decembris anno 1612. Neque etiam id potest Episcopus, ubi Præbendæ non sunt distinctæ, sed redditus omnes in distributionibus consistunt, quæ ex communi Mensa percipiuntur, ut censuit eadem sacra Congregatio die 3. Februarii anno 1611. referente Fagnano in cap. *Expofuisti*, Extra, *De Præbendis*. In ea igitur specie Summi Pontificis auctoritas imploranda est. Vale, neque tui observantissimum Deo commenda.

Lutetia Parisiorum.

EPISTOLA XLVIII.

Si lis de Jure-Patronatus finita non sit post quatuor menses in Patronatu Laico, vel post sex menses in Ecclesiastico, jus instituendi Parochum, absque præsentatione seu nominatione Patroni, ad Episcopum, pro hac vice, devolvitur.

Alias
xxxvi.
quæ autem
48. erat,
nunc 62.

CLARISSIMO VIRO ***

Consultus egissent D. Marchio N. & D. Præses N. de Jure-Patronatus Parochialis Ecclesiæ N. litigantes, si Illustrissimi Episcopi N. iudicio, vel arbitrio causam suam permitterent. Controveriam tacite diremisset pro sua singulari juris Ecclesiastici peritia. Proferri jussisset fundamenta, vel donationis authentica documenta, & alia jure requirita, sive etiam multiplicium Præsentationum per antiquissimum temporis cursum, qui hominum memoriam excedat, fidem facientia instrumenta. Expendisset, an præsentationes, quibus sibi Patronatum vindicant Dominus Præses, & D. Marchio, interruptæ sint, vel continuate non minori saltem, quam annorum quinquaginta spatio, an omnes effectum sortitæ sint, idque scripturis authenticis probetur. Has enim regulas indicandi de Jure Patronatus præscribit sacra Synodus Tridentina Sess. xxv. *De Reformatione*, cap. xx. Expendisset omnia censeo accipitis momenta, & æquissimam sententiam tulisset. Verum cum perires ad Senatum causam juris Patronatus detulerint, & sic a quatuor mensibus contestata nondum

finita

finita sit, nec ulli contententium adjudicata possessio; juris est Illustrissimi Episcopi N. Parochum instituire, secundum cap. *Quoniam*, Extra, De Jure Patronatus, cujus hæc sunt verba: *Si forte in plures partes Fundatorum se vota dividerint, ille præficiatur Ecclesie, qui majoribus juvatur meritis, & plurimorum eligitur, & approbatur assensu. Si autem hoc sine scandalo esse nequiverit, ordinet Antistes Ecclesiam, sicut melius eam secundum Deum viderit ordinandam. Et id ipsum etiam faciat, si de Jure Patronatus quæstio emerisset inter aliquos, & cui competat, intra quatuor menses non fuerit definitum. Idem confirmat cap. Cum propter, sub eodem Titulo. Gallicana Jurisprudencia quatuor mensium intervallum Patronis Laicis ad nominandum tribuit: Jurisprudencia singularis Normanniæ sex menses. Si vero Jus-Patronatus sit Ecclesiasticum, nullibi devolvitur nominatio ad Episcopum nisi post sex menses, ut statutum est cap. *Eam te*, Ext. De Jure Patronatus. Verum in dubio jus illud præsumitur laicum: omnia enim Beneficia vulgo cententur a Laicis fundata, ait Guillelmus Benedicte ad cap. *Raynuitus*, Ext. De Testamentis. Jus autem providendi Ecclesiæ devolvitur ad Episcopum intra tempus a Canone statutum, cum quæstio de Jure-Patronatus inter litigantes Patronos non est finita, sive quæstio sit de quasi possessione præsentandi, sive de proprietate, nec aliquis fit in possessione, ut censent Innocentius IV. & alii Canonici Juris Interpretes. Nam si unus contententium in possessione sit præsentandi bona fide, ab illo præsentatum Clericum Episcopus in Beneficio canonice instituere interim debet, si dignum & capacem judicet; cum ex hoc nullum. *imposterum, præjudicium generetur ei, qui Jus Patronatus debet habere. Et si non solum possidebat, sed etiam credebatur esse Patronus illius Ecclesiæ, qui præsentavit, Clericus cui ad ejus præsentationem Beneficium illud ab Episcopo collatum est, si postea Jus Patronatus in judicio alius evicerit, non debet propter hoc ab illius Beneficii possessione removeri, ut constat ex cap. Consultationibus, Ext. De Jure-Patronatus.**

Episcopalis itaque juris est personæ idoneæ Parochialem Ecclesiam N. conferre pro hac vice. Ita quod illi ex hoc non debeat imposterum præjudicium generari, qui Jus evicerit Patronatus, ut habet, cap. Cum propter, Extra, sub eodem Titulo: Vale, meque tui observantissimum semper habes.

Lusitæ Parisorum.

Alias
xxviii.
quæ autem
49. erat,
anno 63.

EPISTOLA XLIX.

Quæ ratione Præbendarum aliquarum suppressio ob aliarum tenuitatem, in Cathedralibus, vel Collegiatis Ecclesiis Episcopo permessa sit?

CLARISSIMO VIRO ***.

Optas, ut ad te scribam, qua ratione Præbendarum aliquarum suppressio ob aliarum tenuitatem in Cathedralibus, vel Collegiatis Ecclesiis Episcopo permessa sit? Morem gero lumbens, quamvis id a te discerem lubentius, quod docere posses pro summa tua Juris Ecclesiastici peritia.

Concilium Tridentinum statuere probe nosti, ut in Ecclesiis Cathedralibus, & Collegiatis insignibus, ubi frequentes, & adeo tenues sunt Præbende, simul cum distributionibus quotidianis, ut sustinendo decenti Canonico gradui non sufficiant, liceat Episcopis cum consensu Capituli, vel aliquot simplicia Beneficia, non tamen regularia, iis unire; vel si hac ratione provideri non possit, aliquibus ex iis suppressis cum Patronorum consensu, si de Jure Patronatus Laicorum sint, quarum fructus, & proventus reliquarum Præbendarum distributionibus quotidianis applicentur, eas ad pauciores numerum reducere; ita tamen, ut tot supersint, quæ divino Cultui celebrando, ac dignitati Ecclesiæ commode respondere. Hæc sunt verba Concilii Sess. xxiv. De Reformatione, cap. xv. Verum supprimi in eum finem dignitas ab Episcopo non potest, ut respondit sacra Congregatio Concilii Capitulo Elnensi, referente Fagnano, in cap. Cum accessissent, Ext. De Constitutionibus. Addit idem Canonista in cap. Cum M. Ferrariensis, sub eodem titulo, suppressionem Præbendarum, eo, quo nunc utimur, iure, fieri non posse nisi in subsidium, nempe cum deficit remedium unionis Beneficiorum simplicium. Nam alternativa, vel, non est electionis (inquit) sed ordinis, ut patet ex illis verbis, si hac ratione provideri non possit. Sic respondit sacra Congregatio Concilii. Sex ergo conditiones concurrere debent, ut fieri possit Præbendarum suppressio. Prima, ut Ecclesiæ sint insignes. Altera ut Præbendæ sint frequentes, & tot supersint, quæ sufficiant ad divinum cultum peragendum, & conservandam Ecclesiæ dignitatem. Tertia, ut Præbendæ simul cum distributionibus sint adeo tenues, ut non sufficiant ad decentem Canonicoz sustentationem. Quarta, ut suppressio non fiat a Capitulo, sed ab Episcopo de Capituli consensu. Quinta, ut fiat in subsidium, id est, deficiente remedio unionis beneficiorum simplicium, & residuum non postulatum. Sexta, ut suppressio fiat cum Patronorum consensu, si de Jure Patronatus laicorum sint.

Alias vero ponderatis illis verbis Concilii, *Liceat Episcopis, sacra Congregatio ejusdem Interpres, censuit Præbendarum tenuitati, Cathedralis, vel Collegiatæ insignis, Episcopum providere posse, sed non tenori; nec Metropolitanum in hoc posse supplere. Refert Fagnanus in*

esp. *Ex parte*, Ext. *De Constitutionibus*, qua Decretali declaratur non licere Canonis Præbendas suppressere quando Ecclesiæ redditus non sunt imminuti: quia Dei cultus minuendus non est, imo potius augendus: sed nec in hypothesi imminutionis redditum id possunt, Canonici, sed solus Episcopus cum eorum consensu. Vides, Vir Clarissime, nihil novi ad te scribi de hoc argumento: nec scribi posse aliquid noveram, quod non plene, ac perfecte scires: sed observantiæ in te meæ, ac obsequii fuit præstare, quod optasti. Vale.

Lutetia Parisiorum.

EPISTOLA L.

Resignatio Beneficii e Novitio facta sex ante Religionem Professionem mensibus nullius est roboris.

CLARISSIMO VIRO ***

Alias LXXXI
quæ autem
50. erat,
nunc 76.

URGENTIBUS licet studiis distentus, litteris tuis singulari humanitate conditis, ac propositæ Quæstioni respondere non moror. Julianus Ecclesiæ N. Canonicus, cum Ordinem Religionis ingressus esset, Beneficium suum Jacobo sex ante Professionem mensibus resignavit. Vota solemnium ritu cum emisisset, Jacobus Beneficii possessionem adire voluit. Episcopus ad quem Canonicatus collatio pertinebat, viso resignationis instrumento, Beneficium Petro contulit. Jacobus incertæ liti se implicare nolens, meam (ut scribis) rogat sententiam, num ad Canonicatum illum ius habeat vi resignationis a Juliano Religiosi Ordinis Novitio factæ?

Censeo resignationem illam nullius esse roboris, utpote factam contra formam a Concilio Tridentino præscriptam Sess. xxv. *De Regularibus*, Cap. xvi. cuius hæc sunt verba: Nulla quoque renunciatio, aut obligatio antea facta, etiam cum juramento, vel in favorem cuiuscunque causæ pie valeat, nisi cum licentia Episcopi, vel ejus Vicarii fiat, intra duos menses proximos ante professionem; ac non alias intelligatur effectum suum sortiri, nisi secuta professione: aliter vero facta, etiam cum hujus favoris expressa renunciazione, etiam jurata, sit irrita, & nullius effectus. Hoc porro decreto resignationem Beneficii etiam comprehendit declaravit sacra Congregatio Concilii, ut refert Fagn. in Cap. *Statuimus*, Ext. *De Regularibus*.

Hoc Tridentini Concilii decreto Cap. *Beneficium*, Tit. *De Regularibus* in Sexto, emendatum est, quo Bonif. VIII. decreverat, *Beneficium illius, qui Religionem ingreditur, non esse intra probationis annos alicui conferendum, nisi ad id ipsius accedat consensus, &c.*

Nullum ergo ius habet Jacobus ad Canonicatum, qui tunc demum vacavit, cum Julianus expressam Professionem emisit: adeoque Petro legitime, canonice, valide ab Episcopo collatus est. Illi ergo cedat Jacobus, ob animi moderationem, qua lites, Beneficiorum præsertim aucupandorum gratia, suscipere detractat, plurimum laudandus. Vale, mei tuis in Sacrificiis memor.

Lutetia Parisiorum.

EPISTOLA LI.

Dignitas Ecclesiæ Cathedralis, vel Collegiata, quæ nullos fructus habet, & cui nulla cura incumbit, Residentiam nihilominus postulat.

CLARISSIMO VIRO ***

Alias
LXXXII.
quæ autem
51. erat,
nunc 77.

CUM dignitates, canonicatus, & Præbendæ Cathedralium, & Collegiatarum Ecclesiarum, mansionem sive personalem residentiam Clericorum, qui huiusmodi possident Beneficia, secundum Canones exigant, in dubium revocari scribis a quibusdam, num dignitas Ecclesiæ N. quæ nullos fructus habet, & cui nulla cura incumbit, residentie legi obnoxia sit: rogafque ut scribam ad te, quid ea de re sentiam.

Tuum de hoc Moralis capite sententiam audire, & sequi malletm, quam meam dicere, nisi tibi pariter, ac mihi visum iri minime dabitarem plane adhærendum esse Responsis sacre Congregationis Concilii. Cosentinæ Thesaurarius Ecclesiæ, quæ dignitas nec fructus aliquos habebat, nec annexam animarum curam, licet post Pontificalem in illa Ecclesiâ major esset, dubitabat, an mansionis seu residentie lege teneretur, itante consuetudine non residenti cum Ecclesiâ, vel dignitas nullos redditus habet; quam consuetudinem legitimam censet Abbas in Cap. *Extrapendæ*, Ext. *De Præbendis*, §. *Qui vero*. Dubio ad sacram Congregationem Concilii relato, Eminentissimi Patres, ac Domini responderunt: Thesaurarium, licet nullos fructus haberet, teneri ex Concilio ad residentiam: quia consuetudo non residenti cum nulli sunt fructus, alias jure communi probata, sublata est a Concilio Tridentino in Canonicatibus, & Parochialibus Beneficiis. Similiter cum Cardinalis N. Episcopus Auximanus quævisset, an dux dignitates suæ Cathedralis, videlicet Archidiaconus, & Archipresbyter, qui nullos redditus habent, sed solum stallum in Cho. ad residentiam teneantur? Sacra Congregatio Concilii die 18. Januarii anno 1614. respondit: Dignitates illas, etsi redditibus omnino destitutas, residentiam

tiz lege teneri, juxta formam a sacra Synodo Tridentina præscriptam Sessione xxiv. Cap. xlv. Ita refert Fagnanus in Cap. Cum omnes, Ext. De Constitutionibus. Vale, neque addiditum semper habeto.

Lutetia Parisiorum.

EPISTOLA LII.

Alas lxxxv
quæ autem
52. erat,
nunc 64.

Clericus Canonicatum, & Capellam in eadem Ecclesia obtinere, & servare potest sine Sedis Apostolica dispensatione, si alterutrum ad honestam sustentationem non sufficiat.

CLARISSIMO VIRO ***

Reditum Ecclesiasticorum incrementi per novi Beneficii accessionem tibi non gratularer, si Capella quam prius possidebas ad honestam tui sustentationem satis fuisset. Verum cum tenuioris esset redditus, gaudeo plurimum quod Canonicatu in eadem Ecclesia donatus sis. Queris utrum absque Sedis Apostolicæ dispensatione Beneficium utrumque retinere possis. Non te latet duplicis generis Beneficia in eadem Ecclesia a Juris Canonicis peritis vulgo distingui, quædam sunt conformia, sive ejusdem generis, ut duo Canonicatus, vel duæ Præbendæ: quædam difformia, ut dignitas cum Canonicatu, vel Præbenda, aut Canonicatus, & Capella. Circa beneficiorum conformium possessionem sola Sedes Apostolica dispensare potest: circa possessionem difformium dispensare potest Episcopus, ut censet Joannes Andreas, & tota Juris Canonici Peritorum schola, fulta Cap. 1. De consuetudine, in Sexto, cujus hæc sunt verba: *Statuentes ut cum unum officium vix digne valeat aliquis adimpleri, nulli liceat de cetero nisi unicum Personatum, vel Dignitatem, aut Præposituram, sive administrationem, vel Officium perpetuum, quocumque nomine censeantur, cum Præbenda insimul absque dispensatione de Sede in eadem Ecclesia obtinere, vel jam obtenta tenere. Quod si a quocumque sine præsumptum fuerit, irritum sit omnino.* Canonicatum autem, & Capellam difformia Beneficia esse seu diversi generis, evidens est. Utrumque igitur possidere licet, ac retinere cum dispensatione Episcopi: sed necessaria est expressa dispensatio; nisi Ecclesiæ, in qui mereris, statutum, vel consuetudo possessioni diversi generis Beneficiorum sub eodem textu auctoritatem præstet. Quæ autem ab Episcopo concedi potest hac in specie dispensatio, ex magna, & evidenti Ecclesiæ utilitate, aut urgente necessitate, aut certo ob insignia personæ merita concedi debet. Hanc addunt exceptionem eruditi Canonici Juris Interpretes, ut Episcopus dispensare non possit circa diversi generis sub eodem textu beneficiorum possessionem, si ex privilegio, statuto, vel consuetudine personalem utrumque residentiam exigit. Ita censent Fredericus de Senlis Consilio 250. & 206. & Prosper Fagnanus in Cap. Litterar, Extr. De concessione Præbendæ. Cum igitur Capella, & Canonicatus in Ecclesia Cathedrali, vel Collegiata beneficia sint residentiam exigentia, secundum hanc sententiam tutius ages, si Provisionis litteras ab Apostolica Sede obtineas.

Sic in pari causa censuit sacra Congregatio Concilii Interpres. Cum enim Episcopus Maurianensis contulisset Canonicatum, & Capellam in Ecclesia sua vacantem Amedeo Clerico, & questum esset, an tuto conscientia posset ille Capellam cum Canonicatu retinere absque dispensatione Summi Pontificis: sacra Congregatio declaravit, Amedeum absque Provisione Sedis Apostolicæ hæc duo, difformia licet, sub eodem textu beneficia obtinere non posse, nisi id statutum, vel Ecclesiæ Maurianensis consuetudo permittant, vel cum eo expresse dispensaverit Episcopus; cum utrumque conferendo non intelligatur tacite dispensasse, ut colligitur ex Cap. Fraternitati, Ext. De Schismaticis, & ex Glossa ejusdem capituli. Cumque generatim dubitatum fuisset, an pro tutiore conscientia obtinentium duo beneficia difformia sub eodem textu, personalem residentiam postulantes, ipsis ab Ordinario collata, debeat nova provisio peti a Summo Pontifice, sacra Congregatio respondit, peti debere: quia licet Episcopus ex causa dispensare possit circa possessionem duorum Beneficiorum difformium sub eodem textu, tamen periculum est, causa non sublit ea, quam Canones requirunt: idem tutius est adire Sanctissimum. Refert Fagnanus in Cap. Litterar, Extr. De concessione Præbendæ. Fac ut valeas, meique in sancto Sacrificio memineris.

Lutetia Parisiorum.

EPISTOLA LIII.

Alas
lxxxvi.
quæ autem
53. erat,
nunc 78.

Quando obtinens Capellam: Sacerdos esse teneatur, Divinorumque celebrationi per seipsum satisfacere.

HONORANDO VIRO ***
INSIGNIS ECCLESIAE *** CAPELLANO.

Rogasti per litteras nudius tertius ad me datas, ut explicarem, quando Clericus obtinens Capellam Sacerdos esse teneatur, ac divinorum celebrationi per se ipsum satisfacere. Propositæ Quæstioni breviter respondeo.

Au t

Aut Capellæ annexus est Ordo Presbyteratus, quia videlicet in illius fundationis tabulis cautum, & expressum est, ut Capellanus sit Sacerdos, aut non est annexus. Si sit annexus, & Capella sit in Cathedrali, vel Collegiata Ecclesia constituta, Clericus illam obtinens tenetur esse Sacerdos, & Missas, ac divina Officia in fundationis tabulis iniuncta per se ipsum celebrare, & onera adimplere per se ipsum. Ea in specie lex fundationis ad amissum servanda est, ut statuit Concilium Tridentinum Sess. xxv. *De Reformatione*, Cap. v. Si vero Capella non habet Ordinem Presbyteratus annexum, & fundationis tabulis cautum sit dumtaxat, ut Capellanus Missas celebrare debeat, & divinis inservire, seu interesse, aut divina Officia celebrare; in ea specie non tenebitur ad suscipiendum Presbyteratus Ordinem, nec ad Missas celebrandas per se ipsum: sed tamen divina Officia per se ipsum celebrare, seu illis personaliter interesse tenebitur, non per substitutum, si Cathedralis, aut Collegiata sit Ecclesia, non alias, ut ex Concilii Tridentini Decretis mox laudatis, & declarationibus sacre Congregationis eiusdem Interpretis compertum est, a Fagnano relatis in Cap. *Ut Abbates*, Extr. *De etate, & qualitatibus Ordinandorum*. His porro verbis conceptum est Tridentini Concilii Decretum, Cap. xv. Sessionis xxii. *Quicumque in Cathedrali, vel Collegiata, Seculari, vel Regulari Ecclesia divinis mancipatus Officiis in Subdiaconatus Ordine saltem constitutus non sit, vocem in huiusmodi Ecclesiis in Capitulo non habebit. . . .* *Si vero qui dignitates, Personatus, Officia, Præbendas, Portiones, aut qualibet alia Beneficia in dictis Ecclesiis obtinent, aut imposterum obtinebunt, quibus onera varia sunt annexa, videlicet ut alii Missas, alii Evangelium, alii Bpistolam dicant, seu cantent, quocumque ii privilegio, exemptione, prerogativa, generis nobilitate sint insigniti, teneantur, iusto impedimento cessante, infra annum Ordines suscipere requisitos: alioquin penas incurrant juxta Constitutionem Concilii Viennensis, quæ incipit, Ut ii, quam præsentis Decreti innovat; cogantque Episcopi eos diebus statutis dictos Ordines per se ipsos exercere.*

Et Cap. xii. Sessionis xxiv. de Reformatione. *Omnes vero divina Officia per se, & non per substitutos compellantur obire; & Episcopo celebranti, aut alia Pontificalia exercenti adstipere & inservire, atque in choro ad psallendum instituto hymnis, & canticis Dei nomen reverenter, distincte, devotèque laudare.*

Et Cap. v. Sessionis xxv. de Reformatione: *Quandocumque igitur ex Beneficiorum quorumcumque erectione, seu fundatione, aut aliis Constitutionibus qualitates aliqua requiruntur, seu cetera illis onera sunt iniuncta, in Beneficiorum collatione, aut in quacumque alia dispositione eis non derogetur. Idem in Præbendis Theologalibus, Magistratibus, Doctoralibus, aut Presbyteralibus, Diaconalibus, ac Subdiaconalibus, quandocumque ista constituta fuerint, observetur, ut eorum qualitatibus, vel Ordinibus nihil in ulla provisione detrahatur: & aliter facta provisio subreptitia censetur. Vale, mei tuis in orationibus memor.*

Lutetia Parisiorum.

EPISTOLA LIV.

Pensio Ecclesiastica solutionibus anticipatis redimi non potest sine licentia, & auctoritate Romani Pontificis.

Alias
LXXXVIII.
quæ autem
54. erat,
nunc 102.

CLARISSIMO VIRO ***

Varias in Dicepsi N. opiniones esse scribis de redemptione Pensionum Ecclesiasticarum, quæ sit anticipatis solutionibus: quosdam asserere illas redimi posse sine licentia Summi Pontificis; quorum sententia doctissimos Cardinales Cajetanum, & Toletum fautores habet, alios negare. Sententiam hæc de re meam rogas. Dicam ingenue, quod sentio. Pensionem Ecclesiasticam redimi non posse solutionibus anticipatis sine licentia, & auctoritate Romani Pontificis existimo, nec probabilem esse consuetudinem contrariam. Navarri sententia est, Consilio xlv. *De Simonia*, contra Cardinales Cajetanum, & Toletum, qui pensionem numerata pecunia redimi posse privata auctoritate, & arbitrio tulerunt, quod ius esse mere temporale falso existimarent. Verum Pensionem Ecclesiasticam non esse quid prophanum, sed annexam spirituali, certum est, cum non nisi Clericis in habitu, & tonsura Clericali incidentibus reservari possit, secundum Constitutionem Sixti V. quæ incipit, *Cum sacrosanctam*; & S. Pii V. Constitutione, quæ incipit, *Ex proximo*, Pensionarii ad parvum Officium Beatæ Virginis recitandum teneantur. Et hanc quidem sententiam Rota complexa est in causa Pharenfis Pensionis die 24. Januarii 1578. coram Clemente VIII. Pensionem scilicet Ecclesiasticam solutionibus anticipatis extingui non posse sine auctoritate Romani Pontificis. Ita post Gigantem, Garciam, Navarrum, aliosque Juris Canonici Peritos, censent Prosper Fagnanus in Cap. *Ad audientiam*, Extr. *De Rescriptis*, & Pirrus Corradus in Praxi Beneficiaria, Libro v. Cap. 4. Ideo autem Summo Pontifici reservata est auctoritas concedendi licentiam, ut extinguatur Penso anticipatis aliquibus solutionibus; quia redemptiones huiusmodi aliquam simoniacæ speciem habere videntur, quæ coram Pontifice Maximo purganda est. Qui loquendi modus non eo pertinet, ut Summus Pontifex abitergere possit simoniacæ labem a conventionē, seu pacto vere simoniaco; sed quod re diligenter examinata in Curia, tunc tantum supplicationi annuat sua Sanctitas, cum arbitratur nullum inter-

venisse

venisse pactum de Pensione certis anticipatis solutionibus redimenda; quod quidem pactum si-
cilegea esset Beneficii mundinatio. Vale, meque Deo ad ejus Altare commenda, qui suum ex
animo tuus.

Lutetia Parisiorum.

Alias

1771.
quæ autem
55. erat,
nunc 23.

*Lethalis peccati rei sunt, qui defuncti Beneficarii corpus celant vel celari procurant, ut ejus
obtinere Beneficium, illis ab infirmo, qui infra viginti dies a resignatione obiit, resigna-
tum, vel ut alterum juvenc ad illud obinendum contra jus Collatoris, aut aliorum.*

EPISTOLA LV.

CLARISSIMO VIRO ***

Sententiam tibi aperire meam de Moralis Christianæ capite nuper a te mihi proposito non
moror. Lethalis peccati reos esse non dubito, qui defuncti Beneficarii corpus celant, vel
celari procurant, ut ejus obtineant Beneficium illis ab infirmo, qui infra viginti dies a resigna-
tione obiit, resignatum; vel ut alterum juvent ad illud obinendum contra jus Collatoris, aut
aliorum legitime provisorum. Gravem enim committunt injuriam, Beneficium absque legiti-
mo titulo invadunt, aut alteri auxilium, & favorem præstant, ut illud sic mala arte obti-
neant; peccant adversus Regulas Ecclesiæ, & Constitutiones Principum. Quamobrem illi ad Be-
neficium hoc modo impetrati abdicationem in manibus Collatoris, restitutionemque fructuum
perceptorum, & percipiendorum, extantium, & consumptorum: isti ad illati alius damni com-
pensationem, in Beneficarii intrusi supplementum tenentur. Regula Cancellariæ Apostolicæ,
in Galliis etiam recepta, *De infirmis resignantibus*, hæc habet: *Si quis in infirmitate consti-
tutus resignaverit aliquod Beneficium, dimiserit, aut illius Commenda cessarit, seu ipsius Be-
neficium unionis dissolutioni consenserit, etiam vigore supplicationis, dum esset sanus, signate:
postea infra viginti dies, a die per ipsum Resignantem præstiti consensus computandos de ipsa
infirmitate decesserit, ac ipsum Beneficium quavis auctoritate consecratur per resignationem sic
factam, collatio hujusmodi nulla sit, ipsumque Beneficium censetur nihilominus per obitum
vacare.*

Edixit autem Rex Christianissimus Franciscus I. Constitutione anno 1539. edita Articulis 50.
& 51. in Ecclesiarum Necrologii conscribi diem sepulture Beneficarii defuncti, ipsius Parochi,
sive Rectoris, aut Superioris manu, adjuncta Notarii publici subscriptione, ne tradi sit lo-
cus, Præterea jubet Articulo 54. Beneficarii defuncti domesticis, *pœna corporali*, ut illius
obitus diem dictis Ecclesiis sincere denuntient. In laicos, qui defuncti corpus celaverint *pœ-
nam capitis* decernit: in Clericos vero exclusionem omnimodam a Beneficiis defuncti, grave-
que præterea multas infingendas arbitrio Judicis, Articulo 55. Porro & Constitutionibus Prin-
cipum, quæ Divinæ, aut Ecclesiasticæ Legi non advertantur, parendum esse, non tantum *pro
pœna iram, sed etiam propter conscientiam*, Apostolus docet. Vale..

Lutetia Parisiorum.

EPISTOLA LVI.

Solutio variorum casuum circa Simoniam.

CLARISSIMO VIRO ***
SACERDOTI.

Alias

1771.
quæ autem
56. erat,
nunc 163.

Nonnullas circa Simoniam difficultates mihi per litteras proponis, earumque solutionem
rogas, & urges vehementer. Tibi satisfacio cursim, quamvis materiæ gravitas interval-
lum temporis paulo longius forsan postulare.

DIFFICULTAS I. Petrus rogavit Patronum, ut illum præsentaret ad dignitatem in Eccle-
sia Collegiata vacantem: & quo facilius eam obtineret, promisit se beneficium simplicis, scilicet
Capellæ, quam in Ecclesia Cathedrali possidebat, renunciaturum in manibus Ordinarii, qui pri-
mam Capellam vacantem promiserat Præceptorum filiorum supra dicti Patroni. Petrus ad digni-
tatem præsentatus est, & possessionem adeptus, Capellæ, prout conventum erat, renuncia-
vit. Queritur an Simoniam realem admiserit, & dignitatem dimittere teneatur.

DIFFICULTAS II. Joannes beneficium suum in manibus Ordinarii pure, simpliciter, ac li-
bere dimisit; certa tamen spe concepta, quod Patronus Laicus ad illud nepotem dicti renun-
tiantis præsentaret. Queritur, an Simoniacæ confidentiæ reus sit, an in pœnas incurrerit S.
Pii V. Constitutione contra confidentiariorum lasas?

DIFFICULTAS III. Martinus de suo Canonatu resignando cogitans, dixit Nicolao se illi resi-
gnare velle. Post aliquot menses Martinus in eadem perseverans voluntate ab illo petiit mutuum
centum nummorum aureorum. Pecuniam statim numeravit Nicolaus, ne chirographum quidem
exigens. Martinus accepto matuo statim illi Canonatum resignavit. Ille vero Provisionis litteris
impetratis possessionem iniiit. Queritur, utrum, Simoniacæ reus sit, ac Beneficium ejurare teneatur.

DIFFE-

DIFFICULTAS IV. Philippus resignavit Jacobo beneficium annui redditus dua um millium librarum, cum conditione, ut beneficium annuum mille librarum: ut vero resignatio cum hujusmodi pensione rata haberetur in Romana Curia conventum, ut in supplicatione exprimeretur, valorem fructuum beneficium esse trium millium librarum; quod nisi expressum fuisset, Summus Pontifex resignationem cum tali pensione non admisisset. Queritur utrum resignans, & resignatarius Simoniz rei sint, & resignatio nulla sit ipso jure?

DIFFICULTAS V. Andreas Carolo amico suo, ac Proturatori speciale mandatum dedit, ut beneficium quoddam litigiosum, & controversum Laurentio resignaret, ea conditione, ut evicta lite Laurentius certæ pensionis creationi consentiret, illamque Andreas resignanti solvere teneretur. Consensit, pensionem tamen nondum solvit. Queritur, quid juris?

DIFFICULTAS VI. Mævius auctoritate, & commendatione sua beneficium Ecclesiasticum impetravit Titio inhabili, & indigno, hac adjecta pactione, ut ipse Titius illud post triennium resignaret cuidam ipsius Mævii nepoti. Hac in specie quid facto opus?

DIFFICULTAS VII. Gymnasiarcha quinquaginta nummorum argenteorum sive scutorum munus accepit a quibusdam, ut eorum filio locum inter sui Collegii alumnos, stipendiumque scholasticum, vulgo Bursam procuraret. Queritur, utrum ille Gymnasiarcha Simoniz reus sit, quas in pœnas incurrerit, & utrum restitutioni sit obnoxius?

DIFFICULTAS VIII. Queritur, utrum Episcopus cujus redditus sunt modici, possit mille aureos a Notario suo quotannis exigere?

Ad primam difficultatem respondeo, Petrum simoniace dignitatem in Ecclesia Collegiata fuisse adeptum; siquidem ipsum inter, & Patronum conventum est, ut ad dignitatem præterentur ea conditione, ut cederet illi beneficium simpliciter: omnes porro hujusmodi pactiones Simonizæ sunt, etiam si nihil mere temporale detur, ut constat ex Cap. *Pactiones*, Ext. *De pactionibus*, cujus hæc sunt verba: *Pactiones factæ a vobis pro quibusdam spiritualibus obtinendis cum in hujusmodi omnis pactione, omnisque contentio debeat omnino cessare, nullius sunt omnino momenti.* Idem probat Caput, *Tua nos*, Extr. *de Simonia*, eaque S. Raymundi, Sylvestri Prioratis, & Angeli de Clavasio sententia est. Certe in specie proposita jus spirituale promissum est cum onere, ut fieret aliquid quasi pro pretio juris illius, seu causa principali illud habendi. Simonia igitur conventio fuit. Et cum ab utraque parte pacta conventa impleta fuerint, Simonizæ realis rei sunt Petrus, & Patronus. Quamobrem in excommunicationem incurrerunt, & præsentatio Petri ad dignitatem nulla fuit, & invalida, adeoque & institutio ob eam facta ab Episcopo, fructusque male percepti. Petrus itaque dignitatem dimittere teneretur, & fructus male perceptos restituere.

Ad secundam difficultatem respondetur, Joannem Simonizæ confidentiæ reum non esse: siquidem beneficium suum in manibus Ordinarii pure, ac simpliciter dimisit: nulla pactio expressa, aut virtualis intercessit Joannem inter, & Patronum, aut Ordinarium, ut ad illud beneficium renunciantis nepo: præterentur, vel illi conferretur. Sola spes ea de re concepta est, quod nullo jure prohibetur. Unde S. Antoninus Par. 11. Tit. 1. Cap. 5. §. 2. ait: *Si quis renunciat beneficio ea intentione, ut detur nepoti, vel alteri, nulla tamen de hoc facta pactione, vel conventionione, nullam incurrit Simoniam, renunciare autem beneficio, ut detur alteri, est Simoniacum, quia prohibetur, scilicet jure positivo. Sed non est hoc prohibitum simpliciter, sed secundum istum modum, cum videlicet hoc ducitur in pactum.* (Can. 1. Quæst. 2. Can. Quampio.) Non incidit igitur Joannes in pœnas Constitutione S. Pii V. latas. Neque contrarium colligi potest ex illis verbis: *Etiamsi sola dimittentis intentione receperis*, five ex illis, *conscientia tantum unius partis.* Id enim unum significant: Ubi prava dimittentis, aut conferentis intentio perspecta, & explorata fuerit, præsumendum esse in foro exteriori de pravo suscipientis, vel impetrantis affectu: sed in foro interiori præsumptione agendum, & judicandum non est, sed secundum confessionem penitentis. Quiescat igitur Joannes: & tuta conscientia sacris Ministeriis fungatur.

Ad tertiam difficultatem respondetur. Nec Martinum, nec Nicolaum, Simonizæ reos esse, cum Nicolaus non emerit, nec ullo contractu oneroso quaesierit a Martino resignationem beneficium, sed Martinus illud sponte resignare voluerit in ejus favorem: nullaque inter ipsos intervenerit conventio, ut ille mutuum daret, iste beneficium in ejus gratiam renunciaret. Ipso oblationem spontaneam, & mere gratuitam beneficium, mutuum ille petiit ad necessitatem suam sublevandam: dedit ille ob amicitiam, & grati animi significationem: nullum hic pactum apparere dandi rem spirituales, aut spirituales annexam pro temporali. Quod si forte prava intentio in alterutro fuerit, & Nicolaus mutuum dedit Martino metuens, ne voluntatem resignandi ipsi beneficium mutaret, alias non daturus, Simonizæ tantum mentalis reus censi debet, siquidem prava illa intentio in pactum non est deducta, nec ullo signo exteriori expressa.

Ad quartam difficultatem respondeo; Resignantem, & resignatarium reos esse Simonizæ. Nihil enim refert, quid de æquipollentibus fiat, ut ajunt Jurisconsulti. At si duo ita convenient, ut unus renunciaret beneficio duarum millium librarum annui redditus in favorem alterius, & alter promitteret ei solvere mille libras annuæ pensionis sine Summi Pontificis consensu, uterque Simonizæ reus esset, ut compertum est. Qui porro conveniunt, ut valor beneficium duarum millium librarum in supplicatione Summo Pontifici offerenda enunciatur esse trium millium librarum, ad hoc ut pensio mille librarum super ea constituitur, seu rata habeatur, æquipollenter conveniunt ac duo supra dicti, cum propositum habeant, ut resignatio fiat, pensioque male & invalide imposita sine Summi Pontificis consensu solvatur. Cum igitur ita se habeat conventio Philippi cum Jacobo: uter-

que

que perniciosi mendacii, & fraudis Summo Pontifici factæ, sed & Simoniz reus est. Præterea, omne pactum expressum, vel tacitum dandi spirituale pro temporali, vel contra, simoniacum est, ut constat ex Can. *Quem pio*, causa 1. quæst. 1. & Cap. *Pensionem*, c. 1. de censuris. At conventio inter Philippum resignantem, & Jacobum resignatarium facta, ut major valor beneficii enunciaretur in supplementatione Summo Pontifici porrigenda, ut maioris pensionis consensum impetraretur quam alias constitueretur, est pactum conventum dandi aliquid spirituale, scilicet beneficium, pro re temporali, scilicet pensione male, & invalide collata. sine consensu nempe Summi Pontificis, qui de rei veritate, seu vero valore beneficii certior tactus pensionem ratam non haberet, nec posset constituere. Quamobrem provitio non solum nulla est, & subrepticia ob dolosum expressionem facta, sed & signatio ipso jure nulla, & invalida ob Simoniam, non solum conventionalem, sed realem; siquidem simoniaca conventio ab una saltem parte impleta est, cum Parappus beneficium suum Jacobo resignaverit. Uterque igitur excommunicationem, aliasque penas incurrit, & Jacobus beneficium dimittere tenetur, omnesque fructus, quos percepit, restituere.

Ad quintam difficultatem respondetur, Andream, & Laurentium simoniz reos esse, quæ licet a principio conventionalis duntaxat fuisset, postea tamen evicta lite, & constat per iurisdictionem pensionis, realis evasit. In censuras proinde incurserunt resignans, resignatarius, & simoniacæ resignationis mediator, ut constat ex Pauli II. Constitutione, quæ incipit, *Cum detestabile*. Laurentius vero beneficio renunciare tenetur, & quos percepit fructus restituere, ut constat ex Cap. *De Regularibus*, & Cap. *Ex insinuatione*, Extr. *De Simonia*.

Ad sextam difficultatem respondetur, collationem Titio factam nullam, & invalidam esse, tum ob canonicam incapacitatem, & impedimentum, tum ob simoniacam consensum, quæ sum inter, & Mævium intercessit. In Censuras proinde incurserunt, ac penas Pii IV. & S. P. I. V. Constitutionibus in Confidatarios latas. Titius beneficio renunciare tenetur in manibus Collatoris, & fructus male partos restituere. Quod nisi præsterit, Mævius ad restitutionem tenebitur. Qui enim damni dati causa est, participatione, mandato, consilio, consensu, sine quibus damnum datum non esset, restituitur tenetur in supplementum principalis auctoris, secundum S. Thoma. & omnes Theologos. Mævius plus quam consilium, & consensum, scilicet auctoritatem, & medietatem suam interposuit, ut beneficium inhabili, & indigno coneretur, & pactum alieni simoniacæ confidentiæ peste infectum; causa itaque fuit, sine qua Titius fructus indebitos non percepisset: illos igitur restituere tenetur Ecclesiæ, vel pauperibus, nisi in Ecclesiæ ipsius, vel pauperum utilitatem a Titio forte impensis, & consumpti fuissent. Sicut enim Magistratus malum tutorem nominans restituere tenetur damna per illum illata pupillo, si tutor non restituit, ut legis sancitum est: ita conferens beneficium inhabili, vel indigno, vel procurans ut conferatur, non solum peccat lethaliter, sed etiam tenetur in subsidium ad restitutionem fructuum.

Ad septimam difficultatem respondeo, Gymnasiarcham illum gravis quidem peccati, & turpis lucris, non tamen simoniz reum esse, cum scholastica illa stipendia, seu jura sodalitatis in Collegiis, nec spiritualia sint, nec spiritualibus annexa. Navarro quidem aliter visum est Consilio LXX. *De simonia*, sed nulla probatione suam opinionem fulcit. *Admittunt* (inquit) *simoniam, quoniam laica illa sive sodalitatis, licet non sint spiritualia, videntur tamen annexa sicut Jus-Patronatus Ecclesiasticum*. Verum de jure patronatus dispositionem Canonici juris habemus, illud vendi non posse declarantis, utpote rei spirituali annexum. (Cap. *De jure*, Extr. *De iudiciis*.) At sodalitatis illa & stipendia scholastica spiritualibus annexa esse jus non declarat, & mere temporalia esse, nullam ad aliquem actum spiritualem relationem habentia, evidens est. Nullas igitur penas canonicas incurrit Gymnasiarcha, qui nummorum quinquaginta munus ab adolescentis parentibus accepit, ut eorum filio locum inter alumnos Collegii sui, stipendiumque scholasticum procuraret. Nec ullis subjacet censuris, quamvis aliquam simoniz labem hac in specie cum Navarro admitteremus: quia sola simonia in Ordine vel beneficio excommunicationem infert, secundum Extr. *Detestabile*, Tit. *De simonia*. Acceptum vero munus, quia turpiter datum, & turpiter acceptum est, auctor sum, ut pauperibus eroget, vel ipsis Scholastici parentibus restituat, si tenuis fortunæ homines sint.

Ad octavam difficultatem respondeo, Episcopum non posse a Notario suo certam pecuniam summam quotannis exigere, sive Notarium locare, aut ad firmam tradere (ut vulgo loquuntur) Si enim Vicedominatus, Oeconomatus, Castellionatus, vel alia quæcumque rerum Ecclesiasticarum procurator vendi non potest absque simoniz labe, ex Consilio Chalcedonensi Canone secundo, Urbano II. cuius verba referuntur Canone *Salvator*, causa 1. quæst. 112. Alexandro III. Cap. *Consuere*, Extr. *De simonia*; nonne simili ratione illicitum est Episcopis ius sigilli Notario pecunia committere, quod magis spirituale est, quam reddituum Ecclesiasticorum, prædiorum, vel aliorum administrationis? Si Canones eos tamquam simoniz reos plebunt, qui vires suas, iurisdictionem suam, Ecclesiasticam visitationem, vel quippiam simile sub annuo censu committunt (Cap. *Prætere*, & Cap. *Quoniam*, Extr. *Ne Prælati vires suas sub annuo censu committant*) poteruntne Episcopi, vires suas in litteris pro ordinatione, pro Beneficiorum collatione, vel provisione, pro dispensationibus Episcopali nomine scriptis, sigillo muniendis, sub annuo censu collocare? Docet S. Thomas Secunda Secundæ, Quæstione centesima, Art. 111. ad tertium, quod *ille, cui committitur spiritualis potestas, ex officio obligatur ad usum potestatis sibi commisse in spiritualium dispensatione, & etiam pro sustentatione statuta stipendia habet ex redditibus Ecclesiæ; & ideo si aliquid accipere pro usu spiritualis potestatis, non intelligeretur locare operas suas, quæ ex suscepto debiti officii debent impendere, sed intelligeretur vendere ipsum spiritualis gratia usum*. Cum igitur Episcopus

ad testimonium ferendum de Ordinibus, & beneficiis a se collatis teneatur ex officio suo pastoralis, cum pro officio suo gerendo redditus ei ab Ecclesia ministrentur; si quid pro illo testimonio prætextu sigilli accipiat, spiritalem officii sui partem vendere videtur. Quamobrem sacra Synodus Tridentina ita Notariorum Episcoporum stipendia moderatur, ut Episcopo ex Notarii commodis nullum emolumentum directe, vel indirecte provenire possit. An vero id observant, qui sigillum suum collocant sub annuo censu? Verba Concilii subijcio Sessione XXI. De Reformatione, Cap. 1. *Quoniam ab Ecclesiastico Ordine omnis avaritia suspicio abesse debet, nihil pro collatione quorumcumque Ordinum, etiam Clericalis Tonsuræ, nec pro litteris dimissoriis, aut testimonialibus, nec pro sigillo, nec alia quacunque de causa, etiam gratis oblatum, Episcopi, & alii Ordinum Collatores, aut eorum Ministri, quovis prætextu, accipiant. Notarii vero in iis tantum locis, in quibus non viget laudabilis consuetudo nihil accipiendi, pro singulis litteris dimissoriis, aut testimonialibus decimam tantum unius aurei partem accipere possint, dummodo eis nullum salarium sit constitutum pro officio exercendo; nec Episcopo ex Notarii commodis aliquod emolumentum ex eisdem Ordinum collationibus directe, vel indirecte provenire possit. Tunc enim gratis operam suam eos omnino præstare teneri decernit, contrarias saxas, ac statuta, & consuetudines etiam immemorabiles quorumcumque locorum, quæ potius abusus, & corruptela simoniacæ pravitatis faventes nuncupari possunt, penitus cassando, & interdicendo: & qui seculum fecerint, tam dantes quam accipientes ultra divinam ultionem, penam a jure iustitias ipso facto incurrans.*

Hoc Decretum observandum statuit Concilium Rhemense sub Cardinali a Guisfa celebratum anno 1583. Episcopus (inquit) qui pro conferendis Ordinibus sacris, vel Minoribus, vel etiam Tonsura Clericali aliquid acceperit, quod pretio æstimari queat, vel qui aliquid postulare pro litteris dimissoriis earumque Sigillo, nosam simonia, vel avaritia incurrit. Secretarius tamen illius decimam aurei partem accipere queat juxta Concilium Tridentinum.

Concilium Mediolanense præside S. Carolo Borromæo, p. 11. Tit. De Notariis, & Scribis, ea de re ita statuit: Notarii in litteris dimissoriis, seu testimonialibus, sacri Concilii Tridentini decretum servant, in aliis, quæ mere spirituales sunt, etiamsi nullum stipendium eis constitutum sit, nihil omnino accipiant præter scripturæ mercedem ab Ordinario statuendam... Cancellarius Episcoporum deinceps vendi, locari, vel earum nomine, vel occasione, quovis prætextu cuiusvis personæ quidquam solvi prohibemus.

Concilium Bituricense præside Francisco Turnonio Archiepiscopo celebratum anno 1528. Cap. 14. decernit, *Ut emenda posterum non dentur ad firmam, nec etiam jussu sigilli Dominorum Prælatorum.*

Concilium Rothomagense anno 1581. Tit. De Jurisdictione Ecclesiastica, §. 8. Non liceat Episcopis sigillum suum ad certum pretium locare, sed illud probo viro, nec indolito, tamen Ecclesiastico committant.

Hanc responsum absolvo verbis doctissimi Theologi Francisci Hallerii Professoris Sorbonici, in Libro De Sacris Electionibus, & Ordinationibus, quem Gallicano Clero Lutetia Parisiorum congregato dicavit, Sessione VII. Cap. 1. Art. VI. §. 3. num. 16. Quis, inquit, non auctoritatibus, rationibusque convictus, tam turpem de cetero quamvis valeat approbare? Si consuetudo opponitur, consuetudinem Tridentina Synodus explosit. Si Tridentine Synodi decreta accepta negantur: pudeat ad fovendam avaritiam magnæ Synodi honorarium infringere. Sed si quem pudor iste non retinet, cogiter consuetudinem hoc tantum posse efficere, ut honesto titulo pecunia in Ordinatione accipi possit, verbi gratia; titulo honorarii cathedratici, vel doni gratuiti, ut nempe munera ex reverentia subjectione, gratitudine, vel aliqua alia honesta de causa offerantur. At titulus iste, ut pro sigillo aliquid exigatur, honestus esse non potest. Cum enim ex officio litteris testimoniales Episcopus debeat Ordinatio, eo titulo nihil ab eo accipere possit. Nam, ut recte ait Gregorius, Videntes in Templo sunt, qui hoc quod quibuscumque jure competit, ad præmium largiuntur. Nec magis fieri potest, ut honestum sit pro sigillo pecuniam accipere, quam pro ipsa Ordinatione. Simoniacus ergo est, meo quidem iudicio, Episcopus, quicumque, non obstante quavis consuetudine, hoc titulo, hocque prætextu pecunias aliquas ab Ordinatis exegerit, aut exigi curaverit. Neque tamen talis certo mihi pronuntiandus videtur simoniacus, quem nec Tridentini Concilii, nec aliorum Conciliorum Patres simoniacum declarare voluerunt: præsertim quia qui sigilli nomen prætexerit, alia fortassis ratione consuetudinem receptam fovet. Damno itaque prætextum, damno examinatione hoc prætextum factam: Sanctissimos Antistes, si qui veteris istius lucris inhiant ad Concilii observationem, quantum possum revoco, & ut ab illa turpi nundinatione, tamquam a simoniaca pravitare fugiant, quantum potest possum contendo: eosdem tamen, si qui sunt auctores hujus exactionis, quandiu eos Ecclesia non damnaverit, nec ego damno. Nec blandiri lubet, nec Religiosis nostre Principibus impune lubet irasci: ne fovere iniquitatem, vel contemnere Ecclesie Principes, si iniqui fuerint, videamur. Vale, Vir Clarissime, meique ad Altare Domini memineris.

Hom. 39. in
Evang.

Lutetia Parisiorum.

APPENDIX ALTERA MONUMENTORUM, QUIBUS DOGMATA CATHOLICA, ET DISCIPLINA CONFIRMANTUR.

X.

D E C R E T U M

ILLUSTRIS. AC REVERENDISS.

ARCHIEPISCOPI DUCIS RHEMENSIS,

PRIMI FRANCIE PARIS,

CAROLI MAURITII LE TELLIER,

*Instar Institutionis Pastoralis, ad Facultatem Theologicam Universitatis Rhemenfis directum,**Occasione duarum Thesium Theologicarum in Collegio Societatis Jesu ejusdem Urbis
habitarum diebus 5. & 17. Decembris anni 1696.*

Ex Gallico
idiomateLa-
tine reddi-
tum aberu-
dico Theo-
logo.

CAROLUS MAURITIUS LE TELLIER, Dei gratia Archiepiscopus Dux Rhemenfis, pri-
mus Par Franciæ, Regionum Ordinum Commendator, Regii Sacelli Præfectus, Sorbonæ
Provisor, &c. Venerabilibus Viris, Decano, Magistris, & Baccalaureis Facultatis Theologiæ
Rhemenfis, Salutem, & Benedictionem.

Carolus Cardinalis a Lotharinga, Sæculi superioris insignis decus, ac noster quondam in
Archiepiscopatu Rhemenfi meritisissimus: quo novam perantiquæ, sanctissimæque Metro-
poli, (unde Regibus Christianissimis totique Galliarum Regno fidei lumen affulsit, cœlestibus-
que in sacra sui inunctione benedictionibus irrigantur iidem Augustissimi Principes) lucem ad-
deret, a Paulo III. Pontifice Maximo, annuente Henrico II. Rege veniam obtinuit anno 1547.
erigendæ in hac Urbe Rhemenfi studiorum Academiæ. Hanc ille expeditionem viam existima-
vit, qua in Diœcesi sua divinas, atque humanas litteras promoveret, suisque deinceps Suc-
cessoribus, atque adeo & Nobis, viros eruditos suppeditaret, qui in ferendo nobis ex alto im-
posito onere, adjumento esse possent. Non illum spes fefellit. Ab annis quippe supra viginti-
quinque, quibus istud gerimus onus, non exigua nobis Academiæ hæc adjumenta contulit;
cui & nos quo potuimus studio decus addidimus, magnæque identidem dedimus benevolentia;
& existimationis argumenta.

Nos itaque quibus ex Pastoralis Officii debito convenit servare depositum fidei; quique ex
ejusdem Academiæ Fundatoris, & Præpositi titulo, tenemur maxime sanioris doctrinæ tentem,
unde in Seminaria nostra totumque Clerum diffunditur, purum, & illibatum servare; dissimula-
re non possumus quid de duabus Thesis periculosis sentiamus, in Collegio Jesuitarum hujus
Urbis, diebus 5. & 17. Decembris, anni proxime elapsi, propugnatis.

Silentium nostrum, hac dubio procul occasione exciperent universi ut tacitam Molinianæ
doctrinæ approbationem, quam unam circa divinæ Gratiæ quæstiones ab Ecclesia Catholica com-
probatam artificiose innuit prima Thesis. Quin etiam ea ipsa exprobari nobis (siquidem tace-
remus) merito possent, quæ S. Cælestinus Papa Gallicanis Episcopis quondam obiecit, de Pres-
byteris Massiliensibus sermonem habens, quos Prosper, & Hilarius coram Apostolica Sede accu-
saverant: *Timeo ne contrivere sit hoc sacre.... In talibus causis non caret suspitione taciturni-
tas, quia occurreret veritas, si falsitas displiceret.*

Abiit, ut hæc in nos probra concitare velimus, imo vero officii nostri ducimus in Thesis u-
triusque Auctores animadvertere, ut tandem aliquando sentiant, summam illam quam de Mo-
lina suo imbibere animis libuit opinionem, non illos tamen eo usque efferre debuisse, ut inde-
bitis eum laudibus exornarent, doctrinamque ex sola Ecclesiæ tolerantia permissam, Augustinia-
næ ab Apostolica Sede adeo solemniter comprobatæ privata auctoritate præferrent. Ergo corri-
piam

pianitur hujusmodi (ait Celestinus de Presbyteris Massiliensibus ad eisdem Gallicanos Episcopos scribens) nec se his liberum pro voluntate habere sermonem .

His de causis , ac ne Theſis illi erroris anſam fortasse præbeant , hæc vos Institutione Pastoralis muniendos existimavimus .

Hæc Theſium prima sic habet in prima tertie columnæ positione , quæ est de Ludovici Molinæ sententia : *Doctrina Ludovici Molinæ , aliorumque Theologorum , qui concordiam libertatis humane cum gratia divina ope scientiæ mediæ evadere enucleantius tentantur , ita ab errore Calvinii , aliorumque hujus ætatis Sæculariorum recedit , ut ad opinionem Pelagianorum nullo modo accedat . Et ideo tam valide impetita , toties a diverſi generis hostibus impugnata , & coram Summis Pontificibus tam diligenter agitata , eamquam aurum in fornace probata , purior inventa est , ait Mazzolinus , & cum honore ex tot disputationum fluctibus emerſit .* Quæ sane Molinianis opinionibus commendandis usque adeo honorifica verba sunt , ut illustratio in iis extollendis usurpari nequam possent , si illas solemnî judicio Ecclesiæ comprobasset .

Verum statim , atque Molinæ Liber * Ulisipponæ typis editus * anno 1788. publici juris fuit , magnos in Hispania tumultus opinionum novitate commovit . Intercessit universus Prædicatorum Ordo , ac singulari zelo pro avita doctrina pugnavit .

Thomas Lemos * Doctor , inter multos , quos isto , ac superiori sæculo Ordo ille peperit infirmitates , eximius fidem facit hunc Molinæ Librum , Theologos quibus pietatis , ac religionis sensus inerat , usque adeo commovisse , ut etiam e Societate Jesu vir celeberrimus Henricus Henriquez prolixam in eum Censuram ediderit : ubi post expensas , gravissimæ Censuræ confixas Propositiones illius quinquaginta duas , ita nemum de toto Libro universim pronuntiat : *Licet Auctor admittendus videatur , ut apud Censuræ Fidei se purget de vehementi suspitione , & intentione hereseſis Pelagianæ , cui sæpe favet , & admonitio non desistit ; liber tamen dignus est , ut omnino prohibeatur : nec enim purgari potest , cum passim infinitis locis fateatur periculosos , & erroneos doctrinis , &c. . . . In illa nova doctrina , addit Henriquez , quam in Prefata Concordia Auctor sibi arrogat , asserit etiam sanctos Augustinum , & reliquos Patres , imo & Pelagium , aliosque Hæreticos , si adverterent illam , fuisse sibi consensuros . Insuper haud satis modeste de Patribus , & Theologis loquitur : quinuism sententias , quas ipsi certas , & indubitatas asserunt , ait Auctor iste periculosas esse , & errorum occasionem , imo tollere liberi arbitrii libertatem , & nec ab illis , nec a Conciliis fuisse veritatem de Prædestinatione , & Gratia , atque libertate arbitrii declaratam , aut plane intellectam , antequam ipse hunc librum conderet . En , inquit Lemos , Henriquez de Molinæ libro iudicium . Addit eruditus ille Dominicanus , se multo duriora Jesuitæ hujus de Sodali suo verba silentio premere , ne illi insultare videatur .*

Idem Lemos asserit , Episcopos plurimos , & Salmanticensem Academiam hunc ipsum Molinæ librum Censorio iudicio damnasse .

Ut excitatæ turbæ , quarum insaufum in Hispaniis exitum timebat Rex Catholicus Philippus II. opportune sedarentur , Sedis Apostolicæ implorata auctoritas est , quæ gravissimæ causæ cognitionem Romam ascivit . Nullo porro publico instrumento liquet , Romanos Pontifices Clementem VIII. & Paulum V. qui Auctoris hujus doctrinam in multis Congregationibus sua auctoritate , ac sæpius coram Sanctitate sua examinari curarunt , latas in Hispaniis contra Molinæ librum Censuras , factaque judicia rescidisse , aut suspensa dixisse ; nec probari potest , Summos illos Pontifices Molinianis opinionibus unquam fuisse . Quin potius certo certius est eas , illis & novas , & Sanctis Patribus repugnantes visas esse , & inprimis S. Augustino , cujus principiis in novi Systematis examine insiti voluerunt . Noverant quippe Sanctos Deceſſores suos , de quibus postea dicemus , non semel declarasse , Romanam Ecclesiam Sanctissimi Viri doctrinam circa divinæ Gratiae , liberi arbitrii Quæſtiones semper approbasse , ac securam esse .

Quod de Summorum Pontificum Clementis VIII. & Pauli V. dum Congregationes de Auxiliis haberentur , animo & affectu dicimus , perspicua res est , & omnibus explorata . Nemo est , qui Clementis VIII. in retinendis , servandisque Deceſſorum suorum definitionibus , ac Decretis studium constantissimum vertere in dubium possit , ex quo nobis doctissimi Cardinalis Baronii testimonio certo constat : qui in Epistola hoc ineunte sæculo ad Viennensem Archiepiscopum data fidem facit Beatissimo Patri Hoc in proposito fuisse , hoc in voto , hoc in decreto , ut nec latum unguem a vestigiis Prædeceſſorum recederet , sed iisdem insisteret , quam firmissime . Addit eundem Clementem VIII. plane scivisse , tot Sanctos Pontifices , Innocentium , Sixtum , Celestinum , Hormisdam , ac denique Felicem , (cujus sunt Canones Arauscani Concilii) hoc professos scriptis suis esse , atque testatos , Romanam Ecclesiam in iis , quæ spectant ad gratiam , & liberum arbitrium , S. Augustinum sequi semper consuevisse . Ac tandem concludit , Hormisdam id tot verbis asserari , ut alio iudicio non sit opus ; cum jam in rem prædictam abierit .

In ea nihilominus Theſi , quæ die 5. Decembris propugnata est , hoc defensoribus studium fuit , ut Molinæ doctrinam approbatæ doctrinæ characteres præferre vulgo persuaderent : eamque cum Augustiniana , cujus tanta est in Ecclesia auctoritas , non modo conferre , sed etiam præ illa extollere non dubitarunt .

Equidem Clemente VIII. ad superos vocato , Paulus V. cujus consilia scrutari præ reveren-

* Molinæ Liber de Concordia liberi arbitrii cum gratiæ donis , &c.

* Editionem Ulisippensem indicat ubique hoc mandatum .

* Lemos in Panoplia gratiæ , Tom. I. tr. 6. c. 2.

* Henriquez Theologicæ Doctor , & Professor in Academia Salmanticensi .

Tom. I. 4. p. I. tr. 4. c. 34. & 2. p. ejusdem Tomi tr. 5. c. 35.

ria nolumus, suspensum tenuit iudicium, quod fuerat ineditatus. At nemo inde citra temeritatis notam colligit, approbatum propterea ab illo fuisse Molinæ Librum, de quo tot deliberationes habitæ fuerant. Post ea omnia; quæ in hujus cognitione causæ gesta sunt, silentium Romanorum Pontificum approbationis loco iactare, hominum est nimis audacium, qui Sanctam Sedem Protestantium calumniis exponunt, illam immerito & injuria accusantium, quod antiquam Sancti Augustini de Gratia doctrinam deseruerit, ut novitia Molinæ inventa amplecteretur.

Quantumlibet ergo hujusce Thesis Auctor despicendi, futileque Maurolici sui auctoritati fidem habeat ferre nullatenus debemus eam doctrinam immoderatis adeo laudibus efferi, quæ ab ipsa sui origine, finistrix, ut minimum suspitionis labem incurrit, quod & ex antedictis, & ex probatissimorum hujus ætatis Scriptorum suffragio perspicuum est; maxime vero ex Epistola Cardinalis Baronii, cujus iudicium tantum apud omnes ponderis est.

Doctissimus ille Cardinalis in ipso Epistolæ exordio significat, Se Molinæ Libros non sine stomacho legisse, cum nihil potius pre se ferat, quam Sancto Augustino adversari, quam Sanctum nunquam nominet; cumque ostantia redargueret, sequi in illis disputationibus vigilantior, acutioremque iactare. Qui possit, inquit, talia loquentes: atque nauseos tolerare? Vanos, temerarios, intolerabiles sermones, quæ quamvis patientes aures, & animi ferre valeant!

Asserit præterea, se quinquaginta, & amplius Propositiones, locutionesque eo in Libro notasse erroneas abusuque, sive Semipelagianorum saltem affines; neque id ab ullo negatum iri, qui Molinam absque affectu privato perlegerit. Mitius denique de Molinæ Opere iudicium terre non poterat Eminentissimus ille Cardinalis, quam quod his verbis exprexit: *Quid Ecclesia Dei indiget hujus Molinæ Libris, ut discat, quæ a tot Sanctis Patribus, Conciliis, atque Decretis jam ante tot secula didicit, ac docuit?* Tota hæc Epistola, quæ anno 1603. data est, dum scilicet Congregationes de Auxiliis haberentur, necnon sub Clementis VIII. Pontificatu, qui Baronium anno 1596. ob egregia pietatis, & eruditionis merita Cardinalitatis infusus ornauerat, paucis adeo nota, tanti tamen hac in parte ponderis est, ut eam ad Decreti hujusce calcem edendam exstimaverimus.

Id observatione dignum, Molinam damno suo de propria doctrina decretorio quodam modo præjudicasse; dum eam & novam, & Ecclesiæ hæcenus ignoratam falsus esset. En eijus verba: *Quæ si data, explicataque semper fuissent, forte neque Pelagiana Hæresis fuisset exorta, neque Lutherani tam impudenter arbitrii nostri libertatem fuissent ausi negare; obtinentes cum divina gratia, præscientia, & prædestinatione coherere non posse; neque ex Augustini opinione, conversationibusque cum Pelagianis tot Fideles fuissent turbati, ad Pelagianasque descissent: facilius reliquæ illæ Pelagianorum in Gallia, quarum in Epistolis Prosperi, & Hilarii fit mentio, fuissent extinctæ. Quid plura? in altera Concordiæ suæ Editione, quæ anno 1595. novis additamentis aucta prodit Antuerpiæ, eo progressus est temeritatis, ut scriberet, S. Augustinum sub ea quasi caligine, ad hoc non attendisse, scilicet fuisse prædestinationem, & reprobationem non sine præscientia qualitatis usus liberi arbitrii.*

Ex his compertum est, quo lumine, quibusque prædiis defraudatam Ecclesiam novus ille Auctor existimaret, donec ipse mundo illuxisset, suamque doctrinam divulgasset. Intoleranda sane illius hominis temeritas, qua se supra Sanctos Patres Gratia defensores effert audacius, ac præsertim supra S. Augustinum, quem ad explicandam tant altam, tantisque momenti questionem a Deo suscitatum Romana semper agnovit, & prædicavit Ecclesia. In suum certe caput ea loquendi ratione pronuntiat Molina. Nec vero, quæ subinde addit, opinionem minuunt præconceptæ de se vanae fiduciæ, & arrogatæ sibi præ omnibus Ecclesiæ Patribus, ipsoque Augustino in exponendis divinæ gratiæ Questionibus solertiæ. Neque vero dubito (inquit) quin ab Augustino, & ceteris Patribus unanimi consensu comprobata fuisset hæc nostra de prædestinatione sententia, ratioque conciliandi libertatem arbitrii, cum divina gratia, præscientia, & prædestinatione, si vis propostæ fuisset.

Tantum igitur abest, ut Molinæ doctrinam velut Ecclesiæ approbatione dignam excipere liceat; quin potius hunc, ceu virum propriis figmentis, ceterorum Novatorum more delectatum spectare, & habere necesse est; ejusque doctrinam velut in ipsa sui origine pravo novitatis, & præsumptionis caractere a suo signatam Auctore. Id perspicuum habebit, quisquis ad verba ejus attenderit. Longior (inquit) fui in hac disputatione, quam optarem. . . . quia res est magni momenti, ac veluti lubrica; & hæc nostra ratio conciliandi libertatem arbitrii cum divina prædestinatione, a nemine, quem viderim hac usque, tradita est.

Typhanius, Molinæ Sodalis, eximiusque Theologus, nullam illi de novo invento glorandi rationem fuisse agnoscat, de scientia media plene, & accurate differens, *Scientiam mediam*, inquit, *rejecimus, non ut erroneam, aut in fide periculosam, sed ut falsam, ut novam, ut nullam solidum in Scriptura, in Sanctis Patribus, in Sancto Thoma, aliisque vetustioribus Theologis fundamentum habentem: ut superfluum ad sacre Scripturæ intelligentiam; ut inutilem ad humanam libertatem tuendam, aliasque difficultates Theologicas expediendas.*

In Concordia. Qu. 29. art. 4. disp. 1. Membro ultimo. Quæst. 23. art. 4. & 5. S. Augustinum sub ea quasi caligine, ad hoc non attendisse, scilicet fuisse prædestinationem, & reprobationem non sine præscientia qualitatis usus liberi arbitrii.

Dionysius Petavius Societatis ejusdem Theologus sapienter observat, scientiam illam medium To. 1. Theoprisicis Ecclesiae Patribus incognitam fuisse, eaque ne vel unam quidem difficultatem solvi, & log. Dogm. explicari, quibus defensores ejus Augustinianam doctrinam implicari finxerunt. 1. c. 8. n. 2.

Qui Molinæ doctrinam Jesuitas inter amplexi sunt, altioris opinationis ejus originem indigent, eamque ex SS. Patrum, ipsiusque Augustini fontibus derivare nituntur: quod & nunc Thesis Auctor infeliciter tentat. At utique adeo petitis ex sanctissimi Doctore probationibus Suar. lib. 2. diffidunt, ut Suarez ipse primi inter illos subseculi Theologus, qui Molinæ in explicanda di- de concursu, vine gratiæ efficacia conciliatione amplexus est, eam a sancto Augustino nunquam satis expresse declaratum, fateri demum coactus sit. Cujus quidem pronuntiatum (quod suspendum magis) xilio Dei ad hanc rationem avertit; quæ res est difficilissima, & ab humanis sensibus remotissima. Interea actus liberi dum Suarez ineffabilis divinæ gratiæ efficacitatis rationem nunquam satis expresse a S. Augustino declaratum obtendit, remittendus est ad ea sanctissimi Doctores loca propemodum infinita, quibus eam in suavi, ac victrici delectatione positam esse docet, quæ Deus eorum corda perfundit, quos ad se trahere vult, ut loquitur Evangelium. Ceterum duo hæc ex Suarezii verbis colligere licet; primum, traditam ab eo, post Molinam, tanti Mysterii expositionem, procul esse a S. Augustini mente: alterum, rei tam difficilis, & ab humanis sensibus tam remotæ explanationem aliunde, quam ex Sanctissimi Doctores Operibus repetendam ipsum existimasse. Quæst. 14. art. 13. disp. 10. p. 44.

Præter eam Molinæ, ac Sæctatorum ejus confessionem quæ vel una suspecti sunt; dum in re solis Scripturæ sacræ, & Traditionis regulis defendenda, novitatis proprio testimonio convincuntur, id potissimum observandum venit, Molinæ doctrinam tot erroribus scætere, ut quibus a Thesis Auctore ornatur laudibus, indigna prorsus haberi debeat. Certum quippe est, Molinam in suo De concordia Libro non casu, & obiter, sed ex instituto, conceptisque Articulis hunc Semipelagianorum errorem docere: Facienti, quod in se est, per naturæ vires Deus non denegat gratiam. Quod quidem his verbis exponit: Quotiescumque liberum arbitrium ex suis viribus naturalibus conatur, præstare est ad conandum totum id, quod ex se ipsis, tam circa ea, quæ fides habet addiscenda, & amplectenda, quam circa dolorem de peccatis, ac justificationem, a Deo confertur gratia præveniens, auxiliæque, quibus id faciat, ut oportet ad salutem. S. Leo Episc. 86. ad Aquilejensem Episcopum. Cum omnes definitiones ad subrepti faci- litatem im- probare se si- mulent at- que deponere, hoc sibi nota arte fallendi, nisi intelligant.

Ex quo Molinæ principio sponte fluit ille ipse Pelagii quondam error, quem is a Diospolitano in Palæstina Concilio ejurare compulsum est, suæque deinceps hæreses caput Semipelagianum posuerunt: Gratiam scilicet prævenientem nativis liberi arbitrii conatibus præveniri. Equidem Molina, ejusque Sæctatores a meritis vocabulo abstinent. Verum nec ab eo reticendo procul absint Semipelagianum, modo (quamvis tandem ratione) salutis initium, ipsaque justificationis prima radix, naturalibus liberi arbitrii viribus ascribantur. Ea siquidem arte eluderetur, quicquid Scriptura sacra, & Traditio de gratuita divinæ gratiæ vocatione docent.

Magnus ille Pontifex S. Leo, qui horum Hæreticorum errores adeo perspectos habuit, ac seculi, excelsit profligavit, nobis illis expulsi, & quæ ratione expugnari possint ostendit, scribens Pe- lagianos callida simulatione reprobare in speciem solitos esse, aut certe silentio premere odio gratia Dei fas, & improbatas ab Ecclesia loquendi rationes, modo tota arte fallendi doctrinæ suæ caput in secundo tuto ponerent, Gratiam scilicet Dei secundum merita nostra dari. Systema certe suum S. Augustini ætate prorsus ignotum, vere dixit Ludovicus Molina. Sua Pelagiani verba paulo aliter composuissent, ac mutata meriti notione, Gratiam Christi non quidem naturæ viribus, & conatibus nos mereri: sed Gratiam nativis liberi arbitrii conatibus semper additam, atque conjunctam cum Molina dixissent. Verum etsi Pelagiani ab Auctore suo degenerassent, & paulo tolerabilius Molinæ Systema fuissent amplexi; non illorum doctrinam Leo Magnus, non sui temporis Ecclesiæ a propterea suscepisset. Quas enim conditiones postulare, ut Pelagianismi notam in Quæstionibus de Gratia Dei quis effugeret, Magnus ille Pontifex declarat. Nisi gratis detur, inquit, non est gratia, sed merces, retribuendo meritorum: dicente B. Apostolo, GRATIA Salvati estis per fidem, & hoc non ex vobis, Dei enim donum est, non ex operibus, ne forte quis extollatur. Cum itaque gratiam gratis datam fateri necesse sit, hoc est, (ut loquitur Concilium Arausianum Canone sexto) Dei misericordiam collatam, non nativis liberi arbitrii conatibus, unde gloria- ri homo posset, obtentam: quisquis gratiam Dei, quovis quæsto diverticulo, humanis conatibus, virtutibusve naturalibus certo dari proffertur, Apostolo, S. Augustino ejus Interpreti, S. Leoni Magno, ac toti demum Ecclesiæ contradicit. Gratiam Dei sic confiteatur, qui vult veraciter confiteri, ut omnino nihil nobis sine illa, quod ad pietatem pertinet, veramque justitiam, fieri posse non dubitet.

Suis satis implicitis retibus hæreret prioris Thesis Auctor, si Molinæ sententiam naturæ plus set initium justo faventem a Semipelagiano errore, quem tertia positione tertæ columnæ delineat: * fecer- nere vellent. Et vero, qui non piam duntaxat credulitatem, sed & ipsam fidem supernaturalem, liberi arbitrii sufficere gratias omnes, naturalium liberi arbitrii conatuum individuas comites, ac pedes- quas agnoscit, in ne quoad hoc caput Semipelagianis est tolerabilior? Nihil magis sacris Litte- ris, & Traditionis expresse occurrit, quam generalis humanæ naturæ ex primi parentis peccato depravatio, & redemptricis gratiæ secuta necessitas. Tota hinc Mysterion Gratæ si- c. 8. 2. 2. mul, & naturæ enodatio repetenda. Fidei dogma est, universæ corrupti hominis desideria, Cor. 8. 4. & 5. cogitationes, affectus, illum ad malum ferre, cum sibi metipsum relinquatur: non esse nos Concil. A- sufficientes cogitare aliquid a nobis quasi ex nobis; vel tenue nobis alicujus, quod ad salu- raufic. 2.

Can. 2. Pſal. tem pertinet vitæ æternæ, deſiderium a nobis concipi ſine gratiæ adiutorio non poſſe. *Omnes declinauerunt, ſimul inuiles facti ſunt: non eſt, qui faciat bonum, non eſt uſque ad unum.*
 Can. 22. 1. ib. Quia igitur ratione ex corruptæ adeo, & inquinatæ naturæ fundo ædiſſiones haurire potuit.
 De Gratia Molina; eam (ut poſtea videbitur) laudabilem ſilem tamenſi minime ſupernaturalem, chariſtatiſſimam illam, & contritionem, illos demum liberi arbitrii naturales conatus quibus gratiam ſupernaturalem ſuprema velut auctoritate adpromittit, & adjudicat? Ea humanæ naturæ generæ
 n. 24. li depravatione toties ab Apoſtolo ad noſtram humiliationem inculcata permitti Arauſicanæ
 S. Leo Epifc. Synodi Patres, viſſique ſacrarum Scripturarum luminibus, ac ipſis, ut ita dicam, tractabilibus humani cordis tenebris inſigniter eruditi, celebrem illam definitionem protulerunt. *Nemo Bonorum o-*
 genita ſibi labe excecatur, atque corruptum, tenebrarum ſuarum, ſuæque corruptionis aman-
 tem, meritis naturæ viribus ad juſtificationem, & ſalutem adeo laudabilem, ac feliciter eniti,
 ideo per naturaſſimam S. Auguſtini, ſi vanas illas, & fanaticas opinationes, a ſe pridem attritas renovari cer-
 ditur præueniret, ut perveniretur ad adiutorium Dei, ad Deum curritur ſine adiutorio Dei? Sed quid
 tamen ſibi volunt, qui nativæ liberi arbitrii vires Molina duce ſeſeferunt? Quid aliud ho-
 mines illi moluntur, niſi (quod Leo Magnus obſervat) occulta dexteritate vulnus originis
 peccati obtegere, illud mortalium oculis ſtudioſe ſubducere, cuius intuitu continuo humiliare
 debent: ac ſuſceptionem pene ingenerare, quod Systematis illius vindices originale peccatum,
 ante gratiam proprio clari ſtutur aut minus agnoſcant, aut minori, quam par eſt illius horrore afficiantur.
 Neque vero inanibus ducimur conſecturis, dum generalem humanæ naturæ depravationem a
 Molina minime cognitam fulſpicamur. Hunc ſi audiamus, ingenite naturæ vires quæ integræ
 in homine lapſo manſerunt, ac in ſtatu pure naturæ fuiſſent, in quo nullo originis peccato
 vulnere fauciatuſſe eſſet. Amiſſa quidem in Adam ſupernaturalia dona proſtitit: ac nihil ultra mali ex
 fauciata, ſalutemque ſit. Non cum latere quidem poterat, nec reipſa latebat eſſatum in Schola, & in Eccleſiæ receptum,
 quod veritas quo vulneris ex protoparentis peccato contracti gravitas demonſtratur; quandoquidem illud a-
 ſciſſimum poſt paginam alteram laudat. Nemo Chriſtianus eſt, qui ſatelli experimento non prober,
 Filius hominis leſum hominem non modo ſpoliatum fuiſſe gratuitis, ac ſupernaturalibus donis, ſed & in na-
 turalibus perfectionibus vulneratum, ac infirmatum; inſtar infelicis illius, qui ab Jeruſalem de-
 ſcenderat in Jerico, quem SS. Patres, ceu typum hominis ab innocentie ſtatu in peccatum lapſi
 exhibent. Non denique Molinam latebat ab ipſomet laudati Synodorum Arauſicanæ, & Tri-
 dentinæ Canones, definiſſe hominem nedum fuiſſe donis ſupernaturalibus in Adam ſpolia-
 tum; verum, & totum ſecundum corpus, & animam in deterius commutatum.
 * Molinæ in
 Concordia liſ tamen inſuper habitis, in ſua opinione Pelagianis adeo favente ſat immotus, & a Con-
 cilioſum definitionibus inſulſa diſtinctione expediti ſe poſſe putans, quaſi Scholaſtiſcis argu-
 tiſſis reſponderet, fidenter pronuntiat, Concilium Tridentinum, & Arauſicanum loqui compara-
 tione virorum, quas liberum arbitrium habebat in ſtatu innocentie æ præſentia juſtiſſe originaliſ;
 non vero comparatione virorum quos habuiſſet, ſi homo in puris naturalibus eſſet conditus.
 Vires natu-
 rales ſecun-
 dum ſe man-
 ſerunt; qua-
 les illas ef-
 femus; habi-
 tuiſſi, ſi in pu-
 ris naturali-
 bus ad finem
 effici, ullaque ratione ſalutem promereri: * ab odioſis Pelagianorum elocutionibus, quibus Chri-
 ſti mortem (uti eis non ſemel Patres exprobrant) caſſam, & inanem faciebant, ſtudioſe tem-
 perat. Quin etiam hominem nonniſi gratuitis, Chriſtiſſe merito partis auxiliis juſtificarî pro-
 pterit: verum invertit, deſormatque omnia, integrare dum nititur, & conciliare. Pactum Pa-
 trem Aeternum inter, & Chriſtum Jeſum commiſcitur, Pelagianis, ceterisque quos noveri-
 mus omnibus, ac ipſi etiam Gentium Apoſtolo * proſulſus ignotum. En illud, ut ex Molinæ cere-
 bro prodiit: *Id obſervit nobis Chriſtus ob ſua merita, atque inter leges, quas ſam ipſe, quam Pa-*
 ter Aeternus ſtatuerunt de auxiliis, & donis, quæ nobis Chriſtus promeruit mere gratis conferen-
 dis, una eaque rationi maxime conſentanea fuiſſe, ut quoties ex noſtris viribus naturalibus cona-
 tur ſaceret, quod in nobis eſſet, præſto nobis eſſent auxilia gratiæ, quibus ea, ut oportet ad ſalu-
 tem, & effectum, ut ea ratione, dum eſſemus in via, ſemper in manu liberi arbitrii noſtri poſſita
 rem, & effectum, ut ea ratione, dum eſſemus in via, ſemper in manu liberi arbitrii noſtri poſſita
 eſſet ſalus noſtra; per noſque ipſos ſtaret, quod ad Deum non converteremur.
 S. Auguſt. l. 1. Certe Pelagianos, uſque adeo obſcurato animo ſitit, nemo dixerit, ut ad eas Molinæ compo-
 ſitiones venire pertinaſſet detractaſſent. Quid enim reipſa poſtulatant, niſi ut in ſingulari Adami
 perſ. cont. poſteris ſufficientes naturæ vires admitterentur, quibus gratiam, & ſalutem (mereri quidem, ne
 Julian. n. 96. dicamus, quandoquidem Molinam pariter, & Eccleſiam verbum offendiſſet) adipiſci poſſent, quo-
 Cum in Pa- les liberum arbitrium ex viribus naturalibus conatur, præſto eſſet ad conandum? Quid ultra ad
 leſſino iudi- hominis commodum eis erat in votis, quam quod Molina commiſcitur? Ingenitis ſcilicet natu-
 cæ Pelagio ſuiſſet ſtudiis, & affectibus gratiam ſpecialem, & ſupernaturalem Deo concuſſum tam certo, & indi-
 cuiſſet obje- vulſe connexum eſſe (ut Molinæ placet) quam certo naturalis, & generalis concuſſus ad-
 eſt

est homini secundum naturam agere volenti.

Suis facie commodis minus bene consulissent Pelagiani, si sano, rectoque doctrinæ capite, minus de præsente tenacitate pro Christi gratia remississent, quam ipse Molina ad liberi arbitrii commendationem de Ecclesiæ doctrina remisit. Etenim si res intimius attenditur, positis Molinianæ compositionis conditionibus, post tot erecta a S. Augustino, & Gentium Apostolo divinæ gratiæ trophæa, liberum arbitrium ambitiosius triumpharet: ac reluctantibus licet Scripturarum, & Traditionis oculis, salus hominis (si penes Molinam iudicium foret) non a Deo pro arbitrio miserente, sed ab homine propriis conatibus volente, ac concurrente penderet, *Semper, inquit, in manu liberi arbitrii nostri posita est salus nostra.*

Si ita est, si stant pacta illa conventa, vix ultra nobis est cum Pelagianis aliqua de disputandum. Id exemplo compertum erit. Tot inter agitates olim in Ecclesiæ controversias, ea sane gravissima fuit; quæ de peccati originalis transiitione, ejusque pœnis in Adami posteris movebatur. Mirum quantum hæc Pelagiani, nimis pro more suo humanis, & indulgentibus stomachum fecerit. Verum mollescere, ac flecti necia veritas obviit, ne quid unquam Ecclesiæ hac in parte remitteret: maluitque sacris Oraculis erudita, alte de divinæ Justitiæ severitate sentire, quam projecta Hæreticorum, ac licentiorum hominum somnia consecrari. Id nobis certo persuasum est, nihilo magis Ecclesiæ probari Molinianam de peccato originali, quam de divina Gratia, & Prædestinatione concordiam, (quæ cum peccato originali valde connexa sunt argumenta) Pelagianosque illam circa utrumque caput lubentibus animis excepturos fuisse.

Quid porro circa originalis peccati dogma veteres illos hæreticos offendeat? Non iderte, quod pueros baptizandos Ecclesiæ crederet, ut regni cælorum introitu digni essent; perperam eis Evangelium hoc in capite videbatur. Immo nec peccatum originale, quo tamen arbitrari expositum fateri Pelagius detrectavit in Synodo Diospolitana, ac velut impetum sibi calumniam propulsavit, quod illi a nonnullis exprobrabatur, *Quod infantes, (secundum ejus opinionem) etiam si non percipientur, vitam æternam habere possunt*: hunc errorem; ejusque Sectatores libere condemnavit. Qua igitur parte Pelagiani a Catholicis de peccati originali dogmate diffidebant? Ista maxime, quia totius difficultatis cardo vertebatur: quod videlicet duram nimis, & intus humanam opinionem arbitrarentur, quam Ecclesiæ Scriptura sacra duce, & S. Augustino vindice tuebatur; parvulus non modo vitiatum ex Adam originem ducere, nulloque, vel minimo ad salutem conatu se ipsis eniti posse: sed & illos æternum damnatum iri, ac miseris fore, nisi in Christo per baptismum renascerentur. Hac in re S. Augustini adversarii illum, ceteroque Catholicos, crudeles, barbaros, Manichæos, deinde Bonitatis hostes, appellabant: omnia demum pro sua cæcitate adversus illos congebant probra, convicia, maledicta, quæ tanta in humanum genus miseria fuggerebat. Quisquis controversias illas penitus attingeret, eo universa reciditæ fateretur. Si Pelagianis dedisset Ecclesiæ, parvulus sine Baptismo defunctos nullatenus æternis miseris addicendos, immo naturali felicitate donandos; secum certe satis liberaliter actum existimarent. At nulla unquam S. Augustino, nec Ecclesiæ compositio placuit, ubi summa fidei vertebatur. Unus Molina mitioris concordie genus commentus est, Catholicis non minus exosum, quam Pelagianis acceptum. Quid novis ille Auctor insolita luce perfusus, totaque Ecclesiæ Catholica, & S. Augustino longe humanior docere nos velit, audiamus. *Parvuli reprobatî perinde se habebunt, ac si in solis naturalibus fuissent constituti: immo post diem judicii, cum ipsorum animæ suis fuerint corporibus restitute, ab omniâ molestia, & ætatis, quibus in hac mortali vita subiacent, supernaturaliter liberabuntur, melioremque in naturalibus vitam, vitio omni mentis, & corporis immunitem in perpetuas æternitates ducens, quam ullus unquam mortalium duxerit.* Quid ergo? Ad eas ne conditiones cum Molina descendere Pelagius detrectasset? Si hoc parvulus morientibus sine Baptismo non erit malum, a regno Dei separari (aitbat olim tota cum Ecclesiæ S. Augustinus) non itaque summum bonum erit regnum ejus. At Molina averso a S. Augustini doctrina animo, & quidam in Pelagianas opiniones propensione, pronuntiat, illos citra inhumanitatis vitium miseros appellari non posse, quos tamen iræ filios appellat Apostolus. Prohibente licet originali peccato, Scriptura Sacra, & Traditione repugnantibus, eos in Paradisum deliciarum Molinianis manibus constitum inducit, quos Deus vix cum Adamo expulit, & quos a facie sua æternum exterminabit. *Melior em in naturalibus vitam in perpetuas æternitates ducens, quam ullus unquam mortalium duxerit.*

Gratias huic Jesuitæ maximas habereb humanum genus, si tantum in rescindenda damnatione, quam in nos trahit originale peccatum, ipsi inisset auctoritatis, quantum ejus Sectatoribus in illius doctrina promovenda. Ad Ecclesiæ tamen honorem dicendum est, Molinæ opinionem quoad hoc caput nequaquam tolerari, tametsi Auctor solemni iudicio non sit ex nomine damnatus. Concilium plenum totius Africæ, contra Pelagium, & Cælestium anno 418. celebratum, omnium Christiani orbis Ecclesiarum, a quibus receptum est, fidem expressit: *Si quis dicit deo dixisse Dominum.* In domo Patris mei mansiones multe sunt, ut intelligatur quid in re, quo calorem erit aliquis medius, aut ullus alicui locus, ubi videntur vivere parvuli, qui sine Baptismo ex hac vita migraverint, sine quo in regnum cælorum, quod est vita æterna, intrare non possunt, anathema sit. Quisquis errorem illum protulerit, sit ille Pelagius, aut Cælestius, sit Molina, si quis dicit, anathema esto. Ac ne ambigua felicitatis naturalis, ac supernaturalis, voce difficultatem sibi cludere videatur Scholasticus noster, reliqua Canonis verba ponderet, sequæ ab illis, si potest, detendat. *Nam cum Dominus dicat, Nisi quis renatus fuerit ex aqua, & Spiritu*

Sanctum, quod diceret infantes nuper natos in eo statu esse, in quo Adam fuit ante peccatum, negavit se dicere, idque damnavit.

* Ad Ro. 9. 30-31. & 32.

Quid ergo dicemus?

Quod gentes, quæ non sectabantur

justitiam, apprehendunt

justitiam, justitiam autem,

quæ ex fide est. Israel vero

sectando legem justitiæ, in legem

justitiæ non pervenit.

Quare? Quia non ex fide,

sed quasi ex operibus.

Rom. 9. 16.

Non volentis, neque currentis,

sed miserentis est Dei.

Molina loco jam citato.

S. August. l. 1. cont. Julian.

c. 9. n. 19.

Tom. 7. Con. cil. pag. 1529

Edit. P. Labbe.

Molina qu. 23. art. 4. & 5. membro

8. p. 447.

Lib. 6. cont. Julian. c. 10. n. 32.

Ephes. 2. 3. Eramus natura filii ire.

In Appendice ad Tom. Operum S. August. pag. 106.

„ Sancto, non intrabit in regnum cœlorum; quis Catholicus dubitet participem fieri diaboli, cum, qui coheres esse non meruit Christi.

Si quis, his insuperhabitis, Molinæ opinionem omni retro tempore ab Ecclesia reprobam adhuc tueri velit, illum ad eruditam Dissertationem remittimus celeberrimi illius Theologi, quem eximia merita, iustaque Summi Pontificis eximatio ad Eminentissimam Dignitatem extulerunt, invidia, calumniæque trementibus, & nihil non tentantibus, ut iniocta infamia dignam tot virtutibus mercedem eriperent. Nobis tamen non est animus legem vobis imponere fidei credendi, seu docendi, mortuos sine Baptismo parvulos ipsius etiam sensus poena multari. Orari Deo plus satis illis erit ad æternam miseriam. Quin etiam id certo cum sancto Augustino statuendum, illos in omnium levissima, & mitissima damnatione suos. At non ideo dicere licet, nisi Pelagianis assentiri velimus, illos minime miseros, aut etiam, quod peius sonat, felices, ac supra mortalium sortem feliciores extituros.

Sed ad Theſim, unde divertimus aliquantulum, redeamus. Si Molina iis est laudibus ornandus, quas illi tribuit, ejus ergo doctrina velut unice approbata, excipienda nobis erit, iis saltem in capitibus, ubi solæ post Molinæ sententiam Hæreticorum assertiones referuntur. Rigidioribus Calvinianis quodam saltem pacto in materia gratiæ concedenda lis erit; qui Sedem Apostolicam falso incusant, quasi S. Augustino relicto Molinæ doctrinam adoptaverit: Cratulandum, & Calvinianis mitigatis ex Arminii secta, qui Molinam S. Augustino prætulerunt: exprobare licebit sanctissimo Gratæ Doctori (ut Hispanus ille Auctor auctus est) quod Ecclesiam turbaverit & verumque, ac recentium Hæreticorum partibus vel imprudens, vel ignorans, vires addiderit: & dum S. Augustinum depicatus impune habet Molina, nova ejus signenta summa veneratione nobis erunt suscipienda. Illi docere licebit, S. Augustino Synodisque conculcatis, & veluti repperculsis, Christi, Sanctissimæque Matris ejus animas, ideoque præ ceteris in tantam dignitatem electas fuisse, quod illas Deus prævidisset melius quam ceteras pro sua innata libertate usuras suo arbitrio. Fas illi erit propugnare, contra expressa Scripturæ Sacre verba, & apertas Ecclesiæ definitiones, hominem lapsum, integris æque viribus stare, ac illas in puræ nature statu erit habiturus, nullo peccati vulnere sauciatus: Pueros sacro Fonte minime expiatis, secundum naturam felices, ac supra quam ullus mortalium fuerit, extituros. Tandem faveat licet Molina Nestorianis, Pelagianis, alique tum veteribus, cum novis erroribus, primæ Theſis Auctor ejus doctrinam adeo periculofam, tantaque laborantem infamia, supramodum commendabit, & coram Summis Pontificibus examinatam, ac velut in fornace probatam auro puriorem inventam esse prædicabit.

Id præ ceteris observandum, Molinam novam illam doctrinam, ut fructum scientiæ mediæ effundere, cujus se auctorem esse gloriatur. Id ex ipsius verbis compertum est. Cum „Deus scientia sua prævideat, quinam ex eis, qui audituri sunt Evangelium, conaturi sint ex suis naturalibus ad assensum eliciendum, ut tenentur, & qui non, sane, ut a peccato non excusentur, qui assensum fidei supernaturalis non elicerint, satis est, Deum suo auxilio, & gratia præsto esse ad preveniendum in eodem instanti, quoscunque præviderit ex suis naturalibus ad assensum conaturus, ut ita non quidem tempore sed natura præventi talem eliciant fidei assensum, qualis necessarius est ad salutem.

Explicatis profecto doceri nequit, Deum gratiæ suæ auxilia illis parasse, quos seipſis, atque ingentis viribus acturos prævidet: quod ipsum in Pelagianis damnavit Ecclesia. Sic in errorum abyſsum præcipientes ruunt, qui inani fiducia tumidi, sola humana ratione duce de altissimis Myſteris arguantur. Non abſimili confidentia temerariam illam, & captioſam Propositionem propugnat: *Liberum arbitrium solo concursu Dei generali elicere poſſe assensum fidei, actum, qui sit mere naturalis*. Nec vero aliter de ſpe pronunciat, quoad actus ſubſtantialis aſſerit. Ac demum de charitate sermonem inſtituens, idem quod de reliquis virtutibus theologicis aſerit: *Liberum arbitrium cum ſolo concursu generali Dei elicere poſſe non ſolum actum aſſeritionis naturalis, id eſt, dolorem de peccatis ex Dei timore, cum propoſito amplius non peccandi lethaliter, ſed etiam actum contritionis naturalem, qui idem propoſito non peccandi amplius lethaliter includit*. Hæc porro ſi cum aliis paulo antea poſitis conferantur, dilectionem ſcilicet ea contritione naturali includi, conſequens profecto eſt, naturam ipſam, ſecundum Molinæ principia, ſibi ſoli relictam, ſolo concursu generali opitulante, fidem, ſpem, & charitatem, quoad ſubſtantiam actus habituram: tameſi non aliam Scriptura Sacra, & Eccleſiæ Patres fidem, ſpem & charitatem agnoſcant, quam quæ, ſecundum Apoſtolum, ex gratia ſoboleſcunt.

Audiat Theſeos Auctor Canonem ſextum ſecundi Concilii Arauſiſani: *Si quis ſine gratia Dei credentibus, volentibus, deſiderantibus, conantibus, laborantibus . . . nobis miſericordiam conſervi dicit divinitus . . . & ſua humilitati, aut obedientie humane ſubjungit gratiæ adiutorium . . . reſiſti Apoſtolo dicenti, Quid habes, quod non accepiſti? & Gratia Dei ſum id, quod ſum*. Hoc-ne Concilium Molina legerat, cujus non ſemel ſuo in Opere meminit? An illud parvi fecerat? An forte cum latebat ſingularis auctoritas, quam in Romana Eccleſia hæctenus obrinuit, unde ſuas Sanctus ille Cætus definitiones hauſerat? Quo loco notare oportet pretium eſt, nullam eo in Canone meriti naturalis, aut dignæ ad gratiam ſine gratia obtinendam diſpoſitionis mentionem ingeri; ſed eos ſimpliciter anathemate peti, qui miſericordiam Dei hominibus ſine Chriſti gratia credentibus, ſperantibus, conantibus, laborantibus conſervi dicerent; aut diviniæ gratiæ adiutorium (ut Molina auſus eſt) virtutibus naturalibus hominis temere ſubjungerent? *Obedientiæ humane ſubjungit gratiæ adiutorium*. Fruſtra porro ad eludendum Anathe-

ma.

Lib.5. cont.
Julian. Pel.
c. 11. nu. 44.
Enchirid. c.
93. n. 23. lib.
de Peccato-
rum meritis
& remiſſi. c.
16. nu. 21.

Queſt. 23. a.
4. & 5. diſp. 1.
membro 9.
pag. 478.

Queſt. 14.
a. 13. diſp. 7.

Queſt. 14. a.
23. diſp. 7.
pag. 29. & 30
Diſp. 14. pag.
62.
Ibidem pag.
63.

1. Cor. 47. &
cap. 15. 10.

ma Concilii obtruderet aliquis duplex virtutum genus; alterum earum, quæ salutis, justificationi deserviunt; alterum virtutum naturalium, quas ad salutem conducere Molina non contendit. Sunt hæc speciosa diverticula, quibus non Pelagianos errores proscribere, sed Ecclesiæ censuras eludere velint. Nam præterquam quod fides, spes, charitas, contritio, ad salutem inutiles, monstri pene instar haberi possunt, quod vel uno detererit Molina debeat, quominus adulterinam, & apud filios Regni (ut Scripturæ verbis utar) reprobam monetam tanti faceret; eius etiam Sæcatoribus mox ostensuri fumus, quantum ipsi fallantur, aut alios fallere velint.

Certum quippe est in Molinæ systemate primas reipæ partes naturæ tribui, quæ uni gratiæ in speciem tribui videntur. Quis enim negare potest id ab eo fundamenti loco poni, Deum certo gratias omnes ad justificationem, & salutem necessariis largiri homini, ubi primum ingentis naturæ viribus egerit totum, quod ex se potest? Ex quo plane confectarium est, omnia tandem in gloriam liberi arbitrii cedere. Semipelagianis nihil ejusmodi venit unquam in mentem, ut damnationem effugerent artis scilicet, ac industriæ Molinianæ expertibus. Nihil sane intererat (quod dogmatis caput attinet) aut fidei supernaturalis initia, cum Fauto nobis adscribere; aut, cum Molina propugnare, nil quidem nos ultra fidem naturalem posse ex nobis; at supernaturalem fidem a Deo semper adjungi: qua una subtilitate fractæ, & elisæ hæresis reliquias, velut opportune succurrente in naufragio tabula collegissent. *Novimus hanc istorum esse versutiam* (inquit S. Leo Episcopus Aquileiensem adversus Pelagianorum astutias muniens, *ut in qualibet parvula dogmatis excorandi, quam a damnandorum soliditate disceverint, nihil sibi sensuum suorum existentiam esse non salvum.*

Et vero dispungantur minutatim novæ Concordiæ principia, nemo erit, qui aperte non videat, quam facile Pelagiani fide umbra, & protectione Molinæ Ecclesiæ fulmina declinant. Sic ille novum dogma fuxponit: *Faciens, quod in se est, Deus non denegat gratiam, Christusque nobis promeruit auxilia non solum, quæ conantibus nobis ex nostris naturalibus efficere, quod in nobis est, præsto essent, ac præveniens, ut sic illo eodem conatu eliceremus dispositionem supernaturalem ad gratiam, sed etiam quibus excitarem omnino; inde est, quod quoties quis paratus fuerit ad conandum ex timore, efficiendumque totum, quod potest circa detestanda peccata commissa, & cavenda imposuerit omnia lethalia, præveniat a Deo affectu, doneque timoris supernaturalis, & eliciat attractionem supernaturalem, qualis cum Sacramento est necessaria, ut peccata deleantur.* Hoc siverum, nihil obest quominus homo sibi justificationem suam, & salutem adscribat: siquidem gratia ingentis liberi ejus arbitrii conatibus semper addicta est.

Tot illos Molinæ exitiales errores, dum de divina gratia sermo fuit, silentio præterire nefas erat: cum is ab illo semel positus, quicquid demum de gratuita electorum prædilectione statuere visus est, sponte ruat. Dum hæc perversa dogmata stabunt, humanæ superbiæ, & gloriationi locus erit: atque ubi gratuita supernaturalium donorum preparatio posita fuerit, eadem ipsa dona naturalibus liberi arbitrii conatibus scititque virtutibus fidei, spei & charitatis naturalis, quoad substantiam actus, adscribentur.

Si hæc principia, atque dogmata sine debita animadversione serpere sineremus, vix, ac ne vix quidem Pelagianismum humana superbia renascentem, ac tumidum cohibere fas esset. Cogimur igitur, vel invitii piis Leonis Magni consiliis morem gerere, quibus Aquileiensem Episcopum hortabatur, ut obscuro aliquos Hæresis Pelagianæ fautores Pastoralis vigilantia coerceret, tanto difficilior a veris Christi ovibus discernendos, quanto callidius ovina fe pelle tegebant. *Cavendum ergo, inquit, magnaque diligentia providendum, ne per huiusmodi homines extincta dudum scandala suscitentur, & de excipio olivæ dogmate aliquod in Provincia sua ejusdem mali germen oriatur; quod non solum in radicibus suis crescat, sed etiam sanctæ Ecclesiæ sobolem veneno sui odoris inficiat.* Eo vero movemur magis, quod intemperans ille Molinæ laudator nullibi erroris ejus, vel leviter perstringat, vel explodat: quanquam tales ii sint, ut totam Molinianæ doctrinæ summam inficiant, & si quid boni dixerit, inutile reddant.

Accedit, & aliud hujusce Thesis incommodum longe gravius. Tertia scilicet columna, ubi varæ circæ gratiam opinioniones reteruntur, sex complectitur Appendices. Quinque postremis Auctores hæreses omnes exponit, quibus Ecclesiæ Catholicæ doctrina de divina gratia pulsata est: Pelagianos, Semipelagianos, Prædestinatios, Lutheranos, Calvinistas, Jansenianos numerat ordine longo. Porro tot illis divinæ gratiæ hostibus unam Ludovici Molinæ doctrinam ex adverso ponit Appendix prima, ceteri omnibus Theologorum orthodoxorum sententiis alto silentio prætermittis: quasi hujus unius doctrinam Catholicis Theologis amplecti necesse sit, si procul a damnatis hæresibus stare velint.

Certe, ubi de fidei dogmate statuendum, vel in Libro, vel in disputatione Theologica agitur, id primo proponitur, quod Ecclesiæ credit, omnique retro tempore professæ est: tum oppositæ Catholico dogmati hæreses recensentur. Cum igitur una Ludovici Molinæ sententia de divinæ gratiæ auxiliis, ut subortis erroribus adversa recensita sit, perspicuum est, id unum Thesis hujus Auctori fuisse consilium, ut Molinæ sententiam tanquam Ecclesiæ Catholicæ doctrinam, professionemque obtruderet, cui adhæret necesse sit, ut hæreses recensitæ videntur.

Atque id quidem consilium eo manifestius fe prodit, quod Thesis Auctor statim sub primæ Appendicis initio perferit, Molinam, ejusque Sæcutores, divinæ gratiæ, cum humana libertate concordiam, ope scientiæ mediæ, ceteris omnibus Theologis enucleatius tradidisse. Addit, Doctrinam ejus tam valide impetitam, toties a diversis generis hostibus impugnata, & coram Summis

Epist. supra-
citat.

Quæst. 14.
art. 13. disp.
14. pag. 82.
83.

Epist. jam
citata ad A-
quileiensem
Episc.

P. 4. c. 14. p. 198. Edit. Antuerp. Et cap. 41. pag. 89.

Unanimi consensu statuit, doctrinam S. Thomæ in doctrina Scholastica tanquam solidiorem, securiorem, magis approbant, & consentaneam nostris Constitutionibus, sequendum esse a Professoribus nostris.

* Cap. 56.

P. 300.

a. Constit.

pag. 3. cap. 2.

pag. 118.

Idem sapiamus, idem quoad eius fieri possit dicamus omnes juxta Apostolum: doctrinae igitur differentes non admittuntur. b. Theses propugnatae in Collegio Societatis Jesu, Divisione 1686. mense Junio, & Munique ponti anno 1689. die 14. Januarii.

c. Die 23. Augusti, 1690.

2. Tim. 4. 3.

Ad Titum. 11.

9.

Ad Hebr. 13.

9.

1. Ad Timotheum.

6. 20. & 21.

Laudat Illu-

str. Archipræul Rhe-

menensis Ma-

rianæ verba

secundum

Versionem

Galicam ipsi

Antographo

re. e. v. a. u. n.

Pontificibus tam diligenter examinatam, tanquam aurum in fornace probatam, puriorem inventant esse. Eo etiam venit audacia, ut sacrilega quidam violatione sacras divinas Scripturas voces usurpet, quibus invidiam in tormentis Martyrum fidem celebrat Ecclesia: ac demum lata veluti sententia pronuntiat, Molinæ doctrinam dira coram duobus Summis Pontificibus persecutione agnitam, solidiorem, ac puriorem evasisse, dignamque etiam, que uti Sanctorum Patrum hæreditas excipiantur: Cum honore extor disputationum fluctibus emerisset.

Constitutionibus Jesuitarum sancitum est, Ut in Theologia legantur *Vetus, & Novum Testamentum, & Doctrina Scholastica Divi Thomæ*. Hoc ipsum quinta Congregatio generalis, Societatis decrevit, nonnullaque quorundam Deputatorum, de sciendis opinionibus instituta confirmavit, quorum primo ita constitutum est: * *Nostri omnino S. Thomæ, ut proprium Doctorem habeant, cunctos in Scholastica Theologia sensus rectorum, tum quia Constitutiones cum nobis commendant, & Summus Pontifex Clemens VIII. id se cupere significavit; tum quia cum unius scriptoris doctrinam in Societate docendam Constitutiones monent, nullius hoc tempore doctrina potest occurrere, quæ sit ea solidior, aut securior: ut non in invito S. Thomæ Theologorum Principe ab omnibus habeatur*. Quin etiam Cap. 41. quintæ Congregationis generalis cautum est, *Ne deinceps ad Cathedras Theologicas promoveantur, nisi qui sancti Thomæ bene quæsit fuerint; qui vero ejusdem Auctoris parum studiosi, vel etiam ab eo alieni sunt, a docendi munere repellantur*.

Sancti Thomæ principiis imbutus profecto non fuit Frater Gabriel Thiroux, Thesis huius auctor, & propugnator, uti innotuit illum fuisse oportuerat, si Præpositi Societatis hæc Decreta exequi non mandassent. At Magistrum ejus Suarez dare maluerunt, cuius doctrina nil nisi Molinæ temperamentum est. Ea nobis agendis ratione Jesuitæ significant, pluri apud illos fuisse recentium Scholæ suæ Theologorum auctoritatem, quam Clementis VIII. Pontificis Maximi ipsi, qui serventibus Congregationum De Auxiliis disputationibus, unicuique Magistrum esse voluit sanctum Thomam. Quæ ergo mirum si quo tempore Thesis propugnanda fuit, quinta scilicet Decembris ultimo præteritis, nullam alterius Decreti prudentissimi rationem habere, quo quanta illorum Congregatio generalis, vetuit, ne quis eas opiniones in aliqua Academia doceat, vel defendat, quæ Catholicos offendere possint?

Maiori Jesuitæ Rheimentes reverentia duci debuerant in Societatis suæ Constitutiones, Congregationisque generalium ejusdem Societatis Decreta, quorum nisi memoriam interdum revocavimus, dum nostrum illis de Molinæ doctrina iudicium aperimus. Si quod Majoribus quidam suis charitatis; ac prudentie studium institum erat illos etiamnum egisset; non usque adeo publice comprobassent quam parvi sensu nostræ, ac monita pendente. Ab eo delicto procul illos esse, & ab immodicis Molinæ sui laudibus temperare oportuerat, vel eo solo nomine, quod illius sententiam inter fidei dogmata reputare ipsi non audent; eamque e contrario novam, ut minimum, confiteri, compellantur.

Mirari subit, liberam opinandi licentiam, usque adeo Societatem occupasse, vitis quondam, atque etiam hodie eruditis abundante: cui etiam nihil in suis iniuriis omisum, ut prudentissimi institutis, ab ea fide laber præcaveret. a

Joannes Mariana Jesuita Hispanus eruditione sua celeberrimus, eade re graviter exposculat edito Tractatu, *De rebus emendatione dignis in Societate Jesu*. Ubi malum eo usque progressum ait, ut plures in Scholis opiniones recipi cerneret, quæ falsæ primum, atque insulse habebantur. Quam ardentiori reformanda Societatis zelo exarsisset, si deinde illum peccati Philosophi errorum, impiamque adversus divini Amoris mandatum heresim, publicis apud hæc Thomæ deinde morte sua compisset. Nulla nobis ambas illas Theses & ut commemoramus religio est, ipsam illam solemni Alexandri VIII. Decreto & damnatæ sunt. Alias silentio mittimus nostra ætate, nuper in nonnullis hujusce Regni Diocæsisbus propugnatas; quod saltem in mentem alienam intrinsecere, ac de gestis extra jurisdictionis nostræ fines publice pronuntiare nonimus. Ad his Præcibus expectanda iusta Censura est, quorum ovibus periculosæ illæ Theses scandalo tuere. Hanc ut libenter ferent, pro ea, qua nobis præstant eruditione, & singulari custodiendi depositi tibi commissi zelo, cum auctoritate legitima contactus. Nos interim, qui poterimus vigilantia illud in Diocæsi nostra servare fatagemus, ut copiamus, his præterit temporibus, quibus non adulari sibi homines velint, impatientique dissolute discipline perurgine laborent, promissionem laxiorum Doctorum turbam audiant, qui illorum cupiditatibus ferviant. Hortabimur, obtinebimus, increpabimus, uti nos monet Apostolus, *In doctrina sana, & eos, qui contradicunt, arguamus*. *Doctrinis variis, & peregrinis abutens, qui decet charitate, & animi fortitudine castigabimus, ut Prophanas vocum novitates desint, & Oppositiones falsi nominis jurent, quam quidem promittentes circa fidem excidimus*.

Idem ille Joannes Mariana, qui, quo tempore Congregationes De Auxiliis habebantur, prælaudatum de Societatis emendando Re. nomine Tractatum edidit, diligentius notat, quæ mala liberiores illam in vulgandis Molinæ, & aliorum plurimorum figmentis licentiam secuta sunt. *Ex inordinato, inquit ille, novitatis amore emanarunt illi turbores, & procelles, quibus nostra Societas tentata vitæ exagitate sapientissimos Dominicanæ familiæ Theologos, quos potius venerari debebat, quam secuti hæsterna Ludovici Molinæ figmenta. Addit, Occasione Moliniana concordia ab hisce Patribus exactum acriter; ac primo quidem ad Hispaniensem Inquisitionem promissum, deinde Romam; ubi (ut ait) quo tempore scrivebat, controversia magno animorum aestu agitata esset: Cuius prosperum*

exitum (etiamsi res illis prospere cedent, quod admodum incertum erat) nonnisi multis expensis, & anxio multorum annorum cura emperiri essent. Subiungit, Virum per illustrem, * rerum illarum apprimè conficiam, Societatis Præpositos monuisse, ne se liti huic altius implicarent; nihil tamen obtinuisse: Tum quod ad litem urgendam proprii honoris stimulo duceretur Præpositus Generalis, ob datam Molinæ typorum veniam, minusque rei gravitatem persisterent iuniores nonnulli Hispaniæ Professores: tum quod, qui Præposito Generali Romæ adflesbas, quique Hispania Provincialis munus gerbat (quorum artibus omnia hæc movebantur) viri essent illiterati, qui publica illa Societatis munia hominum ejusdem moris, & indolis gratia obtrinebant. Qua in re id tandem evenisse ait, quod visum est, & quod evenit, quoties ardua Societatis negotia viris rotabentis, & ignavis Præpositis committerentur. Ita Mariana eo in Libro, quem publicæ luci præcipere tantopere conati sunt, quemque nos in testimonium Hispano, & Gallico editum idioma in Bibliotheca nostra servamus, Sicdemum Auctor ille Tractatum suum absolvit. Multam mihi fiduciam sumpsit in detegendis malis Societatis nostræ, ac Regiminis ejus erroribus, isque potissimum, que cum communiter approbentur, libentius fiunt. Quid remedi? (candidè loquor sine præjudicatis mentis affectu, ac spe quacunque) Rem quisque, ut libuerit, æstimabit. Verum quid in me est, quod proprius ingravescente etate ad Dei judicium accedo, Societatem nostram, quæ Dei opus est dubio procul, in præceptis rure firmius sentio, ac brevi etiam casuram omnino, nisi Deus ipse det opem; ejusque filii pro sua in Matrem pietate, omnique privati commodi studio sepositio, præsentis auxilium offerant, & ad vivas usque partes circumcidant, si ita est opus, ne ultra serpat corruptio. Perpendite jam, per nos licet, Marianæ verba, & inausita præfagia. Duo tantum inde colligimus. Primum, isto ineunte Sæculo, Societatis Professorem magnæ apud Sodalitæ suos existimationis de liberiori in ea opinionum licentia exposuisse: Alterum, non tanti illum fecisse Molinam, quanti nuncupium facit Societas.

Unum superest, quod in Molina tantis in ea Thesi laudibus imprudenter commendato observari debeat; minor scilicet, quam par sit in sanctos Patres, & antiqua Concilia reverentia, immo contemptus, & despectio. Hunc si audimus, minus illis circa divinæ gratiæ quæstiones lucè affulsit. Quin, inquit, Patres antiquos, antiquaque Concilia Legendi periculum erit, parum admodum lucis fuisse circa ea, quæ ad gratiam spectant. Atrocem Traditioni Sacræ, quæ doctrinæ depositum ad nos, usque transmissit injuriam! Punientiæ temeritatis verba! Videri quidem prima fronte potest, superiora dumtaxat Pelagio tempora notare: verum cum illic Araucianæ Syædodi secundæ mentione faciat, nullaque ante Pelagium circa Gratiæ quæstiones Concilia celebrata sint; periculum est, velle Molinam, & his verbis innuere, nedum superioribus Pelagio temporibus doctrinam de Gratia fuisse ignoratam; sed & ipas etiam post hæresis Pelagianæ ortum celebratas Synodos nihilo magis luminis his controversiis attulisse. Conciliis igitur Africanis, & Araucano, quorum tanta est in Ecclesiâ reverentia, necnon tot Summorum Pontificum definitionibus injuriam irrogat, quasi minus feliciter quam ipse Molina divinæ gratiæ dogmatum veritatem explicaverint. Audacem nimirum incitiam, ac sepiore censurâ dignam!

His de causis, aliisque gravissimis, Dei nomine invocato, re mature expensa, auditis Sacræ Theologiæ Doctores eruditissimis, sapientissimis, & in Ecclesiastica Dignitate pariter constitutis, damnavimus, atque damnamus primam Positionem tertiæ Columnæ Thesi propugnata die quinta Decembris ultimo elapsi, cujus verba supra descripsimus, uti falsam, temerariam, scandalosam, captiosam, & inducentem in errorem.

Thesis altera, die decima-septima Decembris propugnata, nec minus est ad fallendum composita, nec minus, si penitus attendatur, Censura digna est. Equidem primo quintæ Columnæ intuitu, fusculari pronum est voluisse Thesi hujus auctores Sancto Augustino, & Ecclesiæ pro illata ipsis ante dies aliquot injuria publice satisfacere. Utenim præfenerant nos, cum omnibus probati nominis Theologis indigne laturos, in priori Thesi, cui titulus est *De variis circa Gratiam opinionibus nullam aliam de Prædestinatione doctrinam, cetero orthodoxam agnoscit, præter novum Molinæ systema Sancto Augustino adeo injuriosum, sibi utcumque præcaverunt*. De Sancto Doctore paulo reverentius loqui ipsis visum est. In exponenda Prædestinatione, inquit, Augustinum sequimur. Hujus Urbis Jesuitæ Augustini discipuli videri affectantes, in Thesi sua dixerunt: *Toti Augustinianij sumus*. Bene id quidem: verum ut totus quis Augustinianus habeatur, haud facile est S. Augustini sententiam amplecti, nisi eodem modo, eodemque animo illam defendat. Si quid enim, ut fidei dogma docuit S. Augustinus, nec ab Augustiniano, tacendo, nec neganda tanti momenti veritas est. Videamus igitur num hac parte Jesuitæ Rhemenes Lugdunensibus * Sociis religiosiores extiterint; collatique variis Thesi secundæ principiis perpendamus quo spectet ea in speciem reverentia, quam erga divinæ gratiæ Doctorem in nostra Dioecesi ostentantur.

Antequam speciosa illa commendatione salutaretur S. Augustinus, id caute præmissum ab illis est, Sciendum mediâ à Molina, ut notis, inventam, *gratuitæ Prædestinationis explicandæ unice deservire*. Quæ illusio! Augustinianæ ergo doctrinæ tam antiquæ, tam universaliter, tantæque reverentia receptæ, & pro Sedis Apostolicæ doctrinæ semper habitæ approbatio & Molinianæ opinionis approbatione pendebit! Novæ, (inquam) opinionis, ab ipsa origine fusceptæ, obcuræ, in sanioris doctrinæ Scholis impugnata, a plurimis & Societate Jesu, in qua nata est; magni nominis Theologis explosæ, Sedi Apostolicæ ignotæ, & ipsius respectu peregrinæ, ac prorsus extraneæ? (ne quid amplius dicamus, & solemnem Sententiæ illius Declarationem præveniamus.) Theologi igitur deinceps tenebuntur Auctoris recentioris fig-

menta

* De Cardinali Baroni loqui videtur.

Quæst. 14. A. 13. Disp. 15. p. 86.

Posit. g. col. 3

Ibidem.

* Thesis Lugdunensium Jesuitarum 22. Augusti. 1636. Positione 15.

menta mutuari ad exponendum Prædestinationis Myſterium, eaque dumtaxat leges illis Auguſtinianis licebit eſſe, ut S. Auguſtinus Molinista fiat. Abſit ut hæc ſeramus.

Verum qua tandem ratione, ut ceteris illuderet Theſis Auctor, commentus eſt, S. Auguſtinum ſcientiam mediam luculenter approbaſſe, & ad gratiam Dei electionem nonſervandam, ea ſanguinem inſuſcepit argumenſum eſſe? Itaneum hæc Columna ſecunda ſeruetur, cogitabat, quid tertia ſcripturus eſſet? Ibi quippe taceatur Nullam aliam Prædeterminationis cauſam S. Auguſtinum eſſe probatam, quam Dei voluntatem. Rogandum ergo, ut ſecum ipſe conſentiat. An cum forte fugiebat, Molinam ſcientiæ mediæ inventum ab uno Sodatum ſuum ante dies aliquot adeo magnifice commendatum nemini alieri conſeſſiſſe? Fugitum illius inventi laudem longe minus conceſſiſſe S. Auguſtinum, quem illius ignorantia in eo argumenti genere cœcuſaſſe, omniaque turbaſſe commentus eſt. Sic hæc inquit, explicata fuiſſet, neque Pelagiana heretiſis fuiſſet exorta, neque Lutherani tam impudenter arbitri noſtri libertatem fuiſſent auſi negare: neque ex Auguſtini opinione, conſiderationibuſque, cum Pelagianis, tot fideles fuiſſent turbati, ad Pelagianorum defeſſiſſent, facile que reliquæ ille Pelagianorum in Gallia fuiſſent extrinſæ. Quam dolendum heu, Molinam Pelagiæ Sectæ temporibus S. Auguſtini loco non decertaſſe; aut Lutheranos Molinæ ætate nuper enatos novum ejus Syſtema conſilienter amplexos non fuiſſe! Quis recentis illius Theologi temeritatem non indigne ſerat? Cui ſi deus aures, quomodo cum Eccleſia contentiſſimus, quæ Sanctum illum Patrem uti deſenſorem ſuorum illuſtriſſimum in divinæ Gratiæ controverſis, utique Hæreticorum flagellum, ac debellatorem ſemper habuit, ac venerata eſt?

Ita de S. Auguſtino ſenſere quotquot Hiſtoriæ Eccleſiaſtiæ non imperiti fuerunt, & quibus Eccleſiæ honor, & utilitas cordi fuit. Summi Pontifices celebrataſ S. Proſpero ejus diſcipulo tanti Doctōis laudes non minoribus encomiis cumularunt. Quin & noſtra ætate Cardinalis Perronius * S. Auguſtinum Maximum poſt Apoſtolos Prædicationis Doctorem prædicavit, immo or, ac vocem veteris Eccleſiæ, quod pertinet ad illud doctri-næ caput.

Si Frater Franciſcus Baltus, ſecundæ Theſis auctor, & propugnator, Auguſtinianam revera foret, ut eoquidem nomine gloriatur, numita exiſtit, & jejunie Sanctiſſimi Doctōis ſententiæ pronuntiaret? Nihil, inquit, in doctrina Auguſtini cereus, quam Prædeterminationem eſſe omnino gratuitam. Modo tamen, ut præmonet, Moliniano ſcientiæ mediæ ſenſu exponatur. Innuit ne vel leviter Theſis hujus Auctor, S. Auguſtini ſententiam eo in capite Eccleſiæ Catholice doctrinam eſſe, atque a Summiſ Pontificibus expreſſe probatam? Solosne Hæreticorum errores huic doctri-næ opponit, quemadmodum in prima Theſi factum eſt in gratiam Moliniani dogmatis? Multum certe abeſt, ut id agat; ſatiſque S. Auguſtini honori conſultum putat, ſi ſe Auguſtinianum eſſe jactet, data tamen ceteris omnibus a ſancto Doctore diſſentiendi licentia. In explicanda, inquit, Prædeterminatione Auguſtinum ſequimur, ab utriſque, ſempipelagianis, & Prædeterminationis æque remotum. Ne verbum quidem tota Theſi occurrat, quo vel leviter innuat longe a vicinia veritatis errare, qui aliter ſerſerit: quod tamen palam ſignificare opus erat, ut totus Auguſtinianus haberetur, & cum Romana loqueretur Eccleſia, ut Hormiſdas Pontifex declaravit, totaque Paſtoralis hujuſce Inſtitutionis ſerie demonſtrabimus.

Qua in re id ſtatim conſilii nobis fuit, ea omnia ſeponere, quæ ſalvo fidei capite in Scho-liſ Catholicis diſputantur, & intra Prædeterminationis gratiæ fines conſiſtere. Hoc dogma eſt, quod a S. Auguſtino traditum diximus, ut communem Eccleſiæ Catholice ſenſum ex Scripturis Sacris, & Traditione petimus; & a Fidelibus univerſis ſumma veneratione, & conſenſione ſuſceptum.

Fundamentalem illam veritatem, ut ordine ſtatueamus, ponenda inprimis eſt Auguſtiniana Prædeterminationis definitio, ab univerſa Eccleſia probata. Hæc eſt Prædeterminatio Sanctorum, inquit, nihil aliud, præſcientia ſcilicet, & præparatio beneficiorum Dei, quibus certiffime liberantur, quicumque liberantur.

Deus certis hominibus, quos electos Scriptura vocat, ſingularia beneficia præparavit, quibus a peccato, & æterna damnatione certiffime liberantur. Si certiffima eſt eorum liberatio, iis ergo procuratur auxiliis, quæ indeſicientia ſint, & ad exitum intallibitum perducant. Hæc ſi Deus omnibus præpararet, omnes certiffime liberarentur. His, qui ea recipiunt, bona voluntate ab illo deſtinata ſunt. Quæ pro illis facturus erat in tempore, novit ex æternitate: idque ipſum præparavit, ac præordinavit. Nullis moveri meritis* poſuit, ut certa illa auxilia præparet, ex quibus omnia merita oriuntur. Non quæ primo conſentur gratia certo ſalvat electos, cum plurimi non ſalventur, quibus donata eſt. Non itaque prima dumtaxat gratia, gratuito præparata, & prædeſtinata, æternam electorum liberationem certiffimum facit; ſed ipſa poſſime gratiarum, beneficiorum peculiarium ſeries, quæ illis a Domino præparatur. Horum, quibus præparata ſunt, nemo perit. Adverſus hanc Prædeterminationem, ſi S. Auguſtino credimus digno Eccleſiæ interpreti, nemo unquam ſine errore diſputavit. Hoc ſcio, inquit, neminem contra iſtam Prædeterminationem, quam ſecundum Scripturas Sanctas defendimus, niſi errando diſputare poſuiſſe. Hæc contra divinæ gratiæ hoſtes, inquit Sanctus ille Doctōr propugnamus, non privati præjudicii occupati, ſed Sacris Litteris eruditi; nec convocari in controverſiam ullatenus poſſunt, niſi vel beneficia, quibus certiffime liberantur electi negentur omnino, vel minus a Deo præviſa dicantur, ac præparata: quo utroque errore fides manifeſte lædederetur.

Hanc doctrinam clariſſime explicuit, ac definiit Adrianus I. Pontifex Maximus. Opera, inquit, miſericordiæ, ac juſtiæ ſuæ præparavit Deus in æternitate incommutabilitatis ſuæ, & ſic ſuſu-

Ibidem.
Concord. p.
480.

S. Proſper
Carm. de in-
gratis.

* Iſtius ergo
jeter cun-
ctos, qui de
gregre ſancto,
infanas pepu-
lere teras, in-
duſtria Ma-
jor; Majus o-
pus, totum
præſtantius
imbuit or-
bim.

* In Rep.
ad ſceniſis.
Magne Bri-
tanniæ, &
Regem, c. 12.
Poſt. 5. col. 5.
Hormiſda.
Epift. 70.

De arbitrio
tamen libero,
& gratia Dei,
quod Roma-
na, hoc eſt
Catholicæ ſe-
quatur, & af-
ſeveret Eccle-
ſia, licet in
variis li-
bris Beati
Auguſtini, &
maxime ad
Hilariū, &
Proſperum
poſſit cogno-
ſci, &c.

Lib. De dono
perſev. c. 14.

* Rom. 11. 6.
Si gratia, jam
non ex operi-
bus, aliquin
gratia jam
non eſt gra-
tia.

Lib. De Dono
perſev. c. 19.
Epift. 96. ad
Egila, & 97.
ad Epicoſos
Hiſpan. æ.

futurorum operum suorum nunquam fuit ignarus; sic in eorumdem operum preparatione nunquam improvidus. Præparavit ergo iustificandis hominibus merita, præparavit eisdem glorificandis & præmia: malis vero non præparavit voluntates malas, aut opera mala, sed præparavit eis iusta, & æterna supplicia. Hæc est æterna Prædestinatio futurorum operum Dei, quam sicut nobis Apostolica Doctrina insinuari semper cognoscimus, sic etiam fiducialiter prædicamus. Teneatur ergo Prædeterminationis veritas a fidelibus sanctis, quia quisquis divinum non credit in hac Prædestinatione consilium, non perveniet ad gloriam ejusdem Prædeterminationis effectum.

Quisquis Sanctissimi Doctoris Libros De Prædestinatione Sanctorum, & De Dono perseverantia vel obiter legerit (ne quid de ceteris adversus Pelagianos editis hic dicamus) facile intelligit, nihil illi hoc in argumento nisi Sacram Scripturarum, & universalis Ecclesiæ fidem retulisse. Nihil æque Catholicorum fidem in aperto ponit, quam publicæ Orationes ab iis fandi solite. Quid porro omni retro tempore, & ubivis locum, ac gentium, ardentius publicis supplicationibus a Deo efflagitavit Ecclesiæ, quam pro fidelibus perseverantiam, uti pro infidelibus fidem? Atque iis maxime donis impleri certum est, in tempore in gratiam Prædeterminationum, quæ Deus ante omnia tempora decrevit. Perspicua ea de re, ac decretoria S. Augustini verba, amabo, audiat. *Ille itaque dicat Ecclesiam aliquando in fide sua non habuisse veritatem Prædeterminationis hujus, & gratia, quæ nunc contra novos hereticos cura diligentiore defenditur; ille, inquam, hoc dicat, qui dicere audeat aliquando eam non orasse, vel non veraciter orasse, sive ut crederent infideles, sive ut perseverarent fideles. Si ergo eas hætenus gratias a Deo postulavit Ecclesiæ, eas ab illo uno donari certo credit. Neminique negare fas unquam fuit (nisi omnem religionis, rectique iudicii sensum exuere vellet) ea Deum ex æternitate prænovisse bona, quæ deinceps erat collaturus. Quæ bona si semper oravit, semper ea Dei dona esse usque credidit; nec ab illo esse præcognita unquam ei negare fas fuit. Quibus demum statuit, ac positus ita colligit S. Augustinus: Ac per hæc Prædeterminationis hujus fidem, quæ contra novos hereticos nova sollicitudine nunc defenditur, nunquam Ecclesiæ Christi non habuit.*

Augustiniane Doctrinæ principia si serio perpendantur, perspicuum erit, neminem ab iis recedere posse, nisi simul a Scriptura Sacra, & Traditione aberret. Primam, ultimamque gratiam, fidem & perseverantiam, dona Dei esse, dogma fidei est. Fidem operibus eam præcedentibus mereri nullatenus possumus: preces vero, uti & bona opera, quibus perseverantiam obtinemus, ac etiam (ut loquitur Sanctus Augustinus) suppliciter emendemus, non nisi gratiæ gratiæ fructus haberi possunt, quam Deus iis donat, quibus voluerit; usque omnibus certissime donat, qui perseverant: nullo nobis relicto de illius bonitate, vel iustitia querendi iure. Si ergo quicquid ad obtinendam perseverantiam facimus, gratiæ ejusdem singularis, & eximie partus est, quam Deus omnibus in bono perseverantibus donat: quidni cum Apostolo hæc præsertim occasione dicamus? Si gratia, jam non ex operibus; alioquin gratia jam non est gratia.

Nulla futurorum bonorum operum nostrorum habita ratione certa nobis beneficia Deus præparavit, quibus ea faceremus, in iisque faciendis in finem usque perseveraremus; unde consequens est, nullo nos bonorum operum intuitu electos esse ad æternam illam, de qua S. Augustinus loquitur, liberationem; quandoquidem, ut illa perseveranter faciamus, indebitæ gratiæ munus, ac fructus est, ut Apostolus docet: Nos liberavit, & vocavit vocatione sua gratuita, non secundum opera nostra, sed secundum præpositum suum, & gratiam, quæ data est nobis in Christo Jesu ante tempora sæcularia. Hoc sensu Prædeterminationis Mysteriorum S. Augustino duce exponat necesse est, quisquis procul ab extremis hereticorum erroribus esse velit: ne vel cum Calvinianis, gratiæ Prædeterminationis tuendæ specie, meritum omne fideliem e medio tollat; vel cum Pelagianis Dei Prædeterminationem impugnet, ut humana merita tueatur. Ab utriusque ex æquo distat Ecclesiæ Catholicæ fides. Totum Deo referendum esse docet, a quo totum accepimus; illique gratia de meritis nostris agendas, non de illis gloriantium; Christianam humilitatem Pelagiani perimunt, excitandæ vigilantie obtentu: vigilantiam contra, omnemque virtutem eliminant Calviniani, libertatem, ac meritum impugnant. Medius incedit S. Augustinus, nosque ex æquo & intentos officio, & acceptorum beneficiorum memores esse monet. Tamen enim ex mera misericordia electi videntur, ex iustitia nihil fecius coronabuntur. Nemo adultus iustificatur, aut salvabitur, nisi certam bonis operibus vocationem, & electionem suam faciat. * Tantum vero abest, ut idcirco gratiæ, quæ electi sunt, minus debeant; quin potius officiorum integra perfunctio novæ gratiæ genus est, ob quam satis dignas Deo gratias habere, ac rependere non possunt. Sua quidem illi bene usi sunt voluntate; sed præparata est illis, ut Scriptura loquitur, voluntas a Domino: opera bona eiderunt; at secundum Apostolum, Deus gratuito, quo illos dilexit amore, bonâ illa opera ex omni æternitate præparavit, eaque ut in tempore faciant, per gratiam suam operatur. Itaque adulti gratis eliguntur ad gloriam, quam ut mereantur gratiæ mere gratuite donum est; perinde ac ipsi post Baptismum erepti ex hujus vitæ periculis pueri, quos intuitu meritorum Prædeterminationis nemo nisi Semipelagianus dixerit. Quamobrem Prædeterminatio Sanctorum, secundum Ecclesiæ, & S. Augustini doctrinam, omnino gratuita est. Vita igitur æterna, quæ corona iustitiæ vocatur spectatis meritis, quæ Deus per gratiam suam operatus est in nobis, mera re ipsa gratia est, nullis nostris meritis ac æternitate nobis a Deo præparata. Hæc Apostoli doctrina: Gratia Dei vita æterna.... Gratia estis salvati per fidem, & hoc non ex vobis, Deum enim donum est, ut ne quis glorioretur: unaque liberatis superstiti misericordia liberantis. Perpetua illi

Lib. De Dono
persever. c. 21.
nu. 65.

S. Aug. ibid.
c. 19. n. 48.

Concil. Trid.
Sess. 6. c. 8. &
13. Can. 22.
Lib. De Dono
persever. c. 6.
nu. 20.

Doc. ex Apo-
stoli docum. fa-
plicitate enu-
merari potest.
Rom. 11. 6.

2. Timoth. 1.
c. 1. 9.

* 2. Petri 1. 10

Satagite, ut
per bona ope-
ra certam
vestram voca-
tionem, &
electionem
faciatis.

Rom. 6. 23.
Ephes. 2. 8.
& 9.

la est

Lib. De Do-
no perien.
c. 73. nu 63.

la est Ecclesie fides, atque doctrina. Sicut in his orationibus, ait S. Augustinus, ita in hac fide nata est, & crevisse, & crevisse Ecclesia.

Nemo ergo effutit, quod olim ab imperitis quibusdam, ac temerariis hominibus dictum est, gratiam Prædestinationis non nisi privatam S. Augustini opinionem esse, eumque, ubi ejus agitur causa, minime audiendum, cum suam nobis doctrinam velut Ecclesie fidem tradidit. Aliud nobis eximium illius humilitas spondet, certioresque nos facit uni eum veritati studuisse. Verum si minus ejus probationibus conceditur, tot saltem Pontificibus crebatur, quos & eminentes Sedis auctoritas, & eruditio cum pietate conjuncta Ecclesie universæ spectabiles, ac venerabiles fecit. Penes omnium gentium, & temporum Doctores singularibus meritis eximiosæsto iudicium, iis- que demum reclamantibus neget si quis tam petulantis sit audacia; S. Augustini de Prædestinatione sententiam, consistentem esse Romanæ Ecclesie doctrinam.

Sacratissimi Patris doctrinam etiam dum in terris viveret, Innocentius I. Zosimus, & Bonifacius I. approbatur etiamque successores Pontifices, ut prædicam hereditatem ab eo relictam ex- ceperunt. Leonis Magni, & Celestini I. legantur Epistolæ; quorum alter S. Augustini doctrinam nulla unquam sinistra suspitionis labe notatam pronuntiat. Qua certe laude indignus esset, nec ea ipsum ornasset S. Celestinus, si privatas opiniones suas uti fidei veritates omni retro tem- pore ab Ecclesia susceptas tradidisset. Nec minus luculenta sunt reliqua, quæ ad S. Augustini commendationem hæc Epistola continentur: quæ cum Gallie Episcopis ex certa scientia scripta sit, ut illorum zelum in Novatores quosdam sancto Gratie Doctore obloqui solitos concitaret, minum videri non debet, si sacra ejus documenta tenacius complectimur, ejusque vobis verba damus, tametsi notissima: Augustinus sanctæ recordationis virum pro vita sua, atque meritis in nostra communione semper habuimus nec unquam hunc sinistra suspitionis saltum rumor aspersit, quem tan- te scientie olim fuisse meminimus, ut inter Magistros optimos etiam ante a nostris Decessoribus habere- tur. Bene ergo de omnes in communione senserunt, utpote, qui ubique cunctis & amoris fuerit, & honoris.

Hoc uno elogio universis Augustinianæ Doctrinæ censoribus oculum os existimavit Sanctus Prosper. Per hunc virum (ait ille de Celestino sermone habens) intra Gallias istis ipsis, quæ sanctæ memoriæ Augustini scripta reprehenderunt malevolentie est adempta libertas.

Sixtus III. in faciem B. Petri Sedem, ad quam vocato ad superos Celestinus est evectus, de- cessionis sui doctrinam intulit, ab ipso Gratie Doctore sibi traditam, & ad Ecclesiam Romanam continuata Majorum serie una cum Apostoli ad Romanos Epistola derivatam. Eandem illam Gelasius I. Hormisdas, Felix IV. quo auctore Canones Concilii Arausiaci II. conditi sunt, Bonifacius II. & Joannes II. approbatur, quorum ad marginem nostro indicare testimoniam potest est.

Hormisdas Romani Pontificis definitio neminem fugit. Neque dissertique quædam foret, cum in sua ad possessorem Epistola ex Apostolicæ Sedis auctoritate pronuntiassit, quem Episcopo respondisse constat, qui illum ut suum, & Ecclesie caput consuluerat. Ex hac igitur supremi Ecclesie Hierarchie Cathedra, cuius iudicium quærebatur, Sanctus ille Pontifex respondit; ut quod alias de Leone Magno, de Hormisdas quoque dici possit; *Pecis Estati Petri omnibus constitutus interpretes*. Ab annis ferme mille ducentis in universa Ecclesia Pontificum illud re- scriptum receptum est, quo S. Augustini doctrina postremis præsertim libris distinctius, & lu- culentius expressa, sacro velut oraculo consecratur. *Delibero*, inquit, *audito*, & *gratia Dei*, *quid Romana, hoc est Catholica sequatur, & asseveret Ecclesia, in variis locis Beati Augustini, & maxime ad Hilarium, & Prosperum, cognosci potest*.

Et quicumque jam dubitabit, Ecclesiam S. Augustini doctrinam scisse suam? Non certe dubi- tabat Bellarminus e Societate Cardinalis. Optandumque, ut Thesis huius Auctor, & vindex, eximii viri iudicium, ex quo Societati tantum gloriæ, & honoris accedit, Molinianis novita- tibus, quæ illi usque adeo dedecori sunt, præstiteret. Hæc (S. Augustini) sententia, ait ille, *non quorumvis Doctorum opinio, sed fides Ecclesie Catholice dici debet*. Hac in re Patrum, & Doctorum scientia, & pietate celebratissimum iudicium sequitur meritisimum Cardinalis; nec unius S. Augustini, sed S. Properi, Petri Diaconi, S. Fulgentii, totiusque Ecclesiasticæ Tra- ditionis auctoritate sententiam suam fulcit.

In ea sententia Societas Jesuitarum quodam modo nata est. Alphonsus Salmeron, unus e- decem primis S. Ignatii, & postremi sæculi Theologus eximius, suam his verbis mentem aper- ruit: *Tertius erat modus dicendi, quod a prævisione meritorum penderet Prædestinationis, qui quidem falsus est, & ut Pelagianum dogma Augustinus confutatus, & ut dogma Calvini con- futandum, qui Deum malorum causam esse prædicat*.

Lionhys Petavius Jesuita, ejus paulo ante suffragium usurpavimus, scribit, S. Augustinum tot inter Ecclesie Latine Patres, quorum in divinæ Gratie questionibus summa auctoritas est, omnium Theologorum consensu primas obtinere. Quin & addit: *Cujus de gratia sententiam quosque deinceps consecuti sunt Patres, & Doctores, cum vero Ecclesie Romane Præsules, Præsumque conventus aliorum, raram, et Catholicam esse judicaverit, ut hoc fasit magnum putarent veritatis argumentum, quod ab Augustino possum, ac decretum esse constaret*.

Nec vero quis effutit, posteriores Ecclesie Romanæ Pontifices, suos hac in parte Deceffores deferuisse. Fimentum est illud quorundam nostri temporis Protestantium, ut Apostolicam Sedem non itatis incusarent. Clemens VIII. Alexander VII. Clemens X. Innocentius XI. Innocen- tius XII. qui pari nunc integritate, ac potestate Ecclesiam regit, Doctores, ac fideles universos ætate nostra ad S. Augustini libros remittere, ut Ecclesie Romanæ doctrinam, quod Gratie questiones

Libro contra Collato- rem. Ep. ad Sittum, inter Augustinia- nas 191.

To. 4. Conc. gener. pag. 1260. p. 1538. pagin. 1666. pagin. 1633. pagin. 1751. Epist. 70. Hormisdæ Bellarm. To. 4. Edit. Paris. 1613. lib. 2. de gratia, & li- bero arbitrio pag. 479.

Patres non solum hoc affirmant, sed antiquiores, & doctiores ex ipsis, quos ceteri postea secuti sunt, ad fidem Catholicam hanc senten- tiam pertinere retradunt, & contra- riam ad Pella- gianos rejici- unt. Sal- meron lib. 3. dispo. in Ep. ad Rom. disp. 21. Tom. 13. p. 571.

attinet, ex iis differunt. Minus igitur est in secunda Thesi dixisse Prædeterminationem omnino gratuitam esse secundum S. Augustini doctrinam; addendum erat cum Romanis Pontificibus, ac celeberrimis Catholicorum Scholis, hanc ipsam esse Ecclesiæ doctrinam.

Qui etiam hic sumitur de industria, propugnandæ gratuitæ Prædeterminationis modus, nescio quid affectationis prodit. *Nihil certius*, inquit, *in doctrina S. Augustini, & nos idipsum affirmamus*. Nihil eo dogmate certius, at ubi? Num in omnibus Theologorum Scholis? Num in Ecclesiæ? Altum ea de re silentium. Ita ne vero, ubi fidei dogma ponitur in Ecclesiæ susceptum, & Theologorum opinionibus minime permixtum, ita-ne, inquam, Iesune, & exiliter? Siccine occasione Moliniani dogmatis factum in altera Thesi, ubi solis ex adverso positis hæreticorum sententiis, magnificis adeo verbis Molinismus exponitur?

Quod in quinta tertiæ Columnæ Positione sequitur, tamen S. Augustino, cuius in statuendo divinorum decretorum ordine præferitur sententia, honorificum videri utcumque possit, non nisi tamen studiosa dexteritate dictum est, ut Sanctissimi Patris doctrina inter liberas Theologorum opiniones reponatur. *An ad gratiam prius, aut ad gloriam Deus electos prædestinaverit; hanc questionem non attingit Sanctus Doctor; ejus tamen doctrinæ magis consentaneum est, ut gloria prius decreta dicatur; & hic quoque totæ Augustiniani sumus*. Quam grata nobis, quam jucunda hæc illa tandem Jesuitarum vox! *Toti Augustiniani sumus*. Monitis tamen volumus, ne varia promissæ dogmata misceant, neve opinionem Scholarum arbitrio datam, qualis illa est de ordine divinorum decretorum, gratiam, & gloriam spectantium, cum constanti S. Augustini doctrinam de gratuita Prædeterminatione confundant. Procul est illa aberratio, & prudentibus Theologis aberratio: gravisque suspicio subest, ne Jesuitæ, quise in statuendo divinorum decretorum ordine, perinde, ac in gratuita Prædeterminatione constituenda Augustinianus profitentur, parem faciant utrique dogmatis negandi libertatem. Magnum ab Ecclesiæ Romana inter questionem utramque discrimen poni meminerint. Nihil ab eo pronuntiatio legimus de divino decretorum ordine, quem Thesis Auctor, uti Augustinianæ doctrinæ confectarium ponit, de quo disputare sit liberum. At gratuitam Prædeterminationem solemniter definit, velut doctrinam ex Scripturis, ac Traditione, instar sacri depositi acceptam; a S. Augustino aperte traditam, & contra Hæreticos a quibus impugnata est, invictè propugnatam.

Ecclesiæ doctrinæ ignorance liberior Lessiodatus est campus, in quo nunc Molinam, nunc S. Augustinum ludit. In Tractatu, cui titulus est; *Disputatio Apologetica de gratia efficaci*, statim ab initio gratuitæ electionum prædilectionem ponit, sed tamen ex Molinæ principis. In sequenti vero Tractatu de Prædeterminatione, & reprobatione Angelorum, & hominum, oppositam viam init: nullam prædilectionem gratuitam agnoscit: Molinam sordalem suum hæc tunc defensionem deserit: tantumque abest, ut præscientiam conditionatam explicando Prædeterminationis mysterio commodam censet; quam potius parum, vel nihil ex ea solati per se posse confideri pronunciat in ipsa Tractatus Præfatione. Tum subinde, toto passim opere in sententiam Molinianam, quæ gratuitam prædilectionem scientiæ mediæ, sive conditionatæ fundamentum superstruit, ea ipsa incommoda regerit, quæ Molina objicit, & exprobat Gratiz per se efficacis, & Prædeterminationis ante prævisa merita defensoribus. Quin etiam graviora Molinianæ doctrinæ incommoda objicit: Moliniana decreta non esse mixta dicens: auctam, non sublatam scientiæ conditionatam difficultatem: assertit insuper, neminem esse *Qui non mallet voluntatem suam prædeterminari, & necessario impelli ad opus malum, quam occultis modis ita gubernari, ut libere faciat, quia illo modo plus habere excusationis*. Sic sane sibi relictus audaciam hominum auctam omni doctrinæ vento jactatur. Verum etsi S. Augustini doctrinam Molinianæ hoc saltem loco Lessius anteponeere videatur, ab ea tamen sequenda procul abest. Gratuitam prædilectionem non modo non admittit, sed ad injiciendam desperationem pertinere contendit.

Siquidem Lessius Semipelagianorum in S. Augustini, & Ecclesiæ doctrinam odiosa probrata, tritaque criminationes imprudenter refricit, eadem illi responsa demus, quibus ingratis, & superbos illos gratiæ inimicos Sanctissimus Doctor propulsavit: *An vero timendum est, ne tunc de se homo desperet quando spes ejus ponenda demonstratur in Deo; non autem desperaret, si eam in se ipso superbissemus, & infelicitissimus poneret? Maledictus omnis, qui spem habet in homine. Bonum est confidere in Domino, quam confidere in homine, quia Beati omnes, qui confidunt in eum*.

Hoc modo secundum divinas Scripturas S. Augustinus spes hominum erigit, eosque adversus niam de se ipsis fiduciam munit: nec modo sua nos doctrina* in bararrum desperationis non agit, ut ignaris quibudam, ac temerariis ingeniis visum est: quin & nos eo certius constanti, firmæ spe in cælum erigit, quo firmius totam in Deo fiduciam, nullam in nostris viribus ponendam ostendit. *Abstine autem a vobis*, inquit, *ideo desperare de vobis, quoniam spem vestram in ipso habere jubemini, non in vobis*.

Iis documentis imbuedi fideliem animi, ut solidæ pietatis posito fundamento, nec vana de suis viribus fiducia extollantur, nec iniqua de divina misericordia diffidentia deiciantur. In hac sententia firmi statè: nec vanis Molinæ, Lessii, Arminianorum, licentioforumque hominum terroribus moveamini, quibus gratuitam electionem hæc nostra ætate impetunt; uti Semipelagianorum olim declamationes prævit Ecclesiæ, qui similibus sophismatis, in sanctissimum gratiæ Doctorem, plebis, ac imperitorum hominum odia concitare nitebantur.

Abstine nihilominus, ut Molinæ ejusque Sæctatoribus Semipelagianorum hæresim impudentes. Hoc saltem æmulare par est, illos pro sua in Ecclesiam obedientia pravas Moliniani typhas

Edi. Colon. Petavius To. 1. Theolog. Dogmatum lib. 9. c. 6. n. 1. Innoc. XI. Constituit. data 25. Feb. 1677. qua jubet Festum S. Augustini per totam Hispaniam celebrari. Innoc. XII. in Brevibus ad Episcopos Belgii, & ad Theologos Lovanienses. data 7. Febr. 1694. & 24. Nov. 1696.

Left. Et. Lugdun. an. 1651. pag. 513. & 514.

Ibid. p. 532.

Ib. p. 535. & 536.

S. Aug. Lib. De dono persever. c. 22. n. 62.

* Lessius pag. 554.

S. Aug. Lib. De dono persever. c. 22. n. 62.

tis consecutiones rejicere: statuendumque omnino, illos, etiam in errore versentur, a perti-
nacia tamen, atque ita ab hæresi procul esse. Cum etiam sancta Sede Apostolica celeberrimæ dispu-
tationis de Auxilio divinæ gratiæ, hujus initio sæculi inter Prædicatorum Ordinem, & nonnullos
Societatis Theologos agitate, cognitionem sibi reservaverit, judicium, quod Summus Pontifex
suspendere placuit, cum reverentia exspectandum est. Interea per nos minime stabit, quominus
Theologi Societatis in Diocesi nostra constituti Molinianæ divinæ gratiæ, & liberi arbitrii concilia-
tiones pro viribus tueantur: ea tamen lege, ut nec scientiam mediæ veluti unicum explicandæ
Prædestinationis modum orthodoxum venditent; nec doctrinam de gratuita Prædestinatione a San-
cto Augustino secundum Scripturas afferant, & omni retro tempore in Ecclesia Romana receptam,
velut dubiam, & problematicam proponant.

His duntaxat conditionibus defendent, si poterunt, scientiam mediæ Sodalitæ sui adversus eru-
ditam S. Thomæ Scholam, quam posthabita Sanctissimi Institutoris sui voluntate, fuis etiam Con-
stitutionibus, ac Decretis Congregationum generalium Societatis repugnantibus, deseruerunt.
Verum ne posthac ufum scientiæ mediæ S. Augustino tribuant, ipso etiam Molina reclamante, San-
ctissimoque Doctore prorsus invito, qui hanc eo ipso in libro funditus evertit, quem in eius defen-
sionem adducit Auctor secundæ Thes. Agnoscat eundem S. Augustinus. *Habere quosdam in ipso
ingenio divinum naturaliter munus intelligentie, quo moveantur ad fidem, si congrua suis mentibus
vel audiant verba, vel signa percipiant.* Verum quid iis S. Augustini verbis, & scientiæ medi-
æ? An forte sancti Doctoris sensum esse putat hujus Thesis Auctor, verba vel miracula satis esse ad
hominis conversionem, modo naturalibus cogitationibus nostris congruant? Purus hic, patuque
Pelagianismus est, quem Sancto Doctore nemo affingit. Quovis igitur sensu sumatur *divinum natu-
raliter intelligentie munus*, eo tandem deveniendum est, quod de Tyriis, & Sidoniis ibidem S.
Augustinus addit: *Nec illis profuit, quod poterant credere, quia Prædestinationi non erant ab eo, cu-
jus inscrutabilia sunt judicia, & investigabiles viæ: nec istis (Judæis scilicet) obvisse, quod non po-
terant credere, si ita prædestinati essent, ut eos cæcos Deus illuminaret, & induratis cor lapideum
vellet auferre.* Huc ergo referenda est electionis gratia: non in naturale intelligentie munus, ejusve
cum exterioribus mediis convenientiam, scientiæ mediæ lumine a Deo cognitam, de qua non loquitur
S. Augustinus; sed in arcanam divinæ voluntatis ordinationem, qua Omnipotentis jure, & pro
beneplacito suo, magis excæcatis illuminat, magis obduratis convertit.

Tota illuc collimat Augustinianæ doctrinæ summa. Iis principibus Deo dignis firmiter hæ-
ret: vana illa, novaque fimenta ablegate, quibus humana mens divina Mysteria explicare
tentat. Unam Scripturam, ac Traditionem consulite, ubi certas æque, ac occultas rationes
discatis, quibus Omnipotens corda hominum, quocumque voluerit, inclinat. Fide novimus,
Deum omnia, quocumque vult, facere in cælo, & in terra; eundemque & in misericordia
divitem, & in iudiciis incomprehensibilem: ne igitur ejus omnipotentissimam voluntatem ad
humanis affectibus pendere putemus: quasi rerum omnium Conditori Deo mutua nobiscum
consilia conferre sit opus, ut sua illi prospere succedant; & qui corda Regum quovis præce-
teris soluta jure summo dominio regit, ac pro nutu flectit, infirmæ prius voluntatis sinus
exploret, quam suæ, quæ omnipotens est, decretum edat.

Ceterum spes nobis est, fore ut in tradenda gratiæ Prædestinationis doctrina, non erudi-
tioni tantum, sed & proximorum utilitati, ac ædificationi studeati. Utrumque nos admonet
S. Augustinus, quid docendum? qua ratione docendum? Nedium vitandi sunt errores, hac in
questione periculossissimi, sed & duriora verba, locutiones imprudentes, quæ non ædificationi
forent, sed offensionis. Ea prudentia tractandum illud argumenti genus tam subline, tam ar-
duum, ut ex una parte inspiretur auditoribus humilitas, & fiducia, ne spem abjiciant, aut la-
borem pique studia remittant; ex altera sic ad vigilantiam, & laborem excitentur, ne super-
bia, nimique de propriis viribus fiducia nascatur. Piam fiduciam quod attinet, illius rationes
ex orandi necessitate repetit Sanctissimus Doctor. *Vos itaque, ait, etiam ipsam obediendi per-
severantiam a Patre luminum, a quo descendit omne datum optimum, & omne donum perfec-
tum, sperare debetis, & quotidianis orationibus possidere, atque hoc faciendo confidere non vos
esse a Prædestinatione populi ejus alienos, quia ut hæc etiam faciatis, ipse largitur.*

Hæc dum fidelibus monita dabit, non terrori eritis, sed solatio. Nemo quippe non sentit huius
in oratione se gerere piæ fidei fundamentum: modo noverit illud ipsum ex Deo esse, qui oratio-
nis affectum inspirat, & exitum donat. *Impastio saluberrimæ orationis affectu, & effectu.*

Jam vero, ut uno veluti intuitu conspiciere vobis liceat, quid a vestra prudentia, & pietate
in hoc argumenti genere expectemus, omnia hoc ordine breviter complectemur.

Statuimus imprimis gratiæ hujus, & omnipotentis gratiæ veritatem, quam nullis naturæ doti-
bus, vel naturali usu liberi arbitrii promereri valuimus; quæ nobis pias cogitationes, sancta deside-
ria, bona opera, perseverantiam usque in finem impertit. Gratia hæc intima, & efficax, quæ,
secundum Apostolum, operatur in nobis velle, & perficere: quæ non solum bonum ostendit, aut
suadet, quod lex olim præstabat, sed etiam persuadet; atque ut faciamus, operatur: *Qua non
solum suadetur omne, quod bonum est, verum et perficitur.* Gratia victrix, quæ & contra
salutis hostes nos munit, & contra propriam infirmitatem nostram. *Necesso est, ut quo au-
xilante vincimus, eo iterum non adiuvante vincamur,* ut pronunciat Innocentius I.

Hoc gratiæ genus statuere facillimum est; cum publicas Ecclesiæ preces consulere satis sit, quæ necesse
sitatem ejus liquido probant; nullumque sit fidei dogma luculentioribus Scripturarum, ac Traditionis
testi-

Positione 5.
Colum. 2.
Lib. De dono
persever. c. 14.
n. 35.

Ph. 113. Ephes
2. Rom. 11.

Lib. De dono
persever. c. 22.
n. 62.

S. Aug. Epist.
104. ad Xi-
stum n. 30.

Philip. 2. 13.
Deus est, qui
operatur in
vobis velle,
& perficere
pro bona vo-
luntate.

Ezech. 36. 26
& 27. Aule-
ram cor lapi-
deum de car-
ne vestra, &
dabo vobis
cor carneum.

Faciatur in in
præceptis
meis ambu-
letis, & iudi-
cia mea cu-
stodiatis, &
operemini.

S. Aug. Lib.
de gratia
Christi cap.
10. Innocent.

I. Ad. Epist.
Patres

Testimonis confirmatum. Ea gratia mere gratuita ad cuiusvis boni operis initium, progressum, consummationem, & in finem usque perseverantiam constituta, cum SS. Augustino, & Thoma facile probabitur, non ipsa duntaxat fide duce, sed & naturali ratione assurgente, Deum ante omnem tempus prænavigasse, ac præparasse omnia illa dona, quæ nobis in tempore ad salutem liberati. Iter impertit. Deo etenim æternò, & immutabili, nihil novi sæculorum tractu accidere poterat, quod is facturus fuisset ex æternitate non decreverit, si bonum sit, aut permittitur, si malum. Hæc duo igitur æquo constat, ea videlicet Beneficia Dei, quibus electi certissime liberantur, illis ex æternitate, nullis eorum exploratis meritis, esse destinata; eademque illa in tempore gratuito, & efficaciter dari, huius nempe bonæ voluntatis, æternæque dilectionis executione, qua in Christo ante tempora sæcularia præparata fuerunt. His duobus fundamentis inconcussis stat universa S. Augustini doctrina, ad Apostolica Sede probata, & contra Pelagianos uti Ecclesie fides asserta. Hinc velut ex fonte derivatur celebratissima Prædestinationis definitio à nobis paulo ante tradita; qua tota paucis exponitur divinæ gratiæ, ac nostræ salutis œconomia: Hæc est Prædestinatio Sanctorum, nihil aliud; præscientia scilicet, & præparatio beneficiorum Dei quibus certissime liberantur, quicumque liberantur.

Vestra illud de divina gratia documenta perpetuo revocate; alias periculum suberit, ne regia relicta via, in sinistram, aut dexteram declinantes aberratis. Ceteras quæstiones, quod attinet, profundiorum, & incurrentium questionum numero haberi possunt, quas Sicut non audiamus contemnere, ita non necesse habemus adstruere. In hæc verba desunt Capitula illa celeberrima, quæ Sancti Cælestini Epistolæ ad Gallicanos Episcopos adnexa sunt. Ne porro S. Augustini adversarii his forte verbis abutantur, ut Sanctissimum Doctoris sententiam de gratuita Prædestinatione, & efficacia gratia Christi, minus a S. Cælestino probatam dicant, quæ sequuntur verba maturius expendant. Ad confutandum gratiam Dei, cuius operi, ac dignationi nihil penitus subtrahendum est, satis sufficere credimus, quicquid secundum prædictas Regulas Apostolicas non Sedis scripta docuerunt; ut præstus non opinemur Catholicum, quod approbat præfixis sententiis esse contrarium. Qui aures non penitus obtusas habent, noruntque, vel leviter, quæ de re tunc ageretur, hoc uno velut fulmine conteri sentiunt S. Augustini Adversarios. Nec fati capere possumus, quia tandem audacia Theologi quidam gratuitam Prædestinationem adhuc impugnent.

Id vero cavete maxime, ne doctrinam adeo Catholicam tradentes, in extremum eorum errorum abeatis, qui divinæ voluntatis cœlestis studio humanam libertatem e medio tollunt. Quinimo, tametsi possitis Scripturæ Sacre, & Traditionis principiis, vobis forte difficilior videretur divinæ gratiæ, & libertatis humanæ conciliatio, quam statuti recentiorum quorundam Auctorum variis opinionibus; vobis satis omnino sit, duo hæc fidei Catholice capita possuisse, Deum omnia posse, & suam hominem libertate frui. Cetera uni Deo committite, aut his quos illæ sua luce pertulerit, ut intimos, reconditioreque modos agnoscat, quibus (ut Scriptura loquitur) Facit concordiam in sublimibus suis; iis nempe, quæ nimia fidei sublimitate terrorem humanis mentibus incutiunt, virque a nobis percipi, aut conciliari inter se possunt. Illa ipsa, quæ a nonnullis obtenditur, incomprehensa Mysteria explicandi facilitas, apud vos in suspitionem veniat. Hæc adversus recentiorum conciliationes, Apostolo, Patribusque doctissimis ignotas, insular præiudicii habenda esset. Satiusest altissimas illas veritates nusquam hæctenus a Patre luminum revelatas, cum Apostolo, & S. Augustino nescire, quam Doctorum de se plus æquo fidentium ingeniosa nosse fragmenta, quæ illis caro, & sanguis revelatur. Mementote, neque vultu Theologi, nec prudentis esse Philosophi, veritates infallibili auctoritate, aut ipsa rationis evidentia constantes, propterea negare velle, quod gravissimis difficultatibus implicentur. S. Augustinus ex æquo humilis, & eruditus, magnis se in concilianda libertate cum Prædestinatione, & gratia difficultatibus obdari tatus est, * (quo vel uno intelligimus obiter quantum illi a Sancto Doctore, & ab Apostolo dissideant, qui nullam hac in parte difficultatem pati volunt) stetit nihilominus in incæpto Sanctissimus Pater, nec ab omnipotentissima Dei operatione, & liberitatem hominis cooperatione propugnandis unquam dimovit. Non enim cum ipsa commemoramus, arbitrium voluntatis tollimus, sed Dei gratiam prædicamus. Sat erit illustriora Sanctissimi Doctoris loca indicare, ubi liberum arbitrium in agendi, & non agendi potestate situm docet. Sententiam de hæc gravissimi momenti veritate explicatissime dixit in Libro De Spiritu, & Litera. a Libro De Gratia, & libero arbitrio, b ac passim in Libro admirabili De Natura, & Gratia. c In eo asserendo dogmate ubique pene totus est: tum maxime in Enarrationem in Psalmum XCI. ubi hæc habet: *Aversus te posite sunt inter monachos Deum, & suggestionem Serpentem. Quare hic festinantur, hinc avertuntur? Non cessat Satanas suadere malum; sed nec cessat Deus admonere bonum. Satanas autem non cogit invicem: in tua potestas est consentire: & non consentire.*

Ecquis tandem isti Pastoralis nostræ Institutionis modus, si illustra quæque S. Augustini testimonia proferentur, quibus inconcussa liberi arbitrii iura, etiam post peccatum & sub gratiæ reparatrici operatione tuetur, ac probat? Quicquid tamen hoc de argumento explicatissime docuit, hæc una brevi sententia Epistolæ ducentissime decime quartæ complexus videtur: *Si non est Dei gratia, quomodo salvus Mundum? Etsi non est liberum arbitrium, quomodo iudicatus Mundum?* Si quis autem ultra modum argutari velit, atque e duobus alterutrum e medio tollendum putet, quod utriusque concordiam minus capiat, illius superbiæ his verbis comprimet S. Augustinus: *Numquid iteo negandum est, quod aperta est, quia comprehendere non potest, quod occultum est? Numquid inquam, propterea dictum sumus, quod ita esse perspicuum, non ita esse, quoniam turris iri sit,*

Carthag Concil. inter Augustinianos 181. n. 7. Jerem. 31. 3. In charitate perpetua dilecti te, ideo attraxi te miserans.

Lib. De dono Persev. c. 14.

Job. 21. 2.

* Ista quæstio ubi de arbitrio voluntatis & Dei gratia disputatur, ita est ad discernendam difficultatis, ut quando descenditur liberum a bitrium, negari Dei gratia videatur; & quando asseritur Dei gratia, liberum arbitrium putetur autem. S. Aug. lib. de gratia Christi, c. 47. Lib. de Natura, & Gratia, c. 32. n. 36.

a Cap. 33. &

34.

b Cap. 2. & 15

c Cap. 43. 64.

65. 67.

Lib. De dono

persev. c.

14. Epist. 194

n. 19.

velos, qui de Prædeterminationis Myſterio pro arbitrio differunt, ut licentius vivant, ac molli ſecuritate topeſcant, ita duntaxat ſubtiliter argutari ſolitos eſſe, ubi de ſua ipſorum ſanctificatione, & ſalutē agitur. In aliis quippe negotiis, ubi ſui, vel minora vertuntur commoda, omne in rebus ſuis promovendi ſtadium ponunt: nec modo ceteris minus, ſed plus etiam quandoque videnti, acres, & expreſſi, totis viribus aditantur. Itane vero tugi eos, niſi torte omnem religionis, ac recti iudicii ſenſum exuerint Deum eventura quæque certo prænoſſiſſe, atque æternò conſilio ſtauiſſe? Quæ ergo una illis ſollicitas animæ ſalutis, ubi de æternæ felicitate, vel miſeria agitur? Ne illi ſacramentis, in fluxu, & caducis ſecundis prudentes, ac ipſis quandoque filiis lucis prudentiores!

Nequid omittamus hoc loco inſtructioni videri & neceſſario, ab iis maxime cavendum monemus, qui cum S. Auguſtini doctrinam aperte mirte oppugnare minus audeant, ejus ſaltem auctoritatem imitari non vultur obſecta Sancti illi Doct. riſ cum ſuperioribus Patribus, & maxime Græcis diſſonantia. Objectionem occupavit in antecellum S. Auguſtinus, offendens fieri non poſſe, ut aliter de divina gratiæ neceſſitate, & efficaci ſenſiſſent, qui iſdem cum illo, & cum tota Eccleſia Catholica præcebus, a Chriſtianæ religionis origine, ipſam a Deo flagitaſſent. Eos omnes ſuſpectos habere, qui vel Traditionis ſeriem ſecundant, vel ejuſdem univerſalitatem deſtruunt, Patribus ſecum mutuo commiſi, & ſubito Orientem inter & Occidentem, priorem inter, ac ſequentiū ſeculorum Doctores vulgato diſſilio. Eruditionem in ſolvendis, non in congruendis difficultatibus poſitam exiſtimare; in conciliandis Patribus, non illis mutua ſecum contentione committendis. Idque in antecellum credite; quod veſtro tandem experimento, & humili affiduæ lectione comprobabitis: poſterioris ſcilicet Patres (quemadmodum S. Auguſtinus, & Vincentius Lirinienſis obſervarunt) caduntaxat diſtinctus, & clariſſe explicat, quæ preſſius, atque ex occasione tantum veteres arriperunt: ea præſertim ætate tempore, qua nondum ſubortis hæreſibus, nulla veritatis diſtinctione tractandæ, & eliquandæ neceſſitas erat.

Formamigitur, ut jubet Apoſtolus, ſanorum verbum non habete, quæ ab iis audivimus, quibus veritatis depositum a Deo ipſo creditum eſt: idque in cœleſti doctrina melius reputate, quod emergentium hæreſum occasione ab Eccleſiæ deſenſoribus divinitus datis aſſertum, ac propugnatum eſt. Quod ſuperiorum temporum Patres attinent ſalva doctrinæ illorum integritate obſervare ſat eſt, illos nondum ſubortis controverſis, minori cautione locutus. *Vobis nondum litigandum, ſecurius loquendum*, aiebat olim S. Auguſtinus de S. Joanne Chryſoſtomo ſermone habens cujus hædie nobis nonnulla loca ſtudioſius opponuntur, doctiſſimi Photii de illius operibus minus preſertim iudicio. *Sicubi*, inquit ille, *ſententiarum aliquæ ſeu interpretationis, ſeu profundioris indagatiōis indigebant, neque tamen diligenter ſatis eas explanavit, mirum id minime videri debet. Quæcumque enim auditorum eſt ad accommodata eſſent, atque ad eorum ſalutem, & utilitatem pertinere, ea utique ipſe prætermittit. Quamobrem neque admirari Sanctiſſimum Virum ſatis unquam poſſum, quod perpetuo in omnibus ſuis ſcriptis, auditorum ita utilitatem tanquam ſcopum præſeſſiſſe ſibi videat, ut cetera vel omnino neglexerit, vel leviſſime arriperit: ſed & illud præ auditorum utilitate conſeſſiſſe, quod alicui vel ſuſus aliquos ignorare, vel ad profundiora quæſita penetrare reſuſciſſe, vel id genus alia præſeſſiſſe videri poſſet.*

Nos quidem, qui ea duntaxat vobis exponimus, quæ a ſanctiſſimis divinæ Gratiæ deſenſoribus, quo tempore a variis hoſtibus impugnabatur, aſſerta, & vindicata ſunt, in eadem hæcenus ſententia conſtantes fuimus. Hanc nos celeberrima Sorbona docuit, ubi & inſtituti quondam fuimus, ac nunc etiam, quod ſummò ducimus honori, Proviforis munus gerimus.

Ab anno 1347. Theologicæ Facultatis Pariſienſis omnium doctiſſima tres Propositiones ſequentes, a Joanne de Mercuria Ciſterciënſi propugnatas damnavit.

Quod propter opera alicuius futura bona Deus præordinavit aliquem ab æterno. Item. Quod aliquis prædiſtinatus eſt ab æterno propter uſum liberi arbitrii, quem Deus præſervit cum habiturum. Item. Quod non ſic gratis, & miſericordiæ Deus prædeſtinavit, quin & pro omnibus bonis ipſius futuris, vel aliter. Legitur Academiæ Cenfura ad calcem Magiſtri Sententiarum, Editionis anni 1550.

Nec aliter cenſebat olim Academia iſta Rhemenſis, quo primum tempore inſtituta eſt. Fidem locupletiffimam faciunt Alani Cardinalis Angli dictata Scripta, dum ante induratum Purpuram publici Profeſſoris munus obiret; cum S. Auguſtino de gratuita prædeſtinatione ſenſiſſent Academiaſ noſtram plus faſtis indicant. Cardinalis iſtus ornatus eſt a Xiſto V. 7. Auguſti 1587.

Exculta eruditio cum ſingulari pietate conjuncta, quam in hæc Academia veſtra læti ſuſpicimus, ſpem nobis facit, tuturum, ut ſanctam illam doctrinam conſtantes, ac perſeverantes tueatur, & inductos a nonnullis abuſus caveat. Porro, eruditusque zelus procul vos faciat ab illorum erroribus, qui de Auguſtiniano falſo profeſſi, & Sanctiſſimi Doctores mentem ceteris omnium ætatum Theologis Catholicis ſeliciſſe ſibi viſi, gratiam neceſſitantem commentum ſunt, novam humane libertatis ideam intulere; infinitæ Dei bonitati, omnes homines falſe fatere volent, modum arbitrari poſſe pſuere: ceteros demum errores propugnant, quos a Concilio Tridentino jam pridem anathemate damnatos, ſuis Conſtitutionibus proſcripſit Innocentius X. & Alexander VII. quinque famoſis Propositionibus ex Libro Cornelii Janſenii Ipreſis Epifcopi, qui inſcribitur *Auguſtinus*, excerptis, juſta Cenfura confixis. Apoſtolicas illas Conſtitutiones ſumma, qua parerat, veneratione, & obedientia exceperunt Gallicani Epifcopi; acceſſit totius Eccleſiæ Catholicæ conſenſus. Rex Chriſtianiffimus, Eccleſiæ commodis pro ſua pietate indiſpenſis intentus, Eccleſiaſticæ auctoritati Regiam adjunxit lato Edicto menſe Aprilis 1665.

quæſieris, & fortiori te non ſcrutatus fueris.

Prov. 25. 27. Qui ſcrutator eſt maiestatis opprimetur a gloria.

Rom. 9. Rom. 11. 22. Lib. de Spiritu, & Liturgia c. 33. n. 67. Epistol. 194. ad Xistum, n. 23

S. Aug. l. 1. contra Jul. Pelag. c. 6. in Pl. 54. & lib. de Præd. Sanct. c. 14. Vincent. Lirin. Comm. nit. c. 22. & 23. Lib. 1. contra Julian. c. 6. In Biblioth. Photii, Edit. Rothom. P. 357.

Refert Paleiduinus. Rithovius, in Academia Duacensi Theologiæ professor.

Edicto suo Firmam hac, atque perennem Ecclesiæ pacem attulissent, nisi eam identidem inquieta perturbassent ingenia, seu scriptis, seu sermonibus minus orthodoxis, aut impudentissimis, quibus etiam charitas non medicorior ladebatur. Certam nobis restitit de pacis Ecclesiæ, pariter, ac Reipublice conducibilis, viam monstravit Rex piissimus sanctioris Consilii sui Edicto dato die 23. Octobris 1688. quo Brevis Pontificii Clementis IX. felicitis, sanctæque memorie datæ 28. Septembris ejusdem anni observantiam imperabat.

Summa nobis ad hunc usque diem curâ fuit sapientibus, ac religiosis tanti Principis consiliis, ac votis respondere, ut in hac Diocesi nostra pacem integram fore enus: ac re ipsa quidem Dei misericordis voluntate studiis nostris respondit eventus. Stabimus posthac in incepto, nec animinum quidquam de pristina vigilantia remittimus. Quo studio, qua fide in eos animadvertentibus, qui e damnatis quinq; Propositionibus aliquam tueri, aut adversus Innocentii X. & Alexandri VIII. Constitutiones scripturæ, vel mullitare audent, eorum quæ ad aciem colligebimus, quicquid, & imprudenti zelo abrepti, assumpta sibi de intimis animi sensibus iudicandi licentia, quam ne ipsa quidem sibi tribuit Ecclesiæ, viros probos, ac pios, aliunde illis invisos temerariis suspitionibus infamant, vexant, exagitant, vagisque Janfenismi accusationibus insectantur. Sanctissimi Pontificis, quem Dei misericordia nobis dedit, cui, & multis annos ad Christianæ Reipublicæ utilitatem adprecamur, prudentibus Statutis utemur, ut debemus. Futurum, ne data non ita pridem ad Belgii Episcopos vicinos nostros, & ad Lovaniensem Academiam, singulari, & innotato in S. Augustini doctrinam studio venerabilem, Apostolica Brevia, illorum Præfulem Ecclesiis optatissimam pacem afferant.

Quocirca publice denunciamus, quemadmodum & nuper Illustrissimus Archiepiscopus Parisensis publico Decreto pronunciavit, nos minime passuros, ut viri nullius nominis, ac auctoritatis, charitatis nullius, quin & sæpe nullius scientiæ, de proximorum fide iudicandi, eosque re levibus suspitionibus infamandi, ius sibi evrogent. Faxit Deus, ut tot Summi Pontificis, & Episcoporum Monitis, charitate spirantibus, temerarii illi fratrum accusatores tandem obsequantur, prudentissimoque Regis Edicto obtemperent, quo exiiale Ecclesiæ contentum incendium restinguendum existimaverat. Si in sua pertinacia nihilo scius perseverent, timendum, ne hac in eos Hominiæ Summi Pontificis de Scythiæ Monachis verba cadant: *Eo usque tumoris elati, ut ad obitum suum utriusque orbis putent inclinandum esse iudicium, nec in numero fidelium deputantes sequaces traditionis paterne, se sue viderint cedere nolle sententiæ.*

Volumus hoc præfens Decretum nostrum in proximis Theologicæ Facultatis Rhemenfis Comitibus legi, cum primum ex juris forma vulgatum erit, in ejus Commentarios referri ex integro, doctissimeque in eo traditam, in publicis Scholis doceri, ac propagari. Volumus insuper illud ad omnes Diocesis nostræ Cænobiarhas, & regularis cujusque Communitatis Superiores deferri, ad trium Seminariorum Præpositos, ad Rectorem, & Theologicæ Professoris Collegii Jesuitarum huius Urbis, ac denum Rectores Collegiorum ejusdem Societatis, Carolopolis, & Sedani, sine mora, agente Promotore nostro. Universis ejusdem Societatis Religiosis Viris, seu iam in nostra Diocesi constitutis, seu ad eam seinceps accessuris injungimus, ut presenti Decreto pareant, quo supranummodo expositum est. Ac licet liberam eis permittamus Questionum, quæ in Scholis Theologicis disputantur, seu quas suo iudicio Sedes Apostolica reservavit, tractationem; illi tamen uti, & omnibus, ac singulis Sacerdotibus Sæcularibus, & Regularibus, Concionatoribus, ac Magistris inhibemus, ne quid scribant, doceant, aut e sacro suggestu, vel Scholæ pulpito tradant, duobus illis repugnans capitibus, quibus veluti fundamentis Augustinianæ doctrinæ summam a Sede Apostolica probatam, ac velut Ecclesiæ fidem contra Pelagianos assertam ostendimus. Statuimus præterea, ut Theses Theologicæ diebus 5. & 17. Decembris anni proxime elapsi propugnatz penitus supprimantur.

Ceterum significamus paratos nos esse ex animo ad singularia existimationis nostræ, ac benevolentiz in Societatem argumenta, quæ s. data occasione, Jesuitis exhibenda: futurumque speramus, ut qua ratione nihil ab illis, qui in nostra Diocesi constituti sunt, exigere volumus, nisi quod De gloria, Ecclesiæ dignitas, ac vera Societatis ipsius commoda possulant; ita iudicio, & auctoritati Spiritus-Sancti pareant, qui nos, immeritis licet, posuit Episcopos regere Ecclesiam Dei.

Hoc superest unum, ut Deum optimum maximum precemur, ut *Idipsum dicamus omnes.* *semusque perfecti in eodem sensu, & in eadem sententia:* ut eius opitulante gratia solliciti simus *servare unitatem spiritus in vinculo pacis.* Cum una nobis fides esse debeat, spes una, finis unus, Gloria scilicet Dei Patris per Dominum nostrum Jesum Christum, ad edificationem Ecclesiæ.

Datum Remis in Palatio nostro Archiepiscopali, sub Camera nostræ sigillo, nostroque, ac Secretarii nostri chirographo, die 15. Julii, anno 1697.

CAROLUS MAURITIUS.
Archiepiscopus Dux Rhemenfis.

De mandato Illustrissimi Archiepiscopi Domini mei,
DE MARTIGNY.

ad Cap. 10.
Ad Episc. 4.
& seq.

DECRETUM INNOCENTII XL.

PONTIFICIS MAXIMI.

De dispositionibus ad frequentem Communionem & contra plures ea in re abusus.

Die 12. Februarii 1679.

Cum ad aures Sanctissimi Domini nostri fide dignorum testimonio pervenerit, in quibusdam Dioecibus vigere usum quotidianæ Communionis, etiam Feria sexta Parasceve, & simul affiniari eandem quotidianam Communionem præceptam esse a Jure divino: quin etiam in illius administratione aliquos abusus inolevisse, videlicet, quod aliqui non in Ecclesia; sed in privatis oratoris, & domi, imo cubantes in lecto, & non laborantes ulla gravis infirmitatis nota, sumant Sacrosanctam Eucharistiam, quam argentea theca inclusam in crumena, aut fereceto illis deferunt Sacerdotes Sæculares, aut Regulares; alique in Communionem accipiant plures formas, ac particulas, vel grandiores solito; ac tandem quis eo confiteatur peccata venialia simpliciter Sacerdoti non approbato ab Episcopo, aut Ordinario. Cum autem hæc Sacrosanctissimus consideranda commiserit sacre Congregationi Cardinalium Concilii Tridentini Interpretum, eadem sacra Congregatio, prævia matura discussione, super prædictis ita censuit.

Et si frequens, quotidianisque Sacrosanctæ Eucharistiæ usus a Sanctis Patribus fuerit semper in Ecclesia probatus; nunquam tamen, aut sæpius illam percipiendi, aut ab ea abstinendi, certos singulis mensibus, aut hebdomadis dies statuerunt, quos nec Concilium Tridentinum præscripsit; sed quasi humanam infirmitatem secum reputaret, nihil præcipiens; quod cuperet tantum indicavit, cum inquit: *Oportet quidem Sacrosanctam Synodus, ut in singulis Missis Fideles adstantes Sacramentali Eucharistia percipione communicarent*: idque non immerito; multiplices enim sunt conscientiarum recessus, varia ob negotia spiritus alienationes; multæ e contra gratiæ, & Dei dona parvulis concessa: quæ cum humanis oculis scrutari non possumus, nihil certe de cunctisque dignitate, atque integritate, & consequenter de frequentiori, aut quotidiano vitalis panis usu potest constitui. Et propterea, quod ad negotiatores ipsi attinet, frequens ad sacram Alimoniam percipiendam accessus, Confessoriorum secreta cordis explorantium iudicio est relinquendus, qui ex conscientiarum puritate, & frequentæ fructu, & ad pietatem processu, laicis negotiatoribus, & conjugatis, quod perspicere eorum saluti profuturum, id illis præscribere debent. In conjugatis tamen hoc amplius animadvertent, cum Beatus Apostolus nolit eos *fraudare, nisi forte ex consensu ad tempus, ut vacent orationi*, eos serio admonent, tanto magis ob Sacrosanctissimæ Eucharistiæ reverentiam continentie vacandum, puriorique mente ad cælestium epularum Communionem esse conveniendum. In hoc igitur Pastorum diligentia potissimum invigilabit, non ut a frequenti, vel quotidiana sacre Communionis sumptione, unica præcepti formula aliqua deterreantur, aut sumendi dies generaliter constituantur; sed magis quid singulis permittendum, per se, aut per Parochos, seu Confessarios sibi decernendum putet. Illudque omnino provideat, ut nemo a sacro Convivio, seu frequenter, seu quotidie ac esserit, repellatur: & nihilominus det operam, ut unusquisque digne, pro devotionis, & præparationis modo, rarius, aut crebrius Dominici Corporis suavitatem degustet. Item Moniales quotidie sacram Communionem petentes admonendæ erunt, ut diebus ex earum Ordinis instituto præstitutis communicent. Si quæ vero puritate mentis eniteant, & fervore spiritus ita incaluerint, ut dienne frequentiori, aut quotidiana Sanctissimi Sacramenti perceptione videri possint, id illis a Superioribus permittatur. Proderit etiam præter Parochorum, & Confessoriorum diligentiam, opera quoque Concionatorum uti, & cum eis constitutum haberi, ut cum fideles ad Sanctissimi Sacramenti frequentiam (quod facere debent) accenderint, statim de magna ad illud sumendum præparatione orationem habeant; generatimque ostendant, eos, qui ad frequentem, aut quotidianam salutariter cibi summionem devoto studio excitantur, debere, si vel laici negotiatores sint, si conjugati, si ve quicumque alii suam agnoscere infirmitatem, ut dñenitate Sacramenti, ac divini Iudicii tormidine dñicæ celestem Mensam, in qua Christus est, revereri: & si quando se minus paratos senserint, ab ea abstinere, seque ad maiorem præparationem accingere.

Episcopi autem in quorum Dioecibus viget hujusmodi devotio erga Sanctissimum Sacramentum, pro illa gratias Deo agant, eamque adhibito prudentiæ, & iudicii temperamento alere debent, & ab eorum officio postulari sibi maxime persuadebunt, nulli labori, & diligentie parcendum, ut omnis irreverentiæ, & scandalii suspicio in veri, & immaculati Agni perceptione tollatur, virtutesque ac dona in fumentibus augeantur. Quod abunde continget, si ii, qui devoto hujusmodi studio, divina præstante gratia tenentur, seque Sacrosanctissimo Pane frequenter refecti cupiunt, suas vires expendere, seque probare cum timore, & charitate assueverint. Quibus Christum Dominum, qui se Fidelibus manducandum, & se pretium in morte tradidit, atque in cælesti regno fe præmium est daturus precatur Sacra Congregatio, ut suam opem ad dignam præparationem, & summionem largiatur.

Nœ. Alex. Theo. Tom. II.

Ecc 3

Por-

Conc. Trid.
sess. 22. c. 6.

1. Cor. 7. 5.

Porro Episcopi, & Parochi redarguant afferentes Communionem quotidianam esse Jure divino. Doceant in Ecclesiis, seu Oratoriis privatis ex dispensatione, seu privilegio Pontificis, de manu Sacerdotis sumendam Sanctissimam Eucharistiam: nec eam ullo modo deferendam in crumena, aut secreto, ad existentes domi, vel cubantes in lecto, quam ad infirmos, qui ad illam suscipiendam ad loca prædicta accedere non valeant: & ad eos, si ab Ecclesia deferatur, publice, & cum pompa, juxta formam Ritualis Romani; si vero ab Oratorio privilegiato, cum forma decenti. Curent etiam, ut circa Communionem Feria sexta Parasceve, Missalis Rubricæ, & Ecclesiæ Romanæ usus serventur. Insuper admovent, nulli tractandas plures Eucharistiæ formas, seu particulas, neque grandiores, sed consuetas. Non permittant, ut venialium Confessio fiat simplici Sacerdoti non approbato ab Episcopo, aut Ordinario. Si Parochi aut Confessarii, etiam Regulares, aut quicumque alii Sacerdotes secus egerint, tiant Deo optimo maximo se rationem reddituros esse, neque defuturam Episcoporum, & Ordinariorum justitiam, ac rigorose animadversionem in contra facientes, etiam Regulares, etiam Societatis Jesu, facultate ipsis Episcopis, & Ordinariis per hoc Decretum, per Sedem Apostolicam specialiter attributa.

Et facta de præmissis omnibus, ac de verbo ad verbum revelatione, Sanctitas Sua probavit, ac præfens Decretum typis dari, ac publicari voluit. In quorum, &c.

F. CARDINALIS COLUMNA Præfatus.

XII.

PASTORALIS EPISTOLA Eminentissimi DD. CARPEGNA
CARDINALIS VICARII.

Institutionibus S. CAROLI BORROMÆI jussu Sanctissimi Pontificis INNOCENTII XII.
Anno 1700. Romæ editis præfixa.

Ex Italico
idiomate in
latino
translata.

GASPAR CARPEGNA Sabinienſis Episcopus, Sanctæ Romanæ Ecclesiæ Cardinalis Vicarius, Romæ, ac Romanæ Diocesis: Venerabilibus Confessariis ejusdem Urbis, ac Diocesis, Salutem in Domino.

1. Cor. 4. 1.
& 2.

Tametſi necessitatem inſtituendi Sanctos Ministros, & fideles dispensatores Myſteriorum Dei perſpicuis verbis declaraverit Apoſtolo, dicens: *Sic nos exiſtentes homo, ut Miniſtros Chriſti, & diſpenſatores Myſteriorum Dei*: id tamen in adminiſtratione Sacramenti Pœnitentiæ longe graviſſi eſt momenti: ut enim illius uſus Fidelibus cum diſpoſitionibus necceſſariis ad illud accendendum ſaluberrimus eſt: ita ejus adminiſtratio Sacerdotibus miniſterio ſuo indigne ſunctis periculoſiſſima.

Matth. 15. 14.

Mali tam gravitimore percuſſi, cum Apoſtolo dicimus: *Hic jam queritur inter diſpenſatores, ut fidelis quiſ inveniatur*. Tales ſcilicet eligendi, qui nec privatiſſimis utilitatibus, & cupiditati ſerviant, nec vanum honorem conſequentur, ſed uno Dei gloria, ac ſalutis animarum agantur deſiderio: qui cœleſtem illam poteſtatem non pro arbitrio, quaſi ſuum homini jure exerceant, ſed ut Miniſtri obnoxii reddendis Chriſto Jeſu ſupremo Judici rationibus diſpenſationis Sanguinis ejus pretioſi, cujus applicatio ad remiſſionem peccatorum in hoc Sacramento ipsis concedita eſt.

Matth. 23.
15.
Idem, verſ. 13.

Præmonuerat ante Salvator noſter: *Cæcus ſi ceco ducatur præſtor, ambo in foveam cadent*; ideſt in æternam damnationem. Quin & Phariſæis exprobraverat, quod magnam Sæclatorum turbam ad ſe trahendi deſiderio impulſi, circuirent mare, & avidam, ut facerent Proſelytos, quos pravo moderamine in graviora crimina præcipites agerent, & filios gehennæ tacerent. Illos denique increpat, quod pernicioſis exemplis, pravaque doctriſina regnum celorum ante homines clauderent, quibus illud, ut per ſanctam Paſſionem, ac Mortem ſuam aperiret, in mundum venerat: & quod Regni illius aditum malitia, & nequitia ſua ſibiſmetipſis intercludentes, aliis introitum prohiberent, quos a recta via avertabant, ad quam illos fideliter dirigere tenebantur.

Ezech. 13. 18.

Malum tam deplorandum dubio procul imminet, ſi Pœnitentiæ Miniſtri integri, ac religioſi moribus non ſint; imo vitia in ſeipſis alant, quæ ex pœnitentium animis extirpare ex officio tenentur: ſi ſcientia deſtituti ſint, aut zelo imprudenti ſe abripi ſinant: ſi animarum vulnera foveant, non ſanare ſatagant inſtar pii Samaritani, vinum, & oleum, ideſt lenitatem, ac ſeveritatem Chriſtianam oportune adhibentes: ſi non modo negligant ſpiritualium vulnerum curationem, ſed peccatorum licentiam, ac pravitatem detestanda foveant indulgentia, humanitæ reſpectibus, quos ingenerant auctoritas, dignitas, vel temporalia commoda, quæ ignavi illi Miniſtri ab iis forte ſperant, quorum Confeſſiones excipiunt. Qua quidem agendi ratione, ſecundum Prophetæ ſententiam, *Conſuunt pulvilloſ ſub omni cubito manus, & faciunt cervicalia ſub capite univerſæ ætatis ad capiendos animas*. Sic homines æternum perire, aut in peccatis ſuis inveteraſcere, aut falſa ſecuritate deluſos male quieſcere ſiunt: non attendentes ſacrum Confeſſionis miniſterium animas ſuas periculo exponere pro pœnitentium animabus, quorum ſe deſiſſores apud Deum conſtituerunt.

Tanti igitur oneris pondus ſentientes, ſecundum Sapientis oraculum, nulli parcere debent labori, ſibi ſollicitudini, aditæ perpetuo, loqui, agere, monere, corripere, exhortari, nullam ſibi requiem indulgere, donec ſibi commiſſas animas ex tartarei Draconis faucibus eriperunt.

Hac

Hac de causa sancti Ecclesiae Catholicae Episcopi tam sollicitè invigilant (uti ex Conciliorum Decretis compertum est) ut Sacerdotes ad Ministerium tam sublime destinati, summa illud animi attentione, ac diligentia implerent. Zelo itaque Pastoralis succentii, in memoriam illis revocare non cessabant, ut animarum Judicibus, gravissima illa verba Regis Josaphat ad veteris Legis Sacerdotis populi que duces: *Sis timor Domini vobiscum, & cum diligentia cunctis haec facite. . . Sic ageris fideliter, & corde perfecto. Omnem causam, quae venerit ad vos fratrum vestrorum, ubicumque questio est de lege, de mandato, de caeremoniis, & justificationibus: ostendite eis, ut non peccent in Dominum.* Dicti sui rationem affert sane luculentam, & quae una plurimarum loco esse possit, in sacro praesertim Pœnitentiae Tribunali: *Non enim hominis exercetis iudicium, sed Domini: & quodcumque judicaveritis, in vos redundabit.*

Idipsum est, venerandi Pœnitentiae Ministri, quod vobis impense commendat vox supremi Ecclesiae universae Pastoris, vestique spectatim sancta hac in Urbe, ubi pietas, doctrina, prudentia, zelusque Confessorum emulgere magis, & omnibus Christianis orbis partibus exemplo esse debent. Movet Sanctissimum Patrem, quod vobis impendit periculum, nisi omnes Ministerii vestri partes plene, & integre impleatis; pondere Sanctuarii pendit horrendam stragem gregi Christi, qui Pastoralis sollicitudini suae commissus est, imminet, nisi illum recta via ducatis. Terribile iudicium considerat in Ministros infideles hora mortis pronuncandum, si perditionis tot animarum rei inveniantur; sive judiciaria potestate abusi illas absolverint, aut condemnaverint arbitrio magis suo, quam ex sacri Ministerii regulis; sive fe spirituales esse Medicos prosum immemores, illas misere perire passi fuerint, remedium defectu, quae vel ignorant, vel illis adhibere neglexerunt. Formidabile demum sententiam recolit Sanctissimus Pontifex sub Lege Gratiae longe severius, quam sub Veteri in Sacerdotes innovatam. Sub priori nempe dens pro dente, oculus pro oculo reperebatur: sub posteriori vero Confessarii anima pro anima pœnitentis poenas dabit, si Sacerdotis ipsiusmet conscientiae Moderatoris qualicumque culpa illam perire contigerit.

Quamobrem Beatissimus Pater provido zelo animatus, vos etiam, atque etiam hortatur, ut vobis ipsis attendentes, Proprietum audiat Oraculum: *Stare super vias, & videre, & imitare de sanitis antiquis, quae sis via bona, & ambulare in ea.* Hunc ad finem vobis praeterea, uti nos antehac mandato nostro declaravimus, ut quotannis per dies aliquot secedatis, spiritualibus exercitiis vacaturi, & rationem a vobismet ipsis exacturi gravissimae illius administrationis vobis committit, qua pretiosus Sanguis Jesu Christi a vobis dispenatur. Novas vobis leges proponit, quas in functionibus Ministerii vestri sectemini, Regulas a S. Carolo Borromeo, magno illo Ecclesiae lumine, bonorumque Pastorum exemplari conditas, & praescriptas: de quo, ut de Magno quondam Basilio, dici potest: Sic illum Mediolanensem Ecclesiam docendo, ut illum Caesariensem erudiendo, orbem universum illustrasse.

Verumtamen hae Regulae haud novae censendae sunt, cum eas Sanctus ille Archiepiscopus ex intimis antiquae Disciplinae visceribus, ex sanioris Doctrinae fontibus, necnon ex ipsa natura Sacramenti Pœnitentiae depropperit, hauserit, accesserit: quod quidem cum in modum emendatorum iudicii fuerit institutum, in hoc maxime incumbere debent ejus Ministri, ut novae praeterea puniantur, & nova, quae committi deinceps possent peccata, quoad fieri potest cum auxilio gratiae, a pœnitentibus caveantur.

Tam sanctarum Regularum, documentorum tam salutarium frequentem lectionem vobis impense commendat Sanctissimus Pater: tam pretiosam collectionem, ut assidue praemanibus habeatis, vehementer adhortatur. Hanc velut AUREAM REGULAM tonete, secundum quam depravatos populi mores facile corrigetis. Hæc nos significare iussit, seu filiis ad obedientiam propensissimis, & Ministris, in magno divino Opere directionis animarum in viam salutis, suae Sanctitatis cooperantibus; ne unquam de Sacerdotibus Evangelice Legis dici possit: *Sinite illos, ceci sunt, & occis eorum;* sed unusquisque vestrum salubrium consiliorum prudentiam cum exemplari pietate coniungens, non novellas, & minime fundatas optiones amplectatur; sed veram solidamque doctrinam, sententiis, ac praxi Sanctorum Patrum innixam, quos Deus ad Christianae plebis institutionem celesti lumine perfudit: ut, cum rationem vos reddere oportebit administrationis vestrae supremo Judici, annuarumque Patri, dicere cum fiducia possitis: *Cum essem cum eis, ego servabam eos in nomine tuo: & nemo ex eis perit, nisi filius perditionis: qui vias rectas, quas ipsi praemonstravimus, sequi noluit: & Quos dediisti mihi, custodi vi; & non perdiisti ex eis quemquam.*

Jerem. 6. 16.
23. Januarii
1699.

Matt. 13. 14.

Joan. 12.
Joan. 18. 9.

I N D E X

CAPITUM, ARTICULORUM, ET RERUM,

Quæ in hoc Tomo Secundo tractantur.

T R A C T A T U S

DE SACRAMENTO POENITENTIÆ.

- C**APUT I. De Poenitentia Nomine, Definitione, & Divisione. pag. 3.
- ART. I. Quam varia sit verbi Poenitentia significatio? 4
- ART. II. De Poenitentia Divisione, & Definitione. 6
- Poenitentia publicæ gradus, siue Stationes. ibid.
- Poenitentia publica, quando, & a quo imposita? 7
- Definitio Poenitentia virtutis. 8
- Tres veræ Poenitentia actiones. 9
- Definitio Poenitentia Sacramenti, & variorum illius nomina. 10
- ART. III. De Poenitentia Virtute. 12
- Propositio I. Intima animi Poenitentia est vera Virtus. ibid.
- Propositio II. Poenitentia non est Virtus acquisita, sed infusa. 14
- Propositio III. Poenitentia Virtus lapsis in mortale aliquod peccatum quovis tempore fuit necessaria. 15
- ART. IV. Quibus gradibus ad divinam Poenitentia Virtutem ascenditur? 16
- ART. V. Utrum Poenitentia sit Sacramentum? 17
- Propositio I. Exteriorem Poenitentiam esse Novæ Legis Sacramentum, Dogma Fidei est. ibid.
- Propositio II. In Sacramento Poenitentia non minus, quam in aliis, distingui possunt, Sacramentum, res & Sacramentum, & res tantum Sacramenti. 22
- Propositio III. Sacramentum Poenitentia a Christo post Resurrectionem institutum est. ibid.
- Propositio IV. Poenitentia Sacramentum non est absolute necessarium ad salutem, sed iis duntaxat, qui post Baptismum in mortale peccatum lapsi sunt. 23
- Propositio V. Poenitentiam in numerum Sacramentorum Christus Dominus gravissimis de causis referri voluit. 24
- Propositio VI. Poenitentia Sacramentum est a

- Baptismo diversum. 25
- Propositio VII. Poenitentia, siue interior, quæ Virtus est, siue exterior, quæ Sacramentum est, sæpius iterari potest. 26
- Propositio VIII. Poenitentiam interiorem ad finem, usque vitæ durare oportet, non exteriorem. 30
- CAP. II. De Poenitentia Fructibus, & Effectibus. 32
- Propositio I. Primus effectus Poenitentia est omnium Remissio peccatorum. ibid.
- Propositio II. Poenitentia reatum pœnæ æternæ cum peccato mortali simul expungit; non vero debitum pœnæ temporalis semper tollit. 34
- Propositio III. Homo per poenitentiam gratiam, & virtutes recuperat. 35
- Propositio IV. Bona opera subsequente peccato mortificata, per Poenitentiam reviviscunt. 37
- CAP. III. De Materia Poenitentia. 39
- Propositio I. Materia remota Poenitentia sunt peccata detestanda, & destruenda. ibid.
- Propositio II. Poenitentia perfectior ad mortalis peccati, quam ad venialis remissionem requiritur. ibid.
- Propositio III. Tres actus Poenitentis, scilicet Contritio, Confessio, & Satisfactio, sunt quasi materia proxima Sacramenti Poenitentia, ejusdemque Sacramenti partes. 41
- CAP. IV. De Materia proxima, seu Partibus Sacramenti Poenitentia, & primo quidem, De Contritione. 46
- ART. I. Quid sit Contritio? Et in quo vis illius posita sit? ibid.
- ART. II. De Necessitate, & Utilitate Contritionis. 49
- Propositio I. Contritio ad remissionem peccatorum mortalium, & ad justificationem peccatoris ita necessaria est, ut sine ipsa peccatorum remissio, & gratia justificans obtineri non possit. ibid.
- Propositio II. Fructus Contritionis securus est. 52
- ART. III. Quotuplex sit Contritio? 53
- Propositio I. Contritio perfecta hominem Deo non reconciliat sine voto Sacramenti Poenitentia; quamvis ante Sacramentum actu fuerit perfecta.

scriptum peccatorem justificet. *ibid.*
Propositio II. Contritio perfecta non est necessaria ad justificationem peccatoris, in Sacramento Penitentiae; sed imperfecta, quae vocatur Attritio, cum Sacramento sufficit. 54
Propositio III. Attritio naturalis non sufficit, etiam cum Sacramento, ad hominem Deo reconciliandum. 56
Propositio IV. Attritio, qua quis dolet de peccato quatenus Dei offensae est, non tamen absoluta, & efficaci voluntate, non sufficit, etiam cum Sacramento, ad justificationem peccatoris. 57
Propositio V. Attritio ex turpitudinis peccati consideratione, vel ex gehennae, & penarum metu concepta, utilis est, & ad justificationem disponit. *ibid.*
Propositio VI. Utrum Attritio ex solo poenarum metu concepta, nullumque Dei amorem includens, cum Sacramento sufficiat ad justificationem peccatoris, an Dei amorem super omnia includere debeat necessario, Questio est summam Fidei non spectans. 61
Propositio VII. Attritionem sine Dei amore, saltem inchoato, ad justificationem peccatoris in Sacramento non sufficere, probabilis est. 62
ART. IV. De Contritionis objecto. 80
 Contritionis actus in omnia, & singula peccata mortalia ferri debet. Virtualis autem Contritio ad venialem remissionem sufficit. 81
ART. V. De Contritionis vehementia. 82
Propositio I. Summus, & maximus dolor de peccatis Contritio esse debet, ita ut nullus major excogitari possit. *ibid.*
Propositio II. Contritionem non solum maximam esse necesse est, sed vehementissimam esse decet, ita ut ignaviam omnem, & foecordiam excludat. 83
Propositio III. Etsi vehementissima Contritio non fit, vera tamen, & efficax esse potest. *ibid.*
Propositio IV. Contritio quatenus animi dolor est, non potest esse nimia. 85
Propositio V. Gravioribus peccatis major Contritio respondere debet. *ibid.*
ART. VI. De Contritionis diuturnitate. *ibid.*
Propositio I. Contritionis dolor perpetuus esse debet. *ibid.*
Propositio II. Momentanea Contritio, modo vera sit, & sincera, sufficit ad veniam peccatorum quovis tempore obtinendam. 86
ART. VII. Regula Morum Contritionem spectantes. 87
Regula I. Qui solo poenae timore confessus de peccatis dolet, ab illoque abstinere proponit, ita ut Deum tanquam omnis iustitiae fontem diligere non incipiat, Sacramentali Absolutione donari non debet. *ibid.*
Regula II. Qui nihil timet magis, quam a Deo

separari, ejusque Visione beatifica privari, sufficienter contritus censendus est, ut Sacramentali Absolutione donetur. 88
Regula III. Qui dolet, quod Deum, ut par est non diligit ipsumque magis diligere desiderat, Deum, ut omnis iustitiae fontem diligere incipit: ac proinde sufficienter contritus censendus est ad Absolutionem Sacramentalem recipiendam. 89
Regula IV. Sacrilegii reus est, qui Sacramentalem Absolutionem recipit, Deum super omnia non diligens, ideest, finem suum ultimum adhuc in creatura, non in Deo constituens. 90
Regula V. Quamvis Confessarius explorare debeat animum Penitentis, an sit vere contritus; ipsum tamen interrogare non debet, an haec, & illa supplicia pati mallet; quam vel unum peccatum mortale perpetrare. 91
Regula VI. Vera contritio renovatio pacti cum Deo in Baptismate initi esse debet. 92
Regula VII. Quamvis formulae quaedam Precum, quae inscribuntur, *Actus Contritionis*, pie sint, & Penitentibus utiles, non tamen censendi sunt Contritionis actum edidisse, quicumque Preces hujusmodi recitarunt. *ibid.*
 Vera Contritionis, & sinceræ conversionis indicia. *ibid.* & seq.
Regula VIII. Ad Contritionis actum eliciendum tenetur homo in periculo mortis, & quotiescumque Sacramentum aliquod suscipiendum, vel administrandum est: quoties tandem se a Deo aversum esse per peccatum mortale cognoscit, de quo alias contritus non fuit. 94
CAP. V. De Confessione Sacramentali. 95
ART. I. Quid sit Confessio. *ibid.*
ART. II. De Confessionis utilitate. 96
ART. III. De Necessitate Confessionis. 101
Propositio Unica. Confessio Sacramentalis ex institutione Christi Domini Sacerdotibus necessario facienda est ab iis, qui post Baptismum in peccatum aliquod mortale lapsi sunt. *ibid.*
ART. IV. De Clavibus Ecclesiae a Christo traditis. 112
ART. V. Regulae Morum circa necessitatem, & præceptum Confessionis. 115
Regula I. Unusquisque Christianus, cum ad annos discretionis pervenerit, Confessionis lege tenetur. *ibid.*
Regula II. Quisquis sibi mortalis peccati conscientis est, & ad Sacramentum Eucharistiae vult accedere, aut aliud Sacramentum suscipere, vel administrare, Confessionis Sacramentalis lege est adstrictus. 116
Regula III. Confessionis lege tenemur, quoties mortis periculum imminet. *ibid.*
Regula IV. Pium consilium est peccata sacramentaliter confiteri, quoties rem arduam, & diffi-

- & diuilem aggredimur. 117
Regula V. Præceptum Confessionis obligat, cum veremur, ne nos culpe alicujus lethalis, quam admiserimus, obliuio capiat; vel ne Confessarii copiam intra annum non habeamus. ibid.
Regula VI. Confessionis præceptum non obligat statim atque aliquis in mortale peccatum lapsus est. 118
Regula VII. Præcepto Confessionis semel in anno facienda omnes, & singulis Fideles sunt adstricti. ibid.
Regula VIII. Quamvis annuæ Confessionis nullum certum tempus Ecclesiæ præcepto præfixum sit, ratione tamen Communionis Pæschalis in Paschate implendum est. 119
Regula IX. Optat vehemens Ecclesiæ, ut Fideles initio Quadragesimæ Sacramentalem peccatorum Confessionem edant: ad idque ipsos Parochi, & Concionatores debent adhortari. 120
Regula X. Qui sola venialia admittit, Confessionis annuæ præcepto nihilominus tenetur. 121
Regula III. Annuæ Confessionis præceptum sacrilega Confessione non impletur. ibid.
Regula VII. Confessionis præceptum non impletur, qui scripto, vel nutu, non ore proprio confiteretur, nisi loquendi facultate, seu libertate destitutus esset. 122
ART. VI. De conditionibus Confessionis. 124
 §. I. Confessio integra esse debet. ibid.
 Ad Confessionis integritatem pertinet omnium, & singulorum peccatorum mortalium enumeratio. ibid.
 Item circumstantiarum, quæ speciem peccati mutant, declaratio. 126
 Dno & circumstantiarum, quæ malitiam peccati in eamdem speciem augent. 127
 Numerus denique peccatorum, quoad fieri potest, explicandus. ibid.
 §. II. Confessio simplex, & nuda esse debet. 130
 §. III. Confessio humilis sit necesse est. 131
 §. IV. Prudens esse debet Confessio. 133
 §. V. Confessio debet esse secreta. ibid.
 §. VI. Lacrymabilis Confessio. 134
 §. VII. Parere paratæ. 135
 §. VIII. Confessio frequens, & accelerata. 137
ART. VII. Regulæ Morum, quæ conditiones Confessionis spectant. 142
Regula I. Qui peccatum aliquod mortale, aut circumstantiam, quæ species peccati mutant, vel plurimum aggravaverit, dedita operaceleraverit, Confessionem sacrilegam edidit, & nullam, quam proinde iterare tenetur. ibid.
Regula II. Qui Confessionem diuisit; uni Sacerdoti peccatorum partem, alteram alteri dedita opera declarans, nullam Confessionem fecit, adeoque omnia, & singula peccata unum, & eidem Sacerdoti tenetur iterum confiteri. ibid.
Regula III. Hypocrisis reus est, & periculo peccandi mortaliter se exponit, qui duos eligit Confessarios, quorum uni venialia duntaxat, alteri vero lethalia peccata aperiat. 143
Regula IV. Qui peccati alicujus mortalis declarationem omittit, vel ex obliuione, vel ex minus sufficienti conscientie discussione, adhibita tamen diligentia iuxta conditionem, scientiamque suam, Confessionem iterare non tenetur; sed tamen ea peccata, quorum oblitus est, confiteri debet, ubi memorie occurrerint. ibid.
Regula V. Qui conscientiam adeo negligenter discutit, ut videri possit parvifacere alicujus peccati mortalis, aut circumstantiæ necessario explicandæ omissionem, confessionem iterare debet. 144
Regula VI. Accuratum, & diligens examen conscientie centeri debet, in quo ea diligentia adhibetur, quæ in gravioris momenti negotiis adhiberi solet. ibid.
Regula VII. Explicans quibus casibus Confessio dividi possit absque sacrilegio. 146
Regula VIII. Qui casuum Reservatorum reus est, tenetur omnia peccata confiteri, tam reservata, quam non reservata, & de his quidem quamvis ab inferiore posset absolvi, & ad Superiorem remitti, ut a Reservatis absolveretur: convenientior tamen videtur Disciplina ratio, ut ab omnibus simul absolva-
 tur eo, qui potestatem habuerit, integra peccatorum Confessione apud ipsum edita. 147
Regula IX. Etsi venialium peccatorum Confessio non sit necessaria, illa tamen confiteri oportet, de quibus dubitatur, an mortalia sint, an venialia. 148
Regula X. In Confessione mentiri circa lethalia peccata, est lethale peccatum. ibid.
Regula XI. Fidelium Confessionem non facit, lethali quoque peccati reus est, qui circumstantias opus a peccato prius exculcantes, aut imminuentes, ut veniale faciant, quod alias esset mortale, silentio premit. 149
Regula XII. Penitens confiteri tenetur circumstantiam Relapsus in eadem peccata. ibid.
Regula XIII & XIV. An multorum Confessiones aliquando simul audiri possint? 150
Regula XV. Sacerdos vocatus ad infirmum, qui obmutuit, aut rationis usu destitutus est, ipsum absolvere potest, & debet ex aliorum testimonio, assensum penitentis animi signa ipsum exhibuisse, & Confessarium postulasse. 151
Regula XVI. Homines moribundos, quos vox & sensus defecit, ante quam ullum penitentes animi signum darent, absolvere non licet. 152

- et, si constet vitiis deditos fuisse, aut peccandi proximis occasionibus implicatos. 152
- Regula XVII.* Moribundum hominem, qui vocis usa, sensuque subito destitutus, Pœnitentiam, ac Reconciliationem, nec verbis, nec nutibus petit, nullave signa penitentis animi dare potest, absolvens non licet, quamvis bene vixerit, & Confessionem, Communioneque frequentaverit. 153
- Regula XVIII.* Confessio absque Contritione, vel Attritione antecedente, concomitante, vel subsequente facta, prorsus invalida, atque iteranda est. 154
- Regula XIX.* Qui peccatum aliquod mortale in Confessione prætermisit ex Divini Juris ignorantia, Confessionem iterare tenetur: si vero ex ignorantia facti, sufficit, ut illud confiteatur, nec ceterorum Confessionem repetere necesse est. 157
- Regula XX.* Quamvis peccata venialia sine virtuali saltem Contritione non deleantur, qui tamen illa sine Contritione confitetur, non semper contrahit mortale peccatum, neque Confessionem iterare tenetur. 158
- Regula XXI.* Cautio Devotis feminis necessaria. 159
- Regula XXII.* Confessiones, præsertim Mulierum, in Ecclesia, in loco patenti, non in angulis, abditisque locis, aut Capellis minus late patentibus excipi debent. 161
- Regula XXIII.* Conficiis, sive complices criminum in Confessione declarare tenetur Penitens, tacito eorum nomine cum id ad Confessionis integritatem necessarium est: alias complicem Confessario revelare non licet, &c. 164
- Regula XXIV.* Quando conficii criminum in Confessione declarandi? 164
- Regula XXV.* Quamvis absolute liceat Confessario conficium tum Penitentis licentia, Superiori, tanquam Patri, non tanquam Judici denunciare: ea tamen licentia nec a Penitente postulanda est, nec illa uti hodiernæ Disciplinæ convenit. 165
- Regula XXVI.* Confessarius, qui ex Penitentis Confessione crimen complicit cognovit, quod ille in Sacro Tribunali interrogatus tenuit confiteri, hujusmodi complici Sacramentalem Absolutionem negare, eumque velut imparatum remittere potest, ac debet, inviolato Confessionis sigillo. 166
- ART. VIII.* De Ministro Confessionis, & Pœnitentiæ. 167
- Propositio I.* Solutus Sacerdos Minister est Confessionis, & Pœnitentiæ. 167
- Propositio II.* Ad Confessiones audiendas, & Ministerium Sacramenti Pœnitentiæ non sufficit Potestas Ordinis Sacerdotalis, sed necessaria est Potestas Jurisdictionis ordinaria, vel delegata, sive a Superiore demandata. 171
- Propositio III.* Quilibet Fidelis tenetur semel in anno peccata sua confiteri proprio Sacerdoti, vel alteri de ejus licentia. 172
- Propositio IV.* Proprii Sacerdotis nomine Parochum intellexit Lateranense Concilium. 172
- Propositio V.* Quamvis proprii Sacerdotis nomine in Canone *Omnis utriusque sexus*, Parochus designetur, Summus tamen Pontifex, Episcopi, & ab iis Delegati pro ipso tempore Paschatis, vel abique ulla temporis, aut loci restrictione approbati, non excluduntur. 173
- Propositio VI.* Summus Pontifex, & Episcopi jus habent graviorum quorundam criminum Absolutionem sibi reservandi. 176
- ART. IX.* De Confessorum Dotibus. 178
- ART. X.* Regule Ministros Sacramenti Pœnitentiæ spectantes. 186
- Regula I.* Nulla est Confessio, quæ sit Sacerdoti Potestatem Jurisdictionis non habenti, aut qui legitimam formam non adhibuerit, aut quæ ad Sacramenti Pœnitentiæ Administrationem omnino necessaria sunt, penitus ignoraverit. 186
- Regula II.* Nullus Sacerdos, etiam Regularis, Confessiones secularium, etiam Sacerdotum, audire potest, nisi Parochiale Beneficium obtinet aut ab Episcopo fuerit approbatus. 187
- Regula III.* Caput Concilii Tridentini, *Quamvis Episcopi*, intelligendum est tam de Episcopo loci, quam de Episcopo Penitentis. 188
- Regula IV.* Ne venialium quidem peccatorum Confessiones excipere, & ab illis absolvere potest Sacerdos, sive Secularis, sive Regularis, ab Episcopo non approbatus. 189
- Regula V.* Sacerdotes regulares a suis Superioribus approbati possunt absque approbatione Episcopi excipere Confessiones Virorum Regularium sui Ordinis, imo, & secularium ad familiam vere pertinentium. 189
- Regula VI.* Sacerdotes tum Sæculares, tum Regulares generatim in aliqua Diocesi ad audiendas Confessiones approbati, ad Monialium Confessiones audiendas propterea non censentur approbati, &c. 190
- Regula VII.* Regulares Sacerdotes Confessiones Monialium ipsi etiam Regularibus subjectarum excipere non possunt absque approbatione Episcopi. 190
- Regula VIII.* Sacerdos tum Sæcularis, tum Regularis, in una Diocesi generatim approbatus, Confessiones in altera Diocesi audire non potest sine approbatione Episcopi Diocesani. 190
- Regula IX.* Parochi subditorum suorum Confessiones in aliena Parochiæ territorio, & in aliena etiam Diocesi audire possunt. 191

Regula X. Sacerdotum five Sæcularium, five Regularium approbationes certis limitibus circumscribere possunt Episcopi, & ad certas personas, loca, vel tempora restringere. 191

Regula XI. Episcopus singulos five Sæculares, five Regulares Sacerdotes, simpliciter, & absolute a se approbatus, ab audiendis Confessionibus suspendere potest ex nova causa ad Confessiones pertinet. ibid.

Regula XII. Confessarios omnes, & singulos, five Sæculares five Regulares, a Vicario suo Generali, aut a Decessore suo approbatus, Episcopus ad Examen revocare potest. ibid.

Regula XIII. Parochi non possunt eligere sibi in Confessarium simplicem Sacerdotem, five Sæcularem, five Regularem, ab Episcopo non approbatum. 193

Regula XIV. Parochi possunt eligere sibi quem voluerint Confessarium ab Episcopo approbatum. ibid.

Regula XV. Sacerdos Regularis ab Episcopo approbatus, peccat quidem, si Confessiones audiat Superiore suo prohibente, valide tamen absolvit. 194

Regula XVI. Parochus, qui Beneficium Parochiale dimisit, Confessiones excipere non potest absque nova Episcopi approbatione. ibid.

Regula XVII. Invalida Confessio est, quæ fit Sacerdotibus Hæreticis, Schismaticis, Excommunicatis, Suspendis, Irregularibus, Degradatis. ibid.

Regula XVIII. Parochi licentiam dare non possunt audiendi Confessiones in Parochia suis aliis Sacerdotibus ab Episcopo non approbatis. 195

Regula XIX. Parochi extra suarum Parochiarum fines Confessiones audire non possunt eorum, qui Parochiali suæ curæ non sunt subditi; nisi Episcopus hanc ipsi potestatem per totam Diocesim concesserit, aut ita se habeat consuetudo ab Episcopo approbata. ibid.

Regula XX. Quamvis satisfaciant Canoni *Omnis utriusque sexus*, qui peccata sua tempore Paschali Pœnitentiario Episcopi, aut alteri Sacerdoti ab Episcopo generatim approbato, confitentur: nihilominus convenit, ut Pœnitentes hortetur tunc temporis Confessarius, ut ad Parochi pedes se sistant, eique Confessionem faciant. ibid.

Regula XXI. Quicumque Sacerdoti Sæculari, vel regulari ab Episcopo approbato peccata sua confitentur, ac deinde Parochi Confessionem faciunt magis tenentur obedire Parochi suo, quam alii Confessariis, si forte contraria jubeant. 196

Regula XXII. Quamvis Parochus minus peritus, minus probus, minus prudens esset, non posset tamen Parochianus alteri confi-

teri, nisi cum Episcopi licentia. 197

Regula XXIII. Parochi faciles esse debent ad præbendam licentiam alteri confitendi tempore Paschali. ibid.

Regula XXIV. Advenæ, peregrini, vagi, & qui plurima domicilia in diversis Parochiis habent, Confessionis annuæ præcepto satisfaciunt, si Parochi confiteantur, in cujus territorio Paschali tempore commorantur. 198

Regula XXV. Regularium Confessariorum potestatem, & officia circa Infermorum Confessiones explicans. ibid.

Regula XXVI. Parochos inter, & Regulares Confessarios concordia maxima esse debet ad Animarum salutem promovendam, & Fidelium ædificationem. 199

Regula XXVII. Confessarii Regulares ab Episcopo approbati absolvere non possunt a casibus Summo Pontifici, aut ipsi Episcopo reservatis, nisi specialem ab ipsis acceperint potestatem: nullaque illis Privilegia quoad hoc suffragantur. 200

Regula XXVIII. Habentes facultatem absolvendi a casibus Sedi Apostolicæ reservatis, non ideo a casibus Episcopo reservatis possunt absolvere. 201

Regula XXIX. Confessarii Pœnitentes ex alia Diœcesi ad se consuetos absolvere potest a casibus in illa Diœcesi reservatis, non autem in Diœcesi ipsius Confessarii, modo deducta opera, & in fraudem reservationis ad alienæ Diœceos Confessarium sese non conulerint. 202

Regula XXX. Confessarius, qui potestatem obtinuit absolvendi a casibus Episcopo reservatis, non ideo potest absolvere a Censuris. ibid.

Regula XXXI. Qui facultatem habent absolvendi a casibus Summo Pontifici reservatis, possunt etiam absolvere a Censuris. ibid.

Regula XXXII. Si periculum mortis imminet desitque Confessarius approbatus, quilibet Sacerdos potest a quibuscumque peccatis, & Censuris absolvere. ibid.

Regula XXXIII. Qui ob mortis periculum fuerint absoluti a Censuris Superiori reservatis, siltere se tenentur ei, cui reservata sunt, quamprimum convalescent, ut Mandatis ejus pareant; alioquin in easdem Censuras incurrun. 203

Regula XXXIV. Qui facultatem ab Episcopo obtinuit absolvendi a casibus illi reservatis, motuo Episcopo ab illis absolvere non potest, nisi novam obtineat a Successore, aut a capitulo Sede vacante. ibid.

Regula XXXV. In casuum reservatione summa prudentia Episcopus opus est. ibid.

Regula XXXVI. Calus Summo Pontifici, & Episcopis reservatos singuli Confessarii nosse

se debent. 205.
 Casus Romano Pontifici reservati, ibid.
 Casus Episcopis reservati. 206
Regula XXXVII. Episcopi absolvere possunt ab omnibus Casibus oculis Sedi Apostolicæ reservatis, & in omnibus Irregularitatibus, & suspensionibus ex delicto occulto provenientibus dispensare, excepta ea, quæ oritur ex homicidio voluntario, &c. 212
Regula XXXVIII. Superiores Regularium certos duntaxat Casus sibi reservare possunt. ibid.
Regula XXXIX. Superiores Regularium possunt ipsos a gravi sociorum percussione absolvere; ab enormi vero solus Pontifex Maximus potest. 213.
Regula XL. A quo absolvi debeat Regularis, qui percussit alterius Claustrum Regularem, vel Clericum secularem? ibid.
Regula XLI. Explicans quid agendum sit Confessario, qui legitima potestate destitutus, Pœnitentem a Casibus reservatis absolvit. 214.
Regula XLII. Monialibus, quæ Regularibus sunt subditæ, & nulla ratione possunt adduci, ut peccata sua Confessariis Regularibus confiteantur, & quibus Superiores Regulares Confessarium extraordinarium ter in anno non concedunt, Episcopus Confessarium deputare potest. ibid.
Regula XLIII. Confessarius ordinarius sine causa mutari non debet. 215
Regula XLIV. Neminem juramento, vel voto devincere potest Sacerdos, ut alium Confessarium non eligat, & huiusmodi promissio, etiam juramento, aut voto firmata, irrita est. ibid.
Regula XLV. Sacerdos ad Confessionem admittere non debet imparatos. 216
Regula XLVI. Violatio sigilli Confessionis mortale semper peccatum est, seu mortalia, seu venialia duntaxat peccata Pœnitentis revellet Confessarius. ibid.
 Aliæ Regule sigilli ejusdem religionem spectantes traduntur, scilicet ibid.
Regula XLVII. ibid.
Regula XLVIII. 217
Regula XLIX. 218
Regula L. ibid.
Regula LI. 219
Regula LII. ibid.
Regula LIII. Prælati punire subditum non potest ob peccatum, quod ex sola Confessione novit, 220
Regula LIV. Prælati ab Administratione, vel Officio remove non potest subditum propter crimen, quod ex sola Confessione novit, si sit probabile periculum prave suspensionis de Pœnitente ingenerandæ. ibid.
Regula LV. Ecclesiastica lege id prohibetur,

et si revelandæ Confessionis periculum ab sit. 221
Regula LVI. Sacerdos, qui ex sola Confessione novit aliquem indignum esse Ecclesiastica Dignitate, vel Præfectura, fustigium illi negare potest, & illius electioni contradicere. ibid.
Regula LVII. Qui publici peccatoris Confessionem excipit, negare illi Eucharistiam publice etiam potest; ac debet, si ad fœderam Mentem accedat, antequam scandalum palam removerit, & manifesta conversionis dederit argumenta. 222
Regula LVIII. Confessio quælibet Sacramentalis, quanvis sit invalida, sacri sigilli necessitatem inducit. ibid.
Regula LIX. 223
Regula LX. 224
Regula LXI. Ille cuius fide creditur aliquod arcanum, illudque excipit, quasi sub sigillo Confessionis, illud jure naturæ celare tenetur, illudque revelando peccat contra fidelitatem, sed sigillum Confessionis non frangit. ibid.
Regula LXII. 225
Regula LXIII. 226
Regula LXIV. 226
Regula LXV. Qui ex Confessione Sacramentali ita aliquid novit, ut alio etiam modo noverit; illud revelare potest, si necessitas urgeat, nulla Confessionis mentione facta. ibid.
Regula LXVI. Conveniens esset, ut Sacerdotibus omnibus, & singulis cujuscumque criminis confisus interdicere, ne factorum, & participum ejusdem criminis Confessiones audirent; omnique quoad hæc jurisdictione privarentur. ibid.
 CAP. VI. De Satisfactione. 227
 ART. I. Quid sit Satisfactio, & quotuplex Satisfactionis gradus? ibid.
 ART. II. De Satisfactionis necessitate. 229
 Propositio I. Necessaria est Satisfactio Pœnitentibus ad Deum placandum, & penam temporariam redimendam, cujus debitum post remissionem culpe sæpe manet. ibid.
 Propositio II. Satisfactionis necessitas Dei precepto peccatoribus imposita est. 213
 Propositio III. Ut in Sacramento Pœnitentiæ Satisfactio a Sacerdotibus imponatur, non humana potestate usurpatum, sed divina auctoritate institutum est. 234
 ART. III. De Satisfactionis Utilitate. 238
 ART. IV. De his, quæ ad veram Satisfactionem requiruntur. 241
 Propositio I. Necessè est, ut is, qui satisfact, justus sit, ac Dei amicus. ibid.
 Propositio II. Ad satisfactionem requiritur, ut ejusmodi opera suscipiantur, quæ natura sua dolorem, & molestiam homini afferant. 243
 Propositio III. Præcipua Satisfactionis opera sunt.

- P**enitentiario, jejuniū, & elemosyna. 244
Propositio IV. Temporalibus eriam flagellis a Deo iniunctis, & a nobis patienter toleratis, Deo pro peccatis nostris satisfacere possumus. 246
ART. V. Utrum unus pro altero satisfacere possit? 248
Propositio Unica. Unus pro alio satisfacere potest. ibid.
ART. VI. Quo Regulæ Morum, ac Disciplinæ circa Satisfactionem exponuntur. 249
Regula I. Sacerdos Satisfactionem Penitentibus injungere tenetur. ibid.
Regula II. Satisfactionem ante Absolutionem imponere, convenientius est. 250
Regula III. Non est necesse, ut imposita Satisfactio ante Absolutionem Sacramentalem impleatur. ibid.
Regula VI. Confessarius Penitentem obligare potest ad Satisfactionem vel ex toto, vel ex parte implendam ante Absolutionem, si id ejus emendationi, & saluti expedire judicaverit. 252
Regula V. Sacerdotes tenentur imponere Penitentibus, Satisfactiones gravitati criminum, & Penitentium facultatis respondentes: alioqui alienorum participes erunt peccatorum. 253
Regula VI. Satisfactionem impositio non ita est in arbitrio Sacerdotis posita, ut in eis imponendis delictorum gravitatem, & personarum conditionem, statumque spectare non teneatur. 255
Regula VII. Confessarius Canones Penitentiales nosse debet, & juxta eos Penitentiam imponere, servatis prudentiæ regulis habitaque ratione conditionis, & diversitatis personarum, aliisque circumstantiis, & maxime Contritionis Penitentium. 257
Regula VIII. In Penitentialium Canonum moderatione justitiam, prudentiam, pietatem, charitatem singularem Sacerdotes adhibere debent, ita ut nimiam severitatem, æque ac nimiam lenitatem devitent. 259
Regula IX. Non semper peccat Sacerdos, qui pro gravi peccato leviorē Penitentiam imponit. 262
Regula X. Pro minori peccato gravior quodque Penitentia imponenda est. 263
Regula XI. Aegrotis significanda est Penitentia, quam implere teneantur, si convalescant, atque interim imposita, quam in eo statu facile possint implere, sunt absolvendi. ibid.
Regula XII. In peccatorum remedia Satisfactiones quasdam imponere convenit subdito post peccatum peragendas. ibid.
Regula XIII. Satisfactiones intricatas, & ex variis operum generibus, aut diversarum orationum magno numero compostas, Confessarium Penitentium vulgo imponere non expedit. 264
Regula XIV. Sacerdos, qui Elemosynas, vel Missas in Satisfactionem imponit, nec sibi, nec Ecclesiæ suæ, aut Monasterio eas applicare potest, aut applicandas committere, Idemque in rerum incertarum Restitutione, Votorum commutatione, & aliis hujusmodi observandum est. ibid.
Regula XI. Publicis peccatoribus publica Penitentia est imponenda, quam Confessarius cum privata commutare inconfulto Episcopo non debet. 265
Regula XIV. Penitentia a uno Confessario imposita, ab altero mutari non potest, nisi causa cognita, & graves ob causas. 268
Regula XVII. Penitens opera satisfactoria sibi a Confessario imposita suscipere, & implere tenetur. Unde peccati lethalis reus est, qui Penitentiam pro lethalibus peccatis sibi præscriptam implere negligit. ibid.
Regula XVIII. Peccator, cui leviores penæ pro gravibus peccatis sunt impositæ, alia Satisfactionis opera sponte exercere, & implere debet. 269
Regula XIX. Satisfactio a Sacerdote injuncta majoris virtutis est, quam sponte suscepta. 270
Regula XX. Sacerdos Penitentia partem arbitrio Penitentis relinquere potest. ibid.
Regula XXI. Penitens graviorem Penitentiam pro levioribus peccatis a Sacerdote sibi impositam adimplere tenetur. ibid.
Regula XXII. Penitens imposita sibi Satisfactionis onus propria auctoritate alteri imponere non potest; & si alter Satisfactionem pro ipso sponte susceperit, non ideo solutus est satisfactionis obligatione, si per se ipsum satisfacere possit. ibid.
Regula XXIII. Satisfactoria opera in peccato mortali facta, quæ nullum in satisfaciendis effectum relinquunt, iterari debent a Penitentibus: non autem illa, quæ permanentem in homine relinquunt effectum. 271
Regula XXIV. Quamvis, nemo certo locutus in statu gratiæ Deo satisfacisse, iterare tamen Satisfactionem non tenetur, nisi conscientiam habeat peccati mortalis. ibid.
ART. VII. De Canonibus Penitentibus. 272
& seqq.
CAP. VII. De Absolutione Sacramentali. 280
ART. I. Quibus verbis Absolutio conitet. ibid.
Propositio I. Absolutio Sacramentalis his verbis necessario constat, ABSOLVO TE, aut certe verbis æquivalentibus. ibid.
Propositio II. Absolutio Deprecatoria, vel nulla, vel certe dubia Sacramenti Penitentia forma est. 282
ART. II. Quis fit horum verborum sensus, EGOT E ABSOLVO? 284

Propositio Unica. Sensus horum verborum, EGO TE ABSOLVO, non est, Declaro tibi remissa esse peccata sed Tibi peccata remitto. ibid.

ART. III. Regule proxim spectantes circa Absolutionem. 286

Regula I. Obviis quibusque concedenda non est Absolutio; sed iis omnibus neganda, quorum nulla, vel ficta conversio iis differenda, quorum dubia, & incerta Penitentia est. ibid.

Regula II. Absolutio his verbis conferri non debet, ABSOLVO TE AB OMNIBUS PECCATIS TUIS CONTRITIS, CONFESSIS, ET OBLITIS. 295

Regula III. Absolutio sub conditione præfenti est illicita, sub conditione de futuro irrita est. 296

Regula IV. Ab iisdem peccatis pluries absolvi potest Penitens in diversis Confessionibus, non in eadem. ibid.

Regula V. Absolutio a Censuris præcedere debet Absolutionem a peccatis. 297

Regula VI. Neganda, vel differenda est iis Absolutio qui Christianæ Fidei Rudimenta, & Ecclesiæ præcepta ignorant: nec non Patribus familias, qui liberos suos, & domesticos scientia credendorum, & agendorum ad salutem necessaria imbuere negligunt. ibid.

Regula VII. Neganda est Absolutio iis, qui nimio vestium ornatu debita contrahunt, quibus solvendis pares esse non possunt, earumve luxu, & immodestia pudicitiam lædunt. 298

Regula VIII. Neganda illis est Absolutio, qui occultas vel apertas cum proximo inimicitias exercent, & odium deponere nolunt, neque cum inimicis reconciliari. 299

Regula IX. Qui restitutioni aut satisfactioni sunt obnoxii, quia proximum vel in fama, vel in rebus læserunt, non sunt absolvendi, nisi debita restitutio, aut satisfactio prius intercedat. ibid.

Regula X. Neganda illis est Absolutio, qui in occasione proxima peccati versantur. 300

Regula XI. Absolutio illis neganda est, qui de iisdem peccatis semper se accusant, & nunquam emendant. 303

TRACTATUS

DE CENSURIS.

CAP. I. De Censuris in genere. 307

ART. I. Quid sit Censura? ibid.

ART. II. Quotuplex sit Censura? ibid.

ART. III. De Potestate ferendi Censuras, seu a quibus ferri possint? 308

ART. IV. Quam ob causam ferri possit Ecclesiastica Censura? 311

ART. V. Qui Censura ligari possint? 313

ART. VI. Quibus de causis nulla, & irrita, vel injusta Censura sit? 314.

ART. VII. Quæ excusent a Censuris incurrendis? 318

ART. VIII. Quis absolvere possit a Censuris? 320

CAP. II. De Excommunicatione. 321

ART. I. Quid, & quotuplex sit Excommunicatio? ibid.

ART. II. De potestate ferendæ Excommunicationis. 323

ART. III. De fine Excommunicationis. 324

ART. IV. De Majoris Excommunicationis effectibus, siye de bonis, quibus privat major Excommunicatio. ibid.

ART. V. Regule proxim spectantes circa Excommunicationem. 330

Regula I. Si quem sub hac formula verborum, illum excommunico, vel simili: a Iudice suo excommunicari contingat, censendus est majori Excommunicatione ligatus. ibid.

Regula II. Lethalis peccati reus esset, qui pro Excommunicatis publice, ac nominatim oraret inter preces, quæ Ecclesiæ nomine, & pro ejus dumtaxat membris fiunt. ibid.

Regula III. Pro Excommunicatis privatim orandum est, ut ad Penitentiam redeant, & a formidando vinculo solvantur. ibid.

Regula IV. Lethale peccatum committit Excommunicatus, quodlibet suscipiens Sacramentum. 331

Regula V. Sacerdos Sacramenta Excommunicato denunciatio, & vitando administrans non solum lethaliter peccat, sed in minorem Excommunicationem, aliasque penas incurrit. ibid.

Regula VI. Clericus Excommunicatus Missam celebrans, aut coram se jubens celebrari vel quodvis aliud Ordinis sui sacrum Ministerium solemniter exercens, in Irregularitatem incurrit. ibid.

Regula VII. Clerici Excommunicati, vel Interdicti, si ante Absolutionem Divina celebraverint Officia, nisi moniti absque mora ad Penitentiam redierint, perpetuæ depositionis.

sitionis pena plebuntur.

Regula VIII. Si notorius, aut nominatim denunciatus Excommunicatus inchoata Missa adveniat, nec monitus exire velit, aut vi eici possit a Sacri prosecutione abstinentium est, nisi forte Canon sit inceptus. *ibid.*

Regula IX. Clericus, qui dubitat de Excommunicatione in se lata, sit Irregularis, si Divina celebret, aut Sacros Ordinum suorum actus exerceat. *ibid.*

Regula X. In irregularitatem non incurrit Sacerdos operando qui se suspensum esse, vel excommunicatum probabiliter ignorat: secus si ignorantia crassa sit, & lupina. *333*

Regula XI. Sacra Concioni in Templo interelle potest quilibet Excommunicatus. *ibid.*

Regula XII. Majori Excommunicatione irritatus, vel suspensus ab homine, voce activa, & passiva in electionibus canonicis privatur, si nominatim sit denunciatus, vel palam notum sit illum in has Censuras incurrisse. *ibid.*

Regula XIII. Sacerdos Excommunicatione minor ligatus, graviter quidem peccat Sacram celebrando, sed in Irregularitatem non incurrit. *ibid.*

Regula XIV. Minori Excommunicatione irritatus, ea quæ ratione Jurisdictionis sibi conveniunt potest exercere: & voce activa gaudet in electionibus canonicis, non passiva. *334*

Regula XV. Excommunicatione minor ligatus peccat quidem Ecclesiastica Sacramenta conferendo, sed ab eo collatione virtutis effectus non caret. *ib.*

Regula XVI. Qui cum excommunicato communicat in crimine, in maiorem Excommunicationem incurrit: si vero cum illo communicet in divinis, vel civilibus actionibus, & ab ejus crimine alienus sit, minorem duntaxat Excommunicationem contrahit. *ibid.*

Regula XVII. Cum Excommunicato majori Excommunicatione communicans, in minore Excommunicationem non incurrit, si ex ignorantia, charitate, officio, vel necessitate communicet. *335*

Regula XVIII. Qui cum nominatim excommunicatis deliberata voluntate communicant (præter personas beneficio Canonis exceptas) nisi moniti ab eorum Communionem, atque conversationem discesserint, Excommunicationem majori sunt plebendi. *337*

Regula XIX. In maiorem Excommunicationem incurrit ipso facto sine alia monitione, quicumque scientes cum illo communicant, qui cum participibus suis est excommuni-

mitas.

332 **Regula XX.** Cum Excommunicato ante Absolutionem communicare nemo debet, quamvis se Ecclesiæ paritum juraverit. *ibid.*

Regula XXI. Communico cum excommunicato, in crimine, vel in rebus divinis, lethale semper peccatum est: Communico vero in actionibus civilibus, politicis, & mere corporeis est veniale duntaxat peccatum, nisi fiat in contemptum Ecclesiæ. *338*

Regula XXII. Major Excommunicatio ferri non potest, nec debet levius de causis, sed solum ob mortale peccatum: alioqui nulla, & irrita est. *339*

Regula XXIII. Excommunicatio major infligi non debet pro quolibet peccato mortali, sed pro eo duntaxat, cum pro conjuncta est contumacia. *341*

Regula XXIV. Excommunicatio ob dampnum temporale proximo illa tum ferri potest. *ibid.*

Regula XXV. Excommunicationem pro hujusmodi causis soli decernere possunt Episcopi: in eaque decernenda, & terenda modum sacris Canonibus, & præsertim Concilio Tridentino præscriptum servare debent. *ibid.*

Regula XXVI. Non incurrit in Excommunicationem latam adversus eos, qui certi delicti reum non revelaverint, qui non denunciant personam cognatione, vel affinitate sibi conjunctissimam. *343*

Regula XXVII. Excommunicatum Excommunicationem majori nemo vitare tenetur, nisi sit nominatim denunciatus, vel ob evidentiam parati criminis ipso facto excommunicatus nesciatur. *ibid.*

Regula XXVIII. In casu Excommunicationis dubitandum potius est Sententiæ Judicum, quam aliorum Doctorum. *345*

Regula XXIX. Ferri non potest Excommunicatio ab Ecclesiastico Judice, nisi Monitione prævia: alioqui irrita erit:

Triplex autem præmittenda est Monitio, vel una pro tribus, assignato competenti dierum intervallo, nisi necessitas urgeat. *ibid.*

Regula XXX. Ut Excommunicationis Sententia nominatim in aliquem ab Ecclesiastico Judice feratur, non solum Monitio, sed & citatio juridica præmitti debet. *347*

Regula XXXI. Sententia Excommunicationis ab Ecclesiastico Jure in scriptis ferri, causaque exprimi debet, ob quam ferretur, & ejus transumptum Reo tradi intra mensem postulanti: alioqui Juxta ipso facto suspenditur: Sententia vero a Superiore relaxanda est. *ibid.*

Regula XXXII. Excommunicationem in aliquem nominatim latam Juxta Ecclesiasticis denunciare tenetur. *ibid.*

Regula XXXIII. Excommunicatio, in totam communionem, familiam, Civitatem, Provincia-

via-

- Vinciam, Regnum, five in Principem, & subditos simul ferri non potest. 348
- Regula XXXIV.** Ab Excommunicatione ferenda est abstinendum, cum timeatur, ne peior fiat peccator in quem fertur, vel pax Ecclesie perturbetur. 349
- Regula XXXV.** Cum necessitas cogit Praelatos ad Excommunicationem ferendam, eam ferveritatem servata hominum dilectionem exercere debent. 351
- Regula XXXVI.** Excommunicatio prorsus injusta nullatenus timenda est in foro interiori, in foro autem exteriori non semper tenenda est. ibid.
- Regula XXXVII.** Injusta Excommunicatio ligat in foro exteriori, cum ab habente Jurisdictionem lata est, nisi contineat errorem non ferendum, & ex se manifestum: vel Appellatio ad Superiorem Judicem interjecta sit ante Sententiam latam. 353
- Regula XXXVIII.** Ab Excommunicatione Majori lata a Jure; nec reservata, quilibet Sacerdos ad audiendas Confessiones approbatus absolvere potest: ab ea vero, quae lata est ab homine, ille solus absolvere potest, qui tulit, vel ejus Superior. 354
- Regula XXXIX.** Absolutio ad Cautelam, quando petenda, cuive concedenda? 355
- Regula XL.** Absolutio ab Excommunicatione peti non debet, neque concedi potest omisso medio, nisi consuetudo contrarium induxerit. ibid.
- Regula XLI.** Explicans, qua ratione Judex Superior ad quem Excommunicationis causa delata est, excommunicatum ad inferiorem primumque Judicem remittere debeat, vel absolvere. 356
- Regula XLII.** Cum cognitio causae Superiori competat, Absolutio ab eo data, quamvis injuste, in foro Ecclesiae rata est. ibid.
- Regula XLIII.** Excommunicatus ob plures causas, five ab uno, five a pluribus Judicibus, non est absolvendus nisi pro utraque causa satisfaciatur: Absolutio vero, quae alterutra causa tacita, aut alia suppressa veritate, & per subreptionem impetratur, nulla, & irrita est. ibid.
- Regula XLIV.** Qui vi, aut metu Absolutionem ab Excommunicatione extorsit, duplici Excommunicationis vinculo constringitur. 357
- Regula XLV.** Ab Excommunicatione iuste lata peccatore in contumacia perseverantem interdum Praelatus prudenter absolvit. ibid.
- CAP. II. De Suspensione.
- ART. I. Quid, & quomodo fit Suspendio? 358
- ART. II. Regulae circa Suspensionem. 359
- Regula I.** Suspendus ab Officio, consequenter ab Ordinum susceptione prohibetur. ibid.
- Regula II.** Suspendus ab Ordine, consequenter suspenfus est ab usu Jurisdictionis, cum Ordinis functione connexo. ibid.
- Regula III.** Qui a Jurisdictione suspendus, actum aliquem Jurisdictionis nihilominus exercet, non fit Irregularis. ibid.
- Regula IV.** Suspendus a Beneficio, solis Beneficii fructibus privatur: & tamen ad omnes Officii partes implendas obligatur. ibid.
- Regula V.** A beneficio simpliciter, & absolute suspendus, censendus est suspendus ab omnibus Beneficiis. 360
- Regula VI.** Episcopus Clericum sibi subditum suspendere potest a Beneficiis, quae in alia Diocesi obtinet. ibid.
- Regula VII.** Suspendio a Beneficio simplex, & absoluta novi Beneficii impetrationem, & collationem prohibet. ibid.
- Regula VIII.** Suspendus a Beneficio, fructibus omnibus beneficii, cuiuscumque sint rationis, seu redditus annui, seu decimae, primitiae, oblationes; quin etiam quotidianis distributionibus privatur. 361
- Regula IX.** Qui a beneficio suspendus, fructus nihilominus percipit, lethaliter peccat, & ad restitutionem tenetur, etiamsi Suspendio sit occulta. ibid.
- Regula X.** Suspendio ab Ordine Beneficium conferri valide, ac iuste potest. ibid.
- Regula XI.** Praelatus ab Ordine suspendus, nihilominus beneficia conferre potest, ad quorum collationem jus habet. ibid.
- Regula XII.** Episcopus ab Ordinum collatione Suspendus, ipsos conferendo fit Irregularis. 362
- Regula XIII.** Episcopi, iisque Superiores, nunquam incurrunt in Suspensionem, vel Interdictum ipso Jure, nisi de illis expressa mentio fiat. ibid.
- Regula XIV.** Suspendio generatim lata in Clericos, non minus Regulares quam Saeulares Clericos complectitur. ibid.
- Regula XV.** Suspendio in Communitatem, seu Capitulum, aut Conventum jure ferri potest. ibid.
- Regula XVI.** Sine peccato proprio aliquis suspendi potest, non tamen sine causa. 363
- Regula XVII.** Suspensionem, quae tertio ad frangendam contumaciam, praecedere canonica monitio debet. ibid.
- Regula XVIII.** Suspendio, quae fertur ut poenae duntaxat delicti praeteriti, sine praevia Monitione infligi potest. 364
- Regula XIX.** Fideles non tenentur vitare suspensionem Clericum in iis, in quibus suspendus est, nisi sit denunciatus. ibid.
- Regula XX.** Suspendio in poenam delicti praeteriti ad certum tempus lata, elapso tempore ipso Jure tollitur absque Absolutione. ibid.
- Regula XXI.** Suspendio ad certum tempus, vel etiam in perpetuum explicata, Superioris

ris dispensatione, vel Absolutione tolli potest. ibid.
Regula XXII. Suspendio a Jure lata in poenam delicti, ab Auctore tantum Canonis ante tempus elapsum solvi potest, si publica sit, & ad forum contentiosum delata. ibid.
Regula XXIII. Quamlibet suspensionem ex delicto occulto proveniente, & ad forum contentiosum non delatam, Episcopi solvere possunt. 365
Regula XXIV. Suspendio quolibet a Jure lata ob contumaciam, nisi Summo Pontifici reservata sit, ab Episcopo, aut Prælato Auctoritatem quasi Episcopalem habente solvi potest. ibid.
Regula XXV. Suspensionem ab homine latam solus ille per Absolutionem auferre potest, qui eam tulit. 366
ART. III. Quæ suspensiones ipso Jure latae? ib.
CAP. IV. De Interdicto. 371
ART. I. Quid, & quodplex sit Interdictum, & a quo hæc Censura ferri possit? ib.
ART. II. Regulae praxim spectantes circa Interdictum. 373
Regula I. Interdicto loco principali, censetur interdictus accessorius, vicinus, & continuus. ib.
Regula II. Si Sententia Interdicti lata sit in Populum, Clerus interdictus non censetur, nec interdicto Clero Populus. 374
Regula III. Interdicta Civitati, vel alio loco, propter delictum Domini, Rectoris, vel Prælati, Civis non interdicti extra ipsam divina Officia audire, Sacramenta percipere, & Ecclesiastica Sepultura mortui donari possunt. ib.
Regula IV. Interdicta Communitate, & singulis de Communitate censentur interdicti; ita ut alicubi divinis Officiis interesse, vel Ecclesiastica Sacramenta recipere non valeant. ib.
Regula V. Clerici personali Interdicto ligati, si illud violaverint, in Irregularitatem incurrunt, non obstante Appellatione. ib.
Regula VI. In Excommunicationis Summo Pontifici reservata Censuram incurrunt, qui Ecclesiasticum Interdictum servari prohibent, aut moniti servare pertinaciter renuunt. 375
Regula VII. Interdictum, a Religiosis quibuscunque, etiam Exemptis servandum est, necnon cessationes a divinis, sub poena Excommunicationis ipso facto incurrendæ. ib.
Regula VIII. Interdictum servare nemo tenetur, nisi sit expresse denunciatum. ib.
Regula IX. Interdictum nisi fervent illi, in quorum gratiam positum est, alii servare non tenentur. ib.
Regula X. Laicus tempore Interdicti Divinis interesse potest, si ratione privilegii, sive ob aliam causam legitimam. 376
Regula XI. Interdicto generali personarum,

non loci durante, Infantes Ecclesiastica sepultura non privantur. ib.

Regula XII. Interdictum generale loci propter temporale debitum Episcopi, vel Principis poni non potest, nisi de licentia Sedis Apostolicæ. ib.

Regula XIII. Quamvis terra interdicta alienetur, adhuc remanet Interdictum. ib.

Regula XIV. Interdictum generale personarum tollitur destructa Communitate. 377

Regula XV. Qui Pœnitentiæ signa moriens exhibuit, Ecclesiastica Sepultura non est donandus, nisi prius ab Interdicto fuerit absolutus. ib.

Regula XVI. XVII. XVIII. XIX. & XX. ib.
 Quinquæ istæ posteriores Regulae spectant Absolutionem ab Interdicto. ib.

TRACTATUS

DE INDULGENTIIS.

CAPUT I. De Potestate concedendi Indulgentias. 379

ARTICULUS UNICUS. An potestas concedendi Indulgentias sit in Ecclesia? ib.

Propositio Unica. Potestas Indulgentias concedendi a Christo tradita est Ecclesiae, quæ antiquissimis etiam temporibus sacra illa potestate usa est. ib.

CAP. II. De Indulgentiarum utilitate. 386

APPENDIX, De Jubilæo. 388

Unde Jubilæi nomen? ib.

Jubilæum Legis Mosaicæ. ib.

Evangelici Jubilæi typus. ib.

Per Indulgentiam Jubilæi ab agenda pro viribus Pœnitentia nemo dispensatur. 389

Plenariæ Indulgentiæ, & Jubilæi fructum pro suæ dispositionis mensura quisque consequitur. ibid.

Error præcavendus. 390

CAP. III. Regulae Indulgentiarum dispensationem, usumque spectantes. 391

Regula I. Indulgentias concedere possunt Summus Pontifex, & Episcopi: ille quidem Plenarias toto quæ late patet Orbe Christiano; isti vero in Diœcesibus suis, & secundum mensuram Canonum. 392

Regula II. Archiepiscopus Indulgentias in tota Provincia sua concedere potest secundum mensuram Canonibus præscriptam, etiam si Sacram Provinciæ Visitationem actu non obeat. 392

Regula III. Indulgentiæ ab Episcopo concessæ, eorum duntaxat Diœcesanis profunt. ibid.

Regula IV. Episcopi in foro Pœnitentiæ non solum quadraginta dierum, sed plurium, &

annorum Indulgentias iusta de causa largiri possunt. *ibid.*
Regula V. Episcopus electus, atque confirmatus, & Legati Apostolici, quamvis Sacerdotes non sint, possunt Indulgentias concedere. *ibid.*
Regula VI. Summus Pontifex, & Episcopi mortalis peccati rei Indulgentias nihilominus concedere possunt. *ibid.*
Regula VII. Ad Indulgentiarum valorem causa iuxta, & legitima requiritur. 393
Regula VIII. Causa legitima concedendi Indulgentias centendum est temporale subsidium ad spiritualia ordinatum. *ib.*
Regula IX. Pro causis mere spiritualibus multo magis concedi possunt Indulgentiarum. 394
Regula X. Existentibus in peccato mortali Indulgentias non profunt. *ibid.*
Regula XI. Opus, cujus intuitu conceditur Indulgentia fieri debet ab homine in gratia existente. *ibid.*
Regula XII. Ad Plenariam Indulgentiam, etiam Jubilaei consequendam; totis viribus eniti, & omni studio contendere necesse est ad satisfaciendum Iustitiae Divinae congruis, & diuturnis Poenitentiae laboribus. 395
Regula XIII. Totam Indulgentiam non consequitur, quicumque facit opus, cujus gratia Indulgentia concessa est, sed qui meliori, quo potest, modo, studioque ferventiore facit, 398
Regula XIV. Aliis operibus satisfactoriis Deum magis promeremur quam Indulgentiis. *ib.*
Regula XV. Non Vivis solum, sed etiam Defunctis profunt Indulgentiae a Summo Pontifice pro illorum levamine concessae, illis quoque speciatim a Fidelibus applicatae. *ibid.*
Regula XVI. Quibuscumque Purgatorii Animabus Plenaria Indulgentia applicatur, non ideo a poenis statim liberantur. 400
Regula XVII. Tempore Jubilaei quilibet tam Secularis, quam Regularis Confessarium eligere potest, quem voluerit, ex approbato ad hunc effectum. *ib.*
Regula XVIII. XIX. XX. XXI. De usu, & fructu Jubilaei. 401
Regula XXII. Jubilaeum, aut Indulgentias aliis, seu vivis seu defunctis applicare non possunt, qui opera praerogant pro illis consequendis praescripta, nisi Pontificiis Litteris id exprimitur. 402

TRACTATUS

DE EXTREMA UNCTIONE.

CAPUT I. De Natura Unctionis Extremae. 423

ART. I. Utrum Extrema Unctio sit Novae Legis Sacramentum? *ibid.*

Propositio Unica. Extremae Unctionis propria Sacramenti ratio convenit. *ibid.*

ART. II. De Materia Extremae Unctionis. 412

Propositio I. Oleum ab Episcopo benedictum est materia remota Extremae Unctionis. *ib.*

Propositio II. Materia proxima huius Sacramenti est Unctio. 413

ART. III. De forma Extremae Unctionis. 414

Propositio Unica. Forma Sacramenti Extremae Unctionis est verbum, & solemnis illa precatio, quam Sacerdos ad singulas Unctiones adhibet, cum ait: PER istam Sanctam Unctionem, &c. *ibid.*

CAP. II. De Unctionis Extremae effectibus. 415

CAP. III. De Ministro Unctionis Extremae. 419

Propositio Unica. Minister Unctionis Extremae est Presbyter vel Episcopus. *ibid.*

CAP. IV. De Subiecto Extremae Unctionis. 420

CAP. V. Regulae Extremae Unctionis Administrationem spectantes; scilicet. *ibid.*

Regula I. II. III. IV. & V. VI. 421

Regula VII. VIII. & IX. 422

Regula X. Extremae Unctionis Sacramentum cuilibet Sacerdoti administrare non licet, sed solum proprio Pastori, id est, Episcopo, aut Parocho, vel cui illi commiserint. *ib.*

Regula XI. 423

Regula XII. *ibid.*

Regula XIII. Necesse non est expectare tempus, quo infirmus est in exitu constitutus, ut ei administretur Unctionis Extremae Sacramentum, sed sufficit, quod periculosa aegritudine laboret. *ibid.*

Regula XIV. Sacramentum Extremae Unctionis administrari decet, dum aeger integris sensibus est. 424

Regula XV. Extrema Unctio pueris conferri non debet. 425

Regula XVI. Nec furiosis, & amentibus, qui non habent lucida intervalla. *ibid.*

Regula XVII. Quid de mulieribus in partu laborantibus? &c. 426

Regula XVIII. Extrema Unctio administrari potest senio confectis in diem morituris. *ib.*

Regula XIX. Extrema Unctio in eadem infirmitate repeti potest, si concalescat, & postea in idem periculum relabatur infirmus. *ib.*

Regula XX. Quamvis Sacramentum Extremae

Unctionis non sit ad salutem simpliciter necessarium, lethalis peccati rei sunt, qui a Pastore moniti recusant, vel differunt illud suscipere, propter contemptum Sacramenti. *ib.*

Regula XXI. Extrema Unctionis Sacramentum administrari non debet infirmo nisi post Confessionem peccatorum suorum, & post Viaticum Corporis Christi, si recipere illud possit. *427*

CAP. VI. Regula Visitationum infirmorum, Testamenta, & Sepulturam spectantes. *428*

Regula I. Parochi quotidie Parochianos suos graviter egrotantes, quoad fieri potest, visitare debent, etque omnia charitatis, & pastoralis sollicitudinis officia exhibere. *ib.*

Regula II. Ad Testamenti factionem infirmos hortati, dum integra sunt mente, Parochus, & Confessarius debent, si morbus gravior, & cum periculo fuerit. *430*

Regula III. In factione Testamenti servanda sunt Leges, & Consuetudines Municipales. *431*

Regula IV. Si Testator habet liberos, pietas exigit, ut illis ad vivendum, & ad Statum suum sustentandum necessaria relinquat, prius quam de piis causis cogitet. *ib.*

Regula V. Si confanguinei Testatoris indigent, & si filios non habeat, ipsis potius bona sua relinquere teneant, quam ob alias piis causis testari. *432*

Regula VI. Filius, & cognatis præponi debet Restitutio bonorum male partorum: de qua ante omnia Testator supremæ voluntatis talis statuere debet. *ibid.*

Regula VII. Spuria, seu ex adulterio, vel incestu, alique ex illegitimo coitu progenti, hæredes institui a parentibus non possunt: Æquitas tamen, juxque naturale postulat, ut parentes necessaria illis ad vitam sustentandam relinquunt. *433*

Regula VIII. Testator Fideicommissio transmutare non potest ad uxorem legitimam, nec uxor ad maritum, quod ipsi Testamento donare, ac relinquere Leges non permittunt: nec etiam filios ipsarios, aut naturales, vel eorum matres, alive personas, quas hæredes instituire Leges prohibent, fideicommissi vocare potest in partem hereditatis. *ibid.*

Regula IX. Quamvis Moribus hodiernis sit receptum, ut Clerici bona ex proventibus Ecclesiasticis parte Testamenti relinquunt, quibus voluerint, illisque ab intestato succedant hæredes confanguinei: peccant nihilominus gravissime, si de hujusmodi bonis ad causas profanas disponant, vel ipsa relinquunt confanguineis divitiis, aut eos ab intestato succedere sinant. *435*

Regula X. Parochus, sive conscientie Moderator suadere debet Testatori, ut si commode possit, elemosynam potius erogat pauperibus, dum vivit, quam post mortem relin-

quat. *437*

Regula XI. Ecclesiastici Religiosique Viri ab omni specie aucupandi hereditates alieni esse debent. *438*

Regula XII. Parochus, & conscientie Moderator cavere debent, ne Testator, quando dirigitur, aliquid testamenti sui faciat contra bonos mores, & honestatem. *439.*

Regula XIII. Testamentum testamentibus destitutum, etiam in foro exteriori non valet, in foro tamen conscientie valere, ac hæredes teneri ad legata solvenda, maxime, quæ ad pias causas, piis, & eruditis Auctoribus vitum est. Id certe agendum, quod Judex a quo secundum Leges decerneret, causa ad forum exterius delata. *440.*

Regula XIV. Testamenta suppressere, vel abscondere, aut eorum executionem retardare, vel legata intervertere, lethale peccatum est contra iustitiam, & charitatem. *441*

Regula XV. Cum Hæredes, vel Executores legitimorum Testamentorum officio suo deficiunt, nec tempore a Jure, vel Consuetudine præscripto pias Defunctorum dispositiones exequuntur, Episcopus ipsos Centenis cogere potest ad eorum executionem. *442*

Regula XVI. Testamentorum Executores, alive ad cætera bona pauperibus distribuenda deputati, pro arbitrio suo distribuere illa non possunt, sed Regulas Justitiæ, Prudentiæ, ac Christianæ, & Charitatis ordinem servare tenentur. *443*

Regula XVII. Quorumvis Defunctorum corpora passim in Ecclesiæ sepeliri, aut omnibus Divitibus indiscriminatum id concedi, præterea non permittit disciplina, cujus renovatio, & observantia maxime optanda esset. *444*

Regula XVIII. Unusquisque liberam habet facultatem Sepulturam eligendi: & si quis non eligat, in Majorum sepulchris eam sepeliendus, salva semper Ecclesiæ Parochiali Canonica Portione. *446*

Regula XIX. Uxor eligere sibi potest sepulturam distinctam a sepultura Mariti. *447*

Regula XX. Filius familiaris sibi sepulturam eligere potest, cum pubertatem attigit: si vero sit impubes, pater illum sepelire potest, ubi voluerit, si ad loci consuetudinem, & Diocesanam disciplinam patiantur. *448*

Regula XXI. Lethaliter peccant Clerici, & Viri Religiosi, qui Fideles inducunt ad vovendum, Jurandum, vel promittendum, ut in eorum Ecclesiis sepulturam eligant; vel jam electam ulterius non immutent. *ibid.*

Regula XXII. Ab Ecclesiastica Sepultura multiplex hominum genus aceri debet. *449*

Regula XXIII. Aliquid pro Sepulturis pacisci, vel exigere non licet. Laudabiles tamen consuetudines servanda sunt, curareque debent Pastores, ut serventur. *450*

Regula XXIV. Admonendi sunt Christiani, ut superfluum Funerum pompam potius sub Precibusque, & Eleemosynis sibi potius subveniri curent. 452
Regula XXV. XXVI. ibid.
Regula XXVII. XXVIII. & XXIX. ibid.

TRACTATUS
 DE SACRAMENTO
 ORDINIS.

CAPUT I. De Ordinis essentia, & divisione. 454
ARTICULUS I. Quid sit Ordo? Utrum sit vere Sacramentum? ibid.
 Propositio Unica. Ordo est verum, & propriè dictum Novæ Legis Sacramentum. 455
ART. II. Quot sint Ordines. 457
ART. III. De prima Tonsura. ibid.
ART. IV. De Minoribus Ordinibus. 461
 §. I. De Ostiariis. 464
 §. II. De Lectoribus. ibid.
 §. III. De Exorcistis. 465
 §. IV. De Acolythis. 467
ART. V. De Subdiaconatu. 469
ART. VI. De Diaconatu. 471
ART. VII. De Sacerdotio. 472
 §. I. De Sacerdotii propriè distincti existentia. 474
 §. II. De Presbyteratus Materia, & Forma, Sacrifique Ceremoniis. 476
 §. III. De Sacerdotalis Ordinis Dignitate, & Excellentia. 479
ART. VIII. De Episcopatu. 483
 Episcopalis Ordo an sit a Presbyterali distinctus? ibid.
 Episcopali consecratione tribuitur Spiritus Sanctus. 484
 Episcopi Jure Divino Presbyteris Superiores. ib.
 Episcoporum Officia. ibid.
CAPUT II. De Hierarchia Ecclesiæ. 488
ARTICULUS I. Quid sit Hierarchia. ibid.
 Hierarchia est divinitus instituta, eamque constare Episcopis, Presbyteris, & Ministris, dogma fidei est. 489
ART. II. De variis Sacerdotalis Ordinis Gradibus. 491
 Primus Gradus Presbyterorum, quo in ordine sunt Rectores Parochiarum, sive Curati, qui **XXXI.** Discipulorum locum in Ecclesia tenent. ib.
 Secundus Sacerdotii gradus est Episcoporum, qui sunt Apostolorum Successores. 492
 Tertius gradus est Archiepiscoporum, seu Metropolitanorum. ib.
 Metropolitanis Superiores sunt Primates. 493
 Metropolitanorum officia. ibid.
 In quarto Sacerdotalis Ordinis gradu sunt Patriarchæ ibid.

Nar. A. I. Teol. Tom. II.

Supremum Sacerdotalis Ordinis gradum tene Romanus Pontifex, amplissimamque Jurisdictionem in Christianos omnes, & Episcopos universos divinitus datam. 494
 Romani Pontificis jura. 495
 Obedientia ipsi ab universis Fidelibus debita. 497
CAP. III. De Ministro Sacramenti Ordinis. ib.
ART. I. Utrum Sacre Ordinationis Minister sit solus Episcopus? ibid.
 Propositio I. Minister Sacramenti Ordinis est solus Episcopus. ib.
 Propositio II. Secundi Ordinis Sacerdotibus potestas conferendi Tonsuram Clericalem, & Minores Ordines a Summo Pontifice demandari potest. 498
 Utrum Majores Ordines conferendi provinciæ demandari possit simplicii Sacerdoti? ib.
 Presbyteros ordinare non potest simplex Sacerdos quolibet munitus Privilegio. 500
ART. II. A quo Episcopo quisque ordinari debeat? ibid.
 Triplex Episcopus proprius, a quo Ordines possunt suscipi jure novo? ib.
 Quis Episcopus Originis, Domicilii, & Beneficii? 501
ART. III. Regule praxim spectantes circa Episcopum, a quo quisque debet ordinari. 503
Regula I. Episcopus, qui Beneficium alicui contulerit, ut eum absque proprii Episcopi licentia ad Ordines promoveat, aut quolibet figmento quæsito, aut affectata ignorantia, alienæ Diœcesis hominem ordinaverit, incurrit in penas Canonum. ibid.
Regula II. Episcopus Ordines alicui conferre non potest ratione tenuissimi Beneficii, quod in ejus Diœcesi obtinent, si ex aliena Diœcesi sit oriundus, in eaque domicilium habeat. 504
Regula III. Episcopus alienæ Diœcesis hominem in familiam suam adscriptum, & tres annos continuos apud se commemoratum ordinare potest, ea lege, ut Beneficium statim ipsi conferat absque fraude. ib.
Regula IV. Titulares Episcopi non gaudent privilegio familiares suos ordinandi. ibid.
Regula V. Regulares a proprio Episcopo debent ordinari, non minus quam ceteri Clerici: Proprius autem eorum Episcopus est Diœcesanus Monasterii in quo ipsi permanentes degunt. ibid.
Regula VI. Rescripta Apostolica, ut quis a quocumque Antistite promoveri possit, nemini suffragantur, nisi ejus probitas, ac Mores Ordinarii sui testimonio comprobentur. 506
Regula VII. Nemo ab alieno Episcopo ordinari potest sine licentia proprii Episcopi, seu Dimissorii Litteris. 507
Regula VIII. Soli Episcopi, non Abbates, neque alii, etiam Exempti; aut Collegia, vel Capitula quæcumque, Litteras Dimissorias

Fff 3 Cle.

- Clericis secularibus concedere possint, ut ab aliis Ordines suscipiant. 508
- Regula IX.** Capitulum Sede vacante, nonnisi elapso anno a die obitus Episcopi, Dimissorias litteras concedere potest alicui, qui Beneficii Ecclesiastici recepti, vel recipiendi occasione arrestatus non fuerit. ibid.
- Regula X.** Litteræ Dimissoriæ concedendæ non sunt nisi ex iusta causa, & previo illius examine, cui conceduntur, nec generatim ad omnes, sed speciatim, ac seorsim ad singulos Ordines. 509
- Regula XI.** Clericum ad se remissum cum litteris commendatis Episcopi proprii, ab illoque examinatum, iterum examinare potest Episcopus, ad quem Dimissoriæ diriguntur. 511
- Regula XII.** Ordines Clericis sibi subditis denegare potest Episcopus ob crimem, etiam occultum, maxime si Beneficium Ecclesiasticum non habeant, cui Ordo sit annexus. ibid.
- ART. IV. De Ordinationum effectibus.** 513
- Propositio Unica.** Duplex est Sacrarum Ordinationum effectus, scilicet Gratia sanctificans, & Character. ibid.
- S. I. De primo Ordinationis effectû, scilicet Gratia.** ibid.
- S. II. De altero Ordinationis effectû, scilicet Character.** 514
- ART. V. De Temporibus Ordinationum, Etate, & qualitatibus Ordinandorum.** 517
- Regula I.** Clericatus, seu prima Tonsura quacumque die, & hora conferri potest. ib.
- Regula II.** Minores Ordines singulis diebus Dominicis, & Festis Duplicibus, matutino tamen tempore conferri possunt. ib.
- Regula III.** Quibus tantum diebus Subdiaconi, Diaconi, ac Presbyteri ordinandi sint? ib.
- Regula IV. & V.** 518
- Regula VI.** Duos Ordines Sacros simul eodem die suscipere aut conferre non licet. ib.
- Regula VII.** De Episcopi Consecratione. ib.
- Regula VIII.** Religiose servanda sunt inter singulos Ordines interstitia Legibus Ecclesiæ præscripta. 519
- Regula IX.** Inter Minores singulos, ut quædam servarentur Interstitia Episcopi arbitrio definienda; conveniret Ecclesiasticæ Disciplinæ. 520
- Regula X.** Inter postremum gradum Ordinum Minorum & Subdiaconatum annus intercedere debet: inter Subdiaconatum, & Diaconatum annus saltem: inter Diaconatum, & Presbyteratum annus integer est interponendus. 521
- Regula XI.** Dispensatio circa Ordinum Interstitia Episcopi arbitrio, & prudentiæ commissa est. ibid.
- Regula XII.** Episcopus in Lege Interstitiorum dispensare non debet, nisi necessitas, aut Ecclesiæ utilitas id exposcat. ibid.
- Regula XIII.** Ordinator circa temporum Interstitia dispensare non potest cum iis, qui Diocesani sui non sunt, nisi id Dimissoriis Litteris expresse concedatur. 523
- Regula XIV.** Superiores Regularium cum ipsis dispensare de Interstitiis non possunt. ib.
- Regula XV.** Ordines suscipere, aut conferre ante legitimam, a sacris Canonibus præscriptam ætatem lethale peccatum est, gravique pœna secundum Canones plectendum. ib.
- Regula XVI.** Nemo absque Probatione, & Examine in Clerum admittendus est, & ad Ordines promovendus. 525
- Regula XVII.** Neque Sacerdotum, & Ministrorum penuria, neque rationes aliz, indignorum Clericorum Ordinationem ulatenus exulare possunt. 527
- Regula XVIII.** Nemo absque Dei Vocatione in Clerum adlegendus, Sacrique Ordinibus iniciandus est. 528
- Regula XIX.** Nemo est ad Sacros Ordines promovendus, nisi qui, vel innocenter vixerit, vel occultas prioris vitæ maculas diuturna Pœnitentia diluerit. 530
- Regula XX.** Sacrilegi reus est, qui cum peccati mortalis conscientia Ordines suscipit. 533
- Regula XXI.** In mortalis peccati reatum incurrit, qui Tonsuram Clericalem indigne suscipit. 534
- Regula XXII.** Ordinandorum scientia probari debet, ac tentari pro ratione Ordinum, ad quos promovendi sunt, & locorum quo nitiuntur. Qui autem agrestis sunt ingenio, & litterarum ignari, atque incapaces, reicendi sunt. ibid.
- Regula XXIII.** De studio Mentalis Orationis examinandi sunt Ordinandi. 538
- Regula XXIV.** Nemo ad Sacros Ordines promovendus est, nisi probatæ castitatis, & qui speret Deo auctore se continere posse. ib.
- Regula XXV.** Lethaliter peccant, qui vel alieno nomine interrogari se patiuntur, vel aliam personam examini supponunt. 539
- Regula XXVI.** Nullus ad Subdiaconatum promoveri debet sine legitimo titulo five Beneficii, five Patrimonii. Ad Titulum vero Patrimonii eos tantum ordinare potest Episcopus, quos Ecclesiis suis necessarios, vel utiles judicaverit. 540
- Regula XXVII.** Qui eum ficto Titulo decepti Ordinantem, ipso Jure ab Ordinum susceptione suspensus est. 541
- Regula XXVIII.** Religiosi, seu Canonici, vel Clerici Regulares, qui ante Professionem expressam Sacros Ordines susceperint absque Titulo sufficienti Beneficii, vel Patrimonii, ipso Jure ab executione Ordinum sunt suspensi. Ordinantes vero a collatione talium Ordinum per annum. ibid.
- Regula XXIX.** Regulares Religiosæ Professio-

nis testificationem loco Tituli exhibere tenetur, cujus Ratihabitionem in scriptis ac Juramento firmatam Episcopus ab ipsis exigere jure potest. 542

Regula XXX. Nullus ordinandus est, nisi certè adscribatur Ecclesiæ, quam si deferat in-consulto Episcopo a Sacris Ministris suspendi debet. 543

Regula XXXI. Ordinandorum consensus necessarius est, adeo ut irrita esset Ordinatio, quæ prorsus renitenti, ac resistenti conferretur. ib.

CAP. IV. De Impedimentis Ordinationum, & Irregularitatibus. 545

Quid sit Irregularitas, & quod duplex? ib.

Quis de Irregularitate dispensare possit? 546

ART. I. De Impedimento sexus. ib.

ART. II. De Impedimento pueritiæ, & amentia, & vexationis a Demone. 548

ART. III. De Impedimento servitutis. ib.

ART. IV. De Impedimento natalium. ibid.

ART. V. De Impedimento ex vitiis, seu defectibus corporis, 550

ART. VI. De Impedimento ex defectu Baptismi, Confirmationis, vel inferiorum Ordinum. 551

ART. VII. De Impedimento Bigamiæ. 553

ART. VIII. De Impedimento Criminis. 557

ART. IX. De Impedimento ex defectu pietatis lenitatis. 561.

ART. X. De Impedimento infamiae. 563

CAP. V. De Vita, & honestate Clericorum. 564

Regula I. Clerici poenis Canonicis ab Episcopis compelli possunt, & debent, ut Tonsuram Clericalem, vestesque Ordinis suo congruentes gestent. ib.

Regula II. Modestiam in vestibus, & in domestica suppellectili, nec non frugalitatem in mensa, Clerici quavis Dignitate fulgentes, & quantumlibet divites servare tenentur. 566

Regula III. Abstinere debent Clerici a cohabitatione, & frequentatione suspectarum mulierum, necnon consanguinearum, quas Canones ab eorum ædibus excludunt. 567

Regula IV. Taxillis, tesseriis, sive chartis, aliisque ludis aleatoris ludere, Clerici absque gravi crimine non possunt, nec licet illis ludentes studiose spectare gravibusque poenis subduntur Canonum hac in re violatores. 570

Regula V. Ab omnibus Spectaculis, & Choreis abstinere debent Clerici: Canonum hac in re violatores graviter peccant, gravibusque poenis ab Episcopis plecti debent. 575

Regula VI. Clerici a crapula, & ebrietate abstinere debent: ipsique prohibere possunt Episcopis sub poena Suspensionis, aut aliis arbitrariis, ne Tabernis ingrediantur. 576

Regula VII. Clericis omnino prohibita est Venatio clamosa: unde graviter peccant Clerici, qui venationi incumbunt. 578

Regula VIII. Negotiis secularibus Clericos im-

plicari, ac vacare, sacri Canones prohibent, quos absque gravi peccato violare non possunt. 580

Regula IX. Clerici reddituum Ecclesiasticorum Dispensatores, sunt, non Domini: unde cum ex iis victum, & honestum vestitum delibarent, si quid residuum est, pauperibus debent. 582

Regula X. Restitutionis lege tenentur, qui bona Ecclesiæ seu redditus Ecclesiasticos in usus illicitos expendunt. 585

Regula XI. Personæ turpes, lusores, consanguinei divites Clericorum, & alii, quibus sine iusta causa Ecclesiasticorum bonorum fructus contulerunt, ad Restitutionem tenentur. 589

Regula XII. Si Clerici de Bonorum Ecclesiasticorum portione usui suo destinata aliquid fibi subtraxerint, in consanguineis suis, aut aliis erogare licite possunt, ea moderatione adhibita, ut ditiores inde non fiant. ib.

Regula XIII. Graviter peccat Clericus, qui imminente necessitate pauperibus subveniendi, reservat, ac reponit in futurum id, quod ex Ecclesiasticis redditibus ipsi residuum est. 590

Regula XIV. Clerici, qui sufficiens ad sustentationem suam Patrimonium habent, Ecclesiasticorum tamen Beneficiorum redditibus, oblationibus, aliisque stipendiis ad necessarium victum, honestumque vestitum rata conscientia uti possunt. ib.

Regula XV. Clerici, quibus sufficiens Patrimonium est, urgente pauperum necessitate redditus omnes Ecclesiasticos, sive fructus Beneficiorum suorum, decimas, distributiones, Oblationes, aliasque obventiones sacras pauperibus erogare tenentur, & ex Patrimonio suo vivere: alioquin graviter peccant. 593

APPENDIX AD TRACTATUM,

DE ORDINE.

CAPUT VI. De Beneficiis Ecclesiasticis, illicitaque eorum Captatione, Possessione, Resignatione, Permutatione, & Beneficiorum Officiis. 594

Ecclesiastici Beneficii definitio explicatur. ib.

Quod duplex Beneficiorum genus? 595

Regula I. Ad Beneficia Ecclesiastica promoveri non debent nisi legitimi, & qui sint moribus, scientia, ætate, Ordineque idonei. Si vero sint Parochiales Ecclesiæ, requiritur insuper, ut idiomæ loci intelligant, & expedire loqui sciant. 596

Regula II. Qui Beneficium impetravit Graduatim duncaxat conferendum, aut illud vi Graduum obtinuit, illud rata conscientia possidere, & retinere non potest, nisi

præscriptum studii tempus in aliqua Universitate perferat, ac scientiam adeptus sit competenter. 599

Regula III. Beneficia Ecclesiastica, Curam præsertim Animarum annexam habentia, suscipere nemo debet, nisi qui ad illa a Deo vocatus est. ibid.

Regula IV. Qui in Beneficio Ecclesiastico Curam Animarum habentia se ingerunt, vel illa ambiunt, a Deo minime sunt vocati. 600

Regula V. Qui Beneficia Ecclesiastica honoris, & reddituum temporalium intuitu suscipiant, non solum a Deo non sunt vocati, sed lethalis peccati rei sunt. 601

Regula VI. Resignatio Beneficii in manus Collatoris fieri debet. 603

Regula VII. Beneficium Ecclesiasticum sine causa legitima, & canonica resignari non potest, vel jurari. ibid.

Regula VIII. Resignatio in favorem, qua Clericus Beneficio renuntiat, ea lege, ut illud certo cuiquam viro ab ipso Renuntiante designato conferatur, Ecclesiastico jure vetita est, & illicita: & a solo Pont. Romano admitti potest. 604

Regula IX. Qui Beneficium resignant in manus Ordinarii Collatoris, cum pacto expresso, vel tacito, ut illud conferat certæ cuidam personæ ab ipsis Resignantibus designatæ, aut ab alius, eorum significatione, vel hortatu, retinent peccati mortalis, & in penas contra Simoniacos latus incurrunt. 605

Regula X. Resignatio in favorem, in manus Summi Pontif. facta, Resignantem a Simonia immunem non præstat, si ea intentione suum Beneficium alicui resignet, ut commodum aliquod temporale sibi, aut familiæ suæ inde proveniat. 606

Regula XI. Resignationes cum expressa, vel tacita conditione Regressus in eadem Beneficia, illicitæ sunt. ibid.

Regula XII. Quælibet Resignatio dolo, fraude, vi, aut metu facta, illicita, & irrita judicanda est: nec Beneficium ita sibi collatum tuta conscientia retinere potest Resignatarius, aut illius fructus suos facere. 607

Regula XIII. Qui Beneficium suum in favorem alterius resignavit, illud tuta conscientia retinere non potest, nec fructus suos facere, &c. 608

Regula XIV. Simonie reus est, qui Beneficium suum resignat alteri cum pactione expressa, vel tacita, ut ille vicissim suo renunciet in favorem nepotis, seu consanguinei ipsius Resignantis. 609

Regula XV. Resignatio Beneficiorum Permutationis gratia illicita, & Simoniacæ est, si ex pacto fiat, & conventionem inter partes, Episcopi arbitrio, & judicio non permittitur, aut commodi alicujus temporalis intuitu. ibid.

Regula XVI. Pensiones super Beneficiis resignatis constitui non possunt, nisi Romani Pontificis Auctoritate, & ex causa canonica. Qui Beneficiarias Pensiones aliter sibi reservant, aut sine causa canonica impetratas percipiunt, lethali ter peccant, & ad Restitutionem tenentur. 611

Regula XVII. Nec postulare licet, nec promittere Beneficium ante obitum possessoris. Qui secus fecerint, lethalis peccati rei sunt. 613

Regula XVIII. Absque institutione Diocesanæ Episcopi beneficium ordinarie obtineri tuta conscientia non potest. ibid.

Regula XIX. Graviter peccant non solum, qui indignis quæcumque beneficia Ecclesiastica conferunt, vel indignos ad ea nominant, & præsentant, sed & qui ad beneficia Curarum Animarum annexam habentia non promoveant digniores, aut iis postpositis, minus digniorum institutioni quovis modo cooperantur. 614

Regula XX. Absque peccato, conferuntur beneficia Curam Animarum annexam habentia, minus sanctis, & minus doctis, si Ecclesiæ, cui providendum est, utiles futuri judicentur iis, qui sanctiores sunt, atque doctiores. 620

Regula XXI. Consanguineos suos in Collatione beneficiorum Ecclesiasticorum aliis præferre nemo potest absque gravi peccato, nisi sint æque digni: & id absque peccato fieri possit. Simplicia tamen beneficia illis conferre potest, unde sustententur, si indigni non fuerint. 621

Regula XXII. Dignum ex Ecclesiæ gremio alteri alias digniori præferre licet. 622

Regula XXIII. Quamvis graviter peccent Patroni, qui minus dignum præsentant postpositis dignioribus, non peccat Episcopus illum instituens. ibid.

Regula XXIV. Plures Episcopatus, aut plures Parochiales Ecclesias, aut duas Dignitates, Personatus, vel Præbendas uniformes sub eodem tecto possidere nemini licet. 623

Regula XXV. Parochialem Ecclesiam cum Annexâ unus idemque Sacerdos regere potest, constituto in illa Vicario. Canoniciatum item in Ecclesia Cathedrali cum Parochia annexâ possidere quis potest, modo perpetuus in ea Vicarius constituitur cum Portione congrua. 624

Regula XXVI. Plura beneficia etiam diversi generis, Residentium postulantia, in diversis Ecclesiis possidere prorsus illicitum est. ibid.

Regula XXVII. Plura beneficia, cujuscumque naturæ sint, etiam simplicia, simul possidere non licet. Qui abique canonica, & justa Dispensatione plura obtinuerit, ac retinuerit, lethalis peccati reus est, si unum ad vitam ejus honeste sustentandam sufficiat. 625

Regula

Regula XXVIII. Plurium Beneficiorum possessio plures in se deformitates continet. 627

Regula XXIX. Plurium beneficiorum possessio ex Dispensatione canonica, & iustis de causis a Summo Pontifice concessa, scilicet ob Ecclesie necessitatem, vel utilitatem, honesta, & licita esse potest. 628

Regula XXX. Dispensatio Pontificia possidentem plura beneficia, cuiuscumque sint generis, quorum alterum ad vitam honeste sustentandam sufficiat, a peccato mortali non præstat immunem, nisi iusta sit causa Dispensationis. 629

Regula XXXI. Intentio expendendi redditus beneficiorum in bonos, & pios usus pluralitatem beneficiorum non excusat. 631

Regula XXXII. Beneficiorum pluralitatem non excusat quorundam huic pluralitati favens opinio, vel exempla. 632

Regula XXXIII. Episcopi, & Parochi Divino, Naturali, & Ecclesiastico Jure ad Mansionem, sive Residentiam personalem in suis Ecclesiis tenentur. ibid.

Regula XXXIV. Episcopi, Parochi, & alii quicumque beneficia Curam Animarum habentia obtinentes, peccati mortalis reatum incurrunt, cum sacram de Residentia legem violant: Fructus etiam suos non faciunt pro rata temporis absentia, nec tuta conscientia illos retinere possunt. 635

Regula XXXV. Episcopus, Parochos, aliosque beneficia Curam Animarum habentia, aut alia quaecumque Residentiam postulantia obtinentes, a lethalis peccati reatu penitusque a Jure statutis contra non Residentes, nulla Dispensatio excusat, nullave ratio, nisi causa absentie legitima sit, & canonica. Nulla porro absentie causa est legitima, & canonica, nisi Christiana Charitas, urgens necessitas, debita obedientia, & evidens Ecclesie, vel Reipublice uti litas. 636

Regula XXXVI. Summus Pontifex obligationem residendi Episcopis, aut Parochis, aliisque Curam Animarum habentibus remittere non potest. 639

Regula XXXVII. Episcopo, qui longo annorum tractu in Ecclesia sua assidue mansit, & ne quidem ipsa vacatione, quam ex iuxta causa Conc. per tres menses, quorundam permittit unquam usus est, concedi non potest licentia non residendi ad tempus nisi aliqua ex causis a Conc. Trid. approbatis ad id moveat. 640

Regula XXXVIII. Episcopus jungere non potest trimestrem absentiam unius anni cum absentia trimestris sequentis anni. ibid.

Regula XXXIX. Adeo stricta est Residentie obligatio, ut ne duobus quidem mensibus, aut breviori temporis intervallo, Episcopi & inferiores Pastores ab Ecclesiis suis abesse po-

sint, nisi id fiat ex iuxta causa, & absque gregis ipsis commissi detrimento. 641

Regula XL. Curati Residentie officium non implent, nisi Parochialem Ecclesiam per se ipsos regant, in eaque Pastorales functiones obeant, non per Vicarios aut conductitios Sacerdotes. ibid.

Regula XLI. Fructuum tenuitas Parochum a Residentia non excusat. 642

Regula XLII. Quamvis paucissimi sint Parochiani, ad Residentiam nihilominus adstrictus est Parochus. ibid.

Regula XLIII. Non sufficit Parochum intra limites Parochie manere, sed in Aedibus Parochialibus ipsum manere necesse est. ibid.

Regula XLIV. Si quis ex Dispensatione Præbendam, vel Dignitatem simul cum Ecclesia Parochiali obtineat, in Ecclesia Parochiali residere tenetur, & Parochialia munia per se ipsum obire, ad idque ab Episcopo compelli potest, ac debet. 643

Regula XLV. Divino Residentie Præcepto non satisfaciunt Episcopi, & Clerici in Beneficiis Animarum Curam habentibus corpore duntaxat præsentis, nisi pro viribus omnes Pastoralis Officii partes impleant. ibid.

Regula XLVI. Parochi ad Residentiam tenentur tempore pestis, alteriusve morbi contagiosi, & ad Sacramenta Penitentiae, Eucharistiae, & Unionis Extremæ Parochianis per se administranda obligantur, si major pars infecta sit. 644

Regula XLVII. Qui Dignitates, Canonatus, Præbendas, aut Portiones in Ecclesiis Cathedralibus, vel Collegiatis obtinent, Ecclesiastico Jure ad Residentiam tenentur, gravisque peccati rei sunt, si diutius quam tribus ad summum mensibus, sive continuis, sive interruptis, a Beneficiis suis absint. ib.

Regula XLVIII. Ad Distributiones quotidianas illi soli Jus habent Canonici, aliive Cathedralium, aut Collegiarum Ecclesiarum Beneficarii, qui Divinis Officiis interfuerint: A qua lege sola infirmis, seu iusta, & rationabilis corporis necessitas, & evidens Ecclesie utilitas excusant. 645

Regula XLIX. Theologiae Professores, dum in Scholis docent, & Studentes per quinquennium, a Residentia in Ecclesiis, in quibus Dignitates, Præbendas, aut alia Beneficia obtinent, legitime excusantur, absentemque Jure percipiunt fructus Beneficiorum suorum. 646

Regula L. Duo Canonici Episcopo ad Ecclesie utilitatem servantibus, a Residentia legitime excusantur, fructusque Beneficiorum suorum absentes Jura percipiunt. 648

Regula LI. Abbates, & Priores Commendatarii mortaliter peccant, qui sacrum Presbyteratus Ordinem non suscipiant intra annum,

ex quo legitimam statem attigerunt, nisi a Summo Pontifice cum ipsis fuerit dispensatum, ut illa Beneficia sine Presbyteratus Ordine retineant. *ibid.*

Regula LII. Lethaliter peccant, qui Parochialem Ecclesiam, seu Beneficium Curatum suscipiunt cum deliberata voluntate illud non servandi, & in eo non interveniendi: & ad fructuum restitutionem tenentur. 649

Regula LIII. Qui Præbendam obtinet, vel suscepit cum deliberata voluntate illam non servandi, nec in ea Ecclesia interveniendi, graviter peccat, nec eam pro alio Beneficio permutare potest. *ibid.*

CAP. VII. De Simonias. *ibid.*

ART. I. Quid sit Simonia. 650

ART. II. Simonia crimen est gravissimum. *ib.*

ART. III. Quotplex Simoniz genus? 657

ART. IV. Quæ sint Simoniacorum pœnz Canoniz? 663

ART. V. Regulæ Morales ad solutionem Questionum circa Simoniam emergentium. 664

Regula I. Quamvis aliqua munera modici valoris sponte oblata post Ordinationem recipere non sit absolute Simoniacum, id tamen Episcopis, & eorum Ministris non licet, gravique peccati rei essent, si aliquid vel sponte oblatum recipere. *ibid.*

Regula II. Simoniz vitium incurrunt Examinatores, si munus aliquod occasione examinationis ad Ordines suscipiendis, aut ad Beneficia, ante, vel post recipiant. 665

Regula III. Episcoporum Notarii pro Litteris dimissoriis, aut testimonialibus Ordinum susceptorum, aut Beneficiorum Provisionibus, &c. nihil exigere possunt, nisi forte pro charta, & labore moderatum stipendium ipsis ab Episcopo constitutum. Contraria si quæ sit consuetudo, Simoniaz Pravitati favet. *ibid.*

Regula IV. Nulla Statuta, aut Consuetudines a Simoniacâ Pravitate purgant, quæ in Institutionibus, Collationibus, Confirmationibus, vel aliis Provisionibus, aut admissionibus ad possessionem Beneficiorum exiguntur. 666

Regula V. Fundatio, vel donatio Canoniciatus, alteriusve Beneficii a Clerico, eo pacto, ut illud sibi conferatur, vel ut illud sibi cum altero Beneficio permutare liceat, Simoniacæ est. *ibid.*

Regula VI. Simoniz reus est, quisquis confert alteri Beneficium ea conditione, vel pacto, ut ille sibi, aut alteri aliud Beneficium conferat. 668

Regula VII. Simoniz rei sunt, qui dum Beneficium resignant sub annuâ Pensionis onere, de illa ipsa Pensione redimenda paciscuntur, vel eam extinguunt conferendo, aut procu-

rando Beneficium Ecclesiasticum. *ibid.*

Regula VIII. Pensiones quælibet absque Apostolicæ Sedis auctoritate super Beneficiis constitutæ ab his, qui ipsâ resignant, simoniacæ censentur. 669

Regula IX. Resignationes incognitis, & obscuris hominibus factæ, de Simonia vehementer suspectæ sunt, nec ab Ordinario facile admitti debent. *ibid.*

Regula X. & XI. Aliæ Resignationes simoniacæ. *ibid.*

Regula XII. Simoniz rei sunt Clerici, qui Clericalis Status peracti, ad Nuptias convolant, & Beneficia sua futuræ conjugis fratri, aut nepoti resignant, aut conferti procurant, eo pacto exprello, aut tacito, ut Puellæ dos augeatur, &c. 670

Regula XIII. Simoniz reus est Patronus qui aliquid, ad Beneficium præferat, ea lege, ut Decimas a se vel ab alio non exigat. *ibid.*

Regula XIV. Simoniz rei sunt, qui renuntiant liti super Beneficio, aliquid temporale, etiam expensarum nomine exigentes: aut qui resignant Beneficium cum onere restituendi expensas, quas in eo acquirendo fecerunt. *ib.*

Regula XV. Simoniam incurrunt, qui ex pacto ad finiendam litem dubiam ob aliquod Beneficium intentatam dant, vel accipiunt pecuniam, aut aliquid pretio æstimandum. Eundem sunt criminis rei, qui de quocunque spiritali jure transigunt. 671

Regula XVI. Simonia est, redimende vexationis specie pecunias dare, ut removeantur impedimenta, quibus aliquis prohibetur, aut retardatur a consecutione Beneficii, in quo nullum jus habet. Postquam vero jus acquisitum est, licet per pecuniam iusta impedimenta remove. *ibid.*

Regula XVII. Licigantes super alicujus Beneficii possessorio inter se convenire absque Simonia non possunt, ut patet causa Beneficium alter, Pensionem alter super Beneficio habeat. 673

Regula XVIII. Pessimum Simoniz genus est Contidentia, &c. *ib.*

Regula XIX. Simoniaz fiduciz reus non est, qui Beneficio renuntiat simpliciter, & absolute in manus Collatoris, nullo pacto inito, nulla promissione ab ipso per se, aut per Mediatorem exacta, & facta: quamvis confidat, & speret, Collatorem idem Beneficium collaturum illi, quem ad illud promovendi desiderat, vel Patronum illum præsentaturum. 676

Regula XX. Simoniz reus est, qui preces pro indigno ad obtinendum illi Beneficium ecclesiasticum interpositas exaudit, vel qui preces pro digno quidem factas, sed tamen favoris humani, non meritorum rationem habet, vel qui pro seipso rogat, ut obtineat

Curam

Curam Animarum, &c.

Regula XXI. Simoniz rei sunt, qui sedis adulationibus Principum, Nobiliumq; Virorum gratiam ad obtinenda Beneficia aucupantur. 677

Regula XXII. Simoniz reus est, qui Beneficium alicui se collaturum, aut procuraturum pollicetur ea lege, ut commendationem, vel preces Viri Principis, aut potentis, cujus in gratiam vult irrepere, & cujus patrocinium ambiet, apud se interponat. ib.

Regula XXIII. Simoniz rei sunt duo Monachi, qui sibi invicem sua, suarumque partium suffragia pollicentur, ut alter ad Provincialis Munus, alter ad Prioratum, vel similem aliam Prefecturam Monasticam provehatur. 678

Regula XXIV. Si pecunia persoluta sit, aut pactio aliqua, vel promissio facta fuerit de altero Beneficio Ecclesiastico, aut Monastica Prefectura alicui procurandis, aut de suffragio in Electione ad hujusmodi Beneficium, vel Prefecturam ferendo, Simoniacus est, adeoque ipso Jure nulla Collatio, vel Presentatio, Electio, vel Confirmatio, &c. ib.

Regula XXV. Simoniz rei sunt, qui pro obsequio temporali, vel sibi, vel suis exhibito, vel exhibendo, nec ad Ecclesie utilitatem, aut Ministrorum ejus auxilium ordinato, Beneficia conferunt, vel promittunt. ib.

Regula XXVI. Simoniz rei sunt, qui se Principum Virorum, & Procerum obsequio mancipant, aut in eorum clientelam se conferunt, ut Ecclesiastica Beneficia sibi, vel suis obtineant. 679

Regula XXVII. Simoniz rei non sunt, qui parva aliqua munera Beneficiorum Collatoribus, aut Ecclesiasticis Judicibus largiuntur, reverentia, aut amicitia colenda causa, aut ingrati animi pignus. 680

Regula XXVIII. Jus Patronatus vendere illam, cui est annexum, Simoniacum est. 681

Regula XXIX. Omnis conventio, & pactio de contributione pecuniaria pro ingressu in Religionem, sive admissione ad Professionem Religiosam, tam in Monasteriis pauperibus, quam divitibus, Simoniacus est. ib.

Regula XXX. Pensiones vitalitiz, & consuetz, legitimzque elemosynz non solum recipi, sed exigi possunt a Monasteriis inopibus, & tenuibus. 683

Regula XXXI. Pro victu, & vestitu Novitiorum, & Novitiarum toto probationis anno, congrua pensio exigi, & recipi potest. 686

Regula XXXII. In Monasteriis, & Domibus quibuscumque Religiosis tam virorum, quam mulierum, si tantum numerus ad Professionem Religiosam recipiendus est, qui vel ex redditibus ipsorum Monasteriorum, vel ex consuetis elemosynis commode possit sustentari. ib.

ib. *Regula XXXIII.* Pro Baptismo pecuniam solvere non licet, etiam urgente necessitate, & in vite discrimine. 688

Regula XXXIV. Pro Chrismate sacro, vel Oleo Catechumenorum, aut infirmorum, pretium exigere citra Simoniz crimen nemo potest. 689

Regula XXXV. Pactio quzelibet pro Missarum celebratione illicita, & Simoniacus est. ib.

Regula XXXVI. Quamvis Penitentibus in utroque foro imperari possint elemosynz, & Excommunicatis indici multz pecuniarz, cum in foro externo absolvantur, nihil tamen exigi pro Absolutione potest, citra Simoniz crimen. 691

Regula XXXVII. Simoniz rei sunt Ecclesiastici Judices, qui pretio, vel favore celant peccatorem, aut digne Penitenti, ac Satisfactionem condignam offerenti, Absolutionis beneficium negant. Item Confessarii, qui pretio pariter, vel favore non penitentem absolvent, levioresve, quam par sit, penitentiam imponunt. 692

Regula XXXVIII. Pro benedictionibus Nubentium, sicut & ceterorum Sacramentorum administratione, pretium exigere, aut quovis modo pacisci, crimen Simonie est: cogi tamen possunt Fideles, quos paupertas non excusat, ad solvendum Ministris Ecclesie honorarium, quod pia consuetudine constitutum est. ib.

Regula XXXIX. Statum de Professione ad funus non facienda, aut de mortuorum Officio non canendo, nisi certa pecuniz summa solvatur, Simoniacum est. 694

Regula XL. Pro verbi divini Predicatione pretium exigere, Simonia est: stipendia tamen sustentationis Concionatoribus Evangelicis debentur. ib.

Regula XLI. Simoniz rei sunt Canonici, qui Chorum frequentant propter Distributiones, tamquam propter finem precipuum. 695

Regula XLII. Simonia mentalis, & conventionalis Excommunicationem, aliasque penas Canonicas non inferunt, sed sola Simonia realis, cum scilicet, ita de pecunia, seu re pretio estimabili pro spirituali danda conventum est expresse, vel tacite, ut ex una saltem parte conditio impleta sit. 696

Regula XLIII. Qui pro re spirituali aliquid pretio estimabile dedit, vel accepit, seu munus a manu, ab obsequio, vel a lingua, quamvis nullo pacto precedente, ad renunciandum Beneficio, & ad restitutionem tenetur, si animo proposuerit rem temporalem pro spirituali dare, vel accipere. ibid.

Regula XLIV. Qui per Simoniam ordinati sunt, quamvis ipsi criminis istius conscii non fuerint, ab executione tamen Ordinum ipso Jure

- Jure sunt suspensi. 697
- Regula XLV.** Geminata cum iis, qui simoniace sunt Ordinati, nec tamen Simoniæ consensu fuerunt, dispensare potest Episcopus, ut Ordinis ita suscepti functiones obeant. Si vero ipsi Simoniæ commiserint, aut hujusmodi criminis participes fuerint, necessaria est Summi Pontificis dispensatio. Idem est iudicium de Simoniaca Beneficiorum impetratione. ib.
- Regula XLVII.** ib.
- Regula XLVII.** Qui Beneficium per Simoniā sciens volens obtinuit, fructus omnes restituere tenetur, non solum extantes, sed consumptos, illis duntaxat exceptis, qui in Ecclesiæ ipsius utilitate sunt expensi: Qui vero Simoniæ conscius non fuit, fructus consumptos restituere non tenetur 699
- Regula XLVIII.** Restitutio pecuniæ per Simoniā acceptæ, fructuumque ex Beneficiis simoniace obtentis perceptorum facienda est Ecclesiæ, vel pauperibus. ib.
- CAP. VIII.** De Horis Canonicis, & obligatione illas recitandi. 700
- ART. I.** De Horarum Canonicarum antiquitate, & numero. ib.
- ART. II.** Regulæ Morales de Officii divini, seu Horarum Canonicarum recitatione 703
- Regula I.** Clerici Sacris Ordinibus initiati, & Beneficiati, Divinum, & Canonicum Officium etiam privatim recitare tenentur sub pena peccati mortalis. Restitutioni vero obnoxii sunt Beneficarii, qui sua culpa Officii Divini recitationem omittunt, pro rata omissionis Officii parte. ibid.
- Regula II.** Tenuitas Ecclesiastici Beneficii ejus possessorem a Recitatione Breviarii non dispensat. 707
- Regula III.** Qui totum Officium recitare non possunt propter infirmitatem, aliamve causam legitimam, & tamen aliquas Horas possunt persolvere, ad eas recitandas tenentur sub pena peccati mortalis. 708
- Regula IV.** Quicumque Pensionem, Fructus, aut Res Ecclesiasticas ut Clericus percipit, ad parvum Officium B. Mariæ Virginis recitandum obligatur, cui si desit, pensionum, fructuum, rerumque ipsarum amissioni obnoxius est, & mortalis peccati reus. ib.
- Regula V.** Monachi, seu Religiosi Professi Choro deputati, quamvis non sint in Sacris Ordinibus constituti, ad Officium Divinum privatim etiam recitandum tenentur sub pena peccati mortalis. ib.
- Regula VI.** Moniales Professæ, & Choro deputatæ, ad Officium Divinum recitandum tenentur sub pena peccati mortalis, etiam cum a Choro sunt absentes. 710
- Regula VII.** Clerici in Sacris Ordinibus constituti, & Religiosi Professi ad recitandum Officium tenentur, quamvis sint excommunicati. 711
- Regula VIII.** Ad Divini Officii recitationem, ita necessaria est mentis attentio, ut præcepto non satisfaciatur, mortalisque sit peccati reus, qui per Officii partem notabilem ad alia sponte mentem distrahit. ib.
- Regula IX.** Horas Canonicas temporibus congruis non persolvere, peccatum est, nisi iusta causa, legitimumque impedimentum obest. 715
- Regula X.** Recitationem Horarum Canonicarum aliis negotiis, aut colloquiis interrompere, irreligiosum est. 716
- Regula XI.** Quibus incumbit obligatio Divinum Officium recitandi illud recitare tenentur juxta Breviarium, & præscriptam formam, Riturumque, sive Romanæ Ecclesiæ, sive Ecclesiæ, cujus sunt Clerici, sive Ordinis Religiosi, quem Professi sunt: nec Officii qualitatem ipsis mutare licet absque Superiorum facultate, aliquo peccati lethalis rei essent. 717
- Regula XII.** Qui Breviario proprio Diocesis alicujus, vel Ordinis Religiosi utuntur, recitare tenentur Officium prævum B. Virginis, & Officium Mortuorum, etiam extra Chorum, cum id singulari præscriptum est Rituali, vel Ordine, Rubricis, aut Statutis, aut consuetudine illius Ecclesiæ, vel Congregationis Monachicæ, sive cum in Choro ab omnibus recitatur: Idque sub reatu peccati mortalis. 718
- Regula XIII.** In Divini Officii recitatione congruitas temporis observanda est, adeo ut Officium pro uno die præscriptum, vel notatum in Ordine, aut Directorio in aliud mutari absque gravi peccato non possit: v.g. Officium Feriæ die Jovis in Officium de Sanctissimo Sacramento. 722
- Regula XIV.** Canonici, qui Choro interesse debent, jus non habent distributiones percipiendi, sive cum absint absque causa legitima, & Canonica, sive cum non ad sunt modo convenienti, ac religioso, sacrici Canonibus præscripto. 723
- Regula XV.** Punctatores, qui injuria aliquem notant, aut notandum prætermittunt, Thesaurarii etiam, qui distributiones solvunt iis, qui notati sunt a Punctatore, ad Restitutionem tenentur. 725
- Regula XVI.** Peccant Canonici, ceterique Clerici, tam seculares, quam Regulares, qui Divinorum Officiorum tempore libros legunt, aut privatim Breviarium recitant. Idem est de Sanctimonialibus iudicium. 726

I N D E X

E P I S T O L A R U M.

- E**PISTOLA VIII. *Adultis, qui Symbolum Apostolorum, & Oracionem Dominicanam nesciunt, dissidenda, vel neganda est absolutio Sacramentalis.* 727
- Epistola IX. *Peccati lethalis affectus sola charitate saltem inchoata excluditur.* ibid.
- Epistola X. *Auctor intuet ad Anicum Romae degentem Epistolam retractatoriam Patris Francisci Caspary: eaque occasione ostendit obiter Comedos a Sacramentorum Communione arcendos, & Comedia frequentationem prohibitam esse Christianis.* 733
- Epistola XI. *Gravis imprudentia reus est Confessorius, qui Paenitentes compellit ad votum Deo faciendum de certis peccatis non committendis.* 731
- Epistola XII. *A quo Episcopo approbari debeant cohortium, & Classium Elemosynarii.* 732
- Epistola XIII. *Qua ratione agere debeat Confessorius cum Canonico Paenitente, qui illis tantum Horis, & Officiis divinis interest, quibus pingiores distributiones sunt annexae: ceteris vero nusquam, quibus nulla, aut exigua constituta sunt tamen si immediate sequantur.* ibid.
- Epistola XIV. *Parochus, quem casta sanctaque conversationis semper fuisse constat, non est suspendendus ob stuprum neptis, qua in Parochianibus adibus peperit, cuius illum accusat juvenis ab ipsa nepte stuprator denunciatus.* 733
- Epistola XV. *Sola alimentorum provisio filius illegitimus a parentibus debetur.* 734
- Epistola XVI. *Sacerdos Ordinis Religiosi, qui sacrum Vatricum Eucharistiam infirmo administravit in casu repentini absque licentia Parochi, cum licentia tamen Vicarii Generalis Episcopi in Irregularitatem non incurrit.* 735
- Epistola XVII. *Medici Officia.* 736
- Epistola XVIII. *Superior Regularis Viro Religioso sibi subdito permittere non debet, ut excoctum testimonium suscipiat, quod eam clausulam habet, ut dicitur Executor decem milia nummorum ex hereditate delibata accipiet, conferatque in usus, quos ipsi secreta Testatrix significavit.* 737
- Epistola XIX. *Abbatissa lethali morbo decumbens residuos Pensionis suae vitalitiae fructus, etiam ad pias causas, legare non potest, nec vasam argenteam, gemmas, variam suppellectilem, libros Nepti suae ejusdem Monasterii Mensali donare.* ibid.
- Epistola XX. *Sanctimonialis ex fructibus vitalitiae pensionis suae, cum Abbatissa licentia reservata, creare sibi pensionem non potest interposito praevis nomine.* 739
- Epistola XXI. *De Preparatione, & dispositione ad Tonfuram Clericalem.* 740
- Epistola XXII. *De peccato Clericorum alea ludentium, aut ludos aleatorios spectantium.* 743
- Epistola XXIII. *Simonia peccatum nullo intercedente pacto committitur.* 745
- Epistola XXIV. *Qui beneficium simplex habet per se ad honestam sustentationem insufficientis, illud dimittere non tenetur, cum pinguis Beneficium, ac per se sufficiens adeptus fuerit.* ibid.
- Epistola XXV. *Episcopus ad Capituli sui visitationem non tenetur sibi adungere duos ex ejusdem Capituli gremio Canonicos, aut dignitates.* 748
- Epistola XXVI. *Utrum Episcopus vagam, & indefinitam licentiam concedere possit Abbatissa, admittendi iura scripta sui Monasterii prohibito, & absque necessitate, personas omnis sexus, aetatis, & conditionis, & utrum personae prae tunc huiusmodi licentia ingressa, & Abbatissa, quae illas admittit excommunicare sint infocato?* 750
- Epistola XXVII. *Episcopus succedere potest, ut Parochus ne per hec obmodum quidem a Parochiis suis absint aliquae suae licentiae.* 750
- Epistola XXVIII. *Episcopus jure negat Parochi facultatem studium Theologicum, seu licentiam in aliqua Universitate decurrendi.* 751
- Epistola XXIX. *An Vicarius Generalis Episcopi in iisdem casibus agere possit absque speciali, novoque mandato, in quibus agere potest Episcopus, ut Sedes Apostolica Delegatus?* 752
- Epistola XXX. *Capituli potestas Sede vacante explicatur.* 756
- Epistola XXXI. *Qua ratione Capitulum Statuta condere, & poenas in eorum transgressores possit decernere.* 757
- Epistola XXXII. *Potestas Episcopi in Regularibus exemptis certis in capitulis explicatur.* ibid.
- Epistola XXXIII. *Episcopus promovere non potest ad Sacros Ordines juvenem in suo Seminario institutum, eosdem Titulo, quod patrem divitem habeat, cuius aliquando bares erit.* 762
- Epistola XXXIV. *An juvenis ex parentibus Calvinianis in Gallia genitus, qui post Edicti Nanne.*

- Nannetenſis abrogationem in hæreſi pertinaces manſerunt, & in Angliam tranſſugerunt, ad Ordines, & Beneficia ſine Pontificia diſpenſatione promoveri poſſit?* 763
- Epiftola XXXV. *Solutio dubiorum circa materiam Irregularitatum.* 764
- Epiftola XXXVI. *Solutio difficultatum quarundam circa Irregularitates occultas.* 766
- Epiftola XXXVII. *Qui duello pugnans hominem occidit, & poſtea vitam Religioſam ſolemni ritu profeſſus eſt, ac ſacros Ordines ſuſcepit, diſpenſationes ſuper Irregularitate a Summo Pontifice non impetrata, ſacris operari non poteſt. Qui Profeſſionem ſuam nullam eſſe contendit, voce activa, & paſſiva gaudere non debet.* 768
- Epiftola XXXVIII. *Regularis ſine Summi Pontificis diſpenſatione, & Superiorum ſuorum licentia ad mitiorem Ordinem tranſiens, ibique ſacros Ordines ſuſcipiens, non eſt irregularis.* 769
- Epiftola XXXIX. *Quamvis Epifcopi ſubditos ſibi Clericos poſſint corrigere, & mores eorum reformare, appellacione quavis, & conſuetudine non obſtantibus, Clericus tamen obſpicionem de mala familiaritate in carcerem Epifcopalem detrufus, ad Metropolitanum appellare potuit.* 769
- Epiftola XL. *Clericos urbanitatis ſpeciem mulieribus paſſim oſcula libantes, poſt monitionem ſaluterrimam, ſeverioribus remediis a licentia periculi plena cohibere poteſt, & debet. Epifcopus.* 770
- Epiftola XLI. *Sacerdotes, qui boves, oves, equos emunt, in pascuis ſuis alunt, eorumque fructus vendunt, non ſunt rei negotiationis illiciti.* 771
- Epiftola XLII. *Oblationes Deo factæ ad imaginem B. Virginis muro Caſtro *** contiguam, ad Parochum, non ad Caſtri dominum pertinent.* 772
- Epiftola XLIII. *Qua prudentia gerere ſe debeat Prelatus Regularis in Reformatione Monaſteriorum ſibi ſubditorum.* 773
- Epiftola XLIV. *In Gallis, non vero in Italia, Moniales e Monaſteriis ſuis exire poſſunt, cum Superiorum ſuorum, & Epifcopi licentia, ut alius Monaſterii præſens.* 774
- Epiftola XLV. *Qua ſervanda in expulſione Monachorum contumaciam ab Ordine? A Sacrorum Ordinum functionibus perpetuo ſunt ſuſpenſi.* 774
- Epiftola XLVI. *Epifcopus Collegiatam Eccleſiam ſupprimere poteſt, ut in ea Seminarium erigat, cui ejusdem Eccleſie Beneficia uniat in perpetuum.* 775
- Epiftola XLVII. *Epifcopus Beneficia ſimplicia Capitulari Menſæ unire non poteſt.* 777
- Epiftola XLVIII. *Si ſis de jure Patronatus non ſis poſt quatuor meſes in Pair natu Laico, vel poſt ſex meſes in Eccleſiaſtico, juxta inſtituendi Parochum, abſque præſentatione ſeu nominatione Patroni, ad Epifcopum, pro hac vice, devolvitur.* 778
- Epiftola XLIX. *Quaratione Prabendarum aliquarum ſuppreſſio ab aliarum tenuitate, in Cathedralibus, vel Collegiatis Eccleſiis Epifcopo permiſſa ſit?* 778
- Epiftola L. *Reſignatio Beneficii a Novitio facta ſex ante Religioſam Profeſſionem meſibus, nullius eſt roboris.* 779
- Epiftola LI. *Dignitas Eccleſie Cathedralis, vel Collegiata, quæ nullos fructus habet, & cui nulla cura incumbit, reſidentiam nihilominus poſtulat.* 780
- Epiftola LII. *Clericus Canonatum, & Capellam in eadem Eccleſia obtinere, & ſervare poteſt, ſine Sedis Apoſtolice diſpenſatione, ſi alterutrum ad honeſtam ſuſtentionem non ſufficiat.* 780
- Epiftola LIII. *Quando obtinens Capellam Sacerdos eſſe teneatur, Divinorumque celebrationi per ſeipſum ſatisſacere.* 781
- Epiftola LIV. *Penſio Eccleſiaſtica ſolutionibus anticipatis redimi non poteſt ſine licentia, & auctoritate Romani Pontificis.* 781
- Epiftola LV. *Lethalis peccati rei ſunt, qui deſuncti Beneficarii corpus celant, vel celari procurant, ut ejus obtineant Beneficium, illis ab infirmo, qui intra viginti dies a reſignatione obiit, reſignatum; velut alterum juvent ad illud obtinendum contra jux Collatoris, aut aliorum.* 782
- Epiftola LVI. *Solutio variorum caſuum circa Simoniam.* 782

INDEX MONUMENTORUM.

- X. **D**ecretum illustriss. ac Reverendiss. Archiepiscopi Ducis Rhemensis, Primi Francie Paris, CAROLI MAURITII LE TELLIER, in *Instaurat* Institutionis Pastoralis ad Facultatem Theologicam Universitatis Rhemensis directum; occasione duarum Thesium Theologicarum in Collegio Societatis Jesu ejusdem urbis habiturum diebus 5. & 17. Decembris anni 1696. 786
- XI. **D**ecretum INNOCENTII XI. Pontificis Maximi: De Dispositionibus ad frequentem Communionem, & contra plures ea in re abusum. Die 22. Februarii 1679. 805
- XII. **P**astoralis Epistola Eminentissimi DD. CARPEGNA, Cardinalis Vicarii, Institutionibus S. CAROLI BORROMÆI iussu Sanctissimi Pontificis Innocentii XII. Anno 1700. Roma editis præfixa. 806

Finis Indicis Epistolarum, & Monumentorum.





